



Digitized by the Internet Archive
in 2013

<http://archive.org/details/venerabilispatri00mone>

*des livres de M^r le Comte
Henry Chandon de Briailles
1898-1937*

*au
C^{te} Chandon de Briailles*

Joh. Jm. Vande 1802 Deputa

Uedelt D. N.

imago auctoris, praefixa, eleganter ac summa arte sculpta est

Defecerunt pre-

lucrymis

oculi mei

Thren. X. XIII



P. M. Strassburger Bononiae

Jo. Bapt. Santes scul. Romae sup. per. 1742

Venerabilis P. MONETA Cremonensis

ORDINIS PRAEDICATORUM

Causarum Fidei per Insulriam Quaesitor,
Catharorum atque Valdensium Profligator
Jugl lacrymarum & Luminibus captis
Floruit Anno A. C. MCCXXX.

VENERABILIS PATRIS

† A.D. 1230?

MONETÆ

CREMONENSIS

ORDINIS PRÆDICATORUM

S. P. DOMINICO ÆQUALIS

ADVERSUS

CATHAROS ET VALDENSES

LIBRI QVINGVE

Quos ex Manuscriptis Codd. Vaticano,
Bononiensi, ac Neapolitano

NUNC PRIMUM EDIDIT, ATQUE ILLUSTRAVIT

P. FR. THOMAS AUGUSTINUS RICCHINIUS

EJUSDEM ORDINIS

S. T. M. ac Collegii Casanatenfis Theologus.



ROMÆ, MDCCXLIII

1743

EX TYPOGRAPHIA PALLADIS

EXCUDERANT NICOLAUS, ET MARCUS PALEARINI.

PRÆSIDUM FACULTATE.

19 April 1965

Shapell Williams Levere

[illegible]

REVERENDISSIMO PATRI
F. THOMÆ RIPOLL
 SACRÆ THEOLOGIAE PROFESSORI
 ATQUE UNIVERSI ORDINIS PRÆDICATORUM
MAGISTRO GENERALI.

F. THOMAS AUGUSTINUS RICCHINIUS EJUSDEM ORDINIS
 VITAM, ET FELICITATEM.



*U*M paterna tua de me præclare effuseque
 merendi voluntas eo jam creverit, ut nul-
 li fere hominum debere plura me sentiam
 quam Tibi REVERENDISSIME PATER, cogitare cæpi queis de-
 mum rationibus ad congestorum in me beneficiorum memo-
 riam, quam semper sanctissime colam, præsentibus, posteris-
 que declarandam aggrederer; nec alia opportunior visa est,
 quam si quidpiam e studiis meis tuo nomine haud prorsus
 indignum aliquando proferrem, sacrum tibi fore, dedicatum-
 que statuerem. Igitur Venerabilis MONETÆ Ordinis
 nostri vetusti in primis, atque eximii Scriptoris Libros ad-
 versus Catharos, & Valdenses qualicumque industria, ac di-
 ligentia mea e situ & squallore vindicatos editurus, religio-
 ne veluti obstrictus tibi offero, ac consecro; cumque non alia

re possim, me alieno munere exsolvo. Ingratus vero sim, omnisque officii expers, si hac primum oblata occasione amoris ac beneficentiæ tuæ merita aperte non prædicem, atque commendem. Quid enim rationibus meis non dicam necessarium, sed consentaneum, honestumve excogitari poterat, quod ultro in me non contuleris, ut meritorum vacuum, ac ne rogantem quidem vel cogitantem amantissime prævenires, foveres, ornares, ac tantum non beneficiis obrueres? Quid ego homo umbraticus, ac velut in angulo positus sperare aut voto concipere majus poteram, quam a Te arcessiri, evocarique in earum sollicitudinum partem, quibus Ordinem nostrum sanctissime moderaris, ut lateri tuo comēs hærens ac socius, non tam laborum curarumque particeps, quam virtutum tuarum testis fierem, atque admirator assiduus? Hoc vero honoris, summæque benevolentiae argumentum, quo nihil supra optare potuissem, nova amoris accessione cumulasti, cum Theologorum Casanatensium Collegio adscriptum voluisti: quo quidem gravi tuo de me judicio cum me arctius obstrictum, tum impensius laborandum intelligo, ne amantissimi Patris opinionem, conceptamque de me fiduciam destituisse videar. Quid vero præstare valeam aut polliceri eo nomine dignum ingenii modicus, virium inops plane non video. Adnitar tamen perpetuo, ut labore, industria, ac diligentia, sin minus doctrina atque eruditione, amplissimo muneri, tuoque beneficio ex parte saltem respondeam. Atque hujus quidem voluntatis meæ primum veluti pignus ac specimen hoc ipsum exhibeo MONETÆ Opus tenebris atque oblivioni ereptum, quod æquis bonisque rerum æstimatoribus probatum iri confido. Nam quanti sit acerrimum illum Hæreticorum Seculi XIII. profligatorem in lucem prodire, facile judicabit, qui universi fere Catholici dogmatis Controversias ab eo disputatas viderit tanta vi atque ubertate, ut qui adversus illas pestes copiosius scripserit, atque validius fortasse neminem habeamus. Nullius certe ex Familia nostra antiquioris extant Scriptoris monumenta aut dignitate & amplitudine argumenti;

aut

aut etiam utilitate præstabiliora , ut sæpe miratus sim
 in Bibliothecarum pluteis tamdiu neglecta jacuisse . Quapro-
 pter cum e re nostra maxime sit ea demum in eruditorum
 conspectum , ac Polemicæ Theologiæ subsidium educi , tibi in
 primis gratissimum fore non dubito , cui nihil antiquius , aut
 jucundius quam rei literariæ incremento favere , & quæ-
 cumque ad Ordinis decus amplificandum pertinent , diligenter
 promovere . In id certe curas omnes cogitationesque tuas a
 suscepto regiminis clavo feliciter contulisti ea identidem pro-
 ferens sollicitudinis tuæ monumenta , quæ nulla unquam
 ætate sint excisura . Semper enim posterorum oculis obver-
 sabitur amplissima Apostolicorum diplomatum seges , quam
 rebus nostris illustrandis , ingenti cura ac labore colligendam
 atque vulgandam curasti . Tuis etiam auspiciis accepta re-
 feretur Annalium Ordinis moles , cui Te volente cum prima
 manus admota jam fuerit , ad calcem etiam feliciter dedu-
 cendam speramus . Quid , quod ipsi Cœlites nostri operæ ac
 diligentiae tuæ promotum auctumque debent sui nominis cul-
 tum , quo eorum plures sacris aris admotos , alios vero pro-
 xime apotheosi donandos gratulamur ? Vides , opinor , quam
 amplum mihi laudum tuarum spatium decurrendum pateat ,
 si id mihi propositum esset , ut vel sola earum capita exor-
 nanda susciperem . Sed præstat modestiæ tuæ morem gerere ,
 quam ea , quæ in ore omnium adspectuque sunt posita cele-
 brare . Ea tamen præterire vix possum quæ in Dominicanam
 Familiam Te Præsidente , ac Moderatore fluxere commoda &
 ornamenta , ut divino quodam beneficio aureum Ordinis Secu-
 lum sub te cœpisse , aut rediisse videatur : Nam & sedentem
 in Romana Cathedra Pontificem unum , alterum vero Bea-
 torum Fastis adscriptum , in Purpuratorum Patrum Senatum
 ascitos quatuor , inauguratos Episcopos plures , Scriptores e-
 gregios sane multos felicissimo Magistratus tui tempore nu-
 meravimus ; Quæ tametsi in laudum tuarum parte ponenda
 sint , aliena magis videri possunt quam tua , si cum iis con-
 ferantur quæ virtutibus ipse tuis publicæ rei nostræ commoda ,
 atque

atque ornamenta attulisti; Nam ad difficillimam regendi artem cum a natura plane factus, ac longo rerum usu apprime institutus fueris, tam absolutam exhibes optimi Præsulis imaginem, ut multa quæ in te mirentur præsentem, plurima vero sint quæ Successores tui imitentur ac discant, nimirum in disciplina zelum sed sine acerbitate, in negotiis audiendis patientiam, in expediendis sollertiam, in consiliis gravitatem, in judiciis rectitudinem, in dispensatione justitiam, in subditos quasi parentis in liberos facilitatem, benevolentiam, sollicitudinem, in moribus fidem, integritatem, candorem, in omni vitæ parte æquabilitatem, innocentiam, ac veram sine fuco pietatem. Id vero quam mirabile, ac nisi oculis nostris usurparemus, vix credibile, hominem nonagenario majorem immutabili quadam vitæ ratione nihil de prioribus institutis, laboribus, curis immutasse, vel remisisse, sed ea alacritate, vigilantia, assiduitate operantem qua omnibus sit incitamento, & exemplo. Nimirum igneus ille animi vigor quo eximia semper fuisti in agendo vi, atque efficacitate non elanguit, non subsidit, annique supervenientes jus sibi nullum in mentis tuæ aciem, in memoriæ vim, in judicii firmitatem vindicare potuerunt. Sic Te D. O. M. ad extremam senectutem absque senectutis incommodis, sensibus integrum, viribus firmum, non vietum, non inertem, non languidum, sed validum, sospitem, operosum singulari munere, & exemplo perduxit. Faxint boni Superi, quorum fastis amplificandis continenter incumbis, ut rara adeo felicitate in publicum Ordinis commodum atque incrementum diu multumque fruaris: Nam quando pro immortalitate tam chari capitis vota illis nuncupare non possumus, diuturniora ævi mortalis spatia quotquot Te colimus Filii amantissimo Patri precamur eo certe animo, quo nostris etiam, si fieri posset, annos tuos produceremus. Ego vero communibus votis perennem beneficentiæ tuæ prædicationem adiiciam, & cum paribus tecum officiis certare non valeam, amore, fide, ac pietate, quamdiu spiritus hanc vitam reget, prorsus efficiam, ne unquam ingrato atque immemori benefecisse videaris. Vale.

A P P R O B A T I O

ILLUSTRISSIMI, AC REVERENDISSIMI DOMINI DOMINI
FR. PLACIDI MARIÆ PEZZANCHERI
CASÆ MARIÆ ABBATIS

Episcopi Tiburtini, & Pontificio Solio Episcopi Assistentis.

CUM Summam, qua Ven. MONETA Cremonensis, unus ex primis, clarioribusque Sancti Patriarchæ DOMINICI Affectis, Catharorum, & Valdensium errores, immo deliramenta impugnavit, ac profligavit; ab *Admod. Rev. P. Fr. Thoma Augustino Ricchinio S. T. M. & Collegii Casanatensis Theologo*, pro sua in Patriam, atque in Ordinem pietate, non modo e pluteorum latebris erutam, verum etiam locupletissimis illustratam Prolegomenis, ac Notis, raptim, ut mihi licuit percurrerim: in illa quidem eximium Theologum, accuratissimumque Dialecticum; in hisce autem virum undecumque eruditum, ac sedulum suspexi: adeo ut hujusmodi Opus dignissimum putem, quod cum Christianæ, tum literariæ Reipublicæ commodo Typis mandetur. Dabam Tibure VIII. Idus Aprilis MDCCXLI.

✱ *F. Placidus Maria Epif. Tiburtinus.*

A P P R O B A T I O

ILLUSTRISSIMI, AC REVERENDISSIMI DOMINI DOMINI
NICOLAI DE SIMONIBUS
EPISCOPI MARCIANENSIS

Sacræ Congregationis super Disciplina Regulari Secretarii &c.

OPUS Ven. MONETÆ Cremonensis Ordinis Prædicatorum adversus *Catharos, & Valdenses* ante quinque Secula lucubratum, & nuper ab *Adm. Rev. P. Mag. Thoma Augustino Ricchinio* ejusdem eximii Ordinis, ac Patriæ Viro Clarissimo illustratum locupletissimo Apparatu, & copia Adnotationum, libenter legendum suscepi, postquam placuit Rmo P. Nicolao Ridolfi Sac. Apost. Pal. Magistro meam de illo explorare sententiam. Innumera propemodum sunt pravorum Dogmatum portenta, quæ collectis summa peritia Sanctarum Scripturarum testimoniis irrefragabilibus prosternt Venerabilis Scriptor, tanto suavius veritatem Fidei Catholicæ Hæreticorum animis insinuans, quanto styli facilitatem, ac planissimam suæ ætatis methodum secutus. Ita vero inter se implexas partitur Hæreses Valdensium, & Catharorum, ut dum singulis confutandis, & ab omni defensionum genere denudandis incumbit, simul nobis illius laboribus bene utentibus parata adsint validissima argumenta ad vehementius comprimendos Socinianos, Calvinistas, Lutheranos, similesque pestes, in quibus adhuc Valdenses, ac Cathari palpitant. In tot autem rebus de Sancta Religione nostra versatus nulla in parte a recta Fidei, & Morum regula alienus invenitur. Digna egregio operi ornamenta superaddidit doctissimus P. M. Ricchinus. In Apparatu Vitam, & Gesta Viri Venerabilis a sinceris monumentis erutam exhibet, unde clarior, latiusque illius fama resplendeat. Historicam quoque narrationem de Valdensium, & Catharorum Hæresi singulari eruditione contexuit. Totum porro opus tam apte, diligenter, & docte illustrat, selectisque Adnotationibus ditat, ut ex iis non solum effluant Sacræ eruditionis copiosissimi latices, verum etiam MONETÆ Lectio utilior evadat, & ad torquendos hodiernos Hæreticos penetrantior. His omnibus perpenfis mihi visum est æquissimum cum meo calculo opus probare, tum ipsam operis evulgationem enixe desiderare. Romæ Pridie Idus Maii MDCCXLIII.

*Nicol. Epif. Marcianen. Sac. Cong. super Disciplina Reg.
Secretarius.*

A P P R O B A T I O

CL. V. JOSEPHI CATALANI PRESBYTERI

V. J. D. & Sacrae Theologiae Professoris.

SI cui minus compertum foret, exploratumque, quam eximios inclytus Ordo Prædicatorum, * qui, velut *Calum micat sideribus*, sic personarum numero, & virtute coruscat, vel a primæva sua institutione Orthodoxæ fidei Athletas tulerit, atque propugnatores, quotve de profligatis doctrinæ gladio Romanæ Ecclesiæ hostibus triumphos egerit, id ex unius Ven. MONETÆ Cremonensis inter primos Sancti Patris Dominici filios Clarissimi Commentariis, quos *Vir Clarissimus, Sacrae Theologiae Magister, P. Thomas Augustinus Ricchinus* ejusdem Patriæ, & Ordinis decus, optimo fane consilio e tenebris vindicavit, conjicere posset luculentissime. Quinque Libris Adversus Catharos, & Valdenses disputat ille tam subtiliter, presse, ac nervose, ut portentosa utriusque Sectæ dogmata, erroresque convellat radicitus, ac vel suis ipsos armis, nulla evadendi spe relicta, confodiat. Id autem præstat brevi quidem, ac simplici, sed validissima methodo testimoniis Scripturarum opportune adeo, appositeque in eos contortis, ut de Opere illius universo jure affirmari possit, quod de S. Augustino S. Hieronymus (*Lib. 1. Epist. 19. Editionis nostræ Romanæ*) *Quidquid dici potest, & sublimi ingenio e Sacrarum Scripturarum hauriri fontibus in eo positum, ac differtum est*. Dum vero præcipuas Fidei controversias, ac summa Religionis nostræ Capita, Ritusque, & Cæremonias Ecclesiasticas illustrat, tuetur, ac vindicat, per Catharorum, & Valdensium jugulum, recentiores hæreticos petit, qui ex illorum cineribus velut mali corui malum ovum prodire, ut divino fere consilio in eos disputans, hos etiam anteveritisse, ac præfocasse videatur. Quare, sicut dolendum est, tam præclarum Opus hætenus delituisse, ita gratia ab omnibus Theologis, ac rei Ecclesiasticæ studiosis habendas reor ejus Clarissimo Editori, qui luculento apparatu, atque eruditis annotationibus continenter illustratum publico Ecclesiæ bono, Patriæ, atque Ordinis sui Viris semper doctissimis abundantis, ac de Catholica Ecclesia optime meriti splendori atque ornamento nunc primum in lucem produxit, summaque cum laude protulit de thesauro suo nova, & vetera. Cum itaque universum Opus Reverendissimi Patris Magistri Sacri Palatii jussu a me recognitum ad puriores fidei, morumque regulas exactum sit, & omnigena eruditione refertum, ut in commune commodum quamprimum vulgetur, opto vehementer, ac probo. Romæ Kal. Maii Anno MDCCXLIII.

* Johannes XXII. Constitutione xvi. Inexplicabilis, quod extat Tom. II. Bullar. Dominicani pag. 143.

Josephus Catalanus Presbyter.

A P P R O B A T I O O R D I N I S.

N O S F R. T H O M A S R I P O L L,

S A C. T H E O L O G I Æ P R O F E S S O R,

Ac Totius Ordinis Fratrum Prædicatorum humilis Magister Generalis, & Servus.

QUO magis interest Ecclesiæ Catholicæ, ut Opus cui Titulus: *Ven. P. Monetæ Cremonensis, Ord. Prædicatorum, S. P. Dominico Æqualis, adversus Catharos, & Valdenses Libri quinque, ex MSS. Codd. Vaticano, Bononiensi, & Neapolitano, nunc primum editi, Prolegomenis, ac Notationibus illustrati*: Typis edatur, eo libentius tenore præsentium, nostrique auctoritate Officii, Tibi Rev. Ad. Patri S. Theologiæ Mag. Fr. Thomæ Augustino Ricchinio, Collegii Casanatenfis Theologo, & Pro-Socio Nostro, opportunam hac de re facultatem concedimus, modo prius a duobus Sac. Theol. Mag. Ord. Nostri censorio judicio fuerit approbatum, & servatis aliis de jure servandis. In quorum fidem his Officii nostri Sigillo munitis subscripsimus. Romæ in Conventu nostro S. Mariæ Super Minervam die 31. Maii 1743.

Fr. Thomas Ripoll Mag. Ord.

L. ✕ S.

Registr. pag. 264.

Fr. Antoninus Bremond S. T. M., Provincialis Daciæ,
Theologus Collegii Casanatenfis, & Pro-Socius.

Ven.

VEN. *Moneta Cremonensis* longè præclarissimum Opus Libris V. absolutum, nervosissimum adversus Principes ævi nostri Sectariorum hæreses, perinde atque contra sui temporis Valdenses, quibus parentibus Sectarii ipsi gloriantur, & contra Manichæorum pestem tunc renatam; quod hætenus Clariss. Scriptores admodum celebrarunt, sepultum tamen dolentes: post acre tandem studium e pluteis, in quibus ad V. Secula jacebat, provide a se erutum splendidis Dissertationibus, Notisque ad rem Historiæ Hæresum promovendam plurimum operantibus, illustravit P.M. Fr. Thomas Augustinus Ricchinus Casanatenensis Theologus; mandante Rmo Ordinis Mag. Fr. Thoma Ripoll, subsecivis horis ingenti voluptate a me lectum, ita Orthodoxæ Fidei de credendis agendisque respondere visum est, ut Fidem ipsam quam validissime defendat, adornet, amplificet. Et in hoc duo plane animadversione digna demiratus sum. Primum: accuratissimæ dialectices vim ineluctabilem, Heterodoxorum omnium jugulum undique petentem, ac inde ipsis maxime invisam; quam iidem nec offendant nec timeant in nuperis lucubrationibus (utcumque hæ eruditione verbisque fluant ad eloquentiam compositioribus) editis per Polemicos illos, quos recens nata extima philosophandi methodus, non sine gravi & ipsorum & Thologiæ incommodo, primum formaverit. Alterum: Hæreticorum multiformium errores omnes aggredi, conterere, dissipare; & contra, pro Fidei veritatibus quibuscumque, impie ab illis conculcatis, propugnare argumentis ex Uno Dei Verbo Scripto tali ac tanto divini hujusce Verbi usu ductis, ut si quis eidem in Præfatione scribenti: *Ex Divinis testimoniis mihi sua Gratia inspiratis, suffragante orationum instantia &c.* Opus hocce perfecisse, fidem habere forte detrectet, illud certe fateatur oportet: Sacram Scripturam piissimi Auctoris menti ita donante bonorum omnium Largitore insedisse, quod pro re nata Hagiographa Oracula scribenti præsto adfuerint. Eapropter censeo, Opus ipsum, quod Theologis plurimam adferet lucem, indeclinabilia supeditabit argumenta contra Sectarios, dignissimum quod publici juris fiat. Ita sentio &c.

*Fr. Johannes Dominicus Agnani Mutinen. S.T.M. Ord. Præd. S. C. Indicis Consultor,
ac Biblioth. Casanaten. Præfectus.*

QUAM de *Ven. Moneta adversus Catharos, & Valdenses* Opere præclaram cœpi continuo opinionem, vel ex solo illud edendi consilio Clariss. Viri Thomæ Augustini Ricchini, Casanatenensis Instituti nostri Theologi, confirmavi admodum pleneque; ubi Opus ipsum jussu Reverendissimi Patris nostri Thomæ Ripoll Magistri Ordinis legi. Nempe, quo nihil excellentius atque salubrius sumi ad scribendum aut ad legendum potest, universam propemodum, qua late patet, in eo deprehendi Sacrorum dogmatum Scientiam, in unum congestam corpus Doctrinæ, quod unum pene Viro Theologo sufficiat ad singula Fidei Capita vindicanda, omnesque cum vetustæ tum posterioris, nostræque etiam ætatis, quas una Catharorum, ac Valdensium pestis complexa est, hæreses profigandas. Id porro præstat Author Venerabilis simplici quidem humilique dicendi genere, ceu quod ipse exordio testatur ad capiendos contra quos disputat accommodatiori: At certe summa illi vis & acumen ingenii ubi ratione decertat; ubi vero Scripturarum Autoritate pugnat, tanta affluit locorum frequentia, tanta opportunitate illi obvia & præsto sunt, ut quod initio profitetur, divinitus sibi inspirata Sacrorum Librorum Testimonia, legenti facile probet. Tanto autem robore & copia argumentorum Adversarios vexat atque perstringit, seu Philosophum agat, seu Theologum, ut ne rimulam quidem illis elabendi sinat. Quare plurimam cum primis Ordinem Nostrum profiteor debere gratiam Clarissimo Editori, qui e situ & tenebris ad lucem, quam diu merebatur, educit gravissimi ac per antiqui Scriptoris nostri eximium Opus suis insuper iisque exquisitissimis locupletatum accessionibus: videlicet Historiæ Catharorum & Valdensium præmissa Synopsi, concinne atque elegantissime elaborata; tum perpetua Patrum consensione, continenter uberrimeque adjecta; ut qui Scripturis agere aut ratione velit, Authoris scriptum, qui Traditione malit, Editoris accessiones adire tuto possit. Reliquum est, ut magna cum laude assumtus perfectusque labor ad publicam utilitatem prælo committatur. Ita Censeo exoptoque.

Romæ apud S. Mariæ Super Minervam Idib. Augusti MDCCCXLIII.

Fr. Pius Thomas Schiara S.T.M. Ord. Præd. Casanaten. Bibliotheca Præfectus.

I M P R I M A T U R .

Si videbitur Reverendissimo Patri Magistro Sacri Palatii
Apostolici.

F. M. de Rubeis Archiep. Tharsen. Vicegerens.

I M P R I M A T U R .

Fr. Aloysius Nicolaus Ridolfi Ordinis Prædicatorum Sac.
Palatii Apostolici Magister.

OPERIS UNIVERSI PROSPECTUS.

| | | | |
|--|----------|--|-------|
| A PPARATUS ad V. Libros adversus Catharos, & Valdenses Ven. Monetæ Cremonen. Ord. Præd. | pag. I. | boni ascenderit Villicus ille in Cælum . | 41. |
| PRÆFATIO . | II. | §. II. An peccatum ovium Israel præcesserit ascensum Villici, vel e converso . | 42. |
| De Vita & Scriptis Ven. Monetæ . | VII. | CAP. IV. De Cælestibus Creaturis, quid de eis sentiant Hæretici, & unde suum errorem munire conentur . | 44. |
| Illustrium Virorum de Ven. Monetæ ejusque scriptis testimonia . | IX. | §. I. Occasiones Errorum Hæreticorum . | ibid. |
| DISSERTATIO I. Historica de Catharis . | XIII. | §. II. Probatio Ecclesiæ quod nulli ex necessitate salvantur . | 53. |
| CAP. I. De Catharorum Etymo, & origine. ib. | | §. III. Probatio Ecclesiæ quod non omnes qui creati sunt a Deo bono, salvabuntur . | 55. |
| CAP. II. Catharorum per Europam diffusio. XV. | | §. IV. Quod Angeli qui ceciderunt de Cælo propter peccatum suum non salvabuntur . | 57. |
| CAP. III. De variis Catharorum Sectis, earumque appellationibus . | XVII. | §. V. Unde Hæretici adstruant transitum Spirituum de corpore in corpus: & utrum Spiritus de corpore transeat in corpus . | 61. |
| CAP. IV. Catharorum Errores . | XVIII. | §. VI. Quod salvabuntur aliqua creatura, quæ non fuerant de Cælo . | 62. |
| CAP. V. De Moribus Catharorum . | XXIV. | CAP. V. De libero arbitrio; & unde Hæretici ipsum conentur destruere . | 63. |
| CAP. VI. De Ritibus, & disciplina Catharorum . | XXVIII. | §. I. Prima pars. Fundamenta negantium liberum arbitrium . | ibid. |
| CAP. VII. De oppugnatione, & profligatione Catharorum . | XXX. | §. II. Secunda pars. Liberum arbitrium est in rationali creatura . | 65. |
| CAP. VIII. De Conciliis adversus Catharos celebratis . | XXXII. | CAP. VI. De antiquitate creaturarum, & primo quod nulla sit Deo coæva; & de novis spiritibus . | 69. |
| DISSERTATIO II. De Valdensibus . | XXXVI. | §. I. Pars Prima, Probatio Hæretici quod Deus non creat novas animas, & nova corpora. ib. | |
| CAP. I. Valdensium ortus . | ibid. | §. II. Quibus testimoniis conentur Hæretici antiquitatem animarum adstruere . | 71. |
| CAP. II. De Valdensium progressu ejusque causis . | XXXVIII. | §. II. Probatio Ecclesiæ quod novi spiritus creantur, & novis corporibus infunduntur . | 74. |
| CAP. III. De Valdensium erroribus . | XL. | CAP. VII. De Prophetia; & primoubi Prophetæ prophetaverint, & probat Hæreticus quod in cælesti Hierusalem . | 75. |
| CAP. IV. Errores primis Valdensibus falso tributi . | XLIII. | §. I. Primum fundamentum Hæreticorum. ib. | |
| CAP. V. De Valdensibus Subalpinis . | XLVI. | §. II. Alterum fundamentum Hæreticorum . | 78. |
| CAP. ULTIMUM De Valdensibus Bohemis. XLVII. | | §. III. Probatio Ecclesiæ quod Prophetæ non prophetaverint ante hujus Mundi constitutionem . | 79. |
| VEN MONETÆ PRÆFATIO . | pag. I. | CAP. VIII. Utrum Deus Pater iustorum, sit Creator visibilium, & transitoriarum rerum . | 85. |
| Descriptio Fidei Hæreticorum . | 2. | §. I. Probatio Hæreticorum quod transitoria non sunt a Deo . | ibid. |
| Capitula primi Libri, & divisio . | 6. | | |
| Libri primi pars prima, & primi capituli divisio . | 6. | | |
| §. I. Probatio Hæretici quod sunt duo principia . | 7. | | |
| §. II. Quibus auctoritatibus N. T. conentur ostendere duo esse principia, & probatio Ecclesiæ quod unicum est principium . | 10. | | |
| §. III. Quibus rationibus nituntur Hæretici ad probandum duo principia . | 23. | | |
| §. IV. Probatio Ecclesiæ quod unum tantum sit omnium principium, & primo rationibus . | 24. | | |
| CAP. II. De Trinitate Personarum . | 30. | | |
| CAP. III. Unde malum habeat ortum . | 36. | | |
| §. I. De origine mali ut est pœna, & de ascensu Villici in Cælum . | 39. | | |
| §. II. Utrum de conscientia, & voluntate Dei | | | |

- §. II. Quod res visibiles, & transitoria sunt a Deo Patre justorum. 83.
- §. III. Probatio Ecclesiæ quod Mundus iste est Patris familias, idest Dei contra alios Catharos. 88.
- CAP. IX. De Miraculis corporalibus & materialibus: Utrum a Deo Sancto sint, & probatur quod sint miracula visibilia. 98.
- §. UNICUS. Probatio Ecclesiæ quod miracula materialia facta sint a Domino. ibid.
- CAP. X. Queritur an differentia illa quam constituunt Hæretici inter corpus, & animam possit stare; & contra hoc quod dicunt aliud esse animam, aliud esse spiritum; & Populum Dei ex corpore, anima, & spiritu constare. 105.

LIBER SECUNDUS.

- CAP. I. De Radicibus quibus innitantur Hæretici, qui unum asserunt Creatorem, & improbantur illæ radices, & de opinionibus erroneis eorum qui ponunt unum principium, unde illas firmare nitantur. 109.
- §. I. De Parabola servi nolentis misereri conservo suo. 110.
- §. II. De Peccato Adæ, quod fuerit secundum Hæreticos. 111.
- §. III. Quod Hæretici sensum erroneum ponunt in tribus parabolis, & primo de parabola servi nolentis misereri conservo suo. 112.
- §. IV. Parabola de illo, qui incidit in Latrones. 113.
- §. V. Quod non possit stare intellectus Hæreticorum tertiæ Parabolæ, de Villico iniquitatis. 114.
- §. VI. De Parabola Filii Prodigii. 115.
- CAP. II. §. I. De distinctione Elementorum, & Formarum visibilium, quod non sint a diabolo. 116.
- §. II. Probatio Ecclesiæ quod distinctio visibilium est a Deo. 117.
- §. III. Auctoritatibus N. T. probatur quod distinctio visibilium est a Deo. 118.
- §. IV. Quod Elementa, & elementata secundum species suas sunt a Deo. 119.
- §. V. Aliis testimoniis hoc idem probatur. 121.
- CAP. III. §. I. Rationes Phantasticæ Hæreticorum, quibus probatur, quod creatio, & factura horum visibilium est a diabolo. 124.
- §. II. Probatio Ecclesiæ quod creaturæ visibiles bonæ & utiles sunt. 126.
- CAP. IV. De origine Animarum, & primo unde conantur hæretici translationem ani-

- marum ostendere, & utrum sint ex traduce. 129.
- §. I. Pars Prima. Probatio Hæretici quod Animæ sunt ex traduce. ibid.
- §. II. Quare dixit Hæreticus animam ex anima transduci. 132.
- §. III. Rationibus & auctoritatibus probatur Ecclesiæ quod anima ex anima non traducitur. 135.
- CAP. V. De esu ciborum, carniū, sicut & ovorum. 138.
- §. I. Probatio Hæreticorum quod esus quorundam est illicitus. ibid.
- §. II. Probatio Ecclesiæ quod nullas esus ciborum est illicitus. 141.
- CAP. VI. Agitur utrum Deus dator veteris Testamenti fuerit bonus, & de rationibus quibus impugnant eum Hæretici, quarum prima est: contrarietas cum Deo Novi Testamenti. 143.
- §. I. Probatio Hæretici quod dator Veteris Testamenti fuerit malus; & de prima radice quod fuerit malus. ibid.
- §. II. De secunda Radice quæ est mutabilitas; & quia Vetus Testamentum mutabile esse videtur, Hæretici dicunt quod dator Veteris Testamenti fuit malus. 157.
- §. III. De tertia Radice quæ est crudelitas, quæ esse videtur in Deo Veteris Testamenti. 159.
- §. IV. De quarta Radice quæ est mendacium quod dicunt esse in Deo Veteris Testamenti. 163.
- §. V. Probatio Ecclesiæ quod dator Veteris Testamenti fuerit bonus, & unus, & idem cum Deo Novi Testamenti. 166.
- §. VI. Quod Deus Veteris Testamenti qui locutus est Abraham sit idem qui locutus est & Moyse; & quod ipse sit bonus, & idem cum Deo novi Testamenti fuerit. 172.
- §. VII. Utrum ille Deus qui loquebatur Moyse in nube, & in monte Sina, fuerit Deus bonus. 180.
- §. VIII. Alia testimonia ex Apostolo ad Romanos quibus probatur quod idem fuerit Deus Veteris Testamenti, & Deus Novi Testamenti. ibid.
- §. IX. Alia testimonia ex aliis Apostoli Epistolis. 186.
- CAP. VII. An Vetus Testamentum bonum fuerit, & quare ipsum blasphemant Hæretici. 165.
- §. I. Probatio Hæretici quod Vetus Testamentum sit malum. 196.
- §. II. Probatio Ecclesiæ quod Lex bona est & a Deo bono data. 203.
- CAP. VIII. Testimonia Evangeliorum, & Prophetarum de laudibus Novi Testamenti. 209.
- CAP. IX.

CAP. IX. *An in Veteri Testamento ; & ante adventum Christi fuerint aliqui boni viri .* 214.

§. I. *Probatio Hæretici quod ante adventum Christi nullus fuerit bonus .* 215.

§. II. *Probatio Ecclesiæ quod aliqui boni fuerint ante adventum Christi .* 216.

§. III. *De Circumcisione utrum a Deo Sancto fuerit .* 217.

§. IV. *De Prophetis qui boni fuerunt .* 218.

CAP. X. §. I. *Agitur de miraculis , & primo de miraculis Christi contra ponentes unum principium .* 219.

§. II. *Probatio quod Ecclesia Dei fecit miracula materialia etiam ante Passionem Christi .* 221.

§. III. *Probatio quod sola Romana Ecclesia debet dici Ecclesia .* ibid.

§. IV. *Obiectio Hæreticorum quod illi de Ecclesia Romana non faciunt vera miracula .* ib.

§. V. *Quædam alia Hæreticorum blasphemia refutatur .* 222.

§. VI. *Litera quædam Johannis discutitur .* 223.

LIBER TERTIUS.

CAP. I. *De Precursore Christi .* 225.

§. I. *De Angelo per quem facta est Annuntiatio ejusdem Præcursoris .* ibid.

§. II. *Probatio Ecclesiæ quod Parentes Johannis fuerint boni .* 226.

§. III. *De Johanne Baptista .* 227.

CAP. II. *De B.V. Dei Matre .*

§. I. *Probatio Ecclesiæ quod Maria non fuerit Angelus ; & eorum destructio qui male de ea sentiunt ; in quo de Joseph , & Johanne Evangelista .* 232.

CAP. III. §. I. *De Christo .* 234.

§. II. *Probatio Ecclesiæ quod Christus sit Deus per naturam æqualis , consubstantialis , coomnipotens , & coeternus Patri .* 240.

§. III. *Probatio Ecclesiæ quod Christus sit idem cum Patre .* 241.

§. IV. *De his quæ ad humanitatem Christi pertinent , & primo quid fabulentur de ejus carne Hæretici dicentes Christum celestem carnem habuisse .* 243.

§. V. *Probatio quorundam Hæreticorum , quod Christus habuit carnem phantasticam .* 247.

§. VI. *Probatio quorundam Catharorum quod Christus carnem assumptam deposuit .* 248.

§. VII. *De Christi Conceptione quæ in illo articulo tangitur : Qui conceptus est de Spiritu Sancto .* 249.

§. VIII. *Quod Christus natus est ex Mariæ Virgine .* 250.

§. IX. *Probatio Ecclesiæ quod Christus natus est ex Maria secundum carnem de David Veteris Testamenti .* 251.

§. X. *Quod Christus duxit originem ab Abraham Veteris Testamenti .* 255.

§. XI. *Quod Christus comedit , & bibit & ante , & post Resurrectionem .* 257.

§. XII. *Quod Christus animam humanam , & ejus qualitates habuerit .* 259.

§. XIII. *De descensu Christi ad inferos .* 260.

§. XIV. *De Resurrectione Christi .* 261.

§. XV. *De ascensu Christi cum carne in Cælum , & de sessione ejus ad dexteram Patris .* ibid.

§. XVI. *De illo articulo : Inde venturus est judicare vivos , & mortuos .* 262.

CAP. IV. *De Antichristo quem dicunt Hæretici jam venisse .* §. I. *Probatio Hæretici quod Antichristus venit .* 263.

§. II. *Unde probent Hæretici quod B. Sylvester fuerit Antichristus .* ibid.

CAP. V. §. I. *Quod Spiritus Sanctus est Deus .* 264.

§. II. *Probatio quod Spiritus Sanctus est essentialis Patri & Filio .* 268.

§. III. *Testimonia quod tres Personæ sunt unus Deus .* 269.

§. IV. *Probatio Hæretici quod Spiritus Sanctus non est Deus .* ibid.

§. V. *Rationes Hæreticorum errantium circa Spiritum Sanctum , qui dicunt ipsum non fuisse datum ante Resurrectionem , nec ante Pentecostem .* 271.

§. VI. *Oppositio contra hoc quod dicunt Spiritum Sanctum dari merito bonitatis hominis .* 273.

§. VII. *Probatio Ecclesiæ quod Spiritus Sanctus non datur ab homine .* ibid.

§. VIII. *Contra hoc quod dicunt Hæretici , quod semel habens Spiritum Sanctum peccare non potest .* 274.

§. IX. *Positio Hæreticorum qui dicunt in Baptismo aquæ non dari Spiritum Sanctum .* 275.

LIBER QUARTUS.

De Sacramentis Ecclesiæ , Resurrectione , & Judicio .

CAP. I. *De Baptismo .* 277.

§. I. *Divisio hujus primi Capituli , & Hæreticorum sistema .* ibid.

§. II. *De Baptismo Johannis .* 278.

§. III. *De Baptismo Christi , & unde habent Hæretici quod Baptismus aquæ materialis nihil valeat ad salutem .* 279.

§. IV.

- §. IV. *Rationes Hæreticorum, quibus specialiter impugnant Baptismum in Parvulis.* 283.
- §. V. *Quod Parvuli possint in fide Ecclesiæ salvari.* 285.
- §. VI. *De his quæ Puerorum Baptisma præcedunt.* 286.
- §. VII. *Quot modis intelligatur Baptisma.* 288.
- §. VIII. *Quodnam sit Baptisma de quo Apostolus: una Fides, unum Baptisma.* 289.
- §. IX. *De efficacia Baptismi aquæ materialis.* 291.
- CAP. II. *De Confirmatione. Referuntur, & impugnantur Hæreticorum errores circa manuum impositionem.* 293.
- CAP. III. *De Sacramento Eucharistiæ.*
- §. I. *Ostenditur ex Evangelio verum corpus, verumque sanguinem D. N. J. C. in hoc Sacramento nobis dari.* 295.
- §. II. *Eadem veritas probatur testimonio Apostoli.* 298.
- §. III. *Objectiones Hæreticorum solvuntur.* 300.
- CAP. IV. *De Sacramento Pœnitentiæ.*
- §. I. *Necessitas, & utilitas Pœnitentiæ.* 302.
- §. II. *Errores Hæreticorum.* ibid.
- §. III. *De Contritione.* 304.
- §. IV. *De Confessione.* ibid.
- §. V. *De Satisfactione.* 305.
- CAP. V. *De Extrema Unctione.* 306.
- CAP. VI. *De Ordine.* 308.
- §. I. *Enumerantur, & exponuntur Ordines.* ibid.
- §. II. *Referuntur Hæreticorum errores circa ordines.* 313.
- CAP. VII. *De Matrimonio.*
- §. I. *Explicantur Scripturæ testimonia quibus hoc Sacramentum impugnatur ab Hæreticis.* 215.
- §. II. *Solvuntur rationes, quas contra hoc Sacramentum congerunt Hæretici.* 329.
- §. III. *Ostenditur Matrimonium esse licitum, bonum, & sanctum, & primo contra ponentes unum principium.* 330.
- §. IV. *Idem probatur contra ponentes duo principia.* 336.
- §. V. *Probatio Ecclesiæ contra utrosque Catharos communiter.* 340.
- CAP. VIII. *De Resurrectione corporum.*
- §. I. *Quibus de causis inducti sint Cathari ad negandam horum corporum resurrectionem, & quid de resurrectione Hæretici communiter sentiant, & unde suum errorem confirmant.* 346.
- §. II. *Sententia Hæreticorum qui duo ponunt principia.* 353.
- §. III. *Agitur contra illos qui unicum ponunt principium; & quod horum corporum*

- visibilem, & materialium erit resurrectio una.* 355.
- §. IV. *Testimonia pro Ecclesia de vera corporum Resurrectione.* 356.
- §. V. *Testimonia Evangeliorum de Resurrectione corporum visibilem.* 365.
- CAP. IX. *De Judicio.* 370.
- §. I. *De Judicio pœnarum præsentium. An sint a Deo.* ibid.
- §. II. *De Judicio animarum in Purgatorio, & suffragiis.* 371.
- §. III. *Utrum suffragia vivorum prosint defunctis.* 373.
- §. IV. *Utrum Orationes Sanctorum in Paradiso prosint vivis in Mundo.* 374.
- §. V. *Argumenta quibus Hæretici probant non esse orandum pro defunctis.* ibid.
- §. VI. *De Judicio animarum ante diem ultimum: utrum recipiant modo præmium in Paradiso, vel supplicium in Inferno.* 375.
- §. VII. *Probatio Ecclesiæ, quod aliqui vadant in Paradisum, vel Infernum ante diem judicii.* 377.
- CAP. X. *De Judicio Universali, An sit factum.* 379.
- CAP. XI. *De Inferno.*
- Utrum Mundus iste sit Infernus.* 381.
- CAP. XII. *De inæqualitate Pœnarum & Præmiorum.* 383.
- §. I. *Quomodo probent Hæretici pœnas esse æquales.* ibid.
- §. II. *Unde probent Hæretici æqualitatem præmiorum.* 384.
- §. III. *Ostenditur unum peccatum esse majus alio, & ideo gravius puniendum, consequenter supplicia esse inæqualia.* 386.
- §. IV. *Ostenditur præmia bonorum futura esse inæqualia.* 387.

LIBER QUINTUS.

- CAP. I. *De Ecclesia Catholica quæ sit.* 389.
- §. I. *Quæ sit Ecclesia Dei, & quomodo probent Hæretici Ecclesiam Romanam non esse Ecclesiam Dei.* 397.
- §. II. *Quod Ecclesia Romana non potest intelligi per Mulierem Apoc. 17.* 399.
- §. III. *Quod nec Cathari, nec Pauperes Lugdunenses sunt Ecclesia Dei, sed sola Romana Ecclesia.* 401.
- §. IV. *Probatio specialis, quod Pauperes Lugdunenses non sunt Ecclesia Dei.* 402.
- §. V. *Probatio contra Valdenses ultramontanos.* 406.
- CAP. II. *Quando incæperit Ecclesia Dei in hoc Mundo.*
- §. I. *Quot modis accipiatur Ecclesia Dei.* 408.
- §. II.

- §. II. De origine Catharorum. 411.
 CAP. III. An postquam Ecclesia cœpit desicrit esse. 412.
 §. I. Ecclesiam defecisse Hæretici probare nituntur. ibid.
 §. II. Primo agitur quod Ecclesia Novi Testamenti postquam incepit nunquam defecit. 413.
 §. III. Probatur per testimonia Novæ Legis quod Ecclesia Dei postquam incepit nunquam defecit. 414.
 CAP. IV. De perpetuitate animarum, a qua pendet perpetuitas Ecclesiæ, & de immortalitate animæ. 416.
 §. I. Quibus auctoritatibus anima mortalis esse videatur. ibid.
 §. II. Qualiter quibusdam rationibus mortalis anima esse videatur. 418.
 §. III. Secunda ratio qua probari videtur animam hominis esse mortalem. 419.
 §. IV. Quod anima sit immortalis probatur, & primo per testimonia Scripturarum. 422.
 §. V. Rationibus probatur animæ immortalitas. 423.
 §. VI. Utrum Anima substantia sit simplex vel composita. 429.
 CAP. V. De Prælati Ecclesiæ.
 An in Ecclesia possint esse mali Prælati, & an possint ministrare Sacramenta, & prædicare, & an sit eis obediendum, & de excommunicatione quam faciunt Prælati Ecclesiæ Romanæ, an licita sit? 430.
 §. I. Ponuntur argumenta Hæreticorum probantium quod in Ecclesia non possint esse Prælati mali, Ecclesia permanente Dei Ecclesia. 431.
 §. II. Probatur quod mali Prælati possunt esse in Ecclesia Dei. 432.
 §. III. An mali Prælati possint Sacramenta ministrare, & prædicare, & eis sit obediendum? Probare nituntur Hæretici quod non. 433.
 §. IV. Probatur quod mali Prælati possunt prædicare, & Sacramenta ministrare, & quod sit eis obediendum. 436.
 §. V. Probatur quod in Ecclesia sunt boni, & mali. 438.
 §. VI. An sit licitum aliquem excommunicare? 439.
 §. VII. An licitum sit alicui maledicere, & imprecari. 440.
 §. VIII. Quibus, & ubi liceat prædicare. 441.
 §. IX. Quod prædicatio veritatis non est occultanda, sed facienda in publico. 442.
 CAP. VI. An Ecclesia possit facere novas Constitutiones. 443.
 §. I. Hæreticorum argumenta probantia Ecclesiam non posse facere Constitutiones. ibid.
 §. II. Probatur licitum esse Ecclesiæ Dei novas Constitutiones facere. 445.
 CAP. VII. An Ecclesia Dei possit possidere divitias, & unde conantur Hæretici ostendere quod Successoribus Apostolorum non liceat terrena possidere. 446.
 §. I. Argumenta Hæreticorum probantia Ecclesiam non posse habere divitias. ibid.
 §. II. Probatur quod liceat Successoribus Apostolorum terrena possidere, & in proprio, & in communi. 450.
 §. III. An liceat propria relinquere, & de questu vivere. 451.
 CAP. VIII. Agitur de domo materiali, de Figuris, & de Imaginibus Ecclesiæ, & præcipue de Cruce; An licitum sit eis uti, & facere in Ecclesia, & de Officio Ecclesiæ, & Tonsura, & Rasura, & Thurificatione. 454.
 §. I. De domo materiali. 454.
 §. II. De Altaribus. 455.
 §. III. De nomine Ecclesiæ. ibid.
 §. IV. De Missa. 456.
 §. V. De Sacris Vestibus. 457.
 §. VI. De modo celebrandi. ibid.
 §. VII. De Canticis materialibus. 458.
 §. VIII. De Thurificatione. 459.
 §. IX. De differentia consecrationis inter Ecclesiam Græcam, & Ecclesiam Romanam. ib.
 §. X. De Imaginibus & Cruce. 460.
 CAP. IX. Agitur de illo mandato: Non assumes nomen Dei tui in vanum, & de juramento, & unde conentur Hæretici probare non debere jurare. 462.
 §. I. Unde probent Hæretici juramentum esse illicitum. 463.
 §. II. Qualiter sit juramentum prestandum, & quod juramentum sit obligatorium. 466.
 §. III. Qualiter sit intelligenda auctoritas B. Jacobi. 467.
 §. IV. Qualiter intelligantur verba Sap. 14. v. 31. 468.
 §. V. Quid sit jurare. ibid.
 §. VI. Probatio Ecclesiæ contra ponentes duo principia, quod jurare in casu non est malum. 470.
 §. VII. Probatio Ecclesiæ contra omnes Hæreticos, quod juramentum sit licitum. 471.
 §. VIII. Probatur testimoniis Prophetarum, quod juramentum non est cassum. 474.
 CAP. X. De illo Mandato: Memento ut diem Sabbati sanctifices. 475.
 §. UNICUS. De Sabbato, & die Dominico. ib.
 CAP. XI. De Novitate Mundi, & de rationibus quibus Philosophi probant Mundum esse æternum. 477.
 §. I. Ponuntur rationes quibus Aristoteles probat Mundum esse æternum. 478.
 §. II.

- §. II. *Rationibus ostenditur quod magis standum est de Creatione Mundi suppositionibus Theologorum quam Philosophorum.* 488.
- §. III. *Quod Deus non agat per modum necessitatis, & naturæ, sed libera voluntate, & electione.* 489.
- §. IV. *Ostenditur falsam esse suppositionem eorum, qui ponunt Deum agere per modum necessitatis, & naturæ.* 491.
- §. V. *Rationibus Mundi novitas demonstratur, & quod Aristoteles nunquam credidit rationes suas esse necessarias rationes ad demonstrandam Mundi eternitatem.* 496.
- §. VI. *De Cura & Providentia Dei erga creatura.* 501.
- CAP. XII. *De honore Parentum, & eleemosyna Pauperum.* 506.
- §. I. *Quomodo intelligendum sit illud mandatum.* 506.
- §. II. *De Eleemosyna pauperi exhibenda.* 507.
- CAP. XIII. *De isto mandato: Non occides.* 508.
- §. I. *Unde probent Heretici persecutionem, & vindictam esse illicitam.* 509.
- §. II. *Quod liceat malos punire, & ad bonum invitos cogere.* 511.
- §. III. *Unde probent Heretici, quod bellando non licet se defendere, nec in alium vindicare, & quod Ecclesie non licet facere bellum.* 513.
- §. IV. *Probatio Ecclesie quod usus gladii materialis, & vindicta licita est.* 532.
- §. V. *De Jurisdictione temporali absolute.* ib.
- §. VI. *Quod jurisdictio secularis a Deo est, & fuit ante adventum Christi.* ibid.
- §. VII. *Probatur quod vindicta materialis licita est.* 535.
- §. VIII. *Probatio Ecclesie quod usus gladii materialis sit licitus.* 539.
- CAP. XIV. *De illo mandato: Non furtum facies, & de usura, & ejus restitutione, & an sint propria auferenda Heretico.* 546.
- §. I. *De intelligentia hujus precepti.* ibid.
- §. II. *Utrum dare ad usuram sit peccatum?* 547.
- §. III. *Utrum usura sit restituenda?* 548.
- §. IV. *Utrum peccatum sit, auferre sua Hereticis?* 549.
- CAP. XV. *De Præscientia divina.* ibid.
- §. I. *De Præscientia divina contra eos, qui Scripturas recipiunt.* 550.
- §. II. *Probatio Ecclesie de eodem contra illos, qui non recipiunt Scripturas.* 554.
- §. III. *Probatio Ecclesie quod Dei præscientia non aufert liberum arbitrium, & quod cum eo possit stare.* 555.
- §. IV. *Probatio quod præscientia Dei non inducit necessitatem.* 556.
- §. V. *Probatio quod præscientia Dei non aufert libertatem voluntatis.* 557.
- §. VI. *De causis prædestinationis, & reprobationis Dei.* 558.
- §. VII. *Quare Deus dat gratiam suam uni, & non alteri, cum æque digni sunt.* 559.
- §. VIII. *Quid sit vita æterna ex parte animarum,* 560.

A P P A R A T U S

A D V. L I B R O S

ADVERSUS CATHAROS ET VALDENSES

VENERABILIS PATRIS

M O N E T Æ

C R E M O N E N S I S

ORDINIS PRÆDICATORUM.

THE UNIVERSITY OF CHICAGO

LIBRARY

1215 EAST 58TH STREET

CHICAGO, ILL. 60637

U.S. DEPARTMENT OF AGRICULTURE

WATER RESOURCES DIVISION

WASHINGTON, D.C. 20250



PRÆFATIO.



UÆSITUM est diu a gravissimis Viris plusne Christianæ Reipublicæ utilitatis ii afferant, qui novis ingenii foetibus (si novi quidpiam in tanta editorum Voluminum luce adferri possit) Catholicas Veritates illustrant, an qui Veterum Ecclesiæ Scriptorum Monumenta diligentius conquisita e tenebris eruunt, ac multo studio recensita, aucta, & ornata in apertam diem producunt. Ac mihi quidem utrique de Sacra Eruditione optime meriti semper visi sunt, quippe qui Sacris Literis amplificandis, promovendisque Ecclesiasticis studiis, ut est in Evangelico mo-

nitū, proferunt de thesauro suo nova & vetera. Veruntamen etsi eorum magnopere commendandum sit studium, qui suis lucubrationibus veluti novas divitias in Ecclesiæ gazam important, operæ tamen pretium non mediocre eos facere arbitror, qui Veterum Patrum Opera e situ vindicant & squallore, ac præclaro in lumine posita publicæ eruditioni atque utilitati non invident. In quorum ego Scriptorum censu eos cumprimis numerare soleo, qui collata manu cum Fidei hostibus, ac profligatis eorum erroribus, summa Religionis nostræ capita asseruerunt feliciter ac vindicarunt. Nam in eorum operibus maximum ac præsentissimum Ecclesiæ præsidium constitutum intelligo cum adversus veterum tum recentium Hæreseon machinationes. Cum enim nullum sit tam nefarium ac pestiferum dogma quavis vetustate obsoletum, quod postquam oppressum ac sepultum jacuerit non emergat denuo, ac suis ipsis ex cineribus non excitetur identidem, ut de quavis Secta recens erumpente dici possit, quod Cassianus de Nestoriana Lib. de Incarn. *Nova est assertoribus, sed vetusta erroribus*, habent propterea Patrum, qui adversus veteres errores scripti sunt, Commentarii insignem hunc fructum, ut non antiquarum modo Hæresum notitiam, sed ad illas etiam ubi renatæ fuerint profligandas arma suppeditent, quibus cum primum nascerentur extinctæ sunt.

Admonuit me ea ratio, ac sane persuasit, ut latens atque neglectum per quinque Secula præclarissimum VEN. MONETÆ CREMONENSIS Opus adversus seculi XIII. Hæreticos in lucem proferrem, eique manum & operam qualemcumque meam adjicerem. Nam institutam ab illo Catharorum & Valdensium refutationem ad ista quoque tempora pertinere facile intellexi, nec quispiam secus judicabit, qui perversa eorum dogmata cum Recentium Hæreticorum blasphemis comparabit; quod in notis ad MONETÆ Libros me præstiturum confido, veterum illarum ac posteriorum Sectarum collationem instituens. Quare nullum est ferme a Recentioribus Heterodoxis inventum erroris caput, quod in hoc opere ab Auctore nostro jamdiu occupatum non fuerit, ac validissime propulsatum, ut illud recte appellare queas Pano-
pliam instructissimam, ac veluti promptuarium, unde Theologis adversus veteres nos-
vosque errores expedita sint arma.

Eo in genere argumentoque scribendi multorum equidem Patrum labor vel paullo ante, vel inter ea tempora, fuit egregia cum laude versatus. Nam, ut alios prætermittam, Jacobus Gretserus S. J. Theologus post tres Libros Lucæ Tudenſis contra Albigenſes ejuſdem veluti ſuccedaneos vulgavit Tom. xxiii. Biblioth. Patrum Ekberti Abbatis S. Florini ſermones varios adverſus Catharos: Tum Tomo xxiv. Ebrardum Bethunienſem, Bernardum Abbatem Fontis Calidi, & Ermengaudum adverſus Valdenſium ſectam, Prolegomenis & Notis illuſtratos. Denique Tomo xxv. Petrum de Pilichdorffio, & Reinerum Sacchonum, qui eidem ſaxo manus admovent.

Hos tamen, eorumque ſcripta ut ut præſtantiffima, ſi cum quinque MONETÆ Libris conferre velis, neminem fortasſe reperies, qui tanta rerum copia, argumentorum pondere, ac vi adverſus eas peſtes diſputaverit, ac de illis plane triumphaverit. Non enim brevem ac perfunctoriam, ut plerique eorum, deſcriptionem ac refutationem illarum Hæreſeon MONETA inſtituit, ſed ſingula, atque etiam minora deliramenta proponit, momenta exhibet, rationes omnes accurate diſcutit, machinationes diſſolvit, univerſam demum impiorum dogmatum ſtructuram ab imo detegit, convellit, ac demolitur. Tam acer in diſputando ac ſubtilis, ut eum facile ad Auguſtinum contra Manichæos alioſve Hæreticos diſſerentem accedere putes; ejus certe methodum referre videas, qua in utramvis partem adverſarium urget, ac premit: aditumque omnem elabendi præcludit. Si Philoſophicas ac Theologicas quaſtiones magnifico rerum argumentorumque apparatu ab eo inſtitutas reputaveris, miraberis hominem ante S. Thomæ Aquinatis tempora ſcribentem, luculenter adeo ac ſubtiliter in ſcholæſtico pulvere verſatum. Quod demum attinet ad Sacrarum Scripturarum explanationem & uſum, ſingulari ac plane divino munere ſe in iis cælitus inſpiratum teſtatur in Præfatione ad hos libros, eoſque legenti, quam vere id de ſe affirmaverit, apparebit. Quare de eximio ejus opere affirmari poſſe crediderim, quod olim Photius Conſtantinopolitanus in Bibliotheca num. 140. ad Fratrem ſuum Tharaſium ſcripſit de Magni Athanaſii ſermonibus adverſus Arianos: *Hujus diſctio ubique perſpicua, & brevis, & ſimplex. Acutus tamen, vehemens, ac profundus, & argumenta valide torquens, & in his tanta ubertas, ut ſit admodum ſane mirabilis. Dialecticis ad hæc uſus eſt argumentis, non illis tenuiter & juveniliter propoſitis, verum Philoſophorum more magnificeque prolatis. Sacræ quoque Scripturæ teſtimoniis, ac demonſtrationibus valide communitur; atque ut uno verbo abſolvam, ſolus hic liber ad Arianiſmum (Manichæiſmum) univerſum reſellendum ſufficere queat.*

Erunt fortasſe delicatiores nonnulli, ac moroſi, quorum palato ſimplex, incul-tus, & paullo rudior MONETÆ ſtilus non ſapiat. At quo Seculo ille ſcripſerit animadvertant velim, ac de MONETA repositum putent, quod olim Cicero de Catone dixit in Bruto cap. 4. *Antiquior eſt hujus ſermo, & quedam habet horridiora verba; ita enim tunc loquebantur. Id muta, quod tum ille non potuit, & adde numeros, & aptior ſit oratio, ipſa verba compone jam neminem antepones Catoni.* Sane qui Veterum Patrum Opera evolvere inſtituit, res ipſas appendat necesse eſt, non verba. Bonorum ingeniorum (inquit Auguſtinus lib. i. de Doctr. Chriſt. cap. ii.) *inſignis eſt indoles in verbis verum amare, non verba. Quid enim prodeſt clavis aurea, ſi aperire quod volumus non poteſt, aut quid obeſt lignea, ſi hoc poteſt; quando nihil quaerimus, niſi patere, quod clauſum eſt?*

Quamquam & ipſa ſcribendi ſimplicitas velut certa ſanctiſſimæ antiquitatis nota, ut antiquis Numiſmatibus ærugo, venuſtatem quamdam ac pretium operibus addit penes æquos eorum æſtimatores, unde præclare Annalium Eccleſiaſticorum Patrens Baronius ad A. 356. *Sicut effoſſum, inquit, informe aurum & rude co carius eſſe ſolet, quod nihil videatur alterius metalli habere commixtum: ita egregia Monumenta ſua ipſius vetuſtate atque ſimplicitate micantia, quibus res potius quam verba in pretio eſſe ſolent, gratiora plane erunt, atque jucundiora quovis ſcripto recentioris auctoris, quibuſcumque eloquentiæ phaleris exornato. Quidquid enim obducitur fuco atque pigmentis ſuſpectum redditur, pulchriorque eniteſcit ipſa ſua puritate ſimplicitas, quæ quod mentiri neſciat, omne quamvis ad ornatum compoſitum velamentum abhorret.*

Sed & alia ſubit humilioris illius ſcriptionis cauſa, quam vel ipſe MONETA ſubin-

subindicavit lib. 1. cap. 1. §. 4. Ei quippe cum Hæreticis res erat , qui se se in rude vulgus sermone quodam ad simplicitatem composito facile subdoleque intinuarent , quare infimo ac populari veluti stilo detegendi erant , ac refellendi. *Ne mireris*, inquit, *o Lector istum modum procedendi contra eum*, scilicet Manichæum , *oportet enim ut jam dixi verbis simplicibus ac minus artificialibus uti &c.* Idem sane consilium fuit Augustino adversus ejusdem furfuris homines, veteres nimirum Manichæos disputanti, ut idem de seipso testatur lib. 1. de *Genesi contra Manich.* in principio his verbis. *Si eligerent Manichæi, quos deciperent, eligeremus & nos verba, quibus eis responderemus; Cum vero illi & doctos litteris & indoctos errore suo persequantur, & cum promittunt veritatem a veritate conentur avertere, non ornato politoque sermone, sed rebus manifestis convincenda est vanitas eorum. Placuit enim mihi quorundam vere Christianorum sententia, qui cum sint eruditi liberalibus litteris, tamen alios libros nostros quos adversus Manichæos edidimus cum legissent, viderunt eos ab imperitioribus aut vix aut difficile intelligi, & me benevolentissime monuerunt, ut communem loquendi consuetudinem non desererem, si errores illos tam perniciosos ab animis etiam imperitorum expellere cogitarem.*

Atque hæc de Operis pretio, utilitate, atque editionis consilio, Jam vero, quid ab aliis tentatum, quid a nobis in eo recensendo atque vulgando prælitum sit, paucis aperiā. Auctoris archetypum integrum adhuc fuisse Bononiæ apud nostros ævo Leandri Alberti, hoc est circa A. MDL. idem ipse testatur. At sive alio translatum, sive surreptum sit, fatove aliquo interciderit autographum, certe illud desideratur. Exstat quidem apographum in folio parvo membranaceo scriptum Seculo, ut videtur, XIV. jam inclinante, quo in hac editione adornanda præcipue usus: Servatur & simile Neapoli in Bibliotheca S. Dominici, cujus exemplar opera Cl. V. Dominici Gravinæ Ordinis Prædicator. Vicarii olim Generalis descriptum, Eminentissimi Cardinalis Gotti beneficio ad nos pervenit, & maximo ad ejusdem Operis recensionem adjumento fuit. Utrumque laudatum Codicem diligenter contulimus ad alium Bibliothecæ Vaticanæ in folio parvo Membranaceo MS. ut videtur seculo XIV., ac recensitum sub num. 421. qui jam pertinebat ad Bibliothecam Christinae Suecorum Reginae, atque ad eam pervenerat ex Conventu Narbonensi FF. Prædicatorum; Sic enim legitur pag. 1. ejusdem Cod. = *Ista summa est FF. Prædicatorum Narbonen.* = Est autem inscriptus = *Summa F. Monetæ Ordin. Prædicat. contra Catharos, & Pauperes de Lugduno* = Extat & alius in SS. Johannis & Pauli Venetiis, atque alterius a se visi Viconii apud Præmonstratenses ad Valencenas meminit Alva apud Echard Tom. 1. Script. Ord. Præd. denique ejusdem Operis insigne & antiquissimum exemplar vidit & laudat idem Echard in Regia Parisiensi, quod ætatem præ se fert Auctoris.

Porro Cl. Jacobus Gretserus cum ejusmodi Codicem perantiquum nactus esset in Bibliotheca S. Emerani apud Ratisbonenses, Operis pretium utilitatemque reputans, post Scriptores contra Valdenses a se jam vulgatos publici juris facere non semel pollicitus fuerat: At P. Ferdinando Crendellio ejus studiorum adjutore, qui MONETAM exscripserat, e vivis sublato, datam fidem liberare non potuit.

Laudatus vero Gravina circa A. MDCXXX. descripto Codici manus admoverat, adjectisque nonnullis ad primum Librum scholiis fila aliqua ad hanc telam submittere coeperat, sed vel aliis studiis & negotiis abductus, vel morte præventus, ex Opere vix attacto manum summovit. Hanc tamen ei gratiam debemus, quod opus aliena oblivione atque incuria tineis blattisque damnatum primus e forulis extrudere nifus sit, ac zelo & industria sua voluntati ac diligentiae nostræ præluserit. Ejus ope Bononiensem Codicem non satis emendatum ad Neapolitanum, utrumque vero ad Vaticanum (quos semper ita appellabimus) summa fide contulimus, atque alterutrius lacunas supplevimus, loca restituimus, variasque lectiones conciliavimus. De Cl. Viri adnotationibus, cum pauca illæ quidem ad solum primum Caput Libri primi, sed prolixæ admodum essent instar Commentarii scholastici, non magnopere solliciti fuimus, earumque plures omisimus, paucas vero in breviorē formam contractas suis locis subjecimus. Quæ autem nostro studio, & labore adjectæ sunt, aliæ loca indicat Veterum Patrum, cum quibus mirifice

MONETA consentit : Aliæ Catharorum & Valdensium cum Veteribus & Recentioribus Hæreticis collationem instituunt . Quæ quidem etsi Viris eruditioribus , ac longo Patrum , & Controversiarum studio subactis minus necessariæ videri possint , iis tamen qui hæc studia minus assecuti fuerint nec inutiles erunt , nec injucundæ . In iis autem colligendis cum operam ac diligentiam suam nobis humanissime contulerit eruditus P. Lector F. Thomas Mamachius Ordinis nostri , quantum ei debeamus hac publica significatione ingenue profiteamur . Operi universo præulimus Auctoris Vita , ac duplici dissertatione , qua Catharorum , & Valdensium Historiam bono in lumine collocavimus . Utinam conatus noster ad Theologorum studia promovenda , illustrandam atque asserendam Catholicam fidem aliquid conferat ; Nec enim alium qualiscumque hujusce laboris fructum quærimus , aut speramus .



DE VITA ET SCRIPTIS

VENERABILIS PATRIS

MONETÆ

CREMONENSIS

ORDINIS PRÆDICATORUM.



EN. MONETA Cremonam Infubrium seu Cenomanorum antiquam Civitatem illustriam omni ævo Virorum feracissimam Patriam sortitus est : qua vero familia ortum duxerit incertum plane & obscurum ; Nulla enim ejus gentis reliqua sunt apud Cremonenses Monumenta, quamquam ejusdem nominis familia honesta illa quidem ac liberalis exstet Mediolani, illuc fortasse ex Cremonensi deducta. Antonius Senensis in Chron. ad A. MCCXXX. MONETAM nostrum aliis Simonetam fuisse perhibet, quod cum aliorum perinde Scriptorum calculo firmatum

non videam asserere non ausim. Ut ut de genere sit, quod sane honestum ex ipsa MONETÆ institutione conjici potest, magno illum ingenio præditum, & ad præclaras disciplinas omnes egregie formatum inde constat, quod ad tradendam Philosophiam in celeberrima Bononiensi Academia publico censu & suffragio sit evocatus. Quo in munere brevi adeo excelluit, ut inter omnes illius ævi inter Italiam Philosophos celeberrimus haberetur. At vir secularibus ac profanis literis deditus, divinorum ferme incuriosus, æternæque salutis non admodum memor ac sollicitus vivebat.

Bononiam circa An. MCCXVIII. Roma concesserat Vir Apostolicus B. Reginaldus ex Aurelianensis Ecclesiæ Decano S. P. Dominici in Ordine Prædicatorum recens instituto sodalis ac Filius, qui nervosas adeo ferventesque in ea Civitate Conciones habebat, ut non populares modo in viam justitiæ & pietatis, sed summos omnium ordinum Viros ad amplectendum Religiosæ Vitæ institutum adduceret. Quod secum aliquando reputans MONETA, atque subdubitans, ne ipse quoque Sancti viri eloquentia caperetur, ab ejus concionibus veluti a contagione quadam ita abhorrebat, ut ab iis plerisque notos & amicos cumprimis vero discipulos suos omni nisu distraheret, atque arceret.

Contigit porro, ut sacra Stephani Protomartyris die importunis usque precibus a discipulis rogaretur, ut Virum Dei concionantem vel semel audiret ; quibus cum ne illiberaliter ageret, id se denique facturum spondit, mox ut sacris interfuisset. Adeunt una simul S. Proculi templum, ubi post unam & alteram tertiam usque Missam excipiunt, & moras de industria neccentem MONETAM promissis urgent, ac ferme reluctantem ad majorem trahunt Ecclesiam, ubi ad Templi fores, præ circumfusa Reginaldo multitudine, eum audire coacti sunt. Primis fervidi Oratoris verbis, tanquam repentini fulminis ictu MONETA concussus ac prostratus est : Hujusmodi autem ea fuisse perhibentur. *Ecce video Cælos apertos : Ecce in præsentia aperti sunt Cæli introire volentibus. Væ miseris, qui Deo claudunt cor suum. Veniet hora quando Regnum Cælorum eis claudetur, & introire volent, nec poterunt.* Vix absoluta concione animo medullitus compunctus,

ctus, sanctoque Numine afflatus, ad Reginaldi pedes non sine uberrimis lacrymis provolutus MONETA, vitæ atque instituti sui rationem aperit, ac Prædicatorum Ordini se se nomen daturum vovet, mox ut familiaribus rebus ac gravioribus quibusdam negotiis provisum jerit. Recepta a Viro Dei benedictione & venia annum integrum solo corpore non vero animo in seculo egit, & qui alios a Reginaldi concionibus jampridem averterat, modo plures ad eum audiendum, atque in eundem Prædicatorum institutum, exemplo atque hortationibus suis adduxit. Anno tandem elapso hoc est circa An. MCCXX. ut recte conjicit Cl. Echard sacra Prædicatorum Familiæ adscriptus est.

Dici vix potest quanta in novæ Vitæ instituto confestim sanctitate profecerit, & doctrinæ celebritate claruerit. Qua die sanctæ conversationis insignia accepit, sanctissimi Præformatoris sui zelum æmulatus, bellum Hæreticis indixit tam acre, ut neque voci, neque calamo, neque laboribus, neque periculis unquam pepercerit, ut eos qua scribendo, qua disputando urgeret identidem, ac vehementer exagitaret. Caussarum Fidei censor Mediolani constitutus (uti scribit Taegius in Monumentis Ordinis apud Fontanam par. 1. cap. 2.) tanquam leo rugiens contra Catharos & Valdenses late per Insubriam effusos insurrexit zelo adeo vehementi, animoque ita impavido & inconcusso, ut nemini parcendo etiam in Nobiliores hæretica lue infectos animadverteret. Eminebat inter illos Peraldus quidam opibus & potentia, sed vafritie magis insignis, qui apostolicum MONETÆ zelum reformidans, eum quærebat ad necem, insidias moliente altero Hæretico, qui pretio conductus vitam se illi ademturum spononderat. Quo MONETÆ nuntiato, irruit spiritus Domini super eum, & assumpto Crucifixo, parva stipatus Catholicorum manu, Peraldum cum Sicario captum vinxit in carcere, & utrumque intentati sceleris convictum seculari foro adjudicavit, a quo vivicomburio damnati sunt maximo Hæreticis universis injecto terrore.

Quo anno & tempore illi muneri admotus sit, & quamdiu illud exercuerit, altum ferme apud Scriptores Ordinis silentium est. Laudatus vero Taegius, MONETAM ab ipso S. Patre Dominico eo in munere per Insubriam Vicarium suum constitutum tradit; quo sane efficeretur eum prævisse B. Gualæ Brixienti, qui ab An. MCCXXII. ad Annum MCCXXV., quo ad Episcopatum Brixientem assumptus est, Fidei quæsitorem egit apud Mediolanenses.

Illud paulo exploratius videtur, quod scribunt Cavitellus in Annalibus Cremonen. Pellegrinus Merula in Chron. Antonius Campi Crem. Fid. lib. 2. MONETAM cum B. Rolando Concive suo circa An. MCCXXXVIII. Cremonam venisse, ut nascentem Ordinem in patriam urbem inveherent, ibique prima Prædicatorum Coenobii ad S. Guillelmum fundamenta jacerent. Mantuani etiam Monasterii ejusdem Ordinis erigendi auctor fuit An. MCCXXXIII., exstantque hujus rei documenta in S. Dominici Archivo ejusdem Civitatis. Quod vero scribit Cavitellus auctore MONETA institutum primum Ordinis Coenobium in Calabria circa An. MCCLX., id mihi non satis firmum videtur, cum ad eum usque annum vixisse MONETAM difficile credam: vel si ad ea usque tempora dies protraxerit, eum jam senio confectum, atque luminibus captum, tanto operi moliendo parem fuisse minus verisimile sit.

Primum etiam ex Prædicatorum Familia, qui Parisiis publice Theologiam professus fuerit, MONETAM faciunt Bononiensium rerum Scriptores. At cum Rolando itidem Cremonensi confundunt, cui certius quam MONETÆ id munus contigisse testantur universi Scriptores Ordinis ex B. Humberto in Vitis FF. Parte 1. cap. 5. §. 1. Ille quidem Theologiam in pluribus Langobardiæ Coenobiis atque in primis Bononiæ tanta cum laude ac nominis sui fama est interpretatus, ut ad eum visendum audiendumque multi Romani Proceres, alique literati Viri confluerent, ut tradit Leander Albertus de Viris Illustr. Ordin. Prædicatorum fol. mihi 183. col. 2.

Denique assiduitate studiorum, ac jugi lacrymarum vi, quas Vir piissimus uberrime fundebat, oculorum lumen amisit, sed vigente interiore mentis acie velut alter Didymus superna ac divina impensius contemplabatur. Diuturnam gravemque cæcitatem æquo animo ferens vir maximi consilii, severioris disciplinæ, Apostolici

stolici pectoris, ac virtutum omnium absolutum exemplar devexa jam ætate, relicta immortalis nominis fama, Bononiæ sancto fine quievit. Ferunt S. P. DOMINICUM in MONETÆ cella & lectulo ejusdemque vestimentis indutum, cum propria quæ mutaret non haberet, diem clausisse supremum, eumque uti amantissimum Filium sui plane simillimum plurimum dilexisse.

Mortis ejus annum Bononienſes Scriptores ſtatuunt MCCXXXV. At illius Summam luſtranti eum ſcripſiſſe apparet poſt An. MCCXL. Id enim colligitur ex Lib. 3. cap. 3. §. 2. & lib. 5. cap. 1. §. iv. Igitur cum eo Opere abſoluto diuturna cæcitate laboraverit, Vitam ad medium uſque ſeculi XIII. produxiſſe veriſimile eſt.

Præter laudatam adverſus Catharos & Valdenſes Summam, ſcripſiſſe fertur Commentaria in Ariſtotelis Logicam: Aliam quoque Summam Caſuum, ut vocant, Conſcientiæ ei tribuit Leander Albertus in Deſcript. Ital. fol. mihi 630. Doctiſſimi ac piſſimi Viri præconia celebrarunt plurimi cum domeſtici tum exotici Scriptores, quorum teſtimonia & judicia nonnulla ſubjicimus.

ILLUSTRIUM VIRORUM DE VENERABILI MONETA

Ejusque Scriptis teſtimonia.

I.

*Ex Tractatu Ven. P. F. STEPHANI DE SALANACHO Ordinis Prædicatorum
apud Taegium in Chron. Minore, quod extat MS. in Bibliotheca
Sanctæ Mariæ Gratiarum Mediolani.*

„ FR. MONETA natione Lombardus contra machinationes Hæreticorum magnam & validiſſimam Summam fecit. In hujus lecto decubuit B. DOMINICUS, quando ad Deum migravit, quia ipſe lectum non habebat, & in ejus
„ Tunica, quia Beatus Pater cum qua mutaret aliam, præter eam quam diu portaverat, non habebat; ut ab ipſo Fr. MONETA narrante audivi.

II.

*Ex brevi Chronico Magiſtrorum Generalium Ordinis Prædicatorum,
quod eſt ad calcem Conſtitutionum ejusdem Ordinis.*

„ Magiſter quoque MONETA Religionem intravit ſamoſiſſimus in toto Orbe terrarum, qui Summam Theologicam contra Hæreticos compilavit.

III.

*Ex Lib. IV. de Vitis Fratrum, qui circumfertur ſub nomine B. HUMBERTI
DE ROMANIS V. Magiſtri Generalis Ordinis Prædicatorum.*

„ Fr. MONETA ingreſſus Ordinem, qualiter in omni Sanctitate fuerit,
„ quantum in Verbo & Doctrina & Hæreſum confutatione profecerit, nec de
„ ſacili ſcribi poſſit.

IV.

*Ex GUALVANEI FLAMMÆ in Chronico MS. ſervato in Bibliotheca
Caſanatenſi §. 26.*

„ Eodem Anno Sal. MCCXIX. Magiſter MONETA, qui erat ſuper omnes Magiſtros Mundi ſamoſiſſimus, ſimiliter intravit in Ordinem.

V.

Ex S. ANTONINO III. Parte Hist. Tit. 23. cap. 6. §. 2.

- „ Fr. Reginaldus quum Bononiæ ferventer prædicaret fere totam Civitatem salutari
 „ commotione commovit , multosque ad Ordinem traxit , & inter cæteros Fr. Mo-
 „ NETAM , vel Simonetam , qui in Artibus legens famosus habebatur Ipse
 „ Ordinem ingressus doctrina sua multos convertit .

V I.

Ex ANTONIO SENENSI in Chron. ad An. MCCXXX.

- „ Fr. MONETA Cremonensis , qui tunc in Artibus legens Bononiæ per totam Lom-
 „ bardiam famosissimus erat , cum fuit a B. Reginaldo susceptus ad Ordinem , vir
 „ fuit ingenio excellens , doctrinæ fama percelebris , non solum in seculari , sed in
 „ Philosophia divina . Scripsit autem Summam quamdam perutilem ad Fidei Ca-
 „ tholicæ defensionem , & Hæreticæ pravitatis extirpationem contra Hæreticos
 „ Catharos , & alios quæ Neapoli habetur MS. in Conventu S. DOMINICI,
 „ & etiam Bononiæ , & dicitur Summa MONETA . Totam quoque Logicam di-
 „ lucide tradidit pro minus eruditis . Claruit An. MCCXXV.

V I I.

LEANDER ALBERTUS Lib. V. Histor. in Moneta .

- „ Ea die qua (Fr. MONETA) Ordinem Prædicat. ingressus est , bellum Hære-
 „ ticus indixit tam acre , ut nunquam jam fessus fuerit , quin eos acriter urgendo
 „ expugnaret . Contra quos , & præcipue Catharos & Valdenses , volumen maxi-
 „ mum confecit , quod Summa MONETÆ Cremonensis vocatur contra Hæreticos,
 „ cujus archetypus adhuc in nostra Bibliotheca cernitur , quo Viri peritiam &
 „ eruditionem facile quisquis intueri potest . Fuit hic Vir venerandus , magni con-
 „ filii , Fidei pugil egregius , maximis fulgens miraculis . Antequam sacris in Or-
 „ dine nostro initiaretur magnus extitit Philosophus , postea maximus Theologus.

V I I I.

ANTONIUS FLAMINIUS lib. 3. Vitæ S. Dominici .

- „ Ipse vero MONETA quantus Vir doctrina & sanctitate extiterit , non facile dici
 „ potest . Inter cetera , quæ illustrem illum fecere , adversus Hæreticos bellator
 „ fuit acerrimus , in quos etiam Librum , qui extat , ingeniosissimum scripsit . Tan-
 „ tum autem Beatus illum DOMINICUS dilexit , ut demum in ejus cubiculo &
 „ lectulo agrotare , & vita excedere voluerit .

I X.

MALVENDA in Annalibus Ordin. Præd. ad An. MCCXX. cap. 4.

- „ Pullulasse , & excrevisse per hæc tempora in Lombardia prava germina Valdensium,
 „ Catharorum , novorumque Manichæorum , adversus quos aciem Catholicam con-
 „ scripto egregio Commentario MONETA duxerit , abunde nimis exploratum ha-
 „ betur Fuitque magnus hic Vir inter Ecclesiasticos etiam Scriptores ce-
 „ lebris .

X.

AMBROSIUS ALTAMURA in Bibliotheca Ordin. Prædicatorum Centuria I.
 ad A. MCCXXII.

- „ B. MONETA Cremonensis Vir in tota Italia imo & Orbe notissimus , secularis
 „ legerat Bononiæ publice Artes , deinde nostris illum divina gratia efficaciter
 „ commovente adscriptus , Sanctitate conspicuus , brevi evasit , Sacra Doctrina
 „ po-

VEN. P. MONETÆ CREMON. ORD. PRÆD. XI
 „ politissimus, egregius Fidei Pugil, ac maximis fulsit miraculis. Edidit contra
 „ Catharos & Valdenses Volumen maximum, quod Summa MONETÆ Cremon-
 „ nensis vocatur contra Hæreticos.

X I.

JACOBUS GRETSERUS *Societatis Jesu in Prolegomenis ad Scriptores
 contra Sectam Valdensium cap. 9.*

- „ Habeo in Bibliotheca S. Emerani apud Ratisbonenses F. MONETÆ Cremonensis;
 „ cujus meminit Antonius Senensis in sua Bibliotheca, Volumen grande contra
 „ Valdenses in quinque Libros distinctum, quod cum his jam foras extruxissem,
 „ nisi Operis prolixitas & magnitudo me absterruisset; sed alia dabitur, ut spe-
 „ ro, Auctoris hujus e tenebris in lucem vindicandi occasio.

*Idem ad calcem Libri F. REINERI SACCHONI Ordinis Præd. contra Valdenses
 editi Tom. XXV. Bibliothecæ Patrum.*

- „ Absurdissimos errores, quos hic catalogus continet, Reinerusque in suo Opusculo
 „ commemorat; copiosissime refellit F. MONETA in Libro suo contra Valdenses
 „ quem nunc ex membranis minutissimo & vix nisi lynceis oculis visibili chara-
 „ ctere exaratis exscribendum curavimus, nec publico invidemus, si otium rele-
 „ gendi & recognoscendi obtingat.

X I I.

PHILIPPUS LABBÆUS *Societatis Jesu in nova Bibliotheca MSS.
 Parte I. Pagina 27.*

- „ F. MONETI Ord. Præd. contra Pauperes de Lugduno ex MS. Cod. Petaviano.
 „ in Naudeano inscribitur Summa contra Catharos & Valdenses compilata a Fra-
 „ tre MONETA Ord. Præd. ad Fidei Catholicæ corroborationem, & extirpationem
 „ hæreticæ pravitatis. *Idem supplem. X. pag. 369.* Summa F. MONETÆ,
 „ qui vivebat A. MCCXXV. fueratque in Seculo Professor Artium Bononiæ,
 „ antequam Ordini Prædicatorum se manciparet.

X I I I.

CASIMIRUS OUDIN. *Comment. de Scriptoribus Ecclesiasticis Sec. XIII.
 ad Annum MCCXX.*

- „ MONETA Cremonensis ex Ordine FF. Prædicator. hoc cognomine magis quam
 „ nomine notus, quem paullo serius collocaram ad A. MCCXL. in Supplemen-
 „ to de Script. Eccles. pag. 502., floruit ab An. MCCXX. velut Dominico Or-
 „ din. FF. Præd. synchronus, atque ex primis ejusdem discipulis, ut Ambrosius
 „ de Altamura asserit. Hic in seculo Professor Artium Bononiæ nascenti horum
 „ FF. Præd. Ordini nomen dedit, illudque posteritati futuræ commisit, scriben-
 „ do utilem Hæresibus eradicandis Summam adversus Catharos Hæreticos, & alios,
 „ quæ MS. extare dicitur tum Neapoli tum Bononiæ in Coenobiis ejusdem Ordin.

X I V.

FRANCISCUS ARISIUS *J.C. atque Historicus Cremonensis Tom. I.
 Cremonæ literatæ ad An. MCCXXII.*

- „ MONETA a Cremona Prædicatorum Instituti celeberrimi nitidissimum sydus fuit
 „ Apud Mediolanenses Inquisitoris munus exercuit, fuitque legum peritissimus &c.
 Præter laudatos Scriptores, MONETÆ meminerunt Cavitellus in Annalibus Cre-
 monen. ad An. MCCXXXI. Sigonius de Episcopis Bononiensibus lib. 2. ad
 Annum MCCXXXV. Ghirardaccius Hist. Bononien. parte 1. lib. 5. ad
 An. MCCXXXV. Alidosius in libro cui titulus = *Li Dottori Forastieri*,

XII DE VITA ET SCRIP. VEN. P. MON. CREM. ORD. PRÆD.

che in Bologna hanno letto = *Falleonius* Monum. Histor. Eccl. Bononien. lib. 2. *Pessavinus* in Apparatu Sacro Tom. II. p. 451. *Theophilus Spizelius* in Specimine Bibliothecæ Universalis. *Dupinius* in Tabula Chronologica Secul. XIII. *Cangius* in Elencho Scriptorum ad Glossarium mediæ & infimæ latinitatis. *Morerius* in Dictionario Historico. *Jacobus Echard* in Scriptoribus Ord. Præd. Tom. I. *Josephus Bressianus Historicus Cremonen.* in Libro cui titulus = *Corona d'Uomini, e Donne Cremonesi in Santità, Prelature, e Virtudi insigni* = *Alexander Macchiavellus* J. U. D. Publicus Bononiæ Legum Professor in Kalendario honorifico perpetuo Archigymnasii Bononiensi ad diem 2. Octobris, atque in Notationibus ad Rhythmum votivum Galvanei Braggiæ, aliisque plures.



DISSERTATIO PRIMA

HISTORICA

DE CATHARIS.

CAPUT I.

De Catharorum etymo, & origine.

I.



ANICHÆORUM hæreseos, quæ tertio Ecclesiæ Seculo Cathari Manichæorum soboles. ex impuris Ethnicorum ac Gnosticorum lacunis Manete Persa antesignano emergens, diu lateque pervagata est, sobolem ac propaginem fuisse Catharos seu novos XII. & XIII. seculi Manichæos nemo dubitabit, qui utriusque Sectæ dogmata, mores, & disciplinam diligenter contulerit: nisi quod hi novis adjectis erroribus parentes ac præformatores suos nequitia & blasphemis longe superarunt. Unde illis Catharorum nomen injectum dictu difficile est. Gretserus in Prolegomenis ad

scripta contra sectam Valdensium illud nomen deducit a Germanica voce *Kazer* T. mutato in Z. more Germanis solemni, unde conjectat Catharos eosdem esse qui Chazari appellati sunt. Henschenius vero in notis ad Vitam S. Galdini Archiep. Mediolan. ad diem 18. Aprilis sic dictos putat a voce Germanica *Caters* idest feles ac Lemures ob nocturnas coitiones. At hæ conjecturæ sunt. Si quid tamen in re obscura affirmare liceat, crediderim ipsos se se *Katharēs* idest puros appellasse, ut Veteres Novatiani, qui ut ait Prosper Aquitanus in *Chron. & Isidorus l. 8. orig. atque ex ipso Ebrardus Lib. 1. contr. Vald.* propter munditiam ita se nominaverunt: Hæreticis enim ab omni avo solemne fuit speciosis titulis se suosque coetus insignire, unde Valentinianos falsi nominis Gnosticos idest sapientes appellat Irenæus lib. 1. c. 24. quod scientia omnigena se præ cunctis mortalibus præditos jactitarent, ut ait Clemens *Alex. l. 5. Pædagog. c. 6.*, & Manichæis jugiter exprobat *Aug. l. de Hær. c. 46. & l. 19. c. Faustum c. 22.* quod Manetis nomen, ut apud Græcos significatio insanæ vitaretur, geminata littera *n* Manichæum, quasi Manna fundentem appellarint; quin & electos seu perfectos societatis suæ non solum Catharos, hoc est puros, sed Catharistas, hoc est purificatores vocarent: qua philautia, ne dicam impudentia, laborant quoque nostri temporis Hæretici, qui se Reformatos, Evangelicos, Puritanos summo fastu appellare non erubescunt. In ea me sententia confirmat Rogerius Hovedenus qui in Annalibus Anglicis ad A. MCLXXVI. Hæreticos describens circa Tolosam grassantes, quos certe novos Manichæos fuisse constat: *Erant, inquit, in Provincia Tolosana quidam Hæretici, qui se appellari faciebant bonos homines:* quæ sane vox Catharorum appellationi synonyma est.

Catharorum nomen unde profectum.

Hæretici speciosa nomina affectant.

II. Quo vero auctore, & tempore, Europæ ferme universæ virus suum afflare coeperint incertum est. *Auctorem* (inquit Bern. serm. 66. in Cant. de Hæresibus sui temporis, quæ Manichæismi portio fuere) *neminem dabunt, neque enim per homines illas exceperunt, sed per immisionem & fraudem Dæmoniorum in hypocrisi loquentium mendacium.* Mihi vero rem altius repetenti prorsus videtur novam hanc Manichæorum sectam a priscis usque Manichæis, occulta quidem, sed vix aut nunquam interrupta successione traductam fuisse. Nam etsi Catholicorum Principum legibus, sacrorum Antistitum vigilantia & doctrina vetus illa Manichæorum pestis extincta penitus ac deleta videretur, latuit tamen velut scintilla in cineribus suis, in Ecclesiæ perniciem mox eruptura, ut recte affirmare possis nullo Ecclesiæ Seculo desisse, sed palam semper aut latenter viguisse Sectarum omnium fecundissimam atque exitiosissimam.

Catharorum auctor.

Manichæismi propagatio perpetua.

Manichæi in Africa
saeculo IV.

III. Ex natali Asia solo pulsa in Africam concessit Sec. IV., unde in ejus luto vel ipse Augustinus ingeniorum Aquila annis novem miserrime hælit, ut de seipso testatus l. 2. contra Faustum c. 19. & l. 4. Conf. c. 1. Vastata vero per Genfericum Africa, & Catholicis alio pulsis, eorum fortunam secuti sunt Manichæi, quorum ingens numerus Lybicus oris incubabat, & ipsi Genferico minus probati. Quare per Catholicorum urbes mentita Religione, ut iis solemne erat, distributi, Romam ipsam Fidei arcem invasere. At vero nefariæ & clanculariæ gentis impietatem exploratam habens Magnus Leo P. eam e latibulis suis extrusit, ac Roma deturbavit A.C. 444. ut ipse scribit in Epistola ad Episcopos per Italiam constitutos: Extant etiam rei gestæ acta in ejusdem S. Pontificis Sermone 40. qui est 4. Quadragesimæ cap. 5.

Manichæismus
Romæ Saeculo V.
& VI.

IV. Eodem Saeculo inclinante Romæ iterum emerferunt Manichæi A. C. 496. sub Gelasio P. a quo exilio mulctati, eorum vero codices igne deleti sunt. Idem paucis post annis præstitit Symmacus P. pari zelo, & severitate in illos Romæ detectos animadvertens A. DIII. Hormisdas quoque clam insidiantes vigilantia sua prodidit, & flagellis cæsos Roma exturbavit A. DXXIII.

Idem in Oriente,
ac rursus in Africa.

V. Sed qui in Urbe inventi Apostolica censura coerciti sunt, in remotas Orientis plagas migrandi consilium iniere. Eos vero cognitos Justinus Imperator Catholica Fidei studiosissimus, plurimis eorum extremo supplicio damnatis, penitus profligavit. Quin & Cabades Persarum Rex per eadem tempora eos exagitavit trucidatis omnibus quotquot intra ejus regni fines sese receperant, ut refert ex Cedreno Baronius ad A. DXXIII.

VI. Circa A. D XCII. Ecclesiam Africanam non minus Donatistarum schismate quam Manichæismo laborasse, testis est Gregorius M. lib. 2. Epist. 25. quæ est ad Johantem Episcopum Scyllacenum Indict. x.

Manichæi in Armenia
Saeculo VII.

VII. Sequenti Saeculo circa A. DCLIII. eadem Manichæorum Secta in Armenia restitui cœpit, novam appellationem ac reformationem fortita a Paulo quodam Samosatæ oppido Syriæ orto, a quo Paulicianorum Hæresis, quæ Manichæorum infanæ pars fuit, quarundam blasphemiarum accessione cumulator, de qua fuse Cedrenus in *Compend. Histor.*, Euthymius in *Panopl. Tit.* 21. & Petrus Sculus in *Comment. ad Archiep. Bulgariæ*, quem latine reddidit Cl. Sirmondus. Adhuc sub Justiniano Imperator hoc est A. DCLXXXV. Manichæi in Armenia reperti sunt, quos idem Imperator acriter insecutus est, & flammis adjudicavit.

Manichæi ibidem
Sec. VIII.

VIII. Ex Armeniæ Civitatibus ejecti, ad montes confugerunt: quos ibi degentes A. DCCXXII. Leo Isauricus Imperator persecutus est, quanquam nec omnes delere potuerit; Nam velut immanis Hydra avulsis capitibus convalescere videbantur in sobole, atque ex cladibus ipsis audaciores ac foecundiores resurgere.

Manichæi Pauliciani in Oriente
restituti Sec. IX.

IX. Sub Nicephoro Imperat. qui, ut habet Cedrenus in *Compend. pag.* 379. edit. Venet. impense favit Manichæis, Sergius Paulicianorum Hæresim restituit; quare per Phrygiam & Licaoniam constituti, atque in omnem licentiam effusi, Manichæismi lue multos contaminarunt circa A. 810. Michael vero Imp. qui Nicephoro post annum sequentem successit, reddita Ecclesiæ pace Paulicianos, qui & Attingani dicti sunt, lege capitis adversus eos lata, ex Orientis Provinciis exulare coegit.

Ibidem a Basilio
Imp. deleti.

X. Sed & Theodora Imp. A. DCCCXLV. idem cœpit de Manichæis extirpandis consilium; Nam Bulgarica Gente ad Christi fidem conversa, validissimum exercitum adversus Paulicianos late per Orientem effusos, Leone Argyro & Andronico ductoribus, movit, qua una expeditione centum Paulicianorum millia deleta sunt, cæteris in fugam actis, ac publicatis eorum bonis. Sed ad eas Manichæorum reliquias tanta sensim in Armenia multitudo confluit ac brevi ad eam potentiam crevit, ut tres ibi munitissimas urbes e fundamentis excitaverint, e quibus identidem erumpentes, Romani Imperii fines excursionibus ac populationibus diu vexarunt, donec Basilius Imp. A. DCCCLXXXVI. eos sub Theophrices Paulicianorum Civitatis Principe Chrysochire militantes bello fudit atque delevit.

Manichæismus in
Bulgaria Saeculo X.

XI. Denique Saeculo X. ex Armenia in Bulgariam translatum esse Manichæismum facile suspicor: Tum quod Saeculo IX. id jam tentatum fuisse scribit Petrus Sculus in suo Commentario adversus Paulicianos: Tum quod in ea Provincia firmas adeo profundasque radices egerunt, ut inde in alias Europæ Provincias latissime propagati sint, ut mox videbimus.

C A P U T II.

Catharorum per Europam diffusio .

I. **M**anichæorum pestis, quæ jam Bulgaros inceserat , primum in Galliam facile transvolavit . Nam, ut refert Petrus de Marca in Historia Bearniensi, Galli Hierusalem potiti cum Tracibus & Bulgaris commercium iniere, haustoque ex eorum consuetudine Manichæismi quod hi jam ebiberant veneno , illud in Galliam derivarunt . Inde vero Petrobusiani, Henriciani, Apostolici , ac demum Albigenſes vel iidem prorsus qui Cathari , vel eorum affines atque cognati , quos propterea Scriptores nonnulli, atque in primis Chronici Altifiodorensis Auctor , Bulgarorum nomine aliquando designarunt .

Manichæismus in Galliam invec-tus
Sec. XI.

II. Prima exitialis sectæ germina sub initium seculi XI. jam prodierant Roberto Hugonis Capeti Filio in Galliis regnante . Nam in urbe Aurelianensi circa A. MXXVII. vel ut aliis placet MXXII. Manichæorum errores Stephanus quidam & Lisojus præfata urbis Presbyteri cum aliis Clericis professi sunt : sed ad Synodum Aurelianensem delati poenam ignis luerunt, cujus rei Historiam literis consignarunt Gaber Rodolphus lib. 3. Hist. c. 8. & Chron. S. Petri Vivi Senonen. edit. Spicilegii Dacheriani Tom. II. Ademarus Monachus qui per ea tempora vivebat ejusdem furfuris Hæreticos inventos esse apud Tolosam, & flammis damnatos scribit in Chron. apud Labbæum Tom. 2. Biblioth. pag. 180. quin & in Aquitania eodem tempore Manichæos erupisse colligit Baronius ex fragmento Historiæ Aquitanicæ editæ a Petro Pithono Tom. II. Habitum est contra hos Hæreticos Concilium Tolosanum, de quo agam hujus Dissertationis cap. ultimo .

Cathari Aureli-
anens ; To-osa-
tes , & Aquitani
Sec. XI.

III. In Belgium quoque per ea tempora penetrasse Catharos accepimus ex Synodo Atrebatensi contra illos celebrata A. MXXV. quam ex Spicilegio Dacheriano laudabimus ad calcem hujus Dissertationis .

Cathari in Belgio
A. MXXV.

IV. In Germania vero circa medium seculum XI. detecti sunt ab Henrico IV. Imp. cum Goslariæ Urbis Sveviæ Natalem diem Domini celebraret . Quos, ne latius propagarentur, suspendio affecit ; ut narrat Baronius ad A. MLII.

Iidem in Germa-
nia A. MLII.

V. Sequenti Seculo Manichæis, qui postea Albigenſes in Gallia dicti sunt, præ-ludere visus est Petrus de Bruiſ, qui Provinciam primo, deinde Occitaniam, Aquitaniam aliasque Galliarum partes sub Honorio P. II. contaminavit ; quem ejus discipulus ac buccinator Henricus secutus est Anno MCXLVII. Tum Apostolici, Manichæis quoque accensendi, quos omnes zelo & scriptis suis exagitavit S. Bernardus . Eos vero eadem ferme cum Manichæis docuisse tam erudite diserteque probat Cl. Bossuetus lib. XI. Variat. Eccl. Protest. ut actum agere videar, si id ostendere in-fituum.

Manichæi in Gal-
lia Seculo XI.

Petrobusiani Hen-
riciani Apostolici
Manichæis accen-
sendi .

VI. Porro Albigenſes ab Alba Augusta sic primo appellatos in Concilio Lombariensi A. MC LXXVI. , Manichææ sectæ propagines fuisse nemo in dubium re-vocaverit, qui Capitalia utrorumque dogmata expenderit ; nec est quod pluribus id erudito Lectori persuadeam .

Albigenſes veri
Manichæi.

VII. In Angliam quoque circa eadem tempora Manichæos venisse testatur Guil-
helmus Neubrigenſis l. 2. Hist. Angl. c. 13. sic enim scribit ad A. MCLX. *In illis diebus erronei quidam venerunt in Angliam ex eorum ut creditur genere , quos vulgo publicanos vocant . Hi nimirum ex Gasconia habentes originem , regionibus pluribus virus suæ pertinaciæ infuderunt, quippe qui in latissimis Galliæ , Hispaniæ , Italiæ , Germanicæque Provinciis, tam multi ea peste infecti esse di-cuntur , ut secundum Prophetam multiplicati esse super numerum arenæ vi-deantur :* quibus sane , appellatione mutata, non alios quam Valdenses, aut novos Manichæos indicasse videtur, adversus quos celebratum est Concilium Oxoniense, de quo infra .

Cathari in Anglia.

VIII. Primum vero Catharorum nomen novis Manichæis in Germania tributum invenio apud Chronici Hirsaugiensis Auctorem, qui ad A. MCLXII. hæc habet. *Abbas Egbertus Monachus S. Florini in Sconaugia per Clerum vocatus ad Colo-niam ad disputandum contra novos Hæreticos, qui se græco vocabulo Catharos,*
idest

Cathari primo in
Germania sic ap-
pellati .

idest Mundos nuncupabant, magnam eruditionis suae gloriam reportavit, & Haereticos confutavit. De eadem Haeresi circa Coloniam Agrippinam detecta scripsit Enervinus Steinteldensis Praepositus ad S. Bernardum Epistolam, quam Tom. III. veterum Analect. edidit Cl. Mabillonius.

Cathari in Italia.
Unde Mediolanum
advenerint.

IX. Latius vero in Italia Cathari propagati sunt, sed unde illuc adreperint incertum est: Cl. Puricellus in Monum. Basilicae Ambros. numero 245. eam Haeresim tempore schismatis quod contra Alexandrum III. Fridericus Imper. improbe fovit, e Germania, ac sigillatim Colonienſi Dioceſi advenisse arbitratur: Tum quod Scriptor Vitae S. Galdini & post ipsum Gravina l. 4. Cathol. Praescript. dicant novos Catharos circa A. 1166 pullulare coepisse: Tum quod eodem tempore Dioceſim Colonienſem infectam tenuerint, inde vero Mediolanum deductos cum iis qui Raynaldum Archiepiscopum Colonienſem inſignem schismatis Federiciani fautorem in Italiam comitati sunt. At oppido hallucinatur Cl. Scriptor, constat enim ex Landulpho a S. Paulo ante A. MCXXX. eam Haeresim in Mediolanenſem Provinciam inſectam eſſe, latius vero propagatam tempore schismatis Ecclesiae Mediolanenſis. Quin etiam Manichaei germina fuiſſe errores *Gerardi Haeretici* ejusque sociorum, quos Heribertus Mediolanenſis Archiepiſcopus circa A. MXL. deprehendit graſſantes in Caſtello Montisfortis Dioceſis Taurinenſis. ſuſpicatur Cl. Muratorius To. 5. Antiquit. Italic. Diſſert. LX. idque colligi poſſe arbitratur ex Landulpho Seniore l. 2. cap. 27. Hiſtor. Mediol. Tom. 4. Rer. Italic. qui eorum dogmata literis conſignavit. Neque ſatis firmum videtur quempiam ex Raynaldi comitibus quos quingentos dumtaxat milites fuiſſe perhibet idem Punicellus ex Morena, Catharorum labe reſperſum; cum laudatus Archiepiſcopus in ſua ipſa Dioceſi eorum inſectator ac proſtigator fuerit, eique propterea Eckbertus Sermones ſuos adverſus Catharos inſcripſerit.

Cathari veteres,
ac novi apud Me-
diolanum.

X. Duo potius Catharorum genera apud Mediolanenſes diſtinguenda eſſe crediderim, Veterum nimirum, qui & Patareni ac Poplicani ſeu Publicani apud ipſum Puricellum & Boſcam in notis ad Martyrolog. Mediolan. ad diem 8. April. vocantur, & Recentiorum. Veteres illos, qui forte ante praefatum ſchiſma prodire (ſi quidpiam conjectare liceat) in Italiam ex vicina Dalmatia, aut Croatia, aut Bulgaria Manichaeiſmi ſede proſectos eſſe veriſimile eſt. Ex Oriente in Inſubres, atque in ipſam Mediolani urbem delatum eorum venenum ſtatuit Cl. Muratorius loco ſuperius laudato. Ii certe prius in Italia quam in Germania viſi ſunt, quare aliunde quam ex ea Provincia Mediolanum deduci debent, niſi forte ex Gallia derivare velimus, in quam tamen ex Itala muliere inſectum fuiſſe Manichaeiſmum circa A. MXVII. teſtis eſt Glaber Rodolphus l. 3. Hiſt. c. 8. unde efficitur prius Italiam quam Galliam Catharos in ſuo ſinu foviffe. Poſteriores vero Catharos qui circa A. MCLXXVI. univerſam Inſubriam invaſere illuc e propinquis Galliae Provinciis Tolofa nimirum & Alba Auguſta confluiſſe crediderim: Tum quod Inſubres Catharos apud Reinerum Sacchonum, qui diu inter illos verſatus eſt, Albanenſes nuncupatos video, ab Albigio videlicet ſeu Alba, unde & Albigenſes, qui in Galliis agebant Manichaei: Tum ob ſummam inter utroſque conſenſionem temporis & errorum. Quare prorsus aſſentior Malvendae & Sanderi, quorum primus in Annal. Dominic. ad A. MCCXXI. alter vero in Lib. de viſibili Monarch. ad A. MCLIX. ſcribunt Catharos Lombardiae non propriam Haeresim condidiſſe, ſed Henricianorum portionem fuiſſe, ac forte eoſdem cum Albigenſibus.

Cathari in variis
Italiae Provin-
ciis.

XI. Sed latius quam in ſola Inſubria aut Langobardia ea peſtis graſſata eſt. Nam per Aemiliam, Umbriam, Picenum, Tuſciam, Marchiam Tarviſinam, & Vicentinam, aliasque Italiae partes Catharorum ſynagogas conſtitutas memorat Reinerus Sacchonus eorum aliquando Epicoſus. Ivo etiam Narbonenſis in Epistoſa ad Gyraldum Archiep. Narbonenſem apud Matthaeum Paris in Annalibus Anglicanis pag. 589. ſe Novocomo ad fines uſque Provinciae Foroſulienſis ſemper & ubique locorum a Catharis ſplendido ac lautiffimo hoſpitio exceptum, quorum fidem religionemque ſimulabat, iter habuiſſe teſtatur. Denique Viterbii & in Patrimonio B. Petri ab Innocentio III. repertos Catharos A. MCCVII. atque ab eodem Pontifice exterminatos tradit Card. de Aragona in Vitae Pontif. To. 3. Rer. Ital. Script.

Cathari in His-
pania.

XII. Nec Hiſpania caruit teterrimis hiſce monſtris. Extat enim Idelphonſi, ſeu Alphonſi

Alphonſi Aragonum Regis circa A. MCXCIV. ſanctio qua eos e ſuis ditionibus exulare jubet, eorum fautoribus bonorum publicatione mulctatis apud Pegnam in Comment. Direct. Inqu. pag. mihi 281. Id etiam colligitur ex Neubrigenſi L. 2. c. 13. relato Tom. x. Conciliorum.

C A P U T III.

De variis Catharorum ſectis, earumque
appellationibus.

I. **U**Nitatem & conſenſionem fidei ſolius Catholica Eccleſia Notam eſſe ſeu characterem, ceteras vero Hæreticorum ſynagogas ſemper diſcordes eſſe, turpiterque pugnare inter ſe doctrinis atque ſententiis recte monuit Irenæus lib. 1. cap. 2. num. 5. ita de Gnoſticis ac Valentinianis ſcribens *diſcrepant ab invicem & doctrina & traditione, & qui recentiores eorum agnoſcentur affectant per dies novum aliquid adinvenire, & fructificare, quod nunquam quiſquam excogitavit*. Et cap. 27. num. 4. *Ab his autem qui dicti ſunt jam multæ propa- gines multarum hæreſum factæ ſunt, eo quod multi ex ipsis, immo omnes ve- lint doctores eſſe, & abſcedere quidem ab Hæreſi in qua fuerant, aliud autem dogma ab alia ſententia, & deinceps alteram ab altera componentes, nove docere inſiſtunt, ſemetipſos adinventores ſententiæ, quamcumque compeſerint enar- rantes*. Quæ nunquam aptius de ulla Hæreticorum ſecta, quam de Catharis, ſeu novis Manichæis, dicta ſunt. Tanta inter illos opinionum ſeu verius deliramentorum varietas & diſſenſio, ut ſingulas in quas diſſecti factiones fuere propriis nominibus de- ſignare valde operoſum ac difficile ſit.

Hæretici inter ſe pugnant opi-
nionibus,

II. Fr. Stephanus de Borbone al. de Bellavilla Ordinis Præd. qui floruit ab A. MCCXXII. ad Annum circiter MCCLX. ac diu cauſarum Fidei Quæſitorem egit adverſus ſui ſæculi Hæreticos, in præclaro opere MS. de ſeptem donis Spiritus S., cujus fragmentum nobis edidit Cl. Echard Diſſert. de ſcriptis Vincentii Bel- lovac. refert Parte 4. de dono fortitudinis Tit. 7. c. 30. ſeptem diverſarum ſui tem- poris Sectarum Episcopos, nempe Catharorum, cum credentibus ſuis in majorem cujuſdam Civitatis Lombardiæ Eccleſiam conveniſſe, ut eorum quilibet Sectarum ſuam præ alia affereret ac vindicaret, cumque diu acriterque ab alterutris diſputatum eſ- ſet, ſinguli aliorum Sectarum ut Hæreticam proſcripſerunt, damnarunt, mutuoque ſe ſe anathemate confodientes præclaram eam Synodum diſſolverunt. Petrus etiam de Pilicdorfio qui per ea tempora adverſus Catharos ſcripſit, Tractatus ſui cap. 12. ob- ſervat, quod Hæretici diverſarum Sectarum damnant ſe mutuo.

Cathari ſe reci-
proce anathema-
tizant.

III. Porro ut opinionibus ita & nominibus inter ſe diſcrepabant. Reinerus olim eorum Episcopus cap. 6. Libri ſui de Hæreticis, memorat ex iis Rumcarios, Sci- ſcindenſes, Ortlibenſes, & Ordibarios, quorum alii a locis, alii a Magiſtris, alii aliunde appellationem fortiti ſunt. Principes vero Catharorum Sectarum tres ibidem designat, Albanenſium nimirum, Concorrezenſium, & Bagnolenſium qui in Lom- bardia potiſſimum obtinebant, quarum dogmata exhibebimus capite ſequenti. Plera- que alia eorum nomina recitat Concilium Lateranenſe III. c. 27. & Fredericus Im- perator in Authentica de Statutis, & conſuetudinibus, ſed expreſſius in altera, quæ eſt apud Petrum de vineis lib. 1. Epist. c. 25. in qua proſcribit *Putarenos, Spe- ronistas, Leonistas, Arrianistas, Circumciſos, Paſſaginos, Joſeppinos, Carra- cenſes, Albanenſes, Franciſcos, Bannarolos, Comiſtas, Valdenses, Bulgaros, Commincellos, Barrinos, & Ortolepos, cum illis de Aquanigra &c.* quæ quidem nomina, ſi Valdenſium & Leonistarum excipias, pleraque in Catharos recidunt, ſeu novos Manichæos. Qui vero eorum nominum interpretationem inſtituunt, hi divi- natione magis agunt & conjecturis, quam certis veriſque argumentis, quæ videri poſſunt apud Gretſerum in Prolegom. ad Scripta contra Vald. & Ducangium in Gloſ- ſario; Nec enim vacat ſingula perſequi, aut incertis dubiisque etymologiis tem- pus & operam ludere.

Catharorum Se-
ctæ variæ & ne-
mine.

IV. Sed quando Bulgarorum & Paterinorum nomina reſequentius apud Scripto-
res

Bulgarorum no-
men cur Catha-
ris aſſignum.

res illius ævi occurrunt, de iis pauca subiiciam abs argumento non aliena. Ex Bulgaria quæ olim Moesia dicebatur in Galliam primum, ac in alias subinde Europæ Provincias derivatum Manichæismum observavimus: Ibi prima Catharorum Sedes, ubi Bartholomæum quemdam Pseudo-Papam constituerant, ut refert Matthæus Paris ad A. MCCXXIII. Bulgarorum itaque, seu Burgarorum, Gallice *Boulgres* sordidum quidem atque inhonestum nomen, quod adhuc perseverat in Galliis; ex Bulgaria Cathari primò sortiti sunt, eaque non originis solum sed contumeliæ & contemptus appellatio fuit.

Patareni unde dicti.

V. Patarenos sic dictos ab alacri suppliciorum perpeffione tradit Fridericus Imperator in sua Constitutione quam refert Pegna ad calcem Direct. Inquit. *In exemplum, inquit Martyrum, qui pro Fide Catholica martyria subierunt, Patarenos se nominant veluti expositos passioni.* Aliam tamen fuisse illius appellationis originem ex Arnulpho Hist. Mediol. l. 4. c. 7. recte colligit Cl. Pagius in Crit. Baron. ad A. MLVII. num. 3. Primum enim Mediolani Patarinorum nomen auditum est circa A. MXLIV. cum S. Arialdus Fornicarios & Simoniacos Sacerdotes exagitare coepit, quorum communionem qui vitabant Clerici calibatus assertores, ab illis Patarini appellati sunt, quod in locum Urbis qui Patarea, seu Pataria nuncupabatur, ad sacra facienda seorsim convenirent. Igitur Arialdistis primum, hoc est Catholicis Romanæ Ecclesiæ disciplinam tuentibus, ac novis deinde Manichæis affectum est, quos cum Catholici averfari, ac persequi coepissent, populus qui Patarinorum nomen retinuerat, licet ejus originis inscius vel immemor, absurda nomina excogitavit, ut quantum posset contumeliose adversus eos ageret. Sic in Gallia, inquit Cl. Pagius, Hæretici omnes, & infideles Hugonoti a populo nuncupati, & ante exortam Hæresim Calvinianam Valdenses dicti, quo nomine etiam nunc in quibusdam Galliæ partibus Hæretici omnes designantur. Vide in hanc rem eruditissimum Muratorium *Tom. V. Antiquit. Italic. Dissert. LX. pag. 83. & seqq.*

CAPUT IV.

Catharorum errores.

Manichæi omnium Hæreticorum pessimi.

I. **D**E veteribus Manichæis tam diserte, quam vere scripsit S. Leo M. Ser. 5. de Jejunio. *Cum Diabolus in cunctis perversitatibus multiformem teneat principatum, arcem tamen sibi in Manichæorum struxit insania, & latissimam in eis Aulam, in qua se exultantius jactaret invenit, ubi non unius pravitatis speciem, sed omnium simul errorum, impietatumque mixturam generaliter possideret, quod enim in Paganis profanum, quod in Judæis carnalibus cæcum, quod in secretis magicæ artis illicitum; quod denique in omnibus Hæresibus sacrilegum, atque blasphemum est, hoc in istos quasi in sentinam, quamdam omnium sordium concretionem confluit, unde universas eorum impietates enarrare perlongum est, superat enim verborum copiam criminum multitudo.* Quæ quidem aptissime ad novos Manichæos seu Catharos referenda sunt, quippe qui novarum opinionum portentis ad veteris Manichæismi dogmata adjectis, parentes suos ita superarint, ut eorum Hæresis quemadmodum Valentiniana apud Iræneum Præfat. l. 3. ἀνακεφαλῶσις, seu recapitulatio omnium Hæresum jure appellanda sit. Horrendum est enim dicere quas blasphemias in Sanctam Trinitatem, singulasque ejus personas, in Christi humanitatem, Vitam, atque mysteria, in Sanctos V. T. Viros, necnon de Mundi creatione atque aternitate, de Corporum Resurrectione, judicio extremo, Sacramentis Ecclesiæ: de aliis demum cum Fidei tum morum articulis, ut taceam de Sacris Scripturæ Libris, Traditionis, Conciliorum, Patrum, atque Ecclesiæ autoritate, impudentissime evomerent atque comminiscerentur. Quæ quidem singula ad certa capita exigere difficile est: sequemur tamen in eorum recensione Reinerum qui cap. 6. Libri sui de Hæreticis a communibus exorditur Catharorum opinionibus.

Communes Catharorum errores.

II. In eo itaque Cathari universi consentiebant Diabolum aspectabilis Mundi hujus eorumque omnium quæ in illo sunt conditorem esse. Baptismum aquæ naturalis

ralis rejiciebant: Cætera vero Sacramenta Ecclesiæ nihil ad salutem conferre prædicabant, atque deceptoria, diabolica, & Ecclesiæ malignantium vocabant. Matrimonium carnale averfabantur cumprimis, ejusque usum peccatum mortale asseriebant, nec gravius homines punitum iri in futuro ob adulterium vel incestum, quam ob legitimum conjugium. Futuram carnis Resurrectionem irridebant. Esu carnis ovorum vel casei urgente etiam necessitate tanquam lethale crimen vetabant, propterea quod ex carnali concubitu ea prodirent, & omnis caro apud eos immunda haberetur, & diaboli factura. Juramenta omnia illicita semper esse, ac mortale peccatum. Seculi Magistratus gravissime peccare animadvertendo in Malefactores, aut Hæreticos. Neminem extra eorum Sectam salutem consequi posse. Parvulos etiam Baptifinali latice tinctos non levius æternum puniri quam latrones & homicidas. Sacrarum Imaginum, & Crucis cultum, ac ritus omnes Ecclesiæ, risu excipiebant. Purgatorium quoque ad fabulas amandabant. Ac ea quidem dogmata communia fuisse Italis Gallis & Germanis Catharis præter laudatum Reinerum testantur cæteri qui de illis scripsere Auctores Synchroni, Eckbertus in suis adversus Catharos Sermonibus: Petrus de Vallecernenfi in Hist. Alb. Tom. 5. Hist. Franc. Duchesne: Cæsarius Heisterbacensis l. 5. Dialog. c. 21. ubi apposite observat Catharorum Duces atque Doctores quadam e priscis Manichæis hausisse, quædam ex erroribus Originis in Peri-Archon, plurima tamen quæ de corde suo confixerant adjecisse.

III. Albanenses Cathari in duas secti erant factiones: Unius Caput *Balafinanza* (ut legit Martene in Reineri libro, vel *Gelesinanza*, ut placet Gretsero, vel *Belezmanfa*, ut habent MSS. quidam Codices) Veronensis eorum Episcopus. Alterius vero Johannes de Lugio al. de Lugduno Bergomensis Catharorum Filius major, & ordinatus Episcopus. Prioris sectæ dogmata, præter antiquas Catharorum opiniones, hæc erant. Duo fuisse ab æterno boni ac mali principia. Patrem in Trinitate esse Filio & Spiritu Sancto majorem, illum vero solum Deum esse, hos autem creaturas. Utrumque principium seu Deum suos creasse Angelos, ac Mundum suum, hoc est quatuor alia elementa, Cælum aliud &c. ab aliis plane diversa. Mundum vero hunc aspectabilem a malo Deo esse. Diabolum cum suis Angelis in Cælum conscendisse, factoque ibi prælio cum Michaele Archangelo, cæterisque boni Dei Angelis, inde ejusdem Creaturarum tertiam partem detrussisse in humana corpora, immo & in bruta quotidie infundere, ac de uno corpore in aliud, donec omnes simul poenitentia expleta in Cælum reducantur.

IV. De Incarnatione ita sentiebant. Dei Filium corpus cæleste in uterum Virginis, quam Angelum fuisse credebant, de cælo tulisse, ac de illa nihil omnino traxisse, nec vere passum, mortuum, resurrectum, sed secundum speciem sensus ludificantem. Idipsum de ejus miraculis effutiebant, quæ ad spiritualem ac mysticum sensum prorsus detorquebant. Abraham, Isaac, Jacob, & Moysen, cæterosque Veteres Patres una cum Johanne Baptista, ut Dei inimicos, ac Diaboli ministros habebant. Veteris Testamenti Diabolum auctorem constituebant, exceptis Libris Job, Psalmorum, Sapientiæ, Ecclesiastici & Prophetarum. Prophetas tamen in alio Mundo prophetasse, eorumque libros in Cælo scriptos ante hujus Mundi constitutionem somniabant. Denique Mundum æternum futurum. Judicium jam factum esse, nec deinceps faciendum. Inferni poenas in isto non in alio Mundo constitutas, Has vero opiniones, quas adoptaverant Albanenses ab A. MCC. ad MCCXXX. communes fuisse Catharis Tholosanis, Albigenfibus, & Carcassonenfibus, immo plerisque ultramarinis, hoc est extra Italiam constitutis, monet Reinerus, quamquam & alia iis miscuisse deliramenta minime dubitandum sit.

V. Cathari Johannis de Lugio auditores & asseclæ affirmabant Creaturas omnes sive bonas sive malas ab æterno fuisse cum Deo bono vel malo, qui eas non præcederet æternitate, sed causa vel natura, ut Sol præcedit radios suos. Deum bonum alterius Mundi dominum rectoremque constituebant, in quo alios homines, & alias creaturas hisce inferioribus & corruptibilibus non absimiles comminiscabantur, ibique fieri connubia fornicationes & adulteria inter Dei boni filios & mali filios, ex quibus orti fuerint Gigantes, & alii. Adamum & Evam in eo Mundo conditos, ibique sacri Codicis Libros omnes conscriptos: Ibi natum Christum, passum, & mortuum. Ibi veteres PP. Prophetas, & Jo: Baptistam vixisse: quæcumque demum in Scripturis narrantur, ibi esse peracta.

Albanenses Cathari in duas sectas divisi.

Eorum Error.

Error Jo: de Lugio.

VI. Deum non esse omnipotentem blasphemabant, propterea quod ejus voluntas & potentia in creaturas suas a Deo malo ejus contrario impediatur, altero in alterutrum pugnante ab æterno. In Christo fuisse potentiam peccandi, ita tamen oppressam per summum bonum, ut effectu caruerit. Deum bonum non esse præscium alicujus mali ex vi suæ essentiae, quia malum ab eo non fuit, sed illum præscire aliquando per adversarium suum, a quo etiam movetur ad illud inducendum. Denique animarum de corpore in corpus migrationem admittebant, pluraque alia quæ in volumine satis spisso præfati Johannis de Lugio se legisse testatur Reinerus.

Errores Concorren-
zenfium.

VII. Cathari Concorrenses de uno principio recte sentiebant, sed in fide unitatis & Trinitatis errabant. Deum ex nihilo creasse Angelos & quatuor elementa confitebantur, sed diabolum Deo consentiente visibilia omnia condidisse; corpus primi hominis efformasse, in quod Angelum pro anima infuderit, qui in modico peccaverat, atque ex illo Angelo ceteras rationales animas deinceps esse traductas. Vetus Testamentum universim rejiciebant, cujus auctorem diabolum autumabant, iis solum verbis exceptis, quæ a Christo & Apostolis in novo Testamento laudata sunt. Moysen damnabant, de ceteris Patriarchis & Prophetis subdubitabant. Christum non assumisse animam humanam, sed solam carnem de B. Virgine affirmabant. Nazarius vero eorum Episcopus antiquissimus B. Virginem Angelum fuisse docebat, & Christum non humanam habuisse sed Angelicam naturam; quem errorem hauserat a Catharis Bulgariæ, ut scribit Reinerus.

VIII. Cathari vero omnes, qui Christum assumisse verum Corpus humanum confitebantur, illud tamen glorificandum vel glorificatum fuisse negabant, sed Christum in die Ascensionis suæ illud deposuisse in Cœlo aereo dicebant illud resumturum in die Judicii, quo peracto, velut cadaver in præjacentem materiam resolvetur. Denique B. Virginis omniumque Sanctorum animas in gloria non futuras usque ad diem judicii, nunc autem esse in quodam loco aeris hujus cum Jesu Christi Corpore effutiebant.

Errores Bagnolen-
fium.

IX. Bagnolenses, seu Bajolenses Cathari in omnibus ferme cum proxime superioribus consentiebant, nisi quod animas a Deo creatas ante Mundi constitutionem credebant, & tunc etiam peccasse. Sentiebant vero cum Nazario B. Virginem Angelum fuisse, & Christum ipsum non humanam sed Angelicam naturam summisce, & corpus Cœleste habuisse.

Mediolanensium,
Catharorum Secta,
ejusque errores.

X. Aliam Catharorum Sectam Mediolani exortam paullo post A. C. MCLXXIII. patefecit Bonacursius quondam eorum Episcopus & Magister in Opusculo quod Tomo I. Spicilegii Dacheriani 2. Edit. Paris. extat sub titulo *Vita Hereticorum* Errores qui in eo recensentur aliis ferme Catharis communes sunt. Duo enim admittebant rerum principia. Diabolum de limo terræ Adamum fecisse, eoque Angelum lucis in eo summa vi inclusisse, qui subinde cum Eva concubuit, atque inde Cain genitus, de cujus sanguine natos esse canes fabulabantur. Ex Filiabus Evæ cum diabolo congressis Gigantes exortos; quæcumque dicta vel facta à Patriarchis Veteris Testamenti, a diabolo dicta vel facta esse. Miracula etiam in antiqua Legge diaboli opera patrata esse. Prophetias quasdam a spiritu maligno profectas. Davidem damnatum esse: Eliam a diabolo in curru igneo raptum, eundemque diabolum Zachariæ Patri Johannis Baptistæ esse loquutum, Johannem ipsum a diabolo delusum, atque damnatum. Christum Anima destitutum vera vitæ opera non exercuisse. Dextrum, seu poenitentem, latronem in Infernum detrusum esse. Corpus Christi verum nec in Infernum descendisse, neque resurrexisse, neque in Cœlum ascendisse. Filium Dei esse Patre minorem. Crucem esse characterem Bestiæ in Apocalypsi descriptæ. B. Silvestrum Antichristum esse, atque ab ejus tempore Ecclesiam defecisse. Neminem in Conjugio posse salvari. Doctores omnes damnatos esse; damnari quoque omnes, carnes ova caseum comedentes. Per Baptismum aquæ Spiritum Sanctum conferri non posse. Transubstantiationem in Eucharistia impossibilem esse. Omne juramentum esse peccatum. Neminem salvari nisi per ipsorum manuum impositionem, quam vocabant Baptismum, & Spiritus Sancti renovationem. Diabolum esse Solem comminiscabantur, & Lunam Hevam, quos singulis mensibus coire ac fornicari dicebant. Stellæ omnes dæmones esse, denique sine ipsis Catharis neminem posse salvari.

XI. Præstat autem hoc loco egregium illud documentum referre, quod vir doctissimus

etissimus Ludovicus Antonius Muratorius transtulit in LX. Dissertationem Tom. V. *Antiquitatum Italicarum ex Cod. MSS.* Peregrini Prisciani, qui tempore illo floruit, quo hæresis Catharorum late longeque grassabatur. Atque opportune quidem indicabo loca, in quibus MONETA Noster dogmata hæreticorum ejusmodi numerata a Peregrino refellit. Nolo tamen quisquam existimet eos tantum errores Catharis placuisse, quorum meminit Peregrinus; cum plerosque alios refutet MONETA, qui non sunt a Prisciano relati. Ergo posteaquam Priscianus testimonia quorundam orthodoxorum attulit, qui Armannum Pungilupum vita functum anno 1269. in hæresim fuisse lapsum testati sunt. *Et quoniam*, inquit, *in hæresim Bagnolensem Armannum prolapsum fuisse testes superscripti affirmant; idcirco necessarium duximus hæreseos ipsius Capitula & errores, brevissime tamen, scribere, ut plene omnino habeatur Historia ista, & medullitus intelligatur. Non prætereunt & eisdem fere temporibus tres viguisse Scætas, Albigensum scilicet, illorum de Bagno, & illorum de Concoretio. Quas per characteres A. B. C. signabimus; A. Albigensem denotante: B. Bagnolensem: C. Concoretianam. Et quamquam inter se aliquantulum discrepent, & nonnumquam convenient, breviter tamen & perpulcre discrepantia & concordantia apparebunt in ordine tabulæ ipsius.*

Quod duo sunt Principia. Unum penitus Bonum: alterum penitus Malum A. & B. Moneta lib. I. cap. 1. §. 1. & seqq.

Quod Deus bonus non creavit ista visibilia corpora. A. & B. Moneta lib. I. cap. 8. §. 1. & seqq. & lib. II. cap. 2. & 3.

Quod tantum uni Deo non subjiciantur omnia. A. & B.

Quod Deus bonus non est Creator omnium rerum. A. & B. Moneta lib. I. cap. 8. & lib. II. cap. 2. & 3.

Quod Christus non est major omnibus. A. B. C. Moneta lib. III. cap. 3.

Quod Deus non damnabit æternaliter. A. & B. Moneta lib. V. cap. 9. §. 5. & cap. 10. §. 1.

Quod Deus non infundit, nec creat novas Animas. A. Moneta lib. I. cap. 4. §. 1. & seqq.

Quod modo non vadunt homines ad requiem, vel infernum. A. B. C. Moneta lib. V. cap. 9. §. 5.

Quod Christus non habuit nostras pœnalitates. A. B. C. Moneta lib. III. cap. 3. §. 10. 11. 12.

Quod Deus non facit, nec fecit aliquid perituum. A. B. C.

Quod Christus non duxit carnem de Cælo. A. & B. Moneta lib. III. cap. 3. §. 4.

Quod Christus non est Deus. A. B. C. Moneta lib. III. cap. 1. §. 1. & seqq.

Quod Christus non est filius Beatæ Mariæ. A. & B. Moneta lib. III. cap. 3. §. 7.

Quod Christus non sumsit carnem de Beata Maria. A. & B. Moneta ibidem.

Quod Beata Maria non fuit mulier. A. & B. Moneta lib. III. cap. 2.

Quod Christus non fuit verus homo. A. & B. Moneta lib. III. cap. 3. §. 10. & seqq.

Quod Christus non comedit corporaliter. A. & B. Moneta l. c. §. 11.

Quod Christus non fuit passus in Cruce, vel in carne. A. & B. Moneta ibidem §. 10.

Quod Christus non fuit mortuus vere. A. & B. Moneta ibidem.

Quod Christus non ascendit in carne in Cælum. C. Moneta l. c. §. 15.

Quod Christus non resurrexit, & quod non fuit mortuus. A. & B. Moneta l. c. §. 10., & §. 14.

Quod non resurrexit in carne. C. Moneta ibidem.

Quod non descendit ad inferos. A. B. C. Moneta l. c. §. 13.

Quod Spiritus Sanctus non datur in Baptismo manus vel aquæ. A. B. C. Moneta lib. III. cap. 5. §. 7.

Quod Johannes Baptista fuit malus. A. & B. & quidam C. Moneta lib. III. cap. 1. §. 3.

Quod non fuit homo carnalis. A. & B. & quidam C. Moneta ibidem.

Quod non est resurrectio corporum. A. B. C. Moneta lib. IV. cap. 8. §. 1. & seqq.

Quod parvuli non possunt salvari. A. B. C. Moneta lib. IV. cap. 1. §. 5.

Quod

Quod Lex Moysis non est bona, nec Prophetæ. A. B. C. Moneta lib. II. cap. 7. & cap. 8.

Quod Patres antiqui Veteris Testamenti non salvantur. A. B. C. Moneta lib. II. cap. 9.

Quod vetus Testamentum non est a Deo bono. A. B. C. Moneta lib. II. cap. 7.

Quod Moyses fuit malus. A. B. C. Moneta lib. II. cap. 8. §. 1. & seqq.

Quod per Legem Moysis non fuit nec est ullo modo salvatio. A. B. C. Moneta ibid.

Quod Deus bonus non eduxit Populum Israelis de Ægypto. A. B. C.

Quod Deus Pater bonus non est loquutus Patribus antiquis. A. B. C.

Quod Deus bonus non dedit Circumcisionem. A. B. C.

Quod Adam non fuit a Deo. A. B. C.

Quod ante adventum Christi non fuerunt aliqui boni. A. B. C. Moneta lib. II. cap. 8 §. 2.

Quod Christus non est æqualis Patri. A. Moneta lib. III. cap. 3. §. 2.

Quod res istæ visibiles non sunt a Deo. A. B. C. Dicunt tamen illi de Concretio, quod a Deo sunt creaturæ: idest, quod fecit quatuor Elementa, & ex iis quatuor postea Lucifer disposuit creaturas quaslibet in suo genere, sicuti sunt. Alii vero dicunt, quod nec materia, nec dispositione, nec forma fecit Deus aliquid visibile. Et si aliquando concedunt fecisse visibilia, dicunt de illis, quæ sunt Angelis visibilia. Moneta lib. II. cap. 2. §. 1. & seqq.

Quod secundum Vetus Testamentum inimicus non est diligendus. A. B. C.

Quod Angeli, qui ceciderunt, sunt oves, de quibus in Evangelio. A. & pars illorum de B. Moneta lib. I. cap. 4.

Quod Baptismus aquæ nihil est, & nullius efficaciæ. A. B. C. Moneta lib. IV. cap. 1. §. 3.

Quod sine impositione manuum non datur Spiritus Sanctus. A. B. C. Moneta lib. V. cap. 5. §. 5.

Quod in Ecclesia Dei non sunt boni, & mali. A. B. C. Moneta lib. V. cap. 5. §. 5.

Quod obest subdito & sacrato mala vita Prælati. A. B. C. Moneta lib. V. cap. 5. §. 3.

Quod in Ecclesia Dei non debent esse Sacerdotes, & Diaconi, scilicet mali. A. B. C. Moneta ibidem §. 2.

Quod mali Presbyteri non possunt ministrare. A. B. C. Moneta ibidem §. 4.

Quod Ecclesia non debeat possidere aliquid, nisi in communi. A. B. C. Moneta lib. V. cap. 7. §. 1. & seqq.

Quod nullus malus potest esse Episcopus. A. B. C. Moneta lib. V. cap. 1. §. 2.

Quod Ecclesia materialis non est bona, nec ibi orandum. A. B. C. Moneta lib. V. cap. 8. §. 1.

Quod Ecclesia non debet persequi malos. A. B. C. Moneta lib. V. cap. 13. §. 2.

Quod Ecclesia non potest excommunicare. A. B. C. Moneta lib. V. cap. 1. §. 6.

Quod in Ecclesia non debent esse Subdiacones, nec Acolyti. A. B. C.

Quod Ecclesia non potest facere Constitutiones. A. B. C. Moneta lib. V. cap. 6. §. 2.

Quod non debent fieri sepelitiones mortuorum. A. B. C.

Quod unctio Olei Sancti nihil est. A. B. C. Moneta lib. V. cap. 5.

Quod Sacramentum Altaris nihil est. A. B. C. Moneta lib. IV. cap. 3.

Quod Eleemosynæ non debent dari nisi bonis. A. B. C. Moneta lib. V. cap. 12. §. 2.

Quod non est orandum, nec cantandum præter Dominicam Orationem. A. B. C. Moneta lib. V. cap. 8. §. 7.

Quod peccatum non est a libero arbitrio. A. B. C. Moneta lib. I. cap. 5. §. 12.

Quod Originale Peccatum nihil est. A. B. C.

Quod Homo non potest pœnitere post peccatum. A. B. C.

Quod non potest fieri peccatum, nisi quod factum fuit in Cælo. A. & B.

Quod aliud non est opus Diaboli, quam Peccatum. A. B. C.

Quod ignis Purgatorii nihil est. A. B. C. Moneta lib. V. cap. 9. §. 2.

Quod Infernus nihil est. A. & B. Moneta lib. V. cap. 10. §. 1.

Quod bonus Deus vivificat, non occidit. A. B. C.

Quod malus Deus vivificat, & occidit corpora. A. B. C.

Quod Deus, qui dat gratiam, non vindicat per bonos, nec per malos. A. B. C.

Quod

Quod ille Deus, qui vindicat, non dat gratiam. A. B. C.

Quod malum pœnæ non est a Deo bono. A. B. C.

Quod Animæ non damnabuntur. A. & C.

Quod Mundus semper fuit, & semper erit. A. B. C. Moneta lib. V. cap. 11.

Quod sola Fide non possit homo salvari quocumque casu. A. B. C.

Quod homo non potest salvari cum patre & matre. A. B. C.

Quod non est constituendum A. B. C. Moneta lib. IV. cap. 4. §. 1. & seqq.

Quod Judicium factum est. A. B. C. Moneta lib. IV. cap. 9.

Quod Matrimonium malum est. A. B. C. Moneta lib. IV. cap. 7. §. 1. & seq.

Quod quilibet non potest salvari. A. B. C.

Quod peccatum est comedere carnes. A. B. C. Moneta lib. II. cap. 5.

Quod per proximum non intelligitur omnis homo. A. B. C.

Quod nullus est vitandus. A. B. C.

Quod Usura non est prohibita. A. B. C. Moneta lib. V. cap. 14. §. 2. & 3.

Quod non debet homo restituere. A. B. C. Moneta ibidem.

Quod iuramentum non debet fieri. A. B. C. Moneta lib. V. cap. 9. §. 1. & seqq.

Quod non licet alicui occidere. A. B. C. Moneta lib. V. cap. 3.

Quod homo non est tradendus Justitiæ, propter hoc quod potest converti. A. B. C.

Quod Diabolus potest in creaturis. A. B. C.

Quod est æquale præmium in Patria. A. B. C. Moneta lib. IV. cap. 10. §. 1.

Quod homo potest dare Spiritum Sanctum. A. B. C. Moneta lib. III. cap. 5. §. 7.

Quod Spiritus Sanctus & Spiritus Paraclitus non sunt idem. A. B. C. Moneta lib. III. cap. V. §. 5.

Quod interior homo non est Anima. A. B. C.

Quod non debent radi capita. A. B. C.

XII. Neque vero prætereundum silentio est, quod monumentum hætenus, quod sciam, nusquam vulgatum ex Codice MS. Vaticano 8668. exscribi curavi; cum distincte perspicueque contineat omnia fere Catharorum errata. Est autem hujusmodi: *De Interrogationibus, quæ debent fieri per Inquisitores ab illis contra quos est præsumptio hæresis.*

Super Inquisitionibus hæreticorum primo quæretur, si est Patarcnus, vel Catharus, vel credens = si est consolatus, si consolatus est alios, & fuit ubi consolabatur = si habuit officium aliquod = si audivit a doctoribus suis, si docuit = si credit, quod aliqui Patarcni, qui non sunt de opinione sua salventur = si credit, quod pauperes Lugdunistæ, & alii etiam hæretici, qui non sunt Patarcni si expellantur, vel comburantur, salventur propter hoc = si credit, quod Ecclesia Romana habeat veram fidem quam Christus & Apostoli docuerunt = si credit quod Sacerdotes Ecclesiæ Romanæ & fidei ejus possint absolvere a peccatis = si credit unum solum principium, hoc est, quod unus solus est Deus æternus, Sanctus, creator visibilium & invisibilium Spiritualium & corporalium, tam se moventium, quam permanentium = si credit, quod Pater, & Filius, & Spiritus Sanctus sint tres personæ æquales, & una essentia = si credit, quod Jesus Christus est Deus essentialiter, & sit verus homo habens quantum ad nostram humanam naturam creatam de nihilo, & carnem de massa Adæ derivatam = si traxerit carnem veram de Maria Virgine, & in ea factus & formatus = si Spiritus Sanctus est unus tantum, & est Deus = si credit, quod Beata Maria Virgo fuit vera mulier habens corpus de massa Adæ, & si de suo corpore genuit Christum = si credit quod Deus Veteris Testamenti, qui dedit legem Moysi fuit bonus, & verus Deus, & Lex Moysi, & Vetus Testamentum bona sunt, & a bono Deo data sunt = si Moyses, & Doctores, & Prophetæ qui in Veteri Testamento fuerunt, boni, & a bono Deo missi, & sint salvi in regno Dei una cum Abraham, Isaac, & Jacob = si credit, quod Johannes Baptista fuit bonus, & Sanctus, & sit salvus, & Angelus annunciator illius fuit bonus Angelus, & a bono Deo missus, & si ex Zacharia, & Elizabeth fuit conceptus & natus sine mortali peccato = si credit quod Spiritus transeat de corpore in corpus = si credit, quod ista corpora, quæ hic habemus, posteaquam fuerint mortua, amplius resurgere debeant, & esse in Paradiso, vel in inferno secundum merita eorum = si credit, quod aliqui possint salvari nisi fuerint Baptizati in Nomine Patris, & Filii,

& Spi-

& Spiritus Sancti, ex aqua materiali, & sit Baptismus bonus = si credit, quod pueri baptizati baptismo Ecclesiae Romanae, si moriantur ante legitimam aetatem, salventur = si Beata Maria Virgo, & Beata Agnes sint majoris meriti, quam aliqua peccatrix noviter consolata = si usura sit peccatum, & si possit vivere iuste aliquis de Usura = si Patarenus aliquis potest absolvere Usurarium ab usura sine restitutione = si credit, quod aliquis potest salvari sine manus impositione a Patarenis accipere, & habens omnem fidem Patarenorum, & mittit pro eis volens ipsam recipere ab ipsis, & antequam perveniat subito moriatur, vel postquam pervenerint, & dixerint verba, quae solent dicere super infirmum, & non tetigerint eum manibus, & moritur interim, si sit salvus = si aliquis habuerit Spiritum Sanctum per manus impositionem, & postea peccaverit, si potest salvari per aliam manus impositionem, vel si postquam habuerit manus impositionem, & comederit optima cibaria de bonis carnibus, & sturionibus, & aliis rebus delicatis, & bonis piperatis, si propter hoc perdit Spiritum Sanctum = si aliquis, qui multos & consolatus est, & per consolationem morientes, salvetur = si per hoc ille peccat mortaliter, & perdit Spiritum Sanctum = si qui salvati sunt damnantur = si quis Sacerdos adhibitis, quae exiguntur, conficit Corpus Christi = si Corpus Christi, & Sanguinem bonus Sacerdos secundum fidem, & formam Ecclesiae Romanae conficit, & sumit, & tradit aliis = si credit quod matrimonium carnale, & materiale a Deo ordinatum fuerit = & si possunt salvari homines in matrimonio materiali, quod Ecclesia facit, & statuit; & vir cum conjuge alias iuste viventes in matrimonio salvantur = si majus peccatum sit cognoscere non suam conjugem, quam suam = si spiritus qui ceciderunt de Caelo possunt salvari, vel si alii spiritus salventur nisi illi = Et si corporantur & transeunt de corpore in corpus = si credit quod unum peccatum sit majus altero, & unus pejor alio, & si in inferno magis puniatur unus alio, & si unus sit melior alio, & si in Paradiso unus sit major & dignior alio = si credit quod Christus & Apostoli fecerunt miracula in corporibus humanis, & in rebus temporalibus, & si modo aliqua fiunt miracula per sanctos = si credit, quod reverentia sit exhibenda corporibus Sanctorum, & eorum reliquiis =

XIII. Jam vero quicumque absurdissima haec pluraque alia Catharorum portenta coëvorum oculatorumque Scriptorum testimonio firmata serio reputaverit, mirabitur plane homines sic delirare, atque insanire potuisse, & quod fidem quasi superat, suos illis non defuisse adprobatores & asseclas, neque numero paucos, neque ingenio & ordine infimos, qui pronis auribus ea deliramenta exciperent, forberentque tam facile turbidum adeo ac fæculentum venenum. His tamen fidem non detrahent, atque minus obstupescant eruditi ac cordati viri, quibus ex aliis monumentis ecclesiasticis compertum est in quas tenebras humanam mentem coniciat excussa semel primæ veritatis regula, & laxatis naturæ habenis cæca opinandi agendique libido.

CAPUT II.

De Moribus Catharorum.

Manichæorum
simulatio.

I. **I**D veteribus ac novis Manichæis solemne fuit cum primis, ac præ cæteris sectis peculiare, ut latebras quærent, atque omni genere simulationis, & fraudis se se velut angues in herba occultarent; quam in priscis Manichæis indolem cum observasset Ecclesia, ut eos a Catholicis, cum quibus in sacris omnibus permiscebantur, certo signo argumentoque discerneret, usum Calicis, in sacra coena cunctis præcepit, ut Manichæos a vino superstitione abhorrentes, atque sub altera tantum specie communicantes, internosceret. Et si quando ex impia Secta ad Ecclesiae unitatem eorum aliqui reverterentur, ne fraudulentum homines simulata conversione illuderent, conceptæ fuere solemnes formulæ, quibus omni ambage summotæ Hæresim suam ejurarent, quarum exempla edidit Cl. Cotelierius in notis ad PP. Apost. pag. 368. Goar in Euchologio pag. 885. Sirmondus To. II. Concil. Gall. & Muratorius Anecd. Tom. II.

II. Hanc

II. Hanc ad Catharos derivatam a priscis Manichæis simulationem & fraudem in Henricianis, Petrobusianis, & Apostolicis Manichæorum ramusculis notavit eleganterque descripsit S. Bernardus Serm. 65. in Cant. Catharos vero Germaniæ adversus quos disputavit Eckbertus Serm. I. vocat *latibulosos homines; qui per multa tempora latuerunt, & occulte fidem Christianam in multis stultæ simplicitatis hominibus corruperant*. Addit conventicula sua eos habuisse in Cellariis, & in Textrinis, & in hujusmodi subterraneis domibus, & cum populo in quo habitabant frequentasse Ecclesiam, & Sacramenta, simulatorie tamen, ne infidelitas eorum prodiret.

Catharorum studi-
dium se se occul-
tandi.

III. Sed audire præstat superius laudatum Stephanum de Borbone oculatum testem Sec. XIII., cujus fragmentum editum ab Echard, ac plerisque fortasse invisum, eruditis gratum fore non dubito. Is vero Libro de Donis Spiritus S. tit. de dono fortitudinis c. 32. inter signa quibus Hæretici sui temporis dignoscerentur tertium ponit *quia doctrinam suam sophisnatibus & involutionibus verborum occultant, & in occultis prædicant, & totum negotium eorum est perambulans in tenebris*: mox addit.

Quartum autem per quod maxime cognosci possunt est eorum sophisticatio. Decipiunt enim qui videntur esse aliquando simplices Rustici, sophisnatibus, & duplicitatibus verborum illos qui fuerunt maximi sophistæ Parisiis, & maximos Clericos in eorum fallaciis inexpertes, unde hoc est unum in quo maxime possunt cognosci. Simplex enim homo & planus, cum de fide sua requiritur, plane & simpliciter sine sophisnatibus ad ea de quibus interrogatur respondet, sive bene dicat, sive male. Si male dicit recipit correctionem, & instructionem: Hæreticus autem statim currit ad sophismata, & ad fugas, & evasiones verborum, & responsionum, & ut operiat verba sua ne videatur. Solebant quando audebant, & minus literati viri erant in Ecclesia, & pauciores docti, se defendere fictis rationibus aut disputationibus. Modo autem quia non possunt se rationibus tueri, quia insipientia eorum cito fit manifesta, & timent deprehendi, multis sophisnatibus se involvunt per quæ conantur effugere, & decipere interrogantes, quæ licet non possimus omnia, tamen aliqua ostendemus.

Unum genus sophisticandi inquirentes de fide eorum est per æquivocationem verborum v. g. cum quæritur ab eis de aliquo Fidei articulo, vel Sacramento, si credunt illud, ut Baptismum, Eucharistiæ Sacramentum, aut Pœnitentiæ: Respondent quod credunt bene in Sacramentum Baptismi, Pœnitentiæ &c. Similiter Incarnationem, Nativitatem, Passionem &c. aliud intelligentes per verba ista quam Catholici: Baptismum, & Pœnitentiam &c. solam Pœnitentiam, aut bonam voluntatem interiorem intelligentes, Corpus Christi intelligentes corpus cujuslibet boni hominis, vel potius corpus spirituale, quod est Ecclesia.

Item aliud genus æquivocandi in responsione una cum quæritur: credis Christum natum, passum &c. Respondet, bene credo, vel firmiter credo, id est bonam vel firmam habeo credentiam.

Item aliud genus sophisticandi est per conditionis additionem, ut cum quæritur, credis hoc vel hoc? Respondent, si Deo placet, ego bene credo hoc, & hoc (si quæritur quod Catholicum est) intelligentes quod Deo non placet quod ipsi hoc credant, quia si Deo placeret, domus ista volaret.

Item alius modus est objiciendo quæstionem contra quæstionem, ut clavum clavo retundant. Item alius modus est per diversam responsionis retorsionem: ut cum quæritur ab eis: Credis quod possit fieri aliquod juramentum vel iudicium sanguinis sine peccato? Respondet quomodo creditis vos, vel alii? cum respondetur ei nos sic credimus; Respondet Hæreticus, & ego bene sic credo, intelligendo quod vos ita creditis, ut dicitis, non quod ipse credat quod dicitur ei.

Item genus est aliud eludere per admirationem cum quæritur de aliquo si ita credat: Respondet cum admiratione, quid crederem ego aliud! Item aliud per diversam relationem, ut cum quæritur quid credit? Utrum omnis qui jurat peccat in jurando? Respondet, qui dicit verum non peccat: vel sic, qui jurat dicendo verum non peccat, & tamen credit quod jurando peccat.

Item alius modus per translationem, ut cum quæritur unum, transfert se ad aliud.

aliud. Cum opponens sequitur cum ibi, fugit alibi. Item cum quærens quærit ab eo, transfert se ad alios, ponens eos in verbis.

Item alius modus est per in justificationem; ut cum quæritur ab eo de fide, justificat se; Ego sum homo simplex talis & talis, & nescio istas quæstiones. Multos etiam alios habent modos se contegendi; quæ magis potest docere usus, & exercitium, quam ars.

Catharorum hypocrisis.

IV. Vaferrimæ hujus simulationis comes erat hypocrisis, qua externa bonorum operum specie, & pharisaica austerioris vitæ ostentatione plerisque fucum faciebant; quam quidem in veteribus etiam Manichæis agnovit ac reprehendit S. Augustinus L. 5. cont. Faustum cap. 1. In novis autem elegantissime expressit S. Bernardus Serm. 66. in Cant. his verbis: *Denique si fidem interrogas, nihil Christianus, si conversationem, nihil irreprehensibilis, & quæ loquitur, factis probat. Videas hominem in testimonium suæ fidei frequentare Ecclesiam, honorare Presbyteros, offerre munus suum, Confessionem facere, Sacramentis communicare, quid fidelius? Jam quod ad vitam moresque spectat, neminem circumvenit, neminem supergreditur. Pallent insuper ora jejuniis, panem non comedit otiosus, operatur manibus, unde vitam sustentet Instemus, investigemus, a fructibus cognoscemus eum &c.* Foedissimæ Catharorum hypocrisis luculentum proferam specimen ex Cl. Muratorii Dissert. L X. Tom. V. Antiquitatum Italic. ubi ex MS. Peregrini Prisciani Inquisitionem vulgavit miraculorum quæ patrata ferebantur ad sepulchrum *Armanni Pungilupi* Ferrariensis A. 1269. Is Catharorum Bagnolensium Sectæ nomen dederat, quorum receptor, quæstor, Visitator, Nuncius, atque acerrimus fuerat propugnator. Deprehensus vero a Sacris Fidei Quæstoribus A.C. MCCCLIV. Ferrariæ in vincula conjectus est, & pristinis erroribus ejuratis se in unitate Fidei Catholicæ semper deinceps permanurum pollicitus est. Sed præstiti Sacramenti, ut primum potuit, contemtor ac violator pejora delirare perrexit, & incredibili hypocrisis pestilentem doctrinam celare eo successu, ut non paucis fucum facere, ac illudere potuerit. Vita functum A. MCCLXIX. tanta illum sanctitatis fama e vestigio subsecuta est, ut vulgus universum ad ejus tumulum conflueret, multique corporis incolumitatem, uti putabant decepti, ejus apud Deum precibus consequutos se fuisse dictarent. Quare Beati, & Sancti appellatione passim a credula plebe donabatur, aucto Donariis ac votivis tabellis ejus sepulchro, quod in maximo Ferrariæ templo constructum fuerat. Increbrescente vero ejus miraculorum fama Episcopus & Canonici Ferrarienses super iis processum instruxere quem ex Prisciano publici juris fecit laudatus Muratorius l. c. Producta est Inquisitione in annos complures donec plane comperta Pungilupi impietate, in Hæreticum personatum, ejusque profanos cineres sententia dicta est A. MCCCII. a F. Guidone Vicentino Ord. Præd. Inquisitione Hæreticæ pravitatis in Provincia Lombardiæ & Marchia Januensi a Sede Apostolica deputato. Memoria Armanni perpetuæ damnationi subiecta; disiectus ejus tumulus, ossa igne deleta, quo plebis superstitio, piorumque hominum ludificatio sublata sunt. Simile quidpiam de falsis miraculis ad duorum facinorosorum atque Hæreticorum hominum sepulchra in Episcopatu Legionensi a Catharis confectis falsoque cultu diu illis delato refert Lucas Tudenis lib. 3. adversus Albigenses Cap. ix. Tom. xxv. Bibliothecæ PP.

Catharorum luxuria.

V. Porro simulatæ perfidiæ fructus erat effusa in omnem licentiam ac turpitudinem libido, quam etiam in veteribus Manichæis jure carpsit Augustinus *de Moribus Manich.* c. 18. & 19. Nam qui sanctum conjugium damnare, atque honestam corporum conjunctionem aversari videbantur, fractis omnibus naturæ ac verecundiæ repagulis effrænem adeo vivendi rationem inierant, ut homines in pecudum mores deducere viderentur. Pudet ea commemorare quæ in eorum coetibus, atque nocturnis conventibus patrata referunt gravissimi auctores. Lucas Tudenis lib. 3. adv. Albigen. cap. 5. hæc scribit de Catharis Gallicanis, *Efferuntur effrænes per varia desideria carnis & nulla nociva est delectatio, quam non pertranscat eorum luxuria. Abutitur Filius Matre, Frater, & Pater in Filia turpitudinem operatur. Retorquent sui erroris mercedem in semetipsos, quorum sunt blasphemii, & sine misericordia senes, ad omne nefas promptissimi Juvenes, luxuriosi, & protervi adolescentes, impuri pueri sine certo Patre, mulieres effrontes, & sine verecundia &c.* De Catharis vero Italiæ hæc habet Reinerus cap. 6. *Multi ex eis qui infe-*

Esti sunt erroribus memoratis sæpe dolent cum recolunt, quod non impleverunt sapius libidinem suam tempore, quo nondum professi fuerant hæresim Catharorum; & hæc est causa quare multi credentes tam viri quam mulieres non timent magis accedere ad sororem suam, vel Fratrem, Filiam, seu Filium, Nepotem, consanguineum, vel cognatum, quam ad uxorem, & virum proprium. Plura etiam auditu foedissima de eorum dissolutione atque intemperantia memoriæ prodidit a se visa Cæsarius Heisterbacentis dist. v. c. 20. Dialog. quos scripsit A. MCCXXII.

VI. Ad hanc brutalis vitæ turpitudinem accedebant fraudes, latrocinia, & usuræ, ut de Albigenibus testatur Lucas Tudenis loco superius laudato, & Reinerus hæc scribens cap. 6. *Nulli hominum restituunt usuram, furtum, aut rapinam, immo reservant eam sibi, vel potius relinquunt Filiis, ac Nepotibus suis: Ipsi tamen dicunt usuram non esse peccatum.*

Catharorum latrocinia & usuræ.

VII. Ac quemadmodum foeditate & libidine, ita crudelitate & sævitia feras ipsas imitabantur. Eruditum neminem latet quid in Gallia ineunte Seculo XIII. Raymundi Tolosani Comitis fulti præsidio adversus Catholicos atque res sacras moliti sint debacchantes furiarum more per urbes atque Provincias nec sexui, nec ætati, nec personarum locorumve conditioni parcentes, quo minus Ecclesias diriperent atque incenderent, sacras Virgines violarent, Sacerdotes exquisitis tormentis afficerent, loca sacra & Catholicorum domos ferro flammaque subigerent. Cui malo Innocentius III. sacram militiam, & Cruce signatorum exercitum opposuit, a quo duce Simone Montfortii Comite, cui Cælum ipsum militare visum est, ad Muretum agri Tolosani oppidum insigni ac Seculis omnibus memoranda victoria fusi sunt, de quo consulitor Petrum Vallecern. Hist. Albig. c. 5.

Catharorum impietas atque crudelitas.

VIII. Sed nec mitius, aut religiosius ab illis actum in Italia apud Insubres Cenomanosque cumprimis: Nam ut alia prætermittam, Brixienfes Cathari ad eam creverant potentiam atque audaciam, ut orthodoxos gravissimis injuriis afficerent, atque in sacra omnia impune debaccharentur. Quare Honorius P. III. ad comprimendam eorum vesaniam Episcopos Ariminensem atque Brixiensem peculiariter delegit data ad ipsos Epistola, cujus partem velut Historiæ Monumentum subijcimus ex Oderico Raynaldo ad A. MCCXXV. extatque inter Honorii Epistolas num. 146. *quia in Civitate Brixie quasi quodam Hæreticorum domicilio ipsi Hæretici, eorum fautores, nuper in tantam vesaniam proruperunt, ut armatis turribus contra Catholicos non solum Ecclesias quasdam destruxerint incendiis, & ruinis, veram etiam jactatis facibus ardentibus ex eisdem, ore blasphemio latrare præsumpserint, quod excommunicabant Romanam Ecclesiam, & sequentes doctrinam ejusdem. Volumus, & mandamus, ut Turris dominorum de Gambarara, & Turris Ugonium, Turris Filiorum quondam Botatii, a quibus specialius, & vehementius ad insanias istas est processum, diruantur omnino, & usque ad terræ pulverem detrahantur, non reædificandæ de cætero absque Sedis Apostolicæ licentia speciali, sed in acervos lapidum ad memoriam, & testimonium pænæ tantæ vesaniæ tantique criminis permansuræ, atque in eadem damnatione sint Turres quæ ob causam hujusmodi jam destructæ &c.*

Catharorum Brixienfium impietas, & audacia.

IX. Dicam postremo de eorum pertinacia, quæ cum Hæreticis omnibus ingenta sit, Catharos cumprimis ita obfirmabat, ut nec rationibus vinci, neque auctoritatibus moveri, nec poenis corrigi, nec ipso mortis adspectu concuti, atque ab inhibitis semel erroribus dimoveri paterentur, mori paratiores, quam resipiscere. Duos prope Coloniam cum per triduum admoniti Hæresim ejurare nollent, raptos a populis atque in ignem coniectos non patienter solum, sed alacriter flammæ subiisse scribit Enervinus in Epistola ad S. Bernardum. Id etiam de pluribus aliis prope eandem Civitatem refert Trithemius in Chron. Hirsaugien. ad A. MCLXII. ubi rem addit plane memorandam. *Erat inquit, inter eos juvencula una satis pulchra & morigerata, super quam Judices, & qui adstabant incendio, misericordia moti sunt, & cupientes eam salvare, si forte aliorum viso interitu, ac territa, consilio vellet acquiescere saniori, commiserunt eam quibusdam prope adstantibus tenendam in manibus atque servandam. Ardentibus jam aliis, & multis exhortantibus atque rogantibus puellam, ut ab errore malo discedens vitam sibi servaret concessam, illa tacens, & nulli quidquam respondens, tan-*

XXVIII DISSERTATIO PRIMA

dem subito de manibus tenentium clapsa in medium se flammarum præcipitem dedit, & periit.

X. At ne quempiam admiratione suspendat hæc eorum non fortitudo quidem, aut constantia, sed vesania atque stupiditas; audiendus est Bernardus Serm. 66. in Cant. *Mirantur, inquit, aliqui quod non modo patienter, sed & læti Hæretici videantur duci ad mortem, sed qui minus advertunt quanta sit potestas Diaboli non solum in corpora hominum, sed etiam in corda, quæ semel permissus possederit. Nonne plus est hominem sibi met injicere manum, quam id libenter ab alio sustinere? Hoc autem in multis potuisse Diabolum frequenter experti sumus, qui semetipsos aut submerserunt, aut suspenderunt: denique Judas suspendit seipsum, Diabolo sine dubio immittente. Ego tamen majus existimo, & magis admiror, quod potuit in cor ejus immittere ut traderet Dominum, quam ut semetipsum suspenderet.*

CAPUT VI.

De ritibus & disciplina Catharorum.

Sacramenta Catharorum.

I. **D**iabolum in Hæreticis, quos spiritu erroris & mendacii seduxit, æmulari aliquando veræ Ecclesiæ Ritus, & Sacramenta, quæ simiarum instar imitando effingat, animadvertit Tertull. lib. de Præscript. Hæretic. c. 4. *A Diabolo (inquit) cujus sunt partes invertendi veritatem, qui ipsas quoque res Sacramentorum Divinorum, idolorum mysteriis æmulari. Tingit & ipse quosdam utique credentes, & Fideles suos, expositionem de lavacro repromittit, & si adhuc memini mythra signat illic in frontibus milites suos, celebrat & panis oblationem, & imaginem resurrectionis inducit &c.* Id autem in more fuisse positum Catharorum monet Reinerus; qui cum omnia Sacramenta Ecclesiæ exploderent, ac deriderent, nova quædam inania ac sacrilega prorsus mysteria excogitarunt; Nam Baptismo manuum impositionem, Eucharistiæ panis fractionem, Pœnitentiæ externam quandam confessionis speciem, & Ordini gradus quosdam hierarchicos subrogarunt.

Baptismus Catharorum.

II. Manuum impositionem *consolamentum* vocabant & spirituale Baptisma, seu Baptismum Spiritus Sancti, sine quo nec peccatum remitti, nec Spiritus Sanctus conferri posset, adjecta tamen Oratione dominica; quam quidem manuum impositionem a solis Catharis factam valere prædicabant, dummodo ii lethali culpæ obnoxii non essent; Si enim quispiam e suorum perfectorum numero peccaret mortaliter comedens vel minimum carnis, vel ovi, vel casei, omnes quos per manuum impositionem consolatus erat etiam in mortis articulo amittebant Spiritum Sanctum, eosque iterum consolari oportebat.

Eucharistia Catharorum.

III. Eorum Eucharistia erat quotidiana panis fractio tam in prandio quam in coena. Ejus autem conficiendæ ritus hic erat. Convivæ omnes ad mensam stantes recitabant Pater noster: Prior inter illos professione vel Ordine tenens panem & vinum dicebat: *Gratia Domini nostri Jesu Christi sit semper cum omnibus nobis;* & frangens panem distribuebat omnibus discumbentibus sive perfectis, sive credentibus eorum latronibus, adulteris, atque homicidis. Nemo tamen eorum, inquit Reinerus, credebatur ex illo pane confici Corpus Christi.

Pœnitentia Catharorum.

IV. Catharorum Pœnitentia erat generalis quædam Confessio facta coram pluribus, eorum Prælato Evangeliorum Codicem ante pectus tenente, qui facta absolutione super confitentis caput librum ponebat, aliis Catharis circumstantibus manum dexteram imponentibus. Si post receptam manuum impositionem laberetur quis in aliud grave peccatum, illud secreto tantum confitebatur coram Prælato a quo novam recipiebat manuum impositionem. De Venialibus autem ab uno eorum pro omnibus semel plerumque in Mense fiebat ejusmodi Confessio.

Catharorum Hierarchia.

V. Quatuor erant apud Catharos sive Ordines, sive gradus. Prior inter illos Episcopus vocabatur, alter ab illo Filius major, tertius Filius minor, quartus & ultimus Diaconus. Episcopus præibat omnibus in manuum impositione, fractione panis, & Oratione. Hunc absentem exhibebat Filius major, ac pro illis absentibus idem præstabat Filius minor.

nor. Hi duo Filii vel simul vel seorsim Catharos sub Episcopo constitutos visitabant, atque iis absentibus id muneris obibant Diaconi, qui & mensiles venialium confessiones excipiebant.

Porro sic initiabantur Catharorum Episcopi. Episcopus ante mortem Filium majorem in Episcopum inaugurabat; Altero istorum vita functo Filius minor efficiebatur Filius major, & Episcopus eadem die: Vivente vero Episcopo ita se subscribebat *N. Filius major, & ordinatus Episcopus*. Sola manuum impositione ea ordinatio perficiebatur, eique soli gratiam conferendi ordines & dandi Spiritum Sanctum illigabant.

VI. De eorum Festis nihil tradit Reinerus. At de Catharis Colonienfibus hæc scribit Eckbertus Serm. 1. *Christianis Pascha celebrantibus, vel negligenter hoc celebrant, si inter ipsos sunt, vel occasiones querunt discedendi de medio eorum quibus cohabitant, ne cum eis solemnizare cogantur. Celebrant autem pro eo quoddam aliud Festum in quo occisus est Hæresiarcha eorum Manichæus, cujus procul dubio hæresim sectantur.* Festa Catharorum

VII. Præter quotidianam ab esu carniū & lacticiniorum abstinentiam jejunia quædam teste Reinerio servabant, quæ ita describit Eimericus Direct. Inq. p. 3. de signis externis per quæ Hæretici dignoscuntur. *Tres quadragesimas in anno jejunant, scilicet a Festo S. Britii (hoc est xiiii. Novembris) usque ad Natale, & a Dominica prima Quadragesimæ usque ad Pascha, & a Festo Pentecostis usque ad Festum Apostolorum Petri & Pauli, & ultimam septimanam cujuslibet quadragesimæ vocant septimanam Sanctam sive strictam, quia in illa jejunant in pane & aqua, aliis autem septimanis tribus diebus jejunant in pane, & aqua.* Jejunia Catharorum.

VIII. Frequenter etiam orabant præsertim ante comestionem & potum, atque ita necessariam orationem putabant, ut nonnulli eorum infirmi, si orationem Dominicam recitare non possent, cibum omnem respuerent, unde verisimile est, inquit Reinerius, plures seipsos hoc modo occidisse. Oratio Catharorum.

IX. Vigebat autem cum primis apud ipsos Disciplina Arcani. Nec enim omnia, & penitiora Sectæ dogmata Tironibus, seu credentibus suis revelabant, sed pauca admodum, & vulgaria. Ea vero apud perfectos tanta secreti fide retinebantur, ut adhibito etiam perjurio occultarent; quam a Priscillianistis & veteribus Manichæis artem didicerant, quamvis cæteris in casibus a quocumque juramento superstitione caverent. Disciplina arcani apud Catharos.

X. Juvat hoc loco disciplinam & ritum exhibere, quo ad Sectam suam accedentes recipiebant, quemadmodum ad calcem libri Reineriani extat in Thesauo Anecd. Edmundi Martene.

Ille qui major est inter eos dicet ita credenti, qui vult hæreticari: Frater, vis te reddere fidei nostræ? Et credens dicet: Sic. Et tunc a longe veniens ille credens, flectens genua, & manus in terra, dicet Benedicite; & Hæreticus dicet: Dominus te benedicat: Et iterum eundo aliquantulum dicet credens illud idem, & tertio similiter. Et addet tunc credens: Rogate Deum pro isto peccatore quod me perducatur ad bonum finem, & faciat me bonum Christianum. Et respondebit Hæreticus: Deus sit rogatus quod faciat te bonum Christianum & perducatur ad bonum finem. Post hæc interrogabit eum Hæreticus in his verbis: Tu reddis te Deo, & Evangelio? Et credens respondet: sic; stando genibus flexis & manibus in terra: Item: promittis quod de cætero non comedes carnes, nec ova, nec caseum, nec aliquam victuram, nisi de aqua & ligno? Et pro aqua intelligunt pisces, & pro ligno oleum. Item quod non mentieris, nec jurabis, nec occides quicumque ex reptilibus, nec exercebis aliquam libidinem de corpore tuo, nec ibis solus, dum possis socium habere, nec solus comes; nec jacebis absque camisia & bracis, nec relinques fidem timore ignis, vel aquæ, vel alterius generis mortis? Et his promissis, omnes circumstantes flectunt genua sua, & manus in terra; & major illarum ponit librum, ubi sit Evangelium S. Johannis, & manus supra credentem illum, & legit totum Evangelium In principio erat verbum. Ritus faciendi Catharos.

Post hæc ille major osculatur eum bis in ore ex transverso, & ipse alium, & sic omnes assumunt pacem, & si sint illic mulieres aliqua, aliqua illarum recipit pacem de cubito alicujus Hæretici, sicut nostræ faciunt de libro, & deinde dat al-

tera

tera alteri pacem bis ex transverso; Et datur illi Hæreticato quoddam filum subtile lineum, vel laneum pro habitu quem portet supra camisiam, & sic ille postmodum dicitur Hæreticus indutus, & portat quam levius vult vel potest habere indumentum.

XI. Alium fuisse Catharorum Gallia ritum tradit Petrus Vallecern. in Hist. Alb. quem ita describit. Cæremonia sacrilegæ Præses dicebat: *Amice si vis esse de nostris, oportet ut renunties toti Fi dei quam tenet Romana Ecclesia.* Respondebat: *Abrenuntio.* Ergo, inquebat, *accipe Spiritum Sanctum a bonis hominibus,* & tunc aspirabat ei septies in ore. Item dicebat illi: *Abrenuntias Cruci quam tibi fecit Sacerdos in Baptismo in pectore, & in scapulis, & in capite de oleo, & chrismate?* Respondebat: *Abrenuntio: Credis quod aqua illa operetur tibi salutem?* Respondebat: *Non credo.* *Abrenuntias velo illi, quod tibi Baptizato Sacerdos imposuit in capite:* Respondebat: *Abrenuntio.* Tunc omnes illi manus imponebant, osculabantur eum, & induebant veste nigra, & ex illa hora unus ex eis censebatur.

CAPUT VII.

De oppugnatione & profligatione Catharorum.

Romanorum Pontificum adversus Catharos zelus.

Legatio Arnaldi Cisterciensis & Sociorum adversus Albigenes.

S. Dominici zelus, labores, & fructus adversus Albigenes.

Bellum sacrum adversus Catharos.

Imp. leges adversus Catharos.

Cathari Mediolani exusti.

I. **T**eterrimam Catharorum lue in instar cancri in dies serpentem, atque universam ferme qua late patet Europam inficientem, RR. Pontificum zelus non coercere solum atque reprimere, sed convellere prorsus atque extirpare omni ope curavit crebris adversus illam celebratis Conciliis, gravissimis latis decretis, Legationibus institutis, ac demum Catholicorum Principum armis in ejus exitium vocatis. De Conciliis dicam Capite sequenti. Inter legationes celeberrima habetur Arnaldi Cisterciensis Abbatis, Petri de Castronovo, & Radulphi ejusdem Ordinis Professorum ab Innocentio III. adversus Albigenes Catharos promota expeditio, de qua confer Petrum Vallecern. Hist. Alb. c. 5. Ea vero in expeditione palmam cæteris facile præripuit vir Sanctissimus Dominicus Guzmanus Didaci Oxomensis in Hispania Episcopi itineris & laborum comes, qui prædicatione, colloquiis, disputationibus, scriptis, exemplo, miraculis impiam sectam novennio exagitavit, innumeris Albigenibus aut profligatis, aut in veritatis viam adductis. Quo tempore Prædicatorum Ordinem singulari ac plane Divina providentia, perenne futurum Ecclesiæ adversus Fidei hostes præsidium excogitavit, erexit, de cujus zelo in profligandis Hæreticis non est cur plura prædicem, & res notissimas obtrudam, ne in suspensionem præjudicatæ commendationis domesticus scriptor adducar.

II. Sed gravissimo ac pertinacissimo morbo summa atque extrema adhibenda erant remedia. Quamobrem ab eodem Innocen. III. indicta adversus nefariam gentem sacra militia, gestumque in Galliis a Catholicis Principibus adversus Albigenes Catharos diuturnum bellum, cui post varios casus, insignesque de illis reportatos triumphos, adhortante Gregorio IX. finem imposuit S. Ludovicus IX. Galliarum Rex.

III. Romani quoque Imperatores, Civilesque Magistratus severissimis Legibus, atque gravissimis poenis perditissimos homines coercuerunt. Atque ut cæteros prætermit- tam, Fridericus II. Imperator eo ipso die, quo Imperialem Coronam ab Honorio III. R. P. Romæ suscepit, in ipsa Basilica Principis Apostolorum celebre edictum promulgavit Corpori Juris Civilis adhuc insertum, quo infamia, exilio, bonorum proscriptioni, atque extremo supplicio tum Catharos cum alios cujuscunque nominis Hæreticos per omnes Imperii fines subjecit. Quare identidem ab Ecclesia judicati ad secularium Judicium Tribunal rapti constitutis poenis affecti sunt. Laudat in hanc rem Tristanus Calchi Hist. Mediolanen. Sec. XIII. ad A. MCCXXXIII. Oldradum Grossi ex Dressena Laudensium Familia Prætorem Mediolanensem, cui equestris statua in ejusdem Civitatis foro Mercatorum posita est cum hoc titulo: *quod ultor Hæreticæ malignitatis Catharos ut debuit ussit.* Extare adhuc lapidem eidem positum A. MCCXXXIII. in hac inscriptione: *qui solium struxit, Catharos ut debuit uxit pro ussit* refert Cl. Muratorius To. 5. Antiq. Italic. Dissert. IX. pag. 89. Ita nimirum exitiosissima pe-

flis ferro & igne delenda erat, ne latius propagaretur, æquissimo sane Principum zelo, quos jam exemplo suo anteiverant Religiosissimi Imperatores qui cum Hæreticos omnes, tum maxime Manichæos a Seculo III. ad Albigenium usque ætatem omni genere suppliciorum exagitaverant; cujus severitatis egregiam rationem affert Cl. Thomassinus lib. 2. gallice edito de unitate Fidei c. 9. ad eam legem contra Manichæos. *Manichæo in loco Romano apprehenso caput amputetur. Manichæi, inquit, non tam Hæretici erant, quam Pagani, immo Paganis deteriores. Præter verum & unicum Deum, qui est rerum omnium principium & causa, aliud agnoscebant mali principium supremum. Jam vero nullum est immane flagitium, nulla morum turpitudine quæ ex nequissimo illo dogmate fluere ac sequi non possit: quare non solius Ecclesiæ intererat, sed ad Remp. quoque pertinebat exitiale adeo monstrum exterminare, unde hujusmodi Imperatorum leges tum regnorum hominumque tranquillitatis causa cum Ecclesiæ ac Fidei securitatis adversus illos sancitæ sunt.*

IV. Sed disertius Leo M. Epist. 93. ad Thuribium Episcopum Asturicensem de Priscillianistis, cum quibus Cathari maxime consentiebant; *Merito, inquit, Patres nostri, sub quorum temporibus hæc hæresis nefanda prorupit, per totum Mundum instantèr egerè, ut impius furor ab universa Ecclesiâ pelleretur. Quando etiam Principes Mundi ita hanc sacrilegam dementiam detestati sunt, ut auctores ejus, ac plerisque discipulos legum publicarum eandem prosternerent. Videbant enim omnem curam honestatis auferri, omnem conjugiorum copulam tolli, simulque divinum & humanum subverti si hujusmodi hominibus usquam vivere cum tali professione licuisset, & profuit diu ista districtio Ecclesiæ lenitati: quæ etsi Sacerdotali contenta judicio cruentas refugiat ultiones, severis tamen Christianorum Principum constitutionibus adjuvatur, dum ad Spirituale nonnumquam recurrunt remedium, qui timent corporale supplicium.*

V. Jam vero ne recrudesceret impofterum malum, aut impia Hæresis repullularet ex cineribus suis, saluberrimo consilio Romani Pontifices Sanctæ Inquisitionis Officium auctore S. Dominico instituerunt, eidemque B. Viro, & Fratribus Prædicatoribus præcipue detulerunt. Etsi enim prioribus Ecclesiæ Seculis Episcopi vel Concilia sola excommunicationis sententia, sequioribus vero Imperatores legibus suis, quibus Theodosiani & Justiniani Codices referti sunt, Hæreticos multarent; Cum tamen Seculo XII. eo crevissent pertinaciæ atque potentiæ, ut iis coercendis Episcoporum vigilantia, legumque gravitas impares viderentur; Quæstitoribus Fidei ea cura demandata est, ut procul a Fidelium caulis arcerent Lupos rapaces non parcentes gregi, zizania ex agro Dominico eradicarent, vulpeculas vineam Domini demolientes caperent, sartam denique tectam in Catholicis regnis ab erroribus Fidem omni nisu servarent. Et quidem sacrorum Fidei Quæstitorum cura, zelo, ac diligentia factum est ut sensim post An. Christi MCCC. decreverit in Italia cumprimis ejusmodi Sectarum pestilentia, nec ulla Hæresis aut noviter procusa, aut renovata apud Italos radices amplius egerit, ut erudite observat Cl. Muratorius Tom. 5. Antiquit. *Italic. Dissert. LX. pag. 150.*

S. Inquisitionis Officium adversus Hæreticos rectè institutum.

VI. Scio equidem adversus Sanctissimum Fidei Tribunal effuse atque impotenter ferri Hæreticorum omnium odia, eoque nomine S. *Dominicum* ita conviciis proscindere, ut Albigenium Carnificem vocare non dubitent: Ipsum vero Inquisitionis officium *gravissimum appellant & ab orco petatum Christianæ Religionis dedecus, simul & flagellum conscientiarum, & carnificinam, summæque Tyrannidis, & crudelitatis officinam, qua Siculi non invenerunt Tyranni majus tormentum.* (Ita Cavæus Hist. Liter. conspect. Sec. XIII. quod Scholasticum vocat.) At cum ægrotis exosus sit Medicus sanans, ut ait Augustinus, & reis importabilis Judex, quamvis justissime poenas decernens, surda aure prætereundæ sunt hujusmodi delirantium hominum neniæ, quas redarguere, ac refutare consilium mihi in præsentia non est. Nam qui ita sentit, aut scribit unam causam agit, ut impunitate hæresibus concessa liberius quos voluerit errores profiteatur, atque in vulgus disseminet. At si quantum res ipsa momenti habeat mature ac sine præjudicati animi turbatione expendere, summi beneficii loco cæci homines acciperent, quod gravissimam carnificinam & tyrannidem vocant. Quid enim ad continendos in vera Religione populos, firmandum sinceriorem Dei cultum, asserendam Regnorum tranquillitatem, quæ inter fœdas Hæreseon procellas

Hæreticorum odium, & convicia adversus Inquisitionis officium.

cellas periclitatur semper, & nutat, excogitari poterat aptius, atque opportunius? Quid demum severitatis habet Quæstorum Tribunal, quod edicta Regum non habeant? Nullæ profecto a Fidei censoribus in causa Hæreseos poenæ infliguntur, quas sacri Canones non præscripserint; Mitiores vero ab jure Pontificio, graviores ac longe plures in iisdem Religionis causis ab Cæsareo indictæ sunt, quarum severitatem vel ipse Genevensis Senatus agente Calvino adversus Michaellem Servetum Hæreseos insimulatum aliquando exercuit. Damnent igitur oportet Concilia, Pontifices, Imperatores, suos ipsos Magistratus, qui eam ob rem de sacro Fidei Tribunali præpostere adeo atque injuriose obloquuntur.

CAPUT VIII., ET ULTIMUM.

De Conciliis adversus Catharos celebratis.

I. **V**isum est Cl. Ludovico Antonio Muratorio *Tom. 2. Anecdotorum in notis ad fragmenta Capitulorum adversus Manichæos*, nulla unquam adversus eosdem Manichæos fuisse antiquitus a Catholica Ecclesia celebrata Concilia, cujus rei eam causam seu conjecturam vir doctissimus affert, quod nequaquam Christianis accensendi ii erant, sed Gentilibus, e quorum sinu Manes eruperat, novasque opiniones immixtis etiam Christianis aliquot sententiis proposuerat, ut neque Christianus, inquit, videretur, nec mereretur Gentilis nomen, instar perditissimi Mahumeti, qui ex Judaismo, Hæresibus non paucis, atque ex germana Christi Religione pertinacissimam Sectam conflavit. Quemadmodum vero Mahumetum Ecclesia damnare in Conciliis minime consuevit, quia ovili nostro se ille haudquaquam surripuit, ita Manetem, ejusque Sectatores, idcirco Catholicis Synodis Ecclesia confodere noluit, quod ii alienigenarum gentiliumque numero haberentur.

Aliqua adversus veteres Manichæos Concilia.

II. In hanc doctissimi Viri sententiam libenter concedo, si de Generalibus Synodis accipiatur; quamquam & in Nicæna, quæ teste S. Athanasio Epistola ad Epictetum Hæreses omnes profligavit, princeps Manichæorum error de duobus principiis per ea Symboli verba *visibilem & invisibilem* proscriptus sit, quibus adversus eosdem Manichæos majoris explicationis causa additæ sunt in Constantinopolitano I. particula *Celi & Terræ*. Cæterum adversus Priscillianistas eadem ferme cum Manichæis sentientes habita est Cæsaraugustana Synodus A. circiter CCC LXXX. Concilium præterea Toletanum I. sub Anastasio P. Manichæos damnat: Tum altera Toletana Synodus quæ prima inscribitur Anno ipso CCCC. cui ab editoribus Conciliorum adjecta est Fidei Regula, & 18. Anathematismi quibus Manichæorum dogma de duobus principiis, aliaque ex illo consecraria configuntur, ut alias omittam posteriores Synodos aut Nationales aut Provinciales in Manichæos ipsos coactas.

III. Ut ut vero sit de Veteri adversus illos Ecclesiæ disciplina, plura certe in novos Manichæos seu Catharos Concilia celebrata sunt, ad quorum recensionem aggrediens, præmonitum velim eorum aliqua non solum Catharos, sed etiam Valdenses afficere, plura etiam Colloquia potius vocanda esse quam Concilia.

Concilia adversus Catharos celebrata. Atrebatense An. 1025.

IV. Primam tempore, & ordine laudandam existimo Atrebatensem Synodum, quam exhibet Lucas Dachery *Spicileg. Tom. 13.* a Gerardo Atrebatensi & Cameracensi Episcopo celebratam A. MXXV. contra quosdam Hæreticos, qui de Italia finibus in Belgium venerant, & novam hæresim invehentes, Evangelicæ & Apostolicæ sanctionis disciplinam pervertere moliebantur. In ea Synodo omnia Fidei dogmata de Reali Christi præsentia in Eucharistia, de Poenitentia, de Jejuniiis, de cultu Sanctorum, de Veneratione Imaginum, de Suffragiis mortuorum &c. solide adeo firmata sunt, ut convicti illi Sectarii errores ejurarint, quos a quodam Gandulpho Italo ebiberant, & ad Catholicæ Ecclesiæ unitatem confestim redierint. Hos autem in Catharorum censum referri posse crediderim ob consensionem plurium dogmatum, & summam cum illis affinitatem.

Concilium Aurelianense A. 1117.

V. Anno MCXVII., vel ut aliis placet MCXXI. habitum est Concilium Aurelianense in Galliis adversus Stephanum & Lisojum aliosque plures Manichæismi assertores atque propagatores, de quo supra cap. 2. Eorum errores hi proditi sunt ab Are-

Arefasto Viro nobili, ac teste oculato . I. Vetus ac Novum Testamentum rejiciebant . II. Christum de Virgine Maria non esse natum , nec vere passum , mortuum , sepultum &c. III. In Baptismo nullam esse peccatorum remissionem . IV. Sacramentum Corporis & Sanguinis non esse in consecratione Sacerdotis . V. Sanctorum invocationem inutilem esse . VI. Bona opera inania , & superflui esse laboris . VII. Iis qui suæ Sectæ mysteriis initiati essent visiones Angelicas pollebantur , quarum solatio recreati cum ipsis Angelis quovis locorum sine mora vel difficultate pro arbitrio ire possent . Denique in omnem spurcitiam carnis effusi nocturnos agebant conventus , in quibus singuli lucernas tenentes nomina dæmonum Litaniæ instar recitabant , donec dæmon sub forma cujusdam bestiolæ eis appareret , quo conspecto , extinctis lucernis promiscuam exercebant libidinem , nulla consanguinitatis aut voti habita ratione . Matrem etiam , aut sororem , aut sanctimoniam ut primum occurrebat construprantes . Ex foedo concubitu natus infans octava die comburebatur , ejusque cineres diligentissime collectos tanta religione servabant , quanta Corpus Christi dandum Fidelibus jam jam morituris in Viaticum asservat Ecclesia , ex quibus qui vel tantillum prælibaverant , ita obfirmabantur in hæresi , ut ex ipsa nunquam aut vix emergere possent . Extant ejus Concilii acta apud Dacherium Tom.2. Spicilegii .

VI. Occurrit tertio loco Concilium Tolosanum sub Callixto P. II. tempore Ludovici Crassi , de quo Labbeus Tom. X. Concil. pag. 869. In eo damnantur Hæretici , qui Religionis speciem simulantes , Dominici Corporis , & Sanguinis Sacramentum , Baptisma parvulorum , Sacerdotium , & omnes Ecclesiasticos Ordines , legitimarum denique reprobabant foedera Nuptiarum , quibus Petrobusianos designatos esse qui asserunt , oppido hallucinantur , cum Petrus de Brui eorum Princeps errores suos vulgaverit , ac solum innotuerit A. MCXXVI. unde ab Hæreticis in præfato Concilio damnatis errores suos hausisse verisimile est . Concilium vero illud aptius reponendum censeo ad A. MCXIX. quam ad sequentem , ut plerique faciunt , cum ex Fr. Bernardo Guidone in vita MS. Callixti II. illud celebratum fuisse constet Anno I. ejusdem Pontificatus idibus Junii . Is vero statim a morte Gelasii denati in Monasterio Cluniacensi 4. Kal. Febr. MCXIX. electus est , unde primus Mensis Majus & Junius ejus Pontificatus incidunt in A. MCXIX. , nisi putentur anni more Gallico antiquo a Festo Annuntiationis , non vero a prima Januarii . Illud igitur reliquum est ut Cathari per ea tempora in Galliis emergentes , quemadmodum ex erroribus superius indicatis colligitur , eo in Concilio damnati sint .

Concilium Tolosanum A. 1119.

VII. Ab hoc Concilio non fecernit Labbeus alterum Tolosanum ab eodem Callixto celebratum Tolosæ , de quo in Fasciculo temporum hæc habentur . *Callixtus Tolosæ Concilium celebravit , in quo damnavit fidos aliquos Religiosos , qui plures Hæreses secreto & publice seminabant , contra Sacramenta , & bona Ecclesiarum .* At huic secundo Concilio non Callixtum præfuisse , sed Ricardum Sanctæ Sedis Legatum monent Tolosates Scriptores apud nostrum Percin Monum. Conv. Tolos. Parte II.

VIII. Concilium Lateranense II. sub Innocentio II. A. MCXXXIX. contra Petrum de Brui , & Arnaldum de Brixia Romæ tunc agentem . Ejus Canon 23. expresse damnat Petrum de Brui , eosque qui Baptismum , Eucharistiam , Ordinem , & Matrimonium negabant ; quo nomine Catharos etiam percussos , nemo negaverit .

Concilium Lateranense II. Anno 1139.

IX. Concilium Oxoniense in Anglia A. MCLX. adversus eosdem Hæreticos celebratum memorat Guillelmus Neubrigensis l. 2. Hist. Angl. c. 13. Porro ii Hæretici quos solo nomine a Catharis distinctos fuisse pronum est judicare , vulgo enim Publicani vocabantur , jussu Henrici II. Regis Angliæ carceri mancipati , ab Episcopis in laudato Concilio congregatis damnati sunt ; atque ut resipiscerent moniti . Cum omne consilium , & minas omnes deriderent , illud usurpantes : *Beati qui persecutionem patiuntur propter justitiam* , Regiæ potestati traditi sunt ; quæ infami hæreseos caractere eorum frontibus inustis , & virgis coercitos ab Urbe exterminavit , omnique hospitio prohibitos voluit .

Concilium Oxoniense in Anglia A. 1160.

X. Concilium Turonense sub Alexandro III. A. MCLXIII. ex Labbeo Tom. X. pag. 1419. , ubi Can. 4. damnat Hæresim in partibus Tolosæ dudum exortam , ac per

Concilium Turonense A. 1163.

XXXIV DISSERTATIO PRIMA

Guasconiam aliasque Provincias late serpentem, contra quam Episcopos & omnes Sacerdotes in iis partibus degentes vigilare præcipit; deinde carcere, & bonorum amissione Hæreticos, & fautores eorum plecti jubet, atque observari attentius, & canonica severitate arceri.

Concilium Lumbariense A. 1176.

XI. Concilium Lumbariense habitum in pago Albiensi, unde a quibusdam vocatum Albiense sub eodem Alexandro III. A. MCLXXVI. ex Rogerio Hovedenio in Vita Henrici II. Regis Angliæ pag. 555. quanquam acta ex Sirmondi MS. Codice a Cossartio edita illud referant ad A. MCLXXV. De Hæreticis in ea Synodo damnatis hæc habet laudatus Rogerius. *Erant in Provincia Tolosana Hæretici qui se bonos homines appellabant Manichæis & Arrianis affines &c.* Eorum antesignani Oliverius & Sicardus contra quos Goscelinus al. Cancellinus Lodovensis Episcopus egregie disputavit folius; N. T. auctoritate, quia Vetus rejiciebant. Actis Concilii præter plures Episcopos & Abbates subscripsere Vicecomites Bitterensis & Lautracensis, nec non Constantia foror Galliarum Regis & conjux Raymundi V. Tolosani Comitis in hunc modum. *Hanc sententiam ratam habemus, & istos Hæreticos esse scimus, & eorum sententiam improbamus.*

Colloquium Tolosanum A. 1178.

XII. Anno MCLXXVIII. habitum est Tolosæ Colloquium, seu Conventus a Petro Cardin. Presbyt. tituli S. Chrysogoni Legato Apostolico præsentibus Archiepiscopis Bituricensi, & Narbonensi, duobus Episcopis, Abbate uno, aliisque Ecclesiasticis Viris missis a Ludovico II. Galliarum, & Henrico II. Angliæ Regibus. Idem hujus ac prælaudatæ Synodi exitus. In iisdem capitibus Hæretici manifeste deprehensi, juramenti recusatione contumaces damnati, & anathemate confixi. Confer Rogerium Hoveden. posteriori parte Annal. ad A. prædictum.

Concilium Generale Lateran. III. A. 1179.

XIII. Concilium Œcumenicum Lateranense III. celebratum A. MCLXXIX., vel ut aliis placet MCLXXX. sub Alexandro P. III. hæc habet adversus Catharos C. XXVII. *quia in Guasconia, Albigeſio, & partibus Tolosanis, & aliis locis, ita Hæreticorum (quos alii Catharos, alii Patrinos, seu Patarenos, alii Publicanos, alii aliis nominibus vocant) invaluit damnata perversitas, ut jam non in occulto, sicut aliqui, sævitiam suam exerceant, sed suum errorem publice manifestent, & ad suum consensum simplices attrahant & infirmos; Eos, & defensores eorum, & receptores anathemati decernimus subjacere &c.* Mox damnat Brabantiones, Arragonenses, Navarros, Bascolos & Coterellos, & Triaverdinos, publicos nimirum grassatores, & populos Ecclesiarum, Catharorum erroribus imbutos, qui ex Belgio, sive Brabantia, Aragonia, Occitania certatim erumpentes, in Christianos immaniter sæviebant; de quibus confer S. Antoninum 2. p. Histor. tit. 7. §. 17. Spondanum ad A. MCLXXXIII. & Cangium in Glossario ad eorum nomenclationem.

Concilium Veronense A. 1185.

XIV. Concilium Veronense, quod Baronius Colloquium vocat, Labbeus ut Constitutionem recitat inter literas Lucii III. Cl. vero Pagius verum Concilium fuisse ostendit A. MCLXXXV. propterea quod non solum inter R. P. & Fridericum Imperatorem res acta sit, sed in Conventu plurium Episcoporum præside R. P. In eo igitur adversus Catharos, aliosque Hæreticos editum est hujusmodi decretum: *Nos charissimi Filii nostri Friderici illustris Romanorum Imperatoris semper Augusti præsentia pariter & vigore suffulti de communi consilio Fratrum nostrorum, nec non aliorum Patriarcharum, Archiepiscoporum, multorumque Principum, qui de diversis Mundi partibus convenerunt, contra ipsos Hæreticos, quibus diversa vocabula diversarum indidit professio falsitatum, præsentis decreti generalis sanctione consurgimus, & omnem Hæresim quocumque nomine censeatur, per hujus Constitutionis seriem auctoritate Apostolica condemnamus. In primis ergo Catharos, & Patarinos &c.*

Concilium Monspelienſe A. 1195.

XV. Concilium Monspelienſe A. MCXCV. sub Cælestino III. Præside Michaelē S. Sedis Legato occasione irruptionis Paganorum in fines Hispaniæ & Galletiæ, ut refert Cl. Baluzius. In eo viginti Canones editi sunt quorum ultimo Hæretici Galliæ Narbonensis configuntur.

Concilium Senonense A. 1198.

XVI. Concilium Senonense A. MCXCVIII. sub Innocentio III. ex Roberto Monacho S. Mariani in Chron. Altissiodorenſi, ubi Hæresim illam Popelicanam vocat omnium Hæreseon sæculentissimam, quæ virulenta radices suas late quidem, sed latenter propa-

propagarat. Eandem autem fuisse Hæresim, quæ ab Alexandro III. in Concilio Lateranen. Can. 27. damnata fuerat, inde colligitur quod in eodem Canone Publicani recensentur.

XVII. Colloquium Carcassonæ habitum est A. MCCIII. Mense Febuario inter Catharos atque Valdenses ex una, & Carcassonensem Episcopum Radulphum & Petrum de Castronovo R. P. Nuntios ex altera coram Petro Aragonum Rege; atque productis utrinque Scripturæ testimoniis, & S. R. E. Decretis Hæretici illi convicti sunt. Refert Percin. *Monument. Conv. Tolos. Parte 1. de Hæresi cap. 11.* Bernardum de Cimorra Hæreticorum Episcopum confessum esse: Tres, aut plures Deos esse. Legis Moisaicæ Datorem malum esse. Jesum Christum ita hominem habere Patrem sicut & foeminam Matrem. Sacramentum Baptismi, Eucharistia, & futuram corporum resurrectionem negasse. Denique protestatum esse S. Mariam Virginem de parentibus carnalibus carnaliter genitam non fuisse; quæ omnes ferme Catharorum blasphemias sunt.

Colloquium Carcassonense An. 1203.

XVIII. Concilium, seu Colloquium Monspeliense A. MCCV. sub Innoc. III. & Philippo Francorum Rege actum est, cui Præsides Arnaldo Abbate Cisterciensi, interfuerunt Petrus de Castronovo & Radulphus ejus in Apostolica Legatione socii. Vocati quoque sunt Didacus Oxomenfis Episcopus, & S. P. Dominicus ex Italia redeuntes. V. Spondan. ad A. MCCXXVI. num. 8.

Concilium Monspeliense A. 1205.

XIX. Concilium Avenione actum est Præsidentibus Hugone Regiensi Episcopo S. Sedis Legato, & Thedifio Canonico Junuensi sub eodem Innoc. III. præsentibus Archiepiscopis Viennen. Arelaten. Ebredunen. & Aquensi, multis præterea Episcopis, Abbatibus, aliisque Ecclesiarum Rectoribus. In eo sancitum Can. 2. ut Episcopi jurare subditos compellant circa exterminandos Hæreticos excommunicatos, & in sua pertinacia perseverantes, quos pecunia mulctandos decernit. Canone vero 11. agit contra Aragonos, Brabanzones, Basculos, Ruptarios, seu quocumque nomine vocentur Hæretici, circa quos refert Decreta Alexandri P. III.

Concilium Avenionense A. 1209.

XX. Alterum Avenione celebratum est Concilium A. MCCX. a Milone Legato Apostolico adversus Tolosanum Comitem ejusque subditos Cives, Hæreticorum expulsionem non exequentes, cujus neminit Petrus Vallecern. Hist. Albig. c. 33. Cum vero illud pleraque alia posteriora vel solam causam Comitis Tolosani impensissimi Albigensium fautoris, vel indirecte tantum Catharos afficiant, huc referenda non arbitramur.

Alterum Avenionense A. 1210.

XXI. Censum omnium claudet Generale Concilium Lateranense IV. celebratum sub Innocentio III. A. MCCXV. In eo de Hæreticis coercendis puniendisque operose actum est: Albigensium causa ibi discussa, atque illorum erroribus Caput I. de Fide Catholica velut ex adverso statutum est. Missa facio plurima quæ subinde celebrata sunt Concilia, in quibus plerumque Hæretici ad Fidei Quæsitores remittuntur. Constitutiones quoque RR. PP. quæ in Decretales relatæ sunt; plurimas demum eorum literas in forma Brevis ad Episcopos, & Fidei Quæsitores in causa Catharorum scriptas, quarum plures videre est in Bullario Ordinis Prædicatorum recens edito summa diligentia & labore Cl. P. M. Antonini Bremond ejusdem Ordinis Casanatensis Collegii Theologi, ac Collegæ nostri longe doctissimi.

Concilium Lateranense IV. An. 1215.



DISSERTATIO ALTERA DE VALDENSIBUS.

C A P U T I.

Valdensium ortus.

I.

Valdensium peculiaris Secta ab aliis distincta.



Valdensium nomen unde derivatum.

Legerii de Valdensium origine fabule.

Ejusdem calumnia detegitur ac refutatur.

ALDENSIUM nomen non peculiare alicujus Sectæ, aut Hæreseos, sed communem omnium a Seculo XI I. ad Lutherum usque appellationem fuisse, ut Gnosticorum quotquot Simonis & Menandri deliriis imbuti erant, cum Romanæ tum Reformatae, ut vocant, Communio- nis Scriptores nonnulli ceteroquin eruditi existimarunt. Valdenses propterea cum Albigenis in primis plerique confundunt, quos Origine, Dogmatis, Moribus diversos plane fuisse certissimum est. Eorum nominis Ety- mon a Germanica voce *Vvaldt* nonnulli apud Frideri-

cum Spanhemium Hist. Christ. Sec. XII. derivant, ut qui in loca sic dicta se receperint: Alii a Civitate *Vvalden* quæ in finibus Franciæ sita fuerit, ut Pilicdorsius contra Vald. cap. 1. Ebrardus Bethuniensis qui vixit An. MCCXII. in Anti- hæresi cap. 25. sic appellatos putat, quod in Valle lacrymarum maneant; nec desunt qui sic dictos velint a voce Italica *Valdesi* quasi habitatores Convallium generali deinceps futura hac appellatione, ut colligit Johannes Legerius Hist. Vald. gallice scriptæ lib. 1. cap. 11. atque inde speciale hoc nomen *Barbettis* qui in subalpinis vallibus degunt tributum, unde etiam antiquiores eorum Ecclesiæ illi videntur Petro illo Valdo Lugdunensi a quo Valdenses ortos ceteri Scriptores vulgo commemorant. Cui quidem commento, earum Vallium aliquando Minister, ac sublesta fidei Historicus, illud etiam addendum non dubitavit, Valdensium Sectam, quam ille diu professus fuerat, ad Silvestri R. P. & Constantini Magni tempora referendam esse, atque ab iis ad posteriora secula occulta quidem, sed continua- ta propagatione derivandam. Sed quod hominis sycphantiam cumulat, ac tuis oculis inter legendum vix credas, male consutæ fabellæ patronum ac vadem impudentissime advocat Scriptorem piissimum atque doctissimum Claudium Seisellium Archiepiscopum Taurinensem, cujus auctoritatem dolo malo obtruncatam ac mutilam Lectoribus obtrudit: Ejus vero fidem secutus magni nominis apud suos Genevenses Theologus Turrentinus eundem exscribit Tom. 3. Loco 18. qu. 10. numero 20. in hæc verba = *Claudius Seisellius Archiep. Taurinen. in libro quem scripsit contra Valdenses refert sectam Valdensium originem duxisse a quodam Leone Viro Religiosissimo tempore Constantini M. qui aversatus avaritiam Silvestri, & nimiam liberalitatem Constantini, maluit sequi paupertatem in Fidei simplicitate, quam cum Silvestro manere, & pingui beneficio contami- nari, cui adhærebant quotquot de fide bene sentiebant* = Hæc Turrentinus latine, quæ Gallice exhibuerat Legerius 1. par. cap. 28. Hist. Vald.

II. At legenti Illustrissimi Seisellii Opusculum apparebit illico Hæreticorum hominum candor & fides. Sic enim habet laudatus Præsul Opusc. sui contra Vald. cap. 1. fol. 5. edit. Paris. A. MDXX. = *Valdensis quippe ut ajunt appellabatur (Petrus Valdus) & Lugdunensis Urbis Municeps fuit, unde & prima hujus pestis contagio pullulavit, quamvis nonnulli hujus hæresis assertores ad abladiendum apud vulgares & historiarum ignaros favorem, hanc eorum sectam Constantini M. temporibus a Leone quodam viro religiosissimo initium sumxisse fabulentur, qui execrata Silvestri Romanæ Urbis tunc Pontificis avaritia, & Constantini ipsius immoderata largitione, paupertatem in Fidei simplicitate sequi maluit, quam cum Silvestro pingui opulentoque Sacerdotio con-*

con-

contaminari, cui cum omnes qui de Christiana Religione recte sentiebant adhæssissent, sub Apostolorum regula viventes, hanc per manus ad posteros veræ Religionis normam transmiserunt.

III. Hactenus eruditus Seifellius fabellam recitat, commentumque Valdensium: Accipe jam quid reponat, quibusve argumentis illam refellat. Quo sane commento quid potest esse fabulosus? Quis enim est inter tot probatos auctores Græcos & Latinos, qui per id tempus vel deinceps extiterit, qui hujus hominis fecerint mentionem, quum tamen Antonii, Hilarii cæterorumque Anachoretarum, qui præter rerum omnium humanarum contemptum arctissimam in vasta solitudine vitam egerunt, Scriptorum diligentia memoria relicta sit sempiterna. Quo uno argumento sit perspicuum, non a Leone illo, aliove ullius nominis doctrinæ sanctitatisque Viro, sed ab hoc ipso Lugdunensi Cive Valdensi nomine hæresim hanc initium sumfisse.

IV. Vide quomodo mentita sit iniquitas sibi, immo quam certo criterio Valdensium fabella explosa sit a doctissimo Præsule in falsitatis præsidium ab Heterodoxis Scriptoribus fraudulenter adscito; quove argumento retusa Calvinianorum philautia, qui vetustatem aliquam velut certam Ecclesiæ Notam affectantes, eam a Valdensibus emendicant, & si superis placet, ab ipsa Apostolorum ætate per occultas rimulas ad Calvinum derivare connituntur. Vide Bezam lib. 1. Hist. Eccl. pag. 33. & 39.

V. Igitur a Petro Valdio, seu Valdensi originem appellationemque Valdenses duxere, quorum primordia exhibere lubet ex superius laudato F. Stephano de Borbone al. de Bellaville lib. de Septem Donis Spiritus S. parte 4. cap. 30., ubi ejus Sectæ originem ex cœvis testibus sic describit.

Incepit autem illa Secta per hunc modum secundum quod ego a pluri- Origo Valdensium
bus, qui priores eorum viderunt, & a Sacerdote illo, qui satis honoratus erat, & dives in Civitate Lugdunensi, & amicus Fratrum nostrorum, qui dictus fuit Bernardus Tdros: qui cum esset juvenis, & Scriptor, scripsit dicto Valdensi libros pro pecunia in Romano, quos ipsi habuerunt, transferente, & dictante ei quodam Grammatico dicto Stephano de Ansa, qui postea beneficiatus in Ecclesia Majore Lugdunensi, de solario domus quam ædificabat corruens, morte subita vitam finivit, quem ego vidi sæpe.

Quidam dives rebus in dicta Urbe dictus Valdensis audiens Evangelia, cum non esset multum literatus, curiosus intelligere quid dicerent, fecit pactum cum dictis Sacerdotibus, alteri ut transferret ei in vulgari, alteri ut scriberet quæ ille dictaret, quod fecerunt: similiter multos Libros Bibliæ, & auctoritates Sanctorum multas per titulos congregatas, quas sententias appellabant, quæ cum dictus Civis sæpe legeret & corde tenus firmaret, proposuit servare perfectionem Evangelicam ut Apostoli servaverant. Qui rebus suis omnibus venditis, in contemptum Mundi per lutum pauperibus pecuniam suam projiciebat, & officium Apostolorum usurpavit & præsumpsit: Evangelia, & ea quæ corde retinuerat, per vicos, & plateas prædicando, multos homines & mulieres ad idem faciendum, ad se convocando firmans eis Evangelia. Quos etiam per Villas circumjacentes mittebat ad prædicandum vilissimorum quorumcumque officiorum, qui etiam tam homines, quam mulieres, idiotæ & illiterati per Villas discurrentes, & domos penetrantes, & in plateis prædicantes, & etiam in Ecclesiis, ad idem alios provocabant. Cum autem ex temeritate sua & ignorantia multos errores & scandala circumquaque diffunderent, vocati ab Archiepiscopo Lugdunensi, qui Johannes vocabatur, prohibuit eis, ne intromitterent se de Scripturis exponendis, vel prædicandis. Ipse autem recurrentes ad responsionem Apostolorum in Act. cap. 5. Magister eorum usurpans Petri officium, sicut ipse respondit Principibus Sacerdotum ait: Obedi-
dire oportet magis Deo quam hominibus, qui præceperat Apostolis: Prædicare Evangelium omni Creaturæ; in fine Marci. Quasi hæc dixisset Dominus eis, quod dixerat Apostolis, qui tamen prædicare non præsumpserunt, usquequo induti virtute ex alto fuerunt, & donum linguarum omnium suscep-
runt. Ii ergo; Valdensis videlicet, & sui primo ex præsumptione, & officii
Apo-

XXXVIII DISSERTATIO SECUNDA

Apostolici usurpatione ceciderunt in inobedientiam, demum in contumaciam, demum in excommunicationis sententiam. Post expulsi ab illa Terra ad Concilium quod fuit ante Lateranense vocati, & pertinaces fuerunt Schismatici postea judicati. Postea in Provincia terra, & Lombardiae cum aliis Haereticis se admiscuentes, & errorem eorum bibentes, & ferentes, Haeretici sunt judicati, Ecclesiae infestissimi, & periculosissimi, ubique discurrentes, speciem sanctitatis & Fidei prætendentes, veritatem autem ejus non habentes, tanto periculosiores, quanta occultiores &c.

VI. Mox vero post pauca, ejusdem Sectae ortum consignat ad A. MCLXX. sub Johanne dicto Bolesmanis Archiep. Lugdunen. Quod & alios Scriptores fecisse video, atque in primis Guidonem Carmelitam, qui Valdenses decennio posteriores habet, cum alii scribant eos coepisse circa A. MCLX.

Varia Valdensium nomina.

Sabatati unde dicti.

VII. Variis subinde nominibus appellati sunt: *Leonistae* a Lugdunensi Urbe, quæ & Leona dicta est: *Pauperes de Lugduno* a paupertatis professione: *Sabatati*, vel *insabatati*, non quod Festis Papisticis repudiatis solum diem Dominicum observarent, ut ineptissimè conjicit Fridericus Spanhemius Hist. Christ. Sec. XII. nec quod in Sabbato judaizarent, ut minus recte visum est Goltstadio Calviniano Scriptori, sed, ut tradit etiam Eymericus 3. p. direct. Inquis., quod inter eos perfectiores signum quoddam in superiore parte sui sotularis, quem *Sabatem* appellant, deferre solerent, vel ut ait Cangius in Glossario ab ea calceorum specie, quos Galli *Sabots* vocant, nimirum calceis ligneis quibus passim utebantur; unde Ebrardus Bethuniensis in Antiharesi c. 25. To. 24. Bibl. PP. *Quidam, inquit, qui Vallenses se appellant... & etiam Zabatenenses a Zabata, potius quam Christiani a Christo se volunt appellari. Sotulares cruciant, cum membra potius debeant cruciare, calceamenta coronant, caput autem non coronant.*

CAPUT II.

De Valdensium progressu ejusque causis.

I. **V**IX orta Valdensium Secta, five novitate rei, five Evangelicæ simplicitatis atque Apostolicæ rerum omnium abdicationis specie, quibus plerumque capitur vulgus, plurimos in sui admirationem & sequelam facile traxit, unde & brevi propagata est. Nam varias illi Provincias circumeuntes primum occultis prædicationibus in promiscuam plebem se se insinuabant, *plerumque in Latibulis Ecclesiae Dei* (ut ait Urspergiensis in Chronico) & Sacerdotio derogabatur; hoc est Clericorum Sacerdotumque vita per id temporis paullo laxior, in invidiam & contemptum adducebatur. Sub Lucio III. R. P. eorum nonnulli Romam profecti Societatis suæ, quæ Monachismi speciem præ se ferebat, adprobationem & prædicandi facultatem petiere neutra a Pontifice impetrata. Iterum sub Innocentio III. Romam reversis, iterumque ab illo repulsis, loco eorum S. Francisci Institutum Evangelicæ humilitatis, ac verum absolutumque Apostolicæ paupertatis exemplar perpetuo futurum ab Apostolica Sede adprobatum est; de quo Urspergiensis in Chron. ad An. 1212. Extat Innocent. III. Epistola ad universos Christi Fideles in Urbe, & Dioecesi Metensi, quæ in ejus Regesto est 131. l. 2. & refertur a Bzovio ad A. 1199. qua Valdenses damnat, quod officium prædicationis absque missione invaderent. Quapropter quod habet Moneta lib. V. cap. I. §. IV. Petrum Valdum ad Romanum Pontificem venisse, & pollicitatione facta servandi quatuor Ecclesiae Doctores, Ambrosium scilicet, Augustinum, Gregorium, & Hieronymum, prædicandi veniam, & officium accepisse, id dictum puto ex Valdensium fabula; Neque enim hujusce facultatis aut Apostolicæ permissionis documentum aliquot extat apud aliquem Scriptorem. Quin oppositum omnes tradidere. Audiendus præceteris Pilichdorffius auctor synchronus, quem Tom. XXV. Biblioth. Patrum edidit Gretserus: sic enim habet cap. 1. *Cum autem diu (Valdenses) in paupertate stetissent, inceperunt cogitare quod etiam Apostoli Christi non solum erant pauperes, sed etiam prædicatores, cæperunt & ipsi prædicare Verbum Dei. Quod post-*

Valdenses a R. P. prædicandi veniam postulant.

S. Francisci Institutum Valdensibus oppositum ab Inn. PP. III.

postquam ad Sedem Apostolicam pervenisset; mandat Dominus Apostolicus, quod cessarent, cum prædicatio Verbi Dei rudibus & illiteratis non conveniat: ipsi noluerunt obedire, quasi hoc Romana Curia ex invidia prohiberet. Quo comperto Ecclesia excommunicavit eos: Et ipsi resistentes contumaciter ab Ecclesia condemnati sunt.

II. Romanæ Sedis repulsam iniquo animo ferentes, paullo acrius atque impudentius illam vellicare ac proscindere, Clericos, Sacerdotes, Episcopos publicis Concionibus traducere, in eorum luxum, divitias, & vitæ rationem inquirere, ac declamare, Sacerdotum munia usurpare, Sacramenta omnia ministrare; imperitam denique multitudinem ab Ecclesiæ Prælatorum obedientia subducere coeperunt. Cui malo Innocentius III. in Concilio Lateranensi IV. Can. 3. debita animadversione prospectum voluit atque provisum.

Valdenses in Concilio Lateran. IV. damnati.

III. Sed neque universæ Ecclesiæ anathemate coerciti sunt. Nam late per Gallias, Hispaniam, Italiam, aliasque Europæ Provincias ad seculum usque xvi. diffusi sunt, quo ad Lutheri vel Calvinii castra deficientes in novam Sectam coaluerunt atque migrarunt.

IV. Hujusce propagationis, atque diuturnitatis causas omnino septem affert Reinerus. *Prima, inquit, est inanis gloria, quia enim vident Doctores in Ecclesia honorari, idcirco etiam ipsi appetunt per doctrinam honorari.*

Propagationis Valdensium causæ septem.

Secunda est quia omnes Viri, & Fæminæ parvi & magni nocte & die non cessant docere, & discere; Operarius enim in die laborans, in nocte discit vel docet.... Discipulus decem dierum querit alium quem doceat. Mox refert Valdensem quendam ut Catholicum ad suam sectam pertraheret, hyemali & nocturno tempore per Flumen ad ipsum enatasse. *In quo (subdit) reprehendi potest negligentia Fidelium Doctorum, qui non sic zelant Catholicæ fidei veritatem, sicut perfidi Leonistæ zelant infidelitatis errorem.*

Tertia causa est Veteris ac novi Testamenti in vulgarem linguam ab ipsis facta translatio, quæ quidem edita est in urbe Metensi; unde Innoc. III. mandavit Episcopo & Capitulo Metensi, ut diligenter inquirerent, quis fuerit auctor ejusdem translationis, quæ intentio transferentis, quæ fides utentium, quæ causa docendi &c. ut constat ex l. 2. Reg. ejus Epistolarum Epistola ad Abbates Cisterciens. Morimunden. & de Orisla.

Quarta causa, pergit Reinerus, est scandalum ex malo quorundam exemplo, unde cum quosdam vident male viventes dicunt; sic Apostoli non vixerunt, nec nos qui sumus sectatores Apostolorum: Sane Valdenses, si fidem excipias, sine qua impossibile est placere Deo, castigationem ferme cæteris Christianis vitam egisse testantur Auctores synchroni, atque in primis Reinerus qui cap. 7. sic eorum mores describit: Sunt enim in moribus compositi, atque modesti: Superbiam in vestibus non habent, quia nec pretiosis nec multum vilibus utuntur. Negotiationes non habent propter mendacia, & juramenta, & fraudes vitandas, sed tantum vivunt de labore ut opifices. Doctores etiam ipsorum sunt sutores; divitias non multiplicant, sed necessariis sunt contenti. Casti etiam sunt maxime Leonistæ. Temperati etiam sunt in cibo, & potu. Ad Tabernas non eunt, nec ad choreas, nec ad alias vanitates. Ab ira se cohibent: semper operantur, dicunt, vel docent, & ideo parum orant..... Cognoscuntur etiam in verbis præcisis & modestis. Cavent etiam a scurrilitate, & detractiōe, & verborum levitate, mendacio, & juramento &c.

Valdensium mores compositi.

Quinta causa est quorundam Concionatorum ignorantia, qui quandoque frivola quandoque falsa prædicabant.

Sexta causa est irreverentia quorundam ministrorum Ecclesiæ erga Sacramenta.

Septima est odium contra Ecclesiam. Narrat Reinerus ex ipsorum Valdensium auditu eos molitos esse Clericos & Claustrales ad statum Fossorum ablati decimis & possessionibus multitudine suorum credentium, fautorumque vi & potentia aliquando detrudere. Denique scribit: quod in omnibus Lombardiæ Civitatibus, & in Provincia, & in aliis Regnis plures erant Scholæ Hæreticorum, quam Theologorum, & plures Auditores, qui publice disputabant, & populum ad solemnes disputa-

tio-

tiones convocabant : in foro , & in campis , & in tectis prædicabant ; nec erat qui eos impedire auderet propter potentiam & multitudinem fautorum ipsorum .

CAPUT III.

De Valdensium Erroribus .

I. **P** Rincipio quidem a Valdensibus erratum in paucis ; nec enim quidpiam in iis observatum atque damnatum , nisi quod Laici munus prædicationis invaderent , & novam Apostolicæ vitæ speciem invehere molirentur . Hæc illis ferme objecta Romæ sub Lucio P. III. qui Pontificatum iniit A. MCLXXXI. hoc est a Valdensium ortu circiter vigesimo , & A. MCLXXXV. denatus est . Abbas Urspergiensis in Chronico ad A. MCCXII. refert laudatum Pontificem , *quædam superstitiosa in conversatione eorum eisdem objecisse , videlicet quod calceos desuper pedes præcedebant , & quasi nudis pedibus ambulabant : Præterea cum portarent quasdam Cappas quasi religionis , capillos capitis non attondebant , nisi sicut Laici . Hoc quoque probrosum in iis videbatur , quod viri & mulieres simul ambulabant in via , & plerique simul manebant in una domo , ut de eis diceretur , quod quandoque simul in lectulis accubabant .*

II. Paulo post Lucii III. mortem a Bernardo Archiepiscopo Narbonen. habito inter ipsos & Raymundum Daventriensem colloquio solemnique disputatione , super iisdem ferme erroribus damnati sunt , nisi quod etiam ad Fœminas concionandi potestatem extenderent , Prælati obedientiam detrectarent , suffragia pro defunctis rejicerent . Confer Bernardum de Fontecalido in Præfat. adversus sectam Vald. Tom. 24. Bibl. PP. His autem erroribus mox addidere : Bonis quibuscumque laicis absolvendi consecrandique potestatem inesse , atque illis satius esse confiteri , quam malis Sacerdotibus : Juramenta omnia illicita esse : Malefactores mortis poena mulctare judiciis non licere , ut testatur Alanus Cisterciensis Auctor æqualis l. 2. pag. 175. & seqq.

III. Non aliam eos habuisse fidem usque ad A. MCCX. pronum est judicare ex pluribus Innocentii III. Epistolis , in quibus eorum errores exhibentur , sed præsertim Epist. 78. Reg. 13. l. 1. & Epistola 94. quam laudatus P. scripsit eodem A. MCCX. Id. Maii , ubi post longam Fidei professionem editam a Durando de Osca , Guillelmo de S. Antonino , Johanne de Narbona , Ermengauda , aliisque , Innocentius P. hæc habet : *Licet autem in subscriptis articulis assererentur errasse &c. I. Soli Deo obedendum esse ; & si homini , soli justo , qui Deum habet in se . II. Licere Laico ac literato sine licentia cujuslibet prædicare . III. Bonum Laicum conficiendi Eucharistiam potestatem habere , malum autem Sacerdotem nequaquam . IV. Ejus Orationes aut Missas vivis vel mortuis non proficere . V. Romanam Ecclesiam nequaquam esse Ecclesiam Dei . VI. Quodlibet juramentum in quolibet articulo sub Ecclesiæ forma factum esse peccatum mortale ; suam innocentiam excusarunt in his . Illud inficientes omnino , quod videlicet mulieribus Evangelium in Ecclesia licitum esset docere , ac Indulgentias , quæ fiunt a Pontifice , vel aliis Episcopis non proficere ; justumque Laicum confitentes sibi absolvere posse , quidam eos asserunt adstruxisse .*

IV. At longe plures post Concilii Lateranensis IV. celebrationem adoptarunt errores , sive quod Albigenibus intermixti ex eorum prava consuetudine multas etiam ebiberint ipsorum opinionationes , sive quod a veritate Fidei atque unitate semel declinantibus facilis est per prærupta ad novos semper errores casus . Sane Catholici qui per ea tempora floruerunt Scriptores varia numerant eorum dogmatum capita , quæ in tres classes partitus est Reinerus Sacchonus . Prima blasphemias complectitur quas in Romanam Ecclesiam congerebant , ejusque sanctiones , & Clerum . Secunda errores circa Ecclesiastica Sacramenta , & Sanctos . Tertia execrationes eorum adversus honestas omnes & approbatas Ecclesiæ consuetudines . Cum vero minus obvia , & fortasse antiquiora ea sint , quæ de illis tradidit laudatus Stephanus de Borbone , qui ab A. floruit MCCXXIII. usque ad MCCLXIV. ea subjicimus quæ scribit loco sapius citato ex l. de Septem Donis Spiritus Sancti .

Hi sunt (inquit) errores in quibus (Valdenses) infecti sunt corrupti, & abominabiles in studiis suis, non solum in uno Fidei articulo aut Sacramento, sed in omnibus directe, vel indirecte: sicut ego cognovi, & inveni per multas inquisitiones, & confessiones eorum in iure tam Perfectorum quam Credentium ab ore eorum conscriptas, & per multos testes contra eos receptos.

1. *Dicunt omne mendacium esse peccatum, & juramentum similiter. Tamen aliqui eorum dicunt, ut ab eis audiui, timore mortis esse eis, qui non sunt Perfecti, licitum mentiri, & jurare. Ipsi & mentiuntur, & pejerant, nec credunt hoc esse peccatum, quia & mendacia sua dolis & sophismatibus verborum excusant, & obumbrant.*

Idipsum tradit Reinerus cap. 5. additque Perfectos inter Valdenses mori potius quam jurare paratos: Imperfectos vero jurare si cogerentur. Confer Pilichdorf. c. 36. Ebrard: c. 14. Ermengaud. c. 18. Monetam vero Lib. V. Cap. ix. §. I.

2. *Item fundamentum erroris eorum, immo fidei subversio totius est, quia ipsi ponunt, sicut ego inveni ex confessionibus fere omnium Perfectorum aliorum, animam primi hominis esse divinæ substantiæ portionem, & ipsum Dei Spiritum, vel de eo esse &c.*

Hic error quem palmarem fuisse apud veteres Manichæos tradunt Epiphanius Hæresi LV. & Augustinus l. de duabus animabus c. 1. & l. Retractat. c. 15. puris Valdenses non videtur tribuendus; sed potius Catharis, a quibus Valdenses illos, quos hic memorat auctor, hausisse crediderim, ut supra monuimus; altum enim de illo apud Reinerum, & nostrum, ceterosque Scriptores Valdenses pares vel supparens silentium est.

3. *Item ponunt non esse pœnam Purgatoriam nisi in præsentī, nec suffragia Ecclesiæ defunctis proficere, nec aliqua quæ pro eis fiant.*

Idem scribunt Reinerus, Pilichdorf. c. 2. Bernardus de Fontecalido cap. 9. De hoc agit Moneta Libro IV. cap. 9. §. II.

4. *Item dicunt omnes bonos esse Sacerdotes, & tantum posse quemlibet bonum in absolutione peccatorum sicut nos ponimus Papam posse..... Absolutiones & excommunicationes Ecclesiæ contemnunt, quia solus Deus est, ut dicunt, qui potest excommunicare.*

Id habent etiam Reinerus & Pilichdorf. c. 32. Ebrardus c. 12. Moneta lib. V. cap. 5.

5. *Item quidam magnus Magister & Legatus eorum hanc distinctionem mihi faciebat. Sunt, dicebat, quidam qui non sunt ordinati a Deo vel ab hominibus, ut mali Laici; alii ab hominibus, ut mali Sacerdotes nostri; alii a Deo, etsi non ab hominibus, ut boni Laici qui servant mandata Dei, qui possunt ligare, & solvere, & consecrare, & ordinare, si proferant verba Dei ad hæc statuta. Quidam autem, ut dicebat, de eis discernunt in sexu dicentes: quod ordo requirit sexum virilem: Alii non faciunt differentiam, quin mulier si bona est possit exercere officium Sacerdotis. Vidi Hæreticam quæ combusta fuit quæ super Arcam ad modum Altaris paratæ consecrare se credebatur, & attentabat.*

Similia leges apud Rein. Pilichdorf. aliosque. Confer nostrum lib. 5. cap. 1. §. IV.

6. *Derident Indulgentias Papæ, & absolutiones, & Claves Ecclesiæ, dedicationes, & consecrationes Ecclesiarum, & altarium; vocantes Festa lapidum. Item dicunt omnem terram æqualiter a Deo consecratam, & benedictam: Cæmetæria Christiana contemnunt, & Ecclesias.*

Hæc quoque sunt apud Rein: & Nostrum Lib. V. cap. 8.

7. *Item dicunt quod peccant omnes iudicium vel justitiam sanguinis exequentes, & homicidas reputant, & perditos qui prædicant pugnandum contra Saracenos, vel Albigenes, & Saracenos Infernales, quos vocant Dæmones.*

Reinerus habet c. 5. quod Papa apud eos, & omnes Episcopi sint homicidæ propter bellum. Fuse hoc argumentum prosequitur Moneta Lib. 5. cap. xiii.

8. *Item dicunt, quod sufficit ad salutem soli Deo & non homini confiteri; & quod exteriores Pœnitentiæ non sunt necessariæ ad salutem; sed quando pœnitet quicumque Peccator, quantumcumque magna & multa peccata commiserit, si moritur, statim evolat.*

Aliter illos sensisse circa Sacramentum Poenitentiae scribit Reinerus; sed de hoc capite sequenti.

9. *Item spiritus hominis ex quo bonus est, si moritur, est idem quod Spiritus Dei, & ipse Deus: unde concesserunt eorum multi, credo innitentes primae positioni, quod non est Spiritus in Caelo, nisi Spiritus Dei, qui est ipse Deus, nec alia Anima est ibi nisi Deus. Et cum quaeritur ab eis: si Anima Petri, & Pauli, & aliorum Sanctorum sunt in Caelo, fatentur quod non sit in Caelo alia anima nisi Deus, vel quae non sit Deus. Hoc dixerunt aliqui eorum.*

Hac limitatione satis indicat Auctor eum non fuisse totius Sectae errorem; Nam certe illum puris Valdenses nemo tribuit; quare ex Albigenisibus derivatum esse credendum est, sicut & primum.

10. *Item dicunt quod nostri Clerici & Sacerdotes qui habent divitias & possessiones, sunt filii diaboli & perditionis, & quod peccant qui dant eis decimas vel oblationes, & dicunt quod est quasi impinguare lardum.*

Fulius hoc ipsum commemorat Reinerus scribens eos docuisse Decimas non esse solvendas, siquidem Ecclesiae primitivae non solvebantur: Clericos & Claustrales possessiones & praebendas non debere habere, nec Episcopos & Abbates iura regalia. Terram, & populum non esse in partes dividendum. Malum esse dotare Ecclesias, & Claustra: Non esse condenda Ecclesiis Testamenta. Nullum Ecclesiae censualem fieri debere: Clericos omnes debere manibus operari more Apostolorum. Vide etiam Pilichdorf. c. 1. Ebrardum cap. 10. Nostrium verò Lib. V. cap. 8. per totum.

11. *Item ipsi irrident eos qui luminaria offerunt Sanctis ad illuminandas Ecclesias. Item irrident cantus Ecclesiae, & Officium Divinum, dicentes quod illi videntur Deum irridere qui ei cantant quae dicunt, quasi non aliter intelligeret nisi cantaretur ei, vel cantando peteretur ab eo.*

Quod ad Caremonias & Ritus Ecclesiae pertinet eos omnes explodebant, ac subfannabant. Nam Altaria ex Rein. eorumque consecrationes, sacram Suppellectilem, Sacerdotalia Indumenta, Luminaria, Thurificationes, Aquam Benedictam ceterosque Sacros Ritus irridebant. Confer etiam Pilichdorf. c. 22. 23. & seq. Bernardum Fontiscalidi c. 12. Ermengaud. c. 8. & 9. Monetam vero lib. 5. cap. 1. & c. 8.

12. *Item dicunt nullam esse Sanctitatem, nisi in bono homine vel muliere.*

13. *Item dicunt Ecclesiam Romanam Babylon meretricem, de qua legitur Apoc. xvii.*

Huc spectant caetera quae apud Reinerum in Romanam Ecclesiam effuse vomebant: Eam nimirum sub Silvestro defecisse: Romanam Sedem esse errorum omnium Magistrum: Papam esse omnium errorum caput; Praelatos vero Scribas & Phariseos. Sectam Valdensem esse Ecclesiam Christi, apud quam solam sit doctrina Evangelica. Solos Valdenses esse pauperes spiritu, & qui persecutionem propter iustitiam patiantur, & similia, de quibus Moneta Lib. V. c. 1. 2. 3.

14. *Item irrisibiles dicunt qui faciunt Festa Sanctorum, & quod non peccant qui in eis laborant, nisi forte propter scandalum hominum.*

Non solum Festa Sanctorum, sed eorum invocationem impugnabant; Reliquias, Canonizationes contemnebant; Miraculis ad eorum Sepulchra per ipsorum merita a Deo patris Fidem omnem abrogabant; ex Rein. Pilichdorf. c. 16. & 20. Ermengaud. c. 10. & Nostro Lib. V. cap. 8. & 10.

15. *Item non peccare dicunt illos qui jejunia statuta solvunt quacunque die, & qui ibi carnes comedunt, nisi forte propter quorundam scandalum. Sed in privato est eis licitum, ut dicunt, quacunque die comedere, vel ubicunque non esset hominibus scandalum.*

16. *Item obedientiam Romanae Ecclesiae omnino evacuant.*

17. *Item solum Deum adorandum dicunt omni genere adorationis, & dicunt peccare eos qui Crucem, vel illud, quod nos credimus Corpus Christi, adorant, vel Sanctos alios a Deo, vel eorum Imagines.*

Id confirmant Rein. Pilichdorf. c. 33. Ebrard. c. 17.

18. *Item ex prima positione dicunt plurimi eorum, sicut audiui per Confessionem multorum magnorum inter eos, quod quilibet bonus homo sit Dei Filius sicut*

sicut Christus eodem modo, de quo dicunt quod non habuit aliam Animam nisi Deum, aut Spiritum Sanctum, qui est Deus, quod etiam dicunt de aliis bonis hominibus. Et cum dicunt se credere Incarnationem, Nativitatem, Passionem, & Resurrectionem Christi, dicunt quod illam credunt veram Conceptionem, Nativitatem &c. cum bonus homo concipitur, nascitur, resurgit per penitentiam, vel ascendit in Cælum: Cum Martyrium patitur, illa est vera Passio Christi. Similiter cum dicunt se credere Baptismum, Pœnitentiam, & sic de aliis Sacramentis, dicunt ipsa esse vera Sacramenta solum, & tunc compleri, cum homo pœnitens bonus efficitur, tunc est ibi verus Baptismus, Confirmatio, Eucharistia vera, quia tunc efficitur Corpus Christi, tunc ordinatur, tunc fit in eo conjugium, & unctio. Et per istam spiritualitatem Fidem nostram plurimi eorum in Articulis, & Sacramentis annihilant. Illi autem, qui in aliquo videntur minus male sentire, in hoc errant, quia dicunt Corpus Christi posse confici a quocumque bono vel consecrari, qui dicit verba ad hoc statuta, licet non sit ab homine ordinatus.

Hæc quoque de puris Valdensibus, aut de omnibus accipienda non sunt. Nemo enim scripsit eos circa naturalem Christi Filiationem errasse, aut in mysticum & spirituales sensum Fidei nostræ Mysteria, & Sacramenta detorsisse. Crediderim ex officina Catharorum ea delineamenta prodisse, præsertim cum Reinerus testetur, Valdenses mysticum sensum in Scripturis rejecisse.

19. Item in Matrimonio carnali dicunt quod uxor potest a viro recedere eo invito, & e converso, & sequi eorum societatem, vel viam continentia.

Apud Reinerum de Matrimonio id unum affirmant, peccare mortaliter Conjuges si absque spe prolis convenient.

20. Item hæc est Trinitas quam, vel in qua credunt, ut sit Pater qui alium in bonum convertit: qui convertitur, filius: id per quod convertit, & in quo convertitur, Spiritus Sanctus; & hoc intelligunt, quando dicunt se credere in Patrem, & Filium, & Spiritum Sanctum: & Christum conceptum, natum, & passum &c. ut in Symbolo continetur, quod optimè in vulgari dicere sciunt. Causa autem quare in has abominationes ceciderunt, credo quod fuit præsumptio, & odium Cleri, & Fidei destructio, quia qui fundamentum amiserunt in labyrinthum & profundum malorum ceciderunt.

Nihil tale de puris Valdensibus apud Reinerum aliosque Scriptores, unde efficitur paucorum, non vero Sectæ, errorem fuisse ex Albigenibus derivatum.

His vero omnibus addendum ex Reinero, Valdenses solum Scripturæ textum recepisse, Traditiones, Concilia, Patres, Pontificum decreta nihili fecisse, id vulgo obtrudentes, doctrinam Christi, & Apostolorum sine statutis Ecclesiæ sufficere ad salutem. De Sacramentis quid senserint, capite sequenti disseremus.

CAPUT IV.

Errores primis Valdensibus falso tributi.

I. **P**ostulat hic locus ut duo avertam atque dispellam criminationis capita, quorum Valdenses insimulatos video a nonnullis ingenuis etiam atque eruditius Scriptoribus. Sunt enim qui nullum inter eos & Albigenes discrimen constituentes eadem ferme utrisque dogmata affingunt, ut nominibus magis, quam erroribus distinctos velint. Atque sunt alii Calvinianæ cum primis factionis homines, qui ut Sectæ suæ antiquitatem nescio quam venditent imperitis, ita Valdenses præformatores suos faciunt, ac præcursores, ut Calvinianam fidem, si superis placet, ante Calvinum professos fuisse omnino videatur. Ad primos quod attinet, excusandi sane ii aliqua ex parte videntur, quod eos non satis accurate secernant, sive quod utraque Secta per eadem ferme tempora atque ex iisdem proxime locis emerferit, sive quod in pluribus errorum dogmatumque capitibus utrique consenserint, sive quod unanimi odio ac furore in Romanam Ecclesiam conspirarint, seu denique quod inito inter utramque Sectam commercio deinceps alterutra idem venenum ebiberit, no-

XLIV DISSERTATIO SECUNDA

menque ac Fidem alterius adoptaverint. Ignorare tamen non poterant aliter de Deo, rebusque divinis, de Incarnatione, de Sacramentis, de libero arbitrio, aliisque Fidei capitibus sensisse Catharos & Albigenfes, quam puros putosque Valdenses: alios etiam ac plane diversos a prioribus Valdensium mores, castos nimirum, compositos, temperantes plerumque, ac frugales, in omnem certe licentiam, atque spurcitiam Catharis minus effusos. Quapropter Petrus Vallecern. qui florebat A. MCCVI. ac utramque Sectam penitissime noverat, utriusque comparationem instituens post exhibitos Albigenfium errores hæc habet cap. 6. *Sunt etiam alii Hæretici qui nominantur Valdenses, a quodam Lugdunensi Uvaldo, e quibus aliqui sunt mali, sed aliorum, nempe Albigenfium comparatione multo minus perfidi; Nam nobiscum in multis rebus concordant &c.* Alanus etiam qui per ea tempora vixit, satis accurate utrosque fecernit l. 2. pag. 175 & seq. Denique Reinerus qui cæteris Scriptoribus de illis differuit copiosius diversis plane coloribus utrosque pingit. Quare emendandus est Gretferus, qui Valdenses cum Albigenfibus, seu novis Manichæis confundens, quos edidit Patrum Tractatus adversus Seculi XII. & XIII. Hæreticos, unico & communi *contra Valdenses* titulo insignivit. Neque enim adversus puros Valdenses, ut inscripsit, sed adversus Catharos est Ebrardi Bethuniensis Liber, quem auctor ipse *Antihæresicos* inscripserat. Tractatus quoque Bernardi Abbatis de Fontecalido inscriptus contra Valdenses & Arrianos, Arrianorum quidem nomen in fronte præfert, sed nusquam de Arrianismo disputat in toto Tractatu. Denique Ermengaudi Liber cui Gretferus titulum contra Sectam Valdensium affixit, sic primum fuit ab ipso auctore descriptus. *Contra Hæreticos, qui dicunt & credunt Mundum istum, & omnia visibilia non esse a Deo facta sed a diabolo;* qui sane error Catharorum palmaris fuit, nusquam vero Valdensium.

II. Turpius vero hallucinantur, ac futili sibi commento blandiuntur Calviniani, qui a Valdensibus ortum & propagationem suam derivare omni ope moliuntur. Hoc unum scilicet conclamatae ac perditæ eorum causæ præsidium reliquum erat, ut quando a Catholicis urgentur ut edant originem suarum Ecclesiarum, ne videantur *sine Patribus Filii, sine Magistris discipuli, atque prodigioso plane modo de se ipsis orti, & nati*, ut olim Donatistis exprobrabat Optatus Milevit. l. 2. contra Parmenian. continuo ad Valdenses veluti ad communes posteriorum Sectarum Patres, progenitoresque confugiant, sed irritum tamen conatu; Nam si aliqua excipias, quæ non Valdensibus solum & Calvinianis, sed omnibus cum antiquis tum recentioribus Hæreticis communia sunt, ut aperta a Romana Communione defectio, Traditionis, Conciliorum, & Patrum ejuratio, Catholica Ecclesiæ rituum, ac disciplinæ contemptus, effusum adversus Romanos Pontifices odium, & perpetua in illos atque Romanam Sedem convicia, pauca sane offendes ac numerabis capitalia dogmata in quibus puri putique Valdenses cum Reformatis consentiant. Neque enim hi probabunt Valdensium Donatismum, quo Sacramentorum vim atque efficacitatem Ministri sanctitati illigabant, neque ab illis collatam laicis ac etiam Fœminis sacri ministerii potestatem; Sed neque cum illis juramenta omnia damnabunt, nec impunitatem delictis asserent omnem, execrantes atque a Iudicibus secularibus auferentes coactivam potestatem.

III. Sed quantum ab hisce Valdensium erroribus abhorrent Reformationis Doctores, tantum ab istis discrepant cæteris, ac plerisque in articulis veri & antiqui Valdenses, præsertim vero in Sacramentorum numero quem abrogare, vel ad duo tantum contrahere nusquam moliti sunt. Nam, quod ait Reinerus cap. 5. Eos omnia Sacramenta Ecclesiæ damnassee, non sic accipiendum est, quod omnia prorsus abolerint, sed quod aliquos exploferint ritus ex iis quos Romana Ecclesia in eorum administratione adhibere consuevit, ut ejusdem contextum legenti perspicuum fiet. Porro de illis hæc habet Noster Lib. V. cap. 5. §. III. *Ultramontani verò Pauperes (hoc est Valdenses) dicunt, quod Ecclesia Romana habet Sacerdotium, & Sacramenta conferunt ab ea collata, & quod Eucharistiam & alia Sacramenta reciperent ab ea si darentur eis.*

IV. Ac Baptismum quidem aquæ naturalis admittebant, sed parvulis neque utilem, neque necessarium esse affirmabant, in quo Anabaptistis, & Socinianis præluisse visi sunt; quanquam eos ab hoc errore vindicare nitatur Cl: Bosuetus lib. XI.

Variat.

Variat. n. 109. Id verò conceptis verbis tradit Ermengaudus opusc: contra Vald. c. 12. *Dicunt etiam quod nulli nisi proprio ore & corde hoc Sacramentum petat, potest prodesse, inde adducentes hunc errorem, quod parvulis Baptismus aquæ nihil profit;* Moneta noster l. p. c. 4. §. 2. testatur eosdem negare Baptisma parvulorum, & ante annos discretionis salvari non posse. Sed & Reinerus idipsum confirmat de illis scribens c. 5. *De Baptismo dicunt quod Catechismus nihil sit; Item quod ablutio quæ datur infantibus nihil profit &c.* quæ quidem posteriora verba non de ablutione sacri laticis, sed de vini ablutione quæ more veteri infantibus post Baptismum conferebatur accipienda esse, benignius fortasse quam verius interpretatur Illustrissimus Bosuetus.

V. Ad Confirmationem quod attinet *Mirantur*, inquit Reinerus, *quare solis Episcopis liceat confirmare;* Quapropter non ipsum Confirmationis Sacramentum, sed ejus Ministerium Laicis vetitum reprobabant, atque per manuum impositionem, quæ est inadæquata hujus Sacramenti materia, dari a bonis Laicis Spiritum Sanctum vulgo credebant.

VI. Circa Eucharistiæ Sacramentum in eo errarunt, quod a malis Sacerdotibus confici non posse existimarent, seu, ut ait Reinerus, transubstantiationem non fieri in manu indigne conficientis, sed in ore digne sumentis, eamque per verba vulgaria faciendam esse, & in mensa communi. Quod autem iis plerique affingunt quod Eucharistiam benedicerent non verbis quidem Evangelicis *Hoc est Corpus meum &c.* Sed Oratione dominica quam septies recitarent, id ex nullo synchrono Auctore qui de illis scripserit colligi posse videtur. Sed neque corporalem Christi in Eucharistia præsentiam inficiatos esse quispiam tradidit nisi forte Ebrardus Bethuniensis qui l. 3. c. 8. de illis subobscurè scripsit *Sacræ quidem cænæ mysteria nescientes panis benedictionem a Deo nobis collatam flocci pendunt;* At quemadmodum observat Gaspar Iveninus Comment. Hist. de Sacram. diss. 4. qu. 4. art. 1. sic accipiendus est Ebrardus, quod Valdenses flocci fecerint Eucharistiam ab impio Sacerdote consecratam; Nimirum Donatistarum errorem circa Sacramentorum ministros profitebantur, unde idem Ebrardus *Sed quasdam, inquit, evasiones prætendunt, & quædam subterfugia, dicentes, quia Sacerdos immundus mundam non potest facere hostiam, juxta illud, omnia munda mundis, coinquinatis autem & infidelibus nihil est mundum.* Denique damnatam ab illis Romanam Ecclesiam, quod credat Eucharistiam esse verum novi Foederis sacrificium, nemo eorum quibus perspecta intimius fuere Valdensium dogmata usquam literis consignavit, sed id per calumniam recentiores Hæretici iis affixerunt, ut inter Christianos XII. sæculi patronos invenirent.

VII. De Poenitentia ita sentiebant: neminem absolvi posse a malo Sacerdote; hanc vero absolvendi potestatem bonis laicis inesse, qui per manus impositionem peccata dimittere & Spiritum Sanctum conferre possent. Item quod gravis Poenitentia non sit imponenda exemplo Christi *Vade & jam amplius noli peccare.* Publicas etiam Poenitentias maxime in Foeminis reprobabant, sicut & legem semel in anno confitendi. Ita Reinerus, & Pilichdorsius, ex quibus efficitur admissum a Valdensibus quoad substantiam fuisse Poenientiæ Sacramentum, quanquam in eo erraverint quod Clavium potestatem bonis Laicis adjudicarent.

VIII. Sed neque Confessionis auricularis usum abrogarunt; Nam inter eorum dogmata nec Reinerus, nec Pilichdorsius illud numeravit; Quia Pilichdorsius scribit eos monuisse Credentes suos ne Romanæ Communionis Sacerdotibus graviora peccata confiterentur; *ne detecti mittantur ad auctoritatem Episcoporum, ut mos est Christianorum, & ibi confundantur, & pecuniis excoquantur; dicentes quod Sacerdotes sint pleni avaritia:* Id unum igitur vetabant ne gravia eis peccata confiterentur. Cæterum Confessionis usus apud Valdenses ita obtinebat, ut ex laudato Pilichdorsio Magistri eorum non injungerent suis confitentibus *Ave Maria*, cum negarent B. Mariæ V. & Sanctorum suffragia.

IX. Extremam unctionem e Sacramentorum albo omnino ac simpliciter non expunxerunt, sed solum quosdam abusus vellicabant quos circa hujus Sacramenti administrationem irrepsisse vulgo effutiebant. *Sacramentum unctionis reprobant*, inquit, Reinerus, *quia tantum divitibus datur, & propter plures Sacerdotes ibi necessarios.* Similes agunt querelas apud Ebrardum; Cum enim Valdenses maxime pau-

peres essent , non poscebant extremam unctionem , quod ab aliquibus Sacerdotibus sine accepto ab ægrotis pretio non dispensaretur , aut saltem id eis imponebant Valdenses . Pilichdorus ait Valdenses improbasse consecrationem Olei , quæ est extremæ unctionis materia , nec tamen propterea rejecisse censendi sunt illud Sacramentum , quemadmodum Calviniani a quibus proscribitur aquæ Baptismalis consecratio non dicuntur rejicere Baptismatis Sacramentum , ut observat Sambovius apud Juvenin. diss. 7. de Sacram. qu. 2. c. 1.

X. Sacramentum Ordinis omnino exploserunt , seu , ut ait Reinerus , nihil esse dixerunt ; Nam quemcumque bonum Laicum Sacerdotis muneribus , & potestate , insigniebant .

XI. Matrimonii denique Sacramentum eo sensu damnabant apud Reinerum , quod assererent mortaliter peccare conjuges , si absque spe prolis conveniant . Gradus quoque affinitatis , & consanguinitatis carnalis , & spiritualis ab Ecclesia institutos , Impedimenta Ordinis , & publicæ honestatis nihili faciebant . Denique Ecclesiam errasse dicebant matrimonium Clericis prohibendo ; & continentes per oscula , & amplexus nequaquam peccare .

C A P U T V .

De Valdensibus Subalpinis .

I. **C**UM late grassantem Valdensium Sectam cohibere severius Catholici Principes instituissent , eamque e latibulis omnibus Quæditorum Fidei vigilantia diligentissime extruderet , ut jam nulla pateret ei secura manio , in Cottiarum Alpium Valles velut certum tutumque asylum plurimæ eorum reliquæ ex Italia & finitima Gallia pulsæ se se receperunt difficili locorum accessu fretæ ac securæ . Regionis jam pene desertæ solum sterile illud quidem atque infœcundum diuturno improboque labore ab iis subactum , alendis , sustentandisque multis Valdensium millibus eo facilius deinceps suffecit , quo tributis oneribusque ferme soluti ab omnibus negligerentur , nec quispiam de iis sollicitus in eorum Fidem ac Religionem diligentius inquireret . Principes quas eo loci posuerunt sedes hæ omnino sunt . Vallis Lucernæ a parva hujus nominis Urbe sic dicta quæ ad Vallis aditum supra dextram Pellicis fluvii ripam sita est : Angroniæ Vallis ex fluente eam interluente sic appellata : Vallis Perosa ex arce hujus nominis ibidem constructa hanc appellationem sortita ; & Vallis S. Martini ejus cultui specialiter addicta , quod is Pannoniam versus proficiscens illac transisse vulgo ferebatur . Ibi per tria ferme sæcula pacatissime incubarunt , priorum Valdensium Religionem & Fidem plerumque proutentes , quanquam alterius sectæ Hæreticis intermixti . Nam S. Vincentius Ferrerius , qui e proximo Delphinatu ad eas Valles prædicationis causa descenderat An. MCCCCV. in Epistola quam dedit ad Reverendissimum Johannem de Pedonatis Ordinis Prædicatorum tunc Generalem Magistrum apud Fontanam Monum. Dominic. par. 2. cap. 1. testatur plures ibidem reperisse Gazaros , seu Catharos , ex quorum grege illuc olim se receperant interfectores S. Petri Martyris , additque se accepisse ab earum Vallium incolis , nullum ab annis triginta Verbum Dei ibidem prædicasse nisi Valdenses Hæreticos , qui ad ea loca ex Apulia bis in anno veniebant .

II. Suos tamen Pastores , seu Mystas habebant , quos Barbas , seu Barbatos (vulgo *Barbetti*) appellabant . Iis vero communi sumtu alimenta atque indumenta tribuebantur , & si quando in grave crimen laberentur , statim e Ministerio & societate ejiciebantur . Seniores populo regendo per aliorum suffragia admovebantur , & licet in summa versarentur rerum Fidei ignorance densis errorum tenebris obvoluti , castissimis tamen erant moribus , si fides habenda sit Jo: Paulo Perrino qui eorum Historiam vulgavit Genevæ 1618. addito ad ejus calcem libro de Valdensium disciplina .

III. Porro Illustrissimus Claudius Seifellius , qui ex injuncto sibi Taurinensis Archiepiscopi munere eas Valles lustravit An. MDXVII. , ac diligenter in Valdensium dogmata & mores inquisivit , testatur paucos admodum fuisse eorum errores , si Donatismi speciem excipias , quo nec penes Romanum Pontificem , nec Romanæ Eccle-

clesiæ Sacerdotes facultatem esse putabant conficiendi Corpus Christi , atque absolvendi a peccatis , quod eorum vita ad Apostolorum exemplum & sanctimoniam minime exigeretur.

IV. At veterem Religionem & Fidem , quam a primis Valdensibus hauserant , post exortam Calvinianam Hæresim in aliam prorsus mutarunt . Bucerus primum & Ocolampadius Sacramentariorum Ministri nullum non moverunt lapidem ut Valdenses ad Zuvinglianam Helvetiorum fidem pertraherent , id unum , ut Reformatis nomen darent , ab iis postulantes ut ab eo quem profitebantur articulo Confessionem auricularem esse juris divini omnino recederent ut refert Petrus Egidius Hist. Eccl. Reform. An. 1530. Sed Barbatî hoc est Valdensium Ministri constantissime repugnarunt ; caussati quod ex illius articuli proscriptione foeda erroris labes eis inureretur maximo sane Ministrorum dedecore , aut etiam periculo apud eas quas hætenus rexerant Valdensium Ecclesias ,

V. Cæteri quos profitebantur Fidei suæ articuli eorum nomine exhibiti sunt a Gregorio Maurelio Valdensium Ministro in Legatione ad Basileenses , eosque refert Scultetus decade 2. Annal. ad An. 1530. Fuerunt autem I. Ministrorum Cælibatus. II. Vita communis ex eleemosynis . III. Quatuor Sacramenta admittebant . IV. Baptismum iterabant . V. In Coena Domini panem & vinum esse verum Christi Corpus & Sanguinem , & Christum esse in Sacramento cum suo naturali corpore , sed per aliam existentiam ab ea qua sedet a dextris Dei profitebantur : Sacramentum tamen non adorabant , propterea quod crederent ibi solum adorandum esse Christum , ubi est visibiliter præsens . VI. Confessionem auricularem utilem esse fatebantur . VII. Liberum arbitrium ad actus salutares admittebant ut virtutem in plantis , herbis &c. quod Pelagianismum sapit . VIII. Deum omnes ad gloriam prædestinare existimabant . IX. Dignitatem Episcopalem & Sacerdotalem gradus esse ab Apostolis institutos , quorum caput Petrus a Christo ordinatus est , asseriebant.

VI. Sed quod irritò conatu Helvetii moliti sunt , ut eos ab avita Religione divellerent , id Genevensibus Ministris feliciter cessit An. 1536. Nam agente Guillemo Farello Calvinianæ factionis homine vafro ac sollerti , novæ sectæ venenum iis facile propinatum est , quod ita ebiberunt ut paucis post annis ejurata prorsus majorum Fide ne unus quidem in earum Vallium tractu reliquus fuerit , qui ad Calvinianæ castra non defecerit , solo Valdensium titulo apud eos superstite , quo propterea Calviniani ineptissime abutuntur ut a priscis Valdensibus originem suam mutuentur , quorum Fidei ac doctrinæ plurimis in capitibus Calvinianam Sectam adversari satis perspicuum est.

CAPUT ULTIMUM.

De Valdensibus Bohemis.

I. **Q**uandoquidem Hæretici , qui ante Lutheri tempora late in Bohemia , Moravia , & Polonia obtinebant ad Valdenses referri solent a nonnullis Scriptoribus , dicam de iis aliqua nec otiosa , nec producta quo de Valdensibus disquisitionem omnem absolvam . Sunt itaque qui eorum sectam a Petro Valdensi derivant ; Nam Dubravius Hist. Bohem. lib. 14. refert Lugduno in Picardiam cum sectatoribus , quos Pauperes Lugdunenses appellabant , commigrasse , ac seduxisse Picardos ut cupiditatibus fræna laxarent , cumque ad supplicium quærentur , in Germaniam ac subinde in Bohemiam profugisse , ubi clandestina lustra tenere in omne libidinum genus effusi . At vero Picardos Bohemiæ incubantes aliunde nomen & originem duxisse certissimum est , nimirum a Pikardo quodam ex Gallia Belgica oriundo Adamitarum Hæresis auctore , cui nihil ferme cum Valdensibus commune . Quare Bohemi ipsi , quos Valdenses vocant , sibi falso , & per injuriam affectum Pikardorum nomen conqueruntur , atque illud tanquam calumniam a se amoliri conantur in Epistola data ad Calvinum , quæ est inter ejusdem Epistolæ numero & ordine 204. Falso etiam progenitores suos appellari Valdenses testantur , cum in ea Epistola , tum in Confessione Fidei ab ipsis edita An. 1572.

ubi

ubi inter cætera Valdensium sectam antiquiorem esse fatentur, quæ tametsi per Bohemiam diu antea visa sit, se tamen ab eorum Communione semper abstinuisse: Tum quod Fidei & Doctrinæ suæ testimonium nullum proferrent: Tum quod pacis causa Pontificiorum, seu Catholicorum Missis interesse non dubitarent. Vide in hanc rem narrationem Historicam Joachimi Camerarii de Ecclesiis Fratr. in Bohem. & Morav. & Cl. Bosuetum l. xi. Variat. n. 150. & sequ.

II. Solo itaque Fratrum Bohemorum, seu Fratrum Orthodoxorum nomine insigniri ac gloriari consueverunt. Eos principio quidem ita averfatus est Lutherus, ut in disputatione Lipsienti jugiter rogaverit Eckium ne sibi eam calumniam inureret, ut eum Bohemis accenseret sibi semper invisus quod ab unitate dissentirent. Eos etiam sub Picardorum nomine tanquam Hæreticos traduxit in Resolut. Concl. 15. & de X. præceptis c. 1. Anno MDXIX.

III. Sed ut erat versatili ingenio ac translatitio paucis post annis hoc est An. MDXXIII. mutata sententia in eorum societatem deflectere visus est; Nam suavissimis verbis sic eisdem assentatur in libello de Eucharistia: *Nos certi sumus, vobis per donum inenarrabile Dei contigisse puram doctrinam, & magnam lucem Verbi, etiamsi sit infirmitas forsitan adhuc, & satis erratorum in moribus, & in vita; & in fine: Obtestor vos per Charitatem Christi, ne meum scriptum in eam partem accipiatis, quasi vestris erratis titillarim, sed tamen cum sciatitis vos in toto orbe hactenus tanquam pestilentissimos Hæreticos proclamatos, hic testimonium vobis perhiberi volui; quod propius accedatis ad puritatem Evangelii, quam omnes alii quos ego cognoverim.*

IV. Porro duæ circumferuntur Bohemorum Fratrum vulgo Valdensium Fidei formulæ, seu Confessiones, quarum primam Uladislao Hungariæ Regi ipsos exagitantem, ut ejus iram, severitatemque mulcerent, exhibuere An. MDVIII. eaque redeundi in Romanæ Ecclesiæ communionem spem aliquam injiciebant; Nam ejusdem Confessionis articulo 4. Ecclesiam Catholicam agnoscentes, septem admittunt novæ Legis Sacramenta per quæ dari gratiam confitentur. Circa Confirmationem vero errant cum Armenis & Græcis, putantes simplicem Sacerdotem non solum Apostolico Mandato Confirmationis Sacramentum conferre posse. Credunt Sacerdotum ordinationem; sed Christi præsentiam in Eucharistia subdole fatentur tacentes Transubstantiationem. De Sacramento Poenitentiae recte sentiunt; item de Extrema Unctione, ac de Sanctorum communionem.

V. Huic Fidei formulæ honorifice præfatus est Lutherus, eandemque laudavit Melancton in Epistola inscripta Benedicto cæterisque Fratribus Valdensibus in Bohemia. Bucerus quoque in libro cui titulus *Scripta duo adversaria Latomi*, eam probavit. Sed ea non perinde placuit Calvino propterea quod panem & vinum in Eucharistia verum esse Christi Corpus & Sanguinem affirmaret. Quare in Epistola ad Polonos quæ est inter Calvinianas num. 244., ut eos ab illa Confessione absterreat, & ad Genevensem amplectendam alliciat, ita scribit: *Formulam vero Confessionis amplecti quæ sine discrimine in unum fasciculum damnationis omnes involvit, qui præcise non fatentur panem esse præsentissime Christi Corpus, an fas sit Christiano homini vos videritis, nos certe non putamus.*

VI. Alteram Fidei formulam An. MDXXXV. Ferdinando Romanorum, & Bohemiæ Regi obtulere, in qua orthodoxam fidem non satis candide atque enucleate professi sunt circa Eucharistiam. At certum est eos a priore sententia ac fide descivisse, & novos errores adoptasse, ut Lutheri, & Calvini gratiam aut etiam societatem inirent. Quare Hospinianus Tom. 2. Hist. Sacrament. omnino persuadere nititur eam Valdensium Confessionem consentire cum Gallicana, seu Genevensi. At si Lutherianis, si Calvinianis accensendi sint, id ratum esto ac firmum ad priores Valdenses ne quidem nomine eos pertinuisse.



S. Bernardi

VENERABILIS PATRIS
M O N E T Æ
CREMONENSIS
ORDINIS PRÆDICATORUM
S U M M Æ
ADVERSUS CATHAROS, ET VALDENSES
LIBER PRIMUS.

Incipit Præfatio Summæ contra Catharos, & Valdenses, compilatæ a Fratre MONETA Ord. Præd. ad Fidei Catholicæ corroboracionem, & eradicationem hæreticæ pravitatis, ad honorem & gloriam JESU CHRISTI, & B. DOMINICI Institutoris præfati Ordinis.

P R Æ F A T I O.



Fidei sunt irradiati; teste enim ipsa veritate Matth. 13. v. 52. *Omnis scribe doctus in regno cælorum similis est Patrifamilias, qui profert de thesauro suo nova, & vetera.* Per regnum cælorum Dei Ecclesia, per thesaurum autem doctrina sacra significatur, de qua qui doctus est in Ecclesia ad confusionem hæreticæ

EMPUS faciendi Domine, dissipaverunt legem tuam: Verba ista sunt Spiritus Sancti loquentis in Davide Psal. 118. v. 126. de Hæreticis, qui legem Altissimi dissipant. Hæc autem lex duplex creditur ab his, qui in divinis docti sunt, & lumine veræ

pravitatis, & corroboracionem catholicæ Fidei profert testimonia Novi, & Veteris Testamenti. Utramque legem (1) dissipant Hæretici; Legem enim Veteris Testamenti dissipant reprobando eam, & ore blasphemo asserendo ipsam per Moysen a Diabolo ministratam. Novam vero legem (2) dissipant prave exponendo *non intelligentes* 1. Timoth. v. 7. *neque quæ loquuntur, neque de quibus affirmant.* Non enim verba legis Mosaicæ aut Prophetarum intelligunt, quibus velut testimoniis irrefragabilibus veritas Evangelii confirmatur. Justitia enim Dei, quæ in Evangelio præcipitur sine lege sacrificiorum & figurarum, manifestatur in ipso, quia Rom. 3. v. 21. *testificata a lege, & prophetis*: cujus epistolas, immo Christi in eo loquentis, sicut dicitur 2. Petri v. 3. 16. *indocti, & instabiles depravant, sicut & cæteras scripturas ad suam ipsorum perditionem.* [*] Hi

A

sunt

& evertunt in propriam sibi perniciem. Consule eundem Photium ibid. num. xv. pag. 61. & Petrum Siculum *Histor. Manicheorum* pag. 19. Edit. Ingolstadt. an. 1604.

[*] Quæ duobus asteriscis comprehendimus, desiderantur in Codice Bononiensi; exstant autem in Vaticano, & Neapolitano.

(1) Consule notam 1. ad cap. vi. lib. II.

(2) Photius lib. I. contra Manichæos num. viii. pag. 27. Ipsa Domini eloquia, inquit, nec non Apostolica, aliasque Scripturas, nempe Actus Apostolorum, & Catholicas, ut vocant, Epistolas ad mittunt . . . Illi inquam sunt, qui vere detorquent, (Scripturas)

sunt (3) abominatio desolationis, de qua agitur Matth. 24. v. 15. ubi dicitur: *Cum ergo videritis abominationem desolationis, quæ dicta est a Daniele Propheta, stantem in loco sancto, qui legit intelligat. Tunc qui in Judæa sunt fugiant ad montes.* Hæretici dicuntur abominatio desolationis. Abominatio, quia scilicet abominabiles & vomitum provocantes. Evomendi ergo sunt, & de finibus Ecclesiæ expellendi, teste Apostolo ad Galatas 4. v. 30. *ejice Ancillam, & filium ejus, hoc est hæreticam doctrinam, & ipsum hæreticum: non enim erit hæres filius ancillæ cum filio liberæ, idest cum filio doctrinæ Catholicæ.* Desolatio dicuntur, quia ad desolationem Ecclesiæ incessanter nituntur [*].

Isti tales dicuntur esse (4) in Ecclesia, quia ejus receperunt sacramenta, licet propter suam nequitiam non Sacramentorum efficaciam *ex nobis*, ait 1. Joan. c. 2. v. 29. *prodierunt, sed non erant ex nobis*, [*] A fide (5) nostrâ exierunt, unde est efficacia Sacramentorum [*]; sed ex nobis non erant, quia Deus eos nobiscum non permanfuros prævidebat; fuerunt enim de numero vocatorum, sed non de paucitate electorum. Ut enim dicitur Matth. 20. v. 16. *Multi sunt vocati, pauci vero electi.* [*] Isti tales dicuntur stantes in loco sancto, idest contra locum sanctum, Ecclesiam impugnare parati; stare enim pugnantium est, & lacerant Ecclesiam detractionis dentibus: & fideles, qui membra sunt matris Ecclesiæ, ab ipsa avellunt: Tempus ergo est eis qui in Judæa sunt, & qui Deum glorificare volunt, faciendi, ut dicit Dominus, scilicet confugiendi ad montes. Propter quod Ego Frater Moneta Fratrum Prædicatorum minimus ad montes confugio, ad montes scilicet æternos, idest cælestes, & beatos Spiritus Angelicos, ut Dominus per ipsos suscipientes radios solis justitiæ, me mirabiliter luce veritatis illuminet, & mihi fervore suo quamvis inutili, det intellectum, ut sciam testimonia ejus [*]. Tempus ergo est ex parte Dei faciendi, idest intellectum.

(3) Vitio verti Monetæ non debet, quod aliorum Matthæi verba acceperit atque literalis sensus postulet. Habet enim plerisque Veteres doctrinam, & pietate conspicuos, qui sibi faciem prætulerint. Adhuc Acta Concilii Lateranensis sub Martino I. Rom. Pont. an. 649. celebrati. Sect. 14. col. 843. Tom. 111. Concilior. Edit. Harduiniana. Nam eo loco Maximus Episcopus Aquilejensis πρὸν hoc Matthæi hæreticis sui temporis aptare non dubitat. Quod autem adjungit Moneta: *evomendos esse, & de finibus Ecclesiæ expellendos hæreticos*, simile est hujus, quod habet Augustinus Serm. 111. de Agar, & Hismæle col. 10. seq. Tom. v. Edit. Paris. an. 1683. sic intelligens Sara mater Israhel illum dixit; *ejice ancillam, & filium ejus, non enim hæres erit filius ancillæ cum filio liberæ. Et Ecclesia dicit, ejice hæreses, & filios earum: non enim hæreses erunt hæretici cum catholicis. Sed quare non erunt hæreses? Nomen de Semine Abrahæ nati? Et quomodo baptismum Ecclesiæ habent? Baptismum habent: hæredem faceret Semen Abrahæ, nisi ab hereditate superbia excluderet &c.*

(4) Immo vero fuisse. Sic enim legendum arbitror. Sunt enim hæretici *ex Ecclesia*, non *in Ecclesia*. Atque huc quidem spectat illud Johannis, ut mittam Patrum testimonia, qui hæreticos in Ecclesia esse negant.

[*] Non exstant in Codice Bononiensi, quæ hic quoque duobus primis, & duobus aliis s. qq. asteriscis comprehendimus.

(5) Commode huc recidunt, quæ habet Tertullianus lib. de Prescription. cap. xxxv. pag. 215. *Hæc est institutio, inquit, non dico jam quæ futuras hæreses prænuntiabat, sed de qua hæreses prodierunt. Sed non fuerunt ex illa, ex qua factæ sunt adversus illam. Etiam de olive nucleo mitis, & opima, & necessaria, asper oleaster oritur. . . . Ita & hæreses de nostro frutice, non nostro ge-*

dandi mihi, & aliis pro Fide ejus certare volentibus; quia dissipaverunt legem ejus Hæretici. Tempus etiam est propter eandem causam faciendi hujusmodi Opusculum ex divinis testimoniis mihi sua gratia inspiratis, suffragante orationum instantia, & copia meritorum B. DOMINICI Patris mei, cujus totum fuit desiderium, & conatus per se suosque filios spirituales spretis sæculi nugis demoliri opere & sermone Hæreticorum dogma perversum, & beatam credulitatem Fidelium adaugere. Ad quod feliciter consummandum Sancti Spiritus consilio fretus primus primum Prædicatorum excogitavit Ordinem, & erexit. Cujus Ordinis devictus precibus, adjutus meritis, & documentis edoctus imbecillis Athleta ecce vibrare audeo gladium Verbi Dei in confutationem hæresum, ad robur Fidei, & Catholicæ Ecclesiæ firmamentum. Unum autem peto a Lectoribus istius operis, ut si qua argumenta, vel responsiones contra Hæreticos sibi visa fuerint debilia, non me mordeant, sed potius inexperientiæ suæ contra Hæreticos, quod sibi talia videntur, adscribant. Ubi etiam viderint me ponere argumenta aliqua contra Ecclesiam [*], aut Responsiones pro Hæreticis, [*] non me lacerent dicentes ea non ab Hæreticis duxisse originem, sed me proprio ingenio adinvenisse hujusmodi, quæ possent nutrire, & augere hæreticam pravitatem, quia vel ex ore eorum (6), vel ex scripturis suis illa habui.

DESCRIPTIO FIDEI HÆRETICORUM.

Quid credant, vel potius fingant Hæretici, & primo illi, qui duo ponunt principia.

ANtequam tractemus de unoquoque articulo per se, ut melius pateant sequentia, Fidem erroneam utrorumque Catharorum describamus, & in quibus convenient, aut differant declaremus. Sunt enim eorum duæ (7) partes principales.

Qui-

nere veritatis grano, sed mendacio silvestres. Si hæc ita se habent, ut veritas nobis adjudicetur, quicumque in ea regula incedimus, quam Ecclesia ab Apostolis, Apostoli a Christo, Christus a Deo tradidit, constat ratio propositi nostri, designantis non esse admittendos hæreticos ad incedendam de scripturis provocationem. . . . Si enim hæretici sunt, Christiani esse non possunt, non a Christo habendo, quod de sua electione sectati, hæreticorum nomina admittunt. Ita non Christiani nullum jus capiunt Christianarum litterarum. Confule Sanctum Augustinum lib. de Unitate Ecclesiæ cap. xxiv. col. 382. seq. Tom. 1x. Edit. Paris. an. 1688.

[*] Exstant hæc, quæ duobus asteriscis contenta cernis, in Codice Neapolitano, desunt autem e Bononiensi; sed juncta sunt, & colligata cum iis, quæ ante Moneta posuerat. Adludit autem hæc verbis ad ea quæ habet Dionysius de Angelis superioribus, qui illustrant alios inferiores, & homines. Lib. de Cælesti Hierarchia cap. v. pag. 22. cap. vii. pag. 28. seq.

[*] Quæ asteriscis comprehensa sunt, exstant in Cod. Vat.

(6) Similia sunt, quæ exsequitur Irenæus lib. 1. contra Hæreses in Præf. pag. 3. Edit. Paris. an. 1710. *Neccesarium duxi cum legerim commentarios ipsorum, quemadmodum ipsi dicunt, Valentini discipulorum, & cum quibusdam ipsorum congressus fuerim in iis δ' αὐτῶν καὶ συμβαλὼν manifestare tibi dilectissime &c.*

(7) Distribuit initio Moneta Catharos in duas classes: Neque enim componi poterant, cum pugnantia dicerent. Ac multo quidem plures Catharorum sectas enumerasset, si varias discrepantesque singulorum sententias persequi scrupulose instituisset. Sed hoc munere functus magna cum laude est Reinerus Sachonus in Summa de Catharis col. 1761. & 1768. seq. Tom. v. Thesauri novi Anecdotor. Edmundi Martenii. Moneta ergo duas principales commemorat, quæ

Quidam illorum duo asserunt principia (8) sine initio, & sine fine. Unum dicunt patrem Christi, & omnium Justorum (9), & Deum lucis. Alium vero Deum credunt esse illum (10), de quo Christus ait Joan. 14. v. 30. *Venit enim Princeps mundi hujus &c.* Istum credunt esse Deum excæcantem mentes Infidelium (11), & Deum tenebrarum.

Isti credunt eum creasse quatuor (12) elementa ista, quæ videmus, scilicet terram, aquam, aerem, & ignem, & omnia, quæ in terra hac, vel in aqua ista, vel in aere isto sunt: Similiter & cælum istud visibile, & omnem ornatum eorum, scilicet Solem, Lunam, & Stellas.

Credunt etiam quod iste sit Deus, de quo ait Moyse: Genes. cap. 1. *in principio creavit Deus cælum, & terram &c.* & ea, de quibus habetur in Pentateucho (13), in lib. Josue, & Judicum, & Ruth, Regum, & Paralipomenon, credunt ab eo dicta, & facta fuisse. Exceptis sexdecim Prophetis, & Psalmis (14) & quinque libris Salomonis, totam

quæ vehementer inter se dissidebant. Orta autem hæc pugna est ex ea novandi libidine, quæ omnes hæreticos incessit. Vide-sis Irenæum lib. II. in *Præf. pag. 113. Edit. Paris. an. 1710.* Scite imprimis Tertullianus lib. de *Præscript. Hæreticor. cap. XLII. pag. 217. edit. an. 1675.* Mentior, inquit, si non etiam a regulis suis variant inter se, dum unusquisque proinde suo arbitrio modulatur quæ accepit; quemadmodum de suo arbitrio ea composuit ille, qui tradidit. Agnoscit naturam suam, & originis suæ morem profectus rei. Idem-tuicuit Valentinianis, quod Valentino, idem Marcionitis, quod Marcioni, de arbitrio suo fidem innovare. Eodem pertinent, quæ habent de hæreticis suorum temporum reliqui Ecclesiæ Patres. Immo vero qui nostra hac tempestate Ecclesiam infestant heterodoxi similes omnino sunt veterum. Non enim eorum factiones tantum inter se dissident, sed etiam contra suum quæque Principem ac Coriphæum insurgit, seseque in sectas novas, atque in partes dilacerat. Id verò Lectori magis magisque compertum esse poterit, si coniciat oculos in *Historiam Variationum Cl. Bossuetii.* Animadvertet siquidem non solum Zuinglium cum Luthero, Bucerum cum hisce hæresiarchis; sed etiam horum ipsorum assecclas inter se, immo vero secum ipsos pugnare. Id quod magno argumento esse debet novorum sectariorum factiones Synagogas esse a diabolo inventas in orbem Christianum.

(8) Vide Notam LXIV. ad hoc primum libri primi caput.

(9) Sunt hæc ex Manetis disciplina. Consulitor Titus Bostrensis lib. I. contra *Manichæos pag. 63.* ubi scribens, inquit, ille ipse furens Manichæus, ubique incipit: *Erat Deus, & materia, lumen & tenebræ, bonum & malum in omnibus summe contraria.* Vide etiam Disputationem Archelai Episcopi Mesopotamiensis, & Manetis Hæresiarchæ. num. VII. Edit. Rom. Zacagni. pag. 9. Neminem vero fugit ab Gnosticis, & Manichæis Deum bonum Patrem Christi, & justarum animarum fuisse appellatum. Adi-sis Irenæum lib. I. cap. XXV. pag. 106. Theodoretum lib. I. *Hæret. fabul. cap. XXIV. pag. 209. Tom. IV. Opp.*

(10) Ita suum malum Deum hujus mundi principem appellabant Gnostici apud Epiphanium Hæresi XXVI. num. V. & VI. pag. 87. Edit. an. 1622. Tom. I. Vide Augustinum *Tract. LXXIX. in. Johannem 2.2. col. 701. Tom. III. P. I. Edit. Paris. an. 1680.*

(11) Adi-sis Theodoretum lib. I. *Hæreticar. fabular. cap. XXVI. pag. 212. Tom. IV. Opp. Edit. Paris. an. 1642.* Augustinum de *Hæresibus ad Quodvult. Hæres. XLVI. Tom. VIII. Edit. Paris. Epiphanium Hæresi LXVI. num. XIV. pag. 630. Tom. I. & Archelai Disput. cum Manet. num. 7. pag. 9. Collect. Monumentor. Veter. Alexandri Zacagni, qui omnes Maneti hoc erroris monstrum acceptum referunt.*

(12) Adi-sis Notam I. ad Cap. VII. hujus libri I.

(13) Est hic error proprius Albanensium Catharorum, qui Basilianam auscultabant. Consulite Reinerium Sachonum *Summa de Catharis col. 1768. Tom. V. Thesaur. veter. Anecdotor. Edm. Marten.* De veteribus hæreticis, qui Vetus Testamentum aut omnino aut ex parte rejecerunt consuli poterunt Auctores, quos Nota I. recensemus Libri II. c. 6.

(14) Codex Vaticanus post 70, & psalmis continuo hæc adjungit: *Et primis tribus libris Salomonis, & libro Sapientiæ, & Ecclesiastico, seu Jesu Filii Sirachi,* quæ sunt eadem omnino atque ea, qua habet loco mox indicato Reinerius: *Libris Salomonis, Sapientiæ, Jesu filii Sirachi &c.* Fortasse hæc Codicis Vaticani lectio re-

scripturam veteris testamenti credunt ab eo esse; quidam tamen eorum Job recipiunt, & totum Esdram, sicut prædictos Prophetas, & quinque libros prænotatos.

Isti credunt visibilia ista (15), & transitoria esse ab illo per creationem. E converso credunt Deum patrem Christi, & Justorum esse creatorem (16) permanentium tantum, & æternorum, & credunt quod ipse alia sua quatuor elementa creaverit, & omnia, quæ in eis sunt, & suos Cælos, & quod ornaverit Sole alio, quàm sit iste visibilis, & alia Luna, & aliis Stellis.

Dicunt autem (17), & credunt quod iste Deus sanctus & verus suum populum habuerit cælestem constantem ex tribus, scilicet corpore & anima & spiritu. Anima intra corpus existit, spiritus vero, qui custos est animæ, & rector ipsius, intra corpus non est, & quod unaquæque anima a Deo bono creata proprium habet spiritum ad sui custodiam.

A 2

Cre-

centior est. Quamvis non ita Monetæ ferret ætas, ut liber Sapientiæ, & Ecclesiasticus libris Salomonis ab omnibus accenserentur, ut ex tribus quinque fierent.

(15) Consulite Reinerium Sachonum loco antea indicato, & nostram primam notationem ad cap. VIII. hujusce I. libri.

(16) Nempe Valentinianorum, Gnosticorumque portenta de intelligibili mundo, ac pleromate ex orco rursus revocare ausi sunt Cathari Albanenses. De hoc autem veterum hæreticorum opinionis monstro fuscè disserit Massuetus in *Dissert. I. Præv. in libros Irenæi n. 35. seqq.* Eodem spectant, aer; & terra ingenta Veterum Manichæorum: S. August. lib. I. de *Actis cum Felice Manich. capit. XVII. col. 483. Tom. VIII. & lib. I. contra Advers. legis & Proph. cap. I. col. 549. Tom. VIII.* Catharis hac ætate consentiunt VVeigeliani hæretici. Hos enim eorum errores numerat Gaspar Calvori in *Fissura Sionis lib. XVII. cap. II. pag. 333. Ex divinitate emanasse mundum invisibilem, idealem, ac intelligibilem. II. Ex invisibili mundo produsse demum visibilem ac corporeum mundum. & pag. 559. Mundum hunc visibilem, cum omnibus creaturis esse excrementum astrorum invisibilem, quæ sint essentia angelorum.*

(17) Manichæi veteres nescio quem mundum materia naturæ ab hoc nostro diversum ac discrepantem a bono numine conditum fuisse jactabant: Apud Augustinum lib. I. contra *Adversarium Legis & Proph. cap. I. col. 549. Tom. VIII. Edit. Maurinor. Paris.* Atque hinc fortasse fluxerunt, quæ Cathari de Cælesti populo commenti sunt. Neque enim credibile est mundum Manichæorum suis incolis caruisse. Eodem spectant, quæ Fortunatus Manichæus de animis humanis ante hujus mundi Constitutionem dicit: apud Aug. *Disp. II. col. 105.* Apelles, apud *Veterem Anonymum Auctorem libelli de Hæret. qui exstat in calce operis De Præscriptionibus cap. II. pag. 221.* Mundum intelligibilem pariter admittebat. Verum quod de Priscillianitis olim Augustinus dixit libro de *Hæresibus ad Quodvult. deum cap. LXX. pag. 22. Tom. VIII. Edit. Paris. Monach. S. Mauri,* hoc idem de Catharis affirmari commode posse existimo. *Maxime Gnosticorum, & Manichæorum dogmata permixta sectantur. Quamvis & ex aliis hæresibus in eos sordes, tamquam in sentinam quamdam, horribili confusione confuxerint.* Nam *ὑποψαφίζω* animarum, quam Manichæi palam tueri non audebant, Cathari Albanenses accepta etiam a Valentinianis, Carpocratianis, Basilidianis, Origenianisque doctrina, summo animorum æstu propugnabant. De Carpocrate consuli poterit Irenæus lib. I. cap. XXV. num. IV. De Cassiano Valentiniano Clemens Alex. lib. III. *Stromateon pag. mihi 466.* de Basilide idem Clemens Alexandr. lib. IV. *strom. pag. 506.* De Origenis errore fuisse differit Petrus Daniel Huetius lib. I. *Origenian. Quæst. VI. num. I. seqq. pag. 91. seqq. Tom. I. Edit. an. 1668.* Quod autem adjungebant Cathari unamquamque animam a Deo bono creatam proprium habere spiritum ad sui custodiam, suspicor Origeniano modo intelligi oportere. Origenes quippe animis nondum illigatis corpori præfectos esse Angelos dictitabat; de qua re consuli poterit Huetius lib. II. *Origenianor. Quæst. V. num. XXXIV. pag. 87.* VVeigeliani hæretici, qui a Manichæis, & Catharis multa acceperunt: *Tres esse partes hominis essentielles, putant: Corpus terrestre, spiritum Æthereum, qui corpus moveat, ac regat, & animam divinam:* apud Gasparum Calvori lib. XVII. *Fissura Sionis cap. II. §. XII. num. 37.*

Credunt etiam, quod Diabolus (18), qui & Satanus dicitur, invidens Altissimo caute ascendit in cælum Dei sancti, & ibi colloquio suo fraudulento prædictas animas decepit, & ad terram istam, & caliginosum aerem duxit, & credunt eum Villicum iniquitatis dici a Domino Luc. 16. 8. *Laudavit Dominus villicum iniquitatis.*

Credunt etiam, & dicunt, quod ipse Diabolus de fraude sua, quam in cælo fecerat, exaltatus, præsumpsit (19) cum suis complicitibus in cælum ascenderé: & ibi cum Michaelē Archangelo bellum commisisse, & devictum fuisse, atque dejectum. Et de isto bello credunt intelligi illud Apocalyp. 12. v. 7. *Factum est prælium magnum in Cælo: Michael, & Angeli ejus præliabantur cum Dracone, & Draco pugnabat, & Angeli ejus.* Quod ad litteram credant.

Credunt etiam, quod Satan a Michaelē dejectus de cælo animas prædictas corporibus istis veluti carceribus inclusit (20), & quotidie includit.

Istas etiam animas dicunt tertiam partem stellarum (21), de quibus dicitur Apoc. 12. v. 4. quod *Dra- co traherat tertiam partem stellarum cæli*, ad hoc ideo, quia sunt tertia pars hominum a Deo sancto creatorum, ut opinantur dicentes, ut prædiximus, unumquemque in cælesti curia constare ex tribus prædictis.

Istas autem animas credunt propter peccatum suum (22), quando Diabolo consenserunt in cælo, aut dicunt fuisse in istum mundum dejectas a Patre Justorum, & credunt quod Dominus Jesus (23) propter istas animas redimendas venerit de cælo in terram.

Istas etiam animas cælestes, quas nos Dæmones appellamus (24), credunt in his corporibus post adventum Christi in hac vita tam de peccato in cælo commisso (25), quam de aliis peccatis in præsentī

mundo commissis pœnitentiam agere; & hanc pœnitentiam dicunt eas incipere, quando fidem suam habere incipiunt (26), & manus impositionem recipiunt ab eis. Hanc manuum impositionem (27) baptisma dicunt Spiritus Sancti, non baptisma aquæ materialis: & credunt quod in illa manus impositione unaquæque animarum cælestium proprium spiritum, scilicet quem in cælo habuerat (28), ad regimen, & custodiam suam, recipiat. In fine autem, idest in novissimo die, quando omnes pœnitentiam suam compleverint, simul redibunt ad cælos, & accipient corpora in cælesti (29) curia terra derelicta. Et ad hoc inducunt illud Matth. 24. v. 28. *Ubi cumque fuerit corpus, illic congregabuntur & aquilæ.* Hanc autem receptionem corporum illorum, qui in cælesti patria surgunt, dicunt esse corporum mortuorum resurrectionem, de qua sæpe agitur in Scripturis.

Isti non credunt Filium, vel Spiritum Sanctum esse (30) Deum per naturam, sed creaturam tantum Dei Omnipotentis.

Credunt etiam Patrem majorem Filio (31), & diversum ab eo, & Spiritu Sancto in substantia, & Filium majorem Spiritu Sancto, & ab ipso substantialiter diversum.

Isti distinguunt inter animam (32), & spiritum: distinctionem etiam faciunt inter Spiritum Sanctum, & Spiritum Paraclitum, & Spiritum principalem. Spiritum Sanctum appellant unumquemque illorum spiritum, quos secundum intellectum eorum Deus Pater dedit ipsis animabus ad custodiam. Illos autem spiritus ideo sanctos dicunt, idest firmos, quia firmi steterunt, nec decepti nec seducti fuerunt a Diabolo. Spiritum Paraclitum dicunt Spiritum consolatorem, quem recipiunt etiam illi quando recipiunt consolationem in Christo; & dicunt multos esse Paraclitos (33), & a Deo creatos. Spiritum principalem dicunt unum Spiritum Sanctum, de quo intelli-

(18) Vide Notam xvi. ad 11. Cap. hujusce primi libri.

(19) Confule Notam xix. ad Cap. 11. hujus libri.

(20) Ad- sis Notam viii. ad Cap. 1v. hujus libri.

(21) De Catharis Albanensibus, qui Balasinasam consecrabantur, hæc habet Sachonus in *summa De Catharis*: col. 1768. Item (dicunt) quod Diabolus cum suis angelis ascendit in Cælum, & factus ibi præliocum Michaelē Archangelo, & Angelis boni Dei, extraxit inde tertiam partem creaturarum Dei, & infundit eas quotidie in humanis corporibus, & in bestis, & etiam de uno corpore eas transmittit in aliud, donec omnes reducentur in cælum. Vocantur autem ista Dei creatura, secundum eos, Populus Dei, & anima, & atque oves Israel, & etiam multis aliis nominibus. Hunc porro errorem ex falso dogmate Manichæorum, de quo diximus supra, nota 17. & ex male intellecto Apocalypsis prædicti constarunt Cathari.

(22) Est hoc purum Origenianum. Vide Origenem lib. 11. de Principiis cap. 1. & Cyrillum Alexandrinum in cap. 1. Johannis pagin. 72. Tom. 1v. Edit. Paris. an. 1638. quo loco fuisse Adamantii dogma refellit; & Epiphanius Hæres. lxxv. num. 4. pag. 528. Tom. 1. Edit. an. 1622. Plura de hoc Origenis portento disputat Huetius l. c. num. vi. seqq. A Platone autem, & Pythagora, qui ab Orientalibus disciplinam acceperit, hoc idem dogma manavit. Consuluntur Clemens Alexandrinus lib. 111. Strom. num. 3. pag. 433. Augustinus lib. 1v. contra Julianum cap. xvi. num. 83. Pluribus hæreticis commune fuit: Basilidi ex Clemente Alexandrino lib. 1v. Strom. pag. 506. Cassiano Valentiniano ex eodem lib. 111. pag. 466. Carpocrati ex Irenæo lib. 1. cap. xxv. pag. 104.

(23) Huc recidunt, quæ effutit Origenes lib. 11. De Princip. cap. vi. pag. 90. & 92. Tom. 1. Edit. Paris. an. 1733. Manichæi, qui a bono principio virtutem quamdam missam fuisse jactabant, quam nos animam appellamus, in materiam, quæ illi immisceretur, ut est ab Alexandro Lycopolite memoriæ traditum pag. 4. censebant etiam Christum novissimis temporibus venisse ad animas, non ad corpora

liberanda: apud Augustinum lib. de Hæresib. cap. xlv. col. 16. Tom. viii. Vide Alexandrum Lycopoliten l. c. pag. 5. & Epiphanius Hæres. lxxvi. n. 26. pag. 643.

(24) Nos enim non alios spiritus e cælo suo scelere lapsos credimus, præter quam dæmones; Hujus modi spiritus cælestes, animas, Catharorum sententia, a superioribus sedibus in corpora detrufas, quod diabolo consensissent, dæmones a nobis appellari, affirmat Moneta.

(25) Clemens Alexandrinus lib. 111. Stromateon pag. 315. Edit. an. 1616. vitio dat Philosophis, quod animam, quæ est divina (illorum judicio) in hunc mundum deducant tamquam in locum supplicii. Oportere enim, ait, animas in corpus immiffas, expiari ex eorum sententia. Placuit hæc quoque Origeni ex parte sententia; Vide Huetium lib. 11. Origenianor. cap. 11. Quæst. vi. n. 1v. seq. & Carpocrati: apud Irenæum lib. 1. contra Hæreses cap. xxv. n. 4. pag. 104.

(26) Vide Notam 1. ad Cap. 1. lib. 4.

(27) Confule Notam 11. ad Cap. 1. lib. 1v.

(28) Simile quidpiam de Massalianis dictum ab Euthymio est. Panopl. Parte 11. Tit. xxii. pag. 218. Dæmone enim ejecto per orationem, Spiritum Sanctum suis accedere ita, ut sentiat, & videatur. Nam quod de proprio cujusque animi spiritu Cathari, hoc idem de Spiritu Sancto Massaliani dicebant.

(29) Nempe Cælestia, ut xvii. notatione supra animadvertimus.

(30) Vide Notam 1. ad Cap. 111. libri 111.

(31) Confule Notam 1. ad Cap. v. libri 111.

(32) Ad- sis Notam 1. ad Cap. x. lib. 1.

(33) Nempe qua licentia Montanus, & Manes se paraclitos appellabant; apud Auctorem Anonymum libelli de Hæreticis, qui exstat in calce Op. de Præscript. Tertull. pag. 218. Edit. an. 1675. & apud Augustinum lib. de Hæresib. cap. xxvi. & cap. xlv. & apud Theodoretum lib. 111. cap. 11. Hæretic. Fabul. & lib. 1. cap. xxvi. eadem omnino plures paraclitos commentum sunt Cathari Albanenses.

telligunt illud verbum, quod orantes (34) dicunt : *Adoremus Patrem, & Filium, & Spiritum Sanctum.* Hunc autem dicunt majorem omnibus aliis Spiritibus Sanctis, & ideo principalis denominatur. Hunc dicunt ineffabilis esse pulchritudinis, ita quod in illum desiderant Angeli prospicere, sicut dicitur 1. Petr. c. 12.

Credunt etiam, nemini datum esse Spiritum Sanctum ante Christi resurrectionem, quod etiam & alii Cathari credunt, immo nec etiam ante Pentecostem datum esse creditur, nisi fortè ab illis (35), qui duo principia ponunt : de quo infra dicetur.

Credunt etiam isti B. Virginem Mariam (36) cælestem fuisse, & non habuisse corpus humanum, sed cæleste, non hujus creationis transitorie : & animam, atque spiritum ad custodiam animæ deputatum.

Dicunt etiam, & credunt, quod in uterum (37) Mariæ descendit Christus a Patre missus in suo corpore, & anima, & spiritu, & nihil aliud traxit de Virgine, quàm id, quod portaverat in ipsam. Et dicunt quod suo tempore exivit, & natus est de corpore Mariæ, nil tamen de ipsa assumens; propter quod credunt etiam illud Joan. 2. v. 4. dictum a Christo : *Quid mihi, & tibi est mulier?* quasi diceret, ut perversè intelligunt : nihil de te habui. Credunt etiam, quod his cibis (38) usus non fuerit, aut quod famem vel sitim de hujusmodi non habuerit.

Credunt etiam, quod in illo corpore cælesti (39) passus sit, & mortuus, tamen sine dolore quando anima recessit a corpore, & spiritus etiam : juxta illud Joan. 19. v. 30. *inclinato capite tradidit spiritum.* Et post tres dies dicunt illam animam, & spiritum rediisse ad corpus in monumento, & sic resurrexisse a mortuis. Et in eodem corpore credunt ipsum per quadraginta dies apparuisse discipulis, & visum fuisse ab eis : corpus ejus (40) palpabile hominibus, atque visibile esse dicentes Dei virtute, & voluntate sola. Cum illo etiam corpore dicunt cælum ascendisse quadagesimo die, & ad dexteram Patris cum magno triumpho sedere, quia vicit eum, qui habebat mortis imperium, idest Diabolum : & propter illam victoriam dicunt quod Pater dedit ei omnem potestatem in cælo, & in terra. Utrum autem ad judicandum sit venturus in eadem carne, quæstio est : Quidam enim eorum (41) credunt ipsum esse jam factum.

Isti non credunt Christum aliquod corporale miraculum (42) fecisse, licet ita facere visum sit, secundum quod Scripturæ dicunt. Spiritualiter ergo intelligunt cæcum illuminatum, & Lazarum suscitatum, spiritualiter Infirmos etiam sanatos.

Isti negant horum omnium corporum (43) resurrectionem ponentes resurrectionem esse corporum cælestium, de quibus jam locuti sumus. Negant etiam omnia sacramenta Ecclesiæ Romanæ, scilicet (44) Baptisma, (45) Confirmationem, Corpus (46) Domini, & Pœnitentiæ (47) sacramentum secundum modum nostrum, Matrimonium (48), & Extremam Unctionem. Isti negant pœnas istas (49) præsentibus esse a Deo Patre Justorum, ut infirmities horum corporum, hujusmodi. Et non credunt licitum esse (50) uti carne, aut ovis, vel caseo, nec jurare, nec occidere (51) in aliquo casu. Impugnant etiam Imagines (52) Ecclesiæ, & Crucis adorationem.

Isti negant liberum arbitrium (53), & ponunt populum Dei antiquum fuisse : non enim credunt quod Deus sanctus novos spiritus, & animas creet.

Credunt etiam Prophetas ante (54) hujusmodi mundi constitutionem prophetasse in alio mundo, & prophetias eorum ad sonum litteræ esse intelligendas.

Ex parte visâ est opinio horum, qui duo principia ponunt : sed amplius manifestabitur quando de singulis articulis tractabimus. Nunc videamus ex parte opinionem eorum, qui unum asserunt Creatorem (55). Isti enim ex parte conveniunt cum illis, & ex parte differunt. In hoc differunt, quia isti unum asserunt Creatorem : illi duos. Ponunt enim principem mundi, quem Diabolum, & Satan scripturæ dicunt, post creationem primæ materiæ a Deo factæ illam materiam (56) distinxisse in quatuor elementa ; exinde rerum species, prout videntur, distinxit : quod ad præsens dimittimus, quia in principio secundæ partis hujus operis magis plene habebitur.

Credunt tamen ipsum mundi Principem Deum hujus sæculi appellari. In quo conveniunt cum aliis ; sed non credunt eum esse Deum (57) per naturam, immo Dei summi, Patris scilicet Justorum, creaturam : in quo diversificantur ab aliis. Isti etiam conveniunt cum prædictis credentes Vetus Testamentum esse a dia-

(34) Adposuit Photius lib. 1. contra Manichæos de Paulicianis disserens, *Dicunt, inquit, Patrem, & Filium, & Spiritum Sanctum : verba quidem pia, sed extremam ipsi iniquitatem submittunt.*

(35) Videlicet a Catharis Albanensibus, qui Balasinasæ auscultabant. Adeundus Reinerius col. 1768.

(36) Vide Notam 1. ad Cap. 11. libri 111.

(37) Consule Notam x. ad Cap. 111. lib. 11.

(38) Vide Notam 1. ad Cap. 11. lib. 111.

(39) Consule Notam xlv. ad Cap. 111. lib. 111.

(40) Vide Notam 111. ad Cap. 111. lib. 111.

(41) Videlicet ii, qui Balasinasam sectabantur. Vide Reinerium l. c. col. 1769. Manes, apud Archelaum pag. 54. Editionis Zaccagnii. judicium esse fatetur. Verum factum-ne adhuc judicium sit, nec ne, haud explicat.

(42) Vide Notam 1. ad Cap. x. lib. 11.

(43) Adhuc Notam 1. ad Cap. viii. lib. 1v.

(44) Vide Notam 11. ad Cap. 1. lib. 1v.

(45) Vide Notam 1. ad Cap. 11. lib. 1v.

(46) Consule Notam 1. ad Cap. 111. lib. 1v.

(47) Adhuc Notam ad Cap. 1v. lib. 1v.

(48) Vide Notam 1. ad Cap. v. lib. 1v.

(49) Consequens id est ex Manichæorum, & Gnosticorum, qui duo ingenta principia ponebant, opinione. Nam si pecuniam corporaque omnia a mala causâ profecta esse putabant ; multo magis pœnam ab eodem principio manare opinari debebant. Jam vero veteres quosdam Gnosticos non longe ab hoc errore distasse tradit Tertullianus lib. 11. cap. xiv. contra Marcionem. Adeundi Titus Bostrensis lib. 11. contra Manichæos pag. 109. & Augustinus lib. de Hæres. cap. lxxv. contra Coluthianos. Tom. vii. Opp.

(50) Vide Notam 1. ad Cap. xv. secundi libri.

(51) Consule Notam 1. ad cap. 1x. lib. v.

(52) Vide Notas in Extremum §. Cap. viii. lib. v.

(53) Consule Notas §. 11. Cap. 1v. hujus 1. libri.

(54) Est hoc etiam consequens quidpiam ex propparxi animorum, quamvis veteribus Gnosticis, & Manichæis, qui hoc minime viderunt, acutiores in portentis fingendis fuerint principes Catharorum.

(55) Adhuc Notam viii. ad Cap. viii. hujus 1. libri.

(56) Vide Notam 11. ad Cap. 1. lib. 11.

(57) Ita quoque Bogomili, ut refert Euthymius in Panoplia Parte 11. Tit. xxiii.

a diabolo. In Prophetis autem (58) differunt dicentes, eos fuisse locutos quandoque de spiritu proprio, quandoque de spiritu maligno, quandoque de virtute Sancti Spiritus. Unde non recipiunt eos, nisi ubi volunt. Primi vero eos totaliter recipiunt, & eos bonos fuisse dicunt. Illi vero eos malos fuisse credunt, licet aliqua bona de Christo dixerint. Isti negant omnia sacramenta Ecclesiæ sicut primi, & ponunt impositionem manuum esse Baptisma Spiritus Sancti: in quo conveniunt cum illis. Negant etiam horum corporum resurrectionem, sicut & illi; differunt autem ab illis, quod illi ponunt resurrectionem corporum [*] cælestium, ut dictum est; Isti verò corporum [*] spiritualium, idest hominum interiorum. Credunt statim Deum Patrem esse majorem Filio, & Filium majorem Spiritu Sancto: in quo etiam non differunt a prædictis, licet differant in hoc quod credunt Filium esse Deum (59) per naturam, similiter & Spiritum Sanctum, quod Primi diffitentur.

Isti credunt Christum humanam naturam de cælo tulisse, sicut Primi credebant, sed in utero Mariæ Virginis assumpsisse. Differunt autem isti inter se, quia quidam horum credunt, quod de corpore Virginis ejus corpus materialiter (60) fabricatum est, quidam autem non credunt hoc.

Isti ponunt liberum arbitrium, quod Primi negant. Ponunt etiam quidam, in quo differunt a prædictis, spiritus, sive animas novas a Deo non creari: sed dicunt animam (61) ex anima traduci, sicut caro ex carne traducitur. Ponunt etiam miracula corporalia a Christo, & ejus discipulis facta, quod Primi negant: & ponunt, quod ex semine angelico sit ista traductio, idest ex anima Adæ, quam dicunt Angelum (62) cælestem fuisse, & in istum mundum descendisse, & violenter inclusum in terreno corpore a Diabolo, ut dicetur in secunda parte hujus operis.

Isti, sicut Primi, negant esum carniū, ovorum, & casei, judicium sæculare, & juramentum. Impugnant etiam Ecclesiam de Imaginibus, & Cruce, sicut Primi.

Capitula Primi Libri, & Divisio.

Descripta Fide utrorumque Catharorum accedamus ad id, quod proposuimus, & de singulis Fidei articulis tractemus. Dupliciter autem hoc facere intendimus. Primo enim eorum versutias, quibus Ecclesiæ Christi Fidem impugnant, ponemus, & dolos eorum Dei auxilio detegemus. Secundo autem circa unumquemque articulum argumentis verosimilibus, & testimoniis Sacrarum Scripturarum Fidem confirmabimus.

(58) Sapienter Epiphanius, atque ad rem nostram accommodat: *Hæres. xxvi. Quæ est Gnosticorum num. vi. pag. 87. Tom. I.* Porro, inquit, tam veteri, quam novo utuntur instrumento, licet eum, qui in vetere locutus est abdicent. Et quidem, quoties vocem aliquam reperiant, quæ dogmati suo contrariam habere sententiam videtur, ab hujus mundi principe profectam illam esse prædicant; sin aliquis ad illorum libidinem accommodari locus, & utcumque configurari possit, non ipsa quidem potestate verborum, sed pro depravati illorum ingenii capto, eo vero ad id quod cupiunt, traducto, ab veritatis spiritu pronunciatum esse dicunt. Consule etiam Tertullianum lib. de Prescription. cap. xvi. pag. 208. & capit. xxxviii. pag. 226. Edit. an. 1675.

Dividitur autem hoc opus in quinque partes, quarum unaquæque sua habet capitula. In prima enim parte agitur contra Ponentes duo principia hoc ordine.

Primo enim quæritur: An unus Deus sit, an plures Dii.

Secundo de Trinitate Personarum breviter aliqua dicemus, quoniam in tertia parte hujus operis plenius declarabitur istud; scilicet quod tres Personæ sunt unius substantiæ, & potentiæ, & Bonitatis omnino.

Tertio agitur de origine primi mali in cælo.

Quarto de creaturis cælestis curiæ, quæ in cælo peccaverunt, an sint salvandæ.

Quinto an essent liberi arbitrii.

Sexto an Populus Dei, qui per Christum redemptus & salvatus, (63) sit antiquus, an novus, idest de novo creatus. Solemus enim dicere quod Deus creat animas novas, & infundit eas novis (64) corporibus humanis: & de illis quædam salvantur, & quædam non. Ipsi autem, qui duo ponunt principia, ista negant.

Septimo de Prophetis videndum est, ubi scilicet prophetarunt, & quando, & an prophetiæ eorum secundum quod littera sonat, sint accipiendæ: & utrum præteritum in sensu præteriti accipi debeat, & futurum in sensu futuri, & præsens in sensu præsentis; an præteritum, & præsens aliquando pro futuro accipiantur. Hoc enim negant, qui duo ponunt principia.

Octavo videamus, an Deus Pater justorum sit creator visibilium, & transitoriarum rerum, an tantum permanentium, & invisibilium. [*] Nono de miraculis corporalibus, & materialibus, utrum a Deo Sancto sint. Decimo: an differentia illa, quam constituunt inter corpus, & animam possit stare, quam docent hæretici, & contra hoc quod dicunt, aliud esse animam, aliud esse spiritum; & populum Dei ex corpore & anima & spiritu constare [*]. Capitula aliarum partium ponemus sigillatim ante unamquamque earum.

Incipit Libri pars prima, & primi Capituli divisio.

Nunc autem primum capitulum prosequamur ostendentes, quod unicum sit principium, & non plura. Istud autem in duas partes dividemus. In prima parte phantasticas rationes ponemus illorum, qui duo ponunt principia, quia primo objectiones ipsorum succidere volumus; & ex ipsis eorumdem telis arma sumere ad defensionem Fidei Christianæ. In secunda vero parte postmodum nostris

[*] Quæ duobus asteriscis comprehendimus, defunt e Bononien. extant in Cod. Neap.

(59) Simile quidpiam placuit Tricheitis. Consulendus Petavius lib. 1. Theol. Dog. cap. x. §. 9.

(60) In Codicibus Neapolitano, & Vaticano pro materialiter habetur naturaliter.

(61) Vide Notam I. ad Cap. vi. lib. II.

(62) Consule Notam xi. ad Cap. i. lib. II.

(63) Codex Vaticanus: Salvandus.

(64) Ex Codice Vaticano deest τὸ novis.

[*] Quæ hic duobus asteriscis comprehensa vides, defunt ex Codice Bononiensi.

stris argumentis unum solum Deum probabimus, qui est omnium visibilium & invisibilium causa, & principium: a quo, & in quo, & per quem omnia existunt.

§. I.

Probatio Hæretici, quod duo sunt principia.

HÆR. **A**D probandum igitur suum nefandissimum errorem; scilicet duos esse Deos: unum principium, & causam invisibilium nobis, & omnium bonorum: alterum verò principium, & causam omnium visibilium nobis hic, & omnium malorum: inducunt illud Eccles. 42. v. 25. *Omnia duplicia, unum contra unum.* Si omnia duplicia, ergo duo Dii, duo principia, duo regna, duæ Curia, duæ Creationes, una visibilium, alia invisibilium, & sic de aliis.

CATH. Solutio. Aut Ecclesiasticus (65) intellexit omnia universaliter, aut non. Si non, per hoc non habes duo principia esse, vel duos Creatores. Si dicas universaliter: ergo secundum te sicut duplicia principia, ita duplices creaturæ: ergo si hic est unus homo, ibi unus homo: hic una mulier, ibi una mulier: hic unus bos, ibi similiter: hic unus serpens, ibi similiter: ergo secundum te, si hic ludit homo cum muliere, ibi similiter.

Nunc autem, quod omnia duplicia sint ab uno & eodem principio, probo Tibi per eundem Notarium (66), & idem instrumentum, quod contra me inducis. Eccles. 33. v. 15. *Contra (67) malum bonum est, & contra mortem vita; sic & contra virum iustum peccator. Et sic intueri in omnia opera Altissimi. Duo & duo, & unum contra unum.* Ecce quod inter opera Altissimi omnia duplicia, & quod unus Altissimus, & non plures, a quo sunt mala, & bona.

Si hoc non sufficit, lege similiter Eccles. 11. in eodem instrumento 14. *Bona & mala, vita, mors, paupertas & honestas a Deo sunt.* Quam auctoritatem induco, ne forte fugias, & dicas sic: Intueri in omnia opera Altissimi: idest boni Dei, & invenies cuilibet operi ejus suum contrarium ex parte alterius Dei.

Hic enim non habes quid dicas, quia *bona & mala, vita & mors, paupertas & honestas a Deo sunt*: a Deo dico uno. Alioquin diceret: A Diis: Isaia 45. v. 7. habes testimonium de hoc. *Ego Dominus, & non est alter formans lucem, & creans tenebras, faciens pacem, & creans malum: Ego Dominus faciens omnia hæc.* Item Rom. 9. v. 18. *Ergo cujus vult misereatur, & quem vult indurat.* Et vide miser, unde infert hoc. Ex duabus autoritatibus, una Exodi 9. v. 16. *Idcirco autem posui te, ut ostendam in te fortitudinem meam, & narretur nomen meum in omni terra.* Alia 33. v. 19. *Miserebor cui voluero, & clemens ero in quem mihi placuerit.* Attende etiam quid dicat ibi-

dem Apost. Rom. 9. v. 21. *An non habet potestatem fingulus luti, ex eadem massa facere aliud quidem vas in honorem, aliud verò in contumeliam?*

HÆR. Ad idem Job. 7. v. 20. *O custos hominum quare me posuisti contrarium tibi?* Ecce Job erat contrarius Deo secundum animam, vel secundum corpus: ergo corporis, vel animæ natura mala, ergo a malo Deo; & ita sunt duo Dii.

CATH. Solutio. Aut Job loquebatur malo Deo, aut Bono: si malo Deo, stultus erat si conquerebatur, quia malus Deus posuerat eum sibi contrarium; de hoc enim gaudere debuit. Præterea: numquid Diabolus posuisset eum sibi contrarium? Item si Deus ille erat malus, & Job contrarius erat: ergo bonus, cum tu hanc contrarietatem attendas secundum bonitatem, & malitiam: sic ergo bonitatem haberet a malo Deo. Relinquitur ergo, quod bono Deo loquebatur, quod per hoc patet quod dicitur: *O custos hominum*: Diabolus enim non est custos hominum, sed disperor. Item cum statim dicat Job: *cur non tollis peccatum meum, & quare non auferis iniquitatem meam?* patet quod loquebatur bono Deo; item hoc ipsum quod erat ei contrarius habebat a bono Deo, unde dicit *posuisti &c.* ergo per hanc contrarietatem non habes aliud principium esse, nisi bonum Deum. Quod autem iste Deus posuit eum sibi contrarium, intelligendum est secundum corpus, quia Deum est impossibile mori, idest immortalis est: Hominem autem necesse est mori, idest ipse homo est mortalis propter peccatum primi Parentis. Rom. 8. v. 10. *Corpus quidem mortuum est propter peccatum.*

HÆR. Ad idem Sapientia 12. v. 10. *Nequam est natio eorum, & naturalis malitia ipsorum, & quoniam non poterat mutari cogitatio illorum in perpetuum.* 11. *Semen enim erat maledictum ab initio.* Ex his tribus arguunt sic. Malitia illorum naturalis erat, ergo auctor illius naturæ malus. Item quod *non poterat mutari cogitatio illorum in perpetuum.* Hæc impossibilitas erat eis a natura, ergo natura mala, & a malo Deo. Item quod *semen illorum erat maledictum ab initio*, scilicet suæ creationis, constat, quod natura, seu creatio illorum mala, & ita Author malus.

CATH. Solutio: Patet quod Philo (68) ibi loquitur de Terra promissionis, quam vocat Terram sanctam propter cultum unius Dei ibidem habitum. Nec potest intelligi de Terra sancta cœlesti propter plura, quæ ibi dicuntur, sicut Hæretici volunt. Ea vero, quæ obijciuntur de septem Gentibus, quæ erant de Terra Promissionis expellendæ, & de Filiis Israel introducendis accipiendum est. Est ergo intelligendum: *naturalis malitia*: idest perseverans, sicuti naturalia perseverantia sunt. Vel *naturalis*: idest a natura: idest ab ipsis primis Parentibus nascendo derivata. Unde Rom. 5. v. 12. *Per unum hominem*

(65) Iis argumentis refellit Catharos Albanenses Moneta, quæ ex libris sacris ab iisdem Catharis admissis, petita sunt. Quod si aliquanto inferius nescio quid ex libro Exodi, aut ex alio quopiam Veteris Instrumenti Volumine affert; illud quidem certe ita est connexum, & colligatum novi Testamenti contextui, quod Cathari admittebant; ut ad incitas hæreticos possit redigere.

(66) Notorium habet Vat. Cod.

(67) Vide S. Th. 1. P. Q. LXIX. Art. 111. ad 1. Arg.

(68) A Philone Seniore perscriptum fuisse librum Sapientia censent plerique Scriptores hujusce temporis, veteres quorum Hieronymus Præfat. in lib. Salomon. meminit, auctores vehementer sequuti. Adeundi Huetius Demonstr. Evangelicæ Prop. 1. v. pag. 199. Edit. an. 1679. & Calmetus Dissert. De Auctore libri Sapientia pagin. 111. Tom. v. Commentar. Edit. Lucensis. Ab horum sententia non discrepat Noster.

nem peccatum in hunc mundum intravit . Similiter Ephes. 2. v. 3. *eramus natura filii iræ* (69). Quod vero sequitur : *non poterat mutari cogitatio illorum* intelligendum est vix , & sine difficultate .

Numquid non *confinile* similiter dicit Apost. Galat. 4. v. 15. *Si fieri posset: oculos vestros eruissetis, & dedissetis mihi* : ecce aliquid dicitur non posse fieri, quia graviter fieret, & difficillime. Propterea ibidem Sapientiae 12. v. 20. *Dans tempus, & locum, per quæ possent mutari a malitia* : ergo erant mutabiles a malitia : vel sibi contrarius est, nisi intelligas, ut exposui. Præterea Jacobi 3. v. 8. *Linguam autem nullus hominum domare potest* : idest vix . Hujus expositionis habetur probatio eodem capitulo 2. *Si quis in verbo non offendit : hic perfectus est vir* . Item 1. Petr. 3. v. 10. *Qui enim vult vitam diligere, & dies videre bonos, coerceat linguam suam a malo, & labia ejus ne loquantur dolum*. Item Hebr. 12. v. 20. *Non enim portabant quod dicebatur &c.* idest vix .

Aliter potest solvi, & bene. *Non poterant mutari* ab ipsis, & per eos : per se enim converti non poterant . Simile dicit Dominus Luc. 18. v. 24. *Quam difficile qui pecunias habent in regnum Dei intrabunt* . Cui dicunt discipuli v. 26. *Et quis potest salvus fieri ?* Ait illis v. 27. *Quæ impossibilia sunt apud homines, possibilia sunt apud Deum* . Et Joan. 15. v. 5. *Sine me nihil potestis facere* .

Quod autem sequitur : *semen erat maledictum ab initio* intelligendum est *ab initio*, idest in præscientia Dei, qua prævidit eos propter peccata maledicendos . De ista Providentia Job 34. v. 24. *Conteret multos, & innumerabiles, & stare faciet alios pro eis*. Novit enim opera eorum : & ideo inducet noxam, & conterentur. Vel *ab initio*, idest priusquam esse cœperunt, interfuit ejus causa maledictionis, idest peccatum originale (70), idest ab origine, idest ab Adam traductum, ut ab initio hominum, de quo Rom. 5. v. 12. *Per unum hominem peccatum in hunc mundum intravit*, idest in genus humanum . Quod autem de Dæmonibus, ut dicunt Hæretici, intelligendum non sit, patet per hoc, quod legitur Sapient. 12. v. 8. *Sed & his tamquam hominibus pepercisti, & misisti antecessores exercitus tui vespas, ut illos paulatim exterminarent* . Et ibidem 19. *Quoniam judicans das locum in peccatis pœnitentiæ* . Et ibidem 20. *Dans tempus, & locum, per quæ possent mutari a malitia* . Sed Dæmonibus non parcat, nec dat locum pœnitentiæ : nec possunt mutari a malitia sua . Ergo de illis septem Gentibus loquitur . Constat igitur quod male scripturam intelligis, & quod unus solus Deus est, & non plures, ut dicis.

HÆR. Ad idem inducunt illud Jeremiæ 13. v. 23. *si mutare potest Æthiops pellem suam, aut pardus varietates suas : & vos poteritis benefacere, cum didiceritis malum* . Primum est impossibile, ergo &

alterum : sed impossibilitas benefaciendi non est nisi a natura ; ergo natura mala & a malo principio .

CATH. Solutio. De ista impossibilitate, ut supra . Et quod non sit a natura patet ex littera, quæ sequitur : *cum didiceritis malum* . Non est ergo a natura, sed a disciplina erroris, quæ maxime indurat credentes Hæreticorum ; & ideo vitanda . Ut ergo notet quod non est a natura, dicit : *cum didiceritis* . Quod enim quis didicit non est naturæ, sed doctrinæ . Præterea quod illi essent de creatione bona, patet ibi ; ante enim dicit 11. *sicut enim adhæret lumbare ad lumbos viri, sic agglutinavi mihi omnem domum Israel, & omnem domum Juda, dicit Dominus : ut essent mihi in populum, & in nomen, & in laudem, & in gloriam : & non audierunt* . Ex quo constat, quod loquebatur de ovibus Israel, & quod mutabiles erant ad bonum . Præterea dat eis præcepta sua, idque non faceret, si essent de alia creatione . De istis præceptis habes ibi 15. v. 16. *Nolite elevari, quia Dominus locutus est : Date Domino Deo vestro gloriam antequam contenebrescat, & antequam offendant pedes vestri ad montes caliginosos* . Item 18. *Dic Regi, & dominatrici : Humiliamini, sedete : quoniam descendit de capite vestro corona gloriæ vestræ* .

HÆR. Ad idem Jeremiæ 17. v. 1. *Peccatum Judæ scriptum est stylo ferreo in ungue adamantino* . Per hoc patet, quod est indelebile, & immutabile, ut prius .

CATH. Solutio. Non valet *scriptum est stylo ferreo in ungue adamantino* ; ergo est indelebile, nisi intelligatur indelebile, idest, vix delebile propter errorem, vel malam consuetudinem ; vel indelebile quantum est in eis, ut supra . Unde per hoc non habes quod sint duo principia .

Præterea de quo Juda loquitur ibi ? Si de Juda bonæ creationis : sic ergo aliqui de bona creatione perirent, & nunquam deleteretur eorum malitia . Si loquitur de Juda creationis malæ, contra est quod dicitur eodem capitulo 20. *Audite verbum Domini Reges Juda, &c.* & promittit eis bona, si obediunt, & mala si non obediunt. 24. 25. 26. 27.

HÆR. Ad idem Ezechiel 35. v. 3. & 4. ubi loquitur ad Montem Seir, per quem intelligitur diabolus : *Ecce ego ad te mons Seir, & extendam manum meam super te, & dabo te desolatum, atque desertum . Urbes tuas demoliar, & tu desertus eris : & scies quia ego Dominus* 5. *eo quod fueris inimicus sempiternus* . Ergo Diabolus est principium, cum sit sempiternus . Et quod ista argumentatio teneat, volunt Hæretici haberi ex eo, quod dicitur Rom. 1. 20. *Sempiterna quoque ejus virtus, & divinitas* . Hic enim privat principio, & fine, quasi diceret : fine principio, & fine .

CATH.

(69) Hoc testimonio abutebantur Marcionitæ, & Manichæi, ut concluderent duo esse principia, quorum alterum boni, alterum mali origo sit . Quemadmodum autem intelligi debeat, & in hæreticos intorqueri, ostendunt Tertullianus lib. v. contra Marcionem cap. xvii. & S. Augustinus Lib. contra Fortunatum Manichæum Disp. 1. num. 17. col. 99. Tom. viii. Opp. & Disp. 11. n. 22. col. 104.

(70) Hoc idem responsum adhibet Augustinus Disp. 11. contra Fortun. Manich. num. 22. col. 104. *Liberum, inquit, voluntatis arbitrium in illo homine fuisse dico, qui primus formatus est . Ille sic factus est, ut nihil omnino voluntati ejus resisteret, si vellet Dei*

præcepta servare . Postquam autem ipse libera voluntate peccavit, nos in necessitate præcipitati sumus, qui ab ejus stirpe descendimus (non ita ut nobis ademptum liberum arbitrium sit, sed ut attenuatum, & inclinatum, quemadmodum sæpe alias S. Doctor animadvertit) . . . De isto ergo peccato, & de ista consuetudine anime facta cum carne Apostolus dicit . Nemo vos seducat: omnis creatura, quæ a Deo facta est, bona est . . . Sicut per unius inobedientiam peccatores constituti sunt multi, sic, & per unius obedientiam justi constituuntur multi, quoniam per hominem mors, & per hominem resurrectio mortuorum . 1. Cor. 15. v. 21.

CATH. Solutio. Non semper sumitur (71) sempiternum sicut sumit Apost. Rom. 1. immo idem est quod habere principium, sed carere fine aliquando, ut patet Isaïæ 63.v.11. *Ubi est qui eduxit eos de mari cum pastoribus gregis sui? Ubi est qui posuit in medio ejus spiritum sancti sui?* 12. *Qui eduxit ad dexteram Moysen brachio majestatis suæ, qui scidit aquas ante eos, ut faceret sibi nomen sempiternum?* Si enim eos eduxit Deus, ut facerent sibi nomen, ergo prius non erat illud nomen: Item potest probari in Ecclef. 47.v.15. *Salomon imperavit in diebus pacis, cui subjecit Deus omnes hostes, ut conderet domum in nomine suo, & pararet sanctitatem in sempiternum.* & 48.v.27. *Spiritu magno vidit ultima, & consolatus est lugentes in Sion: usque in sempiternum.* Quod sempiternum quandoque finibile, & corruptibile habetur Isai. 24. v.5. *dissepaverunt fœdus sempiternum.* Præterea ibi sequitur v.11. *Et notus efficiar per eos, cum te judicavero.* Ergo cum Deus judicaturus sit eum, ipse non est Deus.

HÆR. Ad idem inducunt psal. 80.v.9. *Israel si audieris me: 10. non erit in te Deus recens, neque adorabis Deum alienum.* Per quod volunt Hæretici quod duo sint Dii: unus recens, & alienus, alius autem bonus, qui est Deus Israel.

Respondeo. Deum alienum ibi dicit idolum, eo quod ab aliis nationibus colebatur ut Deus, etsi non esset Deus. Quod patet Jeremiæ 2. v.10. *Transite ad insulas Cethim, & videte: & in Cedar mittite, & considerate vehementer: & videte si factum est hujusmodi.* v. 11. *Si mutavit gens Deos suos, & certe ipsi non sunt Dii: populus vero meus mutavit gloriam suam in idolum.*

Præterea ille, qui loquitur, eduxit populum Israel de Terra Ægypti, sed ille est Veteris Testamenti; ergo Dens veteris testamenti est Creator bonus.

Si dicat: de alia Ægypto ibi loquebatur propter id, quod dicitur Apocal. 11.v.8. *Et corpora eorum jacebant in plateis civitatis magnæ, quæ vocatur spiritualiter Sodoma, & Ægyptus.*

Sed sive intelligamus Ægyptum peccati, sive mundum istum, vel aliquam ejus partem, quæro: isti, quos eduxit, aut egerant pœnitentiam aut non? Si non, ergo non eduxerat eos de Ægypto, & Sodoma spiritali, sed erant ibi, quia mali. Si egerant pœnitentiam suam, & eduçti erant de Ægypto, quomodo ergo stabit quod sequitur 12. *Et non audivit populus meus vocem meam: & Israel non intendit mihi?* Ergo erat malus. Hoc etiam patet Jerem. 2. v.5. *Hæc dicit Dominus: quid invenerunt Patres vestri in me iniquitatis, quia elongaverunt a me, & ambulaverunt post vanitatem, & vani facti sunt?* v.6. *Et non dixerunt: Ubi est Dominus, qui traduxit vos per desertum, per terram inhabitabilem, & inviam, per terram sitis, & imaginem mortis, per terram, in qua non ambulavit vir, neque habitavit homo?*

v.7. *Et induxi vos in terram Carmeli, ut comederetis fructum ejus, & optima illius: & ingressi contaminastis terram meam, & hereditatem meam posuistis in abominationem.*

Si dicas: Prophetia est, & dicit quod futurum erat quasi esset factum; Hoc est contra te. Articulus enim tuus, (72) & positio tua est, quod ubi Prophetæ loquuntur de præterito, de præterito intelligendum est: ubi de præsentis de præsentis: ubi de futuro de futuro.

Ad idem Malachiæ inducunt 2.v.11. *Transgressus est Judas, & abominatio facta est in Israel, & in Jerusalem: quia contaminavit Judas sanctificationem Domini, quam dilexit, & habuit filiam Dei alieni: [*]* Eodem modo solve quo prius filiam Dei alieni [*] idest idoli. Appellat uxorem alienigenam, quæ erat filia idoli per cultum, quia colebat idolum, quam Judas quondam accepit contra Dei prohibitionem, de qua prohibitionem Deuter. 7.v.2. *Non inibis cum eis fœdus, nec misereberis earum, neque sociabis cum eis conjugia. Filiam tuam non dabis filio ejus, nec filiam illius accipies Filio tuo.* Quod autem contra prohibitionem venerit, habetur 2. Esdræ 9. v.2. *Tulerunt enim de filiabus eorum sibi, & filiis suis uxorem, & commiscuerunt semen sanctum cum populis terrarum: manus etiam Principum, & Magistratum fuit in transgressione hac prima.*

Præterea si per Deum alienum intelligas Creatorem malum, cujus filiam habuit Judas: sic igitur in Patria Dei boni fuerunt adulteria a populo Dei. Sic enim dicitur: *abominatio facta est.*

Præterea secundum hoc, genus boni Dei & genus mali Dei esset permixtum.

HÆR. Ad idem psal. 95.v.5. *Omnes Dii Gentium Dæmonia: & 81.v.6. Ego dixi: Dii estis, & filii excelsi omnes:* Item illud 81.v.1. *Deus stetit in synagoga Deorum:* Item 46.v.10. *Principes populorum congregati sunt cum Deo Abraham: quoniam Dii fortes terra vehementer elevati sunt.*

CATH. Ad primum est solutio, quod Dii gentium dicebantur Dii hominum reputatione, non rei veritate; unde Jer. 2.v.10. *Transite ad insulas &c.* ut supra. Hæc solutio patet 1. Corinth. 8. v.15. *Nam etsi sunt qui dicantur Dii sive in cælo sive in terra (siquidem sunt Dii multi, & Domini multi:) quasi diceret: non tamen Dii in rei veritate, sed hominum opinione.*

Ad alia dico quod viri sancti dicuntur Dii, idest Deo similes, Dei scilicet imitatores, ad quos factus est sermo Dei. Unde Joan. 10. v.34. *Nonne scriptum est in lege vestra: quia ego dixi, Dii estis?*

Præterea ad id: *Ego dixi Dii estis* potest (73) specialiter responderi, quod non appellat Deos creatores: quod patet ex eo, quod subdit: *Et filii excelsi omnes; filii scilicet per imitationem, ut dixi.* Unde Ephes. 5.v.1. *Estote imitatores Dei, sicut filii charissimi.*

B

Ex

(71) Consulendus Augustinus lib. x. cap. xxxi. col. 267. De Civ. Dei Tom. vii. Opp. Edit. an. 1685.

(72) Censebant enim Cathari, ut antea animadvertit Moneta, Prophetarum oracula ita esse ad litteram intelligenda, ut sicuti figura quadam res efferunt, perinde quasi præterita fuerint, res easdem præteritas revera esse judicandum sit; contra ac omnium Interpretum, Doctorum virorum veteris regula flagitet.

[*] Quæ duobus asteriscis continentur, desiderantur in Cod. Bon.

(73) S. Irenæus lib. III. contra Hæres. cap. vi. pag. 180. *Quorum autem Deorum, inquit, quibus dicit: Ego dixi Dii estis, & filii altissimi omnes: his scilicet, qui adoptionis gratiam adepti sunt, per quam clamamus: Abba Pater: Rom. viii. 15. Hoc Psalmi versiculo usi sunt quidam e colluvie Gnosticorum, ut duo esse principia ostenderent. Confer quæ habet Tertullianus Adv. Praxeam cap. xlii. pag. 507.*

Ex hoc etiam sequeretur, quod plures essent creatores boni: sicut ex opposito: *Omnes Dii gentium Dæmonia*, si Deos appellaret creatores, ergo plures creatores mali.

Ad illud: *Dii fortes terræ elevati sunt*. Dico quod Dii dicuntur sancti ad cælestia per desiderium elevati; unde Philippenf. 3. v. 20. *Nostri conversatio in cælis est* dicit Apostolus de se, & sibi similibus.

§. I I.

Quibus auctoritatibus Novi Testamenti conentur ostendere duo esse principia: & probatio Ecclesiæ quod unicum est principium.

Viso quibus auctoritatibus Veteris Testamenti nitantur Hæretici duos ostendere Creatores, videamus quibus auctoritatibus novi Testamenti idem velint asserere; licet consequi non valeant quod intendunt. Istud tamen sciendum est, quod eisdem auctoritatibus utuntur alii Cathari, qui ponunt unum Creatorem; sed asserunt duos factores.

HÆR. Primo ergo inducunt illud Matth. 4. v. 8. 9. 10. *Assumpsit eum Diabolus in montem excelsam, & ostendit ei omnia regna mundi, & gloriam eorum, & dixit ei: hæc omnia tibi dabo, si cadens adoraveris me*. Non posset illa dare, nisi sua essent: igitur sua sunt. Sed quomodo sua nisi creatione, vel factura? Ergo creator est, & factor horum visibilium.

CATH. R. Numquid verum (74) dixit? Si dicat quod sic, contra. Joann. 8. v. 44. *Non est veritas in eo: & ibidem supra: in veritate non stetit*, idest non fuit, secundum quod Tu exponis, qui ponis duos Creatores.

Item ibidem dicit: *cum loquitur mendacium ex propriis loquitur*; relinquitur ergo quod falsum dixerit. Præterea numquid testimonio illius mendacissimi standum est? Quod autem falsum dixerit patet Ezech. 29. v. 3. ubi loquitur ad Pharaonem ibi Diabolum designantem: *Ecce ego ad te Pharaon Rex Aegypti, Draco magne, qui cubas in medio fluminum tuorum, & dicis: meus est fluvius, & ego feci memet ipsam*. Ecce quod Dominus arguit, quia

dicit fluvium esse suum, & se a nullo factum esse, sed tantum a se esse.

Præterea Luc. 4. v. 6. ubi loquitur de hac materia dicitur: *Tibi dabo potestatem hanc universam, & gloriam illorum: quia mihi tradita sunt; & cui volo do illa*. 7. *Tu ergo si adoraveris coram me, erunt tua omnia*. Ergo ab alio; ergo ipse non est eorum principium.

HÆR. Item obijciunt: *Nemo potest duobus Dominis servire*. Matth. 6. v. 24. *aut enim unum odio habebit, & alterum diliget: aut unum sustinebit, & alterum contemnet. Non potestis Deo servire, & Mammonæ*: Ecce quod Dominus Jesus Christus ponit duos dominos contrarios, & ita duas dominationes contrarias, & ita duas creationes contrarias; ergo duo sunt principia.

CATH. Solutio. Quid intelligis (75) tu per Mammonam? Si Diabolum: quomodo ergo stabit quod dicitur Luc. 16. v. 9. *Facite vobis amicos de Mammona iniquitatis*? Sic dicas ergo mecum quod nomine mammonæ intelliguntur divitiæ, (76) quæ odiantur, idest contemnuntur amore Creatoris a Bonis, & sustinentur, idest sursum tenentur a multis hominibus, quando Creatori præferuntur: Eccles. 10. v. 19. *Et pecuniæ obediunt omnia: ecce innuit pecuniam* (77) dari Malis.

Præterea posito quod ibi: *nemo potest duobus Dominis servire & Mammonæ*: per Mammonam intelligatur ipse Dæmon, dico quod dicitur dominus non creatione, sed mundanorum hominum electione, qui ejus eligunt dominium, & ei obediunt ut domino suo contempto vero Deo; Unde Rom. 1. v. 25. *Qui commutaverunt veritatem Dei in mendacium; & coluerunt, & servierunt creaturæ potius, quam creatori*: & Jerem. 2. v. 11. *Populus vero meus mutavit gloriam suam in idolum*.

Præterea si per pluralitatem Dominorum vis probare pluralitatem Creatorum, multos poterimus invenire creatores; multi enim leguntur Domini in Scriptura.

HÆR. Ad idem obijciunt quod dicitur Matth. 7. v. 18. *Non potest arbor (78) bona malos fructus facere, nec arbor mala bonos fructus facere*. Ecce quod Dominus noster duas arbores posuit. Sed quare? nisi quia duo sunt Creatores.

CATH.

(74) Pulehre Iræneus lib. v. cap. xxii. contra Hæres. pag. 320. Scire autem quoniam Dominum Deum tuum adorare oportet, & ipsi soli servire, & non credere ei, qui falso promissit ea, quæ non sunt sua, dicens: Hæc omnia tibi dabo &c.

(75) S. Iræneus lib. i. cap. vii. pag. 182. hoc argumenti genus ab Gnosticis olim adhibitum, refellit. Similiter, inquit, & illud quo ait: non potestis duobus Dominis servire; ipse interpretatur dicens: non potestis Deo servire, & Mammonæ. Deum quidem confitens Deum, Mammonam autem nominans hoc quod & est. Non Mammonam Dominum vocat, dicens: non potestis duobus Dominis servire, sed discipulos docet servientes Deo, non subijci Mammonæ, neque dominari ab eo. Qui enim, inquit, facit peccatum, servus est peccati. Quemadmodum igitur servientes peccato, servos peccati vocat: sic & eos qui Mammonæ serviunt, servos Mammonæ appellat, non Deum appellans Mammonam. Mammonas autem est, secundum judaicam loquelam, quæ & Samaritanæ, & plus quam oportet, habere volens, [secundum autem hebraicam adjunctive dicitur Mam] vel significat gulotum, id est, qui non possit a gula continere. Secundum utraque igitur, quæ significantur, non possumus Deo servire, & Mammonæ. Aditis Epiphanium Hæres. lxxvi. n. 69. Quo loco argumentum Manichæorum ex hoc Evangelii peritum refutat.

(76) Consulitor Tertullianus lib. de Corona Militis cap. xii. pagina 108. & lib. de Fuga in Persecutione capp. xii. & xiii. pagina 542. seq. Edit. an. 1675. quibus quidem in locis Mammonam nihil aliud quam divitias, sive pecunias indicare affirmat. Hoc idem placuit Hieronymo lib. i. in Matth. cap. vi. col. 22. Tom. iv. Edit. an. 1705. & Gregorio Nazianzeno Orat. xlii. pag. 690. Tom. i. Edit. an. 1690.

(77) Pro dari, dominari habent Cod. Vat. & Neap.

(78) Tertullianus lib. i. contra Marcionem cap. ii. pag. 366. illi ipsi Hæresiarchæ vitio vertit, quod hoc genere argumenti uteretur, ut duo principia esse ostenderet: Duo, inquit, Ponticus Deos adfert, tamquam duas sympl. jadas naufragii sui, quem negare non potuit, idest creatorem, id est nostrum; & quem prolatum non potuit, id est suum: passus infelix hujus præsumptionis instinctum, de simplici capitulo Dominice pronuntiationis, in homines, non in Deos disponens exempla illa bonæ & malæ arboris, quod neque bona malos, neque mala bonos proferat fructus. Adoptarunt sibi deinde hoc idem argumenti portentum Manichæi, apud Augustinum lib. contra Fortun. Manichæum Disp. ii. n. 21. & apud Epiphanium Hæresi lxxvi. quæ est Manichæorum n. 62. & apud Titum Bostrensem lib. i. contra Manichæos pag. 87. Tom. i. Antiquar. Lætion. Canisii Edit. an. 1725. pag. 87. seq.

CATH. R. Credis tu quod appellet arbores creatores? Si dicas sic. Quomodo igitur stabit (79) quod Dominus ait monens discipulos suos Matth. 12. v. 33. *Aut facite arborem bonam, & fructum ejus bonum, aut facite arborem malam, & fructum ejus malum?* Numquid ipsos creatores facere poterant discipuli? Propter hoc forte dicerent quod per Arbores duas intelliguntur duæ naturæ, quo habito per consequens duo erunt earum (80) principia. Sed contra. Nonne oves Israel bonæ naturæ fuerunt? utique. Sed illæ peccaverunt in cælo secundum Te? Ergo bona arbor, idest bona natura, potest facere malos fructus.

Nonne Apostolus cum persequeretur (81) Ecclesiam Dei malos fructus faciebat? Et tamen erat naturaliter arbor bona.

Item Judas nonne bonum fructum fecit quando Dæmones ejecit, cujus potestatem accepit Matth. 10. v. 8. cum aliis undecim: *Infirmos curate, mortuos resuscitate, leprosos mundate, Dæmones ejicite?* Ergo arbor mala potest bonos fructus facere; nam Judas secundum te erat naturaliter malus.

Dicas ergo mecum quod nomine arboris intelligitur hic bonus (82) homo, vel malus, quorum uterque ex operibus cognoscitur, sicut arbor ex fructu; unde dicitur 15. *Attendite a falsis Prophetis, qui veniunt ad vos in vestimentis ovium, intrinsecus autem sunt lupi rapaces.* 16. *A fructibus eorum cognoscetis eos.*

Sed forte dicit: quomodo stabit quod dicitur: *non potest arbor bona malos fructus facere; nec arbor mala bonos fructus facere?*

Respondeo *non potest*, idest non vult. Similiter dicitur Marci 6. v. 5. *Et non poterat ibi virtutem ullam facere;* idest nolebat (83) similiter Joann. 12. v. 39. *Non poterant credere;* idest nolebant. 2. Timoth. v. 13. *Si non credimus, ille fidelis permanet, negare se ipsum non potest;* idest non vult. Vel arbor bona non potest fructus malos facere, idest non facit,

ut (84) sonet in actum: Probatio hujus expositionis habetur Luc. 6. v. 43. *Non est enim arbor bona quæ facit fructus malos: neque arbor mala faciens fructus bonos.*

Quandoque autem nomine arboris intelligitur voluntas; unde Matth. 12. v. 33. *Aut facite arborem bonam, & fructum ejus bonum: aut facite arborem malam, & fructum ejus malum: siquidem ex fructu arbor cognoscitur.*

HÆR. Ad idem inducunt illud, quod dicitur Matth. 15. v. 13. *Omnis plantatio, (85) quam non plantavit Pater meus cælestis, eradicabitur.* Ergo aliqua plantatio est, quam Pater Jesu Christi non plantavit &c. & ita Diabolus plantavit illam: & ita Diabolus est creator, vel factor creaturarum.

CATH. Ad hoc respondendum est sic. Numquid plantare est creare? Si dicat: utique: quomodo ergo dicit Apostolus 1. Corinth. 3. v. 6. *Ego plantavi, Apollo rigavit, sed Deus incrementum dedit?* Secundum hoc videtur quod Paulus creator sit.

Dicamus ergo, ut patet ex principio illius capituli 15. v. 3. Matth. ubi dicitur: *Quare & vos transgredimini mandatum Dei propter traditionem vestram?* Quod Dominus ibi loquitur de traditionibus Phariseorum, quas dicit plantationem, quæ non est a Patre. Hoc autem potest insinuari per illud, quod dicit Gamaliel Actorum 5. v. 38. *Et nunc itaque dico vobis, discedite ab hominibus istis, & finite illos: quoniam si est ex hominibus consilium hoc, aut opus, dissolvetur.* 39. *Si vero ex Deo est non poteritis dissolvere illud, ne forte & Deo repugnare inveniamini.* Vel dicas quod loquitur de plantatione vitiorum, quæ quidem est a Diabolo per suggestionem, & eradicabitur. Unde 1. Joann. 3. v. 8. *In hoc apparuit Filius Dei, ut dissolvat opera Diaboli.*

Item si tu Hæretice vis intelligere de plantatione creationis, secundum te oporteret, quod omnes creaturæ Diaboli eradicarentur; & ita ipse remansurus

B 2

esset

(79) S. Augustinus lib. 1. contra Adversarium Leg. & Prophet. cap. xxiii. & 49. lin. 577. Tom. viii. *Quid enim stultius, inquit, quam dicere, Deum Prophetarum esse arborem malam, & id velle intelligi in eo, quod Dominus ait, Arbor mala fructus bonos facit, & rursus dicere, non facit mala, sed creat; quia si faceret, aliena ab illo essent, eique forinsecus accederent; cum vero creat, ipse illa de se ipso tanquam radicatus generat.* Et paulo superius: *Cur ergo, inquit, ... creat, dixit, sed facit; si vera est differentia, qua facientem a creante distinguit dicens, quod sit alienum esse a faciente? ... sed certe in eo quod Dominus arborem bonam fructus bonos, malam malos non dixit creare, sed facere, videat iste [Adversarius legis] suam regulam factam, & comprimat linguam.* Et aliquanto superius cap. xxi. col. 575. *Quomodo autem diceret, aut facite arborem bonam, & fructum ejus bonum, aut facite arborem malam, & fructum ejus malum; nisi homo posset nunc in hoc, nunc in illud mutata voluntate converti?* Consule Disp. II. Contra Fortun. num. 22.

(80) Vaticanus Codex. *Creatores.*

(81) Adposite Titus Bostrensis lib. 1. contra Manichæos pag. 88. *Si Deus radix, inquit, & bona radix, & boni fructus, & ex bonis fructibus profusus; ac Satanas radix erat, & mala radix, ac fructus mali ex mala radice fusi; cujus radicis Apostoli fructus exiterunt, ut ex fructibus, quod quarimus, cognoscamus? Nondum a radicibus argumentum sumo, dicemus enim, mala radix nihil boni proferre potuit, neque radix bona quidquam mali. Videntur autem Apostoli quandoque boni, quandoque mali fuisse; ac sero quidem mali, principio autem boni, mutasseque malos mores. Si enim dicamus esse Apostolos Satane fructus propter vetera delicta, adhibebunt eis reverentiam propter Apostolatam, & perfectionem virtutum. Sin vero Dei fructus, quid dicent de antiquis, eorum peccatis,*

& de antiqua vita diabolica? &c. Consule Lector, quæ sequuntur; sunt enim ad rem nostram accommodata. Videas etiam Epiphanium Hæres. lxxvi. n. 62. & Hieronymum in cap. vii. Evang. S. Matth. col. 24. seq. Tom. iv. qui his eisdem exemplis Pauli & Judæ utuntur, ut Manichæos revincant.

(82) Epiphanius l. c. n. 62. *Mala enim arbor, & bona, inquit, de bonis, ac malis operibus explicantur. Adis Augustinum loc. c. cap. xxi. n. 47. & Hieronymum in cap. vii. Matth. col. 24. Tom. iv.*

(83) Præclare Augustinus lib. II. contra Fortun. Manich. n. 22, col. 105. *Sed ut intelligas, inquit, istas duas arbores sic esse a Domino positas, ut ibi significaretur liberum arbitrium, non naturas esse istas duas arbores, sed voluntates nostras; ipse ait in Evangelio: Aut facite arborem bonam, aut facite arborem malam. Quis est qui possit facere naturam? Si ergo imperatum est nobis, ut faciamus arborem aut bonam, aut malam, nostrum est eligere, quod velimus.* Vide lib. II. de Serm. Dei in Monte cap. xxiv. n. 79.

(84) Consule Augustinum ibid. col. 4. seq. & Serm. cxcxi. in Natal. Johannis Baptiste al. xxiii. de Sanctis n. 7. col. 1173. Tom. v. & Hieronymum lib. I. in cap. vii. S. Matth. col. 25. *Ubi, tamdiu, inquit, bona arbor fructus non facit malos, quamdiu in bonitatis studio perseverat: & mala arbor tamdiu manet in fructibus peccatorum, quamdiu ad penitentiam non convertitur.*

(85) Johannes Chrysostomus Homilia II. al. 111. in Mattheum pag. 524. Tom. vii. Edit. an. 1727. Hoc testimonio, prodit, usos fuisse Manichæos, ut malum auctorem veterem legem condidisse, probarent. Non est autem alienum a vero, quod ut de lege, ita etiam illud ipsum de creaturis sub adspæctum cadentibus, intelligi etiam oportere censuerint; id quod Fortunatus Manichæus apud Augustinum Disp. II. n. 21. col. 103. diserte innuit.

esset solus, quod esse non posset, cum ipse in una sua omnipotens sit.

HER. Ad idem inducunt illud, quod legitur Joan. 1. v. 12. (86) *Quotquot autem receperunt eum dedit eis potestatem filios Dei fieri his qui credunt in nomine ejus*: 13. *Qui non ex sanguinibus, neque ex voluntate carnis, neque ex voluntate viri, sed ex Deo nati sunt*. Illi ergo tantum sunt filii Dei, qui non sunt nati ex sanguinibus: sed homo exterior ex duobus sanguinibus natus est, ergo homo exterior non est ex Deo natus; & ita a Diabolo; ergo Diabolus est creator, vel factor carnis.

Ad idem etiam inducunt quod legitur Rom. 9. v. 8. *Non qui filii carnis, hi filii Dei; sed qui filii sunt promissionis, æstimantur in semine*.

Ad hoc respondendum est sic, cum dicit: *Quotquot autem receperunt eum dedit eis potestatem filios Dei fieri*; de qua nativitate loquitur? si de nativitate creationis, quomodo potest hoc esse? sic enim legitur ibi 11. *Sui eum non receperunt*. 12. *Quotquot autem receperunt eum dedit eis potestatem filios Dei fieri*. Hic distinguitur inter illos, qui eum non receperunt, & illos qui eum receperunt. Illis suis, qui eum non receperunt, non dedit potestatem filios Dei fieri; & tamen eis, qui eum receperunt dedit eam. Illi ergo, qui eum non receperunt, & non habuerunt illam potestatem, scilicet fieri filios Dei, non fuerunt ejus filii, nec ex Deo nati; ergo non fuerunt a Deo bono creati. Quomodo autem sui erant?

Præterea illis, qui eum receperunt, dedit potestatem filios Dei fieri. Isti non erant sui, quia dicitur: *Sui eum non receperunt*. *Quotquot autem &c.* sed cujus erant, si non erant sui filii? ergo erant filii Diaboli; ergo ab eo creati, vel facti, si de hac nativitate, scilicet creationis hæ auctoritates intelligendæ sunt.

Præterea illi prius erant, qui eum receperunt, dedit eis potestatem Filios Dei fieri; ergo non erant prius Dei filii, vel ex Deo nati; & ita a Diabolo creati, vel facti, quod stare non potest, quia sic non dedisset eis potestatem Filios Dei fieri.

Dicas ergo mecum, quod duplex est nativitas. Una naturæ, (87) quæ sit per carnis propagationem: alia gratiæ, quæ sit per fidem in baptismo, & Pœnitentia; & istud patet esse verum ex eo, quod dicitur Joann. 3. v. 6. (88) *Quod natum est ex carne caro est, & quod natum est ex spiritu spiritus est*. Et loquitur ibi de Spiritu Sancto, ut patet ex littera illa. Illam etiam duplicem nativitatem insinuat, cum ait 7. *Oportet vos nasci denuo*: quasi diceret: qui nati estis nativitate naturæ, oportet vos nativitate gratiæ nasci, si vultis in regnum cœlorum introire. Nec per hoc habetur quod nativitas car-

nis sit mala; sed quia non sufficit sola, idest sine spirituali, quæ sit per fidem. Unde Joann. 1. dicitur: *Dedit eis potestatem filios Dei fieri*. Sed quibus dedit? *His, qui credunt in nomine ejus*: idest quia credunt. Unde 1. Joann. 5. v. 1. *Omnis, qui credit quoniam Jesus est Christus, ex Deo natus est*. Ad Galat. 3. v. 26. *Filii Dei estis per fidem, quæ est in Christo Jesu*.

Quod autem sequitur: *non ex sanguinibus, neque ex voluntate carnis, neque ex voluntate viri* sic intelligo, quod hi, qui sunt spiritualiter filii Dei, non habent ex prima nativitate, quæ est ex duobus sanguinibus, sed ex Deo, idest ejus gratia, & fide ipsius, ut prædictum est.

Ad illud, quod dicitur Rom. 9. v. 8. *Non (89) qui filii carnis, hi filii Dei, sed qui filii sunt promissionis, æstimantur in semine*: idest: non ideo, quia sunt filii carnis, filii Dei sunt; quasi diceret: ex nativitate carnis, non habent eam, quæ est per Fidem; sed ut dicitur Joann. 3. v. 7. *Oportet vos nasci denuo*. Unde ibidem sequitur: *sed qui filii sunt promissionis, æstimantur in semine*, filii promissionis, idest filii Dei. Per quam Abraham facta est promissio, ut hæres esset mundi, ut habetur Rom. 4. v. 13. *Non enim per legem promissio Abraham, aut semini ejus, ut hæres esset mundi: sed per justitiam fidei*. 14. *Si enim qui ex lege, hæredes sunt: exinanita est fides, abolita est promissio*. 15. *Lex enim iram operatur. Ubi enim non est lex; nec prævaricatio*. 16. *Ideo ex fide, ut secundum gratiam firma sit promissio omni semini, non ei, qui ex lege est solum, sed & ei, qui ex fide est Abraham*.

Vel aliter filii carnis dicuntur Judæi, qui ex Abrahâ sunt secundum carnem: Unde Joan. 8. v. 39. dicunt: *Pater noster Abraham est*. Item 37. *Scio quia filii Abraham estis*. Item 56. *Abraham pater vester exultavit, ut videret diem meum, vidit, & gavisus est*. Item Rom. 4. v. 1. *Quid ergo dicemus invenisse Abraham patrem nostrum secundum carnem?* Filii autem promissionis dicuntur Gentiles, idest filii Fidei, seu per fidem, ex quo facta est promissio Abraham, ut ostensum est. Quando ergo dicitur: *Non qui filii carnis, hi filii Dei; sed qui filii sunt promissionis, æstimantur in semine*, intelligendum est non tantum illi, qui sunt filii carnis, hi sunt filii Dei. Et quod ita sit patet Rom. 3. v. 29. *An Judæorum Deus tantum? non ne & Gentium?* 30. *Quoniam quidem unus est Deus, qui justificat circumcisionem ex fide, & præputium per fidem*. Item Rom. 4. v. 12. loquitur per fidem dicens: *Et sit pater circumcisionis, non iis tantum, qui sunt ex circumcisione; sed & iis, qui sectantur vestigia fidei, quæ est in præputio Patris nostri Abraham*.

Si autem dicat Hæreticus: quare illi, qui eum non

(86) Hoc etiam testimonio abusi sunt Gnostici, qui Christo carnem detrabi omnino volebant, propterea quod malam esse, & a malo principio profectam arbitrarentur. Sic autem illud legi oportere censebant: *Non ex sanguine, nec ex carnis voluntate, nec ex viri, sed ex Deo natus est*. Vide Tertullianum lib. de Carne Christi cap. xix. pag. 321.

(87) Confule S. Cyrillum Hierosolymitanum Catechesi xi. n. ix. Ubi: vos, inquit, illuminandi, filii efficiimini, sed adoptione per gratiam sicut scriptum est: *Quotquot autem receperunt eum, dedit eis potestatem filios Dei fieri*, his qui credunt in nomen ejus. Qui non ex sanguinibus, neque ex voluntate carnis, neque ex voluntate

vir, sed ex Deo nati sunt: *Et nos quidem nascimur ex aqua & spiritu*. Adis etiam Hieronymum lib. 11. contra Jovinianum col. 221. Tom. 1. v. Parte 11. Edit. an. 1706.

(88) Adeundus Cyrillus Hierosolymitanus Catechesi 111. n. 4. pag. 41. Edit. an. 1720. & Johannes Chrysostomus Homilia xxiv. in cap. 111. Joannis Tom. viii. pag. 141. Edit. Paris. an. 1728.

(89) Theodoretus in cap. ix. Ep. ad Rom. v. 8. Tom. 111. Opp. pag. 75. Vocat, inquit, Carnis Filios [Apostolus] qui natura propagatione sunt geniti; promissionis autem, qui ex gratia dati sunt. Leguntur quæ habet idem ipse Cyrensis Episcopus in cap. iv. Ep. ad Rom. v. 13. seqq.

non receperunt dicuntur sui? Respondeo: sui sunt creatione (90) licet non imitatione.

Sed dicet sic. Et illi, qui eum receperunt sui erant creatione; non imitatione antequam reciperent eum. Quare ergo sic distinguit dicens: *Sui eum non receperunt, quotquot autem &c.*? Per hoc enim videtur innuere quod non essent prius sui, qui eum receperunt.

Solutio. Suos dicit Judæos, qui non tantum creatione, sed etiam cultu sui erant. Unde Matth. 15. v. 7. *Hypocrita, bene prophetavit de vobis Isaias dicens: 8. Populus hic labiis me honorat: cor autem eorum longe est a me. 9. Sine causa autem colunt me, docentes doctrinas, & mandata hominum.* Sed Gentes per cultum sui non erant, sed idola colebant, immo Dæmonia in eis; unde David: *Omnes Dii gentium Dæmonia*; unde Rom. 15. v. 8. *Dico enim Jesum Christum ministrum fuisse circumcisionis propter veritatem Dei, ad confirmandas promissiones Patrum. 9. Gentes autem super misericordia honorare Deum, sicut scriptum est.* Dicebantur etiam sui Judæi propter promissiones Patribus eorum factas, non vero Gentibus. Item evidenter facit Apostolus mentionem de duobus populis, & unum non suum dicit Rom. 9. v. 24. *Vocavit nos non solum ex Judæis, sed etiam ex Gentibus. 25. Sicut in Osee dicit: vocabo non plebem meam, plebem meam: & non dilectam, dilectam: & non misericordiam consecutam, misericordiam consecutam, 26. Et erit in loco ubi dictum est eis: non plebs mea vos:* Ubi ostenditur quare non erat sua plebs; quia non dilecta, nec misericordiam consecuta. Rom. 15. v. 10. dicit alium populum suum, unde *Latamini gentes cum plebe ejus.*

[*] HÆR. Ad idem inducunt illud Matth. 13. v. 11. *Ubi Christus dicit discipulis: Vobis datum est nosse mysteria regni celorum: illis autem non est datum.* Quare non de eadem creatione erant; cum Pater justorum non sit acceptor personarum ut dicit Petrus Actor. 10. v. 34. Respondeo. Lege totum caput usque ad v. 15. *Et sanem eos, & videbis,* quod ex culpa eorum fuit, non ex vitio creatoris, sicut supra ostensum est; ubi discussimus illud verbum Joannis 12. v. 39. propterea non poterant credere. Nonne videtur, quod Dominus ait ibidem 12. *Qui enim habet dabitur ei, & abundabit, qui autem non habet, & quod habet, auferetur ab eo? Qui habet, dabitur ei;* idest qui collata munera diligenter custodit, similis illi, qui in quinque talentis opera-

tus, alia quinque lucratus est, laude, ac remuneratione domini dignus efficitur: *Qui autem non habet, & quod habet auferetur ab eo:* Quid est non habere, nisi accepta negligere, & desidia utendi divinæ largitati injuriam facere? De talibus dicitur Matth. 7. v. 6. *Nolite dare sanctum canibus, neque mittatis margaritas vestras ante porcos, ne forte conculcent eas pedibus suis, & conversi dirumpant eos.* Ipse se fraudavit munificentia largientis, qui possidere indulta negavit. Quomodo autem poterit esse munificus eis in posterum, a quibus ejus munera respuuntur? Propterea dicitur Isaiæ 1. v. 2. *Filios enutrivit, & exaltavi, ipsi autem spreverunt me.* [*]

HÆR. Ad idem inducunt illud, quod legitur Joann. 8. v. 44. (91) *Vos ex patre Diabolo estis, & desideria patris vestri vultis facere.* Diabolus erat pater illorum, ergo creavit eos; & ita iterum ut prius.

CATH. Solutio. Numquid si pater est sequitur quod sit Creator? Si dixerit quod sic. Contra. Rom. 4. v. 17. & loquitur de Abraham: *qui pater est omnium nostrum (sicut scriptum est: quia patrem multarum gentium posui te) ante Deum, cui credidit, qui vivificat mortuos, & vocat ea, quæ non sunt, tamquam ea, quæ sunt.* Item Joann. 8. v. 39. dixerunt Domino Judæi: *Pater noster Abraham est:* non tamen erat eorum creator. A simili ergo non potes dicere, quod per creationem sint, ex patre Diabolo, sed per imitationem, (92) ut diximus; quemadmodum & boni dicuntur filii Abrahæ per imitationem. [*] *Qui ex fide sunt, ii sunt filii Abrahæ* simile dicitur [*] 1. Petr. 3. v. 6. De Sara; *cujus estis filia beneficientes*, idest bona opera ejus imitantes.

HÆR. Ad idem inducunt illud Joan. 8. v. 44. (93) *Ille homicida erat ab initio, & in veritate non stetit: quia non est veritas in eo, cum loquitur mendacium ex propriis loquitur, quia mendax est, & Pater ejus.* Dicunt autem sic: de Christo dicitur Joann. 1. v. 1. *In principio erat Verbum:* & est sensus: In principio Creaturarum, idest ante omnem creaturam, quod patet ex eo quod sequitur 3. *Omnia per ipsum facta sunt.* A simili cum dicitur de Diabolo: *ille homicida erat ab initio* intelligendum est ab initio creaturarum; sive ante omnes creaturas, & ita Creator esse videtur. Item: *in veritate non stetit*, ergo non fuit in ea, ergo fuit semper spiritus mendax, ergo non fuit a bono creatore; & ita alius creator est quam primus. Item ipse est mendax, &

Pa-

(90). Sapienter, atque ad rem nostram satis apposite Irenæus lib. v. cap. xviii. pag. 315. *Pater, inquit, conditionem simul & verbum suum portans, & verbum portatum a Patre præstat Spiritum omnibus, quemadmodum vult Pater: quibusdam quidem secundum conditionem [hoc est spiritum rebus creatis viventibus conventionem] quod est factum; quibusdam autem secundum adoptionem, quod est ex Deo, quod est generatio. Et sic unus Deus Pater ostenditur, qui est super omnia, & per omnia, & in omnibus, per omnia autem Verbum.... In omnibus autem nobis spiritus Testimonium perhibet, & Johannes Domini discipulus in Evangelio dicens sic: In principio.... Deinde de ipso Verbo dixit: In hoc mundo erat, & mundus per ipsum factus est, & mundus eum non cognovit. In sua propria venit, & sui eum non receperunt. Quotquot autem &c.... Manifeste ostendens.... quoniam.... hic mundus proprius ipsius, & per ipsum factus est voluntate Patris, & non per Angelos, neque per Apostasiam, & defectionem, & ignorantiam... neque per alium quemdam mundi factorem ignorantem Patrem.*

[*] Quæ asteriscis comprehendimus existant in Codice Neapolitano, desunt autem e Bononiensi.

(91) Hoc argumenti genere utebantur etiam Manichæi, apud Archelaum Disp. cum Manete Hæresiaracha num. xxix. pag. 48. & apud Augustinum lib. contra Adimantium Manichaum cap. v. n. 1. col. 116. Tom. viii.

(92) Cyrillus Hierosolymitanus Catechesi vii. n. xiii. pag. 113. *Satanam, inquit, animarum perditorem in Patrem elegerunt nonnulli, quos increpans Dominus agebat: vos opera patris vestri facitis: Diaboli scilicet, qui hominum non natura, sed deceptione pater est. Quemadmodum enim propter institutionem piæ Paulus Corinthiorum dicebatur Pater 1. Cor. iv. 15. sic & Diabolus eorum, qui ex voluntate cum illo currunt, pater appellatur. Haud enim patiemur illos, qui prave interpretantur eam sententiam.... quasi existant inter homines nonnulli, qui natura aut salvi sint, aut pereant. Non enim ex necessitate, sed ex libero animi decreto ad sanctam hujusmodi adoptionem provehimur &c. Vide Archelai acta n. xxxii. pag. 54. Aug. l. c. & Tertullianum lib. de Anima cap. xvi. pag. 275.*

(93) Nempe ita ut Manes, hoc item v. 44. membro abutebantur Cathari. Videfis Archelai acta n. xxix. pag. 48.

Pater ejus. Sed quis est pater Diaboli? nisi ejus creator, scilicet Satanas? Ergo (94) alius creator malus.

CATH. Solutio. Ad primum dico sic: Numquid si ab initio est, Creator est? Si dicas non. Quare ergo infers: Diabolus fuit ab initio; ergo fuit Creator? Si dicas quod sic. Ubi habes hoc? Si dicas 1. Johann. 1. v. 1. *Quod fuit ab initio*, & loquitur de Christo. Contra. Christus fuit prima creatura Dei boni, ut dicis; ergo non fuit Creator? Quomodo ergo ab initio esse est esse creatorem in illa auctoritate proposita? Quamvis ita sit in 1. c. Joann. v. 1. monstra quod eodem modo sumatur Joann. 8. Ego enim invenio quod aliquid est ab initio, & tamen non est creator. Unde Eccles. 24. v. 14. ubi loquitur de sapientia, dicit: *Ab initio, & ante secula creata sum.* En quod creata ab initio, & tamen est creatura. Item Eccles. 39. v. 30. *Bona bonis creata sunt ab initio.*

Præterea cum Diabolus habeat patrem, a quo factus est, ut tu dicis; ergo non est creator? Ergo *ab initio* esse in hoc loco non est esse creatorem: Aut si vis intelligere *ab initio* idest ante omnem aliam creaturam, quomodo stabit illud secundum tuam opinionem, quod dicitur Eccles. 18. v. 1. *Qui vivit in æternum creavit omnia simul?* Si ergo sit ab initio, idest genitus ante omnem creaturam; ergo ipse non est creatura. Quomodo ergo stabit illud secundum te, quod postea sequitur: *mendax est, & Pater ejus*, idest Pater Diaboli? Si enim habet patrem, ut tu dicis, a quo creatus est; ergo non est creator?

Sed notandum quod iste non est sensus (95) Johannis: Diabolus est mendax, & pater Diaboli; sed est sensus: Diabolus est mendax, & ipse est pater cujuslibet mendacis hominis, de quo David ps. 115. v. 11. ait: *Omnis homo mendax*; sicut Rom. 3. v. 4. Talium autem pater est per imitationem; ipse enim primum mendacium dixit, cum ait Genes. 3. v. 4. *Nequaquam morte moriemini*; & omnes homines, qui mentiuntur ejus sunt imitatores. Unde Sap. 2. v. 24. *Invidia autem Diaboli mors introivit in orbem terrarum*; 25. *Imitantur autem illum, qui sunt ex parte illius.* Hoc est etiam, quod Dominus ait Johann. 8. v. 44. *Vos ex patre Diabolo estis*; & subdit: *& desideria patris vestri vultis facere.* Quasi diceret: ex eo estis per imitationem desideriorum ejus. Quod probat per hoc: *Ille homicida erat ab initio, & in veritate non stetit.* Et ipsi homicidæ erant Christi voluntate; unde supra 40. *Nunc autem queritis me interficere.*

Præterea si ex ipso non erant per creationem, quare arguit eos de incredulitate ibidem 46. *Si veritatem dico vobis, quare non creditis mihi?* Nec

obstat mihi quid sequitur 47.: *Propterea vos non auditis*, quod idem est ac non creditis, quia ex Deo non estis. Et est sensus: Ex Deo non estis per Christi fidem, quæ facit esse ex Deo Patre; unde ad Galat. 3. v. 26. *Omnes enim filii Dei estis per Fidem, quæ est in Christo Jesu.* Vel ex Deo per imitationem; unde Ephes. 5. v. 1. *Estote imitatores Dei sicut filii charissimi.*

Dico autem quod cum Diabolus dicitur (96) mendax *ab initio*, hæc præpositio *ab* nota est separationis, idest post initium, & intellexit illud de initio hominis, de quo initio legitur Eccles. 15. v. 14. *Deus ab initio constituit hominem, & reliquit illum in manu consilii sui.* 15. *Adjecit mandata, & præcepta sua.* 16. *Si volueris mandata servare, conservabunt te: & in perpetuum fidem placitam facere.* 17. *Apposuit Tibi aquam, & ignem: ad quod volueris porrige manum tuam.* 18. *Ante hominem vita, & mors, bonum, & malum: quod placuerit ei dabitur illi.*

Item Diabolus dicitur homicida, (97) quia occidit hominem, aut antequam homo esset, aut in eodem momento, in quo creatus est homo, aut post: non primo modo, vel secundo, ergo tertio. Forte dicet, quod semper fuit homicida, quia homo semper fuit; & ipse semper eum odio habuit. Contra: Proba quod propter hoc fuerit homicida. Forte dicet ab eo, quod Johan. ait Johan. 3. v. 15. *Qui odit fratrem suum homicida est.* Contra. Homo, quem occidit erat frater ejus, ergo ab eodem factus. Si autem dicat: a simili loquitur. Dico falsum est; non enim simile est fratrem odisse, & eum, qui est de contraria creatione.

Præterea Deus bonus ab æterno odivit eum, & suos; ergo sequitur: est homicida. Probatio patet Hebr. 1. v. 9. *Dilexisti justitiam, & odisti iniquitatem.*

Ad illud, quod sequitur: *in veritate non stetit*: ergo non fuit. Hoc non est verum; Aliquis enim non stetit in aliqua domo, & tamen fuit in illa. Stare enim idem est quod moram facere; quia ergo Diabolus in veritate fuit, sed in ea non permansit, ideo dicitur: *in veritate non stetit.* Quod id sit verum, quod dico patet ex verbis Christi; sic enim ait: *In veritate non stetit, quia non est in eo veritas.* Numquid in Paulo quando persequabatur Ecclesiam Dei erat veritas? Non. Quia Christus, qui est veritas, non erat in eo tunc, & tamen prius fuerat in veritate, scilicet antequam peccaret in cælo, ut dicis; fuit enim ex ovibus illis, quæ in cælo peccaverunt ante Patrem Justorum, ut dicis, quamvis verum non sit.

HÆR. Ad idem obijciunt illud Johan. 14. v. 30. *Venit (98) Princeps Mundi hujus, & in me non habet*

(94) Vaticanus Codex. pro alius habet aliquis.

(95) Consultor Irenæus lib. v. contra Hæreses cap. xxii. n. 2. & capp. xxiii. ac xxiv. per tot. ubi de hoc Johannis v. ejusque germano sensu fuisse disserit.

(96) Eiusdem, & Adamus imitatione filius fuit, dum mendacem illam vocem sequitur, quæ per serpentem ita loquebatur: Eritis sicut Dii scientes bonum, & malum. Atque hoc ipsum est, quod in Evangelio a Salvatore dicitur: Vos estis filii Diaboli: sic enim loquitur: Nonne duodecim vos elegi, & unus ex vobis est Diabolus. Quoniam ab initio mendax est, & homicida, quia Pater ejus mendax erat. Quare ratione Manichæi ratio dissolvitur & c. S. Epiphani. Hæres. lxxv. num. lxxiii. pag. 677.

(97) De odio, quo Satanas jam inde ab initio mundi insequutus est hominem multis disserunt Sancti Patres, Irenæus, Tertullianus, Lactantius, aliique, quorum testimonia accurate imprimis recenset Dionysius Petavius lib. 111. de Angelis cap. 11. n. 4. Tom. 111. Theolog. Dogmatum.

(98) Hoc item testimonio usi sunt veteres Manichæi, & Gnostici, qui creatorem rerum sub aspectum cadentium malum esse rebantur. Adhuc Augustinum Tractat. lxxix. in Johann. n. 2. col. 701. Tom. 111. Par. 11. & Johannem Chrysostomum Homil. lxxiv. in cap. xiv. Johannis Evang. & Epiphanium Hæres. lxxvi. n. lxxvi. pag. 676. seq.

bet quidquam. Si Princeps, ergo Creator, vel factor creaturarum.

CATH. Respondeo. Numquid Principem esse, (99) est esse creatorem, vel factorem? Si non. Pessime intulisti: Princeps, ergo Creator, vel factor. Si dicat quod sic. Contra. Numquid Principes Sacerdotum, de quibus Matth. 20. v. 18. *Filius hominis tradetur principibus Sacerdotum, & Scribis, & condemnabunt eum morte*: numquid etiam Zachæus erat creator, vel factor Publicanorum, quia Luc. 19. v. 2. de eo dicitur quod erat *Princeps Publicanorum*?

Præterea sic essent multi Principes, idest Creatores boni, & etiam mali. De bonis habes in David psal. 46. v. 10. *Principes populorum congregati sunt cum Deo Abraham*. De malis Ephes. 6. v. 12. *Non est nobis colluctatio adversus carnem, & sanguinem, sed adversus Principes, & Potestates, adversus Mundi rectores tenebrarum harum, contra spiritualia nequitiae, in caelestibus*.

Præterea dum dixit: *Princeps mundi hujus*, non potest intelligi quod sit creator ejus, cum de eodem dicatur Joann. 16. v. 11. *Princeps hujus mundi jam judicatus est*. Si est judicatus habet superiorem se. Præterea de eodem dicit Dominus Joann. 12. v. 31. *Princeps hujus mundi ejicietur foras*. Si de isto mundo visibili intelligitur, ubi ergo erit? Non in suo mundo: cum enim dicitur habitator, vel Dominus hujus domus ejicietur foras, istud intelligitur de domo, in qua Dominus est. Dico ergo quod non dicitur Sathanas *Princeps hujus mundi*, idest creaturarum, quæ in eo sunt, per creationem, sed mundi, idest mundane viventium, qui ejus eligunt Principatum volentes in vitiis commorari, quibus ipse hominibus principatur. Unde Joann. 8. v. 34. dicitur: *Qui facit peccatum, servus est peccati*. Dicitur autem Princeps talium, quia sequuntur eum, & eum imitantur, sicut populus Principem suum; Ecclef. 10. v. 2. *Secundum Judicem populi, sic & ministri ejus*: & *qualis rector est civitatis, tales & inhabitantes in ea*. Item Ephes. 2. v. 1. *Et vos cum essetis mortui*

(99) S. Augustinus l. c. Sic enim ostendit, inquit, non creaturarum, sed peccatorum principem Diabolum, quos nunc nomine mundi hujus appellat. Et quotiescumque mundi nomen in mali significatione ponitur, non ostendit, nisi mundi istius amatores; de quibus alibi scriptum est, quicumque voluerit amicus esse sæculi hujus, inimicus Dei constituetur Jac. 4. 4. Absit ergo ut sic intelligatur Diabolus princeps mundi, tamquam gerat universi mundi, id est cali, & terræ, atque omnium, qui in eis sunt principatum. . . . Quemadmodum autem sit intelligendus princeps mundi Diabolus, evidentiùs aperuit Paulus Apostolus, qui cum dixisset, non est nobis colluctatio adversus carnem, & sanguinem, idest adversus homines; subjecit, atque ait: Sed adversus Principes, & potestates, & rectores mundi tenebrarum harum. Sequenti enim verbo exposuit quid dixisset, mundi, cum subjecit tenebrarum harum, ne quisquam mundi nomine intelligeret universam creaturam, cujus nullo modo sunt rectores Angeli desertores. Tenebrarum, inquit, harum, idest mundi istius amatorum; ex quibus tamen electi sunt, non per suum meritum, sed per Dei gratiam, quibus dicit; fuistis enim aliquando tenebræ, nunc autem lux in Domino. Ephes. v. 8. &c. V. Serm. clxx. de Verbis Apost. al. xlix. de Temp. n. 4. col. 820. Tom. v. & Jo. Chrysof. l. c. & Epiphanius l. c.

(100) A Gnosticis hoc etiam argumentum mutuati sunt Cathari. Illi enim ita erant animo comparati, ut ad rem suam mirifice facere arbitrantur, ea testimonia scripturarum, quibus innuitur mundum odisse Apostolos, aut eos ex hoc non fuisse mundo. Atque Auctor, *Dialogi contra Marcionitas De recta in Deum fide*, qui Dialogus sub Origenis nomine circumferri solet sect. v. Tom. I. Opp. Origenis Edit. Benedic. S. Mauri pag. 870. sic inducit Marcionitam contra Catholicum disserentem. Nos & ab Apostolo, & ab Evan-

gelistis, & peccatis vestris, 3. in quibus aliquando ambulastis secundum sæculum mundi hujus, secundum principem potestatis aeris hujus, spiritus, qui nunc operatur in filios diffidentiae.

HÆR. Ad idem objiciunt illud Joan. 15. v. 18. *Si mundus (100) vos odit, scitote quia me priorem vobis odio habuit*. Si mundus esset creatura Dei numquid filium Dei odiret, aut servos ejus?

CATH. Solutio. Respondeo. Joann. 1. v. 12. dicitur *Sui eum non receperunt*. Isti aut diligebant eum, aut odiebant eum? Constat quod non diligebant eum; sic enim eum recepissent; dicitur enim 1. Joann. 4. v. 16. *Qui manet in charitate, in Deo manet, & Deus in eo*. Ergo odiebant eum, & tamen sui creatione erant.

Præterea Joann. 15. v. 24. dicitur: *Si opera non fecissem in eis, quæ nemo alius fecit, peccatum non haberent: nunc autem & viderunt, & oderunt me, & Patrem meum*. Constat quod isti non poterant esse de creatione mala, quia dicitur ibi: *si opera non fecissem in eis &c.* Ad quid enim opera illa in eis fecisset, si de mala essent creatione? Item quomodo stabit hoc: *si opera non fecissem in eis &c.*? Ante enim, quam illa opera in eis faceret, mali fuerunt, si de mala creatione erant. Dico ergo quod nomine mundi intelligitur homo mundane vivens; non enim de lapidibus, & hujusmodi potest dici; Talia enim non possunt aliquid diligere, vel odisse.

HÆR. Ad idem objiciunt illud Joann. 18. v. 36. *Regnum (101) meum non est de hoc mundo*. Ergo mundus iste non est a Deo creatus, vel factus.

CATH. R. Quid est regnum Christi? Apostolus dicit Tibi Rom. 14. v. 17. *Non est regnum Dei esca & potus: sed justitia & pax & gaudium in Spiritu Sancto*. Bene. Concedo quod istud regnum de hoc mundo non est, idest mundanorum, nec ab eis; unde ibi dicitur: *regnum meum non est hinc*. De isto regno dicitur Luc. 11. v. 20. *Porro si in digito Dei ejicio demonia: profecto pervenit in vos regnum Dei*.

Præterea regnum Dei dicuntur Sancti, (102) in quigelio didicimus, & opificem malum esse, & quæ creavit. Responderet Adamantius Catholicus: Quæ Christus bona fatetur, tu-ne mala dicis? Pergit autem Marcionita: Non ait bonum esse mundum, neque eas naturas quas creavit: Ait enim: Si essetis ex hoc mundo, mundus, quod suum esset diligeret. Job. xv. v. 9. refellit subinde idem ipse Auctor hoc argumentum, quod responsi genus confutlere poterit Lector.

(101) Admirabilis sane est veterum recentiorumque Manichæorum in hisce argumentis adhibendis consensio. Nam Johannes Chrysostomus Homil. lxxxiii. in Johann. Evang. cap. xviii. v. 36. posteaquam hanc attulit pericopen: *Hinc Hæretici*, inquit, Gnosticos & Manichæos indicans, *ansam inveniunt alienum eum ab opifice esse*.

(102) Sensus litteralem hujusce textus dederunt Origenes lib. 1. contra Celsum num. 59. Johannes Chrysostomus l. c. & Augustinus Tractatu cxv. in Job. Evang. n. 1. Sed is, quem postremo loco memoravi Tract. eodem num. 2. hanc quoque interpretationem a nostro usurpatam sequitur. *Quod est enim regnum ejus*, inquit, *nisi credentes in eum, quibus dicit: De mundo non estis, sicut & ego non sum de mundo? Job. xvii. v. 16. Quamvis eos esse vellet in mundo, propter quod de illis dixit ad Patrem; non rogo ut tollas eos de mundo, sed ut serves eos ex malo ibid. v. 15. Unde & hic non ait regnum meum non est in hoc mundo, sed non est de hoc mundo. . . . Non ait, nunc autem regnum meum non est hic; sed non est hinc. Hic est enim regnum ejus usque in finem sæculi, habens inter se commixta Zizania usque ad messem; missis enim finis est sæculi, quando messores venient, id est Angeli, & colligent de regno ejus omnia scandala, quod utique non fieret, si regnum ejus non esset hic. Sed tamen non est hinc; quia peregrinatur in mundo:*

quibus Deus regnat: Apocalypsis 5.v.10. *Fecisti nos Deo nostro regnum*. Illi autem aliquando fuerunt de Mundo, idest de mundanis, eis scilicet similes, & conformes; a quo dehortatur Apostolus Rom.12.v.2. *Nolite conformari huic sæculo*. Et quod Sancti fuerint aliquando de mundo patet Joann. 15.v.19. ubi dicitur: *quia vero de mundo non estis, sed ego elegi vos de mundo, propterea odit vos mundus*. Si eos elegit de mundo, ergo prius erant de mundo: & tamen creati a Deo bono. Item Apocalypsis 11.v.15. *Factum est regnum hujus mundi Domini nostri, & Christi ejus*. Factum, ergo non erat suum ante, sed tamen erat ab eo creatum, & ita suum erat per creationem, sed non erat suum per cognitionem, & receptionem. Non ne vides quid dicat Joann.1.v.10. *Mundus per ipsum factus est, & mundus eum non cognovit*? Item non ne vides quid etiam dicat ibidem 11. *In propria venit, & sui eum non receperunt*? In talibus igitur regnat Christus, non in mundane viventibus, in quibus regnat peccatum, idest Diabolus, a quo dehortatur Apostolus Rom.6.v.12. *Non ergo regnet peccatum in vestro mortali corpore, ut obediat concupiscentiis vestris*. Isti erant de regno Dei, prius tamen fuerant de regno peccati; unde subdit Apost. 17. *Gratias autem Deo, quod fuistis servi peccati, obedistis autem ex corde in eam formam doctrinæ, in quam traditi estis*. 18. *Liberati autem a peccato, servi facti estis justitiæ*. 19. *Humanum dico, propter infirmitatem carnis vestræ: sicut enim exhibuistis membra vestra servire immunditiæ & iniquitati ad iniquitatem, ita nunc exhibete membra vestra servire justitiæ in sanctificationem*. 20. *Cam enim servi essetis peccati, liberi fuistis justitiæ*. 21. *Quem ergo fructum habuistis tunc in illis, in quibus nunc erubescitis? Nam finis illorum mors est*. 22. *Nunc vero liberati a peccato, servi autem facti Deo, habetis fructum vestrum in sanctificationem, finem vero vitam æternam*.

HER. Ad idem inducunt illud, quod dicitur Rom.7.v.24. *Infelix (103) ego homo, quis me liberabit de corpore mortis hujus?* 25. *Gratia Dei per Jesum Christum*.

Ad idem illud David psal.141.v.8. *Educ de custodia animam meam ad confitendum nomini tuo Domine*. Ecce quod Apostolus & David cupiebant a corpore educi, quod non facerent, si bonum esset.

CATH. R. Unde habes quod vellent educi a corpore tantum? Hic enim non habes; non enim Apostolus dixit de corpore tantum, sed de corpore mor-

tis hujus, (104) idest secundum quod est mortale; & corruptibile; secundum enim quod tale est, carcer est, non secundum quod corpus: unde Sap. 9.v.15. *Corpus, quod corrumpitur, aggravat animam*. Non dixit corpus simpliciter, sed addidit: *quod corrumpitur*. Sed carcer non erit, quando corruptibile hoc induerit incorruptionem, & mortale hoc induerit immortalitatem, ut habet idem 1. Corinth.15.v.53.

Præterea si dicas quod volebat educi a corpore, quomodo stabit id quod dicit Apostolus 2. Corinth. 5.v.4. *Nam & qui sumus in hoc tabernaculo, ingemiscimus gravati: eo quod nolumus expoliari, sed supervestiri; ut absorbeat, quod mortale est, a vita?* [*] Ad hoc autem dixit ille hæreticus, qui unum ponit principium, quod illud sic est intelligendum: ingemiscimus gravati, non eo, idest corpore, sed eo, id est ideo quia nolumus expoliari donis spiritualibus, sed spirituali gratia supervestiri, & est vox ista interioris hominum.

Solutio. Quod autem iste non sit sensus Apostoli, patet ex illo Apostoli Romanorum VII. *Infelix ego homo &c.* Loquitur ergo de corpore mortali, quo gravabatur secundum illud Sap. 9. *Corpus quod corrumpitur &c.* Quomodo autem istud sit intelligendum patet 1v. lib. 11. *Partis cap. 111. de Resurrectione*. [*]

Præterea quomodo stabit quod dicit David de se psal.62.v.2. *Sitivit in te anima mea, quam multipliciter tibi caro mea: quid autem sitit anima, nisi ut Dominum videat?* psalm.41.v.3. *Sitivit anima mea ad Deum fortem vivum: quando veniam, & apparebo ante faciem Dei?* Caro autem quid sitit, nisi ut resurgat?

HER. Ad idem inducunt illud Rom.7.v.18. *Scio enim, quia non habitat in me, hoc est in carne mea, bonum*. (105) Ergo caro mala, & a malo principio.

CATH. R. Quomodo intelligis tu hoc: *Scio enim quia non habitat in me, hoc est in carne mea, bonum?* Numquid ibi sumitur caro pro isto corpore corruptibili? Si dicas quod sic. Nonne Paulus ibi habitabat, cum hoc dicebat? Constat quod sic; ergo erat bonus, si hoc verum est: *scio quia non habitat in me, hoc est in carne mea, bonum*. Quod autem habitaret ibi patet 2. Corinth.5.v.1. *Scimus enim, quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cælis*. Item ad Galat. 2.v.20. *Vivo autem, jam non ego: vivit vero in me*

de regno suo quippe dicit, De mundo non estis, sed ego vos elegi de mundo. Joh. xv.19. Erant ergo de mundo, quando regnum ejus non erant, sed ad mundi principem pertinebant. De mundo est ergo quidquid hominum a vero quidem DEO CREATUM, sed ex Adam vitiosa atque damnata stirpe generatum est: factum est autem regnum non jam de mundo, quidquid inde in Christo regeneratum est. Sic enim nos Deus eruit de potestate tenebrarum, & transtulit in regnum filii caritatis sue.

(103) Ne ab hoc quidem testimonio sibi temperabant Gnostici, ut & malam esse carnem, & a malo principio protectam, & veluti carcerem quemdam, in quo ob sua scelera animi includantur, ostenderent. Vide Dialogum falso Origeni adscriptum de recta in Deum fide sect. 111. pag. 834. seq. & Clementem Alexandrinum lib. 111. Stromat. pag. 316. C. D.

(104) Ita explicat Theodoretus in cap. VII. Epistola ad Rom. v. 24. Mortis corpus, inquit, vocat, ut obnoxium morti factum, hoc est mortale: anima enim immortalis. Solus inquit Dominus N. J. C. nos a gravi dominatu liberavit, morte quidem prostigata,

nobis autem immortalitate promissa & vita laborum, ac molestiarum, bellique, & peccati experte. Consultor Irenæus lib. 111. contra Hæreses cap. xx. n.3. pag. 214. & Johannes Chrysostomus Homil. x111. in Epist. ad Rom. 561. Tom. ix. Opp.

[*] Quæ duobus asteriscis conclusa sunt desunt e Codice Bononiensi, exstantque in Neapolitano.

(105) Gnostici, & Manichæi hoc Apostoli testimonio abutebantur, ut suum de malo Creatore portentum opinionis, suaderent. Ita est a Johanne Chrysostomo memoriæ proditum: Hom. x111. in Ep. ad Rom. pag. 558. Tom. ix. Opp. Edit. an. 1731. Hic instant ii, inquit, qui carnem calumniantur, & illam a Deo opificiis amovent. Plura ibidem habet S. Doctor, quibus hoc argumenti monstrum refelli facile possit. Vide-fis Clem. Alex. lib. 111. Strom. pag. 333. Tertullianum lib. de resurrectione carnis cap. x. pag. 331. ubi hæc habet contra Gnosticos: *Nam etsi negat [Apostolus] habitare quidquam boni in carne sua... & si qua alia ita ponit, ut carni non tamen substantia, sed actus inhonoretur... Verum interim & in illis litteris Paulus est cum Stigmata Christi in corpore suo portat &c.*

in me Christus. Quod autem nunc vivo in carne; in fide vivo filii Dei, qui dilexit me, & tradidit semetipsum pro me. Item Philippenf. 1. v. 24. *Permanere autem in carne, necessarium propter vos.* Si dicas quod non sumitur ibi pro corpore corruptibili, idest pro substantia carnis hujus, quare ergo miser induxisti illam auctoritatem ad probandam illam substantiam carnis esse malam?

Præterea licet habitator sit malus, numquid propter hoc sequitur quod domus sit mala? Dico ergo quod in carne habitat quidam stimulus fomes vitiorum, scilicet carnis pruritus, & appetitus, & ille malus est; (106) non tamen substantia carnis mala. Propter habitatorem istum dicit Apostolus: *Scio quia non habitat in me, hoc est in carne mea, bonum.* De isto habitatore dicit idem Rom. 7. v. 22. *Condelector enim legi Dei secundum interiorem hominem.* 23. *Video autem aliam legem in membris meis repugnantem legi mentis meæ, & captivantem me in lege peccati, quæ est in membris meis.* Item Rom. 6. v. 12. *Non ergo regnet peccatum in vestro mortali corpore, ut obediat concupiscentiis vestris:* idest fomes in vestro corpore. Unde autem venerit hoc peccatum, scilicet fomes, dicit Apostolus Rom. 5. v. 12. *Per unum hominem peccatum in hunc mundum intravit,* idest in genus humanum. [*] Dicit autem Hæreticus, quod iste habitator Diabolus est, qui in quolibet est, & etiam in Apostolis fuit, priusquam Spiritum Sanctum reciperent; & dicit quod ad differentiam aliorum dixit Christus Job. 8. v. 49. *Ego Dæmonium non habeo.* Licet autem hoc verum sit, quod Christus dæmonium non habuerit, non tamen possunt ostendere aliquo testimonio, quod fideles dæmonium habeant, qui habent Spiritum Sanctum; alioquin mentitur Apostolus 1. Cor. 6. v. 15. dicens: *Corpora ve-*

stra membra sunt Christi: item ibidem 19. *Membra vestra templum sunt Spiritus Sancti, quem habetis a Deo & non estis vestri.* 20. *Empti estis pretio magno, glorificate, & portate Deum in corpore vestro;* alioquin mentitur etiam 2. Corinth. 6. v. 14. dicens: *Quæ etiam participatio justitiæ cum iniquitate? aut quæ societas luci ad tenebras? Quæ autem conventio Christi ad Belial.* [*]

HÆR. Ad idem illud Rom. 8. *Qui autem in carne sunt, (107) Deo placere non possunt.* Ex quo innuitur quod caro sit mala, & ita creator, vel factor malus.

CATH. R. Numquid ibi sumitur caro pro substantia carnis? Si sic, quomodo stabit quod sequitur: 9. *Vos autem in carne non estis, sed in spiritu: si tamen spiritus Dei habitat in vobis.*

Præterea cum Apostolus esset in carne, idest in substantia carnis, ergo non poterat Deo placere. Quod autem esset in carne, idest in substantia carnis patet ex dictis in prima argumentatione.

Si autem sumitur caro (108) pro desideriis carnis, quare ergo induxisti auctoritatem ad probandam carnem esse malam secundum substantiam suam? Secundum hunc modum solve quæcumque mala dicuntur de carne in illo capitulo.

HÆR. Ad idem illud ad Galat. 5. v. 17. *Caro enim concupiscit (109) adversus spiritum: spiritus autem adversus carnem.* Unde ista pugna, & contrarietas, nisi quia caro mala est, & a Deo malo? Et ideo adversatur spiritui, qui est ex Deo.

Præterea ibidem 19. dicitur: *Manifesta sunt autem opera carnis: quæ sunt fornicatio, immunditia, impudicitia, luxuria.* Ex fructu arbor cognoscitur.

CATH. Solutio. Numquid de (110) substantia carnis corruptibilis loquitur ibi Apostolus? Si dicas

C quod

(106) Eatenus malam appellat concupiscentiam, quia ex peccato est, & ad peccatum inclinat. Non enim ita fuit animo comparatus Moneta, ut eam malam per sese esse existimaret, perinde quasi pravus sit, qui concupiscentiæ stimulis agitur. Atque hæc quidem dicendi ratio, quam adhibet noster, placuit etiam Augustino; Vide Norisium in Vindictis Augustinianis cap. 111. §. 2. pag. 907. seqq. Tom. 1. Opp. Edit. Veronenfis an. 1729.

[*] Quæ duobus asteriscis conclusa sunt desunt e Codice Bononiensi, exstantque in Neapolitano.

(107) Ne ab hoc quidem argumento sibi temperabant Gnostici: Videntur Irenæus lib. v. cap. x. contra Hæreses pag. 304. col. 2. Clemens Alexandrinus lib. 111. Strom. pag. 338. Tertullianus lib. de Jejuniis cap. xvii. pag. 554. & lib. de Resurrectione Carnis cap. xvi. pag. 352. qui ita, ut Irenæus, tacite Hæreticos carpit, quod inde malam esse substantiam carnis elicerent: Johannes Chrysostomus qui obinde Manichæos Gnosticosque eadem sentientes, redarguit Hom. xlii. in Epist. ad Roman. pag. 368. Tom. ix. Opp. Et Theodoretus in hoc ipsum viii. cap. Epist. ad Roman. v. 13. qui Apostolum Marcionis, Valentini, & Manetis blasphemias prævidisse ait, quare v. 13. suam clare expressisse sententiam; ut ne antecedentibus versibus impune abuti possent.

(108) Bene igitur Apostolus ait. . . . qui in carne sunt Deo placere non possunt: non substantiam rejiciens carnis, sed infusionem spiritus attrahens; Et propter hoc ait. . . . Vos autem non estis in carne, sed in spiritu; siquidem spiritus Dei habitat in vobis. . . . Et rursus. . . . ait: si enim secundum carnem vivitis incipietis mori: non conversationem, quæ est in carne repellens ab eis; etenim ipse in carne cum esset scribebat eis: sed concupiscentias abscindens carnis, eas quæ mortificant hominem. Et propter hoc intulit: Si autem Spiritu opera carnis mortificatis, vivetis. S. Irenæus lib. v. contra Hæreses cap. x. pag. 304. Clemens Alexandrinus lib. 111. Stromat. pag. 338. Qui autem, inquit, sunt in carne, non ut quidam decernunt, Deo placere non possunt, sed ut prius diximus [nempe qui opera carnis faciunt.] Deinde ut eos distinguat dicit Ecclesiæ: Vos autem non estis in carne, sed in spiritu, si quidem Spi-

ritus Dei habitat in vobis. . . . Debitores itaque sumus, fratres, non carni, ut secundum carnem vivamus. Si enim secundum carnem vivitis, estis morituri &c. Adhuc Tertullianum lib. v. contra Marcionem cap. xi. pag. 57. locis nota superiore citatis. Origenem lib. vii. contra Celsum num. 38. pag. 721. Tom. 1. Opp. Edit. Monach. S. Mauri. Johannem Chrysostomum Homil. xlii. in Ep. ad Rom. pag. 368. seq. Augustinum lib. xi. contra Faustum cap. viii. col. 226. Tom. viii. Opp.

(109) Vident ut Gnostici, & Manichæi veteres hoc etiam testimonio Pauli duorum principiorum portentosum dogma probare conati sint? Chrysostomus Commentar. in cap. v. Epistolæ ad Galatas pag. 719. Tom. x. Opp. Hinc, inquit, quidam adorantur nos dicentes, quod Apostolus hominem in duo dissectuerit, inducens eum velut ex contrariis naturis compositum, dum ostendit pugnam esse corporis adversus animam. Confule Clementem Alexandrinum lib. 111. Strom. pag. 363. & Augustinum Disp. 11. contra Fortunat. Man. num. 2v. fol. 103.

(110) Adeundi Sancti Irenæus lib. v. contra Hæreses cap. xi. per tot. ubi fufe disserit: De carnalium, & spiritualium operibus; quod non ad corporum substantiam sed ad pristinam vitæ conversationem sint referenda. Et Clemens Alexandrinus lib. 111. Stromatum pag. 363. quo loco: caro, inquit, concupiscit adversus spiritum; spiritus autem adversus carnem. Hæc ergo opponuntur non ut malum bono, sed ut quæ pugnant utiliter. Subiungit itaque: ut non quæ volueritis ita faciatis. Manifesta autem sunt opera carnis, quæ sunt fornicatio &c. Ad hæc eadem verba Apostoli adludens Johannes Chrysostomus Comment. in cap. vi. Epistolæ ad Galatas pag. 721. Hic jam mihi dicito, inquit, tu qui carnis accusator es, & arbitraris hæc ob similitudinem, & discordiam esse dicta. Sit adulterium, & scortatio carnis, secundum vestram sententiam: inimicitia, contentio &c. . . . Nam hæc tantummodo sunt corruptæ voluntatis, nimirum, ut cetera: quomodo igitur erunt carnis? Videtis igitur, quod hic non loquitur de carne, sed de terrestri cogitatione, quæ humi serpit. Ideo terrorem ingerit dicens: qui talia faciunt, regni Dei non erunt hæredes. Quod si hæc essent natura mala, non

quod sic. Contra. Quare ergo dicit Apostolus Ephes. 6. v. 12. *Non est nobis colluctatio adversus carnem, & sanguinem, sed adversus Principes & potestates, adversus mundi rectores tenebrarum harum, contra spiritualia nequitiae, in caelestibus?*

Præterea si illa sunt opera carnis, idest corporis corruptibilis, cum Deus redditurus sit unicuique secundum opera sua; ergo & corpori corruptibili, cujus opera mala sunt; ergo istud corpus resurget, quod est contra Te. Si dicas quod non sumitur pro substantia carnis; male ergo induxisti auctoritatem ad probandum substantiam carnis malam. Dico igitur quod non sumitur caro ibi pro substantia corporis corruptibilis, sed pro habitatore ejus, de quo supra Rom. 7. v. 18. *Scio enim quia non habitat in me, hoc est in carne mea, bonum.* Item Rom. 7. v. 22. *Condelector enim legi Dei secundum interiorem hominem.* 23. *Video autem aliam legem in membris meis repugnantem legi mentis meae, & captivantem me in lege peccati, quæ est in membris meis.* Ecce dicit legem membrorum, non ipsa membra, repugnare legi mentis. Et hæc sunt illa duo, de quibus Apostolus ad Galat. 5. v. 17. ait: *Hæc enim sibi invicem adversantur: ut non quæcumque vultis, illa faciatis.* Item dicitur 1. Petr. 2. v. 11. *Obsecro vos tamquam advenas & peregrinos abstinere vos a carnalibus desideriis, quæ militant adversus animam.* Item Jacobi 4. v. 1. *Unde bella, lites in vobis? nonne hinc? ex concupiscentiis vestris, quæ militant in membris vestris?* Ille autem dicitur concupiscere, quia est causa concupiscentiarum, & eas movet.

Præterea posito etiam quod caro spiritui adversetur, numquid propter hoc a Deo malo est? Si dicas sic. Contra: dicit Apostolus 1. Corinth. 15. v. 9. *Ego enim sum minimus Apostolorum, qui non sum dignus vocari Apostolus, quoniam persecutus sum Ecclesiam Dei.* Ecce quod Apostolus Ecclesie Dei adversabatur; non tamen erat a Deo malo creatus, vel factus; ergo a simili nec caro erit ab eo, licet adversetur spiritui.

HÆR. Ad idem inducunt illud 1. Corinth. 8. v. 5. *Nam etsi sunt qui dicantur Dii sive in celo, sive in terra (siquidem sunt Dii multi, & Domini multi:)* (111) Jam Apostolus docet plures Deos esse.

CATH. Solutio. Non docuit (112) Apostolus

plures Deos esse, sed unicum secundum se, quod patet, quia prius dixerat 4. *Scimus quia nihil est idolum in mundo, & quod nullus est Deus, nisi unus.* Item post auctoritatem, quam induxisti, statim dicit: 6. *Nobis tamen unus Deus, Pater:* idest quoad nostram fidem. Quod ergo dicit Apostolus, (113) sic intelligimus: Nam etsi sunt qui dicantur Dii a Gentibus sive in celo, ut Planetæ V. G. Saturnus, Juppiter, Mars, Mercurius, Sol, Luna, Venus; sive in terra, ut Baal, Astaroth: *siquidem sunt Dii multi, & Domini multi,* supple quoad doctrinam illorum. Et quod ita debeat intelligi patet per illud: *etsi sunt qui dicantur Dii;* & per illud Jeremiæ 2. v. 10. *Transite ad insulas Cethim; & videte: & in Cedar mittite, & considerate vehementer: & videte si factum est hujusmodi.* 11. *Si mutavit gens Deos suos, & certe ipsi non sunt Dii: populus vero meus mutavit gloriam suam in idolum.* Nobis autem; idest quoad fidem nostram, & doctrinam nostrorum *unus est Deus,* supple *tantum.* Et quod hoc ipsum *tantum* debeat suppleri, patet ex jam dictis supra: *Nullus est Deus, nisi unus.* Sed, ut ibidem dicit Apostolus prævidens errorem tuum: 7. *non in omnibus est scientia;* idest fides unius Dei. Non concedimus ergo quod Diabolus, vel Satanus Deus sit naturaliter, licet ab ignorantibus colatur ut Deus; unde 1. Corinth. 10. v. 20. *Sed quæ immolant Gentes, Dæmoniis immolant, & non Deo.* De ignorantia, quod ipsa sit causa hujus mali habetur. Ad Galat. 4. v. 8. *Tunc quidem ignorantes Deum, iis, qui natura non sunt Dii, serviebatis.*

HÆR. Ad idem inducunt illud 2. Corinth. 4. v. 3. *Quod si etiam opertum est evangelium nostrum: in iis, (114) qui pereunt, est opertum: 4. imo quibus Deus hujus sæculi excacavit mentes Infidelium, ut non fulgeat illis illuminatio Evangelii gloriæ Christi, qui est imago Dei.* Sunt ergo plures Dii: unus hujus sæculi, & alter alterius sæculi.

Præterea videtur quod hic fiat mentio de duobus Diis: de uno cum dicitur: *Deus hujus sæculi excacavit mentes Infidelium, ut non fulgeat illis illuminatio Evangelii gloriæ Christi:* de alio, cum dicitur: *qui est imago Dei.*

Præterea ad Colossens. 1. v. 15. dicitur: *Qui est (115) imago Dei invisibilis, primogenitus omnis crea-*

voluntatis prava, superflue dixisset faciunt; sed patiuntur. Cur etiam a regno calorū excidunt? Neque enim ad ea quæ sunt natura, sed ad ea quæ sunt voluntatis, pertinent vel coronæ vel supplicia. Hinc autem colligere facile poterit Lector, versu etiam 19. cap. v. Ep. ad Galatas abusos fuisse veteres Manichæos, qui Chrysostomi tempore vexabant Ecclesiam.

(111) Ex Marcionis penu hoc quoque argumentum depromtum est. Vide Tertullian. lib. v. contra Marcionem cap. vii. pag. 469.

(112) Præclare sine Tertullianus lib. v. contra Marcionem capit. vii. pag. 469. *Sed & si sunt, qui dicuntur Dei sive in celo, sive in terris; apparet quomodo dixerit, non quasi vere sint, qui dicantur quando non sint; de idolis, enim coepit, de idolothytis disputaturus: Scimus quod idolum nihil sit &c.*

(113) *Quia dixit, nullum esse idolum, & nullum Deum alium; erantque tamen idola, & erant, qui Dii vocabantur; ut revera sunt, neque tamen sunt; sed dicuntur; non in re; sed in verbo hoc habentes: sive in celo, sive in terra; in celo dicens Solem, & Lunam, & reliquum astrorum chorum; nam hæc etiam adorabant gentiles; in terra dæmones, & eos ex hominibus, qui in Deos relati sunt.* Johannes Chrysostomus Homil. xx. in 1. Ep. ad Corinth. n. 3. pag. 172. Tom. x. Opp. Ad-Is Origenem lib. iv. contra Celsum n. 19. pag. 522. Tom. i. Opp. Theodoretum Comment. in cap. viii. Ep. 1. ad Corinth. pag. 158. Tom. i. Opp.

(114) *Quid sibi vult illud: Deus hujus sæculi? Qui Marcionis morbo laborant, de rerum opifice justo quidem illo, sed non item bono, hæc dicta esse contendunt. Manichæi autem his verbis Diabolum significari asserunt: hinc nimirum alium rerum conditarum effectorem, præter eum, qui vere est, perquam stolidè inducere cupientes.* Johannes Chrysostomus Homil. vii. in 1. Epist. ad Corinth. num. 2. pag. 493. Tom. x. Opp. Atque hoc quidem palmare erat Gnosticorum, Manichæorumque argumentum. Nam Patres omnes, qui data opera utrosque refellere sunt aggressi, hoc telum depellere imprimis student, perinde quasi in eo sui utriusque systematis pro-ram atque puppim locaverint. Consulunt Tertullianus lib. v. contra Marcionem cap. xi. pag. 475. Pseudo-Origenes in Dialogo de recta iu Deum fidem Sect. v. pag. 871. Tom. i. Opp. Orig. Cyrillus Hierosolymitanus Catech. vi. num. 28. pag. 105. Epiphanius Hæres. lxxvi. num. 66. pag. 680. Augustinus lib. xxi. contra Faustum cap. 1. col. 351. & lib. ii. contra Adversarium legis, & Prophetar. cap. vii. num. 28. col. 596. & in Actis cum Felice Manichæo cap. ii. col. 487.

(115) E Marcionis & Gnosticorum Schola hoc etiam est. Tertullianus lib. v. contra Marc. cap. xix. pag. 484. *Invisibilis Dei imaginem [Marcion] dicit Christum. Sed nos enim invisibilem dicimus Patrem Christi, scientes filium semper retro visum, si quibus visus est in Dei nomine, ut imaginem ipsius: ne quam & hinc differentiam scindat Dei visibilis, & invisibilis.*

creatura. Quare invisibilis? ad differentiam alterius, qui est visibilis, scilicet Deus Veteris Testamenti.

CATH. Solutio. Malum argumentum (116) fecisti. *Deus hujus sæculi &c.* ergo sunt plures Dii: immo unus & hujus sæculi, & omnium: Deus autem sumtus pro Deo, qui salvaturus est sanctos. Sive legatur ita litera: *Deus hujus sæculi excacavit mentes Infidelium*: sive sic: *Deus excacavit mentes Infidelium hujus sæculi*.

Si dicas non est bonus, Deus qui excæcat; Contra: Joann. 9. v. 39. *In judicium ego in hunc mundum veni: ut qui non vident videant, & qui vident cæcassant.* Item Joann. 12. v. 40. *Excacavit oculos eorum, & induravit cor eorum: ut non videant oculis, & non intelligant corde, & convertantur, & sanem eos.* 41. *Hæc dixit Isaias, quando vidit gloriam ejus, & locutus est de eo.* Item Rom. 11. v. 7. *ceteri vero excacati sunt*: supple, a Deo; unde statim sequitur 8. *Dedit illis Deus spiritum compunctionis: oculos ut non videant, & aures ut non audiant usque in hodiernum diem.* Quod autem iste sit Deus sanctus patet ex sequenti testimonio: *Fiat mensa eorum in laqueum: & in captionem, & in scandalum, & in retributionem illis.* Obscurentur oculi eorum ne videant, & dorsum eorum semper incurva. Quæ sunt verba Christi ad Patrem, ut patet in illo psalmo 68. *Salvum me fac*, ubi & alia verba Christi ad Patrem posita sunt.

Præterea post illa verba statim subdit Apostolus 6. *Quoniam Deus, qui dixit de tenebris, idest post eas, lucem splendescere, ipse illuxit in cordibus nostris, ad illuminationem scientiæ claritatis Dei, in facie Christi Jesu.* Constat quod idem est Deus Veteris Testamenti, qui fecit sæculum. Hebræor. 11. v. 3. *Fide intelligimus aptata esse sæcula verbo Dei, ut ex invisibilibus visibilia fierent.* Item Act. 28. v. 27. *Incrassatum est enim cor populi hujus, & auribus graviter audierunt, & oculos suos comprehenderunt: ne forte videant oculis, & auribus audiant, & corde intelligant, & convertantur, & sanem eos.* Item 2. Thess. 2. v. 10. *Ideo mittet illis Deus operationem erroris, ut credant mendacio.*

Præterea posito quod Deus hujus sæculi (117) dicatur ibi Diabolus: non tamen dicitur Deus hujus sæculi creatione, sed veneratione, & obedientia, quam exhibet ei sæculum, ac si esset Deus. Sæculum

dico sæculares; Unde Rom. 12. v. 2. *Nolite conformari huic sæculo*; idest hominibus sæcularibus.

Præterea secundum hoc ostendam Tibi tuum Dominum. Quare Philippenf. 3. v. 19. dicitur: *quorum Deus venter est?* Sed numquid venter Deus est creatione? certe non. Sed Gulosi, & Luxuriosi eum venerantur, & serviunt, & obediunt ejus appetitui velut Deo: Rom. 16. v. 18. *Hujusmodi enim Christo Domino nostro non serviunt, sed suo ventri.*

Ad aliud dico quod non fit ibi mentio de duobus Diis, sed de uno utrobique, ut patet per primam solutionem. Si autem volumus tenere secundam, dico, quod fit ibi mentio de duobus Diis: de uno scilicet, qui est Deus non creatione, sed ut supra tactum est; de alio autem, qui est Deus natura & creatione, cujus imago est Christus; qui etiam dicitur invisibilis ad differentiam Dei visibilis; idest Idoli, qui dicitur Deus non rei veritate, sed hominum opinione. Jeremiæ 2. v. 10. *Transite ad insulas Cethim, & videte: & in Cedar mittite, & considerate vehementer: & videte si factum est hujusmodi: 11. Si mutavit gens Deos suos, & certe ipsi non sunt Dii: populus vero meus mutavit gloriam suam in Idolum.* Igitur non dicitur invisibilis ad differentiam Dei Veteris Testamenti; ille enim visibilis non est, ut dicitur in prima parte cap. de Deo Veteris Testamenti in prima radice secundum illud verbum Joann. c. 18. *Deum nemo vidit unquam.*

HER. Ad idem ad Galat. c. 1. v. 4. (118) *Qui dedit semetipsum pro peccatis nostris, ut eriperet nos de presenti sæculo nequam, secundum voluntatem Dei, & patris nostri.*

CATH. Solutio. Sæculum, sive (119) mundus dicitur homo vivens sæculariter. Probo. *In mundo erat, & Mundus per ipsum factus est, & mundus eum non cognovit.* Ille mundus est sæculum nequam: Rom. 15. v. 31. *Ut liberer ab Infidelibus, qui sunt in Judæa, & obsequii mei oblatio accepta fiat in Jerusalem sanctis.*

HER. Ad idem inducunt illud Ephes. 2. v. 3. *Eramus (120) natura filii iræ*: ergo natura mala. Item Filii iræ; idest Diaboli, ergo Diabolus creator. Item Rom. 9. v. 22. *Vasa iræ*; idest Diaboli per creationem illorum vasorum.

CATH. Solutio. Quid appellas (121) tu ibi naturam? Si naturam creationis, ut fit sensus: eramus

C 2 na-

(116) Eodem recidunt responsa adhibita ab Irenæo lib. IV. contra Hæreses cap. XXIX. al. XLVIII. pag. 266. seq. & ab aliis, quos supra notatione 109. numeravi.

(117) Ubi miser [Adversarius Legis] *Deum sæculi hujus vult intelligi malum, tamquam illi servierit Moyses in Vetere Testamento, quasi hoc Apostolus dixerit. Ubi si necesse esset intelligi Deum sæculi hujus, Deum impiorum, hoc est Diabolum: quoniam omnes Dii gentium Dæmonia, & utique multo maxime princeps dæmoniorum: non mirum esset, quandoquidem quorundam Deus etiam venter est dictus: ait enim Apostolus, quorum Deus venter est; nec ideo Deus venter est. Ita si potest dici Deus hujus sæculi Diabolus, non ideo Diabolus Deus est, quia nec Dæmonia sunt Dii, quamvis Dii gentium sunt Dæmonia.* S. August. lib. II. contra Adversarium Legis, & Prophetarum cap. VII. num. 28. col. 506.

(118) Carpit in hunc eundem Apostoli locum Manichæos Johannes Chrysostomus; & hoc dictum, inquit, alii arripiunt hæretici, damnantes hanc præsentem vitam, & in hoc Pauli testimonium allegantes: Commentar. in cap. I. Ep. ad Gal. n. 4. pag. 663. Tom. X. Opp. Clarius aliquanto Theodoretus: *Nequam sæculum, inquit, vocavit, non elementa, ut sensit stupidus Manichæus; sed præsentem vitam... in qua locum habet peccatum.* Comment.

in c. I. Ep. ad Gal. pag. 264. Tom. III. Opp. Hinc porro Manes concludebat malum esse mundi hujus sub aspectum cadentis principium, quod ejus opera natura sint mala.

(119) Vide-sis responsum Chrysostomi loco mox indicato. pag. 664. sæculi enim nomine pravas actiones, corruptumque animi propositum intelligi oportere defendit. Eodem spectat Theodoreti interpretatio.

(120) Hoc etiam testimonium in suum intorquebant sensum Marcionitæ, ut colligo ex Tertulliano lib. V. Adv. Marc. cap. XVII. Immo vero ne Manichæi quidem ab hoc testimonio in suam rem afferendo abstinuerunt, ut liquet ex disputatione Augustini cum Fortunato Manichæorum presbytero Disp. 1. n. 16. col. 98. & nu. 17. col. 100. Tom. VIII. Opp. S. Augustini. Atque rō natura ex Manichæorum falsa interpretatione acceptum, Augustino exprobrabat per summam impudentiam Julianus Pelagianus apud Aug. lib. II. Operis Imperfecti contra Jul. cap. CCXXVIII. col. 1048.

(121) Respondeant Hæretici, qui diversas naturas esse contendunt, quomodo Paulus, quem utique spiritualis naturæ esse non dubium est, fuerit natura filius iræ &c. S. Hieron. lib. I. Commentar. in cap. II. Ep. ad Ephesios col. 339. Tom. IV. Opp. P. I. Edit. Paris. an. 1076.

natura creationis filii iræ; male ergo erat Paulo, & aliis, de quibus hoc dicebat; si enim erant a Diabolo creati, naturaliter ergo non poterant salvari. Si dicas quod istud dicebat Paulus de se, & illis secundum corpus, quare ergo dixit eramus? Immo debuit dicere: sumus, quia adhuc erant secundum te, si natura creationis non mutatur.

Præterea numquid ira est Diabolus? si sic. Quomodo ergo stabit illud Apocalyp. 6. v. 15. *Et reges terræ, & principes, & tribuni, & divites, & fortes, & omnis servus, & liber absconderunt se in speluncis, & in petris montium*. 16. *Et dicunt montibus, & petris: Cadite super nos a facie sedentis super thronum, & ab ira Agni*: 17. *Quoniam venit dies magnus iræ ipsorum: & quis poterit stare?* Item illud Rom. Primo v. 18. *Revelatur enim ira Dei de celo, super omnem impietatem, & injustitiam hominum eorum, qui veritatem Dei in injustitia detinent*? Præterea ira non est Diabolus, sed Diabolus habet iram: Apocalyp. 12. v. 12. *Væ terræ, & mari, quia descendit Diabolus ad vos habens iram magnam, sciens quod modicum tempus habet*.

Dico ergo quod natura ibi sumitur (122) pro nativitate in utero, vel ex utero, derivatur enim a nascor, & est sensus: *natura filii iræ*; idest a nativitate propter peccatum primorum Parentum, de quo Rom. 5. v. 12. *Per unum hominem peccatum in hunc mundum intravit*.

Præterea ad hoc valet, quod supra notatum est, ubi posita est auctoritas libri Sapientiae 12. v. 10. *Nequam est natio eorum, & naturalis malitia ipsorum &c.*

Ad illud, quod objicitur de ira, dico quod sumitur pro vindicta, cum dicitur: *eramus natura filii iræ*, & cum dicitur: *vasa iræ*, sicut & Rom. 1. v. 18. *Revelatur enim ira Dei de celo &c.*

HER. Ad idem inducunt Ephes. 4. v. 22. *Depone (123) vos secundum pristinam conversationem veterem hominem, qui corrumpitur secundum desideria erroris*. 23. *Renovamini autem spiritu mentis vestræ*: 24. *Et induite novum hominem, qui secundum Deum creatus est in justitia, & sanctitate veri-*

(122) Augustinus libro IV. Operis Imperfecti contra Julianum cap. cxxiii. col. 1210. Tom. x. P. II. *Abstet, inquit, ut cum creatoris dicatur injuria naturaliter esse homines iræ filios: sicut sine ulla ejus injuria quisque dicitur naturaliter cæcus &c.* Scimus non vitia, sed naturas esse tribuendas conditori Deo. . . . De homine agitur, . . . cujus natura nullo modo Diaboli ludibrium fieret, quem (Diabolum) recte credimus auctorem esse vitiorum, nisi per justum Dei judicium, propter originale peccatum. Et lib. II. de Peccatorum meritis, & remissione cap. xi. col. 48. Tom. x. P. I. sicut dicit Apostolus, inquit, naturaliter, hoc est originaliter iræ filii. Falsus erat autem Julianus qui ex Græco prorsus filii iræ; non natura filii iræ dici oportere pugnabat, id quod ridiculum plane est, atque indignum homine sapiente. Nam etsi aliquot interpretes, auctore Hieronymo Commentar. in Epist. ad Ephes. lib. 1. cap. pag. 340. Tom. IV. Opp. P. I. τὸ φύσις non natura, sed prorsus verterint, cum vox φύσις ambigua sit, compertum tamen est τὸ prorsus, & τὸ natura eodem recidere, veteresque latinos Patres, qui in Græcis versati erant τὸ φύσις in natura vertisse. Vide Tertullianum lib. v. contra Marcionem cap. xvii. & lib. de Anima cap. xvi. Hieronymum, & Augustinum ll. cc. nam ceteros recensere non vacat.

(123) Tertullianus lib. de Resurrectione Carnis cap. xlv. pag. 352. Gnosticos ludibrio exponens: *sed & rursus, inquit, alia cecitate in duos homines impingunt; in veterem, & in novum: Monente Apostolo, deponere nos veterem hominem, qui corrumpitur per concupiscentiam seductionis, renovari autem spiritu sensus, & induere novum hominem, qui secundum Deum conditus est in justi-*

tatis. Et illud Coloss. 3. v. 9. *Nolite mentiri (124) invicem, expoliantes vos veterem hominem cum actibus suis*. 10. *Et induentes novum eum, qui renovatur in agnitionem, secundum imaginem ejus, qui creavit illum*. Ecce quomodo distinguit Apostolus inter novum hominem, & veterem hominem, dicens novum a Deo creatum, quod non dicit de veteri, immo contrarium innuit; ergo vetus homo non est a Deo, scilicet corpus.

CATH. R. Numquid vetus dicitur ibi corpus? Si dicas non. Quare ergo introducis hoc testimonium, cum non faciat pro te ad hoc ut probes, quod corpus non sit a Deo creatum, vel factum. Si dicas sic. Unde habes hoc? Proba quod dicis: monstra ali-quod testimonium.

Præterea: Ergo debemus occidere (125) ipsum corpus, si debemus ipsum deponere, & expoliare? Dico ergo quod vetus homo non dicitur ibi corpus, sed congeries peccatorum, cujus membra sunt singula peccata; unde ante illa verba: *Expoliantes &c.* dicit Apostolus 5. *Mortificate ergo membra vestra, quæ sunt super terram; fornicationem, immunditiam, libidinem, concupiscentiam malam, & avaritiam, quæ est simulacrorum servitus*. Et hoc est, quod dicit: *expoliantes vos veterem hominem cum actibus suis*, qui sunt ejus membra. Unde Rom. 6. v. 6. *Hoc scientes, quia vetus homo noster simul crucifixus est, ut destruatur corpus peccati; idest peccatorum congeries*.

Secundum hoc novus homo est congeries bonorum operum, bona scilicet conversatio, cujus membra sunt bona opera, quorum creationem intellexit creationem novi hominis; unde Ephes. 2. v. 10. *Ipsus enim sumus factura, creati in Christo Jesu in operibus bonis*. Matth. 6. v. 22. *Si oculus tuus fuerit simplex: totum corpus tuum lucidum erit*. Et loquitur ibi de utroque corpore. Vel vetus homo, Adam intelligitur, cujus similitudinem debemus exuere: novus Christus, quem debemus induere; Ad Galat. 3. v. 27. *Quicumque enim in Christo baptizati estis, Christum induistis*: Item Rom. 13. v. 14. *Induimini Dominum Jesum Christum; idest ejus simi-*

tia, & religione veritatis, ut & hic ad duas substantias, distinguendo, vetustatem ad carnem, nativitatem ad animam. Viden ut hoc Gnosticorum ita sit Catharorum argumento simile, ut nihil esse possit similis?

(124) Non inepte posset quisquam ex lib. v. S. Irenæi Contra Hæreses cap. xii. n. 3. pag. 307. colligere Gnosticos hoc etiam testimonio fuisse abusos. Quin etiam a Manichæis quoque adhibitum fuisse indicat Johannes Chrysostomus Homil. viii. in cap. i. Ep. ad Coloss. pag. 381. Tom. xi. Opp.

(125) Deponentes non plasma Dei, sed concupiscentias carnis, & assumentes Spiritum Sanctum, sicut Apostolus, in ea quæ est ad colossenses ait: *Mortificate itaque membra vestra, quæ sunt super terram. Quæ sunt autem hæc ipse exposuit: Fornicationem, immunditiam, passionem &c.* Horum depositionem Apostolus preconatur, & eos qui talia operantur, velut carnem, & sanguinem tantum existentes, non posse aut regnum celorum possidere. Anima enim ipsorum declinans in pejus, & in terrenas concupiscentias descendens, ejusdem, cujus & illa sunt, participavit appellationis: quæ deponere nos jubens, ait rursus in eadem Epistola: *Expoliantes vos veterem hominem cum operibus suis: Hoc autem dicebat, non veterem amovens plasmationem alioquin oportebat nosmetipsos interficientes, separari ab ea, quæ est isthic conversatione*. S. Irenæus lib. v. cap. xii. n. 3. pag. 307. Quæ autem addit responsa similia plane sunt eorum, quæ l. c. adhibet Johannes Chrysostomus, quem consuli volo.

similitudinem, & exemplum, qui fuit obediens Patri usque ad mortem Philippenf. 2. v. 8., & non ejus similitudinem, qui fuit inobediens. Rom. 5. v. 19. Hoc secundum patet 1. Corinth. 15. v. 49. *Igitur, sicut portavimus imaginem terreni: portemus & imaginem celestis.*

Ad id, quod obijcitur de Epistola ad Ephes. potest aliter responderi, ut ostendatur quod unus, & idem homo secundum speciem humanitatis est novus uno tempore, & alio vetus; sic enim dicitur: *renovamini*: ergo inveterati erant prius, quod verum est; unde David psalm. 6. v. 8. *Inveteravi inter omnes inimicos meos.* Item Baruch 3. v. 10. *Quid est Israel quod in terra inimicorum es?* 11. *Inveterasti in terra aliena*: Numquid Israel a Deo malo creatus erat, cum esset vetus? certe non. Non ergo vetus homo a Diabolo est in quantum homo, licet in quantum vetus ab eo sit.

HÆR. Ad idem inducunt 1. Petr. 4. v. 19. *Neque & hi, (126) qui patiuntur secundum voluntatem Dei, fidei Creatori commendent animas suas in benefactis.* Hic obijcit Hæreticus dicens: vide quia Petrus dixit: *fidei Creatori*. Quod non diceret, nisi esset alius Creator infidelis, ad cujus differentiam ille dicitur fidelis; & ita duo sunt Creatores.

CATH. Solutio. Cum dicitur: *fidei creatori commendent animas suas in benefactis*: adjectivum non ponitur ad notandam differentiam Creatoris fidelis ab Infideli, sed ad majorem commendationem. Similiter habetur Rom. 12. v. 2. *Ut probetis quæ sit voluntas Dei bona*: ergo aliqua voluntas Dei mala est? Sicut ergo non prædicatur voluntas Dei bona ad differentiam malæ voluntatis, quæ nulla est, ita nec ibi dicitur fidelis Creator ad differentiam Infidelis.

HÆR. Ad idem inducunt illud 2. Petr. 2. v. 12. *Hi vero velut irrationabilia pecora naturaliter in captionem, & in perniciem in his, quæ ignorant blasphemantes in corruptione sua peribunt.* Sic procedit Hæreticus. Constat quod ibi subintelligitur: tendunt; ergo sensus est: hi naturaliter tendunt in captionem, & in perniciem; si naturaliter ergo natura mala, ergo a malo Creatore. Solutio. Verum est quod subintelligitur: *tendunt*: Sed non est sensus hi naturaliter tendunt in corruptionem, & in perniciem: immo sensus est: hi peribunt in his peccatis, hi dico blasphemantes quæ ignorant; idest mysteria Ecclesiæ. Et quare blasphemant? *In corruptione sua*; idest propter corruptum sensum, peribunt dico sicut pecora irrationabilia naturaliter, idest naturali appetitu cibi tendunt in captionem, & perditionem. Unde hoc ipsum naturaliter non ad hominem pertinet, sed ad usum eorum pecorum.

Præterea posito quod pertineat ad hominem, ut intelligatur sic: naturaliter hi homines tendunt in captionem &c. quod tamen non est verum.

CATH. R. Ibi naturaliter, idest a natura eo modo quo dictum est supra ad illud Sap. 12. *Naturalis malitia ipsorum.* Item super illud Ephes. 2. *Eramus natura filii iræ.*

HÆR. Ad idem inducunt illud 1. Johan. 2. v. 15. *Nolite (127) diligere mundum: neque ea, quæ in mundo sunt.* Ex quo patet mundum, & ea, quæ in mundo sunt mala esse; alioquin non præciperet Dominus, vel ejus Apostolus ea non diligere.

CATH. Solutio. Quid appellas Tu mundum? Si dicas regionem mundanam: dico nonne proximi tui, idest amici, & inimici in eo sunt? Constat quod sic. Igitur non debes eos diligere, cum dicat: *neque ea, quæ in mundo sunt.* Quare ergo dicit Dominus: *diligite inimicos vestros, benefacite his, qui oderunt vos: & orate pro persequentibus, & calumniantibus vos* Matth. 5. v. 44.?

Dico ergo, quod mundus non dicitur regio ista mundana, sed homo deditus istis rebus mundanis, & plus eas diligens, quam Deum. Similiter ea, quæ in mundo sunt non dicuntur ibi creaturæ istæ, sed ea, quæ nominat ibi, cum ait 16. *Quoniam omne quod est in mundo, concupiscentia carnis est, & concupiscentia oculorum, & superbia vitæ, quæ non est ex Patre, sed ex mundo est; idest homine mundano.*

Præterea posito etiam quod mundus intelligatur regio mundana inferior, & ea, quæ in ipso sunt, scilicet ipsæ creaturæ, intelligendum est sic: *Nolite diligere mundum: neque ea, quæ in mundo sunt* plusquam me; unde Matth. 10. v. 37. *Qui amat patrem, aut matrem plusquam me, non est me dignus.* Item 2. Timoth. 3. v. 4. *Voluptatum amatores magis, quam Dei.*

Præterea ego video quod amare se ipsum sumitur quandoque in mala parte; unde 2. Timoth. 3. v. 2. *Erunt homines seipsos amantes*; quandoque in bona, unde dicitur Matth. 22. v. 39. *Diliges proximum tuum sicut te ipsum.* Sicut ergo possum te amare bene, & male, ita & mundum, & carnem; *nemo enim unquam carnem suam odio habuit*; ut dicitur Ephes. 5. v. 29. Ex hoc patet solutio hujus quæstionis. Si mundus bonus est, & creatura Dei, vel factura ejus, quare prohibuit ipsum diligere? Non enim ipsum diligere prohibet, sed plusquam se. Nonne Deus ipsum diligit? utique. Joann. 3. v. 16. *Sic Deus dilexit mundum, ut filium suum unigenitum daret.*

Præterea ergo quæro ex incidenti quid tu appellas concupiscentiam? Si dicas desiderium cujuscunque rei terrenæ secundum hoc probo Tibi quod Tu

es

(126) Ab his testimoniis afferendis superfederunt Gnostici, veteres, quippe qui Petri utramque Epistolam in canonicis minime ponerent. Idque jam animadvertit Beaufobrius lib. IV. *Hist. Manich.* cap. VII. pag. 103. Tom. II. De Manichæis autem veteribus non est manifestum. Fateor equidem Augustinum lib. XXI. *Contra Faustum* cap. XIV. quo loco Manichæis v. 17. & 18. cap. IV. Ep. I. S. Petri opponit, hæc habere: *Nonne & ipsi Manichæi ea defendenda susciperent*. Verum hinc colligi haudquaquam potest huic generi hæreticorum probatam fuisse eandem ipsam Petri Epistolam. Nam quod ait Beaufobrius, laudari eam ab Augustino, idque indicio esse, acceptam fuisse Fausto, id sine ridiculum est. Citat enim eodem ipso in loco S. Doctor Apocalypsim, quam tamen Beaufobrius nullo argumento ostendi posse arbitrat; Manichæis

fuisse probatam. Verba autem Augustini, quæ hac eadem notatione laudavi, non in epistolam Petri cadunt, ut oscitanter Beaufobrius censuit *Parte II. lib. I. cap. v. n. 1. Hist. Manich.*; sed in ea quæ testamento veteri continentur. Sic enim habet: *si Paganus in novo testamento talia reprehenderet, qualia isti reprehendunt in vetere, non ne & ipsi ea defendenda susciperent*. Itaque concludam paucis necesse est, non constare, utrum ne canonicis libris priorem, & 2. Petri Epistolam accensuerint veteres Manichæi.

(127) Idem senserunt Gnostici, & Manichæi de priore Johannis Epistola, quod de 1. Petri. Vide Not. superiorem. Itaque mirum non est si eam non citarunt in rem suam.

es in perditione, quoniam desideras res terrenas, quia pro illis habendis laboras, & habitas conservas. Si dicas desiderium rei alienæ, cuncedo. Sed non propter hoc sequitur quod res mundi malæ sint, quia male desideras quæ non debes. Si dicas desiderium rei propriæ, probō quod tu es in malo statu, quia desiderium habes de rebus propriis conservandis. Forte dices te fumere desiderium rei propriæ pro desiderio male utente re propria; secundum hoc non est vitium in re, sed in male utente ea. Similiter quæro quid dicis Tu concupiscentiam carnis? Si luxuriam, vel gulositatem, concedo; sed secundum hoc non est vitium ex parte rei, sed ex parte utentis re indebito modo, scilicet ad voluptatem, & delitias, non ad necessitatem. Si dicas, quod appellas concupiscentiam desiderium cujuscunque rei carnalis: contra. Nonne tu desideras cibum carnalem, quando tu esuris? Constat quod sic; nec tamen propter hoc dicis te damnabilem. Relinquitur ergo quod mundus, & res mundi in se bonæ sint, licet quandoque sint malæ utentibus male: quod est non ex vitio rei, sed hominis male utentis. Constat igitur ex his, quod cum dicitur: *Nolite diligere mundum &c.* ibi sumitur mundus pro homine mundano; sicut & illud 1. Joann. 5. v. 19. *Mundus totus in maligno positus est*; & est sensus: *nolite diligere mundum*; idest hominem mundanum in quantum talis est, *quoniam omne quod est in mundo &c.* Hoc est, quod habetur Lucæ 14. v. 16. *Homo quidam fecit cœnam magnam, & vocavit multos &c.* ubi ait de tribus hominibus a cœna se excusantibus.

HÆR. Ad idem inducunt illud 1. Joann. 3. v. 8. *Qui facit peccatum ex Diabolo est*; & ibidem dicitur 9. *Omnis, qui natus est ex Deo, peccatum non facit*: ergo qui peccat non est natus ex Deo, igitur ex Diabolo; & ita Diabolus creator, vel factor.

CATH. R. Numquid omnis, qui peccat, ex Diabolo est per creationem? Si dicas quod sic. Ergo oves Israel, quæ peccaverunt, a Diabolo fuerunt creatæ. Quod autem peccaverint dicitur Rom. 3. v. 23. *Omnes enim peccaverunt, & egent gloria Dei*. Dico ergo quod ille, qui facit peccatum, ex Diabolo est per imitationem exemplo Diaboli, qui primus peccavit. Quæ solutio patet ex eo, quod subdit Joannes: *Quoniam ab initio Diabolus peccat*. Sap. 2. v. 25. *Imitantur autem illum qui sunt ex parte illius*; idest qui peccant. Hoc idem habitum est supra, ubi tractatum est illud verbum Joan. 8. v. 44. *Vos ex Patre Diabolo estis; & desideria Patris vestri vultis facere*.

Ad illud, quod dicitur: *Omnis, qui natus est ex Deo, peccatum non facit*, dico sic. Numquid intelligitur de nativitate creationis? Si sic; quomodo ergo peccaverunt oves Israel? Dico ergo, quod de nativitate gratiæ intelligitur, de qua nativitate locuti

sumus supra ad illud Joann. 1. v. 12. *Dedit eis potestatem filios Dei fieri &c.* & dico quod sic est intelligenda auctoritas: omnis qui natus est ex Deo nativitate gratiæ manens talis non peccat; unde non dixit: non peccavit, sed non peccat, & non potest peccare manens in tali nativitate. Et quod ita debeat intelligi patet 1. Joann. 3. v. 6. *Omnis, qui in eo manet, non peccat*: quarto autem cap. docuit quis in eo maneat, ubi ait 16. *Qui manet in charitate, in Deo manet, & Deus in eo*. Hæc charitas est illa generatio, de qua dicit Joann. post illam auctoritatem: *Omnis, qui natus est &c. quia generatio Dei custodit illum*; unde Eccles. 3. v. 1. *Filii sapientiæ, Ecclesiæ justorum: & natio illorum, obedientia, & dilectio*.

HÆR. Ad idem inducunt illud Joann. 8. v. 23., ubi dicit Christus quibusdam: (128) *Ego de supernis sum. Vos de Mundo hoc estis, Ego non sum de hoc Mundo*. Sic ergo sunt duæ creationes, una de supernis, & una de hoc Mundo, ergo duo Creatores.

CATH. R. Numquid sic intelligendum est quod de Mundo sint per creationem malam? Si dicas, quod sic. Contra: quare ergo dixit eis ibidem Jesus: *si enim non credideritis quia ego sum, moriemini in peccato vestro*? Sic enim patet quod si ei crederent, non morerentur in eo. Dico ergo quod de Mundo dicuntur per amorem nimium, quo diligunt res Mundi plus quam Deum; & ideo Mundum loquuntur: *Qui enim est de terra, de terra est, & de terra loquitur* Joann. 3. v. 31.

HÆR. Ad idem illud inducunt 1. Joann. 5. v. 19. *Mundus totus in maligno positus est*; (129) ergo solus Diabolus est omnipotens in hoc Mundo; & ita creator ejus.

CATH. Solutio. Si in eo positus est, (130) ergo ipse non est creator ejus. Simile Lucæ 4. v. 6. *Quia mihi tradita sunt*. Dico ergo quod ibi dicitur mundus homo Mundanus, qui totus, idest secundum animam, & corpus positus est a seipso in potestate Maligni, secundum animam quoad voluntatem, secundum corpus quoad operationem. Ita etiam sumitur Mundus ibi: *Mundus eum non cognovit*; non enim sumitur pro lapidibus. Item 1. Joann. 2. v. 15. *Nolite diligere mundum &c.* Dicitur etiam Mundus regio mundana; unde *in Mundo erat, & Mundus per ipsum factus est* Joann. 1. v. 10. Item Joann. 16. v. 28. *Exivi a Patre, & veni in Mundum*. Item quandoque dicitur Mundus Ecclesia Electorum; unde Joann. 3. v. 16. *Sic Deus dilexit Mundum*. Item Joann. 3. v. 17. *Non enim misit Deus Filium suum in Mundum, ut judicet Mundum, sed ut salvetur Mundus per ipsum*. Item 1. Joann. 2. v. 1. *Advocatum habemus apud Patrem Jesum Christum justum &c.* Item 1. Corinth. 5. v. 19. *Deus erat in Chri-*

(128) Hoc testimonio utitur Faustus, ut Christi genealogiam evertat; ne cogatur carnem Servatoris ponere, quam malam esse putabat, & a malo principio profectam. *Apud Aug. lib. VI. cap. 1. col. 211. Tom. VIII. Opp.* Sed Johannes Chrysostomus *Homil. LIII. al. LII. in Johan. pag. 310. Tom. VIII. Opp.* plane indicat a Manichæis veteribus adhibitam fuisse hanc Evangelii Johannis pericopen. Sic enim ait: Vos de hoc mundo estis: Hic rursum mundanas carnalesque cogitationes dicit. Unde palam est illud, ego non sum de hoc mundo, non significare ipsum non accepisse carnem, sed procul esse ab illorum nequitia (Phariseorum) Etenim discipu-

los ex mundo non esse dicit; habebant tamen illi carnem.

(129) Manes in Disputatione cum Archelao (vetere quidem illa, sed de qua Beaufobrius vehementer dubitat vera ne sit, ac genuina, nec ne) hoc Johannis testimonio impudenter abutitur, n. XIV. pag. 26.

(130) Vide Origenem *lib. 1. Periarchon. cap. v. pag. 68. Tom. 1. Opp.* quo loco ita fere, ut noster, Johannis hoc *ἐν τῷ* explicat. Nempe homines scelestos in hoc terrestri globo degentes, mundi nomine indicari putat.

Christo Mundum reconcilians sibi, non reputans illis delicta ipsorum, & posuit in nobis verbum reconciliationis.

HÆR. Ad idem inducunt illud Act. 7. v. 43. *Suscipistis tabernaculum Moloch, & sidus Dei vestri Rempham.* Ecce quod Rempham Deus illorum erat, ergo plures Dii.

CATH. Solutio. Rempham non (131) est Deus, sed ab illis idololatriis Judæis colebatur ut Deus; & est nomen idoli, sicut & Moloch; unde statim subditur: *figuras, quas fecistis, adorare eas.* Ecce patet quod figuræ erant Moloch, & Rempham, idest idola.

HÆR. Ad idem illud Ephes. 2. 1. *Cum essetis mortui (132) delictis, & peccatis vestris, 2. in quibus aliquando ambulastis secundum sæculum mundi hujus, secundum principem potestatis aeris hujus.* Apostolus notat istos peccasse, quia ambularunt secundum sæculum hujus Mundi; quod non faceret, si sæculum istud a bono Deo esset.

Præterea dicit quod Princeps malignus habet potestatem aeris hujus, ex quo videtur & aliarum partium hujus mundi; sic igitur videtur quod ab eo sit.

CATH. Solutio. Nomine sæculi, (133) vel Mundi intelliguntur illi, qui mundane vivunt, quorum Princeps est, & eorum habet potestatem. Et quia Ephesii aliquando ambulaverant ut hi, & eis conformes fuerant contra illud. Rom. 12. v. 2. *Nolite conformari huic sæculo;* idest notat eos in hoc fuisse malos. Et Tales, in quantum sunt viventes sæculariter, a Deo non sunt, immo ex Patre Diabolo per imitationem. Et licet Diabolus sit habens potestatem hujus aeris, non tamen quia eum creaverit, vel fecerit, sed permissione Dei omnipotentis; sicut patet, quia in porcos ire non poterant Dæmones, nisi Jesus ei concessisset, ut patet Matth. 8. v. 31. 32. Marci 5. v. 11. Luc. 8. v. 31. Unde patet quod nihil possit in corporibus hominum, vel porcorum, nisi Deo permittente. Unde patet quod ista visibilia non sunt de dominio Dæmonis, sed Christi.

HÆR. Ad idem illud Hebræor. 7. v. 3. de Melchisedech (134) Sacerdote, qui fuit *sine patre, sine matre, sine genealogia, neque initium dierum, neque finem vitæ habens.* Si ista vera sunt, ergo Melchisedech non habuit principium. Ergo fuit unum principium per se.

CATH. R. Quod non dicitur sine patre, vel matre, vel genealogia esse, aut sine initio, vel fine dierum, quia ista non habuerit; sed quia Scriptura non determinat quomodo ista habuerit. Nonne vides quod Apostolus dicit, quia ipse erat *sacerdos Dei*

summi? Ergo cum non esset nisi unius naturæ, oportet quod non sit, nisi Deus summus, ergo non erat unum principium per se.

Præterea nonne ibi dicit Apostolus 1. quod ipse obviavit Abraham regresso a cæde Regum, & benedixit ei: *cui & decimas omnium divisit Abraham?* Nonne iste Abraham bonus erat? utique, sicut probatur in secunda parte hujus operis, ubi agitur de Deo Veteris Testamenti. Non est verosimile quod benedictionem ab eo recepisset, vel quod decimas ei dedisset, si Melchisedech Deus malus fuisset, vel ejus Sacerdos, cum Abraham bonus sit; ut patet per hoc, quod dictum est supra Hebr. 6. v. 13. *Abraham namque promittens Deus, quoniam &c.*

Præterea dico quod generationem (135) habuit, quamvis dicat Apostolus quod fuerit sine genealogia. Et quod ita sit patet per id, quod dicit Apostolus ibidem 6. *Cujus, scilicet Melchisedech, generatio non annumeratur in eis, decimas sumpsit Abraham, & hunc, qui habebat repromissiones, benedixit.* Non enim diceret Apostolus quod sua generatio non annumeratur in eis, nisi generationem haberet. Habuit igitur eam, sed dicitur non habuisse genealogiam, quia Scriptura non annumerat eam inter Judæos: unde dicit Apostolus: *cujus generatio non annumeratur in eis;* idest inter Judæos. Similiter dicitur, quod neque initium dierum habuerit, neque finem; quia non annumeratur initium, nec finis dierum vitæ ejus: similiter neque patrem, neque matrem. Nonne vides quid dicit Apostolus: quoniam ipse erat *sacerdos Dei Summi?* Ergo erat a Deo summo, ergo Deus summus erat pater ejus, ergo non erat sine patre, nisi eo modo quo diximus.

§. III.

Quibus rationibus nituntur Hæretici ad probandum duo principia.

NON solum autem testimoniis scripturarum innituntur prædicti Hæretici, sed etiam rationibus quibusdam, quæ eis naturales, vel logicæ videntur, cum tamen sophisticæ sint.

Quod enim duo principia sint (136) volunt haberi per hoc dictum Aristotelis: *Contrariorum contraria sunt principia;* cum ergo bonum & malum sint contraria, eorum principia contraria erunt. Cum ergo bonum sit a principio, & bono Deo, malum erit a principio, idest Deo malo.

R. Ergo quod cum dicitur: bonum (137) & malum

(131) Quamvis silentium veterum in causâ esse possit, cur quicquam neget, Acta Apostolica fuisse veteribus Gnosticis Manichæique probata; liquet tamen ab Irenæo hoc ipsum Lucæ testimonium allatum fuisse in medium, ut Deum veteris Legis a vero summoque Deo non discrepare ostenderetur. Postquam enim illud adhibuit Lugdunensis Antistes: *manifeste, inquit, significat, quoniam non ab altero Deo talis illis data lex est, sed ab eodem ipso, summo, apta illorum servituti.*

(132) Convenit in hac re præclariter Catharis cum Gnosticis; & Manetæ. Nam primos quidem hoc testimonio fuisse abusus, prodit Tertullianus lib. v. *Contra Marcionem* cap. xvii. pag. 482. postremos autem Johannes Chrysostomus Homil. iv. in *Epist. ad Ephes.* pag. 25. seq. Tom. x. *Opp.* & Fortunatus Manichæus Disp. I. inter ipsum & August. n. 16. col. 90. Tom. viii. *Opp.* August.

(133) Hoc ipsum responsum adhibent Tertullianus & Johannes

Chrysostomus ll. cc. Theodoretus quoque Tomo ii. *Opp. Comment. ja. v. 1. cap. 11. Epist. ad Ephesios.* pag. 198.

(134) Novum hoc est Catharorum monstrum. Nam Hierax, qui a Manetæ acceperat disciplinam, eamque deinde paullo reddidit mitiorem, Melchisedechum non malum principium, ut Cathari; sed Spiritum Sanctum esse putabat. Vide *Epiph. Hæres.* lxxvii. n. 111. Melchisedechiani hæretici sanctum hunc virum, & Sacerdotem virtutem quamdam Christo superiorem esse arbitrabantur. *Epiph. Hæres.* lv. n. 1. seqq.

(135) Consulendi Daniel Heinſius *Exercitat. Sacr. in Nov. Test. ad Hebræorum* cap. iv. pag. 564. seqq. Edit. an. 1639. & Calmetium *Dissert. Præfixa Commentar. in Epist. ad Hebræos.*

(136) Vide S. Thomam 1. P. Q. xlix. Art. 111. ad 1. Arg.

(137) Sapienter quidem Titus Bostrenſis lib. 11. *Contra Manichæos* pag. 94. Tom. 1. *Ant. Lect. Canisii:* *Querunt, inquit, Ma-*

lum sunt contraria, fumitur ibi bonum morale, & malum morale. Et hisce ergo, five moraliter contraria sunt, ut boni mores, & mali mores; talium autem contrariorum idem est principium, scilicet liberum arbitrium secundum Philosophum.

Item secundum Christum, qui de corde ponit exire bonum & malum, unde Lucæ 6. v. 45. *Bonus homo de bono thesauro cordis sui profert bonum: idest de corde bono tamquam de thesauro, & malus homo de malo thesauro profert malum.* Lucæ 8. v. 15. *Hi sunt, qui in corde bono & optimo audientes verbum retinent, & fructum afferunt in patientia.* Et Matth. 15. v. 19. *De corde exeunt cogitationes malæ, homicidia, adulteria, fornicationes, furta, falsa testimonia, blasphemiae.* Matth. 22. v. 37. *Diliges Dominum Deum tuum ex toto corde tuo, & in tota anima tua, & in tota mente tua.* Ecce habemus quod bonum gratiæ & malum culpæ ethice, five moraliter, ab eodem sunt principio.

Si autem fumitur malum pro malo pœnæ, ab eodem etiam principio est cum bono sibi opposito: Eccl. 11. v. 14. *Bona & mala, vita & mors, paupertas & honestas a Deo sunt.*

Si autem bonum pro bono naturæ sumatur, & malum similiter; dico quod naturaliter, seu physice non opponuntur bonitas, & malitia; immo ut privatio & habitus: privationis autem & habitus idem est principium, & eadem causa unius per suam præsentiam, alterius autem per suam absentiam, quæ absentia nihil ponit. [*] Non tamen ex hoc dico quod malitia sit ex Deo proprie: unde sciendum est quod secus in absentia Dei, & in absentia gubernatoris navis, quæ absentia activa est ex parte gubernatoris qui se absentat, & ideo proprie causat submersionem navis & malum, sed ita absentia Dei non est intelligenda active scilicet quod Deus omnium suprema causa se absentet, cum dicat B. Petrus in principio epist. suæ. *Parati estote in eam quæ offertur vobis gratiam,* & B. Paul. circa finem ad Hebræos, *videte ne quis vestrum desit gratiæ Dei.* Beat. etiam Dionysius dicit: intelligenda est ista absentia passive, scilicet quod absentatur five fugatur ab homine per peccatum, absentatur dico quantum ad defectum gratiæ in homine quam ipse Deus non subtrahit homini, sed potius homo eam repellit, & ideo homo ex libero arbitrio proprie causat malum, Deus autem non. [*]

Item aliter probare nituntur (138) naturalibus

Manichæi, unde mala existant: nos autem fidenter respondemus, cum unus sit Deus, qui cuncta fecit; nihil quidem secundum substantiam malum esse; cuncta autem valde bona &c. . . . sola vero hominum ad nequitiam peccantium iniustitia recte & iuste ac vere nequitia est; non tamen ex nequitia principio carente profecta, quam Manichæus cum non sit, esse excogitavit tanquam ab hac principio carente, quam finxit proficiscentem. . . . Hominem vero, quia eum civem rationis participem præposuit ac præfecit Deus. . . . virtus & vitium, ut in potestate ejus esset, fecit. . . . Homo igitur iniuste operans, iuste de peccato accusatur. Si enim peccatum committit, tanquam non possit ab eo se abstinere, iniustam querelam subit. Sin autem cum posset non facere, facit contrarium; merito accusatur tanquam iniustitiam suscipiens &c. Postquam utem dixit eidem voluntati factam esse potestatem liberè deligendi bona aut mala, ut sibi libuerit; quo si bona elegerit, bona sibi paret; sin mala amplexata sit, malis contra afficiatur; concludit: Potestate igitur contrariorum, comparatur, & acquiritur possessio contrariorum.

[*] Quæ dupbus asteriscis comprehendimus, desunt e Codice

rationibus. Omnia contraria sunt simul natura; bonum autem & malum contraria sunt; ergo sunt simul natura; Ergo si unum est principium, & alterum, vel ad minus unum non est ab alio.

Solutio. Bonum & malum uno modo contraria sunt; & simul natura; & si unum esset principium, scilicet bonum, alterum esset principium similiter, scilicet malum. Sed neutrum eorum secundum quod contraria sunt, est principium, vel causa prima. Bonum enim dicitur duobus modis, scilicet essentialiter, & accidentaliter. Essentialiter bonum dico illud, quod se ipso bonum est, cujus scilicet bonitas est essentia hujus, sicut est causa prima. Tali bono nihil est contrarium; substantia enim nihil est contrarium, ut dicit Aristoteles, cujus verbis uti voluisti; Multo fortius Creatori ipsius substantiæ & accidentis nihil erit contrarium. Bonum autem accidentaliter sumptum uno modo contrarium est malo, & natum fieri circa idem cum ipso; idem enim contrariorum susceptibile est. Bonum autem sic sumptum non dicitur de Deo, nihil enim accidit ei, ut probatum est. Quamvis autem bonum dicatur bonum essentialiter, ut prædictum est; malum tamen nihil dicitur essentialiter, sed tantum accidentaliter. Sic autem fumitur duobus modis, scilicet vel privative, vel positive. Primo modo dicitur ignorantia, vel iniustitia malum, & opponitur bono accidentaliter sumto ut privatio suo habitui; non opponitur sic bono essentialiter sumto; illud enim privari non potest suo esse. Secundo modo, idest positive dicitur dolor malum, & sic opponitur bono accidentaliter sumto contrarie, sed sic non opponitur primo bono, quod est prima causa. Quod autem primæ causæ nihil accidens sit ex hoc patet, quod illud accidens daret ei aliquod esse, sicut nigredo dat ei, cui accidit esse nigrum. Causa igitur prima haberet aliquod esse ab alio a se, quod patet esse hæreticum; sic enim non esset principium omnis esse.

§. I V.

Probatio Ecclesiæ quod unum tantum sit omnium principium, & primo rationibus.

Pertractata prima parte hujus capituli accedamus ad secundam, & ostendamus tam rationibus veridicis, quam sanctarum Scripturarum testimoniis unicum esse Deum, five principium omnium.

Primo autem ostendamus rationibus (139) quod

Bononiensi, & Neapolitano.

(138) Vide S. Thomam l. c.

(139) Simile est hujus, quod habet Titus Bostrensis lib. 1. *Contra Manichæos* pag. 63. Scribens, inquit, ille ipse furens Manichæus, ubique incipit: erat Deus & materia; lumen & tenebræ; bonum & malum in omnibus summe contraria: ut in nulla re alterum cum altero communionem & societatem haberet, ambo ingentia, & viventia; igitur aut disjungent se, aut si fuerint simul amica, & nequaquam contraria esse apparebit. At patet dicere eum sejuncta esse hæc. Igitur utrumque cum altero finitum, & terminatum erit secundum substantiam, & neutrum incircumscriptum, & infinitum: circumscribere autem Deum secundum substantiam, & non nosse, & confiteri infinitum esse, quomodo non est admodum impium? Quandoquidem non solum circumscribi, & terminari substantia Dei videbitur; sed a malo, ut ille ait, hoc accipere. Quod quidem extra communes notiones est, quæ menti suggerunt, ut eum ubique esse noscat, & natura incomprehensum.

quod unicum est principium, & quod non sunt duo principia *contraria*: Quia si duo sunt principia, quorum unum est bonum, alterum malum; Cum primum sit ubique, etiam alterum ubique erit, ergo unum pertransit alterum, ergo est simplicius altero, ergo alterum habet aliquid compositionis, ergo non est principium, cum omne compositum sit creatum. Quod autem bonum principium ubique sit, probatur: quia non est finitum corporali magnitudine, cum non habeat eam; alioquin esset corpus, quod esse non potest: nec formæ participatione; sic enim haberet esse a forma, & ita aliunde.

Præterea forma non est sine materia; ergo si habet formam, habet etiam materiam, ergo habet esse compositum ex materia, & forma, ergo principiatum, & non principium primum, quod falsum est. Non ergo finitur formæ participatione, nec etiam quantitate; ergo infinitum est bonum principium secundum esse suum, ergo ubique, ergo pertransit principium malum, & ita ut prius.

Præterea si principium bonum finitum est secundum esse suum, aut ab alio, aut a se. Si ab alio, ergo illud aliud finivit esse ejus; ergo illud aliud est prius illo, ergo illud non est primum principium. Si a se finitum est: Contra. Nihil finitur a se; linea enim non finit se, immo punctum. Similiter superficies non se finit, sed linea finit eam, & superficies ipsum corpus; ergo a simili nec Deus se finit.

Præterea finis & finitum ad aliquid sunt: finis enim dicitur terminus finiti, & e converso. Finis ergo & finitum non poterit esse unus & idem terminus ejusdem; ergo Deus bonus non est finis sui ipsius. Finem autem, & terminum idem dico secundum quod dicit Philosophus: *finis est rei extremitas, ultra quam res non protenditur*. Relinquitur ergo quod si aliquod est primum principium, ipsum est infinitum quoad esse suum, & quoad essentiam, & quoad potestatem. Potestas ejus ubique ostenditur; ergo Satan, & Angeli ejus subsunt potestati ejus, & dominio; Ergo Satan servus ejus est, & ei subiectus cum suis; ergo non est nisi unus Deus per se.

Item bonum principium Omnipotens dicitur. Quare? Si ideo, quia potest omnino universaliter sine aliqua determinatione: Habeo propositum meum, scilicet unicum Deum Universorum esse. Si ideo, quia potest omnia permanentia & existentia, sed non potest ista transitoria, quæ videntur: Sic ergo potentia virtusque Dei mensurata.

Contra. Primum principium simplicissimum est nil habens compositionis, vel multiplicis in se, ergo sua essentia est, sua potentia: sed essentia ejus infinita seu immensa est, ut ostendimus; ergo etiam

potentia ejus infinita & immensa est, ergo non determinata tantum ad aliqua; immo etiam extenditur ad ista visibilia & transitoria; unde David ait psalm. 144. v. 3. *Magnitudinis ejus non est finis*; id est potentia suæ non est terminus aliquis, sed immensa est.

Item primum (140) principium bonum potest omnia bona, sed esse mali principii malum est, ergo non esse ejus bonum est, ergo bonus Deus potest illud facere, malus ergo Deus non potest prohibere illud; sic ergo non erit potens esse omne * malum, quia non potest hoc malum, scilicet resistere bono Deo, ne destruat ab eo.

Similiter e converso potest probari quod bonus Deus non potest omne bonum, quia bonum est ipsum esse; ergo malum esset ipsum non esse, ergo Satan potest facere ipsum non esse, quia potest omne malum. Quo habito bonus Deus (141) non erit potens omne bonum, si non posset resistere, Deo malo, ne destruat ab ipso quoad esse suum. Hoc autem falsum est, ergo & illud, ex quo sequitur scilicet quod duo sint principia, unum, quod possit omnia bona, aliud, quod possit omnia mala.

Item. Numquid Deus malus odit se, vel diligit se naturaliter? Si diligit se, sicut bonus Deus se diligit; sed hoc non est malum scilicet diligere suum esse, & suam substantiam, ergo est bonus, ergo aliquid bonum naturaliter est ab eo. Si odit se, in seipso divisus est; sed non substantialiter; substantia enim ejus in se ipsa non est divisa, divisus est ergo in se ipso, quia voluntas ejus contraria est suæ essentia, & hoc est odisse se: ergo aliud est ejus voluntas, & aliud ejus essentia, ergo est multiplex; sed esse tale est creatum, & nullum creatum est principium primum, ergo ipse non est unum principium per se.

Item. Primum principium (142) aut prædicatur de utroque principio æquivoce, aut univoce? constat quod non æquivoce, quia eodem nomine, & eadem ratione. De nomine patet; utrumque enim dicitur primum principium. Sic etiam patet de ratione. Ratio primi principii est ista: Primum principium est ante quod nihil, & post quod alia. Prædicatur ergo univoce de eis, ergo communicant in re aliqua, & differunt in aliqua, ergo in utroque est aliud, & aliud, ergo multiplicitas, & compositio, ergo neutrum est principium primum.

Præterea primum principium bonorum omnium, & primum principium malorum univocantur in principio primo; sed univoca sunt, quorum nomen commune est, ratio autem substantiæ eadem, ergo in ratione substantiæ, (143) idem sunt bonum principium & malum.

D

Item

neipsum egit, cum & voluit esse, quod noluit fecisse Aut famulus erit mali Deus, aut amicus; cum materia malo conversatus, nedum etiam de malo ejus operatus.

(142) Eodem recidit, tamen aliter aliquanto ea, quam Didymus Alexandrinus adhibet, ratio. Eorum, inquit, quæ ex toto sunt contraria nihil est commune; quare omnino necesse est, ut quod uni inest, alteri non inest; inest autem bono esse ingenitum, malo igitur neutrum horum inest.

(143) Titus Bostrensis lib. 1. Contra Manichæos pag. 65. Quomodo, inquit, rationes naturales admittent, ut sint duo secundum substantiam contraria, ubi quidem primo nomen substantiæ commune est utriusque? Primum igitur, quatenus utrumque substantia est, perspicuum est convenire inter se, & non esse contraria.

* Vatic. Cod. quo esse habet omne.

(140) Huc spectat quod habet Didymus Alexandrinus lib. Contra Manichæos pag. 205. Tom. 1. Ant. Lection. Canisii: Quicumque recte aliquid expetit; si recte expetit expetito potiri potest; expetit autem Deus malitiam delere, igitur malitia deleri potest. Quod si deleri potest, delebitur, deleta autem non est ingenita.

(141) Confer huc quod habet Tertullianus lib. Contra Hermogenem cap. x. pag. 136. Aut potuit emendare (Deus Materiam quam æternam, & a se existentem ponit Hermogenes) sed noluit, aut voluit quidem, nec potuit infirmus Deus. Si potuit, & noluit, malus & ipse; quia malo favit; & sic jam habetur auctor ejus, quod licet non instituerit, quia tamen si nolisset illud esse, non esset, ipse jam fecit esse, quod noluit non esse. Quo quid est turpius? Si id voluerit esse, quod ipse noluit fecisse, adversum se-

* Æterna. Vatic. Cod.

Item esse dicitur de utroque principio aut in eadem intentione: aut non? Si in eadem intentione, habent igitur esse commune, & ita conveniunt in eo, quod est esse: non sunt igitur duo per id, quod est esse. Igitur si duo sunt hoc est per aliquam differentiam; numerus enim quicumque non est nisi differentium. Modo quæro: illa differentia, aut accidentaliter est tantum, aut substantialiter? Si tantum accidentaliter, ergo substantialiter sunt idem principium, licet accidentaliter diversum, quod esse non potest. Præterea in præcedenti capitulo probatum est quod Principio summo nihil accidit. Si autem dicas quod illa differentia sit substantialis, dico quod illa differentia substantialis non est unica, immo multiplex; una scilicet ex parte principii boni, altera scilicet ex parte principii mali; sed si hoc est, una illarum adveniens ei, quod est, esse facit unum principium; alia adveniens eidem facit reliquum; igitur utrumque primum principium compositionem habet, ergo est creatum, ergo non est principium primum. Si autem dicas quod in alia intentione dicitur esse de utroque: dic rationem diversitatis ejus, quod est esse, secundum quod est esse; quod quidem impossibile est; ergo esse non dicitur de eis in alia intentione.

Si autem dicas rationem diversitatis, quia esse unius malum est, alterius autem bonum.

Contra. Sic non ponis differentiam essendi inter utrumque secundum id, quod est esse, sed secundum aliquid posterius additum; esse enim naturaliter prius est, quam esse bonum, vel quam esse malum. Sicut enim Oves Israel, quæ non peccaverunt, distinguuntur ab aliis, quæ peccaverunt, tantum accidentaliter, quia hæ bonæ fuerunt, illæ autem malæ factæ fuerunt; in esse autem conveniunt, quia habent esse, & ab eodem, ita & principium bonum, & principium malum, quod est impossibile; ergo & id, quod ponis.

Item e converso ego quæro: si duo sunt, (144) ut tu dicis, & duo regna ipforum, an illa duo regna sint contigua, idest quod eorum termini sint simul nullo cadente medio inter ipsa: aut cadit ibi

aliquod medium? Si hoc ultimum est, modo quæro si illud medium subest alteri illorum Deorum, aut non? Si subest, ergo est de regno illius, cui subest, ergo non cadit medium inter duo regna, cuius contrarium dictum erat. Si non subest alteri illorum, quæro: unde habuit esse? Si ab aliquo præter illos Deos, oportet ponere tria regna, scilicet illa duo extrema, & medium inter illa. Oportebit etiam ponere tertium principium, & causam illius medii regni.

Si dicas quod contigua sunt, & sine medio

Contra. Illa duo regna naturaliter opposita sunt, & adinvicem inimica nec confederationem adinvicem habere possunt 2. Corinth. 6. v. 15. *Quæ conventio Christi ad Belial?* Quasi diceret: nulla. Semper ergo fuerunt adinvicem pugnancia; nunquam ergo in finibus hujus, vel illius pax, aut quies. Quomodo ergo dicitur a Davide psalm. 147. v. 14. de cælesti regno secundum te, sive de cælesti Jerusalem: qui posuit fines tuos pacem &c. ? De præterito loquitur, & sic accipiendum secundum te, qui præteritum pro præterito dicis sumendum, & præsens pro præterito, & futurum pro futuro, & qui dicis hanc prophetiam in cælesti patria factam.

Præterea Tu ponis quod unus illorum semper fuit malus. Modo quæro ab Hæretico: quare fuit malus? (& ne mireris o Lector istum modum procedendi contra eum; oportet enim, ut jam dixi, aliquando verbis simplicibus, & minus artificialibus uti, & ex datis eorum procedere.) Si dicat quod ideo malus fuit semper, quia semper fecit malum.

Contra. Causa tempore, vel natura prior est suo causato, ergo prius ipse tempore vel natura fecit malum; quam esset malus, ergo tempore, vel natura aliquando fuit non malus; sed si fuit non malus necesse est quod fuerit bonus; ergo tempore, vel natura fuit aliquando bonus. (145)

Si autem prævideat sibi Hæreticus, & dicat, quod sicut non est aliqua causa quare Pater Justorum bonus sit; ita etiam non est aliqua causa quare Sathanas malus fuerit: sed essentialiter malus est, & causa omnis mali.

Con-

(144) Agit hic Moneta contra Catharos Albanenses. Constat id ex Reinero Sachono in *summa de Catharis*, &c. col. 1768. seq. Tom. v. *Anecdotor*. Thesauri a Martenio editi. Albanensibus Italis consentiebant Albigenes Galli, ut auctor est Petrus Vallium Sarnai Monachus, qui initio XIII. seculi florabat; in *Hist. Albigen. cap. 1. pag. 2. Tom. VII. Biblioth. Cisterciensis Edit. an. 1669.* Id etiam evincunt acta Inquisitionis Tolosanae a Limborchio edita in *Append. Hist. Inquist. num. 40. pag. 92.* His monumentis respondent, quæ in Prologo sui Chronici memorie prodidit Guillelmus de Podio Laurentii, quiddam contra dictitent Basnagius & Johannes Christophorus Vvolsius. Maximus autem est hic de duobus principiis, bono uno, pravo altero, atque inveteratus error, quippe qui ab Ethnicis longe ante Christum originem duxerit, ut est Cudvorto, Hideo, Johanni Christophoro Vvolfio & Thobæ Pfannero animadversum. Ab Ethnicis porro disciplinam acceperunt majorum gentium hæretici, qui primis seculis Ecclesiam infestant; vide Pfannerum *Syst. Theol. Gentil. cap. ix. §. 21. pag. 258.* & Petavium *Tom. 1. Theolog. Dogm. l. vi. cap. v. §. 2.* &c. His consensere Marcus Memphitanus apud *Sulp. Sever. l. II. Hist. cap. 60.* & ii qui Manetem sunt confecti. Quare Titus Bostrensis: *Ad hæc piscendum est ab istis intermedium, & utriusque interjectum, quod alterius cum altero communitatem arceat, & prohibeat, ne finibus inter se commissa, rursus rationem ac naturam contrariorum tollant. Quid igitur erit istud, quod ambo illa determinet, & intersepit? Opus enim habet apud istos cuiusdam tertii commentum fabula. An dicturi sunt nobis, esse murum adamantinum, aut aliud quid delirum? Cujusnam providentia hoc,*

*quidquid sit, interseptum esse dicent? utricumque enim contrariorum hoc assignare velint tanquam postea immixtum, non reperiunt exitum in hac causa, neque se hinc expedient. Revocata enim ascendendo ad antiquius disputatio, rursus deprehendet contraria inter se separata, tanquam nullo modo contraria. Sin vero neutrius providentia interseptum, quod declarant, esse dixerint, necessario fatentur introducere se aliquid ingenitum, quod neutrius substantiam participet, ut omnino dirimendo separet hæc, atque ita fiet, ut reperiatur turbam ingenitorum ponere, qui duo ingenita esse dixerunt. Titus Bostrensis lib. 1. Contra Manichæos pag. 62. seq. Sunt autem hæc Titi Bostrensis verba argumento huic, quo Moneta utitur, ita similia, ut mirum profecto videri possit; hominem, qui Titi opera, ne fando quidem audierat, tanto ingenio valuisse, ut non vix argumenti solum eandem, sed etiam verba fere eadem adhibuerit, quo sui temporis Manichæos reprimeret. Immo vero multo majorem vim addidit argumento Moneta, ut Lector intelligere facile potest, si Nostri verba cum Titi contulerit. Sunt hodiernum Manichæi duorum principiorum propugnatores in Provincia Geru Africa, ut prodit Mollerus apud Pfannerum *cap. ix. Syst. Theol. Gentil. §. vi. pag. 258.* & in aliis plerisque regionibus.*

(145) Præclare Didymus Alexandrinus Contra Manichæos *pag. 205. Tom. 1. Lect. Antiq. Canisii Edit. Basnagii*: Nullum est malum, inquit, secundum substantiam: malum autem esse, est affectum esse qualitate malitie scilicet. At affectum esse qualitate non est substantia; malum igitur non est substantia.

Contra. Hæretice dic mihi : contingit ne ipsum peccare ? Si dicas quod sic , modo dic : quid est peccare ? Si venire contra legem , ergo si ipse peccat , venit contra legem . Modo quæro : contra quam legem ? Si contra legem Dei boni , ergo illa lex ei data est , quod falsum est , quia nec bonus Deus illam ei daret , nec eam ipsam accipere posset , quia non est susceptibilis alicujus boni , si est malus essentialiter . Si contra legem suam : ergo

Lex sua mala est , si aliqua est . Numquid contra legem malam venire peccatum est ? Absit .

Præterea si ipse est Dominus per se , ipse est Dominus legis suæ , ergo veniendo contra eam non peccat . Quomodo ergo peccat ? Forte dices , quod peccare non est contra legem venire ?

Contra . Ubi non est lex non est prævaricatio , ergo si non est ei lex , nec prævaricatio , ergo non peccat . Etiam isto modo probari potest , quod si Deus malus est , nulla creaturarum suarum peccare potest : sed creaturæ Dei , quem tu ponis bonum , possunt peccare , ergo in meliori statu sunt creaturæ Dei mali , quam creaturæ Dei boni , quod est impossibile , ergo & id , ex quo sequitur scilicet quod duo sint principia , unum summe bonum , & aliud summe malum .

Præterea quod Diabolus , & Satanæ non sit unum principium per se , sed a Deo Patre Justorum esse cœperit , & ejus creatura fuerit testimoniis scripturarum evidenter ostenditur . Legitur enim Isaïæ 37. v. 15. *Oravit Ezechias ad Dominum , dicens : 16. Domine exercituum Deus Israel , qui sedes super Cherubim : tu es Deus solus omnium regnorum terræ , tu fecisti calum , & terram . 17. Inclina Domine aurem tuam , & audi : aperi Domine oculos tuos , & vide , & audi omnia verba Senacherib , quæ misit ad blasphemandum Deum viventem : 18. Vere enim Domine desertas fecerunt Reges Assyriorum terras , & regiones earum . 19. Et dederunt Deos earum igni : non enim erant Dii , sed opera manuum hominum , lignum , & lapis : & comminuerunt eos . 20. Et nunc Domine Deus noster salva nos de manu ejus : & cognoscant omnia regna terræ , quia tu es Dominus solus . Attende quod dicitur 16. : tu es Deus solus . Item ibidem dicitur 20. & non Domine Deus noster salva nos de manu ejus , idest Senacherib : & cognoscant omnia regna terræ , quia tu es Dominus solus .*

Istam Ezechiam bonum esse credis , & vera locutum ; quare ergo audes dicere , & ponere plures Deos essentialiter , cum iste unum esse dicat ?

Præterea de quo Deo loquitur ? Ego Tibi possum ostendere quod loquitur de Deo veteris Testamenti ; tota enim historia ista , quæ invenitur in Isaïa 36. v. 37. 38. & 39. invenitur 4. Regum 18. v. 19. & 20. maxime ipsa oratio , quam præmisi Domine exercituum Deus Israel &c. quæ invenitur 4. Regum 19. parum ante medium capitis (v. 15. 16. 17. 18. & 19.) Numquid Tu potes alium Ezechiam , aut alium Deum ostendere testimonio scripturæ alicujus , ad

quem , & de quo loquatur ? Constat quod non . Quare ergo fabularis , aliumque Deum fingis , quam Deum veteris Testamenti ?

Præterea si alium dicis Deum , quare arguis Deum crudelitatis , qui dedit vetus Testamentum ? Nonne vides quanta fuerit hujus crudelitas , de quo loquitur Ezechias 37. in fine 36. ? *Egressus est autem Angelus Domini , & percussit in Castris Assyriorum centum octoginta quinque millia . Et surrexerunt mane , & ecce omnes , cadavera mortuorum .* Ergo si ille crudelis est , & propter hoc malus , similiter , & ille , de quo loquitur Isaïas : vel si unus bonus , & alius ; immo non alius , sed idem , quod patet per identitatem factorum . Item Isaïæ 43. in medio v. 10. *Ante (146) me non est formatus Deus , & post me non erit .* Constat quod iste est Deus sanctus , & verus , & unicus ; & dicit quod ante ipsum non est Deus , nec post ipsum alius . Quare tu ponis alium ?

Præterea statim dicit 11. *Ego sum , ego sum Dominus , & non est absque me Salvator .* Postea subdit 16. *Hæc dicit Dominus , qui dedit in mari viam , & in aquis torrentibus semitam : 17. Qui eduxit quadrigam , & equum : agmen & robustum , simul obdormierunt , nec resurgent : contriti sunt quasi linum , & extincti sunt .* Voluit autem ostendere Dominus populo suo , quod promissiones , quas faciebat eis , posset implere per hoc , quod majora fecit eis . Unde dicit qui dedit , filiis Israel , scilicet viam in mari rubro , cum exirent de Ægypto ex mandato Domini , & venirent in terram promissionis , ut habetur Exodi 14. v. 22. & in aquis torrentibus , scilicet Jordanis , dedit eis semitam , qua intrarent terram promissionis , ut habetur Josue 3. v. 15. 16. & 17. Postea ponit de Adversariis Filiorum Israel dicens : *Qui eduxit &c.* Hoc fuit quando Pharaon post populum Dei armatus venit : Exodi 14. v. 23. *Quadrigam* dicit multitudinem quadrigarum , idest curruum ; *equum* dicit exercitum equitum , *agmen* exercitum peditum ; *robustum* quemlibet Principem Pharaonis ; *simul* , idest tam minores , quam majores ; *obdormierunt* somno mortis in mari rubro submersi quasi plumbum , & non *resurgent* ante diem novissimum , in quo omnes resurgemus , sed non omnes mutabimur . *Contriti sunt quasi linum* , idest de facili , & *extincti sunt* , idest mortui . Omnia ista possunt ostendi per Deum veteris Testamenti facta ; nullo autem testimonio potest ostendi , quod per alium ista sint facta . Deus enim veteris Testamenti est ille , qui loquitur per Isaïam , cum ait : *Ante me non est formatus Deus , & post me non erit . Ego sum , ego sum Dominus , & non est absque me Salvator .* Quare ergo alium somnias Salvatorem ?

Item Isaïæ 44. v. 6. *Hæc dicit Dominus Rex Israel , & Redemptor ejus Dominus exercituum : Ego primus , & ego novissimus , & absque me non est Deus .* Quod autem iste sit Deus veteris Testamenti patet in principio cap. 1. *Et nunc audi Jacob serve meus , & Israel , quem elegi . 2. Hæc dicit*

D 2

Domini-

(146) Egregie Irenæus lib. 1v. cap. v. al. x. pag. 232. *Qui a lege , & Prophetis , inquit , annuntiatus est , quem Christus suum Patrem confessus est ; ipse est fabricator , & ipse est qui super omnia est Deus , quemadmodum Isaïas ait : Ego testis , dicit Dominus Deus , Ante me non fuit alius Deus , & post me non erit .*

Ego Deus , & non est absque me salvans Et iterum : Ego sum Deus primus , & super ventura ego sum His igitur , qui nesciunt hæc , & propter hoc alterum adinvenisse putant Patrem , juste quis dicit : Erratis nescientes Scripturas , neque virtutem Dei . Matth. xxi. 29.

Dominus faciens, & formans te, ab utero auxiliator tuus. Nonne id est, quod habetur Genes. 25. v. 21. *Deprecatusque est Isaac Dominum pro uxore sua, eo quod esset sterilis: qui exaudivit eum, & dedit conceptum Rebecca?* Nonne hoc commemorat Apostolus ad Rom. 9. v. 10. dicens: *Non solum autem illa, idest Sara, sed & Rebecca ex uno concubitu habens, Isaac Patris nostri; supple habuit promissionem.* 11. *Cum enim nondum nati fuissent, aut aliquid boni egissent, aut mali, (ut secundum electionem propositum Dei maneret)* 12. *non ex operibus, sed ex vocante dictum est ei* 13. *Quia major serviet minori, sicut scriptum est: Jacob dilexi, Esau autem odio habui?* Sed nonne vides quid dicit Isaïas: *& Israel, quem elegi, & quod dicit Paulus: ut secundum electionem propositum Dei maneret. Non ex operibus, sed ex vocante dictum est ei.* Quia major serviet minori qualiter concordant? (147) Cum ergo Paulus ibi loquatur de Deo veteris Testamenti, & Isaïas loquitur de eodem. Unus ergo solus est Deus, & ille est Deus veteris Testamenti.

Item Isaïæ 45. v. 6. *Ego Dominus, & non est alter.* Quare ergo ponis alterum? Alterum enim ponendo mendacem facis eum, qui ait: *& non est alter*

Si autem dicas: non est alter, idest alter bonus, sed alius est, qui malus est, contradicis (148) Prophetæ Baruch 3. v. 36. *Hic est Deus noster, & non æstimabitur alius adversus eum.* Ergo non est alius bonus, sed nec etiam ei adversarius.

Præterea statim subdit 7. *formans lucem, (149) & creans tenebras, faciens pacem, & creans malum;* idest Diabolum; ergo Diabolus est creatura ejus. Quod autem sic intelligatur, ut exposui, patet Matth. 13. v. 19., ubi loquitur de semine, & dicit: *Omnis, qui audit verbum regni, & non intelligit, venit malus, & rapit quod seminatum est in corde ejus.* Lucæ autem 8. v. 13., ubi de eodem loquitur, habetur: *Venit diabolus, & tollit verbum de corde eorum, ne credentes salvi fiant.*

Fortē dicit illud, quod quidam eorum respondit, quod Isaïas non loquitur de hac luce naturali, vel de tenebris ei oppositis, sed lucem ibi appellat Christum, qui dicit Johann. 8. v. 12. *Ego sum lux mundi;* tenebras vero fideles, qui luce illuminati sunt; fuerunt enim aliquando tenebræ, ut dicit eis Apostolus ad Ephes. 5. v. 8. *Pacem etiam Christum debere ibi intelligi;* de quo ait Apostolus ad Ephes. 2. v. 14. *Ipse enim est pax nostra.* Per malum autem, filium prodigum dicit intelligi ab Isaïa, quem Deus pater in cælo creavit, sed non tunc malus erat, li-

cet malus futurus. Similiter dicitur Matth. c. 5. *Jesse genuit David Regem, nec tamen erat Rex tempore ipso, quo genuit eum Jesse.* Similiter dicitur 16. quod *Jacob genuit Joseph virum Mariæ,* non quod Joseph esset vir Mariæ, cum genuit eum Jacob, sed postea fuit vir ejus. Quæ induxit ad robur sui amoris.

Qualiter autem ostendendum sit quod id, quod dicunt de Filio prodigo falsum sit; ostenditur in principio capit. de ovibus Israel: Quod autem istud intelligatur de Deo veteris Testamenti; Ego Dominus, & non est alter &c. potest manifeste videri ex eo, quod legitur in principio illius capit. Isaïæ 45. v. 1., ubi dicitur: *Hæc dicit Dominus Christo meo Cyro, cujus apprehendi dexteram, ut subjiciam ante faciem ejus Gentes, & dorsa Regum vertam.* Prius etiam dixerat in fine capit. 44. v. 28. *Qui dico Cyro; Pastor meus es, & omnem voluntatem meam complebis. Qui dico Jerusalem: ædificaberis; & templo: fundaberis.* Quis autem sit iste Cyrus habetur 2. Paralipom. 36. v. 23., ubi dicit Cyrus: *Omnia regna terræ dedit mihi Dominus Deus cæli, & ipse præcepit mihi, ut ædificarem ei domum in Jerusalem, quæ est in Judæa: quis ex vobis est in omni populo ejus? Sit Dominus Deus suus cum eo, & ascendat.* Idem habetur Esdræ 1. v. 2. *Hæc dicit Cyrus Rex Persarum: Omnia regna terræ dedit mihi Dominus Deus cæli.* Nonne hoc est, quod dicit Dominus per Isaïam 45. *Hæc dicit Dominus Christo meo Cyro, cujus apprehendi dexteram, ut subjiciam &c.?*

Præterea. Nonne dicit Cyrus 2. Paralipomen. 36. v. 23.: *Omnia regna terræ dedit mihi Dominus Deus cæli, & ipse præcepit mihi, ut ædificarem ei domum in Jerusalem?* Et nonne hoc est illud, quod legitur Isaïæ 44. in fine v. 28. *Qui dico Cyro Pastor meus es?* Quod ideo dicitur, quia sicut pastor oves, ita ipse Judæos in Jerusalem adduci fecit: *Qui dico Jerusalem: ædificaberis; & templo fundaberis.*

Præterea. Nonne dicitur 2. Paralipomen. 36. v. 19. *Incenderunt hostes domum Dei, destruxeruntque murum Jerusalem?* Nonne dicitur Esdræ 2. cap. 2. v. 5. *mittas me in Judæam ad Civitatem sepulcri patris mei, & ædificabo eam;* & post pauca subdit 6. *misit me?* Nonne & hoc quod dicitur Isaïæ 45. post illa verba de Cyro v. 13. *ipse ædificabit civitatem meam, & captivitatem meam dimittet?* Ille igitur, qui per Isaïam loquitur dicens: *Ego Dominus, & non est alter, formans lucem &c.* non est nisi Deus veteris Testamenti, in quo dicitur Genes.

(147) Adposite Titus Bostrensis lib. 111. *Contra Manichæos* pag. 153. *Apostoli quidem, inquit, interpretes sunt veteris Legis, consonantque vetera novis. At vero, qui sunt non Apostoli accusant vetera, quidem cum non faciunt, quod Apostoli; sed potius cum eorum scripto pugnant, mentiuntur Apostolorum, facti pseudopropheta.* Augustinus vero antiquos Manichæos redarguens, qui Deum veteris Testamenti a vero bonoque Deo per summum scelus disjungere non dubitabant, Lib. 111. *Contra Faustum* cap. 11 v. col. 369. Tom. VII. *Opp. si Paganus, inquit, in Novo Testamento talia reprehenderet, qualia isti reprehendunt in vetere, nonne, & ipsi ea defendenda susciperem? Quod si facere possint, quæ tandem recordia hic talia reprehendunt, qualia ibi defendunt?* Consiliator Irenæus lib. 1 v. cap. 1 x. al. 21. pag. 237. Ubi probat: *Utriusque Testamenti unum esse auctorem, finem scopumque præcipuum.*

(148) Hoc Baruchi testimonium neque ab Irenæo, neque a Cyrillo Hierosolymitano allatum contra Gnosticos, vel Manichæos est, propterea quod Hæretici illi Verus Testamentum negligerent. Verum contra Arianos illud ipsum attulere SS. Athanasius, Eustathius, Cyrillus Hierosolymitanus, & alii plerique, ut inde Christi Divinitatem probarent.

(149) Sanctus Irenæus lib. 1 v. cap. 11. pag. 286. seq. *Unus Pater, inquit, qui quidem concupiscentibus ejus communicationem, & perseverantibus in subiectione ejus, quæ sunt apud se preparat bona; principi autem abscissionis diabolo, & qui cum eo abscesserunt Angelis æternum ignem præparans: in quem mittentur, inquit Dominus, illi qui in sinistra separati sunt. Et hoc est, quod a Propheta dictum est: Ego Deus Solans, faciens pacem, & cōfundens mala: Vide-sis Cyrillum Hierosolymitanum Cat. 1 x. n. VII. pag. 129.*

nes. 1. v. 1. *In principio creavit Deus calum, & terram. 2. Terra autem erat inanis, & vacua, & tenebræ, supple creatæ, erant super faciem abyssi: & spiritus Dei ferebatur super aquas.* Et postea dicitur ibi 3. *dixitque Deus: Fiat lux; & facta est lux;* idest formata, & disposita.

Si autem vis dicere, quod alius Cyrus sit iste, de quo loquitur Isaias, quam ille, de quo loquitur Paralipom., vel Esdras, nullo testimonio Scripturæ potes hoc probare; sed per verba, & per facta ego possum probare quod sit ille Cyrus, de quo agitur in veteri Testamento.

Præterea nonne vides quid dicitur in fine Paralipom. 36. v. 17. *Adduxit super eos Regem Chaldaeorum, & interfecit juvenes eorum gladio in domo sanctuarii sui, non est misertus adolescentis, & virginis, & senis, nec decrepiti quidem, sed omnes tradidit in manibus ejus.* 18. *Universaque vasa domus Domini?* Nonne hoc est quod dicitur Jeremiæ in Threnis 2. v. 21. *Virgines meæ & juvenes mei ceciderunt in gladio?* Nonne in Threnis 4. v. 16. dicitur hoc, quod de senibus legitur in Paralipom.: *Facies Sacerdotum non erubuerunt, neque senum miserti sunt?* Nonne & de vasis prophetavit Jeremias 27. v. 22., sicut & Paralipom.: *In Babylonem transferentur, & ibi erunt usque ad diem visitationis suæ, dicit Dominus, & afferri faciam ea, & restitui in loco isto?* Nonne istam translationem vasorum deplorat Jeremias in Threnis 1. v. 10. *Manum suam misit hostis ad omnia desiderabilia ejus &c.*? Nonne istam vasorum restitutionem in Jerusalem in domum Dei dicit Esdras lib. 1. cap. 5. v. 14., ubi dicitur: *Et vasa templi Dei aurea, & argentea, quæ Nabuchodonosor tulerat ea in templum Babylonis, protulit Cyrus Rex de templo Babylonis?* Et post pauca dixit cuidam Principi 15. *Vade, & pone ea in templo, quod est Jerusalem.* Nonne in fine Paralipom. lib. 2. v. 36. 22. de isto Jeremiæ agi videtur? *Anno autem primo Cyri Regis Persarum ad explendum sermonem Domini, quem locutus fuerat per os Jeremiæ, suscitavit Dominus spiritum Cyri Regis Persarum; qui jussit prædicari in universo regno suo, etiam per Scripturam, dicens 23. Hæc dicit Cyrus Rex Persarum: omnia regna terræ dedit mihi Dominus Deus cæli &c. ut prius.* Nec potes alium Jeremiam ostendere; tota enim historia Jeremiæ 4. Regum 24. & 25., & in fine Paralipom. dicitur. De eisdem enim Regibus agitur in eis, de quibus agitur in Jeremia, ut patet per gesta, quæ ibi narrantur. Alios autem Tu non potes ostendere aliquo testimonio Scripturæ, de quorum gestis agatur in Jeremia; & si alios dicis, somnium est tantum.

Item Isaiæ 54. v. 16. *Ecce ego creavi (150) fabrum sufflantem in igne prunas, & proferentem vas in opus suum.* Fabrum appellat Diabolum, qui in igne, idest in suggestionem prunas sufflat, idest incentiva vitiorum, & proferentem vas, idest quemlibet hominem malum, in opus suum, idest ut faciat voluntatem suam. Idem etiam dicitur interfector,

quia interficit hominem ad mortem, idest ad peccatum eum adducens, & demum ad æternum malum. De isto Fabro dicitur Eccles. 11. v. 35. *Attende tibi a pestifero, fabricat enim mala.* Item Osee 9. v. 13. *Ephraim educet ad interfectorem filios suos.*

Ad hoc autem respondet Hæreticus dicens, quod faber ibi dicitur Christus, qui in evangelio filius Fabri appellatur?

Cui dicas? Numquid verum dicebant secundum intellectum suum? certè non, quia Fabrum appellabant Joseph virum Mariæ. Posito etiam quod verum dixerint, tamen non dicitur ibi Faber, licet dicatur filius Fabri.

Si dicant ipsum dici Fabrum a Davide in psal. 73. *Ut quid Deus repulisti in finem &c.*, ubi dicitur 16. *Tu fabricatus es auroram & solem.*

Sed numquid Christus solem fabricatus est? Immo quia ita est, ergo ipse est principium horum visibilium, & causa.

Si dicas solem non ibi sumi pro sole isto visibili, sed pro sole justitiæ, de quo Malachiæ 4. v. 2. dicitur: *Orietur vobis timentibus nomen meum sol justitiæ.*

Sed nonne ille sol justitiæ Christus est, qui ut Lucæ 1. v. 78. dicitur, *visitavit nos oriens ex alto: 79. illuminare his, qui in tenebris, & in umbra mortis sedent?* Sed numquid Christus se ipsum fabricatus est? Constat quod non; alioquin ipse fuisset priusquam esset, quod est impossibile, maxime secundum Te, qui ponis Christum tantum creaturam esse.

Præterea quod dicis interfectorem appellari ibi Christum propter illud Apostoli 2. Thessa. 2. v. 8. *Quem Dominus Jesus interficiet spiritu oris sui.*

Quomodo potest stare? Ipse enim non est creatus ad disperdendum, sed ad salvandum; Matth. 15. v. 24. *Non sum missus nisi ad oves, quæ perierunt domus Israel.* Item Lucæ 9. v. 56. *Filius hominis non venit animas perdere, sed salvare.*

Præterea si ad disperdendum creatus esset; numquid ad disperdendos suos, idest eos, qui de sua creatione sunt? Constat quod non per testimonia præcedentia. Numquid ad disperdendos alienos, idest qui de alia creatione sunt? Constat quod non; ipsi enim semper fuerunt mortui, & semper erunt.

Præterea quod induxisti Christum dici interfectorem propter illud Apostoli: *quem Dominus Jesus interficiet spiritu oris sui;* quomodo interficiet eum? Numquid corporaliter? Si hoc dicas, quare ergo vituperas Deum veteris Testamenti de occisione corporali? Si spiritualiter interficiet. Hoc stare non potest; quia semper fuit mortuus in peccato, & numquam vivus in bono.

Si dicas quod eum interficiet eo modo, quo dicitur Petro Actor. 10. v. 13. *Occide, & manduca.* Ista occisio non est, nisi destructio malitiæ, & conversio ad bonitatem. Numquid sic illum interficiet, qui secundum Te de sua creatione non est, qui est naturaliter secundum Te malus?

Si dicas quod eum interficiet, idest æterna morte pu-

(150) Ita quidem hebraicus textus. Hinc Hieronymus: *Dicamus, inquit, primum juxta hebraicum.... Ego qui creavi fabrum sufflantem in igne prunas hoc est diabolum omnium malorum artificem, non necessitate natura, sed mentis arbitrio &c.*

Dixi autem in hebraico textu ita quidem haberi, propterea quod septuaginta longe aliter legant. Sic enim habent: *Ecce ego creavi te, non ut avarius sufflans in igne prunas: & proferens vas in opus &c.* Quod sane ad rem Monetæ non pertinet.

puniet. Quæ illa mors æterna? Numquid illa est de dominatione sua? Non. Immo si est de dominatione, mali creatoris est, quem tu falso ponis. Quomodo ergo Deus bonus puniet eum illa morte, quæ non est de sua jurisdictione?

Præterea in illo capite Isaïæ ante illa verba: *Ego creavi fabrum &c.* dicitur ab isto Creatore 9. *Sicut in diebus Noe istud mihi est*, supple raturum, quod promitto tibi, sequitur: *cui juravi ne inducerem aquas Noe ultra supra terram*: sic juravi ut non irascar tibi, & non increpem te. Ecce qui creavit Fabrum, & interfectorem, ille est, qui Mundum diluvio destruxit, & Noe cum, suis salvavit jurans ei, quod non induceret &c. Iste igitur Creator est Deus veteris Testamenti, sed Creator Fabri bonus; ergo Deus veteris Testamenti bonus. Si autem aliud Noe, & alias diluvii aquas vis ponere, non habes in hoc testimonium alicujus scripturæ. Ejus autem, quod ego dico, & quod Isaïas dicit, evidens est testimonium Genes. 9.

[*] Item quod diabolus a Deo factus sit, manifeste habetur Habacuc 1. in fine, postquam locutus fuerat de gente Chaldæorum, & ejus fortitudine contra Populum Dei, subdit 11. *Hæc est fortitudo ejus Dei sui*; & loquens Propheta ad Dominum ait 12. *Numquid non tu a principio Domine Deus meus, Sancte meus, & non moriemur? Domine in judicium posuisti eum: & fortem ut corripere, fundasti eum.* Item potest objici, si dicant quod intelligitur de populo Chaldæorum, per quem intelligitur secundum eos cætus Dæmoniorum, cum ibi dicatur: *hæc est fortitudo ejus Dei sui* [*]

Item in psalmo 103. v. 27. dicit David ad Dominum: *Draco iste, quem formasti ad illudendum ei.* Constat quod hic Draco in malo sumitur propter hoc, quod subditur: *ad illudendum ei.* Dicit tamen Propheta, quod Dominus eum formaverit, ergo ipse non est principium per se, sed est factus a bono principio.

Item nonne Tu dicis quod Draco ille magnus, & Serpens antiquus, qui vocatur Diabolus, & Satanas, ut habetur Apocalypf. 12. est ille ipse, de quo loquitur Ezech. 29. v. 3. ubi dicitur: *Hæc dicit Dominus Deus: ecce ego ad Te Pharao Rex Ægypti; Draco magne, qui cubas in medio fluminum tuorum &c.* Sed nonne legitur infra Ezech. 31. v. 8. de Pharaone isto, quod Dominus ait: *Omne lignum Paradisi Dei non est assimilatum illi, & pulchritudini ejus.* 9. *Quoniam speciosum feci eum?* Ergo Pharao Draco magnus Creatura est Dei Patris justorum. Et quia in cælesti Patria ponere solent factum esse prælium ab isto Dracone & ejus Angelis cum Michael & Angelis ejus, videamus utrum hoc verum sit, an non.

Littera Apocalypf. 12. v. 7. talis est: *factum est prælium magnum in cælo: Michael, & Angeli ejus præliabantur cum Dracone, & Draco pugnabat, & Angeli ejus:* 8. *Et non valuerunt, neque locus inventus est eorum amplius in cælo.* 9. *Et projectus est Draco ille magnus, Serpens antiquus, qui vocatur Diabolus, & Satanas, qui seducit universum orbem: & projectus est in terram, & Angeli ejus cum*

illo missi sunt. 10. *Et audiivi vocem magnam in cælo dicentem: nunc facta est salus, & virtus, & regnum Dei nostri, & potestas Christi ejus: quia projectus est accusator fratrum nostrorum, qui accusabat illos ante conspectum Dei nostri die ac nocte.* 11. *Et ipsi vicerunt eum propter sanguinem agni, & propter verbum testimonii sui, & non dilexerunt animas suas usque ad mortem.* 12. *Propterea latamini cæli, & qui habitatis in eis.* Ibi dicitur quoniam Draco pugnabat, & Angeli ejus, & non prævaluerunt, nec locus inventus est eorum amplius in cælo. Quomodo ergo stabit quod dicis de eo, quod Matth. 13. v. 30. legitur de zizaniis? Ibi enim dicitur: *finite, utraque crescere usque ad messem*; ibi etiam dicitur 39. quod messis est consummatio sæculi; ibi dicitur 38. quod ager est Mundus. Et tu per mundum ibi intelligis Ecclesiam; falso tamen mundum superiorem, scilicet angelicam Patriam, & præcipitur ut inde non eradicentur zizania secundum tuum intellectum, quæ zizania dæmones appellantur, & dicis ea appellari filios nequam in Matth. Ergo secundum hoc Dæmones ibi erunt usque ad consummationem sæculi. Sic ergo non esset verum, quod dicit Johannes: *neque locus inventus est eorum amplius in cælo.* Constat autem, quod Johannes verum dixit, ergo Tu prave intelligis verba ejus.

Præterea nonne ibi dicitur postquam Draco cum Angelis in terram projectus est: *nunc facta est salus, & virtus, & regnum Dei nostri, & potestas Christi ejus: quia projectus est Accusator &c.* Sed nonne & vides quod istud factum est post Christi mortem cum dixit Apostolis Matth. ultimo 18. *Data est mihi omnis potestas in cælo, & in terra &c.* 2. Nonne & ibi dicitur: *Et ipsi vicerunt eum propter sanguinem agni, & propter verbum testimonii sui, & non dilexerunt animas suas usque ad mortem?* Non enim tantum dilexerunt vitas suas corporales, quod potius vellent mori, idest a Deo separari, quam amittere eas. Simile dicit Paulus Actor. 20. v. 24. *Nec facio animam meam pretiosorem, quam me.* Hoc autem de casu Angelorum a cælesti Patria non potest intelligi, cum dicat Johannes, quod propter sanguinem agni devicti sint; nondum enim erat diffusus Sanguis Christi, vel si effusus erat, ostendas aliquo testimonio: quod minime potes facere.

Præterea quod propter Christi Sanguinem effusum post Angelorum casum de cælo intelligatur illud, quod in Apocalypfi dicitur, evidenter habetur Johan. 12. v. 31. ubi legitur quod imminente passionem sua dicit Dominus: *Nunc judicium est Mundi: nunc Princeps hujus Mundi ejicietur foras.* Quod evidenter idem est, ac illud quod dicitur in Apocalypf.: *Nunc facta est salus &c. quia projectus est accusator &c.*

Præterea Numquid istud bellum fuit ante peccatum ovium, vel post? Si dicas ante,

Contra. Dicitur Isaïæ 42. v. 24. *Quis dedit in direptionem Jacob, & Israel vastantibus? Nonne Dominus ipse, cui peccavimus? Et noluerunt in viis ejus ambulare, & non audierunt legem ejus.* 25. *Et effudit super eum indignationem furoris sui, & forte bellum.* Videas Hæretice quod Isaïas dicit bellum

[*] Quæ duobus asteriscis comprehendimus, desunt e Codice

Bononiensi, & Neapolitano.

lum factum esse contra Jacob, & datum esse ipsum in direptionem, & vastationem, quia peccavit. Ergo bellum fuit post peccatum Oviu, non ante. Si post peccatum dicas illud bellum fuisse cæleste. Hoc stare non potest, quia Satan non pugnasset contra sibi consentientes, & peccantes; hic autem dicitur quod contra peccantes factum est bellum; ergo non potest intelligi de bello in cælo facto illud verbum. Isaia, aut verbum Johannis.

Præterea nonne vides, quod ibi dicitur: *Nunc facta est salus, & quod projectus est Accusator, & propter sanguinem agni?* Antea ergo non erat salus ista illis, quibus facta est. Si ante sanguinem agni facta est salus Angelis, ergo non potest intelligi de bello Angelorum in patria cælesti. Fabulosum est ergo quod dicis, verba Johannis intelligi de Angelis, & de projectione eorum de cælesti Patria. Nominem ergo cæli intelligitur Ecclesia, in qua istud prælium factum est, & fiet ex parte, & fiet usque ad finem Mundi; in qua Ecclesia, & pro qua pugnat Michael, & Angeli ejus Ecclesiam adjuvando contra Draconem, & ejus Angelos. Ab isto autem cælo, idest Ecclesia projectus est Draco in terram, idest in eos, qui terrena sapiunt; Unde Johann. 12. v. 31. *Nunc Princeps hujus Mundi ejicietur foras; & Isaia 65. v. 25. Et serpenti pulvis panis ejus.* Genes. 3. v. 14. *Terram comedes omnibus diebus vitæ tuæ:* ita dicitur Serpenti. In fine etiam illius capitis Apocalypsis dicitur de Dracone, quod *stetit supra arenam maris.*

Quod autem dicitur Draconem traxisse caudam suam tertiam partem stellarum cæli, & divisisse eas super terram; hoc ideo dicitur, quia suggestionem suam fraudulenta, qua operit mala, sicut cauda, turpia, illos, qui in Ecclesia lucebant, & in cælo fixi per desiderium videbantur, ad terrenorum desiderium incurvavit, ut dicere possint cum Davide psalm. 37. v. 7. *Miser factus sum, & curvatus sum usque in finem.* Per tertiam ergo partem stellarum intelliguntur Reprobi; per duas partes Electi; quorum quidam Prælati, quidam subditi, quidam activi, quidam contemplativi 1. Corinth. 7. v. 32. *Qui sine uxore est, sollicitus est quæ Domini sunt, quomodo placeat Deo.* 33. *Qui autem cum uxore est, sollicitus est quæ sunt Mundi, quomodo placeat uxori, & divisus est.* 34. *Et mulier innupta, & virgo cogitat, quæ Domini sunt, ut sit sancta corpore & spiritu. Quæ autem nupta est, cogitat quæ sunt Mundi, quomodo placeat viro.* Uterque tamen bonus, sed alter melior; qui enim matrimonio jungit Virginem suam, bene facit; & qui non jungit melius facit, ut ibi dicitur 38.

Quod autem dicitur: *neque locus inventus est eorum amplius in cælo;* hoc etiam dicitur Matth. 16. v. 18. *Et porta Inferi non prævalebunt adversus eam.* Cujus causa ponitur Matth. ult. v. 20. *Ecce ego vobiscum sum omnibus diebus usque ad consummationem sæculi.*

Ex prædictis patet quod illud bellum Michaelis

(151) cum Dracone spirituale bellum est, non materiale. Alioquin illa occisio esset materialis, & sanguis materialis, quem dicunt effusum. Sed numquid ille sanguis Israelitarum tantum fuit, aut etiam Angelorum Satanæ? Si tantum Israelitarum, idest cælestium, quomodo audes dicere Deum Sanctum in suo regno potentissimum?

Præterea quomodo stabit quod ibi dicitur: *& projectus est accusator &c.* Si autem fuit sanguis Adversariorum; ergo Deus Sanctus, & sui etiam homicidæ sunt, & sanguinari. Eodem modo potest opponi, si effusio sanguinis ex utraque parte facta fuit.

Et quia ad hoc, quod intendunt, solent inducere illud Apocalyp. 14. v. 20. *Exivit sanguis de lacu usque ad frenos equorum,* ostendamus eos mendaces. Istud enim factum est secundum narrationem Johannis post illud bellum; hoc enim habetur Apocalyp. 14., illud autem 12.

Præterea lege illud caput 18. *Alius Angelus exivit de altari, qui habebat potestatem supra ignem: & clamavit voce magna ad eum, qui habebat falcem acutam, dicens: Mitte falcem tuam acutam, & vindemia botros vineæ terræ: quoniam maturæ sunt uvæ ejus.* 19. *Et misit Angelus falcem suam acutam in terram, & vindemiavit vineam terræ, & misit in lacum iræ Dei magnum:* 20. *Et calcatus est lacus extra Civitatem, & exivit sanguis de lacu usque ad frenos equorum per stadia mille sexcenta.* Iste Angelus habens falcem acutam bonus erat, ut patet in littera præcedenti. *Iste misit falcem suam in terram, & vindemiavit vineam terræ, & misit botros vineæ terræ in lacum iræ Dei magnum.* Si hoc in cælo factum est, botri autem vineæ sunt illi, qui nascuntur in vinea, isti ergo botri bonæ creationis sunt. Quare missi sunt in lacum iræ Dei ab Angelo Sancto? Sic enim habetur quod sanguis eorum non est effusus, nisi ab illo vel consentiente, vel faciente; sequitur enim: *Et calcatus est lacus extra Civitatem, & exivit sanguis de lacu usque ad frenos equorum.* Vel si isti botri pugnant contra Draconem, & Angelos ejus, & in illo bello effusus est eorum sanguis, non debuit ille bonus Angelus mittere eos in lacum iræ, sed misericordiæ, & gratiæ. Dic ergo mecum quod hic agitur de judicio ultimo, & ille Angelus Christus est habens falcem, idest sententiam acutam contra malos botros; & lacus est infernus calcatus extra Civitatem cælestem, & sanguinis nomine pænæ significantur non tantum equorum, idest subditorum, sed etiam frænorum, idest regentium alios, sed male; & usque ad Dæmones. Per mille, perfectissimi in malo significantur: per centum, perfectiores: per sex, perfecti.

Nunc redeamus ad testimonia, quibus pateat unum esse principium: Item Marci 12. v. 28. legitur: quod quidam Scriba interrogavit Jesum, *quod esset primum omnium mandatum.* 29. *Jesus autem respondit ei: quia primum omnium mandatum est: Audi Israel Dominus Deus tuus, Deus unus est:* 30. *& diliges Dominum Deum tuum ex toto corde tuo, & ex tota-*

(151) Bogomilii censebant verum fuisse & non allegoricum hoc bellum; quod describit Johannes, multasque fabulas comminiscuntur, ut hoc pugnae genus suo systemati aptare possent. Consuli poterit Euthymius in Panopl. Tit. xxi. Tom. xix. Bibl. PP. Lugd. pag. 221. n. vi. Verum Spiritualem esse hujusce visionis sen-

sum non Moneta modo, sed etiam plerique omnes SS. PP. continent imprimisque Gregorius Magnus lib. xxxii. Moral. cap. xiv juxta vet. Edit. Nec vero discrepant hæretici hujusce temporis. Videndi Zegerus in cap. xii. v. 13. & 4. Apoc. Grotius ad idem cap.

tota anima tua, & ex tota mente tua, & ex tota virtute tua. Hoc est primum mandatum. 31. Secundum autem simile est illi: diliges proximum tuum tamquam teipsum. Majus horum aliud mandatum non est. 32. Et ait illi Scriba: Bene Magister, in veritate dixisti, quia unus est Deus, & non est alius præter eum. 33. Et ut diligatur ex toto corde, & ex toto intellectu, & ex tota anima, & ex tota fortitudine: & diligere proximum tamquam seipsum, majus est omnibus holocaustis, & sacrificiis. 34. Jhesus autem videns quod sapienter respondisset, dixit illi: Non es longè a regno Dei; quia unum solum Deum credidit, & asseruit esse.

Præterea nonne iste Scriba erat Legisperitus? Nonne erat Legis Doctor? Utique, ut habetur Lucæ 10. v. 25. & Matth. 22. v. 35., sed constat quod nonnisi legis Moyfis, & ille docebat illam, & credebat datam a Deo; illius etiam datorem eum credebat, de quo dicitur ibi: *Andi Israel &c. Deuter. 6. v. 5.* de quo dicitur quod diligendus est *ex toto corde tuo &c.* Deus ergo veteris Testamenti est ille Deus, qui sic diligendus est: sed ille Deus, qui sic diligendus est, est ille Deus, præter quem non est Deus; ergo non est alius Deus, quam Deus veteris legis.

Præterea quando Scriba dixit quod unus est Deus, & non est alius præter eum, de quo Deo intelligebat? De alio non potest dici, quam de Deo veteris Testamenti. Sed nonne Christus dixit eum sapienter respondisse, & non esse longè a regno Dei? Si Deus veteris Testamenti esset Satan, male respondisset, & esset longè a regno Dei.

Item 1. Corinth. 8. v. 4. *Scimus, quia nihil est (152) idolum in mundo, & quod nullus est Deus, nisi unus.* Quare ergo ponis plures? Aut tu mentiris, aut Apostolus Christi.

Si autem dicat obiciens illud, quod sequitur 5. *(Siquidem sunt Dii multi, & Domini multi.)*

Respondeo. Sunt quidem Dii multi quantum ad dictum hominum carnalium; unde ibi dicit Apostolus: *Nam etsi sunt, qui dicantur Dii sive in celo, sive in terra: 6. Nobis tamen unus Deus, Pater, idest secundum nos, ex quo omnia, & nos in illum: & unus Dominus Jhesus Christus, per quem omnia, & nos per ipsum. 7. Sed non in omnibus est scientia, idest fides ista unius Dei; & Tu de illis es. Dii ergo illi dicuntur, sed non sunt Dii natura, sed opinione falsa hominum; unde ad Galat. 4. v. 8. dicitur: *Tunc quidem idest quando infideles eratis, ignorantes Deum, iis qui natura non sunt Dii, serviebatis.* Nonne simile dicitur Jerem. 2. v. 11. *Si mutavit gens Deos suos, & certè ipsi non sunt Dii: populus autem meus mutavit gloriam suam in idolum?* Unus ergo Deus natura secundum Apostolum; unde ad Ephes. 4. v. 5. & 6. *Unus Dominus, una fides, unum baptisma. Unus Deus, & Pater omnium, qui est super omnes, & per omnia, & in omnibus nobis.* Item*

1. ad Timoth. 2. v. 5. *Unus enim Deus; unus & mediator Dei, & hominum homo Christus Jhesus.*

Item Proverb. 16. v. 4. *Universa propter semetipsum operatus est Dominus: impium quoque ad diem malum. Quis est iste impius ad diem malum factus, nisi ille, de quo Habacuc 1. v. 4. Propter hoc lacerta est lex, & non pervenit usque ad finem judicium: quia impius prævalet adversus justum. Impium autem appellat Regem Chaldæorum, ut ibi habetur; de quo postea dicit Habacuc ad Dominum 12. *Domine in judicium posuisti eum: & fortem, ut corriperes, fundasti eum.* Chaldæi Dæmones sunt, & Rex Chaldæorum Princeps eorum. Ipse ergo a Deo Patre justorum & positus est, & fundatus.*

Item Sapient. 12. v. 13. ita dicitur ad Deum Patrem justorum: *Non enim est alius Deus, quam tu, cui cura est de omnibus.* Justum autem esse Deum veteris Testamenti evidenter apparet parum antea 11. v. 4. ubi dicitur: *sitierunt, & invocaverunt te, & data est illis aqua de petra altissima, & requies sitis de lapide duro.* Quis autem est iste, qui dedit eis hanc aquam? Non potes ostendere aliquo testimonio, nisi mecum dicas hunc esse Deum veteris Testamenti, ubi hoc legitur factum esse ab ipso Numer. 20., & Deuter. 8. in fine. Hoc etiam patet in psalm. 74., & in psalm. 104., ubi hoc dicitur, & historia veteris Testamenti explicatur. Præterea Job 41. v. 24. *Non est super terram potestas, quæ comparetur ei, qui factus est, ut nullum timeret. 25. Omne sublime videt, ipse est Rex super universos filios superbiæ.* Ecce, sicut tu existimas, Job loquitur de Principe Mundi. Quomodo ergo ponis eum principium per se, cum factus sit, ut dicit Job? Præterea nonne cap. 40. v. 10. loquitur de Behemoth per quem intelligitur Satan, & dicit Dominus de eo ad Job; *Ecce Behemoth, quem feci tecum, fanum quasi bos comedet?* Nonne subdit de eodem ibi dicens 14. *Ipse est principium viarum Dei, qui fecit eum, applicabit gladium ejus?* Præterea ibi dicit ad Job 20. *An extrahere poteris Leviathan hamo, & fune ligabis linguam ejus?* Iste autem est ille Leviathan, de quo dicitur Isaïæ 27. v. 1. *In die illa visitabit Dominus in gladio suo duro, & grandi, & forti, super Leviathan serpentem vestem, & super Leviathan serpentem tortuosum, & occidet cetum, qui in mari est.* De isto autem Leviathan dicit Job 41. in fine: *qui factus est, ut nullum timeret &c.* Si factus est, ergo non est unus Deus per se.

Præterea dixerat Dominus ad Job 40. v. 24. *Numquid illudes ei quasi avi, aut ligabis eum ancillis tuis?* Per quod patet, quod iste est ille, de quo dicit David secundum unam litteram: *Draco iste, quem formasti ad illudendum ei &c.*; secundum aliam litteram dicit: *Leviathan istum psalmaſti, ut illuderet ei.*

[*] Præterea Johann. 6. v. 71. dixit Christus discipulis (153) suis: *Nonne ego vos duodecim elegi: & ex*

(152) Vide Irenæum lib. 111. *Contra Hæreses* cap. vi. pag. 181. quo loco in hanc rem testimonium hoc Pauli adhibet, refellitque oppositionem Gnosticorum ita ut eam refellit Moneta. Consule supra notationes nostras

[*] Duobus asteriscis comprehensa non exstant in Codice Bononiensi.

(153) Rem hanc præclare exequitur Didymus lib. *Contra Machiæos* pag. 211. *Ac Iudam, inquit, cum homo aliqui esset, diabolus Dominus nominavit, non propter substantiam, sed pro-*

pter voluntatem, cum numerans Judam in discipulis dixit eis: Nonne duodecim vos elegi, & unus ex vobis diabolus est? Et subiungit Evangelista: hoc autem dixit de Juda, qui eum proditorus erat. Si enim propter futuram electionem diabolus vocatus est, non jam tunc diabolus erat, quando cum omnibus electus est. Electus enim cum omnibus est propter virtutem, quæ tunc in eo erat; tunc autem appellatus est diabolus; quando, quæ ad prodicionem spectabant operabatur. &c.

¶ *ex vobis unus Diabolus est?* De qua creatione erant isti? de creatione mala secundum te, quia Diabolus erat. Quare ergo eum elegit, cum non possit salvari? Si dicas ut traderet eum; ergo erat consentiens peccato ejus, & particeps peccati illius; si quis enim aliquem elegit ex certa scientia ad aliquod scelus faciendum, particeps est illius.

Præterea quomodo confidet in eo Christus, si alterius creationis erat, & vere Diabolus; legitur enim in psalmo 40. v. 10. *Etenim homo pacis meæ, in quo speravi: qui edebat panes meos, magnificavit super me supplantationem?* [*]

Item. Ad Rom. 1. v. 25. Apostolus arguens vitia Gentilium ait de ipsis: *Qui commutaverunt veritatem Dei in mendacium; & coluerunt, & servierunt creaturæ potius, quam Creatori, qui est benedictus in sæcula.* Si duo essent Dii Creatores, quicumque fervit, vel servit isti, vel servit illi. Et non dixisset Apostolus: *Servierunt creaturæ potius, quam Creatori, qui est benedictus in sæcula;* Sed potius dixisset: *servierunt Creatori, qui est maledictus in sæcula.* De hoc arguebat Gentiles, quod Creatore benedicto neglecto converterant se ad servitium creaturæ ejus. Sed ipsi non serviebant nisi Satanæ, aut istis visibilibus, ergo tam Satan, quam ista visibilia creaturæ Dei boni sunt. Quibus autem creaturis fervirent, habetur Actor. 14. v. 11. quod Jovi, & Mercurio; unde ibi dicit Paulus, & Barnabas 14. *Annunciantes vobis ab his vanis converti ad Deum vivum, qui fecit cælum, & terram &c.* Isti duo Planetæ visibiles sunt in cælo, a quibus dixerunt eos converti ad Deum, qui fecit eos; conditor est ergo Deus Pater justorum visibilium istorum.

Item Jacobi 2. v. 19. *Tu credis quoniam unus est Deus: bene facis; & Dæmones credunt, & contremiscunt.* Deus Pater justorum dicit illum bene facere, qui credit unum tantum esse; ergo Tu male facis, qui credis plures.

Sed forte dices [*] quod sequitur, quia credo plures esse, credo unum esse. Male intelligis Hæretice; Jacobus enim unum dicit Deum, idest unicum solum Omnipotentem. Probo per sequentia: *& dæmones credunt, & contremiscunt;* credunt scilicet unum Deum esse, idest unum Omnipotentem, & contremiscunt de eo, quod non facerent, si suus, quem falso ponis, omnipotens crederetur ab eis.

Item 1. ad Timoth. 1. v. 17. *Regi autem sæculorum immortalī, invisibili, soli Deo honor, & gloria in sæcula sæculorum.* Nullus ergo alius est Deus. Nonne vides quid dicat David ad ipsum psalm. 144. v. 13. *Regnum tuum regnum omnium sæculorum: & dominatio tua in omni generatione, & generationem?* Ergo Satan nusquam habuit regnum aliquod, vel si habuit, Deo Sancto, & justo permittente; quod etiam patet per illud, quod dicit Apostolus 1. ad Timoth. 6. v. 13. *Præcipio tibi coram Deo, qui vivificat omnia, & Christo Jesu, qui testimonium reddidit sub Pontio Pilato, bonam confessionem: 14. ut serves mandatum sine macula, irreprehensibile usque in Adventum Domini nostri Jesu Christi, 15. quem suis temporibus ostendet beatus, & solus potens, Rex Regum, & Dominus Dominantium: 16. qui*

solus habet immortalitatem. Ecce quod dicit Paulus quoniam ipse solus est, & potens. Hoc autem dupliciter: vel quia ex se, non ex alio habet posse ipse solus. Unde Diabolus nullum habet posse etiam nocendi, ut patet Matth. 9. v. 33., ut jam dicam nil ex ipso, licet ille male utatur arbitrio voluntatis suæ. Vel solus Deus bonus potens est potentia universalī; unde David: *Et dominatio tua in omni generatione, & generationem;* idest in generatione visibili, & invisibili: Ad Coloss. 1. v. 16. *In ipso condita sunt universa in cælis, & in terra, visibilia, & invisibilia &c.* Cum igitur ipse solus sit Omnipotens, quare audes alium dicere Omnipotentem? Si enim dicas quod ipse in sua generatione Omnipotens est, hoc patet esse falsum in porcis, quorum potestatem non habuit, nisi quando Christus sibi concessit.

Præterea patet idem in Job, in cujus rebus non habuit potestatem, nisi Domino concedente; unde & Sathan dixit ei: 1. v. 11. *Extende paululum manum tuam &c.*; item nec in anima Job, idest corporali vita ejus; unde hoc præceptum accepit a Deo Satan: 2. v. 6. *Verumtamen animam illius serva* idest vitam sic enim sumitur juxta illud Actor. 20. v. 24. *nec facio animam meam pretiosorem, quam me.* Istud etiam patebit in capitulo de origine primi mali.

Præterea dicit Apostolus quod solus Deus habet immortalitatem; ergo alius Deus, quem ponis, non est immortalis, ergo est mortalis; potest igitur mori, ergo non est Deus.

Istud etiam patet Apocalypf. 9. v. 3. ubi dicitur quod *de fumo putei exierunt locustæ in terram, & data est illis potestas, sicut habent potestatem scorpiones terræ.* A quo autem sit eis data potestas patet per id, quod sequitur 4. *& præceptum est illis ne laderent fanum terræ, neque omne viride, neque omnem arborem: nisi tantum homines, qui non habent signum Dei in frontibus suis.* Istud autem præceptum non faceret Satan; sed hoc fecit Angelus, Apocalypf. 7. v. 2., *ascendens ab ortu solis, qui clamavit voce magna quatuor Angelis, quibus datum est nocere terræ, & mari, 3. dicens: Nolite nocere terræ, & mari, neque arboribus, quoadusque signemus servos Dei nostri in frontibus eorum.* Neque est contrarium nobis quod habetur Apocalypf. 13. v. 2., ubi dicitur quod *Draco dedit bestię habenti capita septem, & cornua decem virtutem suam, & potestatem magnam:* Draco enim potestatem ipsam accepit a Deo, ut patet Job 1., ut jam diximus.

Item nonne hoc patet Apocalypf. 1. v. 17. & 18., ubi dicitur: *Ego sum primus, & novissimus, & vivus, & fui mortuus, & ecce sum vivens in sæcula sæculorum, & habeo claves mortis, & inferni?* Lege illud, quod dicitur Apocalypf. 3. v. 7.: *Hæc dicit sanctus, & verus, qui habet clavem David: qui aperit, & nemo claudit: claudit, & nemo aperit.* Item lege illud, quod dicitur Apocalypf. 20. v. 1. quod Angelus descendit de cælo, habens *clavem abyssi, & catenam magnam in manu sua. 2. Et apprehendit Draconem, Serpentem antiquum, qui est Diabolus, & Satanas, & ligavit eum per annos mille: 3. & misit eum in abyssum, & clausit &c.* Siligatur a Deo Sancto, & solvitur ab eodem quando vult quomo-

[*] Deest fortasse τὸ esse.

[*] Vaticanus Codex hæc habet: sequitur, quod si plures credo esse. Minus castigatè.

do audes eum dicere omnipotentem in abyſſo, cum ſolus Deus, vel ejus Angelus habeat clavem abyſſi?

Item vis videre palam, quod non eſt hic omnipotens? Nonne dicitur Marci 3. v. 27. *Nemo poteſt vaſa fortis ingreſſus in domum diripere niſi prius fortem alliget, & tunc domum ejus diripiet?* Ecce quod Mundus iſte domus ejus dicitur, licet non per creationem domus ejus ſit, ut infra probabitur; ſed factus per potentiæ ſuæ exercitium contra homines. In hac autem domo ligatur a Deo; ergo non eſt hic omnipotens, ergo non eſt hic Deus.

Item quod Pater juſtorum ſolus Deus ſit, & quod Satan, ſive Diabolus ejus creatura ſit, evidens eſt per Jerem. 31. v. 10. *Qui diſperſit Iſrael, congregabit eum: & cuſtodiet eum ſicut paſtor gregem ſuum. 11. Redemit enim Dominus Jacob, & liberavit eum de manu potentioris.* Iſte potentior non eſt ille Nabuchodonofor, qui populum Dei tenebat captivum, ut habetur Jerem. 39. ? Iſte potentior, qui eſt Nabuchodonofor, eſt ipſe Diabolus ſecundum te, quem credis, quia populum Dei captivavit, & afflixit crudeliter, ut habetur in Prophetis.

Modo quero: numquid de dominio fuit Patris juſtorum? Si dicas non: contra. Legitur Jerem. 25. v. 8. *Hæc dicit Dominus exercituum: Pro eo quod non audiftis verba mea: 9. Ecce ego mittam, & aſſumam univerſas cognationes Aquilonis, ait Dominus, & Nabuchodonofor Regem Babylonis ſervum meum: & adducam eos ſuper terram iſtam.* Item Jerem. 27. v. 5. dicit Dominus: *Ego feci terram; & poſt pauca ſubdit: & dedi eam ei, qui placuit in oculis meis. 6. Et nunc itaque Ego dedi omnes terras iſtas in manu Nabuchodonofor Regis Babylonis ſervi mei.* Vides manifeſte quod ſervum ſuum eum appellat; ergo ipſe non eſt unus Deus per ſe, immo ſubjectus Deo bono.

Præterea dicit ſe feciſſe terram, & dediſſe eam ei, qui placuit in oculis ſuis. Ex quo argumentatur: & nunc itaque ego &c. Ergo Nabuchodonofor placuit Deo bono; ergo non erat naturaliter malus, vel Creator ei contrarius, vel de aliena creatione.

Præterea legitur Jerem. 27. quod comminatur Dominus illis, qui non ſubjecerint ſe jugo Regis Babylonis; illis autem, qui ſe ſubjecerint, promittit bona. Unde de primo ibi legitur *Gens autem, & regnum, quod non ſervierit Nabuchodonofor Regi Babylonis, & quicumque non curvaverit collum ſuum ſub jugo Regis Babylonis: in gladio, & in fame: & in peſte viſitabo ſuper gentem illam, ait Dominus: donec conſumam eos in manu ejus. 9. Vos ergo nolite audire Prophetas veſtros, & divinos, & ſomniatores, & Augures, & maleficos, qui dicunt vobis: Non ſervietis Regi Babylonis. 10. Quia mendacium prophetant vobis: ut longe vos faciant de terra veſtra, & ejiciant vos, & pereatis.* De ſecundo autem ſubdit 11. *Porro gens, quæ ſubjecerit cervicem ſuam ſub jugo Regis Babylonis, & ſerviet ei; dimittam eam in terra ſua, dicit Dominus: & colet eam, & habitabit in ea.* Nonne etiam vides miſer Hæretice, quod Dominus populum ſuum monet ſubjicere colla ſua ſub jugo Regis Babylonis, & ſervire ei, & populo ejus ut vivat? Ibi enim legitur 12. *Subjicite colla veſtra ſub jugo Regis Baby-*

lonis &c. Nonne etiam vides, quod Dominus per Jeremiam 21. monet populum ſuum, ut ſe tradat Regi Babylonis, & Chaldæis, qui obſidebant ipſum, alioquin occideretur ab ipſo? Unde 9. *Qui habitaverit in Urbe hac, morietur gladio, & fame, & peſte: qui autem egreſſus fuerit, & transfugerit ad Chaldæos, qui obſident vos, vivet, & erit ei anima ſua, quaſi ſpolium.* Cur etiam non conſideras Hæretice illud, quod ait Daniel 2. v. 37. ipſi Nabuchodonofor, qui populum Dei tenebat captivum? *Tu Rex Regum es: & Deus cæli, regnum, & fortitudinem, & imperium, & gloriam dedit tibi: 38. & omnia in quibus habitant filii hominum, & beſtiæ agri: volucres quoque cæli dedit in manu tua, & ſub ditione tua univerſa conſtituit.*

Item nonne vides quid de eodem Nabuchodonofor Daniel 3. v. 32. ait ad Dominum? *Tradidiſti nos in manibus inimicorum noſtrorum iniquorum, & peſſimorum prævaricatorumque, & Regi injuſto, & peſſimo ultra omnem terram.* In fine autem capitis legitur etiam de iſto Nabuchodonofor 95. *Et erumpens Nabuchodonofor, ait: Benedictus Deus eorum, (Sidrach videlicet, Miſach, & Abdenago) qui miſit Angelum ſuum, & eruit ſervos ſuos, qui crediderit in eum: & verbum Regis immutaverunt, & tradiderunt corpora ſua, ne ſervirent, & ne adorarent omnem Deum, excepto Deo ſuo. 96. A me ergo poſitum eſt hoc decretum, ut omnis populus, tribus, & lingua, quæcumque locuta fuerit blaſphemiam contra Deum Sidrach, Miſach, & Abdenago, diſpereat, & domus ejus vaſtetur: neque enim eſt alius Deus, qui poſſit ita ſalvare. 97. Tunc Rex promovit Sidrach, Miſach, & Abdenago in Provincia Babylonis. 98. Nabuchodonofor Rex, omnibus populis, gentibus, & linguis, qui habitant in univerſa terra, pax vobis multiplicetur. 99. Signa, & mirabilia fecit apud me Deus excelfus. Placuit ergo mihi prædicare 100. ſigna ejus, quia magna ſunt: & mirabilia ejus, quia fortia: & regnum ejus regnum ſempiternum, & poteſtas ejus in generationem, & generationem.* Illa autem numquam feciſſet Nabuchodonofor, ſi de mala creatione fuiſſet.

Item nonne etiam vides Hæretice quid Daniel dicit eidem Nabuchodonofor cap. 4. v. 24. poſt interpretationem ſomnii Regis? *Quam ob rem Rex conſilium meum placeat tibi, & peccata tua eleemoſynis redime, & iniquitates tuas miſericordiis pauperum: forſitan ignoſcet delictis tuis.* Ergo erat de creatione, & Dominio Dei boni. Item in fine ejuſdem capitis. *Nunc igitur ego Nabuchodonofor laudo, & magnifico, & glorifico Regem cæli: quia omnia opera ejus vera, & viæ ejus judicia, & gradientes in ſuperbia poteſt humiliare.* Quinto etiam capite Danielis de hoc fatiſ habetur.

Item quare non attendis Hæretice illud, quod legitur Ezech. 29. v. 18. ubi dicit Dominus Ezechieli. *Fili hominis Nabuchodonofor Rex Babylonis ſervire fecit exercitum ſuum ſervitute magna adverſus Tyrum: omne caput decalvatum, & omnis humerus depilatus eſt: & merces non eſt reddita ei, neque exercitui ejus de Tyro.* Et poſt pauca ſubdit 20. *dedi ei Terram Ægypti, pro eo quod laboraverit mihi, ait Dominus Deus.*

Si autem vis dicere istum Nabuchodonosor alium esse, scilicet de bona creatione, & alterius Babylonis Regem, scilicet Babylonis de creatione bona; confiteor quod & Rex Babylonis Nabuchodonosor, & ipsa Babylon bonæ sit creationis. Sed quod alius sit ab illo Rege Babylonis, quem inducunt Prophetæ, ego nego, nec tu potes ostendere aliquo testimonio hoc, quod dicis. Quod autem idem sit ille, de quo agitur in Veteri Testamento, & de quo agitur in Prophetis, possum ostendere manifeste. Illa enim, quæ gesta dicuntur a Nabuchodonosor per Prophetas, palam inveniuntur facta a Nabuchodonosor, qui introducit a Veteri Testamento, ut patet 4. Regum 24., & 2. Paralipom. 35. Non inveniuntur autem facta ab alio, nisi ab illo, vel ejus filio, scilicet Balthasar, ut habetur in Daniele. Sed Nabuchodonosor creatura Dei est; ergo si ipse, vel ejus filius Diabolus est, ut tu falso ponis, ipse Diabolus est creatura Dei Patris justorum.

Item aliam Babylonem non potes ostendere, nisi istam, cui ipse Nabuchodonosor præerat, qui in Veteri Testamento inducitur. Nonne Dominus per Jeremiam 29. v. 7. hortatur populum suum dicens: *Querite pacem Civitatis, ad quam transmigrare vos feci: & orate pro ea ad Dominum: quia in pace illius erit pax vobis?* Ex quo patet quod ista Babylon de creatione Dei boni erat, & pax ejus a Deo bono; ad alium enim Deum non hortaretur Propheta populum Dei orare, nec pro pace alterius Babylonis, quæ non esset de sua creatione; illa enim non esset pacis Dei boni susceptibilis.

Præterea quomodo diceret Propheta Isaias de ista Babylone 21. v. 4. *Babylon dilecta mea posita est mihi in miraculum*, nisi esset ejusdem creationis secum? De illa enim Babylone loquitur, de qua parum antea locutus fuerat, ut de ejus Rege 14. v. 4. *Sumes parabolam istam contra Regem Babylonis, & dices: quomodo cessavit exactor, quievit tributum?* Ille autem est ille, qui ut ibi habetur 13., dixit: *In cælum conscendam, super astra Dei exaltabo solium meum, sededo in monte testamenti, in lateribus Aquilonis.* 14. *Ascendam super altitudinem nubium, similis ero altissimo.*

Præterea quomodo Jerem. 51. 8. diceret Deus Angelis suis: *Ululate super eam, tollite resinam ad dolorem ejus, si forte sanetur?* Ipsi autem responderunt 9. *Curavimus Babylonem, & non est sanata, derelinquamus eam.* Certe ista non dicerent, si malæ esset creationis. De eadem etiam Babylone loquitur cum Isaiâ. Item Jerem. 51. v. 11. post illa verba: *Suscitavit Dominus spiritum Regum Medorum* dicitur: *Et contra Babylonem mens ejus est ut perdat*

eam, quoniam ultio Domini est, ultio templi sui. Simile dicitur Isaiâ 15. v. 17. *Ego suscitabo super eos Medos, qui argentum non querant, nec aurum velint &c.* Item Jeremiâ 50. v. 14. *non parcatis jaculis*, (154) sive sagittis, de quibus ibi loquitur Isaias.

Quod etiam unicum principium sit, unicus Deus tantum, probari potest ex libero arbitrio; si enim liberum arbitrium habet populus Dei ad bonum, & ad malum, de necessitate ostendit unicum esse principium. Et quia de hoc dicetur inferius, cum de libero arbitrio tractabimus, ideo ad præsens hic istud prætermittimus. Istud idem palam erit, cum probatum fuerit Deum datorem Veteris Testamenti esse, Deum Patrem Christi, & omnium justorum. Sed quia istud dicetur in capitulo de Deo Veteris Testamenti, idcirco illud hic non determinamus.

Palam etiam erit, cum probatum fuerit unum, & eundem Deum esse causam rerum permanentium, & transitoriarum, invisibilium, & visibilium istarum; quod inferius determinabitur.

Idem etiam manifestum erit quando agemus de miraculis: quod faciemus circa finem hujus primæ partis.

C A P. II.

De Trinitate Personarum.

V Iso primo capitulo hujus primæ partis, nunc pertractemus secundum capitulum de Trinitate Personarum. Hæc Trinitas testificata est a lege & Prophetis. A lege; unde Genes. 1. v. 1. dicitur: *In principio creavit Deus cælum, & terram.* Nomine principii filium (1) designavit, qui ait Johannis 8. v. 25. *Principium, qui & loquor vobis.* Istud principium esse Christum patet per David, qui ad Patrem loquens ait psalm. 103. v. 24. *Omnia in sapientia fecisti: impleta est terra possessione tua. In sapientia dixit, (2) idest in filio; teste enim Apostolo 1. Corinth. 1. v. 23. Prædicamus Christum crucifixum: Judæis quidem scandalum, gentibus autem stultitiam, 24. ipsis autem vocatis Judæis, atque Græcis Christum Dei virtutem, & Dei sapientiam.* De Spiritu Sancto quoque ibidem fit mentio, ubi dicitur 2. *Spiritus Dei ferebatur super aquas.* (3) Aquarum nomine materiam designavit indistinctam adhuc per species, quas videmus, super quam materiam Spiritus Dei ferebatur; sicut spiritus alicujus Artificis fertur super rem, de qua vult aliquid fabricare.

E 2

Ean-

(154) Quæ testimonia ex veteri Testamento collegit Noster, idcirco a Patribus non sunt veteribus Monachis, Gnosticisque opposita; quod ab hoc genere hæreticorum Vetus Testamentum rejiceretur. Verum cum Cathari libros Prophetarum probarent, merito sine Moneta hisce testimoniis eosdem exagitavit.

(1) Ita plerique omnes Sancti Patres: quamvis enim principii vocabulo initium temporis intelligi commode posse arbitrentur, contendunt tamen Filium quoque hoc eodem nomine indigitari. Itaque, ne longus esse videar, utar hoc uno Tertulliani testimonio, quod extat lib. adv. Hermog. cap. xx. pag. 240. *Si per sophiam Dei omnia facta sunt, & cælum ergo, & terram Deus faciens in principio, idest initio, in sophia sua fecit . . . De sophia autem potuit dici in principio. In sophia enim primo fecit, in qua*

rogitando, & disponendo jam fecerat. Sophiæ autem nomine Verbum divinum, adeoque filium intelligit Tertullianus, quem consulere Lector poterit.

(2) Sunt hæc veterum Patrum, qui contra Arianos disputarunt sententiis mirifice consentanea. Consulantur S. Athanasius Oratione 1. contra Arianos pag. 424. Tom. 1. Opp. Edit. an. 1698. & Orat. II. pag. 473. & 539. & Oratione IV. pag. 620. Epist. de Decretis Synodi Nic. pag. 223. Augustinus Enarrat. in Ps. cIII. Tom. IV. col. 876. Edit. Amstel. Tractatu 1. in Johannem Tom. II. P. II. col. 216. &c.

(3) Vide Athanasium Epistola 1. ad Serapionem num. 5. Tom. 1. P. II. Oper. Edit. Paris. an. 1698. pag. 651.

Eandem etiam Trinitatem Personarum (4) David expressit, cum ait psalm. 32. v. 6.: *Verbo Domini celi firmati sunt, & spiritu oris ejus omnis virtus eorum.* Verbum Domini Filius Patris est. Idem etiam David ait psalm. 66. v. 8. *Benedicat nos Deus Deus noster, benedicat nos Deus: & metuant eum omnes fines terræ.* Ter dixit Deus, ut Trinitatem Personarum innueret; unitatem vero essentiae expressit in eis, cum dixit singulariter: *& metuant eum omnes fines terræ.* Non dixit eos. Isaias etiam cap. 6. v. 3. dicit se audisse (5) Seraphim clamantes: *Sanctus, Sanctus, Sanctus, Dominus Deus exercituum.* Ter dixit Sanctus, ut Trinitatem Personarum significaret; per hoc autem quod subdit: *Dominus Deus,* unitatem essentiae ostendit in illis.

Sed quia Cathari, qui unicum ponunt principium, his testimoniis contradicunt non recipientes legem, aut Prophetas, (6) nisi ubi volunt, ad testimonia Novi Testamenti veniamus. Matth. ultimo v. 19. Christus unitatem essentiae trium Personarum, & Trinitatem ipsarum explicavit, quando dixit: *Euntes ergo docete omnes gentes: baptizantes eos in nomine Patris, & Filii, & Spiritus Sancti.* Non dixit in nominibus, sed in nomine, ut sic ostenderet tres Personas esse unius substantiae: per nomina vero tria, quæ supposuit, tres esse Personas declaravit. Hujus etiam rei testimonium habetur expressum 1. Johannis 5. v. 7., ubi Johannes ait: *Quoniam tres sunt, qui testimonium dant in cælo: Pater, Verbum, & Spiritus Sanctus, & hi Tres unum sunt.*

His visis finem huic capitulo imponamus; istud enim plenius innotescet, cum agemus de Divinitate Filii Dei, & de Divinitate Spiritus Sancti in tertia parte hujus operis, ubi ostendemus cum Dei auxilio quod Tres Personæ sunt, Pater, Filius, & Spiritus Sanctus; consubstantiales sunt, coæternæ, & Coomnipotentes, & hujusmodi. Præterea quod unus Deus sit, & quare?

(4) Ex his, inquit Athanasius Epist. 1. ad Serap. n. 31. pag. 679. una Trinitatis efficientia esse ostenditur. Ille igitur [Spiritus] qui res creata non est, sed cum Filio non secus conjunctus est, ac ipse Filius cum Patre: qui item cum Patre, & Filio honoratur, & cum Verbo Deus agnoscitur, nec non ea ipsa agit, quæ per Verbum Pater efficit, qui res creata dici possit, nisi ab eo, qui in Filium ipsum impius fuerit? Siquidem nihil prorsus est, quod non per Verbum fiat, & agatur in spiritu: quemadmodum etiam in Psalmis canitur: Verbo Domini celi firmati sunt, & spiritu oris ejus omnis virtus eorum. Vide Ep. 11. ad eundem n. 8. pag. 689. & Orat. Athanasii ejusdem Contra Gentes n. 45. pag. 45. Tom. 1. Parte 1. & Irenæum Polycarpi Auditorem lib. 1. Contra Hæreses cap. xxii. al. xix. num. 1. pag. 98. Cyrillum Hierosolymitanum Catech. xlii. n. xxviii. pag. 196.

(5) Et cum Seraphim Deum glorificant dicentes: Sanctus, Sanctus, Sanctus Dominus Sabaoth, Patrem, & Filium, & Spiritum Sanctum glorificant. Quamobrem sicut in nomine Patris & Filii baptizamus, ita & in nomine Spiritus Sancti, & effici-mur Filii Dei non Deorum. Pater enim, & Filius, & Spiritus Sanctus, Dominus Sabaoth est. S. Athan. lib. de Incarnat. & Contra Arianos num. 10. pag. 877. seq. Tom. 1. Opp. parte II. Videtur ut eodem argumento contra Arianos utatur Athanasius, quo noster utitur contra Catharos? Adeundus idem Athanasius Epist. 1. ad Serapionem num. 5. pag. 653. & n. 11. pag. 660.

(6) Nempe Concorrenses, de quibus disserit Reynerius Sachonius. In Summa de Catharis Apud Martenium Tom. v. Thesauri Anecdotor. Hi enim non admittebant scripturas veteris testamenti; deceptis iis testimoniis quæ in novo Testamento afferuntur; quæque a Deo bono prophetis, ac Moysi revelata fuisse arbitrabantur.

(1) De Angelorum peccato fufe disserit Dionysius Petavius

Item quod sit personaliter trinus; & quare tres Personæ sunt, & non plures, quare consubstantiales, & coomnipotentes, & coomniscientes: istud ostensum est in sermone facto super illo verbo Ecclesiastici 43. v. 4. *Tripticiter sol exurens montes, radios igneos exsufflans, & refulgens radiis suis obcæcat oculos.*

C A P. III.

Unde malum habeat ortum.

EX Divinis Scripturis evidenter apparet, quod cælestes Creaturæ, quas (1) solemus Angelos appellare, peccaverunt in cælo; sed unde habuerit peccatum istud originem diversimode judicatur. A quibusdam dicitur quod peccatum eorum ex libero ipsorum arbitrio ortum est: quod credimus asserentes eos in libero arbitrio conditos esse a Deo, sicut in sequentibus probabitur.

Alii autem duo principia (2) asserentes, dicunt quod non processit ex libero arbitrio ipsorum peccatum primum; non enim liberum habebant arbitrium, ut ipsi dicunt. Ponunt autem isti quod Filius mali Dei in cælum ascendit, ubi in Angelum lucis transfiguratus propter vehementem suam pulchritudinem dilectus est ab Angelis Dei, & assumptus in villicum, (3) & quasi Dominus super ipsos; qui colloquio habito cum illis sua astutia eos decepit, & ad peccandum inclinavit, & ad istam regionem traxit. Et sic ponunt quod peccatum eorum a malo principio duxit originem; sicut enim isti Hæretici testimonio Divinarum Scripturarum, & quibusdam etiam auctoritatibus naturalibus prave intellectis subversi ponunt duo Principia, sic etiam quia non vident quomodo a Bono malum esse possit, ideo quærent unde malum venerit in populum cælestem.

Ad quod dicendum quod malum potest dici ipsa malitia, sicut album quandoque dicitur ipsa albedo, ut album est species coloris sicut dicit Aristoteles,

(4) sic

lib. 111. de Angelis cap. 1. per totum Tom. 111. Theolog. Dogmat. variasque recenset de genere sceleris ejusdem Veterum Patrum sententias. Quod vero libero arbitrio abusi ceciderint ex aliquot Patrum eorumdem locis ostendit lib. 111. cap. xi. Fuisse quidem genus quoddam Catharorum, quod libere demones lapsos fuisse diceret, innuit hoc loco Moneta. Ego autem Catharos de Concorren- zo fuisse suspicor, qui de uno principio recte sentiebant: ut ani- madvertit Acinerius Sachonus l. c. pag. 4773.

(2) Nempe Albanenses, qui Johanni de Lugio parebant. Consulitor Reinerius Sachonus ibid. pag. 1771.

(3) Mutuati sunt quidem hoc erroris genus a Bogomiliis Cathari Albanenses. Quamvis enim Cathari mali principii Filium necessitatem intulisse Angelis affirmarent, contra vero Bogomilii boni Dei filium majorem natu Satanaelem hujusce sceleris auctorem fuisse contenderent, in reliquis tamen ridicula hujus narrationis partibus mirifice Bogomiliis cum Albanensibus conveniebat. Præstat audire Euthymium Zigabenum, qui Titulo xxiii. Panoplie P. 11. cap. vi. pag. 221. Tom. xix. Biblioth. Patrum Editionis Lugduncensis, hæc habet: Dicunt [Bogomilii] demonem, qui a Salvatore appellatus est Satanas, filium esse ipsum quoque Dei Patris, & vocari Satanael, & filio Verbo natu majorem esse, præstantioremque, utpote primogenitum: fratres igitur esse sed Satanael domus esse procuratorem, & secundas post Patrem partes obtinere, eundemque stola, & habitu indutum esse, & ad ejus dexteram confidere in folio, & secundam habere dignitatem. Qua quidem ebrium, stulteqque sublatum, de defectione cogitasse, arreptaque quondam occasione ministras tentasse potestates, ut excusso ministrarii iugo se sequerentur, & secum in Patrem conjungerent. Et ad istiusmodi nugas confirmandas ex Luca Evangelio parabolam afferunt Villici iniquitatis, qui debita minuit debitoribus.

(4) sic malum sonat in qualitatem. Dicitur etiam malum ipsas pœnas, & sic sonat in passionem. Dicitur etiam malum actus malus, & sic sonat in actionem. [*] Cum tribus istis modis dicatur malum, de quolibet illorum intelligi potest illud, quod dicit Augustinus. (5) Malum est privatio speciei, modi, & ordinis. De malo secundum quod sumitur qualitative manifestum est; malitia enim non est nisi privatio istorum trium. De malo autem actu verum est quia est privatio illorum trium, idest causa privationis eorum, malum autem pœnæ dicitur privatio eorum, quia sequela est privationis eorum. Speciem appellat (6) Augustinus perspicacitatem naturalium bonorum. Modum appellat potestatem comparatam ad actum debitum, cujus diminutio dicitur modi privatio. Ordinem appellat quamdam naturalem tendentiam in Deum, quæ aliquando dicitur ab Augustino: amor boni, & acceptio veri animæ naturaliter insita, cujus tendentiæ inflexio ad creaturas dicitur privatio ordinis. Potest tamen dici quod idem in essentia est species, modus, & ordo, sed ratione differunt; bonitas enim Naturalium animæ dicitur species comparata ad animam, quia facit eam speciosam; comparata autem ad opus dicitur modus, quia modificat illud; comparata verò ad finem operis, idest ad Deum dicitur ordo, quia similiter ordinat opus ad Deum. Nunc respondeamus quæstioni Hæretici dicentis quod [*] Si in quæstione præmissa unde venerit primum malum in populum Dei, ipse sumit malum pro malitia, respondendum (7) est ei, sicut Sanctus Anselmus de casu Diaboli cap. 27. respondit cuidam Discipulo interroganti unde venit nihil in aliquid. Quam quæstionem oportet eum solvere, sicut Discipulus S. Anselmi fecit. Nihil nec venit, nec recedit. Quo dicto dicemus ei: cur ergo quæris unde venit malitia in populum Dei, cum malitia nihil sit? Sicut enim silentium (8) nihil est, nisi privatio pura, & absentia soni ubi esse deberet; & sicut quies nihil est nisi privatio pura, & absentia motus, ubi aptus est esse; & sicut cæcitas est absentia visus, ubi esse potest de natura; & sicut tenebræ dicuntur videri eo quod non percipitur lux ubi apta est esse; & sicut silentium dicitur audiri, quia non percipitur sonus loquelæ alicujus; ita pariter sicut injustitia, vel malitia improprie dicitur esse, ita improprie dicitur agere. Unde cum dicitur quod injustitia facit rapinam, & cæcitas facit cæcum cadere in foveam, non ideo dicitur quod injustitia, vel cæcitas proprie aliquid faciat, sed per accidens, idest quia si justitia esset in voluntate, & visus in oculo, nec rapina fieret, nec casus

in foveam. Tale enim est istud, quale cum dicimus: absentia gubernaculi, impellit navem in scopulos, & absentia fræni facit equum discurrere. Quod non est aliud dicere, nisi quod si gubernaculum adesset navi, & frænum æquo, nec venti navem impellerent, nec equus discurreret; sicut enim gubernaculo regitur navis, & æquus fræno, sic justitia gubernatur voluntas hominis, & pedes visu. Ita etiam malitia, vel injustitia non est nisi privatio, sive absentia bonitatis, vel justitiæ ubi esse deberet. Improprie ergo dicitur esse injustitia, vel malitia, quia scilicet justitia, vel bonitas non est ubi esse debet.

Si autem quærat Hæreticus utrum Deus fuerit auctor istius malitiæ, vel injustitiæ, dico quod non proprie, & per se loquendo; per accidens autem sic. Cum enim una sit causa in omnibus, quæ opponuntur, ut privatio, & habitus, necesse est bonum, & malum sive bonitatem, & malitiam eandem habere causam; unde cum Dominus sit causa bonitatis, est etiam causa malitiæ, sed per accidens, non per se loquendo, ideo scilicet, quia est causa boni, quo non existente non posset privari. Unde D. Dionysius 4. (9) de divinis nominibus post medium: tenetur autem & ipsum malum boni participatione, & substantificat sui privatione bonum; divino enim abeunte bono neque universaliter aliquid erit bonum, neque mixtum, neque ipsum malum; si enim malum imperfectum bonum est per absentiam perfectam boni & imperfectum, & perfectum bonum aberit.

Remove materialem lucem ex toto, & non erit umbra materialis. Similiter si removeas ex toto lucem spiritualement, quæ est bonitas, non erit umbra spiritualis, idest malitia. *Visitavit quidem nos oriens ex alto.* Lucæ 1. v. 78. & 79. *Illuminare his, qui in tenebris; & in umbra mortis sedent.* Secundum istum modum potest intelligi illud Amos c. 3. v. 6. *Si erit malum in civitate, quod Dominus non fecerit?* Quasi dicat: nonne vides quod ex luce materiali mediante corpore objecto fit umbra? Similiter ex luce spirituali mediante objecto alicujus inordinatæ concupiscentiæ est umbra malitiæ spiritualis. Ecce habemus unum modum, quo per accidens est malum a Deo, scilicet quia bonum ab ipso est, cujus privatio est ipsa malitia, quæ aliter esse non posset, nisi bonum fuisset.

Si autem dicat Hæreticus quod in quæstione sua unde malum venit in cælestem substantiam, ipse sumit malum pro malo actu, idest pro concupiscentia inordinata, ut malum sonet in actionem, dico quod ex libero arbitrio ipsius, & ita ex bono. Unde Beatus Augustinus (10) in libro *unde malum*, quærens quis

(4) Aristoteles in 1. Ethicor. cap. vii. & alibi sæpe.

(5) S. Augustinus lib. de Natura Boni cap. iv. col. 502. Tom. viii. Opp. Edit. an. 1683. *Quærendum est, inquit, quid sit malum, quod nihil aliud est, quam corruptio vel modi, vel speciei, vel ordinis naturalis.*

(6) Colligit hæc speciei, modi, Ordinisque definitiones ex eodem Augustini libro Moneta. Neque enim ad Verbum in Augustini operibus exstant.

[*] Quæ duobus asteriscis comprehensa vides desunt e Neapol. Cod. exstantque in Var.

(7) De Casu Diaboli cap. xxvii. pag. 73. seq. Edit. an. 1675. D. Unde . . . venit malum . . . in Angelum? Mag. Dic tu mihi unde venit nihil in aliquid? Disc. Nihil nec venit, nec recedit, Mag. Cur ergo quæris unde venit injustitia, quæ nihil est?

(8) Hoc responsi genere usi etiam sunt, qui contra Manichæos disputarunt Patres. Vide Titum Bostrensem lib. ii. pag. 115. Augustinum lib. Contra Epistolam Manichæi cap. xxvii. seqq. Tom. viii. Opp. pag. 169. & Dionysium Petavium lib. vi. Theologicor. Dogmat. cap. iv. per tot. Tom. i. qui plerosque Patres affert, quibus, hæc sententiæ probata est.

(9) Lib. de Divinis nominibus cap. iv. §. xx. pag. 576. Tom. i. Opp. Edit. an. 1634.

(10) 1. Lib. de Libero Arbitrio cap. i. in quo quærit Unde sit malum? Sunt autem Augustini verba hujusmodi: *Non unus aliquis est, sed quisque malus sui malefacti auctor est.* Quæ vero Moneta aliquanto interius adfert ex Augustino, exstant perinde lib. i. cap. i. de lib. Arb. col. 569. Tom. i. Confule lib. lxxxiii. Quæst. xxi. col. 6. Tom. vi. Opp.

quis sit auctor istius mali, respondet: *non unus aliquis auctor est, sed quod quisque male operans sui malefacti auctor est* propria arbitrii libertate; unde dicit Augustinus: *Malefacta Dei iustitia vindicantur, nec iuste vindicarentur, nisi fierent voluntate.*

Dico ergo quod cælestium substantiarum populus ideo malum fecit, quia voluit quod non debuit.

Si autem dicas mihi: quare voluit quod non debuit? Dico quod nulla voluntas præcessit hanc voluntatem, sed libera potestas ad eam, & suum oppositum.

Si autem dicas mihi, quod ipsa (11) potestas a Deo bono erat, & bona erat, nihilque mali in ipsa erat: quomodo ergo ex ea malum est?

Respondeo, quoniam (12) eadem est potestas, five vis contrariorum, ut visus albi, & nigri, & sic de aliis sensibus. Similiter eadem est potentia boni, & mali. Et nonne vides quod eodem oculo potest quis bene, & male uti? similiter & eadem manu. Quare & eadem arbitrii potestate non potuit uti populus Dei & male, & bene?

Item eadem lux prodest, & obest. Eadem lingua maledicimus, & benedicimus, ut habetur Jacobi 3. v. 10. Similiter eadem liberi arbitrii potestas prodest, & obest; eadem bene, & male velle possumus, & potuit substantia cælestis; neque enim in tanta perfectione, & complemento conditæ sunt cælestes substantiæ, ut non sint susceptibles malitiæ. Potestas ergo ipsarum incompleta, & diminuta a Deo condita est. Dico ergo quod malum principium venit ex hac diminutione potentiæ in populo Dei, quæ quidem diminutio a Deo est, & bonum quid est eo modo, quo est; ergo malum ex bono est. Vis etiam hoc videre secundum tuam falsam opinionem quod necesse sit ita dicere?

Attende quoniam cælestium substantiarum quædam conditæ sunt a Deo Patre iustorum in tanto complemento, fortitudine, ac scientia, ut per Villicum iniquitatis secundum te non potuerint inclinari ad malum, sicut dicere consuevisti; quædam autem non sunt conditæ a Deo tam completæ, immo diminutæ in prædictis bonis. Ista diminutio, si aliquid est, & eo modo, quo est, a Patre iustorum est, & bona est. Aliter ne audes dicere? Ex hac diminutione potuerunt inclinari ad malum, & inclinatæ sunt; ergo ex bono malum oportet te dicere; & si ex illo bono, ergo ex primo bono malum, quod quidem verum est, sed per accidens, falsum autem ut ostensum est modo, quia per diminutionem illam, in qua condita est potentia liberi arbitrii, etiam ipsum liberum arbitrium non secundum id, quod est, sed secundum quod diminutum prædicto modo efficit malum; unde (13) Augustinus dicit, quod malum non habet causam efficientem; sed deficientem; causa enim ejus non est Deus, vel

potentia liberi arbitrii, nisi per defectum aliquem, five diminutionem, sicut & Deus. Iste est secundus modus, quo dicitur malum a Deo esse per accidens, quia per bonum, quo non existente omnino non posset privari bono: quod idem est quod malum fieri, sicut idem est tenebras videri, & lucem non percipi, ubi nata est esse.

Et notandum quod cum Augustinus dicit, (14) quod mali actus non unus aliquis auctor est, ipse loquitur per se, & proprie; per accidens enim loquendo Deus ipse auctor est, & causa mali.

Fuit autem causa mali tertio modo; sicut enim dicitur quod pulchritudo Mulieris est causa quare aliquis eam concupiscit, ita etiam excellentia creatoris gloriosi, & sublimis fuit causa primæ iniquitatis. Considerans enim se Satan aliis cælestibus creaturis celsiorem, & sibi solam Divinam Potentiam superesse, in ambitionem æqualitatis Divinæ Dominationis prorupit; *sed mentita est iniquitas sibi*. Et cum non potuerit esse Deo æqualis potestatis æqualitate, factus est illi dissimilis operationis contrarietate. Et licet sciret se non posse Deo æquare, tamen illud cupivit, quia uti dicit Augustinus, & verum est: Ambitiosa voluntas non quid possit, sed quid velit attendit. Et sicut magnitudo revelationum, quæ bona erat, & a Deo, poterat extollere Paulum; unde & ait 2. Corinth. 12. v. 7. *Ne magnitudo revelationum extollat me, datus est mihi stimulus carnis meæ Angelus Satana, qui me colaphizet*; ita etiam magnitudo, in qua conditus est Satan, ipsum extulit. Bonum ergo causa mali fuit. Quod si esse non posset, Paulus non dixisset: *ne magnitudo &c.*

Vis autem videre quod ex bono potest esse malum? Attende illud, quod dicit idem Paulus 1. Corinth. 11. v. 29. de Corpore Domini, & Calice ejus. *Qui enim manducat, & bibit indigne, judicium sibi manducat, & bibit*. Nonne vides etiam quod idem Apostolus ait 2. Corinth. 2. v. 15. *Christi bonus odor sumus Deo in iis, qui salvi sunt, & in iis, qui pereunt*: 16. *aliis quidem odor mortis in mortem: aliis autem odor vitæ in vitam*? Item ad Rom. 7. v. 7. ubi agit de hoc mandato: *non concupisces*: dicit Apostolus: *Sed peccatum non cognovi, nisi per legem: nam concupiscentiam nesciebam, nisi lex diceret: non concupisces*. Ecce quod illud mandatum datum causa est boni, scilicet scientiæ, quod concupiscentia sit peccatum. Postea dicit 9. *Cum venisset mandatum, peccatum revixit*. 10. *Ego autem mortuus sum: & inventum esse mihi mandatum, quod erat ad vitam, hoc est ad mortem*. Et ita bonum, scilicet mandatum istud, est occasio mali. Ex bono ergo est malum, & bonum, sed bonum proprie, & per se, malum autem per accidens.

Nonne etiam vides quod ait Christus Johannis 15. v. 22. *Si non venissem, (15) & locutus fuisset eis,*

(11) Simile quidpiam opponebant Catholicis Manichæi veteres. Videtis Augustinum lib. de Duabus Animabus contra Manichæos cap. viii. col. 82. Tom. viii. Opp.

(12) Consulitor Augustinus ibid. cap. x. col. 84. seq. & Titus Boetius lib. ii. contra Manichæos pag. 95.

(13) Sanctus Augustinus lib. xii. de Civitate Dei cap. vi. col. 304. & 306. & cap. ix. col. 308. Tom. vii. Opp. Mali sunt, inquit, mala propria voluntate, quam bona natura non fecit, nisi cum a bono sponte defecit, ut mali causa non sit bonum, sed defectus

a bono. Vide librum secundum de Libero Arbitrio cap. xx. col. 608. seq. Tom. i. Opp.

(14) Lib. i. de Libero Arbitrio cap. i. col. 569. Tom. i. Quod autem Augustini mentem assequutus Moneta fuerit, colligo ex lib. Contra Epistolam Manichæi cap. xl. & seq. col. 179. seq. To. viii. Opp.

(15) Adis Augustinum Epist. cxciv. al. cv. ad Sixtum cap. vi. n. 26. Tom. ii. Opp. Et quo ad alterum testimonium attinet, Origenem Contra Celsum lib. vii. n. 39. pag. 722. Tom. i. Opp. Edit. Monachor. S. Mauri.

eis, peccatum non haberent? Item Johannis 9. v. 39. *in iudicium ego in hunc Mundum veni: ut qui non vident videant, & qui vident cæci fiant.*

Nonne etiam vides quod ex malo est bonum? Dicit enim Apostolus ad Rom. 11. v. 11. *Illorum delicto salus est gentibus.* Nonne vides quod Christus per mortem suam destruxit eum, qui habebat mortis imperium, idest Diabolum, sive ejus potestatem in hominibus, ut dicitur ad Hebræos 2. v. 14. Mors ergo ejus causa boni fuit, & tamen malum quid fuit. Nonne vides quod dicit Apostolus 2. Corinth. 8. v. 9. *Quod Dominus noster Jesus Christus egenus factus est, ut illius inopia divites essemus?* Ergo ejus inopia temporalis causa est nostrarum divitiarum spiritualium. Ergo ex malo bonum. (16) Nonne vides quod & Apostolus dicit Actor 14. v. 21. *Quoniam per multas tribulationes oportet nos intrare in Regnum Dei?* Illas tamen tribulationes dicere esse malas.

Quod autem malum sit a Deo in his duobus sensibus, idest secundum quod sumitur pro qualitate, vel actione testimoniis Scripturarum Sacrarum potest ostendi. Dicit enim Apostolus ad Rom. 1. v. 28. *Quod tradidit Deus quosdam in reprobum sensum: ut faciant ea, quæ non conveniunt,* et alia hujusmodi. Item 24. *tradidit illos Deus in desideria cordis eorum, in immunditiam: ut contumeliis afficiant corpora sua.* Ad Rom. 11. v. 32. *Conclusit enim Deus omnia in incredulitate: ut omnium misereatur.* Item Johann. 11. & 15., ut prædiximus parum supra. Item Isaïæ 63. v. 17. dicunt Oves Dei ad eum: *Quare errare nos fecistis Domine de viis tuis: indurasti cor nostrum ne timeremus te?*

Præterea Christus elegit Judam in Apostolum: hoc fuit bonum, & tamen ex hoc multa mala fuerunt; ergo ex bono malum. Item ex ascensu villici iniquitatis in cælum, quem tu somnias, processit bonum, ut tu dicis, scilicet quia Deus manifestavit in eo potentiam suam, & ideo Dominus voluit, quod ascenderet, & ejus voluntate ascendit; ergo ex bono malum, & è converso.

§. I.

De origine mali ut est pœna & de ascensu villici in cælum.

Viso quomodo malum dicatur esse a Deo secundum quod malum sumitur qualitative, idest pro malitia; & secundum quod sumitur active, sci-

licet pro ipso malo actu, videamus de malo secundum quod sumitur passive, idest pro pœna, an, & quomodo a Deo sancto habeat esse. De hoc dicit (17) Augustinus: *Malefacta Dei justitia vindicantur.* Ad Hebræos 12. v. 6. *Quem enim diligit Dominus, castigat: flagellat autem omnem filium, quem recipit.* Et quia de hoc dicemus in quarta parte hujus operis, quando loquemur de iudicio, 3. scilicet capitulo; ideo huc breviter pertransimus redeunt ad id, quod proposuimus, scilicet ad ostendendum falsam esse eorum sententiam de origine primi mali in populo Dei boni per ascensum villici iniquitatis. Errorem igitur ipsorum detegere non nostris viribus, sed Dei adjutorio cupientes.

Primo inquiremus unde habent quod in cælum ascenderit? (18)

Secundo utrum de voluntate, & conscientia Dei boni ascenderit?

Tertio an peccatum Angelorum cælestium præcesserit ascensum Filii mali Dei in cælum (19) vel ejus cum ipsis colloquium, an e converso?

Quarto quis fecit eum villicum iniquitatis?

Quod ascenderit volunt probare per illud Isaïæ 14. v. 13. quod dicitur (20) de Rege Babylonis, quem credunt fuisse illum villicum, qui dicit: *in cælum conscendam, super astra Dei exaltabo solium meum, sededo in monte testamenti, in lateribus Aquilonis. 14. Ascendam super altitudinem nubium, similis ero altissimo.* Si dixit in cælum conscendam, erat ergo infra cælum, ergo in terra.

Ad hoc autem dicimus, quod Rex Babylonis, de quo ibi agitur quantum ad Historiam, & litteralem sensum, ibi non dicitur ipse Diabolus, sed Rex Babylonis; ibi enim agitur de civitate Babylonis subvertenda per Medos, ut habetur parum ante Isaïæ 13. v. 17. *Ecce ego suscitabo super eos Medos, qui argentum non querant, nec aurum velint: 18. sed sagittis parvulos interficient, & lactantibus uteris non miserebuntur, & super filios non parcat oculus eorum.* Postea dicitur. 19. *Et erit Babylon illa gloriosa in regnis, incluta superbia Chaldeorum: sicut subvertit Dominus Sodomam, & Gomorram. 20. Non habitabitur usque in finem, & non fundabitur usque ad generationem, & generationem: nec ponet ibi tentoria Arabs, nec pastores requiescent ibi. 21. Sed requiescent ibi bestiae, & replebuntur domus eorum draconibus: & habitabunt ibi Struthiones, & pilosi saltabunt ibi: 22. & respondebunt ibi ululæ in adibus ejus, & sirenes in delubris voluptatis. 14. v. 1. Prope est ut veniat tem-*

(16) Confule Augustinum lib. xiv. de Civit. Dei cap. xxvii. Tom. vii. Opp.

(17) Vide Notam 14. in hoc cap.

(18) Sunt hæc ex Manetis fabulis hausta; quamvis non omni ex parte illis respondeant. Manichæi namque, auctore Theodorito lib. 1. Hæret. Fabul. cap. xxvi. pag. 213. Tom. iv. Opp. Edit. an. 1642. diabolum modo principem Materiæ, modo materiam appellabant. Materiam porro vim fecisse aiebant, ascendisseque in supera loca. miratam autem Deimajestatem, constituisse, expulso Deo, illum sibi principatum parare. Itaque Deum lucis tam immane scelus iniquo animo passum fuisse, voluisseque in materiam animadvertere. Sed mali copiam, quo ipsam punire posset, non habuisse, quippe cum malum in Dei domo nullum exstet. Ergo misisse subdebant, virtutem quandam, quam nos appellamus animam; quæ pars sit Dei. &c. Adeundi Theodorit. ibid. pag. 212. Alexander Lycopolites lib. de Placitis Manichaor. pag. 4. apud Combessium Tom. 1. Auctar. Biblioth. PP. Parte 11. Rem hanc paullo aliter describit

Tyrbo apud Archelaum Disp. Cum Manete n. viii. pag. 10. magisque ad Catharorum sententiam accommodate. Confule quoque Augustinum lib. de Vera Religione cap. x. Tom. viii. Opp.

(19) Est hic error proprius Albanensium Catharorum, qui Balasianæ placitis addicti erant, atque ex prave intellecta Johannis Evangelistæ doctrina cap. xii. Apocalyps. v. 7. pugnam hanc confinxerunt Cathari Albanenses. Quod autem aiebant Cathari, ut paulo post initium hujusce operis animadvertit Moneta; fraudulento diaboli colloquio animas cecidisse, illigatasque fuisse corporibus; simile est ejus, quod refert de Apelle Tertullianus lib. de Anima cap. xxiii. Apelles, inquit, sollicitatus refert animas terrenis agris de supercalcestribus sedibus ab igneo Angelo [malo] qui exinde illis peccatricem circumfinxerint carnem.

(20) Hoc ipso argumento abutebantur Bogomilii apud Euthymium Parte 11. Panopliæ Tit. xxiii. pag. 221. Tom. xix. Bibl. PP. Edit. Lugd.

tempus ejus ; idest captivitas Babylonis , ubi populus Judæorum captivus liberandus erat , & destructa Babylone in terram suam revocandus , ut ibi dicitur : *miserebi tur enim Dominus Jacob* . Nonne ibi dicitur 2. *Et erunt capientes eos , qui se ceperant , & subiicient exactores suos* ? Nonne ibi dicitur parum ante , quod Jacob , & Israel *super terram Domini in servos , & ancillas* ? Hoc autem de Dæmonibus non potest intelligi . Nonne ibi dicitur . 3. *Et erit in die illa : cum requiem dederit tibi Deus a labore tuo , & a concussione tua , & a servitute dura , qua ante servisti* ? Postea sequitur 4. *Sumes parabolam istam contra Regem Babylonis , & dices : quomodo cessavit exactor , quievit tributum* ? Item . 12. *Quomodo cecidisti de cælo Lucifer , qui mane oriebaris* ? Id est de altitudine regni sui . Dicitur autem *Lucifer* Nabuchodonosor , quia aliis regibus gloriosior fuit , sicut *Lucifer* aliis Angelis .

Præterea . Dato quod per *Luciferum* Diabolus intelligatur , quoad litteram tamen facile est respondere Hæretico . Dico enim falsum esse quod dixit : *in cælum conscendam , &c.* Nonne vides Hæretice quod postrema ejus verba falsa sunt : *Similis ero Altissimo* ? Si hic confiteris eum esse mendacem , quare in primis eum dicis veritatis assertorem ?

Præterea nonne dicitur Johannis 8. v. 44. quod ipse *mendax est , & pater ejus* ? Nonne Christus dixit ibi quod *in veritate non stetit , & quod non est veritas in eo* ? Et tu dicis , quod verax est , & veritas est in eo dicendo : *in cælum conscendam , &c.* Nonne in hoc ostendis te Antichristum esse , vel ejus membrum .

Præterea detur quod verum dixerit . Aut ex se , aut ex bono spiritu ? Si ex bono spiritu ; bonus ergo spiritus faciebat eum dicere hoc , bonus ergo spiritus loquebatur per ipsum ; quod incredibile est , si ejus creatura non est . Præterea dicere in corde quod in cælum ascenderet , est proponere illud . Numquid istud propositum habebat a spiritu bono ? Non diceres hoc . Ergo non dixit illud a bono spiritu . Si ex seipso ; ergo dicebat mendacium ; ut enim dicit Christus Johannis 8. v. 44. *cum loquitur mendacium , ex propriis loquitur* .

Si autem dicas mihi quod aliquando invenitur Diabolum verum dixisse , hoc mihi non nocet , quia dico eum creaturam Dei boni , & bonum esse secundum suam naturam , licet malus sit secundum voluntatem suam pravam . Cum ergo sua creatura sit , & bonum quid , ut diximus , secundum suam substantiam , non est incredibile quod Deus loquatur per ipsum aliquod verum . At tunc non loquitur ex propriis , & veritas etiam in ipso non est ab ipso . Nam etiam bonum , quod dicebat , vel faciebat Christus , a seipso non dicebat , vel faciebat , sed a Patre . Nec mirum , quia nec a se erat , sed ab ipso . Propter hoc dicit ipse Johannis 8. v. 28. *A me ipso facio nihil* . Item Johannis 14. v. 10. *Verba , quæ ego loquor vobis , a me ipso non loquor* .

HÆR. Ad idem inducunt istud testimonium , scilicet ad probandum quod ascenderit in cælum ad populum

Dei captivandum : dicitur enim in principio Abdiæ 4. ad Edom , qui etiam ibi Esau appellatur , *si exaltatus fueris ut aquila , & si inter sydera posueris nidum tuum : inde detrahā te* .

CATH. Sed contra hoc sic objicitur . Nonne ista sunt verba Dei boni ? Utique . Quomodo ergo dicit : *inde detrahā te* , cum detrahēre idem sit quod deorsum trahere ? Sic ergo videtur quod bonus Deus deorsum esset , & ille sursum .

Si dicas quod per alios dicat se inde eum trahere .

Contra hoc sic dico . Si inde detraxit eum , idest Edom , quod tamen non est verum , constat quod inde non corrui , nisi per bonos Angelos pugnantē adversus malos , ut dicis , & testimonium ad hoc inducere consuevisti Apocalypsis 12. v. 7. *factum est prælium , &c.* licet hoc testimonium non sit pro te , ut postea ostendetur . Sed detur hoc ad præsens disputationis causa . Si hoc est , quod Deus per bonos Angelos de cælo traxerit eum , ergo ipse erat supra in cælo , & ille infra ; quod est contra auctoritatem Apocalypf. , ubi dicitur quod *factum est prælium magnum in cælo , &c.* Relinquitur ergo quod totum istud , quod Abdiās dicit , factum sit in hoc Mundo .

Præterea non dicit quod in cælum ascenderit , sed *si exaltatus , &c.* quasi dicat posito quod ita sit , quamvis non sit verum . Ergo per Abdiam non habes quod ascenderit in cælum .

Præterea nonne ibi dicitur 10. *Propter interfec-tionem , & propter iniquitatem in fratrem tuum Jacob , operiet te confusio , & peribis in æternum* ? Ista prophetia ex parte facta erat , quia iniquitatem exercuerat in Fratrem , ut dicit ibi Abdiās , non in hoc mundo , quia ante hujus mundi constitutionem ; ergo Edom antequam hic esset , in carne erat Frater Jacob ; ergo ab eodem cum Jacob , sed Jacob a Deo bono , ergo & Edom .

Præterea ista prophetia in cælo facta (21) est secundum te , & ibi dicitur quod Edom Frater Jacob est : de præsentī , vel de præterito ? Quomodo ergo dicis quod filius Dei mali , quem villicum iniquitatis appellas , ibi dicatur Edom , cum Frater Jacob dicatur , & ab eodem cum Jacob in ipso cælo secundum te ?

Præterea nonne dicit : *operiet te confusio* ? Quomodo hoc , cum semper opertus sit confusione ? Sic ergo videtur per misericordias Domini , quod aliquando non fuerit opertus confusione .

Præterea quomodo dicit : *& peribis in æternum* ? Si enim malæ naturæ esset , & malæ creationis , quomodo peribit ? Sic ergo videtur quod aliquando non perierit . Præterea multa ibi alia sunt , quæ non possunt stare secundum intellectum istorum Hæreticorum .

HÆR. Ad idem inducunt illud , quod habetur Lucæ 10. v. 15. *Et tu Capharnaum usque ad cælum exaltata , usque ad infernum demergeris* . Et per Capharnaum intelligunt societatem Dæmonum quos in cælum ascendisse ponunt propter hoc , quod hic dicit Christus .

CATH. Ad

(21) Nempe juxta atque quidam Cathari arbitrabantur ; qui in alio mundo , quem spiritualement , atque celestem esse censēbant , prophetas oracula sua fuisse jactabant . Erant autem hi e schola Johan-

nis de Lugio , qui Catharis Albanensibus veluti filius major præerat ; ut Sachonus l.c. memoriæ prodidit .

CATH. Ad hoc sic respondeo . Nomine cæli hic intelligitur altitudo summa honoris mundani per figuram, quæ dicitur transumptio, quæ accidit quando una vox transfertur ab una significatione ad aliam per aliquam similitudinem; quæ figura sæpe invenitur in Sacra Scriptura; unde Johannis 15. v. 5. dixit Christus: *Ego sum vitis, vos palmites*. Quam similitudinem jam exposuerat dicens 4.: *Sicut palmes non potest ferre fructum a semetipso, nisi manserit in vite: sic nec vos, nisi in me manseritis*. Similiter cælum prædictam altitudinem significat; nec mirum, quia cælum inter corporalia altissimum est. Vult ergo dicere Christus, quod summus honor mundi, & summa potentia non valebit ei, quin in Infernum demergatur. Potest etiam dici, quod hyperbolice loquitur; hæc enim figura Hyperbolis frequens est in scripturis. Est autem Hyperbole, ut dicit Donatus in libro suo, qui Barbarissimus vocatur, [*] excelsitas sermonis fidem excedens. Nonne legitur in principio Deuteronomii cap. 1. v. 28. quod Filii Israel dixerunt. *Quo ascendemus? Nuncii terruerunt cor nostrum, dicentes: maxima multitudo est, & nobis statura procerior: urbes magnæ, & ad cælum usque munitæ*? Per hoc autem volebant significare nimiam altitudinem murorum urbium illarum, & sic quod inexpugnabiles essent.

Præterea nonne Matthæi 11. v. 23. dicitur: *Et tu Capharnaum, numquid usque in cælum exaltaberis? Usque in infernum descendens. Quia si in Sodomis facta fuissent virtutes, quæ facta sunt in te, forte mansissent usque in hanc diem*. Si ita est, ut dicis, quod Capharnaum turba sit Dæmonum, quos ponis naturaliter malos, quare fecit Christus virtutes in eis, cum non possent converti ad Deum sanctum.

HER. Ad idem inducunt illud, quod habetur Apocalypsis 18. v. 5., ubi dicitur de Babylone: *pervenierunt peccata ejus usque ad cælum*. Et per hoc intelligere volunt, quod Dæmones usque ad cælum ascenderint. Quod intellectum non possunt probare testimonio alicujus scripturæ.

CATH. Ego autem dico quod peccata Babylonis usque ad cælum pervenisse dicuntur, quia judicium ejus ad Deum cæli pervenit. Quod autem ita sit, ut dico, habetur Jerem. 51. v. 9. *pervenit usque ad celos judicium ejus, & elevatum est usque ad nubes*. Hoc autem idem est quod Deum judicare de ea. Et quod ita sit, habetur eodem cap. Apocalypf. 18. v. 8. *fortis est Deus, qui judicabit illam*. Item ibidem 19. *una hora desolata est* 20. *Exulta super eam cælum & sancti Apostoli, & Prophetæ: quoniam judicavit Deus judicium vestrum de illa*.

HER. Ad idem inducunt illud, quod dixit David psalmo 106. v. 26. *Ascendant usque ad celos, & descendant usque ad abyssos*.

CATH. [*] Hujus solutio est, qua prius dixerat 23. *Qui descendant mare in navibus, facientes operationem in aquis multis*. 24. *Ipsi viderunt opera Domini, & mirabilia ejus in profundo*. Postea subdit 25. *Dixit, & stetit*, idest se erexit, *spiritus procellæ*, idest tempestas: *& exaltati sunt*, hoc est elevati *fluctus ejus*, id est maris materialis. Postea subdit hyper-

bolice loquendo: *Ascendant usque ad celos, & descendant usque ad abyssos: anima eorum in malis tabescebat*. 27. *Turbati sunt, & moti sunt*, idest obstupuerunt, & intremuerunt homines mare intrantes cum navibus, uti prius dixerat. Hoc autem dixit de fluctibus materialibus ad denotandam eorum magnam elevationem. Et non loquitur ibi de Dæmonibus, ut patet ex illo Deuteronomii 1. v. 28. *urbes magnæ, & ad cælum usque munitæ*. [*]

Præterea nonne dixit: *dixit, & stetit spiritus procellæ*? Quis est iste, qui hoc dixit, nisi Dominus, de quo processerat sermo? Et ne dicas quod malus est, vide quid dicat Isaia 51. v. 15. Dominus sanctus ad populum suum Israel: *Ego autem sum Dominus Deus tuus, qui conturbo mare, & intumescunt fluctus ejus*. Hoc idem patet Matth. 8. v. 23. ubi de Jesu dicitur: *Ascendente eo in naviculam, seduti sunt eum discipuli ejus*. 24. *Et ecce motus magnus, &c.* de quo habebitur infra 9. cap. de miraculis.

§. I I.

Utrum de conscientia, & voluntate Dei boni ascenderit villicus ille in cælum.

Nunc accedamus ad secundum, quod proposuimus, & quæramus utrum de conscientia, & voluntate Dei boni ascenderit. Si dicas quod ascendit Deo ignorante, ergo non est omnium cognitor; quod falsum esse apparet ex multis testimoniis scripturarum, ut patet Ecclesi. 23. v. 28. *oculi Domini multo plus lucidiores sunt super solem, circumspicientes omnes vias hominum, & profundum abyssi, & hominum corda intuentes in absconditas partes*. Etiam Danielis 13. v. 42. Sufanna condemnata ad mortem injuste exclamavit, & dixit: *Deus æterne, qui absconditorum es cognitor, qui nosti omnia antequam fiant*, 43. *tu scis quoniam falsum testimonium tulerunt contra me*. Ad Hebræos 4. v. 13. *omnia autem nuda, & aperta sunt oculis ejus*. Job 34. v. 21. *Oculi enim ejus super vias hominum, & omnes gressus eorum considerat*. 22. *Non sunt tenebræ, & non est umbra mortis, ut abscondantur ibi qui operantur iniquitatem*.

Præterea bonum fuisset quod illum cognosceret, cum ascenderit ut caveret sibi; ergo si non scivit hoc, in eo fuit defectus alicujus boni, ergo non erat summe, five perfecte bonus tunc; ergo nec modo, cum non mutaverit naturam.

Si dicatur quod ipse tum dormiebat, quando ille ascendit. Contra. Nonne dicis tu quod ante lapsum Israel quem tu ponis in cælum peccasse ante patrem justorum, jam prophetaverat David dicens psalmo 120. v. 4. *non dormitabit, neque dormiet qui custodit Israel*?

Si dicatur quod ipso sciente ascendit. Numquid potuit eum prohibere? Si non; ergo non erat omnipotens in bono, ergo nec modo, cum non mutaverit naturam. Si potuit eum prohibere, ne ascenderet, & scivit: aut voluit, aut non? Si voluit prohibere, & potuit, & scivit; ergo non ascendit. Si

F

non

[*] Quæ duobus asteriscis comprehensa sunt desunt e Cod. Bonon. & Vat.

non voluit prohibere, videtur quod ei imputandum sit, non ovibus, quæ villico consenserunt. Quia aut oves potestatem habebant resistendi sibi, aut non? Si non habebant, nec eis dare volebat tunc potestatem istam, ergo sibi, non ovibus imputandum est. Si autem potestatem habebant. Aut habebant scientiam resistendi, aut non? Si non habebant scientiam resistendi, & cavendi sibi, similiter imputandum est ei peccatum, non ovibus, quia non dedit eis scientiam cavendi. Si autem scientiam habebant cavendi sibi, & resistendi ei; ad minus tamen ad hoc voluntatem non habebant; ipse autem non dedit, nec dare eis voluit voluntatem resistendi villico; ergo imputandum est ei peccatum, non ovibus.

Si autem dicatur, quod voluntatem sibi cavendi, & ei resistendi habebant; item potentiam, & scientiam, ut dictum est; quomodo ergo ceciderunt? Nullo modo cecidissent, si potentiam, & scientiam, & voluntatem cavendi habuissent.

Præterea dicas mihi: consensit ne villico in facto suo, vel permisit? si enim consensit in malo facto ejus, dignus morte est; dicitur enim ad Rom. 1. v. 32. *Qui talia agunt, digni sunt morte: & non solum qui ea faciunt, sed etiam qui consentiunt facientibus.* Si permisit; ad quid permisit; Si dicas: ut dilataret famam suam, unde hoc habes? Dices etiam, sicut quidam eis adhærens mihi respondit, & sicut quidam Catharus scripsit illud: ad Rom. 9. v. 17. *Dicit enim scriptura Pharaoni: quia in hoc ipsum excitavi te, ut ostendam in te virtutem meam: & ut annuncietur nomen meum in universa terra.* Sunt ergo verba ista boni Dei ad Diabolum secundum te, & ipse dictus est Pharaon, sicut credis. Sed ille est Deus Veteris Testamenti, quem scriptura Exodi 9. v. 16. introducit; non enim alium, neque aliam scripturam potes ostendere, quæ alium Deum introducat loquentem Pharaoni; ergo Deus Veteris Testamenti est Deus bonus.

Præterea dilatatio famæ suæ non est condigna recompensatio suspensionis Filii ejus in cruce, & vituperiorum sibi illatorum, & afflictionum populi sui; stultissimus ergo fuit qui tam malum cambium fecit.

Præterea ex hoc non crescebat regnum ejus, neque sua, neque suorum felicitas; immo hoc accidebat, quod populus suus ducebatur captivus in terram alienam, ubi multis angustiis premeretur, & diu, & pro ipso redimendo Filius ejus suspendebatur.

Ex his, quæ diximus patet Hæreticum falsum quid ponere, cum dicit, Diabolum ascendisse in cælum, & ad peccatum inclinasse populum Dei in cælo. Ostensum est etiam, quod neque eo sciente, neque ignorante, neque volente, neque permittente ascendit.

§. III.

An peccatum ovium Israel præcesserit ascensum villici, vel e converso.

Viso an ascenderit Diabolus in cælum Deo bono sciente, vel ignorante, volente, vel permit-

tente; & ostenso quod non ascenderit, accedamus ad tertium, & discutiamus an peccatum ovium Israel præcesserit ascensum villici, vel e converso. Si dicatur quod prius fuit peccatum ovium, ergo non omne malum est a Deo malo, quem tu falso ponis. Si dicatur, quod ejus ascensus præcessit peccatum ovium.

Contra. Dicit Jeremias in Threnis 4. v. 12. *Non crediderunt reges terræ, & universi habitatores orbis, quoniam ingrederetur hostis, & inimicus per portas Jerusalem: & dicit quare intrabat 13. propter peccata prophetarum ejus, & iniquitates sacerdotum ejus, qui effuderunt in medio ejus sanguinem iustorum.* Hanc autem auctoritatem introduco, quia Hæreticus credit istud dici de Jerusalem cælesti, & de hoste, & inimico, idest Diabolo. Sed ibi dicitur, quod propter peccata eorum, quæ fecerant, ingressus est; ergo prius peccaverunt oves, quam hostis ingrederetur ad eas; ergo non fuit peccatum eorum ab eo; immo ab eis.

Item habetur Jeremiæ 25. v. 8. *Pro eo quod non audistis verba mea: 9. ecce ego mittam, & assumam universas cognationes Aquilonis, ait Dominus, & Nabuchodonosor regem Babylonis servum meum: & adducam eos super terram istam, & super habitatores ejus, & super omnes nationes, quæ in circuitu illius sunt, &c.* Ecce quod ibi dicitur post alias multas increpationes, quod prius peccaverunt, postea introductus est Nabuchodonosor, quem tu dicis villicum iniquitatis in cælo fuisse. Item Ezech. 16. v. 30. *In quo mundabo cor tuum, ait Dominus Deus; cum facias omnia hæc opera mulieris meretricis, & procacis? 31. Quia fabricasti lupanar tuum in capite omnis viæ, & excelsum tuum fecisti in omni platea: nec facta es quasi meretrix fastidio augens pretium 32. sed quasi mulier adultera quæ super virum suum inducit alienos. 33. Omnibus meretricibus dantur mercedes: tu autem dedisti mercedes cunctis amatoribus tuis, & dona donabas eis, ut intrarent ad te undique ad fornicandum tecum.* Item Danielis 3. v. 29., & sunt verba Danielis ad Dominum: *Peccavimus enim, & inique egimus recedentes a te: & deliquimus in omnibus: 30. & præcepta tua non audivimus, nec observavimus, nec fecimus sicut præceperas nobis, ut bene nobis esset. 31. Omnia ergo, quæ induxisti super nos, & universa quæ fecisti nobis, in vero judicio fecisti: 32. & tradidisti nos in manibus inimicorum nostrorum iniquorum, & pessimorum, prævaricatorumque, & regi injusto, & pessimo ultra omnem terram. Prius ergo peccaverunt oves, quam hostis eas invaderet, idest Nabuchodonosor; de hoc enim loquitur ibi; & tu ponis eum villicum iniquitatis, ut prædictum est.*

Item Isai. 5. v. 2. *Vinea facta est dilecto meo in cornu filio olei: 2. & sepivit eam; & lapides elegit ex illa plantavit eam electam, & edificavit turrim in medio ejus, & torcular extruxit in ea: & expectavit ut faceret uvas, & fecit labruscas. 3. Nunc ergo habitatores Jerusalem, & viri Juda, judicate inter me, & vineam meam. 4. Quid est quod debui ultra facere vineam meam, & non feci ei? An quod expectavi, ut faceret uvas, & fecit labruscas? 5. Et nunc ostendam vobis quid ego faciam vineam meam,*

mea : auferam sepem ejus , & erit in direptionem : diruam maceriam ejus , & erit in conculcationem . 6. Et ponam eam desertam : non putabitur , & non fodietur : & ascendent vepres , & spinæ : per quas intelligis Dæmones , falso tamen . Vide ordinem verborum quomodo Deus sepivit vineam istam Domus Israel . Dæmon expectavit , quod faceret uvas , & fecit labruscas ; propter quod Dominus sepem abstulit , maceriam destruxit : Deinde ascenderunt spinæ , & vepres super eam . Si ista de domo cælesti Israel intelliguntur , ut tu dicis , evidens est quod prius fuit ibi commissum peccatum a domo Israel , & præcessit ascensum Dæmonis .

Item Isai. 10. v. 1. *Væ qui condunt leges iniquas : & scribentes , injustitiam scripserunt : 2. ut opprimerent in judicio pauperes & vim facerent causæ humilium populi mei : ut essent viduæ præda eorum , & pupillos diriperent . 3. Quid facietis in die visitationis , & calamitatis de longe venientis ? Ad cujus confugietis auxilium ? Et ubi derelinquetis gloriam vestram , 4. ne incurvemini sub vinculo , & cum interfectis cadatis ? Super omnibus his non est aversus furor ejus , sed adhuc manus ejus extenta . 5. Væ Assur , virga furoris mei , & baculus ipse est , in manu eorum indignatio mea . 6. Ad gentem fallacem mittam eum , & contra populum furoris mei mandabo illi , ut auferat spolia , & diripiat prædam , & ponat illum in conculcationem quasi lutum platearum .* Ubi patet , quod prius peccavit Jerusalem , quam Assur contra eam veniret , per quem intelligis Dæmones . Idem etiam ostendi potest per multa testimonia Isaïæ , quæ causa brevitas dimitto .

Item Jeremiæ 8. v. 9. *Confusi sunt sapientes , perterriti , & capti sunt : verbum enim Domini projecerunt , & sapientia nulla est in eis . 10. Propterea dabo mulieres eorum exteris , agros eorum heredibus : quia a minimo usque ad maximum omnes avaritiam sequuntur : a propheta usque ad sacerdotem cuncti faciunt mendacium . 11. Et sanabant contritionem filiæ populi mei ad ignominiam , dicentes : Pax , pax : cum non esset pax . 12. Confusi sunt , quia abominationem fecerunt : quinimo confusione non sunt confusi , & erubescere nescierunt : idcirco cadent inter corruentes , in tempore visitationis suæ corruent , dicit Dominus . 13. Congregans congregabo eos , ait Dominus : non est uva in vitibus , & non sunt ficus in ficulnea , folium defluxit : & dedi eis quæ prætergressa sunt . 14. Quare sedemus ? Convenite , & ingrediamur civitatem munitam , & fileamus ibi : quia Dominus Deus noster silere nos fecit , & potum dedit nobis aquam fellis : peccavimus enim Domino . 15. Expectavimus pacem , & non erat bonum : tempus medellæ , & ecce formido . 16. A Dan auditus est fremitus equorum ejus , a voce lunnituum pugnatorum ejus commota est omnis terra . Et venerunt , & devoraverunt terram , & plenitudinem ejus : Urbem , & habitatores ejus . 17. Quia ecce ego mittam vobis serpentes regutos , quibus non est incantatio : & mordebunt vos , ait Dominus . 18. Dolor meus super dolorem , in me cor meum mærens : 19. Ecce vox clamoris filiæ populi mei de terra longinqua : numquid Dominus non est*

in Sion , aut rex ejus non est in ca ? Quare ergo me ad iracundiam concitaverunt in sculptilibus suis , & in vanitatibus alienis ? Item Jeremiæ 21. v. 8. *dicit Dominus populo suo : Ecce ego do coram vobis , &c. ut habetur in capitulo , quod Prophetæ non prophetaverunt de Jerusalem cælesti secundum litterarum intentionem .*

Nunc videamus de quarto articulo , scilicet a quo factus est Diabolus villicus in cælo super oves Domini , ut dicunt Hæretici . Si enim dicatur quod Pater justorum eum fecit villicum .

Contra . Numquid cognoscebat eum ? Utique : Quomodo ergo fecisset eum villicum suum ? Quis enim sapiens scienter faceret lupum pastorem ovium suarum ?

Præterea Deus Pater justorum sciebat eum furem ; & si venit in cælum , quod tamen falsum est . . . Sed detur modo ; sciebat tamen eum ad nihil aliud venisse , nisi ut furaretur , mactaret , & perderet . Sciebat etiam quod nihil boni potest facere , nec vult , nec velle potest ; ergo volebat , ut furaretur oves suas , & mactaret , & perderet . Sed nonne dicit Christus Matthæi 12. v. 50. *Quicumque enim fecerit voluntatem Patris mei , qui in cælis est : ipse meus frater , & soror , & mater est ?* Ergo Diabolus cum faceret tunc voluntatem Dei , erat Frater , & soror , & mater Christi . Si autem dicatur , quod non cognoscebat eum , & propter hoc non potuit sibi cavere , nonne cavere sibi fuisset bonum ? Constat quod sic . Sed non potuit sibi cavere , quia non cognoscebat eum ; ergo non erat omnipotens in bono , nec poterat esse bonum .

Præterea si nescivit sibi cavere , ergo non erat sciens omne bonum . Item ipsa ignorantia defectus boni est ; est enim defectus cognitionis ipsius villici iniquitatis , quæ cognitio bona fuisset , ut sibi cavere potuisset , ergo in Patre justorum fuit defectus alicujus boni ; ergo tunc non fuit summe bonus ; ergo nec modo , cum non mutaverit naturam suam .

Si dicatur , quod non constituit eum villicum , immo oves Israel . Contra . Ad minus habuit ratum quod oves illæ fecerunt ; si enim dicas , quod non habuit ratum , contra auctoritatem evangelii dicis hoc ; ibi enim legitur Lucæ 16. v. 1. *Homo quidam erat dives , qui habebat villicum ; ergo habebat eum pro villico , ergo villicationem illam habebat , & tenebat ab eo . Quod etiam patet per hoc , quod petit ab eo rationem villicationis , quod non faceret nisi villicationem ab eo teneret . Si habuit ratum , eodem modo opponas , ut prius .*

Præterea quomodo a Lupo petit rationem villicationis de ovibus suis ?

Præterea videtur quod Deus Pater noster , vel impotens esset , vel malevolus , vel ignarus ? impotens , si prohibere non potuit : malevolus , si noluit , cum posset , & sciret quantum malum inde venisset ; ignarus vero , si nescivit .

Præterea dicas mihi : ille Homo dives , de quo agitur in Evangelio , petiit ab eo rationem villicationis . Ergo poterat ei rationem facere , ergo poterat aliquid boni facere , ergo ejus posse non erat tantum ad malum , immo etiam ad bonum & ad malum .

Præterea nonne ipsemet dixit intra se 3. *Quid faciam: quia Dominus meus aufert a me villicationem?* Ergo ipse Villicus erat de dominio ejus, idest Dei boni.

Forte dices, quod ipse est mendax.

Contra. Nonne Christus id affirmat, ubi dicit 5. *Convocatis itaque singulis debitoribus Domini sui &c.*

Præterea cum Villicus ille inique egerit, quia oves Domini, & Patris justorum dilaceravit, numquid Pater justorum ipsum laudasset, qui de sua creatione non est, qui nihil habet laudabile, quia secundum te hoc ipsum, quod est, naturaliter malum est.

Si dicas mihi laudavit eum, non quia bene egerit, sed quia prudenter.

Contra. Nonne illa prudentia erat prudentia Mundi? Utique; sic enim dicitur ibi 8.: *Quia filii hujus seculi prudentiores filiis lucis in generatione sua sunt.* Sed nonne dicit Apostolus 1. Corinth. 3. v. 19. *Sapientia enim hujus mundi, stultitia est apud Deum?* 1. Corinth. 1. v. 20. *Nonne stultam fecit Deus sapientiam hujus mundi?* Ergo non laudasset Villicum de tali prudentia.

Præterea si dicas mihi, quod eodem modo contra me potes objicere, respondeo: non est objectio contra me aliqua, quia quoad litteræ veritatem Christus loquitur de quodam Domino, & ejus Villico seculari, & non de Patre justorum, & Principe, sicut fabularis.

C A P. IV.

De cælestibus creaturis. Quid de eis sentiant Hæretici, & unde suum errorem munire conentur.

HUjus primæ partis tertio pertractato capitulo, ad quartum accedamus, videlicet de cælestibus creaturis, an salventur. Dicunt enim isti quasdam creaturas a Deo Patre in cælesti Patria creatas peccasse, & propter peccatum suum de cælo ejectas fuisse cum Villico iniquitatis, & appellant eas quandoque animas, quandoque populum Dei, quandoque oves Israel. Animas eas dicunt a Christo nominatas Lucæ 9. v. 56. *Filius hominis non venit animas perdere, sed salvare.* Populum Dei dicunt eas appellatas in Evangelio Matthæi 1. v. 21., *Ipse enim salvum faciet populum suum a peccatis eorum.* Oves Israel appellavit eas Christus Matthæi 15. v. 24., ubi dicitur: *Non sum missus, nisi ad oves, quæ perierunt domus Israel.*

In his tamen tribus auctoritatibus non fit mentio de his, qui peccaverunt in cælo, sed de aliis, sicut patebit inferius. Istas creaturas cælestes asserunt (falso tamen) salvandas fore de necessitate, & omnes, & solas. Hunc autem errorem pessimum destruere dante Domino cupientes.

Primo, videamus unde moti sunt ad hoc dicendum.

Secundo, ostendamus quod non salvatur aliqua ex necessitate.

Tertio, quod non omnes de creatione ejus salvabuntur.

Quarto, quod illæ creaturæ, quas ponunt de cælo propter peccatum dejectas, non salvabuntur.

Quinto, utrum animæ salvandæ transeant de corpore in corpus, an non.

Sexto, contra eorum sententias ostendamus quod aliquæ creaturæ salvabuntur, quæ de illis non sunt, sicut diximus. Primo videamus unde in hunc errorem suum inciderunt.

§. I.

Occasiones errorum Hæreticorum.

UNa occasio erroris sui fuit illud, quod legitur Matth. 15. v. 24. ubi Dominus dixit cuidam mulieri Chananæ: *Non sum missus nisi ad oves, quæ perierunt domus Israel;* & per domum Israel cælum intelligunt, per oves animas a Deo creatas in cælesti Patria, ubi justitia habitat. Volunt autem habere hoc, quia Israel interpretatur vir videns Deum; Israelitæ ergo dicuntur Deum videntes. Sed ubi Dominum viderunt? Constat quod non hic. Si igitur viderunt eum, viderunt eum in cælo, ergo fuerunt in ipso, & ad illas solas salvandas missus est Christus.

Præterea hoc idem volunt habere per hoc, quod Dominus dicit per Jeremiam de præterito loquens; idem habetur Ezech. 34. v. 16. *Quod perierat requiram.* Quæ verba boni Dei sunt. Non dixit: peribit, sed perierat; quod fecit, ut dicunt, ut ostendat populum salvandum fore aliquando.

Ad hoc dico quod nulla auctoritate possunt ostendere, quod per domum Israel intelligatur cælum, & quod per oves domus Israel intelligantur illæ animæ, quas dicunt in cælo peccasse.

Præterea si de illis intelligitur, Apostoli, quibus injunctum erat a Christo Matth. 10. v. 5. *In viam gentium ne abieritis, & in Civitates Samaritanorum ne intraveritis:* 6. *Sed potius ite ad Oves, quæ perierunt domus Israel;* non cognovisset eas, aut in quibus corporibus essent, & in quibus non. Quomodo ergo fecissent illud, quod sibi Christus præceperat? Nullo modo facere potuissent illud præceptum? Nonne vides quod Ananias Actor. 9. non cognoscebat Paulum, neque putabat ipsum esse ovem, sed lupum; unde, ut habetur ibi excusabat se apud Christum ne mitteretur ad eum dicens. 13. *Domine, audi vi a multis de viro hoc, quanta mala fecerit Sanctis tuis in Jerusalem &c.*

Præterea Nicodemus non cognovisset Israelitas cælestes, quos ponis, ergo non potuisset esse Magister in Israel. Quomodo ergo dixisset ei Joannis. 3. v. 10.: *Tu es magister in Israel, & hæc ignoras?*

Præterea Dominus dixit Matth. 15. v. 24. *non sum missus &c.* Quæro: aut aliæ oves peccaverunt in cælo, quam illæ, quæ dicuntur Israel, aut non? Si non. Dicas mihi: Chananæa, & Filia ejus numquid erant de illis ovibus? Constat quod non; immo etiam a Domino canis appellatur. Quomodo salvata est per fidem suam cum Filia sua? Si dicas quod aliæ oves, quam illæ, quæ in cælo fuerunt peccaverunt, proba hoc. Unde habes istud?

Præterea nonne ipse Joannis 10. v. 16. dicit: *Alias*

Alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus Pastor? Sed quomodo potest hoc stare cum illo verbo: *non sum missus &c.*

Ad hoc dicunt, quod Israel unus Princeps in cælo erat, cujus populus periit, & ad ipsum salvandum principaliter Christus venit; secundo autem venit pro quibusdam aliis ovibus aliorum Principum, quæ de cælo per peccatum venerunt, & dicuntur populus Gentilis, pro quo salvando missus est Christus. Sed principaliter missus est pro populo Israel, & de isto populo fuit Chananæa cum Filia sua.

Quibus dicendum est, quod nullo testimonio Scripturarum hoc ostendere possunt; unde phantasia, & non rei veritas est, qua dicunt, quod Israel unus Princeps esset in cælo, cujus populus peccaverit, & quod subditi aliorum Principum in cælo peccaverint, qui dicantur populus Gentilis, vel quod Christus pro talibus salvandis principaliter, vel secundo venerit.

Præterea secundum hoc duo sunt populi Gentiles, unus cælestis, pro cuius salute Christus venit, alius non cælestis. Sed unde hoc habes?

Præterea Isaia 45. v. 17. dicitur: *Israel salvatus est in Domino salute aterna.* Ista est prophetia de præterito, & secundum te præteritum pro præterito sumendum est secundum sonum litteræ. Quomodo ergo stabit hoc quod Christus ait: *Non sum missus &c.*

Fortè dices, quod Isaia loquitur de parte populi, cum dicit: *Israel salvatus est &c.* Sed si hoc est, quod tu dicis, quomodo dicitur Ezech. 3. v. 7. *Omnis quippe domus Israel attrita fronte est, & duro corde?*

Dicamus ergo nos, quod secundum rei veritatem Jacob dictus est Israel ab Angelo Genes. 32. v. 28., & ante istud factum nusquam invenitur, quod fiat mentio de Israel. Ex illo Israel descenderunt duodecim Filii; unde Actor. 7. v. 8. dicit Stephanus, quod Jacob genuit duodecim Patriarchas. Ex illis autem duodecim descendit Populus Judæorum, qui dicitur domus Israel, idest familia ejus, quia ex ea orta est; inde etiam dicti sunt Israelitæ quia orti sunt ex Israel. Oves autem dicuntur homines a Domino in Matth. 15., sicut etiam in David psalmo 94. v. 7. *Et nos populus pascuæ ejus, & oves manus ejus.* Item psalmo 79. v. 2.: *Qui deducis velut ovem Joseph, idest familiam ejus.* Et Ezech. 34. v. 31. dicit Dominus istis Ovibus: *Vos autem greges mei, greges pascuæ meæ homines estis: & ego Dominus Deus vester.*

Ex his patet quare Judæi dicti sunt domus Israel. Et quod dico patet verum esse ex verbis Beati Stephani. Item ex Apocalypf. 7. v. 4., ubi dicit Johannes se audivisse *numerum signatorum, centum quadraginta quatuor millia signati ex omni tribu filiorum Israel.* Et ponit filios ejus dicens: 5. *Ex tribu Juda duodecim millia signati &c.* Quæ tribus inveniuntur in Veteri Testamento. Sed quod dicantur Israel, quia Deum videntes fuerint, ex nulla Scriptura potes ostendere.

Fortè dices nonne Israel interpretatur vir videns Deum, & Israelitæ Deum videntes?

Dico sit ita, quamvis ex scriptura ostendi non possit.

Si dicas mihi: sed ipsi fuerunt Israelitæ, ergo Deum videntes.

Concedo quod illi de domo Jacob, qui dictus est Israel, unde Judæi descenderunt, fuerint Israelitæ, & Deum videntes.

Si dicas: sed non viderunt eum hic. Dico; falsum dicis, neque hoc dixisset, si scires, quod res dupliciter dicitur videri. Est enim duplex visio; una, qua videtur res in speculo: & tunc dicitur videri res aliqua, quia ejus imago videtur. Est etiam alia visio, qua dicitur res videri in propria specie, idest essentia sua, facie scilicet ad faciem. Utramque notat Apostolus 1. Corinth. 13. v. 12. *Videmus nunc per speculum in ænigmate: tunc autem facie ad faciem; supple videbimus Deum; de futuro enim loquitur, unde subdit: Nunc cognosco ex parte: tunc autem cognoscam sicut & cognitus sum.* 1. Johannis 3. v. 2. *Videbimus eum sicuti est;* id est in specie sua, sive in natura, & in essentia sua. Isto modo non videtur Deus hic. Unde Dominus dixit Judæis Johannis 5. v. 37.: *Ipse testimonium perhibuit de me: neque vocem ejus umquam audistis, neque speciem ejus vidistis.* Quod autem dicit: *neque vocem ejus umquam audistis,* ideo dicit, quoniam non loquebatur Deus ad eos per se, sed per Angelum, ut dicit Stephanus Actor. 7. v. 38. *Hic (idest Moyses) est, qui fuit in Ecclesia in solitudine cum Angelo, qui loquebatur ei in Monte Sina, & cum Patribus nostris: qui accepit verba vitæ dare nobis.*

Si autem dicat mihi Hæreticus: cum Dominus dicat Matth. 15. v. 24. *Non sum missus nisi ad oves &c.* ergo Christus non est missus ad Gentiles salvandos. Quomodo ergo salvavit Chananæam, & Filiam ejus? Quomodo ergo dicit Johannis 10. v. 16. *Alias oves habeo &c.*

Respondeo. Christus missus est ad salutem utriusque populi, scilicet Judæi, & Gentilis, sicut patet in multis locis. Si dicas mihi: proba hoc. Dico quod istud patet ex Marci 7. v. 27., ubi Dominus ait Chananææ: *sine prius saturari filios.* Item Actor. 13. v. 46. *Vobis oportebat primum loqui verbum Dei: sed quoniam repellitis illud, & indignos vos judicatis aternæ vitæ, ecce convertimur ad Gentes.* 47. *sic enim præcepit nobis Dominus.* Ad Rom. 1. v. 16. dicit etiam Apostolus: *Non enim erubescio Evangelium. Virtus enim Dei est in salutem omni credenti, Judæo primum, & Græco; idest Gentili.* Item Apocalypf. 7. postquam posuit numerum signatorum ex omni tribu filiorum Israel, subjungit 9. *Post hæc vidi turbam magnam, quam dinumerare nemo poterat ex omnibus gentibus, & tribubus, & populis, & linguis: stantes ante thronum, & in conspectu Agni, amicti stolis albis, & palmæ in manibus eorum: 10. & clamabant voce magna dicentes: Salus Deo nostro, qui sedet super thronum, & Agno.*

Missus ergo erat ad Judæos principaliter erudiendos verbo Dei, & ut eos sanaret a languoribus suis: ut cæcos eorum illuminaret, vexatos a Dæmonio curaret, mortuos fuscitaret, quod & fecit. Alias tamen adhuc oves habebat, quas adduxit per Apostolos ad eas missos, sicut prædictum est in auctoritate Actor. 13. v. 46. *Vobis oportebat &c.,* vobis scilicet Judæis, qui dicimini domus Israel.

Ex

Ex his patet, quod oves domus Israel Judæi dicuntur, de quibus habuerunt præceptum Apostoli, ut irent primo ad eas, non ad Gentes: Matth. 10. v. 5. *In viam gentium ne &c.* Postea autem mandatum habuerunt, quod ad omnes irent, Matth. 28. v. 19. *euntes ergo docete omnes gentes &c.*

Primum autem præceptum de eundo ad oves Israel poterant facile implere, quia illæ oves distinguebantur ab aliis circumfisione, & habitu vestium, & ciborum discretione, & lege. Unde & Samaritana Christum cognovit esse Judæum habitu vestimentorum, & dixit ei Johannes 4. v. 9.: *Quomodo tu Judæus cum sis, bibere a me poscīs, quæ sum mulier Samaritana?*

Nunc solvamus illud, quod objectum est ab eis, quia Christus dixit Matth. 15. v. 24. *perierunt*; non dixit: *peribunt*, per quod credunt quod Christus non venerit salvare novas creaturas, sed antiquas tantum. Similiter solvemus illud verbum Domini in Ezech. 34. v. 16.: *quod perierat requiram*.

Dicimus ergo quod Christus non dixit se venisse ad salvandas omnes oves domus Israel, quæ perierunt sicut ostendemus in tertia parte hujus capituli, ubi probabimus, quod non omnes oves domus Israel, immo nec omnes de creatione Dei Sancti salvabuntur; neque enim dixit quod illæ solæ essent salvandæ, cum alias oves habeat, quæ non sunt ex hoc ovili, illasque oporteat eum adducere, ut fiat unum ovile, & unus Pastor.

Præterea quod non solum illæ oves salventur, immo novæ oves, probabitur sexta particula hujus capituli.

Præterea non nocet mihi, si de præterito loquor, quia præteritum sæpe ponitur pro futuro, ut probabitur septimo capit. partis hujus.

Præterea si velles recipere veram expositionem, & illæ animæ quæ perituræ sunt, possent dici periisse per causam, quia causa quare perituræ sunt, jam fuit. Nonne vides quod Apostolus dicit ad Rom. 5. v. 12. quod omnes peccavimus in Adam, & omnes in ipso mortui sumus? Hoc autem non ideo dicitur, quia tunc essemus, aut quia tunc peccatum proprie loquendo faceremus, vel quod per peccatum factum a nobis mortem incurreremus, sed quia causa peccati, & mortis nostræ fuit tunc, & tunc esse cæpit. Hoc etiam potest videri per simile; dicit enim Apostolus ad Hebræ. 10. adhuc enim in lumbis patris erat, quando obviavit ei Melchisedech. Sed dicas mihi: quomodo erat Levi in lumbis Abraham nisi per causam materialem? Nullo alio modo. Similiter dicitur decimatus, quando Abraham dedit decimas Melchisedech tantum per causam. Similiter oves Domini dicuntur periisse, quia causa præcessit, quare perituræ erant, scilicet peccatum Adæ. Similiter dico ad illud, quod habetur Ezech. 34. v. 16. Item Lucæ 15. v. 4. *Quis ex vobis homo, qui habet centum oves; & si perdidit unam ex illis, nonne dimittit nonaginta novem in deserto, & vadit ad illam, quæ perierat?*

HÆR. [*] Contra illud, quod dictum est, quia per oves Israel intelligimus Judæos natos de Israel, qui Jacob dictus est, objiciunt illud Johannis 10. v. 26. *Vos*

non creditis, quia non estis ex ovibus meis. Constat ad litteram quod Judæis loquebatur; ergo non erant ex ovibus ejus, ergo non erant de ovibus Israel, cum oves Israel essent suæ.

CATH. Solutio. Etsi oves Israel essent suæ creatione, non omnes suæ erant per participationem gloriæ cælestis, vel obedientiæ exhibitione; nam Johannis 1. v. 11. *In propria venit, & sui eum non receperunt*. Unde Rom. 9. v. 6. *Non omnes, qui ex Israel sunt, ii sunt Israelitæ*. Erant tamen suæ oves creatione. Unde patet quod istud argumentum non valet: Non erant ex ovibus ejus, ergo non erant ex ovibus Israel, sensus enim est: non erant ex ovibus ejus per obedientiam, ergo neque per creationem. Similiter non valet: Aliquæ oves sunt, quæ non sunt ex ovibus Israel, ergo non sunt de ovibus ejus, quia *alias oves habeo, quæ non sunt ex hoc ovili*. [*]

Alia autem occasio, unde erraverunt, fuit prava intelligentia illius verbi, quod habetur Lucæ 15. v. 11. ubi legitur: *Homo quidam habuit duos filios: i2. & dixit adolescentior ex illis Patri: Pater, da mihi portionem substantiæ, quæ me contingit. Et divisit illis substantiam*. i3. *Et non post multos dies, congregatis omnibus, adolescentior filius peregre profectus est in regionem longinquam, & ibi dissipavit substantiam suam vivendo luxuriose*. i4. *Et postquam omnia consummasset, facta est fames valida in regione illa, & ipse cæpit egere; perge usque ad: Pater, peccavi in calum, & coram te &c.* Per hunc autem Filium adolescentiorem intelligunt creaturas jam dictas, vel aliquam illarum, quæ dicit: *peccavi in calum, & coram te*. Et ita volunt quod aliquando fuerit in cælo.

Sed nonne vides Hæretice, quod non dixit: in cælo, sed *in calum*? Quare ergo procedis ac si dixisset: *peccavi in cælo*, nisi quia mendax es, & veræ scripturæ corruptor? Nonne Apostolus 1. Corinth. 3. i2. dicit: *peccantes in fratres, & percutientes conscientiam eorum infirmam, in Christum peccatis*? Numquid isti inter Fratres, vel in Fratribus erant, sicut intra locum, vel in loco? Certè non: similiter nec ille, qui ait: *peccavi in calum* fuerat intra cælum, vel in cælo localiter.

Dico ergo quod sicut peccare in Fratres, vel in Christum est peccare contra ipsos, vel contra ipsum; similiter peccare in cælum est peccare contra cælum. Sic autem fecit adolescentior filius, qui cælo contempto, & Deo cæli ad terrenas, & carnales delicias se dedit, & pro illis totam suam substantiam dissipavit. Coram Deo peccavit, idest Deo vidente, cujus oculis omnia nuda sunt & aperta, ut habetur Hebræor. 4. v. 13. Verba autem Domini de duobus filiis cujusdam hominis intelligo sicut sonant, nullo ibi posito mystico intellectu ad præsens.

Et notandum quod in his verbis Dominus noster intendit non esse murmurandum de salute alicujus. Ob hoc enim increpat, filium seniorem, quia de penitentia, & salute junioris Filii murmurabat. Et per hoc etiam reprehendit Scribas, & Phariseos, qui murmurabant quod Dominus peccatores reciperet.

Præterea responde mihi de hoc: Homo quidam habuit,

[*] Quæ duobus asteriscis comprehendimus, desunt e Codice Vat., & Neapolitano.

habuit duos Filios, & dixit adolescentior ex illis Patri: Pater, da mihi portionem substantiæ, quæ me contingit. Ex hoc habeo, quod Deus de novo creat populum suum, quia *adolescentior &c.* Quod tu negare consuevisti.

Præterea petit: *Da mihi*. Ergo habebat liberum arbitrium dividendi se a Patre suo, Deo Sancto.

Præterea dicitur ibi, quod Filius iste dixit Patri: *Pater da mihi* portionem substantiæ, quæ me contingit. Quid tu appellas substantiam in hoc loco? Quidquid tu dicas; ex hoc habeo, quod non omnia creata a Deo permanentia sunt, quia dissipabilia sunt. Sic enim sequitur 13. *quod non post multos dies, congregatis omnibus, adolescentior Filius peregre profectus est in regionem longinquam, & ibi dissipavit substantiam suam vivendo luxuriose.*

Præterea nonne ibi dicitur 14. *Et postquam consummasset, facta est fames valida in regione illa, & ipse capit egere.* 15. *Et abiit, & adhæsit uni civium regionis illius. Et misit illum in villam suam, ut pasceret porcos.* Nota ordinem verborum. Prius omnibus congregatis, quæ Pater ei diviserat, peregre profectus est in regionem longinquam. Demum ibi dissipavit substantiam suam vivendo luxuriose. Consumpta autem substantia sua, *facta est fames valida in regione illa.* Deinde *capit egere.* Et abiit, & adhæsit, &c. Nonne iste civis Diabolus est secundum te? Utique. Prius ergo consumpsit vivendo luxuriose substantiam, quam adhæserit Diabolo; ergo peccatum ejus præcessit adhærentiam suam ad ipsum Diabolum, ergo Diabolus non fuit causa primi mali in cælo.

Præterea prius venit ille filius in regionem longinquam; deinde adhæsit illi civi. Quare ergo dicis quod ad cælum ascenderit, ut seduceret populum Dei, oves Israel, quas dicis per illum filium designari?

Præterea quomodo per se rediit ad Patrem, cum Christus dicat Johannis 14. v. 6. *Nemo venit ad Patrem, nisi per me?*

Præterea dicitur quod in illa regione facta est fames valida: de quo? Si de bono; hoc non potest dici; ibi enim dicitur 16: *Et cupiebat implere ventrem suum de siliquis, quas porci manducabant.* Si de malo; de hoc non potest hic esse fames, quia magna abundantia mali est in regione ista.

Præterea quomodo potest hoc esse, cum ibi dicatur: *& nemo illi dabat?* Dæmones enim, quos ponis principium mali, libenter ei dedissent, non fuissent inde avari.

Præterea postquam rediit, & receptus est a Deo Patre suo, dicitur, quod Frater ejus senior hoc audiens 28. *indignatus est, & nolebat introire.* Sed nonne iste erat de Angelis cæli, qui semper steterat cum Deo Patre, ut dicis? Utique. Quomodo ergo poterat murmurare de receptione fratris sui? Nonne ibi dicitur 10: *gaudium erit coram Angelis Dei super uno peccatore pœnitentiam agente?*

HÆR. Volunt etiam habere errorem suum ex eo, quod Dominus ait Lucæ 15. v. 4. *Quis ex vobis homo, qui habet centum oves: & si perdiderit unam ex illis: nonne dimittit nonaginta novem in deserto, & vadit ad illam, quæ perierat, donec inveniat eam?*

Per nonaginta intelligunt creaturas Dei cælestes, quæ non peccaverunt: Per illam, quæ perdita fuit, illas, quæ in cælo peccaverunt; & in hunc mundum dejectæ fuerunt.

CATH. Sed quærendum est ab eis: unde hoc habent? Et cum non possint testimonium suæ pravæ intelligentiæ ostendere, necesse habent filere. Sed quod ego dico ex textu Evangelii evidenter colligitur, ubi dicitur 1. *Erant autem appropinquantibus ei publicani, & peccatores, ut audirent illum.* 2. *Et murmurabant Pharisei, & Scribæ, dicentes: Quia hic peccatores recipit, & manducat cum illis.* Et postea sequitur parabola illa 4. *Quis ex vobis homo, &c.* Manducabat ergo Dominus cum publicanis, & peccatoribus, & recipiebat eos. Et de hoc murmurabant Pharisei, & Scribæ quasi non deberet hoc facere. Dominus autem ostendit per prædictam parabolam se venisse tales quærere; & sic ostendit quoniam faciebat quod debebat facere, cum illos ad se recipiebat, & verbum Dei ad eos proponebat, & cum illis edebat, & sic familiaritate eos facilius attrahebat; unde Matth. 9. v. 3. *Non enim veni vocare justos, sed peccatores.* Et Lucæ 1. v. 33. addit ad pœnitentiam. Et ponit causam, cum dicit 31. *Non egent qui sani sunt medico, sed qui male habent.* Item Matth. 9. v. 12. & Marci 2. v. 17.

HÆR. Idem volunt habere per hoc, quod legitur eodem capite Lucæ 15. v. 8. *Aut quæ mulier habens drachmas decem, si perdiderit drachmam unam, nonne accendit lucernam, & evertit domum, & quærit diligenter donec inveniat?* &c. Per drachmam autem perditam intelligunt oves Israel, ut dictum est. Per novem non perditas, alias, quæ in cælo non peccaverunt. Sed ego quæro: Unde habes hanc intelligentiam o Hæretice? Et cum non possis ostendere unde habeas obmutescere.

CATH. Solutio autem eadem est, quæ & de ove perditâ posita est. In utraque enim ostendit Christus se venisse *peccatores salvos facere*, ut dicit Apostolus 1. ad Timot. 1. v. 15. In utraque etiam intendit ostendere Scribas, & Phariseos non esse viros Angelicos, id est Dei Angelis similes, cum non gaudeant de Peccatorum pœnitentia, Angeli autem sic. Unde dicit Dominus post illas parabolas: *Gaudium erit in cælo super uno peccatore pœnitentiam agente.* Item 10: *gaudium erit coram Angelis Dei super uno peccatore pœnitentiam agente.*

HÆR. Ad idem inducunt illud, quod legitur Lucæ 19. v. 10., ubi Christus dicit: *Venit enim filius hominis quærere, & salvum facere quod perierat.* Et per illud, quod perierat dicunt significari cælestes creaturas propter peccatum suum de cælo dejectas.

CATH. Dicendum autem est eis: unde hoc habetis? Et non possunt ostendere, unde hunc intellectum habeant.

Nos veritati Evangelii innitentes dicimus hoc esse dictum de Zachæo Principe publicanorum, in cujus domum intraverat, de quo facto Judæi murmurabant. Christus autem ostendit per prædicta verba eos non debere murmurare de facto suo, quia ad illud faciendum venerat.

Et notandum quod perire sumitur hic pro perverſe ire,

se ire, five in perversitatem, id est in peccatum, quo homo a Deo suo perfecte avertitur. Taliter autem perierat Zachæus, & quilibet alius homo, excepto Christo; ut enim dicitur ad Rom. 5. v. 12. *Per unum hominem peccatum in hunc mundum intravit, &c.*

HÆR. Volunt etiam habere ex hoc, quod legitur Johannis 3. v. 13. *nemo ascendit in cælum, nisi qui descendit de cælo*. Unde per hoc volunt, quod cætus salvandorum de cælo descenderit.

CATH. Ad hoc autem dicendum quod Hæreticus tamquam Falsarius malum punctum fecit; non enim ibi terminatur versus, sed ibi: *Filius hominis, qui est in cælo*.

Forte introducet totam auctoritatem: *nemo ascendit in cælum, nisi qui descendit de cælo, Filius hominis, qui est in cælo*. Et per filium hominis dicet intelligendum esse cætum salvandorum. Sed.

Contra. Ille cætus tunc non erat in cælo; mentiebatur ergo Christus dicens: *Filius hominis, qui est in cælo*; vel tu mentiris dicens quod *Filius hominis, qui est in cælo*, ibi dicitur cætus salvandorum.

Si dicas quod in cælo erat illo modo, quo dicit Apostolus ad Philipp. 3. v. 20. *nostra autem conversatio in cælis est*.

Contra. Hoc esse non potest, quia adhuc mali erant secundum te.

Præterea ubi habes testimonium, quod Filius hominis dicatur cætus salvandorum? Hoc nusquam reperies: sed ibi evidens habetur testimonium, quod Christus appellatur *Filius hominis*; Johannis enim 1. v. 51. dixerat Nathanaeli, & aliis quibusdam: Videbitis cælum apertum, & Angelos Dei ascendentes, & descendentes supra *Filium hominis*. Præterea Matth. 11. v. 19. ipsemet se appellat Filium hominis, & Matth. 16. v. 15. *Quem dicunt homines esse Filium hominis*? Quam quæstionem solvit Petrus dicens 16: *Tu es Christus, filius Dei vivi*. Patet igitur quod per Filium hominis, qui est in cælo intelligitur Christus cum dicitur: *nemo ascendit, &c.*

Si autem dicas mihi, quod Christus tunc in hoc mundo erat: quomodo ergo dicit: *qui est in cælo*?

Respondeo. Christus verus homo fuit; unde & se Filium hominis appellavit. Fuit etiam verus Deus de Deo Patre; unde Petrus eum Dei vivi Filium dixit: Secundum quod homo in mundo erat; secundum quod Deus, id est secundum hoc, quod Mundus per ipsum factus est, in cælo erat, & in terra, & ubique secundum quod ipse ait Jeremiæ 23. v. 24. *Numquid non cælum, & terram ego impleo?*

Si autem dicas mihi: quomodo potest esse: *nemo ascendit in cælum, nisi qui descendit de cælo*, id est nisi Christus, cum multi ascenderint cum eo?

Respondeo quia Christus solus per se ascendit:

nullus alius per se ipsum, sed per Christum, qui ascendens in altum captivam duxit captivitatem. Unde Johannis 10. v. 9. *Ego sum ostium. Per me si quis introierit, salvabitur*.

Præterea cum dicitur: nullus, nisi Christus ascendit, non excluduntur illi, qui membra ejus sunt: qui adhærentes ei unus spiritus sunt cum ipso; sicut si dicam: Nullus in hac domo, nisi Johannes. Sit ita. Per hoc sciremus, quod pedes, manus, & alia membra Johannis sunt in domo ista.

Præterea si illa auctoritas vera est, immo quia vera est, quare dicis quod Diabolus ascendit? Nonne ipse est alius a Filio hominis, id est a Christo, vel a Filio hominis, id est a cætu salvandorum, si ita vis sumere Filium hominis? Utique. Ergo si verum est quod Christus dicit: *nemo, &c.* constans est, quod ipse non ascendit in cælum.

HÆR. Volunt autem habere quod dicunt ex eo, quod Apostolus dicit ad Ephes. 1. v. 3. *Benedictus Deus, & Pater Domini nostri Jesu Christi, qui benedixit nos in omni benedictione spirituali in cælestibus in Christo*. Ista verba dicit Paulus, qui fuit unus ex his, qui dicuntur oves Israel, & dixit ista verba in persona sua, & aliarum ovium, quæ venerunt. Ipse ergo cum aliis ovibus fuit aliquando in cælestibus mansionibus benedictus; & tunc non erat in eis, cum hoc dicebat, sed tantum ad eas per pœnitentiam rediturus erat.

CATH. Ad hoc dicimus quod Apostolus ponit præteritum (1) pro futuro, sicut etiam Prophetæ aliquoties; unde David in persona Christi Psalmo 21. v. 19. ait: *Diviserunt sibi vestimenta mea, & super vestem meam miserunt sortem*. Hoc autem impletum est tempore passionis Christi, quæ longo postea tempore fuit, sicut Beatus Johannes ponit 19. v. 23. *Milites ergo cum crucifixissent eum, acceperunt vestimenta ejus, (& fecerunt quatuor partes: unicuique militi partem) & tunicam: supple acceperunt. Erat autem tunica inconsutilis, desuper contexta per totum*. 24. *Dixerunt ergo ad invicem: non scindamus eam, sed sortiamur de illa, cujus sit: Ut scriptura impleretur dicens. Partiti sunt vestimenta mea sibi: & in vestem meam miserunt sortem*.

HÆR. Idem volunt habere (2) ex eo, quod dicit ibidem Apostolus ad Ephes. 1. v. 4. *Elegit nos in ipso ante Mundi constitutionem*.

CATH. Ad quod dicimus, quod istud verbum (3) Pauli sic intelligitur, sicut & illud verbum Matt. 1. v. 5. *Jesse autem genuit David Regem*. Non tunc tamen Regem quando genuit eum; sed futurum regem. Similiter Deus Pater ante mundi constitutionem elegit nos hujus mundi non tunc existentes, sed futuros post ipsius mundi constitutionem; sicut enim *Domino Deo antequam crearentur, omnia sunt agnita*, ut habetur Eccles. 23. v. 29. ita etiam & quædam ex eis ab ipso sunt electa: Rom. 4. v. 17. *Qui vocat ea, quæ non sunt, tamquam ea, quæ sunt*.

HÆR. Item

(1) Vide Hieronymum Comment. in Cap. 1. Epist. ad Ephes. Tom. 1v. Opp. col. 324.

(2) Sic etiam Origeniani hoc testimonio Pauli abutebantur, ut dejectos fuisse in hæc interiora animas evincerent. Hos refellit Hieronymus in cap. 1. Epist. ad Ephes. col. 325.

(3) Simile huic responso est, quod adhibet loco mox indicato Hieronymus.

HÆR. Idem etiam volunt habere ex eo, quod dicit Apostolus Rom. 12. v. 2. *Nolite conformari huic seculo, sed reformamini in novitate sensus vestri.* Et per hoc volunt, quod prius in alio sæculo scilicet in cælesti Patria fuerint formati. Sed ab illa forma ceciderunt suasu serpentis antiqui; & qui prius in novitate sensus erant, in vetustate ejus deciderunt. Propter quod etiam Ephes. 4. v. 23. dicit Apostolus quibusdam: *Renovamini autem spiritu mentis vestræ.*

CATH. Ad hoc est solutio; quoniam ex vi verborum Apostoli non habetur; quod prius formati fuerint in cælesti seculo, neque quod fuerint in illo. Dicimus ergo quod formati fuerant in Adam antequam Adam peccaret, sed ipso peccante deformes in ipso facti sunt. In eo enim fuerunt filii ejus quoad materiam, sicut dicit Apostolus Hebræ 7. v. 10. quod *Levi adhuc in lumbis Patris erat, quando obviavit ei Melchisedech.* Item in eo fuerunt quoad peccati originalis causam; unde Rom. 5. v. 12. *Per unum hominem peccatum in hunc mundum intravit, & per peccatum mors, & ita in omnes homines mors pertransit, in quo omnes peccaverunt;* id est causam peccati originalis contraxerunt. Propter hoc dicit Apostolus: *Reformamini,* id est post deformitatem contractam ab Adam formamini, & reformamini id est post vetustatem contractam ab Adam perseverate in facta novitate sensus, sive mentis, quam habetis.

HÆR. Idem etiam volunt habere per illud, quod dicit Apostolus 2. Corinth. 5. v. 1. *Scimus enim quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cælis.* Domum autem non manufactam, æternam in cælis intelligunt & credunt esse corpora ovium Israel, id est animarum salvandarum quæ ex illis corporibus a (4) Diabolo abstractæ sunt in hunc mundum corporibus in cælo manentibus. De hoc etiam intelligunt illud, quod legitur ad Philipp. 3. v. 21. *qui reformabit corpus humilitatis nostræ, configuratum corpori claritatis suæ.* Per hoc enim volunt prius fuisse formosum in cælo, sed ibi remansisse deforme post discessionem animarum.

CATH. Ad hoc autem dicimus quod istud corpus, quod Dominus reformabit, non est, nisi corpus istud, quod habemus, quod est modo vile, & afflictum, sed postea erit pretiosum, quando configuratum fuerit corpori Christi in claritate. Et quia hoc fiet retro, id est post istud seculum, ideo dicit Apostolus: *Qui reformabit, &c.* Johannis 6. v. 55. Et ego resuscitabo eum in novissimo die. De hoc

autem plenius dicitur in tractatu de Resurrectione.

Ad illud autem, quod objectum est: *scimus enim, &c.* Dicimus quod habemus ponitur, pro futuro, id est habebimus; quod potest videri per simile. Nonne dicit Apostolus ad Ephes. 1. v. 6. *In qua gratificavit nos in dilecto filio suo.* 7. *In quo habemus redemptionem per sanguinem ejus?* In quo loco habemus ponitur pro habebimus. Simile ad Colos. 1. ubi idem dicit Apostolus. Quod ita sit evidenter ostenditur per illud, quod dicitur Rom. 8. v. 23; & sunt verba Pauli in persona sui, & aliorum Apostolorum: *Ipsi intra nos gemimus adoptionem filiorum Dei, expectantes redemptionem corporis nostri.* Si erant expectantes illam redemptionem, ergo non habebant illam. Sæpe enim præteritum, vel præsens pro futuro ponitur, ut prius habitum est, & habebitur plenius in sequentibus, quando ostendemus, quod Prophetæ in alio mundo non prophetaverunt, sed in isto.

Præterea, sicut ostendetur in tractatu de resurrectione, eadem domus, quæ modo est terrestris, id est corruptibilis, & manufacta, id est opere hominis fabricata, cælestis erit, id est incorruptibilis, & æterna, sed Dei virtute, unde 1. Corinth. 6. v. 14. *Deus vero & Dominum suscitavit: & nos suscitabit per virtutem suam.* De qua virtute habetur ad Philipp. 3. v. 21. *reformabit corpus humilitatis nostræ, configuratum corpori claritatis suæ, secundum operationem, qua etiam possit subicere sibi omnia.*

HÆR. Ad idem inducunt illud, quod legitur 2. Corinth. 5. v. 18. *Omnia autem ex Deo, qui nos reconciliavit sibi per Christum;* quasi dicat Apostolus: prius fuimus reconciliati ei in cælo, sed modo sumus ei reconciliati in hoc mundo. Et ad hoc inducunt illud, quod legitur ad Colos. 1. v. 19. *in ipso, scilicet in Christo, complacuit, omnem plenitudinem inhabitare:* 20. *& per eum reconciliare omnia.*

CATH. Solutio. Unde habes: si Deus reconciliavit nos sibi per Christum: ergo prius fuimus ei conciliati, & modo iterum? Proba quod recreationem reconciliationis importet verbum.

Præterea dato quod fuerimus ei conciliati, quale argumentum est istud: ergo ei fuimus conciliati in cælo? Constat quod istud argumentum non valet. Dico igitur quod re tantum valet, quantum retro, & notat posterioritatem, quasi dicat: Post inimicitias ei reconciliati. Quod ita sit habes ex eo, quod dicitur Rom. 5. v. 10. *cum inimici essemus, reconciliati sumus Deo per mortem filii ejus.* Istud etiam notat Apostolus ad Colos. 1. v. 21. *Et vos cum esse-*

G

tis

(4) Balasinas affecit hanc sententiam placuisse, ut in cælum ascendisset Satanam, pugnasque cum Michael, indeque Animas plerasque, quæ sibi consenserant secum in hunc mundum præcipites egisse arbitrantur, diximus nota 19. ad cap. 111. Ab antiqua Persarum superstitione hæc opinio ducit originem. Plutarchus lib. de Iside, & Osiride pag. 369. seq. Edit. an. 1624. tradit Zoroastrem ac Persas ceteros duo posuisse principia, veluti numina quædam opposita, quorum alterum Oromazen natum aiebant ex luce purissima, alterum contra Arimanum, ex caligine. Hos bellum inter se gerere, adjungit. Sex Deos fecisse Oromazen; qui boni sint; Arimanum totidem numero his adversa molientes. Celsus apud Origenem lib. vi. n. 42. pag. 664. Tom. 1. Edit. Paris Monachor. Sancti Mauri, aliquot Poetas, & Philosophos veteres Græcorum recenset, qui similes malorum cum bonis genis pugnas persequuntur.

Hæc vero sive ἀνιγμῆτικῶς, sive κατὰ λέξιν intelligenda sint, parvi refert. Illud omnino certum esse crediderim, κατὰ λέξιν hæc eadem sumere illud Persarum genus, quod in Indiam se post Arabum incurfiones recepit; ut est animadversum Thomæ Hydeo De Relig. Persar. pag. 292. Manichæi veteres, qui in Græcorum fabulis versati erant, Gigantum cum diis prælia, materiæ pugnam adversus Deum indicare putabant, ut observat Alexander Lycopolites De Placit. Manichæor. pag. 6. & 20. Sed Felix Manichæus, apud Augustinum lib. 11. De Ast. Cum Felice Manich. cap. xix. col. 484. Tom. viii. Opp. Deum lucis, ait ex Manetis doctrina, bellum gessisse cum, gente tenebrarum, quippe quæ adversus sua sacra secula insurgeret. Atqui gentem tenebrarum demones esse Manichæorum judicio testatur Augustinus lib. 11. cap. 1. Eiusdem Op. col. 485.

tis aliquando alienati, & inimici sensu in operibus malis: 22. nunc autem reconciliavit in corpore carnis ejus per mortem.

HÆR. Ad idem inducunt illud, quod legitur ad Ephes. 1. v. 9. *proposuit Deus in eo*, id est in Christo; 10. *in dispensatione plenitudinis temporum, instaurare omnia in Christo*, id est per Christum. Sic ergo proposuit cœlestia in statum primum restaurare.

CATH. Sed quid ad rem? Cœlestia enim non dicit Angelos, qui ceciderunt, sed potius illos, qui remanserunt, quos vult in statum pristinum, id est ad concordiam cum omnibus revocare. Et quod ita sit patet per illud, quod legitur ad Colos. 1. v. 19. ubi dicit Apostolus: *in ipso complacuit, omnem plenitudinem inhabitare: 20. & per eum reconciliare omnia in ipsum, pacificans per sanguinem crucis ejus, sive quæ in terris, sive quæ in cælis sunt.* Vel in statum pristinum cœlestia, id est Angelos, qui corruerunt illuc revocando, sed numerum Angelorum ex hominibus supplendo, qui diminutus erat per casum illorum, juxta illud, quod habetur Baruch 3. v. 19. *exterminati sunt, & ad inferos descenderunt, & alii loco eorum surrexerunt.*

HÆR. Ad idem inducunt quod legitur 2. Timoth. 4. v. 7. *Bonum certamen certavi cursum consummavi fidem servavi. 8. In reliquo reposta est mihi corona justitiæ, quam reddet mihi Dominus in illa die justus Judex.* Si reddet ei, dicunt: ergo prius habuit eam, sed non nisi in cælo; ibi enim merito justitiæ debetur corona electis.

CATH. Ad hoc dico quod reiterationem non dicit, sed ordinem, scilicet posterioritatem; sensus enim hic est: retro dabit. Et hoc vult litera, quæ dicit. *Bonum certamen certavi, cursum consummavi:* hoc de præterito dixit. Sequitur: *In reliquo*, id est in futuro reddet, id est post certamen, & cursus mei consummationem.

Præterea vis tu dicere quod iterationem dicat hoc ipsum in verbo illo, scilicet *reddet*? Quid igitur dices de eo, quod habetur Matth. 20. v. 8., ubi dicit Dominus vineæ procuratori suo: *Voca operarios, & redde illis mercedem?* Numquid mercenarii illi illam prius mercedem habuerant, quam haberent? Hoc probare non potes.

Præterea si dicas, quod habuerunt, quare ergo murmuraverunt qui prius laboraverunt? Certe non murmurassent, si tali mercede se remunerandos arbitratii fuissent.

Præterea nonne dicitur Matth. 22. v. 21. *Reddi-*

(5) Merito Moneta carpit hæreticos, quod vim nominis τοῦ ἀγγέλου ignorent. Angelus enim idem omnino sonat ac Nuncius. Cujus rei clarissima suppetunt documenta. Nam Eustathius in B. Iliad. pag. 344. Tom. 1. Edit. Florent. an. 1730. Ἀγγελος, inquit, ἀπὸ τῆς ἀγῶ, ἐξ ἧς καὶ ὁ ἀγγελος. Nuncius ab ἀγῶ ngo, duco, ex quo etiam Nuncius. Ἀγγελος. Itaque Homerus, ut sæpe alias, sic iridem Trojanis a Jove Ægiocho nunciam missam fuisse cecinit in B. Iliad. v. 736. adeoque ἀγγελον appellavit.

Τρωσὶν δ' ἀγγελος ἦλθε ποδὶνέμενος ὡκεία ἱεὺς παρ Διὸς ὠγίοχοιο, σὺν ἀγγελίῃ ἀλσγενῇ. Ceterum Trojanis nuncia venit pedibus ventos æquans velox iris.

A Jove Ægiocho, cum nuncio molesto.

Ita fit, ut Judæi Pontificem Maximum Angelum appellarent, quod nuncii Dei loco haberetur. Quare Malachias cap. II. v. 7. χεῖλη,

te ergo quæ sunt Cæsaris Cæsari, scilicet numisma census? Numquid Cæsar prius illud numisma, vel censum habuerat, quam quod ab illis acciperet? Numquid enim mutuaverat eis ipsum, ut ab illis postea redderetur ei?

Præterea Rom. 2. v. 6. dicitur quod Deus Judex reddet unicuique secundum opera ejus, id est bona, & mala. Numquid supplicium, quod malis dabit, prius habuerunt ipsi mali?

Præterea Apocalypf. 18. v. 6. dicitur Sanctis de Meretrice: *reddite illi sicut & ipsa reddidit vobis.* Numquid illa, quæ Sancti reddituri erant ei, prius habuerant? non. Rom. 13. v. 7. *reddite ergo omnibus debita.* Et dicit quæ debita. Sed numquid prius illa habuerunt, quæ sibi Sanctis reddi monet Apostolus? Constat quod non.

HÆR. Ad idem inducunt illud, quod legitur Apocalypf. 1. v. 20., ubi dicitur: *septem stellæ Angelis sunt septem Ecclesiarum: & candelabra septem, septem ecclesiæ sunt.* Postea cap. 2. v. 4. scribens Angelo Ephesino dicit: *Habeo adversum te, quod caritatem tuam primam reliquisti. 5. Memor esto itaque unde excideris: & age pœnitentiam, & prima opera fac. Sin autem, venio tibi, & movebo candelabrum tuum de loco suo.* Iste Angelus ceciderat, & per pœnitentiam salvandus erat. Ergo Angeli, qui ceciderunt, salvantur per pœnitentiam.

CATH. Solutio. Isti Hæretici ignari (5) virtutis hujus nominis Angelus paralogizantur, id est decipiuntur. Angeli enim dicuntur cœlestes spiritus, & etiam Prælati Ecclesiæ, ut Episcopus. Et Apocalypf. loquitur de septem Episcopis septem Ecclesiarum, quæ sunt in Asia, quos Angelos appellat, id est nuncios; Angelus enim idem est, quod nuncius, & sic dicitur Episcopus, quia nunciat subditis divinam voluntatem, & legem ejus. Quod autem ita sit habetur Malachiæ 2. v. 7., ubi dicitur: *Labia enim sacerdotis custodient scientiam, & legem requirunt ex ore ejus: quia Angelus Domini exercituum est.*

Præterea responde mihi. Secundo cap. Apocalypf. v. 1. dicitur: *Angelo Ephesi Ecclesiæ scribe: Hæc dicit, qui tenet septem stellas in dextera sua, qui ambulat in medio septem candelabrorum aureorum.* Constat quod una de septem stellis dicebatur Angelus Ephesinus, & dicitur quod ceciderat. Quomodo ergo stabit quod dicitur: *Hæc dicit, qui tenet septem stellas in dextera sua?* Si exciderat, in dextera ejus non tenebatur.

Præterea nonne iste Angelus cum aliis sex erat de ovibus, quæ perierunt domus Israel? Hoc non negabis.

inquit, ἱερεὺς φυλάσσει γνῶσιν, καὶ νόμον ἐκζητήσασιν ἐκ στόματος αὐτοῦ, διὸ καὶ ἀγγελος κυρίου τοῦ παντοκράτορος ἐστίν. Labia Sacerdotis custodiant scientiam, & legem requirunt ex ore ejus, quia Angelus Domini exercituum est. Plura suppetunt ex Sacris Bibliis documenta, quibus hoc idem probari possit. Quin etiam pervasit hæc ipsa in Ethnicis de Pontifice Judæorum sententia. Hujus autem rei testem adhibeo locupletissimum Diodorum Siculum. Is enim (Apud Photium cod. ccxlii. ex lib. xl. Biblioth.) de Judæorum Republica disserens, τοῦτον, inquit, προσαναγορεύσιν ἀρχιερεῖα, καὶ νομίζουσιν αὐτοῖς ἀγγέλον γίνεσθαι τῶν τῆς θεᾶς προσταγμάτων. Hunc Principem Sacerdotum appellant, quem velut (Angelum) nuncium divinorum præceptorum datum esse existimant. Nil ergo mirum si Tertullianus lib. Advers. Jud. cap. ix. pag. 194. Novum non esse spiritui sancto, affirmet, angelos appellare eos, quos ministros suæ virtutis Deus præfecit.

gabis . Si perierat , & malus erat , quomodo curam Ecclesiæ Ephesinæ ei Dominus commisit ?

HÆR. Idem etiam volunt habere per illud , quod legitur Isaïæ 24. v. 21. *In die illa visitabit Dominus super militiam cæli in excelsis : & super reges terræ , qui sunt super terram . 22. Et congregabuntur in congregatione cuius fascis in lacum , & claudentur ibi in carcere : & post multos dies visitabuntur .*

CATH. Ad hoc potest dici , quod ibi describitur afflictio Idumæorum , atque captivitas . Et militiam cæli appellat militiam Idumæorum propter multam eorum elationem , quæ describitur Jeremiæ 49. Ezech. 35. Amos 2. Abdiæ 1. , & a principio cap. 24. Isaïæ : *Ecce Dominus dissipabit terram , & nudabit eam , &c.*

Posito etiam quod prophetia sit de die iudicii , & quod ibi describatur pœna malorum ; non tamen propter hoc habetur , quod Angeli , qui peccaverunt sint salvandi . Licet enim dicatur , quod post multos dies , id est in fine mundi visitabuntur ; non tamen habetur quod visitatione misericordiæ eos visitaturus sit Deus , sed potius revocabuntur ab inferis visitatione penæ majoris , ut in carcere inferni inclusi sint spiritus malorum cum Satan , qui ibidem religatus legitur Apocalypf. 20. v. 3. [*] Revocabuntur dico , ut receptis corporibus statim ad pœnam reducantur audientes illud Matth. 25. v. 41. *discedite a me maledicti in ignem æternum , qui paratus est Diabolo , & Angelis ejus* [*]

De ista visitatione habetur Jeremiæ 49. v. 8. *Fugite , & terga vertite , descendite in voraginem habitatores Dedan : quoniam perditionem Esau adduxi super eum , tempus visitationis ejus .* De hac eadem habetur Sophoniæ 1. v. 12. *visitabo super viros desolos in facibus suis .*

[*] HÆR. Ad idem inducunt illud , Isaïæ 46. v. 8. *Redite prævaricatores ad cor . 9. Recordamini prioris sæculi .* Ergo isti , quibus loquebatur Isaïas in alio sæculo prius fuerunt , & de illo in istud sæculum propter peccatum translati sunt .

CATH. Solutio. Miser Hæreticus satis viliter intelligit verba Isaïæ , si propter ea vult habere , quod in alio sæculo fuerint , si memores sunt illius . Multoties enim aliquis recordatur alicujus loci , nec tamen fuit in illo loco . Similiter aliquis recordatur cari sui , nec tamen fuit in illo . Lucæ 17. v. 32. *memores estote uxoris Lot .* Numquid isti fuerunt in ea ? Non .

Præterea nonne vides quod vocat eos prævaricatores : scilicet cultus Dei , quem idolis impendebant ? Sicut eos Dominus improperat eodem cap. 46. v. 5. dicens : *Cui assimilastis me , & adæquastis , & comparastis me ; & fecistis similem ? 6. Qui confertis aurum de sacco , & argentum statera ponderatis : conducentes aurificem , ut faciat Deum : & procidunt , & adorant , &c. usque non salvabit eos .* Postea dicit 8. monens eos ad debitum suum : *mementote istud* , id est idolorum impotentiam , quam memorat etiam in principio ejusdem capituli , ubi dicitur : *Confractus est Bel , contritus est Nabo .* Deinde subditur : *redite prævaricatores ad cor* , id est

ad mentem ea mediante discutiendo creaturas sæculi ; unde etiam subdit : *recordamini prioris sæculi* , id est illius sæculi a principio sui ipsius , ut per facta etiam ipsa cognoscatis factorem ejus . Rom. 1. v. 19. *quod notum est Dei , manifestum est in illis . Deus enim illis manifestavit . 20. Invisibilia enim ipsius , a creatura Mundi , per ea , quæ facta sunt , intellecta conspiciuntur , &c.*

Præterea nonne dicis quod Isaïas , & alii prophetæ in cælesti sæculo prophetaverunt hujusmodi , & alia ? Ergo cælesti sæculo aliquod sæculum fuit prius . [*]

HÆR. Ad idem inducunt illud , quod legitur Jeremiæ 2. v. 13. , ubi Dominus dicit de populo suo : *Me dereliquerunt fontem aquæ vivæ , & foderunt sibi cisternas : cisternas dissipatas , quæ continere non valent aquas .* Per hoc enim volunt quod populus Dei salvandus cum Domino in cælo fuerit , sed per peccatum ab eodem Domino , & cæli loco discesserit .

CATH. Sed hunc suum intellectum erroneum in verbis prædictis nullo scripturæ testimonio possunt ostendere ; immò potius manifestum est , quod ibi loquitur de populo Judæorum edueto in terram promissionis de Egypto , in qua terra dereliquerunt Deum cultum , & coluerunt idola , ut ibi dicitur parum ante .

Præterea quomodo dereliquerunt Dominum ? Numquid localiter ab eo discedendo ? Certè non , cum ipse dicat per Jerem. 23. v. 24. *cælum , & terram ego impleo .* Dico igitur quod dereliquerunt Dominum a lege ejus se dividendo : unde Jerem. 9. v. 13. *dereliquerunt legem meam , quam dedi eis , & non audierunt vocem meam .* Hoc autem facit etiam homo in hoc mundo . Quare ergo vis intelligere prædicta verba Jeremiæ : *me dereliquerunt ; &c.* cum determinatione ista : in cælo ? Erras quidem scripturam propheticam non intelligens .

HÆR. Ad idem inducunt illud , quod legitur in Threnis Jerem. 2. v. 1. *Quomodo obtexit caligine in furore suo Dominus filiam Sion : projecit de cælo in terram inclitam Israel ?* Per hoc enim volunt quod populus Dei in cælo fuerit , & a Deo sancto creatus in hunc mundum caliginosum ejectus sit , ut in terram alienam .

CATH. Dico quod nomine cæli intelligitur altitudo status , in quo prius fuerat Jerusalem , sive filia Sion respectu aliarum nationum , a qua altitudine propter peccatum suum projecta dicitur in terram , id est in statum infimum , sicut terra inter elementa , & corpora alia infima est . Non dicitur igitur de cælo projecta eo quod cælestis fuerit habitatio , sed status sui altitudine super alias nationes , sicut cælum super alia corpora est altitudine sua . simile autem habemus in Paulo , qui dicit ad Philipp. 3. v. 20. *nostra autem conversatio in cælis est ;* & tamen Paulus , & alii Apostoli , in quorum persona loquebatur non erant in cælesti habitatione , sed in ea erant conversationis altitudine ; alta enim sua conversatio erat , & sua vita ; unde 2. Corinth. 4. v. 18. dicit se non contemplari *quæ videntur , sed quæ non videntur .* Quæ enim videntur ,

[*] Desid. in Cod. Neap. deest etiam in Vat.

[*] Desid. in Cod. Neap. & in Vat.

tur, temporalia sunt: quæ autem non videntur, æterna sunt.

Ad hanc altitudinem nos movet cum dicit ad Colos. 3. v. 1. *quæ sursum sunt querite, ubi Christus est in dextera Dei sedens.*

Præterea cæli nomine quandoque intelligitur gaudium, vel civitas gaudens, sicut potest haberi Isaïæ 65. v. 17. *Ecce enim ego creo cælos novos, & terram novam: & non erunt in memoria priora, supple mala, & non ascendent super cor.* Et post pauca exponens quid dixerit cælum novum, & terram novam, subdit 18. *ecce ego creo Jerusalem exultationem, & populum ejus gaudium.* De cælo ergo projecit Dominus inclytam Jerusalem, quando de gaudio felicitatis suæ projecit eam in amaritudinem, & dolorem, quam per terram intelligit Jer. cum dicit: *in terram, & non addit novam Apocalypsis 8. v. 13. væ, væ, væ habitantibus in terra.*

HÆR. Ad idem inducunt illud in Threnis Jerem. 4. v. 1. *Quomodo obscuratum est aurum, mutatus est color optimus, dispersi sunt lapides Sanctuarii in capite omnium platearum?* Item illud, quod eodem capite habetur 2. *Filii Sion inclyti, & amicti auro primo: quomodo reputati sunt in vasa testea, opus manuum figuli?* Dicunt enim quod filii Dei in cælis ex tribus constant substantiis, scilicet anima, & corpore, & spiritu. Isti Filii sunt stellæ, de quibus dicunt, quod Draco traxit tertiam partem, ut dicitur in Apocalypsi; id est animas secum, quas seduxit spiritibus non seductis relictis in corporibus splendidis velut auro, candidioribus nive, rubicundioribus ebore antiquo. Istas autem animas inclusit in vasis testeis, quæ sunt opus manuum figuli hujus Mundi.

Ad hoc dicimus quod lamentabatur, & plorabat destructionem Civitatis suæ; id est Jerusalem terrenæ. Et quod ita fit evidentissimum est. Et Filii illorum apud nos sunt, qui a Patribus per successionem istud didicerunt & protestantur. Neque ostendere possunt, quod de cælesti loquatur. Per hoc autem, quod Jerem. ait: *Filii Sion inclyti, & amicti auro primo*, sicut & per alia etiam ibi posita, describit gloriam, honorem, & felicitatem, in qua fuerat Jerusalem. Per alia autem ibidem posita describit vilitatem, ignominiam, & miseriam, ad quam devenerat. Lege in Threnis, & invenies sicut dico in eodem capite.

Quod autem non possit intelligi de cælesti Jerusalem potest ostendi ex eo, quod ponant istam prophetiam in cælo factam; & ponunt quod præsens de præsentis accipiendum est, & præteritum pro præterito, & futurum pro futuro. Quia secundum eos oportebit dicere quod vasa illa testea in cælo habuerunt; dicit enim: *quomodo reputati sunt in vasa testea*, cum tamen dicant ista vasa in hoc mundo a Principe ejus fabricata?

Præterea quod vasa testea in hoc mundo & lutea a Deo bono habuerint patet in Prophetis. Dicit enim Isaïas 64. v. 7. *Abcondisti faciem tuam a nobis &c. usque ad irascaris Domine satis.* Nonne Apo-

stolus Rom. 9. v. 21. loquens de Patre Justorum: *An non habet potestatem figulus luti &c.?* 2. Timoth. 2. v. 20. *In magna autem domo non solum sunt vasa aurea, & argentea, sed & lignea, & fictilia.* Relinquitur igitur quod de ista terrena Jerusalem intelligatur, ut prædixi. Nonne & Job 10. v. 9. idem dicit loquens ad Dominum: *Memento quæso, quod sicut lutum feceris me, & in pulverem reduces me &c.?* Quod ergo dicitur: *in vasa testea* intelligendum est quod Judæi viles erant, abjecti, & fragiles, ut hujusmodi vasa.

HÆR. Ad idem inducunt illud, quod legitur in Oratione Jeremiæ cap. 5. v. 15. dicentes istud esse verbum ovium Israel, quæ in cælo peccaverunt: *Defecit gaudium cordis nostri: versus est in luctum chorus noster.* 16. *Cecidit corona capitis nostri: væ nobis quia peccavimus* 17. *Propterea mæstum factum est cor nostrum, ideo contenebrati sunt oculi nostri.* 18. *Propter Montem Sion quia dispersiit, vulpes ambulaverunt in eo.*

CATH. [*] Solutio hujus est manifesta; istud enim verbum, quod hoc modo intelligunt, nullo testimonio possunt ostendere. [*]

HÆR. Ad idem inducunt illud, quod legitur ad Galat. 4. v. 25. *Sina enim mons est in Arabia, qui conjunctus est ei, quæ nunc est Jerusalem, & servit cum filiis suis.* 26. *Illam autem, quæ sursum est Jerusalem, libera est, quæ est mater nostra.* Ex hoc volunt quod cælestis Jerusalem fuerit mater Pauli, & aliorum Electorum, & quod inde nati fuerint, & huc venerint.

CATH. Ad hoc dico quod per Jerusalem, quæ sursum est, intelligitur Ecclesia, quæ in mundo isto peregrinatur a Domino; sed sursum esse dicitur eo modo, quo Paulus existens in hoc Mundo dicit: *Nostra autem conversatio in cælis est.* Quod quomodo intelligi debeat dictum est prius in eodem capitulo. Ista autem Ecclesia mater nostra est, quia nos genuit in Fide, Spe, & Charitate Christi per Evangelium.

Præterea si dixero Tibi per Jerusalem, quæ sursum est, intelligitur [*] Ecclesia cælestis, id est quæ jam in cælo est, mater nostra, numquid poteris ostendere quod ibi genuerit nos, vel alios, & quod inde huc venerit Populus Dei? Non potes aliquo testimonio. Nonne Christus, qui hic nos genuit, sursum est? Et tamen quibusdam Christum recipientibus, & credentibus dedit potestatem filios Dei fieri in hac inferiori habitatione. Nonne, ut ipse Apostolus ait ad Galat. 4. v. 4., postquam venit plenitudo temporis, *misit Deus Filium suum factum ex muliere factum sub lege, 5. ut eos, qui sub lege erant, redimeret, ut adoptionem filiorum reciperemus?* Nonne & ipsam adoptionem filiorum receperunt hic? Utique. Unde ad Galat. 3. v. 26. dicit: *Omnes enim filii Dei estis per fidem, quæ est in Christo Jesu.* Potest igitur esse quod Generans sursum sit, & tamen genitum in terra sit genitum.

HÆR. Ad idem inducunt illud, quod habetur Rom. 11. v. 32. *Conclusit enim Deus omnia in incredulitate: ut omnium misereatur.* Ergo miserebitur Angelorum, qui in cælo contra ipsum peccaverunt.

CA-

[*] Quæ duobus asteriscis comprehendimus, desunt e Codd. Vat. & Neap.

[*] Vat. Codex pro Ecclesia, habet gloria.

CATH. Ad hoc dico: quomodo potest hoc esse secundum te, cum iuraverit eis secundum intellectum tuum pravam, quod non intrarent in requiem suam propter incredulitatem eorum, ut habetur ad Hebræos 3. v. 18. & 19. Dicas ergo mecum Apostolum intellexisse utrumque populum incredulum extitisse, & Dominum utriusque populi misereri velle, ut probatur in illo capite, & quasi per totam Epistolam ad Rom., ubi etiam dicitur Rom. 3. v. 29. *An Judæorum Deus tantum? Nonne & Gentium? Immo & Gentium.* 30. *Quoniam quidem unus est Deus, qui iustificat circumcisionem ex fide, & præputium per fidem.*

HÆR. Ad idem inducunt quod habetur ad Galat. 6. v. 16., ubi dicit Apostolus. *Quicumque hanc regulam secuti fuerint, pax super illos, & misericordia, & super Israel Dei.* Ex hoc enim volunt quod duplex sit Israel: unus Dei, & alter non. Necessè est autem intelligere Dei populum, qui coram Patre iustorum in cælo peccavit, & propter peccatum huc descendit.

CATH. Ad hoc respondeo: Si tu vis habere quod per hoc, quod ait Apostolus: *Israel Dei*, alium oportet intelligere, qui non est Dei, dato hoc: numquid per hoc habetur, quod ille Israel, qui Dei non est, non sit creatus a Deo bono? Non habetur. Nonne Apof. Rom. 9. v. 25. refert: *Dominus Osee 2. v. 23. dicit: Vocabo non plebem meam, plebem meam, & non dilectam, dilectam: & non misericordiam consecutam, misericordiam consecutam.* 26. *Et erit: in loco, ubi dictum est eis: non plebs mea vos: ibi vocabuntur filii Dei vivi?* Vides ergo quod idem populus dicitur esse Dei, & non Dei: quod esse non posset, si diceretur non esse Dei, id est non esse creatus a Deo. Quod autem dicis necessè esse Israel intelligi Dei populum, concedo; sed quod addis dicens quod ille populus coram Deo in cælo peccaverit, dico: falsum est: Proba hoc. Cumque hoc non possis facere, obmutescere. Ego autem dico utrumque Israel esse Dei per creationem. Dico etiam istud: unum Israel esse Dei, & alium non esse Dei. Ille est Dei, qui regulam Apostoli sequitur, id est qui in cruce Domini nostri Jesu Christi gloriatur tamquam in causa salutis sufficientissima sine legalium sacrificiorum post Christi adventum observantia, & sine ritu circumcisionis, vel Gentilitatis; unde dixerat 14.: *In Christo enim Jesu, id est ad Christi gloriam habendam, neque circumcisio aliquid valet, neque præputium, sed nova creatura;* id est Fides, Spes, & Charitas, & aliæ virtutes, quæ a Deo creantur, id est de non esse in esse producantur, & sunt novæ, quia faciunt hominem novum. Dicitur autem talis Israel esse Dei ad differentiam illius, de quo habetur 1. Corinth. 10. v. 18. ubi dicit Apostolus: *Videte Israel secundum carnem*, id est carnales ritus servantem. Ille non est Dei, quia non est Christi per Fidem, li-

cet Dei sit per creationem, unde Rom. 9. v. 27. cum dixisset Apost. *Isaias autem clamat pro Israel; Si fuerit numerus filiorum Israel tamquam arena maris, reliquæ salvæ fient* post aliqua verba subdidit de isto Israele 31.: *Israel vero sectando legem iustitiæ, in legem iustitiæ non pervenit.* 32. *Quare? Quia non ex Fide, sed quasi ex operibus,* supple, quærebat iustitiam habere. De isto etiam Israele habes Rom. 10. v. 21.: *Ad Israel autem dicit: tota die expandi manus meas ad populum non credentem & contradicentem.* De isto dicitur Rom. 11. v. 35. *cacitas ex parte contigit in Israel.*

Respondeo igitur ad primam auctoritatem, & dico quod Apostolus loquitur de duobus populis, scilicet Gentili, cum dicit: *Quicumque hanc regulam secuti fuerint, pax super illos, & misericordia:* de Judæo cum dicit: *& super Israel Dei*, quasi dicat: non super totum Israel, sed super illum, qui habet fidem Dei, quæ est quod *in Christo Jesu neque circumcisio aliquid valet, neque præputium, sed nova creatura.*

HÆR. Dicunt etiam isti Hæretici populum Dei cælestem sæpe captivatum a Domino ad pristinam gloriam redditum fuisse; unde dicit David psalmo 105. v. 43. *sæpe liberavit eos.*

CATH. Solutio. Quod David loquatur ibi de cælestibus creaturis nullo testimonio ostendere possunt. Ibi enim intelligitur de Filiis Israel educitis de Ægypto in terram Chanaan, sicut patet ex historia Veteris Testamenti, quæ ibi textitur, & quam recolit Apost. Actor. 13. v. 16. *Viri Israelitæ, & qui timetis Deum audite:* 17. *Duces plebis Israel elegit Patres nostros &c. usque ad Salvatorem Jesum:*

Ad idem etiam inducunt illud Hebr. 2. v. 10.: *Decebat enim eum, propter quem omnia, & per quem omnia, qui multos filios in gloriam adduxerat, auctorem salutis eorum per passionem consummare.*

Solutio. Apost. dicit Christum auctorem salutis eorum filiorum, quos in gloriam adduxerat, id est prævidebat adducendos. Sæpe præteritum ponitur pro futuro, ut patet in hoc lib. cap. 7. §. 2. Passio ergo præcedit additionem illorum in gloriam. Nec potest dicere Hæreticus sic fore intelligendum: Decebat Deum per passionem consummare auctorem salutis; sic enim oporteret eum dicere, quod illa passio esset bona, & a Deo, quia decet eum, & honorificata ei est, quod tamen ipse non credit.

§. II.

Probatio Ecclesiæ quod nulli ex necessitate (5) salvantur.

O Stenfo unde habere velint populum de cælo fuisse dejectum, sed per pœnitentiam hic factam illuc

(5) Natura, & necessitate quadam salvari eos, qui re ipsa salutem consequuntur, putarunt olim Valentinus, & Basilides. Hujus autem rei testis est Clemens Alexandrinus in V. Stromateum libro; pag. 398. sic enim habet: *sunt ergo supervacanea præcepta tam in veteri, quam in novo testamento; cum natura salvus fiat aliquis, ut vult Valentinus, & sit natura fidelis, & electus, ut putat Basilides: fieri autem poterat, ut absque adventu servatoris, aliquotandem tempore posset natura resplendere. Sin autem necessarium dixerint adventum Domini, evanescent eis naturæ proprietates: cum doctrina, & purgatione, & bonorum*

operum effusione, non autem natura servetur electio. Vide Irenæum lib. 11. contra Hæres. cap. 21. pag. 159. lib. 4. contra Hæreses cap. xxxvii. al. lxxii. num. 2. pag. 281. Edit. an. 1710. Consuluntor etiam fragmenta Basilidis, Ildori, & Valentini, quæ ex Clementis Alexandrini libris Stromateon exrompta; exstant in Appendice Opp. S. Irenæi pag. 350. seqq. Eodem tere revolvuntur quæ Manichæi jactabant. De qua re consuli poterunt Titus Bo-strensis lib. 1. contra Manichæos pag. 88. seqq. & Acta Archelai n. 29. pag. 48. seqq. Vide Notam 1. ad cap. v. Hujus 1. libri.

illuc revocandum ; ostenso etiam , quod illa testimonia , quibus hoc asserunt , non sunt pro eis , accedamus ad secundum , quod proposuimus , ad ostendendum videlicet [*] quod nulli ex necessitate salvantur .[*]

Et primo inducemus illud , quod habetur Matth. 5. v. 20. : *Nisi abundaverit justitia vestra plus , quam Scribarum , & Phariseorum , non intrabitis in regnum cælorum* . Ecce quod dicit : *nisi abundaverit &c.* Poterat ergo abundare justitia eorum super justitiam Scribarum , & Phariseorum , & non abundare , alioquin non dixisset : *nisi &c.* Poterant ergo intrare , & non intrare in regnum cælorum , ergo poterant salvari , & non salvari ; ergo non salvantur ex necessitate .

Item ibidem dicitur 21. : *Omnis , qui irascitur fratri suo , reus erit judicio* . Quilibet autem potest irasci fratri suo , ergo potest esse reus judicio ; ergo quilibet potest damnari .

Item ibidem : *Qui autem dixerit , fatue : reus erit gehennæ ignis* . Ille vero est ignis inextinguibilis illis , qui ibi fuerint . Sed potest esse quod quis dicat Fratri suo : fatue ; ergo potest mitti ad gehennam ignis inextinguibilis . Nemo igitur necessario salvatur .

Item Matth. 5. v. 13. *Si sal evanuerit , in quo salietur ? Ad nihilum valet ultra , nisi ut mittatur foras , & conculcetur ab hominibus* . Ille sal de qua creatione est ? Si de bona : ergo potest evanescere , ita quod ultra nihil valeat , nisi ut conculcetur : ergo potest damnari : Si de mala : quomodo potest evanescere , cum semper vanum sit , & naturaliter vanum .

Item Matth. 6. v. 19. dicitur : *Nolite thesaurizare vobis thesauros in terra ; ubi ærugo , & tinea demolitur &c.* Ex quibus verbis colligitur quod Discipuli Christi habent liberum arbitrium , & quod possunt thesaurizare in diversis locis , scilicet in cælo , & non in cælo ; ergo possunt damnari .

Item Lucæ 6. v. 37. *Nolite judicare , & non judicabimini : nolite condemnare , & non condemnabimini* . Ex quibus verbis concluditur quod habebant liberum arbitrium ad judicandum , & condemnandum , & ad suum oppositum . Ergo poterant condemnari .

Item Jacobi 5. v. 9. *Nolite ingemiscere fratres in alterutrum , & non judicemini* . Ex quibus verbis eruitur quod liberum arbitrium habebant ad ingemiscendum , id est ad provocandum ad gemitum unus alterum , & quod poterant cadere sub iudicium , id est damnationem , si hoc facerent . Quod autem per iudicium intelligatur damnatio patet Johannis 5. v. 29. ubi dicitur : *qui vero mala egerunt , ibunt in damnationem judicii , sive mortis ; prius enim dixerat : in resurrectionem vitæ* .

Item Matth. 18. v. 3. *Nisi conversi fueritis , & efficiamini sicut parvuli , non intrabitis in regnum cælorum* . Ex his verbis patet quod poterant converti , & non converti ; item fieri sicut parvuli , & non fieri ; ergo poterant non intrare in regnum cælorum .

Item Lucæ 21. v. 34. : *Attendite autem vobis , ne*

forte graventur corda vestra in crapula , & ebrietate , & curis hujus vitæ : & superveniat in vos repentina dies illa 35. : Tamquam laqueus enim superveniet in omnes , qui sedent super faciem omnis terræ . De die illa repentina habetur 1. ad Thessa. 5. v. 2. *Dies Domini , sicut fur in nocte , ita veniet* . Dicit autem Jesus in Luca : *Attendite autem vobis ; poterant enim non attendere sibi ; & si non attendissent , supervenisset in eos repentina dies illa tamquam laqueus ; ergo poterant damnari* .

Item ibi dicitur 36. : *Vigilate itaque , omni tempore orantes , ut digni habeamini fugere ista omnia , quæ futura sunt , & stare ante Filium hominis* . Poterat ergo esse , quod non invenirentur digni fugere illa , & stare ante Filium hominis . Ergo poterant non salvari .

Item Lucæ 13. v. 1. cum nunciatum esset Jesu de Galilæis , quorum sanguinem Pilatus miscuit cum sacrificiis eorum , 2. Respondens Jesus dixit illis : *Putatis quod hi Galilæi præ omnibus Galilæis peccatores fuerint , quia talia passi sunt ? 3. Non , dico vobis : sed nisi penitentiam habueritis , omnes simul peribitis* . Constat quod isti jam uno modo perierant , id est in perversitatem , & peccatum ierant . Dominus autem dicit eis *peribitis* . Ergo non sumit ibi perire pro ire in peccatum , sed sumit pro ire in perditionem , sive æternam mortem ; ergo non necessario salvabuntur , maxime cum eis dicat 5. *similiter peribitis* .

Item Johannis 8. v. 21. *Ego vado , & quæretis me , & in peccato vestro moriemini* . Isti erant de creatione bona , & mortui erant spiritualiter , quia erant in peccato . Quare ergo dicit eis : *moriemini* , quod est futurum ? Numquid intelligit Jesus : moriemini corporaliter ? Ostendo quod non ; statim enim dicit eis 24. *Si enim non credideritis quia ego sum , moriemini in peccato vestro* . Palam enim est quod sive crederent , sive non crederent ipsum esse Christum , sive etiam peccatum haberent , sive non , tamen corporaliter mortui essent . Ergo non loquitur de morte corporis , neque de morte animæ , quæ mors est peccatum , quia illa morte jam mortui erant ; ergo loquitur de morte damnationis æternæ . Ergo poterant damnari , licet essent de bona creatione . Si autem dicas quod erunt de mala creatione : quomodo potest hoc stare , cum dicat eis : *Si enim non credideritis quia ego sum &c. ?* Et parum postea dicitur 30. : *Hæc illo loquente , multi crediderunt in eum* . Quibus postea dixit 31. *Si vos manseritis in sermone meo , vere Discipuli mei eritis : 32. & cognoscetis veritatem , & veritas liberabit vos* . Ergo erant de bona creatione ; quod verum est ; tamen poterant non salvari , ut ostensum est .

[*] Item 1. Corinth. 9. v. 24. : *sic currite ut comprehendatis* , supple bravium supernæ vocationis , de quo Philip. 3. v. 14. Prius dixerat : *Omnes quidem currunt , sed unus accipit bravium* . Et postea subdit : *sic currite ut comprehendatis* . Quare ? Quia possent currere , quod non comprehenderent . Ergo non omnes , qui a Deo Sancto sunt , salvabuntur ex necessitate .

Item

[*] Quæ duobus asteriscis comprehensa vides defunt e Vat. & Neap. Codd.

[*] Quæ duobus asteriscis comprehensa cernis desiderantur in Codd. Vat. & Neapolitano .

Item quod non omnes salventur ex necessitate patet per illud verbum Apostoli ibidem 25. *Omnis autem, qui in agone contendit, ab omnibus se abstinet, & illi quidem ut corruptibilem coronam accipiant: nos autem incorruptam.* Ex quo patet quod taliter possent pugnare quod non haberent coronam incorruptam. Hebr. 4. v. 1. *Timeamus ergo ne forte relicta pollicitatione introeundi in requiem ejus, existimetur aliquis ex vobis deesse.* Forte est adverbium eventus; quasi dicat: bene potest hoc evenire; Si enim non posset evenire, quare timeamus illud evenire, scilicet quod deficeremus a requie, & sabbatismo populi Dei. [*]

Item 2. Corinth. 5. v. 10. *Omnes enim nos manifestari oportet ante tribunal Christi &c.* Ergo boni, & mali reddent rationem Domino in die judicii; sed mali damnabuntur; ergo aliqui de creatione bona damnabuntur; non enim redderent ei rationem, nisi de sua creatione essent.

Item Apostolus ad Galat. 4. v. 10. dicit quibusdam: *Dies observatis, & menses, & tempora, & annos.* 11. *Timeo vos, ne forte sine causa laboraverim in vobis.* Sed quæ erat causa, quare laboraverat in eis, & in aliis? Constat quod ut salvarentur; unde 1. Corint. 10. v. 33. dixit: *Non querens quod mihi utile est, sed quod multis: ut salvi fiant.* Et Rom. 11. v. 13. *Vobis enim dico gentibus &c.* Cum ergo dicat: *Timeo vos &c.* ergo poterat sic evenire. Ergo non necessario salvabuntur.

Item Apostolus ad Philipp. 2. v. 12. *cum metu, & tremore vestram salutem operamini.* Quare cum timore, si de necessitate salvantur? Præterea quare monet eos operari salutem suam, si de necessitate hoc faciunt, & non ex libero arbitrio? Constat igitur, quod non salvantur necessario.

Item ad Colos. 1. v. 21. *Et vos cum essetis aliquando alienati, & inimici sensu in operibus malis: 22. nunc autem reconciliavit in corpore carnis ejus per mortem, exhibere vos sanctos, & immaculatos, & irreprehensibiles coram ipso: 23. Si tamen permanetis in fide fundati, & stabiles, & immobiles a spe evangelii.* Ecce quod Apostolus dicit exhibendos Colossenses sanctos, &c. si permanferint in fide. Poterant ergo non permanere in ea; Ergo poterant non esse coram Deo; Ergo poterant non salvari.

Item 2. Thessa. 3. v. 5. *misit ad cognoscendam fidem vestram: ne forte tentaverit vos is, qui tentat, & inanis fiat labor noster.* Si inanis fieri poterat labor ejus, idest vacuus a fructu: Ergo poterant esse sine salute.

Item Epist. 2. Johannis 8. dicitur quibusdam ambulanti in veritate: *Videte vos metipsos, ne perdati quæ operati estis: sed ut mercedem plenam accipiatis.* Ecce quod B. Johannes admonet Electum, & natos ejus, ut caveant, ne perdant, quæ in Domino fecerant, & ut mercedem plenam accipiant. Ergo poterant perdere ea, quæ fecerant, & non accipere mercedem plenam; ergo non necessario salvabantur.

Item ibidem dicitur 9. *Omnis, qui recedit, &*

non permanet in doctrina Christi, Deum non habet? qui permanet in doctrina, hic & Patrem, & Filium habet. Et post pauca subjungit. ** Ecce prædixi vobis ut in die Domini nostri Jesu Christi non confundamini.* Iste est dies ultimus, in quo Christus judicaturus est orbem in æquitate, ut habetur Actor. 17. v. 30. *Tempora quidem hujus ignorantia despiciebat Deus, nunc annunciat hominibus, ut omnes ubique poenitentiam agant* 31. *eo quod statuit diem, in quo judicaturus est orbem in æquitate.* Item 1. Thess. 5. v. 2. *Dies Domini, sicut fur in nocte, &c.*

Isti, quibus Johannes loquebatur, de bona erant creatione. Monebat autem eos manere in doctrina Christi, ne confunderentur in die judicii; Ergo poterant confundi in die illo. Ergo non necessario salvabantur.

Item Apocalyp. 3. v. 11. dicat Dominus Angelo Philadelphie: *Ecce venio cito: tene quod habes, ut nemo accipiat coronam tuam.* Quare ei hoc dixisset, nisi potuisset coronam amittere? Ergo non necessario salvabantur.

§. III.

Probatio Ecclesie, quod non omnes, qui creati sunt a Deo bono salvabuntur.

O Stenſo quod non salvantur aliqui ex necessitate accedamus ad tertium, quod proposuimus, & ostendamus Domino adjuvante quod non omnes, qui creati sunt a Deo bono, salvabuntur. Dicitur enim de Christo Matth. 3. v. 12. *Cujus ventilabrum in manu sua: & permundabit aream suam: & congregabit triticum suum in horreum paleas autem comburet igni inextinguibili.* Numquid hæ paleæ sunt de creatione bona? Utique. Ex eodem enim est palea, & triticum. Dicitur autem quod Dominus comburet has paleas igni inextinguibili; Ergo non omnes de creatione sua salvabuntur, nec omnes ponentur in horreo suo.

Si autem vis dicere quod de mala creatione sunt, hoc esse non potest. Primo quia palea, & triticum ex eodem sunt. Secundo quia dicitur; *comburet.* Sed quo igne? Numquid suo igne, quem venit mittere in terram, ut dicitur Lucæ 12. v. 49? Non. Numquid igne alieno, id est a Diabolo creato? Non, quia illo non utetur. Præterea si utitur illo; ergo ille est de sua jurisdictione.

Item Matth. 3. v. 10. *omnis ergo arbor, quæ non facit fructum bonum, excidetur, & in ignem mittetur.* Sed in quem ignem? Non nisi in illum, de quo dicitur: *paleas autem comburet igni inextinguibili.* Ergo non omnes oves Israel salvabuntur.

Item Matth. 20. v. 1. ubi ponitur parabola patris familias, *qui exiit primo mane conducere operarios in vineam suam; in fine enim parabole dicitur 16. Multi enim sunt vocati, pauci vero electi.* Sed soli electi salvabuntur, ergo cum vocati plures sint, quam electi, aliqui vocati non salvabuntur. Sed de qua creatione sunt? Numquid de mala? Non potest hoc

[*] Non exstat hic v. in vulgatis: quamvis in plerisque vetustis latinis Codicibus exstet, præsertimque in Gemblacensi, a datur-

que v. 11. Vide Millium in Notis ad Epist. 11. S. Johannis.

hoc dici, quia illos non vocaret Paterfamilias ad laborandum in vinea sua, malum enim laborem ibi facerent, sicut ipse bene scit. Ergo aliqui de bona creatione non salvabuntur.

Idem verbum habetur Matth. 22. v. 12. 13., ubi Dominus illum, quem jubet projici in tenebras exteriores, vocat amicum: quod non faceret, si esset de mala creatione. Ergo erat de bona creatione, & tamen damnandus.

Si autem velles dicere, quod ista parabola in alio seculo facta fuerit: quomodo hoc esse potest, cum Rex ille ad nuptias Filii sui jubeat bonos, & malos vocari.

Item Matth. 26. v. 49. legitur de Juda, quod *accedens ad Jesum dixit: Ave Rabbi. Et osculatus est eum.* 50. *Dixitque illi Jesus: Amice, ad quid venisti?* Modo quæro. Aut Judas amabat eum, aut e contrario; aut neque amabat, neque amabatur a Jesu? Si hoc ultimum vis dicere, Christum facis mendacem, quia Amicus dicitur vel quia amat, vel quia amatur. Dicere autem non potes quod Judas amaret Jesum. Ergo oportet dicere, quod Jesus eum amabat: quod minime fecisset, si de creatione contraria fuisset. Ergo Judas de creatione sua fuit. Quod etiam patet per illud Johannis 13. v. 18. *qui manducat mecum panem, levabit contra me calcaneum suum;* & per illud Davidis psalm. 40. v. 10. *Homo pacis mea, in quo speravi,* &c. Fuit igitur bonæ creationis, & tamen periit sine fine damnandus. Ergo non omnes de sua creatione salvabuntur.

(*) Ad hoc dicunt Quidam, hoc non esse verum propter illud Matth. 19. v. 28. *Vos, qui secuti estis me, in regeneratione,* &c. usque ad *tribus Israel.*

Hujus autem solutio patet ex illo verbo Johannis 13. v. 17. *Si hæc scitis, beati eritis, si feceritis ea.* 18. *Non de omnibus vobis dico: Ego scio quos elegerim,* supple cum effectu, idest in quibus electio mea effectum habebit beatitudinis.

Præterea Johannis 17. v. 12. dicitur *Filius perditionis.* Et quare? Si quia cecidit in peccatum: similiter & Petrus, & alii; unde dicit Matth. 26. v. 31. *omnes vos scandalum patiemini in me, in ista nocte.*

Si dicas: illos recuperavit, similiter & istum recuperabit, ut credis, dico quod hoc esse non potest. Nam Lucæ 22. v. 22. *væ homini illi, per quem tradetur.* Item Actor. 1. v. 24. *Tu Domine, qui corda nosti omnium, ostende, quem elegeris ex his duobus unum* 25. *accipere locum ministerii hujus, & apostolatus, de quo prævaricatus est Judas, ut abiret in locum suum,* &c. Ex quo patet quod numquam restitueretur, alioquin Episcopatus tolleretur Mathiæ. Item 1. Corinth. 1. v. 18. *Verbum enim crucis pereuntibus quidem stultitia est: iis autem, qui salvi fiunt, idest nobis, Dei virtus est.* Hic distinguuntur pereuntes, & illi, qui salvi fiunt. De Juda autem dicitur Johannis 17. v. 12. *nemo ex eis periiit, nisi Filius perditionis.* Ipse ergo est de per-

euntibus, & perditis; ergo non est de iis, qui salvi fient.

Similiter respondere potes per illud Lucæ 22. v. 29. *& ego dispono vobis sicut disposuit mihi Pater meus regnum,* &c. Jam enim evanuerat Judas, & dictum erat: *væ homini illi, per quem tradetur.*

Præterea omnia talia Matth. 5. v. 12. *gaudete & exultate, quoniam merces vestra copiosa est in cælis;* item Matth. 19. v. 28. *sedebitis,* &c. intelliguntur conditionaliter: si non evanueritis. Unde post illa verba Matth. 5. v. 12. *gaudet,* &c. statim subditur 13. *Si sal evanuerit, in quo salietur?* Item ante illa verba Lucæ 10. v. 20. *gaudete autem, quod nomina vestra scripta sunt in cælis* ponitur 18. *videbam satanam sicut fulgur de cælo cadentem.*

Si autem objiciant illud Johannis 6. v. 39. *omne, quod dedit mihi Pater, non perdam ex eo:* respondendum est quod ibi dicitur: *Hæc est autem voluntas ejus, qui misit me, Patris: ut omne, quod dedit mihi, &c.* Non enim de voluntate Dei fuit illius perditio, sed ex illius peccato. Quod autem sit perditus patet Johannis 17. v. 12., ubi dicitur *Filius perditionis.* Quod autem hujus perditio fuerit ex illius peccato patet Lucæ 22. v. 22. *væ homini illi;* & subdit causam, cum ait: *per quem tradetur.* [*]

Item Lucæ 14. v. 16. *Homo quidam fecit cœnam magnam, & vocavit multos, &c.* Ubi potes similiter argumentari, ut habetur in cap. de libero arbitrio.

Item Lucæ 8. v. 5., ubi ponitur de semine, quod *aliud cecidit secus viam, & conculcatum est, & volucres cæli comederunt illud.* 6. *Et aliud cecidit supra petram: & natum aruit, quia non habebat humorem.* 7. *Et aliud cecidit inter spinas, & simul exorta spina suffocaverunt illud.* 8. *Et aliud cecidit in terram bonam: & ortum fecit fructum centuplum.* De qua creatione erant illi, in quibus tres partes seminis perierunt? Numquid de mala? Non, quia fator, idest Christus non jactasset ibi semen suum; bene enim sciebat, quod ibi periisset. Erant ergo de bona creatione, & tamen semen verbi Dei periit in eis; videtur ergo quod aliqui de bona creatione non salvabuntur.

Si autem Hæreticus replicet contra nos, & dicat: Nonne Christus sciebat, quod semen periisset in illis? Quare ergo feminat?

Respondeo ut ostenderet quod ipse vult omnes homines salvos fieri, & ad agnitionem veritatis venire. Si autem aliqui non salvantur, aut non veniunt ad agnitionem veritatis, per hoc ostendit, quod ex eorum mala voluntate profluit, sicut ipse dicit Matth. 23. v. 37. *Jerusalem Jerusalem, quæ occidis Prophetas, & lapidas eos, qui ad te missi sunt, quoties volui congregare filios tuos, quemadmodum gallina congregat pullos suos sub alas, & noluiisti?*

[*] Notandum est huc duplex semen; verbi, & exempli. Utrumque feminavit Christus in aliquibus, ut essent inexcusabiles. Johannes 15. v. 22. *Si non venissem, & locutus fuisset eis, peccatum*

non

[*] Quæ duobus asteriscis hic complexi sumus defunt e Codd. Vat. & Neap.

[*] Defunt hæc item, quæ duobus asteriscis comprehendimus e codd. Vat. & Neap.

non haberent : nunc autem excusationem non habent de peccato suo . Item ibidem 24. si opera non fecissem in eis , quæ nemo alius fecit peccatum non haberent : nunc autem & viderunt , & oderunt me , & Patrem meum .

Item Johannis 17. v. 12. dicit Christus ad Patrem : *Quos dedisti mihi , custodi vi : & nemo ex eis periit , nisi Filius perditionis .* Constat quod perire est de bono ad malum ire secundum te . Ergo si Judas periit de bona creatione fuit .

Item Pater dedit eum Christo . Ergo habebat eum in potestate sua ad dandum , si voluisset . Quomodo hoc esse posset , si de ejus dominio non fuisset , cum Diabolus in suis rebus omnipotens sit ?

Præterea quomodo rem alienam Filio suo dedisset , in qua nihil juris habebat ? Sic injuriam fecisset Diabolo .

Præterea nonne dicitur de Juda Actor. 1. v. 20. & in Davidis psalmo 108. v. 8. *Et Episcopatum ejus accipiat alter , scilicet Mathias ?* Ergo Judas Episcopus fuit Ecclesiæ Dei ; ergo de bona creatione , & tamen perditus , unde & *Filius perditionis* est dictus .

Item Rom. 9. v. 6. dicit Apostolus : *non enim omnes , qui ex Israel sunt , ii sunt Israelitæ .* Quomodo tu vis accipere Israelitas ? Constat quod pro illis , qui de bona creatione sunt , & sunt salvandi . Modo quæro : de quo Israel loquebatur ? Si de bono , id est de illo , unde oves Israel dictæ sunt : quomodo ergo stabit quod dicit : *non enim omnes , qui ex Israel sunt , ii sunt Israelitæ ?* Sic ergo videtur quod ex bono Israel sint aliqui non salvandi . Ergo non omnes Israel oves salvabuntur . Si dicas quod pro malo Israel sumitur ; quomodo ergo dicit : *non enim omnes , &c. ?* Immo nulli ex illo nati essent Israelitæ salvandi .

[*] Item 1. Corinth. 9. 24. *omnes quidem currunt , seu unus accipit bravium .* Quid autem sit istud bravium habetur ad Philipp. 3. v. 13. & 14 ; ubi dicit Apostolus quod seipsum extendebat ad bravium supernæ vocationis , id est divina vocatione dandum in supernis . Post prædicta verba : *omnes quidem , &c.* subjunxit Apostolus : *sic currite ut comprehendatis ;* quasi diceret : sicut omnes illi currunt ad bravium , & tamen unus , non autem omnes obtinent , & acquirunt ipsum ; ita posset accidere nobis . Loquitur vero illis , qui de dominio Dei erant . Ergo non omnes , qui a Deo sancto sunt , salvantur . [*]

Item ad Philipp. 3. v. 18. *Multi enim ambulant , quos sæpe dicebam vobis (nunc autem & flens dico) inimicos crucis Christi : 19. quorum finis interitus : quorum Deus venter est : & gloria in confusione ip-*

sorum , qui terrena sapiunt . Apostolus flebat pro istis , qui erant inimici crucis Christi , & eorum finis interitus . Et si ii fuissent de mala creatione , non flevisset pro eis per hoc , quod inimicarentur cruci Christi , & finaliter interirent . Ergo erant de bona creatione ; ergo aliqui de bona creatione finaliter pervenient ad interitum ; ergo non omnes de creatione bona salvabuntur .

Item 1. Corinth. 9. v. 27. dicit Paulus : *castigo corpus meum , & in servitutem redigo : ne forte cum aliis prædicaverim , ipse reprobus efficiar .* Ergo poterat esse a Deo reprobus , ergo non salvus .

§. IV.

Quod Angeli , qui ceciderunt de cælo propter peccatum suum , non salvabuntur .

Ostenso quod nulli ex necessitate salvantur , & quod non omnes , qui creati sunt a Deo bono , salvabuntur , sed peribunt aliqui finaliter , accedamus ad quartum , quod proposuimus , ut ostendamus cum Dei adjutorio , quod Angeli , qui de cælo (6) venerunt propter peccatum suum , non salvabuntur . Ad quod probandum quasdam auctoritates inducimus , quas non induceremus , nisi quia credunt , & intelligunt illas dictas esse de Angelis Patriæ cælestis , qui propter peccatum suum huc venerunt , licet illæ auctoritates de illis non loquantur .

Dicitur Job 7. v. 9. *Sicut consumitur nubes , & pertransit : sic qui descenderit ad inferos , non ascendet . 10. Nec revertetur ultra in domum suam .* Constat quod Job loquitur secundum te de ovibus Israel , id est de Angelis cælestis Patriæ , qui propter peccatum suum in cælo contra Dominum suum commissum ad inferos descenderunt . Dicit autem de omnibus , quod non ascendent ultra , nec revertentur in domum suam . Quomodo ergo tu ausus es dicere , quod illuc revertentur ? De malis Angelis intelligi non potest , id est de illis , quos fingis esse a Deo malo creatos , quia domus cæli non est eorum domus , ut Job dicit , neque revertentur in domum suam .

Item Job 34. v. 24. *Conteret multos , & innumerabiles , & stare faciet alios pro eis .* Dicas mihi : Isti , quos conteret Deus , de qua creatione sunt ? Numquid de mala ? Hoc esse non potest ; arguit eos , quod de industria recesserunt ab eo , & vias ejus intelligere noluerunt : quod non faceret , si de mala creatione essent .

H

Præ-

[*] Hæc etiam desunt e codd. Neap. & Vat. quæ duobus asteriscis conclusimus .

(6) Est hic error Origenis proprius ; quem sibi adoptate non dubitarunt Cathari . Atque Origeni quidem hoc erroris portentum tribuunt Epiphanius , Theophilus Alexandrinus , Hieronymus , Augustinus , alique innumeri , quorum magnam partem recenset Petrus Daniel Huertius lib. II. *Origenianorum Quæst.* x. num. xxi. pag. 155. Edit. an. 1668. Colligitur autem ex priore de Principiis Libro . cap. viii. pag. 75. Edit. Paris. an. 1733. Tom. I. Opp. Sunt qui Muhamedem Origeni consensisse putent . Inter hos autem sunt Johannes Andreas , qui ante Muhamedanus fuerat , in *Confusione sectæ Muhamedanæ* , & Thomas a Jesu . Verum non de dia-

bolis , sed de genitiis fidelibus intelligi Muhamedem oportere , censet Relandus *De Religione Muhamedica* lib. II. §. XII. pag. 183. seq. & §. xvi. pag. 196. seqq. Daemonum enim æternas esse pœnas statui a Muhamede *surat.* lxxiv. contendit . Negari tamen non potest , quin Anabaptistæ in Origenismum inciderint . Vide Johannem Vviganum *Tract. De Anabaptismo grassante &c.* pag. 296. Edit. an. 1582. & Gasparem Calvorum lib. xvi. *Fissuræ sionis &c.* cap. 1. n. 56. pag. 436. Edit. an. 1700. Sociniani æternas quidem esse negant daemonum pœnas , quamvis nunquam illos consequi gloriam posse , sed in nihilum redigi arbitrentur . Adeundus Johannes Cloppemburgius *In Compend. Socinianismi* cap. viii. pag. 408. Tom. II. Opp.

Præterea si recesserunt ab eo : ergo prius erant cum eo ; ergo de bona creatione , quia non est conventio Christi ad Belial , ut habetur 2. Corinth. 6. v. 15.

Præterea dicit Job ibidem 25. *Novit enim opera eorum : & idcirco inducet noctem , & conterentur* . Ecce quod propter eorum opera noctem eis inducet : ergo prius erant in luce : quod non esset , si de mala creatione essent ; Quæ enim *societas luci ad tenebras* ? 2. Corinth. 6. v. 14.

Item Jeremiæ 11. v. 10. *Irritum fecerunt Domus Israel , & Domus Juda pactum meum , quod pepigi cum Patribus eorum* . 11. *Quamobrem hæc dicit Dominus : ecce ego inducam super eos mala , de quibus exire non poterunt* . Constat quod loquitur de ovibus Israel , quas Tu credis esse animas a villico iniquitatis seductas . Dominus autem dicit , quod non poterunt exire de malis , quæ super eos inducet . Ergo non poterunt salvari .

Præterea quæ mala inducet super eos ? Numquid supplicia , & tormenta , in quibus sunt hic ? Ergo ista mala temporalia , & mundana sunt a Deo bono .

Forte dices , quod inducet super eos mala , id est dæmonia . Sed numquid ea induceret super populum suum ?

Præterea nonne suasu Dæmonum peccaverunt ? Ergo jam venerant Dæmonia super eos . Quare ergo comminabitur , quod inducet ea super ipsos ?

Præterea ibi dicitur : *Irritum fecerunt , &c.* Ergo potuerunt facere illud irritum . Modo quæro : an potuerint vitare , ne istud facerent irritum ? Si potuerunt : quare non vitaverunt ? Si ideo , quia noluerunt : ergo in potestate voluntatis eorum erat non facere istud pactum irritum . Similiter in potestate voluntatis eorum fuit , quod facerent illud irritum ; ergo habebant liberum arbitrium ad bonum , & ad malum .

Si autem non potuerunt vitare , quin facerent pactum Domini irritum : quare igitur eos de imitatione increpat , quare comminatur , quod inducet super eos mala , &c.

Si autem dicas : ideo non vitaverunt , quia seducti fuerunt ,

Contra . Aut potuerunt sibi cavere a seductione , aut non ? Et inde ut prius .

Item Jeremiæ 22. v. 10. *Nolite flere mortuum ; neque lugeatis super eum fletu : plangite eum , qui egreditur , quia non revertetur ultra , nec videbit terram nativitatis suæ* . 11. *Quia hæc dicit Dominus ad Sellum filium Josiæ regem Juda , qui regnavit pro Josia patre suo , qui egressus est de loco isto . Non revertetur hic amplius : 12. sed in loco , ad quem transtuli eum , ibi morietur , & terram istam non videbit amplius* . Ista sunt verba Domini in cælesti Patria de ovibus cælestis Jerusalem in ea mortuis , quod non plorarent de eis , sed super eum , qui egressus est , vel egredietur , quia non revertetur amplius . Ergo non salvabuntur amplius .

Præterea de qua morte loquitur , cum dicit : *Nolite flere mortuum* ? Si de spirituali , quæ est peccatum : nonne & ille , qui egressus erat , eadem

morte mortuus erat , id est peccato ? Si dicas quod non ; & tamen ultra non revertetur in terram nativitatis suæ , id est in Jerusalem cælestem . Ergo ovis , quæ non peccavit , damnabitur ; Ergo deterioriorem habebit partem , quam illa , quæ peccavit ; illa enim salvabitur , & redibit secundum te ad terram nativitatis suæ .

Si dicas quod eadem morte erat mortuus , scilicet spirituali , quæ est peccatum : quare ergo dicit : *Nolite flere mortuum* ? Immo talis flendus est Philip. 3. v. 18. (*nunc autem & flens dico .*)

Præterea dicit : *plangite eum , qui egreditur , &c.* Sic videtur quod iste non esset mortuus ; distinguit enim inter mortuum in urbe , & egressum de ea .

Præterea dicit Dominus : *In loco , ad quem transtuli eum , ibi morietur* . Ergo non erat adhuc mortuus spiritualiter .

Præterea videtur , quod Dominus fecerit ei injuriam , quia sine peccato transtulit eum in terram alienam , ubi moreretur .

Præterea cum dicit : *Nolite flere mortuum* si loquitur de mortuo spiritualiter , id est per peccatum : dicas mihi : quem appellas tu mortuum ? Si animam , quæ in cælo peccavit : nonne illa inde egressa est ad Chaldæos ? Utique , unde in Threnis 1. v. 8. *peccatum peccavit Jerusalem , propterea instabilis facta est* . Et loquitur secundum te de cælesti Jerusalem , quam dicis peccasse , propterea instabilem factam esse , quia cives in Babylonem translati sunt .

Præterea si illa , quæ non peccavit , inde egressa est , quod patet in uno , scilicet Sello filio Josiæ ; multo magis inde egressa est illa , quæ peccavit .

Si dicas quod mortuum appellat corpus : ergo loquitur de morte corporali .

Præterea quis est , qui egredietur ? Dices quod anima , quæ in illo erat , quæ egressa est de Jerusalem cælesti propter peccatum . Sed nonne dicit quod in loco , ad quem transtulit eum Dominus , ibi morietur ? Utique . Ergo non erat adhuc mortua , sed viva ; nihil enim potest mori , nisi vivum sit . Si vivebat : ergo non peccaverat .

Præterea dicit quod non *videbit terram nativitatis suæ , nec revertetur ad eam amplius* . Falsum ergo dicis , cum ponis quod oves Israel , quas de cælo tractas asseris , illuc revertantur .

Item Lucæ 9. v. 62. *Nemo mittens manum suam ad aratrum , & respiciens retro aptus est regno Dei* . Creaturæ vero cælestes , quas appellas oves Israel , miserunt manum suam ad aratrum , & respexerunt retro . Ergo non sunt aptæ regno Dei , ergo non sunt aptæ ad salutem , ergo non valent salvari .

Item Johannis 12. v. 39. *Propterea non poterant credere , quia iterum dixit Isaias : 40. excacavit oculos eorum , & induravit cor eorum : ut non videant oculis , & non intelligant corde , & convertantur , & sanem eos* . Isti erant oves Israel , quod patet per hoc , quod ibi dixerat 36. *dum lucem habetis , credite in lucem , ut filii lucis sitis* . Hæc locutus est Jesus : & abiit , & abscondit se ab eis . Postea subdit 37. *Cum autem tanta signa fecisset coram eis , non credebant in eum* .

eum. Ecce quod dicit quoniam non poterant credere. Ergo non poterant salvari; ut enim dicitur Hebræor. 11. v. 6. *sine fide autem impossibile est placere Deo.*

Si autem ipsi contra te replicent auctoritatem illam: dicas: non mihi nocet, quia eam intelligo de Judæis, quia dico: *non poterant*, id est volebant; sic etiam sumitur Marci 6. v. 5. ubi dicitur de Jesu quod *non poterat ibi virtutem ullam facere, nisi paucos infirmos impositis manibus curavit*: 6. & mirabatur propter incredulitatem eorum.

Si dicas: & ego eodem modo exponam: *non poterant*, id est nolebant. Contra ergo nolebant credere, & tamen poterant velle credere; ergo habebant liberum arbitrium ad bonum, & ad malum. Quare ergo destruis liberum arbitrium in eis?

Quod autem sic intelligi debeat, ut dixi, *non poterant*, id est non volebant patet Matth. 23. v. 37. ubi dicitur: *Jerusalem Jerusalem, quæ occidis prophetas, &c. usque ad noluisti.*

Item Rom. 9. v. 27. *Isaias autem clamat pro Israel: si fuerit numerus filiorum Israel tamquam arena maris, reliquiæ salvæ fient.* Istud dixit Isaias de futuro; Paulus autem Rom. 11. v. 5. dicit: *in hoc tempore reliquiæ secundum electionem gratiæ salvæ factæ sunt.* Sed oves illæ cælestes, quas ponis salvandas, nondum salvæ factæ sunt. Ergo oves illæ non sunt reliquiæ Israel. Si de Israel solæ reliquiæ ingredientur in cælum: ergo oves Israel, quas ponis numquam illuc ibunt; sed illæ oves sunt animæ cælestes, ergo cælestes creaturæ non salvabuntur.

Item Hebræor. 6. v. 4. *Impossibile est enim eos, qui semel sunt illuminati, gustaverunt etiam donum cæleste, & participes facti sunt Spiritus Sancti, 5. gustaverunt nihilominus bonum Dei verbum, virtutesque sæculi venturi, 6. & prolapsi sunt; rursus renovari ad pœnitentiam.* Prædictæ oves illuminatæ fuerunt aliquo tempore, gustaverunt etiam bonum Dei [*] verbum, virtutesque sæculi venturi, & prolapsæ sunt. Ergo impossibile est eas renovari ad pœnitentiam. Constat enim quod de ovibus Israel loquebatur Paulus; oves quippe de mala creatione non possunt illuminari, neque gustare bonum Dei verbum, neque prolabi possunt, quia numquam in bono steterunt.

Sed forte Hæreticus eandem auctoritatem contra Te replicabit. Sed non nobis nocet; nos enim concedimus, quod qui sunt illuminati per exorcismum, & qui gustaverunt donum cæleste, id est remissionem peccatorum per baptismum; & qui participes facti sunt Spiritus Sancti per impositionem manuum Episcopi, & qui nihilominus gustaverunt bonum Dei verbum, id est dominicum Evangelium intellexerunt post baptismum, & qui gustaverunt virtutes sæculi venturi, id est quibus sapuerunt gloria animæ, & gloria corporis; quæ in sæculo illo Dei virtute habebuntur, & post ipsa prolapsi sunt, id est procul lapsi sunt à Fide Christi, & bona vita eos, inquam, tales ad pœnitentiam motos; id est

licet postea pœniteant de hoc, quod lapsi sunt, impossibile est eos renovari, id est rebaptizari; baptismus enim dicitur lavacrum renovationis ad Titum 3. v. 5., de quo eodem baptismo Ephes. 5. v. 26. *mundans lavacro aquæ in verbo vitæ; id est cum verbo vivificante.* Sed alio modo possunt salvari, scilicet per pœnitentiam. Hoc autem tu dicere non potes, quia Tu rebaptizas, cum sæpe eidem manuum impositionem facias, quam impositionem dicis esse baptismum.

Alio etiam modo exponuntur verba ista, ut intelligatur: *impossibile est enim eos &c. ad pœnitentiam* post hanc vitam; dixerat enim Apostolus v. 1. *ad perfectiora feramur*; atque hoc postea subjunxit v. 3. & *hoc faciemus, si quidem permiserit Deus*, id est si concesserit nobis spatium vivendi, *impossibile est enim &c.* Unde Apocalyp. 10. v. 6. dixit Angelus: *tempus non erit amplius*, supple pœnitendi: quod verum est post vocem Angeli septimi, de quo ibi 7.

Item Heb. 3. v. 7. *Quapropter sicut dicit Spiritus Sanctus: Hodie si vocem ejus audieritis &c. usque ad finem hujus capitis &c.*

[*] Sed non omnes profecti sunt ex Ægypto per Moysem. Quibus autem offensus est quadraginta annis nonne illis qui peccaverunt quorum cadavera prostrata sunt in deserto? quibus autem juravit non introire in requiem ipsius nisi illis qui increduli fuerunt & videmus quia non potuerunt introire in requiem ipsius propter incredulitatem, [*] ubi habetur secundum te, quod illa generatio, quam tu ponis cælestem, quadraginta annis obduravit cor suum contra Spiritum Sanctum, & quod ipse juravit ei quod non intrasset in illam requiem. Et quare non intrabit? Dicitur ibi 19. *propter incredulitatem.* Quomodo tu ergo audes dicere, quod intrabit, cum Spiritus Sanctus oppositum juraverit? Aut tu es mendax: quod verum est; aut Spiritus Sanctus perjurus est: quod falsum esse omnibus patet.

Item Heb. 11. v. 13. *Juxta fidem defuncti sunt omnes isti, nimirum Abraham, Isaac, & Jacob, non acceptis repromissionibus, sed a longe eas aspicientes, & salutantes, & confitentes, quia peregrini & hospites sunt super terram.* 14. *Qui enim hæc dicunt, significant se patriam inquirere.* 15. *Et si quidem ipsius meminissent, de qua exierunt, habebant utique tempus revertendi.* 16. *Nunc autem meliorem appetunt, id est cælestem.* Isti erant de Ovibus Israel, & meliorem Patriam appetebant, quam illam, de qua exiverant, scilicet cælestem. Non ergo exiverant de cælesti in terram istam, super quam erant peregrini, & hospites. Sicut autem est de istis, ita & de aliis fervandis. Ergo nulli, qui salvandi sunt, de cælo in terram propter peccatum exierunt. Qui igitur de cælo in terram propter peccatum suum venerunt, non sunt salvandi.

Ad idem facit quod dicit Petrus Epist. 2. cap. 2. v. 4. *Si enim Deus Angelis peccantibus non pepercit; sed rudentibus inferni detractos in tartarum tradidit cruciandos in judicium reservari.* Attende Petrum dicentem quod Angelis peccantibus non

H 2

pe

[*] Vaticanus Cod. pro *verbum* habet *donum*.

[*] Desunt duobus asteriscis contenta ex Codd. Neap. & Bonon. Exstant in Vaticano.

pepercit, & quod tradidit, id est disposuit eos reservari in iudicium cruciandos; eos dico detractos in tartarum rudentibus inferni, id est peccatorum funibus, quibus homines pravi, & Angeli in inferno ligabuntur. Sicut B. Petrus dicit, si Deus eos in iudicium reservat cruciandos; ergo non salvabuntur; immo cruciabuntur Dei iudicio.

Neque potes dicere, quod de Angelis a malo Deo creatis, ut falso ponis, istud intelligatur; probatum est enim supra Capitulo Primo, quod non sunt plures Dii. Quod si Deus malus esset, neque ipse, neque Angeli ejus peccare possent.

Ad idem etiam facit illud, quod habetur Epist. Cath. Judæ v. 5. *Commonere autem vos volo, scientes semel omnia, quoniam Jesus populum de terra Ægypti salvans, secundo eos, qui non crediderunt, perdidit. 6. Angelos vero, qui non servaverunt suum principatum, sed dereliquerunt suum domicilium, in iudicium magni diei, vinculis æternis sub caligine reservavit.* Istud non potest intelligi, nisi de Angelis boni Dei, de quibus dicitur Job. 4. v. 18. *in Angelis suis reperit pravitatem*; de eisdem enim Angelis loquitur Job, de quibus & Petrus.

Præterea de aliis Angelis, quos ponis a Deo malo creatis, non potest intelligi; illi enim etsi dereliquerunt domicilium suum, id est mundum istum, cum ascenderunt in cælum, ut falso ponis; tamen non amiserunt principatum suum, immo potius ampliaverunt eum, quia principatum boni Dei Angelis de cælo per peccatum huc dejectis acquisiverunt. Attende igitur quid Judas dicit, quoniam Jesus reservat eos sub caligine vinculis æternis. Quomodo ergo dicis, quod adhuc salvabuntur?

Et quia fortasse diceres (7) quod æternum aliquem finem habet; unde dicitur Exodi 15. v. 18. *Dominus regnabit in æternum, & ultra.* Attende quod sequitur: *in iudicium &c.* Non dicit quod ferventur ad salvationem, sed *in iudicium*, hoc est ad damnationem, quia damnabuntur a Deo magno. Ergo non salvabuntur amplius, immo damnabuntur.

Et ne dicas quod aliter sumatur iudicium, quam pro iudicio damnationis. Esto memor verborum Petri, qui dicit: *cruciandos in iudicium reservari. Melius enim*, ibidem 21., *erat illis non cognoscere viam justitiæ, quam post agnitionem, retrorsum converti ab eo, quod illis traditum est, sancto mandato.* Modo quæro: Isti fuerunt cælestes creaturæ, alioquin Deus, vel Ecclesia non tradidisset eis sanctum mandatum.

Præterea neque majus, neque minus malum esset eis hoc, si de alia creatione forent. Fuerunt ergo de bona creatione. Quare enim dicit: *melius erat illis*? Sic ergo videtur, quod melius fuisset eis nunquam fuisse bonas, quam malas esse tantum aliquando: quod falsum est aperte.

(7) Hæc est novorum Socinianorum, & Anabaptistarum dicendi ratio. Pleraque enim ex scripturis afferunt documenta, quibus 70. æternum pro diuturno quidem tempore, non tamen pro eo, qui nullum finem habere queat, intelligi oportere defendunt. Atque ex hac quidem hæreticorum colluvie fluxit repetita illa Burneti opinio, qui per summam impudentiam, æternum pro temporario quopiam accipiendum putat, ut alias sæpe, sic etiam dum de poenis damnatorum agitur. Sed hi quidem magnis in erratis versantur. Nam & scripturarum auctoritate, & Veterum Patrum, præfer-

Præterea si recuperabunt statum pristinum, non fuisset istud sibi melius. Sed ex quo Petrus ita dicit, oportet, quod istud esset sibi melius, id est minus malum; ergo ad destructionem consequentis non recuperabunt statum pristinum; ergo si illi sunt Angeli cælestes, qui peccaverunt in cælo, non salvabuntur amplius.

Præterea ibi dicitur: *quam post agnitionem &c.* Ex verbis Petri patet quod prius fuerint in statu isto, scilicet quod ignoraverint viam justitiæ; deinde Deus ab ipso malo statu eas separaverit; postmodum vero ad statum pristinum redierint. Prius ergo mali fuerunt, quam boni. Populus autem cælestis non fuit prius malus, quam bonus, immo e contrario. Ergo isti non fuerunt de cælesti populo, & tamen salvandi erant, si voluissent, quia traditum eis sanctum mandatum, & agnoverunt viam justitiæ, & retrorsum conversi sunt, & ita aliquando boni fuerunt. Aliqui igitur salvabiles sunt, qui non sunt de cælesti populo; at non populus cælestis, qui huc per peccatum venit.

Item Ecclesiastes 11. v. 3. dicit: *Si ceciderit lignum ad Austrum, aut ad Aquilonem, in quocumque loco ceciderit, ibi erit.* Quid ibi appellatur lignum, nisi ipse homo, de quo Matth. 7. v. 19. *omnis arbor &c.* Quid autem est lignum ad Austrum cadere, nisi ad prosperitatem æternæ felicitatis venire? Et quid est lignum cadere ad Aquilonem, a quo panditur malum super omnes habitatores terræ, ut dicitur Jerem. 1. v. 14., nisi ad supplicia inferni venire? Quid vero est quod dicit, *ibi erit*, Nisi ibi sine fine manebit? Si enim non vellet amplius dicere, nisi quod littera sonat, cum dicitur: *ibi erit*, satis otiosa erit locutio.

Ad idem facit illud, quod habetur Sapien. 12. v. 12. ubi Author ad hominem sanctum loquens ait: *Quis tibi imputabit, si perierint nationes, quas tu fecisti? Quasi dicat: Nullus. Tu autem miser Hæretice dicis quod non potest aliqua ejus natio deperire, tamquam imputandum ei esset, si periret, cum posset eam talem facere, ne periret.*

Item Hebr. 2. v. 16. *Nusquam enim Angelos apprehendit, sed semen Abraham apprehendit.* Et attende quod prius dixerat Christum per mortem suam liberaturum eos, qui timore mortis obnoxii erant servituti. Et ne tu crederes, quod isti, qui erant liberandi, essent Angeli, subdit: *nusquam enim Angelos apprehendit, sed semen Abraham apprehendit.* Ergo ipsi Angeli non sunt semen Abraham, sed soli illi, qui sunt semen Abraham liberandi sunt; ergo Angeli non sunt liberandi.

§. V.

tim autem eorum, qui Apostolos audierant, aut qui ab Apostolorum discipulis acceperunt disciplinam, consensione hoc eorum absurdum, impiumque dogma repellitur; Vide Dionysium Petavium lib. 111. *De Angelis cap. viii. per tot. tom. 111. Theologicorum Dogmatum*, qui præter scripturæ auctoritatem, affert etiam Clementis Romani, Justin Martyris, Irenæi, Tatiani, Tertulliani, Minucii Felicis, Lactantii, aliorumque multorum disertissima testimonia.

§. V.

Unde Hæretici adstruant transitum spirituum de corpore in corpus; & utrum spiritus de corpore transeat in corpus.

Nunc accedamus ad quintum, quod in hoc capitulo proposuimus. Et quoniam isti Hæretici, (8) qui duo principia ponunt, asserunt Populum Dei, qui de cælo dejectus est, transire de corpore in corpus, non incongruum nobis videtur investigare unde hoc habeant, & utrum hoc verum esse valeat secundum scripturas divinas.

HÆR. Volunt autem hoc habere ex eo, quod legitur 1. Petri 3. v. 18. ubi dicitur: *Christus semel pro peccatis nostris mortuus est, justus pro injustis, ut nos offerret Deo, mortificatus quidem carne, vivificatus autem spiritu.* 19. *In quo & his, qui in carcere erant, spiritibus veniens prædicavit.* 20. *Qui increduli fuerant aliquando, quando expectabant Dei patientiam in diebus Noe, cum fabricaretur arca: in qua pauci, id est octo animæ salvæ factæ sunt per aquam.* Dicunt igitur per hanc auctoritatem quod populus Dei, id est animarum cælestium cœtus, qui peccavit in cælo in diebus Noe octavi præconis justitiæ, incredulus fuit; & quod Dominus noster Jesus Christus eidem postea prædicavit secundum illud verbum Petri: *in quo & his, qui in carcere erant* [*] *spiritibus veniens prædicavit.* Ex qua etiam auctoritate voluit esse miser Hæreticus Tetricus nomine, quod populus Dei antiquus sit, non novus, id est de novo creatus.

Ad hoc autem facile est respondere; non enim vult Petrus quod Christus in carne veniens prædicaverit illis. Unde non dixit: in carne veniens, sed potius in spiritu veniens prædicavit eis, qui erant in carcere peccatorum. Est ergo sensus: *In quo*; id est ob quam causam, scilicet ut illos, qui tempore Noe erant, offerret Deo. Christus vero *mortificatus quidem carne, vivificatus autem spiritu* postquam venit plenitudo temporis in carne veniens hominibus prædicavit. Atque ipse etiam est, qui ante diluvium veniens in spiritu prædicavit Antiquis, qui tunc erant increduli verbis Noe, & *expectabant Dei patientiam*, hoc est sperabant eam semper sic duraturam, ut non puniret peccantes. Prædicavit eis in spiritu, id est per spiritum, qui erat in Noe, & in aliis justis, qui tunc erant, qui Spiritu Sancto duce, & movente eos prædicabant ver-

bo & exemplis iniquis ut converterentur. Quod autem Christus, & dominus secundum quod Deus est tunc regeret Noe, & alios justos, qui cum eo erant habetur Isaia 54. v. 8. ubi dicit Christus per Isaia: *dixit redemptor tuus Dominus: 9. Sicut in diebus Noe istud mihi est, cui juravi ne inducerem aquas Noe ultra supra terram: sic juravi, ut non irascar tibi.* Ex quo testimonio evidens est, quod Deus bonus diluvium induxit, & in eo submersit omnes impios, justos autem custodivit, ut dicit B. Petrus in secunda sua Epistola cap. 2. v. 5. 6. & 7. sed iste est Deus Veteris Testamenti, ut potest ostendi Genes. 6.; alium autem non potes ostendere, qui hoc fecerit. Ergo Deus Veteris Testamenti bonus est.

Præterea si bonus Deus in diluvio submersit impios, non videtur quod velit iterum salvare eos.

Quod autem animæ non transeant de corpore in corpus probatur per illud, quod habetur Hebr. 9. v. 27., ubi dicit Apostolus de Christo: *Et quemadmodum statutum est hominibus semel mori, post hoc autem judicium: 28. Sic & Christus semel oblatus est ad multorum exhaurienda peccata.*

Fortè dices quod de spiritali morte intelligitur hoc verbum; & quemadmodum &c. id est de morte, qua quis moritur in peccato.

Contra. Illa mors non est statuta tantum semel, immo quoties homo peccat. Unde Jacobi 3. v. 2. *In multis enim offendimus omnes.* Item Ezech. 33. v. 12. *Impietas impii non nocebit ei, in quacumque die conversus fuerit ab impietate sua.* Item Luc. 17. v. 4. *Si septies in die peccaverit in te, & septies in die conversus fuerit ad te, dicens: Pœnitete me, dimitte illi.*

Præterea a quo statutum est hominibus semel mori corporaliter? Si a Deo bono: ergo mors ista ex ejus est ordinatione; ergo multo fortius vita hominum corporum mortalium ab ipso est, ergo corpora ista mortalia ab ipso sunt.

Si autem concedas quod de morte corporali intelligitur: quare ergo dicis quod animæ transeunt de corpore in corpus, vel quod umquam transierunt de uno in aliud?

Præterea si corpora ista mortalia ad ipsum non pertineant, quare fecit statutum eis? quo jure?

Si dicas quod statutum est a Principe tenebrarum.

Contra. Sic ergo Christus statuta diaboli voluntarie observavit; ibi enim: dicitur *sic & Christus &c.* Isaia 53. v. 7. *oblatus est, quia ipse voluit.* Ipsa autem oblatio mors ejus est, qua se Deo obtulit; unde

Vide etiam Epiphanium *Hæres.* xxvii; n. v. pag. 106. Tom. 1. *Opp.* Eandem fuisse puto Simonis, Menandri, atque aliorum Gnosticorum de metempsychosi sententiam. Adis Irenæum *lib. II. cap. xxxiii. al. lviii.* & Tertullianum *lib. de Anima cap. xxxiv. pag. 290. seqq. Edit. an. 1675.* Assensu porro sunt Gnosticis Manichæi, ut traditum est ab Augustino *lib. de Hæres. cap. lxvi. col. 16. Tom. viii. contra Adimantum. cap. xii. col. 123. Tom. viii. Opp.* ab Epiphanio *lib. II. contra Hæres. lxxvi. pag. 644.* a Theodoro *lib. I. Hæres. Fabul. cap. xxvi. pag. 214. Tom. iv. Opp.* Sunt Qui Origenem in hunc errorem incidisse putent; sed injuria. Consulendus Huetius *lib. II. Origenian. cap. 11. Quæst. vi. n. 18. seq.* Posuit tamen genus quoddam transmigrationis animarum Adimantius de quo disserit Huetius *ibid. n. 19.* Rursum Origenem censuisse animas corporibus ab Angelis illigari, constat ex *Tom. III. in Joban. pag. 242. & Tom. II. Edit. an. 1668. lege Huetium in Notis T. II. pag. 115.*

[*] Spiritu habet Vaticanus Cod. pro Spiritibus.

(8) Placuit Catharis Albanensibus universis Orientalium Veterum, Pythagoreorum, Gnosticorum, Manichæorumque de continenti animorum in alia corpora transmigratione sententia. Videor Reinerius Sachonius in *summa Contra Catharos col. 1768.* Ac Persarum quidem Magi metempsychosin tuebantur, teste Porphyrio de *Abstinent. lib. IV. cap. xvi. pag. 165.* Non discrepabant Chaldaei, Arabes, Aegyptii, Druidæ Gallorum, & Maxima Græcorum Philosophorum pars. Adeundi Vindetus *De Vita Functor. post mortem pag. 79. seqq. Edit. Roterod. an. 1644. & Marshamus in Chron. Can. Aegypt. seculo IX. pag. 258. Edit. an. 1672.* Verum dogmati Catharorum nihil videtur esse opinione Carpocratianorum similis. Nam Carpocratiani apud Irenæum *lib. I. cap. xxv. al. xiv. pag. 104. Edit. Paris. an. 1710. adversarium*, dicebant, *unum ex Angelis . . . quem diabolum, vocabant dicentes, factum eum ad id, ut ducat eas quæ perierunt animas a mundo ad principem, & illum . . . Angelo qui ministrat ei tradere tales animas, ut in alia corpora includat: corpus enim dicebant esse carcerem.*

unde Ephes. 5. v. 2. *Ambulate in dilectione, sicut & Christus dilexit nos, & tradidit semetipsum pro nobis oblationem, & hostiam Deo in odorem suavitatis.* Ergo mors ex ejus voluntate est, ergo & ejus factura eo modo, quo est; *omnia enim psalm. 134. v. 6. quacumque voluit, Dominus fecit.*

Neque obstat quod habetur Sap. 1. v. 13. *Deus mortem non fecit.* [*] Sic enim intelligitur; Prima homini mors a Deo infligta non est ex ejus intentione, sed propter merita hominis, De primo dicitur Thren. 3. v. 23. *non enim humiliavit ex corde suo, & abiecit filios hominum.* Et loquitur de humilitate afflictionis; quod patet ex eo, quod addit: *& abiecit de secundo post illa verba subdit Spiritus Sanctus ibi 16.: Impii autem, id est Adam, & Eva, manibus, & verbis accersierunt illam;* verbis quidem, quæ Eva cum Serpente habuit, & consensit dicenti Genes. 3. v. 4. *nequaquam morte moriemini &c.* Verbis Evæ ad Adam, cum sibi suggereret, ut de ligno scientiæ boni & mali comederet. Manibus etiam accersierunt illam, quando ad cibum vetitum extenderunt eas.

Hoc idem patet Rom. 5. v. 12. *Per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt.* Vides quod si peccatum non præcessisset, non esset mors, & donata immortalitas perdurasset. Non enim dubitandum est immortalitatem concessam homini ante culpam: quam immortalitatem nobis reddendam esse post universalem totius Orbis ruinam fide intelligimus. Mors igitur adventitium malum est, & non est ordo naturæ, sed pœna malitiæ. Propter quod recte dicitur, quod *Deus mortem non fecit*, scilicet patrio ordine naturæ, sed ultione offensæ perpetratæ.

Nec obstat illud Hebr. 9. v. 27. *Statutum est hominibus semel mori.* Non enim hoc dicitur de statuto mortis relative ad conditionem primariam; non enim est mors in primo facturæ ordine. Dicitur igitur hoc de ejus statuto relative ad inobedientiam; constat enim mortem pro noxa prævaricationis tertio gradui fuisse impositam. Homo enim opus Dei est. Peccatum opus hominis, & diaboli. Mors autem pœna peccati. Debitum ergo mortis non a Domino, sed a servo; non ab Auctore, sed a contemptore sumpsit initium; *stipendia enim* (Rom. 6. v. 23.) *peccati mors*, quæ non primo fuit ex Dei voluntate, sed potius ex hominis pravitate,

Contrarium huic prædicavit (9) Pelagius asserens Adam mortalem factum; & si peccasset, si non, necessitate conditionis moriturum; contra illud Apostoli Rom. 5. v. 12. *Per unum hominem &c.* Hoc autem ex pravitate descendit, quia negat originale delictum. Dum enim affirmare contendit Adam fuisse mortalem necessitate conditionis, non vitio transgressionis, vult ostendere originem hujus debiti, id est mortis, non a Contemptore, sed ab Auctore cœpisse. Causa autem quare (10) negavit originale peccatum, fuit hæc, quia docebat Parvulos baptismo non indigere.

Ex hoc autem constat mortem nostram pedisequam esse peccati, quia mors capitis nostri ejus pedisequa fuit; *traditus enim est propter delicta nostra* Rom. 4. v. 25. Hoc etiam patet, quia si hoc mandasset in terris justitia, non fuisset de cælo transmissa medicina. Ut veniret una sanitas, generalis exegit infirmitas. Istam exigentiam tangit Apost. Rom. 5. v. 6. *Christus, cum adhuc infirmi essemus secundum tempus pro impiis mortuus est.* [*] (11)

§. VI.

Quod salvabuntur aliqua creaturæ, quæ non ruerunt de cælo.

Nunc accedamus ad sextum, scilicet ad ostendendum quod aliqua creaturæ salvabuntur, quæ non fuerunt de illis, quas dicunt in cælo peccasse; neque etiam fuerunt creaturæ cælestes. Dicit enim Isaias 5v. v. 15., ubi de Christo loquitur, sicut patet ex verbis Apost. Rom. 15. v. 21. *Quibus non est annunciatum de eo, videbunt: & qui non audierunt, intelligent.* Ista prophetia secundum te in cælo facta est. Modo quæro: de quibus dicit quod non est annunciatum de eo, & quod non audierunt? Numquid de creatione cælesti? Si dicas quod sic. Quomodo ergo dicit prophetia quod non est annunciatum, & quod non audierunt de eo, id est de Christo? Non est verisimile, si cælestes creaturæ fuerunt a Patre justorum ibi creatæ, quod non fuerit sibi annunciatum de eo, & quod non audierint de ipso, & quod fuissent sine ejus cognitione. Quomodo etiam hoc esse potest, cum dicat David, quem dicis ibi prophetasse, psalm. 8. v. 1. *Domine Dominus noster, quam admirabile est nomen tuum in universa terra?* Et si hoc testimonium non sufficit, audi

[*] Non exstant in Codd. Neapol. & Vat. quæ duobus asteriscis hic quoque complexi sumus.

(9) S. Augustinus lib. de Hæresibus ad Quodvultd. cap. lxxxviii. col. 26. Tom. viii. Opp. de Pelagianorum hæresi differens: *Ipsum, inquit, quoque Adam dicunt, etiam si non peccasset, fuisse corpore moriturum, neque ita mortuum merito culpæ sed conditione naturæ.* Confule Augustini ejusdem librum de Gestis Pelagii cap. xi. n. 23. col. 24. Tom. x. P. 1. Opp. & lib. ii. Operis Imperf. Contra Julianum cap. lxxvi. col. 981. Tom. x. P. ii. Opp. & lib. iv. cap. xliii. col. 118. & lib. vi. cap. xxv. col. 1340. Damnatus hic Pelagii error fuit a plerisque Synodis non in Africa solum, sed etiam in aliis Regionibus congregatis. Quin etiam Romani Pontifices Innocentius I. Zosimus, & qui eis successi porro fuerunt, eundem ipsum errorem proscribere. Consuluntur Johannes Garnerius Diss. i. de Synodis in causa Pelagiana habitis vivente Sancto Augustino, Cardinalis Norisius lib. 1. Historia Pelag. Dionysius Petavius. Lib. de Hæresi Pelagiana, & Semipelagiana, Tom. ii. Theologic. Dogmat.

(10) Colligitur id quidem ex Augustini locis, quos indicavi

nota superiore. Aptè autem in eandem rem cadit quod habet Synodus Africana secunda celebrata an. ccccxviii. can. 2. Item Placuit, ut quicumque parvulos recentes ab uteris matrum baptizandos negat, aut dicit, in remissionem quidem peccatorum eos baptizari, sed nihil ex Adam trahere Originalis peccati, quod regenerationis lavacro expietur, unde sit consequens, ut in eis forma baptismatis, in remissionem peccatorum, non vera sed falsa intelligatur. Anathema sit. Quoniam non aliter intelligendum est, quod ait Apostolus: Per unum hominem peccatum intravit in mundum, & per peccatum mors, & ita in omnes homines pertransiit, in quo omnes peccaverunt; nisi quemadmodum Ecclesia Catholica, ubique diffusa semper intellexit. Propter hanc enim regulam fidei etiam parvuli, qui nihil peccatorum in semetipsis adhuc committere potuerunt, ideo in peccatorum remissionem veraciter baptizantur, ut in eis regeneratione mundeatur, quod generatione traxerunt.

(11) Errorem Gnosticorum de animarum transmigratione refellunt Irenæus lib. ii. cap. xxxiii. al. lviii. pag. 167. seqq. & Tertullianus lib. de Anima cap. xxxiv. seqq. pag. 290. seqq.

di illud, quod dicit Malachias 1. v. 11., quem dicis ibi prophetasse: *In omni loco sacrificatur, & offertur nomini meo oblatio munda*. Prius autem dixerat: *Ab ortu enim solis usque ad occasum, magnum est nomen meum in Gentibus*. In quibus auctoritatibus secundum te terra sumitur pro cælesti terra, & locus, in quo offertur nomini ejus oblatio munda, similiter pro cælesti loco. Ergo si Gentes illæ, de quibus loquitur Isaias, fuissent cælestes, magnum fuisset nomen Dei in eis, & admirabile; & ita fuisset eis de Christo annunciatum. Sed non est ei annunciatum, ut dicit Isaias in auctoritate prædicta. Ergo non fuerunt cælestes creaturæ, & tamen salvabuntur; Sic enim scriptum est ibi: *Iste, scilicet Christus, asperget gentes multas, super ipsum continebunt reges os suum: quia quibus &c.* Istæ sunt illæ gentes, quas asperget, id est lavabit sanguine suo, & non fuerunt cælestis creationis. Igitur non tantum cælestes creaturæ salvabuntur. Sed de qua creatione fuerunt? Numquid istius infimæ creationis? Si hoc concedas, quod & verum est: ergo vel hæc creatio bona, & a bono Deo, quod verum est, vel de mala creatione aliqui salvabuntur; sed hoc ultimum esse non potest; ergo hæc infima creatio a Deo bono est.

Si autem contra te replicet auctoritatem Malachiae, quæ videtur contraria Isaiæ dicenti: *quibus non est anunciatum de eo &c.*

Respondeas quod Malachias sumit præsens pro futuro cum dicit: *magnum est nomen meum in Gentibus*; sicut etiam Isaias in auctoritate prædicta dicit: *contemplati sunt*: quod exponit Apost. per futurum, cum ponit: *intelligent*. Hoc autem tu dicere non potes, qui in prophetiis ad sonum litteræ sumis præsens pro præsentis, & præteritum pro præterito, & futurum pro futuro.

Præterea legitur Isaiæ 49. v. 14. *Et dixit Sion: Dereliquit me Dominus, & Dominus oblitus est mei &c. usque ad muri tui coram oculis meis semper*. Postea subditur 19. *Quia deserta tua, & solitudines tuæ &c. usque ad & isti ubi erant?* Si Isaias prophetat de cælesti Sion, & de ejus habitationibus illuc reversuris, & dicis, quæ duo falsa sunt; si illi soli, qui ibi fuerunt geniti, vel electi a Deo, salvabuntur, quare dicit: *Quia deserta tua, & solitudines tuæ, & terra ruinæ tuæ nunc angusta erunt præ habitatoribus?* Quare dicit, quod filii ejus dicunt 20. *Angustus est mihi locus, fac spatium mihi ut habitem?* Ergo

[*] Quod duobus asteriscis primis contentum vides desideratur in Codd. Neap. & Bonon. quod vero duobus sequentibus, non extant in Neap. & Vat.

(1) A Simone Mago repetit hunc errorem Vincentius Lirinensis in *Commonitor. cap. xxxiv.* Hominum quippe naturam ita conditam esse Simonis judicio affirmat, ut necessitate quadam peccet. Saturniani quoque duo genera hominum esse dixerunt, quorum alterum natura bonum sit, alterum vero natura malum, utrumque vero juxta naturæ suæ conditionem necessitate quadam agere. *Vide Tho. Hittigium de Hæresiarchis Sect. 11. cap. 1. n. 11.* qui in rem hanc veteres plerisque citat. Placuit hoc erroris portentum Basilidi: apud Clementem Alexandrinum *lib. 1. Strom. pag. 265. Edit. an. 1616.* & Valentinianis, apud eundem &c. *ibid.* & apud Irenæum *l. 1v. cap. xxxvii. al. lxxi. pag. 281. seqq. & lib. 1. cap. xxiv. al. xxii. n. 2. pag. 101.* Origenem *lib. viii. in Epist. ad Rom. & lib. 111. περὶ ἀρχῶν cap. x.* verba porro Basilidis & Valentinii refert Clemens in *1v. Strom.* Ita factum est, ut Manichæi necessitate quadam duci homines arbitrarentur. *Aug. lib. de Hæres. cap. xlv. & lib. xxii. contra Faustum cap. xxii. & Socrates lib. 1. Hist. Eccl. cap. xxii. Nemesius lib. de Natura Homin.*

vel Isaias non prophetat de quibus dicis eum prophetasse, sicut verum est, vel aliqui salvabuntur, qui de illis non fuerunt.

Præterea nonne legitur Jeremiæ 29. v. 4. *Hæc dicit Dominus exercituum Deus Israel omni transmigrationi, quam transtuli de Jerusalem in Babylonem: 4. Edificate domos, & habitate &c. usque ad & multiplicamini ibi, & nolite esse pauci numero?* Populus ergo multiplicabatur numero, sed populus Dei salvandus est totus; Dato igitur, quod verum non est, quod illi, qui de cælesti Hierusalem venerunt salvabuntur, non tamen illi soli, sed immo plures alii redibunt in Jerusalem, & salvabuntur.

Ad idem potest induci illud Zachar. 2. v. 4. *Abique muro habitabitur Jerusalem præ multitudinem hominum, & jumentorum in medio ejus. 5. Et ego ero ei, ait Dominus, murus ignis in circuitu: & in gloria ero in medio ejus.* [*] Super quo testimonio potes argumentari, ut prius.

Idem haberi potest per illud psalm. 30. v. 8. ubi legitur unam de ovibus dixisse: *Ego autem in Domino speravi: exultabo, & letabor in misericordia tua. Miserere mei Domine quoniam tribulor &c.* quæ habentur in illo psalmo? Si autem de aliis: quare dicit 8. *Salvasti de necessitatibus animam meam. Nec conclusisti me in manibus inimici?* Ex quo patet intellectum tuum de ovibus Israel habitum falsum esse. [*]

C A P. V.

De libero arbitrio; & unde Hæretici ipsum conantur destruere.

Sequitur quintum Capitulum de libero arbitrio, quod isti negant esse (1) in populo Dei. Dividitur autem hoc capit. in duas partes. In prima parte ponuntur rationes eorum; quibus hoc dicunt. In secunda rationes contra eos.

§. I. PRIMA PARS.

Fundamenta negantium liberum arbitrium.

Prius ergo videamus (2) quare moti sint ad hoc dicendum. Hujus rei causa una est, quia si Populus

cap. xl. & Titus Bostr. lib. 11. contra Manich. pag. 95. Non discrepabant a Manichæis Priscillianistæ, ut testantur Augustinus *libro de Hæreses cap. lxx. & S. Leo Epist. xv. Tom. 1. Opp. pag. 448.* His accessere Pauliciani, ut prodit Photius *lib. 11. contra Manichæos num. 2.* Ex hac ergo sentina fax illa Catharorum Albanensium manavit. Parum abest ab hac hæresi nefarium quorundam Sectariorum hujusce temporis dogma. Vveigelliani, quum astrologiæ plurimum tribuant, genere quodam fati, quod libertatem omnino non tollat, duci homines putant, ut auctor est Hoornebeckus *summa Controver. Relig. lib. vi. pag. 412. Edit. an. 1676.* Nihil de Luthero, & Calvino loquor, nota quippe sunt quæ de fervo arbitrio alter, alter vero de sublata pene libertate dixit.

(2) Hæc eadem erat Valentini ratio, cur liberum arbitrium tollendum esse ab homine arbitraretur. Id vero colligo ex *Dialogo Incerti Auctoris*, qui Origeni acceptus olim referri solebat. *Sectiōe 1v. sub Initium. Tom. 1. Opp. Orig. in Append. Edit. Monach. S. Mauri.* Nec discrepabant Gnostici, Manichæi, & qui deinde ab iis profecti sunt hæretici. Videtur Didymus Alexandrinus

pulus Dei haberet liberum arbitrium ad utrumque, scilicet & ad bonum, & ad malum, ab eodem fonte, & eadem natura esset bonum, & malum; sic ergo non esset necesse ponere duos Deos, quorum unus esset principium omnis boni, & alius esset principium omnis mali.

Secunda causa est, quia Deus non habet liberum (3) arbitrium; non habet flexibilitatem ad bonum, & ad malum. Unde ergo haberet Populus Dei liberum arbitrium? Per hoc autem videntur innuere, quod non potest Deus dare liberum arbitrium ad utrumque vertibile, quia nec ipse illud habet.

Sed huic objectioni patet solutio per simile. Populus enim Dei habet esse aliunde, creatum enim est a Deo; sed unde habet hoc esse creatum, si Deus non potest dare quod non habet?

Præterea Deus immutabilis est, & tamen creaturas suas mutat; psalmo 101. v. 27. *mutabis eos, & mutabuntur: tu autem idem ipse es.*

Tertia causa est, quia non vident quomodo ex Bono possit esse malum. Sed ad hoc posita est solutio in capitulo primo de uno principio.

Quarta causa est, quia Apost. Rom. 9. v. 16. dicit: (4) *Non volentis, neque currentis, sed miserationis est Dei.* Item 1. Corinth. 3. v. 7. *Neque qui plantat est aliquid, neque qui rigat: sed, qui incrementum dat, Deus.* Philip. 1. v. 6. *qui cepit in vobis opus bonum perficiet usque in diem Christi Jesu.* Item Philipp. 2. v. 13.: *Deus est enim, qui operatur in vobis & velle & perficere pro bona voluntate.*

Ad primam auctoritatem dicimus, (5) quod sic intelligitur: *non volentis, neque currentis*, id est

bona voluntas non est volentis, supple tantum; neque cursus, id est operatio est currentis tantum, sed ipsius est & Dei miserationis. Si enim non esset hominis bonum velle, vel agere, quare Deus ei præciperet, ut bonum vellet, vel ageret? Quare eum reprehenderet, si non ageret, vel vellet bonum; per David dicens psalmo 35. v. 4. *noluit intelligere, ut bene ageret?*

Potest etiam aliter intelligi: *non volentis, neque currentis*, supple est salus, ut dicit Origenes (6) id est non est ex ejus voluntate, vel cursu, vel operatione tantum. Vis videre hoc? Dicit David psalm. 126. v. 1. *Nisi Dominus custodierit Civitatem, frustra vigilat qui custodit eam.* Ergo & Dominus custodit, & Homo; sed frustra Homo sine Deo. Johan. 15. v. 5. *Sine me nihil potestis facere.* Item 1. Corinth. 3. v. 9. *Dei enim sumus adiutores.* Item 1. Corinth. 15. v. 10. cum dixisset Apostolus: *abundantius illis omnibus laboravi*, statim subjunxit: *non ego autem, sed gratia Dei mecum*; quasi diceret: non ego sum solus, sed cum gratia; nec gratia Dei sola, sed mecum.

Si autem vis dicere quod nullo modo salus ex hominis voluntate, vel opere pendet: quare ergo dicit Apost. Philipp. 2. v. 12. *Cum metu, & tremore vestram salutem operamini?* Sed ne intelligerent, quod hoc possent facere soli, subdit: *Deus est enim, qui operatur in vobis & velle & perficere pro bona voluntate*; id est ad hoc ut operemini auxiliatur; & sic patet quod neque quarta auctoritas est pro eis.

Similiter nec illa est pro eis: *Qui cepit in vobis &c.* Qui enim in principio auxilium eis dedit bene

nus lib. *Contra Manichæos* pag. 212. Tom. 1. *Antiq. Lest.* Canisii Edit. Nov. qui omnium disertissime hoc portentis genus tribuit Manichæis. S. Augustinus lib. 11. de Lib. Arb. cap. 1. seqq. Tom. 1. Opp. col. 583. seqq. Mafuetius Dissert. 1. in Irenæum pag. xxvi. num. 48. & Dionysius Petavius lib. vi. Theolog. Dogm. cap. v. Tom. 1. & lib. ix. cap. 11. n. 1. & 11. Libet autem hic apponere, quod habet de Manichæis Simplicius in Epist. pag. 168. ταῦτα πάντα ἀνέπλασαν διὰ θεοσεβῆ, διὲν εὐλαβῶν, μὴ βυλομεροὶ γὰρ αἰσιον τὰ κακὰ τὸν θεὸν εἰπῶν. Hæc omnia, inquit, excogitarunt ob Religionem, ac pietatem quamdam erga Deum, volentes scilicet dicere causam mali esse Deum.

(3) Fallor num Cathari verum Stoicorum errorem complexi fuerint, qui Deum fato quodam, ac necessitate duci censēbant: in quem profecto errorem ex parte incidisse videtur Leibnitzius Theodic. §. 367. quo loco moraliter necessitatum fuisse Deum ad creandum mundum affirmat. At hunc sane multis refellit Christavus Erberh Voelßmannus, Schediasmate 111. de Provid. Dei Circa peccatum &c. §. 6. pag. 285. seqq. Veteres Gnostici, & qui ex Manete disciplinam acceperunt hæretici, etli perspicue, quod sciam, numquam affirmarint, Deum libertatis expertem esse; tamen cum bonum principium ita esse comparatum dicerent, ut neque permittere neque contra impedire malum possit, consequens est, ut necessitati cuidam illum subjecerunt. Fortassis etiam Cathari, non omni libertate; sed ea, quæ ad malum est, Deum vacare existimabant, ita ut ipse per se malum morale efficere nequeat, atque ex hoc principio, quod verum est, perperam concludebant, ne hominem quidem libertate ad malum gaudere. Moneta hoc unum ab his dictum refert: *non habet flexibilitatem ad bonum & ad malum.*

(4) Fuisse genus quoddam hæreticorum, qui hoc Pauli testimonio liberum arbitrium everti contenderent, indicat Johannes Chrysostomus Homil. xvi. in cap. x. Epist. ad Rom. pag. 195. Tom. 1x. Opp. Edit. an. 1603.

(5) Hoc eodem ratiocinio utitur Pusendorfius, ut eos refellat, qui Deum mali esse auctorem defendunt. Lib. 1. de Jure Nature & Gentium cap. vii. §. v. Minimam enim rerum moralium cognitionem satis esse, ait, ut quisque perspiciat, absurdissimum esse revocare in controversiam, utrum is, qui legibus constitutis prohibet actionem aliquam, eamque punit, si fiat contra sua præscripta,

sit causa ejusdem actionis. Citat autem in rem suam luculentissimum Maximi Tyrii testimonium, quod exstat Dissert. 111. pag. 36. Edit. Davisi.

(6) Origenes lib. vii. in cap. 1x. Epistolæ ad Romanos pag. 377. col. 2. Tom. 11. Opp. Edit. an. 1604. Quod dixi, inquit, *non volentis, neque currentis, sed miserationis est Dei*, ita accipitur, sicut David dicit in Psalmo: *nisi Dominus edificaverit domum &c.* In quo ostendit, non quod is qui domum adificat nihil agat, & otiosus sit, & ita eam adificet Dominus: sed ipse quidem quantum est in homine vim sollicitudinis; & laboris expendat, sicut obstaculis omnibus admotis, opus perveniat ad perfectum &c. Verum caute legendus est Adamantius, quippe qui Pelagianis, Semipelagianisque præverit, ut fusc ostendunt Cardinalis Norisius lib. 1. Hist. Pelag. cap. 1. & Petrus Daniel Huetius lib. 11. Origenianorum. Quasi. vii. per tot. pag. 104. seqq. Ac præclare quidem se gessit noster, quippe eum in bonum sensum Origenis sententiam verterit. Porro Moneta systema de Gratia hoc loco omnino est Augustinianum. Nam Augustinus lib. 1. De Diverfis Questionibus ad simplicianum n. 10. col. 94. Tom. 1v. Opp. Quid ergo est, inquit, quod sequitur: *Non est volentis &c.* An quia nec velle possumus nisi vocati, & nihil valet velle nostrum, nisi ut perficiamus adjuvet Deus? Opus est ergo velle, & currere. Non enim frustra diceretur, & in terra pax hominibus bonæ voluntatis, & sic currite, ut comprehendatis: *Non tamen volentis neque currentis, sed miserationis est Dei*, ut quod volumus adipiscamur, & quo volumus perveniamus. Noluit ergo Esau, & non cucurrit. Seu et si voluisset, & cucurrisset Dei adiutorio pervenisset; qui ei etiam velle, & currere vocando præstaret, nisi vocatione contempta reprobus fieret. Aliter enim Deus præstat, ut velimus, aliter præstat, quod voluerimus. Ut velimus enim, & suum voluit esse, & nostrum, suum vocando, nostrum sequendo. Quod autem voluerimus solus præstat; id est, posse bene agere, & semper beate vivere. . . . Non hoc Apostolus propterea tantum dixisse videbitur, quod adiutorio Dei ad id quod volumus perveniamus; sed etiam ex illa intentione; qua & alio loco dicit: Cum timore &c. Deus enim est, qui operatur in vobis & velle &c. . . . Quia voluntas hominis sola non sufficit, juste recteque vivamus, nisi adjuvemur misericordia Dei &c.

ne operandum, ille auxiliabitur ad perficiendum.

Præterea per hoc, quod dicit: *cæpit*, vult ostendere, quod ipse primaria causa boni est; unde illi, & non aliis debet omne bonum attribui. Similiter in omnibus similibus prima causa, & fons omnis boni ostenditur ratione suæ bonitatis; unde Philipp. 2. v. 13. *Deus est enim &c.*

Præterea cur comminaretur negligentibus procurare salutem suam, si non esset in eorum potestate velle, & operari eam? Hebr. 2. v. 2.: *Si enim qui per Angelos dictus est sermo, factus est firmus, & omnis prævaricatio, & inobedientia accepit justam mercedis retributionem: 3. quomodo nos effugiemus, si tantam neglexerimus salutem?*

Ad illud: *neque qui plantat &c.*: Dico quomodo potest hoc stare? Nonne homines erant, & boni homines? utique. Ergo aliquid erat uterque eorum.

Si dicas: *neque qui plantat est aliquid faciens, neque qui rigat.*

Contra. Nonne dicit ibi: *Ego plantavi, Apollo rigavit?* Dicas ergo mecum quod Apostolus volebat dicere, quod neque ipse, neque Apollo, neque alius quantumcumque Sanctus, excepto Deo, dat bonitatem, quam incrementum appellat, id est additamentum, quia Deus addit eam naturæ Hominis. Prius enim nascitur homo, & sic accipit bene esse. Propter hoc dicebat Dominus Nicodemo Johannis 3. v. 7. *oportet vos nasci denuo.*

HÆR. Ad idem inducunt illam auctoritatem, (7) quæ habetur Rom. 7. v. 15. *Non enim quod volo bonum, hoc ago: sed quod odi malum, illud facio.* Facit ergo Homo, qui de bona creatione est, malum invitus. Ergo non habet liberum arbitrium ad malum.

Respondeo. Eadem ratione probo, quod neque ad bonum habet liberam voluntatem; sic enim dicit Apostolus: *Non enim quod volo bonum, hoc ago.*

Præterea ibi subdit Apostolus 17. *Nunc autem jam non ego operor illud, sed quod habitat in me peccatum.* 18. *Scio enim quia non &c.* Hoc loquitur Homo interior, qui de bona creatione est, & dicit quod ipse non operatur illud malum; ergo non est ei a Deo imputandum; sed potius illi, qui istud operatur, id est peccato, quod inhabitat in ipso.

Præterea istud mandatum: *non concupisces* cui datur? Numquid Homini interiori? Utique. Quare, si non potest concupiscere? Exteriori autem non daretur. Quare? Quia de mala creatione est. Ergo nulli datur; hoc autem falsum est, ergo datur interiori ad minus, ergo habet liberum arbitrium ad concupiscendum. Neque dixit Apostolus: ego non

possum velle hoc, quod ago, sed dixit volo; concupiscit enim secundum legem carnis, quæ est in membris Hominis, sed non concupiscit secundum legem mentis; unde ait eodem cap. v. 25. *Ego ipse mente servio legi Dei: carne autem legi peccati.* Verba sunt Hominis justi, qui in Christo Jesu est; unde concludit Rom. 8. v. 1. *Nil ergo nunc damnationis est iis, qui sunt in Christo Jesu: qui non secundum carnem ambulant: id est secundum legem carnis.*

Nota tamen quod licet non velit malum, quod facit, scilicet malum concupiscendi, tamen potest velle; propter quod Apost. Rom. 6. v. 12. dicit: *Non ergo regnet peccatum in vestro mortali corpore, ut obediatis concupiscentiis vestris.* Nullatenus hoc interiori dixisset, nisi liberam potestatem concupiscendi cor haberet: alioquin quare diceret David psalm. 61. v. 11. *Nolite sperare in iniquitate &c.*

HÆR. Ad idem inducunt illud, quod habetur Jacobi 3. v. 11. *Numquid fons de eodem foramine emanat dulcem & amaram aquam?*

Ad quod sic respondeo. Quid appellas tu fontem materiale? quare ergo induxisti istud testimonium Jacobi contra liberum arbitrium, cum ibi non fiat sermo, de libero arbitrio? Si ipsum Deum Patrem justorum fontem appellas; per hoc non habetur aliquid contra liberum arbitrium. Si dicas fontem liberi arbitrii; unde habes hoc, quod fons dicatur liberum arbitrium?

Præterea dato hoc dico; quod fons, id est liberum arbitrium de eodem foramine, id est de ore, emanat dulcem & amaram aquam, id est benedictionem & maledictionem; sed ut dicit Jacobus ibidem 10. *Non oportet hæc ita fieri.*

§. II. SECUNDA PARS.

Liberum arbitrium est in rationali creatura.

Pertractata prima parte hujus capituli accedamus ad secundam, & ostendamus rationibus, & auctoritatibus liberum arbitrium esse in unoquoque homine.

Ad hoc autem primo inducimus testimonium (8) illud Ecclesiastici 15. v. 14. *Deus ab initio constituit hominem usque ad porridge manum tuam.* Postea v. 18. exponit quid appellet aquam, & ignem: *Ante hominem vita & mors, bonum & malum: quod placuerit ei, dabitur illi: 19. quoniam multa sapientia Dei, & fortis in potentia; quasi dicat: neque per ignorantiam, neque per impotentiam Do-*

I

mini

(7) Abutebantur his quoque Pauli verbis Veteres Manichæi, & qui ante illos liberum homini arbitrium detrahebant. Consultuntur Cyrillus Hierosolymitanus *Catechesi* IV. n. XIX. pag. 61. Augustinus lib. III. de *Lib. Arb.* cap. XVII. num. 51. pag. 630. seqq. Tom. I. Opp.

(8) Vide Augustinum lib. de *Gestis Pelagii* cap. III. n. 7. col. 195. Tom. X. Opp. Parte 1. Edit. an. 1690. & Tertullianum lib. II. *Contra Marcionem* cap. V. pag. 384. ubi hæc habet: *Liberum & sui arbitrii & suæ potestatis invenio hominem a Deo institutum, nullam magis imaginem, & similitudinem Dei in illo animadvertens, quam ejusmodi status formam. . . . Nunc statum ejus conformavit etiam ipsa lex tunc a Deo posita. Non enim poneretur lex ei, qui non haberet obsequium debitum legi in sua potestate; nec rur-*

sus comminatio mortis transgressioni adscriberetur, si non & contentus legis in arbitrii libertatem homini deputaretur. Sic & in posteris legibus creatoris invenias proponentis ante hominem bonum & malum, vitam & mortem. . . . Sed quoniam ex hoc jam intelligitur, eo fruente liberam hominis potestatem arbitrii sui, ut quod ei evenit, non Deo; sed ipsi debeat exprobari, ne & tu hinc jam opponas, non ita illum institui debuisse, si libertas, & potestas arbitrii exitiosa futura esset; hoc quoque prius defendam, ita institui debuisse, quo fortius commendem, & ita institutum, & digne Deo institutum, potiore ostensa ea causa, quæ ita fecit institui. Ita hoc Ecclesiastici testimonio libertatem arbitrii tuetur Tertullianus. Vide & Librum de Exhortatione Castitatis. cap. II. pag. 519. Edit. an. 1675.

mini remanebit, quin ei detur quod voluerit. In ista auctoritate apparet, quod homo liberum arbitrium habet flexibile ad bonum & ad malum; ad vitam & ad mortem, & quod bonum & malum ab eodem sunt principio.

Isaïæ 1. v. 19. *Si volueritis, (9) & audieritis me, bona terræ comedetis.* 20. *Quod si volueritis, & me ad iracundiam provocaveritis: gladius devorabit vos.* Ista sunt verba Domini in cælo facta secundum te ad oves Israel, quas credis de cælo venisse, propterea quod ad iracundiam provocaverunt Dominum non obediendo ei in Patria cælesti. Videre autem potes, quod in arbitrio earum dicit esse audire & non audire ipsum, & comedere bona terræ vel a gladio devorari. Ergo habebant liberum arbitrium ad bonum & ad malum.

Præterea v. 16. dixerat eis: *Lavamini, mundi estote, auferte malum cogitationum vestrarum ab oculis meis: quiescite agere perverse, 17. discite benefacere.* Quod eis non diceret, si liberum arbitrium ad utrumque non haberent.

Matth. 3. v. 9. *Ne velitis dicere intra vos: Patrem habemus Abraham.* In potestate ergo habebant velle dicere, & non velle dicere illud; ergo habebant liberum arbitrium.

Item Matth. 6. v. 16. *Cum autem jejunatis, nolite fieri sicut hypocritæ tristes.* Item ibidem 19. *nolite thesaurizare vobis thesauros in terra.* Omnia ista probant quod Populus Dei liberum arbitrium habet ad bonum & ad malum.

Ephes. 4. v. 27. *nolite locum dare Diabolo.* Item ibidem dicitur 30. *nolite contristare Spiritum Sanctum Dei: in quo signati estis in diem redemptionis.* Ephes. 5. v. 7. *nolite ergo effici participes eorum.* Item ibidem 11. *nolite communicare operibus infructuosis tenebrarum.* Item 17. *nolite fieri imprudentes: sed intelligentes quæ sit voluntas Dei.* Item 18. *nolite inebriari vino, in quo est luxuria.*

Item 1. Petri 4. v. 12. *nolite peregrinari in fervore, qui ad tentationem vobis fit, quasi novum aliquid vobis contingat; & est sensus: nolite recedere, & exules esse a Christi Fide in fervore, id est in fervida tribulatione, quæ fit vobis ad tentandum vos, quia antiquum & frequens est, quod Electi Dei in præsentī patiantur adversa pro æterna salute. In potestate ergo eorum erat velle & nolle peregrinari, five recedere a Christo; ergo habebant liberum arbitrium.*

Item Matth. 5. v. 28. *Omnis, qui videt (10)*

mulierem ad concupiscendam eam, jam mœchatus est eam in corde suo. Hoc dixit Jesus discipulis suis, ut sibi caverent, ne viderent mulierem ad concupiscendam eam. Ergo in potestate sua erat concupiscere, & non concupiscere mulierem; ergo habebant liberum arbitrium ad bonum & ad malum.

Præterea istud cor, de quo loquebatur, nonne habebant a Deo bono? Utique. Ergo erat naturaliter bonum; & tamen poterat mœchari mulierem. Ergo ex naturaliter bono potest esse malum. Si autem illud cor non erat a Deo bono, neque de ejus creatione; nulla ergo culpa ex hoc in discipulis Christi erat, & nihil eis imputandum, si vidissent mulierem, quam cor creatum a Diabolo concupiscit; ut enim dicit Apost. ad Galat. 6. v. 5. *unusquisque onus suum portabit.* Sed illa mœchia est onus creaturæ Diaboli secundum te, non discipulorum Christi; ergo discipuli non portabant onus pro illa mœchia, licet videant mulierem ad concupiscendam eam.

Item Matth. 21. v. 28. *Homo quidam habebat duos filios, & accedens ad primum dixit: Fili, vade hodie, operare in vinea mea.* 29. *Ille autem respondens, ait: nolo.* Postea autem penitentia motus, abiit. Constat quod iste liberum arbitrium habebat nolendi & volendi ire ad operandum in vinea Domini.

Item Matth. 23. v. 37. *Jerusalem (11) Jerusalem usque ad noluisse:* Ecce arguit eos, quia volebant congregari sub alas ejus; habebant ergo in potestate sua velle congregari; ergo habebant liberum arbitrium.

Item Lucæ 14. v. 16. *Homo quidam fecit cœnam magnam, &c. usque ad v. 24. ubi dicitur: Dico autem vobis quod nemo virorum illorum, qui vocati sunt, gustabit cœnam meam.* Isti aut habebant in potestate venire ad cœnam istam, aut non; Si non: quomodo vocabat eos ad cœnam suam; quomodo etiam eis imperabat per servum dicentem eis *ut venirent* ad cœnam? Nonne 1. Johannis 5. v. 3. dicitur: *& mandata ejus gravia non sunt?* Istud vero non tantum grave mandatum, sed etiam impossibile est. Numquid enim dices quod Dominus ignorabat eos non habere potestatem non veniendi ad cœnam? Hoc non auderes dicere. Restat igitur quod in potestate sua haberent venire ad nuptias; sed quod non venerint stetit propter hoc, quia noluerunt, vel quia violenter detenti sunt, ne venirent. Si detenti sunt violenter, & non per se remanserunt: quare iratus est eis Paterfamilias, quare minatus est dicens:

(9) Pulchre, & ad rem plane accommodate Cyrillus Alexandrinus in cap. 1. Esaïæ v. 19. pag. 22. Tom. II. Opp. Edit. an. 1638. Post v. a Moneta allatum: *Posita est, inquit, nobis ad utrumque semita, & fructus voluntatum cujusque ceu flosculorum est præclare & legitime, aut contra culpate vivere.* Hinc aliquanto inferius Gnosticos, & Monichæos carpens. *Cum hoc verum sit, inquit e vana nimirum & frigida tutela est contendere ac dicere, naturale esse in homine malum: vel fortunam, aut fatum, aut natiuitatem clavum rerum humanarum gubernare, & ad quod cuique eorum placet, quoslibet pro suo arbitratu adigere, ut vitium, aut virtutem colant, non ad id voluntario impulsu, sed tamquam inevitabili iugo subjugati & subditi, necessitate dominantium agre ac difficulter impulsu.* Etenim si malum natura est, ac in substantia inheret, ut isti nugantur; quomodo pro unuscujusque voluntate vel invalescit, vel debilitatur.

(10) Nemelius lib. de Natura Hominis cap. xl. pag. 289. Edit.

an. 1671. *Nostra potestas est, inquit, actionum ad virtutem, & vitium, & electionum, & motuum, & quorum aequè etiam opposita agere possimus: quandoquidem omnem actionem electio antecedit, neque solum actio, sed etiam electio, & voluntas damnatur. Quod docet illud in Evangelio: qui mulierem adipeverit ad eam concupiscendam &c. Nam principium peccati, & iuste facti, electio, & voluntas est. Opus enim quidem ipsum aliquando permittitur a providentia, aliquando prohibetur. Nam cum in nostra sit aliquid potestate, & providentia sit, necesse est ab utriusque quæ fiunt, evenire &c.*

(11) In hunc eundem sensum Irenæus lib. IV. Contra Hæreses cap. xxxvii. n. 5. pag. 282. verba illa Christi vertit. *Secundum hanc igitur rationem, inquit, & suum proprium bonum ostendens dominus, & sui arbitrii, ac suæ potestatis hominem significans, dicebat ad Hierusalem. Quoties volui congregare filios tuos &c. Matth. xxxiii. v. 37. seqq.*

dicens : *nemo virorum*, &c. Si convivio non interfuerunt propter hoc, quia noluerunt; ergo habebant liberum arbitrium ad malum.

Præterea de qua creatione erant? Constat quod non de mala, quia illos non vocasset ad cœnam suam; erant ergo de bona, & Christus, qui non mentitur, dicit: *nemo virorum illorum*, &c. Ergo oves Israel damnabuntur, & numquam salvabuntur.

Item Matth. 22. v. 2. *Simile factum est regnum celorum homini regi, qui fecit nuptias filio suo usque ad v. 14. multi sunt*, &c. In quibus verbis potes argumentari, sicut in prædictis verbis Lucæ.

Item Johannis 1. v. 11. *sui eum non receperunt*. 12. *Quotquot autem receperunt eum*, &c. Aut habebant liberum arbitrium recipiendi & non recipiendi, aut non habebant? Si habebant: habeo propositum. Si non habebant liberum arbitrium neque illi, qui receperunt eum: quare ergo prius dedit non suis? Immo prius debuisset dare suis, si in his, & illis non est liberum arbitrium; dicit enim Dominus Marci 7. v. 27. mulieri Chananæ: *sine prius salutare filios*. Item Matth. 15. v. 26. *Non est bonum sumere panem filiorum, & mittere canibus*.

Johannis 5. v. 39. habetur quod Christus dixit Judæis: *Scrutamini scripturas, quia vos putatis in ipsis vitam æternam habere: & illæ sunt, quæ testimonium perhibent de me*: 40. *& non vultis venire ad me ut vitam habeatis*. Ecce quod Dominus reprehendit istos eo quod per scripturas de Christo testimonium perhibentes volebant ad eum venire, ut vitam æternam, quam quærebant, haberent. Ergo in potestate voluntatis eorum erat venire ad eum, vel non venire. Ergo habebant liberum arbitrium.

Præterea monet eos scrutari scripturas de ipso testimonium perhibentes: quod non faceret nisi ipsi haberent liberum arbitrium scrutandi eas, & non scrutandi.

Item nonne isti erant de ovibus Israel, cum Dominus dicat eis parum ante v. 34. *Hæc dico ut vos salvî sitis?* Ergo oves habebant liberum arbitrium.

Item Johann. 8. v. 31. legitur, quod Jesus dixit Judæis, qui crediderunt ei: *Si vos manseritis in sermone meo, vere discipuli mei eritis*: 32. *& cognoscetis veritatem, & veritas liberabit vos*. Isti jam erant in sermone ejus, quia ei credebant; sed monebat eos, ut permanerent in ipso. Ergo in potestate eorum erat permanere & non permanere, dummodo vellent. Atque ut vellent mercedem triplicem promisit. Ergo habebant liberum arbitrium. flexibile ad utrumque. Si enim non potuissent permanere, Jesus eos non monuisset, ut permanerent, monuit autem ad hoc quando eis inde mercedem promisit. Si autem non potuissent non permanere; id est si necesse fuisset ut permanerent, & aliud esse non potuisset, frustra dixisset eis. *Si vos manseritis*, &c.

Item Rom. 12. v. 1. *Obsecro itaque vos Fratres per misericordiam Dei, ut*, &c. Si isti non habebant

liberum arbitrium ad hoc, de quo eos rogabat, quare eos obsecrabat? Præterea si non habuissent in potestate suæ voluntatis malum facere, numquam dixisset eis ibidem v. 2. *nolite conformari huic seculo*.

Item 1. Corinth. 9. v. 24. *Sic currite ut comprehendatis*, supple bravium. Si isti non habebant liberum arbitrium ad currendum, quomodo Apostolus eos rogabat, ut current ad bravium, cum non penderet ex eorum voluntate?

Item 2. Timoth. 2. v. 20. *In magna autem domo non solum sunt vasa aurea, & argentea, sed & lignea, & fictilia: & quædam quidem in honorem, quædam autem in contumeliam*. 21. *Si quis ergo emundaverit se ab istis, erit vas in honorem sanctificatum, & utile Domino*. Ecce quod Apostolus vult, quod aliquis possit se emundare ab illis vasis, quæ sunt in contumeliam, id est ut non fit de illis. Aliquis igitur operatur, ne fit vas in contumeliam. Modo quæro: aut operatur istud tantum violenter, aut libera voluntate? Si violenter: nullæ ei grates, nulla ei merces de hoc.

Præterea si tantum violenter, quare Dominus per Apostolum suum Jacobum præciperet eis dicens, Jacobi 4. v. 8. *emundate manus, peccatores: & purificate corda, duplices animo?*

Si libera voluntate; ergo liberum arbitrium habet. Et notandum quod dixerat in Ecclesia Dei quosdam esse subversos; quosdam autem signatos Dei notitia, id est liberi arbitrii comparatione stare firmos, sic enim ait v. 19. *sed firmum fundamentum Dei stat*; id est illi, qui fundati sunt in Deo, & a Deo sunt, firmiter stant, non nutant, non patiuntur a Christi fide averti. Et hoc est propter signaculum, quod habent, quia scilicet Deus eos cognoscet, id est amat, & approbat, & sic eos munus ipso etiam cooperantibus. Postea subdit: *In magna autem domo*, &c. quasi dicat: non est mirum, si in Ecclesia Dei quidam avertuntur, & quidam stant.

[*] Si autem dicat Hæreticus hominem ad bonum liberam voluntatem habere; ad malum autem coactam, quare toties Apostolus dicit: *nolite*, &c. Item sic non esset culpandus sicuti neque Apostolus, qui ait Rom. 7. v. 15. *Quod odi malum, illud facio*. Quare ergo Isaïæ 1. v. 2. increpat populum suum: *Filios enutrivî, & exaltavi: ipsi autem spreverunt me?* De quibus etiam subditur Jerem. 4. v. 22. *Filii insipientes sunt, & vecordes*. Isaïæ 30. v. 9. *Filii nolentes audire legem Dei*. 10. *Qui dicunt videntibus: nolite videre: & aspicientibus: nolite aspicere nobis ea, quæ recta sunt: loquimini nobis placentia, videte nobis errores*. 11. *Auferte a me viam, declinate a me semitam, cesset a facie nostra sanctus Israel*. Nota quod dicunt. *Loquimini nobis placentia*; ergo placitum habebant ad malum; unde subjungunt: *videte nobis errores*. [*]

Item Jacobi 1. v. 13. *nemo cum tentatur, dicat quoniam a Deo tentatur: Deus enim intentator malorum est: ipse autem neminem tentat*. 14. *Unusquisque vero tentatur a concupiscentia sua abstractus, & illeceus*. Si ex sua concupiscentia: ex

se igitur malus est; sed non ex natura, ergo ex libero arbitrio.

Item Matth. 15. v. 11. *Non quod intrat in os, coinquinat hominem*. Hoc autem Jesus post aliqua verba exposuit dicens 17: *omne quod in os intrat, in ventrem vadit, & in secessum mittitur*. 18. *Quæ autem procedunt de ore, de corde exeunt, & ea coinquinant hominem*. Modo quæro: Isti homines, qui coinquinantur, de qua creatione sunt? De mala? Non; sic enim non possent coinquinari, quia semper essent inquinati & immundi. Erant ergo de bona creatione, & dicitur quod de corde ipsorum exeunt cogitationes malæ, homicidia, adulteria, fornicationes, furta, falsa testimonia, blasphemiae. Hæc sunt, quæ coinquinant hominem; ergo creaturæ Dei de corde suo mala faciunt, & dicunt, & cogitant; ergo a seipsis peccant: quod esse non posset, nisi haberent liberum arbitrium, ergo habent ipsum. [*]

Item Jerem. 21. v. 8. *Ecce ego do coram vobis viam vitæ, & viam mortis, &c.* Item Deuteronom. 30. v. 19. *testes invoco hodie calum, & terram, quod proposuerim vobis vitam, & mortem, benedictionem, & maledictionem. Elige ergo vitam, ut & tu vivas, & semen tuum, &c.* Item psalm. 118. v. 30. *Viam veritatis elegi: judicia tua non sum oblitus*. Vides quia neminem hic premit fati, vel perditionis necessitas, quia nemini negatur eligendi potestas. Non in unam partem trahit prædestinatio, uti utriusque partis disertur electio. Eccles. 15. v. 17. hoc idem habetur, ut prædictum est in principio cap. *Apposuit tibi aquam & ignem, &c.*

Quod autem ex propria voluntate mutabilis sit creatura rationalis, patet Johannis 5. v. 6. ubi Christus ait cuidam ægro: *vis sanus fieri?* Consciens Christus univerforum conditorum quantum humano cordi indiderit, ipsius voluntatem, quem erat sanaturus, interrogat.

Matth. 16. v. 24. *Si quis vult post me venire, abneget semetipsum, & tollat crucem suam & sequatur me*. Hoc est dicere: meæ miserationis est quod te vocem, sed tuæ voluntati commissum est, ut sequaris. Jubetur unusquisque ex voluntate converteri ne peccator desperet in melius se posse mutari. Cum dicit; *abneget semetipsum*, supple sibi, hoc est dicere: O Homo non putes te ita ab auctore tuo conditum, ut de injusto justus, de luxurioso castus, de malevolo benignus esse non possis. Ad hoc enim consequendum non naturam necesse est mutari, sed vitam. Patientia vincat iracundiam, temperantia refrænet concupiscentiam, humilitas excludat superbiam, crux conterat voluptatem. Sic autem abnegat Homo se sibi, & alter efficitur ex altero, non mutatione naturæ, sed conversationis & vitæ.

[*] Item Rom. 6. v. 19. *Humanum dico, propter infirmitatem carnis vestræ*. Nonne Apost. unum, eun-

demque hominem ad bonorum studia provocat, quem prius malis actibus deditum fuisse manifestaverat? Item ibidem 16. *nescitis quoniam cui exhibetis vos servos ad obediendum, servi estis ejus, cui obedistis, sive peccati ad mortem, sive obeditionis ad justitiam?* Nota quod ait: *cui exhibetis vos servos, &c.* Posse igitur ad utrumque habebant. Item quomodo hoc Prædicator, & Apostolus Gentium diceret, ut mutarentur, si Deus immutabilem legem creaturæ imposuit? Nonne dicit Colofs. 3. v. 9. *Nolite mentiri invicem, expoliantes vos veterem hominem cum actibus suis, &c.* Idem legitur Ephes. 4. v. 24.

Et quia forte mutabilem esse dices creaturam ad bonum, ad malum autem non; vide quid dicat David psalm. 77. v. 10. *Non custodierunt testamentum Dei: & in lege ejus noluerunt ambulare &c.* Unde etiam psalm. 72. v. 19. ait: *Perierunt propter iniquitatem suam*. Item Isaïæ 66. v. 4. *Quæ timebant, adducam eis: quia vocavi, & non erat qui responderet: locutus sum, & non audierunt: feceruntque malum in oculis meis, & quæ nolui elegerunt*. Item Matth. 23. v. 37. *Quoties volui &c.* usque ad *nolui* si? Non ergo impossibilitas ab opere justitiæ Hominem revocat, sed propria iniquitas, & voluntas, cum etiam Apostolus dicat 1. Timoth. 5. v. 20. *Peccantes coram omnibus argue; nulla autem ratio est, per quam vel arguendus, vel condemnandus sit qui invitus deliquit, dicente Domino Ezech. 18. v. 30. Unumquemque juxta vias suas judicabo Dominus Israel, ait Dominus Deus. Convertimini, & agite penitentiam &c.* Item Isaïæ 42. v. 24. *Quis dedit in direptionem Jacob, & Israel vastantibus? Nonne Dominus ipse, cui peccavimus? Et noluerunt &c.* usque ad *forte bellum*. De hoc habetur 2. p. 1. cap. hujus libri.

Item Jerem. 2. v. 29. *Quid vultis mecum iudicio contendere? Omnes dereliquistis me, dicit Dominus*. Jerem. 3. v. 5. increpat dominus Oves Israel dicens: *Ecce locuta es, & fecisti mala, & potuisti*. Jerem. 6. v. 16. *Hæc dicit Dominus: state super vias, & videte, & interrogate de semitis antiquis, quæ sit via bona, & ambulate in ea: & invenietis refrigerium animabus vestris. Et dixerunt: Non ambulabimus; id est in via bona; ergo patet quod libertatem habebant ad malum*. Jerem. 44. v. 4. *Nolite facere verbum abominationis hujusmodi, quam odivi*. 5. *Et non audierunt &c.* ergo voluntatem fecerunt malam. Amos 5. v. 14. *Quærite bonum, & non malum, ut vivatis*. Item Mich. 3. v. 2. *Odio habetis bonum, & diligitis malum*.

Quod autem populus Dei potestatem habuerit ad malum faciendum patet Eccles. 31. v. 10. *Potuit transgredi, & non est transgressus: facere mala, & non fecit*. Ad idem facit illud Jerem. 3. v. 5., ubi dominus loquitur Jerusalem in figura mulieris meretricis dicens: (12) *Ecce locuta es &c.* [*]

CAP.

[*] A 1. aster. ad cap. sextum defunt e Cod. Vat.

[*] Quæ sec. aster. ad c. vi. continentur desid. in Cod. Bon.

(12) Liberum arbitrium multis sacrarum Scripturarum testimoniis, quæ eodem fere atque hæc, quæ adfert Moneta, recidunt, præclare imprimis tuentur Irenæus lib. iv. *Contra Hæres.* cap. xxxvii. per tot. Tertullianus lib. i. *Contra Marcionem* cap. v. seqq. pag. 384.

seqq. Augustinus cum sæpe alias, tum tribus libris de *Lib. Arb.* col. 569. Tom. 1. Opp. Nemæus lib. de *Nat. Hominis* cap. xxxix. seq. pag. 179. seq. Titus Boetius toto fere secundo lib. *Contra Manichæos* pag. 94. seqq. Tom. 1. *Lectio. Antiqu. Canisii Editi.* Basnag. Photius lib. 11. *Contra Manichæos* n. 2. pag. 145. Tom. 1. *Anecd.*

CAP. VI.

De antiquitate creaturarum, & primo quod nulla sit Deo coæva; & de novis Spiritibus.

AD sextum Capitulum accedentes videamus, sicut isti Hæretici somniant, an creaturæ sint antiquæ vel novæ. Ponunt enim illi, quod simul omnia sint creata, videlicet corpora, (1) animæ, & spiritus, & nova corpora non creentur; sed vel simul cum ipso fuerint, vel maximo tempore cum ipso in gloria ejus. Dividitur autem capitulum hoc in duas partes. In prima parte ponentur eorum rationes, quibus hoc adstruunt; in secunda vero rationes contra eos.

§. PRIMUS PARS PRIMA.

Probatio Hæretici, quod Deus non creat novas animas, (2) & nova corpora.

HUjus falsitatis causam ponunt illud, quod habetur Eccles. 18. v. 1. *Qui vivit in æternum, creavit omnia simul.* (3) Sed hoc sic intelligitur:

Creavit omnia simul in præscientia sua, sed non simul creavit in propria natura; simul enim prævidit omnia creanda, sed non simul duxit ea ad esse. Quod autem sic intelligendum sit, evidenter apparet testimonio illius, cujus auctoritatem induxisti; dicit enim idem Eccles. cap. 23. v. 29. *Domino enim Deo antequam crearentur, omnia sunt agnita: sic & post perfectum*, id est postquam ad perfectionem, five ad esse defluerunt, *respicit omnia*, id est novit, sicut ante. Propter idem Eccles. cap. 39. v. 25. ait: *A sæculo usque in sæculum respicit, & nihil est mirabile in conspectu ejus.*

Alio etiam modo dici potest, quod omnia simul creaverit, (4) id est visibilia ista: quod ideo dicitur, quia simul produxit in esse materiam visibilium. Quod ita sit potest haberi Sap. 11. v. 18. ubi dicitur: *Non enim impossibilis erat omnipotens manus tua, quæ creavit orbem terrarum ex materia invisibilis &c.* Propter hoc dicit Apost. Hebr. 11. v. 3. *Fide intelligimus aptata esse sæcula verbo Dei: ut ex invisibilibus visibilia fierent.* Ubi materiam invisibilem pluraliter dicit invisibilia; ipsa enim quodammodo, hoc est materialiter erat omnia, quæ facienda erant ex illa. Quod ergo dicitur: *creavit omnia simul*, de istis visibilibus intelligitur, licet aliæ expositiones bonæ de eodem verbo Eccles. invenian-

Anecd. Vvolffii Edit. an. 1722. & recentiore memoria Dionysius Petavius lib. 111. seq. de Opif. sex. Dierum cap. 1. seq. Tom. 111. Theologic. Dogm. Noverunt hanc quoque Arbitrii libertatem plerique Ethnicorum Philosophi. Horum testimonia accurate recensent Thomas Gatakerus in Notis ad Antonin. lib. 11. §. 1x. Petrus Daniel Huetius lib. 11. de Concord. Rationis, & Fidei cap. x. & Tobias Pfannerus in Syst. Theologia Gentilis cap. x. §. 1x. seqq. Adposuite sane Maximus Tyrius Dissert. xxv. pag. 178. Edit. an. 1607. Deus, inquit, animam terreno corpori imposuit. . . vim illi præterea roburque addidit, ut vel arte sua uti posset, si vellet, vel abuti, si mallet.

(1) Est hæc opinio propria Catharorum, qui Johannem de Lugio sequebantur. Nam, ut auctor est Rainerius Sachonus in *Summa Contra Catharos* pag. 1770. omnes creaturas esse, pugnant, ab æterno, bonas creaturas cum Deo bono, & malas cum malo Deo, & quod creatores non præcedunt creaturas æternitate, sed causa, & quod creaturæ ex Deo sunt ab æterno, sicut splendor vel radii in sole, qui non præcedit radios suos tempore, sed tantum causa, vel natura. Distinguebant autem duos mundos, alterum quidem sub aspectum cadentem, alterum contra invisibilem: atque hujus quidem conditorem Deum bonum, illius vero diabolum, seu potius Patrem diaboli esse jactabant. In hoc autem postremo errore versabantur etiam ii, qui Balasinfæ parebant. Confer *Notam* 11. ad cap. 1. Ex verbis porro Rainerii Sachoni plane colligitur, ineptire Gasparem Calvorum lib. viii. cap. 111. pag. 314. *Fissuræ sionis, qui non a parte ante, sed a parte post*, sic enim habet, æternitatem mundi admisisse Catharos Albanenses contendit. Vixit enim Sachonus diu cum Catharis, primasque apud illos obtinuit, antequam Catholicæ religioni nomen dedisset: quare illorum dogmata comperta maxime habebat, & explorata. Quin etiam Moneta, qui cum Catharis Albanensibus etiam iis, qui Johanni Lugienti auscultabant, sæpe ac multum manus conferuit, ut in *Prologo* ultro testatur, hunc ipsum errorem generi illi hæreticorum adscribit, quamvis eos nominatim non indicet. Fuit autem hæc Catharorum Lugiensium opinio similis ejus, quam Chaldæi, apud Diodorum Siculum lib. 11. *Biblioth.* pag. 116. Heraclitus, apud Plutarchum lib. de *Anima Procreatr.* pag. 1014. Tom. 11. *Opp.* Aristoteles, & alii plerique propugnaverunt. Vide Ph. Mornæum de *Ver. Rel. Christ.* cap. ix. Vossium de *Orig. Idololatriæ* lib. 11. cap. xxxviii. Tobiam Pfannerum in *systemate Theolog. Gentilis* cap. v. §. 1. & 2.

(2) Animas jam idem ab initio conditas Origenes introduxit lib. 1. *περί ἀρχίδου* cap. vii. pag. 73. Tom. 1. *Edit. an. 1733.* & lib. 11. cap. viii. pag. 94. Vide Epiphanium *Hæres.* lxiv. n. 4. Hieronym. *Ep.* lxxxiv. al. lxx. ad *Avitum* & *Ep.* xxxviii. al. lxi. ad *Pammachium*. Origeni autem accessere Pierius Alexandrinus,

apud Photium *cod.* cxix. & Pamphilus Martyr, in *Apologia pro Orig.* inter *Oper. S. Hieron.* Tom. v. col. 245. *seqq.* Didymus, & Evagrius quoque, apud Photium *Epist.* 1. pag. xi. Priscillianistæ etiam, apud S. Leonem *Epist.* xciii. ad Thuribium Alturicensem. Stephanus Gobarus Trithemita, apud Photium *cod.* cxxxii. de hac re disputat in utramque partem. Fuerunt etiam alii, quos prætereo. Recentiore autem memoria Leibnitius, Vvolffius, Duvigerus, Gotthiebicus, & qui Leibnitium sequuti sunt, in eam opinionem inciderunt, ut animos jam usque ab initio conditos, & corporibus nostris in Adami corpore constitutis, exiguis quidem illis ac minutis, infusos fuisse contenderent. Vide Vvolffium *Psycholog. Rationalis Sect.* iv. §. 704. & *Theolog. Natural.* 1. P. cap. v. de *Creat.* & *Prov. divina* §. 780. Gotthiebicum *Princip. Philos. Leibnitianæ Theor.* cxvi.

(3) Augustino etiam hæc eadem ex parte arrisit opinio. Censuit enim omnia simul a Deo fuisse condita ita, ut metaphorico sensu intelligi debeant sex dies, quos Moyses initio *Genesis* distinguit, quibusque serie quadam omnia disposita fuisse autumat. Vide lib. 1v. de *Gen. ad litt.* cap. xxi. *seqq.* col. 173. & lib. v. cap. v. col. 185. *seqq.* Tom. 111. *Opp. Parte 1.* Etsi vero Augustinus neglexerit eorum sententiam, qui animas omnes jam inde ab initio conditas esse putarunt; eam tamen uti verisimiliorem amplexus est, quæ statuit: *animam unam Deum fecisse, & dedisse primo homini unde ceteras faceret, sicut ex ejus corpore cetera hominum corpora.* Confule *notam* 1. ad cap. 4. 2. libri. Præiverunt autem Augustino in eo quod ad creationem corporum simultaneam pertinet Philo Judæus lib. *Allegor.* pag. 31. *Edit. an. 1613.* Clemens Alexandrinus lib. vi. *Stomateon* pag. 634. & 686. & apud Nourrium in *Appar. ad Biblioth. Magnam Sanctor. Patrum* Tom. 1. pag. 987. *Edit. an. 1703.* & Athanasius *Orat.* 11. *Contra Arianos* Tom. 1. *Opp. P. 1. Nov. Edit.* pag. 528. Neque ab hac sententia discrepant Procopius Gazensis, & Cajetanus. Vide Pererium in *Genesis.* lib. 1. pag. 123. *seqq.* *Edit. an. 1589.* Propius ad Catharorum errorem accessit Origenes. Cum enim, ut superiore notatione animadverti, animas jam inde a primordio mundi creatas posuerit; tum vero lib. vi. *Contra Celsum* num. 50. pag. 671. *seqq.* *Edit. an. 1733.* hostem illum Christiani nominis vehementer exagitavit, quod κατὰ λέξιν Moysi verba intelligeret, nobisque, quod ita crederemus, vitio verteret.

(4) Hoc idem testimonium in rem suam adhibuit Augustinus lib. 1v. de *Gen. ad litt.* cap. xxxiii. col. 179. Verum Moneta eam asserti responsionem, quæ Catharorum systema funditus evertit. Ostendit enim hæc verba de visibilium rerum materia intelligi oportere, non de invisibili mundo, quem illi fingeant, neque de creaturis sub aspectum non cadentibus, ut de animis hominum, qui continenter a Deo creantur.

veniantur. Istis tamen adversus Hæreticos magis utendum est, quia radican- tur super testimoniis scripturarum, quas recipiunt.

In primis autem, ut eorum falsitas detegatur, qui ponunt ea, quæ diximus, videamus quid sit creare secundum ipsos. Dicunt autem quod creare (5) est ex præjacente materia aliquid facere, reprobantes istud, quod dicere consuevimus: *creare est ex nihilo aliquid facere*. Hujus autem assertionis testimonium inducunt illud Eccles. 17. v. 1. ubi dicitur: *Deus creavit de terra hominem*.

Ad idem etiam induci potest illud Sap. 11. v. 18. *non enim impossibilis erat omnipotens manus tua, quæ creavit orbem terrarum ex materia invisâ: & multa alia consimilia in sacra scriptura reperiuntur testimonia.*

Sed Hæretici isti paralogizantur; virtutis enim nominis sunt ignari. Creare enim quandoque sumitur improprie, & quandoque proprie. Ultimo modo est ex nihilo aliquid facere. Primo autem modo, id est secundum quod improprie sumitur, est ex aliquo præjacente aliquid facere, & sic sumitur in multis locis Scripturæ. Quod autem creare sit ex nihilo aliquid facere secundum quod sumitur proprie verbum creandi, sic potest evidenter ostendi. Aut Deus creavit omnia simul, aut non? Si omnia simul creavit: quomodo ergo dicunt Hæretici, quod creare est ex præjacente materia aliquid facere? Nonne ipsa materia creata est? Utique. Ergo si ex præjacente materia creavit omnia, ipsam præjacentem materiam creavit ex se ipsa.

Præterea si ipsa materia est aliquid creatum præjacens aliis; aliquid ergo creatum fuit ante alia, ergo non simul omnia creata sunt.

Forte dicet Hæreticus quod materia præjacens est divina essentia, quæ etiam Sap. 11. v. 18. Dicitur materia invisâ.

Contra. Si illa materia invisâ divina Essentia est; ergo Deus creavit omnia de sua essentia, ergo dedit omnibus suam essentiam, & totam, ut ita dicam, partem enim dare non potest, quia impartibilis est, quoniam summe simplex est, alioquin non esset primum principium, si aliquid compositionis haberet; omne enim compositum principiatum est ex his, quibus componitur. Dedit ergo creatis a se totam suam substantiam; ergo omnes creaturæ ejusdem substantiæ sunt cum Deo, & omnes sunt substantialiter Dii.

[*] Præterea secundum hoc Deus esset causa efficiens, & materialis ejusdem, quod est impossibile, quoniam causa efficiens est extra causatum; caus-

sa vero materialis intra ipsum, & de ipso.

Si autem dicat Hæreticus quod creare non est ex aliquo præjacente aliquid facere, sed ex aliquo tantum, objicias ei de materia invisâ, de qua omnia sunt creata; Ipsa enim cum non sit creator, creata est; ergo ex aliquo alio creata; quod est longe a ratione creandi, quam ponis. Immo ego quæro de quo creata sit, & cum non sit creata de Deo, sed a Deo, restat eadem quæstio de illo alio. Ex quo patet quod necesse habes ponere, quod *creare est ex nihilo aliquid facere*. [*]

Forte dicet iterum Hæreticus, quod Deus non creavit omnia sua creata simul, immo secundum ordinem unum ex alio; sed hoc etiam posito oportet pervenire ad aliquod, quod sit immediate ab ipso creatum, ergo creatum ex nihilo, vel ex divina substantia, sed non ex divina substantia, ut præostensum est, ergo ex nihilo. Ergo creare secundum propriam & veram rationem est ex nihilo aliquid facere. Et si invenitur quod ex aliquo Deus creaverit, improprie sumitur verbum creandi. Hoc habito quod creatio sit ex nihilo in esse productio, evidenter ostenditur quod nulla creatura coæva est suo creatori. Quum enim dicitur quod omnia creavit ex nihilo hoc ipsum ex non dicit materiam, vel ejus habitudinem ad materiaturum; nihil enim non est materia alicujus. Oportet ergo quod ex dicat ordinem ex nihilo, id est post nihil, id est cum prius nihil essent, ut etiam Philosophi attestantur. Dico ergo sic: omne, quod creatur, ex nihilo in esse produci- tur; prius ergo fuit non ens, quam ens. Cum autem non erat ens, creator erat ens; ergo creatura non erat creatori coæva; ergo Populus Dei non est antiquus, id est Deo coævus.

Item si sumatur large verbum movendi ut comprehendit motionem substantialem, sicut sumitur ab Aristotile in fine Prædicamentorum, creans in eo quod creans est movens; ergo creare est movere, ergo creari erit moveri, ergo creatio erit aliquis motus, sed omnis motus sive sit substantialis, sive accidentalis, est exitus de potentia ad actum; ergo omne, quod movetur, erit de potentia ad actum: sed omne, quod tale est habet esse post non esse; ergo omne, quod tale est prius fuit non ens, & postea ens. Creator autem semper fuit ens; ergo creatura non est coæva Creatori; ergo Populus Dei non est antiquus eo modo, quo ponis ipsum antiquum.

Præterea si creatura Dei boni coæva est ei, & Populus Dei antiquus est, & Creatori coævus: quomodo stabit illud, quod dicitur Eccles. 23. v. 29.

Do-

(5) Ita quidem veteres philosophi fere omnes. Scite Eusebii lib. vii. *Præparationis Evangelicæ* cap. xix. pag. 333. Edit. an. 1628. Idem (nempe Deum materiæ quoque auctorem esse) *Barbarorum*, inquit, & *Græcorum infinita vis oppugnavit, cum alii, & improbitatis omnis fontem esse materiam, & ortu carere defenderent: alii suapte quidem natura omni eam qualitate figuræ nudatam esse, Divini tamen Numinis potestate novum prætereæ cum suis qualitatibus ornatum induisse vellet*. Hinc & Dionysius Alexandrinus Episcopus apud eundem *ibid.* cap. xix. pag. 333. impietatis etiam illud est, inquit, quod plerique materiam, cuius ortum nullum esse velint, divinæ potestati digerendam ornandamque subijciant. Consuluntur Cudworthus cap. iv. §. vi. seqq. & Moshemius in *Notis ad Idem* Cudw. cap. *ibid.* & Tobias Pfannercus *system. Theol. Gentil.* cap. v. §. 111. per tot. In eundem errorem inciderunt Valentini, apud Irenæum lib. 11. cap. xiv.

pag. 134. & apud Pseudo-Origenem *Dialogo* iv. *Contra Marcionitas* sect. iv. *sub init.* quo quidem loco referuntur Valentini verba: & Marcionitæ apud Tertullianum lib. 1. cap. xv. *Contra Marcionem* pag. 373. Non discrepabat Hermogenes; Videtur Tertullianus lib. *Contra Herm.* cap. 111. seqq. pag. 234. seqq. Edit. an. 1675. Manes quoque apud Archelaum *Disp. cum Man.* pag. 27. genus hoc portentis defendens: *Quomodo, inquit, condere potuit creaturam non subsistente Materia?* Vide Augustinum lib. *de Fid.* & *Symbolo* cap. 2. & Bousohr. *Histo. De Manichee* Liv. v. Ch. vi. num. 1111. Seculo xv. cadente Hermannus Ryfsvickius Batavus veterem hanc hæresim rursus excitavit. Consulè Natalem Alexandrum *Hist. Eccl. sect. xv. cap. 11. Art. ix.* & Bernardum Lutemburgensem lib. 11. *Catalogi Hæreticor. litt. H.*

[*] Quæ duobus asteriscis comprehendimus, desunt e Codd. Bonon. & Vat.

Domino enim Deo antequam crearentur, omnia sunt agnita? Quid dices etiam ad illud verbum Sapientiae, quod habetur Proverb. 8. v. 22. Dominus possedit me ab initio viarum suarum, antequam quidquam faceret a principio. 23. Ab aeterno ordinatum, & ex antiquis antequam terra fieret. Ergo antequam Homo fieret; ergo Populus Dei non est coævus creatori suo, neque alia creatura.

Item nonne idem dicit David psalm. 89. v. 2. *Priusquam montes fierent, aut formaretur terra, & orbis: a seculo, & usque in seculum tu es Deus?*

Præterea quomodo stabit illud verbum, quod habetur Sap. 10. v. 1., ubi dicitur de Sapientia: *Hæc illum, qui primus formatus est a Deo pater orbis terrarum, cum solus esset creatus, custodivit, 2. & eduxit illum a delicto suo?* Nonne hic est ille, de quo dicitur Actor. 17. v. 26. *Fecitque ex uno omne genus hominum?* Utique; ideo enim dicitur pater Orbis terrarum, quia omne genus hominum ex ipso fabricatum est in toto orbe; ille ergo unus præcessit de se genitos. Ergo Populus Dei, qui ex ipso est, ut dicis, non est antiquus, id est creatori coævus.

Præterea nonne Matth. 1. v. 2. dicitur *Abraham genuit Isaac &c.* Istam autem Genealogiam ponis esse populi Dei in cælo, si errorem tuum nolueris celare. Ecce habes hic quod generatio Populi Dei fit successive secundum prius, & posterius. Ergo Populus Dei non est coævus ei. Nonne & Apost. Rom. 4. v. 18. de isto Abraham dicit: *Qui contra spem in spem credidit, ut fieret pater multarum Gentium secundum quod dictum est ei: sic erit semen tuum. 19. Et non infirmatus est fide, non consideravit corpus suum emortuum, cum jam fere centum esset annorum: & emortuam vulvam Saræ.* Non est dubium quod de isto loquitur. Unde Isaïæ 51. v. 12. *Attendite ad Abraham patrem vestrum, & ad Saram, quæ peperit vos: quia unum vocavi eum, & benedixi ei, & multiplicavi eum.* De isto uno, cuius corpus emortuum erat, id est invalidum ad generationem filiorum, dicit idem Apostolus Hebr. 11. v. 11. *Fide & ipsa Sara sterilis virtutem in conceptionem seminis accepit, etiam præter tempus ætatis: quoniam fidelem credidit esse eum, qui repromiserat. 12. Propter quod & ab uno orti sunt (& hoc emortuo) tamquam sidera cæli in multitudinem, & sicut arena, quæ est ad oram maris, innumerabilis.* Ecce manifeste vides quod Populus Dei, qui de Abraham processit, non est coævus creatori suo.

§. III.

Quibus testimoniis conentur Hæretici antiquitatem animarum adstruere.

Nunc videndum est quibus testimoniis velint habere quod Populus Dei coævus ei fuerit. Volunt autem hoc habere pluribus testimoniis, quæ in scriptis cuiusdam Hæretici Tetrici nomine reperi.

HÆR. Ad id ergo inducunt illud, quod legitur Ecclef. 37. 28. *Vita viri in numero dierum: dies autem Israel innumerabiles sunt.* Et volunt homines sumere de mala creatione, Israel autem de bona.

CATH. Sed contra Ecclef. 18. v. 8. *Numerus dierum hominum ut multum centum anni: quasi gutta aquæ maris deputati sunt: & sicut calculus arenæ, sic exigui anni in die ævi, id est diei respectu æternitatis.* Nonne homines sumit in bono, id est pro Ovis Israel? Utique. Ergo dies Ovis Israel numerabiles: quod quidem verum est pro quolibet de populo Israel, sed dies populi innumerabiles sunt nobis. Quod autem Israel dicatur ipse Populus, qui ex Israel ortus est, habetur Osee 14. v. 2. ubi dicitur. *Convertere Israel ad Dominum Deum tuum: quoniam corruisti in iniquitate tua.* Et statim subditur 3. *Tollite vobiscum verba, & convertimini;* loquens pluraliter, ne credatur loqui personæ certæ, sed populo. Idem habetur Osee 12. v. 13. ubi dicitur: *In propheta autem eduxit Dominus Israel de Ægypto:* quod non potest intelligi de Israel personaliter, qui prius Jacob dictus est; prius enim vitam istam finivit, quam Dominus Populum Israel de Ægypto eduxerit.

Quod autem in prædicta auctoritate Ecclef. *Numerus dierum &c.* sumatur Homo pro his, qui de bona creatione sunt, patet ex littera sequenti post verba, quæ præmisimus; statim enim dicitur 9. *Propter hoc patiens est Deus in illis, & effundit super eos misericordiam suam,* quod non faceret, si de mala creatione essent.

Et notandum quod dicit: *Propter hoc;* & est sensus quod dies Hominum sunt breves, instabiles, & amari; ista enim tria notantur in guttis maris; brevis etiam notatur in calculo.

Forte dicit Hæreticus, quod Ecclef. loquitur de diebus ovium ratione vasorum testeorum, in quibus inclusæ sunt: istum autem numerum dierum, & annorum non habent a Deo bono, sed a malo, cuius sunt vasa illa.

Contra. Supra proximo cap. v. 1. dixerat de Deo bono: *Deus creavit de terra hominem;* & post pauca verba dicit: *numerum dierum, & tempus dedit illi;* ergo numerum dierum habet a Deo bono. Nonne & hoc dicit David psalm. 38. v. 6. *Ecce mensurabiles posuisti dies meos?* Nonne etiam numerum dierum ibidem specificat dicens: *Notum fac mihi Domine finem meum, & numerum dierum meorum. Quis est, ut sciam quid desit mihi?*

HÆR. Ad idem inducunt illud, quod legitur Ecclesiastæ 1. v. 9. *Quid est, quod fuit? Ipsum, quod futurum est. Quid est quod factum est? Ipsum, quod faciendum est. 10. Nihil sub sole novum, nec valet quisquam dicere: Ecce hoc recens est: jam enim præcessit in seculis, quæ fuerunt ante nos:*

CATH. Ad hoc dicimus, quod istud, quod fuit in Dei præscientia futurum est in rerum natura; nihil ergo sub sole novum quoad Dei præscientiam: jam enim præcessit in præscientia Dei in seculis supervenientibus.

Vis videre Hæretice quod ita dicendum est? Nonne David dicit psalm. 2. v. 1. *Quare fremuerunt Gentes &c. usque ad Adversus Christum ejus?* Ecce quod David dicit hoc factum esse antequam Christus in hunc mundum veniret. Beatus autem Petrus Actor. 4. v. 27. dicit istud esse factum in rei veritate postquam Christus venit in mundum istum, & de-

ter-

terminat quomodo David dicat illud esse factum, scilicet in decreto & præscientia Dei, sic enim ait: *Convenerunt enim vere in Civitate ista adversus Sanctum tuum puerum Jesum, quem unxisti, Herodes, & Pontius Pilatus cum Gentibus, & populis Israel, 28. facere quæ manus tua, & consilium tuum decreverunt fieri.*

Possset etiam exponi, secundum id, quod habetur Genes. 2. v. 2. *Requievit die septimo ab universo opere, quod patrarat.* Requievit enim a novis operibus, novis scilicet speciebus, & generibus; & secundum hoc dicitur: *Nihil sub sole novum* quoad speciem, vel genus, jam enim præcessit in specie, vel in genere suo: & tamen aliquid in singulari fit novum, sicut pluribus testimoniis potest ostendi.

HÆR. Ad idem inducunt illud, quod dixit Moyse Populo Judæorum Deuter. 18. v. 15. *Prophetam de gente tua, & de fratribus tuis sicut me, suscitabit tibi Dominus Deus tuus: ipsum audies.* Si Populus Israel; cui Moyse loquebatur, auditurus erat Christum; videtur ergo quod Populus, propter quem salvandum venit, antiquus sit, non novus.

CATH. [*] Ad hoc dico quod prophetice loquebatur. Et verba Prophetarum non semper intelliguntur ad sonum litteræ: quod probatur capitulo septimo primæ partis hujus operis, & in secunda parte hujus operis capitulo sexto, in prima parte capituli, in expositione illius verbi Genes. 15. v. 18. *Semini tuo dabo terram hanc.*

Item nonne vides quod illud, quod dicitur de Abraham Genes. 12. v. 3. *In te benedicentur universæ cognationes terræ*, illud ipsum assumit Apostolus ad Galat. 3. v. 8. Constat autem illud non dici de Abraham ratione sui, sed ratione feminis ejus, id est Christi, ut patet per Apostolum ad Galat. 3. v. 16., & per Beatum Petrum Actor 3. v. 25., ubi dicitur: *In semine tuo benedicentur omnes familie terræ.* Quando ergo dicitur: *In te benedicentur &c.* fit sensus: in tuo semine, quod semen est Christus, ut habetur ad Galat. 3. v. 16. Constat igitur quod aliquid dicitur de aliquibus ratione filiorum; & ita est ibi illa prophetia: *Suscitabit tibi &c.*

Præterea quod Christus non loqueretur illis, qui fuerunt tempore Moyse, sed tantum filiis eorum, patet Actor. 7. v. 38., ubi Stephanus ponit verba illa: *Hic est, qui fuit in Ecclesia &c.* Item Johannis 6. v. 49., ubi dicit Christus Judæis: *Patres vestri manducaverunt manna in deserto, & mortui sunt.* Ergo non loquebatur Christus nisi filiis illorum; filii igitur soli audiebant illum loquentem. [*]

HÆR. Idem volunt habere per illud, quod dicit Job 29. v. 2. *Quis mihi tribuat, ut sim juxta menses pristinos secundum dies; quibus Deus custodiebat me? Quando splendebat lucerna ejus super caput ejus.*

CATH. Sed miser Hæretice nonne vides quid dicit idem Job 14. v. 5. loquens ad Dominum? *Breves dies hominis sunt, numerus mensum ejus apud te est: constituisti terminos ejus, qui præteriri non poterunt.* Si breves dies, & menses numerabiles sunt: quomodo pristini, id est antiqui antiquitate æternitatis?

Præterea posito quod non dicat eos pristinos, hoc est æternos, sed diu durasse in cælesti Patria, numquid illa, quæ narrat Job, sunt in cælesti Patria? Certe nefarium esset dicere, quod talia ibi fuerint, qualia refert sub eodem, & sequenti capite.

HÆR. Ad idem inducunt illud, quod dicit David psalm. 21. v. 32. *Annunciabunt cæli justitiam ejus populo, qui nascetur, quem fecit Dominus.* Per hoc autem volunt habere quod populus Dei in hoc mundo nasciturus, vel natus de novo, in alio antiquo tempore sit factus a Deo.

CATH. Ad hoc patet solutio. Notandum tantummodo est quod duplex est nativitas: una naturæ, & altera gratiæ. De utraque nativitate habetur Johann. 3. v. 3. ubi Dominus ait Nicodemo: *Nisi quis renatus fuerit denuo, non potest videre regnum Dei:* Utraque etiam a Deo est; unde Paulus ad Galat. 1. v. 15. *cum autem placuit ei, qui me segregavit ex utero matris meæ, & vocavit per gratiam suam &c.* Utramque quoque notat David, cum dicit: *Annunciabunt cæli justitiam ejus populo*, nempe Gentili, qui nascetur nativitate gratiæ, de qua dicitur: *nisi quis renatus fuerit &c. quem fecit Dominus* nasci nativitate naturæ in hoc mundo.

HÆR. Ad idem inducunt illud Davidis psalm. 76. v. 6. *Cogitavi dies antiquos: & annos æternos in mente habui.*

CATH. Ad quod dicimus quod hoc est pessimum argumentum: *Cogitavi dies antiquos*, hoc est habui eos in cogitatione; *& annos æternos in mente habui.* Ergo habui eos. Sicut nec valet: chimæra est in opinione. Ergo chimæra est; falsa enim est secundum quid, & simpliciter; ergo chimæra est.

Præterea nonne aliquis cogitat quandoque tempus, in quo numquam fuit? Nonne hoc habes Matth. 23. v. 13. ubi Christus dicit quibusdam: *Væ autem vobis Scribæ & Pharisei hypocritæ: & post pauca subdit 30. Et dicitis: si fuissetis in diebus Patrum nostrorum, non essemus socii eorum in sanguine Prophetarum?* Nonne etiam aliquis memor est alicujus temporis, in quo numquam fuit? Utique, ut habes in eodem testimonio Matthæi. Similiter dico quod David habuit in mente, id est in memoria sua annos æternos, in quibus nondum fuerat.

HÆR. Idem volunt habere per id, quod legitur Jer. 2. v. 32. *Populus vero meus oblitus est mei diebus innumeris.* Secundum hoc oportet Populum illum ab æterno fuisse, si dies ejus innumerabiles sunt.

CATH. Ad hoc dico quod in Jeremia loquitur Dominus de Populo Judæorum, qui de terra sua captivus ducendus erat in Babylonem propter peccatum idolatriæ, ut ibi dicitur per Jerem. Populus autem Judæorum ideo diebus innumeris dicitur oblitus Dei, quia ejus malitia diebus multis duraverat, sicut patet ex verbis Jerem. ibi positis contra Populum istum, cui dicitur 20.: *A seculo confregisti jugum meum, rupisti vincula mea, & dixisti: non serviam.* Neque potes ostendere quod de illo cælesti Populo, quem tu ponis, ibi loquatur. Ego autem manifeste invenio quod Populus Judæorum ductus est in Babylonem Jerem. 25. v. 29. & 52. & pluribus aliis in locis.

Præ-

[*] Non extat in Codd. Neap. quod est duobus asteriscis contentum.

Præterea vis tu dicere, quod de cælesti populo agitur, cum dicitur: *Populus vero meus oblitus est mei diebus innumeris*, id est infinitis? Si hoc vis dicere: Ergo populus ille semper fuit malus, si semper oblitus est Dei.

Præterea si velles dicere quod dies illi innumeri, id est multi, non vero æterni, sive infiniti, cælestes sint, quomodo ostendere potes quod hi dies innumeri cælestes fuerint, & unde hoc habes, quod dicis? Ego autem tibi ostendo quod non possunt esse cælestes ii dies; Si enim sic esset, omnes habuissent dies pares in cælo. Quomodo ergo stabit illud, quod habetur Lucæ 15. v. 11. *Homo quidam habuit duos filios: 12. & dixit Adolescentior ex illis Patri: Pater, da mihi portionem &c.* Hoc enim totum legis dictum esse de cælestibus creaturis; & per Filium adolescentiorem intelligis oves Israel, vel aliquam ex illis.

HÆR. Ad idem inducunt illud, quod legitur Isaïæ 43. v. 7. *Omnes, qui invocant nomen meum, in gloria mea creavi eum, formavi eum, & feci eum.* Per hoc intelligunt quod Populus Dei in cælesti gloria fuerit ab antiquo creatus, formatus & factus.

CATH. Ad hoc dicimus quod litteram illam male legit Hæreticus; ibi enim est *in gloriam meam*, & finitur ibi versus, qui incipit: *Affer filios meos de longinquo ab Aquilone, vel Austro, & filias meas ab extremis terræ*, id est ab omnibus partibus Mundi remotissimis, in quibus dispersi sunt Judæi; & *omnes, qui invocant nomen meum*, id est Judæum affer *in gloriam meam*: id est ad terram promissionis, in qua templum est, in quo color & glorificor.

Præterea dato etiam quod ibi sit: *in gloria mea*, & quod ibi incipiat versus; non tamen potest ostendere Hæreticus, quod de gloria cælesti intelligatur, & quod Populus Dei in illa sit creatus. Ego autem dico quod finem notat, & est sensus: *Ego creavi eum* id est Populum Judaicum in anima, *formavi* in corpore, *feci* in utriusque conjunctione; & hoc feci *in gloriam meam*, id est pro gloria mea, id est, ut me glorificaret. Et quod ita sit, habetur Jerem. 13. v. 11. *Sicut enim adhæret lumbare ad lumbos viri, sic agglutinavi mihi omnem domum Israel, & omnem domum Juda, dicit Dominus: ut essent mihi in populum, & in nomen, & in laudem, & in gloriam.*

Quod autem Isaïas loquatur de Populo Judaico educto de Ægypto patet eodem cap. 43. v. 16. ubi dicitur: *Hæc dicit Dominus, qui dedit in mari viam, & in aquis torrentibus semitam.* Quod evidens est de Populo Judæorum Exodi 13.; nec de alio potes ostendere istud dictum esse.

HÆR. Idem volunt habere per illud, quod legitur Isaïæ 44. v. 6. *Ego primus, & ego novissimus, & absque me non est Deus.* 7. *Quis similis mei? vocet, & annunciet: & ordinem exponat mihi, ex quo constitui populum antiquum.*

CATH. Sensus litteræ iste est: *Ego primus &c.* id est sine initio, & sine fine. *Quis similis mihi? vocet* proprio nomine nondum natos, sicut ego voco Cyrum, & *annunciet* futura opera eorum, sicut ego annuncio futura facta Cyri, & *ordinem exponat mihi, ex quo constitui populum antiquum*, exponat ordinem eorum, quæ facta sunt ex quo constitui populum an-

tiquum, id est genus humanum in Adam. Cum enim illum fecit, fecit etiam materialiter omnes ex eo nascituros, qui etiam dicuntur antiqui ratione ejus, a quo sunt orti, id est ratione Adæ, qui antiquus est, quoniam ab initio seculi factus a Deo est. Ipsi tamen eum appellant antiquum, id est æternum. Quid vis tu dicere ab initio? Si dicas idem esse ac ab æterno: proba hoc.

Præterea nonne dicitur Isaïæ 63. v. 19. *Facti sumus quasi in principio, cum non dominareris nostri?* Sed quod Populus Dei sic dicatur antiquus, non posses ostendere.

Præterea si antiquum dicit idem esse quod æternum, quid dices de illo verbo Ovium psalm. 78. v. 8. *Ne memineris iniquitatum nostrarum antiquarum?* Sic ergo ab æterno fuissent oves iniquæ.

HÆR. Ad idem inducunt illud Davidis psalm. 73. v. 2. ad Deum Patrem loquentis: *Memor esto Congregationis tuæ, quam possedisti ab initio.*

CATH. Solutio. Propheta ibi deplorat destructionem Jerusalem factam a Romanis post passionem Christi, in qua destructione acciderunt ea, quæ historialiter narrantur in psalmo illo 73. *Ut quid Deus repulisti in finem &c.* Ubi memorantur beneficia Judæis collata a Deo in eductione de Ægypto, ubi Dei potentia declaratur. Memorantur etiam opera ejus naturalia, in quibus apparebat ejus potentia. Initium illius Congregationis appellantur Abraham, Isaac, & Jacob, qui & Israel dictus est, de cujus filiis nata est ipsa Congregatio Judæorum; unde ab Abraham dicuntur Hebræi, ab Israel Israelitæ; unde Isaïæ 41. v. 8. loquens Dominus Populo illi ait: *Et tu Israel serve meus, Jacob quem elegi, semen Abraham amici mei: 9. in quo nempe Abraham, apprehendi te ab extremis terræ.*

Quod autem dicitur Isaïæ 63. v. 19. *Facti sumus quasi in principio, cum non dominareris nostri*, id est antequam vocares in Abraham, Abraham elegit nos ante mundi constitutionem. Ergo eramus.

Respondeo per illud Rom. 4. v. 17. *Vocat ea, quæ non sunt tamquam ea, quæ sunt.* Item Rom. 9. v. 11. *Cum enim nondum nati fuissent &c.* Et nonne dicit: *Secundum electionem?* Ergo electio est nondum existentis.

[*] Præterea nonne dicit Christus Johan. 15. v. 19.: *Quia vero de Mundo non estis, sed ego elegi vos de Mundo?* Constat autem quod loquitur de isto mundo. Ergo iste mundus fuit antequam eligerentur. Quomodo ergo Apostolus Ephes. 1. v. 4. dicit: *Elegit nos in ipso ante mundi constitutionem*, nisi quia decrevit ante hujus mundi constitutionem eligere nos de mundo, nos dico nondum existentes: de hoc eodem supra capitulo quarto. [*]

HÆR. Idem volunt habere per illud, quod legitur Hebr. 10. v. 32. ubi dicit Paulus quibusdam: *Rememoramini autem pristinos dies, in quibus illuminati; magnum certamen sustinuisitis passionum.* Credunt enim quod de diebus in cælo habitis sermonem faciat eis Apostolus.

CATH. Sed miser Hæretice, quare non attendis illud, quod subdit ibidem 34. *Rapinam bonorum vestrorum cum gaudio suscepistis, cognoscentes vos habere meliorem & manentem substantiam.* Hoc autem de

[*] Quæ duobus asteriscis comprehendimus defunt e Cod. Vat.

de bonis cælestibus minime potest intelligi, quia eorum rapinam cum gaudio non suscepissent.

Præterea isti fuerunt illuminati. Ergo prius erant in tenebris constituti; nullus enim illuminatur, nisi prius fuerit in tenebris positus. Nonne & hoc dicit Sanctus Zacharias Spiritu Sancto repletus Lucæ 1. v. 78. *Visitavit nos oriens ex alto*: 79. *illuminare his, qui in tenebris &c.*

[*] HÆR. Ad idem dicunt illud, quod habetur Rom. 7. v. 9. ubi dicit Paulus: *Ego autem vivebam sine lege aliquando: Sed cum venisset mandatum, peccatum revixit.* 10. *Ego autem mortuus sum.* Ergo Paulus antiquus, quia ante legem fuit vivus, ut ipse testatur.

CATH. Ad hoc respondendum est hoc modo: verba ista ad sonum litteræ non sunt intelligenda. Si autem dicat Hæreticus: immo sic: Dic ei: Numquid Paulus loquebatur ibi pro persona propria, vel pro persona prædecessorum suorum? Si hoc ultimo modo: ergo ad sonum litteræ non sunt intelligenda illa verba, neque probatur per illud testimonium, quod Paulus fuerit antiquus, & ante legem. Si autem velit dicere quod pro persona propria, & ad sonum litteræ intelligenda sunt illa verba; non est verum, ut patet ex serie litteræ; dicit enim: *Ego autem mortuus sum.* Numquid hoc ad sonum litteræ intelligendum est? Non; constat enim quod loquitur de morte peccati, ex quo dicit *peccatum revixit*. Sed numquid Paulus morte peccati mortuus erat? Absit. Dic ergo quod non ad sonum litteræ intelligenda sint.

Preterea ad claudendum os Hæretici potes dicere quod etiam alia, quæ sunt in eodem capite ad Rom. Paulus dicit non pro se, sed pro suis Prædecessoribus, sicut est illud v. 14. *Ego autem carnalis sum venundatus sub peccato*; & plura etiam, quæ sequuntur. De isto autem modo intelligendi verba, Apostoli contra Hæreticum nemo remurmuret, sed acceptet.

§. IV. PARS TERTIA

Probatio Ecclesiæ quod novi Spiritus creantur, & novis corporibus infunduntur.

Visa hujus capituli prima parte accedamus ad secundam, scilicet quod Pater justorum novos creet spiritus, five novas animas, & nova corpora, scripturarum testimoniis hæc probantes.

Et primo inducimus illud testimonium Apostoli Rom. 9. v. 11. ubi loquitur de Jacob, & Esau dicens: *Cum enim nondum nati fuissent, aut aliquid boni egissent, aut mali, (ut secundum electionem propositum Dei maneret) non ex operibus, sed ex vocante dictum est ei: Quia major serviet minori, sicut scriptum est: Jacob dilexi; Esau autem odio habui.* Ecce quod dicit quod Jacob & Esau nondum tempore promissionis nati erant, nondum etiam aliquid boni, vel mali egerant. De novo igitur fuerunt tunc conditi, & ita non erant antiqui spiritus eorum, vel etiam corpora. [*]

[*] Desid. in Cod. Neapolit.

(6) Argumenta quibus usus est Origenes, ut *ὁ θς ὡπλάρειν* animorum ostenderet accurate imprimis recenset Petrus Daniel Hue-

HÆR. Ad hoc forte dicent? *Cum enim nondum nati fuissent, verum est in hoc mundo, aut aliquid boni egissent, aut mali in eo*; alibi tamen nati fuerant, & aliquid boni, vel mali egerant.

CATH. Contra quod dicendum est eis: unde habetis hoc? Probate quod dicitis aliquo testimonio; quod cum facere non possint, necesse habent obmutescere.

Præterea si in alio Mundo nati aliquid boni vel mali egerant: Ergo Esau in alio Mundo natus de bona creatione fuit. Quare ergo dicit Apostolus Hebræ. 12. v. 6. *Ne quis fornicator, aut profanus, ut Esau: qui propter unam escam vendidit primitiva sua*: 17. *Scitote enim quoniam & postea cupiens hæreditare benedictionem, reprobatus est: non enim invenit penitentiam locum, quamquam cum lacrymis inquisisset eam?* Quare ergo odio eum habuit Pater Deus justorum, qui loquitur per Malachiam cap. 1. v. 2. & 3. *Dilexi Jacob, Esau autem odio habui?* Nonne scriptum est Sapientiæ 11. v. 25. *Nihil odisti eorum, quæ fecisti?*

Si dicant quia Esau malum fecit. Contra. Nonne etiam Jacob fecit aliquod malum? Forte dicent quod non. Contra. Nonne legitur Isaïæ 43. v. 22. *Non me invocasti Jacob, nec laborasti in me Israel.* Et post pauca subdit v. 24. *Verumtamen servire me fecisti in peccatis tuis, præbuiisti mihi laborem in iniquitatibus tuis.* 25. *Ego sum, Ego sum ipse, qui deleo iniquitates tuas propter me, & peccatorum tuorum non recordabor.* Item Isaïæ 44. v. 21. *Memento horum Jacob, & Israel, quoniam servus meus es tu. Formavi te, servus meus es tu Israel, ne obliviscaris mei.* 22. *Delevi ut nubem iniquitates tuas, & quasi nebulam peccata tua: revertere ad me, quoniam redemi te.*

Si dicant quod Esau de mala creatione fuit, & ideo eum odio habuit ante hujus Mundi constitutionem, & antequam caro ista esset.

Contra Malachiæ 1. v. 2. *Nonne frater erat Esau Jacob?* Utique. Sed Jacob fuit bonæ creationis, ergo & Esau.

Præterea ista prophetia facta est in cælo secundum te, & est prophetia de præterito facta ante Mundi constitutionem, ut tu ponere consuevisti accipiens præteritum proprie. Ergo frater fuit Jacob, ergo ab eodem cum Jacob; & ita ejusdem creationis bonæ cum eo. De ista etiam auctoritate disputatum est in 3. cap. de villico iniquitatis.

Ad idem facit illud, quod legitur Isaïæ 49. v. 14. *Et dixit Sion: dereliquit me Dominus, & Dominus oblitus est mei, &c.* usque ad *te isti ubi erant?* Item Jerem. 29. v. 4. *Hæc dicit Dominus exercituum Deus Israel omni transmigrationi, &c.* usque ad *nolite esse pauci numero.*

Ad idem illud facit, quod David psalmo 104. v. 7. dicit: *Ipse Dominus Deus noster, &c.* usque ad *funiculum hæreditatis vestræ.* Hic supple: hæc permisit eis. Et postea sume verba David v. 12. *cum essent numero brevi, paucissimi & incolæ ejus.*

Et notandum quod istud factum est antequam ingre-

tius lib. 11. Origen. Q. VI. num. IV. seqq.

(7) Ita nimirum hoc Apostoli testimonium eludere studebat Origenes. Vide Huetium loco mox indicato Notatione superiore.

grederentur Ægyptum, de quo ingressu dicitur in eodem psalmo v. 22. *Et intravit Israel in Ægyptum: & Jacob accola fuit in Terra Cham. 24. Et auxit populum suum vehementer, &c.*

Nota quod dixit v. 10. *Et statuit illud Jacob in præceptum*, id est pro præcepto, id est quod ipse Deus haberet istud promissum quasi præceptum, id est firmum, sicut præceptum debet esse firmum; unde alia litera habet: *& firmavit illud e Jacob in lege*, id est pro lege.

Nota etiam quod dixit v. 12. *cum essent numero brevi, &c.* postea dixit v. 24. *Et auxit populum suum vehementer*. Ergo Populus Dei novus est.

Præterea Matth. 13. v. 24. dicitur: *Simile factum est regnum celorum homini, qui seminavit bonum semen in agro suo*. Et per bonum semen intelliguntur filii regni, & per agrum mundus. Quicumque ille sit prius fuit ager, quam semen. Ergo post. Ergo prius mundus, quam filii regni novi sunt, non vero ab æterno simul cum Deo. Vel aliter. Si seminavit bonum semen in agro suo; ergo prius non erat ibi bonum semen. Ergo semen novum, non antiquum, id est æternum.

Quod autem bonus Deus animas novas corporibus istis infundat, patet per illud, quod legitur Rom. 8. v. 19. ubi dicitur: *Nam expectatio creature revelationem filiorum Dei expectat. 20. Vanitati enim creatura subiecta est non volens, sed propter eum, qui subiecit eam in spe: 21. quia & ipsa creatura liberabitur a servitute corruptionis in libertatem gloriæ filiorum Dei*. Creatura ista, quæ expectat revelationem, & gloriam filiorum Dei, anima est, quæ corpori subijcitur in hoc, quod servit ei nutriendo ipsum cibis, & induendo vestimentis, quia corpus vacuum quid est, quia corruptibile est, & ideo vanitas & corruptio ab Apostolo dicitur. Deus ergo subijcit, infunditque animas corporibus istis cum hac spe quod ipsa creatura liberabitur a servitute, &c. & aliquando non habebit corpori servire, sicut modo facit; tum scilicet quando corruptibile hoc induerit incorruptionem, & mortale hoc induerit immortalitatem.

Præterea in illa parabola zizaniorum Matth. 13. v. 30. dixit Paterfamilias servis suis: *smite utraque crescere usque ad messem. Utraque dicitur, id est zizania & triticum*. Per zizania autem intelligis filios nequam, quos malæ creationis esse existimas. Per bonum semen filios regni, populum scilicet Dei homines bonæ creationis. Per messem vero finem seculi; ergo usque ad finem seculi crescit triticum. Ergo populus Dei usque tunc multiplicabitur. Ergo vel zizania convertentur in triticum, vel Deus pater usque ad finem seculi aliquos de novo creabit. [*] Quod zizania non convertantur in

triticum patet, quoniam ipsa sunt malæ creationis, ut dicunt.

Responsum fuit quod non intelligitur de incremento secundum numerum. Contra hoc tamen est illud Jer. 29. *& nolite esse pauci numero*.

Præterea quis umquam seminare semina in agro, si illud non crederet recipere multiplicatum in numero? Ergo illud intelligitur de multiplicatione secundum numerum.

Præterea quod semen multiplicetur patet Rom. 4. v. 18. *Sic erit semen tuum*. In Gen. etiam 22. v. 17. *multiplicabo semen tuum sicut stellas celi, &c.* Isaïæ 51. v. 2. *Unum vocavi eum, & benedixi ei, & multiplicavi eum*. Heb. 11. v. 12. *Ab uno orti sunt (& hoc emortuo) tamquam sidera celi in multitudinem, &c.* ut in prima parte hujus cap. habetur, & in psal. 104. ubi dicitur: *& auxit populum suum vehementer*. (8) *

C A P. VII.

De Prophetia; & primo ubi Prophetæ prophetaverint: & probat Hæreticus quod in caelesti Jerusalem.

Nunc ad septimum capitulum hujus primæ partis accedentes videamus primo utrum possit stare quod ponunt, scilicet Prophetas in alio mundo prophetasse, in alia scilicet Jerusalem, & de alia, quam sit ista terrena.

Secundo utrum prophetiæ eorum secundum quod litera sonat, sint accipiendæ, sicut ipsi falso credunt. Tercio an prophetaverint ante hujus mundi constitutionem, ut etiam dicunt.

§ I.

Causa primæ positionis est, quia ponunt omnia duplicia. Ponunt ergo duas Jerusalem, & sic de consimilibus. Inveniuntur autem Prophetæ quando prophetabant, esse in Jerusalem Dei sancti; Isaïas enim, quando de illa Jerusalem prophetavit, erat in ea, ut habetur Isaïæ 39. v. 3. ubi dicitur quod intravit domum Ezechîæ, quem constat tum fuisse in Jerusalem, ut habetur Isaïæ 36. v. 2. Ex quo volunt quod Isaïas in alio mundo prophetaverit.

Idem volunt habere per ea, quæ leguntur Jer. 38. v. 39. & 40.

Alia etiam est causa, quare de alia Jerusalem prophetaverunt: quia in verbis Prophetarum quædam inveniuntur, quæ non videntur eis possibilia esse in mundo isto, & de Jerusalem mundi hujus;

K 2

unde

[*] Deest in Vat. usq; ad c. 7. quod duobus aster. contentum vides.

(8) Certa, & explorata res est, quidquid contra Petrus Haloixius lib. II. Origenis defensi cap. VII. & lib. IV. Quæst. x. pag. 343. Edit. an. 1648. jactet, Dogma illud, *τὴς οὐρανῶν* fuisse ab Synodo v. probante Romano Pontifice, proscriptum, atque damnatum. Cyrillus Scythopolita, qui Synodi illius tempore florebat: in *Vita Sancti Sabæ* num. xc. Edit. Cotel. Monument. Eccl. Græc. an. 1686. pag. 374. Tom. III. Cum Sancta, & Universalis, inquit, v. Synodus Constantinopoli esset coacta condemnationi

submissi sunt Origenes, & Theodorus Mopsuestenus, cum iis, quæ de præxistentia & restitutione dicta sunt ab Evagrio, & Didymo, presentibus quatuor Patriarchis, atque Decreta comprobantibus. Vide Nicephorum Callistum lib. XVII. cap. XXVIII. pag. 778. Edit. an. 1630. Cardinalem Norisium Dissert. de v. Synodo cap. VI. col. 631. seqq. Tom. I. Edit. Veron. an. 1729. & Balleriniorem de Synodo v. Dissertationem cap. v. col. 1011. Tom. IV. Opp. Card. Noris. Ed. an. 1732.

unde videtur eis, quod de alio mundo, sive de Jerusalem alterius mundi prophetaverint.

De impossibilibus istis secundum sensum eorum de rebus hujus mundi est illud, quod dicit Dominus per Jer. 2. v. 32. *Populus vero meus oblitus est mei diebus innumeris*. Dies enim hujus mundi, & populi ejus numerabiles sunt.

Item Jer. 4. v. 13. *Ecce quasi nubes ascendet, & quasi tempestas currus ejus: velociores aquilis equi illius*. Et loquitur de Rege Chaldaeorum, & populo ejus, qui venturus erat contra Jerusalem. Quod factum deplorat Jer. in Threnis 4. v. 19. *Velociores fuerunt persecutores nostri aquilis cali: super montes persecuti sunt nos, in deserto insidiati sunt nobis*. Item ibidem 7. *Candidiores Nazaræi ejus nive, nitidiores lacte, rubicundiores ebore antiquo, sapphiro pulchriores*. Item Isa. 5. v. 28. videns istud in spiritu futurum dicebat: *Ungula equorum ejus at flex*. Idem dixit Habacuc 1. v. 8. quod dixerat Jer. *Levioreis pardis equi ejus, & velociores lupis vespertinis*. Et postea subdit: *volabunt quasi aquila festinans ad comedendum*.

Nunc ostendamus quod falsum ponunt, cum dicunt quod in alio mundo prophetaverint, & probeamus quod Jerusalem, & aliæ civitates, de quibus, & in quibus prophetaverunt, in alio mundo non sunt.

Primo autem dicimus eis quod nullis testimoniis sacrarum scripturarum hoc possunt ostendere esse verum, quod Jerusalem, & aliæ civitates Filiorum Israel, in quibus, & de quibus prophetaverunt Isaïas, & alij Prophetæ, in cælo essent; quod enim dicit Apostolus ad Gal. 4. v. 26. expositum est, ubi agitur de ovibus Israel, illud nimirum; quæ sursum est Jerusalem, &c.

Ad hoc vero, quod dicunt, Prophetas quoad sensum verborum non posse intelligi, sicut ait Apostolus 2. Cor. 3. v. 6. *Litera enim occidit, spiritus autem vivificat*. Non ergo accipimus prophetias secundum sonum verborum, sed secundum spirituale intellectum; verba enim Prophetarum spiritus & vita sunt. Locuti sunt etiam Prophetæ quandoque figurative, quandoque parabolice, ut notatum est supra in cap. *An Lucifer ascenderit in cælum ad Dei populum seducendum*. Locuti sunt etiam transumptive, & per similitudinem, ut ibidem notavimus. Illud autem verbum Jer. 2. v. 32. *populus vero meus oblitus est mei diebus innumeris*, quare dictum sit, habitum est sexto capitulo.

Quod autem Prophetæ prophetaverint de ista terrena Jerusalem, & in illa, atque adeo in hoc Mundo post hujus mundi constitutionem, nemo qui Prophetarum verba diligenter, & fideliter considerat, dubitare potest. Legitur enim Isaïæ 1. v. 10. *Audite verbum Domini principes sodomorum, percipite auribus legem Dei nostri populus Gomorrhæ, &c. usque ad v. 16. exclusive: plenæ sunt*. Ista omnia manifeste facta sunt in terrena Jerusalem. Numquid Populus Dei ista fecit Deo cæli in cælesti Patria?

Præterea ibidem legitur 21. *Quomodo facta est meretrix civitas fidelis, plena judicii? Justitia ha-*

bitavit in ea, nunc autem homicidæ. Postea ad eam loquens ait 23. *Principes tui infideles, socii furum, &c.* Ibidem etiam dicitur 28. *Qui dereliquerunt Dominum consumentur*. 29. *Confundentur enim ab idolis, quibus sacrificaverunt*. Si hæc de cælesti Sion, vel Jerusalem dicta esse dicas: igitur ibi idola fuerunt etiam ante hujus mundi constitutionem, ut dicis. Numquid fecerunt sibi idola, ut adorarent talpas, & vespertiones, ut dicitur Isa. 2. v. 20.? Numquid in prædicta scelera, & multa alia, quæ in eodem Isa. reperiuntur de populo illius terræ, de qua loquitur Isaïas, prolapsi sunt?

Item nonne Jer. cap. 9. v. 4. ait de Populo Jerusalem: *Unusquisque se a proximo suo custodiat, & in omni fratre suo non habeat fiduciam: quia omnis frater supplantans supplantabit, & omnis amicus fraudulenter incedet*. 1. *Et vir fratrem suum deridebit, & veritatem non loquentur: docuerunt enim linguam suam loqui mendacium: ut inique agerent, laboraverunt*? Item Jerem. cap. 5. v. 7. in persona Domini loquens ait ad Jerusalem: *Filii tui dereliquerunt me, & jurant in his, qui non sunt Dii: saturavi eos, & mæchati sunt, & in domo meretricis luxuriabantur: &c. usque anima mea?*

Item Jer. 8. v. 9. *Verbum enim Domini projece- runt, & sapientia nulla est in eis*. 10. *Propterea dabo mulieres eorum exteris, agros eorum hæredibus*. Quod numquam intelligi poterit de cælesti Jerusalem: alioquin ibi sunt & mulieres & viri, & generantur de illa materia, sicut isti de ista, & est ibi rapina, & adulterium, sicut hic.

Item in principio illius capitis 8. dicit Jer. *In illo tempore, ait Dominus: Ejicient ossa regum Juda, &c. usque in sterquilinum super faciem terræ erunt*. Numquid ibi sterquilinum? Numquid tam inhumani sunt, ut ejiciant ossa de sepulchris tantorum virorum?

Similiter videtur quod ibi sit opus carnale, & matrimonium, sicut hic; dicit enim Isa. cap. 62. v. 5. *Habitabit enim juvenis cum Virgine, & habitabunt in te filii tui: Et gaudebit sponsus super sponsam*. Quomodo ergo stabit illud verbum Christi Matth. 22. v. 30. *In resurrectione enim neque nubent, neque nubentur: sed erunt sicut Angeli Dei in cælo?*

Item Jer. 21. v. 8. dicit Dominus populo suo: *Ecce ego do coram vobis viam vitæ, & viam mortis, &c. usque domui regis Juda*. Quod non potest intelligi de cælesti Jerusalem; Deus enim non hortaretur populum suum, ut traderet se in manus Chaldaeorum, idest Dæmonum, vel in manus Nabuchodonosor, id est Diaboli secundum tuum intellectum.

Præterea quomodo de cælesti Jerusalem intelligi potest? Numquid illa combustibilis est, numquid transitoria? Quod si ita est: ex hoc habeo, quod Deus bonus auctor est rerum transitoriarum, quod tu negas.

Item Jer. 29. v. 4. *Hæc dicit Dominus exercituum Deus Israel omni transmigratori, quam transtuli de Jerusalem in Babylonem: 5. Ædificate domos, &c. us-*

&c. usque & nolite esse pauci numero. Numquid talia esse possunt in cælesti Patria? Numquid ibi per generationem filiorum, & filiarum multiplicantur filii Dei, cum dicat illis: *nolite esse pauci numero?*

Præterea Jer. 25. v. 9. ubi agitur de captione Jerusalem per Nabuchodonosor servum suum dicitur: *Ecce ego mittam, & assumam universas cognationes Aquilonis, ait Dominus, & Nabuchodonosor regem Babylonis servum meum: & adducam eos super terram istam, & super habitatores ejus, & super omnes nationes, quæ in circuitu illius sunt: & interficiam eos, & ponam eos in stuporem, & in sibilum, & in solitudines sempiternas.* 10. *Perdamque ex eis vocem gaudii; & vocem lætitiæ, vocem sponsi, & vocem sponsæ.* Numquid ibi sponsus, & sponsa sunt, quorum gaudium, & lætitiæ cessare faciat Dominus? Numquid in solitudines sempiternas poneret Dominus terram suam? Si hoc: quomodo ad illam redibunt oves Israel, cum sempiternum secundum te finem non habeat? Sic enim ponis propter illud, quod legitur Ezech. 35. v. 5. de Monte Seir eo quod fuerit inimicus sempiternus: propter quem montem historialiter ponis (falso tamen intelligis) mundi principem.

Præterea quare non attendis Hæretice ad hoc, quod legitur in Threnis 5. v. 11. *Mulieres in Sion humiliaverunt, & virgines in civitatibus Juda.* 12. *Principes manu suspensi sunt: facies senum non erubuerunt.* 13. *Adolescentibus impudice abusi sunt?* Numquid ibi Sodomitici? Numquid ibi ad literam mulieres violatæ sunt?

Nonne vides etiam quid sit quod dicitur Ezech. 16. v. 24. de abominationibus Jerusalem sancti Dei, qui ad Jerusalem loquens ait: *Ædificasti tibi lupanar, & fecisti tibi postribulum in cunctis plateis, &c. usque & fornicata es cum filiis Ægypti vicinis tuis magnarum carnium, id est membrorum?* Item Ezech. 22. v. 6. *Ecce Principes Israel singuli in brachio suo fuerunt in te ad effundendum sanguinem, &c. usque ad v. 12. inclusive: meique oblita es, ait Dominus Deus.* Item Ezech. 23. loquitur de immundiciis Jerusalem Dei sancti, quæ nullo modo possunt intelligi fuisse in cælesti Jerusalem. Item Ezech. 44. v. 21. dicitur: *Vinum non bibit omnis sacerdos quando ingressurus est atrium interius.* 22. *Et viduam, & repudiatam non accipient uxores, sed virgines de semine domus Israel: sed & viduam, quæ fuerit vidua a sacerdote, accipient.* Numquid ista ibi sunt?

Item Daniel cap. 3. v. 28. ait Dominus: *Judicia enim vera fecisti, &c. usque ad v. 32. inclusive: ultra omnem terram.* Ecce quod in omnibus confitetur eos deliquisse.

Præterea vide quod dixit Dominus ad Osee cap. 1. v. 2. *Unde sume tibi uxorem fornicationum: & fac tibi filios fornicationum.* Item Osee 4. v. 1. *Audite verbum Domini filii Israel, quia judicium Domino cum habitatoribus terræ: non est enim veritas, & non est misericordia, & non est scientia Dei in terra.* 2. *Maledictum, & mendacium, & homicidium, & furtum, & adulterium inundave-*

runt, & sanguis sanguinem tetigit, &c. Atque ut brevius comprehendam, nullum est genus peccati in hoc mundo, cujus simile non inveniatur in cælesti mundo, si ita est, ut ponis, quod Prophetæ in alio mundo, & de alio prophetaverint. Igitur si Deus hujus seculi malus est, ille etiam malus ponendus est; vel si ille bonus est, & iste: quod verum est, quia unus, & idem est.

Præterea quare tantum student Sancti ad illum mundum superiorem venire, si tanturpia, tam scelestata, tamquam pœnalia ibi sunt, ut in threnis legitur Jer. & in aliis prophetarum locis? Ex his omnibus evidens est quod non prophetaverunt de cælesti Jerusalem, sed de terrena, ubi manifestum est ista contigisse propter testimonia scripturarum Veteris Testamenti, & quia nulla testimonia sunt, per quæ probari possit, quod de cælesti Jerusalem locuti sint, quæ nulla est, nisi figurative dicatur esse.

[*] Michææ 5. v. 2. *Et tu Bethlehem Ephrata parvula es in millibus Juda: ex te mihi egredietur qui sit dominator in Israel; & egressus ejus ab initio, a diebus æternitatis.* De qua Bethlehem loquitur? Numquid de cælesti; aut de terrena? De terrena non dices, quam ponis a malo Deo creatam; unde eam non laudaret, nec diceret: *Et tu Bethlehem, &c.*

Præterea nonne Prophetæ secundum te in cælesti mundo prophetaverunt, & Michæas dicebat ibi: *Et tu Bethlehem &c.*? Ergo ista Bethlehem ei proxima erat, & ita in cælesti mundo. Numquid Herodes extra illum? Si sic quomodo mittebat illuc Magos dicens Matth. 2. v. 8. *Ite, & interrogate diligenter de puero: & cum inveneritis, renunciate mihi, ut & ego veniens adorem eum?*

Præterea secundum hoc Magi erant in cælesti mundo: quomodo ergo illuc iverunt?

Præterea ergo & Jerusalem, & Bethlehem, ubi regnabat Herodes, erant extra ipsum.

Præterea nonne dicitur Lucæ 2. v. 4. *Ascendit autem & Joseph de Galilæa de Civitate Nazareth in Judæam in civitatem David, quæ vocatur Bethlehem: eo quod esset de domo, & familia David?* Cælestis secundum te. Ergo Bethlehem ejusdem David pro cælesti venit.

Sed contra. Sic ergo Domina nostra fuit ibi prægnans, & ibi peperit Jesum. Præterea secundum hoc ibi sunt pueri duorum annorum, & infra, quia dicitur de Herode Matth. 2. v. 16. *Et mittens occidit omnes pueros, qui erant in Bethlehem, & in omnibus finibus ejus a bimatu & infra, secundum tempus, quod exquiserat a Magis.*

Præterea quomodo dies Israel innumerabiles? Præterea nonne Joseph & Maria erant in illo orbe, quem jussit Cæsar describi? Numquid Maria & Joseph profitentur se esse subiectos Cæsari Augusto?

Forte dices quod Cæsar Augustus est ipse Deus. Sed unde hoc habes? Nonne Dominus dixit Matth. 22. v. 21. *Reddite ergo quæ sunt Cæsaris, Cæsari: & quæ sunt Dei, Deo?* Ergo Cæsar non erat Deus.

Præterea si Cæsar, qui imperabat toti Orbi, Diabolus erat, & totus orbis ibi venit pro cælesti Orbe: sic ergo totum mundum cælestem ceperat. Restat igi-

[*] Quæ duobus asteriscis comprehendimus, desunt e Codice Vat., & Neapolitano.

igitur quod prophétaverint de Jerusalem, & Bethlehemi terrena, & quod illa sit a Deo sancto. [*]

Præterea Zacha. 9. v. 9. dicitur: *Exulta satis filia Sion, jubila filia Jerusalem: Ecce Rex tuus veniet tibi iustus, & Salvator: ipse pauper, & ascendens super asinam & super pullum filium Asinæ.* Et Matth. 21. v. 5. ponitur: *Ecce Rex tuus venit tibi mansuetus, sedens super Asinam & pullum filium subjugalis.* Numquid ista possunt intelligi de cælesti Jerusalem, vel Sion? Numquid Christus ibi pauper? Numquid ibi Asina, quam conscendat? Numquid pullus Asinæ? Ita oportet te dicere, si ad sonum litteræ prophetiæ sumendæ sunt. Numquid ibi alius Dominus pulli, quam Jesus? Legitur enim Lucæ 19. v. 35. *Solventibus autem illis pullum, dixerunt domini ejus ad illos: quid solvitis pullum?* Numquid istud, quod ponit Matth. cap. 21. *Et cum appropinquassent Hierosolymis &c.* in cælesti Patria factum est? Nonne Evangelista dicit ibidem 4. *Hoc autem totum factum est, ut adimpleretur quod dictum est per Prophetam dicentem: 5. Dicite filia Sion: ecce Rex tuus &c.*? Sed hoc totum impletum est in hoc mundo. Ergo loquitur Propheta de Jerusalem, & Sion, quæ est in mundo isto. Illud autem, quod sequitur 6. *Euntes autem Discipuli fecerunt &c.* usque *hosanna in altissimis* nonne in hoc mundo impletum est? Utique.

Præterea quod sequitur 10. *Et intrasset Hierosolymam &c.* usque *præcedent vos in regnum Dei* manifestat quod istud in hoc mundo factum est.

§. II.

Nunc accedamus ad secundum, quod in hoc Capitulo proposuimus, scilicet utrum prophetiæ accipiendæ (9) sint secundum quod sonant verba. Hoc autem necesse est eis dicere, alioquin non esset illud testimonium pro eis, quod habetur Ezech. 34. v. 16. *Quod perierat requiram.* Per hoc enim, quod dicitur: *perierat* volunt habere quod non sint salvandæ novæ animæ, sed antiquæ. Secundum autem hoc, quod ponunt prophetias accipiendas esse secundum sensum verborum, oportet eos dicere, quod illa prophetia sit de præterito.

Contra hanc opinionem dicit Deus per David psalmo 17. v. 45. *Populus, quem non cognovi, servivit mihi.* Si illi servivit, injustus est, quia non cognovit: Sed non potest esse injustus. Relinquitur ergo quod præteritum accipiatur pro futuro, id est *servivit* pro *serviet*.

Præterea Isai. 52. v. 15. dicitur: *quia quibus non est narratum de eo, viderunt: & qui non audierunt, contemplati sunt.* Ecce quod Isaias ponit præteritum: *contemplati sunt*; Apostolus autem Rom.

15. v. 21. idem ponit futurum dicens: *& qui non audierunt, intelligent.* Isaias ergo præteritum dixit quoad sonum litteræ, & futurum intellexit: alioquin ipse Apostolus diceret falsum, cum dicit esse scriptum: *intelligent*, cum tamen ibi scriptum sit præteritum: *contemplati sunt.* Sed Apostolus falsum non dicit; Ergo prophetia de præterito non intelligitur semper de præterito; immo ponitur pro futuro.

Præterea Matth. 13. v. 13. in parabola de semine jacto fecus viam Dominus ita edisserit: *Ideo in parabolis loquor eis: quia videntes non vident, & audientes non audiunt, neque intelligent.* 14. *Et adimpletur in eis prophetia Isaia dicentis: Auditum audistis, & non intelligetis: & videntes videbitis, & non videbitis.* Ecce quod Dominus exponens illa verba Isaia, & dicens ea tum impleta esse ponit futurum; Isaias vero ponit præsens dicens cap. 6. v. 9. *Audite audientes, & nolite intelligere: & videte visionem, & nolite cognoscere.* Præsens ergo posuit Isaias in sensu futuri.

Item David psalm. 8. v. 10. *Minuisti eum*, id est Christum, *paulominus ab Angelis, gloria, & honore coronasti eum: 7. & constituisti eum super opera manuum tuarum. 8. Omnia subiecisti sub pedibus ejus &c.* Tres sunt partes hujus auctoritatis. Quoad duas primas præteritum proprie sumitur in tempore Apostoli: quoad tertiam de præterito loquitur, & tamen futurum erat, sicut probari potest per Apostolum 1. Corinthi. 15. v. 25. ibi enim dicitur: *Oportet autem illum regnare, donec ponat omnes inimicos sub pedibus ejus.* Item Hebr. 2. v. 8. exponens verba David de futuro esse dicta ostendens ait: *Nunc autem necdum videmus omnia subiecta ei. 9. Eum autem, qui modico quam Angeli minoratus est, videmus Jesum propter passionem mortis gloria & honore coronatum.*

Præterea David psalm. 8. v. 3. ait: *Ex ore infantium, & lactentium perfecisti laudem propter inimicos tuos.* Hoc autem ostenditur impletum circa tempus passionis Christi parum ante, qui ait Matth. 21. v. 16. *Numquam legistis: quia ex ore infantium, & lactentium perfecisti laudem?*

Præterea Isai. 45. v. 17. *Israel salvatus est in Domino salute æterna.* Ecce quod Isaias præteritum ponit; Dominus autem ostendit istud de futuro intelligendum esse Matth. 15. 24. ubi dicit: *non sum missus nisi ad Oves, quæ perierunt domus Israel.* Et Rom. 11. v. 25. *Donec plenitudo Gentium intraret, 26. & sic omnis Israel salvus feret.*

Præterea Osee 11. v. 1. dicit Dominus; *Ex Ægypto vocavi filium meum.* Ecce prophetia est utens verbo præteriti temporis, & tamen Matth. 2. v. 19. ostenditur impletam esse tempore Christi; sic enim dici-

(9) Gregorius Nazianzenus Orat. 35. pag. 564. Tom. 1. Opp. Edit. an. 1690. Nonn. universis perspicuum est, inquit, ac præsertim in usu scripturæ positum, ut pleraque ex his quæ temporaliter dicuntur inversa temporum ratione proferantur; nec ea solum, quæ præteriti temporis sunt, aut præsentis; sed etiam quæ futuram significationem habent? Quo in genere illud est, quare fremuerunt gentes. Nondum enim fremuerunt, & in flumine pertransibunt pede, id est pertransierunt. S. Augustinus Tract. cv. in cap. xvii. Job. Ad illud: Ego te glorificavi super terram &c. Quomodo consummavi opus, quod accepit, ut faciat, cum re-

stet adhuc passionis experimentum; nisi quod consummasse se dicit, quod se consummaturum esse certissime novit. Si enim longe antea in prophetia dixit: foderunt manus meas &c. non ait, fodient, & dinumerabunt, quamvis post annos plurimos futurum erat; & in hoc Evangelio ait, omnia quæ audiavi a Patre meo nota feci vobis. Quibus ait postea: Adhuc multa habeo vobis dicere, sed non potestis illa portare modo. Qui enim certis, & immutabilibus causis ea prædestinavit, quod facturus est fecit. Nam & per Prophetam dictum est de illo: qui fecit; quæ futura sunt. Aditor Gregorius lib. 34. Mor. cap. vii.

dicitur ibi : *Consurgens accepit puerum , & matrem ejus nocte , secessit in Ægyptum : 15. & erat ibi usque ad obitum Herodis : ut adimpleretur quod dictum est a Domino per Prophetam dicentem : Ex Ægypto vocavi filium meum .*

Item Matth. 2. v. 16. legitur de Herode : *Et mit- tens occidit omnes pueros &c.* Postea subdit 17. *Tunc adimpletum est quod dictum est per Jeremiam Pro- phetam dicentem : Vox in Rama audita est &c.* Istud ergo futurum erat tempore Jeremiæ , & tamen præ- terito utitur : *audita est &c.*

Item Matth. 4. v. 13. dicitur de Christo , quod *re- licta civitate Nazareth , venit , & habitavit in Ca- pharnaum maritima , in finibus Zabulon & Neph- talim : 14. ut adimpleretur quod dictum est per Isaiam Prophetam : 15. Terra Zabulon , & terra Nephtha- lim , via maris trans Jordanem , Galileæ Gentium . 16. Populus qui sedebat in tenebris , vidit lucem mag- nam : & sedentibus in regione umbræ mortis lux orta est eis .*

Item David psalm. 2. v. 1. ait : *Quare fremuerunt Gentes &c.* usque *adversus Christum ejus .* Actor. vero 4. v. 27. ostenditur per B. Petrum verba illa in- telligi de Herode , & Pilato , & Gentibus , & popu- lis Israel ; sic enim ibi legitur : *Convenerunt enim vere in civitate ista adversus sanctum puerum tuum Jesum , quem unxisti , Herodes & Pontius Pila- tus cum Gentibus & populis Israel , 28. facere quæ manus tua , & consilium tuum decreverunt fieri .*

Similia multa inveniri possunt in Evangeliiis , de quibus duo habentur testimonia Johann. 19. v. 23. *Milites ergo cum crucifixissent eum , acceperunt ve- stimenta ejus , (& fecerunt quatuor partes : uni- cuique militi partem) & tunicam &c.* usque *mise- runt sortem .* Quod iterum David prædixerat per præteritum psal. 21. v. 19. Item ibidem v. 34. *Unus militum lancea latus ejus aperuit .* Istud autem pro- phetatum erat per Zach. cap. 12. v. 10. *Aspicient ad me , quem confixerunt , ut ibi dicit Jo .* Multa alia simili modo inveniri possunt , per quæ probari po- test quod præteritum quandoque sumitur pro futu- ro ; & ita prophetiæ non sunt accipiendæ , ut lite- ra sonat .

Præterea jam constat quod de terrena Jerusalem prophetaverunt . Illa autem , quæ de ipsa dixerunt in multis locis , non possunt litteraliter intelligi ; immo quo ad sonum litteræ impossibilia sunt intel- lectu ; ut prædictum est .

Præterea nonne vides quod dicitur Isaiæ 51. v. 1. *Attendite ad petram , unde excisi estis ; & ad caver- nam laci , de qua præcisi estis .* Numquid secundum quod sonat littera sic erat ? Non . Sed qualiter in- telligi debeat exponit , cum subdit 2. *Attendite ad Abraham Patrem vestrum , & ad Saram , quæ pe- perit vos .*

Item Isaiæ 56. v. 10. *Speculatores ejus cæci omnes , nescierunt universi : canes muti non valentes latra- re .* Istud enim ad sonum litteræ , non potest intel- ligi , scilicet quod essent cæci , & canes . Sed de qui- bus Isaias intelligat , & qualiter loquatur per simi- litudinem determinat ipse , cum subdit 11. *Ipsi pa- stores ignoraverunt intelligentiam .* Ecce quare di- xit eos cæcos , qui debent esse speculatores , id est

contra Persecutores , & Pseudo-Apostolos .

Item nonne vides quid est , quod dicitur Isai. 1. v. 2. *Audite cæli , & auribus percipe terra , quoniam Dominus locutus est ?* Numquid cæli sensu auditivo percipiunt ? Numquid terra hoc idem habet ? Non . Neque ergo ut sonat littera accipiendum est Isaiæ verbum , sed figuraliter loquitur , id est Metonymi- ce dirigens sermonem ad continens ratione con- tenti .

Præterea si ad sonum litteræ accipienda sunt ver- ba Prophetarum , oportebit dicere sine aliqua di- stinctione , sicut Thetricus Hæreticus in quadam parte cujusdam Libri sui cap. 11. illius partis , quod omnis creatura Deum laudat , volens hoc habere ex eo , quod legitur Apocalypf. 5. v. 13. *Omnem crea- turam , quæ in cælo est , & super terram , & sub ter- ra , & quæ sunt in mari , & quæ in eo : omnes audi- vi dicentes : sedenti in throno , & Agno : benedictio , & honor , & gloria , & potestas in secula seculo- rum . 14. & quatuor animalia dicebant : Amen .* Quod etiam videtur posse haberi ex Cantico Domini Da- niel. 3. v. 57. *Benedicite omnia opera Domini Domi- no : laudate , & superexaltate eum in secula .* Item ex psalm. 148. *Laudate Dominum de cælis &c.* Igno- ravit autem Hæreticus iste , quod creatura rationa- lis laudet , & etiam aliæ creaturæ ; sed differenter , quia creatura rationalis , id est Homo , vel Angelus , effective , aliæ autem creaturæ materialiter , quia creatura rationalis , de eis Dominum laudat & be- nedicit .

§. III.

Probatio Ecclesiæ quod Prophetæ non propheta- verunt ante hujus Mundi constitutionem .

Nunc accedamus ad tertium , quod in principio hujus Capituli adnotavimus , scilicet an Pro- phetæ ante hujus Mundi Constitutionem in alio mundo , & de alia Jerusalem prophetaverint . Duo ultima jam improbata sunt . Restat primum destrue- re , ad cujus improbationem sufficit illud testimo- nium Isaiæ 1. v. 7. ubi habitatoribus Jerusalem im- properat Isaias dicens : *Terra vestra deserta , Civi- tates vestræ succensæ igni : regionem vestram coram vobis alieni devorant .* Unde venerunt isti alieni ad cælestem Jerusalem filiam Sion , ut credis , nisi de mundo isto ? Ergo jam constitutus erat mundus , quando Isaias prophetavit illud , quod prævidebat futurum .

Præterea quomodo diceret Isaias ibidem 4. quod *abalienati sunt retrorsum ?* Et non est dubium quod de creaturis suis , de Populo suo loquebatur dicens 2. : *Filios enutrivit , & exaltavit : ipsi autem spreve- runt me .* Item 3. : *Cognovit bos possessorem suum , & asinus præsepe Domini sui : Israel autem me non co- gnovit , & populus meus non intellexit .* Postea dicit 4. : *Dereliquerunt Dominum , blasphemaverunt Sanctum Israel , abalienati sunt retrorsum .* Illi ergo prius fuerant sui . Postea hæc dicit 7. *regionem ve- stram coram vobis alieni devorant .* Isti ergo non erant abalienati , sed *alieni* : quod plus est . Modo quæro : de qua creatione eos ponis ? de bona ? Non ;
fic

sic enim erant alienati, cum modo mali, & prius boni fuerint. Si de mala: restat quæstio prima: unde venerint, nisi de mundo isto: Ergo hic mundus jam constitutus erat, cum Isaias prophetavit istud.

Si forte dicas, quod materialiter constitutus erat propter Chaos, unde res istæ postea sunt distinctæ, & Civitates ædificatæ.

Contra. Quomodo ergo dixisset Isaias ibidem 9.: *Nisi Dominus exercituum reliquisset nobis semen, quasi Sodoma fuisset, & quasi Gomorrha similes essemus?* Item Isa. 7. v. 18. *Et erit in die illa: Sibilabit Dominus muscæ, quæ est in extremo fluminum Ægypti, & api, quæ est in terra Assur.* Jam ergo distincta erant regna ista. Item de Babylone, quæ Populum Dei captivavit, dicit Isaias cap. 13. v. 31. *Onus Babylonis &c.* Item ibidem 17. de Medis: *qui argentum non querant, nec aurum velint &c.* Similiter est invenire de aliis regnis, & populis, qui fuerunt contrarii populo Dei. Ergo jam distinctus erat Mundus per Regna, & Civitates, & Populos, quando Isaias prophetavit, & quando alii prophetaverunt, ut ostendi potest ex Prophetiis eorum secundum formam istam.

C A P. VIII.

Utrum Deus Pater justorum sit Creator visibilium & transitoriarum rerum.

Nunc ad octavum capitulum accedentes videamus, utrum res visibiles & transitorie sint a Deo Patre justorum. Dividitur autem hoc capitulum in duas partes. In prima ponuntur rationes eorum, qui hoc autumant; in secunda vero rationes contra eos. Dicunt enim isti Hæretici, qui duos asserunt (1) Creatores contrarios, ista visibilia & transitoria esse a Deo malo, quem ponunt.

§. I. PRIMA PARS.

Probatio Hæreticorum quod transitoria non sunt a Deo.

Videamus ergo quibus testimoniis inducti sint ad istud credendum, quorum unum est illud Ecclesiastæ 1. v. 2. *Vanitas vanitatum, & omnia vanitas;* & loquitur de creaturis istis visibilibus, & transitoriis. Quomodo autem potest esse quod in operibus boni Dei aliqua vanitas sit, cum omnia ejus opera sint valde bona? Hinc Eccles. 39. v. 20.

(1) Fuit hæc Gnosticorum, Manichæorum, & Priscillianistarum sententia. Confer Epiphanium Hæresi xxvi. n. x. pag. 91. & Hæres. lxxvi. n. xxxi. pag. 647. Tom. 1. Sanctum Augustinum lib. Hæres. ad Quodvult Deum. Hæres. vi. ubi de Gnosticis, & Hæres. lxx. ubi de Priscillianistis disserit. Negari tamen non potest, quin implexa fuerit Manetis de Opificio Mundi sententia. Nam qui illius de hac re portenta litteris consignarunt, hi quidem inter se dissident. Ita fit, ut Augustinus Hæresi xlv. prodatur Manichæorum opinione, *mundum a Natura boni Dei factum... sed de commixtione boni & mali, quando inter se utraque natura pugnavit.* Adeundis Theodoretus lib. 1. Hæres. Fabul. cap. xxvi. & quæ apud Archelaum Disput. cum Manete n. x. pag. 18. seq. refert Tyrbo, is, quem postremo loco memoravi; quamvis Tyrbo Theodorito adversari quodantenus videatur. Sed Cyrillus Hierosolymitanus Catechesi vi. n. xlii. pag. 95. Edit. Paris. an. 1720. & Cateches. ix. num. iv. pag. 128. Manetis hunc errorem fuisse pro-

Sic dicetis in confessione. 21.: Opera Domini universa bona valde.

Ad hoc autem dicimus, quod si Hæreticus intelligeret quid sit Vanitas, & quid sit esse vanum non dixisset hoc, quod præmissum est. Creatura enim dicitur vana, quia vertibilis est, hoc est mutabilis, & quia in principio suæ conditionis de non esse ad esse processit, & ab esse ad non esse tendit. Vanitas ergo rei est ejus mutabilitas. Nonne vides quod his, quæ dico, attestatur Sapientia dicens Prov. 8. v. 22. *Dominus possedit me in initio viarum suarum, antequam quidquam faceret a principio. 23. Ab æterno ordinata sum, & ex antiquis antequam terra fieret &c.* usque cum eo eram cuncta componens. Ecce quod bona Dei opera de non esse ad esse processerunt.

Quod autem de esse ad non esse procedant, nisi a Deo in esse conserventur, patet Sap. 12. v. 12. ubi dicit sapientia Deo: *Quis tibi imputabit, si perierint nationes, quas tu fecisti?* Ipsa ergo corruptio vanitas est, de qua vanitate habetur Rom. 8. v. 20. *Vanitati enim creatura subiecta est non volens, sed propter eum, qui subjecit eam in spe: 21. quia & ipsa creatura liberabitur a servitute corruptionis.* Ecce quod bonus Deus vanitati subjecit creaturam suam; de alio enim dici non potest, quod eam subjecerit vanitati propter id, quod sequitur in spe, quia & ipsa creatura liberabitur a servitute corruptionis, id est a subiectione corruptionis; ipsa enim servitus quædam subiectio est, qua Dei creatura subicitur corruptioni, quam prius appellavit vanitatem.

Præterea nonne Ecclesiastæ 1. post illa verba: *Vanitas vanitatum &c.* dicitur v. 12. *Ego Ecclesiastes fui Rex Israel in Jerusalem, 13. & proposui in animo meo querere, & investigare sapienter de omnibus, quæ fiunt sub sole.* Et subdit: *Hanc occupationem pessimam dedit Deus filiis hominum, ut occuparentur in ea?* Ecce quod dicit unus Rex Jerusalem cælestis, ut credis, quod Deus dedit occupationem magnam filiis hominum. Sed nonne ista occupatio vana est? Ergo vana ipsa sunt a Deo bono; de illo enim loquitur ibi; Deus enim nusquam in mala parte sumitur sine determinatione, ut Philipp. 3. v. 19. *quorum Deus venter est.* Et psalm. 95. v. 5. *Dii Gentium demonia, & hujusmodi.*

Præterea quod bonus Deus sit ille, de quo hic loquitur Eccles. patet cap. 3. v. 10. ubi dicit; *Vidi afflictionem, quam dedit Deus Filiis hominum, ut distendantur in ea. 11. Cuncta fecit bona in tempore suo, & mundum tradidit disputationi eorum.* Ecce quod

prium tradit, ut mundum a Deo malo conditum esse arbitraretur. Cyrillo autem prævit Athanasius Epist. ad Episcopos Ægypti & Libiæ n. xvi. pag. 285. Tom. 1. P. 1. Edit. Mont-faucon. Fortassis Cyrillus & Athanasius idcirco Manetem in ea sententia versatum fuisse putarunt, quod Hominem a Deo conditum esse negaret, ut Tyrbo apud Archelaum narrat. n. x. pag. 19. seq. & quod mundum Dei non esse diceret, sed ex parte materia plasmatum: ut idem Tyrbo refert ibid. pag. 18. & num. xi. pag. 20. Materiam autem alienam esse a Deo sentiebant Manichæi. Adis Augustinum lib. xxi. Contra Faustum cap. iv. col. 353. Tom. viii. Edit. Paris. an. 1688. In eodem luto hærebant Pauliciani. Nam Photius lib. 1. Contra Manichæos n. 6. pag. 17. Tom. 1. Anecd. Græcor. Volsii. Duo, inquit, principia... consentunt esse, ajuntque aliud esse Deum Patrem, quem ab universis hujus potestate eliminant, ac futuri tantum [sæculi] imperium ipsi tradunt, aliud vero creatorem mundi, cui præsentis sæculi imperium largiuntur &c.

gnabit Christus in domo Jacob, id est in Judæis spiritualiter in æternum; neque enim tu aliud diceres quod loqueretur de alio regno, nisi de spirituali.

Dico ergo quod argumentum tuum inartificiale, & invalidum fuit: regnum Dei non corrumpetur & non erit finis ejus; sed iste mundus corrumpetur & erit finis ejus; ergo iste mundus non est ejus regnum; sine universali enim non fit similis: Si dixisses universaliter. Nullum Dei regnum corrumpetur; mundus iste corrumpetur &c., bona est argumentatio tua, sed ex falso falsum sequitur. Prima autem falsa est: nullum regnum Dei &c.; duplex enim regnum Christus habet, temporale unum, spirituale alterum. De temporali dicit Daniel, quem induxisti, cap. 4. v. 22. ipsi Nabuchodonosor: *Fœnum ut bos comedes, & rore cali infunderis: septem quoque tempora mutabuntur super te, donec scias, quod dominetur Excelsus super regnum hominum, & cuicumque voluerit, det illud.* Unde ejusdem Daniel cap. 5. v. 18. ait Daniel Baltassar filio ejus: *O Rex, Deus altissimus regnum, & magnificentiam, gloriam, & honorem dedit Nabuchodonosor Patri tuo.* De spirituali autem regno habetur ejusdem Daniel cap. 7. v. 27. *Regnum autem, & potestas, & magnitudo regni, quæ est subter omne calum, detur populo Sanctorum Altissimi: cujus regnum sempiternum est, & omnes Reges servient ei, & obedient.*

Si autem objicias (2) quod dixit Christus Pilato Johann. 18. v. 36.: *Regnum meum non est de hoc mundo:* Bene: Concedo quod ejus regnum spirituale non est de hoc mundo, id est mundanum, sive temporale. Non enim dixit: nullum meum regnum est de hoc mundo. Sed indefinite dixit: *Regnum meum non est de hoc mundo.* Ex hoc autem non sequitur quod iste mundus non sit ejus regnum, sed quod non sit illud regnum, de quo loquebatur, & quod accipere venerat, & reverti. Similiter dicendum est: Regnum ejus non corrumpetur, vel non erit finis regni ejus; mundus autem corrumpetur, vel erit finis ejus. Ergo mundus iste non est illud regnum, quod non corrumpetur, & cujus finis non erit.

HÆR. Ad idem inducunt illud Matth. 8. v. 20. *Vulpes foveas habent, & volucres cali nidos:* [*] *filii autem hominis non habet ubi caput reclinet.* Quomodo hoc potest dicere? Si iste mundus suus est, habet ubi caput reclinet. Cum ergo non mentiat, oportet quod iste mundus non sit suus.

CATH. Solutio ut habetur 1. Cor. 11. v. 3. *Caput vero Christi Deus.* De isto igitur capite loquitur, non

de materiali capite; non enim adhuc credebatur esse Deus hic, nisi a paucis.

Præterea si de materiali capite intelligitur, non obest, quia loquitur de proprio domicilio, quod non habebat, quamvis vulpes, & volucres illud habeant. Mundus autem iste commune domicilium est, nec dubium est quin in illo esset, & quin in illo caput reclinare posset; sed non in aliquo proprio domicilio.

[*] HÆR. Ad idem inducunt illud, quod dicitur Jo: 8. v. 23. (3) *Ego de supernis sum: Vos de mundo hoc estis, ego non sum de hoc mundo.* Et per hoc volunt duos esse Creatores; unum superiorem, & alterum inferiorem. Item illud 1. Jo: 2. v. 15. *Nolite diligere mundum, neque ea, quæ in mundo sunt.* Item illud, quod dicitur Jacob 4. v. 4. *Adulteri ne scitis, quia amicitia hujus mundi inimica est Dei?* Hæc autem omnia determinavimus in capitulo, ubi ponuntur argumenta eorum contra doctrinam Ecclesiæ de diversis principiis dogmatizando.

HÆR. Ad idem inducunt illud Philip. 3. v. 8. *Omnia (4) detrimentum feci, & arbitror ut stercora, ut Christum lucrificiam.* Ecce quod Paulus fecit omnia temporalia & visibilia ista detrimentum existimari ab aliis exemplo sui; & non tantum nociva fecit ea existimari, sed etiam ipsemet existimabat ea fœtida & immunda. Dicit autem Hæreticus: non est credendum si ista temporalia essent Dei opera, quod Apostolus arbitraretur ea ut stercora.

CATH. Ad hoc dicimus quod Apostolus ibi loquitur de operibus legalibus, scilicet de Circumcisione, & aliis legalibus, quorum observantia post Christum nociva est; unde ad Galat. 5. v. 2. *Si circumcidimini, Christus vobis nihil proderit.* Item immunda, quia peccatum, unde ad Gala. 2. v. 18. *Si enim quæ destruxi, iterum hæc ædifico: prævaricatorem me constituo.* Et loquitur de legalibus sacrificiis, quæ destruxerat, id est post Christum non esse observanda probaverat. Posito autem quod loquatur de temporalibus istis, quod tamen non est verum: dico quod Apostolus, licet sint opera Dei, convenienter potuit ea arbitrari ut stercora ratione similitudinis, quia putribilia sunt. Et nonne videt Hæreticus quod Jeremias de operibus Dei ait cap. 9. v. 22. *Et cadet morticinum hominis quasi stercus super faciem regionis, & quasi fœnum post tergum mentis, & non est qui colligit.* Et quare non attendit illud Amos 4. v. 10. quod exprobrat Deus ovibus suis: *Ascendere feci putredinem castrorum vestrorum in naves vestras: & non redistis ad me.* Item non-

(2) Johannes Chrysostomus *Homil. lxxxiii. al. lxxxii. pag. 496. Tom. viii. Opp. Edit. Paris. Montfaucon.* hoc idem Johannis *πῦρ οὐκ ἐξ ἀλλοτρίου* explicans: *Inde, inquit, hæretici occasiones arripientes, λαβόντες ἀλλοτρίους, alienum ipsum, Christum dicunt a creatore.* Exagitat porro Manichæos, hujusce portentii assertores, hoc argumento: *Quid ergo cum dicit: in propria venit? Quid cum: Non sunt de mundo, sicut ego non sum de mundo? sic & regnum suum dicit non hinc esse, non mundum privans imperio suo, sed ostendens, ut dixi non humanum, vel fluxum esse.*

[*] Deest in Vat.

(3) Refellit quoque Manichæos Chrysostomus *Hom. lxi. al. lxi. In Joh. pag. 310.* quod hanc Johannis Evangelii pericopen in malam partem converterent, arbitrati Christum carnem numquam adsumpsisse, quippe quæ a malo principio profecta esset, eorum quidem sententia.

(4) Legem veterem hic a Paulo indicari, ac rejici putarunt veteres Manichæi, quos merito insectatur Chrysostomus *Homil. xi. in Epist. ad Philipp. pag. 283. pag. Edit. Montf. an. 1734.* Manichæis autem & Catharis prælusere Marcionis discipuli, si est Tertulliano adjungenda fides. *Libr. v. Contra Marcionem cap. xx. pag. 486.* sic enim habet: *quæ autem retro lucrî duxerat; Apostolus, quæ & supra numerat, gloriam carnis, notam circumcisionis, generis Hebræi ex Hebræo censum, titulum tribus Benjamin Phariseæ candidæ dignitatem: hæc modo detrimento sibi deputat: non Deum, sed stuporem Judæorum.* Hæc ac si stercora existimat, præ comparatione agnitionis Christi non præ rejectione Dei creatoris, habens iustitiam, non suam jam, quæ ex lege, sed quæ per ipsum, scilicet Christum ex Deo.

nonne videt quod creaturæ Dei nocivæ sunt abutentibus eis? Legitur enim Sap. 14. v. 11. *Creaturæ Dei in odium factæ sunt, & in tentationem animabus hominum, & in mœscipulam pedibus insipientium.* Istos appellat idololatras idola colentes, & fervientes creaturæ potius, quam creatori, qui est benedictus in secula; Amen.

HÆR. Ad idem etiam inducere solent illud, quod dicit Apostolus in persona sui, (5) & aliorum Electorum 2. Cor. 4. v. 17. *Id enim, quod in præsentibus est momentaneum, & leve tribulationis nostræ, supra modum in sublimitate æternæ gloriæ pondus operatur in nobis, 18. non contemplantibus nobis, quæ videntur, sed quæ non videntur. Quæ enim videntur temporalia sunt: quæ autem non videntur æterna sunt.* Ecce quod Electi Dei, ut dicit Paulus, transitoria non contemplantur, & per hoc volunt quod non sint a Deo bono.

CATH. Sed ad hoc dicamus: Quid appellas tu contemplari? Si videre oculis corporeis: non ne hoc modo contemplantur ea? Utique. Quare ergo dicit: *non contemplantibus nobis quæ videntur, &c.*? Si contemplari appellas cogitare de eis: nonne Apostoli de eis cogitabant, quam vilia & quam caduca essent? Utique; alioquin de eis non judicassent, quod essent transitoria. Quomodo ergo sumit contemplari ipse Apostolus? Dico igitur quod pro intendere. Apostoli enim, & alii Electi cum patiuntur tribulationes pro Christo non intendunt, nec sperant remunerari suam patientiam de his visibilibus, sed de cælestibus. Meliora igitur intendunt, & sperant, quam sint ista temporalia visibilia: cælestia scilicet bona. Sed numquid propter hoc ista temporalia mala sunt, & a malo Creatore, vel Tutore fabricata, quia sperant alia, quæ sunt æterna? Absit. Quod autem pro æternis patiendum sit determinat Apostolus Rom. 8. v. 17. cum enim dixisset: *hæredes quidem Dei, cohæredes autem Christi,* statim subiunxit: *sitamen compatimur, ut & congratulificemur.*

HÆR. Ad idem inducunt quamdam propositionem: Si causa invariabilis, & effectus ejus. Cum ergo ista visibilia sint variabilia, non potest esse quod causa eorum sit Deus sanctus, & verus, qui invariabilis est.

CATH. Sed primæ propositionis falsitas evidentissima est etiam secundum eos in Angelis, qui fuerunt vertibiles a bonitate in malitiam, quos ipsi appellant, falso tamen, oves Israel.

Item secundum Philosophiam etiam vera non est. Philosophi enim per variabilia & mobilia venerunt in cognitionem unius principii, & unius motoris, qui ita movet, ut non moveatur. Item per cognitionem facti in cognitionem factoris, qui ita facit, ut a nullo fiat; per cognitionem compositi in cognitionem compositoris, qui ita componit, ut ipse incompositus & simplicissimus perseveret.

Præterea quod illa propositio sit falsa habetur Job 4. v. 18. *Ecce qui serviunt ei non sunt stabiles, & in Angelis suis reperit pravitatem.*

Præterea nonne David ad Dominum dicit psalm.

101. v. 27. *Mutabis eos, & mutabuntur,* id est cælos: 18. *Tu autem idem ipse es,* id est immutabilis? Ergo ab Immutabili est mutabile, ab Indeficiente deficiens. Unde cum dixisset de cælis *ipsi peribunt,* id est deficient (sic enim legitur de sole Eccl. 17. v. 30. *Quid lucidius sole? Et hic deficient*) postea David de Deo subdit: *& anni tui non deficient.*

§. II.

Quod res visibiles, & transitorie sunt a Deo Patre justorum.

Nunc ponamus testimonia pro parte nostra, quibus Fides nostra de creatione rerum visibilium & transitoriarum a Patre justorum comprobetur, & falsitas fictæ fidei Hæreticorum manifestetur.

Ad hoc autem inducimus primo loco illud, quod ipsi dicunt, scilicet corpora sanctarum animarum, quæ hic agunt pœnitentiam, esse in cælo prostrata, & mortua. Ergo illa corpora erant mortalia, ergo corruptibilia. Quis fecit ea talia, nisi Pater justorum?

Præterea credis tu Christum fuisse mortuum? Si dicas sic: ergo prius erat mortalis, ergo corruptibilis. Quis eum talem fecerit, nisi Pater justorum?

Item ad hoc induci potest illud Job 1. ubi legitur de pueris Job percussis gladio a Chaldæis, & Sabæis, & de ovibus ejus, ac pueris aliis igne consumptis. Item de filiis & filiabus ejus oppressis a domo ejus corrumpente propter ventum magnum venientem a regione deserti. Omnia ista corruptibilia erant, & tamen a Deo ea habebantur. Propter quod etiam Job ait eodem cap. v. 21. *Dominus dedit, Dominus abstulit. Sicut Domino placuit, ita factum est: sit nomen Domini benedictum.* Ex hoc patet quod Dominus noster Pater justorum non tantum permanentium, sed etiam transitoriarum rerum conditor est.

Præterea nonne dicitur Job 4. v. 19. *Qui habitant domos luteas, qui terrenum habent fundamentum, consumuntur velut a tineæ. Et de mane usque ad vespem succidentur?* Nonne istæ domus luteæ, & terrenum fundamentum a Deo sancto sunt? Utique. Si autem consumuntur & succidentur de mane usque ad vespem nonne transitorie sunt? Quare ergo negas ipsum esse causam rerum transitoriarum?

Vis autem videre, quod istæ terrenæ habitationes, de quibus Job loquitur, a Deo sancto sunt, & vero? Nonne dixit Job 10. v. 8. *Manus tuæ fecerunt me, &c. usque in pulverem reduces me?* Nonne idem dicit Isaias 64. v. 8. loquens ad Dominum: *Et nunc Domine, pater noster es tu, nos vero lutum: & fictor noster tu, & opera manuum tuarum omnes nos?* Numquid non idem vult Apostolus Roman. 9. v. 21. *An non habet potestatem figulus luti, &c.*? Plura alia testimonia possent induci de Job

ad idem probandum, sed ea ad præsens volumus pertransire.

Præterea nonne Isaias 64. v. 10. loquens de Ierusalem, & de Sion Dei boni dicit: *Sion deserta facta est, Ierusalem desolata est. 11. Domus sanctificationis nostræ, & gloriæ nostræ, ubi laudaverunt te patres nostri, facta est in exustionem ignis, & omnia desiderabilia nostra versa sunt in ruinas?* Ista opera secundum te omnia sunt Dei boni, & nonne corruptibilia sunt, & transitoria teste Prophetæ? Multa etiam alia ad idem inveniuntur in Isaia, ut in principio dicit filiis Israel v. 7. *Terra vestra deserta, civitates vestræ succensæ igni: regionem vestram coram vobis alieni devorant.* Nonne vides Hæretice, id quod dicit Dominus per Jer. 9. v. 20. *Audite ergo mulieres verbum Domini: & assumant aures vestræ sermonem oris ejus: & docete filias vestras lamentum: & unaquaque proximam suam planctum. 21. Quia ascendit mors per fenestras nostras, ingressa est domos nostras, disperdere parvulos de foris, juvenes de plateis. 22. Loquere: Hæc dicit Dominus: & cadet morticinum hominis quasi stercus super faciem regionis?* Hoc autem testimonium hic introduco, & consimilia, quia Hæretici isti hæc intelligere volunt de cælestibus rebus esse dicta. Item Jonæ 4. v. 5. dicitur: *Egressus est Jonas de Civitate, scilicet, Ninive, &c. usque & exaruit, &c.* Ecce vides quod non omnia quæ fecit Deus, perseverant in æternum, immo transitoria sunt ab ipso. Simile habemus Jer. 45. v. 4; sic dicit Dominus: *Ecce quos ædificavi, ego destruo: & quos plantavi, ego evello, & universam terram hanc.* Item in Threnis 2. v. 2. *Præcipitavit Dominus, nec pepercit, omnia speciosa Jacob: destruxit in furore suo munitiones virginis Juda.* Ecce quod opera ejus destructibilia, & transitoria sunt.

Ad idem facit illud Matth. 5. v. 45. *Qui (6) solem suum oriri facit super bonos & malos: & pluit super justos & injustos.*

Ad hoc autem dixit Hæreticus quod istud non intelligitur de sole visibili, sed de sole spirituali, de quo dicitur Malach. 4. v. 2. *& orietur vobis timentibus nomen meum sol justitiæ:* similiter etiam & de pluvia verbi Dei. Quod autem de isto sole non intelligatur, volunt probare per hoc dicentes quod iste sol neque super bonos neque super malos oritur; nullus enim habitat ubi oritur sol.

Ad hoc dicimus quod duo falsa dixit Hæreticus. Primum est quod dixit, quod iste sol non oritur super bonos neque super malos. Secundum est istud, quod nemo habitat ibi, ubi sol oritur.

Ad quod melius videndum considerandum est quid appellet oriri, sive nasci. Constat enim quod

non fumitur pro incipere esse; sic enim omni die inciperet esse, & omni die esse desineret. Si autem dicat immo oritur, idest incipit esse, licet non simpliciter, sed in parte Orientis. Sed nonne in partibus Orientis habitant aliqui homines? Nonne dicitur Isa. 43. v. 5. *Ab Oriente adducam semen tuum, &c.* Nonne Matth. 2. v. 1. *Ecce Magi ab Oriente venerunt Ierosolymam?* Pessime ergo dixisti in duobus prædictis verbis. Si autem dicat quod oriri idem est, quod apparere, vel lucere, vel elevare, patet manifeste falsitas Hæretici; multi enim habitant ubi sol lucet, apparet, & elevatur.

Præterea nonne dicitur Matth. 5. v. 45. *Qui solem suum oriri facit, &c.* dicit facit de præsentī Ergo & aliqui tunc boni, & aliqui mali. Sed qui erant boni, nisi Apostoli & Apostolici viri? Et si boni, ergo jam habebant Spiritum Sanctum, sine quo boni esse non potuissent.

Præterea nonne tibi videtur quod doctrina Christi de temporalibus sit? Nonne parum ante ibidem dixerat 39. *Si quis te percusserit in dexteram maxillam tuam, præbe illi & alteram: 40. Et ei qui vult tecum iudicio contendere, & tunicam tuam tollere, dimitte ei & pallium?* Quæ est ista tunica, nisi materialis? Quod pallium nisi materiale? Spirituale enim pallium non est dimittendum, neque tunica spiritualis, nisi velis dicere quod loquitur de tunica spirituali mala; sed ista non potest esse in Ecclesia sancti Dei, qui loquitur secundum te.

Præterea ibi dicitur 41. *Quicumque te angariaverit mille passus, vade cum illo & alia duo.* Isti passus materiales sunt; alioquin si essent spirituales, & boni, non angariarentur; quibus imponerentur. Si mali, non diceret Dominus: *vade cum illo & alia duo.* Item nonne dicit ibidem 42. *Qui petit a te, da ei: & volenti mutuari a te, ne avertaris?* Istud mutuum materiale est, ut patet Lucæ 6. v. 35. *mutuum date, nihil inde sperantes.* Quod non potest de mutuo spirituali intelligi, ut habetur in cap. Constat autem quod ibi loquitur Lucas de eodem cum Matthæo; monuit enim benefacere non tantum amicis, sed & inimicis, & qui hoc faciunt erunt filii Altissimi, quia ipse benignus est super ingratos, & malos. Igitur doctrina Christi de materiali dilectione, de temporali mutuo, & de temporali beneficentia inimicorum consistit: atque hi sunt filii Altissimi, quia ipse benignus est super ingratos & malos. Et quomodo benignus sit, dicit Matth. 5. v. 41. quia *solem suum oriri facit, &c.* Ergo Matth. intelligit de sole materiali.

Præterea dicas mihi Hæretice: sol spiritualis numquid oritur super bonos & malos? Cui quæstioni respondit Hæreticus: utique super bonos oritur juxta Malac. 4. v. 2. *Et orietur vobis timentibus nomen meum sol justitiæ.* Oritur etiam super ma-

(6) Hoc eodem argumento utitur contra Gnosticos Origenes lib. II. de Principiis cap. IV. pag. 84. Tom. I. Opp. Edit. Novæ Paris. Non placuit hoc testimonium Marcioni. Itaque eradendum esse e suo non, ex Matthæi quod non probabat, Evangelio censuit. Auctore utor Tertulliano lib. II. contra Marcionem cap. XVII. pag. 390. Totum ordinem, inquit, Dei iudicii operarium, & [ut dignius dixerim] protectorem Catholicæ, & summæ illius bonitatis ostendunt; quam semitam a iudicariis sensibus, & in suo statu puram nolunt Marcionitæ in eodem Deo agnoscere, pluentem super bonos, & malos, & solem suum

oriri facientem super justos & injustos: quod alius Deus omnino non præstat. Nam et si hoc quoque testimonium Christi in creatorem Marcion de Evangelio eradere ausus est, sed ipse mundus inscriptus est, & omni a conscientia legitur, & erit hæc ipsa patientia creatoris in iudicium Marcionis. Vide & lib. IV. cap. XXXVI. pag. 453. & Irenæum lib. IV. cap. XXXVI. pag. 280. n. 6. & Cyrillum Hierosolymitanum Catechesi VI. num. XVI. pag. 97. Edit. Toutæi, qui contra Gnosticos, & Manichæos disputans hæc adhibet verba: *Qui alium dicit Patrem, aliamque opificem mundi, repugnat filio dicenti...* Qui solem suum oriri facit &c.

malos , & hoc est quando alicujus boni intelligentia in corde eorum nascitur . Sed numquid isti mali sunt de creatione ? Dices : non , quia illis non potest oriri . Si de bona creatione : modo dicas illi : De quibus legitur Sap. 5. v. 6. qui dicturi sunt in inferno : *Ergo erravimus a via veritatis , & justitia lumen non luxit nobis , & sol intelligentia non est ortus nobis ?* De qua creatione sunt ? Si de bona : ergo aliqui de bona creatione erunt in inferno . Sed nonne dicitur quod in inferno nulla est redemptio ? Ergo aliqui de creatione bona damnabuntur in perpetuum . Numquid & hoc vult litera Sapientia , quam induxisti cap. 4. v. 19. *Et erunt post hæc decedentes sine honore , & in contumelia inter mortuos in perpetuum ?* De illis loquitur , qui dicturi fuerant : *Erravimus* . Si autem erant de mala creatione : quomodo potest hoc esse ? Numquid isti possunt errare a via veritatis ? Non , quia non possent esse in illa via .

Præterea nonne dicitur Sap. 5. v. 3. quod *præ angustia spiritus gementes erunt : dicentes intra se , pœnitentiam agentes ?* Et de quo pœnitebant , nisi de malo , quod fecerant ? Si de hoc dolebant . Ergo volebant illud non fecisse : ergo volebant bonum . Quomodo autem hoc , si de creatione mala , & naturaliter mala ? Nam contra naturam eorum erat velle bonum aliquod . Restat igitur quod de bona creatione essent , & mali , & tamen sol intelligentia , & lumen justitiæ non luxerit eis . Quomodo ergo tu audes dicere de sole spirituali , quod eis illuxerat ? cum dicat Malach. *Et oritur vobis , &c.* & Matth. *Qui solem suum , &c.* de sole isto materiali intelligatur .

Præterea Sap. 5. v. 1. dicitur de illis malis : *Tunc stabunt iusti in magna constantia adversus eos , qui se angustiaverunt , &c.* Si autem qui iustos angustiaverunt sunt illi , quibus non luxit sol intelligentia , & lumen justitiæ , isti sunt , qui persecuti sunt sanctos & iustos . Sed nonne dicit Dominus Matth. 5. v. 44. *Diligite inimicos vestros , benefacite his , qui oderunt vos , & orate pro persequentibus , & calumniantibus vos : 45. ut sitis filii patris vestri , qui in cælis est : qui sedem suam , &c.* Ergo debent sancti diligere illos , qui de mala creatione sunt , & benefacere eis , & orare pro eis . Sed quomodo debent eos diligere , nisi volendo eis bonum , & facere si possunt ? Sed non spirituale , quia illi non sunt capaces talis boni . Ergo debent eis velle temporale bonum , & facere si possunt , & orare pro eis , id est pro temporali bono eorum . Et quare ? Ut sint filii illius , *qui solem suum oriri facit super bonos & malos* . Ergo sol venit pro sole .

Præterea orare debebunt pro temporali bono eorum : quæro : quem ? Si Dominum Patrem , ut verum est , & non alium : ergo temporalia bona ab ipso . Et nonne hoc tibi videtur verum esse per illud Jer. 29. v. 7. *Querite pacem civitatis , id est Babylonis , ad quam transmigrare vos feci : & orate pro ea ad Dominum : quia in pace illius erit pax vobis* .

Præterea dicit : *ut sitis filii , &c.* Ergo videtur quod possunt non esse filii ejus . Sed quomodo , si creati sunt ab ipso ? Si autem dicat Hæreticus : *Filii*,

id est imitatione ; quare ergo ipse non exponit illud Jo: 8. *Vos ex Patre Diabolo estis* , scilicet per imitationem ?

Si autem dicat quod non jubet Dominus omnes inimicos diligere , neque omnibus benefacere , aut pro omnibus orare , sed pro illis , qui sunt de eadem creatione : quomodo discerneret eos ab aliis inimicis ? Utrique enim de exercitu uno sunt , scilicet Diaboli contra sanctos . Patet igitur ex his , quod Dominus de materialibus rebus loquitur ibi , & ita de sole materiali & visibili , qui lucet bonis & malis ex Dei mandato ; atque ita benignus est , ut dicit Lucas , super ingratos & malos .

Ad hoc autem forte diceret Hæreticus , qui ponit unicum principium creationis , licet ponat duos factores , quod de sole materiali loquatur , & de pluvia materiali .

Contra . Nonne vides , quod dicitur : *oriri facit* ? Ergo factura istius lucis materialis , & gyratio ista solis ab Oriente in Occidentem , & ab Occidente in Orientem est ab ipso præsentialiter . Ergo non fit a Diabolo . Non tantum igitur creatio , sed distinctio rerum , & temporum fit a Deo . Quare ergo audes dicere quod factura luminarium duorum , quorum unum præest diei , scilicet sol , & alterum nocti , scilicet Luna , a Principe tenebrarum sit , quem ponis operatorem operum sex dierum ? Hoc enim de illis operibus est , scilicet destinatio diei , & noctis .

Præterea dicit quod *solem suum oriri facit* , id est lucescere . Quare ergo dicis quod illam lucescentiam habet sol , quia rapuit eam Adæ , ut habetur in cap. 1. v. 2. partis .

Ad idem Matth. 10. v. 28. *Nolite timere eos , qui occidunt corpus , animam autem non possunt occidere : sed potius timete eum , qui potest & animam , & corpus perdere in gehennam* . Modo quæro : de quo corpore loquitur ? Constat quod non de supercælesti , quia istud dictum est a Christo duodecim discipulis suis in hoc mundo inferiori , quorum corpora jam occisa erant secundum quod fabularis in Patria cælesti . Ergo non loquitur hic Dominus de corpore cælesti . De Ecclesia etiam non loquitur , quæ aliquando corpus Christi appellatur ; istud enim corpus non est , nisi animæ fidelis secundum te . Dominus autem aperte distinguit inter animam & corpus in verbis prædictis . Restat igitur quod corpus veniat pro isto materiali corpore : quod si verum est : ergo istud corpus potestati Patris sancti subiectum est ; ergo non est alterius creationis , quam suæ .

Præterea quod dicit eis : *timete eum , qui potest , &c.* ? Nonne propter hoc vult eos a malo retrahere timore hujus mali ; quod poterat eis evenire ? Modo dicas mihi ; si isti habebant hanc fidem , quam tu habes , scilicet quod ista corpora non resurgent ad supplicium habendum , ipsi numquam timuissent hoc malum incurrere , immo stetitissent securi ad minus quoad corpus , & dixissent ei : Licet possis hoc facere , tamen scimus quod numquam facies , quia corpus istud non resurget ; non timemus venire ad istud . Dominus autem non volebat quod de hoc securi

curi essent, immo volebat quod istud timerent; alioquin in vanum eis dixisset: *timete eum, qui potest, &c.* Ergo ipsi non habebant hanc fidem, scilicet quod ista corpora non resurgent.

Præterea volebat, quod timerent etiam istud, ne animam eorum perderet. Ergo poterat ita evenire. Ergo oves Israel non salvantur necessario.

Præterea quæ est illa gehenna, in quam potest perdere corpus & animam eorum? Si ista est Mundus ipse secundum te, jam perditum erant in ipsam, quia propter peccatum in cælo factum, huc dejecti erant ut in locum perditionis. Quare ergo dicit: *timete eum, qui potest, &c.* Immo debuisset dicere: qui perdidit.

Item ad idem valet illud Matth. 10. v. 29. *Nonne duo passeresset assere vaneunt, & unus ex illis non cadet super terram sine Patre vestro?* De quibus passeribus loquatur, patet quod de materialibus, qui humanis oculis subiciebantur; sic enim vendebantur in Veteri Testamento, ut haberet Leprosus a lepra curatus ex præcepto sacerdotis quid offerret pro sui emundatione; unde legitur Lev. 14. v. 4. *ut offerat duos passeresset vivos pro se, quibus vesci licitum est.*

Si autem vis dicere quod de aliis loquatur passeribus, id est de spiritualibus, ostende aliquod testimonium, ubi de passeribus, quos dicis, legatur, & quod duo ex eis assere vaneant, aut quo assere. Quod cum facere non possis, obmutescere, cum ego evidens testimonium habeam passerum, quos dico, & pretii, quod pro duobus passeribus datur. Si autem vis dicere, quod assis nomine pretium istud intelligitur, de quo 1. cor. 6. v. 20. dicitur: *Empti enim estis pretio magno*: quomodo stabit secundum te, qui præsens pro præsentibus soles accipere, quod dicit Dominus: *duo passeresset assere vaneunt*, quando dominus, hoc dicebat, non vendebantur, immo tantum postea factum est?

Præterea non tantum duo, immo omnes passeresset spirituales isto pretio empti sunt, nisi forte velles dicere, duos passeresset animam & corpus, & sic corpus non erit a diabolo creatum, cum sit a Christo redemptum. Si autem duos passeresset duos populos vis intelligere, patet quod male intelligis, quia Lucas tractans de eodem reponit, quod duo & dimidius dabantur pro assere uno; sic enim ait cap. 12. v. 2. *Nonne quinque passeresset vaneunt dipondio?* Dipondius autem est pondus ex duobus assibus compositum. Numquid duo Populi & dimidius dabantur pro illo assere? Quis enim est ille dimidius populus? Item qui sunt alii duo & dimidius, qui dabantur pro illo assere, & quis est alius assis? Sic oportebit dicere, quod duplex est Christus in pretium passerum datus.

Præterea quomodo stabit quod dicitur Luc. 12. v. 7. *Multis passeribus pluris estis vos*, cum ipsi tunc essent mali secundum te, qui ponis, quod nondum receperant spiritum Paracletum? Secundum me optime stat; vult enim dicere: si nutrit hæc minima volatilia, quanto magis vos?

Ad idem facit illud Matth. 13. v. 24. *Simile fa-*

ctum (7) *est regnum calorum homini, qui seminavit bonum semen in agro suo &c.* Quod exponit postea Christus dicens 37. *Qui seminat bonum semen est Filius hominis.* 38. *Ager autem est Mundus.* Ecce quod Satoris, id est Christi, dicitur esse Mundus. Quomodo, nisi quia creavit eum? Neque potes dicere Hæretice, quod mundus dicatur ibi ipsa Ecclesia, quia Ecclesia aliud non est, quam viri sancti secundum te maxime. Nonne vides quod in agro dicitur seminatum esse semen bonum, & quod dominus dicit 38. *bonum vero semen, hi sunt filii regni?* Non ergo idem intelligitur per agrum, sive mundum, & semen; sed per semen intelligitur Ecclesia, id est filii regni; ergo per agrum non intelligitur Ecclesia. Præterea si hoc esset, quod dicis, in Ecclesia essent zizania, & sic non esset sine macula, & ruga quod est contra te.

Præterea si hoc esset, quod ager, vel mundus diceretur Ecclesia, contra Christum præciperet Apostolus 1. cor. 5. v. 6. ubi loquitur de fornicatore, qui uxorem Patris sui violabat: *Nescitis quia modicum fermentum totam massam corrumpit?* 7. *Expurgate vetus fermentum, ut sitis nova conspersio, & quomodo hoc dixerat prius ibidem v. 2. ut tollatur de medio vestrum qui hoc opus fecit.* Item ibidem v. 13. *Auferte malum ex vobis ipsis.* Dominus autem præcipit dicens Matth. 13. v. 30. *Sinite utraque crescere usque ad messem.*

Propterea dicunt ipsi Hæretici, qui duas ponunt creationes, quod agri nomine mundus superior intelligitur, non iste præsens mundus, quia in isto Mundo, & de isto unus dominus seminat, & alius colligit, sicut dixit Hæreticus, quia cum bonus homo fecerit poenitentiam, & bonum finem, anima ejus vadit in sinum Abraham, & malus in morte vadit in infernum, ut habetur Lucæ 16. de Divite, & Lazaro. De illo autem dicunt datum esse præceptum *finite utraque crescere usque ad messem.*

Sed contra Christus exponit parabolam discipulis dicens Matth. 13. v. 38. *Bonum vero semen hi sunt filii regni.* Zizania autem filii sunt nequam. 39. Inimicus autem, qui seminavit ea, est Diabolus. Messis vero, consummatio seculi est. Messores autem, Angeli sunt. 40. Sicut ergo colliguntur zizania, & igni comburantur: sic erit in consummatione seculi. Nota quod dicit: erit de futuro loquens. Adhuc autem non est ista consummatio, sive finis seculi, ut patet Matth. 24. v. 7. Si igitur hoc mandatum, ut non colligerent zizania usque ad messem, datum est in superiori mundo; Ergo ibi adhuc sunt filii nequam, sive dæmones: quod incredibile est, licet quidam Hæreticus dixerit, quod adhuc tenent quasdam arces munitissimas in regno Patris justorum; alius autem dixerit quod dominus noster eos captivos tenet tamquam obsides, donec diabolus reddat eos, quos illi abstulit; sed isti visiones capitis sui loquuntur.

Præterea hoc est contra Johannem Apocalypf. 12. v. 7. ubi dicitur: *factum est prælum magnum in cælo: Michael, & Angeli ejus praeliabantur cum dracone, & draco pugnabat, & Angeli ejus:* 8. &

non

(7) Apposite Chrysostomus Hom. xlvii. in Matth. pag. 488. Edit. Montfaucon. T. vii. Cum enim, inquit, qui seminat ipse sit, & agrum

suum seminet, atque ex regno suo colligat, palam est hunc mundum ipsius esse. Vide Photium lib. ii. contr. Manich. n. xi. pag. 194.

non valuerunt, neque locus inventus est eorum amplius in cælo. Hoc autem Hæreticus intelligit de cælo, id est de Patria celesti.

Aliam etiam rationem induxit Hæreticus ad probandum quod parabola Domini de præsentī mundo non possit intelligi, quia in Agro, id est in mundo Dei sancti, primo feminatum est bonum semen postea malum; hoc est primo *Filii regni*, postea *fili nequam*. Sed in hoc mundo prius seminatum est malum semen, scilicet serpens, Arbor scientiæ boni, & mali, Adam, & Heva: postea seminatum est bonum semen, scilicet filii Dei, & discipuli ejus.

Sed Hæreticus, qui hoc dixit, somnium locutus est, non rei veritatem. Non enim potest probare hoc, quod dicit, nimirum quod Adam, & Heva prius fuerint mali. Immo si attendamus quod Apostolus dixit de Heva 2. cor. 11. v. 3., patet quod prius boni fuerunt, dixit enim Corinthiis: *Timeo autem ne sicut serpens Hevam seduxit astutia sua, ita corrumpantur sensus vestri &c.* Item c. ad Tim. 2. v. 14. *Adam non est seductus; mulier autem seducta in prævaricatione fuit.* Modo quæro si Heva naturaliter mala, & semper mala fuit, quomodo potuit seduci? Constat quod nullo modo. Ergo si fuit seducta, prius fuit bona.

Præterea si vis dicere quod Heva seducta fuerit in prævaricatione, prius ergo non fuerat prævaricata: ergo prius bona.

Præterea si prævaricata est, cum ubi non est lex non sit prævaricatio, oportet quod ei data fuerit lex aliqua. Quæro: a quo? Si a Deo bono? ergo erat ejus creatura; aliter enim Deus non dedisset illi legem. Si autem a bono Deo fuit, ergo prius bona, quam mala. Si autem a malo Deo data est illi lex, contra quam venit: A Deo malo non est nisi lex mala; ergo fecit contra malam legem, ergo bonum fecit.

Præterea Hæreticus voluit quod malum semen prius in hoc mundo feminatum sit, scilicet serpens. Sed nonne iste serpens est ille, de quo dicitur Apocalif. 12. v. 19. *Serpens antiquus, qui vocatur diabolus, & Satan*? Constat quod sic. Sed iste erat feminator mali feminis, scilicet zizaniorum, & non semen feminatum, ut patet in Evangelio. Male ergo Hæretice posuisti serpentem pro semine seminato.

Præterea dicas, si audes, quæ fuerit illa arbor, quam posuisti malum semen, & quis ejus fructus, quem Adam comedit? & patebit evidenter tua hæresis. Ego enim dico, quod bonum semen fuit, & non fuit alicui nociva, nisi quia male ea usus fuit, id est contra Dei mandatum Genes. 2. v. 17. *De ligno autem scientiæ boni & mali ne comedas.*

Aliam etiam rationem induxit Hæreticus ad probandum istud idem; quia bonum semen seminatum est in campo Patrisfamilias, id est Patris Christi. Christus autem dicit de hoc mundo Johan. 18. v. 36. quod ejus regnum non est de eo. Item Joh. 17. v. 9. *Non pro mundo rogo.* Item Joh. 14. v. 30. *Venit enim princeps Mundi hujus.*

Ad quæ omnia patet solutio per præcedentia,

excepto illo verbo Christi Joh. 17. v. 9. *Non pro mundo rogo*, ubi hoc nomen *mundus* supponit pro mundo finaliter de dictis, quos bene cognoscebat Jesus, cujus oculis omnia nuda sunt & aperta; ut testatur Apostolus Heb. 4. v. 13. Pro his enim non rogavit, quia videbat eos ad poenitentiam non redituros in fine vitæ suæ. Quod autem ad poenitentiam non redirent, hoc erat, non quia natura eorum mala esset, sed ex sui arbitrii libertate.

Præterea dicas mihi Hæretice: servis Patrisfamilias dicitur Matth. 13. v. 30. *finite utraque crescere usque ad messem, & in tempore messis dicam messoribus: colligite primum zizania, & colligate ea in fasciculos ad comburendum, triticum autem congregate in horreum meum.* Ecce quid dicit Paterfamilias illis: *finite utraque crescere &c.* Item: *& in tempore messis &c.* Postea autem in hac parabola, ubi exponit eam Christus, dicitur v. 39. *Messores autem Angeli sunt.* Ergo isti servi non erant de generatione, vel natura angelica. De qua ergo erant? Quidquid dicat Hæreticus, nullo testimonio potest ostendere. Mihi autem non obstat, quod ponat duplicem generationem scilicet humanam, & angelicam participem fore divinæ plenitudinis.

Præterea dicit ibi se dicturum esse Messoribus: *Colligite primum zizania &c.* Boni ergo Angeli ignem illum in sua potestate habuerunt. Sed si hoc est: Ergo Satan. non est omnipotens in sua creatione, neque in aliena. Ergo non est omnipotens aliquo modo. Ergo non est unum principium per se.

Præterea ibi dicitur v. 41. *Et colligent de regno ejus omnia scandala.* Ergo in regno superiori sunt scandala: quod non potes ostendere aliquo testimonio.

Præterea si ibi sunt scandala, quæro: quibus sunt scandala? Numquid illis; qui sunt malæ creationis? Non; illi enim non possunt scandalizari. Si aliis: nonne alii boni sunt? utique, quia aliqui, qui seducti fuerunt, sunt super flumina Babylonis, ut dicis, sedentes & flentes, cum recordantur celestis sion.

Sed contra. Nonne dicit David Psal. 118. 165. *Pax multa diligentibus legem tuam: & non est illis scandalum?* Ergo illis, qui steterunt, non sunt demones scandalum.

Præterea ipse Christus dicit, quoniam *messis est consummatio sæculi*. Messio fit de agro. Ergo si per agrum intelligitur illud sæculum, ut dicis, triticum meteretur de illo agro; Ergo non permaneret in illo mundo. Item si messis est consummatio sæculi, cum loquatur de messe in illo secundum te, ergo illud sæculum habebit consummationem; vel si de isto sæculo intelligitur; ergo istud sæculum est ager Dei, cum de ipso fiat messio, quæ non fit nisi de agro.

[*] Præterea si fit de hoc sæculo, cum fiat de regno Dei; ergo hoc sæculum est regnum Dei: quod patet per hoc, quod dicitur: *Et colligent de regno ejus omnia scandala.* Nec obstat quod dicitur Lucæ 1. v. 33. *& regni ejus non erit finis*, quia hic sumitur regnum a Luca pro Ecclesia; unde Apocalyp. 1. v. 6. *Qui fecit nos regnum, & sacerdotes Deo,*

Deo, & Patri suo: ſicut Johan. 18. v. 30. *Regnum meum non eſt de hoc mundo*. De ſimilibus habes cap. 1.

Præterea dicitur ibi: *Meſſis vero conſummatio ſæculi eſt*. Cujus? Conſtat, quod iſtius. Quis ei finem imponet? diabolus non imponeret ei finem ut pote regno ſuo: ſimiliter Deus ſanctus non imponeret ei finem, quia non intromittit ſe in rebus alienis. Unde ergo habebit finem, ſi creatura Satanæ eſt; mihi autem non eſt contrarium, qui pono, quod Deus Sanctus ei finem imponet, ut traducat nos ad ſuum regnum incorporeale, de quo Heb. 12. v. 28. *Regnum immobile ſuſcipientes, habemus gratiam, per quam ſerviamus placentes Deo cum metu & reverentia*. [*]

§. III.

*Probatio Eccleſiæ quod Mundus iſte eſt
Patrisfamilias, id eſt Dei contra
alios (8) Catharos.*

Nunc contra alios Catharos prædictum verbum Domini in Matth. diſcutiamus, in quo verbo patet, quod mundus iſte eſt Patrisfamilias, id eſt Dei. Sed quomodo ſuus, ſi non eſſet factus ab eo? Quod autem ab eo factus ſit dici poteſt, cum dicatur Joh. 10. v. 10. *mandus per ipſum factus eſt*. Patet etiam quod bonum ſemen prius fuit in agro hujus Mundi, quam zizania.

Præterea ſecundum eos ante Chriſtum, non fuit bonum ſemen in agro hujus mundi ſeminatum. Ergo ante Chriſtum non fuerunt zizania; ſed ſola zizania damnabuntur, quia ſoli filii nequam: ergo nulli, qui deceſſerunt ante Chriſtum damnabuntur.

Præterea dicas mihi: quid eſt ſeminare? Si dicas, quod verum eſt, quod ſeminare eſt jacere ſemen in aliquem locum, ut ibi multiplicetur, reſpondeo: ſemen appellat Chriſtus filius regni; agrum vero mundum iſtum. Ergo in mundum hunc jecit filios regni, ut multiplicarentur: Sed quando factum eſt iſtud ſeminium? Si a principio Mundi: Qui fuerunt filii regni, quos jecit in mundum tamquam ſemen, ut multiplicarentur, niſi ſpiritus Adæ & ſpiritus Hevæ ſecundum te? Quomodo autem multiplicatum fuiſſet illud ſemen, niſi invicem conjunctum fuiſſet carnaliter? Nullo modo. Quare ergo audeſ dicere illam conjunctionem non eſſe a Deo ſancto & vero? Nonne tu venis contra verbum Domini Marci 10. v. 9. *Quod ergo Deus conjunxit, homo non ſeparet*? Utique; nam eam conjunctionem & a Deo ſeparas, dicens eam non eſſe ab eo, & aſſeris illam conjunctionem tamquam rem malam eſſe diſſolvendam.

Si dicas quod iſtud ſeminium factum eſt poſtquam Chriſtus venit: ſic igitur neque triticum, neque zizania fuiſſent antequam Chriſtus veniſſet. Er-

go ante Chriſtum nulli fuerunt, qui eſſent filii regni, aut filii nequam, quod falſum eſt.

[*] Præterea ſi hoc factum eſt poſtquam Chriſtus venit in hunc mundum: dico tibi: nonne in hoc mundo prius mali, quam boni, prius zizania, quam triticum? Utique ſecundum te. Quomodo ergo ſtabit quod Dominus dicit Matth. 13. v. 25. *venit inimicus ejus, & ſuperſeminavit zizania*?

Præterea ſi tunc factum eſt: ergo tantum tum prohibita eſt eradicatio, ergo prius non fuit mala. Ergo licitum fuit occidere antequam Chriſtus veniret. [*]

Item Matth. 21. v. 1. dicitur: *Jeſus miſit duos diſcipulos 2. dicens eis: Ite in Caſtellum, quod contra vos eſt, & ſtatim invenietis aſinam alligatam & pullum cum ea: ſolvite & adducite mihi: 3. & ſi quis vobis aliquid dixerit, dicite quia Dominus his opus habet: & conſeſſim dimitte eos*. Iſtud ad litteram eſſe factum nemo fidelis, qui textum Evangelii intuetur, dubitat. Si autem iſta aſina & pullus ejus erant de creatione diaboli, aut factura ejus, mirum eſt quod Dominus his opus haberet, aut quod eſſent ei neceſſarii, ut Marcus ait cap. 11. v. 3. de pullo etiam mirum eſt quod Dominus operam ejus deſideraret. [*] Si autem vis iſta tantum ſpiritualiter intelligere, hoc non poteſt eſſe; quid enim per aſinam, & quid per pullum intelliges? Secundum enim tuum pravum intellectum neceſſe eſt quod iſta ſpiritualiter intelligantur; neceſſe eſt ergo quod & ligamen, quo ligata erat ſpiritualiter intelligatur, ſcilicet pro peccato, quo quis tenetur ligatus a diabolo. Neceſſe ergo erit dicere, quod Apoſtoli ſolverint homines a peccatis; ergo peccata remittebantur. Sed hoc fuit ante paſſionem Chriſti. Tunc ergo ab Apoſtolis remittebantur peccata: quod eſt contra tuam ſententiam.

Præterea dicitur ibi v. 7. quod *impoſuerunt ſuper eos veſtimenta ſua*. Quæ ſunt veſtimenta iſta ſpiritualia? Numquid tam ipſi veſtimenta ſpiritualia habuerunt, quæ aliis impoſuerint? Non ſecundum te, quia nondum, ut credis, habebant Spiritum Sanctum.

Præterea de pullo dicitur Marci 11. v. 2. quod *nemo adhuc hominum ſedit ſuper eum*; non autem ſic dicit de aſina. Ergo aliquam differentiam vult notare inter aſinam & pullum, per hoc ſcilicet quod aliquis hominum ſederat ſuper aſinam, ſed nullus ſuper pullum. Quid vero per homines Marcus intelligit? Numquid bonos homines? Si hoc eſt: ergo nullus bonus homo umquam ſpiritualiter ſedit ſuper illum pullum: Ergo ille pullus ſemper malus fuerat. Ergo fuerat de mala creatione. Quare ergo dicit Marcus quod domino neceſſarius erat? Si autem homines in malo intelligas: ergo nullus malus umquam ſederat ſpiritualiter ſuper eum. Ergo ſemper bonus fuerat. Quomodo ergo ligatus erat? Si viſ ſume-

(8) Nempe de Concorrezo, & de Bajolo. Vide Reinerium Sachonum col. 1773. Hi vero Baſilidi aſſentiri videbantur. Is enim Deum unum ponebat, quem appellabit Patrem ingentum: hunc autem conſidiſſe *voû* ſeu mentem, a mente vero productum *λόγον*, ſeu ſermonem: ab hoc prudentiam, a qua ſapientiam, & fortitudinem prodiſſe dicebat; ex his autem virtutes; & Angelos uſque ad 365. arbitrabatur. Ultimi celi angelos malos fuiſſe, atque inferiora hæc procreaſſe. Ergo Cathari ut Baſilides unum ingentum Principium admittebant. Videt Ittigium Diſſert. de Hæreſ. Sect. 11.

cap. 11. n. 11. & VII. Vide quæ habet Ittigius idem de Carpocratianis Diſſert. eadem Sect. 11. cap. 111. n. 1v. Verum hæc Catharorum de Concorrezo hæreſis præformata eſt ab ea Manichæorum, ſeu Maſſalianorum ſiſtione, quam Bogomiliorum vocant. Vide Euthymium Parte 11. Panopl. Tit. xx111. cap. vi. & VII.

[*] Quæ duob. aſtericis continentur deſid. in Cod. Bon & Var.
[*] Quæ duobus aſtericis comprehenſa ſunt deſid. in Cod. Neapolit. & Var.

sumere ipsum ut ligatum in bono : quomodo ergo ausi sunt discipuli solvere illam ligaturam spiritua-lem ? Et quæ ligatura spiritualiter bona est , nisi Caritas , de qua ad Colof. 3. v. 14. habetur , quod ipsa est *vinculum perfectionis* ? solvebant igitur caritatem ; Ergo male faciebant . Ergo Christus male præcepit eis , scilicet ut solverent eum . Hoc autem constat esse falsum . Ergo id totum materialiter intelligitur . [*]

Item ad probandum idem induci potest illud Jo: 1. v. 3. *Omnia per (9) ipsum facta sunt : & sine ipso factum est nihil* . Primo dicitur : *Omnia per ipsum facta sunt* ; & ne tu posses dicere quod *omnia* sumat Jo-hannes particulariter , ideo subditur : *& sine ipso factum est nihil* : quasi dicat : nihil est , quod non sit factum per ipsum . Loquitur autem ibi de substantiis , de seculis , & creaturis ipforum seculorum , de quibus loquitur Apostolus Hebr. 11. v. 13. *Fide intelligimus aptata esse secula Verbo Dei* ; hoc vero Verbum illud est , per quod Johannes dicit omnia esse facta .

Præterea quid appellat Jo: ibi *nihil* ? Si ipsum malum : sensus ergo est : sine ipso factum est malum . Sed aut sumis *nihil* , five malum , universaliter , aut particulariter ? si universaliter : ergo omne malum factum est sine ipso : ergo omne malum est factum ; ergo nullum malum , est primum principium . Si sumis ipsum *nihil* , five malum particulariter : Ergo non omne malum factum est sine ipso ; videtur ergo quod aliquod malum factum sit ab ipso , vel cum ipso : quod esse non potest .

Præterea nonne dicit Christus Jo: 8. v. 28. *cum exaltaveritis filium hominis , tunc cognoscetis quia ego sum , & a me ipso facio nihil* . A seipso igitur malum facit . Similiter opponas , si dicat Hæreticus quod per hoc ipsum *nihil* diabolus , vel mundus iste significetur ; quia per illam auctoritatem Johannis oportebit dicere quod diabolus , vel mundus iste sit a Patre justorum , & per filium suum conditus sit .

Et quia quidam ausi sunt dicere quod ly *omnia* non dicit causalitatem , sed contrarietatem , inducamus ad hujus erroris destructionem illud Hebræ. 1. v. 2. *Per quem fecit & secula* . Numquid contra ipsum fecit ea ?

Item Rom. 11. v. 36. : *Ex ipso & per (10) ipsum , & in ipso sunt omnia* . Numquid contra ipsum sunt omnia , quæ ex ipso , aut in ipso sunt ? Quæ autem sint illa omnia , quæ per Filium fecit Deus Pater , dico quod Moyses determinat illa dicens Gen. 1. v. 1. *In principio creavit Deus calum & terram &c.*

usque ad locum illum Gen. 2. v. 23. : *Hoc nunc os ex ossibus meis , & caro de carne mea* . Hoc autem melius patebit , cum loquemur de Deo veteris testamenti . Istum autem Factorem & Creatorem venerantes Apostoli , & orantes dicebant Act. 4. v. 24. : *Domine , tu es , qui fecisti calum & terram mare & omnia , quæ in eis sunt : 23. Qui Spiritu Sancto per os Patris nostri David pueri tui , dixisti : Quare fremuerunt Gentes , & Populi meditati sunt inania ? 26. Astiterunt &c.* usque *da servis tuis cum omni fiducia loqui verbum tuum* . Simile legitur Act. 14. v. 14. ubi Paulus & Barnabas dicunt quibusdam volentibus eos adorare ut Deos : *Viri quid hæc facitis ? Et nos mortales sumus , similes vobis homines , annunciantes vobis ab his vanis converti ad Deum vivum , qui fecit calum & terram & mare & omnia quæ in eis sunt* .

Ad hoc dicit Hæreticus , quod in his auctoritatibus non agitur de cælo isto visibili ; similiter neque de terra aut mari visibili , sed de illo , de quo dicitur Apocalyp. 21. v. 1. *Vidi calum novum , & terram novam* . Item 2. Petri 3. v. 13. *Novos vero cælos , & novam terram secundum promissa ipsius expectamus in quibus justitia habitat* . Et Isa. 65. v. 7. *Ecce jam creo cælos novos , & terram novam* .

Sed contra primum testimonium , quod ex Apocalypsi inducit Hæreticus , sic objiciendum est : Ibi dicitur quare novum cælum , & terram novam Johannes viderit ; quia scilicet *primum cælum , & prima terra abiit , & mare jam non est* . Numquid istud cælum , quod Jo: appellat primum , creatum est a Deo justo & sancto ? Si sic : ergo non est Creator tantum rerum permanentium , sed etiam transitoriarum . Similiter objice de terra & mari . Si autem hæc creata sunt a Deo sancto , justo , & vero : Contra . Tu primum cælum , & primam terram , ac mare dicis esse ista visibilia oculis carnalibus : ista adhuc non abierunt , immo adhuc permanent . Ergo falsum dixit Johannes .

Præterea cum ista adhuc permaneant , illa nova adhuc non sunt creata , quæ creanda sunt , ut Johannis littera vult , postquam ista abierint . Hoc etiam patet per litteram B. Petri Epist. 2. c. 3. v. 10. ubi dicit : *Adveniet autem dies Domini ut fur &c.* usque *habitat priusquam sit cælum novum , & terra nova* . Nonne eodem cap. Apocalyp. v. 4. *Quia prima abierunt : 5. Et dixit qui sedebat in throno : Ecce nova facio omnia ? Dominus noster non videretur dixisse verum , cum dixit Matth. 24. v. 35. : Cælum & terra transibunt* .

M

Præ-

(9) Consultor Irenæus lib. 11. Contra Hæreses cap. VIII. n. 3. pag. 183. & cap. XI. n. 1. pag. 188. & lib. 1. cap. XXII. num. 1. pag. 98. & Dialogus , qui sub Origenis nomine circumfertur , contra Marcionis , de recta in Deum fide Sect. IV. pag. 850. Tom. 1. Opp. Origenis Nov. Edit. qui perinde Johannis p̄tor contra hæreticos Marcionis , & aliorum gnosticorum asseclas adhibet . Facit autem ad rem maxime , quod habet Cyrillus Hierosolymitanus Catechesi XI. num. XXI. pag. 159. *Conticescant , qui mundum aiunt Angelorum opificium [ut Cathari Concorrentes diabolorum esse ajebant] qui Unigeniti prærogativam invadere volunt . Sive enim visibilia , sive invisibilia , sive Throni , sive Dominationes , sive quidquid nomen habet , omnia per Christum facta sunt . Regnat filius in res a se factas : non aliena spolia rapiens , sed propria in opera regnum exercens : Sicut Evangelista Johannes dixit . Omnia per ipsum facta sunt &c.* Eodem residunt , quæ habet contra Paulicianos Photius lib. 11. Adv. Manichæos num. VII. pag. 163. seq.

Tom. 1. Anecd. Volsii .

(10) Transfer huc quæ habet Tertullianus lib. v. Contra Marcionem cap. XIX. seqq. pag. 484. *Si diabolus creator est , quis erit diabolus apud creatorem ? An sicut duo Dei , ita & duo diaboli , & pluraliter potestates , & mundi tenentes ? Sed quomodo creator & diabolus & Deus idem ? Cum diabolus non idem & Deus & diabolus . . . si non est Christus primogenitus conditionis , ut sermo creatoris per quem omnia facta sunt , & sine quo nihil factum est , si non in illo condita sunt universa in calis & in terris , visibilia , sive Throni , sive Dominationes , sive Principatus , sive potestates , si non cuncta per illum , & in illo sunt condita , hæc enim Marcioni displicere oportebat , non utique tam nude posuisset Apostolus , & ipse est ante omnes &c.* Consulto Euthymium Panopl. Part. II. Tit. XX. pag. 207. col. 1. Bibl. PP. Tom. XIX. Edit. Lugdun.

Præterea secundum litteram Johannis antiquius est cælum & terra & etiam mare Creatoris mali, quem falso ponis, quam cælum, terra, & mare Creatoris iusti : quod est contra te .

Si autem vellet Hæreticus contra nos replicare quod diximus : Si primum cælum , & prima terra abiit , non verum dixit Christus , qui ait : *Cælum & terra transibunt .*

CATH. Respondeo quod Jo: prophetice loquitur ponens præteritum pro futuro *abiit* , id est abibit . Quod autem istud sæpe accidat in scripturis , ostensum est supra cap. 6. de prophetiis .

Præterea sicut dicit se vidisse cælum novum , & terram novam , ita dicit se vidisse extremum iudicium , ut patet eodem capite . Hoc autem nondum impletum est .

Quod autem dicit Petrus Ep. 2. 3. v. 13. Novos vero cælos &c. inferius exponemus . Quod autem Isaias dicit expositum est supra cap. 3. ejusdem partis .

Præterea scio, quod per cælos novos spiritus, vel animas intelligis, de quibus exponis illud Psalm. 18. v. 1. *Cæli enarrant gloriam Dei* . Ergo secundum te Pater sanctus creat novos spiritus, sive animas novas : quod tu negare consuevistis, ut habitum est supra cap. 5. partis hujus .

[*] Item Apocalypf. 10. v. 2. vidit Johannes Angelum habentem *pedem suum dextrum super mare, sinistrum autem super terram* : 5. & *levavit manum suam ad cælum* : 6. & *juravit per viventem in secula seculorum, qui creavit cælum & ea, quæ in eo sunt, & terram & ea, quæ in ea sunt* : *Quia tempus non erit amplius* . Ecce quam diligenter visus est Angelus iste ostendere fidem Ecclesiæ Romanæ de universali Domino cæli, cum ad illum manum elevavit, & terræ, super quam sinistram pedem posuit, & maris, super quod posuit dextrum; quasi diceret : Omnia ista sunt Domini mei .

Item ostendit fidem Ecclesiæ de juramento, & forma jurandi per viventem in secula seculorum manu ad librum apportata . [*]

Item Jo: 1. v. 10. dicitur de Christo : (11) *In mundo erat & mundus per ipsum factus est, & mundus eum non cognovit* . Nonne duos mundos ponis superiorem unum, inferiorem alterum ? Utique . Istud autem, quod dicit Jo: , de quo mundo loquitur ? Numquid de superiori ? Non , quia de illo venerat in illum, de quo dicit Jo: quod ibi erat ; unde cum dixisset v. 1. *Et verbum erat apud Deum* , aliquibus interpositis dixit v. 14. : *Et verbum caro factum est, & habitavit in nobis* : *Et vidimus gloriam ejus, gloriam quasi unigeniti a Patre* : *plenum gratiæ, & veritatis* . Venit ergo de superiori mundo in alium mun-

dum ; ergo in istum inferiorem, cum non sint nisi duo . Ergo iste mundus inferior suus proprius est, cum dicatur ibidem v. 11. : *in propria venit* , quæ sunt iste mundus ; unde ipse Christus dicit Jo: 16. v. 28. *Exivi a Patre, & veni in mundum : iterum relinquo mundum, & vado ad Patrem* . Si autem vis per mundum intelligere Ecclesiam : hoc stare non potest, cum ipse dicat : *iterum relinquo mundum* . Quod de Ecclesia intelligi non potest, sive de mundo spirituali, cum ipse dicat Ecclesiæ Matth. 28. v. 20. : *Ecce ego vobiscum sum omnibus diebus usque ad consummationem seculi* .

Præterea ipse tunc loquebatur discipulis suis de mundo, in quem venerat ; non loquebatur igitur Ecclesiæ cum dicebat : *Exivi a Patre, & veni in mundum* . Mundus ergo, de quo loquebatur, non erat ipsa Ecclesia : alioquin sicut inceperat, & dixerat eis v. 27. : *Ipse enim Pater amat vos, quia vos me amastis & credidistis, quia ego a Deo exivi* ; postea dixisset : *Exivi a Patre, & veni in vos &c.* Item Jo: 1. v. 11. *In propria venit, & sui eum non receperunt* . Per *propria* dixi intelligendum esse mundum istum .

Hæreticus autem dixit quod non : immo per *propria* intelligitur Christi Mater propter illud verbum B. Virginis Luc. 1. v. 38. *Ecce ancilla Domini fiat mihi secundum verbum tuum* . Intellexit etiam per *propria* Templum Dei sanctum, id est Congregationem Fidelium, de quo templo dicitur 1. Corinth. 3. v. 17. : *Templum enim Dei sanctum est, quod estis vos* . Et ad hoc induxit illud testimonium Malach. 3. v. 1. : *Et statim veniet ad templum suum dominator, quem vos queritis &c.* est ergo sensus : ad suos venit, & sui eum non receperunt ; postea tamen receperunt eum prædicante Petro Act. 2. v. 41. ubi dicitur ; *Qui ergo receperunt sermonem ejus, baptizati sunt : & appositæ sunt in die illa animæ circiter tria millia* . Ecce, ut patet ex verbis Hæretici, sui eum non receperunt primo .

Secundum primum statum loquitur Johannes, cum dicit : *in propria venit* , & sui eum non receperunt : sed per *propria* , & *sui* intelliguntur B. Virgo, & Ecclesia ; ergo B. Virgo non recepit eum primo .

Præterea dicitur per Malach. quod ipse veniet ad templum sanctum suum . Quomodo hoc esse potest, si non recipiebant eum ? Immo erat non sanctum templum, sed profanum .

Ego autem tibi inveniam Templum sanctum, ad quod prius venit ; Nam post illa verba Jo: *In propria venit* aliquibus interpositis dicit idem Jo: de Christo cap. 2. v. 13. quod ipse *ascendit Ierosolymam* : 14. & *invenit in templo vendentes boves, & oves, & columbas, & nummularios sedentes &c.* usque domum nego-

[*] Desid. in Cod. Neap. & Vat.

(11) Eodem recidunt, quæ habent Cyrillus Hierosolymitanus Catech. xi. num. xxvi. pag. 161. & Photius libro 11. Contra Manichæos n. v. pag. 163. Tom. 1. Anecdotor. Volfii . Is autem, quem posteriore loco nominavi Photius sic dislerit . *Quem innuit mundum ? Omnino sensibilem . Quando vero illuminavit ? Cum in eum venit . Quando vero venit ? Evangelium clamat : in mundo enim erat, inquit ; omnino enim in sensibili mundo existens, hominem in mundum sensibilem venientem illuminavit . Porro cujus fuerit creatura mundus, in quo & ipse erat, & venientem in illum illuminabat, non aliunde rectius discitur, quam ex ipsis verbis Evangelicis . Mundus enim, inquit, per ipsum factus est, & mun-*

dus ipsum non cognovit . *Id quod simile est alteri illi : in sua venit, & sui eum non receperunt . Vides, quomodo veritas undequaque sibi testimonium ferat, & lux ejus magis magisque affulgeat ipsam querentibus ? Quandoquidem igitur Sanctissima oracula, & mundum hunc visibilem propria Servatoris vocant, & per eum factum esse pronunciant, & eos qui in mundum veniunt, non alium, quam ipsum illuminare confirmant, quomodo non contremiscunt homines, defectionis vera progenies, & mali Principii Filii, quando alium quidem mundi visibilem conditorem ferunt, alium vero eum, qui venientem in mundum illuminet, quemque substantia intelligibili tantum opificem profitentur ?*

negotiationis. Ecce quod de domo illa materiali, quæ quadraginta & sex annis ædificata erat, dicit quod domus erat Patris ejus. Item dicitur Matth. 21. v. 12. quod *intravit Jhesus in templum Dei, & eiciebat omnes vendentes, & ementes in templo &c.* Item ibidem 13.: *Domus mea domus orationis vocabitur &c.* Quod autem de templo illo materiali intelligatur, ostenditur in cap. de Deo Veteris Testamenti.

Nonne etiam vides quod Civitas Jerusalem, ubi Templum erat, Civitas sancta vocata est a B. Matthæo cap. 27. v. 52. propter templum sanctum, quod in ea erat? Sic legitur ibi: *Et multa corpora Sanctorum, qui dormierant, surrexerunt. 53. Et exeuntes de monumentis post resurrectionem ejus, venerunt in sanctam Civitatem & apparuerunt multis.*

Item Rom. 1. v. 20. *Invisibilia (12) enim ipsius, a creatura mundi, per ea, quæ facta sunt, intellecta, conspiciuntur.* Numquid per facta intelligit Apostolus ista visibilia? Si sic; ergo fructus horum visibilium bonus est, scilicet Divinorum cognitio. Ergo hæc visibilia bona sunt; *Arbor enim mala malos fructus facit*, ut habetur Matth. 7. v. 17. Si dicas, quod per facta non intelliguntur ista visibilia, dicas quæ sunt illa, quæ intelliguntur per facta. Si dicas quod ipsa cælestia intelliguntur:

Contra. Nonne Apostolus de quibusdam loquens probat eos inexcusabiles de peccatis suis? Hoc certe patet in loco Apostoli Rom. 1., sic enim ait v. 18. *Revelatur enim ira Dei de cælo super omnem impietatem, & injustitiam hominum eorum, qui veritatem Dei in injustitia detinent: 19. Quia quod notum est Dei, manifestum est in illis:* Supple per facta sua, sive opera; unde etiam subjungit 20.: *Invisibilia enim ipsius &c.* id est a creatione mundi. Numquid isti alia facta attendebant, quam ea, quæ universaliter videntur ab habitantibus in mundo isto? Non. Numquid alia videbant, id est ipsa cælestia bona? Non. *Oculus enim non vidit, nec auris audivit, nec in cor hominis ascendit, quæ præparavit Deus iis, qui diligunt illum* 1. Cor. 2. v. 9. Vel si viderunt illa dicas per aliquod testimonium, quod illa viderint. Loquebatur ergo Apostolus de factis, sive operibus, quæ in hoc mundo videntur.

Hoc etiam patet Sap. 13. v. 1., ubi dicitur: *Vani autem sunt omnes homines, in quibus non subsistit scientia Dei: & de his, quæ videntur bona, non potuerunt intelligere eum, qui est, neque operibus attendentes agnoverunt quis esset Artifex.* Ecce quod ipsi attendebant operibus, & tamen non cognoverunt artificem operum. Sed quibus operibus attendebant? Non potes ostendere quod aliis, nisi illis, quæ videbant. Aliud autem non videbant, nisi ista inferiora corpora, scilicet elementa & corpora cælestia, quæ liber Sap. ad minus ponit in parte.

Sed (ibidem v. 2.) aut ignem, aut spiritum, aut citatum aerem, aut gyrum stellarum, aut nimiam aquam, aut solem, & lunam, rectores orbis terrarum Deos putaverunt. 3. Quorum si specie delectati, Deos putaverunt: sciant quanto his dominator eorum speciosior est &c. usque creator horum videri. Nota etiam quod dicitur: *Vani autem sunt &c.* Nonne Apostolus hoc ipsum dicit de illis Rom. 1. v. 21.: *sed evanuerunt in cogitationibus suis?* Ecce etiam quod eorum, quæ videntur, appellat Sapiens, Patrem iustorum Dominatorem & Creatorem. Item Rom. 1. v. 25.: *Qui commutaverunt veritatem Dei in mendacium &c.* usque *qui est benedictus in secula.* Istud autem non inquirimus hic, quia in cap. de uno Creatore de hoc satis locuti sumus.

Item Rom. 6. v. 19. Apostolus loquens (13) Ecclesiæ Romanorum, & unicuique de Ecclesia dicit: *Sicut enim exhibuistis membra vestra servire immunditiæ & iniquitati ad iniquitatem, ita nunc exhibete membra vestra servire justitiæ in sanctificationem.* Si membra tua possunt exhiberi justitiæ & sanctificationi: ergo non sunt a diabolo facta, vel creata. Et ne dicas istud intelligi de membris interioris hominis, vide quid dicat Apostolus infra cap. 12. v. 1.: *Obsecro itaque vos Fratres per misericordiam Dei, ut exhibeatis corpora vestra &c.* Super qua auctoritate supradiximus & disputavimus.

Præterea si Apostolus eos rogabat, vel monebat, ut sicut exhibuerant &c.: ergo liberam habebant potestatem ad utrumque; si enim ad alterutrum necessario se habuissent, non habuissent ad alterum potestatem. Frustra ergo Paulus suafisset, vel dissuafisset hoc illis.

Item 1. Cor. 6. v. 15.: *Nescitis quoniam corpora vestra membra sunt Christi?* Ecclesiæ Corinthiorum loquitur, quæ erat unum corpus; unde in eadem Epistola cap. 12. v. 27. dicit eis: *Vos autem estis Corpus Christi, & membra de membro.* Corpora igitur pluraliter ponit Apostolus in prædicta auctoritate pro materialibus corporibus. Si autem corpora materialia membra sunt Christi, quomodo audes dicere quod sint a diabolo creata, vel facta?

Præterea quod pro materialibus corporibus summat ibi corpora Apostolus, patet cum dicit ibidem: *Tollens ergo membra Christi, faciam membra meretricis? Absit.* Alia enim membra in potestate meretricis non ponuntur. Loquitur autem de corporali meretrice; alia enim corpora, nisi ista materialia, non fornicantur cum meretrice, nisi velis dicere meretricem ibi spiritualiter intelligi, sicut Apocalyp. 17. v. 1.: *Veni ostendam tibi damnationem meretricis magnæ, quæ sedet super aquas multas, 2. cum qua fornicati sunt Reges terræ &c.* Sed si hoc esset, non diceret Apostolus 1. Cor. 6. v. 16. *An nescitis quoniam qui adhæret meretrici, unum corpus*

M 2 effici-

(12) Pulchre Euthymius l. c. *Invisibilia Dei*, inquit S. Paulus, a creatura mundi per ea, quæ facta sunt intellecta conspiciuntur. Ea quæ facta sunt, orbem significant universum, & quæcumque sub sensum cadunt. Hæc enim nisi essent boni, sed mali, quomodo fieri posset, ut per illa cernerentur invisibilia Dei, & sempiterna ejus virtus & divinitas?

(13) Tertullianus lib. de Resurrectione Carnis cap. XLVII. pag. 333. posteaquam hoc Apostoli πρότον attulit: Ita, inquit, per totam hanc sensuum seriem, ab injustitia & delinquentia

membra nostra divellens, & justitiæ & Sanctimonie adjungens, & transfrens eadem a stipendio mortis ad donativum vitæ æternæ, carni utique compensationem salutis repromittit, cui nullam omnino competisset imperari propriam sanctimonie, & justitiæ disciplinam, si non ipse esset &c. Adeundi Pseudo-Origenes Dial. De recta in Deum fide contra Marcionitas, Sect. 111. pag. 837. Tom. 1. Opp. Orig. Edit. Nov. & Johannes Chrysostomus Hom. XI. in cap. VI. Ep. ad Rom. unum. 3. pag. 534. Tom. 1X. Edit. Montf. Paris.

efficitur cum ea ? Immo unus spiritus malus cum ea, cum illa adhærentia non sit corporalis, sed spiritalis. Similiter etiam dicit ibi v. 17. *Qui autem adhæret Domino, unus spiritus est* propter adhærentiam spiritualem. Nonne vides etiam hoc, quod dicit Apostolus ibidem v. 16. : *Erunt enim duo in carne una* ? Si de spiritali fornicatione ageret, diceret : in spiritu uno.

Præterea quod non dicatur ibi de fornicatione spiritali patet per illud, quod ibi dicit Apost. v. 18. : *Omne peccatum, quodcumque fecerit homo, extra corpus est : Qui autem fornicatur, in corpus suum peccat*. Si loqueretur de corpore Ecclesiæ male diceret Apostolus : *omne peccatum*, supple aliud a fornicatione, *extra corpus est*, id est non contra Ecclesiam : *Qui autem fornicatur, in corpus suum*, id est contra eam peccat.

Præterea si fornicatio ibi sumeretur pro spiritali fornicatione, omne peccatum fornicatio esset. Ergo male ibi distingueret Apostolus inter peccatum & fornicationem.

Item Rom. 9. v. 18. *Deus cujus vult miseretur, & quem vult indurat*. 19. *Dicis itaque mihi : Quid adhuc queritur ? voluntati enim ejus quis resistit ?* 20. *O homo, tu quis es, qui respondeas Deo ? Numquid dicit figmentum ei, qui se finxit ; Quid me fecisti sic ?* 21. *An non habet potestatem figulus luti ex eadem massa facere aliud quidem vas in honorem, aliud vero in contumeliam ? Quis sit iste figulus, habetur Isa. 64. v. 8. ubi etiam dicitur de qua massa operetur : Et nunc Domine Pater noster es tu, nos vero lutum. & scilicet noster tu, & opera manuum tuarum omnes nos*. Et nonne vides Hæretice quod iste est Deus, de quo dixit Apostolus : *Ergo cujus vult miseretur &c.* ? dicitur enim Isa. 63. v. 17. ad ipsum : *Quare errare nos fecisti Domine de viis tuis : indurasti cor nostrum, ne timeremus te ?* Quæ est illa massa luti, de qua operatur figulus iste, nisi illa, & ille figulus, de quo habetur Gen. 2. v. 7. *Formavit igitur Dominus Deus hominem de limo terræ* ? Sed de hac massa fiunt visibilia ista, & transitoria, & qui hæc facit est Deus Veteris Testamenti. Ergo Deus Veteris Testamenti est Deus ille, de quo loquuntur Isaias & Apostolus, & qui est Creator, immo etiam formator visibilium & transitoriarum rerum.

Quod autem loquatur Isaias de Deo Novi Testamenti, patet in fine cap. 64. ubi ponitur auctoritas, quam Apostolus introduxit de Deo novi Testamenti.

Item Rom. 11. v. 31. dicit Apostolus : *Quis prior dedit illi, & retribuetur ei ?* Quasi dicat : nullus. Et subdit causam v. 36. *Quoniam ex ipso, & per ipsum, & in ipso sunt omnia : ipsi gloria in sæcula. Amen*. Istud scribit Apostolus Ecclesiæ Romanorum, & ex hoc argumentatur cap. 12. v. 1. dicens : *Obsecro itaque vos fratres per misericordiam Dei : ut exhibeatis corpora vestra hostiam viventem, sanctam, Deo placentem, rationabile obsequium vestrum* : quasi dicat : ex quo omnia sunt ab ipso ; ergo & corpora, ergo ei exhibete illa. De supercælestibus corporibus non loquitur, quia illa non erant

tum in potestate Romanorum, immo secundum te per peccatum in cælo commissum ibi dereliquerant ea.

Præterea si dicas quod venit pro corporibus spiritalibus.

Contrā. Corpus spirituale Ecclesia est ; unica autem erat Ecclesia Romanorum, ergo unicum corpus erat. Nonne vides quod Apostolus de spiritali corpore subjungens ait v. 5. *Multi unum corpus sumus in Christo, singuli autem alter alterius membra* ? Ecce hic singulariter ponit corpus, ubi de Ecclesia loquitur, quia unica est Ecclesia. Ergo cum dixit : *ut exhibeatis corpora vestra*, &c. ibi venit pro materialibus corporibus, & non pro cælestibus, ut ostensum est. Ergo pro istis terrenis ; ergo ista a Deo sunt, & sunt ei exhibenda.

Præterea nonne dicit eis, quod exhibeant corpora sua Deo ? Ipsi igitur non erant illa corpora ; ipsi enim non sunt sui ; unde Rom. 7. v. 4. eidem Ecclesiæ scribens ait : *Itaque fratres mei & vos mortificati estis legi per corpus Christi : ut sitis alterius, qui ex mortuis resurrexit*. Idem habetur 1. Cor. 6. v. 15. *Nescitis quoniam corpora vestra membra sunt Christi* ? Et v. 19. *An nescitis quoniam membra vestra, templum sunt Spiritus sancti, qui in vobis est, quem habetis a Deo, & non estis vestri* ? Vides ergo quod, cum dicit Apostolus : *ut exhibeatis corpora vestra &c.* alia intelligit per corpora, quam illos, quibus scribit, id est interiores spiritus. Nonne vides quod Apostolus Rom. 6. v. 13. utrumque ponit : *Exhibete vos Deo, tamquam ex mortuis viventes : & membra vestra arma justitiæ Deo* ? Membra dicit manus, pedes, & alias partes corporis.

Item Rom. 14. v. 20. *Noli propter escam destruere opus Dei*. Constat quod de esca materiali loquitur Apostolus ; supra enim dixerat v. 15. *Jam non secundum charitatem ambulas*. *Noli cibo tuo illum perdere, pro quo Christus mortuus est*. 16. *Non ergo blasphemetur bonum nostrum*. 17. *Non est enim regnum Dei esca, & potus*. Ecce quod de materiali cibo loquitur. Sed nonne postea subdit de istis cibariis v. 20. *Omnia quidem sunt munda : sed malum est homini, qui per offendiculum manducat* ? Et quomodo munda sunt, si a Diabolo facta, vel creata sunt ? Non sunt igitur ab eo, sed a Patre sancto.

Nonne vides hoc idem ad Titum 1. v. 13. dicere Apostolum, ubi ait : *Increpa illos, id est Cretenses, dure, ut sani sint in fide, 14. non intendentes Judaicis fabulis, & mandatis hominum aversantium se a veritate*. Quæ autem sit illa veritas subditur. 15. *Omnia munda mundis*. Hoc autem non dicunt Judæi, sed fabulantes asserunt quædam cibaria immunda, quos etiam in parte imitamine Cathari, cibos aliquos tamquam immundos rejiciendo.

Item Ephes. 3. v. 14. *Hujus rei gratia flecto genua (14) mea ad Patrem Domini nostri Jesu Christi, 25. ex quo omnis paternitas in cælis, & in terra nominatur 16. ut det vobis secundum divitias gloriæ suæ, virtute corroborari per spiritum ejus in interiorem hominem*. Parum ante dixerat v. 8.

Mibi

Mihi omnium sanctorum minimo data est gratia hæc, in gentibus evangelizare investigabiles divitias Christi, 9. & illuminare omnes, quæ sit dispensatio sacramenti absconditi a sæculis in Deo, qui omnia creavit. Iste est ille, ex quo omnis paternitas, &c. Sed quid appellas tu ibi terram? Numquid istam terram inferiorem, vel terram viventium, cum omnia ponas duplicia? Si hanc terram inferiorem: ergo paternitas in hac terra a Deo est. Numquid ista est paternitas spiritualis, vel carnalis? Si carnalis: habeo propositum meum. Si spiritualis.

Contra. Nonne dicit Dominus Discipulis Matth. 23. v. 9. *Patrem nolite vocare vobis super terram?* Istud non potest intelligi de carnali paternitate; sic enim Paulus venisset contra mandatum Domini dicens Hebr. 12. v. 9. *Patres quidem carnis nostræ, eruditores habuimus, &c.* Ergo quod dixit Dominus: *Patrem nolite, &c.* de spirituali paternitate intelligitur. Ergo quod dicitur Ephes. 3. *ex quo omnis paternitas, &c.* de carnali intelligitur quoad illud, quod dicitur: *& in terra.*

Item Coloss. 1. v. 15. Apostolus de Filio Dei dicit: (15) *Qui est imago Dei invisibilis, primogenitus omnis creaturæ: 16. quoniam in ipso condita sunt universa in cælis & in terra, visibilia & invisibilia, sive throni, sive dominationes, sive principatus, sive potestates: omnia per ipsam, & in ipso creata sunt.*

Sed Hæreticus istud tantum de cælestibus intelligit; atque hoc visus est probare per illud, quod ibi dicit Apostolus: *sive throni, &c.* Item per hoc, quod quædam invisibilia in hoc sæculo fiunt, quæ potius a Diabolo, quam a Deo creduntur, ut adulteria, & cætera vitia, quæ invisibilia esse Hæreticus ponit, licet eorum factores, vel effectus visibiles sint.

Nos autem dicimus quod istud, quod Apostolus dicit: *sive throni, &c.* non est adæquata expositio univerforum, quæ in illa auctoritate continentur, sed unius partis tantum illorum univerforum. Primo enim ponit unam divisionem illorum univerforum, cum dicit: *in cælis, & in terra:* quasi dicat: Alia horum univerforum sunt in cælis, alia in terra. Secundo ponit aliam divisionem eorum, quæ in cælis, & eorum, quæ in terra sunt, cum dicit: *visibilia, & invisibilia:* quasi dicat: eorum, quæ in cælis, & quæ in terra, alia sunt visibilia, alia invisibilia. Tertio ponit exemplum invisibilium cælestium, cum dicit: *sive throni, &c.* quia invisibilia extra visum posita incerta sunt, sed visibilia expositione non indigent; [*] *visibilia enim per se nobis sunt nota;* unde de eis non exemplificat Apostolus. Atque hic notandum est, quod in terra sunt visibilia, ut corpora ista, & in cælo visibilia, ut Sol, Luna, & Stellæ, item invisibilia, ut throni, &c.

(15) Commode transferri huc possunt, quæ fufus aliquanto persequitur primo lib. Contra Marcionem cap. xvi. pag. 373. Tertullianus. *Quis poterit inducere in animum, nisi spiritus hæreticus ejus esse invisibilia, qui nihil visibile præmiserit; quam ejus, qui visibilia operatus, invisibilium quoque fidem fecerit: quum justius multo sit aliquibus exemplariis adnuere, quam nullis? Videbimus, & Apostolus, cui auctori visibilia deputet, quum & illum exploraverimus. Nunc enim communibus plurimam sensi-*

Ad aliud, quod dicit Hæreticus, quod quædam invisibilia in terra sunt, quæ potius a Diabolo sunt, non a Deo, bene concedo hoc; vitia enim a Deo non sunt, nec Apostolus de talibus loquitur, immo de substantiis a Deo creatis. Unde Christum dixerat primogenitum omnis creaturæ, id est omnis substantiæ: quod ideo probat, quia omnium causa est; unde subdit v. 19. *Quia in ipso, &c.* Quasi dicat: ideo est ante omnem creaturam, id est substantiam creatam, genitus etiam ante Luciferum, ut dicit Deus per David psalm. 109. v. 3., quia *in ipso*, id est per ipsum, *condita sunt universa*, id est universæ creaturæ; accidentia enim non dicuntur creaturæ proprie, quia creatio est mutatio substantialis.

Nunc redeamus ad prædictam auctoritatem Apostoli disputando contra Hæreticum. Dixit Hæreticus, quod *universa* sumit Apostolus pro cælestibus tantum, & quod cælestia sint visibilia, & invisibilia voluit probare hoc testimonio Apostoli Rom. 1. v. 20. *Invisibilia enim ipsius, a creatura mundi:* Ecce invisibilia ea dicit; postea dicit: *conspiciuntur;* & ita sunt visibilia.

Sed in hoc turpiter erravit. Nonne videbat, quod dicebat Apostolus: *intellecta conspiciuntur?* Non dixit tantum: *conspiciuntur,* sed addidit: *intellecta,* ut notaret, quod non conspiciuntur visu, sed tantum intellectu.

Præterea si vis dicere, quod invisibilia Dei conspiciuntur visu, non tantum intellectu, quomodo audet Apostolus ea dicere invisibilia, cum utroque modo videantur, id est visibiliter, & intellectua-liter?

Præterea si eadem dicuntur visibilia & invisibilia, sicut ostendisti per testimonium Pauli ad Rom., quomodo audet Apostolus dicere visibilia, & invisibilia? Copulativa enim conjunctio non cadit, nisi inter diversa. Si enim velles dicere quod sumitur per expositionem; sic enim aliquando invenitur: ejusmodi expositio esset: ista visibilia, & per id etiam invisibilia. Si autem alia dixeris visibilia cælestia, & alia invisibilia cælestia: quomodo potest esse, quod aliqua sint ibi invisibilia alicui ibi esistenti, cum Deus inse ibi videatur ab omnibus, qui ibi sunt, qui omnibus altior est? Si autem vis dicere, quod non dicuntur invisibilia, nisi nobis, qui hic sumus, similiter & alia, quæ ibi ponis visibilia, sunt nobis invisibilia. Male ergo dicit Apostolus, cum dicit: *visibilia, & invisibilia.*

Præterea si non dicuntur invisibilia nisi respectu nostri, quomodo alia dicuntur invisibilia? Numquid nobis? Non. Numquid alii, qui ibi sunt? Sic ergo omnia eadem sunt visibilia, & invisibilia, de quibus Apostolus loquitur: quod esse non potest, ut probatum est.

Præterea quod alia sint visibilia, & alia invisibilia secundum Apostolum palam est 2. Cor. 4. v. 18. ubi

bus, & argumentationibus justis, secutura scripturarum quoque advocacy fidem sternimus, confirmantes diversitatem hanc visibilium, & invisibilium adeo creatori deputandam, sicut tota operatio ejus ex diversitatibus constat; ex corporalibus, & incorporalibus, ex animalibus, & inanimalibus &c. Videtur Cyrillus Hierosolymitanus Catech. xi. n. xx1. pag. 159.

[*] Vat. Invisibilia enim nota s. alia nobis nota sunt per effectus suos.

ubi dicit in persona Electorum : non *contemplantibus nobis quæ videntur, sed quæ non videntur*. Quæ enim videntur, temporalia sunt : quæ autem non videntur, æterna sunt.

Præterea cum dicit Apostolus : *In ipso, & per ipsum condita sunt universa, quæ in cælis, & quæ in terra*, de qua terra loquitur ? Numquid de ista inferiori ? Si hoc est, habeo propositum. Si de alia terra : numquid illa est cælestis terra ? Hoc non poteris negare. Quæcumque ergo in illa sunt, in cælis sunt, Quare ergo Apostolus diversificat quæ in cælis, & quæ in terra ? Omnia enim, quæ in terra illa sunt, in cælis sunt.

Præterea si per terram intelligis terram viventium, de qua dicitur Matth. 5. v. 4. *Beati mites : quoniam ipsi possidebunt terram*.

Contra per illam auctoritatem Ephes. 3. *Ex quo omnis paternitas, &c.* patet quod aliud est cælum, & aliud est terra ; sed mitibus permittitur illa terra ; cum dicitur : *Beati mites, &c.* Ergo mites non erunt in cælo, vel si erunt, erunt simul in diversis locis, quod est impossibile. Vel idem est cælum, & terra viventium : quod quidem verum est, sed dicitur terra propter stabilitatem ; terra enim inter elementa stabilissima est, cælum autem propter claritatem ; dicitur enim cælum quasi cælum, id est Casa Elois, hoc est Solis iustitiæ, qui ibi lucebit Electis, non iste sol materialis ; unde Apocal. 21. v. 23. *Civitas non esset sole, neque luna ut luceant in ea. Nam claritas Dei illuminavit eum, & lucerna ejus est agnus*. Quod autem idem sit cælum quod terra illa patet, quia cælum patientibus promittitur, qui vere mites sunt : promittitur omnibus Pœnitentibus, Matth. 3. v. 2. *Pœnitentiam agite : appropinquavit enim regnum calorum*. Auctoritas ergo præmissa non est intelligenda de terra viventium. Ergo de terra ista, & cum duplex sit terra, intelligitur ergo de terra ista ; & ita habeo propositum meum, ut prius ostendimus.

Si autem Hæreticus objiciat illud 1. Cor. 4. v. 15. *In Christo Jesu per evangelium ego vos genui*, ad ostendendum quod spiritualiter potest quis appellare patrem suum super terram ; respondendum est, quod licet eos genuerit, non tamen eorum pater est, neque fuit, sicut ipse iisdem Corinthiis dicit 2. Cor. 11. v. 2. *Despondi enim vos uni viro*, id est Christo. Non tamen sequitur quod esset sponsus Ecclesiæ Corinthiorum, immo solus Christus, ut dicitur Jo: 3. v. 29. *Qui habet sponsam sponsus est* ; Et sicut Johannes non erat sponsus, sed amicus sponsi, ita etiam Apostolus non erat pater eorum, sed amicus, & minister illius, qui erat verus pater, unde ibi dicit v. 1. ad Corinthios : *Sic nos existimet homo ut ministros Christi*.

Si autem dicat Hæreticus non esse simile, quia non dicit Apostolus : *despondi enim vos* tantum, sed addit : *uni viro*.

Respondeo. Immo ibi addit dicens : *In Christo Jesu per Evangelium ego vos genui* ; & non dixit

tantum : *Ego vos genui, sed in Christo Jesu, &c.*

Item dicit Apostolus 1. Timoth. 4. v. 1. *Spiritus (16) autem manifeste dicit, quia in novissimis temporibus discedent quidam a Fide, attendentes spiritibus erroris, & doctrinis demoniorum, 2. in hypocrisi loquentium mendacium, & cauteriatam habentium suam conscientiam, 3. Prohibentium nubere, abstinere a cibis, quos Deus creavit ad percipiendum cum gratiarum actione fidelibus, & iis, qui cognoverunt veritatem. 4. Quia omnis creatura Dei bona est : supple quantum est de creatione. Ecce quod Dominus creavit cibos, ut a Fidelibus perciperentur, a quibus nihil est rejiciendum, quod cum gratiarum actione percipitur, id est manducatur : nihil dicit rejiciendum ut immundum. De cibis materialibus loquitur. Ergo ista materialia, quæ visibilia sunt & transitoria, a Deo Sancto & justo sunt.*

Ad hoc autem dixit Hæreticus, quod istud verbum Pauli de nuptiis spiritualibus, & non materialibus intelligitur : similiter & de cibis spiritualibus. Dicit enim Hæreticus non esse illos, de quibus Apostolus ibi loquitur, & quod nos prohibemus nuptias spirituales fieri, cum prohibemus quod homines adhæreant Fidei ipsorum.

Item dicunt, quod nos præcipimus hominibus abstinere a verbis eorum, quæ sunt cibus animæ. Dicunt etiam quod hoc non potest eis convenire, quod Apostolus ait, quia potius morerentur, quam vellet mentiri.

Quod autem prave locutus sit iste Hæreticus patere potest, si principium verborum Pauli attendatur : *Discedent quidam a Fide*. Nos enim non discessimus a Fide ipsorum ; semper enim unam Fidem habuimus, & ab ista numquam discessimus. Neque possunt ostendere aliquo testimonio, quod ab eorum Fide discesserimus ; sed fabulas, loqui possunt, & visiones capitis sui.

Nos autem e contrario possumus ostendere, quod a Fide nostra discesserunt ; non dico, quod hoc velimus ostendere per paucitatem, quæ videtur notari in hac dictione *Quidam*, ut Hæreticus dixit in quodam suo tractatu, sed per inductionem hoc volumus ostendere procedentes a singularibus ad universale ; demonstrato enim unoquoque eorum per se, nullo excepto, vel raro, quilibet eorum, vel fere quilibet a Fide nostra discessit, quia a Sacramentis discessit, quæ in Ecclesia Romana suscepit, sicut Baptismum, Confirmationem, & hujusmodi ; Unde cum manus impositionem alicui faciunt, volunt, & faciunt, quod ipse promittat se nullam spem habere salutis in Fide Romanæ Ecclesiæ, vel ejus Sacramentis.

Quomodo etiam potuit dicere miser Hæreticus, quod nos ab ejus Fide discessimus, cum dicat Phariseos nostros esse Progenitores ? Pharisei enim & Scribæ numquam ab eorum Fide discesserunt. Ergo neque nos.

Præterea, & in hoc locutus est in hypocrisi mendacium,

(16) Objecit hoc etiam Archelaus Maneti *Disp. n. xxxv. pag. 61. Agnosco, inquit, ex hoc, quod tuus iste sit ex illis, qui transformantur, de quibus manifeste vobis indicavit Vas Electionis Apostolus Paulus dicens : Quia in novissimis temporibus recedent qui-*

dam a fide &c. . . quoniam omnis creatura bona est &c. Consultendi Origenes *lib. viii. Contra Celsum n. 32. pag. 766. Tom. 1. Opp. Nov. Edit. & Johannes Chrysostomus Hom. xii. in Ep. ad Timoth. n. 1. pag. 610. Tom. xii. Opp. Edit. Montfaucon. Parisi.*

dacium, quod dixit eos nostros Progenitores; ipsi enim neque in carne, neque in doctrina Fidei nos genuerunt: numquam enim eorum Fidem, id est Phariseorum, habuimus.

Quod autem dixit Hæreticus hoc verbum Pauli de spiritualibus nuptiis intelligi, istud differimus ad tractatum de matrimonio; tantum in præsentī dicentes, quod, si de spiritualibus nuptiis, & spiritualibus cibis Apostolus loqueretur, non diceret: *Spiritus autem manifeste dicit*, immo vero occulte. Item nos non prohibemus, ne aliqui Fidei eorum copulentur: non prohibemus nuptias spirituales, sed potius adulterium spirituale, ut patebit in tractatu de matrimonio.

Ad illud autem, quod dicit Hæreticus nos prohibere homines a verbis eorum, quæ cibus sunt animarum, dicimus quod non sunt cibus, sed venenum.

Ad aliud quoque, quod dixit Hæreticus verbum Pauli sibi non convenire: *in hypocrisi loquentium mendacium*, quia pro nulla re mentiretur: dico quod in hoc ipso mentitur, ut dicit Apostolus, quia dicit abstinendum esse ab aliquibus cibis, alioquin impossibile est salvari.

Diximus superius verbum Apostoli de materialibus cibis, non de spiritualibus intelligi: quod hoc modo volumus ostendere. Dicas mihi: quid appellas tu ipse cibum? Si dicas Dei verbum propter illud 1. Timoth. 4. post illa verba: *Spiritus autem manifeste &c.*, ubi Apostolus dicit, quod Timotheus *enutritus erit verbis Fidei, & bonæ doctrinæ*; quomodo potest hoc stare, cum verbum Dei semper sit sanctum absque omni oratione?

Præterea quomodo potest hoc esse, quod verbum Dei sanctificetur per verbum Dei, & orationem?

Quandoque etiam per cibum intelligitur Dei voluntas; unde Jo: 4. v. 34. dicit Christus: *meus cibus est, ut faciam voluntatem ejus, qui misit me*. Numquid Paulus per cibos Dei voluntatem intelligit, loquens de præcipientibus abstinere a cibis? Si dicas sic; quomodo potest hoc esse, cum Apostolus dicat: *Nihil rejiciendum &c.* Ergo de cibo dicit Apostolus, quod ipse *sanctificatur per verbum Dei, & orationem*. Voluntas autem Dei semper fuit, est, & erit sancta, & numquam per verbum, vel orationem aliqua fit sancta.

Dixit autem Hæreticus ille, quod per cibos intelligit Apostolus homines, quos Deus creavit; & hoc voluit habere per illud Act. 10. v. 11. ubi Petro ostensum est *vas quoddam, velut linteum magnum, quatuor initiis submitti de cælo in terram*. 12. *In quo erant omnia quadrupedia, & serpentia terræ, & volatilia celi*. 13. *Et facta est vox ad eum: Surge Petre, occide, & manduca*. 14. *Ait autem Petrus: absit Domine, quia numquam manducavi omne commune, & immundum*. 15. *Et vox iterum secundo ad eum: Quod Deus purificavit, tu commune ne dixeris*. Istos dixit significari per cibos, & per creaturam in Autoritate Apostoli 1. Timoth. 4.

Ad hoc autem dicimus, quod etsi homines possint dici cibus secundum Scripturam Act. Apostolorum, non tamen in Autoritate Apostoli sic sumitur cibus, sed pro carnali cibo; unde dicit v. 3.

Quos Deus creavit ad percipiendum cum gratiarum actione fidelibus, & iis, qui cognoverunt veritatem Dei. Ad percipiendum dicit, hoc est ad manducandum, & dicit a quibus, nempe a Fidelibus, supple, Doctoribus. Quod autem ita exponi debeat patet 2. Timoth. 2. v. 1. ubi Apostolus dicit Timotheo: *Tu ergo Fili mi confortare in gratia, quæ est in Christo Jesu*: 2. *Et quæ audisti a me per multos testes, hæc commenda fidelibus hominibus, qui idonei erunt & alios docere*. Sequitur: *& iis, qui cognoverunt veritatem*, id est a discipulis veritatis, qui a veritate auditum non avertunt, nec convertuntur ad fabulas Judaicas. Quæ vero sit illa veritas subjungit Apostolus dicens v. 4. *Quia omnis creatura Dei bona est, & nihil rejiciendum*, id est nullum genus cibi, qui percipitur, sive manducatur cum gratiarum actione, rejiciendum est ut immundum. Modo respondeas mihi: Dictum est Petro: *Occide, & manduca*; homines significatos per illa animalia secundum Legem Moysis immunda; significabant enim ipsi Petro Gentiles immundos, quos gladio debebat occidere, hoc est gladio verbi Dei. Item debebat eos manducare, hoc est verbo doctrinæ ad Christum convertere, & in eorum conversione sicut in cibo delectationem habere. Doctores ergo sunt qui edunt; Discipuli autem cibus eorum. Cibus autem ille, de quo loquebatur Apostolus, edebatur a Doctoribus, quos fideles appellat eidem Timotheo loquens. Item edebatur a Discipulis, quos appellat cognoscentes veritatem Dei per doctrinam Magistrorum, qui non avertunt auditum a veritate, quam audiunt ab eis, neque convertuntur ad fabulas coacervantes sibi magistros prurientes auribus, ut quidam alii, de quibus Apostolus loquitur 2. Timoth. 4. Dico igitur: Cibus, de quo Apostolus loquitur, manducatur tam a magistris, quam a discipulis; cibus autem, quem tu ponis per Act. Apostolorum non manducatur nisi a magistris: ergo ille cibus, de quo loquitur Apostolus, non est ille, de quo agitur in actis Apostolorum. Unde cum non sit etiam verbum Dei, neque ejus voluntas, restat quod sit cibus materialis. Quod etiam hoc modo potest fieri manifestum. Nonne vides quid dicat Apostolus 2. Timoth. 4. v. 3. *Erit enim tempus, cum sanam doctrinam non sustinebunt, sed ad sua desideria coacervabunt sibi magistros, prurientes auribus*. 4. *Et a veritate quidem auditum avertent, ad fabulas autem convertentur*. Quæ autem sint hæ fabulæ dicit Apostolus ad Titum 1. v. 10. *Sunt enim multi etiam inobedientes, vaniloqui, & seductores: maxime qui de circumcisione sunt, id est de Judæis*: 11. *Quos oportet redargui*. Et post pauca subdit v. 13. *Quam ob causam increpa illos dure, ut sani sint in Fide*. 14. *Non intendentes judaicis fabulis, & mandatis hominum, aversantium se a veritate*. 15. *Omnia munda mundis: coinquinatis autem, & infidelibus nihil est mundum*. Ecce quod dicit omnia esse munda mundis: quod idem est ei, quod Apostolus dixit 1. Timoth. 4. v. 4. *Omnis creatura Dei bona est*, id est munda, & nihil rejiciendum, quod cum gratiarum actione percipitur. Hæc est veritas, a qua quidam, quibus in hoc similis es Hæretice, auditum avertunt, & convertuntur ad fabulas judaicæ.

autem

autem fabulæ in hoc erant, quod aliqua cibaria materialia essent immunda, ut innuit Apostolus ad Titum in auctoritate prædicta, ut etiam innuit Rom. 14. ut supra diximus. Ipsi enim Judæi de cibis spiritualibus non loquuntur, sed de carnalibus tantum.

Præterea ostende mihi testimonia Scripturæ, quibus appareat aliquem cibum sumi cum gratiarum actione, excepto materiali. Ego equidem tibi ostendam de materiali cibo Rom. 14. v. 6. ubi dicit Apostolus: *Qui manducat, Domino manducat: gratias enim agit Deo. Et qui non manducat, Domino non manducat, & gratias agit Deo.* Quod autem ibi sermo fiat de materiali cibo ostensum est prius in argumento facto supra illam auctoritatem Rom. 14. v. 20. *Noli propter escam &c.*

Ad hoc verbum Apostoli; quod diximus de materialibus cibis intelligi, contrarium objicit Hæreticus. Apostolus enim dicit, quod *omnis creatura Dei bona est, & nihil*, id est nulla creatura ejus rejicienda est. Ergo transgressor es o Romane coram me, qui aliquam creaturam, ut canem, vel Asinum, & de agno aliquid, scilicet ossa, & de bove cornua rejicis.

Ad hoc respondeo. Quod Apostolus dicit, *nihil rejiciendum* non sic est intelligendum: nulla creatura materialis, sed nulla creatura comestibilis.

Probatio. Non dicit tantum: *nihil rejiciendum*, sed addit: *quod cum gratiarum actione percipitur*, id est quod est manducabile cum gratiarum actione. Sed illa, quæ induxisti, non sunt comestibilia.

Præterea de cibis prædixerat: *quos Deus creavit ad percipiendum cum gratiarum actione fidelibus, & iis, qui cognoverunt veritatem.* Unde quod postea subdit: *& nihil rejiciendum* intelligendum est nullum genus cibi.

Item ad hoc, quod contra objicit Hæreticus dicens: Si Apostolus de materialibus cibis loquitur, contrarius sibi est, qui dicit 1. Cor. 8. v. 13. *Si esca scandalizat fratrem meum: non manducabo carnem in æternum, ne fratrem meum scandalizem.*

Ad hoc dico, quod loquitur de carnibus immolatis idolis, ut ibi patet, non de omnibus carnibus. Posito etiam, quod de omnibus intelligeretur; quare non attendis, quia non dixit absolute: *non manducabo carnem in æternum*, sed cum conditione, & in casu aliquo, scilicet *si esca, &c.* Remota autem hæc causa removetur effectus. Unde patet, quod bene poterat carnes comedere, dummodo Frater suus de esu ejus non scandalizaretur.

Ad idem etiam objicit Hæreticus, quod Apostolus si de carnibus cibis intelligit, cum dicit: *nihil rejiciendum, &c.* contrarius est aliis Apostolis, qui dicunt Act. 15. v. 28. *Visum est enim Spiritui San-*

cto, & nobis nihil ultra imponere vobis oneris, quam hæc necessaria: 29. ut abstineatis vos ab immolatis simulachrorum, & sanguine, & suffocato.

Ad quod dico, quod non est contrarius Apostolis, quia Apostoli in præcedentibus verbis non prohibuerunt omnes carnes, sed immolatas simulachris, quod & Apostolus facit Rom. 14. v. 21. & 1. Cor. 8. v. 8. Unde quod dicit Apostolus: *nihil rejiciendum est, &c.* intelligitur sic: nullum genus cibi, nisi esset immolatus idolis, & maxime cum scandalo Fratris; unde 1. Cor. 8. v. 10. *Si enim quis viderit eum, qui habet scientiam in idolis recumbentem: nonne conscientia ejus, cum sit infirma, edificabitur ad manducandum idolothyta?*

Item objicit Hæreticus, quod si de materialibus cibis intelligit Apostolus, dator legis, id est Moyses attendebat spiritus Dæmoniorum, quia prohibebat cibos quosdam, quos nos dicimus ab Apostolo concessos.

Respondeo. Prave loqueris Hæretice, quia illa prohibitio Moysis ad tempus data est, Rom. 10. v. 4. *Finis enim legis, Christus, ad justitiam omni credenti.* Nec mirum si Moyses, immo Deus per ipsum dedit præcepta ad tempus; quia Christus uno tempore prohibuit quod alio tempore concessit.

Item Hebr. 1. v. 10. Ponuntur verba Prophetæ ad Dominum: (17) *Et Tu in principio Domine terram fundasti: & opera manuum tuarum sunt cæli. 11. Ipsi peribunt, tu autem permanebis, & omnes ut vestimentum veterascent: 12. & velut amictum mutabis eos, & mutabuntur: tu autem idem ipse es, & anni tui non deficient.* Ecce quod boni Dei opera peritura sunt, & vetustati subiectabilia, & mutabilia.

Ad hoc dicunt, quod istud intelligitur de Angelis, de quibus (ut dicunt) Apostolus ait Hebr. 2. v. 5. *non enim Angelis subjecit Deus orbem terræ futurum, de quo loquimur.*

Hoc autem dato, quod verum non est: nihilominus tamen habeo quod creaturæ Dei boni mutabiles sunt, & vetustati subiectibiles. Quod autem antiquatur, & senescit, prope interitum est, ut dicit Apostolus Hebr. 8. v. 13. Ergo creaturæ Dei boni possunt interire, & sic desinere esse.

Præterea de quibus Angelis loquatur ibi, ubi dicit: *Non enim Angelus, &c.* evidenter declarat Apostolus Hebr. 2. v. 6., cum dicit: *Testatus est autem in quodam loco quis, dicens: Quid est homo quod memor es ejus, aut filius hominis: quoniam visitas eum? 7. Minuisti eum paulominus ab Angelis.* Constat quod ab Angelis, qui perierunt, eum non minorasset Deus Pater. Ergo de Angelis stantibus intelligitur, a quibus in modico minoratus est in eo, quod passibilis factus est, & mortalis. In hoc enim

(17) Hoc eodem argumento vexat Paulicianos Photius lib. 11. n. 2. pag. 185. Porro, inquit, [attendite surdi, & videte cæci] Addit enim: Tu vere a principio, domine, terram fundasti &c. Quod si ita in spiritu prædixit qui Dei Pater est; David, obsignavit autem arcanis sacris initiatus, & initians alios Paulus, quod scilicet Veteris Testamenti Deus idem est, & Domini nostri Jesu Christi Pater, idemque Thronum sui natura filii in seculum seculi fir-

mavit, & omnium Angelorum Ordines, progeniei sue adoratores, & famulos constituit, immo qui idem, & non alius, terram fundavit: & cujus manuum opera cæli sunt, nonne omnem impietatem in sinu reconditam habent, qui alium quidem Patrem Domini nostri Jesu Christi, alium vero Cæli & terræ conditorem fingunt, conditori creaturas suas auferentes, easdemque zizaniorum Satori vindicantes.

enim minuit ; ergo mortalitas , & passibilitas a Deo sancto est .

[*] Præterea ad Filium sermo dirigitur : *Et Tu in principio*, &c. Cæli ergo sunt opera manuum ejus , id est Angeli . Quomodo ergo minor eis secundum te , qui eum Dominum non ponis ?

Præterea : *ipsi peribunt* , hoc intelligunt tantum de cælis , id est de populo cælesti , ego autem de cælis ad sonum litteræ : Ipsi hoc intelligunt de cælis , & non de terra , ego de utrisque .

Probatio meæ sententiæ habetur Isa. 51. v. 16. *Levate in calum oculos vestros , & videte sub terra deorsum : quia cali sicut fumus liquefcent , & terra sicut vestimentum atteretur , & habitatores ejus sicut hac interibunt* . 2. Petr. 3. v. 3. *Venient in novissimis diebus in deceptione illusores , &c.* [*]

Præterea nonne ista prophetia de futuro est ? Constat quod sic . Dicas mihi : ubi , & quando facta est ? Numquid ante peccatum Angelorum ? Utique oportet te dicere ; alioquin mentitus fuisset , cum prophetia de futuro intelligenda sit de futuro , & maxime secundum te . Ista igitur prophetia impleta est quando Angeli peccaverunt . Sed per verba Prophetæ possum tibi ostendere contrarium . Nonne dicit Prophetæ psalm. 101. v. 4. quem unum de Angelis ponis : *Quia defecerunt sicut fumus dies mei : & ossa mea sicut cremum aruerunt* ? Si istud fuit ante peccatum Angelorum , oportet te dicere , cum istud de præterito ibi dicatur , & istud , quod dicitur de peccato Angelorum , de futuro dicatur , videtur ergo quod opera Dei boni , scilicet dies ovium suarum defecerunt , & ossa earum aruerunt . Non est ergo creator tantum permanentium , sed & transitoriarum rerum .

Item nota quod dixit v. 5. *Percussus sum ut fœnum , & aruit cor meum , &c.* usque & ego sicut fœnum arui .

Præterea nonne ibi dicitur v. 25. *Prospexit de excelso sancto suo : Dominus de celo in terram aspexit : 21. ut audiret gemitus compeditorum : ut solveret filios interemptorum* ? Isti ergo compediti erant , & gementes de hoc , immo & interempti . Hoc autem de Angelis intelligis , licet falsum sit . Ergo quod sequitur v. 26. *Initio tu Domine terram fundasti , &c.* non intelligitur de Angelis peccantibus , sed secundum quod littera sonat de cælis , & terra materialibus .

Præterea si de Angelis intelligis , quos dicis salvandos : Ergo non peribunt ; salvandi enim non peribunt .

Si dicas mihi , quod perire ibi dicitur , a Deo cæli , & cælo ejus abire : unde hoc habes ?

Sed quoniam Hæreticus quidam contra hoc opposuit dicens : Tria ponit Apostolus , & dicit . Primo de cælis & terra , quia peribunt . Secundo quod veterascent . Tertio quod mutabuntur . Et postea subjunxit Hæreticus : Incredibile est , quod postquam præsentis cæli & terra perierunt , veterascent , vel mutantur .

Ad quod facile est respondere , & contra eum replicare . Simile dico tibi Hæretice : Et credibile est quod postquam Angeli Dei peribunt , veterascent ,

aut mutabuntur ? Quod enim dicis ad ostendendum , quod Angeli perierunt Matth. 15. v. 24. *non sum missus nisi ad oves , quæ perierunt Domus Israel* . Item Lucæ 34. v. 16. *Quod perierat requiram* . Item quod de eisdem Angelis inducis Baruch 3. v. 10. *Quid est Israel quod in terra inimicorum es ? 11. Inveterasti in terra aliena , &c.* ad probandum , quod Angeli veterascent . Item quod de eisdem inducis testimonium Apostoli 1. Cor. 15. v. 52. *Mortui resurgent incorrupti : & nos immutabimur* : Ista , inquam , omnia , & consimilia nullo testimonio potes ostendere dicta esse de Angelis illis , sicut supra ostensum est cap. 3. hujus partis . Dico ergo quod illa tria dicta sunt de materialibus cælis , & materiali terra ; peribunt enim , ut dicit Apostolus , & Propheta .

Quod autem dicis : incredibile est , &c. Dico ego quod Apostolus , & Propheta , qui ponunt , tria verba prædicta de cælis & terra , non intelligunt , sicut dixisti , quod cæli primo pereant , & postquam perierunt veterascent , & postea mutantur ; sed per duo verba præcedentia unum & idem intelligitur , scilicet deficere , sicut res , quæ perit , veterascent , & deficit , & de esse ad non esse tendit . Et per cælos intelliguntur cæli aerei , & ipse aer , ut dicitur inferiorius , ubi etiam exponemus qualiter elementa transitura sunt , & dissolvenda . Per hoc autem , quod dicit Propheta : *mutabuntur* , intelligitur quando reformabuntur in melius . Nonne etiam ex ore tuo , quo ponis cælos ibi dici Angelos (falso tamen) possum ostendere , quod mutari sit in melius reformari ? Ad hoc enim probandum induxisti verbum Apostoli 1. Cor. v. 15. *mortui resurgent incorrupti : & nos immutabimur* . Nonne hoc testatur Propheta dicens psalm. 103. v. 30. *& renovabis faciem terræ* ?

Si Apostolus in persona sua , & aliorum Electorum secundum te dicit : *Et nos immutabimur* , nos scilicet , qui perivimus , & inveterati fuimus ; ergo Apostoli adhuc non erant innovati , quia non erant ab illa vetustate mutati .

Contra 2. Cor. 5. v. 17. *Si qua ergo in Christo nova creatura , vetera transferunt : ecce facta sunt omnia nova , &c.* Quomodo etiam erant novum hominem induti , si non erant a vetustate mutati ?

[*] Præterea dicas mihi : Si per cælum intelligantur Angeli , qui peccaverunt : quid igitur intelligis per terram ? Quidquid autem super hoc dixerit , visio capitis sui erit , & testimonio scripturæ id ostendere non poterit .

Item quod unicus sit rerum omnium creator patet Hebr. 3. v. 4. *Qui autem omnia creavit , Deus est* ; Et quia omnia creavit , ideo cap. 2. v. 10. ejusdem Epistolæ dicitur : *Decebat enim eum , propter quem omnia , & per quem omnia , qui multos filios in gloriam adduxerat , auctorem salutis eorum per passionem consummare* : Propter Patrem enim glorificandum sunt omnia , & per Filium , id est a Filio ut a causa efficiente sunt omnia . Primam illam auctoritatem non disputamus ad præsens , sed differimus ad tractatum de Deo Veteris Testamenti .

N

Ad

Ad idem facit illud Apocaly. 4. v. 11. *Dignus es Domine Deus noster accipere gloriam, & honorem, & virtutem: quia tu creasti omnia, & propter voluntatem tuam erant, & creata sunt.* Apocaly. 5. v. 12. *Dignus est agnus, qui occisus est, accipere virtutem, & divinitatem, & sapientiam, & fortitudinem, &c.* Item Apocaly. 10. v. 6. ubi dicitur de quodam Angelo bono, qui juravit per viventem in sacula seculorum, qui creavit calum, & ea, quæ in eo sunt: & terram, & ea, quæ in ea sunt: & mare, & ea, quæ in eo sunt: *Quia tempus non erit amplius.* Item Apocaly. 14. v. 7. *Timete Dominum, & date illi honorem, quia venit hora iudicii ejus: & adorete eum, qui fecit calum, & terram, mare, & fontes aquarum.* [*] (18)

C A P. IX.

De Miraculis corporalibus, & materialibus utrum a Deo sancto sint: & probatur quod sint miracula visibilia.

Nunc ad novum capitulum accedamus videntes de miraculis visibilibus, utrum a Patre sancto sint. Dicunt enim illi Cathari, qui duos ponunt (1) Creatores, quod Christus & ejus Ecclesia numquam aliquid materiale miraculum fecit; unde & miracula, quæ leguntur in novo Testamento, spiritualiter facta esse intelligunt.

§. U N I C U S.

Probatio Ecclesiæ quod miracula materialia facta sint a Domino.

IN primis autem inducimus illud Matth. 8. v. 1. *Cum autem descendisset de monte, secuta sunt eum turbae multæ: 2. & ecce Leprosus veniens, adorabat eum dicens: Domine, si vis, potes me mundare. 3. Et extendens Jesus manum tetigit eum dicens: volo, mundare. Et confestim mundata est lepra ejus. 4. Et ait illi Jesus: Vide, nemini dixeris: sed vade, ostende te Sacerdoti, & offer munus, quod præcepit Moyses, in testimonium illis.* Modo quæro: Iste dicitur Leprosus fuisse, & a Christo mundatus, & ante passionem, & resurrectionem Christi. Numquid ista lepra erat materialis; vel spiritualis? si materialis: habeo propositum meum. Si spiritualis, id est peccatum: ergo mundatus est a peccato per Christum ante passionem, & ante resurrectionem, & ascensionem suam. Modo quæro: Aut iste habebat Spiritum Sanctum, aut non, postquam mundatus est? Si habebat Spiritum Sanctum: ergo Spiritus Sanctus datus est antequam Christus esset glorificatus, quod tu negas, & Johann. etiam

cap. 7. v. 39. dicens: *Nondum enim erat spiritus datus, quia Jesus nondum erat glorificatus.* Si autem non habebat Spiritum Sanctum: ergo non habebat spiritum Christi: *Si quis autem spiritum Christi non habet: hic non est ejus*, ut dicitur Rom. 8. v. 9. Ergo non est ipsius Christi, ergo erat ipsius Diaboli, quia vel Christi, vel Diaboli oportet eum fuisse. Si autem erat ipsius Diaboli: ergo non erat mundatus a lepra spirituali: sed mundatus erat, ergo a materiali lepra. Istum modum argumentandi nota in omnibus miraculis a Christo factis ante resurrectionem suam. Per hoc enim probare potes, quod fuerint miracula materialia.

Præterea nonne dicit: *vade, ostende te Sacerdoti, & offer munus, &c.* Quis autem sit iste Sacerdos habetur Marci 1. v. 44. ubi dicitur isti Leproso: *Vade, ostende te Principi Sacerdotum*: quod nusquam invenitur, nisi pro Sacerdote Veteris Testamenti. Quomodo autem posset se ostendere mundatum a lepra illi Sacerdoti, si esset spiritualis lepra? Nullo modo, quia ipse eam videre non posset nec oculo materiali, nec oculo fidei; Fidem enim non habebat quod Christus aliquem spiritualiter sanaret, atque curaret. Restat ergo quod illa lepra esset materialis.

Quod autem Jesus vellet quod ipse ostenderet Sacerdoti se esse mundatum a lepra patet Lucæ 1. v. 14. ubi dicitur isti Leproso: *Offer pro emundatione tua, sicut præcepit Moyses, in testimonium illis.* Matth. vero dicit: *offer munus, &c.* Marcus autem dicit: *offer pro emundatione tua, quæ præcepit Moyses in testimonium illis.* Sed ostensum est, quod loquebatur de Sacerdote Veteris Testamenti; ergo & de Moyse latore ejus.

Præterea si velles dicere, quod de alio Moyse loquatur, & de ejus præceptis, ostende aliquo testimonio scripturæ aliquem alium Moysen præcepisse alicui Leproso a lepra mundato aliqua offerre pro emundatione sua Sacerdotibus: quod cum facere non possis obmutescere. Ego vero testimonium habeo de Moyse Veteris Testamenti Levit. 14. quid præceperit Moyses Leproso curato offerre Sacerdotibus, scilicet duos passeris vivos; unum ad immolandum, alium autem ad Leprosum mundatum aspergendum cum sanguine passeris immolati in vase fictili super aquas viventes. Similiter duos agnos; unum pro delicto, & alterum in holocaustum. Item duos turtures, aut duos pullos columbarum; unum pro peccato, & alterum in holocaustum. Unde patet quod occidere animalia, aut volatilia ista non est peccatum, alioquin Christus non jussisset isti quod offerret talia Sacerdoti ad occidendum.

Item Matth. 8. v. 5. dicitur: *Cum autem introisset Capharnaum, accessit ad eum Centurio, rogans eum, 6. & dicens: Domine puer meus jacet in domo paralyticus, & male torquetur.* Modo quæro an Centurio esset spiritualis homo, an non? Si non erat

(18) Refutant errorem Gnosticorum de Conditore, sive de Conditoribus mundi (nam pars quidem a malo principio, pars a malis angelis, conditum introducebat mundum) sententias, Irenæus lib. II. Contra Hæreses cap. IX. per tot. & seq. Tertullianus lib. 1. & II. Contra Marcionem Auctor Recognitionum Sancto Clementi adscriptarum toto secundo libro. Vexant etiam Manichæos Cyrillus Hierosolymitanus Catechesi IX. n. 1v. seqq. pag. 127. Titus Bostrensis

lib. II. pag. 113. seqq. Serapion. lib. contra Manichæos pag. 45. Tom. 1. Antiq. Lest. Canisi Edit. Nova. Augustinus pluribus in locis, Photius toto fere secundo libro Contra Manich. Euthymius Zigabenus Parte II. Panopl. Tit. xx. alique innumeri, quos prætereo.

(1) Nempe Albanenses Balasinfæ sectatores. Vide Notam I. ad cap. x. lib. 2.

erat spiritualis, carnalis igitur erat. Ergo rogabat pro carnali sanitate acquirenda puero suo, & eam acquisivit. Ergo Christus corporale miraculum fecit. Si dicas quod spiritualis erat. Ergo bonus, & sanctus. Jam ergo erant aliqui viri spirituales, & boni, & sancti. Ergo jam erat Ecclesia Dei vivi, quod tu negare, licet male, consuevisti.

Præterea Luc. 7. v. 4. dicitur quod seniores Judæorum rogabant Jesum pro eo. Numquid isti rogabant eum pro curatione a paralyti spirituali. Non videtur, quia non erant spirituales prædicta ratione. Ergo terreni erant; unde terrena loquebantur dicentes v. 4. *Dignus est ut hoc illi præstes*. 5. *Diligit enim gentem nostram: & synagogam ipse ædificavit nobis*. Quod non potest intelligi, nisi de synagoga terrena. Si enim vis intelligere de spirituali, hæc non est nisi Ecclesia. Numquid centurio ædificavit eis Ecclesiam, quæ est congregatio sanctorum hominum? Non.

Præterea dicunt: *Dignus est ut hoc illi præstes*, id est sanes servum ejus, quia ædificaverat eis synagogam. Numquid propter ædificationem rei materialis, & hujus creationis, dignus erat obtinere servo suo sanitatem spirituales? Si sic: quare ergo culpas creationem harum rerum, cum faciat dignum hominem spirituali ac divino beneficio? Si autem propter hoc dignus erat obtinere a Jesu temporalem sanitatem: ergo res hujus creationis facit hominem dignum obtinere aliquid a Jesu.

Ex quo concludo tria: Non ergo mala est ista creatio: ergo temporalia, & transitoria sunt ab eo: ergo Jesus fecit miracula.

Præterea dicit Matth. quod puer, id est servus, Centurionis jacebat in domo paralyticus. Illud vero non potest intelligi, nisi de domo materiali; unde enim Jesus dixisset v. 7. *Ego veniam, & curabo eum*. 8. *& respondens centurio ait, Domine non sum dignus, ut intres sub tectum meum*. Ergo Jesus non erat intra tectum, sive domum ejus; cum ergo sine Jesu non possit esse domus spiritualis, domus Centurionis, ubi jacebat Paralyticus, materialis domus fuit. Similiter & milites materiales, qui sub eo erant, & servus ejus materialis. Videtur ergo quod loqueretur tantum materialiter, & ita Paralyticus materialis fuit, & materialiter sanatus a Christo, & sic habeo quod quero.

Fecit etiam Christus materiale miraculum in creatura sensibili; unde legitur Matth. 8. v. 28. *Et cum venisset trans fretum in regionem Gerasenorum, occurrerunt ei duo habentes Dæmonia, de monumentis exeuntes, sævi nimis, ita ut nemo posset transire per viam illam*. 29. *Et ecce clamaverunt, dicentes: Quid nobis, & tibi, Jesu fili Dei? Venisti huc ante tempus torquere nos?* 30. *Erat autem non longe ab illis grex multorum porcorum pascens*. 31. *Dæmones autem rogabant eum, dicentes: Si ejicis nos hinc, mitte nos in gregem porcorum*. 32. *Et ait illis: Ite. At illi exeuntes abierunt in porcos: & ecce impetu abijt totus grex per præceptum in mare: & mortui sunt in aquis*. Quod istud materiale miraculum fuerit, licet aliquid spirituale designet, nemo sanæ mentis dubitare potest. Quid ergo per porcos vis intelligere? Numquid materiales porcos? Si ita

est, habeo propositum, quod miraculum istud de porcis fuerit materiale, sicut probare intendimus.

Præterea utrumque miraculum, nimirum de ingressu Dæmonum in porcos, & de exitu eorumdem Dæmonum ab illis duobus hominibus, de quibus Matthæus loquitur, materiale fuit; Ut patet Marci 5. v. 14. & Luc. 18., ubi agitur de uno istorum hominum, in quo erat legio Dæmonum; ibi enim habetur v. 34. de Pastoribus Porcorum illorum, quod postquam viderunt hoc factum, *fugerunt, & nunciaverunt in civitatem, & in villas* 35. *exierunt autem videre quod factum est, & venerunt ad Jesum, &c. usque quomodo sanus factus esset a legione*. In Marco additur: *& de porcis*, scilicet nunciaverunt. Ecce quod dicitur, quod Pastores viderunt quod factum fuerat. Ergo non erat spirituale factum; Ipsi enim infideles erant, unde & fugerunt hoc viso. Iterum dicitur quod homines de civitate illa exierunt videre quod factum fuerat; & ita materiale factum fuit; Ipsi enim non erant spirituales; unde & rogaverunt Jesum, ut discederet ab ipsis, & ita erant cæci spiritualiter, unde non vidissent aliquid factum spirituale.

Præterea si vis sumere porcos spiritualiter, id est homines porcinos: nonne illi duo, qui de monumentis exierunt, porci spirituales erant? videtur quod sic, quia Dæmoniaci erant spiritualiter, ut credis. Ergo erant porci spiritualiter. Alii autem non videntur debere dici porci spiritualiter, quia non erant in eis Dæmones, sed petebant ut mitterentur in eis. Quare ergo Evangelium distinguit inter eos dicens hos homines, illos porcos? vel omnes enim porci erant, vel potius ii duo porci, quam illi.

Præterea si ii duo homines erant spiritualiter Dæmoniaci: ergo spiritualiter fuerunt a Dæmonibus curati; ergo habebant spiritum Dei in se; Christus enim in spiritu ejiciebat Dæmones, ut ipsemet dicit Matth. 12. v. 28. Hoc autem tu non credis, quod aliquis antequam Christus glorificaretur spiritum Dei receperit. Ergo non habebant Spiritum Sanctum; ergo non erant curati spiritualiter a Dæmonibus secundum te, ergo corporaliter, & ita materiale miraculum fecit ex parte hominum; ergo etiam ex parte porcorum.

Præterea numquid præcepisset Jesus Dæmonibus, ut irent in homines spiritualiter? Non. Sed præcepit eis, quod irent in porcos dicens: *Ite*: Ergo non erant homines, sed porci secundum quod littera sonat.

Præterea dicitur, quod postquam Dæmones intraverunt in porcos, porci præcipites abierunt in mare, & suffocati sunt, & mortui sunt in aquis. De qua morte loquitur? Constat quod non de spirituali. Si enim porci dicuntur ibi homines, statim cum Dæmones intraverunt in eos, mortui sunt spiritualiter, cum tu intelligas hoc de spirituali introitu. Quare ergo dicitur postea, quod iverunt in mare, & mortui sunt in aquis post introitum Dæmonum? Sic ergo non erant ante mortui. Restat ergo quod de morte corporali dicatur, & de porcis materialibus, & de rebus materialibus loquatur ibi Christus; & ita fuit materiale miraculum de

porcis . Ex quo patet quod Christus sensibilem , & rationabilem Dominus est ; Dæmones enim non poterant in porcos ire , nisi illo concedente . Dominus etiam apparet corporum humanorum , in quibus Dæmones stare non poterant eo non permittente ; si enim humana corpora essent de Signoria , sive dominio Dæmonum , ibi steterissent , vellet , nollet , Jesus , quia Dæmon omnipotens est in suo regno , sicut Deus sanctus in suo .

Fecit etiam Jesus miraculum materiale de Vegetabilibus , in quibus est tantum vita sine sensu , & ratione . Istud patet Matth. 21. v. 18. , ubi dicitur quod Jesus *mane revertens in civitatem esuriit* . 19. *Et videns fici arborem unam secus viam , venit ad eam : & nihil invenit in ea , nisi folia tantum , & ait illi : Numquam ex te fructus nascatur in sempiternum : & arefacta est continuo ficulnea* . 20. *Et videntes discipuli mirati sunt dicentes : Quomodo continuo aruit ?* Nota quod dicit : *Et videntes discipuli , &c.* Ergo erat ficus visibilis , & materialis ; ergo & materialiter arefacta .

Præterea prius viridis erat ista ficus : postea continuo aruit ad verbum Domini . Si ista esset arefactio spiritualis , & mala , numquid a Christi verbo esse posset ? Non , ut credis : Ergo fuit arefactio materialis , & ficus similiter materialis ; ergo & esuries Christi materialis : quod tu negare consuevisti : Sic ergo oportet concedere quod & esus ejus , qui aliquando invenitur , esset de istis rebus materialibus .

Fecit etiam Christus multoties materiale miraculum in rebus entibus , id est participantibus esse tantum sine vita , sensu , & ratione ; unde legitur Matth. 8. v. 23. quod *ascendente eo in naviculam , secuti sunt eum discipuli ejus* : 24. *& ecce motus magnus factus est in mari , ita ut navicula operiretur fluctibus , ipse vero dormiebat* . 25. *Et accesserunt ad eum discipuli ejus , & suscitaverunt eum , dicentes : Domine , salva nos , perimus* . 26. *Et dicit eis Jesus : Quid timidi estis , modicæ fidei ? Tunc surgens imperavit ventis , & mari ; & facta est tranquillitas magna* . 27. *Porro homines mirati sunt , dicentes : Qualis est hic , quia venti & mare obediunt ei ?* Ubi notandum est quod postquam Jesus in terra fecerat miracula in his , & de his , quæ ex ipsa , & ex aliis elementis formata sunt , ut sunt corpora humana , quæ sanavit , transit ad faciendum ea in aliis elementis , scilicet in aqua , & in aere , & hoc ideo , ut Dominum universalem omnium Elementorum se esse ostenderet , sicut etiam eorum , quæ ex elementis sunt fabricata . Licet enim non legatur , quod in igne aliquod miraculum fecerit , facere tamen potuit ; immo & fecit , quando , ut habetur Matth. 27. v. 45. , in ipsius morte a sexta hora tenebræ factæ sunt super universam terram usque ad horam nonam . Tres enim sunt species ignis , scilicet lux , flamma , & carbo ; sed lux dicitur in materia propria , flamma in materia aerea , carbo in materia terrea . Cum ergo fecit in luce miraculum , satis dici potest & in igne fecisse .

Vis videre ejus dominium super ista ? Attende unum verbum Matth. 8. v. 25. *Domine salva nos , perimus* , & aliud Lucæ 8. v. 24 : *Præceptor peri-*

mus . Sed quorum præceptor sit , habetur Matth. 8. v. 26. *Tunc surgens imperavit ventis , & mari* ergo & illorum Dominus est . Sequitur : *Et facta est tranquillitas magna in mari* , supple & in ventis , quia venti sicut & mare obedierunt ei . Ventus autem est motus aeris , & ita fecit miracula in aere , & in aqua .

Si autem vis dicere , o Hæretice , quod istud miraculum fuerit spirituale ; dicas mihi : Numquid navicula , in quam ascendit , fuit spiritus ? Non , quia navicula spiritualis Ecclesia est , quæ nondum erat secundum te ; cum enim , ut ad sonum litteræ credis , nondum esset datus Spiritus Sanctus , non poterat esse navicula spiritualis , id est Ecclesia , vel anima . Ergo erat navicula materialis . Ergo & mare materiale , in quo erat materialis navicula , & ventus materialis insurgens contra naviculam , & tranquillitas in mari facta est materialis .

Præterea illi homines , scilicet discipuli , mirati sunt , ut dicit Matthæus . Mirari autem non potuissent quod factum fuerat , nisi vidissent illud factum . Ergo materiale factum fuit , non vero spirituale ; alioquin non vidissent , cum non haberent oculos spirituales , ut credis , qui dicis eos Spiritum Sanctum nondum habuisse .

Præterea dicitur quod Christus *imperavit ventis , & mari* , quidquid per ventum , & mare intelligas . Sunt igitur de imperio suo , & ita de creatione sua . Ex prædictis patet , quod Christus in sole fecit miraculum , quando eo moriente sol subtraxit splendorem suum , & radios suæ lucis . Fecit ergo miraculum in cælestibus creaturis , & in terrestribus , ut ostensum est .

Fecit etiam materiale miraculum in infernalibus ; legitur enim Matth. 8. v. 16. quod *obtulerunt ei multos dæmonia habentes : & eiciebat spiritus immundos verbo* . Istæ ejectiones numquid erant tantum spirituales ? Si dicas sic : quid appellas tu Dæmonia ? Si peccata : quomodo Marci 1. v. 34. dicitur : *Et non sinebat ea loqui , quoniam sciebant eum ?* Si Dæmonia dicuntur secundum sonum litteræ ipsi maligni spiritus , & eiciebat eos tantum spiritualiter : ergo spiritualiter erant curati a Dæmonibus . Igitur spiritum Christi in se habebant : quod tu non auderes dicere , ut prædictum est . Si autem non habebant spiritum Christi ; ergo ejus non erant , ut dicit Apostolus Rom. 8. v. 9. ; & si ejus non erant : ergo non erant curati a Dæmonibus spiritualiter , sed materialiter , & verbo , id est imperio suo ejecerat eos a corporibus . Ergo ista corpora de imperio ejus sunt : quod verum est ; unde Apostolus Philip. 2. v. 10. ait : *In nomine Jesu omne genuflectatur cælestium , terrestrium , & infernorum* .

Ad idem inducimus illud Jo: 2. v. 1. *Et die tertia nuptiæ factæ sunt in Cana Galilææ : & erat mater Jesu ibi* . 2. *Vocatus est autem & Jesus , & discipuli ejus ad nuptias* . 3. *Et deficiente vino , dicit mater Jesu ad eum : vinum non habent , &c.* Modo quaero : Istæ nuptiæ aut factæ sunt in hoc mundo , aut in alio ? Si in alio : numquid ibi Cana Galilææ ? Si dicas sic : ostende hoc aliquo testimonio , quod facere non potes . Ego autem habeo testimonium Galilææ & Canæ in hoc mundo .

Præterea si istæ nuptiæ in alio mundo factæ sunt : ergo matrem habebat in alio mundo ; dicitur enim quod *erat mater Jesu ibi* . Ergo aut ibi natus est de matre spiritualiter , aut carnaliter ? Si carnaliter : ergo ibi est carnalis generatio ex muliere . Ergo videtur quod ibi nubant , & nubantur carnaliter : quod est contra Evangelium . Si spiritualiter natus est ex muliere in cælo , sive in alio mundo , cum de nulla muliere natus inveniatur , nisi de Maria Virgine : ergo Maria Virgo genuit eum spiritualiter . Ergo Christus spiritualitatem habuit ex Maria , non e contrario . Istud autem constat esse falsum . Ergo non est ex ea natus spiritualiter , neque carnaliter in alio mundo . Ergo nuptiæ istæ , de quibus Johannes loquitur , non sunt factæ in alio mundo .

Præterea ibi defecit vinum . Sed numquid in nuptiis cælestibus vinum bonum deficeret ?

Item ibidem v. 6. & 7. deficiente vino sex hydriæ impletæ sunt aqua , & per Christi virtutem hæc conversa est in vinum . Illa aqua secundum te aut erat hujus creationis , aut alterius . Si alterius creationis erat , & est conversa in vinum : ergo aqua illa erat transitoria , alioquin non transisset in vinum . Ergo Deus sanctus , & verus non tantum rerum permanentium , sed etiam transitoriarum creator existit ; quod quidem verum est , licet hoc consueveris negare . Si autem erat aqua hujus creationis : ergo Christus fecit miracula materialia de rebus istis , sicut probare intendimus .

Præterea ego quæro de his nuptiis , an fuerint materiales , an spirituales nuptiæ ? Si materiales , non sunt factæ in alio mundo , ubi *neque nubent , neque nubentur* , ut dicitur Matth. 22. v. 30 .

Præterea ergo & aqua materialis , & vinum similiter ; & sic habeo quod Christus fecit miracula materialia & corporalia .

Si vero dicas quod spirituales nuptiæ fuerint : quomodo potest hoc esse , cum nuptiæ spirituales sint inter Christum & Ecclesiam , nec adhuc esset Ecclesia ; *nondum* quippe *erat spiritus datus* , quia *Jesus nondum erat glorificatus* , ut dicitur Johan. 7. v. 39. Ergo non erant spirituales .

Præterea si erant spirituales : ergo in eis erat Spiritus Sanctus ; ergo & vinum spirituale fuisse intelligendum est ; hoc autem esse non potest : quomodo enim ibi deficere posset vinum spirituale , scilicet potus , ubi esset Spiritus Sanctus , de quo dicitur 1. Cor. 12. v. 13. *uno Spiritu potati sumus* ? Nullo modo deficeret ibi tale vinum : sed constat quod ibi defecit tale vinum ; Ergo ibi fuit vinum materiale , & aqua materialis , & nuptiæ materiales , & miraculum factum est ibi materiale .

Præterea Architriclinus bibit de vino primo , & secundo in his nuptiis . Sed numquid primum vinum malum ? Si sic : quomodo bibitum est in spiritualibus nuptiis ? Si bonum : hoc non videtur posse stare , quia dicit Architriclinus Sponso Johan. 2. v. 10. *Tu autem servasti bonum vinum usque adhuc* .

Præterea si erat bonum primum , & secundum similiter , & Architriclinus bibit de utroque . Ergo erat spiritualis ille Architriclinus , alioquin non bi-

bisset vinum spirituale . Sed probo quod non . Nonne dicitur ibi v. 9. quod Architriclinus nesciebat unde esset istud secundum vinum ? Si fuisset spiritualis iste Architriclinus , palam ei fuisset , quod si istud vinum erat spirituale , ab ipso Christo erat . Ergo non erat spiritualis , neque vinum spirituale , sed vinum materiale , & aqua materialis : & ita miraculum materiale , & nuptiæ similiter , in quibus tale factum est a Christo miraculum .

[*] Ex hac mutatione aquæ materialis in vinum materiale facta a Christo patet , quod non tantum elementa , sed etiam elementata a Deo facta sunt secundum suas species . Patet etiam quod Christus est , per quem fit vinum annuatim in hydriis granorum naturaliter ex humore aquæ solis beneficio , cum ab eodem factum sit supernaturaliter in hydriis lapideis .

Item quod nuptiæ istæ non essent spirituales patet , quia Christus non erat Sponsus earum nuptiarum ; immo postquam factæ sunt nuptiæ , tunc Jesus ad eas vocatus est . Ergo cum solus Christus Sponsus fit spiritualium nuptiarum , illæ nuptiæ non erant spirituales .

Quod autem solus Christus fit spiritualium nuptiarum Sponsus patet ex Scripturis , ubi Christus solus Sponsus Ecclesiæ appellatur 2. Corinth. 11. v. 2. : *Despondi enim vos uni viro* , scilicet Christo . Item Jo: 3. v. 29. dicitur de Christo : *Qui habet Sponsam, Sponsus est* .

Item si Sponsus fuisset , Mater dixisset : vinum non habemus (supple) ad dandum eis potum . Dixit autem v. 3. ibidem : *Vinum non habent* . Item Jesus non dixisset v. 4. ibidem : *Quid mihi , & tibi est mulier ?* (supple) dare eis vinum . *Nondum venit hora mea* ad dandum eis vinum . Cum autem venerit non permittam eis deficere potum , aut cibum .

Præterea numquid in nuptiis Christi defecisset vinum spirituale ? Non ; ejus enim nuptiæ non sunt sine vino illo , de quo Lucæ 5. v. 37. dicitur ; *Nemo mittit vinum novum in utres veteres : alioquin &c.* Loquitur ergo de nuptiis materialibus , & de vino materiali , & aqua similiter , & inde ut prius .

Item Jo: 5. v. 1. dicitur : *Erat dies festus Judæorum , & ascendit Jesus Jerosolymam* . 2. *Est autem Jerosolymis Probatica piscina , quæ cognominatur hebraice Bethesda , quinque porticus habens* . 3. *In his jacebat multitudo magna languentium &c.* Et post pauca subjungitur v. 5. : *Erat autem quidam homo ibi triginta & octo annos habens in infirmitate sua* . 6. *Hunc cum vidisset Jesus jacentem , & cognovisset quia jam multum tempus haberet , dixit ei : Vis sanus fieri ?* Et v. 8. subdit : *Surge , tolle grabatum tuum & ambula* . 9. *Et statim sanus factus est homo ille : Et sustulit grabatum suum & ambulabat* . Constat quod iste materialiter sanatus est a Christo , & in sabbato , ut ibi dicitur : *Iste enim homo triginta & octo annos habebat in infirmitate sua* . Si autem de spiritali infirmitate intelligeretur , non tantum triginta & octo , immo inestimabiliter plures , quam triginta & octo annos habuisset . Si enim de cælestibus animabus erat , quæ per Villicum iniquitatis , ut dicis , huc ductæ sunt , multo plures

plures anni sine æstimatione fuissent, ex quo hic homo infirmatus fuisset. Ergo intelligitur de infirmitate corporali, & ita fuit sanatus corporaliter.

Præterea Judæis ibi dicentibus v. 10.: *Sabbatum est, non licet tibi tollere grabatum tuum: Respondit eis: Qui me sanum fecit, ille mihi dixit: tolle grabatum tuum & ambula.* 12. Interrogaverunt ergo eum: *Quis est ille homo, qui dixit tibi: Tolle grabatum tuum, & ambula?* 13. Is autem, qui sanus fuerat effectus, nesciebat quis esset. Si fuisset factus spiritualiter sanus, bene scivisset quis Christus esset: Ergo sanus corporaliter factus erat a Christo.

Præterea si fuisset spiritualiter sanatus a Christo, de hoc ei indignati non fuissent Judæi; sed ei sunt indignati de hoc, quod eum sanaverit in sabbato: Ergo corporaliter sanavit eum. Unde ibi dicitur v. 16.: *Propterea persequiebantur Judæi Jesum, quia hæc faciebat in sabbato: hæc: id est corporaliter sanabat, & grabatum tollere jubebat.* Et quod de sanitate collata in sabbato indignarentur, habetur Jo: 7. v. 23., ubi dicit Christus: *Si circumcisionem accipit homo in sabbato, ut non solvatur lex Moysi: mihi indignamini, quia totum hominem sanum feci in sabbato?*

Sciendum autem est, quod iste non est ille, de quo habetur Matth. 9. Marci 2. & Luc. 5.; ille enim habebat ministros; iste non. De illo etiam patet, quod prius fuit sanatus spiritualiter; postea autem blasphemantibus turbis & Pharisæis in cordibus suis, & dicentibus Luc. 5. v. 21. *Quis potest dimittere peccata nisi solus Deus?* sanavit eum corporaliter, ut viso corporali miraculo sci. ent eum habere potestatem dimittendi peccata, & ita esse Dominum. Unde & ait ibidem v. 24.: *Ut autem sciatis quia Filius hominis habet potestatem in terra dimittendi peccata, (ait Paralytico) Tibi dico, surge, tolle lectum tuum, & vade in domum tuam.* Ecce quod ille prius erat sanatus spiritualiter, & postea materialiter sanatus est; Qui enim prius portabatur a quatuor Ministris in grabato, ut Marcus ait cap. 2. v. 3.: postea per se vadit & portat grabatum. Fecit ergo Christus miracula materialia in his, & de his rebus corruptibilibus.

Ad idem inducitur illud Jo: 4. v. 46. *Et erat quidam Regulus, cujus filius infirmabatur Capharnaum &c.* Ubi habetur, quod Filium ejus sanavit Jesus a febre; quod non potest intelligi nisi de materiali febre, quia Jesus ab illo rogatus dixit v. 48. *Nisi signa, & prodigia videritis non creditis.* Signum igitur visibile fuit.

Præterea dixit Jesus v. 50. *Vade, Filius tuus vivit.* Quo dicto v. 53. *Credidit ipse & domus ejus tota.* Item ibidem dicitur: *Cognovit ergo Pater, quia illa hora erat, in qua dixit ei Jesus: Filius tuus vivit &c.* Ecce completum est quod habetur 1. Cor. 14. v. 22.: *Lingua in signum sunt non fidelibus, sed infidelibus.*

Ad idem istud Jo: 6. v. 5.: *Cum sublevasset ergo oculos Jesus, & vidisset quia multitudo maxima venit ad eum, dixit ad Philippum: Unde ememus panes, ut manducent hi?* 6. Hoc autem dicebat tentans eum: ipse enim sciebat quid esset factururus. 7. Respondit ei Philippus: *ducentorum denariorum panes*

non sufficiunt eis, ut unusquisque modicum quid accipiat. 8. Dicit ei unus ex discipulis ejus, *Andreas Frater Simonis Petri:* 9. *Est puer unus hic, qui habet quinque panes ordeaceos, & duos pisces: sed hæc quid sunt inter tantos?* 10. Dixit ergo Jesus: *Facite homines discumbere.* Erat autem sanum multum in loco. Discubuerunt ergo viri, numero quasi quinque millia. 11. Accepit ergo Jesus panes: & cum gratias egisset, distribuit discumbentibus: similiter & ex piscibus quantum volebant. 12. *ut autem impleti sunt, dixit discipulis suis: Colligite quæ superaverunt fragmenta, ne pereant.* 13. *Collegerunt ergo, & impleverunt duodecim cophinos fragmentorum ex quinque panibus ordeaceis, quæ superfuerunt his, qui manducaverant.* Modo quæro utrum hi panes & pisces fuerint corporales, an spirituales, de quibus illi viri impleti sunt? Si dicas mihi quod fuerunt spirituales: quomodo potest hoc esse? Nonne vides quid dicit Jesus ad Philippum; *Unde ememus panes, ut manducent hi?* Nonne vides quid dicit ei Philippus: *Ducentorum &c.* Et quid ei subsequenter dixit Andreas: *Est puer unus hic &c.?* Ergo non spirituales, sed materiales fuerunt.

Præterea nonne dicitur Matth. 14. v. 17. quod dixerunt discipuli: *Non habemus hic, nisi quinque panes, & duos pisces.* 18. *Qui ait eis: Afferte mihi illos huc?*

Præterea nonne ibi legitur quod accepit eos a quodam puero, qui habebat illos? Sic enim ait Andreas Christo: *Est puer unus hic &c.* Postea dicitur: *Accepit ergo Jesus panes &c.*; prius igitur non habebat; ergo non fuerunt spirituales panes; alioquin prius eos habuisset; ipse enim est panis vivus Jo: 6. v. 51.

Quod autem iste puer non esset Christus patet ex verbis Andreæ ad Jesum: *Est puer unus hic &c.* Item ex eo, quod sequitur: *Accepit ergo &c.*

Præterea aut illi homines, quos implevit, & sanavit de panibus illis, fuerunt carnales, aut spirituales? Spirituales non, quia, ut habetur Jo: 7. v. 39.: *Nondum erat spiritus datus &c.* Quod tu intelligis ad sonum litteræ.

Præterea si fuerunt spirituales, non debuit Christus fugere regimen eorum, cum ad hoc venerit. Dicitur enim ibi v. 15.: *Jesus ergo cum cognovisset, quia venturi essent, ut raperent eum & facerent eum Regem, fugit iterum in montem ipse solus.* Item v. 26. dixit eis: *Queritis me, non quia vidistis signa, sed quia manducaistis ex panibus & saturati estis.* Ergo non erant spirituales.

Præterea ibi dicitur quod venturi erant, *ut raperent eum & facerent eum Regem.* Ergo nondum erat eorum Rex. Ergo non erant spirituales. Item si voluissent eum facere Regem suum spiritualem, non fugisset. Ergo volebant eum facere temporalem Regem. Ergo erant temporales. Ergo & panis temporalis fuit, propter quem quærebant eum in Regem. Item si erant carnales: ergo & cibus carnalis, alioquin si spiritualis fuisset, inde non potuissent impleri. Quomodo ergo stabit quod dicit Jo: *Ut autem impleti sunt &c.?* Item quæ essent illæ duodecim sportæ, quæ de fragmentis illorum panum, & piscium impletæ sunt? Non enim fuerunt discipuli, immo discipuli

puli collegerunt fragmenta, & impleverunt sportas de eis. Constat igitur ex his, quod illi panes materiales fuerunt, & pisces similiter, & quod miraculum fuit materiale.

Præterea Jo: 6. v. 14. dicitur: *Illi ergo homines cum vidissent quod Jesus fecerat signum*. Ergo erat signum visibile, & ita materiale; si enim fuisset spirituale, non vidissent, cum non essent spirituales. Quare ergo audes dicere, quod a diabolo sint res visibiles & materiales? Inde enim, ut dicit Jo: v. 11., *Cum gratias egisset*. Si enim gratiæ ei, a quo habentur. Ergo egisset gratias diabolo: quod nefas est dicere.

Præterea illis acceptis aspexit in cælum, ut dicitur Matth. 14. v. 19., & Jo: dicit quod gratias egit. Ergo Deo Altissimo gratias egit de illis. Fuit ergo Deus cæli illorum causa.

Præterea benedixit eos, ut dicit Matthæus; quod non fecisset, si diaboli fuissent. Et nota quod in isto miraculo concordant Matth. 14. Marcus 16. Luc. 9. & Jo: 6. Item Matth. 15. & Mar. 8. habetur, *quod Jesus pavit quatuor millia hominum ex septem panibus & piscibus paucis*. Quod miraculum potest ostendi materiale esse, si inspiciantur verba utriusque Evangelistæ.

Ad idem inducimus illud Jo: 9. v. 1. *Jesus vidit hominem cæcum a nativitate*: 2. & interrogaverunt eum discipuli ejus: *Rabbi quis peccavit, hic aut parentes ejus, ut cæcus nasceretur &c.*? usque abiit. Quod istud miraculum fuerit materiale patet ex littera; unde ibi dicitur v. 8.: *Itaque vicini, & qui viderant eum prius, quia mendicus erat, dicebant: Nonne hic est, qui sedebat & mendicabat? Alii dicebant: quia hic est &c.* usque quomodo aperti sunt tibi oculi? Isti, qui hoc interrogabant, videbant oculos suos apertos. Dubitantes autem quærebant: quomodo &c. Si isti fuissent fideles, & spirituales, scivissent quomodo, quia Christi virtute. Erant igitur infideles & carnales. Ex quo patet, quod de oculis materialibus quærebant, quomodo fuissent aperti; spirituales enim oculos non videbant apertos ei, cum ipsi essent cæci spiritualiter.

Præterea si vis dicere, quod de cæcitate spirituali agatur: quomodo dicit Christus Jo: 9. v. 3. quod *neque hic peccavit, neque parentes ejus*, ut cæcus nasceretur? Nonne dicitur, quod a nativitate cæcus erat? Ergo a nativitate peccator; cæcitas enim spiritualis peccatum est. Videtur ergo, quod Christus mentitus fuisset, cum dixit: *Neque hic peccavit, neque parentes ejus*.

[*] Præterea iste dicitur cæcus a nativitate. Modo quæro: de qua nativitate intelligitur? Si de cælesti: ergo ibi natus est spiritualis cæcus. Ergo per ascensum Principis mundi non est factus cæcus spiritualiter; ante enim natus est ibi secundum te, quam ille ascenderet, cum Populus Dei sit æternus, ut dicis. Si autem de nativitate in hoc mundo vis intelligere illud: ergo post istam nativitatem cæcus spiritualiter factus est; sed prius peccavit, quam nasceretur hic. Ergo prius spiritualiter cæcus. Ergo non fuit sic cæcus a nativitate in hoc mundo. Vides igitur

tur quod non potest intelligi de spirituali cæcitate. Ergo de materiali, [*]

Præterea sequitur Jo: 9. v. 16. *Dicebant ergo ex Phariseis quidam: Non est hic homo a Deo, qui sabbatum non custodit*. Isti videbant eum illuminatum esse a Christo. Si spiritualiter illuminatus fuisset, & vidissent eum taliter illuminatum, numquam istud dixissent; ubi enim invenitur curatio, & illuminatio spiritualis prohibita? Nusquam; immo Judæi tunc magis orationi & lectioni intendunt. Nusquam ergo curam spirituales prohibitam esse intelligebant, sed tantum corporalem, & de illa arguebant Jesum, quia eam faciebat in sabbato, unde Luc. 13. v. 14. Archifsynagogus dicebat turbæ: *Sex dies sunt, in quibus oportet operari: in his ergo venite & curamini, & non in die sabbati*.

Præterea si iste cæcus illuminatus erat spiritualiter non corporaliter: Quomodo non cognoscebat lumen spirituale scilicet Christum? Quod autem non cognosceret eum patet ex littera, ubi habetur, quod Domino dicenti cæco sanato, Jo: 9. v. 35. *Tu credis in Filium Dei?* 36. *Respondit ille, & dixit: Quis est Domine ut credam in eum?* 37. *Et dixit ei Jesus: & vidisti eum, & qui loquitur tecum, ipse est*. 38. *At ille ait: Credo Domine &c.* Ex quo patet quod nondum crediderat eum Dei Filium: Ergo nondum erat spiritualiter illuminatus. Ergo corporaliter tantum. Materiale ergo fuit miraculum, & materialiter intelligenda sunt verba illa, licet aliquid spirituale insinuent, sicut & cætera Christi opera. Spiritum ergo materiale fuit, quod mixtum est terræ, & factum est inde lutum: in quo verbo obmutescite, qui terram istam malæ creationis asseritis; numquam enim suam salivam ei immiscuisset, si sic esset, ut dicitis. Obmutescite & vos alii Cathari, qui Christum spuisset, urinasse, & hujusmodi fecisse negatis.

Item Jo: 18. v. 10. legitur quod *Petrus habens gladium eduxit eum: & percussit Pontificis servum: & abscidit auriculam ejus dexteram*. Erat autem nomen servo *Malchus*. Lucæ vero 22. v. 51. dicitur: *Cum Jesus tetigisset auriculam ejus, sanavit eum*. Ista non possunt intelligi, nisi materialiter dicta & facta; non enim fuit gladius spiritualis, qui est verbum Domini.

Præterea si fuit spiritualis: dic mihi: quæ fuit auricula illo gladio amputata? Secundum hoc enim oporteret, quod spiritualis fuisset. Dic mihi: aut bona, aut mala? Bona, & spiritualis non potest esse; ipse enim servus erat Pontificis, & venerat cum aliis capere Jesum.

Præterea nondum erat spiritus datus, ut dicis. Ergo non erat spiritualiter bona. Si autem mala: bonum fuisset amputare illam, & Dominus Jesus non restituisset ei illam. Ergo non fuit spiritualis auricula. Ergo fuit materialis & sanatio quoque materialis.

Præterea Matth. 26. v. 52. dicitur: *Omnes enim, qui acceperint gladium, gladio peribunt*. Hoc autem dictum est Petro a Domino eum increpante de gladio; sed non increpasset eum de spirituali. Ergo miraculum fuit materiale. Ex prædictis patet quod Jesus

Jesus fecit materialia miracula in rationali creatura, quæ est homo. Fecit etiam in creatura sensibili & vegetabili, & simpliciter ente, sine vita, sensu, & ratione. Ex quo recte concluditur omnium etiam Dominum esse.

Item si volumus Evangelii litteram inspicere, invenire possumus, quod Dominus membra corporis humani a capite usque ad pedes curavit a languoribus suis. De oculis enim habes Matth. 9. v. 27., ubi duos cæcos illuminasse dicitur. De cæco, & muto habes etiam Matth. 12. v. 22., ubi patet quod oculos & os sanavit. De auribus ejus etiam creditur quod sanaverit; creditur enim fuisse surdus. Sed inde expressum est testimonium Marci 7. v. 32., ubi adduxerunt ei surdum & mutum, & sanavit eum. De manu arida a Domino sanata habetur Matth. 12. v. 13. Marci 3. v. 3. & Lucæ 6. v. 8. De pedibus, & cruribus habetur Matth. 11. v. 4., ubi dicit Christus: *Euntes renunciate Johanni quæ audistis & vidistis. 5. Cæci vident, claudi ambulant, leprosi mundantur, surdi audiunt &c.* Hoc autem ideo fecit, ut se ostenderet & Creatorem contra Catharos, qui duo ponunt principia & factorem: & formatorem membrorum corporis humani, ad confusionem illorum Catharorum, qui unum asserentes Creatorem, ponunt diabolum esse factorem & formatorem horum visibilium.

Ex præcedentibus patet quod Christus materialia miracula fecit in his, & de his rebus transitoriis.

Nunc videndum est utrum Ecclesia sua hoc idem fecerit. Quod autem ita sit patet Actor. 3. v. 2., ubi legitur quod *quidam vir, qui erat claudus ex utero matris suæ, bajulabatur &c.* usque *consolidatæ sunt bases ejus, & plantæ.* Constat quod iste erat Claudus materialiter; alioquin non diceretur *claudus ex utero matris*, & quod bajularetur.

Præterea quomodo diceretur v. 7.: *Et protinus consolidatæ sunt bases ejus & plantæ.* 8. *Et exiliens stetit, & ambulabat: & intravit cum illis in templum ambulans & exiliens, & laudans Deum &c.* usque *in eo, quod contigerat illi?* Ergo istud, quod ei contigit materiale factum fuit. Si forte dicas quod videbat visu spirituali.

Contra. Omnis ille populus cæcus erat spiritualiter. Ergo non videbat spiritualiter. Hujus assertionis probatio hæc est, quia dixit Petrus eis v. 19.: *Pœnitementi igitur & convertimini, ut deleantur peccata vestra.* Nondum igitur conversi, vel pœnitentes erant, neque deleta erant eorum peccata. Erant ergo cæci spiritualiter, & ita ut prius. Ergo

non videbant spiritualiter illum fanatum, sed tantum materialiter.

Præterea si esset populus ille spiritualiter videns, non admiraretur in hoc facto, neque intueretur Petrum & Johannem, quasi sua virtute, aut sua potestate fecerint illum ambulare, sed tantum Dei virtute, qui glorificavit filium suum Jesum in sanitate collata illi claudus. Mirantur autem, & intuentur eos, quasi sua virtute hoc fecerint. Ergo non erant spiritualiter videntes, sed tantum materialiter; & ita fuit factum hoc materiale.

Præterea si spirituale factum esset, non judicaretur pro isto facto, cum sciretur ab illis esse. Sed nonne dicit Petrus Actor. 4. v. 8.: *Principes populi & seniores audite: 9. Si nos hodie dijudicamur in beneficio hominis infirmi, in quo iste salvus factus est?* Nonne etiam dicit eis Petrus v. 10.: *Quia in nomine Domini nostri Jesu Christi Nazareni, quem vos crucifixistis, quem Deus suscitavit a mortuis, in hoc iste astat coram vobis sanus, id est vobis videntibus?* Isti autem spiritualiter erant cæci: non est dubium; unde denunciabant eis, ne loquerentur, aut docerent in nomine Jesu.

Præterea dicitur ibi v. 14. quod *hominem quoque videntes stantem cum eis, qui curatus fuerat, nihil poterant contradicere*; quasi dicat; ita notum erat eis. Item dicebant v. 16.: *Quid faciemus hominibus istis? Quoniam quidem notum signum factum est per eos omnibus habitantibus Jerusalem: manifestum est, & non possumus negare.* Si signum eis, & aliis notum, quod negare non poterant: Ergo materiale signum fuit; alioquin eis notum non fuisset; vel si notum fuisset, non indignati fuissent eis.

Quod autem tantum in hoc mundo, & in ista Jerusalem terrena factum fuerit istud miraculum patet ex eo, quod ibi dicitur v. 22.: *Annorum enim erat amplius quadraginta homo, in quo factum fuerat signum istud sanitatis.*

Item per orationem Apostolorum ad Dominum fufam v. 24. *Domine tu es, qui fecisti cælum & terram &c.* usque *decreverunt fieri*; Non enim invenitur, quod Herodes & Pontius Pilatus istud alibi fecerint.

Idem potest probari per multos a Petro curatos Actor. 5., & per Æneam paralyticum sanatum a Petro in Lydda Actor. 9. v. 34. & per Tabitham discipulam ab eodem resuscitatam in Joppe, ibidem v. 40. & 41. Item Actor. 14. v. 7. per quemdam claudum sanatum a Paulo. (2)

CA-

(2) Thomas Vvoollstonus, qui κατὰ λέξιν accipi oportere negat Christi miracula, Irenæum, Origenem, Theophilum Antiochenum, Hilarium, Augustinum, Ambrosium, Hieronymum, Chrysostomum, Eucherium, Johannem Hierosolymitanum, & Theophylactum sibi præsidio esse jactat; quare horum testimonium suum illud opinionis portentum tueri studet. Itaque, ut constare possit, quæ fuerit veterum Patrum de Miraculis Christi vera & germana sententia, quadam eorum testimonia afferenda in medium sunt. Ac Irenæus quidem, ut corporum resurrectionem evincat, corpora miro quodam modo curata fuisse a Christo prædicat lib. v. cap. xv. n. 2. pag. 311. Id vero argumenti genus nullius esset roboris, si Christi prodigia, non corporum, sed animorum tantum sanitatem spectarent. Origenes autem etsi omnia in allegoricum sensum vertere plerumque conatus fuerit, quod illi vitio vertunt Epiphanius, & recentiore memoria, Petrus Daniel Huetius, clare tamen, atque perspicue libro 11. contra Celsum n. 48. pag. 422. Tom. 1. Opp.

Christi miracula tam fuisse certa pronunciat, ut ne Celsus quidem Christianæ Religionis hostis, ea in controversiam revocare potuerit: *Jam sæpe Celsus, quia inficiari non potuerat miracula, quæ Jesus fecisse scribitur, illa præstigiis tribuenda esse calumniatus est, & nos contra sæpe pro viribus pugnavimus. Nunc autem nobis, quasi interrogatis, qua causa illum esse filium Dei judicaverimus; id responsi adscribit nos ita judicasse, quod & claudos, & cæcos curaverit, quibus addit: quodque, ut dicitis vos, mortuos suscitaverit. Claudos, & cæcos a Jesu fuisse curatos, quamobrem illud pro Christo, Denique Filio habemus, inde perspicuum est, quod & in prophetiis scriptum sit: tunc aperientur oculi cæcorum, & aures surdorum audient &c. Mortuos autem fuisse suscitatos, nec istud commentos esse, qui Evangelia scripserint aequè constat. Nam si figmentum esset, plures suscitatos recensuissent, eosque diutius in monumentis dixissent fuisse moratos. Illos contra, quæ suam sinceritas est, per paucos enumerant, nimirum Archisyna-* gogi

CAP. X.

Queritur an differentia illa, quam constituunt Hæretici inter corpus, & animam possit stare: & contra hoc, quod dicunt aliud esse animam, aliud esse Spiritum; & Populum Dei ex corpore, anima, & spiritu constare.

§. UNICUS.

Nunc accedentes ad decimum Capitulum hujus partis, videamus utrum differentia illa, quam dicunt Cathari, qui duo ponunt principia (1) sit inter animam, & spiritum. Illi enim Cathari; qui duo ponunt principia, dicunt Populum Dei constare ex tribus, scilicet corpore, anima, & spiritu præsentante utrique. Et hoc volunt habere ex illo verbo Apostoli 1. Thessa. 5. v. 23. *Ipse autem Deus pacis sanctificet vos per omnia: ut integer spiritus vester, & anima, & corpus sine querela in adventu Domini nostri Jesu Christi servetur?* Aliud est ergo anima, & aliud spiritus.

Item tres Pueri in fornace benedicentes Domi-

num, quasi uno ore dicebant Dan. 3. v. 86. *Benedicite spiritus, & animæ justorum Domino.*

Item B. Virgo Luc. 1. v. 46. ait: *Magnificat anima mea Dominum: 47. Et exultavit spiritus meus in Deo salutari meo.* De cujus etiam corpore habetur Luc. 11. v. 27. ubi dicitur: *Beatus venter, qui te portavit, & ubera, quæ suxisti.* Ubi per partes corporis ejus totum corpus Virginis designatur.

Item in Christo etiam idem invenitur; legitur enim de eo Jo: 19. v. 30. *Et inclinato capite tradidit spiritum.* Item Jo: 10. v. 17. *Propterea me diligit Pater: quia ego pono animam meam, ut iterum sumam eam.* Item Jo: 19. v. 38. *Rogavit Pilatum Joseph ab Arimathea (eo quod esset discipulus Jesu, occultus autem propter metum Judæorum) ut tolleretur corpus Jesu.* Multa quidem & alia testimonia possunt inveniri, quibus appareat aliud esse animam, & aliud spiritum.

Sciendum est autem, quod per spiritum intelligunt isti Hæretici Angelos, de quibus legitur Hæb. 1. v. 7. *Qui facit Angelos suos spiritus.* Quod sic intelligitur: Deus spiritus cælestes facit Angelos, id est nuncios suos, de quibus ibidem dicitur 14. *Omnes sunt administratorii spiritus, in ministerium missi propter eos, qui hereditatem capiunt salutis.* Offici-

O

cium

gogi filiam, de qua nescio cur dixerit, non mortua est, sed dormit, peculiare quid de illa inquit quod omnibus mortuis non inerat, & unicum vidua filium, quem miseratur, vitæ restituit, jussu basilis consistere, tertium denique Lazarum, jam quatuor dies in sepulcro inclusum. Qua de re candidiores harum rerum aestimatores... admonere quemadmodum multi erant leprosi, solus vero sanatus est Naaman Syrus; sicut multa vidua fuerunt ætate Eliæ Propheta, nec tamen ad ullam missus est Elias, præterquam ad Sareptanam Sidoniam... sic multos, dum Jesus in vivis esset, mortuos fuisse, sed solos esse suscitatos, quos suscitari expedire verbum judicavit, ut miracula illa non solum quarundam rerum signa essent sed etiam per se ad admirabilem Evangelii doctrinam multos allicerent. Hæc autem quæ fuisse persequitur Origenes ad veritatem plane evincunt, miracula a Christo Salvatore patrata non animam solum, sed etiam corpus spectare, alioquin, nisi Adamantius in ea sententia fuisset versatus, qui fieri potuisset, ut Celsus diceret, negare non potuisse Christi miracula? Nam infensibilis ille Christiani nominis hostis ita erat animo comparatus, ut animis nullam salutem collatam a Jesu, quem præstigiatores esse jactabat, sed corporibus tantummodo concessam sanitarum arbitraretur. Jam vero, vim magnam copiamque hominum fuisse a peccatis liberatos constat; cum tamen Origenes tres fuisse a mortuis excitatos fateatur. Quod si de salute animarum & allegorice hæc resuscitatio intelligi deberet, non equidem video, cur Origenes tres tantum a mortuis revocatos fuisse, & non multo plures, ut Apostolos, ut discipulos, ut alios quamplurimos dixerit. Constat ergo Origenem vera Christi miracula agnovisse κατὰ λέξιν. Quod si is, qui plurimum sensui allegorico tribuebat, ab iis, sterneret; qui litteralem, in eo quod ad miracula pertinet, sequuntur; ceteri profecto Patres multo magis communem, ac pervulgatam sententiam complexi fuerint necesse est. Adeundi Cyrillus Hierosolymitanus Homil. in Paraliticum juxta Piscinam jacentem per tot. pag. 336. seqq. Archelaus disputatione cum Manete n. xxxvi. pag. 63. Cyrillus Alexandrinus lib. 1. Adversus Anthropomorphitas cap. xxi. pag. 392. Tom. vi. Opp. Edit. an. 1638. Theodoretus Serm. x. de Providentia pag. 446. Tom. iv. Opp. Edit. an. 1642. Theophilus Alexandrinus lib. Paschali 11. Inter Opp. S. Hieronymi col. 706. seq. Tom. iv. Edit. Martianæ. Consulat præterea Lector commentarios Hieronymi in Matthæum, & Ambrosii in Lucam, Augustini quoque libros de Civitate Dei, ceterorumque Sanctorum opera; itaque fiet, ut animadvertat, merito ab Regni Anglicani senatu Voolstoni librum damnatum fuisse, & poenam intentatam improbo auctori, ni ille, ut meritum supplicium subterfugeret ad Judæorum cœtum nefarie transivisset. Sed qui de Miraculis, deque Miraculorum gradibus, causâ efficiente, & finali, ut vocant miraculorum, quæ circa corpora versantur, plura volet, perolvat libri Iv. P. 1. cap. 1. seqq. Operis de Servorum Dei Beatif. & Beator. Canoniz. quod opus summa diligentia, eruditione, ac

que doctrina elaboravit Prosper Cardinalis Lambertinus, nunc Benedictus xiv. Pont. Max. qui universam Ecclesiam incredibile sapientia, prudentia, & pietate regit, ac moderatur.

(1) Catharos opinor Albanenses hic vexat Moneta. Horum, quippe erat propria de principiis duobus opinio: ut Sachonus contendit; quamvis nihil de dogmate spiritus, anima, & corporis cælestis divisione ab illis propugnata, memoriæ posterorum tradiderit. Verum animi a spiritu distinctionem veteres plerique tutati sunt. Justinus Martyr in Dialogo cum Tryphone pag. 224. Senem quemdam loquentem introducit animam a spiritu fecernentem. Id vero quemadmodum intelligi debeat, videre quis apud Nourrium poterit Tom. 1. Appar. ad Bibl. Max. Veterum PP. Dissert. 11. cap. v. §. xix. pag. 421. Eodem spectant, quæ habet Tatianus Oratione ad Græcos pag. 152. Anima, inquit, spiritui Divino conjuncta, non caret auxilio, verum ascendit illuc, quo ducitur a spiritu... Et factus est quidem ab initio spiritus animæ familiaris, sed cum non vellet spiritum sequi, ab eo secreta est. Sed loqui alicubi Tatianum de Donis Spiritus Sancti, existimat Nourrius ibid. Diss. v. cap. 11. pag. 541. quamvis tamen non diffitetur, Tatianum ipsum divisisse hominem in partes tres: videlicet in corpus, animam, & spiritum. Afferunt autem Nourrius locum Hieronymi ex Epistola ad Hedibiam Quæst. xii. qui tradidit fuisse aliquos Christianos, qui defenderent: Triplicem in homine esse substantiam, spiritus, quo sentimus, animæ, qua vivimus, corporis, quo incedimus. Simile quidpiam reperire licet in Irenæi lib. iv. cap. vi. n. 1. seqq. Sed de Donis Spiritus Sancti, quæ ab animo differunt, sermonem ibi institui ab Irenæo, censet Masluetius pag. 299. Nota M. Et Dissert. Præv. 111. In Irenæi libros Artic. x. n. 118. seq. Consule Nourrium Diss. vi. cap. ix. §. 1. pag. 610. Valentiniani hæretici triplicem in uno homine hominem esse putabant: Materialem, Psychicum, seu animale, & spiritalem ortum e spiritali semine, quod ex angelorum contemplatione protulit Achamot. Videtur Masluetius Dissert. 1. cap. 1. Art. 1. num. 72. pag. 44. Id vero a Platonicis acceperant, quod observat ibidem Masluetius: Distingunt etiam Vveigelliani hæretici spiritum ab animo, quippe qui tres esse partes hominis essentielles censent: Corpus terrestre, spiritum æthereum, & animam divinam. Vide Gasparem Calvorum in Fissura Sionis pag. 560. Sed, quem Cathari ab animo fecernebant, non sensu Patrum, qui aut dona Spiritus Sancti, aut quam nos rationalem animam appellamus intelligentem volentemque, spiritus nomine indicabant, sed longe diverso ac discrepanti. Eum quippe subsistens nescio quid esse, neque exstare in corpore, sed adstare dumtaxat animæ contendebant. Quin etiam peccasse quidem aiebant animas, quamobrem illigatas fuisse corporibus, mansisse autem spiritus in cælo, quos tamen animabus accedere existimabant, quo tempore fidem Catharisticam colere, manique impositione initiari cœpissent. Vide nostrum in Prol. hujus lib. 1.

cium ergo bonorum spirituum est ministrare animabus, & regere eas, atque custodire; Animæ vero officium est recipere spiritus ministerium, consilium, regimen, atque custodiam. Sic autem sumpto nomine spiritus, scilicet pro spiritibus, idest Angelis cælestibus, non est dubium quin differentia essentialis sit inter animam, & spiritum. Notum tamen est apud Viros peritos, quod hoc nomen spiritus commune est ad omnem substantiam spiritualem, idest ad Angelicam naturam, & Animam humanam; Scimus enim quod substantiarum alia spiritualis est, alia corporalis: Item substantiarum spiritualium alia anima, & alia Angelus. Sicut ergo spiritualis substantia communiter se habet ad Angelum, & animam; sic spiritus communiter dicitur de utroque.

Non negamus etiam quod Angelicus Spiritus regat humanum, qui anima appellatur, quod ei ministret, quod eum custodiat; quod enim de Christo dictum est Psal. 90. v. 11. *Angelis suis Deus mandavit de te, ut custodiant te in omnibus viis tuis*; hoc etiam de aliis hominibus membris Christi Capitis debet intelligi, ut vult Apostolus Heb. 1. v. 14. *Omnes sunt administratorii Spiritus &c.*

Peccant autem multipliciter Cathari. Primo, quia ignari virtutis hujus nominis Spiritus, indistincte dicunt aliud esse animam, & aliud spiritum. Secundo modo peccant, quia dicunt Populum Dei cælestem constare ex tribus, scilicet corpore, anima, & spiritu Angelico. Hoc vero in nullo inveniunt testimonio, scilicet quod cælestis Dei Populus ex iis constet. Substantiæ illæ, quæ communi vocabulo dicuntur Angeli, sunt substantiæ separatæ; animæ autem humanæ sunt substantiæ conjunctæ his corporibus, quæ per ipsas in vita subsistunt.

Quod autem peccent in primo patet testimonio Domini Matth. 20. v. 28. ubi ait: *Filius hominis non venit ministrari, sed ministrare, & dare animam suam, redemptionem pro multis*. Istam etiam appellat Jo: cap. 19. v. 30. Spiritum, ubi ait: *Et inclinato capite tradidit spiritum*, supple, *redemptionem pro multis*.

Præterea ipse tradidit spiritum. Si ipse constabat ex spiritu, & anima, & corpore, dicas mihi: numquid anima ejus tradidit spiritum? Non, quia spiritus non est in potestate animæ, sed è contrario. Quomodo ergo dicit, quod *tradidit spiritum*, nisi quia spiritus est ipsa anima? Ude Ephes. 5. v. 2. dicitur quod *tradidit semetipsum*.

Item alio modo patet eos peccare; Constat enim quod nullus Spiritus Angelicus est in homine, quod etiam ipsi fatentur: Spiritus autem humanus in ipso est, ut dicit Apostolus 1. Cor. 2. v. 11. Ergo spiritus humanus, non spiritus Angelicus, sive Angelus, sicut ipsi dicunt; immo est ipsa anima humana, quæ in veritate est in ipso homine.

Tertio etiam modo constat eos peccare, si inspiciantur Scripturæ, in quibus sit mentio de spiritibus, quos ipsi exponunt de Angelis. Numquid illi possunt corrumpi, aut peccare? Si dicas, quod non: Quare ergo illam auctoritatem Apostoli 1. Thes. 5. *Ut integer spiritus &c.* exposuisti de illo spiritu Angelico? Hoc enim ipso quod Apostolus dixerat: *Ut integer spiritus vester &c.* videtur quod possit corrumpi, vel peccare.

Si autem dicas, quod corrumpi potest, vel peccare; mirum est quod hoc audeas dicere, cum dicas quod Draco non traxit nisi tertiam partem Stellarum, idest Populi Dei; hoc est animas relictis corporibus ibi, & aliis spiritibus. Et quare eos reliquit; & non traxit secum, nisi quia in eis potestatem non habuit, ut faceret eos peccare? Ipsi enim secundum te per se non possunt peccare; alioquin ex bono posset esse malum; quod tu negas: de quo dictum est supra in eadem parte cap. 3.

Si autem quæras a me qualiter ibi sumatur spiritus, dico quod pro dono, sive gratia spirituali; unde supra dixerat v. 20. *Spiritum nolite extinguere*, id est gratiam spiritualem in aliquo homine datam nolite destruere.

Item Hæretice illam auctoritatem 1. Corinth. 14. v. 12. *Quoniam emulatores estis spirituum, ad ædificationem Ecclesiæ quærite ut abundetis*; prave exponis de Spiritibus Angelicis hominum rectoribus. Quod patet ex eo, quod si sunt rectores eorum, majores eis sunt: Item ex eo, quod non peccaverunt, neque ad peccatum induci potuerunt a Principe hujus Mundi patet, quod majores sunt animabus Corinthiorum. Male ergo diceret Apostolus ibi v. 32. *Spiritus Prophetarum prophetis subiecti sunt*.

Si autem dicas mihi quomodo ibi sumatur spiritus, dico quod pro donis Spiritus Sancti, & principalis, quæ quidem dona Prophetis subiecta sunt, quia in potestate liberi arbitrii habent usum eorum, ut possint uti eis, & non uti, si volunt. Vis autem videre hoc, quod dico? Attende illud, quod dicit Apostolus in principio capitis 14. ipsis Corinthiis: *Sectamini charitatem, emulamini spiritualia: magis autem, ut prophetetis*. Ergo cum dicit Apostolus: *Emulatores estis spirituum* intelligendum est: spiritualium donorum a Spiritu Sancto datorum; sicut habetur in eadem Epistola cap. 12. v. 11., ubi enumeratis quibusdam donis dicitur: *Hæc autem omnia operatur unus, atque idem spiritus, dividens singulis prout vult*. Sic etiam sumit Apostolus 1. Cor. 14. v. 14. ubi ait: *Nam si orem lingua*, supple mihi incognita, *Spiritus meus orat*, idest facit me orare: *mens autem mea*, idest intelligentia *sine fructu est*, quia non intelligit quod dico. Quod autem sic intelligatur: *Si orem lingua mihi incognita &c.* patet parum supra, ubi dixerat v. 11. *Si ergo nesciero virtutem vocis, ero ei, cui loquor, barbarus*.

Item prave exponis Hæretice Spiritum Christi, id est ipsum Angelum, quem rectorem Animæ Christi ponis, fuisse illum, de quo dicit Petrus in prima Epistola sua v. 10. *De qua salute exquisierunt, atque scrutati sunt Prophetæ, qui de futura in vobis gratia prophetaverunt: 11. Scrutantes in quod, vel quale tempus significaret in eis Spiritus Christi*. Immo Spiritus Christi dicitur Spiritus Sanctus, atque Principalis, de quo dicemus, & ostendemus inferius: quod summus Deus, a quo Spiritu Prophetæ habent quod dicunt, & intelligunt, ut dicitur 1. Corinth. 12. v. 10. Similiter & Rom. 8. v. 26. ubi dicitur: *Nam quid oremus, sicut oportet, nescimus: sed ipse spiritus postulat pro nobis gemitibus inenarrabilibus*; id est facit nos postulare, & gemere; dicitur enim

enim facere facit ; unde parum ante ait Apostolus in persona sua , & aliorum Apostolorum v. 23. *Nos ipsi primitias spiritus habentes : & ipsi intra nos gemimus.*

De isto etiam spiritu , sicut tu ipse dixisti , intelligitur illud Apostoli verbum Rom. 8. v. 15. *Non enim accepistis spiritum servitutis iterum in timore , sed accepistis spiritum adoptionis filiorum , in quo clamamus : Abba (Pater) .* 16. *Ipse enim spiritus testimonium reddit spiritui nostro quod sumus Filii Dei .* Et in principio illius Capituli v. 3. ita loquitur : *Deus Filium suum mittens in similitudinem carnis peccati , & de peccato damnavit peccatum in carne ,* 4. *ut justificatio legis impleretur in nobis , qui non secundum carnem ambulamus , sed secundum spiritum .* 5. *Qui enim secundum carnem sunt : quæ carnis sunt , sapiunt . Qui vero secundum spiritum sunt : quæ sunt spiritus , sentiunt .* Præterea dicit v. 8. *Qui autem in carne sunt , Deo placere non possunt .* 9. *Vos autem in carne non estis , sed in spiritu : si tamen Spiritus Dei habitat in vobis . Si quis autem Spiritum Christi non habet : hic non est ejus .* Modo quæro a te : quid appellas Spiritum Christi ? Numquid Angelum suum , ex quo constat , & ex anima , & corpore ? Non ; alii enim non constant ex illo . Appellatur ergo Spiritus Christi Spiritus Sanctus , sive principalis . De hoc igitur loquitur Petrus in præfata auctoritate : *de qua salute &c.*

Præterea dic mihi : Apostolus dicit statim Rom. 8. v. 10. *Si autem Christus in vobis est : Corpus quidem mortuum est propter peccatum : Spiritus vero vivit propter justificationem .* De quo spiritu loquitur ? Numquid de principali ? Non . Numquid de Angelo , ex quo , & corpore , & anima constat qui est de Populo Dei boni ? Non , quia dicit Apostolus : *Si autem Christus in vobis est : Corpus quidem mortuum est propter peccatum : Spiritus vero &c.* Licet enim Christus non esset in eis , tamen ille Spiritus viveret , quia numquam peccavit , ut dicis .

Præterea dicit quod spiritus eorum vivit propter justificationem . Quæ autem sit illa justificatio patet ubi dixit Apostolus parum ante : *Deus Filium suum mittens &c.* usque *sed secundum spiritum .* Ista autem justificatio est , quando quis de injusto fit justus ; unde & ait : *De peccato damnavit peccatum in carne , ut justificatio legis impleretur in nobis .* Sic ergo necesse esset quod iste spiritus prius peccasset , & postea a peccato justificatus esset . Hoc secundum te esse non potest , qui ponis illum spiritum non peccasse . Spiritus igitur non venit ibi pro spiritu Angelico . Venit igitur pro anima , quæ est spiritus hominis .

Præterea si Populus Dei constat ex illis tribus , & anima tantum peccavit , potius debuit dicere Apostolus : Anima enim mortua est propter peccatum , quam corpus mortuum est propter peccatum .

Et nota quod cum Apostolus dicit , quod Deus Pater , vel Filius Dei *damnavit* , id est destruxit peccatum , per peccatum intelligitur Diabolus , quem , id est , cujus potestatem destruxit in hominibus ; *de* , id est pro peccato , quod fecit in carne Christi . Hebr. 2. v. 14. *Quia ergo pueri communicaverunt carni , & sanguini , & ipse similiter participavit eisdem : ut per mortem destruxerit eum , qui habebat mortis imperium , id est , Diabolum .*

Et quia prius diximus quod anima spiritus dicitur , & est prædicatio generis de specie , testimoniis divinarum Scripturarum hæc ostendamus ; Apud Philosophos enim hoc notum est . Dicitur Eccle. 3. v. 21. *Quis novit si spiritus filiorum Adam ascendat sursum , & si spiritus jumentorum descendat deorsum ?* Constat enim quod spiritus jumentorum non dicitur , nisi anima sensibilis , & spiritus filiorum Adam dicitur anima rationalis . Item Eccle. 12. v. 7. *Et revertatur pulvis in terram suam , unde erat , & spiritus redeat ad Deum , qui dedit illum .* Idem ergo dicitur anima , & spiritus . Sciendum autem quod alia ratione dicitur anima , & alia spiritus . Anima dicitur secundum quod alit corpus , unde dicitur ab alo alis . Dicitur ergo anima in comparatione ad corpus ; unde Aristoteles describens quid sit anima secundum quod dicitur anima , dicit quod est *ἔντελεια* Entelechia , id est , profectio corporis viventis potentia : (2) Spiritus autem dicitur secundum quod respicit ad Deum Creatorem suum per intelligentiam , & dilectionem ; unde & Sap. 5. v. 16. dicitur de justis *quod apud Dominum est merces eorum , & cogitatio illorum apud Altissimum .* Et David Psal. 37. v. 10. de se ait : *Domine ante te omne desiderium meum &c.* Propter ista duo dicebat idem David ad eum Psal. 24. v. 1. *Ad te Domine levavi animam meam &c.* Et Psal. 122. v. 1. *Ad te levavi oculos meos : quod fit quando intelligentia , & affectus in ipsum fertur .* Ex prædictis patet spiritum quandoque sumi pro Spiritu Sancto , quandoque pro donis ejus , quandoque pro spiritu humano , id est , pro anima . Quandoque etiam sumitur spiritus , pro spiritu vitali ; animali , & naturali , qui est corpus subtile ; Quandoque etiam sumitur pro vento ; unde Act. 2. v. 2. *Tamquam advenientis spiritus vehementis ;* quandoque sumitur pro mente humana ; unde Prov. 29. v. 11. *Totum spiritum suum profert stultus ;* quandoque pro ira , sive vindicta ; Prov. 1. v. 23. *En proferam vobis spiritum meum ;* Et Isa. 19. v. 3. *Dirumpetur spiritus Ægypti in visceribus ejus ;* quandoque sumitur pro splendore spiritualis intellectus , qui datur Prophetis , & cum quo prophetant ; unde num. 11. v. 25. dicitur quod cum requievisset in 70. viris spiritus prophetaverunt , nec ultra cessaverunt .

Explicit Liber Primus .

(2) Cicero in 1. Tusculanarum Questionum cap. x. Aristoteles , inquit , . . . ipsum animum *ἐντελεχίαν* appellat novo nomine ,

quasi continuatam motionem , & perennem . Vide Aristot. lib. 11. De Anima cap. 1. Et notas Davisi in locum Ciceron. mox indicatum .

VENERABILIS PATRIS
M O N E T Æ
CREMONENSIS
 ORDINIS PRÆDICATORUM
S U M M Æ
 ADVERSUS CATHAROS, ET VALDENSES
 LIBER SECVNDVS.

Pertractata hujus Operis particula prima, ad secundam accedamus: dividitur autem ista particula in novem Capitula.

Primum Cap. est de radicibus, quibus innituntur illi hæretici, qui unum asserunt Creatorem, & improbantur ille radices.

Secundum Cap. est de factura, & formatione horum visibilium, an fuerit a Deo Patre Christi, vel a Diabolo, ut dicunt.

Tertium Cap. est de persuasionibus phantasticis, quibus communiter utuntur utrique Cathari accusantes Creatorem suum, vel facturam horum visibilium ad subversionem simplicium.

Quartum Cap. est de formatione, & factura Animarum humanarum, an a Deo sancto sit, an a Diabolo, ut ajunt Hæretici ponentes, quod traduntur ex spiritu Adæ.

Quintum Cap. est de esu quarundam rerum utrum licitus sit, postquam constiterit, quod a Deo sunt distinctæ secundum suas species.

Sextum Cap. an Deus dator veteris Testamenti bonus fuerit?


Septimum Cap. an ipsum vetus Testamentum bonum fuerit?

Octavum Cap. an in veteri Testamento, & ante adventum Christi fuerint aliqui boni viri?

Nonum Cap. est de Miraculis.

C A P. I.

De Radicibus, quibus innituntur Hæretici, qui unum asserunt Creatorem, & improbantur illæ radices, & de opinionibus erroneis eorum, qui ponunt unum Principium, unde illas firmare nitantur?



IRCA primum Capitulum quæramus utrum ista visibilia, & transitoria formata sint, & distincta secundum species suas, quas habent, a Deo uno sancto, quod capitulum licet sit contra omnes Catharos, specialiter tamen inducimus ipsum

contra illos, qui unum Deum tantum ponentes, ipsum asserunt omnia creasse scilicet cælestia, idest Angelos omnes, & terrestria; huic autem veritati

fermentum immiscent hæreticæ pravitatis dicentes, quod Deus quatuor elementa Mundi, idest materiam eorum ex nihilo in esse produxit (1), quod alii Cathari non fatentur; dicunt tamen, quod Diabolus illam materiam prius confusam in quatuor elementa distinxit, & species rerum ex illis (2) quatuor elementis fecit, & distinxit propriis, & specificis differentiis; materiale igitur principium dedit Deus ipsis speciebus, propter quod etiam dicunt Deum esse Creatorem horum visibilium, factorem autem non dicunt ipsum istorum, nisi sub velamine; sed Diabolus secundum eos suas formas específicas dedit his rebus, unde eum proprie factorem dicunt visibilium rerum, quia de aliquo operatus est, & propter

(1) Videfis Notam VIII. ad cap. VIII. lib. I.

(2) Gnosticorum princeps Simon Magus, & alii qui ex eo profecti sunt hæresiarum, mundum conditum esse putabant. Aditor Irenæus lib. I. cap. XXIII. al. XX. nu. I. & cap. XXIV. al. XXII. n. I. & IV. & cap. XXV. al. XXIV. n. I. & Masluæi Dissertatio I.

Præv. in Irenæi libros n. 48. pag. xxxi. Augustinus quoque libro de Hæresibus cap. xx. quod est de Archonticis. Atqui negari nequit Catharorum hujusmodi sententiam ita esse Bogomiliorum errori similem; ut nihil esse possit similis. Confule Euthymium loco cit. cap. VII. Quod autem de Satana qui primo venit, adjungit No-

pter hoc ipsum etiam Mundi principium a Christo asserunt appellari. Creatorem autem eum non concedunt, quia ponunt, quod creare est de nihilo aliquid facere.

Dicunt etiam, quod iste est Lucifer, qui a Deo creatus est, & fuit bonus, sed propter superbiam suam contra Creatorem cum multis aliis Angelis sibi faventibus de Cælo ejectus est, quod nos etiam non negamus.

Asserunt etiam, quod peccatum ab eo habuit initium per liberum arbitrium, sicut & nos credimus, modus autem, quo ab ipso habuit initium ipsum peccatum, hic est secundum quod ipsi fabulantur. Sathan primo venit ad videndum quod creatum erat a Deo, & cupivit hic regnare, ista autem ejus cupiditas radix fuit omnium malorum, ut ipsi dicunt dixisse Apostolum 1. ad Timoth. 6. v. 10. Postea rediit, & astra cæli, idest Angelos multos seduxit, de quibus secundum eos dixit Apostolus 1. ad Corinth. 15. v. 41. *alia claritas Solis, alia claritas Lunæ, & alia claritas Stellarum*; dicunt enim, quod Sol, & Luna, & aliæ Stellæ Dæmones sunt, adjicientes, quod Sol, & Luna semel in mense adulterium committunt, quia in Astronomia legitur de coitu Solis, & Lunæ. Dicunt etiam, quod ros ex illo coitu spargitur super aerem, & super terram, quod istam claritatem amittent, & habebunt eam salvandi, qui ex semine Angelico, scilicet, qui ex Adam generati fuerunt; credunt enim, & dicunt spiritum Adæ Angelum fuisse, ex quo spiritu omne genus hominum propagatur super faciem terræ, & hoc credunt Apostolum dixisse Act. 17. v. 26. *Fecitque ex uno omne genus hominum inhabitare super universam faciem terræ*; quod factum est.

Credunt etiam, quod sicut caro (3) ex carne per coitum nascitur, ita spiritus ex spiritu procreatur; dicunt enim, quod Adæ spiritus, qui erat cælestis Angelus ex mandato Dei venit ad videndum, qualiter Lucifer elementa distinxerat, & rerum species ex eisdem, antequam homo esset in terra, quem Lucifer apprehendit, & in corpore carneo velut in carcere reclusit dicens ei: Math. 18. v. 26. *redde quod debes*, idest subijce te carni humanæ. Adam autem procidens, rogabat eum dicens: *patientiam habe in me*, idest dimitte me sic, & non includas in carcere luteo, & ego omnia reddam tibi, quia multum tibi serviam; Sathan autem noluit eum sic dimittere, sed inclusit eum in corpore luteo, donec debitum universum redderet, idest libidinem, & luxuriam carnis cum Eva expleret.

Act; fallor quibusnam Catharis probatum fuerit. Nam Rainerus Sachonus, Ecbertus, Bonacursus, & qui de Catharis loquuti sunt, expressam hujusce fabulæ non faciunt mentionem. Verum si conjecturis ullis tribuendus est locus, dicerem equidem proprium hoc erroris portentum eorum Catharorum fuisse, qui de Concorrezo appellabantur. Sic enim habet Sachonus pag. 1773. *Errant credendo, quod diabolus, de licentia Dei formavit omnia visibilia, sive hunc mundum. Item credunt, quod diabolus formavit corpus primi hominis, & in illud effudit unum angelum, qui in modico jam peccaverat. Item quod omnes animæ sint ex traduce ab illo Angelo; quæ omnia eodem omnino recidunt, quæ Catharis unum principium propugnantes, hoc loco adscribit Noster, demptis quibusdam, quæ Sachonus silentio prætermisit, ut est illud de Coitu, & Adulterio Solis cum Luna, de rore qui ex*

§. I.

De Parabola Servi nolentis misereri
Conservo suo.

Hic autem fabulæ adaptare nituntur parabolam illam, quæ habetur Math. 18. v. 23. ubi dicitur: *Assimilatum est Regnum Cælorum homini regi, qui voluit rationem ponere cum servis suis, idest cum Angelis v. 24. Et cum cepisset rationem ponere, oblatus est ei unus, idest Sathan, qui debebat ei decem millia talenta, idest qui multum, & irreparabiliter eum offenderat: v. 25. Cum autem non haberet, unde redderet, & unde satisfaceret jussit eum Dominus ejus venundari, & uxorem ejus, & filios, & omnia quæ habebat, & reddi. Uxorem appellat Sapientiam, ejus filios, alios Angelos sibi subiectos, & ei faventes, omnia quæ habebat dicunt naturalia ejus bona. v. 26. Procidens autem servus ille orabat eum dicens: patientiam habe in me, & omnia reddam tibi. v. 27. Misertus autem Dominus servi illius dimisit eum, & debitum dimisit ei, quia sapientiam, & subditos, & omnia sua bona naturalia non abstulit ei, quod autem dixit: omnia reddam tibi. Sic intelligitur: Si patientiam in me habueris, idest si me permiseris facere, ego tot homines faciam (4) ex quibus numerum Angelorum tuorum, quod tibi abstuli, supplere poteris, & sic dimisit eum, idest licentiavit eum, ut faceret sex diebus, quod vellet de materia primo creata v. 28. Egressus autem servus ille operatus est omnia illa, quæ dicuntur in Genesi usque ad hominem, quod nundum facto spiritum Adæ, sicut dictum est, humanæ carni subjecit invitum, & hoc est, quod dicit Paulus secundum eos ad Rom. 8. v. 20. *Vanitati enim creatura subiecta est non volens*.*

Unde etiam illam Parabolam Domini (5) Lucæ 10. v. 30. *Homo quidam descendebat ab Hierusalem in Jerico* de Adam exponunt, id est de ejus spiritu dicentes, quod spiritus Adæ descendit de cælesti Hierusalem in mundum, & incidit in latrones, id est in malignos spiritus, qui etiam despoliarunt eum luce, quam habebat. Hanc autem lucem dicunt solem, & lunam, & stellas rapuisse ei, & eam induisse: & plagis impositis abierunt semivivo relicto. Plagas appellant peccata, eum autem semivivum relicto dicunt tripliciter, vel quia morti comparabilis erat ejus carnalis vita, vel quia adhuc restituendus, vel quia ei fidem non abstulerunt, licet in alia peccata eum præcipitassent v. 31. *Accidit autem, ut sacerdos quidam descenderet eadem via: & viso illo*

illo Coitu spargitur &c. Confule notam 1. in cap. IV. hujusce libri II.

(3) Vide notam 1. in cap. IV. Hujusce libri II.

(4) Euthymius Zigabenus Parte II. Panopliæ Tit. XXIII. n. IX. dicunt, inquit, Bogomilii, Angelos, qui ceciderant, cum intellexissent Satanalem Patri esse pollicitum, loca ipsorum ex hominum genere completa iri, filias hominum impudice conspexisse &c.

(5) Consonant his, quæ habet Bonacursus seculi ejusdem scriptor, qui e Catharorum Synagoga ad Ecclesiam Catholicam se recipit, in vita Hæreticorum. Apud Dacherium Tom. XIII. Spicilegii pag. 63. seqq. Edit. an. 1677. Dicunt etiam, inquit, eundem diabolum Adam de limo terræ fecisse, & quemdam Angelum lucis in eo summa vi inclusisse, de quo credunt dictum esse in Evangelio: Homo quidam descendebat a Jerusalem in Jericho &c.

illo praterivit : v. 32. *similiter & Levita, cum esset secus locum, & videret eum pertransit*, Sacerdos autem, id est Melchisedech, & Levita, id est Aaron descendentes eadem via, id est per eadem peccata, eum juvare non potuerunt : v. 33. *sed Samaritanus*, id est Christus iter faciens de cælo in terram per misericordiam suam *appropians ei*, id est carnem assumens *alligavit vulnera ejus*, id est concupiscentiam compescuit, vel peccata dimisit, *infundens oleum, & vinum*, id est pœnitentiam, & Spiritum Sanctum, & *imponens illum in jumentum suum*, id est per corpus suum salvavit eum, & *duxit in stabulum*, id est in Ecclesiam, & *curam ejus egit* v. 35. & *altera die* id est post suam resurrectionem *protulit duos denarios*, id est Evangelium, & Donum Spiritus Sancti, & *dedit stabulario*, id est Præpositis Ecclesiæ, & *ait* : *curam illius habe*, hoc est pascere oves meas ; & *quodcumque supererogaveris, ego, cum rediero, reddam tibi*. Paulus supererogavit, quia prædicavit, & de labore manuum vixit, quamvis Christus dixerat Matth. 10. v. 10. *dignus enim est operarius mercede sua*, id est cibo suo : *Cum rediero*, scilicet in die judicii *reddam tibi*, & cuilibet secundum opus suum. Hi dicunt Sathanam villicum fuisse iniquitatis, de quo dicitur Lucæ 16. v. 1. *Homo quidam dives, qui habebat villicum*, (6) scilicet ipsum, qui nunc est Mundi princeps, & tunc erat princeps super Angelos, & *hic diffamatus est apud illum quasi dissipasset bona ipsius*, id est quod non regeret se, & alios secundum voluntatem suam. v. 2. *Et vocavit illum*, & *ait illi* : *Quid hoc audio de te ? redde rationem villicationis tuæ ; jam enim non poteris villicare*, id est super Angelos principatum habere. v. 3. *Ait autem villicus intra se* : *quid faciam, quia Dominus meus aufert a me villicationem ? fodere non valeo, mendicare erubescio*. v. 4. *quid faciam ; ut cum amotus fuero a villicatione, recipiant me in domos suas*. v. 5. *Convocatis itaque singulis debitoribus Domini sui*, id est Angelis *dixit uni eorum* : *Quantum debes Domino meo ?* v. 6. *At ille dixit centum cados olei*, id est centum orationes. *Dixitque illi* : *accipe cautionem tuam* : & *sede cito scribe quinquaginta*, quasi dicat nimium onus tibi imposuit. v. 7. *Deinde alii dixit* : *Tu vero quantum debes ?* *Qui ait* : *centum coros tritici*, id est centum orationes. *Ait illi* : *accipe litteras tuas, & scribe octoginta* ; & ita eos fraudulentem ad sibi consentiendum traxit, ut dicunt, diminuendo laborem

eorum ; unde & secuti sunt eum ruendo de cælis, quia filii hujus seculi, scilicet maligni spiritus, & homines mali filii Diaboli *prudentiores sunt* in malo, & in rebus transitoriis filiis lucis, id est Dei. *Facite ergo vobis amicos fideles Christianos*, id est Catharos, *de mammona iniquitatis*, id est de transitoriis divitiis hujus Mundi.

Hi etiam dicunt spiritum Adæ fuisse Filium adolescentiorem, de quo legitur Lucæ 15. v. 11. *Homo quidam habuit duos filios*, id est Principem prædictum, & spiritum Adæ. Ecce, quid sentiant de Sathana, & quid de Adam, diximus.

§. II.

De peccato Adæ quod fuerit secundum Hereticos.

Nunc videndum est, quod fuerit peccatum Adæ secundum ipsos. Ad quod melius intelligendum, sciendum est secundum eos, quod Sathan alium Angelum incluserit in corpore muliebri facto de latere Adæ dormientis, cum qua peccavit Adam ; fuit autem peccatum Adæ, ut asserunt, fornicatio carnalis, dicunt enim, (7) quod semper accessit ad mulierem, & cum cauda corruptam eam, & ex ejus coitu cum ipsa natum esse Cain, ut dicunt volentes hoc habere per illud, quod habetur 1. Johan. 30. v. 12. *quod Cain ex maligno erat*.

Dicunt etiam, quod mulier in luxuria assuefacta ad Adam ivit, & qualiter cum ipsa coiret, ostendit, & suavit, & sicut Eva suavit ei, sic Adam opere complevit, & istud esse esum (8) ligni scientiæ boni, & mali asserunt, & hoc credunt velatis verbis a Moyse signatum sub nomine pomi vetiti, unde etiam putant, quod propter hoc vir, & mulier continuo membra illa pudenda velaverunt, sed quod propter hoc fuerit, hoc non possunt ostendere, sed hoc factum est, non quod illis membris peccaverint, sed quia ipsi fuerunt rebelles suo superiori, id est Deo vero, eorum inferius, id est caro, suo superiori, id est spiritui rebellavit. Unde Apost. ad Roman. 7. v. 16. *consentio legi, quoniam bona est*. Credunt ex illo concubitu Adæ cum Eva Abel natum, hoc modo quod caro ex carne, & anima ex anima sunt traducta opere Sathanæ.

Cre-

(6) Nempe ita, ut Bogomilii, quod alias a Nobis est observatum. Adeundus Euthymius in *Panoplia Tit. xxiii. n. 6. pag. 221. col. 1.*

(7) Sunt hæc etiam ex Bogomiliorum sententia. Euthymius *Panopl. II. Parte Tit. xxiii. num. vii.* Satanaelem... ad insidias proprio figmento Struendas se convertisse, ait ex Bogomiliorum sententia, & serpentis visceribus insipientem decepisse Evam, & cum illa consuetudinem habuisset, ut ea uterum gerente, semen ipsius semini Adam anteiret, & quod fieri posset illud corrumpere, nec augeri multiplicarique permetteret. Sed Evam mox doloribus partus affectam, peperisse Cain in concubitu Satanaelis, & sororem ei similem, cui nomen fuit Calonena. Adam vero amulatione commotum rem ipsam quoque habuisse cum Eva, & Abel suscepisse quem statim interficiens Cain, invidiam in vitam intulit. Ideoque Johannem Apostolum dixisse, quod Cain ex maligno erat. Sumpta autem hæc sunt a Rabbiniis. Legitur enim in *Pirk. Eliez. cap. xxi. pag. 47.* seu in *Apothegmis Rabbi Eliezeris,*

quod opus vetus imprimis est, & apud Judæos magnam obtinet auctoritatem. Sic enim habet : *Accessit ad Evam serpens, atque gravida facta est ex Adam, & cap. xxii. pag. 49.* Hinc dicere est Cainum non fuisse ex semine ejus [Adam], neque ex similitudine, aut imagine Adam.

(8) Paria habet Bonacursus de *Vita Hereticorum pag. 64.* *Conjunctio*, inquit, *Adæ cum Eva, ut dicunt, fuit pomum vetitum.* Fuerunt ante Catharos alii, qui hoc genus erroris defenderent. Eos autem refellit Moses Bar-Ceph1 *Parte 1. Commentarior. de Paradiiso cap. xix. Tom. xvi. Biblioth. PP. pag. 464. Edit. Lugdun.* Sunt quidam, inquit, qui existimant non fuisse arborem id, de quo gustavit Adam, sed venereum amplexum, quo cum uxore ille corpus miscuit ; eamque ob rem ajunt partum mulieris esse per Dei sententiam doloribus factum obnoxium. Hæc ille. Verum a Rabbiniis Verquorum mutuati hæc eadem sunt, qui ita sentiebant ; quod hujusmodi nugæ Judæos vehementer delectant.

Credunt autem isti, quod Sathan diluvium (9) fecerit, & quod Abrahæ locutus fuerit.

Item credunt, quod Deus sanctus, Sathana volente perderet totum genus humanum, servaveritque Noe cum Uxore sua, & Filios cum uxoribus pro seminario humani generis, & ex omnibus animantibus, & volatilibus masculum, & feminam in genere suo eadem de causa.

Item credunt eum esse locutum Isaac, & Jacob, (10) & dedisse Abrahæ, & semini ejus circumcisionem carnalem, non ipsum Deum.

Item credunt, quod Sodomam, & Gommoram, & alias civitates destruxerit.

Credunt etiam, quod legem Moysei dederit, & populum Judæorum per desertum de Ægypto in terram Canaam duxerit, & in mari rubro Pharaonem, & exercitum ejus submerferit, & etiam alia, quæ facta leguntur in Veteri Testamento ab ipso facta esse asserunt.

Item sicut Moysen ministrum Diaboli credunt, & mediatorem inter ipsum, & filios Israel, ita credunt ipsi Prophetas nuncios fuisse ejus, & si aliquando aliquid boni dixerunt de Christo, coacti a Spiritu Sancto dixerunt, quod & de Moyse credunt, ubi de Christo locutus est.

Credunt etiam neminem per ea, quæ fecerit ante adventum Christi, potuisse salvari, nisi iterum post Christum corpus assumeret, in quo poenitentiam acciperet, & Baptismi Sacramentum, quod non credunt aliud esse, quam impositionem manuum. Unde credunt, quod illi, de quibus dicitur Matth. 27. v. 52. *multa corpora sanctorum, qui dormierant, surrexerunt*: assumpta manuum impositione iterum poenitentiam egerint, de quibus credunt Apostolum etiam locutum, cum dixit 1. ad Corinth. 15. v. 6. de Christo: *deinde visus est plusquam quingentis fratribus*.

Item credunt, quod Christus sit minor Patre in Deitate, & Spiritus Sanctus minor Christo.

Item credunt, quod non acceperit veram carnem de carne Adæ præter aliquos, ut dicemus inferius. Item omnia sacramenta Ecclesiæ negant, & carnis hujus resurrectionem, usum gladii materialis, &

Juramentum in omni casu dicunt esse illicitum. Hæc est eorum fides falsissima, ut patebit in singulis articulis adjuvante Dei gratia.

§. III.

Quod Hæretici sensum erroneum ponunt in tribus Parabolis.

Parabola de servo nolente misereri Conservo suo.

Sed antequam inducamus testimonia, quibus probemus, quod istæ rerum species nullo modo a Sathana fabricatæ sunt, sed tantum a Deo vero, ostendere volumus, quod in prædictis Parabolis habent sensum erroneum; dicunt enim in prima parabola, quæ habetur Matth. 18. v. 23. Servum, qui debebat decem millia talenta fuisse Sathanam. In primis dico, quod istum intellectum nullo testimonio possunt ostendere verum esse.

Præterea ibi dicitur v. 28. *quod egressus ille invenit unum de conservis suis, qui debebat ei centum denarios: & tenens suffocabat eum dicens: redde quod debes*. Per istum conservum intelligi dicunt spiritum Adæ missum a Deo in hunc mundum, ut videret quæ a Sathana in quinque diebus fuerant fabricata, hoc autem falsum, & somnium est. Nonne vident, quod Christus, qui est veritas, dicit, quod conservus ille isti servo debebat centum denarios? Certum est, quod spiritus Adæ nihil ei debebat: mentitur ergo Christus, qui dicit, quod debebat ei centum denarios, quod autem nihil ei deberet, patet, quia jam expulsus erat Sathan de suo principatu cælesti, & erat malus spiritus, spiritus autem Adæ secundum eos erat bonus adhuc, (11) nihil ergo ei debebat neque bonum neque malum.

Præterea ibi dicitur: v. 31. *quod videntes conservi ejus, quæ fiebant, contristati sunt valde: & venerunt, & narraverunt Domino suo omnia, quæ facta fuerant*. v. 32. *Tunc vocavit illum Dominus suus,*

(9) Affirmabant hoc Cathari Concorrenses Bogomilos auctores sequuti. Videtur Euthymius in Panopl. Part. II. Tit. xxiii. n. 1x. Satanaelem, indignatum fuisse, ait Bogomiliorum sententia, quod Bello victus a Gigantibus fuerit, qui pro hominibus strenue imprimis pugnant; diluvium intulisse & una cum ipsis omnem carnem viventem delevisse. Solum autem Noe, qui filiam non habebat defectionem Satanaelis ignorasse, & in illius observantia permansisse, cuius quidem cultu Satanaelem placatum, permisit ut arcam construeret & seque solum servaret cum illis, qui in ea erant.

(10) Ita quoque Bogomili dum de Patriarchis, & Mosè Sermone instruebant, atque ita etiam Gnostici Veteres plerique omnes, qui ab Angelis desertoribus mundum creatum fuisse censebant. Verum non una erat Catharorum omnium sententia nam et si Concorrenses, & qui Balasianæ parebant ita de Isaac, & Jacob &c. putabant; contra tamen sentiebant, qui Johannem de Lugio sequebantur. De his enim sic habet Reinerius Sachonus: *Summa contra Catharos pag. 177. Item credit, quod Noe, Abraham, Isaac, & Jacob, & ceteri Patriarchæ, & Moyses, & Iesue, & omnes Prophætæ, & Johannes Baptista placuerunt Deo, & quod fuerunt homines in alio Mundo. . . . Item quod verus Deus dedit in eodem Mundo populo supradicto [Israelis] legem Moysei*. Recellit hoc Catharorum Lugientium dogma pluribus in locis Moneta Noster, dum ratio postulat.

(11) Cathari Concorrenses, ut ex his Monetæ Verbis colli-

gere fas est, divisi in factiones erant. Nam pars quædam Angelum in Adæ corpus immisum, ut animæ loco esset, nullo peccato implicitum fuisse aiebat, ut Moneta affirmat, pars contra in modo Angelum eundem peccasse iactabat, quod notatione 2. in hoc 2. lib. caput animadverti, Sachonus auctorem sequutus. Atque id quidem observat Noster in Proemio lib. 1. cum ita divisos fuisse Catharos autumet, ut vix variae sectæ cujusque, atque inter se dissidentes sententias, recensere posset. Verus autem est hic error, de Angelis in corpora hominum injectis, ut animarum loco essent. Cyrillus Alexandrinus in Job. 1. 16. tradit: ante Johannem Evangelistam nonnullos fuisse, qui Johannem Baptistam, aliorumque quorundam sanctorum virorum animos angelicæ esse naturæ arbitrarentur. Sed lapsus ne fuerit Cyrillus, nec ne; non equidem laboro. Illud dico. Origenem in hac absurda opinione fuisse versatum, ut angelos esse censeret animas illorum hominum, qui singulari quadam pietate floruerant. Has porro, non propter seculi aliquod; sed ob alias longe discrepantes causas, corporibus illigatos fuisse aiebat, ut legatione fungerentur. Tom. x. in Matth. pag. 291. Vol. 1. & Tom. II. in Johann. pag. 76. Vol. II. Edit. an. 1668. Videtur Huetius lib. II. Origeniani. cap. 11. §. v. n. xxiv. seq. Ergo ut Adamantius Prophetarum sanctorumque virorum animas, sic Cathari secundæ hujus factionis Adami spiritum Angelum fuisse pugnabant. Fuit, nescio quis postremis hisce temporibus Anglus, qui simile quidpiam excogitaverit, animam Christi Angelum esse iactans.

suus, & ait illi: *serve nequam, omne debitum dimisi tibi, quoniam rogasti me.* Incredibile est, quod postquam de cælo eum eiecit, postea eum revocaverit.

Præterea hoc falsum est, quod omne debitum ei dimiserit, ut enim dicitur 2. Petri 2. v. 4. *Deus Angelis peccantibus non pepercit, sed rudentibus inferni detractos in tartarum tradidit cruciandos in iudicium reservari.* Ergo non dimisit ei omne debitum, licet aliquid ei dimiserit, sicut dicis, quod tamen falsum est.

Præterea quomodo diceret ei Christus v. 33. *oportuit & te misereri conservi tui, cum non possit misereri?*

Præterea quomodo diceret ei Christus: *sicut & ego tui misertus sum?* Si enim hoc esset, videretur, quod ipse posset consequi mercedem multam, & fieri filius Altissimi per gratiam; cum enim Lucæ 6. v. 35. Dominus invitasset ad opera misericordiæ, subjunxit: *& erit merces vestra multa, & eritis filii Altissimi, quia ipse benignus est super ingratos, & malos.* Et hoc tamquam ex causa finali, sed ut multa sit merces, & sitis filii Altissimi, concludit Lucæ 6. v. 36. *estote ergo misericordes, sicut & Pater vester misericors est.*

Præterea dicitur ibi Matth. 18. v. 34. *quod iratus Dominus ejus tradidit eum tortoribus, quoad usque redderet universum debitum.* Hoc non videtur esse verum, nam qui essent illi tortores, cum ipse omnibus aliis fortior, & potentior sit.

Præterea hic habetur v. 25. quod Dominus repetit ab eo debitum ei dimissum, & cum non haberet, unde redderet, iussit eum Dominus ejus venundari, & uxorem ejus, & filios, & omnia, quæ habebat, & reddi. Dic si potes, cui venundabatur?

Præterea secundum expositionem tuam de uxore factam, & de filiis, & de omnibus, quæ habebat oportebit te dicere, quod auferret ei sapientiam, & Angelos sibi subiectos, qui ei favebant in malitia. Item quod ei abstulisset bona naturalia, quæ falsa sunt; ipse

enim adhuc est princeps Dæmoniorum, adhuc etiam habet illa naturalia, in quibus a Deo conditus est, alioquin non esset illius naturæ, cujus prius erat. Item adhuc astutissimus est, nec amisit sapientiam propterea quia suffocavit Adam, ut dicis. Ex his patet, quod supra falsum fundamentum ædificant fidem suam.

§. IV.

Parabola de illo, qui incidit in latrones.

Nunc accedamus ad secundam Parabolam, & ostendamus similiter falso ab eis esse expositam. Primo dicimus, quod istud, quod dicunt, quod spiritus Adæ descendit ab Jerusalem (12) cælesti in hunc mundum, ex mandato Dei, ut videret opera principis tenebrarum, non possunt ostendere verum esse. Secundo ostendo eis, quod istud non potest esse; cur enim eum misisset, ut videret &c.? Ipse enim sciebat, quæ fecerat Satan, scilicet illa, quæ tu fingis. Item sciebat hoc non esse utile spiritui Adæ. Cur ergo eum misit? Nisi forte dicas, quia ipsum capi volebat, ut ex eo in hoc mundo tanquam ex semine quam plures pullularent, ex quibus ruinam Angelorum suorum repararet. Quomodo autem multiplicaretur hoc semen, nisi opus carnale faceret? Quare ergo tu damnas exercentes opus carnale, sine quo non posset voluntas Dei impleri de reparatione ruinæ Angelicæ, quam ruinam irreparatam volebat dimittere?

Præterea quod tu dicis eum incidisse in latrones, idest in manus Solis, & Lunæ, & stellarum (13) tenebrosarum prius, & spoliassse spiritum Adæ luce visibili, & eam sibi assumptisse, fabulosum esse quis dubitat? Nonne vides, quod post illa verba Jerem. 31. v. 31., quæ sumit Apostolus ad Hebr. 8. v. 8. *Ecce dies venient, dicit Dominus, & consumabo super domum Israel, & super domum Juda testamentum novum, v. 9. Non secundum testamentum, quod feci Patribus eorum in die, qua apprehendi manum eorum, ut educerem illos de terra*

P

Ægy-

(12) Tanta fuit hæreticorum in commentis excogitandis, tamque impudens confidentia. Nam Valentiniani quidem, velut ex Theodoti Orientali Doctrina, observavi nota 2. in caput 1. Huiusce libri, Angelici seminis nescio quem influxum a Verbo in animale corpus immisum fuisse arbitrabantur. Huc autem, recidit, quod habet Irenæus de Valentinianis cap. 1. libri 1. Contra hæreses pag. 24. seq. Demijurgum, inquit Valentiniani putant: ipsum Angelum Deo similem, quemadmodum & Paradisum, qui supra tertium Cælum situs est, potentia quartum Angelum esse statuunt, καὶ ἀπὸ τούτου τι ἀληθὲν αὐτὸν Ἀδάμ διατετελεσμένον ἐν αὐτῷ Et ab hoc desumpsisse Adamum in eo diversatum. Legendus Tertullianus lib. Adversus Valentinianos cap. xx. pag. 238. Manes vero, & qui eum olim sequuti sunt, materiam insolescentem, seq. extollentem, ut superiora loca peteret, repressam utcumque fuisse a Deo, qui in eam virtutem quamdam immisit, quam nos animam appellamus. Hanc vero virtutem, quam nescio creatam ne a Deo, an ex Dei substantia decerptam poneret, variæ namque sunt veterum de hoc Manichæorum errore sententiæ divisa in partes fuisse, multisque materiæ partibus communicatam. Consuluntur Alexander Lycopolites lib. de Placitis Manichæorum pag. 4. in Medio Tomo 1. Auzarii Biblioth. Græc. PP. Edit. Conbess. an. 1671. Titus Bostrensis lib. 1. Contra Manichæos pag. 75. Tom. 1. Antiq. Lætion. Canisii Edit. Nov. Augustinus lib. de Hæresib. ad Quodvult. cap. xlv. pag. 15. Tom. vi. Opp. Leo 1. Ep. xv. al. xciii. ad Turribium cap. v. pag. 451. quo loco Manichæis, & Priscillianistis probatum fuisse errorem veterum quorundam Phi-

losophorum adfirmat, qui ita fuerunt animo comparati, ut animam partem naturæ divinæ esse pugnantem. Sed Bogomilii; Satanælem ex aqua & terra commixta, Adæ corpus formasse ajebant. Verum cum vires non suppetere conditori dandi spiritum corpori, promississe Deo, hominem futurum communem, si vitam acciperet, & ex ipsius semine sedes Angelorum, qui ceciderant repletum iri, si spiritum suum misisset. Annuisse ergo Deum, insufflasseque Satanælis figmento spiritum vitam &c. Videtur Euthymius l. c. n. vii. pag. 221. Hæc autem omnia a veteribus hæreticis accepta magis magisque extenderunt Cathari qui ætate Monetæ Ecclesiam vexabant.

(13) Tenebrosum ante fuisse solem, deinde vero claritatem Adæ furripuisse, atque ita porro lucidum esse factum, arbitrati fuisse videntur Cathari, quos hic vexat Moneta. Sed me sane fugit, undenam hæc portenta acceperit genus illud hæreticorum. Nam Manichæi veteres... soli, ac lunæ plurimum tribuebant, quod veluti viæ quadam essent, eorum iudicio, per quas ad gloriam sempiternam essent perventuri. Nam eatenus lunam augeri delirabant, quatenus anima e corpore migrans, eo se conferat, de crescere autem, quatenus animam ipsam in solem transmittat, quem solem ad Deum migrare, atque animam apud ipsum deponere censebant. Itaque quemadmodum Maneti innovare per summum nefas licuit, ita omnino sibi res a Manete acceptas innovare licitum esse Cathari putaverunt. Consulendus Alexander Lycopolites lib. de Manich. Placitis pag. 5. 6. & 7.

Ægypti, quoniam ipsi non permanserunt in testamento meo: & ego neglexi eos, dicit Dominus .v. 10.: Quia hoc est testamentum, quod disponam domui Israel post dies illos, dicit Dominus: dabo leges meas in mentem eorum, & in corde eorum superscribam eas: & ero eis in Deum, & ipsi erunt mihi in populum v. 11.: Et non docebit unusquisque fratrem suum dicens: Cognosce Dominum; quoniam omnes scient me a minore usque ad maiorem eorum v. 12.: Quia propitius ero iniquitatibus eorum, & peccatorum eorum jam non memorabor. Statim subdit Propheta v. 35.: Hæc dicit Dominus, qui dat solem in lumine diei, ordinem lunæ, & stellarum in lumine noctis: qui turbat mare & sonant fluctus ejus. Constat, quod iste est bonus Deus, de quo loquitur Apostolus & Jeremias, & dicit: quoniam dat solem in lumine diei, ordinem lunæ & stellarum in lumine noctis: qui turbat mare & sonant fluctus ejus. Nunquid dat dæmones ad illuminationem diei & noctis? absit, quod istud credat aliquis sapiens, vel fidelis. Si autem dicas mihi, quomodo potest fieri, quod aliquis relinquatur semivivus, idest medius vivus? dico tibi, quod modus loquendi est, & a pluribus dicitur; ego sum medius mortuus.

Præterea ille homo, qui ad litteræ sonum descendebat de Jerusalem in Jerico, figurabat Adam, qui descendit, non localiter a patria cælesti, sed spiritualiter, idest ab amore ejus, ad amorem rei mutabilis supra Deum. Jerusalem autem terrena figurabat cælestem patriam, Jerico, quæ interpretatur lunam significat remmutabilem, luna autem mutabilis est, modo enim crescit, modo decrescit; unde Eccl. 27. v. 12.: *Stultus sicut luna mutatur*: Latrones illi figurabant dæmones, qui spoliaverunt Adam veste innocentiae, sicut latrones aliquem spoliant materiali veste. Sacerdos, quia legem nunciat, legem designat Mosaicam, quæ licet bona esset, & sancta, tamen non curabat peccatorum vulnera, non propter suum defectum, sed propter defectum illorum, qui eam putabant ad salutem sufficere præter Christum. Levita Prophetarum designat coetum, qui non curabat morbum, sed indicabat medicum, idest Christum venturum ad salvandum genus humanum. Samaritanus autem ille Christum designat, qui appropinquavit, quoniam carnem nostram assumpsit, & infudit vinum & oleum, idest gratiam suam, quæ oleum dicitur, quia sicut oleum penetrat profunda, ita gratia cordis secreta, illuminando & incendendo ad amorem Dei, & impinguando ea devotione spirituali. Vinum autem dicitur, quia sicut vinum feces ebulliendo emittit, sic gratia Dei feces peccatorum expellit. Hæc autem gratia fides est per dilectionem operans, ut habetur ad Galat. 5. v. 6.: Jumentum Corpus Christi designat, in quod jumentum nos tulit, quando 1. Petri 2. v. 14. *peccata nostra ipse pertulit in corpore suo super lignum*, idest pœnam peccatorum nostrorum, & sic duxit nos in stabulum, idest in Ecclesiam; Fides enim passionis Christi facit nos de Ecclesia sua cum perceptione Sacramenti Baptismi.

Alteram autem die, idest post Resurrectionem suam stabulario idest Choro Apostolorum dedit duos de-

narios, idest duorum Testamentorum scientiam, in quibus Testatoris nomen, & imago Regis æterni exprimitur; hoc autem fecit, quando aperuit illis sensum, ut intelligerent scripturas. Supererogat Paulus docendo Virgines dicens. 1. ad Corinth. 7. v. 25. *De Virginibus autem præceptum Domini non habeo: Consilium autem do, tamquam misericordiam consecutus a Domino, ut sim fidelis*. Supererogabat docendo de Christo 1. ad Corinth. 9. v. 6. dicens se, & Barnabam non esse usos potestate accipiendi carnalia ab illis, quibus spiritualia feminavit. Christus autem in judicio rediens, reddet quod supererogatum est dicens: *Quia super pauca fuisti fidelis, super multa te constituam intra in gaudium Domini tui*.

Præterea dicas mihi, nonne tu dicis, quod Christus oleum, & vinum infudit, idest pœnitentiam, & Spiritum Sanctum? Hoc fuit ante diem alteram, idest ante resurrectionem, ergo ante resurrectionem Spiritum Sanctum habuerunt: Sed nonne tu dicis contrarium quotidie affirmans, quod ante Pentecosten ipsum non receperunt, quod tamen falsum est, ut dicetur in sequentibus? Sic patet, quod in ore tuo consistit est, & non.

§. V.

Pluribus modis ostenditur, quod non possit stare intellectus Hæreticorum tertiæ Parabolæ de Villico iniquitatis.

Nunc videamus, utrum possit stare intellectus tertiæ Parabolæ de Villico (14) iniquitatis: pluribus autem modis possumus ostendere, quod istud non potest intelligi de Satana & Angelis ejus, & quod sensus hujus Parabolæ in cælo non fuit. Primum est, quia dicitur ibi, quod diffamatus est Villicus apud Dominum suum, eo quod dissipasset bona illius. Si autem iste Villicus Satan est, ut tu dicis, quem Dominus citavit, quia ipse dissipaverat bona illius, non est verisimile quod postquam eum citasset, quod Angelos debitores Dei postea convocare permisisset, aut decipere, ut tu ponis, maxime cum dicat ei Dominus Lucæ 16. v. 2.: *Jam enim non poteris villicare*, idest officium villici exercere, postea enim exercuit, & ita esset mendax Dominus Deus.

Præterea dicitur quod bona illius dissipaverat; quæ erant illa bona? Si dicas quod Angeli: Contra, tantum postea dissipavit eos, ut patet ex litera v. 3. *Convocatis itaque singulis debitoribus*, id est Angelis, prout exponis, *Domini sui, dicebat primo: quantum debes &c.*

Præterea nonne vides quod distinguit littera Evangelii inter bona Domini, & debitores? Utique, unde ait: *quantum debes &c.*: Sed debitores sunt Angeli secundum te, ergo bona illa non sunt Angeli. Dic ergo quæ sunt bona? Si supplicationes, & orationes quas ei debebant, ut tu exponere consuevisti, hoc tantum factum est postquam citatus est a Domino, & ita post dissipationem bonorum, quia bona dissipata sunt antequam esset cita-

tus;

tus; bona ergo illa non sunt supplicationes & orationes, ut dixisti.

Præterea quomodo potes dicere hoc factum esse in cælo, & istud quomodo intelligi potest de Satana & Angelis ejus? Nonne vides quod dicit Villicus v. 3.: *Fodere non valeo, mendicare erubescio*. v. 4.: *Scio quid faciam, ut cum amotus fuero a villicatione, recipiant me in domos suas?* Quæ sunt hæ domus; in quibus volebat hospitium ab eis? Constat quod non sunt cælestes: de terrenis autem non potest intelligi, quia potius illius essent secundum te, qui ponis eum fabricatorem terrenorum.

Præterea ibi dicitur v. 8.: *Et laudavit Dominus Villicum iniquitatis, quia prudenter fecisset.*

Præterea nunquam Dominus eum laudasset de hujus prudentia, ut ostensum est supra in prima parte 2. cap.

Præterea subditur causa v. 8.: *Quia filii hujus seculi prudentiores filiis lucis in generatione sua sunt*: Ecce quod dixit, quoniam prudenter egerat, & subdit causam, *quia filii ejus &c.* causa autem effectiva est prior; ergo jam erat lux seculum, & filii ejus, quod esse non posset secundum pravum tuum intellectum, ante enim illud factum nondum (15) fecerat Satan hoc seculum. Dicas ergo mecum, quod istud in hoc seculo factum est, sonat litera, & credas mihi, si a Domino terreno laudatur misericordia fraudulenta, quanto magis a Patre justorum clementia ordinata & sancta, unde v. 9. & ego vobis dico: *Facite vobis amicos, scilicet pauperes quorum in regnum cælorum, de mammona iniquitatis, idest de vestris temporalibus, ut cum defeceritis recipiant vos in aterna tabernacula.* Et nota quod temporalia sunt mammona iniquitatis, quia inique retinerentur, si pauperibus non darentur 1. Jo. 3. v. 17.: *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo: quomodo caritas Dei manet in eo?*

§. VI.

De Parabola Filii Prodigii.

Nunc ad quartam parabolam veniamus, in cuius expositione dicunt adolescentiorem filium fuisse spiritum Adæ, seniore autem Principem hujus mundi, sed si veritatem intentionis literæ attenderent, nunquam talia presumerent, si enim spiritus Adæ Angelus fuit, non possunt ostendere quod fuerit adolescentior, quam Satan, non enim Angelus ab Angelo in cælo genitus est.

Præterea nunquid fuit istud in principio mundi, & antequam mundus esset? quomodo ergo unus Angelus alio adolescentior, aut senior?

Præterea in Evangelio habetur, quod junior filius dixit Patri Lucæ 12. v. 12. *Pater da mihi portionem substantiæ, quæ me contingit. Et divisi illis substantiam.* Modo quæro quid appellas tu

substantiam, quam tibi divisit Deus? Si divinam essentiam, a qua, seu a cujus beatitudine illos abiecit? Sed Satan irreparabiliter; Adam vero ad tempus. Contra: ergo Adam petiit & voluit portionem & divisionem a substantia Dei, sive a Deo. Quomodo ergo audes dicere ad Rom. 8. v. 20.: *quod creatura, idest Adam vanitati subiecta est non volens?*

Præterea si substantiam dicis Divinam essentiam, quomodo sequitur quod dicitur de filio adolescentiore Lucæ 16. v. 13., *qui dissipavit substantiam suam vivendo luxuriose*. Nunquid dissipavit divinam essentiam? hoc esse non potest. Si autem dicas, quod substantia ibi dicitur virtutum possessio, hoc stare non potest, petebat enim a se dividi. Præterea tu dicis quod ejus peccatum primum fuit luxuria, sive opus, quod cum Eva perfecit. Contra. Nonne peccavit petendo portionem substantiæ suæ, propter quod etiam Deus abiecit eum a se, ut dicis? Nonne postquam abiectus est a Deo, & peregre profectus est, luxuriose vixit. Ergo prius peccavit, quam cum Eva faceret opus carnis.

Præterea ibi dicitur v. 14. quod cum ipse *omnia consummasset, facta est fames valida in regione illa, & ipse cepit egere. Et abiit, & adhæsit uni Civium regionis illius.* Quis est iste Civis? dixit hæreticus, quod Eva. Prius ergo vixit luxuriose, quam adhæsisset Evæ, hoc autem esse non potest. Dicis enim quod primum opus luxuriæ cum Eva fecit. Si autem dicas, quod Civis iste Satan fuit, prius ergo vixit luxuriose, & consumpsit substantiam suam, quam adhæserit Satanæ, quod iterum falsum est secundum te.

Præterea dicitur v. 14. quod *facta est fames valida in regione illa.* Quæro de quo? dixit hæreticus; de verbo Dei.

Contra; nonne ibi dicitur v. 16. quod *cupiebat implere ventrem suum de filiquis quas porci manducabant, & nemo illi dabat?* ergo habebat famem de filiquis porcorum. Quare igitur dicis quod fames esset facta de bono aliquo? Si dicas, quod de malo per filiquas designato: quomodo potest esse hoc, cum in mundo isto esset in omni magna abundantia?

Præterea quomodo hoc stabit: & nemo illi dabat, Satan enim non tantum illi dabat, imo coge- bat ad malum! Præterea ibi dicitur, quod postquam junior filius receptus est a Patre, audiens hoc senior filius, qui erat in agro, indignatus est, & nolebat intrare domum Patris. Nunquid Satan non libenter intraret domum cæli? Nunquid Deus Pater egressus rogaret illum?

Præterea quomodo stabit quod dicit filius senior v. 29. *Nunquam mandatum tuum præterivi?* hoc expresse falsum est, si de Satan agitur.

Præterea quomodo dicit ei Deus Pater v. 31. *Fili mi tu semper mecum es, & omnia mea tua sunt &c.* Ex his, quæ diximus evidens est, quod eorum errores falsis expositionibus parabolæ innuntur. Quod autem peccatum Adæ non fuerit prout dicunt, determinatur in capitulo de Deo Veteris Testamenti, & in cap. de matrimonio.

P 2

Ad

(15) Namque sententia Catharorum Satanas ante Angelos malis artibus e cælo secum præcipientes egerat, quam ad mundum sub oculos cadentem formasset, ac distinxisset. Adeundus Sachonus pag. 1773.

ubi de Concorrensis agit. Idem omnino placuerat Bogomiliis apud Euthym. l. c. n. vi. & vii.

Ad illud quod dicunt de peccato Satanæ, scilicet quod ipse descenderit, ut videret quod creatum erat a Deo, & cupivit inferius regnare super illo creato, & rebus quas inde fabricare cogitabat, istud somnium est, nullo testimonio scripturæ probatum. Quod autem dicunt istam cupiditatem ejus esse radicem malorum omnium, & de ejus cupiditate intelligunt verbum Apostoli. 1. ad Timoth. 6. v. 10.: Fabulosum est, nec verbum Apostoli de ejus cupiditate loquitur, imo de cupiditate hominum qui cupiunt abundare in divitiis mundi hujus, existimantium questum terrenorum esse pietatem, ibi enim dicit Apostolus v. 9.: *Nam qui volunt divites fieri incidunt in tentationem, & in laqueum diaboli, & desideria multa inutilia, & nociva, quæ mergunt homines in interitum, & perditionem*; & subdit v. 10.: *Radix enim omnium malorum est cupiditas*. Non dicit, fuit, quod faceret si de cupiditate illa dixisset.

C A P. II.

§. I.

De distinctione Elementorum, & Formarum visibilium, quod non sit a Diabolo.

Viso quod fabulosum est id quod dicunt de servo, a quo Dominus exegit rationem Matth. 18. Item de confervo, quem Adam fuisse fabulantur. Item viso quod fabulosum est id, quod dicunt de aliis Parabolis tribus. Luc. 16. v. 1.: *Homo quidam erat dives, qui habebat villicum*. Item *Homo quidam habuit duos Filios* &c. Luc. 15. v. 11. Accedamus (1) ad ostendendum, quod falsum dicunt, cum promunt tum factorem, & formatorem horum visibilium. Primo igitur ei dicendum est; invenias mihi unum testimonium, quod Deus mundum istum non fecerit, ut tu dicis, quod cum facere non possis, constat quod justitia tua non est testificata a Lege & Prophetis, sed justitia Dei quæ est per fidem Jesu a Lege & Prophetis testificata est. Igitur tua justitia non est Dei justitia; ergo neque tua fides est Dei fides. Si enim fides tua ejus esset, ergo & justitia quæ non est nisi per fidem Jesu Christi. Quod autem justitia Dei testificata sit a Lege & Prophetis, habetur ad Romanos 3. ubi dicit Apostolus v. 11. *Nunc autem sine lege justitia Dei manifestata est, testificata a Lege & Prophetis*. Sine lege dicit esse justitiam, idest sine legalium figurarum observatione, ipsa tamen justitia dicitur testificata a lege, quia lex dixit illum venturum, in cujus fide esset justitia. Forte diceret hæreticus quod ideo non invenitur expressum,

quod Mundus iste sit a Diabolo factus, sed a Deo Sancto, ne homines scandalizarentur. Sed contra, ubi discipuli soli erant, si mundus & species rerum quæ in mundo sunt a diabolo factæ sunt, cum ibi non esset scandalum, non debebant facturam rerum quæ in mundo sunt Deo Sancto attribuere. Invenimus autem quod istud fecerunt Act. 4. v. 24. *Domine tu es qui fecisti cælum & terram, & mare & omnia quæ in eis sunt*.

Præterea in visione B. Johannis Apostoli 14. v. 7. non debuisset Angelus facturam specierum rerum hujus mundi attribuere Deo: *Timete Dominum & date illi honorem, quia venit hora judicii ejus: & adorare eum qui fecit cælum & terram, mare & omnia quæ in eis sunt*.

Præterea auctoritates illæ quibus videtur vellet hæreticus quod mundus iste non sit factus a Deo Patre, sicut est illa auctoritas 2. ad Corinthios 4. ver. 4.: *Deus hujus seculi excæcavit &c.* Et aliæ plures determinatæ sunt superius in capit. de uno principio, ubi ostensum est quod pro eis non faciunt, imo potius contra eos. Quod autem objiciunt hæretici dicentes: quomodo potest esse quod Pater Sanctus fecisset tam (2) immunda animalia, & tam nociva, sicut legitur Deus Veteris Testamenti fecisse, dicimus, quod illa non sunt immunda, imo a mundis, idest fidelibus omnia censentur munda, sed infidelibus immunda sunt, idest ipsi quia infideles sunt ea immunda judicant. Si autem dicas mihi, cum nociva sint homini quomodo Deus ea fecisset? Respondeo, imo Deus & homini nocivus est in peccatis perseveranti, sed nunquid iniquus quia nocet ei, & infert iram, idest pœnam pro peccato, absit, ut dicit Apostolus: Quod Deus nocivus est homini peccanti, ex justitia est ipsius; similiter quod animalia aliqua homini noceant ex ejusdem justitia est, sicut patet in igne æterno a Deo creato, qui tamen bonis nocivus non est, sed malis, & si velles recipere Eccles. 39. v. 30. dicitur: *Bona bonis creata sunt ab initio, sic nequissimis bona & mala*. Item enumeratis ibi quibusdam rebus, dicit: v. 32. *Hæc omnia sanctis in bona, sic impiis & peccatoribus in mala convertentur*. Et per totum illud capitulum habes de ista materia.

Præterea nulla animalia sunt, in quibus non sit aliqua utilitas, sicut sciunt illi, qui in naturis rerum sunt experti; quod attendens Apostolus 1. ad Timotheum 4. ver. 4. dicit: *Omnis creatura Dei bona est*, cui concordat illud Genes. 1. v. 31. *Viditque Deus cuncta, quæ fecerat, & erant valde bona*, idest utilia, licet vitio hominis aliqua sibi sint noxia: nonne vides quod vinum bonum est corpori mediocriter sumptum, unde Apostolus 1. ad Timo-

(1) Erat hæc opinio propria Concorrezenſium, quibus, quod ad formationem visibilium attinet, assentiebantur Bajolenſes, ut auctor est Reinerius Sachonus in *Summa de Catharis* apud Martenium Vol. v. Anecd. pag. 1773. seq. Præiverant hiſce Catharis Bogomillii, apud Euthymium in *Panopl. Parte 2. Tit. 23. num. VII. pag. 221. Bibl. SS. PP. Edit. Lugdun.* Atque his quidem viam ſtraverant Gnoſtici illi, qui ab deſertoribus Angelis materiam inſormem diſtinctam formatamque fuiſſe jaſtabant. Conſulendi Irenæus lib. 1. cap. XXIII. & cap. XXIV. Epiphanius *Hæref.* XXI n. IV. & Theodoritus lib. 1. *Hæreticarum Fabularum* cap. 1.

(2) Erat hæc veterum Manichæorum communis contra creatorem conqueſtio. Quare Titus Boſtrenſis lib. 11. *Contra Manichæos*

pag. 117. *Vituperat*, inquit, *non hæc ſolum iſte [Manes]... ſed etiam animantes, quæ naturam ſervam ſortiæ ſunt, a Creatore, more inimici, qui omnia accuſans, in creaturas Dei invehitur.* Reſpondet autem huic Manetis argumenti monſtro Boſtrenſis, ita omnino, ut noſter pag. ead. & ſeq. omnes dicens, *feras, & quadrupedes, ac ſerpentes cum vituperat, perinde mihi ſacere videtur, ut ſi quis ſervus deditus peccatis, & improbiſſimus, alia quidem Domini, & auctoris ſui approbet, odio autem habeat, & criminetur flagellum ſolum, quod apparet, qui ipſo quidem odio oſtendit, quam neceſſarium ſit flagellum appoſitum &c.* Ad iſis quæ ſequuntur, ſunt enim ad rem noſtram maxime accommodata. Multa eodem ſpectantia reperies apud Auguſtinum.

Timoth. 5. v. 23. : *Modico vino utere propter stomachum tuum, & frequenter tuas infirmitates; & tamen si sumatur in ebrietate, nocivum est. Item febricitantibus, ut patet in pluribus malum est, non ex sui natura, sed ex infirmitate hominis.*

§. II.

Probatio Ecclesiæ, quod distinctio Visibilium est a Deo.

Quod autem ista visibilia tam cælestia Corpora, quam elementa, & elementata secundum suas species a Deo sint facta, & distincta, probatur per hoc quod legitur in Psalm. 103. v. 1. *Benedic anima mea Domino: Domine Deus meus magnificatus es vehementer*, ubi patet quod tota hujus mundi dispositio, & distinctio rerum visibilium secundum locum, & species suas, & conservatio earum in esse quantum vult, & sicut vult a Deo Patre existit. Quod autem ita sit ostenditur per illud, quod Apostolus ad Hæbreos 1. v. 7. illa verba Psalmi 103. v. 4. *Qui facit Angelos suos spiritus, & ministros suos flammam ignis*, de Patre Christi exponit, & in eodem Psalmo potes videre hæretice, quod ibi agitur de Deo Veteris Testamenti. Ibi enim ponitur distinctio aquarum supra cælum ab his quæ sunt sub eo; quæ divisio palam legitur ab eo facta, qui fecit opera sex dierum Genesis cap. 1. v. 7. Deus ergo Veteris Testamenti est Pater Christi. Ad idem facit illud quod legitur in Psalmo 8. v. 1. *Domine Dominus noster quam admirabile est nomen tuum in Universa Terra*. v. 2. *Quoniam elevata est magnificentia tua super cælos*. v. 3. *Ex ore infantium, & lactentium perfecisti laudem propter inimicos tuos, ut destruas inimicum, & ultorem*: v. 4. *Quoniam videbo cælos tuos opera digitorum tuorum Lunam, & Stellas quæ tu fundasti*: ad Deum Patrem loquitur, sicut patet per illud verbum quod dixit Christus Matthæi 21. v. 16. principibus Sacerdotum, & Scribis: *Nunquam legistis, quoniam ex ore infantium, & lactentium perfecisti laudem?* Item per illud verbum quod sequitur Psalm. 8. v. 5. *Quid est homo quod memor es ejus? aut filius hominis, quoniam visitas eum?* v. 6. *Minuisti eum paulominus ab Angelis, gloria & honore coronasti eum, & constituisti eum super opera manuum tuarum*. v. 7. *Omnia subiecisti sub pedibus ejus, oves, & boves universas, insuper, & pecora campi*. v. 8. *Volucres cæli, & pisces maris, qui perambulant semitas maris*. Quæ verba Apostolus ad Patrem Christi esse directa ostendit; ergo Patris Christi est operatio, & distinctio corporum inferiorum, & superiorum, quæ omnia Genes. 1. attribuunt factori operum sex dierum.

Igitur ille est Pater Christi: ergo Deus Veteris Testamenti est Pater Christi. Ad idem etiam facit, quod habetur Isaïæ 42. v. 5. *Hæc (3) dicit Dominus Deus, creans Cælos, & extendens eos; firmans Terram, & quæ germinant ex ea: dans statum populo qui est super eam, & spiritum calcantibus eam*. Quod iste sit bonus Deus manifestum est ex eo, quod Christo ait Matth. 12. v. 15. post curationem cujusdam manus aridæ, quo viso secuti sunt eum multi, & curavit eos omnes v. 16. & præcepit eis, ne manifestum eum facerent. v. 17. *Ut adimpleretur quod dictum est per Prophetam dicentem: v. 18. Ecce puer meus quem elegi, dilectus meus, in quo bene complacuit animæ meæ. Ponam super eum spiritum meum, & judicium gentibus nuntiabit*. v. 19. *Non contendet, neque clamabit: neque audiet aliquis in plateis vocem ejus*: v. 20. *Arundinem quasi satam non confringet, & linum fumigans non extinguet: donec eiiciat ad victoriam judicium*: v. 27. *Et in nomine ejus gentes sperabunt*. Post illa verba ponit Isaïas verba prædicta: *Hæc dicit Dominus Deus creans Cælos, &c.* ergo non solum creatio visibilium, imo & cælorum ipsorum extensio, creatio terræ, & productio terræ, nascentium ex ea, & vivificatio calcantium eam, est ex ipso Deo Patre Christi. Item Isaïæ 45. v. v2. *Ego feci Terram, & hominem super eam creavi ego: manus meæ tetenderunt cælos, & omni militiæ eorum mandavi*. *Quis autem iste sit, patet per Apostolum Rom. 9. v. 20. qui sumit testimonium Isaïæ de loco illo cap. 45. v. 9. Numquid dicet lutum figulo suo: quid facis, & opus tuum absque manibus est?* v. 10. *Væ qui dicit Patri: quid generas? & mulieri: quid parturis?* v. 11. *Hæc dicit Dominus Sanctus Israel, plastes ejus: Ventura interroga me, super filios meos, & super opus manuum mearum mandate mihi*. Ad idem etiam facit illud Jeremiæ 31. v. 35. quod proximo cap. induximus: *qui dat Solem in lumine diei, ordinem lunæ, & stellarum in lumine noctis: qui turbat mare, & sonant fluctus ejus: & secundum istum modum, si quæ Prophetarum auctoritates in Novo Testamento inveniuntur, quibus posset probari factura, & distinctio visibilium a Patre justorum, considerandum est. Ad idem facit auctoritas Zacchariæ 12. v. 1. Dicit Dominus extendens Cælum, & fundans Terram, & fugiens spiritum hominis in eo. Et ne diceres quod de alio Deo loqueretur, post pauca subjungit illud verbum Christi Jo: 19. v. 37. *videbunt in quem transfixerunt*. Item David Psal. 44. v. 7. *Thronus tuus, Deus in seculum seculi: virga æquitatis, virga regni tui*. v. 8. *Dilexisti justitiam, & odisti iniquitatem, propterea unxit te Deus, Deus tuus, oleo exultationis præ participibus tuis*. Et Psalm. 101. v. 26. *Et Tu in principio, Domine, terram fundasti, & opera manuum tuarum**

(3) Præclare Irenæus lib. 1v. cap. 11. n. 1. pag. 229. *Esaias, inquit, constitetur a Deo qui fecit cælum, & terram, & dominatur eorum fieri sermones...* sic ait Dominus Deus, qui fecit cælum, & affixit illud; qui confirmavit terram, & quæ in ea sunt, & qui dat afflatum populo, qui est super eam &c. cap. xlii. v. 5. Quæ autem argumenta ex Evangelio & Isaïa subinde affert Moneta, ut Catharos reprimat, hæc eadem adhibet Irenæus lib. 111. cap. xi. n. 6. seq. ut Gnosticos, Angelos nescio quos mundi formatores invehentes revineat. Nam ubi Johannis, Matthæi, & ab eo indi-

cati Isaïæ testimonia protulit, sic tandem argumenti concludit sententiam: *Et hæc quidem sunt principia Evangelii, unum Deum fabricatorem hujus universitatis, eum qui & per prophetas sit annuntiatus, & qui per Moysen legis, dispositionem fecerit, Patrem Domini Nostri Jesu Christi annunciantia, & præter hunc alterum Deum nescientia, neque alterum Patrem. Adeundus Tertullianus lib. Contra Hermogenem cap. xlv. pag. 249. quo loco hæc, & quæ mox sequuntur apud Monetam ex Prophetis expressa testimonia adhibet.*

rum sunt Cæli, v. 27. *Ipsi peribant; tu autem permanebis, & omnes ut vestimentum veterascent.* Quod testimonium inducit Paulus ad Hebræos I. v. 8. & seqq. Item David Psalmo 32. v. 6. *Verbo Domini Cæli firmati sunt, &c.*

§. III.

Auctoritatibus Novi Testamenti probatur quod distinctio visibilium est a Deo.

Nunc videamus auctoritates Novi Testamenti; quibus pateat formationem visibilium esse a Deo sancto, & vero; sine comparatione ad Prophetas, sicut patuit per præcedentes auctoritates comparatas Prophetis. In primis autem inducamus exempla, & testimonia, quibus probemus illud, quod Pater sanctus Mundi hujus factor fuit, & elementa divisit. Ad hoc autem posita sunt supra aliqua testimonia. Act. 4. v. 24. & Apocalypsis 14. v. 7. Ad idem autem potest induci illud quod habetur Act. 14. v. 14. ubi post miraculum ejusdem claudi erecti a Paulo, quando Sacerdotes Jovis cum populo volebant sacrificare Paulo, & Barnabæ, tamquam essent Dii, Apostoli conscissis tunicis exeuntes ad turbas, dixerunt: (4) *Viri quid hæc facitis, & nos mortales sumus similes vobis homines, annunciantes vobis ab his vanis converti ad Deum vivum, qui fecit Cælum, & Terram, Mare, & omnia quæ in eis sunt.* Item ad Hæbreos 1. v. 2. *per quem*, id est per filium, *fecit & secula.* De his autem seculis habetur ad Hæbreos 11. v. 3. *Fide, intelligimus aptata esse secula verbo Dei.* Et subdit, quomodo, *ut ex invisibilibus visibilia fierent.* Ex invisibilibus, supple elementis. Verbo ergo Dei ex invisibilibus facta sunt visibilia. Verbum ergo Dei, id est Filius Patris dedit eis speciem visibilem, sed secundum speciem est distinctio rei, non secundum materiam; ergo Filius Dei, non tantum duxit materiam ipsam rerum visibilium de non esse ad esse, sed etiam distinxit ipsam, dando ipsis species, sive formas, quas videmus.

Præterea tu ponis quod in istis visibilibus aliquid est, quod Dei est, & aliquid quod Diaboli, illud, unde facta sunt Dei ponis, id est materiam; (5) formam autem, qua operta est, & vestita ipsa materia, a Diabolo esse dicis: ergo quod ibi videtur a Diabolo est; quod autem Dei est, ibi apertum est. Ergo si ita est, ut dicis, mendax est Apostolus, qui dicit; ex invisibilibus verbo Dei facta sunt visibilia, imo ex invisibilibus verbo Diaboli facta sunt ipsa visibilia, si ita est, ut dicis.

Ad idem facit, quod habetur 2. Petri 3. v. 3. *Venient in novissimis diebus in deceptione illusores, juxta proprias concupiscentias ambulantes:* v. 4. di-

centes: *Ubi est promissio, aut adventus ejus? Ex quo enim Patres dormierunt, omnia sic perseverant ab initio Creaturæ:* v. 5. *Latet enim eos hoc volentes, quod Cæli erant prius, & Terra, de aqua, & per aquam consistens Dei verbo.* v. 6. *Per quæ ille tunc mundus aqua inundatus periit:* v. 7. *Cæli autem, qui nunc sunt, & terra, eodem verbo repositi sunt, igni reservati in diem judicii, & perditionis impiorum hominum.* In hac auctoritate loquitur contra quosdam dicentes; quod Christus non est venturus ad judicandum; & quod promissio sua quam facit fidelibus suis cassa est. Omnia enim uno cursu incedunt ab initio creaturæ, id est mundi, & sic stabunt in perpetuum. Ideo autem hoc dicunt, quia non habent præ oculis judicium mundi originalis, unde dicit Petrus: *Latet enim eos hoc volentes;* quod judicium non fuerit, neque futurum sit, latet dico, eos quod prius, id est ante diluvium, *cæli erant prius, & terra, de aqua, & per aquam, consistens Dei verbo.* Nota quod dixit, quoniam per verbum Dei qui dixit & facta sunt. Primo fuerunt Cæli, & Terra, quæ Terra fuit consistens de aqua, id est ab aqua; Dei enim divisionem notat; Verbo enim Dei divisa fuit Terra ab aqua, quæ operiebat eam, unde Genes. 1. v. 9. dicitur: *Congregentur aquæ, quæ sub cælo sunt in locum unum; & appareat arida.* Item verbo Dei terra per aquam terræ inclusam fuit consistens (supple) fructuosa: aliter enim non germinaret, nisi esset irrigata aquis, cum in se arida sit naturaliter, unde ibi dicitur: vocavitque Deus aridam terram, inde 2. Genes. v. 6. dicitur: Fons ascendebat e Terra, irrigans universam superficiem terræ. Sequitur in littera B. Petri 2. Pet. 3. v. 6. *Per quæ, ille tunc mundus:* per quæ, id est, quoad quæ, & quoad cælum, & quoad terram; & loquitur de cælo aereo. Ille mundus *periit*, non quoad esse, sed quoad statum, qui tunc erat. *Cæli autem, qui nunc sunt, (id est post diluvium) & terra, eodem verbo repositi sunt, igni reservati in diem judicii, & perditionis impiorum hominum.* Hic habes manifeste quod distinctio elementorum mundi Originalis a verbo Dei fuit. Item habes quod cæli, qui nunc sunt, & terra ab eodem verbo sunt, repositi, & reservati igni diei judicii. Quare ergo audes dicere, quod verbo diaboli distinctio elementorum fuerit, unde ad Hebræos 1. v. 10. *Et, Tu in principio Domine, terram fundasti.* Ecce verbum primi libri Genes. v. 1. *In principio creavit Deus Cælum, & Terram.* De Deo loquitur Veteris Testamenti, qui fecit opera sex dierum.

§. IV.

(4) Nuncitur his etiam testimoniis, cum Gnosticos exagitat, Irenæus lib. III. *Contra Hæreses* cap. XII. n. 9. pag. 197. & lib. II. cap. xxx. n. 9. pag. 165.

(5) Cathari videlicet existimabant Deum materiam consulum condidisse, distinctam autem, atque formatam ponebant a diabolo.

lo. Erant autem hi, ut sæpe animadverti, Cathari Concorrenses. Mirum autem esse non debet, quod neque Sachonus, neque Bonacursius expressam hujusce erroris fecerint mentionem, nec hæreticorum, qui cum propugnabant; uterque enim brevitati consulere instituerat. Vide notam 1. in cap. 2. lib. 2.

§. IV.

Quod elementa , (6) & elementata secundum species suas sunt a Deo .

O Stenſo quod factura , & diſtinctio corporum cæleſtium , & elementorum fuerit a Patre ſancto , oſtendamus testimoniis ſcripturarum quod elementa ſecundum ſpecies ſuas ab eodem ſunt . Multa vero testimonia ſunt ſuperius inducta in Tractatu de Creatione viſibilium , quæ ad hoc idem faciunt , quæ breviter ponemus . Unum eſt illud quod habetur Matthæi 2. v. 11. de Magis , qui apertis (7) theſauris ſuis obtulerunt Jeſu munera , Aurum , Thus , & Mirrham . Iſtas enim tres rerum ſpecies ei materialiter obtulerunt , ſicut littera ſonat , quod non feciſſent , ſi facturæ , & ſpecies diaboli eſſent .

Præterea quomodo poteſt dicere , quod ſtellæ Dæmones ſint , vel quod a Domino factæ non ſint , cum ducatu illius Stellæ ad Jeſum venerint . Non enim dubium eſt quin Stella materialis fuerit , licet aliquod ſpirituale designare poſſet , ſicut & munera .

Præterea Magi dederunt Chriſto illa munera . Non eſt autem veriſimile , quod aliquod ſpirituale ab eis receperit ; imo ipſe cunctis ſpiritualia bona confert . *Ipſe eſt enim imago Dei inviſibilis , primogenitus omnis creaturæ , &c.* ut habetur Coloſs. 1. v. 15. Item ad Epheſios 4. v. 15. *Creſcamus in illo per omnia , qui eſt caput Chriſtus* . Ergo illa non fuerunt munera ſpiritualia . Item Matth. 3. v. 4. *Et accedens tentator dixit ei : ſi Filius Dei es , dic ut lapides iſti panes fiant* . Quasi dicat : ſi juiſſeris ita fiet ; ſi factura rerum viſibilium eſſet Principis hujus Mundi , ideſt Satanæ , ſicut ipſe dicis , cum ipſe Princeps pura creatura ſit , factura ergo rerum viſibilium puræ creaturæ eſt ; ergo per facturam earum non cognosceret eum eſſe Dei Filium . Nonne ipſe Princeps conſimilia facit , imo & majora , ut falſò ponis , nec tamen ipſe eſt Filius Dei : ergo licet Chriſtus iſtud feciſſet , non tamen propter hoc ipſum eſſe Dei Filium cognoviſſet . Conſtat autem ex verbis tuis , quod per facturam cognoscere eum noluit . Ipſe ergo ſciebat quod factura non eſt niſi Filii Dei , id eſt Verbi ejus , per quod omnia facta ſunt . Item attende verba ejus , *dixit , &c.* Ex quibus vocibus manifeſte innuitur quod ipſe eſt , qui dixit , & facta ſunt ; opera ſcilicet ſex dierum . Ad idem facit illud verbum Domini Matth. 4. v. 45. *Qui ſolem ſuum oriri facit ſuper bonos , & malos , & pluit ſuper juſtos & injuſtos* . Hoc autem hic non diſputamus , quia de Deo inquitum eſt ſupra in cap. de creatione viſibilium a Deo ſancto . Ad idem facit illud Matthæi 6. v. 25. *Ne ſolliciti ſitis animæ veſtræ quid manducetis , neque corpori veſtro quid induamini* .

Modo quæro quid appellet hic animam , an vitam corporalem , an illam ſpiritualem , & rationalem ſubſtantiam , quæ corpori præſtat vitam , ſenſum , & motum voluntarium , & quæ diſcernit bonum a malo , & verum a falſo ? Hoc ultimo modo ſumi non poteſt ; ſecundum hoc enim loqueretur de manducatione ſpiritalis cibi . Nunquid diceret Dominus : ne ſolliciti ſitis quid manducetis , id eſt quem cibum ſpiritualem animæ veſtræ detis ? Nonne verba fidei , & bonæ doctrinæ cibus animæ ſunt ? Uti que . Unde Paulus de Timotheo dicit 1. ad Timot. 4. v. 6. quod ipſe erat *Enutritus verbis fidei , & bonæ doctrinæ* ? Nonne Dominus dicit Matth. 4. v. 4. *Non in ſolo pane vivit homo , ſed in omni verbo , quod procedit de ore Dei* ? Nonne de illo cibo debet homo eſſe ſollicitus ? Nonne Paulus ad hoc monuit Timotheum dicens 2. Timoth. 2. v. 15. *Sollicite cura Teipſum* . Et quomodo ipſe curavit ſeipſum ſollicite , niſi ſe paſcat verbo vitæ ? Nonne David rogat , & dicit : *Greſſus meos dirige ſecundum eloquium tuum : & non dominetur mei omnis injuſtitia* . Pſal. 118. v. 133. *Redime me a calumniis hominum , ut cuſtodiam mandata tua* ? Si rogabat David Deum , ut greſſus ejus dirigeret , & ut mandata Dei cuſtodiret , ſollicitus erat de ſpirituale cibo , qui eſt cuſtodia mandatorum Dei .

Præterea ſi de ſpirituale cibo loqueretur , ergo & de ſollicitudine ſpirituale ; ergo perhiberet Eccleſiæ ſpiritualem ſollicitudinem . Contra quod dicit Apoſtolus ad Epheſios 4. v. 3. *ſolliciti ſervare unitatem ſpiritus in vinculo pacis* . Reſtat igitur quod loquatur de ſollicitudine corporali , & ita de cibo corporali , & de anima , ideſt de corporali vita , ſecundum quem modum ſumit Apoſtolus animam dicens Act. 20. v. 24. *Non facio animam meam pretioſiorem quam me* .

Præterea Dominus dicit ibi Matthæi 6. v. 15. *Nonne anima plus eſt quam eſca , & corpus pluſquam veſtimentum* ? Si autem per animam intelligis ſpiritum humanum , dicas mihi , quid intelligis tu per corpus ? Si corpus materiale , habeo propositum meum , quod de corporali veſtimento loquatur Chriſtus , & ſimiliter de corporali cibo , quod verum eſt . Qui enim dedit majora , dabit minora illis vel neceſſaria . Unde Luc. 22. v. 35. *Quando miſi vos ſine ſacculo & pera , & calceamentis , nunquid aliquid deſuit vobis* ? v. 36. *At illi dixerunt : nihil* . Si autem per corpus intelligis corpus ſpirituale , quæ differentia eſt inter animam , & ſpiritum humanum , & ſpirituale corpus ? Si autem per corpus ſpirituale intelligis congregationem aliquam , ſive Eccleſiam , vel per veſtimentum intelligis veſtimentum ſpirituale , veſtimentum ſpirituale Chriſtus eſt , unde ad Rom. 13. v. 14. *Induimini Dominum Jeſum Chriſtum* . Nunquid congregatio fidelium pluſquam Chriſtus ?

Præterea nunquid anima melior eſt quam eſca ſpiritalis ? Si dicas quod ſic . Quomodo poteſt hoc

(6) Bonacurſus lib. de Vita Hæreticorum cap. 1. pag. 63. T. XIII. Spicileg. Dacheriani Edit. an. 1677. Quidam illorum [Catharorum] dicunt Deum creaviſſe omnia elementa , alii dicunt illa elementa diabolum creaviſſe ; ſententia tamen omnium eſt , illa elementa diabolum diviſiſſe . Ac materiem quidem a Deo antea conditam , tum vero a Satanæ diſtinctam fuiſſe pugnabant Bogomi-

lii , ut ex Euthymio demonſtratur Parte II. Panopliæ Tit. xxIII. n. VII. pag. 211. Vide apud Irenæum lib. 1. cap. III. n. 2. pag. 19. ſeq. quid de origine elementorum ſenſerint Valentiniani .

(7) Conſultor Irenæus lib. III. cap. IX. pag. 184. ubi de Deo Cæli , & Terræ conditore diſſerit .

hoc esse, cum esca spiritualis faciat animam bonam, & sine ea non possit esse bona? Esca enim spiritualis est Christus, qui ait Johan. 6. v. 35. *Ego sum panis vitæ, qui venit ad me non esuriat*. Et doctrina ejus. Item quomodo potest hoc esse, cum anima sit mutabilis, & possit esse bona vel mala? Esca autem illa non potest esse nisi bona. Similiter objicias de corpore, & vestimento, Ex his omnibus patet, quod Dominus loquitur de vita, & cibo, & corpore, & vestimento materiali.

Præterea Matth. 6. v. 26. *Respicite volatilia cæli, quoniam non serunt, neque metunt, neque congregant in horrea, & Pater vester cælestis pascit illa*. De quibus autem volatilibus loquatur, patet per Lucam, quia de materialibus; unde Lucæ 12. v. 24. dicitur: *Considerate corvos, quia non seminant, neque metunt, quibus non est cellarium, neque horreum, & Deus pascit illos. Quanto magis vos pluris estis illis?* Quasi dicat: Si pascet hæc minima, quanto magis nos. Si autem vis dicere, quod volatilia ibi dicuntur boni Angeli. Contra. Ipsi Apostoli adhuc erant mali; nondum enim habebant Spiritum Sanctum secundum te; quomodo ergo potes dicere, quod volatilia ibi dicuntur Angeli boni, cum dicat Matth. 6. v. 26. *Nonne vos magis pluris estis illis?*

Præterea nonne secundum illos, qui ponunt unicum principium, omnes æquales erunt in præmio? Quomodo ergo unus pluris pretii, quam alius tunc? Constat autem quod hi non erunt pluris pretii quam Angeli boni? Si autem volatilia cæli Dæmonia appellat, Deus non pascit illa. Quomodo ergo dicitur: *Pater vester cælestis pascit illa?*

Præterea si adhuc dicis quod volatilia dicuntur Angeli boni, ostende hoc aliquo testimonio, & ubi habes quod volatilia cæli dicantur Angeli boni? Ego enim possum ostendere, quod volatilia cæli dicuntur, vel Dæmonia. Lucæ 8. v. 12. vel volatilia materialia in Psalm. 78. v. 2. *Posuerunt morticina*, idest cadavera (ut dicit alia littera) *servorum tuorum escas volatilibus cæli: carnes sanctorum tuorum bestiis Terræ*. Si enim spiritualiter velles hoc intelligere, dicas mihi, qui sunt hi qui posuerunt nisi Dæmones, & quibus posuerunt, nisi volatilibus? Ergo illa volatilia non essent Dæmones, neque bestię terræ essent Dæmones. Propter hoc quidam hæretici exposuerunt illud verbum dicentes: volatilia esse Phariseos, scilicet nos Romanos; & dicunt; quod non ferimus aliis, neque metimus nobis spiritualia præcepta, neque congregamus homines in cæleste horreum, & tamen Deus Pater pascit nos, idest dat nobis Evangelium, ut inde pascamur; ergo intelligitur de cibo spirituali parabola dicta. Hoc autem esse non potest, cum dicat Dominus Matth. 6. v. 25. *Ne solliciti sitis animæ vestræ quid manducetis, neque corpori vestro quid induamini*. Similiter etiam de spirituali vestimento non potest intelligi, cum dicat & de vestimento; quid solliciti estis. In quo patet hæreticos istos male dicere, cum dicunt, quod per lilia intelliguntur fideles, & per agrum Mundus. Ubi fideles

crescunt fide, & operibus, & non laborant in peccatis, neque metunt, idest non decipiunt. Contra. Erant isti Fideles quos per lilia intelligis, boni? Si hoc est, ergo Apostoli tunc non erant pluris illis; cum Dominus dicat Apostolos esse minimæ fidei; unde de istis liliis dicit Lucæ 12. v. 28. *Si autem fœnum, quod hodie est in agro, & cras in clibanum mittitur, Deus sic vestit, quanto magis vos pusillæ fidei?*

Præterea attende quid dicit Fœnum agri; de quo fœno, vel de quo agro intelligit? Si de agro cælesti ubi est fœnum, idest Angeli, ubi habes quod dicantur Angeli fœnum? Ego tamen video fœnum materiale. Item invenio aliud fœnum Isaia 40. v. 6. *Omnis caro fœnum, & omnis gloria ejus quasi flos agri*.

Præterea quomodo potest esse, cum Dominus dicat: *Fœnum agri quod hodie est, & cras in clibanum mittitur?* Si dicas quod fœnum intelligitur Ecclesia. Quæ erat illa Ecclesia nisi Apostoli? Ex verbis autem Domini patet, quod aliud est fœnum, & aliud Ecclesia, idest Apostoli, quibus loquebatur dicens: Si autem fœnum, &c.

Præterea numquid erat jam Ecclesia, cum nondum datus esset Spiritus Sanctus secundum quod credis?

Præterea quomodo stabit: *Si autem fœnum agri quod hodie est? &c.* Si autem vis dicere quod fœnum sumitur in malo, sicut dicit Isaia 40. v. 6. quomodo stabit quod Dominus ait: *Deus sic vestit fœnum?* Numquid Deus vestit spirituali vestimento fœnum, idest carnales? Contra quod non vestit; ergo intelligitur de vestimento materiali ipsius fœni materialis; unde & vestit dicit de præsentī.

Præterea ex verbis Domini patet quod idem est, qui vestit fœnum & Apostolos. *Si autem fœnum, &c.* ergo ab eodem facta sunt temporalia ista, & Apostoli.

Præterea nonne vides qualiter argumentatur ex præmissis. *Nolite ergo solliciti esse, &c.* Ubi patet quod non loquitur de sollicitudine spirituali, sed de corporali; ergo de cibo, & vestimento hujusmodi.

Præterea assignat causam quare de hujusmodi non debent esse solliciti, dicens Lucæ 12. v. 30. *Hæc enim omnia gentes mundi quærunt*. Ecce quod non vult nos similes esse gentibus, quæ de istis sollicitæ sunt, sed non de spiritualibus. Igitur Dominus loquebatur de istis materialibus. Item aliam assignat causam dicens v. 30. *Pater autem vester scit quia his omnibus indigetis*. Ergo ista non sunt spiritualia, cum dicat Apostolus 1. ad Corinth. 12. v. 24. *Honestam autem nostram, nullius egent*.

Præterea dicit. *Pater autem vester scit quia his omnibus indigetis*. Si scit, ad quid hoc dicit, nisi, ut jactent cogitatum suum in ipsum, & spem, quoniam in his subveniet eis; ergo ista temporalia ab ipso sunt, ex quo ea dat, alioquin raperet aliena. Ad idem facit, quod legitur Matth. 13. v. 24. *Simile factum est Regnum cælorum homini, qui seminavit bonum semen in agro suo*. Cujus auctoritatis inquisitionem contra utrosque catharos posuimus in cap. de creatione. Ad idem etiam facit illud verbum

bum Matth. 19. v. 4. ubi Dominus ait Phariseis: *Non legistis quia qui fecit hominem ab initio, masculum & foeminam fecit eos?* Marci autem 10. v. 6. addit, & dicit quis fecit eos masculum, & foeminam, cum ait: *Ab initio autem creatura masculum & foeminam fecit eos Deus.* Dominus noster nunquam appellaret Dæmonem Deum sine aliqua determinatione, ex qua pateret quod Deus sumeretur in mala parte, unde patet quod distinctio corporum secundum sexum a Deo sancto est. [*] Ad hoc autem respondebit velate dicens: quod Deus fecit marem, & foeminam, & utriusque corpus. Sed contra. Si fecit illa corpora, cum ad aliquem usum fecerit ea; ergo opus illud matrimoniale bonum. Cum enim aliquid sit secundum Dei voluntatem non est peccatum. Si enim peccatum est, contra, vel præter Dei voluntatem est.

Præterea puer nascitur in utero, & ex utero; nunquid a Deo sancto? Si hoc; ergo falsum est quod natus sit de peccato, quod tamen dicere consuevisti, quamvis non sit verum.

Præterea ergo actus matrimonialis non est peccatum: [*] Ad idem facit illud quod habetur Lucæ 11. v. 37. ubi dicitur, *quod quidam Phariseus rogavit Jesum, ut pranderet apud se. Et ingressus recubuit.* v. 38. *Phariseus autem cepit intra se reputans dicere, quare non baptizatus esset ante prandium?* v. 39. *Et ait Dominus ad illum: Nunc vos Pharisei quod deforis est calicis & catini mundatis: quod autem intus est vestrum, plenum est rapina & iniquitate.* v. 40. *Stulti, nonne qui fecit quod deforis est, etiam id quod de intus est fecit?* In his verbis patet, quod de prandio materiali, & de corporali ablutione manuum loquitur. Dicit enim quod Phariseus qui invitaverat Jesum, ut pranderet apud se, cogitabat quæ esset causa quare Jesus antequam pranderet non esset baptizatus, idest lotus. Super quo etiam arguebant discipulos ejus Matth. 15. v. 2. *Discipuli tui transgrediuntur traditionem seniorum, non enim lavant manus suas cum panem manducant:* Dominus autem eos arguit, quia munditiam corporis eligeabant, & eam habere studebant, munditiam animæ relinquentes, & propter hoc Dominus ait Phariseo: *Nunc vos Pharisei, &c.* Loquebatur ergo Dominus de munditia animæ & corporis, ostendens utriusque munditiam esse procurandam, ratione factoris, qui fecit utrumque, idest animam & corpus. Unde ait: *qui fecit quod de foris est, etiam id quod de intus est fecit.* Hoc tamen exposuit mihi hæreticus sic dicens: qui fecit quod deforis est, idest corpus, fecit id quod intus est, idest malum corpus, sive malam voluntatem, scilicet Diabolus. Quod autem hæc expositio aliena sit a Fide Catholica, patet, si inspiciantur verba Beati Matth. 23. v. 26. qui dicit: *Pharisee cace, munda prius quod intus est calicis & paropsidis, ut fiat id, quod deforis est, mundum.* Corpus autem dicis id quod de foris est; ergo corpus potest esse mundum; ergo non est a Diabolo creatum, vel factum. Si autem per id, quod de foris est, intelligas operationem pravam, per id quod intus est pravam voluntatem, patet per B.

Matthæum hæreticum esse quod dicis. Ponit etiam B. Matthæus id quod de foris est, posse esse mundum, cum dicit: *Munda prius quod intus est, &c.* Mala enim conversatio munda esse non potest, id autem quod de bonis est, mundum esse potest, ergo per id quod de foris est non intelligitur prava conversatio.

§. V.

Quod aliis testimoniis hoc idem probatur.

Nunc ad alia testimonia transeamus, & primo inducamus illud quod ex parte tetigimus de Act. Apost. 14. v. 14. *Nos mortales sumus similes vobis homines; annunciantes vobis ab his vanis converti ad Deum vivum, qui fecit Cælum, & terram, & mare, & omnia quæ in eis sunt.* v. 15. *Qui in præteritis generationibus dimisit omnes gentes ingredi vias suas.* v. 16. *Et quidem non sine testimonio semetipsum reliquit, benefaciens de cælo, dans pluvias, & tempora fructifera implens cibo, & lætitia corda nostra.* Hinc videndum est quibus loquebatur, quia Paganis & Idolorum cultoribus, a quibus Idolis valde vanis monebat eos converti ad Deum vivum.

Præterea dicit quod Deus in præteritis generationibus, idest temporibus, *dimisit omnes gentes ingredi vias suas*, quæ malæ viæ erant. Et dicit quod non reliquit se sine testimonio, benefaciens &c. Per beneficia enim rerum visibilium quas eis dabat se esse Deum testatus est juxta illud ad Rom. 1. v. 20. *Invisibilia enim ipsius a creatura mundi, per ea quæ facta sunt, intellecta conspiciuntur.* Isti Pagani, quibus loquebatur, non cognoscebant aliud cælum, neque aliam terram, aut aliud mare, vel alia, quam ea quæ in istis esse videbant. Constat autem quod per magnitudinem factorum volebat eos convertere ad factorem, sed alia facta nesciebant, nisi ista, quæ videbant; ergo per alia facta non poterat illos inducere ad factorem, nisi per ista. Ergo Deus bonus horum factor est.

Præterea dicit, quod se non reliquit sine testimonio ad gentes illas; sed quod erat testimonium ipsius Dei vivi, nisi ipsa facta quæ videbant gentes? ergo ipsa ab eo facta sunt.

Præterea in hoc etiam non se reliquit sine testimonio, quia benefaciebat eis de cælo dans &c. Istud autem de pluvia materiali intelligitur, quia de cælo materiali locutus est, unde venit pluvia materialis quæ facit terram fructiferam.

Præterea de cibo materiali loquitur, quia dicit: *in præteritis generationibus dimisit omnes gentes ingredi vias suas*, idest diversimode curare, & tamen dabat eis pluvias &c. Corda enim illarum gentium numquam impleta fuerunt cibo spirituali, neque lætitia spirituali; ergo cibus materialis est de quo loquuntur Apostoli; pluvia ergo materialis est a Deo. Sed contra hoc insurgit hæreticus dicens: Quomodo potest esse quod veniat pro cibo corporali? ille enim cibus non est cibus cordis. Ad hoc dico quod ille cibus est cordis, illius scilicet particulæ quæ est principium vitæ in animalibus.

Q

Illa

[*] Deest in Cod. Bonon.

illa enim particula cibo nutritur; illa etiam particula repletur gaudio, & lætitia materiali. Duplex enim distinguitur lætitia. Una est secundum materiam & alia est secundum species. Prima corporalis est, secunda autem in anima est. Unde de prima dicit Philosophus: si quis dicit animam gaudere, vel tristari, debet eam dicere texere, vel ædificare.

Præterea posito quod cordis nomine anima designetur; constat quod lætitia animæ est, cibus etiam corporalis animæ est, non quia de eo nutriatur, sed quia ab ipsa inde sustentatur corpus. Dico ergo quod ipsa anima dicitur impleri cibo, quia voluntas ejus ad nutriendum corpus suum inde impletur, & inde satisfat voluntati ejus. Nonne vides quid Lucæ 16. v. 25. dicit Abraham diviti, idest animæ ejus? *Accipisti bona in vita tua*. Et loquitur de temporibus bonis. Ille enim spiritualia bona contempserat. Temporalia ergo bona, scilicet purpura, byssus, & epulæ splendidæ animæ ejus fuerant, quia ea receperat. [*] Ex hoc patet solutio hujus objectionis hæreticorum, qui dicunt quod fructus terræ non sunt a Deo, sed ab ipsa terra, ab ejus humore, quoniam terra talis est aliquando ut habilis sit ad fructum, quia pinguis est; aliquando autem quia non est pinguis, sterilis est. Respondeo. Nunquam terra per se hoc potest facere, sed adjutorio caloris solaris, & pluvie humectantis ipsam. Ista autem a Deo Sancto sunt. Unde Matthæi 5. v. 45. *Qui Solem suum oriri facit super bonos & malos, & pluit super justos & injustos*.

Præterea Actor. 14. v. 14. loquitur Paulus dicens ut supra in initio hujus capituli: *Et nos mortales sumus similes vobis homines, annunciantes vobis ab his vanis converti ad Deum vivum, qui fecit Cælum &c.* Item Actor. 17. v. 22. dicit Apostolus Atheniensibus: *Viri Athenienses, per omnia quasi superstitiones vos video*. v. 23. *Præteriens enim & videns simulacra vestra, inveni & aram, in qua scriptum erat: Ignoto Deo; quod ergo ignorantes colitis, hoc ego annuncio vobis*. v. 24. *Deus qui fecit Mundum, & omnia quæ in eo sunt, hic cæli & terræ cum sit Dominus non in manufactis templis habitat*. v. 25. *Nec manibus humanis colitur, indigens aliquo, cum ipse det omnibus vitam, & inspirationem, & omnia*. v. 26. *fecitque ex uno omne genus hominum inhabitare super universam faciem terræ, definiens statuta tempora, & terminos habitationis eorum*. v. 27. *Quærere Deum, si forte attrectent eum, aut inveniant, quamvis non longe sit ab unoquoque nostrum*. v. 28. *In ipso enim vivimus, movemur, & sumus, sicut & quidam vestrorum Poetarum dixerunt. Ipsius enim & genus sumus*. Hic primo videndum est, quibus loquitur; quia Atheniensibus Idolorum cultoribus. Secundo videndum est, quid eis loquebatur, scilicet hunc Mundum a Deo factum, & omnia quæ in ipso sunt, scilicet Cælum & Terram, & sic describit ejus Omnipotentiam. Item incomprehensibilitatem, cum dicit: *non in manufactis templis habitat*. Item ejus sufficientiam; unde *nec manibus humanis colitur*; idest non fit indigens aliquo, quasi dicat, neque opere hominis exit de non esse ad esse, nec ejus esse indiget aliquo ad sui conservationem; ipse enim

non est accipiens ab aliquo, sed dans; unde sequitur: *cum ipse det omnibus vitam, & inspirationem*, idest aerem, quem inspirat ad conservationem vitæ, & omnia alia ad vitam necessaria. Hic habes palam, quod Mundus a Deo factus est, & omnia quæ in eo sunt, & quod ipse Cæli & Terræ conditor est, & quod vita, & ea quæ ad vitam necessaria sunt, ab ipso sunt. Modo quæro de quo Mundo loquebatur, & de quo Cælo, & de qua Terra, nisi de isto? alium non potes ostendere.

Præterea nonne isti erant Idololatæ? Nunquid alium mundum, & Cælum, vel Terram cognoscebant? Certe non. Prædicabat autem eis Apostolus Deum esse factorem Mundi Cæli & Terræ. Quare nisi ut per facta quæ cognoscebant faceret eos venire ad cognitionem factoris, sicut dixerat Romanis Rom. 1. v. 20. *Invisibilia enim ipsius a Creatura Mundi per ea, quæ facta sunt, intellecta conspiciuntur*; ergo Apostolus de his operibus loquebatur, quæ illi cognoscebant, ergo de hoc Mundo, & de hoc Cælo, & de hac Terra, & hujusmodi.

Præterea si tu velles recipere hanc litteram, qui ponis duo principia, nonne Apostolus dicit: *Deus qui fecit hunc Mundum*? Nonne cum ista dicebat, in isto materiali Mundo erat, & Athenienses, quibus loquebatur? Utique. Ergo non loquebatur de alio Mundo, alioquin dixisset illum.

Præterea dicit; *quod ipse dat vitam omnibus &c.* hoc non potest intelligi de vita spirituali; ergo de corporali vita; ergo hæc vita corporalis a Deo est.

Præterea dicit: *fecitque ex uno omne genus hominum &c.* Ex uno dicit, scilicet ex Adamo. Hoc non potest intelligi de generatione spirituali, ergo de materiali generatione. Et nonne vides eundem Apostolum dicere ad Galat. 1. v. 15. *Cum autem placuit ei qui me segregavit ex utero Matris meæ, & vocavit per gratiam suam, quasi dicat, qui me fecit nasci ex fœmina, & qui natum vocavit per gratiam*? Non enim hoc de spirituali generatione intelligitur, quia illa secuta est vocationem. Sine causa enim Apostolus non præmisit segregationem de matris utero ipsi vocationi.

Præterea non dicit Apostolus, quod unum fecerit, scilicet Adam, ex quo est omne genus hominum, sed dicit quod omne genus hominum ex illo uno. Igitur propagatio & generatio humani generis ex Adam a Deo est. Nunquid ista est spiritualis generatio, quæ fit per fidem Jesu Christi? Non ergo carnalis generatio a Deo ut factore est.

Præterea, nonne dicit: *definiens statuta tempora*? Ergo distinctio temporum horum hominum, & distinctio partium habitabilium ab hominibus est ab ipso. In quibus verbis patet, quod de temporalibus rebus loquebatur ibi Apostolus, & de materialibus, cum fines habitationis dicit a Deo positos, & tempora ætatum & regnorum distincta esse. Ad quid autem fecerit Deus hoc hominibus, dicit Apostolus: *quærere*, idest ad quærendum Deum si forte, idest dummodo velint attrectare eum manu amoris, aut invenire cognitione fidei, *quamvis non sit longe &c.* quasi dicat, quamvis prope sit cuilibet per essentiam, tamen quærite, ut per gratiam prope fiat; quod

[*] Deest in Vat.

quod autem prope sit, probatur. *In ipso enim &c.* & ita habemus esse vivere & moveri ab ipso. Constat autem quod loquitur de esse vita & motu materiali. Non erat enim verum quod esse spirituale, vel vita spiritualis, vel motus spiritualis, esset in unoquoque eorum. Mentiretur ergo Paulus dicens: *quamvis non longe sit &c. In ipso enim dicit &c.*

Præterea nonne dicit: *ipsius enim & genus sumus, sicut & quidam vestrorum Poetarum dixerunt?* Isti Poetæ non habebant cognitionem generationis spiritualis, cum essent Idololatræ, & Pagani. Intelligebat igitur de materiali generatione. Ad idem induci possunt illa testimonia Apostoli pro magna parte, quæ posuimus in cap. de creatione rerum visibilium & transeuntium a Deo Patre justorum esse, sicut est illud ad Rom. 1. v. 20. *Invisibilia &c.* Item ejusdem Epistolæ 6. v. 19. *Sicut enim exhibuistis membra vestra servire immunditiæ & iniquitati ad iniquitatem, ita nunc exhibete membra vestra servire justitiæ in sanctificationem.* Item 9. v. 18. *Deus ergo cujus vult miseretur &c.* Item 11. v. 35. *Quis prior dedit illi, & retribuetur ei.* v. 36. *Quoniam ex ipso, & per ipsum, & in ipso sunt omnia: Ipsi gloria in secula. Amen.* c. 12. v. 1. *Obsecro itaque vos Fratres, per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum.* Item 14. v. 20. *Noli propter escam &c.* Item 1. Corinth. 6. v. 15. *Nescitis quoniam corpora vestra membra sunt Christi.* Item ad Galat. 1. v. 15. *Cum autem placuit ei qui me segregavit &c.* Item Ephesior. 3. v. 1. *Hujus rei gratia, ego Paulus vinctus Christi Jesu pro vobis gentibus* Item ad Coloss. 1. v. 15. *Qui est imago Dei invisibilis, primogenitus omnis creaturæ: quoniam in ipso &c.* Item 1. Timoth. 4. v. 1. *Spiritus autem manifeste dicit &c.* Item ad Hebræos 1. v. 10. *Et Tu in principio Domine terram fundasti, & opera manuum tuarum sunt cæli.* Item 1. Cor. 8. v. 6. *Unus Deus Pater, ex quo omnia, & nos in illum, idest ab ipso facti: & unus Dominus Jesus Christus, per quem omnia, & nos per ipsum, supple, facti sumus.* Item c. 9. v. 10. *Debet in spe, qui arat, arare: & qui triturat in spe fructus percipiendi.* Sed de qua spe loquatur, patet illic, cum dicit statim: *Si nos vobis spiritualia seminavimus, magnum est si nos carnalia vestra metamus?* Si dicas mihi, a quo sperant isti aratores carnalia? Nonnisi a factore ipsorum. Sed quomodo a diabolo sperant illa, cum impugnent eum? Relinquitur ergo, quod ipsa non sunt facta ab ipso. Si autem a Deo Patre Sancto sperant illa, ergo ab ipso sunt facta, & de ejus dominio sunt. Ipse enim non usurparet alienum.

Præterea ex semine spirituali colligunt discipuli carnalia tamquam messem. Numquid ex tam pretioso semine messis diabolica colligeretur? Item 1. ad Corinth. 11. v. 15. *Mulier vero si comam nutriat, gloria est illi: quoniam capilli pro velamine ei dati sunt.* Constat quod Apostolus ibi docet mulierem inaterialem velare caput materiale, & dicit quare debeat libenter facere, quoniam hæc est gloria ei, & quod sit ei gloria facere hoc, ostendit quoniam capilli dati sunt ei ad hoc, idest, ad caput velandum. Apostolus autem nunquam diceret hoc esse glorio-

sum mulieri, vel quod deberet hoc facere, si essent ei a diabolo dati, ergo materiales capilli sunt ei dati a bono Deo & sancto, ad velandum materiale caput. Ipsa igitur dispositio membrorum corporis a Deo Sancto est, non tantum creatio.

Præterea istud velamen, de quo loquitur Apostolus, materiale est, sive corporale, quod patet sic. Si enim esset spirituale, aut bonum, aut malum? Si malum, nunquam diceret Apostolus, quod mulier eo velaret caput suum. Si bonum, nunquam diceret quod vir non velaret eo caput suum; ergo non est velamen spirituale istud, de quo Apostolus loquitur, ergo est corporale; ergo capilli corporales, & caput corporale, & mulier corporalis, & vir similiter. Constat autem quod Apostolus dicit capillos, sive ipsum velamen corporale esse datum a Deo, & ostensum est quod a Deo Sancto. Dicit etiam utrumque esse in Domino, sive per ipsum, scilicet virum & mulierem. Ergo dispositio corporis mulieris, & corporis viri, non tantum creatio ejus a bono Deo est, postquam & dispositio capitis, & velamen ejus.

Præterea dic mihi. Cum dicit ibi Apostolus; *quod non est vir ex muliere, sed mulier ex viro*, de qua muliere loquitur? Numquid de spirituali, idest de Ecclesia? Hoc stare non potest, quod vir spiritualis, idest Prelatus, ab Ecclesia constituitur etiam secundum te, & ipsa sibi virum eligit, idest Episcopum. Venit ergo mulier pro materiali muliere, & vir pro materiali viro. Sed dic mihi; quando hoc esse potuit, nisi in prima creatione Adæ & Evæ? Modo enim uterque ex utroque est. Loquitur ergo de Adam & Eva.

Præterea illud, quod dicit Apostolus: *Etenim non est creatus vir propter mulierem, sed mulier propter virum*; Non potest intelligi de Prælato & Ecclesia, quia Prælatus propter Ecclesiam constituitur, & ad eam regendam ordinatur; ergo illud verbum Pauli de muliere materiali & viro ejus intelligitur. Sed quomodo potest hoc stare, quod dicitur: *Non est creatus vir propter mulierem, sed mulier propter virum*, nisi intelligatur de Eva & Adam? Adam enim cum fuit primo creatus, non fuit creatus propter mulierem, idest propter Evam, sed e contrario. Sicut etiam probari potest per textum Genes. ubi dicitur cap. 2. v. 18. *Non est bonum hominem esse solum: Faciamus ei adjutorium simile sibi.* Creata est ergo mulier in adjutorium viri, idest Adæ, qui prius solus erat conditus, non e contrario, cum mulier nondum esset, idest Eva, & propter hoc dictum est a Paulo: *Etenim non est creatus vir propter mulierem, sed mulier propter virum.* Quod non est verum nisi quoad conditionem primi hominis, & primæ mulieris. De conditione enim posteriorum, subdit Apostolus: *Veruntamen neque vir sine muliere: neque mulier sine viro in Domino.* Quasi dicat: Uterque ex utroque est a Deo Auctore. Nam sicut mulier ex viro, (supple prius) ita & vir per mulierem (supple postea) nascitur. Omnia autem ex Deo, idest corpus & anima utriusque a Deo Auctore conditum est. Unde Lucæ 11. v. 40. *Nonne qui fecit quod de foris est &c.* ut habetur in hoc eodem capite supra parum ante.

Præterea quid vult probare Apostolus, per hoc

quod dicit: *Non enim vir ex muliere &c.*? Istud scilicet quod sequitur ibi; Ideo debet mulier habere velamen super caput suum; numquid hoc dicit Apostolus, quia vir non est conditus a diabolo ex muliere, sed mulier ab ipso de viro condita est. Ideo debet mulier potestatem habere supra caput? Non.

Præterea post ea dixit v.7. ejusdem cap. 11. Ep. 1. ad Corinth. *quoniam vir est imago & gloria Dei, mulier autem gloria viri est.* Non e contrario supple, & hoc probat: *Non enim vir ex muliere, sed mulier ex viro:* Numquid esset mulier gloria viri, si diabolus eam fecisset ex viro? Non.

Et notandum propter intelligentiam litteræ, quod gloria hic dicitur effectus alicujus rei ut causæ, secundum quod per ipsum & ex ipso apparet causa laudabilis. Dicitur ergo mulier gloria viri, sicut fructus dicitur gloria arboris, quia ex eo apparet arbor gloriosa. Item 1. ad Corinth. 11. v. 23. *Dominus Jesus in qua nocte tradebatur, accepit panem, & gratias agens dixit: Accipite, & manducate, hoc est Corpus meum, quod pro vobis tradetur: hoc facite in meam commemorationem.* Matthæi 26. v. 26. dicitur, *quod benedixit, ac fregit.* Quod iste esset materialis panis, inferius (ubi agemus de corpore Domini) ostendetur. Si autem Christus ipsum benedixit, si inde gratias egit, factura esse diaboli non potuit, sed Dei, cui inde gratias egit. Ei enim aguntur gratiæ de re, unde habetur res. Item 1. Corint. 12. v. 20. & seqq. *Multa quidem membra, unum autem corpus: non potest autem oculus dicere manui: opera tua non indigeo: aut iterum caput pedibus: non estis mihi necessarii. Sed multo magis, quæ videntur membra corporis infirmiora esse, necessaria sunt: Et quæ putamus ignobiliora membra esse corporis, his honorem abundantiorum circumdamus: & quæ inhonesta sunt nostra, abundantiorum honestatem habent. Honestam autem nostram nullius egent, sed Deus temperavit corpus ei, cui deerat,tribuendo abundantiorum honorem.* Ecce quod Deus corpus disposuit; non enim potest dicere, quod de corpore loquatur spirituali, quia si hoc esset; ergo de honore & honestate spirituali. Ibi autem non est verum, quod membra ignobiliora recipiant majorem honorem in Ecclesia, neque quod membra inhonesta majorem habeant honestatem. Loquitur ergo de corpore materiali, licet in figura corporis spiritualis, quod etiam patet ad Rom. 12. v. 4. ubi Apostolus distinguens inter corpus materiale & spirituale, quod est Ecclesia, ponit materiale corpus figuram esse corporis spiritualis, dicens: *Sicut enim in uno corpore multa membra habemus, omnia autem mem-*

bra non eundem actum habent: v. 5. ita multi unum corpus sumus in Christo, singuli autem alter alterius membra. v. 6. Habemus autem donationes, secundum gratiam, quæ data est nobis, differentes. Item 1. Corint. 15. v. 36. Insipiens tu, quod seminas, non vivificatur, nisi prius moriatur: v. 37. Et quod seminas, non corpus, quod futurum est seminas, sed nudum gramen, ut puta tritici, aut alicujus ceterorum. v. 38. Deus autem dat illi corpus, sicut vult: & unicuique seminum proprium corpus (8) Ecce evidentissimum testimonium quod terræ nascentia a Deo secundum proprias species distinguuntur, & ab ipso diversum esse trahunt, secundum diversas species & naturas ipsorum. Istud autem inferius in Tractat. de Resurrectione magis discutietur.

C A P. III.

§. I.

Rationes phantastica Hæreticorum, quibus probatur, quod creatio & factura horum visibilium est a Diabolo.

Nunc ad tertium capitulum accedamus contra utrosque (1) Catharos, videntes quasdam persuasiones phantasticas, quas ad hoc ostendendum inducunt, quod creatio horum visibilium non est a Deo Sancto.

Dicunt enim: quomodo potest esse, (2) quod ignis ille bonæ creationis sit, qui domum pauperculæ comburit, imo & homines sanctos.

Item, quomodo potest esse quod aqua similiter sit bonæ creationis, quæ tot homines submergit? Ad hoc potest multipliciter responderi. Quid enim dices tu de illo igne, de quo dicitur Psal. 96. v. 3. *Ignis ante ipsum præcedet, & inflammabit inimicos ejus?* Item quid dices de illo igne, de quo loquitur Sophoniæ 1. in fine: *ambulant ut cæci, quia domino peccaverunt: & effundetur sanguis eorum sicut humus, & corpora eorum sicut stercora. Sed & argentum eorum, & aurum eorum non poterit liberare eos in die iræ Domini: in igne cali ejus devorabitur omnis terra.* Idem habetur cap. 3. ejusdem Prophetæ. De hoc etiam habetur 11. Hieremiæ parum post medium, & Isaiæ 10. parum post principium, & circa finem, & in multis aliis locis Prophetarum, loquentium de Deo Sancto & vero, & de igne ab eo creato & facto; quod tu non audes negare. De aqua vero si homines occidit, accusa non aquam, sed illum,

(8) Adcundus Johannes Chrysostomus *Homil. xli. in Epistola 1. ad Corinth. pag. 389. Tom. x. Opp. Edit. Paris.*

(1) Nempe omnes Cathari in ea erant opinione constituti, ut a malo quodam principe mundum formatum fuisse dicerent. Quamvis enim, ut alias sæpe observavi, pars omnia sub aspectum cadentia a principe hoc malo, pars contra a bono materiam tantum confusam conditam fuisse diceret, universi tamen censabant, formatam saltem fuisse a diabolo ea quæ nostris oculis observantur.

(2) In igne boni & mali nescio quid esse permixtum pugnabant Manichæi veteres. Ac bonum quidem esse contendebant, quod in igne salubre est, malum vero, quod urens, atque mortiferum. Hinc Titus Bostrensis *lib. 11. Contra Manichæos pag. 127. Quomodo, inquit, videbitur ei [Maneti] in igne hoc quidem esse salutare, quod est boni, hoc vero mortiferum & urens, quod est mali, nisi infans fingat missionem elementorum ex bono, & malo?*

Itaque Veteribus Manichæis cum hoc genere Catharorum Concorrentium, quos hoc loco Moneta exagitat, præclare conveniebat. Nam & hi quidem boni aliquid inesse putabant in igne, cum ejus materiem saltem a Deo vero conditam esse arbitrantur, distinctam autem atque formatam a Satana. Negari tamen non potest, quin Manichæi, qui in Africa versabantur Augustini ætate duum generum ignem esse, unum quidem a principio bono creatum, alterum vero a malo omnino profectum censerent, atque alterum, alteri oppositum consule *Augustin. l. 11. Contra Faustum cap. 111. col. 186. Tom. vi 111. Opp.* quod etiam Balasinasæ sectatoribus placuit. Fallor igitur quid causæ sit, cur Titus nonnihil boni in igne urenti posuisse Manichæos affirmet; nisi forte, ejus sanie hæretici ex parte illa bona seu virtute, quam Deus immisit in materiam insolescentem, aliquid etiam manasse existimarint, quod facile crediderim.

lum, qui in aqua eos extinguit. Quid ergo dices de illo Deo, de quo legitur 10. Sap. v. 18., & de illa aqua, de qua ibi agitur: *transtulit illos*, idest filios Israel, *per mare rubrum*, & *transvexit illos per aquam nimiam* v. 19. *Inimicos autem illorum demersit in mare*? Istud autem accusare non audes, quia credis quod Liber ille agat de Deo Sancto; quod quidem verum est, & de Deo Veteris Testamenti. Si velles recipere, imo velis nolis, ut patet per historiam Veteris Testamenti, quæ ibi tangitur, & nunquam potes ostendere, quod alia similis huic inveniat. Bene apparet, quod illa aqua in potestate Dei Sancti erat, quæ ad voluntatem ejus quosdam occidebat, quosdam non, propter quod infra in eodem lib. 16. v. 13. dicitur ei: *Tu enim es, Domine, qui vitæ & mortis habes potestatem, & deducis ad portas mortis, & reducis*. Vide etiam quid ibi dicit de igne boni Dei, & de aquis ejus v. 16.: *Negantes enim te nosse impii*, idest Ægypti, *per fortitudinem brachii tui flagellati sunt: novis aquis, & grandinibus, & pluviis persecutionem passi, & per ignem consumpti*. Præter prædictam solutionem potest & aliter solvi, & dici, quod istæ creaturæ, quæ in se bonæ sunt, idest in sui natura, & a bono Deo sunt per creationem, & per facturam, sive dispositionem, & distinctionem specificam, ut probabimus in seq. parte hujus cap. & in 2. parte hujus operis in cap. de factura harum rerum a Deo Sancto, imitatrices conditoris sui sunt, qui quibusdam mitis est, quibusdam autem severus, ut patet in prædicto testimonio lib. Sap. c. 10. v. 18. *Transtulit &c.* Item Rom. 11. v. 22. *Vide ergo bonitatem & severitatem Dei: in eos quidem, qui ceciderunt severitatem: in te autem bonitatem Dei, si permanseris in bonitate*. Cur igitur Hæretice culpas creaturam imitatricem creatoris sui? Legitur enim 16. Sap. v. 24. *Creatura enim tibi factori deserviens exardescit in tormentum adversus injustos: & lenior fit ad benefaciendum pro his qui in te confidunt*. Ecclesiastici 39. v. 30. *Bona bonis creata sunt ab initio, sic nequissimis bona, & mala*. Supple bona si pœniteant, mala autem si in nequitia permaneant. Postea subdit v. 31. *Initium necessaria rei vitæ hominum*, scilicet sustentandum, *aqua, ignis, & ferrum, sal, lac, & panis similagineus, & mel, & botrus uvæ, & oleum, & vestimentum*. v. 32. *Hæc omnia sanctis in bona, sic impiis & peccatoribus in mala convertentur*. Propter quod dicitur 5. Sapient. ver. 21. *pugnabit cum illo Orbis terrarum contra insensatos*; unde Eccles. cap. 39. v. 33. dicitur: *sunt spiritus, qui ad vindictam creati sunt, & in furore suo confirmaverunt tormenta sua*: v. 34. *In tempore consummationis effundent virtutem: & furorem ejus, qui fecit illos, placabunt*. v. 35. *Ignis, grando, fames, & mors, omnia hæc ad vindictam creata sunt*: v. 36. *Bestiarum dentes, & scorpia, & serpentes, & romphæa vindicans in exterminium impios*. 37. *In mandatis ejus epulabuntur, & super terram in necessitatem præparabuntur, & in temporibus suis non prævenient verbum*. Tertio modo potest solvi contra omnes Catharos, si dixerint quoniam istæ res malæ sint, quia pœnam & afflictionem aliquibus inferunt.

Dicendum est eos carnales esse, & animalelem sive bestialem sensum habere. *Animalis autem homo non percipit ea, quæ sunt spiritus Dei*, ut dicit Apost. 1. ad Cor. cap. 11. v. 14. Vis videre te animalelem esse? Nonne quidam quærebant, ut legitur Rom. 3. v. 5. *Nunquid iniquus est Deus, qui infert iram*? In cujus autem Persona faciat Apostolus hanc quæstionem, subdit, cum dicit: (*secundum hominem dico*) id est hanc quæstionem facio; & sumit secundum hominem, sicut sumit 1. Cor. 3. v. 2. *Adhuc carnales estis*. v. 3. *Cum enim sit inter vos zelus & contentio: nonne carnales estis, & secundum hominem ambulatis*? Secundum hominem, scilicet animalelem. Postea in persona sua dicit: *Abstineat*, scilicet quod iniquus Deus sit, quamvis iram, idest pœnam, inferat. Similiter dico de his creaturis, abstineat quod iniquæ sint, licet iram inferant. Si autem dicatur quod iniquus esset Deus, si bonis pœnam inferret; istæ autem creaturæ sine distinctione bonis pœnam inferunt, sicut & malis; ergo iniquæ sunt. Respondeo illis, qui duos creatores ponunt, illud quod habetur Sap. 12. v. 12. *Quis tibi imputabit, si perierint nationes, quas tu fecisti*? Ubi etiam dicitur v. 15. *Cum ergo sis justus, juste omnia disponis: ipsum quoque, qui non debet puniri, condemnare exterum æstimas a tua virtute*, id est a pietate tua. Sic enim sumitur, unde Psalm. 53. v. 1. *In virtute tua judica me*, id est in pietate tua.

Contra omnes Catharos illud dicentes, scilicet quod Deus iniquus esset, si bonis pœnam inferret, dicas illud Rom. 9. v. 21. *An non habet potestatem figulus lutum ex eadem Massa facere aliud quidem vas in honorem, aliud vero in contumeliam*? Nonne Deus Pater iram intulit Christo, idest pœnam, licet per ministros malos? Ita videtur aperte. Sic enim ait Petro, increpans eund. Johan. 18. v. 11. *Calicem, quem dedit mihi Pater, non vis: ut bibam illum*? Act. 4. v. 28. *Manus tua & consilium tuum decreverunt fieri*, scilicet illam passionem, & mortem, quam pro nobis Christus dignatus est pati, ex quibus patet, quod non est Deus iniquus bonis, etiam si eis pœnam inferat. Quare neque creaturæ ejus, quæ usum rationis non habent, non sunt de eodem culpandæ, quia hoc non faciunt intentione nocendi, neque ad nocumentum bonorum cedit, (3) imo magis ad profectum, unde Paulus ad Rom. 7. v. 24. exclamans ait: *Infelix ergo homo, quis me liberabit de corpore mortis hujus*? & David Psalm. 141. v. 8. *Educ de custodia animam meam ad confitendum nomini tuo*. Nonne vides quid legitur Sap. 4. v. 7. *Justus autem si morte præoccupatus fuerit, in refrigerio erit*. Forte dicet Tibi hæreticus: ergo & tu eodem modo potes illud facere, dummodo non facias illud intentione nocendi. Respondeo. Non est mihi datum, imo prohibitum est occidere innocentem. Ex quo ostendo tibi, quod non est simile de me & de illis creaturis, igne & aqua, quia mihi data est lex; illis autem non. Ex quo etiam concludo Tibi. Ergo licet malum inferant bonis, vel & malis, non tamen malæ dicendæ sunt, vel iniquæ, quia sic non committunt aliquod pec-

peccatum: *Ubi non est lex, nec pravaricatio* Roman. 4. v. 15.

Præterea aut illis data est lex, aut non? Si non: peccare non possunt. Peccare enim est contra legem Dei facere. Quare ergo eas malas dicis, si inferunt pœnas aliquibus? Si autem dicas quod data est eis Lex? ergo sunt susceptibiles doctrinæ, quod falsum est.

Præterea, si est eis data lex, quæro a quo? Numquid a Diabolo? Ipse non daret eis bonam legem; ergo si legem suam pravaricaretur, bene facerent. Si a Deo sancto? ergo sunt de jurisdictione ejus, ergo sunt conditæ a Deo.

§. II.

Probatio Ecclesiæ, quod Creaturæ visibiles bonæ & utiles sunt.

Veniamus ad secundam partem capituli hujus, ostendentes nunc, quod creaturæ istæ, & horum visibilium species bonæ sint in sui natura. Constat est, quod animæ in istis corporibus humanis possunt per pœnitentiam reconciliari Deo. Nusquam autem alibi reconciliantur ei. Ibi enim manus impositionem recipiunt, per quam salvari possunt, & non præter eam, ut credis: ibi jejuniis corporis hujus creationis vel facturæ satisfaciunt: ibi orant, & alia bona faciunt, ex quibus salutem aquirunt. Quare ergo creationem talium, vel facturam accusas, & asseris malam, nisi quia erras, & alios in errorem inducis? Numquid illa manus malæ creationis vel facturæ existit, quæ salvationem illi impertitur, cui imponitur, & quem tangit? Quis enim credere potest, aut debet, quod manus a Diabolo creata vel facta Spiritum Sanctum exhibeat alicui, ac salutem? Ad hoc autem dicit hæreticus, quod non per impositionem manus visibilis, sed manus invisibilis datur Spiritus Sanctus, & falsus, & illa manus invisibilis latet sub manu visibili, & hoc vult habere ex eo quod Apostolus distinguit inter hominem interiorem & exteriorem: & dicunt; si homo est interior & exterior, opus est etiam quod sit manus interior & exterior. Hoc autem volunt approbare per illud Lucæ 16. de oculis divitis, & lingua, & digito Lazari. Sed contra Actor. 8. v. 18. *Cum vidisset autem Simon, quia per impositionem manus daretur Spiritus Sanctus, obtulit eis pecuniam.* Si erat videns hoc, ergo per impositionem visibilis manus dabatur Spiritus Sanctus.

Præterea ponamus, quod ille qui manus imponit, ista manu visibili non tangat illum, qui recipit manus impositionem, sed elevet tantum ipsam super eum, numquid ille recipiet Spiritum Sanctum? Non. Ergo tactus manus visibilis necessarius est. Ergo per impositionem manus visibilis datur Spiritus Sanctus.

Præterea si distinguas mihi duplicem manum, sicut duplicem hominem, eadem ratione & duplicem oculum, & sic de aliis membris debes distinguere, quod totum concedit hæreticus. Sed si hoc est; ergo debes distinguere etiam duplex corpus scilicet interius & exterius, quod etiam ipse concedit, distinguens corpus materiale & corpus spirituale, sed istud improbabatur in quarta parte hujus Operis in cap. de Resurrectione, ubi ostenditur qua ratione dicatur homo interior & exterior. Quod autem dicitur Lucæ 16. in parabola divitis, & Lazari, determinandum est in quarta parte hujus Operis cap. de resurrectione supra illud verbum Matth. 13. v. 42. *Mittent eos in caminum ignis; Ibi erit fletus & stridor dentium.* Item quod istæ cognoscibilium species bonæ sint in una natura, & a Deo sancto non tantum creatæ sed etiam factæ, patet (4) per utilitatem ipsarum ad multa. Excludunt enim inimicitiam, & provocant homines ad dilectionem mutuam; unde Apostolus Roman. 12. dicit v. 19. *Scriptum est enim: Mihi vindicta: ego retribuam dicit Dominus. v. 20. Sed si esurierit inimicus tuus, ciba illum: si sitit, potum da illi, hoc enim faciens, carbonem ignis congeres super caput ejus; ignis, scilicet, illius, de quo Lucæ 12. v. 49. Ignem veni mittere in terram, & quid volo, nisi ut accendatur?* Carbones ergo ignis sunt ipsæ res temporales esuriem & sitim repellentes, quia incendunt caput, idest mentem ad amorem eorum, qui impendunt eas inimicis propter Deum. Neque potest dicere quod loquatur de fame aut siti justitiæ, vel verbi Dei. Talis enim inimicus de hujusmodi non habet desiderium, ergo neque famem, neque sitim. Quod autem de hujusmodi non habeat esuriem patet per verbum Apostoli Rom. 12. v. 19. *Non vos metipsos charissimi defendentes; sed date locum iræ, scriptum est enim: mihi vindicta, &c.* ut superius hic. Loquitur ergo de illo qui injuriatur, & irascitur proximo suo; & ita non esurit aliquod bonum ab eo, neque sitit. Si ergo esuriem habet & sitim, de re temporali intelligendum est. (5) Utiles sunt etiam, quia per eas pauperibus distributas provocatur Deus ad dilectionem distribuentis. Unde 2. Corinth. 9. Apostolus eos monet ad eleemosynam materialem faciendam libenter pauperibus Christianis, dicit v. 7. *Unusquisque, prout determinavit in corde suo, non ex tristitia, aut ex necessitate, supple det.* Unde sequitur: *hilarem enim datorem diligit Deus.* Ecce quod de istis rebus, & pro istis Deus hominibus amorem suum impendit; ergo sunt creaturæ, vel facturæ ejus. Quod autem Apostolus ibi loquatur de materiali eleemosyna, patet in principio capituli, ubi dicit v. 1. *De ministerio quod fit in sancto, ex abundanti est mihi scribere vobis. Scio enim promptum animum vestrum: pro quo de vobis glorior apud Macedones. Quoniam & Achaja parata est apud Macedones.* Achaja vero Provincia est, in qua Corinthus est Metropolis civitas. Compara autem verba hæc verbis Pauli ad Rom. 15. in fine, & videbis

(4) Fuse hoc argumentum persequuntur Titus Bostrensis lib. 11. pag. 101. seqq. Augustinus lib. xi. de Civ. Dei cap. xvi. seq. & lib. 11. seq. de Genes. ad Litt. Cyrillus Hierosolymitanus Catechesi 1x. n. 1v. seq. & Theodoretus Sermone vi. de ei Providentia

Tomo 1v. Opp. pag. 573. seq. quo nimirum loco pleraque ex Plotino adfert maxime ad rem nostram accommodata.

(5) Adeundus Titus Bostrensis loco cit. pag. 102. seq.

bis quod dixi, scilicet quod de materiali, & carnali eleemosyna Sanctis pauperibus ministranda loquitur v. 25. *Nunc igitur proficiscar in Hierusalem ministrare Sanctis*. v. 26. *Probaverunt enim Macedonia, & Achaja, collationem aliquam facere in pauperes sanctorum, qui sunt in Hierusalem*. v. 27. *Placuit enim eis: & debitores sunt eorum*. Nam si spiritualium eorum participes facti sunt Gentiles: debent in carnalibus ministrare illis. Nota hoc verbum: Nam si spiritualium, &c. ubi habetur quod per spiritualia recepta ab eis obligati erant Gentiles ad carnalia eis ministranda. Numquid aliqui per divina & spiritualia alios obligant ad danda sibi diabolica? Ergo ista carnalia non sunt creaturæ & facturæ Diaboli, cum ita sit quod aliqui obligentur dare eis, a quibus divina & spiritualia receperunt.

Utiles sunt etiam ad merendam æternam retributionem, si in usu pauperum expendantur. Ergo non sunt a Diabolo factæ, vel creatæ; ex fructu enim cognoscitur semen. Probatio primæ propositionis ista est, quia Apostolus in prædicto cap. 9. 2. ad Cor. [*] ubi eos monet pauperibus sua parce largitur propter Deum; &, idest etiam metet retributionem æternam a Deo, sed parce. *Et qui seminat in benedictionibus*, idest in largitate, ut merito dignum sit bene dici de ipso, *de benedictionibus*, supple Dei sancti, & metet; quasi dicat. De larga Dei donatione large metet a Deo retributionem. Benedictionem largitatem appellat, unde supra dixerat v. 5. *Necessarium ergo existimavi rogare Fratres, ut perveniant ad vos, & præparent repromissam benedictionem hanc paratam esse, sic quasi benedictionem, non tamquam avaritiam*. Hoc autem quare dicat Apostolus, subdit: *qui parce seminat, &c.* Ubi patet quod de semine materialis eleemosynæ loquitur, quam eleemosynam appellaverat benedictionem repromissam.

Præterea in alio argumento ostensum est, quod de materiali eleemosyna locutus est. Venit ergo semen pro re materiali.

Sed numquid talis res, si a Diabolo est, semen est tam nobilis messis? Non ergo est a Diabolo, sed a Deo sancto hoc semen eleemosynæ materialis.

Præterea ex quo semen pro materiali eleemosyna fumitur, quid dices de illo verbo Pauli eod. cap. v. 10. *Qui autem administrat semen seminanti: & panem ad manducandum præstabit?* Constat quod de Deo sancto loquitur; ergo ipse administrat ista temporalia.

Quod autem loqueretur de Deo sancto, patet, quod dixerat v. 8. *Potens est autem Deus omnem gratiam abundare facere in vobis: ut in omnibus*, idest in omni statu, sive paupertatis, sive divitiarum, *semper*, idest usque ad finem vitæ, *omnem sufficientiam habentes*, idest vos habere putantes omne quod vobis sufficit, *abundetis in omne opus bonum*, idest in hoc, sicut & in aliis, & ita abundetis in omni opere bono.

Quod autem istud opus bonum sit, probat per illud David Psalm. 111. v. 8. *Dispersit, dedit pauperibus; justitia ejus*, idest justum ejus opus materialis eleemosynæ *manet*, idest ducit ad illud bonum

quod est manens in seculum seculi. Quasi dicat: inde datur vita æterna. Et statim dixit: *Qui autem administrat, &c.* Sic igitur habemus eleemosynam esse opus bonum a bono fine suo, scilicet a futuræ vitæ remuneratione, unde *justitia ejus, &c.*

Item a remuneratione præsentis vitæ, unde: *qui autem administrat, &c.* Ubi patet quod utiles sunt etiam ad obtinendum a Deo sustentationem vitæ propriæ, sive necessaria huic mortali vitæ, imo etiam ad obtinendas divitias temporales. Obmutesce ergo miser, qui dicis res istas a Diabolo esse, cum dicat Apostolus quod Deus est qui administrat semen hoc materialis eleemosynæ, & dat panem ad manducandum, & multiplicat semen illud, scilicet unde fiat eleemosyna, & auget incrementa frugum merito justitiæ istius, scilicet quia justum est, quod si Deus dat ei, unde vitam sustentat, quod & ipse reddat & in paupere. Ipse enim dicet: *quod uni ex minimis meis fecistis, mihi fecistis*, Matth. 1. 25. v. 40. Hic habes, qualiter intelligi debeat illud verbum Apostoli ad Timoth. ep. 1. c. 4. v. 8. *pietas autem ad omnia utilis est, promissionem habens vitæ, quæ nunc est, & futura*.

Item utiles sunt ad vitam temporalem pauperum sustentandam, & ad referendas Deo abundantes gratias, & ad Deum glorificandum; unde 2. Cor. 9. v. 12. dicit Apostolus: *Quoniam ministerium hujus officii non solum supplet ea, quæ desunt sanctis: ecce primum; sed etiam abundat per multas gratiarum actiones in Domino*. Et sensus est. Eleemosyna pauperibus distributa, & per vos ad eos portata, abundat in gratiarum actione supra facta in Domino, idest per Dominum. Ecce secundum.

Sequitur tertium. Item *per probationem ministerii hujus, glorificantes Deum*. v. 13. ejusd. c. Modo dicas mihi, quos sanctos appellat, nisi Christianos pauperes, qui tunc erant in magna necessitate; ut habetur Rom. 15. in fine? Dicas etiam mihi, quæ erant illa; quæ eis deerant? Numquid spiritualia? Non. Ut enim dicitur 1. Cor. 12. v. 24. *Honestæ autem nostræ, melius essent*. Illa ergo erant carnalia, quæ illis deerant.

Quod etiam patet in illo cap. ad Rom. Hic autem habetur, & dicit Apostolus, quod inde gratiarum actio fiebat Deo per eos, idest per Apostolos; ergo illa carnalia a Deo.

Præterea dixerat 2. Cor. 8. v. 14. *Vestra abundantia, o Corinthii, illorum inopiam suppleat: ut & illorum abundantia vestra inopiæ sit supplementum*. Illi ergo pro quibus rogabat Apostolus erant pauperes, & abundantes, & isti Corinthii similiter, unde dicebat, & monebat, quod isti Corinthii illorum inopiam, idest quæ illis deerant, supplerent de sua abundantia. Iterum e contrario illi de sua abundantia supplerent inopiam Corinthiorum, idest ea quæ deerant eis. Modo dicas unde erant illi inopes, nisi de istis temporibus? Constat quod non de aliis. Sancti enim erant illi, & spiritualiores quam isti, unde volebat quod illorum abundantia in spiritualibus esset supplementum inopiæ Corinthiorum; abundantia enim in spiritualibus illorum pauperum tanta erat, ut supplere posset inopiam Corinthiorum in spiritualibus.

Modo

[*] Mendosa lectio sic forte restituenda: ubi monet cum qui pauperibus sua parce largitur &c.

Modo quæro de qua abundantia monebat Paulus Corinthios, cum dicebat eis: *vestra abundantia illorum inopiam suppleat*? De spiritali non, ut ostensum est; ergo de temporali. Igitur doctrina Pauli erat de materiali eleemosyna, & materiali pane. Igitur ista a Deo sunt per facturam, & creationem, cum dicat Apostolus: *Qui autem ministrat &c.* Et cum dicat inde Deo reddi gratias; & in fine c. 9. ejusdem, dicit ipse met v. 15. *Gratias Deo super inenarrabili dono ejus.*

Item Matthæi 10. v. 10. *Dignus enim est operarius cibo suo.* Similiter habetur Lucæ 10. v. 7.: Ubi Christus ait discipulis: *In eadem autem domo manete, edentes, & bibentes, quæ apud illos sunt; dignus est enim operarius mercede sua.* Propter hoc verbum dicit Apostolus 1. Cor. 9. v. 14. *Dominus ordinavit iis, qui Evangelium annunciant, de Evangelio vivere;* idest vivandam suam habere, victum scilicet carnalem, propter quod dicit Apostolus de se, & aliis, qui Evangelium annunciant: Ait enim v. 11. ejusd. c. *Si nos vobis spiritalia seminavimus, magnum est, si nos carnalia vestra metamus?* Si malæ creationis esset cibus materialis, vel malæ facturæ, numquid Evangelium faceret discipulos Christi dignos esse talis rei, scilicet creaturæ diaboli, vel facturæ ejus? Non.

Item, numquid Deus verus & Sanctus ordinasset quod sui discipuli de his haberent suum victum, & inde sustentaretur eorum vita corporalis, nisi vita corporalis, & res unde sustentatur esset creata & facta a Deo Sancto? Vere non.

Item ibidem dicit Apostolus v. 10. *Quoniam debet in spe qui arat, arare: & qui triturat in spe fructus percipiendi.* De se, & de aliis Christi Apostolis loquitur, qui arant corda hominum prædicando, idest aperiunt Christo, cui clausa fuerant, & trituran supplicia comminando. In spe autem cujus fructus debebant hoc facere, subdit cum ait: *Si nos vobis spiritalia seminavimus &c.*

Item 1. Timoth. 6. v. 17. *Neque sperare in incerto divitiarum, sed in Deo vivo &c.* Si ista carnalia essent a Diabolo, &c. Videtur ergo quod Apostoli in eo debebant ponere spem suam. In ipso enim habetur spes de re, a quo res est, & in cujus potestate est. Absit autem quod Apostoli Christi in eo sperarent; ergo ab ipso non sunt, nec in ejus potestate, sed illius qui ait Matthæi ult. v. 18. *Data est mihi omnis potestas in celo, & in terra: cujus est terra & plenitudo ejus,* ut dicit David psalm. 23. v. 1. Et Apostolus de cibis materialibus dicens, ut probabitur in cap. illius de quo dicit Apost. ad Hebræos 2. exponens verba David psalm. 8. v. 7. *Omnia subjecisti sub pedibus ejus;* & ostendens ea universaliter intelligenda ait: *In eo enim, quod omnia ei subjecit,* idest subiecta dedit, *nihil dimisit non subiectum ei.* Lege miser psal. 8. David; *Domine Dominus noster, quam admirabile &c.,* & videbis quod loquitur de speciebus rerum visibilium; ille ergo sunt facturæ ejus, & in ejus potestate.

Præterea, ille igitur est Pater Christi, de quo, & ad quem loquitur ibi David. Illum autem esse Dominum Veteris Testamenti posses ibi cognoscere, quia, ubi nos habemus: *quid est homo, quod memor*

es ejus? Hebræus habet; *Quid est Adam?* per quem Christus figuratur, qui de carne ejus carnem assumpturus erat. Et vide quid ait: *Omnia subjecisti sub pedibus ejus,* scilicet *Oves &c.* Nonne hoc est illud Genes. 1. v. 26. postquam dixerat: *Faciamus hominem ad imaginem & similitudinem nostram;* statim subjunxit: *& præstet piscibus maris, & volatilibus celi, & bestiis universæ terræ &c.* Ista sunt verba, quæ David ei subiecta dicit: Quare ergo, miser hæretice, & Deum Veteris Testamenti accusas, & facturas ejus, nisi quia hæreticus es, in hoc etiam accusas Patrem Christi, qui idem est cum illo?

Item; numquid illud dicendum est malæ creationis esse, vel facturæ, per quem mundantur homines a peccatis? Nonne vides quid dicat Dominus Lucæ 11. v. 41. cuidam Phariseo, qui intus erat plenus rapina & iniquitate: *quod superest, date eleemosynam, & ecce omnia munda sunt vobis?* Istud enim de superfluo spiritali non potest intelligi, quia Phariseus ille nihil habebat spirituale superfluum. Quomodo ergo inde eleemosynam faceret, ut omnia sibi munda essent?

Item responde mihi, tu qui accusas creationem. Jac. 2. v. 15. *Si autem Frater & Soror nudi sint, & indigeant victu quotidiano: v. 16. dicat autem aliquis ex vobis illis: Ite in pace, calefacimini & saturamini; non dederitis autem eis quæ necessaria sunt corpori, quid proderit eis?* Quasi dicat; nihil. Constat autem quod non loquitur de victu spiritali, sed materiali; similiter de nuditate materiali, unde dicit: non dederitis autem eis, quæ necessaria sunt corpori, victum scilicet & vestitum corporalem.

Modo quæro a Te, quis est, qui dicitur nudus frater vel soror indigens victu quotidiano, numquid interior homo tantum? Non. Ille enim non indiget tali re. Numquid exterior, vel totus homo secundum interiorem & exteriorem hominem? Si hoc est; ergo exterior homo frater est, & de Ecclesia est; ergo a diabolo creatus, vel factus non est.

Similiter potest objici de eo quod habetur 1. Jo. 4. v. 20. *Qui non diligit fratrem suum, quem videt, Deum, quem non videt, quomodo potest diligere?* Homo interior ita invisibilis est, sicut Deus; ergo frater, quem aliquis videt, est vel homo exterior, vel totalis homo constans ex anima, & corpore; Utrolibet horum dato, corpus materiale de Ecclesia est; ergo a diabolo creatum non est, neque etiam factum, sive dispositum; quidquid etiam Cathari dicant, qui unum asserunt Creatorem.

Item ibid. c. 3. dicit Jo. v. 17. *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo: quomodo charitas Dei manet in eo?* Substantiam dicit hujus mundi; ergo non loquitur de spiritali substantia.

Præterea sic ostendit in Ecclesia Dei aliquem habere substantiam hujus mundi, alium non, quod non posset esse si de substantia spiritali loqueretur. Si enim frater est, aut soror spiritalis, non indiget, ut credis, spiritali substantia. Si autem frater aut soror est, bonus est. Dicitur autem 1. ad Corinth. 12. v. 24. *Honestas autem nostra, membra, nullius egent.* Quod tu intelligis de membris spiritalibus, unde

unde quod dicit: *nullius egerit*, de spiritualibus intelligitur. Ergo quod hic dicit Jo: fratrem necesse habere, idest indigere, intelligitur de temporali substantia, ut etiam patet in auctoritate Jacobi, quam præmisimus. Vide igitur, miser hæretice, fructum substantiæ hujus mundi, si datur a fratre habente eam, manet in eo charitas, si non datur non manet: quomodo posset hoc esse, si malæ creationis esset, vel facturæ quæ charitatem Dei in eo manere non faceret? Nullo modo esse posset. Ergo non est malæ creationis, vel facturæ.

Præterea quis est iste frater? aut tantum interior homo, aut tantum exterior, aut homo ex utroque compositus. Si primo modo, hoc esse non potest, cum dicat 1. Johan. 3. v. 17. *Si quis viderit fratrem suum necesse habere*; ille enim hujus rei non habet necessitatem, neque etiam videtur. Si autem secundo, vel tertio modo, homo ergo exterior de Ecclesia est; ergo a diabolo non est; ergo neque illud per quod sustentatur in vita temporali.

C A P. IV.

De origine animarum, & primo unde conentur hæretici translationem animarum ostendere, & utrum sint ex traduce.

Viso an formatio horum visibilium a Deo Sancto fit, accedamus ad quartum capitulum, & videamus de invisibilibus. Sed quia de Angelis in cælo conditis fatentur, quod a Deo immediate conditi sunt; Restat nobis de aliis invisibilibus quærere scilicet de animabus humanis, an a Deo formentur, an a diabolo. Sententia enim (1) eorum est quod anima sit spiritus Adæ: Angelus fuit a Deo immediate conditus, ut dictum est in primo capite hujus secundæ partis. Et dicunt quod per coitum viri & mulieris sicut caro est ex carne, ita spiritus ex spiritu, & dicunt, quod ex semine Angelico, scilicet ex spiritu Adæ omnes animæ traductæ sunt, & traducuntur usque ad finem seculi per successionem, & de illo intelligunt illud, quod dicit Paulus Act. 17. v. 26. *Fecitque ex uno omne genus hominum inhabitare*

(1) Fuerunt Origenis ætate hæretici, qui duas in homine animas ponerent. Harum alteram bonam & cælestem, alteram vero contra ad malum inclinantem, cognoscentem tamen atque volentem, sed quæ sine corpore subsistere nequaquam possit. Hanc vero, quam posteriore loco nominavi, cælesti continenter resistere, & cum corpore feminari censebant. Lib. II. de Principiis cap. IV. num. 2. pag. 146. Non exprimit autem Origenes quinam tandem Gnostici illi heterodoxi fuerint, qui hæc tam absurda defenderunt. Duas item animas posuerunt perinde Manichæi, bonam unam, alteram ad peccatum inclinantem, quod ex Serapione Contra Manichæos pag. 52. Tom. I. Antiq. Lest. Canisii Edit. Basnagii, & Augustino lib. de Duabus animabus cap. 1. seq. Tom. VIII. Opp. col. 75. seqq. colligo. Sed utrum hoc genus hæreticorum bonarum animarum propagationem ex traduce admiserint, non facile est existimare. Scio equidem Manetem in Epistola ad Menochem quam filiam vocat apud Augustinum Tom. X. Parte II. Opp. col. 1117. lib. III. Operis Imper. Contra Julian. cap. clxxii. hæc habere: *Sicut animæ gignuntur ex animabus, ita figmentum corporis a corporis natura digeritur. Quod ergo nascitur de carne caro est, & quod de spiritu spiritus est; spiritum autem animam intellige. Anima de anima, caro de carne. Quæ est ipsi Catharorum, quos hic noster exagitat, dicendi ratio. Nec dubium est, quin de bonis animabus Manes loquatur; cum Menochem suam hortetur, ut consideret, ex quo genere animarum manaverit. Verum fieri potuit, ut minus proprie propagationis traducisque voces acceperit Manes, atque ita plane intellexerit, ut animas humanas, quas virtutem in materiam a Deo bono immisiam esse arbitrabatur [vide*

tare super universam faciem terræ. Ex uno dicit Apost. idest ex spiritu Adæ, secundum pravum intellectum hæretici: Hoc autem Caput in duas partes dividimus.

§. I.

P A R S P R I M A.

Probatio hæretici quod animæ sunt ex traduce.

IN primis ponemus rationes phantasticas, quas inducunt ad ostendendum, quod anima generatur, & traducitur ex anima.

Ad hoc autem inducunt talem rationem, pravam tamen. Si anima una non generatur ex alia, ut caro ex carne; ergo anima non est de genere humano; ergo cum scriptura loquitur de genere humano, non loquitur de eo nisi secundum corpus; ergo cum dicimus quod Christus venit ad redimendum humanum genus, non intelligitur venisse nisi ad redimendum corpus; ergo non venit ad redimendas animas, quod falsum est.

Præterea, si anima non generatur ex anima, sed creatur a Deo nova; ergo cum dicit Lucæ 19. v. 10. *Venit enim Filius hominis quærere, & salvum facere quod perierat*: hic non dicitur de anima noviter creata, quia illa nondum perierat. Solutio ad hoc ultimum est, quia licet de novo creata sit a Deo, tamen perierat in Adam, sicut dicit Apostolus Rom. 5. quod in Adam omnes peccaverunt. Numquid tunc erant in Adam quando ipse peccavit? Non. Dicuntur ergo peccasse in Adam, non quia tunc essent animæ, quæ de novo creantur, sed quia causa quare perirent, præcesserat, scilicet peccatum Adæ.

De hoc autem plenius dictum est in prima parte hujus operis in cap. 4. supra illud verbum Matthæi 15. v. 24. *Non sum missus nisi ad oves, quæ perierant domus Israel.*

Præterea idem possum objicere tibi, si anima de novo generatur ex anima, ut tu credis, sicut tu mihi, qui pono, quod creatur a Deo nova.

R Ad

notam 12. in cap. 1. hujusce libri] materiæ immixtas fuisse censeret, atque per generationem in humana corpora immigrare. Vide Nemesium lib. de Nat. Hominis cap. II. pag. 79. Ut ut sit, dicendi saltem ratione veteribus Manichæis cum Catharis Concorrentibus mirifice conveniebat. Traducem porro animarum defendit etiam Tertullianus lib. de Anima cap. xxvi. pag. 292. In eadem opinionem cogit Rufinus Lactantium Epist. ad Anastasium Papam, ut est apud Hieronymum lib. II. Apol. Adversus Rufinum col. 395. Sed errat vehementer Presbyter Aquilejensis. Consultor Hieronymus loco mox indicato. Apollinarius quoque in eadem sententiam incidit, ut memorat Nemesius lib. de Natura Hominis cap. II. pag. 76. Edit. an. 1671. & Hieronymus Ep. lxxviii. al. lxxxii. ad Marcellinum, & Anapsychiam col. 642. Tom. IV. Opp. Sed Augustinus, quamvis in eam propendere videatur, anceps tamen hæsit, nec quidquam sibi esse definiendum putavit. Epistola clxvi. ad Hieronymum, al. xxviii. cap. IV. seq. n. x. col. 587. Tom. II. Opp. & alias sæpe. Ergo Cathari Concorrentes partim a Manete, partim autem a Valentino, qui, nescio quid, seminis Angelici electæ animæ somnum dormienti insatum fuisse aiebat, ut vidimus nota 12. in cap. 1. hujusce libri suum hoc dogma constarunt. Discrepant autem ab his Tertullianus & Augustinus, quod hic quidem traducem poneret, Angelum autem animam esse negaret; ille vero etsi Angelum perinde negaret esse, corpoream tamen animam, propagatam atque transductam generatione arbitraretur: sed Cathari, & Angelum esse, & corpoream, & per traducem aliis hominibus communicatam censuerunt.

Ad aliud, quod primo objectum est, solvendum est per distinctionem hujus nominis Genus. Dicitur enim æquivoce hoc nomen genus; ut habetur in Porphyrio, (2) sed propter illas significationes quandoque dicitur genus natura, sive materies aliquarum rerum, sive prædicetur de pluribus differentiibus specie, sive numero solo in eo quod quid est. Sic enim fumitur genus, cum dicit Paulus Act. 17. v. 26. *fecitque ex eo omne genus hominum* &c. Numquid hoc modo vis sumere genus? Si sic. Modo procedamus, quoniam tu concludis. Si anima non generatur ex anima, ut caro ex carne; ergo anima non est de genere hominum, quomodo tu vis sumere hanc præpositionem *de*? Numquid ita ut notet habitudinem partis subjectivæ, sicut cum dico: Petrus est de genere hominum? Si dicatur quod sic; Dico secundum hoc, quod anima non est de genere humano; Non enim est hominis pars subjectiva: non enim vere dici potest anima est homo. Similiter neque ipsa caro est de genere hominum propter eandem rationem. Hoc autem argumentum non valet; Christus venit ad salvandum genus humanum, idest id quod est de genere humano, sive ipsos homines. Anima autem non est de genere humano; ergo Christus non venit salvare animas. Sicut enim venit salvare genus humanum, idest ipsos homines, qui de genere humano sunt, ita etiam venit salvare partes ipsorum, scilicet animam & corpus; unde 1. Thesalonicens. 5. v. 23. *Ipse autem Deus pacis sanctificet vos per omnia, ut integer spiritus vester, & anima, & corpus, sine querela in adventu Domini nostri Jesu Christi servetur.*

Præterea tu non dixisti, quod Christus non venerit salvare nisi homines, sive genus humanum. Posito etiam quod illud dictum esset, & concessum, adhuc tamen non sequeretur; ergo non venit salvare animam. Dictio enim exclusiva adjuncta toti non excludit partem; unde non valet: Ego non veni nisi ad vincendum Petrum; ergo non veni nisi ad vincendum pedem ejus. Similiter dico, quia non valet: Christus non venit salvare nisi homines, sive genus humanum; ergo non venit salvare animam, quæ est ejus pars.

Si autem tunc dicas anima non est de genere humano, sive hominum, ipse sumis *de* ita quod notet habitudinem partis integralis. Dico quod falsa est propositio tua; imo ipsa anima est de genere hominum, idest pars naturæ hominum.

Voluit tamen hæreticus aliter sumere genus, scilicet pro generatione. Quam significationem, neque ex alia facultate, neque ex libris Sacrae Scripturæ habet. Licet enim genus a genero generas dicatur, non tamen genus idem est quod generatio copulata, per hoc verbum generatio, quæ generatio est actus vis generativæ.

Ponamus tamen, quod genus dicatur ipsa generatio, idest actus generandi, vel passio, numquid dicemus animam esse de genere hominum, idest de illo actu, vel passione, est ne sensus de actione, vel passione? Certe non. Anima ergo non est de genere hujusmodi, nisi tu velis *de* pro *ex* sumere; secundum quem intellectum dico, quod anima non est de ge-

neratione hominum, sive ex ea. Non enim procedit in esse per generationem sui ex alia anima, sed ex Dei creatione venit in esse. In hoc autem sensu, *de*, vel *ex*, notat habitudinem causæ efficientis ad suum effectum. Generatio enim, idest actio vis generativæ, & aliæ mutationes ad causam efficientem reducuntur. Et quia, tu hæretice, ignarus es talium, ideo erras, & in errorem alios inducis. Verum est tamen, quod generatio quandoque non sonat in actionem, vel passionem, sed in substantiam; unde in Cantico Deuteronom. 32. v. 19. *Generatio enim perversa est, & infideles filii.* Et loquitur de Populo Judaico. Secundum hoc generatio idem est quod genus; & secundum hoc, sicut judicavimus de ista quæstione, an anima esset de genere hominum, sic etiam judicandum est de ista, an anima sit de generatione hominum.

Præterea potest aliter melius solvi ad confusionem horum hæreticorum. Cum enim opinio hujus hæretici, & ejus sequacium sit, quod spiritus Adæ de cælo venit, ut prædictum est in eodem capite, & in primo capite hujus partis; Quærendum est, an ille spiritus sit de genere hominum? Si non, quia non est genitus ex alio spiritu, quid ergo nocet mihi, si dicam, quod alii spiritus humani non sunt de genere hominum?

Præterea si vis ex hoc habere, ut viliter argumentatus es, quod Christus veniens ad salvandum genus humanum, non venerit ad salvandam animam; similiter tibi objiciam; ergo eadem ratione non venit ad salvandam animam Adæ. Si dicat quod spiritus Adæ est de genere hominum, non quia genitus ex alio spiritu, sed quia generavit alios spiritus, unde hoc habes? Tu somnias, quia non habes testimonium ejus quod dicis.

Præterea dicas mihi, numquid animam Christus habuit? Non audebis in publico negare hoc, cum ipse dicat Matthæi 26. v. 38. *Tristis est anima mea usque ad mortem.* Sed numquid illa anima est de genere hominum? Si sic, ergo vel generavit aliam animam de se, vel est genita de alia anima. Quorum neutrum dicere auderes. Numquid enim de anima Adæ genita est anima Christi? & sic de aliis animabus per successionem quæ peccatrices fuerunt, & damnatæ sunt quædam? Non auderes hoc dicere. Si autem illa anima non est de genere hominum, non est mirum, si aliæ per eam redemptæ non sunt de genere hominum.

Præterea, nunquid Christus est de genere hominum? Si non; ergo non est homo. Si autem de genere hominum est; quomodo? Numquid secundum animam. Non, secundum Te, quia ejus anima neque genuit aliam animam, neque genita est ex alia anima.

Item, numquid secundum carnem? Si sic; ergo ejus caro decisa est per generationem ex carne aliorum hominum, & ita caro illa fuit de carne Adæ materiata, quod tu negare cum tuis consuevist. Si autem secundum carnem est de genere hominum, licet non secundum animam; quare non dicam similiter de aliis hominibus, & quare non dicam quod venerit eos salvare, quia ei similes sunt; quia secundum

(2) Libro de Prædicabilibus, quod Porphyrio adscribi solet.

dum animam geniti ex alio non sunt; & ita secundum tuum intellectum secundum animam non sunt de genere hominum.

Si autem dicas quod Christus secundum carnem non fuerit de genere hominum; sed neque secundum animam; ergo nullo modo est de genere hominum; ergo non est homo. Præterea secundum hoc in nullo nobis attineret. Deberet ergo confundi fratres nos vocare, cuius contrarium probat Apost. ad Hebr. 2.

Objicit etiam Hæreticus. Si anima non generatur ex anima; ergo cum dicitur: *Abraham genuit Isaac, Isaac autem genuit Jacob &c.* ut habetur Matth. 1. v. 2. illud non intelligitur nisi secundum corpus; ergo cum dicitur Matthæi 8. & Lucæ 13. v. 28. *Cum videritis Abraham, Isaac, & Jacob, & omnes Prophetas in regno Dei*; non intelligitur nisi secundum corpus dictum a Christo.

Respondeo, miser Hæretice, licet tua objectio non esset digna responsione: Licet Isaac non sit genitus nisi secundum corpus, tamen non est Isaac tantum secundum corpus, neque erit in regno cælorum tantum secundum corpus. Tale argumentum non valet: non est genitus Isaac nisi secundum corpus, vel non erit in cælo nisi secundum illud, sicut non valet: Iste non est albus nisi secundum corpus, ergo non est, vel non est hic nisi secundum corpus: Licet enim generatio Isaac non sit nisi secundum corpus, tamen esse ejus est consistens secundum animam, & secundum corpus. Esse tamen secundum animam a Deo est per creationem, sed esse secundum corpus per generationem est ex alio corpore. Sed tu miser hæretice credis totum esse hominis esse per generationem.

Objicit etiam hæreticus assumens illud Apocalyp. 7. v. 4. *144. millia signati ex omni tribu Filiorum Israel*. Si anima ex anima non generatur, sed tantum caro ex carne; ergo anima non est de tribu, sed tantum caro: ergo in prædicta auctoritate Apocal. non loquitur Johan: nisi de corporibus, ergo tantum corpora erant signata.

Solutio. Anima non generatur ex anima, & non valet tua argumentatio: Ergo anima non est de tribu, necesse est quod ipsa sit de tribu; quidquid enim est pars partis, est pars totius. Et hæc præpositio de notat habitudinem partis ad suum totum integrale.

Præterea si secundum hoc non est Christus de tribu Juda secundum animam, quia ejus anima non est genita ab alia anima de illa tribu; quomodo ergo diceret Apostolus ad Heb. 7. v. 14. *Manifestum est enim quod ex Juda ortus sit Dominus noster*. Judas autem ibi pro tribu venit; unde Apost. dicit: *In qua tribu nihil de Sacerdotibus Moyses locutus est*. Vult ergo Apostolus, quod fuerit Christus de tribu Juda.

Si autem dicas, quod tantum secundum corpus fuit de tribu illa; Ergo ejus caro genita est de carne Judæ, & ita ejus caro fuit de massa carnis. Adæ descendens, quod negare solebas cum tuis. Quod si mutasti, patet fidem tuam esse mutabilem.

Præterea de hoc inferius dicetur in tertia parte hujus operis.

Præterea, dato quod animæ non sint de tribu secundum illum intellectum, scilicet per generationem unius ex alia, non tamen sequitur; ergo cum dicitur: *144. millia signati ex omni tribu filiorum Israel* non loquitur nisi de corporibus; sed dicendum est sic: ergo quoad hoc ipsum de tribu non loquitur nisi de corporibus, quod bene concedendo secundum prædictum intellectum, tamen quantum ad hoc ipsum *signati* loquitur de compositis ex anima & corpore.

Simile habetur in fine Marci v. 6. & 7. *Ecce locus ubi posuerunt eum; sed ite, & dicite discipulis ejus & Petro, quia præcedet vos in Galilæam*. De uno & eodem loquitur diversimode, idest de Christo. *Ecce locus ubi posuerunt eum*. Hoc dicitur ratione corporis. Sed *præcedet vos in Galilæam*, dicit ratione totius conjuncti ex anima & corpore.

Item objicit hæreticus. Deus dicit Matthæi 22. v. 32. *Ego sum Deus Abraham, & Deus Isaac, & Deus Jacob*. Ita dixit de eis post mortem suam: Et Christus in Evangelio addidit: *Non est Deus mortuorum, sed viventium*. Constat autem, quod non secundum corpus vivebant, vel aliquid erant; ergo secundum animam tantum. Ista omnia concedi possunt.

Postea objicit hæreticus. Nobis constat ex verbis Christi, quod Deus erat Deus Abraham, Isaac, & Jacob, & quod non erat Deus mortuorum, sed viventium; ergo Abraham, Isaac, & Jacob vivi erant, sed illum Isaac qui tunc vivebat genuit Abraham, & illum Jacob, qui tunc vivebat, genuit Isaac; sed non genuit eum nisi secundum corpus, si anima non generatur ex anima; ergo corpus ejus tunc vivebat; hoc autem falsum; ergo illud ex quo hoc sequitur falsum est, scilicet quia anima non generatur ex anima.

Solutio. Miser & stulte hæretice, non sequitur illud falsum ex eo, quod posui; dixique ex eo quod anima non generatur ex anima, sed ex eo quod posuisti, & dixisti: Abraham genuit illum Isaac, qui tunc erat vivus. Hoc enim falsum est per se loquendo. Ille enim, qui tunc vivus erat, spiritus erat ipsius Isaac, & dicebatur Isaac improprie; quia quod est compositi quandoque attribuitur componenti, sive parti; esse enim Isaac proprie dicitur de composito ex anima & corpore, sed improprie de anima, vel de corpore. Et non valet hæc argumentatio: *Abraham genuit Isaac*, sed Isaac est vivus modo; ergo Abraham genuit viventem modo. Quare autem non valeat, patet, quia cum dicitur *Abraham genuit Isaac*, hoc ipsum Isaac stat ibi pro parte exteriori, idest corpore. Cum autem dicitur: Isaac est modo vivus, stat pro alia parte, scilicet pro anima, & ita sumitur diversimode. Instantia argumenti patens est, si dicam; iste fecit hoc scutum: hoc scutum est album; ergo fecit hoc scutum album. Fallacia accidentis est, quæ decipit sapientes: non mirum si & hæreticum decipit.

Ad idem objicit hæreticus illud Apostoli Rom. 5. v. 12. *per unum hominem peccatum in hunc mundum intravit, & per peccatum mors*, (3) & dicit: Si ita

R 2

est,

(3) Ex his Verbis Apostoli, inquit Augustinus, lib. x. de Genesi ad litteram cap. xi. col. 263. Tom. 111. P. 11. Opp., qui defendunt animarum propaginem sic adstruere moliantur. Si secundum solam carnem, inquirunt, potest intelligi peccatum vel pec-

cator, non cogimur in his verbis ex parentibus animam credere: si autem quamvis per illecebram carnis, non tamen peccat nisi anima, quomodo accipiendum est, quod dictum est: in quo omnes peccaverunt?

est, quod anima non generatur ex anima, ut caro ex carne; ergo non erant homines in Adam secundum animam, sed tantum secundum corpus. Ergo non peccaverunt in Adam, nisi secundum corpus: Verbum ergo illud Apostoli tantum secundum corpus intelligitur esse dictum.

Ad hoc dico, quod secundum corpus eramus in Adam. Corpus enim nostrum in Adam fuit materialiter; materia enim, de qua fabricata sunt corpora nostra, fuit in Adam, idest in ejus corpore; sed animæ nostræ non fuerunt in anima Adæ isto modo, quia non oriuntur ex anima Adæ. Bene ergo dicimur fuisse in Adam secundum corpus tantum, quia origo materialis corporum nostrorum tantum in corpore ejus fuit. Secus autem est in peccato nostro, cujus origo fuit in toto Adam, idest in anima ejus & corpore. Primum enim peccatum fecit voluntate ex parte animæ, & opere exteriori ex parte corporis; unde nos peccavimus in Adam secundum animam & corpus ejus, quia peccatum nostrum originem habuit a suo, quod fuit secundum animam & corpus. Ex his patet, quare non valet hæc argumentatio: Nos fuimus in Adam tantum secundum corpus, ergo peccavimus in Adam tantum secundum corpus, sive fuimus peccantes in Adam secundum corpus tantum. Instantia autem hujus argumentationis tuæ talis est, qualis ista est: Nos sumus secundum corpus, ergo sumus intelligentes secundum corpus, quod falsum est; imo secundum animam.

Objicit etiam hæreticus illud Apostoli Ephes. 2. (4) v. 3. *Eramus natura filii iræ*; & dicit: Si anima non nascitur ex anima sicut caro ex carne; ergo hoc verbum Apostoli non est verum, nisi secundum corpus, cum solum corpus nascatur. Natura enim dicitur a nascor nasceris, & ita non sumus filii iræ nisi secundum corpus.

Solutio. Si vis naturam appellare nativitatem, idest a nativitate eramus &c., idest statim, cum nati sumus; dico sicut prius dictum est, quod nasci dicimur secundum corpus filii iræ secundum totum; simile habitum est supra ex tribu filiorum Israel &c. Debuisti ergo dicere: cum solum corpus nascatur ex corpore; ergo verbum Apostoli quoad hoc ipsum *natura* tantum pro corpore intelligitur; Sed ex hoc non sequitur; ergo non sumus filii iræ nisi secundum corpus. Instantia: *Ecce locus ubi posuerunt eum & surrexit* &c.; sed non erat positus in illo loco nisi secundum corpus; ergo non præcessit eos in gallilæam secundum corpus.

Ad idem inducit illud Act. 17. v. 26. quod dicit Paulus: *fecitque ex uno omne genus hominum inhabitare super universam faciem terræ*, & dicit cum anima ex anima non fit; ergo Apostolus cum dixit illud verbum, intellexit illud secundum corpus tantum, quod concedo: quo ad hoc ipsum fecit ex uno. Fieri enim unum ex alio non convenit generi humano, nisi secundum corpus tantum: habitare autem super faciem terræ convenit generi humano ratione conjuncti ex anima & corpore.

Ad idem inducit hæreticus illud David: Psal. 50. v. 7. *in peccatis concepit me mater mea*. Cum ita sit, quod anima non concipitur, sed a Deo nova creatur; ergo cum David se dicit conceptum, non dicit nisi secundum corpus, quod non videtur posse stare. Sic enim corpus solum esset in peccato, non anima.

Solutio. Duplex est conceptio, scilicet duorum feminum; scilicet seminis viri, & seminis mulieris in loco naturali; & sic pertinet conceptio tantum ad corpus. Est etiam conceptio naturarum, scilicet animæ & corporis, quando anima corpori infunditur. Secundum hunc modum sumitur a David, cum dicit: *In iniquitatibus conceptus sum, & in peccatis concepit me mater mea*. Et sic sumpta conceptio non est solius corporis, imo corporis & animæ, vel cum anima, & animæ cum corpore. Unde etiam conceptio dicitur, idest simul captio. Falsum est ergo, quod dixit hæreticus, scilicet quod anima non concipitur.

Dato etiam, gratia disputationis, quod conceptio sumatur pro conceptione feminum; dico, sicut verum est, quod conceptio sic sumpta solius corporis fit, non tamen sequitur; ergo cum David dicit illud verbum, non dicit illud nisi secundum corpus; sed deberet concludere: ergo non dicit se conceptum, nisi secundum corpus, quod bene concedo, sed ex hoc non sequitur; ergo non erit nisi secundum corpus in peccatis. Ostensum est enim in præcedentibus, quod unum & idem semel positum diversimode respicitur a diversis. Propter hoc dico, quod cum David ait: *In iniquitatibus conceptus sum*, de corpore David fit sermo, quoad hoc ipsum conceptum, & de anima, vel de conjunctione ex anima, & corpore, quoad hoc quod dicit: *in iniquitatibus*.

Similiter: *in peccatis concepit me mater mea*: hoc ipsum *concepit me* respicit hoc ipsum *me* ratione corporis; & hoc ipsum *in peccatis*, respicit eundem actum ratione animæ, vel conjuncti. Sensus autem verborum David ipse est: *In iniquitatibus conceptus sum*, idest in causa iniquitatum, scilicet originalis, & actualis peccati. Illa autem causa fœditas carnis est, & non est culpa, sed pœna. Qualiter autem istud verbum intelligatur, adhuc inquiretur in cap. de matrimonio in 4. p. hujus operis.

§. I I.

Quare dixit hæreticus animam ex anima transduci.

Sciendum autem, quod hæreticus (5) ideo dixit animam ex anima traduci, quia non vidit modum, quo aliter traduci possit peccatum, nisi per translationem sui subjecti ex alio, idest animæ ex anima, quod falsum esse ostendemus. Licet enim modus, quo traducitur occultus sit, certum est tamen ex Apostolo ad Rom. 5. quod traducitur, & istud sufficit dicere isti hæretico. Catholico autem dici

(4) Ad-sis Augustinum libro mox indicato cap. xii. col. 264.

(5) Hæc eadem ratio Augustinum, aliosque multos induxit, ut in opinionem de *traduce* propenderent. Consulendus Augustinus l.c.

cap. xi. n. 19. seq. col. 263. Ad-sis etiam Cardinalis Norisii *Vindicias August.* cap. iv. §. 111. per tot.

dici potest, quod traducitur per translationem carnis fœdata a carne fœdata per peccatum primi Parentis. Anima enim primo infecit carnem, unde Rom. 8. v. 10. *Corpus quidem mortuum est propter peccatum &c.* Item Rom. 7. v. 23. *Video autem aliam legem in membris mei repugnantem legi mentis meæ.* Sicut autem anima primo infecit idest fœdavit carnem, ita ipsa fœdata postea infecit animam sibi infusam, & quia ista infectio carnis traducitur successive ab infectione carnis Adæ, eo quod caro, in qua est, traducitur a carne Adæ per successionem, ideo dicitur, quod peccatum originale ab Adam traducitur, & sic traducitur non ratione sui subiecti, quod est anima, sed ratione suæ carnis inficientis, idest infectionis carnis.

Ad idem inducit hæreticus quasdam frivolas persuasiones, quas libenter prætermitemus, tamquam inquisitione indignas, nisi quia ad subversionem simplicium, eis usus est, & ad hoc scripsit eas. Dicit autem sic: Deus corpori genito ex adulterio animam infudit, quando habile est ad animam recipiendam; sic ergo adulterina actio hominis Dei creationem præcedit (6), & voluntas adulterii voluntatem creationis divinæ.

Item ex hoc vult habere, quod actio humana, quæ mala est, scilicet adulterium, sit causa divinæ creationis, quia nisi illud adulterium committeretur, ex eo non conciperetur semen, neque formaretur hoc corpus, & ita hæc anima non crearetur.

Solutio. Bene concedendum est, quod actio humana, quæ adulterium est, præcedit creationem divinam, non tamen quamcumque creationem divinam, sed hujus animæ: sed non est verum quod voluntas hominis præcedat voluntatem Dei, licet adulterium præcedat creationem illam, ut dictum est. Deus enim voluntatem istam creandi nunc hanc animam ab æterno habuit; non habet eam nunc primo, alioquin mutabilis esset; ideo dicendum est, quod licet actio illa mala præcedat creationem divinam, non tamen præcedit eam nisi temporaliter, non causaliter; est enim prior tempore, non causa ob quam creatio divina hujus animæ habetur.

Verum est autem quod actio illa adulterina causa est generativa hujus corporis, non tamen causa est animæ infusæ corpori, vel infusionis animæ in corpore; Argumentatio hæretici non valet, scilicet illa: nisi illud adulterium committeretur, semen ex ea non conciperetur, neque corpus informaretur, & ita hæc anima non crearetur; ergo illud adulterium est causa creationis hujus animæ.

Instantia talis est. Jo: 15. v. 22. habetur, quod Christus ait: *Si non venissem, & locutus fuisset eis, peccatum non haberent*; ergo adventus Christi in mundum ad Judæos, fuit causa peccati eorum, quod falsum est.

Item si Adam non peccasset, Deus Pater filium non misisset, & tamen peccatum Adæ non fuit causa missionis Christi in mundum in aliquo genere causæ.

Item dicit hæreticus. Illud adulterium non est de

beneplacito Dei; quomodo ergo Deus animam creat, & creatam infundit corpori concepto ex tali adulterio? Imo deberet permittere illud corpus perire sine anima, & corpori concepto ex opere matrimoniali animam dare, ut ostenderet opus matrimoniale sibi placere, & adulterium displicere: & ita videremus, quod una anima non traduceretur ex alia per opus carnale viri & mulieris, sed quod ex Deo tantum esset per creationem.

Solutio. Sicut annunciatio Christi bona est; & tamen potest fieri bona, & mala intentione, & non utiliter; Sic enim habetur ad Philipp. 1. v. 14. ubi dicit Apostolus: *quod quidam quidem & propter invidiam & contentionem: quidam autem propter bonam voluntatem Christum prædicant: quidam ex Charitate &c.* & paucis interpositis dicit: *Quid enim? dum omni modo, sive per occasionem, sive per veritatem Christus annuncietur: & in hoc gaudeo, sed non gaudebo.* Similiter dico, quod caro illa creatura Dei est; neque prius maculata est quam illa, quæ ordine debito, & intentione bona generata est. Quid mirum ergo est, si Deus utrique animam infudit? Licet igitur illud adulterium non sit de beneplacito Dei, tamen corpus inde genitum, cum sit creatura Dei de beneplacito Dei est; & ideo ne pereat, animam creat, & infundit ei illam ne pereat: Reprobat ergo, quod suum non est, scilicet adulterium, & quod suum est approbat, scilicet creaturam suam, quæ bona est, & tamen ex peccato adulterantis existit. Non enim est inconveniens si ex malo bonum esse dicatur, ut habetur in p. 1. hujus operis c. 1.

Nec est inconveniens si ipsa caro dicatur esse ex actione hominis adulterantis, & Dei creatione. Videmus enim, quoniam unum & idem est opus Dei & Diaboli, & Judæ, & Judæorum, & Christi, ut habetur in hac 2. p. hujus operis in p. 1. capite de Deo veteris testamenti.

Quod autem dicis, hæretice, quod Christus deberet permittere perire illud corpus, ut illud opus, scilicet adulterium ostenderetur displicere, & conjugale opus placere.

Respondeo. Quod propter hominis malitiam non debet permittere quod suum est perire; sicut etiam prædicationem quæ fit per occasionem non permittit perire. Imo facit eam etiam (7) utilem, ut habetur ad Philippenes 1. v. 14. Quod autem opus adulterii sibi displiceat satis ipse ostendit per prohibitionem illius, & quod opus conjugatorum sibi placeat debito modo factum, aliter etiam insinuat, ut patebit cum de matrimonio tractabimus. Similiter quod animæ non sint per translationem, satis patebit, propter hoc quod dixisti, ut ostendamus in secunda part. hujus Capituli.

Adhuc instat hæreticus veneno perfidiæ plenus, & dicit: Si anima ex anima non est per opus viri, & mulieris, sed Deus creat animas immediate, nonne creat eas immaculatas? Dicimus utique. Postea addit hæreticus: nonne scit eas ex corporibus maculam peccati contrahere, & sine baptismo perire? dicimus

(6) Simile quiddam adhibet Augustinus lib. eodem cap. xvi. col. 265, quin etiam & Apollinarius apud Synesum cap. 11. pag. 76.

(7) Nemesius l. c. contra Apollinarium sic disserit: Nam de his qui ex adulterio nascuntur, providentiæ rationi, quæ incognita no-

bis est relinquamus. Verumtamen si aliquid de providentiâ conjiciendum est plane cognoscit id quod gignitur, aut vitæ hominum, aut sibi ipsi utile futuram, ideoque animam subire corpus permittit.

cinus utique . Et procedit hæreticus . Quare creat scienter tot animas perdendas , & cur corporibus Judæorum & Paganorum , qui Christum , & ejus baptismum respuunt , infundit eas , cum scriptum sit Lucæ 9. v. 56. *Filius hominis non venit animas perdere , sed salvare ?*

Item si Deus quotidie creat novas animas scienter & voluntarie , plures creat perdendas , quam salvandas ?

Item cum sciat animas suas ex corporalibus maculam ex necessitate contrahere , quare non retinet eas apud se immaculatas , sed infundit eas vasis talibus ?

Item quare de istis maculatis tam parvum numerum elegit , & tantum abiecit , *multi enim sunt vocati , pauci vero electi* ? Matth. 20. v. 16.

Item quare respuat opus suum , & abiecit illud ? Nonne opus suum fuit anima Jacob , & anima Esau per creationem novam ? Quare ergo hunc dilexit , & alium odio habuit , ut habetur Rom. 9. v. 13. , cum scriptum sit Sap. 11. v. 25. *Nihil odisti eorum , quæ fecisti* .

Ex his quæstionibus patet hæresis multipliciter hujus hæretici , & sequacium ejus , & quæstionibus ejus taliter respondemus .

Ad primum patet solutio per illud , quod legitur Sap. 12. v. 12. *Quis tibi imputabit , si perierint nationes , quas tu fecisti* ? quasi dicat : Nullus ei potest imputare . Isto testimonio deberet esse contentus . Si enim testimonio Sapientiae utitur , introducens illud : *nihil odisti eorum , quæ fecisti* ; merito ejusdem testimonium deberet recipere . Si autem non vult , dicam illud Apostoli ad Rom. 9. v. 20. *O homo , tu quis es , qui respondeas Deo ? Nunquid dicit figmentum ei , qui se finxit : quid me fecisti sic ? An non habet potestatem figulus luti ex eadem massa facere aliud quidem vas in honorem , aliud vero in contumeliam ?*

Præterea tibi , Hæretice , qui unum ponis principium , sed negas novam creationem animarum a Deo fieri , dico , quare creavit Deus scienter tot Angelos perituros ? Si autem dicas mihi , non est simile , quia illi Angeli habebant usum liberi arbitrii , & ex libero arbitrio peccaverunt , unde & perierunt : sibi igitur imputent , non Deo . Sed animæ parvulorum non habent usum liberi arbitrii , neque peccaverunt ex libero arbitrio .

Ad hoc dico , quoniam nec sic habent conqueri de Deo , sed potius de primis Parentibus unde peccatum contraxerunt , & per consequens traxerunt inde , quod pereunt : *per unum enim hominem peccatum in hunc Mundum intravit* , ut habetur Rom. 5. v. 12.

Si autem dicas mihi , ex quo scit eas perituras non deberet eas creare .

Respondeo : Ergo cum Deus sciret Angelos perituros , non debuit eos creare .

Præterea dico , quod non habent conqueri de Deo propter hoc . Ipsi vero pueri , non dicuntur perire propter periculum pænæ sensus , sed pænæ damni , pænā enim incurrunt , idest damnum , quia non intrant in regnum cælorum non baptizati , dicente

Domino Jo. 3. v. 3. *Nisi quis renatus fuerit ex aqua &c.* sed non sentiunt materiale pœnam ; habent ergo esse sine omni læsione , unde melius est eis sic esse , quam non esse . Causam igitur habent diligendi Deum , non conquerendi de eo . Istud autem plenius determinatur in 4. par. hujus operis in cap. de Baptismo , ubi etiam dicitur , quare talibus vasis eas infundit .

Quod autem dicitur Lucæ 9. v. 56. Christus non venit animas perdere , verum est : & tamen multas perdet , licet ad hoc non venerit .

Præterea animas parvulorum non perdit , nisi quo ad hoc , quia eas ad regnum cælorum non deducit ; satis tamen facit eis , unde eum habent diligere , & laudare , ut prædictum est .

Ad aliud , quod opponit hæreticus : Si quotidie creat Deus novas animas , & corporibus istis infundit scienter & voluntarie plures creat animas perdendas quam salvandas . Dicimus : quod plures perduntur , quam salventur , de animabus a Deo creatis , & ex scientia Dei , & ex ejus voluntate est , quod creentur , & sint , sed non est ex ejus voluntate , quod perdantur . Neque ad hoc creat eas , imo ut salventur (8) . Ipse enim , ut dicit Apostolus 1. Timoth. 2. v. 4. *Omnes homines vult salvos fieri , & ad agnitionem veritatis venire* . Si autem animæ perduntur , vel ex culpa liberi arbitrii ipsorum est , si adulti sunt , vel ex culpa Parentum , si parvuli .

Quod autem quærit hæreticus , quare eas creatas a se immaculatas non retinet apud se ?

Solvendum est quærendo , quare Angelos , qui perierunt , apud se non retinuit : & quare , ne peccarent , eos non cohibuit ? Potest tamen ad quæstionem istam hæretici , & ad præced. responderi illud Pauli Rom. 9. v. 20. *Nunquid dicit figmentum &c.* Dicimus ergo , quod sic facit Deus , quia vult , & ideo Jacob dilexit (9) , & elegit , quia voluit , alium autem reprobavit , quia voluit ; sed in Jacob fuit voluntas cum misericordia , in Esau voluntas cum justitia . Justum enim fuit , quod eum abiceret propter peccatum originale , quod in eo erat .

Quod autem dicitur Sap. 11. v. 21. *Nihil odisti eorum , quæ fecisti* ; verum est , quod propter facturam , idest secundum quod fecit ea , non odit aliud quod operum suorum ; tamen propter peccatum odit aliquod eorum ; unde & per David ait Psal. 118. v. 113. *Iniquos odio habui* : Item : *Iniquitatem odio habui &c.* Ad ipsum etiam dicitur Psal. 44. v. 8. *dilexisti justitiam , & odisti iniquitatem , propterea &c.*

Ad probandum etiam quod una anima generatur ex alia , sicut caro ex carne , solent inducere hæretici isti illud Jo. 3. v. 6. *Quod natum est ex carne caro est , quod natum est ex spiritu spiritus est* ; ergo spiritus nascuntur ex spiritu , & caro ex carne .

Solutio . Dominus ostendit duplicem nativitatem ibi . Unam naturæ , alteram gratiæ Spiritu Sancti . Nativitas naturæ præcedit nativitatem gratiæ , unde Dominus dixit : *Nisi quis renatus fuerit &c.* Renasci , idem est quod retro , idest post nativitatem naturalem nasci , ex aqua , & Spiritu Sancti gratia . Istud autem verbum : *nisi quis renatus &c.* dixit Chri-

(8) Non is fuit Moneta , qui illud de reprobatione dogma negaret , quod Augustinus ex Paulo , deindeque Thomas admittit .

runt : se enim mox explicat de Jacob & Esau .

(9) Adeundus Augustinus lib. x. de Gen. ad litt. cap. xv. n. 27. col. 266.

Christus Nicodemo, quia male intellexerat illud verbum Christi: *nisi quis renatus fuerit denuo non potest videre Regnum Dei*. Intelligebat enim Nicodemus, denuo nasci, esse iterum nasci, unde & dicebat: *Quomodo potest homo nasci cum sit senex? Nunquid potest in ventrem matris suæ iterum introire, & renasci?* Denuo autem nasci non est iterum nasci, quia non eadem nativitas repetitur. Sed hoc est de superiori nasci, scilicet de Spiritu Sancto; Græci enim habent (10) *anathon*, ubi nos habemus denuo & videtur idem quod denuo, vel de superiori. Deceptus ergo fuit hæreticus in illo verbo: *quod natum est ex spiritu spiritus est*; credens quod spiritus ibi dicatur anima, cum dicitur: *ex spiritu*. Imo dicitur spiritus ibi Spiritus Sanctus, sicut ostendit Dominus, cum ait: *Nisi quis renatus fuerit ex aqua &c.* & statim subdit: *Quod natum est ex carne caro est, quod autem nutus est ex spiritu, spiritus est*: Et ne intelligeret Nicodemus: quod natum est, & spiritum humano, spiritus est, licet hoc ipsum spiritu veniat pro Spiritu Sancto increato; tamen hoc ipsum spiritus venit pro homine nato ex Spiritu Sancto spirituali nativitate, quæ per fidem est. Dicitur autem homo spiritus, quia Spiritui Sancto similis factus est, sicut dicitur 1. Cor. 6. v. 17. *Qui autem adhæret Domino, unus spiritus est cum eo*. Unus spiritus dicitur cum eo, non natura, sed charitatis copula.

Item quod animæ traducantur, una scilicet ex alia per traductionem carnis ex carne, volunt aliqui probare testimonio Genes. 46. v. 26. *Cunctæ animæ quæ ingressæ (11) sunt cum Jacob in Ægyptum, & egressæ sunt de femore illius, absque uxoribus filiorum ejus, sexaginta sex*. Si egressæ sunt de femore, traductæ igitur sunt per generationem carnis ex carne.

Ad hoc autem, quoniam dicimus, pars quandoque sumitur pro toto, & e contrario. Dico igitur, quod anima in Genes. 46. sumitur pro homine habente animam partem sui; homo enim genitus de femore generantis egreditur. Hæc tamen locutio adhuc impropria est, quia egredi de femore non prædicatur de homine, nisi ratione exterioris partis.

[*] Item objicit hæreticus; quomodo potest esse, quod Deus faciat novas animas, cum videamus quasdam earum esse sapientes, & quasdam stultas? Nunquid Deus sic dividit, cum facit, ut alias creet stultas, alias sapientes.

Respondeo illud ad Rom. 9. v. 20. *An non habet potestatem figulus &c.*

Præterea, si faceret aliquem stultum, nunquid hoc Deo imputandum? Si sic; quomodo dicit Apostolus ad Rom. 1. quod ipse tradidit quosdam in reprobum sensum?

Præterea Sap. 2. dicitur: v. 12. *Quis tibi imputabit &c.*

Præterea si facit stultam animam, hoc posset facere ex magna misericordia, videns quod male uteretur Sapientia, si haberet eam, ut etiam multi fa-

ciunt, unde gravior eis damnatio juxta illud Lucæ 12. v. 47. *Ille autem servus, qui cognovit voluntatem Domini sui, & non præparavit, & non fecit secundum voluntatem ejus, vapulabit multis*.

Verum tamen est, quod nullam facit stultam vel sapientem in principio suæ creationis, sicut postea per studium acquirit sibi sapientiam una anima, alia autem vel negligit acquirere, vel impeditur ex infirmitate corporis, quod impedimentum potest ex misericordia esse.

Similiter si dicat: nunquid facit corpora, cum unum sit turpe, idest cæcum, vel claudum, aut hujusmodi, aliud pulchrum?

Respondeo illud idem: *An non habet potestatem &c.*

Præterea, si facit aliquem, vel aliquam turpem, hoc facit ex misericordia, scilicet ad hominis humilitatem, ne de pulchritudine superbiat, & dicat; ne pulchritudo extollat me, *datus est mihi stimulus carnis*, sicut etiam dixit Apostolus 2. Cor. 12. v. 7. *Et ne magnitudo revelationum extollat me, datus est mihi stimulus carnis meæ Angelus Sathana, qui me colaphizet*. Multi etiam abuterentur pulchritudine, & fortitudine, & ideo medicinam eorum contrariam immittit. Quandoque etiam in vindictam peccati, ut patet in Elymate Mago Act. 13., qui cæcus factus est ad tempus propter malitiam suam; quandoque etiam ad gloriam suam, ut in cæco nato Jo. 9.

§. III.

Rationibus & auctoritatibus probat Ecclesia quod anima ex anima non traducitur.

Viso qualiter hæretici moventur ad dicendum quod una anima ex alia traducitur, & ostenso quod fabulis innituntur, non veritati, ad secundam partem hujus Capituli accedamus, ostendentes rationibus, & auctoritatibus Scripturarum Divinarum, quod una anima ab alia non traducitur.

In primis sic objicimus eis. Constat apud omnes recte intelligentes, substantiam esse unum genus generalissimum, sive supremum, & quod substantiarum alia est corporea, & alia incorporea; omne enim corpus substantia est, sed non e contra. Divisio autem illa per opposita fit, ergo nulla substantia corporea est incorporea, & e contrario nulla incorporea est corporea. Modo quæro. Spiritus Adæ substantia fuit nunquid corporea, an incorporea? Si corporea: Spiritus ejus, ut tu ponis Angelica natura fuit, ergo Angelica Natura est substantia corporea; sed ex illa descenderunt, & descendunt (ut tu credis) naturæ illæ, quæ dicuntur humanæ animæ, ergo illæ sunt corporeæ substantiæ; multo fortius anima sensibilis, & anima vegetabilis. Non est ergo invenire aliquam substantiam incorpoream, sed tantum corpoream; ergo prædicta divisio substantiæ nulla est, sed omnis substantia corporea est, & ita corpus est genus generalissimum, substantia

vero

refellisse crediderim. Consulitor 1. P. Q. cxviii. Art. 1. ad 1. Arg. & in 11. Sent. Dist. xviii. Q. 11. Art. 1. ad 1. Arg.

[*] Deest in Cod. Bonon. & in Vatic.

(10) Corrupte nempe Ms. Codices Moneta; nam Græca exemplaria Novi Testamenti habent *ἀνωθεν*, quod est *desuper*.

(11) Hoc idem argumentum ex Moneta accepisse S. Thomam, atque eodem responso quo Moneta utitur, de traduce sententiam

vero non est genus generalissimum, vel si est, idem est corpus, & par ei, quod constat esse falsum.

Si autem vis dicere, quod substantia est genus supremum, & universalius, quam corporis, & dicere quod aliqua substantia incorporea est, scilicet Divina essentia, & de illa intelligenda est divisio hujus generalissimi substantia corporea, & incorporea. Hoc stare non potest, quia secundum hoc Deus esset sub genere aliquo, quia sub hoc genere substantia. Hoc autem falsum est; imo est substantia supra omne genus, & omnis generis causa, & principium. Præterea si haberet genus, haberet principium, genus enim principium est ejus, cujus est genus.

Præterea si haberet genus, haberet & differentiam, non aliam, sed hanc, scilicet incorpoream; ergo haberet compositionem ex genere, & differentia; ergo esset creatum. Restat igitur, quod non sit in genere substantiæ, & substantia incorporea in divisione substantiæ non supponit pro Divina essentia.

Si autem dicas mihi. Nonne dicitur Deus esse substantia?

Respondéo, utique. Sed non in sensu generis generalissimi. Sensus enim substantiæ, secundum quod est genus generalissimum est ens per se, cujus esse aliud est ab illo, sicut testatur Avicenna Philosophus. Deus autem ita est per se ens, quod ejus esse non est aliud ab ipso propter summam simplicitatem suam. Istud autem magis patebit ex his quæ dicentur in tertia parte hujus operis in capite ubi ostendimus quod tres Personæ sunt ad invicem consubstantiales.

Item cum anima rationalis sit substantia, aut est simplex substantia & sine magnitudine, aut composita, & cum magnitudine? Si simplex, & sine magnitudine; sic ergo una anima non potest ab alia traduci, cum traductio fiat per decisionem partis alicujus ab eo a quo traducitur. Propter hoc dixit hæreticus, quod non est substantia simplex, neque sine magnitudine, imo (12) composita & corporea, & dixit eam esse corpus spirituale, distinguens corpus animale, & corpus spirituale propter illa verba Apostoli 1. Cor. 15. v. 44. *Si est corpus animale; est & spiritale*. Et dicit hæreticus: vide quod dicit Apostolus? Utitur enim verbo præsentis temporis dicens: *est & spiritale*; non dixit: erat. Et dixit hæreticus: frustra diceret corpus animale, nisi esset aliquod respectu cujus diceretur spirituale; quod non est verum. Inro dicitur animale, uno tempore, respectu sui ipsius alio tempore. Præterea iste sensus hæretici improbabitur in quarta parte hujus operis in cap. de resurrectione, quando disputabimus supra illud verbum Apostoli. 1. Cor. 15. v. 43.

(12) Nempe animam, quam Angelum esse agebat Catharus, corpus spirituale quoque esse putavit: quod quidem placuit Tertulliano lib. de Anima cap. vii. seqq. Ad eundem etiam Augustinus lib. x. de Gen. ad Litt. cap. xxv. seq. col. 273. seq.

(13) Non negabat Tertullianus posteaquam ad Montanum defecit, animum tribus hisce dimensionibus esse præditum: *Non inconstanter*, inquit, *prostitubimur solemniora quæque, & omnimodo debita corpulentia, adesse anima quoque; ut habitum, ut terminum, ut illud trifariam distantiavam, longitudinem dico, & latitudinem, & sublimitatem, quibus metantur corpora Philosophi.*

(14) Vidit horum argumentorum, multo ante quam Moneta floruerit, vim Tertullianus, atque ita implicatus fuit, ut exitum re-

Seminatur &c. & ideo hic prætermittamus.

Præterea, quod anima non sit corpus aliquo modo in eodem cap. de resurrectione habebitur. Si autem non est corpus, non habet magnitudinem, & si hoc est, non potest pati decisionem, & sic non potest inde traduci anima alia.

Præterea si habet magnitudinem. Contra. Magnitudo triplex est. Una, quæ habet unicam dimensionem, scilicet longitudinem, & dicitur linea. Secunda, quæ habet duas dimensiones, scilicet longitudinem & latitudinem, & dicitur superficies. Tertia, quæ habet illas duas & profunditatem, sive altitudinem, & dicitur corporea validitas. Si anima magnitudinem habet, non solum primam, quia linea non separat se a superficie, cujus terminus est: neque secundam tantum, quia superficies a soliditate corporea non dividitur essentialiter, sed est ejus terminus, & continuat partes ejus. Habet ergo tertiam magnitudinem; Ergo non magis potest dici corpus spiritale, quam (13) corpus exterius. Si enim solidum est, & palpabile est.

Præterea tu dicis, quod una anima aliam generat. Contra. Omne quod aliud generat ex se, vel dat ei partem substantiæ suæ, vel totam substantiam suam; ergo si anima generat animam, dat ei hoc, vel hoc, si dat ei totam substantiam suam; ergo anima generans consubstantialis est genitæ. Sic ergo omnes animæ ab Anima Adæ descendentes, essent tantum una anima substantialiter. Si partem; ergo habent magnitudinem.

Præterea, si dat partem sui animæ generatæ, & aliam partem tantum sibi retinet, ergo quod retinet pars erat illius, quod constabat ex retento animæ generantis, & ex dato animæ genitæ. Sed omnis pars minor est suo toto; ergo illa anima generans minor est quam prius fuerit. (14)

Præterea, omne a quo aliquid deceditur, minus remanet post decisionem, si aliunde nihil superadditur, sed animæ generanti, a qua aliquid deceditur nihil superadditur, unde restituatur ei, quod decisum est ab ea, sicut e contrario nos videmus, quod ex cibis, & potibus restauratur, quod a carne deceditur, alioquin necessario minus esset, quam prius; ergo anima generans animam minoratur per illam generationem.

Præterea, hoc est per se notum, quod decisio diminutio est; ergo illud a quo deceditur in aliquo diminuitur, & inde ut prius.

Præterea, si dat ei partem substantiæ suæ, aut illa pars remanet penitus sub illa forma, sub qua erat, aut amittit priorem formam, & induit aliam. Si amittit priorem formam, & inducit aliam, ergo corrumpitur; ergo anima constat ex partibus corrupti-

perire nequiverit. Nam Augustinus lib. x. de Gen. ad Litt. c. xxvi. num. 44. col. 274. Tom. i. P. ii. Opp. „ Noluist Tertullianus, „ inquit, animam crescere substantia sicut corpus, afferens etiam „ timoris sui causam, ne etiam decrescere substantia dicatur, „ inquit, atque ita & defectura credatur. Et tamen quia per cor- „ pus eam localiter tendit, non invenit exitum incrementorum „ ejus, quam vult de semine exiguo æquari corporis quantitati, „ & ait: *Sed vis ejus, in qua naturalia peculia consista retinentur, salvo substantia modulo, quo a primordio inflata est; paulatim cum carne producitur.* Sed nemo non videt, quam sit hoc Tertulliani responsum ineptum atque ridiculum. Vide lib. ejus de Anima cap. xxxvii.

ruptibilibus, ergo ipsa est corruptibilis, ergo mortalis.

Contra. Matthæi 10. v. 28. *Nolite timere eos, qui occidunt corpus; animam autem non possunt occidere.*

Si autem retinet priorem formam, hoc autem non potest esse, nisi altero duorum modorum; vel non recipiendo aliam formam super illam; vel præter illam recipiendo aliam. Si primo modo; ergo si modo cum decisa est, anima est, & priusquam decideretur anima erat; ab unica enim forma unicum est esse. Si ergo per illam modo est anima, per eandem etiam prius fuit anima, & secundum hoc anima ejus qui genuit constaret ex animabus tamquam ex partibus.

Præterea, sic ergo ille qui generat multas haberet animas, cum nulla pars sit suum totum. Si autem secundo modo se habeat, sicut etiam contingit in iis, quæ sunt per artem, v. g. aurum retenta forma auri superinduit formam annuli, dico sic: Illa ergo pars duplicem habet formam. Per secundam habet unum esse, secundum quod est in specie animæ humanæ; ergo secundum primam habebit ali-quod esse; aut secundum istud est in specie animæ humanæ, at in specie altera, non in specie animæ humanæ; frustra enim, & nugatorie induisset secundam, quæ aliquid non facit ei, nisi ut sit in illa specie. Restat ergo, quod secundum illud esse, & secundum illam formam priorem in alia specie sit, quam in specie animæ humanæ.

Modo quæro in qua specie? quod cum etiam imaginari non valeas, constat te esse errore deceptum, dicendo animam generari ab anima per decisionem partis.

Præterea, si partem habet; ergo composita est ex partibus, aut natura similibus, aut natura dissimilibus. Si natura similibus: ergo sicut quælibet pars aquæ est aqua, ita quælibet pars animæ est anima; & cum nulla pars sit suum totum quælibet habet animas innumerabiles. Si autem constat ex partibus natura dissimilibus, sive secundum speciem, modo assigna differentiam illarum specierum partium animarum, quas tu ponis, quod tibi impossibile est facere, quia simpliciter impossibile est.

Si autem dicas, imo assignabo differentias specificas per actum ejus, sicut etiam differentias partium corporis exterioris, quoniam alia pars animæ manus est, alia oculus, & sic de aliis partibus, sive membris spiritualibus ipsius animæ. Contra. Anima integraliter ex his consistit sicut corpus exterius ex suis, secundum quod credis; sed partes animæ decisibiles sunt, cum anima per decisionem partis ab anima traducatur, ut dicis: Secundum hoc igitur anima potest esse manca, & monocola; & sicut eruitur oculus corporis exterioris ab eo, ita etiam erui potest oculus animæ ab anima, & manus poterit incidi.

Præterea, si anima est corpus compositum ex partibus secundum naturam dissimilibus. Contra. Omne corpus quod tale est, compositum est ex corporibus, quæ composita sunt ex partibus secundum naturam elementalibus, scilicet igne, & cæteris ele-

mentis; ergo anima est corpus elementatum, & ex contrariis: sed omne tale naturaliter corruptibile est, ergo naturaliter anima corruptibilis est, & ita mortalis, quod est contra Evangelium.

Præterea, anima immortalis est essentialiter; non est ergo corruptibilis per carnis corruptionem. Sicut autem se habet corruptio animæ ad corruptionem corporis, ita generatio ejus ad generationem illius in causalitate; ergo non est generabilis per corporis generationem, neque per se; ergo nullo modo est generabilis; ergo non generatur anima ex anima,

Præterea, si vis dicere, quod est generabilis per generationem corporis, ergo cum generationis terminus sit esse, anima habet esse per esse corporis; hoc autem falsum est. Constat enim corpus consummari in esse suo per animam; ergo esse animæ potius est causa esse corporis, quam e contrario.

Item definente corpore esse remanet anima in suo; ergo corpus per esse suum non est causa animæ quoad esse ejus. Sic ergo non habet esse anima per esse corporis; ergo neque generatur per generationem corporis.

Præterea, si anima mea ex alia generaretur per decisionem, quare dixisset Apostolus ad Hebr. 12. v. 9. *Patres quidem carnis nostræ eruditores habuimus, & reverebamur eos: non multo magis obtemperabimus Patri spirituum, & vivemus?* Si enim per decisionem est anima filii ab anima Patris, sicut caro filii ex carne Patris, ita appellasset Apostolus carnales Patres, Patres spirituum, sicut dixit eos Patres carnis.

[*] Si autem dicas, quod anima non venit ex anima per decisionem, & quod nihil de anima Adæ venit in animas traductas inde; ergo Deus neque naturaliter, neque formaliter fecit animas, materialiter autem fecit corpora. Magis ergo dicenda sunt corpora ista a Deo secundum te, quam animæ. [*]

Præterea, tu dicis, quod anima generatur ex anima, sicut caro ex carne, sed in generatione carnis ex carne, patet, quod generatio unius est corruptio alterius; ergo idem erit in generatione animæ ex anima. Quod autem in generatione carnis ex carne generatio unius sit corruptio alterius patet, quia illud quod deceditur a generante per corruptionem expoliatur forma propria, & induit aliam. Igitur si anima generatur ex anima, ut caro ex carne, idem erit in generatione animæ ex anima.

Item quod una anima non traducatur ex alia opere ipsius Satanæ, ut dicunt, probatur auctoritate Isaïæ 42. v. 4. & 5. qui post illam auctoritatem, qua Deus Pater loquitur Matthæi 12. v. 18. *Ecce puer meus, quem elegi, dilectus meus, in quo bene complacuit animæ meæ. Ponam spiritum meum super eum, & judicium gentibus nuntiabit.* v. 19. *Non contendet, neque clamabit, neque audiet aliquis in plateis vocem ejus.* v. 20. *Arundinem quassatam non confringet, & linum fumigans non extinguet, donec ejiciat ad victoriam judicium.* v. 29. *Et in nomine ejus Gentes sperabunt; pro quo ponit Isaïas: & legem ejus Insulæ expectabunt:* statim

subjungit v. 5.: *Hæc dicit Dominus Deus, creans calos, & extendens eos: firmans terram, & quæ germinant ex ea: dans flatum populo, qui est super eam, & spiritum calcantibus eam; Non ergo Satan dat spiritum homini, sed Deus Pater Christi.*

Item Isaiæ 57. v. 16. dicit Deus: *Spiritus a facie mea egredietur, & status ego faciam.* Quis autem iste sit, determinat Isaias, loquens in Persona Dei, & dicens: v. 19. *Creavi fructum labiorum, idest verborum Dei, pacem, pacem ei qui longe est, & qui prope.* Quæ verba Apostolus Ephes. 2. v. 17. exponit de Christo & duobus populis, uno existente longe a Deo, scilicet Gentili, & alio existente prope, scilicet Judæo, unde dicit Apostolus: *Et veniens evangelizavit pacem vobis, scilicet Gentilibus, qui longe fuistis; & pacem iis, qui prope; idest Judæis.* Ecce in verbis Isaiæ, quæ præmissa sunt, aperte ostenditur, quod anima non traducitur opere Satanæ, sed Deus est qui facit eam; Item Paulus Act. 17. v. 24. ubi ait: *Deus qui fecit mundum, & omnia quæ in eo sunt, hic celi & terræ cum sit Dominus non in manufactis templis habitat.* v. 25. *Nec manibus humanis colitur, indigens aliquo, cum ipse det omnibus vitam & inspirationem, & omnia.*

Item Eccles. 12. v. 7. *Revertatur pulvis in terram suam, unde erat, & spiritus redeat ad Deum, qui dedit illum.* Non ergo Satan eum dedit.

Item, quod una anima non traducatur ab alia aliquo modo, & maxime operatione Satanæ, declarat David in psalm. 32. v. 1. *Exultate iusti in Domino; rectos docet collaudatio; & quibusdam interpositis subjungit: qui finxit sigillatim corda eorum.* Corda appellat animas, & non illam particulam materialem carnalem & palpabilem, quæ solet nomine cordis designari: Illas enim particulas non sigillatim fingit, sed traducit ex aliis; ergo animæ a Deo dantur, & ad esse ducuntur Dei operatione, sine traductione unius ab alia.

Item Genes. 2. v. 23. *Hoc nunc os ex ossibus meis, & caro de carne mea.* Non dixit hoc anima de anima mea, per quod declaratur quoniam corpus traduxit inde. Istud autem testimonium etsi non valeat contra Catharos, valet tamen contra alios hæreticos vetus testamentum recipientes, idest contra pauperes Lombardos, qui (1) Validiffi dicuntur [*] qui ponunt animam ex anima traduci, unde Ambrosius in lib. de Paradiso: *Considera, quia ex corpore costam sumpsit, non ex anima portionem: hoc est animam non ex anima.* Unde notandum quod du-

plex modus formationis corporis humani invenitur. Unus modus secundum quem non ex alio corpore humano, ut patet in corpore Adæ: alius autem modus est corporis humani ex corpore humano, ut patet in corpore Evæ. Utrumque modum determinat scriptura Genesios. Non fuit contenta assignare primum modum, ne arbitremur sic esse in quolibet alio. Circa animam unicum modum expressit scriptura, secundum quem modum anima immediate est a Deo, non de alia anima; & quia non est alius modus exitus animarum ad esse, ideo nullum alium expressit. Sicut enim de carne Evæ dixit, quod erat de carne Adæ, ita dixisset quod anima ex anima, unde Heb. 12. v. 9. volens ostendere Apostolus, quod non est anima ex anima, dixit; *Deinde Patres quidem carnis nostræ eruditores habuimus.* [*]

C A P. V.

De esu ciborum, carniū, sicut & ovorum.

Nunc videndum est, utrum licitæ sint carnes (2) animalium ad comedendum. Istud capitulum in duas partes dividitur. In prima videndum est, quare dicant quosdam cibos esse illicitos. In secunda parte ostendemus, quod nulli cibi illiciti sunt. Dicunt enim omnes Cathari, quod illiciti sunt. Hoc autem dicunt multis rationibus phantasticis.

P A R S P R I M A.

§. I.

Probatio hæreticorum, quod esus quorundam est illicitus.

Primam rationem sumunt ex Scripturarum testimoniis male intellectis. Ad hoc enim probandum solent inducere illud Rom. 14. v. 21. (2) *Bonum est non manducare carnem, & non bibere vinum.* Sed contra. Eadem ergo ratione illicitum est vinum, & deberent ab eo abstinere. Ad hoc autem dicunt, quod secus est de vino, quia illud postea Apostolus concessit Timotheo dicens Ep. 1. ad eum c. 5. v. 23. *Modico vino utere propter stomachum,*

[*] Ambrosius in Lib. de Paradiso c. xi.

[*] Desunt in Bonon. & Vat.

(1) Hoc est Valdenses, de quibus nos disert. 11. & Noster toto Lib. V.

(2) Nescio qua superstitione ducerentur Cathari, ut licitum esse negarent ovis, & carnibus vesci. Non me latet Ægyptiorum Hieropantas & Magos Persarum, qui animorum transmigrationem propugnabant, in hac eadem sententia fuisse versatos. Hos autem sequuti Pythagorei, nefas esse putarunt carnes comedere animalium earum, quæ in Sacrificio adhiberi non poterant, ut tradunt Jamblichus in Vita Pythagoræ num. 99. pag. 83. & Porphyrius in V. Pyth. n. 34. pag. 37. Edit. an. 1707. Nam in ea quæ immolare liceret animas humanas numquam immigrare posse arbitrabantur; in cetera autem posse Jamb. n. 85. pag. 71. ita fit, ut Clemens Alexandrinus lib. vii. Strom. pag. 515. catenis sibi a carnibus temperasse Pythagoreos asserit quatenus transmigrationem defendebant. Idque jam placuit Saturnianis, apud Irenæum lib. 1. cap. xxiv. n. 2. Ebioneis apud Epiphanium Hæres. xxx. n. 2. & 15. Encratitis, qui a Marcio-

nitis acceperant, apud Irenæum lib. 1. cap. xxviii. al. xxx. n. 1. Electis quoque Manichæorum apud Augustinum lib. de Hæresibus cap. xlvi. & lib. xxx. Contra Faustum cap. v. & lib. xx. cap. xxi. Tom. vi. opp. Priscillianistis apud Augustinum lib. de Hæresibus cap. lxx. & Eustathio Melitinæ Episcopo, apud Socratem lib. 1. Historiæ cap. xlii. Editionis Valesii. Sed hi quidem hæretici ita erant in factiones distracti, ut pars quidem ob animorum transmigrationem, pars contra ob vitium, quod suapte natura inesse putabant in belluis, ab esu carniū abstinendum esse judicarent; Utrisque arbitror Cathari consentire. Adis Sachonum in Summa Contra Catharos apud Martenium Tom. v. Thesauri Anecdor. ubi de Catharis transmigrationem propugnantis, & de aliis, qui eam non tuebantur sermonem instituit.

(2) Hinc colligere fas est, hoc genus Catharorum a vino sibi non temperasse; quamvis veteres Manichæi illud immundum esse, adeoque adhiberi non oportere arbitrarentur. Consulendus Augustinus lib. xvi. Contra Faustum cap. xxxi. col. 303. & lib. xx. cap. xli. col. 341. Tom. viii. opp.

chum tuum, &c. Sed contra hoc sic objiciendum ad Rom. 14. Vinum prohibuit sicut carnes, ut dicitis, sed 1. ad Timoth. 5. vinum concessit: nonne dicit Apostolus Gal. 2. v. 18. *Si enim quæ destruxi, iterum hæc ædifico: prævaricatorem me constituo*; ergo ipse prævaricator erat qui ad Rom. destruxit, idest negavit vinum, ut dicitis; sed in Timoth. construxit, idest affirmavit, quod biberet vinum. Ex quibus constat quod ad Rom. 14. Non prohibuit bibere vinum; ergo neque carnes comedere; simul enim & communiter dicit: *Bonum est non manducare carnem, & non bibere vinum*. Unde qua ratione unum prohibetur, & alterum. (3)

Nec valet argumentum, quod aliquando fecit hæreticus: *Bonum est non manducare carnem*; ergo malum est comedere. Similiter enim sequeretur; *bonum est non bibere vinum*; ergo malum est bibere. Item bonum est jungere virginem suam matrimonio; ergo malum est non jungere. Quod est contra Apostolum 1. Cor. 7. v. 38. *Qui matrimonio jungit Virginem suam, bene facit: & qui non jungit melius facit*. Neque refert ad præsens, de quo matrimonio fiat ibi sermo.

Ad idem inducunt illud quod legitur Act. 10. v. 11. ubi dicitur, quod Petrus vidit *vas quoddam velut linteum magnum, quatuor initiis submitti de cælo in terram*. v. 12. *In quo erant omnia quadrupedia, & serpentina terræ, & volatilia cæli*. v. 13. *Et facta est vox ad eum: Surge Petre, occide, & manduca*. v. 14. ait autem Petrus: *Abstine Domine, quia nunquam manducavi omne commune, & immundum*. Ex quo manifestum esse credunt, quod omnia quadrupedia animalia & volatilia cæli immunda sint, & ad comedendum illicita.

Ad quod dicendum, quod Petrus in hoc reprehensibilis fuit. (4) Judaizabat enim idest more Judæorum quosdam cibos illicitos, & immundos judicabat. Super hoc autem reprehensus est a Paulo ad Galat. 2. v. 11. ubi Paulus ait: *Cum autem venisset Cephas Antiochiam, in faciem ei restiti, quia reprehensibilis erat*. v. 12. *Prius enim quam venirent quidam, supple Judæi missi, à Jacobo, cum Gentibus edebat, scilicet sicut gentes communiter, & indifferenter utendo cibis, quibus gentes utuntur: Cum autem venissent, subtrahabat, & segregabat se, timens eos, qui ex circumcisione erant*. Super hoc autem reprehensus est a Deo Act. 10. Postquam enim dixerat: *Abstine, &c.* Et vox iterum secundo ad eum facta est. *Quæ Deus purificavit, tu commune ne dixeris*. Hinc, idest ex hoc verbo Christi est, quod

Apostolus, in quo Christus loquebatur ait Rom. 14. v. 14. *Scio, & confido in Domino Jesu, quia nihil commune per ipsum*. Quasi dicat: secundum ipsum, & ejus decretum nihil est commune, idest nihil est immundum. Postea autem determinat duos modos, in quibus aliquid immundum est. Unus modus est falsa existimatio, quas quis existimat aliquid immundum est. Hac conscientia comedit illud, unde ait: v. 14. *Nisi ei qui existimat quid commune esse, illi commune est*. Et a scandalo istius monet cavere dicens: v. 15. *Si enim propter cibum Frater tuus scandalizatur: jam non secundum caritatem ambulas*. Quasi dicat: abstine in hujus præsentia ne scandalizetur. Alius modus est, quando sumitur cum scandalo Fratris infirmi, unde & ait ibidem v. 20. *Omnia quidem sunt munda, sed malum est homini qui per offendiculum manducat*, idest cujus manducatio est ad offendiculum Fratris.

Ad idem etiam inducunt illud Act. 15. v. 5. Ubi dicitur facta contentione Judæorum quorundam adversus Gentiles dicentium: *Quia oportet circumcidi eos: præcipere quoque servare legem Moyse*, Beatus Jacobus dixit: v. 19. *ego judico non inquietari eos, qui ex Gentibus convertuntur ad Deum, sed scribere ad eos, ut abstineant se a contaminationibus simulacrorum, & fornicatione, & suffocatis, & sanguine*. Contaminationes simulacrorum appellat ea, quæ Idolis erant immolata, quia contaminabant illos, qui edebant illa in Idoli venerationem, vel cum scandalo infirmorum.

Ad hoc autem dicendum est, quod hæc auctoritas non est pro eis, imo contra eos. Si enim ab his solis cibis abstinendum judicat, ut patet eodem cap. Act. v. 28. *Visum est enim Spiritui Sancto & nobis nihil ultra imponere vobis oneris*, scilicet legem Moyse. Jugum enim totius legis tentabant ponere super eos, ut patet ex principio totius cap. & ex verbis Petri v. 10. *Quid tentatis, &c.* dicit ergo Petrus: nihil ultra imponere vobis oneris, quam hæc necessaria, ut abstineatis vos ab immolatis simulacrorum, &c. licebat igitur, sicut & verum est omnibus cibis uti, qui non sunt de his; sed caro quæ non est Idolis immolata, de his non est; licebat ergo uti ea.

Neque potest dici, quod illa caro intelligatur per suffocatum; eadem enim ratione, qua illa diceretur suffocatum, diceretur & illa quæ est Idolis immolata.

Præterea, in quo facit pro eis illa auctoritas? Nisi velint dicere ova per suffocata intelligi, & ca-

S 2

seum,

(3) Pulchre Augustinus lib. Contra Adimantium Manichæi discipulum cap. xiv. num. 2. col. 128. Tom. viii. Opp. De Carne autem, inquit, non manducanda, & non bibendo vino, quod ait Apostolus, non quia illa immunda arbitratus est, hoc præcepit, sicut isti existimant. . . . Sed cum ipse posuerit causam, cur hoc dixerit, non est nobis hæc interpretanda, vel exponenda sententia. Afferit deinde Apostoli longiusculum testimonium, ut quo consilio dicta ab illo hæc fuerint evincat. Consulitor omnino:

(4) Tum quidem Petrus Judæorum moribus assuetus, falsus est nunquam se immundum quidpiam comedis; non quo suapte natura immunda esse, sed legis tantum præscripto animalium quædam genera existimaret; verum posteaquam celebrata est Hierosolymitana Synodus, Petrusque Antiochiam se contulit, ac veritus Judæos a Christianis, qui erant ex Gentibus ad Hebræos, qui Hierosolymis advenerant, descivit; [si tamen is fuit Petrus, non Ce-

phas ab eo longe diversus; video enim Harduinum nonnullosque alios esse qui Petrum a Cepha distinguant] non ita erat animo comparatus, ut immunda quædam, quædam contra munda esse censeret. Itaque redargutus fuit a Paulo, non quod putaret carnes animalium esse immundas, sed, quod Judæorum præsentiam timens, se a Consortio Gentilium subtraxisset, eosque videretur ad Judaizandum cogere. Egregie Tertullianus lib. v. Contra Marcionem cap. 111. pag. 463. Reprehendit, inquit, Petrum [Paulus] non recto pede incidentem ad Evangelii veritatem: Plane reprehendit; non ob aliud tamen, quam ob inconstantiam victus, quem pro personarum qualitate variabat; timens eos qui erant ex circumcisione, non ob aliquam divinitatis perversitatem [nempe ut natura malos esse cibos ejusmodi a principio haud bono conditos censeret] de qua & aliis in faciem restitisset. Adeundus Calmetus Diff. de Cepha Præfixa Commentar. in Epist. ad Gal.

feum, atque hæc signari nomine sanguinis. Horum autem quæ dicunt testimonium non habent, propter quod evidens est eos errare.

Præterea, super quo erat contentio, nisi super lege Judæorum servanda, ubi prohibitum est edere suffocatum; quod gentes edebant: Judæi autem non appellant suffocatum, nisi animal, cujus sanguis non est effusus. Beatus ergo Jacobus dicens: *Visum est enim Spiritui Sancto, & Nobis, nihil ultra imponere vobis oneris*, idest legem per suffocatum intelligi tale animal, & ab ejus esu præcipit tunc abstinere Gentiles. Et datum est mandatum ad tempus, sicut & multa alia in Evangelio, unde & Paulus dixit Tito: 1. v. 15. *Omnia quidem munda mundis*.

Item, ut supra diximus ad Rom. 14. *Omnia quidem munda sunt*.

Item 15. Matth. v. 11. *Non quod intrat in os co inquinat hominem, sed quod procedit ex ore co inquinat hominem*. Non potes ergo dicere quod Ecclesia Romana sit contraria Spiritui Sancto in esu talium ciborum, qui tantum ad tempus sunt prohibiti.

Ad idem inducunt illud 1. Cor. 8. v. 13. *Si esca scandalizat Fratrem meum: non manducabo carnem in æternum, ne Fratrem meum scandalizem*.

Sed attende, hæretice, quod Apostolus non dixit, quod non manducaret carnes in æternum, sed tantum in casu isto, si esca ejus scandalizaret eum, idest si istud inde accideret; imo potius abstineret in æternum ne accideret. Ex hoc verbo igitur ostendit Apostolus se posse licite manducare carnem, dummodo Frater non scandalizaretur inde. Si enim Apostolus non manducaret carnem in æternum, & in nullo casu uteretur eis, ad quid dixisset eis: *Si esca scandalizat, &c.* Superflua, & otiosa esset illa conditio.

Præterea, nonne vides quod ipse dicit 1. Cor. 10. ubi monet cavere a scandalo infirmorum v. 23. *Omnia mihi licent, sed non omnia expediunt, &c.* Et subdit: *Nemo quod suum est*, idest sibi licitum *quærat, sed quod alterius*, supple, est ædificationis. Licebat igitur Paulo carnem edere, sed abstinere, quando proximum non ædificabat. Et ad idem te monet, cum dicit: *Nemo, quod suum est, &c.*

Idem dicit 1. Cor. 8. v. 9. *Videte autem ne forte hæc licentia vestra offendiculum fiat infirmis*. Licentiam dicit esum licitum in sui natura, dummodo fieret sine scandalo infirmorum.

Item objicit etiam hæreticus illud Rom. 14. v. 3. *Is, qui manducat non manducantem non spernat*: Dicit autem quod nos spernimus eos, quia non manducant hujusmodi.

Respondeo, non quia non manducas ideo te sper-

no, sed quia credis, falsò tamen, quod illicitum sit comedere talia, & pluries admonitus non vis redire ad veram fidem. Dicit autem Apostolus ad Tit. 3. v. 10. *Hæreticum hominem post unam, & secundam correptionem devota v. 11. Sciens quia subversus est, qui ejusmodi est*.

Præterea vide quod dicit Apostolus post illa verba ad Rom. 14. *Qui non manducat manducantem non judicet*. Contra quod tu venis; Judicas enim Ecclesiam talia comedentem: & hoc non esse in statu salutis.

Ad ultimum hic nota multiplicem causam abstinentiæ. Unam perfectorum in fide ne scandalizaretur Frater. Alteram eorundem propter Dei honorem, unde dicit: Rom. 14. v. 7. *Deo non manducat*; & ad Gal. 5. v. 24: *Qui autem sunt Christi, carnem suam crucifixerunt cum vitiis & concupiscentiis*. Tertiam Fratrum infirmorum in fide. Tales autem erant quidam Judæi conversi ad fidem Christi, qui legem Moysei credebant adhuc servandam, de quibus etiam dicit in principio cap. 14. *Infirmum autem in fide assume*.

Item ibidem ait Apostolus v. 29. *Bonum est non manducare carnem, & non bibere vinum*, & subdit: *neque in quo Frater tuus offenditur. aut scandalizatur, aut infirmatur*. Offenditur a fide Christi recedendo; scandalizatur de fide assumpta constituendo; licet non recedat a fide: infirmatur dubitans in aliquo incipiendo. (5)

Secunda ratio hæretici, quare dicit esse abstinendum a cibis.

Secunda causa quare dicunt se a carnibus abstinere, est, quia dicunt eas nasci de adulterio, dicentes coitum bestiarum esse adulterium.

Contra. Rom. 4. v. 16. *Ubi enim non est lex, nec prævaricatio*; sed bestiis non est data lex; ergo non adulterantur, neque peccant aliquo modo. Quod autem bestiis non sit data lex, patet ex eo, quod non sunt susceptibiles scientiæ; ergo neque legis divinæ. Quod autem non sint ejus susceptibiles, patens est, quia carent intellectu, & ratione, in quibus abundat homo a bestiis.

Tertia ratio hæreticorum, quare dicunt esse abstinendum a cibis.

Tertia ratio, quare dicunt se abstinere a cibis, scilicet a carnibus, caseo, & ovis, ista est, quia dicunt se vovisse, & ex voto obligatos fore. Quærendum autem est ab eis, utrum aliter illicitæ sint res istæ, nisi homo vovisset inde non comedere.

Si dicat, quod non sunt alio modo illicitæ res istæ

(5) His eisdem rationibus utebantur Patres, qui contra Manichæos Gnosticosque scripserunt, cum textus huius Apostoli explicarent. Adeundi præ cæteris Clemens Alexandrinus lib. vii. Strom. pag. 515. & lib. ii. Pedagogi pag. 107. Edit. an. 1616. & Augustinus lib. Contra Adimantium Manichæi discipulum cap. xiv. pag. 128. seq. Tom. viii. Opp. Itaque Patres satis esse dixerunt a carnibus, & vino abstinere non ita tamen, ut peccare existerent eos, qui hujusmodi cibo & potu uterentur. Quocirca jam inde ab initio Christiani nominis ea consuetudo invaluit, ut statim quibus-

dam temporibus fideles sibi ab ovis & carnibus temperarent. Superstitionem hanc ciborum distinctionem vocat Beaufobrius lib. iv. Hist. Manich. cap. viii. n. viii. Verum errat vehementer Calvinianus hæreticus. Ita enim non Clementi solum Alexandrino l. c. Augustino, ceterisque veteribus Christianis, sed etiam Paulo infestum se prodit, & maxime adversarium qui ad Romanos xiv. v. 29. bonum est, inquit, non manducare carnem, & non bibere vinum. Cur hæc duo exceperit Apostolus, ne Beaufobrium quidem præterit.

istæ ad comedendum . Quærendum est , utrum ad manus impositionem aliquem reciperent volentem facere omnia quæ faciunt , excepto voto de non edendo de prædictis rebus ?

Si dicant , quod non reciperent eum . Quare non ? Hoc est magna crudelitas non recipere hominem , & salutem ei negare ; Hoc enim tu facis isti , quia si non facit votum istud , licitum est ei comedere ; Inde & nullum peccatum committit , ut dixisti ; ergo si omnia alia faceret , quæ tu facis , salvaretur . Tu autem hoc ei negas , ergo negas ei salutem .

Præterea , si edendo de illis rebus potest salvari , nunquid tu voveres nunquam comedere carnes ? Certe non ; sed ideo voves , quia illicitæ sunt & quia non potest esse salus edendo de eis , ut tu credis . Igitur non sunt illicitæ ex voto tuo , ut male dixisti ; imo votum tuum est non comedere inde , quia sunt illicitæ .

Quarta ratio hæreticorum .

Quarta ratio eorum est , quia Ecclesia , ut dicunt hoc constituit ex ordinatione . Igitur Ecclesiæ est , quod illicitum est comedere de his rebus .

Modo quæro a te , qui hoc dicis , utrum comedendo de illis rebus posset quis venire ad regnum spirituum iustorum ; Si Ecclesia non constituisset hoc sed tantum alia quæ tu tenes ? si dicatur quod non ; ergo non sunt illicitæ ad edendum , quia Ecclesia constituit quod non comederetur de illis , sed potius e contrario .

Præterea , posito quod Ecclesia constituerit , aliquis est qui vult omnes alias constitutiones servare , ista excepta , & super hoc petit absolutionem , numquid absolves eum ? Nunquid recipies eum ad manus impositionem ? Constat quod non . Sed quare non ? Si dicas , quod non licet Ecclesiæ absolvere ab ista constitutione aliquem . Contra . Licuit ei ligare , videtur ergo quod liceat absolvere . Matth. 16. v. 19. *Quodcumque ligaveris super terram , erit ligatum & in calis : & quodcumque solveris super terram , erit solutum & in calis* . Nonne videmus nos , quod aliquid est constitutum uno tempore , & relaxatum in alio , ut patebit in 5. parte hujus operis in cap. de constitutionibus Ecclesiæ ; ergo licet Ecclesia ita constituerit , tamen pro tempore potest relaxare , ne aliquis perdatur . Nonne videmus nos , quod Paulus dixit de circumcissione ad Galat. 5. v. 2. *Si circumcidamini , Christus vobis nihil proderit* . Ex quo patet , quod circumcisio prohibita erat , & tamen relaxavit hoc circa Timotheum Act. 17. Multo fortius circa aliquem potest tota Ecclesia relaxare , quod constituerit de cibis non comedendis .

Quinta ratio hæreticorum .

Quinta ratio est , quod Christus legitur pavisse turbas ex 7. panibus , & piscibus paucis , ut habetur Matth. 15. , & Marci 8. Item de quinque panibus , & duobus piscibus Matth. 14. Marci 6. Luc. 9. & Johan. 6. Post Resurrectionem quoque bis legitur

comedisse pisces cum discipulis suis , scilicet Luc. & Johan. ult. Ex quo concludunt , quod non sit licitum comedere ; quod argumentum valde frivolum est . Eadem enim ratione possent concludere , quod non est licitum comedere legumina , quia Christus ea non legitur comedisse .

Præterea , quid diceret hæreticus si respondeatur , quoniam legitur comedisse carnes , & quod eas comederit , evidenter habetur in quarta parte hujus operis in cap. de esurie & siti Christi .

§. II.

SECUNDA PARS.

Probatio Ecclesiæ , quod nullus usus ciborum est illicitus .

Nunc ad secundam partem hujus cap. accedamus , ostendentes , quod esus carniū animalium , & aliorum ciborum licitus est . In primis autem introducemus illud Matthæi 15. v. 11. *Non quod intrat in os , coinquinat hominem , sed quod procedit ex ore coinquinat hominem* :

Item ibidem dicit discipulis quærentibus ab eo ut exponeret eis illam parabolam v. 17. *Non intelligitis , quia omne , quod in os intrat , in ventrem vadit , & in secessum emittitur ?* v. 18. *Quæ autem procedunt de ore , de corde exeunt , & ea coinquinant hominem* . Marci autem 7. cap. v. 15. expressius hoc dicit : *Nihil est extra hominem introiens in eum , quod possit eum coinquinare ; sed quæ de homine procedunt , illa sunt quæ coinquinant hominem* , & postea v. 18. : *Non intelligitis , quia omne extrinsecus introiens in hominem , non potest eum coinquinare* v. 19. *quia non intrat in cor ejus , sed in ventrem vadit , & in secessum exit , purgans omnes escas* ?

Hæc verba Christi Apostolus diligenter considerans , & sciens quod ipse Christus nullam ciborum discretionem induxit ad Rom. 14. v. 14. dixit illud , quod in præced. parte hujus cap. posuimus , scilicet : *Scio , & confido in Domino Jesu , quia nihil commune per ipsum* . Ex quibus patet , quod quilibet nisi ex voto teneretur , carnes animalium potest licite comedere , & salvari edendo de illis . Tamen hæretici ad auctoritatem Domini respondent , quod ibi non erat facta mentio de carne , sed de pane ; quod quidem verum est in principio , ubi Pharisei loquuntur v. 5. : *Quare discipuli tui non ambulant juxta traditionem seniorum , sed communibus manibus manducant panem ?* & propterea dixit : *non quod in os intrat &c.*

Ad hoc autem dicendum est eis : numquid Dominus tantum de pane intellexit quod dixit , *non quod in os intrat &c.* ? Si dicat , quod sic , quare ergo universaliter locutus est , dicens : *Non intelligitis , quia omne , quod in os intrat &c.* ut prius ? Item : *Nihil est extra hominem introiens in eum &c.* ut dixit Marci 7. v. 15.

Præterea , quare scandalizati sunt Pharisei , uti ibi habetur in responsione Domini . Ipsi enim credebant , quod panis intrans in hominem non coinquinat

nat hominem ; unde si nihil aliud intelligitur in verbo Domini , nullum scandalum inde fuerant habituri ; sed habuerunt inde scandalum , ergo aliud ibi intelligebatur , scilicet caro porcina , vel huiusmodi , quæ secundum legem erat communis , idest immunda .

Præterea , quod esus carnis licitus sit , patet per Christum , qui usus est eis , ut probabimus in 4. p. hujus operis de esurie & siti Christi .

Item Lucæ 10. v. 1. : *Post hæc autem designavit Dominus , & alios septuaginta duos Discipulos : & misit illos binos ante faciem suam in omnem Civitatem & locum , quo erat ipse venturus .* Et post pauca subjungit v. 7. : *In eadem autem domo manete , edentes , & bibentes quæ apud illos sunt : dignus est enim operarius mercede sua .* Dominus non distinguit hic inter cibos , sed sine distinctione dicit : *edentes &c.* Ex quo patet quod Dominus volebat discipulos suos sine distinctione uti cibis , quos apud hospites suos inveniebant .

Item Rom. 14. v. 20. Apostolus omnium ciborum genera comprehendens , ait : *Omnia quidem sunt munda ; sed malum est homini , qui per offendiculum manducat .*

Ad hoc autem dicit hæreticus ; *Omnia quidem sunt munda* , omnia scilicet piscium genera (6) . Sed contra . Dixit Apostolus , quod homini qui per offendiculum manducat , malum est manducare ea , quæ munda sunt , sed postea dicit cui bonum sit comedere ea , scilicet ei , qui manducat sine offendiculo Fratris . Unde & ait v. 27. *Bonum est non manducare carnem , & non bibere vinum , neque in quo Frater tuus offenditur : In quo loco carnem sumere consuevisti pro carnibus animalium , scilicet volatilium , & bestiarum ; ergo prius quod dictum est : omnia quidem sunt munda &c. loquitur de eisdem , non de piscibus .*

Si autem velis dicere , quod cum dicitur : *Bonum est non manducare carnem* , Apostolus loquitur de carne piscium , constat quod contra doctrinam tuam loqueris . Per hoc enim credentibus tuis esum carniū illicitum ostendere consuevisti , & Ecclesiam Romanam contrariam esse Apostolo prædicasti .

Præterea , dicit quod bonum est homini , qui non manducat cum offendiculo fratris , malum ei , qui manducat cum offendiculo . Constat quod de materiali cibo loquitur , non de spirituali . Comedens enim cibum spiritualement , spiritualis est & sanctus . quia animalis homo non percipit ea , quæ sunt spiritus Dei 1. Cor. 2. v. 14. Neque abstinendum est ab huiusmodi cibo propter alicujus scandalum ; loquitur ergo de materiali cibo .

Modo quæro , cui bonum est sumere cibum illum sine scandalo fratris , & cui malum , & cum scandalo ? Si homini interiori , hoc esse non potest , quia

ille non potest comedere de huiusmodi cibo . Si homini exteriori , vel toti homini integraliter ; ergo homini exteriori , vel toti homini est bonum , vel malum comedere cum offendiculo , vel sine eo ; ergo homo exterior , vel totus remunerabitur . Matth. 16. v. 27. , & Rom. 2. v. 6. : *Dominus enim reddet unicuique secundum opera ejus ; ergo corpus istud resurget ad gloriam , vel ad pœnam .*

Item 10. cap. 1. ad Cor. v. 25. dicit Apostolus : *Omne quod in macello venit , manducate* (7) . Ut notet quod sine distinctione ciborum loquitur , dicit v. 26. *Domini est terra , & plenitudo ejus* , quasi dicat , qui unum cibum facit & alium .

Forte dicit , quod non de materiali macello intelligitur , sed de spirituali , idest de Ecclesia Dei . Contra . De spirituali cibo non loquitur , sed de materiali ; ergo loquitur etiam de macello materiali . Probatio primæ propositionis hæc est , quia ibi dicit Apostolus v. 27. *Si quis vocat vos infidelium ad cœnam , & vultis iræ : omne quod vobis apponitur manducate .* Infidelis iste extra Ecclesiam est , & vocat fidelem ad dandum ei cœnam , sed non habet spiritualement cœnam quam det , habet illam ad quam invitat fidelem ; ergo illa cœna est materialis , & in ea proponuntur cibi materiales , ergo & macellum fuit materiale , & non spirituale .

Præterea , si dicas , quod est cœna spiritualis ad quam invitat fidelem , hoc non potest esse . Non enim vult ab eo recipere , quem ad cœnam invitat sed vult ei dare , nisi dicas quod vult dare ei seipsum ad cœnandum spiritualiter . Sed hoc esse non potest . Primo , quia dixerat : *Domini est terra , & plenitudo ejus .* Hæc fuit ratio edendi *omne quod vobis apponitur &c.* , ergo cibum erat terrenus . Secundo , quia dicit : *& vultis ire* , quod non diceretur , si ille sensus esset verborum Apostoli ; imo diceret : ite . Tertio , quia dicit ibi v. 27. & 28. *Nihil interrogantes propter conscientiam . Si quis autem dixerit : Hoc immolatum est idolis : nolite manducare propter illum qui indicavit .* Hoc non potest intelligi de cibo spirituali qui ab infidelibus non immolatur Idolis .

Præterea , nonne tu per cœnam intelligebas eum , qui invitabat infidelem ? Quomodo potest hoc stare , cum dicat Apostolus : *Si quis autem dixerit : Hoc immolatum &c.* Ecce secundum Apostolum alius est vocans , aliud quod ponebatur in cœna ad manducandum . Ex his patet quod de materiali cibo loquitur , ergo de materiali macello , & de materiali etiam terra , cum dicit : *Domini est terra , & plenitudo ejus .*

Forte dices . Verum est quod de materiali cibo loquitur , & de materiali macello ; & cum dicitur . *Omne , quod vobis apponitur ab infideli manducate :* non intelligitur de carnibus bestiarum , & volatiliū , sed piscium . Sed numquid pisces idolis (8)

im-

(6) Ita plane , ut Marcionitæ . Quare non injuria Tertullianus lib. 1. cap. xiv. pag. 372. Reprobas , inquit , & mare , sed usque ad copias ejus , quas sanctiorem cibum deputas . Marcionitis autem contemnere Manichæi saltem ii , qui in Ægypto versabantur , ut Beaufobrius animadvertit lib. 1v. cap. viii. n. vii.

(7) Confer huc , quæ exstant in Codice Vaticano , defunctque e Bon. & Neap. dicitur autem macellum locus ubi carnes ad vescendum mactantur ; sed ne videantur in honorem Idoli comedere , nonnet nihil interrogare propter conscientiam . Nihil interrogare , est non scrutari an fuerit immolatum Idolo id quod apponitur ei , an

non , & quod dixerat : omne quod in macello venit &c. Ut notet &c.

(8) Plutarchus lib. viii. Symposiacorum Quæst. viii. pag. 702. Tom. II. Opp. Sic introducit Syllam loquentem ; ἰχθύων δὲ θύσι-
μος οὐδεὶς , οὐδὲ ἰδεύσιμος ἱερῶν . Piscium vero nullus immolatur , nullo res sacra fit . Verum exstant pleraque monumenta , quæ maxime suadeant pisces fuisse idolis immolatos , etsi raro , & non ab omnibus populis , immo vero ac ab omnibus quidem earum regionum incolis , sed a quibusdam tantum : Adeundus Vossius lib. ix. de Idololatr. cap. vii. pag. 774. Tom. v. Opp.

immolantur? Hoc nunquam reperies; sed quod bestiae in sacrificiis idolorum immolabantur, hoc inveniri potest, & in sacrificio Dei Veteris Testamenti, ut habetur 3. Reg. 18. Invenies etiam quod immolabantur Deo Prophetarum.

Præterea, videamus, quando dixit Apostolus: *nihil interrogantes propter conscientiam*, idest non quærentes utrum fuerit immolatum, idest sacrificium idolis, an non. Quare autem dixerit, determinat Apostolus cum dicit: *Si quis autem dixerit, hoc immolatum est idolis, nolite manducare*. Quare autem non debebant manducare, subdit, cum ait: *propter illum, qui indicavit*; idest ne ille idololatra gloriatur de cultu suorum idolorum, & confirmetur in illo, credens te comedere in Idoli veneratione. Alia causa est, quam subjungit Apostolus, & propter conscientiam fidelium infirmorum in fide, unde dicit Apostolus v. 29. *Conscientiam autem dico non tuam, sed alterius*, quasi dicat, tua est firma in fide, alterius autem conscientia infirma. De talibus dicit Apostolus 8. cap. v. 7. *Quidam autem conscientia, idest fide, usque nunc*, idest postquam conversi sunt ad Christum, licet non plene, *quasi idololatra manducant, & conscientia ipsorum, cum sit infirma, polluitur*, supple non ex cibo, sed ex fide, quam habet ibi. Comedit enim ipsum, quia idolis immolatum, sperans hoc sibi valere. Polluitur etiam exemplo sapientum, unde subdit: *Videte autem ne forte hæc licentia vestra offendiculum fiat infirmis: Si enim quis viderit eum, qui habet scientiam in Idolo recumbentem*, idest in præsentia idoli recumbentem cum conscientia idoli: *nonne conscientia ejus, cum sit infirma, edificabitur*, idest firmabitur, *ad manducandum idololatra?* supple cum Idolis veneratione &c. *Et sic peribit infirmus in tua conscientia*, idest per tuam conscientiam, *propter quam Christus mortuus est*: quasi dicat: Cave a cibo tali, ne propter te Frater pereat. Item cave, ne per hoc Christum offendas, unde v. 12. *Sic autem peccantes in Fratres, & percutientes conscientiam eorum infirmam, in Christum peccatis*. Et subdit Apostolus v. 13. *Quapropter*, idest ne Christum offendam, *siesca scandalizat Fratrem meum: non manducabo carnem in æternum*. Ubi patet, sicut etiam dicere consuevisti, quod dixerit *hoc immolatum &c.* Locutus est de carnibus immolatis Idolis, quæ comedebantur cum scandalo infirmorum, ut ibi docet Apostolus. Per illam autem auctoritatem aliter probamus esum carniū. Item per illud Act. 15. v. 28. *Visum est Spiritui Sancto, & nobis &c.*

Ad ultimum inducimus illud 1. Timot. 4. v. 1., *Spiritus autem manifeste dicit, quia novissimis temporibus discedent quidam a fide, attendentes spiritibus erroris, & doctrinis demoniorum*. De hoc autem habetur circa finem 8. cap. primi libri. [*] Adhuc etiam addimus illud 1. Cor. 10. v. 37. *Sive ergo manducatis, sive bibitis, sive aliquid facitis: omnia in gloriam Dei facite*. De materiali manducatione, & potatione loquitur; ergo illa est ad gloriam Dei, & ad eam fit a sanctis. Illa ergo non est a diabolo. Item cum ad Dei gloriam sint ii cibi, a diabolo non sunt, Item de quo agitis gratias post cibum? Si de cibo, vel gratias agitis diabolo, vel cibus iste datur a Deo.

C A P. VI.

Agitur utrum Deus dator Veteris Testamenti fuerit bonus, & de rationibus, quibus impugnant cum hæretici, quarum prima est contrarietas cum Deo Novi Testamenti.

QUoniam hæretici, qui Cathari (1) vocantur, Deum Veteris Testamenti datorem reprobare nituntur, hunc profanum errorem elidere intendimus hoc modo, scilicet, ut prius eorum objectiones velut proprios gladios in eosdem convertamus, ut gladius eorum intret in corda ipsorum. Deinde nostris probationibus Deum Veteris Testamenti Creatorem omnium visibilium & invisibilium, animarum & corporum, & Patrem Jesu Christi esse irrefragabiliter adstruamus. Notandum igitur prius, quod objectiones hæreticorum in hoc capite ex quatuor radicibus procedunt. Prima est ex contrarietate, quæ videtur inter Vetus Testamentum & Novum: Secunda radix est ex mutabilitate ipsius Dei, quæ ex ipsis Scripturis apparet: Tertia est ex crudelitate ipsius, quæ in Scripturis de ipso ostenditur: Quarta est ex mandato, de quo Deus ipse in Scripturis arguendus videtur.

§. I.

Probatio hæretici, quod dator Veteris Testamenti fuerit malus; & de prima radice quod fuerit malus.

PRimo autem, juxta primam radicem ad probandum Deum Veteris Testamenti esse malum, indu-

Epiphanius Hæres. LXVI. n. 111. seq. pag. 619. Tom. 1. Edit. Paris. an. 1622. S. Augustinus lib. VIII. de Genesi ad Litteram cap. 11. Tom. 111. part. 1. Edit. Paris. an. 1680. col. 227. & lib. de Hæres. ad Quodvult. cap. VII. col. 7. XVIII. col. 8. XXI. col. 9. XLVI. col. 16. & lib. XXII. contra Faustum cap. 1. seq. col. 363. seq. & lib. 1. contra Adversarium Legis & Prophetarum cap. 1. col. 549. Tom. VIII. Edit. Paris. an. 1688. ut πλειστοῖς ἑτέροις [plures alios, quemadmodum Photius ait lib. 1. contra Manichæos n. XI. Tom. 1. Anecdor. Christophori Vvolfsi pag. 37.] missos faciam qui similia de Manichæis memoriæ tradiderunt. De veteribus, sui que temporis Manichæis hæc habet ibid. num. VII. pag. 23. Photius: Sacros Prophetas, omnemque veterem Scripturam . . . averſantur. Non discrepabant Bogomilii ab hoc genere opinionis. Nam ut Auctor est Euthymius Parte II. Panopliæ Tit. XXII. cap. 1. pag. 749. Edit. Lugdun. an. 1556. rejiciunt, inquit, omnes libros Mosaiscos, una cum Deo, qui in ipsis memoratur &c.

[*] Deest in Bonon. & in Vat.

(1) Catharis, quos hoc loco vexat Moneta, præverunt Gnostici, & Manichæi. Aut enim totum quantum est vetus Testamentum, aut ejus partem a mala quadam intelligentia datum fuisse putarunt. Consuli poterunt Irenæus lib. 1. Adversus hæreses cap. XXIII. ab. xx. pag. 99. Edit. Paris. an. 1710. Clemens Alexandrinus lib. IV. Stromat. pag. 348. seq. & pag. 336. Edit. Lugduno Bat. an. 1616. Tertullianus lib. de Præscript. adv. Hæres. cap. XVII. xxx. & XLII. & vetus Auctor Anonymus cujus ea sunt, quæ exstant post librum Tertulliani de Præscriptionibus: pag. 219. Edit. an. 1675. Titus Bostrensis lib. 111. contra Manichæos pag. 139. seq. Tom. 1. Antiquar. Lætion. Henrici Canisii Edit. Antwerp. an. 1725. Athanasius Orat. 1. Contra Arianos pag. 411. Tom. 1. P. 1. Edit. Paris. an. 1698. Archelaus Episcopus Mesopotamienſis in Disputat. cum Manete num. XI. pag. 25. n. XXVIII. pag. 48. seq. quæ exstat Tom. 1. Collectaneorum Monumentorum Veterum Ecclesiæ Græcæ a Zacagnio editorum Romæ an. 1698. Hieronymus In Commentar. ad cap. 1. Naum. Tom. 111. Edit. Paris. an. 1704. col. 1563. seq.

inducunt illud Genes. 1. v. 1. *In principio creavit Deus calum & terram: terra autem erat inanis, & vacua, & tenebræ erant super faciem abyssi*. Ecce qualis est, patet ex operibus suis; terra enim ab eo creata erat inanis; & vacua (2) sed quis fecit eam talem, nisi Deus Veteris Testamenti? ergo ipse est auctor vanitatis.

Præterea opus suum a tenebris incepit; tenebrosus ergo erat & malus, cum e contrario de Deo Novi Testamenti 1. Jo: 1. v. 5. *Quoniam Deus lux est, & tenebræ in eo non sunt ulla*.

Solutio. Quomodo vis intelligere, quod terra fuerit inanis? Si dicas, inanis dicitur, idest vana; proba quod dicis.

Præterea, dato, quod ita sit, quod tamen non est verum; Quæro: quomodo intelligis quod terra fuerit vana? Si dicas, quod transitoria & mutabilis, ex hoc non sequitur, quod Deus Veteris Testamenti qui eam fecit vanus fuerit. Dicit enim David Psalm. 101. v. 26. & Paulus Hæb. 1. v. 10. *Tu in principio Domine terram fundasti, & opera manuum tuarum sunt cæli. Ipsi peribunt, tu autem permanebis: & omnes ut vestimentum veterascent: Et velut amictum mutabis eos, & mutabuntur; tu autem idem ipse es, & anni tui non deficient*.

Præterea nonne oves Israel fuerunt mutabiles, antequam peccarent? Constat quod sic; alioquin non potuissent peccare. Sed quis fecit eas tales nisi Deus bonus? Dico ergo, quod dicitur inanis, idest infructuosa, quia adhuc non faciebat fructum; tertia vero die fructuosa facta est terra, unde ibi dicitur v. 11. *Germinet terra herbam virentem, & facientem semen, & lignum pomiferum faciens fructum juxta genus suum*.

Item propter malitiam hominum facit terram sterilem, unde David psal. 106. v. 34. *Terram fructiferam in salsuginem a malitia inhabitantium in ea posuit*. Et vacua dicebatur ab habitatione usque ad sextam diem, in qua homo factus est. Isaïæ 45. v. 12. *Ego Dominus feci terram, & hominem super eam creavi ego*. De fructu & habitatore terræ dicitur Isaïæ 42. v. 5. *Hæc dicit Dominus Deus creans calos & extendens eos: firmans terram & quæ germinant ex ea: dans flatum populo, qui est super eam & spiritum calcantibus eam*.

Ad idem quod obijcitur de tenebris, dico, quod tenebræ ille non fuerunt aliquod opus ejus, neque invenies hoc. Unde sensus est: tenebræ erant super faciem abyssi, idest non erat lux ibi. Tenebræ enim non sunt aliquid secundum quod ibi sumitur, nisi absentia lucis, ubi nata est esse.

Præterea, posito quod aliquod opus ejus fuerit, propter hoc opus non est culpandus, alioquin Deus bonus quem tu ponis similiter culpandus est. Sic enim legis Isaïæ 50. v. 3. *Induam calos tenebris, &*

saccum ponam operimentum eorum. Item Job. 38. v. 9. *Cum ponerem nubem vestimentum ejus & caligine illud quasi pannis infantia obvolverem*. Item ad hoc confirmandum, nota illud sacrum verbum Apostoli 2. Cor. 4. v. 6. *Deus qui dixit de tenebris lucem splendescere, ipse illuxit in cordibus nostris ad illuminationem scientiæ claritatis Dei*. Et nota hoc verbum: *dixit*, idest dicto fecit, cum prius essent tenebræ. Iste est Deus, de quo Genes. 1. v. 3. *Dixitque Deus: fiat lux. Et facta est lux*.

Præterea, nonne Deus bonus fecit lucem suam? Utique. Si fecit, ergo non erat prius, ergo prius erant tenebræ in regno suo. Cum autem dicitur 1. Jo: 1. v. 5. *Quoniam Deus lux est, & tenebræ in eo non sunt ulla*: tenebræ igitur dicuntur peccata, sicut ibi 1. Petri 2. v. 9. *Vos autem genus electum, regale Sacerdotium, gens sancta, populus acquisitionis: ut virtutes annuncietis ejus, qui de tenebris vos vocavit in admirabile lumen suum*.

Ad idem obijciunt sic: Deus Veteris Testamenti dixit Adæ: (3) *De ligno autem scientiæ boni & mali ne comedas*. Gen. 2. v. 17. Aut sciebat illum transgressurum fore mandatum, aut non? Si non; ergo non erat verus Deus, cum aliquid ignoraret. Si autem sciebat illud, & tamen dabat ei mandatum, videtur ergo quod vellet eum transgredi mandatum; ergo malus. Præterea ad quid dedit?

Respondendum est ad hoc sub quæstione, quid hæreticus intelligat nomine ligni scientiæ boni & mali; ad quod non auderet respondere. Præterea quidquid intelligatur nomine ligni, non curo. Fuit ne illud mandatum bonum vel malum? Si bonum? Non est arguendus qui dedit illud, sed qui fregit. Scio autem quod non auderes dicere, quod mandatum fuerit malum, imo ejus oppositum; scilicet comedere de eo malum secundum te, qui credis, quod de ligno comedere est Evam carnaliter cognoscere.

Præterea, si Deus Veteris Testamenti non dixisset ei: *de ligno &c.* nonne (4) credis, quod si comedisset, peccasset? Scio quod credis. Quare ergo culpas eum? imo magis laudandus est, quia nocumentum ei prohibuit, & pœnam si comederet adjecit, ut saltem timore pœnæ caveret. Ex quo evidenter apparet, quod eum transgredi noluit. Sic enim dicit: Genes. 2. v. 17. *In quocumque enim die comederis ex eo morte morieris*.

(5) Præterea, quare bonus Deus præcepit Adæ illud mandatum, cum sciret eum prævaricaturum? Videtur enim, aut frustra præcepisse, aut non bonus fuisse? Istam quæstionem facit (6) B. Ambrosius in lib. de Paradiso. Ad hoc respondet: *Nam & ipse Dominus Jesus elegit Judam, quem proditorem sciebat. Sic enim dicitur Jo: 6. v. 65. Sciebat enim ab initio Jesus, qui essent non credentes, & quis traditurus esset eum*. Præterea, venerat Dominus Jesus

(2) Adifis Augustinum lib. de Genes. contra Manichæos cap. 111. col. 647. Tom. 1. Opp.

(3) Præverunt Catharis Marcionitæ Tertullianus lib. 11. cap. v. pag. 383. *O canes, inquit, quos foras Apostolus expellit, latrones in Deum veritatis, hæc sunt argumentorum ossa quæ abroditis. Si Deus bonus, & præscius futuri, & avertendi mali potens, cur hominem; & quidem imaginem, & similitudinem suam... passus est labi de obsequio legis in mortem circumveniri a diabolo? Si enim & bonus, qui evenire tale quid nollet; & præscius, qui eventurum non ignoraret, & potens, qui depellere valeret, nullo*

modo evenisset, quod sub his tribus conditionibus divina majestatis evenire non posset. Nec abludebant Manichæi, ut colligo ex Tito Bostrensi in Praef. ad lib. 111. pag. 183. cuiusmodi pleraque etiam apud Augustinum, ceterosque reperire licet, qui Manichæos totis voluminibus concidere.

(4) Adifis Tertullianum l. c. pag. 384.

(5) Non exstant hæc in Codice Bononiensi usque ad in alteram partem.

(6) Lib. de Paradiso cap. viii.

Iesus omnes salvos facere peccatores, unde etiam circa impios ostendere suam debuit voluntatem. Et ideo nec proditurum debuit præterire, ut adverterent omnes quod in electione etiam proditoris sui, servandorum omnium insigne prætendit, idest præclarum signum, sive evidens, nec in eo Iesus est vel Adam, quia mandatum accepit; nec Judas, quia electus est. Non enim necessitatem Deus, vel illi prævaricationis, vel huic proditoris imposuit, quia uterque si acceperat, custodisset, a peccato abstinere potuisset.

Præterea, ideo dedit mandatum Adæ, & elegit Judam, ut liberum omnibus insinuaret arbitrium, salutis causam, vel perditionis.

Item, quomodo Deus bonus passus est serpentem tentare Evam, cum sciret, quod ipsa caderet, & quod peccatum intraret in hunc Mundum. Respondet Ambrosius: *Utrum hæc accusatio tunc locum haberet, si ita animæ vim, & intima secreta mentis inficeret, ut nullo pacto tentationi possit resistere, & non haberet potestatem liberam declinandi in alteram partem.*

Præterea, tu qui ponis duo principia responde mihi: Deus ovium Israel qui eis dederat legem & mandata antequam peccarent, nonne sciebat illas oves venturas? Constat quod sic. Contra Hebr. 4. v. 13. *Omnia autem nuda, & aperta sunt oculis ejus, ad quem nobis sermo.* Eccles. 16. v. 20. *Omne cor intelligitur ab illo.* Videtur ergo quod voluit eas transgredi mandata sua; ergo malus eadem ratione, qua Deus Veteris Testamenti, secundum Te.

Præterea, tu qui ponis unum principium, responde mihi. De spiritu Adæ, qui venit in hunc mundum secundum te, cum esset Angelus Dei, aut venit ex præcepto Dei, aut contra? Si contra, quare dedit ei illud præceptum, cum sciret eum contra venturum? Si ex præcepto Dei; sciebat autem Deus quod male ei accideret inde; ergo voluit quod male ei accideret, ergo malus eadem ratione, quod falsum est. Dico ergo quod scienti & volenti non infertur dolus, neque violentia, unde cum Adam sciret sibi pœnam imminere, quia dictum erat ei Genes. 2. v. 17. *In quocumque enim die, &c. cum voluntarie venerit contra, non Deo, sed ei soli imputandum est; unde Eccles. 15. v. 20. Oculi Domini ad timentes eum, & ipse agnoscit omnem operam hominis. Nemini mandavit impie agere, & nemini dedit spatium peccandi.*

Præterea ante ibi dicitur v. 14. *Deus ab initio constituit hominem, & reliquit illum in manu consilii sui. Adjecit mandata, & præcepta sua: si volueris mandata servare, conservabunt te, & in perpetuum fidem placitam facere. Apposuit Tibi aquam, & ignem: ad quod volueris porrigere manum tuam. Ante hominem vita & mors, bonum & malum: quod placuerit ei dabitur illi: quoniam multa Sapientia Dei, & fortis in potentia; videns omnes sine intermissione.* Et nota, quod dicit, *vita, & mors*, ista sunt duo ligna, scilicet lignum vitæ, & lignum scientiæ boni & mali, ad cujus

esum sequebatur mors, secundum quod Dominus comminatus est.

Item habes Eccles. 17. v. 1. *Deus creavit de terra hominem, & secundum imaginem suam fecit illum*, ubi exprimitur historia Dei Veteris Testamenti: Item Jeremiæ 21. v. 8. *Hæc dicit Dominus: Ecce ego do coram vobis viam vitæ, & viam mortis. Qui habitaverit in urbe hac morietur gladio, & fame, & peste: qui autem egressus fuerit, & transfugerit ad Chaldaeos, qui obsident vos, vivet, & erit ei anima sua, quasi spoliū.* (7) [*] Non dicitur autem lignum scientiæ boni & mali, ut hæreticus credit, exponens illud de Eva; sed quia edendo de illo experimentaliter scitum est, quantum malum sit non obedire. Rom. 5. v. 12. *Per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt.* Et sic persequens, scitum est quantum bonum fuisset obedire. Et nota quod verbo prædicto Apostoli concordat verbum Domini Genes. 2. v. 17. *In quocumque enim die comederis ex eo, morte morieris; morte scilicet culpæ, moriemini morte pœnæ in corpore.* Rom. 8. v. 10. *Corpus quidem mortuum est propter peccatum.* [*]

Item, ego quæro quid intelligatur per lignum scientiæ boni & mali? Si dicat quod Eva, sicut sua opinio est. Contra. Unde hoc habes? Nullo testimonio potes ostendere.

Præterea, quod istud falsum sit, patet. Prius enim fuit Paradisus cum ligno scientiæ boni & mali, & lignum vitæ, quam Adam, ut habetur ex Gen. ergo prius fuit lignum scientiæ boni & mali, quam Eva ex homine facta; ergo lignum illud non fuit Eva.

Præterea, ex verbis serpentis cum Eva evidenter id apparet. Tercio enim cap. dixit mulieri v. 1. *Cur præcepit vobis Dominus, ut non comederetis ex omni ligno paradisi?* Similiter ex verbis ejus cum serpente, ut ibidem habetur; ergo Eva non fuit illud lignum.

Præterea, si lignum esset mulier, & mulier inde comederet, de seipsa comederet, & sic secum coi-ret, secundum Te. Comedere enim intelligis carnale opus facere, quod falsum esse patet ex eo, quod concedit ei de omni alio ligno edere.

Præterea, quod lignum non sit ipse serpens, vel Diabolus, patet ex verbis prædictis, nempe cap. 2. v. 8. *Plantaverat autem Dominus, &c.* Et ex verbis serpentis cum Eva, & e contrario.

Quæro etiam, quis fuerit fructus ligni, de quo tulit mulier, & comedit inde, & dedit viro suo? Si dicat quod fuit concubitus, (8) Adæ cum Eva, & e contrario, hoc stare non potest, quia ut dicit littera cap. 3. v. 6. *Mulier tulit de fructu illius, & comedit: deditque viro suo.* Prius ergo comedit, quam vir.

Si dicat, quod prius comedit de fructu ligni, quia prius concubuit cum serpente; ergo serpens erat lignum, quod stare non potest; ut patet ex littera.

T

Præ-

(7) Desunt hæc ex codicibus Bononiensi, & Vaticano usque ad Propter peccatum.

(*) Deest in Bonon. & in Vat.

(8) Vide Notam 7. ad cap. 1. Secundi Libri.

Præterea, proba quod dicis. Quod cum facere non possis, constat vanum esse quod dicis, & somnium tantum.

Dicunt etiam Cain natum ex concubitu Evæ & serpentis, volentes hoc habere ex eo, quod dicitur 1. Johan. 3. v. 11. *Hæc est annunciatio, quam audistis ab initio, ut diligatis alterutrum.* v. 12. *Non sicut Cain, qui ex maligno erat, & occidit Fratrem suum. Et propter quid occidit eum? Quoniam opera ejus maligna erant, Fratris autem ejus iusta.* Hoc autem stare non potest. Dicitur enim Genes. 4. v. 1. *Adam vero cognovit uxorem suam Evam, quæ concepit, & peperit Cain.* Qualiter autem Cain esset ex maligno, patet, quia imitatione, quia homicida, sicut & ille, ut habetur Jo: 8. unde exponens Jo: quod dixerat: *ex maligno erat*, subdit: *& occidit Fratrem suum.*

Præterea ibi assignatur contrarietas inter eos, & dicitur: *propter quid occidit eum? Quoniam opera ejus maligna erant, Fratris autem iusta*; Ergo Abel bonus; quod verum est teste Domino Matth. 23. v. 35. *A sanguine Abel iusti, usque ad sanguinem, &c.* Quomodo ergo Frater illius, si ille de gente Diaboli erat, ipse autem non, sed iustus?

Ad idem inducunt illud Genes. 1. v. 27. *Masculum & feminam creavit eos.* ita dicitur de Deo Veteris Testamenti. E contrario dicitur de Deo Novi Testamenti Gal. 3. v. 28. (9) *Non est masculus, neque femina*, supple in Christo. Item Colos. 3. v. 10. *Induentes novum, eum, qui renovatur in agnitionem, secundum imaginem ejus, qui creavit illum*, ubi non est masculus, & femina.

Ad hoc respondendum ponentibus duo principia. Quare ergo Jerem. 29. v. 6. consuluit illis, qui transmigraverunt in Babylonem dicens: *Accipite uxores, & generate filios; & filias: & date filiis vestris uxores, & filias vestras date viris, & pariant filios & filias?*

Præterea, quomodo diceret Apostolus 1. Cor. 11. v. 11. *Neque vir sine muliere, neque mulier sine viro in Domino?* Multa etiam talia possent ad idem induci.

Præterea, omnibus respondeas: Si ad litteræ sonum verba Apostoli vis accipere, eadem ratione in Christo non erit neque Judæus, neque Græcus. Quomodo ergo dicit Apostolus Rom. 1. v. 16. *Virtus enim Dei est in salutem omni credenti; Judæo primum, & Græco?* Item Rom. 3. v. 29. *An Judæorum Deus tantum? nonne, & Gentium?*

Præterea, secundum hoc, non erat aliquis servus, neque liber in Christo. Quomodo ergo dicit B. Petrus: *Servi, subditi estote in omni timore Dominis, non tantum bonis & modestis, sed etiam discolis.* 1. Pet. 2. v. 18. Dico ergo quod Apostolus per illa verba volebat ostendere, quod propter Judaïsmum, vel

Gentilitatem, item propter conditionem libertatis, vel servitutis, & propter sexus varietatem, non est unus alio excellentior ad induendum Christum in baptismo, unde subdit Apostol. ad Gal. 3. v. 28. *Omnes enim vos unum estis in Christo Jesu*, id est indifferentes, inde Rom. 3. v. 9. quærit Apostolus in Persona Judæorum: *præcellimus eos?* id est Gentiles, & solvit, nequaquam. Similiter intelligitur illud Col. 3. v. ubi non est masculus & femina &c. ubi dicit, id est induendo se novum hominem, nihil horum nocet, vel utile est.

Ad idem inducunt illud Genes. 3. v. 15. *Inimicitias ponam inter te & mulierem, & semen tuum & semen illius*, id est mulieris. Ecce Deus Veteris Testamenti seminator est discordiæ & inimicitiae. Deus autem Novi Testamenti dator est pacis, & solutor inimicitiae, sicut legitur Colos. 1. v. 19. *Quia in ipso complacuit omnem plenitudinem inhabitare: & per eum reconciliare omnia in ipsum.*

Respondeo. Numquid istæ inimicitiae inter mulierem, & serpentem bonæ (10) erant? Constat quod sic. Quare ergo inculpas Deum Veteris Testamenti inde?

Præterea, numquid Apostolus loquebatur: de reconciliatione, & amicitia inter mulierem, & serpentem, sive Diabolum, vel de reconciliatione hominis ad Deum? Constat, quod non primo modo, sed secundo; unde 2. Cor. 5. v. 20. *Obsecramus pro Christo, reconciliamini Deo.* Reconciliatio autem cum Deo, est inimicitia cum serpente, sive Diabolo; ergo Deus Novi Testamenti ponit inimicitias inter Diabolum, & mulierem.

Ad idem inducunt illud Gen. 3. v. 22. (11) *Nunc ergo ne forte mittat manum suam, & sumat etiam de ligno vitæ, & comedat, & vivat in æternum.* Ecce quod Deus Veteris Testamenti prohibet esum ligni vitæ; sed Deus Novi Testamenti Apoc. 2. v. 17. dicit: *Vincenti dabo edere de ligno vitæ*: contrarius ergo est illi.

Respondeo. Cui promittitur? Constat quod non nisi Vincenti. Sed numquid Adam erat talis? Non: imo victus. Sed numquid victus debet edere de ligno vitæ? Non. Unde Matth. 7. v. 6. *Nolite dare sanctum canibus.* In quo convenit cum Deo Veteris Testamenti. Ergo bonus Deus, qui compescuit victum ab esu ligni vitæ; ergo Deus Veteris Testamenti bonus.

Ad idem illud Genes. 3. v. 22. *Ecce Adam quasi unus ex nobis factus est, sciens bonum & malum.* Sed Adam tunc non erat factus nisi peccator, & malus, & erat tunc factus, ut ille qui loquebatur; ergo ille erat peccator, & malus, scilicet Deus Veteris Testamenti. Deus autem Novi Testamenti bonus, unde: Lucæ 18. & Marci 10. *nemo bonus, nisi solus Deus.*

Ref.

(9) Verba hæc: ubi non est masculus, & femina non sunt Pauli sed Monetæ, expressa tamen ex Epistola Pauli ejusdem ad Gal. cap. 111. v. 28.

(10) Consultor Augustinus lib. 11. de Gen. Contra Manichæos cap. xviii. n. 28. col. 676.

(11) Abutebantur perinde hoc eodem Geneseos textu Manichæi veteres; sed ab Catharis aliquatenus discrepabant: Nam Titus Boetrensis in Proem. ad lib. 111. pag. 138. Sic Mahetem differentem

inducit: Quomodo Deum decet, ut dicat. Ecce Adam factus est, tamquam unus ex nobis, sciens bonum, & malum. Nunc autem ne forte mittat manum suam, & sumat etiam de ligno vitæ, & comedat, & vivat in æternum? Si enim poterat recuperare immortalitatem, invidus fuit, qui ex paradiso virum ejecit, & a participatione ligni vitæ exclusit, cujus si particeps fuisset, semper participationem habere poterat.

Respondeo, ironice loquitur, (12) non assertive Angelis suis Deus Veteris Testamenti, quasi dicat. Adam comedit, ut esset, sicut Deus sciens bonum, & malum, sed patet, quod non est ita; neque ex hoc modo loquendi culpandus est. Similem enim modum loquendi, invenio in Deo Novi Testamenti: Matth. 23. v. 37. *Verebuntur filium meum*. Quod ironice, & non assertive necessario accipiendum est, cum constet Judæos, de quibus ibi loquebatur nequaquam filium ejus reveritos fuisse; quem occiderunt suspendentes in ligno.

Si vero dicas ibi debere esse *forſitan*, ut scias eundem modum loquendi esse in Deo Veteris Testamenti, audi, quod dicit Apostolus 1. Cor. 4. v. 8. *Jam saturati estis jam divites facti estis: sine nobis regnatis: & utinam regnetis, ut & nos vobiscum regnemus*. Ubi patet Apostolum non assertive loqui, sed ironice, immo Christum in Apostolo.

Ad idem inducunt illud Genes. 3. v. 17. *Maledicta Terra in opere tuo*. Ecce iste maledicit terram suam, sed Deus Prophetarum, qui est Deus Novi Testamenti benedicit suam, unde David Psalm. 84. v. 2. *Benedixisti Domine terram tuam*, Et ita sunt contrarii Dii, Deus Veteris Testamenti, & Deus novi.

Respondeo, Idem est Deus hinc & inde, qui benedixit primo terram, idest eam bonam fecit solo verbo, unde ipse dixit, & facta sunt, ut dicit David; quem induxisti; sed propter peccatum hominis fecit eam malam; idest pœnalem, (13) unde sequitur ibidem Genes. 3. v. 17. *In laboribus comedes ex ea cunctis diebus vitæ tuæ: spinas, & tribulos germinabit tibi, & comedes herbam terræ: In sudore vultus tui vesceris pane tuo*. Quod autem propter peccatum hominis terra fiat sterilis, & homini pœnalis, patet per David, quem induxisti: 136. v. 39. *Posuit terram fructiferam in salsuginem &c.*

Item Jer. 26. v. 4. *Si non audieritis me, ut ambuletis in lege mea, quam dedi vobis v. 5., ut audiat sermone servorum meorum Prophetarum, quos ego misi ad vos de nocte consurgens, & dirigens, & non audistis, v. 6. dabo domum istam sicut filo, & urbem hanc dabo in maledictionem cunctis gentibus*. Item Thre. 2. v. 7. *Repulit Dominus altare suum, maledixit sanctificationi suæ &c. tradidit in manu inimici muros turrium ejus*; ergo Deus Novi Testamenti, & Deus Prophetarum maledixit res suas. Quare ergo inculpas Deum Veteris Testamenti?

Item 1. Cor. 96. v. 22. *Si quis non amat Dominum nostrum Jesum Christum sit anathema*. Item Gal. 1. v. 9. *Si quis vobis evangelizaverit præter id, quod accepistis, anathema sit*.

Ad idem inducunt illud Genes. 6. v. 7. *pœnitent enim me fecisse hominem*. Ecce quod pœnitentia cadit in Deum Veteris Testamenti, & dolor, quia dicit: *& tactus dolore cordis intrinsecus*, & ita mutatio in Deum cadit, cum e contrario dicat Jaco-

bus de Deo Novi Testamenti: Jacob. 1. v. 17. *Omne datum optimum, & omne donum perfectum desursum est, descendens a Patre luminum, apud quem non est transmutatio, nec vicissitudinis obumbratio*.

Respondeo. Non cadit dolor, vel pœnitentia in Deum, sed dicitur dolere, vel pœnitere, quia facit ad modum pœnitentis, vel dolentis de opere, (14) cum illud destruit. Similiter & Deus, quem bonum ponis, cum tamen alius non sit, hominem, quem fecerat, destruxit propter peccata sua, unde Eccles. 17. v. 1. *Deus creavit de terra hominem, & secundum imaginem suam fecit illum. v. 2. Et iterum convertit illum in ipsam*.

Præterea, si tu vituperas Deum Veteris Testamenti, quia pœnitentia, vel dolor in eum cadat, vitupera igitur Deum Prophetarum, & Deum Novi Testamenti, cui in scripturis dolor, & pœnitentia assignatur, unde Jerem. 26. v. 2. & seqq. *Noli subtrahere verbum: si forte audiant, & convertantur unusquisque a via sua mala; & pœniteat mali quod cogito facere eis propter malitiam studiorum eorum*.

Item ibidem dicitur circa medium cap. v. 13. *Nunc ergo bonas facite vias vestras, & studia vestra, & audite vocem Domini Dei vestri: & pœnitebit Dominum mali, quod locutus est adversum vos*. Item Psalm. 105. v. 45. *Memor fuit testamenti sui: & pœnituit eum secundum multitudinem misericordiæ suæ*.

De dolore Dei habetur Isaïæ 1. v. 24. *Heu, conſolabor super hostibus meis, & vindicabor de inimicis mei. v. 25. Et convertam manum meam ad te*. *Heu* interjectio dolentis est.

Item Ephes. 4. v. 30. *Nolite contristare Spiritum Sanctum Dei, in quo signati estis in die redemptionis*.

Item, quare non attendis mecum præcedentiam, & causam, quare hoc dixit Deus: *pœnitent me fecisse eos?* Genes. 5. v. 5. & seqq. Quæ fuit causa nisi peccatum? Ibi enim dicitur parum ante: *Videns autem Deus, quod multa malitia hominum esset in terra, & cuncta cogitatio cordis intenta esset ad malum omni tempore: pœnituit eum, quod hominem fecisset in terra, & tactus dolore cordis intrinsecus dixit: pœnitent enim me fecisse eos*. Et sic apparet quod peccata displicebant ei; ergo est Deus cui displicet iniquitas, & placet æquitas, ergo ex illa auctoritate: *pœnitent me, &c.* habemus, quod Deus Veteris Testamenti est bonus Deus.

Ad idem inducunt illud Genes. 6. v. 2. *Videntes filii Dei filias hominum, quod essent pulchræ, acceperunt sibi uxores ex omnibus, quas elegerant*. Ecce quod isti peccaverunt, & ita ex Diabolo sunt. Sed e contrario dicitur. 1. Johan. 3. v. 9. *Omnis, qui natus est ex Deo peccatum non facit; quoniam semen ipsius in eo manet, & non potest peccare, quoniam ex Deo natus est. In hoc manifesti sunt filii Dei,*

T 2

(12) Adeundus Augustinus lib. II. de Genes. Contra Manich. cap. xxii. col. 678. Tom. I. Opp. & lib. I. Contra Adversarium Legis & Prophetarum cap. xv. col. 559. seq. Tom. viii. Opp.

(13) Hoc idem responsionis genus adhibet Johannes Chrysostomus Homil. xvii. in Gen. pag. 148. Tom. iv. Opp. Edit. Montfauit. Paris.

(14) Adposuit Johannes Chrysostomus: Homil. xxi. pag. 200. Vide, inquit, Verbum crassum, & nostræ parvitati idoneum. Scum reputavit, inquit, pro pœnituit; non quod pœnituerit Deum, absit; sed secundum humanam consuetudinem loquitur nobis divina Scriptura, ut nos doceat; enormia illorum peccata Clementem Deum in indignationem concitasse.

Dei, & filii Diaboli. Quem nomine Dei volunt intelligi hic *videntes &c.*

Respondeo. Hoc solutum est supra in alio cap. de duplici creatione: qui natus est ex Deo nativitate gratiæ, manens in illa nativitate non peccat. Ibi autem posita est ratio expositionis.

Præterea si tu simpliciter dicas mihi: *Omnis qui natus est &c.* & ego tibi objicio illud Lucæ 15. v. 27. De filio prodigo, qui peccavit, unde ait: *Pater peccavi in calum, & coram te*. Item de ovibus Israel, patet, quoniam ex Deo natæ sunt, & tamen peccaverunt, ut dicitur Rom. 3. v. 23. *Omnes enim peccaverunt, & egent gloria Dei*.

In auctoritate Genes. inducta, nomine Dei intelligitur ibi Seth, (15) qui fuit colens Deum, unde alia littera ponit Deorum, alia potentum. Similiter Johan. 10. v. 35. *Si illos dixit Deos ad quos sermo Dei factus est, & non potest solvi Scriptura. Quem Pater sanctificavit, & misit in mundum, vos dicitis: quia blasphemias: quia dixi filius Dei sum?* Filias hominum dicit illas, quæ sunt de stirpe Cham, & dicuntur homines, sicut 1. Cor. 3. v. 3. *Cum enim sit inter vos zelus, & contentio: nonne carnales estis, & secundum hominem ambulatis?*

Ad idem inducunt illud Genes. 9. v. 1. *Benedixitque Deus Noe, & filiis ejus, Et dixit ad eos: Crescite, & multiplicamini, & replete terram*. Idem dixit primo homini, & Evæ Genes. 1. Sed e contrario dicitur Lucæ 23. v. 29. *Beata steriles, & ventres quæ non genuerunt*.

Respondeo. Imo dixit 1. Timoth. 2. 15. *Salvabitur autem mulier per filiorum generationem*. Item c. 5. v. 14. *Volo ergo juniores nubere, filios procreare, matres familias esse*.

Ad idem inducunt illud Genes. 17. v. 14. *Masculus, cujus præputii caro circumcisa non fuerit, delebitur anima illa de populo suo*. E contrario Apostolus prohibet Gal. 5. v. 2. *Si circumdamini, Christus vobis nihil proderit; ergo contrarii sunt*.

Solutio. Deus Veteris Testamenti, qui idem est cum Deo Novi Testamenti præcepit circumcisionem ad tempus, idest usque ad Christum, sicut & alia legalia Sacramenta, unde Matth. 11. v. 13. *Omnes enim Prophetæ, & lex usque ad Johannem*. Sic ergo usque ad Christum, quia quasi contemporanei fuerunt; parum enim præcessit Johannes Christum. Item Rom. 10. v. 4. *Finis enim legis Christus*, idest terminus. Apostolus autem videns hoc quod terminus esset legis, dixit Gal. 5. v. 2. *Si circumcidamini, Christus vobis nihil proderit* loquens pro tempore usque ad quem data fuit in signum. Unde Rom. 4. ubi loquitur de Abraham dicitur. 11. *Et signum accepit circumcisionis, signaculum justitiæ fidei quæ est in præputio, ut sit Pater omnium credentium per præputium*, idest in statu præputii. Sed

quam circumcisionem accepit Abraham, nisi materialem? Et a quo accepit eam in signum, & signaculum fidei? Item a quo accepit eam in signum hujus justitiæ, ut sit Pater omnium credentium per præputium? Numquid a Diabolo? Non. Ergo a Deo justo & sancto: pessime ergo eum inculpas. Constat autem quod signum erat circumcisio illa circumcisionis a culpa in anima, & a pœna in corpore. Prima fit in Ecclesia per baptismum, & pœnitentiam. Secunda autem facta est in capite nostro, idest in Christo, & fiet in membris ejus in die judicii, scilicet quando *hoc corruptibile induet incorruptionem* 1. Cor. 15. v. 53. Adveniente autem re non est curandum de umbra.

Illud vero quod sequitur in Genes. post auctoritatem inductam, sic expono. Genes. 17. v. 14. *pa-ctum meum irritum fecit*; pactum scilicet de non frangendo illo mandato: Genes. 2. v. 17. *de ligno autem scientiæ boni & mali ne comedas*. Dicitur autem illud pactum fregisse, quia ex illo fracto traxit peccatum originale, & loquitur eo modo, quo Apostolus; imo idem Deus in Apostolo Rom. 4. v. 12. & seqq. *Per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt*. Item Osee v. 7. *Sicut Adam transgressi sunt pactum meum, idest prævaricati sunt in me*. Ecce quod idem est modus loquendi in Deo Veteris Testamenti, & novi, & prophetarum. Nec mirum, quia idem est.

Ad idem inducunt illud Exodi 3. v. 21. & 22. (15) *Daboque gratiam populo huic coram Ægyptiis, & cum egrediemini, non exhibitis vacui. Sed postulabit mulier a vicina sua, & ab hospita sua, vasa argentea, & aurea, ac vestes, ponetisque eas super filios, & filias vestras, & spoliabitis Ægyptum*. Item Exodi 12. v. 50. *Feceruntque filii Israel sicut præceperat Dominus Moyse & Aaron*. Ecce Deus Veteris Testamenti suadet rapinam facere: Deus autem Novi Testamenti non rapinam arbitratus est, ut dicitur Philip. 2. v. 6.

Solutio. Ex verbis istis, nihil mali potest imputari Deo Veteris Testamenti. Non enim vult littera, quod vi, aut dolo aliquid tulerit ex Ægypto: imo magis innuit, quod gratis habuerunt quæ tulerunt secum. Duo enim dicit: Postulet & dabo gratiam. Si postulabant, ergo non tollebant per violentiam. Item si per gratiam habuerunt, ergo non fuit ibi fraus.

Si autem objicias: imputari potest ei, quia dixit: *spoliabitis*, quod sonat in malum. Accusa ergo Deum Novi Testamenti, qui in Paulo similiter faciebat 2. Cor. 11. v. 8. *Alias Ecclesias expoliavi, accipiens stipendium ad ministerium vestrum*.

Præterea, ut dicitur in lib. Sapientiæ 10. v. 20. *Justi*

(15) Neminem opinor præterit: Patres aliquot veteres in ea fuisse opinione constitutos, ut Angelos Dei accepisse filias hominum in uxores, atque ex iis filios procreasse censerent; quod pro *filii Dei*, Septuaginta legant; *Angeli Dei*. Verum ceteri omnes Setho-prognatos *filiorum Dei* nomine indicari contendunt. Videbis Johannem Chrysostomum *Hom. xxii. in Genes. pag. 196.* & ex recentioribus Benedictum Pererium *Tom. II. in Genes. lib. viii. cap. vi. pag. 6. seqq. Edit. an. 1592.*

(15) Nempe a Veteribus Gnosticis, & Manichæis mutuati sunt

hoc argumenti genus Cathari, quos noster exagitat. Tertullianus *lib. II. Contra Marcionem cap. xx. pag. 392.* Hæreticum vexat his verbis: *Ingenia tenebrarum objicientia creatori vel maxime fraudem illam, & rapinam auri, & argenti, mandatam ab illo Hæbreis in Ægyptios.* Adis Auctorem Dialogi Contra Marcionitas, qui sub Eugenii nomine circumfertur *Secl. I. pag. 311. Tom. I. Opp. Orig. Edit. Nov. & Epiphanius Hæres. lxxvi. Contra Manich. num. 71. pag. 692. Tom. I. Opp. Theodoretum Interrog. xxiii. in Exod. pag. 89. in Genes.*

Iusti tulerunt spolia impiorum. Ecce quod iusti dicuntur, quamvis illorum spolia haberent.

Præterea ipsi sciebant eos exire cum vasis suis, & urgebant eos exire, ut dicitur 12. cap. Et poterant eis auferre vasa, & vestes quas dederant; ergo volebant quod illi asportarent. Scienti autem & volenti non infertur dolus.

Præterea quid dices de Deo novi Testamenti? Nonne & ille videtur tibi fur, sit & Deus Veteris Testamenti? Apoc. 3. v. 3. *Si ergo non vigilaveris veniam ad te tamquam fur, & nescies qua hora veniam ad te.*

Item 16. v. 15. *Ecce venio sicut fur: Beatus qui vigilat, & custodit vestimenta sua, ne nudus ambulet, & videant turpitudinem ejus*. Item Johan. 4. v. 38. *Ego misi vos metere, quod vos non laborastis: alii laboraverunt, & vos in labores eorum introistis*.

Præterea cum ea omnia essent illius Dei juxta illud: *Domini est terra, & plenitudo ejus*; & Aggæi 2. v. 9. Psalm. 23. v. 1. & 1. Cor. 10. *Meum est argentum, & meum est aurum*; cur non licuit ei facere de re sua quod voluit; quemadmodum etiam dicit Deus Novi Testamenti: *Aut non licet mihi, quod volo facere*? Matth. 20. v. 15. Dominium igitur Dei excludit rapinam.

Præterea cum Hebræi liberi multo tempore Ægyptiis servissent, (16) quare non iuste potuerunt, jubente Deo mercedem sui laboris vendicare? unde Sapient. 10. v. 17. *Et reddidit iustis mercedem laborum suorum*. Ibi enim loquitur de filiis Israel.

Præterea de spoliis Zacchariæ 14. v. 1. & seqq. *Ecce veniet dies Domini, & dividantur spolia tua in medio tui. Et congregabo omnes gentes ad Hierusalem in prælium, & capietur civitas, & vastabuntur Domus, & mulieres violabuntur: & egredietur media pars Civitatis in captivitatem, & reliquum populi non auferetur ex urbe. Et egredietur Dominus, & præliabitur contra gentes illas, sicut præliatus est in die certaminis*. Ecce qualis est Deus Prophetarum qui est Deus Novi Testamenti. Heb. 1. v. 1. *Multifariam, multisque modis olim Deus loquens patribus in Prophetis: novissime diebus istis locutus est nobis in Filio, quem constituit heredem universorum*.

(16) Hoc unum est responsum quo utuntur contra Manichæos, & Gnosticos Theodoretus & Tertullianus. Nam quæ ante adhibuit Moneta, etsi ad incitas plane redigant Catharos, usurpari a veteribus minime poterant, quippe cum Marcionitæ, & Manichæi non Sapientiam solum, verum etiam Apocalypsin contemnerent, quos tamen libros Cathari vehementer probabant. Consulendi Tertullianus & Theodoretus locis indicatis notatione superiore.

(17) Paria Catholicis objiciebant Marcionitæ & Manichæi veteres; atque iisdem fere verbis: Nam apud Auctorem Dialogi, qui Origeni adscriptus ab aliquot scriptoribus est: sic Adamantium Megetius Marcionita aggreditur: *Dominus legis ait, diliges amicum tuum, & odio habebis inimicum tuum. At Dominus Noster qui bonus est, dicit: Diligite inimicos vestros, & orate pro perfectis* quibus vos. Consulendi Irenæus lib. IV. *Contra Hæres.* cap. XII. al. xxvi. pag. 242. Edit. Paris. Massuet. Et Faustus Manichæus apud Augustinum lib. XIX. *Contra Faustum* cap. III. col. 314. Tom. VIII. Opp.

(18) Perinde Auctor mox indicati Dialogi legem in hoc Evangelio consonare pugnat. l. c. Non discrepat Augustinus lib. eodem cap. XXIII. seq. col. 326.

(19) Abutebantur etiam Gnostici hoc Evangelii testimonio, quod ex Ptolemæi Hæresiarchæ ad Floram Epistola, quam refert Epiphanius Hæres. XXXIII. quæ est Ptolemæitarum cap. III. seq. plane liquet. Verum hujusce hæretici sententia aliquanto est discrepans ab Catharorum opinione. Auctor l. mox indicato Epiphanius.

Ad idem inducunt illud Matthæi (17) 5. v. 43. *Audistis, quia dictum est antiquis: diliges proximum tuum, & odio habetis inimicum tuum*. Sed constat quod hoc dictum est a Deo Veteris Testamenti: Deus autem Novi Testamenti dicit: *Diligite inimicos vestros*, igitur contrarii sunt sibi.

Solutio. Verum est, quod dictum est antiquis a Deo Veteris Testamenti: *Diliges proximum tuum*. Sed odio habebis inimicum tuum hoc asserit eis Dominus dictum, sed a quo dictum sit, non dicit, quia in tota lege hoc non invenies scriptum. Potest tamen esse, quod aliqui præsumptores & hæretici tunc temporis, quia invenerunt scriptum: (18) *Diliges proximum tuum*, a contrario sensu voluerunt inferre: & odio habebis inimicum tuum. Sed contrarium invenies dictum a Deo Veteris Testamenti Exod. 23. v. 4. *Si occurreris bovi inimici tui, aut asino erranti, reduc ad eum*. Et ibid. v. 5. *Si videris asinum odientis te jacere sub onere, non pertransibis, sed sublevabis cum eo*. Item Lev. 19. v. 17. *Non oderis Fratrem tuum in corde tuo*. Et iterum: *Non quaras ultionem, nec memor eris injuriæ civium tuorum*. Ecce Deus Veteris Testamenti Sanctus & pius idem dixit, quod Deus Novi Testamenti, scilicet: *Diligite inimicos vestros, benefacite his qui oderunt vos*; quo non solum vult, ut non ulciscamur injuriam illatam, sed etiam ut non meminerimus eam.

Ad idem inducunt illud Matthæi 5. v. 38. (19) *Audistis, quia dictum est: Oculum pro oculo, & dentem pro dente. Ego autem dico vobis, non resistere malo: sed si quis te percusserit in dexteram maxillam tuam, præbe illi alteram*. Ecce ille Deus vindictam, iste veniam imperat; igitur contrarii sunt.

Solutio. Ad hoc, & ad omnia similia, quæ repertiuntur in Evangelio, quæro prius, si est adversativum & destructivum præcedentium? Si dicit, ita est. Contra sic dicitur. *Audistis quia dictum est antiquis: non occides: qui autem occiderit reus erit judicio. Ego autem dico vobis, quia omnis qui irascitur Fratri suo, reus erit judicio &c.* Si autem est adversativum & destructivum præcedentium, idem est dicere: quidquid dictum fuerit antiquis, illo dimisso, facite quæ dico; ergo propter hoc licet occidere, & sic de similibus. (20)

Præ-

Ac Junioribus quidem Veteres Manichæi faciem prætuleraut. Testem adhibeo locupletem Augustinum; qui cum sæpe alias, tum lib. *Contra Adimantium Manichæi discipulum* cap. VIII. col. 119. Tom. VIII. Opp. De eo, inquit, quod scriptum est in Exodo: *Oculum pro oculo &c.* & cetera talia. *Huic loco Manichæi, quod in Veteri lege par permittitur... sic calumniantur, quasi & ipse Dominus hac duo sibi veluti adversantia atque contraria in Evangelio demonstraverit.*

(20) Etsi solidum sit hoc Monetæ responsum, discrepat tamen aliquanto ab eo, quod Veteres adhibuere. Nam Augustinus loco indicato notatione superiore, ostendi quidem his testimoniis discrepantiam duorum testamentorum ultro fateretur, quæ tamen ab uno eodemque Deo constituta sint. Judæis enim, qui passionibus carnalibus implicati essent, adeoque ad viudictam propensi, ne multo amplius penas exigenter, quam esset injuria cuiquam illorum conflata, datum fuisse a Deo, primum lenitatis gradum: ut injuria accepta mensuram nullo modo dolor vindicantis excederet. Huic porro gradui superpositum ab eodem Deo fuisse alterum; ut qui jam occiderat non amplius vindictam quam quisque lapsus esset, reddere, placata mente totum se donare gauderet. Id autem factum quo tempore per Evangelii gratiam ad summam pacem populum deducebat Christus. Eodem fere spectant, quæ habet auctor *Dialogi Contra Marcionitas* sect. 1. pag. 814. Tom. I. Opp. Origen.

Præterea, quomodo intelligis; *non resistere malo*? Nonne si videris infantem occidi, aut adulterium committi, nonne resistes illi malo, dummodo sine læsione proximi, & percussione? Constat quod sic; ergo necesse habes dicere; *non resistere malo*, idest revindicare; & ita verum est. Sed hoc idem præcepit Deus Veteris Testamenti Levit. 19. v. 18. *Non quaras ultionem, nec memor eris injuria Civium tuorum &c.*

Dico autem quod illud est consilium, *non resistere malo*; & non præceptum, quod probatur per hoc quod sequitur v. 39. *Si quis te percusserit in dexteram maxillam tuam, prebe illi & alteram.* Hoc enim in re Christus non servavit, sed dixit: Jo: 18. v. 23. *Si male locutus sum, testimonium perhibe de malo: Si autem bene, quid me cedis?*

Si dicis; Deus non adstringitur legibus:

Contra. Numquid Christus veniret contra verbum suum?

Præterea audi Apostolum ejus Paulum Act. 23 v. 3. cum percuteretur non præbuit maxillam, sed dixit: *percutiat te Deus, paries dealbate*, quod non fuit præbere maxillam; Lib. 5. c. 5. & 12. de hoc habetur. Quod autem debeat ibi esse percutiat, & non percutiet, vel quod animo maledicendi hoc dixerit, probatur per hoc quod sequitur v. 4. *Summum Sacerdotem Dei maledicis?* Paulus autem non dixit: non male dixi, sed (v. 5.) *Nesciebam Fratres, quia Princeps est Sacerdotum.* Nesciebam dicit, idest non approbo eum. Ideo autem non placebat ei, quia contra legem præcipiebat eum percuti. Quod autem ita sit, patet ex vi litteræ: *Scriptum est enim: Principem populi tui non maledices.* Dicis mihi si potes, cujus causam notat quod dicit: *Scriptum est enim &c.* Constat autem quod ex nullius ibi positi causam potest notare, qualitercumque velis intelligere quod dixit: *Nesciebam &c.* Oportet igitur quod notet causam alicujus subintellecti v.g. hujusmodi: Si enim scivissem eum, non maledixissem, quia *scriptum est &c.* Ex his ergo patet hoc esse consilium non præceptum.

Ad idem inducunt illud quod dicitur de occifore Exodi 21. (21) v. 23. *quod reddet animam pro anima*; e contrario dicitur Lucæ 9. v. 56. *Filius hominis non venit animas perdere, sed salvare.*

Respondeo; quomodo sumitur anima in Luca? Si pro vita ista corporali? ergo ista vita a Deo bono est; & ad ipsam salvandum missus est Christus, & ita corpora ista resurgent. Si pro spiritu humano? non est ergo ibi contrarietas aliqua. Ad illud quod dicitur in Veteri Testamento: *reddet animam pro anima*; ibi enim sumitur pro vita corporali, sicut Act. 20. v. 24. *Nec facio animam meam pretiosiores quam me &c.*

Ad idem inducunt illud Jo: 1. v. 18. *Deum nemo vidit unquam*; & 1. ad Timoth. 6. *quem nullus ho-*

minum vidit, sed nec videre potest. Sed e contrario de Deo Veteris Testamenti habetur num. 12. v. 6. *Si quis fuerit inter vos Propheta Domini, in visione apparebo ei, vel per somnium loquar ad eum. At non talis servus meus Moyses, qui in omni domo mea fidelissimus est: ore enim ad os loquor ei; & palam non per ænigmata & figuras Dominum videt.*

Solutio, si est de illis, qui ponunt duos creatores, & oves Israel fabulantur fuisse animas in cælo creatas, & per peccatum ibi factum huc venisse, & per penitentiam in corporibus istis fore salvandas;

Respondendum est sic. Quid ergo de ovibus Israel? Nonne Deum viderunt? Israel enim interpretatur: videns Deum. Dic ergo quod nullus homo in statu mortalitatis Deum vidit, unde Deus Veteris Testamenti Exod. 23. *non enim videbit me homo & vivet*, vita dico mortali; sed dicitur fuisse visus in subiecta creatura; in Angelo enim visus est. Sic testatur Stephanus Act. 7. v. 30. & seqq. *Apparuit illi in deserto montis Sina Angelus in igne flammæ rubi. Moyses autem videns admiratus est visum. Et accedente illo ut consideraret, facta est ad eum vox Domini dicens: Ego sum Deus Patrum tuorum, Deus Abraham, Deus Isaac, & Deus Jacob.* Idem etiam patet per illud Galat. 3. *Lex ordinata per Angelos in manu mediatoris.* Et illud Jo: 14. v. 8. cum Philippus diceret: *Domine ostende nobis Patrem & sufficit nobis.* Dicit ei Jesus: *Tanto tempore vobiscum sum, & non cognovistis me? Philippe qui videt me, videt & Patrem.* Constat autem quod Pater non videbatur in sua Persona; sed in Christo in quo erat, unde & ait; v. 11. *Non creditis quia ego in Pater, & Pater in me est?* Si dicat illum Angelum fuisse mentitum; per consequens Deum, qui eum misit, quia dicebat: *Ego sum Deus Patrum tuorum, Deus Abraham &c.* dicat & Angelum qui apparuit Johanni esse mentitum. Sic enim legitur Apocalypsis ult. *Et postquam audissem & vidissem, cecidi ut adorarem ante pedes Angeli, qui mihi hæc ostendebat.* Et postea paucis interpositis: *Ego sum Alpha & Omega, primus & novissimus; principium & finis.* Nonne Apocalypsis 1. idem dicitur loquens per Angelum suum servo suo Johanni.

Præterea Apostolus Hebr. 11. v. 26. dicit Deum illum invisibilem quem Moyses sustinebat in regimine illius Populi, qui multum erat gravis ei, unde de Moyse loquens ait: *invisibilem enim tamquam videns sustinuit.* (22)

Ad idem inducunt illud Levitici 26. v. 7. *Persequemini inimicos vestros.* At contra Deus Novi Testamenti. Matth. 5. v. 9. *Beati qui persecutionem patientur propter justitiam.* Et 10. *Cum autem persequantur vos in civitate ista, fugite in aliam.* Ille docuit & permisit suos persequi alios; iste fugam docuit, & persecutionem pati ab aliis eis permisit.

Respondeo; Deus Novi Testamenti dicit: *Beati &c.*

(21) Confer, quæ disputat Augustinus lib. 1. *Contra Adversarium Legis & Prophetarum* cap. xvi. seq. col. 561. seqq. Tom. vii. Opp. nam responsis Monetæ maximam affundere lucem possunt.

[22] Variæ sunt Patrum de Veteribus Patriarchis & Prophetis an Dei naturam viderint, discrepantesque sententiæ. Etsi enim Basilus, & Augustinus Moysen Dei substantiam intuitum fuisse asserunt, quibus prima Parte Q. xii. Art. xi. consentit S. Thomas; negari tamen non potest, quin Patres ceteri magnam partem hoc idem inficiantur, quos Theologi in *Tract. de Visione Dei* re-

centent. Adeundus omnino Irenæus lib. iv. cap. xx. al. xxxvii. per tot. Jam vero utra tandem sententia admittatur, ea quidem Evangelio non repugnabit. Nam Iohannes de comprehensione differt, dum ait *Deum nemo vidit unquam*: ut constat ex iis, quæ mox subjicit verbis: *Unigenitus qui est in sinu Patris.* Innuit quippe neminem ita ut Unigenitum intueri Patrem. Eadem porro ratione testimonium quoque Pauli intelligi debet. Atqui etsi Prophetæ vidissent Deum, numquam tamen comprehendissent, quod satis est, ut funditus evertatur Catharorum argumentatio.

&c. non tamen prohibuit quin propter justitiam alios persequantur; & Filii Israel hostes suos propter justitiam persequerentur. Cathari qui duo ponunt principia, inducunt: *Persequemini inimicos* &c. & alia hujusmodi.

Ad idem inducunt illud, quod dicitur: Deus Veteris Testamenti præcepit sibi immolari animalia, & in illis sacrificiis delectabatur, Levit. 6. v. 23. & num. 18. v. 29. & ibid. in pluribus locis, sicut dicit: *in odorem suavissimum Domino*. Deus autem Novi Testamenti non, unde Heb. 10. v. 5. *Hostiam & oblationem noluit*; & v. 6. *Holocautomata pro peccato non tibi placuerunt*. Ille Deus talia præcipit, iste autem respuit; ergo contrarii sunt sibi.

Solutio. Propheta qui hæc verba dicit psalm. 39. v. 9. *hostiam & oblationem noluit* &c. ad tempus gratiæ respicit, idest ad tempus Christi, in quo omnia talia cessare debuerunt; & quod ad illud tempus referantur illa verba, probatur per litteram quam inducis, quæ habetur Hebr. 10. v. 1. & seqq. *Ingressus mundum dicit: Hostiam & oblationem noluit: corpus autem aptasti mihi* &c. unde Rom. 7. v. 4. *Vos mortificati estis legi per Corpus Christi: ut sitis alterius qui ex mortuis surrexit: ut fructificemus Deo*, quasi dicat: separati estis a figuris legalibus per ipsum figuratum. Patet ergo quod Christus loquens in Propheta, hæc verba loquebatur pro tempore ingressus sui in mundum. Nos autem de plano concedimus, quod omnia legalia figurata post adventum Christi cessare debuerunt, quemadmodum legitur Colof. 2. v. 16. *Nemo ergo vos judicet in cibo, aut in potu, aut in parte diei festi, aut neomeniæ, aut sabbathorum* v. 17. *quæ sunt umbra futurorum: corpus autem Christi: Cibo aut potu sumpto, vel non sumpto secundum ritum Judæorum, aut in parte diei festi non observata, idest si nullam particularem diem festivam observatis more Judæorum, idest festi scilicet neomeniæ, aut sabbathorum quæ sunt umbra, idest figurabant. Quod autem dicis: delectabatur in illis sacrificiis, idest in figurato eorum, scilicet in oblatione Christi. Ephes. 5. v. 1. & seq. *Estote ergo imitatores Dei, sicut Filii Charissimi: & ambulate in dilectione, sicut & Christus dilexit nos, & tradidit semetipsum pro nobis oblationem & hostiam Deo in odorem suavitatis*.*

Ad idem obijciunt: Deus Veteris Testamenti dicit Genes. (23) 1. & 9. *Crescite & multiplicamini, & replete terram*. Deus autem Novi Testamenti dicit Luc. 21. v. 23. *Væ autem prægnantibus & nutriendis in illis diebus; & c.* 23. v. 29. *Beata steriles & ventres qui non genuerunt*. Et Matthæi 5. v. 28. *qui viderit mulierem ad concupiscendum eam, jam merchatus est eam in corde suo*. Ecce ille præcipit coitum; iste prohibet omnem coitum tam uxoris, quam alterius mulieris.

(23) Objeccerunt hæc etiam Catholicis Marcionitæ, quos priore libro *Contra Marcionem* cap. xxix. pag. 380. refellit Tertullianus, quem consuli volo.

(24) Egrege Tertullianus lib. 1. *Contra Marcionem* cap. xxix. pag. 380. *Multum differt, inquit, inter causam & culpam, inter statum, & excessum. Ita hujusmodi non institutio, sed exorbitatio reprobanda est, secundum censuram institutoris ipsius, cuius est tam: crescite, & multiplicamini, quam & non adulterabis, & uxorem proximi tui non concupisces; morte punientis & incestum, & sacrilegium, atque monstrosam in masculos, & in pecudes libidinum ingeniam. Sed & si nubendi jam modus po-*

Solutio. Dominus non dixit: *Beata steriles*: sed venient dies, in quibus dicent: *Beata steriles*, & prædixit destructionem Hierusalem, de qua etiam legitur Lucæ 21. v. 20. & seqq. *Cum autem videritis circumdari ab exercitu Hierusalem: tunc scitote quia appropinquavit desolatio ejus. Tunc qui in Judæa sunt, fugiant ad montes: & infra: Væ autem prægnantibus & nutriendis*; quasi dicat: *Beata steriles*, quia expeditæ erunt ad fugam; *væ autem duplex, prægnantibus & nutriendis in diebus illis*. Unum *væ*, quia parvuli qui habentur ad ubera, vel qui in utero sunt, portant difficultatem fugiendi. Aliud *væ*, quia ipsos parvulos videbunt ab uberibus abstrahi & occidi. Propter hoc nihil habes contra matrimonium, neque habes quod sæcundæ sint maledictæ, quia dicit *Beata steriles*: dicitur enim 1. Cor. 7. v. 78. *qui matrimonio jungit Virginem suam, bene facit: & qui non jungit melius facit*. Ad illud Matth. 5. *qui viderit mulierem* &c. intelligi oportet de muliere (24) non sua; dicit enim Apostolus 1. Cor. 7. v. 2. *Propter fornicationem autem unusquisque suam uxorem habeat, & unaquæque suum virum habeat*. Et intelligitur propter fornicationem vitandam. Similis enim modus loquendi habetur Rom. 4. v. 7. *quia traditus est propter delicta nostra*, supple tollenda.

Ad idem inducunt illud Matthæi 20. v. 25. *Scitis quia Principes gentium dominantur eorum: & qui majores sunt potestatem exercent in eos. Non ita erit inter vos*. Ecce Dominus principatum prohibuit, & potestatem super alios. Item 1. Petri 2. v. 13. *Subjecti igitur estote omni humanæ creaturæ propter Deum*. Et e contrario Deuteronomii 15. v. 9. dicit Legislator: *Dominaberis nationibus plurimis, & nemo tibi dominabitur*.

Solutio. Lege præcedentia, & videbis causam quare Dominus sic locutus est. Dicit enim Luc. 22. v. 24. *Facta est autem contentio inter eos quis eorum videretur esse major*. Et tunc Dominus per illa verba reduxit eos ad humilitatem. Non autem dixit, non hoc erit inter vos, idest prælatio, sed *non ita erit*, sicut & inter gentes, idest cum contentione, & dominandi libidine; sed *quicumque voluerit inter vos major fieri, sit vester minister, & qui voluerit inter vos primus esse, erit vester servus*. Sicut Filius hominis non venit ministrari, sed ministrare Matthæi 20. unde per hoc nihil contrarium.

Præterea dicit: *non ita erit inter vos*; idest inter Apostolos, unde dico, quod tu male dicis, qui Reges appellas Ecclesiarum Prælatos, unde etiam arguit illos, quorum unus ad dexteram, alter ad sinistram federe volebat.

Ad idem inducunt illud Deuteronomii 15. v. 6. *Fœnerabis gentibus multis* (25) Ecce Deus Veteris Testa-

nitur.... ejusdem erit modum figere, qui modum aliquando diffuderat.... Is dicit, superest ut & qui uxores habent, sic sint quasi non habeant, *cujus & retro fuit*, crescite, & multiplicamini.... Ejusdem finis, *cujus, & initium*. Non tamen ut accusanda ceditur silva, nec ut damnanda secatur seges.... sic & connubii res, non ut mola, securem, & falcem admittit Sanctitatis, sed ut matura defungi, ut ipsi Sanctitati reservata, cui cadendo præstat & esse &c.

(25) Hoc idem vitio vertebant Deo Veteris Testamenti Marcionitæ. Adcundus Tertullianus lib. 4. cap. xvi. *contra Marcionem* pag. 430.

Testamenti concedit usuram. Deus autem Novi Testamenti prohibet. Luc. 6. v. 35. *mutuum date, nihil inde sperantes*; ergo contrarii sunt sibi.

Solutio. Fœnerari æquivocum est ad mutuum, & ad usuram. Cum autem dixit: *Fœnerabis gentibus multis*, intelligendum est ex ipsa vi litteræ, idest mutuaberis; sequitur enim; & *ipse a nullo accipies mutuum*. Et infra: *nec contrahas manum, sed aperies eam pauperi, & dabis mutuum*, quasi dicat: Ita abundabis, si præcepta mea servaveris, quod aliis mutuabis, & a nullo accipies mutuum. (26)

Ad idem inducunt illud Genes. 22. v. 1. *Tentavit Deus Abraham*. (27) Hic est Deus Veteris Testamenti. E contra dixit Jacobus de Deo Novi Testamenti: Jacob. 1. *Ipse autem neminem tentat*.

Respondeo. Quod ergo dicitur Johann. 6. v. 5. de Christo, qui dixit Philippo: *Unde ememus panes, ut manducent hi?* Hoc autem dicebat tentans eum. Dico ergo, quod Jacobus exponit seipsum cum ait: *Deus enim intentator malorum est*, idest de malis, five de peccatis.

Si dicat quod Deus tentabat eum de malo, quia de occisione Filii, proba quod malum.

Præterea Jacob commendat eum inde 2. c. v. 20. & seq. *Vis autem scire o homo inanis, quoniam fides sine operibus otiosa est? Abraham Pater noster, nonne ex operibus justificatus est, offerens Isaac Filium suum super Altare? Vides quoniam fides cooperabatur operibus illius: & ex operibus fides consummata est? Et suppleta est Scriptura dicens: Credidit Abraham Deo & reputatum est illi ad justitiam, & amicus Dei appellatus est*.

Ad idem objiciunt sic. Levit. 3. dicitur quod per sacrificia illa mundabantur peccata (28). E contrario Hebr. 10. v. 4. *Impossibile est enim sanguine Taurorum & Hircorum auferri peccata*. Eodem etiam libro in primo cap. dicitur: quod illis sacrificiis placabatur & delectabatur tamquam odore suavissimo.

Respondeo. Non per sacrificia illa mundabantur peccata, sed per figuratum ab illis (29) idest per Christum, qui ab illis figurabatur, unde 16. Sapientie v. 5. & seqq. *Etenim cum illis supervenit sæva bestiarum ira, morsibus perversorum colubrorum exterminabantur: sed non in perpetuum ira tua permansit: sed ad correptionem in brevi turbati sunt, signum habentes salutis ad commemorationem mandati legis tuæ. Qui enim conversus est, non per hoc, quod videbat, sanabatur, sed per te omnium Salvatorem*.

Ad idem objiciunt sic. Deus Veteris Testamenti dixit Exodi 19. v. 9. *Veniam ad te in caligine nubis*: Deus autem Novi testamenti: *Lucem inhabitat inaccessibilem* 1. ad Timoth. in fine. Contrarii sunt ergo sibi.

(26) Consuluntur Tertullianus *ibid.* & Origenes *lib. vii. n. 18. contra Celsum pag. 107. Tom. 1. Opp. Edit. Novæ Paris.*

(27) Gnostici Veteribus hæc item fuisse Creatori objecta auctor est Tertullianus libro adversus Praxeam cap. xvi. pag. 509.

(29) Veteris Testamenti sacrificia execrabantur quoque Veteres Manichæi, ut ex Augustino *lib. vi. contra Faustum cap. v. col. 205. Tom. vii. Opp. & lib. xviii. cap. vi. col. 312.* ceterisque Patribus, qui contra Hæreticos calumniam acuere, plane liquet. Utebantur au-

Solutio. Idem est Lux inaccessibilis, quod caligo; quantum ad nos lux est inaccessibilis, quia ad cognitionem ejus in hoc statu accedere non possumus: Caligo, quia abscondit nobis ipsum Deum, ne ipsum videamus in specie sua.

Præterea contra ponentes duos Deos Creatores, potes inducere illud quod dicit David, loquens de bono Deo psalm. 17. *Et posuit tenebras latibulum suum*. Item psalm. 96. *Nubes & caligo in circuitu ejus*.

Item contra omnes Catharos inducas illud de Deo Novi Testamenti Apocalyp. 15. v. 8. *Et impletum est Templum Dei fumo a Majestate Dei, & de virtute ejus*. Præterea caligo nubis, idest nubes caliginosa prohibens ipsum videri. Nonne Actor. 1. v. 9. dicitur: *& nubes suscepit eum ab oculis eorum?* Et qualiter suscepit eum ab oculis eorum, nisi faciens ne viderent eum? Nubes ergo caliginosa erat. Nonne hoc est quod dicitur Ezech. 32. v. 7. *Solem nube tegam?* Et quis est iste Sol, nisi ille de quo Malachiæ 4. v. 2. *Et orietur vobis timentibus nomen meum Sol justitiæ*.

Ad idem objiciunt sic. Deus Veteris Testamenti dixit Moyfi Exod. 3. v. 5. *Ne appropinques, inquit huc. Solve calceamentum de pedibus tuis: locus enim, in quo stas, terra sancta es*. Quid etiam accideret accedentibus ad eum, patet in Oza 2. Reg. 6. qui extendens manum ad arcam Domini, percussus est. E contrario dicitur Jacobi 4. v. 8. *Appropinquate Deo, & appropinquabit vobis*. Ecce contrarietas.

Respondeo. Deus Veteris Testamenti non prohibebat appropinquare sibi, sed appropinquare irreverenter & indigne, & præter officium, sicut patet Levitic. 10. v. 1. & seq. *Arreptisque Nadab & Abiu, filii Aaron, thuribulis, imposuerunt ignem & incensum desuper, afferentes coram Domino ignem alienigenum: quod eis præceptum non erat. Egressusque ignis a Domino, devoravit eos, & mortui sunt coram Domino. Dixitque Moyses ad Aaron: Hoc est quod locutus est Dominus: Sanctificabor in iis, qui appropinquant mihi, & in conspectu omnis populi glorificabor*. Unde quare Oza sit percussus, patet, quia venit contra mandata Domini num. 4. v. 15. *Tunc intrabunt filii Caath, ut portent involuta: & non tangent vasa Sanctuarii ne moriantur*. Ibi autem dicitur: *& non tangent*. Verum est, nuda; non enim involvebantur; sed de appropinquantibus digne, dicitur Deuteronomii 33. v. 3. *Omnes Sancti in manu illius sunt: & appropinquant pedibus ejus, accipient de doctrina illius*. Et nonne etiam idem tibi videtur fieri a Deo Novi Testamenti 1. Corinth. 11. v. 29. *Qui enim manducat, & bibit indigne, judicium sibi manducat, & bibit: & cæteræ pœnæ ibi memoratæ?*

Ad idem inducunt illud Deuteronomii 21. (30)

v. 23.

tem his Pauli testimoniss, ut illis invidiam eandem conflarent.

(29) Consulitur Augustinus loco mox indicato. Cyrillus Alexandrinus *lib. 1. Glaphyr. in Levit. pag. 343. seqq. Tom. 1. Opp. Edit. an. 1638.* ceterique Ecclesiæ Patres, quorum omnium concors est, unanimisque sententia.

(30) Perinde Marcionitæ de Testamenti Veteris auctore postulabant. Auctor hujus rei Tertullianus est, qui obinde genus illud hæreticorum exagitat *lib. 111. cap. xvi. pag. 407. De exitu, inquit, pacto diversitatem tentatis inducere, negantes passionem crucis*

v. 23. *Maledictus a Deo est qui pendet in ligno*. Ecce Deus Veteris Testamenti maledixit Christum, & Apostolus sumit illud Galat. 3. v. 13. *Christus nos redemit de maledicto legis, factus pro nobis maledictus: quia scriptum est: maledictus omnis, qui pendet in ligno*. E contrario Deus novi Testamenti non maledixit Christum Filium suum.

Solutio. Non est (31) verum quod Christum maledixerit Deus Veteris Testamenti, ut patet per litteram antepositam, quia ibi loquitur de peccatore. Præterea, dato quod de Christo loqueretur, non tamen de hoc culpandus est Deus Veteris Testamenti. Si enim dicis, quod Deus Novi Testamenti Christum non maledixit. Respondeo: immo idem & plus facit. Dicitur enim 2. Cor. 5. v. 21. *Eum qui non noverat peccatum fecit pro nobis peccatum*; supple Deus Pater. De eo enim loquitur.

Præterea illa maledictio, qua Deus Christum maledixit, non est blasphemia, qua ei imprecatus fuerit malum. Non enim dixit: *Maledictus sit*, sed est. Ista autem maledictio non est aliud quam ipsa Passio, quam Christus sustinuit ex decreto Patris, ut habetur Act. 4. v. 27. *Convenerunt enim vere in Civitate ista adversus sanctum puerum tuum Jesum, quem unxisti*. Et quia ex decreto Patris passus est, ideo a Deo dicitur *maledictus* in Veteri Testamento.

Præterea, quod ista maledictio sit ejus Passio in ligno Crucis patet ex verbis Apostoli ad Galat. 3. cum ait, quod Christus factus est pro nobis maledictus, & subdit quare: *quia maledictus omnis, qui pendet in ligno*. Ergo illa maledictio est pendentia ejus in ligno.

Præterea dicit Apostolus, quod per illam maledictionem redempti sumus a Christo de maledicto legis. Constat autem quod per blasphemiam illam non sumus inde redempti; ergo maledictio illa non est blasphemia; ergo ejus maledictio est ejus passio. Nonne Deus Pater illam Passionem decrevit fieri? Utique. Ergo Deus Veteris Testamenti est Deus Pater Christi, a quo maledictus est Christus maledictione pœnæ, non culpæ. Nonne hoc dicit Apostolus Rom. 8. v. 32. *Qui etiam proprio Filio non pepercit, sed pro nobis omnibus tradidit illum*? Nonne & Deus Prophetarum ait Zachariæ 13. v. 7. *percutite, vel percutiam Pastorem, & dispergentur oves gregis*? Nonne hoc habetur Isaïæ 53. v. 8. *propter scelus populi mei percussit eum*. Idem ergo est Deus Veteris Testamenti, Deus Prophetarum, & Deus Novi Testamenti.

Ad idem objiciunt sic. Deus Veteris Testamenti tantum permittit Terram unde Genes. 15. v. 18. *Se-*

mini tuo dabo terram hanc a fluvio Ægypti usque ad fluvium magnum Euphratem. Et Exodi 3. promittit *Terram fluentem lacte & melle*. Item Isaïæ 9. v. 19. *Si volueritis & audieritis me, bona Terra comedetis*. Et Deus Novi Testamenti promittit cælum, unde Matthæi 5. v. 3. *Beati pauperes spiritu, quoniam ipsorum est regnum celorum*. Item 11. v. 19. *Et invenietis requiem animabus vestris*.

Solutio. Imo promittebat Spiritualia, sicut patet Galat. 3. (32) v. 13. *Christus nos redemit de maledicto Legis, factus pro nobis maledictus; quia scriptum est: maledictus omnis qui pendet in ligno: ut in Gentibus benedictio Abraham fieret in Christo Jesu: ut pollicitationem spiritus accipiamus per fidem*: Ecce quod benedictio Abraham debebat fieri a Christo in Gentibus, quæ est spiritualis, unde sequitur: *ut pollicitationem spiritus accipiamus per fidem*.

Item eodem cap. v. 16. *Abrahæ dicta sunt promissiones, & semini ejus: Non dicit: Et seminibus quasi in multis: sed quasi in uno: & semini tuo, qui est Christus*. Ecce quod Christus semen est Abraham ei promissum. Igitur in Veteri Testamento fiebant promissiones spirituales.

Item eodem cap. in fine. *Si autem nos Christi: ergo semen Abraham estis, secundum promissionem habedes*. Item Hebr. 11. v. 15. & seqq. *Et si quidem ipsius meminissent de qua exierunt, habebant utique tempus revertendi. Nunc autem meliorem appetunt; idest celestem. Ideo non confunditur Deus vocari Deus eorum; paravit enim illis Civitatem. Quod vocetur Deus eorum Pater Christi, dicit Petrus Act. 3. v. 13. Deus Abraham, & Deus Isaac, & Deus Jacob, Deus Patrum nostrorum glorificavit Filium suum Jesum*. Item eodem cap. Hebr. 11. v. 24. *Fide Moyses grandis factus negavit se esse Filium Filiae Pharaonis*.

Ad idem objiciunt sic. Deus Veteris Testamenti, ut dicit Apostolus ad Galat. 3. v. 13. ait: *Maledictus omnis, qui non permanserit in omnibus quæ scripta sunt in Libro Legis, ut faciat ea*. Deuteronom. 27. Unde Beatus Petrus. Act. 15. v. 10. & seqq. *Quid tentatis Deum imponere jugum super cervices Discipulorum, quod neque Patres nostri, neque nos portare potuimus? Sed per gratiam Domini nostri Jesu Christi credimus salvari, quemadmodum & illi*. Imponit ergo Deus illud impossibile, & importabile jugum. Sed Deus Novi Testamenti dicit Matthæi 11. v. 29. *Tollite jugum meum super vos, & discite a me, quia mitis sum, & humilis corde, & invenietis requiem animabus vestris*.

V

crucis in Christum creatoris predicatum, & argumentantes in super, non esse credendum, ut in id genus mortis exposuerit creator filium suum, quod ipse maledixerat: Maledictus, inquit omnis, qui pendet in ligno. Paria persequitur Tertullianus lib. v. Ejusd. Operis Cap. 111. pag. 664. Nec sibi ab hisce testimoniis opponendis Manichæi veteres temperabant. Adeundus Augustinus libro contra Adimantium Manichæi discipulum cap. 221. col. 144. & lib. xiv. Contra Faustum cap. 1. col. 263. Tom. viii. opp. ubi hæc Fausti ejusdem verba refert: *Ait maledictum esse omnem qui pendet in ligno: Hunc ergo tu vis, ut accipiam? huic ut credam? cum si divinus fuit, constet eum scientem volentemque maledixisse Christo? &c.*

(31) Eodem recidunt, quæ fusius, persequitur Augustinus lib. xiv. Contra Faustum cap. 11. seq. Vide quoque Tertullianum

lib. 111. Contra Marcionem. Cap. xviii. seqq. pag. 417. seq. quo loco multa profert, quibus mortem Christi in Cruce prænunciatam in Vetere Testamento fuisse, quidque Mysterii sub ea maledictione contineretur, demonstrat.

(32) Id etiam Gnostici vitio vertebant Deo Veteris Testamenti, quod temporalia tantum, non autem spiritualia pollicetur, legemque veterem condidisset, quæ abrogata deinde a Christo fuerit. Non discrepabant autem a Gnosticis Manichæi. Confule Irenæum lib. iv. cap. xiii. pag. 242. Tertullianum lib. v. Contra Marcionem cap. xiii. pag. 477. Augustinum libro 11. Contra Adv. legis & Prophetarum cap. vii. col. 593. & Epiphanium Hæresi lxi. n. lxxviii. seqq. Quin etiam & auctorem Carminum contra Marcionem lib. iv. pag. 636.

stris . Fugum enim meum suave est , & onus meum leve .

Solutio . Cum Petrus ait : *Quod neque Patres nostri , neque nos portare potuimus* , supplendum est de facili , & præter paucos , unde Lucæ 1. v. 6. dicitur de Elizabeth , & Zacharia , *quod erant ambo iusti ante Deum , incedentes in omnibus mandatis , & justificationibus Domini sine querela* . Et hujus etiam solutio habetur capite superiore , ubi agitur de uno Creatore , circa principem .

Ad idem inducunt illud Genes. 18. (33) v. 21. *Descendam , & videbo , utrum clamorem , qui venit ad me , opere compleverint ; an non est ita ut sciam* . E contrario dicitur de Deo Novi Testamenti . Hebr. 4. v. 13. *Et non est ulla creatura invisibilis in conspectu ejus : omnia autem nuda & aperta sunt oculis ejus , ad quem nobis sermo* .

Solutio . Nonne dicitur Marci 13. v. 32. (34) *De die autem illo , vel hora , nemo scit , neque Angeli in Cælo , neque Filius , nisi Pater ?*

Præterea per hoc quod dicitur : *Descendam & videbo* , non habes Tu quod nuper videret , sicut per hoc quod dicit descendam , non habes quod ipse in essentia sua descenderet , imo per Angelos , unde dicitur 19. Genes. v. 1. *Veneruntque duo Angeli Sodomorum vespere , sedente Loth in foribus Civitatis* . Eodem modo dico quod nuper vidit in Angelis , sicut & in eis descendit , sicut & in Apostolis dicitur loqui Matth. 10.

Præterea . Nonne ille est Deus Novi Testamenti ? Videtur quod sic . 2. Petri 2. v. 4. *Si enim Deus Angelis peccantibus non pepercit , sed rudentibus inferni detractos in tartarum tradidit cruciandos* . Et hoc probabitur in capite : quod Angeli de Cælo rue-runt , non salvantur . Dico tamen propter Catholicos instruendos , sicut Filius dicitur nescire , quia non facit nos scire , ita dicitur videre , quia facit homines , vel Angelos videre .

Ad idem obijciunt illud (35) Exod. 3. v. 13. & seqq. *Si dixerint mihi Filii Israel ; quod est nomen ejus ? Quid dicam eis ? Dixit Dominus ille ad Moysen : EGO SUM QUI SUM* . Ait : *Sic dices filiis Israel : QUI EST* misit me ad vos . Ecce qualiter notificat nomen suum . *QUI EST* &c. ita etiam & bos est . Matth. 1. & Lucæ 1. Deus autem Novi Testamenti nomen suum specificat , unde & dicit per Angelum suum : *& vocabis nomen ejus Jesum* .

Solutio . Primo respondeo , quia hoc non est nomen ejus secundum quod Deus , sed secundum quod homo , unde sic non indicavit sibi nomen suum , secundum quod Deus . Ad aliud dico , quod bene in-

dicavit nomen suum , & si tu intelligeres virtutem vocis , laudares eum qui hoc dixit . Nonne a Grammaticis sum , es , est , dicitur *Hyparcticon* , id est extraprxin ? Et quare ? Nisi quia id quod significat extra omnem motum est , & operationem quæ in motu fit . Per hoc ergo se immutabilem designavit , & operantem sine motu , quia ejus velle est ejus facere , omnia enim quæcumque voluit fecit . Nonne & Beatus Jacobus Patrem luminum declaravit , cum dicit : *Omne datum optimum , & omne donum perfectum desursum est descendens a Patre luminum ?* Jacob 1. 17. Nonne idem dicit Paulus 2. Cor. 1. v. 19. & seqq. *Dei enim Filius Jesus Christus , qui in Vobis per nos predicatus est , per me , & Sylvanum , & Timotheum , non fuit in illo EST , & NON , sed Est in illo fuit* , id est immutabilitas . Quod etiam probat per effectum : *Quotquot enim promissiones Dei sunt , in illo Est* . Nonne idem dicit Matth. 14. v. 27. Discipulis timentibus eum viderent eum ambulante super mare , & putarent eum esse phantasma : *Habete fiduciam : ego sum* . Ecce qualiter respondit simpliciter . Etiam possum tibi objicere bos est .

Si dicas : Ipsi enim eum cognoverunt tunc per vocem suam : similiter & illi eum per vocem suam *EGO SUM QUI SUM* , quia vox ista signum est immutabilitatis , quæ est folius Dei , unde ipse proprie dicitur *ENS* ; Creatura autem non , quæ est vanitati subiecta , ut habetur Rom. 8.

Præterea quare non attendis quod ibi sequitur Exodi 3. *Hæc dices Filiis Israel : Dominus Deus Patrum vestrorum apparuit mihi , Deus Abraham , Deus Isaac , & Deus Jacob misit me ad vos : hoc nomen mihi est in æternum ?* Nonne Petrus Act. 3. idem dicit : *Deus Abraham , & Deus Isaac , & Deus Jacob , Deus Patrum vestrorum glorificavit Filium suum Jesum* . Ecce quod ille est Pater Christi . Eodem ergo modo indicatur ejus nomen in Novo , & in Veteri Testamento .

Ad idem obijciunt sic (36) Deus Veteris Testamenti præcepit populo suo ne faceret opus in Sabbatho , unde dicit Exod. 31. v. 14. *Custodite Sabbathum meum ; sanctum enim est vobis : qui polluerit illud , morte morietur : qui fecerit in eo opus , peribit anima illius de medio populi sui* . Sed Deus Novi Testamenti opera sua faciebat in Sabbatho ; similiter & ejus discipuli Matthæi 12. esurientes evelebant spicas , & Dominus eos excusavit contra Phariseos , dicentes , eos facere quod non licet .

Ad hoc dico quod totum ab uno fuit (37) & observantia Sabbathi , & ejus solutio , & sine culpa licuit

(33) Festive , ut solet , proponit Tertullianus argumentum hoc a Marcionitis adhibitum lib. 11. cap. xxvi. pag. 395. *Sed ad Sodomam ; & Gomorrhæam descendens , videbo , ait , si secundum clamorem pervenientem ad me consument ; si vero non , ut agnoscam* . Et hic videlicet ex ignorantia incertus , & scire cupidus .

(34) Perinde responderet Tertullianus , si Marcionis argumento vis ulla inesset , redargui Deum Novi Testamenti posse , siquidem is a Deo veteris discreparet . *An hic sonus pronunciationis necessarius ; non dubitativum , sed comminativum exprimens sensum subsciscitationis obtentu ? Quod si descensum quoque Dei irrides , quasi aliter non potuerit perficere judicium , nisi descendisset ; Vide ne tuum aque Deum pulses . Nam & ille descendit , ut quod vellet , efficeret* .

(35) Numquam veteres Gnostici , & Manichæi hoc argumenti

genere , usi sunt , quod inde viderent nihil se posse exculpere : verum Cathari cum pinguiore essent minerva , ne ab iis quidem sibi testimoniis temperabant , quæ maxime illis adversabantur . Nam quid hoc tandem probat , quam Deum Veteris Testamenti bonum esse , & per se existentem .

(36) Id quoque Catholicis opponebant Veteres heterodoxi , qui Legem Moysi aversebantur . Adeundus Irenæus lib. iv. cap. viii. pag. 206. & Tertullianus lib. iv. Contra Marcionem cap. xii. pag. 414. & Augustinus lib. xvii. Contra Faustum cap. 1. seq. col. 309. quo loco Manichæi ejusdem verba refert .

(37) Adeundi loc. cit. Patres quos nota superiore recensui , quique argumentum Gnosticorum ita tere , ut Moneta dissolvunt ; quamvis tamen Irenæus , & Tertullianus non sublatum omnino , sed observa-

cuit ei mutare; sicut & quædam alia, ut jam diximus in præcedenti radice, unde & Matthæi 12. v. 8. *Dominus enim est Filius hominis etiam Sabbathi*. Quod etiam patet Hebr. 4. v. 3. & seqq. *Et quidem operibus ab institutione Mundi perfectis*. Dixit enim in quodam loco de die septima sic. *Et requievit Deus die septima ab omnibus operibus suis*. Et in isto rursum; *sint roibunt in requiem meam*. Quis autem hoc dixerit, habetur in superiori cap. ad Hebr. 3. v. 7. *quapropter sicut dicit Spiritus Sanctus &c.*

Præterea Sabbathum figura erat, sive signum futuri Sabbathi, de quo habetur Hebræorum 4. v. 9. *relinquitur Sabbathismus Populo Dei*. Quod autem esset signum 31. Exodi v. 13. patet, ubi dicitur: *Videte ut Sabbathum meum custodiatis: quia signum est inter me & vos in generationibus vestris*. Simile ad Colossenses 2. v. 16. & 17. *Sabbathorum quæ sunt umbra futurorum &c.*

Ad idem obijciunt sic. Si Christus esset Filius Dei Veteris Testamenti, deberet in operibus imitari Patrem suum. Ipse enim ait Johan. 5. v. 19. *Non potest Filius a se facere quidquam, nisi quod viderit Patrem facientem: quæcumque enim ille fecerit, hæc & Filius similiter facit*. Et iterum Jo: 10. v. 4. *Si non facio opera Patris mei, nolite credere mihi*. Sed ista quæ faciebat Jesus, non erant opera Dei Veteris Testamenti, imo contraria ei; (38) ergo ille non erat Pater Christi.

Solutio. Non dixit quæcumque ille (39) fecit, sed facit, de præsentī loquens, ut etiam patet ibi per seriem litteræ quæ sequitur: *Pater enim diligit Filium, & omnia demonstrat ei quæ ipse facit, & majora his demonstrabit eis opera, ut vos miremini*. Sicut enim Pater suscitavit mortuos, & vivificat: sic & Filius quos vult vivificat. Ubi etiam patet quod de operibus miraculorum loquitur, unde dico, quod illa opera Christi, erant opera Dei Veteris Testamenti Patris sui, ut probabitur in sequenti capitulo, quod Deus Veteris Testamenti fuit bonus, & fuit Pater Christi. Similiter dico quod illa opera Dei Veteris Testamenti, fuerunt opera Christi, ut probabimus postea.

Item in Novo Testamento invenimus similia fieri a Deo Novi Testamenti, etsi non omnia: aliqua enim sunt mutata; Nonne Christus aliqua mutavit?

observatum a Christo religiose fuisse, atque ita ut par erat Sabbathum addant; cum non venisset dissolvere legem, sed adimplere.

(38) Sic etiam argumentabantur Marcionitæ, & Manichæi. Nempe si Deus Novi Testamenti unus atque idem est, quid ergo causæ fuit, cur Novi conditor non eadem præscripserit, quæ Veteris institutor præscripsit, sed omnia potius revocarit? Præstat audire Auctorem Carminum contra Marcionem, quæ Tertulliano adscribi solent: pag. 636.

Cur Deus ergo jubet pecorum sibi sanguine fundi?

Legeque constringit, ne quis transcederet errans.

In populo, lapidum præsentī morte minatus:

Atque iterum hæc reprobat, negat hæc sibi munera grata,

Corripuens plebem peccati examine pressam.

Ipse jubet verax; justus simul ipse repellit?

Mentibus orbat, quas amiserunt furentes,

Externum legi Christum affirmare volentes,

Nec mundi Dominum, carnis neque velle salutem,

Nec virtute Patris, factorem corporis ipsum;

Quos obturatis fugiendam est auribus ultro.

Ad idem obijciunt sic: Deus Veteris Testamenti (40) Exodi 21. v. 25. præcepit fieri *vulnus pro vulnere*. Deus autem Novi Testamenti servum Pontificis quem Petrus vulneraverat, sanavit. Et ita contrarii sunt.

Respondeo contra illos, qui duos ponunt Creatores illud quod dicitur Job 5. v. 18. *ipse vulnerat & medetur, percutit & manus ejus sanabunt*. Unde dico quod idem fuit qui præceptum dedit, & qui servum sanavit.

Præterea contra omnes Catharos respondeo. Etsi sanavit vulnus servi, non prohibuit fieri vulnus a potestate, sive a Judice in casu.

Præterea si sanavit vulnus illud contra ponentes duo principia; ergo sanitas ista naturalis & corruptibilis est ab eo. Sed contra ponentes unum principium, dicas: si reficit ista corpora, quare negas facere illa?

Ad idem obijciunt sic. Deus Veteris Testamenti præcepit occidi Fratrem suum; ut patet Exodi 32. v. 27. & seqq. *Ponat vir gladium super femur suum: ite & redite de porta usque ad portam per medium castrorum, & occidat unusquisque fratrem, & amicum, & proximum suum*. Feceruntque Filii Levi juxta sermonem Moysi: *cecidervntque in die illa quasi triginta millia hominum*. Deus autem Novi Testamenti præcepit eum diligi, unde 1. Johan. 4. v. 21. *hoc mandatum habemus a Deo: ut qui diligit Deum, diligit & Fratrem suum*. In quo apparet crudelitas Dei Veteris Testamenti, & mansuetudo Dei Novi Testamenti, & per consequens contrarietas eorum ad invicem.

Respondeo. Numquid in illo præcepto: *Diliges proximum tuum &c.* Matth. 22. & Marc. 12. datum est mandatum de corpore diligendo? Si sic, ergo corpus est de imperio suo, & factura.

Præterea; ergo corpus bonum est, & a Deo bono factum & formatum, quod tu tamen negas, ubi sine velamine loqueris.

Præterea dico: Deus Novi Testamenti præcepit Fratrem diligi, imo & inimicum, sed non præcepit eum non occidi a Potestate pro aliquibus peccatis, cum istud sit justum (41) ut patet Hebr. 2. v. 2. & seqq. *Si enim qui per Angelos dictus est sermo, factus est firmus, & omnis prævaricatio, & inobedientia accepit justam mercedis retributionem: quomodo*

V 2

modo

Ne sermone suo maculent innoxia corda.

(39) Ita quoque Patres. Verum Auctor Carminum l. c. Veteris quoque legis Filium fuisse auctorem ait, eam porro revocasse, quod ad cæremonias attinebat, quia figuræ erant Novi Instrumenti.

(40) Simile est hoc argumentum illorum quæ supra notatione xx. & alibi per sepe indicavimus, quemadmodum fuerint a Patribus revocata. Adire tamen poterit præterea Lector quæ exstant in *Actis Archelai* num. xl. pag. 69. & pag. 73. Edit. Zaccagn. an. 1698.

(41) Id vero ne Basilidiani quidem negabant. Nam Basilides apud Clementem Alexandrinum lib. iv. Strom. pag. 600. Edit. Oxon. fatetur juste puniri eum, qui aut occisor fuerit, aut adulter. Atque hæc quidem est omni Patrum, & Hagiographorum communis & pervulgata sententia. Nam si impune homines scelesti in alios grassarentur, quæ tandem esse posset pax in Republica? Pulchre Tertullianus: *Metu ultionis, inquit, omnis iniquitas refrænatur*. Ceterum passim emissa libertate dominabitur, utramque oculum effossura, & omnem dentem excitatura præ impunitatis securitate.

modo nos effugiemus si tantam neglexerimus salutem? Quis autem sit ille sermo datus per Angelos patet ad Galat. 3. v. 19. Lex ordinata per Angelos in manu mediatoris.

Item quare vituperas, si occidit eos quos iustum est occidi? Quare non attendis quod dicit Apostolus Rom. 3. v. 5. *Numquid iniquus Deus, qui infert iram? (secundum hominem dico) Absit: alioquin, quomodo iudicabit Deus hunc Mundum?* Infert, dixit, iram, idest pœnam in præsenti, & est sensus; si inferendo pœnam temporalem est iniquus, multo magis iniquus erit inferendo æternam.

Præterea numquid dilectio Fratris excludit occisionem, qua quis dignus est pro peccato suo, sicut vult Rom. 1?

Si dicas non excludit, quare ergo inculpas Deum Veteris Testamenti de ultione Fratris facta ab eo per Moysen? Si dicas, quod excludit eam, neque possunt esse simul dilectio & occisio: quid dices ad Abraham, qui unicum Filium occidebat ex Dei mandato, & tamen eum diligebat, super quo etiam laudabatur a B. Jacobo 2. v. 20. *Vis autem scire, o homo inanis quoniam fides sine operibus mortua est? Abraham Pater noster nonne ex operibus iustificatus est, offerens Isaac filium suum super altare?* & Apostolus Heb. 11.

Ad idem obijciunt sic. Deus Veteris Testamenti præcepit adulterantes lapidari Levit. 20. (42) Deus Novi Testamenti absolvit mulierem deprehensam in adulterio Jo: 8. v. 11. dicens. *Nec ego te condemnabo. Vade & jam amplius noli peccare.*

Solutio. Dico quod non prohibuit eam lapidari, licet eam non condemnasset, neque etiam hodie lapidatur, licet possit fieri de jure.

Præterea. Numquid in illo adventu venerat Iudex esse? Constat quod non. Sic enim legitur Jo: 3. v. 17. *Non enim misit Deus Filium suum, ut iudicet Mundum, sed ut salvetur Mundus per ipsum.* Ergo non debebat eam condemnare. (43)

Ad idem obijciunt sic. (44) In Deuteronom. 13. ubi agitur de eo, qui vult aliquem abstrahere a cultu Dei, dicitur v. 8. *Neque parcat ei oculus tuus, ut miserearis, & occultes eum: sed statim interficies.* E contrario in Lucæ 6. v. 36. *Estote ergo misericordes, sicut & Pater vester misericors est.*

Respondeo. Non dixit, plus sitis misericordes;

(42) Veteres Gnosticos contra Deum Creatorem sævisse, quod morte affici adulteros constituisset tradit Homil. xi. in Leviticum Origenes Adamantius. Hæc eadem erat Epiphani & Carpocratianorum sententia, ut est auctor Clemens Alexandrinus lib. 11. Strom. pag. 512.

(43) Paria habet Clemens Alexandrinus loco mox indicato pag. 513. Origenes porro ibid. *Quid igitur? inquit, dicemus quod lex Moysi crudelis sit quæ jubet puniri adulterum, vel adulteram? Et Evangelium Christi per inauferentiam resolvit auditores in deterius? Non ita est. Propterea enim sermonem Pauli protulimus in superioribus dicentis: quanto magis deterioribus suppliciis dignus est qui filium Dei conculeverit? Audi ergo quomodo neque tunc crudelis fuerit lex, neque nunc dissolutum videatur Evangelium propter veniam largitatem, sed in utroque Dei benignitas diversa dispensatione teneatur. . . . Et ideo invenitur hoc genus præcepti non crudele, sicut hæretici asserunt, accusantes legem Dei, & negantes in ea humanitatis aliquid contineri. Non probo quod ibidem habet Origenes, quod hæc supplicii pœna in Vetere Testamento purgarentur a scelere, qui lapsi essent in adulterium; in novo autem pœni-*

ipse autem est misericors & iustus. Numquid ipse semper miseretur, vel parcat? imo graviter punit etiam in præsenti, ut dicetur in hac eadem radice; unde Psalm. 39. *Deus ultionum Dominus: Deus ultionum libere egit.* Bis dicit ultionum, quia ulciscitur in præsenti, & in futuro. Nonne hoc dicit Paulus Rom. 1. v. 18. *Revelatur enim ira Dei de cælo super omnem impietatem, & injustitiam hominum eorum, qui veritatem Dei in justitia detinent?* De præsenti loquitur.

Ad idem obijciunt illud Deuteronomii 2. v. 30. (45) *Noluitque Seon Rex Hesebon dare nobis transitum: quia induraverat Dominus Deus tuus spiritum ejus, & obfirmaverat cor illius, ut tradere-tur in manus tuas, sicut nunc vides.* Ecce nunc qualis est iste Deus, qui non permittit illum Regem acquiescere populo suo Israel, ut occideret eum; nonne dolosus est, & crudelis? E contrario dicit Petrus ep. 1. c. 2. v. 20. *Qui peccatum non fecit, nec inventus est dolus in ore ejus.*

Respondeo. Imo permittit, (46) sed ille induratus in malitia non acquievit.

Sed dices: Nonne ille Deus induravit eum? Ita dicitur ibi.

Respondeo. Deus dicitur indurare, non quia duritiam ponat in homine, sed quia in duritia hominem dimittit propter peccata sua, a quibus non vult exire; quod patet ex littera præcedente in eodem cap. v. 26. Deuter. 2. *Misi ergo nuncios de solitudine Chademoth ad Sehon Regem Hesebon verbis pacificis dicens: Transibimus per terram tuam, publica gradiemur via: non declinabimus neque ad dexteram, neque ad sinistram. Alimenta pretio vende nobis, ut vescamur: aquam pecunia tribue, & sic vivemus. Tantum est ut nobis concedas transitum.*

Præterea, nonne idem inveneris de Deo Novi Testamenti ad Rom. 9. v. 18. *Deus cujus vult miseretur, & quem vult indurat.* Hoc dicitur de bono Deo.

Similiter contra illos, qui ponunt duos Creatores, inducas illud Isaia 63. v. 17. *Indurasti cor nostrum ne timeremus te:* Ecce quod Deus Prophetarum indurat, qui bonus est etiam secundum Te, qui ponis duo principia. [*] Quod tamen permissive intelligendum est, sicut & illud Exodi 7. v. 3. *indurabo cor ejus, idest in duritia sua permit-*

tentiæ præsidio; quasi vero pœnitentia ad purgationem non fuerit olim necessaria.

(44) Eodem recidit hoc argumentum, quo cetera superius aliquanto allata; quare non est opus quidquam adjicere. Consultor interea Titus Bostrensis l. 11. Contra Manichæos pag. 155.

(45) Nempe hoc simile est ejus, quod Gnostici, Manichæique veteres de obduratione Pharaonis a Deo factæ Catholicis opponebant. Vide Tertullianum lib. 11. Contra Marcionem xiv. pag. 389.

(46) Audiendus omnino Tertullianus, qui perinde disserit de Pharaonis obduratione. *Indurat cor Pharaonis, inquit, sed meruerat in exitum subministrari, qui jam negaverat Deum: qui jam legatos ejus toties superbus excusserat, qui jam populo labore operis adjecerat, &c. . . . cujus si ratio constitit, nunc & severitas. & per quæ severitas decurrit, rationi & justitiæ reputabuntur. Ac ne pluribus immoremur, adserite causas ceteras quoque, ut sententias condemnetis: excusate delicta, ut judicia reprobetis. Videtis quæ habet Augustinus lib. v. Quaestio-nem in Deuteronom. Q. 11. col. 555. Tom. 11. P. 1.*

[*] Deest in Bonon. & in Vat.

mittam, quæ tamen duritia non fuit naturæ, sed voluntatis liberæ; quod patet, cum Dominus dixerit ei Exodi 10. v. 3. *Usquequo non vis subiaci mihi, dimitte populum meum ut sacrificet mihi* v. 4. & seqq. *sin autem resistis, & non vis dimittere eum, ecce ego inducam cras locustam in fines tuos: quæ operiat superficiem terræ, ne quidquam ejus appareat, sed comedatur, quod residuum fuerit grandini: Corrodet enim omnia ligna, quæ germinant in agris: Et replebunt domos tuas, & servorum tuorum, & omnium Ægyptiorum; quantam non viderunt Patres tui & avi ex quo orti sunt super terram usque in præsentem diem.* Hoc etiam patet ex confessione Pharaonis Exodi 9. v. 27. *Peccavi etiam nunc: Dominus justus; & ego & populus meus impii.*

Item dixit Exodi 10. Patet ergo ex his verbis: *usquequo &c.* liberam in Pharaone fuisse voluntatem, & obdurationem ejus non naturæ fuisse, sed voluntatis perversæ. Quod autem dicit Dominus: *indurabo &c.* modus loquendi est, sicuti etiam de Domino aliquo dicitur, quod ipse servum aut Filium pravum fecerit, quia patiens erga eum fuit. Sic enim ait fermo divinus Exodi 8. v. 15. *Videns autem Pharao quod data esset requies, ingravit cor suum, & non audiuit eos, sicut præceperat Dominus.* Ubi patet quod indulta requies aggravavit cor ejus. Vis autem hoc videre? Cum percuteretur mitigabatur, cum relaxaretur ingravabatur. Sic illum impium divina severitas inclinabat, bonitas obdurabat, & ut secundum liberum arbitrium esse ostendere, & castigante Domino Populum dimittere promittebat, eo parcente revocabat; populumque Israel, quem post decimam plagam emisit, ad primam eum mittere potuisse, voluntas postrema testatur, cum etiam inter medias correptiones profiteatur: *Dominus justus, & ego & populus meus impii.* [*]

Ad idem inducunt illud Exodi 21. v. 12. & 13. *Qui percusserit hominem volens occidere morte moriatur. Qui autem non est insidiatus, sed Deus tradidit illum in manus illius, constituam tibi locum, in quem fugere debeat.* Sed Dominus Jesus non tradidit aliquem peccatorem in manus alicujus ad occidendum, imo, ut legitur Ephesiorum 5. v. 2. *tradidit seipsum pro nobis oblationem & hostiam Deo in odorem suavitatis.*

Solutio contra eos qui ponunt duo principia. Respondeo illud quod habetur Threnor. 2. v. 6. *Oblivioni tradidit Dominus in Sion festivitatem & Sabbathum: & in opprobrium & in indignationem furoris sui Regem & Sacerdotem.* Et quomodo dicitur Threnor. 5. v. 43. *Aperuisti in furore, & percussisti nos: occidisti, nec pepercisti.* Respondit Ezech. 15. v. 6. *Quomodo lignum vitis inter ligna sylvarum, quod dedi igni ad devorandum, sic tradam habitatores Hierusalem.*

Præterea contra omnes facit illud quod dicitur Matthæi 22. v. 7. *& missis exercitibus suis, perdidit homicidas illos, & civitatem illorum succendit.*

Ad idem inducunt illud Numer. 11. v. 1. *Interea ortum est murmur Populi quasi dolentium pro labore contra Dominum. Quod cum audisset Dominus iratus est. Et accensus in eos ignis Domini devoravit extremam castrorum partem. Sed Christus ignem alium misit in Terram, ut dicitur Lucæ 12. v. 49. Ignem veni mittere in Terram.*

Hujus objectionis solutio patet ex jam dictis, auctoritate Matthæi 22. & missis &c. Item 22. Ezech. in fine ubi dicitur: *in igne iræ meæ consumpsi eos: viam eorum in caput eorum reddidi, ait Dominus Deus.*

Ad idem inducunt illud 1. Reg. 16. v. 14. *Spiritus Domini malus arripiebat Saul.* Item Judicum 9. v. 23. *Misitque Dominus spiritum pessimum inter Abimelech & habitatores Sichem.* Nusquam autem legitur in Novo Testamento, quod spiritus cælestis Patris malus sit, aut pessimus, imo bonus, unde Lucæ 11. v. 13. *Si ergo vos, cum sitis mali, nostis bona dare filiis vestris: quanto magis Pater vester de cælo dabit spiritum bonum petentibus se?*

Solutio. Spiritus Domini quandoque dicitur ipse Deus, & sic accipitur pro Spiritu increato. Jo. 4. v. 24. *Spiritus est Deus.* Item Jo. 16. v. 13. *Cum autem venerit ille Spiritus veritatis, docebit vos omnem veritatem.* & Galat. 4. v. 6. *Misit Deus Spiritum Filii sui in corda vestra, clamantem Abba Pater.* Et in pluribus aliis locis. Quandoque sumitur pro spiritu creato, & bono. Heb. 1. v. 14. *Omnes sunt administratorii spiritus: in ministerium missi propter eos, qui hereditatem capiunt salutis.* Quandoque pro spiritu creato, & malo, & sic sumitur in Libro Regum, & dicitur spiritus Domini per creatorem, non in eo quod malus sit; de hoc habetur Eccles. 39. v. 33. *Sunt spiritus qui ad vindictam creati sunt.*

Item Job 4. v. 7. *Quis unquam innocens periit? aut quomodo recti deleti sunt?* v. 8. *Quin potius vidi eos qui operantur iniquitatem, & seminant dolores & metunt eos, flante Deo periisse, & spiritu oris ejus esse consumptos.* Quod autem spiritus mali sint a Deo bono per creationem, habetur in capite de creatione invisibilium a Deo Novi Testamenti.

Præterea, quod dicitur: *Misit* permissive intelligitur, idest ire permisit.

§. II.

De secunda radice, quæ est Mutabilitas, & quia Vetus Testamentum mutabile esse videtur, Hæretici dicunt, quod dator Veteris Testamenti fuit malus.

Circa secundam radicem, quæ est Mutabilitas, quæ videtur fuisse in Deo Veteris Testamenti, sic obijciunt. (47) Deus Veteris Testamenti dicit Exod. 3. v. 5. *Solve calceamentum de pedibus tuis: locus enim in quo stas Terra sancta est.* Sed postea 12. dicit v. 11. *Calceamenta habebitis in pedibus vestris.*

(47) Hoc tam ineptum argumentum ab antiquis Gnosticis adhibitum fuisse nusquam reperio. Non enim, ut alias sæpe animad-

verti tam erant ridiculo incitoque Cathari capite.

stris. Item Ephesiorum 6. v. 15. Deus Novi Testamenti dicit suis: *calceati pedes in præparationem Evangelii pacis*. Ecce quod & sibi contrarius est Deus Veteris Testamenti, & ita mutabilis. Contrarius etiam fuit Deo Novi Testamenti.

Solutio. Imo convenit cum Deo Novi Testamenti, præcipiens calceamenta haberi in pedibus.

Si dicas quod sibi contrarius est & mutabilis, quid dices de Deo Novi Testamenti? Nonne mutabilis est in illo modo, scilicet, aliquando unum præcipiendo, & alio tempore contrarium? Dicit enim Discipulis Matthæi 10. v. 5. *In viam gentium ne abieritis, & in civitates Samaritanorum ne intraveritis*. In fine vero Marci dixit eis: *Prædicate Evangelium omni creaturæ*. Matthæi ultimo dixit: *docete omnes gentes: baptizantes eos in nomine Patris, & Filii, & Spiritu Sancti*.

Item Act. 1. v. 8. *Accipietis virtutem supervenientis Spiritu Sancti in vos, & eritis mihi testes in Jerusalem, & in omni Judæa, & Samaria, & usque ad ultimum terræ*; ergo non Deus Veteris Testamenti; nec Deus Novi Testamenti, qui idem est cum illo, mutabilis est in se, vel sibi contrarius, licet diversa præceperit pro loco & tempore.

Ad idem inducunt illud Exod. 32. v. 10. postquam Filii Israel adoraverunt Vitulum, dixit ille Deus Moyfi: *Dimitte me, ut irascatur furor meus contra eos & deleam eos* (48) placatus infra est Dominus ne faceret malum, quod locutus fuerat contra populum suum. Ecce quam mutabilis est Deus Veteris Testamenti. Deus autem Novi Testamenti immutabilis est, juxta illud Jacobi 1. v. 17. *Apud quem non est transmutatio*.

Solutio. Mutabilitas non est in eo, sed in nobis; (49) secundum enim varietatem temporum, & merita personarum, modo inferre vult malum pœnæ peccantibus, modo placari pœnitentibus. Nunquid dices solem mutabilem in se, quia aliqua dissolvit, aliqua vero unit? Item aliqua mollicat, aliqua indurat: quia eisdem oculis aliquando est delectabilis, aliquando noxius? Sic & sol justitiæ absque sui mutatione diversa operatur, & secundum varietatem temporum & merita Personarum modo irascitur, modo placatur; irascitur peccantibus, placatur autem pœnitentibus.

Præterea, contra eos, qui ponunt duo prin-

cipia; nonne Deus Prophetarum similia faciebat Ezech. 20. v. 21. & seqq. ubi ait: *& comminatus sum ut effunderem furorem meum super eos, & implem iram meam in eis in deserto. Averti autem manum meam, & feci propter nomen meum, ut non violaretur coram gentibus, de quibus ejeci eos in oculis eorum?* Nonne hoc dicit David: *Iratus es, & misertus es nobis?* Nonne & Paulus dicit Rom. 1. v. 18. Psal. 59. *Revelatur enim ira Dei de cælo super omnem impietatem & injustitiam hominum eorum, qui veritatem Dei in injustitia detinent?* Quod placetur, patet Isaïæ 61. v. 2. *Ut prædicarem annum placabilem Domino, & diem ultionis Deo nostro*. Marci 3. v. 5. *Et circumspiciens eos Jesus cum ira, contristatus super cecitate cordis eorum*.

Ad idem inducunt illud Exodi 20. v. 14. (50) *Non mœchaberis*. Hæc dixit Deus Veteris Testamenti; & idem Deus dicit 2. Reg. 12. v. 13. *Ecce ego suscitabo super Te malum de domo tua, & tollam uxores tuas in oculis tuis, & dabo proximo tuo, id est filio*. Ecce quanta mutabilitas in Deo Veteris Testamenti, & quam turpe & abominabile quod fecit.

Item aperiebat vulvas mulierum, ut habetur Genes. 29. Vide quanta turpitudine fuerit in Deo Veteris Testamenti.

Solutio ad hoc est. Quid dices Tu de Deo Novi Testamenti Rom. 1. v. 24. *Propter quod tradidit illos Deus in desideria cordis eorum, in immunditiam: ut contumeliis afficiant corpora sua in semetipsis?* Item: *tradidit illos Deus in passiones ignominie. Nam feminae eorum immutaverunt naturalem usum in eum usum quod est contra naturam. Similiter in desideriis suis invicem, masculis in masculos turpitudinem operantes?* Si vis dicere quod intelligitur sic tradidit, id est permittit, & ego similiter dico de Deo Veteris Testamenti.

Præterea, quid de Deo Prophetarum Zachariæ 14. v. 1. & seqq. *Ecce venient dies Domini, & dividuntur spolia tua in medio tui: & congregabo omnes gentes ad Jerusalem in prælium &c?*

Ad aliud de mutatione respondeo, ut prius dictum est.

Præterea quid dices; Nonne Paulus dixit Galat. 5. *Si circumcidamini, Christus vobis nihil proderit?* Nonne postea circumcidit Timoth. Act. 96.

Ad idem inducunt illud Exodi 20. v. 4. (51) *Non facies*

(48) Simile quidpiam opponebant Catholicis Marcionitæ; ut prodit lib. 11. cap. xxvi. seq. 395. Tertullianus. Sic enim argumentabantur. *Satis & tunc pusillus Deus in ipsa etiam ferocia sua, cum ob vituli consecrationem efferatus in populum, de famulo suo postulat Moyse, sine me, & in ira disperdam illos, & faciam te in nationem magnam*. Quare idem ipse Tertullianus Marcionis affleas alloquens. *Meliorum, inquit, soletis affirmare Moysem Deo suo, deprecatorem, immo & prohibitorum ira. Non facies enim, inquit, istud, aut & me una cum eis impende*.

(49) Non explicat Moneta quemadmodum hic Sacre Scripturæ locus intelligi debeat. Id vero præter alios perfecit Tertullianus loco mox indicato. *Sufficit, inquit, si & Moyfi proprie donatus est populus ad præsens, quod ut famulus postulare posset a Domino, id Dominus a se postulavit. Ad hoc enim famulo dixit, sine me: & disperdam illos, ut ille postulando, & semetipsum offerendo non fineret, atque ita diceret quantum liceat fidei, & propheta apud Deum. Jam nunc est, & cetera compendio absolvam, quæcumque adhuc ut pusilla, &*

infirmæ, & indigna colligitis ad destructionem creatoris, simpliciter & certa ratione proponam. Deum non potuisse humanos congressus inire, nisi humanos & sensus & affectus suscepisset, per quos vim majestatis suæ, intolerabilem utique humane mediocritati, humilitate temperaret, sibi quidem indigna, homini autem necessaria; & ita, jam Deo digna, quia nihil tam dignum Deo, quam salus hominis. De isto pluribus retractarem, si cum Ethnicis agerem; quamquam, & cum hæreticis non multo diversa congressio stet, &c.

(50) Ridiculum est hoc antilogiæ genus. Nihil enim judicant aliud, quam Deum permisisse, ut unius hominis uxores ob scelera alterius fierent: non tamen probasse Mæchiam. Quemadmodum autem Deus permittat identidem mala; exsequitur Augustinus non in libris solum de Libero Arbitrio; verum etiam in aliis, quos contra Manichæos, & Pelagianos perscripsit.

(51) Non abludebant Gnostici, præsertimque ii, qui erant a Marcione. Tertullianus lib. 11. cap. xxi. pag. 492. *Sic & in ceteris, inquit, contrarietates præceptorum ei (Creatori o Marcion.) exprobras, ut mobili & instabili*.

facies tibi sculptile, neque omnem similitudinem. Et infra 25. v. 18. *facies duos quoque Cherubim aureos.* Ecce quanta mutabilitas; facies, & non facies.

Solutio. Non facies ad colendum ut Deum. (52) Et quod ita sic intelligendum patet ex littera Exodi 20. v. 5. *Non adorabis ea, neque coles.* Cherubim vero non fecit fieri ad colendum tamquam Deum, unde & duos voluit fieri, ut ex collatione ad id, quod dictum fuerat, *audi Israel: Dominus Deus tuus unus est*, cognoscerent quod non essent adorandi tamquam Dii, cum Deus eorum unicus esset.

§. III.

De tertia radice, quæ est Crudelitas, quæ esse videtur (53) in Deo Veteris Testamenti.

Circa tertiam radicem, quæ est Crudelitas, quæ in illo Deo Veteris Testamenti apparet, obijciunt sic. Qualis est Deus Veteris Testamenti, qui tot millia hominum submersit in diluvio Genes. 6. & 14. & 19. & in mari rubro. Exod. 14. & in multis aliis locis? Si erat Omnipotens, & omnia sciens, sciebat eos peccaturos & futuros malos, & propter hoc damnandos; quare ergo fecit eos? Crudelis est iste Deus, qui ad hoc fecit homines, ut perderet. (54)

Solutio contra illos qui ponunt unum Creatorem. Quæro, quare fecit Deus Angelos, quos sciebat futuros malos, & perpetuo supplicio damnandos? Sic dicitur. 2. Petr. v. 4. *Si enim Deus Angelis peccantibus non pepercit, sed rudentibus inferni detractos in tantum tradidit cruciandos, in judicium reservari.*

Similiter ab illo qui ponit duo principia: quare fecit oves Israel cum sciret eas peccaturas, & gravibus tormentis affligendas de manu diaboli, & filium suum unigenitum tam turpiter mactandum & occidendum in cruce?

Præterea vide, quod tuæ quæstioni respondet Paulus Rom. 9. v. 21. *An non (55) habet potestatem figulus luti ex eadem massa facere aliud quidem vas in honorem, aliud vero in contumeliam?* Et quis est iste figulus? Nonne ille de quo prius dictum est:

(52) Eodem recidit Tertulliani responsio: *ibid. cap. xxii. Proinde & similitudinem vetans fieri omnium, quæ in Calo, & in terra, & in aquis, ostendit causas, idololatriæ scilicet substantiam cohibentes.* Subjicit enim, *non adorabitis ea, neque servietis illis.* Cherubim & Seraphim aurea in Arce figuratum exemplum, certe simplex ornamentum, accommodata suggestui, longe diversas habendo causas ab idololatriæ conditione, ob quam similitudo prohibetur &c.

(53) Ita quoque de Creatore exposulabant Gnostici, & veteres Manichæi, cujus profecto rei testes sunt Irenæus, Tertullianus, ceterique Patres, qui contra illud hæreticorum genus calamum acuerunt. Sed ego uno Titi Bostrensis testimonio contentus ero; qui lib. 111. contra Manichæos pag. 155. Ajunt, inquit, . . . Misericors est. . . qui Evangelia scripsit, & qui misericors est filius est misericordis. Lex vero dura, & aspera est, non parcens delinquentibus: misericordiam autem continet Evangelium, quod delicta quidem coercent, poenitentiam vero prædicat &c.

(54) Fuit hoc idem ab Celso Epicureo objectum iis, qui veteri Testamento fidem adjungunt & auctoritatem. Consulendus Origenes lib. vi. Contra Celsum Num. LVIII. & LIX. pag. 577. Tom. I.

Deus cujus vult miseretur, & quem vult indurat? Et de cujus domo dicitur 2. Timoth. 2. v. 20. & seqq. *In magna autem domo non solum sunt vasa aurea & argentea, sed & lignea & fictilia: & quædam quidem in honorem, quædam autem in contumeliam.* Si quis autem emundaverit se ab istis: erit vas in honorem sanctificatum, & utile Domino, ad omne opus bonum paratum. Nonne iste est ille figulus de quo dicitur Isaïæ 45. v. 9. *Nunquid dicet lutum figulo suo: quid facis?* Et 64. v. 8. *Et nunc Domine Pater noster es tu, nos vero lutum: & fictor noster es tu, & opera manuum tuarum omnes nos.*

Præterea dico: quod creavit eos quos malos futuros esse sciebat ad suæ virtutis ostensionem, & ad laudem & ad gloriam suam, unde Rom. 9. v. 6. *In hoc ipsum, idest idcirco excitavi Te, idest excitatum dimisi, vel idest signa coram te feci, quibus excitatus es ad majorem populi mei persecutionem, ut ostendam in te virtutem meam, & ut annuncietur nomen meum in universa terra.*

[*] Item ad bonorum multiplicem utilitatem; v.g. ad eorum lætitiā & delectationem duplicem, scilicet ad gaudium de justitia Dei in eos, unde *latabitur justus cum viderit vindictam.* Hoc autem patet verum esse ex eo quod legitur Apocalyp. 6. v. 10. *Usquequo Domine (Sanctus & verus) non judicas, & non vindicias sanguinem nostrum de iis, qui habitant in terra?* Job. 22. v. 17. & seqq. *Qui dicebant Deo: recede a nobis: & quasi nihil posset facere Omnipotens astimabant eum: Cum ille impleisset domos eorum bonis: quorum sententia procul sit a me. Videbunt justi & latabuntur, & innocens subsannabit eos.* Nonne succisa est erectio eorum, & reliquias eorum devoravit ignis? Apocalyp. 19. v. 17. & seqq. *Et vidi unum Angelum stantem in sole, & clamavit voce magna, dicens omnibus avibus, quæ volabant per medium celi: Venite & congregamini ad cœnam magnam Dei: ut manducetis carnes regum & carnes fortium, & carnes equorum & sedentium in ipsis, & carnes omnium liberorum, & servorum, & passillorum & magnorum.* Angelus, Christus, idest nuncius, inquantum homo: qui sedebat, idest plene quiescebat in Deo, cui unitus erat. Aves, electi Dei. Dicitur autem cœna magna Dei, quia in vindicta malorum jucundabitur. Proverb. 1. v. 26. *Ego quoque in interitu vestro ridebo.* Hoc dicit malis. Si autem ibi delectatur; ergo & sui, qui unus spiritus sunt cum

Opp. Edit. Paris. Mon. Sancti Mauri; quo loco hæc affert Celsi verba: Cur enim poenitet ingratos creasse & improbos, de sua arte conqueritur, & odio habet, & intendit minas, & proprios filios pessumdat? Aut si non proprios filios pessumdat; quo tandem ablegat ex hoc mundo, quem ipse fecit? Simile quiddam Marcionitæ Catholicis exproabant, ut ex Auctore Dialogi de recta in Deum Fide Contra Marcionitas Sectione 11. pag. 824. Tom. 1. Opp. Origenis colligo. Sic enim differit apud eundem Megethius Marcionita: *Hic [Nempe Deus Veteris Testamenti] sua voluntate homines finxit. Poenitet, inquit, me quod feci hominem. Eum igitur poenituit fecisse improbos, cosque & condemnare voluit, & perdere. Bonus igitur id passus non est, sed generi hominum misertus est.* Eadem sentiebant Manichæi, & qui eos sequuti deinde sunt, quippe Vetus Testamentum averfabantur, a quibus porro Catharorum Secta manavit.

(55) Consulæ Augustinum lib. 1. Adversus Adversarium Legis, & Prophetarum cap. xxi. col. 574. Tom. VIII. Opp. qui simile quiddam adhibet.

[*] Quæ duobus asteriscis conclusimus desunt e Cod. Bonon. & Vatic. extant autem in Neapolit.

cum eo ; ut dicitur 1. Cor. 6. , idest unius voluntatis. Item hoc erit ad gaudium bonorum de misericordia Dei erga se pro sui liberatione a consimili pœna , unde Psal. 57. *Manus suas lavabit in sanguine peccatoris* , idest lotas esse gaudebit viso sanguine , idest visa ultione malorum [*] .

Item sunt a Deo ad probationem bonorum , unde Eccles. 27. v. 6. *Vas figuli probat fornax , & homines justos tentatio tribulationis* . Item ad superbix evitacionem , unde 2. Cor. 12. v. 7. *Ne magnitudo revelationum extollat me , datus est mihi stimulus carnis meæ , Angelus Satanae , qui me colaphizet* .

Item ad patientiæ eorum exercitationem , unde Rom. 5. v. 3. *Gloriamur in tribulationibus , scientes quod tribulatio patientiam operatur* .

Item ad virtutis perfectionem 2. Corinth. 12. v. 9. *Nam virtus in infirmitate perficitur* .

Item ad virtutis Christi in homine inhabitationem , unde ibidem dicitur : *Libenter gloriabor in infirmitatibus meis , ut inhabitet in me virtus Christi* .

Item ad ostendendum ex misericordia esse divitem (56) & gloriosam bonorum beatificationem , & malorum justam esse punitionem , ad quæ duo potens est , unde & de his duobus dicit Apostolus Rom. 9. v. 22. quod est : *quod si Deus volens ostendere iram suam , & notam facere potentiam suam , sustinuit in multa patientia vasa iræ apta in interitum , ut ostenderet divitias gloriæ suæ in vasa misericordiæ* . Iram in contemptoribus bonitatis ejus patientiæ & longanimitatis . Abundantes vero divitias gloriæ suæ in vasis misericordiæ , idest in illis , qui misericordiæ Dei innituntur . In his autem duobus notam facit patientiam suam , unde Jacobus 4. v. 12. *Unus enim est legislator , & Judex , qui potest perdere & liberare* . Et Lucæ 2. v. 34. *Ecce positus est hic in ruinam & in resurrectionem multorum in Israel* . Nonne videtur tibi in auctoritate ista Pauli , quod idem est Deus iræ suæ & misericordiæ ? Nonne iste est , de quo supra : *Deus cujus vult misereatur , & quem vult indurat* ? In cujus etiam potestate est perditio & liberatio etiam animæ & corporis , unde Matth. 10. v. 28. *Nolite timere eos , qui occidunt corpus : animam autem non possunt occidere ; sed potius timete eum , qui potest animam & cor-*

pus perdere in gehennam . De ejus ergo potestate est perditio animæ & corporis . Nonne hic est crudelior eo , in cujus potestate est tantum perditio corporis ? Principaliter ergo fecit eos , ut si vellent salvarentur , & ad agnitionem veritatis venirent , ut dicitur 1. Timoth. 2. Et si non salvantur , culpa eorum est , unde Rom. 2. v. 4. & seqq. *An divitias bonitatis ejus , & patientiæ , & longanimitatis contemnis , ignorans quoniam benignitas Dei ad pœnitentiam te adducit ? Secundum autem duritiam tuam , & impœnitens cor , thesaurizas tibi iram in die iræ , & revelationis justi judicii Dei , qui reddet unicuique secundum opera sua* .

Quæro de qua creatione sit iste , cui dicitur hoc ?

Secundario autem fecit eos propter causas , quas diximus , licet sciret eos non salvandos .

Præterea si Deus occidit corpora ista , cui facit injuriam ? Quis ei dedit legem , & quis ei inhibuit hoc , & cui reddet rationem de hoc ? Nonne de rebus suis suam faciet voluntatem ? O homo , inquit Apost. Rom. 9. v. 20. *tu quis es , qui respondeas Deo ? Nunquid dicit figmentum ei , qui se finxit : Quid me fecisti sic ?* Subauditur , non : quasi dicat , male fecit , qui Deo sic dicit . Neque debet aliquem movere , si ipse occidit , vel aliquam pestilentiam immittit , quia nihil facit sine justa ratione .

Ad idem inducunt illud Genes. 6. ubi diluvio etiam parvulos , qui non offenderunt , (57) submersit , unde crudelis videtur Deus Veteris Testamenti , qui justum & injustum simul occidebat . Genes. 19. , ut patet in destructione Sodomæ & Gomorrhæ , ad minus quoad parvulos .

Solutio . Pius erat ille Deus & justus ; pius , quia non solum punit justum pro impio , imo pro justo vult liberare injustum ; ad preces enim Abrahæ pro quinquaginta justis voluit indulgere omnibus ; imo , pro decem justis , ut innueret , quod non meretur veniam , qui decalogum non servat .

Quod autem dicis de parvulis , nonne credis quod peccatum habebant in se ? Nonne dicitur Rom. 5. v. 12. *Per unum hominem peccatum in hunc mundum intravit , & per peccatum mors : & ita in omnes homines mors pertransiit* ? Dico etiam , quod piæ (58) cum illis factum est ; rapti enim sunt , dum nescirent , quid

(56) Præclare imprimis Titus Bostrensis lib. 111. pag. 154. *Contra Manichæos* . Accusant , inquit , *Veterem legem tamquam acerbam , & crudelem* Non intelligentes quod scriptum est : *Misericordiam & Judicium cantabo Tibi domine ; neque scientes perfectionem ratione gubernationis ex misericordia & vindicatione pendere* . Idcirco cæcati miserationes legis tacent , & vindicationum potius meminerunt si hujus mali accusationes , & vindictas inter vitiosa & mala referunt ; quid dicturi sunt de Paulo , qui casu videret aliquando Bar-jesu Magum increpavit , punivit , privavit oculis Quid de Petro dicent cum Ananiam judicatum , & mendacii convictum morte affecit ; Sapphiram autem eidem sepulcro tradidit ? Concludit deinde , aut malos fuisse Apostolos , quod scelus est arbitrari ; aut malos paribus pœnis jure esse multandos . Adeundus Johannes Chrysostomus Homil. xxvi. in cap. vii. Genes. & Cyrillus Hierosolymitanus Catechesi vi.

(57) Hæc atque alia generis ejusdem argumenta a Marcionitis in Catholicos fuisse contorta colligo ex Tertulliani lib. vi. cap. xxix. *Contra Marcionem* . pag. 446. Sed longe clarius ex auctore *Carminis contra Marcionem* lib. iv. pag. 368. inter Opp. Tertull. quo loco hæreticos sic differentes inducit .

Reddidit ergo Deus gratis peccata paterna ; In Cataclysmo encans pariter cum prole parentes ;

Genteque jam quanta genitos se stirpe nepotes , Cum fere nongentos hos tunc adjuverit annos , Judicium durum , sententia sacra videtur . Parvulus & Sodomis adhuc ingens mollis inermis , Ut careat vita , quid enim peccaverat infans ?

Utitur porro Tertullianus eodem fere responso , quod etiam adhibet noster .

(58) Pelagianorum , & Semipelagianorum sententia fuit , parvulos plerosque ante baptismum interire propter peccata , quæ si vitam longius produxissent , patraturi erant . Itaque intempestivum interitum &c. pœnam scelerum , quæ nulla sint , omnino esse volebant . Atque id quidem tam est pervulgatum , ut neminem fugiat , qui primis , ut ajunt , labris Historiam Pelagianorum attigerit . Contra Monetâ veteres Patres , ipsosque Scriptores Hagiographos Auctores sequutus , eatenus sublato fuisse infantes illos affirmat , quatenus originali peccato vitiati essent , adeoque puniri merito deberent . Relucere autem pietatem Dei , propterea quod si adoleviscent multis se implicassent flagitiis , atque ita porro graviores pœnas meruissent . Id quod nec Sacris Bibliis , neque Augustinianæ , Thomisticaeque doctrinæ repugnat . Est vero hoc responsi genus illius simile , quod loco mox indicato nota Superiore adhibet Auctor *Carminis contra Marcionem* .

quid esset peccatum, ne diu viventes & peccantes scilicet amplius punirentur Luc. 12. *Servus qui cognovit voluntatem Domini sui, & non se preparavit, & non fecit secundum voluntatem ejus, vapulabit plagis multis.*

Idem dicendum est ad illud, quod obijciunt de parvulis Amalecitarum occisis a Saule mandato Domini illius.

De Bethfamitis vero 1. Reg. 6. qui videntes Arcam illius Domini & lætati, inde occisi sunt ab illo.

Respondeo, quod iuste occisi sunt, quia contra præceptum Dei num. 4. v. 20. *Alii nulla curiositate videant quæ sunt in Sanctuario, priusquam involvantur, alioquin morientur*, ad Rom. 3 v. 5. *Nam quid iniquus est Deus, qui infert iram?*

Præterea contra illos, qui ponunt duos Creatores induc illud, Sap. 12. v. 15. *Cum ergo sis justus, iuste omnia disponis: ipsum quoque qui non debet puniri condemnare exterum æstimas a tua virtute.*

De pueris igitur dico, si baptizati sunt vel fuerint circumcisi, & ab eo occisi, benefacit (59) & benefecit eis, quia gloriam habent tales.

Præterea, si diutius vixissent, potuissent peccare, & damnationem incurrere Sapient. 4. v. 11. *Raptus est, ne malitia mutaret intellectum ejus.* Si autem neque circumcisi, neque baptizati sunt, aut salvabantur in fide Parentum, de quibus dicitur Rom. 2. v. 14. *Cum enim Gentes, quæ legem non habent, naturaliter ea, quæ legis sunt faciunt, ejusmodi legem non habentes, ipsi sibi sunt lex.* Vel si de infidelibus nati, quid eis nocet occidi, cum pœnam sensibilem non sint habituri, sed victuri sine læsione sensibilis pœnæ? Multi talem statum eligerent. Quod autem pœnam talem non sint habituri patet 4. lib. cap. de baptismo, ubi agitur de baptismo parvulorum. Quod autem dixi de pueris circumcisis in Veteri Testamento, patet ex Genes. 17. v. 14. *Masculus, cujus præputii caro circumcisa non fuerit, delebitur anima illius de populo suo.* Ex quo patet quod circumcisio non sinebat perire.

Ad idem inducunt illud Josue 7. de Achan, qui tulerat de Anathemate Jerico, pallium coccineum, &

Quod crudele putes, hoc est pietatis honestum. Auctores sceleris (facinus ne cresceret ultra) Exstinxit, sobolemque patrum peccata sequentem. Sed non cum patribus pœnas innoxius infans. Perpetuas luit; ignarus neque criminis auctus; Ne fieret sceleris consors ætatis adultæ.

Sponte futura mala mors immatura resolvit.

Nempe, non eas tam acres quibus parentes tot scelerum rei perpetuo puniuntur, sed alias longe mitiores, ut ut perpetuas, ferent infantes peccatis actualibus minime implicati: Hoc enim pæcto infantes, vocat innoxios.

[*] Quæ duobus asteriscis conclusimus defunt e Bononienti, & Vatic. exstantque in Neapol. Cod.

(59) Circumcisos infantes, qui ex hac vita migrarent minime periisse; communis est omnium Patrum, Theologorumque sententia: Parvi autem refert ex opere ne operato, an ex opere operantis peccatum originale circumcisio tolleretur. De hac enim re maximam esse video inter Theologos disensionem. Consultor Sanctus Augustinus Lib. XVI. De Civ. Dei cap. XXVII. col. 440. Tom. VII.

(60) Egregie Tertullianus lib. II. Contra Marcionem cap. xv. pag. 389. ad similia quædam veterum gnosticorum argumenta respondet: *Adserite causas ceteras quoque, inquit, ut sententias condemnentis, excusate delicta, ut iudicia reprobetis. Nolite reprehendere iudicem, sed revincite malum iudicem. Nam & si Patrum delicta ex filiis exigebat, duritia populi talia re-*

quædam alia, ut ibidem in fine cap. habetur, quod non tantum eum, qui fecerat hoc malum, sed etiam filios, & filias ejus occidit Josue de voluntate illius Dei; & tamen dederat legem Deuteronom. 24. quod non occiderentur Filii pro Patribus.

Solutio. Dico, quod Filii & Filiae suæ participes fuerunt illius furti, illud servantes in tabernaculo, & consentientes, unde & dicitur ibidem v. 11. *furati sunt, atque mentiti, & absconderunt inter vasa sua.* (60)

Præterea etsi illos, vel alios occidisset, nonne digni erant morte? Ita. Nam mali erant secundum te o Cathare.

Ad idem obijciunt sic. Ille Deus consultus a Moyse (61) præcepit quendam occidi, quia ligna colligebat in Sabbatho num. 15. Ecce magna crudelitas pro tam modica re hominem occidere.

Solutio. Imo iustitia magna, quia prohibuerat Exodi 31. Ideo autem Moyse Dominum consuluit, quia nesciebat an ex ignorantia, an ex certa malitia illud fecisset. Dominus autem videns, quia ex superbia contempserat mandatum, præcepit eum occidi, ut patet superius ex vi litteræ ejusdem (cap. 30. Num. 15.) *Anima autem quæ per superbiam aliquid commiserit, sive civis sit ille, sive peregrinus: quoniam adversus Dominum rebellis fuit, peribit de populo suo.* Verbum enim Domini contempsit.

Ad idem inducunt illud 2. Reg. ultimo cap. de David numerante populum, ad quod faciendum commotus erat ab illo Deo, ut ibi dicitur, vel ad minus populus non peccaverat, ut ibi dicitur, sed tantum David.

Solutio. Justus fuit Deus in hoc facto, quia contempserat David mandatum Dei Exod. 30. v. 12. *Quando tuleris summam filiorum Israel, juxta numerum, dabunt singuli pretium pro animalibus suis Domino, & non erit plaga in eis, cum fuerint recensiti.* Quod David non fecit, neque populus & ideo fuit in eo plaga.

Sed contra hoc sic obijciunt. 2. Reg. ult. dicitur v. 1. quod *addidit furor Dei irasci contra Israel;* ergo sequitur quod furiosus est Deus Veteris Testamenti. (62)

X

Solu-

media compulerat, ut vel posteritatibus suis prospicientes, legi divinæ obedirent. Quis enim non magis filiorum salutem, quam suam curet? Sed etsi benedictio Patrum, semini quoque eorum destinabatur, sine ullo adhuc merito ejus, cur non & reatus Patrum in filios quoque redundaret? &c. quæ sequuntur. Vide S. Aug. l. 16. de Civit. Dei cap. 27. col. 440. Tom. VII. & lib. IV. de Baptismo Contra Donatistas cap. XXIV. Tom. IX. opp. col. 140. & lib. II. de Nuptiis & Conc. Tom. X. P. I. col. 313. Cui consentit Gregorius Magnus lib. IV. Moral. cap. 111. Tom. I. opp. col. 102.

(61) Obijciebant id quoque Catholicis Marcionitæ; sed aliorum quidem accipiebant; sic enim argumentabantur: ut inconstantem fuisse ostenderent Deum, propterea quod passus fuerit, ut Sabbathi die arcam circumferrent Israelitæ, ut Jericuntem everterent; voluerit porro contra, ut is qui Sabbatho ligna collegerat interimeretur. Adeundus Tertullianus libro II. Contra Marcionem cap. XXI. pag. 392. qui hisce verbis respondet. *Qui Sabbathis lignatum ierat, morti datus est. Suum enim opus fecerat lege interdictum. Qui vero arcam Sabbathis circumtulcrant, impune gesserunt; non suum enim; sed Dei opus, ex præcepto scilicet ipsius, administraverant.*

(62) Tertullianus lib. II. cap. XVII. pag. 390. Contra Marcion. *Israel toties, inquit, restituit (creator) quoties judicavit, toties refovit, quoties & increpuit. Non solum igitur iudicem aspiciens, convertere & ad optimi exempla: notans cum ulciscitur, considera quum indulget. Repende austeritati lenitatem, &c.*

Solutio . Et Deus Prophetarum , si disputetur contra ponentes duo principia ; inde Isaïæ 30. v. 27. *Ecce nomen Domini venit de longinquo , ardens furor ejus , & gravis ad portandum : labia ejus repleta sunt indignatione , & lingua ejus quasi ignis devorans .*

Item Psal. 32. *Domine ne in furore tuo arguas me.*

Contra omnes Catharos dic illud Roman. 3. v. 5. *Numquid iniquus est Deus qui infert iram ? (secundum hominem dico) absit .* Idem autem est ira ejus & furor , scilicet vindicta , sed furor dicitur ira gravior .

Item objiciunt , & dicunt , quod iste Dominus , de quo agitur ibi est Satan , & hoc volunt probare , ex eo , quod habetur 1. Paralip. 23. v. 1. *Consurrexit autem Satan contra Israel , & incitavit David , ut numeraret Israel .* De eodem locutus est in 2. Reg. ult. , sed locutus est de Deo Veteris Testamenti ; ergo ipse est Satan .

Solutio . Non est verum , (63) quod de eodem locutus sit in libro Regum , & in Paralipomenon . Imo in libro Regum de Deo Veteris Testamenti , qui est Pater Christi ; in Paralipomenon de adversario ejus . Nonne vides , quod Deus Pater dicitur tradidisse Christum ad Rom. 8. v. 32. *pro nobis omnibus tradidit illum ?* Judas etiam eum dicitur tradidisse , numquid de eodem sit mentio ad Rom. 8. ubi aperte Deus Pater dicitur eum tradidisse , & Matthæi 10. ubi ibidem dicitur de Juda ? Non . Similiter dico , quod neque in libro Regum & in Paralipomenon fit mentio de eodem . Imo in libro Regum de bono Deo ; in libris Paralipom. fit mentio de Satan , sive Diabolo ; sicut 8. Rom. de Deo sancto fit mentio , & Matthæi 10. de Juda membro ipsius Satan . Nam & in Lucæ ultimo dicitur : quod tradiderunt eum Summi Sacerdotes , & Principes Judæorum . Ipse etiam se dicitur tradidisse . Ephes. 5. v. 2. *Et tradidit semetipsum pro nobis oblationem & hostiam Deo in odorem suavitatis .*

Ad idem objiciunt sic . Deus Veteris Testamenti Num. 21. misit in Populum Israel ignitos serpentes , (64) ad quorum plagas occidebantur multi ex Populo . E contrario Deus Novi Testamenti sui dedit virtutem calcandi super serpentes , & scorpiones Lucæ 10. Item Marci ultimo : *serpentes tollent : In quo apparet ejus crudelitas .*

Solutio . Imo justitia , quia juste fecit Deus Veteris Testamenti , ut ibidem patet , quia murmurabant .

Præterea : Nonne Apostolus 1. Cor. 10. v. 9. approbat hoc factum , & adscribit illud Christo , dicens : *Neque tentemus Christum , sicut quidam eorum tentaverunt , & a serpentibus perierunt ?* Quod autem ipsi Christum tentarent , patet , quia illum tentabant , qui illos sequebantur . Ibi autem dicitur v. 4. *bibebant autem de spiritali , consequente eos petra : Petra autem erat Christus .*

(63) Loquitur quidem auctor lib. 11. Regum Spiritus Sancti afflatu , de Deo ; de Satana autem auctor libri Prioris Paralipomenon , ipse quoque ductus instinctu divinitatis ; sed nulla est inter hos discrepans ratio , nec Satan idem est atque Deus Veteris Testamenti , ut Cathari delirabant : Commotum enim fuisse Davidem a Deo traditur 11. Regum , ut præciperet reversionem Israelitarum , non se ipso , ita ut per se incitaret

Ad idem objiciunt sic . Deus Veteris Testamenti interfecit totum populum , quem eduxerat de Ægypto 600000. & plures , præter Josuè , & Caleb , ut legitur Numer. 14.

Solutio . Juste fecit , ut ibidem patet ; Domino enim detrahebant .

Præterea nonne Apostolus 1. Cor. 10. v. 4. istud etiam Christo adscribit : dictum est enim ; *bibebant autem de spiritali , consequente eos petra : & statim subdit v. 5. Sed non in pluribus eorum beneplacitum est Deo : nam prostrati sunt in deserto : Hæc autem in figura facta sunt nostri , ut non simus concupiscentes malorum .* Sed quis hoc fecit , ut non simus concupiscentes malorum ? Certe non Diabolus ; Ipse enim non concupiscentiam malorum tolleretur , sed potius augetur .

Ad idem inducunt illud Judic. 20. dicitur enim ibi , quod cum Filii Israel vellent pugnare contra Filios Benjamin , propter scelus quod commiserant in uxorem cujusdam Levitæ , consuluerunt Dominum , utrum pugnandum esset , & quis esset Dux bello . Et respondit illis : Judas ; & quod pugnandum esset ; unde hac fiducia inierunt bellum ; & mortui sunt ex eis in primo confictu 22. millia ; in secundo 18. millia . Ecce quam deceptor , & crudelis Deus Veteris Testamenti , qui sic eos decepit , ut perirent .

Solutio . Justus est Deus ille , qui non decepit , sed illorum superbiam humiliavit . Permisit enim cadere illos propter superbiam , & confidentiam quam habebant in multitudine bellatorum , quod ex ipsa vi litteræ patet , sequitur enim ibidem . v. 22. *Rursum filii Israel , & fortitudine , & numero confidentes , in eodem loco , in quo prius certaverant , aciem direxerunt .* Sed certe quam cito conversi in solo Deo speraverunt , victores fuerunt ; unde sequitur in littera v. 26. *Quamobrem omnes Filii Israel venerunt in domum Dei , & sedentes flebant coram Domino .* Ecce humiliatio contra superbiam . *Et jejunaverunt illo die , & obtulerunt ei holocausta .* Ecce placatio de offensa , quam ei fecerant in multitudine confidentes , & tunc consulto Domino inierunt certamen , & obtinuerunt victoriam unde per hoc ostendit eis , & nobis suam Omnipotentiam , quia quod non potuerunt in multitudine confidentes , tot millibus hominum perditis , conversi ad Dominum , & humilitati , & sperantes in Domino solo , postmodum potuerunt .

Ad idem objiciunt sic . Deus Veteris Testamenti misit lapides grandinis ad occidendum homines , unde Josuè 10. v. 11. *Dominus misit super eos lapides grandinis magnos de Cælo usque ad Azeca : & mortui sunt multo plures lapidibus grandinis , quam quos gladio percusserant Filii Israel .*

Respondeo illud Apocalypsis 8. v. 7. & seqq. *Et primus Angelus tuba cecinit , & facta est grando , & ignis , mixta in sanguine , & missum est in Terram ,*

regem , sed , veluti proditum in Paralipomenis est , permittendo , ut a Satana tentaretur , & cederet tentationi . Ex hisce Sacrorum Bibliorum testimoniis colligi nequit Satanam eundem esse ac Deum Veteris Testamenti .

(64) Hoc item argumentum opponebant Marcionitæ , quos Tertullianus exagitat lib. 11. Contra Marcionem cap. xiv. seqq. pag. 389.

ram, & tertia pars terra combusta est, & tertia pars arborum concremata est, & omne fœnum viride combustum est. Et sextus & septimus Angelus, &c. Ecce idem facit Deus Novi Testamenti. Contra illos qui ponunt duos Creatores, induc illud quod de Josue dicitur. Eclesi. 46. v. 6. & 7. *Audivit illum magnus & sanctus Deus in saxis grandinis virtutis valde fortis. Impetum fecit contra gentem hostilem, & in descensu perdidit contrarios.*

Ad idem inducunt illud de maledictionibus (65) ab illo Deo factis, duris & abominabilibus. Levitic. 26. ubi videtur quod crudelis erat.

Respondeo. Imo iustus. Et Christus maledixit ficum Marci 11. Item maledixit per Paulum 1. Cor. ultimo v. 22. *Si quis non amat Dominum nostrum Jesum Christum, sit anathema.* Item Act. 23. *Percutiat te Deus, paries dealbate.*

Ad idem inducunt illud Apocalypsis 9. v. 10. & 11. *Et habebant super se Regem Angelum Abyssi, cui nomen exterminans.* Et dicunt quod iste est ille, qui populum Israel prostravit in deserto, secundum Apostolum 1. Cor. 10. v. 10. *Neque murmuraveritis, sicut quidam eorum murmuraverunt, & perierunt ab exterminatore.* Ex his concludunt sic. Angelus Abyssi, qui dicitur exterminator populum occidit in deserto, sed in lege veteri dicitur, quod Deus ille occidebat eos. Ergo Angelus Abyssi erat Deus Veteris Testamenti.

Ad hoc respondeo sic. Numquid ille solus, scilicet Angelus Abyssi dicitur exterminans? Sic dicas quod non. Quare ergo vis dicere, quod iste est ille qui dicitur ab Apostolo exterminator, & qui populum in deserto prostravit? Si dicas quod ille solus dicitur exterminans: Contra eos qui ponunt duos Creatores inducas illud Amos 2. v. 9. *Ego autem exterminavi Amorrhæum a facie eorum.* Et Nahum 2. v. 13. *Ecce ego ad te, dicit Dominus exercituum: & succendam usque ad fenum quadrigas tuas, & leunculos tuos comedet gladius: & exterminabo de terra prædam tuam, & non audietur ultra vox nunciorum tuorum.* Vinum etiam exterminat Ecclesiastici 31. v. 30. *Multos enim exterminat vinum.* Item ignis Sap. 16. v. 19. *Et quodam tempore in aqua supra virtutem ignis exardescibat undique, ut iniqua terra nationem exterminaret.* Contra omnes Catharos dic: Nonne & Matthæi 6. v. 16. dicitur *de quibusdam: exterminant enim facies suas?*

Præterea nonne Apostolus Heb. 3. adscribit illud exterminavit Spiritui Sancto: v. 7. *Quapropter, sicut dicit Spiritus Sanctus: Hodie si vocem ejus audieritis, nolite obdurare corda vestra, sicut in exacerbatione, secundum diem tentationis in deserto, &c.*

§. IV.

De quarta radice, quæ est mendacium, quod dicunt esse in Deo Veteris Testamenti.

Circa quartam radicem, quæ est mendacium, (66) sic obijciunt hæretici, volentes per mendacium ostendere, quod Deus Veteris Testamenti fuerit malus. Primo autem inducunt illud Genes. 11. de Gigantibus, qui ædificabant Turrim, dixit Deus ille v. 6. *Non desistent a cogitationibus suis, donec eas opere compleant.* Sed sequitur ibi etiam: *& cessaverunt ædificare:* ecce quam mendax est Deus ille.

Solutio. Conditionaliter intelligitur, non desissent, nisi resistamus eis; & quod ita sit intelligendum, patet ex litera quæ sequitur: v. 7. *Venite igitur descendamus, & confundamus ibi linguam eorum, ut non audiat unusquisque vocem proximi sui. Atque ita divisit eos Dominus ex illo loco in universas Terras, & cessaverunt ædificare Civitatem.*

Ad idem inducunt illud Genes. 12. & 14. & 15. Promisit ille Deus se daturum Abrahæ terram Chanaam, & non dedit neque passum pedis, ut dicit Beatus Stephanus Act. 7. ergo fuit mendax.

Solutio est. Quod non promisit se daturum ei in propria Persona, sed ei in semine, ut patet Genes. 15. v. 13. & seqq. *Scito prænosces, quod peregrinum futurum sit semen tuum in terra non sua: & subijcient eos servituti, & affligent quadringentis annis. Veruntamen gentem, cui servituri sunt, ego judicabo: & post hæc egredientur cum magna substantia. Tu autem ibis ad Patres tuos in pace, sepultus in senectute bona. Generatione autem quarta revertentur huc;* quod completum est secundum Tribum Leviticam, quia Levi ingressus est in Ægyptum, qui genuit Caath, qui Amram, qui Aaron, qui Eleazar, sunt quatuor generationes.

Si dicat, quod non dedit illam Terram semini Abrahæ, scilicet Isaac, neque etiam Jacob &c.

Respondeo. Non promisit omni semini, sed semini, & ita indefinite loquitur, non universaliter, & sine dubio aliquibus de semine Abrahæ data est.

Si dicat, quod non est data eis, qui exierunt de Ægypto. Imo, licet non omnibus.

Item promissio illa fuit conditionalis, ut patet Exodi 23. v. 22. *Quod si audieris vocem ejus, id est Angeli, & feceris omnia quæ loquor, inimicus ero inimicis tuis, & affligam affligentes Te; Præcedetque Te Angelus meus & adducet Te ad Amorrhæum & Hethæum, & Pherezæum, Chananeumque, & Hevæum & Jebusæum, quos ego conteram.* Item Psalmista Psalm. 131. v. 12. & 13. *Si custodierint Fi-*

X 2

lii

(65) Eodem spectabant argumenta cetera, quæ Gnostici, & Manichæi Veteres ex Sacris Bibliis Antiqui Testamenti repete-
bant, ut Creatori conflarent invidiam, eumque malum, fœ-
vumque esse probarent: cujusmodi plura apud Tertullianum toto
terere libro secundo Contra Marcionem, apud Titum Bostrensem,
Augustinum, Epiphanium, atque alios cernere licet. Hos ergo

consultare poterit lector, quo responsa a Patribus tantis adhibi-
ta, a nostri momentis minime discrepare simul una perspiciat.

(66) Mobilitatem quamdam, & instabilitatem Deo Creatori
affingebant Gnostici, ut auctor est Tertullianus lib. 11. contra
Marcionem cap. xxi. seqq. Quod Manichæi prope & Pauliciani,
& aliæ pestes generis ejusdem probarunt.

lii tui Testamentum meum, & testimonia mea hæc quæ docebo eos; Et Filii eorum usque in seculum sedebunt super sedem tuam.

Præterea, quod esset illud semen, patet per Paulum Galat. 3. v. 16. *Abrahæ dictæ sunt promissiones, & semini ejus. Non dicit: & seminibus, quasi in multis: sed quasi in uno. Et semini tuo, qui est Christus.* Ille est hæres non tantum Terræ Chanaam, de qua loquebatur Abrahæ, sed etiam univerforum Hebr. 1. v. 2. *Quem constituit heredem univerforum per quem fecit & secula.*

Ad idem inducunt illud Genes. 32. v. 28. dixit Angelus Dei ad Jacob cum pugnasset cum eo: *Nequaquam Jacob appellabitur nomen tuum, sed Israel.* Et postea dixit Exodi 3. v. 6. *Ego sum Deus Patris tui, Deus Abraham, & Deus Isaac, & Deus Jacob.* Mendax est Deus ille apud quem est, & non invenitur.

Respondeo. Quid ergo dices de Christo qui ait: *Mea doctrina non est mea* Johan. 7. v. 16. Item: *qui credidit me, non credit in me, sed in eum, qui misit me* Jo: 12. v. 44. Ecce est, & non; numquid mendax? dico ergo illud sic intelligendum esse; non vocabis nomen tuum Jacob tantum, sed Israel. Similiter dico in Johanne intelligitur tantum.

Ad idem inducunt illud Exodi 4. v. 21. *Ego inducabo cor ejus, & non dimittet populum.* Et loquitur de Pharaone, & tamen postea dimisit. Ergo mendax erat ipse.

Respondeo. Conditionem apponebat hanc; scilicet nonnisi in manu forti, ut patet Exodi 3. & 4.

Ad idem inducunt illud Exodi 33. v. 18. petiit Moyse a Deo Veteris Testamenti, dicens: *Ostende mihi gloriam tuam.* Respondit Dominus: *Ego ostendam omne bonum Tibi.* Et paucis interpositis ait: *videbis posteriora mea: faciem autem meam videre non poteris.* Ecce qualis Deus; promisit ei ostendere omne bonum, & ostendit turpitudinem suam.

Solutio. Miser blasphemias non intelligens scripturam. Idem enim appellat omne bonum, & posteriora sua; scilicet ipsa visibilia, unde Genes. 1. v. 32. *Viditque Deus cuncta, quæ fecerat, & erant valde bona.* Horum notitiam dedit Moyse, unde Psalmista Psalm. 102. *Notas fecit vias suas Moyse.* Creaturæ enim visibiles sunt via ad cognitionem invisibilem, unde Rom. 1. v. 20. *Invisibilia enim ipsius a Creatura mundi, per ea quæ facta sunt, intellecta, conspiciuntur.* Faciem vero suam, vel gloriam, id est deitatem non videbit homo vivens in hoc statu mortalis vitæ. De istis Creaturis dicit Apostolus ad Philippenfes 3. v. 13. *Quæ quidem retro sunt obliuiscens: ad ea vero quæ sunt priora extendens meipsum.* Quod idem est ei quod dicitur 2. Cor. 4. v. 18. *Non contemplantibus nobis quæ videntur, sed quæ non videntur aeterna sunt.* Vel posteriora dicit humanam naturam Christi, id est Corpus & Animam, quæ posteriora sunt Deo, sicut Creatura Creatore, unde ibi dicitur: *Stabis supra petram.* Exod. 33. Per fidem illius petræ, de qua 1. Cor. 10. v. 4. *bibebant autem de spiritali, consequente eos petra; petra autem erat Christus.* Ibidem. Unde dicitur: *ponam Te in foramine petræ.* Ipse enim habuit fidem Passionis Christi. Heb. 11. v. 26. *maiores divitias aesti-*

mans thesauro Ægyptiorum improprium Christi.

Præterea per auctoritatem ibi positam: *miserebor &c.* quam ponit Apostolus Rom. 9. dicens v. 18. & 14. *Numquid iniquitas apud Deum? Absit. Moyse enim dicit: Miserebor, cujus miserebor.* Patet quod ille Deus est bonus a quo Paulus iniquitatem removet.

Ad idem inducunt illud Exod. 33. v. 3. *Non enim ascendam tecum, quia populus duræ cervicis est.* Postea eodem Capitulo dixit Moyse v. 15. *Si non tu ipse præcedas, ne educas nos de loco isto: In quo enim scire poterimus ego, & populus tuus invenisse nos gratiam in conspectu tuo, nisi ambulaveris Nobiscum, ut glorificemur ab omnibus populis, qui habitant super Terram? Dixit autem Dominus ad Moysen: Et Verbum istud, quod locutus es, faciam: id est ascendam. Ecce in re fuit est, & non.*

Respondeo. Johan. 7. v. 8. *Vos ascendite ad diem festum hunc, ego non ascendo ad diem festum istum.* Ipse tamen postea ascendit, ut ibidem habetur. Si autem illud Johannis vis intelligere cum determinatione, quare hoc non, quod dicitur in Veteri Testamento?

Ad idem inducunt illud Numer. 14. v. 13. *Usquequo detrahet mihi Populus iste? Postea dixit v. 12. & seqq. Feriam igitur eos pestilentia, atque consumam; Te autem faciam Principem super gentem magnam, & fortiozem, quam hæc est.* Postea dixit Moyse: *Dimitte, obsecro peccatum populi tui hujus, secundum magnitudinem misericordiæ tuæ, sicut propitius fuisti egredientibus de Ægypto usque ad locum istum.* Dixitque Dominus: *dimisi juxta verbum tuum.* Igitur in eo fuit est, & non, id est mendacium.

Item Judicum 10. filiis Israel traditis in manu Philistinorum & filiorum Ammon, ait Dominus v. 13. *coluistis Deos alienos: idcirco non addam ut ultra vos liberem; & tamen postea eos liberavit per Jephthe 11. cap. ejusdem libri.*

Solutio est harum objectionum & similium, quoniam ille Deus inde est laudandus, unde tu eum vituperas, quoniam exorabilis est ille Deus, & placabilis peccatoribus super malitia eorum.

Præterea. Nonne idem modus loquendi habetur in Deo Novi Testamenti, ut dictum est Jo: 7. v. 4. *Ego non ascendo.* Unde dico, quod sicut id, quod dicit Deus Novi Testamenti sine determinatione aliqua, intelligitur cum determinatione, vel conditione, ita & id quod dicitur a Deo Veteris Testamenti, qui idem est cum Deo Novi Testamenti.

Ad idem objiciunt, quod habetur 2. Reg. 7. v. 12. ubi dixit Dominus Deus ad David: *Suscitabo semen tuum post Te, qui egredietur de utero Tuo.* Et postea dixit: *& stabiliam Regnum ejus usque in sempiternum;* quod minime fecit.

Solutio. Conditionaliter intelligebatur, sicut patet in Psalmo: Sic enim ait David Psalm. 131. *Furavit Dominus David veritatem, & non frustrabitur eum. De fructu ventris tui ponam super sedem tuam. Si custodierunt filii tui testamentum meum, & testimonia mea hæc quæ docebo eos.*

Præterea: istud completum est in Christo spiritualiter, sicut dicitur Lucæ 1. v. 32. & 33. *Et dabit illi Dominus Deus sedem David Patris ejus, & regna-*

gnabit in domo Jacob in aeternum, & regni ejus non erit finis.

Ad idem inducunt illud 3. Reg. ult. v. 13. & seqq. Et vidi Dominum sedentem super solium suum, & omnem exercitum cæli assistentem ei a dextris & a sinistris. Et ait Dominus: Quis decipiet Achab Regem Israel, ut ascendat & cadat in Ramoth Galaad? Et dixit unus verba hujuscemodi, & alius aliter. Egressus est autem spiritus, & stetit coram Domino, & ait: Ego decipiam illum. Cui locutus est Dominus. In quo? Et ille ait: Egrediar, & ero spiritus mendax in ore omnium Prophetarum ejus. Et dixit Dominus: Decipies, & prævalebis: egredere, & fac ita. Ecce qualis Deus est iste qui decepit Israel Regem Achab spiritu mendacii. Iste est, de quo dicitur Jo: 8. v. 44. In veritate non stetit: quia non est veritas in eo. Cum loquitur mendacium, ex propriis loquitur, quia mendax est, & Pater ejus.

Solutio. In nullo reperietur hic mentitus esse. Dixit enim: decipies & prævalebis: & hoc verum fuit.

Præterea dic ubi mentitus sit, quod cum facere non possis, constat te esse blasphemum. Præterea Rex ille idolatra erat, & pseudo prophetas sequebatur: nonne igitur merebatur decipi a spiritu mendacii?

Præterea si objicis, quia dixit: egredere, & fac ita: nonne & Dominus noster Jesus Christus dixit Judæ: Quod facis fac citius? Item Apocalypsis ult. v. 11. qui nocet noceat adhuc: & qui in sordibus est sordescat adhuc: & qui justus est justificetur adhuc: & sanctus sanctificetur adhuc?

Si dicat: Et dedit Dominus spiritum mendacii in ore omnium Prophetarum. Nonne idem dicit Paulus de Deo Novi Testamenti Rom. 1. v. 24. tradidit illos Deus in reprobum sensum, ut faciant ea quæ non conveniunt. Item 2. Thessalon. 2. v. 10. & 11. Charitatem veritatis non receperunt, ut salvi fierent. Ideo mittet illis Deus operationem erroris, ut credant mendacio: ut judicentur omnes qui non crediderunt veritati, sed consenserunt iniquitati: Item Jo: 9. v. 39. In judicium ego in hunc mundum veni, ut qui non vident videant, & qui vident cæci fiant.

Si objicis: de hoc ait 3. Reg. 22. v. 23. Et Dominus locutus est contra te malum: dico quod malum appellat pœnam, non culpam, de quo malo illud dicitur, ut cadat in Ramoth Galaad.

Sed quid sibi vult hoc, quod ait v. 19. Et omnem exercitum cæli assistentem ei a dextris & a sinistris. Numquid mali spiritus, & mendaces ibi sunt? Ita credunt qui duos Creatores ponunt, hoc intelligentes de malo Creatore, & de malo folio, & de malo cælo, scilicet de isto quem nos videmus: & ponunt quod Ramoth-Galaad in patria boni Dei sit, ad quam volebant ascendere & expugnare, de quo nullam habent rationem, & nullum testimonium. Dico ergo, quod folium, dicit non aliquam corporalem sedem, sed Angelos, quibus Dominus præsi-

dens inferius cuncta disponit. Similiter exercitus cæli, dicit Angelos administratores, quorum quidam electi per dextram signantur, quidam reprobi per sinistram. Deus enim neque dextra, neque sinistra corporali concluditur. Non enim corporeus est; quia sic esset compositus, & ita non esset principium.

Sed quomodo mali de exercitu cæli sunt?

Respondeo sic: Quoniam in cælo creati, & quia inde expulsi, adhuc tamen in cælo aereo demorantur, unde Ephes. 6. v. 12. Contra spiritualia nequitia in caelestibus. Et omnis exercitus spirituum assistit Deo, quia voluntas electorum spirituum deservit potestati Divinæ, & reproborum sensus propriæ serviens malitiæ vindictam Omnipotentis exercet, Ecclesiast. 39. v. 33. Sunt spiritus, qui ad vindictam creati sunt; & in furore suo confirmaverunt tormenta sua. Item Isaïæ 13. v. 4. Dominus exercituum præcepit militiæ belli, venientibus de terra procul, a summitate cæli: Dominus & vasa furoris ejus, ut disperdat omnem terram. Et nota benignitatem illius Dei & justitiam.

Item & 22. pepercerat ne induceret malum, quod fuerat comminatus. Et 3. Reg. 21. v. 21. Si mortuus fuerit Achab in Civitate, comedent eum canes: si autem mortuus fuerit in agro, comedent eum volucres cæli. Et quare pepercit? quia humiliatus fuerat coram Domino, ut dicitur 22. Postea autem punivit eum, quia tamquam superbus contra mandatum Dei sequebatur falsos Prophetas, unde hoc est quod dicit Jacob 4. & 1. Pet. 5. v. 5. Deus superbis resistit, humilibus autem dat gratiam.

Item per impossibilitatem dictorum, probant Deum Veteris Testamenti malum fuisse, & non Deum verum, unde obijciunt illud Levitici 16. de hircu qui portabat peccata populi, quod penitus impossibile est.

Solutio. Eodem modo quo dicitur 1. Corinth. 10. Petra erat Christus: Dicimus quod hircus portabat peccata, quia figurabat portantem, unde 1. Petr. 2. v. 24. qui peccata nostra ipse pertulit in corpore suo super lignum. Illa autem legalia erant figuræ, ut prædictum est de Serpente Æneo in indice de contrarietate. Quod autem legalia figuræ, patet de agno paschali; unde Jo: 19. v. 37. Os non comminuetis ex eo. Item de azymo & fermentato 1. Cor. 5. & 10. Petra autem erat Christus. Item ibidem v. 11. Omnia in figura contingebant illis. Item Coloss. 2. v. 17. quæ sunt umbra futurorum. Item Hæbr. 9. v. 8. Hoc significante Spiritu Sancto nundum propositam esse Sanctorum viam, adhuc priore tabernaculo habente statum: quæ parabola est temporis instantis. Et 10. v. 1. Umbram enim habens lex futurorum bonorum, non ipsam imaginem rerum; per singulos annos iisdem ipsis hostiis quas offerunt indefinenter, nunquam potest accedentes perfectos facere. Item Galat. 4. v. 24. Hæc enim sunt duo testamenta; & loquitur ibi de Sara & Agar. (67)

§. V.

(67) Multa ejusdem generis argumenta congeriebant Manichæi Veteres, quæ prima specie pugnantia esse videbantur, quo Deum Veteris Testamenti mendacem esse ostenderent. Ea porro ab Augustino, & Epiphano relata & refutata sunt. Quod autem subdit Moneta de hircu ferente peccata, quia figurabat personam

Christi, omnium Patrum consensione probatur. Jam vero hoc idem responsum adhibet Auctor Carminum contra Marcionem lib. 111. pag. 639.

Cur Deus ergo jubet pecorum sibi sanguine fundi?

Aspice

§. V.

Probatio Ecclesiæ, quod Deus dator Veteris Testamenti fuerit bonus, & unus, & idem cum Deo Novi Testamenti.

Probationibus hæreticorum de Deo Veteris Testamenti solutis in præcedenti parte hujus capituli, restat, ut in hac secunda parte nostris argumentis Deum Veteris Testamenti, & novum unum eundemque esse ostendamus. Legitur (68) Act. 7. v. 35. *quod Deus Moysen Principem & Redemptorem misit, cum manu Angeli, qui apparuit illi in rubo.* Modo vero quæro, an ille Deus, qui per Angelum suum locutus est Moyfi in rubo, sit Deus Abraham, Isaac, & Jacob? Si dicat sic esse; Dicas, si Christus est Filius illius Dei, quod patet testimonio B. Petri, qui dicit Act. 3. v. 13. *Deus Abraham, & Deus Isaac, & Deus Jacob, Deus Patrum vestrorum glorificavit Filium suum Jesum;* Ergo Christus est Filius illius Dei, qui per Angelum locutus est Moyfi in rubo, sed ille qui locutus est Moyfi in rubo est ille, qui dedit Vetus Testamentum; ergo ille Deus, qui dedit Vetus Testamentum est Pater Christi, & ita idem cum Deo Novi Testamenti.

Si autem dicas ad quæstionem primam, quod ille qui locutus est ad Moysen in rubo per Angelum, non est Deus ille, qui dicitur *Deus Abraham, & Isaac, & Jacob.* Contrarium dicit B. Stephanus Act. 7. v. 31. & seqq. *Apparuit Moyfi in deserto montis Sina Angelus in igne flammæ rubi. Moyses autem videns admiratus est visum. Et accedente illo ut consideraret, facta est ad eum vox Domini: Ego sum Deus Patrum tuorum, Deus Abraham, Deus Isaac, & Deus Jacob.* Idem Marci 12. v. 30. patet, ubi Christus ait Judæis: *De mortuis autem quod resurgant non legistis in libro Moyfi super rubum, quomodo dixerit illi Deus inquit: Ego sum Deus Abraham, & Deus Isaac, & Deus Jacob?* Idem habetur Matthæi 22. & Lucæ 20. Ille ergo Deus, qui Moyfi locutus est per Angelum in rubo, in deserto montis Sina, est Deus Abraham,

*Aspice per Speculum fulgentis luminis umbram
Quid vituli sanguis, vitula cinis hircus uterque
Hic dimissus abibit, cadit alter at hostia templo.
Sanguine nam vituli populum, simul omnia vasa,
Atque Sacerdotes, & scripta volumina legis
Sparsit aqua mixto; vates sic jussus ab alto;
Non propriam spem, nec speciem virtute vacantem,
Exemplo vituli passurum in corpore Christum;
Qui iuga dura ferens humeris, temonis aratro
Fortiter abruptis sua pectora vomere ferri,
Infundens sulcis animæ sui sanguinis undam. &c.*

(68) Cathari, ut antea sepe animadvertimus, totum quantum est Novum Testamentum admittebant, Paulicianis, Bogomilisque in hoc a Veteribus Gnosticis, & Manichæis dissentientibus, vehementer adstipulati. Sapienter igitur ex Actis Apostolicis Moneta Catharos refellere adgreditur. Atque hoc quidem argumentum adhibuit etiam contra sui temporis hæreticos, qui Vetus Testamentum rejicerent, Irenæus lib. 111. cap. xx11. n. 10. ubi postea quam Stephani verba protulit, sic tandem concludit argumenti sententiam. *Et reliqua quidem verborum ejus eundem*

Deus Isaac, & Deus Jacob, & inde procede ut prius. Qui ponunt unum Creatorem, non habent quid respondeant; quia non faciunt omnia duplicia.

Sed alii dicunt quod de alio Moyse, & de alio rubo, & de alio Sina, & de alio Abraham, Isaac, & Jacob loquitur, quibus dicendum est: habetis ne de istis aliquod testimonium, quo possitis ostendere alium rubum, & alium montem Sina, ubi locutus sit Deus Pater (69) alii Moyfi? Numquid etiam habetis testimonium alterius Abrahamæ, qui de alia creatione sit? Non. Vana ergo est fides vestra, quia non est testificata a lege, & Prophetis. Mea autem sic. Ego autem ista quæ dicit B. Stephanus ostendere possum Exodi 3.

Item quod Deus Veteris Testamenti bonus fuerit, probatur per illud quod dicit B. Stephanus Act. 7. in principio: *Viri Fratres, & (70) Patres audite. Deus gloriæ apparuit Patri nostro Abraham, cum esset in Mesopotamia, priusquam moraretur in Charran: & dixit ad illum. Exi de Terra tua, & de cognatione tua, & veni in terram quam monstravero tibi.* Constat quod iste est Abraham Veteris Testamenti per verba ad ipsum dicta, quæ sumpta sunt de Genes. 12. Modo quæro de Deo qui ei apparuit, ut dicit Stephanus, an fuerit bonus Deus, an non? Si dicat quod non. Contra. Quomodo hoc stare potest, cum dicat eum Deum gloriæ? diabolus enim non est Deus gloriæ; sed ignominia.

Si dicas, ut dicere consuevisti, quod ipse diabolus dicitur Deus gloriæ, eo quod ipse est Deus illius gloriæ, de qua ad Philippenes 3. v. 19. *gloria in confusione eorum qui terrena sapiunt:* Hoc stare non potest, quia B. Stephanus nunquam diceret eum Deum gloriæ sine determinatione, in quo sensu summeret gloriam, sicut etiam Apostolus in prædicta auctoritate ostendit gloriam in malo sumi, per determinationem istam, *in confusione* alioquin Stephanus nos mitteret in errorem.

Præterea, licet gloria quandoque in mala parte intelligatur, tamen Deus, vel Dominus gloriæ non invenitur in mala parte sumptus, sed in bona sic, ut patet 1. Cor. 2. v. 9. *Si enim cognovissent, nunquam Dominum gloriæ crucifixissent.* Nonne etiam vides de quo Deo, & de qua gloria loquatur? quia de bona tantum, cum dicat eodem cap. 7. Act. circa finem

Deum annunciant, qui fuit cum Joseph, & cum Patriarchis, qui & colloquutus est Moysi. Num. autem 111. relatis Petri verbis, quæ extant 111. Capite Actorum Apostolicorum v. 12. seqq. Manifestam ergo, inquit, preconationem Petrus cum Johanne preconavit eis, repromissionem quam fecit Deus Patribus per Jesum adimpletam evangelizans: non quidem alterum Deum annuncians, sed filium Dei, qui & homo factus est, & passus in agnitionem adducens Israel, & in Jesu Resurrectionem, quæ est a mortuis, annuncians, & significans, quoniam omnia, quæ Prophætæ annuntiaverunt de passione Christi, hæc adimplevit Deus.

(69) Ludunt Cathari, qui hoc responsum adhibent. Neque enim ulpiam exstat ullius cujusquam alterius Abrahamæ mentio. Longe aliter se gerebant Marcionitæ, qui sæpe ubi Abraham in Epistolis Pauli memoratum offendebant, eradebant hoc nomen per summam impudentiam, ut Auctor est Tertullianus Lib. v. cap. 111. pag. 464. Fuerunt etiam ex Gnosticis, qui reponerent: *quod apud Judæos preconantes Apostoli non poterant alterum Deum annunciare, præter eum qui creditus fuerat ab ipsis:* ut prodit Irenæus Lib. 111. cap. x11. n. 6. Dissolvit autem hoc responsi genus Irenæus, quem adire poterit Lector.

(70) Consule ndus Irenæus loc. cit. num. x.

finem : *Cum autem esset Stephanus plenus Spiritu Sancto, intendens in cælum vidit gloriam Dei? Quid autem est videre gloriam Dei, nisi videre Dominum gloriosum, sive Dominum gloriæ? unde statim subdit: Et Jesum stantem a dextris Dei.* Jesus enim Deus est, & Dominus gloriæ, unde Hæb. 1. dicitur v. 3. *Splendor gloriæ.* Iste autem splendor Deus ipse est, unde 1. Johan. 1. v. 5. *Deus lux est, & tenebræ in eo non sunt ullæ.* Iste est ille Deus gloriæ, qui apparuit Patri nostro Abraham, sicut Stephanus ait. Vis Testimonium ejus, quod dico? Attende illud, quod dicit Christus Judæis Johannis 8. v. 56. *Abraham Pater vester exultavit, ut videret diem meum: vidit, & gavisus est.*

Præterea, quod Deus gloriæ qui apparuit Abraham non sumatur in malo, patet ex verbis quæ dixit Deus ille Abraham statim post illa verba Genes. 22. v. 18. *& benedicentur in semine tuo omnes gentes Terræ: quæ verba sunt illius Dei, qui Abraham loquebatur. Sunt autem verba Dei nostri Novi Testamenti, qui ex fide justificat gentes; quod probo testimonio Apostoli Galat. 3. v. 38. Provideus autem scriptura, quia ex fide justificat gentes Deus, prænuñciavit Abraham; quia benedicentur in Te omnes Gentes.* Ergo Deus gloriæ, qui apparuit Abraham, est Deus Novi Testamenti.

Item in prædicto cap. Act. dicit Stephanus: quod Deus gloriæ dedit Abraham Testamentum Circumcisionis, & sic genuit Isaac, & circumcidit eum die octavo. Modo dico. Iste qui dedit Abraham Testamentum Circumcisionis, est Deus Veteris Testamenti, sed iste idem est Deus Novi Testamenti, & Pater Christi; ergo Deus Veteris Testamenti bonus est & Sanctus.

Si autem dicas quod idem iste non est Deus Novi Testamenti vel Pater Christi. Contra Rom. 4. v. 11. dicitur quod Abraham signum accepit Circumcisionis signaculum justitiæ fidei. A quo autem accepit Circumcisionis signum, determinat ibi Apostolus cum dicit: *quæ est in præputio: ut sit Pater omnium credentium.* Hoc enim a diabolo non accepisset.

Præterea, hoc idem determinat Apostolus cum dicit v. 16. *Secundum gratiam firma fit promissio omni semini, non ei qui ex lege est solum, sed & ei, qui ex fide est, Abraham, qui Pater est omnium nostrum (sicut scriptum est: Quia Patrem multarum gentium posui Te)* Ecce quod Apostolus dicit Abraham Patrem omnium nostrum, idest omnium credentium, ut habetur in illo cap. Rom. 4. Et quod ita sit, probat per Scripturam Genes. 17. unde illa verba sumit Apostolus, & aliunde non, quod tu possis ostendere: Loquitur ergo de Abraham Veteris Testamenti, & de Circumcisione carnali, quæ est signaculum ju-

stitiæ fidei. Postea de suo addit Apostolus & dicit: *ante Deum cui credidit, & qui sit ille Deus, cui credidit ante Abraham, determinat, ne eum malum dicas, unde & ait v. 17. Qui vivificat mortuos; & vocat ea quæ non sunt tamquam ea quæ sunt.* Iste autem est Deus Novi Testamenti, Pater scilicet Christi. Et quod ita sit patet testimonio Jo: 5. v. 29. *Sicut enim Pater suscitavit mortuos, & vivificat: sic & Filius quos vult vivificat.* De alio enim non potes ostendere quod hoc faciat. De isto autem habetur 1. Cor. 1. v. 28. quod Deus Novi Testamenti *elegit ea quæ non sunt.* Ex his omnibus patet quod Deus gloriæ, qui apparuit Abraham, & qui dedit Testamentum, idest pactum Circumcisionis, & Veterem Legem, postea Deus est Novi Testamenti, & Pater Christi.

Item quod Deus gloriæ qui apparuit Patri nostro Abraham &c. Act. 7. ubi sup. bonus Deus fuerit, probatur per illud Rom. 4. v. 10. ubi dicit Apostolus: *Credidit Abraham Deo, & reputatum est illi ad justitiam.* (71) Quomodo ergo reputatum est? In Circumcisione, an in Præputio? Non in Circumcisione, sed in Præputio. Hic videtur ab Apostolo, quod Abraham habuit per fidem justificationem, non per Circumcisionem; prius enim fuit justificatus, quia credidit Deo, quam circumcissus, ut ostendit Apostolus, quando dicit, quomodo *reputata est &c.*, & sumit Apostolus hanc probationem ex eo quod Genes. 15. v. 6. dictum est: *Credidit Abraham Deo, & reputatum est illi ad justitiam.* Postea autem accepit fœdus Circumcisionis, ut habetur Genes. 17. Postea addidit Apostolus: *Et signum accepit Circumcisionis, signaculum justitiæ fidei, quæ est in Præputio; supple, data ei.* Et vult dicere. Ex hoc, quod Circumcisio non fuit ei causa justificationis, sed signaculum ejus quod prius habuerat. Ad quod autem justificatus est in Præputio: idest tempore Præputii, si-ve antequam circumcideretur, subdit Apostolus cum dicit: *ut sit Pater omnium credentium per Præputium,* idest in Præputio, idest in gentibus, quæ aliquando dicuntur Præputium. Rom. 2. v. 26. *Si igitur Præputium justitias legis custodiat, nonne Præputium illius in Circumcisionem reputabitur.* Postea dicit Apostolus v. 28. *Non iis tantum qui sunt ex circumcissione, sed & iis qui sectantur vestigia fidei,* ejus, *quæ est in Præputio; supple data sibi.* Hic aperte habetur quod Apostolus vult fidem esse causam justificationis, & justificationem esse ex fide, & hoc probat per Abraham, qui primo ex fide justificatus est, non ex opere illo legali, quod est Circumcisio; ideo quia primo justificatus est per fidem Pater est omnium credentium, per exemplum credendi. Modo dico sic. Si Abraham per illam fidem qua credidit ei qui loquebatur secum, & promit-

(71) S. Irenæus lib. IV. Contra Hæreses cap. v. al. x. num. 3. seqq. posteaquam hæc Apostoli verba recensuit: Didicerat, inquit Abraham, a verbo Domini, & credidit ei: quapropter & deputatum est ei ad justitiam a Domino. Fides enim, quæ est ad Deum Altissimum, justificat hominem: & propter hoc dicebat: Extendam manum meam ad Deum Altissimum, qui constituit Cælum & Terram: Gen. XI v. v. 22. Hæc autem omnia conantur evertere illi qui sunt male sententia, &c. Apposite quoque Tertullianus in v. Contra Marcionem Libro, cap. III. seq. pag. 464. Sed & cum adjicit [Apostolus] inquit, Omnes enim Filii estis fidei; ostenditur quid supra hæretica industria

corrafit, mentionem scilicet Abraham, quæ nos Apostolus filios Abraham per fidem affirmat; secundum quam mentionem hic quoque filios fidei notavit. Ceterum quomodo filii fidei? Et cujus fidei si non Abraham? Si enim Abraham Deo credidit, & deputatum est justitiæ, atque exinde pater multarum nationum meruit nuncupari. . . . Ipsum quod fidem a circumcissione revocabat, nonne Abraham filios constituere quærebat, qui in carnis integritate crediderat? Denique alterius Dei fides, ad formam Dei alterius non potest admitti, ut credentes justitiæ deputet, ut justos vivere faciat ut nationes filios fidei dicat &c.

mittebat ei Filium, & semen sicut stellas cæli, & sicut arenam quæ est in littore maris, iustificatus est, & Pater omnium credentium in Christum, tam Judæorum, quam Gentilium? Si sic; Ergo bonus Abraham, & fides ejus bona, & ille cujus verbis adhibuit fidem bonus.

Præterea dicit: *credidit Abraham Deo &c.* de quo intelligit Apostolus? Si de bono. Habeo propositum; quod Deus Veteris Testamenti bonus est; ille enim erat Deus Veteris Testamenti; ut patet Genes. 15. Si de Deo malo intelligit, hoc non potest stare, quia credendo diabolo, ipsum suum credere non reputaretur ei ad iustitiam, sed potius ad reprobationem & damnationem. Si autem facias vim in verbo, *dicens*; non dixit iustificatus est, sed *reputatum est*, & dicas reputatum est illi ad iustitiam non in rei veritate, sed in sola æstimatione, male esset Apostolo, & aliis credentibus Ecclesiæ Dei, tum quia malum Patrem credendo haberent, scilicet Abraham diabolo credentem, ut dicis; tum quia in fine illius cap. dicit Apostolus. *Non est autem scriptum tantum propter ipsum, quia reputatum est illi ad iustitiam: sed & propter nos quibus reputabitur credentibus in eum, qui suscitavit Jesum Christum Dominum nostrum a mortuis.* Sed illud verbum reputatum est illi ad iustitiam, propter nos etiam scriptum est, & reputatum dicitur ad iustitiam non rei veritate, sed sola æstimatione. Male igitur credentibus in eum, qui suscitavit &c. Sic enim fides non esset eis ad iustitiam, sed tantum reputaretur &c.

Præterea nonne vides quia fides reputabitur ad iustitiam credentibus in eum? sed in quem eum? nisi in Deum Abraham loquentem. Relatio enim est ante relatæ rei representatio, ergo Deus qui loquebatur Abraham est ille, qui suscitavit Jesum a mortuis; & ita ille Deus est Pater Christi. Si autem fugias & dicas, quod in eum non est intelligendum, idest Deum Abraham, sed in eum cui creditur. Contra: iste idem est Deus Abraham: probatur Act. 3. v. 13. & seqq. *Deus Abraham, & Deus Isaac, & Deus Jacob Deus Patrum nostrorum glorificavit Filium suum Jesum, quem vos quidem tradidistis, & negastis ante faciem Pilati, judicante illo dimitti. Vos autem Sanctum, & justum negastis, & petistis virum homicidam donari vobis: authorem vero vitæ interfecistis, quem Deus suscitavit a mortuis.*

Præterea dicit Apostolus, quod Abraham Rom. 4. *Contra spem in spem credidit: Contra spem*, scilicet de impossibilitate naturæ suæ credendo, venit in spem habendi Filios ex Dei promittentis virtute, secundum quod dictum est ei Genes. 15. v. 6. *Sic erit semen tuum sicut stellæ cæli, & arena maris.* Ibidem. Et postea subjungit Apostolus: *Et non infirmatus est fide*, licet causam haberet unde subdit Apostolus: *nec consideravit corpus suum emortuum, cum fere centum esset annorum, & emortuam vulvam Sara;* supple ad generandum; & licet differretur promissum, tamen sicut subdit Apostolus: *In repromissione etiam Dei non hesitavit diffidentia,* supple quando Angelus ei promisit Genes. 18. v. 14. & dicens: *Juxta conditum revertar ad Te hoc eodem tempore, vita comite, & habebit Sara filium.* Et ideo non dicit promissione, sed repromissione,

quasi iterum facta promissiones, ut dicit Apostolus: *Sed confortatus est fide dans gloriam Deo, plenissime sciens, quia quæcumque promisit potens est & facere.* Ecce quod Abraham Deo promittenti sibi prolem, gloriam dedit, quia constans in credulitate ejus fuit, quia erat Deus qui ei per Angelum loquebatur gloriosum, sive honorificum.

Præterea dicit Apostolus, quod Abraham erat sciens, nec tantum sciens, imo plenissime sciens, quia quæcumque promiserat ille Deus sibi potens erat facere; sed istud sciebat; ergo ita erat verum: hoc autem esse non posset, si diabolus esset.

Præterea dicit statim Apostolus: *Ideo & reputatum est illi ad iustitiam.* Sine dubio non esset ei ad iustitiam reputatum, credere diabolum omnia posse facere quæ promittit: & sicut prius ostensum est quod dicitur: *reputatum est illi ad iustitiam:* intelligitur de iustitia Christianorum, quæ est ex fide. Et quod ita sit probari potest, per ea quæ dicit Apostolus eodem capite. *Non enim per legem promissio Abraham aut semini ejus, ut esset hæres mundi: sed per iustitiam fidei;* ergo iustitia Abraham iustitia fidei erat; hæc autem est iustitia Christianorum, non iustitia legis. Hæc enim iustitia fidei nusquam reperitur, nisi pro iustitia Christianorum, & pro illa quæ salutem æternam præbet. Nonne vides quod Apostolus Rom. 10. v. 5. & seqq. distinguit duplicem iustitiam dicens: *Moses enim scripsit, quoniam iustitiam quæ ex lege est, qui fecerit homo, vivet in ea. Quæ autem ex fide est iustitia, sic dicit: Ne dixeris in corde tuo: Quis ascendet in cælum? idest Christum deducere: aut quis descendet in abyssum? hoc est Christum a mortuis revocare; sed quid dicit Scriptura? Prope est verbum in ore tuo, & in corde tuo: hoc est verbum fidei quod prædicamus. Quia si confitearis in corde tuo Dominum Jesum, & in corde tuo credideris, quod Deus illum suscitaverit a mortuis, salvus eris. Corde enim creditur ad iustitiam: ore autem confessio fit ad salutem.*

Præterea eodem cap. dicit Apostolus v. 16. *ex fide est hæreditas;* Rom. 4. *ut secundum gratiam firma sit promissio omni semini, non ei qui ex lege est solum, sed & ei qui ex fide est Abraham;* supple, undecumque sit. Modo dico sic. Si fides Abraham esset fides, quam exhibebat dictis Diaboli sibi loquentis, ut dicis, numquam dixisset Apostolus quod hæreditas esset ejus, qui ex fide ejus esset; fides ergo Abraham erat fides adhibita dictis Dei sancti, & iusti, sed ille est Deus Veteris Testamenti, ergo Deus Veteris Testamenti est bonus.

Præterea, vide quid promittebat ille Deus ei Genes. 15. v. 5. *Sic erit semen tuum, &c.* Numquid ista promissio erat tantum carnalis? vel tantum spiritalis, vel talis & talis? Si spiritalis? sicut verum est secundum Apostolum Rom. 4. & constat quod erat bona; ergo Deus promittens spiritalis est, & bonus. Si carnalis? quod etiam verum est, ergo propagatio carnalium filiorum a Deo bono Veteris Testamenti.

Item Act. 3. in fine dicit Petrus Judæis: *Vos estis Filii Prophetarum, & testamenti, quod disponit Deus ad Patres nostros dicens ad Abraham: Et in semine tuo benedicentur omnes familiæ Terræ.* Iste Deus

Deus qui dixit ad Abraham: *in semine tuo benedicentur omnes familie Terræ*, fuit (72) Deus Veteris Testamenti, quod patet Genes. 22. unde sumptum est illud testimonium, idest illa promissio. Iste autem idem Pater Christi est, ut patet Act. 3. post verba quæ præmissa sunt, ubi postquam dixerat: *in semine tuo benedicentur omnes familie terræ*: statim subiungit: *Vobis igitur primum Deus suscitans Filium suum, misit eum benedicientem vobis, ut convertat se unusquisque a nequitia sua*.

Item ille Deus qui promisit Abraham, quod *in semine*, &c. Act. 3. Rom. 4. & cui credidit Abraham, est Deus, qui vivificat mortuos, & vocat ea quæ non sunt tamquam ea quæ sunt; quod de solo Deo Novi Testamenti intelligitur. Idem ergo est Deus Veteris Testamenti, & Novi Testamenti.

Item Galat. 3. v. 16. *Abrahæ dictæ sunt promissiones, & semini ejus*: Non dicit: *Et seminibus quasi in multis; sed quasi in uno. Et semini tuo, qui est Christus*. Modo quæro a quo dictæ sunt, & factæ promissiones istæ? Numquid a malo Deo? Non. Sic enim malo Deo fidem adhibuisset, ejus promissionibus credendo; quod si esset verum, mentiretur Apostolus ad Galat. 3. dicens v. 7. *Qui ex fide sunt Abrahæ, ii sunt Filii Abrahæ*: imo ei contrarii essent; quia ille Diabolo credebatur secundum Te: isti autem Christo.

Præterea, ut dictum est prius, ille Deus, cui credebatur est ille qui vivificat mortuos, ut testatur Apostolus Rom. 4. Iste autem est Deus Novi Testamenti; ergo a Deo Novi Testamenti factæ sunt ei istæ promissiones, non a Diabolo.

Item, quod a Bono Deo factæ sunt ei promissiones, patet ex eo, quod dictum est prius Act. 3. *Vos estis Filii Prophetarum, &c.*

Item ad Hebræos 6. v. 12. & seqq. *Imitatores eorum estote qui fide & patientia hæreditabunt promissiones. Abrahæ namque promittens Deus, quoniam neminem habuit per quem juraret majorem, juravit per semetipsum dicens: Nisi benedicens benedicam Te, & multiplicans multiplicabo Te*. Imitari enim jubet Apostolus eos, qui fide, & patientia hæreditabunt promissiones, inter quos statim ponit in exemplum fidei, & patientiæ ipsum Abraham, de cujus fide habetur in auctoritatibus prædictis Rom. 4. & Galat. 3. v. 6. *Cognoscite ergo, quia qui ex fide sunt, ii sunt Filii Abrahæ*. Et parum postea subiungit v. 29. *Si autem vos Christi: ergo semen Abrahæ estis secundum promissionem hæredes*, supple regni. Constat quod per fidem in Christo Jesu dicitur, quis esse Christi, & per eandem fidem dicitur esse semen, idest Filius Abrahæ per imitationem, ergo fides Abrahæ fuit fides Christi, quod verum est, alioquin non moneret nos Apostolus ad imitandum fidem ejus.

Præterea quod ejus fides esset fides Christi, testatur Christus Johan. 8. v. 56. *Abraham (73) Pater*

vester exultavit, ut videret Diem meum, vidit, & gavisus est. Ecce patet de fide Abrahæ. Sed de patientia ejus habetur Genes. 22. ubi habetur quod ad imperium Dei, etsi gravissimum esset, paratus fuit occidere filium suum unigenitum, quem diligebat, scilicet Isaac. Modo sic dico contra illos, qui ponunt unum principium. Iste fuit Deus Veteris Testamenti, qui promissiones fecit Abrahæ, quod patet ex verbis Apostoli, quæ sumpta sunt de Genes. 22. ubi dicit Deus ille per Angelum suum v. 16. *Per memetipsum juravi, dicit Dominus; quia fecisti hanc rem, & non pepercisti Filio tuo Unigenito propter me, benedicam tibi, & multiplicabo semen tuum*. Dicitur autem Abraham fecisse rem illam, quam sibi Dominus imperavit, idest immolasse Filium suum, & non pepercisse ei, quia decrevit hoc facere; sicut etiam dicitur: Psalm. 2. & Act. 4. *Quia astiterunt reges Terræ, & principes conveniunt adversus Dominum, & adversus Christum ejus*. Non quia tunc factum esset, sed quia decretum erat a Deo Patre, ut fieret, ut patet Act. 4. Modo dico sic: Iste fuit Deus altissimus & bonus, quod probatur testimonio Apostoli, qui dixit: quod non habuit majorem se. Hoc enim de Diabolo non potest intelligi, quia ille est Creatura Dei boni, & Deus bonus major est eo: ergo Deus Veteris Testamenti bonus.

Præterea, Apostolus postea dicit Hebr. 6. v. 17. quod *abundantius volens Deus ostendere pollicitationis hæredibus immortalitatem consilii sui, interposuit jusjurandum*. Interposuit dicit, idest inter promissionem de multiplicatione seminis Abrahæ simpliciter factam sine juramento Genes. 15. & impletionem ejus deposuit jusjurandum Genes. 22. Ad hoc autem interposuit juramentum, ut per duas res immobiles, quibus impossibile est mentiri Deum, fortissimum solatium habeamus. Ibid. Hebr. 6. Duæ res immobiles sunt simplex promissio, & juratoria. Ecce quod Apostolus dicit, quoniam consilium Dei, qui juravit Abrahæ per memetipsum, &c. immobile est; quod non esset, si Diaboli consilium esset; ergo iste est Deus bonus, de quo Jacob dicit cap. 1. v. 17. *Apud quem non est transmutatio, nec vicissitudinis obumbratio*.

Præterea dicit, quod impossibile est Deum mentiri in illis duabus rebus prædictis; ergo ille Deus non est Diabolus qui est mendax, & Pater ejus. Postea dicit, quod per illas duas fortissimum habeamus solatium. Numquid Paulus, & alii Christiani in promissionibus Diaboli haberent solatium? Certe non. Bonus est ergo ille Deus, qui sic primo promisit Abrahæ Genes. 15. & postea juravit ei Genes. 22. quod multiplicaret eum. Ista objicienda sunt illis Catharis, qui ponunt unum principium; sed illi qui ponunt duo, dicent, quod de Deo bono intelligitur, & non de Deo Veteris Testamenti; similiter de bono Abraham, sed non de Abraham Veteris Testam.

Y

sta-

(72) Videtur Irenæus lib. II. cap. XII. num. 3.

(73) Photius lib. II. contra Manichæos & Euthymius in Panoplia P. II. Tit. xx. pag. 210. si Mali Principii vetus est Testamentum, quomodo Christus servator Noster gratiam cum lege conjungens: Multi propheta, inquit, & justi cupiverunt videre quæ vos videtis, & non viderunt? Cur enim videre voluissent, qui

a malo essent; ea quæ boni sunt? Boni enim cupiditas a bono nascitur. Et quomodo rursus dixit, Abraham vidit diem meum, vidit & gavisus est? si enim Christi Mysterium latuit principes, & potestates, & dominationes, earumque Imperatorem, quo pacti servi ejus prævidissent diem Christi, & gavisus essent?

stamenti . Quibus dicendum est : Numquid habetis testimonium ejus quod dicitis ? Non . Sed ego expressum testimonium habeo . De eo quod dico in Genes.22. ubi sunt verba , quæ dicit Apostolus , Mihi ergo credendum est , Tibi non .

Præterea Apostolus ostendit errorem tuum . Dicit enim postea Hebr.6. v.20. Quod *Jesus secundum ordinem Melchisedech Pontifex factus est in æternum* . Et subdit de isto Melchisedech dicens Hebr.7. v.1. *Hic enim Melchisedech Rex Salem , Sacerdos Dei Summi , qui obviavit Abraham regresso a cæde Regum , & benedixit ei , cui & decimas omnium divisit Abraham* ; ut habetur Genes.14. Numquid iste Deus , cujus Sacerdos fuit Melchisedech bonus fuit , an malus ? Si bonus ? Sed ille est Deus Veteris Testamenti ; ut patet ex testimonio Genes. unde Apostolus sumit verba sua , & aliunde non sumit quæ tu possis ostendere ; ergo Deus Veteris Testamenti bonus .

Si dicatur , quod malus fuit ille Deus ; ergo Melchisedech ordinatus erat Sacerdos a Deo malo ; ergo ejus ordo malus ; hoc autem esse non potest in veritate . Quomodo enim factus esset Pontifex Christus secundum Ordinem ejus ? Sic enim esset Pontifex secundum malum Ordinem . Assignat enim Apostolus similitudinem Ordinis Sacerdotii Christi ad Ordinem Melchisedech ; unde non dixit secundum Melchisedech , sed secundum Ordinem ejus . Item Hebr.11. v.8. *Fide , qui vocatur Abraham obediit in locum exire , quem accepturus erat in hereditatem : & exiit nesciens quo iret* . De fide loquitur , quæ est substantia rerum sperandarum argumentum non apparentium ; & ex qua est justitia , & vita , ut ibi dicitur . Hebr. 10. *Justus autem meus ex fide vivit* . Illam ergo fidem dabat Abraham verbis boni Dei ; per fidem enim quam daret verbis Diaboli , non esset justitia , vel vita . Quod autem de ista fide loquatur Apostolus , cum dicit : *Fide , qui vocatur Abraham* , &c. patet ex eo quod Apostolus postquam dixerat : *Est autem fides sperandarum* , &c. statim subdit : *In hac autem testimonium consecuti sunt senes* , idest antiqui Patres , inter quos enumerat Abraham dicens : *qui vocatur Abraham* , &c. Ex hoc patet quod ille Deus , qui dixit Abraham Genes. 12. v.1. *Egredere de Terra tua , & de cognatione tua , & de domo Patris tui , & veni in Terram quam monstrabo Tibi : Faciamque te in gentem magnam , & benedicam Tibi* , &c. Et quem B.Stephanus Act.3. appellat Deum gloriæ , bonus Deus fuit , & Sanctus ; & ita Deus Veteris Testamenti Deus Sanctus est .

Istud argumentum confirmatur per illud quod dictum est supra in hac eadem parte capitis hujus supra verbum Stephani : *Deus gloriæ* , &c.

Item Lucæ 1. v.45. dicit B. Virgo : (74) *Magnificat anima mea Dominum* , idest Patrem : *Et exultavit Spiritus meus in Deo salutari meo* , idest in Filio ejus , idest in Christo qui dicitur Jesus , idest salutaris . Et quare exulto in ipso , & ipsum manifesto ? Ideo , quia respexit humilitatem ancilla suæ . Respicere enim idem est , quod misericordiam facere ei ; ecce enim ex hoc beatam me dicent omnes generatio-

nes , idest Judæi & Gentiles : quia fecit mihi magna qui potens est (Exodi 15. v.3. *Omnipotens nomen ejus*) Et sanctum nomen ejus . (Unde Isaia v.3. *Sanctus , Sanctus , Sanctus Dominus Deus exercituum , plena est omnis Terra gloria ejus* .) Et misericordia ejus , idest a præterita in præsentem , & futuram generationem timentibus eum . *Fecit potentiam* , idest miracula potentissima in brachio suo idest in fortitudine sua : *Dispersit superbos* , idest Ægyptios , propter mentem cordis sui mali . *Deposuit potentes de sede* , supple magnitudinis suæ , scilicet Ægyptios , & exaltavit humiles , idest Hebræos . *Suscepit Israel puerum suum* , idest populum Israeliticum , sicut nutrix parvulum educendo eum de Ægypto : *recordatus misericordiæ suæ* , idest promissionis factæ misericorditer ipsis Patribus , unde sequitur : *Sicut locutus est ad Patres nostros* , & specificat quos Patres , cum dicit ; *Abraham , & semini ejus in secula* . In quibus notandum est , quod ille Deus , quem Beata Virgo magnificabat , in cujus salutari exultabat , locutus est Abraham , & semini ejus . Tu autem dicis quod Diabolus . Cui ergo credendum est , Tibi ne , an B. Virgini ? Ad hoc autem dicit alius Catharus , qui duo ponit principia , quod iste Abraham de quo loquitur B. Virgo alius est ab Abraham Veteris Testamenti . Hoc autem cum ostendere non possit testimonio aliquo , evidens est somnium suum esse & non veritatem .

Item eodem cap. Lucæ v.67. habetur quod Zacharias Pater Johan. Baptistæ repletus est Spiritu Sancto , & prophetavit dicens : *Benedictus Dominus Deus Israel , quia visitavit , & fecit redemptionem plebis suæ* . Et *erexit cornu salutis nobis , in Domo David pueri sui* ; idest in familia ejus . Maria enim de Domo , & familia David fuit , ut patet per virum suum Joseph de quo dicitur 1. Lucæ 27. *quod erat de domo , & familia David* . *Cornu salutis* , appellat Christum . Cornu ideo ipsum dixit , quia sicut cornu in animali ad protectionem est ejus , ita Christus in Ecclesia ad protectionem Ecclesiæ , & liberationem a nocivis . Et propter hoc dicitur *cornu salutis* , idest liberationis populi sui ab hostibus . Postea dixit : *salutem* , supple , *erexit ex inimicis nostris , & de manu omnium qui oderunt nos* . *Salutem* appellat Christum , quia ipse est nostra salus , idest noster Salvator . Quod autem Deus ipse dicatur salus , patet in David , qui orans Deum ait : *Dic anima mea salus tua ego sum* . Ad quod autem dixit : *erexit istud cornu* , scilicet istum Salvatorem , subdit Zacharias loquens per Spiritum Sanctum . *Ad faciendam misericordiam cum Patribus nostris , & memorari testamenti sui sancti* , idest ad memorandum , hoc est ad ostendendum , se memorem testamenti sui Sancti , illius scilicet ; & *benedicentur in semine tuo omnes gentes Terræ* Genes.22.v.18. De quo testamento subdit : *Jusjurandum quod juravit ad Abraham Patrem nostrum daturum se nobis* ; quasi dicat , ad implendum *jusjurandum , quod juravit ad Abraham Patrem nostrum* , scilicet *daturum se nobis* . Ecce habemus per Lucam quod Zacharias per Spiritum Sanctum dixit ista de Deo Israel , idest populi Israelitici , de quo

(74) Hoc idem argumentum intorquet in eos hæreticos sui temporis Irenæus , qui Vetus Testamentum aversabantur . Lib. 111.

cap. x. al. xi. pag. 185. n. 2. Adjicit porro num. 3. alterum illud , quod Moneta ex Cantico Zachariæ mox adjungit .

quo dixit Beata Maria : *Suscepit Israel puerum suum*, &c. Dixit igitur ista de Patre Christi, & de ipso Christo. Verum ergo dixit. Deus ergo Pater Christi, Abrahæ locutus est, promittens ei, & jurans quod in semine, idest in Christo, benedicentur omnes Gentes. Iste autem qui hoc juravit non est alius quam Deus Veteris Testamenti Genes. 22. v. 18. ut patet ex iis, quæ supra dicta sunt super illa verba ad Hebr. 6. v. 12. *Imitatores estote, eorum qui fide, & patientia hæreditabunt promissiones. Abrahæ namque promittens Deus : quoniam neminem habuit, per quem juraret majorem, juravit per semetipsum dicens : Nisi benedicens benedicam Te, & multiplicans multiplicabo Te*. Ex his constat quod Deus Veteris Testamenti est Pater Christi, & locutus est Abrahæ.

Ad idem etiam induci potest illud quod habetur Jac. 2. v. 20. & seqq. *Vis autem scire o homo inanis, quoniam fides sine operibus otiosa est? Abraham Pater noster nonne ex operibus justificatus est, offerens, idest offerre volens, Isaac Filium suum super Altare?* idest offerre paratus. *Vides quoniam fides cooperatur operibus illius, & ex operibus fides consummata est? Et impleta est Scriptura dicens : Credidit Abraham Deo, & reputatum est illi ad justitiam, & amicus Dei appellatus est*. Postea subdit : *Videtis quoniam ex operibus justificatur homo : & non ex fide tantum?* Videtis scilicet per exemplum fidei, & operis Abrahæ, scilicet imolationis saltem in voluntate. Ad cujus imitationem invitat hic Jacobus, sicut & Paulus Hebr. 6. *Imitatores estote eorum, qui fide & patientia hæreditabunt promissiones Abrahæ*. De quo dictum est supra eodem capite. Bona igitur erat fides sua, & opera sua. Similiter ergo & ille cui credebatur, & cui Filium offerebat, bonus, alioquin non invitaret ad ejus imitationem, in fide, & operibus. Iste est Deus Veteris Testamenti, ut patet per verba Jacobi sumpta ex Gen. 22. nec possunt ostendi aliunde sumi; ergo Deus Veteris Testamenti bonus.

Præterea, Jacob dicit, amicum Dei eum appellatum : Numquid ipse Jacobus Diabolum appellaret Deum sine determinatione? Non. Neque invenies Deum sumi in malo sensu sine determinatione.

Præterea contra illos, qui ponunt duo principia, potes inducere, & dicere illis; ubi appellatus est Amicus Dei, nisi in Prophetis, ut in Isaia 41. v. 8. *Et Tu Israel serve meus Jacob, quem elegi semen Abraham Amici mei*. Ista sunt verba Dei Prophetarum. Sed secundum Jacobum dictus est amicus illius qui tentavit eum, & petiit, ut offerret sibi Filium : Ille autem est Deus Veteris Testamenti, ut probatum est; neque potest ostendi quod alius sit; ergo Deus Veteris Testamenti, est Deus Prophetarum; & idem est qui Deus Veteris Testamenti; sed Deus Prophetarum bonus; ergo & Deus Veteris Testamenti bonus.

Præterea ad Hebræos 11. v. 17. dicit Apostolus : *Fide obtulit Abraham Isaac, cum tentaretur : & unigenitum offerebat, in quo susceperat repromissiones : (ad quem dictum est : Quia in Isaac vocabitur Tibi semen) arbitrans quia & a mortuis suscitare potens est Deus; unde eum & in parabolam accepit*. Ecce quia dicitur, quoniam fide obtulit eum, & de qua fide intelligatur, patet ex eo quod dictum est supra

eodem cap. super illo verbo : *Fide, qui vocatur Abraham, &c.* De fide enim intelligitur ex qua est justitia, & vita, quæ est rerum sperandarum substantia. Si fides ista bona est, ergo & oblatio ex hac fide procedens, bona erit, & ita verum est quod Jacobus dixit : *ex operibus justificatur homo : & non ex fide tantum*. Si autem fides bona, & opus bonum; ergo Abraham bonus : sed ut testatur Jacobus, ex iis *amicis Dei appellatus est*. Ergo Deus bonus est, qui loquebatur Abrahæ, & qui eum tentabat, & qui præcipiebat ei, ut offerret ei Filium, & ita Deus Veteris Testamenti bonus. Et nota, quia dicit, quod Abraham *qui susceperat repromissiones : & (ad quem dictum est : Quia in Isaac vocabitur Tibi semen)* idest ex Isaac multiplicabitur Tibi semen tuum, Dei vocatione, idest Dei gratia : vel in Isaac, idest ex Isaac erit Tibi semen, idest Christus, in quo benedicentur omnes Gentes Terræ, sola Dei vocatione, idest gratia divinæ electionis; istum, inquam, Unigenitum offerebat. Hoc autem ideo dixit Apostolus, ne ideo imputaretur Abrahæ imolare Isaac, quia alium haberet, in quo impleverentur repromissiones prædictæ, sequitur *arbitrans*, idest credens, quod Deus perficeret repromissiones prædictas de semine multiplici, & de semine, idest Christo, in quo benedicentur omnes Gentes nascituræ ex Isaac; quia & a mortuis suscitare potens est eum, Deus, immo & quod suscitaret, & ita impleveret promissa, unde quia tantam fidem habuit, eum accepit, non tantum in seminis multiplicationem, sed in parabolam, idest significationem. Isaac enim Christum figurat Deum, & hominem. Per hoc enim quod aries est immolatus, & Isaac a morte liberatus, signatum est Christum secundum carnem passurum esse; secundum divinitatem vero mortem non esse sensurum. Aries ergo humanitatem Christi, Isaac divinitatem ejus figurat. Aries hærebat cornibus inter vepres, quia Christus secundum quod homo cornibus Crucis adhæsit inter Judæos, qui velut spinæ eum pupugerunt, & coronam de spinis ejus capiti circumposuerunt. Abraham portans ignem, & gladium, Deum Patrem figurat. Deus enim Pater ignem portavit, idest ferventem amorem ad nos habuit. Item tulit & gladium, idest ex ferventi amore ad nos, Christum passioni exposuit. Johan. 3. v. 16. *Sic enim Deus dilexit Mundum, ut Filium suum Unigenitum daret, &c.*

Sed quid est quod Isaac tulit ligna, nisi quia Christus tulit lignum Crucis, in quo erat crucifigendus Johan. 19. v. 17. *hæjulans sibi Crucem exivit in eum, qui dicitur Calvariæ locum, Hebraice Golgotha*. Isaia 9. v. 6. *& factus est Principatus super humerum ejus, idest Crux Imperiosa?*

Præterea quid dices de illo Abraham, de quo legitur Eccles. 44. v. 20. & seqq. *Abraham magnus Pater multitudinis gentium, & non est inventus similis in gloria, qui conservavit legem Excelsi, & fuit in Testamento cum illo. In carne ejus stare fecit Testamentum, & in tentatione inventus est fidelis. Ideo jure jurando dedit illi gloriam in gente sua, crescere illum quasi Terræ cumulum, & ut stellas exaltare semen ejus*. Ista sunt verba Jesu filii Syrach, quem ut testem inducere consuevisti, quod omnia duplicia,

Eccl. 45. Et ego isto teste utor contra Te, qui duo ponis principia: iste testis laudat Abraham. Sed de quo Abraham loquitur, nisi de Abraham Veteris Testamenti? Istud patet ex verbis hujus Testis, quæ de Genes. 17. sumuntur, & 15. & 22. quod de alio loquatur, non potes ostendere aliquo testimonio. Quare ergo audes loqui, & quare non dicis Abraham Veteris Testamenti bonus, & sanctus, & Deum qui tentavit eum, ut patet Genes. 22. & dicitur hic Eccl. 44. v. 21. *In tentatione inventus est fidelis?* Patet igitur quod si Jesus filius Syrach verus testis est, Deus Veteris Testamenti bonus & sanctus est. Si autem vis dicere quod falsus testis sit, quomodo audes uti eo ad testimoniandum fidem tuam; quod omnia sunt duplicia, nisi quia falsus es? Dicas ergo mecum, quod verus testis est, & Deus Veteris Testamenti sanctus, & bonus cum Abraham est. Qualiter autem omnia dicuntur duplicia, & quod illa duplicia ab uno & eodem sint, scripturarum testimoniis dictum est in parte prima hujus operis primo capitulo.

Item quid dices adhuc Tu qui ponis duo principia de illo Abraham, unde Deus Prophetarum, Deus sanctus, & verus per Isaiam 51. v. 1. & seqq. loquitur, & dicit: *Audite me qui sequimini quod justum est, & queritis Dominum: attendite ad petram unde excisistis, & ad cavernam laci, de qua præcisi estis?* Postea exponit petram, & cavernam dicens: *Attendite ad Abraham Patrem vestrum, & ad Saram quæ peperit vos: quia unum vocavi eum, & benedixi ei, & multiplicavi eum.* Iste est bonus Abraham secundum Te & Deus qui vocavit eum Pater justorum est. Sed iste est Abraham Veteris Testamenti, quod ostendo Tibi per verba Isaiæ, quæ sumpta sunt de Genes. 22. *Vocavit autem Angelus Domini Abraham secundo de Cælo dicens: Per me metipsum juravi, dicit Dominus, quia fecisti hanc rem, & non pepercisti Filio tuo Unigenito propter me, benedicam Tibi, & multiplicabo semem tuum.* Hoc idem dicit Isaias; unde: *vocavi eum, & benedixi ei, & multiplicabo eum.* Hoc idem dicit Apostolus Hebr. 6. 13. & seqq. *Abrahæ namque promittens Deus: quoniam neminem habuit per quem juraret majorem, juravit per semetipsum dicens: Nisi benedicens benedicam Te, & multiplicans multiplicabo Te.*

Item 11. v. 11. & seqq. *Fide & ipsa Sara sterilis virtutem in conceptione seminis accepit, etiam præter tempus ætatis: quoniam fidelem credidit esse eum, qui repromiserat. Propter quod & ab uno orti sunt (& hoc mortuo) tamquam sydera cæli in multitudine; & sicut arena quæ est ad oram maris innumera-bilis.* Quæ omnia manifeste sunt dicta de Abraham, & Sara Veteris Testamenti, nec possunt ostendi esse dicta de alio.

Eodem modo potes objicere contra istos illud Daniel. 3. in medio cap. ubi Daniel orans, dixit ad Dominum sanctum, & verum, sicut & Hæreticus confitetur: *Ne quæsumus tradas nos in opprobrium propter nomen tuum, & ne dissipes testamentum tuum, neque auferas misericordiam tuam a nobis propter Abraham dilectum tuum, & Isaac servum tuum, & Israel sanctum tuum: quibus locutus es, pollicens*

quod multiplicares semen eorum sicut stellas Cæli, & sicut arenam quæ est in littoris maris.

§. VI.

Quod Deus Veteris Testamenti, qui locutus est Abraham, sit idem qui locutus est & Moyse, & quod ipse sit bonus, & idem cum Deo Novi Testamenti fuerit.

Viso, & ostenso, quod Deus, qui Abraham Veteris Testamenti locutus est, bonus & sanctus est; videamus de eodem Deo, utrum ipse sit ille idem qui per Moysen datorem Veteris legis locutus est. Quod autem ille idem sit, patet Act. 7. ubi aperte habetur, quod ille idem qui apparuit Abraham Deus, scilicet gloriæ, apparuit etiam Moyse. Ibi enim dicitur v. 37. *facta est ad eum vox Domini dicens: Ego sum Deus Patrum tuorum, Deus Abraham, Deus Isaac, & Deus Jacob.* Probatum est autem prius, quod ille qui Abraham loquebatur bonus Deus est; ergo & ille qui loquebatur Moyse.

Item Act. 7. dicitur v. 20. de Moyse, quod *eodem tempore natus est Moyses, & fuit gratus Deo.* Ergo fuit bonus; ergo & Deus ille, cui gratus erat, bonus fuit.

Si autem dicat Hæreticus, quod Deus ibi sumitur in mala parte.

Dicas: Numquid Beatus Stephanus Diabolum appellaret Deum suum sine aliqua determinatione? Certe non. Neque Tu potes ostendere aliquo testimonio, quod a Christo vel ab aliquo ejus Discipulo Deus sumeretur in mala parte sine determinatione aliqua, qua cognoscitur, quod in malo sumatur.

Præterea; Numquid diceret Moysen gratum Deo? Si Moyses malus, & Deus, cui gratus erat esset malus? Non. Hoc enim esset mittere homines in errorem.

Præterea, quod ibi sumatur Deus in bona parte, patet per hoc, quod ille Deus est ille qui apparuit Moyse per Angelum in rubo, ut habetur infra eodem cap. Sed ostensum est prius in principio hujus capituli, quod ille qui locutus est Moyse in rubo, bonus est; ergo ille, cui gratus dicitur Moyses, bonus est.

Item eodem cap. Actorum dicitur v. 35. *Hunc, Moysen, Deus Principem & Redemptorem misit, cum manu Angeli, qui apparuit ei in Rubo.* Ecce quod Stephanus dicit, quod Deus misit eum, & Tu dicis quod Diabolus. Cujus ergo testimonio standum est? Tuo; an Stephani? Si autem dicis quod Diabolus ibi appellatur Deus, hoc stare non potest, quia dicitur 14. Sapientiæ v. 21. *Et hæc fuit vita humana deceptio: quod aut affectui, aut regibus deservientes homines, incommunicabile nomen lapidibus, & lignis imposuerunt.* Ergo si ipse, vel ejus Apostolus hoc nomen Deus Diabolo imposeret, ipse & Apostolus deceptores essent.

Præterea, quod Diabolus non dicatur ibi Deus, patet per illa quæ diximus supra hoc verbum: *Eodem tempore natus est Moyses, & fuit gratus Deo.*

Ne autem de alio Moyse dicat Hæreticus, qui duo ponit principia, hoc esse intelligendum, quam de Moyse Veteris Testamenti; occurrit Stephanus dicens v. 36. *Hic eduxit illos; idest Filios Israel, faciens prodigia & signa in Terra Ægypti, & in rubro mari, & in deserto annis quadraginta.*

Item: *Hic est Moyses, qui dixit Filiis Israel Deuter. 18. Prophetam suscitabit vobis Deus de Fratribus vestris: tamquam meipsum audietis. Quod testimonium a nullo dictum invenitur, nisi a Moyse Veteris Testamenti.*

Item eodem cap. Actorum dicit Stephanus v. 38. *Hic est qui fuit in Ecclesia in solitudine, cum Angelo qui loquebatur ei in Monte Sina, & cum Patribus nostris: qui accepit verba vitæ dare nobis. Cui noluerunt obedire Patres nostri.* Et notandum quod B. Stephanus accusatus fuit a Judæis de blasphemia in Deum Veteris Testamenti; & in legem, & in Moysem, & in Templum, ut habetur Act. 6. post medium cap. Beatus autem Stephanus de quolibet horum se excusat, & primo quod non male sentiebat de Deo Veteris Testamenti dicens: Act. 7. vers. 2. *Deus gloriæ apparuit Patri nostro Abraham &c.*

Item ostendit se non male sentire de Moyse dicens v. 20. *Eodem tempore natus est Moyses, & fuit gratus Deo.*

Item: *hunc Deus Principem, & Redemptorem misit &c.*

Item ostendit se non male sentire de lege, unde v. 38. *Hic est qui fuit in Ecclesia in solitudinem &c.* Psalm. 131. & Act. 7. ut supra. Quarto excusat se de loco, sive de Templo, ubi dicit: David; *invenit gratiam ante Deum, & petiit ut inveniret tabernaculum Deo Jacob, idest ut faceret, & factum inveniri posset. Salomon autem edificavit illi domum, supple non ad habitandum, sed ad venerandum eum, unde subdit Stephanus: Sed non Excelsus in manufactis Templis habitat, sicut per Prophetam Isaiam 66. v. 1. & seqq. dicit: Cælum sedes mea, Terra autem scabellum pedum meorum: quæ est ista domus quam edificavi mihi, & quis est iste locus quietis meæ? Omnia hæc manus mea fecit.*

Item, quod non ad habitandum ibi Dominum fieret domus illa, patet 3. Regum 8. & 2. Paralip. 2. sed tantum ad orandum ibi Deum, & ad adolendum ei incensum. Modo dico sic: Beatus Lucas Act. 6. dicit, quod falsi Testes contra Stephanum inducti sunt; & testabantur quod ipse loquebatur contra Deum Veteris Testamenti; contra legem, contra Moysem, & contra locum sive Templum, ut ibi dicitur. Stephanus ergo non loquebatur contra Deum Veteris Testamenti, vel contra Moysem, & alia duo; ergo non erat contrarius Deo Veteris Testamenti, vel Moyfi, vel Legi ejus, vel Templo; ergo neque Ecclesia Dei est contraria illis; sed Tu es ei contrarius, ergo non es de Ecclesia Dei.

Responde ad præmissum testimonium: Hic est Moyses, qui fuit in Ecclesia in solitudine &c. Ex præmissis patet, quod iste Angelus est ille qui apparuit Moyfi in igne flammæ Rubi; per quem Angelum Deus Abraham, Deus Isaac, & Deus Jacob, Deus Patrum nostrorum loquebatur Moyfi, ut dicit Ste-

phanus dicens: & facta est ad Deum, idest ad Moysem, Vox Domini, dicens: Ego sum Deus Patrum tuorum, Deus Abraham, Deus Isaac, Deus Jacob. Deus ergo bonus loquebatur Moyfi per illum Angelum, sed ille est Deus Veteris Testamenti; ergo Deus Veteris Testamenti bonus.

Præterea, locutus est ei verba vitæ, ut dicit Stephanus, & increpans eorum Patres dicit: *Cui noluerunt obedire Patres nostri; ergo bonus erat qui loquebatur, & bona quæ loquebatur, scilicet verba legis Moyfi.* Quomodo Tu ausus es dicere, quod ille Deus malus fuerit, & verba ejus similiter? Si autem dicas quod dicuntur verba vitæ, non æternæ, sed temporalis hujus, quæ mala est, ut Tu ponis, proba quod hæc vita sit mala. Nonne Lazarus temporaliter mortuus, temporali vitæ restitutus est per Christum? ergo vita ista temporalis a Deo.

Præterea, quod verba legis Moyfi, erant verba vitæ æternæ, probari potest per illud Matthæi 19. v. 16. & seqq. ubi dicitur cum quidam quæfivisset a Christo: *Magister bone, quid boni faciam, ut habeam vitam æternam? qui dixit ei: Quid me interrogas de bono? Unus est bonus Deus. Si autem vis ad vitam ingredi, serva mandata. Dicit ille: Quæ? Jesus autem dixit: Non homicidium facies: non adulterabis: non falsum testimonium dices: non facies furtum: Honora Patrem tuum & Matrem tuam: Diliges proximum tuum sicut te ipsum.* Ista & similia, sunt verba legis per quæ ingreditur quis ad vitam æternam, ut dicit Christus: Verba ergo legis sunt verba vitæ æternæ, non tantum temporalis.

Ad hoc tamen dicit hæreticus, quod per vitam ibi Christus intelligitur. qui ait Jo: 14. *Ego sum via & veritas, & vita.* Sed tamen valet nobis ad probandum, quod intendimus.

Præterea, a quo accepit Moyses verba vitæ dare filiis Israel cum loquebatur de vita æterna? Constat quod a diabolo non accepisset illa ad dandum populo suo; ergo a Deo Sancto, qui ei loquebatur. Sed non loquebatur eis, nisi Deus ipse Veteris Testamenti; ergo ille est Deus bonus.

Item ibi dicit Stephanus v. 40. quod filii Israel vitulum fecerunt in diebus illis, ut habetur Exodi 32. & obtulerunt hostiam simulachro, & letabantur in operibus manuum suarum. Convertit autem Deus, & tradidit eos servire militiæ cæli, sicut scriptum est in libro Prophetarum, scilicet Amos 5. *Numquid victimas & hostias obtulistis mihi annis quadraginta in deserto domus Israel?* Modo dico tibi, qui duo ponis principia: Deus iratus est eis propter peccatum vituli. Iste est Deus Veteris Testamenti, de cujus ira propter vitulum habetur Exodi 32. parum post principium capitis. Iste est Deus Prophetarum, ut dicit Stephanus, qui recitat verba Amos 5. circa finem. Deus autem Prophetarum bonus; ergo Deus qui iratus est eis propter peccatum vituli bonus est. Sed ille erat Deus Veteris Testamenti; ergo bonus; & idem cum Deo Prophetarum.

Item eodem cap. Act. v. 44. dicitur: *Tabernaculum testimonii Dei fuit Patribus nostris in deserto, sicuti disposuit Deus loquens ad Moysem, ut faceret illud secundum formam quam viderat.* Istud habetur ex eodem Exod. 25. in fine. Sequitur Actor.

v. 45. Quod & induxerunt suscipientes Patres nostri cum Jesu in possessionem gentium quas expulit Deus a facie Patrum nostrorum. Ecce quod dicit Stephanus Deum dixisse Moyfi, ut faceret Tabernaculum, quod minime faceret, si diabolus fuisset ille, qui ei loquebatur de tabernaculo faciendo. Credendum est ergo, quod dator Veteris Testamenti, qui Moyfi locutus est per Angelum, & præcepit ei, ut faceret tabernaculum, bonus & verus Deus fuerit. Istud argumentum per sequentia firmabitur magis, ut patebit. Dicebatur autem tabernaculum testimonii, ubi erant illa quæ testificabantur beneficia a Deo exhibita, scilicet Manna & Tabulæ Testamenti. (75)

Item Rom. 9. v. 13. *Jacob dilexi*, (76) *Esau autem odio habui*. Hoc dixit Deus, qui loquebatur Moyfi Veteris Testamenti, ut patet per seriem litterarum Apostoli ibidem. Modo quæro, nunquid Deus, qui hoc dixit Malachiæ 1. bonus fuit? Illi qui ponunt unum principium, dicunt quod malus fuit, quia odio habuit Esau.

Contra. Apostolus removet ab eo iniquitatem dicens v. 14. *Quid ergo dicemus?* quasi dicat, ex quo odit Esau? *Nunquid iniquitas est apud Deum?* Et facta quæstione solvit. *Abstet: Moyfi enim dixit: miserebor, cui miserebor; & misericordiam præstabo cui miserebor.* Exodi 33.

Item quod istud *miserebor &c.* intelligatur de Deo bono & vero patet ex eo quod Apostolus ex verbis illis argumentatur dicens: *Igitur non volentis, neque currentis, sed miserebris est Dei.* Quæ constant esse dicta de Deo bono ab ipso Apostolo; sicut etiam illa quæ ponit ad Philipenses 2. v. 13. *Deus enim est qui operatur in vobis & velle, & perficere pro bona voluntate.* Ex his ergo patet quod Deus Veteris Testamenti bonus est, quia misericors eligendo Jacob.

Item ibi, scilicet Rom. 9. v. 14., dicit Apostolus: *Dicit enim Scriptura Pharaoni*, idest Deus in Scriptura Veteris Testamenti: *Quia in hoc ipsum excitavi te, ut ostendam in te virtutem meam, & ut annuncietur nomen meum in universa Terra.* In hoc ipsum, idest propter hoc ipsum, scilicet ut ostendam, ut habetur Exodi 9. *Induravit cor ejus*, quod sic intelligitur, idest in duritia sua dimisit eum propter peccata sua, & ita justus est. In hoc ergo non est iniquus Deus Veteris Testamenti ex iis duobus testimoniis: *miserebor &c.* Item: *Quia in hoc ipsum excitavi te &c.* Concludit Apostolus: *Ergo cujus vult miseretur, & quem vult indurat.* Quod intelligitur de bono Deo, sicut patet per sequentia. Cum enim quidam ex his verbis Apostoli: *cujus vult &c.* quærerent: *quid adhuc quæritur? voluntati ejus quis resistet?* Apostolus statim illam quæstionem

stultam esse ostendens dicit: *O homo tu quis es, qui respondeas Deo? Nunquid dicit figmentum ei qui se finxit: quid me fecisti sic? An non habet potestatem figulus lati, ex eadem massa facere aliud quidem vas in honorem, aliud vas in contumeliam?*

Præterea, si vis dicere, quod Deus ille malus est, de quo loquitur Malachias; Secundum hoc ostendo tibi, quod inimicus diaboli damnatus est, amicus autem ejus salvus. Esau enim damnatus est, ut habetur Hæb. 12. Jacob autem bonus est; unde Matthæi 8. v. 11. *Multi ab Oriente & Occidente venient, & recumbent cum Abraham & Isaac, & Jacob in regno celorum.*

Ad primam quæstionem de auctoritate Malachiæ; dicit ille qui duo ponit principia, quod de Deo bono intelligitur. Quo dicto, dicas ei: sed ille loquebatur Moyfi Veteris Testamenti; ergo Deus bonus erat qui loquebatur Moyfi. Si autem dicat quod de alio Moyse ibi loquatur Apostolus, dicas ei, quod hoc ostendat testimonio aliquo; quod cum facere non possit, constat, quod somnium vanum est quod dicit. Ego enim ostendo quod de Moyse & Pharaone Veteris Testamenti loquitur per testimonia scripturarum Apostoli Rom. 9. quæ de Exodo sumpta sunt.

Item 2. Timoth. 3. v. 8. *Quemadmodum (77) autem Jamnes & Mambres resistunt Moyfi; ita & hi resistunt veritati, homines corrupti mente, reprobi circa fidem; sed ultra non proficient: insipientia enim eorum manifesta erit omnibus, sicut & illorum fuit.* Insipientes ergo fuerunt illi, quia resistebant Moyfi; ergo bonus, & sapiens erat, faciendo signa illa quæ faciebat in Ægypto. Si enim ille male egisset, illi bene & sapienter fecissent resistendo illi.

Item Hebr. 3. v. 1. & seqq. *Unde Fratres Sancti vocationis (78) celestis participes, considerate Apostolum, & Pontificem confessionis nostræ Jesum, qui fidelis est ei, qui fecit eum, sicut & Moyses in omni domo ejus*, idest Jesu, vel Dei Patris, qui fecit eum hominem; ergo Moyses fuit fidelis in domo Dei Patris & Filii ejus Jesu Christi; ergo Pater Christi fuit qui Moyfi loquebatur; ergo Deus Veteris Testamenti bonus, & Moyses similiter bonus, quia fuit fidelis in domo Patris Christi, sicut & Christus fuit: sed Christus non fuit fidelis nisi ex bona fidelitate; ergo & Moyses bonus, & Deus Veteris Testamenti bonus.

Præterea, si de Moyse malo intelligitur, ergo de mala fidelitate. Sed miser, ubi unquam invenitur in Scriptura Sacra, fidelis in malo? Ostende hoc aliquo testimonio, alioquin somnias.

Si autem dicat Hereticus, ut aliquando mihi dixit, (79) quod sic intelligendum est: *sicut & Moyses*

(75) Eodem hæc recidunt atque ea, quæ ex Irenæo attulimus Nota 69. in hoc cap.

(76) Euthymius P. 11. Panoplie tit. xx. pag. 212. simile quidpiam contra Paulicianos affert, quod est mutuatus a Photio lib. 11. Contra Manich. Consulitor.

(77) Archelaus Epistola ad Diodorum Presbyterum num. xlv. pag. 81. Edit. Zacagnii Collect. Vet. Monum., Tu vero, inquit, (o Manes) qui dicis legem Mosi esse maligni principis, & non boni Dei, dic mihi, qui erant illi, qui resistebant in faciem Moyfi, Jamnem dico, & Mambrem? Omne enim quod resistit

non sibi metipso resistit, sed alii aut meliori, aut deteriori, sicut Paulus indicat ad Timotheum in 11. Epistola sua scribens: *Quemadmodum Jamnes, & Mambres resistunt Moyfi &c.* Vides quomodo Jamnem, & Mambrem hominibus comparat corruptis mente, & reprobis circa fidem; Moysen vero veritati?

(78) Vide Irenæum lib. 111. cap. vii. n. 5. pag. 181.

(79) Ineptus hic hæreticus erat. Etenim ne vim quidem verborum Pauli, quæ ceteroqui perspicua sunt, assequi potuit. Quotus enim quisque non videt, fidelem appellari Mosén in omni domo Dei? Hæc enim erat dicendi ratio communis, ac pervulgata apud Ju-

ses in omni domo ejus ; idest Moyfi . Constat hoc esse non posse ; *ille* enim non est relativum reciprocum : Nihil enim est dictu Moyfes videt illum , si *illum* est relativum , licet dicibile sit si Moyfes videt se .

Præterea , quod alius sit Moyfes qui fidelis dicitur , & alius ille in cujus domo fidelis ab Apostolo perhibetur , patet ex lib. Num. 12. ubi Deus Veteris Testamenti de Moyse dicit illa verba Apostoli . Sic enim ait : *At non talis servus meus Moyfes , qui in omni domo mea fidelissimus est* . Ex hoc etiam patet , quod Deus Veteris Testamenti est ille Deus qui fecit Christum hominem .

Præterea , assignata differentia inter Moysem & Christum in fidelitate , ostendit Apostolus , quod licet similes essent in illa domo , quia ambo fideles in ea , non tamen æquales , unde ait v. 3. *Amplioris enim gloriæ iste præ Moyse dignus habitus est* . Modo quæro : hoc ipsum gloriæ , aut tenetur pro honore , sive pro gloriâ mala , aut pro bona ? si pro mala ? hoc stare non potest , quia Christus non est dignus malæ gloriæ . Si pro bona ; ergo Moyfes dignus erat gloriæ bonæ , licet non tantum quantum Christus ; ergo Moyfes bonus , & Deus qui regebat eum bonus .

Præterea , dicit eod. v. 3. , *quod ampliorem honorem habet domus qui fabricavit illam* ; quam ille qui non fabricavit ; per hoc intelligens probare , quod Christus ampliorem honorem debet habere in domo illa , quam Moyfes . Et quod ipse Christus potuerit illam fabricare , ostendit per hoc , quod ait : Jo. 1. v. 3. *Omnia per ipsum facta sunt , & sine ipso factum est nihil quod factum est . Qui autem omnia creavit Deus est* (Hebr. 3. v. 4.) quasi dicat : Christus Deus est qui omnia creavit , quia omnia per ipsum facta sunt &c. Si omnia , ergo & domus illa . Ecce quod Apostolus appellat Jesum omnium Creatorem . Quare ergo tu , qui duo ponis principia , asseris Creaturam puram , nisi quia mendax es ?

Præterea , si uterque , idest Christus & Moyfes tantum creatura est , ut tu dicis , qui duo ponis principia , ergo neuter est in domo ut fabricator , sed tantum ut famulus , Christus vero ut Fabricator & ut Filius in domo propria .

Præterea , vides , quod Apostolus in eadem domo ponit Moysem & Christum , sed Christum ut Fabricatorem , Moysem vero non . De simili ergo homine loquitur , licet non de æquali , & ita dignus est Moyfes honoris boni & sancti , sicut & Christus , licet non æqualiter . Vis etiam videre , quod in eadem domo ponit Apostolus Moysem & Christum , attende verba sequentia Apostoli v. 5. *Et Moyfes quidem fidelis erat in tota domo ejus tamquam famulus , in testimonium eorum quæ dicenda erant . Christus vero tamquam filius in domo sua* . Ex quibus verbis patet , quod non intelligitur in domo ejus , idest in domo Moyfi , quia Moyfes in domo Moyfi , sive sua non esset ut famulus , immo ut Dominus . Intelligitur ergo in domo ejus , idest in domo Christi , vel Dei Patris , qui fecit illam , in qua erat tamquam famulus , idest quasi in aliena ;

Christus vero ut in sua , & ideo ampliorem honorem debet habere in illa domo , quam Moyfes . Et nota quod ibi erat ut famulus , sed cujus famulus , nisi illius , cujus erat domus ? Domus autem erat Christi & Patris ejus ; ergo Moyfes famulus Christi ; ergo regebatur a Patre Christi , & ab ipso Christo vero Deo , & mandata ejus accipiebat ab eo , ut famulus a Domino , Deus ergo Pater Christi erat ille qui loquebatur Moyfi . Pater ergo Christi Deus est Veteris Testamenti .

Præterea , Apostolus dicit ; quod *Moyfes fidelis erat in tota domo ejus tamquam famulus* . Constat ex prædictis , quod nonnisi Patris Jesu Christi , & ad quod erat ejus famulus , subdit Apostolus ; *in testimonium eorum quæ dicenda erant* . Si ejus erat famulus ; ergo non erat famulus diaboli . *Nemo enim potest duobus Dominis servire* . Item si ea testabatur quæ dicenda erant , & ad hoc erat fidelis famulus ; ergo erat fidelis bona fide , & sancta ; ergo erat bonus & sanctus .

Præterea , domus Dei Patris , in qua fuit Moyfes ut famulus , est illa domus , in qua fuit Christus , ut Filius in domo sua , sicut patet per ea , quæ diximus ex verbis Apostoli , sed Apostolus loquens in persona Ecclesiæ dicit : *quæ domus sumus nos* ; ergo Moyfes fuit intra Ecclesiam Dei & Christi ejus , ergo Ecclesia Christi fuit in Veteri Testamento . Hoc est quod testatur B. Stephanus de Moyse Act. 7. v. 38. *Hic est qui fuit in Ecclesia in solitudine , cum Angelo qui loquebatur ei in Monte Sina , & cum Patribus nostris , qui accepit verba vitæ dare nobis* . De quibus verbis dicit Apostolus Hebr. 3. v. 5. *quod Moyfes fidelis erat in tota domo ejus , tamquam famulus in testimonium eorum quæ dicenda erant* . Et hæc sunt verba vitæ .

Item ad Hebræos 11. v. 24. & seqq. *Moyfes grandis factus negavit se esse filium filia Pharaonis : magis eligens affligi cum populo Dei , quam temporalis peccati habere jucunditatem , majores divitias aestimans thesauro Ægyptiorum , improprium Christi ; aspiciebat enim remunerationem* . Vides manifeste quod Apostolus fidem Moyfi laudat , quia de Christo , & ejus improprio in Crucis patibulo erat , & quia de æterna erat remuneratione , ad quam venit per Christi passionem . Ignominiosam habebat ergo Moyfes fidem Christi , sed ei soli credebatur , cujus fidem habebat , & ille cui credebatur , loquebatur ei ; ergo Christus erat qui loquebatur Moyfi ; ergo Deus loquens Moyfi , & regens eum , bonus fuit ; Igitur Deus Veteris Testamenti bonus & Moyfes bonus .

Si autem dicas , quod Moyfes non habuit respectum ad Christum ; quod enim dicitur improprium Christi , sic intelligendum est , idest quod ipse pertulit ab ipso populo , sicut & Christus postea , sed quod ad Christum aspiceret ; & alii qui in illo capite introducuntur , & quod Christus eum , & populum suum regeret , patebit inferius , cum disputabitur super illud verbum Apostoli 1. Corint. 10. *neque tentemus Christum &c.* Hoc idem etiam patebit per illud

Judeos quod 12. Numer. cap. ita sit scriptum . Hinc Philo *De Allegoriis* , ut est Grotio in hoc cap. 111. Ep. ad Hebræos animadvertit ad x11. Numer. cap. respiciens ; κατὰ τὸν αἶνόν , inquit , Μωϋσῆς

λέγεται πιστὸς ἐν πάντι τὰ οἴκα γυναικῶν . Ut Moses dicitur in omni domo fuisse fidelis . Hoc ipsum argumentum intorquet in Paulicianos Enthyimius Panopl. Part. 11. Tit. xx. pag. 212.

illud, quod etiam infra habetur: *Fide Moyses reliquit Ægyptum &c.*

Item patebit per illud quod habetur Jo: 5. v. 45. *Nolite putare quia ego accusaturus sum vos apud Patrem; est qui accusat vos, Moyses, in quo speratis.* De quo dicitur in hoc eodem patet ex eo quod Apostolus dixit Hæbr. 12. cap. v. 1. & seqq. *Ideoque & nos tantam habentes impositam nubem testium, deponentes omne pondus & circumstantes nos peccatum per patientiam curramus ad propositum nobis certamen, aspicientes in auctorem fidei & consummatorem Jesum.* Ideoque causam notat, idest quia illi testes, & tot aspiciebant in eum; nos exemplo & testimonio ipsorum aspiciamus in eundem.

Ad idem facit illud Judæ 1. v. 5. *Jesus, populum de terra Ægypti salvans &c.* super qua auctoritate postea disputabitur.

Dicit etiam Hæreticus: quod non aspiciebat ad æternam remunerationem ipse Moyses, sed ad temporalem; intendebat enim dominari populo, quod & fecit.

Respondeo: hoc stare non potest, quia Apostolus dicit de eo Hæbr. 11. v. 25. *Magis volebat affligi cum populo Dei, quam temporalis peccati habere jucunditatem.*

Item quod per fidem suam non respiceret ad remunerationem temporalem & visibilem, patet per illam fidem quam habebat de invisibili Deo, unde dicit Apostolus Hæbr. 11. v. 28. *Invisibilem enim tamquam videntem sustinuit;* ergo ad invisibilem remunerationem aspiciebat.

Præterea, hoc idem patet per principium cap. de fide, ubi dicitur v. 1. *Est autem fides sperandarum substantia rerum, argumentum non apparentium.* Et subdit v. 2. *In hac enim testimonium consecuti sunt fenes;* Inter quos ponit Moysen; ergo fides ejus fuit invisibilem, & ita permanentium bonorum. *Quæ enim videntur temporalia sunt; quæ autem non videntur æterna sunt.* 2. Cor. 4. v. 18.

Præterea, vide quod dicit Apostolus, quod Moyses per fidem elegit affligi cum populo Dei. Modo quæro: ille Populus, dicebatur Dei populus Gentilis? Non. Quare hoc dicitur? Non propter creationem. Ad Rom. 3. v. 29. *An Judæorum tantum? Nonne & Gentium;* ergo per creationem, vel facturam æqualiter, uterque populus Dei erat.

Si dicat propter promissiones factas illi populo.

Ergo Deus verax illi populo promisit illas promissiones; ergo ille loquebatur eis; sed non loquebatur eis, nisi Deus Veteris Testamenti; ergo ille Deus bonus est.

Si dicat per culturam, quod verum est, scilicet quod iste colebat Deum, scilicet Judaicus populus: ille autem idola, & creaturas, unde ad Roman. 1. v. 45. de eis dicit: *Et servierunt Creaturæ potius quam Creatori, qui est benedictus in secula.* Dominus autem Matthæi 15. v. 6. increpans Judæos ait: *irritum fecistis mandatum Dei propter traditionem*

vestram. Hypocrita, bene prophetavit de vobis Isaias dicens: *Populus hic labiis me honorat: cor autem eorum longe est a me. Sine causa autem colunt me.* Judæi ergo dicebantur populus Dei, quia eum colebant, sed non volebant nisi illum, qui dederat mandata; ille autem erat Deus Veteris Testamenti; ergo Deus Veteris Testamenti, verus Deus est, cujus populus, ille dictus est.

Præterea si vis dicere, quod dictus sit ejus populus, propter promissiones ei factas; dicas a quo factæ sunt illæ promissiones ei, nisi a Deo vero, & sancto; ergo Deus verus & sanctus eis loquebatur per Moysen, & alios Patres.

Item Hebr. 11. v. 17. *Fide Moyses, reliquit Ægyptum: non veritus animositatem Regis,* quasi dicat, per fidem reliquit Ægyptum, non propter timorem crudelitatis Regis; & quod non timeret, probat Apostolus dicens: *invisibilem enim, tamquam videntem sustinuit;* idest expectabat eum quem non videbat esse sibi ad auxilium, ac si videret eum. Quis est iste invisibilis? Nisi ille de quo Apostolus 1. Timoth. 1. v. 17. *Regi autem seculorum immortalis, invisibili, soli Deo honor, & gloria in secula seculorum. Amen.*

Item de quo Johan. 1. v. 18. *Deum nemo vidit unquam.* Ecce in quo sperabat Moyses, quia in domo invisibili illi fidem dabat. Ille ergo est Deus invisibilis, qui solus est Deus, & cui honor, & gloria in secula seculorum. Amen. Ex quo patet error tuus, quo blasphemias etiam Deum Veteris Testamenti, dicens eum esse visibilem, & visum a Moyse Exodi 33., de quo diximus supra in cap. de Deo Veteris Testamenti, contra Ecclesiam.

Item Hæb. 11. v. 28. *Fide, Moyses celebravit Pascha, & sanguinis effusionem: ne qui vastabat primitiva,* supple Ægyptiorum, tangeret eos, idest Judæos. Per fidem ergo non apparentium, effudit sanguinem agni; sed hæc est fides, sine qua impossibile est placere Deo, & a qua qui subtraxerit se, non placeat animæ suæ, ut dixerat Apostolus. Fides ergo Moyfi sancta & bona est, & ille, cujus dictis fidem dabat, sanctus & bonus.

Præterea: ergo effusio sanguinis Agni non erat peccatum.

Item Johan. 5. v. 45. dixit Jesus Judæis. (80) *Nolite putare, quod ego accusaturus sum vos apud Patrem: est qui accusat vos, Moyses, in quo speratis.* Si Moyses accusat eos apud Patrem Christi, & non nisi de hoc, quia non credunt Christo, de quo ipse dixerat Deuteronom. 18. v. 14. *Prophetam de gente tua, & de Fratribus tuis, sicut me, suscitabit tibi Dominus Deus tuus &c.* Moyses ergo habebat fidem Patris, & Filii ejus Jesu Christi; Sed nullius fidem habebat, nisi ejus, qui secum loquebatur; ergo Deus Pater Christi, & ipse Christus erat ille Deus, qui ei loquebatur. Deus igitur veteris Testamenti fuit Pater Christi.

Præterea ibi dicitur Jo: 5. v. 46. *Si enim crederetis Moyfi, crederetis forsitan & mihi;* idest si audieritis

(80) Regerit hoc ipsum in Gnosticos argumentum S. Irenæus lib. IV. cap. 11. n. 3. pag. 229. „Quoniam, inquit, Moyfi litteræ „verba sunt Christi, ipse ait ad Judæos, quemadmodum Johannes „in Evangelio commemoratus est: si credidissetis Moyfi, credi-

„dissetis & mihi &c. Manifestissime significans Moyfi litteras „suos esse sermones; ergo si Moyfi & reliquorum sine dubio „Prophetarum sermones ipsius sunt. Vide Titum Bostrensem „lib. 111. pag. 141.

tis eum aure cordis, audiretis & me; sed ut habetur Lucæ 10. v. 16. Christus dixit discipulis suis: *Qui vos audit me audit*. Et quare? Quia ipse loquebatur in eis, unde unus eorum dicebat. 2. Corint. 13. v. 3. *An experimentum queritis ejus, qui in me loquitur, Christus?* ergo a simili & ipse loquebatur in Moyse, cum dicat de eo: *Si enim crederetis &c.*

Nec obstat mihi, quod dicat, forsitan; quia non sumitur dubitative, sed notat eventum. Nonne vides, quod Christus in Johanne dicit Judæis c. 8. v. 19. *Si me sciretis, forsitan & Patrem meum sciretis?* Utique hoc dixit. Sed numquid dubitative sumitur hoc ipsum forsitan? Non. Similiter neque ibi. Quod autem non sumatur dubitative cum dicitur: *Si me sciretis &c.* patet ex eo quod Johan. 14. v. 9. dicit Christus Philippo assertive: *qui videt me, videt & Patrem*.

Item Apocalypsis 15. v. 2. dicit Beatus Johannes: *Et vidi tamquam mare vitreum mixtum igne, & eos qui vicerunt bestiam, & imaginem ejus, & numerum nominis ejus, stantes super mare vitreum, habentes cytharas Dei: & cantantes canticum Moysis servi Dei, & canticum Agni*. Vide quod B. Johannes appellat Moysen servum Dei; ergo non erat servus Diaboli; Ut enim dicitur Matthæi 6. v. 24. *Nemo potest duobus Dominis servire*.

Præterea, si erat servus Dei, ergo non faciebat peccatum: *omnis enim qui facit peccatum, servus est peccati*, ut habes Jo: 8. v. 14.

Præterea S. Johannes dicit eum servum Dei, & Sanctus Stephanus dicit eum gratum Deo, & Paulus dicit, quod in tota domo Patris Jesu Christi fuit fidelis. Ad Hebr. 11. v. 25. dicitur: *quod magis eligens affligi cum populo Dei quam temporalis peccati habere jucunditatem*.

Item v. 28. *quod invisibilem Deum tamquam videns sustinuit*.

Item Jo: 5. dicitur quod (81) accusat Judæos apud Patrem. Et Lucæ 16. v. 30. *Habent Moysen, & Prophetas, audiant illos*; quasi dicat: si illos audierint, in loco tormentorum non venient. Ecce qualia, & quot testimonia, & multa alia inveniuntur de laudibus Moysi in Novo Testamento. Invenies tu miser unum solum testimonium in Novo Testamento, quod sit contra Moysen? hoc minime potes ostendere; ergo fileas.

Præterea, quod fuit canticum Moysi, quod ille cantabat, nisi illud, quod habetur Exodi 15. v. 1. *Cantemus Domino: gloriose enim magnificatus est, equum, & ascensorem dejecit in Mare*. Nonne vides quod parum ante ibi dicitur: Exod. 14. *timuitque populus Dominum, & crediderunt Domino, & Moysi servo ejus*. Et hoc est propter quod dicit Johannes, Moysen servum Dei, de cujus cantico sequitur in Exodo c. 15. v. 1. *Tunc cecinit Moyses, & Filii Israel carmen hoc Domino, & dixerunt: cantemus Domino &c.*

Præterea, quod ita sit, patet ex sententia cantici, & verborum Johan. in Apocalyp. 15. v. 2. quæ concordant. In Apocalyp. dicitur: *quod vicerunt*

bestiam, & imaginem ejus, & numerum nominis ejus. Per bestiam Pharaon designatur; animalis enim homo erat, non percipiens quæ Dei sunt, unde & dicebat prius: *Nescio Dominum, & Israel non dimittam*. Imago dicitur quasi imitago, idest principes imitatores, sive sequaces ejus. Numerum appellat numerositatem, & multitudinem bellatorum ejus, qui dicti sunt numerus nominis ejus, quia per illos nomen ejus diffundebatur ubique; & ita erat ubique ad nomen, sive ad famam ejus, & idem dicitur in Cantico Moysi: *equum & ascensorem ejus dejecit in Mare*, scilicet Pharaonem.

Item Exod. 15. v. 3. dicitur *Dominus quasi vir pugnator, currus Pharaonis, & exercitum ejus projecit in mare*, vel bestiam, dicit [*] dextrarium Pharaonis, imaginem ejus ipsum Pharaonem, qui sine discretionem fuit, quasi equus suus. Nolite (dixit David Psalm. 31.) *fieri sicut equus, & mulus quibus non est Intellectus*, propter hoc dicitur in Exodo: *Equum & ascensorem dejecit in mare*. Alia non mutantur; ibi dicitur quod illi, qui vicerant bestiam, & imaginem ejus habebant cytharas. Et in Exod. 15. v. 20. dicitur: *Sumpsit ergo Maria Prophetissa soror Aaron tympanum in manu sua: egressæque sunt omnes mulieres post eam cum tympanis, & choris*. In Apocalypsi 15. v. 3. Omnia ex toto eo cap. 15. Exod. & ex toto cap. 15. Apocalyp. *Magnu, & mirabilia sunt opera tua Domine Deus Omnipotens*. In Cantico Exodi enumerantur ista mirabilia ex parte: In Apocalypsi dicitur: *Domine Deus Omnipotens*. In Exodo: *Dominus quasi vir pugnator Omnipotens nomen ejus*. In Apocalypsi dicitur: *Quis non timebit Te?* In Exodo dicitur: *Terribilis*. In Apocalypsi dicitur: *Et magnificabit nomen tuum*. In Exodo dicitur: *Dextera tua Domine magnificata est &c.*

Item: *gloriose enim magnificatus est: equum & ascensorem dejecit in Mare*.

Item Apocalypsi dicitur: *quia tu solus pius es; supple populo tuo*. In Exodo dicitur: *Dux fuisti in misericordia tua populo quem redemisti*. In Apocalypsi dicitur: *quoniam omnes gentes venient, & adorabunt in conspectu tuo*. In Exodo dicitur: *Sanctuarium tuum Domine quod firmaverunt manus tue*. Per quod Sanctuarium intelligitur domus Domini, scilicet Templum, de quo dicitur Marci 11. v. 17. *Nonne scriptum est, quia domus mea domus orationis vocabitur omnibus gentibus?* Quod intelligendum est de Templo Jerosolymitano, ut inferius ostendetur.

Item in Apocalyp. dicitur v. 5. ejusdem capit. *quoniam judicia tua manifestata sunt*. In Exodo autem manifestum apparet judicium Domini inter Ægyptios damnatos, & Israelitas salvatos seu liberatos.

Si autem objicias mihi, quod ista non possunt stare propter hoc, quod Filii Israel steterunt supra mare rubrum: illi autem de quibus dicitur Apocalyp. 15. *steterunt supra mare vitreum mixtum igne*.

Z

Re-

(81) Ne hoc quidem omittit Irenæus loco indicato nota superiore. Sed Titus Bostrensis lib. 111. contra Manichæos pag. 140. Ubi hoc Johannis *ἐστὶν* attulit: *O rem, inquit, miram neque si quis a mor-*

tuis excitatus nuncium afferat, ei creditur sine Lege, & Prophetis. [*] Dextrarium pro Equo: Ita nempe vulgari Italicorum sermone equus dextriero dicitur.

Respondeo quod ad litteræ sonum non intelligitur, neque inveniri potest. Dico ergo, quod idem est Mare, & per similitudinem loquitur Johannes, mixtum enim fuit igne, idest igneum, quasi igni simile, quasi dicat rubeum, vel igneum, illis, quos devoravit. Sed vitreum fuit Hebræis, quia sicut vitrum facile rumpitur, ita illud Mare facile divisum est Hebræis, ut transirent liberati, unde Psal. 135. *Qui divisit mare rubrum in divisiones.*

Item sicut vitrum non fluit, ita illud Mare non fluxit transeuntibus Hebræis per siccam in medio ejus, unde Heb. 11. v. 22. *Fide transferunt mare rubrum, tamquam per aridam Terram: quod experti Ægyptii devorati sunt.* Quod autem dicitur: *canticum Moyfi servi Dei, & canticum Agni* Apocalypsis 15. idem canticum intelligendum est. Erat enim canticum Moyfi, quia Moyses illud cecinit dicens: Exod. 15. v. 1. *Cantemus &c.* Erat autem canticum Agni, idest ad laudem ejus decantatum est, de quo dicitur Jo. 1. v. 26. *Ecce Agnus Dei.* Et dicitur Christus Agnus, quia figuratus est per illum Agnum immolatum in Ægypto, unde Hebr. 11. v. 21. *Fide Moyses, celebravit Pascha, & sanguinis effusionem.* Sanguinis, scilicet Agni, fide, scilicet illius qui figurabatur per illum agnum. Fidem enim Christi habuit Moyses, ut probatum est prius, unde & dixit eis: *Os non comminuetis ex eo.* Unde legitur Exodi 12. in fine, & Numer. 9. quod Johan. 19. dicit impletum esse in Christo. Ad hoc autem dicit Hæreticus qui ponit duo principia, quod de alio Moyse intelligitur, quam de Moyse Veteris Testamenti, cujus dictum, quia testimonium non habet, patet quia vanum est, & de vano corde procedens.

Præterea vide quid dicat Deus sanctus, & verus, quod & tu fateris, Deus scilicet Prophetarum per Malachiam in fine, idest c. 4. v. 4. *Mementote legis Moyfi servi mei, quam mandavi ei in Horeb ad omnem Israel præcepta & judicia.* Modo ostende Horeb alium, quam illum, in quo Moyses accepit legem, quod facere non potes. Ego autem ostendo Tibi quod dico; & quod dicit Malach. & Deuteronom. intelligendum est de Deo Veteris Testamenti, & de Moyse similiter. *Memento, & non obliviscaris, quomodo ad iracundiam provocaveris Dominum Deum tuum in solitudine.* Ex eo die, quo egressus es ex Ægypto usque ad locum istum, semper adversum Dominum contendisti. Nam & in Horeb provocasti eum; & iratus delere te voluit, quando ascendi in montem, ut acciperem tabulas lapideas pacti quod pepigit vobiscum Dominus &c. Ecce testimonium habeo dicti mei, Tu vero non habes. Cui ergo credendum est? Nonnisi mihi.

Respondeo ad præcedentia verba Apocalypsis 15. *Et vidi tamquam mare vitreum &c.* Quæ verba quidam ad sonum litteræ intelligunt arbitantes aliquod mare esse vitreum, non attendentes, quod Johannes non dicit se vidisse mare vitreum, sed addidit *tamquam*, ostendens per hoc se loqui per similitudinem. Si autem velint spiritualiter intelligere Verba Johannis, non nocet mihi hoc, quia ut dixi multa præconia laudis inveniuntur in Novo Testamento de Moyse. Nullum autem contrarium invenitur.

Credimus enim quod & spiritualiter possunt intelligi illa verba; Per mare illud intelligitur baptismus, quia sicut aqua maris lavat sordes corporis, ita aqua baptismi sordes mentis, ut ostendetur in cap. de baptismo in 4. parte hujus operis. Illud mare ad litteram fuit, & dicitur mare rubrum, unde David Psal. 135. *Qui divisit mare rubrum in divisiones.* Et baptismus rubeus est, quia rubricatus sanguine Jesu Christi, inde enim habet efficaciam. Dicitur autem vitreum propter perspicuitatem fidei, quæ necessaria est in baptismo, in seipso, si adultus est, vel in Ecclesia ubi baptizatur, si parvulus. Per vitrum ergo quod perspicuum est perspicuitas fidei signatur. Dicitur ergo mare rubrum, vel vitreum ipse baptismus, quoad causam efficientem suæ efficacæ; & nonnisi ista duo necessaria sunt, scilicet fides, & baptismus, unde Marci ultimo v. 15. *Qui crediderit, & baptizatus fuerit salvus erit.* Fidem baptismus præmittit ut causam; mixtum igne dicitur, ut effectus baptismi signetur, quia in eo datur spiritus Sanctus, qui in specie ignis Apostolis est collatus. Per bestiam ipse Satan signatur. Per imaginem Dæmones ejus. Per numerum nominis ejus, multitudo malorum hominum, nomen Satanæ extollentium in mundo isto. Illi, qui vicerunt ista, cantant canticum Moyfi servi Dei, & canticum Agni, qui tollit peccata mundi, qui utrumque testamentum laudant, & Deo attribuunt; isti habent cytharas Dei. In cythara duo sunt, lignum, & chorda. In ligno crux intelligitur, in chordis corpora Sanctorum, quæ sunt in Cruce, idest in mortificatione, unde Galat. 5. v. 24. *Qui autem sunt Christi carnem suam crucifixerunt cum vitiis & concupiscentiis.* Tales cytharæ dicuntur Dei, quia a Deo sunt, & ad Dei laudem debent referri, quod Hypocritæ non faciunt, *qui exterminant facies suas, ut appareant hominibus jejunantes* Matth. 6. v. 2. Super mare vitreum stant isti, quia non recedunt a gratia baptismi. Per cytharam etiam signatur fides, quia sicut cythara plures chordas habet, ita fides plures articulos continet, & sicut cythara tantum delectabilis est, cum pulsata manibus resonat, ita etiam fides sine operibus mortua est; sed pulsata manibus operum, & resonans Dei laudes, & proximi ædificationem, delectat Deum, & homines.

Item contra illos, qui duo ponunt principia, potes inducere illud Psalm. 104. ubi David ait de Deo Prophetarum, quem Tu credis bonum, & sanctum, quem etiam David laudare monet in principio Psalmi dicens: *Confitemini Domino &c.* v. vero 26. *Misit Moysen servum suum &c.* ubi etiam patet quod loquitur de Deo Veteris Testamenti, quia ponit plagas a Deo inductas super Ægyptum.

Similiter potes eis objicere illud quod de Moyse in Psalm. 105. habetur; ubi loquitur de sancto Deo, cui & monet confiteri. Dicitur autem ibi de Judæis *qui irritaverunt Moysen in castris; Aaron sanctum Domini.* Et de quo loquatur patet per plagam, de qua subditur: v. 17. *Aperta est Terra, & deglutivit Dathan, & operuit super congregationem Abiron.* Quod factum a Deo Veteris Testamenti legimus Numerorum 16.

Item Psal. 98. *Moyses & Aaron in Sacerdotibus ejus,*

ejus, & Samuel inter eos, qui invocant nomen ejus.

Similiter potes eis objicere quod legitur de Moyse Ecclesiastici 45. in principio, & post medium.

Item illud quod legitur Isaia 63. v. 9. & seqq. & Angelus faciei ejus salvavit eos: in dilectione sua, & in indulgentia sua ipse redemit eos, & portavit eos, & elevavit eos cunctis diebus seculi. Ipsi autem ad iracundiam provocaverunt, & afflixerunt Spiritum Sancti ejus; & conversus est eis in inimicum, & ipse debellavit eos. Et recordatus est dierum seculi Moyfi, & populi sui. Recordatus est, supple miserendo, Exod. 32. recordabitur seculi Moyfi, idest quando Moyfes oravit pro populo Exodi 32. & 33. populi sui liberati per orationem Moyfi, ex parte, ut patet Exodi 32. in fine.

Ad idem potes contra eos inducere quod legitur post illa verba Isaia, qui videns in spiritu futuram misericordiam populi sui, exclamat dicens, v. 11. Ubi est, qui eduxit eos de mari cum pastoribus gregis sui? Ubi est qui posuit in medio ejus Spiritum Sancti sui? Qui eduxit ad dexteram Moysem brachio majestatis suae &c. Ubi patet historia Veteris Testamenti. Dicit ergo Isaia: Ubi est &c. Quasi dicat ubi est Dei misericordia, quæ fuit in populo ejus tempore Moyfi, per quem salvavit populum, redimendo eum de servitute Ægyptiorum, portando etiam eum in terram promissionis Deuter. 32. v. 11. expandit alas suas, & assumpsit eum, atque portavit eum in humeris suis. Et levavit eos super alias nationes cunctis diebus seculi, idest, ex quo elegit eos pastores etiam gregis sui, appellat Moysem, & Aaron, & alios Duces populi.

Ad idem etiam potest induci, quod legitur Ecclesiastici 45. v. 1. Dilectus Deo, & hominibus Moyfes, cujus memoria in benedictione est. Quod autem loquatur de Moyse Veteris Testamenti, patet ex littera sequente quæ dicit: v. 5. Et induxit illum in Nubem. Quod etiam Apostolus 1. Corinth. 10. memorans ait v. 2. Omnes in Moyse baptizati sunt in Nube, & in Mari.

Ad idem induci potest, quod legitur 1. Baruch in fine, & 2. ejus in principio. Item illud Daniel. 9. v. 11. Et omnis Israel prævaricati sunt legem tuam, & declinaverunt ne audirent vocem tuam: & stillavit super nos maledictio, & detestatio quæ scripta est in libris Moyfi Servi Dei, quia peccavimus ei.

Item Daniel. 13. ubi agitur de falsis testibus indutis contra Susannam, & convictis, quia dixissent falsum testimonium adversus eam, & occisis secundum consilium Danielis, ubi dicitur v. 61. Et consurrexerunt adversus duos Presbyteros (convicerat enim eos Daniel ex ore suo falsum dixisse testimonium) feceruntque eis, sicut male egerant adversus proximum, ut facerent secundum legem Moyfi: & interfecerunt eos. Ecce quod secundum legem Moyfi interfecerunt eos. Istud non potest intelligi, nisi de lege Moyfi Veteris Testamenti, ubi scriptum est: Si steterit testis mendax contra hominem, accusans eum prævaricationis; stabunt ambo, quorum causa est, ante Dominum in conspectu Sacerdotum, & Judicum qui fuerint in diebus illis. Cumque diligentissime perscrutantes, invenerint falsum testem dixisse contra fratrem suum

mendacium, reddent ei sicut fratri suo facere cogitavit. Deuter. 19. in fine.

Sed quia isti, qui duo principia ponunt, omnia duplicia faciunt, & ideo duos Moyfes ponunt, & dicitur eis a nobis, quod alium ostendant, quam sit Moyfes de creatione Dei Veteris Testamenti. Ipsi autem respondent illud Rom. 10. v. 19. Primus Moyfes dicit: Ego ad æmulationem vos adducam in non gentem: in gentem insipientem: in iram vos mittam. Si autem unus primus est, ergo alius est secundus ab eo? Ad quod dicendum est, quod primus non semper notat ordinem numeri, idest non semper dicitur respectu secundi, sed notat dignitatem, & sic sumitur hic, & dicitur Moyfes primus idest maximus in dignitate in populo illo. Quod autem ita quandoque sumatur primus, patet Matthæi 20. v. 28. Qui voluerit inter vos primus esse erit vester servus. Primus dicitur hic, idest major; & quod ita sit probatur ex Marci 10. & Lucæ 22. qui ponunt major ubi Matthæus ponit primus. Posito etiam, quod primus ordinem dicat; dico tamen quod ordinem non notat unius Moyfi ad alium in essendo, idest quod unus Moyfes primus sit respectu alterius: sed notat ordinem Moyfi ad alios Prophetas in prophetando de ignominia Judæorum, quasi dicat; Moyfes primus dicit quoddam ad ignominiam Judæorum pertinens, illud scilicet: Ego ad æmulationem vos adducam in non gentem &c. In non gentem idest contra gentilitatem, quæ quasi non erat gens, quando non invocabat nomen Domini, ut habetur Isaia 65. Istud habetur in Cantico Deuter. cap. 32. per totum. Audite Celi quæ loquor &c. ubi dicit: Ipsi me provocaverunt in eo, qui non erat Deus, & irritaverunt in vanitatibus suis: & ego provocabo eos in eo, qui non est populus, & in gente stulta irritabo eos. Isaia etiam postea dixit quiddam simile ad eorum ignominiam pertinens c. 65. v. 1. Quæsierunt me, qui ante non interrogabant, invenerunt qui non quæsierunt me. Ista sunt verba Apostoli Rom. 10. post quæ verba ponit verba Isaia ibidem quæ pertinent ad ignominiam Judæorum, quia ad eorum excacationem, & dicit Apostolus Rom. 10. v. 21. Ad Israel autem dicit: Tota die expandi manus meas ad populum non credentem, & contradicentem mihi.

Præterea responde Tu mihi: Primus Moyfes dicit &c. Modo quæro a Te, quis sit iste Moyfes, de quo dicitur: Primus &c. Si dicas mihi quod iste est Moyfes bonæ creationis. Contra. Iste est Moyfes Veteris Testamenti, quod patet per verba quæ dixit, quæ sumpta sunt ex 32. Deuteronom. Ego ad æmulationem &c. ergo Moyfes Veteris Testamenti bonæ creationis fuit, quod verum est, quamvis tu contrarium fatearis, & Deus, qui in eo loquebatur bonus. Cum enim istud, quod ibi dicit; Ego ad æmulationem &c. Quæ sunt in illo Cantico, sint duriora legis; Si bonus Deus ista dedit, multo fortius alia legalia. Si autem dicas, quod iste est Moyfes malæ creationis, aut dicitur primus tempore, aut dignitate? Si tempore? Ergo prior fuit Moyfes malus, quam bonus. Quomodo ergo audes dicere & ponere populum Dei antiquum respectu populi Dei mali, quem Tu fingis? Si autem dicitur

primus dignitate . Ergo Moyſes Veteris Teſtamenti dignior eſt alio , quod eſſe non poteſt . Reſtat igitur , quod non dicatur primus reſpectu alterius Moyſi tempore , vel dignitate . Si autem dicitur primus dignitate , hoc eſt reſpectu populi , cujus erat Dux ; maximæ enim dignitatis fuit in populo illo ; ergo non dicitur primus reſpectu ſecundi ; ergo ex hoc non habes quod duo ſunt Moyſes ſecundum duas creationes .

§. VII.

Utrum ille Deus, qui loquebatur Moyſi in Nube, & in Monte Sina, fuerit Deus bonus?

AD hæc , quæ diximus , addendum videtur , & quærendum utrum ille Deus , qui loquebatur Moyſi in Rubo , & in Monte Sina , fuerit Deus bonus , vel malus , vel uterque pro tempore ? Si bonus ? habeo quod volo , quod Deus bonus dedit totum Vetus Teſtamentum . Si malus ? Contrarium probatum eſt ſuperius , ubi inductum eſt illud teſtimonium Rom. 9. v. 14. *Numquid (82) iniquitas apud Deum? Abſit Moyſi enim dicit: Miſerebor cujus miſerebor, & miſericordiam præſtabo cujus miſerebor* . Similiter & aliis pluribus locis . Si autem uterque locutus eſt Moyſi , aliquando bonus , aliquando malus .

Contra . Bonus ſemper loquebatur (83) utilia , & bona , malus vero ſemper mala , & nociva . Occaſione autem bonorum , & utilium recepta ſunt alia a populo , ut Tu dicis . Stultus ergo fuit bonus Deus , aut malignus , qui dedit illa præcepta bona , & utilia tunc temporis , quorum occaſione recepta ſunt alia , quæ a Diabolo dicis eſſe data .

Præterea , cum iſtud ſciret Deus bonus , qui omnia novit , antequam fiant , quomodo tunc miſcuiſſet ſua præcepta bona , per quæ haberent locum Diaboli præcepta ? Alii dicunt , quod malus Deus dedit omnia illa præcepta tam bona , quam mala , & fecit ſicut ille qui vult aves capere , & præmittit quædam alleſtativa . Contra hoc fatiſ diximus .

Præterea ſi ſolus malus Deus dedit illa præcepta , ut dicis ; ſed ejus præceptis nullus tenebatur obedire ; ergo ante adventum Chriſti , non erat malum occidere , vel fornicari , vel furari , vel pejerare ; malum enim , ſive peccatum dicitur aliquid , ideo quia eſt contra præceptum Dei boni , & ſancti . *Ubi enim non eſt lex Dei ſancti , nec prævaricatio* , ut dicit Apoſtolus Rom. 4. v. 16. Ergo cum omnes eſſent damnabiles ante adventum Chriſti , ut Tu dicis , omnes erant damnabiles abſque peccato .

Sed contra . Conſtat quod tunc temporis erat peccatum , ergo & lex Dei .

Si etiam dicas , quod illa præcepta ſcripta erant in corde hominis , ſcilicet non occidere , & hujusmodi . Quæro : ſi merebatur homo vitam æternam illa ſervando ? Non diceres , quod mereretur eam . Ad quid ergo ſcripta erant in corde hominis ? Videtur quod fruſtra . Hoc autem eſſe non poteſt . Omnes igitur errant , qui dicunt Deum Veteris Teſtamenti , qui loquebatur Abraham , & Moyſi , non fuiſſe bonum .

§. VIII.

Alia teſtimonia ex Apoſtolo ad Roman: quibus probatur , quod idem fuerit Deus Veteris Teſtamenti cum Deo Novi Teſtamenti .

Postquam oſtendimus per teſtimonia Scripturarum , de Abraham , & Moyſe loquentium , quod Deus Veteris Teſtamenti bonus fuit ; reſtat quod aliorum etiam teſtimonia alia inducamus , quibus pateat quod Deus Veteris Teſtamenti ſanctus eſt , & bonus . Rom. 9. v. 10. legitur quod *Rebecca (84) ex uno concubitu Iſaac Patris noſtri fuit habens duos Filios , ſcilicet Jacob , & Eſau . Cum enim nondum nati fuiſſent , aut aliquid boni eguiſſent , aut mali (ut ſecundum electionem propositum Dei maneret) non ex operibus , ſed ex vocante dictum eſt ei : Quia major ſerviet minori Genef. 25. ſicut ſcriptum eſt Malach. 1. Jacob dilexi , Eſau autem odio habui* . Modo ſic : Apoſtolus dicit dictum eſſe Rebeccæ , quod major ſerviet minori . Dictum eſt autem ei , non ex operibus , ſed ex vocante , ut propositum Dei maneret ſecundum electionem . A quo autem dictum ſit ei illud , patet ex Genef. 25. , & ita a Deo Veteris Teſtamenti . Deus igitur Veteris Teſtamenti illud dixit ei , cum nondum eguiſſent aliquid boni , aut mali ; ideo vero dixit ei , ut propositum Dei maneret ſecundum electionem , non ex operibus . Modo quæro de quo Deo intelligat Apoſtolus , cum dicit propositum Dei ? Si de bono Deo ? Numquid Deus Veteris Teſtamenti illud dicebat Rebeccæ hac intentione , ut propositum Dei maneret ſecundum electionem ? ergo volebat quod propositum Dei maneret ſecundum electionem . Hoc autem non vellet , ſi Deus malignus eſſet ; ergo Deus Veteris Teſtamenti benignus fuit , & idem cum Deo Novi Teſtamenti . Si autem dicas quod loquitur de Deo malo ibi . Contra ; oſtende teſtimonio aliquo quod ibi inveniatur propositum Dei in malo ; Ego enim oſtendo per teſtimonium quod in bono fumitur . Non-

(82) Huc recidunt , quæ exſtant apud Euthymium in Panoplia P. II. Tit. xx. pag. 212.

(83) Fuſiſſime tractat hoc argumentum Titus Boſtrenſis lib. 111. Contra Manichæos pag. 146. ſeq. oſtenditque nihil virtuoſum ineſſe in Lege . Immo vero multis evincit omnem vitii ſpeciem a lege ſublatam eſſe , inveſtamque eam , quæ eſt propria virtutis .

(84) S. Irenæus lib. IV. cap. XXI. n. 2. pag. 258. „ Et ea , inquit , quæ circa Iſaac non ſine ſignificatione ſunt . In ea enim „ Epiſtola , quæ eſt ad Romanos , ait Apoſtolus : ſed & Rebecca „ ex uno concubitu habens Iſaac Patris noſtri , a verbo reſponſum

„ accepit , ut ſecundum electionem propositum Dei permaneat &c. „ Ex quibus manifeſtum eſt , non ſolum prophetationes Patriarcharum , ſed etiam partus Rebeccæ prophetiam fuiſſe duorum pulorum , & unum quidem eſſe majorem , alterum vero minorem , & alterum quidem ſub ſervitio , alterum autem liberum ; „ unius autem , & ejuſdem Patris . Unus & idem Deus noſter , & „ illorum , qui eſt abſconſorum cognitor , qui ſcit omnia antequam „ fiant , & propter hoc dixit : Jacob dilexi , Eſau autem odio „ habui .

Nonne supra dixit Apostolus Rom. 8. v. 28. *Scimus autem, quoniam diligentibus Deum, omnia cooperantur in bonum, iis, qui secundum propositum vocati sunt sancti*? Loquitur de bono proposito Dei boni, unde & statim subdit v. 29. *Nam quos præscivit, & prædestinavit conformes fieri imaginis Filii sui: ut ipse sit primogenitus in multis fratribus*. Item ad Ephesios 1. v. 5. *qui prædestinavit nos in adoptionem Filiorum per Jesum Christum, secundum propositum voluntatis suæ*.

Præterea nonne electio ibi sumitur in bono? Uti- que, ergo & propositum; ergo loquitur de Deo bono. Quod autem electio sumatur in bono, patet Rom. 11. v. 5. *Secundum electionem gratiæ ergo reliquæ salvæ factæ sunt in hoc tempore. Si autem gratia, jam non ex operibus*. Nonne hoc est illud idem, quod dixit Apostolus Rom. 9. *ut secundum electionem propositum Dei maneret, idest impleretur, non ex operibus, sed ex vocante dictum est ei &c.*? Iste igitur Deus vocans bonus est.

Præterea, ubi sumitur Deus vocans in malo? Ego invenio tibi in bono. Rom. 4. v. 17. *qui vocat ea quæ non sunt tamquam ea quæ sunt*. Et hic dicitur: *Cam enim nondum nati fuissent &c.* Item supra Roman. 8. *Quos præscivit, & prædestinavit, hos & vocavit*.

Præterea, responde tu, qui ponis duo principia: *ex vocante dictum est ei: quia major serviet minori, sicut scriptum est: Jacob dilexi &c.* Idem ergo est Deus Veteris Testamenti, & Deus qui in Malach. loquitur; sed Deus qui loquitur in Malachia bonus est, ergo Deus Veteris Testamenti bonus est.

Præterea, ex isto vocante dictum est Rebecca: *quia major serviet minori &c.* Ergo ex Deo vocante est conceptus filiorum carnalium.

Item Rom. 2. v. 23. *qui in lege gloriaris, per prævaricationem legis Deum inhonoras*. Constat quod de Deo Sancto loquitur populo Judæorum, & vituperat eum, qui prævaricando legem, in qua gloriabatur, Deum Sanctum inhonorabat; ergo Deus Sanctus dederat legem illam populo Judæorum per Moysen; ergo ipse loquebatur ei non Satan.

Præterea Apostolus subdit v. 24.: *Nomen enim Dei per vos blasphematur, sicut scriptum est*. Sed ubi est scriptum? Ezech. 36. v. 12. ubi dicit Deus Sanctus illis Judæis: *Non propter vos ego faciam domus Israel, sed propter nomen sanctum meum, quod polluiistis in gentibus, ad quas intraistis*. Constat quod nullius nomen Dei polluebant, nisi nomen illius Dei, quem colebant, & cujus auxilium invocabant. Nullius autem Dei invocabant auxilium, nisi illius, qui dedit Vetus Testamentum per Moysen; ergo Deus Veteris Testamenti est Deus Sanctus.

Præterea, nomen Dei blasphematur inter Gentes propter eorum malam vitam. Gentes autem non attendebant alium esse Deum Judæorum, præter eum, qui eos ex Ægypto eduxit, & per Moysen eis legem dedit; ergo ille est Deus, de quo Apostolus ait: *Nomen enim Dei per vos blasphematur inter Gentes*; ergo ille est Sanctus, & verus Deus.

Item Rom. 2. v. 1. & seqq. dicit Apostolus: *Quid ergo amplius Judæo est? aut quæ utilitas Circumci-*

sonis? Postea solvit: *Multum per omnem modum. Primum quidem, quia credita sunt illis eloquia Dei*. Constat quod Apostolus loquitur ibi de duobus populis, scilicet Judæo & Gentili, & dicit amplius fuisse Judæo, quia credita sunt eis eloquia Dei. Et de quo Deo loquatur, patet ex eo quod Apostolus ait postea: *Quid enim si quidam illorum non crediderunt? Numquid incredulitas illorum fidem Dei evacuavit? Absit*. Deus igitur ille erat fidelis.

Item dicit Apostolus de eodem v. 4. *Est autem Deus verax*. Sed quare dicitur verax, nisi quia implet quæ dicit & promittit? ergo verax Deus loquebatur eloquia sua illis; ergo si non loquebatur, nisi Deus Veteris Testamenti, Deus Veteri Testamenti Deus verax est.

Præterea, dicto: *Est autem Deus verax*, ibi subdit Apostolus: *Omnis autem homo mendax, sicut scriptum est: psalm. 50. Ut justificeris in sermonibus tuis &c.* verba sunt David adulteri & homicidæ peccantis misericordiam Dei veracis, ut lavaret eum ab iniquitate, idest homicidio & a peccato, idest adulterio. Sed constat, quod ille David non intelligebat alium Deum, nisi Deum Veteris Testamenti; ergo ille Deus verax. Et nota, quod per illa duo verba, quæ Apostolus dicit; scilicet *fidem Dei*, idest fidelitatem, & quia *verax*, patet quod eloquia illa, non dicuntur eloquia Dei, nisi quia fuerunt data ab eo.

Item Rom. 9. dicit Apostolus, quod promissa, scilicet de Christo, & de hominis redemptione a diabolo, & de vita æterna fuerunt Israelitarum, pro quibus erat eis tristitia magna & dolor continuus. Et quare? Quia errabant a Christo. Ne autem falsum videretur locutus Deus, quia illa promissa fecerat, excusat eum Apostolus cum subdit v. 6.: *Non autem quod exciderit verbum Dei*; verbum scilicet promissionis hujus: *In Isaac vocabitur tibi semen*, sicut dicit ibi Apostolus, & sumitur de Genes. 21. Aliunde enim non potes ostendere quod sumatur. Ille igitur fuit Deus Veteris Testamenti, qui illud promisit, cujus verbum non excidit; ergo Deus Veteris Testamenti bonus. Ponit etiam aliud promissum, scilicet illud quod sumptum est de Genes. 18. *Secundum hoc tempus veniam: & erit Sara filius*. Quod verbum patet non excidisse, sed impletum fuisse verbum Dei Veteris Testamenti. Subdit & tertium verbum promissionis, quæ facta est Rebecca: *Quod major serviet minori*, & sumitur de Genes. 25. Quod etiam verbum patet non excidisse.

Item ad Rom. 7. v. 23. dicit Apostolus: *Condeletor enim legi Dei secundum interiorem hominem*. Quæ est illa lex, nisi hæc quæ dicit: *Non concupisces*? De hac enim dixerat v. 7. *Sed peccatum non cognovi, nisi per legem. Nam concupiscentiam nesciebam, nisi lex diceret. Non concupisces*. De hac modo dicit: *Condeletor enim legi &c.* Bene dicit secundum interiorem hominem, idest secundum mentem, secundum quam volebat concupiscere, & tamen concupiscebat, secundum hominem exteriorem, unde & dicebat v. 23.: *Video autem aliam legem in membris meis repugnantem legi mentis meæ*. Propter hoc dicebat v. 40.: *Si autem quod nolo malum, scilicet concupiscere, illud facio: consentio legi quoniam bonum est*. Et postea dicit: *Et condeletor*

etor legi Dei. Sed cujus Dei? nisi Dei Veteris Testamenti: alius non dederat aliquam legem pro tempore, pro quo Apostolus loquebatur; ergo Deus Veteris Testamenti bonus, quia de Deo bono intelligit Apostolus, cum dicit: *Condelector enim legi Dei &c.*

Item Rom. 9. v. 27. *Si fuerit numerus filiorum Israel tamquam arena maris, reliquæ salvæ fient*. Et sumitur testimonium hoc de Isaia 10. Per quod autem fiant salvæ reliquæ determinat, quia per verbum Evangelii, unde subdit Apostolus v. 28. *Verbum enim consumans & abbrevians*, supple fiet illis. Isaia 10. dicitur expressius: *Consummatio abbreviata inundabit iustitiam*; supple & propter hoc salutem. Et postea subdit Apostolus v. 29. *Quia verbum brevium faciet Dominus super terram*. Et sumitur de Isaia 10. Similiter hoc addit & affirmat Isaia, ne quis dubitet sic futurum. Quis autem sit iste Dominus, notum est eodem cap. Isaia, ubi plagam Madian in petra Oreb ei attribuit, quam plagam factam scimus a Deo Veteris Testamenti. Judic. 7. neque alicujus similis rei poteris aliud testimonium invenire.

Item Rom. 8. v. 56. introducit Apostolus Scripturam istam: *propter te mortificamur tota die, æstimati sumus sicut oves occisionis*. Ista scriptura ad Christum loquitur, sicut vult Apostolus: sed istud non est scriptum, nisi in psalmo 43. v. 1. *Deus auribus nostris audivimus &c.* ubi patet quod ad Deum Veteris Testamenti sermo dirigitur; ergo Deus Veteris Testamenti dator Christus est. Lege psalmum illum, & videbis ita esse, ut dixi per facta quæ ibi narrantur. Quod autem Scriptura illa loquatur in Apostolo, & loquatur ad Christum patet. Dixerat enim Apostolus v. 35. *Quis ergo nos separabit a charitate Christi*; quasi dicat, nullus, & subdit: *sicut scriptum est: quia propter te*, idest, quia a te non separamur, ideo mortificamur &c.

Item Rom. 9. dicit Apostolus, fideles esse vocatos a Deo v. 24. *Non solum ex Judæis, sed etiam ex Gentibus*. Et ponit testimonium de Osee 2. in fine, dicit Dominus: *Vocabo non plebem meam, plebem meam*. Quod autem loquitur Apostolus, & dicit: *Et erit in loco*, habetur Osee 2. in fine. De Deo Sancto loquitur Osee, sicut patet per Apostolum. Sed quod ille sit Deus Veteris Testamenti, patet per facta quæ notantur ibi ab Osee de Deo illo, quæ constat esse facta a Deo Veteris Testamenti. Deus ergo Veteris Testamenti bonus est.

Item Rom. 10. v. 21. dicit Apostolus: *Ad Israel autem, idest de populo illo dicit: Tota die expandi manus meas ad populum non credentem & contradicentem mihi*. Postea subdit Rom. 11. v. 1. *Numquid Deus repulit populum suum? Absit. Nam & ego Israelita sum, ex semine Abraham de Tribu Benjamin*, supple, quem non repulit, sed elegit per gratiam. Ex quo intelligitur probare, quod ille populus non est totaliter repulsus a Deo, unde statim ponit: *Non repulit Deus plebem suam*, supple totam quam præcivit; idest elegit ad vitam æternam habendam, licet non totam. Constat, quod Apostolus loquitur de populo Judæorum, & appellat istum populum Dei Sancti, & veri. Quomodo autem di-

catur populus Dei, inquisitum est superius in eodem capite super illo loco: Hebr. 11. *Fide Moyses grandis factus &c.*, unde

Transeamus ad aliud, quod postea ponit Apostolus ad probandum, quod ille populus non est repulsus totus, sed ex parte; & dicit Rom. 11. v. 3. & 4. *An nescitis in Elia quid dicit Scriptura 3. Reg. 19. quemadmodum interpellat Deum adversum Israel? Domine Prophetas tuos occiderunt, altaria tua suffoderunt: & ego relictus sum solus, & querunt animam meam. Sed quid dicit illi divinum responsum? Reliqui mihi septem millia virorum, qui non curaverunt genua sua ante Baal*. Constat quod Elias appellavit Dominum, ut dicit Apostolus, & respondit Eliæ: *Reliqui mihi &c.* Apostolus autem dicit hoc esse divinum responsum; ergo non est diabolicum; est Dei Veteris Testamenti; ergo Deus Veteris Testamenti verus Deus fuit non diabolus. Sicut enim sæpe diximus Apostolus nunquam diabolum appellat Deum sine determinatione, qua cognoscitur, quod Deus venit in mala parte, unde responsum diabolicam non appellaret divinam.

Præterea dicit Apostolus, quod Elias interpellabat Deum adversum Israel; non ergo diabolum. Nusquam enim dicitur Deus ab Apostolo aliquo, vel a Christo, nisi ut supra diximus.

Præterea, detur, etsi non sit verum, quod malum Deum interpellaret, nunquid ille malus Deus dixit verum, vel falsum, cum dixit: *Reliqui mihi &c.*? Si verum dixit? ergo illi septem mille non curaverunt genua sua ante Baal. Deus ille laudat eos, quia non fecerunt reverentiam Baal, & quia non idolatraverant, & propter hoc etiam illos reliquit sibi: placebant ergo sibi propter hoc. Hoc autem constat fuisse bonum, bonus ergo erat Deus Eliæ cui placebat bonum; ergo Deus Veteris Testamenti bonus, & Elias similiter servus ejus bonus, & illi qui non fecerunt reverentiam Baal.

Præterea vide quid infert Apostolus ex præmissis v. 5.: *Sic ergo & in hoc tempore reliquæ secundum electionem gratiæ salvæ factæ sunt*. Nota quod dicit quod reliquæ in hoc tempore sic salvæ sunt, quemadmodum reliquæ 7000. virorum in illo; ergo illi fuerunt salvati bona salute, & ita illi fuerunt salvati, idest a diabolo, & a peccatis liberati, licet non venissent ad salutem perfectam gloriæ æternæ ante adventum Christi. Nonne vides, quod istud etiam dicit D. Petrus Act. 15. v. 11. dicens: *per gratiam Jesu Christi credimus salvari, quemadmodum & illi*; scilicet Patres Judæorum. Nonne vides, quod istud fatetur hic Paulus? *Sic ergo & in hoc tempore, reliquæ salvæ factæ sunt, secundum electionem gratiæ. Si autem gratia Dei, jam non ex operibus*.

Si autem dicat, quod falsum dixit Deus ille.

Contra. Apostolus infert: *Si ergo & in hoc tempore &c.* ergo si ille falsum dixit, cum ait: *Reliquæ &c.* & Paulus falsum dicit cum ait: *Si ergo &c.* Si enim sic: Sed ibi falso dicit Reliquias, ergo & hic.

Præterea, si dicit falsum, sed non dicit nisi hoc: *Reliquæ mihi &c.* ergo non reliquerat illos sibi, ergo illi erant boni; ergo boni homines fuerunt in Veteri Testamento.

Forte autem dicet Hæreticus, quomodo potest esse

esse quod Elias fuerit bonus, & haberet spiritum Dei boni in se, qui credebatur se relictum solum, & tamen tot boni relictum erant, ut credit Ecclesia Romana?

Respondeo, licet haberet spiritum Dei, tamen non omnia sciebat, sed errabat in hoc. Nec mirum, quia etiam Petrus reprehensibilis fuit Gal. 2. non ambulans recte ad veritatem Evangelii.

Item Act. 10. v. 14. cum ait: *Absit Domine, quia nunquam manducaui omne commune, & immundum.* In quo ipse nesciebat quid diceret.

Item quod Elias bonus homo fuerit, probatur ex eo quod habetur Jacobi ult. v. 17. ubi dicitur: quod *multum valet deprecatio iusti assidua*. Et hoc probat exemplo Eliæ dicens: *Elias, homo erat similis nobis passibilis, & oratione oravit, ut non plueret super terram, & non pluit annos tres & menses sex. Et rursum oravit, & calum dedit pluuiam: & terra dedit fructum suum.* De primo habetur 3. Reg. 17. secundo Reg. 18. Si per exemplum Eliæ probat hoc, quod multum valet deprecatio iusti assidua; ergo Elias bonus homo fuit, & iustus, ergo & Deus, qui eum regebat, & ita Deus Veteris Testamenti bonus.

Præterea Jacobus dixit, quod Elias similis erat sibi & aliis de Ecclesia. Illa similitudo, vel in bona parte intelligitur, vel in mala? si in bona? ergo Elias bonus fuit, quod verum est. Si in mala? ergo Apostoli mali. Forte dicit, quod illa similitudo, de qua Jacobus dicit, quod erat Elias homo similis Apostolis, attenditur in passibilitate, quia persecutiones patiebatur, sicut & illi. Sed illi patiebantur propter iustitiam; ergo & Elias; ergo bonus, & Deus ejus rector bonus. Vel si Elias patiebatur propter diabolum & propter iniustitiam, ergo non patiebatur sicut Apostoli, qui propter Deum & iustitiam patiebantur. Immo patiebatur Elias, secundum te, quasi homicida, cum dicatur 1. Pet. 4. v. 15. *Nemo vestrum patiat ut homicida*. Eum enim homicidam dixit, quia occidit duos quinquagenarios missos ab Achab, ut traherent eum, & ducerent etiam invitum, ut legitur 4. Reg. 1. & quia occidit Prophetas Baal quadringentos quinquaginta, prophetasque lucorum quadringentos, ut habetur 3. Reg. 18, eumque irridens, qui transfudit eum in curribus igneis, ad quæ postea respondimus.

Item quod Elias bonus sit, & Deus, qui eum regebat, patet ex eo, quod Johannes Baptista, de quo dicitur Luc. 1., quod in utero Matris Spiritu Sancto plenus erat, & Pater ejus & Mater similiter, ut ibi habetur, dicitur v. 17. *processurus ante eum in spiritu & virtute Eliæ, ut convertat corda Patrum in Filios, & incredulos ad prudentiam iustorum, ut habetur Lucæ 1.* Ad quid autem præcedat eum, dixit Spiritus Sanctus per Zacchariam Lucæ 1. v. 30. *Et tu puer Propheta Altissimi vocaberis: præibis enim ante faciem Domini parare vias ejus*. Non dixit destruere; ergo bonus erat spiritus Eliæ, quia spiritus Joannis bonus, & ita Deus Veteris Testamenti bonus & aliqui tunc boni.

Item contra illos, qui duo ponunt principia, specialiter induci potest illud Malachiæ ult. v. 5. & 6. *Ecce ego mittam vobis Eliam Prophetam, antequam veniat dies Domini magna & horribilis. Et convertet cor Patrum ad Filios, & cor Filiorum ad Patres*

eorum. Idem dixit Angelus Gabriel de Johan. Luc. 1., propter quod etiam dicendum est, quod Johan. Christum præcedet in spiritu & virtute Eliæ. Nonne iste Elias bonus est, & de quo Malachias loquitur? Utique; ergo & ille de quo Angelus in Luca loquitur. Idem enim est, ut patet per verba Angeli & Prophetæ. Sic ergo Johan. Baptista bonus & Parentes ejus boni, quia Spiritu Sancto pleni, ut dicit Lucas. Igitur Deus Veteris Testamenti bonus, quia illi Deo serviebant.

Præterea Ecclesiast. 48. v. 1. *Et surrexit Elias Propheta, quasi ignis, & verbum ipsius quasi facula ardebat*. Iste Elias bonus est secundum te; sed iste est Elias Veteris Testamenti; ergo Elias Veteris Testamenti bonus & Deus ejus similiter. Quod autem iste sit Elias Veteris Testamenti, probatur per gesta, quæ numerantur in Ecclesiastico, quæ a nullo reperiuntur facta, nisi ab Elia Veteris Testamenti. Si autem ab alio velis dicere ea esse facta, non habes inde testimonium. Nonne vides, quod dicit Ecclesiasticus, quoniam surrexit, quasi ignis, hoc fuit quando, ut habetur 4. Reg. 1. duos quinquagenarios missos ab Idolatra Achab igne cælitus missis combussit, & quia istud fecit solo verbo, dicit Ecclesiasticus: *Et verbum ejus quasi facula ardebat*. Sequitur in Ecclesiastico; *Qui induxit in illos*, idest in idolatras, *famem* 3. Reg. 17. Quando *orationem oravit, ut non plueret &c.* ut habetur Jacobi 5. sequitur, *imitantes illum*; idest imitari volentes, idest volentes facere, sicut ipse dicebat, scilicet per invocationem habere ignem de cælo ad devorandum holocaustum. Isti inquam *pauca facti sunt*, quia de idolatris Sacerdotibus, quadringenti quinquaginta occisi sunt. *Non enim poterant*, ut dicit Ecclesiast. *Sustinere præcepta Domini*; quasi dicat, grave fuit eis; ita ut ferre non posset præceptum, idest voluntatem Dei, de eis occidendis, quia non potuerunt resistere; ut habetur 3. Reg. 18. Sequitur: *Verbo Domini continuit cælum*; idest verbo orationis ad Deum fusæ clausit annis tribus & mensibus sex, ne plueret super terram 3. Reg. 18. Et additur causa hic, quare famem induxit in illos, sequitur in Ecclef. *Et dejecit a se ignem terræ*; quasi dicat verbo orationis suæ obtinuit ignem de cælo ad devorandum holocaustum suum in signum quod Baal non erat Deus, quia ad hoc impotens fuit. Deus autem Eliæ verus Deus, ut habetur 3. Reg. 18. Sequitur in Ecclef. *Qui sustulisti o Elia mortuum ab Inferis*. Hoc habetur 3. Reg. 18. Sequitur in Ecclef. *Qui dejecisti Reges*, idest dixisti deiiciendos. Prædixit enim mortem Achab 3. Reg. 21. & Ezechiæ & Ochosæ 4. Reg. 1. sequitur: *confregisti facile potentiam ipsorum*, idest prædixisti confringendam; sequitur: *Qui audis in Sina iudicium*, idest secretum Dei consilium: Rom. 11. *Reliqui mihi 7000. virorum &c.* 3. Reg. 19. Per quod iudicavit Dominus, quod ipse errabat, putans se solum esse relictum; sequitur: *& in Horeb iudicia defensionis*. 3. Reg. 19. ista iudicia fuerunt. Sequitur in Ecclesiast. *Qui unxis Reges*, scilicet Jehu & Hazael 3. Reg. 19. Unxit eos autem non facto, sed præcepto, ad penitentiam, dicit, idest in ultionem idolatrarum, ut patet 4. Reg. 4. & 10. vel 19. & 20. sequitur: *& Prophetas facis*, istud patet in Elisæo 3. Reg.

Reg. 19. sequitur : *Qui receptus es in turbine ignis , in curru aquorum igneorum .* 4. Reg. 2. Ecce patet per gesta ipsius Eliæ , de quo habetur Eccl. 48. , quod ipse idem est cum Elia Veteris Testamenti . Sed iste bonus est , de quo loquitur Ecclesiasticus ; ergo & ille ; ergo Deus Veteris Testamenti bonus . Quod autem iste , de quo habetur in Ecclesiastico idem sit cum illo , de quo loquitur Dominus in Malachia , patet per verbum Ecclesiastici , qui dicit Eliam inscriptum in vindictis v. 10. *Lenire iracundiam Domini , conciliare cor Patris ad Filium , & restituere tribus Jacob ;* supple ad Deum .

Idem habes Malach. 4. *Et convertet &c.* Idem igitur est hic Elias cum Elia , de quo ait Malach. Sed ille bonus , & Dei bonus nuncius , qui ibi dicit v. 5. *Ecce ego mittam vobis Eliam &c.* ergo Elias (de quo in Ecclesiast. legitur) bonus est , & ita Elias Veteris Testamenti bonus , & Deus ejus similiter . Ecclesiast. dicit v. 13. *Elias , qui in turbine testus est , & in Elisæo completus est spiritus ejus :* qui duplicatus est spiritus in Elisæo , ut habetur 4. Reg. 2.

Item Matthæi 17. v. 11. *Elias quidem venturus est , & restituet omnia :* Ecce quomodo laudat Eliam ipse . Quæ autem sint illa quæ restituet , apparet Malachiæ ult. v. 5. *Ecce ego mittam Eliam vobis &c.* ut prius . Ipsa enim conversio est ipsa restitutio , de qua etiam habetur Eccles. 48. quod debebat conciliare cor Patris ad Filium ; idest ad populum Judæorum , & restituere tribus Jacob ad Deum suum .

Item Lucæ 4. v. 24. dicit Christus , *quod nemo Prophetæ acceptus est in Patria sua .* Et ponit similitudinem Eliæ & Elisæi , quia sicut illi non fuerunt accepti in Patria sua , imo multa ibi passi , ita & Christus . Ecce quod illos ita sibi assimilât , & se eis , quod totum est ad eorum laudem . Quare ergo detrahis illis ?

Item Matthæi 17. legitur ad laudem Moyfi & Eliæ , quod apparuerunt cum illo , idest Christo in monte , ubi transfiguratus erat cum tribus discipulis ; dicitur enim ibi v. 3. *& apparuerunt eis ,* idest tribus discipulis *Moyfes & Elias cum illo loquentes .* Non dixit contra illum , ut tu fingis , nec unquam invenies hoc , imo contrarium ego invenio Deuteronom. 18. v. 14. *Prophetam de Gente tua , & de Fratribus tuis , sicut me , suscitabit tibi Dominus Deus tuus &c.*

Item Christus Jo: 5. v. 46. ait : *Si enim crederetis Moyfi ; crederetis forsitan & mihi ; de me enim ille scripsit .* Non dixit contra me , nec potes dicere , quod forsitan ponatur dubitative ; quod patet ex causa , quæ subditur : *de me enim ille scripsit .* Item ex eo quod subditur : *Si autem illius literis non creditis : quomodo verbis meis credetis ?*

Præterea , forsitan , quando est nota dubitationis , eam notat in proferente . Sic ergo Christus dubitasset de credulitate eorum , quod esse non potest .

Præterea , forsitan , non semper dubitationem notat , ut patet Lucæ 20. v. 13. ubi Pater ait : *Mittam Filium meum dilectum : forsitan cum hunc viderint , verebuntur .*

Si autem quærat hæreticus , quid notet ibi forsitan ? dicas , quod nota est eventus , vel libertatis arbitrii ex parte illorum ; quasi dicat in libero illorum arbi-

trio est vereri Filium meum . In auctoritate autem Johan: nota est eventus , quasi dicat ; hoc eveniret , si crederetis Moyfi , quod etiam mihi crederetis , quia scripsit de me Deuteronom. 18. Ideo autem apparuerunt cum illo in monte , ut ostenderet , quod lex & Prophetæ non sunt illi contraria , sed consona .

Immo , ante eos transfiguratus est , ut ostenderet Legislatorem & Prophetas dignos esse gloria Resurrectionis , quam tunc eis ostendebat .

Nunc respondendum est ad versutias eorum ; quarum una est , quia irrident illum , qui in curru igneo rapuit eum . Quam irrisionem non potest facere qui duo ponit principia ; quia Elias bonus , secundum eos Eccles. 48. similiter raptus est ; qui tamen alius non est , quam Elias Veteris Testamenti , ut ostensum est . Si autem ille Catharus , qui unum ponit principium , ab hac irrisione non vult cessare , irrideant Christum Dei Filium in flamma ignis datum vindictam illis , qui non noverunt veritatem , nec obedierunt Evangelio .

Item 2. Pet. 3. v. 10. *Adveniet autem dies Domini , ut fur : in quo cæli magno impetu transient , elementa vero calore solventur ; terra autem & quæ in ipsa sunt opera exurentur .* Si autem irrident eum de occisione , dicamus eis illud Rom. 3. v. 5. *Nunquid iniquus est Deus qui infert iram ? (secundum hominem dico) Absit : alioquin quomodo judicabit Deus hunc mundum ?* Quasi dicat : Si nefas est dicere , quod inferat Deus temporalem pœnam , magis nefas est dicere , quod æternam . Si enim Deus æterna morte damnabit impios , multo fortius temporali . Et quid mirum ; si corpus ad tempus occidit , qui ipsum æternaliter cruciabit ? Jacob. 4. v. 12. *Unus est Legislator , & Judex , qui potest perdere & liberare .* Matthæi 10. v. 28. *Nolite timere eos , qui occidunt Corpus , animam autem non possunt occidere ; sed potius timete eum , qui potest & animam , & corpus perdere in gehennam .* Dicimus ergo quod Elias Sanctus & bonus zelo justitiæ armatus Prophetas Baal , qui Populum seducebant ad Idolatriam , occidendo , non peccavit . Similiter autem duos quinquagenarios Principes cum militibus suis occidit , qui venerant armata manu ad ipsum , ut eum , vel invitum traherent ad Regem ; nec peccavit occidendo eos , quia favebant Regis Idolatriæ , quoniam qui talia agunt , digni sunt morte : non solum , qui ea faciunt , sed etiam qui consentiunt facientibus . Rom. 1. v. 32. sed signum dedit , quod hæretici seductores populi , igni comburantur cum fautoribus suis .

Item quod Deus Veteris Testamenti Christus sit , patet ex eo , quod habetur Rom. 10. v. 20. ubi Paulus introducit testimonium de Isaia 65. ait enim : *Inventus sum a non quærentibus me ; palam apparui iis , qui me non interrogabant .* Et loquitur de populo gentili . Quod autem loquatur ibi Deus Veteris Testamenti , patet ex verbis ante positis : Isaia. 64. v. 9. *Ecce respice , populus tuus omnes nos &c.* ubi fit mentio de Populo Judæorum , & de Sion & de Jerusalem , & de Templo . Et populus ille ad alium non dirigebat sermonem , nisi ad Deum Veteris Testamenti , in cujus honorem fecerant domum . Idem patet ex verbis sequentibus v. 21. quoniam de Judæis loqui-

loquitur Isaïas, ubi dicit Apostolus: *Tota die expandi manus meas ad populum non credentem & contradicentem mihi*. Assignat autem Dominus solutionem quæstionis, quam Isaïas fecerat 64.v.9., ubi Isaïas introducit populum Judæorum, dicentem de eo: *Ecce Domine respice, populus tuus omnes nos. Civitas Sancti tui*, idest Sanctuarii, hoc est Templi, *facta est deserta; Sion deserta facta est; Jerusalem desolata est. Domus sanctificationis nostræ, & gloriæ nostræ, ubi laudaverunt te Patres nostri, facta est in exustionem ignis, & omnia desiderabilia nostra versa sunt in ruinas*. Postea ponit quæstionem. *Numquid super his continebis te Domine, tacebis & affliges nos vehementer?* Postea solvit quæstionem, & ostendit, quod non acciderent ista eis, ex eo quod ipse misericordiam suam contineat, sed ex malitia eorum, qua repellunt a se misericordiam Christi, non quærendo eum, sed contradicendo ei, cum tamen opera quæ facturum erat, testimonium perhiberent de eo, quæ opera per manus intelligit, quas tota die, idest toto tempore, quo cum eis fuit, ad eos expandit. E contrario autem in Gentibus, unde: *Inventus sum a non quærentibus me*, priusquam homo fierem.

Item Rom. 11. v.7. dicit Apostolus de Judæis incredulis, quoniam *excæcati sunt, sicut scriptum est: Dedit illis Deus spiritum compunctionis: oculos, ut non videant, & aures ut non audiant usque ad hodiernum diem*. Sententia horum verborum habetur Isaïa 6. v.20. *Excæca cor populi hujus, & aures ejus aggrava, & oculos ejus claudere, ne forte videat oculis suis, & auribus suis audiat, & corde suo intelligat*. Quod autem loquatur de Deo sancto, patet ex his quæ ponit Apostolus, & David dicens: 68.v.23. & 24. *Fiat mensa eorum coram ipsis in laqueum, & in retributiones, & in scandalum: Obscurentur oculi eorum ne videant, & dorsum eorum semper incurva*. Quæ verba sunt Christi ad Patrem, ut patet ex verbis ejus, quæ de eodem Psalmo sumpta sunt nu.10. *Quoniam zelus domus tuæ comedit me*; quæ de Christo, & ab ipso creduntur dicta, ex eo quod legitur Johan. 2. v. 17. *Recordati sunt vero Discipuli ejus, quia scriptum est: Zelus domus Tuæ comedit me*.

Item ex illis verbis ejusdem Psalmi v. 10. *Opprobria exprobrantium Tibi ceciderunt super me*. Quæ Apostolus Rom. 15. de Christo, & a Christo exponit esse dicta. Psal. 68. *Quoniam Zelus domus &c.* in illo Psalmo: *Salvum me fac Deus, quoniam intraverunt &c.* Ibi enim ait de domo materiali, scilicet de Templo Judæorum, quæ quidem domus erat Dei Veteris Testamenti: ergo cum Christus dicit: *Zelus domus Tuæ comedit me &c.* cum loquatur ad Patrem, domus illa erat Patris Christi; ergo Pater Christi Deus est Veteris Testamenti. Quod autem illa domus esse intelligatur Templum materiale ipsorum Judæorum, inferius ostendemus.

Item Roman. 12. v.19. dicit Apostolus: *Non vos meripfos defendentes Carissimi, sed date locum iræ: Scriptum est enim: Mihi vindicta: ego retribuam dicit Dominus*. Hanc auctoritatem plene exequemur cum Dei auxilio in quinta parte hujus operis. Ad præsens autem, tantum de ea dicimus, quod ipse

Dominus Veteris Testamenti, Deus sanctus, & verus, cui obediendum est, declaratur. Monebat enim Apostolus Romanos, ut darent locum iræ, idest vindictæ Dei locum suum non auferrent, quod facerent se vindicantes. Et quasi quis diceret Paulo: an confirmare potes faciendum esse aliquo testimonio? subjungit: *Scriptum est enim &c.* Sed ubi scriptum est, nisi 32. Deuteronom. v. 1. *Audite Cæli quæ loquor?* Hic autem non loquebatur nisi Deus Veteris Testamenti per Moysem; ergo Deus Veteris Testamenti est ille Deus, cui obediendum est. Sic enim dicit Apostolus: *Facite hoc, quia Deus Veteris Testamenti præcipit illud*.

Item Rom. 14. v. 11. dicit Apostolus, introducens Testimonium Isaïæ 45. *Vivo ego, dicit Dominus, quoniam mihi flectetur omne genu: & omnis lingua confitebitur Deo*. Patet autem quod de Christo loquitur, sicut vult Apostolus. Quod autem loquatur de Deo Veteris Testamenti, ostensum est.

Item Rom. 15. v. 4. dicit Apostolus: *Quæcumque enim scripta sunt ad nostram doctrinam scripta sunt, &c.* Quæ erant tunc scripta nisi Lex, & Prophetæ, quibus uteretur Apostolus in Testimonium eorum quæ dicebat? Non alia. Istud patet in epistolis suis, & in Scripturis aliorum Apostolorum, unde Paulus dicit 24. Actorum v. 14. *Sic deservio Patri, & Deo meo, credens omnibus, quæ in lege, & Prophetis scripta sunt*.

Item 26. v. 22. *Testificans majori, atque minori, nihil extra dicens quam ea, quæ Prophetæ locuti sunt futura esse, & Moyses*.

Item ult. Actor. in fine: *Suadensque eis de Jesu ex lege Moysi, & Prophetis, a mane usque ad vespem*. Dicit Apostolus, quod ista scripta sunt ad nostram doctrinam, sed non a maligno spiritu; ipse enim non vult nostram doctrinam, vel patientiam, vel consolationem, vel spiritum in Deum. Quod autem illa non sint testimonia Diaboli, patet Roman. 15. v. 8. *Dico enim Christum Jesum fuisse ministrum circumcisionis propter veritatem Dei*. Luc. 1. Item: *Sicut locutus est ad Patres nostros, &c.* ut dicit B. Virgo.

Item Apostolus non uteretur eis in Testimonium, si a Diabolo essent scripta, & data. Testimonium enim Diaboli non valet; ergo sunt scripta, & data a Deo sancto. Bonus ergo Deus loquebatur per Moysem; ergo Deus Veteris Testamenti bonus.

Item ibidem dicit Apostolus: *Dico enim Christum Jesum ministrum fuisse circumcisionis, idest Judæorum, propter veritatem Dei*, idest, ut Deus verax appareat, qui Filium suum eis promiserat Redemptorem; unde Psal. 110. v. 9. *Redemptionem misit Dominus populo suo*.

Item ut promissiones factas Patribus de Redemptione Gentium confirmaret Gen. 22. *Benedicentur in semine tuo omnes gentes*, unde propter confirmandas promissiones Patrum, idest factas a Deo vero Patribus. Et quibus Patribus, patet ex verbis B. Mariæ: *sicut locutus est ad Patres nostros, Abraham, & semini ejus in secula*. Luc. 1. ergo Deus verax illas promissiones fecerat Patribus, scilicet Abraham; ergo Deus Veteris Testamenti bonus,

quia ille solus ei, & semini ejus loquebatur per Angelum suum.

Item ibidem dicit Apostolus, introducens testimonium David de Psalm. 17. *Diligam Te Domine fortitudo mea &c.* in cuius fine habetur: *Propterea confitebor Tibi in Gentibus Domine: & nomini tuo cantabo;* ut consueta littera habet. Iste autem Psalmus sumitur de 2. Reg. 22. v. 1. & seqq. in quo Psalmus patent gesta Veteris Testamenti, unde ibi dicitur: *Locutus est autem David Domino verba carminis hujus, in die qua liberavit eum Dominus de manu omnium inimicorum suorum, & de manu Saul.* Constat autem, quod David ad Deum Veteris Testamenti dirigebat sermonem: Paulus autem in ejusdem verbis dicit verba illa intelligi de Deo Novi Testamenti, quia de Deo, quem honorem debebant gentes super misericordia. Igitur Deus Veteris Testamenti est Deus Novi Testamenti.

Si autem dicat Hæreticus: numquid David ista fecit in Gentibus?

Dicas, & quod David illa fecisse dicitur, quia semen ejus illa fecit, idest Christus, qui etiam hoc modo illa fecit in Gentibus, scilicet per Apostolos. Quidquid tamen sit, David Scriptura ad Deum Veteris Testamenti loquitur; & Apostolus dicit, quod de Deo Novi Testamenti; ergo ut prius diximus idem est Deus utriusque Testamenti.

Item dicit Apostolus: *Lætamini Gentes cum plebe ejus.* Et sumit testimonium Isaia 66. cap.

Præterea, quare dicit Apostolus populum Judæorum plebem ejus, potiusquam Populum Gentilem ante adventum Christi, quæ posita sunt supra in hac parte hujus Capituli super illo verbo Hebr. 11. v. 25. *Magis eligens affligi cum populo Dei, quam temporalis peccati habere jucunditatem?* Tantum autem ponimus hic, dicentes, quod Populus Judæorum ante Christi adventum dictus est ejus populus per regimen, quia illum populum regebat, licet ex eo plures essent mali. Quod autem ita sit, patet per litteram Apostoli, quam sumit de Isaia 11. v. 1. *Erit radix Jesse: & qui exurget regere Gentes, in eum Gentes sperabunt.* Nota quod non dicit; exurget regere Judæos, sed Gentes, quia super eas non regnabat, quando Isaia illud prophetavit: Tunc enim Gentes idololatrabant. Sed Judæos regebat, ideo dicit: *Lætamini*, idest lætabimini ad fidem conversæ cum plebe ejus, idest cum Judæis, qui jam sunt ejus plebs per regimen.

§. IX.

Alia Testimonia ex aliis Apostoli Epistolis.

Viso quod Deus Veteris Testamenti bonus est per testimonia, quæ inducuntur sunt ab Apostolo ad Romanos; videamus illud idem per testimonia aliarum epistolarum. Legitur 1. Cor. 9. v. 9. *Scriptum est enim in lege Moysi: Non alligabis os bovi trituranti* (85). Prius dixerat de se & Bar-

naba v. 4. *Numquid non habemus potestatem manducandi, & bibendi?* Ubi patet, quod loquitur de cibo, & potu materiali, quem poterat sumere ab eis, quibus dabat spiritualia, unde infra dicitur. 11. *Si nos vobis spiritualia seminavimus, magnum est, si nos carnalia vestra metamus &c.* Et cum multis testimoniis probatur, quod hanc potestatem habet. Ad illud probandum, inducit illud testimonium legis, quod sumitur Deuteronom. 25. & dicit quod lex illud dicit, scilicet quod potestatem haberet illud operandi, cum ait: *Non alligabis os &c.* Quod autem istud intelligatur non de materialibus bobus, sed spiritualiter de Apostolis, probat dicens: v. 10. *Numquid de bobus cura est Deo? An propter nos utique hoc dicit? Nam propter nos scripta sunt.* Apostolus dicit, quod Deus hoc dicit propter Apostolos, sed non Deus malus, scilicet Satan; Ille enim non præciperet, quod eis provideretur in necessariis; ergo Deus bonus illud præceptum dedit; ergo Deus Veteris Testamenti bonus.

Forte dicet Tibi Hæreticus: Nonne de materialibus bobus curam habet Deus, si ab eo sunt, cum scriptum sit: Psalm. 146. *Qui dat jumentis escam ipsorum &c?*

Respondeo: curam habet, sed non ibi: *Non alligabis &c.* imo de bobus spiritualibus, scilicet Apostolis intelligitur. Lex enim spiritualis est, ut dicit Apostolus Rom. 7. Vel si habet ibi curam de materialibus, non tamen primo, & principaliter; imo & de spiritualibus bobus, unde sic intelligitur illud verbum: Numquid de bobus materialibus cura est Deo, primo & principaliter in illis verbis? Non: An propter nos, & principaliter hoc dicit? Uti-que. Simile habetur Matth. 15. v. 26. *Non est bonum sumere Panem Filiorum*, idest Judæorum, *& mittere canibus*, idest Gentibus. Et etiam intelligendum est: non est bonum primo &c. Unde Marci 7. v. 27. *Sine prius saturari filios.*

Præterea, infra dicit Apostolus v. 14. quod *Dominus ordinavit iis qui Evangelium annunciant, de Evangelio vivere.* Istud autem habetur Matthæi 10. v. 10. *Dignus est enim* (ait Christus) *operarius cibo suo.* Iste Dominus, qui hoc ordinavit, ille est, qui dixit pro Apostolis: *Non alligabis &c.* Christus ergo fuit Deus Veteris Testamenti. Quod autem idem sit, qui dedit hoc, & illud, jam probatum est per hoc quod ille dicit: *Non alligabis &c.* Bonus Deus fuit.

Alio etiam modo potest hoc ostendi, per hoc scilicet, quod Apostolus 1. Timoth. 5. v. 17. dicit: *Qui bene præsunt Presbyteri, duplici honore digni habentur: maxime qui laborant in verbo, & doctrina.* In verbo scilicet exhortationis ad scientes, in doctrina ad nescientes. Postea conjungit testimonia Veteris Testamenti, & novi ad illud probandum quod dixerat v. 17. & 18. *Dicit enim Scriptura*, idest Deus in ea: *Non infranabis os bovi trituranti; & Dignus est operarius mercede sua.* Si autem dicat Hæreticus, quod illud intelligitur spiritualiter, quod dicit Apostolus 1. Cor. 9. v. 14. *Dominus ordi-*

(85) Similia sunt, quæ contra Paulicianos ex libro 11. Photii contra Manichæos, adhibet Euthymius in Panoplia Parte 11.

Tit. xx. qui est contra Paulicianos pag. 212.

ordinavit &c. & non intelligitur de cibo, & potu carnali. Hoc stare non potest, cum dicat Apostolus v. 11. *Si nos vobis spiritualia seminavimus, magnum est, si nos carnalia metamus*, ut prius.

Item v. 12. *Si alii potestatis vestra Principes sunt: quare non potius nos? Sed nos usi sumus hac potestate*. Et quæ sit hæc potestas dixit prius v. 4. *Numquid non habemus potestatem manducandi, & bibendi?* Sed numquid Apostolus non usus erat potestate cibi, & potus spiritualis apud Corinthios? Imo; ergo non intelligitur de cibo, vel potu spirituali.

Præterea, si de illo intelligatur verbum illud: *Dominus ordinavit &c.* Quomodo stabit illud quod statim dicit Apostolus: *Ego autem nullo horum usus sum?* ergo Apostolus non erat usus vivanda spirituali, vel Evangelio spirituali.

Item, quod de materiali vivanda loquatur, patet 1. Cor. 11. v. 7. & 8. Ubi ait: *Numquid peccatum feci me ipsum humilians, ut vos exaltemini? quoniam gratis Evangelium Dei evangelizavi vobis. Alias Ecclesias expoliavi, accipiens stipendium ad ministerium vestrum. Et cum essem apud vos, & egerem: nulli onerosus fui: nam quod mihi deerat, suppleverunt Fratres, qui venerunt a Macedonia*.

Item 1. Cor. 10. v. 1. & seqq. *Nolo autem vos ignorare Fratres quoniam Patres nostri omnes sub nube fuerunt, & omnes mare transierunt, & omnes in Moyse baptizati sunt in nube & in mari: & omnes eandem escam spiritalem manducaverunt, & omnes eundem potum spiritalem biberunt, consequente eos petra: petra autem erat Christus, sed non in pluribus eorum beneplacitum est Deo, nam prostrati sunt in deserto. Hæc autem in figura facta sunt nostri, ut non simus concupiscentes malorum, sicut & illi concupierunt, neque idololatram efficiamini, sicut quidam ex ipsis, quemadmodum scriptum est: Sedit populus manducare, & bibere, & surrexerunt ludere. Neque fornicemus, sicut quidam ex ipsis fornicati sunt, & ceciderunt una die viginti tria millia. Neque tentemus Christum, sicut quidam eorum tentaverunt, & a serpentibus perierunt*. Ecce quod Apostolus (86) dicit quoniam bibebant de spiritali consequente eos Petra, quæ petra erat Christus. Ergo Christus sequebatur eos; ergo Satan non minabat eos. Sed Deus Veteris Testamenti eos minabat, ergo Deus Veteris Testamenti non erat Satan. Deus ergo bonus fuit.

Præterea, dicit, quod omnes eundem potum spiritalem biberunt, & eandem escam spiritalem manducaverunt. Numquid in mala parte sumitur esca, vel potus spiritualis? Si dicas sic. Contra. Numquid aliquo testimonio potes ostendere, quod esca spiritualis, aut potus spiritualis in mala parte sumatur? Non.

Præterea, quomodo potest sumi spiritualis potus ibi in mala parte, cum dicat: *Bibebant autem de*

spiritali, consequente eos petra; petra autem erat Christus?

Præterea, ibi dicitur: *Sed non in pluribus eorum beneplacitum est, &c.* De Deo sancto loquitur. Illa ergo prostratio fuit a Deo sancto, & fuit a Deo Veteris Testamenti. Ille ergo sanctus Deus est; & nota quod dicit: *Non in pluribus eorum*. Non dixit, in omnibus, unde etiam ait: *Sicut quidam eorum &c.* ergo in aliquibus eorum beneplacitum erat Deo sancto; ergo Deus sanctus regebat aliquos illorum spiritaliter, de quibus etiam dicit: *Omnes eandem escam spiritalem manducaverunt, & omnes eundem potum spiritalem biberunt, consequente eos petra; petra autem erat Christus*.

Præterea, ibi dicitur, quod ista scripta sunt ad correptionem nostram. Si Moyses, vel Deus, qui iussit illa inscribi, malus esset, illa ad nostram correptionem scribi non fecisset.

Præterea, ibi dicit: *Neque tentemus Christum, sicut quidam eorum tentaverunt, & a serpentibus perierunt*. Nullum tentabant, nisi illum, qui eos de Ægypto ducebat. Christus ergo eos de Ægypto ducebat. Et ne alium dicas tentatum ab illo populo, occurrit tibi Judas 1. cap., ut dicetur postea.

Præterea, ibi dicitur: *Hæc autem omnia in figura &c.* ut habitum est in prima parte hujus capituli, in radice tertia.

Item, 2. Cor. 4. v. 4. dicit Apostolus: *Deus, qui dixit de tenebris lucem splendescere, ipse illuxit in cordibus nostris ad illuminationem scientiæ claritatis Dei in facie Christi Jesu*. Dixerat Apostolus se; & alios Apostolos esse fervos, idest ministros aliorum. Modo ponit causam sui ministerii: *quoniam Deus, qui dixit, idest dicto suæ voluntatis fecit de tenebris, ad hoc ut lumen aliis ministremus, & hoc est quod ait: ad illuminationem scientiæ claritatis Dei in facie Christi Jesu; idest illuminemus illos lumine scientiæ claritatis Dei. Illuminationem dico habitam in facie Christi Jesu, idest per Christum Jesum, qui dicitur facies Patris, quia per eum innotescit Pater. Quod autem de tantum valeat quod post in huiusmodi, patens est exercitatis in scientia naturali, ut dicit Avicennas, quod intellectus hujus propositionis de vel ex, est intellectus de, post, cum dicitur de non Grammatico, vel ex non Grammatico fit Grammaticus. Similiter & in verbis Apostoli*.

Sed quis est iste Deus, qui dixit de tenebris &c. Nisi Deus Veteris Testamenti? Non potest ostendi, ubi dixerit hoc alius. Quod autem Deus Veteris Testamenti hoc dixerit, patet Genes. 1. v. 3. ubi habetur: *quod tenebræ erant super faciem abyssi: & spiritus Domini ferebatur super aquas. Dixitque Deus fiat Lux, & facta est Lux*. Ex quibus patet quod Deus veteris testamenti est Deus novi testamenti.

Item, Ephes. 6. v. 1. *Filii obedite Parentibus vestris in Domino: quasi quis quæreret, quare obedien-*

A a 2

(86) Adposuit Euthymius loco mox indicato ubi hoc idem Apostoli testimonium contra Paulicianos affert: *Audis quomodo Christus Patrum populum, idest suum potaverit? Et quomodo pater ducebat Israel ad Filii agnitionem, & adorationem? Per quos autem? Per Moysen utique, & Prophetas. Ubi igitur hic malus? Ubi*

malus Principii opus? Adeundi Irenæus lib. IV. cap. XXVII. n. 3. seq. Tertullianus lib. III. contra Marcionem cap. v. seq. pag. 399. & cap. XVI. pag. 406. Auctor Dialogi de recta in Deum, Fide contra Marcionem sect. v. Inter Opp. Origenis pag. 370. Tom. I. Opp.

diendum sit eis a Filiis? Respondet Apostolus v. 2. *Hoc enim iustum est: Honora Patrem tuum, & Matrem tuam*, obediendo, & subveniendo; quasi dicat, ideo obediendum, quia debitum est. Quod autem debitum sit probat, quia est mandatum, unde *quod est*, idest quia est *mandatum primum* in secunda tabula. Alia etiam ratione dicit obediendum esse a Filiis, quia fructuosum, unde *in promissione*, idest cum ea & illa. Promissio duplex est, scilicet temporalis, & æterna, unde, *ut bene sit tibi in præsentī vita, & sis longævus super terram*, illam scilicet Dei sancti: *Beati mites, quoniam ipsi possidebunt Terram*. Istud autem sumptum est Deuter. 5. ubi verba ista sunt, nec aliunde potes ostendere ipsum esse sumtum. Ex quo patet, quod Deus veteris testamenti dedit illud præceptum. Dicit autem Apostolus, quod iustum est obedire illi; quod minime verum esset, si Deus veteris testamenti Sati esset. Ergo Deus veteris testamenti bonus est.

Item, Ephes. 2. v. 12. Apostolus distinguit inter populum Judæorum, & Gentilium in multis, dicens Gentilibus: *Eratis in illo tempore sine Christo* idest sine promissione Christi, quæ fiebat Judæis, sed non vobis Ephesiis, neque aliis Gentilibus. Sequitur: *Alienati a conversatione Israel*. Non enim conversabantur Judæi Gentibus, ut habetur Johan. 4. Sed a conversatione Israel. Sequitur: *& hospites testamentorum*, idest legis & prophetiæ, postquam eas receperant, tamquam hospites reputabantur a Judæis. Sequitur: *Promissionis spem non habentes*, illius scilicet *in semine tuo benedicentur omnes gentes Terræ* Genes. 22. Ideo autem spem hujus promissionis non habebant, quia eis scilicet de Christo promissio facta non erat, unde supra dixerat, sine Christo fuisse Gentes, idest sine Christi promissione, quod est illud semen, in quo benedicentur omnes familiæ terræ. Sequitur: *Et sine Deo in hoc Mundo*. Supra autem Rom. 2. dixerat Judæo, quod gloriabatur in Deo; & noverat voluntatem ejus instructus per legem. Distinguebantur ergo Judæi a Gentibus, quia Judæi erant cum Deo, Gentes sine eo. Constat autem quod per creationem æqualiter erant ambo cum ipso. Ergo quod dicit Judæos fuisse cum Deo, & Gentes sine eo, hoc est intelligendum, quia Judæi habebant fidem Dei, Gentes autem non: sed Judæi non habebant fidem alterius Dei, nisi Dei veteris testamenti; ergo ille est verus Deus, & Sanctus.

Præterea dicit Apostolus Ephes. 2. v. 13. *Vos Gentes, qui aliquando eratis longe, facti estis prope in Sanguine Christi*. De quo etiam dicit postea v. 17. *quod veniens evangelizavit pacem vobis, qui longe fuistis, & pacem iis, qui prope*. Isti qui prope fuisset dicuntur, Judæi sunt, qui erant prope, idest juxta Deum; gentes vero longe a Deo, quæ postquam Christus venit, factæ sunt prope Deum; sed nonnisi per fidem veram; ergo Judæi per fidem veram prope Deum erant prius: sed fidem non habebant nisi de Deo veteris testamenti, ergo ille est verus Deus.

Præterea, gentes erant Idōlolatræ, & colebant Idola, Judæi vero colebant Satan, si ipse est dator veteris testamenti. Deterior autem est fides, qua co-

litur Satan, quam fides qua coluntur ista visibilia; magis ergo erant longe Judæi a Deo vero, quam gentes, si Judæi fidem Satan habebant, & per fidem eum colebant. Hoc autem falsum est, quod Judæi haberent fidem Satanæ; ergo habebant fidem veri Dei, sed nonnisi Dei Veteris Testamenti; ergo ille est Deus verus.

Item 2. Cor. 6. v. 16. habetur, quod Apostolus dicit Corinthiis: *Vos enim estis Templum Dei, vivi, sicut dicit Deus: Quoniam inhabitabo in illis; & inambulabo, & ero illorum Deus: & ipsi erunt mihi populus*. Quis autem Deus hoc dicat habetur Levit. 26. v. 11. & 12. *Ponam tabernaculum meum in medio vestri, & non abiciet vos anima mea. Ambulabo inter vos, & ero Deus vester, vosque eritis populus meus*. Ergo Deus veteris testamenti est Deus vivus, cujus Templum sunt Sancti, & ejus populus, & ipse Deus eorum.

Item, 2. Cor. 6. v. 2. in Persona Dei Patris Apostolus introducit testimonium de Isaia 49. *Tempore accepto exaudivi Te, & in die salutis adjuvi Te*, Quis autem iste sit, patet parum supra in fine 48. cap. v. 21. *Redemit Dominus servum suum Jacob. Non sitierunt in deserto cum educeret eos; aquam de petra produxit eis, & scidit petram, & fluxerunt aquæ*. Quis autem ista fecerit, non potest ostendi, nisi Deus Veteris Testamenti.

Præterea Isaia 49. v. 6. dicitur de redemptione Jacob, unde facta est mentio supra 48., & sunt verba Patris ad Christum Redemptorem: *Parum est, ut sis mihi servus ad suscitandas Tribus Jacob, & facies Israel convertendas. Ecce dedi Te in lucem Gentium, ut sis salus mea usque ad extremum Terræ*. Quod autem ista verba dicantur ad Christum, & ejus discipulos patet Act. 13. ubi Apostolus introducit Testimonium hoc, de transitu Christi ad Gentes per Apostolos. Illa ergo verba quæ sunt in Isaia 48. *Redemit Dominus servum suum &c.* de Christo intelliguntur; ergo Deus Veteris Testamenti est Deus Novi Testamenti, quia solus Deus Veteris Testamenti invenitur illa fecisse. Nec mireris, quia dicit Isaia de Judæis: *Non sitierunt in deserto*, cum tamen inveniantur sitisse. Omisissis enim aliis expositionibus, fideliter potest sic intelligi: Non sitierunt, quin Deus eis subveniret; & hoc vult littera Isaia, quæ dicit: *aquam de Petra &c.*

Item, ad Heb. 3. v. 7. *Sicut dicit Spiritus Sanctus: Hodie si vocem ejus audieritis, nolite obdurare corda vestra, sicut in exacerbatione secundum diem temptationis in deserto; ubi tentaverunt me Patres vestri, probaverunt, & viderunt opera mea: Quadraginta annis proximus fui generationi huic, & dixi: semper hi errant corde. Ipsi autem non cognoverunt vias meas, quibus juravi in ira mea, si introibunt in requiem meam*. Ad hoc autem respondit hæreticus, quod ista verba spiritualiter sunt dicta, quia de spiritali requie intelliguntur; sicut ostendit Apostolus parum infra, 14. scilicet cap. Sed etsi hoc sit, tamen dicere possumus, & ostendere, quod loquitur de Deo, qui per quadraginta annos duxit eos per desertum, sicut patet ex verbis Apostoli qui refert verba Spiritus Sancti: *Hodie si vocem ejus audieritis &c.*

Item constat, quod ille Deus non erat Satan, alioquin non diceret Spiritus Sanctus; *Hodie si vocem ejus audieritis, nolite obdurare corda vestra*; imo diceret; obdurate ea. Ille ergo Deus, qui eduxit eos 40. annos per desertum, bonus Deus fuit, sed ille fuit Deus Veteris Testamenti, sicut potest probari ex eo quod habetur Act. 7. v. 35. & 36. ubi Stephanus ait: *Hunc idest Moysen, Deus Principem, & Redemptorem misit cum manu Angeli, qui apparuit illi in rubo. Hic adduxit illos faciens prodigia, & signa in Terra Ægypti, & in rubro mari, & in deserto annis quadraginta.*

Item, Act. 13. idem patet, ubi habetur, v. 17. quod *Deus plebis Israel elegit Patres nostros, & plebem exaltavit, cum essent incolæ in Terra Ægypti, & in brachio excelso eduxit eos ex ea, & per quadraginta annorum tempora mores eorum sustinuit in deserto*; ubi historia Veteris Testamenti evidenter exprimitur. Deus igitur Veteris Testamenti bonus fuit.

Præterea Apostolus dicit Ecclesiæ: *Nolite obdurare corda vestra, quemadmodum in illa exacerbatione quidam illorum.* Modo quæro: contra quem obduraverunt corda sua illi? Si contra Satan, boni ergo erant.

Præterea, qui obduraverunt contra Spiritum Sanctum, ut dicit Apostolus in prædicto testimonio ad Hebræos, patet Act. 7. v. 51. ubi Stephanus ait Judæis: *Dura cervice, & incircumcisis cordibus, & auribus, vos semper Spiritui Sancto resistitis: sicut Patres vestri & vos.* Si autem obduraverunt corda contra bonum Deum; sed non obduraverunt corda, nisi contra illum, qui minabat eos, ergo ille qui minabat eos bonus fuit, & ita Deus Veteris Testamenti bonus. Quod autem non obduraverint corda contra alium, patet per verba Spiritus Sancti posita ab Hebr., qui arguens eos dicit se tentatum ab eis in deserto; ubi Patres eorum probaverunt, idest probare voluerunt; an possem facere quæ promittebantur; & viderunt 40. annis opera mea, quibus cognoverunt me posse.

Præterea dicit Heb. 3. v. 16. *Quidam enim audientes exacerbaverunt, sed non universi, qui profecti sunt ex Ægypto per Moysen.* Ex quo patet, quod de Deo Veteris Testamenti locutus est, & distinguit, quia quidam eorum exacerbaverunt, & quidam non; unde & quibusdam infensus est, ut ipse ait ibi, & quibusdam non. Illis, qui peccaverunt offensus fuit, ut patet per Apostolum. Iste non potest esse malus Deus qui offenditur, dum peccatur. Ex eo etiam quod dicit Apostolus. *Quibus autem offensus est 40. annis? Nonne illis, qui peccaverunt, quorum cadavera prostrata sunt in deserto?* Patet per illud quod supra diximus super illud verbum 1. Cor. 10. *Sed non in pluribus eorum beneplacitum est Deo; nam prostrati sunt in deserto*; scilicet quod de Deo Sancto loquitur, & quod a Deo Sancto facta est illa prostratio mortuorum in deserto.

Præterea dicit Apost. v. 18. *Quibus autem juravit non introire in requiem ipsius, nisi illis, qui increduli fuerunt? Et videmus quod non potuerunt introire in requiem ejus propter incredulitatem.* Videmus, dicit, quasi dicat: ego & vos hoc scimus,

quod propter incredulitatem non intraverunt in requiem Terræ Palæstinorum. Ista incredulitas est offensio, qua offensam se dicit Spiritus Sanctus ab eis 40. annis, ut dicit Apostolus. Ex hoc infert Apostolus Hæbr. 4. v. 1. *Timeamus ergo ne forte relicta, idest non credita pollicitatione introeundi in requiem ejus, existimetur aliquis ex vobis, idest judicetur deesse.* Ejus dicit, de quo sermo processerat; ergo ille bonus Deus erat. Si enim malus esset, non timeremus relinquere ejus pollicitationem, vel ejus requiem. Postea dicit v. 2. *Etenim & nobis nunciatum est, quemadmodum & illis, illud scilicet verbum: Hodie si vocem ejus &c.* & a Spiritu Sancto est nunciatum, unde dicit Apostolus Hæbr. 3. v. 6. *Quapropter, sicut dicit Spiritus Sanctus: Hodie si vocem ejus &c.* sequitur Heb. 4. v. 2. *Sed non profuit illis sermo auditus, non admistus fidei ex iis, quæ audierunt.* Si esset malus Deus, profuisset illis, qui non audissent.

Item Hæbr. 4. v. 3. & 4. *Et quidem operibus ab institutione mundi perfectis.* Dixit enim quodam loco de die septima sic: *Et requievit Deus die septima ab omnibus operibus suis.* Et in isto rursum; si introibunt in requiem meam. Debet autem sic ordinari constructio. Dixit sic in quodam loco de die septima istud; scilicet dixit: *Et requievit Deus die septimo ab omnibus operibus suis.* Quando autem istud dixerit, determinat, cum ait: *& quidem*; hoc est certe hoc dixit: *operibus ab institutione mundi perfectis*, idest post perfectionem operum ab initio mundi. Postea determinat Apostolus quis dixerit illud, cum ait: *Et in isto rursum*; supra dixit: *Si introibunt in requiem meam.* Si rursum dixit hoc idem, ergo dixit illud & hoc: sed hoc dixit Spiritus Sanctus, ut dixit Apostolus 3. cap. *Quapropter sicut dixit &c.* ergo illud dixit Spiritus Sanctus: *Et requievit &c.* Ergo tota mundi factura, distinctio scilicet operum sex dierum, & tota lex a principio Genes. a Spiritu Sancto est, a Deo scilicet vero & Sancto.

Item ad Heb. 5. v. 4. *Nec quisquam sumit sibi honorem, sed qui vocatur a Deo tamquam Aaron.* Ergo Aaron fuit vocatus a Deo. Quod autem ita sit; patet per David: *Moyses & Aaron in Sacerdotibus ejus.* Quod autem David loquatur ibi de Deo Veteris Testamenti & de Aaron, patet per psalmum illum: *Dominus regnavit irascantur populi &c.* ubi narrat facta Veteris Testamenti ex parte.

Item ad Heb. 10. v. 30. dicit Apostolus: *Scimus enim qui dixit: Mibi vindictam, & ego retribuam. Et iterum quia judicabit Dominus populum suum.* Idem dicit utrumque, ut patet Deuter. 32. v. 1. in Cantico: *Audite celi quæ loquor &c.* De prima parte hujus Testimonii habitum est supra in hac eadem parte hujus cap. De secunda videbimus quæ ab eodem dicta est: *Judicabit Dominus populum &c.* Iste est Christus, cui Pater omne judicium dedit, ut habetur Jo: 5., de quo etiam dicitur: *Horrendum est incidere in manus Dei viventis.* Deus igitur Veteris Testamenti est Deus vivens, scilicet Christus, & Pater ipse.

Item ad Heb. 12. v. 18. & seqq. *Non enim accessistis ad tractabilem montem, & accessibilem ignem & turbinem, & caliginem & procellam, & tubæ sonum*
& vo-

& vocem verborum, quam qui audierunt, excusaverunt se, ne eis fieret verbum. Non enim portabant, quod dicebatur. Et si bestia tetigerit montem, lapidabitur. Et ita terribile erat, quod videbatur: Moyses dixit: Exterritus sum & tremebundus. Sed accessistis ad Sion montem & Civitatem Dei viventis Jerusalem caelestem, & multorum millium Angelorum frequentiam, & Ecclesiam primitivorum, qui conscripti sunt in calis, & Judicem omnium Deum, & spiritus Iustorum perfectorum, & Testamenti Novi mediatorem Jesum, & sanguinis asperersionem melius loquentem quam Abel. Postea subjungit Apostolus v. 25. Videte ne recusetis loquentem. Si enim illi non effugerunt recusantes eum qui super terram loquebatur: multo magis nos, qui de calis loquentem nobis avertimus: Cujus vox movit terram tunc: nunc autem repromittit dicens: Adhuc semel; & ego movebo non solum terram, sed & caelum. Si vox illius, quæ de cælo loquitur vobis, movit tunc terram, palam est, quod idem Deus est Veteris Testamenti, qui & Novi. De isto motu terræ David dicit in psal. 67. v. 1. Exurgat Deus & dissipentur inimici ejus &c. ubi etiam ait v. 8. & 9. Deus cum egredereris in conspectu populi tui, cum pertransires in deserto: terra mota est, etenim calis distillaverunt a facie Dei Sinai. Deus ergo qui in Sina legem dedit, est ille qui loquitur vobis de cælo.

Ad hoc dixit hæreticus sic: Cujus vox movit terram tunc, scilicet quando aspersus est sanguis Christi in Cruce, & non tunc quando lex data est. Quod autem hoc falsum sit, patet ex Testimonio Aggæi Prophetæ, quod inducit Apostolus: Adhuc semel &c. Nam ante Christi mortem dixit Aggæus in persona Dei: Adhuc semel &c. ergo jam commoverat terram; ergo non intelligitur de commotione terræ facta in Passione Christi.

Præterea, illud testimonium est Dei Veteris Testamenti, ut patet Aggæi 2. ubi loquitur Dominus de reedificatione domus Dei, quæ destructa erat; & præcepit quod templum reedificaretur ei in Jerusalem, obtenta licentia a Cyro, ut habetur 1. Esdræ 1., secundum quod prophetaverat Jeremias 29. sicut enim legitur 2. Aggæi v. 2. & seqq. Factum est verbum Domini in manu Aggæi Prophetæ dicens: Loquere ad Zorobabel filium Salathiel Ducem Judæ, & ad Jesum filium Josedeck Sacerdotem magnum, & ad reliquos populi dicens: Quis in vobis est derelictus, qui vidit domum istam in gloria sua prima? Et quid vos videtis hanc nunc? numquid non ita est, quasi non sit in oculis vestris? Et nunc confortare Zorobabel, dicit Dominus: & confortare Jesu filii Josedeck Sacerdos magne, & confortare omnis populus terræ, dicit Dominus exercituum: & facite (quoniam ego vobiscum sum, dicit Dominus exercituum.) Postea ponit illa verba Apostoli. Adhuc unum modicum est, idest semel. Idem enim intelligit Apostolus per semel, & Prophetam per unum; & ego commovebo caelum & terram. De ista autem reedificatione domus, sive Templi Dei, habetur in Esdræ 1. lib. 5. cap. v. 1. & seqq. Prophetaverunt autem Aggæus Prophetam & Zaccharias filius Addo prophetantes ad Judæos, qui erant in Judæa & Jerusalem, in nomine Domini Israel. Tunc surrexerunt Zorobabel

filius Salathiel, & Josue, sive Jesus filius Josedeck, & cæperunt edificare Templum Dei in Jerusalem.

Item Heb. 13. v. 1. Charitas fraternitatis maneat in vobis; Et hospitalitatem nolite oblivisci, per hanc enim placuerunt quidam Angelis hospitio receptis. Constat quod Apostolus invitât eos ad caritatem fraternitatis, & ad hospitalitatem, sed non ad malam. Hoc autem facit exemplo illorum, qui per hospitalitatem placuerunt Angelis, vel Deo propter eos receptos. Sed qui fuerint hi, qui placuerunt Angelis? non inde habes testimonium, quod adducas. Ego autem testimonium habeo, quod unus fuit Abraham Genes. 18., & alius fuit Loth Genes. 19. Illi igitur Angeli boni fuerunt, quibus placuerunt quidam per caritatem & hospitalitatem. Fuerunt autem Angeli Dei Veteris Testamenti; ergo Deus Veteris Testamenti bonus, cujus Angeli fuerunt boni, quibus charitas, fraternitatis & hospitalitatis placuit, quod esse non posset si mali essent.

Item ibidem dicit Paulus v. 4. Fornicatores enim & adulteros judicabit Deus. Sint mores sine avaritia contenti præsentibus: ipse enim dixit: Non te derelinquam. Apostolus invitaverat ad cavendum ab adulterio & fornicatione, dicens: Honorabile connubium in omnibus & Thorus immaculatus; & subdit causam, scilicet ne judicemur, quia fornicatores &c. Modo dicit, quis judicabit adulteros, nisi Christus? Nullus. Unde Jo: 5. v. 22. Neque enim Pater judicat quemquam, sed omne judicium dedit Filio. Item Rom. 2. v. 6. qui reddet unicuique secundum opera ejus. Postea monet ad cavendam avaritiam, cum dicit: Sint mores sine avaritia, idest ne sitis tenaces habitorum. Item sitis contenti præsentibus: idest non sitis cupidi non habitorum.

Sed ne diceres: Si contentus fuero præsentibus, & non fuero cupidus eorum, quæ nondum habeo, male erit mihi, ideo subjungit Apostolus; ipse enim dixit: non te deferam, neque te derelinquam. Ipse scilicet qui judicabit fornicatores & adulteros. Sed ubi hoc dixit, nisi Josue 1. v. 35. idest Christus; ergo filius Dei loquebatur ad Josue, & ipsum regebat; ergo Christus est filius Dei Veteris Testamenti; ergo bonus fuit Deus Veteris Testamenti.

Præterea, vide quid ibi dicit Apostolus v. 6. Itaut confidenter dicamus: Dominus mihi adjutor: non timebo quid faciat mihi homo. Si fuisset diabolus, qui illud dixit, non dedisset nobis (Apostolus) fiduciam sperandi in adjutorio ejus.

Præterea, vide quid dicit Apostolus v. 8. Jesus Christus heri, & hodie: ipse & in secula, quasi dicat, ille qui heri, idest qui in Vetero Testamento fuit adjutor Josue, ipse hodie, idest in præsentem & in secula, idest in futuro sine fine suorum adjutor est & erit.

Præterea, Jesus Christus heri, & hodie: ipse & in secula. Quid vis tu intelligere per hodie, numquid tantum diem illam, in qua dixit hoc Paulus? & per heri diem, quæ immediate erat ante illam? si dicat ita volo, hoc satis vile verbum esset.

Præterea, non faceret ad illud, quod intendit Apostolus; ipse enim dixit ad Josue: Non te deferam, neque derelinquam, itaut confidenter dicamus: Dominus mihi adjutor: non timebo quid faciat mihi ho-

mo. Quis autem sit iste Dominus, de cujus auxilio confidendum est, subjungit, cum ait: *Iesus Christus veri, & hodie &c.* Per hoc ergo, quod fuit adjutor Josue in Veteri Testamento, sicut promisit ei, cum dixit: *Non te deferam &c.* Vult Apostolus quod confidamus de ipso, idest Christo. Et ad hoc induxit illud verbum: *Iesus Christus veri &c.*, idest in Veteri Testamento & hodie; idest tempore suæ Incarnationis. Quod autem ita sumatur hodie, patet ex eadem Epist. Heb. 4. v. 6. *Quoniam ergo superest introire quosdam in illam, & ii, quibus prioribus annuntiaturum est, non introierunt, propter incredulitatem (v. 7.) iterum terminat diem quandam, hodie in David dicendo, post tantum temporis, sicut supra dictum est: Hodie si vocem ejus audieritis, nolite obdurare corda vestra. (v. 8.) Nam si eis requiem præstitisset Iesus, numquam de alia loqueretur post hac die. 3. capite etiam dixerat v. 12. & 13. Videte Fratres, ne forte sit in aliquo vestrum cor malum incredulitatis, discedendi a Deo vivo, sed adhortamini vos metipsos per singulos dies, donec hodie cognominatur. Ad Heb. 1. v. 5. dicit Pater Christi. Ego ero illi in Patrem & ipse erit mihi in Filium. Quod testimonium est Dei Veteris Testamenti, ut ostendetur in 3. parte hujus Operis in capitulo de humanitate Christi.*

Item Act. 13. v. 16. & seqq. *Viri Israelitæ, & qui timetis Deum audite: Deus plebis Israel elegit Patres nostros, & plebem exaltavit, cum essent incolæ in terra Ægypti, & in brachio excelso eduxit eos ex ea, & per quadraginta annorum tempus mores eorum sustinuit in deserto: & destruens gentes septem in terra Chanaan sorte distribuit eis terram eorum, quasi post quadrigentos & quinquaginta annos; & post hæc dedit Judices, usque ad Samuelem Prophetam. Et exinde postulaverunt Regem, & dedit Deus Saul, filium Gais, virum de Tribu Benjamin annis quadraginta, & amoto illo suscitavit illis David Regem, cui testimonium perhibens dixit: Inveni David filium Jesse, virum secundum cor meum qui facit omnes voluntates meas. Hujus Deus ex semine secundum promissionem eduxit Israel Salvatorem Jesum. Quis sit Deus plebis Israel, nemo sani capitis dubitat; sed firmiter credit, quod Pater Christi Deus sit illius plebis, unde Rom. 15. dicit Paulus Gentibus v. 10. *Lætamini Gentes cum plebe ejus.**

Item Rom. 11. v. 1. *Numquid Deus repulit populum suum? Absit: Nam & ego Israelita sum, ex semine Abraham de Tribu Benjamin. Non repulit Dominus plebem suam.* Et nonne vides Hæretice, quod iste Deus præcipua facta Veteris Testamenti dicitur operatus? Deus igitur Veteris Testamenti Pater est Christi.

Præterea, quis Deus elegit Patres Judæorum, nisi Pater Christi? Nullus. Patres enim Judæorum fuerunt Abraham & ejus semen. Dicit enim B. Virgo de Deo, quem magnificat, quod locutus est ad Patres nostros Abraham & semini ejus. Ille autem, qui loquebatur eis, eos elegit. Bonus ergo Deus ista fecit, de quibus hic loquitur Paulus.

Item ibidem dicitur: *Hujus Deus ex semine secundum promissionem eduxit Israel Salvatorem Jesum.* Iste est Deus plebis Israel, non alius. Iste au-

tem est Pater Christi. Deus igitur Veteris Testamenti est Pater Christi. Alia quædam hic pertransimus, quia in tertia parte hujus Operis, in cap. de humanitate Christi plene habentur.

Item Act. 24. v. 14. *Confiteor autem hoc tibi, quod secundum sectam, quam dicunt hæresim esse, si deservio Patri Deo meo, credens omnibus, quæ in lege & Prophetis scripta sunt: spem habens in Deum, quam & hi ipsi expectant resurrectionem futuram justorum & iniquorum.* Si illam spem in Deum habebat, quam & illi; ergo si ipse sperabat in Deum bonum, & illi. Sed illi non sperabant, nisi in Deum Veteris Testamenti; ergo ille est bonus Deus.

Item 1. Petr. 1. v. 13. dicitur: *Sperate in eam quæ offertur vobis gratiam in revelatione Jesu Christi, quasi filii obedientiæ, non configurati, idest non assimilati prioribus ignorantia vestra desiderii: sed secundum eum, qui vocavit vos Sanctum, ut & ipsi in omni conversatione Sancti sitis: quoniam scriptum est: Sancti eritis, quoniam ego Sanctus sum.* Ista autem sunt verba Dei Veteris Testamenti Levit. 11. & 19. & 20. Ibi enim scripta sunt. Ergo ille Deus est Sanctus: alibi enim scripta esse non potes ostendere illa verba, nisi in Veteri Testamento.

Item 1. Petr. c. 3. v. 5. *Sic idest in spiritu, aliquando & sanctæ mulieres sperantes in Deo, ornabant se subjunctæ propriis viris. Sicut Sara obediebat Abraham, Dominum eum vocans: cujus estis filiæ beneficientes.* Sara ergo & sancta mulier erat, & in Dominum sperabat, sed non in alium, nisi in Deum Veteris Testamenti, ergo ille est, in quem sperandum est; ergo ipse bonus Deus est.

Item 2. Pet. 2. v. 4. & seqq. *Si enim Deus Angelis peccantibus non pepercit, sed rudentibus inferni, idest funibus ejus, detractos in tartarum tradidit cruciandos, in judicium reservari. Et originali mundo non pepercit, sed octavum Noe justitiæ præconem custodivit, diluvium mundo impiorum inducens. Et Civitates Sodomorum & Gomorrhæorum in cinerem redigens everensione damnavit, exemplum eorum, qui impie acturi sunt, ponens; & justum Loth oppressum a nefandorum injuria, ac luxuriosa conversatione eripuit. Aspectu enim & auditu justus erat, habitans apud eos, qui de die in diem animam justam iniquis operibus cruciabant. Novit Dominus pios de tentatione eripere, iniquos vero in diem judicii reservare cruciandos.* Ecce quod Beatus Petrus expresse vult, quod Deus Veteris Testamenti sit Deus Sanctus & justus, qui reddet unicuique secundum opera sua in cælo & in terra ab initio mundi.

Ad hoc autem respondit Hæreticus; quod Petrus omnibus suis sermonibus præposuit, si: unde non affirmavit Deum Sanctum fecisse hoc; unde sive fecerit, sive non fecerit ista cum eis, manifestum esse debet, quod Deus novit pios de tentatione eripere. Sed constat hæreticum deceptum esse. Verum est enim, quia manifestum esse debet illud, quod Deus novit &c. Sed Beatus Petrus ostendit per quod debet, & potest esse manifestum, quia per ante facta in cælo, unde: *Angelis peccantibus non pepercit:* Et etiam in Terra, unde: *Et originali mundo non pepercit &c.*

Præterea, si Deus Angelis peccantibus non pepercit; istud affirmative intelligitur; ergo & reliqua quæ sequuntur. Quod autem secundum affirmationem intelligantur, probatur per illud, quod habetur Isaia 54. v. 1., ubi ponitur illud verbum Apostol. ad Galat. 4. v. 27. *Lauda sterilis, quæ non paris: erumpe & clama quæ non parturis: quia multi filii desertæ, magis quam ejus quæ habet virum, dicit Dominus.* Postea subdit iste Dominus (eod. cap. Isaia v. 9.) *sicut in diebus Noe, istud mihi est, cui juravi, ne inducerem aquas Noe ultra supra terram; ut habetur in prima parte hujus Operis 2. p. 1. cap. super illa verba Isaia creavit &c. ubi dicitur: Sicut in diebus Noe &c.* Constat autem, quod ille, qui ait: *Latare sterilis &c.* bonus est; ergo & ille, qui juravit Noe illud quod dicit Isaia, quod habetur Genes. 9. bonus Deus est; & ita ille, qui non pepercit Mundo originali, Deus Sanctus est; & sic habes, quod secundum verbum intelligitur affirmative.

Præterea, contra illos, qui unum ponunt principium, potes inducere, quoniam fides sua est, quod Deus Sanctus pro seminario generis humani Noe octavum custodivit, sicut notatum est supra eodem lib. cap. 1.

Præterea Isaia dicit cap. 13. v. 19. *Et erit Babylon illa gloriosa in regnis, incluta in superbia Chaldeorum, sicut subvertit Dominus Sodomam & Gomorrhæm.* Subverforem illarum dicit Dominum, quod non faceret, si Satan fecisset illarum subversionem. Numquam enim in Scripturis invenitur Deus in mala parte sine determinatione.

Præterea, ex verbis B. Petri patet, quod bonus Deus subvertit Sodomam & Gomorrhæm, quia dicit: exemplum eorum, qui impie acturi sunt, ponens. Diabolus enim non poneret istud exemplum eis, ut confidentius impie agerent. Bonus ergo fuit, qui exemplum illud posuit eis. Ad quid vero poneret exemplum hoc, nisi, ut fugiant a facie arcus; ut dicit David: Psalm. 59. v. 6. *Dedisti mentuentibus te significationem, ut fugiant a facie arcus.*

Præterea, nonne ibi dicit Petrus 2. cap. 2. *Et justum Loth &c.* Ecce quod Loth justum dicit Petrus, & ereptum per illum, qui subvertit Sodomam & Gomorrhæm ab injuria nefandorum & luxuriosa conversatione: quod minime fuisset, si Satan esset: Immo in luxuriosam conversationem eum misisset.

Præterea vide, quid dicit ad hoc Petrus, de eo aspectu & auditu justus erat habitans &c. idest licet cum talibus habitaret, quod valde difficile est: *Aspectu enim & auditu justus erat*, ut dicit Petrus, quia nihil in eo videri, vel audiri poterat, quod justum non esset.

Si autem dicas, quod justus dicitur fuisse non justitia Christi, sed justitia mundana. Hoc stare non potest, primo propter illud quod dicit Petrus, quod illi *iniquis operibus cruciabant animam suam justam*; affligebatur enim; quia cernens eorum facta mala corrigere non valebat, ut patet Genes. 19.

Præterea illa justitia justus erat, qua & Noe; sed Noe justus fuit justitia quæ per fidem est, ut dicit

Apostolus Heb. 11. ergo & Loth. Ita autem justitia in epistolis Pauli, & in aliis locis non invenitur, nisi pro justitia salvandorum. Uterque ergo bonus fuit; ergo & Deus, qui eos custodivit, bonus fuit. Ille autem qui custodivit eos, fuit ille, qui fecit diluvium, & qui subvertit Sodomam & Gomorrhæm; ergo qui hoc fecit fuit Deus bonus.

Præterea Petrus dicit: *Novit Dominus pios &c.* Ille bonus est, qui salvat, & cruciat. Sed nonne hoc ostendit Petrus in verbis præcedentibus de Deo Veteris Testamenti, qui pios salvat, alios cruciat? Utique. Deus ergo Veteris Testamenti est iste, de quo dicit Petrus: *Novit Dominus &c.* Quod etiam patet Jacobi 4. v. 12. *Unus est enim legislator, & Judex, qui potest perdere, & liberare.* Ubi etiam patet quod ex lege Moyfi loquitur, ubi habetur Levit. 19. v. 16. *Non eris criminator, nec susurro in populo.* In alia lege non. Deus ergo Novi Testamenti fuit lator illius legis.

Item Judæ 1. v. 5. & seqq. *Commonere autem vos volo, scientes semel omnia, quoniam Jesus populum de Terra Ægypti salvans, secundo eos, qui non crediderunt perdidit. Angelos vero, qui non servaverunt suum principatum, sed dereliquerunt suum domicilium, in judicium magnæ diei, vinculis æternis sub caligine reservavit.* Ecce habemus evidens testimonium, quod Jesus qui primo salvavit populum de Ægypto, & postea perdidit, incredulos Angelos ad judicium servavit. Istud autem non potest intelligi de Josue. Nam quia ille neque populum de Ægypto salvavit, neque in judicium magnæ diei Angelos cruciandos servavit.

Præterea, constat, quod hæc determinatio de Terra Ægypti determinat hoc participium salvans, ergo non venit pro Josue, qui hoc non fecit, sed tantum Moyse, ut habetur Act. 7. v. 35. *Hunc Deus Principem.* Quod autem Josue non salvaverit eos de Terra Ægypti, patet ex eo, quod non fuit ductor populi, nisi post mortem Moyfi, ut habetur Num. 27. v. 16. *Provideat Dominus Deus spirituum omnis carnis, hominem, qui sit super multitudinem hanc, & possit exire, & intrare ante eos; & educere eos vel introducere, ne sit populus Domini sicut oves absque Pastore: Dixitque Dominus ad eum: Tolle Josue filium Nun &c.* Idem patet Deuteron. ult. v. 9. *Josue vero Filius Nun repletus est spiritu sapientiæ, quia Moyses posuit super eum manus suas,*

Item in principio Josue c. 1. v. 1. *Et factum est post mortem Moyfi servi Domini, ut loqueretur Dominus ad Josue Filium Nun ministrum Moyfi.*

Item nota, quod ubi Judas dicit *Jesus*, Petrus dicit *Deus*: 2. Petr. 2. *Si enim Deus Angelis, &c.* Unde sciendum, quod Judas, sicut & Petrus adversus doctrinam hæreticorum loquebantur, qui Jesum Christum Deum esse negabant, & ipsum purum hominem esse, & initium totale habuisse, cum carnem sumpsit ex Virgine, ideoque Judas Apostolus, ante Incarnationem eum extitisse ostendens, ait, quod populum de Terra Ægypti salvaverit. Et ut etiam hoc clarius ostenderetur, subintulit dicens: quoniam ille idem Jesus Angelos in Cælo peccantes, tartareis vinculis tradidit cruciandos, unde

constat ipsum dominatorem fuisse Angelorum, & hominum, quod non fuit secundum quod homo; ergo secundum quod Deus; & ita fuit, & est unus Deus, & unus solus dominator cum Patre, & Spiritu Sancto, propter quod insinuandum dicit: *Sic enim Deus &c.* ubi Judas dicit *Jesus*.

Ad ista autem respondit quidam Hæreticus, quod in hac clausula, sive parte: *Angelos vere, &c.* loquitur de alio, quam prius, quod stare non potest. Si enim dicam, Deus justum remunerat, illum vero condemnat, intellectus locutionis non patitur de alio, & alio dici. Ergo neque in verbis Judæ Apostoli patitur hoc, cum penitus idem sit modus loquendi. Alius autem Hæreticus dixit, quod non intelligitur de populo Judæorum, neque de Ægypto materiali. Impossibile est enim, quod ille nefandus populus per Moysen de Ægypto materiali eductus, tunc esset salvatus; cum dicat Apostolus Rom. 3. v. 9. & seqq. *Caussati enim sumus Judæos, & Græcos omnes sub peccato esse, sicut scriptum est: quia non est justus quisquam, non est intelligens, non est requirens Deum: Omnes declinaverunt, simul inutiles facti sunt; non est qui faciat bonum, non est usque ad unum.* Deceptus autem fuit Hæreticus iste ignorans, quod salvari quandoque quis dicitur, id est liberari, & ita sumitur in epistola Judæ ubi ait: *Jesus populum de Terra Ægypti salvans* id est liberans eum de servitute in qua erat ibi. Quod autem ita sit, patet in Psalm. 43. *Deus auribus nostris audivimus &c.* ubi David loquitur in persona illius populi ad Deum Patrem justorum, & ait v. 8. *Salvastis nos de afflictionibus nos: & odientes nos confudisti.* Ubi patet, quod *salvastis* tantum valet quantum liberastis. Quod autem sermo fiat ad Deum Patrem justorum, patet ex testimonio Apostoli Rom. 8. v. 36. quod sumitur de eodem loco: *Quia propter Te mortificamur tota die, aestimati sumus sicut oves occisionis.* In illo enim testimonio fit sermo ad Deum sanctum, & verum.

Item, quod dicis, absit quod populus ille, quem Moyses eduxit de Ægypto tunc ab aliquo salvaretur, cum dicat Apostolus: *Caussati enim sumus &c.* Rom. 3. v. 9. *Quæro a Te, quomodo intelligis, quod populus ille non sit salvatus?* Si intelligis, id est non fuit liberatus ab Ægypto, falsum est, nec huic contradicit Apostolus Rom. 3. *Caussati enim sumus &c.* Alioqui enim sine peccato esse potuerunt, & tamen liberati dici possunt a servitute Ægyptiorum. Si autem vis intelligere, illum populum non esse salvatum salute æterna, de qua dicit Apostolus Rom. 8. v. 24. *Spe enim salvi facti sumus;* Verum est, quod non fuit sic salvatus, neque Judas intelligitur, quod Jesus eum sic salvaverit de Terra Ægypti.

Si autem vis dicere, quod non fuit salvatus, id est a peccato liberatus, ad minus in parte. Dico: falsum est; imo liberatus fuit a peccato, ad minus quoad aliquos, ut patet Heb. 3. v. 16. ubi dicit Apostolus: *Quidam enim audientes exacerbaverunt;* supple Spiritum Sanctum, ut prius dixerat ipse Spiritus Sanctus teste Apostolo. Postea subdit Apostolus: *Sed non universi qui profecti sunt ex Ægypto per Moysen,* & ita non omnes exacerbaverunt spiritum Sanctum. Quomodo autem debeat intelligi verbum

Apostoli: *Caussati enim &c.* in cap. An aliqui boni fuerint, antequam Christus veniret, determinabitur.

Nec obstat illud, quod Christus ait Luc. 9. v. 56. *Filius hominis non venit animas perdere, sed salvare.* Et qui dicit Judæis, quod Jesus eos, qui non crediderunt, perdidit, quia illud quod Judas dicit, fuit antequam Christus veniret.

Præterea Judas dicit; quia perdidit incredulos. Christus autem venit salvare credentes in eodem, ut habetur Johan. 3., & tamen *malos male perdet*, ut dicitur Matthæi 21. Et quoniam quidam illorum illud tantum spiritualiter intelligunt quod Judas dicit: *Jesus populum &c.* dicas: Si alia ad sonum litteræ intelliguntur quæ ibi ponuntur, ergo & istud.

Præterea, etsi istud verum est, quod Jesus de Ægypto, id est de Mundo salvavit suos, & secundo perdidit alios, & Angelos peccantes reservat in judicium magni diei: sed qui illa fecit, fecit etiam subversionem Sodomæ, & Gomorrhæ, & finitimarum Civitatum, ut patet ex littera Petri Apostoli, ergo Jesus Dei Filius & finitimas Civitates similiter, id est contra naturam exornatas dejecit. Non negamus tamen quia Deus salvet aliquos spiritualiter a mundo, sicut illos salvavit ex Ægypto, tamen illud ad litteram intelligitur, ut patet ex illo testimonio Actor. 13. v. 16. & seqq. *Viri Israelitæ &c.* ut prius. Et quia in littera Judæ est aliqua difficultas exprimamus eam.

Prima difficultas, quæ ibi est, in isto verbo est: *Scientes semel omnia,* & est sensus, ut sciatis hoc uno sermone, quo dicam omnia quæ necessaria sunt ad sciendum, quod Christus est omnium Dominus, quod quidam negabant. Primo autem eos salvavit ex Ægypto. Secundo illos, qui increduli fuerunt, perdidit in deserto, ut patet Num. 21. quando misit in eos ignitos serpentes; quod etiam recollit Apostolus 1. Cor. 10. v. 10. *Neque tentemus Christum, sicut quidam eorum tentaverunt, & a serpentibus perierunt.*

Item Sap. 16. v. 5. & seqq. *Etenim cum illis super-venit sæva bestiarum ira, morsibus perversorum colubrorum exterminabantur; sed non in perpetuum ira tua permansit, sed ad correptionem in brevi turbati sunt, signum habentes salutis ad commemorationem mandati legis tuæ. Qui enim conversus est, non per hoc, quod videbat, sanabatur; sed per Te omnium Salvatorem.* De quo etiam dicitur Philippenf. 3. v. 21. *Salvatorem expectamus Dominum Nostrum Jesum Christum.*

Secunda difficultas verborum est in distinctione versuum ejus. Versus autem primus: *Commonere autem vos &c.* terminatur ibi: *sub caligine reservavit.* Et secundus versus incipit ibi: *Sicut Sodomæ, & Gomorrhæ &c.* Et hoc ipsum sicut respicit hoc adverbium *similiter*, quod sequitur; & tantum valet quantum *ita*. Dicit autem, quod istæ civitates *abeuntes post carnem alteram*, id est alienam a carnali commixtione, quod faciunt Sodomitium exercendo. Quod autem dicit: *Factæ sunt exemplum ignis æterni*, supplendum est, dandi impiis. Factæ autem sunt exemplum sustinentes pœnam ignis temporalis propter luxuriam suam.

Item Matthæi 13. v. 34. & 35. dicitur de Jesu : quod sine parabolis non loquebatur eis : ut impleretur , quod dictum erat per Prophetam dicentem : *Aperiam in parabolis os meum , eruſtabo abscondita a constitutione Mundi* . Istud testimonium sumitur de Psal. 77. v. 1. *Attendite populus meus legem meam : inclinate aurem vestram in verba oris mei : Aperiam in parabolis os meum* . Ista sunt verba Christi , ut dicit B. Matthæus . Et nonne vides , quod totam historiam Veteris Testamenti attribuit Deo , ponens quædam inductiva timoris , & quædam amoris , ut non discedant a mandatis ejus . Deus ergo Veteris Testamenti bonus .

Item Matthæi 15. v. 3. dixit Christus Phariseis , qui discipulos reprehendebant , quare non lotis manibus manducarent contra traditiones eorum : *Quare & vos transgredimini mandatum Dei propter traditionem vestram ? Nam Deus dixit : Honora Patrem , & Matrem , & qui maledixerit Patri , & Matri , morte moriatur &c.* loquitur autem de Testamento per Moysen dato , unde Marci 7. v. 10. *Moyses enim dixit : Honora Patrem & Matrem , &c.* ubi Matthæus dicit : *Nam Deus dixit : Honora Patrem , & Matrem &c.* Absurdum est credere , quod Dei Filius Diabolum nominasset Deum . Bonus ergo Deus dedit illis mandatum ; sed qui illud dedit , dedit totum Vetus Testamentum , ergo bonus Deus dedit ipsum .

Præterea , quod Christus non loquatur de alio , quam de Deo Veteris Testamenti , patet ex eo quod dicit : *& qui maledixerit &c.* Istud enim ab alio non est præceptum , nisi ab illo Deo , Exod. 21.

Præterea , arguit eos de transgressione mandati Dei , sed de transgressione Dei mali non eos redargueret ; ergo de transgressione mandati Dei boni ; ergo Deus , qui illud dixit Judæis , bonus Deus fuit , & ita Deus Veteris Testamenti bonus .

Item , quod bonus Deus fuerit patet per illud Ephes. 6. v. 1. & 2. *Filii obedite Parentibus vestris in Domino : hoc enim justum est : Honora Patrem tuum , & Matrem tuam ; quod est mandatum primum in promissione* . De quo testimonio supra eodem capite disputatum est .

Præterea , eodem cap. Matthæi 15. v. 7. & seqq. habetur , quod Christus dixit eis : *Hypocritæ , bene prophetavit de vobis Isaias 29. dicens : Populus hic me labiis honorat : cor autem eorum longe est a me . Sine causa autem , idest in vanum (ut dicit Marcus) colunt me , docentes doctrinas , & mandata hominum . Et relinquentes (ut dicitur Marci 7.) Mandatum Dei* . Constat , quod Deus bonus per Isaiam loquebatur ; in vituperium enim eorum dicit : *cor autem eorum longe est a me* . Si autem esset Satan , honor esset eis , & bonum , si cor eorum longe esset ab eo . Sed ille Deus bonus dicit , quod eum colunt , sed in vanum colebant ; ergo bonum Deum : sed colebant tantum Deum , qui dedit legem per Moysen , ergo ille fuit , & est Deus bonus .

Item eodem cap. Matthæi v. 31. dicitur , quod

turbæ mirabantur , *videntes mutos loquentes , claudos ambulantes , cecos videntes : & magnificabant Deum Israel* . De hoc laudat Judæos . Sed non magnificabant nisi illum , cujus fidem habebant , scilicet Deum Veteris Testamenti ; Ille igitur est magnificandus .

Item Matthæi 21. v. 12. dicitur : (87) *Et intravit Jesus in Templum Dei , & eiciebat omnes vendentes , & ementes in Templo , & mensas nummulariorum , & cathedras vendentium columbas evertit , & dixit eis : Scriptum est : Domus mea , domus orationis vocabitur ; vos autem fecistis illam speluncam latronum* . Prima pars hujus testimonii sumitur de Isaia 56. Secunda pars de Jeremia 7. Si autem domus illa materialis , templum scilicet Israelitarum erat ejus domus , & domus orationis , manifestum est , quod Deus Veteris Testamenti , Deus sanctus est , cujus erat illa domus ; & qui præcepit illam sibi ædificari , ut habetur 3. Reg. 6. , quod B. Stephanus commemorat Act. 7.

Præterea , quod loquatur de domo , five templo materiali , ad quod conveniebant Judæi causa orandi Deum , patet ex littera Jeremiæ 7. v. 11. Item ex littera Isaia 56. v. 7. , unde sumpta sunt illa testimonia , quæ ponit Dominus Jesus : *Scriptum est enim &c.*

Præterea , quid vis Tu intelligere per domum , five Templum ? Si Corpus Christi , propter illud , quod habetur Johan. 2. v. 19. *Solvite Templum hoc , & in tribus diebus excitabo illud* . Dicit autem ipse Johannes , quod Jesus hoc dicebat de Templo Corporis sui ; Sic autem intellectum fuit aliquando ab Hæreticis aliquibus . Sed istud stare non potest , quia illa quæ leguntur Matth. 21. Marci 11. , Luc. 19. , & Johan. 2. non possunt convenire Corpori Christi , scilicet de ingressu ejus in Templum post illa facta , quæ ante narrantur , sed de egressu ejus a Templo . Si enim egrediebatur a Civitate Jerusalem , in qua erat Templum , ut patet per Marcum , egrediebatur & a Templo .

Item , quod in illa domo essent mensæ Nummulariorum , & Cathedræ vendentium columbas , oves , & boves . Item ementes , & vendentes alia animalia . Item , quod in templum illud ingressi sunt cæci , & claudi , ut dicit Matth. Item , quod vasa per illud templum ferebantur , ut innuit Marc. Item , quod illud erat spelunca latronum .

Quidam autem Hæretici illud intelligunt spiritualiter , scilicet de templo , & domo spirituali , id est de Ecclesia . Quod stare non potest etiam secundum eos . Sic enim jam fuisset Ecclesia , quod ipsi negant , cum nondum essent aliqui habentes spiritum Sanctum , secundum , quod ipsi dicunt ; licet & in hoc errent , ut probabitur in cap. de Spiritu Sancto in tertia parte hujus operis .

Præterea , sic esset Ecclesia Dei habens maculam , & rugam , quod etiam ipsi diffitentur . Sic esset spelunca latronum , quod Dei Ecclesiæ minime potest convenire .

Sunt & alii , qui dicunt , illud non intelligi in hoc

(87) Veritas erat ipsa , quæ loquebatur , & vere vindicabat suam domum , projiciens ex ea nummularios , qui & emebant , & vendebant , dicens eis : Scriptum est : Domus mea , domus orationis

vocabitur &c. Et quam causam habuit hoc facere , & dicere , & domum suam vindicare , si alterum Deum annunciabat . S. Irenæus lib. 1v. cap. 11. n. 6. pag. 229.

hoc mundo : Illi scilicet , qui duo asserunt Creatores , quod improbatum est in prima parte hujus operis 7. cap. super illud verbum Zacchariæ 9. *Exulta satis Filia Sion , &c.*

Præterea , numquid ibi illa sunt , de quibus loquantur Evangelistæ , scilicet oves , & boves , & columbæ , cathedræ ementium , & vendentium , mensæ nummulariorum , cæci , & claudi . Numquid cælestis Patria est spelunca latronum ? Non . Patet ergo , quod templum ibi dicitur materialis domus ; de hoc autem habetur 6. cap. in secunda parte hujus operis .

Item Matthæi 22. v. 35. & 36. dicitur ; *Et interrogavit eum unus ex eis Legis Doctor , tentans eum : Magister , quod est mandatum magnum in lege ? Ait illi Jhesus : Diliges Dominum Deum tuum ex toto corde tuo , & in tota anima tua , & in tota mente tua . Hoc est maximum , & primum mandatum . Secundum autem est simile huic . Diliges proximum tuum , sicut te ipsum .* Ista sunt mandata in lege Moyfi Deuteronom. 6. Modo quæro , a quo sunt mandata in lege illa ?

Si dicas a Satan . Contra . Satan , aut de se , aut de alio dedit mandatum primum : *Diliges Dominum &c.* Si de se ; hoc stare non potest , cum Christus Lucæ 10. v. 28. admoneat legis peritum dicens : *Hoc fac , & vives .* Si dicat de alio , idest de Deo bono , nec hoc esse potest , quia non præciperet , ut Deus Sanctus diligeretur ex toto corde . Sic enim ad odium suum provocaret eos , ad quos mandatum perveniret , & quod tota damnatio tolleretur ei , & daretur alii . Ex his relinquitur , quod illud mandatum non est datum a Satana ; ergo a Deo Sancto ; sed totum Testamentum Vetus datum fuit ab illo , a quo illud datum est ; ergo a Deo Sancto fuit totum Vetus Testamentum .

Præterea ibi dicitur : *In his duobus mandatis universa lex pendet , & Prophetæ .* Tota ergo Lex , & universa Prophetia pendet a dilectione Dei , & proximi . Ergo tota bona .

Præterea Lucæ 10. dicitur de isto ; vel etiam si de alio , si Tibi placet sit ita . Cum interrogasset : *Quid faciendo , vitam æternam possidebo ?* Quod Jhesus dixit ei : *In lege quid scriptum est ? Quomodo legis ?* quasi dicat , si bene intelligis , lex Tibi indicat quod quæris . Ille respondens dixit : *Diliges Dominum Deum tuum ex toto corde tuo , & ex tota anima tua , & ex omnibus virtutibus tuis , &c. ex omni mente tua , & proximum tuum sicut te ipsum .* Dixitque illi Jhesus : *Recte respondisti : hoc fac , & vives .* Et in Marci 12. dicit ei , quod non est longe a regno Dei . Modo quæro , de quo Deo intelligebat ille legisperitus ? Constat quod nonnisi de Deo Veteris Testamenti , & Dominus dixit ei , quod istud faceret , & viveret , & quod non esset longe a regno Dei ; ergo Deus Veteris Testamenti est ille , qui sic est diligendus , & per cujus dilectionem vivitur , & Dei regno fit homo propinquus .

Item Johan. 8. v. 54. & 55. dixit Christus Judæis :

Est Pater meus , qui glorificat me , quem vos dicitis , quia Deus vester est , & non cognovistis eum . Ecce evidentissimum Christi testimonium , quod ille , quem Judæi dicebant esse suum Dominum , Pater Christi est : nullum autem dicebant esse suum Dominum , nisi illum , qui dederat Vetus Testamentum per Moysem illi populo . Igitur Deus Veteris Testamenti est Pater Christi . Quod autem illum , qui Moyfi loquebatur , & non alium Deum suum dicerent , patet Johan. 9. 2. 29. ubi dicunt cæco illuminato : *Nos scimus quod Moyfi locutus est Deus .* Numquam autem potes invenire testimonium , quod alium dicerent Deum suum . Ego autem testimonium habeo de illo , qui Moyfi locutus est , quod eum dicebant Deum , & non alium . Victus igitur es . Supra etiam 8. cap. v. 41. dixerunt Judæi Christo : *Unum Patrem habemus Deum .* Istud autem non dicebant nisi de Deo locuto Moyfi , ut patet ex prædicto testimonio , & ex testimoniis Prophetarum . David enim ait ad Deum Psalm. 76. v. 21. *Deduxisti sicut oves populum tuum in manu Moyfi , & Aaron .* Similiter Esdras orans ad Deum ait 2. Esdræ 9. v. 14. & 15. *Tu Domine legem præcepisti eis in manu Moyfi servi Tui . Panem quoque de cælo dedisti eis in fame eorum , & aquam de petra eduxisti eis sitientibus .* Dixit quidam Hæreticus : hoc ipso , quod Judæi dicebant Deum Omnipotentem , esse Deum suum , dicebant Patrem Christi Deum suum esse . Ad hoc dicendum est , quod Deum Omnipotentem non dicebant nisi datorem legis Moyfi . Solum igitur datorem legis Deum suum dicebant . Sed Christus dicit , quod ille est Pater suus . Ergo Deus Veteris Testamenti est Pater Christi . (88)

C A P. VII.

Agitur , an Vetus Testamentum bonum fuerit , & quare ipsum blasphemant Hæretici .

Nunc transeamus ad 7. cap. hujus secundæ partis , ubi videbimus de Lege , sive de Veteri Testamento , an bonum fuerit , an non ? Istud cap. in duas partes dividitur . In prima ponuntur argumenta Hæreticorum contra legem , & tamquam frivola dissolventur . In secunda vero ponuntur argumenta pro Lege .

(88) Hactenus egit de Deo Veteris Testamenti , quasivitque bonumne fuerit , nec ne ; & an idem qui locutus fuit Abraham , Moisen quoque instituerit . Atque ex his quidem Monetæ Quætionibus colligi facile poterit , fuisse aliquos Catharos , qui Deum qui Ab-

raham præsidio fuit , a Moysi Deo distinguerent . Aggreditur deinceps noster eam tractationem quæ est de *Vetere Testamento* , utrum sit bonum ; quæ sane quoniam conjuncta est cum superiore , idcirco a Patribus non divisim , sed junctim explicata fuit .

§. I.

Probatio Hæretici, quod Vetus Testamentum sit malum.

AD probandum Legem malam fuisse, inducunt illud Rom. 3. v. 20. *Ex operibus legis (1) non justificabitur omnis caro coram illo*, idest Deo. Quomodo ergo bona potest dici illa lex, cum non justificaret?

Solutio: *Ex operibus legis non &c.* Dico, quod Apostolus intelligit de operibus legis sine fide Christi, unde & talis est, qui fidem Christi non habet. Carnem dicit non spiritum; carnalis enim est, non spiritalis, unde Rom. 9. v. 32. in fine, quod quærebat Israel, non est consecutus, *quia non ex fide, sed quasi ex operibus*; supple quærebat justitiam. Memento autem hujus auctoritatis o Lector ad dissolvendum omnia talia argumenta Hæreticorum contra legem. Potest etiam facili modo responderi Hæretico; quia non dicit ex operibus legis, non est justificatus quis coram illo; sed non justificabitur; quod quidem verum est, quia cessant illa opera legalia. Si autem alicubi inveniatur, quod ex operibus legis non potest esse justificatio, ut Act. 14. Dicas, quod loquitur de lege sine gratia, & fide Christi, ut patet ex auctoritate 9. Rom. quam præmisi-mus; & etiam ex textu Act. 15. v. 10. ubi dicitur: *Nunc ergo quid tentatis Deum, imponere jugum super cervices discipulorum, quod neque Patres vestri, neque nos portare potuimus? Sed per gratiam Domini Jesu Christi credimus salvari, quemadmodum & illi.* Nota, quod dicit per gratiam Jesu Christi credimus salvari, quemadmodum & illi. Alii vero non justificabuntur, qui per Christi gratiam salvari non credebant.

Item, parum ante dixit B. Petrus v. 7. & seqq. *Viri fratres, vos scitis, quoniam ab antiquis diebus Deus in nobis elegit, per os meum audire Gentes verbum Evangelii, & credere. Et qui novit corda Deus testimonium perhibuit, dans illis Spiritum Sanctum sicut & nobis: & nihil discrevit inter nos, & illos, fide purificans corda eorum.* Et notandum, quod antiquos dies dicit illos, qui fuerunt a tempore illo; quo Cornelius cum suis Act. 10. baptizatus est, quibus etiam in linguis datus est Spiritus Sanctus, sicut & Apostolis, quod fuit testimonium electionis Gentium a Deo.

[*] Præterea, quod dicitur Act. 13. v. 38. *Ab omnibus, quibus non potuistis in lege Moyse justificari*; subaudiendo hoc ipsum *plene*, manifeste verum est: plene autem justificari est plenum effectum justitiæ consequi. Obtinetur autem ex fide Christi jam missi quoad animam. In novissimo autem die quoad corpus habebitur. Pro ipsa expositione facit illud Ro-

man. 8. v. 3. & 4. *Nam quod impossibile erat legi, in quo infirmabatur per carnem: Deus Filium suum mittens in similitudinem carnis peccati, & de peccato damnavit peccatum in carne, ut justificatio legis impleretur in nobis, qui non secundum carnem ambulamus, sed secundum spiritum.* Ubi nota illud quod dicit: *impleretur.* Plena autem justificatio ab originali, est facultas introitus cæli, per illum, qui ait Johan. 10. v. 9. *Ego sum ostium: per me si quis introierit, salvabitur.* Eodem modo potest solvi illud Galat. 2. v. 21. *Si enim per legem justitia plena, idest plenum fructum habens, de quo 1. Cor. 13. v. 10. Cum autem venerit quod perfectum est, evacuabitur, quod ex parte est.* Heb. 7. v. 19. *Nihil enim ad perfectum adduxit lex: introductio vero melioris spei, per quam proximamus ad Deum.* Rom. 10. v. 4. *Finis enim legis Christus ad justitiam, idest ad plenum fructum ejus, alioquin falsum est illud: Erant ergo ambo vulnerati amore ejus.* Rom. 13. v. 8. Item quod dicitur Rom. 4. v. 14. *Sed per justitiam fidei.*

[*] Ad idem inducunt illud Apostoli Rom. 4. v. 2. *Si enim Abraham ex operibus legis justificatus est, habet gloriam, sed non apud Deum.* Ecce quod opera legis excludunt gloriam ab Abraham apud Deum, si ex eis dicitur justificatus, unde videtur, quod opera illa Deo non placerent, & ita Lex non placebat, quæ illa opera mandabat.

Respondeo. Si Abraham ex operibus legis justificatus est, supple sine fide Christi &c. Quod autem ita debeat intelligi, patet ex verbis Apostoli, qui vult probare, quod ex fide Christi justificatus est, quod probat auctoritate Genes. 15. v. 5. *Credidit Abraham Deo, & reputatum est illi ad justitiam.* (2) Vult etiam probare, quod ex operibus legis, idest ex circumcissione, vel aliis legalibus operibus non est justificatus, quia ante justificatus est per fidem, quam circumcisio esset, vel opera illa legalia, scilicet sacrificium animalium ex mandato legis; unde ibi dicit Apostolus v. 10. *Quomodo ergo reputata est ei fides ad justitiam? in circumcissione, an in præputio?* idest cum fuit circumcisus, vel ante cum esset præputiatus, idest incircumcisus? Et solvit Apostolus dicens: *Non in circumcissione, sed in præputio.* Et ita justificatus est ex fide sine operibus legis, sicut & prius tertio capite dixerat Apostolus de quocumque homine v. 28. *Arbitramur enim justificari hominem per fidem sine operibus legis.*

Quod autem dixit Apostolus. *Habet gloriam, sed non apud Deum*; taliter est intelligendum: habet gloriam apud homines, quia homines eum glorificant de exteriori observantia mandati divini, quia eum vident. Homo enim videt in facie; sed non habet gloriam; idest laudem a Deo, qui intuetur cor. Nullus enim habet a Deo gloriam, nisi per fidem Christi, unde si Abraham sine ista fide justificatus

(1) Paria ex Epistolis Pauli asserbant Gnostici Veteres, & Manichæi, ut antiquæ legis testamentum refellerent, ut ex Irenæo; Tertulliano, Tito Bostrensi aliisque constat. Verum ex eodem cap. v. seqq. ostendit Irenæus Marcionitas, aliasque generis ejusdem pestes magnis in erratis versari. Subjungit enim Paulus: *Justitiam testificatam esse a lege, & Prophetis: justum enim ex fide vivere.*

Adeundus Irenæus lib. IV. cap. xxxiv. n. 2.

[*] Deest in Vatic.

(2) Consulendi Irenæus lib. IV. cap. v. al. x. n. 3. & cap. VII. al. xviii. n. 2. & Tertullianus lib. v. contra Marcionem cap. III. seqq. pag. 464. & Johan. Chrys. Hom. VII. in Epist. ad Romanos pag. 498. Tom. IX. Opp. Edit. Montfaucon. Paris.

eatus est, idest dicatur esse ex legis operibus, non habet gloriam a Deo; unde 2. cap. in fine dixit Apostolus, quod circumcisio cordis, quæ in spiritu, idest per eum facta est, non per litteram, idest cultellum petrinum; sicut dicit littera Josue, non habet laudem ex hominibus, sed ex Deo, qui videt ejus facta fide mediante Spiritus Sancti; Unde Act. 15. v. 9. *fide purificans corda eorum*. Per hoc igitur, quod dixit Apostolus: *Si enim Abraham &c.* vult ostendere, quod si Abraham non ex fide, sed ex operibus legis justificatus dicitur, justificatio frustrata est Dei gloria.

Ad idem inducit Hæreticus illud, quod ibidem dicit Apostolus v. 4. *Ei autem, qui operatur, merces non imputatur secundum gratiam, sed secundum debitum*. Si merces non imputatur secundum gratiam illi, qui operatur illa opera, ergo illa opera non placent Deo; ergo neque lex, quæ mandat illa opera.

Respondeo. Si tu hæretice quod Apostolus dicit, intelligeres, ab argumento tali cessares. Nonne vides, quod Apostolus dixit, quoniam merces, idest justitia data est Abraham, quia credidit, non quia operatus sit, qui operatur, merces, idest justificatio quæ datur ei a Deo, idest quæ datur a quibusdam Judæis, qui gloriantur de operibus suis, tali homini dari sine fide Christi, imputabitur ei data esse, non secundum gratiam Dei, sed secundum debitum, idest, quia debebatur ei ex opere suo. Sicuti si aliquis operatur in vinea alicujus, & datur ei inde merces aliqua, istud non est ex dono sive gratia, sed ex debito laboris sui. Si autem non operatur, & datur ei merces, ex dono & gratia illam habet. Simile subdit Apostolus. Ei autem, qui non operatur aliqua bona opera, dummodo credat in eum, qui justificat impium, fides ejus reputabitur ad justitiam secundum gratiam Dei, qui proposuit justificare hominem gratis per fidem; idest justitiæ merces dabitur ei per fidem ex gratia Dei, & dono ejus. Per hoc ergo dicit Apostolus: *Ei autem qui operatur &c.* Non sequitur, quod opera illa non placuissent Deo, sed quod non justificabant, imo per fidem. Per hoc ergo quod dicit Apostolus: *Ei autem qui operatur &c.* ostenditur, quod si aliquis dicatur justificatus ex operibus sine fide, justificatio non est gratuita Deo, quod falsum est.

Ad idem inducunt illud Rom. 4. v. 13. *Non enim per legem promissio Abraham, aut semini ejus, ut hæres esset mundi: sed per justitiam fidei. Si enim qui ex lege hæredes sunt: exinanita est fides, abolita est promissio. Lex enim iram operatur. Ubi enim non est Lex: nec prævaricatio.* (3)

Respondeo, verum est, quod Abraham facta est promissio, quod ipse esset hæres mundi, idest Pater, & Dominus Judæorum, & Gentium in mundo isto: sed Pater fuit in sui Persona per exemplum credendi aliis datum. Dominus autem non in seipso, sive in sui Persona, sed in semine suo, idest in

Christo, cui Pater dixit: Psalm. 2. v. 8. *Dabo tibi gentes hæreditatem tuam, & possessiorem tuam terminos Terræ*; per potestatem Christo traditam; ut Christus dicit Matthæi ult. v. 18. *Data est mihi omnis potestas in Cælo, & in Terra*. Christo enim &c. Promissio facta Abraham, quod esset hæres mundi legitur Gen. 17. v. 5. & 6. *Patrem multarum Gentium constitui: Faciamque Te crescere vehementissime, & ponam Te in Gentibus*. Sumitur etiam de Genes. 12. vel 15. ubi dictum est ei v. 1. *Egredere de Terra tua, & de cognatione tua, & de domo Patris tui*. Et post pauca dicitur v. 3. & 4. *Faciamque te in gentem magnam, & benedicam tibi, & magnificabo nomen tuum, erisque benedictus. Benedicam benedicientibus tibi, & maledicam maledicentibus tibi; atque in te benedicentur omnes cognationes terræ*. Facta ergo fuit ipsa promissio ei non ex lege, vel ex circumcissione, quæ nondum erat, sed per justitiam fidei, idest per fidem justificantem eum. Si enim ipse, vel alius potuit esse hæres ex lege; ergo non ex feminis promissione: abolita ergo est promissio; idest frustra facta esset promissio sibi de Christo, per quem promittitur ei, quod ipse sit hæres mundi, & ita fides vana, quæ credidit dicenti: *Benedicentur in semine tuo omnes Gentes Terræ*. Genes. 22. v. 18. Hoc autem falsum est manifeste, quod Dei promissio sit vana, vel fides Abraham, ergo ex lege non est Abraham hæres, neque alius.

Alio modo idem probat, quod ex lege non est quis hæres, quia ex lege est ira Dei in homine. Non ergo hæreditas est ex lege. Rom. 4. Tu autem hæretice per hoc, quod lex operatur iram, vis habere quod lex mala sit, sed propter hoc non est lex mala, sed justa. *Lex enim, ut dicitur Gal. 3. v. 19. propter transgressionem posita est*. Idest propter eas puniendas. Et si ad hoc posita est, non est mirum, quod infert iram Judæis, in quibus fuit, qui etiam prævaricantur eam, non in Gentibus, in quibus non fuit, unde prævaricatio ejus non fuit in illis. Quare lex iram non operatur eis. Si autem ex hoc, quod lex iram operatur, vis habere quod mala sit, dic ergo Deum esse iniquum, qui infert iram, quod negat Apostolus Rom. 3.

Ad idem inducunt illud verbum Apostoli Roman. 5. v. 20. *Lex autem subintravit ut abundaret delictum*. Solutio. Sicut dicit Ambrosius (4) per hoc verbum: *Lex subintravit &c.* Non dicitur, quod lex fecerit, sed quod data lege evenerit; data enim erat in adjutorium, sed ex hoc iratus est Diabolus, & ad magis impugandum hominem commotus, & accensus. Homo autem consuetudinem sequens, nolens in pugna contra Diabolum laborare viriliter, legem scriptam confregit, & sic abundantius peccavit, quam prius, quando solum contra legem naturæ venit. Quod autem ita sit intelligendum, patebit infra in hoc eodem capite ubi disputabuntur verba

(3) Consultor Chrysostomus Homil. VIII. mox indicata pag. 500. ubi hoc Apostoli *ἐν τῷ* explicat.

(4) Ambrosiaster in Epistolæ ad Romanos cap. v. v. xx. pag. 58. in Append. Opp. Ambrosii Edit. Nov. Proponit hoc ipsum argumentum, acuteque dissolvit. Tertullianus lib. v. contra Marcio-

nem cap. XIII. pag. 478. *Lex, inquit, subintravit, ut abundaret delictum. Quare? ut superabundaret, inquit, gratia. Cujus Dei gratia, nisi cujus? lex? nisi si creator ideo legem intercalavit, ut negotium procuraret gratia Dei alterius, & quidem æmuli, ne dixerim ignoti &c.*

ba Apostoli, quæ videntur esse contraria legi.

Præterea, si per illud Apostoli: *Lex subintravit &c.* Vis dicere legem malam; Dicas ergo Christum malum, qui, ut habetur Lucæ 2. v. 34. *positus dicitur in ruinam, & in resurrectionem multorum in Israel.*

Item qui de seipso dicit Johan. 9. v. 39. *In iudicium ego in hunc mundum veni: ut qui non vident videant: & qui vident cæci fiant.* In quo verbo non dicitur, quod Christus fecerit eos cæcos, sed quod evenerit eis Christo veniente, unde Johan. 8. *Hoc est autem iudicium, quia lux venit in mundum, & dilexerunt homines magis tenebras quam lucem.* Causa ergo iudicii, idest damnationis est culpa hominis, non adventus Lucis, unde parum ante dixerat: *Non enim misit Deus Filium suum in Mundum, ut iudicet Mundum, sed ut salvetur Mundus per ipsum.*

Obijciunt etiam illud contra legem Rom. 7. v. 5. & 6. *Cum essemus in carne, passiones peccatorum, quæ per peccatum erant, operabantur in membris nostris, ut fructificarent morti: nunc autem soluti sumus a lege mortis, in qua detinebamur, ita ut serviamus in novitate spiritus, & non in vetustate litteræ.*

Item in principio 8. capitis v. 2. *Lex enim spiritus vitæ in Christo Jesu, liberavit me a lege peccati & mortis.* Ecce in quantis exprobrat legem, quia dicit, quod peccata erant per legem. Item appellat eam legem mortis, & legem peccati. Item 2. Cor. 3. dicitur: ministratio mortis, & ministratio damnationis. Quomodo ergo a Deo sancto data est.

Solutio. Satis potest concedi, (5) quod peccata erant per legem & per bonum, unde etiam ad Rom. c. 7. v. 13. dicit Apostolus, *quod peccatum per bonum operatum est mihi mortem.* Bonum autem dicit ipsum mandatum legis, & ipsam legem, quæ illud mandat. Ex quo patet, quod licet peccata per legem sint, non tamen lex mala, imo bona, & tamen per eam peccatum & mors, unde Apostolus videns in spiritu te venturum & dicturum propter illud verbum Pauli, quod Lex esset mala, quæstionem facit dicens: Rom. 7. *Quid ergo dicemus? Lex peccatum est? & absolvit. Absit: Quomodo autem per legem sint peccata, determinat Apostolus statim, cum dicit v. 8. Occasione autem accepta, peccatum per mandatum operatum est in me omnem concupiscentiam.* Peccatum dicitur emphatice, & dictum est diabolus emphatice ipsum scelus, & dicitur istud ad determinandum magnitudinem; & excessum malitiæ. Diabolus ergo videns mandatum esse homini contra se ipsum in adiutorium hominis, magis impugnavit homines, ut prius dictum est super illud verbum: *Lex subintravit &c.* Bonum igitur nocivum est homini non vitio sui, sed vitio hominis temptationibus & concupiscentiis suis resistere nolentis. Quod autem lex, non vitio suo, sed vitio hominis fuit nociva homini, patet per illud, quod dicit Apostolus v. 5. *Cum enim essemus in carne, passiones peccatorum, quæ per legem erant, operabantur in membris nostris, ut*

fructificarent morti. Nota quod dicit: *Cum enim essemus in carne*, idest in carnali sensu & in carnali appetitu, quasi dicat ex vitio nostro erat, non ex lege, quæ passiones peccatorum operabantur in membris nostris. Simile habetur 1. Cor. 11. v. 19. *Qui enim manducat & bibit indigne, iudicium sibi manducat & bibit, non dijudicans Corpus Domini.* Quasi dicat; non accidet hoc tibi, nisi ex indignitate hominis, non ex vitio corporis & calicis Domini. Dico ergo, quod per illud verbum Apostoli: peccata erant per legem, non intendit dicere, quid fecerit lex, sed quid evenerit ea data. Per enim causam non notat ibi, sed occasionem fuisse eventus. Nonne vides idem esse in Evangelio? Dicitur enim Jo: 15. v. 12. *Si non venissem, & locutus fuisset eis, peccatum non haberent*, supple tantum, vel illud quod habuerunt ex eo, quod Christo personaliter loquenti, non crediderunt, maxime, cum sicut ipse dixit v. 14. *Si opera non fecissem in eis, quæ nemo alius fecit peccatum non haberent.* Et ita quod Christus locutus est eis, non fecit peccatum eorum, sed ex eo quod Christus locutus est eis, & ipsi credere noluerunt ei, hoc peccatum eorum fuit, vel ad minus majus. Similiter peccatum data lege majus fuit, non lege hoc faciente, sed homine non obediente; unde Roman. 7. v. 13. dicit Apostolus: *Peccatum per bonum operatum est mihi mortem, ut fiat supra modum peccans peccatum per mandatum.* Peccatum ergo supra modum priorem, idest statum ante legem est peccans, idest peccare faciens.

Ex his, quæ dicta sunt, patet, quod Lex fuit Lex peccati & Lex mortis occasionaliter tantum non causaliter. Similiter ministratio damnationis & ministratio mortis, ut dicitur 2. Cor. 3. Quod autem dico non causaliter, sed occasionaliter fuit lex peccati, vel lex mortis, tale est ac si dicam: non quia fecerit peccatum, sed quia ea data evenit: quibus verbis oportet uti pro simplicibus & minus capacibus.

Præterea, si ex eo quod hic dicit Apostolus, quoniam lex est peccati & mortis, & ministratio damnationis & mortis 1. Cor. 3., vis dicere legem malam; dicas Apostolos Christi malos, qui teste Apostolo 2. Cor. 2. v. 16. *Aliis quidem erant odor mortis in mortem: aliis autem odor vitæ in vitam.* Item dicas ipsum Christum malum, qui Rom. 9. dicitur, lapis offensionis, & petra scandali, de quo Jacobi 4. v. 12. *Unus est enim Legislator & Judex, qui potest, idest in cujus potestate est perdere & liberare: qui etiam positus est in ruinam & in resurrectionem multorum in Israel, ut dicitur Luc. 2. v. qui, ut dicitur Jo: 9. In iudicium venit &c.*

Aliter potest solvi, & facilius si dicetur, quod dicitur lex peccati quatuor modis: indicativa, unde Rom. 3. v. 20. *Per legem enim cognitio peccati,* & 7. v. 7. & 8. solvens illam quæstionem: *lex peccatum est? Absit* dixit: *Nam concupiscentiam nesciebam esse peccatum, nisi lex diceret, non concupisces &c.* Item dicitur lex peccati prohibitiva, unde: *non concupisces.* Item lex peccati dicitur punitiva, unde Heb. 10. v. 28. & 29. *Irritam quis faciens legem Moysi, & sine ulla miseratione duobus, vel tribus testibus mo-*

ritur,

(5) Consulendus Auctor Dialogi de recta in Deum fide contra Marcionitas Sect. v. pag. 266. Tom. 1. Opp. Origenis. Videndus

quoque Clemens Alexandrinus lib. 111. Strom. n. xii. pag. 549. Edit. Oxoniensis.

ritur, quanto magis putatis deteriora mereri supplicia, qui Filium Dei conculcaverit &c. Sed numquid iniqua est, quia infert iram &c.? Non. Item dicitur lex peccati aggravativa, unde Roman. 5. v. 20. *Lex autem subintravit, ut abundaret delictum.* Scientia enim aggravat peccatum, & ideo pœnam; propter quod Lucæ 12. v. 47. *Ille autem servus, qui cognovit voluntatem Domini sui, & non se præparavit, & non fecit secundum voluntatem ejus; vapulabit multis: qui autem non cognovit & fecit digna plagis, vapulabit paucis:* Quia etiam lex Evangelii aggravat peccatum, ut notatum est parum supra in illo verbo Jo: 15. v. 12. *Si non venissem &c.* Non est tamen malum Evangelium, ergo neque lex mala propter hoc; imo bona, quia indicat peccatum mihi, ut caveam, & prohibet illud mihi, & punit, si non caveo; & aggravat ipsum, quia gravius est peccare cognoscenti quam ignoranti, unde 1. Timot. 2. dicit Apostolus: se misericordiam consecutum, quia ignorans fecit. Numquid propter hoc malum est scire Dei voluntatem? Non; quia non nocet suo vitio, sed hominis nolentis credere vel obedire.

Similiter etiam intelligendum est illud Apostoli: Rom. 2. *Passiones peccatorum, quæ per legem erant.* Supple cognita, prohibita, aucta sive aggravata & punita. Quod autem dicitur: *Ministratio damnationis & mortis*, hoc ideo, dicitur, quia transgressores suos condemnat, & judicat puniendos morte temporali vel æterna, unde Rom. 4. v. 15. *Lex enim iram operatur.* Nec tamen propter hoc mala, sed iusta est, ut notatum est eodem capite.

Item tertio modo potest solvi, ut quærat ab hæretico, quid ibi dicitur lex, ubi dicit Apostolus: peccatum erat per legem? Numquid non venit ibi pro isto mandato: non concupisces? Utique; & pro consimilibus. Numquid ista lex, & istud mandatum malum? Non. Igitur per istud verbum Apostoli: *passiones peccatorum &c.* non habes, quod lex mala sit. Quod autem de illo mandato loquatur, patet in illo cap. Roman. 7. v. 7. & seqq. ubi dicit Apostolus: *Quid ergo dicemus? Lex peccatum est? Absit. Sed peccatum non cognovi nisi per legem. Nam concupiscentiam nesciebam, nisi lex diceret, non concupisces.* Et de isto mandato dicit: *cum venisset mandatum, peccatum reviviscit. Ego autem mortuus sum, & inventum est mihi mandatum, quod erat ad vitam, hoc esse ad mortem.* De isto legis mandato, loquitur Apostolus per totum illud caput, & dicit illud esse *Sanctum & iustum & bonum.* Unde etiam ait: *Quia peccatum per bonum operatum est mihi mortem.* De isto etiam concludit: *Invenio igitur legem volenti mihi facere bonum; supple esse, & dicit ibi, quod legi Dei, illi scilicet mandato condelectatur secundum interiorem hominem.* Deus ergo Sanctus & verus dedit illud mandatum, non Satan, ut dicis. Si vis ergo legem accusare, accusa Deum, quia per legem, idest mandatum datum a

Deo peccata sunt. Ipse autem non est accusandus de aliquo; ergo neque lex ejus data per Moysen illi populo.

Ad idem inducunt illud 2. Cor. 3. v. 6. *littera (6) enim occidit: spiritus autem vivificat; & loquitur de littera legis.* Solutio. Apostolus de se & aliis Apostolis dixit, qui erant a Deo facti idonei Ministri Novi Testamenti, non littera, sed spiritu & ponitur ablativus pro genitivo; idest non litteræ legalis, sed spiritu, idest intelligentiæ spiritualis & observantiæ. Postea dicit illud verbum: *littera occidit; quod verum est modo.* Litteralis enim observantia nocet Galat. 5. v. 2. *Si circumcidamini, Christus vobis nihil proderit.*

Ad idem etiam inducunt illud Galat. 2. v. 16. *Nos natura Judæi, & non ex Gentibus peccatores. Scientes autem quod non justificatur homo ex operibus legis, nisi per fidem Jesu Christi: & nos in Christo Jesu credimus, ut justificemur ex fide Jesu Christi, & non ex operibus legis: propter quod ex operibus legis non justificabitur omnis caro. Quomodo ergo a Deo facta est?*

Respondeo. Apostolus loquitur pro tempore illo, quo Christus jam venerat, unde dicit: *non justificatur, & non dixit: non justificabitur.* Similiter, quod dicit in fine ejusdem cap. *Si enim per legem justitia, ergo gratis Christus mortuus est; sic debet intelligi.* Si enim per legem justitia est, postquam Christus venit.

Si autem obijciatur illud Act. 13. v. 38. *Non potuisti in lege Moyse justificari; solutum est supra in principio hujus cap.*

[*] Hæreticus Matth. 5. v. 20. *Nisi abundaverit justitia vestra; ergo justitia legis non sufficiebat ad salutem; ergo nullus antiquorum salvus.*

Præterea dicunt: Illi dicebant, ne occideretur innocens, sed nocens. Vos Romani idem dicitis: ergo non abundat vestra justitia.

Respondeo ad primum. Imo ergo nullus Scribarum & Phariseorum illorum, salvus. Quæ enim esset justitia illorum, habetur Lucæ 11. v. 39. *Nunc vos Pharisei, quod de foris est calicis & catini, mundatis; quod autem intus est vestrum, plenum est rapina & iniquitate.*

Præterea justitia mea debet esse abundantior quam justitia illorum, ergo justitia illorum bona, etsi non sufficiens ad intrandum Paradisum sine morte Christi.

Ad aliud dico, quod licet non abundet in illo, quod dixisti, abundat tamen in eo, in quo debet abundare, scilicet in remotione iræ, unde ibi dicitur: *Ego autem dico vobis, quia omnis, qui irascitur Fratri suo, reus erit judicio.* Matth. 5. v. 52.

[*] Item Galat. 3. v. 10. habetur: *Quicumque (7) enim ex operibus legis sunt, sub maledicto sunt.* Quomodo ergo lex a Deo data?

Respondeo. Nonne vides, quod de præsentī dicit;

dicavimus, & judicis, & boni; littera occidentis per legem, & spiritu vivificantis per Evangelium. Non possunt duos Deos facere, quæ etsi diversa apud unum recenseri prævenerunt. Lege quæ sequuntur.

[*] Deest in Vatic.

(7) Hoc ipsum a Marcionitis afferebatur. Vide Tertullianum lib. v. cap. 111. contra Marc. pag. 164.

(6) Hoc etiam erat argumentum Marcionitarum, quod refellit Tertullianus lib. v. cap. x1. pag. 474. sic & Testamentum novum non alterius erit, quam qui illud repromisit, & si non littera at ejus spiritus hoc erit novitas. Denique qui litteram tabulis lapideis inciderat, idem & de spiritu edixerat effundam de meo spiritu in omnem carnem. Et si littera occidit spiritus autem vivificat, ejus utrumque est qui ait, ego occidam, & ego vivificabo, percutiam, & sanabo. Olim duplicem vim creatoris vin-

cit : *sunt*, non dicit fuerunt . Verum enim est, quod lex modo non imponitur a Deo , imo prohibetur .

Præterea , si de præterito intelligatur , idest ante Adventum Christi , hoc quod dixit Apost. *Quicumque enim ex operibus &c.* dico, ut jam dixi, quod loquitur de illis , qui sequebantur opera legis sine fide Christi ; quod etiam patet ex eo quod Apost. ait v. 10. *Scriptum est enim : Maledictus omnis , qui non permanserit in omnibus , quæ sunt scripta in libro legis .* Istud habetur Deuter. 27. in fine cap. mandatum autem de fide Christi ibi scriptum erat Deuter. 18. v. 18. *Prophetam suscitabo eis de medio Fratrum suorum similem tui ; & ponam verba mea in ore ejus , loqueturque ad eos omnia , quæ præcepero illi , qui autem verba ejus quæ loquetur in nomine meo , noluerit audire , ego ultor existam .* Item Deuter. 30. v. 14. *Juxta te est sermo Domini , in ore tuo & in corde tuo .* Quod Apostolus exponit Rom. 10. v. 8. dicens : *Hoc est verbum fidei , quod prædicamus .* In hoc autem pauci permanserunt , & illi sub maledicto fuerunt , non illi , qui per gratiam Christi crediderunt salvari , ut ponit Petrus Act. 15.

Item, ad idem inducunt illud Galat. 3. v. 13. *Lex autem non est ex fide* , cui postea conjungunt illud, quod habetur Rom. 14. v. 23. *Omne autem , quod non est ex fide , peccatum est .* Et ex his concludunt ; ergo lex cum non sit ex fide peccatum est , ergo non est a Deo .

Ad hoc dico , quod Apostolus intendit probare, quod ex lege, postquam Christus venit non est justitia , unde de præsentis loquens , ait parum ante illa verba, quæ sumpta sunt de Epistola ad Galat. 3. dicit v. 11. *Quoniam autem in lege nemo justificatur apud Deum , manifestum est per hoc testimonium , quia ut dicit Habacuc 2. v. 4. justus ex fide vivit .* Loquitur autem ibi Habacuc pro tempore Christi , unde dicit parum ante v. 3. *Quia adhuc visus , procul , & apparebit in finem , & non mentietur : Si moram fecerit , expecta illum : quia veniens veniet & non tardabit . Ecce qui incredulus est , non erit recta anima ejus in semetipso : justus autem in fide sua vivit : ergo dicit Apostolus , quod lex non est ex fide ; bene concedo , quod ejus observantia modo non est ex fide , & modo peccatum est , & a Deo modo non est præcepta , sed prohibita ; unde idem Galat. 5. v. 2. dicit : *Si circumcidamini Christus nihil vobis proderit .* Et supra 2. v. 19. *Ego enim per legem legi mortuus sum , ut Deo vivam .* Per legem enim Deuter. 18. v. 18. *Prophetam suscitabo &c.**

Item per legem, psalmorum : *Sacrificium & oblationem nolui* , ut habetur in psalm. 39. v. 7. , quod etiam exponit Apostolus Heb. 10. de tempore postquam Christus venit . Item per legem Prophetiæ Habacuc & aliorum , unde hoc dixit Apostolus : *justus autem ex fide vivit ;* supple non ex lege .

Si autem velit exponere verba Apostoli ad Galat. lex non est in fide ante adventum Christi . Dico : quod lex , idest observantia mandatorum ejus in multis Judæis , paucis exceptis , non erat ex fide futurorum dandorum per Christum ; sed ne occiderentur si venirent contra ; Galat. 3. v. 13. unde Apostolus post illa verba ad Galat. *Lex autem non est ex*

fide , subdit : *sed qui fecerit ea , vivet in illis ;* quasi dicat , ex fide non fiebat lex a multis , sed ideo, quia dictum erat Deuter. 30. *qui fecerit ea , quæ dicuntur in lege , vivet in eis ;* idest per ea , quæ facit ; hoc est non occidetur . Nullus talis justificatur apud Deum , ut ostendimus super illo verbo præcedentis argumenti v. 10. c. 3. ad Galat. *Quicumque enim ex operibus legis sunt , sub maledicto sunt .* Et in principio hujus capituli , ubi introducta est auctoritas de Ep. Rom. 9. v. 11. *Quod querebat Israel &c.*

Ad illud autem , quod dicit Apostol. Roman. 14. v. 23. *Omne autem quod non est ex fide peccatum est .* Dico, quod Apost. locutus erat de cibis dicens : *Qui autem discernit cibos , idest qui judicat aliquos cibos immundos , hoc est aliquos esse immundos , si manducaverit damnatus est , quia non ex fide ;* supple manducaverit , idest, quia secundum fidem suam manducavit de cibis , imo contra illam , credens scilicet se male facere ; & secundum istum modum dicit postea : *Omne autem , quod non est ex fide , peccatum est ,* idest quod fit contra fidem peccatum est . Si enim tu credis , quod malum est aliquid facere , & facis illud , dico quod peccas . Si autem postea dicas : lex non est ex fide , idest non fuit ex ea . Dico quod dupliciter potest intelligi , idest ab illis fiebat contra fidem , idest credentes se non debere facere ea , falsum est ; nec sic sumit Apostolus illud verbum Gal. 3. v. 13. *lex autem non est ex fide ;* idest non fiebat pro fide , & spe futurorum bonorum per Christum dandorum , verum est , & sic sumit Apostolus prædictum verbum ad Galatas . Sed non sic sumit ad Rom. 14. non esse ex fide . Dico ergo , quod fides ad Galatas sumitur pro fide futurorum bonorum dandorum per Christum : Ad Romanos vero sumitur pro estimatione , quod non debeat aliquid fieri , contra quam estimationem si venit , dico, quod peccatum est illi , unde eodem capite Rom. dixerat prius Apostolus v. 14. *quod existimat quid commune esse , idest immundum , illi commune est .* In mala parte enim sumitur commune , unde prædixerat : *Scio & confido in Domino Jesu , quia nihil commune per ipsum ,* idest per adventum ejus factum est ; quia nihil commune est , idest nullum genus cibi .

Ad idem inducunt illud Galat. 3. v. 13. *Christus nos redemit de maledicto legis ,* idest de maledictione ejus . Quomodo ergo bona lex ? quomodo est a Deo , quæ maledictionem inducebat ?

Respondeo . Maledicebat lex , idest puniebat & vindicabat transgressores : quod patet Deuter. 27. , ubi habetur , quod tantum illos , qui transgrediebantur Dei præcepta maledicebat ; idest talibus inferebat pœnam lex ; unde Rom. 4. v. 15. *Lex enim iram operatur .* Sed numquid propter hoc iniqua est , quia infert iram talibus ? Absit : Alioquin dicas Christum iniquum , qui infert iram , & qui dicit : Matth. 15. *Discedite a me maledicti in ignem æternum .* Maledictum ergo sumitur pro vindicta , sive pœna in testimonio Apostoli : Gal. 3. v. 13. *Christus nos redemit de maledicto legis .* Quod etiam patet per illud testimonium Apostoli , quod ibi sequitur de Christo , qui factus est pro nobis maledictum (quia scriptum est Deuter. 21. v. 23. *maledictus omnis , qui pendet in ligno*) . Quod testimonium , quia inducitur ab

Hæreticis ad diffamandum Deum Veteris Testamenti, & ipsum Vetus Testamentum examinavimus supra cap. 6., ubi agitur de Deo Veteris Testamenti in prima parte Capit., & ideo hic inde nihil dicimus.

Item Galat. 3. v. 21. *Si enim data esset lex, quæ posset justificare, vere ex lege esset justitia. Sed conclusit Scriptura omnia sub peccato.* Vide, quia dicit, quod lex illa non poterat justificare, neque vivificare, & quia conclusit omnia sub peccato. Non ergo a Deo.

Ad hoc dicimus, quod vita æterna non habebatur per legem, sive cælestis beatitudo & hæreditas filiorum Dei, neque justitia. Dico tibi, verum est in illis, qui non habebant fidem Christi, unde Roman. 11. v. 7. *Quod quærebat Israel, hoc non est consecutus, electio autem consecuta est &c.* Illos autem, qui ejus fidem habuerunt, & opera legis fecerunt justificavit, & ad vitam æternam duxit in adventu Christi; ante enim non debuit, neque potuit, alioquin Christus gratis mortuus est, idest frustra. Quod autem dicit; *conclusit Scriptura omnia sub peccato*; ergo. lex non est a Deo, vel non fuit bona, non valet. Nonne vides, quod dicit Apostolus Rom. 11. v. 32. *Conclusit enim Deus omnia in incredulitatem.* Nonne incredulitas peccatum est? Conclusit ergo Deus omnia in peccato. Si hoc facit lex, imitatrix est Dei; bona est ergo. Vel si mala, & Deus malus. Quod autem dicit Apostolus: *Sed conclusit Scriptura omnia &c.* sic intelligitur; idest ostendendo eis peccata sua, monstravit eos esse clausos sub peccato.

Præterea, quod illa conclusio Scripturæ bona sit, patet ex eo, quod dicit Apostolus: *conclusit*, ut promissio ex fide Jesu Christi daretur credentibus. Cujus enim finis bonus est, ipsum quoque bonum est; & ita Scriptura bona; ex fructu enim arbor cognoscitur Matthæi 7.

Item Philip. 3. v. 6. dicit Paulus de se: *Secundum æmulationem persequens Ecclesiam Dei.* Æmulationem dicit legis dilectionem. Talis ergo, qui legem diligit, Ecclesiam Dei persequitur.

Respondeo: Zelum legis habebat, sed non secundum scientiam, unde dixit 1. Timoth. 1. v. 13. *quia ignorans feci in incredulitate*; & malum est zelare legem eo modo, quo ipse obzelabat, idest ut observaretur contempto Christo: tamen ante Christi adventum bona & utilis erat lex; loquitur autem Apostolus pro tempore post adventum Christi.

Item, objiciet hæreticus illud Philip. 3. v. 6. *Secundum justitiam quæ in lege est, conversatus sine querela.* Secundum justitiam, idest secundum mandata legis. Dicit hæreticus: non est verisimile, si secundum legem Dei conversatus est sine querela; qui Ecclesiam Dei persequabatur.

Ad hoc dicendum est, quod male observabat eam, quia non suo tempore observabat, & male conversabatur in ea propter eandem rationem. Quod autem dicit: *sine querela conversatum esse*, verum est quo ad alios judaizantes, non quo ad Deum.

Item Phil. 3. dicit Apostolus de legalibus operibus v. 8. *Propter quem Christum omnia detrimentum feci, & arbitror ut stercora, ut Christum lucrificam.*

Quomodo ergo a Deo sunt mandata?

Respondeo: Apostolus loquitur ibi de operibus legis, idest de Sacrificiis & Circumcisione, & figuris futuræ veritatis secundum duo tempora, scilicet secundum tempus postquam Christus venit, dicit illud verbum, in quo notat quod legalia opera nociva sunt & inquinativa debent reputari, unde Gal. 5. v. 3. *Si circumcidamini, Christus vobis nihil proderit*; ergo Circumcisio modo est nociva. [*] Item insinuat, quia peccatum est observare legalia, postquam venit Christus, unde Gal. 2. v. 18. *Si enim quæ destruxi, iterum hæc ædifico, prævaricatorem me constituo.* Hoc autem dixit propter Christum esse, idest propter ejus adventum jam factum, cujus Christi figuræ fuerunt illa legalia, unde Rom. 7. v. 4. *mortificati estis legi per Corpus Christi*; quia omnia illa Sacrificia de corporibus animalium Corpus Christi in Cruce oblatum figurabant, unde cessare debent postquam venit id quod figurabant. Heb. 10. v. 5. & 6.: *Ideo ingrediens mundum dicit: Hostiam & oblationem nolui: corpus autem aptasti mihi: holocausta pro peccato non tibi placuerunt.* Loquitur etiam de lege secundum tempus ante Christi adventum, & dicit legalia fuisse sibi lucra; & hoc ideo, quia fuerunt signa futuræ veritatis, idest Christi, quia Christum figurabant, unde dicitur Galat. 3. v. 24. *Lex pædagogus noster fuit in Christo Jesu.* Sed postquam Christus venit, qui est finis legis ad justitiam omni credenti, ut dicit Apostolus Rom. 10., cessare debet. Unde miser, hæretice si attendis, quod dicit Apostolus Phil. 3. v. 8. *propter Christum omnia detrimentum feci*; quare non attendis illud quod Apostolus affirmat: *quæ mihi fuerunt lucra*, non dicit: putabam fuisse, sed fuerunt; ergo ita erat; ergo legalia bona & utilia; & ita lex a Deo.

Item Heb. 7. v. 18. *Reprobatio quidem fit præcedentis mandati, propter infirmitatem ejus, & inutilitatem.* Quomodo ergo illud mandatum a Deo?

Respondeo: Non dixit Paulus, quod reprobatio fuerit prius illius mandati, sed dicit *fit* de præsentī loquens. Modo enim reprobatum est, & non est observandum, quia *finis legis Christus*, ut habetur Rom. 10. v. 4. Item quod dixit: *propter inutilitatem ejus*, verum est postquam Christus venit, sed ante fuit utilis, quia pædagogus noster in Christo fuit, ut ex fide justificemur, ut habetur Galat. 3.

Item, ut præhabitu est Philip. 3. v. 7. *Quæ mihi fuerunt lucra, hæc arbitratus sum propter Christum detrimenta.* Infirma autem fuit ante Christi adventum, idest insufficiens; ad quod dicit Apostolus: *Nihil enim ad perfectum adduxit lex*; ad illud scilicet perfectum, de quo 1. Cor. 13. v. 10. *Cum autem venerit quod perfectum est, evacuabitur quod ex parte est.* Licet autem non sufficeret ad hoc, non tamen mala, quia neque fides, neque prophetia, neque omnis scientia, aut martyrium, aut etiam distributio bonorum suorum in cibos pauperum sufficit sine charitate, ut habetur 1. Cor. 13. & tamen nihil horum malum est. Similiter neque lex sine Christo sufficiebat ad vitam æternam, hæreditatem scilicet cælestem sine Christo, nec tamen lex mala propter hoc.

C c

Ad

[*] Mortifera esse legalia nunc temporis merito concludit Moneta; nec vero affirmat mortifera item fuisse ætate Apostolorum, nam aliqui Discipulos Christi sceleris reos ageret; quippe qui

aliqua post Christi obitum, oeconomia quadam ducti, observaverint. Erant ergo mortua ut ajunt Theologi, quæ post ætatem illorum mortifera evaserunt.

Ad idem inducunt illud Hæb. 8. v. 8. *Si illud prius culpa vacasset: non utique secundi locus inquireretur*. Ecce dicit Apostolus, quod prius testamentum non vacavit a culpa, ergo fuit malum.

Solutio. Verum est, quod prius non vacavit a culpa, sed hoc sic est intelligendum, quia non fecit eos cessare a culpa, nondum ab eis facta; & quia non evacuabat eos a culpa perpetrata. Hoc autem non erat ex vitio legis, quæ sancta fuit, & mandatum justum, sanctum & bonum, ut dicit Apostolus Rom. 7. Sed hoc erat ex culpa eorum, qui volebant permanere in testamento Dei, unde post illa verba dicit Apostolus: *Vituperans enim eos dicit: Ecce dies veniunt dicit Dominus: & consumabo super domum Israel, & super domum Juda Testamentum Novum, & non secundum testamentum, quod feci Patribus eorum, ut educerem illos de terra Ægypti: quoniam ipsi non permanserunt in testamento meo, & ego neglexi eos, dicit Dominus*. Quod verbum differimus ad sequentem partem hujus capituli, ubi probabimus legem bonam fuisse, & a Deo Novi Testamenti datam. Culpa ergo illa, de qua dicit Apostolus, quod prius non vacavit a culpa, non erat culpa testamenti, sed illorum; unde non sequitur, quod lex fuerit mala, sed ipsi fuerunt mali, unde & ipsi vituperantur, non illa. Dicit enim Apostolus: *Vituperans enim eos*, non dicit illud testamentum. Istud autem patebit melius in secunda parte hujus capituli quando introducemus illud testimonium ad probandum legem datam a Deo Sancto: *Ecce dies veniant &c.*

Item obijciunt illud Heb. 10. v. 10. *Nec placita sunt tibi, quia secundum legem offeruntur*; ergo lex fuit mala.

Solutio. Non valet, quia dicit: *Nec placita sunt tibi &c.* loquitur ergo pro tempore adventus Christi, unde etiam subdit: *tunc dixi: Ecce venio*. Ex hoc etiam patet, quod illud verbum David, quod sumit Apostolus v. 6.: *Holocaustomata pro peccato non tibi placuerunt*, aliter intelligitur quam litera sonet, quia ponitur ibi præteritum pro futuro.

Ad idem inducunt illud Apostoli parum ante illud quod præmisimus: *Umbra enim habens lex futurorum bonorum, non ipsam imaginem rerum*; & sumitur imago passive; quasi dicat, non res imaginatas, five figuratas ab illa umbra, five figura; quasi dicat figura erat rei quæ nundum existerat, sed futura erat; & subdit Apostolus v. 2. *Eisdem ipsis hostiis quas offerunt indesinenter, non quia potest accedentes perfectos facere: alioquin non cessassent offerri*. Et post pauca v. 4. *Impossibile est enim sanguine taurorum & hircorum auferri peccata*.

Solutio. Ex his inculpant legem, ex quo magis deberent eam laudare. Si enim umbra erat futurorum bonorum, bona erat. Bona enim res bonam umbram jactat. Quod autem dictum est ab Apostolo, quod non poterat eos facere perfectos, idest justos: *impossibile enim est &c.* dico, quod sanguis illorum non poterat facere, faciebat fides rei figuratæ per illa animalia, idest fides Christi. Illos

autem, qui non habebant fidem Christi futuri, non perficiebat, hoc est non justificabat.

Ad idem inducunt quod habetur Ezech. 20. v. 25. *Dedi eis præcepta non bona, & judicia in quibus non vivant*, ex quo volunt habere, quod lex mala sit, quia dicit: *Dedi eis præcepta non bona &c.*

Solutio. Isto autem testimonio uti possumus contra illos, qui duos asserunt Creatores, quia credunt Deum Patrem justorum universaliter fuisse locutum in Prophetis. Ex quo testimonio videtur, quod Deus, qui in Prophetis loquebatur, non fuerit bonus, vel si bonus fuit, dicas: quomodo præcepta non bona dedit?

Item, quænam sunt illa præcepta non bona? Si lex Moyfi, (8) ad quam reprobendam dictum testimonium induxisti; ergo lex Moyfi a bono Deo data est, quod verum est. Si autem illa præcepta non bona, non intelliguntur fuisse lex Moyfi, male ergo induxisti illud testimonium contra legem ejus.

Præterea, si tu inculpas Deum Veteris Testamenti, dicendo, quod dederat præcepta aliqua non bona, accusa ergo Deum Prophetarum, qui dicit se non bona præcepta dedisse.

Præterea, quod ille sit Deus Veteris Testamenti, qui in Ezechiele loquitur, evidenter patet in illo capite; ergo si Deus Prophetarum bonus, & Deus Veteris Testamenti bonus est: quod necesse est, quia idem est Deus.

Contra Catharos alia via incedendum est, & dicendum est eis, quod præcepta legis Moyfi bona fuerunt. Dicit tamen Deus per Ezechielem quod non erant bona; quod sic debet intelligi, illis scilicet, qui non faciunt ea. Et quod sic debeat intelligi, patet per illud, quod habetur eodem capite. Ezechielis v. 11. Legitur enim ante Testimonium illud tale verbum dictum a Deo loquente per Ezechielem: *Dedi eis præcepta mea, & judicia mea ostendi eis: quæ faciens homo vivet in eis*. Nota quod dicit: *quæ faciens homo, vivet in eis*; unde quæ postea dixit: *& judicia mea in quibus non vivant*. Verum est, si non fecerint ea. Lege Apostolum, & sic esse videbis. Dicit enim Rom. 10. v. 4. *Justitiam quæ ex lege est, homo qui fecerit eam, vivet in ea*. Legitur etiam Heb. 10. v. 28. *Irritam quis faciens legem Moyfi, sine ulla miseratione duobus, vel tribus Testibus moritur, quanto magis putatis deteriora mereri supplicia, qui Filium Dei conculcaverit, & sanguinem ejus pollutum duxerit; in quo sanctificatus est, & spiritui gratiæ contumeliam fecerit*. Istis non sunt præcepta bona, imo dura & amara. Lege Rom. 7. v. 10. & videbis, quod hic dicit Apostolus uno verbo: *Inventum est mihi mandatum, quod erat ad vitam, hoc esse ad mortem*. Quod enim erat ad vitam scienti, hoc est obedienti; ad mortem fuit transgredienti. Ibidem etiam dicit v. 12. *mandatum sanctum & justum, & bonum*; & tamen occasionaliter est nocivum, ut est dictum supra in hac parte hujus capituli.

Ad idem inducunt illud Isaia 1. v. 11.: *Holocausta arietum, & adipem pinguium & sanguinem vitu-*

(8) Sanctus Irenæus lib. iv. cap. xv. posteaquam hæc Ezechielis verba protulit, concludit: *Manifeste significat, quoniam non ab altero Deo talis illis data lex est, sed ab eodem ipso apta illo-*

rum servituti. Quapropter & in Exodo ad Moysen dicit: Emigra ante te Angelum meum, non enim ascendam tecum, quoniam populus duræ cervicis &c.

vitulorum & agnorum , & hircorum nolui .

Solutio ad hoc & ad omnia similia , si qua inveniuntur hæc est , quia loquitur pro tempore adventus Christi jam facti , unde parum ante de Christo locutus est dicens v. 9. *Nisi Dominus exercituum reliquisset nobis semen , quasi Sodoma fuisset , & quasi Gomorrha similes essemus .* Quod verbum Apostolus Rom. 9. de Christo intelligit . Prius ipsum appellaverat *Verbum* ; deinde appellat ipsum semen , Christus enim Verbum Patris est Jo. 1. v. 1. *In principio erat Verbum , & Deus erat Verbum .* Ipse est & semen , de quo dictum est Abraham : Genes. 22. *Benedicentur in te omnes gentes terræ .*

Similiter respondeo ad illud Psalm. 39. quod Apostolus ponit Hebr. 10. v. 5. *Hostiam & oblationem noluisti &c.* Verba autem sunt Christi ad Patrem , ubi patet quod Apostolus exponit ea dicta a Christo , pro tempore ingressus sui in Mundum ; unde ait ante illa verba : *ideo ingrediens mundum dicit : Hostiam & oblationem noluisti &c.*

Similiter dicit ad illud Psalm. 49. v. 7. & 8. *Audi populus meus & loquar Israel , & testificabor tibi : Deus , Deus tuus ego sum . Non in sacrificiis tuis arguam te : holocausta autem tua in conspectu meo sunt semper :* Et propter hoc etiam dicit Dominus per Hieremiam 7. v. 1. *Holocaustomata vestra addite victimis & comedite carnes .* Quasi dicat ; tenete ea vobis ; & loquitur pro tempore gratiæ , sive adventus Christi . Holocaustomata dicebantur illa , quæ tota incendebantur : Victimæ vero , de quibus Sacerdotes partem aliquam consequebantur . Quod autem sequitur in Jeremia v. 22. *Quia non sum locutus cum Patribus vestris , & non peperci eis in die , in qua eduxi eos de Terra Ægypti , de verbo holocaustomatum & victimarum .* Hoc planum est , quia loquitur de præceptis , quæ data sunt post exitum de Ægypto ; & ideo dicit in die illa *non sum locutus &c.* In die illa non est locutus de illis victimis , vel holocaustis ; sed tamen post peccatum idololatriæ , de quo habetur Exodi 32. & 33. Postea enim præcepit sibi construi Tabernaculum , in quo fuerunt illa sacrificia , ut patet Exodi 34. usque in finem . Constructo tabernaculo , dedit mandata de holocaustis & sacrificiis in Levitico , & in libro Numer. . Sed ante dationem illorum , dedit eis in Sina decem mandata , in duabus tabulis , ut habetur Exod. 20. & judicia quædam , ut habetur Exodi 21. & 22. Primum autem præceptorum datorum post exitum de Ægypto fuit , quod præceptum est post exitum de Ægypto in mari rubro Exodi 15. v. 26. *Si audieris vocem Domini Dei tui , & quod rectum est coram eo feceris , & obedieris mandatis ejus , custodierisque omnia præcepta illius , cunctum languorem , quem posui in Ægypto , non inducam super te : ego enim sum Dominus sanator tuus .* Hoc est quod dixit Jerem. 7. v. 23. post verba prædicta : *Sed hoc verbum præcepi eis dicens : Audite vocem meam , & ero vobis Deus , & vos eritis mihi populus : & ambulate in omni via , quam mandavi vobis , ut bene sit vobis .*

Item objiciunt illud , quod habetur Jo. 19. v. 7. ubi dicunt Judæi Pilato : *Nos legem habemus , & se-*

cundum legem debet mori , quia Filium Dei se fecit . Si secundum illam legem debet mori ; illa ergo lex mala erat .

Solutio est , quia ipsi falsum dixerunt ; nusquam enim in tota lege est istud , quod Christus occideretur , si se filium Dei diceret . Et hæc responsio sufficit ad Hæreticum . Propter illos autem , qui fideles sunt , & rationem illius verbi capiunt , dicamus quod lex præcipiebat blasphemum occidi , ut habetur Levit. 24. Ipsi autem eum blasphemum credebant & judicabant eum propter hoc reum mortis ; ut habetur Matthæi 26. In hoc autem putabant Christum blasphemum esse , quia Filium Dei se dicebat . Si enim filius Dei esset naturaliter , ergo & Deus esset ; ergo cum unicus Deus sit ; ipse esset unicus Deus cum Deo Patre , quod quidem verum est , & non est blasphemia . Purus autem homo , si hoc diceret , blasphemaret , & de tali loquitur lex , quæ judicat blasphemum reum mortis ; & non loquitur de Christo , qui non est purus homo , sed Deus & homo . (9)

§. II.

Probatio Ecclesiæ evidentibus Testimoniis , quod Lex bona est a Deo bono data .

Post primam partem hujus capitis accedamus ad secundam , ostendentes evidentibus testimoniis legem bonam a bono Deo datam ; & licet ad hoc sufficerent rationes inductæ ad laudem datoris ejus ; tamen alias pro lege specialiter inducamus . Primo autem inducimus illud testimonium Apostol. Rom. 3. v. 21. *Nunc autem sine lege justitia Dei manifestata est ; testificata a lege & Prophetis . Justitia autem Dei per fidem Jesu Christi in omnes & super omnes , qui credunt in eum .* Pro lege , idest legalibus observantiis , scilicet circumcisione , holocaustis & sacrificiis , & hujusmodi , justitia Dei manifestata est , testificata a lege & Prophetis . Si lex est falsus testis & Prophetia , quomodo testificari potest Dei justitia ab eis ? Si autem sunt veri testes , aut universaliter , aut tantum in parte . Si universaliter ? igitur tota lex bona est & a Deo bono . Si tantum in parte ? Modo quæro : aut in modica , aut in majori parte ? In modica , dices , idest ubi loquitur de Christo ? Sed quisnam propter illum testem , quem sciret , vel crederet fere in omnibus mentitum , moveretur ad credendum aliquid propter aliquod ejus verbum ? Quomodo crederet , aut sciret illud verbum magis quam alia esse verum ? Si autem non credit , neque scit illud esse verum , non potest per illud ei ferri fides de aliquo . Male ergo dices , cum asseris , quod lex a Deo malo sit data . Si enim hoc esset , non esset testis validus ad probandum Novum Testamentum , imo & Novum Testamentum esset invalidum ; quod constat esse falsum . Restat ergo quod si Novum Testamentum validum est , quod

[*] Deest in Vat.

(9) Paria a Manichæis objecta refellit Archelaus in *Disp. contra Man.* n. xl. pag. 70.

ejus testis validus sit, scilicet lex. Istud est contra utrosque Catharos. (1)

Idem modus argumentandi haberi potest de Prophetis ex prædicto verbo Apostoli: *Nunc autem sine lege &c.* Contra illos, qui ponunt unum principium Rom. 2. v. 2. & 3. *Quid ergo amplius est Judæo, aut quæ utilitas circumcisionis? Multum per omnem modum. Primum quidem, quia credita sunt ei eloquia Dei.* Deus ergo illis loquebatur per Moysen; unde Heb. 1. v. 1. *Multifariam multisque modis olim Deus loquens Patribus in Prophetis: novissime diebus istis locutus est nobis in Filio.* Hebr. 3. vers. 5. & 6. *Moyse quidem fidelis erat in tota domo ejus tamquam famulus, in testimonium eorum, quæ dicenda erant: Christus vero tamquam filius in domo sua.*

Item Rom. 7. v. 7. ubi post quædam verba, quæ videbantur legem culpāre, ut habitum est in præcedenti parte hujus capituli. Subdit Apostolus: *Quid ergo dicemus? lex peccatum est? Absit?* (2) Sed, idest quia peccatum non cognovi, nisi per legem, nam concupiscentiam nesciebam nisi lex diceret: *Non concupisces.* Ex quo patet, quod de lege Moyfi loquebatur; nulla enim alia lex reperta fuerat hoc dixisse. Vides ergo quod lex & malum prohibet, & ipsum notificat, ut vitetur; ergo cum non sit mala, ut dicit Apostolus, restat quod bona sit. Item v. 13. *Itaque lex quidem sancta, & mandatum sanctum & justum, & bonum.* Istud dicit Apostolus ibidem, concludens, ex eo quod habetur parum antea v. 10. *Inventum est mihi mandatum, quod erat ad vitam, hoc esse ad mortem.* Sed tantum occasionaliter fuit ad mortem, ut in alia parte hujus capituli ostensum est.

[*] Forte dicet: Lex quidem sancta. Verum est quo (3) ad illud mandatum: *non concupisces.* Istud autem improbat inferius super illo verbo Matthæi 22. vers. 36. *quod est mandatum magnum in lege?* [*]

Præterea, duo nominat, scilicet mandatum & legem dicens: *Lex quidem sancta, & mandatum sanctum & justum, & bonum:* quasi dicat: Qualis sit tota lex, potest videri per illud mandatum, unde Rom. 11. v. 16. *Si delibatio sancta, & massa.*

[*] Præterea, ad illud testimonium respondet Hæreticus sic: Verum est, quod sancta erat lex, sed cujusmodi sanctitate & justitia, erat prius Testamentum sanctum & justum? Illa, de qua dicitur Heb. 9. v. 1. *Habuit quidem & prius justificationes culturæ,*

& sanctum seculare. Sed quid hoc contra me? Nihil, imo pro me, quia legem sacrificiorum appellat justificationes. Illæ autem justificationes erant præcepta culturæ carnalis, scilicet de animalibus offerendis, & bona erant & sancta, & justa. Sanctum autem appellat Tabernaculum, quod ferebatur de loco ad locum per desertum, unde statim subdit v. 2. *Tabernaculum enim factum est primum, in quo erant candelabra & mensa, & propositio panum, quæ dicitur sancta;* & dividit illud sanctum in duas partes Apostolus. Unam appellat Sanctam, alteram Sancta Sanctorum, & dicebatur seculare, idest mobile, sicut etiam res hujus seculi mobilis est. Ex hoc autem potes videre tuum errorem, & quod pessime respondisti, quia Apostolus appellat sanctum Testamentum mandatum filiis Israel; & istud sanctum voluisti intelligere illud quod ad Heb. habetur, cum hoc evidenter esse non possit, imo sumitur sanctum pro ipso Tabernaculo, ut ostendit Apostolus.

Præterea, tu ipse confessus es, quod prius intelligitur Vetus Testamentum, quod reservo ad locum illum, ubi inducemus illud testimonium Heb. 8. v. 8. *Ecce dies venient dicit Dominus &c.*

Item, ut prædictum est, Apostolus dicit illud mandatum Veteris Testamenti fuisse ad vitam. De qua vita intelligis Tu? Ipse dicit, quod de vita temporali; propter quod dicit idem Apostolus Rom. 10. v. 5. *justitiam quæ ex lege est, qui fecerit homo, vivet in ea.* Nos autem dicimus quod & ad vitam æternam veniente Christo, Deo pro nobis melius aliquid providente, ut non sine nobis consummarentur; ut dicit Apostolus Heb. 11. v. 40. de viris fidelibus in Veteri Testamento. Quod autem ad vitam æternam fuerit mandatum Veteris Testamenti, patet Matthæi 19. v. 16. ubi cuidam quærenti: *Quid boni faciam, ut habeam vitam æternam?* Respondit Christus: *Si vis ad vitam æternam ingredi, serva mandata.* Et statim posuit illa verba legis Moyfi, per quæ ille noverat mandata illa, unde & dixit ei Marci 10. v. 19. *Præcepta nosti.* [*] Adhuc potest induci illud Actuum 7. ubi dicit S. Stephanus de Moyse, *qui accepit verba vitæ dare nobis, & arguens eos subdit: & noluerunt obedire Patres nostri:* si de obedientia verborum lege eos arguebat ergo tenebantur ei obedire, ergo non erat a diabolo ministrata. [*]

Item Rom. 9. v. 31. *Israel vero sectando legem justitiæ in legem justitiæ non pervenit.* Ego autem dico:

(1) Præclare quidem Irenæus lib. IV. cap. xxxiv. pag. 274. seq. Dicemus, inquit, adversus omnes hæreticos, & primo quidem adversus eos, qui sunt a Marcione, & adversus, eos qui sunt similes illis, ab altero Deo dicentes esse prophetas. Legite diligentius id quod ab Apostolis est Evangelium nobis datum, & legite diligentius Prophetas. . . . Omnia enim ipse [Christus] adimplevit veniens, & adhuc implet in Ecclesia, usque ad consummationem, a lege prædictum Novum Testamentum. Quem admodum & Paulus Apostolus ejus ait in ea, quæ est ad Romanos: *Nunc autem sine lege justitia Dei manifestata est, testificata a lege & Prophetis. Justus enim ex fide vivet.* Hoc autem, quoniam justus ex fide vivet per prophetas prædictum fuerat. Unde autem poterant prædicere Prophetæ regis adventum, & eam libertatem, quæ ab eo dabatur præevangelizare. . . . si ab altero Deo propheticam inspirationem acceperunt &c.

(2) Festive, solideque, ut identidem solet, Tertullianus lib. v. contra Marcionem cap. xiii. pag. 478. Quid ergo dicemus? quia lex peccatum? Absit. Erubescit Marcion: Absit. Abominatur Apo-

stolus criminationem legis; sed ego delictum non scio, nisi per legem. O summum ex hoc præconium legis, per quam liquuit peccatum latere! Non ergo lex seduxit, sed peccatum per præcepti occasionem. Quid Deo imputas legis, quod legi ejus Apostolus imputare non audeat? Atquin & accumulatur: lex sancta, & præceptum ejus justum & bonum. Si taliter veneratur legem Creatoris, quomodo ipsum destruat, nescio. Paria adhibet Clemens Alexandrinus lib. III. Strom. num. xii. pag. 549. Edit. Oxon. quo loco Tatianum refellit. Adeundus quoque Titus Bostrensis lib. III. pag. 147.

[*] Quæ duobus asteriscis complexi sumus, non extant in Cod. Vat.

(3) Refellit hanc oppositionem a Manichæis fortasse olim adhiberi solitam, Titus Bostrensis lib. III. contra Manichæos pag. 549. Videtur S. Thomas in cap. vii. Ep. ad Rom. Lect. 11. pag. 64. Tom. viii. Edit. Lugdun. an. 1689.

[*] Quæ duobus asteriscis comprehendimus, desunt e Bonon. & Neapolitano Codd. extant autem in Vaticano pag. 146.

eo : legem justitiæ appellat legem Moyfi , quoad figuras , quia justificabat illos , qui accipiebant tamquam figuras Christi , unde Apostolus post prædicta verba dixit , quod lex illa non justificabat illos Israelitas , qui non ex fide quærebant eam , sed ex operibus , tamquam ex justificantibus per se . Tales autem dicit sectari legem justitiæ , quia post eam ibant , tamquam post pedagogum ; sed dicit eos non pervenisse in legem justitiæ , idest non perfecte venisse in eam , idest in ejus medullam , scilicet intelligentiam spiritualem ; in quorum persona dicit Rom. 7. v. 14. *Lex spiritualis est : ego autem carnalis sum* . (4) Ex quo apparet , quod illa sancta fuit & justa & bona .

Ad hoc autem dicit Hæreticus , quod in prædicta auctoritate loquitur Apostolus de duabus legibus , scilicet nova , & veteri , mala , & bona , & sectando malam non venit in bonam .

Ad hoc autem improbandum (5) valet , quod dicit Apostolus Galat. 3. v. 24. *Lex pædagogus noster fuit in Christo* ; ergo sectando illam venit in istam , dummodo sectaretur bene eam ex fide futurorum . Quod autem aliqui sectati sunt legem justitiæ , non quod ex fide , patet in præcedenti testimonio .

Item Rom. 3. v. 3. *Quid enim si quidam illorum non crediderunt ?*

Item Heb. 4. v. 2. *Sed non profuit illis sermo auditus , non admixtus fidei ex iis , quæ audierunt* . Quod autem aliqui ex fide illam sectati sunt , patet Heb. 11. ubi de Moyse loquitur , & de aliis Patribus Judæorum post ipsum .

Item Rom. 10. v. 4. dicitur : *Finis legis Christus ad justitiam omni credenti* . Quod qualiter intelligi debeat habetur Galat. 3. v. 24. *lex pædagogus noster &c.* Ex quo patet duplex finis legis ; unus est Christus , ut dicit Apostolus , alius est justitia , ut ipse etiam testatur , sed cujus finis bonus est ; ergo lex bona .

Item Rom. 13. v. 8. dicitur : *qui enim diligit proximum , legem implevit* . Nam postea dicitur : *Nam : non adulterabis , non occides , non furaberis , non falsum testimonium dices , non concupisces rem proximi tui , & si quod est aliud mandatum in hoc instauratur : diliges proximum tuum sicut te ipsum : dilectio proximi malum non operatur . Plenitudo ergo legis est dilectio* . Constat quod de lege Moyfi loquitur , ubi illa præcepta erant , unde Rom. 7. v. 7. de uno illorum loquens ait : *Nam concupiscentiam nesciebam , nisi lex diceret : non concupisces* . Istam

legem appellat Jacobus c. 2. v. 8. regalem , dicens : *Si tamen legem perficitis regalem secundum scripturas* , scilicet ipsius legis , habetur v. 8. & 9. ejusdem cap. *Diliges proximum tuum sicut te ipsum : bene facitis : si autem personas accipitis , peccatum operamini , redarguti a lege quasi transgressores* . Levit. 19. v. 15. *Non consideres personam pauperis , nec honores vultu potentis* . Deuteronom. 1. v. 16. *quod justum est judicate : sive civis ille sit , sive peregrinus* . Ecce quod Apostolus Paulus dicit , quod dilectio est plenitudo legis . Lex ergo bona est , quia ejus plenitudo bona , & ejus perfectio , ut dicit Jacobus . Quod autem Apostoli loquantur de veteri lege , patet , quia in illa scripta erant illa mandata ; & si in Novo Testamento reperiuntur , hoc fit per recodationem ejus , quod in Veteri scriptum est , ut patet Marci 10. v. 19. *Præcepta nostri* .

Item Matthæi 22. v. 35. & 36. *interrogavit eum unus ex eis legis Doctor , tentans eum : Magister quod est mandatum magnum in lege ? Ait illi Jesus : Diliges Dominum Deum tuum ex toto corde tuo , & in tota anima tua , & in tota mente tua* . Maxime autem de Veteri lege loquitur , propter illud , quod dicit Jacob. c. 2. v. 8. *Redarguti a lege quasi transgressores* . Ergo lex Vetus est lex regalis , idest a Rege Deo Sancto data . Si enim a malo Rege , non dixisset : Si tamen legem perficitis regalem a malo Rege datam , benefacitis .

Præterea B. Jacobus dicit , peccatum esse transgredi legem illam , unde subjungens ait v. 10. *Quicumque enim totam legem servaverit , offendit autem in uno , factus est omnium reus* . v. 11. & 12. *Qui enim dixit : non machaberis , dixit & : non occides . Quod si non machaberis , occides autem , factus es transgressor legis* . Hic differit Jacobus de lege Moyfi dicens : *Qui enim dixit &c.* & eam transgredi peccatum est . Ergo bona .

Forte dicet , quod lex in parte bona fuit . (6)

Contra ; cum ibi dicat Dominus v. 38. Matth. c. 22. *In his duobus mandatis universa lex pendet , & prophetæ* .

[*] Item 1. Cor. 9. v. 8. *Namquid secundum hominem hæc dico ? An & lex non dicit ?* hoc scilicet v. 9. *Non alligabis os bovi trituranti ?* Ex quo patet quod lex bona , etiam ubi figura est . Hoc autem discussum est supra in cap. de Deo Veteris Testamenti , ideo pertransimus illud . [*]

Item 1. Cor. 14. v. 34. *Mulieres in Ecclesiis taceant : non enim permittitur eis loqui , sed subditas esse , sicut & lex dicit* . Ecce legem approbat .

Item

(4) Scite cum primis Titus Bostrensis lib. 111. pag. 147. Et scimus , inquit , quod lex spiritualis est . Quod enim Sanctum est , & spirituale , & bonum , ab omni turpitudine liberatum est , & nulla culpa in eo heret . Consulendi Clemens Alexandrinus lib. 1v. Strom. num. 111. pag. 568. Origenes lib. vii. Contra Celsum num. xx. pag. 709. Et S. Thomas l. c.

(5) Simile quidpiam huic responso reperire licet apud Clementem Alexandrinum lib. 1v. Stromat. num. 111. pag. 567.

(6) Adposuit Titus Bostrensis lib. 111. pag. 147. Ne quis autem , inquit , arte fallacissima studiose , & accurate usus dicat : simulavit lex , & quædam pulcra furata , tamquam sua protulit , cum vellet sua flagitia honestare , & partes honestatis inseruit studio obtegendi turpitudinem aliarum partium : Age excutiamus primo , utrum aliquid absurdum , & flagitiosum apud legem appareat , atque ita flagitium istorum redarguatur . Secundo si quasdam partes vitii ulciscendo dissipavit , reddens eos , qui

credebant liberos ab omni parte vitii , non jam lex simulata apparebit , quin potius inimica , & hostis vitii , & nequitiae . Tertio , si quædam honesta circumseminavit , & non omnem speciem virtutis cum litera legis conjunxit , ut quædam videatur scripsisse , plura vero reliquisse , habeat vim aliquam refutatio legis . Sin vero universa , quæ honesta , & decora sunt , omnino in literis legis posita sunt , admiremur legem , & Dei legem confiteamur , dicamusque sermonem Dei esse ; in hoc vero accusationem a lege transferamus , quorum sententia adulterina , & depravata est . Quod igitur nullam partem vitii lex habeat infeminatam , neque partem abstulerit aliam , & alii pepercerit ; sed potius pura sit lex , & Sancta , & Dei lex ; Paulus clamat . Lex quidem sancta &c. Videtis quæ sequuntur .

[*] Desunt in Vaticano , quæ asteriscis duobus comprehensa vides .

Item Galat. 3. dicitur v. 19. *Lex propter transgressiones posita est, donec veniret semen, cui promiserat: ordinata per Angelos in manu Mediatoris.* Hic dicit Apostolus ad quid data sit lex, (7) quoniam propter transgressiones, & usquequo duratura erat, quia donec veniret semen, idest Christus, cui promiserat Deus, & dicit, quod ordinata fuit per Angelos, & in manu Mediatoris. Ego autem sic intelligo propter transgressiones legis Dei vitandas. Et si hoc est, ergo bona fuit. Cujus enim finis bonus est, ipsum quoque bonum est. Etiam diabolus non posuisset eam propter hanc causam, sive ad hoc; ergo a Deo Sancto posita fuit.

Forte dicit: imo propter transgressiones legis Dei factas. Sed hoc stare non potest; primo propter illud, quod dicit Apostolus: *donec veniret semen*, idest Christus; si nondum venerat semen, nondum data erat lex ejus: ubi autem non est lex, nec pravaricatio, sive transgressio.

Præterea ibi dicit Apostolus v. 24. c. 3. ad Galat. *Lex pædagogus noster fuit in Christo.* De se, & aliis Judæis loquitur. Et dicit, quod pædagogus eorum fuerit ad Christum, ut ex fide justificarentur. Lex igitur bona fuit, (8) & a bono Deo data; Diabolus enim nunquam dedisset legem ductivam ad Christum, ut ex fide justificaremur.

Item ex hoc patet, quod falsa fuit illa expositio præmissa, lex propter transgressiones faciendas posita est. Si enim transgredi Legem Christi fecisset, ad Christum pædagogus noster non fuisset; imo potius a Christo separasset.

Præterea, nec ad hoc fuisset posita, ut ex fide justificaremur, imo ut in iustitia contra fidem remaneremus.

Præterea, numquid in manu Mediatoris, idest Christi esset, si diabolica esset? non, imo in manu diaboli.

Ad hoc dixit hæreticus, quod per Angelos malos ordinata fuit lex in manu Moyfi, qui mediator erat inter populum illum, & diabolum. (9)

Sed contra. Nullo testimonio Christi, vel discipulorum ejus potest ostendere, quod mediator sumatur in mala parte. Ego autem possum ostendere quod in bona 1. Timoth. 2. v. 5. & 6. *Unus enim Deus, unus & mediator Dei & hominum homo Jesus Christus*, cui concordat Apostolus ad Galatas 3. v. 20. post verba prædicta dicens: *Mediator autem unus non est? Deus autem unus est.*

Præterea, quod Tu dixisti, quod per malos Angelos ordinata sit, hoc numquam potes ostendere.

(7) Nempe ut homines a peccato deterreret. Atque ita quidem explicat Clemens Alexandrinus lib. IV. Strom. 111. pag. 567. *Si timoris causam, inquit, peccatum abstuleris, abstulisti etiam timorem: multo autem magis supplicium, cum id abfuerit, a quo oriri solet concupiscentia.* Iusto enim, Scriptura inquit, lex non est posita. *Pulcre ergo Heraclitus: Iustitiæ, inquit, nomen non novissent, si hæc non essent. Socrates autem dicit: legem non fuisse factam propter bonos. . . . Præcepta quæ metum injiciunt, dilectionem pariunt, non odium. Vitium ergo non est lex, eo quod timorem procreet.* Vide Irenæum lib. III. cap. VII. *Contra Hæreses* num. 2. pag. 182. & Notas Mafuetii ad eundem locum.

(8) Adito S. Thomam ad cap. 111. Ep. ad Galatas.

(9) Sunt hæc a Simonis Magi, Saturnini, Basilidis, & aliorum quorundam Gnosticorum disciplina profecta. Nam de Simone quidem hæc habet in I. *Contra Hæreses* cap. XXI. al. xx. Irenæus. pag. 99. *Prophetas (ait) a mundi fabricatoribus Angelis inspiratos dixisse prophetias.* De Saturnino autem. Cap. XXIV. al. XXI. num. pag. 101. *Prophetias quasdam quidam ab iis Angelis, qui mundum*

Ego autem possum ostendere quod per bonos. Dicit enim Apostolus Heb. 2. v. 2. *Si enim qui per Angelos dictus est sermo, factus est firmus, & omnis pravaricatio & inobedientia accepit justam mercedis retributionem.* Non enim esset justa retributio, si mala esset, & per malos Angelos data, quia non tenerentur ad eam.

Item Galat. 3. v. 8. *Providens autem Scriptura, quia ex fide justificat gentes Deus, pronunciavit Abraham, quia in Te benedicentur omnes gentes.* Vide quia dixit, quod Scriptura hæc prævidit, & ideo pronunciavit illud ipsum Abraham. Bona igitur Scriptura, & a bono Deo data, & facta.

Item Galat. 4. v. 4. *At ubi idest postquam, venit plenitudo temporis, misit Deus Filium suum factum ex muliere factum sub lege.* Ubi dicit Augustinus (10) factum ex muliere quam fecerat, factum sub lege quam dederat. Et Tu quid dicis inde? De qua lege loquitur ibi, nisi de Veteri lege? Incredible enim est, quod sub lege fieret, si a Diabolo, & mala. Si autem dicas, quod de lege Nova loquitur, hoc stare non potest, quia illa adhuc non erat data, cum factus est, sed ipse postea dedit eam.

Item ibidem dicit Apostolus: *Abraham duos Filios habuit; Unum de Ancilla, & unum de libera.* Galat. 2. v. 22. Postea dicit ista esse dicta per allegoriam, idest per alium intellectum: *Hæc enim idest ancilla, & libera sunt duo Testamenta, idest signant illa.* Isaac autem, qui de libera natus est, signat illos, qui ex Novo Testamento nati sunt; unde ait, Apostolus v. 28. *Nos autem Fratres secundum Isaac promissionis filii sumus*, idest fidei adhibitæ promissionis Dei. Ismael vero qui de ancilla natus est, signat illos, qui ex Veteri Testamento orti sunt in servitutem, idest in timorem, quia exteriorem faciebant legem, quod innuit Apostolus Heb. 12. v. 20. *Non enim accessistis ad tractabilem montem, & accensibilem ignem, & turbinem, & caliginem, & procellam, & Tubæ sonum, & vocem verborum, quam qui audierunt excusaverunt se, ne eis fieret verbum.* Illa enim omnia in donatione legis sunt facta, quæ ibi dicit Apostolus, ut corda Judæorum concuterentur timore, ne auderent legem transgredi.

Similiter, quod Abraham duas uxores habuit, ancillam, & liberam, & ex utraque filios, significat quod Deus duo Testamenta habuit, & ex utroque filios; sed ex uno filios timoris servilis, & ex alio filios amoris filialis.

Quia

fabricaverunt dictas; quasdam autem a Satana, quem & ipsum Angelum adversarium mundi fabricatoribus ostendit: minime autem Judæorum Deo. Postremo autem de Basilide ibid. num. 5. pag. 102. *Prophetias autem & ipsas a mundi fabricatoribus fuisse ait principibus; proprie autem a principe ipsorum qui eduxerit populum de Terra Egypti.* Nemo profecto non videt, quod etsi aliqua inter hos hæreticos fuerit diversitas, viam tamen Catharis præparaverint, ut hoc genus opinionis defenderent.

(10) Etsi Augustini Interpretationes huic Apostoli prædictæ adhibitæ huc recidunt, nusquam tamen in ejus operibus hæc verba, imo ne in Apocryphis quidem reperi. Vide Expositionem in Ep. ad Galatas Tom. 111. P. 11. Opp. col. 959. seq. Et Epist. cxl. al. cxx. ad Honoratum num. 6. col. 423. Tom. 11. 8c. * Quod autem adjungit Moneta aliquanto inferius, filios timoris servilis ex Vetere Testamento accepisse Deum, sensu Augustiniano, & Thomistico intelligendum est. Vide S. Th. 1. 2. qu. 98. art. 1. seq. & qu. 99. art. 6. & qu. 96. Articulo 2. in corpore.

Quia Hæreticus huic ultimæ allegoriæ contradicit, hoc infra probabitur, ubi disputabitur illud Testimonium Hebr. 8. *Ecce dies venient, &c.* Hoc tantum hic dicimus, quod frustra, & otiose dixissent quod duos filios habuerat ex libera, & ancilla, nisi per similitudinem voluisset dare intelligi, quod Deus ex utroque Testamento aliquos genuit.

Item 1. Timoth. 1. v. 8. dicit Apostolus: *Scimus autem (11) quia bona est lex, si quis ea legitime utatur.* Hic autem Apostolus loquitur de lege Veteri data per Moysen; unde subdit v. 9. *Sciens hoc, quia lex justo non est posita, sed injustis*, scilicet parricidis &c.

Quomodo autem illis posita sit patet, si quis eam legat, quia eis ferendis per legem ipsa est posita. Hoc autem modo non est posita iustis, cum Exodi 23. v. 7. dicatur: *insontem, & iustum non occides.* Ecce quod eam dicit bonam, ubi magis est dura, & ponit causam: sciens quod lex ista sic dura non est posita justo: quasi dicat: non est posita ad ferendum eum, sed ad eum custodiendum a malo. Quod autem loquatur de lege Veteris Testamenti patet, quia nullo Testimonio potest ostendi quod alia lex sit posita parricidis, &c. quæ non sit posita iustis.

Item 2. Timoth. 3. v. 14. dicit Paulus ipsi Timotheo: *Tu vero permane (12) in iis, quæ didicisti, & credita sunt tibi: sciens a quo didiceris.* 15. *Et quia ab infantia sacras literas nosti, quæ te possunt instruere ad salutem, per fidem, quæ est in Christo Jesu.* Apostolus hic ostendit Timotheum quædam didicisse per ipsum: unde dicit: *Tu vero permane in iis, quæ didicisti, & credita sunt tibi*, idest, commissa a me. Unde subdit dicens: *sciens a quo didiceris.* Postea ostendit quod ab infantia sciebat quædam, quæ mora didicerat ab ipso: unde ait: *& quia ab infantia &c.* Modo dicas mihi: quæ erant sacræ illæ literæ ab infantia ei notæ, quæ erant instructoriæ ad salutem, quæ est in Christo Jesu, nisi lex Moysis? Quæ ut dicit Paulus ad Galat. 3. v. 24. *pædagogus noster fuit in Christo, ut ex fide justificemur*: ergo lex Moysis sacra, & utilis ad salutem: ergo non a Diabolo data. Quod confirmat Paulus statim post illa verba dicens Timoth. v. 16. *Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum, in iustitia*: 17. *ut perfectus sit homo Dei, ad omne opus bonum instructus.*

Similiter Hebr. 8. v. 4. & 5. quod Sacerdotes offerebant munera secundum legem: quod deserviebant exemplari, & umbræ cælestium. Si illa munera, scilicet sacrificia erant exemplaria cælestium: ergo bona erant; quale enim est exemplatum, tale est exemplar.

Præterea Apostolus dicit illos deservisse exemplari, & umbræ cælestium: *sicut responsum est Moysi,*

cum consummaret tabernaculum: vide (inquit) omnia facito secundum exemplar, quod tibi ostensum est in monte, ut habetur Exodi 25. v. 40. Quis autem hoc dixerit Moysi ostendit B. Stephanus Act. 7. v. 44. dicens: *Tabernaculum testimonii fuit cum Patribus nostris in deserto, sicut disposuit illis Deus, loquens ad Moysen, ut faceret illud secundum formam, quam viderat.* Numquam Sanctus Stephanus illum dixisset Deum, qui locutus est Moysi de dispositione Tabernaculi, si fuisset Satan. Ergo Deus Sanctus, & verus cum Moysen loquebatur; licet per Angelum, ut dixerat Stephanus eodem cap. v. 30.

Si autem vis dicere, Stephanum sic locutum esse propter Judæos, & factum esse Judæis Judæum, ut Judæos lucraretur, sicut & Paulus dicit de se 1. Cor. 9. v. 20. hoc stare non potest; quia sic non lucraretur eos Stephanus, immo amitteret; sic enim illos in errore confirmaret, scilicet quod ille esset Deus, qui cum Moysen loquebatur, cum non sit Deus, secundum quod dicis, licet falso.

Præterea, Stephanus post illa verba arguens eos dicit aperte v. 51. *dura cervice &c.* Quomodo autem restitissent, subdit Stephanus dicens v. 53. *Qui accepistis legem in dispositione Angelorum, & non custodistis.* Et supra dixerat de Moysen v. 38. *qui accepit verba vitæ dare nobis*: 39. *cui noluerunt obedire Patres nostri.* Ecce in quo restiterunt Spiritui Sancto.

Præterea, quod Spiritus Sanctus eos duceret, habetur Heb. 3. v. 7. *Sicut dixit Spiritus Sanctus, &c.* quod testimonium examinatum est in cap. de Deo Veteris Testamenti. De ipso Spiritu habetur etiam Isa. 63. v. 11. *ubi est qui eduxit eos de mari, &c.* usque *Spiritus Domini ductor ejus fuit*: quod testimonium maxime valet contra ponentes duo principia, qui alium Moysen ostendere non possunt.

Item Heb. 8. v. 8. *Ecce dies venient, dicit Dominus; & consummabo (13) super domum Israel, & super domum Juda, testamentum novum.* 9. *Non secundum testamentum, quod feci patribus eorum in die, qua apprehendi manum eorum, ut educaerem illos de terra Ægypti*: Istud testimonium sumitur Deuter. 31. v. 31. ubi evidentissime patet quod ille idem fuit dator utriusque, sicut diximus supra illud verbum ad Galat. 4. v. 22. *Abraham duos filios habuit &c.*

Ad hoc autem nequissime responderunt quidam Hæretici. Dixerunt enim quod Deus fecit Vetus Testamentum quoad illa, quæ in eo scripta erant de ipso: quibus dicendum est. Nonne vides quid dixit Deus per Jeremiam? Quomodo arguit eos dicens c. 31. quod ipse fecit Testamentum illud Patribus eorum? Dicit etiam Hebr. 8. v. 9. *Quoniam ipsi non permanserunt in testamento meo, & ego neglexit eos.* Numquid Vetus Testamentum a duobus Dominis contrariis est factum? Istud numquam potes ostendere; solus enim ille fecit Vetus Testamentum, qui

(11) Utuntur hoc argumento Augustinus contra Faustum Manichæum lib. xv. cap. viii. col. 280. Tom. vi. Opp. & Bonacursus contra Catharos pag. 77. Tom. xlii. Spicilegii Dacheriani. Edit. an. 1677.

(12) Observat hoc etiam Sanctus Thomas in 11. ad Timotheum

cap. 111. Leff. 11.

(13) Eodem recidit argumentum, quod adferunt Euthymius Parte 11. Panopliæ Tit. xx. pag. 211. Contra Paulicianos. Bonacursus loco mox indicato.

qui cum Moyse loquebatur in Monte Sinai, ubi ipse legem accepit.

Præterea dicit: *non permanferunt in testamento meo*. Numquam diceret istud Testamentum suum propter duo verba, vel tria ad ipsum pertinentia.

Præterea: *quoniam ipsi non permanferunt in testamento meo, ego neglexi eos*. Ergo fuerunt in eo quoad illa, propter quæ dicit istud suum, scilicet propter Testimonia de Christo. Ergo crediderunt in Christum; sicut debebant, illa, quæ de eo scripta erant. Ergo Christus minabat eos per desertum; ille enim minabat eos, in quantum credebant: quod etiam patet per illud verbum: *quando apprehendi manum eorum*, &c. Similiter per illud 1. Cor. 10. v. 9. *Næque tentemus Christum* &c. Non ergo minabat eos Diabolus.

Postea dicit, quod in se fecit illud, idest, permisit illud fieri: contra. Propter hoc non diceret istud Testamentum suum dicens: *quoniam*, &c. Istud autem de Novo Testamento intelligi non potest, quia illud non erat eis datum, sed promittebatur dandum.

Præterea tu dicis quod fecit, idest, permisit fieri; & ego dico: imo ordinavit illud. Ad Galat. 3. v. 19. *Lex ordinata* scilicet a Deo *per Angelos in manu mediatoris*, idest, potestate Christi: ipse enim Dominus erat legis; unde Matth. 12. v. 8. *Dominus est filius hominis etiam sabbati*. Constat autem quod Sabbatum præcipuum festum erat in lege. Malach. 4. v. 4. *Mementote legis Moysis* &c.

Alii Hæretici dixerunt, quod istud Testamentum factum est a Deo Sancto, nec de illo loquitur Jeremias, & asserunt quod nusquam legitur quod Judæis, vel Israel, vel eorum patribus lex data fuerit: in quo falsum esse locuti convincuntur per B. Stephanum Act. 7. v. 38. dicens de Moyse: *Hic est, qui fuit in Ecclesia in solitudine cum Angelo, qui loquebatur ei in monte Sina, & cum Patribus nostris*. Constat quod Judæis loquitur Stephanus, & Israelitis. Et ibidem v. 44. *Tabernaculum testimonii* &c. usque *quam viderat*.

Dicunt etiam, quod nusquam reperitur quod in die, qua apprehendit manum eorum, ut educeret eos de Terra Ægypti, eis Testimonium fecerit, unde verbum Jeremiæ non intelligitur de Testamento dato Moyse, quia illud fuit datum ei quinquagesimo die.

Ad istud autem facilis est responsio. Dicendum est enim quod in illa die datum est, qua Deus apprehendit manum eorum, &c. Vetus enim Testamentum magnus liber est; unde non potuit legi totum illa die, sed lecta fuit una lectio, idest, datum est eis mandatum de agno paschali, ut habetur Exodi 12. v. 13. similiter de azymis comedendis septem diebus: de circumcissione eorum, qui comesturi erant agnum, de agno paschali, & de primogenitis Deo offerendis. Post exitum vero de Ægypto postquam transierant mare rubrum iterum dedit eis alia mandata, ut habetur Exodi 15. scilicet in Mara, ubi aquæ amaræ dulcoratæ sunt; & dicitur 25. *ibi constituit ei præcepta, atque judicia*.

Dico etiam, quod nec quinquagesimo die ab egres-

su de Ægypto datum est totum Vetus Testamentum; imo quadraginta diebus fuit in monte cum Deo, & accepit duas tabulas, in quibus erant decem mandata, & iterum postea aliis quadraginta diebus fractis tabulis primis accepit adhuc duas alias tabulas cum eisdem mandatis: accepit etiam mandata de sacrificiis. Bene ergo dicitur datum in illa die, quia pars ejus data est.

Præterea, nonne vides, quod calix Dominicus dicitur Novum Testamentum, cum non sit nisi ejus pars? Similiter & immolatio agni illo die data dicitur, quia ejus pars est.

Præterea illis, qui duo ponunt principia potest responderi. Ego invenio diem pro anno poni Ezech. 4. v. 6. *diem pro anno dedit tibi*. Similiter dico, quod in illo die, idest, in illo anno datum est Vetus Testamentum.

Adhuc instat Hæreticus dicens, quod non loquitur Deus per Jerem. de Testamento Veteri, sed de isto Novo Testamento, quod hic habemus. Et hoc volunt probare per literam Apostoli Hebr. 7. v. 11. quia dicit Apostolus, quod post illud Testamentum non docebit vir proximum suum, & fratrem suum dicens: *Cognosce Dominum: quoniam omnes scient me a minore usque ad majorem eorum*. Datum est etiam istud Testamentum Novum; & tamen unus homo alium docet.

Ad hoc dicendum, quod Dominus per prophetiam illam multa promittit dato illo Testamento. Aliqua pars prophetiæ impletur in præsentia, & aliqua pars implebitur in futuro, ista scilicet: *Et non docebit unusquisque proximum suum, & unusquisque fratrem suum dicens*, &c. Hæc cognitio est fructus Novi Testamenti; hæc est vita æterna, ut habetur Johan. 17. v. 3.

Nec mirum debet videri quod dico, quia in eadem epistola Hebr. 2. v. 7. ubi ponitur illa prophetia de Christo, dicitur: *minuisti eum paulominus ab Angelis* &c. usque *sub pedibus ejus*. Istud autem nondum impletum est, ut ibi dicit Apostolus v. 8. *nunc autem necdum videmus omnia subiecta ei*, sed alia dicit Apostolus se videre impleta. Illam autem subjectionem omnium Christo, dicit Apostolus implendam in communi resurrectione, quando *novissima inimica destruetur mors*, ut habetur 1. Cor. 15. v. 26.

Si autem aliquis eorum diceret: malus Deus, cum dicatur Hebr. 8. v. 8. *Vituperans enim eos dicit: ecce dies venient* &c. Hoc stare non potest; dicit enim Apost. Hebr. 10. v. 15. quod Spiritus Sanctus illud dixerit. Sic enim ait: *Contestatur autem nos, & Spiritus Sanctus*, &c.

Visis eorum malitiis in Testimonio Apostoli, ostendamus, quod Apostolus loquitur ibi cum Jeremia de Testamento dato per Moysem, & de isto Novo Testamento dato per Christum. Primo autem dicamus quod ostendant alia Testamenta, de quibus loquitur Jeremias, si possunt. Quod cum facere non possint, consentiant quod de illis loquatur. Secundo dicamus quod Apostolus duplex Testamentum nominat, unum prius, & aliud posterius: unde ait Heb. 8. v. 7. *Nam si illud prius culpa vacasset: non utique secundi locus inquireretur*. In quibus,

bus, verbis dat intelligere Apostolus quod illud prius cesset, secundum vero maneat. Et hoc vult probare per Jeremiam, qui dicit: *Vituperans enim eos, &c.* Constat igitur quod Apostolus vult quod adveniente secundo cesset prius Testamentum, quod non vacabat a culpa. Ergo & Jeremias illud idem intellexit. Sed Jeremias non intellexit quod aliud Testamentum cessaret, nisi quod prius factum erat Patribus a Deo Sancto. Ergo Deus Sanctus fecit illud Testamentum, quod non vacabat a culpa. Ergo illud Testamentum bonum fuit. Qualiter autem non vacaverit a culpa dictum est prius in prima parte hujus capituli.

Præterea, Apostolus exponens verba Jerem. dicit v. 13. *Dicendo autem novum veteravit prius*: Quasi dicat: cum Propheta dicit: Testamentum novum dat intelligere, quod illud, quod erat factum Patribus, veterascit, idest tendit ad non esse. Postea autem dicit Hebr. 9. v. 1. *Habuit quidem & prius justificationes culturæ, & sanctum seculare*: quod sine dubio intelligitur de Testamento Moyfis. Unde sequitur v. 2. *Tabernaculum enim factum est primum, &c.* Hoc autem est illud, de quo Stephanus Act. 7. v. 44. ait: *Tabernaculum Testimonii fuit, &c.* Ex quo patet quod Testamentum factum Patribus fuit prius Testamentum, scilicet Moisaicum.

Præterea; responde Tu, qui duo ponis principia, unum rerum permanentium, & aliud transitoriarum: quid factum est de illo Testamento, quod fecit Patribus dato secundo, & quod fecit illud? Dic hoc: Quod iis factum est, evacuatum est; sic enim ait Apostolus: *dicendo autem novum veteravit prius*. Quod autem antiquatur, & senescit, prope interitum est. Ergo Deus Sanctus factor est rerum transitoriarum.

Præterea dicit ibidem Apof. v. 8. quod *consummabit Testamentum novum non secundum Testamentum, quod fecit Patribus eorum*. Dic in quo differabant illa Testamenta. Ego autem dico, quod unum consummat, unum dicit consummabo, idest, consummans dabo. Hæc consummatio est æterna beatitudo. Alterum vero neminem ad perfectum duxit, idest ad statum beatitudinis æternæ. Item prius non vacabat a culpa, istud autem vacat, idest, vacare facit ex toto. Unde eo dato dicit v. 12. quod propitius erit iniquitatibus eorum, & peccatorum ipsorum jam non memorabitur amplius. Secus autem in priori Testamento, ubi hostiæ, & munera offerebantur, quæ non poterant juxta conscientiam perfectum facere servientem, ut dicit Apof. Heb. 9. v. 9. Ibi offerebantur hostiæ irrationabiles, scilicet animalia irrationabilia; hic autem hostia rationalis; unde Heb. 8. v. 4. dicit Apostolus quod secundum legem offerebant munera, quæ serviebant

exemplari, & umbræ cælestium Domini. Dicit autem quod in Novo Testamento Christus seipsum obtulit, ut habetur Heb. 7. v. 27.

C A P. VIII.

Testimonia Evangeliorum, & Prophetarum de laudibus Veteris Testamenti.

V I s o per Testimonia discipulorum Christi, & Prophetarum, qui Christum præcesserunt, quod lex bona est, & a Deo Sancto data, accedamus ad ostendendum hoc idem per Testimonia Evangeliorum. Legitur enim Matth. 4. (1) quod Christus, quando tentabatur a Diabolo, verbis legis Moisaicæ veluti armis protexit se, & defendit. Ergo verba illa erant Diabolo contraria. Ergo non erant ab eo data ad serviendum ei. Primum verbum sumitur Deuteronom. 8. v. 3. ubi Moyses de Deo, qui eduxerat Israelitas per desertum quadraginta annis, dicit eis: *Afflixit te penuria, & dedit tibi cibum manna, quod ignorabas tu, & Patres tui, ut ostenderet tibi quod non in solo pane vivit homo, sed in omni verbo, quod egreditur de ore Dei*. Ecce qui dedit eis manna, & ad quid dedit, scilicet ut ostenderet &c. quod minime fecisset, si esset Satan. Alia duo verba: *Non tentabis Dominum Deum tuum; & Dominum Deum tuum adorabis, & illi soli servies*, sumuntur ex eodem lib. Deuter. 6. v. 6. & 13.

Præterea, Matth. 5. v. 17. *Nolite putare (2) quoniam veni solvere legem, aut prophetas: non veni solvere, sed adimplere*. 18. *Amen quippe dico vobis, donec transeat Cælum, & Terra, jota unum, aut unus apex non præteribit a lege, donec omnia fiant*. Si Diabolus ea dedisset, Christus illud non dixisset, cum dicatur 1. Johan. 3. v. 8. *in hoc apparuit filius Dei, ut dissolvat opera Diaboli*.

Ad hoc autem respondit Hæreticus quidam, & scriptum reliquit, quod istud non de lege Moyfis dictum est a Christo, sed hoc dixit de prima lege, de illa scilicet, quam postea dat Matth. 7. v. 12. *omnia ergo quaecumque vultis, ut faciant vobis homines, & vos facite illis. Hæc est enim lex, & Prophetæ*.

Ista autem intelligentia Hæretici convincitur esse falsa, primo per illud, quod dicitur: *nolite putare &c.* Numquid ipsi putabant quod ipse venisset solvere illam legem: *omnia &c.*? Certe non. Ergo non intellexit Christus de illa lege. Secundo adhuc non dederat Christus illam legem, sed daturus erat eam.

Præterea ex eo, quod dicitur: *jota unum &c. usque fiant*. Et postea statim argumentatur v. 19. *qui ergo solverit unum de mandatis istis minimis &c.*

D d ma-

(1) Adeundus Irenæus lib. v. Contra hæreses Cap. xxi. pag. 318.

(2) Hoc eodem argumento usi sunt contra Gnosticos Irenæus lib. iv. cap. xxxiv. pag. 275. Epiphanius Hæresi xxi. pag. 59. Tom. I. Opp. & adversus Manichæos. Titus Bostrensis l. i. pag. 144. & Euthymius in Panoplia. Parte i. Tit. xx. pag. 210. Marcionitæ qui Matthæi Evangelium negligebant non æque movebantur hoc testimonio. Erasmus autem ab illis Tertullianus affirmat, non quo ex Matthæi Evangelio expungendum esse censuerint, sed quo sicubi in Lucæ Evangelio, aut in Scripturis quas admittebant legi favens depre-

hendebant, aut eradebant, aut pervertebant per summam impudentiam. Hinc in suum Evangelium hæc intrudere. *Non veni adimplere legem sed solvere*: cujus quidem rei testes sunt Auctor Dialogi contra Marcionem inter Opp. Origenis Tom. I. nov. Edit. pag. 850. Et Isidorus Pelusiotes lib. I. Epist. cccclxxi. ad Panosophium. Consuli tamen omnino volo ab Lectoris Tertullianum lib. iv. Contra Marcionem cap. viii. pag. 419. seq. qui hoc argumentum acutissime tractat, atque in Marcionitas intorquet.

manifestum est quod non loquitur de illo mandato: *omnia &c.* sed de lege Moyſi, ubi continebantur illa mandata de quorum ſolutione minatur, & de quorum obſervantia præmium pollicetur dicens ibidem: *qui autem fecerit, & docuerit, hic magnus vocabitur in regno celorum.* Sed ne putent quod ad iſtud habendum ſufficiat facere illa, poſtea cum additione exponit ex parte illa mandata v. 20. *dico enim vobis, quia niſi abundaverit juſtitia veſtra &c.* Et v. 21. ponitur primo iſtud mandatum: *non occides,* & v. 27. ponitur illud: *non machaberis,* & quædam alia, quæ poſtea Chriſtus exponit.

Præterea Chriſtus dicit: *Hæc eſt enim lex, & Prophetæ.* Numquid iſtud ad ſonum literæ intelligendum eſt? Si ſic: ergo illud mandatum datum eſt iſtis Prophetis: quod ſtare non poteſt, quia Prophetæ fuerunt homines ſancti, & Spiritu Sancto inſpirante locuti, ut dicitur 2. Petr. 1. v. 21. Non ergo intelligendum eſt illud verbum ad ſonum literæ, ſed ſic: ideſt, huic concordant lex, & Prophetæ. Ex quo etiam apparet bonitas legis Moyſis, & Prophetiæ.

Dixit etiam Hæreticus quod de illa lege (3) Moyſis intelligi non poteſt: ipſe enim illam legem ſolvit. Unde Jo: 5. v. 16. dicitur: *propterea perſequebantur Judæi Jeſum, quia hæc faciebat in Sabbato.*

Ad hoc dicimus: (4) quod in lege Dei fuerunt tria genera mandatorum. Fuerunt mandata moralia, & illa implevit Jeſus in ſe, & Eccleſiæ ſuæ implenda reliquit; & de illis inquit: *qui ſolverit unum de mandatis iſtis minimis, minimus vocabitur in regno celorum.* Fuerunt judicialia mandata, quæ implevit, quia implenda eſſe docuit; unde de utriſque dicit Jeſus Matth. 15. v. 3. arguens Pharifæos: *Quare & vos transgredimini mandatum Dei propter traditionem veſtram? Nam Deus dixit: 4. Honora Patrem, & Matrem: & qui maledixerit Patri, vel Matri, morte moriatur.* Per iſtud probat ſuum propoſitum. Quasi dicat: iſta transgredimini: ergo transgredimini mandatum Dei. Fuerunt etiam figuræ quædam futurorum, ſicut ſacrificia de animalibus, quæ figurabant ſacrificium, in quo Chriſtus Dominus ſe obtulit Patri oblationem, & hoſtiam Deo in odorem ſuavitatis. Iſta autem implevit Chriſtus. Unde Johan. 19. v. 33. dicitur: *Ad Jeſum autem cum veniſſent, ut viderunt eum jam mortuum, non fregerunt ejus crura. . . Ut ſcriptura impleretur: os non comminuetis ex eo.* Exod. 12. v. 46. Ille etiam agnus, quem Hebræi comedebant in Ægypto, cujus ſanguine liniebantur poſtes domorum, ne Angelus, qui vaſtabat Primogenita Ægyptiorum, tangeret eos, ut dicitur Hebræ. 11. v. 28. ille, inquam, agnus figurabat Chriſtum pro ſalute mundi occiſum, per cujus ſanguinis effuſionem redempti liberantur a Diabolo, qui eſt Angelus devaſtans. Ex eo autem, quod Agni oſſa con-

fracta non ſunt, figurabatur quod oſſa Chriſti in cruce pendentis confringenda non erant. Omnia etiam animalia, quæ ibi ſacrificabantur erant figura Chriſti oblata in cruce. Unde animalia, quorum corpora cremabantur extra caſtra, fuerunt figura Chriſti extra Civitatem crucifixi. Propter quod Apoſtolus dicit Heb. 13. v. 11. *Quorum enim animalium inferitur ſanguis pro peccato in ſancta per Pontificem, horum corpora cremantur extra caſtra.* Prima pars hujus auctoritatis habetur Levit. 6. v. 30. Sed quod extra caſtra habetur 1. 4. v. 12. ubi agitur de peccato Sacerdotis, & Levit. 16. v. 27. ubi dicitur: *Vitulum autem, & hircum &c.* Hoc dico, dicit Apoſtolus Hebr. 13. v. 12. *propter quod & Jeſus, ut ſanctificaret per ſuum ſanguinem populum, extra portam paſſus eſt.* Apoſtolus dicit: *propter quod &c.* Et eſt ſenſus, ut impleret quod per id figurabatur, & ut ſanctificaret per ſuum ſanguinem populum. Numquam autem impletio figuræ diaboli, eſſet cauſa alicujus operis Chriſti, qui apparuit, ut diſſolveret opera Diaboli. Sabbatum etiam Judæorum figura fuit, & ſignum ſabbati ſpiritualis, ideſt, feriætionis, ſive ceſſationis ab operibus ſervilibus animo, & corpore, voluntate, & actu. Sicut etiam Neomenia, ideſt, lunæ innovatio, quam Judæi celebrabant, figurabat innovationem hominis quantum ad animam, & corpus, hoc eſt quantum ad voluntatem, & actum. Sufficiat autem tibi o catholice iſta expoſitio ad Hæreticum. Quod autem iſta eſſent ſigna, habetur Colofs. 2. 16. *Nemo ergo vos judicet in cibo, aut in potu, aut in parte diei feſti, aut neomenia, aut ſabbatorum: 17. quæ ſunt umbra futurorum.* Iſta autem ſigna dicebantur umbra, quia ſicut umbra dependet a corpore; ita iſta dependebant a Chriſto incarnato: unde Apoſtolus addit: *corpus autem Chriſti.* Quasi dicat: res illarum umbrarum pertinet ad Chriſtum, qui implet rem figuratam per illas umbras.

Item Ezech. 20. v. 19. legitur quod Dominus dixerit Judæis: *In præceptis meis ambulate, judicia mea cuſtodite, & facite ea: 20. & ſabbata mea ſanctificate, ut ſint ſignum inter me, & vos.* Signum autem erat ſabbatiſmi ſpiritualis, de quo habetur Hebr. 4. v. 9. *relinquitur ſabbatiſmus populo Dei.* Illum autem ſabbatiſmum jam compleverat in ſe Chriſtus. Impleverat ergo Sabbatum Judæorum, quod prius erat ſignum vacuum; ſed in Chriſto factum eſt plenum ſignum, quia a Chriſto impletum eſt, qui figurabatur per ipſum.

Cum ergo Hæreticus vult probare, quod Chriſtus venit ſolvere legem Moyſis, ut oſtendat quod Dominus non intellexit de lege Moyſis, cum dixit: *Non veni ſolvere legem, ſed adimplere,* dicendum eſt, quod ſolvere dicitur multipliciter. Uno modo dicitur ſolvere, ideſt, diſſolvere, ſive dividere ab eo, quod promittebat, vel figurabat. Hoc autem idem

(3) Vetus hæc Manichæorum reſponſio eſt. Nam Diodorus apud Archelaum in Aët. Diſp. Cum Manete pag. 69. hæc habet: *Dicebam ſermonem Evangelium quomodo dixit Dominus Noſter Jeſus Chriſtus, non veni ſolvere legem, ſed adimplere. Ille vero (Manes) ait nequaquam eum hunc dixiſſe ſermonem; cum enim ipſam inveniamus eum reſolviſſe legem, neceſſe eſt nos hoc potius intelligere, quod fecit.* Subdit deinde aliquot exempla a Manete fuiſſe prolata, præfertimque illud de Sabbato, quo Cathari, quocum

Moneta manus conſeruerat, abutebatur: ut verba illa ex Evangelio Matthæi expreſſa, aut a Chriſto numquam adhibita, aut longe aliter eſſe intelligenda, oſtenderet. Verum non ii erant Cathari, qui dicta hæc eſſe a Chriſto negarent, ſed aliter eſſe transferenda nempe in neſcio quam diſcrepantem a Moſaici legem jaſtabant.

(4) De hoc triplici genere mandatorum Veteris Legis ſuſe eruditeque agit S. Thomas 1. 2. a quæſt. xcix. ad quæſt. cvi.

idem est quod mutare promissiones legis, & figuras ejus. Sic non solvebat legem, vel sabbatismum, imo implebat. Secundum hoc dicit Apostolus Roman. 15. v. 8. *Jesum ministrum fuisse circumcisionis propter veritatem Dei ad confirmandas promissiones Patrum*. Et 2. Cor. 1. v. 19. *Dei enim filius Jesus Christus qui in vobis per nos predicatus est, per me, & Silvanum, &c. usque in illo est*. Sabbata, & legem solvisset Jesus, si ipsam non implevisset: si ea, quæ in Christo promissa erant, verbis, & signis ad effectum non duxisset. Sicuti si ego chartam tibi fecissem de dando tibi decem talenta, chartam solverem, idest, dissolverem, si id, quod promissum est in ea, non attenderem; & posses mihi dicere quod ego dissolvo pactum, quod tibi feci. Secundum modo dicitur solvere, idest, dissolvere ab obligatione figurarum legis. Sic solvit Christus legem. Unde ad Galat. 4. v. 4. dicitur: *factum ex muliere, factum sub lege: 5. ut eos, idest, Judæos, qui sub lege erant, redimeret*, idest, ab ejus obligatione. Hoc patet Rom. 7. v. 4. ubi dicit Apostolus: *Et vos mortificati estis legi per corpus Christi, &c.* Hoc modo Christus solvebat Sabbatum, quia exemplo suo ostendebat quod non obligabat. Tercio etiam modo dicitur solvere secundum usum Lombardicum, idest, *pagare*. Hoc modo posset dici quod Christus venerit solvere legem, idest, *pagare*. Et sicut charta alicujus obligationis dicitur soluta, idest, *pagata*, ut sonat nostrum idioma; sic lex a Christo impleta potest dici soluta, idest, *pagata*. *Pagavit* enim, ut sic loquar, quod ibi promisit Deus. Sic ergo ubi inveniatur quod lex a Christo sit soluta, dissoluta, & rupta, referendum est ad obligationem, quia jam non obligat postquam impletum est quod promissum erat in ea, vel per verba, vel per figuras. Eodem etiam modo dicit Apostolus quod destruxit eam, quia ostendebat eam jam non obligare. Similiter dicitur quod evacuatur ab obligatione, quam continebat. In charta est promissio dandi tibi decem, & obligatio surgens ex ea. [*] quando ego do tibi decem, impleo promissionem, & destruo obligationem. Unum ergo, & idem quoad aliquid impletur, & quoad aliquid destruitur. Similiter etiam in lege Moyfis Christus unum venit implere, scilicet promissionem legis factam verbis, vel signis; alterum autem destruxit, idest, obligationem, & debitum observantiæ legalium figurarum, ne ad illas reverterentur Judæi. Ad Galat. 4. *Ut eos, qui sub lege erant, redimeret*. Destruxit etiam obligationem Dei, & hominum quoad ea, quæ in lege se facturum promisit; jam enim non est obligatus ad illas promissiones, quas implevit per Christum. Unde 2. Cor. 1. v. 20. *Quotquot promissiones Dei sunt &c.* [*]

Alii sunt, qui aliter responderunt ad istud verbum Matthæi: *nolite putare, &c.* dixerunt enim quod non venit solvere legem, ubi de ipso loquebatur. Hoc autem dixerunt propter id, quod Chri-

stus dixit Lucæ 24. v. 44. *Necesse est impleri omnia, quæ scripta sunt in lege Moyfi, & Prophetis, & Psalmis de me*.

Sed contra istud est id, quod dicit Dominus Matthæi 5. v. 18. *Amen quippe dico vobis: Donec transeat Calum, & Terra, jota unum &c.* Sed per jota, quod est j, & per apicem, qui est literæ summitas, intelligebat Testimonia legis, & Prophetarum de Christo. Falsum autem eos dixisse patet ex illatione: *qui ergo solverit, &c.* Et postea ponit illa mandata.

Præterea, Dominus implevit moralia, figuralia, & etiam judicialia, ut dictum est supra in eodem argumento: quod etiam patet per Apostolum suum. in quo loquebatur Christus; hic enim de judiciali lege loquens 1. Timoth. 1. v. 8. ait: *scimus autem quia bona est lex*, ut prius habitum est in hac eadem parte hujus cap. Ergo non tantum venit eam implere; ubi de ipso loquitur. Et Matth. 8. v. 4. dixit Christus cuidam, quem a lepra mundaverat: *Vade, ostende te Sacerdoti, & offer munus, quod præcepit Moyses, in testimonium illis*. Istud ex parte tactum est in prima parte hujus operis in cap. de miraculis. Tantum addimus hic, quod si istud, quod offerebatur in lege Moyfis pro emundatione leprosi, ex præcepto Diaboli offerebatur, Christus non præcepisset illud fieri; nulla enim est societas lucis ad tenebras, nec justitiæ cum iniquitate, quia nulla conventio est Christi ad Belial, ut dicit Apostolus 2. Cor. 6. v. 15.

[*] Ad idem (5) facit illud Matth. 23. v. 2. quod Christus dixit ad Turbas, & ad Discipulos suos: *Super Cathedram Moyfi sederunt Scribæ & Pharisei, &c.* Ex hoc patet quod lex Moyfis bona erat.

Ad hoc autem dixit Hæreticus: quod illa verba: *Omnia ergo quacumque dixerint vobis, &c.* veniunt tantum pro illis, quæ de Christo dicta erant; alioquin Christus sibi esset contrarius, qui ait Matth. 5. v. 20. *Nisi abundaverit justitia vestra, &c.* & 1. 16. v. 6. *Intuemini, & cavete a fermento Phariseorum, & Sadduceorum*. Et quibusdam interpositis ait Matthæus, v. 12. *Tunc intellexerunt quia non dixerit cavendum a fermento panum, sed a doctrina Phariseorum, & Sadduceorum*.

Ad hoc dicendum: quod non esset sibi Christus contrarius, si de aliis intelligeret, non obstante eo quod dicitur: *nisi abundaverit &c.* quia sicuti exposuimus in hac eadem parte hujus cap. loquitur non de justitia doctrinæ, sed de justitia vitæ. Doctrina enim eorum in quantum legi adhærebat, Christum nunciabat, quamvis figuraliter, & quasi in universali. In singulari autem contrarii erant Christo, non credentes hunc esse Christum.

Ad aliud: *Intuemini, & cavete, &c.* patet quod non est contrarium alteri Christi verbo: *super Cathedram, &c.* quia fermentum appellat quasdam traditiones eorum, quæ non erant de lege Moyfis.

D d 2

Unde

[*] Desunt hæc usque ad alterum asteriscum e Vat. Cod.

(5) Hæc etiam quæ duobus astericis comprehendimus non exstant in Vatic. Codice, quamvis exstant in Bonon. & Neap. Atque est id etiam argumentum palmare a Patribus contra Gnosticos & Manichæos sæpe ac multum adhibitum. Irenæus lib. IV. Cap. xli. al. xxv. num. 4.

pag. 241. Quem autem, inquit, non confundat Dominus, ostendens non ab altero Deo esse legem, sic dicens eis, qui a se docebantur, turba, & discipulis. Super Cathedram Moyfi sederunt scribæ & Pharisei &c. Non ergo eam legem, quæ est per Moysen data, incusabat, quam adhuc salvus Hierosolymis suadebat fieri.

Unde Matth. 15. v. 3. *Quare & vos transgredimini mandatum Dei propter traditionem vestram?*

Ad illud autem, quod dicitur: omnia quæ de Christo, & quæcumque de Christo dixerint vobis, &c. patet quod stare non potest. Numquid enim standum est omnibus, quæ dicebant de Christo Scribæ, & Pharisei? Quamquam quod illa expositio falsa sit ostensum est proximo loco, scilicet illo verbo: *non veni solvere, &c.* [*]

Præterea Matth. 23. v. 23. *Vae vobis Scribæ, & Pharisei, qui decimatis mentham, & anethum, & cuminum, & reliquistis quæ graviora sunt legis, iudicium, & misericordiam, & fidem: hæc oportuit facere, & illa non omittere.* Nota quod ipse arguit Judæos de fide relicta. Prius ergo fuerant in ea. Sed non fuerant nisi in fide Dei Veteris Testamenti. Ergo Deus Veteris Testamenti est ille Deus, in quem credendum est. Item arguit eos, & minatur pro iudicio legis Moyfi relicto. Quod autem istud iudicium sit, ego possum ostendere ex Exodi 21. v. 1. ubi Deus dixit Moyfi: *Hæc sunt iudicia, quæ propones eis*, scilicet filiis Israel; & enumerat iudicia multa, in quibus secundum modum culpæ erat inflictio pœnæ: anima pro anima, oculus pro oculo, &c. In illo autem iudicio legis aliquando fuerunt Judæi, sed istud reliquerunt, sicut potest ostendi Testimonio Prophetarum: Isa. 1. v. 21. *Quomodo facta est Meretrix civitas fidelis plena iudicii?* & cap. 59. v. 14. *Conversum est retrorsum iudicium, &c.* Et v. 15. *Vidit Dominus, & malum apparuit in oculis ejus, quia non est iudicium.* Et Michæ 1. v. 1. *Vae qui cogitatis, &c.* Et cap. 3. v. 1. *Audite principes Jacob, & duces domus Israel: numquid non vestrum est scire iudicium?* Et v. 9. *Audite hoc principes, &c.* Sicut etiam dimiserunt iudicium de servo Hebræo, postquam servi fuerant sex annis dimittentes liberum gratis, ut habetur Exodi 21. v. 1. quod etiam Jeremias exprobravit in cap. 34.

Fortè diceret Hæreticus, quod ibi non loquatur Christus de lege Moyfi.

Sed istud non potest dicere, ut patet ex eo, quod præcedit: *Vae vobis Scribæ, & Pharisei, &c.* Horum enim decimationes legis Moyfi erant. Faciebant ea, quæ leviora legis Moyfi erant, dabant enim de his decimas: sed graviora ejusdem legis reliquerant, scilicet iudicium, misericordiam, fidem, & charitatem, ut Lucas addit cap. 11. v. 42.

Præterea dicit: *Hæc oportuit facere, & illa non omittere*, & loquitur de præterito: unde patet quod de lege Moyfi loquitur, ubi omnia illa inveniuntur. Si autem lex Diaboli esset, decimationes illorum minimorum non oportuisset facere, nec illa non omittere, nec comminaretur eis: *Vae &c.* si omitterent mandata legis Diaboli.

Præterea Lucæ 2. v. 22. *Postquam impleti (6) sunt dies purgationis ejus*, scilicet Mariæ, secundum le-

gem Moyfi tulerunt illum in Jerusalem, ut sisterent eum Domino 23. Sicut scriptum est in lege Domini, & ut darent hostiam secundum quod dictum est in lege Domini, par turturum, aut duos pullos columbarum. Et v. 39. dicitur: *Et ut perfecerunt omnia secundum legem Domini, &c.* Ecce quod Jesus voluit præcepta legis circa se impleri, scilicet oblationem Primogeniti, & oblationem duarum turturum, vel duorum pullorum columbarum. Offerebant unum in holocaustum Domino, & alterum in sacrificium. Non est autem credibile quod Christus voluerit ista a Matre sua perfici, si mala essent, maxime cum homo, vel mulier illa offerret ad occidendum, unum in holocaustum, quod totum incendebatur, & alterum in sacrificium, ut habetur Lev. 12. v. 8. quod etiam exponitur Lev. 1. v. 17. cap. 5. Lex ergo hostiarum a Domino erat: quod etiam vult Lucas, qui ait de Maria, & Joseph, quod tulerunt eum ad Templum, ut darent pro eo, sicut scriptum est in lege Domini, par turturum, &c. Lex ergo hostiarum offerendarum erat a Domino. Incredibile autem est quod Diabolus a Luca dicatur Dominus sine ulla determinatione; alias posuisset Ecclesiam in errore. Incredibile est etiam, quod Mater Christi faceret omnia secundum legem Diaboli. Venit ergo Dominus pro bono Domino, & ideo lex a bono Deo data est etiam ubi de hostiis loquitur. Et nota quod Simeon a Spiritu Sancto inducitur in Templum: quod non faceret si Templum Diaboli esset.

[*] (7) Præterea quia dicitur de Simeone, quod erat justus, & timoratus, & Spiritus Sanctus erat in eo, & venit in Spiritu in Templum, idest, per Spiritum Sanctum, qui erat in eo, quæro: de quo Templo loquitur? Constat quod non de spirituali, quia si venisset in ipsum, non fuisset in eo antequam venisset. Quomodo ergo dicitur quod Spiritus Sanctus erat in eo, & quod justus, & timoratus expectabat redemptionem Israel? Ergo jam erat spirituale Templum, scilicet Ecclesia: de quo 2. Cor. 6. v. 16. *Vos estis Templum Dei vivi.* Hoc autem soles negare. Si autem de materiali Templo loquitur, quod verum est: ergo non erat Templum Diaboli; alioquin per Spiritum Sanctum venisset in ipsum. Quod si Templum istud dicatur esse Dei creatione, dico: imo etiam cultu; quia ibi orabatur. Unde & domus orationis vocatur Matth. 21. v. 13. & cap. 15. v. 8. dicitur: *populus hic labiis me honorat &c.* Idem etiam patet Lucæ 2. v. 22. ubi dicitur, quod parentes ejus tulerunt illum in Jerusalem &c. Et postea dicitur v. 39. *Et ut perfecerunt, &c.* Ex quibus patet, quod Deus bonus fuit dator legis Moyfi. [*] Et ibidem v. 37. ad laudem Annæ dicitur quod non discedebat de Templo, jejuniis, & obsecrationibus ferviens die, ac nocte. Templum ergo bonum. Item cui illa serviebat, nisi Domino Templi hujus? Hoc quoque ponit

(6) Ne ab hoc quidem argumento sibi temperarunt Patres, ut Veteres Hæreticos reprimerent. Atque ille sane, quem supra commemoravi, Irenæus lib. 111. cap. x. al. xi. nu. 5. pag. 187. Adhuc, inquit, ait Lucas de Domino: Cum impleti essent dies purgationis; imposuerunt eum in Hierusalem adfrire Domino, &c. Ex sua persona manifestissime appellans eum, qui legislationem fecerit &c.

(7) Duobus hæc asteriscis complexi sumus, quod non existit in

Cod. Vat. Jam vero, quæ de Simeone, & Anna differit noster, similia sunt eorum, quæ in Gnosticos intorquet ibid. Irenæus. Nam posteaquam attulit testimonia Lucæ, sic tandem concludit argumenti sententiam: Per hæc autem omnia unus Deus demonstratur novam libertatis dispositionem in per novum adventum filii sui hominibus aperiens.

ponit Lucas ad laudem ejus. Ergo illud Templum bonum: Ergo Dominus hujus Templi bonus.

Præterea Lucæ 11. 52. dicitur: *Væ vobis Legisperitis, quia tulistis clavem scientiæ, ipsi non introiistis, & eos qui introibant, prohibuistis.* Isti tulerunt, & habuerunt clavem scientiæ. Modo quæro: cujus scientiæ? An Dei boni, an mali? Si mali: non dixisset eis *væ*, quia non introibant, & alios intrare non permittebant, immo bene esset eis. Si boni Dei: non tulerunt nisi clavem scientiæ legis. Ergo lex illa fuit boni Dei, & ab ipso data.

[*] (8) Præterea Lucæ 16. v. 17. *facilius est cælum & terram præterire, quam de lege unum apicem cadere*, De qua autem lege loquitur? Patet parum antea v. 16. ubi dicitur: *Lex & Prophetæ usque ad Johannem: ex eo regnum Dei evangelizatur, & omnis in illud vim facit. Facilius est autem &c.* quasi dicat: Ne credas quod legem non impleam, quamvis eam dicam usque ad Johannem. Propter hoc Matth. 5. v. 18. dicitur: *Nota unum &c.* dicit donec, ut ostendat quod lex prætereat postquam illa fuerit facta: unde dominus caute dixit: *non veni solvere legem, sed adimplere.* Nota ordinem verborum; non enim prius est solvenda lex; immo prius adimplenda. Postea autem dicit cessare. [*]

Præterea Lucæ 16. v. 29. dicitur: *Habent (9) Moysen & Prophetas: audiant illos.* Verba sunt Abrahamæ ad divitem, cui iterum dixit v. 31. *Si Moysen & Prophetas non audiunt; neque si quis ex mortuis resurrexerit, credent.* Ex quibus patet, quod lex bona est & prophetia, cum docet evitare tormenta infernalicia. Non ergo est a diabolo data, quia ipse nunquam doceret illa vitare.

Præterea Jo: 7. v. 19. dixit Christus Judæis: *Nonne Moyses dedit vobis legem: & nemo ex vobis facit legem?* Ecce quod arguit eos de transgressione legis Moyſis. Sic etiam Rom. 2. v. 23. *qui in lege gloriaris, per prævaricationem legis Deum inhonoras.*

Si ad hoc dicat Hæreticus, quod loquitur de prophetiis legis, ubi de Christo loquebatur: dicas: immo de præceptis moralibus &c. unde ibi dicitur eis v. 21.: *qui prædicas non furandum, furaris &c.* Propterea dicit ibi, quasi ex illo inferens, quod per prævaricationem legis Dominum inhonorabat.

Dixit alius Hæreticus: quod de diversis legibus loquitur, idest de Mosaica: *qui in lege gloriaris, & de lege Christi: per prævaricationem legis Deum inhonoras.*

Sed contra Act. 7. v. 38. *qui*, scilicet Moyses, accepit verba vitæ dare vobis. Ibidem v. 53. *qui accepistis legem in dispositione Angelorum, & non custodistis.* Et cap. 24. v. 14. *Confiteor autem hoc tibi, quod secundum sectam, quam dicunt hæresim, sic deservio Patri & Deo meo, credens omnibus, quæ in lege & Prophetis scripta sunt.* Et cap. 26. v. 22.:

Auxilio autem adjutus Dei, usque in hodiernum diem sto, testificans minori, atque majori, nihil extra dicens quam ea, quæ Prophetæ locuti sunt futura esse, & Moyses. Si ipse non dicebat aliud, nisi dictum a Moysæ, & Prophetis, patet, eos per Spiritum Sanctum fuisse locutos. Non ergo per spiritum malignum.

Præterea testimonio Prophetarum potest ostendi, quod lex Moyſis bona fuit, & a bono Deo. Legitur enim Jer. 32. v. 23. *Ingressi sunt & possederunt eam: & non obedierunt voci tuæ, & in lege tua non ambulaverunt: omnia, quæ mandasti eis ut facerent, non fecerunt.* Ne autem dicas, quod non loquitur de Deo Veteris Testamenti, & de Veteri Testamento, audi quid dicatur Jer. 34. v. 13. *Hæc, dicit Dominus Deus Israel: ego percussi fœdus cum Patribus vestris, in die qua eduxi eos de terra Egypti, de domo servitutis, dicens: 14. cum completi fuerint septem anni, dimittat unusquisque fratrem suum Hebræum, qui venditus est ei, & serviet tibi sex annis: & dimittes eum a te liberum: & non audierunt Patres vestri me.* Istud fœdus nunquam invenietur factum, nisi cum filiis Israel, nisi Exodi 24. in principio: quod tu possis ostendere. Obmutesce ergo; vel dicas mecum, Vetus Testamentum a Deo Sancto datum, Deo scilicet Prophetarum, & ipsum esse Deum Novi Testamenti. Valet autem hoc argumentum contra illos, qui ponunt duo principia, & Prophetas sustinent.

Præterea Malach. 2. v. 8. *Irritum fecistis pactum Levi, dicit Dominus exercituum &c.* usque *faciem in lege.* Et cap. 4. v. 4. *Mementote legis Moyſi servi mei &c.* Et Daniel. 9. v. 7. *Nobis autem confusio faciei &c.*

Hæretici objiciunt adhuc, & instant ad simplicium subversionem, & dicunt: Si lex Moyſis bona fuit, quare non servatis eam vos, qui ita eam approbatis?

Et tu dicas mihi: quare istud mandatum Matthæi 10. v. 5. *In viam gentium ne abieritis*, non servaverunt discipuli post resurrectionem Domini, sed iverunt ad prædicandum gentibus? Si dicas, quod Dominus mutavit mandatum post resurrectionem; ego similiter dico, quod mandatum Vetus mutatum est in Novum post adventum Domini in Mundum. Si dicas, quod istud mandatum: *In viam gentium &c.* tantum ad tempus datum est; similiter dico, quod etiam Vetus Testamentum datum fuit ad tempus: unde Rom. 10. v. 4. *Finis legis Christus.* Et cap. 7. v. 4. dixerat Apostolus: *Et vos mortificati estis legi per Corpus Christi &c.* usque *resurrexit.* Atque Heb. 9. v. 1. *Habuit quidem prius justificationes &c.* usque ad *justitiis carnis usque ad tempus correctionis impositis*; de qua auctoritate tantum sumimus ad tui confusionem hæretice, scilicet quod lex ad tempus data est.

Præ-

(8) Duobus perinde asteriscis comprehendimus, quæ desunt e Cod. Bononiensi, extantque in Neapolitano, & Vaticano. Consonat porro his Tertullianus lib. iv. *Contra Marcionem* cap. xxxiii. pag. 449. *Lex & Prophetæ*, inquit, *usque ad Johannem ex quo Regnum Dei annuntiatur. Quasi non & nos limitem quemdam agnoscamus Johannem constitutum inter vetera & nova, ad quem desineret judaismus, & a quo inciperet Christianismus: non tamen ut ab alia virtute facta sit sedatio legis, & Prophetarum in Johannem occasu, & exinde ortu, regnum Dei. Transeat igitur*

cælum & terra citius & lex, & Prophetæ, quam unus apex verborum Domini; Verbum, enim inquit Isaia Dei nostri manet in ævum. Nam quoniam in Isaia jam tunc Christus . . . Johannem prædicaret, vocem clamantis in deserto parare viam Domini, in hoc venturum, ut legis & Prophetarum ordo exinde cessaret, per adimplerionem, non per destructionem.

(9) Affert hoc etiam Titus Bostrensis lib. iiii. *Contra Manichæos* pag. 140.

Præterea lex illa erat lex promissionis ; lex nova lex est solutionis . Solutio autem promissio dicitur cessare promissio ; & adveniente re , debuit umbra cessare , de qua Hebr. 10. v. 1. dicitur : *Umbra enim habens lex futurorum bonorum &c.* [*] & Heb. 9. v. 8. *Hoc significante Spiritu Sancto , nondum propalata esse sanctorum viam , adhuc priore tabernaculo habente statum .* Status ejus erat , quod in priorem ejus partem semper introibant Sacerdotes quotidie sacrificiorum officia consummantes ; in secundam autem partem semel in anno solus Pontifex non sine sanguine quem offerret pro sua & populi ignorantia . Per hoc quod introibant quotidie Sacerdotes officia consummantes , significabat Spiritus Sanctus , quod in Ecclesia Dei debemus nos Deo sacrificare cum sanguine ; prima enim pars Ecclesiam significabat , secunda autem pars cælum ; unde & velum erat inter primam partem , & secundam , in signum , quod adhuc est velum inter Ecclesiam , quæ hic est , & ipsum Deum , quia non videt eum facie ad faciem , sed , ut dicit Apostolus Heb. 6. v. 19. , spe tendit ad interiora velaminis , idest ad beatitudinem modo velatam , quæ intra cælum est , & quod istud velum amotum est per Christi sanguinem , idest , per mortem ejus significatum est , quia in morte Christi velum templi scissum est a summo usque deorsum . Pontifex , qui semel introibat quolibet anno cum sanguine , significabat Christum , qui semel in anno , idest , in tempore gratiæ intravit in cælum per proprium sanguinem , ut pararet Fidelibus locum . Per hoc autem , quod ille quolibet anno introibat , ut dicit Apostolus , significabat Spiritus Sanctus nondum esse propalata , idest apertam viam sanctorum , idest , ad sancta , ad cælestes scilicet mansiones , de quibus dicit Apostolus , quod Christus introivit in sancta . Propterea autem dicit , quod non in manu facta sancta introivit Jesus , sed in ipsum cælum , ut appareat nunc vultui Dei pro nobis . Propter hoc dicit Apostolus : *significante Spiritu Sancto hoc , quod quolibet anno istud fiebat , nondum propalata &c.* quæ parabola est temporis instantis , idest , quod omnia parabolica signa sunt , idest , similitudinaria

eorum , quæ facta sunt , & fiunt in hoc tempore , juxta quam parabolam munera scilicet de aliis , & hostia scilicet de animalibus offeruntur a Sacerdote Levitici generis , *quæ non possunt juxta conscientiam perfectum facere &c.* usque impositis : dixerat autem prius : *hoc significante Spiritu Sancto .* Illa ergo fuerunt signa Spiritus Sancti . Non ergo spiritus maligni . Ergo oblatio sacrificiorum , & usus tabernaculi a Deo Sancto fuit . [*]

[*] Adhuc instant , & objiciunt illud Jo. 19. v. 7. *Nos legem habemus , & secundum legem debet mori , quia filium Dei se fecit .* Si secundum illam legem debebat mori : ergo mala erat .

Solutio . Ipsi falsum dixerunt ; nusquam enim in tota lege est istud , quod Christus occideretur , si filium Dei se faceret . Et hæc responsio sufficit ad Hæreticum . Propter fideles autem dicamus , quod Lex præcipiebat blasphemum occidi Lev. 24. v. 16. Ipsi autem Jesum blasphemum credebant , & propter hoc judicabant eum reum mortis , ut habetur Matth. 26. v. 63. In hoc autem putabant eum blasphemum esse , quia Dei filium se dicebat . Si enim Dei filius esset naturaliter : ergo & Deus esset : ergo cum unicus Deus sit , ipse esset unicus Deus cum Deo Patre : quod verum est , & non est blasphemia . Si autem purus homo hoc diceret , blasphemaret , & de tali loquitur lex , quæ judicabat blasphemum reum mortis . [*] (10)

C. A. P. IX.

An in Veteri Testamento , & ante adventum Christi fuerint aliqui boni viri .

Nunc ad nonum Capitulum hujus secundæ partis accedamus & inquiramus : an in Veteri Testamento fuerint aliqui boni viri. (1) Istud autem caput tripartitum est . In prima parte ponuntur falsæ Hæreticorum persuasiones ad probandum quod ante Christum in hoc mundo nulli fuerint boni ; & dissol-

[*] Quæ duobus primis asteriscis comprehensa vides desunt e Codice Bononiensi , quæ autem posterius duobus aliis , ex Neapolit. & Vaticano .

(10) De bonitate veteris legis disserunt fusissime Irenæus locis supra indicatis , Tertullianus quoque l. c. Auctor Dialogi contra Marcionem l. c. Clemens Alexandrinus l. c. Titus Bostrensis toto fere libro 111. contra Manichæos , S. Epiphanius Hæres. lxxvi. quæ est contra Manichæos , aliisque pluribus in locis ubi contra Simonianos , Marcionitas , & Encratitas disputat ; S. Augustinus in lib. contra Adversar. leg. & Prophetar. & lib. iv. contra Faustum : per tot. & seqq. Euthymius Panopl. part. 11. Tit. aliique innumeri , quos recensere non vacat . Sed lubet hoc caput hinc Incerti Auctoris carminibus contra Marcionem inter Opp. Tertull. pag. 636. concludere .

*Sic igitur lex , & miri cecinere Prophetæ ,
Omnia sic conjuncta vigent , veterisque novique
Fœderis , illa sacra , & verborum immania dicta .
Sic & Apostolica voces testantur ubique*

Nec quidquam veteris non est novo denique junctum .

(1) Negabant enim Cathari Albanenses , qui a Balasinasia steterunt . Nam Reinerus Sachonus pag. 1769. Item , (dicunt) inquit , *quod Abraham , Isaac & Jacob , & Moyses , & omnes antiqui Patres , atque Johannes Baptista , fuerunt inimici Dei , & Ministri diaboli .* Sed Cathari qui Concorrenses appellabantur , omnes quidem Moysen damnabant : quamvis , ubi de cæteris Patriarchis sermo erat , in partes essent distracti , & pars quidem de

Abrahæ , Isaac , & Jacobi , ceterorumque Patriarcharum & Prophetarum salute dubitaret , pars vero contra opinaretur ; pars item ætate Reinerii , nempe circa an. 1250. recte de Johanne Baptista sentiret , quem olim omnes damnabant . Adeundus Reinerius Sachonus : pag. 1773. Hoc genus Catharorum infestatur etiam Auctor Bonacursus de Vita Hæreticorum apud Acherium Spicil. Tom. xlii. pag. 64. 69. Disputationis inter Catholicum , & Paterinum apud Martenium Tom. v. Thesauri Anecd. col. 1715. Nam etsi Paterinorum appellatio longe aliam originem habuerit , ut in Prolegomenis ostensum est ; tamen usu obtinuit lapsu , fluxuque temporum , ut in Catharos etiam caderet . Cujus quidem rei clarissima suppetunt documenta : Vide Sachonum l. c. col. 1761. nam ceteros Scriptores lubens prætereo . Præti vere Catharis Gnostici , præsertimque ii , qui erant a Marcione ; ut Auctor est Irenæus lib. 1. cap. xxvii. al. xxix. Vide etiam Theodorum lib. 1. Hæres. Fabul. cap. xxiv. Tom. iv. Opp. Neque vero ab hac hæresi discreparunt , qui Vetus Testamentum a mala quapiam potestate datum fuisse jactabant , ut Cerdon , Tatianus , aliique quos supra priore libro numeravi . His accessere Manichæi , ut colligo ex Tito Bostrensi lib. 111. pag. 142. Et Aug. Lib. xxii. contra Faustum cap. 111. & iv. A Manichæis tamen , qui seculo ix. Pauliciani appellati sunt , hunc errorem accepere Bogonilii : ut de Paulicianis quidem refert Photius Lib. 1. contra Manichæos , & de Bogoniliis Euthymius in Panoplia Parte 11. tit. xxiii. n. 1. pag. 220. col. 2. Tom. xix. Bibl. PP. Edit. Lugd. Pauliciani tamen Petro quoque Apostolo intensi erant .

solventur rationes eorum : in secunda declarabitur evidentibus testimoniis, quod aliqui boni fuerint ante Christum : in tertia parte agemus specialiter de Prophetis .

P A R S I.

§. I.

Probatio Hæretici, quod ante adventum Christi nullus bonus fuerit.

AD hoc inducunt illud, quod habetur Jo: 10. (2) v. 8. *Omnes quotquot venerunt, fures sunt & latrones.*

Solutio. Quotquot venerunt non missi ; unde Dominus per Jer. 23. v. 21. ait : *Non mittebam Prophetas, & ipsi currebant : non loquebar ad eos, & ipsi prophetabant.* Rom. 10. v. 15. *quomodo vero prædicabunt nisi mittantur ?* de quibus habetur 2. Pet. 2. v. 1. : *fuerunt vero & pseudo-prophetae in populo, sicut &c.*

[*] Hæc etiam solutio potest haberi ex Jo: cap. 5. v. 43., ubi Christus dicit : *Ego veni in nomine patris mei, idest, missus ab eo, ad ejus nomen & famam, & laudem ; & non accipitis me : si alius venerit in nomine suo, illum accipietis.* [*]

Ad idem inducunt illud, quod habetur Rom. 3. v. 12. *Omnes declinaverunt, simul inutiles facti sunt, non est qui faciat bonum, non est usque ad unum, idest, nec etiam unus.*

Solutio. Non loquitur universaliter, licet ita videatur, ut probabitur in secunda parte; sed loquitur de illis, qui in lege sunt, vel fuerunt sine fide Christi, de quibus in eadem Epistola dicit Apostolus Roman. 9. v. 31. : *Israel sectando legem justitiæ, in legem justitiæ non pervenit.* 32. *Quare ? quia non ex fide.*

[*] Et quod ita sit, patet per literam proximam ante illud verbum : *Omnes declinaverunt &c.* ubi dicitur v. 11. *Non est intelligens, non est requirens Deum, idest, non est justus, quia sine fide : unde Rom. 1. v. 17. : Justus autem ex fide vivit.* Et Rom. 1. v. 1. *Justificati ergo ex fide &c.* unde Apostolus subdit : *non est intelligens fide mediante, de qua Hebræi 11. v. 3. fide intelligimus &c.* [*]

Ad istud etiam inducunt quædam (3) acta Patrum Veteris Testamenti, scilicet de Loth, Abraham, Isaac, & Jacob, & de mulieribus etiam Veteris Testamenti, quæ acta mala fuere ; ut de Loth, qui concubuit cum

filiabus suis, ebrius prius factus ex potu nimio. De Noe inducitur quod inebriavit se vino ; de Abraham dicunt quod mendax fuit, cum Saram sororem suam dixerit ; licet si fuit soror, peccavit, quia propriam sororem accepit in uxorem, & mœchatus est cum ancilla sua consilio Saræ. Ecce qualis erat Sara. Similiter de Isaac & Jacob mala dicunt. Similiter introducunt quod David adulter fuit & homicida. De Elia etiam multa mala dicunt, & de pluribus aliis.

Solutio ad ista. Si aliqui eorum peccaverunt uno tempore, numquid non potuerunt esse boni alio tempore ?

Præterea. Si reprehendis Loth de incestu, & Abraham de mendacio : ego etiam Petrum de trina negatione Domini, & de mendacio, & quod non recte ambulabat ad veritatem Evangelii, ut habetur ad Galat. 2. v. 14.

Quod autem dicitur Abraham (4) fuisse mentitum, hoc non potest ostendi. Licet enim dixerit Gen. 20. v. 12. eam sororem suam, non tamen mentitus est, nec per hoc quod dixerit Loth esse fratrem suum Gen. 13. v. 8. Sic etiam in Evangelio invenimus consanguineos dici fratres secundum carnem. Et Apost. 1. Cor. 9. v. 3. & 5. dicit eos fratres Dei. Item Rom. 9. v. 3. Judæos appellat fratres suos, quia cognati erant ejus secundum carnem. Nec mentitus est Abraham, quia eam dixit filiam Patris sui, quia hoc verum erat. Thare enim Pater Abraham genuit Aram fratrem Abrahæ. Aram autem genuit Loth & Melcha, & Sarai, quæ alio nomine dicta est Jetcha. Erat neptis Patris Abrahæ ; sed filia dicitur ejus, quia ab eo genita, licet non immediate, sed mediate. Sicut & Christus dicitur filius David secundum carnem. Quod autem dicunt eum peccasse, quia accepit eam uxorem, falsum est, quia tunc non erat prohibitum neptem accipere. Quod vero dicunt eum peccasse, & Sarai similiter, quia accessit ad ancillam suam de voluntate Saræ, dico, quod non peccavit, quia etiam illa erat uxor ejus, licet Sara principalis uxor esset ; & tunc non fuit peccatum habere plures uxores. Si autem Hæreticus dicat, quod peccatum fuerit, dic ei, quod probet hoc.

PARS

(2) Hoc idem a Catharis objectum fuisse Catholicis colligo ex *Auctore disp. inter Cathol. Et Paterinum apud Marten. tom. v. Thesaur. Anecdotor. col. 1718.*

[*] Desunt hæc e Codice Bononiensi, quæ sunt duobus asteriscis comprehensa, ut & illa, quæ aliquanto inferius duobus perinde asteriscis complexi sumus.

(3) Simile quidpiam objectum a Marcionitis fuisse arbitror ; etenim Irenæus, postquam refellit quædam illorum argumenta, ad Lothum excusandum appellat animum. *lib. iv. cap. xxxi. pag. 268.* Nec Manichæi Veteres ab hoc genere argumentorum abstinere. Sic enim habet Faustus apud Augustinum *lib. xxi. contra Faustum cap. 111. col. 363. seqq.* *Ad hæc & Prophetas & Patriarchas vestros cur nos blasphemare existimetis, ego non video. Nam si a nobis scripta hæc dictatave fuissent, quæ iidem commisisse leguntur, esset vestra hæc in nos, non irrationabilis*

accusatio... cap. v. Alioquin neque illa nos de Abraham scripsimus, quod habenda prolis insana flagrans cupidine cum pellice volutatus sit sub conscientia, quod sit inhonestius uxoris. Nec quod matrimonii sui infamissimus nundinator duobus Regibus, Abimelech & Pharaoni diversis temporibus, memoratam Saram Conjugem suam sororem mentitus, quia erat pulcherrima, in concubitu vendidit. Subjungit deinde Faustus, quæ de Loth, Isaac & Jacob, apud Monetam objiciunt Cathari.

(4) Confer Augustinum *lib. mox indicato cap. xxxi. seqq. col. 381. seqq.* ubi hæc argumenta refellit, iisdem fere adhibitis rationibus. Ceterum quod Moneta adjungit de Sara, quæ Jetcha alio nomine diceretur ; ex scriptura non constat. Probatur tamen Josepho *lib. 1. Antiq. Judaicar. cap. vi. pag. 27. Tom. 1. Opp. Edit. Havercampi, Hieronymo in Quæst. Hebraicis, & Augustino lib. xvi. de Civit. Dei cap. x. aliisque multis, quos prætermitto.*

P A R S II.

§. II.

Probatio Ecclesiæ, quod aliqui boni fuerunt ante adventum Christi.

Nunc accedamus ad secundam partem hujus capituli, ostendentes aliquos fuisse justos & salvos in Veteri Testamento, & ante adventum Christi. Apostolus Hebr. 11. v. 4. tractans de fide, sine qua impossibile est placere Deo, dicit: *Fide plurimam hostiam, idest magis Deo acceptam, Abel, quam Cain, obtulit Deo, per quam testimonium consecutus est esse justum, testimonium perhibente muneribus ejus Deo; & per illam defunctus adhuc loquitur, non locutione verbi vocalis, sed exempli. Loquitur enim nobis exemplum dando, ut eum imitemur. Et Matth. 23. v. 35. A sanguine Abel justus &c. Et 1. Jo: 3. v. 11. Hæc est annuntiatio, quam audistis ab initio, ut diligatis alterutrum. 12. Non sicut Cain, qui ex maligno erat, scilicet per imitationem, non per generationem carnalem, ut dicit Hæreticus. Sequitur: & occidit fratrem suum. Et propter quid occidit eum? Quoniam opera ejus maligna erant, fratris autem ejus justa. Ecce quod Dominus appellat eum justum, & Paulus dicit: qua justitia? Justitia fidei, cum ait: per quam &c. Hæc autem justitia fidei est illa, per quam salvantur electi Dei, per quam fit peccatorum remissio, purificatis cordibus per eam Apostolus autem Rom. 10. duplicem justitiam distinguit, scilicet legis & fidei, & huic dat salvare. Similiter Deus Veteris Testamenti perhibet ei testimonium justitiæ, perhibendo testimonium muneribus ejus.*

[*] Vides etiam bonum credulitatis non novellum esse, sed vetustum, & ut patet ex textu Apostoli Hebr. 11. usque ad Christi tempora continuatum. Deus enim inter prima coalescentis exordia hominis, sicut eum intellectu & ratione, ita fide dotavit; & jam tunc dedit animæ notitiam suam, quando ei committere dignatus est imaginem suam. [*]

Præterea. Numquid est conventio Christi ad Belial? non: ut habetur 2. Cor. 6. v. 15. ergo non fuit Belial Deus ille, cui obtulit munera. Similiter nonne vides, quod Beatus Johannes distinguit inter opera illorum, dicens, opera eorum contraria, quia unius, scilicet Cain maligna sunt, Abel autem justa? Sed quomodo justa, si diabolo oblata, ut dicis? Quomodo etiam contraria erant malignis operibus Cain? Si enim oblata erant diabolo, maligna erant, ut opera Cain. Similia ergo erant amborum opera.

Nunc videamus de Henoch, de quo dicit Paulus Hebr. 11. v. 5. *Fide Henoch translatus est, ne videret mortem, & non inveniebatur, quia transtulit illum Deus. Ante translationem autem testimonium habuit placuisse Deo. Quasi dicat: causa translationis ejus fuit, quia Domino placuit. Eccles. 44. v. 16.: Henoch placuit Deo, & translatus est. Causa autem quare Deo placuit, fides fuit, sine qua impossibile est*

placere Deo, ut dicit Apostolus Hebr. 11. v. 6. Et bene dicit, quia sine fide non potest quis Deo placere, immo nec ad ipsum accedere: unde dicit Apostolus ibidem: *Credere enim oportet accedentem ad Deum quia est, & inquirentibus se remunerator sit.* Sic Apostolus dicit Henoch placuisse Deo per fidem, sine qua impossibile est placere Deo. Per illam fidem non placuisset maligno. Placuit ergo Deo Sancto, & vero; & ita fuit bonus. Judas etiam in fine epistolæ suæ dicit v. 14. *Prophetavit autem & de his, scilicet impiis, septimus ab Adam Henoch, dicens: Ecce venit Dominus in sanctis millibus suis. 15. Facere judicium contra omnes & arguere omnes impios.* Vides ergo quod Propheta Dei Sancti fuit, qui reddit unicuique secundum opera sua. Illius ergo fidem habuit; dicit enim Apostolus Rom. 12. v. 6. quod prophetia datur secundum rationem fidei. Translatus ergo est in paradiso non a diabolo, sed a Deo Sancto.

Nunc videndum esset de Noe; nisi quia de ipso egimus in capite de Deo Veteris Testamenti. Istud tamen sufficit ad probandum eum bonum, quia dicit Apostolus Hebr. 11. v. 7. quod *justitiæ, quæ per fidem est, hæres est institutus.* Hæc enim justitia, quæ per fidem est, non invenitur nisi pro justitia Christianorum Sanctorum. Quod autem inebriatus est, licet peccaverit aliquando, ut prius habitum est, & Petrus peccavit aliquando, & tamen postea bonus fuit.

De diluvio omnes dicunt, quod a Deo malo fuit. Causam hujus sui erroris dicunt esse istam, quia scilicet crudelitas fuit tot homines occidere.

Sed ad hoc responsum est in prima parte capituli de Deo Veteris Testamenti.

Causam autem hujus ponunt istud verbum Gen. 6. v. 7. *Pœnitet enim me &c.* Ad quod responsum est etiam in dicta prima parte.

Dicunt alii ex eis, scilicet qui unum ponunt principium, quod diabolus noluit Noe cum suis periclitari in diluvio, ut totum genus humanum dele-ret, ne spiritus humani possent incorporari ad pœnitentiam faciendam, & locum, quem ipse cum suis in cælo amiserat, amplius non obtinerent. Sed Deus Omnipotens seminarium generis humani octo corporibus in arca liberatis voluit reservari, ut spiritus præordinati ad vitam ibi pœnitentiam agerent.

Ex 2. Petr. 2. constat, quod diluvium a Deo bono, & quod Noe justus & bonus fuit. Et ex cap. 3. v. 7. ejusdem epistolæ patet quod ille, qui diluvium fecit, totum mundum ipse purgabit: dicitur enim: *cali autem, qui nunc sunt & terra, eodem verbo repositi sunt &c.* Sed ille, qui purgabit mundum igne, ipse est Christus. Ergo ille idem induxit diluvium. Similiter 1. Pet. 3. v. 18. *Christus semel pro peccatis nostris mortuus est &c.* 19. *In quo, idest, pro quo scilicet offerret eos Deo his, qui in carcere erant, supple peccatorum, spiritibus veniens predicavit.* Quasi diceret: qui carne venit ad nos, spiritu venit ad eos.

Sequitur de Loth, & de subversione Sodomæ & Gomorrhæ, cujus Loth peccatum subijciunt. Responde-

ut

[*] Quæ duobus asteriscis conclusa sunt, desunt e Codd. Vat. & Bon.

ut prius. Alia requiras in capite de Deo Veteris Testamenti in secunda parte ejus.

Quod autem Abraham bonus fuerit, ostensum est in capite de Deo Veteris Testamenti in secunda parte. Istud sufficiat quod dicit Apostolus Rom. 4. v. 13. *Non enim per legem promissio Abraham, aut semini ejus, ut hæres esset mundi; sed per justitiam fidei.* Hæc est illa justitia, per quam speramus venire ad cælos, quæ nusquam nisi in bona parte intelligitur. A quo autem esset ei ista promissio, patet Hebr. 6. v. 13. *Abraham namque promittens Deus &c.* Ad Galat. 3. v. 9. *Igitur qui ex fide sunt, benedicentur cum fidei Abraham.*

De Sara autem uxore ejus, licet aliquando peccaverit, vide quid dicitur 1. Pet. 3. v. 5. *Sic enim aliquando & Sanctæ mulieres, sperantes in Deo ornabant se, subiectæ propriis viris.* 6. *Sicut Sara obediebat Abraham, Dominum eum vocans: cujus estis filia beneficientes &c.* Et Hebr. 11. v. 11. Apostolus de fide loquens, sine qua &c. dicit: *Fide & ipsa Sara sterilis virtutem in conceptionem seminis accepit.* Per fidem ergo placuit Deo Sancto, & vero.

De Abraham, Isaac, & Jacob laudibus habemus Hebr. 11. v. 9. : *Fide demoratus est Abraham in Terra promissionis, tamquam in aliena, in casulis habitando, cum Isaac & Jacob &c. usque paravit enim illis Civitatem.* Matth. autem 8. v. 11. *Multi ab Oriente & Occidente venient, & recumbent cum Abraham & Isaac, & Jacob in regno calorum.* Et Lucæ 13. v. 28. *Cum videritis Abraham & Isaac, & Jacob, & omnes Prophetas in regno Dei, vos autem expelli foras.* (5)

§. III.

DE CIRCUMCISIONE.

Utrum a Deo Sancto fuerit.

ANtequam ad alia procedamus, de circumcissione data Abraham videamus, ostendentes quod a Deo Sancto fuit. (6) Licet enim hoc sufficienter ostensum sit in capite de Deo Veteris Testamenti in secunda parte capitis; tamen hoc addere volumus, quod dicit Apostolus Rom. 2. v. 25. ubi Judæo loquens dicit: *Circumcisio quidem prodest, si legem observes: si autem prævaricator legis sis, circumcisio tua præputium facta est.* Dico ergo, quod de materiali circumcissione loquitur, & dicit: *prodest*, idest, profuit ante adventum Christi. Unde quod dicit Apostolus ad Gal. 5. v. 2. *Si circumcidamini, Christus vobis nihil proderit*, pro tempore isto intelligendum est, idest, post Christi adventum; unde Philipp. 3. v. 7. : *Quæ mihi fuerunt lucra, hæc arbitratum sum propter Christum detrimenta.* Dixi quod intelligo. Tu Hæretice quid dicis? Numquid pro materiali circumcissione venit circumcisio in prædi-

cto testimonio Apostoli, an pro spiritali? Si dicas, quod pro materiali circumcissione venit: atque illa profuit: Bona ergo fuit, & a bono Deo data Abraham. Si dicas, quod venit pro spiritali circumcissione a vitiis.

Contra. Ista enim circumcisio, de qua loquitur Apostolus, potest esse cum observantia legis Dei, & sine ea, ut patet ex verbis Apostoli. Sed circumcisio spiritalis non potest esse sine observantia legis Dei. Ergo circumcisio, de qua ibi loquitur Apostolus, non est spiritalis, sed carnalis: quod verum est, & illa profuit, quia fuit signaculum justitiæ fidei, idest, justificationis, sive purificationis cordis humani per fidem. Act. 15. v. 9. *Fide purificans corda eorum.* Modo autem non prodest, sed obest, quia ad tempus data est, & propter hunc, & quoad hunc statum dicit Apostolus post illa verba Rom. 2. v. 28. : *Non enim qui in manifesto, Judæus est: neque quæ in manifesto, in carne, est circumcisio: 29. Sed qui in abscondito, Judæus est, & circumcisio cordis in spiritu, non litera: cujus laus non ex hominibus, sed ex Deo est.*

Nunc videndum esset de Moyse, nisi quod de ipso habitum est supra in capitulo de Deo Veteris Testamenti. Ibi enim apparet evidenter quod bonus fuit. Similiter & de Elia habetur in eadem parte capitis, & quod aliqui boni fuerunt in Veteri Testamento, patet in Zacharia Patre Joannis Baptistæ, & Matre ejus Elisabeth, de quibus dicit Lucas c. 1. v. 6. *Quod erant justi ambo ante Deum, incedentes in omnibus mandatis, & justificationibus Domini sine querela,* Ante Deum dicit, non ante mundum; multi enim justi sunt mundi judicio, qui injusti sunt ante Deum.

[*] Ad hoc responsum fuit quod velate locutus est Lucas. Sed contra stat, quod Ecclesiæ Dei scribebat, cui datum est nosse mysterium regni Dei Lucæ 8. v. 10. Ergo non loquebatur velate.

Præterea Zacharias erat Sacerdos Dei Veteris Testamenti serviens Deo Abraham, ut patet ex Cantico suo Lucæ 1. v. 68. : *Benedictus Dominus Deus Israel.* Apostolus autem loquens de Abraham dicit Rom. 4. v. 17. : *Ante Deum, cui credidit, qui vivificat mortuos.* Iste non potest esse nisi Deus bonus; unde Jo. 5. v. 21. *Sicut Pater suscitavit mortuos &c.* Hujusmodi Sacerdos erat Zacharias. Ergo erat boni Dei, & dicitur justus ante illum. Ergo ita fuit, cum Lucas Spiritu Sancto locutus sit. [*]

Præterea Rom. 3. v. 3. Loquens Paulus de Judæis dicit: *Quid enim si quidam illorum non crediderunt? Numquid incredulitas illorum fidem Dei evacuabit?* Nota quod dicitur quosdam non credidisse, non dicit nullum credidisse. Aliqui ergo crediderunt, & aliqui non. Aliqui ergo boni, & aliqui non. Et Hebræ. 3. v. 16. : *Quidam audientes exacerbaverunt, sed non universi qui profecti sunt ex Ægypto per Moysen &c.* usque propter incredulitatem. Nota quod dicitur: exacerbaverant, supple, Spiritum Sanctum

E e

ctum

(5) Consulendi Augustinus, Irenæus, Euthymius, Bonacursus, & Auctor Disputationis inter Catholicum & Patarenum locis indicatis in Notis ad hoc cap. qui perinde Sanctorum Patriarcharum & Prophetarum sanctitatem multis ostendunt.

(6) Circumcisionem a Creatore, quem esse alium putabant, Marcionitæ ceterique Gnostici, præscriptam fuisse dixe-

runt apud Tertullianum lib. v. cap. 14. pag. 465. Irridebant quoque Manichæi Veteres circumcissionem, ut patet ex Fausto apud Aug. lib. xxv. cap. 1. seqq. Verum ab universis Patribus rejecti sunt Confule Augustinum l. c. & Tertullianum l. c.

(*) Quæ duobus asteriscis conclusa sunt, desunt e Codd. Vat. & Bonon.

etum, ut patet ex illo verbo Apostoli: ibidem v. 7.: *Quapropter sicut dicit Spiritus Sanctus: hodie &c.* Et dicit, *quod non universi*; & dicit quod offensus fuit, idest, iratus; sed tantum incredulis, & quod tantum illos juravit non introire in requiem suam. Ergo aliqui boni, & aliqui non. Istud etiam patet 1. Cor. 10. v. 5.: *Sed non in pluribus eorum beneplacitum est Deo: nam prostrati sunt in deserto.* In aliquibus ergo eorum fuit beneplacitum ei, sed sine fide impossibile est placere Deo Sancto. Ergo aliqui eorum habuerunt ejus fidem; & ita iusti fuerunt, quia *iustus ex fide vivit.*

§. IV.

De Prophetis, qui boni fuerunt.

Sequitur tertia pars hujus noni capituli de prophetis. Differunt autem Cathari circa Prophetas, ut dictum est in principio hujus operis. Qui enim duo ponunt principia, eos asserunt bonos fuisse: qui autem unum ponunt principium, malos eos judicant. Et sicut dicunt diabolus dedisse Vetus Testamentum; ita etiam dicunt ipsum misisse Prophetas. Asserunt etiam eos quandoque coactos per Spiritum Sanctum prophetasse de Christo, sicut & Moysen fecisse credunt; nec credunt eos tunc intellexisse quid dicerent. Quando autem de bellis, pestilentis, & captivitatibus populi loquebantur, dicunt eos maligno spiritu tunc locutos. Quidam autem eorum credunt eos esse, de quibus dicitur Matthæi 27. v. 52. *Multa corpora Sanctorum, qui dormierant, surrexerunt:* Arbitrantes eos propter aliqua bona, quæ dixerunt de Christo, surrexisse cum Christo, & denuo homines esse factos, & recepisse manuum impositionem ab Apostolis, cum quibus postea conversabantur, ut dicunt, & sic salvi facti sunt. Idem intelligunt de Abel, Abraham, Isaac, & Jacob, & de quibusdam aliis, de quibus credunt Apostolum loqui 1. Cor. 15. v. 6.: *Deinde visus est plusquam quingentis fratribus simul &c.* Ista autem fides ipsorum convincitur esse falsa, quia non est testificata a lege, & Prophetis, sicut prius dictum est. Qui duo ponunt principia, dicunt Prophetas bonos fuisse; aliquando autem omnes damnabant præter Isaiam, cujus dicunt esse quemdam libellum, in quo habetur, quod spiritus Isaïæ raptus a corpore usque ad septimum cælum ductus est, in quo vidit, & audivit quædam arcana, quibus vehementissime innituntur. Absit autem, quod ille liber unquam fuerit Isaïæ; sed eorum peccatis exigentibus, sicut in aliis spiritibus erroris intendunt, ita & in illo libello.

Contra Catharos, qui Prophetas dicunt a diabolo missos, & malos fuisse, & quod de Christo prophetaverunt, velut bruta animalia non intellexisse, possumus inducere illud Rom. 3. v. 21.: *Nunc autem sine lege justitia Dei manifestata est.* Et quia idem est modus argumentandi contra eos de Prophetis, qui & de lege notatus est in capitulo de lege

in secunda parte capituli; ideo, illo dimisso ad alia transeamus. Duo autem intendimus ostendere de Prophetis: unum, quod intelligebant id, quod dicebant; alterum, quod boni fuerunt.

Quod autem intelligerent, probatur primo per hoc, quod si non intelligebant, quod dicebant, testes idonei justitiæ Dei esse non possunt, sed reprobari possunt, & tamquam bruta animalia repelli a testimonio. Secundo probatur istud per fidem, quam habebant, fidem scilicet, sine qua impossibile est placere Deo. Quod autem ita sit, patet Heb. 11. v. 32., ubi Apostolus in laudem omnium Prophetarum, qui sub lege fuerunt, ponit spirituales laudes aliquorum dicens: *Et quid adhuc dicam? Deficiet enim me tempus enarrantem de Gedeon, Barach, Samson, Jephthe, David, Samuel, & Prophetis.* 33. *Qui per fidem vicerunt regna, operati sunt justitiam, adepti sunt repromissiones,* idest, quæ promittebantur ut victoria, vel aliqua hujusmodi. Infra autem ubi loquitur de gloria animæ & corporis in generali resurrectione, dicit repromissionem in numero singulari. Et inferius v. 39.: *Et hi omnes testimonio fidei probati, non acceperunt repromissionem.* 40. *Deo pro nobis melius aliquid providente, ut non sine nobis consummarentur.* Si fidem habuerunt: ergo & intellectum eorum, quæ dicebant. Nam & nos quæ de Christo intelligimus, per fidem tantum habemus. Et nota, quod laudat Apostolus eos de fide, & quia fides sine operibus mortua est, laudat eorum fidem ab operatione justitiæ; & sic ostendit eorum fidem operativam, sicut victoriam inimicorum cum dicit per fidem vicerunt regna. Et nota quod insuper dicit: *Et hi omnes testimonio fidei probati non acceperunt repromissionem,* idest, vitam æternam, & cælestem beatitudinem, quamvis tales essent; immo dilati sunt usque ad Christum: *Deo pro nobis melius aliquid providente, ut non sine nobis consummarentur;* idest, ne obtinerent consummationem sine perfectione beatitudinis æternæ, idest, duplicem gloriam corporis & animæ, de quibus Isaias ait cap. 61. v. 7.: *In terra sua duplicia possidebunt &c.* post illos qui fuerunt post Christi adventum. Non dicit: ut non consummarentur; sed ut ne sine nobis consummarentur, quia qui ex fide sunt benedicuntur cum fidei Abraham, ut dicit Apostolus. Non erat ergo fur, vel latro qui fidelis erat. Cum Sanctis ergo consummandi sunt. Ergo boni fuerunt, & habuerunt per fidem intellectum eorum, quæ prophetaverunt; data est enim prophetia secundum rationem fidei.

Præterea per Moysen potest istud ostendi, de quo dicit Apostolus Hebr. 3. v. 5. *Et Moyses quidem fidelis erat in tota domo ejus tamquam famulus, in testimonium eorum, quæ dicenda erant.* Fidelis erat in domo Dei Patris, ut probatum est in capitulo de Deo Veteris Testamenti, ad testificandum ea, quæ dicenda erant. Ergo non erat non intelligens ea, quæ dicebat. Et Hebr. 11. v. 24. *Fide Moyses grandis factus est &c.* usque aspiciebat enim in remunerationem. Et v. 27. *Invisibilem enim tamquam videns sustinuit,* idest gravia pro eo pertulit. Atque hoc idem potest ostendi per David; sed dimittamus istud usquequo de David specialiter loquamur in fine hujus cap.

Ad idem inducimus istud 1. Petr. 1. v. 9. *Reportantes finem fidei vestrae, salutem animarum* 10. *de qua salute exquisierunt, atque scrutati sunt prophetæ, qui de futura in vobis gratia prophetaverunt* : 11. *scrutantes in quod, vel quale tempus significaret in eis Spiritus Christi: prænuntians eas, quæ in Christo sunt, passiones, & posteriores glorias* : 12. *quibus revelatum est, quia non sibi met ipsis, vobis autem ministrabant ea, quæ nunc nuntiata sunt vobis, &c.* Vides quod dicit quod exquisierunt, & scrutati sunt: quod non est hominis ad modum animalis irrationalis se habentis; sed hominis ratione utentis, & laborantis pro invenienda veritate: dicit etiam Petrus quod Spiritus Christi nuntiabat eis passiones, quæ de Christo sunt, & posteriores glorias, immo & quod revelatum est eis, quod non sibi met ipsis, sed vobis, idest, tempore vestro ministrabat ea, idest, dicebat ea esse ministranda. Quomodo ergo audes dicere, quod velut non intelligentes, & velut animalia irrationabilia dicebant bona de Christo?

Præterea Johan. 4. v. 37. *In hoc est verbum verum: quia alius est qui seminat, & alius est qui metit.* Prophetæ seminauerunt, quia futura prædixerunt: Apostoli messuerunt, quia quod promissum fuerat, impletum ostenderunt; & in hoc apparet verbum, idest, doctrinam Christi esse veram. Si enim Apostoli prædicassent Incarnationem Christi, passionem ipsius, & prophetæ non prædixissent illa, non fuisset creditum doctrinæ eorum. Sed quomodo esset manifestum quod verbum Evangelii esset, si prophetæ fuissent filii Diaboli, & mendaces homines fere in omnibus?

Præterea 2. Cor. 4. v. 3. *Habentes autem eundem spiritum fidei, sicut scriptum est: credidi, propter quod locutus sum: & nos credimus, propter quod & loquimur.* Eundem spiritum dicit, quem & prophetæ habuerunt, & ponit unum ex prophetis, scilicet David, & dicit, quod sicut David propter illum spiritum credebatur, & ideo loquebatur; ita & Apostoli. Fides ergo, quæ movebat Apostolos ad credendum, movebat David, & alios prophetas. Ergo non sunt locuti velut irrationabilia animalia, & bruta non intelligendo, sed velut Fideles Christi fidem habentes.

Idem etiam potest probari per illud Act. 2. v. 30; ubi dicit Petrus de David: *Propheta igitur cum esset, & sciret quia iurejurando jurasset illi Deus de fructu lumbi ejus sedere super sedem ejus* : 31. *providens locutus est de Resurrectione Christi.* Si sciebat illud, & provide loquebatur de Christi Resurrectione: ergo non loquebatur tamquam non intelligens quid diceret. Ergo & alii prophetæ similiter. De David autem sciendum est, quod quidam ex toto eum damnant; Alii autem dicunt eum post Christi Resurrectionem justum factum per modum, quem diximus in hac parte hujus cap.; de David tamen satis habebitur in tertia parte hujus operis de humanitate Christi. Qui autem duo ponunt prin-

cipia, dicunt duos David esse: David Veteris Testamenti ex toto malum, & damnatum; alium vero bonum. De hoc autem non habent testimonium.

Similiter laudes, quas ponit Paulus de Antiquis Hebræ. 11. intelliguntur non de illis, qui in Veteri Testamento leguntur, sed de aliis. Ejus autem, quod dicunt, patet falsitas, cum testimonio non firmetur. Quod autem boni essent, & intelligentes quod dicebant, & a Deo Sancto locuti, habetur 2. Petr. 1. v. 19. *Habemus firmiorem propheticum sermonem, &c. usque sancti Dei homines.* Si prophetæ essent mali, & a diabolo missi, non esset eorum sermo firmus. Ergo nec id, quod per sermonem probaretur a Christo, vel a Petro, aut ab alio esset firmum. Item quomodo beneficerent, si attenderent sermoni prophetico, si propheta malus esset, & velut brutum animal non intelligeret quid diceret? Quomodo possunt discernere quod potius huic sermoni eorum esset attendendum, quam alii? Vide quod dicit Petrus, quod prophetia non sit propria, idest, humana ratione, aut interpretatione; unde subdit v. 21. *Non enim voluntate, &c.* Item dicit: *Sancti Dei homines.* Boni ergo fuerunt, & quod dixerunt intellexerunt, cum fuerint inspirati, atque illustrati a Spiritu Sancto.

Præterea Act. 4. v. 26. *Qui Spiritu Sancto per os patris nostri David, pueri tui, dixisti: quare fremuerunt gentes, &c.* David ergo puer Dei erat: non ergo diaboli, & Deus in eo loquebatur. Quod autem intelligeret, patet ex psalmo 50. v. 6. *Tibi soli peccavi, &c. usque manifestasti mihi.* Et Act. 3. v. 18. *Deus autem, quæ prænuntiavit per os omnium prophetarum, &c. usque dies istos.* Ecce quod sancti fuerunt, & Deus per eos locutus est. Luc. 1. v. 70. *Sicut locutus est per os Sanctorum, quia a seculo sunt, prophetarum ejus.* Sancti ergo fuerunt, & a Deo locuti. Et Apostolus Rom. 1. v. 1. dicit quod erat *segregatus in Evangelium Dei*, 2. quod *ante promiserat per prophetas suos in Scripturis sanctis.* Non essent ergo sui prophetæ, nec eorum Scripturæ sanctæ, licet aliquid boni dixissent, si a diabolo missi essent, & eorum scripturæ fere in omnibus malæ fuissent.

C A P. X.

Agitur de miraculis & primo de miraculis Christi contra ponentes unum principium. (1)

§. I.

Nunc ad decimum cap. de miraculis transeuntes, primo videamus quid inde sentiant Cathari, qui unum asserunt Creatorem, sicut & vidimus quid inde sentiant duos ponentes. Solent autem

Ee 2

(1) De Catharis unum principium ponentibus diximus Not. 8. ad cap. viii. l. 1. pag. 82. dicemusque notatione sequente; ac pluribus aliis in locis. De miraculis autem Nota. 2. ad cap. ix. lib. 1.

pag. 104. jam vero nota 1. in idem cap. ix. pag. 98. Factionem Balasinasæ exagitari diximus a Moneta. Vide notationem sequentem.

autem isti dicere quod Christus fecit (2) corporalia miracula in his, & de his rebus visibilibus, quibus sic obijciendum est. Si Deus refecit species istas visibiles, quare Tu negas eum facere eas; nobilius enim est aliquid facere de novo, quam istud reficere?

Præterea sola peccata non reficiuntur; unde 1. Johan. 3 v. 8. *In hoc apparuit filius Dei, ut dissolveret opera diaboli.* Ideo autem ea non reficit, quia ea numquam facit. Unde 1. Petr. 2. v. 22. *Qui peccatum non fecit, &c.* Signum ergo evidentissimum est quod facit harum rerum species hoc ipso quod reficit eas. Hic notandum est, quod hi Hæretici velantes suum errorem in publico, dicunt, quod Deus Sanctus, qui ista refecit per Christum, & per ejus discipulos circa principium Ecclesiæ, ille idem fecit eas. Hoc autem intelligunt, scilicet quod fecit eas materialiter, idest, earum materiam; sed non credunt quod dederit formas specificas rebus. Unde utendum est verbo præteriti temporis quærendo ab eis: quis fecit hæc visibilia? Concedunt de plano, quod Deus pater justorum. Item est utendum verbo præsentis temporis: quis facit hæc? Demonstrato aliquo, quod fit de novo, ut possimus detegere eorum malitiæ velamen. Dicamus quod facere, vel fecisse non sumitur pro creare, vel creasse: quod etiam est secundum eos de nihilo aliquid facere, vel fecisse, sed sumitur pro formare. Et tunc quæramus utrum fecerit, vel faciat ista visibilia. Ad hoc dicunt quod sic; sed intelligunt istud permissive, quia permittit Satan septem diebus ista facere. Unde inquirendum est postea, si fecit ea per se ipsum, idest, sine ministro, vel per ministrum. Quod sine ministro faciat, vel fecerit, hoc non audent dicere. Unde dicent quod per ministrum. Sed iterum quærendum an ille minister fuerit Satan, an non, & sic detegatur eorum velamen.

[*] Præterea si contingat ipsos dicere, quod per se fecit opera sex dierum, scias quod æquivoce respondent, & sumunt facere pro creare. Unde ad detectionem erroris sui dic ei: numquid solus, secundum quod est factura Dei, ut Tu dicis, an aliquis alius superaddidit aliquid? Idem quærere potes de aliis creaturis.

Præterea huic quæstioni: quis fecit ista visibilia? respondit quidam Hæreticus quod Deus Sanctus potentialiter. Cui dicendum: quis fecit ea actualiter? Aliquis potentialiter est Episcopus. Ergo si Deus tantum potentialiter ista fecit, non fecit ea. [*]

Nunc redeamus ad illud, quod proposuimus, scilicet de miraculis visibilibus, quæ Christus fe-

cit, ut Hæreticus concedit, qui unum tantum creatorem ponit. Christus sanavit aliquod corpus, immo & plura, ut probari potest per Evangelium: Suscitavit ea de morte ad vitam. Aut sanavit, & vivificavit tantum quod creaverat, aut totum, id est, illud, quod constat ex creato a Deo, & ex superaddito a Satana? Si tantum illud, quod ibi de suo est, idest, quatuor elementa, vel eorum materiam: contra. Numquid elementa sunt paralytica, vel hujusmodi? Constat quod non, quia illa non sunt susceptibilia sanitatis, aut ægritudinis. Non enim omnia corpora susceptibilia sunt istorum, sed tantum corpora vegetabilium, & animalium, ut notum est omnibus recte intelligentibus. Ergo non potes dicere, quod sanavit tantum, quod ibi erat de suo. Si autem sanavit istud totum, quod est ex creato a Deo, & ex superaddito, ipsum totum est susceptibile sanitatis, & vitæ. Sanavit ergo, & vivificavit opus Satanæ: quod minime fecisset.

Præterea dicas mihi: Istud superadditum aut bonum est, aut malum. Si bonum: ergo cum omne bonum principaliter sit factum a Deo Sancto, istud etiam factum est ab eo principaliter. Non ergo tantum materialiter, sed etiam formaliter est principaliter facta res ista visibilis, & transitoria a Deo vero. Ipsa ergo forma corporalis a Deo est principaliter, & membrorum distinctio. Ergo membra bona. Ad quid enim distinxit membra, nisi ad usum aliquem? Si autem istud superadditum malum est, Deus istud malum non reficeret aut sanando, aut vivificando illud. Ergo non est malum, sed bonum; & ita ut prius.

[*] Præterea ad quid fecit Dominus quatuor elementa, aut eorum materiam? Quæ utilitas ex eis, si inde rerum species non essent formatæ? Ergo ipsa formatio ex Dei voluntate. Omnia autem quæcumque voluit fecit principaliter.

Præterea opus Dei lux est, opus Satan tenebræ. Quæ conventio lucis ad tenebras? [*] Ex his patet quod si Deus fecit miracula materialia, quod istæ res materiales ab eo totaliter sunt factæ.

§. II.

(2) Contra nempe ac Balasinasæ sectatores dicerent. Nam Balasinasæ, qui duo ponebat principia, putative facta fuisse a Christo miracula contendebat, ut tradit Sachonus in *summa de Catharis* Col. 1796. Tom. v. *Theauri Anecd. Martenii*. Jam vero non alios arbitror Catharos hic Monetam indicare, qui unum principium ponerent, quam Concorrezenses qui Christum vere carnem de B. Virgine assumpsisse, & unum esse principium arbitrabantur, ut ait Sachonus *ibid.* Col. 1773. Verum nihil habet Sachonus de illorum circa prodigia Christi sententia. Neque vero Concorrezenses tantum; sed etiam Lugjenses, qui tamen duorum principiorum adsertores erant, quamvis diversa a Balasinasæ as-

sertis ratione, vera miracula corporalia a Christo fuisse patrata pugnabant. Videndus Sachonus *ibid.* col. 1773. Hoc ergo genus hæreticorum sapienter refellit Moneta; omnes enim aut conditum, aut formatum a diabolo Mundum fuisse existimabant: ut auctor est Sachonus locis supra indicatis: quod si refectas fuisse a Christo res aliquot corporeas arbitrabantur, quid causæ esse poterat, cur conditas formatasque omnes a bono principio fuisse negarent; quum præstantius sit facere, quam reficere quidpiam?

[*] Quæ duobus asteriscis comprehensa sunt, non exstant in Cod. Bon. & Vat.

[*] Desunt hæc etiam e Vat. & Bon. Codd.

§. I I.

Probatio, quod Ecclesia Dei fecit miracula materialia etiam ante passionem Christi.

Secundo videndum est si Ecclesia Dei hanc habuit potestatem. Quod autem habuit eam, patet Matth. 10. v. 1. Ubi dicitur: *Et convocatis duodecim discipulis suis, dedit illis potestatem spirituum immundorum, ut ejicerent eos, & curarent omnem languorem, & omnem infirmitatem.* Et paucis interpositis, dixit eis v. 8. *Infirmos curate, mortuos suscite, leprosos mundate, demones ejicite.* Hoc idem habetur ex parte Marci 6. v. 7., & Lucæ 9. v. 1. Et Lucæ 10. v. 17. dicitur, quod reversi septuaginta duo cum gaudio, dixerunt: *Domine etiam demonia subjiciuntur nobis in nomine tuo.* Ecce habemus, quod potestatem faciendi miracula dedit Ecclesiæ suæ, & illam potestatem exercuerunt ante passionem Christi, ut patet Marci 6. Lucæ 9. v. 10. Eandem etiam potestatem habuerunt post Resurrectionem suam, ut legitur Marci 16. v. 17. *Signa autem eos, qui crediderint, hæc sequentur: in nomine meo demonia ejicient: linguis loquentur novis: 18. Serpentes tollent: & si mortiferum quid biberint, non eis nocebit: super ægros manus imponent, & bene habebunt.* Et post pauca dicitur ibi v. 20. *Illi autem profecti prædicaverunt ubique, Domino cooperante, & sermonem confirmante, sequentibus signis.* Ista fuerunt miracula visibilia, quibus Dominus confirmavit prædicationem eorum apud homines. Si enim non viderent ea, non essent eis signa. Ecce quod Dei Ecclesia visibilia miracula fecit etiam ante passionem Christi, & post passionem. Nono etiam cap. primæ partis ostensum est quod Apostoli visibilia miracula fecerunt. (3)

§. III.

Probatio, quod sola Romana Ecclesia debet dici Ecclesia.

His visis, manifestum esse debet quod sola Romana Ecclesia est Dei Ecclesia; ipsa enim sola istam potestatem retinuit, & habet eam in aliquibus membris suis, non dico in omnibus, quia Dominus dixit quidem: *Signa autem eos, &c.* Sed non dixit omnes eos. Hoc tamen ex parte impletum est in Cornelio, & in omnibus his, qui cum ipso erant, ut habetur Act. 10. v. 45. Ubi dicitur quod *obstupuerunt ex circumcissione Fideles, qui*

venerant cum Petro: quia & in nationes gratia Spiritus Sancti effusa est. 46. Audiebant enim illos loquentes linguis, & magnificantes Deum. De his dicit Apostolus 1. Cor. 14. v. 5. *Volo autem omnes vos loqui linguis: magis autem prophetare.* Et paucis interpositis dicit v. 22. *Itaque linguæ in signum sunt non fidelibus, sed infidelibus: prophetiæ autem non infidelibus, sed fidelibus.*

§. I V.

Obiectio Hæreticorum, quod illi de Ecclesia Romana non faciunt vera miracula.

Obicit etiam Hæreticus, & dicit quod in Ecclesia Romana signa faciunt illi, de quibus Dominus dicit Matth. 7. v. 22. *Multi dicent mihi in illa die: Domine, Domine, nonne in nomine tuo prophetavimus, & in nomine tuo demonia ejicimus, & in nomine tuo virtutes multas fecimus? 23. Et tunc confitebor illis: quia numquam novi vos: discedite a me, qui operamini iniquitatem.* Et ad hoc dicendum est eis, quoniam Dominus non arguit eos de incredulitate, sed de iniqua operatione, fidem enim habebant sine operibus, & in fide nominis Jesu Christi illa faciebant, sicut & boni habentes cum fide opera sancta: de quibus habetur Act. 3. v. 16. ubi Petrus dixit de quodam claudio ex utero matris suæ, quem sanaverat *in fide nominis ejus*, idest, Jesu; *Hunc, quem vos vidistis, & nostis, confirmavit nomen ejus.* Quod autem eos non arguat de infidelitate, patet ex verbis Domini ad eos: *discedite a me, qui operamini iniquitatem.* Non dixit: qui non creditis æquitatem, idest, sicut æquum est. Patet etiam ex eo, quod in nomine ejus illa faciebant, quæ minime fecissent, nisi fidem nominis ejus habuissent.

Præterea quando dicunt ei: *Domine, Domine.* Ex qua duplici professione insinuant, quod fidem habeant duplicis naturæ Christi, idest, divinæ, & humanæ, & quod secundum utramque Dominus erat. Secundum divinam, quia omnia per ipsum Deum facta sunt; secundum humanam, quia per eum hominem humana natura pretio sanguinis ejus redempta est: unde Apostolus 1. Cor. 6. v. 19. ait: *Non estis vestri; 20. Empti enim estis pretio magno. Glorificate, & portate Deum in corpore vestro.*

Quod autem per talem fidem possint quandoque fieri miracula, patet per Apostolum 1. Cor. 12. v. 2. *Si habuero omnem fidem ita ut montes trausferam, charitatem autem non habuerim, nihil sum.* Aliquis ergo habens totam fidem, cui deest charitas, potest ista facere. Si ergo dicas mihi quod in Ecclesia

(3) Non solum ab Apostolis, sed etiam ab aliquot Christianæ Religionis cultoribus in Ecclesia Catholica patrata fuisse miracula tradiderunt Patres. Ac de sua quidem ætate pleraque habet contra Gnosticos disserens Irenæus ad rem nostram mirifice accommodata lib. II. cap. xxxii. al. LVII. pag. 166. ut ceteros omittam Justinum in Dial. Cum Triphone. Tertullianum in Apologet. Eusebium

in Hist. aliosque sex centos. Sed quod in Ecclesia Catholica vera a Deo patrari prodigia soleant, multis evincunt, Bellarminus, Fratres Vvallemburchii, & Eminentissimus Cardinalis Gottius De Vera Ecclesia Melchior Cornæus. Disp. De Miraculis Ecclesiæ Catholicæ contra Danhaverum.

sia Romana faciunt signa illi, de quibus Dominus dicit Matth. 7. v. 22. *Multi dicent mihi &c.* cum isti habeant veram fidem, licet non opera charitatis, sola Romana Ecclesia habet fidem. Ergo tu es sine fide, qui de ea non es.

Præterea quod tales sint in Ecclesia Romana, qui signa faciunt, hoc non potes ostendere. Sed detur gratia disputationis; non tamen est contrarium Ecclesiæ Romanæ, sed pro ea, ut ostensum est.

Obiiciunt etiam illud, quod legitur Matth. 24. v. 24. *Surgent pseudochristi, & pseudopropheta: & dabunt signa magna, & prodigia, ita ut in errorem inducantur (si fieri potest) etiam electi.* Ad idem etiam inducunt illud, quod habetur Apocalyp. 16. v. 13., ubi Joannes ait: *Et vidi de ore draconis, & de ore bestie, & de ore pseudoprophetae spiritus tres immundos in modum ranarum.* 14. *Sunt enim spiritus dæmoniorum: facientes signa.* Ex his volunt, quod qui in Ecclesia Romana signa faciunt, pseudoprophetae sunt, & qui talia faciunt dæmonium habent, per quod illa faciunt.

Ad quod dico, quod, sicut ostensum est, Ecclesia Dei hanc potestatem habuit. Si ergo Ecclesia Romana ista facit, ex hoc non cognoscitur, quod mala sit; immo potius cognoscitur Ecclesia Dei esse. Et si dicas, quod qui talia faciunt, pseudoprophetae sunt, & dæmoniaci, idem poterunt dicere homines de Apostolis, & de credentibus eorum, quos talia signa sequebantur, ut dicit Dominus Marci ultimo.

Præterea ego dico, quod ista signa, de quibus Dominus loquitur Matth. 24., & Apocalyp. 16. phantastica sunt, nec sunt vera signa; unde Dominus ipse appellat eos pseudoprophetas, idest falsos. Et in Apocalypsi dicitur: *Vidi de ore pseudoprophetae, idest, falsi.* Sicut ergo falsi erant; ita falsa signa faciebant. E contrario autem est in signis, quæ in Ecclesia Romana faciunt; vera enim esse sciuntur per experientiam.

Præterea, numquid illi in nomine Christi talia facient? Non; immo dicent se esse Christum, illum autem, de quo credimus, & loquimur, non fuisse Christum. Vis videre quod dico? Attende quid Dominus ait: *Surgent enim pseudochristi &c.* Isti ergo falso ostendent se esse Christum; & Prophetæ eorum falsi idem ostendere conabuntur.

Præterea, Dominus dixit Matth. 10. v. 25. Ecclesiæ suæ: *Si Patrem familias Belzebul vocaverunt: quanto magis domesticos ejus.* Matth. vero 12. v. 24. habetur quod, cum Christus dæmonium eiecisset a quodam, Pharisei dicebant: *Hic non ejicit dæmones nisi in Belzebul.* Quasi dicat: Opera miraculosa, quæ testimonium perhibebant de Christo quis esset, adscribebant dæmoni. Eorum autem imitatores vos esse ostenditis, quia scilicet opera in nomine Jesu facta ab Ecclesia Romana dæmoni assignatis. In hoc etiam apparet subjectos Romanæ Ecclesiæ esse Christi domesticos, qui in perpetuum illud a nobis sustinent, quod Christus suis domesticis, idest, familiaribus promisit dicens: *Si Patrem familias &c.*

Propter hæc, & his similia alii Cathari, qui duo ponunt principia, ut dictum est capitulo nono primæ partis, dicunt, quod Christus, & ejus Ecclesia

numquam fecit materialia signa, dicentes: *Litera occidit; spiritus autem vivificat.* Spiritualiter ergo, dicunt ipsi, debemus intelligere signa Christi. Hoc autem in illo capitulo destruximus. Hic autem addimus ad veritatis confirmationem, & suæ hæresis confusionem, quod quandoque verba Evangelii habent intelligentiam multiplicem, scilicet literalem; & hæc est fundamentum aliarum intelligentiarum; & etiam spiritualement. Quandoque enim Christus loquebatur in parabolis ad turbas, & sine parabolis non loquebatur eis, ut habetur Matth. 13. v. 34. & Marci 4. v. 34. Et tunc omnia spiritualiter intelligenda sunt, ut patet in parabola de semine, & de thesauro abscondito in agro, & hujusmodi. Horum autem spiritualement intelligentiam seorsum dicebat Apostolis, ut dicitur Matth. 13. v. 17. Quibus datum erat nosse mysteria regni Dei, idest, occulta Ecclesiæ ejus, ut habetur Lucæ 8. v. 10. Sed post promissionem, quam fecit Apostolis Jo: 16. v. 25. Quod in proverbiiis non loqueretur eis. Quæ promissio facta est imminente tempore passionis ejus. Postea post suam passionem & resurrectionem, in die scilicet Ascensionis dixit Apostolis, ut habetur Marci ultimo: *Signa autem eos, qui &c.* Illa ergo ad literam oportet intelligere esse dicta, non parabolice, idest, per similitudinem tantum.

§. VI.

Quædam alia Hæreticorum blasphemia refutatur.

Tertio in isto capite videnda est alia Catharorum blasphemia, qui unum ponunt principium, de miraculis. Dicunt enim quod licet Dei Ecclesia potestatem faciendi materialia miracula habuerit, & fecerit ea, non tamen post mortem; nullus enim sanctus fecit aliquod signum post mortem suam.

Quibus dicendum est, quod Christus postquam mortuus est, signa fecit, sicut patet Matth. 27. v. 50. ubi dicitur, quod Jesus *clamans voce magna, emisit spiritum.* 51. *Et ecce velum templi scissum est in duas partes a summo usque deorsum, & terra mota est: & petrae scissæ sunt, 52. & monumenta aperta sunt: & multa Corpora Sanctorum, qui dormierant, surrexerunt.* Si Christus fecit, non est incredibile, quod ejus discipuli similiter faciant signa post mortem.

Præterea dicendum est Hæretico: unde hoc habes, quod nullus Christi discipulus, nullus sanctus homo fecit signa post mortem? Si dicat, quod non est scriptum, dicas illi: ubi deberet esse scriptum, cum etiam de morte alicujus eorum scriptum non sit, nisi de morte Stephani Act. 7. v. 59., & de morte Jacobi fratris Joannis Evangelistæ Act. 12. v. 2. Cessate ergo a blasphemiiis, & nolite Dei Ecclesiam impugnare.

§. VII.

Litera quædam Johannis discutitur.

Quarto in isto capite videnda est, & discutienda litera quædam Johannis 14. v. 12. *Qui credit in me, opera quæ ego facio, & ipse faciet, & majora horum faciet.* Dicimus autem, quod ista litera de materialibus miraculis loquitur. Jo: 10. v. 25. dixit Jesus Judæis: *Opera, quæ ego facio in nomine Patris mei, hæc testimonium perhibent de me; idest, quod ego sum Deus unius scilicet sapientiæ, unius potentiæ & bonitatis. Quod autem istud verbum intelligatur de miraculis visibilibus, quæ ipse faciebat, & Ecclesiæ suæ facienda relinquebat, patet ex eo, quod Christus ait Jo: 9. v. 4.: Me oportet operari opera ejus, qui misit me.* Hoc autem dixit quando cæcum illuminavit. Ostensum est autem supra quod istud miraculum fuit materiale. De istis ergo dicit: *Opera, quæ ego facio, & ipse faciet in nomine Sancti Patris ejus.* Et Jo: 10. v. 37. *Si non facio opera Patris mei, nolite credere mihi.* 38. *Si autem facio: etsi mihi non vultis credere, operibus credite.* Quod autem ista sint opera miraculorum materialium, patet Jo: 11. v. 45., ubi de Lazaro corporaliter resuscitato, dicitur: *Multi ergo ex Judæis, qui ve-*

nerant ad Mariam, & Martham, & viderant quæ fecit Jesus, crediderunt in eum. Nota istud fuisse visibile miraculum, quia dicitur: *Et viderant quæ fecit Jesus.*

[*] Si autem objiciat Hæreticus: quomodo ergo stabit, quod Jesus ait illis: *Et majora horum faciet?*

Respondetur. Etsi enim Christus ad tactum fimbriæ mulierem patientem fluxum sanguinis sanaverit Matth. 9. v. 22. Petrus tamen umbra proprii corporis sanabat Act. 5. v. 15. Majus autem dicitur non potestate, sed modo faciendi, quia ego mitto promissum Patris mei &c. Quoadusque induamini virtute ex alto, ut habetur Lucæ 24. 49. Et Ephes. 4. v. 8. *Ascendens in altum captivam duxit captivitatem: dedit dona hominibus.* Virtute enim Spiritus Sancti accepta a Christo ista faciebant, non pertimescentes ullam persecutionem occasione horum operum.

Præterea, faciebant illa majora per orationem: unde sequitur v. 13. *Et quodcumque petieritis Patrem in nomine meo &c.* Vestrum est supplicare ut fiant; meum autem est potestatem illam in actum deducere sine vobis. Jo: 5. v. 26. *Sicut Pater habet vitam &c.* Quasi dicat in sui potestate. Jo: 5. v. 21. *Sicut enim Pater suscitavit mortuos, & vivificat: sic & Filius, quos vult, vivificat.* (4) [*]

[*] Desunt hæc è Vaticano Cod.

(4) Concludam hoc caput Augustini verbis; nam ut hac nostra ætate Ecclesiæ Catholicæ miracula hæretici Calviniani & Lutherani contemnunt, merasque esse fabulas autumant, sic Cathari XII. seculo, & Augustini temporibus improbi quidam, scelestique homines in Ecclesia eadem ulla miracula fieri negaverunt. Sic ergo habet Augustinus lib. XII. de Civ. Dei cap. VII. col. 663. *Etiā nunc fiunt miracula in ejus (Christi) nomine, sive per Sacramenta ejus, sive per Orationes, vel memorias Sanctorum ejus: Sed non eadem claritate illustrantur, ut tanta, quanta*

illa gloria diffamantur. Canon quippe Sacrarum Literarum, quem diffamatum esse oportebat, illa facit ubique recitari, & memoriæ cunctorum inherere populorum: hæc autem ubicumque fiunt, ibi sciuntur vix a tota Civitate, vel quocumque commendentium loco. Recenset deinde varia miracula quæ tempore suo, Dei Optimi Maximi gratia contigerant. Quæ cum ita sint, ridendus est Danhaverus, qui in Disp. de Miraculis Veris Falsisque pag. 726. Tom. I. Opp. Edit. ann. 1707. Augustinum sibi esse præsidio putat, affirmanti non esse permilla prodigia, ut ad suam usque ætatem durarent.

Explicit Liber Secundus.

VENERABILIS PATRIS
M O N E T Æ
C R E M O N E N S I S
O R D I N I S P R Æ D I C A T O R U M
S U M M Æ
ADVERSUS CATHAROS, ET VALDENSES
L I B E R T E R T I U S.

PErtractata hujus operis prima, ac secunda particula accedamus ad tertiam. Dividitur autem hæc pars in quinque capitula. Primum capitulum est de Præcurfore Christi, idest de Beato Johanne Baptista. Secundum est de matre ejus, scilicet Beata Virgine. Tertium est de Christo. Quarto capitulo hujus partis de Antichristo tractatur. Quinto de Spiritu Sancto.

C A P. I.

De Præcurfore Christi.

§. I.

De Angelo per quem facta est Annuntiatio ejusdem Præcurforis.



de Parentibus Johannis, quibus facta est illa annuntiatio. Tertio de ipso Johanne.

Icut diximus primum cap. est de Johanne Baptista, de quo tractabimus hoc ordine. Prius videbimus de (1) Angelo, per quem facta est annuntiatio ejusdem Præcurforis, an a Deo missus sit eum annuciare, an a Diabolo. Secundo

AD hoc autem (2) detestandum sufficiet dicere, quod hoc nullo testimonio scripturæ possunt ostendere verum esse.

Præterea B. Lucas c. 1. v. 11. asserit quod fuit *Angelus Domini*, stans a dextris altaris incensi. Ecce quod Lucas dicit eum (3) Angelum Domini: Tu autem Hæretice dicis eum Angelum Satanæ. Cui credendum est? Tibi, an Lucæ?

Præterea si esset, ut dicis, non appellasset eum Lucas Angelum Domini. Et si dicas, quod ideo eum sic appellat, quia ab eo creatus est: dico, quod si eum ita Angelum Domini appellasset, apposuisset determinationem, sicut in 1. Regum 16. v. 23. dicitur:

F f

citur:

(1) Fuit hic error proprius Albanensium Catharorum, qui Basilianæ parebant. Etenim, ut est a Reinerio Sachono memorie traditum, credunt: quod Abraham, Isaac, & Jacob... atque Johannes Baptista fuerunt inimici Dei, & ministri Diaboli. Col. 1769. Tom. v. *Thesauri Anecdotor. Martenii*. Nec longe aberant veteres Concorrezenfes, quamvis multi, qui ætate Reinerii Ecclesiam infestabant, Johannem in fervorum Dei numero ponerent, scripsit autem Sachonus an. 1250. suntque illius verba hujusmodi: Col. 1773. *Multi ex eis modo bene credunt de B. Johanne Baptista, quem olim omnes damnabant*. Ab Concorrezenfibus non discrepabant, qui erant ex pseudo-Ecclesia Bajolensi, vel Bagnolensi quippe qui fere in omnibus erroribus supradictis conveniebant cum Catharis de Concorrezo, excepto hoc, quod dicebant, quod anime sunt create a Deo ante mundi constitutionem, & quod tunc etiam peccaverunt. Sachonus col. 1773. sed longe clarius Bajolensibus hoc dogmatis pravi genus tribuit Peregrinus Priscianus apud Muratorium Tom. v. *Antiq. Ital. Medii Ævi*: pag. 94. dicunt, inquit, quod Johannes Baptista malus fuit, Albigenfes, Bagnolenses, & quidam Concorrezenfes. Jam vero Lugienfes in ea erant sententia, ut placuisse quidem Deo censerent Johannem Baptistam,

sed in alio Mundo, non in hoc aspectabili vitam degisse. Sachonus *ibid.* col. 1772. Itaque Albanenses Catharos, veteresque Concorrezenfes hic vexare aggreditur noster. Id agit etiam auctor Anonymus *Disputationis Inter Catholicum, & Paterinum Hæreticum* Cap. vi. Col. 1723. seq. Tom. v. *Thesauri Anecdotor. Marten.* Gnostici, teste Epiphonio Hæres. xxvi. pag. 88. Tom. 1. *Opp.* Johannem tunc, cum a Christo vehementer laudaretur, minus fuisse perfectum ajebant. A pluribus enim ventis perflatum, modo Judæis, modo Christo consentire solitum fabulabantur, ac Judæis quidem, cum principis hujus Mundi; Christo autem, cum veri Dei sanctique spiritu ducebatur. Itaque concludebant, eum qui in eorum factione minor esset, longe Johanne esse præstantiorem. Huc enim pertinere jactabant ea Christi Servatoris verba. *Qui minor est in Regno Celorum major est illo*. Atque hinc plane constat Catharos minus ab Gnosticis discrepasse.

(2) Nempe, quod a malo Deo missus Angelus Gabriel fuerit, quod Cathari indicati notatione superiore pugnabant. Sequebatur autem hæc illorum absurda opinio ex eo, quod Johannem ejusque parentes a malo principio profectos fuisse arbitrabantur.

(3) Sapienter Irenæus *lib. 11. cap. x. al. xi. num. 1.* pag. 185.

citur : *Spiritus Domini malus arripiebat Saul* ; malus enim erat propria voluntate , licet esset bonus Dei creatione .

Præterea non est dubium quod Lucas c. 1. v. 29. dicat Angelum illum dixisse Zachariæ ne dubitaret de filio habendo : *Ego sum Gabriel , qui asto ante Deum : & missus sum loqui ad te , & hæc tibi evangelizare* . Credis Tu quod verum dixit ? Si hoc credis : ipse ergo erat ille , qui Christi ortum annuntiavit ex Virgine . Bonus ergo fuit , & a Deo missus , ut dicit Lucas eodem cap. v. 26. *In mense autem sexto , missus est Angelus Gabriel a Deo in civitatem Galilææ , cui nomen Nazareth* . (4) Si autem non credis ipsum dixisse verum , sed credis eum non fuisse Gabrielem , quomodo Lucas illud mendacium ponebat sine determinatione aliqua , cum illa verba secundum hoc sint erroris inductiva ? Sic enim provocabat eum ad cognoscendam uxorem suam : quod tu credis illicitum ; nos autem licitum , & per Angelum Dei procreatum suasionem illorum verborum .

Item eorundem occasione credimus illum esse , qui apparuit Virgini : quod non est verum secundum Te , immo hæreticum .

Item ex hoc credimus Parentes Johannis bonos fuisse , quoniam iste Angelus , qui propter Lucæ verba Gabriel esse creditur , dixit Zachariæ Luc. 1. v. 13. *Ne timeas Zacharia* (5) *quoniam exaudita est deprecatio tua* : Ut enim habetur Jo: 9. v. 32. *Peccatores Deus non audit , sed si quis Dei cultor est , & voluntatem ejus facit , hunc exaudit* .

Præterea quod ille , qui annuntiavit ortum Christi ex Virgine , esset ille , qui annuntiavit ortum Johannis ex sterili , patet ex verbis Gabrielis ad Mariam . Cum enim quæzivisset ab Angelo Luc. 1. v. 34. *quomodo fiet istud : quoniam virum non cognosco* ? Per exemplum Elisabeth ostendit hoc Deo impossibile non esse dicens v. 36. *Et ecce Elisabeth cognata tua , & ipsa concepit filium in senectute sua , & hic mensis sextus est illi , quæ vocatur sterilis* . Ex hoc quod menses ita computat ostendit aperte se ortum Johannis annunciasse .

Præterea dixit , quod non erat impossibile apud Deum omne Verbum , idest nec promissio facta Elisabeth sterili , nec promissio facta Tibi Virgini : sed utrumque verbum , idest promissum suum potens est complere . Ergo qui promisit filium Zachariæ , promisit etiam Virgini Mariæ , & per eundem , idest per Gabrielem . (6)

de Zacharia , & Elisabeth Johannis parentibus contra hæreticos suorum temporum disserens . „ Qui præest , inquit , in conspectu Domini simpliciter , & absolute , & firme Deum , & Dominum con-
„ fitens ex sua persona , eum qui elegerit Jerusalem , & legislatio-
„ nem Sacerdotii fecerit , cujus est & Angelus Gabriel . Etenim
„ alterum super hunc nesciebat : Si enim intellectum perfectiori
„ alicujus Dei , & Domini , præter hunc habuisset , non utique
„ hunc quem sciebat labi esse fructum , absolute , & in totum Do-
„ minum , & Deum confiteretur . . . Et iterum de Angelo refe-
„ rens ait . *In ipso autem tempore missus est Angelus Gabriel*
„ *a Deo , &c.*

(4) Videtur Irenæus *ibid.* num. 2.

(5) Hoc item assertur a Bonacurso *De Vita Hæret.* apud Dacherium *Tom. xlii. Spicileg. pag. 69. Edit. Prima.*

§. II.

Probatio Ecclesiæ , quod Parentes Johannis fuerint boni .

Vlso de Angelo , per quem facta est annuntiatio , videamus de Parentibus Johannis , quos malos credunt fuisse . Quibus dicas : Numquid aliquo testimonio potes ostendere , quod mali essent ? Non .

Præterea Lucas eos asserit bonos fuisse ante ortum Johannis ; sic enim ait Lucas c. 1. v. 6. *Erant autem justi ambo ante Deum , (7) incedentes in omnibus mandatis , & justificationibus Domini sine querela , & non erat illis filius , eo quod esset Elisabeth sterilis* . Lucas eos laudat a plena justitia , quia incedebant in omnibus , non tantum in quibusdam mandatis Dei , & in omnibus justificationibus ejus ; & quod erant sine querela , quia nullus de eis conqueri poterat ; tu vero eos vituperas sine testimonio Scripturæ . Cujus ergo testimonio standum est . Tuo , an Lucæ ?

Præterea Luc. 1. v. 11. *Angelus Gabriel apparuit Zachariæ , stans a dextris altaris incensi* . 12. *Et Zacharias turbatus est , videns : & timor irruit super eum* . 13. *Ait autem ad illum Angelus bonus , & sanctus , scilicet Gabriel , ut ostendimus : Ne timeas Zacharia , quoniam exaudita est deprecatio tua* . Dicas mihi : A quo exaudita est ? Constat , quod nonnisi ab illo , ante quem Lucas eum justum esse testatur . Sed non testatur Lucas cum justum , nisi ante Deum patrem justorum . Ergo exaudita est a Deo patre justorum . Illum ergo orabat . Ab illo ergo habuit Elisabeth quod Johannem conciperet . Opus ergo matrimoniale a Deo Sancto est .

Præterea Zacharias erat Sacerdos Dei Veteris Testamenti . (8) Ergo Deum Veteris Testamenti orabat . Sed orabat patrem justorum , ante quem justus dicitur a Luca . Ergo Deus Veteris Testamenti pater justorum est .

Item dicit Lucas dicto c. 1. v. 9. *Quod Zacharias forte exiit ut incensum poneret , ingressus in Templum Domini* . Illud ergo templum erat Dei . Quare dicis quod Diaboli , cum Lucas dicat ipsum Dei ? Lucas enim Satanam ibi Dominum non appellaret sine determinatione , ne mitteret homines in errorem .

Item de sanctitate Parentum habetur Luc. 1. v. 40. *Ubi dicitur quod Maria ingressa domum Elisabeth salu-*

(6) Huc spectant , quæ contra Catharos . quos supra commemoravi , disputat Ermengaudus , non *Contra Valdenses* , ut male in editis . *Tom. xxi. Bibl. PP. Edit. Lugdun. pag. 1605.* quo loco cap. vi. probat *Conceptionem , & Nativitatem Johannis Baptiste a bono Angelo annuntiatam fuisse* .

(7) Hoc idem testimonium adhibet Irenæus , tum deinde contra Hæreticos sui temporis ea subnectit , quæ supra notatione ter-
tia retulimus .

(8) Simile quidpiam habet Irenæus *lib. 111. cap. x. pag. 105. num. 2.* Prævidit fortasse hoc argumenti genus ; quod contra Catharos adhibet noster , impudentissimus Marcion ; quare ut vim ejus effugeret , hæc verba , ut alia multa , quæ sibi adversabantur ; ex Evangelio Lucæ expunxit , Vide Epiphanium *Hæresi xlii. Num. xi. pag. 311. Tom. I. Opp.*

salutavit ipsam, & impleta est Spiritu Sancto. Si erat plena Spiritu Sancto: ergo in ea non erat locus spiritui maligno. Erat ergo sancta, & bona mulier ante Dominum, licet esset gravida. Quare ergo dicis gravidas spiritum malignum in se habere?

Item Luc. 1. v. 58. *Et audierunt vicini, & cognati ejus, quia magnificavit Dominus misericordiam cum illa, & congratulabantur ei.* Ergo ipsa bona erat.

Præterea, in quo magnificavit misericordiam suam cum illa, nisi in conceptione Johannis? Ergo conceptio carnalis est ex Dei misericordia. De Zacharia etiam habetur similiter; ibi enim dicitur v. 67. quod Zacharias pater Johan. Baptistæ plenus Spiritu Sancto prophetavit dicens: *Benedictus Dominus, &c.* Ergo bonus erat iste Spiritus Sanctus, qui ad talia dicenda virum, & uxorem ejus movebat. Iste est ille Spiritus Sanctus, quo superveniente Maria concepit in utero, & peperit filium, ut habetur eodem capite Lucæ.

§. III.

De Johanne Baptista.

Viso de Angelo, qui nuntiavit Johannem, & de Parentibus ejus, videamus de ipso Johanne, contra quem plures dicunt blasphemias. Una est, quia dicunt eum a Diabolo missum. Hoc autem nullo testimonio scripturæ possunt ostendere. Nos autem illud esse falsum ostendemus ex eo, quod B. Johannes Evangelista dicit c. 1. v. 6. *Fuit homo missus a Deo, (9) cui nomen erat Johannes.* Tu dicis quod a Diabolo: Johannes dicit quod a Deo. Cujus verbo standum est: Tuo, an Johannis?

Dicunt etiam, quod ejus baptismus fuit a Diabolo, qui misit eum baptizare, ut baptismum Christi impediret. Hoc autem falsum esse ostendemus in quarta particula hujus operis in cap. de Baptismo Johannis.

Afferunt etiam prædicti Hæretici eum fuisse malum ab utero matris suæ, cujus rei testimonium non habent; immo contrarium testatus est Gabriel

de ipso dicens Luc. 1. v. 15. *Spiritu Sancto replebitur adhuc ex utero matris (10) suæ: quod totum impletum est, quando Maria salutavit Elisabeth, & hæc impleta Spiritu Sancto dixit ad Mariam ibidem 44. Ecce enim ut facta est vox salutationis tuæ in (11) auribus meis, exultavit in gaudio infans in utero meo.* Si Johannes malus fuisset, idest si malus spiritus, vel malum spiritum in se habens, ad vocem B. Virginis Matris Christi nequaquam exultasset; immò potius tristis effectus fuisset, & perterritus, sicut dicitur Jacobi 2. v. 19. *Et demones credunt, & contremiscunt.*

Præterea dicit Lucas, quod Deus magnificavit misericordiam suam cum Elisabeth. Si malus filius erat Johannes, ut dicis, non magnificasset misericordiam suam cum illa, immo potius iram.

Item dicit Lucas c. 1. v. 67. *Etenim manus Domini erat cum illo: quod non esset, si talis esset, ut dicis.* Item ibidem 13. dicit Angelus Gabriel Zachariæ: *Ne timeas Zacharia, quoniam exaudita est deprecatio tua: & uxor tua Elisabeth pariet tibi filium, &c.* Et in his verbis septem notantur, ex quibus apparet bonitas Johannis, & quod nuncius Dei fuit, non Diaboli, & quod ad parandam viam Domini venit, non ad impediendum eum. Primum est annuntiatio nativitatis ejus per Angelum Gabrielem; idem enim nuntiavit conceptum, & ortum Johannis, & Christi. Hoc habetur ibi: *Ne timeas, &c.* usque *Johannem.* Secundum, lætitia multorum de ortu ejus 14. *Et erit gaudium tibi, & exultatio, & multi in nativitate ejus gaudebunt: quod nequaquam ei fuisset, si talis erat, ut dicis.* Tertium est ipsius spiritualis magnitudo coram Domino 15. *Erit enim magnus coram Domino, (12)* non dicit coram Diabolo. Fuit ergo bonus, & justus. Quartum est mira ejus abstinencia; unde ibidem dicitur: *Vinum, & siceram non bibit.* Quintum ejus ab utero sanctificatio; unde: *& Spiritu Sancto replebitur, &c. adhuc ex utero matris suæ.* Sextum est ejus salutifera eruditio; unde 16. *Et multos filiorum Israel convertet ad Dominum Deum ipsorum: Non dixit: avertet ab eo, sed convertet ad Dominum.* Septimum est ejus spiritualis, & virtuosa operatio; unde 17. *Et ipse præcedet illum in spiritu, & virtute Eliæ.* Iste est Spiritus

FF 2

San-

(9) Præclare Irenæus lib. II. cap. XI. num. 4. pag. 109. „ Fuit „ homo missus a Deo, &c. Præcursor igitur Johannes, inquit, „ qui testatur de lumine, a quo Deo missus est? Utiq; ab eo, „ cujus Gabriel est Angelus, qui etiam Evangelizavit generatio- „ nem ejus: qui & per Prophetas promissit Angelum suum missu- „ rum ante faciem filii sui, & præparaturum viam ejus, hoc est „ testificaturum Dei lumine in spiritu & virtute Eliæ... A con- „ ditore igitur, & fabricatore hujus Mundi missus Johannes, quem- „ admodum poterat testificari de eo lumine, quod ex his, quæ „ sunt innominabilia, & invisibilia descenderit? Atque hinc equi- „ dem colligo Marcionitas, Valentinianos, ceterosque Gnosticos, „ ita fuisse animo institutos, ut Johannem a Mundi conditore, quem „ a Deo justorum Patre discrepare putabant, missum fuisse arbitra- „ rentur. Itaque ut eos refellat Irenæus illud ipsum argumentum „ attulit, quod longe postea in Catharos intorsit Moneta.

(10) Utitur hoc item testimonio contra Catharos Bonacursus De Vita Hæret. cap. VI. pag. 69. Tom. XIII. Spicilegii. Dacher- riani Edit. Paris an. 1677.

(11) S. Cyrillus Hierosolymitanus Catech. III. nu. VI. pag. 42. seq. Primus auctor, inquit Baptismi, Johannes quo melior inter natos mulierum nullus, qui Prophetarum quidem finis fuit: Omnes enim Prophetæ & lex usque ad Johannem; Evangelicarum ve-

ro rerum idem principium exsistit... Etiamse Eliam Thesbitem dixeris, eum qui in Celos adsumtus est, neque ille Johanne major. Translatus est Enoch; sed non est major Johanne... Non ego Prophetas cum Prophetis contendere audeo: sed ipse cum illorum tum nostri Dominus Jesus pronuntiavit: Major inter natos mulierum Johanne non surrexit. Non inter natos Virginum, sed mulierum. Magni servi ad conservos comparatio. Filii vero ad servos minime comparanda est gratia & excellentia. Vides quantum hominem hujus gratia ducem elegit, nihil omnino possidentem, solitudinis studiosum, sed non inbumanum, locustas manducantem, & alas parantem animæ, &c. Erat quidem & Hieremias sanctificatus, sed non prophetavit in utero. Solus autem Johannes in utero exsistens exultavit in gaudio; & corporeis oculis nihil videntis, spiritus Dominum cognovit.

(12) Videtur Irenæus lib. II. cap. X. nu. 1. pag. 185. ubi hæc habet: „ Erit magnus in conspectu Domini, & multos filiorum „ Israel convertet ad Dominum Deum ipsorum, & ipse præcedet „ in conspectu ejus in spiritu & virtute Eliæ; &c. Cui ergo po- „ pulum præparavit, & in cujus Domini conspectu magnus factus „ est? Utiq; ejus, qui dixit: quoniam & plus quam Prophetas „ habuit aliquid Johannes, & nemo in natis mulierum major est „ Johanne Baptista, &c.

Sanctus, quo repletus fuit ab utero matris. Hic ergo in Elia fuit, & sic Elias vir bonus, & virtuosus.

Vis etiam videre, quod Johannes Baptista non est missus, ut Christum impediret: hoc est, ejus baptismum, & prædicationem? Audi quid dicat Spiritus Sanctus per Zachariam. Dicitur enim Lucæ 1. quod Zacharias (13) pater ejus repletus est Spiritu Sancto, & prophetavit dicens: *Benedictus Dominus Deus Israel, &c.* Et post pauca dicit: *Et tu puer propheta Altissimi vocaberis: præabis, &c. usque viam pacis.* Item Matth. 11. v. 10. Refertur Deum patrem dixisse filio: *Ecce ego mitto Angelum meum ante faciem tuam, qui præparabit viam tuam ante te.*

Dicunt etiam prædicti Hæretici, quod Johannes, si quæ bona de Christo dixit, coactus dixit, nesciens quid diceret. Dicunt etiam, quod prius visus est eum cognovisse, cum dixit Jo: 1. v. 29. *Ecce Agnus Dei, ecce qui tollit peccatum mundi.* 30. *Hic est, de quo dixi: Post me venit vir, qui ante me factus est: quia prior me erat, & ego nesciebam eum:* Et propter hoc volunt, quod quando a Spiritu Sancto cogeatur aliquid dicere de Christo, tunc quasi cognoscens loquebatur; quando vero Spiritus bonus subtrahebat se ei, tacebat, ignorans quid diceret.

Quod autem istud falsum sit, patet primo, quod testimonio scripturæ non confirmatur. Secundo per id, quod dicitur Jo: 1. v. 7. *Hic venit in testimonium, ut testimonium perhiberet de lumine.* (14) Si ad hoc venit, ut testimonium, perhiberet: ergo cognitionem illius habebat, de quo erat daturus testimonium.

Præterea, quod Johannes Baptista cognovit Christum antequam Christus ad eum veniret ad Jordanem, patet Matth. 3. v. 11. Marci 1. Marci 1. v. 7. Item Jo: 1. v. 29. ubi dicitur: *Alter die vidit (15) Johannes Jesum venientem ad se, id est, ad suum baptismum.* Dicit: *Alter die post illam diem, qua Sacerdotibus, & Levitis interrogantibus Johannem, quis ipse esset, dixit Johan. 1. v. 26. Medius autem vestrum stetit, quem vos nescitis, &c.*

Præterea in utero materno positus exultavit, quando Mater Domini salutavit Elisabeth. Quomodo exultavit de Domino ex Matre ejus, si inde scientiam non habebat?

Præterea; Tu dicis, quod coactus bona dixit de Christo: quod nusquam reperies. Ego autem reperio quod libenter: Ipse Baptista quibusdam Discipulis suis dicit Jo: 3. v. 28. *Ipsi vos mihi testimonium perhibetis, quod dixerim, non sum ego*

Christus: sed quia missus sum ante illum: 29. Qui habet sponsam sponsus est, amicus autem sponsi qui stat, & audit eum, gaudio gaudet propter vocem sponsi. Hoc ergo gaudium meum impletum est. 30. Illum oportet crescere, me autem minui: supple quoad famam, quia ipse putabatur Christus, ut habetur Lucæ 3. v. 15.

Præterea, unde habes Tu quod Spiritus bonus aliquem cogat? Ego habeo quod non; dicit enim Apostolus 1. Cor. 14. v. 32. *Et spiritus prophetarum prophetis subjecti sunt.* Quod est dicere, quod non cogunt (16) eos loqui, velint, nolint prophetæ, alioquin v. 33. *Deus esset dissensionis, non pacis.* Ex prædictis patet, quod Joannes Baptista eum cognoscebat, & quod dicit: *Ego nesciebam eum* non est oppositum ei, quod diximus eum cognovisse Christum; profecit enim in cognitione Christi ex visu, & auditu Christi. Quod ergo dixit: *Ego nesciebam eum* intelligitur cum determinatione ista, scilicet comparatione illius cognitionis, quam postea de Christo habuit. Sic etiam possumus dicere: non cognoscimus Dominum, quia cognoscimus ipsum ex parte, ut Apostolus dicit 1. Cor. 13. v. 9.

Item nos non cognoscimus ipsum, quia non plene adhuc cognoscimus; in futuro autem plene cognoscemus, quando videbimus eum sicuti est, ut habetur 1. Johan: 3. v. 2., & quando cognoscemus, sicut & cogniti sumus, ut habetur 1. Cor. 13. v. 12.

Si autem quæras a me, in quo profecit, & quid amplius cognovit de Christo post adventum Columbæ, idest, Spiritus Sancti in ejus specie super Christum in baptismo Johannis: dico, quod prius sciebat quod Dominus erat, & quod erat Agnus tollens peccata mundi, & quod debebat ab eo baptizari, sicut confessus fuit Matth. 3. v. 14.

Item cognovit, quod baptizaturus erat in Spiritu Sancto; unde ait ibidem: *Qui post me venturus est, ipse vos baptizabit in Spiritu Sancto.* Quid igitur per adventum Columbæ didicit? Respondeo, quod potestatem baptismi interioris sibi retineret, quam prius nesciebat; hanc enim potestatem non tradit alicui, sed solum ministerium baptizandi exterius. Ipse vero solus rem baptismi efficit in anima baptizati; solus enim baptizando interius gratiam homini infundit: propter quod revocans a jactantia Corinthios Apostolus de baptizatis dicit 1. Cor. 3. v. 6. *Ego plantavi: Apollo rigavit: sed Deus incrementum dedit. Itaque neque qui plantat est aliquid: neque qui rigat: sed qui incrementum dat, Deus.* Quod autem dicit: *neque qui plantat est aliquid,* intelligitur cum determinatione ista: non

(13) Eodem spectant, quæ exsequitur Irenæus cap. mox indicato num. 2. pag. 206. Nam ubi Zachariæ verba ex Luca Evangelio retulit, ita fere ut Noster, contra Gnosticos argumentatur.

(14) Vide Notam 1x. ad hoc cap.

(15) Irenæus cap. x. supra indicato num. 2. pag. 186. Hæc est, inquit, salutis agnitio... quam faciebat Johannes dicens: Ecce agnus Dei, &c. (Job. 1. v. 19.) Hæc itaque salutis agnitio, sed non alter Deus, nec alter Pater, neque Bythus, &c.

(16) Non de Spiritu Dei, sed de Prophetiæ dono loquitur hic Moneta, ut Apostoli verba postulant. Subjectos autem esse ait Paulus spiritus Prophetarum ipsis prophetis; ut discrimen indicet,

quod inter fatidicos Ethnicorum vates, Deique veri prophetas intercedebat. Illi enim furore quodam incitati, neque norant quæ fundebant, falsa oracula, neque sibi temperare poterant, quominus garrirent; sed prophetæ Spiritu Dei afflati, & cognoscebant, quod dicebant, & cum volebant a dicendo abstinere facile poterant. Itaque hortatur Corinthios, ut Prophetæ, qui in eorum vivebant Ecclesia, duo aut tres dicant, ceterique dijudicent. Quod si aliis revelatum fuerit sedenti, prior taceat. Potestis enim, inquit, omnes per singulos prophetare, ut omnes dicant, & omnes exhortentur. Nam ni ita faciant, dissensio & confusio, ac perturbatio oriri inde facile quiverit. Quare subjicit. Non enim est dissensionis Deus, sed pacis.

non est aliquid dans intus in anima, licet ad invocationem Patris, & Filii, & Spiritus Sancti, quam faciunt in baptismo, a Deo infundatur homini gratia. Et ex hoc vult Apostolus, quod Corinthii dicant se esse baptizatos Christi, non alicujus hominis puri; solus enim Christus eos redemit, & pro eis crucifixus est.

Item tantum in nomine ejus baptizati sunt; in signum quod non est aliquod nomen datum sub cælo hominibus, in quo oporteat nos salvos fieri.

Item dicunt prædicti Hæretici, quod Johannes dubitavit (17) de Christo, cum esset in vinculis; dicitur enim Matth. 11. v. 2. *Johannes autem cum audisset in vinculis opera Christi: mittens duos de discipulis suis 3. ait illi: Tu es, qui venturus es, an alium expectamus?*

Dicunt etiam ipsum scandalizatum fuisse in Christum occasione illorum verborum Domini ad discipulos Johannis 4. *Euntes renunciate Johanni quæ audistis, & vidistis. 5. Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur: 6. Et beatus est qui non fuerit scandalizatus in me: quod credunt, propter Johannem jam scandalizatum dixisse Jesum.*

Item per illa verba, quæ ibidem posuit Johannes 11. *Qui autem minor est in Regno Cælorum, major est illo.*

Ad ista dicimus, quod Johannes Baptista nunquam de Christo dubitavit quin eum crederet Dei Filium, ut protestatus fuit dicens Jo. 1. v. 34. *Ego vidi, & testimonium perhibui, quia hic est Filius Dei. 32. Supra ipsum vidi spiritum descendantem quasi Columbam de Cælo, & mansit super eum. Audivitque testimonium Patris dicentis Matth. 3. v. 17. Hic est filius meus dilectus, in quo mihi complacui. Credidit etiam pro salute hominum venisse in mundum; unde ait Joh. 1. v. 29. Ecce Agnus Dei, ecce qui tollit peccatum mundi. Audivit etiam opera cum esset in vinculis, quæ de Christo testimonium perhibebant, & non dubitationem inducebant. Ergo non dubitavit de Christo. Sed discipuli ejus (18) & dubitaverunt, & increduli fuerunt. Johannes enim, qui venerat testimonium dare de lumine, prædicavit ante faciem adventus Christi baptismum pœnitentiæ omni populo Israel. Erat autem quasi communis opinio, quod Johannes esset Christus, & fama communis, ut habetur Luc. 3. v. 15. & Act. 13. v. 25. Christo autem prædicante postea, & baptizante per discipulos cæpit crescere Christus, & fama ejus, famaue Johannis decrescebat: in quo & Johannis gaudium implebatur, ut habetur Joh. 3.*

v. 29. & 30. Discipuli autem Johannis videntes famam Magistri sui decrescere, litigare cæperunt cum Judæis de purificatione. Discipuli enim Johannis baptismum Magistri sui meliorem esse baptismum Christi dicebant; & contrario Judæi baptismum Christi præferebant. Unde Johannis discipuli moti livore contra Christum dicebant Johanni Jo. 3. v. 26. *Rabbi, qui erat tecum trans Jordanem, cui tu testimonium perhibuisti, ecce hic baptizat, & omnes veniunt ad eum; Et sic ad indignationem infligare volebant Johannem contra Christum: Sed Johannes ex hoc non livore permotus, sed gavisus respondit ibidem 29. Hoc ergo gaudium meum impletum est. Nonne etiam vides, quod Johannis discipuli de abstinencia inflati contra Christi discipulos dicebant Matth. 9. v. 14. Quare nos & Pharisei jejunamus frequenter, discipuli autem tui non jejunant? Sic se præferebant Christi discipulis, & per hoc volebant magistrum suum magistro illorum præferre. Constat ergo Johannis discipulos dubitasse de Christo, & etiam fuisse incredulos, licet Johannes etiam antequam contenderent sui discipuli cum Judæis de baptismum Christi testimonium perhibuisset de Christo, quod esset Dei filius, ut habetur Jo. 1. v. 34. Et post contentionem prædictam, ut habetur Jo. 3. v. 28. Cum autem Johannes esset vinctus in carcere ab Herode propter justitiam; arguebat enim Herodem de Herodiade uxore fratris ejus Philippi, quam habebat, ut habetur Matth. 14. v. 4. firmiter credens quod velox esset depositio tabernaculi sui, nolens discipulos relinquere in hoc statu dubitationis, & incredulitatis, eos ad Christum direxit, ut verba, & miracula Christi illos moverent ad fidem, & a cordibus eorum omnem tollet dubitationem; & hoc est quod dicitur Matth. 11. v. 2. *Johannes autem cum audisset in vinculis opera Christi. Ista opera erant miracula, quæ faciebat Christus, de quibus ipse dicebat Jo. 5. v. 36. Ipsa opera, quæ ego facio, testimonium perhibent de me. Audiens ergo Johannes illa opera, quæ testimonium majus erant, quam testimonium suum, ut dicit Christus Jo. 5. v. 36. voluit illuc mittere discipulos suos, ut qui testimonio verborum suorum Christo non crediderant, testimonio operum Christi crederent. Licet ergo quæsierit Johannes per discipulos, non tamen dubitavit: sicut & Christus suis discipulis multas quæstiones fecit, atque Judæis, & tamen non dubitavit de illis, unde quærebat.**

Et notandum quod in illa hora, ut habetur Lucæ 7. v. 21. *Curavit multos a languoribus, & plagis, & spiritibus malis, & cæcis multis donavit visum. Quod fecit, ut ex collatione eorum, quæ vide-*

(17) Hoc idem argumentum Catharorum refert Auctor Anonymus in *Disp. Cathol. & Patar. cap. vi. col. 1724. Tom. v. Thesaur. Anecdotor. Marten. paucisque refellit col. 1725. Tertullianus lib. De Baptismo cap. x. pag. 228. In ea esse videtur sententia, ut spiritum, quo antea præditus fuerat, Johanni defuisse putaret, adeoque Johanne percuntatum misisse discipulos, ipse ne esset Christus, qui venturus erat: *Ipsam, inquit, quod caeleste in Johanne fuerat, spiritus Prophetia post totius spiritus in Dominum translationem, usque adeo defecerit, ut quem prædicaverat, quem adventum designaverat, postmodum an ipse esset miserit sciscitatum.**

(18) Nempe communis hæc omnium Patrum interpretatio est,

quibus assentiuntur omnes, qui in Evangelium Matthei commentarios edidere. Adeundus Isidorus Pelusiota præ ceteris, qui *lib. 1. Epist. xxxiv. pag. 11. Edit. an. 1638.*, Domino, inquit, significabat Johannes, cum veritatis causa caput ei amputandum esset, suosque discipulos ad eum adducere studeret, qui ob accuratam & omnibus virtutis numeris absolutam ipsius vitam, ad ipsius testimonium, num Dominus eo major esset ambigebant. Atque id Dominus per ea quæ statim fecit, demonstravit, cum per multa Johannes testimonium comprobavit, eosque qui Johannis verbis diffidebant, ita dimisit, ut oculis, atque ipsa aspectu confirmatum haberent, id quod auribus acceperant.

viderant ab eo facta, & eorum, quæ audierant Isaïæ 35. cognoscerent ipsum esse Messiam; ibi enim v. 4. dicitur: *Deus ipse veniet, & salvabit vos. 5. Tunc aperientur oculi cæcorum, & aures surdorum patebunt. 6. Tunc saliet sicut cervus claudus, & aperta erit lingua mutorum.* Propter ista dicit Jesus Johannis discipulis Matth. 11. v. 4. *Euntes renuntiate Joanni quæ audistis, & vidistis, &c.* Quasi diceret: Ex his, quæ audistis dicta ab Isaïa de Messia, & vidistis a me facta, poteritis cognoscere, & ipse, cui renuntiabitis, poterit vobis ostendere, quod ego sum Messias, quem scripturæ dixerunt venturum, & sic non est alius expectandus. Quod autem dicit Christus ibidem v. 6. *Et beatus est qui non fuerit scandalizatus in me*, hoc non potes ostendere dictum esse propter Johannem, qui in eo scandalizatus nusquam reperitur; sed propter Discipulos Joannis, quos scandalizatos in Christum ostendimus supra eodem cap. ex Johan. & Matth.

Præterea ex verbis Domini ad turbas de Johanne, postquam illi regressi sunt, patet quod Johannes in Christum scandalizatus non fuit, & quod de eo non dubitavit; Christus enim commendans Johannem ibi v. 7. dixit: *Quid existis in desertum videre? Arundinem vento agitatam?* Quod negative debet intelligi, & non affirmative, (19) ut Hæretici falso dicunt, ut patet per sequentia. Et est sensus: non est Johannes arundo, idest, inconstans, sed firmissimus in eo, quod de me dixit. 8. *Sed quid existis videre? Hominem mollibus vestitum?* Quod expresse negative intelligendum est. Johannes enim non erat vestitus mollibus vestimentis; unde Luc. 7. v. 25. dicitur: *Qui in veste pretiosa sunt, & delitiis, in domibus Regum sunt.*

Item, quod Johannes non fuerit bonus, volunt habere per illud Matth. 11. v. 11. *Qui minor est in Regno Cælorum, major est illo.* (20)

Ad hoc dicimus, quod istud non ad Johannis vituperium dictum est, sed potius ad laudem; Regnum enim Cælorum Ecclesia est, in qua Christus minor, idest, humilior fuit, & ad modum minoris se habuit, sicut patet Luc. 22. 27. Ubi Christus dixit discipulis de majoritate contendentibus: *Quis major est qui recumbit, an qui ministrat? Nonne qui recumbit? Ego autem in medio vestrum sum, sicut qui ministrat.* Christus ergo, qui in Regno Cælorum minor erat, major erat Johanne. Sed numquid propter hoc Johannes malus est? Si ita esset: eadem ratione omnes alii essent mali. [*] Alio etiam modo illud potest exponi per illa verba Matth. 12. v. 11. *Inter natos mulierum non surrexit major Johanne Baptista; major scilicet propheta, ut habetur Lu-*

cæ 7. v. 28. Et comparatur Johannes aliis a Christo. Sicut enim cum dicitur Matth. 8. v. 10. de Centurione: *non inveni tantam fidem in Israel*: Centurio non comparatur discipulis, quibus loquebatur Christus; ita & hic non comparatur Christo, qui loquitur. Quod etiam probari potest ex eo, quod Dominus de se loquens statim ait Matth. 11. v. 11. *Qui autem minor est in Regno Cælorum, major est illo.* [*] Et ut verba a Christo prædicta sine dubio ad laudem Johannis dicta esse credantur, Lucas cap. 7. v. 29. subjungit dicens: *Et omnis populus audiens (supradicta verba Christi de Johanne) & publicani justificaverunt Deum, baptizati baptismo Johannis. 30. Pharisei autem, & legis periti consilium Dei spreverunt in semetipsis, non baptizati ab eo.*

Ad idem inducunt, quod Johannes eum secutus non est, (21) sicut Apostoli. Item quod non fuit Christi discipulus.

Ad quod dicimus, quod ejus discipulus credendus est fuisse, cum Spiritu Sancto repletus fuerit ex utero matris suæ: quod non poterat esse, nisi a Christo. Ipse enim est, qui Spiritum Sanctum mittit in corda hominum ad docendum eos omnem veritatem.

Præterea Christus lux vera est, quæ illuminat omnem hominem venientem in hunc mundum. Ergo cum Johannes esset lucerna ardens, & lucens oportebat, quod illuminatus esset ab illa luce, quæ illuminat omnem hominem, & quod arderet illo igne, quem Dominus Jesus venit mittere in terram, & voluit ipsum ardere, ut habetur Luc. 12. v. 49.

Quod autem dicis, quod non est secutus Christum, sicut discipuli: respondeo: secutus eum fuisset, si Christus voluisset. Sed Christus noluit, ut Judæi testimonium Johannis cavillare non possent, dicentes, quod Johannes corruptus esset. Nonne etiam vides, quod homini liberato a læsione dæmonum volenti ire post Jesum corporaliter, non permisit quod iret? Sed Marci 5. v. 19. ait illi: *Vade in domum tuam, &c.* usque mirabantur. Plus ergo fecit, quam si ivisset cum eo prædicans in Decapoli in absentia Jesu: Similiter & Johannis testimonium majus fuit, quam si ivisset cum eo.

Præterea propter hoc non habemus, quod malus fuerit, cum non debuerit eum sequi, sed præire, sicut Spiritus Sanctus dixit per Zachariam. Licet ergo non sit eum secutus, tamen præivit ante ipsum parare vias ejus ad dandam scientiam salutis plebi ejus in remissionem peccatorum eorum.

Ad idem inducunt illud Jo: 1. v. 8. Ubi Christus ait

(19) Gnosticis consentiebant Cathari. Nam minus fuisse perfectum Johannem, ajebant illi tum cum a Christo laudabatur, propterea quod multis ventis perflatum fuisse dicerent, & modo Judæis, modo Christo consentire solitum. Vide quæ ex Epiphanio attulimus Notatione I. in hoc cap.

(20) Quemadmodum intelligi hæc debeant paucis ostendit Isidorus Pelusiota lib. I. Epist. LXVIII. ad Timotheum Lectorem pag. 21. Regni namque cælorum nomine Ecclesiam a Christo institutam intelligit. Ergo illos qui nomen huic dedere majores esse Johanne, modo tamen præscripta Servatoris colant, atque observent, con-

cludit. Sed Monetæ interpretationem multo ante adhibuerant Johannes Chrysostomus *Homilia xxxviii. in cap. xi. Matth. pag. 360. Tom. VII. Opp. Edit. an. 1603. & Augustinus Tract. xlii. in Jo: nu. 2. col. 391. Tom. III. Opp. P. I. Ad eundem Hieronymus lib. II. Commentarior. in Matth. col. 43. Tom. IV. Opp. P. I.*

[*] Quæ duobus astericis contenta vides desunt e *Cod. Bonon. & Vatic.*

(21) Hoc idem argumentum Catharorum refert, ac refellit Auctor *Disput. Inter Cathol. & Patr. col. 1724. Tom. v. Theauri Anecdor. Marten.*

ait de Johanne Baptista : *non erat ille lux* . (22) Ad quod patet solutio per prædicta ; licet enim non esset lux , tamen erat lucerna ardens , & lucens , ut habetur Jo: 5. v. 35. Dicamus ergo quod Johannes non erat illa lux , de qua ibi fit sermo , id est ; non erat illa lux , quæ illuminat omnem hominem venturum in hunc mundum , id est , Christus , licet putaretur esse Christus , ut habetur Lucæ 3. v. 15.

Et quoniam quidam male sentiunt de Johanne credentes , quod spiritus , qui fuerat in Elia , de corpore Eliæ tranſierit in corpus (23) Johannis Baptistæ , ideo aliquid inde tangamus , ut errorem illum destruamus . Moti sunt autem ad hoc dicendum propter illud verbum Angeli Luc. 1. v. 17. *Ipse præcedet ante illum* , id est , Christum , *in spiritu* , & *virtute Eliæ* .

Hoc autem non ad hoc referendum esse patet , si volumus attendere eorum dicta . Ipsi enim distinguentes inter animam , & spiritum (24) dicunt quod spiritus non vadit de corpore in corpus , sed anima . Contra se igitur loquuntur , cum dicunt quod spiritus , qui in illo corpore fuerat , postea fuerit in corpore Jo: Baptistæ .

Præterea de Spiritu Sancto loquitur , de quo dixit Angelus ibi 15 : *Et Spiritu Sancto replebitur* , &c. Nonne vides quod Apostolus 2. Cor. 4. v. 13. dicit , se , & alios Christianos habere eundem spiritum , quem & David habuit ? Numquid eandem animam ? Non : sic enim ait Apostolus : *Habentes autem eundem spiritum fidei* , sicut scriptum est : *Credidi propter quod locutus sum* , & *nos credimus propter quod & loquimur* . Quis autem sit spiritus fidei , habetur 1. Cor. 12. v. 9. Ubi enumeratis quibusdam donis divini spiritus dicitur : *Alteri fides in spiritu* . Præcessit Christum etiam in virtute Eliæ , id est , fortitudine tali , qualem Elias habuit ; iste enim spiritus fortes facit illos , quos inhabitat .

Sunt etiam moti ad hoc dicendum propter verbum Christi Matth. 11. v. 14. *Ipse est Elias* . Dico autem , quod dicitur a Christo parabolice , id est , similitudinarie . Si enim planus esset sensus , & manifesta sententia , quid esset necesse dicere 10 : *Qui habet aures audiendi audiat* , & sic præparare animos auditorum ad intelligentiam illius sermonis ? Istud enim non solet dicere Dominus , nisi cum si-

militudinarie loquitur , sicut patet Matth. 13. v. 9. & Luc. 8. v. 8. in parabola de femine . Similis ergo fuit Johannes Eliæ propter eundem Spiritum Sanctum in utroque , & propter eandem virtutem , id est , constantiam contra Reges ; ille enim Achab , & Jezabel arguit impietatis , ut habetur lib. 3. Regum 1. v. 21. Iste Herodem , & Herodiadem de illicitis nuptiis : ille fuit vitæ austeræ : Johannes similiter , ut patet Matth. 3. Ille Zona pellicea cingebatur , & Johannes Baptista . Quod autem Dominus aliquando sic loquatur , in cap. de Antichristo dicitur .

[*] Quidam autem de his , (25) qui unum principium ponunt , dixerunt ipsum fuisse bonum , & ad denuntiationem Angeli tantum de Elisabeth natum per Spiritum Sanctum , sicut Christus de Virgine sola , non de Joseph . Hoc autem Hæreticum esse patet ex Evangelista ; ait enim Lucas c. 1. v. 13. *Elisabeth pariet tibi filium* : Quæ sunt Angeli verba ad Zachariam . Non sic dictum est Joseph ; sed tantum hoc dictum est Mariæ : *paries filium* . Item nec denuntiatio facta est ei de nascituro in utero , sed tantum jam nato . E contrario autem de Johanne nascituro facta est denuntiatio Zachariæ , non Elisabeth ; propterea Lucas dicit v. 7. Quod *non erat illis filius* , eo quod esset Elisabeth sterilis . Quomodo hoc stare , nisi daret operam generationi carnali cum viro suo ? Ergo vel hoc non est (26) malum , vel si est malum , mala mulier erat , & sic non concepisset per Spiritum Sanctum , ut dixisti .

Præterea : Numquid de carne Elisabeth carnem habuit Johannes ? Si sic : ergo Christus carnem de Maria habuit , licet male dixisti , quod natus est de Elisabeth tantum per Spiritum Sanctum , sicut Christus de Maria . [*]

CAP.

(22) Vide Irenæum lib. III. cap. x1. pag. 189. num. 4. & Tertullianum lib. Adv. Judæos cap. 1x. pag. 194. qui ex hoc Johannis loco Baptistæ sanctitatem colligunt , atque ex eo , quam mox judicat Moneta .

(23) Videlicet in Catharis Gnosticorum progenie exitum habuit , id quod sperabat futurum aliquando Tertullianus lib. de Anima cap. xxxv. pag. 291. quo loco Simonem , Basilidianos , Carpocratianosque exagitat , qui animorum in alia corpora transmigrationem tuebantur : Spero , inquit , hujusmodi hæreticos Eliæ quoque invadere exemplum , tamquam in Johanne representari , ut metempsychosis patrocinentur Prædictio Domini . Elias jam venit , & non cognoverunt eum . Et alibi ; Et si vultis audire , hic est Elias , qui venturus est . Numquid ergo & Judæi ex opinione Pythagorici consuebant Johannem : tu es Elias ? Et non ex prædicatione divina : Et ecce mittam vobis Eliam Thesbitem ; Sed enim metempsychosis illorum revocatio est animæ jam pridem nocte functæ , & in aliud corpus iterata ? Elias autem non ex decisione vitæ , sed ex translatione venturus est ; nec corpori restituendus , de quo non est exemitus ; sed mundo reddendus , de quo est translatus ; non

ex postliminio vitæ , sed ex supplemento Prophetiæ ; idem & ipse & sui nominis , & sui hominis . Sed quomodo Elias Johannes ? Habes Angeli vocem : Et ipse , inquit , præcedet coram populo in virtute , & spiritu Eliæ , non in anima ejus , nec in carne : Hæc enim substantiæ sui cujusque sunt hominis . Spiritus vero & virtus extrinsecus conferuntur ex Dei gratia , ita & transferri in alium possunt ex Dei voluntate , ut factum est retro de Moysi spiritu .

(24) Vide Notam I. ad cap. x. lib. I.

[*] Quæ duobus astericis complexi sumus , desunt e Cod. Bonon. & Vatic.

(25) Nempe Concorrezenses aliquot . Adisus Notam I. in hoc 1. cap. III. hujus libri .

(26) Eatenus hoc argumento Concorrezenses Catharos urget Moneta , quod non licere arbitrantur dare operam generationi carnali quam malam esse jactabant . Sed quæ de Angelo , de Zacharia , de Johanne Baptista , & Elisabeth disputat Noster , fuisse etiam , alio tamen spectans , tractavit Photius lib. II. Contra Manichæos num. x1. pag. 200. seq. Tom. I. Anecd. Græc. Volsi .

C A P. II.

De B. V. Dei Matre.

§. I.

*Probatio Ecclesiæ, quod Maria non fuerit
Angelus, & eorum destructio, qui
male de ea sentiunt: in quo de
Joseph, & Johanne
Evangelista.*

Nunc videamus de Matre Christi, de qua falso loquuntur illi, qui duo principia ponunt, dicentes, quod carnem (1) cælestem habuit; Angelus enim fuit, ut asserunt, nec sexum habebat fœmineum, nec fœmina erat in veritate, sed putabatur: sicut Dei Filius Jesus Christus alius Angelus fuit secundum eos, qui (2) per aurem Mariæ intravit in eam, & per aurem ejus exivit.

Ad destructionem hujus erroris sufficeret, quod nullum testimonium habent, sed somnia sua loquuntur, cum tamen justitia Dei, quæ est per fidem Jesu Christi, testificata sit a lege, & Prophetis, teste Apostolo Rom. 3. v. 21.

Præterea, Angelus bonus a bono Angelo (3) non turbaretur; ipsa autem turbata est in salutatione ejus.

Præterea, quod falsum loquantur evidenter declarant Angeli verba ad Mariam, & e contrario Luc. 1. Cum enim Angelus Gabriel ei dixisset v. 31. *Ecce concipies in utero, & paries filium &c.* Beata Virgo ei respondit v. 34. *Quomodo fiet istud: quoniam virum non cognosco?* Nullam aliam causam prætendebat Maria, quod non conciperet, nisi hanc, quod non cognosceret virum. Si ipsa non esset fœmina materialis, sed cælestis Angelus, qui gravidari non potest, non oporteret illud dixisse; immo otiosum verbum dixisset: quod non est credendum fuisse in matre Christi. Ergo si Angelus esset cæle-

stis, non illud dixisset; sed dixisset: Hoc ratione aliqua esse non potest; non enim fœmina sum, sed Angelus cælestis, sicut & Tu o Gabriel. Nisi forte velis dicere, quod sicut hæc caro distinguitur per sexum masculinum, atque fœmineum; ita etiam & caro cælestis. Quo dicto cum pater cælestis nihil sine causa fecerit, videtur, quod illic masculus Angelus fœminæ carnaliter copuletur: alioquin otiosa fuisset ibi distinctio maris & fœminæ.

Præterea dicit Angelus Gabriel Mariæ Luc. 1. v. 36. *Ecce Elisabeth cognata tua &c.* In secreto colloquio cognatam dicit. Ergo verum est, cum non mentiatur. Sed non dicitur cognata esse aliqua mulier alii, nisi secundum carnem, nec etiam vir viro. Ergo ejusdem massæ fuit caro Elisabeth, & caro Mariæ: sed carnem Elisabeth cælestem non diceres. Ergo nec carnem Mariæ debes appellare cælestem. Si enim Elisabeth cælestem diceres, eadem ratione & Zachariam, & Johannem Baptistam cælestis dices generationis, cum sit natus ex eis. Si autem velis dicere, quod cognatus dicitur quis alii secundum spiritum, ostende hoc per Scripturæ testimonium. Ego enim testimonium habeo ejus, quod dico, quod cognatus dicitur quis alii secundum carnem; unde Apostolus vocat Judæos cognatos suos secundum carnem Rom. 9. v. 3. ubi Paulus dicit: *Optabam enim ego ipse anathema esse a Christo pro fratribus meis, qui sunt cognati mei secundum carnem.*

Præterea si vis dicere, quod cognata erat ei spiritualiter: sed Maria bona erat. Ergo etiam Elisabeth, & tamen dabat operam carnali generationi, gravida enim erat per Zachariam. Quare ergo eam malam prædicas, & dæmonem habere? Quare matrimonium carnale malum dicis, & opus ejus? (4)

Objiciunt tamen nobis, & quærunt isti. Si Maria fœmina fuit: dic, quæ fuit mater ipsius, & quis pater.

Et ego quæro a Te o Hæretice, si Philippus Apostolus fuit homo, sicut nos: dic etiam Tu: quis fuit pater ejus; & mater? Non est enim scriptum; & tamen Tu credis eum de patre & matre generatum. (5)

Item

(1) Erant hi Cathari Albanenses, qui a Balasinasia stabant: ut auctor est Sachonus col. 1769. „ Dicunt, inquit, quod Dei filius „ non assumpsit humanam naturam in veritate, sed ejus similem ex „ Beata Virgine, quam dicunt esse Angelum: Nazarius Concor- „ rensium Pseudo-Episcopus, cujus etiam in Vita S. Petri Martyris apud Bolland. xxix. April. num. 34. fit mentio in eadem sententia fuit. Nazarius, inquit Sachonus col. 1773. *quondam eorum Episcopus, & antiquissimus, coram me, & multis aliis dixit, quod B. Virgo fuit Angelus.* Synagoga Bajolensium Nazarii opinionem tuebatur: *Credunt, ait Sachonus col. 1774. cum prædicto Nazario, quod B. Virgo fuit Angelus.* Atque ita sane intelligendum est, quod habet Peregrinus Priscianus apud Muratorium Tom. v. *Antiquit. Medii Ævi pag. 94. credunt, quod B. Maria non fuit Mulier Albigenfes, vel Albanenses, & Bagnolenses.* Hos etiam Catharos refellit Auctor Disputationis inter Cathol. & Paterinum Hæreticum capite v. col. 1722. Tom. v. *Thes. Anecd. Martenii.* Non autem reperio ullos hæreticos veteres, qui huic generi Catharorum præverint. Scio Collyridianos ita fuisse animo institutos, ut Mariam veluti Deam colerent, ut prodit Epiphanius hæresi lxxxix. num. 1. Verum nulla est inter hanc & illam quam indicat Catharorum opinionem, Moneta similitudo. Fortasse Paulicianorum sententiam, ut est mos hæreticorum, immutarunt Albanenses, & Bajolenses. Sic enim de Paulicianis disserit Photius lib. 1. contra Manichæos nu. vii. pag. 20. *In Sanctissimam autem Dominam nostram Deiparam blasphemantes. . . Credimus, ajunt, in Sanctam Deiparam, in quam ingressus, & egressus est Dominus.*

His porro verbis supernam Hierusalem subinducant, ajuntque in eam præcursores pro nobis ingressum esse Christum.

(2) Nihil de hoc opinionis portento habent Sachonus, Peregrinus Priscianus, neque alii, quos consulere potui.

(3) Ita quoque Auctor disputationis inter Catholicum, & Paterinum apud Martenium Tom. v. *Thesauri Anecdotor. col. 1722.*

(4) Alia quædam argumenta asserit contra Collyridianos Epiphanius, quibus magis magisque refelli hæc Catharorum sententia possit. Præ ceteris autem illud huc transferam, quod habet num. iv. pag. 1061. *Sanctum quoque nos Evangelium præmunire voluit, in quo ita Christus loquitur: Quid mihi & tibi mulier? Nondum venit hora mea. Ubi idcirco mulierem appellavit: Quid mihi, inquit, & tibi mulier? ne quis Beatam Virginem excellentioris alicujus esse naturæ crederet, eoque vocabulo quasi vaticinans ad ea schismata, hæresesque refutandas usus est, quas in orbe terrarum olim excitandas cognoverat: nemo ut Sacrosancta Virgini vehementiori quadam admiratione permotus sese ad illius hæresis nugas ac deliria converteret.*

(5) Sapienter quidem Moneta. Non enim contra hæreticos, qui nihil admittebant, nisi quod in Scripturis continebatur, vulgaræ traditionis momentis pugnare debebat. Etsi namque Gregorius Nissenus, Epiphanius contra Collyridianos, ex Maria Historia, & traditione illud haberi, adfirmet n. v. pag. 1062., ejusdem Mariæ Patrem appellatum fuisse Joachinum, & contra Antidicomarianitas Hæres. lxxviii. n. xvii. pag. 1049. Matrem ejus fuisse Annam vocatam: non tamen constans hæc fuit apud veteres Patres om-

Item quærit Hæreticus . Si Maria fuit fœmina , & parentelam habuit , quare Evangelistæ non texuerunt genealogiam Christi per Mariam , sed per Joseph ? Ex hoc vult dicere , quod non potuerunt hoc facere Evangelistæ , quia non inveniebant a quibus genita esset , & hoc ideo , quia non erat hujus generationis , ut dicit , sed male . Nam Evangelistæ ideo non texuerunt ejus parentelam per Mariam , quia non est mos divinæ Scripturæ parentelam texere per fœminas , sed per viros . Præceptum autem erat in Veteri Testamento , ut viri acciperent uxores de Tribu sua ; unde Num. ultimo . 7. dicitur : *Omnes viri ducent uxores de Tribu , & cognatione sua* , 8. & *cuncta fœmina de eadem Tribu maritos accipient* : quod intelligendum est de fœminis succedentibus patri suo decedenti sine filiis masculis , sicut patet ibi , ubi agitur de filiabus Salphaad mortui sine filiis . Cum ergo Joseph esset de domo , & familia David , palam est , quod Beata Virgo de Tribu fuit regali , id est , de Juda ; unde Hebræ. 7. v. 14. dicit Apostolus : *Manifestum est , quod ex Juda ortus sit dominus noster* . (6)

Idem etiam asserunt de Joseph , quod Angelus fuit cælestis carnis , cujus etiam rei nullum habent testimonium ; unde frivolum esse nulli dubium esse debet quod dicunt .

Præterea nonne vident , quod Angelus Matth. 1. v. 20. Appellat eum filium David ? Quomodo ergo dicunt , quod cælestis fuit carnis ? Nisi forte dicant etiam David , de quo Angelus loquitur , similiter fuisse cælestem , & ejus carnem cælestem similiter . Inferius autem , cum tractabimus de Christi carne , ostendemus , quod ille David est David Veteris Testamenti .

Item dicunt de Johanne Evangelista similiter , quod cælestis fuit Angelus : quod etiam sine testimonio Scripturæ dicunt ; unde tamquam vanum patet deridendum esse , quod asserunt , maxime cum filius Zebedæi dicatur in pluribus locis Evangelii .

Scilavi (7) vero dicunt , quod Deus pater justo-

rum tres Angelos misit in mundum : Unus ex eis formam mulieris accepit in mundo isto ; & hic dictus est Maria . Alii vero duo viri es formas sumferunt , scilicet Christus & Johannes Evangelista , quem adhuc credunt Scilavi , & qui duo ponunt principia , in illa forma existere , quam assumpsit ; & ideo dictum a Christo putant de eo , falso tamen : *Sic enim volo manere donec veniam* . Jo: ultimo 22. Hoc autem falso intelligunt de ultimo adventu Christi ad judicium universale ; Nos autem de adventu ad particulare judicium in morte uniuscujuslibet ; Vel secundum animam illud intelligimus . De quo adventu habetur Matth. 24. v. 46. *Beatus ille servus , quem cum venerit Dominus ejus , invenerit sic facientem* .

Machinantur autem insuper illum Angelum , qui in muliebri forma appellatus est Maria , assumpsisse intra se alium Angelum , qui dictus est Jesus , ut sic deceptorie mater putaretur , & diceretur ipsius .

Isti dicunt , quod prædicti tres similitudinem humanorum corporum videbantur habere , sed non habebant veritatem ; nec esuriem , nec sitim , nec alios defectus humanæ naturæ habuerunt , licet se illos habere ostenderent .

Quod autem omnia ista sint falsa patet ex eo , quod nullo testimonio confirmantur .

Alii autem Hæretici , qui unum ponunt principium , (8) id quod a prædictis dictum est , fabulosum esse credunt , fingentes Beatam Virginem fuisse in veritate fœminam de sola muliere sine virili semine natam . (9)

Primum quidem verum est , quod fœmina fuit ; secundum autem fictitium , scilicet quod de sola muliere originem duxerit ; hoc enim nullo testimonio Scripturæ ostendere possunt . Quidam autem ex eis de patre & matre carnalibus natam credunt : quod verum est . At ii non credunt carnem Christi materiale esse de carne Beatæ Virginis , ut dicetur inferius . Primi vero credunt , quod de ejus carne materialiter fuerit fabricata ; sed nec caro Virginis , nec caro Christi de massa carnis Adæ fuerit . Unde &

G g car-

omnes sententiæ ut ex Hieronymo contra Helvid. cap. VII. & ex Augustino lib. xxiii. contra Faustum pag. 19. liquet . Sed invaluit in Ecclesia hæc altius repetita traditio Joachimum Patrem , Annam autem matrem Virginis nuncupatam fuisse : Atque ita quidem Ecclesiæ omnes Parentum Virginis nomina exprimunt ; Epiphanium , aliosque plures auctores sequuta , quidquid contra , interperatores quidam Critici , jactitent .

(6) Non negabant veteres Manichæi Mariam Virginem fuisse mulierem ; quamvis ultro inticiarentur eam ex Davide fuisse ortam : Itaque , Faustus Manichæus apud Augustinum lib. xxiii. cap. III. col. 424. Tomo III. Opp. alterutrum horum duorum admitti a nobis oportere pugnabat ; aut Josepho progenitum fuisse Christum , aut non ex tribu Juda , adeoque ne ex Davide quidem duxisse originem . Sed ineptissimum hæreticum multis eodem libro cap. VII. col. 426. seqq. Augustinus exagitat . Solide vero cum primis Catharorum argumentum refutavit noster . Nam paucis , etsi clara quadam dilucidæque ratione dicendi , illa ipsa complexus est , quæ deinde fusillime persequuti sunt , qui de Christi genealogia scripserunt . Ad eundem Jacobus Hyacinthus Serrius Exercit. xli. De Christo ejusque Virgine matre : pag. 276. seqq. Edit. an. 1719. Gerardus Johannes Vossius Dissert. de Genere Jesu Christi pag. 49. Tom. VI. Opp. Edit. Amstelod. an. 1701. Petrus de Marca Dissert. de Stemmate Christi Tom. I. Opusculorum pag. 1. seqq. Edit. an. 1681. Bollandiani ad d. xix. Martii §. IV. De S. Josepho pag. 9. seqq. & qui in III. Partem S. Thomæ Quæst. xxxi. Art. II. commentarios ediderunt .

(7) Scilavos appellat noster hæreticos Catharos , qui erant ex Ecclesia Sclavoniæ : Ac Reinerius quidem Sachonus , qui factiones horum , & Sinagogas probe norat , col. 1767. Tom. v. Thejauni

Anecd. Martenii , quo loco quærit , quot sunt Ecclesiæ Catharorum , Ecclesiam quoque Sclavoniæ recenset . Aliquanto autem inferius : col. 1768. Item , inquit , Ecclesia Sclavoniæ , & Philadelphia , & Græcorum Bulgaria , & Dugumbia omnes simul quingenti .

(8) Etsi Nazarius Concorrezensium Pseudo-Episcopus B. Virginem Angelum fuisse pronunciarit , ut animadvertit prima Notatione in hoc cap. & Christum non accepisse animam humanam , sed Angelicam , sive corpus cæleste : quod erroris monstrum ab Episcopo , filio majore Ecclesiæ Bulgariæ se accepisse jactabat : velut ab Reinerio Sachono memoriæ proditum est : col. 1773. seqq. Cathari tamen Concorrezenses fere omnes putabant : Quod Christus non assumpsit animam humanam , sed quod accepit corpus de B. Virgine : Sachonus ibid. Ergo Concorrezenses indicat hoc loco Moneta . Hi namque unum ponebant principium .

(9) Vereor , ut Collyridiani huic sectæ Catharorum præiverint . Nam Epiphanius Hæres. lxxix. n. vi. pag. 1062. Tom. I. Opp. eos refellens : Quamvis , inquit , ex Mariæ Historia , ac traditione illud habeatur Joachimo ejus Patri divinitus hoc in deserto nunciatum fuisse : uxori tuæ concepit : non ita tamen accipiendum est , quasi hoc citra nuptialem consociationem , ac virilem satum acciderit &c. Quorum enim hæc dixisset adversus Collyridianos Episcopus Salaminus ; ni illi in hujusmodi falsa opinione constituti fuissent ? Non quæro autem de hujusmodi Historiæ veritate . Videntur Tillemontius Nota 1. in Vitam B. Virg. Tom. I. Monument. Hist. Eccl. pag. 484. seqq. Excitavit hunc eundem errorem superiore seculo Imperialis , nescio quis , Neapolitanus , damnatusque est ab Ecclesia , ut est a Tillemontio traditum loco mox indicato .

carnem Virginis ex matre sua dicunt, non de matre, quia *de* materiam notat, *ex* vero exitum tantum demonstrat, vel designat; improprie tamen illam fœminam matrem Virginis dicunt, cum de ea nihil habuerit, ut credunt, sed male.

C A P. III.

§. I.

De Christo.

Sequitur tertium cap. de Christo, quod dividitur in plures partes. In prima agitur de divinitate Christi, an scilicet sit Deus, an non. In secunda agitur de ejus humanitate hoc ordine. Primo enim agitur de carne ejus; & hoc dupliciter; primo enim inquiritur an sit vera, an falsa opinio illorum, qui duo ponunt principia, de carne Christi, quod fuerit cœlestis. Secundo, discutitur opinio illorum de carne Christi, qui unum principium ponunt. Tertio agitur de singulis articulis fidei pertinentibus ad humanitatem Christi, & primo de conceptione Christi de Beata Virgine, & de Artifice conceptionis, qualiter se habeat ad Christum conceptum ejus opere: utrum scilicet ejus Filius dicendus sit. Secundo, de nativitate ejus ex ea: utrum illa nativitas sit exterius ex ea, an fabricata fuerit materia ipsius de ea secundum carnem; & an de David, & Abraham ejus caro materialiter fuerit fabricata. Tertio agitur de tertio articulo, scilicet an ejus caro fuerit passibilis & mortalis; & an passus & mortuus, &

an alias dispositiones nostri corporis in sua carne habuerit in tractatu de ejus humanitate. Post tractatum de carne ejus, agetur de quarto articulo, scilicet de descensu ad inferos secundum animam. Primo tamen quæritur an animam, & animæ qualitates habuerit. Quinto, de resurrectione Christi. Sexto, de Ascensione. Septimo, de adventu ejus ad judicium universale.

P A R S P R I M A

De Divinitate Christi.

§. I.

IN hoc autem tertio capitulo de Christo errant Cathari, qui puram creaturam eum (1) continentur, qui duo ponunt principia: secundo autem errant, quia carnem ejus cœlestem putant de cœlo ipso in hunc mundum allatam.

HÆR. Ad primum inducunt illud Eccles. i. v. 4. *Prior omnium creata est* (2) *sapientia*. Hæc autem est illa sapientia, de qua dicitur i. Cor. i. v. 23. *Nos autem prædicamus Christum crucifixum: Judæis quidem scandalum, Gentibus autem stultitiam. Ipsi autem vocatis Judæis, atque Græcis Christum Dei virtutem, & Dei sapientiam*. Ex hoc autem arguunt nos hæreticos esse, quia dicimus quod Filius a solo Patre est non factus, nec creatus, sed genitus.

Solutio. Si sapientia dicitur (3) ipse Christus ibi: dico, quod loquitur de Christo propter naturam

(1) Nempe Albanenses, qui a Balasinasæ stabant verbum Divinum creaturam esse rebantur. Ita Sachonus col. 1768. qui multos etiam e Concorrenses, unius principii adfectoribus, male sensisse de Unitate, & Trinitate, prodit col. 1773. Sed Peregrinus Priscianus. apud doctissimum Muratorium. Tom. v. *Dissert. Hist. Medii Ævi*. Diff. lxx. pag. 94. non Albanenses, & Concorrenses solum, verum etiam Bajolenses, vel Bagnolenses putasse tradit, *Christum non esse Deum*; Catharis præfere seculo i. vel ii. dispar enim est Criticorum sententia, Cerinthus, apud Irenæum, lib. ii. cap. v. & apud Eusebium lib. ii. *Hist. cap. xxxviii*. Ebion apud Eusebium lib. vi. cap. xvii. & Theodoretum lib. ii. *Hæreticar. Fabular. cap. i*. Seculo secundo Carpocrates Gnosticorum princeps, apud Eusebium lib. iv. *Hist. cap. vii*. Irenæum lib. i. cap. xxv. al. xxiv. & Augustinum lib. de *Hæresibus* col. 7. Tom. viii. *Opp. ubi*, Hic, inquit, *Jesum hominem tantummodo, & de utroque sexu natum putasse perhibetur; sed accepisse talem animam, qua sciret ea quæ superna essent, atque nuntiaret*. His insequentibus porro seculis accessere Theodotus Coriarius, & Theodotus alter argentarius. Paulus Samosatenus, Arius, Eunomius, Photinus, & recentiore memoria Michael Servetus, Valentinus Gentilis, & Socini duo, quorum etiamnum hæresis per universam fere Europam magno Ecclesiæ incommodo grassatur. Fateor tamen non unam horum omnium fuisse omnino, neque eandem sententiam. Nam erat inter hos aliqua discrepantia, tametsi in ipsa, ut ajunt rei substantia mirifice convenirent. Sed occupata est hæc ab historicis Ecclesiasticis, Theologisque Provincia. Ego ad Catharos venio qui Balasinasæ auscultabant. Erant hi partim Ariani, partim Phantasiastæ. Ariani namque, ut comperta res est, verbum creaturam quidem esse ajebant, non corpoream tamen, neque *humanitati* Christi ætate æqualem, sed multo ante Mariam conditam. Phantasiastæ vero, ut Simon Magus, ut Marcion, ut Manichæi, ut alii plerique hæretici veteres non veram, sed apparentem Christo humanitatem affingebant. Ex his duobus opinionum portentis tertium quoddam constarunt Cathari. Putarunt enim verbum non esse Deum; sed præstantissimam creaturam, quæ speciem, ac veluti spectrum, non substantiam humanitatis adsumpserit. Suspicio autem Mani-

chæos veteres hoc systema præformasse, etsi non omnes, at alii quos tamen. Nam Fortunatus Manichæus apud Augustinum *Disp. i. cum Fortunato col. 94. Tom. iv. Opp.*, Verbum natum constitutum, tione mundi cum mundum fabricaret, post mundi fabricam in, ter homines venisse, ait, dignasque sibi animas elegisse: Quotus autem quisque non videt, Fortunati sententia, verbum esse creaturam, quippe qui ortum illud a constitutione mundi posuerit? At vero Manichæi veram in Christo carnem inficiabantur. Bogomilii, apud Euthymium in *Panopl. Tit. xxiii. part. ii*. etsi in tempore natos Filium, Spiritumque Sanctum censuerint, monstrum tamen dogma a communi Catharorum longe discrepans propugnabant. Patri namque duas alias, Filii, Spiritusque Sancti appellationes tribuebant, putabantque illum humana forma præditum, & ex binis cerebri panniculis binos radios emittere alterum filii, alterum Spiritus Sancti. Rursum autem resolvijebant in Patrem ex quo provenerunt, Filium, Spiritumque Sanctum, quos non existisse nugabantur ad annum usque mundi quinquies millesimum quingentesimum.

(2) Nempe quod ad priorem erroris partem attinet, afferunt *πρωτον* illud, quod exstat Eccles. i. v. 4. Hoc autem testimonio Ecclesiastici abusus fuisse Arianos, atque aliis generis ejusdem testata res est, præsertim autem illo, quod exstat *cap. viii. Prov. v. 22*. Aditor Sanctus *Augustinus lib. i. de Trin. cap. xli. nu. 24*. Non abludunt Sociniani; si qua enim similia ostendunt, exemplo intorquent in eos, qui veram tuerentur sententiam: ut Crellius fecit *lib. de Deo, & ejus Attrib. cap. xxiv. pag. 72. Bibl. F.F. Polonorum*.

(3) Non discrepat Moneta ab Auctore *Sermonis contra omnes hæreses, Inter Opera S. Athanasii Tom. ii. pag. 232. Edit. Paris. an. 1698*. Sed ad hæc dicit Ariomanita, quare igitur *παρεκκλήσεις* ait: Dominus creavit me initium viarum suarum in opera sua: *Οἰμώτιστι! Annon audisti Angelum Virgini dicentem: quod nascetur ex te, Sanctum vocabitur. Vides, quod de negotio Incarnationis verba faciat. Cum autem inveteratum esset sex dierum opus, in prævaricatione Patris prosapie nostræ Adami, in mortemque delapsus esset nostrum genus, placuit Deo ad nos mittere proprium Filium Deum Verbum, atque assumere ut supra dixi,*

ram humanam, quam assumpturus erat. Nec obstat, quod de præterito loquatur, quoniam prophetice loquens præteritum posuit pro futuro, sicut ostendimus fieri in multis locis Scripturæ in prima parte hujus operis in cap. de Prophetiis: utrum scilicet illa, quæ de præterito est, sit intelligenda de præterito, sicut litera sonat.

Vel aliter dicitur ipsa sapientia creata, idest, decreta creari postea, sicut David dicit psalm. 2. v. 2. *Principes convenerunt in unum adversus Dominum, & adversus Christum ejus*: quod B. Petrus, & alii Apostoli exponunt de futuro esse intelligendum; ideo enim illud factum esse dixit David, quia decretum erat a Deo, ut fieret, ut habetur Actor. 4. v. 28.

Eodem modo solvendum est illud Eccl. 24. v. 14., ubi sapientia Patris, idest, Christus ait: *Ab initio, & ante secula creata sum*: id est prævisa, & ordinata fieri creatura, cum venerit plenitudo temporis.

Eodem modo exponas illud Prov. 8. v. 22. ubi ait sapientia: *Dominus creavit me principium in opera sua*, (4) ubi nos habemus: *possedit* hoc est creavit, hoc est creare decrevit me in plenitudine temporis, disposuitque me facere creaturam, & hominem: me, dico, principium secundum quod Deus sum viarum, hoc est, operum suorum, quæ sunt via ad cognoscendum eum; Nostra autem litera habet: *in initio viarum suarum*, idest, ante vias, sive opera sua, sicut causa est ante effectum. Hoc idem voluit etiam Johannes 1. v. 1. Cum enim dixisset v. 3. *Omnia per ipsum facta sunt* tamquam per principium, & causam omnium secundum Deitatem, postea de humanitate subjungit dicens v. 14.: *Et Verbum caro factum est*.

HÆR. Ad idem inducunt illud Isaia 42. v. 1. ubi Pater omnium (5) ait de Christo: *Ecce servus meus, suscipiam eum*: quæ verba exponit etiam Matthæus de Christo c. 11. v. 10.

Ad hoc dico: quod in Isaia Pater loquitur de Filio secundum naturam assumendam, id est secundum formam humanam; & quod ita sit patet Philip. 2. v. 6. ubi Apostolus dicit de Christo: *Qui cum in forma*, idest, in essentia Dei esset, *non rapinam arbitratus est esse se æqualem Deo*, 7. *sed semetipsum exinanivit, formam servi accipiens*.

HÆR. Ad idem inducunt illud Isaia 11. v. 3. *Et replebit eum* (6), idest Christum, *spiritus timoris Domini*. Ergo non est Deus.

ex intacta Virgine, templum, hoc est hominem. Atque B. Apostolus Paulus: Placuit Deo in mundum mittere filium suum natum ex muliere. *Viden eum loqui de Incarnatione*? Ac merito sane Moneta conditionem si initio responsi adhibuit. Etenim ita quoque Patres fecerunt, qui Arianos sunt infectati; tum ita quemadmodum noster, responderunt. Adeundi Epiphanius Hæres. lxxix. n. xxx. c. xxxi. Tom. 1. Opp. pag. 744. seq. Sanctus Augustinus l. ind. nota superiore, & S. Thomas 1. P. Q. xli. Art. 111. ad 4. arg. Ad didit autem noster, quam assumpturus erat (naturam scilicet humanam) ut Catharos impediret, quominus scire illum de re eadem obtunderent, dicerentque, ante illum fuisse cælesti corpore instructum; aut spiritali carne præditum in seculo superiore, veluti Albanenses Johannis de Lugio jactabant; qui in re Valentianis aliqua ex parte assentiebantur, qui apud Tertullianum lib. de Carne Christi cap. xiv. Carnem Christi spiritualem esse dicebant.

(4) S. Epiphanius Hæres. lxxix. num. xxxi. pag. 745. hoc idem responsum adhibet: *Dominus creavit me, hoc est Dominus edificavit me in utero Mariae initium viarum suarum in opera ipsius: initium quippe viarum, & adventus in hunc mundum Christi,*

Solutio. Istud non sequitur, quia Isaia loquitur de Christo secundum humanam naturam, quam assumpturus erat.

HÆR. Ad idem inducunt illud Matth. 20. v. 8. *Cum sero autem factum esset, dixit Dominus vineæ procuratori suo*, idest Christo. Ex quo vult Hæreticus, quod non sit ejusdem substantiæ, nec dignitatis cum Patre.

Ad hoc dico: quod loquitur de Christo secundum humanitatem, in qua Christus judicabit. Pater enim dedit ei potestatem faciendi judicium, ut habetur Jo: 5. v. 27. *Quia filius hominis in illo judicio reddet unicuique juxta opera sua*.

HÆR. Ad idem inducunt illud Jo: 5. v. 46. *Si crederetis Moysi: crederetis forsitan & mihi*. Ubi videtur, quod dubitatio in ipsum ceciderit; & sic non potest esse, quod Christus sit Deus.

Ad hoc respondeo illud Luc. 20. v. 13. *Mittam filium meum dilectum: forsitan cum hunc viderint, verebuntur*. Numquid Deus Pater dubitabat? Non. Similiter nec Christus. Ideo autem dixit *forsitan*, ut denotaret illud esse in libero arbitrio, scilicet credere, & non credere.

HÆR. Ad idem inducunt illud Jo: 10. v. 7. ubi ait Christus: *Ego sum ostium*. Ostium autem non est ejusdem dignitatis cum Ostiario.

Ad hoc dicas, quod Christus secundum quod aperiebat, & revelabat doctrinam, & se, per opera, quæ faciebat, erat Ostiarius; unde dicebat Jo: 5. v. 36. *Opera, quæ ego facio, testimonium perhibent de me*. Et quod Ostiarius sit, patet Apocaly. 3. v. 7. ubi dicitur de ipso, quod ipse *aperit, & nemo claudit: claudit, & nemo aperit*. Secundum autem, quod aperiebatur, & revelabatur illis operibus, & doctrina, erat ostium. Idem ergo est Ostium, & Ostiarius: quod non contingit in materiali Ostio, & ejus Ostiario.

HÆR. Ad idem inducunt illud Matth. ultimo 19. ubi Christus ait: *Data est mihi omnis potestas in caelo & in terra*. Ex quo volunt, quod Christus minor sit eo, qui dedit ei potestatem illam.

Solutio. Duplex fuit potestas in Christo, (7) sicut & duplex natura, scilicet divina & humana. Secundum humanam erat minor Deo Patre: ex quo non sequitur, quod ipse non sit æqualis ei secundum Divinam potestatem.

HÆR. Ad idem inducunt illud Matth. 24. v. 36.

G g 2

De

corpus ejus est ex Maria sumptum, ad justitiæ, & salutis opus adscritum.

(5) Simile quidpiam objicit sibi ex eodem Isaia capite, refutatque Auctor Dialog. 1. contra Macedon. pag. 546. inter Opp. S. Athanas. Tom. 1., quo loco etiam alterum quoque, quod mox subnequit Moneta ex Catharorum sensu, repellit.

(6) Vide notam superiorem.

(7) Pulchre Auctor Operis de Assumptione Homini inter Opp. S. Athanas. pag. 613. Tom. 11. Dum refellit argumentum, quod Ariani ex testimonio Apostoli, quod exstat 1. ad Cor. 15. 27. proferebant. Hoc evidenter, inquit, ad Deitatem filii Dei non pertinet dictum; dum per ipsum cuncta sint facta, & semper illi fuerint subdita, quia nemo est, qui factura sua non dominetur semper. Unde homo, qui nuper natus est, sine dubio ante passionem non fuerint subdita, cum adhuc ipse homo morti esset pro nobis debitor. Unde jam post passionem, vel Ascensionem, sive judicium futurum, universa erunt ei subdita, sicut ipse homo de se significat: Data est mihi omnis potestas in caelo, & in terra. Denique vel hoc accipe: Et potestatem dedit ei ad judicium faciendum, quoniam filius hominis est.

De die autem illa (8), & hora nemo scit, neque Angeli cælorum, nec filius, nisi Pater.

Solutio. Sicut Deus scire dicitur aliquid, hoc est scientiam (9) dare; unde dixit Moyses filiis Israel Deut. 13. v. 3. *Tentat vos Dominus Deus vester, ut palam fiat, utrum diligatis eum, an non*; hoc est ut det vobis scientiam, & cognitionem, an eum vere diligatis; multi enim dicunt se vere, & firmiter diligere Dominum, qui tempore tentationis recedunt ab eo, sicut patet in Petro, qui dixit Matth. 26. v. 33. *Etsi omnes scandalizati fuerint in te, ego nunquam scandalizabor*. Eodem modo Christus dicitur nescire aliquid, quia non facit nos scire illud, sicut hoc: *Nec etiam filius scit*, id est non facit nos scire, tamen ipse in veritate scit de die illo.

Potest tamen aliter dici, quod ipse filius dicitur nescire de die illo; sicut etiam dicitur Jo: 7. v. 16. *Mea doctrina non est mea*. Sua ergo erat doctrina, quam faciebat, & non erat sua. Sua non erat, quia ipse nec esse, nec scire habebat a se; sua autem erat, quia eam a Deo Patre acceperat. Quod autem ita sit intelligendum patet per literam, quæ ibi sequitur ibidem: *Si quis voluerit voluntatem ejus facere* &c. Similiter sua scientia non est sua secundum illos duos modos. Quod autem acceperit scientiam illius diei a Patre potest haberi ex eo, quod dicitur Jo: 5. v. 20. *Pater diligit filium, & omnia demonstrat ei*. Item Colof. 2. v. 3. *In quo sunt omnes thesauri sapientiae, & scientiae absconditi*. Item per hoc quod dici-

tur: *Nisi Pater* intelligendum est, quod ita solus scit, ut ab aliquo istud scire non receperit.

HÆR. Ad idem inducunt illud Jo: 14. v. 28. *Pater major me est*. (10) Ad quod dicendum est Hæretico, quod Christus dicit Patrem majorem se ipso homine, non se Deo. In omnibus illis fallitur Hæreticus, quia unam naturam in Christo arbitrat.

Eodem modo (11) dicendum est 1. Cor. 15. v. 28. de Christo: *Cum autem subiecta fuerint illi omnia: tunc, &c.* Filius enim secundum humanitatem subiectus erat Patri, & est modo. Per hoc enim quod dicitur, quod tum erit ei subiectus, non remove- tur, quin & modo subjiatur ei quoad humanam naturam, qui tamen est ei æqualis secundum divinam, ut ostendetur in proximo.

HÆR. Ad idem inducunt illud Jo: 1. v. 27. ubi Johannes Baptista dicit: *Ipse est*, (12) *qui post me venturus est, qui ante me factus est*. Sed non secundum carnem. Ergo secundum deitatem. Ergo incæpit esse Deus.

Respondeo. *Ante me factus est*: (13) hoc verum est. Quod autem dixisti: non secundum carnem, five humanitatem: hoc falsum est; immo secundum illam factus est Christus ante Johannem Baptistam, non tempore, sed dignitate, ut patebit inferius.

HÆR. Ad idem inducunt illud Jo: 10. v. 30. Ubi Christus ait Judæis: (14) *Ego & Pater unum sumus*.

(8) Vexatus hic locus ab Arianis, & Eunomianis olim fuit, vexaturque etiamnum ab Socinianis ad summam impudentiam. Videndus Dionysius Petavius, lib. 11. *Theologicorum Dogm. cap. 111. §. 7. & seqq. & lib. 111. cap. 14. §. 1. seq.*; quibus quidem in locis Patrum testimonia recenset, qui veteres illos hæreticos exagitarunt, citatque accurate pulsat Crellium, reliquasque pestes Sociniane ractionis.

(9) Simile responsum adhibet Ambrosius lib. 5. *de fide cap. 111*. pluresque alii Patres, quos recenset Petavius lib. 11. *Theolog. Dogm. cap. 111. §. 111. seqq. Tom. 11*. Neque vero ab altera, quam mox usurpat responsione Moneta, sibi temperarunt, ut apud eundem Petavium cernere licet l. c.

(10) Non minus hoc testimonio abutebantur Arianis, & Eunomiani, & si qui alii fuerunt Hæretici Christi divinitati infesti, & inimici. His manus dare audent Sociniani. Adis eundem Petavium lib. 11. *Theol. Dogm. Cap. 11. §. 1. seqq. Tom. 11. & lib. 111. cap. 14. §. 111*.

(11) Vide Notam 7. in hoc cap. refellit etiam Arianos Athanasius, qui in rem suam Pauli *πρὸν* contorquebant lib. *De Incarnatione & Contra Arianos pag. 886. seq. Tom. I. P. 11. Opp. Id est, inquit, cum omnes Filio subiecti ejusque membra reperti, ac in illo Filii Dei effecti fuerimus, vos enim, inquit, unum estis in Christo Jesu, tunc ipse pro nobis Patri subjiatur, ut caput pro suis membris. Quamdiu enim omnia ejus membra subiecta non fuerunt, tamen ipse, qui est caput eorum, Patri subiectus non erat, dum propria membra expectaret. Si vero unus fuisset ex subiectis, ab initio Patri subiectus fuisset, & non in fine. Nos enim sumus, qui in eo Patri subjicimur, & nos sumus, qui in eo regnamus, donec ponantur inimici nostri sub pedibus nostris. Nam propter inimicos nostros Dominus cælorum in similitudinem nostram factus est, accepitque humanum illud solum David Patris sui secundum carnem: ut reedificaret, & restauraret illud. Ut cum restauratum fuerit, omnes in ipso regnemus, & iradat ipse Patri humanum regnum instauratum, ut sit Deus in omnibus regnans per ipsum, ut per Verbum Dei, postquam regnaverit ipse per eum, ut per hominem Salvatorem.*

(12) Arianorum proprium erat hoc argumentum. Auctore utor Augustino *Serm. cccclxxx. col. 61. ex Vigner. nu. 3. col. 1479*. Hic jam, inquit, qui credunt factum ante cetera per quem facta sunt omnia, calumniantur his verbis, vel per hæc verba nobis, & dicunt: ecce quia factus est. Consultat Lector quæ sequuntur. Faus- tus Socinus in *Explicat. locorum quorundam Sacrae Scripturae pag. 145. Tom. I. Bibl. FF. Polon.* lectionem vulgatam refellit, qui v.

15. *Cap. I. Evang. Johann.* ita vertit: *Quia prior me est. In posteriore vero (parte versus) non est cur habere non debeat, cum verba ipsa id firant; & infirmissima alioqui sit ratio ista, quia prior me erat: ac si de prioritate temporis id intelligatur, inquit, indignissima, quæ afferatur, & plane ridicula*. Nempe urit hominem vulgata lectio, quod suum de divinitate Filii, Photinianum dogma evertat. Atque hunc, quam vulgata, postulat etiam Græca lectio. *ὁ ὀπίω μὲ ἐρχόμενος, ἐμπροσθέν μὲ γέγονεν ὁ τὸ πρῶτόν μὲ ὢν*: Nisi enim legendum esset *prior me erat*, quid causæ fuit cur Johannes diceret: *ἐμπροσθέν μὲ γέγονεν: ante me factus est*? Nego autem infirmissimam esse hanc rationem; annua enim legitima ratio est: priorem genitum esse eum, qui prior erat? Jam vero quot sensus admittat *τὸ γέγονεν*, nolo hic persequi. Notum enim id est Græci sermonis cultoribus.

(13) Probat hanc eandem Monetæ interpretationem Augustinus loco indicato nota superiore.

(14) Immo ex hoc ipso testimonio colligunt Veteres Christum, quod ad divinitatem attinet, consubstantialiorem esse Patri. Atque, ut alios omittam, quos alio loco opportunius recensero: Auctor libri *Contra Sabellii Gregales*, qui extat *Tom. 11. Opp. Athanasii col. 42. seq. num. 7*. Sic habet: *Ita sit, ut duo illa unum sint, eo quod neque differant, neque separentur, neque sub alia specie aut sub alia figura Filius intelligatur, sed Deus sit quemadmodum & Pater. Cum enim illo dicente: Ego, & Pater unum sumus indignarentur Judæi, ac dicerent: quia tu homo cum sis, facis te ipsum Deum. Respondit Salvator quod illi dixerant confirmans, quasi nihil aliud ipse declarasset, dum dixit: Ego & Pater unum sumus: Quam se quoque Deum esse, cum Filius Dei sit: Si illos dixit Deos, ad quos sermo Dei factus est, & non potest solvi Scriptura, quem Pater sanctificavit, & misit in mundum, vos dicitis quia blasphemias, quia dixi Filius Dei sum? Si non facio opera Patris mei, nolite credere mihi: Si autem facio, & si mihi volueritis credere, operibus credite, ut sciatis, & cognoscatis, quia ego in Patre, & Pater in me. Igitur in Patre Filium esse, & Patrem in filio, hoc nihil aliud est, quam eum qui ex Deo genitus est Dei Filium esse, ac Deum secundum naturam, ut est Pater, atque in se ipso paternam formam exhibere, ipsumque mutuo in paternam substantia exhiberi. Eodem recidunt, quæ exsequitur Ambrosius lib. 11. *De Fide cap. 14. Vide Patavium lib. 11. De Trinit. cap. 111. num. x. seq. Tom. 11. Theologic. Dogm. Parvi ergo refert quidquid contra ganniant Cathari, a quibus hoc argumenti genus mutuati sunt Sociniani; præsertim autem Crellius lib. 1. De Uno Deo Patre cap. xxxi. pag. 54. Tom. v. Bibl. Polon.**

mus. Quod verbum ita intellexerunt Judæi, quod scilicet Christus esset ejusdem naturæ cum Deo Patre, & quod diceret se Deum: Unde sustulerunt lapides, ut lapidarent eum tamquam blasphemum. 31. Jesus autem respondet eis. 32. *Multa bona opera ostendi vobis ex patre meo, propter quod eorum opus me lapidatis?* 33. *Responderunt ei Judæi: de bono opere non lapidamus te, sed de blasphemia, & quia tu homo cum sis, facis te ipsum Deum.* 34. *Respondit eis Jesus: Nonne scriptum est in lege vestra, quia ego dixi, Dii estis? &c. Usque filius Dei sum?* dicunt Hæretici hic. Qualiter se dixerit Deum, patet quod non per naturam, sed per gratiam. Induxit enim hoc exemplum: *Ego dixi, Dii estis*: per quod verbum intendebat probare se, & illos dici Deos. Sed illi non per naturam dicuntur Dii. Ergo nec Christus Deus est per naturam. Attende etiam, quod ibi dicit: *quem Pater sanctificavit, & misit in mundum*: hoc est sanctum fecit. Ipse autem non fuit prius quam esset Sanctus, nec prius fuit Sanctus, quam esset. Ergo si Pater fecit eum Sanctum, fecit etiam eum.

Solutio. Per hoc verbum: *Ego, & Pater unum sumus* intelligebat duo, scilicet se esse unius naturæ cum Deo Patre, & se esse unius voluntatis cum illo; sicut & Sancti homines sunt, de quibus dicitur 1. Cor. 6. v. 17. *Qui adhæret Domino, unus spiritus est*. Unum enim fuit cum Deo Patre in quantum Deus: unum fuit etiam cum eo per gratiam in quantum homo. Judæi autem tantum unum intelligebant, scilicet quod esset unius naturæ cum Patre, & naturaliter Deus; unde in furorem conversi eum velut blasphemum lapidare volebant. Dominus autem volens mitigare furorem ipsorum, temperavit (15) sermonem suum dicens: *nonne, &c.* in quo voluit quod ipse, & alii possunt dici Dii per gratiam. Sed ex hoc non sequitur, quod ille non sit Deus per naturam; non enim est tantum humanæ naturæ, sed etiam divinæ: secus est in aliis, qui tantum homines sunt. Immo ex illa auctoritate per locum *A minori* ostendit se sine blasphemia posse dici Deum; si enim illi dicuntur Dii, qui prius non fuerunt, sed in mundo nati sunt, & sanctificati, multo fortius *quem Pater sanctificavit, & in mundum misit, dicendus est Deus*.

Ad illud, quod dicunt de hoc verbo: *sanctificavit*. Dicendum est, quod potest intelligi de Christo dupliciter, scilicet secundum Deitatem, & secundum humanitatem. Primo modo sensus est: Pater eum sanctificavit, hoc est sanctum genuit juxta illud Psalm. 109. v. 4. *Ante luciferum genui Te*; hoc enim verbum *facere* in compositione non semper

servat suam naturalem significationem: quod patet. Cum enim Deus infactus sit, Scriptura tamen appellat eum perfectum; nec est sensus: est plene factus; sed dicitur perfectus, quia nihil ei deest, sicut dicunt Sancti. Ita ex isto verbo: *sanctificavit* non sequitur, quod Christus cœperit esse, aut esse sanctus, quia non est factus esse, nec sanctus esse, sed ab æterno genitus Deus, ut infra probabitur, cum de æternitate filii Dei tractabimus. Potest tamen istud verbum: *Quem Pater sanctificavit* intelligi de Christo secundum humanitatem. Pater enim misit filium suum in mundum, quando humanam naturam eum assumere fecit, quam naturam in ipso Christo sanctificavit, hoc est, sanctam fecit; & secundum hoc verbum *facere* servat in compositione suam naturalem significationem: & bene credo, quod Christus in quantum homo incœperit esse, & sanctus esse, nec fuit Deus per naturam, secundum quod homo, licet fuerit Deus per gratiam, sicuti illi, *ad quos sermo Dei factus est*.

HÆR. Ad idem inducunt illud Jo. 17. v. 11. Ubi Christus dicit ad Patrem: *Pater sancte, serva eos in nomine tuo, quos dedisti mihi, ut sint unum, sicut & nos*. (16) Homines autem non fiunt unum, nisi per fidem idem credendo, aut per spem idem sperando, aut per dilectionis vinculum, & unitatem voluntatis idem volendo. Sed hoc modo non fiunt unum in essentia. Ergo nec Deus pater, & Christus unum sunt in essentia, sed in voluntate.

Solutio. Hoc adverbium *sicut* non semper servat omnimodam similitudinem, sicut patet Matth. 5. v. 48. Ubi Dominus ait: *Estote ergo vos perfecti, sicut & pater vester celestis perfectus est*: Eodem modo in verbis præcedentibus; & est sensus: *Serva eos, quos dedisti mihi*, ut suo modo sint unum copula charitatis, sicut ego, & Tu unum sumus in natura divinitatis. Unde adnotandum, quod unitas sua, & patris, est unitas substantialis; nam sine aliqua determinatione simpliciter dixit: *Ego & Tu unum sumus*. Unitas autem Fidelium accidentalis est, & non est unitas simpliciter, sed secundum quid: ideo cum primo dixisset: *Ut sint unum, sicut & nos*, illa verba deinde temperans dixit v. 21. *Ut & ipsi in nobis unum sint*. Et hoc est, quod habetur Act. 4. v. 32. *Multitudinis autem credentium erat cor unum, & anima una*. Hoc idem orabat Apostolus Rom. 15. v. 5. *Deus autem patientiæ, & solatii det vobis id ipsum sapere in alterutrum secundum Jesum*. Ecce unum cor, una videlicet credulitas; sequitur enim 6: *Ut unanimes*: Ecce una voluntas; sequitur enim: *Uno ore honorificetis*

(15) Non ita, ut vim nobis argumenti contra Hæreticos adimeret: nam ut bene animadvertit noster a minori ad majus ostendit se Deum esse revera.

(16) Purum putum Arianum hoc est. Nam ita *πᾶν* hoc Evangelii præter ceteros ejus factionis homines explicabat etiam Maximinus Arianus apud Augustinum in Collat. cum Maxim. Episcopo Arianor. num. 22. col. 673. Tom. VIII. Opp. Intuere ergo & illuc, inquit, quod Dominus ait, ego & Pater unum sumus, quod certa fide a nobis creditur, & suscipitur. Qui dicit ego filius est. Qui dicit, & Pater; alterum Patrem ostendit. Unum ait, non unus. Sæpius dictum est, quia unum ad concordiam pertinet. Quomodo non unum Pater, & Filius, cum quando clamat Filius,

ego quæ placita sunt Patri facio semper? Tunc demum non esset unum cum Patre, si contraria Patri faceret aliquando. Sic autem & Apostoli unum sunt cum Patre, & Filio, in eo quod in omnibus ad voluntatem Dei Patris respicientes, ad imitationem Filii subditi uni Deo Patri & ipsi inveniuntur. Et non tantum pro Apostolis legimus Salvatorem orasse, ut unum sint, sed etiam pro credituris per verbum illorum, dicens: Non solum pro his rogo, sed & pro credituris per verbum illorum in me, ut omnes unum sint: sicut Tu Pater in Me, & Ego in Te, ut & illi in nobis unum sint. Ab hisce magistris doctrinam accepit Faustus Socinus. Nam eodem argumento utitur in Resp. ad VIII. Cap. Vujeki Class. III. Arg. IV. pag. 277. Tom. I. Bibl. FF. Polon.

tis Deum, & patrem Domini nostri Jesu Christi. (17)

HÆR. Ad idem obijciunt illud Apocal. i. v. 4. (18) *Johannes septem Ecclesiis, quæ sunt in Asia. Gratia vobis, & pax ab eo, qui est, & qui erat, & qui venturus est, & a septem spiritibus, qui in conspectu throni ejus sunt: 5. Et a Jesu Christo qui est testis fidelis, primogenitus mortuorum, & princeps regum terræ. In suis verbis præmittit Johannes: ab eo, qui est, & qui erat, & qui venturus est; & subjungit; & a septem spiritibus, qui in conspectu throni ejus sunt, & infra addit: Et a Jesu Christo, &c. Quare videtur, quod Jesus Christus sit inferior septem spiritibus. Ergo non est Deus omnipotens.*

Ad hoc dico: quod B. Johannes duplicem Christi naturam ibi insinuat. Divinam primo ponit dicens: *Ab eo, qui est, & qui erat, & qui venturus est.* Supple ad judicium; neque enim Pater judicat quonquam, sed omne judicium dedit Filio; ut habetur Jo: 5. v. 22. Cum vero dicit: *& a septem spiritibus, &c.* intelligitur: & a Spiritu Sancto, qui septiformis est, ut habetur Isaïæ 11. v. 2. *Et requiescet super eum Spiritus Domini, &c.* Denique in fine ponit: *Et a Jesu Christo;* & hoc propter humanam naturam dicitur, secundum quam posterior est Spiritu Sancto septiformi.

HÆR. Ad idem inducunt illud ad Galat. 4. v. 4. *Misit Deus filium (19) suum.* Sed alius est, qui mittit, & alius qui mittitur. Ergo alius est Pater a Filio: sed Pater est Deus. Ergo filius non est idem Deus.

Solutio. Alius est Pater a Filio personaliter, sed idem essentialiter. Istam alienam personalitatem notat Johannes, cum dicit c. 1. v. 1. *Et verbum erat (20) apud Deum;* nullus enim est apud se. Et Priscianus dicit, quod præpositiones (21) transitiones sunt personarum; sed identitatem essentialem subjungit, cum dixit: *Et Deus erat verbum.* Non valet ergo: Filius est alius a Patre. Ergo Filius non est Deus: ergo non est idem Deus.

HÆR. Sed videtur, quod ultimum sequatur; Quia sicuti Petrus est homo, ita & Johannes est homo:

sed Petrus est alius a Johanne: ergo alius homo quam Johannes.

At non est simile; quia alia est humanitas Petri, & alia Johannis, sed non est alia divinitas Patris, & Filii, & Spiritus Sancti, ut probabitur inferius.

HÆR. Item Filius a Patre est per generationem: ergo est posterior Patre, & ita non est æternus. Ergo non est Deus. (22)

Solutio ad hoc est, quod generatio Filii Dei a Patre non est aliqua species mutationis, sicut generatio naturalis. Unde licet generatio naturalis petat genitum esse posterius generante, tamen illa generatio Filii Dei hoc non petit; nec ponit. Et ad hoc melius intelligendum sciendum est, quod generare Patri idem est, quod dare esse alii, videlicet Filio; Filio vero generari idem est, quod recipere esse a Patre. Dare tamen, & recipere plerumque aliquem motum designant. Hic autem non est fas aliquem motum intelligere; unde intentio recipiendi essentiam non est, nisi habere essentiam ab alio. Constat autem quod aliquid recipit esse ab alio, & tamen non est posterius illo: simile est in Patre, & Filio Dei. Istud sufficit Hæretico. Ad majorem tamen intelligentiam Catholicorum sciendum est, quod habere essentiam ab alio non est nisi esse ab alio: ut habere albedinem non est nisi esse album, & habere albedinem ab alio est esse album ab illo. Si vero habere essentiam non est nisi esse, & habere essentiam ab alio non est nisi ab illo, habitus essentiae non est nisi essentia, & habitus ab alio non est nisi essentia ab uno alio. Unde filiatio, sive generatio, qua Filius dicitur genitus a Patre, non est nisi essentia divina in quantum ut in Filio ab alio, videlicet Patre, sed præter omnem mutationem; & paternitas, sive generatio, qua Pater dicitur Filii genitor, non est nisi ipsa eadem essentia in quantum a Patre est in alio. Unde sicut idem in essentia est actio, & passio, sed differunt rationibus quibusdam; ita paternitas, & filiatio; paternitas enim dicit ipsam essentiam divinam, vel etiam humanam, sed superaddit modum hujus præpositionis: *ab*, & filiatio similiter dicit essentiam, sed superaddit modum significan-

(17) Pluribus locis hoc testimonium adfert contra Arianos, solumque imprimis, ac vere expendit Hilarius. Sed lib. vii. De Trinit. num. 22. pag. 230. seqq. fusissime illud exponit. Consulendi Sanctus Athanasius Oratione 111. Contra Arianos num. 3. pag. 554. Tom. I. Part. I. Opp. & Orat. xv. Contra Arian. pag. 623. & alibi passim. Et Sanctus Augustinus cum in aliis plerisque locis tum Collatione contra Maximinum Arianum col. 658. ubi hæc habet: *Assumpta autem carne, qua factus est homo, sicut æqualem se novit quando dicit; Ego & Pater unum sumus, sic se novit minorem, quia Verbum caro factum est, & habitavit in nobis. Non rapina arbitratu est esse æqualis Deo. Natura enim erat, non rapina. Non enim usurpavit hoc, sed natus est hoc.* Verumtamen semetipsum exinanivit formam servi accipiens. Vide cetera quæ sequuntur, sunt enim ad rem maxime accommodata. Consulendus etiam Petavius lib. II. De Trinit. cap. viii. num. x. seqq. Tom. II. Theol. Dogm.

(18) Nempe, quo testimonio Patres Arianos exagitarunt, hoc illud per summam impudentiam Cathari Catholicis objecerunt. Vide Athanasium Oratione I. Contra Arianos num. xi. pag. 415. & Oratione II. num. xxiii. col. Hinc præclare respondet Noster. Cujus quidem responsio confirmari magis magisque v. 8. potest, quo Christus dicit: *ἐγώ εἰμι τὸ Α. καὶ τὸ ω ἀρχὴ, καὶ τέλος λέγει ὁ Κύριος, ὁ ὢν, καὶ ὁ ἦν, καὶ ὁ ἐρχόμενος, ὁ παντοκράτωρ. Ego sum α. & ω. principium, & finis, qui est, & qui erat,*

& qui venturus est omnipotens. Adeundus Petavius lib. II. De Trin. cap. ix. §. vii.

(19) Egregie, fuseque Augustinus ostendit quemadmodum hoc missionis genus intelligi debeat lib. II. De Trinit. cap. v. num. 7. seqq. Videndus quoque Dionysius Petavius lib. viii. Theologic. Dogm. cap. i §. 1. seqq. Tom. II. *Qui est de Trinitate.* Negari non potest, quia ante Catharos his nugis delectarentur Ariani, ceterique Filii Dei hostes, ut verum Catholicumque Dogma everterent. Abutuntur quoque etiamnum hoc eodem Pauli testimonio Sociniani, inter quos impius ille Crellius De Deo uno Patre cap. xv. pag. 33. Tom. v. Bibl. FF. Polon.

(20) Ita omnino Clemens Alexandrinus Admon. ad Gentes pag. 686. Tom. I. Opp. Edit. Oxon. *Divinum Verbum, inquit, verus sine controversia Deus, cum Domino totius universitatis adequatus, quoniam ejus filius erat, & Verbum erat in Deo.* Consule quæ habet opere eodem pag. 6. seqq. Multa eodem spectantia Patrum testimonia profert Georgius Bullus in Defens. Fidei Nicæna Sect. IV. cap. I. seqq.

(21) Lib. xvii. Gramm. pag. 1079. Collect. Auct. Antiq. Grammat. Edit. an. 1605.

(22) Proprium fuit Arianorum hoc argumentum. Nam Hilarius in xii. De Trinitate lib. num. 21. col. 1123. seqq. hoc ab illis objectum proponit, fuseque refutat eodem modo quo Noster. Videndus Petavius lib. v. cap. ix. §. v. Tom. II. Theol. Dogm.

eandi hujus præpositionis: *in*: sicut actio, & passio dicunt in naturalibus eandem speciem motus, vel mutationis, qua dicitur actio respectu ejus, a quo est; passio vero respectu ejus, in quo est per alium, ut patet in scientia naturali.

HÆR. Ad idem inducunt illud ad Colof. 1. v. 15. Ubi de Christo dicit Apostolus: *Qui est imago Dei invisibilis*. Si est imago ejus: ergo est aliud a Deo (23) invisibili: ergo non est Deus.

Ad hoc dico, quod Filius Dei dicitur imago Patris in eo quod Deus, & in quantum homo. Primo modo dicitur imago Dei Patris propter substantiæ identitatem, & potentiæ æqualitatem; unde etiam Christus dixit Jo: 14. v. 9. *Qui videt me, videt & patrem*. Et quod ita sit, patet ex descriptione imaginis, quam ponit Hilarius in libro de synodis, ubi ita loquitur: *Imago itaque est rei ad rem coæquandæ imaginata, & indiscreta similitudo. Est ergo Pater, est & Filius, quia imago Patris est Filius: & qui imago est, ut vere imago sit, speciem necesse est, & naturam, & essentiam secundum quod imago est, in se habeat auctoris*. Hoc modo fumitur imago, cum dicitur ab Apostolo: *Qui est imago Dei invisibilis*. Idem etiam patet per illud, quod dicit Aristoteles: (24) Imago est cujus est generatio per imitationem; generatio enim unius ab alio non est nisi ubi eadem est species generantis, & geniti: homo quippe hominem generat, & equus equum. Propter hoc etiam Apostolus subdit de Christo: *Qui est Primogenitus omnis creaturæ*, ut notet eandem esse speciem & substantiam Patris, & Filii; & subjungit: *in ipso condita sunt universa in calis, & in terra*: quod dicit Apostolus, ut notet esse æqualem Patri in potentia, ut inferius probabimus. Si enim ab ipso est omnis creatura, & si genitus est ante omnem creaturam: Ergo non est creatura: ergo est Creator. Sed unus solum Creator existit secundum substantiam. Ergo Filius ejusdem substantiæ est cum Patre. Homo autem purus, & Christus in quantum homo dicitur imago Dei, (25) quia imitatur Deum bene vivendo: vel quia sicut Deus immensus est in suo esse, ita intellectus humanus immensus est capacitate; est enim omnium capax, quia etiam capax est Dei: 1. Cor. 13. v. 9. *Nunc cognosco ex parte: tunc autem cognoscam, sicut & cognitus sum*. Ex his patet, quod imago creata aliud est ab eo, cujus est imago, sicut increata idem est cum eo.

HÆR. [*] Ad idem probandum inducunt illud

(23) Nolo equidem Patrum testimonia huc transferre, quibus objectum istud exagitarunt. Etenim præclare hoc munere functus est Dionysius Petavius lib. vi. cap. v. & vi. per tot.

(24) Non reperi apud Aristotelem, quæ noster allegat. Consule tamen S. Th. I. P. Q. xxxv. Art. I. & II.

(25) Non probatur Theologis, Antiquisque Ecclesiæ Patribus Marcelli Ancyranæ sententia, qui *Imaginem in Carne Christi sitam* esse pugnabat, si fides est adjungenda Eufebio, qui hoc illi exprobrat lib. iv. Contra Marcellum cap. xxi. Nam omnes de Persona Divini Verbi Pauli *ἰστέον* intelligunt. Ceterum posita priore illa quam noster tradit, responsione; reprobari nequit hæc altera interpretatio, cum longe ab ea quam dedit Marcellus discrepet. Vide Petavium lib. vi. cap. v. §. vii. Tom. II. Theolog. Dogm.

[*] Quæ duobus astericis comprehendimus, desunt e Cod. Vatic.

(26) Ab Arianis id etiam acceperunt Cathari, quos hac ætate

Hebræ. 1. v. 3. Ubi de Christo (26) Apostolus dicit, quod est *figura substantiæ ejus*: hoc est Patris. Figura aliud est a figurato. Ergo filius est alius a Patre.

Respondeo. Figura aliud est ab eo, cujus est figura, quando non est substantiæ ejus, sicut figura, vel imago ceræ non est idem, quod suum figuratum, quia non est substantiæ ejus. Christus autem est imago Dei invisibilis, ut dicit Apostolus ad Colof. 1. v. 15., ad cujus expositionem docet Hebræ. 1. quod est *figura substantiæ ejus*, hoc est de ejus substantia. [*]

HÆR. Ad idem inducunt illud Apocalyp. 5. v. 12. *Dignus est Agnus, qui occisus est, accipere virtutem, & divinitatem*. (27) Si accipit: quomodo Deus est? Nullo modo, ut dicunt.

Hujus objectionis solutionem ponemus in §. proximo, quando probabimus Christum esse Deum omnipotentem per eandem auctoritatem.

HÆR. Ad idem inducunt illud Apocalyp. 7. v. 2. Ubi Johannes ait: *Vidi alterum Angelum ascendentem ab ortu solis, habentem signum Dei vivi*: quod de Christo exponitur. Si ergo fuit Angelus, & non Deus. (28)

Ad hoc dicimus, quod sicut Sacerdos dicitur Angelus non natura, sed quia nuntius est Dei, & nuntius secretorum Dei; unde Malach. 2. v. 7. *Labbia Sacerdotis custodient scientiam, & legem requirunt ex ore ejus: quia Angelus Domini exercituum est*: similiter Christus non natura, sed propter prædictam causam Angelus appellatur; Angelus enim interpretatur nuntius; Et hoc est, quod ipse Christus dicit per Isaiam c. 61. v. 1. *Spiritus Domini super me, eo quod unxerit Dominus me: ad annuntiandum mansuetis misit me*. Ex hac autem auctoritate volunt Christum non esse Deum, cum dicat: *Spiritus Domini super me*.

Dic: quod spiritum dicit super se hominem, non super se Deum; unde dicit: eo quod Dominus unxerit me. Unctus fuit in quantum homo, qui omnes ungit in quantum Deus. Quod autem Christus Angelus non sit per naturam, patet Hebræ. 1. v. 4. *tanto melior Angelis effectus, quanto differentius præ illis nomen hæreditavit*. 5. *Cui enim dixit aliquando Angelorum: Filius meus es Tu, ego hodie genui Te?*

§. II.

sequuntur Sociniani. Nam ita omnino ratiocinatur Crellius *De uno Deo Patre*. Cap. xix. Sed potius numquam is est repellere, quæ allata sunt ab Athanasio Orat. II. *Contra Arianos* pag. 500. & *Oratione* II. pag. 614. Tom. I. Opp. Adeundus Dionysius Petavius lib. vi. cap. vi. num. 2. Tom. II. Theol. Dogm.

(27) Non exstat in Græco exemplari vox ulla, quæ huic Latine respondeat. Utcumque sit tamen, sua inest vulgata interpretationi auctoritas. Sed de hoc testimonio dicam §. seq.

(28) Non est necesse putare *ἰστέον* hoc Johannis in Christum cadere. Negant enim plerique Theologi, quibus assentitur Eruditissimus Pererius *Disp. iv. seq. cap. vii. Apocal.* Fateor tamen esse alios, qui Christo idipsum attribui oportere defendant. Verum optime respondet noster, ejusque interpretatio. Consonat autem iis, quæ habent Antiochæ Synodi Patres in *Epist. Synodica ad Paulum Samos*. Tom. I. Bibl. PP. Græcol. Vide Petavium Tom. II. Theol. lib. vii. cap. ii. §. vi.

§. II.

Probatio Ecclesiæ, quod Christus sit Deus per naturam, æqualis, consubstantialis, coomnipotens, & coæternus Patri.

Viso, quibus modis moveantur Hæretici, qui plura ponunt principia, qui dicunt Christum non esse Deum, accedamus ad ostendendum quod ipse est Deus: secundo, quod ipse est idem Deus cum Patre coæternus, coomnipotens, & consubstantialis.

[*] Ad hoc autem probandum valet, quod habetur Jo: 1. v. 1. *In principio erat (29) Verbum, & Verbum erat apud Deum, & Deus erat Verbum.* Ecce expressum testimonium Deitatis Christi. Sed ne dicas *Verbum* tertio loco sumptum alio modo summi quam prius, repetit 2: *Hoc erat in principio apud Deum*: quasi dicat: hoc Verbum, quod ego dico esse Deum, non est aliud Verbum, quam idem, de quo dixi: *Et Verbum erat apud Deum.*

Item Johan. 8. v. 58. *Antequam (30) Abraham fieret ego sum.* Ita dicit Christus. Ergo sic est. Constat autem quod non fuit ante Abraham secundum humanitatem. Ergo secundum Deitatem. Ergo est Deus. [*]

Item ad id valet illud, quod habetur Rom. 9. v. 5. *Quorum Patres, & ex quibus est Christus secundum carnem, qui est super omnia Deus benedictus (31) in*

secula. Amen. Ubi patet Christum esse verum Deum, & verum hominem.

Item 1. Cor. 2. v. 8. *Si enim cognovissent, nunquam Dominum gloriæ (32) crucifixissent.* Act. 7. v. 2. *Deus gloriæ apparuit Patri nostro Abraham in Mesopotamia.*

Item Jo: 3. v. 13. *Nemo ascendit in Cælum, nisi, qui descendit de Cælo, Filius hominis, qui est in Cælo.* Si descendit etiam in partes terræ inferiores, ut habetur Ephes. 4. v. 9. *Creatura igitur erat: nec dubium quin rationalis.* Si autem in hac terra esse dixit, vere dixit de se, qui est in Cælo. Deus ergo erat. Exod. 12. v. 9. *Caput cum pedibus ejus, & intestinis vorabit.* Hoc dictum est de Agno, qui figura erat Christi. In capite divinitas figuratur 1. Cor. 11. v. 3. *Caput vero Christi Deus.* In pedibus humanitas designatur. Per intestina in Agno latentia intelligimus occulta mysteria inter literam Legis, & Prophetarum abscondita, quæ Fidei clave referante didicimus, & avide sumimus; aviditas enim in devoratione notatur. De hoc autem ait Christus ipse verus Agnus Luc. 9. v. 58. *Vulpes foveas habent, & volucres cæli nidos? Filius autem hominis non habet ubi caput reclinet.* Per vulpes dolosi Hæretici, per volucres dæmones designantur, teste Domino Luc. 8. v. 5. *Volucres Cæli comederunt illud*; hoc est dæmones in hoc aere volitantes. Utrique, Hæretici, & dæmones in multis domicilium habent; Filius autem hominis non habet ubi caput, hoc est Deitatem suam reclinet: nam ut dicitur 2. Petr. 2. v. 1. *Eum, qui emit eos Dominum, negant.*

Item

[*] Quæ duobus astericis complexi sumus desunt e Codd. Bonon. & Vaticano.

(29) Sapienter Ambrosius lib. I. de Fide ad Gratianum cap. 4. *Erat, inquit, apud Deum, erat, erat, erat, erat, ecce quater erat, ubi impius invenit, quod non erat. . . . Quod enim erat in principio non includitur tempore, non principio prævenitur.* Ergo Arius conticescat. Huc spectant Athenagoræ verba Legat. pro Christianis pag. 10. *Ἄλλ' ἐστὶν ὁ υἱὸς τῆ θεᾶς λόγος τῆ πατρὸς ἐν ἰδεᾷ, καὶ ἐνεργείᾳ πρὸς αὐτὰ γὰρ, καὶ δι' αὐτὰ πάντα καὶ ἐγένετο, ἐνὸς ὄντος τῆ πατρὸς, καὶ τῆ υἱᾶ ὄντος δὲ τῆ υἱᾶ ἐν πατρὶ, καὶ πατρὸς ἐν υἱᾷ, ἐνοῦντα καὶ ὁμώμενα πνεύματος υἱᾶς, καὶ λόγος τῆ πατρὸς ὁ υἱὸς τῆς θεᾶς.* Sed est Filius Dei Verbum Patris in idea, & operatione. Ab ipso enim, & per ipsum omnia facta sunt: cum sit unum Pater, & Filius, & Filius sit in Patre, & Pater in Filio, unitate & virtute spiritus. Mens, & Verbum Patris Filius Dei. Plura generis ejusdem offendet Lector apud Bullum Sect. II. Defens. Fid. Nicænæ, & apud Petavium lib. II. Cap. vii. §. 1. seq. Tom. II. Theol. Dogm.

(30) Consule Athanasium Oratione IV. Contra Arianos pag. 632. Tom. I. Opp. Parte I. Edit. Nova. Torquet hic locus Faustum Socinum hominem impurissimum; quare in omne latus se vertit, ut vim illi omnem deripiat. Principio in Disp. adv. Andreæ Volanum pag. 379. Io. II. Biblioth. FF. Polonæ: non inde continuo sequi putat, ex Patris substantia jam inde ab æterno genitum esse. Sed fac ita, ut Johannis ἡγρόν postulat, intelligatur; quid impediet, quo minus de se Deo, Verbo institutum a Christo sermonem pugnet; cum quæ prævertunt, & quæ sequuntur in Johannis Evangelio divinitatem Christi mirifice statuunt? Id vero demonstratum est ab Theologis nostris, atque etiam ab hæreticis de Lutheranorum, & Calvinianorum Grege, inter quos recenseri debet Pictetus Liv. II. De la Theolog. Chrétienne cap. VIII. per tot. Tom. I. Vidit tamen Photinianus ille Socinus funditus systema suum eversum iri, si ante Abrahamum Christum fuisse diceret, quippe cum ante Mariam eum non extitisse arbitraretur. Itaque ad ridiculam quamdam versionem sibi esse confugiendum putavit. Ergo legendum esse contendit: *antequam Abraham fiat ego sum.* Nam *πρὶν ἀβραάμ γενέσθαι ἐγὼ εἰμι*, hanc item, ait, interpretationem pati posset. Immo vero præstare, si solacissimum admisit Evangelisten velimus, præstare, inquit, hoc versionis genere nos

esse contentos. Sed quid sibi vult hoc portento interpretationis? Nempe, ut *το* ego sum in idem, atque illud recidat: *Ego sum via veritas, & vita, uno verbo ego sum Christus* antequam Abraham sit pater credentium, & Ethnicorum eorum, qui amplecti veram religionem debent. Sed omnium hominum, qui ratione uti solent, postulo, atque imploro fidem, ut addint, atque animadvertant; si ne quidquam hoc monstro interpretationis obtusius? Nam si equidem dicerem; antequam fuisset Cæsar, nemo homo non perciperet, me loqui de tempore, quod ortum Cæsaris prævertit non autem de Imperatoris, quam consequutus deinde est, dignitate. Atque ita quidem rem acceperunt Judæi; ut Christum gloriarise ante Abrahamum fuisse censuerint; quare lapides in eum jaccare instituerunt. Tum singulare ne quidpiam, ac novum dixisset Christus? quasi vero non pateret ipsum esse ante quam Ethnici Abraham filii per fidem evaderent. Jam vero, regulæ grammaticorum, quibus nititur Socinus: nempe *τὸ* ego dico, & *ego sum* exigere; ut *antequam Abraham fiat* legi debeat, stomachum profecto movent. Nam si valerent, evincerent illæ quidem v. 2. Ps. lxxxix. e Græco in Latinum sermonem ita omnino transferri oportere. *Præquam montes fiant, & formetur terra, & orbis terra, & a seculo usque in seculum tu es.* Quo quid dici potest absurdius? Græca enim exemplaria sic habent: *πρὸ τῆ ὀρεῖ γενέσθαι, καὶ πλασθῆναι τὴν γῆν, καὶ τὴν οἰκουμένην, καὶ ἀπὸ τῆ αἰῶνος εἰς τὴν αἰῶνος σὺ εἶ.* Atqui *τὸ* tu es *σὺ εἶ*, non impedit, quin sine solecismo vertamus, *præquam montes fierent.* Mitto cetera Socinianorum ridicula dicta, nam explorata sunt ab omnibus fere hujus ætatis Theologis.

(31) καὶ ἔσὼν ὁ χριστὸς τὸ ἅπλῶς ὁ ὢν ἐπὶ πάντων θεὸς εὐλογητὸς εἰς τὰς αἰῶνας. Sic enim legendum esse hunc locum multis probant Beza, & Millius adversus Erasmus. Quia etiam veteres Patres omnes ita legerunt. Irenæus lib. III. cap. xvi. et xviii. num. v. Tertullianus lib. Contra Praxeam cap. xii. et xv. Athanasium Orat. II. Contra Arianos, Gregorius Nisæus lib. x. Contra Eunomium, alique quos recensent Petavium lib. II. cap. ix. §. II. Tom. II. Theol. Dogm. & Millius in Notis ad hunc v. Apostoli. (32) Adeundus Athanasius Oratione III. Contra Arianos pag. 581. Tom. I. Quod addit ex Johanne testimonium funditus everit Photinianorum, Socinianorumque dogma, qui ante Mariam Christum non existisse contendunt.

Item Philip. 2. v. 6. *Qui cum in forma Dei esset, (33) non rapinam arbitratus est, &c.* Constat apud recte intelligentes, quod forma rei, essentia rei est. Christus arbitratus se esse æqualem Deo, non est arbitratus rapinam, qui erat in forma Dei; & tamen seipsum exinanivit, formam servi accipiens. Item ad Titum 2. v. 13. *Expectantes (34) beatam spem, & adventum gloriæ magni Dei, & Salvatoris nostri omnibus hominibus.* Hebræ. 1. v. 8. Ubi introducitur pater loquens ad filium: *Thronus tuus Deus in seculum seculi: virga aquitatis, virga regni tui.* Postea de humanitate ejus loquens subjungit 9: *Dilexisti justitiam, &c. usque tuis.* De Deitate quoque subjungit 10: *Tu in principio Domine terram fundasti, & opera manuum tuarum sunt Cæli.* Act. 10. v. 36. *Verbum misit Deus filiis Israel, annuntians pacem per Jesum Christum: hic est omnium Dominus.* De Christo loquitur, sicut Paulus Rom. 9. v. 5. *Ex quibus est Christus, &c.* Act. 20. v. 28. *Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei, quam acquisivit Sanguine suo. (35)*

Item, 1. Jo. 3. v. 16. *In hoc cognovimus charitatem Dei: quoniam ille animam suam pro nobis posuit.* Et ejusdem Ep. 5. v. 20. *Scimus quoniam Filius Dei (36) venit, & dedit nobis sensum, ut cognoscamus verum Deum, & simus in vero Filio ejus. Hic est verus Deus, & vita æterna: de quo dicitur Jo. 1. v. 4. Vita erat lux hominum: quod patet dici de Christo; unde Jo. 14. v. 6. Ego sum via, veritas, & vita. 1. Jo. 5. v. 12. Et vidimus, & testamur, & annuntiamus vobis vitam æternam, quæ erat apud Patrem; Unde Johan. 1. v. 1. In principio erat Verbum, & Verbum erat apud Deum, & Deus erat Verbum. Ex quibus patet, quod Christus est verus Deus: ex quo sequitur, quod sit unus, & idem Deus cum Patre, cum non sint plures Dii.*

Forte aliquis dicet, quod ipse Filius dicitur Deus non per naturam, sed per gratiam. At hoc improbabitur inferius, ubi probabimus quod ipse est consubstantialis Patri.

Et quod ipse sit Deus aliter ostendamus. Legi-

mus Luc. 10. v. 17. Quod Discipuli a Christo missi ad prædicandum reversi sunt cum gaudio dicentes: *Domine etiam dæmonia subjiunguntur nobis in nomine tuo.* 18. *Et ait illis: videbam Satanam sicut fulgur de Cælo cadentem.* Sed non videbat eum cadentem secundum quod homo; non enim sunt plusquam 1244. anni, [*] quod ipse factus est homo. Ergo si videbat eum cadentem: vel videbat secundum quod erat Deus, vel secundum quod Angelus. Non secundum quod Angelus, ut ostensum est in §. proximo super illo verbo Apocalyp. 7. v. 2: *Vidi alterum Angelum, &c.* Videbat ergo eum cadentem secundum quod ipse erat Deus. Ergo Christus Deus fuit, &c.

§. III.

Probatio Ecclesiæ, quod Christus sit idem Deus cum Patre.

Ostenso, quod Christus est Deus, accedamus ad secundum, quod proposuimus, quod ipse sit unus Deus cum Patre consubstantialis ei.

Probatur autem per id, quod habetur Matth. 3. v. 17. Ubi dicit Pater de Filio: *Hic est Filius meus:* Et per David ad ipsum ait Psal. 2. v. 7. *Filius meus es Tu.* Modo quæro, quomodo dicatur Filius: per gratiam, an per naturam? Si per naturam: ipse ergo est ejusdem naturæ cum Patre suo. Sed natura Dei est ipsa divinitas. Ergo est unius divinitatis cum Patre, & ita unius substantiæ, quia non est aliud divinitas, quam substantia divina, atque adeo est unus Deus cum Patre.

Si autem dicas, quod dicitur Filius Dei per gratiam tantum: hoc stare non potest; sic enim habet multos filios, Angelos, & homines; unde David ait Psalm. 81. v. 6. *Ego dixi, Dii estis, & filii excelsi omnes.*

Item Hebræ. 2. v. 10. *Decebat eum, propter quem omnia, & per quem omnia, qui multos filios in gloriam adduxerat, &c.* Quomodo ergo Johannes c. 3. v. 16. dicit: *Sic Deus dilexit mundum, ut Filium*

H h

lium

(33) Est quoque hoc Apostoli *ἦν* contra Arrianos a Patribus sæpe ac multum allatum. Sed Sociniani, ut olim Verbi Divini hostes, tenebras illi student obducere, quos solide imprimis refellit Petavius lib. 111. cap. v. §. viii. seq. Tom. II. Theol. Dogm.

(34) Adeundus Cyrillus Alexandrinus lib. xxxii. Theaur. pag. 298. & lib. xxxiii. pag. 378. quo loco alterum, quod ex Epistola ad Hebræos mox subnectit Moneta expendit. Consule Petavium lib. 11. cap. ix. §. 111. seq. Tom. Eod.

(35) Nostra Novi Testamenti exemplaria sic habent. Verum Irenæus legit pro *Ecclesiam Dei, Ecclesiam Domini* lib. 111. cap. xiv. pag. 201. Irenæi lectionem alii nonnulli sequuntur Veteres: immo vero eam in vetustis aliquot MSS. offendere licet; quod est a Millio in Notis ad hoc *Act. Apost. ἦν* animadversum. Jam vero si pro *τῷ Θεῷ Dei* legendum esset *τῷ Κυρίῳ Domini*, nobis quidem certe nullum afferri posset incommodum, quibus tot, tamque luculenta testimonia Scripturarum præsidio sunt. Sed si contra *τῷ Θεῷ* retineri debet, ut retinendum re ipsa est, quod Patribus fere omnibus, probetur, exsterque in plurimis MSS. Codicibus, velut Millius *ibidem* observat, næ hic ipse Actorum Apostolorum locus Socinianum, Catharisticum, Photinianumque dogma funditus evertit, ac labefactat.

(36) Torquet hic etiam locus hæreticos hujusce temporis, qui Socino aulebant. Ergo novum quoddam, ut assolent, versio-

nis genus commentū sunt, quo vim argumenti indidem expressi eludant. Ajunt enim, transferri Græca in Latinum sermonem hoc pacto oportere: *ἵνα γινώσκωμεν ὃ ἀληθινὸν Θεόν, καὶ ἵσμεν ἐν τῷ ἀληθινῷ, ἐν τῷ οὐδ' αὐτῷ ἰσθῆναι Χριστῷ ὑπὸς ἐστὶν ὁ ἀληθινὸς Θεός, καὶ ἡ ζωὴ αἰώνιος.* Ut cognoscamus verum, & sumus in illo vero (per Filium ejus) Hic est verus Deus. Ita illi quidem parentheses fingunt, & absurdas interpretationes, quod sibi male metuant. Nam ubinam obsecro, aut quo tandem in MSS. Codice, hoc genus Parenthesis deprehenderunt Sociniani? Deinde pro in vero Filio ejus, per Filium ejus, ponere, nonne est hominis & ratione, & Græcis exemplaribus abutentis? Ac si ita essent Græca legenda *ἐν τῷ ἀληθινῷ, ἐν τῷ οὐδ' αὐτῷ ἰσθῆναι Χριστῷ*. Tamen inepta semper esset Socini versio. Etenim germana interpretatio hujusmodi esse deberet. *In vero, in Filio ejus.* Sed exemplaria, quibus usi sunt Cyrillus De Trin. Dialogo 111. Basilii lib. 1 v. Contra Eunomium, Auctor Disputationis in Conc. Nicæno inter Opp. S. Athanasii, Ambrosius, Hieronymus, Faustinus, Fulgentius, Facundus, Beda, & plerique alii, secundum *ἐν τῷ* omittunt: quare in vado est vulgata lectio, quæ sic habet: *ut simus in vero Filio ejus; hic est verus Deus.* Sed de hac re fusius Theologi Nostri, qui de divinitate Filii contra Socinianos scripserunt.

[*] Extant hæc in Vaticano.

lium suum unigenitum daret? Sic est: non habet plures. (37)

Fortē dices, quod appellet eum unigenitum propter excellentiam suam super alios? Hoc stare non potest; licet enim quis habeat unum filium excellentiorem aliis filiis suis, non tamen ille dicitur (38) unigenitus ejus.

Præterea quomodo stabit, quod dicit Apostolus Hebræ. 1. v. 5. *Cui enim dixit aliquando Angelorum: Filius meus es tu*, (39) *ego hodie genui te*? Quasi diceret: nulli. Hoc autem falsum esset, si solum per gratiam filius esset; multos enim alios filios appellat & Angelos, & homines. Restat ergo quod illud ideo dicatur, quia ipse est ejus filius per naturam.

Item, Deus Pater Christum substantialiter genuit, ut ostensum est; non enim tantum per gratiam dicitur Filius Dei, sed per naturam. Modo quæro: Ex quo eum substantialiter genuit? De substantia sua, an non? Si dicas: de substantia sua: ergo dedit ei vel totam substantiam suam, vel partem ejus. Sed partem non, quia divina substantia impartibilis est, quia incomposita est, cum omne compositum sit creatum. Dedit ergo ei totam substantiam suam. Ergo est Filius unius substantiæ cum ipso. Si dicas, quod de alia substantia eum genuit: hoc esse non potest, quia veritas generationis diversitatem generis, hoc est, naturæ non admittit; generatio enim univoca est, sive in eadem specie; homo quippe generat hominem, & equus equum: ergo & Deus Deum. Ex quo patet, quod una est substantia Patris, & Filii, & ad hoc sequitur quod una sit potentia utriusque; & ficerit Filius æqualis Patri.

Probatio hujus rei est hujusmodi. Quidquid habet Deus, a se, non aliunde habet: sed quod est, habet ab essentia; ergo essentia Dei est ipse Deus. Item, quod potest, habet ab ipsa potentia. Ergo potentia Dei est ipse Deus. Idem ergo est essentia Dei, & potentia ejus. Ergo si Filius est Patri consubstantialis, erit & ei æqualis in potentia. Istam coæqualitatem potentiæ voluit designare Johannes post consubstantialitatem; cum enim ostendisset Patrem, & Filium unius esse substantiæ dicens c. 1. v. 1. *Verbum erat apud Deum*, nempe Patrem; dixit: *Et Deus erat Verbum*.

Item, cum ostendisset ibidem ejus coæternitatem cum Patre dicens: *Hoc erat in principio apud Deum*, in principio videlicet creaturarum, sicut dicitur Colof. 1. v. 15. *Primogenitus omnis creaturæ*, &c. subjunxit de omnipotentia Filii 3. *Omnia per*

ipsum facta sunt, &c. Ex quo verbo Johannis patet, quod Verbum, hoc est, Filius Dei in quantum Filius Dei est, factus non est, cum omnia per ipsum facta fuerint; ipse enim per se non est factus. Istam etiam coæqualitatem potentiæ volens ostendere Paulus per effectum creaturarum dicit Colof. 1. v. 16. *In ipso condita sunt universa in Calis, & in Terra*, &c. Prius dixit de ejus consubstantialitate cum Patre, ubi ait 15. *Qui est imago Dei invisibilis*; & de coæternitate, cum dixit ibidem: *Primogenitus omnis creaturæ*; postea subjunxit de æqualitate potentiæ: *Quoniam in ipso condita*, &c. Et est ratio quare dicatur primogenitus omnis creaturæ, quia per ipsum omnis creatura condita est. Ex quo patet, quod ipse non est creatura in quantum est imago Dei invisibilis; si enim ante omnem est creaturam, & si in ipso condita est omnis creatura: ergo patet quod ipse est Deus rerum, cum sit Conditor non tantum visibilium, sed etiam Angelorum, ut hic tangit Apostolus: *Sive throni, sive dominationes*, &c. Proximo §. dictum est, qualiter dicatur imago Dei.

Item, etiam coæqualitatem, & consubstantialitatem, & coæternitatem potentiæ ostendit B. Johannes Apocalyp. 18. ubi ponuntur verba (40) Christi: *Ego sum Alpha, & Omega, principium, & finis, dicit Dominus Deus, qui est, & qui erat, & qui venturus est, omnipotens*. Ista verba de Christo intelliguntur: quod patet ex eo, quod dicitur: *qui venturus est* supple ad iudicium; *neque enim Pater judicat quemquam, sed omne iudicium dedit Filio*. Jo: 5. v. 22. Quod autem hoc ibi sit intelligendum de Christo, patet Apocalyp. 22. v. 12. ubi Christus loquens ait: *Ecce venio cito, & merces mea mecum est, reddere unicuique secundum opera sua*. 13. *Ego sum Alpha, & Omega, primus, & novissimus, principium, & finis*. In hoc, quod dicit: *Dominus Deus*, ostendit consubstantialitatem. In hoc, quod dicit: *Omnipotens*, coæqualitatem. In hoc, quod ait: *principium, & finis*, coæternitatem: similiter in hoc, quod ait: *qui est, & qui erat, & qui venturus est*. Hoc etiam tangit Apostolus Hebr. 13. v. 8. *Iesus Christus heri, & hodie: ipse & in secula*. Apostolus autem Hebr. 4. v. 7. per *hodie* dicit esse intelligendum totum spatium mundi hujus, cum dixit Hebr. 3. v. 13. *donec hodie cognominatur*. Cum ergo dicit: Christus heri fuit, intelligitur ante constitutionem mundi, & ante omnem creaturam, & ita coæternus Patri.

[*] Quod Filius sit coæternus Patri, probat Augusti-

(37) Egregie Hilarius lib. vi. De Trinitate nu. 23. col. 893. Edit. Nov. Paris. Pater de Calo loquitur & ita loquitur. Hic est Filius meus. Quid sibi vult non cognominum, sed pronominum fides. Cognomina enim hominibus adduntur, pronomina vero obtinent in se nominum virtutem. Proprietatis autem significatio est, ubi & hic est dictum, esse auditur, & meus est. Et intellige, quæ sit veritas & ratio dictorum. Legeas Filios genui, & exaltavi, sed non legeras filios meos; genui rat enim eos sibi per divisionem gentium, & plebem hereditatis in filios. Ne igitur per communione adoptiva hereditatis cognomentum filii unigenito Deo adderetur, naturæ veritas per significationem proprietatis ostensa est. Assignetur sane hoc communionis in Christo nomen, ut Filius sit, si de quoquam dictum reperietur. Hic est Filius meus. Sin vero proprium ac singulare ei est, hic est Filius meus, quid calumniam Deo Patri profusa de Filio proprietatis affirmamus? Consulendus Petavius lib. II. cap. x. §. vii. Tom. II. Theologi. or. Dogm.

(38) Hoc eodem ratiocinio utitur contra Arrianos Hilarius lib. vi. num. 39. 40. col. 905. seq. Neque vero Hilarius solum, sed Cyrillus quoque Alexandrinus Theaur. xxxi. pag. 318. Tom. v. Opp. Edit. an. 1638. alique multi, quos tacitus prætermitto eodem argumento hæreticos Verbi hostes exagitarunt.

(39) Aditor Sanctus Athanasius Oratione I. Contra Arrianos n. 57. seqq. Tom. I. Opp. pag. 462.

(40) Sapienter Rufinus, atque ad rem nostram accommodatè lib. de Symbolo pag. 156. Edit. Amstel. Opp. S. Cyprian. in Append. Omnipotens ergo dicitur qui venturus est. Et quis est alius, qui venturus est, nisi Iesus Christus Filius Dei? Laudat etiam Petavius, quod quidem ad nos attinet, Athanasium, Augustinum, & Ambrosium. Videtur lib. II. cap. ix. §. vii. Tom. II. Theolog. Dogmat.

[*] Quæ duobus asteriscis complexi sumus, non exstant in Codd. Bonon. & Vatic.

stinus in libro contra quinque hæreses (41) dicens: *Coæternus est Patri Filius? Non. Ergo erat tempus, quando non erat Filius secundum te. Si erat tempus, quando non erat Filius: Ergo fuit tempus, quod non fecit Filius. Si fuit tempus, quod non fecit filius, non omnia per ipsum facta sunt: jam enim erat tempus, quando non erat Filius. Si erat tempus, quando non erat Filius, Johannes Evangelista non debuerat dicere: In principio erat Verbum, sed in principio erat tempus. Johannes dicit: Omnia per ipsum facta sunt: sed Arrianus contradicit. Vel contra illos, qui duo ponunt principia, potes inducere, sicut Augustinus facit, illud Prov. 8. v. 22. ubi dicit Sapientia: Dominus possedit me in initio viarum suarum, &c. Sicut habetur in prima parte hujus operis in prima parte sexti capituli: cui adjunge illud David Ps. 103. v. 24. Omnia in sapientia fecisti, & illud Apostoli 1. Cor. 1. v. 23. Nos autem prædicamus Christum Dei virtutem, & Dei sapientiam. Et ibi per Christum Dei Filium facta est omnis creatura, Angelica, & humana, cælestis, & terrestris, sicut etiam dicit Apostolus ad Colos. 1. v. 16. Quoniam in ipso condita sunt universa, &c. Ergo Christus fuit ante omnem creaturam Angelicam, & humanam. Ex quibus patet, quod fuit Deus coæternus Patri. [*]*

Item ejus æternitatem, qua omnem creaturam præcesserat ostendit Apostolus Hebr. 1. v. 10. Et Tu in principio Domine (42) terram fundasti, & opera manuum tuarum sunt cæli. 11. Ipsi peribunt, tu autem permanebis, & omnes ut vestimentum veterascent. 12. Et velut amictum mutabis eos, & mutabuntur: tu autem idem ipse es: idest immutabilis. Si hoc est: ergo non cæpit esse, & est sine principio, & sine fine, & ita est coæternus Patri. Si enim cæpisset esse, haberet esse post non esse, & sic venisset de non esse ad esse, & ita esset mutabilis; exitus enim de non esse ad esse mutatio est.

Item ejus æternitatem potes habere ex illo verbo Apostoli 1. Cor. c. 23. Nos (43) autem prædicamus Christum Dei virtutem, & Dei sapientiam. Deus enim nunquam fuit sine virtute, & sine sapientia, sicut nec sol sine luce. Ergo Deus Pater nunquam fuit sine Filio.

Item Isa. 41. v. 4. Hæc sunt verba Christi: Ego Dominus. Primus, & novissimus ego sum. Si primus est: ergo ante ipsum nullus est. Ergo coæternus est Patri. Se Dominum vocat, sicut etiam Matth. 21. v. 3. Quando misit duos discipulos suos, ut adducerent asinam, & pullum dicens: Si quis vobis aliquid dixerit, dicite, quia Dominus his opus habet, & confestim dimittet eos. Quod autem prædicta verba de Christo intelligantur patet Apocalyp. 17. Ubi Christus ait: Noli timere: Ego sum primus, & novissimus, 18. Et vivus, & fui mortuus, & ecce sum vivens in secula seculorum, Apocalyp. 2. v. 8. Ubi Angelus loquitur de Christo:

Hæc dicit primus, & novissimus, qui fuit mortuus, & vivit. Isa. 44. v. 6. Ego primus, & ego novissimus, & absque me non est Deus. Ubi patet, quod idem Deus est cum Patre. Isa. 48. v. 12. Ego ipse, ego primus, & ego novissimus. Et quod istud de Christo intelligatur patet, quod statim subdit. 13. Manus quoque mea fundavit terram, & dextera mea mensa est Cælos: Quod Apostolus exponit de Christo dicens Hebr. 1. v. 10. Et Tu in principio Domine terram fundasti, &c. Propterea statim ibi subditur v. 16. Et nunc Dominus Deus misit me, & Spiritus ejus. Quod totum intelligi de Christo patet; unde Galat. 4. v. 4. Misit Deus filium suum, &c. Isa. 61. v. Spiritus Domini super me; eo quod unxerit Dominus me: ad annuntiandum mansuetis misit me: quod totum de se exponit Christus Luc. 4. v. 18. Isa. 45. v. 18. Quia hæc dicit Dominus creans Cælos, ipse Deus formans terram, & faciens eam; Et post pauca: Ego Dominus, & non est alius. 19. Non in abscondito locutus sum, in loco terræ tenebroso. Quod autem iste sit Christus patet Jo: 18. v. 20. Ubi dicit Christus: Ego palam locutus sum Mundo, ego semper docui in synagoga, & in templo, quo omnes Judæi conveniunt, & in occulto locutus sum nihil. Item, quod ipse sit Christus patet per id, quod dicitur super eodem cap. Isa. 15. ad ipsum. Vere tu es Deus absconditus, Deus Israel salvator. Et non ne hoc est, quod dicit Apostolus 1. Cor. 2. v. 7. Loquimur Dei sapientiam in mysterio, quæ abscondita est, quam prædestinavit Deus ante secula in gloriam nostram, quam nemo Principum hujus seculi cognovit: Si enim cognovissent, nunquam Dominum gloriæ crucifixissent. Sapientiam, & Dominum gloriæ Christum appellat; dixerat enim supra 1. capite v. 23. Nos autem prædicamus Christum Dei virtutem, & Dei sapientiam.

Item Isa. 45. v. 21. Dicit Christus: Nunquid non ego Dominus, & non est ultra Deus absque me? Deus justus, & salvans non est præter me. 22. Convertimini ad me, & salvi eritis omnes fines terræ: quia ego Deus, & non est alius. 23. In memetipso juraui, egredietur de ore meo justitiæ verbum, & non revertetur: de judicio loquitur, sicut & Matth. 24. v. 35. Verba autem mea non transibunt. Quod autem istud de Christo intelligatur, & quod Christus in Isaia loquatur, patet per illud, quod statim ibi dicit v. 23. Quia mihi curvabitur omne genu, & jurabit omnis lingua. Nonne iste est Christus? Utique. Quod ostendit Apostolus Rom. 14. v. 10. Omnes enim stabimus ante tribunal Christi. 11. Scriptum est enim: Vivo ego, dicit Dominus, quoniam mihi flectetur omne genu, & omnis lingua confitebitur. Quod autem dicit Apostolus: Vivo ego idem est ei, quod dicit Christus per Isaiam: in memetipso juravi, &c.

Item, habemus Philip. 2. v. 10. quod ista verba intelliguntur de Christo, ubi dicitur: Ut in nomi-

H h 2.

ne

(41) Tractatus contra quinque Hæreses, etiam a Lovaniensibus, & a Bellarmino Augustino tribuatur; illi tamen a Monachis Maurinis admittitur. Exstat Tom. viii. Opp. August. in Appendice col. 8: Non affert autem Auctor hujus operis, quod mox ex cap. viii. Prov. v. 22. subjungit Monachis; sed v. 26, ut Arrianos exagitet.

(42) Observavit hæc item Theodoritus in Comment. ad cap. 1. v. 10. Epistolæ ad Hebræos Tom. iv. Opp. pag. 401.

(43) Consulendus Augustinus lib. vii. De Trinit. cap. 1. num. 2. seqq. Tom. viii. Opp. Hilarius Commentar. in Matthæum cap. xi. nu. 9. col. 665.

ne Jesu , &c. Ecce, quod Christus in Prophetis loquebatur , & quod non est alius Deus præter ipsum .

Item Apocaly.4. v.11. *Dignus es Domine Deus noster accipere gloriam, & honorem, & virtutem, quia tu creasti omnia* . Et hoc non potest intelligi de Patre; ipse enim a nullo habet, quod habet; a nullo aliquid recipit . Ibi etiam patet omnipotentia sua, quæ omnia creavit, & ita Patri est æqualis . Item Apocaly.5. v.9. *Dignus es Domine accipere librum, & aperire signacula ejus: quoniam occisus es, & redemisti nos Deo in Sanguine tuo*: quod non est verum, nisi de Filio . Ex quibus patet, quod ipse est unus Deus substantialiter cum Patre, & coæqualis ei . Si enim minor esset, alius esset . Item Apocaly.11. v.17. *Gratias agimus tibi Domine Deus omnipotens, qui es, & qui eras, & qui venturus es: quia accepisti virtutem tuam magnam, & regnasti* . Istud de Patre non potest intelligi, sed de Filio, vel Spiritu Sancto . Filius ergo omnipotens est: ergo similiter Deo Patri æqualis . (44)

Similiter objicias, si de Spiritu Sancto vult illud intelligere; utraque enim persona virtutem, idest, omnipotentiam accepit a Deo Patre, sicut uterque accepit ab eo, quod Deus esset, ut probatum est de Filio, & inferius probabitur de Spiritu Sancto . Illud tamen de Filio maxime intelligitur, ut patet per illud verbum Apocal.5. v.12. *Dignus est Agnus, qui occisus est, etc.* Virtutem dicit gratiam, per quam erat a peccato immunis in quantum homo: gloriam, dicit claritatem corporis resurgentis: honorem, confesum ad dexteram Dei Patris: Divinitatem, sapientiam, & fortitudinem, in quibus tribus consubstantialis, coomniscens, & coomnipotens Patri esse ostenditur . Hæc tria accepit, quando a Patre per generationem processit . Dicitur autem dignus esse accipere, quia occisus est, quia in passione, & post ipsam passionem suam innotuit hominibus, quod acceperat ab æterno, scilicet Deitatem, & Sapientiam, & fortitudinem; unde Johan.8. v.28. dixit: *Cum exaltaveritis Filium hominis, tum cognoscetis quia ego sum, & a me ipso facio nihil*: similiter dicas: & a me nihil scio; unde Joh. 7. v.16. *Mea doctrina non est mea* .

Item Johann. 5. v. 20. *Pater diligit Filium, & omnia demonstrat ei* . Item ibidem 30. *Non possum ego a me ipso facere quidquam*; unde data

est mihi omnis potestas, &c. Matth. ult. v. 18.

Item Apocaly. ult. v.9. habetur, quod Angelus non permittit se adorari a Johanne, sed dixit ei: *vide ne feceris: conservus enim tuus sum, & fratrum tuorum prophetarum, & eorum, qui servant verba libri hujus: Deum adora* . Si Christus non esset Deus, sicut nec ille Angelus, non permetteret se adorari; sed diceret: *vide ne feceris, &c.* Permisit autem se adorari, ut patet de leproso, qui veniens adoravit eum dicens Matth. 8. v. 2. *Domine, si vis, potes me mundare* . Ergo Christus est verus Deus, non pura creatura .

Item Hebr.1. v.6. dicitur de Christo: *Et adorent eum omnes Angeli Dei* . (45) Sed solus Deus adorandus est, ut patet ex præcedenti testimonio Apocalyp. ult. Ergo Christus, Deus est substantialiter . Si enim solum per gratiam Deus esset; similiter & Angelus, qui loquebatur Johanni, cum esset bonus, & sanctus, Deus erat per gratiam . Ergo sicut Christus adorandus, ita & ille Angelus, licet Christus magis . Si autem Christus Deus est substantialiter, cum unicus Deus sit: ergo ipse est unicus Deus cum Patre substantialiter, & unius substantiæ secum . Ex quo sequitur, quod sit unius potentia omnino cum Patre, & unius sapientiæ, & bonitatis; sicut enim prius ostensum est de potentia, quæ una est omnino in Patre, & Filio, ita etiam ostendi potest, & per eundem modum de sapientia; & ita Filius est omnia sciens sicut & Pater: quod etiam Apostolus vult Hebr.4. v.13. *Omnia autem nuda, & aperta sunt oculis ejus, ad quem nobis sermo* . Et hoc est, quod demonstrare promissimus supra, ubi solvimus illud verbum: *de die illa, &c.*

Item Johan: 14. v.1. dixit Christus Discipulis suis: *Creditis in Deum, (46) & in me credite*, quasi diceret: si in Deum creditis, in me credere debetis, quia ego sum Deus . Quod ita debeat intelligi patet Jo: 20. v. 27. Ubi Christus dicit Thomæ: *Infer digitum tuum huc, (47) & vide manus meas: & asfer manum tuam, & mitte in latus meum, & noli esse incredulus, sed fidelis* . 28. Respondit Thomas, & dixit ei: *Dominus meus, & Deus meus* . 29. Dixit ei Jesus: *Quia vidisti me Thoma, credidisti*, scilicet me Dominum, & Deum, non sicut illi, de quibus 2. Petri 2. v.1. *Fuerunt vero & pseudo-prophe-tæ in populo, sicut & in vobis erunt magistri mendaces, qui introducent sectas perditionis, & eum,*
qui

(44) Hæc omnia cum Veteris, tum Novi Testamenti scriptis, quibus verbi Divini cum Patre consubstantialis natura probatur, & alia pleraque, cum Patrum animadversionibus contra veteres, junioresque Arrianos, assert, atque solide cumprimus expendit Dionysius Petavius lib.11. De Trinit. cap.v11. seqq. Tom. 11. Theolog. Dogm. quem consulat Lector velim. Adire etiam poterit Bosluetium Secti. ad Protest. Admonit. Tournelium Tract. de Trinitat. Quasi. 1v. per tot. ex hæreticis autem Martinum Smiglerium in opere Inscripto: *Novæ Monstra Novi Arrianismi Part.1. 11. ab 111. per tot.* Abrahamum Calovium Socinism. Prostag. Subsect. 1v. pag. 164. seq. Edit. an. 1668. Johannem Henricum Bistertfeldium De uno Deo Patre Filio, & Spiritu Sancto. Contra Johannem Crellium per tot. Pictetum lib. 111. Theolog. Christian. a Cap. I. ad xvi. Georgium Bullum in Defens. Fidei Nicænæ, &c.

(45) „ Communis est & illa Ss. Patrum argumentatio, inquit „ Petavius lib. 11. cap. x11. §.v; qua verum, & æquale Patri „ Deum esse probant Filium, quod summo illo genere adorationis, „ quam λατρεία vocant, afficiatur . Id vero creatæ nulli rei „ concessum sit . Etenim adorari Dei Filium testatur Apostolus

„ Hebr. 1. 6... est autem ejusmodi hæc adoratio, quæ nec Ange- „ lis, nec ulli alteri creaturæ tribui possit: ut ex Apostoli Oratio- „ ne liquet, qui hoc ipso demonstrat, Filium infinito intervallo „ præstare Angelis omnibus. Vide quæ sequuntur cetera; sunt enim ad rem maxime accommodata .

(46) Adposuit Hilarius lib. 1x. De Trinitate Num. 19. col.995. *Cum ait, credite in Deum, & in me credite; quæro, in quo se in natura discreverit, qui non discrevit in honore . Dicens enim, & in me credite, cum dixisset, & in Deum credite, anne per id quod ait in me, non & suam intelligitur significasse naturam? Naturam plane separa, si fidem separas, &c.* Errore quodam evenit, ut nota 39. in cap. I. lib.1. adeundam esse dixerimus notam 45. in cap. 111. lib.111. pro notis in §. x. Capit. 111. lib. hujus 111.

(47) Adis Hilarius lib. vi11. num. 12. De Trinitat. pag.922. seq. Cyrillum lib. xxx11. Theaur. pag.331. & Athanasium Oratio- ne 1v. Contra Arrianos nu. 35. pag. 644. seq. Qui de hoc argumen- to accurate tractarunt.

qui emit eos, Deum negant. Vel si vis ibi ponere Dominum, non curo, quia, ut dicit Thomas, Dominus meus, & Deus meus est; & 1. Cor. 2. v. 8. Si enim cognovissent, &c.

Quod autem ipse sit æqualis Deo Patri, non minor, ut falso dicunt Cathari, (48) qui unum ponunt principium, probatur; dicitur enim Joha. 5. v. 18. Propterea ergo magis quærebant eum Judæi interficere, quia non solum solvebat sabbatum, sed & patrem suum dicebat Deum, æqualem (49) se faciens Deo, idest, dicens; modus enim loquendi est: vel faciens, idest, factis ostendens; unde ibidem 36. Ista opera, quæ ego facio, testimonium perhibent de me.

Item, de æternitate Filii habetur Luc. 10. v. 18. Ubi dicitur: Videbam Satanam, &c. Si enim videbat: ergo jam erat; & constat quod nondum erat homo factus; non enim sunt plus quam 1244. anni, quod homo factus est. Vel si prius homo factus est, (50) ostende aliquo testimonio: quod non potes facere. Nec erat Angelus. Ergo nec erat creatura: & erat. Ergo erat Creator.

Præterea, idem habetur in Psalm. 109. v. 3. Ubi Pater ad Filium ait: Ante Luciferum genui te. Si ante Luciferum fuit: ergo & ante omnem aliam creaturam, & ita ab æterno; Si enim initium haberet, idest, si cœpisset esse, creatura esset pura, & non Creator.

Præterea unus solus est Creator; quidquid autem est præter eum, creatura est, cujus contrarium patet Apocal. 4. v. 11. Dignus es Domine, &c. Item Jo: 8. v. 58. dixit Christus Judæis: Antequam (51) Abraham fieret, ego sum. Prius dixerat 56. Abraham pater vester exultavit, ut videret diem meum, & vidit, & gavisus est. Constat quod Christus non præcessit Abraham secundum humanitatem. Fuit ergo Christus antequam esset homo. Sed non fuit prius creatura. Ergo fuit Creator; & ita non cœpit esse, sed fuit æternus. Quem autem diem vidit in spiritu Abraham, patet, quod diem Incarnationis Filii Dei, diem scilicet, in quo Filius Dei de suo femine carnem assumeret: quod patet Gen. 24. v. 2. Ubi habetur, quod Abraham dixit servo seniori domus suæ, scilicet Procuratori: Pone manum tuam subter femur meum: 3. ut adjurem te per Dominum Deum Cæli, & Terræ, ut non accipias uxorem filio meo de filiabus Chananæorum. Et infra 9. Posuit ergo servus manum sub femore Abraham Domini sui, & juravit illi super sermone hoc. Ecce, quod fecit jurare servum suum per Dominum Deum Cæli & Terræ, & fecit eum tunc ponere manum suam subter femur suum, firmiter credens, quod de

femore ejus nasceretur Dominus Cæli & Terræ.

Item Johan. 8. habetur de æternitate, ubi cum quæsitum esset ab eo v. 25. Tu quis es? Dixit ei Jesus: Principium qui & loquor (52) vobis. Hoc est, quod habitum est prius, ubi posuimus testimonium Apocal. 1. v. 8. Ego sum Alpha, & Omega, &c. Et Isaïæ in pluribus locis.

Præterea, ipse dixit Jo: 10. v. 30. Ego & Pater unum (53) sumus. Modo dicit, quod ipse primus est, respondens ad quæstionem de substantia: Tu quis es? Ergo Pater, & Filius sunt unum principium substantialiter omnium, & ita ejusdem substantiæ, & coæternus est Filius Patri.

Item Matth. 4. v. 7. Dicit Christus: Non tentabis Dominum Deum tuum. Ex quo habetur quod Dominus non est tentandus, nec invenitur, quod Filius prohibeatur tentari, nisi Deus. Modo dico: Apostolus dicit 1. Cor. 10. v. 9. Neque tentemus Christum: Ergo Christus est Deus.

Præterea, ideo prohibet eum tentare, quia contra præceptum est, sed non est nisi contra hoc præceptum: Non tentabis Dominum Deum tuum. Ergo Christus est Dominus Deus.

Præterea dicit Apostolus: sicut quidam eorum tentaverunt. Ergo jam Christus erat; sed non erat homo, quod Tu possis probare aliquo testimonio. Ergo, cum non esset Angelus, ut patet ad Heb. 1. v. 5. Ipse non erat creatura. Ergo erat Creator. Ergo Deus sine inchoatione, & ita coæternus Patri. Propter hoc dicit Apostolus Hebr. 13. v. 8. Jesus Christus heri, & hodie, &c. heri dicit, idest, in Veteri Testamento; otiosum enim esset dicere heri, idest, die proxima ante istam, maxime cum Apostolus determinet in illa Epistola quid ipse dicat, & appellat hodie.

Item Baruch 3. v. 34. Stellæ autem dederunt lumen in custodiis suis, & latata sunt: 35. Vocatae sunt, & dixerunt: Adsumus, & luxerunt ei cum jucunditate, qui fecit illas. Quis autem eas fecerit subdit 36. Hic est Deus noster, & non æstimabitur alius adversus eum. 37. Hic adinvenit omnem viam disciplinæ, & tradidit illam Jacob puero suo, & Israel dilecto suo, idest, populo illi, qui de Jacob ortus est, qui dictus est Israel. Similiter & populus dictus est Jacob, & Israel, ut patet Gen. ultimo, & Osee 12. v. 13. In propheta autem eduxit Dominus Israel de Ægypto, & in propheta servatus est: quod non potest intelligi de persona ipsius Jacob cum Israel, quia jam defunctus erat, ut patet Gen. ultimo. Quis autem est iste Deus noster nisi Christus? de quo subdit v. 38. Post hæc in terris visus est, & cum hominibus conversatus est. Et ponit

(48) Nempe Catharos illos Concorrezenses vexat hic Noster, qui non recte sentiebant De Trinitate, ut observat Sachonus column. 1773.

(49) Consule Petavium lib. v. cap. iv. §. xiii. Tom. II. Theolog. Dogm.

(50) Hinc colligi facile potest, quo anno in summa hac adoranda Moneta laboraret. Nempe anno 1244. Quod vero adjungit: si prius homo factus est, vel contra Albanenses, qui Johannem de Lugio sequebantur, vel contra concorrezenles dictum videtur. Utrique enim vere a Christo corpus assumptum fuisse censebant, maleque sentiebant De Trinitate; sed illi quidem in intelligibili mundo & assumptam carnem, & obitam a Christo mortem; hi ve-

ro contra hic in mundo hæc eadem evenisse arbitrabantur. Vide Sachonum col. 1772. & 1774.

(51) Vide Notam 29. in hoc cap. Non negabant autem Cathari, qui Balasinfæ parebant; immo vero ne reliquæ quidem illorum sectæ; Christum esse puram creaturam arbitrabantur. Nam etiam Albanenses, qui stabant a Balasinfæ phantasiæ fuerint, ut in hoc caput 111. Tertiū hujus a nobis observatum est; Christumque neque manducasse, neque bibisse putarint, ut liquebit clarius in Notis ad §. xi. hujusce Capituli; tamen creaturam illum fuisse existimarunt.

(52) Vexatus hic locus est variis Scriptorum interpretationibus.

(53) Vide Notam 17. in hoc cap.

nit præteritum pro futuro, sicut mos est in Prophetis, ut alibi probavimus. Ex quo patet, quod Christus est verus Deus substantialiter Creator stellarum, qui dedit legem populo Israel in deserto, quem etiam tentavit 1. Corinth. 10. v. 9. De Christo etiam dicit Apostolus Hebræ. 13. v. 8. *Jesus Christus heri, & hodie*. Cum igitur Creator sit unus, est Creator bonus. Ergo idem Creator est Christus cum Patre suo in substantia, & per consequens idem est cum eo in potentia, & in sapientia, & in bonitate; ista enim omnia idem in eo sunt. Ista tangit B. Johannes in principio primæ Epistolæ dicens de Christo: *Quod fuit ab initio, quod audivimus, quod vidimus oculis nostris, quod perspeximus, & manus nostræ contrectaverunt* (54) *de Verbo vitæ: & vita manifestata est, & vidimus, & testamur, & annuntiamus vobis vitam æternam, quæ erat apud Patrem, & apparuit nobis*. Cum dicit: *quod fuit ab initio* notat æternitatem ejus ante omnes creaturas: Similiter Johann. 1. v. 1. *In principio erat Verbum; quod audivimus, eum prædicavit: quod vidimus oculo corporis in quantum homo; hicque notat humanitatem ejus, qua assumpta prædicavit: quod perspeximus oculo mentis in quantum erat Deus; & manus nostræ contrectaverunt de Verbo vitæ* notat, quod experimento didicerunt Christum veram carnem habuisse, & in ea surrexisse a morte; unde post Resurrectionem dixit eis Lucæ 23. v. 39. *Palpate, & videte, quia spiritus carnem, & ossa non habet, sicut me videtis habere*. Et Thomas eo palpato argumentum habuit *de Verbo vitæ*, hoc est, quod ipse erat Verbum vitæ: unde dixit: *Domine meus, & Deus meus*. Cum dicit: *Et annuntiamus vobis vitam æternam, quæ erat apud Patrem*, notat Christum, quem annuntiabat, esse æternum, id est, non cœpisse esse, & notat etiam ipsum distingui a Patre personaliter. *Et apparuit nobis* per assumptam humanitatem. Ita quoque Johannes dixerat cap. 1. v. 14. post pertinentia ad Deitatem, subjungens: *Et verbum caro factum est, & habitavit in nobis, & vidimus gloriam ejus, gloriam quasi unigeniti a Patre, &c.* Ecce quod dicit: *Et apparuit nobis*.

§. IV.

De iis, quæ ad humanitatem Christi pertinent: & primo quid fabulentur de ejus carne Heretici, dicentes Christum cælestem carnem habuisse.

Vlso de Christi deitate, videamus de humanitate ipsius; & primo videamus de carne ipsius, de qua multiplex est opinio. Quidam (55) enim Cathari credunt eam cælestem, & ipsum Christum indutum illa carne intrasse in Mariam, & cum ipsa de ea exivisse.

Istud autem volunt habere ex illo verbo Johan. 6. v. 51. Ubi Christus ait: *Ego sum panis vivus, qui de Cælo descendi. Si quis manducaverit ex hoc pane, vivet in æternum*. Et postea subjungit: *Et panis, quem ego dabo, caro mea est pro mundi vita*.

Ad idem inducunt illud, quod habetur 1. Cor. 15. v. 47. *Secundus homo, scilicet Christus, de Cælo, cælestis*.

Ad primum dico, quod licet sit panis, qui de cælo descendit, & caro sua sit panis, non tamen per hoc sequitur, quod caro sua de Cælo descendit; sicut aliquis veniens de Anglia, vel Teutonia ad Regem Franciæ, ut fiat ab eo miles, & sit, potest quidem dicere: *Ego sum miles, qui veni de Anglia*: Similiter Christus de Cælo descendit in quantum Deus in uterum Virginis, sicut postea ostendetur, & in Virgine factus est panis, id est, factus est caro; *Verbum enim caro factum est, & habitavit in nobis*; & ita potest vere dicere: *Ego sum panis, qui de Cælo descendi*; & tamen non fuerat panis in Cælo; nomine enim panis cibus large sumitur, & significatur.

Ad aliud dico, quod Christus cælestis dicitur, quia similis fuit (56) cælestibus corporibus; sicut enim illa sunt incorruptibilia, & immortalia, ita & Christus in sui Resurrectione: *Christus enim resurgens ex mortuis, &c.* Rom. 6. v. 9.

Item Act. 13. v. 34. dicit Paulus, quod Deus suscitavit eum a mortuis, *amplius jam non reversurum in corruptionem*. Ideo autem talis fuit post Resurrectionem suam, quia fuit de Cælo, id est, de cælesti natura, sive divina: hoc est, istud factum est in virtute divinæ naturæ scilicet, quod Christus fuit incorruptibilis, & immortalis, cujus naturæ erat, quia Deus erat, non tantum homo, ut dictum est. Adam vero terrenus fuit, hoc est, corruptibilis, & mortalis, sicut & alia corpora terrena, & hoc ideo,

(54) Adis Petavium lib. 11. Theolog. Dogmat. cap. xii. §. 14. Tem. 11.

(55) Erant hi Bajolenses, ut optime animadvertit Sachonus pag. 1774. Item credunt, inquit, cum prædicto Nazario (Concorrensi Episcopo) quod B. Virgo fuit Angelus, & quod Christus non assumpsit naturam humanam ex ea, nec vere passus est aliquem dolorem in morte, sed quod assumpsit corpus cæleste.

(56) Proponit hoc argumentum, nomine Veterum hæreticorum, qui Bajolensibus præverant, Tertullianus, illudque egregie, ut solet, refellit lib. de Carne Christi cap. viii. pag. 316. Ita, inquit, si nihil de ignominia interest, aut aliam purioris note

materiam excogitent Christo, quibus displicet nostra, aut eamdem agnoscant, qua etiam cælestis melior esse non potuit. Legimus plane: primus homo de terræ limo, secundus homo de cælo: Non tamen ad materia differentiam spectat, sed tantum terrenæ retro substantiæ carnis primi hominis, id est Adæ, cælestem de spiritu substantiam opponit secundi hominis, id est Christi. Quod si secundum carnem quoque cælestis Christus non comparetur illi secundum carnem cælestes. Si ergo qui sunt cælestes, qualis & Christus, terrenam carnis substantiam gestant, hinc quoque confirmatur, ipsum etiam Christum in carne terrena fuisse cælestem, &c.

ideo, quia fuit *de terra* supple & de aliis elementis, & ita ex contrariis, propter quæ corruptibilis, & mortalis fuit; & quia *terrenus*, idest, rei inferiori adhærens, scilicet Hevæ plusquam creatori. Hæc caussa cum præcedente sufficit. Ergo non dicitur Christus de Cælo ratione carnis, sed ratione Deitatis.

Aliter autem potest exponi propter minus capaces, scilicet, quod Christus dicitur cælestis non ratione carnis, quasi quod ejus caro de Cælo descenderit, vel venerit, sed dicitur cælestis propter conversationem suam; quæ fuit cælestis, idest, munda, & jucunda, sicut & conversatio civium cælestium, hoc est, Angelorum: secundum quem modum dicit Apostolus Philip. 3. v. 20. *Nostre conversatio in celis est*. Propter hoc etiam post illa verba ad Cor. de Christo monet nos dicens v. 49. *Sicut portavimus imaginem terreni*, supple per inobedientiam divinorum mandatorum; *portemus & imaginem cælestis*, idest, Christi, obediendo divinis mandatis. Ideo talis fuit Christus, qui de Cælo venit. Johan. 3. v. 31. *Qui de Cælo venit super omnes est*.

Ad idem etiam probandum inducunt illud Joha. 1. v. 27. Ubi dicit Johannes Baptista de Christo: *Ipse est, qui post me venturus est, qui ante me factus est*. Et parum infra dicit. 30. *Post me venit vir, qui ante me factus est: quia prior me erat*. Si factus erat antequam Johannes Baptista, & nonnisi secundum humanitatem: ergo humanitas Christi præcessit humanitatem Johannis Baptiste. Ergo ejus humanitas fuit antequam esset in Virgine. Sed ubi, nisi in Cælo? Ergo caro ejus fuit cælestis.

Solutio. Deceptus es Hæretice per æquivocationem ejus, quod est *ante*. Aliquid enim dicitur esse ante, sive prius alio, non uno modo tantum, sed multis modis, sicuti sciunt periti in Aristotelis libris, scilicet in prædicamentis, & metaphysicis, & ut simplicius loquar, tu aliquem Antianum tuum nominas non propter carnis originem, sed propter Ecclesiasticam dignitatem, sive prælationem; & tamen tempore est minor te. Dico ergo, quod Johannes Baptista Christum dicit factum ante se non tempore, sed dignitate: *Ante me factus est*, idest Antianus meus, atque Prælatus mihi dignitate, & honore; unde ibi dicit Johannes Baptista, quod non erat dignus solvere corrigiam calceamenti ejus. Quare autem ejus Antianus sit, atque Prælatus rationem ponit Johannes Baptista dicens: *quia prior me erat*. Supple caussalitate, idest, quia caussa efficiens est mei, & omnium, secundum quod Deus; *Omnia enim per ipsum facta sunt: Et sine ipso factum est nihil*. Jo: 1. v. 3.

(57) Vulgata habet: *in carne*. Ita quoque legit Tertullianus lib. de Carne Christi cap. xxiv. pag. 325. Quod omnino Græcis exemplaribus consonum est. *ἐν σαρκί* enim exhibent, quod est *in carne*. Fortassis codex, quem penes se habebat Noster *in carnem*, retinebat: sed minus castigate. Videndus Tertullianus loco mox indicato.

(58) Nempe Albanensium, qui Balasinas sequebantur. Assensu autem hi suis antesignanis Gnosticis fuerunt. Nam Pars quidem veterum Gnosticorum Jesum per Mariam pertransisse ajebant quasi aquam per tubum: *apud S. Irenæum lib. 111. Contra Hæres. Cap. x1. num. 3. & cap. xx11. num. 1. seqq. libro autem I. cap.*

HÆR. Ad idem inducunt illud 1. Jo: 4. v. 2. *Omnis spiritus, qui confitetur Jesum Christum in carne venisse, ex Deo est*. Si in carne venit: ergo prius fuit illa caro, quam esset in Virgine.

Solutio. Quid diceret Tu Hæretice, si ego dicerem, quod litera non sit, sicut ponis eam? Immo vera litera est (57) *in carnem*. Secundum hoc non haberes quid diceret contra me; immo ego potius contra te possem dicere, sicut & verum est, quod Tu ex Deo non es, quia tu non confiteris Christum venisse in carnem. Si enim in carnem venit: ergo prius fuit, & non fuit in illa. Dico etiam, quod si vera litera sit *in carne*, non est tamen mihi contraria. Dico enim, quod Filius Dei de Cælo venit in carne, cum in nativitate eam assumpsit in Virgine, & de Virgine. Venit autem in carne, id est, cum carne in partu suo ex ipsa Virgine.

HÆR. Item ad idem inducunt illud, quod Christum dixisse legitur Johan. 8. v. 23. *Ego non sum de hoc mundo*; Et loquebatur de se pro ut erat homo. Humanitas ergo sua, caro scilicet, & anima, aliunde erat.

Solutio. Johan. 17. v. 16. habetur, quod Christus dixit de discipulis suis: *De mundo non sunt, sicut & ego non sum de mundo*. Ergo si propter hoc quod Christus dixit: *Ego non sum de hoc mundo* vis dicere, quod caro Christi fuerit cælestis, & non fabricata in utero Virginis, eadem ratione caro Discipulorum cælestis fuerit: quod tu non audes dicere. Nonne dicit Paulus Rom. 7. v. 24. *Infelix ego homo, &c.* Item ibidem v. 18. *Scio enim, quod non habitat in me, hoc est in carne mea, bonum*. Dicas ergo mecum, quod Christus secundum carnis naturam fuit de hoc mundo; dicit tamen, quod de hoc mundo non fuit ratione conversationis suæ, quæ cælestis, & sancta, & non mundana fuit: secundum quem modum nec Apostoli fuerunt de mundo; unde unus pro se & aliis dixit Philip. 3. v. 20. *Nostre conversatio in celis est*.

§. II.

Probatio quorundam Hæreticorum, quod Christus habuit carnem phantasticam.

Est autem & alia aliorum Catharorum, qui unum (58) ponunt principium, de carne Christi opinio; qui dicunt, quod Christus in ea, non de ea materialiter carnem assumpsit hujus massæ carnalis, quia eam credunt a Diabolo fabricatam. Dicunt enim, quod non habuit vere corpus humanum, sed phan-

v11. num. 2. prodit Irenæus Dominum Jesum Christum, ex Valentinianorum sententia, ex his quatuor fuisse compositum de spirituali, & de animali, & de dispositione, quod erat factum inenarrabili arte, & de Salvatore, quod erat illa, quæ descendit in eum columba. Vetus Auctor libelli de Hæreticis, qui libro Tertulliani de Prescriptionibus adjectus est loco Appendicis cap. xlix. pag. 222. Christum in substantia corporis nostri non fuisse, contendere Valentinianos tradidit, sed spirituale nescio quod corpus, de celo deferentem, quasi aquam per fistulam, sic per Mariam Virginem transmeasse, nihil inde vel accipientem, vel mutuantem. Idem auctor ibid. cap. li. Sideream, atque aeream carnem ab Apelle fuisse

phantasticum, idest, quod apparebat nostræ naturæ; & ex hoc oportet eos dicere, quod non fuit vere homo, idest, ejusdem speciei nobiscum. Dicunt ergo, quod corpus spirituale accepit operatione Spiritus Sancti ex alia materia fabricatum, quo corpore mediante Filius Dei Jesus Christus videbatur a conversantibus cum eo; humanos defectus habentem fingeat: quandoque autem se spirituale corpus habere ostendebat, cum ambulabat super mare, ut habetur Matth. 14. v. 25. & Luc. 4. v. 29. *Et surrexerunt; &c.* Ipse autem *transiens per medium illorum, ibat*, qui eum inde præcipitare volebant, sed eum comprehendere non poterant. Ista omnia, quæ sunt veræ humanitatis inditia, scilicet famem, sitim, algorem, fatigationem, dormitionem, & cæteros defectus humani corporis non in vero corpore Christi fuisse, sed in apparentia hominum ostendit se illos habere. Similiter dicunt, & credunt, quod non vere passus sit, nec vere mortuus, nec vere ad Inferos descendit, nec etiam vere surrexit.

[*] Quibus etiam modo consentiunt quidam ex his, qui unum asserunt Creatorem, docti a quodam Hæresiarcha, qui (59) Desiderius vocatur, qui tamen, ut diximus, aliquando contrarium prædicavit, & scripsit. A quibuscumque hoc dicatur, quærendum est, utrum cum ista carne ascenderit super Cælos: quod isti non credunt, dicentes humanitatem Christi esse sub altari illo, de quo dicitur Apocalyp. 6. v. 9. *Vidi subtus altare animas interfectorum propter verbum Dei.* Isti non credunt, quod humanitas Christi unquam ascensura sit super cælum: Credunt autem Christum Angelum fuisse hu-

manatum; & ille Angelus quandoque vocatur anima, & ille ascendit sine humanitate, idest, carne: Ii non credunt eum Deum essentialiter. [*]

§. V.

Probatio quorundam Catharorum, quod Christus carnem assumptam deposuit.

Quidam Catharorum de Bulgaria (60) credunt Mariam veram fœminam fuisse, & Filium Dei veram carnem ex ea sumpsisse, & vere defectus prædictos habuisse, & vere crucifixum secundum carnem in veritate, & in eadem carne vere surrexisse, sed non cum ea in cælum ascendisse, sed eam deposuisse in Ascensione credunt, ut dicunt. (61) Primi, qui asserunt quod corpus Christi non fuit ejusdem speciei cum nostro; his testimoniis innituntur; dicit enim Apostolus Rom. 8. v. 3. *Quod Deus misit Filium suum in similitudinem carnis peccati.* Et Philip. 2. v. 7. *Semetipsum exinanivit, formam servi accipiens in similitudinem hominum factus, & habitu inventus ut homo.* Per hoc enim volunt habere, quod fuerit ut homo, sed non vere homo & quod fuerit ad similitudinem hominis factus, idest, non in veritate humanæ naturæ nostræ, sed tantum in similitudine, hoc est, in apparentia. (62)

Præterea, dicitur in Artibus: Nihil est id, cui est simile. Ergo ipse non erat homo.

Ad ista dicimus: hoc ipsum ut expressivum est veritatis.

fuisse Christo tributam narrat. Aditor Theodoretus lib. I. *Hæret. Fabul. cap. xxv. pag. 211.* Apollinarius item aliquando putavit: *Carnem cum Dei Verbo e Cælo descendisse*, ut proditum est memoria a Theodoro lib. v. *Histor. Ecclesiast. cap. 111. pag. 705. Tom. 111. Opp.* Nescio quid simile Armeniis, qui ab Eutyche doctrinam sunt mutuati, placere tradit Gaspar Calvori in *Fissura Sionis lib. 1111. cap. 111. §. 111. num. I. pag. 303.* Verum a Secta Paulicianorum hoc genus dogmatis accepisse Cathari Albanenses videntur. Etenim veteres Manichæi in specie quidem Christum fuisse hominem contendebant; re autem vere negabant: sed Pauliciani apud Photium lib. I. *Contra Manichæos §. vii. pag. 21. Interdum cum compelluntur confiteri Christum ex Virgine prodiiisse, ipsum de super corpus detulisse portentose fatebantur, sed per ipsam veluti per canalem transisse.* Negant Anabaptistæ Christum induisse corpus ex B. Virginis carne: ut Auctor est Johannes Hoorpeek in *Summ. Controv. lib. v. pag. 345. Edit. an. 1676.* Nonnullos ex Serveti Discipulis in eundem errorem incidisse animadvertit ex Osiandro Gaspar Calvori in *Fiss. Sion. pag. 450.* Vveigeliani apud eundem pag. 557. num. 26. Christum carnem de Cælo attulisse, ac deinde per spiritum esse ex Maria natum defendunt. Quin etiam scriptor nescio quis obscurus, quem seculo superiore nugæ hujusmodi delectabant, celestem hominem Christum esse, hoc est non terrene, sed ætherio constantem corpore, productumque a Deo ante primum diem Mosis in 1. *Geneseos capite* memoratum. Hunc copiose, ac solide refellit Magnus Petavius lib. I. *De Opificio cap. 1v. §. 111. seq.* Vide Petavium lib. I. cap. 111. seqq. Tom. 1v. *Theol. Dogm.*

[*] Quæ duobus astericis continentur e *Codd. Bonon. & Vat.* desunt.

(59) Quin etiam & a Nazario Pseudo-Episcopo suo hoc idem acceperant quidam Cathari Concorrezenes: Quos unius principii adfectores fuisse sæpe a nobis est observatum. Vide Notam I. in cap. 11. *Hujus lib.* Video autem in *Vita S. Petri Martyris* hujusce Desiderii fieri mentionem num. 34. apud Bollandum xxix. Aprilis. Hæresiarcha vero dicitur a nostro, quod apud Catharos Episcopi munere fungeretur, ut ex eodem *Vita S. Petri Martyris* loco colligere licet. Nam & Sachonus olim se hæresiarcham fuisse tradit, non quod novam instituerit Sectam, sed quod Catharis ut Antistes præluerit.

(60) Bogomiliorum progenies. Erat adhuc ætate Sachoni, an non nempe 1250. Catharorum Ecclesia in Bulgaria. Consultatur idem Sachonus col. 1768. discrepabant autem hi Bulgari ab aliis quibusdam ejusdem pseudo-Ecclesiæ. Nam Filius Major *Ecclesiæ Bulgariae*, ait Sachonus col. 1774. *jam fere elapsis annis 60. circa annum videlicet 1190. Nazarium Concorrezensem Pseudo-Episcopum illum errorem docuerat, quem indicavimus Nota I. in cap. 11. Hujus libri.*

(61) Nempe Concorrezenes. Reinerius Sachonus hæc habet *ibid. col. 1774. Dicunt, inquit, quod Christus in die Ascensionis suæ deposuit illud, corpus, in Cælo aereo, & iterum resumet illud in die judicii, & post judicium resolvetur in præsentem materiam tamquam cadaver putridum.*

(62) Sunt hæc ex quorundam Veterum Hæreticorum doctrina expressa, quamvis aliqua ex parte verbis, non re differre ab illa videantur. Theodoretus Epist. cxlv. *Ad Monachos Constantinopol. pag. 1024. Tom. 111. Opp. Valentinus, inquit, & Basilides, & Bardesanes, & Harmonius, & qui ejusdem sunt notæ. Virginis quidem conceptionem, & partum admittunt; sed nihil ex Virgine assumpsisse Deum Verbum dicunt, per eam tantum quasi per canalem quemdam trajecisse, hominibusque apparuisse, cum speciem solam referret, atque homo esse videretur, quemadmodum visus est Abraham, atque aliis quibusdam antiquis. Quid? quod huic generi Catharorum aptari illud commode possit, quod habet Tertullianus lib. de Carne Christi Contra Apellem cap. xi. pag. 317. Et tamen cum invisibilem dicant, corporalem eam constituunt, habentem quod invisibile sit. Nihil enim habens invisibile, quomodo posset invisibilis dici? Quod vero adjungebant Bulgari, Catharique Concorrezenes, depositum fuisse a Christo Corpus illud apparens (verum tamen corpus, quod sumerat) dum in Cælum ipse ascenderet; simile est ejus, quod Apelles defendit. Christum enim agebat: in resurrectione singulis quibusque elementis, quæ in descensu suo mutuata fuissent, in ascensu reddidisse, & sic dispersis quibusque corporis sui partibus in Cælo spiritum tantum reddidisse. Auctor libelli de Hæreticis, quod Appendicis loco adjectum est libro Tertulliani de Præscriptionibus.*

ritatis, non apparentiæ, ut ipsi falso credunt. Et si istud volunt inferre: ergo non fuit homo, licet appareret, inferant ergo ex illo Jo: 1. v. 14. *Vidimus gloriam ejus, gloriam quasi unigeniti a Patre*: ergo non erat Unigenitus Patris, sed apparebat.

Ad aliud ex auctoritate Apostoli Rom. 8. non sequitur quod non habuerit carnem sicut nos, sed quod non habuerit carnem peccati; sic enim dicit Apostolus, quod Deus misit eum in similitudinem carnis peccati: Fuit tamen ejus caro similis carni peccati, non in peccato, sed in passibilitate, & mortalitate, propter quod & Apostolus dicit Philip. 2. v. 7. quod factus est in similitudinem hominum, supple aliorum, quia passibilis sicut & alii homines: unde Hebræ. 2. v. 14. dicitur quod *pueri communicaverunt carni & sanguini, & ipse similiter participavit eisdem*. Similiter dicit sicut pueri, idest ut alii homines, quos sibi Deus Pater dedit, & ipse dicit ante illa verba immediate v. 13. *Ecce ego, & pueri mei, quos dedit mihi Deus*. Postea subdit v. 17. *unde debuit per omnia fratribus similari*. Ex illa autem auctoritate Apostoli in similitudinem hominum factus: non sequitur, quod ipse non sit homo; sed quod non sit illi homines, quibus assimilatur. Similiter non sequitur: caro Christi fuit similitudo carnis peccati, quæ est humana caro; ergo non fuit caro humana. Sed inferendum est, quod non fuit humana caro peccati. Præterea, quod hæ auctoritates contra eos sint, ostendemus dante Domino.

Ad idem inducunt illud 1. ad Galat. v. 2. *Paulus Apostolus non ab hominibus, neque per hominem, sed per Jesum Christum, & Deum Patrem*. Ex quo volunt, quod Christus homo non fuerit, idest veram humanitatem non habuerit.

Sed quod dicitur *per hominem* intelligitur per hominem purum. Et bene concedo, quod Christus non est homo purus, sed etiam Deus, ut patebit postea. Simile dicit Apostolus in eodem capite v. 12. *Neque enim ego ab homine accepi illud, id est evangelium; neque didici, sed per revelationem Jesu Christi*.

(63) Non indicat Moneta contra quos Catharos hic disserat. Verum si conjectura consequi quisquam id potest, arbitraretur equidem Bagnolenses, seu Bajolenses, & Albanenses Balasinfæ a Nostro vexari, qui aiebant a B. Virgine Christum non assumpsisse carnem.

(64) Quemadmodum hæc intelligi debeant, facile quisque ex S. Th. 1. 1. P. Summe Theol. Quæst. xxxii. Art. 1. ad 1. potest colligere; sic enim habet: *Dicendum, quod opus conceptionis commune quidem est toti Trinitati, secundum tamen modum aliquem attribuitur singulis personis. Nam Patri attribuitur auctoritas respectu personæ Filii, qui per hujusmodi conceptionem sibi adsumpsit humanam naturam. Filio autem attribuitur ipsa carnis assumptio; sed Spiritui Sancto attribuitur formatio corporis, quod assumitur a filio. Nam ipse Spiritus Sanctus est Spiritus Filii secundum illud Galat. 4. Misit Deus Spiritum filii sui. Sicut autem virtus animæ quæ est in semine, per Spiritum, qui in semine includitur, format corpus in generatione aliorum hominum: ita virtus Dei, quæ est ipse filius... per Spiritum Sanctum corpus formavit, quod assumpsit. Et hoc etiam verba Angeli demonstrant, dicentis: Spiritus Sanctus superveniet in te, quasi ad preparandam, & formandam materiam corporis Christi, & Virtus Altissimi, id est Christus, obumbrabit tibi, id est corpus in te humanitatis accipiet incorporeum lumen divinitatis... Altissimus autem intelligitur Pater, cujus virtus est filius. Quod autem adjungit*

§. VI.

De Christi Conceptione, quæ in illo articulo tangitur: Qui conceptus est de Spiritu Sancto.

Nunc ad singulos articulos de humanitate Christi veniamus, quorum primus est: *Qui conceptus est de Spiritu Sancto*. (63) Ex hoc intulit Hæreticus: ergo ut mater Christi. Sicut bene sequitur: conceptus ex Maria: ergo ipsa est Mater ejus.

Sed non est simile. In prima enim denotat causam efficientem, quasi diceretur conceptus in Maria virtute Spiritus Sancti, eo scilicet operante, & faciente, cum aliis tamen personis; indivisa (64) enim est operatio trium personarum, sicut essentia: Sed attribuitur Spiritui Sancto, ut notetur, quod ex mera charitate Dei ad nos facta est illa conceptio. In secunda vero denotat materialem, quia de purissimis particulis carnis Virginis Mariæ materialiter fabricata est Christi caro: & propter hoc de Spiritu Sancto non ut de matre, sed de Maria est ut de matre.

Item opponit Hæreticus. Cum Christus in quantum homo conceptus sit de Spiritu Sancto effective, numquid Spiritus Sanctus dicendus est Pater Christi hominis?

Dico quod sic; immo sui, & totius Trinitatis est filius (65) in quantum homo, sicut & alii homines, scilicet sancti, per gratiam. Sed in hoc est differentia, quia alii per gratiam adoptionis; Christus vero per Gratiam Unionis divinæ & humanæ naturæ in persona filii Dei. Alii autem homines ideo dicuntur filii Dei gratia adoptionis, quia cum non essent filii Dei, immo filii iræ, ut dicit Apostolus, per gratiam Dei facti sunt de non filiis Dei filii ejus. Christus vero in quantum homo semper fuit ab omni peccato immunis: unde nunquam fuit non filius Dei. Non est ergo factus de non filio Dei, filius Dei; & ideo non potest dici filius adoptionis, sive

Ii

gratia

Moneta, attribui Spiritui Sancto, quod ex mera charitate Dei ad nos facta est illa conceptio, verum est. Ceterum non satis esse videtur, cum alia quoque in causa sint, cur Spiritui Sancto attribuitur, quæ tamen omisit noster, quippe qui id unum satis superque esse putaverit ad Cathari impudentiam reprimendam. Rationes autem ceteras, quibus fit ut Spiritui Sancto attribuenda sit, recenset S. Th. 1. c. in corp. Nam ex sola gratia humana natura assumpta est a filio Dei: gratia autem tribuitur Spiritui Sancto. Illud quoque accedit: congruere id termino Incarnationis, qui est, ut homo qui concipiebatur, esset Sanctus, & filius Dei: Utrumque porro horum attribuitur Spiritui Sancto. Consulendus ibidem Sanctus Thomas.

(65) Emollienda videtur hæc Monetæ Responsio, neque sic accipienda, ut absolute concedat Spiritum Sanctum esse Christi ut hominis Patrem. Neque enim ignorabat id dici a Catholicis nullatenus posse, ut fuscè ostendit S. Thom. 3. p. qu. 32. art. 3. Id ergo unum, ut ex contextu liquido patet, evincere nititur, per gratiam unionis Christum ut hominem esse ac vere dici Filium Dei, aliter sane ac justī Filii Dei appellentur, & sint per gratiam adoptionis. Agit enim adversus Catharos divinitatem Christi negantes, quam ut asserat, locutiones, phrasæque permittit etiam minus castigatas, sed ad Hæreticorum sane rudium intellectum accommodatas, iisque revincendis peraptas, quod aliis Patribus usuvenire compertum est.

gratia adoptionis; sed dici potest gratia unionis; Ex gratia enim facta est duarum naturarum unio in Christo, & propter hoc Christus in quantum homo dictus est filius Dei gratia unionis. Quod autem duæ naturæ in Christo sint unitæ, postea patebit. Multa sunt testimonia de conceptione Salvatoris a Beata Virgine Matth. 1. v. 20. *Quod in ea natum est, de Spiritu Sancto est.* Luc. 1. v. 31. *Ecce concipies in utero.* Luc. 2. v. 21. *Vocatum est nomen ejus Jhesus, quod vocatum est ab Angelo prius quam in utero conciperetur.*

§. VII.

Quod Christus natus est ex Maria Virgine.

Nunc accedamus ad illum articulum: *Natus ex Maria Virgine*, & ostendamus, quod Christus veram carnem humanam habuit sicut & nos, & de eadem massa sicut & nos.

Istum articulum multipliciter impugnat Hæreticus; dicit enim, quod non est de ea ut matre in veritate, sed putative. Sicut enim Scriptura dicit Mariam Christi Matrem (66), ita & Joseph ejus Patrem appellat, & tamen Joseph non erat ejus Pater, sed putabatur.

Solutio. Non est simile de Joseph & Maria, quia Christus de ea, & in ea natus est, ut ostenditur, sicut dicunt Scripturæ. Sed nunquam dicunt, quod de Joseph, vel in Joseph natus fuit.

Præterea, si ita esset de Maria; sicut Joseph dictus est Pater ejus tantum ut putabatur, ita etiam determinaret de Beata Virgine. Primum autem determinavit, ne errore decepti crederemus sicut illi, de quibus Matth. 13. v. 55. habetur, & Marci 6. v. 3. dicebant: *Nonne hic est fabri filius?* Secundum autem non determinavit illo modo; non enim dixit: *ut putabatur*, quia voluit ut eam crederemus Christi Matrem in veritate. Unde & alio modo determinavit quomodo ejus Mater diceretur, scilicet quod de ea, & in ea natus est Christus; sed de Joseph non dicitur, immo potius contrarium: nam Matthæus ait c. 1. v. 18. *Antequam convenirent*, ut dicetur in proximo.

Ad idem etiam inducunt illud, quod Christus eam nunquam matrem, sed mulierem appellat.

Frivola est tamen ista objectio. Numquid quia mulierem dicit eam, propter hoc negat eam esse

matrem? non. Quomodo enim mater posset esse, nisi mulier esset?

Opponunt etiam illud Matth. 12. v. 17. *Dixit ei quidam: Ecce mater tua, & fratres tui foris stant quærentes te.* 48. *At ipse respondens dicenti sibi, ait: quæ est mater mea, & qui (67) sunt fratres mei?* 49. *Et extendens manum in Discipulos suos, dixit: ecce mater mea, & fratres mei.* 50. *Quicumque enim fecerit voluntatem patris mei, qui in celis est, ipse meus frater, & soror, & mater est.*

Solutio. Impie Hæretice. Discipuli Christi, & omnes, qui faciunt voluntatem Dei patris Christi, laudantur; sed Beata Virgo propter hoc non negatur esse mater Christi carnalis.

Ad idem objiciunt illud Luc. 11. v. 27. ubi quidam muliere de turba dicente: *Beatus venter, qui te portavit, & ubera, quæ suxisti:* Christus respondit v. 28. *Quinimmo, beati (68), qui audiunt verbum Dei, & custodiunt illud.* Ex quo verbo Christi volunt, quod nec beatus sit venter Virginis, ne cogantur credere horum corporum resurrectionem; nec quod ejus ubera suxerit, quia non suxit, nec comedit cibum corporalem, ut dicunt.

Ad hoc autem dicimus: si sciret Hæreticus qualiter sumatur hoc ipsum, *quinimmo*, non dixisset illud. *Quin* enim multipliciter sumitur: quandoque enim sumitur pro *cur*, & est adverbium interrogandi, & tunc ponitur pro constanti verum esse quod præcessit, ut sit sensus: Cur non esset beatus venter, qui me portavit, & ubera, quæ ego suxi? Quasi diceret: nulla est causa, quare non sic esset, quidquid fingant Hæretici. Similiter *immo* quandoque adverbium est eligendi, & sic non sumitur hic, quia sic innueret negationem prioris, idest non sic est, ut dixisti mulier; sed istud est verum: *Beati qui audiunt &c.* Quandoque autem est adverbium affirmandi, & ponitur pro *certe*, & ita sumitur hic, & est determinatio quæstionis factæ per *quin*: quasi diceret: certe *beatus venter &c.* Et postea addit: *Beati etiam, qui audiunt verbum Dei &c.* Vel dicas quod *quinimmo* est una dictio, & ponitur pro *insuper*, & sic est adverbium ordinandi: quasi diceret: superius, & majus est portare verbum Dei in mente, quam in ventre tantum. Tamen Beata Virgo utroque modo portavit; sed unus modus portandi super alterum est, & major eo.

Ad idem inducunt illud Jo. 2. v. 3. ubi cum Maria dixisset (69) Jesu: *Vinum non habent*, ipse dixit ei

v. 4.

(66) Rainerius Sachonus de Balasinfæ sectatoribus loquens col. 1769. Item dicunt, inquit, quod Dei filius non assumpsit humanam naturam in veritate, sed ejus similitudinem ex B. Virgine... sed fuerunt hæc omnia putative, sicut de eo legitur in Luca, ut putabatur filius Joseph. Idem placuit Bagnolenlibus. Rein. ibid. col. 1770.

(67) Commune hoc erat, hæreticorum Veterum, qui Christum aut nullum, aut cæleste corpus habuisse jactabant, sæpeque usu protritum argumentum. Egregie Tertullianus libro de Carne Christi Cap. VII. pag. 312. sed quoties, inquit, de Nativitate contenditur; omnes qui respuunt eam ut præjudicantem de carnis in Christo veritate, ipsum Deum volunt negare esse natum, quod dixerit: Quæ mihi mater? & qui mihi fratres? Audiat igitur & Apelles, quid jam responsum sit a Nobis Marcioni, eo libello, quo ad Evangelium ipsius provocavimus. Considerandam scilicet materiam pronuntiationis istius. Primo quidem nunquam quisquam annuntiasset illi, matrem & fratres ejus foris stare, qui non certus esset, & habere illum matrem, & fratres, & ipsos esse, quos tunc nuntiabat, vel retro cognitos, vel tunc ibidem compertos... Denique

potiores fecit alios, & meritum prædicationis ostendens, audientiam scilicet verbi, demonstrat qua conditione negaverit matrem & fratres... Solet etiam id implere Christus, quod alios docet. Quale ergo erat si docens non tanti facere matrem, aut fratres, quanti Dei Verbum, ipse Dei Verbum nuntiata matre & fraternitate desereret? Hoc ipsum objiciebant Manichæi, qui in specie Christum, non re ipsa humana carne præditum esse ajebant, quod sapienter refellit Archelaus Disp. cum Manete pag. 85. seqq. Collectio Monum. Vet. Zacagn. I. Edit. an. 1698.

(68) Tertullianus lib. mox indicato cap. eod. pag. 315. post ea quæ notatione superiore protulimus: Eodem sensu denique, inquit, & illi exclamationi respondit, non matris uterum & ubera negans, sed feliciores designans, qui Verbum Dei audiunt solis istis Capitulis, quibus maxime instructi sibi videntur Marcion & Apelles, secundum veritatem integri & incorrupti Evangelii interpretatis, satis esse debuerat ad probationem carnis humanæ in Christo per defensionem nativitatis.

(69) Vide Scriptorem anonymum Disp. inter Catholicum & Paterinum. Tom. v. Thesauri Anecdotorum Martenii col. 1722.

v. 4. *Quid mihi, & tibi est mulier?* Ecce, quod nec matrem eam appellat, & quod nihil sibi, & ei commune esse dicit.

Ad hoc potest dupliciter responderi: Primo quod non dicit sibi & Mariæ nihil, five nullam affinitatem esse secundum carnem; sed quod sibi, & ei nihil pertinet vinum dare Dominis nuptiarum, quia non invitaverant, sed invitati fuerant. Invitato- rum enim non est pascere, aut potare invitantes, sed e contrario. Et tamen dedit propter abundantiam suæ bonitatis. Secundo responderi potest, quod non dicit, nihil esse sibi & Mariæ generaliter; sed nihil esse sibi & ei commune quantum ad hoc, quod ipsa petebat, aquam scilicet in vinum converti; hoc enim posse non ex ipsa habebat, sed ex Patre. Ex Patre enim erat activus miraculorum, sed ex matre passivus tribulationum. Unde in cruce pendens dixit ei Jo: 19. v. 26. *Ecce Filius tuus:* quasi diceret: hoc patior in quantum homo, & in quantum filius tuus.

§. VIII.

Probatio Ecclesiæ, quod Christus natus est ex Maria secundum carnem de David Veteris Testamenti.

Quod autem Christus veram carnem habuerit, qualem & nos, excepto peccato, ex Maria, subditis probatur testimoniis. Beatus Matthæus in principio Evangelii sui dicit: *Liber generationis Jesu Christi filii David, filii Abraham.* Matthæus carnalem Christi generationem texit (70). Ergo Christus nostram carnem habuit traductam ab illis Patribus.

Ad hoc autem dicit Hæreticus, quod istud dictum est secundum reputationem hominum, sicut & pluries dictus est filius Joseph, non quod ejus filius esset, sed quod putaretur, sicut dicitur Luc. 4. v. 23.

Ad hoc dicimus, quod Lucas illud dixit ad tollendum errorem illorum, qui putabant, quod Jesus esset ejus filius; & ne nos in eundem errorem incideremus. Non enim de Joseph aliquid habuit, ut ab ipso mediante, vel immediate originem duxerit. Si autem Christus secundum quod homo non duxisset ab illis originem, Evangelistæ, vel Apostoli determinassent, quomodo diceretur filius eorum, ut putabatur, sicut & Lucas determinavit, quod dictus est filius Joseph, ut putabatur. Quod autem

filius fuerit Abrahæ, & David, licet mediate, & quod carnaliter ab ipsis originem duxerit, ostendit Matthæus dicens in fine genealogiæ Christi: *Jacob autem genuit Joseph virum Mariæ, de qua natus est Jesus, qui vocatur Christus.* Dicit de qua, ut notet, quod materiam suæ generationis ab ipsa habuit; ipsa autem carnis generationem duxit ab illis. Per quod patet, quod Christus mediante Matre ab illis secundum carnem descendit.

Quod autem Maria descenderit ab illis recta linea, ostendit Matthæus per Joseph virum suum. Præceptum enim erat, ut dictum est in cap. de Matre Christi, quod fœminæ nuberent viris Tribus suæ. Ex quo patet, quod Beata Virgo Maria de eadem Tribu erat cum Joseph filio Jacob: sed Joseph de Tribu Juda fuit mediante David, de cujus domo & familia fuit, ut habetur Luc. 1. v. 27. Ergo & Christus de eadem Tribu erat secundum carnem, & a Juda duxit originem secundum carnem mediante David, a quo materialiter & secundum carnem Beata Maria originem duxit, ut ostensum est (71).

Ad hoc autem opponit Hæreticus, quod postea dixit Matthæus c. 1. v. 18. *Christi autem generatio sic erat: cum esset desponsata mater ejus Maria Joseph, antequam convenirent, inventa est in utero habens de Spiritu Sancto.* 19. *Joseph autem vir ejus, cum esset justus, & nollet eam traducere, voluit occulte dimittere eam.* 20. *Hæc autem eo cogitante, ecce Angelus Domini apparuit in somnis ei dicens: Joseph fili David, noli timere accipere Mariam conjugem tuam: quod enim in ea natum est, de Spiritu Sancto est.* Facit autem Hæreticus hic vim. Sic erat non ut prius dictum est, sed ut dicam statim: *Cum esset &c.* Item, quia dicitur: *quod in ea natum est;* non dicitur de ea, sed in ea, & additur: *de Spiritu Sancto est.*

Ad ista autem facile respondetur, quia quod dicitur Matthæi: *Christi autem generatio sic erat,* & præcedentia respicit, & sequentia. Dixerat enim prius v. 16. *Quod de Maria natus est Jesus, qui vocatur Christus,* & ad hoc respicit, quod dixit v. 18. *Sic erat.* Et quod Maria de David & Abraham duxit originem, per consequens dat intelligere, quod hoc ipsum: *Sic erat,* respicit illa verba v. 1. *Jesu Christi filii David, filii Abraham,* ut sit sensus: *sic erat,* idest de David, & Abraham. Respicit etiam ea, quæ sequuntur, quia ibi dixerat, *Joseph virum Mariæ, de qua natus est Jesus, qui vocatur Christus,* & ne crederetur, quod esset de Maria natus operatione Joseph, subdit: *Christi au-*

I i 2

tem

(70) Ipse imprimis Matthæus fidelissimus Evangelii commentator, ut comes Domini, non aliam ob causam, quam ut nos originis Christi carnalis compotes faceret, ita exorsus est: *Liber generationis Jesu Christi filii David, filii Abraham.* His originis fontibus genere manante, cum gradatim ordo deducitur ad Christi nativitatem, quid aliud quam caro ipsa Abrahæ, & David per singulos traducem sui faciens in Virginem usque describitur inferens Christum? Immo ipse Christus proditur de Virgine Tertullianus lib. de Carne Christi Cap. xxii. pag. 324. Vide & Cap. xx. pag. 322. Irenæum lib. ii. Cap. xi. pag. 191. & Cap. xvi. al. xvii. pag. 204.

(71) Cap. ii. Hujusce lib. ii. Porro ut Cathari, ita Manichæi Catharorum prodromi Mariam e Davide originem duxisse negarunt. Adeundus Augustinus lib. xxi. Contra Faustum Cap. ii. Verum ni Maria Davide fuisset prognata, qui tandem Paulus, ceterique

Scriptores Hagiographi novi Testamenti Christum ex Davide secundum Carnem ortum affirmarent; diserteque negarent Christum ipsum Josephi esse filium? Igitur aut pugnancia loquuti Apostoli sunt, id quod Cathari vehementer negant, aut Maria Mater Christi Davide prognata fuerit necesse est. Sapienter Tertullianus lib. de Carne Christi Cap. xxii. pag. 324. sed & Paulus, inquit, utpote ejusdem Evangelii & Discipulus & Magister, & testis, qua ejusdem ipsius Christi Apostolus confirmat Christum ex semine David secundum carnem, utique ipsius. Ergo ex semine David caro Christi; sed secundum Mariæ carnem ex semine David: ergo ex Mariæ carne est, dum ex semine est David. Quocumque detorseris dictum, aut ex carne est Mariæ, quod ex semine est David; aut ex David semine est, quod ex carne est Mariæ. Con- sule Aug. loco mox indicato.

tem generatio sic erat, ut dicam. Et notat differentiam inter alias generationes nominatas usque ad Christum, & Christi generationem. Illæ enim factæ sunt humano ritu, actione scilicet viri; hæc non, immò divino nutu, & virtute. Quod non humano ritu, notatur, cum dicitur: *Antequam convenirent &c.* Non ideo hoc dicit, quia velit, quod postea convenirent; sed Scriptura quod factum non sit narrat; sed non dicit, quod postea fiat. Quod autem dicit: *inventa est in utero habens de Spiritu Sancto,* notat, quod Dei virtute facta sit generatio ista. Unde Luc. 1. v. 35. dicitur: *Spiritus Sanctus superveniet in te, & virtus Altissimi obumbrabit tibi.*

Ad aliud dico, quod per hoc quod ait: *quod in ea natum est,* non habetur quin de ea materialiter, & secundum carnem factus sit; jam enim dixerat, quod de ea natus est. Utrumque ergo verum est, quod de ea, & in ea; ut notet, quod vera mulier fuit, de qua, & in qua natus est: nam de viro, & in viro quis nascitur? Ideò & hic voluit dicere: *quod de ea natum est,* quia statim dicturus erat: *de Spiritu Sancto est,* ne scilicet putaretur, quod eodem modo de Spiritu Sancto, & de Maria esset Jesus, ne scilicet putaretur hinc inde esse univocationem; nam de Maria est materialiter, de Spiritu Sancto effective.

Notabile etiam est, quod recte Joseph filium David nominat, ut Mariam conjugem ejus de Tribu illa, de qua David fuit, ortam ostendat, ut sic palam sit, quod de Tribu Juda sit Dominus noster, sicut dicit Apostolus Hebræ. 7. v. 14. Unde enim habuit Apostolus, quod manifestum est Christum esse de illa Tribu, nisi isto modo, quo diximus? Nullo alio; alioquin ostende si potes.

Adhuc autem alia testimonia inducamus, quibus pateat Jesum de Maria natum. Sic enim dicit Angelus Luc. 1. v. 30. *Ne timeas Maria: invenisti enim gratiam apud Deum.* 31. *Ecce concipies in utero, & paries filium, & vocabis nomen ejus Jesum* (72). Concipere autem idem est, quod de ejus carne nasci in ea. Parere autem idem est, quod nasci ex ea filium, & venire ad conspectum hominum.

Item Luc. 1. v. 35. *Spiritus Sanctus superveniet &c.* Ex te dicit, idest, de tua corporis substantia. Et quod ita intelligendum sit, patet ex verbis Elisabeth ad Mariam; dicitur enim ibi v. 41. *Et repleta est Spiritu Sancto Elisabeth.* 42. *Et exclamavit voce magna, & dixit: Benedicta tu inter mulieres, & benedictus fructus ventris tui.* Sic ergo corpus Christi fructus fuit ventris Beatæ Mariæ, & de ventre ejus materialiter factus est secundum carnem. Si enim eum solummodo in ventre portasset, ex hoc non diceretur fructus ventris ejus, sicut uva non dicitur fructus spinarum eam portantium, sed vitis sustentatæ a spinis. Propter quod Matth. 7. v. 16. dicitur: *Numquid colligunt de spinis uvas, aut de tribulis ficus?* Item Luc. 2. v. 4.

Ascendit autem & Joseph a Galilæa de Civitate Nazaret in Judæam in Civitatem David, quæ vocatur Bethlehem: eo quod esset de domo & familia David; ut profiteretur cum Maria desponsata sibi uxore pregnante. 6. *Factum est autem, cum essent ibi, impleti sunt dies ut pareret.* 7. *Et peperit filium suum primogenitum.* Suum dicit, idest de substantia carnis suæ conditum, alioquin suus filius non esset, & mentiretur Lucas, si eum filium diceret suum.

Si autem objicias: ergo mentitur Lucas eadem ratione, quia dicit Joseph patrem ejus, cum tamen ipse ejus pater non fuerit, licet putaretur.

Respondeo: immo fuit pater ejus. Pater enim dicitur non tantum qui generat, sed qui nutrit, sicut mos est ut nutrices matres dicantur. Joseph autem ejus pater fuit, idest, nutricius donec Christus fuit parvulus, & puer duodennis, & usque tunc ejus pater dicitur a Scriptura. Postquam autem Christus adultus est factus, & non fuit ei necessaria cura Joseph non dicitur pater ejus Pueri, sed cum determinatione, *ut putabatur?* Maria vero semper dicta est mater ejus, etiam post resurrectionem, quia vere ejus est mater, de cujus substantia natus & factus est secundum carnem.

Præterea ad Galat. 4. v. 4. *Misit Deus Filium suum, factum ex muliere, factum sub lege* (73). Si ex ipsa factus est: ergo caro ejus facta fuit de carne Virginis, & non tantum exivit ex ipsa, sicut granum ex sacco. Numquid enim granum ex sacco fit? Non.

Quod autem de David originem duxerit materialiter secundum carnem, habetur ab Apostolo Rom. 1. v. 3. ubi de Christo loquens ait: *Qui factus est ei ex semine David secundum carnem.* Ex quo patet, quod ad Galat. 4. vera est litera illa: *factum ex muliere,* non natum, ut Hæreticus dicit. Et si esset, patet quod æquivalet ei, quod est factum per illud, quod hic dicit Apostolus: *qui factus est ei &c.* Si ex semine David factus est secundum carnem: ergo caro Christi materialiter est de carne David. Verum quia Hæreticus (74) istud de alio David, & de carne alia dicet intelligendum, dic ei, si potest, quod alium David tibi ostendat, de quo secundum carnem natus sit Christus, quam David Veteris Testamenti; nec poterit facere. Quod autem non intelligatur de alio David patebit in proximo.

Præterea ex semine David factus est secundum carnem; ut dicit Apostolus. Dicis: ubi factus est ex eo secundum carnem? Numquid in cælesti patria? Utique secundum te, qui David ponis cælestem ex carne cælesti. Sed numquid sicut hic terrestris caro ex terrestri? Videtur, quod sic, quia illam parentelam ponis cælestem Christi, quam Matthæus ponit. Sed si hoc est: ergo sicut hic ex conjunctione viri & femine fit caro ex carne; ita & ibi. Et quod ita sit, oportet te dicere, quia in illa genealogia dicitur, quod iste David Rex genuit Salomonem ex ea, quæ fuit Uriæ: quod tantum tu ibi

(72) Adeundus Tertullianus *ibid.* Cap. xxi. pag. 323. quo loco etiam adfert argumentum, quod mox subjungit Moneta. Confule etiam Irenæum *lib. 111. Cap. xxi. pag. 217.*

(73) Confule Archelaum *Disput. cum Manete n. xlii. pag. 89.*

(74) Oppugnat hic fortasse Moneta Johannem de Lugio, qui in alio mundo David, Moysen, & Prophetas ceteros sua iudicis oracula, Christumque natum aiebat, ut est à Sachono memoriæ proditum.

ibi intelligis factum fuisse, licet non habeas inde testimonium. Prius etiam dixerat v. 5. *Salmon autem genuit Booz de Rahab. Booz autem genuit Obed ex Ruth.* Ergo in cælo generatio carnis spiritualis est ex viro, & fœmina: quod est contra Lucam 1. 20. v. 34. ubi dicitur: *Filii hujus seculi nubunt &c.* Præterea ubi habes testimonium, quod Rahab fuit cælestis, & Ruth similiter? Somnium ergo est, quod dicis. Ego autem totum ad litteram possum ostendere in Veteri Testamento, quod dicit Matthæus. Mihi ergo credendum est, non tibi. De Ruth ergo patet in libro Ruth; de Rahab autem, quam habuit Salmon ex viro suo Naasson, habetur in libro Judic.

Item, ipse de David Veteris Testamenti factus est: quod evidenter probatur Act. 2. v. 29. ubi Petrus ait Judæis: *Viri fratres, liceat audenter dicere ad vos de Patriarcha David, quoniam defunctus est, & sepultus: & sepulchrum ejus est apud nos usque in hodiernum diem.* 30. *Propheta igitur cum esset, & sciret quia jurejurando jurasset illi Deus, de fructu lumbi ejus sedere super sedem ejus:* 31. *Providens locutus est de resurrectione Christi, quia neque derelictus est in inferno, neque caro ejus vidit corruptionem.* Nota, quod dixit de fructu lumbi ejus, de quo argumentum est supra: *Benedictus fructus ventris tui.* De isto juramento habemus in Psal. 88. v. 36. *Semel juravi in Sancto meo &c.* Item in principio psalmi v. 4. *Juravi David servo meo.* Quod totum habetur 2. Reg. 7. v. 12. *Cumque completi fuerint &c.*

Si autem vis dicere, quod alius David fuit iste, ostende mihi hoc aliquo testimonio, quod minime potes facere. Quare ista de alio David non possunt intelligi, nisi de David Veteris Testamenti, cujus sepulchrum erat apud Israelitas, quibus loquebantur Petrus & Paulus natura Judæi, ut habetur ad Galat. 2. v. 15. De Israelitis, sive Judæis loquens Paulus Rom. 9. v. 4. ait: *qui sunt Israelitæ.* Si alios Israelitas potes ostendere, aut alios Judæos, apud quos sit sepulchrum David Patriarchæ, ostende: quod cum facere non valeas, obmutesce, & veritati fidei nostræ desistas contradicere.

Item Act. 3. v. 16. dicit Paulus: *Viri Israelitæ, & qui timetis Deum, audite:* 17. *Deus plebis Israel elegit patres nostros, & plebem exaltavit cum essent incolæ in terra Ægypti, & in brachio excelso eduxit eos ex ea.* 18. *Et per quadraginta annorum tempus mores eorum sustinuit in deserto.* 19. *Et destruens gentes septem in terra Chanaan, sortem distribuit eis terram eorum.* 20. *Quasi post quadringentos & quinquaginta annos: & post hæc dedit Judices usque ad Samuel Prophetam.* 21. *Et exinde postulaverunt regem: & dedit illis Deus Saul filium Cis, virum de tribu Benjamin, annis quadraginta.* 22. *Et amoto illo, suscitavit illis David regem: cui testimonium perhibens, dixit: inveni David filium Jesse, virum secundum cor meum, qui faciet omnes voluntates meas.* Hic apparet historia libri Regum expresse; ista enim 1. Reg. libro determinata sunt. Si alium David, alium Saulum, & alium Cis, cujus fuit filius, vis dicere, ostende. Ego vero ista possum ad litteram ostendere de Saul,

& de David Veteris Testamenti. Et nonne vides quod postea dicit Paulus v. 23. *Hujus Deus ex semine secundum promissionem eduxit Isai ael Salvatorem Jesum?* Ergo de semine David Veteris Testamenti fabricatus est Jesus secundum carnem.

Si autem dicat Hæreticus: Quomodo potest esse, quod iste sit ille David Veteris Testamenti? De isto enim dicitur a Deo: *qui faciet omnes voluntates meas.* Hoc non fecit David Veteris Testamenti, quia adulteravit uxorem Uriæ.

Respondeo: quod non dixit, quod semper faceret voluntates suas, licet omnes faceret. Voluntates ejus mandata ejus sunt.

Præterea, nunquid David, quem patrem Christi ponis, semper fecit voluntates Dei? Nonne & ipse peccavit? Nonne & ipse dicit ps. 50. v. 6. *Tibi soli peccavi &c.*; de illo enim David cælesti hoc intelligis dictum?

Præterea, numquid posses probare aliquo testimonio istum David cælestem esse? Non. Ergo tace.

Præterea, ubi ista sententia est: *inveni David &c.* nisi 1. Reg. 13. v. 14.? *Quæsit Dominus sibi virum juxta cor suum.* Item ibidem 16. v. 1. *Imple cornu tuum oleo, & veni, ut mittam te ad Isai Bethlehemitem: providi enim in filiis ejus mihi regem.*

Fortē dicet Hæreticus: Non est iste ille David, de cujus semine Christus est natus, quia David Veteris Testamenti fuit filius Isai; David autem, de quo legimus in principio Matthæi fuit filius Jesse.

Ad hoc dico, quod pater David fuit binomius; & dictus est Isai, & Jesse. Lege in principio Paralipomenon c. 2., & invenies genealogiam, quam ponit Matthæus: *Filii autem Israel, Ruben, Simeon &c. Jacob, & Israel idem, ut patet Gen. 32. v. 28.* Idem dicit Matthæus quoad sententiam c. 1. v. 2. *Jacob autem genuit Judam, & fratres ejus.* Idem invenies, si ea, quæ postea Matthæus ponit v. 5. legas; dicitur enim: *Booz autem genuit Obed.* Ipse autem genuit Isai; Isai genuit David septimum filium. Idem habes in fine Ruth.

Præterea, quod iste sit ille David Veteris Testamenti, qui dictus est filius Isai & Jesse, patet ex genealogia Matthæi, ubi dicitur v. 6. *David autem rex genuit Salomonem ex ea, quæ fuit Uriæ,* quod totum patet de David Veteris Testamenti 2. Reg. v. 11. Alium autem Uriam, de cujus uxore David genuerit Salomonem; aut aliam fœminam ab illa non potes aliquo testimonio ostendere. Idem ergo est filius Isai & Jesse, ergo Jesse & Isai idem fuit.

Item Act. 13. dicit Paulus post verba prædicta v. 16. *Viri fratres, filii generis Abraham, & qui in vobis timent Deum, vobis verbum salutis hujus missum est &c.* usque ad v. 37. *Quem vero Deus suscitavit a mortuis, non vidit corruptionem.* In quibus verbis tangit Apostolus Incarnationem filii Dei, cum dicit: *vobis verbum salutis &c.* Tangit etiam mortem ejus: unde v. 29. *Cumque consummassent omnia, quæ de eo, hoc est, morte, & passione ejus scripta erant.* Tangit etiam sepulturam: unde ibidem: *deponentes eum de ligno, posuerunt eum in monumento.* Tangit etiam resurrectionem v. 30. *Deus vero suscitavit eum a mortuis tertia die.* Incarnationem autem probat per illud verbum v. 33.

Filius

Filius meus es tu, ego hodie genui te in humana natura de Virgine Maria. Illa enim nativitas, Dei virtute fuit facta. Resurrectionem a morte probat per illud Isai. 55. v. 3. ubi legitur: *Dabo vobis sancta David fidelia*: quasi diceret: sancta promissa de Christo facta ipsi David: *Dabo*, idest, faciam ipsa esse fidelia; idest vera, & *sancta*, idest, firma: implebo ea scilicet, quod semen ejus, idest, Christus in æternum manebit, ut habetur in psal. 88. v. 5. Isaiæ 55. v. 3. legitur: *Feriam vobiscum pactum sempiternum, misericordias David fideles*. Idem autem dicit pactum & misericordias, scilicet promissiones misericorditer factas David in psal. 88. v. 29. *In æternum servabo illi misericordiam meam*. Istud autem manifestum est 2. Reg. 7. v. 12. ubi dicit Dominus: *Suscitabo semen tuum post te, quod egredietur de utero tuo, & firmabo regnum ejus*. 13. *Ipse ædificabit domum nomini meo, & stabiliam thronum regni ejus usque in sempiternum*. Et ne dubites istud de Christo dici, audi quid ibi sequitur v. 14. *Ego ero ei in patrem, & ipse erit mihi in filium*. Apostolus Hebræ. 1. v. 5. dicit a patre Christi hoc de ipso Christo dici: ergo dubitandum non est, quin Christus filius sit David Veteris Testamenti. Et nota, quod nisi Christus a mortuis surrexisset, non vitaret amplius corruptionem, nec esset fidelis, aut sancta illa promissio: propter quod & Apostolus addit Act. 13. v. 35. *Ideoque & alias dixit: non dabis sanctum tuum videre corruptionem*: quod verbum Apostolus probat non posse intelligi de David, sicut & Petrus Act. 2. v. 27. Sic enim dicit Paulus Act. 13. v. 36. *David enim in sua generatione* (supple quartadecima ab Abraham, ut habetur Matth. 1. v. 17.) *cum administrasset voluntati Dei*: unde supra v. 22. *qui faciet omnes voluntates meas*; sequitur: *Obdormivit: & appositus est ad patres suos, & vidit corruptionem*, quem vero Deus suscitavit, non vidit corruptionem. Ideo dicit Petrus Act. 2. v. 29. *Liceat &c.* Ibi enim dicitur, quod *defunctus est*; hic dicitur, quod *obdormivit*: quod idem est. Ibi dicitur, quod *sepulchrum ejus apud nos est*; hic dicitur: *& appositus est ad patres suos*, idest, juxta eos defunctos. Hoc totum patet 3. Reg. 2. v. 10. *Dormivit igitur David cum patribus suis, & sepultus est in civitate David*. Ecce testimonia habeo a Veteri Testamento de eo, quod dicunt Petrus & Paulus; & ibi constat, quod Christus de David carnaliter processit: de David dico Veteris Testamenti. Ostende autem Tu mihi aliquo testimonio sepulchrum alterius David, si potes ostendere.

Ad idem facit illud, quod habetur Luc. 1. v. 32. ubi Angelus ait ad Mariam; *Dabit illi Dominus Deus sedem David patris ejus: & regnabit in domo Jacob in æternum*. 33. *Et regni ejus non erit finis*. Ecce, quod Angelus dicit David patrem Christi, de quo dicit Apostolus Rom. 1. 3. *Qui factus est ex semine David secundum carnem*. Ergo David carnaliter fuit pater Christi.

Ad hoc autem objicit Hæreticus: Quomodo hoc potest intelligi de David Veteris Testamenti? Nullo modo; quia Deus nunquam dedit ei sedem illam, in qua David sedit: ipse enim Christus sedem regalem, temporalem, & materiale non habuit, sicut David habuit.

Ad hoc dico, quod per sedem David intelligitur populus Judæorum, in quo, & supra quem David temporaliter sedit, quando eum rexit. In eodem autem populo sedit, & sedet Christus, quia rexit, & regit Christus populum illum spiritualiter, licet non totum, sed credentes de illo in Christum; unde Angelus exponens quod dixit, subjunxit: *Et regnabit in domo Jacob in æternum*. Domus Jacob populus Judæorum dicitur, quia de Juda filio Jacob ortus est. Nonne vides, quod Apocalyp. 17. v. 15. ubi de meretrice magna loquitur, dixit Angelus Johanni; *Aquæ, quas vidisti ubi meretrix sedet, populi sunt*? Sedes ergo meretricis populus malus est: sic & sedes Christi populus Judæorum ad Christum conversus.

Præterea nonne vides, quod Dominus dicit ad David in psal. 88. v. 5. *Et ædificabo in generationem & generationem sedem tuam*? Constat, quod de regno loquitur, scilicet de populo.

Præterea, Christus dicitur filius David; David autem non est ipse Deus, ut patet ex verbis Angeli: *Dabit illi Dominus Deus &c.* Item per Zachariam, qui per Spiritum Sanctum prophetans, ut dicit Lucas c. 1. v. 67., ait ibidem v. 69. *Erexit cornu salutis nobis, in domo David pueri sui*. Idem etiam patet per verbum Petri Act. 2., & per verbum Pauli Act. 13. Modo quæro sic. David fuit pater Christi, & ipsum genuit licet pluribus mediantibus. Aut ipsum genuit carnaliter, aut spiritualiter? Si carnaliter: habeo quod dicebam, scilicet quod caro Christi de carne David materialiter facta est in mundo isto; alibi enim non est generatio secundum carnem; vel ostende hoc aliquo testimonio Scripturæ. Si spiritualiter eum genuit de suo semine: quid appellas tu semen? Si verbum Dei: ergo genuit ipsum verbo prædicationis: ergo David fuit prædicationis, & dator Christi: quod nullo testimonio potes ostendere.

Præterea, si ipsum genuit verbo prædicationis: ergo David ipsum genuit sicut Corinthios Apostolus, quibus ait 1. Cor. 4. v. 15. *Nam in Christo Jesu per Evangelium ego vos genui*. Videbitur secundum hoc, quod aliquando Christus fuerit malus, & verbo Evangelii per David ad Deum conversus sit postea. Si autem dicas, quod semen appellat Apostolus posteros David: numquid aliquis illorum genuit Christum spiritualiter? Sic ergo fuisset Christus aliquando non filius spiritualis.

Præterea, quomodo addit Apostolus: *secundum carnem*, si de spiritali generatione intelligitur? De qua loquens Corinthiis non dicit *secundum carnem*, immo *secundum Evangelium*, distinguens inter carnalem, & spiritali generationem. Ex quibus omnibus constat, quod Christus de David Veteris Testamenti secundum carnem ortus est.

§. I X.

Quod Christus duxit originem ab Abraham Veteris Testamenti. (75)

Nunc testimonio Scripturarum ostendamus, quod Christus secundum carnem materialiter sit natus, & factus de carne Abraham Veteris Testamenti. Invenimus in multis locis quod Christus fuit semen Abraham, & filius ejus. Ita habetur Matth. 1. v. 1. *Liber generationis Jesu Christi filii David, filii Abraham.* Ergo Christus fuit filius Abraham; ergo Abraham fuit pater Christi. Ergo Abraham genuit Christum aut carnaliter, aut spiritualiter. Et procedendum est ut prius de David.

Præterea dicit Apostolus Hebræ. 7. v. 14. *Manifestum est, quod ex Juda ortus est Dominus noster.* Sed quomodo manifestum, nisi quia Abraham genuit Isaac, & Isaac Jacob; Jacob autem Judam, & fratres ejus. Judas autem genuit Phares, & Zaram &c. usque ad Christum, ut habetur Matth. 1., ut dictum est supra in hoc cap. Ergo Christus de Abraham natus est, quia si de eo non esset, nec de Juda; & ita mentiretur Apostolus. Quod autem semen ejus fuerit, habetur ad Galat. 4. v. 16. ubi dicitur: *Abrahæ dictæ sunt promissiones, & semini ejus:* quod semen dicit Paulus fuisse Christum. Si ejus semen fuit, & secundum carnem; sic & David. Ergo ejusdem massæ fuit caro ejus cum carne Abraham.

Item semen Abraham fuit. Ergo ortus est ab Abraham, non spiritualiter, quia, ut ostendimus, Abraham non genuit Christum spiritualiter. Ergo ortus est de Abraham carnaliter, idest, quoad carnem. Modo quæro: quis fuit iste Abraham? Numquid Deus? Non, quia ei dictæ sunt promissiones a Deo; unde ad Galat. 3. v. 18. *Abrahæ autem per repromissionem donavit Deus.*

Quod autem iste fuerit Abraham Veteris Testamenti patet, quia illud testimonium Apostoli ad Galat. 3. v. 8. *Quia benedicentur in te omnes gentes,* nusquam invenitur dictum, nisi Abraham Veteris Testamenti, uti Gen. 12. v. 3. Si autem vis dicere, quod alii dictum sit, inde non habes testimonium. Ego autem testimonium habeo de eo quod dico. Mihi ergo credendum est, non tibi. Item Rom. 9. v. 4. Apostolus de Judæis loquens dicit: *Quorum adoptio est filiorum, & gloria, & testamentum, & legislatio, & obsequium, & promissa: 5. Quorum patres, & ex quibus est Christus, secundum carnem, qui est super omnia Deus benedictus in sæcula.* Judæi enim in filios Dei a Deo electi sunt; unde Exod. 4. v. 22. *Filius meus primogenitus Israel.* Isa. 1. v. 2. *Conqueritur Deus de filiis Israel dicens: Filios enutrivì, & exaltavi: Ipsi autem speperunt me.* Ipsorum erat gloria, idest, gloriosa victoria de inimicis, sicut patet de Ægyptiis in mari rubro, & de aliis contra quos in deserto pugnaverunt; & testamentum, idest, promissio de Christo ex eis nascituro. Deuter. 18. v. 15. *Prophe-*

tabit tibi Dominus Deus. Psal. 88. v. 4. *Disposui testamentum electis meis,* & exponit illud testamentum: *Juravi David servo meo &c.* Unde Petrus Act. 3. v. 25. loquens de Judæis ait: *Vos estis filii prophetarum, & testamenti &c.* usque familiae terræ; Et aliæ multæ promissiones eorum. Et legislatio, idest, lex ei data a Deo per Moysen de monte Sinai, & obsequium Angelorum, qui illi populo obsequebantur, sicut patet Exod. 14. v. 19. vel obsequium Prophetarum; obsequebantur enim Prophetæ Israelitis hortando eos ad bonum, & dehortando eos a malo; vel obsequium cultus Dei, quo obsequebantur ei, quorum patres fuerunt Abraham, Isaac, & Jacob, ex quibus & Christus natus est secundum carnem, non secundum Deitatem, secundum quam ipse est Deus benedictus super omnia, scilicet cælestia, terrestria, & infernalina, ut habetur Philip. 2. v. 10. Ex his patet, quod caro Christi traducta est materialiter per successionem ab Abraham, Isaac, & Jacob, & David, & aliis mediante Virgine Maria.

Ad idem facit illud Hebræ. 2. v. 13. ubi Apostolus introducit illam autoritatem Isaïæ 8. v. 18. *Ecce ego, & pueri mei, quos dedit mihi Deus:* unde Apostolus argumentatur dicens v. 14. *Quia ergo pueri communicaverunt carni & sanguini, & ipse similiter participavit eisdem,* supple, secundum carnem & sanguinem, ut mori posset; unde subdit Apostolus: *ut per mortem &c.* 16. *Nusquam enim Angelos apprehendit, sed semen Abraham apprehendit,* idest, naturam Angelicam non assumpsit; idest, non est factus Angelus per naturam, sed semen Abraham apprehendit, idest, humanam carnem ex semine Abraham. Quod autem dictum est: *eisdem* sic exponimus, eisdem scilicet carne & sanguine; & non sic eisdem pueris. Et quod ita debeat exponi, patet per illud, quod dixit Apostolus: *ut per mortem &c.* quasi diceret: aliter non esset mortalis. Quod etiam patet per hoc, quod dicit Apostolus 17. *Unde debuit per omnia fratribus similari,* de qua similitudine superius locuti sumus in §. 3.

Præterea Luc. 2. v. 6. dicitur: *Factum est autem, cum essent ibi,* idest, in Bethelehem, impleti sunt dies, ut pareret. 7. *Et peperit filium suum primogenitum, & pannis eum involuit, & reclinavit eum in præsepio.* Istud etiam habetur ibidem v. 20. ubi dicitur, quod Angeli nuntiaverunt Pastoribus, & Pastores invenerunt sicut nuntiaverunt. Si autem omnia ista imaginarie faciebat, & sic oculus intuentium fallebat. Quis hoc sciens unquam vellet ejus legi credere? Si ita est; numquam talis trufator [*] fuit. Item Luc. 2. v. 40. dicitur: *Puer autem crescebat:* quod non est, nisi in eo vera humanitas esset.

[*] Idest, deceptor, vel impostor.

§. X.

Quod Christus vere passus est, (76)
& mortuus.

O Stenfo, quod Christus veram carnem habuit de massa carnis nostræ, videamus de dispositionibus carnis nostræ, utrum eas assumpserit, scilicet passibilitatem, & mortalitatem. Quod autem ita sit, potest videri per testimonia Scripturarum. Dicit enim Petrus ep. 1. c. 2. v. 21. *Christus passus est pro nobis*. Si passus est, passibilis fuit; esse enim patiens passibile est, sicut esse, quod comburitur, combustibile est.

Præterea, Act. 3. v. 18. dicit Petrus: *Deus autem quæ prænuntiavit per os omnium Prophetarum, pati Christum suum sic implevit*, istud scilicet miraculum, quod videtis. Et Act. 26. v. 22. dicit Paulus: *testificans minori, atque majori, nihil extra dicens quam ea, quæ Prophetæ locuti sunt futura esse, & Moses. 23. Si passibilis est Christus*, id est, qui passibilis est Christus. *Si*, id est, *qui primus ex Resurrectione Mortuorum, lumen annuntiaturus est populo, & gentibus*. Nonne & Christus idem dicit Luc. 22. v. 17. *Desiderio desideravi hoc Pascha manducare vobiscum, antequam patiar*? Similiter potest probari, quod mortalis fuit, quia mortuus est, ut ipse de se dicit Apocalyp. 1. v. 18. *Et vivus, & fuit mortuus; & ecce sum vivens in sæcula sæculorum*. Mori autem non posset, nisi mortalis esset. Item Jo: 2. v. 19. *Solvite templum hoc &c. usque sui*. Multa alia testimonia de morte Christi induci possunt.

Modo quæro a Te, qui duo ponis principia, de illa passibilitate & mortalitate, a quo fuit? Si a Deo patre iustorum: ergo mortalitas & passibilitas ab ipso sunt: ergo & passio, & mors ab ipso: ergo ipse est causa rerum non permanentium, & transitoriarum: quod tu negare consuevisti.

Præterea, si ipse est passus & mortuus: ergo vita ejus per mortem finita est: ergo vita ejus corruptibilis fuit: ergo Deus fuit auctor corruptibilitatis:

Forte dices, quod non est passus, nec mortuus, nec aliquam angustiam sustinuit, licet ita videretur. Ergo nec tu debes pati pro eo, vel mori, sed apparenter tantum; sicut enim dicit Petrus Ep. 1. c. 1. v. 21. *Christus passus est pro vobis, vobis relinquens exemplum, ut sequamini vestigia ejus*. Quod autem passus sit angustias multiplices ipsemet testatur dicens: *Tristis est anima mea us-*

que ad mortem. Marci 14. v. 34. & Matth. 26. v. 37. dicitur de Christo, quod *cæpit contristari, & mæstus esse*. 38. *Tunc ait illis: tristis est anima mea usque ad mortem*. Jo: 12. v. 27. *Nunc anima mea turbata est. Et quid dicam?* Ex quo patet, quod veram habuit animam, sicut & carnem passibilem. Item Marc. 14. v. 33. dicitur: *Et cæpit pavere, & tædere*. Pavor ergo, & tædium in eo fuit.

Præterea, si nullas angustias passus est, sed tantum apparebat pati, quid ergo rogabat a se transferri, cum orabat dicens Matth. 26. v. 39. *Pater mi, si possibile est, transeat a me calix iste; verumtamen non sicut ego volo, sed sicut tu*. Et nota ordinem verborum: *cæpit contristari, & mæstus esse. Tunc ait illis: Tristis est &c.* Et rogavit Patrem dicens: *Pater mi, si possibile est &c.* Angustia ergo passionis suæ, quam prævidebat, eum movebat ad orandum, ut transfret calix passionis ab ipso.

Præterea, de qua re dicebat? *Non sicut ego volo &c.*

Præterea, si ipse nec est passus, nec mortuus, sed apparuit: quomodo ergo dicit Apostolus Rom. 8. v. 17. *Si tamen compatimur, ut & conglorificemur?* Item 2. Timoth. 2. v. 11. *Si commortui sumus, & convivemus*. Item Rom. 6. v. 5. *Si complantati facti sumus similitudini mortis ejus: simul & resurrectionis erimus*. Item Jo. 4. v. 6. *Jesus ergo fatigatus ex itinere, sedebat sic supra fontem*. Item Luc. 24. v. 39. *Palpate & videte: quia spiritus carnem & ossa non habet, sicut me videtis habere*. Ecce quod palpabilis fuit. Item Matth. 8. v. 23. *Ascendente eo in naviculam, secuti sunt cum discipuli ejus*. 24. *Et ecce motus magnus factus est in mari: ita ut navicula operiretur fluctibus; ipse vere dormiebat*. Marcus c. 4. v. 38. addit: *in puppi super cervical*. Sequitur v. 25. *& eum suscitaverunt, dicentes: Domine salva nos: perimus*. Si autem vis dicere, quod spiritualiter dormiebat: quæro, quid est dormire spiritualiter? A quo eum excitaverunt, & a quo somno surrexit?

Præterea, si somnus suus spiritualis erat: ergo & cervical, super quo dormiebat. Quod erat istud cervical, a quo etiam surrexit? Ubi habes tu testimonium, quod cervical sumatur spiritualiter?

Item Luc. 19. v. 41. *Videns Jesus Civitatem flevit super illam, dicens: 42. Quia si cognovisses & tu, supple feres*. Jo: 11. v. 35. *Lacrymatus est Jesus*. Hebr. 5. v. 7. *Qui in diebus carnis suæ, preces supplicationesque ad eum, qui possit illum salvum facere a morte, cum clamore valido & lacrymis offerens, exauditus est pro sua reverentia*.

Ecce

(76) Consentiebant ex parte veteribus Gnosticis ac Manichæis Cathari Albanenses. Ex parte autem dixi, nam Cerdoniani & Marcionitæ Simonem Magum auctorem sequenti, Christum carne, aut ullo corpore præditum esse, passumque, aut vere mortuum ultro negabant: id quod Balasinasæ sectatores facile concedebant. Nazarius vero Episcopus Concorrensis, & Bagnolenses in ea verfabantur sententia, ut in corpore Cælesti putarent nec vere passum fuisse Christum Servatorem, nec mortuum. Vide Sachonum col. 1774. Itaque Apelli assentiebantur, & Aphtardocetis. Adis Tertullianum lib. de Carne Christi cap. vi. pag. 311. & Johannem Damascenum lib. de Hæresibus Cap. vii. n. 74. pag. 107. Tom. I. Edit. Lequien. Valentiniani apud Irenæum lib. I. Cap. vii. n. 2. passum aiebant, *animalem Christum & illum qui ex dispositione fabrica-*

tus est in misterio. Tertullianus libro singulari de Carne Christi Cap. xv. Valentinianos eosdem exagitans: *Et cur, inquit, non de corruptela, sed de incorruptela?* Mortuum credunt, & quod est mortuum ex incorruptela natum esse contendunt. Fuerunt, qui S. Hilarium Pictaviensem in eum errorem incidisse dicerent, ut Servatorem nostrum humanis passionibus affectum fuisse inficiaretur. Hoc quidem vitio tanto Doctore dederunt Claudianus Mamerus lib. II. de statu Animæ Cap. ix. Berengarius Sacramentarium princeps apud Lanfrancum Cantuariensem Episc. 1. & Baronius Ad an. 563. n. 4. sed Hilarium summa vi defendit Constantius in Præfat. ad Nov. Edit. Opp. S. Hilarii. De Aphtardocetis consuli poterit Dionysius Petavius lib. I. Cap. xvi. de Incarnatione n. 111. Tom. IV. Theologicorum dogmatum.

Ecce dicis, quod apparuit flere, & lacrymari. Apostolus autem dicit, quod cum multis lacrymis obtulit preces Patri, qui poterat eum salvare a morte. Cui ergo credendum? Tibi, an Paulo? Constat ergo, quod humanam naturam habuit, qualem & nos.

Præterea dicas mihi: de qua Jerusalem loquitur? Numquid de cælesti, quam tu fingis, qui duplicia (77) facis omnia? Proba hoc aliquo testimonio. Si de terrestri: quod verum est, & adhuc hodie apud nos sunt Judæi, quorum patres terram illam inhabitabant, cujus etiam ruina evidens est, quam sicut Evangelistæ dicunt prophetavit; numquid Dominus fleuit? Numquid Dominus fletet illam Civitatem, si de mala creatione effet? Non. Ergo illa Jerusalem non erat malæ creationis.

Si autem dicas, quod ruinam materiale non fleuit, sed spirituale: contra. Nonne flebat ruinam lapidum, quam prævidebat futuram, & dicebat, quod si Jerusalem illam cognovisset, & ipsa flevisset? Ergo fleuit materiale ruinam, non spirituale tantum.

Si autem dicas, quod lapides ibi dicuntur peccata, ruina illorum lapidum effet bona, & appetenda, & non differenda, si homines illi jam ruerant spiritualiter.

Si autem dicas, quod spiritualiter ruerant, in culpam scilicet, sed non in pœnam: hoc falsum est secundum te; dicis enim, quod isti lapides oves Israel sunt in infernum hujus mundi deductæ a Deo propter peccata sua in cælo commissa.

Item Jo: 9. v. 6. de cæco nato dicitur, *quod Jesus expuit in terram, & fecit lutum ex sputo, & liniivit lutum super oculos ejus &c.* Istud miraculum materiale fuit, ut probatum est supra in cap. de creatione, in prima parte hujus operis. Ergo lutum materiale, & sputum similiter fuit. Ergo aliquid fuit resolvable de eo. Valet autem hoc testimonium contra ponentes unum principium, qui credere debent, illud miraculum materiale fuisse. Simile habetur Marci 7. v. 32. ubi agitur de surdo, & muto. Item Luc. 2. v. 21. habetur, quod Jesus circumcissus est. Ergo aliquid de ejus carne decissum est ab eo. Si aliquid ab eo decissibile est: quare ergo dicis, quod ejus caro ejusdem naturæ cum nostra non est? Quod autem crucifixus fuerit, habetur Matth. 27. Marci 15. Luc. 23. Jo: 19. Act. 3. v. 15. *Auctorem vero vitæ interfecistis, quem Deus suscitavit a mortuis, cujus nos testes sumus.* Hebræ. 12. v. 2. *Sustinuit Crucem &c.* De morte, & sepultura ejus 1. Cor. 15. v. 3. & 4. De omnibus etiam istis habetur in pluribus locis.

(77) Vide nostrum lib. I. Cap. I. §. I. pag. 7.

(78) Simile quidpiam propugnarunt Manichæi. Consulendi Augustinus lib. de Hæresibus Cap. XLVI. col. 16. Tom. VIII. & lib. Contra Epist. Manichæi Cap. VII. n. 1x. col. 156. lib. v. Contra Faustum Cap. v. col. 198. & lib. XI. Cap. 111. col. 220. & l. XXI. Cap. I. seqq. col. 442. Tomo eodem. Theodoretus lib. I. Hæreticarum Fabularum Cap. XXVI. pag. 213. seqq. Tom. IV. Prætereo cæteros, qui de Manete utcumque loquuti sunt; nolo enim esse longus. Maneti prævivere Gnostici, quorum pars quidem, ut ante sæpe animadvertimus, omnibus, ut ille, passionibus, omnique corpore Christum vacare pugnabat; pars contra, instructum quidem corpore, sed neque siti, neque alteri cuiquam generis ejusdem affectioni obnoxium fuisse arbitratur. A priori parte stete-

§. XI.

Quod Christus comedit, & bibit, & ante, & post (78) resurrectionem.

Nunc specialiter videamus, an Christus esurierit vel sitierit corporaliter, & verum cibum corporalem comederit. In primis dico, quod si Christus non comedit, nec bibit: non egebat ergo nutrimento ad sustentationem suæ vitæ corporalis. Sed vita mortalis consistit per alimentum corporale. Vita ergo ejus non erat mortalis, nec passibilis. Sed superius ostensum est, quod mortalis, & passibilis fuit vita ejus. Ergo necesse habebat eam sustentare per alimentum corporale.

Præterea, legitur in Pf. 68. v. 22. & est verbum Christi: *In siti mea potaverunt me aceto.* De siti naturali, quia de aceto materiali loquebatur: quod patet Jo: 19. v. 28. ubi dicitur: *ut consummaretur Scriptura, dixit: sitio.* 29. *Vas ergo erat positum acetoplenum. Illi autem spongiam plenam aceto, hyssopo circumponentes, obtulerunt ori ejus.* 30. *Cum ergo accepisset Jesus acetum, dixit: consummatum est.* Ex quibus verbis patet, quod acetum materiale erat; si enim fuisset spirituale non accepisset; constat enim, quod fuisset malum acetum, quod ab eis illi offerebatur. Restat ergo, quod materiale fuit, & quod materialiter sitivit.

Item Matth. 4. v. 2. dicitur de Christo: *Cum jejunasset quadraginta diebus, & quadraginta noctibus, postea esuriit;* Illud jejunium fuit abstinentia a cibo materiali. Si autem nunquam manducasset cibum materiale, cum haberet plusquam triginta, & duos annos, in vanum dixisset Matthæus: *cum jejunasset &c.*

Præterea, si jejunavit a materiali cibo quadraginta diebus, & quadraginta noctibus, & postea esuriit: ergo habuit famem materialis cibi. Ergo prius comederat materiale cibum.

Si autem dicas, quod illud jejunium fuit abstinentia a cibo spirituali, sicut tu vis, propter illud verbum, quod ipse dixit Jo: 4. v. 32. ad discipulos: *Ego cibum habeo manducare, quem vos nescitis.* Item ibidem v. 34. *meus cibus est, ut faciam voluntatem ejus, qui misit me, ut perficiam opus ejus.* Ergo stetit per quadraginta dies, & quadraginta noctes, quod non fecit voluntatem Patris: quod non est credibile. Ipse enim dicit contrarium Jo: 8. v. 29. *quæ placita sunt ei, facio semper.*

Si autem dicas, quod cibus spiritualis, a quo abstinuit 40. diebus, & 40. noctibus, fuit humana

K k

gene-

runt Saturninus apud veterem Auctorem Anonymum lib. de Hæresibus Adjec. Operi Tertulliani de Præscriptionibus Cap. XLVI. pag. 229. & Theodoretum lib. I. Hæreticarum Fabularum Cap. 111. pag. 194. Tomo IV. Basilides Apud Irenæum lib. I. Cap. XXIV. n. IV. & apud Theodoretum lib. I. Hæreticarum Fabularum Cap. IV. p. 195. Marcion apud Tertullianum lib. de Carne Christi Cap. I. pag. 307. Cerdon apud veterem Anonymum ante laudatum Cap. LI. pag. 222. Marcus, & Colorbagus apud eundem Cap. I. pag. 222. Contra posteriori parti assensu sunt Valentiniiani apud Irenæum l. I. Cap. VII. n. 2. pag. 33. Apelles apud Tertullianum lib. de Carne Christi Cap. I. pag. 307. Et recentiore memoria, nempe VI. Seculo Aphthardocetæ, seu Incompacti, apud Johannem Damascenum lib. 111. de Fide Orthod. Cap. XXVII.

generatio, de qua non comederat 40. diebus & 40. noctibus.

Contra. Ergo ante illos 40. dies, & noctes aliquid comederat de generatione humana, quod tu non credis, ut ostendam.

Præterea, jejunaverat plusquam triginta annis, quia adhuc ipsi discipuli erant mali secundum te, & nesciebant, quem cibum manducaret. Nullum ergo cibum manducaverat: dicitur enim Rom. 8. v. 9. *Qui Spiritum Christi non habet, hic non est ejus*. Nullus autem, ut dicis, habebat Spiritum Christi adhuc. Ergo nullus eorum erat Christi adhuc. Ergo nunquam manducaverat eos, nec alios. Ergo in vanum dixisset Matthæus: *Cum jejunasset &c.*; immo dixisset, cum semper jejunasset.

Si autem dicas, quod cibus, a quo abstinuerat, fuit peccatum; Ergo ante illos quadraginta dies comederat peccatum: ergo postea esuriit peccatum. At peccatum non erat cibus ejus, nec esse poterat: ergo non est dicendum, quod jejunasset a peccato. Relinquitur ergo, quod a materiali cibo: quod etiam patet per tentatorem, qui accedens dixit ei Matth. 4. v. 3. *Si Filius Dei es, dic ut lapides isti panes fiant*; & ita tentabat eum de materiali cibo: ergo viderat, quod esurierat cibum illum.

Item, Matth. 26. v. 17. dicitur: *Prima autem die azymorum accesserunt Discipuli ad Jesum, dicentes: Ubi vis paremus tibi comedere Pascha?* Marci 14. v. 12. *Et primo die azymorum, quando Pascha immolabant, dicunt ei Discipuli: Quo vis eamus, & paremus tibi, ut manduces Pascha?* Et Luc. 22. v. 7. *Venit autem dies azymorum, in qua necesse erat occidi Pascha*. 8. *Et misit Petrum, & Joannem, dicens: Euntes parate nobis Pascha, ut manducemus*. Quid appellatur Pascha ab Evangelistis? Constat, quod aliquid manducabile, per hæc tria testimonia. Similiter aliquid interfectibile, ut patet per Marcum, & Lucam. Quæro, quid istud sit. Numquid Agnus materialis? Utique. Ergo comedit materialiter. Ergo esus carniū licitus.

Quod autem Agnus designetur materialis per Pascha, patet per Marcum, qui dicit: *primo die azymorum, quando Pascha immolabant*, scilicet Judæi; sed non immolabant, nisi Agnum, vel hœdum, ut patet Exod. 12. v. 3. ubi dicitur: *Decima die mensis hujus tollat unusquisque Agnum per familias, & domos suas*. Et post pauca dicit v. 5. *Erit autem Agnus absque macula, masculus, anniculus: juxta quem ritum tolletis & hœdum*. 6. *Et servabitis eum usque ad quartam decimam diem mensis hujus, immolabitque eum universa multitudo filiorum Israel ad vesperam*, scilicet quartæ decimæ diei, quæ vespéra erat initium diei septimæ azymorum: de quibus diebus dicitur eodem capite v. 15. *Septem diebus azyma comedetis*. Ecce evidens testi-

monium, quod Pascha, quod immolabant Judæi, Agnus est, vel hœdus materialis. Quod autem aliter sumatur ibi Agnus, non potes ostendere aliquo testimonio. Mihi ergo credendum est.

Fortè autem vis dicere, quod Pascha ibi dicitur Christus, propter illud verbum Apostoli 1. Cor. 5. v. 7. *Pascha nostrum immolatus est Christus*; sed nonne dicunt Discipuli: *ubi vis paremus tibi comedere Pascha?* Numquid quærebant, ut pararent ei comedere Christum? Non.

Præterea, nonne dicit Marcus, quod Discipuli dixerunt: *primo die azymorum &c.* Quando Pascha immolabatur, adhuc non immolabatur Christus; immolatio enim Paschæ fiebat quinta feria ad vespèram; Christus autem fuit immolatus sexta feria inter tertiam, & sextam, vel in una harum horarum.

Præterea, Luc. 22. v. 10. dicitur, quod Christus Discipulis suis ait: *Introeuntibus vobis in Civitatem, occurret vobis homo quidam amphoram aquæ portans: sequimini eum in domum, in quam intrat*, Et post pauca subjungit v. 12. *Et ibi parate*. Christus autem non fuit paratus a Discipulis ad manducandum.

Præterea, præparatio Christi ad manducandum fuit ejus immolatio, teste Apostolo 1. Cor. 5. quia postquam dixit: *Pascha nostrum immolatus est Christus*, statim intulit v. 8. *Itaque epulemur*. Sed numquid Discipuli paraverunt Christum ad manducandum? Non, quia eum non immolaverunt ibi, nec alibi.

Item Jo:4. v. 6. habetur, quod Jesus sedebat supra fontem: Hora erat quasi sexta. 7. *Venit mulier de Samaria haurire aquam*. Dicit ei Jesus: *Da mihi bibere*. 8. *Discipuli enim ejus abierant in civitatem, ut cibos emerent*. Istud de materialibus cibis intelligitur; spirituales enim cibos ab alio non possent emere, quam a Christo. Unde non dimississent eum juxta puteum propter cibos spirituales emendos in civitate. Cum autem rediissent de civitate, & emissent cibos, dixerunt ei v. 31. *Rabbi manduca*. Invitabant ergo eum ad cibum materialem. Ex quo patet, quod ipsi Discipuli credebant eum manducare materialem cibum, qui cum eo conversabantur, & cognoscebant statum ejus. Tu autem non credis hoc. Quare? Quia de Discipulis Christi non es.

Si autem vis dicere, quod Discipuli decepti erant, putantes, quod hujusmodi cibum manducaret (79): unde hoc habes, quod decepti essent? Ostende aliquo testimonio: quod facere non potes. Ego autem plura habeo testimonia, quod materialem cibum comedit. Mihi ergo credendum est, non tibi.

Si autem dicat Hæreticus: Numquid de illo comedit? Nonne vides quod dixit: *Ego cibum habeo manducare &c. Et meus cibus est &c.*?

Respondeo: licet statim, cum invitaverunt eum, non

(79) Alanus Insulanus lib. Contra Valdenses, & Albigenes c. xix. & xx. pag. 214. Edit. Opp. an. 1654. tum hoc argumento, tum aliis similibus usos fuisse Albigenes eisdem prodit. Quin etiam Hilarii auctoritate sese tutari ausos quidem illos fuisse adjungit: id quod Constantius in nova Operum Sancti Hilarii editione, dum eos recenset, qui Sanctum doctorem hujusce prave opinionis defensorum agerunt, nequaquam animadvertit. Ceterum argumento ex Hilarii auctoritate expresse sic omnino respondet Alanus: pag. 215.

Quomodo autem in medium afferunt auctoritatem Hilarii, cum auctoritatibus Sanctorum Patrum fidem non habeant? Possimus tamen dicere, quod Hilarius hoc retulit non ad pœnam; sed ad pœnæ causam, id est culpam: Christus enim non habuit in se causam passionis, vel mortis; id est culpam. Verum hoc responsi genus mihi non aridet. Videndus Constantius in Præf. ad Opera S. Hilarii.

non comederit ; inde tamen non habes , quod non comederit postea . Et si dixit : *Ego cibum &c.* Et *meus &c.* quid ad rem ? Utrumque habebat manducare , scilicet corporalem cibum : quod bene sciebant ; unde & admirantes , quod non comederet , dicebant ad invicem Matth. 4. v. 33. *Numquid aliquis attulit ei manducare ?* Hoc non dixissent , nisi solitus fuisset cibum materiale sumere cum eis . Habebat etiam alium cibum comedere , scilicet facere voluntatem patris sui , & perficere opus ejus , scilicet convertere Samaritanos : quod tunc non sciebant Discipuli .

Item Matth. 9. v. 10. *Et factum est discumbente eo, videlicet Jesu, in domo, ecce multi publicani, & peccatores venientes discumbebant cum Jesu, & Discipulis ejus.* Discumbere idem est , quod fercula sumere , cibos scilicet , qui feruntur ante hominem , comedere . Istud de cibis materialibus intelligitur , quia sequitur v. 11. *Et videntes Pharisei, dicebant Discipulis ejus : quare cum publicanis, & peccatoribus manducat magister vester ?* Numquid aliud videtur dicere Marcus c. 2. v. 16. ? *Et Scribae, & Pharisei videntes, quia manducaret cum publicanis, & peccatoribus, dicebant Discipulis ejus. Quare &c.* Ipsi enim non videbant eum spiritualiter comedentem , alioquin non reprehendissent eum de hoc . Ergo corporaliter comedeat . Luc. 7. v. 36. *Rogabat autem illum quidam de Phariseis, ut manducaret cum illo. Et ingressus domum Pharisei discubuit.* Constat , quod Phariseus invitabat eum ad materiale cibum sumendum secum ; ipse enim non habebat spirituale cibum , quem posset dare Jesu ; nec habes , quod ei talem cibum dare vellet . Quod patet , quia despexit eum dicens : v. 39. *Hic si esset Propheta, sciret utique, quæ, & qualis est mulier, quæ tangit eum, quia peccatrix est &c.* usque unxit pedes meos .

Item Luc. 14. v. 1. *Cum intraret Jesus in domum cujusdam Principis Phariseorum sabbato, manducare panem, & ipsi observabant eum.* De pane materiali loquitur , quoniam prandium istud , quod Phariseus fecerat , materiale erat : quod patet ex eo , quod ibi dicit Lucas 7. *Dicebat autem & ad invitatos parabolam, intendens quomodo primos accubitus eligerent, dicens ad illos : 8. Cum invitatus fueris ad nuptias, non discumbas in primo loco &c.* Istud non potest intelligi, nisi de materialibus cibis ; dicebat enim hoc invitatis a Phariseo . Ipse autem Phariseus non invitaverat eos , nisi ad materiale prandium , nec aliud poterat eis dare .

Præterea, Dominus arguit eos, quia primos accubitus eligebant in prandio . Si esset spirituale prandium, bonum esset eligere primos accubitus , in quibus majora fercula de cibis spiritualibus sumpissent .

Item , Luc. 7. v. 33. dixit Christus Judæis : *Venit Johannes Baptista neque manducans panem, neque bibens vinum, & dicitis : Dæmonium habet.* 34. *Venit filius hominis manducans, & bibens, & dicitis : Ecce homo devorator, & bibens vinum, amicus publicanorum, & peccatorum.* Ecce, quod Christus de se dicit, quoniam venit manducans, & bibens . Numquid de cibo, & potu spirituali loquitur ? Non ; quia non arguissent inde eum . Dicit autem Jesus, quod ipsi eum arguebant de cibo, & potu nimio . Item 1. Cor. 11. v. 25. ubi de Jesu Apostolus loquitur : *Similiter & calicem, postquam cœnavit, dicens : Hic calix novum testamentum est in meo sanguine.* De ista cœna habetur Jo. 13. v. 2. *Et cœna facta est &c.* Quod autem cœnaverit , habetur supra eodem §. ubi disputavimus illam autoritatem Matth. 26. *Prima autem die azymorum &c.*

Non solum autem patet certis testimoniis, quod Jesus ante mortem suam, & resurrectionem comedit, sed etiam postea . Marci ultimo v. 14. recumbentibus undecim Discipulis ad materiale cibum . Beatus autem Lucas Act. 1. v. 4. *Et convalescens præcepit eis &c.* Istud præceptum ponit Lucas in fine c. 24. v. 49. ubi Christus ait Discipulis : *Et ego mitto promissum Patris mei in vos : Vos autem sedete in Civitate, quoadusque induamini virtute ex alto.* De Jerusalem loquitur sicut in Actis : *ab Hierosolymis ne discederent, sed &c.* Item Luc. ultimo v. 42. habetur , quod *illi obtulerunt ei partem piscis assi, & favum mellis.* 43. *Et cum manducasset coram eis, sumens reliquias dedit eis.* Act. 10. v. 39. dicit Petrus : *Et nos testes sumus omnium, quæ fecit in regione Judæorum, & Jerusalem, quem occiderunt suspendentes in ligno.* 40. *Hunc Deus suscitavit tertia die, & dedit eum manifestum fieri,* 41. *non omni populo, sed testibus præordinatis a Deo : nobis, qui manducavimus, & bibimus cum illo, postquam resurrexit a mortuis.* (80)

§. XII.

Quod Christus animam humanam, & ejus qualitates habuerit. (81)

Viso quod Christus veram carnem habuerit, & veras nostri corporis qualitates; videamus, utrum

K k 2

(80) Adeundi Alanus lib. *Contra Valdenses*, & Albigenſes Cap. xxii. Bonacursus l. sæpe indicato Tom. xiiii. *Specil. Dacheviani*. Hermengaudus contra Albigenſes Cap. vii. Tom. xxiv. Bibliothecæ PP. pag. 1605. seq.

(81) De Catharis Sclavis, quos hic exagitat noster, quinam tandem fuerint, egimus nota 7. in Cap. ii. *Hujus iii. libri*. Arbitror autem Sclavorum pseudo-Ecclesiam cum Bulgarorum Synagoga in hac, & in omnibus aliis opinionibus mirifice convenisse. Etenim Nazarius Episcopus Catharorum Concorrenſium, ut sæpe ante animadverti, eum se errorem a filio Majore Ecclesiæ Bulgaricæ accepisse testatus est : *Christum nempe non assumisse animam humanam, sed Angelicam, sive corpus Cæleste*. Vereor autem, ut pro *suo corpus Cæleste*, legi debeat, & *corpus Cæleste*. Nam Angelum a cælesti corpore Cathari distinguebant, ut hic Monetæ locus postulat. Erat namque hujusmodi opinio Catharorum Sclavonicæ, & Bulgaricæ, Filium Dei præstantissimum esse Angelum ; seu

excellentem imprimis creaturam, ut Arriani agebant, hunc porro cæleste quoddam sibi adsumisse corpus, sed phantasticum tamen, velut monuimus 61. in hoc idem Caput, notatione ; jam vero corpus ejusmodi humana caruisse anima ; propterea, quod Angelus animæ loco esset . Sunt hæc quidem certe opinionum monstra, quæ ex vitiata, seu immutata Manichæorum disciplina fluxerunt . Sed Catharis Sclavis, atque Bulgaris, quod attinet ad animam humanam, qua Christum vacasse censebant, prævere Arriani, & qui ab Apollinario hæresiarcha profecti sunt . Adeundus Dionysius Petavius lib. i. *De Incarnatione* Cap. v. §. iv. seqq. & Cap. vi. §. v. seqq. Tom. iv. *Theolog. Dog.* quibus quidem in locis ex Athanasio . Augustino, Gregorio Nisleno, Epiphano, Gregorio Nazianzeno, Leone Magno, Socrate, & Theodoro, aliisque Patribus ostendit, Arrianos, Apollinarios ab Christo animam humanam aliquando abjudicasse .

utrum animam habuerit sicut & nos (excepto peccato, & ignorantia), & veras qualitates animæ humanæ. Quidam enim Cathari, videlicet Sclavi, negant eum habere animam, & dicunt, istud corpus phantasticum, quod habuit secundum eos, vegetatum fuisse ab Angelo, quem Deus misit in mundum. Christum enim non Deum, sed Angelum confitentur: quod est contra Apostolum ad Hebræos 1. per totum caput. *Cui enim dixit aliquando Angelorum &c.*

Quod autem animam habuerit, patet Matth. 26. v. 38. *Tristis est anima mea usque ad mortem.* Ubi patet, quod non tantum animam, sed etiam animæ qualitates, scilicet tristitiam habuerit. Item Matth. 2. v. 19. habetur quod Angelus monuit Joseph in somnis, ut ab Ægypto reverteretur in terram Israel, dicens: *Defuncti sunt enim, qui querebant animam pueri.* Matth. 20. v. 28. *Filius hominis non venit ministrari, sed ministrare, & dare animam suam, redemptionem pro multis.* Jo. 10. v. 11. *Ego sum pastor bonus. Bonus pastor animam suam dat pro ovibus suis.* Similiter subdit v. 15. *Et animam meam pono pro ovibus meis.* Idem habetur pluries hoc eodem capite. Posuit autem animam suam, idest, deposuit, quando voce magna clamans emisit Spiritum, ut habetur Matth. 27. v. 50. Marci 15. v. 36. Luc. 23. v. 46. Jo. 19. v. 30. Quod autem dicit v. 18. *Nemo tollit eam*, suppleendum est, me invito.

Quas autem qualitates humanæ animæ habuerit, patet Matth. 26. v. 38. *Tristis est &c.* Marci 3. v. 5. *Et circumspiciens eos cum ira, contristatus super cecitate cordis eorum, dicit homini habenti manum aridam: Extende manum tuam. Et extendit, & restituta est manus illi.* Ecce quod irascibilitatem habuit, & tristitiam. Marci 14. v. 33. *Cœpit Jesus pavere, & tædere.* Pavor autem, & tædium qualitates sunt humanæ animæ. Jo. 12. v. 27. *Nunc anima mea turbata est.* Jo. 13. v. 21. *Jesus turbatus est spiritu.* Ex quibus omnibus patet, quod nec Deitas fuit ei pro anima, quia Deitas non est passibilis ab istis passionibus; nec angelica natura, quia & illa similiter ab istis immunis est. Propter hoc de Christo loquens David Psal. 8. v. 6. Et Apostolus

Hebræ. 2. v. 7. ait ad Deum: *Minuisti eum paulo minus ab Angelis.* Et hoc ideo, quia Christus passibilis, & mortalis fuit: quod non illi. (82)

§. XIII.

De descensu Christi ad Inferos.

Nunc videndum est de descensu ejus ad inferos; Christi enim anima post mortem corporis fui in cruce ad inferiora creditur descendisse (83), corpore remanente in sepulchro usque ad horam resurrectionis suæ. Legitur enim Act. 2. v. 22. *Viri Israelitæ, audite verba hæc: Jesum Nazarenum, virum approbatum a Deo in vobis, virtutibus, & prodigiis, & signis, quæ fecit Deus per illum in medio vestri, sicut & vos scitis.* 23. *Hunc definito consilio, & præscientia Dei traditum, per manus iniquorum affligentes interemistis:* 24. *quem Deus suscitavit, solutis doloribus inferni, juxta quod impossibile erat teneri illum ab eo.* 25. *David enim dicit in eum: Providebam Dominum &c.* usque corruptionem. Quod ibidem B. Petrus exponens dicit v. 30. *Propheta igitur cum esset.* 31. *Providens locutus est de resurrectione Christi, quia neque derelictus est in inferno* (84), *neque caro ejus vidit corruptionem.* Sic ergo Christus fuit in inferno secundum animam: ergo Christus descendit ad inferos secundum animam, & ea descendente soluti sunt dolores pœnarum inferni.

Et nota, quod in verbis istis vera Christi humanitas designatur, vera passio, vera animæ a corpore dissolutio, animæ ad inferos descensio, carnis exanimis integritas; caro enim ejus non vidit corruptionem, idest, putrefactionem, vel redactionem in pulverem. Denotatur etiam, quod anima in inferno non est derelicta, sed tertia die ad corpus rediens immortalī vita glorificatus est Christus, qui resurgens a mortuis jam non moritur. Rom. 6. v. 9.

§. XIV.

(82) Multa, quæ huc pertineant, congerunt Sancti Ambrosius De Incarnationis Dominicæ Sacramento Cap. vii. & Fulgentius libro I. ad Irasimundum regem C. vii. seq. & Thomas 111. P. Quæst. vi. Art. 111. in c. Adilias Vasquesium In 111. Sancti Thomæ Partem Disp. xxxvii. Cap. 1. & Petavium lib. v. De Incarn. Cap. xi. T. iv. Theol. Dog. §. iv. seqq.

(83) Nullos Catharos memorat Sachonus, qui hoc genus opinionis defenderent; nisi Lugienfes exceperis, de quibus hæc habet col. 1772. Dicunt, quod, *animæ*, quæ in Cœlo erant, descendunt necessario in infernum, idest in hunc mundum, & ad hunc infernum descendit Christus, ut auxiliaretur eis. Ceterum suspicor Albanenses quoque, qui humanitatem Christi Spectrum, & Phantasma fuisse putabant, adeoque actiones omnes humanas Christi inficiabantur, simile quidpiam defendisse; nec ab illis abhoruisse Bagnolensium, seu Bajolensium factionem. Novi hæretici, qui jam inde xvi. Seculo Ecclesiam vexare cœperunt, simile quidpiam tutati sunt. Bucerus in Cap. xxvii. Matthæi, & Beza in Cap. 11. Act. Apostolicor. nomine inferni in Scriptura sepulchrum intelligi oportere jactitant. Ergo nihil esse aliud Christum ad inferos descendisse, quam esse sepultum. Consultor Bellarminus lib. iv. de Christo Cap. ix. Tom. I. Controv. Johannes Clericus sub Phereponi larva latens in Animadversionibus in Epistolam clxiv. Augustini pag. 497. Sanctum Episcopum carpit, ac lacerat, quod dixerit: *Quis ergo nisi infidelis negaverit fuisse, apud inferos Christum?*

Adjungit autem per summam improbitatem Phereponus: *Vel hinc intelligere licet, quam periculosum sit Scripturam velle interpretari, si necessariis subsidiis destitutus sis.* Primum enim in ea invenitur quod non est, deinde acerbè damnantur, qui eam melius intelligunt. Sed bene habet. Phereponum quippe vexavit Ludovicus Antonius Muratorius Italiæ decus amplissimum & ornamentum toto capite ix. lib. 111. De Ingeniorum moderatione in religionis negotio. Mitto ceteros Calvinianos, Lutheranos, Socinianos, qui eadem cum Clerico pugnant.

84 Pulcre Augustinus Epistola clxiv. al. xcix. Tom. 11. Opp. Et Dominum quidem, inquit, carne mortificatum venisse in infernum satis constat, neque enim contradici potest vel prophetia, quæ dixit, quoniam non derelinques animam meam in inferno, quod ne aliter quisquam sapere auderet, in Actibus Apostolorum idem Petrus exponit, vel ejusdem Petri illis verbis, quibus eum adserit solvisse inferni dolores, in quibus impossibile erat eum teneri. Quis ergo nisi infidelis, negaverit fuisse apud inferos Christum? Scio quid Beza, quid Bucerus, quid Phereponus, quid alii furfuris ejusdem homines contra opponant. Verum illis factum est a Muratorio satis loco mox indicato. Nec a Muratorio vero solum, verum etiam a Bellarmino ibid. Cap. xii. & Petavio lib. xiii. de Incarn. Cap. xv. seqq. Tom. v. Theolog. Dogm. atque ab aliis ple-risque qui de Controversiis scripserunt.

§. XIV.

De resurrectione Christi.

Nunc videamus de illo articulo: *Tertia die resurrexit* (85) *a mortuis*. Legitur Jo. 2. v. 19. quod Dominus dixit Judæis: *Solvite templum hoc, & in tribus diebus excitabo illud* v. 21. Ille autem dicebat de templo corporis sui. Ergo corpus ejus dissolutum est ab anima in morte, & tertia die resurrexit in eodem corpore. Matth. 12. v. 40. dicit Christus: *Sicut fuit Jonas in ventre ceti tribus diebus, & tribus noctibus, sic erit filius hominis in corde terræ tribus diebus, & tribus noctibus*. Sed quid post istud triduum? Dico, quod anima ad corpus idem rediit; & sic vera resurrectio in Christo facta fuit teste Petro Act. 2. *Viri Israelitæ, audite verba hæc: Jesum Nazarenum &c.* ut in præcedenti §. de descensu ad inferos. Matth. ultimo v. 5. dixit Angelus mulieribus: *Jesum, qui crucifixus est quæritis*. 6. *Non est hic: surrexit enim sicut dixit. Venite, & videte locum, ubi positus erat Dominus*. 7. *Et cito euntes dicite Discipulis ejus, quia surrexit: & ecce præcedet vos in Galileam, ibi eum videbitis, ecce prædixi vobis*. 8. *Et exierunt cito de monumento cum timore, & gaudio magno, currentes nuntiare Discipulis ejus*. 9. *Et ecce Jesus occurrit illis, dicens: Ave. Illæ autem accesserunt, & tenuerunt pedes ejus, & adoraverunt eum*. Ubi patet, quod cum corpore, quod in sepulchro jacuerat mortuum, cum illo, inquam, distincto per membra surrexit. Item Lucæ ultimo v. 34. *Surrexit Dominus vere, & apparuit Simoni*. Item ibidem dicitur v. 36. quod Jesus stetit in medio Discipulorum suorum, & dixit eis: *Pax vobis: ego sum, nolite timere*. Et post pauca dixit eis: v. 39. *Videte manus meas &c.* Iterum dixit eis: v. 46. *Oportebat Christum pati, & resurgere a mortuis tertia die*. Item Act. 1. v. 3. *Quibus & præbuit seipsum vivum post passionem suam*. Act. 1. v. 21. *Oportet ergo &c.* Act. 2. *Viri Israelitæ &c.* ut prius §. de descensu ad inferos. Act. 3. v. 15. *Auctorem vero vitæ interfecistis, quem Deus suscitavit a mortuis, cujus nos testes sumus*. Idem dicitur Act. 4. v. 2. Item Act. 10. v. 39. *Et nos testes sumus omnium &c.* ut supra §. quod Christus comedit cibum materiale post resurrectionem. 1. Cor. 15. v. 3. *Tradidi enim vobis in primis &c.* Ad Galat. 1. v. 1. *Paulus Apostolus &c.* Item Apocalyp. 2. v. 8. *Hæc dicit primus, & novissimus; qui fuit mortuus, & vivit*. Et multa alia sunt ejusdem rei testimonia; sed ista sufficiant.

§. XV.

De ascensu Christi cum carne in cælum, & de sessione ejus ad dexteram Patris. (86)

Nunc ad istum articulum transeamus: *Ascendit ad cælos: sedet ad dexteram patris*. Adversarii enim veritatis, maxime quidam illorum de Bulgaria, qui credunt Mariam veram fœminam fuisse, & filium Dei veram carnem ex ea assumptisse, hoc negant.

Quod autem ascenderit potest probari per id, quod dicit Christus Matth. 25. v. 14. *Homo peregre proficiscens, vocavit servos suos, & tradidit illis bona sua &c.* Bona sua tradidit servis suis Discipulis, quando eos vicarios suos instituit, & ad prædicandum atque baptizandum misit; & sic peregre profectus est in cælum: quod quidem secundum humanitatem intelligendum est, & oportet etiam intelligere secundum carnem; proprius enim locus carnis est mundus iste. Marci ultimo 19. dicitur: *Et Dominus quidem Jesus postquam locutus est eis, assumptus est in cælum, & sedet a dextris Dei*. Lucæ ultimo v. 50. dicitur: *Eduxit autem eos foras in Bethaniam: & elevatis manibus suis benedixit eis*. 51. *Et factum est dum benediceret illis, recessit ab eis, & ferebatur in cælum*. Item Act. 1. v. 1. *Primum quidem sermonem feci de omnibus, o Theophile, quæ cæpit ejus facere, & docere, usque in diem, qua præcipiens Apostolis per Spiritum Sanctum, quos elegit assumptus est*. Marcus autem c. 16. v. 19. addit: *in cælum*. Item Act. 1. v. 9. *Videntibus illis, elevatus est: & nubes suscepit eum ab oculis eorum*. 10. *Cumque intuerentur in cælum euntem illum &c.* usque euntem in cælum. Item eodem cap. v. 21. dicit Petrus: *Oportet ergo &c.* Eph. 4. v. 10. *Qui descendit, ipse est & qui ascendit super omnes cælos*. 1. Petr. 3. v. 21. *Quod & vos nunc similis formæ salvos facit baptisma &c.* usque potestatibus. Rom. 8. v. 34. de Christo dicitur: *Qui est ad dexteram Dei, qui etiam interpellat pro nobis*. Jo. 3. v. 13. *Et nemo ascendit in cælum, nisi qui descendit de cælo, filius hominis, qui est in cælo*. Ergo filius hominis ascendit in cælum; sed non est filius hominis, nisi secundum carnem; Ergo caro ejus ascendit in cælum. Ephes. 4. supra parum. Jo. 7. v. 33. *Vado ad eum, qui me misit*. Jo. 20. v. 17. dicit Christus Mariæ Magdalenæ: *Ascendo ad patrem meum &c.* Act. 7. v. 55. *Ecce video cælos apertos, & filium hominis stantem a dextris Dei*. Per hoc autem patet, quod dextera de Deo patre dicta non significat corporeum membrum, alioquin ipse haberet plures dexterarum, five dextera brachia plura.

(85) Resurrectionem Christi non veram, sed putativam, ut illi ajebant, ponebant Cathari Albanenses e factione Balasinfæ. Præverant autem Catharis Simon Magus apud Irenæum lib. I. Cap. xx. Theodoretum lib. I. Hæret. Fabul. Cap. I. Johannem Damascenum lib. de Hæres. Saturninus, Basilides, Cerdon, Marcion, Manichæi, Priscillianistæ &c. Adis Petavium lib. I. de Incarnatione Cap. IV. per tot. Tom. IV. Theol. Dog.

(86) Bulgarios ait hoc erroris genus propugnasse. De Bulgaris

egimus notatione 79. in hoc cap. Paria defendebant Cathari Bajolenses. Vide Sachonum col. 1774. Ortus autem hic ipse error est jam usque a secundo Ecclesiæ seculo. Placuit Apelli. Scite Auctor Prædestinati, quem Sirmondus edidit, ubi de Apellitibus agit: *Dominum Nostrium Jesum Christum adserunt carnem ex elementis suscepisse, quam aeri reddidit, cum adscenderet, & sine ea intravit in Cælum*.

ra. Quomodo autem sumatur, jam dicam. (87)

Impugnant autem istum articulum propter illud verbum Apostoli 1. Cor. 15. v. 50. *Caro, & sanguis regnum Dei possidere non possunt*: quod expositum est in tractatu de resurrectione. Istud autem addimus ad exclusionem erronei intellectus, quod descendere (88) præcessit ejus ascensum: unde Ephes. 4. v. 9. *Quod autem ascendit, quod est, nisi quia & descendit primum in inferiores partes terræ?* Sciendum, quod ascendere motum dicit localem; unde cum Christus secundum quod Deus immobilis sit, non dicitur de Christo quod ascendit, nisi secundum quod homo. Ipse enim in quantum homo subiectus fuit illi motui. Descendere autem dicitur de Christo secundum quod Deus; descendere enim non dicit motum, sed dicit incarnationem, idest, unionem Filii Dei ad carnem. Unde in symbolo dicitur: *descendit de calis*, & proinde incarnatus est. Dicitur autem ista incarnatio descensus per similitudinem, quia sicut descensus motus est localis de superiori ad inferius; ita etiam illa unio est naturæ superioris, idest, cælestis, five divinæ ad inferiorem se, idest, ad humanam. Alia etiam similitudine; quia si Rex aliquis retenta sibi regali dignitate copularet sibi ancillam aliquam in uxorem, diceretur multum descendisse, multumque se humiliasse. Eodem modo Dei Filius descendisse dicitur; quia retenta dignitate majori, minoris postea dignitatis effectus est. Secundum hunc modum descensio Filii Dei est minoris dignitatis assumptio, retenta majori. Secundum autem quod descensus est localis motus, cum dicitur quod descendit ad inferos secundum animam, & in sepulchrum secundum corpus.

Ultimo autem exponamus illud verbum; (89) *Sedet ad dexteram Patris*. Cum enim Pater corporeus non sit, videtur, quod istud male dicatur; & tamen istud habetur Marci 16. v. 19. Hebræ. 1. v. 3. Hebræ. 8. v. 1. Ephes. 1. v. 20. & Rom. 8. v. 34. *Qui est ad dexteram Dei*. Dico ergo, quod hoc nomen, dextera, non significat ibi corporeum membrum, sed beatitudinem cælestem, in qua quiescit cum aliis Sanctis secundum quod homo, qui ibidem sunt, sed potentiori modo, quam alii. Dicitur etiam dextera Patris potentia ejus summa, in qua Christus est secundum quod Deus: unde Philip. 2. v. 11. *Dominus Jesus Christus in gloria est Dei Patris*. Per hoc ergo notatur, quod est æqualis Patri.

(87) Sed pro omnibus jam stabit, quod in clausulam reservavimus, etiam pro Apostolo ipso revera maxima inconsiderantia revincendo, si tamen abrupta, ut quidam volunt, clausis (quod ajunt) oculis sine distinctione, sine conditione; omnem passim carnem, & sanguinem a regno Dei extrusit; utique & ab ipsa regia Calorum: quum illic adhuc sedeat Jesus ad dexteram Patris; homo, etsi Deus; Adam novissimus, & si sermo primarius; caro & sanguis, etsi nostris puriora, ibidem & tamen & substantia, & forma, qua ascendit, talis etiam descensurus, ut Angelis affirmant; agnoscendus scilicet eis, qui illum convulserunt. Hic sequester Dei atque hominum appellatus, ex utriusque patris depositio commissio sibi, carnis quoque depositum servat in semetipso, arrhabonem summae totius. Quemadmodum enim nobis arrhabonem Spiritus reliquit, ita & a nobis arrhabonem Carnis accepit, & vexit in Calum pignus totius summae illuc quandoque redigenda. Secura estote, caro & Sanguis; usurpastis, & cælum, & regnum Dei in Christo. Tertullianus libro de resurrectione Carnis Capite LI. pagina 357.

Quod autem dexteræ nomine intelligatur virtus, seu potentia ejus summa, quæ etiam Dei Patris est gloria, patet ex eo, quod dictum est supra in hoc eodem articulo super illud verbum Stephani Act. 7. *Ecce video &c.* Et est intransitiva locutio in quantum est ipsa virtus Dei. Pluraliter autem dicitur, *dextris*, propter pluralitatem effectuum. Si autem quæras a me quid sit sinistra Dei: secundum hoc dico tibi, quod potentia creaturarum sinistra ejus est. Sicut enim potentia sinistræ debilis est ad actus respectu dexteræ, ita & potentia creaturæ respectu potentiae Creatoris.

§. X V I.

De illo articulo: Inde venturus est judicare vivos, (90) & mortuos.

Sequitur alius articulus: *Inde venturus est judicare vivos, & mortuos*. De isto articulo agitur in quarta parte hujus Operis in 3. ejus cap. Istud solum restat hic videndum, qualiter sumatur ibi: *vivos, & mortuos*. Videtur enim, quod istud sit contrarium ei, quod habetur Matth. 22. v. 32. *Non est Deus mortuorum, sed viventium*. Si enim judex eorum futurus est: ergo est Deus eorum.

Ad hoc dicitur, quod Christus tunc disputabat contra Saducæos, qui negabant resurrectionem mortuorum esse futuram. Negabant etiam Angelum esse spiritum: unde Dominus volens ostendere, quod spiritus sit, eis recipientibus legem dicit illud dictum Exod. 3. v. 6. *Ego sum Deus Abraham, & Deus Isaac, & Deus Jacob*. Postea hoc Christus addidit: *Non est Deus mortuorum, sed viventium*: quasi diceret: non est Deus eorum, qui non sunt. Ergo cum sit Deus Abraham, Isaac, & Jacob, illi erant: sed non secundum corpus: ergo secundum spiritum.

Quod autem vivere quandoque sumatur pro esse, patet ex Artibus; hoc enim Aristoteles dicit. Si autem vivere pro esse sumatur, quid mirum est, si mortuum esse sumitur pro non esse? Ecce habemus qualiter dicatur non esse Deus mortuorum.

Nunc restat videre, qualiter dicatur judex vivorum, & mortuorum. Hoc autem potest sic intelligi, idest, justorum, & injustorum. Injusti enim dicuntur mortui. Ephes. 2. v. 5. *Et cum essemus mortui peccatis &c*: vel animarum, & corporum; Animas vivas appellat propter permanentiam; corpora

(88) Huc respexisse videtur S. Thomas 11. P. Q. LXVII. Art. 1. ad 2. Arg. Dicendum, inquit, quod ipse idem est qui ascendit, & qui descendit. . . . Descensus tamen duplex attribuitur Christo: unus quidem, quo dicitur descendisse de Calo, qui quidem attribuitur Deo homini, secundum quod Deus: non enim est iste descensus intelligendus secundum motum localem, sed secundum exinanitionem; qua cum in forma Dei esset, servi formam suscepit; sicut enim dicitur exinanitus, non ex eo quod suam plenitudinem amisit, sed ex eo quod nostram parvitatem suscepit, ita dicitur descendisse de Calo, non quod Calum deseruerit, sed quia naturam terrenam assumpsit in unitatem personæ. Alius autem est descensus, quo descendit in inferiores partes terræ, ut dicitur Ephes. 4. *Qui quidem est descensus localis, unde competit Christo secundum conditionem humanæ naturæ.*

(89) Adeundus S. Thomas 11. Parte Quæst. LVIII. Art. I. seqq. qui multa eodem spectantia affert, ut præ oculis librum hunc Moneta habuisse videatur.

(90) Vide Notas in Cap. 1x. libri 1v.

pora mortua, quia quotidie tendunt ex hac vita ad mortem. Unde Rom. 8. v. 10. *Corpus quidem mortuum est propter peccatum*. Ex quo patet, quod corpora resurgent, & quod sunt factura Dei boni. Tercio modo potest exponi, ut mortui dicantur qui decesserunt ante diem iudicii; vivi autem dicantur illi, qui in adventu Iudicis reperientur vivi: unde 1. Thessal. 4. 14. *Hoc enim vobis dicimus in verbo Domini &c.* Ex his, quæ dicta sunt, patet solutio ad quandam objectionem Hæreticorum volentium probare, quod corpora ista a Deo non sunt, propter illud verbum: *Non est Deus mortuorum, sed viventium*; cum mortui non dicantur nisi corpora, homines scilicet exteriores. Ergo non sunt opera Dei. Dictum est enim, quod mortui dicantur, in quantum omnino non sunt. Sic autem non dicuntur corpora mortua; sunt enim corpora, quæ dicuntur mortua, licet priventur vita.

C A P. IV.

*Agitur de Antichristo, quem dicunt
Hæretici jam venisse.*

Viso de Christo, videndum esset de Spiritu Sancto secundum ordinem articulorum in symbolo. Sed quia contraria juxta se posita magis elucescunt, statim videamus de Antichristo, quem Ecclesia credit fore venturum circa finem mundi: de quo dicit Christus Jo: 5. v. 43. *Ego veni in nomine Patris mei, & non accipitis me; si alius venerit in nomine suo illum accipietis.*

§. I.

Probatio, quod Antichristus venit.

Quidam autem errore decepti existimant eum venisse; propter illud, quod habetur 1. Jo: 4. v. 3. *Et omnis Spiritus, qui solvit Jesum, ex Deo non est, & hic est Antichristus, de quo audistis, quoniam venit, & nunc jam in mundo est.*

Ad hoc dico, quod Antichristus proprium nomen est cujusdam personæ, & appellativum etiam multarum personarum, sicut & hoc nomen Christus, & proprium est Filii Dei: unde Jo: 3. v. 28. dicit Joannes Baptista: *non sum ego Christus, sed quia missus sum ante illum*. Quandoque appellativum nomen est, & commune multorum, sicut 1. Jo: 2. v. 18. *Antichristus venit*. Et ne credas

hoc dici de persona illa spiritali, subdit: *Et nunc Antichristi multi facti sunt*. Quod ergo dicitur; *Antichristus venit*, non intelligitur personaliter venisse, sed per homines sibi conformes, per ministros scilicet suos. Hoc modo Apostolus loquitur 2. Thessal. 2. v. 7. dicens de eo: *Num mysterium jam operatur iniquitatis*; & tamen nondum erat, sicut per literam Apostoli potest ostendi. (91)

Præterea, nonne vides, quod Dominus Matth. 17. v. 12. dixit, quod *Elias jam venit*? Prius dixerat v. 11. *quod venturus est*: postea, quod *jam venit*. Quod autem dicitur *venturus est*, proprie dicitur, & referendum est ad personam Eliæ. Quod autem dicitur *jam venit*; hoc ideo dicitur, quia Johannes ei similis venerat: unde Matth. 11. v. 14. dixerat de Johanne: *Ipsa est Elias*; Et quod similitudinarie istud intelligatur, patet ex eo, quod Dominus dicit: *Et si vultis recipere*; supple, verbum meum, secundum quod debet intelligi, quia per similitudinem loquitur: *ipse est Elias*; Et quod istud sit verum, patet per hoc, quod subdit Dominus v. 15. *Qui habet aures audiendi, audiat*. Istud enim verbum ponebat Dominus, quando parabolice, & per similitudinem loquebatur: unde Luc. 8. v. 5. cum dixisset per similitudinem: *Exiit, qui seminat &c.* dixit v. 8. *Qui habet aures audiendi, audiat*: Similiter Matth. 13. v. 9. Nonne etiam vides, quod Dominus per similitudinem loquens dicit Jo: 6. v. 71. *Nonne ego vos duodecim elegi: & ex vobis unus diabolus est?* Et loquebatur de Juda, dicens eum diabolum per similitudinem malitiæ. Similiter Johannes Baptista dictus est Elias non identitate personæ, sed similitudinarie, quia sicut Elias erit præco secundi adventus Christi; ita Johannes fuit præco primi adventus: unde Malach. ultimo v. 5. *Ecce ego mittam vobis Eliam Prophe- tam antequam veniat dies Domini magnus, & horribilis*. Istud ex parte dixit Angelus de Johanne Baptista. Sunt & aliæ similitudines assignatæ inter eos, supra eadem parte hujus operis §. de Johanne Baptista.

§. II.

Unde probent Hæretici, quod B. Silvester fuerit Antichristus?

Quidam autem Hæretici ausi sunt dicere, quod Silvester fuerit Antichristus (92) & de Silvestro volunt illud intelligere 2. Thess. 2. v. 3. *Ho-*

mo

(91) Vetus hæc cantilena est. Ac Patres quidem plerique, quum agitari viderent Ecclesiam, vexarique ab Imperatoribus aut ab hominibus aliis inopenti ingenio pradtis; prope jam adesse Antichristi adventum existimabant. Sed fuerunt alii, quorum pars quidem Neronem, pars Mahumetem, pars denique nescio quos scelestos aliquot homines, Antichristos fuisse arbitrarentur. Adeundus *Malvenda Libro 1. de Antichristo*.

[92] Reinerus Sachonus in *Summa contra Valdenses, & Catharos Tom. xxv. Bibliotheca PP. Edit. Lugdun. pag. 26. Primo dicunt* [Valdenses] inquit, *quod Romana Ecclesia non sit Ecclesia Jesu Christi; sed sit Ecclesia Malignantium, & quod defecerit sub Silvestro, quando Venenum temporalium infusum est in Ecclesiam*. Hoc idem placuit Gerardo, de quibus similia reperi in *MSS. Cod. Vatic.* quæ sane fallor edita ne hæcenus fuerint nec ne: Verum, ut veteres plerique, sic recentiore memoria hæretici, quum Romanam

Ecclesiam vehementer averfentur, summum Pontificem Antichristum esse per summum scelus contendunt. Videndi Sanderus *lib. v. III. De Visibili Ecclesiæ Monarchia*, Bellarminus *lib. III. De Romano Pontifice Cap. I. Jodocus Coccius To. I. Thesauri Catholici lib. VII. Art. VI. & Art. XVII.* ac ceteri, si quidem placet, quos refert *lib. I. De Antichristo Cap. xx. Malvenda*. Recoxit hanc eandem crambem Seculo superiore Juris Minister Calvinianorum, quem fusc, faceteque exagitavit Ricardus Simonius *ὁ κεραιόπαις Dans l'Examen Des Prejuges de M. Jurieu II. Partie Chap. III. Quid?* quod novo scelere Jacobus Perizonius hoc ipsum opinionis portentum, suorum Lutheranorum studia æmulatus, tutari non dubitavit, in *Calce sui Operis Originum Babyloniarum*? Misios facio ceteros, nam qui omnes persequi diligenter institueret; ne ille orio, & literis abuteretur.

mo peccati, filius perditionis. Istud autem mendacium esse evidenter apparet per litteram B. Pauli. Quæ enim ibi dicuntur de Antichristo non possunt convenire Silvestro secundum ordinem verborum Apostoli; discessio enim illa, de qua Apostolus loquitur, nondum facta fuerat tempore Silvestri. Debebat autem fieri ante adventum Antichristi, sicut patet per verba Apostoli: *nisi venerit discessio primum*. (93)

Si autem dicas, quod illa discessio tunc facta est, scilicet discessio ejus a fide Christi, hoc non potes ostendere aliquo testimonio.

Præterea, hoc non patitur litera Apostoli, qui ait v. 6. *Et nunc quid detineat scitis, ut reveletur in suo tempore* 7. *Nam mysterium jam operatur iniquitatis: tantum, ut qui tenet nunc, teneat, donec de medio fiat*. 8. *Et tunc revelabitur ille iniquus, quem &c.* Ecce, quod illi sciebant quid detineret Antichristum, ne veniret adhuc, & quod suo tempore congruo sibi, & malitiæ suæ veniret. Numquid sciebant quid detineret Silvestrum, & quando revelandus esset? Certe non. Ergo cum illi scirent quid detineret Antichristum, Silvester non fuit Antichristus.

Præterea, nonne dicit: *Nam mysterium jam operatur iniquitatis: tantum ut qui tenet &c.*? Prius ergo fieri debebat discessus de medio, & tunc revelaretur ille iniquus. Ergo discessio, de qua loquitur Apostolus, non intelligitur de discessione Silvestri a fide Christi.

Præterea, quomodo stabit, quod dicit Apostolus ibi v. 4. *Ut in Templo Dei sedeat ostendens se tamquam sit Deus*? Quid fuit istud Templum? Quidquid dicas, facile est tibi concludere, vel ostendere, quod ille non fuit Antichristus (94). Sunt autem quidam dicere ausi, quod Antichristus non sit unus homo, sed cætus Ecclesiæ Romanæ; super quo potest eodem modo objici, & ostendi, quod mendacium sit.

C A P. V.

§. I.

Quod Spiritus Sanctus est Deus.

Viso de Christo, & ejus contrario scilicet Antichristo, videamus de Spiritu Sancto, de quo multipliciter male sentiunt Hæretici. Quidam

enim credunt (1) eum puram Creaturam esse, sicut & Christum; illi scilicet, qui duos asserunt Creatores, contra quos aperte loquitur Christus Jo: 4. v. 24. ubi dicit: *Spiritus est Deus: & eos, qui adorant eum, in spiritu, & veritate oportet adorare*: quasi dicat: in intimo cordis templo, & in vera cogitatione. Ecce habeo, quod Christus dicit, quod *Spiritus est Deus*; & tu dicis, quod non est Deus. Nonne tu es Antichristus? Utique.

[*] Item quod Spiritus Sanctus sit Deus evidens fit duabus autoritatibus. Act. 5. v. 3. ubi dicit Petrus Ananiæ: *Cur tentavit Satanas cor tuum, mentiri te Spiritui Sancto*. Et post pauca subjungit v. 4. *Non es mentitus hominibus, sed Deo*. Non est dubium, quod Ananias votum Deo fecerit, quo abrenuntiaverat propriis; unus enim fuit de iis, qui vendentes res proprias, ponebant pretia ad pedes Apostolorum. Propter hoc dixit ei Petrus: *Cur tentavit &c.* Quid sibi vult hoc? Numquid non peccat in Creatorem? Num Petrus ita peccatum ejus attenuat, ut creaturæ eum reum statuatur dicens: *Non es mentitus hominibus, sed Deo*? *Cur tentavit Satanas cor tuum, mentiri te Spiritui Sancto*, idest, mendacio tuo fallere Spiritum Sanctum, idest, creaturam, quia Spiritus Sanctus est secundum te creatura? Numquid de contumelia majoris eum debitorem minori constituit? Absit hoc; unde subdit: *non es mentitus hominibus, sed Deo*. Transgressione ergo voti dicitur a Petro, quod mentitus sit Spiritui Sancto, & Deo, ut Spiritus Sancti, & Dei unicam esse offensam, & unicam gloriam esse cognoscas: de quo Luc. 12. v. 10. *Ei autem, qui in Spiritum Sanctum blasphemaverit, non remittetur*.

Secundo, quod Spiritus Sanctus sit Deus, & sit unus, habetur secundum Apostolum 1. Corinth. 8. v. 5. *Nam etsi sunt qui dicantur Dii &c.* 6. *Nobis tamen unus Deus*: quæ autoritas exposita est in prima parte hujus Operis. Ratione quadam probat Dionysius, quod Spiritus Sanctus est Deus, cujus probatio hæc est, quia non habet circumscriptam substantiam, cum in pluribus sit. Act. 2. v. 2. *Repleti sunt omnes Spiritu Sancto*. Ipsi etiam dispersi habebant Spiritum Sanctum. Act. 1. v. 8. *Accipietis virtutem &c.* usque ad ultimum terræ. Ad hoc facit illud Sap. 1. v. 7. *Spiritus Domini replevit orbem terrarum &c.* Jerem. 23. v. 23. *Putas ne Deus e vicino ego sum, dicit Dominus? Et non Deus de longe?* 24. *Si occultabitur vir in absconditis*:

(93) Quemadmodum hoc Apostoli *ἡντιον* explicari debeat, habet Lector ex Lib. v. Malvendæ de Antichristo Cap. xxxii. p. 449. & ex Cap. iv. de l'Examen des Prejugez de M. Jurieu pag. 87. seqq. Edit. an. 1690. quo loco Ricardus Simonius Jurium abutentem testimonio ipso Pauli, ut evinceret Romanum Pontificem Antichristum esse, refellit.

(94) Antichristum futurum unam certam, ac singularem personam; delirumque esse commentum existimare Antichristum ipsum Regnum aliquod, cætum, aut societatem, vel successionem multorum, vel ipsam Romanam Ecclesiam, fuscæ eruditeque ostendunt Malvenda. lib. I. De Antichristo Cap. viii. Sanderus lib. viii. De Visibili Monarchia Ecclesiæ Cap. i. Bellarminus lib. i. De Romano Pontifice Cap. 11. Ricardus Simonius loco notatione superiore indicato, alique sane multi, quos Malvenda recenset.

(1) Nempe qui Balasinasam auctorem sequebantur, ut refert Reinerius Sachonus Apud Martenium Tom. v. Thesauri Anecdotorum col. 1768. & 1773. Huic porro generi hæreticorum prævivere Barbeolitæ apud Irenæum lib. I. Cap. xxi. n. 4. Sethiani apud

eumdem ibid. Cap. xxx. n. 1. Ariani. Vide Petavium Tom. II. Theologicor. Dog. lib. I. Cap. xiv. n. xiii. seqq. Eunomiani, & Macedoniani, de quibus differit Petavium lib. 1. de Trinit. C. xiv. Tom. II. Theol. Dog. per tot. Bogomilii contra, etsi Filium Spiritumque Sanctum, veluti proprietates quasdam Patris esse censebant; eos tamen non existisse putarunt usque ad annum ab orbe condito 5500. principiumque extrinsecus accepisse ut essent, & nominarentur: ex parte autem *ἀπὸς* ortum Filium, Spiritum autem Sanctum medio Filio contendebant. Euthymius in Panopl. Tit. xxiii. §. iv. & v. pag. 221. Tom. XIX. Biblioth. PP. Edit. Lugdun. Sociniani Filium, & Spiritum Sanctum Deum esse negant; quod quemadmodum intelligant fuscæ ostendunt Johannes Henricus Bisterfeldius Tract. de Uno Deo Patre, Filio, & Spiritu Sancto contra Johannem Crellium. Johannes Cloppenburgius in Compendio Socinianismi Confutato Cap. I. §. 2. & 3. Tom. II. Opp. Theolog. Edit. Arusteed. an. 1684. Anonymus Hist. Socinian. Auctor Paris. an. 1723.

[*] Deest in Bonon. & in Vatic.

ditis : & ego non videbo eum , dicit Dominus ? Et hoc probat . Numquid non celum , & terram ego impleo , dicit Dominus ? Iste est Spiritus , de quo dicitur 1. Corinth. 2. v. 10. *Spiritus omnia scrutatur , etiam profunda Dei .* Sap. 1. v. 6. *Benignus est enim Spiritus &c. usque auditor .* Ex his patet , Spiritum Sanctum esse Deum , & Dominum per immensitatem essentiae , & scientiae [*] .

Item 2. Corinth. 3. v. 17. *Dominus autem Spiritus est .* Ecce hic habetur expresse , quod Apostolus , in quo Christus loquebatur , dicit , quod Spiritus est Dominus ; & Christus Jo: 4. v. 24. dixit , quod *Spiritus est Deus .* Nonne etiam dicit Apostolus Ephes. 4. v. 5. *Unus Dominus , una Fides , unum Baptisma .* 6. *Unus Deus , & Pater omnium , qui est super omnes , & per omnia , & in omnibus nobis ?* 1. Corinth. 3. v. 16. *Nescitis , quia Templum Dei estis , & Spiritus Dei habitat in vobis ?* Et in eadem Epistola c. 6. v. 19. *An nescitis , quoniam membra vestra Templum sunt Spiritus Sancti , qui in vobis est ?* Sic ergo Spiritus Sanctus est Deus , & tamen dicitur Spiritus Dei , & ex Deo esse ; quoniam procedit a Patre , & Filio , & est Spiritus Patris , & Filii , sicut testimoniis Scripturarum ostendimus .

[*] Ad idem facit illud 2. Cor. 6. v. 16. *Vos estis Templum Dei vivi , sicut dicit Deus : quoniam inhabitabo in illis &c. usque Dominus Omnipotens .* Sed idem est Spiritus Sanctus , qui habitat in Sanctis ut in Templo suo , sicut ex prædicto verbo Apostoli patet 1. Cor. 3. & 6. Et Jo: 14. v. 16. *Rogabo Patrem , & alium Paraclitum dabit vobis , ut maneat vobiscum in æternum , & Rom. v. 11. Vivificabit & mortalia corpora vestra .* Ergo Spiritus Sanctus est Dominus Omnipotens : de quo Luc. 17. v. 21. *Regnum Dei intra vos est ,* idest , vos estis ejus Regnum , cujus estis Templum .

Ad idem facit illud Jo: 3. v. 5. *Nisi quis renatus fuerit ex aqua , & Spiritu Sancto &c. ex aqua materialiter ; ex Spiritu Sancto efficienter .* Unde Baptismus dicitur lavacrum regenerationis Spiritus Sancti ad Tit. 3. v. 5. & Jo: 1. v. 12. dicitur : *Dedit eis potestatem Filios Dei fieri &c. usque , ex Deo nati sunt .* 3. autem cap. dicit : *Spiritu Sancto .* Nemo ergo dubitet Spiritum Sanctum esse Deum , ex quo renascimur , & Filii Dei sumus in aqua baptizati [*] .

[*] Item 1. Cor. 12. v. 28. *Et quosdam quidem posuit Deus in Ecclesia , primum Apostolos , secundo Prophetas , tertio Doctores &c. Superius dixerat v. 13. Etenim in uno Spiritu omnes nos in unum corpus baptizati sumus .* Quid sit istud corpus dicit Apostolus Colosens. 1. v. 24. *Adimpleo ea , quæ desunt passionum Christi , in carne mea , pro corpore ejus , quod est Ecclesia .* Item Act. 20. v. 28. *Attendite vobis , & universo gregi , in quo vos Spiritus Sanctus posuit Episcopos regere Ecclesiam Dei , quam acquisivit sanguine suo .* Ad Cor. dicit : *posuit Deus ;* hic vero dicit , quod Spiritus Sanctus . Ergo Spiritus Sanctus est Deus . Item 1. Cor. 12. v. 4. *Divisiones vero gratiarum sunt , idem autem Spiritus .* 5. *Et divisiones ministracionum sunt , idem*

autem Dominus . 6. *Et divisiones operationum sunt , idem vero Deus* [*] . De quo dixerat idem Spiritus , addit : *idem Deus , qui operatur omnia in omnibus .* Operari omnia in omnibus non posset , nisi unus ex omnibus esset . Quod autem illis tribus nominibus Spiritus , Dominus , Deus Apostolus Spiritum Sanctum designet , & quod ipse & Dominus , & Deus ibi dicatur , ostendit idem Apostolus cum addidit v. 8. *Alii quidem per Spiritum &c. usque prout vult ,* Quasi diceret : nulli subiectus , sed summus est Dominus , qui talia , & tanta dona propria voluntate largitur . Ex magnificentia operis Spiritus Sancti potentia declaratur auctoris [*] . Gratias dicit dona , & virtutes , scilicet Fidem , Spem , Charitatem , & alias virtutes dono datas a Spiritu Sancto : quod patet , ubi infra ait v. 8. *Alii quidem per Spiritum datur sermo Sapientiæ : alii autem sermo Scientiæ secundum eundem Spiritum .* 9. *Alteri Fides in eodem Spiritu .* Præmisit autem duo dona data a Spiritu Sancto , scilicet Sapientiam , & Scientiam ; & postea posuit Fidem datam ab eodem Spiritu . Unde Ephes. 2. v. 8. legitur : *Gratia enim estis salvati per Fidem , & hoc non ex vobis ; Dei enim donum est .* Ergo Spiritus Sanctus , cujus est donum , est Deus .

Idem potest haberi ex eo , quod legitur Philipp. 1. ubi locutus erat de potentia tribulationum , & dicit postea v. 28. *Et hoc a Deo .* 29. *Quia vobis donatum est pro Christo , non solum ut in eum credatis , sed ut etiam pro illo patiamini .* Prius dixerat a Deo esse hoc , scilicet patientiam habere in tribulationibus pro Christo ; postea addit , quod est Fides . Ad Corinth. autem dixit : *Alteri fides in eodem Spiritu ,* idest , per eum , vel ab eo . Ergo Spiritus Sanctus est Deus . Item vide , quod dicit ibidem . *Alii gratia sanitatum in uno Spiritu ,* idest , ab eo est , quod quis sanet infirmos miraculose . v. 10. *Alii operatio virtutum ,* idest , miraculorum contra naturam : *alii Prophetia , alii discretio spirituum , alii genera linguarum &c. Eodem capite dicit , Deum ista facere , ut sic significet Spiritum Sanctum esse Deum verum v. 28. Et quosdam posuit Deus in Ecclesia &c. ut prius .* Nonne etiam vides , quod Apostolus Romanis præcepit , Rom. 12. v. 3. , *sapere sicut Deus divisit mensuram Fidei ?* Nonne habuisti 1. Corint. 12. v. 4. *Divisiones vero gratiarum sunt ; idem autem Spiritus .* Quasi dicat : Dator quidem indivisibilis est secundum esse suum , licet divisibilis sit secundum effectum : unde Sap. 7. v. 22. est unus , & multiplex esse dicitur . Dicit ergo : divisiones gratiarum sunt a Spiritu ; ad Rom. autem dicit , quod Deus dividit , idest , divisiones facit gratiarum . Quare ergo dubitas Spiritum Sanctum esse Deum ; immo negas ipsum esse Deum ?

Præterea de dono Prophetiæ dicit : Alii datur per spiritum Prophetia ; B. autem Petrus Epist. 2. 1. 1. v. 21. dicit : *Spiritu Sancto inspirati locuti sunt Sancti Dei homines .* In Prophetis autem dicit : *Hæc dicit Dominus Deus .* Ergo Spiritus Sanctus Deus est substantialiter .

Præterea de dono linguarum dicit Apostolus 1. Corinth. 14. v. 21. *In lege scriptum est : quoniam*

L 1

in aliis

[*] Deest in Bononien. & in Vatic.

[*] Deest in Bononien. & in Vatic.

in aliis linguis, & labiis aliis loquar populo huic: Et nec sic exaudient me, dicit Dominus. Ecce, quod Dominus dicitur loqui linguis aliis, quia facit loqui. Iste Dominus Spiritus Sanctus est. Ergo iste est Deus. Unde post illa verba Apostoli, Isa. 28. v. 16. dicitur: *Idcirco hæc dicit Dominus Deus: Ecce ego mittam in fundamentis Sion lapidem, lapidem probatum, angularem, pretiosum, in fundamento fundatum, idest, Christum, ut patet 1. Pet. 2. v. 6. Quis autem miserit, dicit Isaias c. 61. v. 1. Spiritus Domini super me, eo quod unxerit Dominus me: ad annuntiandum mansuetis misit me.* Ergo Spiritus Sanctus est Dominus Deus.

Sequitur v. 5. *divisiones ministracionum sunt; idem autem Diminus.* Ministraciones sunt idem ac communicationes gratiarum acceptarum; unde 1. Pet. 4. v. 10. *Unusquisque sicut accepit gratiam supple, a Spiritu Sancto, ut patet in prædicta autoritate 1. Cor. 12. Divisiones &c.* sequitur autem: *in alteratrum illam administrantes, sicut boni dispensatores multiformis gratiæ Dei.* Cujus autem Dei, nisi Spiritus Sancti, qui dividit gratias multiformes, & a quo accipiuntur? Ergo Spiritus Sanctus est Deus. Divisiones operationum sunt; idem verò Deus. Operationes sunt usus gratiarum ad propriam utilitatem, sicut ministraciones sunt earum usus ad utilitatem proximorum.

Prætera infra dicit v. 11. *Hæc autem omnia operatur unus, atque idem Spiritus, dividens singulis prout vult* Jo: 3. v. 8. dicitur: *Spiritus ubi vult, spirat: & ad Hæbr. 2. v. 4. variis virtutibus, & Spiritus Sancti distributionibus secundum suam voluntatem.* Quis autem posset hoc dicere, aut facere, nisi esset Deus?

Præterea ex verbis Apostoli patet, Spiritum Sanctum esse suæ voluntatis auctorem liberum; in creatura enim servitus est, in Spiritu Sancto autem libertas, quia operatur hæc omnia, dividens singulis prout vult. Quare Spiritus Sanctus creatura non est. Est ergo Creator. Cum ergo unicus Creator sit bonus, Spiritus Sanctus unius substantiæ est cum Patre.

Præterea David Psal. 32. ait: *Verbo Domini (2) cali firmati sunt, & spiritu oris ejus omnis virtus eorum.* De materialibus calis loquitur, ut patet 2. Pet. 3. v. 5. ubi dicitur: *cali erant prius, & terra, de aqua, & per aquam consistens Dei verbo.* Hic autem dicitur: *& spiritu oris ejus omnis virtus eorum.* Spiritus ergo omnipotens est, & ita coæqualis Deo Patri, & Verbo ejus. Item Spiritus Sanctus est omnia sciens; dicitur enim 1. Corinth. 2. v. 10. *Spiritus omnia scrutatur, etiam profunda Dei.*

[*] Ex quo patet, quod ipse potest illuminare Prophetas, & Apostolos, & in eis loqui, ut patet

ex testimonio Beati Petri Epist. 2. c. 1. v. 21. (3) *Non enim voluntate humana &c.* Quod autem per Moysen, & per alios, patet Act. 3. v. 18. ubi dicitur: *Deus autem, quæ prænuntiavit per os omnium prophetarum, pati Christum suum sic implevit: 19. Pœnitentini igitur, & convertimini, ut deleantur peccata vestra: 20. ut cum venerint tempora refrigerii a conspectu Domini, & miserit eum, qui prædicatus est vobis, Jesum Christum, 21. utque in tempora restitutionis omnium, quæ locutus est Deus per os Sanctorum suorum a seculo prophetarum. 22. Moyses quidem dixit: quoniam Prophetam suscitabit vobis Dominus &c. usque dies istos.*

Quod autem iste sit Spiritus Sanctus patet 1. Pet. 1. v. 10. ubi dicitur: *De qua salute exquisierunt, atque scrutati sunt propheta, qui de futura in vobis gratia prophetaverunt. 11. Scrutantes in quod, vel quale tempus significaret in eis Spiritus Christi: prænuntians eas, quæ in Christo sunt, passionis, & posteriores glorias.* Ista fecit Moyses; prophetavit enim de futura gratia, cum ait: *Prophetam suscitabit vobis Dominus &c.* Prænuntiavit & eas, quæ in Christo sunt passionis: unde Lucæ 24. v. 25. ait Christus: *O stulti, & tardi corde &c. usque quæ de ipso erant.*

Quod autem locutus sit per eos, patet testimonio Pauli Act. 28. v. 25. ubi ait: *Bene Spiritus Sanctus locutus est per Isaiam prophetam ad patres nostros &c.* Et Act. 1. v. 16. dixit Petrus: *Oportet impleri Scripturam, quam prædixit Spiritus Sanctus per os David de Juda &c.* Et Hebræ. 3. v. 7. legitur: *Sicut dicit Spiritus Sanctus: hodie si vocem meam audieritis &c.*

Quod autem ille, qui in prophetis loquebatur, Deus, & Dominus sit, patet Lucæ 1. v. 67. ubi dicitur, quod Zacharias pater Johannis repletus Spiritu Sancto prophetavit, & dixit: v. 68. *Benedictus Dominus Deus Israel &c. usque prophetarum ejus.* Ecce, quod Lucas & Dominum, & Deum illum affirmat, qui locutus est per prophetas. Spiritus ergo Sanctus Deus est.

Quod vero quandoque Angelus dicatur loqui in propheta, ut patet in multis locis, verbi gratia Zachar. 1. v. 3. ostenditur hoc non obesse. Cum enim Christus homo secundum humanitatem excelsior sit omni Angelo, teste Apostolo Hebræ. 1. v. 4. *Tanto melior Angelis effectus, quanto &c.* ubi etiam dicitur v. 6. *Et adorent eum omnes Angeli Dei; & cum Spiritus Sanctus major sit Christo homine, dubitari non debet, quod Spiritus Sanctus major est omni Angelo, & non est Angelus aliquis.* Hoc idem patet ex unitate nominis cum Patre, & Filio; cum dicatur: in nomine Patris, Filii, & Spiritus Sancti; singularitas enim nominis, unitatem significat majestatis. [*]

Quod

(2) Sanctus Athanasius Epistola I. ad Serapionem p. 679. Tom. I. Opp. P. 11. „ Ille igitur, inquit, qui res creata non est, sed „ cum Filio non secus conjunctus est, ac ipse Filius cum Patre: „ qui item cum Patre & Filio honoratur, & cum Verbo Deus agno- „ scitur, nec non ea ipsa agit quæ per Verbum Pater efficit; qui „ res creata dici possit, nisi ab eo plane, qui in Filium ipsum im- „ pius fuerit. Siquidem nihil prorsus est, quod non per Verbum „ fiat, & agatur in Spiritu, quemadmodum etiam in Psalmis ca- „ nitur: *Verbo Domini cali firmati sunt; & Spiritu oris ejus* „ *omnis virtus eorum* . . . Namque Spiritus a Verbo nequit dividi.

Vide Epistolam 111. ad Serapionem n. 5. pag. 694. Quod autem mox addit Moneta ex Epistola ad Corinthios I. Cap. 11. v. 10. adhibetur etiam ab Athanasio contra Pneumatomachos Epistola I. ad Serapionem n. 6. pag. 654. & n. 22. pag. 670. & Epist. 111. n. 1. pag. Tom. I. Opp. ab Hilario quoque libro xli. n. 55. col. 1142.

(*) Quod duobus asteriscis comprehensum vides deest e Cod. Bononiensi & Vatic.

(3) Adeundus Dionysius Petavius lib. 11. De Trinitate Cap. xvi. §. xli. seqq.

Quod autem consubstantialis sit Patri, & Filio, potest hoc modo ostendi. Si enim non differt a Deo Patre, & Filio ejus in substantia, consubstantialis est ei: si differat, cum unica sit substantia divina, & creatrix, substantia Spiritus Sancti, nec divina esset, nec creatrix. Esset ergo creatura. Sed omnis creatura incœpit esse. Ergo Spiritus Sanctus incœpit esse. Omne autem, quod tale est, non semper fuit. Ergo Spiritus Sanctus non semper fuit. Deus autem Pater justorum semper fuit, & ejus Filius similiter, ut prius ostensum est. Ergo aliquando fuit Pater sine Spiritu Sancto, & Christus similiter, sed qualis esse posset quicumque esset, si Spiritum Sanctum non haberet? Constat, quod non posset esse bonus (4). Ergo Pater, & Filius aliquando bonus non fuit.

Præterea, si differt a Deo Patre in substantia, creatura est mutabilis. Ergo est aut secundum substantiam, aut secundum accidens. Si secundum substantiam: ergo generabilis, & corruptibilis est, & ita posset definere esse; & ita Deus Pater posset esse sine Spiritu Sancto, & bono: similiter Filius ejus; Christus igitur posset non esse bonus: quod falsum est.

Si autem dicas, quod est mutabilis secundum accidens; sed non secundum accidens corporeum, sicut est albedo, & nigredo, sanitas, aut infirmitas, quia Spiritus Sanctus non participat hujuscemodi accidentia: ergo est mutabilis secundum accidens spirituale. Ergo vel de bonitate in malitiam, vel de scientia in ignorantiam? Detur hoc fieri. Modo quæro: Numquid Deus est bonus, aut sciens, si Spiritus ejus malus est, vel ignorans? Non. Sic nec Tu bonus, & sciens esse potes, spiritu tuo existente malo, vel ignorante. Ergo Spiritus Sanctus nullo modo mutabilis est. Ergo creata substantia non est. Est ergo creatrix substantia, & ita unius substantiæ cum Deo Patre.

Præterea, Spiritus Sanctus procedit a Deo Patre, & Filio ejus: Aut de ejus substantia, aut non? Si non de ejus substantia: ergo de alio, vel de nihilo. Utrolibet horum dato, habetur, quod creatura sit, & ita mutabilis, & esse incipiens: quod improba-

tum est. Si autem procedit de substantia Patris, & Filii, & non de parte substantiæ ejus, cum substantia divina impartibilis sit: ergo de tota substantia ejus est: ergo ejusdem substantiæ omnino est cum Patre, & Filio.

Præterea, nonne vos Cathari adoratis Patrem, & Filium, & Spiritum Sanctum? Scio, quod dicitis, vos hoc facere: nam & hoc in consuetudine vestra est dicere: adoremus Patrem, & Filium, & Spiritum Sanctum (5). Quomodo adoratis Spiritum Sanctum, si ipse non est Deus substantialiter? Angelus enim se adorari prohibuit, & quare? Quia servus Dei, non Deus, non Dominus. Ergo Spiritus Sanctus Deus, & Dominus est, non servus: Ergo non est creatura, creatura enim Creatori deservit, ut habetur Sap. 16. v. 24. Ergo Creator est: Sed unus est Creator substantialiter. Ergo, cum Pater sit Creator, Spiritus Sanctus unius substantiæ est cum Patre, licet distinguatur personaliter.

[*] Quod Spiritus Sanctus Deus sit, evidenter apparet ex eo, quod habetur Isai. 6. v. 1. *Vidi Dominum sedentem super solium excelsum, & elevatum: & ea, quæ sub ipso erant, replebant templum.* Et post pauca dicit v. 3. *Et clamabant alter ad alterum, & dicebant: Sanctus, Sanctus, Sanctus, Dominus Deus exercituum.* Et post pauca legitur v. 8. *Audiavi vocem Domini dicentis: . . . 9. Vade, & dices populo huic: Audite audientes, & nolite intelligere.* Hic Dominus exercituum, qui per assumptam speciem visus est a Propheta, vel locutus est in Propheta, quis fuerit, Paulus Act. 28. v. 25. ostendit dicens: (6) *Bene Spiritus Sanctus locutus est per Isaiam Prophetam ad patres nostros, 26. dicens: Vade ad populum istum, & dic ad eos: Aure audietis, & non intelligetis: & videntes videbitis, & non perspicietis.* Ergo Spiritus Sanctus est ille Dominus, quem vidit Isaias, & qui locutus est per Isaiam.

Videamus autem, quid trina hac repetitione figuratur: *Sanctus, Sanctus, Sanctus* (7); nec dubium, quin hic honor, & laus ad totam pertinet Trinitatem. Isaias enim cum dicit: *Vidi Dominum*, Patrem creditur prædicasse Judæis. Sed Johannes

L I 2

Evan-

(4) Posteaquam Moneta disertissimis Sacrarum Scripturarum Testimoniis Athanasii in Epistolis ad Serapionem, Gregorii Nazianzeni Orat. xxxvii. Didymi lib. de Spiritu Sancto Epiphani Hæresi lxxiv. Cyrilli Alexandrini Dialogo vii. de Trinitate aliorumque Patrum studia æmulatus; rationum momenta quædam asserere instituit; non quo vim maximam iis inesse; sed quo pulsari iissem hæreticos Catharos posse arbitraretur. Ac præclare quidem noster in Proœmio totius operis pag. 2. *Unum autem, inquit, peto a Lectoribus istius operis, ut si qua argumenta, vel responsiones contra hæreticos sibi visa fuerint debilia; non me mordeant; sed potius inexperientia suæ contra hæreticos, quod sibi talia videntur, adscribant.*

(5) Adorare quidem se aiebant Cathari Albanenses Patrem Filium, & Spiritum Sanctum, quamvis de Patre Filio, & Spiritu Sancto non recte sentirent. Velut etiam Pauliciani Anathema illi dicebant, qui non crederet in Trinitatem; etsi prava esset illorum de Trinitate ipsa sententia. Photius lib. I. Contra Manichæos n. vi. pag. 18. seqq. *Dicunt, inquit Pauliciani, Patrem, & Filium, & Spiritum Sanctum: verba quidem pia, sed extremam ipsis impietatem subijciunt. Non enim ut Catholica, & Apostolica Dei Ecclesia sentiunt; dum sic loquuntur; sed dicta inde excerpta impiissimis sententiis adjuncta celebrant, & libentissime dicunt: Anathema sint quotquot non credunt in Patrem, & Filium, & Spiritum Sanctum. Hactenus Photius. Jam vero adorationem Deo uni semper, creaturæ autem adhiberi numquam licere, testata res est.*

(*) Quod duobus asteriscis complexi sumus, deest e Codd. Bon. & Vatic.

(6) Cyrillus Alexandrinus in Excerpt. de Spiritu Sancto post vii. Dialogum de Trinitate pag. 669. Tom. v. Opp. 3, Beatus Propheta Isaias, inquit, *Vidi ait Dominum Sabaoth sedentem super thronum excelsum, & elevatum &c. . .* At hanc vocem a Spiritu Sancto factam esse B. Paulus ait: Sic autem scriptum est in Actis de ipso, & Judæis: *quumque invicem non essent consentientes, discedebant, dicente Paulo unum verbum, quia bene Spiritus Sanctus loquutus est per Isaiam Prophetam ad Patres nostros, dicens: Vade ad populum hunc, & dic ad eos: Aure audietis, & non intelligetis, & videntes videbitis, & non perspicietis.* At quomodo loquente Domino exercituum Spiritus est, qui loquitur, si creatus est? Atqui rerum istuc non est, sed ut Spiritus Domini Sabaoth, & proprius ejus secundum naturam, quæ eis loquitur. Eodem recidunt, quæ ex Actorum Apostolicorum testimonio mox indicato, concludunt Patres Gregorius Nisænus, Basilus, Adacius, Cerealis, Victor Uticensis, & Proclus Oratione xvi. quos recenset Dionysius Petavius lib. II. De Trinitate Cap. xlii. n. 2. Tom. II. Theolog. Dogm.

(7) Uti sunt etiam hoc testimonio Isaiæ Veteres Patres, ut Spiritus Sancti divinitatem adstruerent, non solo tamen, sed conjuncto cum eo Pauli, quod notatione superiore Cyrillus adhibet, Vide illos, quos ibidem recensui, Patres.

Evangelista Filium ibi declarat intelligi, dicens c. 12. v. 39. *Non poterant credere*, supple Jesum. Quare &c. Quod autem illud supplendum sit, patet, parum antea cum dicitur v. 37. *Cum tanta signa fecisset coram eis, non credebant in eum*. Quod ibidem dixit Isaias: *Vidi Dominum*, Apostolus, ut diximus, Spiritum Sanctum fuisse confirmat.

Præterea, quod Spiritus Sanctus sit Deus, potest haberi ex eo, quod dicitur Act. 10. v. 45. *Obstupuerunt ex circumcissione fideles* (8), *qui venerant cum Petro: quia & in nationes gratia Spiritus Sancti effusa est*. Vides, quod Spiritus Sanctus non de alieno, sed de suo gratiam dedit: ut docuit Petrus dicens Act. 11. v. 17. *Ergo eandem gratiam dedit illis Deus*. Vides ergo, quod Spiritum Sanctum quandoque proprio nomine nominat; dicens enim Spiritum Sanctum, & communi nomine tres Personas Deum ipsum appellans. Soli enim Deo convenit de suo carismatum dona largiri, ut de eo Apostolus dicat 1. Corinth. 15. v. 10. *Abundantius illis omnibus laboravi: non ego autem, sed gratia Dei mecum*. Unde Petrus Act. 11. v. 17. *Ego quis eram, qui possem prohibere Deum*, ne daret Spiritum Sanctum, id est, seipsum credentibus in nomine Jesu Christi? v. 18. *His auditis, tacuerunt, & glorificaverunt Deum, dicentes: Ergo & Gentibus poenitentiam dedit Deus ad vitam*; Dei nomine Spiritum Sanctum significantes, de quo prius dictum est: *Obstupuerunt &c.* Ephes. 4. v. 4. unus esse perhibetur. Et 1. Corinth. 12. v. 13. *In uno Spiritu omnes nos in unum corpus baptizati sumus, sive Judæi, sive Gentiles, sive servi, sive liberi: & omnes in uno Spiritu potati sumus*. Si de multitudine creaturarum esset, ad quid diceretur esse unus Spiritus? immo & multi Spiritus Sancti.

Forte dicit, sicut Macedonius ait, propter excellentiam suam similiter alios omnes. A quo quærendum est: (9) utrum hoc testimonio Scripturæ possit ostendere? Quod cum facere non valeat, obmutescat.

Præterea constat, quod Satan voluit esse similis, id est, æqualis Altissimo. Nullum ergo superiorem se habuit in cælestibus Angelis, alioquin magis, & plus se illi conferre, vel proferre tentasset. Patet ergo, quod quia nullum ante se stare in ordine militiæ cælestis aspexit, ipsi universorum Domino æquare se præsumpisset. [*]

(8) Adeundus Dionysius Petavius lib. 11. De Trinitate Cap. xvi. n. 3. Tom. 11. Theolog. Dogm. quo loco hoc aliisque testimoniis, quæ subjicit noster, Macedonianos Socinianosque exagitat.

(9) Quis tuerit Macedonii error de Spiritu Sancto, ostensum a nobis est prima in hoc caput notatione. Sed nihil impedit, quo minus *ἐν τῷ* illud Athanasii hoc loco adhibeam, quod est ad rem nostram maxime accommodatum: *Epist. I. ad Serapionem n. xi. pag. 659. Tom. I. Parte 11. Opp.*, Illi, inquit, *Pneumatomachi*, vere tropici, seu verfatiles tædere cum Arianis inito, ac inter se impictate adversus divinitatem divisa, ut videlicet illi Filium, ipsi Spiritum rem creatam esse pugnent, tropos, ut iidem loquuntur, effingere, atque illud etiam, quod recte ad *Timotheum* scripsit Apostolus, male interpretari ausi sunt. *Coram Deo, & Christo Jesu, & electis Angelis, ut hæc custodias sine præjudicio, nihil faciens ex inspiratione*. Ex quibus illi concludunt, quod cum Deum, & Christum nominaverit, deindeque Angelos, necesse est Spiritum inter Angelos annumerari, cumque ex illorum esse ordine, atque ANGELUM MAJOREM ALIIS ESSE. Primo hoc impii Valentini inventum est, neque latet ipsos eadem ac illum loqui. Ille siquidem dixit, quod misso Paraclito,

§. II.

Probatio, quod Spiritus Sanctus est essentialis Patri, & Filio.

Quod Spiritus Sanctus Deus sit substantialiter, scilicet unius substantiæ cum Patre, & Filio, satis potest patere ex eo, quod coæqualis est eis: quod non concedunt Cathari, qui unum asserunt (10) principium. Immo ponunt Patrem majorem Filio in deitate, & Filium majorem Spiritu Sancto: quod potest improbari per illud, quod dictum est in cap. de deitate Filii Dei, ubi probatum est, Filium esse æqualem Patri: quidquid enim habet Deus, a se habet, non aliunde. Sed quod est, habet ab essentia. Ergo essentia Dei est ipse Deus. Similiter, quod sapit, habet a Sapientia. Ergo Sapientia Dei est ipse Deus. Item quod potest, habet a potentia. Ergo potentia Dei est ipse Deus, & sic de bonitate, & justitia, & misericordia, & in omnibus, quæ de Deo dicuntur. Unde dicitur: quidquid dicitur de Deo, Deus est. Cum ergo potentia Dei sit ipse Deus, sicut & essentia Dei Deus est. Ergo potentia in Deo idem est quod essentia. Ergo si Spiritus Sanctus est ejusdem essentiæ cum Patre, & Filio, ut ostensum est, erit etiam unius potentiæ. Ergo Spiritus Sanctus coomnipotens est Deo Patri, & Filio ejus. Ergo est æqualis ei, non minor eo.

Præterea, quomodo potest esse, quod cadat ibi majoritas, vel minoritas? Si enim Deus Pater Deus est essentialiter, & Filius, & Spiritus Sanctus similiter, necessario erunt tres Dii: (11) magnus, major, maximus.

Præterea, quidquid in Deo est, Deus est, sicut potest probari per hoc, quod non aliunde, quam ab ipso est Deus potens, sapiens, bonus, justus &c. Idem ergo est deitas, quod magnitudo, sapientia &c. Sed deitas in se non recipit magis, & minus, quia nulla substantia hoc recipit. Ergo nec ejus magnitudo, cum non sit ibi aliud magnitudo, quam deitas. Ergo una persona non est major alia.

§. III.

una cum illo corvæ ejus Angeli missi fuerint. Deinde dum Spiritum ad Angelorum naturam deducant, non advertunt se Angelos, in Trinitate collocare. Nam si secundum illos, post Patrem, & Filium sequuntur Angeli: certe e Trinitate sunt Angeli, nec jam sunt: *Administratores Spiritus in ministerium missi*: nec ipsi Sancti efficiuntur, sed potius alios Sanctos efficiunt.

(10) Non illi tantum, qui unum admittebant principium, sed assertores quoque duorum principiorum Filium esse minorem Patre, Spiritumque Sanctum minorem Filio contendebant. Adversus Reinierum Sachonum Tom. I. *Theauri Anecdotor. Martenii col. 1768*. Immo vero, ne omnes quidem Cathari Concorrenses quorum propria erat de uno principio sententia, in hac opinione de inæqualibus personis, verfabantur; etenim *Isti bene sentiunt*, inquit Sachonus, *col. 1773. De uno principio tantum; sed multi ex eis errant in Trinitate, & unitate*.

(11) Id vero concessisse videtur Philoponus Tritheita, cui Gobarus accessit: ut qui æqualem esse Filium Patri, sed tamen divinum a Patre affirmavit. Vide Dionysium Petavium Lib. 14. De Trinitate Cap. 1x. n. 16. Tom. 11. *Theologici dogmatum*.

§. III.

Testimonia, quod tres Personæ sunt unus Deus.

Vlfo, & ostenso quod tres Personæ, scilicet Pater, & Filius, & Spiritus Sanctus sunt consubstantiales, & coæternæ, & coæquales, satis patet, quod tres Personæ sunt unus Deus essentialiter. Ut autem hoc magis eluceat, aliqua alia testimonia ad istud inducamus.

Et primo illud, quod dixit Dominus discipulis suis Matth. ultimo v. 19. *Euntes docete omnes gentes, (12) baptizantes eos in nomine Patris, & Filii, & Spiritus Sancti*. Non dixit: in nominibus, ut ostenderet, quod non est pluralitas substantiarum in tribus Personis, sed unitas. Et Isa. 6. v. 3. *Sanctus, Sanctus, (13) Sanctus, Dominus Deus exercituum*. Ter dixit: *Sanctus*, & subjunxit: *Dominus Deus exercituum*, ut Trinitatem Personarum innueret in unitate substantiæ divinæ. Et David Psal. 66. v. 8. *Benedicat nos Deus, Deus noster, benedicat nos Deus*. Ter dixit: *Deus* propter Trinitatem personarum; & subjunxit: *Et metuant eum omnes fines terræ*. Non dixit eos, ut similiter eorum insinuet unitatem.

Præterea 1. Jo: 5. v. 7. *Tres sunt, qui testimonium dant in cælo: (14) Pater, Verbum, & Spiritus Sanctus: & hi tres unum sunt*. Ergo vel unum in substantia, vel unum in accidente. Sed non sunt unum in accidente, quia Deo nihil accidens esse potest: ut enim prius ostensum est: quidquid in Deo est, Deus est. Ergo sunt unum in substantia.

Istam autem observationem ideo feci, quoniam ipsi Hæretici dicunt, quod hi tres dicuntur unum, quia sunt (15) unius voluntatis. Sed illa voluntas, aut substantia, aut accidens est? Trium

[12] Pelagius Papa I. *Epistola ad Childebertum regem*, quæ exstat Tom. 1. Conciliorum Galliæ Collectionis Sirmondi pag. 311. In nomine, inquit, non nominibus, ut & unum Deum per indistinctum essentiæ nomen ostenderet; & personarum discretionem suis demonstratum proprietatibus edoceret: quia dum tribus unum trinitatis nomen est equalitas, ostenditur personarum: & rursus equalitas personarum nihil extraneum, nihil accedens in eis permittit intelligi. Ejusmodi sunt, quæ ex Basilio Magno, Faustino, & Cyrillo libro xvi. *Theaurorum* affert Petavius libro II. *De Trinitate* Cap. xii. n. 8. quam consulat velim Lector.

[13] Auctor disputationis contra Arium inter Opera Sancti Athanasii Tom. II. pag. 228. eodem utitur argumento. n. 44. *Cum vidisset Isaias Domini gloriam, & Sanctarum virtutum exercitus quid ait illas, inter divinas laudes dicere? Nonne Sanctus, Sanctus, Sanctus? Quare nec numerum istum in cantando transcendunt, nec quid, ex eo detrahunt? Profecto ea de causa, quod præter Trinitatem nefas sit quemquam hujusmodi honore affici, ut & quid ex illo hymno detrahi propter Sanctam, & beatam Trinitatis divinitatem, in unitate se ipsa contentam. Quod autem sequitur ex Psalmō lxi. v. 6. assertur ab Auctore Operis *De Communi essentiâ Patris & Filii & Spiritus Sancti contra Arianos* pag. 12. Tom. II. Opp. S. Athanasii. Nec vero injuria hoc genere testimoniorum contra Catharos utitur noster Moneta; cum illa Psalmis, & Prophetis minime abhorrent; id quod sæpe ac multum est a nobis animadversum.*

[14] Sunt qui verentur, ut hic versus Johanni Apostolo acceptus referri debeat. Negavit initio Erasmus, sed vi veritatis deinde coactus, Johanni ipsi restituit. Sed non ita Sociniani tamen, qui ab Apostolo ultro abjudicant, quod cernunt sibi esse maxime adversarium. Seculo Superiore Richardus Simonius *ἐν τῷ*

Personarum accidens non potest esse, ut dictum est. Ergo est substantia ipsarum. Ergo si sunt unius voluntatis, sunt unius quoque substantiæ.

§. IV.

Probatio Hæretici, quod Spiritus Sanctus non est Deus.

Vlfo, quod Spiritus Sanctus Deus est, & æqualis Patri, & Filio, videamus quibus de causis moti sunt ad dicendum, quod non sit Deus.

HÆR. Ad hoc autem inducuntur, & alios procurant inducere per ea, quæ sequuntur. Ad illud igitur inducunt, quod habetur Jo: 14. v. 15. *Si diligitis me, mandata mea servate*. 16. *Et ego rogabo Patrem, & alium Paraclitum dabit vobis, ut maneat vobiscum in æternum*, 17. *Spiritum veritatis, (16) quem Mundus non potest accipere*. Ex hoc patet, quod Spiritum Sanctum, qui est Spiritus veritatis, appellat alium Paraclitum, idest, alium Consolatorem. Si Spiritus Sanctus est alius Consolator, quam Filius: ergo vel est alius Deus, vel ad minus non est Deus.

SOLUTIO. Spiritus Sanctus Paraclitus, idest, Consolator est Discipulorum Christi: Christus etiam Consolator est eorum; Spiritus vero Sanctus alius est in persona a Christo, licet idem sit cum eo in substantia divina, & cum Patre similiter, ut prius ostendimus. Et per hoc non sequitur, quod Spiritus Sanctus sit alius Deus, quam Filius, vel quod Spiritus Sanctus non sit Deus; sed bene sequitur, quod sit alia Persona. Hoc sufficiat Hæreticis.

Quantum autem ad Catholicos dicendum est, quod *alium* in verbis Johannis sumitur substantive, & est sensus: *alium Paraclitum dabit vobis*; alium, scilicet a me in persona, non in substantia.

HÆR. Ad idem inducunt illud Jo: 16. v. 14. ubi

Chri-

idem Johanni detraxit. Sed contra sentiunt gravissimi viri. Calmetus *Dissert. Epistolæ huic Johannis Præfixa per tot. & Millius* homo ceteroqui ex hæresi Anglicana, quam Episcopatum vocant; in notis ad Novum Testamentum Græcum, pag. 741. seq. quævis in utramque partem disputat, se tamen in eam propendere indicat opinionem, ut Johanni tribuendum esse arbitretur. Consule quæ ex Patribus idem Millius congeffit testimonia, quæ hoc ipso versiculo usi sunt.

(15) Ita scilicet, ut Arianī, & Eunomiani olim, nunc autem Sociniani respondebant Cathari. Sed vide, quæ disputat Dionysius Patavius lib. II. *De Trinitate* Cap. viii. n. x. seqq.

(16) Immo vero hoc ipso testimonio Christi, Macedonianos, aliosque generis ejusdem hæreticos vexat Magnus Athanasius in libro *De Trinitate & Spiritu Sancto* n. 7. pag. 271. Tom. I. *Parte II. Audiant ipsum*, inquit, & *de Spiritu dicentem*: Si diligitis me &c. *Advertant igitur & Apostolos quidem cognoscentes & Spiritum, & Filium, & Patrem: mundum vero miserabilem*, quia non cognoverunt Patrem neque me: & iterum Paraclitum Spiritum veritatis, quem mundus non potest accipere, quia non videt, nec cognoscit eum. *Significanter autem Dominus & alium Paraclitum esse dixit Spiritum Sanctum: quoniam ipse Paraclitus est, sicut Johannes in Epistola sua ait*: Hæc vobis scripsi, ut non peccetis, quod si peccaverimus, Paraclitum habemus ad Patrem Jesum Christum, & ipse propitiatio est pro peccatis nostris: *Ut docerentur Spiritus cum Filio æqualitatem. Quare vero non terret eos Dominus, qui fidei Sacramentum Apostolis tradens, dicit*: Euntes nunc docete omnes gentes, baptizantes eos in Nomine Patris, & Filii, & Spiritus Sancti &c. Quæ eodem atque responsum Monetæ recidunt.

Christus ait de Spiritu Sancto : *ille me (17) clarificabit : quia de meo accipiet , & annuntiabit vobis .* Et parum ante dixerat v. 13. *non enim loquitur a semetipso , sed quaecumque audiet loquetur , & quæ ventura sunt annuntiabit vobis .* Ex quibus concludunt , quod Spiritus Sanctus addiscit , & accipit quod prius non habuit , & ita non est Deus .

SOLUTIO . Dico : istud audire spirituale est , non corporale . Nam & Deus Pater audire dicitur , ut patet 1. Jo. 5. v. 14. *Hæc est fiducia , quam habemus ad eum : quia quodcumque petierimus secundum voluntatem ejus , audit nos .* Numquid corporali aure , aut auditu audit nos ? Non . Similiter dico , quod Filius dicitur audire a Patre Jo. 15. v. 15. *Omnia quaecumque audiui a Patre meo &c.* Et Spiritus Sanctus dicitur audire a Patre , & Filio . Sed istud audire intellectuale est : unde audire idem est , quod intelligere , & audire a Patre est intelligere a Patre , & intelligere a Patre est esse a Patre . Similiter cum Filius dicitur accipere esse a Patre , intelligitur quod generetur a Patre : cum dicitur quod accipit scientiam a Patre , intelligitur quod generatur sciens a Patre . Similiter de Spiritu Sancto intelligendum est , quod accipiat esse a Patre , & Filio , idest , procedat ab eis secundum suum esse , & sicut supra diximus , quod generatio Filii non est nisi essentia Filii , prout in Filio est a Patre : ita etiam processio Spiritus Sancti non est , nisi ejus essentia , in quantum est in Spiritu Sancto a Patre , & Filio . Et sicut de Filio , & Spiritu Sancto supra probatum est , quod suum esse æternum est , idest , sine inceptione essendi ; similiter ejus scire , quod idem est , ac esse , ut probatum est , æternum est . Et sicut calor ignis procedit ab igne , & processit semper postquam ignis fuit , & procedet donec ignis erit ; ita & Spiritus Sanctus semper processit , & procedit a Patre , & Filio , & procedet . Item accepit , accipit , & accipiet a Patre , & Filio , & audivit , audit , & audiet ; ita scivit , scit , & sciet . Non est ergo audire idem , quod addiscere ; Sed scire a Patre , & Filio . Propter hoc dicitur : *non enim loquitur a semetipso ; quia non est , nec scit a se ; solus enim Pater de alia persona non est .* Unde & Filius de se dixit Jo. 7. v. 28. *A meipso non veni (18) ;* & post pauca dicit v. 29. *Ego scio eum , quia ab ipso sum , & ipse me misit .* Propterea Jo. 14. v. 10. dicebat : *Verba , quæ ego loquor vobis , a me ipso non loquor .*

(17) Simile quidpiam Pneumatomachi in Catholicos contorquebant apud Athanasium Epistola I. ad Serapionem n. 20. 21. pag. 669. Tom. I. Opp. Vide Auctorem Dialogorum De Sancta Trinitate : Dialog. I. n. 22. pag. 485. & alterum contra Macedonianos Dialog. I. n. 17. pag. 552. Tom. II. Opp. S. Athanasii. Arripuit hoc lubens etiam Crellius Ebionit. Socinianus lib. I. Sectione III. Quasi sit ineluctabile quod inde elicit argumentum .

(18) Eodem recidit Athanasii responsum Epistola I. ad Serapionem pag. 669. seqq. Filius dicit , inquit , quæ audiui a Patre hæc loquor in mundo . Spiritus autem ex filio quoque accipit : De meo , inquit , accipiet , & annuntiabit vobis Cum ergo eundem Ordinem eandemque naturam habeat Spiritus erga Filium , qualem Filius erga Patrem , qua quæso , ratione is qui Spiritum Sanctum rem creatam esse contendit , non idem necessario de Filio sentiet . Nam ut Filius , qui in Patre est in quo etiam est Pater , non est res creata , sed Patris substantia proprius est , quod & vos asseveratis : ita & Spiritum Sanctum , qui in Filio est , & in quo Filius est inter res creatas collocare , aut a Verbo

Ex his patet , quod istud argumentum non valet : Accipit . Ergo incipit habere . E contrario sequeretur ; duplex enim est accipere , scilicet æternum , & temporale , ut prius ostensum est . Substantia autem argumenti hæc esse non potest : Deus dat , vel dedit , aut dabit aliquid Filio , vel Spiritui Sancto . Ergo Deus definit illud habere , vel desit , vel definit .

HÆR. Ad idem inducunt illud Apocal. 1. v. 4. *gratia vobis , & pax ab eo , qui est , & qui erat , & qui venturus est .* Et Apocal. item 1. v. 4. *Spiritibus , qui in conspectu throni ejus sunt .* Istud de Spiritibus Angelicis non intelligitur , quia ab illis non est gratia , sed a Deo . Intelligitur ergo de Spiritu Sancto , & sic habetur , quod non est unicus Spiritus Sanctus (19) , sed septem . Ergo si unus illorum est Deus , & alii erunt .

Ad hoc respondetur , quod per septem Spiritus unicus Spiritus Sanctus essentialiter designatur , quoniam multiplex est secundum septem (20) effectus ; unde & Isa. 11. v. 2. dicitur : *requiescet super eum ,* idest , Christum hominem , *Spiritus sapientia , & intellectus &c. usque timoris Domini .* Idem autem est Spiritus Sapientia , qui & scientia , ut patet 1. Corinth. 12. v. 8. ubi dicitur : *Alii quidem datur sermo sapientia : alii autem &c.* Idem etiam est Spiritus Sapientia , & intellectus , & scientia . Sicut ergo non est alius Spiritus Sapientia , & alius Spiritus intellectus , vel scientia , sed idem , ut patet Eccl. 15. v. 5. ita etiam non est alius Spiritus consilii , quam Spiritus Sapientia , & intellectus , vel scientia . Quis enim Spiritus posset esse Spiritus consilii , si non esset Spiritus prædictorum ? Aut quomodo horum posset esse Spiritus , si non esset & Spiritus fortitudinis , & pietatis , & timoris Domini ? Nullo modo esse posset . Nonne vides , quod unicus Spiritus in essentia , multiplex est in effectu : Sap. 7. v. 23. dicitur : *humanus , benignus , & stabilis ;* humanus , ac benignus in pietate , in voluntate , & in opere ; stabilis vero in fortitudine . Idem etiam modestus dicitur propter timorem ; *finis enim modestia timor Domini ,* ut habetur Prov. 22. v. 4. Nonne etiam cap. Sap. certus dicitur ? quod quidem est propter consilium . Consulendo enim certificatur . Propter hæc , & alia , quæ numerantur 1. Corinth. 12. dicitur v. 11. *Hæc autem omnia operatur unus , atque idem Spiritus , dividens singulis prout vult .*

[*] Nec obstat , quod habetur 1. Corinth. 14. v. 32.

dividere , atque imperfectam Trinitatem reddere nefas omnino fuerit . Consule obsecro etiam Dionysium Petavium lib. III. Theologicorum Dogmatum De Trinitate . Cap. VII. §. I. seqq. Tom. II.

[19] Erat hoc monstrum opinionis proprium Catharorum Albanensium , ut non unum , sed plures esse Spiritus Paraletos contenderent , quod est animadversum ab Nostro in Proœmio lib. I. pag. 4. Verumtamen inter hosce Spiritus , præstare unum agebant , qui Spiritus principalis vocetur , ibid. pag. 5. Ut autem id utcumque probarent , testimonio Johannis per lumen scelus abutebantur .

(20) Probatur hæc Patribus sane multis interpretatio . Ceterum Benedictus Pererius aliam adhibet , quæ tamen admitti commode potest . Videtur Disp. VI. in Apocalyp. pag. 776. Edit. an. 1620.

(*) Quæ duobus asteriscis comprehensa vides , desunt e codd. Bonon. & Vatic.

v. 32. *Spiritus Prophetarum prophetis subiecti sunt*: (21) quia propter eandem rationem Spiritus Sanctus essentialiter unus ibi spiritualiter designatur. Tutius autem eis dicitur, quod Spiritus Prophetarum ibi dicuntur Angeli, qui Prophetis revelabant occulta jussu Spiritus Sancti, qui dicuntur eis subiecti in quantum administratorii; major est enim qui recumbit, quam qui ministrat, Lucæ 22. v. 27.

Sed probare nituntur Spiritum Sanctum minorem Patre, & Filio, quia Dei digitus.

Respondeo: per hoc, quod ait Lucæ 11. v. 20. *in digito Dei*, non gloriæ diminutionem, sed substantiæ demonstrat unitatem; ejusdem enim substantiæ digitus est cum corpore, cujus est digitus. Non enim honoris discrepantia monstratur, sed operationis concordia. Quod autem non sit minor Patre, vel Filio judicandus, quia dicitur digitus, patet, quia alibi digiti Domini, & Patrem, & Filium designant: unde in Psal. 8. v. 4. dicitur: *Quoniam videbo Cælos tuos, opera digitorum tuorum*. Et ne hoc totum de Filio, vel Spiritu Sancto dictum putes, alio loco Isaias, scilicet c. 40. v. 12. nomine digiti totam Trinitatem complectitur dicens: *Quis appendit tribus digitis molem terræ?* In hoc autem, quod ait, *quis*, unitatem Trium evidenter ostendit: in tribus vero digitis unius potentiae æqualitatem designat. Ex societate enim operis declaratur paritas virtutis. Dicendo ergo: *quis appendit tribus digitis &c.* spiritualiter loqui voluit de æquiparantia potentiae, & de unitate substantiæ, quæ una, eademque esse in tribus digitis approbatur. [*]

Quod autem iste Spiritus coomnipotens sit Deo Patri, patet post prædicta verba Sap. 7. v. 23. est enim *omnem* habens virtutem. Et quod sit omnisciens, patet ibidem: *omnia prospiciens*. Postea subditur ejus immensitas, cum dicitur: *qui capit omnes Spiritus*, idest, Angelos. Ex quibus omnibus evidens esse potest, quod ipse est Deus Summus, omnipotens, omnisciens, cujus magnitudinis non est finis, unicus essentialiter, multiplex per operationem, & effectus suos, ut notat Apostolus in prædicta auctoritate: *Hæc autem omnia operatur &c.*

Et ideo pluraliter designantur a B. Johanne, cum dicit Apocaly. 1. *Spiritibus, qui in conspectu throni ejus sunt*. Item a B. Paulo 1. Corinth. 14. ubi dicitur: *Spiritus Prophetarum Prophetis subiecti sunt*. Spiritus enim Sanctus, qui in prophetis locutus est, ad modum subiecti se habet; quia sicut subiectus non cogit Dominum suum; ita Spiritus Sanctus non cogebat prophetas loqui, vel tacere; ut loquerentur, vellent, nollent; aut inviti tacerent; unde unus eorum dicebat Deo Psal. 53. v. 8. *Voluntarie sacrificabo tibi*. Secus autem est in Spiritu maligno, qui quos replet, cogit aliquando clamare, vel tacere.

[*] Præterea, quod Discipuli haberent Spiritum Sanctum ante passionem, patet ex verbis Christi Jo: 17. v. 14. *Ipsi non sunt de Mundo, sicut & ego non sum de Mundo*. Ergo jam erant Christi: ergo jam habebant Spiritum ejus; sicut enim dicit Apostolus Rom. 8. v. 9. *Si quis Spiritum Christi non habet, hic non est ejus*. [*]

§. V.

Rationes Hæreticorum errantium circa Spiritum Sanctum, qui dicunt ipsum non fuisse datum ante Resurrectionem, nec ante Pentecostem.

Peccant etiam omnes Cathari, qui dicunt Spiritum Sanctum non fuisse datum Discipulis, nec aliis ante Resurrectionem (22), & ad hoc probandum.

HER. Inducunt illud, quod dixit Christus Jo. 7. v. 39. *Nondum erat Spiritus datus, quia Jhesus nondum erat glorificatus*. Et Jo. 14. v. 26. *Paraclitus autem Spiritus Sanctus, quem mittet Pater in nomine meo, ille vos docebit omnia &c.* & Jo. 15. v. 26. *Cum autem venerit Paraclitus, quem ego mittam vobis a Patre &c.* Et Jo. 16. v. 7. *Expedi vobis, ut ego vadam: si non abiero, Paraclitus non veniet ad vos; & v. 13. Cum autem venerit ille Spiritus veritatis, docebit vos omnem veritatem*. Et Jo. 20. v. 22. *Accipite Spiritum Sanctum &c.* Sic ergo prius non habebant. Item Act. 1. v. 5. *Johannes quidem baptizavit aqua, vos autem baptizabimini Spiritu Sancto &c.*

Solutio ad omnia ista est manifesta, quoniam Spiritus Sanctus datur ad multa, scilicet ad peccatorum remissionem, ad miraculorum operationem, & ad lætitiā in tribulationibus; sive consolationem, & ad robur, sive ad fortitudinem, & constantiam contra hostes tam temporales, quam spirituales. Primis duobus modis habuerunt Apostoli Spiritum Sanctum ante resurrectionem. De primo modo patet Jo. 15. v. 3. ubi Christus ait Discipulis suis: *Jam vos mundi estis propter sermonem, quem locutus sum vobis*. Et loquitur de munditia spirituali, quam habere non poterant, nisi per Spiritum Sanctum habuissent. Aut enim homo Spiritum Sanctum habet, aut Spiritum malignum. Unde si Apostoli habuissent Spiritum malignum, mundi non fuissent. Si autem eum non habebant, habebant ergo Spiritum Sanctum: quod verum est. Ut enim dicitur Lucæ 11. v. 20. *Porro si ego in digito Dei ejicio dæmonia, profectio pervenit in vos regnum Dei, quod est justitia, pax, & gaudium in Spiritu Sancto*, ut habetur Rom. 14. 17.

[*] Si autem velint dicere, quod mundi erant ab operibus malis, sed non a peccatis factis: sic ergo erant mundi tantum extrinsece, & secundum quid.

[21] De hujusce *ἐν τῷ* intelligentia diximus paullo superius.

(*) Quod duobus Asteriscis continetur desest Bon. & Vat. Cod.

(22) Fortasse communis hæc erat Catharorum Albanensium Balasitanæ opinio: etsi enim nusquam Sachonus, neque Peregrinus Priscianus ejus mentionem fecerint; tamen hoc idem conjicere

ex eo fas est, quod omnes Patriarchas, & Johannem Baptistam ipsum, malos fuisse arbitrarentur, quod simile fuit Marcionitarum, Manichæorumque sententiæ.

(*) Quæ duobus asteriscis continentur, desunt e Codd. Bon. & Vat.

quid. Quomodo ergo dicit Dominus Jo. 13. v. 10. *Qui lotus est, non indiget, nisi ut pedes lavet, sed est mundus totus?* Ne autem quis diceret, quod hoc non intelligitur de Apostolis, subdit: *Et vos mundi estis*; idest, loti toti. Unde nec lavit eis nisi pedes, ut innueret illud ad Apostolos pertinere. *Qui lotus est &c.* [*]

Habebant etiam Spiritum Sanctum ad miraculorum operationem, sicut patet Matth. 10. v. 1. ubi dicitur: *Et convocatis duodecim Discipulis suis, dedit illis potestatem spirituum immundorum, ut ejicerent eos, & curarent omnem languorem, & omnem infirmitatem.* Ista autem potestas ad miracula facienda datur per Spiritum Sanctum, ut habetur 1. Corinth. 12.

Habebant etiam Spiritum Sanctum ad eruditionem Auditorum, sed sine varietate linguarum, sicut patet Lucæ 10. de miraculorum operatione, & eruditione; ibi enim v. 9. monet eos prædicare hominibus, & dicere: *appropinquavit in vos regnum Dei.*

Præterea, si ipsi non habebant Spiritum Sanctum, quomodo stabit, quod Dominus dicit eis Matth. 5. v. 13. *Vos estis sal terræ.* Et v. 14. *Vos estis lux mundi?* Quod si sal &c. Si vani essent, evanescere non possent; vani autem essent, si Spiritum Sanctum non haberent: *Si quis Spiritum Christi non habet, hic non est ejus.* Rom. 8. v. 9.

Quod autem dicitur Jo. 7. v. 39. *Nondum erat Spiritus datus, quia Jesus nondum erat glorificatus,* intelligendum est: non erat datus ad id, ad quod postea datus est, scilicet ad constantiam in tribulationibus, & tentationibus. Istud autem potest haberi ex verbis Domini Lucæ 24. 49. *Sedete in civitate, quoadusque induamini virtute ex alto.* Idem etiam patet Act. 1. v. 8. ubi Christus ait discipulis suis: *Accipietis virtutem supervenientis Spiritus Sancti in vos &c.* Non dixit accipietis Spiritum Sanctum, sed *virtutem*, idest, robur ejus, & per consequens audaciam testificandi Christum: unde sequitur: *& eritis mihi testes in Jerusalem &c.* Iste enim Spiritus est fortitudinis Isai. 11. v. 2. Non dixit Spiritus Sancti venientis, sed *supervenientis*, idest, super illud, ad quod jam venerat, venientis Spiritus Sancti, ad robur, & constantiam, ut prædixi. Visa ergo gloria resurrectionis Christi, ad quam venit per obedientiam, & humilitatem passionis, & sputa, & similia, habiliores facti sunt ad receptionem roboris spiritualis, ut spreta hac vita transitoria aspirent ad æternam. Unde 1. Pet. 1. v. 3. dicit Petrus: *Qui secundum misericordiam suam magnam regeneravit nos in spem vivam per Resurrectionem Jesu Christi ex mortuis, 4. in hereditatem incorruptibilem, & incontaminatam, immarcescibilem, conservatam in cælis.*

Receperunt etiam Apostoli tunc Spiritum Sanctum ad consolationem in tribulatione videntes Fide, & expectantes cum certa Spe felicem commutationem hujus vitæ caducæ, & mortalis in permanentem, & immortalem, cupientes dissolvi, & esse cum Christo, & scientes, ut dicitur 2. Corinth. 5. v. 1. *Quoniam si terrestris domus &c.*

Ecce quod baptizati sunt Spiritu Sancto in Pentecoste, sicut expositum est in cap. de Johannis baptismo, & ad quod datus est eis tunc; & quomodo; quare in igneis linguis; quo modo adhuc datus non fuerat nec eis, nec aliis, ut per hoc innueretur, quod Spiritus Sanctus datus erat eis ad omnium gentium eruditionem, sicut & tunc omnibus locuti sunt linguis. In eruditionem autem eorum, quia feroces erant, necessaria erat eis fortitudo magna, immo & etiam major quam habuissent ante.

Præterea, si vis dicere, quod Discipuli nondum habebant Spiritum Sanctum ante Resurrectionem, quia dicis, quod Jesus nondum erat glorificatus. Ergo nec post Resurrectionem habuerunt eum, cum dicatur Jo. 14. 26. *Paraclitus autem &c.* ut prius. Similiter potest ostendi per alias auctoritates contra hos inductas. Sed si hoc vis dicere, sicut & dicunt, qui unum ponunt principium, quomodo stabit illud, quod Christus dicit Jo. 20. v. 22. *Insufflavit, & dixit eis: Accipite Spiritum Sanctum?* Sic enim expresse habetur, quod tunc dedit eis Spiritum Sanctum. Quomodo ergo stabit, quod dicitur Act. 1. v. 5. *Vos autem baptizabimini &c.* Item: *Si non abiero, Paraclitus non veniet ad vos?* Jo. 16. v. 7. Ex quibus patet dicendum esse, & quod priusquam resurgeret, Spiritum Sanctum habuerunt Discipuli a Christo, & post Resurrectionem iterum dedit eis in statu, & post Ascensionem in linguis igneis.

[*] Quod autem ante Resurrectionem aliqui Spiritum Sanctum habuerint ad peccatorum remissionem, patet in Matre Christi, cui Angelus ait Lucæ 1. v. 28. *Ave Maria gratia plena: Dominus tecum;* & v. 30. *Ne timeas Maria, invenisti enim gratiam apud Deum;* & v. 35. *Spiritus Sanctus superveniet in te &c.* Numquid si non essent ei peccata remissa a Deo, apud ipsum gratiam invenisset? Quamdiu enim quis in peccatis est, in offensis, & injuriis Dei est; & quamdiu sic est, non est Deo gratus, aut gratia plenus. Beata autem Virgo & Deo grata, & plena gratia, & Dominus cum ea erat.

Præterea, numquid in ipsa sibi reclinatorium fecisset Incarnationis, si fuisset immunda peccatis? Absit; ipse enim Apostolo teste 1. Corinth. 1. v. 30. *Factus est nobis sapientia a Deo;* nulla autem participatio justitiæ cum iniquitate, sicut dicitur 2. Corinth. 6. v. 14. Falso ergo locutus est dicens, quod ante Christi Resurrectionem non est datus Spiritus Sanctus alicui ad peccatorum remissionem; nec solum ad prophetandum datus est, ut tu dixisti, sed & ad Christum concipiendum: quod nullatenus factum esset, nisi prius lota fuisset. Lota autem fuit teste David, & Paulo. Hic Ephes. 4. v. 10. dicens: *Qui descendit ipse est & qui ascendit:* de quo descensu alter ait Psal. 71. v. 6. *Descendit sicut pluvia in vellus;* descendit enim in Virginem mundam eam inundans sicut pluvia vellus, de qua sibi vestem humanitatis assumpsit. Descendit etiam, sicut stillicidia super terram; ut eam fecundaret donis gratiarum, quibus plena ab Angelo dicitur, ut & illum hominem haberet benedictum fructum ventris, per quem Deus Pater fecit & secula.

Præ-

(*) Quod duobus asteriscis contentum vides; deest e Cod. Vaticano.

Præterea numquid aliqui ante Dominum iusti essent, si ejus iustitiæ peccatorum remissæ non essent? Non. Ergo remissæ erant peccata Parentibus Johannis Baptistæ: *Erant enim iusti ambo ante Deum* Luc. I. v. 16. Id etiam ostendi potest per illud, quod dictum est de Abraham, & de Patribus Veteris Testamenti lib. 2.

§. V. I.

Oppositio contra hoc, quod dicunt Spiritum Sanctum dari merito bonitatis hominis.

Tertio modo errant circa Spiritum Sanctum dicentes: ipsum dari ab homine ex merito (23) bonitatis suæ.

Quod detur hoc modo homini, volunt haberi per illud ad Galat. 3. v. 5. ubi increpans eos Apostolus, quod in operibus legalibus, scilicet circumcisione, & hujusmodi fidem, & spem ponerent, de se ipso ait: *Qui ergo tribuit vobis Spiritum, & operatur virtutes in vobis: ex operibus legis, an ex auditu fidei?* supple potestatem habet dandi Spiritum, & operandi virtutes. Quasi dicat: non ex operibus legis hoc habuit Paulus, sed ex fide, quam audivit a Christo.

Ad idem inducunt illud Jo. 20. v. 22. ubi Christus *insufflavit, & dixit: accipite Spiritum Sanctum: 23. quorum remisistis peccata, remittuntur eis: & quorum retinueritis retenta sunt.* Quid autem est peccata remittere, nisi Spiritum Sanctum, cujus virtute remittuntur, dare? Dat ergo homo Spiritum Sanctum. Ibi etiam volunt habere, quod potestas remittendi peccata non potest esse, nisi in bonis ministris, quia non legitur data nisi bonis, habentibus Spiritum Sanctum: unde prius dixit: *Accipite Spiritum Sanctum*, postea subjunxit: *quorum remisistis peccata &c.*

Ad primum respondetur, quod homo dicitur dare Spiritum Sanctum tamquam minister (24); Deus autem tamquam auctor, & principalis dator. Dat autem Spiritum Sanctum, idest, bona ejus, siue gratiam hominibus prout vult præbere ministerio Sacerdotis 1. Corinth. 4. v. 1. *Sic nos existimet homo ut ministros Christi &c.* Sacerdos autem minister est Christi cum baptizat. Est autem minister Christi in re duplici. In una, quam operatur, scilicet in invocatione Trinitatis; & in immersione aquæ, cum dicit: *Ego te baptizo in nomine Patris, & Filii, & Spiritus Sancti*; hoc enim habet a Christo, qui hoc præcepit Ecclesiæ suæ Matth. 28. v. 19. Est etiam minister in re alia, scilicet in Spiritu Sancto, siue ejus gratia; sed nec operatur gratiam, nec illam infundit homini, sed operatur ad Spiritum

Sanctum, vel ejus gratiam homini infundendam a Deo trino, & uno; a Patre scilicet, & a Filio, & a Spiritu Sancto; Spiritus enim Sanctus a se ipso datur homini: dicitur enim dari Spiritus Sanctus, quia ejus gratia infunditur ad multiplices usus, ut prius ostensum est.

Ex his potest patere, qualiter Paulus dicatur tribuisse Spiritum Sanctum Galatis, non ipsis eum infundendo; sed quia ad hoc operatus est, ut illis tribueretur a Christo in ministerio suo, scilicet in prædicatione, & baptismo: eodem modo dicuntur peccata remittere, quia ministri sunt remissionis non ipsam faciendo, sed ut ipsa a Deo fiat, aliquid operando.

Ad illud autem, quod dictum est, quod bonitas ministri exigitur, ut per ipsum Spiritus Sanctus, vel remissio peccatorum detur homini; respondetur in cap. de ministris Ecclesiæ in quarta parte hujus Operis cap. de Sacramento Ordinis.

§. V. I. I.

Probatio Ecclesiæ, quod Spiritus Sanctus non datur ab homine.

Quod autem error sit credere, quod homo proprie loquendo det Spiritum Sanctum, siue gratiam, vel peccatorum remissionem, subditis declaratur testimoniis. Hunc errorem damnat Apostolus in epistolis suis, ubi dicit: *gratia vobis, & pax a Deo Patre, & domino Jesu Christo.* Non dicit ab homine, sed a Deo, & ejus Filio, scilicet Christo Jesu, qui in quantum est Deus, unus est cum Patre, & Spiritu Sancto distributor gratiarum. Et 1. Corinth. 1. v. 10. Apostolus dicit eis: *Obsecro autem vos fratres per nomen Domini nostri Jesu Christi, ut idipsum dicatis omnes, & non sint in vobis schismata: sitis autem perfecti in eodem sensu, & in eadem sententia.* 11. *Significatum est enim mihi de vobis, fratres mei, ab iis, qui sunt Chloes, quia contentiones sunt inter vos.* 12. *Hoc autem dico, quod unusquisque vestrum dicit: Ego quidem sum Pauli: Ego autem Apollo: Ego vero Caphæ: Ego autem Christi. Divisus est Christus? Numquid Paulus crucifixus est pro vobis? Aut in nomine Pauli baptizati estis? Ubi non errarent, si dicerent se esse baptizatos exterius a Baptistis suis, nec si isto modo dicerent: ego sum hujus, vel illius baptizatus. Sed in hoc errabant isti Corinthii, quia putabant in baptismo dari Spiritum Sanctum a Baptista suo non tantum ut ministro, sed ut auctore ipsius Spiritus Sancti, siue ejus gratiæ in homine. Putabant etiam ipsum dari ab uno magis, quam ab alio fecun-*

M m

cun-

(23) Peregrinus Priscianus, apud Muratorium Tom. v. *Dissert. Antiquit. Medii Ævi.* Pag. 96. *Quod homo potest dare Spiritum Sanctum* [dicunt] *Albanenses, Bagnolenses, Concorrenses.* Cujusmodi autem esset hoc, explicat paulo post Moneta. Nempe non a Trinitate, a Deo nempe Opt. Max. sed a ministro infundi gratiam jactabant Catharorum Magistri. Vide Sachonum pag. 1762. Tom. v. *Thesauri Anecdotor. Martenii.* An hi, qui Spiritum se conferre posse gloriabantur Cathari, similes fuerint, aut germina Catharistarum, purificatorum e. vetere Manichaica factione, de quibus differit Augustinus libro *De Hæresibus ad Quod*

vult. Cap. XLVI. Tom. VII. I. *Operum* dijudicare Lector facile poterit.

(24) S. Thomas I. II. Parte *Quæstione* LXIV. *Articulo* I. per totum copiose imprimis, ac solide, uti solet, tractat hoc argumentum. Castigandus autem P. Seraphinus Capponus a Porrecta, qui in *Append. ad eundem S. Thomæ Articulum* Albanensium fuisse hunc errorem proprium ait: Vidimus enim notatione superiore, non Albanenses tantum; verum etiam Bajolenses, & Concorrenses, huic hæresi fuisse addictos.

cundum maiorem, vel minorem bonitatem Baptistæ; & ideo se jactantes dicebant: *Ego sum Pauli supple baptizatus*; & sic de aliis usque *ego autem Christi*. Iste bene dicebat, sive intelligeret de baptismo interiori, idest, infusione gratiæ Spiritus Sancti in homine; sive de baptismo exteriori, scilicet immersione cum invocatione Patris, & Filii, & Spiritus Sancti. Hoc enim operatur Christus in quantum Deus ut auctor principalis, & sacerdos ut minister operatur illud idem; sed gratiam in anima ponit solus Christus: unde solus ipse operatur baptismum interiorem; sacerdos autem non operatur illum, sed operatur ad illum a Christo fiendum. Et quia Corinthii putabant illud a Baptista fieri, ideo arguit eos Paulus dicens: *Unusquisque vestrum dicit: Ego quidem sum Pauli* &c. Isti male dicebant, & male sentiebant credentes, quod Baptistæ gratiam Sancti Spiritus in animabus suis posuissent. Unde ab hoc errore revocat eos propter damnum, quod inde statim habent; quia hoc ipso Christus ab eis divisus est. Et hæc expositio tibi sufficiat ad Hæreticos.

Revocat etiam eos ab eodem per formam Baptismi, & per Passionem Christi. In forma enim Baptismi, quando baptizati fuerant, non fuerat dictum: *Ego te baptizo in nomine Pauli*, sed in nomine Domini nostri Jesu Christi. Ergo non debebant Baptismum suum homini attribuere, sed illi soli, in cujus virtute baptizati fuerant: de quo dicitur Jo: 1. v. 33. *Hic est, qui baptizat in Spiritu Sancto*: hic, non alius. Quis enim posset dimittere peccata, nisi solus Deus?

Per passionem etiam revocat, quia Paulus, vel alius homo non erat pro eis purgandus a peccatis, sed solus Christus, *qui traditus est propter delicta nostra, & resurrexit propter justificationem nostram*, ut dicitur Rom. 4. v. 25. Propter hoc dicit Apostolus 1. Corinth. 3. v. 4. *Quid igitur est Apollo? Quid vero Paulus? 5. Ministri ejus, cui credidistis, & unicuique sicut Dominus dedit*: quasi diceret: *non uno modo ministri sumus*: unde subdit v. 6. *Ego plantavi* supple in fidelibus prædicando: *Apollo rigavit* baptizando. Paulus enim prædicationi intendebat; Apollo vero conversos in prædicatione ejus ad Fidem Christi baptizabat. *Sed Deus incrementum dedit*, idest, Spiritum Sanctum, sive gratiam ejus, per quam crescit homo. Ecce dicit: *Sed Deus incrementum dedit*: quasi diceret: non homo. Unde concludens ex eo, quod dixerat: *Ego plantavi, Apollo rigavit: sed Deus incrementum dedit*, subdit v. 7. *Itaque neque qui plantat est ali-*

quid, neque qui rigat, sed, qui incrementum dat, Deus. Constat, quod Paulus aliquid erat, similiter & Apollo; quia bonus, & sanctus homo uterque erat. Quomodo ergo dicit, quod neuter eorum aliquid est? Quia neuter eorum dat gratiam animæ, eam in anima ponendo; quia neuter eorum ex sui bonitate dat eam, sed Deus solus est, qui dat intrinsecus incrementum, idest, gratiam Spiritus Sancti. Qui plantat, & qui rigat unum sunt, idest, conveniunt in hoc, quod non ponunt aliquid in anima; sed differunt in labore, quia unus plantat, idest, prædicat, & sic perducit homines ad fidem: alius rigat, idest, baptizat. Et propter hoc unusquisque propriam mercedem accipiet secundum suum laborem. Major enim labor est in prædicando, quam in rigando.

Præterea Act. 2. v. 38. dixit Petrus Judæis: *Pœnitentiam agite, & baptizetur unusquisque vestrum in nomine Jesu Christi, in remissionem peccatorum vestrorum: & accipietis donum Spiritus Sancti*. Et Act. 8. v. 17. dicitur, quod Petrus, & Johannes imponebant manus super illos; idest, Samaritanos, & accipiebant Spiritum Sanctum. Non dicitur, quod Discipuli darent eis. Ibidem v. 18. *Cum vidisset autem Simon, quia per impositionem manus Apostolorum daretur Spiritus Sanctus, obtulit eis pecuniam*, 19. dicens: *date & mihi hanc potestatem, ut cuicumque imposuero manus, accipiat Spiritum Sanctum*. Petrus autem dixit ad eum: 20. *Pecunia tua tecum sit in perditionem: quoniam donum Dei existimasti pecunia possideri*. Nota, quod Simon Magus dixerat Apostolis: *date & mihi hanc potestatem*; ac si eorum esset dare eam pro pecunia. Petrus autem dixit corripiens eum de illis duobus: *Pecunia tua tecum sit in perditionem &c.* Donum Dei dicit, non hominis, quia illa potestas non est nisi a Deo per gratiam ipsius, non ab homine.

§. VIII.

Contra hoc, quod dicunt Hæretici, quod semel habens Spiritum Sanctum peccare non potest. (25)

Quarto modo errant Hæretici putantes, quod si aliquis peccat, prius Spiritum Sanctum non habuerit; & sic cadunt in hunc errorem, quod nullus Spiritum Sanctum habens potest peccare, idest, contra mandatum Dei, vel Ecclesiæ venire. Quod

(25) *Manus impositio vocatur ab eis (Catharis) consolamentum, & Spirituale baptismum Spiritus Sancti, sine qua secundum eos nec peccatum mortale remittitur, nec Spiritus Sanctus alicui datur*. Sachonus col. 1762. qui paucis describit, quæ esset in hac re inter Albanenses, & ceteras Ecclesias Catharorum dissensio. Hinc Armannus Pungilupus Ferrariensis in *Examin. Testium* an. 1270. usque ad an. 1288. Cap. 11. pag. 121. seq. Apud Murator. Tom. v. *Aniquit. Medii Ævi*, traducitur, quod manus impositionem, hoc est consolamentum a Catharis Bajolensibus acceperit. Ergo, qui ita fuissent *Manus impositione initiati*, acceperuntque, ut illi jactabant, Spiritum Sanctum, in seculum posthac incidere, minime poterant, Catharorum quidem Iudicio. Nempe exigua erat inter hos, & Origenianos, ac Pelagianos discrepantia: quippe cum Cathari, posse hominem Spiritum assequi, atque ea gratia ne minimo quidem peccato esse obno-

xium; Pelagiani vero tam perfectum evadere posse quemquam ut nulli ne exiguo quidem piaculo succumbere arbitrarentur. Videatur S. August. lib. de *Dono Perseverantiae* Cap. 11. & Eminentissimus Cardinalis Norisius, vir summa doctrina, & eruditione solida, & Orthodoxa, lib. 1. *Hist. Pelagiana* Cap. 1. Nemo etiam homo est in historia Ecclesiæ versatus, qui nesciat, electos Basilidianorum, aliorumque Gnosticorum generis ejusdem, *impeccabiles* fuisse ab ipsis existimatos. Inest etiam nescio quid simile in novorum hæreticorum doctrina. Nam Synodus Dordracena Cap. v. *Doctr. Rej. Error. pag. 314.* rejicit eorum sententiam, *qui docent vere fideles, ac regenitos posse peccare peccato ad mortem vel in Spiritum Sanctum*. Huic plerique omnes Protestantes assentiuntur. Verum quemadmodum id intelligant, cernere quis apud Vvallemburkios Fratres poterit: *Tract. de Justificatione* Cap. LXXXVII. pag. 513. Tom. 11. *Controvers.*

Quod autem ita credant, patet ex reconsolatione. Illis enim peccantibus, qui manum imposuerit aliquibus, illi, qui receperunt manus impositionem, ab illis reconsolantur: quod minime facerent, si illos Spiritum Sanctum habuisse crederent, putant enim Spiritum Sanctum non habuisse. Unde se non credunt ab eis accepisse Spiritum Sanctum. O fides miserrima! Ergo qui dormierunt, immo etiam combusti sunt pro illa fide, recepta prius manus impositione ab illis, & vita illius sectæ servata, ex toto perierunt: quod etiam ipsi confessi sunt aliquando.

Præterea dic mihi: quare reconsolantur (26) isti? Aut putant consolatores suos Spiritum Sanctum habuisse, aut non? Si non putant: habeo, quod prius dixi. Si putant, quare reconsolantur?

Si tu dicas, quia nesciunt an consolatores sui habuerint Spiritum Sanctum, an non.

Contra. Neminem de tuis consolatoribus scis Spiritum Sanctum habere, vel non habere. Ergo oportet te omni die, & nocte novos consolatores invenire, & de novo reconsolari.

Videamus unde moti sunt ad hoc dicendum. Moti autem sunt ex eo, quod legitur 1. Jo. 3. v. 9. *Qui natus est ex Deo peccatum non* (27) *facit*. Hoc autem solutum est lib. 1. cap. 1. circa finem primæ partis cap.

Aliæ autem authoritates, quas inducunt v. 5. *Nemo mittens manum ad aratrum &c. Qui dixerit verbum &c. Impossibile eos, qui semel &c. Voluntarie enim vobis peccantibus &c. Qui scit fratrem suum &c.* in cap. de pœnitentia solutæ sunt. [*]

Quod autem possit amitti Spiritus prius habitus, habetur 2. Pet. 1. v. 9. *Cui enim non præsto sunt hæc, cæcus est &c.* Et Ephes. 4. v. 30. *Nolite contri-*

stare Spiritum Sanctum &c. 1. Thesal. 5. v. 19. *Spiritum nolite extinguere*. Hebræ. 10. v. 28. *Ir-ritam qui faciens legem Moyse &c.* 2. Pet. 2. v. 21. *Melius enim erat illis &c.* Hebræ. 10. v. 35. *Nolite itaque amittere confidentiam vestram*. De ista fiducia habetur Philip. 3. v. 3. *gloriamur*, & subjicit quomodo, cum ait: *in Christo Jesu, & non in carne fiduciam habentes*. Propter hæc, & alia similia notandum, quod aliqui Cathari dicunt modo, quod amitti potest, sed amissus recuperari non potest, si a fide recedendo, vel eam impugnando amittitur.

Contra: quod possit recuperari post acceptam notitiam veritatis patet Jacob. ultimo v. 19. *Si quis ex vobis erraverit a veritate &c.* Et Rom. 11. v. 22. *Vide ergo bonitatem, & severitatem Dei &c.* Ad Galat. 1. v. 6. *Miror, quod sic tam cito transferimini &c.* Et cap. 3. v. 1. *O insensati Galatæ &c.* Et c. 4. v. 19. *Filioli mei &c.*

§. I X.

Positio Hæreticorum, qui dicunt in Baptismo aquæ non dari Spiritum Sanctum.

Quinto etiam modo errant circa Spiritum Sanctum, putantes, quod non detur a Deo in Baptismo aquæ. Istud autem hic non prosequemur, quia in quarta parte hujus Operis supra hoc disputabimus, ostendentes quod in aquæ materialis Baptismo datur Spiritus Sanctus, & quod ille est verus Baptismus Ecclesiæ Dei, de quo Ephes. 4. v. 5. dicitur: *unum Baptisma*. Et hæc de hac tertia parte dicta sufficiant.

Explicit Liber Tertius.

(26) Videlicet sæpe ac multum consolamentum recipiebant Cathari; quamobrem hic a Moneta perstringuntur.

[*] Quod duobus asteriscis continetur deest e Cod. Vatic.

(27) Vide Sanctum Augustinum Epistola cxxxvii. al xcv. ad Innocentium Papam nomine V. Episcoporum Africa data, n. 17.


col. 628. & nostrum pag. 22. Abutuntur hoc item Johannis testimonio hæretici hujusce temporis, ut probent, non electos nunquam adoptari, & justificari, quos eamobrem recensent, multique exagitant Vvallemburkii: *De Justificatione Cap. lxxxvi. §. I. seqq. Tom. II. Controv.*

VENERABILIS PATRIS
M O N E T Æ
CREMONENSIS
 ORDINIS PRÆDICATORUM
S U M M Æ
 ADVERSUS CATHAROS, ET VALDENSES
 LIBER QVARTVS.

De Sacramentis Ecclesiæ, Resurrectione, & Judicio.

CAP. I.

De Baptismo.



UNC veniamus ad quartam partem hujus Operis, quæ in tres partes distinguitur: in prima parte agitur de Sacramentis Ecclesiæ, & hæc pars dividitur in septem Capitula; primum est de Baptismo; secundum est de Con-

firmatione; tertium est de Corpore, & Sanguine Christi; quartum est de Pœnitentia, & partibus ejus; quintum de Unctione extrema; sextum de Ordinibus Ecclesiæ; septimum de Matrimonio carnali, quod ab Hæreticis damnatur. In secunda parte agitur de Resurrectione, hæc autem pars dividitur in quatuor Capitula: primum Capitulum est de causis, propter quas inducti sunt Cathari ad negandam horum corporum Resurrectionem; secundum Capitulum est de Sententia illorum circa Resurrectionem, qui duo ponunt (1) principia; tertium Capitulum est de Resurrectione, contra illos, qui unum ponunt

(1) Dictum quidem sæpe ac multum a nobis est, Catharos Albanenses duorum principiorum, unius autem principii Bagnolenses, & Concorrezenfes fuisse propugnatores. Manuum autem impositionem Catharis probatam idcirco dari consuevisse, quod quisque homo agere debeat pœnitentiam ob scelera non in hac vita solum, sed in alia quoque cælesti, in qua debebant animæ, antequam essent detruse in corpora, patrata. Hanc porro pœnitentiam tum agi, cum fidem Catharorum incipiunt habere homines, & recipiunt manuum impositionem: ut memorie tradidit Moneta *In præm. lib. 1. pag. 4.* Est id autem mixtum nescio quid ex Messalianorum Manichæorumque doctrina; ut merito dixerit Euthymius Bogomilios qui in hac re præverunt Catharis, *Panopl. Parte II. n. xvi. Tom. XIX. Edit. Lugdun. Bibl. PP. Bogomilios, inquam, a Paullicianis, & Messalianis accepisse doctrinam. Ibid. Tit. XXI. n. 1. seqq.*

principium; quartum Capitulum est contra utroque Catharos communiter de Resurrectione. In tertia parte agitur de Judicio, & hæc pars dividitur in sex Capitula: primum Capitulum est de Judicio Pœnarum præsentium, an sit a Deo Sancto; secundum de Judicio Animarum in Purgatorio; tertium de Judicio Animarum ante diem ultimam, idest, utrum recipiant modo præmium in Paradiso, vel supplicium in Inferno; quartum de Universali Judicio an sit factum; quintum de Inferno, idest loco tormentorum quid sit; sextum de Suppliciis Malorum, & Præmiis Bonorum post Judicium, an sint futura paria, an non.

§. I.

*Divisio hujus primi Capituli,
 & Hæreticorum sistema.*

Sicuti diximus in initio Capituli primæ partem hujus quartæ Partis, primum Capitulum est de Baptismo. Circa ergo Baptismum videndum est, & primo de Baptismo Johannis; secundo de Baptismo Christi in genere; tertio de Baptismo Christi in Parvulis; cui Venerabili Sacramento hæreticus nequiter contradicens ait (2), quod nihil homi-

(2) Baptismum aquæ funditus sustulerunt Cathari, quippe qui nullam in eo vim, quæ ad salutem conferat, Dei institutione inesse arbitrantur. Nam loco baptismi, manuum impositionem adhibere, cujus rei testis locupletissimus est Reinerus Sachonus *col. 1762. ubi de communibus Catharorum opinionibus agit.* Non discrepabant Albigenfes Galli. Etenim Petrus Vallium *Cernai Hist. Albigen. Cap. II. Tom. VII. Biblioth. Cisterciensis: Sacramenta, inquit, Ecclesia adeo annullabat, ut Sacri baptismatis undam ab aqua fluviiali non distare... publice dogmatizarent.* Non omnes tamen Albigenfes ita fuisse animo comparatos, ut funditus baptismum tollerent, sed ut dicerent sine impositione manuum inutilem esse quidam, quidam contra catharis consentirent, auctor est Alanus Insulanus *Contra Valdenses & Albigen. Cap. XIIII. seqq. pag. 235. Edit. an. 1654.* Mirum autem non fuerit, si Cathari hæc opinionis generis propugnassent; cum eorum prodromi Gnostici, & M-2

homini conferat ad salutem, dicit enim quod nec peccatorum remissio, nec Spiritus Sancti gratia in eo tribuitur; impositionem autem manuum Baptismum dicunt esse Spiritus Sancti, sine qua manuum impositione neminem dicunt posse salvari, quam manuum impositionem facit Episcopus eorum, si est præsens; sin autem, eam faciunt duo, quorum unum appellant Filium majorem, & alium Filium minorem, quorum etiam officium est post Episcopum conventicula in Civitatibus ab eis habita visitare, & in doctrina sua confirmare, quamvis erronea. Si autem filii ii præsentes non fuerint, eam facit Diaconus, habent enim Daconos suos in Civitatibus, ubi habent conventicula pravitatis, qui Viris, & Mulieribus Sectæ suæ præsunt, & proprium habent hospitium, in quo Fratres extraneos qui superveniunt. hospitalitatis causa recipiunt. Si autem exposcit necessitas, etiam Subdiaconis hæc potestas ab ipsis (3) conceditur, qui autem facit impositionem manuum, post certi temporis probationem, congregata Fratrum, & Sororum multitudine, primo docet eum, cui dat manuum impositionem quid debeat credere, & qualem conversationem habere: item nullam spem ponere in Fide, aut Sacramentis Ecclesiæ Romanæ, & pro sua Fide, imo errore usque ad mortem tribulationes sustinere. Inquisitione autem facta utrum velit hoc observare, Prælati major textum Evangelii super caput ejus imponit, & alii Fratres, qui ibi sunt, manum dexteram capiti, vel humeris ejus imponunt; Prælati verò, qui librum tenet, in hæc verba prorumpens, ait, *In nomine Patris, & Filii, & Spiritus Sancti*, & septies dicta Oratione Dominica, tandem Evangelium Johannis, quod in die natalis Domini cantatur, dicit: *In principio erat Verbum &c.* His ita celebratis credunt illi omnia peccata dimitti, & gratiam Spiritus Sancti ei infundi; Si vero mortale peccatum aliquis illorum committat, iterum ei manus imponunt, credentes eum aliter non posse salvari: Imo etiam si contingat

Episcopos, aut alios, qui manus ei impositionem fecerunt, labi in mortale peccatum, licet ille in nullo offenderit, cui impositio talis facta est, eum tamen credunt ut salvari possit iterum debere idem (4) Sacramentum recipere. Item si contingat aliquos Sectæ suæ graviter infirmari, si volunt, prædicto modo eis faciunt impositionem manuum.

§. II.

De Baptismo Johannis.

Sicut diximus prius, videamus de Baptismo Johannis, in quo mirabiliter peccant; dicunt enim quod a Diabolo fuit (5) ille Baptismus, & ad nihil utilis, nisi ad impediendum Christi Baptismum, qui est impositio manuum, ut dicunt. Quod autem a Diabolo missus sit Johannes ad Baptizandum, vel ad aliquid aliud, ad hoc nullum habent testimonium, sed visiones capitis sui loquuntur, & somniant; ad quid autem sit missus, & a quo, melius patebit in capitulo de Johanne Baptista. Nunc autem spiritualiter ostendamus, quod mendacium, vel male ipsi loquuntur, qui dicunt Diabolum misisse eum ad baptizandum; legitur enim Johan. 1. v. 33. quod ipse Johannes dixit: *Qui misit me Baptizare in aqua, ille mihi dixit: Super quem videris Spiritum descendantem, & manentem super eum, hic est, qui baptizat in Spiritu Sancto.* Modo dic mihi: Tu dicis quod ipse est Diabolus, qui eum misit baptizare in aqua, & quod isto modo voluit Johannes, & indicavit ei cognoscere Christum: sed contra: Ergo Diabolus jam cognoscebat eum, si indicabat Johanni qualiter eum cognosceret. Contra: nonne dicitur de eo, & de membris ejus 1. Corinth. c. 2. v. 8. *Si enim cognovissent, nunquam Dominum gloria crucifixissent?*

Præterea: numquid Diabolus operator erroris voluisset quod Johannes, aut alius homo cognitionem

& Manichæi in eundem errorem inciderint. Ac Irenæus quidem de Gnosticis lib. 1. Cap. xxi. al. xviii. n. 4. loquens: *Quidam, inquit, eorum adducere quidem ad aquam supervacaneum esse dicunt, & admiscere autem oleum & aquam in unum, cum quibusdam profani dictionibus... mittunt super eorum caput, qui sacranitur, & hoc esse redemptionem volunt; ungentes & ipsi opobalsamo. Alii autem hæc omnia recusantes, dicunt, non oportere inenarrabilis, & invisibilis virtutis mysterium per visibiles, & corruptibiles perfici creaturas.* Hanc porro rationem per summum scelus usurpabant afflicta Balasitanæ, ut refert Sachonus col. 1762. Consule, quæ habet ibidem n. 2. & 3. Irenæus & quæ de hæresi Cajana Tertullianus lib. de Baptismo pag. 224. & Seleuciana Augustinus lib. de Hæresibus cap. lxx. col. 20. Tom. viii. Opp. exlequantur. Archelaus in Disp. cum Manete n. 50. pag. 94. intensum fuisse improbum hæresiarum baptismum indicat, cum remissionem peccatorum per illum dari negantem introducit. Sed luculentius Augustinus lib. de Hæresibus cap. xvi. col. 17. Baptismum in aqua, inquit, *Nihil cuiquam perhibent salutis afferre Manichæi, nec quemquam eorum quos accipiunt, baptizandum putant.* Soboles Manichæorum Pauliciani in hoc ipso errore versati sunt, ut prodit Photius lib. I. Contra Manichæos n. 9. pag. 29. Tom. i. Anecd. Voelfsi. Euthymius porro in Panoplia Parte II. Tit. xxii. pag. 218. Messalianos negasse baptismum ait: *Titulo autem xxiii. §. xvi. idem ipsum Bogomiliis placuisse prodit: censuisse namque Bogomilos affirmat, genus hoc Sacramenti Johannis, esse Christi; suum vero Christi esse proprium; quippe cum Spiritu, non aqua fieret. Itaque suis Cathecumenis, post expurgationes nescio quas, Johannis Evangelium imponebant, Spiritum Sanctum suum invocabant, recitabantque orationem Domini-*

cam. Jam vero hujusmodi ceremoniam baptismi nomine appellabant, ita ut Cathari manuum impositionem baptismum dicere censuerunt. Veigeliani porro recentiore memoria sec. nempe xvii. baptismo iniqui fuerunt: velut ex eorum scriptis, atque etiam ex Calorio in Anti-Bohmio, & Gaspare Calorio Fissur. Sion. lib. xvii. Cap. ii. §. xi. pag. 562. colligere licet. Quakeri quoque necessarium esse ad salutem baptismum negant: ut ex Roberto Barclajo in Apol. Theol. veræ Christianæ, Georgio Hornio de Statu Ecclesiæ Britannicæ, & Gerardo Cræso in Historia Quakerorum cognoscere quisque poterit. De aliis, qui similia tutati sunt hæreticis, vide Bellarminum lib. I. de Sacram. Baptis. Cap. IV. Zuinglius, etsi Baptismum non afficeret contumeliis, quibus illum Cathari insectabantur, negabat tamen aut peccatum ab eo tolli, aut conferri gratiam Sanctificantem. Consule Bossuetum liv. II. De l'Histoire des variations pag. 60. Tom. II. Opp. Edit. an. 1738.

(3) Vide Sachonum pag. 60. Tom. II. Opp. Edit. an. 1738. Adjungit autem Sachonus ipse, in necessitate, non solum a Subdiaconis, sed etiam a Catharibus administrari posse, sententia hæreticorum hujusmodi, manuum impositionem, seu consolamentum: *Fit autem hujus manus impositio a duobus ad minus, & non solum a prælati, sed etiam a subditis, & in necessitate a Catharibus.*

(4) Adeundus l. c. Sachonus, qui hoc unum habet: *Est etiam communis opinio Catharorum, quod per illam impositionem non fit aliquo remissio peccatorum, si illi qui manum imponunt sunt tunc in aliquo peccato mortali.*

(5) Cum Johannem Baptistam diaboli ministrum esse contenderent, ut constitit Libro superiore, consequens esse videbant, Johannis ipsius baptismum ab eodem diabolo esse profectum.

nem Christi haberet, & Baptismi Christi? Certè non, imò ut tu dicis, ad hoc misit eum baptizare in aqua, ut Christi Baptismum impediret, quem in aqua esse non ponis.

Præterea: si Baptismus Johannis impedivit Christi Baptismum, numquid Christus eum suscepisset?

Præterea: quod Deus Pater eum miserit baptizare evidenter apparet ex verbis Johannis Baptiste, qui ait ante illa verba quæ diximus Jo: 1. v. 31. *Ut manifestetur in Israel, propterea veni ego in aqua baptizare*; ergo Baptismus aquæ ipsius Johannis ad hoc erat, ut Christus cognosceretur in Israel; ergo ejus Baptismus, fuit a Christo; ergo ejus Baptismus non erat Baptismus Diaboli.

Præterea Luc. 7. v. 29. & 30. dicitur post verba Christi de Johanne Baptista: *Omnis populus audiens, & Publicani justificaverunt Deum baptizati Baptismo Johannis. Pharisei autem, & legis periti consilium Dei spreverunt in semetipsos non baptizati ab eo*. De consilio ergo Dei erat, quod ab eo baptizarentur.

Præterea: si ille Baptismus esset Baptismus Diaboli, nunquam illum Baptismum suscepisset Christus. Ad hoc autem dixit Hæreticus, quod propter scandalum vitandum suscepit Johannis Baptismum, qui tunc placebat hominibus, quod aperte mendacium est, scilicet quod propter hoc ejus Baptismum susceperet, hoc enim nunquam fecisset, si a Diabolo esset, licet inde esset scandalum, sicut etiam non curavit scandalum Phariseorum, sed dixit: *Sinite illos, cæci sunt, & duces cæcorum*: Matth. 15. v. 14.

Prætera: Imo potius erat scandalum ex ejus Baptismo, etiam ipsi Johanni, unde recusans eum baptizare, dicebat: *Ego a te debeo baptizari, & tu venis ad me?* Matth. 3. v. 14.

Præterea, quod non propter scandalum vitandum ejus Baptismum susceperet, patet ex verbis Christi ad Johannem, cui ait ibidem v. 15. *Sine modo: sic enim decet nos implere omnem justitiam*; ergo non propter scandalum, sed propter justitiam illum suscepit. Dixit etiam alius Hæresiarcha, quod ideo Christus suscepit Johannis Baptismum, ut qui latuerat manifestaretur: sed si hoc est, Baptismus Johannis ad hoc fuit finaliter ut Christus manifestaretur, sed finis iste bonus est; ergo Baptismus Johannis bonus est: Quomodo ergo a Diabolo?

Præterea numquid arbor mala fructus bonos facit? Non.

Præterea ut dicit Johannes Jo: 1. v. 31. *Ut manifestetur in Israel, propterea veni ego in aqua baptizans*: Ad hoc ergo venit Johannes, & ad hoc missus fuit baptizare, ut Christus manifestaretur. A Diabolo autem non venisset, nec missus esset baptizare propter hoc; ergo Baptismus ejus a Deo bono fuit.

Præterea dixit hæreticus ille, quod ideo a Johanne voluit baptizari, ut declararetur testimonio illorum, scilicet testimonio Johannis dicentis: *Ecce Agnus Dei, ecce qui tollit peccatum mundi*: Jo: 1. v. 29. Item testimonio Spiritus Sancti de-

scendentis supra Christum in specie Columbæ; & manentis super eum: item testimonio Patris intonantis: *Hic est Filius meus dilectus, in quo mihi complacui*: Matth. 3. v. 17. & hoc fuit, ne Johannes Christus crederetur. Ista autem non negamus, quia a Glossis Sanctorum nostrorum ipse hæreticus sumpsit; sed ex hoc possumus ostendere, quod Baptismus Johannis bonus fuit, quin talem fructum portavit. Aliam causam, quare Christus voluit baptizari in aqua materiali, ponunt Sancti, scilicet ut aquas sanctificaret (6), idest eis vim sanctificativam immersio cum invocatione Patris, & Filii, & Spiritus Sancti daret. Sed contra hoc opponunt hæretici; quare ergo Sacerdotes vestri dicunt se eam sanctificare, quamvis etiam immundæ vitæ sint? Respondeo: Christus dicitur eam sanctificare modo prædicto, Sacerdos autem dicitur eam sanctificare, idest illum a quo omnis sanctitas est super eam invocare, ut illa sanctificet baptizatum, nec ad hoc nocet ejus immunditia, ut ostendetur in capitulo de Spiritu Sancto. Contra illud autem quod dicunt, scilicet baptismum Johannis ad nihil homini utilem, sic objicitur: Quomodo ergo stabit illud, quod dicit Johannes, *ut manifestetur in Israel*? Quomodo ergo stabit illud verbum Christi: *sic decet nos implere omnem justitiam*?

Præterea: nonne vides, quod in Baptismo Johannis cæli aperti sunt, & vox Patris intonuit: *Hic est filius meus dilectus, in quo mihi complacui*? Non propter ipsum, sed propter nos facta est hæc vox, ad significandum scilicet, quod baptizatus Baptismo Christi in aqua materiali, efficitur Filius Dei per gratiam, & quod Spiritus Sanctus in ipsum descendit, & quod ei aperitur janua Cæli, idest datur ei facultas intrandi. Item ad significandum, quod Baptismus debet fieri cum invocatione Patris, & Filii, & Spiritus Sancti; istæ enim tres Personæ innotuerunt in Baptismo Christi; ad multa ergo utilis fuit Baptismus Johannis, licet non daret Spiritum Sanctum. Nonne etiam vides, quod ejus Baptismus, qui non erat nisi in aqua, dicitur Baptismus pœnitentiæ. Et quare? nisi quia ad ejus Baptismum venientes docebat dicens: *fructus dignos pœnitentiæ* Luc. 3. v. 8. Valuit etiam Baptismus Johannis, quia homines præparavit ad suscipiendum Baptismum Christi propter similitudinem materiæ, quia ejus Baptismus in elemento aquæ fiebat, sicut & Christi Baptismus fit: Unde Pater ejus prophetans Spiritu Sancto ait Luc. 1. v. 76. *Et tu puer, propheta altissimi vocaberis: præibis enim ante faciem Domini parare vias ejus*.

§. III.

De Baptismo Christi, & unde habent Hæretici quod Baptismus aquæ materialis nihil valeat ad salutem.

Viso de Baptismo Johannis, videamus de Baptismo Christi. In primis ponamus rationes phanta-

(6) Ita nempe Ambrosius in comment. ad Cap. extremum Lucæ, Hieronymus in Cap. 111. Matthæi, Augustinus, & alii, quos

Theologi in 111. Partem Summæ Theologiæ S. Thomæ Quæst. LXVI. Artic. 11. recensent.

phantasticas ipsorum, quibus moventur ad dicendum Baptismum aquæ materialis ad salutem non valere. In primis autem illud inducunt, quod habetur Actorum 8. v. 14. 16. 16. & 17. *Cum autem audissent Apostoli, qui erant Ierosolymis, quod recepisset Samaria verbum Dei, miserunt ad eos Petrum, & Johannem, qui cum venissent oraverunt pro ipsis, ut acciperent Spiritum Sanctum: Nondum enim in quemquam illorum venerat, sed baptizati tantum erant in Nomine Domini Jesu. Tunc imponebant manus super illos, & accipiebant Spiritum Sanctum.* Ecce quod dicitur hic, quod receperunt Spiritum Sanctum per impositionem manuum, & non per Baptismum aquæ materialis, ergo in Baptismo non datur peccatorum remissio. Ad hoc melius intelligendum consideranda est historia actorum Apostolorum ubi a v. 5. citati capitis usque ad 13. dicitur: *Philippus autem descendens in Civitatem Samariæ, prædicabat illis Christum. Intendebant autem turba his quæ a Philippo dicebantur, unanimiter audientes & videntes signa quæ faciebat; multi enim eorum, qui habebant spiritus immundos, clamantes voce magna exhibant, multi autem Paralytici & claudi curati sunt. Factum est ergo gaudium magnum in illa Civitate. Vir autem quidam nomine Simon, qui ante fuerat in civitate Magus, seducens gentem Samariæ, dicens se esse aliquem magnum, cui auscultabant omnes a minimo usque ad maximum dicentes: Hic est virtus Dei, quæ vocatur magna. Attendebant autem eum, propter quod multo tempore magis suis dementasset eos. Cum vero credidissent Philippo evangelizanti de Regno Dei, in nomine Jesu Christi baptizabantur viri, ac mulieres. Tunc Simon & ipse credidit, & cum baptizatus esset adharebat Philippo. Postea dicitur ibi: Cum autem audissent Apostoli, qui erant Ierosolymis, quod recipisset Samaria verbum Dei, miserunt ad eos Petrum & Johannem, qui cum venissent oraverunt pro ipsis, ut acciperent Spiritum Sanctum: Nondum enim in quemquam illorum venerat, sed baptizati tantum erant in nomine Domini Jesu. Tunc imponebant manus super illos, & accipiebant Spiritum Sanctum.* Dico ergo quod illi Spiritum Sanctum acceperant invisibiliter, qui fuerant a Philippo baptizati, (7) uno ex septem Discipulis, de quibus habetur Actorum 6. v. 5. Imo baptizati Baptismo aquæ materialis, acceperunt, dico, Spiritum Sanctum ad peccatorum remissionem; significavit enim Columba super Christum baptizatum descendere super baptizatum a Discipulis Christi Baptismo aquæ materialis; & Christus tali Baptismo aquæ materialis baptizatus est a Johanne ad exemplum nostrum, scilicet ut ab ejus Diaconis Baptismum aquæ materialis non dedignaremur accipere. Impositio autem manuum, quæ confirmatio ab Ec-

clesia nuncupatur, & datur post Baptismum, ad officium Diaconi non pertinet; unde Philippus; unus ex septem Diaconibus, baptizavit in aqua Samaritanos, impositionem vero manuum Episcopis, (8) idest Apostolis servavit, quia ab aliis non potest fieri, quod patet, quia tempore Apostolorum non legitur facta ab aliis, unde Apostoli qui erant Ierosolymis audientes Samaritanos recepisse verbum Dei miserunt ad eos Petrum & Joannem, qui cum venissent oraverunt pro ipsis, ut acciperent Spiritum Sanctum visibili signo; nondum enim supervenerat in eos manifestatione visibili; Sic enim loquuntur variis linguis, sed baptizati tantum erant in nomine Domini Jesu non tantum exterius sed interius: Tunc imponebant manus super illos, & accipiebant Spiritum Sanctum visibiliter. Quod autem ita sit intelligendum, patet per illud quod consequitur v. 18. & 19. *Cum audisset autem Simon quia per impositionem manus Apostolorum daretur Spiritus Sanctus, obtulit eis pecuniam dicens: date & mihi hanc potestatem, ut cuicumque imposuero manus, accipiat Spiritum Sanctum.* Vidit autem, five quia eo vidente descendit Spiritus Sanctus in eos in linguis igneis, five per effectum, quia videbat eos loquentes linguis variis, tempore enim nascentis Ecclesiæ in adventu Spiritus Sancti dabatur linguæ in signum, & ut miracula Fidem facerent prædicationi; Unde Apostolus 1. Corinth. 14. v. 22. dicit: *Linguæ in signum sunt non fidelibus, sed infidelibus.* Multis quidem modis legimus Spiritum Sanctum fuisse datum tempore Apostolorum: primo scilicet ante resurrectionem sine signo visibili datus est Apostolis, ut haberi potest ex decimo capite Matthæi, ubi eis contulit potestatem spirituum immundorum, ubi etiam dicitur v. 20. *Non enim vos estis qui loquimini, sed Spiritus Patris vestri, qui loquitur in vobis.* Post resurrectionem autem dedit eis in flatu; unde Johannis 20. v. 22. & 23. dicitur: *insufflavit, & dixit eis: accipite Spiritum Sanctum, quorum remiseritis peccata, remittantur eis, & quorum retinueritis retenta sunt.* In Pentecoste autem visibili apparitione datus est eisdem Apostolis; & aliis in linguis igneis: ad dilatationem Ecclesiæ, & manifestationem visibiliter eis datus est 1. Corinth. 12. v. 7. *unicuique autem datur manifestatio Spiritus ad utilitatem:* Similiter Actorum Apostolorum 10. v. 44. *Adhuc Petro loquente verba hæc, cecidit Spiritus Sanctus super omnes, qui audiebant verbum: Et cap. 19. v. 6. Et cum imposuisset illis manus Paulus, venit Spiritus Sanctus super eos, & loquebantur linguis, & prophetabant: Item actorum 4. v. 31. Et cum orassent motus est locus, in quo erant congregati, & repleti sunt omnes Spiritu Sancto, & loquebantur verbum Dei cum fiducia.* [*]

Præte-

(7) Non negat Moneta præter visibilia dona, auctam fuisse per confirmationis Sacramentum gratiam in iis, qui ante a Philippo fuerant baptizati: immo vero illapsum visibilem gratiam ipsam interiorem secum importasse, uti rem certam supposuit. Nam etsi baptismus peccatum Originale, & reliqua si sunt peccata, tollantur, conferaturque gratia, quam primam vocant; confirmatione tamen perfici baptizati consuecunt, & vim quamdam ac robur assequi, quo felicius possint impetus hostium Christiani nominis superare. Consuluntur Tertullianus lib. de Baptismo cap. vii. Sanctus Cyprianus in Epist. ad Iubajanum, S. Optatus Milevitanus

lib. vii. Contra Parmenianum, S. Thomas 111. P. Quæst. lxxii. Art. vii. ceterique quos recensent Natalis Alexander lib. 11. Theol. Dogm. & Moral. Tract. 111. Cap. 111. Artic. 1. seqq. & Jucinus De Confirmat. Dissert. 111. Quæst. vii. Cap. 11. Art. 1. seqq. & Sambovius De Sacr. Confirm. disp. v. Art. 1. seqq. pag. 288. seqq. Edit. an. 1686.

(8) Vide Notas ad Cap. 11. Hujusce libri.

[*] Quæ duobus asteriscis contenta sunt, desunt e codd. Bonon. & Vat.

Præterea si vis dicere mecum quod ille Baptismus aquæ materialis fuerit, & modo adjicias, quod tamen in eo non est data peccatorum remissio illis, neque Spiritus Sanctus, quia ibi dicitur: *Nondum enim in quemquam illorum venerat*; ergo a simili Discipulis non fuit datus Spiritus Sanctus ante resurrectionem ut dictum est Jo: 7. v. 39. *Nondum enim erat Spiritus datus, quia Jesus nondum erat glorificatus*: Quod autem istud factum sit, patet in Capitulo de Ordine. Quod autem Philippus ille non esset unus de Apostolis, sed de septem Discipulis constitutis ad ministerium quotidianum, patet Actuum 8. ubi v. 1. dicitur: *Facta est autem in illa die persecutio magna in Ecclesia, quæ erat Hierosolymis, & omnes dispersi sunt per regiones Judææ & Samariæ præter Apostolos*: & post pauca dicitur v. 4. *igitur qui dispersi erant pertransibant, evangelizantes verbum Dei*; & subditur de uno, qui erat de numero dispersorum præter Apostolos v. 5. *Philippus autem descendens in civitatem Samariæ prædicabat illis Christum*: Ille baptizavit Samaritanos, unde subditur v. 14. 15. & 16. *Cum autem audissent Apostoli, qui erant Hierosolymis, quod recepisset Samaria verbum Dei, miserunt ad eos Petrum & Johannem, qui cum venissent oraverunt pro ipsis, ut acciperent Spiritum Sanctum, nondum enim in quemquam illorum venerat, sed baptizati tantum erant in nomine Domini Jesu*. Apostoli enim non erant dispersi per Civitates Samariæ, ut patet ex principio 8. c., Philippus autem de dispersis erat in Civitate Samariæ ergo Philippus non erat Apostolus (9).

Præterea dicas tu mihi: dicitur, quod erant baptizati tantum *in nomine Domini Jesu*: de quo Baptismo intelligis? numquid de manuum impositione, quam falso appellas Baptismum? Non: quia non erat eis facta impositio manus; unde dicitur v. 17. *Tunc imponebant manus super illos, & accipiebant Spiritum Sanctum*. Numquid etiam de doctrina Salvatoris? Monstro tibi quod non, quia ibi dicitur v. 12. *Cum vero credidissent Philippo evangelizanti de Regno Dei, in nomine Jesu Christi baptizabantur viri ac mulieres*. Aliud ergo erat Baptismus quo Baptizati essent, & aliud evangelizatio, five doctrina; restat ergo quod baptizati erant Baptismo aquæ materialis; per quod patet, quod iste Baptismus debet esse in Ecclesia Dei, cum Apostoli eo fuerint usi; in Ecclesia autem Dei non esset, nisi valeret ad salutem, ergo talis Baptismus ad salutem

est necessarius. Ad idem inducunt illud Actorum 19. ubi v. 1. & seqq. dicitur: *Factum est autem, cum Apollo esset Corinthi, ut Paulus peragratis superioribus partibus veniret Ephesum, & inveniret quosdam Discipulos, dixitque ad eos: Si Spiritum Sanctum accepistis credentes? At illi dixerunt ad eum: Sed neque si Spiritus Sanctus est audivimus. Ille vero ait: In quo ergo baptizati estis? Qui dixerunt: In Johannis Baptismate*. Et paulo inferius: *His auditis baptizati sunt in nomine Domini Jesu; & cum imposuisset illis manus Paulus, venit Spiritus Sanctus super eos*. Ecce, quod per impositionem manuum descendit Spiritus Sanctus in baptizatos, non per Baptismum Johannis. Istam auctoritatem introducunt; credentes Baptismum Ecclesiæ Romanæ esse Baptismum Johannis (10), cum Johannes in aqua materiali baptizaverit, sicut Ecclesia Romana. Hoc autem negamus, non enim credimus, aut dicimus, quod Baptismus, quo utitur Ecclesia, sit Baptismus Johannis; licet enim conveniat secum in materia, quia in aqua sit, tamen forma verborum Ecclesiæ nostræ est ista (11): *Baptizo te in nomine Patris, & Filii, & Spiritus Sancti*, quam formam Dominus Discipulis primo dedit Mat. ultimo v. 19. *Baptizantes eos in nomine Patris & Filii & Spiritus Sancti*: Sed fuerunt etiam usi Discipuli Christi principio Ecclesiæ hac forma: *Baptizo te in nomine Domini Jesu Christi* (12). Hæc forma habita est in illis, quos Paulus præcepit baptizari, ut legitur in auctoritate præmissa Actorum 19. Quod autem forma verborum esset necessaria ut Baptismus fieret, & non aqua solum sufficeret, habetur Jo: 15. v. 3. ubi Christus ait Discipulis: *Jam vos mundi estis propter sermonem, quem loquutus sum vobis*; mundi enim erant facti in Baptismo aquæ materialis, propter illa verba: *Baptizo te in nomine Patris & Filii & Spiritus Sancti amen*. Verisimile (13) enim est, quod qui alios baptizabant in aqua materiali, ipsi essent similiter baptizati. Dicamus ergo, quod per Baptismum Johannis non dabatur Spiritus Sanctus, sed per Baptismum Christi, Baptismus scilicet aquæ materialis, dabatur, ut prædiximus, invisibiliter; per impositionem autem manuum, dabatur manifestatione visibili; unde post prædicta verba Actorum 19. statim sequitur: *Loquebantur linguis, & prophetabant*.

Præterea ex textu Actuum Apostolorum habetur, quod isti prius fuerunt baptizati Baptismate Johannis, demum a Paulo docti, deinde baptizati in no-

N n mine

(9) Ita quidem Veteres omnes. Hinc merito Hugo Grotius in *Notis ad Cap. VIII. Actor Apostolicor. v. 5. Diaconus*, inquit, *ut censent veteres, recte. Nam si Apostolus fuisset, imposuisset & manus baptizatis*.

(10) Ab hæreticis Bogomiliis hoc opinionis monstrum mutuati sunt Cathari. Vide *notam II. in hoc cap.*

(11) Apud Græcos autem, quod eodem recidit, βαπτίζουσαι ὁ δέος τῷ θεῷ ἐν τῷ ὀνόματι πατρὸς, καὶ τοῦ υἱοῦ, καὶ τοῦ ἁγίου πνεύματος. Baptizatur Servus Dei in nomine Patris, & Filii, & Spiritus Sancti. Etsi autem formam baptismi Christus Dominus instituerit, ut mox adjungit Moneta, id tamen luculenter ex Scriptura ostendi non posset, nisi præsidio esset Sanctorum Patrum Traditio. Etenim, qui negant Baptismi eandem formam, apponunt non dixisse Christum: *Euntes Baptizate, dicentes, ego te baptizo, sed euntes docete omnes gentes, Baptizantes eos in nomine &c.* quare ut revinci possint hujusmodi homines, ad veterem nobis est confugiendum traditionem. Consulendi

ergo Justinus Martyr, *Apologia pro Christianis, quæ secunda inscribitur*; Tertullianus *lib. de Baptismo cap. xiiii.* aliique quos recenset Natalis Alexander *lib. II. Theol. dogm. & Moral. Tract. II. Cap. I. Artic. III. pag. 235. seqq. Tom. 1. Edit. an. 1703.* & Juvenius *Dissert. II. de Sacr. Cap. III. Art. III.*

(12) Scio multos esse hac ætate Theologos, qui negent: verum maxime esse verisimilem hanc, quam etiam S. Thomas defendit opinionem, multis evincit Clarissimus Orsius *Ord. Præd. Sacrae Indici Congreg. a Secretis in sua De Baptis. in nomine Jesu Christi Dissertatione*, & in ejusdem *Dissertationis vindictis*, quem consulat velim.

(13) Quod certum ratumque est, hoc verisimile dicit noster, disputationis gratia. Nam nemo homo ignorat fuisse Apostolos baptizatos. Alioquin falsus fuisset Christus, cum in Evang. Johannis Cap. III. affirmavit, neminem introire in regnum Dei posse, qui renatus non fuerit ex aqua & Spiritu Sancto. Consulendus Tertullianus *lib. de Baptismo Cap. xii. pag. 227. seqq.*

mine (14) Domini Jesu, deinde eis manus imposita fuit. Ex quo patet quod Baptismus Ecclesiæ alius est, quam Baptismus Johannis, & quam Doctrina, vel impositio manuum. Ille autem Baptismus Christi, Baptismus est aquæ materialis in forma verborum; ergo iste Baptismus debet esse in Ecclesia, cum dicat Apostolus: *Imitatores mei estote Philippen: 3. v. 17.*

Ad idem inducunt illud Actuum 1. v. 5. (15) *Johannes quidem baptizavit aqua, vos autem baptizabimini Spiritu Sancto, non post multos hos dies [*].* Ecce quod in Baptismo aquæ non dabatur Spiritus Sanctus. Ad hoc patet solutio, quia loquebatur de Baptismo Johannis dicens: *Johannes quidem baptizavit aqua.*

Concedendum autem est, quod in Baptismo Johannis non dabatur Spiritus Sanctus, & tamen in Baptismo aquæ datur modo Spiritus Sanctus, quia iste Baptismus aquæ non est ille, qui tantum in aqua consistebat, iste autem in aqua & forma verborum præscripta, scilicet in nomine Domini Jesu in principio Ecclesiæ, vel in nomine Patris, & Filii, & Spiritus Sancti. Quod autem dictum est: *Vos autem baptizabimini Spiritu Sancto*: sensus est, idest vos, qui per Spiritum Sanctum jam estis muniti, & miracula operati, per ejus adventum consolabimini, & corroborabimini, eo vos omnia docente. Istud autem plenius tangetur in Capitulo de Spiritu Sancto.

Ad idem etiam inducunt (16) illud verbum B. Petri in 1. Epist. c. 3. v. 21. *Salvos facit Baptisma non carnis depositio sordium, sed conscientia bonæ interrogatio in Deum*: Ex quibus verbis dicit hæreticus, quod Baptismus aquæ est depositio sordium carnis, sed hæc depositio non facit salvum; ergo Baptismus aquæ non facit salvum, ergo Baptismus non dat Spiritum Sanctum.

Solutio in verbis B. Apostoli Petri subauditur hoc ipsum tantum, & est sensus: non carnis depositio sordium tantum, sed conscientia bonæ interrogatio in Deum; ex Baptismo enim aquæ materialis, quæ sordes carnis deponit & ex bona conscientia, de qua interrogatur, qua baptizatur, salvus est. Nonne vides, quod Sol non illuminat cæcum ad videndum aliquid? Numquid hoc est defectu Solis? Non, sed cæci. Similiter & Baptismus non salvat hominem

discretionem habentem, nisi habeat bonam conscientiam, & hoc interrogatur ab eo qui baptizatur, cum dicitur: *Credis in Deum Patrem Omnipotentem?* Et respondet: *Credo*, & hujusmodi. Ista autem forma habetur a Philippo, qui dixit ad ipsum Eunuchum: *Si credis ex toto corde, licet tibi baptizari.* Act. 8. v. 37. Respondit autem Eunuchus: *Credo Filium Dei esse Jesum Christum*: ibidem: Quod autem hoc ipsum tantum non appositum quandoque subaudiat, patet per simile Ephesiorum 6. v. 12. *non est nobis colluctatio adversus carnem & sanguinem*, quod falsum esset, nisi subaudiretur tantum, cum dicat ad Gal. 5. v. 17. *Caro enim concupiscit adversus spiritum.*

Præterea: si bene attenderes illam authoritatem B. Petri, de errore tuo posses confundi multipliciter: & ut illud taceam in quo & his, qui in carcere erant 1. Petri c. 3. quia illud verbum tactum est in Capitulo de Deo Veteris Testamenti; nonne vides quod ait Apostolus idem: *Cum fabricaretur arca, in qua pauci, idest octo animæ salvæ factæ sunt per aquam, quod & vos nunc similis formæ salvos facit Baptisma*: ibidem v. 20. & 21. Ecce, quod dicitur Baptismus esse similis formæ, idest aqueæ formæ, & quod sic debeat ordinari constructio, ut dicatur Baptismus similis formæ, ita quod genitivi regantur ab hoc nominativo Baptismus, patebit in Capitulo sequenti, in quo probabimus, quod Baptismus aquæ naturalis debeat esse in Ecclesia, dicit enim Petrus, quod salvat Fideles. Quare ergo tu negas hoc? Nonne vides quod Petrus dicit: *Quoniam pauci, idest octo animæ salvæ factæ sunt per aquam in arca?* per aquam enim elevantem arcam in sublime, salvi facti sunt hi, qui in arca fuerunt, ne in diluvio perirent. Similiter per aquam Baptismi pauci, idest octo animæ, idest omnes illi, qui spem habent resurrectionis corporeæ futuræ in octava ætate, sicut etiam Christus, & quia Christus corporaliter resurrexit, per aquam Baptismi elevantem arcam Ecclesiæ in sublime, idest in Cælum, salvatur in arca Ecclesiæ, de qua tu miser existi ad tuam damnationem [*]. Hic notandum est, quod bonæ conscientia interrogatio fit alicui in propria persona, si Adultus est, qui venit ad Baptismum, fit etiam alicui in persona alterius, idest Patrino in persona Pueri, qui de bono conscientia interrogatur, quia Patrinus ejus interrogatur pro eo; sicut enim per alium

(14) Nam cum audisset Paulus Discipulos, quos Ephesi offendit, Baptismo Johannis fuisse initiatos, rursus eos baptizavit in nomine Domini Jesu, deinde manuum impositione donavit, ut in eos Spiritus Sanctus descenderet, velut refert Lucas in Actis c. xix. v. 2. seqq. Atque hinc sane concludere quisque merito poterit, baptismum nostrum a Johannis baptismo discrepare, nec esse idem Sacramentum atque impositionem manuum. Adeundi Tertullian. lib. de Baptismo cap. x. Iohannes Chrysostomus Homil. x. in Matthæum; S. Ambrósio lib. 11. in Evangel. Lucæ, S. Hieronymus in Dialogo Contra Luciferianos, S. Augustinus lib. v. de Baptismo Contra Donatistas Cap. x. S. Cyrillus Alexandrinus lib. 11. in Johann. Evang. &c.

(15) Hoc idem objiciebant Catholicis Bogomilii, ut ex Euthymii Panopli. Tit. xxiii. cap. xvi. colligo. Sic enim habet: *Baptismus nostrum Johannis baptismum esse dicunt, suum vero Christi; per Spiritum enim fieri, ut ipsi videtur.* Respondet autem Euthymius: *Si igitur baptismus aqua solum perageretur, Johannis nimirum esset nunc autem, cum aqua peragatur & Spiritu, quemadmodum Dominus docuit, nisi quis baptizatus fuerit, iniquus, ex aqua & Spiritu Sancto, non intrabit in Regnum Dei; incassum latrant.* Consule quæ idem ex Basilio, duobusque

Gregoriis, & Johanne Damasceno refert Tit. xx. Adversus Paulicianos, pag. 213. Tom. xix. Bibl. PP. Edit. Lugdunensis. Et quæ Tertullianus affert lib. de Baptismo Cap. x. pag. 227. seqq.

(16) Immo vero hoc idem in Manichæos intorquet merito Augustinus lib. xix. Contra Faustum cap. xii. col. 319. seqq. Tom. viii. Opp. Verumtamen, inquit, quia visibilia Sacramenta pietatis inesse possunt etiam impiis, sicut habuisse Sanctum Baptismum, etiam magum Simonem legimus: sunt tales, quales Apostolus ait, *habentes formam pietatis, virtutem autem ejus abnegantes.* Virtus autem pietatis est finis præcepti, idest caritas de corde puro, & conscientia bona, & fide non ficta. Unde Apostolus Petrus, cum de Sacramento Arcæ, in qua Noe Domus a diluvio liberata est, loqueretur, sic & vos, inquit, *simili forma baptismi salvos facit.* Et ne sibi sufficere putarent visibile Sacramentum, per quod habebant formam pietatis, & per malos mores perditæ vivendo, virtutem ejus abnegarent, continuo subjecit: *non carnis depositio sordium, sed conscientia bonæ interrogatio.*

[*] Quæ duobus primis asteriscis conclusa sunt desunt e Cod. Vat. quæ autem mox sequentibus, desunt e Bonon. & Vat.

aliud peccavit, id est per Adam, ut habetur Rem. 5. ita etiam per alium petit, & vult, & credit. Hoc autem melius patebit in proximo, cum agemus de catechismo, & ibi ostendemus quod Parvulis prodest Baptismus.

§. IV.

Rationes Hæreticorum, quibus specialiter impugnant Baptismum in Parvulis.

Postquam vidimus de Baptismo aquæ [*] quomodo impugnant ipsum Cathari in generali, videamus de eo qualiter impugnent ipsum in Parvulis; dicunt enim (17) quod Parvuli ante annos discretionis per Baptismum salvari non possunt, & ad hoc inducunt illud quod legitur Act. 8. v. 12. *Cum vero credidissent Philippo evangelizanti de Regno Dei, in nomine Jesu Christi baptizabantur viri ac mulieres.* Dixit hæreticus: Dicit viri, non dicit Pueri, vel Infantes.

Ad hoc dico, quod viri ibi notant sexum quod patet ex eo quod addit & mulieres; unde ubi notat (18) ætatem, ubi sexus, ubi probitatem. Dico quod virorum ac mulierum nomine, Pueri ac Puellæ signantur.

Ad idem inducunt illud testimonium Marci (19) in fine c. 16. v. 16. dicentis: *Qui crediderit, & baptizatus fuerit, salvus erit, qui vero non crediderit condemnabitur;* Parvulus autem non credit; ergo condemnabitur.

Ad hoc dico quod in illis verbis *Qui crediderit &c.* intelligitur de illo, qui potest credere prædicationi quam audit: & quod ita sit patet per hoc quod præcedit v. 15. *Prædicate Evangelium omni Creaturæ.* Numquid Creaturæ nomine quælibet creatura intelligitur? Non: sed tantum homo: & numquid quilibet Homo tam Adultus quam Parvulus? Non: quia per creaturam intelligitur homo Adultus tantum, qui capax est disciplinæ. Cum ergo qui relatum sit, & relatio sit dictæ rei repræsen-

tatio, hoc ipsum qui non repræsentat ibi nisi Adultos (20). Quare ergo introduxisti ibi illam auctoritatem de Parvulis, cum de ipsis non possit intelligi?

Hic notandum est quod duo dicit; primum qui crediderit, & baptizatus fuerit: Ista enim duo necessaria sunt adulto, de quo ibi loquitur Dominus. Modo responde mihi, quare postea non dixit qui non fuerit baptizatus, & qui non crediderit condemnabitur? Si sine Baptismo, quem ponit manus impositio non est salus alicui, sicut etiam sine fide, cujus rei nullam habemus rationem. Ego autem dico quod ideo de Adulto loquens non dixit qui autem non fuerit baptizatus condemnabitur, quia Adultus potest salvari per fidem, & contritionem cordis de peccatis, si non habet copiam Baptismi, ut patet in Latrone in Cruce pendente. Instantia autem ad argumentum tuum hæc est Jacobi 3. v. 2. *Si quis in verbo non offendit, hic perfectus est vir.* Sed demonstrato aliquo Parvulo, iste non peccat verbo, ergo est perfectus vir.

Fortē dices: *Si quis in verbo non offendit, hic perfectus est vir:* intelligitur si potest loqui? Et ego similiter dico, qui non crediderit condemnabitur, si potens fuerit credere.

Præterea credere dupliciter dicitur: Uno modo idem est quod habere fidem, [*] alio modo idem est, quod uti fide. Primo modo dico quod Parvuli credunt; unde Rom. 4. v. 5. *Ei vero qui non operatur, credenti autem in eum qui justificat impium, reputatur fides ad justitiam.* Sicut enim dicitur peccasse per alium, ita dici debet credere per alium (21), id est per Ecclesiam, dummodo sit renatus in ea Jo: 3. v. 5. *Nisi quis renatus fuerit ex aqua, & Spiritu Sancto, non potest introire in Regnum Dei,* alioquin non superexaltat misericordia judicium.

Sed dicunt Jacobi 2. v. 20. *Fides sine operibus mortua est.*

Et ego tibi respondeo illud Rom. 4. *Ei vero qui non operatur, credenti autem in eum, qui justificat impium, reputatur fides ad justitiam.* Quomodo stat hoc cum illo?

N n 2

Dicunt

[*] Deest in Bonon. & in Vatic.

(17) Fuerunt etiam Bernardi tempore, qui baptismum parvulorum negligerent. Nam Epistola cccxi. Petrum Bruisium & Henricum pseudo heremitam sic enim vocatur in *Actis S. Hildeberti Veter. Analector. pag. 316. Edit. Paris. an. 1723.* refellit, quod parvulis baptismum conferri minime posse arbitrentur. *Parvulis,* inquit, *Christianorum Christi intercluditur vita, dum baptismi negatur gratia,* col. 237. *Tom. 1. Opp. Edit. an. 1690.* Vide etiam ejusdem Epistolam cccxi. Qui plura de Henricianis, & Petrobrusianis volet, consulat *Præfationem Monachorum S. Mauri in Opera Sancti Bernardi §. vi. n. 67. seqq.* Ac prævisse quidem Catharis qui ætate Monetæ vexabant Ecclesiam, Henricianos, cum ex iis, quæ noster habet, tum ex Reinerio Sachono, & Bonacursio, quorum de Catharis lucubrationes sæpe ante meminimus, colligi facile potest. Corrigendi autem sunt Juvenius, & si qui sunt alii, qui Hermengaudum sequuti, Valdenses in hoc errore fuisse versatos affirmant. Etenim Valdenses proprie dicti numquam parvulis baptismum denegandum esse affirmaverunt. Dico proprie dicti, nam sunt, qui Catharos Valdenses appellarint, ut Hermengaudus, minus castigate: ut est in Prolegomenis observatum. Catharis accedunt Anabaptistæ & Sociniani qui Transilvaniam incolebant. Adeundus Bellarminus lib. 1. *De Sacramento Baptismi cap. viii. pag. 125. Tom. 111. Opp. Edit. Venetæ an. 1721.*

(18) Etsi clare id elici ex scriptura nequeat verum tamen est, cum nullum Christus a Gloria sempiterna excludi velit: ex scripturis colligitur.

(19) Abutuntur hoc scripturæ testimonio Anabaptistæ, ut ba-

pismus conferri non oportere evincant. Idque jam placuit Vitringæ, & Vandalemio *Hist. Baptif. pag. 390. Edit. au. 1705.* uterque enim fuit Anabaptista. Refellit hoc argumentum eorum Georgius Casander *Tom. 11. Opp. De Baptismo Infantum pag. 726.*

(20) Recte quidem Moneta. Quid enim hinc contra parvulorum baptismum exculpent Anabaptistæ, quum institutum Christi non fuerit de infantum salute aut baptismum ibidem sermonem statuere? Ostendant autem necesse est, excludi a baptismis infantes, aut hoc aut quopiam alio testimonio Scripturarum: id quod assequi numquam poterunt. Quod si ex *psalms* illo colligunt infantes initandos aquæ Sacramento non esse, quod nullam eorum mentionem fecerit Christus; inferre etiam aliunde licebit, infantes ipsos in judicio minime apparituros; propterea quod Jesus Servator eos tantum gloriam esse consequuturos dixerit, qui titenti potum dederint, aut sempiterno afficiendos supplicio qui potum eundem denegarint; id quod in infantes cadere omnino non potest.

(21) Multa in hanc rem profert Augustinus Epistolæ xcviii. n. 1. *seqq. col. 263. Tom. 11. Opp. Adpositæ Cyprianus Epist. lxxiv. ad Fidam pag. 281. Edit. Amstelod. an. 1700.* Porro autem, inquit, *si etiam gravissimis delictoribus, & in Deum multum ante peccatis; cum postea crediderint, remissa peccatorum datur, & a baptismo atque a gratia nemo prohibetur: quanto magis prohiberi non debet infans, qui recens natus nihil peccavit; nisi quod secundum Adam carnaliter natus; contagium mortis antiquæ primæ natiuitate contraxit? Qui ad remissionem peccatorum accipendam hoc ipso facilius accedit, quod illi remittuntur non propria, sed aliena peccata.*

Dicunt etiam : jam debet finis esse mundi , si Pueri baptizati salvantur , quia completus esset numeros electorum , cum tot Parvuli jam decesserint .

Respondeo : Numquid scis , quot ceciderunt ? Non ; nec ego , unde de hoc non intromitto me .

Præterea , si nescis , quare dixisti , jam debet completus esse numerus electorum ?

Dicunt etiam de Parvulis , quare salvabuntur Pueri baptizati , cum nihil boni agant ?

Dico ego , quare condemnabuntur , cum nihil mali agant ?

Præterea , non ex operibus justitiæ quæ fecerunt salvabuntur , sed secundum misericordiam Dei per lavacrum regenerationis .

Præterea , contra ponentem duo principia (22) dicas : nonne credis , quod oves Israel ex necessitate salvantur absque libero arbitrio ? Ergo sine merito ; non enim meretur quis opere facto ex necessitate , sed libera voluntate : unde 1. Corinth. 9. v. 17. *Si enim volens hoc ago , mercedem habeo* : quare ergo negas pueros salvari absque omni suo opere meritorio , & voluntario , dummodo renati sint in Baptismo Ecclesiæ , de quo dicit Apostolus ad Ephes. 4. v. 5. *Unum baptisma* ?

Ad idem etiam inducunt (23) illud Matt. ult. v. 18. 19. & 20. *Data est mihi omnis potestas in calo & in terra : euntes ergo docete omnes gentes , baptizantes eos in nomine Patris , & Filii , & Spiritus Sancti , docentes eos servare omnia quaecumque mandavi vobis* : Ecce quod prius dixit *docete omnes gentes* , postea subjunxit *baptizantes eos* , ergo qui sunt baptizandi , prius sunt docendi , sed Parvuli non sunt docendi , quia non sunt capaces disciplinæ , ergo non sunt baptizandi , & ita damnabuntur cum habeant peccatum .

Item , iste est ordo Ecclesiæ , quod prius quis doceatur , postea baptizetur ; dicit autem Apostolus 1. Corinth. 14. v. 40. *Omnia autem honeste , & secundum ordinem fiant* : ergo quæ istum ordinem non habent , non fiunt secundum doctrinam Christi ; sed Baptismus Parvulorum non habet hunc ordinem ; ergo non fit secundum doctrinam Christi .

Solutio : prædicta autoritas de Adultis (24) intelligitur , qui sunt capaces doctrinæ ; omnes enim tales . antequam baptizentur sunt docendi ; non est autem verum universaliter , quod omnes , qui baptizandi sunt , prius docendi sint ; sed hoc verum est ; qui baptizandi sunt , prius docendi sunt ; sed non sequitur , pueri autem non sunt docendi , ergo nec baptizandi ; est enim ibi fallacia consequentis ab inferiori ad superius negando , omnes enim docendi sunt baptizandi , sed non convertitur .

[*] (25) Forte dices quod nullus baptizandus est , nisi quærat Baptismum .

Respondeo : unde habes hoc ? Si dicas , eo quod dicitur , *Quærite , & invenietis* Matth. 7. v. 7. Respondeo , & ipse per Apostolum Rom. 10. v. 20. & per Prophetam Isa. 65. dicit : *inventus sum a non quærentibus me* .

Præterea : nonne Christus sanavit Puerum Centurionis Matth. 8. , & tamen non quærebat , sed alii pro eo ? Leprosus curavit , qui quærebat sanitatem in Sabbato ; unde Jo: 1. v. 23. *Indignamini quia totum hominem sanum feci in Sabbato* ? Actorum 3. Claudum non quærentem sanitatem sanavit Petrus , & Johannes . [*]

Ad idem inducunt illud Act. 2. v. 38. *Pœnitentiam agite , & baptizetur unusquisque vestrum (26) in nomine Jesu Christi in remissionem peccatorum* . Prius ergo est quod homo pœniteat de peccato suo , deinde baptizetur ; ergo cum Parvulus non sit susceptivus pœnitentiæ , nec Baptismi erit susceptivus , & inde damnabitur .

Respondeo : ut patet in textu Actuum Apostolorum , Petrus hoc dixit Adultis compunctis de peccatis in prædicatione sua : nam quoad parvulos *sine pœnitentia sunt dona . & vocatio Dei* . Rom. 1. v. 29.

(27) Quærent de Pueris non baptizatis , utrum damnentur , si decedant sine Baptismo ?

Respondeo : Non invenio , quod damnentur post hanc vitam ad pœnam ignis æterni ; unde nec hoc dicere volo , quod taliter damnentur . De aliis invenio ut patet Matt. 25. *Et ibunt hi in supplicium æternum* : Item Jo: 5. v. 29. *qui vero mala egerunt in resurrectionem judicii* , illius scilicet , de quo 2. Thessal. 1. v. 7. 8. & 9. *In revelatione Domini Jesu de calo cum Angelis virtutis ejus , in flamma ignis dantis vindictam iis , qui non noverunt Deum , & qui non obediunt Evangelio Domini nostri Jesu Christi , qui pœnas dabunt in interitu æternas a facie Domini , & a gloria virtutis ejus* .

Præterea : illa pœna non datur eis de misericordia , sicut patet , nec de justitia , quia nullum malum fecerunt . Nonne possent dicere Deo : quare sentimus pœnam , cum non dederis nobis sensum , & facultatem ad bene , vel male agendum , sicut istis aliis dedisti ? Scriptum autem est : *Universæ viæ Domini misericordia , & veritas* Ps. 24. v. 10. , idest verum judicium ; per quam viam iret Dominus circa Pueros non est assignare .

Si autem dicas : & qua via vadit non dando eis regnum ?

Respondeo : via justitiæ , quia peccatum habent ab origine , idest ab Adam , ut dicit Apostolus Rom. 5. habent , dico , peccatum , licet non fecerint , unde dico quod damnantur juste in hoc intellectu , idest damnum habent , quia ad regni Dei visionem non venient ; unde Io: 3. v. 3. *Nisi quis renatus*

(22) Nempe contra eos , qui Balasinas auscultabant , quod sæpe monuimus .

(23) Abutuntur hoc etiam *ἡρώ* Evangelii Matthæi Anabaptistæ , inter quos Vandalemius l. 1. Vide Bellarminum l. c. nota 17.

(24) In idem recidat necesse est hæc atque illa quam Marci testimonio adhibita est responsio . Hanc ipsam opponit Anabaptista Casander l. c. pag. 728.

[*] (25) Defiunt e codice *Vaticano* , quæ duobus asteriscis contenta vides .

(26) Ne ab hoc quidem testimonio contorquendo sibi temperant Anabaptistæ . Multa de intelligentia hujus *ἡρώ* inter Gatakerum ,

& Vvardum disputantur Tom. 1. Opp. Gataker. De Baptismatis Infantilis vi , & efficacia pag. 112. seqq. Edit. an. 1697. Sed errat uterque vehementer . Mihi vero hæc nostri interpretatio vehementer placet . Alloquitur enim 2. Actor. non parvulos Petrus , sed eos qui jam adoleverant .

(27) Quod hic ait Moneta non reperire se pœna sensus infantis non initiatos baptismo , damnari ; verum est . Si tamen de Scriptura sit sermo . Nam fuerunt plerique Patres ; qui igne sempiterno cruciari animas infantum , qui sine baptismo decesserint , affirmarunt ; Augustino ad stipulati . Vide *Norisum in Vindic. Augustin.*

natus fuerit denuo, non potest videre regnum Dei. Hoc sufficit dicere hæretico, & de ista condemnatione legitur Rom. 5. v. 18. *Per unius delictum in omnes homines in condemnationem*, itum est, supple. Hæc enim condemnatio communis est omnibus propter originale peccatum, nisi renascantur ex aqua, & Spiritu Sancto; cui si aliquod peccatum fuerit additum ab habente tempus operandi, ira Dei revelabitur super illum, ut patet Rom. 1. v. 18. *Revelatur enim ira Dei de celo super omnem impietatem, & injustitiam &c.* usque ad v. 9. c. 2. *tribulatio, & angustia in omnem animam hominis operantis malum.* Et istis dicitur: *Esurivi, & non dedistis mihi manducare; sitiivi, & non dedistis mihi potum; hospes eram, & non collegistis me; nudus, & non cooperuistis me; infirmus, & in carcere, & non visitastis me* Matth. 25. v. 42. & 43., & non dicitur pueris non baptizatis; nec contrarium, scilicet *dedistis*, dicitur baptizatis pueris; tamen hoc dicitur Parvulis baptizatis: *Venite benedicti Patris mei, possidete paratum vobis regnum a constitutione Mundi* ibidem v. 34. unde Marci 10. v. 13. usque ad 16. *Et offerebant illi Parvulos, ut tangeret illos; Discipuli autem comminabantur offerentibus: Quos cum videret Jesus, indigne tulit, & ait illis: Sinite Parvulos venire ad me, & ne prohibueritis eos, talium enim est regnum Dei. Amen dico vobis: quisquis non receperit regnum Dei velut Parvulus, non intrabit in illud. Et complexans eos, & imponens manus super illos, benedicebat eos: Illi autem, quos Christus benedixit, benedicti sunt; isti ergo sunt de benedictis Patris ejus, quibus dicit: Venite benedicti Patris mei, possidete paratum vobis regnum a constitutione mundi.*

Si autem dicant: isti Parvuli non sunt baptizati.

Respondeo: unde hoc habes? Forte dicent: Et vos unde habetis, quod fuerint baptizati?

Respondeo: credibile est, quod fuerint baptizati, postquam est manus eis imposita à Domino; invenio enim, quod quandoque baptismus sequebatur impositionem manus, ut in Paulo Act. 9. cui Ananias prius manus imposuit, & postea baptizatus est; vel prius sunt baptizati, & postea manus eis imposita est à Domino; invenio enim, quod manus impositio sequitur baptismum, ut patet act. 8. v. 14. usque ad 17. *Cum autem audissent Apostoli, qui erant Hierosolymis, quod recepisset Samaria verbum Dei.... Tunc imponebant manus super illos, & accipiebant Spiritum Sanctum.* Multa autem facta

sunt a Domino, per se, vel Discipulos, quæ tamen non sunt scripta, ut habetur Jo: ultimo.

Vel aliter, & expeditius potes respondere hæretico dicenti, quod non fuerunt baptizati. Dicas ei, sufficit quod fuerunt benedicti a Christo, ipsi ergo boni erant, quia non benediceret eis si mali essent, vel nisi sua benedictione boni fierent, sciens scriptum esse Isaïæ 5. v. 20. *Væ qui dicitis malum bonum, & bonum malum.*

Ex prædictis patet, quod pueri non baptizati non erunt in iudicio ex parte illorum, quibus dicitur: *Venite benedicti Patris mei*, nec ex parte aliorum, quibus dicitur: *Discedite maledicti*, ut dicit (28) B. Augustinus, qui ait statum medium fore, sicut etiam status medius est inter facere bonum, & facere malum, quod etiam patet ex eo, quod dicitur 2. 5. v. 10. *Omnes nos manifestari oportet ante Tribunal Christi, ut referat unusquisque propria corporis, prout gessit, sive bonum, sive malum.* Ex quibus verbis evidens est, quod non deducitur ad examen, quod quis cum Originali natus est, sed quod operatus est, qui tempus habuit operandi.

§. V.

Quod Parvuli possint in fide Ecclesiæ salvari.

Nunc accedamus ad probandum sententiam nostram, scilicet quod Parvuli salvari possunt in fide Ecclesiæ. Si enim Deus per peccatum alterius damnaret puerum ante baptismum, & non salvaret eum per fidem alterius, non superexaltaret Misericordia iudicium, idest non esset altior super iudicio; propter quod etiam Apostolus Rom. 5. v. 15. *Si enim unius delicto multi mortui sunt, multo magis gratia Dei, & donum in gratia unius hominis Jesu Christi in plures abundavit;* idest abundanter transit in plurimum sive multorum justificationem per gratiam unius hominis Iesu Christi.

Quod autem pueri salvari possint in fide Ecclesiæ per Baptismum, probatur pluribus testimoniis; legitur enim Matth. 8. quod Iesus puerum Centurionis (29) per fidem ejus salvavit, unde v. 10. dixit de eo: *Non inveni tantam fidem in Israel;* postea dixit ei v. 13. *Vade & sicut credidisti fiat tibi. Et sanatus est puer in illa hora.* Si in fide illius sanatus

est

(28) Indicat hoc loco auctor, quod habet S. Augustinus lib. 111. de libero arbitrio Cap. xxiii. „Sicut vita esse potuit media inter recte factum, atque peccatum: ita & potest dari sententia „iudicis media inter premium atque supplicium „Verum negari nequit, quin Augustinus existimavit, infantes quidem baptizatos ex parte iustorum, non baptizatos autem ex parte improborum consistere in iudicio; atque unam eandemque subire aut gloriæ, aut supplicii sententiam oportere. Nam cum sæpe alias, tum sermone cccxiv. al. xiv. „Venturus, inquit, Dominus, & iudicaturus de vivis, & mortuis sicut Evangelium loquitur, duas „partes facturum est, dexteram, & sinistram; sinistris dicturus (*Ite in ignem æternum, qui paratus est diabolo & Angelis ejus*) „dextris dicturus (*Venite benedicti Patris mei, percipite Regnum, quod vobis paratum est ab origine mundi*) hac regnum „nominat, hac cum diabolo damnationem. Nullus relictus est „medius locus, ubi ponere queas infantes. De vivis & mortuis „iudicabitur, alii erunt ad dexteram, alii ad sinistram,

„non novi aliud. Qui inducis medium, recede de medio: non „te offendat, qui dexteram quærit &c. Vide *Hypomnesticon*, librum qui falso tribuitur Augustino, cap. v. aliosque veteres Scriptores, quorum testimonia refert Norisius Cardinalis *Vindic. August. Cap. 111. §. v. per tot.* Sed Moneta accedit S. Thomas in *Quæst. Disp. Quæst. v. de mal. Art. 11. per tot. pag. 263. seqq. Tom. xii. Opp. Edit. an. 1660.*

(29) Non eo dicit Moneta puerum Centurionis Sanctum, quo infantem illum fuisse censet; sed quo ostendat, nihil ob stare quo minus parentum, aut Ecclesiæ fide salvari infantes possint; cum Centurionis puer fortasse ne cogitans quidem, Domini sui fide sanitatem fuerit consequutus. Nam puer, de quo *Matth. Cap. viii. v. 6.* Sermonem habet, *τοῦτος* Græce, non filius Centurionis, neque infans; sed servus fuit. Etenim *כַּלָּבַי* puer ab Hebræis pro *כַּלָּבַי* ministro usurpari solet. Neque vero apud judæos solum; verum etiam apud Latinos, & Græcos. Apud Aristophanem in *Plut. v. 624.* Chremylus sic alloquitur servum Carionem *ὦ παῖ Καρίων.*

est puer ejus corporaliter, quid mirum est si per fidem Ecclesiæ puer sanatur spiritualiter in Baptismo, cum Deus magis salutem animæ quam corporis amplectatur?

Præterea: si miraculum illud spirituale est, non corporale, ut asserunt qui duo ponunt principia: patet, quod per fidem alterius aliquis a peccato sanatur.

Item: nonne vides quod Matth. 9. v. 2. dicitur de quibusdam: *Offerebant ei paralyticum jacentem in lecto. Et videns Jesus fidem illorum, dixit Paralytico: Confide fili, remittuntur tibi peccata tua; Quare ergo in fide Ecclesiæ non remittentur puero peccata?*

Præterea: si fides illorum, qui credebant quod per eum sanaretur Paralyticus corporaliter, subvenit paralytico; multo magis subveniet puero fides Ecclesiæ, quæ credit quod per ipsum Christum spiritualiter sanatur in Baptismo.

Item Matth. 15. per fidem Chananææ curata est filia ejus, quæ male à Dæmonio vexabatur, unde v. 28. ei dicitur à Christo: *O mulier magna est fides tua: fiat tibi sicut vis. Et sanata est filia ejus ex illa hora.*

Item Marci 9. quidam attulit filium suum ad Jesum, qui habebat Spiritum mutum, cujus Patri dixit Jesus v. 22. & 23. *Si potes credere, omnia possibilia sunt credenti. Et continuo exclamans Pater pueri cum lacrymis agebat: Credo Domine, adjuva incredulitatem meam.* Et ad præceptum Jesu exivit ab eo Spiritus malus.

Item Lucæ 8. v. 50. dixit Iesus Archisynagogo roganti pro filia sua, quam mortuam esse quidam ei denuntiabant: *Noli timere: crede tantum, & salva erit; Et sic factum est,*

Item Lucæ 18. v. 15. & 16. *Afferebant autem ad illum & infantes, ut eos tangeret. Quod cum viderent Discipuli (30) increpabant illos. Jesus autem convocans illos dixit: Sinite pueros venire ad me, & nolite vetare eos, talium est enim regnum Cælorum.* Nota quod dicitur *afferebant*, per se enim non veniebant. Item appellat eos infantes quia nondum loqui poterant; per se ergo nec fidem habebant, nec opera; & tamen Dominus imponebat eis manus, & benedicebat eos, ut habetur

Marci 10., & sic mundabantur per fidem illorum, qui portabant eos, facta sibi manus impositione a Domino, & benedictione sua eis data, alioquin si non mundabantur a peccato, frustra eis manus imponebat, & benedicebat eis frustra Dominus Jesus, quod esse non potest; imo si Christus eis benedicebat, benedicti erant.

Præterea Marcus dicit c. 10. v. 14. *Sinite Parvulos venire ad me, & ne prohibueritis eos: talium est enim regnum Cælorum.* Constat autem, quod non est nisi bonorum regnum Cælorum; ergo Parvuli sunt boni.

Præterea dicit v. 15. *Quisquis non receperit regnum Dei velut Parvulus iste, non intrabit in illud; ergo Parvulus recipit regnum Cælorum.*

Item Matth. 18. v. 4. *Quicumque ergo humiliaverit se, sicut Parvulus iste, hic est major in regno Cælorum:* Ecce Parvulum appellat humilem; & qui se humiliat exaltabitur Lucæ 18. v. 14. parvulus ergo bonus est.

Item 1. Timoth. 2. v. 4. *Qui omnes homines vult salvos fieri, & ad agnitionem veritatis venire.* Salvos scilicet a peccatis; unde Matth. 1. v. 21. *Ipse enim salvum faciet populum suum a peccatis eorum.* Ad agnitionem veritatis vult Deus venire, de qua 1. Jo: 3. v. 2. *Videbimus eum sicuti est, eum scilicet de quo dicitur Jo: 14. v. 6. Ego sum via, veritas, & vita:* sed nonne Parvulus est homo? utique; unde Jo: 16. v. 21. *Mulier cum parit tristitiam habet, quia venit hora ejus, cum autem peperit puerum, jam non meminit pressuræ propter gaudium, quia natus est homo in Mundo.*

§. VI.

De his, quæ Puerorum Baptisma præcedant.

Alio etiam modo adversarii veritatis impugnant Baptismum, quia irrident antecedentia ad ipsum, scilicet Catechismum Puerorum, dicentes, frustra eos catechizari, (31) cum non sint capaces disciplinæ, dicentes, omnia esse falsa, quæ ibi dicuntur. *Quid petis ab Ecclesia Dei? Fidem. Credis in Patrem, Filium, & Spiritum Sanctum? Credo. Vis Christianus fieri? volo.* Omnia ista falsa sunt, ut dicunt

Opuer Cario. Et in *rahis* v. 194. Bacchus Charonem Servum appellans: *τοῦ δαῖψο*, inquit, *Puer beus*. Similia occurrunt apud Plautum, Terentium, Ciceronem aliosque purioris latinitatis cultores veteres imprimis, summaque, in hisce rebus auctoritate. Videtur, modo liceat, Grotius *Comment. in Cap. viii. Matthæi* 2. 6. Sed de puero Servo Matthæo Evangelistæ memorato omnem dubitationem tollit, quod de eodem habet S. Lucas *Cap. vii. Evangelii*. *δαῖς* enim, hoc est *Servum*, vocat, quem Matthæus appellat *τοῦ δαῖψο* puerum.

(30) Sanctus Innocentius I. Pontifex Maximus *Epist. inter Augustinianas* cxxxii. al. xciii. *Ad Patres Concilii Milevitani* n. 6. col. 640. *Illud vero, inquit, quod eos vestra fraternitas asserit predicare, parvulos æternæ vitæ præmiis, etiam sine baptismatis gratia posse donari, perlatum est...* Qui autem hanc eis sine regeneratione defendunt; videntur mihi ipsum baptismum velle cassare, quum prædicant hos habere, quod in eos creditur, non nisi baptismo conferendum. Si ergo nihil volunt officere non renasci; fateantur necesse est, regenerationis sacra fluente prodesse. Verum ut superfluorum hominum prava doctrina celeri veritatis possit ratione discindi, proclamat hoc Dominus in Evangelio dicens: *Sinite infantes venire ad me, & nolite eos prohibere, talium est enim regnum Cælorum.*

(31) Simile quidpiam Augustino opposuit Bonifacius Episcopus; ut constat ex *Epist. cvi* II. al. *xxiii. n. 7. col. 266. Tom. I.* *Opp. Difficillimam sanè, inquit Augustinus, questionem tibi proposuisse visus es, in extremo Inquisitionis tuæ, ea videlicet intentione; qua soles vehementer cavere mendacium. Si constitutus, inquis, ante te parvulum, & interrogem, utrum cum creverit futurus sit castus, vel fur non sit futurus: sine dubio respondebis: nescio. Et utrum in eadem parvula ætate constitutus, cogitet aliquid boni vel mali: Dices, nescio. Si itaque de moribus ejus futuris nihil audes certi promittere, & de ejus præsentis cogitatione: quid est illud, quod quando ad baptismum offeruntur, pro eis parentes, tamquam fidei doctores respondent, & dicunt illos facere, quod illa ætas cogitare non potest; aut si potest, occultum est? Interrogamus enim eos a quibus offeruntur, & dicimus, credit in Deum? De illa ætate, quæ utrum sit Deus ignorat: respondent: credit: & ad cætera sic respondetur singula, quæ quaruntur. Unde miror parentes in istis rebus tam fidenter pro parvulo respondere, ut dicant eum tanta bona facere, quæ ad horam, quæ baptizatur, baptizator interrogat, tamen eadem hora si subijciat: erit castus, qui baptizatur, aut non erit fur: nescio utrum audeat dicere aliquis, aliquid horum erit, aut*

dicunt hæretici, quia Parvulus nil petit, nil credit, nec vult Christianus fieri.

Ad hoc respondeo: quod omnia illa vera sunt, & Puer petit Fidem, five Sacramenta Fidei, idest Baptismum, & vult fieri Christianus, & credit credenda. Dicitur autem petere, quia Patrinus ejus petit; eodem etiam modo dicitur velle, quia illi hoc vult ei; credere autem dicitur Puer, idest tempore debito crediturus fore, quantum in ipso Patrino erit, & ideo dicit credo, cujus sensus est: per me non stabit, sed dabo operam ut credat, unde dicendo credo, se obligat, ut eum erudiat de fide Christi, vel erudiri faciat. Catechizantur ergo Pueri, non quia disciplinæ capaces sint, sed ut pædagogus eorum cognoscat, de quibus eos debeat instruere, cum disciplinabiles fuerint (32).

Sicut autem derident catechismum, idest instructionem Puerorum, ita etiam derident exorcismum, idest adjurationem, & insufflationem Spiritus immundi, frustra enim insufflatur, frustra etiam adjuratur ut inde exeat, si ibi non est.

Præterea: si inde exiturus est, ergo ibi est. Hoc autem dicunt ad culpandum Matrimonium, dicentes: prægnantem esse dæmoniācam. Iterum si ibi esset essentialiter, vel per effectum, frustra adjuratur, vel insufflatur ut exeat, quia sic non exit.

„ non erit, sicut mihi sine dubitatione respondet, quod credat in Deum, & quod se convertat ad Deum. Magnam vim huic argumento, quod certe plumbeum est, inesse putant Anabaptistæ, imprimisque Vandalemius *Hist. Baptif.* pag. 377. Sed cujuscumodi sit constabit sequente notatione.

(32) Eodem fere spectaret, quæ Augustinus *Epistola* mox indicata exequitur, n. 2. ut autem, inquit, possit regenerari per Officium voluntatis alienæ, cum offertur consecrandus, facit hoc unus Spiritus, ex quo regeneratur oblatus. Non enim scriptum est: Nisi quis renatus fuerit ex parentum voluntate, aut ex offerentium, vel ministrantium fide: sed nisi quis renatus fuerit ex aqua, & Spiritu Sancto. Aqua igitur exhibens forinsecus Sacramentum gratiæ, & Spiritus operans intrinsecus beneficium gratiæ, solvens vinculum culpæ, reconcilians bonum naturæ, regenerant hominem in uno Christo, ex uno Adam generatum. Regenerans ergo Spiritus in majoribus, offerentibus, & Parvulo oblato renatoque communis est. Ideo per hanc Societatem unius, ejusdemque Spiritus, prodest offerentium voluntas Parvulo oblato, & n. 8. Itaque Parvulum, & si nondum fides illa, quæ in credentium voluntate consistit, jam tamen ipsius fidei Sacramentum fidelem facit. Nam sicut credere respondetur, ita etiam fidelis vocatur, non rem ipsam mente annuendo, sed ipsius rei Sacramentum, percipiendo. Cum autem homo sapere cœperit, non illud Sacramentum repetet, sed intelliget, ejusque veritati consona etiam voluntate coaptabitur. Hoc quamdiu non potest, valebit Sacramentum ad ejus tutelam adversus contrarias potestates; & tantum valebit, ut si ante rationis usum ex hac vita emigraverit, per ipsum Sacramentum commendante Ecclesia charitate, ab illa condemnatione quæ per unum hominem intravit in Mundum, Christiano adjutorio liberetur. Hoc qui non credit, & fieri non posse arbitratur, profecto infidelis est; etsi habeat fidei Sacramentum. Atque hæc quidem ab Augustino reddita est conveniens ratio; quamvis satis illi fuisset ad Apostolicam traditionem confugere. Verum quoniam inveteratam consuetudinem Bonitacius (cujus auctoritate nititur Vandalemius) non negabat, quærebatur autem congruentem aliquam rationem; ideo a traditione asserenda sibi esse supersedendum putavit. Nam Bonitacius sic *Epistolam* suam concluderat: *ibid.* n. 8. col. 267. Ad istas ergo quæstiones peto breviter respondere digneris. ita ut non mihi de consuetudine præscribas, sed rationem reddas. Errat ergo vehementer Vandalemius, cum Bonitacio incognitam fuisse hanc traditionem affirmat. Si enim incognita fuit homini hæc tanta tamque alte repetita traditio; cur Augustinum admonuit, ne sibi præscriberet de consuetudine? Quod si afferat Testimonia Tertulliani *lib. De Bapt. Cap. xviii.* qui Baptismum ad adultam ætatem differri oportere satis esse putavit; nihil est, quod expedire tam facile possimus. Nam Tertulliani consilium non probarunt, qui illa ætate florebant Catholici; quippe qui verba

Solutio: ibi non est, sed ejus effectus, scilicet peccatum originale, (33) & quo ad hoc inde exiturus est in Baptismo.

Præterea hoc non valet; exi ab eo, ergo in ipso est essentialiter. Petrus dixit Christo. Lucæ 5. v. 8. *exi a me*; nunquid Christus intra ipsum erat essentialiter? Non.

Ad aliud dicimus, quod non frustra insufflatur, vel adjuratur ut exeat quo ad effectum prædictum, quia sic diabolus affligitur (34), & ad exeundum non tunc, sed in Baptismo adjuratur, & tunc exit, quia effectus ejus idest peccatum ibi deletur.

Præterea, si derident insufflationem, derident Christum, qui insufflavit (35).

Si quæretur, utrum Pueri, qui nondum sunt disciplinabiles teneantur recipere Baptismum?

Distinguo: si tenetur importet obligationem, falsa est; si necessitatem ad salutem, vera est. Baptismus enim ad salutem absolute necessarius est ex institutione Dei Jo: 3. v. 5. *Nisi quis renatus fuerit ex aqua & Spiritu Sancto, non potest introire in Regnum Dei.*

Item si quæretur, an parentes teneantur facere, quod Pueri baptizentur; & si tenentur, ex quo præcepto?

Respondemus: quod sicut tenentur providere eis necef-

Christi opponerent: *Sinite Parvulos ad me venire*: ut suum institutum rationi ostenderent, & auctoritati esse maxime consentaneum. Etsi vero vetus ille scriptor effugere vim argumenti conatus sit, non valuit tamen. Ridicula enim est ea, quam adhibet, responsio: *Ait quidem Dominus, inquit, nolite illos prohibere ad me venire. Veniant ergo dum adolescunt; veniant dum discunt; dum quo veniant doceantur.* Quamquam enim hæc flagitet Tertullianus; Christus tamen non flagitavit, ut parentes ad ipsum pueros adducerent, posteaquam adoleviscent. Deinde numquam affirmavit Tertullianus irritum esse Baptismum traditum infantibus, sed utilius esse dixit, eum ad ætatem adultam esse differendum. Quamobrem injuria Vandalemius Anabaptista auctoritate Tertulliani se se defendit. Illud quoque accedit, quod neque Fides Africanus Episcopus, neque Gregorius Nazianzenus, quorum testimoniis abutitur ille ipse Anabaptista, errorem de Baptismo infantium renovando amplexi sint. Siquidem Fides, cujus Synodus Africana, ut est *Epist. lxiiv.* auctor Cyprianus, rejecit consilium, infantes quidem esse Baptismo iniciandos ajebat, sed post viii. a natiuitate diem; Gregorius vero Nazianzenus *Orat. xl.* triennes pueros baptizari volebat, nisi tamen contra necessitas postulasset: quæ sane dicendi ratio ab errore Anabaptistarum quam longissime discrepat. Vide Jueninum *Comment. Hist. Dogm. de Sacram. Dissert. II. Quæst. II. Art. I.* & Bellarminum l. v. de Bapt. Cap. viii. To. ii. Opp. Edit. Venet. an. & Edmundum Martenium *lib. I. De Antiquis Ecclesiæ ritibus Cap. I. Art. viii. n. vii. seqq.*

(33) Ita respondet Sanctus Augustinus *lib. vi. Op. Contra Julianum cap. v. & l. iii. Operis Imperfecti contra eundem Cap. cxcix.* ubi hæc habet *exsufflantur*, ut diabolo, qui contagione peccati tenet Parvulum reum, foras misso, Parvulus transferatur ad Christum. Exsufflationis ritus jam inde ab initio Ecclesiæ obtinuit, non apud Occidentales solum, verum etiam apud Orientales Christianos. Adeundus Martenius *lib. I. De Ritibus Cap. I. Art. vi. n. viii. seqq.* Sunt etiam Hæretici hujusce temporis infesti ritibus hisce, qui ab Ecclesia adhibentur, ut videre est apud Bezam l. ii. *Hist. Eccl. pag. 99.* & apud Auctores Operis *De la perpétuité de la Foy. liv. I. Chap. I. pag. 13. Tom. II.*

(34) Consultor Cyrillus Hierosolymitanus *Pro Catech. n. 9. p. 7. & Catech. xx. n. 3. pag. 312. Edit. Paris. Toutei.* ubi quemadmodum, inquit, insufflationes Sanctorum, & invocatio nominis Dei, flammæ instar vehementissimæ demones urit, & effugat &c. Adeundi Toutei in *not. ad Procatech. S. Cyrilli pag. 7. & Martenius lib. I. De Antiquis Ecclesiæ ritibus Cap. I. Art. ii. n. viii. seqq.* Renaudotius *Tom. Extremo de la Perp. de la Foy. liv. II. Cap. x. pag. 146. seqq.*

(35) Adis Cyrillum Hierosolymitanum *Catech. xvii. n. xii. pag. 271.*

necessaria ad salutem corporis, sic, imo multo magis necessaria ad salutem animæ. 1. ad Tim. 5. v. 8. *Si quis autem suorum, & maximè domesticorum curam non habet, fidem negavit, & est infideli deterior.* Item ad Eph. 6. v. 4. *Patres nolite ad iracundiam provocare filios vestros, sed educate illos in disciplina, & in correptione Domini.*

Hic ponenda est quæstio hæreticorum, quare Deus infundit animam corrupto (36) vasi, sciens quod inde contrahit peccatum originale, propter quod indiget Baptismo?

Cujus solutio est, quia licet æquali facilitate possit eam infundere; licet homo peccaverit, & peccando corpus suum corruerit, tamen decretum suum circa modum humanæ conditionis mutare noluit. Decretum illud erat, ut ex uno homine omnes, sicut ex Deo uno anima; in hoc enim est homo imago, & gloria Dei, ut habetur 1. Corinth. 11. v. 7. *Istud decretum tangit Apostolus Act. 17. v. 26. Fecitque ex uno omne genus hominum inhabitare super universam faciem terræ.* Istud idem tangit Rom. 9. v. 21. *An non habet potestatem figulus luti, ex eadem massa facere aliud quidem vas in honorem, aliud vero in contumeliam?* De immutabilitate ejus Jacobi 1. v. 17. *Apud quem non est transmutatio.*

Alia quære secundo libro cap. De translatione animarum.

§. VII.

Quot modis intelligatur Baptisma.

Modo videndum est de Baptismo Christi, & Ecclesiæ Dei. Primo autem videamus quibus modis, & quot dicatur Baptismus in Scriptura Divina; Secundo, quid sit Baptisma Ecclesiæ de quo dicit Ap. Eph. 4. v. 5. *Unum Baptisma*; Tertio quæ sit Baptismi efficacia. Primo ergo videamus quibus & quot modis dicatur Baptismus secundum Scripturas Divinas. Uno modo dicitur Baptismus (37) ablutio facta in aqua materiali, unde: *Johannes quidem baptizavit aqua.* Act. 1. v. 5. Item alio modo dicitur Baptismus acceptio Spiritus Sancti ad robur; unde ibidem: *Vos autem baptizabimini Spiritu Sancto*; Verba sunt Christi ad Discipulos in die Ascensionis; ista autem quædam ablutio est,

(36) Fuit hoc idem objectum Patribus a Pelagianis, objiciturque hac nostra ætate Catholicis ab Socinianorum peste. Nos fide constare peccatum originale inficere animam dicimus, probamusque Scripturæ atque traditionis auctoritate. Quin etiam Deum justum esse, neque moliri quidquam contra justitiam multis evincimus. Quemadmodum autem Dei justitia necesse cum creatione animarum intrusorum in corpora, sordibusque peccati inquinatorum possit; etsi explicare non possemus, non inde tamen licet concludere, aut injustum esse Deum, aut peccatum originale tolli oportere. Si enim res ob oculos posita, aut facultate naturæ nobis perspecta, qua ratione inter se connectantur, intelligi non potest; multo magis ea difficile erit explicare, quæ sunt nostro sensu intelligentiaque superiora. Ego enim & animum spirituale in me esse scio, & corpore me esse præditum scio; qui autem animus spiritualis conjungatur inerti corpori nescio: an ergo inferam corpus animo non esse conjunctum? Nihil minus. Itaque etsi justitiam, quæ vere inest in supremo Numine, cum permissione peccati Originalis, qua sum imbecilla intelligentia nectere ipse nequirem; maneret nihilominus peccatum originale. Egregie Augustinus *Lib. I. de Nupt. & Concupiscentia Cap. xix. n. 21. col. 291.* Ex hac igitur concupiscentia

non ab immundis maculis, sed a minoritate; minus enim habebant Spiritum Sanctum ante diem Pentecostes, quam postea. Istud autem magis patet in Capitulo de Spiritu Sancto. Hoc modo dicit Dominus Jo: 15. v. 2. *Omne palmitem in me non ferentem fructum, tollet eum, & omnem qui fert fructum, purgabit eum, ut fructum plus afferat.* Invenitur etiam tertius Baptismus, scilicet passionis, unde Lucæ 12. v. 50. *Baptismo autem habeo baptizari: & quomodo coarctor, usque dum perficiatur?* Item Marci 10. v. 39. *Calicem quidem, quem ego bibo, bibetis; & Baptismo, quo ego baptizor, baptizabimini.* Istis tribus modis invenitur in novo Testamento summi nomen Baptismi, & non pluribus; & propter hos tres modos Ap. Hebr. 6. v. 1. & 2. pluraliter locutus est, dicens: *Non rursus jacentes fundamentum pœnitentiæ ab operibus mortuis, & fidei ad Deum, Baptismatum, Doctrinæ, impositionis quoque manuum, ac resurrectionis mortuorum, & judicii æterni,* quasi diceret Apostolus, ita jaciamus fundamentum pœnitentiæ de operibus malis, & fundamentum fidei ad Deum, ut non sit opus iterum jaccere. Et exponit fundamentum fidei, idest fidem, quæ est fundamentum, per partem, cum subdit Baptismatum, quia in suo Baptismo docebat eos pœnitere, quasi dicat: jaciamus fidem Baptismatum tamquam lapidem firmum in fundamento. Item fidem doctrinæ Christi, & fidem impositionis manuum, & fidem resurrectionis mortuorum, & fidem judicii æterni.

Si autem dicat Hæreticus, quod alio modo sumitur Baptismus in Scriptura, scilicet pro pœnitentiæ; hoc non potest ostendere testimonio aliquo; quod enim dicit Paulus Act. 19. v. 4. *Joannes baptizavit Baptismo pœnitentiæ populum*; cum Johannis Baptismus daretur in aqua materiali, Baptismus Johannis non erat pœnitentiæ, sed dicitur Baptismus pœnitentiæ, quia in suo Baptismate docebat eos pœnitere; unde Matth. 3. v. 2. dicitur, quod ipse prædicabat venientibus ad Baptismum suum: *Pœnitentiam agite.* Quod autem ibi v. 11. dicit Johannes; *Ego quidem baptizo vos in aqua in pœnitentiam*, ostendit quod in aqua erat ejus Baptismus, sed ad pœnitentiam, quia in eo monebat homines venire ad eam; non enim dixit *in pœnitentia*, sed *in pœnitentiam*.

[**] Dicunt etiam hæretici Baptismum sumi pro Doctri-

„tia carnis quod nascitur; utique mundo, non Deo nascitur.
„Deo autem nascitur, cum ex aqua, & spiritu renascitur. Hujus
„concupiscentiæ reatum regeneratio sola dimittit: ac per hoc ge-
„neratio trahit. Ergo quod generatum est, regeneretur, ut si-
„militer, quia non potest aliter, quod tractum est remittatur.
„Utrum enim quod dimissum est in parente trahatur in prole;
„miris quidem modis sit; sed tamen sit. Hæc invisibilia; & infi-
„delibus incredibilia; sed tamen vera, ut haberent aliquod visi-
„bile exemplum, hoc in quibusdam arbitris divina providentia
„procuravit &c. Sed affert Moneta hoc loco rationem alicujus mo-
„menti. Vide etiam S. Th. I. II. Q. IxxxI. Art. 1.

(37) Traditio Ecclesiæ est, Scripturarum quoque novi Testamenti auctoritate munita; Aquæ Baptismum suppleri Baptismo Martyrii, vel etiam Baptismo Flaminis in hominibus adultæ ætatis; est autem Baptismus Flaminis perfecta cordis ad Deum conversio cum voto Baptismi aquæ, quando homo a susceptione Baptismi ejusdem aquæ necessitate quadam excluditur. Vide Natalem Alexandrum *lib. 11 Theol. Dog. & Mor. Cap. 111. prop. 111. & 14.*

[**] Quæ duobus primis asteriscis complexi sumus, defunt e Cod. Bonon.; quæ autem duobus sequentibus non exstant in Vaticano.

Doctrina, (38) quod in nullo loco scripturæ invenire possunt. Forte dicent: nonne dicitur Eccl. 15. v. 3. *aqua sapientiæ salutaris potabit illum?* Sic ergo aqua dicitur sapientia, ergo & doctrina.

Dico eis: unde habetis aqua dicitur Sapientia, ergo Doctrina, cum Doctrina sit effectus sapientiæ?

Præterea etsi Doctrina dicitur aqua, non sequitur quod dicatur Baptismus, non enim omnis aqua Baptismus.

Præterea ex illo testimonio Ecclesiastici, non habetur quod aqua sit Sapientia, sed Sapientiæ salutaris, quæ est Christus. 1. Cor. 1. v. 23. & 24. *Prædicamus Christum Crucifixum Judæis quidem scandalum, gentibus autem stultitiam, ipsis autem vocatis Judæis, atque Græcis Christum Dei virtutem, & Dei Sapientiam.*

Dicunt etiam quod Baptismus dicitur impositio manuum, (39) quod minime possunt ostendere.

§. VIII.

Quod nam sit Baptisma de quo Apostolus: una Fides unum Baptisma.

ECce habemus quibus modis sumitur Baptisma in Scriptura Sacra, nunc videndum est de quo Baptismo intelligat Apostolus hoc quod dicit Eph. 4. v. 5: *Unus Deus, una fides, unum Baptisma*, cum enim plura inveniantur Baptismata, ut supra ostendimus, non frustra dixit Apostolus, unum Baptisma, sed ut significaret Baptisma Ecclesiæ Dei, quod ad salutem necessarium est. Modo quæro an illud Baptisma, de quo Apostolus loquitur, sit Baptisma aquæ materialis?

Ad hoc solent dicere hæretici, quod illud Baptisma est impositio manuum.

Hoc autem frivolum esse ostendetur 1. quia nullo testimonio confirmatur. 2. quia evidentibus testimoniis apparet, quod aliud est Baptisma, quam manuum impositio. Hoc enim patet ex auctoritate Ap. Hebr. 6. v. 1. & 2. *non rursus jacentes fundamentum pœnitentiæ ab operibus mortuis, & fidei ad Deum, Baptismatum, Doctrinæ, impositionis quoque manuum &c.* Item act. 8. ubi dicitur quod Samaritani baptizati in nomine Domini a Philippo, postea ab Apostolis manus impositionem acceperunt, de quo supra diximus, ubi egimus de Christi baptismo. §. 3. Istud etiam patet act. 19. v. 5. & 6. ubi dicitur quod baptizati a Johanne postea *baptizati sunt in nomine Domini Jesu, & cum imposuisset illis manus Paulus venit Spiritus Sanctus super eos.* In quibus verbis patent duo, scilicet quod Baptismus in nomine Domini Jesu non est Baptismus Johannis, ut dictum est supra in principio

hujus tractatus ibidem; & quod Baptismus datus in nomine Domini Jesu aliud est, quam manus impositio. Idem etiam patet act. 9. v. 18. ubi postquam Ananias imposuit manum Paulo dicitur: *& surgens Baptizatus est.* Ubi etiam patet quod Baptismus non potest dici Doctrina, quia Ananias non docuit eum ut haberetur ad Gal. 1. Aliis etiam modis patebit hoc idem.

Dixit etiam hæreticus, quod Doctrina dicitur Baptismus aquæ: hoc autem quia non possunt ostendere aliquo testimonio Scripturæ, & quia testimonio evidentissimo contrarium invenitur, falsum esse manifestum est.

Dicit enim Apostolus 1. Cor. 1. v. 17. *Non enim misit me Christus baptizare* (40), *sed evangelizare*; aliud ergo est baptizare, & aliud evangelizare, ergo aliud est Baptismus, & aliud Doctrina. Ibidem etiam patet, quod baptizare non est idem quod manus imponere; hoc enim suum erat, & aliorum Apostolorum, & hoc hodie est Episcoporum Ecclesiæ.

Item Io: 4. v. 2. dicitur: *quanquam Jesus non baptizaret, sed Discipuli ejus.* Numquid Jesus manus non imponebat? Numquid non docebat, sed Discipuli ejus? Non. Aliud ergo est Baptismus Ecclesiæ Dei, quam manus impositio, vel Doctrina; Baptismus ergo Discipulorum Christi erat in aqua materiali, alioquin non staret quod dicitur: *Quanquam Jesus non baptizaret, sed Discipuli ejus.*

Idem etiam patet act. 19. scilicet, quod Baptismus Ecclesiæ non dicitur Doctrina, ut dictum est supra, agendo de Baptismo Christi §. 3.

Item Matth. 3. v. 13. dicitur: *Venit Jesus a Galilæa in Jordanem ad Johannem, ut baptizaretur ab eo.* Numquid ut ab eo & manus imponeretur, vel ut ab eo doceretur? Non; unde patet quod Christus suscepit in se Baptismum aquæ materialis; de quo dictum est supra de Baptismo Iohannis.

Præterea ibi v. 16. dicitur: *Baptizatus autem Jesus, confestim ascendit de aqua.* Numquid ista est aqua spiritualis? Non: quia in tali aqua Johannes eum baptizare non posset, nec Jesus baptizatus de illa ascenderet, imo in illa semper maneret, & mansit, quæ placita erant Patri faciens semper: venit ergo ibi pro aqua materiali.

Præterea ibi a Matthæo dictum est: *venit Jesus a Galilæa in Jordanem ad Johannem, ut baptizaretur ab eo*, & Marci 1. v. 9. dicitur: *Baptizatus est à Johanne in Jordane.* Si Jordanis iste spiritualis fluvius esset, cujus aqua spiritualis esset, non fuisset Jesus in eo baptizatus à Johanne, imo potius e contrario, restat ergo quod Jordanis materialis sit, & aqua materialis, ubi Jesus a Johanne baptizatus est.

Item Matth. ultimo v. 19. & 20. dicit Christus Discipulis: *Euntes ergo docete omnes gentes: baptizantes eos in nomine Patris, (41) & Filii, &*

O o

Spi-

(38) Calvinus lib. IV. Infit. Cap. XIV. alique plures hæretici hujusce temporis formam Sacramentorum concionalia esse, non consecratoria putant. Etsi vero a Catharis discrepent, quod hi tollerent ablutionem, illi vero ponendam esse omnimodis putent; tamen nonnihil novis Heterodoxis cum antiquis Catharis convenit. Videtis Bellarminum lib. I. de Sacram. in Gen. Cap. XIX.

(39) Consule Notationem 2. ad Cap. I. Hujusce IV. Libri.

(40) Abutuntur hoc testimonio hæretici, qui verba Sacramentorum concionalia esse pugnant. Vide Bellarminum lib. I.

(41) Omnia hæc, quæ noster expendit testimonia Scripturarum, adhibet etiam Tertullianus libro de Baptismo Cap. I. XII. XIII. XIV. seqq. ut necessarium esse Baptismum aquæ contra Cajanam hæresim evincat; Quoniam autem longior essem, quam ratio postulet, si transferre huc omnia Tertulliani argumenta vellem, ad ejusdem librum remittendum esse Lectorem putavi. Sed unum Baptismum appellavit Apostolus, quia Baptismus Aquæ semel susceptus iterari non potest. Videndus Jueninus Diff. II. De Sacram. Bapt. Quæst. IX. Cap. I.

Spiritus Sancti, docentes eos servare omnia, quæcumque mandavi vobis. Aliud ergo est Baptismus Ecclesiæ Dei, & aliud doctrina ejus. Quod autem Baptismus fieret in aqua materiali a Discipulis ante Christi resurrectionem prius ostensum est.

Nunc ostendamus quod post resurrectionem ex mandato Christi: *euntes docete omnes gentes baptizantes eos* &c. baptizaverint Apostoli in aqua materiali. Istud autem jam patere potest ex testimonio act. 8. de Samaritanis ut diximus. Item ex testimonio act. 19. quod præmisimus.

Item ex testimonio Pauli 1. Corth. 1. v. 17. *non enim misit me Christus baptizare, sed evangelizare*, prius enim dixerat v. 14. 15. & 16. *Gratias ago Deo, quod neminem vestrum baptizavi, nisi Crispum, & Cajum: ne quis dicat, quod in nomine meo baptizati estis; Baptizavi autem & Stephanæ domum. Cæterum nescio si quem alium baptizaverim*. Hoc autem verbum dixit Apostolus, quia de voluntate Dei vacabat prædicationi, socii autem baptizabant credentes; unde ipse ait c. 3. v. 6. *ego plantavi, Apollo rigavit, sed Deus incrementum dedit*. Plantavit quidem eos Paulus in fide, eis prædicando, Apollo autem rigavit, in aqua baptizando, Deus autem dedit incrementum muneris sui.

Nunc ad idem alia testimonia inducamus, & 1. illud quod legitur act. 8. a v. 16. usque ad finem capitis: *Angelus autem Domini locutus est ad Philippum dicens* &c. usque: *Philippus autem inventus est in Azoto*. Modo dicas mihi: iste homo venerat adorare in Jerusalem, & revertebatur sedens super currum suum. Iste homo non erat Spiritualis, nec in curru Spirituali erat, adhuc currus suus materialis erat, in quem precibus ejus ascendit Philippus, & ad interrogationem ipsius exposuit verba illa Isaïæ 53. v. 7. *Sicut ovis ad occisionem ducetur, & quasi agnus coram tondente se obmutescet, & non aperiet os suum. De angustia, & de judicio sublatu est: generationem ejus quis enarrabit? quia abscissus est de terra viventium*. Et evangelizavit illi Jesum incipiens a Scriptura illa. Post istam evangelizationem pervenerunt ad quandam aquam: *Et ait Eunuchus; Ecce aqua: quis prohibet me baptizari? Dixit autem Philippus, si credis ex toto corde licet: & respondens ait; Credo Filium Dei esse Jesum Christum. Et jussit stare currum: & descenderunt uterque in aquam Philippus & Eunuchus, & baptizavit eum*. Ista aqua non est Doctrina Spiritualis, quia post Doctrinam, qua ei evangelizaverat Jesum dicitur, quod *venerunt ad quandam aquam*.

Præterea Eunuchus vidit illam aquam, & demonstravit eam Philippo dicens: *Ecce aqua; quis prohibet me baptizari?* Si esset aqua ista Doctrina Spiritualis, nec eam vidisset, cum non esset Spiritualis adhuc, nec eam Philippo demonstrasset, sed potius e contrario.

Præterea: si vidisset eam, non oculo corporis vidisset, hoc constat; ergo oculo mentis. Sic ergo intelligebat eam, ergo jam erat in eabaptizatus[*]. Id est edoctus, si Baptismus est Doctrina; constat autem, quod nondum erat baptizatus. *Dicit enim: quis prohibet me baptizari? [*]*

Præterea dicitur ibi *descenderunt uterque in aquam*. Unde descenderunt, nisi de curru? Ille autem currus materialis erat; Ergo & illa aqua in quam descenderunt erat materialis.

Præterea dicitur: *Cum autem ascendissent de aqua, Spiritus Domini rapuit Philippum, & amplius non vidit eum Eunuchus. Ibat autem per viam suam gaudens. Philippus autem inventus est in Azoto*. Si ascenderunt de aqua, constat quod materialis erat, de Spirituali enim aqua non exisset Philippus. Quod autem aqua esset manus impositio, hoc dicere non potes, quia antequam in aqua baptizaretur vidit aquam, & demonstravit eam Philippo.

Præterea nunquam invenire potes quod aqua dicatur manus impositio, ergo taceas, & discedas ab isto verbo, & sic nos tacebimus.

Item Act. 10. Petrus prædicavit Cornelio verbum Dei; & adhuc loquente Petro verba hæc, *cecidit Spiritus Sanctus super omnes, qui audiebant verbum. Et obstupuerunt ex circumcisione fideles, qui venerant cum Petro, quia & in nationes gratia Spiritus Sancti effusa est. Audiebant enim illos loquentes linguis, & magnificantes Deum. Tunc respondit Petrus: Numquid aquam quis prohibere potest, ut non baptizentur hi qui Spiritum Sanctum acceperunt, sicut & nos? & jussit eos baptizari in nomine Domini Jesu Christi*, a v. 44. usque ad finem. Dicit Petrus: *Numquid aquam quis prohibere potest, ut non baptizentur hi qui Spiritum Sanctum acceperunt sicut & nos?* Ecce quod de Baptismo aquæ apertè hic loquitur. Sed quid appellat ipse aquam? Numquid doctrinam? Non, quia illam jam a Petro acceperant, istam autem de qua Petrus loquitur, accepturi erant, & in ea baptizandi erant, ut patet ex verbis præmissis in illo Capitulo. Numquid pro Spiritu Sancto accipitur? Non, quia jam ipsum acceperant, unde Petrus ait, *qui Spiritum Sanctum acceperunt sicut & nos*. Supple in Pentecoste; unde *audiebant illos loquentes linguis, & magnificantes Deum*. Quomodo ergo sumitur hic aqua, nisi pro ista visibili? Non est ostendere quod alio modo sumatur; ergo Baptismus Aquæ materialis in Ecclesia Dei fuit post Christi resurrectionem, & ejus ascensionem.

Ad hoc etiam induci potest illud Act. 16. v. 31. 32. & 33. ubi habetur, quod Paulus & Silas dixerunt custodi carceris, in quo erant *quid me vultis facere ut salvus fiam*, at illi dixerunt: *Crede in Dominum Jesum, & salvus eris tu & domus tua. Et locuti sunt ei verbum Domini, cum omnibus qui erant in domo ejus. Et tollens eos in illa hora noctis lavit plagas eorum: & baptizatus est ipse, & omnis domus ejus continuo*.

Idem habetur ibidem parum antea de quadam muliere Lydia nomine, *cujus Dominus aperuit cor intendere his, quæ dicebantur a Paulo* v. 14. & baptizata est cum omni domo sua.

Item art. 18. v. 8. *Crispus autem Archisynagogus credidit Domino cum omni domo sua; & multi Corinthiorum audientes credebant, & baptizabantur*. Et iste est ille Crispus de quo habetur 1. Corinth. 1.

v. 14.

[**] Quæ comprehensa duobus asteriscis vides; non exstant in Cod. Vaticano.

v. 14. *neminem vestrum baptizavi, nisi Crispum, & Cajum*; ubi patet quod Baptismus non sumitur pro Doctrina, vel impositione manus; ergo pro Baptismo Aquæ materialis, quia non est ostendere quo alio modo accipi possit.

Ex prædictis patet Christum caput Ecclesiæ baptizatum esse Baptismo Aquæ materialis. Item Discipulos ejus usos esse tali Baptismo, & ante Ascensionem Domini, & post eam. Quare ergo negas tu istum Baptismum? Ubi invenis eos dedisse alium Baptismum? Nusquam invenies. Patet ergo quod Ecclesia Romana in hoc est imitatrix Apostolorum, tu autem synagoga dissimilis & contraria.

Si autem dicas mihi: ubi habes quod Apostoli baptizati fuerunt in aqua?

Dico tibi: ubi habes tu quod non? Cum enim alios sic baptizaverint, probabile est quod sic similiter baptizati fuerint.

Præterea Iohannis 13. dicitur *qui lotus est non indiget nisi ut pedes lavet, sed est mundus totus*. Et *vos mundi estis sed non omnes*. v. 10. & 11. Et c. 15. v. 3. *Jam vos mundi estis propter sermonem, quem locutus sum vobis*; cujus verbi expositionem posuimus §. 3. de Bapt. Christi. Ubi autem erant loti, nisi lavacro aquæ in verbo vitæ ut postea dicemus?

Præterea: Nonne ipsi erant de Ecclesia? utique, imo principales in Ecclesia, unde si Christus Ecclesiam mundavit *lavacro aquæ in verbo vitæ*, ut habetur Eph. 5. v. 26. ipsi eodem modo mundati sunt.

Præterea Ap. ad Titum 3. v. 5. & 6. *Non ex operibus justitiæ, quæ fecimus nos, sed secundum suam misericordiam salvos nos fecit, per lavacrum regenerationis, & renovationis Spiritus Sancti, quam effudit in nos abundè per Jesum Christum Salvatorem nostrum*. In persona sui, & aliorum loquitur.

§. IX.

De Efficacia Baptismi Aquæ Materialis.

Viso quibus, & quot modis sumitur Baptismus Aquæ in scriptura divina, & quod sit unum Baptisma de quo loquitur Apostolus Eph. 4, & quod Baptismus Ecclesiæ sit Baptismus Aquæ materialis videamus de ejus efficacia.

Dicunt autem Hæretici quidam, qui unum ponunt Creatorem, quod nulla est efficacia Baptismi Aquæ, nisi vitatio scandali, & quod Ecclesia Dei ad tempus fuit usa Baptismo aquæ, tantum ut scandalum vitaret hominum, quibus placebat talis Baptismus, quia ad ipsum erant assuefacti.

Sed contra. Nonne vides quod dicitur de Eunuchio Baptizato art. 8. v. 34. *Spiritus Domini rapuit Philippum, & amplius non vidit eum Eunuchus; Ibat autem per viam suam gaudens*. Quare gaudebat (42); si Baptismus aquæ gratiam non conferbat, sed sine peccatorum remissione revertébatur

in Patriam suam? non enim ei manus imposuit, sed tantum eum baptizavit, quod patet per simile, quia etiam Samaritanos baptizaverat, & manum eis non imposuerat.

Præterea nusquam potes ostendere, quod ei esset manus imposita; & si vis dicere quod Spiritum Sanctum habuit sine manus impositione, quod verum est, dicas mihi, per quid recepit Spiritum Sanctum, cum ante Baptismum aquæ eum non habuerit, eo autem accepto habuit Spiritum Sanctum statim, continuo enim *Spiritus Domini rapuit Philippum, & amplius non vidit eum Eunuchus; Ibat autem per viam suam gaudens*? Ex quibus omnibus patet quod per Baptismum aquæ datur Spiritus Sanctus, & Baptismus iste istam habet efficaciam, scilicet dare Spiritum Sanctum.

Præterea tu dicis Ecclesiam usam fuisse Baptismo aquæ propter scandalum vitandum; Cum ibi non fuerit scandalum, quare in aqua baptizavit eum?

Præterea quod non propter scandalum, sed propter fidem quam habebat in Baptismo aquæ eum baptizavit patet ex verbis Philippi, qui dixit: *si credis ex toto corde, licet*; imo potius scandalum videtur esse si non baptizaretur, sic enim ait: *Ecce aqua: quis prohibet me baptizari?*

Præterea dicas mihi, quare ei manus non imposuit, si ita est necessaria ad salutem, ut tu ponis: etsi ab alio quam ab Episcopo fieri potest manus impositio, ut tu credis, & si per Baptismum aquæ salvus non fit?

Præterea ad quid dixit ei Angelus, imo & Spiritus Domini v. 29. *Accede, & adiunge te ad currum istum*, si per Doctrinam Philippi, & Baptismum ejus non fuerunt ei remissa peccata, cum ei non posset manus imponere? Mirum est quod eo baptizato Spiritus Domini statim rapuit Philippum. Mirum est quod non iussit ei dare remissionis peccatorum Sacramentum, sicut iusserat ei jungere se ad currum illius. Numquid Spiritui Domini carius erat hoc, quam salus, vel remissio peccatorum illius? Absit hoc. Non est ergo dubitandum Baptismum aquæ esse necessarium ad salutem.

[*] Præterea quod Ecclesia non uteretur Baptismo aquæ propter scandalum vitandum, patet Act. x. ubi v. 47. dixit Petrus de Cornelio & aliis: *Numquid aquam quis prohibere potest, ut non baptizentur hi, qui Spiritum Sanctum acceperunt sicut & nos?* Imo potius videtur quod scandalizabantur aliqui, si Baptismum accipiebant isti. Restat ergo quod Baptismo aquæ usa sit Ecclesia, propterea quod valet ad salutem.

Item quod scandalum fuisset in custode carceris, qui dixit act. 16. v. 30. *quid me oportet facere ut salvus fiam?* cui v. 31. dixerunt Paulus & Silas *Crede in Dominum Jesum, & salvus eris tu, & domus tua*; Iste eis dixit: *quid me oportet facere ut salvus fiam?* & suscepit Baptismum; ergo Baptismus cum fide opportunus erat ad salutem. Marci 16. v. 16. *Qui crediderit & baptizatus fuerit salvus erit. Qui crediderit, dico, in Dominum Jesum*

O O 2

Chri-

(42) Adis Textullianum libro de Baptismo Cap. iv. pag. 225.

[**] Desunt ex Cod. Vat., & Bonon. quæ exstant duobus asteriscis comprehensa.

Christum, idest quod per eum in Baptismo detur salus, & baptizatus fuerit saluus erit. Nonne hoc est quod dixit Philippus? Postquam enim evangelizavit Eunuchus Jesum, ille dixerat ei: *Ecce aqua: quis prohibet me baptizari?* Cui statim dixit, Philippus; *si credis in toto corde licet*; idest expedit tibi baptizari.

Item Act. 9. v. 7. dixit Christus Paulo: *Surge, & ingredere civitatem, & ibi dicetur tibi quid te oporteat facere*, & c. 22. v. 16. dixit ei Ananias: *Et nunc quid moraris? Exurge & baptizare, & ablue peccata tua, invocato nomine ipsius*.

Item nota Hæreticum docuisse, & scripsisse quod ideo accipiebant & dabant hunc Baptismum aquæ, ut per signum illius Baptismi invitarentur homines ad Baptismum Spiritus Sancti.

Hoc autem nullo testimonio potest ostendere.

Præterea Baptismus aquæ materialis non est signum ducens & invitans ad Baptismum Sancti Spiritus, imo si ita vult docere, potius retrahit inde, per hoc enim quod Baptismo hoc usi sunt Discipuli tota Romana Ecclesia spem salutis ponit in illo, & credit ipsum Baptismum Sancti Spiritus [*]

Item Baptismus valet ad peccatorum remissionem, ad iustitiam, & ad introitum regni Cælorum. Probatio primi habetur Act. 2., ubi Petrus quibusdam compunctis in prædicatione sua de peccatis suis ait v. 38. *Pœnitentiam agite, & baptizetur unusquisque vestrum in nomine Jesu Christi in remissionem peccatorum vestrorum*. Ex prædictis patet, quod Apostoli in aqua baptizaverunt, & hic dicitur quod in remissionem peccatorum, ergo Baptismus aquæ confert peccatorum remissionem. Non enim potest dici, quod Baptismus hic dicatur doctrina, hæc enim jam præcesserat ut patet ex eodem capite: nec potest dici quod dicatur manus impositio, in toto enim novo Testamento nullum habemus testimonium, quod Baptismi nomine impositio manuum designetur.

Probatio secundi ista est: dicitur enim Matth. 3. quod: *Venit Jesus a Galilæa in Jordanem ad Johannem, ut baptizaretur ab eo. Johannes autem prohibebat eum dicens: Ego a te debeo baptizari, & tu venis ad me. Respondens autem Jesus dixit ei: sine modo, sic enim decet nos implere omnem iustitiam* v. 13. 14. & 15. Probatum est prius, quod Jesus in aqua materiali a Johanne baptizatus est. Quare? Ostensum est enim quod non propter scandalum vitandum ut habetur §. 2. de Johannis Baptismo, restat ergo, quod propter causam hic a Domino assignatam: *sic enim decet nos implere omnem iustitiam: decet nos*, dicit, idest te, & me, ut sit sensus, me suscipiente, & te dante, *decet implere omnem iustitiam*, idest exemplo viam docere ad plenitudinem iustitiæ, & ita Baptismus aquæ est via ad iustitiam plenam.

Præterea: si Christus venit ad Baptismum aquæ ut omnem iustitiam impleret, dicit enim: *sic decet nos implere omnem iustitiam*; ergo per Baptismum ab ipso susceptum est omnis iustitia a Christo adimpleta, sed quomodo; nisi quia ex ejus exemplo homo accipit Baptismum in quo datur ei omnis, idest perfecta iustitia?

Item si non venisset ad Baptismum aquæ causa exempli, quare ergo post resurrectionem Discipulis præcepisset illum Baptismum dare Matth. 28. v. 19. *Euntes ergo docete omnes gentes, baptizantes eos in nomine Patris, & Filii, & Spiritus Sancti*, & Marci 16. v. 16. *Qui crediderit, & baptizatus fuerit saluus erit, qui vero non crediderit condemnabitur*. Quare hoc dixit, nisi ut exemplum, & documentum Baptismi aquæ daret, ut acciperetur?

Si autem vis dicere, quod Baptismus ibi dicitur manus impositio; dico tibi: quod hic vel alibi manus impositio nominetur Baptismus nullo testimonio potes ostendere; ego autem jam ostendi quod Baptismus alius est a manus impositione.

Probatio autem tertii ista est, dicit enim Dominus Jo: 3. v. 5. *Nisi quis renatus fuerit ex aqua & spiritu, non potest introire in Regnum Dei*.

Dicit autem Hæreticus quod aqua hic sumitur non pro materiali aqua, sed pro spirituali, idest Doctrina Sacra.

Contra Hebr. 10. v. 22. dicitur *accedamus cum vero corde in plenitudine fidei, aspersi corda a conscientia mala, & abluti corpus aqua munda*; quæ est ista aqua nisi materialis? Corpus enim non abluitur alia aqua; corpus enim non venit ibi pro homine interiori, idest pro anima; prius enim dixerat *aspersi corda*, per quæ anima designatur, & postea subdit, *& abluti corpus aqua munda*, ut sic ostendat totum hominem in Baptismo mundari.

Præterea corpus non potest sumi pro Congregatione fidelium, ista enim congregatio non est nisi ipsa corda, idest ipsæ animæ congregatæ.

Præterea: Paulus qua aqua ablutus erat ab Anania, & quo Baptismo baptizatus act. 9.? Dictum est supra, & præostensum quod Baptismo aquæ materialis; Et hic dicit de se, & de aliis: *accedamus cum vero corde in plenitudine fidei, aspersi corda a conscientia mala, & abluti corpus aqua munda*; Patet ergo quod de materiali aqua intelligitur.

Præterea cum Dominus dicit Io: 3. v. 5. *nisi quis renatus fuerit ex aqua & spiritu, non potest introire in Regnum Dei*; aquam nominat nihil addens, ut de materiali intelligamus, quo modo etiam acceperat a Johanne: Si enim de spirituali aqua vellet intelligi, cum additamento aqua poneretur, ut Eccl. 15. v. 3. *aqua sapientiæ salutaris potabit illum*; item Io: 7. v. 38. & 39. *Qui credit in me sicut dicit scriptura, flumina de ventre ejus fluent aquæ vivæ, hoc autem dixit de spiritu quem accepturi erant credentes in eum*. Item Io: 4. v. 13. & 14. dixit Jesus mulieri Samaritanæ: *Omnis qui bibit ex aqua hac sitiet iterum, qui autem biberit ex aqua quam ego dabo ei non sitiet in æternum, sed aqua quam ego dabo ei fiet in eo fons aquæ salientis in vitam æternam*. Ibi enim bene potest videri ex necessitate, quod de aqua visibili non loquebatur, sed satietatem Sancti Spiritus promittebat.

Præterea Baptismus aquæ materialis lavacrum illud est, de quo ad Tit. 3. v. 5. *non ex operibus iustitiæ quæ fecimus nos, sed secundum suam misericordiam salvos non fecit, per lavacrum regenerationis, & renovationis Spiritus Sancti*; Sic enim dicitur, quia facit baptizatos filios Dei per gratiam

CAP. II.

tiam, & exuens eos vetustate peccati, facit novos, idest novum hominem, idest Christum indutos iuxta illud Gal. 3. v. 27. *Quicumque enim in Christo baptizati estis Christum induistis. In Christo Jesu*, idest in nomine ejus, vel secundum, quod instituit discipulis suis, quibus Baptismum aquæ præcepit, ut ostendimus. Ecce quanta est efficacia Baptismi, quia salvat, regenerat, & renovat Spiritu Sancto dato in ipso, ut innuit Apostolus in prædictis verbis ubi dicit: *Spiritus Sancti, quem effudit in nos abundè per Jesum Christum Salvatorem nostrum. Et quare dicit effudit, nisi quia in aqua super nos effusa dedit nobis ipsum?*

Ad idem facit illud quod habetur 1. Petri c. 3. v. 21. *Quod & vos nunc similis formæ salvos facit Baptisma.* Ecce quod Baptismus aquæ salvat.

Ad idem facit illud Ap. Eph. 5. v. 25. & 26. *Christus dilexit Ecclesiam, & se ipsum tradidit pro ea, ut illam sanctificaret, mundans eam lavacro aquæ in verbo vitæ; idest cum verbo Christi non enim sufficit aqua sine verbo Christi. Matth. 28. v. 19. baptizantes eos in nomine Patris, & Filii, & Spiritus Sancti.* Hoc est illud verbum, de quo dixit Jesus Jo: 15. v. 3. *Jam vos mundi estis propter sermonem, quem locutus sum vobis.*

[*] Ultimo sciendum est, quod adultus non baptizatus potest salvari in casu necessitatis per fidem, & contritionem cordis; unde Rom. 4. v. 45. *ei vero qui non operatur, credenti autem in eum, qui justificat impium reputatur fides ad justitiam, secundum propositum gratiæ Dei; & loquitur de non habente tempus vel operandi, vel suscipiendi Baptismum.* [*]

[*] Desunt hæc e Cod. Vatic.

(1) Discrepans erat Catharorum de manuum impositione sententia. Nam pars quidem *Spirituale Baptisma*, eam appellabat, pars autem contra nihil eam operari in Baptismo ajebat, quod esset manibus a diabolo procreata. Atque in priore sane opinione ceteri, in hac vero postrema Cathari Albanenses versabantur, ut est ab Reinero Sachono animadversum Tom. v. *Thesauri Anecdotor. Martenii* col. 1762. consule notam 2. ad Cap. I. *Hujus IV. libri.* Ergo si manuum impositionem unum Baptisma, non confirmationem constituere putarunt Cathari, confirmationem ipsam funditus substulerint necesse est. Quare Novatianis aliqua ex parte consenserunt. Nam Theodoretus libro 1. 11. *Hæreticarum Fabularum* Cap. v. pag. 229. Tom. IV. Opp. His inquit, *quis baptizant Sanctissimum Christum non præbent; quapropter eos, qui ex hac hæresi corpori Ecclesiæ conjunguntur, laudatissimi Patres innungi præceperunt.* Eodem recidunt quæ habet Pacianus *Epist. 1. 11. Biblioth. PP. Edit. Lugdun. Tom. IV. pag. 309.* Ex his autem constat sublatam a Novatianis Confirmationem fuisse. Non discreparunt a Novatianis Ariani, Macedoniani, & Apollinariani, ut multis demonstrat Eruditissimus P. M. Josephus Augustinus Orsius *S. I. C. a Secr. Diss. De Baptismo in Nomine Christi Parte 1. 1. pag. 117. Edit. Mediol.* Sunt, qui Valdensens censent minus recte de eodem Sacramento iussisse. Verum cuiusmodi sit hoc videre quisque in Prolegomenis poterit, quæ huic Operi præfixa sunt. Picardi tamen existimant non esse inter Sacramenta, recensendam Confirmationem apud Aeneam Sylvium Piccolomini *Hist. Boem. cap. xxxv. & Epist. cxxx. Vviclefus lib. IV. Dialogorum* Cap. XIV. negat Confirmationem esse verum ac proprie dictum Sacramentum. Multo tamen clarius, quam Vviclefus infestis sunt Confirmationis Mysterio Lutherus *lib. de Captiv. Babylonica* Cap. de Confirmatione, Melanthonus *De loc. Communib. Cap. de Confirm.* Zuinglius *Lib. de Vera, & falsa religione* Cap. de Aliis Sacramentis, Calvinus *lib. IV. Institut. Cap. XIX. §. IV.* iique omnes, qui religiose hosce hæreticos auctores sequuti sunt. Prostantes Angliæ multis quidem annis usi sunt Sacramento Confir-

De Confirmatione. Referuntur, & impugnantur Hæreticorum errores circa manuum impositionem.

V Iso de Sacramento Baptismi videamus de secundo Sacramento, idest manuum impositione, quæ ab Ecclesia Confirmatio dicitur; quia in ea datur Spiritus Sanctus ad robur, qui in Baptismo datus est ad peccatorum remissionem, sicut probatum est supra in Cap. de Baptismo per auctoritatem B. Petri Act. 2. v. 38. *Pœnitentiam agite, & baptizetur unusquisque vestrum in nomine Jesu Christi in remissionem peccatorum.*

Peccant autem hæretici circa hoc Sacramentum (1) multipliciter. Primo circa essentiam ejus, credunt enim quod non sit aliud quam Baptismus, de quo dicit Apostolus Eph. 4. v. 5. *unum baptisma.* Hæc autem eorum credulitas in Cap. de Baptismo evidenter destructa est.

Peccant etiam circa ipsum (2), quo ad dantes impositionem manuum, credunt enim quod a nullo ipsis possit dari, nisi a duobus filiis, quorum unum appellant filium majorem, & alium minorem, sed absente Episcopo: iis autem absentibus, credunt quod a Diacono dari possit; imo etiam & a muliere illa, de qua 1. Tim. 5. v. 9. *Vidua eligatur non minus sexaginta annorum, quæ fuerit unius viri uxor.*

Hæc autem eorum detestanda credulitas apparet (3), quia nusquam invenitur a fœmina, nec ab aliis tempore Apostolorum datus Spiritus, præterquam ab Episcopis. Imo Philippus unus de septem ordinatis ab Apostolis Act. 6. qui Samaritanos baptizaverat in nomine Domini, Jesu eis manus non imposuit,

mationis. Quidam etiamnum simile quidquam parvulis admittendis ad communionem concedunt. Sed vulgo obtinuit apud Anglos hac nostra ætate, ut plerique omnes repudient hoc idem mysterium. Adeundi Vvaleburchii Fratres Tom. II. *Controv. Tract. 1. Cap. xxv. pag. 18.*

(2) Consulitor Sachonus *Summ. Cont. Catharos col. 1762. Tom. v. Thesauri Anecdotor. Martenii*. Peccare autem in hoc Catharos pugnat noster, quod certum sit Confirmationem ab Episcopi jure Ordinario, a Presbyteris autem ex commissione, ut ajunt, tribui oportere. Ceterum cum manuum impositionem Baptismum esse putarent Cathari, adeoque omnibus necessarium, inde inferebant, in necessitatis casu dari quoque potuisse a mulieribus, quæ suam profiterentur Religionem.

(3) Hoc eodem utitur argumento Innocentius I. *ad Decentium Eugubinum Epist. xxv. Edit. Constantii. Tom. I. Epist. Rom. Pont. pag. 853.* „ De consignandis vero infantibus manifestum est, non „ ab alio, quam ab Episcopo fieri licere. Nam presbyteri licet „ secundi sint Sacerdotes, pontificatus tamen apicem non habent, „ Hoc autem Pontificium solis debere Episcopis, ut vel consignent- „ vel Paracletum Spiritum tradant, non solum consuetudo Eccle- „ siastica demonstrat; verum & illa lectio actuum Apostolicorum, „ quæ asserit Petrum, & Johannem esse directos, qui jam Baptiza- „ tis traderent Spiritum Sanctum. Verba Innocentii de jure ordinario interpretari solent Theologi. Consulendi Constantius *Notat. 1. ibid. Martenius De Antiqua Ecclesiæ discipl. in div. Offic. Celebr. Cap. xxii. pag. 315. & Tom. I. de Antiquis Ecclesiæ ritibus* Cap. I. *Art. III. pag. 241. Edit. an. 1700.* Lucas Holstenius, & Johannes Morinus De Sacramento Confirmationis *Cap. XII. pag. 57. seqq. opp. Posthumor. Edit. an. 1703.* & qui commentarios in 111. S. Thomæ Partem adornaverunt *Quest. lxxii. Art. xi.* Missum facio Sambovium, qui in *Disp. de Confirmatione*, ne extraordinario quidem jure censet a Presbyteris conferri Sacramentum Confirmationis posse.

posuit, imo etiam Petrus & Johannes ab Apostolis mihi sunt ad eos Act. 8.

Peccant etiam circa manus impositionem quantum ad recipientes, dicentes parvulos non esse ipsius suscepibiles, nec debere eis fieri.

Quarto etiam modo peccant circa efficaciam huius Sacramenti, credentes quod sine eo non sit salus.

Quod autem istud falsum sit (4), patet ex Apostolis duodecim, qui nusquam leguntur manus impositionem a Domino accepisse. Idem patet ex septuaginta duo Discipulis.

Et quia forte dicent, etsi non sit scriptum, tamen factum est: Obiicimus eis latronem illum, cui dictum est Lucæ 23. v. 43. *Hodie mecum eris in Paradiso*; sed illi non fuit facta manus impositio tunc, nec postea; tunc enim mortuus est. (5)

Præterea Apost. Rom. 4. v. 5. dicit: *Ei vero qui non operatur, credenti autem in eum qui iustificat impium, reputatur fides ad iustitiam.*

Item Rom. 3. v. 22. *Iustitia autem Dei per fidem Jesu Christi in omnes, & super omnes qui credunt in eo.*

[*] Præterea: Patres veteris testamenti iusti fuerunt sine impositione manus. Hebr. 6. v. 12. *Imitatores eorum, qui fide & patientia hereditabunt promissiones.* Item Lucæ 1. v. 6. De parentibus Johannis Baptistæ dicitur: *Erant autem iusti ambo ante Deum.*

Præterea per multa Scripturæ loca probatur quod Spiritus Sanctus datur sine impositione manuum; unde act. 4. v. 31. *Et cum orassent motus est locus in quo erant congregati, & repleti sunt omnes Spiritu Sancto, & loquebantur verbum Dei cum fiducia.* Ex quo patet quod Spiritus Sanctus datur quandoque aliquibus in quibus erat, sed ad robur, ut fiducialiter annuntiarent verbum Dei.

Item act. 10. v. 44. *Adhuc loquente Petro verba hæc, cecidit Spiritus Sanctus super omnes qui audiebant verbum.* Vides ergo quod in casu sufficit fides ad salutem, sicut notatum est in Capitulo de Baptismo.

[*] Dicunt autem quod post resurrectionem incepit manus impositio.

Quibus dicendum: Numquid Apostoli habuerunt eam? Si sic: dic, ubi? Si non: quare non salvantur alii sine ea; sicut & ipsi v. 9. Cornelius & sui, qui Spiritum Sanctum acceperunt sicut & Apostoli ut habetur act. 10.

Præterea: fecit ne Christus impositionem manus? Si dicat sic: ubi? Si Marci 10. & Matth. 19.

ergo Parvulis fit manus impositio. Quare ergo tu non facis eis illam? Quare eos damnandos iudicas? Si non fecit eam alicui, mirum est hoc, si est fundamentum salutis.

Præterea: Numquid præcepit Apostolis quod eam facerent? Non potes assignare ubi, nisi forte dicas Marci ult. v. 18. *supra agros manus imponent.* Sed non ne ibi loquitur de materialibus ægris? Utique, secundum illos qui unum Creatorem ponunt; ergo loquitur de impositione manus, quæ fit ad expulsionem materialium ægritudinum, non de illa in qua datur Spiritus Sanctus; vel si de illa loquitur, & Christus eam fecit, ergo prius dedit Spiritum Sanctum, quam resurgeret, quod tu non credis.

Quinto etiam peccant circa ejus Efficaciam: dicunt enim quod si ille qui manus imposuit, vel illi qui imponunt sunt in mortali peccato, nullam habet efficaciam manus impositio ab ipso, vel ab ipsis facta. Ex quo sequitur, quod si ille qui manus impositionem recepit, totam fidem, & modum vivendi ipsorum servaverit, & sic receptus decesserit damnatus sit, nisi in aliud vas transeat, & ibi iterum manus impositionem accipiat, secundum quod ponunt, qui duo ponunt principia.

Præterea quæri potest ab illis qui impositionem manuum vanam credunt, si fiat ab homine existente in peccato mortali, quid sentiendum est de duobus qui manus impositionem ab Episcopo Catharorum acceperunt, vel etiam totum quod debuerunt servare servaverunt: unus in hoc statu decessit, & alter adhuc vivit; Episcopus vero qui eis manus imposuit cadit in peccatum mortale: Quid est de illo qui decessit? Nunquid in bono statu est? Si dicat quod sic: quare ergo alius qui adhuc vivit iterum manus impositionem accipit, nec audet stare quin eam accipiat, imo tota Ecclesia quæ ab ipso manus impositionem acceperat, iterum accipit eam, nisi quia credit, aut dubitat se nihil accepisse ab eo? Sic ergo ille qui decessit in malo statu erit, vel esse creditur, vel timetur, licet pro fide illa etiam martyrium sustinuerit. Absit autem hæc credulitas a fidelibus, & credatur quod malitia ministrorum non obsit eis qui in fide per dilectionem operante vitam istam transierunt, sicut in sequentibus demonstrabitur, dante Deo a quo est *omne datum optimum, & omne donum perfectum* Sac. 1. v. 17.

[*] (6) Ultimo notandum quod invenitur in nulla autho-

(4) Etsi Apostolis impositæ non legantur fuisse a Christo manus; fuerunt tamen eadem gratia divinitus aucti die Pentecostes, quam nunc sibi Confirmationis Sacramento parant Christiani.

(5) Hoc argumento jugulat etiam Moneta Græcorum quorundam sententiam, qui necessarium esse jactant omnimodis, ut qui baptizatus est, continuo confirmetur infans; quasi æternam aliquin assequi non possit beatitatem. ἀναλίστως ἀγα, inquit Symeon Thessalonicensis, καὶ ἀσφαλείως τὰ χεῖρὰ ὁ μὴ τὸ μυστὶν δεξιᾶν. Sine Gratia igitur est sine signaculo Christi, qui Balsamum, hoc est confirmationis mysterium, non recepit. Contat enim plerisque sine hoc Sacramento æternam fuisse gloriam consequutos, quod fieri sine gratia Spiritus Sancti non potuit. At vero negari nequit, quin olim Latina Ecclesia Baptizatos a Presbyteris non confirmare extemplo, sed expectare quoad Episcopis licuisset hoc facere, consueverit; ut ex Hieronymo ad vers. Luciferianos, Cypriano Epist. ad Jubajan. aliisque colligitur. Atque Baptismus quidem gratiam confert, ut a nostris Theologis est demonstratum.

[**] Quæ duobus asteriscis comprehensa vides, desunt e Cod. Vaticano, & Bonon.

[*] Desunt hæc quoque ex Codicibus Bonon. & Vat.

(6) Impositione manuum non dari remissionem peccatorum testata res est. Id enim proprium est Baptismi, & poenitentiae. Ac Baptismus quidem hæc tantam vim obtinere, omnes Ecclesie Patres, adeoque Traditio Apostolica plane evincit. Baptismi vero nomine, cum intelligo, qui datur in aqua, & Spiritu Sancto. Neque vero Traditio solum, sed Scripturæ quoque auctoritas hoc idem probat. Act. 11. Baptizetur unusquisque vestrum in remissionem peccatorum xxii. Baptizare, & ablue peccata tua. Vide Paul. ad Rom. Cap. vi. Confule Natalem Alexandrum lib. 11. Theol. Dog. & Moralis Cap. viii. Prop. I. Non meminit porro Chrismationis Moneta, quæ pars est materiae Sacramenti Confirmationis, quod ad suum institutum non condiceret, ut qui contra Catharos disputaret. Verum etsi sint Theologi quidam, qui manuum impositionem tantum admittant, inter quos primas obtinere partes videntur Sirmondus Part. I. Antirrhæ. Contra Aurel. Cap. v.

authoritate quod per manus impositionem fiat remissio peccatorum; nec ad hoc fit manus impositio, sed vel ad robur, vel ad usum aliquem: v. 9. act. 19. v. 6. *Et cum imposuisset illis manus Paulus venit Spiritus Sanctus super eos, & loquebantur linguis, & prophetabant.* Isti sunt duo effectus gratiæ roboratæ in homine per impositionem manus. Vel invenitur in novo testamento multiplex manus impositio: Una solemnis, quæ dicitur confirmatio, & fit post Baptismum. Act. 19. v. 5. & 6. *His auditis baptizati sunt in nomine Domini Jesu; & cum imposuisset illis manus Paulus venit Spiritus Sanctus super eos, & loquebantur linguis, & prophetabant.* Alia in sacris ordinibus, de qua 1. Tim. 4. v. 14. *Noli negligere gratiam, quem in te est, quæ data est tibi per prophetiam, cum impositione manuum presbyterii:* item c. 5. v. 22. *Manus cito nemini imposueris.* Et act. 6. v. 6. & orantes imposuerunt eis manus 3. ad expulsionem ægritudinum corporalium de qua Mar. ultimo v. 18. *super ægros manus imponent.* Ista fit per quosdam fideles, ut ibi colligitur. Talem impositionem fecit Ananias Paulo Act. 9. erat enim Paulus excæcatus. Aliæ duæ per Episcopos fiunt.

CAP. III.

De Sacramento Eucharistiæ.

§. I.

*Ostenditur ex Evangelio Verum Corpus
Verumque Sanguinem D. N. J. C.
in hoc Sacramento
nobis dari.*

Nunc transferendum est ad tertium Sacramentum Ecclesiæ pertractandum, videlicet de Corpore, & Sanguine Christi. In primis autem videamus quid de ipso sentiunt hæretici. Est autem opinio eorum detestanda; dicunt enim quod panis non transubstantiatur in Corpus (1) Christi, nec vinum in Sanguinem ipsius; cujus opinionis causa prima est, quia istum materialem panem, & vinum mala esse dicunt, asserunt enim quidam eorum a Diabolo creata esse; Alii vero facta esse a terra, unde hujusmodi cibaria oriuntur.

Contra hæresim istam Sacrarum Scripturarum testimonia inducere nos oportet. Christus videns mortem suam propinquam esse, volens nobis memoriale corporis sui, in quo pertulit peccata nostra super lignum Crucis, memoriale etiam sui Sanguinis, quem pro nobis idem effudit præsentialiter relinquere, ut habetur (2) Matth. 26. v. 26, 27, & 28. *Cenantes eis accepit panem, & benedixit, ac fregit, deditque Discipulis suis, & ait: Accipite & comedite, Hoc est Corpus Meum. Et accipiens Calicem gratias egit, & dedit illis dicens: Bibite*

Cap. v. seqq. pag. 300. seqq. Edit. an. Tom. IV. Opp. Edit. an. 1695. Sambovius Disp. III. de Sacro Confirmationis Art. II. Prop. VI. pag. 244. Edit. an. 1686. & Claudius Du-Vertius in opere Gallico De Ceremoniis Ecclesiæ Tom. II. pag. 442. alii tamen fere omnes contendunt unctionem materiam essentialem confirmationis esse. Adcundi Natalis Alex. Lib. II. Mor. & Dog. Theol. Tract. II. Cap. I. Art. II. Johannes Morinus Dissert. De Sacramento Confirmationis pag. 3. seqq. Opp. Posth. Martenius lib. I. De antiquis Ecclesiæ ritibus Cap. II. Art. III. pag. 243. seqq. Renaudotius Tom. Extrem. De la Perpetuite de la foy. Liv. II. Cap. XII. pag. 166. Iosephus Augustinus Orsius Dissert. Hist. Theolog. de Chrism. Confirmator Cap. I. seqq. pag. 134. seqq. Edit. Mediol. an. 1733. qui fuisse solidissimeque Sirmondi Duvertique refutat opinionem.

(1) Sanctus Ignatius Martyr in ea, quæ est ad Smirnenfes Epistola n. VI. Edit. Coteleriana an. 1672. pag. 874. perstringit quoddam hæreticorum genus, quod sibi ab Eucharistia temperabat, eo quod non confiteretur eam carnem esse Salvatoris nostri Jesu Christi, quæ pro peccatis nostris passa est. Indicat enim Magistros gnosticæ disciplinæ, a quibus sua deinde portenta opinionum mutuati sunt Manichæi. Videtur Epiphanius Hæresi XXI. quæ est Simonianorum n. IV. pag. 58. Tom. I. & Hæresi XXVI. n. IV. pag. 86. Sed Gnostici, qui proprie ita dici consueverant, contempta panis & vini oblatione, quæ in corpus & Sanguinem Servatoris nostri post consecrationem ab Sacerdote factam transubstantiari credimus, nescio quid scædum Eucharistiam vocitabant. Ad Manichæos quod attinet, consuli poterunt Cyrillus Hierosolymitanus Catech. VI. n. XXXIII. pag. 109. Edit. Touteei, & Sanctus Augustinus lib. de Hæresibus Cap. XLVI. col. 15. & lib. de Nat. Boni Cap. XLII. col. 517. To. VIII. Opp. Ex Manichæis profecti Pauliciani apud Photium lib. I. n. VII. pag. 22. seq. sexcentis contumeliis aspergebant communionem pretiosi Corporis & Sanguinis Christi. Bogomilii quoque ex Paulicianis profecti eadem fere pugnabant apud Euthymium in Panoplia Par. II. Tit. XXI. n. xv. Tom. XIX. Bibl. PP. Quare liquido patere arbitror quinam fuerint Catharorum Magistri. Magna hæreticorum hujusce temporis pars Catharis assentitur, cum neget panem in Corpus, vinum autem in Sanguinem Chri-

sti post Sacerdotis verba consecratoria immutari: non tamen ait panem, aut vinum a diabolo esse; quæ in re a Catharis discrepat. Esti autem mirifice inter se conveniant in eo quod pertinet ad imutationem panis ac vini in Corpus & Sanguinem Christi; discrepant tamen in pluribus, cum alii esse quidem Corpus Christi in Eucharistia re ipsa pugnent, sed simul manere panis vinique substantiam, alii contra manere substantiam panis vinique censent, non autem Copus Christi præsto revera esse in eodem Eucharistiæ Sacramento. Consulitor Jacobus Benignus Bossuetius *Histoire Des variations* liv. II. & III. per totum.

(2) Hoc idem testimonium transversum agebat Lutherum, ut Initio libri II. *Hist. Variat.* ostendit multis documentis celeberrimus Bossuetius. Quin etiam magnam in eo vim inesse ostendunt nostri Theologi, ad constituendum præsentia realis, transubstantiationisque Mysterium. Quid quod non insequentium modo, verum etiam primorum seculorum Patres in hac eadem sententia versati sunt? Omitto ceteros; unum asseram Justinum Martyrem, qui in Apologia, quam secundam vocant, hæc habet: *Non enim communem panem, neque communem potum ista sumimus, sed quemadmodum per Verbum Dei caro factus Jesus Christus Servator noster, & Carnem & Sanguinem habuit; ad eundem modum etiam eam, in qua per preces verbis ejus ab ipso perfecti gratia sunt actæ, alimoniam, unde Sanguis, & caro nostra per mutationem aluntur, Incarnati illius Jesu Carnem & Sanguinem esse docti sumus; nam Apostoli in commentariis a se scriptis, quæ Evangelia vocantur, ita tradiderunt præcepisse sibi Jesu, cum enim pane accepto cum gratias egissent, dixisse, hoc facite in mei commemorationem, hoc est Corpus meum; & poculo similiter accepto, & gratias actis dixisse, hic est Sanguis meus -- Ita scilicet Evangelium intelligebant, qui primis Ecclesiæ seculis de Eucharistia scribebant Christiani. Ceterorum Patrum testimonia, quæ in idem recidunt, consulat, qui volet apud nostros Theologos, qui de Eucharistia scripserunt: Imprimisque opus de la Perpetuite de la Foy de l'Eglise Catholique Touchant l'Eucharistie To. II. liv. I. suu.*

bite ex hoc omnes : Hic est enim Sanguis Meus novi testamenti . qui pro multis effundetur in remissionem peccatorum . Simile habetur Marci 14. v. 22. 23. & 24.

Ad hæc autem dixit hæreticus aliquando , quod per pronomen *hoc* demonstravit Deus corpus (3) proprium , intelligens sic : Accipite materialem panem , & comedite eum ; & postea tangens corpus suum dixit : *Hoc est Corpus meum &c.*

Infelix hæretice quare dicis quod non dedit Discipulis Corpus suum ? Notanda sunt singula Evangelii verba : *Accipit Jesus panem , & benedixit , ac fregit , deditque Discipulis suis , & ait : accipite , & comedite , hoc est Corpus meum &c.* Nonne vides hæretice , quod pronomen *hoc* apertam facit demonstrationem ejus , quod Dominus accepit , & acceptum sua benedictione sanctificavit , & sanctificatum fregit , & fractum dedit Discipulis . Quod autem ita sit patet , quia de alio non fit demonstratio , nisi de quo fit mentio , sed non fit sermo nisi de accepto pane benedicto , fracto , & dato Discipulis , ergo male dixisti dicens , quod aliud dedit , & aliud demonstravit .

Præterea tu dicis , quod demonstravit eis corpus proprium , & non sub specie panis , sed sub specie propria . Quomodo hoc potest esse ? Pronomen enim demonstrativum , scilicet *hoc* demonstrat rem sub digito , sive sub manu . Constat autem , quod sub digito , vel manu Domini , non erat nisi illud , quod porrigebat Discipulis ; ergo illud demonstrabat .

Si dicas mihi : imo sub manu ejus vel digito aliud erat , scilicet corpus proprium , ad quod extendit manum , & tangens illud dixit : *Hoc est Corpus meum &c.*

Contra . Unde hoc habes , quod manus extendit ad corpus proprium , sub propria forma , vel quod illud tetigerit ? Ex te ipso fingis hoc .

Præterea : Quomodo Evangelistæ illos actus tacuissent , qui tam necessarii erant , ut omnis ambiguitas tolleretur , maxime cum alios actus diligenter posuerint , & verba illorum actuum expressiva sint : *accepit , benedixit , fregit , dedit* ?

Præterea hæc demonstratio inutilis esset , & vana ; omnibus enim patebat corpus ejus sub forma

propria : Omnes videbant corpus suum esse corpus ejus . Et quomodo aliquis alii ostenderet , quod ei patet , & aperte dignoscit , nisi inutiliter & vane ? Absit autem , quod Christus vane aliquid fecerit , quod vanum in ipso esset . Hoc nefas esset dicere .

Item Marci 14. v. 22. dicitur : *Sumite , hoc est Corpus meum .* Nota ordinem verborum : primo dixit *sumite* : deinde dixit immediate : *hoc est Corpus meum* ; Sed quare hoc ? Nisi ut significaret , quod dabat eis Corpus suum , non aliud , quod patet ex eo quod ipse dicit Jo: 6. v. 51. *Panis quem ego dabo caro mea est pro mundi vita .*

Præterea , quod non fecerit demonstrationem , nisi ejus , quod porrigebat eis , evidenter apparet ex eo , quod sequitur Matth. 26. v. 27. & 28. *Et accipiens calicem gratias egit , & dedit illis dicens : Bibite ex hoc omnes ; hic est enim Sanguis meus novi testamenti , qui pro multis effundetur in remissionem peccatorum .* Quid ad hoc dices hæretice ? Non potes dicere , quod alium sanguinem ostenderit , nisi quem eis in calice porrigebat . Et , quod ita sit : patet Lucæ 22. v. 20. *Hic est calix novum testamentum in meo Sanguine , qui pro vobis fundetur .* Idest hic Sanguis in calice contentus est confirmatio novi testamenti .

Alii autem aliter intelligunt illa verba Domini : *Hoc est Corpus meum* ; Idest significat ; (4) sicut habetur 1. Corinth. 10. v. 4. *Petra autem erat Christus* : idest significabat Christum .

Sed aliter obiiciendum est contra hoc , si disputatur (5) contra Catharos , qui duo ponunt principia , & aliter contra illos , qui unum tantum .

Contra primos dic : Quomodo potest esse , quod res ab alio creata , signum sit , & figura Corporis Domini nostri ? De pane enim materiali ibi agitur , cum dicitur : *Accipit Jesus panem* , ut postea ostendatur .

Præterea si significabat Corpus Christi , constat , quod non proprie , sicut nec petra proprie Christum significat , sed transumptive illud significabat ; ergo propter aliquam similitudinem . Hæc autem esse non potest inter creaturam diaboli & Corpus Christi ; ubi enim est similitudo , ibi communicatio ; Corpus autem Christi & Creatura diaboli nihil habuerunt commune ; ergo non est verum , nec potest

(3) Hoc explicandi genere usus etiam est Carolstadius ; quare non fuit proprium Carolstadii , ut quidam existimant ; sed ab Catharis acceptum . Bosluetius lib. II. *Hist. Variation. pag. 44. To. II. Opp.* „ Non est necesse , inquit , aliud argumentum ignorantia illius asserere , cum satis sit ea interpretatio , quam verbis institutionis Eucharistiæ cœnæ aptare non dubitavit . Defendit ; quippe , hisce verbis *hoc est Corpus meum* , Jesum Christum , quin rationem haberet ullam rei illius quam dabat , se ipsum tantum voluisse indicare in mensa assidentem , ut erat cum suis discipulis . Quæ cogitandi ratio tam est ridicula , ut difficile , creditu sit , eam in mentem alicujus hominis venire potuisse . At venerat in mentem Catharorum , ut ex Nostro liquido patet .

(4) Magistris Catharis utuntur Sacramentarii hujusce temporis , quippe qui idem responsum adhibeant ad vim illorum verborum elevandam . Vide , quæ habent Auctores Operis *De la perpetuite de la Foy de Zuïngliorum , & Calvinianorum* , in hac re Sententia : Tom. II. lib. I. Cap. II. *suiv.* Et Bosluetius lib. II. *De l'Histoire Des Variations* . Discrepant tamen novi Sacramentarii in eo a Catharis duo principia ponentibus quod hi panem malum suapte natura esse pugnarent ; illi contra bonum dicant esse . Rursum Cathari figuram corporis esse affirmabant ; Calviniani autem , qui maximam Sacramentarium partem constituent ; *hoc esse Sacramentum quoddam , & signum divinarum promissionum* , atque

efficacem figuram , existimant ; recipi porro illa effectus supernaturales , & admirandos . Spiritum Sanctum in animis suam virtutem exerere , carnemque Jesu Christi vitam illis suam communicare , & hoc Sacramento , vere nos Carnis suæ substantia pascere , esseque vere ac substantialiter præsentem , etsi per fidem . Hanc sentiendi dicendique rationem ludibrio exponunt Sociniani , imprimisque Vokelius . *Cujus quidem* , inquit , opinionis falsitas , vel hoc solo convincitur , quod non solum Christi verbis nequaquam continetur , sed & cum sana ratione pugnat . Quod autem adjugebant Cathari , ut suæ interpretationi vim adjuungerent , adhibetur etiam nunc ab hæreticis Calvinianis . Est autem illud 1. ad Cor. 10. v. 4. *Petra autem erat Christus* . Consulendus Juveninus *Disfert. IV. Quæst. IV. Art. II. §. I. De Sacramentis* .

(5) Nempe contra asseclas Balasianæ , duorum principiorum adsertores , & contra sectatores Concorrensiū , qui unum principium admittebant : quod sæpe ac multum animadvertimus . Qui a Balasianis stabant , omnia hæc , quæ sub aspectum cadunt , a Deo male profecta ponebant ; Qui autem Concorrensi Pseudo-Ecclesiæ erant addicti , hi quatuor elementa a Deo condita introducebant ; a diabolo autem male fuisse disposita ; quem diabolum primum fuisse aiebant bonum , deinde suo scelere a gratia excidisse .

potest esse verum, quod panis materialis Corpus Christi significet transumptive, sive per similitudinem.

Dicit autem alius Catharus, qui unum asserit Creatorem, illum panem esse facturam Dei boni ratione quatuor Elementorum, & ita possibile esse per ipsum panem significari Corpus Christi.

Sed contra hoc sic: aut significat Corpus Christi quia panis; aut ratione Elementorum, ex quibus materialiter originem duxit. Si quia panis, sic est a diabolo, & mala res secundum te; sic ergo nihil habet commune cum Corpore Christi, & sic nullam habet cum eo similitudinem; ergo non significat Corpus Christi transumptivè; ergo nec propriè: istud constat, ergo non significat Corpus Christi aliquo modo. Si autem significat Corpus Christi quia ex Elementis est formatus ille panis. Contra: ergo illa Elementa sunt signa Corporis Christi. Sed quomodo sunt signa nobis, aut quomodo fuerunt signa Discipulis ejus, cum non cadant in visum, vel etiam in intellectum eorum, quibus porrigitur ille panis?

Præterea: Nonne hoc pronomen *hoc* ad oculum est ibi demonstrativum? Constat quod sit; ergo demonstrat rem subjectam oculis; sed Elementa non sunt subjecta oculis; ergo non demonstrat Elementa; nec ea significat. Illud autem solum, quod demonstratur, vel significatur per pronomen *hoc* signum est Discipulis Corporis Christi; ergo illa Elementa non sunt ejus signum, ergo nec panis demonstratus, vel signatus erit signum Corporis Christi ratione Elementorum.

Præterea: Dominus illa verba proferens aliud demonstrabat Discipulis ad oculum; & ad hoc illud demonstrabat eis, ut credis, ut per illud significaret eis Corpus suum, & non per aliud. Quare ergo audes dicere illud, quod demonstratur per pronomen *hoc* esse signum Discipulis Corporis Christi ratione quatuor Elementorum, quæ eis non ostendebat.

Præterea vos dicitis, qui duo ponitis principia, quod Dominus Noster Jesus Christus usus est fractione panis, & eum usum Ecclesiæ suæ, idest Apostolis præcepit, successores autem Apostolorum adhuc habent eam, & habebunt, donec veniat ad judicium Dominus, & jactatis vos esse successores eorum in ista fractione; sed ista fractio est fractio panis materialis, hujus scilicet creationis, sicut patet, cum eam ad mensam materiale accedentes facitis, & unicuique portiunculam illius panis edendam distribuitis; Dominus ergo noster usus est fractione panis materialis, hujus scilicet creationis; ergo cum dicitur: *Cœnantibus autem eis accepit Jesus panem, & benedixit &c.* Quomodo inquam gratias egisset? (ut dicit Ap. 1. Corinth. 11. v. 24.) Diabolo, inquam,

gratias non egisset; ergo Deo Patri; ergo ab ipso eum habuit; ergo non est malæ creationis.

Similiter objiciendum est illis, qui unum asserunt Creatorem. Dominus enim illum panem benedixit, & benedicere intendit. Item benedicendo exemplum ad oculum idem faciendi eis dedit, & dare intendit; unde & dixit eis ibidem: *Hoc facite in meam commemorationem*. Hoc scilicet, quod oculis videtis me facere; in oculum autem, sive in visum Apostolorum cadebat tantum panis inquantum panis; ergo intendebat benedicere panem, inquantum panis erat; ergo panis inquantum panis non est factura Diaboli.

Item, de illo pane gratias egit Dominus, & exemplo suo Discipulos ad idem faciendum docuit visibiliter, unde ait: *Hoc facite in meam commemorationem*, idest Deo gratias agite de visibili pane, sicut & ego facio; ergo ille panis visibilis a Deo factus est, sicut inde aguntur ei gratiæ. Non enim est credendum, quod egerit gratias Deo de igne, aut aere, aqua, vel terra, vel quod ista benedixerit, sed de pane gratias egit Deo; & panem benedixit; panis ergo ille non tantum quo ad materiam, sed etiam quo ad formam a Deo est.

Item Jo: 6. v. 51. dicit Christus: *Ego sum panis vivus, qui de Cælo descendi. Si quis manducaverit ex hoc (6) pane, vivet in æternum: & panis quem ego dabo, caro mea est pro mundi vita*. In hoc loco (7) manifestum est, quod caro Christi dicitur non verbum Dei, sed ipsum Corpus Christi, quod de Virgine habuit; idem enim dandum erat morti pro vita mundi; unde 1. Corinth. 11. v. 24. *Hoc est Corpus meum, quod pro vobis tradetur*, idest pro vita vestra. Lucas autem c. 22. v. 19. dicit: *Quod pro vobis datur*, idest dabitur, sic enim esse exponendum ostendit Apostolus cum dicit *tradetur*.

Præterea litera hoc ostendit: *Ego sum panis vivus, qui de Cælo descendit*: item: *Panis, quem ego dabo*, & sic patet quod se ipsum dat; & addit Jesus: *Panis, quem ego dabo caro mea est pro mundi vita*. Quare ergo tu ausus es dicere, quod non dedit Discipulis Corpus suum ad manducandum, imo panem materiale, cum Dominus dicat se dare eis carnem suam ad manducandum? Sic enim ait: *Si quis manducaverit ex hoc pane, vivet in æternum: & panis quem ego dabo, caro mea est pro mundi vita*.

Præterea ex hoc habeo, quod cum Dominus dixerit Matth. 26. v. 26. *Accipite, & comedite, hoc est corpus meum*, quod hoc pronomen *hoc* demonstrat Corpus Christi tractum de Virgine, ergo non ponitur ibi figuratim.

Item Jo: 6. v. 53. post illa verba prædicta dixit Christus: *Nisi manducaveritis carnem filii hominis, & biberitis ejus sanguinem non habebitis vitam in vobis*. v. 54. *Qui manducat meam carnem, & bibit meum*

P p

(6) Scio fuisse scriptores aliquos, qui hæc de Eucharistia intelligi posse negarent: Sed injuria. Nam, ut Sapiens advertit Noster, *Manifestum est, quod caro Christi dicitur non verbum Dei, sed Corpus Christi quod de Virgine habuit*. Nam nî ita esset, cur pugnascent inter se Judæi, dixissentque: *Quomodo potest hic nobis Carnem suam dare ad manducandum?* Neque vero inde Christus destitit, quo minus repeteret: *Carnem suam manducandam esse*. An id fecisset, si ita, ut Cathari explicabant, explicanteque etiam Calviniani intelligi verba sua voluisset? Non lusisset eos profe-

cto tam obscuro, & implicato sermone. Ergo nostro sensu, non vero Catharistico, aut Calviniano loquutus est Christus Servator. Consulendi Sanctus Hilarius lib. viii. *De Trinitate*, Chrysostomus Homilia xlv. nunc xlii. in *Johannem*, Cyrillus Alexandrinus lib. iv. ad Cap. vi. *Johannis*, Auctor Operis *De Sacramentis* inter Opera S. Ambrosii lib. iv. Cap. iv. Synodus Tridentina sess. xiii. Cap. 11. &c.

(7) Neapolitanus Codex → *Notandum est*.

meum sanguinem habet vitam æternam, & ego resuscitabo eum in novissimo die. v. 55. Caro enim mea vere est cibus, & Sanguis meus vere est potus. Carnem, ut prius ostendimus, appellat se ipsum, seu Corpus suum, quia se ipsum dixit panem, & panem dixit carnem dandam pro mundi vita: Verbum enim caro factum est, & habitavit in nobis. Jo: 1. v. 14. Litigantibus etiam Judæis, idest quibusdam suis Discipulis, & dicentibus Jo: 6. v. 52. Quomodo potest hic nobis carnem suam dare ad manducandum? ait v. 53. Amen amen dico vobis, nisi manducaveritis carnem filii hominis, & biberitis ejus Sanguinem, non habebitis vitam in vobis. v. 54. Qui manducat meam Carnem, & bibit meum Sanguinem habet vitam æternam, & ego resuscitabo eum in novissimo die. Ubi potes adhuc videre, quod carnem se ipsum dicit, five Corpus suum; post illa enim verba v. 55. Caro enim mea vere est cibus, & sanguis meus vere est potus, statim subdit v. 56. Qui manducat meam carnem, & bibit meum sanguinem in me manet, & ego in illo. v. 57. Sicut misit me vivens Pater, & ego vivo propter Patrem: qui manducat me, & ipse vivet propter me. Ecce quid appellavit carnem suam manducare, scilicet manducare se ipsum. Caro enim ibi non sumitur pro verbo Dei, vel pro facere voluntatem Dei, nec sanguis pro Spiritu Sancto, ut aliqui hæretici fabulantur, sed pro ipso Christo, five pro Corpore ejus, & Sanguine ipsius, quod, & per quod fideles manducant & bibant; ergo cum dicitur: Hoc est Corpus meum, vel hic est Sanguis meus, per pronomina illa demonstratur Corpus Christi, & ejus Sanguis, licet sub forma panis & vini; istud ergo non figuraliter, sed proprie dictum est: Hoc est Corpus meum, & hic est Sanguis meus novi testamenti, supple confirmator; unde Hebr. 9. v. 16. Ubi enim testamentum est: mors necesse est intercedat testatoris: v. 17. Testamentum enim in mortuis confirmatum est: alioquin nondum valet, dum vivit, qui testatus est. Similiter testamentum Evangelii, nihil valeret nobis ad æternam hæreditatem habendam, nisi Christus mortuus fuisset, & nisi Sanguis ejus fusus fuisset, sicut testamentum hæreditatis mundanæ non valet instituto hæredi ad habendam hæreditatem vivente testatore.

§. II.

*Eadem veritas probatur testimonio
Apostoli.*

Viso per testimonium Evangelii, quod verum Corpus Christi datum est Discipulis a Domino in Cæna, & datur hodie fidelibus ab eorum Vicariis, videamus istud idem per textum B. Pauli Ap. 1. Corinth. 11. ubi ipse dicit Corinthiis v. 20. & 21. *Convenientibus ergo vobis in unum, jam non est Domi-*

nicam Cænam manducare. Unusquisque enim suam cænam præsumit ad manducandum; & post pauca verba subdit v. 22. 23. & 24. Laudo vos? in hoc non laudo. Ego enim accepi a Domino, quod & tradidi vobis, quoniam Dominus Jesus in qua nocte tradebatur, accepit panem, & gratias agens fregit, & dixit: Accipite, & manducate, hoc est Corpus meum, quod pro vobis tradetur &c. usque ad v. 32. ut non cum hoc mundo damnemur. Nota duplicem cænam esse in verbis Apostoli, scilicet Dominicam, & suam propriam uniuscujusque. Si utraque cæna tantum materialis cibi est, idest, si in utraque tantum materialis cibus sumitur, quare Apostolus distinguit inter eas, unam dicens dominicam, aliam autem non? Utraque enim a fidelibus cum benedictione, & gratiarum actione sumitur; ergo quo ad hoc si una est Dominica, & altera.

Præterea: si una est Dominica Cæna, cibus ergo illius Cænæ Dominicus est: Christus ergo dicens Discipulis: *Accipite, & manducate, hoc est Corpus meum*, cibum Dominicum illis demonstravit; ergo vel materiale cibum, vel spirituale, idest se ipsum, five Corpus suum. Si cibum materiale, ergo ille est Dominicus, quare ergo dicis diabolicum, idest a Diabolo creatum vel factum? Si autem se ipsum ita ministravit in cibum, sicut verum est, ut patet supra ex verbis Jo: 6., ergo hoc pronomen *hoc* propriè ibi sumitur, non figuraliter, & demonstrat ipsum corpus Christi, quod de Virgine habuit (8). Non enim potest dici, quod veniat pro Corpore Ecclesiæ, cum dicatur Ecclesiæ: *quod pro vobis tradetur*; aliud ergo est quod traditur, & aliud Ecclesia pro qua traditur.

Præterea nonne cibus alterius cænæ Dominicus est? Si hoc est, ergo cæna illa Dominica est. Si dicat, quod non: quare? De eodem enim frumento factus est, & fit ab eodem pistore. Ex his ergo patet, quod vel utraque cæna est Dominica, vel neutra, si cibus utriusque materialis est cibus, quorum utrumque falsum est. Restat ergo, quod cibus unius sit Dominicus, idest ipse Dominus, qui ibi sumitur sub duplici specie, & ideo Cæna illius cibi Dominica dicitur. Cibus autem alterius sit cibus materialis, & ideo cæna illa dicitur uniuscujusque, quia cibus materialis appropriari potest isti vel illi, sed cibus spiritualis, idest Christus communis est omnibus; unde Cor. 10. v. 17. *unus panis, & unum Corpus multi sumus. Omnes qui de uno pane participamus.* Et nota distinctionem inter panem de quo dicit: *Unus panis, & unum Corpus multi sumus*, & panem, de quo subdit: *De uno pane participamus.* Unde etiam prius dixerat v. 16. *Panis quem frangimus, nonne participatio Corporis Domini est?* Idest ille panis est Corpus Domini, quo nos participes facti sumus. Similiter, ibidem: *Calix benedictionis cui benedicimus, nonne communicatio sanguinis Christi est?* Idest & ipse sanguis, quem communi-

(8) Ita explicarunt Patres omnium etiam vetustissimi. Etenim Tertullianus lib. 1v. *Contra Marcionem* Cap. xl. ad hunc, atque etiam ad alios supra indicatos Scripturarum locos respiciens, verum Corpus Christi in Eucharistia contineri concludit, adversus hæreticum, qui vero Corpore præditum fuisse nostrum Servatorem inficiabatur. Nec vero, quod ibidem ait Vetus ille auctor, panem figuram Corporis Christi esse, ullum nobis negotium exhibet.

Nam panem indicat, qui in veteri Lege erat figura, non autem Panem Eucharisticum, ut ex illius longiusculo argumento, quod ibidem adhibet plane colligitur. Consule Tom. 11. *De la Perp. de la foy* lib. 111. Cap. v. & Jueninum Dissert. 1v. *Quæst. 1v. Art. 111. §. vi.* De Sacr. Videntur etiam Johannes Chrysostomus *Homil. xxiv. In Epist. 1. ad Corinth.* & alii, quos Jueninus ibid. & §. 111. & 1v. & Auctores operis *de la Perpetuite* Tom. 11. liv. 1v. & v.

munitur bibimus. Primus panis Corpus est Ecclesiæ, secundus est ipse Christus, qui dicit Jo: 6. v. 51. *Ego sum panis vivus, qui de Cælo descendi*. Per hujus participationem, sumus nos de uno Corpore, quod est Ecclesia Dei, unde Rom. 12. v. 5. *multi unum Corpus sumus in Christo*. Dicitur autem Christus frangi ratione specierum panis, & vini, quæ ipsum circumstant, sicut quis dicit se laceratum, quia vestes ejus lacerantur.

Præterea dicas mihi: Dicit Apost. 1. Cor. 10. v. 16. *Panis quem frangimus, nonne participatio Corporis Domini est?* Pro quo pane venit? Numquid pro illo pane, de quo dicit v. 17. *unus panis, & unum Corpus multi sumus?* Si concedas hoc: Numquid Paulus & alii Apostoli Ecclesiam frangunt? Aut etiam ipse Christus, qui accipiens panem benedixit, & fregit? Certè non, sic enim ait Ezech. 34. v. 16. *quod confractum fuerat, alligabo*. Si pro pane materiali venit, Dominus ergo materiale panem benedixit, & Patri insuper gratias egit, quod minime fecisset, si a Diabolo esset. Quod autem pro Christo veniat panis in prædictis verbis Apostoli, ostensum est supra ex c. 6. Jo: ubi Christus dicitur panis, quia ibi est sub specie panis, similiter & ejus Sanguis vinum dicitur, quia sub specie vini sumitur.

Nunc redeamus ad propria verba Ap. qui loc. cit. dicit: *Dominus Jesus in qua nocte tradebatur accepit panem*, scilicet materiale, & *gratias agens benedixit*, idest benedictione sua convertit ipsum in Corpus suum, & fregit ipsum eo modo, quo diximus, & dedit illud Discipulis suis dicens: *Accipite & manducate, hoc est Corpus meum, quod pro vobis tradetur: hoc facite in meam commemorationem*. Similiter & *calicem postquam cœnavit, dicens: Hic Calix novum testamentum est in meo Sanguine*; idest hic Sanguis contentus in hoc Calice est confirmator novi testamenti, sicut supra ostendimus in hoc §., qui sanguis pro vobis effundetur in remissionem peccatorum. Sequitur: *Hoc facite, quotiescumque bibetis, in meam commemorationem*, idest in memoriam meæ mortis, & hoc est, quod legitur: *Quotiescumque enim manducabitis panem hunc, & calicem bibetis mortem Domini annuntiabitis donec veniat*. Modo quæro a te: Si non est Corpus Christi ibi, nec Sanguis, sed panis materialis, & vinum similiter; quomodo, & per quid fit illud in memoriam mortis Christi? Quod ostendere minimè potes; ego autem possum ostendere, quia dico cum Christo, ibi esse Corpus verum ipsius Christi sub specie panis, cujus speciei fractio figurat fractionem Christi, idest divisionem animæ a corpore; Calix autem Sepulturam ejus; Patena supraposita lapidem advolutum ad ostium monumenti; corporalia quibus utimur sindonem mundam repræsentant, ubi positus est Jesus; Sanguis in Calice Christum mortuum in sepultura designat.

Præterea dicas mihi, si ibi non est Christi Corpus, nec Sanguis, unde argumentatur: *Itaque quicumque manducaverit panem hunc, vel biberit Calicem Domini indigne, reus erit Corporis, & Sanguinis Domini?* Non dicitur quis reus Sanguinis alicujus hominis, nisi male tractando ejus Sanguinem, idest fundendo eum, vel consilium, vel au-

xilium ad hoc dando; ergo non dicitur reus Sanguinis Christi, nisi quia ipsum tractat indignè, projiciendo ipsum in locum indignum, idest im-mundum; nisi ergo esset verum Corpus Christi ibi, & verus Sanguis, non esset quis reus Corporis, & Sanguinis ejus; nemo enim per panem materiale, & vinum materiale, efficitur reus corporis, & Sanguinis Domini, cum non sit ei prohibitum comedere talem panem, aut bibere tale vinum.

Præterea, si inter illum panem, & alium non est differentia, sed uterque panis materialis est; quare per sumptionem unius indignam potius est reus Corporis, & Sanguinis Domini, quam per alterius sumptionem?

Præterea, si per illius indignam sumptionem, fit quis reus Corporis, & Sanguinis Domini, cum tu das illum panem scienter, & publice indignis, videris esse particeps mortis illorum, & ipsorum malitiæ.

Præterea, si ille panis est panis materialis, ut dicis, quare dicit Ap. *Probet autem*, idest examinet, & purificet, *se ipsum homo & sic de pane illo edat, & de calice bibat*. *Qui enim manducat, & bibit indigne judicium sibi manducat, & bibit?* Quare debet se propter illum sumendum purificare, vel probare potius, quam propter alium?

Præterea, quare potius *judicium sibi manducat & bibit* sumendo illum, quam alium, nisi quia ille est Corpus Domini verum? Quod patet ex causa quam subjungit Ap. *non dijudicans Corpus Domini*, supple ab aliis cibis, indiscrete, & indifferenter accedens ad ipsum, sicut & ad alios cibos.

Præterea, quare dicit Ap. *ideo inter vos multi infirmi?* Quasi dicat, quia indigne ipsum sumitis, ideo inter vos multi infirmi. Quare potius propter hunc indignè sumptum, quam propter alios? Similis enim cibus est, secundum te.

Sequitur: *Quod si nos ipsos dijudicavimus*, mundando nos ipsos, & purificando per veram pœnitentiam, ad quam commoniti sumus per Ap. qui ait: *Probet autem se ipsum homo, non utique judicemur a Deo afflictionibus prænominatis, quæ tamen a Deo hic ad bonum nostrum, si volumus, immittuntur; unde cum judicamur a Deo his tribulationibus, propter indignam Christi sumptionem corripimur, ne cum hoc mundo damnemur; Propter hoc dicit Job c. 6. v. 17. & 18. Increpationem ergo Domini ne reprobas, quia ipse vulnerat, & medetur; percutit, & manus ejus sanabunt*. Et Hebr. 12. v. 6. *flagellat omnem filium, quem recipit*, & Apoc. 2. v. 19. *ego quos amo, arguo, & castigo*. Ecce habemus quod propter indignam sumptionem Eucharistiæ flagella immittuntur filiis, a patre justorum. Et vide etiam quid Ap. dicat de se & de aliis fidelibus Hebr. 13. v. 10. *habemus altare, idest Corpus Christi in altari consecratum, & est ibi Metonymia, continens enim ponitur pro contento, de quo, corpore, edere non habent potestatem, qui tabernaculo, idest corpori, inserviunt*. Hi sunt de quibus Rom. 16. v. 18. *Hujusmodi enim Christo Domino nostro non serviunt, sed suo ventri*. De quo tabernaculo dicitur: 2. Petri 1. v. 13. & 14. *Justum autem arbitror quandiu sum in hoc tabernaculo,*

suscitare vos in commonitione : certus quod velox est depositio tabernaculi mei, secundum quod & Dominus noster Iesus Christus significavit mihi . (9)

§. III.

Objectiones Hæreticorum solvuntur.

Nunc videamus objectiones quibus hæretici veritatem tanti Sacramenti impugnant, inducentes illud Osee 6. v. 6. *Misericordiam volui, & non sacrificium*, ergo non Deo placet sacrificium altaris vestri.

R. non loquitur de omni sacrificio, (10) sed iudaico, quod non vult Deus postquam Corpus Christi in cruce oblatum est pro nobis; ab illo enim tempore debuit cessare sacrificium legale, & debet cessare sacrificium secundum ordinem Melchisedech. Cessare, dico, debet sacrificium legale, unde Ap. Rom. 7. v. 4. *mortificati estis legi per Corpus Christi*, & Hebr. 10. v. 5. *ingrediens mundum dicit: Hostiam, & oblationem noluit, corpus autem aptasti mihi*, idest aptum offerri pro genere humano mihi dedisti. Postea exponit Ap. verba prædicta dicens v. 8. *Nec placita sunt tibi, quæ secundum legem offeruntur*. v. 9. *Tunc dixi: Ecce venio*; ergo pro tempore adventus Christi dictum est illud de sacrificio legali, unde in Osee c. 5. v. 6. dicit Deus per Prophetam: *in gregibus suis, & in armentis suis vadent ad quærendum Dominum, & non invenient: ablatus est ab eis*.

Ad idem etiam inducunt illud Matth. 15. v. 17.

(9) Adjungendum hic est argumentum ex consensione omnium Ecclesiarum, quæ jam inde a multo tempore a Romana Ecclesia in Oriente, sejunctæ sunt. Negari namque non potest, quin maximam vim contra hæreticos hujusce temporis obtinere debeat, & auctoritatem. Qui enim fieri potuisset, ut tot, tantæque Ecclesiæ in hanc veritatem summa consensione conspirarent, nisi hanc ipsam ab Apostolis traditionem quondam accepissent? Videndum omnino Opus de la Perpetuite de la foy, cum iis etiam, qui additi sunt ab Renaudotio libris.

(10) Ita quoque explicat S. Irenæus 2. Seculi Scriptor, cujus idcirco non mediocris esse debet apud hæreticos auctoritas. Sic enim habet lib. IV. Cap. XVII. n. 4. postquam Osee verba retulit: *Sed & Dominus noster*, inquit, *eadem monbat eos dicens: si enim cognovissetis quid est, misericordiam volo, & non sacrificium*, numquam condemnassetis innocentes; (Matth. 12. 7.) *Testimonium quidem reddens Prophetis, quoniam veritatem prædicabant; illos autem arguens sua culpa insipientes. Sed & suis discipulis dans consilium, primitias Deo offerre ex suis creaturis, non quasi indigenti, sed ut ipsi nec infructuosi, nec ingrati sint, eum, qui ex creatura panis est accepit, & gratias egit dicens: Hoc est meum Corpus. Et calicem similiter, qui est ex ea creatura, quæ est secundum nos, suum sanguinem confusus est, & novi Testamenti novam docuit oblationem, quam Ecclesia ab Apostolis accipiens, in Universo Mundo offert Deo, ei qui alimenta nobis præstat, primitias suorum munerum in novo Testamento, de quo in duodecim Prophetis Malachias sic præsignificavit. Non est mihi voluntas in vobis, dicit Dominus Omnipotens, & sacrificium non accipiam de manibus vestris: quoniam ab ortu Solis usque ad occasum nomen meum clarificatur inter gentes, & in omni loco incensum offertur nomini meo, & sacrificium purum; quoniam magnum est nomen meum in gentibus, dicit dominus Omnipotens; manifestissime significans per hac, quoniam Prior quidem populus cessabit offerre Deo, omni autem loco sacrificium offerretur ei, et hoc purum &c.* Adhuc quæ mox cap. XVI II. adjungit. Consule etiam si placet, quæ in hanc rem observavit Eruditissimus Masluerus: Dissert. Præv. ad opera Irenæi pag. cxxxix. sqq. Nollent, sat scio, hæretici nostri temporis hæc

Omne quod in os intrat, in ventrem vadit, & in secessum emittitur. (11)

Ad hoc dicimus, quod non loquitur universaliter, quandoque enim aliquid in os intrat, quod statim spuitur. Item spina aliquando intrat in os, quæ tamen non cadit in ventrem, nec in secessum emittitur, sed ejicitur de ore.

Præterea nonne vides, quod loquebatur ibi de cibis nutrientibus corpus, quos cibos sumebant non lotis manibus, sic enim dicitur ibi v. 2. *non enim lavant manus suas, cum panem manducant*, de pane ergo materiali loquitur ibi, qui cibus est corporis, & ipsum nutrit; de tali respondet Dominus; *omne quod in os intrat, in ventrem vadit, & in secessum emittitur*, idest nutrimentum corporis, quod in os intrat &c. & est sensus de omni aliquid: sed hostia illa, quæ sanctificata est in altari non est cibus corporis, sed mentis; unde non comprehenditur sub illa distributione, *omne quod in os intrat &c.* (12)

Obijcit etiam hæreticus dicens: Si Corpus Christi esset tantæ quantitatis, quantæ est mons unus, jam dudum consumptum esset, ex quo caput in omnibus mundi partibus manducari.

Ad hoc est solutio. Quoniam ii homines, qui hæc dicunt, similes sunt illis, de quibus habetur Jo. 6. v. 66. *quod abierunt retro audientes, quod Dominus dicebat eis v. 33. nisi manducaveritis carnem filii hominis, & biberitis ejus sanguinem, non habebitis vitam in vobis v. 66. cit. ex hoc multi discipulorum ejus abierant retro: & jam non cum illo ambulabant.* Hujus erroris, & nequitiae es tu hæretice dicens: *Durus est hic sermo, & quis potest eum audire?* ibi

fuisse ab Irenæo dicta, Cæterum ita se res habet: quare illos negligimus, qui cum Catharis aditipulati, ut sacrificium Eucharisticum tollant, hoc Osee testimonio abutuntur; quod aliorsum accipiendum est, quam ipsi putent.

(11) Petrus Martyr lib. contra Gardinerum Parte I. Objectione lxxxviii. adhibet hoc ipsum argumentum sed; ut argumento Catharorum vim longe majorem asserere possint, Origenis verba ex hoc Tomo xi. Commentariorum in Matthæum nobis obtrudunt; quæ sic habent: pag. 254. Edit. Huet. an. 1685. Tom. I. Opp. Orig. *eis δὲ πᾶντὸ εἰς πορευόμενον εἰς τὸ σῶμα, εἰς κοιλίαν χωρεῖ, καὶ εἰς ἀφαιρώνα ἐκβάλλεται, καὶ τὸ ἁγιαζόμενον βρώμα διὰ λόγῳ θεῷ, καὶ ἐντελέως, κατ' αὐτὸ μὲν τὸ ὑλήκον, εἰς τὴν κοιλίαν χωρεῖ, καὶ εἰς ἀφαιρώνα ἐκβάλλεται. Quid si verò id omne quod intrat in os, in ventrem vadit, & in secessum emittitur, & cibus ipse per verbum Dei, & Orationem consecratus, secundum quidem illud ipsum quod materia constat, in ventrem vadit & in secessum emittitur.* Palmare quidem certe esse hoc Origenis ῥητὸν arbitratu Bochartus Dissert. I. Tom. I. Dissertationum Petri Danielis Huetii, ad opinionem Calvinianorum de Eucharistia probandam; sed injuria, ut mox videbimus.

(12) Sapienter quidem Noster: nam hæc est genuina verborum Christi significatio. Quod autem ad Origenis locum attinet: Peronius Cardinalis, negat Origenis esse proprium; suppositumque Adamantio ab Erasmo. Sed dici id quidem non potest, cum exstet in antiquis Codicibus Mss. Sed Huetius Origeni merito acceptum referri oportere hoc ῥητὸν putat, ac fule lateque genuinum ejus sensum explicat. lib. II. Origenianorum. Cap. 11. quest. xiv. n. 2. & in notis Tom. II. Opp. Orig. pag. 38. & I. Tomo Dissertationum Variarum Sermone Gallico perscriptarum Dissert. I. pag. 115. sqq. Edit. Florentina an. 1738. Eum quidem consulere poterit lector, perspectumque habebit, quam sit a vero aliena Albertini, Bocharti, aliorumque seculi proxime præteriti Calvinianorum interpretatio. Nam si in hoc ipso ῥητὸς explicandi aliquid operæ consumere vellem, & actum agere, & longior essem quam postulet ratio instituti mei.

ibi v. 60. Tu non potes audire, quia ad modum illorum carnali intelligentia plenus spirituales intelligentiam verborum Domini non habes. (13) Putabant enim illi, & litigantes dicebant: *Quomodo potest hic nobis carnem suam dare ad manducandum?* credentes quod edendo laceraretur ejus caro, diminueretur, & consumeretur, sicut & tu intelligis, cum dicis, si Corpus Christi esset tantæ quantitatis, quantæ est mons unus, jam dudum consumptum esset, ex quo cæpit in omnibus mundi partibus manducari. Sed comeditur sine diminutione, & consumptione, frangitur sine laceratione, frangitur enim quoad speciem panis, sed non laceratur essentia corporis, diminuitur, & consumitur quoad speciem prædictam, sed manet integrum quoad propriam essentiam; unde v. 62. & 63. habetur: *Sciens autem Jesus apud semetipsum quia murmurarent de hoc discipuli ejus dixit eis: Hoc vos scandalizat? Si ergo videritis filium hominis ascendentem ubi erat prius?* Supplendum est, tunc cognoscetis quia non illo modo do Corpus meum ad manducandum, quo modo putatis, idest quod ipsum non consumitur, non minuitur, non laceratur moribus. Si cibus quo Jesus satiavit quinque millia hominum non est comedendo consumptus, sed auctus ut habetur Jo: 6. multo magis Corpus Christi cum comeditur non consumitur.

Item adhuc obijciunt hæretici, quod si de pane fit Corpus Christi, quotidie debet augeri Corpus ejus.

Ad quod dico, quod *de* non notat materiam, sed conversionem, & est sensus: panis convertitur in Corpus Christi, idest simul convertitur, & quo ad materiam, & quoad substantialem formam, licet accidentia remaneant. Cum ergo materia panis transeat cum forma sua substantiali, & non addatur materiæ Corporis Christi, non est necesse ipsum Corpus Christi inde augeri; augmentum enim fit ex additione materiæ augmentantis ad materiam ejus, quod augmentum recipit.

Adhuc obijciunt hæretici illud Jo: 6. v. 63. *Spiritus est qui vivificat, caro non prodest quicquam*; (14) Quare ergo Christus dedisset carnem suam discipulis ad manducandum, si eis non prodesset? Frustra dedisset eis illam; quod esse non potest; ergo non est credendum, quod illam eis dederit.

Præterea dicit hæreticus, nonne vides quod ait

ibi Christus v. 63. *Verba, quæ ego locutus sum vobis, spiritus, & vita sunt?* Ex quo verbo volunt hæretici, quod Christus figuraliter locutus sit (15) cum dixit se eis dare carnem suam ad manducandum.

Ad hoc autem dico, quod si quis verba Christi diligenter attendit, non similitudinarie, non figurate sed proprie dicta esse intelliget. Si enim in parabolis locutus esset, & figurate, non essent scandalizati discipuli ejus. Dico ergo, quod Ecclesia unum Corpus Christi existens per charitatem, quæ est vinculum perfectionis, vivificatur a Spiritu Sancto; Spiritus ergo est qui vivificat Ecclesiam, & ejus membra compaginata; qui autem non est hujus corporis membrum non vivificatur a Spiritu Sancto, secundum quod dicit Ap. Rom. 8. v. 9. *Si quis autem Spiritum Christi non habet, hic non est ejus*, supple membrum; & tali non habenti Spiritum Sanctum, non prodest Christi caro, imo judicium sibi manducat, sicut scientia sine charitate inflat, cum charitate ædificat, ut colligi potest ex verbis Ap. 1. cor. 8. v. 1., bene ergo dixit; *caro non prodest quicquam* vobis scandalizatis, & retro abeuntibus, & carnaliter intelligentibus carnem meam frustratim cædendam, & sic dandam vobis, ut aliis ad manducandum sub propria specie sua; propter hoc subjungit: *verba quæ ego locutus sum vobis, spiritus, & vita sunt*, idest spiritualiter sunt intelligenda, & ita vivificant; spiritualiter enim intelligendum est, & credendum quod Christus Carnem, & Sanguinem suum, non visibili forma, sed sub specie panis, & vini hominibus daret ad manducandum; propter quod etiam subjunxit v. 64. *Sed sunt quidam ex vobis, qui non credunt.*

Item obijcit hæreticus illud Matth. 26. v. 26. *Cænantibus autem eis accepit Jesus panem, & benedixit, ac fregit, deditque Discipulis suis*; & non est dubium quod materialem panem accepit, & illum benedixit; ergo & illum fregit; ergo in fractione sua erat panis materialis, non Corpus Christi. (16)

Solutio. Panem materialem accepit, & panem materialem benedixit, idest benedictione sua in Corpus suum mutavit, dicens: *Accipite, & comedite, hac est corpus meum*, quo dicto, & facto fregit panem prædictum, non ejus substantiam, sed ejus formam, quæ est circa Corpus Christi. (17)

Obji-

(13) Vide Sancti Augustini *Tractatum* xxvi. in *Johannem* col. 359. Tom. 111. Parte II. *Opp. Edit. an. 1700.* ubi hoc idem Capharnaitas sensisse ait, quod deinde Cathari existimaverunt; probatque vehementer responsionem quam noster adhibet.

(14) Hoc eodem argumento utuntur hæretici Sacramentarii Nostorum temporum; atque inter hos quidem illi duo, qui in hanc hæresim restituendam plurimum operæ contulerunt: Zuinglius *lib. de vera & falsa Religione, Capite de Eucharistia*, tantam huic ipsi vim inesse putat, ut *murus aeneus illi, & adamus* videatur esse. Petrus Martyr *lib. Adversus Gardinerum objecto* xxxiv. hæc habet: *Capharnaitæ putabant Christi Carnem corporaliter manducandam, ut nunc arbitrantur Papistæ: at Christus errorem illorum reprehendit cum ait: caro non prodest quidquam: significat igitur Carnem suam non corporaliter manducandam, sed sola fide spiritualiter.* Viden ut novi hæretici veteres Catharos auctores vehementer sequantur?

(15) Ne ab hujusmodi quidem argumentatione sibi temperant hæretici juniores. Verum Monetæ responsio solida cum primis est, & prompta ex eo Tractatu Augustini in *Johannem*, quem *Notatio-*

ne 13. indicavi. Vide Bellarminum etiam *lib. I. de Sacramento Eucharistia* Cap. xiv.

(16) Non discrepant Sacramentarii. Immo vero addunt pleraque Patrum testimonia, qui post consecrationem Eucharistiam, appellant panem, ut inde eliciant, non Scripturæ solum, sed Patrum etiam traditionem, cui nos Catholici pluribus esse tribuendum pugnamus, sibi magno esse præsidio. Consulitor, *Magnum Opus de la perpetuité* Tom. 111. lib. 111. Cap. I. 11. *segg.*

(17) Quod si panem etiam appellasset Christus Corpus suum sub speciebus panis, & vini delitescens; non inde tamen concludere potuisset hæreticus, panis substantiam remanere in Eucharistia Sacramento, nec ibi esse Corpus verum Servatoris nostri. Nam, ut Cap. I. libri 111. Tom. 111. *de la perpetuité*, animadvertunt illius operis auctores, sæpe usu venit, ut fidei, rationisque judicia non respondeant iis quæ ex sensuum perceptione in animo oriuntur. Hinc duæ loquendi rationes, manant; quarum altera fidei; vel rationis, altera sensuum perceptioni accommodatæ sunt. Ita fit, ut luminare magnum in Scripturis appelletur Luna, non quo reipsa magnum sit respectu Syderum ceterorum, sed quo magnum nostris

Objiciunt etiam illud Mar. 14. v. 23. *Et accepto calice, gratias agens dedit eis, & biberunt ex illo omnes*, & Lucæ 22. v. 27. *& accepto calice gratias egit, & dixit, accipite, & dividite inter vos*. Hæc præpositio *ex*, & hoc verbum *dividere* notant divisionem, & partitionem; illud ergo quod Discipuli bibebant, dividebant: Corpus autem Christi non dividebatur, nec ejus sanguis, ergo non sumebant Corpus Christi, nec ejus Sanguinem.

Solutio. Jam patet, quod corpus ejus & sanguis dividebatur, non quoad essentiam suam, sed quoad speciem panis & vini, quæ circa ipsum erat. Et sciendum, quod ante divisionem, tantum semel est ibi Christus, facta autem divisione resultat sub qualibet speciei parte, & sic quilibet Christum integrum sumit. Nonne vides quod in speculo uno, unica resultat imago, fracto autem speculo resultat in qualibet ejus parte?

Adhuc etiam objicit hæreticus illud Lucæ ultim. v. 43. & 44. *Et cum manducasset coram eis, sumens reliquias dedit eis. Et dixit ad eos: hæc sunt verba quæ locutus sum ad vos*. Dicit hæreticus: numquid fragmenta quæ demonstrabat Jesus, ipsa verba erant? Non, sed significabant ea. Similiter cum dicitur *hoc est corpus meum*, & *hic est sanguis meus* intelligendum est, idest significat.

Solutio. Falsum locutus, es cum dixisti, quod pronomen demonstraret fragmenta, & malum punctum fecisti; dico ergo, quod hoc pronomen *hæc* demonstrat verba quæ sequuntur, (18) ista scilicet: *neceesse est impleri omnia, quæ scripta sunt in lege Moysi, & Prophetis, & Psalmis de me*. Et est versus finiendus ibi: *Hæc sunt verba quæ locutus sum ad vos, cum adhuc essem vobiscum; quoniam necesse est impleri omnia, quæ scripta sunt in lege Moysi, & Psalmis de me*. Ista enim verba eis dixerat, ut patet Matth. 16. & Mar. 8. & 10. & Lucæ 9. & ultim. Matth. 20. v. 18. dicitur: *Ecce ascendimus Jerosolymam &c.*

Adhuc instat Hæreticus dicens, quomodo potest hoc esse, quod panis, aut vinum convertantur in Corpus Christi, & Sanguinem?

Ad hoc dico, quod si quæreres non discernendo mutationem prædictam, nec blasphemando fidem Catholicam, non esses arguendus, sed pie docendus: sicut B. Virgo, non discernens, sed pie respondens dixit Angelo Lucæ 1. v. 34. *Quomodo fiet istud; quoniam virum non cognosco?* Idest me non cognituram propono, & propositum servabo. Et respondit Angelus v. 35. *Spiritus Sanctus superveniet in te, &*

virtus Altissimi obumbrabit tibi. Sicut ergo Filii Dei conceptio, non naturæ possibilitate, sed Spiritus Sancti virtute, & gratia facta est in Virgine; Sic hæc mutatio est non naturæ, sed dexteræ excelsi, idest potentiae summi Dei: Similiter quod accidentia panis & vini remanent, & non sunt in Christi Corpore, sed in nullo subjecto contra naturam accidentis, cujus esse est inhærere subjecto, potentiae Dei est, non naturæ.

C A P. IV.

De Sacramento Pœnitentiæ.

§. I

Neceffitas, & utilitas Pœnitentiæ.

DEinceps agendum est de quarto Ecclesiæ Sacramento, scilicet de Pœnitentia. Primo autem testimonia verissima inducemus, quibus pateat neceffitas, & utilitas Pœnitentiæ; secundo autem de partibus Pœnitentiæ videbimus, prout divina nobis gratia ministrabit. De neceffitate Pœnitentiæ evidens testimonium habetur Lucæ 13. v. 3. ubi Christus ait quibusdam: *nisi pœnitentiam habueritis, omnes similiter peribitis*. De utilitate ejus multiplex testimonium invenitur. Unum Johannis Bapt. Matth. 3. v. 2. *Pœnitentiam agite; appropinquavit enim Regnum Calorum*. Idem testimonium assumit Dominus Matth. 4. v. 17.

Item Aët. 2. v. 38. dicit B. Petrus quibusdam corde compunctis: *Pœnitentiam agite, & baptizetur unusquisque vestrum in nomine Jesu Christi, in remissionem peccatorum vestrorum, & accipietis donum Spiritus Sancti*. Item Aët. 3. v. 19. *Pœnitementi igitur, & convertimini, ut deleantur peccata vestra*. Item Ezech. 18. v. 30. *Convertimini, & agite pœnitentiam ab omnibus iniquitatibus vestris, & non erit vobis in ruinam iniquitas*.

§. II.

Errores Hæreticorum.

CIrca pœnitentiam errant Cathari dicentes, eam esse non iterabilem de aliquibus peccatis, scilicet de lapsu a fide, (1) & impugnatione agnitæ veri-

stris oculis videtur. Quare, cum panis species sensus nostri percipiant, fides autem contra dicat esse Corpus Christi in Eucharistiæ Sacramento; potuit quidem fieri, ut panis diceretur Corpus Christi, quod sensus, panis species exhibeat; & Corpus Christi, quod ita fides nostra teneri oportere præscribat.

(18) Ne admirare lector, quod hoc scripturæ testimonio non abutantur hæretici juniores. Vident enim non ita esse legendum, ut Cathari existimarunt. Constat porro verus legitimusque sensus hujusce loci, neque ulla indiget explicatione.

(1) Cathari pœnitentibus manuum impositionem conferebant, quam adhibere consueverant loco Baptismi. Etsi autem saepe conferri pœnitentiam posse censerent ob varia genera peccatorum, in quibusdam tamen casibus id fieri nequire jactabant. Etenim Iis qui a fide exciderant, aut cognitam oppugnassent veritatem, nullam spem omnino pœnitentiæ superesse arbitrabantur. Hac vero

in re mirifice Catharis cum Novatianis conveniebat, qui Ecclesiam non posse absolvere Mœchos, homicidas, & idololatrias existimabant. Sunt qui Montanistas eodem errore laborasse putent. Verum negari non potest, quin longe diversa fuerit horum de pœnitentia agenda, recipiendaque communione sententia. Aiebant enim inesse Ecclesiæ potestatem absolvendi eos, qui in scelera capitalia incidissent; negabant tamen fieri id oportere, ne aliis peccandi quoque ansa daretur. Quamobrem Tertullianus libro de Pudicitia Cap. I. hæc habet, „Habet, inquis, potestatem Ecclesiæ, si delicta donandi. Hoc ego magis, & agnosco, & dispono, qui ipsum Paráclitum in Prophetis novis habeo dicentem: Po- test Ecclesia donare delictum, sed non faciam, ne & alia delinquant. Quid si pseudopropheticus Spiritus pronuntiavit? at- qui magis everforis fuisset, & semetipsum de clementia commendare, & ceteros ad delinquentiam temperare. Aut si „& hoc

veritatis, & de hoc intelligerent illud verbum Hebr. 6. v. 4. 5. & 6. *Impossibile est enim eos, qui semel sunt illuminati, (2) gustaverunt etiam donum caeleste, & participes facti sunt Spiritus Sancti, gustaverunt nihilominus bonum Dei verbum, virtutesque seculi venturi, & prolapsi sunt; rursus renovari ad poenitentiam, rursus crucifigentes sibi metipsis Filium Dei, & ostentui habentes.*

Qualiter autem ista autoritas sit intelligenda, dictum est supra in prima parte hujus operis cap. 4. ubi ostenditur, quod Angeli, qui de Caelo ceciderunt per peccatum non salvabuntur; ubi patet quod ista autoritas non excludit poenitentiam ab aliquo, nisi post hanc vitam.

De hoc etiam intelligunt illud Hebr. 10. v. 26. *Voluntarie enim peccantibus nobis post acceptam notitiam veritatis, jam non relinquitur pro peccatis hostia.*

Ad quod dicitur, quod ista autoritas non intelligitur de lapsu a fide, sed de lapsu a charitate; dixerat enim prius Ap. v. 24. & 25. *Et consideremus invicem in provocationem Charitatis, & bonorum operum: non deferentes collectionem nostram, sicut consuetudinis est quibusdam, sed consolantes, & tanto magis, quanto videritis appropinquantem diem.*

Invitat ergo ibi Apostolus fideles, ut unus alium studeat igne charitatis accendere verbo, & exemplo, & ad bene agendum inducere fratres secum in fide collectos, non deferere per aliquam tribulationem, sed potius consolationem eis impendere, & hoc propter duas causas, scilicet propter præmium vicinum; unde: *tanto magis, quanto videritis appropinquantem diem*, quia facientibus contraria voluntarie, licet non actualiter, non prodest Christi Hostia, sive oblatio in præsentia, nec in futuro; sola enim voluntate contrariorum ad hoc quod diximus, licet illa voluntas non producat in operibus, damnabitur, qui in ea perseveraverit, quæ perseverantia notatur in verbis Ap. non enim dixit, *peccavimus*, sed *peccantibus*, &c. idest in peccato permanentibus, non prodest Christus, licet ejus notitia, idest fides habeatur. 1. Cor. 13. v. *Si habuero omnem fidem, ita ut montes transferam, charitatem autem non habuero, nihil sum.*

Posito etiam, quod intelligatur de lapsu a fide, & etiam impugnatione veritatis agnitæ; nihilo minus tamen de aliis peccatis intelligitur; sic ergo de aliis peccatis non esset iterabilis poenitentia, nec esset utilis Christi hostia, quod patet esse falsum in multis. Vos etiam de aliis peccatis poenitentiam injungitis, & manus impositionem iteratis.

Ad idem etiam inducunt, quod dicit Dominus. Luc. 9. v. 62. *Nemo mittens manum suam ad aratrum, & respiciens retro aptus est regno Dei.* Et c. 12. v. 10. *Qui dicit verbum in Filium hominis, remittetur illi; ei autem qui in Spiritum Sanctum blasphemaverit, non remittetur, & Matth. 12. v. 32. addit, neque in hoc seculo, neque in futuro.*

Item ad idem inducunt illud 1. Jo: 5. v. 16. *Qui scit fratrem suum peccare peccatum non ad mortem, petat, & dabitur ei vita peccanti non ad mortem. Est peccatum ad mortem, non pro illo dico, ut roget quis.*

Ad 1. dico, quod non solum mittit manum ad aratrum quis fidem assumendo, sed etiam fidei opera congrua faciendo. Non solum ergo retro respicit quis fidem deferendo, vel agnitam veritatem impugnando, sed etiam prava opera faciendo; ergo autoritas illa *nemo mittens manum &c.* vel non facit ad id quod dicis, vel si facit, non erit poenitentia eadem ratione iterabilis, de aliis peccatis; quare ergo tu iteras eam? (3)

Præterea non dicit, quod non possit esse aptus regno Dei, sed dicit, quod non est aptus.

Ad aliud, quod dicit *non remittetur &c.* (4) dicitur, quod non dicit, quod non possit inde poenitentia fieri.

Si dicas mihi: quare potius de illo peccato dicitur, quod non remittetur, quam de aliis?

Dico quod difficilius est, quia contra fidem principaliter est, quæ est causa remissionis; unde Act. 15. v. 9. *fide purificans corda eorum.*

* Vel dicas, quod de finali peccato loquitur, non enim orandum est pro eo, qui in tali noscitur decessisse. Simili modo solvunt sequentem objectionem, sed tutior est prima, sicut & magis consona Litteræ. *

Ad tertium dico, quod peccatum ad mortem dicitur peccatum in Spiritum Sanctum: non prohibet autem Johannes quia pro tali peccato oretur, ut dimittatur, sed dicit: *non pro illo dico, ut roget quis*, nec dicit: ego dico ut non oret quis pro eo, pro alio peccato dicit: *Qui scit fratrem suum peccare peccatum non ad mortem, petat, & dabitur ei vita peccanti non ad mortem.* Dicit ergo quod oretur pro tali, quia istud peccatum non est contra radicem remissionis, idest contra fidem directe, sed contra fidei opera; lapsus autem a fide, vel impugnatio fidei agnitæ directe est contra eam. Istam doctrinam servavit Paulus 2. Timot. 4. v. 14. & 15. Non enim pro Alexandro apostata a fide oravit, sed

„ & hoc secundum Spiritum veritatis adfectare gestivit:
„ ergo Spiritus veritatis potest quidem indulgere fornicatoribus veniam, sed cum plurimum malo non vult. -- Concludit proinde posse ab homine sceleribus implicato agi poenitentiam, compararique remissionem peccatorum, apud Deum, non tamen licere Ecclesiæ hoc idem agere. Heretici juniores; etsi varias initio de poenitentia Sacramento sententias, modo hanc, modo illam defendentes tutati sint; de qua re consuli poterit accuratissimus Bossuetus lib. 111. *Des variations* n. XLVI. pag. 126. Tom. 11. Opp. Edit. Venetæ; in eam tamen frequentes modo solent descendere, ut poenitentiam Sacramentum esse negent, confugiendumque idcirco esse ad memoriam fidei in Baptismo susceptæ putent. Vide Bellarminum lib. I. de Poenitentia Cap. xxi. Jucinum De Sacramentis Dissertatione VI. de Poenitentia quæst. 11. Cap. 111.

(2) Consulendus Johannes Chrysostomus Homilia 1x. ad Cap. vi. Epistola ad Hebræos pag. 95. sqq. Tom. xii. Opp. Edit. Paris. Montfauconii, quo loco fuse lateque explicat Apostoli testimonium illudque sic intelligi oportere contendit, ut repetitum excludat Baptismum, non autem poenitentiam, quæ lapsos post Baptismum in aliquod scelus homines renovet.

(3) Nempe conferebant rursus poenitentiam, seu Baptismum Cathari suis illis fratribus, qui in scelera incidissent, quamvis tamen non aliis, qui fidem Catharorum deservissent, sprevisseque agnitam, ut illi jactabant, sectæ Catharisticæ veritatem.

(4) Consulitor Calmeti Dissertatio de Peccato in Spiritum Sanctum Præfixa Commentariis in Matthæum.

* Defunt in B. & in Vat.

fed pro, aliis ficut ibi habetur. Ex prædictis etiam patet, quare hoc peccatum potius dicatur esse ad mortem quam alia.

§. III.

De Contritione.

Viso de pœnitentia in genere, videndum est de partibus ejus, & primo de contritione, quam expresse præcepit B. Jacobus c. 4. v. 9. ep. suæ dicens: *miseri estote, & lugete, & plorate: risus vester in luctum convertatur, gaudium in mororem*; in quibus verbis Ap. monet nos ad miseriam, idest miserix sustinentiam pro Christo, idest ut sustineamus famem, sitim, nuditatem, & persecutionem, & ejusmodi pro ipso, secundum quod dicit Ap. 1. Cor. 4. v. 11. & 12. *Esurimus, & sitimus, & nudi sumus, & colaphis cœdimur, & instabiles sumus, & laboramus operantes manibus nostris, maledicimur, & benedicimus, persecutionem patimur, & sustinemus*. Monet etiam nos ad tristitiam de peccatis cum dicit: *& lugete, & plorate*. De hac tristitia dicitur 2. Cor. 7. v. 10. *Quæ enim secundum Deum tristitia est, pœnitentiam in salutem stabilem operatur*. De hac tristitia, quod fit secundum Dominum, idest ejus placitum, sive voluntatem, evidenter dicit David in Ps. 50. v. 19. *Cor contritum, & humiliatum Deus non despicias*; quasi dicat imo tibi placebit o Deus. Quod autem ei placeat hæc tristitia, patet ex eo quod præcipit eam in autoritate prædicta B. Jacobi: *miseri estote &c.* Item Joel. 2. v. 13. *Scindite corda vestra, & non vestimenta vestra, & convertimini ad Dominum Deum vestrum*.

Ad idem etiam inducitur exemplum Petri, qui post Domini trinam negationem Matth. 26. v. 75. *egressus foras flevit amare*: Item nulli dimittitur peccatum, nisi volenti quod sibi dimittatur, si autem vult, quod sibi dimittatur, non vult esse in eo; si autem non vult in eo esse, displicet ei esse in ipso, ipsa autem displicentia contritio appellatur; ex quo patet, quod non dimittitur peccatum sine contritione.

Circa istam contritionem autem errant Cathari

(5) dicentes eam in nullo casu sufficere; nos autem sufficere arbitramur, quando non potest haberi baptismus, sicut patet in Latrone cui dictum est a Christo Lucæ 23. v. 43. *Hodie mecum eris in Paradiso*; ipsi enim nec baptismus aquæ materialis datus est, nec manus impositio ipsi facta est, & sic completum est illud quod dicit Ap. Rom. 4. v. 5. *Ei vero quem operatur, credenti autem in eum qui justificat impium, reputatur fides ejus ad justitiam, secundum propositum gratiæ Dei*, idest quia propositum Dei est, quandoque gratis, hoc est sine operibus salvare aliquos, sicut & David dicit, beatitudinem esse ejus, cui Dominus accepto, idest acceptabiliter, sive gratis fert justitiam.

§. IV.

De Confessione.

Nunc videamus de Confessione peccatorum, quæ utilis est ad remissionem peccatorum, ut notat David Psalm. 31. v. 5. *Dixi confitebor adversum me iniquitatem meam Domino, & tu remisisti impietatem peccati mei*. Ad idem invitat in Ps. 105. v. 1. *Confitemini Domino quoniam bonus, quoniam in seculum misericordia ejus*: bonus quidem est dando gratiam, misericors est remittendo offensam Proverb. 28. v. 13. *Qui abscondit scelera sua non dirigetur*, supple ad Dominum, a quo averfus est per peccatum; sequitur *qui autem confessus fuerit, & reliquerit ea, misericordiam consequetur*. 1. Jo. 1. v. 9. *Si confiteamur peccata nostra; fidelis est & justus, ut remittat nobis peccata nostra, & emundet nos ab omni iniquitate*. Act. 19. v. 18. *Multique credentium veniebant confitentes, & annuntiantes actus suos*.

Peccant autem quidam circa Confessionem, arbitantes quod non sit (6) necessarium eam fieri Sacerdoti, & quod sufficiat si fiat Deo soli.

Contra hoc autem est, quod legitur Prov. 18. v. 17. *Fustus prior est accusator sui: venit amicus ejus investigabit eum*. Iste amicus est Sacerdos, qui amicus dicitur, idest custos animæ illius, qui sibi confitetur, cujus etiam plagas investigat tanquam salutaris medicus.

Ad

(5) Non Cathari solum, sed etiam Lutherani plerique omnes. Lutherus enim non solum non sufficere contritionem, immo etiam reddere hominem hypocritam censuit. Consulendus Bossuetius *liv. I. Des Variations num. xviii*. Eodem recidunt, quæ rigidiores Lutherani, contra Vvitembergenses ajunt *Collat. IV. Colloquii Altemburgensis*. Adeundus Bellarminus *lib. II. Cap. II. de pœnitentia*.

(6) Seculo XII. *Cophiti* Confessionem suppressere: Cujus rei mentionem facit Renaudotius *Tom. v. Perp. Fidei lib. III. Cap. viii*. Gaspar Jueninus Disertatione VI. de Pœnitentiâ *Quæst. v. Cap. I.* ait, Valdenses numquam sustulisse confessionem. Ut autem id probet, confugit ad auctoritatem Reinerii Sachoni, qui in *Summa de Catharis, sic habet*: „De Sacramento pœnitentiæ dicunt, quod nullus possit absolvi a malo Sacerdote. Item quod bonus, laicus potestatem habeat absolvendi. Item quod ipsi per manus impositionem peccata dimittant, & dent Spiritum Sanctum. Item quod confitendum sit potius bono Laico, quam malo Sacerdoti. Item quod generalis confessio non sit singulis annis facienda. Verum etsi fatear Valdenses nunquam in errorem hunc incidisse, ut tollerent confessionem; ago tamen Reinerium non referre errata Valdensium, sed Catharorum: quamobrem ex eo Reinerii loco nihil potest Jueninus exculpere, quod sibi possit esse præ-

sidio. Adnotandum autem est, Reinerium numquam dixisse Catharos necessariam omnimodis posuisse confessionem: sed tantum non eam neglexisse. Quin etiam si affirmasset Catharos pro confessionis necessitate pugnasse; non inde tamen concludi posset, omnes quotquot illam sectam coluerunt, in eadem fuisse opinione versatos. Nam Moneta noster hoc loco fuisse aliquos ait, qui necessariam esse confessionem negarent. His accessit Vviclefus. Nam ejus *Articulus VII.* a Synodo Constantiensis præscriptus, hujusmodi est: *Si homo debite fuerit contritus, omnis confessio exterior est sibi superflua, & inutilis*. De Lutheri Lutheranorumque dogmate consultor Bossuetius *liv. III. Des Variations n. XLVII*. Negari nequit, quin Lutherani plerique a Lutheri sententia desciverint. Johannes Brentius in Confessione Vvitembergensi *Art. XI. de Confessione* inficiatur necessariam esse exomologesin peccatorum omnium; etiam occultorum. Non discrepat Kemnitius *II. Parte Examin. Cap. v. de Pœnitentia*. Calvinus *lib. III. Instit. Cap. IV. §. VII.* negat confessionem sacramentalem juris esse divini: quare etsi veterem ejus usum esse fateatur; liberum tamen olim fuisse putat. §. XVIIII. „Nihil mirum inquit, si auricularem istam confessionem, nem, rem adeo pestilentem, torque nominibus Ecclesiæ noxiam, damnamus, ac sublatam e medio cupimus. Hæc hæreticus.

Ad idem facit illud, quod ait Ap. Jacobus ep. suæ c. 5. v. 16. *Confitemini ergo alterutrum peccata vestra, & orate pro invicem ut salvemini: multum enim valet deprecatio iusti assidua*. Quod autem Jacobus intellexerit, quod ista confessio fiat Sacerdotibus, præcedentia, & sequentia illius Scripturæ declarant; sic enim ait v. 14. & 15. *Infirmatur quis in vobis? Inducat Presbyteros Ecclesiæ, & orent super eum, ungentes eum oleo in nomine Domini; & oratio fidei salvabit infirmum, & alleviabit eum Dominus; & si in peccatis sit, remittentur ei*. Et postea ostendens qualiter hoc debeat fieri, intulit dicens: *Confitemini ergo alterutrum &c.* Præcedere ergo debet confessio, & sequi debet unctio, ac Sacerdotis oratio; ex quo patet, quod Presbytero a quo fit oratio & inunctio debet fieri confessio ab infirmo.

Præterea, dicas mihi: ad quid facienda est peccatorum confessio? Constat quod fit ut obtineatur peccatorum absolutio; sed hæc non potest obtineri ab aliquo, nisi ipse habeat claves, idest potestatem ligandi, & solvendi; ad hoc enim datæ sunt claves Petro Apostolo; & aliis Prælati, ut patet Matth. 16. Ergo confessio non est facienda nisi illi. Modo quæro: qui habent illam potestatem? Si enim illam habent tantum illi, qui ordinati sunt in Præsbyteros per impositionem manuum, habeo propositum, quod tantum Presbyteris debet fieri confessio. Si dicat, quod etiam non ordinati hanc habent potestatem, sicut & illi, qui ordinati sunt, hoc patet esse falsum Matth. 16. ubi habemus, quod hæc potestas Petro daretur, & in ipso aliis Prælati. Frustra etiam ordinarentur aliqui, si ita haberent potestatem ligandi, atque solvendi non ordinati, sicut illi, qui ordinem accepissent.

Ad idem etiam induci potest illud testimonium Matth. 8. v. 4. *Vade, ostende te Sacerdoti, & offer munus, quod præcepit Moyses in testimonium illis*. Hoc dictum est leproso, qui figura est peccatoris, infecti lepra peccati.

Si autem dicas, quod istud iudicium de curatione a lepra, an esset facta, an non, ad legem veterem pertinebat, & adveniente veritate legis novæ cessare debet: sic enim dicunt Pauperes Lombardi. (7)

Contra: Nonne dicit Ap. 1. Cor. 10. v. 11. *Omnia in figura contingebant illis, scripta sunt autem ad correptionem nostram, in quos fines sæculorum devenerunt*? Utique. Dicas ergo mihi: quid figurabat iudicium illud Sacerdotis legale, nisi istud, quod iudicium lepræ spiritualis ad Sacerdotem pertinet Novi Testamenti, ei ergo est facienda confessio, ei aperienda est plaga, ad quem pertinet iudicium de illa; unde Deuter. 17. v. 8. & 9. *Si difficile, & ambiguum apud te iudicium esse perspexeris inter Sanguinem, & Sanguinem, causam, & causam, lepram, & lepram: & iudicium intra portas tuas videris verba variari: surge, & ascende ad locum, quem elegerit Dominus Deus tuus. Veniesque ad Sa-*

cerdotes Levitici generis, & ad iudicem, qui fuerit illo tempore, quæresque ab eis, qui indicabunt tibi iudicii veritatem.

Contra hoc, quod dictum est, quod confessio præcepta sit, & ad salutem necessaria objiciunt aliqui hæretici illud Ezech. 18. *quacumque hora ingemuerit peccator &c.*

Ad quod dico, quod litera ista non est ibi nisi ex parte, imo ibi dicitur v. 21. & 22. *Si autem impius egerit pœnitentiam ab omnibus peccatis suis, quæ operatus est, & custodierit omnia præcepta mea, & fecerit iudicium, & iustitiam: vita vivet, & non morietur. Omnium iniquitatum ejus quas operatus est non recordabor*.

Posito etiam, quod ibi sit, dico quod in casu loquitur, scilicet quando facultas confitendi non habetur; vel propter defectum Sacerdotis, vel propter debilitatem infirmi vim loquendi amittentis, in quo casu invisibilis Sacerdos, scilicet Deus, eum qui vult confiteri, sed non potest, absolvit a debito æternæ mortis per contritionem, idest dolorem cordis de peccatis. Vel potest intelligi de omnibus: *quacumque hora peccator ingemuerit &c.* idest salus ejus esse incipit. (8)

§. II.

De Satisfactione.

Sequitur tertia pars pœnitentiæ, scilicet satisfactio. Est autem satisfactio iudicium a Sacerdote pœnitenti datum, de quo dicit Ap. 1. Cor. 11. v. 31. *Quod si nosmetipsos dijudicavimus, non utique judicemur*. Hoc est illud iudicium, de quo: *non judicat Deus bis in idipsum*.

Quod autem satisfactio si tempus habetur præcepta sit, evidenter apparet 2. Cor. 7. v. 10. ubi dicit Ap. *Quæ enim secundum Deum tristitia est, pœnitentiam in salutem stabilem operatur*: Ecce quid facit tristitia de peccatis, sive contritio, scilicet pœnitentiam valentem ad salutem stabilem. Non potest autem dici, quod pœnitentia hic sumatur pro ipsa cordis pœnititudine, hæc enim pœnitudo tristitia est, pœnitentia autem ejus effectus, ut dicit Ap.

Ad idem facit etiam illud Rom. 6. v. 19. *Sicut enim exhibuistis membra vestra servire immunditiæ, & iniquitati ad iniquitatem; ita nunc exhibete membra vestra servire justitiæ in sanctificationem*.

Ad idem facit illud Matth. 3. v. 8. *Facite ergo fructum dignum pœnitentiæ*; Et qui sunt fructus pœnitentiæ interioris, idest tristitiæ cordis, nisi illa quæ enumerat Ap. 2. Cor. 7. v. 11. *Ecce enim hoc ipsum, secundum Deum contristari vos, quantam in vobis operatur sollicitudinem: sed defensionem, sed indignationem, sed timorem, sed desiderium, sed emulationem, sed vindictas, in omnibus exhibuistis vos, incontaminatos esse negotio*. Modo quæro: Ecce quod necesse est si tempus habetur, ut ho-

Qq

mo

(7) Pauperes Lombardos appellat Valdenses, qui in Langobardia versabantur, ex hoc autem loco plane colligitur, fuisse saltem Valdenses aliquot, qui confessionis usum necessarium esse inficiarentur: quidquid contra Jueninus l. 1. & aliquot alii scriptores pugnent.

(8) Necessitatem Confessionis, multis eisdemque solidissimis testimoniis probant Bellarminus lib. 111. de Pœnitentia Cap. 11. sqq. Jueninus Dissert. v1. De Sacramentis Quæst. v. Cap. 1. Art. 11. per tot. Natalis Alexander.

mo faciat fructus dignos pœnitentiæ : sed numquid sua autoritate faciet quis , aut alicujus , qui habet claves Ecclesiæ ? Constat quod autoritate habentis eas , alioquin frustra essent claves Ecclesiæ .

Præterea vide quid dicit Ap. 2. Cor. 10. v. 6. *In promptu habentes ulcisci omnem inobedientiam .* Quomodo autem promptus erit ulcisci , nisi pœnitentiam injungendo . Hæc est virga , de qua dicitur 1. Cor. 4. v. 21. *Quid vultis ? In virga veniam ad vos , an in charitate , & spiritu mansuetudinis ?*

Præterea , quæ est Ecclesia illa , sive pauperum , sive Catharorum , quæ satisfactionis opera non injungat transgressoribus suis ?

Contra hoc autem , quod diximus , quidam garuli obijciunt dicentes , (9) quod Christus summus Sacerdos , & Pontifex secundum ordinem Melchisedech nulla satisfactionis opera injunxit mulieri in adulterio deprehensæ .

Ex prædictis patet , quod imponenda sunt opera satisfactionis , & imponuntur etiam ab hæreticis impugnatoribus veritatis . Si Dominus non imposuit illi , fecit quod voluit ; Ecclesiæ tamen suæ reliquit imponere opera satisfactionis peccantibus , & forte alibi mulieri imposuit , licet non esset necesse , quod ei imponerentur . Perpendit (*omnia enim nuda , & aperta sunt oculis ejus* ut dicitur Hæbr. 4. v. 13.) perpendit & magnitudinem doloris peccati in corde mulieris sufficere , & quod ipsa otiosa non esset , *sed sicut exhibuerat membra sua servire immunditiæ & iniquitati ad iniquitatem , ita nunc exhibebat membra sua servire justitiæ in Sanctificationem* . Rom. 6. Similiter si talia videremus in peccatoribus venientibus ad pœnitentiam , pœnitentiam eis non injungeremus : nunc autem quia ignoramus hoc , ad cautelam eis pœnitentiam injungimus , ne facilitate veniæ ad peccata facilius relabantur , & ne ad bona agenda opera pigri existant , si vinculis pœnitentiæ & satisfactionis non adstringantur . (10)

(9) Hinc colligi poterit non omnes , sed aliquos dumtaxat Catharos satisfactioni fuisse adversarios . Nam ut mox subjicit Moneta , ab hæreticis suorum temporum imponebantur pœnæ satisfactionis . Sed novi hæretici eos paucos Catharos confectati , bellum indicunt eidem satisfactioni . Kemnitius in 11. Parte Examinis hæc habet : *Quod dictum est , optimam , & aptissimam pœnitentiam esse novam vitam , hanc habet sententiam : Post acceptam fidem propter Christum remissionem peccatorum , non requiri præterea aliam satisfactionem , aut expiationem pro peccatis , cum simus in Christo consummati , sed requiri illud quod Scriptura præscribit , Desine a malo , & fac bonum* . Paria habet Lutherus in Assertion. Art. v. & Melanthonus in Confess. August. Art. de Confess. & Satisfaction. Mitto Catechismos , & Confessiones , quas Hæretici hoc seculo vulgaverunt , quum hæc eadem omnino contineant

(10) Sed satisfactionis opera post confessionem peccatorum , postulat Scriptura , postulat Traditio , consensioque omnium Ecclesiarum . Nam aliqui cur Daniel Nabuchodonosori regi præscripsisset ut Eleemosinis sua peccata redimeret ? Dan. 11. aut Luca 11. Johannes Baptista hortatus fuisset , immo iussisset Hebræos , ut facerent fructus dignos pœnitentiæ . Age vero Apostolus I. ad Corinthios cap. v. nonne incestuosum illum sathana in interitum carnis tradidit ; ut Spiritus Salvus esset in die Domini Nostri Jesu Christi ? Non negant porro Heterodoxi Tertullianum , Cyprianum , Augustinum , Theodorum , omnesque Patres satisfactionis poenas omnino voluisse in iis , qui in aliquod scelus incidissent . Immo vero hoc idem tenere Græcos , ceterosque Orientales jam usque ab antiquis temporibus discissos a Romana Ecclesia , Hæretici ipsi novi fatentur . Quin etiam Andrianis hæreseos nota inusta est , quod , ut ait Theodorus lib. 1v. *hæreticarum fabularum* Cap. x.

CAP. II.

De Extrema Unctione .

Nunc ad quintum Sacramentum extremæ unctionis veniamus . Extrema unctio dicitur , quia confertur in extremis laboranti , & fit ex oleo per Episcopum consecrato . Sciendum autem tria esse genera unctionis . Una est quæ fit ex chrismate , quæ dicitur unctio principalis , quia fit a principibus Ecclesiæ , (1) idest Episcopis , vel quia in ipsa datur Spiritus Paraclitus ad robur , & per consequens ad resistendum , & principandum hostibus Christi , scilicet Dæmonibus , & Tyrannis . Chrisma duos habet admistos liquores , scilicet oleum , & balsamum . Oleum , quod pabulum est luminis , significat illuminationem , & nitorem conscientiæ puræ ; balsamum autem , quod conservat a putrefactione significat robur Spiritus Sancti , sed quia odoriferum est , significat bonam famam .

Chrismate ergo inungitur Christianus in signum luminis scientiæ , & nitoris conscientiæ puræ , & fortitudinis spiritualis , ac famæ bonæ . Isto Chrismate capita Regum , & Pontificum unguuntur , & baptizati a suis Sacerdotibus non in fronte , sed in vertice ultra frontem , scilicet circa medium capitis : Confirmandi vero post Baptismum ab Episcopis in fronte (2) per impositionem manuum inunguntur . De qua impositione manuum supra adnotavimus .

Est etiam secunda unctio , qua Cathecumeni tempore Baptismi unguuntur in pectore , & inter scapulas . Hoc vocatur Oleum Sanctum , quo inunguntur ut diximus recipientes Baptismum , scilicet Chrismate post Baptismum .

Tertia unctio est , quæ dicitur oleum infirmorum , de qua nunc agendum est . (3) Hoc autem Sacramentum Unctionis infirmorum ab Apostolis legitur

Confessis darent veniam , non tempus ad Pœnitentiam desinientes , sicut Ecclesiæ leges præcipiunt , sed potestate condonantes .

(1) Indicat hoc loco Sacramentum confirmationis , quod jure ordinario conferri ab Episcopis solet . Duos autem ait admistos habere liquores Oleum ; & Balsamum , apud latinos quidem . Nam Græci multa aromata adjiciunt . Consultendus Isaacius Habertus Observ. 1v. sq. *Ad ritum Chrysma* pag. 709. seqq. *Pontificalis Ecclesiæ Græcæ* . Adeuntor etiam Pontificalis idem liber pag. 699. Edit. Paris. an. 1676. Et liber *Ritualis* pag. 508. Edit. Venetæ an. 1730. Sed quæ adjungunt Græci ad substantiam materiæ Sacramenti non pertinent ; velut præclare animadvertit Doctissimus Goar in *notis ad Euchologion Ecclesiæ Græcæ* pag. 513. Videntur Martenius *De Antiq. Ecclesiæ ritibus* ubi de Confirmatione disserit , Renaudotius *Tom. v. de la Perpetuité* . Liv. 11. Cap. xi. seqq.

(2) Id quod satis est . Ceterum Græci non in fronte solum , verum etiam in oculis , naribus , utraque aure , & pedibus signum eis solent imprimere . Eucholog. pag. 291. *Χρίσιν ἡ βαπτισθέντα τὰ ἁγία μύρα ποίων σαυρὲς πύπον ἐπὶ τῇ μετώπῳ , καὶ τὰν ὀφθαλμῶν , καὶ τῇ μυχτῆρῳ , καὶ τῇ σωματῳ , καὶ τὰν δύο ὠτων , καὶ τῇ σῆδῳ , καὶ τὰν χειρῶν , καὶ τὰν ποδῶν , κ. τ. λ.* Ungit baptizatum Sancto balsamo , crucis signum faciens in fronte , & in oculis , & in naribus , & in ore , & in utraque aure , & in pectore , & in manibus , & in pedibus &c. Sed ut constat , partium harum omnium demta frontis , inunctionem ne a Græcis quidem necessariam existimari ; animadvertendum est , non omnes hæc partes ab universis ritualibus , sed ab aliquibus tantum indicari . Vide Goarium in *Nor.* pag. 301.

(3) Hæretici Cathari Extremæ Unctionis Sacramentum tollebant , ut ex hoc Cap. & ex S. Antonino Parte 11. Tit. xi. Cap. vii. colligo .

legitur factum fuisse ante Domini passionem, unde legitur Marci 6. v. 12. & 13. *Et exeuntes prædicabant, ut pœnitentiam agerent; & Dæmonia multa ejiciebant, & ungebant oleo multos ægros, & sanabantur.* De duodecim Apostolis loquebatur, inter quos unus erat Judas, unde ibi v. 7. & 8. dicitur. *Et vocavit duodecim, & cœpit eos mittere binos, & dabat illis potestatem spirituum immundorum, & præcepit eis, ne quid tollerent in via, nisi virgam tantum;* & post pauca subdit verba Domini v. 11. *Exeuntes inde excutite pulverem de pedibus vestris, in testimonium illis* (4)

Modo quæro a te o Hæretice: de quo oleo loquitur? Si de oleo materiali: in Ecclesia ergo Dei debet esse unctio materialis olei; sed non est in tua: ergo tua non est Ecclesia Dei.

Præterea si oleum in quantum oleum opus esset Diaboli: Numquid diceret Apostolus, quod Præbiteri ungerent infirmos oleo in nomine Domini? Jac. 5. v. 14. Nulla enim conventio Christi ad Belial, ut habetur 2. Cor. 6. v. 15. Nulla ergo conventio nominis Domini ad oleum materiale; si opus Belial est; sed aliqua conventio est nominis Domini ad materiale oleum, quia Ecclesia ungit infirmos illo oleo in nomine Domini; ergo illud oleum in quantum est oleum non est opus Diaboli.

Si dicat, quod de oleo spirituali loquitur tam Marcus, quam Jacobus, quid est illud oleum spirituale?

Præterea quæ est sanitas de qua dicit Marcus, quod Apostoli: *ungebant oleo multos ægros, & sanabantur;* Numquid illa sanitas corporalis erat? Si sic, ergo res corporales, & transitoriae sunt a Deo Patre justorum.

Præterea, si reficit ista corpora, quare dicis, quod non facit ea, aut non creat?

Præterea, si erat materialis sanitas; ergo & materiale oleum.

Si vero erat spiritualis sanitas; ergo Judas sanabat spiritualiter aliquos, ipsi enim, & aliis data est hæc potestas, & ad exercitium illius missus est. Quomodo autem spiritualiter sanare poterat, si sanus non erat? Idem dico de aliis Apostolis, si nondum sani erant, & si nondum Spiritum Sanctum receperant.

Præterea si spiritualiter aliquos sanabant, ergo ægri spiritualiter ante passionem, & resurrectionem Domini sanabantur spiritualiter. Quomodo, si Spiritum Sanctum non recipiebant, poterant spiritualiter sanari? Tu enim credis, quod Spiritum Sanctum nulli dabat Christus, aut Discipuli ante resurrectionem. *Qui autem Spiritum Christi non habet* (ut dicit Ap. Rom. 8. v. 9.) *hic non est ejus.* Si autem ejus non est, diaboli est: si autem hujus

est, quomodo sanus est spiritualiter? Nullo modo. Restat ergo, quod ægri uncti oleo ab Apostolis ante Christi resurrectionem sanabantur corporali sanitate, & ungebantur materiali oleo, & ita unctio materialis olei in Ecclesia Dei esse debet, & inde ut prius

Præterea Marci 6. v. 12. & 13. dicitur. *Et exeuntes prædicabant ut pœnitentiam agerent, & dæmonia multa ejiciebant, & ungebant oleo multos ægros, & sanabantur.* Quomodo illi tunc agere pœnitentiam, si Spiritum Sanctum habere non poterant tunc, idest ante passionem Domini, & resurrectionem. Si enim non habent Spiritum Christi, ejus non sunt; si ejus non sunt, quomodo pœnitentiam agunt?

Præterea dicitur, quod *Dæmonia multa ejiciebant.* Nunquid ipsa ejectio dæmonum fiebat a corporibus, vel ab animabus? Si a corporibus, fiebat ergo eis injustitia, quia repellebantur a possessione sua.

Præterea: illa ejectio corporalis erat, curabant ergo ista corpora, quod est contra ponentes duo principia.

Qualiter autem objiciendum sit illis, qui ponunt unum principium, de hoc habetur in 2. p. hujus operis in cap. de factura Dei nova. Cap. de miraculis.

Si autem dicat, quod ab animabus ejiciebantur; erat ergo ejectio spiritualis, & curatio similiter, sed ut dicit Christus Lucæ 11. v. 20. *Si in digito Dei ejicio Dæmonia, profecto pervenit in vos regnum Dei.* Ergo si ab illis erant ejecta Dæmonia, profecto in eos venerat regnum Dei; ergo ipsi erant Dei; ergo habebant Spiritum Christi, quia ut diximus *qui Spiritum Christi non habet, hic non est ejus* Rom. 8. v. 9.

Ex prædictis patet pravitas Doctrinæ tuæ; quicquid enim dicas, nisi a prava doctrina tua respicias stare non potest secundum testimonia scripturarum, ut ex his quæ objecimus evidenter apparere potest. Redeas ergo ad Matrem Ecclesiam, credens materialis olei unctionem, & in ea recipe tam animæ quam corporis sanitatem. Ad utrumque enim valet, ut B. Jacobus protestatur; & ad sanitatem spiritualem, si digne recipitur, semper valet; ad corporalem autem non semper, quia non est semper expediens sanitas corporalis, imo in infirmitate perficitur. Hoc patet in Paulo, qui ait 2. Cor. 12. v. 7. 8. & 9. *Ne magnitudo revelationum extollat me, datus est mihi stimulus carnis meæ, angelus satanæ, qui me colaphizet. Propter quod ter Dominum rogavi, ut discederet a me. Et dixit mihi: sufficit tibi gratia mea: nam virtus in infirmitate perficitur.* Et hæc de isto Sacramento sufficient. (5)

Q q 2

CAP.

colligo. Hæretici Bohemi in eodem hærebant luto; Quemadmodum traditum est ab Aenea Silvio lib. de Origine Bobemorum C. xxxv. Vviclefus quoque ab ea non abhorruit opinione, velut ex 1v. l. Trialogi Cap. 25. patet, ubi contendit: hoc Sacramentum neque a Christo, neque ab Apostolis institutum, adeoque ne Sacramentum quidem esse. Consentiant novi Hæretici. Lutherus lib. De Captiv. Babylonica Cap. de Extrema Unctione. Calvinus lib. 1v. Instit. Cap. xix. §. xviii. seqq. Chemnitius 11. Parte Examinis. Melanthonus in Locis Tit. de Unctione. Johannes Brentius in Confess. Voirttemberg. Cap. de Extrema Unctione. Magdeburgenses Centur. vii. Cap. vi. & alii omnes, qui hos auctores sequuntur sunt.

(4) Testimonium Marci etiam de extrema Unctione intelligi oportere defendant Beda, Theophylactus, & Occumenius in Commentar. ad Cap. vi. Evangelii secundum Marcum non tamen omnes Catholici eo pacto intelligunt. Consultor Bellarminus lib. unico de Extrema Unctione Cap. 11. & Dominicus Sotus in 1v. sent. dist. xxiii. Quæst. 1. Art. 1.

(5) Addendum est Patres Veteres agnovisse hoc Sacramentum. Nam Origenes 11. in Leviticum, Johannes Chrysostomus lib. 11. De Sacerdotio, Innocentius I. In Epistola ad Decentium Eugubinum Cap. viii. meminit. Aliique multi, quos Theologi nostri, imprimisque Sambovius in Tract. de Extrema Unctione, Natalis Alexan-

CAP. VI.

De Ordine.

§. I.

Enumerantur, & exponuntur Ordines.

Sextum Sacramentum Ordo dicitur. Quid autem sit Ordo habetur in sententiis l. 4. d. 24. de Ordinibus, c. Si autem queritur, ubi hæc leguntur. Si autem queritur quid sit, quod hic vocatur Ordo. Sane dici potest signaculum esse, idest Sacramentum quoddam, quo spiritualis potestas, traditur ordinatis, & officium. Character ergo spiritualis ubi sit promotio potestatis, Ordo, vel gradus vocatur. Et dicantur hi Ordines Sacramenta, quia in eorum perceptione, res sacra, idest grãtia confertur, quam figurant ea quæ ibi geruntur. (1)

Sunt autem novem ordines, scilicet Psalmistæ,

Alexander. De Sacr. Extrem. Unct. & Jueninus Dissert. VII. de Sacram. Quest. II. recensent, ejusdem mysterii meminerunt. Quid? Quod Orientales Ecclesiæ a Romana jam inde a multis seculis separata Extremam Unctionem in numerum Sacramentorum referendam esse arbitrentur? Adeundus Renaudotius Tom. v. De la Perpetuité, lib. v. Cap. I. II. III. qui hoc idem argumentum exsequitur. Merito ergo Synodus Tridentina Sess. XIV. Cap. I. inter Sacramenta numerat Extremam Unctionem. Et Can. I. Si quis dixerit, inquit, Extremam Unctionem non esse vere & proprie Sacramentum a Christo Domino Nostro institutum, & a B. Jacobo Apostolo promulgatum, sed ritum tantum acceptum a Patribus, aut figmentum humanum anathema sit.

(1) Septem tantummodo numerat Synodus Tridentina Sess. XXIII. Cap. II. quo loco, non solum, inquit, de Sacerdotibus, sed & de Diaconis Sacra Litera apertam mentionem faciunt, & quæ maxime in illorum ordinatione attendenda sunt, gravissimis verbis docent: & ab ipso Ecclesiæ initio sequentium Ordinum nomina, atque uniuscujusque eorum propria ministeria, Subdiaconi scilicet, Acolythi, Exorcistæ, Lectores, & Ostiarii in usu fuisse cognoscuntur, quamvis non pari gradu. Nam Subdiaconatus ad majores Ordines a Patribus, & Sacris Conciliis refertur, in quibus, & de aliis inferioribus frequentissime legimus. Ac merito quidem horum ordinum jam inde a primitivæ Ecclesiæ temporibus repetit institutionem. Non quod Ignatius Martyr, eorum fecerit mentionem, ut quidam existimant, quorum tamen mihi non probatur sententia; nam Epistola ad Antiochenos accepta referri non debet Ignatio, sed quod Tertullianus lib. de Præscriptionibus III. Seculo inuente Lectorum commemoravit; S. Cornelius Papa, qui tertio Seculo floruit, & In Epist. ad Fabium Antiochenum apud Eusebium lib. VI. Hist. Cap. XLIIII. alique plures illorum meminerint, non quasi recens; sed quasi multo ante essent inventi. Videndus M. Franciscus Hallerius: De Ecclesiastica Hierarchia Part. II. Sect. I. Ap. I. Art. I. §. I. Verum, ut sapienter animadvertit Jueninus, Quamquam certum est ex Concilio Tridentino septem esse Ordines, non est tamen certum nec plures esse, nec pauciores. Et sane Eugenius IV. in Decreto pro instructione Armenorum, & Patres Tridentini, dum egerunt de numero Sacramentorum novæ legis, dixerunt nec plura esse, nec pauciora quam septem, sed ea dicendi ratione nusquam sunt usi, agentes de Septenario ordinum numero. De Sacram. Diss. IX. De Ordinibus in specie in Proem. Quamobrem vitio Græcis non vertitur, quod præter Lectorum, & hypodiaconatum, nullum minorem alium ordinem agnoscant jam usque a mille, & amplius annis; quamvis dubium sit, utrum ne Cantorum præterea velut a Lectoratu distinctum ordinem admittant, an vero unum, & eundem, quamvis diversa sit utriusque ordinationis formula. De qua re nolo equidem disceptare. Videndi Goarius in notis ad rituales lib. Græcorum pag. 197. seqq. Edit. Veneta, & Habertus in Pontif. ad Part. IV. Liturg. Ordinat. Obser. I. II. III. & IV. pag. 38. seqq. & Morinus de Sacris Ordinat. Exercit. XI. Cap. III. & IV. & Renaudotius lib. v. de la Perpetuité de Foy del Eglise

Ostiarii, Lectores, Exorcistæ, Acolythi, Subdiaconi, Diaconi, Sacerdotes, & Episcopi. Omnes tamen Clerici vocantur, idest fortiti, idest in sortem Dei electi, sicut Matthias in sortem Apostolorum electus est in illo temporis medietate, quod fluxit a die Ascensionis, usque ad diem Pentecostes. Act. I. v. 26. Novem autem ordines dixi secundum quosdam, ut sit ordo cælestis, & angelicæ in terra Ecclesiæ militantis; sic enim ait Dominus ad Job. c. 38. v. 33. Numquid nosti ordinem cæli, & pones rationem ejus in terra? Quasi diceret, non est hoc tuum, sed meum.

Tres autem istorum Ordinum aperte habuit Ecclesia primitiva, scilicet Episcopatum, Presbyteratum, & Diaconatum, sicut I. ad Tim. 3. v. 1. & 8. & c. 5. v. 17. & ad Titum I. v. 7.

Primus ergo ordo, sive gradus, est Psalmistatus ut habetur in Decr. I. p. d. 23. c. 20. Psalmistæ & d. 32. c. 15. Quoniam; & inde dicuntur Psalmistæ, quia potestatem, sive officium dicendi psalmos habent, (2) hanc enim potestatem, sive officium dicendi psalmos recipiunt in prima tonsura, quando

Chap. VI. Tom. v. quo loco ita ceteros Orientales sentire animadvertit, ut Græci sentiunt. Neque vero omnes quotquot in Occidente, & Africa fuerunt Episcopi olim ad aetatem usque Moneta, septem tantum ordines numerarunt. Nam fuisse plerumque, qui novem, ita ut noster fecit, recensuerint, cum ex veteribus, tum ex ejus temporis Scriptoribus colligi facile poterit. Sed ut missos faciam ceteros, quorum testimonia fusc lateque persequutus est M. Franciscus Hallerius Hierarch. Ecclesiæ Parte II. Sect. I. Cap. I. §. III. S. Isidorus Hispalensis seculi septimi scriptor lib. VII. Etymolog. Cap. II. Generaliter, inquit; Clerici nuncupantur, qui in Ecclesia Christi deservunt, quorum gradus, & nomina sunt hæc: Ostiarius, Psalmista, Lector, Exorcista, Acolytus, Subdiaconus, Diaconus, Presbyter Episcopus. Refertur Dist. XXI. Cap. Cleros. Paria habet idem ipse S. Isidorus in Epistola ad Leudefredum Episcopum Cordubensem Tom. VII. Concilii Novæ Edit. Veneta col. 434. seqq. ubi ordines Ecclesiasticos numerat; cujus quidem Epistolæ fragmentum ad rem nostram maxime pertinet, refertur Dist. XXV. cap. Perlektis. Hinc Canonistæ veteres, quorum sententiæ adhæsit noster, novem item Ordines numerarunt, inter quos Psalmistatum referendum esse existimaverunt, ut ex Glossa ad duos cit. canones plane constat.

(2) Canonistæ, ut vidimus veteres Cantorum in ordinum numero posuerunt. Canones duos, ut cernis in rem suam addert Moneta, ex Epistola Isidori ad Leudefredum & ex aliis Ecclesiasticis monumentis expressos. Jam vero fuisse aliquot Ecclesias, quarum Cantorum, ab Lectoratu veluti distinctum Ordinem admitterent, satis testatum esse arbitror. Ac sane quemadmodum Ecclesia, ut Sanctus Thomas in supplem. III. Part. Quest. XXXVII. Art. II. ad 2. Arg. observat, quod implicite habebat in uno ordine Diaconatus, explicite tradidit in diversis, & secundum hoc dicit Magister in litera lib. IV. sent. Dist. XXIV. quod Ecclesia alios Ordines sibi instituit; ita nihil impediebat, quominus Cantorum etiam aliquando distingueret ab Ordinibus ceteris, in quibus continebatur; deinde vero, quod ita ratio temporum posceret, rursus cum Lectoratu unum atque eundem ordinem constitueret. Sed Ecclesias aliquot Cantorum pro distincto a ceteris ordine agnovisse, constat ex S. Ephraëmo Syro XCIII. Serm. de Adventu secundo, ex Concilio Laodiceno Can. XXIV. Tom. I. Concil. Edit. Labb. col. 1502. ubi hæc habentur. Quod non oportet sacros, a Presbyteris usque ad Diaconos, & deinceps quemlibet Ecclesiastici Ordinis, usque ad Ministros vel Lectores, vel Cantores, vel Exorcistas, vel Ostiarios, vel Exercitatorum Ordinis, in cauponam ingredi. Ex Constitutionibus Apostolicis lib. III. Cap. XI. ex Canone LXIX. Apostolico, ex Pseudo Ignatii Epistola ad Antiochenos ex Liturgia, quæ Marco adscribatur, apud Fabricium Cod. Apoc. Novi Test. Parte III. pag. 288. ex Concilii Trulliani c. IV. Tom. VI. Concilior. Edit. Labbeana col. 144. ex Isidori Testimoniis, quæ retuli Notatione Superiore, & ex aliis documentis, quæ memorat Hallerius Hierarchia Ecclesiastica Parte II. Sect. I. Cap. I. §. II. Sed quid multis est opus? Iustinianus Imperator Novella III. Cap. I. certiores nos facit fuisse ἀναγνώστας ἑκατὸν δέκα, καὶ ψάλλας ἑκοσιπέντε. Lectores centum,

do efficitur corona ei, (3) qui in fortem Dei eligitur. Duo comitantur coronam, idest circulum capillorum; unum est denudatio verticis, alterum discoopertio oculorum, & aurium. Corona est signaculum dignitatis regiae, qua se ipsos, aut alios in Christo regant. Ad hoc ergo caput Clerici in modum coronæ tondetur, ut intelligat, quod ad regiam dignitatem in Christo assumitur. Denudatio verticis significat libertatem mentis ad contemplandum Dominum sine velamine, ignorantiae vel erroris; summitas enim capitis significat eminentiam mentis, de qua Ap. 2. Cor. 2. v. 18. *Nos vero omnes revelata facie gloriam Domini speculantes, in eandem imaginem transformamur, a claritate in claritatem, tanquam a Domini Spiritu*. Tonsura capillorum in qua oculi & aures revelantur, significat præcisionem vitiorum de corde, ne scilicet vitia per capillos significata impediunt ad audiendum verbum Dei per alium, vel ad videndum, idest ad intelligendum per se ipsum pro quo servato reddetur in excelsis corona gloriæ.

[*] Istam tonsuram derident hæretici (4) dicentes prohibitum Sacerdotibus Judæorum, ne facerent sibi calvitium, & ne attonderentur in coma.

Ad quod dicimus, quod illud fuit eis prohibitum non quia malum, sed ad detestationem idololatriæ, ne viderentur similes Sacerdotibus idolorum, (5) qui hoc faciebant in idolorum venerationem, scilicet in rotundam. Hæc autem causa modo sublata est, cum idololatria deleta sit ex maxima parte [*] Non

mirum ergo si de hoc derident non intelligentes significationem ejus. Sed ab Ecclesia Dei instituta est ad designandum quod diximus. (6)

Habet autem hoc Ecclesia ab Apostolis; in Actibus enim Apostolorum c. 18. v. 18. Priscilla, & Aquila leguntur totondisse sibi caput: *Paulus vero cum adhuc sustinisset dies multos, fratribus valesaciens, navigavit in Syriam (& cum eo Priscilla, & Aquila), qui sibi totonderat in Cenchris caput; habebat enim votum*. Item Act. 21. habetur, quod Jacobus, & alii fratres qui erant Jerosolymis dixerunt Paulo v. 23. & 24. *Sunt nobis viri quatuor, votum habentes super se. His assumptis, sanctifica te cum illis, & impende in illis, ut radant capita, & scient omnes, quia quæ de te audierunt falsa sunt, sed ambulas & ipse custodiens legem*. Quasi diceret, junge te illis, ut, idest, donec radant capita sua. Votum istud de quo fit mentio in Actibus Ap. votum Nazaræorum erat, de quo legitur Num. 6. v. 18. *Tunc radetur Nazaræus ante ostium tabernaculi fœderis cesarie consecrationis suæ: tolletque capillos ejus, & ponet super ignem, qui est suppositus sacrificio pacificorum*. Habuit ergo causam institutionis suæ à lege Moyse, ut enim dicit Ap. 1. Cor. 10. v. 11. *Omnia in figura contigebant illis, scripta sunt autem ad correptionem nostram, in quos fines sæculorum devenerunt; & etiam à Prophetis, unde Ezech. 5. v. 1. dicitur ad eum: Et tu fili hominis, sume tibi gladium acutum, (idest novaculam), radentem pilos: & assumes eum, & duces per caput tuum, & per barbam tuam,*

centum, & decem, & Psalter viginti quinque. Cur. 25. Psalter & 110. Lectores nominasset, nisi distincti illorum fuissent Ordines? Quin etiam in Euchologio, & in Archieratico Græcorum distincta ponitur Ordinationis formula pro Cantoratu, ab ea quæ est propria Lectoratus; quod satis est argumenti, ut distinctus saltem aliquando Ordo Lectoratus, a Cantoratus Ordine fuisse censeatur, quicquid contra Libertatem contendat.

(3) Censuit Moneta Clericatus, ut quædam Canonistæ vocant, Ordinem, in idem atque Cantoratum recidere. Eo autem aliquot Canonum interpretes existimarunt Tonsuræ consecrationem esse ordinem, quo Innocentius III. in Epist. Decretali ad Archiepiscopum Rothomagensem, quæ refertur Cap. Cum contingat, de Etat. & Qualitat. in tonsuræ susceptione conferri dixerit Ordinem Clericatus, vel Clericalem. Sed hæc Innocentii verba latius aliquanto intelligenda, sumendaque sunt, pro Ordine minus proprie dicto. Venio nunc ad formam, quæ adhiberi solebat, dum Psalmistatus Ordine quisquam initiabatur. Concilium Carthaginense IV. C. x. „ Psalmista, inquit, id est cantor, absque scientia Episcopi, „ sola jussione presbyteri, officium suscipere cantandi, dicente „ sibi presbytero: *Vide ut quod ore cantas, corde credas, & quod corde credis operibus comprobas*. Perperam Habertus videriæ postulat hunc Synodi Carthaginensis canonem. Nam vana illius animadversio est, qua pugnancia in eo contineri affirmat. Non enim, ut ille vult, legendum est: *dicente sibi Episcopo; sed dicente sibi presbytero*. Non discrepant, quæ ex Concilio Carthaginensi, nescio quo, assert Martenius Parte II. Op. de Sacris Ecclesiæ ritibus lib. 1. Cap. VIII. Art. XI. pag. 92. Edit. Mediol. an. 1736. Similia sunt, quæ continent Ordines ab eodem Martenio recensiti Monasterii Becensis annorum circiter 500. p. 174. Cameracensis ejusdem ætatis p. 188. aliique ejusdem ætatis. Verum MSS. liber Pontificalis Ecclesiæ Noviomensis annorum circiter 400. non a presbytero, sed ab Episcopo Cantoratus Ordinem conferri oportere præferbit. Nam post præmissas aliquot ceremonias, sic habet: *Psalmistæ idest Cantores cum ordinantur accipiunt ab Episcopo Antiphonarium in manus, dicente Episcopo*. Videte, ut quod „ ore cantatis, corde credatis, & quod corde creditis, operibus probetis. Quin etiam apud Syros Maronitas Cantor ab Episcopo initiatur. Vide Martenium l. c. pag. 278. Forma autem quam Episcopus adhibet, est eodem recidat, deprecative tamen est: ut & apud Græcos. Ex his ergo colligere quisque poterit ad 14. vel etiam 15. Seculum perseverasse in aliquot Ecclesiis Ordinem Cantoratus, qui propriene, an minus proprie ordo tum dice-

retur, non equidem laboraverim. Sequitur etiam, non confundi hunc Ordinem in ritualibus cum tonsura, neque cum ceteris Ordinibus; quamvis illud adjicere liceat, quod Moneta aliquo esse videtur præsidio: Psalter eodem tempore a Græcis initiari, cum & tondetur. Consultor Martenius l. c. col. 263.

[**] Quæ duobus asteriscis conclusa sunt, desunt e Codd. Bon. & Vat.

(4) Catharorum exemplum, ut in rebus plerisque ceteris, ita in deridenda clericorum tonsura, æmulantur quidam hæretici juniores, inter quos recenseri merito debent Hortenius Landus lib. de Persecutione Vandalica, & Centuriatores Magdeburgenses Centuria IV. Cap. VI. Utuntur autem hi argumenti illo genere; quo Catharos fuisse abusos testatur hoc loco Moneta. Prohibitum namque à Deo in Vetere Testamento fuisse contendunt, ut ne quis comam tonderet. Lev. XIX. v. 27. „ Neque in rotundum attondebitis comam, nec raderis barbam, & Hieremia Cap. IX. „ Ecce dies venient, dicit dominus. & visitabo... super Ægyptum, & super Juda, & super Edom... & super omnes, qui attonsi sunt in comam &c.

(5) Negari non potest, quin Ethnici plerique Orientales, sese in cultum idolorum tonderent in orbem. Idque jam colligitur ex Cap. IX. Hieremiæ v. extremo. De Arabibus hæc scribit in Thalia Herodotus: *Eodem modo, quo tonsus est Bacchus tonderi se ajunt. Porro in orbem tondentur*. Quod vero ait idem ipse Scriptor lib. II. Cap. xxxvi. de Ægyptiis Sacerdotibus, eodem videtur recidere: *Deorum Sacerdotes alibi comati sunt; in Ægypto derasi*. Quin etiam Edomitas, ac Moabitas eidem superstitioni fuisse addictos, patet ex versu extremo Cap. IX. Hieremiæ. Mirum ergo videri non debet, si Deus Hebræis jussit, ut ne se tonderent in orbem, quo populum ab se delectum ab Ethnicorum ceremoniis deterreret.

(6) Merito ab Ecclesia, non ab Apostolis coronæ, tonsuræque Clericorum repetit institutionem. Etenim etsi Germanus Patriarcha Constantinopolitanus. In Theor. rerum Ecclesiast. & Beda lib. V. Historia Gentis Anglorum Cap. xxii. Petrum in coronam attonsum fuisse dicat in memoriam Dominicæ Passionis, nonnullosque sequioris ævi Scriptores, habeat sibi consentientes; quoniam tamen nullus Auctor, qui aliquam mereatur fidem, hoc ipsum prodidit, vereor ut illius testimonium subleat fit fidei. Ceterum imagines quædam Apostoli Petri veteres cum primis in fundo vitreorum vasculorum depictæ, editæque à Bonarotio, & Boldetto, Petrum quidem exhibent aliquando capillis detonsis in orbem, quamvis pleræque imagines sint generis ejusdem, nullam exhibentes tonsuram. Quocirca ne

tuam : quod totum figura ejus erat quod modo fit ab Ecclesia . (7)

In ore duorum vel trium stat omne verbum Matth. 18. 1. 16. tres enim testes tibi induxi de tonsura , & rasura , scilicet librum actuum Apostolorum , legem Moyfi , & Ezechielem .

Quod autem Apostolus hoc non fecerit mortis timore , in illo patet cap. act. ubi v. 13. habetur quod Paulus dixit : *Quid facitis flentes , & affligentes cor meum . Ego enim non solum alligari , sed & mori in Iherusalem paratus sum propter nomen Domini Jesu .* Quare autem illud fecerit , dicant seniores , idest Jacobus & alii Fratres qui post verba illa , ut radant capita sua dicunt , & scient omnes , quia quæ de te audierunt falsa sunt , sed ambulas & ipse custodiens legem . De qua lege loqueretur , patet quia de lege Nazaræorum , in qua animalia immolabantur , ut patet Num 6. v. 13. 14. 15. 16. & 17. Unde ibi v. 26. c. 21. act. Ap. dicitur : *Tunc Paulus assumptis viris , postera die purificatus cum illis intravit in templum , annuntians expletionem dierum purificationis , donec offerretur pro unoquoque eorum oblatio .* Et hoc determinatur Num 6.

Redeamus ad ordinem Psalmistarum , distinguentes quod psalmista dicitur , vel psalmorum compositor , vel psalmorum ex officio recitator , & ita sumitur hic . Officium verò psalmistæ exercuit Christus Matth. 27. v. 46. quando versum illum dixit : *Deus meus , Deus meus , ut quid dereliquisti me ?* Et est sumptum hoc verbum de ps. 21. v. 1. Similiter Lu-

cæ 23. v. 46. quando *Clamans voce magna Iesus ait : Pater in manus tuas commendo spiritum meum .*

Secundus ordo , sive gradus Ostiariorum , sive Janitorum existit . (8) Institutio hujus gradus a Veteri Testamento originem habuit , ubi aliqui eligebantur ad custodiam ostiorum templi , ut non ingrederetur in illud immundus . Dicuntur ergo ostiarii , quia præfunt ostiis templis , ipsi tenentes clavem , omnia intus , extraque intrare volentia custodire debent , atque inter mundos , & immundos discretionem habentes , dignos recipiunt , & indignos excludunt . Unde eis cum ordinantur , dantur claves ab Episcopo , (9) & dicitur eis : *Sic accipite tanquam rationem Deo reddituri , pro rebus , quæ istis clavibus recluduntur .* Hoc officium Dominus implevit Matth. 21. v. 12. Mar. 11. v. 15. Lucæ 14. v. 45. & Jo. 2. v. 15. ubi cum fecisset quasi flagellum de funiculis , omnes ejecit de templo oves quoque , & boves ; & nummulariorum effudit æs & mensas subvertit . Ipse etiam verbo se Ostiarium dixit Jo. 10. v. 9. *Ego sum ostium . Per me si quis introierit , salvabitur ; & ingredietur , & egredietur , & pascua inveniet .* Ex his patet , quod institutio Ecclesiæ de gradu Ostiariorum honesta est , & causam habet rationabilem .

Tertius ordo , sive gradus est ordo Lectorum , (10) qui Lectores dicuntur a legendo , ipsorum enim est legere prophetias , & lectiones in Ecclesia , quando non sunt Epistolæ . Unde eis vidente populo traditur ab Episcopo codex divinarum lectionum ,

ex his quidem elici quidquam potest , quod Bedæ suffragio sit . Itaque nulla nos impellit ratio , ut tonsuræ institutionem à Petro repetendam esse arbitremur . Ego trium priorum Ecclesiæ Seculorum Clericos , ante redditam Christianis pacem tonsuram non habuisse ; aut perraros fuisse , qui haberent , puto ; alioqui facile pro Christianis agnosci , extremoque supplicio affici potuissent ; cum tamen illos revera Ethnici non distinguerent . Sed 4. quintoque sæculo eos , qui in Clericorum , aut Monachorum Collegium essent cooptati , totodisæ capillos , comperit esse contendit . Nam Julianum Apostatam , cum Maximo Philosopho Ephesio sese tradidisset in disciplinam , in spemque Imperii esset erectus , uti spes tanta Constantium fugeret , cutem abrasisset , & vitam Clerici fuisse professum , Auctor est Socrates lib. 11. Hist. Cap. 1. Id vero contigit circa annum 351. velut sapienter animadvertit eruditissimus Cardinalis Norisius in *Lectionibus Habitis in Acad. Pisana Lect. vi. Tom. iv. Opp. Edit. Veron.* Labuntur ergo Thomassinus *De Discipl. Parte I. lib. 11. Capit. xxxvii. seqq.* & Boehmerus *Instit. Can. l. 1. Tit. v. §. vi.* qui ajunt Sæculo v. assumptam fuisse tonsuram à Clericis exemplum Monachorum sequutis , dum ex Monasterio tracti essent . Suppetunt enim solidissima documenta , quibus liquido evincatur Clericos ante 5. Sæculum tonsuram gestasse longe à Monastica discrepantem . Nam etsi Monachi tonderent se , coronam tamen non gestabant . Quarto autem Sæculo , & seqq. patet Episcopos coronam habuisse , adeoque etiam tonsuram ab ea Monachorum quæ propria fuit , diversam . Ita namque seiscunt testimonia Hieronymi , Paulini , Gregorii Nazianzeni , quæ referuntur ab Halerio *Hierarch. Eccl. Tom. I. in Append. Art. 11. §. 11. pag. 1063. Edit. an. 1636.* & à Norisio *Lect. vi. De Tonsura Tom. iv. Opp. Edit. Veron.* Veruntamen corona Clericorum fuit , non qualis nunc defertur à Clericis , sed qualis à Monachis nostrorum temporum gestari solet . *Synodus Toletana iv. Can. 41.* Omnes Clerici , inquit , vel Lectores , sicut Levitæ , & Sacerdotes deonso superius toto capite , inferius solam circuli coronam relinquant ; non sicut hucusque in Galliciæ partibus facere Lectores videntur , qui prolixis , ut Laici comis , in solo capitis apice , modicum , circumlum tendent . Ritus enim iste in Hispania hucusque hæreticorum fuit . Paria habet S. Gregorius Turonensis in *vita S. Patricii Cap. xvi.* ubi de S. Nicetio loquitur . Adjungit autem Moneta : *ad designandum quod diximus . Nempe regiam dignitatem .* Quod libri rituales id fieri ad regiam in Clericis dignitatem indicandam affirmant . Neque vero libri rituales solum , sed etiam Synodi , Concilia Ravennensia duo celebrata an. 1314.

& 1318. apud Martenium *Parte II. lib. 1. De Sacris Eccl. Ritibus Cap. vii. pag. 34.* jubent , ut Clerici : coronam concedentem portent , per quam designentur regalis esse generis . Adeundus S. Isidorus Hispalensis lib. 11. *De Divinis Officiis Cap. 1v.* quo loco , quod vera deonso capite superius , inferius circuli corona relinquitur , inquit , *Sacerdotium regnumque Ecclesiæ in ijs existimo figurari .* Arbitror tamen tonsuram introductam à Clericis ad contemptum mundi indicandum . Consulendus Martenius *ibid. pag. 42. seqq.* & Eruditissimus Joseph Catalanus *Commentar. in Pontifical. Roman. pag. 65. seqq. Tom. 1.*

(7) Ita quidem plerique existimant . Videndus Norisius *Lect. vi.* sæpe à me indicata . Verum , ut ante animadverti , ad contemptum mundi potius prima tonsura introducta videtur . Apud Hebræos consuetudo invaluerat , ut qui morbo , vel aliis necessitatibus pressi essent , diebus triginta sibi temperarent à vino , caput deinde raderent , post Deo sacrificarent . Idque jam , non Paulus solum , verum etiam Bernice Agrippæ Soror secisse traditur . Vide *Iosephum lib. 11. De Bello Cap. xv.*

(8) Vetus quoque hic ordo est ; quippe cum illius meminerit S. Cornelius Papa in *Epistola ad Fabium Antiochenum lib. vi. Historia Cap. xlii.* Videndi M. Franciscus Hallerius *Hierarch. Ecclesiast. Parte II. Sect. I. Cap. I. Art. I. pag. 363. seqq.* Thomassinus *Discipl. Eccl. lib. 11. Cap. xxx. num. 1x.* & Iosephus Catalanus in *Commentar. ad Pont. Romanum Tom. I. pag. 75.*

(9) Ita Pontificale Romanum *pag. 75. §. 1.* Adeundus Iosephus Catalanus in *Comment. ad idem Pont. ibid. pag. 75.* Concilium Carthaginense *iv. can. 9.* Ostiarius , inquit , cum ordinatur , postquam ab Archidiacono instructus fuerit , qualiter in domo Dei debeat conversari ; ad suggestionem Archidiaconi , tradat ei Episcopus claves Ecclesiæ de altario , dicens : sic age , quasi redditurus Deo rationem pro his rebus , quæ his clavibus recluduntur . Sed antiquum Sacramentarium Ecclesiæ Turonensis x. Sæculi præscribit , ut *Archidiaconus ostium Ecclesiæ tradendo dicat : Per claves traditur vobis ministerium in Ecclesia , ut sit vobis assiduum servitium circa januas Ecclesiæ habeatisque potestatem introducendi justos , & rejiciendi injustos .* Unde existit & illud collatum aliquando fuisse in quibusdam saltem Ecclesiis ab Archidiacono Ordinem Ostiariatus , ut etiam ab Abbatibus dari solet suis Clericis , &c.

(10) Lectorum meminit Tertullianus *Lib. De Præscriptionibus Cap. xli.* quo loco non contra Pepuzianos , seu Montanistas , sed

num, & dicitur eis: (11) *Accipe, & esto verbi Dei relator, accepturus, si fideliter impleveris, partem cum his, qui bene nuntiaverunt verbum Dei.* Talis homo literis debet esse instructus, ut sensum verborum intelligat, vim accentuum sciat, & distinge legat. Istud officium Christus jam duodennis implevit Lucæ 4. v. 17. Librum Isaïæ aperiens & distinge ad intelligendum legens illud verbum Isaïæ 61. v. 1. *Spiritus Domini super me, eo quod unxerit Dominus me &c.* Istud etiam officium habuit originem a prophetis, quorum uni, idest Isaïæ dicitur c. 58. v. 1. *Clama, ne cesses, quasi tuba exalta vocem tuam, & annuntia populo meo scelera eorum, & domui Jacob peccata eorum.*

Quartus ordo, sive gradus Ecclesiasticus Exorcistarum est. Exorcizare Græce, Latine idem est quod (12) adjurare. Modo exorcistæ, idest adjurantes dicuntur; invocant autem super eos, qui spiritum immundum habent nomen Domini, adjurantes, ut egrediatur ab eis. Ad istos pertinet exorcismos memoriter retinere, manusque super energumenos, & cathecumenos in exorcizando imponere. Cathecumeni sunt, qui de fide instituuntur ante baptismum. Inergumeni vero, vel Energumeni, qui a Dæmonibus corporaliter vexantur. *Erges* enim labor dicitur, unde *Inergia*, vel *Energia* ab *En*, quod est in, idest intus laborantes. Isti Exor-

cistæ cum ordinantur, accipiunt de manu Episcopi librum Exorcismorum, idest adjurationum, & dicitur eis: *Accipite, & habete potestatem imponendi manus super Energumenos, vel Cathecumenos.* Hoc etiam officio usus est Dominus Mar. 7. v. 34. quando saliva sua tetigit aures, & linguam surdi, & muti dicens: *Ephetha, quod est adaperire*: idest, adaperiari in auribus ad audiendum, & in lingua ad loquendum; hoc est adaperiantur aures, & os tuum. Ecce super quod fundatur constitutio Ecclesiæ, scilicet super doctrina Christi, qui exemplo suo eam docuit hæc facere. Veruntamen quia Hæretici istos exorcismos linguis blasphemis impugnant, ideo in §. de baptismo parvulorum, & catechismo, atque exorcismo aliqua ad eorum ora claudenda breviter diximus; & ideo hic ea non ponimus.

Quintus ordo, (13) sive gradus est ordo Acolythorum, idest ceroferariorum, quod scilicet cereos deportent quando Evangelium est legendum, vel sacrificium offerendum: tunc enim accendunt luminaria & portant ea, non ad effugandas tenebras materiales, quæ tunc non sunt, (14) sed in signum quod Christus, cujus Evangelium legitur, & cujus sacrificium conficitur, est illa lux quæ illuminat omnem hominem venientem in hunc mundum Jo:1. v. 9.

Officium eorum est cereos portare, & urceolum cum

contra Marcionitas, Valentinianos, ceterosque Gnosticos dissecit. Huic succinere Sancti Cornelius in Epistola ad Fabium Antiochenum, Sanctus Cyprianus *Epist. xxxiii. al. xxxviii. & Epist. xxxiv. al. xxxviii.* ceterique Patres, qui post Cyprianum floruerunt. Confule Hallerium *l. c. pag. 364. seqq.* Catalogum in *Pontif. Romani ad Titulum vi. pag. 80.* Hinc factum est, ut universæ Ecclesiæ ab Romana etiam jam usque a seculo v. divisæ, Lectorum Ordinem, quem a Patribus acceperunt, summa consensione admittant. Consulitor Renaudotius *Tom. v. De la Perpetuite de la Foy. lib. v. Cap. vi.*

(11) Vide Martenium *De Sacris Ecclesiæ ritibus Lib. I. Cap. viii. Art. viii. pag. 53. seqq.* Parte II. & *Catalanum in Titulum vi. Pontificalis Romani pag. 80. seq.* Apud Græcos vero quemadmodum fiat Lectoris Ordinatio cognosci poterit ex iis, quæ referunt Habertus *ad Part. iv. Pontificalis Græcorum Observ. I. seq.* Goarius *in not. ad lib. Ritual. Græc. 196. seqq.* & Martenius. *Parte II. De Antiq. Ecclesiæ Ritibus Lib. I. Cap. viii. Art. xi. pag. 263. seqq.* Quod vero adjungit Noster, implese Christum hoc munus, cum adhuc duodennis esset, pie quidem certe creditum ab eo est, & fallor, ut vere.

(12) Exorcistarum Ordinem perinde, ut alios, memorat in Epistola ad Fabium Antiochenum Sanctus Cornelius Papa apud Eusebium *Lib. vi. Cap. xliii.* Quare ineptus est Bingamus, cum extremo Seculo tertio certum Ordinem exorcistarum constituere cœpisse pugnat. Non enim Cornelius, qui medio seculo III. floruit, Exorcistas tum primum introductos in Romanam Ecclesiam docet, sed ita refert, quasi multo ante fuissent introducti. Synodus Antiochena c. x. Exorcistas perinde nominat. *Tom. II. Concil. Edit. Labbeana col. 565.* „ Ii qui sunt, „ inquit, in vicis, vel pagis, vocati Chorepiscopi... visum „ est, ut constituent lectores, hypodiaconos, & ἐξορκιστὰς & exorcistas. Adific Concilium Laodicenum *can. xxi. Tom. I. Concilior. col. 1502.* Epiphanium *Expositio. Fidei num. xxi. S. Paulinus Natali iv. S. Felicis Tom. vi. Bibl. Max. SS. PP. pag. 274.* &c. ἐξορκιστὴς autem idem est atque adjurator. Concilium Carthaginense *iv. Cap. vii. Tom. II. Concil. col. 1200. Edit. Labbeana* idem ac Noster exorcistis adscribit officium. „ Exorcista cum ordinatur, accipiat de manu Episcopi libellum, „ in quo scripti sunt exorcismi, dicente ibi Episcopo: Acci- „ pe, & commenda memorie, & habeto potestatem imponen- „ di manus super energumenum, sive baptizatum, sive Catechumenum. Ita sciscunt libri rituales, quos refert Martenius *Lib. I. Cap. viii. Art. xi. Parte II. De Sacris Ecclesiæ ritibus.* Quamobrem Moneta librum exorcismorum tradi Clerico, dum

exorcista ordinatur, ait. Sed ea consuetudo sublatæ deinde fuit. Nam Pontificale Romanum sub Leone X. editum permittit, ut pro libro exorcismorum porrigatur ipsum *Pontificale*: illud autem quod prodit recognitum ab Urbano VIII. *Pontificale vel Missale.* Confule *Pontif. Romanum Tit. vii. De Ordin. Exorcist.* ibidemque Commentarium eruditissimi Catalani *pag. 85. seqq.* Verum nescio quid causæ sit, cur *energumenos* appellari etiam *inergumenos* posse adjungat Moneta. Nam ἐνεργούμενοι *energumeni* Græce, non ἰνεργούμενοι, vel οἰνεργούμενοι, aut ἰνεργούμενοι dici solent. Fortasse quod ἐν Græcum in Latinum in verti consuecat, *inergumenos* dici agitados a dæmone posse existimavit. *Ergem* autem *laborem* judicare nemo putaverit, nisi is qui ita est in Græcis peregrinus, ut nesciat vim nominum, vocisque vitiat, atque pervertat. Non enim *ergen*, sed ἐργον *operationem*, seu *opus* proprio, traslato vero sensu *laborem* significat. Atque τὰ ἐνεργούμενα, *energumeni* appellatio ἀπὸ τῆς ἐνεργείης oritur, quod est *operari*, *agere*, *movere*. Quocirca ἐνεργούμενοι ὑπὸ τῆς δαίμονος, *agitati a dæmone* a latinis vocantur. Etenim ἐνεργεία Ecclesiastico sensu pro spiritus operatione ponitur, sive boni *Apost. ad Philipp. II. 13.* sive mali: *Apost. v. 3. Lucæ xxii. 3. & Joh. xiiii. 2.* quare nisi addatur aliquid, in utramque partem verti commode potest. Itaque a Balsamone ad respon. *Canonicas Timothei Alexandrini pag. 1061.* ἐνεργούμενοι ὑπὸ τῆς δαίμονος, *agitati a dæmone*, a Pachimere in *Cap. III. De Ecclesia Hierarch. Dionysii pag. 271.* ἐνεργούμενοι ὑπὸ πνευμάτων a Spiritibus obsessi, & a S. Maximo, vel, ut alii censent a Johanne Scythopolita in *Cap. III. Hierarch. Ecclesiastica pag. 67.* ἐνεργούμενοι ὑπὸ πνευμάτων ἀκαθάρτων: ab immundis spiritibus vexati dicuntur.

(13) Nominantur Acolythi a S. Cornelio Pontifice in ea, quam saepe laudavi ad Fabium Antiochenum Epistola. Cyprianus quoque Episcopus Carthaginensis illorum idemdem meminit. *Epistol. vii. xxxiv. l. i. l. ix. lxxvii. seq. Edit. Oxon.* Apud Græcos non est Ordo distinctus: quamvis tamen aliquando diversus ab ceteris fuisse videatur. Consulendi Caballutius *Notit. Concilior. cap. xlii. pag. 249. Edit. Lugdun. an. 1670.* & Schelstratus *De Concilio Antiocheno Dissert. iv. Cap. xvii. pag. 526.* ἀκολυθῶ Græce. *pedissequum* Latine significat. *Pedissequus* autem dicitur, quod comitetur eos, qui majoribus ordinibus audi sunt, eisque ministret. Sed de etymo hujusce vocis non inepte disserit Binghamus *Lib. III. De Orig. Ecclesiast. Cap. III. §. III.*

(14) S. Hieronymus *adversus Vigilantium* & Sanctus Isidorus Hispalensis *lib. vii. Etymolog.* lumina tum, cum Evangelium, cani-

cum vino & aqua suggesta, idest subministrata & Subdiacono præparare. Si autem cum ordinantur accipiunt ab Episcopo candelabrum (15) cum cereo, & urceolum. Causa institutionis hujus Ordinis, five gradus in Ecclesia fuit quia Dominus hoc officium, scilicet illuminandi mundum se habere testatus est Jo: 8. v. 12. dicens: *Ego sum lux mundi: qui sequitur me non ambulat in tenebris, sed habebit lumen vitæ.* Causa autem hujus officii sumpta est a Veteri Testamento, ubi lucernas & candelabra componebant Exodi 25. v. 31. & seqq. & accendebant igne cælesti ad tenebras illuminandas.

Sextus ordo, five gradus in Ecclesia, est ordo Subdiaconorum, (16) qui ideo sic dicuntur, quia sunt sub Diaconibus, & ministrant eis; eorum enim est calicem, & patenam ad altare Christi deferre, (17) & Levitis tradere, idest Diaconibus, eisque ministrare, urceolum quoque, & aquæ-manile, idest vas in quo decurrit aqua ab urceolo quando funditur super manus Sacerdotis se lavantis, & manutergium tenere presbytero. Hi cum ordinantur accipiunt de manu Episcopi patenam, & calicem vacuum, ab Archidiacono vero urceolum vacuum, cum aqua-manili & manutergium. Hoc officio figuratiter usus est Dominus mittens aquam in pelvim & lavans discipulorum pedes. Jo: 13. v. 5.

De aliis tribus ordinibus, five gradibus evidenter locutus est Paulus ut prædiximus. Unus ergo ordo est eorum qui Diacones (18) dicuntur, in Veteri autem Testamento dicebantur Levitæ a Levi

patre suo: præcepit enim Dominus Moyse post ordinationem Aaron in Sacerdotem summum, & post ordinationem filiorum ejus in Sacerdotes minores, ut omnes Levitæ divino cultui ordinarentur Num. 3. v. 6. & seqq. sed a viginti quinque annis, & supra, ut habetur Num. 8. v. 24. Hi *Diacones* Græce, Latine dicuntur *ministri*; ad eos enim pertinet Sacerdotibus assistere, (19) & ministrare eis in omnibus quæ aguntur, idest in Sacramentis Christi, scilicet in Baptismo, in Chrismate, in patena, & calice, & in dispensando aliis Corpus Christi (20) postquam confectum est a Sacerdote.

Item eorum est prædicare verbum. (21) Hoc officio usus est Dominus, ut dicunt Sancti, quando post cœnam Sacramentum Carnis, & Sanguinis dispensavit; in dispensatione enim usus est officio Diaconi, licet in confectioe usus sit officio Sacerdotis Matth. 26. v. 26. Habuit ergo Ecclesia ordinem istum a Christo, unde & Apostoli Act. 6. v. 5. & 6. elegerunt septem viros plenos Spiritu Sancto ad hoc officium, & oratione præmissa manus eis imposuerunt. De qualitate autem Diaconorum habetur aperte 1. Tim. 3. v. 8. & seqq. *Diaconos similiter pudicos, non bilingues, non multo vino deditos, non turpe lucrum sectantes &c.* Hi cum ordinantur accipiunt ab Episcopo textum Evangelii, (22) ut intelligant se esse præcones Evangelii Christi.

Octavus ordo est Presbyterorum, Presbyter enim Græce, Latine Senior vocatur, non pro ætate,

canitur ajunt, veluti signa quædam latitiæ, quam in nobis Evangelium excitat, & ut omnibus innotescat, Jesum Christum veram esse lucem, qui nos verbis suis illuminat. Adis Le-Brunium *Explication De la Messe Part. II. Artic. VII. pag. 224. Tom. I.*

(15) Concilium Carthaginense IV. Cap. VI. Tom. II. Concil. Edit. Paris. Labbeana. Col. 1200., ab Episcopo quidem doctus, qualiter in officio suo se agere debeat: sed ab Archidiacono accipiat ceroterarium cum cereo, ut sciat se ad accendenda luminaria mancipari. Accipiat & Urceolum vacuum ad suggerendum vinum in Eucharistiam Sanguinis Christi: Confule Martenium Lib. I. De Antiq. Ecclesiæ ritibus Cap. VIII. Art. VIII. num. XIV. & Artic. XI. & Catalanum in Commentar. ad Tit. VIII. Pontificalis Romani pag. 89. seqq. Tom. I. Nolo autem indictum præterire, causam quam noster indicat Institutionis Acolythorum minus videri verisimilem.

(16) Falsus est Binghamus cum Lib. II. Cap. II. §. I. Orig. Ecclesiæ. Cornelium Summum Pontificem, & S. Cyprianum de *ὑποδιακόνους* Subdiaconis ita loqui affirmat, perinde ac si eorum tempore fuerint in Ecclesiam introducti. Nam Cornelius Epist. ad Fabium Antiochenum, & Cyprianus Epist. VIII. xx. xxxix. xxxiv. seq. xlv. lxi. lxi. seq. Edit. Oxon. memorant quidem ordinem *τῶν ὑποδιακόνων*, recens autem inventum esse non memorant; quod satis est argumenti, ut multo ante *τὴν αὐτῶν τάξιν* invaluisse, percrebuisseque affirmemus. Meminit horum Athanasius Epist. ad Solitar. Vit. Agent. Tom. I. Opp. pag. 380. Edit. an. 1698. Obrinet hic ordo non in Occidente solum, verum etiam in Ecclesia Græca, ceterisque Orientalibus. Consulendi Habertus in Pontificali Eccl. Græcæ pag. 49. Renaudotius Tom. v. De la Perpetuite &c. Lib. v. Cap. VI. & Martenius De Ant. Ecclesiæ ritib. Part. II. Lib. I. Cap. VIII. Art. I. num. II. & Artic. VIII. num. xv.

(17) Pontificale Romanum Tit. x. De Subdiaconis, hæc habet: *sedulo attendite quale vobis ministerium traditur. Subdiaconum enim oportet aquam ad ministerium altaris præparare; diacono ministrare, pallas altaris, & corporalia abluere, calicem, & patenam in usum sacrificii eidem offerre; &c.* Videndus S. Isidorus Hispalensis in Epist. ad Leudefridum Tom. VII. Concil. Col. 434. Edit. Novæ Venet. Adeundi quoque Martenius Lib. I. De Sacris Ecclesiæ ritibus, Cap. VIII. Art. XI. & Catalanus ad Titul. x. Pontifical. Romani §. VIII. pag. 101.

(18) Diaconos meminit Lucas in Actis I. v. 25. Paulus quoque eosdem appellat II. ad Corinthios Cap. VI. v. 4. & II. ad Timoth. Cap. IV. v. 5. S. Ignatius Martyr disertè affirmat Epist. sincera ad Trallianos num. 2. *τῆς διακόνου... ἀ βρωμάτων, καὶ ποτῶν εἶναι διακόνου, ἀλλ' ἐκκλησίας δὲς ὑπηρετῶν.* Diaconos... non esse ciborum, & potuum ministros, sed Ecclesiæ Dei. Paria ferme habet Epistolis ad Magnesianos n. VI. & ad Polycarpum n. VI. Cum autem Scriptura, & qui Apostolum Johannem audivit Ignatius de Ordine Diaconorum disertissimam fecerint mentionem; non est cur recensere necesse sit ceterorum Patrum, qui eadem literis mandaverunt, Testimonia, Tertulliani de Fuga Cap. XI. Cypriani Epist. LXV. al. III. Epist. LXVIII. al. LXVII. Edit. Oxoni. Optati lib. I. Contr. Parmen. pag. 39. Augustini, Hieronymi, Hilarii, omnium denique Conciliorum, atque Ecclesiarum, quarum pars diu ante VI. Seculum ab Ecclesia Romana schismate confato divise sunt. Hanc enim Provinciam non solum Martenius, Thomassinus, Morinus, & alii Theologi Catholici solum, verum etiam hæretici Angli nostrorum temporum occuparunt: inter quos numerari merito debet Binghamus Lib. II. De Orig. Eccl. Cap. xx. §. I. seq.

(19) S. Hieronymus, ut Diaconos a Sacerdotibus secundi generis, Presbyteris, distinguat, *levitas* appellat Epist. xxvii. Idque jam fecit Salvianus Lib. II. de Prov. pag. 70. Edit. Ritershusii an. 1623. Inde factum arbitror, ut ab aliis, qui deinde viguerunt *Levita* fuerint nuncupati. Confule rituales libros, quos refert Martenius Lib. I. De Sacris Ecclesiæ ritibus Cap. VIII. Art. XI. Pontificalis Rom. Titulum XI. & in eundem Commentarios Clarissimi Catalani, ubi quæ sint munera Diaconorum accurate imprimis ostenditur.

(20) Vide Justinum Martyrem Apologia II. pag. 97. Constitutiones Apostolicas Lib. VIII. Cap. XLII. Concilium Carthaginense IV. Cap. xxxviii.

(21) Permittente Episcopo. Videndi Hallerius, Iveninus, & alii Theologi, qui de diaconatu fermonem instituunt.

(22) In Ecclesia Græca, & Latina diaconis, dum ordinantur, manus imponi debent. Ita namque sciscit Lucas in Act. Cap. VI. Adis Martenium Lib. I. Cap. VIII. Art. IX. num. I. De Sac. Eccl. ritibus qui idem ac Morinus, Iveninus, Lequienius, Natalis Alexander, Goariusque, propugnat, ostendique quo primum tempore invalescere cœperit ritus porrigendi librum Evangeliorum.

te, (23) sed pro maturitate & discretionem, hæc est enim senectus *non diuturna, neque annorum numero computata*, ut habetur Sap. 4. v. 8. Ad Presbyterum pertinet Sacramentum Corporis, & Sanguinis Domini conficere. Hic cum ordinatur, inunguntur ei manus, ut intelligat se accepisse gratiam consecrandi, & charitatis opera ad omnes debere extendere. Accipit & stolam in utroque latere, quia debet esse munitus armis justitiæ contra prospera, & adversa, & patenam cum hostiis, ut cognoscat se habere potestatem offerendi Deo placabiles hostias. Qualis autem debeat esse Sacerdos, vel Presbyter Apostolus scribens Timotheo ostendit dicens: *Oportet ergo Episcopum irreprehensibilem esse, unius uxoris virum, sobrium, prudentem, ornatum, pudicum, hospitalem, Doctorem &c.* Ep. 1. c. 3. v. 2. & seqq., ubi etiam Presbyterum nomine Episcopi comprehendit; qualis enim debet esse Episcopus, talis debet esse & Presbyter minor, ut patet ad Tit. 1. v. 5. & seqq. Officio Sacerdotis usus est Christus, quando in Cæna panem, & vinum, in Corpus, & Sanguinem suum commutavit. Originem suam habuit per similitudinem a Veteri Testamento; ut enim habetur Lev. 8. post consecrationem Aaron in Pontificem, filii ejus minores Sacerdotes ordinati sunt. Item ad Titum 1. v. 5. dicit Paulus Tito: *Hujus rei gratia reliquitæ Græcæ, ut ea, quæ desunt, corrigas, & constituas per civitates Presbyteros.*

Nonus ordo, & summus, est ordo Episcoporum, (24) qui merito a quibusdam prior ponitur, quam ordo minorum Sacerdotum, quia alterius modi fit ei manus impositio, quam minoribus Sacerdotibus, quorum tantum manus inunguntur, sed Episcopo corona tota. Archiepiscopatus enim, & Primatus, (25) atque Patriarchatus, & Episcopus minor, differentiæ sunt ordinis Episcopalis in genere suo; omnes enim ii Episcopi gentili nomine designantur: am-

pliores enim curam habent; quam minores Episcopi, tres prædicti, sicut Episcopi, quam Sacerdotes minores; sed illi alii tres non recipiunt aliam manus impositionem, quam Episcopi minores. Similiter Episcopus Romanus, (26) qui inter Patriarchas primus est, plura potest quam alii. De qualitate Episcopi scripsit Ap. 1. Tim. 3. v. 2. & seqq. *Oportet ergo Episcopum irreprehensibilem esse &c.*

§. II.

Refelluntur Hæreticorum errores circa ordines.

Ordinem autem multipliciter impugnant hæretici. Primo impugnant alios ordines ab Episcopatu, Præbiteratu, & Diaconatu, (27) dicentes eos non fuisse in primitiva Ecclesia, ex quo volunt, quod nec modo debeant esse in Ecclesia, nec est Ecclesia Dei, quæ eos habet, ut ipsi falso dicunt (28)

Sed hic error eorum detegitur ostenso quod Ecclesia Dei potest facere constitutiones novas, (29) hoc autem inferius ostendemus, quando de constitutionibus Ecclesiæ agemus.

Præterea quam rationabilis sit constitutio Ecclesiæ de iis ordinibus. & quam honesta, patet per ea quæ diximus, cum de unoquoque, unde originem habeat, ostendimus.

Secundo impugnant ordines sequentes quantum ad solemnitatem in dando illos, quam facit Ecclesia Romana, cum non inveniatur hæc solemnitas in Ecclesia primitiva in Novo Testamento.

Sed si Ecclesia potestatem habet constitutiones facere, ut ostendetur, evidens est istam impugnationem injustam esse.

Tertio impugnant Ordinem Episcoporum (30) dicentes ipsum per peccatum annullari in homine, & ad hoc inducunt illud Ap. ad Tim. 1. c. 3. v. 2. *Oportet ergo Episcopum irreprehensibilem esse &c.* Ex quo

R r

vo-

(23) Hieronymus in *Isaiam* 111. Tom. 11. Opp. Edit. Martiana: In *Scripturis Sanctis*, inquit, *Presbyteros merito & sapientia eligi, non ætate*. Presbyterorum ordinem memorat passim in vii. suis sinceris Epistolis S. Ignatius Martyr; memorat & Justinus *Apolog. quæ secunda numero* esse ante consuevit: cui succedunt omnes Ecclesiæ Patres. Jure autem divino Presbyteros esse institutos, non Theologi Catholici tantum omnes, verum etiam hæretici Angli, quos Episcopales vocant, contendunt: ut Hamondus, Pearsonus *Vindic. Ignat. Parte II. Cap. xlii.* Dodwellus in *Dissert. Cyprianicis*, Binghamus *Lib. II. Orig. Ecclesiast. Cap. xix.* Ad Presbyteros porro spectat consecrare Corpus, & Sanguinem Christi, ut universa Traditio Ecclesiæ, Synodusque Nicæna I. *Can. xviii.* postulat; de qua re consuli poterunt Theologi. Inunguntur quidem manus ei, qui initiatur, Presbyteratus Sacramento, sed neque Moneta, neque alius quisquam affirmat, hoc inunctionis genus Sacramenti illius esse materiam. Ergo qui minus est in hisce rebus versatus, consulat præter Morinum, Renaudotium *Lib. v. De la Perpetuité* Tom. II. Cap. viii. aliosque Theologos, eruditissimum Martenium *Lib. I. De Sacris Eccl. Ritibus Cap. viii. Ad. ix. nu. 10. seqq.*

(24) Nono loco ponit ordinem Episcoporum, ut Isidorus Hispanensis *Epist.* sæpe indicata ad Leudefridum. Sunt etiamnum Theologi, qui censeant distinctum Ordinem, & Sacramentum a Sacerdotio simplici esse presbyteratum. Verum alii pugnant nonnisi extensionem quamdam Characteris Sacerdotalis esse. Nolo in re implexa meum iudicium interponere. Ne autem arbitrere Monetam eo dixisse: *a quibusdam prior ponitur*, quo Episcopatum æquari presbyteratui aut censeret ipse, aut alii existimarent (nemo enim quisquam Catholicus in ea umquam opinione fuit, cum universi jure Divino Episcopos Presbyteris antecedere propugnarent, ut fusc lateque ostendunt Petavius in *Opere de Hierarch. Ecclesiæ*

astica, Natalis Alex. *Dissert. De Episc. Jur. div. Presbyt. super. Personis Vindic. Ignatii Par. II. Csp. xlii.* Dodwellus in *Dissertationib. Cyprianicis*. Binghamus *Lib. II. Cap. xlii.*) sed quo primo loco numerari Episcopatum a quibusdam videret, secundo Presbyteratum, tertio Diaconatum, atque ita porro a majoribus ordinibus descendendo ad minores. Jam vero inunctio coronæ Episcoporum, non est materia ejus ordinationis, ut omnes Theologi pugnant. Videndi Renaudotius *Tom. v. lib. v. De la Perpetuité Chap. x. pag. 387. seqq.* & Martenius *lib. I. De Antiq. Ecclesiæ ritibus Cap. viii. Art. x.*

(25) Sunt varia veluti munera, & dignitates Episcoporum, quæ ex jure Divino haudquaquam manarunt.

(26) Qui jure Divino primas obtinet in Ecclesia universa partes: ut est ab omnibus Theologis admirabili quadam vi soliditateque argumentorum ex Scriptura, & traditione expressorum demonstratum.

(27) Codex Bononiensis sic habet: *scilicet Presbyteratum, & Diaconatum*. Episcopatum non memorat.

(28) Nempe, ut hæretici juniores, ita Cathari minores ordines averfabantur, quod in primitiva Ecclesia non vigerent: quorum tamen error manifeste refellitur ex iis, quæ attulimus in notationibus 8. *seqq. in hoc Cap.*

(29) Fortasse in ea erat Moneta sententia, ut ordines Minores Sacramenta non esse arbitraretur. Nam etsi Ecclesia novas constitutiones condere possit, non potest tamen instituere Sacramenta. Ceterum erroris hæc illius opinio redargui non debet, cum plerique omnes Theologi hujusce temporis hoc idem defendant, Juveninus, Morinus, Martenius, alique sexcenti, quos consulere Lector poterit.

(30) Hæc erat opinio Catharorum. Adeundus Reinerius Sachonius apud Martenium *Tom. v. Thesauri Anecd. sæpe ac multum a me in notationibus superioribus laudatus.*

volunt, quod si reprehensibilis est, Episcopus non fit.

Sed quid dicent de eo quod habetur Gal. 2. v. 11. ubi dicit Paulus: *Cum autem venisset Cephas Antiochiam in faciem ei restiti, quia reprehensibilis erat &c.* Nunquid desierat esse Episcopus, cui dictum est cum aliis a Christo: *Et ecce ego vobiscum sum omnibus diebus, usque ad consummationem sæculi Mat. 28. v. 20.*

Præterea, quid dicent de Juda, qui secundum eos nunquam fuit bonus, quia nunquam habuit Spiritum Sanctum, & ita nunquam fuit Christi membrum: *Qui enim Spiritum Christi non habet, hic non est ejus Rom. 8. v. 9.?* Sed numquid Judas non fuit Episcopus, & Apostolus Christi?

Si dicat non fuit: Contra Act. 1. v. 16. & 17. dixit Petrus: *Viri fratres oportet impleri scripturam, quam prædixit Spiritus Sanctus per os David de Juda, qui fuit dux eorum, qui comprehenderunt Jesum: Qui connumeratus erat in nobis, & sortitus est sortem ministerii hujus.* Ergo fuit Christi minister, sicut alii discipuli.

Præterea ibi v. 20. dicitur: *Fiat commoratio eorum deserta, & non sit qui inhabitet in ea: & Episcopatum ejus accipiat alter.*

Præterea dicitur inferius v. 24. & 25. quod orantes discipuli dixerunt: *Tu Domine, qui corda nosti omnium, ostende quem elegeris ex his duobus unum, accipere locum ministerii hujus, & Apostolatus, de quo prævaricatus est Judas, ut abiret in locum suum.* Fuisse ergo videtur Episcopus, & Apostolus Christi.

Posito etiam quod Judas non fuerit Episcopus, quid dices de Angelo Ephesi, idest Episcopo Ephesino? (31) De quo Apoc. 2. v. 4. dicitur quod charitatem primam reliquerit, unde dicitur ei v. 5. *Memor esto itaque unde excideris, & age pœnitentiam, & prima opera fac: sin autem venio tibi, & movebo candelabrum tuum de loco suo, nisi pœnitentiam egeris.* Adhuc ergo non erat remotum candelabrum de loco suo, idest Ecclesia de potestate ejus, & regimine, & tamen reprehensibilis erat, & ut sonat litera, reliquerat charitatem primam. Idem habetur de aliis Angelis excepto secundo, & sexto. Isti vero quinque mali erant, & tamen non repelluntur, nec deponuntur statim, imo ad pœnitentiam invitantur. Ex quibus patet quod non definit quis esse Episcopus Ecclesiæ Dei propter malitiam suam; sed definit esse dignus Episcopatu: Unde quod dicit Ap. ad Tim. & Tit. de qualitate Ordinandorum, exigitur in Ecclesia, ad hoc; ut aliquis digne & decenter sit Episcopus, vel Presbyter, vel Diaconus, sed tamen nec indigne quo ad se, nec indecenter quo ad alios qui foris sunt quia per eos nomen Dei blasphematur. Quod autem dixi quoniam illud quod dicit Ap. exigitur ad hoc ut aliquis

digne, & decenter sit Episcopus, Presbyter, vel Diaconus, ex verbis Apostoli colligitur; quædam enim ponit pertinentia ad hoc ut Episcopus digne sit, quædam autem ut decenter, sicut patet de testimonio bono habendo ab eis qui foris sunt.

Præterea dicas mihi, unde habet aliquis quod sit Episcopus, Præbyter, vel Diaconus? Numquid ab ordinatione sola? Si hoc est; ergo non exigitur bonitas ordinandi, ad hoc, ut fiat Episcopus, licet exigatur ad hoc, ut digne fiat, & decenter. Si autem hoc habet a bonitate sola: quare ergo Ap. ad Tit. 1. v. 5. dicit: *Hujus rei gratia reliqui te Cretæ, ut ea, quæ desunt, corrigas, & constitutas per civitates Presbyteros, sicut & ego disposui tibi?* Si enim debebat constituere Presbyteros in civitatibus illis; ergo non erant adhuc Presbyteri in civitatibus illis.

Contra: ibi erant homines fideles, non in accusatione, unde ait: *Constituas per civitates Presbyteros, sicut & ego disposui tibi: v. 6. Si quis sine crimine est, unius uxoris vir, filios habens fideles, non in accusatione luxuriæ.* Isti filii erant boni, ergo erant jam Episcopi, & Presbyteri in civitatibus illis, si sola bonitas facit Episcopum.

Præterea si sola bonitas facit Episcopum, ergo quilibet sive mas, sive femina, erit Episcopus, si bonus, vel bona est; ergo secundum hoc omnes erunt pares [*]. Quomodo ergo stabit illud quod dicit Ap. de Episcopo: *Oportet ergo Episcopum irreprehensibilem esse, unius uxoris virum, sobrium, prudentem, ornatum, pudicum, hospitalem, doctorem, non vinolentum, non percussorem, sed modestum, non litigiosum, non cupidum, sed suæ domui bene præpositum, filios habentem subditos cum omni castitate.* Si enim tales filii sunt, boni sunt, ergo Episcopi. Si rei ut dicis [*] ergo habent sub se tales filios; omnes ergo qui in Ecclesia essent, filios sub se haberent: hoc autem impossibile est, quod quilibet filios habeat sub se, sic enim non tantum multi essent in Ecclesia, imo infiniti & innumerabiles,

Si autem dicas quod a bonitate, & ordinatione, Quomodo ergo respondebis de Angelis Apocalypsis, & de Juda?

Præterea sicut dicit Ap. *Oportet Episcopum irreprehensibilem esse &c.* ita etiam dicit v. 7. *Oportet autem illum & testimonium habere bonum ab iis, qui foris sunt, ut non in opprobrium incidat, & in laqueum diaboli.* Sed quid si non habet, dum faciat quod debet? Nonne dicit sic Paulus 1. Cor. 4. v. 3. *Mihi autem pro minimo est ut a vobis judicer, aut ab humano die, sed neque meipsum judico? Quædam alia dicemus in quinta parte hujus operis, cum pertractabimus illum articulum: Credo in Sanctam Ecclesiam Catholicam. (32)*

CAP.

(31) Episcopum Ephesinum Angeli nomine appellari in Apocalypsi, ne Protestantibus quidem negant. Sanctitatem autem non requiri, ut quisquam revera sit Episcopus, testata res est, & ab universis Theologis demonstrata. Videndus Binghamus lib. 11. De Orig. Eccl. Cap. 11. §. x1. homo ceteroqui hæreticus.

[*] Quæ duobus asteriscis comprehendimus, desunt e Codice Neapolitano.

(32) Eo autem magis constat, Episcopum, qui aut in peccato existens ordinatus fuerit, aut post ordinationem lapsus in aliquod etiam grave scelus, revera Episcopum fuisse, modo rite, hoc est cum debita materia, & forma ab Episcopis initiatus fuerit; quo liquido pateat, eos nunquam fuisse rursus ordinatos. Ordinati porro fuissent, si ab Episcopatu aliquatenus excidissent.

CAP. VII.

De Matrimonio.

§. I.

*Explicantur Scripturæ testimonia
quibus hoc Sacramentum impu-
gnatur ab Hæreticis.*

Nunc videndum est de Matrimonio, quod est legitima conjunctio maris & feminae; individua vitæ consuetudinem retinens. Ipsi autem hæretici conjunctionem istam illegitimam (1) dicunt, idest contra Dei legem; quorum error ex cænoso fonte derivatus est, quia credunt corpus maris &

feminae a diabolo fuisse factum, & membrorum pudendorum distinctionem, unde omnem carnalem concubitum damnabilem dicunt. Dividitur autem hoc cap. in duas partes. In prima ponuntur falsæ eorum persuasiones contra Matrimonium, & ostenditur quod falsæ sunt: in secunda vero parte ponuntur rationes, quibus ostenditur quod Matrimonium licitum est. Primam autem partem prius exequamur.

Ad probandum autem Matrimonium esse illicitum inducunt illud Matth. 5. v. 27. & 28. *Audistis quia dictum est antiquis, non machaberis. Ego autem dico vobis, quia omnis, qui viderit mulierem ad concupiscendum eam, jam machatus est eam in corde suo*; Sed ille qui habet uxorem, videt mulierem ad concupiscendam eam; ergo ipse machatus est.

Solutio; in prædicto mandato *non machaberis*
R r 2 quod

(1) Cathari, quos vexat Moneta, sequuti sunt Marcionitis, Saturnianos, Encratitas, Severianos, ac Veteres Manichæos. Negat Beaufobrius Manichæos ita fuisse affectos animo, ut matrimonium damnarent, vexatque S. Augustinum, quod illis hoc genus opinionis tribuerit. Sed antequam de Manichæis agam, paucis de Marcionitis, ceterisque, quos ante memoravi, hæreticis disseram. Saturninus hæresarcham dixisse nubere, & generare a Satana esse, auctor est Irenæus lib. I. Cap. xxiv. n. 2. pag. 101. Nov. Edit. Paris. Masuer. In eodem errore versatum fuisse Marcionem tradunt Irenæus lib. I. Cap. xxi. n. I. pag. 177. & Clemens Alexandrinus lib. III. Stromat. pag. 515. Edit. Oxon. Cassianum quoque nuptiis infestum fuisse prodit idem ipse Clemens, qui hæreticum Valentini, ut ait, discipulum multis exagitat. lib. III. pag. 552. Tatianus, qui Justinum Martyrem audivit, deinde in hæresim incidit, nuptiis perinde bellum indixit; quod est ab Irenæo traditum & Clemente Alexandrino lib. III. Stromat. pag. 552. sic enim habet Irenæus apud Eusebium lib. IV. Hist. Cap. xxi. ex lib. I. Iren. adv. Hæreses Cap. xxviii. n. 1. οἱ καλέμενοι ἐγγεγάτης ἀγαμίαν ἐκλήρουσαν ἀδελφάντες τὴν ἀρκαίαν πλάσιν τῶ θεῷ, καὶ ἡρέμα κατηγορεύοντες τῷ ἄρρεν, καὶ θήλυ εἰς γενέσιν ἀνθρώπων ποιοῦντες. Qui appellati sunt abstinentes (inducti nempe a Tatiano, ut mox Irenæus adjungit) abstinentiam a nuptiis prædicaverunt, rejicientes primam creationem Dei, & obligare accusantes eum, qui & masculum, & feminam in generationem hominum fecit. Quæ res etiam Deo vitio vertebatur ab Saturnino, & Marcione, ut ibid. affirmat Irenæus. Cum autem a diabolo Cathari dicerent distinctionem membrorum ortam, adeoque damnabiles esse nuptias, argumento est Catharorum, & Veterum hæreticorum eodem recidisse de nuptiis opinionem. Encratitis accessere Severiani, ut Epiphanius tradit Hæres. xlv. n. 2. Patres vero omnes, cum res suo tempore gestas narrant, eam mereantur fidem necesse est, quam historici accuratiores merentur, cum præsertim Irenæus, & Clemens opera Hæreticorum eorumdem perolverint. Historicis autem Synchronis maximam tribui oportere auctoritatem, nemo prudens negaverit. Venio ad Manichæos. Beaufobrius lib. viii. Chap. iv. De l'Hist. Des Dogm. De Manichée n. 1. Augustinum exagitat, quod lib. De Moribus Manichæorum Cap. xviii. dixerit eisdem hæreticis: Non enim concubitum, sed vere nuptias prohibetis, & lib. contra Faustum xxi. cap. xxx. lib. xxx. Cap. vi. & Contra Secundinum Cap. xxi. & de Hæres. Cap. xlv. vitio dederit Manichæis, quod fornicationem, & alia scelera generis ejusdem facile paterentur, Matrimonium autem averterentur, ac prohiberent. Neque vero Augustinum solum, sed etiam S. Leonem Magnum infestatur, quod Epistola xv. Cap. vii. paria contra Manichæos fuerit persequutus. Pugnat ergo Beaufobrius ibid. n. 2. Manichæos fornicationis scelus, adulteria, & quæ sunt generis ejusdem flagitia, fuisse quammaximè detestatos; non prohibuisse autem matrimonium, sed illud veluti statum quemdam imperfectionis considerasse, quem tolerare oporteat propter humanam imbecillitatem. Ego de matrimonio disseram hac notatione, in ceteris quæ deinde sequuntur de fornicatione, an probata fuerit Manichæis, inquiram. Imprimis Synchronis scriptoribus, qui libros Manichæorum pervolunt, quique sunt inter se mirifice consentientes in re quipiam describenda fidem esse omnem adhibendam ajo, & auctoritatem. Alexander Lycopolites lib. De Placitis Manichæorum pag. 5. Tom. I. Austarii Biblioth. PP. Francisci Combesii, Manichæus ait: ἀπέχεσθαι γάμον, καὶ

ἀφροδισίων, καὶ τεκνοποιίας. prohibere nuptias, venerem, & procreationem filiorum. Combessius vertit abstinere se a nuptiis &c. idque jam probat Beaufobrius. Sed τὸ ἀπέχεσθαι, hoc loco, in prohibere vertendum esse contendo. Concedunt omnes verbum illud hanc posse pati interpretationem. Ex iis autem, quæ prævertunt, & quæ sequuntur, ita omnino verti hoc ἡτόν Lycopolites censo, ut illud sum ego interpretatus. Cum enim materiam esse malam Manichæorum judicio affirmet Alexander, ibid. pag. 5. divinaque voluntatis, ac decreti esse, ut materia pereat ἀπολλύσθαι τὴν ὕλην εἶναι δὲ δόγμα, per liberorum autem procreationem altiores radices in materia virtutem divinam agere: materiam autem interituram si virtute destituatur, non destitui porro virtute posita procreatione liberorum (ibid. pag. 20.) nonne eos qui contra voluntatem, ac decretum Dei quidquam molirentur, peccare existimassent Manichæi? Agit vero Manichæorum sententia contra voluntatem Dei, qui matrimonio conjungitur, ac liberos procreat, cum virtutem cogat in materia altas radices facere; ut ostensum est, peccat igitur. Quidni ergo prohibuissent, quod peccatum esse putabant? Jam vero pag. 12. Voluptatem & libidinem μέγιστα κακὰ εἶναι maxime mala esse Manichæos pugnasse, ait. Cum autem in matrimonio libidinem exerceri dicerent, matrimonium ipsum prohibuerint necesse est. Alioqui maximum malum impune exerceri concessissent. Itaque manet, quæ adhibita a me est, testimonio Alexandri interpretatio, corruique opinio Beaufobrii, qui cum plurimum tribuat Alexandro; tum ejus auctoritate abutitur. Age vero ceteros numeremus scriptores, qui hæreticis hujusmodi tam pravam tribuerunt opinionem. Didymus Alexandrinus verus imprimis auctor lib. contra Manichæos pag. 25. Tom. I. Austarii Biblioth. PP. Edit. Combessii, sic inducit Manichæos loquentes: κακὸς ὁ γάμος. Titus Bostrensis lib. II. contra Manichæos pag. 130. Tom. I. Lect. Antiq. Canisii. τὴν πεπαιδογονίαν, inquit, ὑβρίζοντες, τὰς μέγας αὐτοῖς ἀνέδου γε πούτης συμβαίνειν. Procreationem filiorum contumeliose vituperantes, volunt sibi conjunctiones sine ipsa contingere nempe sine procreatione filiorum. Cujusmodi sit hoc, dicam alio loco opportunius. Interea manet procreationem filiorum, ob quam matrimonia celebrantur, contumeliose vituperatam, adeoque reprobam fuisse a Manichæis, Johannes Chrysostomus De Virginitate Tom. I. Opp. Edit. Paris. Montfauconii pag. 270. ubi Christi verba attulit ex Cap. xix. v. 22. Evang. Matth. qui potest capere capiat. τὰς μὲν μὴ δυναμένους κατέχευε, τῶν δὲ δυναμένων πολλὴν, καὶ ὑπερόγονον τὸν ἀγῶνα ἀπέδεξε. διὰ τὸ καὶ ὁ παῖς κατ' ἰχθυὸν βαίνειν τὰ διδασκαλίας, περὶ δὲ τῶν παρδένων ἐπιπαλιν κούει, φησιν, καὶ ἔχω γάμους δὲ δίδωμι. Αἱ δὲ Μαρκίων, καὶ δὲ εὐαγγελιστῶν, καὶ δὲ Μαννὺς ταυτὶς ἡνέσχοντο τῆς συμμετρίας. Eos, qui non possent non condemnavit, qui possent, iis grave atque ingens certamen proposuit. Itaque Magistri vestigiis insistens. De Virginibus, inquit, præceptum Domini non habeo, consilium autem do. At vero neque Marcion, neque Valentinus, neque Manes eam moderationem tenuerunt. Quid clarius? Si enim contra Christi institutionem, qui nuptias non damnavit, Marcion, Valentinus, & Manes egerunt, consequens est nuptos ab hoc genere hæreticorum fuisse damnatos. Quocirca magnis in erratis Beaufobrii sententia est, qui Manichæos nuptias non prohibuisse, nec damnasse defendit. Habeo alia multa, quæ proferentur post in iis quæ sequuntur notationibus.

quod erat dictum in lege Moyſis, prohibita eſt mæchia carnalis, copula ſcilicet viri cum non uxore ſua, cui copulæ, ſi fiebat, taxata erat pœna in lege: nam adulteria puniebantur morte corporali, ut habetur Lev. 20. v. 10. Fornicatio etiam, quæ eſt copula ſoluti cum ſoluta, multipliciter puniebatur, ut legitur Ex. 22. v. 16. & 17. *Si ſeduxerit quis virginem necdum deſponſatam, dormieritque cum ea: dotabit eam, & habebit eam uxorem. Si pater virginis dare noluerit, reddet pecuniam juxta modum dotis, quam Virgines accipere conſueverunt.* Quod autem aliud ſit adulterium & aliud fornicatio propriè ſumptis vocabulis, patet ex Matth. 15. v. 19. ubi Dominus enarrat ea, quæ homines coinquinant, dicens: *De corde enim exeunt cogitationes malæ, homicidia, adulteria, fornicationes, furta, falſa teſtimonia, blaſphemia:* Interdum autem fornicatio venit pro adulterio, ut patebit inferius. Dico ergo, quod in prædicta authoritate non prohibetur deſiderium cujuſcunque mulieris, ſed deſiderium non ſuæ; ſicut etiam illud præceptum *non mæchaberis* intelligitur de non ſua, ſicut deſiderium rei alienæ peccatum eſt, unde dicitur Ex. 20. v. 17. *Non concupiſces rem proximi tui, nec deſiderabis uxorem ejus, non ſervum, non ancillam, non bovem, non aſinum, nec omnia, quæ illius ſunt.* Deſiderium autem ſuæ rei non eſt peccatum, ut deſiderium utendi domo propria, vel vino, aut pane proprio; ita deſiderium propriæ mulieris non eſt peccatum, ſed deſiderium non ſuæ peccatum eſt. Unde his verbis: *Omnis, qui viderit mulierem ad Concupiſcendum eam, jam mæchatus eſt eam in corde ſuo,* confirmat expreſſe Dominus, & adimplet legem Moyſi, in qua habetur, ut legitur Exodi 20. v. 17. *Non concupiſces domum proximi tui, nec deſiderabis uxorem ejus:* quod ſic intelligitur, ideſt non tuam.

Si autem dicat, imo Dominus loquitur univerſaliter, & de quacumque muliere: Dic ei, non eſt verum, non enim dixit quancumque mulierem, ſed mulierem tantum.

(2) Ex hoc argumento, atque ex aliis, quæ aſſert Moneta, expreſſis ex Catharorum libris, colligere fas eſt Catharos ipſos Matrimonium rejeciſſe, quod illicitum eſſe, peccareque eos, qui nuptias celebrarent contra Chriſti præſcriptum arbitrarentur. Neque vero una ſpecies Catharorum, ſed omnes quotquot fuerunt in hac opinione erant, ut traditum memoriæ poſteriorum eſt a *Peregrino Priſciano*, & conſtat ex Synodo Attrebatenſi celebrata, an. 1025. Cap. x. pag. 47. Tom. xiii. *Spicileg. Dacheriani Edit.* an. 1677. ex Fidei profeſſione, quam recitabant, qui ad fidem Catholicam convertebantur Cathari, noſque jam attulimus in Prolegomenis, ex Bonacurſo, qui cum eſſet Magiſter Catharorum, Catholicam deinde religionem, ejurato errore, profeſſus eſt: *De Vita Hæret. Cap. v. pag. 70. Tom. xiii. Spicilegii Dacheriani Edit.* an. 1677. ex Anonymo Contra Patarenos Cap. II. Tom. v. *Theſauri Anecdor. Martenii col. 1711.* ex Rainero Sachono, qui Episcopus Catharorum aliquando fuerat, deinde hæreſi rejecta, Catholicam fidem amplexus eſt, profeſſuſque inſtitutum Prædicatorum *In ſumma de Catharis col. 1761. Tom. v. Theſauri Anecdor. Martenii* atque ex aliis omnibus, qui Catharorum dogmata recenſuerunt. Errat autem vehementer Beaufobrius, cum lib. vii. Chap. iv. *De l'hiſtoire de Manichée* Inquiſitores carpit, quaſi in Valdenſes inſeſſerint, quod Matrimonium rejicerent. Sed homo vaterimus, non animadvertit, nunquam in Valdenſes ob eam cauſam quidquam egiſſe Inquiſitores. Reinerius Sachonus, in ſumma de Catharis. & Valdenſibus col. 1775. Tom. v. *Theſauri Anecdor. Martenii*, quo loco Valdenſum eorundem errores numerat, nihil eos dixiſſe, innuit, quod huic Sacramento eſſet adverſum. Quin etiam Limborkius, homo de Remonſtrantium quidem grege, num-

Præterea dic ei, proba hoc aliquo teſtimonio, quod non poteſt facere: ego autem habeo teſtimonium, quod non venit univerſaliter; dicit enim Ap. 1. Cor. 7. v. 2. *Propter fornicationem autem unusquiſque ſuam uxorem habeat, & unaquæque ſuum virum habeat,* quod non diceret, ſi ibi eſſet Mæchia. Hoc autem patebit in ſecunda paret hujus cap.

(2) Ad hoc autem objicit hæreticus ſic: in lege veteri dictum eſt: *Non mæchaberis; non deſiderabis uxorem proximi tui;* ſi ergo iſtud quod ait Dominus, *Ego autem dico vobis, quod omnis qui viderit mulierem &c.* intelligitur de non ſua tantum, non abundabit ergo juſtitia noſtra ſuper juſtitiam legis.

Reſpondeo: verum eſt, nec enim invenitur quod juſtitia noſtra debeat abundare ſuper juſtitiam legis, ſed pluſquam juſtitia Scribarum & Phariſæorum, quorum juſtitia erat tantum exterius: Lucæ 11. v. 39. *Nunc vos Phariſæi, quod deſoris eſt calicis, & catini mundatis: quod autem intus eſt veſtrum, plenum eſt rapina, & iniquitate.*

Præterea illorum juſtitia ſine fide & miſericordia erat. Hoc patet Mat. 23. v. 23. *Reliquiſtis quæ graviora ſunt legis, judicium & miſericordiam, & fidem.* Rom. 9. v. 31. & 32. *Israel vero ſectando legem juſtitia, in legem juſtitia non pervenit. Quare? Quia non ex fide.* Nec minor juſtitia data eſt ibi, quam hic, ſi bene intelligitur, & ſi alicui dicitur illa juſtitia minor, contra illos dicitur, qui putabant illam ſufficere ſine fide Chriſti.

Si autem velit oſtendere quod debet eſſe major quam legalis, per illud Mat. 5. v. 17. *Non veni ſolvere, ſed adimplere.*

Dico: quod adimplere non eſt addere legi, quod patet: quia, qui diligit legem, implevit, non tamen addit. [*]

Objiciunt etiam illud Mat. 10. *Veni enim ſeparare . . . nurum adverſum ſocrum ſuam* v. 25. Dicit autem hic hæreticus, perſonæ aliquæ non ſiunt nurus, & ſocrus niſi per Matrimonium, ſeparantur ergo per ſeparationem Matrimonii. Tale eſt ergo

quam id exprobatum Valdenſibus a Sacra Inquiſitione ultro teſtatur; quod non dixiſſet, ut qui verſatus in *Aſiſ SS. Inquiſitionum* eſſet, ſi Inquiſitores ob negatum matrimonium in eos hæreticos animadverſiſſent. *Hiſt. Inquiſit. Cap. viii. pag. 31. ſeq.* Non equidem negaverim Valdenſibus tributa fuiſſe dogmata quædam ab aliquot Scriptoribus (quæ Valdenſes proprie dicti, haudquaquam defendebant) propterea quod nomen Valdenſium eo tempore, ut nunc Hugonottorum in Gallia appellatio, univerſis hæreticis aptari conſueſceret. Id quod juniores quodaſdam Scriptores induxit, ut arbitrarentur Valdenſes, proprie dictos, æquos fuiſſe matrimonio, aliſque Catholicis dogmatibus, quæ a Catharis rejiciebantur. Sed Beaufobrius loco mox indicato, veretur ut Albigenſibus magno ſcellere ab Inquiſitoribus, conſtata injuria fuerit, cum eos rejecti matrimonii reos agerent. Errat ille quidem vehementer. Nam quod omnia illius ætatis documenta probant, quod Albigenſes ipſi confeſſi ſunt, quodque in publicis monumentis notatum plerumque eſt, in controverſiam revocare velle, hominis eſt & otioſi, & literis abutentis. Jam vero Alanus Inſulanus lib. I. qui eſt contra Albigenſes Cap. lxi. ſeqq. Aſſa Inquiſit. Tholoſinæ nu. 40. pag. 92. & n. 82. Apud Limbork. In Append. *Hiſt. Inquiſit.* omneſque Scriptores, qui de Albigenſibus ſermonem inſtituerunt, hæreticos hujusmodi matrimonio inſeſtos fuiſſe ajunt. Id vero ultro confeſſi ſunt Albigenſes, in juſ ab Inquiſitionibus vocati: *Aſſ. Inq. Thoſ. ibid.* Quare ne Limborkius quidem auſus eſt rem adeo compertam inſiciari, neque excuſare hæreticos Albigenſes.

[*] Quæ duobus aſtericis complexi ſumus, deſunt e *Codd. Be-non. & Vaticano.*

ergo Verbum Dei, ac si dixisset, veni separare virum ab uxore. (*)

Verum est, infideli impugnante, & blasphemante nomen Christi, ut patebit inferius.

Præterea quod sensus hæretici non possit stare, patet ex verbis Ap. 1. Cor. 7. v. 10. *His autem, qui Matrimonio juncti sunt, præcipio non ego, sed Dominus, uxorem a viro non discedere.*

Ad aliud vero, quod objicit hæreticus contra, si de aliena muliere tantum loquitur, sive de non sua; ergo non abundat justitia nostra plusquam Scribarum, & Phariseorum.

Respondeo: imo abundat, quia majus est abstinere a voluntate, quam ab actu solo; illi autem tantum ab actu abstinabant, quia pœnam actualem pro actu incurrebant, non pro voluntate sola. Dominus autem præcipiens abstinere a voluntate, innuit se pœnam daturum pro sui præcepti transgressionem.

Item ad id objiciunt illud Mat. 19. v. 9. *quicumque dimiserit uxorem suam, nisi ob fornicationem, & aliam duxerit machatur: & qui dimissam duxerit machatur*, quod hæreticus exponit sic; nisi ob fornicationem vitandam cum ea; dicunt enim, quod quicumque vult Deo servire, debet uxorem relinquere, ut vitet fornicationem, quam facit cum ea.

Ad quod respondetur: quod istud stare non potest, cum Ap. dicat. 1. Cor. 7. v. 1. & 2. *Bonum est homini mulierem non tangere: Propter fornicationem autem unusquisque suam uxorem habeat, & unaquæque suum virum habeat*; propter fornicationem dicit Ap., idest ne fornicetur; illa ergo expositio, quam isti faciunt, nisi ob fornicationem vitandam, quam cum ea facit, non est bona.

Præterea, si facit fornicationem cum ea; ergo peccat cum ea; quomodo ergo dicit Ap. 1. Cor. 7. v. 8. *si nupserit virgo, non peccavit?* Si enim non peccavit; in hoc ergo non fecit peccatum, ergo nec fornicationem.

Ad idem objiciunt illud quod ibi v. 10. dixerunt discipuli Christo: *Si ita est causa hominis cum uxore, non expedit nubere.* Ex hoc verbo dicit hæreticus, quod discipuli intellexerunt qua intentione

Christus dixerit uxorem esse relinquendam, scilicet, quia non debet uxorem dimittere, nisi habeat intentionem vitandi fornicationem cum ea, & serviendi Deo, quam intentionem non possunt complere cum uxore, quia fornicarentur secum, & ut credunt propter hoc dixerunt: non expedit nubere, idest non convenit, vel non licet, si homo vult servire Deo.

Ad hoc dico, discipuli istud non intellexerunt in Verbis Domini, quod ipsi dicunt, nunquam enim intellexerunt quod fornicatio sit viri cum uxore propria, quod patet ex verbis Ap. *propter fornicationem autem unusquisque suam uxorem habeat, & unaquæque suum virum habeat*, ut dictum est in præcedenti objectione. Istud autem melius patebit in sequenti parte hujus cap. quando de eadem auctoritate disputabitur contra eos.

Dico igitur: quod sensus Apostolorum fuit iste: Pharisei quæsierant an ex quacumque causa possit homo dimittere uxorem suam, Dominus autem respondit, quod non propter omnem causam, sed tantum ob fornicationem, non quia ipse fornicetur cum ea, vel ipsa cum eo, sed ob fornicationem, (3) idest si ipsa cum alio fornicetur. Unam igitur causam solum posuit Jesus; propter hoc dixerunt discipuli: *Si ita est causa hominis cum uxore*, idest talis est, scilicet quod non potest eam dimittere nisi ipsa fornicetur, *non expedit nubere*; si autem ex quacumque causa, ut Judæi faciebant, expedit nubere; quia quandocumque eis placeret possent illam dimittere & aliam accipere.

Præterea hoc argumentum non valet, non expedit, ergo non convenit, vel non licet. Ut enim dicit Ap. 1. Cor. 6. v. 12. *Omnia mihi licent, sed non omnia expediunt.*

Ad idem inducunt illud Matth. ejusdem 19. v. 12. *Sunt enim eunuchi, (4) qui de matris utero nati sunt: & sunt eunuchi, qui facti sunt ab hominibus: & sunt eunuchi, qui se ipsos castraverunt propter Regnum Cælorum*; ex quo volunt quod Regnum Cælorum sit eunuchorum; non ergo eorum, qui sunt in matrimonio.

Hoc autem argumentum non valet; quia licet illorum

(3) Non ita tamen, ut alterutri conjugum liceat tum alias nuptias celebrare. Non enim solvitur matrimonium quod ad vinculum attinet, sed quod ad actum. Consulendi S. Thomas in suppl. III. P. Quæst. LIX. Art. v2. in c. & Theologi, qui in eundem Artic. Commentarios ediderunt.

(4) Hoc item argumento abutebatur Hierax hæresiarcha, ut nuptias tolleretur. Nam apud Epiphanium *Hæresi xxvii. uum. 2. pag. 710. seq.*, non posse hæreditatem a Deo consequi hominem, pugnat, qui matrimonio fuerit alligatus. Quamobrem multa congerit factorum Bibliorum testimonia, ut hoc portentum opinionis probabile reddat, inter quæ hoc etiam extat expressum ex XIX. Cap. Evangelii Matth. v. 12. Cum autem pleraque esse in Scripturis novi Testamenti cerneret, quæ suæ sententiæ maxime contraria sunt, ut vim illorum effugeret, novum quoddam explicationis monstrum excogitavit: *ὅτι ἐπ' αὐτῶν γάμον μετὰ τὴν παρθενίαν, ἀλλὰ συμβάσεις, ἵνα μὴ εἰς πειραστὸν ὁλεθροῦ ἐμπεσώσιν.* Non laudandas post adventum Domini nuptias, ne majus in exitium ruant homines. Iſaccus Beaufobrius Lib. VII. Cap. IV. De l'Histoire de Manich. II. pag. 472. Tom. II. Nota 3. Id esse consuetudinem Epiphanio ait, *ut res augeat, majoresque, quam sint reipsa efficiat.* Nam Anonymum, cujus opusculum extat inter opera S. Athanasii, nil aliud de Hieraca dicere, ait, *quam τὴν νομιζομένην ὡς τὴν παρθενίαν, καὶ ἀδελφὴν ἢ γάμον.* Exaltando virginitatem abolere matrimonium. Non ergo Augustino solum infestus est, sed etiam Epiphanio Beaufobrius, quippe qui ut Manichæo-

rum, sic Hieracitarum patrocinium defensionemque suscepit. Ceterum quid possit ex illo Anonymi *ἐν τῷ* elicere, quod Epiphanii sententiæ adversetur, non video. Etenim, qui fieri potuit, ut matrimonium deleverit Hieracitis, nisi damnasset? Sed τὸ ἀδελφὴν non solum abolere, sed reprobare etiam plerumque significat. Cur ergo abolere vertit, non reprobare, cum verba Anonymi omnino postulent, ut damnatas fuisse a Hieracitis nuptias arbitremur? nihil enim argumenta Anonymi evincerent, nisi existimasset ab Hieraca nuptias fuisse reprobatas velut illicitas. Quandoquidem, ut evincat Hieracham magno in errore versari: *Annon, inquit, in Evangelio legitur tertia die recubuisse Dominum in Cana Galilee ad nuptias, & deficiente vino, aquam mutasse in vinum? . . . & quæ Deus conjunxit homo non separet?* Deinde quomodo potest ramus consistere si non subsistit radix? *Quomodo potest virgo esse, si non habeat Patrem, & Matrem?* Tom. II. Opp. Athan. Edit. novæ pag. 235. Ni ergo putasset Anonymus ab Hieraca fuisse reprobatas, atque damnatas nuptias nonne facile intellexisset, potuisse respondere hæreticum, se quidem laudare Virginitatem, non autem damnare matrimonium? Cum igitur hisce rationibus se ad incitas Hieracam rede- gisse putarit argumento est, ita fuisse Anonymum affectum animo, ut censeret Hieracam nuptias velut illicitas rejecisse; quæ res Epiphanii sententiæ simillima est. Nescio autem qua impudentia Beaufobius exaggerare Epiphanium dixerit; cum S. Doctor, argumenta hæretici recenset, & quid inde concluderet diligenter animadvertat, quippe qui ita in libris Hieracis rem expressam esse pernosceret.

lorum sit, tamen est conjugatorum, sed illorum magis est. 1. Cor. 7. v. 38. *Qui matrimonio jungit virginem suam benefacit; & qui non jungit melius facit*, Item v. 39. & 4. *Mulier alligata est legi, quanto tempore vir ejus vivit: quod si dormierit vir ejus, liberata est: cui vult, nubat tantum in Domino. Beatior autem erit, si sic permanferit secundum meum consilium*. Causa autem quare Dominus distinguit triplex genus eunuchorum, est, ut ostendat quod non omnis continentia est meritoria Regni Cœlorum, sed tantum voluntaria, idest amore, & desiderio Regni Cœlestis assumpta. Istis expedit non nubere, idest continere, his enim utile est, non illis, qui ex necessitate naturæ suæ, vel ex necessitate violentiæ sibi factæ. Et hoc est quod Dominus ostendere intendit, scilicet differentiam continentiae eunuchorum voluntariorum, ad continentiam aliorum duorum eunuchorum, quia illa est meritoria, aliæ verò non.

Ad idem etiam inducunt illud verbum Christi ibidem v. 11. *Non omnes capiunt verbum istud, sed quibus datum est* & v. 12. *Qui potest capere capiat: quod verbum sic intelligunt, idest non omnes intelligunt verbum istud, quod ego dixi, quicumque dimiserit uxorem suam, nisi ob fornicationem, & aliam duxerit, machatur &c.*, quasi diceret, vos intelligitis, Pharisei autem non intelligunt istud. Quid autem intellexerint Discipuli per verbum istud: *quicumque &c.* dictum est & secundum Catharos, & secundum nos. Quod falsa sit sententia Catharorum de intellectu Discipulorum in illo verbo, hoc etiam ostensum est.

Similiter dico, illud verbum Domini, *non omnes capiunt verbum istud*, prave intellexerunt Cathari, non enim dixit hoc Christus de verbo suo. *Quicumque &c.* sed de verbo Discipulorum, scilicet *non expedit nubere*, idest, est expediens non nubere, hoc est continere; & dixit, *non omnes capiunt verbum istud*, idest non omnes volunt istud, unde subdit: *Sed quibus datum est*, quasi diceret, hoc ex gratia est, omnimoda enim continentia, donum Dei est. Unde cum Ap. dixisset 1. Cor. 7. v. 7. *Volo enim omnes vos esse sicut me ipsum*, statim subjunxit: *Sed unusquisque proprium donum habet ex Deo: alius quidem sic*, idest in omnimoda continentia est, sicut ego; *alius verò sic*, idest in matrimonio est. Unde Prov. 19. v. 14. *A Domino autem datur propriè uxor prudens*, quod testimonium valet contra ponentes duo principia. Quod autem postea dicit Dominus, *Qui potest capere capiat*, consilium est, non præceptum; quasi diceret, nemini hoc præcipio, sed tantum qui potest capere hoc donum, idest qui sentit se aptum ad illud, capiat illud. Quod autem tantum consilium sit, non præceptum, patet ex verbis Ap. 1. Cor. 7. v. 25. *De virginibus autem præceptum Domini non habeo, consilium autem do*, scilicet quod contineant.

Ad idem etiam inducunt illud Mat. 19. v. 29. *Omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit*. Hic dicit Dominus, quod relinquens uxorem habiturus est vitam æternam; ergo qui habet uxorem habere non potest vitam æternam, nisi eam dimittat.

Solutio ad istud est, quod relinquenda est uxor, idest retro linquenda, in comparatione Dei, scilicet ut non plus diligatur quam Deus, nec tantum. Quod autem ita sit, patet ex eo quod dicit Dominus relinquendas, & agros; constat enim quod ipsi ista non relinquunt, imo secure ista possidere possunt. Relinquenda igitur sunt ista, & uxor hoc modo, ne pro aliquo eorum, aliquid contra Dominum faciamus. Similiter relinquendus est pater & mater, filius & filia &c. Hæc solutio sumitur ex c. 16. Matth. v. 37. *Qui amat patrem aut matrem plusquam me, non est me dignus: & qui amat filium aut filiam super me, non est me dignus*. Similiter de uxore intelligi debet,

Potest etiam aliter solvi illud quod obijciunt ex Mat. *Omnis qui reliquerit &c.* & intelligitur de relictione materiali hoc modo, scilicet de infidelibus qui reliquerint patrem, aut matrem, fratrem &c. infideles, nomen domini blasphemantes, & impugnantes, quod patet, quia dicit, qui reliquerit ista quæ nominaverat propter nomen meum: nisi enim Dominum blasphemarent, non erant relinquendi Patres, filii, vel filia, viri, vel uxores, unde 1. Cor. 7. v. 12. 13. & 14. *Si quis frater uxorem habet infidelem, & hæc consentit habitare cum illo, non dimittat illam. Et si qua mulier fidelis habet virum infidelem, & hic consentit habitare cum illa, non dimittat virum. Sanctificatus est enim vir infidelis per mulierem fidelem, & sanctificata est mulier infidelis per virum fidelem: alioquin filii vestri immundi essent, nunc autem sancti sunt*. E contrario, membra autem scandalizantia abijcienda erant, unde Mat. 5. v. 29. *Quod si oculus tuus dexter scandalizat te, erue eum, & projice abs te: expedit enim tibi, ut pereat unum membrorum tuorum, quam totum corpus tuum mittatur in gehennam*. Idem habetur Mat. 9. v. 42. & 44. Propter hoc dicit Ap. 2. Cor. 6. v. 15. *Quæ pars fidei cum infidei?* Propter quod etiam Mat. 10. v. 33. & 35. *Non veni pacem mittere, sed gladium. Veni enim separare hominem adversus patrem suum, & filiam adversus matrem suam, & nurrum adversus socrum suam*, idest quia ei inimicantur, & eum impugnant, quia ad Christum conversus est.

Tertio etiam modo potest solvi, & secundum hoc loquitur dominus de derelictione spiritali, spiritaliter enim dimittenda est uxor, idest quo ad malitiam, si mala est, sicut etiam in quantum mala odienda est, sed non personaliter. Nonne vides quod Dominus Lucæ 14. v. 26. dicit: *Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus?* Et sicut anima non separatur a corpore, licet ejus malitia odiatur, quia homo non debet se occidere; sic ergo nec vir debet se ab uxore separare, licet ejus malitiam odiat, licet malitiam ejus relinquat. Quod autem nemo debeat odisse patrem, scilicet personam patris, vel matris, vel uxoris &c. patet ex eo, quod inimicos etiam jubemur diligere, ut habetur Mat. 5. v. 44. Odium ergo quod ponit dominus Lucæ 14. ad malitias hominum, non ad personas debet referri.

Præterea, numquid ad sonum literæ vis intelligere illud verbum Mat. 19. v. 29. *Omnis qui reliquerit domum, vel fratrem &c.* quia propter servitutem.

Dei debemus relinquere Patrem, matrem, uxorem &c. quo ad cohabitationem? Si sic: quomodo ergo dicit Ap. 1. Cor. 7. v. 12. *Si quis frater habet uxorem infidelem, & hæc consentit habitare cum illo non dimittat illam &c.* item v. 27. *Alligatus es uxori? noli quærere solutionem.* Quomodo etiam docet 1. Tim. 5. v. 4. *Si qua autem vidua filios, aut nepotes habet: discat primum domum suam regere, & mutuam vicem reddere parentibus: hoc enim acceptum est coram Deo;* item parum post v. 8. *Si quis autem suorum, & maximè domesticorum curam non habet, fidem negavit, & est infideli deterior?* Item Eph. 5. v. 22. usque ad finem monet mulieres viris suis subditas esse, & viros etiam uxores suas diligere; monet etiam c. 6. v. 1. 2. 3. 4. & 5. Patres educare filios suos in disciplina, & correctione domini, & e contrario monet filios obedire parentibus, & fervos dominis carnalibus. Item infidelibus 1. Tim. 6. v. 1. *Quicumque sunt sub iugo servi, Dominos suos omni honore dignos arbitrentur, ne nomen Domini, & doctrina blasphemetur,* sub iugo scilicet infidelium, unde postea v. 2. subdit: *Qui autem fideles habent Dominos, non contemnant, quia fratres sunt.*

Si autem dicat, quoniam ista relinquenda sunt quo ad affectum carnalem.

Dic ei, numquid omnis affectus carnalis malus? Si dicat sic: Numquid affectus carnalis non est appetitus alicujus materialis cibi bene parati, & delectatio in illo? Nemo dubitat quod iste affectus carnalis sit, & tamen tu habes istum affectum multoties; ergo in perditione es, quia non reliquisti carnalem affectum omnino, vel non omnis carnalis affectus malus est, quod quidem verum est.

Si autem dicat, quod iste carnalis affectus ad uxorem malus est; dico ei, proba hoc.

Præterea si malus esset, quomodo diceret Ap. 1. Tim. 5. v. 14. *Volo ergo juniores nubere, filios procreare, matres familias esse, nullam occasionem dare adversario maledicti gratia.*

Item Lucæ 14. v. 20. dicitur, quod ille qui duxerat uxorem non poterat venire ad cœnam Domini; sic ergo videtur, quod matrimonium est contrarium æterno convivio.

Solutio. Nec etiam qui emit quinque juga bovum venit ad cœnam; ergo eadem ratione habere quinque juga bovum contrarium erit æterno convivio. Similiter dic de eo qui emit villam.

Si dicat hæreticus, non est simile, quia de illo qui duxerat uxorem legitur dixisse: *ideo non possum venire*, de aliis autem non sic, sed *rogo te habere me excusatum* v. 18. & 19.

Respondeo, ille mentitus est, quando dixit, non possum venire, quod patet ex eo, quod Dominus vocavit eum ad cœnam, quod non fecisset, si ille venire non potuisset.

Si autem dicat hæreticus, quod ille venire non potest manens in conjugio, & ideo a conjugio eum revocat invitatum ad cœnam.

Hoc stare non potest, nusquam enim invenitur,

quod Dominus eum a conjugio revocaret.

Præterea, si hoc esset, quomodo diceret Ap. 1. Cor. 7. v. 10. *Iis autem, qui matrimonio juncti sunt, præcipio non ego, sed Dominus, uxorem a viro non discedere.*

Item Lucæ 20. v. 34. & 35. habetur: *Filii hujus seculi nubunt, (5) & traduntur ad nuptias. Illi vero qui digni habebuntur seculo illo, & resurrectione ex mortuis, neque nubunt, neque ducunt uxores.* Dicit hæreticus, vide quod ista verba, *nubunt, & ducunt uxores* præsentis temporis sunt, illi ergo, qui volunt esse digni futura gloria, in præsentis non debent nubere.

Solutio. Ista verba ponuntur pro verbis futuri temporis, & pro tempore illo dicit Lucas, quod *non nubunt, neque ducunt uxores*, ut patet ex verbis Matth. 22. v. 30. & Mar. 12. v. 25. qui ponunt. *In resurrectione enim neque nubent, neque nubentur.* Cum enim a mortuis resurrexerint, neque nubentur. Idem etiam patet ex verbis B. Lucæ, qui cum dixisset nec nubunt, nec ducunt uxores, rationem hujus dicti assignans ait v. 36. *Neque enim ultra mori poterunt, quasi diceret, quia corpora nostra tunc erunt immortalia, ideo non erit necessaria generatio hominis ex homine, imo cessabit operatio virtutis generativæ: modo autem quia mortalia sunt corpora, necessaria est ejus operatio, ne natura humana deficiat.* Idem dicunt Matthæus & Marcus cum dicunt v. 25. Mar. *sunt sicut Angeli in Cælis* & Matth. v. 30. *Sed erunt sicut Angeli Dei in Cælo*, quorum natura non conservatur per generationem, cum sit immortalis. Bene ergo dicit Christus *Filii hujus seculi*, idest donec sunt in hoc seculo, idest donec mortales sunt, *nubunt, & traduntur ad nuptias, illi vero qui digni habebuntur seculo illo, & resurrectione ex mortuis* idest vita immortalis, & incorruptibili, quæ in illo seculo erit, quasi diceret resuscitati *neque nubunt, neque ducunt uxores*, supple, post resurrectionem, sicut quæsierunt Saducæi, ex quorum quæstione, quæ de futuro erat, *in resurrectione ergo cujus de septem erit uxor?* Patet quod responsio Domini a Luca posita, de futuro etiam intelligitur.

Alio modo adhuc voluit hæreticus ostendere matrimonium esse illicitum, per illa verba *Filii hujus seculi &c.* & dixit: Si matrimonium est licitum, & bonum, Dominus noster loquens de nubentibus, potius debuit eos appellare filios Dei, quam filios hujus seculi; Cum ergo dicat nubentes filios hujus seculi, ad differentiam filiorum Dei, matrimonium malum est.

Solutio ad primum est, quod Dominus noster bene potuit appellare nubentes filios Dei, sed noluit, ostendens per hoc, quod non nubunt, neque ducunt uxores, nisi dum sunt hujus seculi, & in hoc seculo.

Ad secundum dico, quod hæreticus dixit falsum, quando dixit, quod eos appellavit filios hujus seculi ad differentiam filiorum Dei: imo ad differentiam

(5) Tertullianus lib. iv. Contra Marcionem cap. xxxix. pag. 455. Edit. an. 1675. „ Sic, inquit, & de ipsis nuptiis responsum sub-
„ vertunt; ut filii hujus ævi nubunt, & nubuntur, de homini-
„ bus dictum sit creatoris nuptias permittentis. Se autem, quos

„ Deus illius ævi, alter scilicet, dignatus sit resurrectione, jam
„ & hic non nubere, quia non sunt filii hujus ævi. „ Nempe
quod olim Marcionitæ Catholicis opponebant, hoc idem Catha-
ri usurparunt, ut matrimonium tollerent.

tiam eorundem in alio seculo, de quo subdit: *Illi vero, qui digni habebuntur seculo illo &c.* Et notandum quod alio respectu dicuntur filii Dei, & alio hujus seculi, quia filii Dei dicuntur, eo quod ab ipso geniti sunt generatione spirituali per fidem, filii autem hujus seculi dicuntur, non tanquam ab eo geniti, sed quia in eo habitant.

Ad idem inducunt illud Lucæ 23. v. 28. & 29. ubi Christus dixit: *Filiæ Jerusalem, nolite flere super me, sed super vos ipsas flete, & super filios vestros. Quoniam ecce venient dies, in quibus dicent: Beata steriles, & ventres, qui non genuerunt, & ubera, quæ non lactaverunt.* Ex quo hæreticus per contrarium vult, quod illæ quæ dant operam generationi filiorum, non sunt beatæ in futuro, & ita non est salus in matrimonio.

Ad hoc patet solutio per hoc quod dicit Ap. 1. ad Tim. 2. v. 15. *Salvabitur autem per filiorum generationem*, quod testimonium discutietur adhuc contra eos in 2. parte cap. Non valet ergo argumentum, illæ quæ non genuerunt, erunt beatæ; ergo illæ quæ genuerunt non erunt beatæ. Instantia est: bonum est non bibere vinum; ergo malum est bibere vinum. Expositio autem prædictorum verborum Domini ista est: Dominus prædicebat eis subversionem Jerusalem futuram per Romanos; in qua tanta Judæorum strages foret, ut vel interficerentur a Romanis; vel dispersi ducerentur per extraneas regiones; & propter hoc dixit: *super vos ipsas flete, & super filios vestros*, quia vel occiderentur, vel in captivitatem ducentur: maximus autem dolor est matribus, cum vident filios coram se occidi; vel in captivitatem duci. In illa ergo tribulatione mulieres steriles, quæ non genuerunt dicebantur Beatae respectu earum, quæ filios proprios ita male tractari videbant; partim quod facilius poterant fugere; partim quia calamitas filiorum ingravabat eas. Quod autem ita sit, patet Matth. 24. v. 19. *Væ autem prægnantibus, & nutriendibus in illis diebus.* Væ id est gravis pœna.

Ad idem inducunt illud Johan. 1. v. 12. & 13. *Dedit eis potestatem filios Dei fieri, his, qui credunt in nomine ejus: Qui non ex sanguinibus, neque ex voluntate carnis, neque ex voluntate viri, sed ex Deo nati sunt?* (6) Simile habetur Rom. 9. v. 8. *Non qui filii carnis, filii Dei;* carnalis ergo generatio non est a Domino; & ita actus matrimonialis non est a Domino; ergo matrimonium malum est.

Resp. Duplex est nativitas: prima est naturæ, secunda gratiæ, sicut habitum est in 1. cap. primæ partis hujus operis.

Non solum autem nituntur hæretici contra matrimonium per verba Evangeliorum, quæ ipsi prave intelligunt, sed etiam per verba Discipulorum Christi, unde ad matrimonium destruendum inducunt illud Rom. 8. v. 5. 6. 7. & 8. *Qui enim secundum carnem sunt, quæ carnis sunt, sapiunt. Qui vero secundum spiritum sunt: quæ sunt spiritus sentiunt. Nam prudentia carnis mors est: prudentia*

autem spiritus, vita, & pax. Quoniam sapientia carnis inimica est Deo: legi enim Dei non est subiecta; nec enim potest. Qui autem in carne sunt, Deo placere non possunt.

Item parum infra dicit Ap. v. 12. & 13. *Debitor es sumus non carni, ut secundum carnem vivamus. Si enim secundum carnem vixeritis, moriemini.* Ex his omnibus concludit hæreticus, quod illi qui sunt in matrimonio non sunt in statu salvationis.

Solutio. Dic mihi, quid est esse secundum carnem nisi esse in carne? Item quid est esse in carne? Numquid hoc est esse in corpore humano? Si concedat istud: Numquid anima Pauli in eo erat? Uti que: Et tamen placebat Deo. Quomodo ergo dicit, *qui in carne sunt, Deo placere non possunt?* Dicas ergo mecum, quod caro non sumitur ibi pro substantia hujus corporis, præsertim cum ibi dicat Ap. v. 9. *Vos autem in carne non estis, sed in spiritu;* illi enim in corpore erant; sumitur ergo caro pro deliciis carnis; unde 1. Tim. 5. v. 6. *Vidua, quæ in deliciis est, vivens mortua est.* Dico ergo secundum Ap. quod talis est in carne, & secundum carnem, qui non quærit nisi vivere deliciose in mundo isto. Tales etiam quæ carnis sunt noverunt, & saporant, quia talibus carnalia dulcescunt, spiritualia vero eis insipida videntur. Iste sapor est illa sapientia, de qua dictum est, quod est inimica Deo, & non est subiecta legi Dei, nec potest esse; Isti carni, idest carnali voluptati debitor es non sumus, & si secundum eam vixerimus, moriemur.

Si autem vis dicere, quod illi, qui sunt in matrimonio sunt in carne isto modo, & secundum carnem sunt, & vivunt.

Dico: falsum est, nec matrimonium propter hoc debet contrahi, nisi velint abuti matrimonio. Sicut enim aliquis potest male uti cibo, aut potu, ita etiam potest male uti vir uxore sua, vel uxor viro. [*] Non erat talis Tobias qui ait c. 8. v. 9. *Tu scis, quia non luxuriæ causa accipio sororem meam conjugem, sed sola posteritatis dilectione, in qua benedicatur nomen tuum in secula seculorum.* Hoc vult Ap. Tefs. 4. v. 4. *Ut sciat unusquisque vestrum vas suum possidere in sanctificatione, & honore.* [*]

Quod autem dicit Ap. *debitor es sumus non carni* jam exposuimus supra. carni, idest substantiæ carnis debitor es sumus, sed non ut secundum carnem, idest carnis delicias vivamus, ut ibidem dicit Ap., sed ad ejus sustentationem. Unde 1. Tim. 5. v. 23. *Noli adhuc aquam bibere, sed modico vino utere, propter stomachum tuum, & frequentes tuas infirmitates,* ubi patet quod loquitur de vino materiali, & stomacho materiali, si enim de vino spirituali, & stomacho spirituali loqueretur, dixisset, vino multo utere.

Præterea loquitur de infirmitatibus corporalibus, quas habebat; ergo & de vino materiali. Constat autem quod Timotheus debebat vivere, secundum quod eum docebat Apostolus; ergo debebat aliquid carni, idest stomacho, scilicet vinum, sed modicum: quomodo ergo stabit, quod dicit Ap. *debitor es*

(6) Vide Johannem Chrysostomum Homilia ix. in Johann. Tom. viii. Opp. pag. 54. seq. Ed. an. 1603.

[*] Quæ duobus asteriscis complexi sumus non extant in Codd. Bonon. & Vatic.

tores sumus, non carni? Propter hoc apponit Ap. ut secundum carnem vivamus, idest secundum carnis voluptatem, licet secundum necessitates quas habet, ejus debitores sumus: & sic ut nullus debet cibare carnem ad voluptatem, sed ad necessitatem; ita nullus debet ad uxorem accedere propter carnis voluptatem explendam, & qui hoc facit male facit. Ad quid autem debeat conjungi dicitur in secunda parte hujus cap.

[*] (9) Præterea, posito, quod caro ibi dicatur hoc Corpus, cum debitores non sumus carni; per hoc non tollitur, quin aliquis debeat carnem suam alii, quod Ap. probare intendit cum dicit 1. Cor. 7. v. 3. *Uxori vir debitum reddat: similiter autem & uxor viro*; & ostendit quid sit istud debitum, cum ait v. 4. *Mulier sui corporis potestatem non habet, sed vir. Similiter autem & vir sui corporis potestatem non habet, sed mulier.* [*]

Item 1. Cor. 6. v. 15. & 16. ait. *Nescitis quoniam corpora vestra membra sunt Christi? Tollam ergo membra Christi, faciam membra meretricis? Absit. An nescitis quoniam qui adhæret meretrici, unum corpus efficitur? Erunt enim (inquit) duo in carne una.* Ex his verbis pluries objecit mihi hæreticus: Apostolus probat, quod ille, qui adhæret meretrici, unum corpus efficitur per illud, quod dictum est Gen. 2. v. 24. *Et erunt duo in carne una*, sed illud dictum est de conjunctis matrimonialiter; ergo matrimonialiter sunt conjuncti fornicatores, & adulteri, & meretrices.

Solutio hujus objectionis caute fieri debet propter simplices; & dicendum est eis, utrum in bona parte, vel in mala parte sumatur ab Apostolo illud verbum: *erunt duo in carne una*: si in bona parte, ut verum est, & dicuntur de conjunctis matrimonialiter; ergo matrimonium bonum: & Ap. probat, quod ille qui adhæret meretrici efficitur unum corpus, sive caro cum illa, per simile in contrario: sicut enim qui adhæret uxori suæ unum corpus efficitur cum ea in bono opere, quo vitatur fornicatio ut vult Ap. 1. Cor. 7. 1. unde dictum est, *erunt duo in carne una*, idest in unitate carnis, sive una caro;

[*] (9) Quæ duobus asteriscis comprehensa vides, desunt e Codd. Bonon. & Vatic.

(10) Isaacus Beaufobrius Augustinum carpit, quod Manichæos prohibere dixerit nuptias. Illud enim hæreticorum genus idem propugnasse ait, quod nunc Catholici. Utque jam id ostendat, Augustini primum testimonio quodam abutitur, deinde Fausti locum affert, qui nuptias a Manichæis impeditas non fuisse pronunciat. Sunt hæc Augustini verba ex *Lib. de Moribus Manichæorum*, cap. xviii. Hic non dubito vos clamaturos, in idiamque facturos; castitatem perfectam vos vehementer commendare, atque laudare, non tamen nuptias prohibere; quandoquidem Auditores vestri, quorum apud vos secundus est gradus, ducere, atque habere non prohibent uxores. Hinc concludit Beaufobrius lib. vii. cap. iv. num. 111. pag. 473. *Tom. II. Hist. Manichæorum*. credere se Augustino, rogare tamen utri testimonio sit adjungenda fides? illine quo affirmat tolli a Manichæis nuptias, an huic, quo non tolli ab se nuptias easdem pugnabant Manichæi? subjungit: *Ego huic postremo assentior, quod praxi nitatur & confirmetur.* Fausti vero verba sunt hujusmodi: *Apud Augustinum lib. xxx. num. 3. Contra Faustum*: Nam & ipsi tam stultum judicamus inhibere volentem, quam nefas, & impium, quasi nolentem agere nuptias celebrare: Nos tamen multis documentis ostendimus notatione I. negatas, reprobataque fuisse nuptias a Manichæis. Id vero modo ponit, modo negat, vel ipse Beaufobrius. Nam loco mox indicato num. I., Cum, inquit, Manichæus defenderit peccatum primorum Parentum, fuisse conjugale commercium, quod simul habuerunt, fieri

ita etiam qui adhæret meretrici, unum corpus efficitur cum ea in malo opere, idest in fornicatione. Tunc autem opus matrimoniale bonum est, quando fit eo fine quo debet, ut ostendetur in secunda parte hujus cap.

Si autem dicat hæreticus, quod illud verbum: *Erunt duo in carne una*, in mala parte sumitur, dicendum est ei: quomodo stare potest quod dicis? Nonne Eph. 5. sumitur in bona parte istud testimonium *erunt duo in carne una*? Utique: sic enim ait v. 25. *Viri diligite uxores vestras & paucis interpositis v. 31. & 32. subdit: Propter hoc*, idest propter dilectionem uxoris, *relinquet homo patrem, & matrem suam, & adhærebit uxori suæ, & erunt duo in carne una. Sacramentum hoc magnum est, ego autem dico in Christo, & in Ecclesia.* Ecce quod Ap. sumit illud testimonium in bona parte; ergo nusquam illud idem sumit in mala: aut enim tantum in bona parte, aut tantum in mala dictum est. Si autem in bona parte sumitur, obmutescere, & concede matrimonium carnale bonum esse, de illo enim loquitur Vetus Testamentum.

Item sicut habetur Matth. 19. v. 4. & 5. *Qui fecit hominem ab initio, masculum & feminam fecit eos. Et dixit: Propter hoc dimittet homo patrem, & matrem, & adhærebit uxori suæ, & erunt duo in carne una*, & Mar. 10. v. 6. & 8. & 9. Dicit, quod ille Deus qui homines fecit, dixit illud; ergo Deus Veteris Testamenti bonus, qui instituit carnale matrimonium, quod bonum est. Ista etiam authoritas disputata est, ubi tractavimus superius de rebus visibilibus, & transitoriis, an sint a Deo Sancto in 8. cap. primæ partis hujus operis.

Item 1. Cor. 7. v. 1. Dicit Ap. *Bonum est homini mulierem non tangere*; ergo malum est eam tangere; Ut quid enim dicit illud, nisi ad ostendendum istud esse malum?

Solutio. Non dixit hoc bonum ad differentiam illius in hoc, quod illud sit malum; sed ad ostendendum, quod illud magis eligendum est, quia bonum est, idest melius est, quam tangere; (10) unde infra dicit Ap. v. 38. *Qui matrimonio jungit virginem*

S s

sua m,

non potuit, quo minus matrimonium in generali reprobarent: *Il ne pouvoit que desaprouver le Mariage en general.* Alibi vero, ait, idem sensisse Manichæos, atque nunc Catholici sentiunt de Matrimonio. Quemadmodum hæc conjungi possint non video. Initio non intelligo quid sit matrimonium reprobare in generali? Etenim si peccatum fuit in primis parentibus, fallor, cur in aliis peccatum esse non debet. Deinde Catholici non reprobant conjugium ne in generali quidem, quare discrepat Manichæorum a Catholicorum sententia. Postremo Faustus non affirmat licitas esse nuptias; sed stultos esse illos, qui impedire velint nubere volentes a conjugio celebrando. Oppositioni autem Augustini non satisfacit. Hic enim exprobat Manichæis reprobari ab illis matrimonium, existimarique peccatum. Satisfecisset autem Augustino, si dixisset a suis non censi peccatum nuptias celebrare, quod cum tacuerit, argumento est, illum cum ceteris existimasse peccatum esse conjugium. Quid? quod Hieracitæ, quos notatione 5. ostendimus peccati loco nuptias habuisse, homines a matrimonio non deterrebant, ne majora scelera patrarent. Paria defendebant Cathari, qui cum haberent uxores, matrimonium tamen excludere a vita æterna hominem ardebatantur. Hoc idem senserunt Manichæi. Non impediebant nuptias, ne in scelera majora homines laberentur, sed a peccato nuptos non excusabant. Hinc ruit Argumentum, quod ex praxi Beaufobrius repetit; manentque Patrum testimonia, qui Manichæos infestos fuisse nuptiis pugnant, quod hoc in eorum libris legissent. Confule Augustinum lib. xxx. *Contra Faustum* Cap. vi.

suam, benefacit, & qui non jungit melius facit. Primum argumentum non valet, quod patet per simile. *Bonum est non bibere vinum*, ut dicit Ap. Rom. 14. v. 21. Non tamen malum est bibere ipsum, cum de illo bibendo instruat Timotheum 1. Tim. 5. v. 23. Item illud dicit Ap. 1. Cor. 7. v. 6. *Hoc autem dico secundum indulgentiam*, idest, quod *Unusquisque suam uxorem habeat, & unaquæque suum virum habeat*, & similia ad matrimonium carnale pertinentia. Similiter dicit inferius eodem cap. v. 28. *Ego autem vobis parco*, supple, dum nubere concedo: Ubi indulgentia, ibi peccatum; ergo nubere est peccatum.

Ad hoc potest responderi dupliciter, primo ut dicamus quoniam hoc falsum est, quod indulgentia non sit, nisi de peccato. Unde notandum, quod quædam ponit Ap. in illo cap. quæ sunt præcepta, sicut etiam illud v. 3. *Uxori vir debitum reddat: similiter autem & uxor viro*, item v. 10. *Uxorem a viro non discedere*, quod nullo modo præcepisset Christus, si esset peccatum habere uxorem; Quædam autem sunt consilii, non præcepti, unde v. 25. *De virginibus autem præceptum Domini non habeo, consilium autem do*; Quædam autem sunt indulgentiæ, idest puræ concessionis. Horum enim quædam sunt ad quæ homo tenetur, quædam autem sunt ad quæ non tenetur. Prima autem sunt in præcepto; secunda autem bona duplicia sunt: quædam enim sunt majora, & illa sunt consilii, ut non nubere; quædam sunt minora bona, ut nubere; & ista sunt indulgentiæ, idest concessionis puræ, idest nec consilii, nec præcepti.

Præterea, si Ap. indulgebat, ex hoc non sequitur, quod esset peccatum, imo potius, quod non; nam Dominus dixit Apostolis suis Matth. 18. v. 18. *Quaecumque alligaveritis super terram, erunt ligata & in Cælis, & quaecumque solveritis super terram, erunt soluta & in Cælo.*

Item illud dicit Ap. 1. Cor. 7. v. 9. *Melius est enim nubere, quam uri*: Constat quod uri luxuria est, & malum est; ergo cum dicit Ap. *Melius est enim nubere, quam uri*, intelligendum est minus malum; ergo nubere est malum.

Solutio. Ergo quomodo dicit Ap. v. 28. *Et si nupserit virgo non peccavit*? Dico igitur, quod istud dicitur melius, non quia minus malum, sed quia hoc bonum, & illud malum. Simile habetur 1. Petr. 3. v. 17. *Melius est enim bene facientes (si voluntas Dei velit) pati, quam male facientes.*

Item ibi v. 7. dicit Ap. *Volo enim omnes vos esse sicut me ipsum*, idest castos ex voto. Dicit autem hæreticus, nullum exclusit Ap. cum dicit: *Volo omnes vos esse sicut me ipsum*; ergo qui nubunt, sunt contra voluntatem Ap. & ex hoc concludit hæreticus, ergo nubere malum est.

Solutio. Quomodo ergo dicit Ap. 1. Tim. 5. v. 14. *Volo ergo juniores nubere, filios procreare, matres familias esse, nullam occasionem dare adversario maledicti gratia*? Dico ergo, quod sensus verborum Ap. iste est: volo magis, idest magis mihi placet, quia melius est; unde infra dicit. *Qui matrimonio jungit virginem suam, bene facit: & qui non jungit, melius facit.* 1. Cor. 7. v. 38.

Præterea non ne vides, quod dicit: *Unusquisque proprium donum habet ex Deo*: ibi v. 7. *Proprium* dicit, idest, quidam hoc, quidam illud, quidam minus, *alius quidem sic*, idest in Virginitate, *alius vero sic*, idest in matrimonio. De hoc autem dicitur adhuc in 2. par. hujus cap. Ex prædictis patet, quod illi qui nubunt, non faciunt contra voluntatem Ap. quia non vult tantum istud, imo & alterum sine peccato sicut primum. Et ex hoc patet etiam, quod non est tantum permissionis, quod Ap. dicit *nubant*, ut putavit hæreticus, imo est voluntatis Ap.

Item objicit hæreticus de hoc, quod subdit Ap. v. 14. *Sanctificatus est enim*, idest sanctificari potest, *vir infidelis per mulierem fidelem, & sanctificata est mulier infidelis per virum fidelem*, quasi diceret, ita potest modo fieri, quia aliquando factum est: istud verum est. Sed subjunxit hæreticus, & dixit, numquid sanctificabitur infidelis qui immundus est, si sancto, fideli, & mundo adhæreat carnaliter? Numquid talis adhærentia sanctificat? Certe non, imo e contrario probo tibi, quod fidelis, & mundus, si adhæret infideli, & immundo carnaliter immundus erit: scriptum est enim Isai. 52. v. 11. *Pollutum nolite tangere*, & Nu. 19. v. 22. *Quidquid tetigerit immundus, immundum faciet*: sed in illa conjunctione viri fidelis cum uxore infideli, mulier immunda tangit virum suum; ergo eum reddit immundum.

Solutio. Pessime opponis hæretice, & in duobus errasti. Primo in eo, quod dixisti, nos credere, quod infidelis sanctificetur per hoc, quod adhæreat viro fideli, & mundo; non enim hoc dicimus, nec credimus; sed dicimus, quod si consentit habitare cum illo modo prædicto, ipsa poterit sanctificari per doctrinam viri fidelis, & vir per bonam vitam mulieris; unde 1. Pet. 3. v. 1. *Mulieres subditæ sint viris suis: ut & si qui non credunt verbo, per mulieris conversationem, sine verbo lucrifiant.*

Secundo etiam in hoc, quod dixisti: *Quidquid tetigerit, immundum faciet*, male dixisti credens, quod illud intelligatur de tactu corporali; sed de tactu spiritali intelligitur; sicut etiam illud Isai. 52. *Pollutum nolite tangere*, idest ne ei consenseritis. Tunc autem est immundus qui malum aliquid tangit, quando modum vitæ suæ imprimit ei; per manum enim vita, sive conversatio designatur. Præterea: nonne Christus tetigit leprosum, sive immundum? Utique, nec tamen fuit immundus.

Item ibi 1. Cor. 7. v. 12. dicit Ap. *Si quis frater uxorem habet infidelem, & hæc consentit habitare cum illo, non dimittat illam*. Hic dicit hæreticus: Iste frater, supple fidelis est, & in conjugio vocatus ad fidem est conversus, uxore manente in infidelitate. Hoc totum verum est. Subjunctum autem hæreticus: Si fidelis, supple carnale debitum redderet infideli, & ei necessaria corporis ministraret, frustra dixisset Ap. *Et hæc consensit habitare cum illo*, si enim illa haberet a viro, libentissime staret cum illo; sed Ap. non loquitur frustra; ergo loquitur quando fidelis non vult ei debitum carnale impendere. Et quia in hoc casu raro consuevit esse, quod infidelis velit habitare cum fideli volente continere, prop-

propter hoc dixit Ap. quasi cum dubitatione: *Et hæc consentit habitare cum illo*. Videtur ergo, ut dixit hæreticus, quod postquam fidelis factus est, illi operi carnali non debet se dare; ergo matrimonium malum est.

Solutio. Miser hæretice ex falsis argumentatus es. Falsum enim fuit, quod dixisti, si illa haberet a viro, libenter staret cum illo; imo & si illa haberet, cum ipso multoties habitare nollet, propter nomen Christi, quod horret, & blasphemat. Quod ergo dicit Ap. *Et hæc consentit habitare cum illo*, non est sic intelligendum, cum illo nolente reddere debitum, neque potes ostendere hoc per aliquod testimonium; ego vero possum ostendere contrarium. Et quod ita sit ut dico, patet ex eo, quod prius dixerat v. 3. *Uxori vir debitum reddat*. Sic ergo debet intelligi *cum illo*, idest non contra illum, idest non impugnando illum, quia suscepit fidem Christi, nec blasphemando fidem, vel nomen Christi, in quo casu, idest si blasphemat, dixit Christus Matth. 19. v. 29. *Omnis qui reliquerit domum, vel fratrem, aut sorores, aut patrem, aut matrem, aut uxorem, aut filium, aut agros propter nomen meum, centuplum accipiet, & vitam æternam possidebit*, ut dictum est prius.

Item dicit Ap. v. 29. *Tempus breve est: reliquum est, ut & qui habent uxores, tanquam non habentes sint*: sed illi qui non habent, non utuntur eis, ergo & illi qui habent, non debent uti eis.

Ad hoc est solutio, quia etiam dicit v. 30. *Et qui emunt, tanquam non possidentes*; sed illi qui non possident rem aliquam, non utuntur ea, ergo illi qui emunt non debent uti ea, quod falsum est.

Dicimus ergo, quod Ap. non intendit monere, ut debitum carnale sibi invicem subtrahant, cum superius dixerit: *Uxori vir debitum reddat, similiter autem & uxor viro*; neque notat similitudinem inter habentes, & non habentes in toto, sed in parte, & est sensus, *qui habent uxores, tanquam non habentes sint*, vel ad tempus, ut vacent orationi liberius, sicut dixerat supra v. 5. *Nolite fraudare invicem, nisi forte ex consensu ad tempus, ut vacetis orationi*; vel etiam semper, si placet eis continere, & possunt, & ita consilium est, quo consulit Ap. conjugatis continentiam, vel ad tempus, vel semper, & monet iterum reverti in idipsum si nolunt continere, *ne tentet vos sathanas*, idest, tentando ducat in fornicationem, *propter incontinentiam vestram*, idest quia non volunt continere, & difficile est eis nimis.

Quod autem consilium sit istud: *qui habent uxores tanquam non habentes sint*, patet ex præcedentibus verbis Ap. v. 25. a quibus ista dependent: *De virginibus autem præceptum Domini non habeo*, supple ut contineant, *consilium autem do*, supple istud idem. Causam consilii sui ponit, cum ait v. 26. *Existimo ergo hoc bonum esse propter instantem necessitatem*, illis qui sunt in conjugio: postea subdit tamen: v. 27. *Alligatus es uxori; noli quærere solu-*

tionem. Solutus es ab uxore; noli quærere uxorem: Ecce consilium prædictum. *Si autem acceperis uxorem non peccasti. Et si nupserit virgo, non peccavit. Tribulationem tamen carnis habebunt huiusmodi*, v. 28. Idest conjugati, quia oportebit eos laborare, & vigilare pro necessariis sibi, & familiæ. *Ego autem vobis parco* v. 29. Idest concedo nubere, ex quo vultis: postea subdit: *Hoc itaque dico, fratres: tempus breve est*, [*] quasi dicat, quod tribulatio carnis adest conjugatis. Itaque propter illam tribulationem vitandam dico vobis fratres breve tempus &c. [*]

Potest etiam alio modo intelligi: *qui habent uxores, tanquam non habentes sint*, idest similes eis, dando scilicet corpus suum servitio Dei, sicut illi qui non habent, licet non tantum; unde Gregor. hom. 36. in Evang. *Ille uxorem habet, quasi non habens, qui sic studet placere conjugi, ut tamen non displiceat Conditori*. Non erat ille talis, qui dixit Lucæ 14. v. 20. *Uxorem duxi, & ideo non possum venire ad cœnam Dei*. Ista expositio patet ex eo, quod sequitur: *& qui emunt tanquam non possidentes*: illi enim qui non possident res aliquas, non occupant cor suum in illis; similiter & illi, qui emunt res aliquas, non debent ex toto occupare cor suum in illis, sed in Dei servitio magis, non sicut illi, qui dixerunt in eodem cap. Lucæ: *Villam emi &c. Fuga bovum emi &c.* Intelligo autem hoc de occupatione retrahente cor a Deo, præ nimio amore rerum terrenarum, vel uxoris.

Objicit etiam hæreticus, quod dicit ibidem v. 32. Ap. *Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo*. v. 33. *Qui autem cum uxore est, sollicitus est quæ sunt mundi, quomodo placeat uxori, & divisus est*. Super hoc ita objecit: Ap. distinguit duas sollicitudines, & duas placentias, ut patet in litera. Hoc verum est. Postea addidit. Una sollicitudo est alteri contraria; ergo cum una sit bona, altera est mala, scilicet illa quæ est in matrimonio, & ita matrimonium malum est. (11)

Item volebat eos esse sine sollicitudine illa; ergo illa sollicitudo est contra voluntatem Apostoli; ergo mala est.

Item volebat eos esse sine sollicitudine illa; ergo sine uxore; ergo habere uxorem malum est.

Item Philip. 4. v. 6. dicit Ap. *Nihil solliciti sitis*; ecce, quod prohibet sollicitudinem eorum, quæ mundi sunt; ergo mala est.

Item ibi dicit Ap. quod ille, qui est cum uxore, sollicitus est quomodo placeat uxori, & e contra; sed nonne dicit Ap. Gal. 1. v. 10. *Si adhuc hominibus placerem, Christi servus non essem?* ergo ille non est servus Christi.

Item de eodem dicitur, quod *divisus est*, scilicet ab illo, qui est sollicitus eorum, quæ Dei sunt; ergo est malus, quia in membris Ecclesiæ non debet esse divisio; unde Rom. 12. v. 5. *Multi unum corpus sumus in Christo*.

Solutio. Ad primum dicitur, quod illæ duæ sol-

SS 2

lici-

[*] Defunt e Codd. Bon. & Neap.

(11) Hoc idem Pauli *ἑνὸν* opponcbant Gnostici Catholicis,

licitudines non sunt contrariæ. Cum ergo dicis hæretice, quod una est alteri contraria, quæro quomodo istud intelligis? Aut secundum essentiam, (12) aut secundum qualitatem. Si secundum essentiam dicas: dico, falsum est, nisi velis dicere quod sint contrariæ, idest quia una non est alia. Sed ex hoc non sequitur, quod si una est bona, alia sit mala. Nam Petrus & Paulus hoc modo fuerunt contrarii, quia unus non fuit alius, & tamen uterque bonus erat. Similiter bibere vinum, & non bibere, sunt contraria illo modo, & licet non bibere vinum sit bonum, tamen bibere non est malum.

Si autem dicas, quod contrariæ sunt secundum qualitatem: Quæ est ista qualitas o hæretice? Numquid bonitas, vel malitia? Si hoc dicas, dico falsum est.

Ad aliud dico, quod sollicitudo de rebus mundi erat contra voluntatem Ap. qua volebat illos esse sine sollicitudine: non tamen mala erat, quia non erat contra omnem ejus voluntatem, imo secundum aliquam voluntatem ejus erat, quia concedebat eis nubere, si volebant; ergo concedebat eis sollicitudinem eorum, quæ mundi sunt: *qui enim cum uxore est, sollicitus est quæ sunt mundi*; volebat autem unum magis, alterum autem minus.

Ad aliud autem dicimus, quod volebat eos sine uxore, si ipsi volebant; non tamen esse cum uxore malum est, sed minus bonum; unde ibi v. 38. *Qui in matrimonium jungit virginem suam, bene facit: & qui non jungit, melius facit.*

Ad aliud, quod dicit, quoniam illa sollicitudo prohibita est Phil. 4. *Nihil solliciti sitis*, dico, quod sollicitudo avaritiæ, & cupiditatis, hæc prohibita est.

Item est sollicitudo circa temporalia, & hæc est multiplex. Est enim sollicitudo providentiæ necessariorum. Hæc bona est, & necessaria in Ecclesia Dei; oportet enim Episcopum esse hospitem &c. ut habetur 1. Tim. 3. Hospitalis autem esse non potest sine sollicitudine temporalis.

Item ipse Ap. manibus suis laborans sollicitus erat circa temporalia; unde Act. 20. v. 33. & 34. *Argentum, & aurum, aut vestem nullius concupivi, sicut ipsi scitis; quoniam ad ea quæ mihi opus erant, & bis, qui mecum sunt, ministraverunt manus istæ.*

Item ipse Paulus fuit sollicitus de temporalibus ad sustentationem pauperum, ut ipse dicit Gal. 2. v. 10. ubi aliis Apostolis nominatis dicit: *Tantum, supple dixerunt Apostoli mihi, & Barnabæ, ut pauperum memores essemus: quod etiam sollicitus fui hoc ipsum facere.*

Quod autem ita sit, patet ex 2. Cor. 8. & 9. Ubi etiam laudat sollicitudinem Macedonum circa temporalia ministranda pauperibus, qui erant in Jerusalem. Insuper etiam laudat sollicitudinem Titi, & aliorum ibi circa hoc factum. Et quod de tempora-

libus agatur ibi, patet ex c. 15. ad Rom. v. 26. & 27. ubi dicit Ap. *Nunc igitur proficiscar in Jerusalem ministrare sanctis. Probaverunt enim Macedonia, & Achaja collationem aliquam facere in pauperes Sanctorum, qui sunt in Jerusalem; placuit enim eis.* Quis etiam est, qui dubitet vos Catharos non esse sollicitos de cibis, & potibus, & mercimoniis vestris? Act. 6. v. 1. *In diebus autem illis crescente numero Discipulorum, factum est murmur Græcorum adversus Hebræos, eo quod despicerentur in ministerio quotidiano viduæ eorum.*

Ad aliud dico: quod illæ duæ placentiæ non sunt contrariæ, sed ambæ possunt esse bonæ, & similiter potest homo placere Deo, & uxori. Nec obstat quod dicitur Gal. 1. v. 10. *Si adhuc hominibus placerem, Christi servus non essem.* Ipse enim dicit 1. Cor. 10. v. 33. *Et ego per omnia omnibus placeo.* Unde sciendum est, quod duobus modis potest homo placere homini, in malo aliquo, vel etiam in bono: aut propter propriam laudem; & secundum hoc dicitur: *Si adhuc hominibus placerem Christi servus non essem.* Aut propter proximi salutem, & sic dicitur 1. Cor. 10. v. 33. *Et ego per omnia omnibus placeo, non quærens, quod mihi utile est, sed quod multis, ut salvæ fiant.* Propter hoc scribens ad Rom. c. 15. v. 2. ait: *Unusquisque vestrum proximo suo placeat in bonum ad ædificationem.*

Ad aliud, quod dicit Ap. quod ille, qui est cum uxore, divisus est, dico quod verum dicit Ap. quia divisus est ab alio, sed non est divisus ab eo per malitiam, imo per curam multiplicem, quam habet de provisione familiæ; ille vero non habet tantam curam, qui est sine uxore; & tamen inde causam habet.

Quod autem dixisti hæretice, quoniam non debet esse divisio in membris Ecclesiæ, imo debet esse unum, idest unum corpus, & unam animam, five voluntatem eandem habere, ut legitur Act. 4. v. 32. Quod autem dixisti, quod non debet esse in membris Ecclesiæ divisio, mentitus es: dicit enim Ap. 1. Cor. 12. v. 11. enumeratis quibusdam donis Dei: *Hæc autem omnia operatur unus atque idem spiritus, dividens singulis prout vult.*

Adhuc etiam instat hæreticus spiritu infidelitatis vexatus, & dicit: Si homo sollicitus est eorum quæ mundi sunt, diligit ea, & si diligit ea, diligit mundum, si autem homo diligit mundum, non est perfecta charitas Dei in illo, ut dicitur 1. Jo. 2. v. 15. ergo qui habet talem sollicitudinem, non habet charitatem Dei; ergo qui habet uxorem non habet charitatem; ergo habere uxorem malum est, qui enim habet uxorem, habet illam sollicitudinem.

Ad hoc potest responderi, quod hoc modo posset probari, quod Paulus, & multi alii boni de temporalibus solliciti, fuissent in statu perditionis.

Quod autem dixisti hæretice: qui diligit mundum,

(12) Quid vero? annon licet etiam eis, qui secundum Deum placent uxori, Deo gratias agere? Annon permittitur etiam ei, qui uxorem duxit, una cum conjugio, etiam sollicitum esse de iis, quæ sunt Domini? Sed quemadmodum quæ non nupsit, sollicita est de iis quæ sunt Domini, ut sit sancta Corpore, & Spiritu; ita etiam quæ nupsit, & de iis, quæ sunt mariti, & de iis

quæ sunt Domini, est in Domino sollicita, ut sit sancta & corpore, & spiritu. Ambæ enim sunt sanctæ in Domino, hæc quidem ut uxor, illa vero, ut Virgo. Clemens Alexandrinus lib. 111. Stromat. nu. xli. pag. 551. Confessor Tatianus in Apolog. pag. 297. Edit. Lipsiens. an. 1685.

dum, non est charitas Dei in illo : istud qualiter sit intelligendum, habetur in prima parte hujus operis, in I. par. I. cap.

Adhuc instat hæreticus : *Qui cum uxore est, sollicitus est quæ sunt mundi, quomodo placeat uxori*, ut dicit Ap., talis autem adhæret mundo, qui sic adhæret uxori ; sed mundo adhærere est Deum contemnere, & ab eo fornicari ; ergo malum est matrimonium.

Respondeo : quid appellas tu adhærere mundo, vel uxori ? Si habere curam de mundanis rebus, & uxore ; ostensum est, quod illud bene potest fieri. Si autem hoc est idem, quod diligere mundum, vel uxorem : dico, quod istud malum non est, dummodo non diligatur mundus, vel uxor supra Deum, ut ostensum est in capite primo primæ partis hujus operis.

Adhuc objicit hæreticus illud I. Cor. 7. v. 35. ubi dicit Ap. *Porro hoc ad utilitatem vestram dico : non ut laqueum vobis injiciam, sed ad id quod honestum est, & quod facultatem præbeat sine impedimento Dominum observandi* : & est sensus : ego consului vos non nubere, & hoc ad vestram utilitatem dixi, scilicet ut vitetis necessitatem conjugum, non ut laqueum vobis injiciam : quasi diceret, si grave vobis videtur continere ex toto, non dico quod non nubatis, ne dem vobis occasionem cadendi in laqueum fornicationis ; sed hoc dico ad id, quod honestum est, idest propter vestram honestatem, quæ est esse in omnimoda castitate. Ex hoc concludit hæreticus ; ergo non esse in omnimoda castitate inhonestum est.

Hoc non valeat, ut sæpe dictum est : bonum est non bibere vinum ; ergo malum est bibere vinum. Similiter nec illud, quod modo dixisti. Dico ergo quod matrimonium honestum est, sed esse in omnimoda castitate honestius est. Et sicut bonum ponitur pro melius, cum dicit Ap. I. Cor. 7. v. 1. *Bonum est homini mulierem non tangere*, ut patet, ex eo quod dicit Ap. v. 38. *Igitur & qui matrimonio jungit virginem suam, bene facit, & qui non jungit, melius facit*, ita etiam hic ponitur honestum pro honestius. (13)

Item, objicit hæreticus illud, quod sequitur in v. 35. *& quod facultatem præbeat sine impedimento Dominum observandi* ; illud autem est esse in omnimoda continentia, & ita esse in matrimonio, impedit obsecrationem ; ergo malum est.

Solutio. Ministrare mensis impediabat verbi prædicationem, ut habetur Act. 6. v. 3., ergo erat malum. Quomodo ergo statuerunt Apostoli septem viros ad hoc officium, ut ibi habetur ? Nonne & dor-

mire impedit orationem ? Ergo est malum. Dico tamen, quod non impedit orationem, sed facultatem, idest facilitatem orandi Dominum ; facultas enim a facili derivatur. Ista facilitas non habetur ex conjugio, sed sine eo : propter hoc dicit Ap. quod facultatem præbeat. Uterque tamen habet potentiam orandi Dominum, sed unus facilem, alius autem non facilem.

Item objicit hæreticus illud 2. Cor. 6. v. 4. *In omnibus exhibeamus nos metipsos sicut Dei ministros*, & inter illa dicit v. 5. *in castitate*.

Item Gal. 5. v. 23. dicitur, quod fructus spiritus est castitas.

Item ibi v. 20. dicitur, quod fornicatio, immunditia, impudicitia, luxuria, &c. sunt opera carnis.

Item c. 6. v. 8. dicitur : *Qui seminat in carne sua, de carne & metet corruptionem*.

Item ad Philip. 4. v. 8. *Quaecumque pudica ... hæc cogitate*.

Item Coloss. 3. v. 5. *Mortificate ergo membra vestra, quæ sunt super terram, fornicationem, immunditiam, libidinem, concupiscentiam malam &c.*

Item Hebr. 12. v. 14. *Pacem sequimini cum omnibus, & sanctimoniam*, idest castitatem, sine qua nemo videbit Deum.

Item Jacobi 3. v. 17. *Quæ autem de sursum est sapientia, primum quidem pudica est*, idest pudica faciens. Ex his voluit hæreticus, quod in matrimonio non sit salus, credens quod ibi non sit castitas aliquo modo, sed fornicatio, & immunditia.

Ad hoc Resp. quod hæreticus falsum ponit, cum ait, quod actus viri cum uxore sit fornicatio, cum dicat Ap. I. Cor. 7. v. 2. *Propter fornicationem autem unusquisque suam uxorem habeat, & unaquæ suum virum habeat*, & subintelligitur vitandam. Similiter dico, quod non est immunditia, vel impudicitia, vel luxuria. Numquid enim de immunditia materiali loquitur Apostolus ? Dico quod non. Proba tu, quod loquatur de ea.

Præterea quæ differentia est inter illa quatuor, quæ ponit Ap. ad Gal. inter opera carnis, *fornicationem, immunditiam, impudicitiam, luxuriam* ? Ego dico, quod fornicatio est soluti cum soluta, luxuria autem ibi sumitur pro adulterio ; immunditia est cum quis se ipsum polluit, impudicitia quando masculus cum masculo, vel femina cum femina turpitudinem operatur, & dicitur impudicitia, quia sine pudore est, qui hoc agit ; si enim pudorem haberet, sicut deberet habere in hoc facto magis, quam in aliis, non faceret illud.

Ad

(13) Hinc Sancti Patres, imprimisque Athenagoras *Apolog.* pag. 299. Satiùs esse virginitatem colere ajunt, quamvis bonum etiam sit matrimonium. Quamobrem Catholici omnes rem ab Apostolo dictam, repetitamque a Patribus vehementer probant. Probata item fuisse a Manichæis veteribus contendit Isaacus Beaufobrius *Lib. VII. Cap. IV. num. 3. pag. 473. seqq.* Conjugium namque non prohibitum, sed consideratum ut imperfectionis quendam statum, ferendum æquo animo ob humanam imbecillitatem a Manichæis fuisse putat. Hortatos autem fuisse ab hæreticis illis Auditores suos, ut ne matrimonio sese conjungerent, coactos autem numquam. Quare cum hoc idem agere Catholici soleant, cum suis Ecclesiasticis, concludit Manichæos a nostris minime discrepasse. Verumtamen nos clarissimis documentis cum notatio-

ne I. tum II. evicimus a Manichæis nuptias fuisse rejectas, estimatumque peccatum esse procreationem filiorum. Uti vero circuitione quadam verborum Faultum, neque rem ita uti se habebat, explicare velle. Sed ut magis magisque constet nuptias fuisse a Manichæis damnatas, quamvis tamen toleratas, ne majus flagitium perpetrarent, qui erant eorum sectæ addicti ; animadvertendum est, Paulicianos, qui a Manichæis religiose disciplinam acceperant, habuisse quidem uxores, sed reprobasse conjugia, quod arbitrarentur scelus esse filiorum procreatione illigare virtutem Dei materiæ. Vide *Hiverar. Tollii pag. 141. & 149.* Quæ cum ita sint, quis non videat longe diversam esse Manichæorum a Catholicorum de matrimonio celebrando sententiam ?

Ad illud autem, quod dixit, quoniam non est castitas in matrimonio carnali, similiter dico, quod falsum locutus est hæreticus. Unde sciendum est, quod est castitas omnimoda, quam tenentur servare illi, qui eam voverant in Ecclesia Dei; unde 1. Tim. 5. v. 11. dixit Ap. Timotheo: *Adolescentiores autem viduas evita*, (14) idest ne recipias eas ad votum castitatis de facili: *cum enim luxuriata fuerint*, idest cum vixerint delitiose in Ecclesia, & de rebus ejus, *in Christo nubere volunt*, idest secundum Christum volunt contrahere matrimonium, hoc est, ac si esset licitum, & non contra Christum: *habentes damnationem, quia primam fidem irritam fecerunt*, idest votum castitatis, quod prius emisserunt, rumpunt. Ne ergo hoc contingat: *Volo juniores nubere, filios procreare, matres familias esse, nullam occasionem dare adversario maledicti gratia*, v. 14. Idest causam maledicendi. Quod autem dicit v. 15. *Jam enim quaedam conversæ sunt retro satanam*, intelligitur quod rumpunt votum. Est etiam alia castitas, scilicet conjugalis, ad quam tenentur conjugati, scilicet ne vir ad aliam, aut uxor ad alium accedat, sed invicem sibi fidem servant. De hac dicit Ap. Tit. 2. v. 4. & 5. *Doceant adolescentulas suas, ut viros suos ament, filios suos diligant. Prudentes, castas, sobrias, domus curam habentes, benignas, subditas viris suis, ut non blasphemetur verbum Dei*. Sunt etiam alii, quibus Ap. non præcipit, sed consulit castitatem omnimodam tenere, licet non voverint, de quibus dicit 1. Cor. 7. v. 8. & 9. *Dico autem non nuptis, & viduis: bonum est illis si sic permaneant, sicut & ego*. Quod si non continent, nubant; *Melius est enim nubere, quam uri*, quod prius expositum est. Et iterum v. 25. *De virginibus autem præceptum Domini non habeo, consilium autem do*. Ex his patet solutio ad prius objecta. Dico enim quod in matrimonio potest esse prædicto modo pudicitia, sive castitas, sive sanctimonia, quod idem est, dummodo honeste utatur sua.

Quid autem sit dicendum ad illud verbum Gal. 6. v. 8. *Qui seminat in carne sua, de carne & metet corruptionem*. Dico quod iste non seminat in carne, sicut nec ille, qui comedit ad Dei gloriam, vel si unus, etiam alius. Caro enim dicitur voluptas carnalis, quæ aliquem movet ad opus carnale cum uxore: boni autem conjugati non illam quærunt, non propter illam junguntur, nec illa movet eos ad opus illud, quod est inter virum, & uxorem, alioquin peccant, ut ostensum est in præcedentibus. Nolo defendere quod malum est.

Quod autem non seminant in carne, qui non junguntur pro carnali voluptate, patet ex eo, quod messis seminationis in carne, est corruptio, idest æterna damnatio; boni autem conjugati, qui junguntur ut filios faciant ad honorem Dei, metunt salutem æternam; unde 1. Tim. 2. v. 15. dicitur: *Salvabitur autem mulier per filiorum generationem*. Item vitant corruptionem, idest fornicationem, unde 1. Cor. 7. v. 2. *propter fornicationem autem, unusquisque suam uxorem habeat, & unaquæque suum virum habeat*. Hæc autem quærit Spiritus Sanctus, scilicet vitationem fornicationis. Unde dico quod iste ducitur spiritu, non carne, idest carnali voluptate, unde suum seminium est in spiritu, idest per spiritum, vel a spiritu, sic enim fumitur *in propter*, vel *pro a*, sicut etiam 1. Cor. 12. v. 8. *Alii quidem per Spiritum datur sermo sapientiæ, alii autem sermo scientiæ secundum eundem spiritum*, idest per eundem spiritum, *alteri fides in eodem spiritu*, idest per eundem spiritum, vel a spiritu. Similiter cum dicitur *qui seminat in carne*, idest per carnem, idest si a carne, sive carnali voluptate movetur ad aliquod agendum, de carne metet corruptionem.

Objicit hæreticus illud Eph. 5. v. 25. *Viri diligite uxores vestras, sicut & Christus dilexit Ecclesiam*; sed Christus non concubuit cum Ecclesia; ergo nec vos debitis concumbere cum uxoribus vestris.

Solutio. Dico tibi, quod Ap. non dixit illud verbum ad imponendam omnimodam continentiam conjugatis, cum alibi dicat 1. Corinth. 1. v. 2. *Uxori vir debitum reddat: similiter autem & uxor viro*.

Item 1. Tim. 2. v. 15. *Salvabitur mulier per filiorum generationem*, sed dicit illud ad notandam firmitatem, & vehementiam dilectionis inter conjugatos, exemplo dilectionis Christi ad Ecclesiam; unde statim sequitur: *& se ipsum tradidit pro ea*. Similiter dico quod vir, si opus esset, deberet se tradere morti pro salvanda uxore.

Ad idem etiam objicit hæreticus illud 1. Tessal. 4. v. 3. 4. & 5. *Hæc est enim voluntas Dei, sanctificatio vestra: ut abstineatis vos a fornicatione, ut sciat unusquisque vestrum vas suum possidere in sanctificatione, & honore, non in passione desiderii, sicut & gentes quæ ignorant Deum*. Ex hoc vult hæreticus omnem coitum fornicationem esse, & ita nullus potest salvari in conjugio.

Solutio. Ex hoc non habetur, quod coitus matrimonialis fornicatio est. Et quod non sit fornicator ille, qui est matrimonialis, patet ex illo verbo: *Propter fornicationem autem unusquisque suam uxorem ha-*

(14) Negari non poterat, quin Apostolus Paulus voluerit, ut qui rebus sacris essent addicti cœlibem vitam ducerent. Quare ad *Timoth. Epist. 1. Cap. v. v. 9.* „ Vidua, inquit, eligatur „ non minus sexaginta annorum, quæ fuerit unius viri uxor „ Viduas autem dicit, quarum aliquod erat in Ecclesia munus. Eas autem castas, atque etiam a connubio liberas esse vult, alioqui vidua uxorem unius viri non postularet. Porro præscribit, ut ne minor sit sexagenaria. Non enim fudit adolescentioribus, quod cum luxuriata fuerint, in Christo nubere volunt. Habentes damnationem, quia primam fidem irritam fecerunt. Unde colligitur solemnem tunc temporis a viduis promissionem de castitate servanda Deo fieri consuevisse, ac votum quoddam, quod si irritum fecissent, in damnationem incurrebant. Veluti sapienter animadvertit Moneta Sanctos Patres Auctores sequutus,

præsertim autem Tertullianum *Lib. de Monogamia Cap. XIII. pag. 533.* quamvis hic multa adjuvat, quæ minus castigata sint, desistantque ad Montanismum; Auctorem Constitutionum Apostolicarum *Lib. II. Cap. I. seq.* Cyprianum, Chrysostomum, Ambrosium, Epiphanium, Occumenium, Theophylactum, aliosque quos recenset Grotius in *Not. ad Cap. v. v. 12. Epist. ad Timoth.* Si ergo viduæ, quæ rebus sacris erant addictæ, sine ulla temeritate, Deo castitatem suam vovebant, quid est, quod Episcopi, & Presbyteri, ceterique omnes ministri rerum sacrarum, non possint, neque debeant vitam cœlibem ducere, quin temeritatis, redarguantur? Eo dico, quo videam hæreticos juniores iniquos esse Episcopis nostris, Presbyteris &c. propterea, quod castitatem servare promittant. Sed de hoc alias.

habeat, &c. Monet ergo Ap. & præcipit abstinere a non sua tantum, cum dicit a fornicatione.

Item ad non abutendum sua, cum dicit: *Ut sciat unusquisque vas suum*, idest uxorem suam, possidere in sanctificatione, & honore. Et in sanctificatione dicit pro tempore abstinendi a sua, & honore, honeste, scilicet se habendo cum ea, non turpiter. Quod autem sua dicatur uxor patet ex eo, quod Petrus ait Ep. I. c. 3. v. 7. *Viri similiter cohabitantes secundum scientiam, quasi infirmiori vasculo muliebri impartientes honorem*, scilicet in vestibus, & aliis necessariis ad victum & vestitum.

Sed ipse objiciet dicens: Nonne ibi est passio desiderii?

Et ego dico ei: nonne in comedendo cibum bene paratum est passio desiderii? utique. Numquid propter hoc peccatum est in comedente. Non, dummodo propter voluptatem non comedatur; hæc est enim illa passio, quæ si desideratur, & quæritur, malum est: similiter in cognoscendo uxorem, dummodo non cognoscatur pro illa passione, dummodo illa non desideretur, non est peccatum. (15)

Objicit etiam hæreticus illud 1. Tim. 5. v. 15. *Volo ergo juniores nubere*: & quæsit utrum Ap. loqueretur de existentibus in Christo, quæ sunt Christianæ, an non? Si primo modo, contra hoc dicit hæreticus. Vide quod dicit Ap. de eis, quoniam *nubere volunt habentes damnationem*, si hoc habent; ergo non sunt in Christo illæ quo volunt nubere.

Solutio. Dico, quod loquitur de nubentibus existentibus in Christo: volo ergo juniores nubere, & istæ Christianæ erant, & bonæ mulieres, volentes in matrimonio Deo servire, quæ votum castitatis omnimode non fecerunt.

Quod autem hæreticus contra hoc objecit, contrarium non fuit; quia illud verbum, quod dicit Ap. *cum enim luxuriatæ fuerint*, idest cum delicate vixerint in Ecclesia, *in Christo nubere volunt*, idest ac si non esset contra Christum, intelligitur post emissionem voti, idest de eis, quæ votum fecerunt omnimodæ castitatis, (16) quod patet ex eo quod subdit Ap. *habentes damnationem*, quare? *quia primam fidem irritam fecerunt*, idest votum castitatis, quod prius fecerunt, fregerunt; unde & infra subdit v. 15. *Jam enim quædam conversæ sunt retro Satanam*. Illud ergo volo juniores nubere intelligitur de illis, quæ nondum fecerunt votum.

[*] (17) Ad idem inducunt illud Hebr. 13. v. 4. *Honorabile connubium in omnibus, & thorus immaculatus*, dicentes, illud non posse intelligi de corporali matrimonio.

Sed hoc falsum est, cum dicat Ap. 1. Cor. 7. v. 2. *Propter fornicationem autem unusquisque suam uxorem habeat*, propter fornicationem dico, idest, propter maculam fornicationis vitandam; unde dicit, & *thorus immaculatus*, hoc enim honorabile est.

Item propter vitandum judicium fornicatorum, & adul-

(15) Sapienter Tertullianus lib. I. *Contra Marcionem cap. xxix.* pag. 380. „Non ideo autem, inquit, & cibi damnabuntur, „quia operosius exquisiti in gulam committunt; sic nec matri- „monii res ideo despiciuntur, quia intemperantius diffusæ in lu- „xuriam inardescunt. Multum differt inter causam & culpam, „inter statum, & excessum. Ita hujusmodi, non institutio, „sed exorbitatio reprobanda est, secundum censuram institu- „toris ipsius; cujus est tam crescere, & multiplicamini, quam „& non adulterabis &c.

(16) Isaacus Beaufobrius Lib. VIII. *Hist. Manichæor. cap. IV. num. ix. Tom. II.* Idem omnino de cœlibatu, & Matrimonio sensisse ait, id ætatis Catholicos. Nam ut illi non interdicerant suis auditoribus nuptias, ita ne nostri quidem laici prohibent; utque cavent nostri ne quis Episcopus, aut rebus sacris qualibet ratione addictus Matrimonium contrahat, ita illi electos deterrebant, a conjugio celebrando. Quare hoc inter nos, & Manichæos veluti parallelum constituit. 1. *Ordini Sacerdotali* prohiberi a nobis conjugium, quod illud sit status imperfectionis, qui minus aptos reddat ad functiones Ecclesiasticas, uti par est peragendas. 2. *Quia Matrimonio conjuncti, cum sint in carne, non possunt placere Deo*. 3. *Quia non sunt digni accedendi ad altare, tangendi hostiam immaculatam, intercedendique pro populo*. Id vero totum quantum est respondere omni ex parte rationibus, quibus Manichæi inducti electos suos a nuptiis deterrebant. Sed quam impudentem, quam falsum se prodant Beaufobrius, paucis evincam. Imprimis Manichæi, idcirco electos suos a nuptiis avocabant, quod malas esse arbitrarentur; ut ostendi notatione I. id vero Catholici averfantur. Deinde non ita se habent nominata, quæ Catholicos impellunt, ut altaris ministros a Matrimonio revocent ut a Beaufobrio exprimuntur. Nos enim Apostolum auctorem sequimur, pugnamusque satius esse cœlibem vitam ducere, quod tum homo cogitet quæ Domini sunt, quomodo placeat Deo; nec divisus sit, id quod præcipue ministris Altaris debet competere. Nam si viduas, quæ aliquod munus in Ecclesia exercerent, ut animadverti notatione XIV. promittere Deo castitatem volebat Apostolus, ut sanctius possent rebus sacris vacare, non video, cur hoc idem Episcopos, ceterosque sacrorum ministros non deceat. Rursus si Apostolus cap. VII. *Epist. I. ad Cor.* hortatur conjugatos, ut ad tempus, quo vacant orationi, a concubitu sibi temperent, multo magis iis id congruat necesse est, qui continenter altari inserviunt. Neminem

porro adstringit Ecclesia, ut Sacerdos sit, neve ut castitatem, virginitatemque profiteatur; sed ubi quisquam cœlibem vitam ducere vovit hunc peccare contra Deum, cui promisit, putat: velut etiam Apostolus dixit viduas, quæ post professionem nubere audebant, *damnationem habuisse quia irritam faciebant primam fidem*. Quodsi Catholicis præclare convenit cum Manichæis, conveniat item cum iisdem hæreticis Apostolo necesse est; quo quid dici potest absurdius? Sed quemadmodum Paulus hæreticos, qui in novissimis temporibus futuri erant, ac prohiberi nubere damnat, ita nos Manichæos reprobamus, qui scelus esse censebant Matrimonio sese conjungere, ut notatione I. observavi. Neque vero Beaufobrius demonstrare poterit, cœlibatum electorum a Manichæis non ut præceptum, sed ut consilium fuisse habitum. Etenim, quod assert ex Augustini Lib. V. *Contra Faustum Cap. IX.* not. I. ut oscitanter ille, qui probet consilia in idem atque sublimiora præcepta Manichæorum recidere; ad rem non pertinet. Neque enim Manichæorum, sed suo sensu eas voces adhibet Augustinus. „Quam multi, inquit, in „nostra communione veraciter faciunt ista sublimiora præcep- „ta Evangelica. Ceterum Manichæi ad vitam æternam consequendam necessariam esse putabant observationem præceptorum ejusmodi, quæ consilia nos appellamus. Nam si Augustino, cujus testimonio Beaufobrius ipse abutitur, fides est adhibenda: *suis auditoribus Manichæi nisi eadem præcepta coluissent, non resurrectionem, sed revolutionem ad istam mortalitatem promittebant, ut rursus nascerentur, vitæque viverent electorum*: Ibid. Cap. X. Quimobrem neminem eorum, qui uxores haberent, procrearentque liberos salutem æternam adipisci posse Manetis a seclæ arbitrabantur, nisi aliquando his dimissis atque neglectis, cœlibem, atque electorum propriam vitam degerent. Deinde falsus est Beaufobrius, cum Catholicos carpit, quasi vero idcirco a Sacerdotibus cœlibatum postulent, quod censeant matrimonio conjunctos, atque adeo in carne degentes Deo placere non posse. Nos enim Græcos Presbyteros, qui in nostra communione versantur, placere Deo posse contendimus, tametsi uxores habeant; sed longe magis ad decus altaris conducere arbitramur vitam cœlibum ministrorum, quare eos qui sacris initiari desiderant, ad Sacros Ordines non admittimus, nisi prius Deo voveant perpetuam castitatem.

[*] Quæ duobus asteriscis comprehendimus, desunt ex Cod. Bonon. & Vatic.

& adulterorum, unde subdit: *Fornicatores enim, & adulteros judicabit Deus*, non enim est fornicatio, vel adulterium cum sua, sicut innuit Ap. dicens: *Propter fornicationem autem unusquisque suam uxorem habeat*. Nec potest dicere hæreticus illud sic esse intelligendum, propter fornicationem, sic enim c. 6. v. 18. Dixerat. *Fugite fornicationem*. *Omne peccatum quodcumque fecerit homo, extra corpus: qui autem fornicatur, in corpus suum peccat*. [*]

Ad idem etiam objicit hæreticus illud Apoc. 14. v. 1. 2. 3. & 4. *Et vidi: & ecce Agnus stabat supra montem Sion, & cum eo centum quadraginta quatuor millia habentes nomen ejus, & nomen Patris ejus scriptum in frontibus suis. Et audiui vocem de cælo, tanquam vocem aquarum multarum, & tanquam vocem tonitruum magni: & vocem quam audiui, sicut citharædorum citharizantium in citharis suis. Et cantabant quasicanticum novum ante sedem, & ante quatuor animalia, & seniores: & nemo poterat dicere canticum, nisi illa centum quadraginta quatuor millia, qui empti sunt de terra. Hi sunt qui cum mulieribus non sunt coinquinati: Virgines enim sunt. Hi sequuntur agnum quocumque ierit. Dixit autem quod per totum numerum intelligitur numerus salvandorum, præter quos nemo poterat dicere canticum novum, idest dominicam orationem: Hi sunt qui cum mulieribus non sunt coinquinati: Virgines enim sunt. Hi sequuntur agnum quocumque ierit, idest Christum. Illi ergo, qui in matrimonio sunt, non possunt dicere canticum illud, nec sequuntur Christum, & ita matrimonium malum.*

Sol. Dico: quod prædictus numerus mysterium habet, & non significat numerum salvandorum, sed numerum virginum, qui sequuntur agnum, animi, & corporis integritate; præter quos nemo potest dicere canticum novum, idest cantare, sive exultare de novitate, idest integritate tam corporis, quam animæ; unde subdit: *Hi empti sunt ex hominibus primitiæ Deo, & agno*. Sicut enim ex grege melior agnus, & ex frugibus meliores manipuli, idest primitiva eligeantur; ita ex collegio Ecclesiæ, Christus Virgines eligit, ut aliis meliores. Sunt enim diversi status salvandorum in Ecclesia, scilicet rectores, continentes, & conjugati, de quibus habetur Mat. 24. *Duo in agro... duo in mola, & duo in lecto*. Ager Ecclesiam significat, in qua sunt duæ differentię prædicatorum in ea, velut in agro colendo laborantiam: quidam enim sincere Christum annuntiant; quidam vero verbum Dei adulterant. Mola quæ circuitum habet, curam, & sollicitudinem, quam habent conjugati significat; ideo etiam significatur fæminino genere, ut notetur, quia eorum regimen dependet a prædictis, sicut mulierum regimen dependet a viris suis. Lectus vero, qui locus est otii, significat quietam continentiam ex toto, qui sine sollicitudine eorum, quæ mundi sunt, libere cogitant, quæ Dei sunt: quorum unus assumitur, quia propter Dominum continere studet, alter relinquitur, quia pro humana laude, vel alia mala intentione continet. Significatur autem per tres viros quos vidit Ezechiel c. 140. 14. liberaturos animas suas per justitiam, scilicet Noe, qui arcam rexit, prælatos,

sive rectores Ecclesiæ significat, Daniel continentes, Job conjugatos.

Præterea, si ibi describitur numerus salvandorum, & de iis dicitur: *hi sunt qui cum mulieribus non sunt coinquinati* &c. nullus ergo qui fuit in matrimonio carnali, vel qui cum muliere coinquinatus fuit salvatus.

Præter prædicta testimonia quibus utitur hæreticus ad matrimonium contemnendum, utitur etiam testimonio quodam Veteris Testamenti. Levit. 15. *Qui coiverit cum uxore sua immundus erit usque ad vesperam*.

Legitur etiam Ex. 19. v. 15. *Estote parati in diem tertium, & ne appropinquetis uxoribus vestris*. Super hæc dixit hæreticus. Si illi Veteris Testamenti qui appropinquabant uxoribus, immundi erant, quanto magis illi de Novo Testamento?

Sol. ad hoc ultimum est quod Ex. 19. propterea prohibitum fuit eis appropinquare uxoribus suis, non quia peccatum esset eis appropinquare, sed propter majus bonum, ad quod eos invitabat; scilicet ad reverentiam legis, & dignitatem ejus ostendendam, jubebat eis etiam ab eo quod erat licitum abstinere ad tempus. Fuit etiam istud factum ad ostendendum, quod lex Dei amoris uxoris præferenda est. Non sic ille qui vocatus ad cœnam noluit venire. Cœna illa lex Divina: *Non enim in solo pane vivit homo, sed in omni verbo, quod procedit de ore Dei* Matth. 4. v. 4. fuit ergo illud mandatum in figuram, qua figuraretur lex Dei præferenda uxori.

Ad illud quod objicitur de Levitico, dico quod non est verum, quod jacens cum uxore sua esset immundus usque ad vesperam: hoc nusquam reperies; concedo tamen quod immundus erat, quando jacebat cum ea patiente menstrua, ignoranter tamen, peccatum enim erat ei jacere cum menstrua, etiam ignoranter, quia forte non adhibuerat diligentiam, quam poterat. Si enim scienter cognovisset, peccasset mortaliter. Ita etiam dicunt Judæi.

Præterea dico tibi, illa immunditia non erat spiritualis, sed tantum corporalis, non enim erat peccatum, dummodo uxor ejus non pateretur menstrui sanguinis fluxum.

Objicit etiam hæreticus illud David Psalm. 10. v. 1. *Ecce enim in iniquitatibus conceptus sum, & in peccatis concepit me mater mea*; materialis ergo conjunctio viri cum uxore iniqua est, & peccatum.

Solutio. Illa iniquitas, & peccatum, non est referenda ad parentes, sed ad prolem; non enim dixit esse in iniquitatibus suis, sed meis, quasi diceret, ego cum fui conceptus, fui in iniquitatibus peccati originalis, & statim cum mater mea peperit me, fui in peccatis originalibus; & hoc est quod dicit Ap. Eph. 2. v. 3. *Eramus natura filii iræ*, idest a nativitate, hoc est a tempore quo nati sumus in utero, vel ex utero. Unde autem veniat peccatum originale dictum est supra in hac eadem parte hujus operis in cap. de baptisate.

Istud autem sciendum, quod hic ablativus *natura* non dicit causam iræ Dei, nativitas enim in utero, vel ex utero, non est causa iræ Dei; sed peccatum originale, notat tamen ille ablativus conco-

mitantiam, esse enim filium iræ Dei concomitatur illam nativitatem, in his, qui non replentur Spiritu Sancto ex utero matris suæ.

§. II.

Solvuntur rationes quas contra hoc Sacramentum congerunt hæretici.

Non solum autem testimoniis Scripturarum, sed etiam rationibus quibusdam phantasticis innitebatur hæreticus, & dicebat: Si conjugati aliqui filii Dei sunt, & membra Christi, & templum Spiritus Sancti, & si matrimonium est bonum, & sanctum, quomodo generant homines ex se, & ex matrimonio filios diaboli?

Præterea, si essent Dei filii, deberent generare filios Dei; pueri vero filii diaboli sunt, quod videtur ex eo, quod dicit Ap. Eph. 2. v. 3. *Eramus natura filii iræ.*

Præterea, si fructus malus est, & arbor mala est, sed fructus matrimonii malus est, scilicet puer, qui est in peccato originali natus ex matrimonio; ergo matrimonium malum est. (17)

Solutio. Ad primum dico, quod pueri filii Dei sunt quoad esse suum, quo autem ad peccatum originale non sunt filii Dei, imo filii iræ Dei, quod eis iratus existit, quoad hoc, quia si non baptizantur, & moriantur, sic Deus non dat eis gloriam suam, omnes enim peccaverunt, & egent gloria Dei; idest omnes peccatum originale contraxerunt ex Adam, propter quod egent Dei gloriosa misericordia.

Ad illud, quod dixit hæreticus, quomodo boni parentes generant filios diaboli, caute respondendum est, & dicendum ei, per quem modum velit dicere puerum esse filium diaboli, vel quoad esse, vel quoad generationem essentiae ejus, vel quoad potestatem nocendi ei, vel quia in eo sit, vel quia

est filius peccati, & habens in se peccatum, cujus prima origo fuit diabolus, quia fuit origo peccati Adæ, qui fuit origo generis humani? Si primis quatuor modis, dico non est verum; si ultimo modo, dici potest, quod aliquid in eo habet, scilicet peccatum originale, cujus prima origo vere diabolus fuit: tamen pater & mater pueri non generant filium diaboli, idest peccati: generant quidem filium, sed non filium peccati, vel diaboli, idest generando eum non faciunt, quod sit filius illius, non enim ex concubitu patris & matris est habens illud peccatum, sed ex peccato primorum parentum, quod ex diaboli suggestionem processit; unde & peccatum originale exivit ex eadem suggestionem.

Ex his patet solutio ad ultimum obiectum, puer enim in quantum est habens peccatum originale, & in quantum malus illo peccato, non est fructus matrimonii, sed peccati primorum parentum. Quomodo autem intelligenda sit auctoritas illa, *eramus natura filii iræ*, expositum est supra.

[*] Item objiciet: Puer nascitur de peccato; ergo actus matrimonialis peccatum est.

Resp. Ubi invenis, quod de peccato natus sit? Hoc nusquam reperies.

Præterea, de quo peccato dicis eum natum? Si de concubitu parentum: Dico non est verum, quod ille sit peccatum.

Si autem dicas illud contra me: *in iniquitatibus conceptus sum, & in peccatis concepit me mater mea.* Psal. 50. v. 7.

Dico: non dixit de iniquitatibus, sed in iniquitatibus, idest cum eis, & loquitur in persona humani generis, quia nascitur cum originali in utero matris, & ex utero similiter. De hoc etiam supra habitum est parum ante. [*]

Ad illud autem, quod dixit, si conjugati essent filii Dei deberent generare ex se filios Dei, dico: quod non est verum, parentes enim nec possunt conferre, nec conferunt eis nasci nativitate spiri-

T t

tua-

(17) Simile quidpiam ex Catholicorum doctrina colligit Beaufobrius l. c. num. 4. Concludi namque ex ea posse contendit matrimonii damnationem. Nam pugnant, inquit. 1. Catholici animam esse substantiam spirituales, immortalem, & a corpore discrepantem. 2. Deum creare immediate animam, puram, sanctam, & omnino innocentem. 3. Virtute legis a Deo jam inde ab initio constitutæ, statim atque corpus est satis apte suis instructum organis, creari a Deo animam, quæ corpori vitam, communicet, conjungi porro eam corpori ita, ut duæ substantiæ unum compositum, personamque unam constituent. 4. Animam innocentem, sanctamque in sua origine, ubi conjuncta corpori est, infici originali peccato, subiaci morti æternæ, atque a manibus Dei excedere, transireque in diaboli potestatem. His positis sic argumenti concludit sententiam: qui fieri potest, ut ea probetur institutio, quæ animam puram constringit corpori infecto conjungi, & vitari? Quod si hæc non officiant, quo minus matrimonium a Catholicis probari quis dicat, ne opiniones quidem Manichæorum in causâ esse poterunt, cur ab illis nuptias fuisse damnatas putemus. Sed res est omnino dissimilis. Nam Manichæi nuptias damnabant, ut ostensum est *Notatione* I. falsis hæc, atque hæreticis rationibus ducti. I. Quod caro mala sit, a malo Deo condita. 2. Quod scelus sit virtutem Dei in materia detinere, atque ita impedire materiæ malæ destructionem. 3. Ne fas esse naturam malam, animæ, seu virtute, ut agebant Dei, colligere. *Vide Not. I.* Catholici contra, & corpus, & animam bonam esse, & a Deo procreatam defendunt. 4. Animam quidem puram a Deo conditam, sed permissu Dei, ob peccatum primorum parentum, simulatque conjungitur corpori vitari peccato originali; quod ita in scripturis, præsertimque in Pauli Epistolis legant,

vetusque Ecclesiæ traditio postulet, veluti jam a multis demonstratum est. Provisum autem jam usque a principio fuisse, ut Sacramentis hoc tantum malum tolleretur; ut quemadmodum per unum hominem peccatum intravit in mundum, per alium etiam hominem simul ac Deum Christum gratia conferretur, excindereturque peccatum. Non ergo malas esse nuptias, sed bonas, quod Christus eisdem interfuerit, quod Paulus eos infestetur, qui nubere prohiberent, quod alioqui genus humanum interiret. Etsi autem ratione naturæ intelligi peccatum originale nequeat, credendum tamen esse, propterea quod Scriptura divinitus revelata illud dari confirmet. Nam in rebus nostræ religionis non tam rationis, quam auctoritatis momenta quaerenda sunt. Quod si ex Catholicorum sententia sequitur malas esse nuptias, sequatur item ex Pauli doctrina necesse est, qui peccatum originale passim commemorat. Id autem non placet Beaufobrio. Jam vero quamvis ratio non perciperet quemadmodum jungi peccatum originale cum licito matrimonio possit, non inde continuo sequeretur alterutrum: nempe aut non dari peccatum ejusmodi, aut nuptias esse reprobandas. Etenim si res naturæ ratio ipse quomodo neantur nequit percipere, ut est animæ, seu spiritus cum corpore nostro conjunctio; nec tamen inde concluditur falsum esse animum esse corpori nostro conjunctum, quod vis ingenti nostri limitata sit, neque consilia, rationesque Creatoris homo perspectas habere possit; multo minus in rebus revelatis, quæ vim notionemque nostram superant, hoc sibi jus tribuere quisquam debet, ut falsa esse putet, quæ unius rationis præsidio percipere ipse non possit.

(**) Desunt hæc in *Bon.* & in *Vatic.*

tuali, five nativitate gratiæ, cum homo non det gratiam, unde 1. Cor. 3. v. 7. *Itaque neque qui plantat est aliquid, neque qui rigat, sed qui incrementum dat Deus*, ut ostensum est in cap. de Baptismo.

Ad huc etiam nititur hæreticus matrimonium reprobare dicens: quod Ecclesia Romana puerperam immundam judicat, & quasi paganam usque ad Misericordiam diei ultimæ suæ purificationis.

Item dicit, quod puer, qui inde nascitur, cum dæmone nascitur.

Item dicit, quod Ecclesia Romana non facit differentiam inter pueros natos ex matrimonio, & alios, qui non sunt nati ex eo, imo ambos judicat malos, unde videtur, quod non sit differentia inter matrimonium, & non matrimonium, sed utrumque malum sit.

Solutio. Mulier puerpera non censetur immunda ab Ecclesia Romana immunditia spirituali, quæ est peccatum, sed quadam immunditia materiali menstrualis sanguinis, propter quam honestum est, quod abstergeat ab ingressu Ecclesiæ, usque dum purificetur; sed non est illicitum ei ante ingredi Ecclesiam, tamen quod non ingreditur, hoc fit ad imitationem Matris Christi, nec censetur tanquam pagana, & licitum est viro ad eam accedere, postquam cessaverit menstruus sanguis effluere.

Quod autem dixisti, quod puer nascitur cum dæmonio, dico falsum est, proba hoc.

Si objicies, quod Ecclesia in exorcismo dicit; *Exi ab ea Spiritus immunde*, hoc solutum est in cap. de Baptismo.

Ad illud, quod dicis, quod Ecclesia Romana non facit differentiam, inter pueros natos ex matrimonio, & alios qui non sunt nati ex eo, imo ambos judicat malos: dico quod verum est quoad peccatum originale, quod in utroque est, nec debet ibi differentiam facere, quia non est ex concubitu matrimoniali, vel non matrimoniali peccatum originale, sed quia *per unum hominem peccatum in hunc mundum intravit* ad Rom. 5. v. 12.

Adhuc etiam vituperat matrimonium propter varietatem Ecclesiæ circa ipsum, prius enim statuerat, quod in septimo gradu, & infra non contraheretur matrimonium, & si contraheretur nullum erat, modo autem constituit, scilicet in Concilio Lateranensi, quod a quarto supra esse possit: eadem ratione posset adhuc descendere, usque scilicet ad secundum gradum: quod concedo, licet enim Ecclesiæ pro diversitate temporum aliquid statuere, prout necessitas vel utilitas requirit, ut patebit in 5. p. hujus operis, in cap. utrum Ecclesia possit facere Constitutiones. Nonne & tu aliqua habes statuta, quæ tamen ex Novo Testamento, aut ex alia Scriptura non potes ostendere processisse? Nonne & Christus varia dedit decreta in Novo Testamento? Utique.

(18) Multis Catholicos nostros vexat Beausobrius. Etenim num. VIII. libri & cap. ante judicati, retorqueri in eos posse dicit, quod ipsi Manichæis opponebant, hos nempe esse inimicos naturæ, & propagationis generis humani. Nam Catholici quoque, inquit, suos Episcopos, & ministros deterrent a matrimonio. Errat vehementer. Manichæi reprobabant matrimonium, ut *prima in hoc cap. notatione* animadverti. Itaque quod ad ipsos attinebat, tollebant propagationem generis humani. Catholici matrimonium probant, bonumque esse contendunt. Sanctius autem putant esse

§. III.

Ostenditur Matrimonium esse licitum, bonum, & sanctum, & primo contra ponentes unum principium.

Nunc ad secundam hujus capituli partem de Matrimonio accedamus, ostendentes divinarum testimoniis Scripturarum, quod matrimonium licitum est. In primis autem dico, quod matrimonium non est præceptum, alioquin nullus posset salvari sine ipso, sed indultum est, idest concessum est, ita tamen, quod qui potest capere alteram partem, capiat, si ei placet (18) Causæ autem principales quibus matrimonium contrahitur, & debet contrahi, duæ sunt, una est fornicationis vitatio, unde 1. Cor. 7. v. 2. *Propter fornicationem autem, unusquisque suam uxorem habeat, & unaquæque suum virum habeat*. Alia est filiorum generatio ad Dei honorem, unde 2. Tim. 2. v. 15. *Salvabitur autem per filiorum generationem, si permanserit in fide, & dilectione, & sanctificatione cum sobrietate*.

Istam partem dividimus in tres partes, in prima loquimur contra eos, qui ponunt unum Creatorem; in secunda contra illos, qui ponunt duos; in tertia communiter contra utrosque.

Sciendum autem, quod hæretici, qui unum ponunt principium dicunt Apostolum loqui de matrimonio carnali, sed non loquitur his, qui sunt intra Ecclesiam, imo his, qui extra sunt adhuc, scilicet qui nondum receperunt manus impositionem.

[*] Dicamus ergo eis in primis, quod falso accusant matrimonium, cum enim Deus æque potens sit ut a principio mundi, & potest, & potuit creare novos spiritus, sicut prius fecit; noluit tamen numerum angelorum suorum, qui fuerat diminutus instaurare, novos angelos creando, sed tot assumendo de illis, qui ex concubitu maris, & fœminæ nascuntur, quot angeli peccaverunt; quare ergo audes dicere illud opus esse malum in matrimonialiter conjunctis, cum Dominus per illud elegerit instaurare numerum prædictum? Quis enim sapiens homo, & potens eligeret per immundum opus, rehabere, quod æque facile, vel facilius posset habere per mundum opus? [*]

Item 1. Cor. 7. v. 1. & 2. *Bonum est homini mulierem non tangere: propter fornicationem autem unusquisque suam uxorem habeat, & unaquæque suum virum habeat: Quomodo tu vis intelligere illud verbum: propter fornicationem?* Nunquid sic, idest propter fornicationem vitandam, ut verum est? Si hoc dicas, ergo in matrimonio non est fornicatio, & ita coitus viri cum uxore sua non est fornicarius.

Si Sacris addictos a matrimonio sibi temperare; Paulum auctorem sequuntur. Ergo si hoc in Catholicos argumentum retorqueri potest, inorquebitur item in Paulum; qui cum optet alios, ut sint, sicut ipse est, nempe sine uxore, dirisque devoveat viduas; sacris deditas, quæ rursus nubendo irritam faciunt suam professionem, carpit tamen hæreticos futuros, qui nuptias essent prohibitori.

[*] Quæ duobus asteriscis comprehendimus, desunt e Codd. Bonon. & Vat.

Si autem vis dicere, quod sic intelligendum est, idest propter fornicationem faciendam, hoc non est credibile, quod Ap. Corinthios moneret ad matrimonium propter hoc faciendum, quod probatur propter hoc, quod parum supra Ap. dixerit: *Fugite fornicationem* c. 6. v. 18.

Item adhuc parum supra v. 13. ostendit, quod fugienda est fornicatio, ubi dixerat: *Corpus autem non fornicationi, sed Domino: & Dominus corpori*; facere autem istud docet propter fructum gloriosæ resurrectionis a Deo habendum, unde subdit v. 14. *Deus autem & Dominum suscitavit, & nos suscitabit per virtutem suam*; nos dicit; idest corpora nostra, de quibus dixerat, quod Dominus debetur corpori, quod satis examinatum est in cap. de resurrectione.

Item adhuc dicit Ap. dehortans a fornicatione: *Nescitis quoniam corpora vestra membra sunt Christi? Tollens ergo membra Christi, faciam membra meretricis?* v. 15.

Item aliquantulum supra per damnum dehortatur a fornicatione dicens, v. 9. & 10. *Nolite errare: neque fornicarii . . . neque adulteri Regnum Dei possidebunt.*

Item dehortatur a fornicatione Ap. propter supplicium æternum, quod imminet eis, qui fornicantur; unde Hebr. 13. v. 4. *Fornicatores enim & adulteros judicabit Deus*; idest damnabit, unde Ap. 21. v. 8. *Fornicatoribus pars illorum erit in stagno ardenti igne, & sulphure.*

Ecce quam sollicitus est Ap. monere fugere fornicationem. Non est ergo credendum, quod diceret unusquisque suam uxorem habeat propter fornicationem faciendam.

Si autem dicas, quod istud est indulgentiæ, scilicet permissionem, qua permittebat eis minus malum, ne facerent pejus: Imo voluntatis ejus erat, ut ostendam inferius, quod matrimonium carnale facerent; ergo non erat malum nec minus, nec majus alioquin istud nunquam vellet Ap. Sic ergo non erat tantum permissionis, quod unusquisque suam uxorem haberet, & e contrario, sed etiam voluntatis.

Quod autem voluntatis ejus esset matrimonium aliquarum personarum, patet 1. Tim. 5. v. 14. *Volo ergo juniores nubere, filios procreare, matres familias esse &c.* de quo etiam dicemus inferius.

Præterea, si matrimonium indulgentiæ est, qua minus malum permittitur, ne fiat majus, minus ergo malum est cum uxore, quam cum non uxore.

Contra: quare dicitur aliquid malum, nisi quia est contra mandatum Dei? Nunquid cognoscere uxorem est minus contra mandatum Dei, quam cognoscere concubinam propriam? Non, eadem enim prohibitionem prohibetur utrumque secundum te, illa scilicet, *non machaberis.*

Forte dices, quod malum dicitur aliquid quia nocivum est, quod etiam verum est: Sed dic mihi,

nunquid magis est nocivum unum, quam alterum? Non; quia si cognoscit concubinam, vel uxorem, & sic decedit, æquale damnum patietur, amittet enim Regnum Cœlorum, & æqualem gloriam, supplicium etiam æquale habebit in stagno inferni, quia tu ponis pœnas æquales, & glorias; ergo non erit magis nocivum unum, quam aliud; ergo non majus malum propter hoc.

Præterea, si Deus est Judex justus, & unum est majus malum; ergo magis punit illud, quia *reddet unicuique secundum opera ejus*, ut habetur Ro. 2. v. 6. Si autem indulgentiam vis sumere pro concessione voluntaria, sicut etiam sumi debet; ergo matrimonium non est malum, nec actus matrimonialis malus, cum sit ab Ap. voluntarie concessus.

Præterea tu hæretice dicis, quod de illis loquitur, qui extra Ecclesiam sunt. Ostende hoc aliquo testimonio, quod non potes facere: Obmutescere ergo.

Præterea, quomodo istud dicere ausus est? Scribebat enim *Ecclesiæ Dei quæ erat Corinthi sanctificatis in Christo Jesu* c. 1. v. 2., & non aliis.

Item illud dixerat: *Fugite fornicationem*; quibus locutus est hoc? Nunquid illis, qui sunt intra Ecclesiam, vel extra? Si illis qui extra, quomodo potest hoc stare cum dicat eis: *An nescitis quoniam membra vestra templum sunt Spiritus Sancti, qui in vobis est, quem habetis a Deo, & non estis vestri?* c. 6. v. 19. Illos ergo quos monuerat fugere, fornicationem, moneret facere fornicationem, si ita esset intelligendum verbum Ap. *propter fornicationem &c.* ut dixisti.

Forte dices, quod istud modo de aliis dixit, idest de illis, qui sunt extra.

Contra, nonne dicit illis c. 7. v. 5. *Nolite fraudare invicem, nisi forte ex consensu ad tempus, ut vacetis orationi?* Si isti debebant vacare orationi, & erant conjugati illi, de quibus dictum est, v. 2. *propter fornicationem autem unusquisque suam uxorem habeat &c.* ergo tales vacant orationi secundum te; ergo non sunt extra Ecclesiam, quod verum est, & Ap. docet eos, quomodo possunt complere illud mandatum, *fugite fornicationem*, scilicet per matrimonium, si nolunt continere, ex toto, vel per virginitatem, vel etiam per viduitatem, de quibus loquitur in eodem cap.

Item post illa verba *propter fornicationem autem &c.* dicit eis v. 3. *Uxori vir debitum reddat, similiter autem & uxor viro.* Ego dico, quod Ap. assignaverat causam conjunctionis viri cum uxore, quæ causa ad virtutem temperantiæ pertinet, scilicet fornicationem vitare; modo autem assignat aliam causam ad justitiam pertinentem, cum dicat, *uxori vir debitum reddat & e contrario*, hoc enim justitiæ est: primum fuit concessionis puræ, *propter fornicationem &c.* Istud vero præcepti, scilicet debitum carnale reddere: sed nunquid id præceperet Ap. si malum esset? Absit.

Si dicas, quod non præcepit, sed permisit. (19)

T t 2

Imo

(19) Ita Tertullianus Catholicis opponebat, secundas nuptias reprobans, posteaquam ad Montanistas deflexit lib. de Pudicitia Cap. vi. Etenim post Pauli verba. *Sed propter fornicationem unusquisque uxorem suam habeat, vir uxori, & uxor viro debitum reddat.* Hujus boni fibulam, inquit, quis illum nesciat invictum relaxasse; ut fornicationi obviam esset; quam sicuti indul-

„ sit, vel indulget, utique consilium remedii sui infregit: tenebitur jam frenandis continentiae conjugii, si fornicatio, ob quam permittuntur, non tenebitur &c. Sed præclare hoc responsi genus refellit Moneta. Vide Clementem Alexandrinum lib. III. Stromateon n. XII. Edit. Oxoniensis.

Imo dicebat, quod redderent invicem debitum carnale, & allegabat causam & rationem reddendi dicens v. 4. *Mulier sui corporis potestatem non habet, sed vir. Similiter autem & vir sui corporis potestatem non habet, sed mulier*, quasi diceret viro debetur, quod viri est, & e contrario.

Item v. 5. *Nolite fraudare invicem*. Ecce quod Ap. dicit, quoniam fraus esset subtrahere. Ecce quomodo allegationibus suis inducebat ad debitum illud reddendum; ergo vel præcipiebat, vel ad minus consentiebat eis in reddendo debitum illud, quod non fecisset, si peccatum esset, dicit enim Rom. 1. v. 32. *Qui talia agunt digni sunt morte; & non solum, qui ea faciunt, sed etiam qui consentiunt facientibus*.

Quod autem loquatur de debito corporis, patet ex illo verbo Ap. *Mulier sui corporis potestatem non habet &c.* quasi diceret ideo debet ei dare corpus suum, & e contrario, & si auferret ei, fraudem faceret.

Nec obstat mihi illud, quod dicit Ap. Rom. 8. v. 12. *Debitorum sumus non carni* ut habitum est supra in prima parte hujus cap.

Dixit autem hæreticus, quod istud debitum intelligitur non pro dicto debito, sed quia debet providere uxori in victu, & vestitu; uxor autem viro in custodia domus, in fuendo vestes ejus, in lavando ei caput, & præparando ei cibos.

Sed hoc non potest stare, quia ut patet ex littera, Ap. debitum appellavit corpus.

Præterea dic mihi, quo jure alter alteri tenetur ad hoc, nisi quia unus est vir, alia vero uxor ejus? nullo alio: primo enim dicit Ap. quod cohabitent, unde propter fornicationem &c. postea dicit: *Uxori vir debitum reddat*, quasi diceret, ex quo conjuncti sunt tanquam vir, & uxor, ad debitum hoc tenentur.

Præterea si ista non esset uxor ejus, & ille vir istius, non teneretur alter alteri ad hoc; ergo ex lege matrimonii est; quod etiam patet per Ap. in fine illius cap. v. 39. *Mulier alligata est legi quanto tempore vir ejus vivit*. Item Rom. 7. v. 2. *Quæ sub viro est mulier, vivente viro alligata est legi*; ergo hoc ex lege matrimonii, sed nunquid ex matrimonio, si opus diaboli esset, obligaretur alter alteri in hac re quo ad Deum? Non: ergo matrimonium illud a Deo est; non ergo est malum.

Præterea, si uterque tenetur alteri in hoc, ergo si unus alterum volentem sine carnali debito stare relinquit sine consensu ejus, peccat, quod inferius improbabatur. Tamen modo dico, quod Ap. allegabat hanc rationem reddendi debitum, *quia vir non habet potestatem sui corporis, sed mulier*. Dic mihi, unde habet mulier istam [*] segnoriam corporis viri, & e contrario? si a Deo sancto, & non nisi per matrimonium, quo fiunt vir, & uxor; ergo matrimonium illud a Deo sancto est; si autem non a Deo sancto habent illam, ergo per eam non obligabitur alter alteri ad id, quod dixisti; ergo non peccaret, si hoc non faceret ei; constat autem, quod peccaret; ergo potestatem illam habet a Deo Sancto alter in corpus alterius; ergo matrimonium bonum.

Item dicit Ap. *Nolite fraudare invicem, nisi forte*

ex consensu ad tempus, ut vacetis orationi; si istud intelligitur de debito corporis absque consensu alterius, ut verum est: fraus ergo esset subtrahere debitum corporis absque consensu alterius; ergo peccatum; ergo oppositum bonum, scilicet conjunctio carnalis ad invicem.

Præterea, ad tempus vacando orationi ex communi consensu, non subtrahit debitum prædictum vir uxori, scilicet victum, & vestitum, ergo non intelligebat de illo debito, cum illud debitum, de quo Ap. locutus est, subtrahatur ex communi consensu vacando orationi ad tempus.

Præterea dicit: *Et iterum revertimini in idipsum, ne tentet vos Satanas propter incontinentiam vestram*, idipsum dicit, idest corpus suum dandum invicem, de quo & dixerat, *nolite fraudare invicem*, & quare debeant reverti dicit: *ne tentet vos Satanas, propter incontinentiam vestram*, idest quando non vultis continere penitus, ergo conjunctio carnalis viri cum uxore tollit tentationem Satanæ; ergo ipsa non est opus Satanæ.

Dixit autem hæreticus, quod Ap. non præcepit istud, nec consuluit, sed tantum permisit dicens: nonne ad illud opus avidissimè redeunt?

Resp. imo quando unus alium abhorret, & non vult Corpus suum ei dare.

Præterea supra ostensum est, quod istud non est tantum permissionis illius, quam ponit hæreticus, imo concessionis voluntariæ 1. Tim. 5. v. 14. *Volo ergo juniores nubere &c.*

Dixit hæreticus quidam, quod reverti in idipsum, est reverti ad orationem.

Quod dictum non posset stare secundum Ap., qui dixerat: *Nolite fraudare invicem, nisi forte ex consensu ad tempus, ut vacetis orationi*, completo autem tempore orationis monet iterum reverti ad debitum illud, quodcumque fuerit.

Præterea, reverti ad orationem imperii est, non tantum indulgentiæ; ergo male dixit Ap. cum dixit v. 6. *Hoc autem dico secundum indulgentiam, non secundum imperium*; si revertimini in idipsum, est reverti ad orationem.

Item quomodo audes tu dicere, quod matrimonium carnale malum sit, cum Ap. dicat, quod esse in illo sit donum Dei, sic enim ait: v. 7. *Volo enim omnes vos esse sicut me ipsum: sed unusquisque proprium donum habet ex Deo: alius quidem sic, alius vero sic*: dixerat prius: *Uxori vir debitum reddat*, modo autem dicit, quod vellet omnes homines esse omnino castos, sicut ipse erat, & subdit: *Sed unusquisque*, scilicet, qui continet omnino sicut ego, & qui ducit uxorem, *proprium donum habet ex Deo, alius quidem sic*, idest sicut ego in omnimoda castitate, alius vero sic in matrimonio, & ita conjugium donum Dei est.

Ad istud respondit hæreticus quidam sic: alius quidem sic, idest sicut ego omnino est castus, alius vero sic est, idest fidem habet, quæ est donum Dei.

Sed hæreticus iste in hoc sibi non cavet. Si enim ita esset; ergo fides proprium donum esset illius respectu Pauli, vel ejus qui esset sicut ipse erat, nec commune utrique, quod omnino falsum esse manifestum est.

Item

[*] Hoc est: Dominium.

Item v. 8. & 9. Dico autem non nuptis, & viduis: bonum est illis si sic permaneant, sicut & ego. Quod si non se continent nubant. Melius est enim nubere, quam uri. Ecce concedit eis nubere, ergo non est malum, non enim loquitur permissive ut ostensum est prius. Exponit autem Ap. dictum suum volo enim omnes vos esse sicut me ipsum, ostendens de quibus loquitur, quia tantum de solutis, non de his omnibus, ut patet per litteram Ap.

Item dicit, quod melius est nubere quam uri. Quomodo vis tu sumere uri, nisi quomodo ardere igne luxuriæ? Uri ergo idem est, quod luxuriari; ergo cum Ap. dicit melius est nubere quam uri, manifestum est, quod ipse intendit, quoniam nubere non est luxuriari.

Præterea dicit melius est &c. quomodo vis tu exponere melius? Si per minus malum, hoc esse non potest, quia nubere secundum te est mæchari; eadem ergo prohibitionem prohibetur uxor, & quælibet alia mulier, unde de qualibet muliere intelligis illud verbum Matth. 5. v. 28. Omnis qui viderit mulierem ad concupiscendum eam, jam mæchatus est eam in corde suo; ex qua auctoritate patet, quod una & eadem mæchia est; ergo non est minus malum.

Præterea æqualiter nocet, ut ostensum est prius super illud verbum propter fornicationem &c. ergo æqualiter malum.

Item æquali pœna ferietur; ergo vel Deus non est iustus, vel illud æquale malum est, si malum est. Ex his patet, quod non potest sic intelligi, melius, idest minus malum; debet ergo sic intelligi, sicut etiam illud 1. Petri 3. v. 17. Melius est enim benefacientes (si voluntas Dei velit) pati, quam malefacientes, idest istud bonum, uri autem malum; ergo matrimonium bonum.

Præterea, quod non possit sic exponi, idest minus malum, patebit super illo verbo inferius. Et si nupserit virgo non peccavit. 1. Cor. 7. v. 28.

Item dicit Ap. postea v. 10. & 11. Iis autem qui matrimonio juncti sunt præcipio non ego, sed Dominus, uxorem a viro non discedere: quod si discesserit manere innuptam, aut viro suo reconciliari: & vir uxorem non dimittat. Superius locutus est non conjunctis, modo loquitur junctis, & dicit, quod præceptum Dei est, quod non discedat unus ab alio; ergo præceptum Dei est, quod commaneant, ergo commanere est in statu salutis; ergo matrimonium bonum.

Ad hoc dixit hæreticus, quod hoc intelligendum est sub conditione, si nolunt continere.

Contra. Ergo si nolunt continere præcepit Dominus ut commaneant: sed commanere sine continentia peccatum est, & malum, atque prohibitum; ergo Dominus præcepit eis, quod prohibuit, & peccatum, & malum.

Præterea, nunquam præciperet Dominus eis hoc, cum sit malum, & contra salutem.

Dixit autem alius hæreticus sic: non discedere ab administratione, sed a concubitu.

Hoc autem improbatum est super illud verbum propter fornicationem &c.

Præterea, quomodo hoc præciperet, cum ipse dicat Mat. 19. v. 29. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit?

Præterea, ubi præcepit hoc Dominus nisi Matt. 19. v. 6. Quod ergo Deus conjunxit, homo non separet? Et de hoc inferius dicemus.

Item 1. Cor. 7. v. 12. Num ceteris ego dico, non Dominus. Si quis frater uxorem habet infidelem, & hæc consentit habitare cum illo, non dimittat illam, similiter & e contrario. Quasi diceret: ubi uterque fidelis est, illud præceptum Domini dedi, ubi autem non est uterque fidelis, imo cum essent ambo prius infideles, scilicet vir, & uxor, alter conversus ad fidem etiam reliquo nondum converso, hoc moneo, quod est lucrandi occasio: Si quis frater &c. Ecce monet commanere. Ad quid autem commaneant vir, & uxor notum est; ergo non est præceptum; ergo non est contra salutem.

Præterea. Nunquid iste est intra Ecclesiam? Ostendo quod sic. Frater est, & fidelis; ergo intra est. Quod etiam probatur per illud, quod sequitur v. 14. Sanctificata est mulier infidelis per virum fidelem; ergo ille bonus est, cum per eum sanctificetur mulier infidelis. Si autem iste est intra Ecclesiam, qui tenet uxorem infidelem; multo fortius qui tenet fidelem; ergo illi de quibus dictum est v. 10. Iis autem, qui matrimonio juncti sunt &c. sunt ambo intra Ecclesiam, & boni; ergo matrimonium bonum.

Item v. 25. & 26. De Virginibus autem præceptum Domini non habeo: consilium autem do tanquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem. Vide quod dicit Ap. quod de Virginibus non habet præceptum Domini, quod contineant. Dominus ergo nusquam præcepit continentiam Virginibus; ergo si nubunt, & non continent, non veniunt contra aliquod Dei præceptum. Quod autem non est contra Dei præceptum, non est contra salutem; ergo non continere non est contra eam. (20)

[*] Forte dicit hæreticus; præceptum Domini non habeo, quod nubant.

Hoc autem stare non potest. Vult enim dicere Ap. illud præceptum, quod non habeo a Domino non do eis, sed consilium do de eo; ergo dat consilium, de quo non habet præceptum, scilicet de non nubendo. Et quod ita sit intelligendum patet, quia de jam conjunctis dixerat v. 10. Iis autem qui matrimonio juncti sunt &c. de illis ergo habebat præceptum Domini, quod tenerent matrimonium, sed de Virginibus dicit se modo non habere præceptum.

Præterea. Si vis dicere, quod non habet præceptum, quod nubant.

Ref.

(20) Consulitor Sanctus Irenæus lib. IV. Contra hæreses cap. XI. num. 2. S. Clemens Alexandrinus lib. III. num. XII. Contra Marcionem.

(*) Quæ duobus asteriscis contenta vides, desunt e Cod. Vat. & Bonon.

Respondeo . Nunquid & quod non nubant? Si hoc concedas; ergo bona est expositio mea, hæc scilicet: *præceptum Domini non habeo*, scilicet quod non nubant.

Si dicas, quod Ap. habet præceptum, quod non nubant a Domino: dic ubi præcipit hoc Dominus de Virginibus?

Præterea, si modo dedit eis præceptum, quomodo audet dicere Ap. v. 28. *Si nupserit virgo, non peccavit?*

Præterea dicit v. 8. & 9. *Dico autem non nuptis, & viduis: bonum est illis si sic permaneant, sicut & ego. Quod si non se continent nubant.*

Item in fine v. 39. & 40. dicit de vidua: *Cui vult nubat: tantum in Domino. Beatior autem erit, si sic permanferit secundum meum consilium.* [*]

Præterea. Dicit: *Consilium autem do tanquam &c.* Duplex est causa quare dat istud consilium continendi ex toto: una est fidelitas ejus, quia erat fidelis dispensator talenti sibi traditi, non avarus detentor, vel invidus, qui volebat omnes homines esse sicut seipsum. Alia est utilitas eorum quibus dat istud consilium, unde ait: *propter instantem necessitatem*, idest propter curam, & penuriam, quæ sæpe conjugatis instat, vitandam.

Hæreticus autem exponit dicens: *Existimo ergo hoc*, idest continere, *bonum esse propter instantem necessitatem*, idest quia homini volenti se salvare instat necessitas continendi.

Hoc autem stare non potest, cum ostensum sit, quod non continere non est contra præceptum Dei, nec contra aliquam ejus legem. *Ubi autem non est lex, nec prævaricatio.* Rom. 4. v. 15.

Sequitur v. 27. *Alligatus es uxori? Noli quaerere solutionem.* Ecce quod prohibet divisionem, unde supra v. 10. *Iis autem qui matrimonio juncti sunt &c.* (21)

Addit tamen hæreticus, si non vis continere.

Sed quis hoc crederet, quod Dominus, vel Apostolus ejus præciperet alicui, si tu non vis continere, præcipio tibi, quod non contineas, si hoc esset contra salutem: vel si non vis continere ab alia, præcipio tibi, quod non contineas cum illa?

Sequitur: *Solutus es ab uxore? Noli quaerere uxorem.* Primum noli fuit prohibitivum ut patet ex illo verbo: *Iis autem qui matrimonio &c.* istud autem consultivum, unde supra v. 25. *De Virginibus autem præceptum Domini non habeo, consilium autem do &c.*

Sequitur v. 28. *Si autem acceperis uxorem non peccasti. Et si nupserit virgo non peccavit.*

De hoc autem dixit hæreticus: quoniam hoc ideo est, quia antequam venirent ad Ecclesiam non fecerunt contra prohibitionem, & legem aliquam, quæ nondum sibi data erat.

Ad hoc opponas, & dicas sic: prohibitio a Deo non erat sibi data, ut patet supra; *De Virginibus autem &c.* Ergo non erat contra salvationem; omne autem, quod contra eam est, prohibitum est a

Deo; ergo poterat salvari non continendo, dummodo non faceret votum continendi omnino. Modo ponatur, quod aliquis veniat ad vos, & dicat se omnia servare velle excepto hoc, quod non vult continere, cum non sit prohibitum, nec contra salutem; quæro ego: negas ei salutem non recipiendo eum ad manus impositionem? Vide etiam o miser tuam hæresim, quia non solum non peccavit; imo & bene fecit sicut dicit Ap. inferius v. 38. *Qui matrimonio jungit Virginem suam, bene facit.* Quid amplius potest dicere Ap., quam istud, scilicet quod nubere non est peccatum, imo bonum?

[*] Præterea, quod nihil sit illud, quod dixisti, de præterito loquitur, & pro eo quod extra Ecclesiam, patet in fine cap. de vidua, de qua dicit Ap. v. 39. *Cui vult nubat, tantum in Domino;* matrimonium ergo carnale est eorum, qui sunt intra Ecclesiam, quia in Domino.

Præterea dixit: si quis ante votum religionis uxorem accepit, non peccat, scilicet peccato prævaricationis, ubi enim non est lex, nec prævaricatio; & tamen peccat.

Sed contra. Dic mihi, quid est peccare, nisi contra legem facere aliquid? aliter enim non cognoscitur aliquid esse peccatum, nisi per legem ut habetur Rom. 7. v. 7. ergo si iste peccat, facit contra legem Dei. Dicas ergo, quæ est illa, & quando data est? Non erit assignare; Alioquin non dixisset Ap. *De Virginibus autem præceptum Domini non habeo &c.*

Nec obstat, quod induxisti de Ap. *Quicumque enim sine lege peccaverunt, sine lege peribunt.* Rom. 2. v. 12.

Loquitur enim de gentibus, quæ erant sine lege Moyfi, sed non sine lege naturali, ut ibi ostendit Ap.

Si autem vis dicere, quod nupti veniunt contra naturalem legem. Proba hoc; quod non potes.

Præterea, cum dicas animam a Diabolo fieri, ut patet 2. lib. c. 2. lex ergo naturalis, quæ in anima hujus hominis est, a Diabolo est; ergo contra eam venire, peccatum non est. [*]

Item v. 36. *Si quis autem turpem se videri existimat super virgine sua, quod sit super adulta, & ita oportet fieri: quod vult faciat, non peccat, si nubat.* Et est sensus: Si quis putat quod sibi turpe, idest vituperium est &c. super adulta, idest ultra pubertatem, & ita oportet fieri, quia illa non vult continere, non peccat pater, si virgo nubit, quod vult virgo, faciat pater, idest maritet eam.

Ad hoc dixit hæreticus: Imo quod vult virgo, faciat virgo.

Sed contra: Notum est quod loquitur ibi de duabus virginibus, scilicet de una volente continere, & de alia nolente hoc, & subdit argumentando: *Igitur & qui matrimonio jungit virginem suam, bene facit: & qui non jungit melius facit* v. 38., idest, majus bonum; primum enim bonum est, sed hoc magis.

Ex

(21) Commodum transferri huc possunt verba Tertulliani ex lib. IV. Contra Marcionem cap. xxxiv. *Habes nuptiarum, quoquo velis latere prospectorem; quas nec separari vult prohibendo repudium, nec cum macula haberi tum permittendo divortium.* Eru-

besc non conjungens, quos tuus quoque Christus conjunxit. Eruhesce etiam disjungens &c.

[**] Duobus asteriscis conclusimus, quæ non exstant in Codd. Bonon. & Vatic.

Ex hoc patet malam fuisse expositionem tuam. Quod vult virgo, faciat pater, vel custos ejus, ipse enim facit, qui matrimonio jungit: Prius dixit non peccat, modo dicit quod bene facit. Obmuteſce ergo vel concede matrimonium non esse contra salutem.

[*] Præterea. Nunquid peccat quis maritando filiam suam?

Si dicas non; ergo matrimonium bonum; vel si malum est, peccat qui maritat eam: Rom. 1. v. 32. *Qui talia agunt digni sunt morte; & non solum qui ea faciunt, sed etiam qui consentiunt facientibus.*

Si dicas, quod sic. Contra: qui matrimonio jungit virginem suam, bene facit 1. Cor. 7. v. 38.

Præterea dicitur ibi v. 28. *si nupserit virgo non peccavit.*

Forte dices, quod illud intelligitur spiritualiter.

Contra: quomodo dicitur aliqua virgo, nisi quia incognita viro, vel intacta? Si autem virgo spiritualiter sumitur, quomodo erit illud? Nunquid non tacta a viro est, idest a prælato, quando facta est ei manus impositio? Et nunquid non est cognita ab eo, quando ab ipso est docta? Restat ergo quod de matrimoniali virgine loquitur. [*]

Dixit hæret. Si nubit, bene facit: Sed nunquid in hoc bene est salvatio? Si dicas ei, quod est, opponit: ergo a simili in credere Deum esse, sine quo impossibile est Deo placere, & ita est bonum in quo erit salvatio, hoc autem falsum est dixit hæreticus, nisi ejus sequatur mandata, unde Jac. 2. v. 20. *Fides sine operibus mortua est.* Et v. 19. *Tu credis quoniam unus est Deus: bene facis: & dæmones credunt, & contremiscunt.*

Sed o miser hæretice! Ego non dixi, nec Paulus quod in illo solo sit salvatio, vel beatitudo; nisi alia faciat bona, & caveat a malo. Sed dico cum Paulo, quod nubere non est peccatum, & quod est bonum, sicut & credere Deum esse, est bonum, sed non sufficit ad salutem. Tu autem contra Ap. dicis ipsum esse malum, & non esse bonum, & exponis illud verbum Ap. *bene facit*, idest minus male. In qua etiam expositione contradicis Ap. qui dicit, quoniam si nubat non peccavit, si enim male agit peccat.

Præterea. Si male facit nubendo, non nubit in Domino.

Item v. 39. & 40. *Mulier alligata est legi quanto tempore vir ejus vivit, quod si dormierit vir ejus, liberata est: cui vult nubat: tantum in Domino. Beatior autem erit si sic permanserit secundum meum consilium.* Notandum quod dicit *alligata est legi quanto tempore vir ejus vivit*; ut non liceat alii nubere, sed mortuo viro *liberata est* ab illo vinculo, ut *cui vult nubat: tantum in Domino*; nubere ergo non est contra Dominum.

Item dicit: *beatior autem erit, si sic*, idest innupta, *permanserit.* Et respondet quæstioni, quæ sibi posset fieri: Post illam liberationem, quid fa-

ciet? Ap. respondet, & dicit: *Cui vult nubat, tantum in Domino.*

Præterea dicit: *Beatior autem erit, si sic permanserit*, idest innupta; ergo & beata si nupserit, cum bene fecerit, & non peccaverit nubendo, dummodo caveat ab aliis peccatis.

Sequitur: *Puto autem quod & ego Spiritum Dei habeam*: quasi diceret meo consilio de continendo standum est, quia a Spiritu Dei, quem habeo, est, nec tamen contra ipsum est nubere, ut ostensum est, quoniam in Domino est, *Dominus autem Spiritus est*, ut habetur 2. Cor. 3. v. 17.

Item simile illi, quod dictum est: *Mulier alligata est legi &c.* habetur Rom. 7. v. 2. & 3. *Nam quæ sub viro est mulier, vivente viro, alligata est legi: si autem mortuus fuerit vir ejus, soluta est a lege viri. Igitur vivente viro vocabitur adultera, si fuerit cum alio viro: Si autem mortuus fuerit vir ejus, liberata est a lege viri, ut non sit adultera, si fuerit cum alio viro.* Quare dicis ergo eam esse adulteram, si cum alio viro est? Quare etiam si alligata est legi viri eo vivente, eam solvere conaris? Cum Ap. dicat 1. Cor. 7. v. 27. *Alligatus es uxori? Noli querere solutionem.* Et cum Dominus dicat Matt. 19. v. 6. *Quod ergo Deus conjunxit, homo non separet.*

Præterea, illud ligamen, seu vinculum, quo alligata est legi viri, a quo est? Nonne a Deo? Videtur quod sic: Sic enim ait Ap. 1. Cor. 7. v. 10. *Iis autem qui matrimonio juncti sunt, præcipio non ego, sed Dominus &c.* Conjunctio ergo matrimonialis a Deo est; si enim a Diabolo esset, non firmaret eam suo præcepto.

Item Lucæ 1. legitur quendam Sacerdotem nomine Zachariam plenum Spiritu Sancto, & uxorem similiter, & filium ejus ab utero matris Spiritu Sancto plenum, & dicit de illis duobus, quod *Erant justi ambo ante Deum, incedentes in omnibus mandatis, & justificationibus Domini, sine querela* v. 6. Quare ergo accusas conjugale opus?

[*] Quod autem illa conceptio a Deo esset, patet ex verbis Angeli ad Virginem. *Et ecce Elisabeth cognata tua, & ipsa concepit filium in senectute sua, & hic mensis sextus est illi, quæ vocatur sterilis.* v. 36. Et quia posset quis quærere, unde fuit quod sterilis concepit? subdit Angelus v. 37. *Quia non erit impossibile apud Deum omne verbum*, quasi diceret: potens est implere omnem promissionem suam, & illam, quæ facta est sterili, & illam quam facit tibi Virgini. De hoc etiam habes in fine cap. de Johanne Baptista. [*]

Quare ergo dicis prægnantem dæmoniacam esse, cum testetur Lucas istam plenam Spiritu Sancto? Quare etiam dicis dæmonem puerum in se habere, cum iste puer in utero plenus fuerit Spiritu Sancto? Cum etiam, ut ait Lucas, manus Domini fuerit cum illo? Virgo etiam Dei mater post conceptionem Jesu visitavit Elisabeth, & salutavit eam, & fuit cum ea tribus mensibus. Non est verisimile, quod cum ea esse vellet tanto tempore habens Jesum in utero, si il-

[*] Non extant in Codd. Bonon. & Vat. quæ rursum duobus asteriscis conclusa cernis.

(*) Desunt hæc item comprehensa duobus asteriscis e Codd. Vat. & Bonon.

fi illa esset & dæmoniaca, & Johannes dæmoniacus. Istud autem non potest intelligi de spiritali matrimonio, vel si ita vis intelligere, jam ergo erat matrimonium spirituale, ergo jam erat Ecclesia, in Veteri scilicet Testamento, quod tu negare consuevisti: verum tamen est.

§. IV.

Idem probatur contra ponentes duo principia.

Pertractata prima parte hujus secundæ partis, & viso de matrimonio contra illos, qui unum ponunt principium, accedamus ad secundam partem ejusdem partis, & videamus de eodem contra illos, qui duo ponunt principia, addentes quædam, quæ communiter sunt contra utrosque Catharos.

Isti dicunt Ap. loqui de matrimonio spiritali, & loqui eis, qui intra Ecclesiam sunt.

Contra hoc primo sic objicitur: Si Ap. loquitur tantum de matrimonio spiritali; ergo & de muliere spiritali, idest Ecclesia, & de viro spiritali, idest Prælato. Sed nonne dicit 1. Cor. 7. v. 1. *Bonum est homini mulierem non tangere*? Si mulier sumitur pro Ecclesia, quomodo hoc esse potest, quod dicit Ap. hic, cum ipse dicat 1. Tim. 3. v. 1. *Si quis Episcopatum desiderat, bonum opus desiderat*? Et quod est opus, nisi regere Ecclesiam? Quid autem est regere Ecclesiam, nisi tangere eam? Bonum est ergo eam tangere.

Si autem vis dicere, quod non venit mulier pro qualibet congregatione, seu Ecclesia, sed tantum pro aliena: Quare ergo me reprehendis cum dico, *Omnis, qui viderit mulierem ad concupiscendum eam jam mæchatus est eam in corde suo*, Matt. 5. v. 28. quod mulier venit ibi tantum pro muliere aliena? De similibus enim idem dandum est judicium; Ergo si judicas me de hoc, dicam tibi in quo me judicas, te ipsum condemnas. Rom. 2. v. 1.

Præterea, si tantum pro aliena Ecclesia venit; ergo prohibetur ibi tantum fornicatio spiritalis. Quare prædicas propter illud verbum Ap. carnale matrimonium malum esse, nisi quia in hypocrisi loqueris mendacium?

Si autem dicas mihi, quod ibi loquitur de muliere carnali, cum subdit v. 2. *Propter fornicationem autem unusquisque suam uxorem habeat, & unaquæque suum virum habebat*. Loquitur de carnali, quod verum est; quid enim vult dicere Ap. nisi hoc: bonum est esse sine muliere, tamen propter fornicationem; scilicet vitandam, unusquisque habeat suam?

Item, *Propter fornicationem autem unusquisque suam uxorem habeat, & unaquæque suum virum*. Nunquid loquitur de carnali matrimonio, vel de spiritali? Si de carnali, illud est bonum, ut habitum est supra §. 3. Si autem de spiritali.

Contra: quomodo stabit quod sequitur v. 3. *Uxori vir debitum reddat, similiter autem & uxor viro*? Sed illud intelligunt hæretici de debito spiritali tan-

tum Prælati ad Ecclesiam, vel e contra, propter illud verbum Rom. 8. v. 12. *Debitor sumus non carni, ut secundum carnem vivamus*, de quo satis dictum est supra in 1. par. hujus c. Quod autem non intelligatur de spiritali debito probabitur super illo verbo. *Nolite fraudare invicem* &c. v. 5.

Præterea. Si hoc intelligatur de debito spiritali; ergo de spiritali corpore, & potestate, & spiritali viro, ac muliere, scilicet Ecclesia, intelligitur quod sequitur. *Mulier sui corporis potestatem non habet, sed vir. Similiter autem & vir sui corporis potestatem non habet, sed mulier*; si enim loquitur de materiali; ergo locutus est de matrimonio materiali, quod penes corpus materiale realiter consistit, sicut spirituale matrimonium circa spirituale corpus, quod est Ecclesia.

Præterea. Si loquitur de materiali corpore, mentitur ergo Ap. secundum te, qui dicit, quod mulier habet potestatem illius. Si enim mulier Dei Ecclesia est, corpus illud materiale in ejus potestate esse non potest, cum sit alterius creationis, & alterius potestatis, scilicet Satan, ut tu credis.

Præterea. Quid est corpus materiale ipsius Ecclesiæ, cujus ipsa non habet potestatem?

Si autem loquitur de corpore spiritali, quod est Ecclesia, hoc videtur non posse esse, quia Ap. diversitatem ostendit inter Ecclesiam, & corpus ejus dicens: *Mulier sui corporis potestatem non habet*.

Præterea monstro tibi, quod Ap. dicit sic, & non, quia corpus viri est Ecclesia; caput enim mulieris, idest Ecclesiæ vir est, idest Prælatus. Ipse autem dicit, quod *vir sui corporis potestatem non habet*; ergo non habet potestatem Ecclesiæ.

Item dicit: *Mulier sui corporis potestatem non habet, idest, Ecclesiæ, sed vir*; ergo vir habet potestatem Ecclesiæ, & prius dicit, quod non; ergo in ore ejus est, est, & non.

Item v. 5. & 6. *Nolite fraudare invicem, nisi forte ex consensu ad tempus; ut vacetis orationi: & iterum revertimini in idipsum, ne tentet vos Satanas propter incontinentiam vestram. Hoc autem dico secundum indulgentiam, non secundum imperium*. Hic monet Ap. Prælatos, & Ecclesiam non subtrahere debitum spirituale unius ad alteram. Ego invenio, quod docere debitum est viri ad mulierem 1. Cor. 14. v. 35.

Item dominari ei, & vigilare pro ea custodienda, & orare pro ipsa, & e contrario debitum mulieris ad Prælatum est subiecta esse ei ut habetur 1. Cor. 14. & ad Tit. 2. v. 5. Si tu ista vis spiritualiter intelligere.

Item obedire Prælato debitum est Ecclesiæ ad eum, unde Hebr. 3. v. 17. *Obedite prepositis vestris, & subiacete eis. Ipsi enim pervigilant quasi rationem pro animabus vestris reddituri*.

Redeamus ad verbum Ap. *Nolite fraudare, &c.* Sicut dixi, Ap. monet ne sibi invicem debitum subtrahant, de quo dixerat v. 3. *Uxor vir debitum reddat: similiter autem & uxor viro*; & tu illud intelligis de debito spiritali. Ostendit autem Ap. quod debitum invicem possunt subtrahere ex communi consensu, & ad tempus, ut vacent orationi. Mo-

do dico sic: Vacando orationi possent invicem subtrahere sibi debitum prædictum; sed vacando orationi, non subtrahunt sibi debitum spirituale, imo magis reddunt; debet enim uterque orare pro altero Jac. 5. v. 16. *Orate pro invicem, ut salvemini*.

Item, tunc se invicem diligunt; ergo illud verbum: *nolite fraudare &c.* non intelligitur de debito spirituali, nec illud quod præcessit: *Uxori vir debitum reddat; similiter autem & uxor viro*..

Præterea dicit Ap. *Et iterum revertimini in idipsum, ne tentet vos Satanas propter incontinentiam vestram*. In idipsum, dicit, idest ad debitum solvendum, ex quo patet, quod vacando orationi non solvebatur illud debitum, de quo Ap. loquebatur; sed solvebant spirituale debitum; ergo Ap. intellexerat de carnali.

Item dicit: *Ne tentet vos Satanas propter incontinentiam vestram*. De qua incontinentia loquitur? Si de spirituali; ergo erant spiritualiter incontinentes; ergo mali; ergo Ecclesia mala, quod esse non potest: Si de carnali; Ergo prius locutus erat de carnali debito, cum dixit: *Revertimini in idipsum*.

Forte dices: *Revertimini in idipsum* est reverti ad orationem.

Contra. Quomodo ergo stabit, quod dicit Ap. v. 6. *Hoc autem dico secundum indulgentiam, non secundum imperium*, cum oratio sit in præcepto, & necessaria ad salutem?

Item ibi dicit Ap. v. 7. *Volo enim omnes vos esse sicut me ipsum*, idest absque matrimonio, secundum meum intellectum.

Si autem vis intelligere sine matrimonio spirituali, hoc stare non potest, quia Ap. erat in tali matrimonio, Prælatus scilicet Ecclesiæ, & Apostolus.

Quod autem debeat intelligi sic *sicut me ipsum*, idest sine matrimonio, patet ex verbis Ap. quæ subsequuntur v. 8. *Dico autem non nuptis, & viduis: bonum est illis, si sic permaneant*, idest innuptæ, vel viduæ, *sicut & ego*. [*] *Non nuptis* dicit, quæ nunquam fuerunt in matrimonio: *viduis* vero, quæ fuerunt aliquando in eo, & modo non sunt: de istis dicit: *Bonum est illis, si sic permaneant*, idest innuptæ vel viduæ, *sicut & ego* maneo; ergo manebat non nuptus; sed constat quod nuptus erat spiritualiter; ergo intelligebat de nuptiis carnalibus; vel si de spiritualibus intelligitur, Ap. erat sine eis, quod falsum est. [*]

Præterea. Nonne dicit: *Bonum est illis, si sic permaneant*? Istud sic intelligitur, idest non nuptæ; quod etiam patet ex subsequenti litera v. 9. *Quod si non se continent, nubant*; ergo non erant nuptæ: sed non potest esse, cum essent spiritualiter nuptæ; ergo Ap. intellexit de carnalibus nuptiis.

Quod autem non possit esse, cum essent nuptæ spiritualiter, patet, quia intra Ecclesiam erant Corinthiorum, quæ nupta erat, loquitur enim eis, qui intra sunt.

Præterea Ap. dicit 1. Cor. 11. v. 11. *Neque vir sine muliere, neque mulier sine viro in Domino*; er-

go Ecclesia non esset sine Prælato, vel non debet esse; ergo non esset bonum non nuptis, si sic permanent, idest non nuptæ, si de spiritualibus nuptiis intelligitur.

Præterea dicit: *Si non se continent, nubant*. De qua continentia loquitur? Si de spirituali:

Contra: Nonne dixerat: *bonum est illis, si sic permaneant*? idest in continentia, & addit: *quod si non se continent, idest si nolunt continere, nubant*. Sed istud de nuptiis spiritualibus intelligitur, in illis enim maxime continetur spiritualiter; ergo non intelligebat de continentia spirituali, imo de carnali; ergo & de nuptiis carnalibus; bonæ ergo sunt.

Sequitur v. 10., & 11. *Iis autem, qui matrimonio juncti sunt, præcipio non ego, sed Dominus, uxorem a viro non discedere: quod si discesserit, manere innuptam, aut viro suo reconciliari*. Ap. eas, quæ non erant in matrimonio, idest innuptas, & viduas monuerat sic manere, quia bonum est, sed si non continent, nubant. Modo loquitur de conjunctis in matrimonio, & dicit: *Iis autem &c.* Istud autem intelligunt ii hæretici de matrimonio spirituali: Uxorem appellant Ecclesiam.

Sed contra. Prius autem nota, quod in tribus statibus potest salvari hæc uxor, scilicet si non discedit, si manet innupta, si reconciliatur viro: si autem istud intelligitur de matrimonio spirituali, & de Prælato, & Ecclesia, illud quod dicit Ap. stare non potest, Ecclesia enim in discessione a viro spirituali non potest salvari, sic enim peccaret mortaliter; iste autem non peccavit, alioquin non præciperet Ecclesiæ, quod maneret innupta: sed hæc uxor de qua Dominus loquitur potest salvari in discessione a viro; ergo illud verbum non intelligitur de discessione Ecclesiæ a Prælato, sed de discessione materialis mulieris a marito materiali, & ita Ap. loquitur de matrimonio carnali.

Si autem tu dicis mihi, cum vir non peccaverit, quomodo potest salvari in tali discessione?

Dico, imo peccavit; quia fornicatus est; unde propter causam fornicationis ab eo discessit; & potest sic salvari dummodo maneat innupta, non enim potest nubere, quanto tempore vir ejus vivit, ut dicit Ap.

Sequitur: *Nam ceteris ego dico non Dominus: Si quis frater uxorem habet infidelem, & hæc consentit habitare cum illo, non dimittat illam*. Et si qua mulier fidelis habet virum infidelem, & hic consentit habitare cum illa, non dimittat virum v. 12. & 13. Istud non potest intelligi de matrimonio spirituali Ecclesiæ, & Prælati, quia Ecclesia non tenet Prælatum infidelem pro viro, nec e contrario, non enim potest esse matrimonium spirituale inter tales, ut credis.

[*] Ad hoc dixit hæreticus sic: quod vir dicitur infidelis, cum Prælatus non omnino fidelis est.

Contra quem sufficit dicere, quod hujus expositionis de hoc nomine *infidelis* nullum testimonium habet: ego autem testimonium multiplex habeo, quod infidelis dicitur quis, quia fidem non habet: [*]

V v

Præ-

[*] Desunt hæc ex Cod. Vat.

[*] Ne hæc quidem comprehensa duobus asteriscis exist in Cod. Vat.

Præterea si ita est, quod Prælati infidelis est, ut tu dixisti, Ecclesia omnino fidelis; quomodo erit doctor Ecclesiæ, respectu cuius minus fidelis est? Oportet enim ipsum esse prudentem, & doctorem, ut habetur 1. Tim. 3. v. 2. & ad Tit. 1. v. 9. Oportet eum esse amplectentem eum, qui secundum doctrinam est fidelem sermonem: ut sit potens exhortari in doctrina sana, & eos qui contradicunt arguere. Quomodo hoc, si hic infidelis, idest non penitus fidelis?

[*] Præterea: aut habet totam fidem, aut non? Si totam, male exposuisti; si non totam, ergo diminutam: Quomodo servabit alios in Christo sine ejus fide? Eph. 4. v. 11. & 12. Et ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores ad consummationem sanctorum, in opus ministerii, in adificationem corporis Christi.

Præterea, si Ecclesia omnino fidelis, ipse autem non omnino, potius benedicatur ab Ecclesia sua, quam econtrario: ad Hebr. 7. v. 7. Sine ulla autem contradictione, quod minus est, a meliore benedicatur.

Præterea, Prælati non sanctificantur a Subditis, sed e contrario: quomodo ergo stabit, quod Ap. ait 1. Cor. 7. v. 14. Sanctificatus est enim vir infidelis per mulierem fidelem.

Præterea, quod infidelis dicatur non credens, patet 1. Petri 3. v. 1. Similiter & mulieres subditi sint viris suis, ut & si qui non credunt verbo, per mulierum conversationem sine verbo lucrum fiant. [*]

Præterea dicit 1. Cor. 7. Alioquin filii vestri immundi essent, nunc autem sancti sunt. Istud de filiis carnalibus necessario intelligitur, non de spiritualibus, quia ex matrimonio fidelis cum infideli non possunt filii sancti generari. Loquitur ergo Ap. de matrimonio carnali, in quo sic fuit aliquando, quod altero infideli existente, & altero fidei, filii inde nati sanctificati sunt, idest exemplo fidelis, & verbo ad fidem conversi, ambobus simul manentibus: fidei autem discedente, filii qui majorem partem sequebantur, idest partem infidelium, quorum numerus maximus tunc erat, in infidelitate remanebant, & ita immundi. Si autem Ap. vult, quod fidelis maneat cum infideli in matrimonio carnali; quanto magis hoc vult quando uterque fidelis est; unde supra v. 10. Iis autem, qui matrimonio juncti sunt, præcipio non ego, sed Dominus, uxorem a viro non discedere, & loquitur ubi uterque fidelis est, postea vero cæteris, ubi unus fidelis, & alter infidelis.

Sequitur: De Virginibus autem præceptum Domini non habeo, consilium autem do, tanquam misericordiam consecutus a Domino ut sim fidelis: Existimo ergo hoc bonum esse propter instantem necessitatem, quoniam bonum est homini sic esse: v. 25. & 26. Si enim Ap. loqueretur de virginibus spiritualibus, & de spirituali matrimonio; quomodo staret, quod dicit: De virginibus autem præceptum Domini non habeo? Super quo non habebat præceptum Domini de eis? nisi super hoc, scilicet ut nubant, vel non nubant, in utroque enim casu potest salvari

virgo, quod esse non posset, si hoc vel illud præceptum Dei esset.

Quod autem in utroque casu possit esse salus ejus, patet ex litera Ap. Alligatus es uxori? noli quaerere solutionem. Solutus es ab uxore? Noli quaerere uxorem. Si autem acceperis uxorem, non peccasti: Et si nupserit virgo, non peccavit v. 27. & 28.

Dico ergo sic: Sine nuptiis de quibus Ap. loquitur potest salvari virgo; sed non potest salvari sine nuptiis spiritualibus, ergo Ap. non intelligebat de spiritualibus, sed de carnalibus.

Quod autem sine nuptiis spiritualibus non possit virgo salvari, patet ex eo, quod habetur 1. Cor. 11. v. 11. Veruntamen neque vir sine muliere: neque mulier sine viro in Domino, istud enim de spirituali, idest de Prælato, & Ecclesia intelligis.

Præterea: Istæ virginibus spirituales erant, & intra Ecclesiam Corinthiorum, loquebatur enim de iis, quæ intra Ecclesiam sunt; ergo cum Ecclesia Corinthiorum esset nupta alicui Prælato, istæ virginibus erant nuptæ alicui Prælato spiritualiter; sed constat, quod Ap. intelligit virginibus, de quibus loquitur non esse nuptas; ergo loquitur de virginibus, & de nuptiis materialibus.

Præterea Ap. loquebatur de tribus generibus mulierum, scilicet nuptis, viduis, & virginibus. Quæ est differentia inter istas si spiritualiter sumuntur? Nonne omnes bonæ sunt? Nonne omnes virginibus spirituales? Utique: alioquin corruptæ essent.

Præterea: Toti Ecclesiæ Corinthiorum, in qua erant istæ tres differentiæ dicit 2. Cor. 11. v. 2. & 3. Despondi enim vos uni viro virginem castam exhibere Christo. Timeo autem ne sicut serpens Hevam seduxit astutia sua, ita corrumpantur sensus vestri, & excidant a simplicitate, quæ est in Christo.

Præterea, nunquid per spirituale matrimonium tollitur virginitas spiritualis? Absit. Imo tunc maxime conservatur; Ergo loquitur de virginibus materialibus, & nuptis similiter.

Præterea, quod loquatur de matrimonio carnali Ap. determinat cum subjungit: tribulationem tamen carnis habebunt hujusmodi; ego autem vobis parco; 1. Cor. c. 7. v. 28. Nunquid si aliqua congregatio nuberet Christo, aut Episcopo, necesse esset ut Ap. ei parceret? Absit; ergo loquitur de matrimonio carnali.

Item sequitur v. 29. Tempus breve est: reliquum est, ut & qui habent uxores tanquam non habentes sint. Quomodo potest hoc intelligi de matrimonio inter Ecclesiam & Prælatum? Nullo modo: quod enim Rectores Ecclesiæ sint tanquam non habentes Ecclesiam, hoc nihil est.

Item: Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, & divisus est. Et mulier innupta, idest vidua, & virgo, cogitat, quæ Domini sunt, ut sit sancta corpore, & spiritu. Quæ autem nupta est, cogitat quæ sunt mundi, quomodo placeat viro. Dic mihi, nunquid vult Sanctos esse sine sollicitudine spiritua-

li?

li? Absit, cum dicat Eph. 4. v. 3. *Solliciti servare unitatem Spiritus in vinculo pacis*. Hæc est illa unitas, de qua dicitur 1 Cor. 12. v. 13. *Etenim in uno spiritu omnes nos in unum Corpus baptizati sumus*; ergo non loquitur de spirituali sollicitudine.

Præterea quomodo stabit, quod sequitur: *Qui sine uxore est* idest sine Ecclesia, idest qui non est Prælatus Ecclesiæ, *sollicitus est quæ Domini sunt*, quomodo placeat Deo. *Qui autem cum uxore est, sollicitus est, quæ sunt mundi, quomodo placeat uxori*, idest Ecclesiæ, & *divisus est*? Nunquid iste non est sollicitus eorum, quæ Dei sunt, scilicet regiminis Ecclesiæ, & custodiæ ejus? Dic etiam: de quo mundo loquitur, nisi de materiali mundo? ergo & de materiali uxore, & ita de matrimonio carnali, & de sollicitudine temporalium, quæ imminet conjugatis, sine qua consuluit esse; unde & dicit: *Porro hoc ad utilitatem vestram dico*, idest consulo, sed non constringo vos præcepto ad hoc; unde & addit: *Non ut laqueum vobis injiciam* v. 35.

[*] Præterea dicit: *Qui sine uxore est sollicitus est, quæ Domini sunt* &c. Iste ergo melior est, quam si esset Prælatus, idest quam si esset cum uxore, idest cum Ecclesia. Melius ergo est subditum esse, quam Prælatum. Quomodo ergo stabit quod dicit Ap. v. 38. *Qui matrimonio jungit virginem suam, bene facit: & qui non jungit, melius facit*? Sic enim soles exponere; qui non jungit alii, sed tenet eam, melius facit. [*]

Præterea, nonne prius dixerat: *Mulier innupta & virgo cogitat, quæ Domini sunt, ut sit sancta corpore, & spiritu*. *Quæ autem nupta est, cogitat, quæ sunt mundi, & quomodo placeat viro*? Prima igitur de qua dixit, quod innupta est, & virgo, nullum habet virum; unde non cogitabat quomodo placeret viro, sed cogitabat quæ Dei sunt. Per hoc autem hortabatur Ap. eam præligere sine viro esse, quam esse cum viro, quia melius est ei. Nunquid Ecclesia potest esse sine viro? Vel nunquid hoc ei melius? Nunquid hoc diceret Ap.? Non. Ergo loquitur de carnali.

[*] Præterea nunquid Ecclesia copulata viro non cogitat quæ Domini sunt? Imo cogitat magis, quam si esset sine viro. Quomodo ergo diversificat Ap. inter illam, quæ est cum viro, & illam quæ est sine viro dicens: *mulier innupta, & virgo* &c.? [*]

Sequitur: *Si quis autem turpem se videri existimat super virgine sua, quod sit superadulta, & ita oportet fieri: quod vult faciat: non peccat si nubat*. Si Ap. hic loquitur spiritualiter, & virgo dicitur ibi aliqua congregatio, quis est iste, cujus dicitur esse virgo hæc? Si enim ejus est virgo; potestatem ergo habet super eam.

Præterea hoc idem videtur ex eo, quod dicitur inferius: *Nam qui statuit in corde suo firmus, non habens necessitatem, potestatem autem habens suæ voluntatis, & hoc judicavit in corde suo servare virginem suam, bene facit*. Igitur & qui matrimonio jungit virginem suam, bene facit; & qui non jungit, melius facit; v. 37. & 38. Sed quomodo hoc

esse posset, nisi Prælatus ejus esset? Nullo modo ergo iste, qui habet virginem, Prælatus est virginis idest congregationis. Ergo est maritus ejus. Sed si hoc est, quomodo ergo stabit, quod dicit Ap. *non peccat si nubat*? Nonne dicitur Rom. 7. v. 3. *Vivente viro vocabitur adultera si fuerit cum alio viro*?

Præterea dic mihi: si superadulta est, vel materialiter, vel spiritualiter? Si materialiter; ergo loquitur de virgine materiali. Si spiritualiter, quare turpem existimat se, si est superadulta spiritualiter? Imo est ei pulchrum, sive decens, nisi forte velis dicere, quod dicatur superadulta in malo: si autem hoc est, corrupta est, & non virgo. Ex his patet, quod Ap. loquitur de conjugio materiali, & de patre, vel de matre materiali virginis materialis.

Item 1. Cor. 7. v. 39. *Mulier alligata est legi quanto tempore vir ejus vivit, quod si dormierit vir ejus, liberata est, cui vult nubat: tantum in Domino*. Si autem vis dicere, non peccat iste si illa nubit, male dicis, supra enim v. 28. dixit: *Et si nupserit virgo, non peccavit*. Item dicit Ap. idem: *Qui matrimonio jungit virginem suam, bene facit: & qui non jungit, melius facit* v. 38. Istud patet de carnali matrimonio. Si autem de spirituali vis intelligere, quomodo stabit, quod dicit Ap.? Nunquid melius est Ecclesiæ esse sine matrimonio spirituali, & sine Prælato, quam in eo, & cum illo? Quis eam prædicabit, & reget, & corriget, si opus est? Nonne Ap. arguit in immensum gloriari, idest in aliena gloria? 2. Cor. 10.

Si autem vis dicere: *Qui matrimonio jungit virginem suam, bene facit*, si alii eam jungit: & qui non jungit alii, melius facit, tenet eam sibi.

Modo dic mihi: cui melius facit? Sibi, vel virgini? Si sibi: quare prius dixit: *Volo vos sine sollicitudine esse*, uxoris spiritualis, ut tu credis? Quomodo etiam dicit: *Hoc ad utilitatem vestram dico*; imo e contrario est, ut ipse ostendit ibi. *Qui sine uxore est*: Non enim loquitur materialiter, ut credis. Ergo loquitur de matrimonio spirituali. Est ne propter hoc melius congregationi, si alii rectori non datur? Imo si alii datur potest esse melius ei, quia melius potest regi quandoque ab alio.

Præterea, nonne prius ostenderat, quod innuptæ, & virgini melius est sic esse, idest sine viro, quam cum viro? Vtique, sic enim ait: *Mulier innupta, & virgo cogitat, quæ Domini sunt, ut sit sancta corpore & spiritu*. *Quæ autem nupta est, cogitat quæ sunt mundi, quomodo placeat viro*. Porro hoc ad utilitatem vestram dico; ergo cum dicit hoc: *Qui non jungit, melius facit*, debet intelligi, quod nulli jungit.

[*] Præterea si jungit, bene facit: & tu hoc intelligis sic: si jungit eam alii bene facit; si autem non jungit, sed tenet eam sibi, melius facit.

Contra. Apostolus loquitur in casu, quando non sufficit regere eam, ut tu dicis; melius ergo facit si jungit eam alii, quam si non jungit. Alius enim potest eam visitare, & docere, & consolari

V u 2 in

[*] Non comparent hæc in Codd. Bonon. & Vatic.

[*] Desunt hæc etiam ex utroque Cod. Vatican. & Bonon.

[*] Desunt ex Cod. Vat.

in tribulatione, iste non. Quomodo ergo audet dicere Ap. & qui non jungit, melius facit?

Præterea. Quomodo audet dicere. *Qui sine uxore est, sollicitus est, quæ Domini sunt, quomodo placeat Deo.* Sic enim ostendit, quod melius est esse sine uxore, quam cum ea.

Præterea, dic cui junget eam Episcopus? Dices Filio majori. Sed nonne Ap. arguit Corinthios de hoc, quod filius uxorem Patris habeat? Utique: sic enim ait 1. Cor. 5. v. 1. *Omnino auditur inter vos fornicatio, qualis nec inter gentes, itant uxorem patris sui aliquis habeat.* Quomodo ergo modo audet dicere, quod filius accipiat uxorem patris adhuc viventis?

Item: *Mulier alligata est legi, quanto tempore vir ejus vivit. Quod si dormierit vir ejus, liberata est: cui vult nubat: tantum in Domino.* Beatior autem erit, si sic permanserit secundum meum consilium. De beatitudine loquitur, non temporali, sed spirituali, vel cœlesti: de utraque autem falsum est, quod sit futura beatior, non enim melior est sine Prælato, quam cum Prælato.

Item in cœlesti non erit beatior, quia ut tu credis, unusquisque tantum recipiet, quod amisit, & illud solum ei reddetur. Loquitur ergo de carnali matrimonio cum dicit *cui vult nubat &c.* in quo etiam ostendit, quod liberum arbitrium ei est de nubendo, vel non nubendo. Quare ergo negas liberum arbitrium?

Præterea, quod hic dicit de vidua, intelligitur superius de Virgine: *Qui matrimonio jungit virginem suam, bene facit: & qui non jungit, melius facit;* ergo ibi etiam locutus est de matrimonio carnali.

§. V.

Probatio Ecclesiæ de Matrimonio contra utrosque Catharos communiter.

Nunc accedamus ad tertium, quod in hac parte tertia proposuimus, scilicet ut contra utrosque Catharos communiter differamus.

Primo autem inducimus illud Matth. 19. v. 3. 4. 5. 6. & 7. *Acceperunt (22) ad eum Pharisei tentantes, & dicentes: Si licet homini dimittere uxorem suam quacumque ex causa? Qui respondens ait eis: Non legistis, quia qui fecit hominem ab initio, masculum, & feminam fecit eos? Et dixit: Propter hoc dimittet homo patrem, & matrem, & adhaerebit uxori suæ, & erunt duo in carne una. Itaque jam non sunt duo, sed una caro. Quod ergo Deus conjunxit, homo non separet.*

(22) Tertullianus lib. IV. Contra Marcionem Cap. xxxiv. *Quod Deus itaque junxit, homo non disjunget.* Hoc responso, & Moyse constitutionem protexit, ut sui, & creatoris institutionem direxit, ut Christus ipse. Sed quatenus ex his revincendus es (Marcion) quæ recepisti, sic sibi occurram, ac si meus Christus. nonne & ipse prohibens divortium, & Patrem tamen gestans, eum qui marem, & feminam junxit, excusaverit potius, quam destruxerit Moyse constitutionem? Sed ecce si tuus sit iste Christus contrarium docens Moyse, & Creatori, ut si non contrarium ostendere meus sit. Pico enim illum conditionaliter, nunc fecisse divortii

Omnia ista intelligit hæreticus esse dicta a Christo non affirmative, vel in bona parte, sed secundum illorum opinionem. Unde non cum affirmatione, sed interrogatione dixit *non legistis?* &c. Quasi diceret: Vos illud, quod legistis in Genesi opinamini.

Dicunt etiam, quod Christus non secundum propriam opinionem, sed illorum conclusit dicens: *Itaque jam non sunt duo, sed una caro; quod ergo Deus conjunxit, homo non separet.* Hoc autem est contra illud, quod dicit Ap. 1. Cor. 7. v. 10. *Iis autem qui matrimonio juncti sunt, præcipio non ego, sed Dominus, uxorem a viro non discedere;* & loquitur ibi de matrimonio carnali, ut dicit ille qui unum ponit principium, & probatum est supra in hoc cap. Sensus autem illorum verborum Ap. est: non est meum præceptum, sed Dei, quod uxor non discedat a viro. Sed ubi hoc præcepit Dominus, quod uxor non discedat a viro, nisi hic: *Quod ergo Deus conjunxit, homo non separet?* quasi diceret: homo non dimittat uxorem suam, secundum Dei institutionem sibi conjunctam, nec è contrario uxor dimittat virum, supple quacumque ex causa. Ergo illud: *quos ergo Deus conjunxit &c.* dictum est affirmative, & secundum Christi opinionem in bona parte. Similiter autem & illud: *propter hoc dimittet homo &c.* In bona parte dictum esse probatum est in 1. par. hujus cap. super illo verbo 1. Cor. 6. v. 16. *Qui adhæret meretrici unum corpus efficitur.* Ex illatione etiam patet, quod de carnali matrimonio intelligitur. Ex præcedentibus enim infert Dominus, & præcedentia intelliguntur de carnali matrimonio; ergo & conclusio de eodem, vel nulla est illatio, si de illo non respondit, de quo facta est prius interrogatio, & de quo prædicta verba scripta erant.

Et nota, quod illa conclusio: *Itaque jam non sunt duo, sed una caro,* venit ex illo verbo: *& erunt duo in carne una,* idest in carnis unitate. Quod autem dicit non sunt duo, sensus est, idest non sunt divisibiles carnaliter, utroque vivente, sed una caro, idest sunt inseparabiles carnaliter, duo tamen sunt personaliter.

Item illa conclusio: *Quod ergo Deus conjunxit &c.* venit ex illo verbo, *& adhaerebit uxori suæ,* idest ei inseparabiliter conjungetur. Ex prædictis patet etiam, quare illa conclusio a Domino ponitur post præcedentem.

Nota etiam, quod Christus dicit: *Quod ergo Deus conjunxit,* quod est præteriti temporis, ut intelligatur ab initio creaturæ, quando fecit Adam, & Evam, tunc enim omne matrimonium fecit per similitudinem, & matrimonii institutionem.

Sequitur in eodem capitulo Matthæus post præ-

prohibitionem, si ideo quis dimittat uxorem, ut aliam ducat. Qui dimiserit, inquit, uxorem, & aliam duxerit, adulterium commisit, & qui a marito dimissam duxerit, æque adulter est ex eadem utique causa, qua non licet dimitti, ut alia ducatur. Illicite enim dimissam pro indimissa ducens, adulter est. Manente enim matrimonio nubere adulterium est. . . . Si omnino negas permitti divortium a Christo, quomodo tu nuptias dirimis nec conjungens maritum, & feminam? nec alibi conjunctos ad Sacramentum Baptismatis & Eucharistiæ admittens, nisi inter se conjuraverim?

dicta: Dicunt illi: *Quid ergo Moyses mandavit dare libellum repudii, & dimittere?* v. 7. Dixerat Dominus: *Quod ergo Deus conjunxit, homo non separet*, quod verbum videbatur esse contra illud, quod Moyses fecit, cum iussit dare libellum repudii, & dimittere; ideo dicunt: *Quid ergo Moyses mandavit &c.* Quasi dicant: vel tu male dicis, vel male fecit Moyses: ille enim facit, cujus autoritate fit. Sic ergo vel honorabant Moysen, vel ostendunt Christum ei contrarium, quod facere intendebant. Sed Dominus exoneras Moysen, & onerans, & arguens eos, quod non faceret, nisi malum esset dimittere ex quacunque causa, licet daretur libellus repudii, ait v. 8. *Ad duritiam cordis vestri permisit vobis dimittere uxores vestras*: Non esset duritia dimittere, si esset malum.

Præterea ex hoc concludo: ergo ex duritia cordis eorum erat, quod nolebant stare cum uxoribus, sed dimittere eas quacunque ex causa; ergo malum erat dimittere: unde contrarium laudans, scilicet adhærere inseparabiliter uxori, ait: *Ab initio autem non fuit sic*; de quo initio dixerat: *Non legistis, quia qui fecit hominem ab initio, masculum, & feminam fecit eos?* De ista duritia Act. 7. v. 1. Dicit Stephanus Judæis: *Dura cervice, & incircumcisis cordibus, & auribus, vos semper Spiritui Sancto resistitis*. De isto autem Spiritu 1. Tim. 4. v. 1. 2. & 3. *Spiritus autem manifeste dicit: Quia in novissimis temporibus discedent quidam a fide, attendentes spiritibus erroris, & doctrinis demoniorum; in hypocrysi loquentium mendacium, & cauteriatam habentium suam conscientiam, prohibentium nubere, abstinere a cibis, quos Deus creavit ad percipiendum cum gratiarum actione fidelibus, & iis qui cognoverunt veritatem*.

Quod autem de carnali matrimonio agatur Matthæ. 19. patet per verba Discipulorum v. 10. *Non expedit nubere*, non dixerunt non licet nubere, sed non expedit: aliqua enim licent, sed non expediunt, teste Ap. 1. Cor. 6. v. 12.

Præterea. Mar. 10. v. 10. Ubi agitur de eadem re dicitur: *Et in domo iterum Discipuli ejus de eodem interrogaverunt eum*: sed illi interrogaverunt eum de carnali; ergo & Discipuli de carnali interrogabant. Male ergo exponis tu, qui duo ponis principia, illud verbum: *Quod ergo Deus conjunxit, homo non separet*, idest Christum, & Ecclesiam aliquam.

Præterea, si hoc intelligitur de spiritali matrimonio, constat quod tu peccas, qui separas quandoque Episcopum a congregatione, excepta causa fornicationis; [*] Quandoque enim Episcopus tuus Ecclesiam suam tradit alii, scilicet Filio majori, quia non potest eam visitare, & regere pro aliqua debilitate. [*]

Item eodem cap. Matth. v. 9. Dicitur; *Dico autem vobis: Quia quicumque dimiserit uxorem suam, nisi ob fornicationem, & aliam duxerit, mæchatur*; Matth. 5. v. 32. Dicitur: *facit eam mæchari*. Qui ponunt unum principium intelligunt hoc de carnali matrimonio, & intelligunt ob fornicationem, id-

est quia ego cum ea fornicor, & fornicationem istam cum ea volo vitare.

Sed ponatur, quod ego dimittam eam non ob fornicationem istam, vel si placet, dimitto eam non quia illa sit fornicata cum alio, sed quia turpis est, vel ignobilis, vel vetula, vel hujusmodi: Christus dicit, quod si ipsa ad alium accedit, ego facio eam mæchari.

Contra. Nec dico, nec volo, nec ego eam facere hoc, imo relinquo eam in suo arbitrio.

Si dicat adhuc, quod facio eam mæchari cum alio, quia si eam tenerem, non fornicaretur cum eo.

Similiter ergo & tu facis eam mæchari, quia si teneres eam non fornicaretur cum alio.

Præterea. Dimittendo eam facit eam mæchari; ergo non dimittendo non facit eam mæchari; si enim affirmatio est causa affirmationis, & negatio negationis est causa; ergo in matrimonio non est fornicatio, vel adulterium.

[*] Præterea dimittendo eam facit eam mæchari. Quomodo potest hoc esse? Constat enim, quod sic dimittit eam suo arbitrio, ut prædictum est: sed tenendo eam provocat eam ad fornicationem, vel consentit ei in opere fornicationis requisitus ab ea; ergo tenendo eam potius facit eam mæchari. [*]

Præterea si dimittendo facio eam mæchari; ergo dimittere eam est peccatum; ergo est contra aliquod præceptum Dei. Quæro quod sit illud?

Si dicas: virum uxorem non dimittere nisi ob fornicationem, idest nisi velit vitare fornicationem cum ea.

Contra. Tenere eam si non vult vitare fornicationem, quæ est cum ea, ut dicis, peccatum est; Deus autem in nullo casu præcepit aliquod peccatum fieri; ergo in nullo casu præciperet, quod ego tenerem uxorem, si non vellem vitare fornicationem, quæ cum ea est.

Præterea. Quid est hoc dicere, tene eam si non vis vitare fornicationem, quæ cum ea est, nisi dicere quod Dominus præcipiat: Esto firmus cum ea in fornicatione, vel nisi dicere, si tu non vis vitare fornicationem, præcipio ut forniceris cum ista? Absit autem, quod Dominus hoc dicat.

Præterea. Quid intendebat Dominus per illud: *Dico autem vobis, quia quicumque dimiserit uxorem suam, nisi ob fornicationem, & aliam duxerit, mæchatur?* Constat quod intendebat præcipere, quod homo non dimitteret uxorem nisi ob fornicationem; unde 1. Cor. 7. *Præcipio non ego, sed Dominus uxorem a viro non discedere &c.* v. 10. Vel tenere eam mulierem cognoscere carnaliter non est malum; vel Dominus præcepit malum: sed Dominus nunquam vult aliquod malum, nec præcipit, idest peccatum; ergo tenere eam ad cognoscendum eam carnaliter non est peccatum, imo bonum; quidquid enim a Domino præcipitur bonum est; ego matrimonium carnale a Deo sancto est.

Præterea, qui illam duxerit, five dimissa fuerit, five non, adulteratur; frustra ergo, five otiose di-

xit

[*] Quæ duobus asteriscis contenta vides, desunt e *Cod. Neapol.*

[*] Desunt hæc item comprehensa duobus asteriscis, e *Codd. Bon. & Vat.*

xit illud Matth. 19. v. 9. *Et qui dimissam duxerit machatur*, imo debuit dicere, quicumque duxerit adulteratur, si ita est ut dicis, quod matrimonium carnale adulterium est: sed Dominus non fuit locutus otiose; ergo ob aliquam justam causam, cum non possis assignare, ego tibi assigno eam, scilicet, quia licet dimissa sit ob fornicationem, tamen legitima ejus uxor est, unde Rom. 7. v. 2. *Mulier vivente viro alligata est legi*. Item 1. Cor. 7. v. 39. Idem habetur.

Notandum autem est hoc verbum Domini Mat. 5. v. 32. *Omnis qui dimiserit uxorem suam, excepta fornicationis causa, facit eam machari*, quod ideo dicitur, quia alioquin dimittit eam ex causa propter quam non debet dimittere, sola enim causa dimittendi eam est, si Christiana est ista, si alii ipsa adhæserit, & e contrario.

Ecce disputavimus verbum Domini contra illos, qui illud intelligunt de matrimonio carnali: nunc autem disputemus illud contra illos, qui de spirituali illud intelligunt, matrimonio scilicet Prælati, & Ecclesiæ. Si enim hoc est; ergo de spirituali fornicatione intelligitur.

In primis autem dico: quod nullo testimonio possunt ostendere, quod Episcopus vel Prælatus aliquis, sit vir, idest Sponsus Ecclesiæ, sed tantum Christus. Jo: 3. v. 29. *Qui habet sponsam sponsus est* &c. 2. Cor. 11. v. 2. *Respondi vos uni viro*, scilicet Christo, non mihi dixit Paulus. Iste autem argumentandi modus est contra istos in locis plurimis.

Præterea, ex illo verbo *non expedit nubere* Matthæ. 19. v. 10. patet, quod de materiali matrimonio loquitur.

Præterea, si illud verbum: *quod ergo Deus conjunxit, homo non separet*, de spirituali intelligitur, ut tu credis; quomodo ergo tu audes separare Prælatum ab Ecclesia, si neuter fornicatus est cum alio, cum Prælatus cum Ecclesia non fornicetur?

Præterea, quomodo intelligere vis nisi ob fornicationem? Si sic, quia fornicabatur stando cum ea: hoc non potest stare, quia Prælatus cum Ecclesia non fornicatur. Si dicas ob fornicationem uxoris, idest Ecclesiæ, quæ fornicatur, quomodo stabit hoc, cum ipse dicat Ecclesiæ Matth. 28. v. 20. *Ecce ego vobiscum sum omnibus diebus, usque ad consummationem seculi*.

Item Matth. 7. v. 24. & 25. *Omnis ergo qui credit verba mea hæc, & facit ea, assimilabitur viro sapienti, qui ædificavit domum suam supra petram, & descendit pluvia, & venerunt flumina, & flaverunt venti, & irruerunt in domum illam, & non cecidit: fundata enim erat super petram*.

[*] Quod si de aliqua spirituali congregatione vis hoc intelligere, tamen, quod dixisti, stare non potest: Aut enim illud intelligis sic, quia Ecclesia fornicatur stando cum illo, & hoc non potest esse licitum uni stare cum alio in matrimonio spirituali.

Aut illud hoc modo intelligis, quia cum alio fornicata est; ergo cum Dominus amputet omnes alias causas a fornicatione, si illam dimittit excepta causa fornicationis peccat mortaliter, quod etiam patet ex verbo Ap. 1. Cor. 7. v. 10. *Is autem qui matrimonio juncti sunt, precipio non ego, sed Dominus, uxorem a viro non discedere*; ergo jam non est intra Ecclesiam secundum te; ergo si illa nubit alii, non adulteratur ipsa, neque qui eam ducit; quomodo ergo stabit verbum Domini Matth. 5. v. 32. *Qui dimiserit uxorem suam excepta fornicationis causa facit eam machari*; restat ergo quod non intelligitur de spirituali matrimonio neque verbum Ap.: *Is autem qui matrimonio &c.* Quod autem dimittere aliud sit, quam fornicari patet ex verbis Domini, in quibus habetur, quod fornicatio est causa dimittendi.

Item quia dimittere concessum est ob fornicationem, fornicari autem non est concessum. [*]

Item Matth. 14. dicebat Johannes Herodi: (23) *Non licet tibi habere, uxorem fratris tui*. Istud non potest intelligi de uxore, vel viro spirituali, quia Herodias non erat, nec fuerat spiritualis, nec Philippus frater Herodis, cujus fuerat uxor. Intelligitur ergo de carnali. Johannes ergo zelo justitiæ armatus, arguebat eum quia habebat uxorem fratris sui; aliam ergo non licebat habere, quia non arguebat nisi quia duxerat uxorem fratris sui, nec alios arguebat, quia uxores habebant.

Quod autem Johannis testimonio sit standum patet, quia Johannes venit in via justitiæ, quod non esset verum, si ejus doctrina esset mala; unde dicitur Matth. 21. v. 32. *Venit ad vos Johannes in via justitiæ, & non credidistis ei*: Similiter nec vos ei creditis, qui de alio non arguit, nisi de uxore fratris, vos autem sic.

Item Jo: 2. v. 1. dicitur: *Nuptiæ factæ sunt in Cana Galilææ &c.* (24) Istud pertransimus quia inde diximus in cap. 8. primæ partis, ubi agitur de miraculis.

Item 1. Cor. 14. v. 34. *Mulieres in Ecclesiis taceant, non enim permittitur eis loqui, sed subditas esse, sicut & lex dicit*. Gen. 3. v. 16. *Sub viri potestate eris*. Constat quod lex loquitur de materiali muliere; ergo & Apostolus.

Præterea. Constat, quod Ap. non appellat mulieres Ecclesias, cum dicat: *Mulieres in Ecclesiis taceant*.

Præterea dicitur v. 35. *Si quid autem volunt discere, domi viros suos interrogent*. In Ecclesia non faciant hoc, sed in domo; istud ergo intelligitur de materiali dono, & de materiali viro, & de carnali matrimonio. Mulieribus istis datur præceptum tacendi in Ecclesia, istæ ergo sunt intra Ecclesiam: *quid enim mihi de iis qui foris sunt judicare?* ut habetur 1. Cor. 5. v. 12. ergo matrimonium carnale non est contra Ecclesiam.

Item

[*] Desunt hæc etiam ex Cod. Vat. & Bon.

(23) Tertullianus lib. IV. Contra Marcionem cap. xxxiv. Johannes, inquit, retundens Herodem, quod adversus legem uxorem fratris sui ... duxisset, habentis filiam ex illa ... coniectus in carcerem fuerat, ab eodem Herode postmodum & occisus. Facta igitur mentione Johannis Dominus, & utique successus exitus ejus, illicitum matrimonium & adulterii figura jaculatus est in Hera-

dem, adulterium pronuncians, etiam qui dimissam a viro duxerit, quo magis impietatem Herodis oneraret, ... qui dimissam a viro duxerat ... ex libidinis, non ex legis instinctu; ac propterea Prophetam quoque assertorem legis occiderat.

(24) Hoc argumento convellit eos, qui nuptiis erant infesti Gregorius Nazianzenus. Orat. xxx.

Item Eph. 5. v. 22. & 23. *Mulieres viris suis subditæ sint, sicut Domino: quoniam vir caput est mulieris, sicut Christus caput est Ecclesiæ; Mulieres ergo hic aliæ sunt, quam Ecclesia.*

Præterea dicitur: *Quoniam vir caput est mulieris, sicut Christus caput est Ecclesiæ; ergo nec mulier est Ecclesia, nec vir est Christus.*

Item, non invenitur, quod aliud sit caput Ecclesiæ, nisi Christus; ergo vir non est caput Ecclesiæ: sed est caput mulieris; ergo vir non dicitur hic Prælati, nec mulier Ecclesia.

Præterea, quod vir qui est caput mulieris sit vir materialis patet 1. Cor. 11. Idem habetur ex eo, quod sequitur Eph. 5. v. 25. *Viri diligite uxores vestras, sicut & Christus dilexit Ecclesiam.* Ecce quod distinguit inter uxorem & Ecclesiam, sicut prius inter eandem & mulierem.

Præterea, si per mulierem intelligitur Ecclesia Ephesiorum, quæ sunt aliæ mulieres, idest Ecclesiæ ipsorum?

Præterea ibi v. 28. dicitur: *Ita & viri debent diligere uxores suas ut corpora sua: Ecce quod distinguit inter corpus & uxores. Vel si placet dic mihi aut corpora dicuntur ibi Ecclesiæ, aut ista materialia corpora: aliter non invenitur sumi corpus, quod aliquo testimonio tu possis ostendere: sed primo modo non accipiuntur; viri, idest Prælati debent diligere uxores suas, idest Ecclesias, ut corpus suum, idest ut Ecclesias suas; sumuntur ergo corpora pro materialibus corporibus. Hoc etiam patet ex eo, quod subdit Ap. v. 29. *Qui suam uxorem diligit, seipsum diligit. Nemo enim unquam carnem suam odio habuit: sed nutrit & fovet eam, sicut & Christus Ecclesiam.* Caro ergo non venit pro Ecclesia, sed pro materiali carne, quæ est corpus; loquitur ergo Ap. materialiter, & de materialibus viro, & uxore.*

Præterea ibi dicit Ap. v. 33. *Et vos singuli unusquisque uxorem suam sicut seipsum diligit.* Nunquid unusquisque Ephesiorum habebat Ecclesiam ad regendum? Non: ergo loquitur materialiter, poterat enim esse, quod major pars virorum uxores materiales haberent, de quibus filios generabant, quos docens Ap. statim ait c. 6. *Filii obedite parentibus vestris in Domino: hoc enim justum est. Honora patrem tuum, & matrem tuam, quod est mandatum primum in promissione: ut bene sit tibi, & sis longævus super terram* v. 1. 2. & 3. Istud erat mandatum legis Moyfi, quæ de materialibus filiis & parentibus loquebatur; patet ergo quod Ap. de fructu matrimonii carnalis ait; ostendens qualiter se debet habere ad suam originem, idest parentes.

Non est autem prætermittendum illud verbum. Ap. illic: c. 5. v. 3. *Sicut & Christus Ecclesiam: quia membra sumus corporis ejus, de carne ejus, & de ossibus ejus.* Ecclesia enim Corpus Christi dicitur Rom. 12. & 1. Cor. 12. Istud corpus carnem habet, & ossa. Quidam sunt de ossibus ejus, sicut fortes, & firmi; quidam de carne, idest fragiles, & infirmi; quos oportet portari ab ossibus. *Propter hoc*

relinquet homo patrem, & matrem suam, & adhærebit uxori suæ: & erunt duo in carne una. Sacramentum hoc magnum est: ego autem dico in Christo, & in Ecclesia v. 31. & 32. Ecce quod dicit Ap. quoniam illud verbum Genesim Sacramentum magnum est; matrimonium Christi, & Ecclesiæ, propter hoc, dicit, idest ad significandum quantum Christus dilexit Ecclesiam, scriptum est hoc: *Relinquet homo &c.*

Istud patet quantum ad sensum literæ; mystice autem intantum Christus dilexit Ecclesiam, ut patrem relinqueret, formam servi assumendo, & formam Dei non ostendendo, matrem relinquendo, idest sinagogam Judæorum, ex qua ortus est secundum carnem ut habetur Rom. 9. v. 5. adhæsit uxori, idest Ecclesiæ, & fuerunt duo, idest Christus & Ecclesia in carne una. Nemo sani capitis dubitat, quia lex loquitur materialiter; ergo & Ap. loquitur de materiali uxore, quam debet vir diligere, sicut Christus dilexit Ecclesiam.

Qualiter autem respondendum sit ad id, quod objicit hæreticus super hoc verbo, habitum est 1. p. hujus cap.

Item 1. Tim. 2. v. 10. usque ad finem (24) *Mulier in silentio discat cum omni subjectione. Docere autem mulieri non permitto, neque dominari in virum; sed esse in silentio. Adam enim primus formatus est, deinde Heva: & Adam non est seductus, mulier autem seducta in pravaricatione fuit: Salvabitur autem per filiorum generationem si permanserit in fide, & dilectione, & sanctificatione cum sobrietate.* Duo aufert Ap. mulieri, de qua loquitur, scilicet magisterium, & dominium super virum, & subdit duas causas, quia non est primo condita mulier, scilicet Heva, sed vir primo conditus est, unde debet esse ejus antianus, non e contrario. Secunda autem causa, quia primo peccavit, & ab ipsa ad virum peccatum venit, unde & dicit. *Adam enim primus formatus est, deinde Heva, & Adam non est seductus; supple prius, mulier autem seducta in pravaricatione fuit.* Ecce patet evidenter, quod loquitur de muliere, & viro materiali, ratione suæ originis, scilicet Adæ, & Hevæ. Hoc etiam patet per illud 1. Cor. 14. Ubi idem ex parte dicitur, ut ostensum est supra.

Præterea ibi dicitur: *Salvabitur autem per filiorum generationem, si permanserit in fide, & dilectione, & sanctificatione cum sobrietate.* Istud de Ecclesia non potest intelligi, quia Ecclesia generare filios spirituales non potest tacendo, quod hic indicitur mulieri, sed docendo, quod ei prohibetur; ergo mulier ista quæ salvabitur per filiorum generationem, non est Ecclesia; ergo est materialis mulier, & materiales filii ejus, per quorum generationem salvatur, ergo concubitus viri cum uxore non est peccatum, si sit propter generationem ad Dei honorem.

[*] Præterea dicit Eph. 5. v. 23. *Quod vir caput est mulieris*, ubi patet quod mulier non sumitur pro Ecclesia, quia Prælati non est caput Eccle-

(24) Timotheum instruens (Apostolus) nuptiarum quoque interdictiones sugillat. Ita instituunt Marcion, & Apelles ejus sequutor. Tertullianus lib. Præscript. cap. xxxiii.

[*] Quæ duobus asteriscis comprehendimus, desunt, e Codd. Bonon. & Vatic.

elefiæ, quod tu possis ostendere aliquo testimonio. [*]

Item 1. Tim. 4. v. 2. & 3. dicit Ap. quod quidam doctrinis dæmoniorum attendentes prohibebunt nubere, (25) & abstinere a cibis, quos Deus creavit. De quibus cibis loquebatur monstratum est: nunc videamus de quibus nuptiis: dico autem quod de matrimonialibus 1. Cor. 7. Consilium dedit Ap. non nuptis, & viduis ut non nubant, & dixit v. 40. *Beatorum autem erit, si sic permanserit*, idest innupta ut Ap. consuluit, cujus consilio fore standum ostendit, quia Spiritus Sancti est, unde: *Puto autem, quod & ego Spiritum Dei habeam*, a quo istud consulo. Consuluit autem hoc, scilicet non nubere, sed non prohibuit nubere ductus a Spiritu Dei. Modo autem dicit, quod quidam ducti a spiritibus dæmoniorum prohibebunt nubere; istud autem volunt intelligere de nuptiis spiritualibus; ego autem dico, quod nullo testimonio possunt ostendere, quod nubere spiritualiter sumatur. Ego autem habeo testimonia, quod materialiter venit. Matth. 19. v. 10. *Non expedit nubere*.

Item 22. v. 30. *Neque nubent, neque nubentur*; & multa similia.

Præterea, ubi habent ipsi, quod Ecclesia sit sponsa Prælati, & quod Prælati sit sponsus Ecclesiæ? Volunt autem hoc habere per illud, quod dixit Ap. 1. Tim. 3. v. 2. De Episcopo, quem oportet esse: *unius uxoris virum*; hoc autem non potest intelligi de materiali uxore ut dicunt, quia Episcopi non ducunt uxores, nec Diaconi; ergo istud intelligitur de uxore spirituali ipsius Episcopi, & ita Ecclesia nubit Episcopo.

Ad hoc dico: quod supra falsum fundavit argumentum hæreticus iste. Imo Episcopi & Diaconi uxores ducunt in Ecclesia Orientali, in Occidentali autem non. Placuit enim hoc Occidentalibus se abstinere ab omni coitu, ut expeditores essent; elegerunt itaque, quod licet, & expedit. Orientales vero quod licet, sed non expedit: unde cum dicitur: *Oportet ergo Episcopum irreprehensibilem esse, unius uxoris virum*, istud intelligitur de Orientalibus, qui non adstrinxerunt se voto omnimodæ castitatis, & est sensus *unius*, idest non plurium. (26) Quod autem de uxore materiali, & de filiis materialibus intelligatur, patet ex eo, quod dicit Ap. v. 4. Oportet Episcopum esse *sua domui bene præpositum*. Nunquid istud de domo spirituali intelligitur? Forte di-

cet quod sic, propter hoc, quod dicit ibi Ap. v. 15. *Ut scias quomodo oporteat te in domo Dei conversari, quæ est Ecclesia Dei vivi*. Sed hæreticus deceptus est, illam appellat domum suam illius, istam domum Dei, ut notaret quod hic, & ibi de alia domo loquitur, idest de materiali, quam appellat suam, hic de spirituali, quam dicit Dei.

Præterea, nonne ibi dicit Ap. v. 5. *Si quis autem domui suæ præesse nescit, quomodo Ecclesiæ Dei diligentiam habebit?* Ergo domus ista non est Ecclesia Dei, sed propria domus, in qua cum uxore & filiis moratur, quibus si bene præest, argumentum est, quod & Ecclesiæ Dei bene præerit; loquitur ergo de uxore materiali, & de filiis materialibus, sicut & de domo materiali.

[*] Præterea, ego habeo, quod sit domus materialis 1. Tim. 5. v. 3. & 4. *Viduas honora, quæ vere viduæ sunt. Si quæ autem vidua filios, aut nepotes habet, discat primum domum suam regere*.

Præterea, ubi habes tu, quod universalis, vel particularis Ecclesiæ, dicatur domus sua, idest Prælati? Ego non invenio hoc, sed quod est domus Filii, vel Patris Hebr. 3. v. 2. ubi ait de Christo: *Qui fidelis est ei, qui fecit illum, sicut & Moyses in omni domo ejus*. Item ibidem v. 5. & 6. *Et Moyses quidem fidelis erat in tota domo ejus tanquam famulus in testimonium eorum, quæ dicenda erant. Christus vero tanquam filius in domo sua: quæ domus sumus nos*. Hebr. 10. v. 21. *Sacerdotium magnum super domum Dei* 1. Tim. 3. v. 15. *Ut scias quomodo oporteat te in Domo dei conversari, quæ est Ecclesia Dei vivi, columna & firmamentum veritatis* [*]

Item, quod Ap. loquatur de nuptiis materialibus 1. Tim. 4. patet ex eo, quod dicit v. 1. *Spiritus autem manifeste dicit*. Si enim de spiritualibus nuptiis istud intelligeretur, non loqueretur manifeste, imo occulte, quia nullo testimonio Scripturæ invenitur nubere in sensu spirituali, sed tantum materiali.

Præterea ex eo, quod probavimus quoniam de cibis materialibus intelligitur, patet etiam, quod de materialibus nuptiis.

Item 1. Tim. 5. a v. 3. usque ad 16. *Viduas honora quæ vere viduæ sunt*, usque, *ut iis quæ vere viduæ sunt sufficiat*. v. 16. Ap. loquitur de multis generibus viduarum, scilicet de illis, quæ habent filios, & nepotes, & ita familiam habent, quæ indiget earum regimine. Item ait de illis, quæ sunt desolatæ

tæ

(25) Huc spectant, quæ ex Tertulliano attulimus notat. 23. In hoc Cap. Apostoli porro locum, quem laudat Moneta, in Manichæos intorquet Augustinus Lib. xxx. *Contra Faustum* cap. vi. *Beaufobrius* lib. vii. *Hist. Manich.* cap. iv. num. i. Fausto dicenti a suis non impediri nuptias, nihil aliud opposuisse Augustinum ait, quam secundum indulgentiam id concedi auditoribus Manichæorum, quod nollent electis obtemperare. Sed falsus est Beaufobrius. Etenim Sanctus Episcopus, hæc opponit Fausto l. c. „Non vos Spiritus Sanctus ita pronunciaret, dicens: prohibentes nubere. Ille enim „prohibet, qui hoc malum esse dicit, non qui huic bono aliud „melius anteponit. Denique vos eum præcipue concubitus de- „testamini, qui solum honestus, & conjugalis est, & quem ma- „trimoniales quoque tabulæ præ se gerunt liberorum procrean- „dorum causa, unde vere non tam concumbere, quam nubere, „prohibetis. Nec ideo vos dicatis non prohibere, quia multos „vestros auditores in hoc obedire nolentes, vel non valentes, so- „la amicitia toleratis. Illud enim habetis in doctrina vestri erro- „ris, hoc in necessitate societatis. Quid? negat hæc Faustus? Ni-

hil ultra opponit. Quare fateamur oportet, quod ante quoque animadvertimus, Manichæos prohibuisse nuptias, quod peccatum esse putarent, tulisse autem utcumque, quod impedire non poterant, ut Auditores sui, qui parere nollent matrimonio sese conjungerent.

(26) Ita nempe, ut post mortem unius, aliam uxorem non duxerit. Nam de Polygamia simultanea intelligi non potest Apostolus, quippe quæ non Episcopis solum, sed etiam laicis interdicta fuerit. Quamobrem de successiva dygamia loquatur necesse est. Ergo, ut viduam unius viri uxorem, non viventis, alioqui vidua non esset, possit Apostolus ad ministerium, ita Episcopum unius uxoris jam demortuæ virum postulat. Quare obtinet etiamnum in Ecclesia Orientali, quod jam inde a primordio Ecclesiæ in usu fuit, ut Presbyteri laici, qui uxorem duxerunt, nequeant assequi Episcopatum nisi se prius ab uxore sejunxerint.

[*] Desunt hæc, quæ sunt duobus asteriscis contenta ex *Codd. Bononiensi & Vaticano*.

tæ idest, quæ non habent ista. Item de vetulis, & adolescentulis, & de bonis, & malis, & de his quas Timotheus debet vitare, ne recipiat eas ad Ecclesiam, & de his quas debet recipere. Modo dico sic: quia istæ viduæ non possunt dici Ecclesiæ, quarum viri, idest Prælati mortui sunt; ostensum est enim prius, quod Prælati non est vir Ecclesiæ, sed solus Christus, sicut ipse solus est caput.

Præterea: Istæ viduæ, bonæ & malæ reperiuntur; sed Ecclesiæ Dei non nisi bonæ sunt.

Item, si Prælati sunt viri Ecclesiæ, istæ non erant viduæ, quia Timotheus erat earum Prælati.

Item dicit: *Si qua vidua filios, aut nepotes habet, discat primum domum suam regere.* Domum materiale dicit, ubi est vidua cum filiis, & nepotibus materialibus; ergo de vidua materiali loquitur. Agitur de desolata, idest quæ non habet familiam, dicit quod instet orationibus die ac nocte, quia non est impedita sicut prima. Postea loquitur de mala vidua, quæ vivit in deliciis, & mortua est in anima. Dicit autem quod omnibus præcipiat, ut sint irreprehensibiles; ergo istæ intra Ecclesiam Timothei erant; ergo nuptæ spiritualiter ei; ergo erant viduæ materiales.

Sequitur: *Adolescentiores autem viduas devota &c.* Istas non vult recipi ab Ecclesia, vel a Timotheo, & dicit quod vult eas nubere. Quare non vetulas, si de nuptiis spiritualibus agitur? Imo potius vetulas, sic enim ait. *Vidua eligatur non minus sexaginta annorum, quæ fuerit unius viri uxor:* loquitur ergo de materialibus.

Item Hebr. 11. v. 11. *Fide & ipsa Sara sterilis virtutem in conceptionem seminis accepit:* constat, quod loquitur de Sara uxore Abraham, quæ virtute fidei, accepit virtutem concipiendi semen, & generandi filium, scilicet Isaac, ut patet ex eodem cap. & Rom. 4. loquitur autem de fide sine qua impossibile est placere Deo, ut habetur ibi v. 6. Conceptio ergo ex fide sancta est; ergo non est mala, vel illicita. Ipsa est conceptio carnalis; quod enim de alia Sara spirituali agatur, non potest ostendi aliquo testimonio; ego autem possum ostendere hoc, quod dico Rom. 4. & 1. Petri 3.

Item 1. Pet. 3. v. 1. *Mulieres subditæ sint viris suis: ut & si qui non credunt verbo, per mulierum conversationem sine verbo lucrifiant.* Hic dicas, quod prædictum est, quoniam Prælati non sunt viri Ecclesiarum.

Item istud patet per hoc, quod ait: *Si qui non credunt verbo.* De viris earum loquitur, unde 1. Cor. 7. v. 14. *Sanctificatus est enim vir infidelis, per mulierem fidelem;* ergo non sunt isti Prælati, sed sunt viri materiales, habentes materiales uxores.

Item 1. Petri v. 5. *Sic enim aliquando, & Sanctæ mulieres sperantes in Deo, ornabant se, subiectæ propriis viris. Sicut Sara obediebat Abraham &c.* v. 6. Istud fuit ante Christum in Veteri Testamento, ubi secundum te non fuit matrimonium spirituale; ergo de materialibus viris, & uxoribus loquitur.

Item dicit: *Cujus (Saræ) estis filiæ benefacientes;* illa ergo bene faciebat, & bona erat: & tamen carnaliter jungebatur cum Abraham; ergo illud non est peccatum.

Similiter ibidem v. 7. dicitur: *Viri similiter cohabitantes secundum scientiam, quasi infirmiori vasculo muliebri, impartientes honorem, tanquam & coheredibus gratiæ vitæ.* Istud est vasculum, de quo 1. Thes. 4. v. 34. & 35. *Ut abstineatis vos a fornicatione, ut sciat unusquisque vestrum vas suum possidere, in sanctificatione, & honore: non in passione desiderii, sicut & gentes, quæ ignorant Deum:* sumptum est de Tob. c. 8. v. 5. & concordat Ap. cum Petro, qui dicit: *viri similiter cohabitantes* idest cum uxoribus habitantes, *secundum scientiam*, idest prudenter, quia non pro passione desiderii, idest non pro delectamento carnis, sed propter vitandam fornicationem, vel habendam prolem ad Dei honorem ut habitum est 1. Tim. 2., vel propter debiti redditionem: Et dicit, quod viri impertiant honorem eis propter tres causas, una quia infirmiores, alia quia participes gratiæ in presenti, tertia quia participes vitæ in futuro. Honor iste, quem viri debent impendere uxoribus, est honesta provisio in vestibus, & aliis necessariis. Rom. 15. v. 1. *Debemus autem nos firmiores imbecillitatem infirmorum sustinere.* Propter hoc dicit Ap. Hebr. 13. v. 4. *Honorabile connubium in omnibus, & thorus immaculatus,* idest sine macula adulterii. Hæc sunt illa duo 1. Thes. 4. v. 4. *ut sciat unusquisque vas suum possidere in sanctificatione*, contra maculam, idest adulterium, & honore debitæ provisionis.

Item Hebr. 13. v. 4. *Honorabile connubium in omnibus, & thorus immaculatus:* invitat ad matrimonium, ne homo incurrat adulterii, vel fornicationis iudicium: *Fornicatores enim & adulteros judicabit Deus.* Monet etiam ut sit honorabile, honeste providendo uxori in necessariis. Monet etiam ne ad alteram accedat ut sit *thorus immaculatus* propter evitandum iudicium adulterii, quia *adulteros judicabit Deus.* *Immaculatus* dicitur, idest sine macula adulterii, ut sibi mutuam fidem servant.

Hæreticus tamen istud intelligit de materiali macula, cum tamen major macula sit in vomendo, quod tamen fit sine peccato, quàm eundo ad privatas: Nunquid propter hoc damnamur? Nonne & quandoque aliquis infirmus mingit, vel aliud etiam facit in lecto sine peccato?

[*] Item tu, qui unum ponis principium, credis, quod Deus Sanctus Noe cum uxore sua custodierit, & filios cum uxoribus pro semine humani generis, & de universis animalibus, & volucribus masculum, & fœminam: quare audes ergo damnare coitum. [*]

Item Act. 21. a v. 3. usque ad 6. dicit Paulus. *Venimus Tyrum, ibi enim navis expositura erat onus. Inventis autem discipulis mansimus ibi diebus septem: qui Paulo dicebant per Spiritum, ne ascenderet Jerusalem. Et expletis diebus profecti ibamus, deducuntibus nos omnibus cum uxoribus, & filiis usque foras civitatem.* Isti erant discipuli, qui per Spiritum Sanctum loquebantur Paulo, ne iret Jerusalem, & erant cum uxoribus, & filiis; non reliquerunt ergo uxorem & filios, ergo matrimonium bonum, & potest quis salvari in eo filios procrean-

X x do,

[*] Non extant hæc, quæ duobus asteriscis comprehensa cernis in Codd. Vat. & Bonon.

do, ut patet ex 1. Tim. 2. v. 15. *Salvabitur autem mulier per filiorum generationem, si permanserit in fide & dilectione & sanctificatione*, idest sine macula adulterii, cum sobrietate contra gulositatem.

Item contra Catharos, qui duo ponunt principia, potes inducere omnia, quæ in prophetis leguntur de generatione filiorum, & filiarum, & de acceptione uxorum.

C A P. VIII.

De Resurrectione Corporum.

§. I.

Quibus de Causis inducti sint Cathari ad negandam horum corporum resurrectionem, & quid de resurrectione hæretici communiter sentiant, & unde suum errorem confirment.

Viso de Sacramentis Ecclesiæ, videndum est de ultima retributione, utrum scilicet retributio fiat corporibus istis, in quibus, & cum quibus animæ bona, vel mala egerunt. Prius tamen errorem eorum, qui resurrectionem corporum negant, (1) & causas erroris producemus in medium.

Cathari horum corporum resurrectionem negant, & hoc ideo, quia ea a Diabolo creata, vel facta credunt esse. Hanc autem causam in præcedentibus destruximus.

(1) Gnosticos, aliosque hæreticos veteres sane multos sequuti sunt in hac re Cathari. Etenim Samaritæ corporum resurrectionem negaverunt, ut referunt Philastrius *Hæres. vii* Leontius de *Sectis*, Art. 2. Consulitor Lequienius in *Not. in lib. Johannis Damasceni de Hæresibus* n. 1x. quo loco de hodiernis Samaritis etiam disserit. Hymeneus, & Philetus hæretici primi seculi factam jam esse putarunt resurrectionem. Vide Paulum *Epist. II. ad Timotheum* Cap. II. v. 18. Quoquo tandem modo id intellexerint, concludi certe inde potest, veram corporum resurrectionem fuisse ab illis sublatam. Simon item magus negavit resurrectionem corporum, ut narrat Pseudo Clemens *Homilia* II. n. 22. Quin etiam Basilides, apud Irenæum *lib. 1. Cap. xxiv. n. 5.* Menander apud eundem *lib. 1. Cap. xxi. n. 5.* Carpocrates apud Epiphanium in *Indicul. lib. 1. Tom. II. n. 7.* Saturninus, apud Anonymum inter *Opp. Tertulliani Append. ad lib. de Præscriptionibus* Cap. xlvi. Marcus & Colorbas, apud eundem Anonymum *Cap. 1. Severiani* apud Epiphanium *Indic. Tom. II. lib. 1. n. 12.* Cajani *ibid. n. 5.* Ophitæ, apud laudatum Anonymum *Cap. xlvii.* Cerdoniani, apud Epiphanium *l. c. n. 8.* Marcionitæ apud Irenæum *lib. 1. Cap. xxvii. n. 3.* Appelleriani apud Anonym. ante memoratum *Cap. 11.* Bardesanes apud Epiphani. *Hæres. lvi. n. 2.* Archontici apud Epiph. *Indicul. n. 7.* Hieracitæ, apud Epiph. *Hæres. lxxvii. n. 1.* uno verbo omnes Gnostici, apud Irenæum *l. 1. Cap. xxii. n. 1. & lib. v. Cap. II.* in eodem errore versati sunt. His consentire Manichæi, apud Epiphanium *Hæres. lvi. n. 86.* Michael Balbus, apud Zonaram *Annal. lib. xv. pag. 136. Tom. II. Edit. Parij. an. 1637.* Bogomillii apud Euthimium in *Panopl.* Ab his suam doctrinam mutuati sunt Cathari. Hæretici quidam novi non negant corporum resurrectionem; sed eodem, quo sumus nunc instructi corpore non esse suscitandos putant. Jactant enim cælestibus corporibus justos esse induendos, ut Sociniani, apud Cloppemburgium in *Compendio Socinianismi* *Cap. viii. §. II. pag. 404.* quin etiam censent impios nunquam resurrecturos. Vide *Natalem Alex. Hist. Ecclesiastica Sec. xv. & xvi.* dubitant Arminiani, e quibus tamen Slatius negat istdem corporibus homines resurgere oportere. Slatio consentiunt Vveigeliani apud Gasparem Calvorum *lib. xvii. Fissura Sionis* *Cap. 14. §. xiii. pag. lxxvii. n. 566.* Sectatores quidam Petri Ri-

Aliam causam ponunt, quia credunt, quod corpora ista non sunt nisi organa, idest instrumenta animarum, (2) quæ per corpora tanquam per instrumenta, operantur bona, vel mala, ut dicunt: unde sicut artifex tantum remuneratur, non instrumentum, quo utitur, ita sola anima remunerabitur, non corpus. Isti peccatum tantum animæ adscribunt, & similiter opus bonum, nullo modo corpori.

Si istam causam ponerent, qui duos asserunt (3) creatores, posses eis objicere de corporibus cælestibus, in quibus prius fuerunt hæ animæ, quæ agunt poenitentiam, quoniam eadem ratione non essent resurrectura, cum tamen ipsi ponant illorum corporum resurrectionem.

Ad hoc dico, quoniam hæreticus inexpertus artis naturalis hoc dixit, quod corpus tantum est instrumentum animæ, sic enim ex ipso & anima non efficeretur unus homo. (4)

Præterea: Nonne videt hæreticus, quod anima conjuncta corpori complexionem corporis comitatur ut dicit Arist. in lib. 6. princip. unde secundum diversitatem complexionum quædam sunt aptiores ad gaudium, quædam ad tristitiam, quædam ad patientiam, quæ non acciderent si tantum esset ut instrumentum, & nullo modo cooperaretur ipsi animæ. Hoc testantur philosophi, hoc per experientiam scimus.

Item, vires naturales quædam insitæ sunt partibus corporis, quibus corpus animæ cooperatur, anima enim non videt pede (5) & quare non, nisi propter diversam vim in oculo, quam in pede? Per illam vim cooperatur oculus animæ ad perfici-

cherii xvi. Seculo resurrectionem mortuorum funditus sustulerunt. Adeundus Spondanus *ad an. 1555.* & Johannes Lamius vir doctissimus *Delic. Erudit. ad Epist. vii. Michaelis Glicæ pag. 112. seqq.* Thomas Burnetius Anglus *Cap. viii. Operis de Statu mortuorum & resurgentium* negat organicum fore resurgentium corpus, & *Cap. ix.* non idem, quod nunc, sed aliud corpus nos habituros in gloria post diem judicii censet.

(2) Paria opposcentes introducit Gnosticos Tertullianus *lib. de Resurrectione Carnis* *Cap. xvi.* Dicent, inquit, ministros & socios habere arbitrium ministrandi, atque sociandi, & potestatem suæ voluntatis in utrumque, homines scilicet & ipsos: idcirco cum auctoribus merita communicare, quibus operam sponte accommodant. Carnem autem nihil sapientem, nihil sentientem per semetipsam, non velle, non nolle de suo habentem, vice potius vasculi apparere animæ, ut instrumentum, non ut ministerium. Itaque anima solius judicium præsidere, qualiter usa sit vasculo carnis, vasculum vero ipsum non esse sententiæ obnoxium &c. Hoc idem argumentum sibi objicit S. Thomas *II. 2. P. Quæst. cxvi. Art. 1. Arg. 3.*

(3) Neinpe Balasinasæ Sectatores. Vide Prolegomena *Cap. 1v.* Ubi de Mundo, & corporibus cælestibus a Bono Deo creatis, Albanensium Catharorum, qui Balasinasæ parebant, sententia differtur.

(4) Platonici anima solum constitui hominem putaverunt. Adifis Platonem in *Alciadiad. 1.* & Petrum Daniele Huetium *lib. II. Origenianor. Cap. II. Quæst. vi. n. xvi. pag. 101. Edit. 6. Colon. an. 1681.* Hoc erroris genus sequuti sunt Gnostici, ut colligi facile potest ex Tertulliano *lib. de resurrectione Carnis* *Cap. xl.* Redarguit Origenem Methodius apud Photium in *Biblioth. Cod. 234.* quod Platonem in ea re fuerit sequutus. Vereor, ut Arnobius in eundem errorem inciderit *lib. II. adv. Gent.* Franciscus Georgius recentiore memoria *Tom. 1. Probl. 26. 27.* Platonicum hoc dogma tutatus est. Fortasse Cathari ab hac opinione non abhorruerunt.

(5) Athenagoras *lib. 1. de resurrectione mortuorum pag. 56. Edit. Opp. S. Justin. an. 1636.* Si enim, inquit, universa hominum natura ex anima immortalis, & corpore pro ipsius creatione attempe-

ciendam actionem visivam; ergo non est tantum ut instrumentum ipsius animæ. Nonne vides, quod percusso, & læso corpore, anima statim condolet ei, & de necessitate hoc esse non posset, si tantum organum esset, non enim necessario dolet artifex læso dolabro.

[*] (6) Dico autem corpus humanum organum esse animæ: conveniunt autem organum, & instrumentum, quia utrumque est id per, quod potentia exit in operationem: in hoc autem differunt, quod organum est conjunctum potentiae sicut patet in oculo, qui conjunctus est potentiae visivæ, instrumentum vero conjunctum est operationi, & non potentiae ut patet in dolabro. Dicitur autem organum quasi ab origine natum, instrumentum vero quasi in strue operationum positum.

Dixit etiam Desiderius hæreticus (7), quod corpus nullam remunerationem haberet, quia nihil voluntarie fecit, sed coacte. Ad hoc autem induxit illud Rom. 7. v. 18. & 19. *Scio enim, quia non (8) habitat in me, hoc est in carne mea, bonum. Nam velle adjacet mihi, perficere autem bonum, non invenio. Non enim, quod volo bonum hoc facio: sed quod nolo malum, hoc ago;* & addidit, qualiter autem hoc intelligatur, in fine ostendit dicens v. 22. & 23. *Condelector enim legi Dei secundum interiorum hominem: video autem aliam legem in membris meis repugnantem legi mentis meæ, & captivantem me in lege peccati, quæ est in membris meis. Item v. 25. Ego ipse mente servio legi Dei: carne autem legi peccati.*

Ad hoc taliter respondemus. Primo dicimus, quod illud falsum est (9), quod ipse dixit, cum agit corpus, facere bonum coacte, quod patet ex ratione coactionis, quæ est operatio alicujus cum inclinatione voluntatis ad oppositum suum, vel contra voluntatem: corpus enim nihil vult; hoc autem patet, quia recedente Spiritu, nullius est voluntatis.

Item, quod omnis voluntas, & actus voluntarius sit animæ, sive bona sit, sive non ipsa voluntas, patet 1. Cor. 6. v. 11. ubi enumeratis quibusdam malis Corinthiis ait: *Et hæc quidem fuistis; sed abluti estis, sed sanctificati estis in nomine Domini nostri Jesu Christi, & in Spiritu Dei nostri.*

[*] Neque dicitur caro concupiscere, vel operari

rato consistit, neque anima per se, neque corpori seorsum Deus istiusmodi, aut ortum, aut vitam attribuit, sed hominibus integris, qui istis ambobus componerentur, ut iisdem illis partibus, quibus ortum, vitamque acceperint, in vivendo utentes, ad eundem, communemque finem, & primum pervenirent; necessarium omnino est, quum unum ex istis ambobus partibus animal conficiatur, quod & omnibus animi, & corporis affectionibus imbuatur, pariterque, & agat, & faciat, quacumque vel sensuum vel rationis judicium requirunt ad unum finem referri omnem istarum rerum seriem. Adis etiam Tertullianum lib. de Resurrect. Carnis Cap. xv.

(6) Desunt hæc, quæ asteriscis notavimus ex Codd. Ben. & Vaticano. Quæ autem hoc loco adhibetur a nostro responso, similis est ejus, quam adhibet S. Thomas 111. Part. 2. cxi. Art. 1. ad 3. Arg. Dicendum, quod anima non comparatur ad corpus solum, ut operans ad instrumentum, quo operatur, sed ut forma ad materiam: unde operatio est conjuncta, & non tantum animæ, ut patet per Philosophum l. 1. De Anima Textu 64. & 66. Et quia operanti debetur operis merces, oportet, quod ipse homo compositus ex anima, & corpore operis sui mercedem accipiat. Non abluat ab his, quod argumento Gnosticorum opponit Tertullianus lib. de Resurrect. Carnis Cap. xvi. *Omne vas, vel instrumentum aliunde in usus venit, extranea omnino materia*

aliquem actum voluntatis, nisi quia anima Creatore contempto inclinatur ad delectabilia secundum carnem; servire volens potius creaturæ, quam creatori, qui est benedictus in sæcula ut dicitur Rom. 1. v. 25. In fine autem ejusdem epistolæ c. 16. v. 18. dicitur. *Hujusmodi enim Christo Domino nostro non serviunt, sed suo ventri* Philip. 3. v. 19. *Quorum Deus venter est.* Vide quod ibi dicit Ap. *Servierunt creaturæ potius: Potius* adverbium est eligendi, quasi diceret, hoc elegerunt; & loquitur de interioribus hominibus, electio enim mali operis non est carnis, sed spiritus inclinati ad carnem; unde & philosophus ait: *Anima cum fuerit occupata sensibilibus, distrahitur ab intellectualibus*, hoc est, quod Ap. ait. *Ego ipse mente servio legi Dei: carne autem legi peccati*, quasi diceret: ego ipse inclinatus ad intellectualia, idest spiritualia bona, servio legi Dei: inclinatus autem ad carnalia, & materialia, servio legi peccati: non vult enim Deus, quod magis impendat se rebus suis, quam ipsi Deo; unde Matth. 10. v. 37. *Qui amat patrem aut matrem plus quam me, non est me dignus.* Posuit enim Deus Spiritum hominis inter se & carnem, & alia visibilia: si impendit se infimis, magis Creatorem offendit, & adversus Spiritum, qui Deus est, imo etiam contra se concupiscit.

Ad hoc autem, quod dixit, quoniam non agit bonum voluntarie, responderi potest, dicit enim B. Jac. c. 2. v. 13. *Super exaltat autem misericordia judicium;* atque ut dicit Ap. Rom. 5. v. 16. *Judicium quidem ex uno in condemnationem*, etiam eorum, qui voluntatem non habent, ut puerorum, multo fortius misericordia ejus extenditur in non habentes voluntatem, & si damnavit corpus morte propter peccatum Rom. 8. v. 10. *Corpus quidem mortuum est propter peccatum:* multo magis remunerabit ipsum propter opus bonum vita. Sicut non est voluntarium ad unum, ita etiam nec ad alterum, ut ostensum est (10), unde 2. Cor. 4. v. 10. *Semper mortificationem Jesu in corpore nostro circumferentes, ut & vita Jesu manifestetur in corporibus nostris.*

Præterea, si facit malum voluntarie, & bonum coacte, non minus debet remunerationem de malo habere, & ita resurget ad pœnam.

X x 2

Ter-

a substantia hominis. Caro autem ab exordio uteri confata, conformata, congenita animæ, etiam in omni operatione miscetur illi.

(7) Adis notationem nostram 59. in Cap. 111. lib. 111. pag. 248.

(8) His iisdem testimoniis abutebantur Gnostici, qui resurrectionem carnis negabant. Adeundus Tertullianus lib. de resurrectione Carnis Cap. xlv1.

(9) Tertullianus loco mox indicato: Cui ergo dices, inquit, reputabitur sensus carnis, si non substantia ipsi? Plane si probaveris aliquid carnem de suo sapere. Si vero sine anima nullius est sensus, intellige sensum carnis ad animam esse referendum, carni interdum deputatum, quia per carnem administratur. Et ideo habitare ait delinquentiam in carne, quia & anima, a qua delinquentia inducitur, inquilina est carnis, mortificata quidem, sed non suo, verum delinquentia nomine.

(10) Sanctus Irenæus lib. v. Cap. xlii. Quoniam, inquit, non de alio quodam corpore, sed de corpore carnis dicit hæc, manifeste, & indubitata, & sine ulla ambiguitate, Corinthiis ait; Semper mortificationem Jesu in Corpore nostro circumferentes, ut vita Jesu Christi in corpore nostro manifestetur. Semper enim qui vivimus, in mortem tradimur per Jesum, ut & vita Jesu manifestetur in carne mortali nostra. Consulitor etiam Tertullianus loco superius indicato. Ejus responsa tam consimilia sunt, atque hæc a Moneta adhibita.

Tertiam causam ponunt, per quam credunt, quod ista corpora non sunt resurrectura, scilicet quia (11) vident ea vel in pulverem redigi, vel a vermibus, aut bestiis consumi; quandoque etiam videmus ea diversis terrarum spatiis esse conspersa, ita quod una pars corporis sit in una parte mundi, & alia in alia parte.

Ad quod respondetur per illud Ap. 1. Cor. 6. v. 14. *Deus vero & Dominum suscitavit, & nos suscitabit per virtutem suam*. Virtus ergo (12) divina, quæ humana corpora, immo & omnia creavit ex nihilo, ipsa humana corpora ubicumque dispersa, poterit adunare, & adunata resuscitare ad vitam.

(13) Quartam inducunt causam, propter quam corporum resurrectionem negant. Corporum enim humanorum quædam deformia sunt: nascitur enim homo cæcus, mancus, gibbus, claudus, nanus, aut alia deformitate pressus, multi etiam fœtus informes prius quam animati sunt nascuntur. Hanc autem multiplicem deformitatem corporum humanorum considerantes irridendo dicunt: hi malam partem habebunt in resurrectione, si resurgent sicut nati sunt.

Solutio. Non sic, impii, non sic resurgent (14) sicut nati sunt, teste Ap. qui 1. Cor. 15. dicit v. 12. *Mortui resurgent incorrupti*.

Item, ibidem dicit parum antea v. 45. *Seminatur, idest generatur, in corruptione, surget in incorruptione, seminatur in ignobilitate, surget in gloria, seminatur in infirmitate, surget in virtute*. Unde corpus deforme redactum in pulverem, Dei potentia, cui nihil impossibile est reintegrabitur absque omni deformitate. Propter quod Ap. ait Phil. 3. v. 20. & 21. *Salvatorem expectamus Dominum nostrum Jesum Christum, qui reformabit corpus humilitatis nostræ configuratum corpori claritatis suæ*. Sed ne quis putaret hoc esse impossibile, ut corpus redactum in pulverem, vermibusque consumptum reformari pos-

(11) Placuit hoc argumentum Ethnicis, qui resurrectionem nolebant concedere. Sic enim eos inducit loquentes Athenagoras in *lib. de resurrect.* pag. 43. „ Multa corpora miserorum in naufragiis, & fluminibus piscibus escam de se præbuerunt, multa item „ in bello opulentium corpora, aut ex alia asperiori causa, aliis, „ que circumstantiis rerum, quum sepulturam non adepta sint, „ feris, ut quæque fuit obvia in prædam cesserunt. Corpora igitur „ ad eum modum absumta, eorumque membra, & partes „ unde constabant, quum a multis belluis dilaniata sint, ac pro „ inde ex coalescendi natura belluarum artubus cohæreant, im „ possibile est, ut secerniculum, aut discriminationem patian „ tur.

(12) „ Cujus est potestatis a sua conditione informem materiam „ transformare, nullaque figura indutam, multis & diversis vultibus exornare, & partes elementorum in unum cogere, & fœmen, quod unum est, & simplex in multa dividere, & quod „ inarticulatum est, articulis distinguere. . . ejusdem quoque „ potestatis erit, & quod dissipatum est cœnire, & quod jacet „ furrigere, & quod mortuum, denuo vivificare, & corruptibile, mutare in incorruptibilitatem. . . Istiusmodi homines, „ videntur mihi conditoris, & gubernatoris omnium non satis scire, re nec potentiam, nec sapientiam. *Athenagoras lib. de Resurrectione Mortuorum* pag. 43. & 44. qui multa subinde persequitur, quæ ad rem maxime pertinent.

(13) Hoc item ab Ethnicis opponebatur Christianis argumentum. Adis Augustinum l. xxii. *De Civ. Dei* Cap. xix. Tom. vii. Opp. In eodem luto hæserunt Gnostici. Num Tertullianus *de Resurrect.* Cap. iv. Sic eos inducit disputantes: *Adeone autem eadem sperabitur, quæ intercidit, ut claudus, & luscus, & cæcus, & leprosus, & paralyticus revertantur, ut rediisse non libeat ad pristinum*. Confer *Johan. Damascen. Parallel.* Tom. ii.

fit, subjungit Ap. quod Christus hoc faciet *secundum operationem, qua etiam possit subjicere sibi omnia*.

[*] Prædicta expositio hujus verbi *seminatur*, idest *generatur*, communis est quatuor clausulis, quas ponit Apostolus. Alia expositio est *seminatur*, idest *sepelitur*. [*]

(15) Quinta causa erroris eorum est prava intelligentia quarundam Scripturarum, quas inducunt ad probandum corpora non esse resurrectura. In primis inducunt illud Matth. 22. v. 30. *In resurrectione enim neque nubent, neque nubentur, sed erunt sicut Angeli Dei in Cælo*. Si sunt in Cælo sicut Angeli, sicut Angeli non habent corpora, ita nec animæ tunc corpus habebunt in Cælo; ergo non resurgent corpora.

Solutio. Saducæi, quibus Jesus dixit prædicta verba, dicunt resurrectionem (16) corporum non esse, neque Angelum, neque spiritum alium, ut habetur Act. 23. v. 8. Pharisei autem utrumque confitentur. Credunt, & male, quod post resurrectionem homines ducent uxores, (17) & mulieres nubent sicut etiam in hac vita. Unde Saducæi ut Phariseos arguerent de mala credulitate, suam fabulam de muliere septem virorum supponebant eis, quærentes cujus post resurrectionem erit uxor, ut habetur in prædicto cap. Matth. Sed Dominus Noster Jesus Christus utrumque errorem destruere volens, sic temperavit responsum suum, ut tria doceret. Primum scilicet, spiritum humanum esse æternum, & immortalem; secundum, corporum resurrectionem; tertium docuit nuptias post resurrectionem non esse necessarias. Dicimus ergo, quod cum Dominus dicit, *erunt sicut Angeli Dei in Cælo*, istud *sicut* non notat similitudinem in toto, sed in parte, in hoc scilicet, quod est esse sine nuptiis, & sine opere nuptiarum, hoc est sine generatione filiorum. (18) Similitudinem notat etiam in immortali.

Opp. Edit. Lequienii, quo loco Justinii Martyris verba laudat. Ab his mutuati sunt doctrinam Cathari.

(14) Videtis Johannem Damascenum loco mox indicato, qui sic Justinum Martyrum respondentem exhibet: *Sic isti (hæretici) excacatos ad veritatem habent oculos. Numquid enim non viderunt in terra cecos videntes, & claudos ambulantes? . . . Si enim in terra carnis infirmitates sanavit, & corpus integrum reddidit, quanto magis in resurrectione id faciet, ut caro integra perfectaque resurgat*. Vide Athenagoram *lib. De resurrect. mortuorum* pag. 61.

[*] Quæ duobus asteriscis comprehendimus, desunt e Codd. Bonon. & Vatic.

(15) Hoc idem Catholicis apponebant hæretici veteres, ut colligi ex Tertulliano facile potest *lib. De resurrectione Carnis* cap. lxii.

(16) Adposuit S. Irenæus *lib. iv. cap. v. al. x. num. 3*. Dominus „ noster, & magister, inquit, in ea responsione, quam habuit „ ad Sadducæos, qui dicunt resurrectionem non esse, & propter „ hoc inhonorantes Deum, atque legi detrahentes, & resurrectionem ostendit, & Deum manifestavit, dicens: *Erratis ne- „ scientes Scripturas, neque virtutem Dei*. *De resurrectione enim „ mortuorum non legistis quod dictum est a Deo &c.* Vide quæ de Sadducæis habet Lucas *Act. cap. xxiii. v. 8*. Consulitor etiam Josephus *lib. xiii. Antiq. Judaic. Cap. x. §. vi. pag. 663. Tom. I. & De Bello Jud. lib. ii. cap. viii. §. 14. pag. 165. seq. Tom. ii. Edit. Havercampi*.

(17) Ita quidem censuisse Phariseos plerisque suspicari quis poterit, qui Josephum legerit, *loc. indie. Notatione superiore*. Confule *Synops. Criticor. ad hunc locum Matthæi, quem nunc explicat noster*.

(18) Tertullianus *lib. De resurrect. Carnis* cap. lxi. seq. *Quot spadones, inquit, voluntarii? Quot virgines Christo maritatae . . .* si &

litate, quam ponit esse causam defectus nuptiarum in Cælo. B. Lucas tanquam philosophus, quia medicus fuit dicit c. 20. v. 36. *Neque enim ultra mori poterunt*: sicut enim mortalitas causa est quare nuptiæ fiant, quare intenditur generationi filiorum, ita etiam immortalitas causa est in Cælo quare non sunt ibi nuptiæ, & quare non generantur ibi filii & filiæ: modo enim ne pereat species, sive genus humanum, intenditur generationi filiorum, & necesse est hoc ne pereat hæc species homo; sed tunc quando non poterimus mori, non erit necessaria operatio vis generativæ, nec vis nutritivæ, quæ est ad conservationem individui, sicut generatio ad conservationem speciei. Primum illorum trium notat Dominus cum dicit *in resurrectione*, secundum cum dicit *neque nubent*: *neque nubentur*, tertium cum dicit *sed erunt sicut Angeli Dei in Cælo*, idest immortales, ut dicit Lucas.

Ad idem inducunt illud 1. Cor. 6. v. 13. *Escæ ventri, & venter escis, Deus autem hunc & has destruet*; ergo non resurget venter, cum sit destruendus sicut & escæ; eadem ratione nec alia caro resurget.

Solutio. Hoc argumentum nullam habet apparentiam, nedum existentiam: venter destruetur a Deo sicut & escæ; ergo non resurget sicut & escæ. Licet enim aliqua assimilentur in uno, non tamen assimilantur in duobus.

Præterea Ap. non loquitur de ventre simpliciter sive secundum substantiam suam, sed secundum operationem ad escam, unde dicit. *Escæ ventri, & venter escis*: loquitur ergo de ventre secundum quod est vas receptivum escarum, (19) & in quo decoquantur; sic autem destruetur omnino, non autem destruetur secundum substantiam omnino; ut enim dictum est prius cessabit officium vis nutritivæ, sicut & generativæ, propter immortalitatem, & impassibilitatem corporum. Ad notandum autem quod venter destruetur omnino quoad officium & usum vis nutritivæ, dicit Ap. 1. Cor. 15. v. 44. *Seminatur corpus animale*, idest alimoniale, *surget corpus spiritale*, idest non indigens alimonia, sicut nec spiritus. Deus ergo destruet ventrem, & suscitabit eum, sed non suscitabit escas, quam differentiam notare Ap. volens dixit 1. Cor. 6. v. 14. *Deus vero & Dominum suscitavit, & nos suscitabit per virtutem suam*.

Item 1. Cor. 15. v. 37. Loquens de resurrectione

fi & hic jam vacare est & officia, & emolumenta membrorum temporali vacatione, ut in temporali dispositione, nec homo tamen minus salvus est. Proinde homine salvo, & quidem magis tunc in æterna dispositione, magis non desiderabimus, quæ jam hic non desiderare consuevimus. Sed hæc disceptationi finem Dominica pronuntiatio imponit, erunt inquit, tamquam Angeli. Si non nubendo, quia neque moriendo, utique nec ulli simili necessitati succedendo corporalis conditionis... Denique non dixit erunt Angeli, ne homines negaret: sed tamquam Angeli, ut homines conservaret.

(19) Consulitor Tertullianus lib. De Pudicitia cap. vi. Sanctus Irenæus lib. v. cap. vii. utitur hoc testimonio scripturæ ad hæresim Gnosticorum refellendam. „ Templum Dei, inquit, in quo spiritus inhabitat Patris, & membra Christi non participare salutem, sed in perditionem redigi dicere, quomodo non maximæ est blasphemia? Quoniam autem corpora nostra, non ex sua substantia, sed Dei virtute suscitantur, Corinthiis dicit: *Corpus autem non fornicationi sed Domino: & Dominus corpori*. Quæ verba mox sequuntur post ea, quibus Cathari abutebantur.

per similitudinem grani dixit: *Et quod seminas, non corpus, quod futurum est seminas*.

In his verbis hæreticus vim constituens (20) sic argumentatur: ergo aliud corpus seminatur, & aliud futurum est: sed hoc induxit Ap. ad insinuandam resurrectionem per similitudinem; ergo aliud erit corpus, quod resurget, quam quod seminatur, idest in terra sepelitur, & sic resurrectio horum corporum non est futura.

[*] Scio autem, quod hanc expositionem nititur reprobare hæreticus, *seminatur*, idest *sepelitur*, non enim homo sepelitur: constat autem, quod tropice loquitur Ap. per synecdochen tribuens toti, quod est partis. [*]

Solutio. Dicimus ad prædictam objectionem, quod in auctoritate Ap. *Non corpus quod futurum est seminas*; quod sumitur pro quale sicut patet ex quæstione præambula v. 35. *qualive corpore venient?* quam quæstionem solvit dicens: *Non corpus quod futurum est seminas*, idest non quale. Idem etiam patet per hoc, quod subjicit Ap. *sed nudum granum, ut puta tritici aut alicujus cæterorum. Deus autem dat illi corpus sicut vult*, idest vestitum palea & aristis. Similiter seminatur corpus nudum veste immortalitatis propter peccatum primi hominis. Rom. 8. v. 10. *Corpus quidem mortuum est propter peccatum*, sed surget vestitum veste immortalitatis 1. Cor. 15. v. 53. *Oportet enim corruptibile hoc induere incorruptionem, & mortale hoc induere immortalitatem*. Dico ergo quod idem granum, quod futurum est seminatur, & aliud: sed idem in substantia, aliud in qualitate, ut large sumatur aliud; similiter idem corpus in substantia moritur, & resurgit, sed in qualitate diversum. Quod autem idem granum sit in substantia, quod seminatur & surgit, patet expertis in scientia naturali, ubi habetur, quod generatio & corruptio unius & ejusdem est, materia enim quando exiit una forma, induit aliam; similiter materia grani prius mortui induit formam grani novi, hæc autem forma ejusdem speciei est cum forma præcedentis grani. Materia ergo eadem in grano utroque, & forma specifica eadem in utroque; quare tota substantia unius est tota substantia alterius, & non differt nisi numero, idest, accidentibus.

Nonne etiam vides, quod Ap. ad granum dixit v. 36. *Insipiens tu quod seminas non vivificatur nisi prius moriatur*.

Item

Ergo de operibus ventris differit Apostolus, non de ventre ipso, & corpore.

(20) Adi S. Thomam 111. P. Quæst. cxi. Art. I. Arg. I. & S. Irenæum lib. v. cap. vii. num. I. seq. qui eodem quo noster responso utitur. Hæc igitur, inquit, *mortalis* (caro.) Hæc autem de qua & dicit: *Vivificabit & mortalia corpora vestra*. Et propter hoc ait de ea in prima ad Corinthios: *seminatur in corruptione, vivet in incorruptione*. Etenim tu, ait, quod seminas, non vivificatur, nisi prius moriatur. Quid est autem, quod ut granum tritici seminatur, & putret in terra, nisi corpora, quæ in terra ponuntur, in qua & semina jactantur? Et propter hoc dixit: *seminatur in ignobilitate, surget in gloria*. Quid enim ignobilis carne mortua? Vel quid iterum gloriosius surgente ea, & percipiente incorruptelam? Seminatur in infirmitate, surgit in virtute. In infirmitate quidem sua, quoniam cum sit terra, in terram vadit: virtute autem Dei, qui eam suscitavit a mortuis, &c.

[*] Quæ duobus asteriscis complexi sumus non extant in Codd. Bonon. & Vatic.

Item diversam qualitatem respiciens dixit v. 37. & 38. *Et quod seminas non corpus, quod futurum est seminas, sed nudum granum, ut puta tritici, aut alicujus cæterorum; Deus autem dat illi corpus sicut vult, & unicuique seminum proprium corpus, idest propriam corporis speciem.*

Ex his patet, quod cum ponatur, quod pro quale ut ostendimus, non valet prædicta argumentatio hæretici: *non corpus quod futurum est seminas*; ergo aliud corpus feminatur, & aliud resurget, nisi tu velis intelligere aliud in qualitate, hoc enim verum est, sicut & granum primum differt a secundo in qualitate, non in substantia.

Si autem vis fumere aliud in substantia, constat quod non valet argumentatio tua. *Non corpus quod futurum est seminas*, idest non quale, quasi diceret aliud in qualitate; ergo a simili aliud corpus in substantia resurget, quam illud quod feminatur, idest, sepelitur in terra.

Item ibidem v. 50. dicit Ap. *Hoc autem dico fratres: quia caro & sanguis regnum Dei possidere non possunt* (21) *neque corruptio incorruptelam possidebit*, quibus verbis prave intellectis concludit hæreticus; ergo caro ista non resurget.

[*] Ad hoc dico, quod si caro non est resurrectura ad gloriam, nec anima secundum tuum errorem; ponis enim, quod utrumque de corruptione est, idest de luxuria ut patet i.l. c.4. [*]

Præterea dico, quod Ap. in præcedentibus locutus fuerat de gloria resurgentium, postea autem ostendit qualiter possemus pervenire ad ipsam, idest si portemus in carne imaginem cælestis, idest Christi, sicut portavimus aliquando imaginem terreni, idest Adæ. Portare imaginem cælestis, est spiritu facta (22) carnis mortificare, ut enim dicitur Rom. 8. v. 13. *Si spiritu facta carnis mortificaveritis, vivetis*, supple in gloria resurrectionis: portare autem imaginem terreni est secundum desideria carnis vivere, unde ante verba prædicta dicitur. *Si enim secundum carnem vixeritis, moriemini*. Ostendit etiam Ap. qualiter illam gloriam possumus admittere cum dicit: *hoc autem dico &c.* Sciendum autem, quod nec ad Rom. nec in prædicta auctoritate ad Cor. sumitur caro aut sanguis pro substantia carnis, aut sanguinis, sed pro carnalibus operibus, sicut & supra Rom. 8. v. 8. *Qui autem in carne sunt, Deo placere non possunt*, vel

pro hominibus viventibus carnaliter, & facientibus opera carnis, quæ enumerantur ad Gal. 5. v. 19. 20. & 21. *Manifesta sunt autem opera carnis quæ sunt fornicatio &c.* postea subdit. *Qui talia agunt, regnum Dei non consequentur*. Idem habetur i. Cor. 6. v. 9. & 10. *Nolite errare: Neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt*. Distinguendum autem inter carnem, & sanguinem secundum B. Ambrosium. Caro enim dicitur carnalis sensus, vel carnaliter de Deo sentiens. Unde Roman. 8. v. 6. *Prudentia carnis mors est*. Sanguinem vero appellat turpem vitam illorum hominum, qui prædictis intendunt operibus. Duo ergo sunt quæ impediunt venire ad gloriam, scilicet infidelitas, & immunditia vitæ: ista duo appellat corruptionem, quia non possidebit incorruptelam.

Aliter autem potest dici, quod Ap. destruit ibi errorem (23) Phariseorum qui credebant resurrectionem secundum opera nuptiarum, & ponebant futuram postea sicut modo, ut notatum est supra in eodem cap. in illa auctoritate. *In resurrectione enim neque nubent, neque nubentur*. Dicit ergo Ap. ad Cor. *Caro & sanguis regnum Dei possidere non possunt*: idest opera nuptiarum carnalium, in quibus ex duobus sanguinibus filii oriuntur, non erunt in regno Dei. Et dicit Ap. causam quam Lucas posuit, ut ibidem prænotavimus, quia incorruptibiles erimus, & non erit corruptio hominum, sive exitus de esse ad non esse in illo regno, nec enim ultra mori poterunt homines.

Ad idem etiam solent inducere illam auctoritatem ad Gal. 5. v. 17. *Caro enim concupiscit adversus spiritum*, (24) ex quo volunt, quod non sit digna gloria illa.

Sed qualiter fumatur ibi *caro*, jam supra dictum est, scilicet pro homine carnaliter vivente, non pro substantia carnis.

Si enim dicas, quod sumitur pro substantia carnis: similiter autem cum dicitur, *manifesta sunt autem opera carnis*, (25) *quæ sunt fornicatio &c.*

Ergo cum Deus redditurus sit unicuique secundum opera sua, reddet carni secundum ista opera; ergo caro resurget in judicio.

Ad

(21) Abutebantur hoc Apostoli testimonio Gnostici. Quare illud sibi opponit, refellitque Irenæus Lib. v. cap. 1x. *Contra Hæreses*. Est autem ejus Cap. Argumentum hujusmodi: *Quomodo intelligendus sit locus Apostoli, quo hæretici abutebantur*: Caro & sanguis Regnum Dei non possidebunt. i. Cor. xv. Adis Tertullianum lib. *De resurrectione Carnis* cap. xlviii. seq.

[*] Desunt, quæ duobus asteriscis comprehensa cernis, e Codd. Bonon. & Vatic.

(22) Auctor Dialogi de recta in Deum fide Tom. I. Opp. Originis Edit. *Novæ Dialog.* III. „ Apostolus, inquit, carnem & sanguinem turpes, & flagitiosissimas actiones nominat, qui carnalia sapiunt, carnales appellans; qui spiritualia faciunt, spirituales. Paria assert Irenæus loco mox indicato, ut *πρωτὸν* Apostoli explicet, *quod omnes hæretici proferebant in amentiam suam*.

(23) Fuisse Phariseos, qui nuptias in resurrectione celebrandas esse putarent, dixi Notatione 18. in hoc cap. Hos autem refelli ab Apostolo non constat. Ceterum ut ita sentiat Moneta, nihil impedit: A Phariseis hoc idem opinionis genus accepisse videtur Cerinthus, si non gente, at religione saltem Judæus. Con-

sule Euseb. Lib. III. Cap. xxviii. *Hist. Eccles.* & Theodoretum lib. II. cap. 111. *Hist.* Rabbini etiam plerique hanc eandem sententiam probant de nuptiis, ut multis ostendit Vvindelms lib. *De Vita Functorum statu*. Sectione vii. Tom. iv. Opuscul. Vvostii. Ab his fortasse suum illud carnale regnum post Mortem mutuati sunt Mahomedani. Consulitor Relandus.

(24) Argumento ejusmodi nitebantur etiam, qui gnosticam hæresim defendebant. Adeundus Tertullianus lib. *De resurrectione Carnis* cap. x. Quo loco, sibi opponit Pauli *πρωτὸν*, ac explicat. *Apostolum quoque, inquit, ne de uno stylo noris, quo carnem plerumque compungit. Nam etsi negat habitare boni quidquam in carne suas et si affirmat eos QUI IN CARNE SUNT DEO PLACERE NON POSSE, QUIA CONCUPISCAT ADVERSUS SPIRITUM: & si qua alia ita ponit, ut carnis, non tamen substantia, sed actus inhonoretur. Dicemus quidem alibi, nihil propriæ carni exprobari oportere, nisi in animæ suggestionem, quæ carnem ministerio sibi subigit*.

(25) Adis Irenæum lib. v. cap. xi. per totum, quo loco fuisse hoc argumentum persequitur, atque ita rem explicat, ut eam paucis explicavit noster.

Ad idem inducunt illud Psal. 1. v. 5. *Non resurgent impii in iudicio &c.* (26)

Solutio. De resurrectione prima loquitur, scilicet de resurrectione a vitiis; unde dicit: *Non resurgent impii*, idest infideles, *in iudicio*, idest se hic iudicando, sicut dicit Ap. 1. Cor. 11. v. 31. *Quod si nosmetipsos dijudicavimus, non utique iudicamur. Neque peccatores*, idest Christiani prava opera agentes *resurgent in consilio justorum*, idest, secundum consilium justorum, quod est præferre voluntatem Dei suæ: & quia loquitur de præsentī *non resurgunt*, loquitur de prima resurrectione, de qua Apocal. 20. v. 6. *Beatus & sanctus, qui habet partem in resurrectione prima: in his secunda mors non habet potestatem*. Non dicit in secunda, in illa enim omnes partem habebunt, unde 1. Cor. 15. v. 51. *Omnes quidem resurgemus, sed non omnes immutabimur*.

[*] Item quod corpora non resurgent, videtur posse ostendi per illud, quod dicit David. Psal. 48. v. 12. *Et sepulcra eorum domus illorum in æternum*.

Solutio. Æternum aliquod finem habet ut ostensum est 1. par. hujus operis cap. 1. Æternum autem hoc modo sumitur. Exod. 15. v. 18. *Dominus regnabit in æternum & ultra*: Æternum ergo dicitur spatium totum hujus seculi, in cujus die novissimo exhibunt de sepulchris corpora resuscitata. Joha. 6. v. 44. *Et ego resuscitabo eum in novissimo die*; iste dies est hora illa, in qua omnes qui in monumentis sunt audient vocem Filii Dei; Jo. 5. v. 28.

Præterea. Ezech. 37. habetur idem, sic enim ibi v. 12. legitur: *Hæc dicit Dominus Deus: Ecce ego aperiam tumulos vestros, & educam vos de sepulchris vestris*.

Item Dan. 12. v. 2. *Et multi de his qui dormiunt in terra pulvere, evigilabunt*.

Vel aliter sepulchra eorum domus illorum in æternum, verum est quoad voluntatem malorum, de quibus ibi loquitur, sine fine enim vellent resurrectionem differri, cujus testimonium habetur Apoc. 6. v. 15. 16. & 17. *Et reges terræ, & principes, & tribuni, & divites, & fortes, & omnis servus, & liber absconderunt se in speluncis, & in petris montium: & dicent montibus, & petris: cadite super nos, & abscondite nos a facie sedentis super thronum, & ab ira agni: quoniam venit dies magnus iræ ipsorum: & quis poterit stare?* Quicumque autem volent se abscondere non poterunt, imo exhibunt de cavernis, unde Michæ 7. v. 17. *Velut reptilia terræ, perturbabuntur in adibus suis*, idest, cum turbatione & amaritudine exhibunt de sepulchris. Per illud tamen supra ad hæreticos melius est. [*]

Ad idem inducunt illud Psal. 77. v. 39. *Et recor-*

datus est quia caro sunt: Spiritus vadens, & non rediens. Caro dicitur homo a cado cadis, quasi diceret, mortales sunt; & ponit causam, quia spiritus eorum est vadens a corpore, & non rediens ad ipsum; ergo corpus non resurget.

Item Psalm. 102. v. 15. & 16. *Recordatus est quoniam (27) pulvis sumus: homo, sicut fœnum dies ejus, tanquam flos agri sic effloreat. Quoniam spiritus pertransibit in illo, & non subsistet*, idest non permanebit in hac vita, & non cognoscet amplius locum suum.

Item Psal. 103. v. 29. dicit David ad Deum: *Avertente autem te faciem, idest misericordiam tuam ab hominibus, turbabuntur: auferes spiritum eorum, & deficient, & in pulverem suum revertentur*.

Item Ecclesiastici 12. v. 7. *Revertatur pulvis in terram suam unde erat, & spiritus redeat ad Deum, qui dedit illum*.

Item Job. 7. v. 9. & 10. *Sicut consumitur nubes, & pertransit: sic qui descenderit ad inferos, non ascendet: nec revertetur ultra in domum suam, neque cognoscet eum amplius locus ejus*.

Ad primum dicendum est, quod spiritus postquam egressus est ab homine, non redit ad corpus pristinum, idest corruptibile. Bene ergo dicit in alio versu (Psal. 102. v. 16.) quod spiritus non cognoscet amplius locum suum, quia corpus corruptibile fuerat locus ejus, sed post resurrectionem locus ejus est incorruptibile corpus.

Præterea. In Psal. illis evidenter agitur de Deo Veteris Testamenti, ut patet in Psalm. 77. *Attendite popule meus &c.* Unde sumpsi versum primum. Similiter in aliis Psalmis de quibus sumpti sunt alii versus agitur de Deo qui creavit, distinxit, ornavit omnia visibilia ista, sicut patet legentibus diligenter in eis; talis ergo est sanctus Deus, & verus.

Ad illud, quod dictum est: *& in pulverem suum revertentur*, & ad illud de Ecclesiaste, dico: quod istud non contradicit resurrectioni: licet enim dissolvatur corpus, licet in præjacentem materiam resolvatur, tamen postea reformabitur, secundum quod notatur in sequenti versu ejusdem Psal. *Emitte spiritum tuum, & creabuntur*, idest recreabuntur, unde sequitur, *& renovabis faciem terræ*, idest corporis de terra sumpti.

Ad illud, quod dicitur in Job, patet quod loquitur contra Phariseos, videns in spiritu errorem eorum, quia credituri erant resurrectionem, & quod homines redirent ad domos, idest ad familias suas, & habitarent in locis suis, cum uxoribus, & filiis, sicut modo, licet semper victuri. Unde Job contra hunc errorem dixit v. 7. *Memento quia ventus est vita mea, & non revertetur oculus meus, ut vi-*

(26) S. Thomas III. P. Quæst. cvI. Art. 2. Augustinum auctorem sequutus lib. xx. De Civ. Dei cap. xxII. Sic argumentum hoc diluit: Dicendum, quod (Psalista) loquitur de spirituali resurrectione, qua impii non resurgent in iudicio discussionis conscientie, ut Glossa exponit: vel loquitur de impiis, qui sunt animo infideles, qui non resurgent, ut iudicentur; jam enim iudicati sunt.

[*] Quæ duobus astericis conclusimus, desunt e Codd. Neapol. & Vatic.

(27) Mirum non est, si Manichæi, ac Gnostici veteres hoc genere argumentorum usi non fuerint. Reprobabant enim totum quantum est, Vetus Testamentum. Sed Cathari, ut libro primo animadvertit Moneta, & Psalmos, & Prophetarum libros, & Jobi, ac eos, quos vocamus Sapientiales, facile admittebant.

videat bona, scilicet ista temporalia, uxorem scilicet, & filios, equos, asinos, boves, agros, & vineas, sicut modo video, & procuro; unde statim subdit Job v. 8. *Nec aspiciet me visus hominis*, supple in isto statu.

Ad idem inducunt Apoc. 21. v. 5. *Ecce nova facio omnia*: ex hoc concludunt; ergo vetus caro non resurget.

Solutio. Sicut homo qui prius vetus erat vetustate peccati, renovatus autem in baptismo, vel pœnitentia, non est alius in substantia quam prius, ita caro, quæ prius erat vetus, idest corruptibilis & mortalis, per resurrectionem fit nova, caro enim quæ, antiquatur, & senescit prope interitum est, sed per resurrectionem (28) facta incorruptibilis renovatur, nec tamen est alia in substantia; propter hoc dicitur in Psalm. 102. v. 5. *renovabitur ut aquila juvenus tua*: item Psalm. 103. v. 30. *renovabis faciem terræ*. Sicut ergo non valet: iste homo fit novus spiritualiter; ergo non erat prius: ita non valet; Deus faciet corpora humana nova; ergo caro vetusta non resurget; idem enim est ac si diceret, ergo non erant prius: deberet dicere, ergo non erant prius talia.

Ad idem inducunt quandam rationem sophisticam: Corpus constat ex elementis adinvicem contrariis (29) secundum suas qualitates, propter quam contrarietatem dissolvuntur corpora hominum, ita quod illud quod ibi erat de igne, ad ignem evolat, quod de terra ad terram, quod de aqua ad aquam, quod de aere ad aerem: Legitur autem 2. Petri 3. v. 12. *Quod elementa ignis ardore tabescent*; & hoc erit ante resurrectionem. Cum ergo partes elementares, ex quibus constat corpus humanum, redeant ad sua principia, idest ad quatuor elementa, & elementa per ignem tabescant ante resurrectionem; ergo corpora non resurgent, deficiente enim materia deficit & materiatur.

Solutio: non negamus quin elementa (30) ex quibus constant humana corpora redeant ad sua principia: non negamus etiam quin elementa ardore ignis tabescant in die iudicii, sed quod istud fiat an-

te resurrectionem negamus, similis enim fiet tabescentia elementorum (32) per ignem, qui ante faciem Christi præcedet, & reditio partium elementarium ex quibus constant humana corpora, ad ipsa corpora nostra cum resurgent; ergo non deficit materia corporum nostrorum, imo Dei virtute redibit ad corpora, sicuti corporibus resolutis evolverat ad elementa.

Præterea. Qualiter elementa sint transitura, dictum est 6. cap. primæ partis: adhuc tamen aliquid addimus, scilicet, quod non transibunt quoad substantiam suam, sed ut dicit Aug. 1. 20. de Civ. Dei c. 4. primariæ (32) qualitates eorum transibunt, scilicet caliditas, frigiditas, siccitas, & humiditas, Quomodo autem Augustinus intelligat istas transire ab elementis, dubitari potest; essentielles enim sunt elementis, idest comitantes eorum naturam, & essentiam inseparabiliter. Dico ergo quod istas qualitates transire dicit, quoad mutuam actionem, & passionem adinvicem, unde Aug. supra illud verbum 1. Cor. 7. v. 31. *Præterit enim figura huiusmodi* dicit: *non substantia*, (33) *sed figura præteribit, atque ipsa substantia eas qualitates habebit*, quæ corporibus immortalibus mirabili mutatione convenient, & vult dicere, quod sicut ipsa corpora immortalia, & impassibilia erunt, sic & ipsa elementa, salva tamen propria eorum substantia, in qualitatibus propriis & naturalibus.

Ad idem inducunt illud Job. 14. v. 22. *Homo cum dormierit non resurget*.

Ad hoc dicitur, quod Job non simpliciter negat resurrectionem, ut patet in cap. 14. v. 25. *Scio enim quod Redemptor meus vivit, & in novissimo die de terra surrecturus sum*. Prophetice autem loquitur de redemptione humani generis per Christum, & de resurrectione ejus a morte dicens: *Scio quod Redemptor meus vivit*. Simile dixit Ap. ad Roman. 6. v. 9. & 10. *Christus resurgens ex mortuis jam non moritur, mors illi ultra non dominabitur. Quod enim mortuus est peccato, mortuus est semel: quod autem vivit, vivit Deo*, idest ad Dei similitudinem, idest impassibilis, & immortalis. Bene ergo dicit Job,

(28) Adposuit Irenæus Lib. v. cap. xxxiv. num. 2. *Quomodo, inquit, vere Deus est, qui resuscitat hominem, sic & vere resurgit homo a mortuis, & non allegorice, quemadmodum per tanta ostendimus. Et sicut vere resurgit, sic & vere præmeditabitur incorruptelam. Deinde omnibus renovatis, vere in civitate habitabit Dei*. Dixit enim, inquit, sedens super Thronum: Ecce nova facio omnia. Nota autem propterea ex hoc Apocalypseos verbum concludere ausos fuisse Catharos Albanenses veterem *Carnem resurgere non oportere*, quod, ut not. 3. in hoc cap. observavi, carnem cœlestem, quam habuisse animas olim putabant, resurrectionem esse arbitrarentur.

(29) Simile quidpiam sibi objicit Auctor Operis de recta in Deum Fide Dial. 111. Tom. I. Opp. Origenis Edit. Novæ. 33. *Homo ex terra, & aere, & aqua, & igne constituitur. Proinde ubi moritur, & dissolvitur, unquamque substantia id quod sibi proprium est recipit, veluti pars ignis, ignem, aque aquam, aeris aerem, terram denique ad terram se adjungit, & agglutinat. Quo igitur modo fieri poterit, ut homo resurgat, ejus partes liquefactæ ita concreseant, & coalescant invicem.*

(30) Respondet huic argumento Auctor idem. Est autem ejus responsum hujusmodi: *Tua opinione Deo homines fortiores esse ostenduntur, & vanum est Servatoris pronuntiandum: quæ apud homines sunt impossibilia, apud Deum sunt possibilia. Quoniam hominis vinum aqua confusum, sejungunt, usi arte, & scientia, argentumque ab ære separant, aliaque huiusmodi com-*

plura norunt secernere. Deus autem, qui viribus invisus est insuperabilis est, artifex, & opifex omnium, cui aqua, aer, terra obsecundant, cui timore serviunt. . . . quomodo non unicuique in resurrectione corpus suum reddet. Viden ut hæretici veteres iisdem nostris premebant argumentis, quibus atate Monetæ Cathari, atque ut Auctor Dialogi non dissimili utatur responsione.

(31) Huc recidunt, quæ habet S. Thomas 111. P. 2. CV. Art. v. in c. Docet enim, quod in ultima mundi conflagratione manebunt elementa quantum ad substantiam, & qualitates eorum proprias, sed purgabuntur ab infectione, quam ex peccatis hominum contraxerant, & ab impuritate, quæ & actionem, & passionem mutuam in eis causat. Consule ibid. S. Th.

(32) Immo cap. xvi. ubi hæc habet: *illa utique ut dixi conflagratione mundana elementorum corruptibilium qualitates, quæ corporibus nostris corruptibilibus congruebant, ardendo penitus interibunt; atque ipsa substantia eas qualitates habebit, quæ corporibus immortalibus mirabili mutatione convenient: ut scilicet mundus in melius innovatus, apte accommodetur hominibus, etiam carne in melius innovatis. Animadvertendum porro hic est hoc de conflagratione mundi argumentum objectum fuisse Christianis a Celsio Epicureo. Apud Origenem lib. v. num. 17. pag. 582. Tom. I. Opp. Edit. novæ; quamobrem Celsum ab Origene fuisse exagitatum: ibid.*

(33) Ita quoque S. Thomas 111. Parte 2. cv1. Art. I. ad 1. arg.

Job, quod Redemptor suus vivit, postea per Christi resurrectionem probat resurrectionem suam dicens: *& in novissimo die de terra surrecturus sum*. Idem dicit Ap. 1. Cor. 15.

Præterea, quod Job non neget simpliciter resurrectionem in verbis prædictis, patet ex eo, quod statim subjungit: *donec atteratur Cælum non evigilabit, nec consurget de somno suo*, idest de morte. Cælum autem æereum dicit, de quo Matth. 24. v. 35. *Cælum & terra transibunt, verba autem mea non præteribunt*, & 2. Petri 3. v. 7. *Cæli autem, qui nunc sunt, & terra eodem verbo repositi sunt, igni reservati in diem judicii*. De isto transitu jam diximus qualis sit, & quod similis erit cum resurrectione corporum nostrorum. Bene ergo dicit Job *donec atteratur Cælum*, ut notaret, quod utrumque similiter fiet.

§. II.

Sententia hæreticorum qui duo ponunt principia.

Viso quid de resurrectione sentiant omnes Cathari communiter, scilicet, quod non resurgent hæc corpora: viso etiam qualiter obijciant contra resurrectionem horum corporum, videamus specialiter quid de resurrectione sentiant illi qui ponunt duo principia. (34) Ponunt enim isti resurrectionem corporum distinguentes inter corpus, & animam, sed aliorum corporum resurrectionem, scilicet cælestium corporum, ex quibus animæ, quæ oves Israel secundum eos dictæ sunt, propter peccatum in hunc mundum venerunt.

Ad hoc autem probandum inducunt illud Ezech. 37. a v. 1. usque ad 6. exclusive. *Facta est super me manus Domini, & eduxit me in spiritu Domini: & dimisit me in medio campi, qui erat plenus ossibus: & circumduxit me per ea in gyro: erant autem multa valde super faciem campi, siccaque vehementer. Et dixit ad me: Fili hominis, putasne vivent ossi ista? Et dixi: Domine Deus tu nosti. Et dixit ad me: Vaticinare de ossibus istis, & dices eis: Ossa arida audite verbum Domini. Hæc dicit Dominus Deus ossibus his: Ecce ego intromittam in vos spiritum, & vivetis*. Evidentissimum est, quod hic agitur de corporali resurrectione Filiorum Israel; unde & dicitur inferius v. 11. *Ossa hæc universa domus Israel est, quod ideo dicitur, non quia Filii Israel essent ossa illa, sed quia illa ossa fuerant partes eorum: illam autem domum, sive familiam intelligunt, ut dictum est in præcedentibus, populum cælestem, qui inde propter peccatum ejectus est, & per campum illum ubi erant ossa intelligunt cælestem patriam. Dicunt*

ergo illam prophetiam factam esse in mundo superiori.

Ipsi autem hoc, quod dicunt, non possunt ostendere intellectum esse ipsius prophetiæ: in præcedentibus etiam ostensum est hæreticum esse, quod dicunt de ovibus Israel ut habetur in prima parte hujus operis.

Præterea. Litera non est pro eis: ipsi enim distinguunt inter animas, & spiritus, ut prædictum est supra, (35) & dicunt quod spiritus non sunt in corporibus, sed extra tanquam custodes, sed animæ, in eis fuerunt; quomodo ergo stabit litera, quæ dicit: *Ecce ego intromittam in vos spiritum, & vivetis*.

Præterea. Inferius v. 10. dicitur: *Et prophetavi sicut præceperat mihi, & ingressus est in ea spiritus, & vixerunt*; ergo spiritus est in corpore, non extra.

Præterea. Secundum literam oportet eos dicere resurrectionem jam esse factam, (36) quia dicitur: *& ingressus est in ea spiritus, & vixerunt*; ipsi enim in prophetiis sumunt verba secundum, quod sonat litera, idest præteritum pro præterito.

Præterea. Secundum sonum literæ oportet dicere, quod ossa illa non essent in terra Israel, idest in cælesti patria, quam falso intelligunt ibi per terram Israel designari; dicitur enim per Ezech. v. 12. *Hæc dicit Dominus: Ecce ego aperiam tumulos vestros, & educam vos de sepulchris vestris populus meus: & inducam vos in terram Israel*. Isti tumuli non erant in terra Israel ut patet per literam, ergo nec ossa, quæ in eis erant. Hoc autem esse non potest etiam secundum eos, quia Draco non traxit de Cælo, ut dicunt, nisi tertiam partem stellarum, idest animas, non corpora, nec spiritus, ut falso exponunt. Ex his omnibus patet, quod tumuli illi in hoc mundo inferiori sunt, & sic resurrectio de qua hic loquitur Ezech. est corporalis tantum, & hoc modo futura prædicitur, & ponitur præteritum pro futuro, sicut in aliis ostendimus in prima parte hujus operis, & per domum Israel intelligitur populus Christianus videns Deum per fidem veram.

[*] Obijciunt etiam illud Rom 2. a v. 5. usque ad 10. excl. *Thesaurizas tibi iram in die iræ, & revelationis justii judicii Dei, qui reddet unicuique secundum opera ejus: iis quidem qui secundum patientiam boni operis, gloriam, & honorem, & incorruptionem quarant, vitam æternam: iis autem qui sunt ex contentione, & qui non acquiescunt veritati, credunt autem iniquitati, ira, & indignatio. Tribulatio & angustia in omnem animam hominis operantis malum: non dixit in omne corpus, ut innuat corpus non esse resurrecturum*.

Ad hoc autem dicimus, quod falsum dixit (37)

Y y

hære-

ejus discipulos, & ultra non posse mori. Et de omnibus fere Gnosticis idem lib. 11. cap. xxxi. num. 2. Ubi esse resurrectionem a mortuis dicunt, inquit, agnitionem ejus, quæ ab eis dicitur veritatis. Consule etiam Tertullianum Lib. De resurrectione Carnis cap. xix.

[*] Quæ duobus asteriscis comprehensâ vides desunt e Codd. Bonon. & Vatic.

(37) Hoc eodem testimonio, quod abutebantur Cathari, ad Manichæos repellendos usus est Johannes Chrysostomus Tom. viii. Opp. pag. 464.

(34) Nempe Cathari Albanenses. Vide Proleg. Cap. 3.

(35) Consule notationem 17. in cap. I. lib. I. & notat. I. in cap. x. lib. I. Hujusce operis.

(36) Videlicet hoc etiam restabat, ut Cathari Hymenæum, & Philetum, Gnosticisque auctores sequuti, resurrectionem factam jam esse contenderent. De Hymenæo, & Phileto consulendus est Apostolus Epist. 11. ad Timoth. cap. 11. v. 16. De Menandro Irenæus lib. I. cap. xxiv. num. 5. ubi hæc habet: *Resurrectionem* (ait Menander) *per id quod est in eum baptisma, accipere*

hæreticus, non enim ut innuat hoc, quod dictum est, id dixit Ap., sed potius ad innuendum, quod omnis dolor animæ est, & omnis pœna, & quia dupliciter patitur anima, & secundum se, & pro ut conjungitur corpori, ideo postquam dixit: *ira & indignatio*; quia Deus irascitur, & indignatur talibus, subdit Ap. *tribulatio & angustia in omnem animam*, non dixit tantum tribulatio, vel tantum angustia, sed conjunxit illa duo, ut innuat duplicem modum passionis animæ; in resurrectione enim corporis mali hominis, & tribulatione animæ illæ conjunctæ habentur, Jac. 5. v. 1. 2. & 3. *Agite nunc divites; plorate ululantes in miseriis vestris, quæ advenient vobis. Divitiæ vestræ putrefactæ sunt; & vestimenta vestra a tineis comesta sunt. Aurum & argentum vestrum aruginavit, & arugo eorum in testimonium vobis erit, & manducabit carnes vestras sicut ignis. Et Isaia ultimo v. 24. Et egredientur, & videbunt cadavera virorum, qui prævaricati sunt in me: vermis eorum non morietur, & ignis eorum non extinguetur, & erunt usque ad satietatem visionis omni carni. [*]*

Ad idem inducunt illud 1. Cor. 15. Ubi ponit Ap. quod sunt corpora terrestria, & corpora cælestia, & quod alia est gloria cælestium, & alia terrestrium, & ponunt cælestium corporum resurrectionem tantum. (38)

Sed nonne videt miser hæreticus, quod corpora cælestia appellat Ap. Solem, & Lunam, & Stellas, (39) Sic enim ait v. 41. & 42. De corporibus cælestibus testificans, & de diversitate claritatis ipsorum: *Alia claritas Solis, alia claritas Lunæ, & alia claritas Stellarum: Stella enim a Stella differt in claritate: sic & resurrectio mortuorum: supple differens erit in claritate, secundum quod homines magis, vel minus meruerunt in vita ista. Sciendum enim, quod resurrectio omnibus corporibus communis erit, secundum quod Ap. postea dicit v. 51. Omnes quidem resurgemus. Sed gloria resurrectionis non erit omnibus communis, de qua subdit Ap. Sed non omnes immutabimur. Hanc immutationem amant Sancti, sicut Job 14. v. 14. qui ait: cunctis diebus quibus nunc milito expecto, donec veniat immutatio mea.*

Item gloria resurrectionis differens erit, & hoc

ostendit tripliciter: primo per comparisonem corporum terrestrium inter se, unde ait v. 39. *Non omnis caro eadem caro*, idest ejusdem dignitatis, & loquitur de carne terrestrium, unde exponens subjungit: *Sed alia quidem hominum, alia vero pecorum, alia volucrum, alia autem piscium*: Secundo hoc ostendit per comparisonem cælestium, & terrestrium adinvicem; unde v. 40. *Et corpora cælestia, & corpora terrestria*, supple differentiam habentia in gloria, unde subdit: *Sed alia quidem cælestium gloria*, idest claritas, *alia autem terrestrium*. Tertio ostendit illud idem per comparisonem cælestium ad invicem; unde cap. 41. *Alia claritas Solis, alia claritas Lunæ, & alia claritas Stellarum*. Quam auctoritatem exponemus contra hæreticos qui unum ponunt principium cap. proximo de differentia præmiorum.

Hoc addito, quod ipsi per corpora cælestia animas intelligunt, (40) quarum conversatio in cælis est: Sed male, quia, ut ostensum est, anima nullo modo debet dici corpus.

[*] Si autem pro corpore cælesti aliud intelligis quam animam: dicas mihi hæretice qui unum ponis principium, quid est illud corpus cæleste, five habitatio de cælo, quam Sancti cupiunt super induci; cum non credas, quod terrestris domus fiat cælestis, idest, quod hoc materiale corpus, quod modo est terrestre, idest corruptibile, fiat cæleste, idest, incorruptibile ad modum cælestium corporum. Valet autem hic modus ad claudendum os ejus, vel oportet eum suum errorem detegere. [*]

Ad idem etiam probandum inducunt illud 2. Cor. 5. v. 1. *Scimus enim, quoniam si terrestris domus nostra hujus habitationis dissolvetur, quod ædificationem ex Deo habemus, domum non manufactam, æternam in cælis*. (41) Dicit hæreticus: duas domos distinguit, scilicet corpus cæleste, & terrestre, primum est non manufactum, & æternum, & illud est, quod resurget, ut dicit hæreticus.

Solutio. Dico, quod una & eadem domus est modo terrestris, idest, fragilis, & corruptibilis, sed in resurrectione cælestis, incorruptibilis ad modum cælestium corporum: secundum primum statum manufacta est, idest, opere hominis facta, & est temporalis: secundum futurum statum erit non manu-

pag. 464. Edit. Montfauc. Paris. Homilia v. In Epist. ad Romanos num. 3. *Vides*, inquit, *ut nobis de resurrectione corporum fores aperuerit? Cum incorruptione dicit; Incorruptio enim illa corrupti corporis est. Deinde quia hoc non satis erat, addidit gloriam, & honorem. Omnes enim resurgemus incorrupti, sed non omnes ad gloriam: sed alii ad supplicium, alii ad gloriam.*

(38) Corporum cælestium nomine corpus cæleste aptatum Christo intelligebant aliquot Gnostici. Adeundus Origenes, seu potius Auctor Operis de Recta in Deum Fide. Dialogo, seu sectione IV. pag. 851. Tom. I. Opp. Origenis Edit. Nov.

(39) Ita plane Auctor Dialogi; cujus mox mentionem feci loco notatione superiore indicato. *Σώμα δ' αὐτοσολος ὀνομάζει ἡράσιον, ἢ λίον σελήνην. ἔγω γὰρ φαίσκε· σώματα ἐπικρατία, καὶ σώματα ἐπίγνια, ἀλλ' ὅσα ἡλίῳ, καὶ ἀλλ' ὅσα σελήνῃς, ἀλλ' ὅσα ἀστέρων. ἀστὴρ ἀστέρων διωφέρεται ἐν δόξῃ, ἔγω καὶ ἡ ἀράσις τῶν νεκρῶν. Διῶκον ἡν, ἡ σὰρξ, καὶ ὅσα, καὶ αἶμα ἐκ τῶν ὀστέων ἐν ἡρανῶ. Corpus vocat Apostolus Cælum, Solem, Lunam. Sic enim ait; Corpora cælestia, & corpora terrestria. Alia gloria Solis, & alia gloria Lunæ, alia gloria Stellarum. Stella differt a Stella in gloria. Sic & resurrectio mortuorum. Ostende igitur, an caro, & ossa, & sanguis in Cælo habeant subsistentiam.*

(40) Non Cathari Albanenses, sed Concorrenses corporis nomine animam indicari censebant. Quare τὸ hoc addito cadit in Catharos, qui unum ponebant principium ergo sapienter noster animadvertit corpus numquam significare animam. Catharis porro prævisse videntur Gnostici. Nam Theodorus ille, qui Eclogas elaboravit, quæ exstant ad calcem Opp. Clementis Alexandrini Edit. an. 1616. Ex Gnosticorum penu hæc deprompsit. Num. 13. Apud Fabric. Lib. v. Bibliotheca Græca Cap. I. pag. 145. Sed & anima corpus est. Igitur Apostolus: *Seminarum quidem corpus animale; surgit vero corpus spiritale. Quoniam autem modo, quæ torquentur animæ sentiunt, cum non sint corpora? Viden ut corporis nomine animam indicet.*

[*] Quæ duobus asteriscis conclusa sunt, non exstant in Codd. Bonon. & Vat.

(41) Huc detorsisse videtur hoc idem Pauli testimonium Origenes Lib. III. Periarcho cap. vi. num. 4. pag. 153. Tom. I. Opp. Edit. Novæ. Ergo Catharis prævit, ut etiam Gnostici, quos Tertullianus Lib. de Resurrectione Carnis Cap. xli. innuit hoc Testimonio Pauli abusus fuisse, ut carnis resurrectionem tollerent.

manu facta, sed Dei virtute erit æterna, idest, indeficiens, quia incorruptibilis : (42) *Oportet enim corruptibile hoc induere incorruptionem : & mortale hoc induere immortalitatem* 1. Cor. 15. v. 53. Secundum etiam hunc statum habitationem nostram, quæ de cælo est, super indui cupientes, 2. Cor. 5. v. 2. quæ est dicit, idest, quæ erit cælestis, idest, incorruptibilis, sicut etiam dicit *habemus*, idest, habebimus, nondum enim habebat, sed expectabat, & sperabat habere; unde Rom. 8. v. 23. & 24. *Expectantes redemptionem corporis nostri, spe enim salvi facti sumus*. Hoc autem, quod una & eadem domus quæ modo est terrestris, sit futura cælestis declarat Ap. post illa verba *scimus enim &c.* Dicit enim v. 4. *Nam & qui sumus in hoc tabernaculo ingemiscimus gravati: eo quod nolumus exspoliari, sed supervestiri, ut absorbeatur, quod mortale est a vita*. Idest, tollatur mortalitas, & veniat vita immortalis. Idem dixerat supra c. 4. v. 11. *Semper enim nos, qui vivimus, in mortem tradimur propter Jesum: ut & vita Jesu manifestetur in carne nostra mortali*. Propter hoc Ap. Roman. 7. Petebat liberari non a corpore isto, sed a corpore, secundum quod est mortis, idest mortale; & quia hoc non fit humano opere, sed Dei gratia & virtute, ideo dicit v. 24. & 25. *Quis me liberabit de corpore mortis huius? Gratia Dei per Jesum Christum*, hic enim est carcer a quo petit liberari David dicens Psal. 141. v. 8. *Educ de custodia animam meam*, non enim est carcer nisi secundum quod gravat, hoc autem facit quia corruptibile & mortale est.

Ex hoc etiam patet solutio ad quandam objectionem quam facit hæreticus dicens: dicit Ap. 2. Cor. 5. v. 8. *Audemus autem & bonam voluntatem habemus magis peregrinari a corpore, & præsentem esse ad Dominum*. Videtur ergo, quod corpus istud impediat Domino esse præsentem; quomodo ergo dicit resurrecturum? (43)

Solutio. Dico: Corpus impedit Dei præsentiam in quantum mortale est & corruptibile: Sap. 1. v. 15. *Corpus enim, quod corrumpitur aggravat animam*: volebat ergo peregrinari a corpore, idest dissolvi, & longe esse ab eo secundum quod tale, & tamen volebat absorberi a vita immortalis, immortalitatem & vitam Jesu manifestari in carne sua mortali, quia corpus tale non impedit præsentem esse ad Dominum videndum sicuti est.

(42) Eodem spectant quæ habet loco mox indicato Tertullianus. „ Eandem, inquit, sententiam exsequitur remunerationes vexationibus præferens. Scimus enim inquit, quoniam etsi terra rena domus nostra huius tabernaculi dissolvatur, habemus domum non manufactam æternam in Cælis. Meminerat Evangelicæ definitionis. Beati qui persecutionem patiuntur propter iustitiam, quia illorum est Regnum Cælorum. Non tamen carnis restitutionem negavit, si compensationem mercedis operis posuit, cum ipsi compensatio debeatur, cui dissolutio deputatur, scilicet carni. Sed quia domum dixerat carnem, eleganter voluit & in mercedis comparatione vocabulo domus uti; ipsi domui quæ dissolvitur per passionem, meliorem domum repromittens per resurrectionem, &c. Vide quæ sequuntur.

§. III.

Agitur contra illos, qui unum ponunt principium. Et quod horum corporum visibilibus & materialibus erit resurrectionis una.

V Iso, qualiter resurrectionem impugnant hæretici, accedamus ad ostendendum, ipsam resurrectionem corporum istorum futuram esse.

In primis dicimus, quod resurrectio est secunda ejus, quod cecidit, resurrectio; ut dicit Jo: Dam. L. 4. in fine. (44)

Secundo autem quædam ponemus contra illos qui unicum ponunt (45) Creatorem, quorum opinio est, animam esse corpus spirituale, carnem vero dicunt corpus animale, & ideo ubicumque corpus spirituale (46) resurrecturum dicitur, animam tantum intelligi volunt, quod volunt habere ex gravi similitudine. Nam in grano cortex est, & medulla. Per corticem carnem, per medullam vero animam significari credunt, & sicut medulla sola cortice putrescente vivificatur; ita & anima sola putrescente carne resurget.

[*] Quod autem hæc similitudo quam ibi ponit hæreticus nulla sit, probatur hoc modo: Nihil resurget a morte, nisi prius ceciderit in mortem, (47) unde Christus prius mortuus est, & postea resurrexit a morte 1. Cor. 15. v. 3. & 4. *Tradidi enim vobis in primis quod & accepi: quoniam Christus mortuus est pro peccatis nostris secundum scripturam: & quia sepultus est, & quia resurrexit tertia die*. Surrexit ergo a morte. Hebr. 5. v. 7. *Qui in diebus carnis sue preces, supplicationesque ad eum, qui possit illum salvum facere a morte cum clamore valido, & lachrymis offerens, exauditus est pro sua reverentia*. Modo dico: Nunquid Christus corporaliter surrexit? Utique: ut patet Johan. 20. v. 27. Ubi Thomæ dicitur a Christo: *Infer digitum tuum huc, & vide manus meas, & offer manum tuam, & mitte in latus meum*. Et Lucæ 24. cap. 39. *Palpate, & videte: quia spiritus carnem & ossa non habet*. Similiter Act. 2. v. 31. *Providens locutus est de resurrectione Christi, quia neque derelictus est in inferno, neque caro ejus vidit corruptionem*. Nunquid ergo surrexit relicto corpore in terra velut cortice? Absit hoc a vera fide; ergo nos non resurgemus relicto cortice corporis in terra; constat enim quod nos resurgemus sicut Christus, juxta illud 1. Cor. 6. v. 14. & 15. *Deus vero & Dominum suscitavit, &*

Y y 2

nos

(43) Afferebant hæc item Gnostici. Sed hi refelluntur a Tertulliano, Lib. de Resurrect. Carnis Cap. XLIII. Is tamen non nisi martyribus continuo post mortem id esse datum pugnat, ut Deum intueantur: qua in re vehementer errat.

(44) Nempe in extremo. Quarto Libro de Fide Orthodoxa.

(45) Videlicet contra Catharos Concorrezenfos.

(46) Vide Notam 40. in hoc cap.

[*] Desunt quæ duobus asteriscis complexi sumus e Codd. Bonon. & Vat.

(47) Respondet argumento Gnosticorum, quod in idem atque hoc Catharorum recidit, Tertullianus Lib. de Resurrectione Carnis cap. LIII. Respondet autem eodem fere modo, quo noster Moneta.

nos suscitabit per virtutem suam . Nescitis quoniam corpora vestra membra sunt Christi ? Quod testimonium in fine examinabimus .

Item Philipp. 3. v. 21. *Qui reformabit corpus humilitatis nostræ configuratum corpori claritatis suæ .*

Item Rom. 6. v. 5. *Si enim complantati facti sumus similitudini mortis ejus ; simul & resurrectionis erimus .* [*]

Dicunt etiam mortem esse separationem , unde mortem animæ dicunt ejus a corpore separationem , & animam mortalem dicunt , idest , separabilem a corpore .

Decepti sunt autem hæretici multipliciter : anima enim corpus non est , est enim substantia incorporea ; ergo non est corpus spirituale .

Præterea , nullo testimonio possunt ostendere , quod anima corpus dicatur ; etsi enim dicatur homo interior , non tamen propter hoc habetur , quod corpus sit ; dicitur enim homo per Sinecdochen , quia interior pars hominis est , sicut etiam corpus dicitur exterior homo , quia est exterior pars hominis .

Si enim velis dicere , quod anima proprie dicatur homo , (48) ut per hoc habeas , quod est substantia corporea ; esset ergo animal rationale ; ergo est animal , quod palam falsum est : Vel si verum est ; ergo est corpus animatum sensibile ; ergo est corpus animatum ; ergo habet animam a qua animatur . Eadem remanebit objectio de illa anima , & sic erit via ad infinitum . Similiter si homo exterior , idest , ipsa caro proprie dicitur homo ; ergo erit animal rationale .

Contra : Nunquid caro potest ratiocinari ? Non ; ergo caro non est rationalis ; ergo non est animal rationale ; ergo non est homo proprie .

Item . Si ipsa est animal rationale ; ergo est animal ; & ita constabit ex corpore & anima sensibili ; sic ergo in quolibet nostrum essent duæ animæ , & duo corpora .

Peccant etiam hæretici dicentes , mortem idem esse , quod separationem : imo mors idem est , quod privatio vitæ ab eo , de cujus aptitudine est , vel fuit ut vivat ; non est ergo mirum si isti falluntur , & fallunt simplices , quia ignari sunt significationis hujus nominis mors .

Præterea , quod mors non sit separatio animæ a corpore patet in sensibilibus , & vegetabilibus , in quibus anima non separatur a corpore , sed moritur cum ipso .

Quod autem aliud sit anima , sive spiritus , & aliud caro , sive corpus , possumus probare testimoniis Ap. 1. Cor. 7. v. 34. *Mulier innapta , & virgo cogitat quæ Domini sunt , ut sit sancta corpore , & spiritu .* Psalm. 83. v. 3. *Cor meum , & caro mea exultaverunt in Deum vivum .*

Item in Psalm. 62. v. 1. *Sitivit in te anima mea , quam multipliciter tibi caro mea .*

Præterea , quod mors sit ipsa separatio , nullo testimonio ostendunt ; unde patet quod vanum est & falsum , quod dicunt ; licet enim Ap. ad Philipp. 1. v. 23. dicat se habere desiderium dissolvi , & esse cum Christo , non tamen dicit , quod dissolutio spiritus a corpore sit mors , sed illam dissolutionem comitatur mors , non ipsius animæ , sive spiritus , sed ipsius corporis , quod moritur , idest privatur vita cum anima ab eo separatur ; anima vero cum separatur a corpore non privatur vita , imo tunc melius vivit , si in pœnitentia a corpore discedit ; unde Ap. Rom. 7. v. 24. Dicebat : *Infelix ego homo , quis me separabit a corpore mortis hujus ?* Constat ergo , quod tunc anima non moritur cum a corpore dissolvitur .

Quod autem anima non moriatur nisi accidentaliter , idest per peccatum , privando se vita sua , quæ est Christus , patet Ezech. 18. v. 4. *Anima quæ peccaverit , ipsa morietur .*

Item 1. Timoth. 5. v. 6. *Vidua quæ in deliciis est , vivens mortua est .*

Quod autem substantialiter non moriatur patet , dicitur enim Matth. 10. v. 28. *Nolite timere eos , qui occidunt corpus , animam autem non possunt occidere .*

Tertio errant , quia similitudinem grani ponunt in alio , quam Ap. ponit ; non enim in eo , quod dicunt , attenditur similitudo de grano quæ inducitur ab Ap. 1. Cor. 15. sed in hoc , quod sicut putrefactio , sive mors grani seminati , non impedit ejus vivificationem ; imo non vivificatur , nisi prius moriatur , idest putrescat ; ita & putrefactio corporum in sepulchris , resurrectionem eorum non impedit : hoc autem patet ex quæstione præambula , quomodo mortui resurgent ? Sic quærebant credentes non esse regressum de morte ad vitam , de privatione , scilicet , ad habitum ; quam quæstionem solvit dicens v. 36. *Insipiens , tu quod seminas non vivificatur , nisi prius moriatur .* Secundam quæstionem , quali autem corpore venient ? determinat cum dicit v. 36. *Et quod seminas , non corpus , quod futurum est seminas ; sed nudum granum , ut prius dictum est in præcedenti cap. de resurrectione .*

§. IV.

Testimonia pro Ecclesia de vera corporum resurrectione .

O Stenfo , quod anima non debet dici corpus , vel caro nec Philosophice , nec Theologice , ponamus testimonia de resurrectione . Constat duplici-

(48) Adis Notationem xv. in hoc Cap. Homo ex anima , & corpore constituitur , ut patet . Sapienter Auctor Poemat. Contra Marcionem Lib. 1. cap. 1x. Inter Opera Tertulliani .

„ Ergo totus homo credit , totusque lavatur .

„ Abstinet , aut patitur pro nomine vulnera vere ,

„ Verus surgit homo , vere mors vieta fletibit ,

„ Sed non pars hominis anima sua parte relicta ,

„ Percipiet palmam , socia quam carne laborans

„ In stadio luctata , simul conjuncta meretur .

„ Grande nefas portare duos per vincula pondus ,

„ Quorum sit locuples unus , atque alter egenus ,

„ Et miserum sperni , felici præmia reddi .

„ Non facit hoc justus mercedis redditor æquus ,

„ Et bonus , & dives , quem credimus omnia posse .

plicem resurrectionem esse : unam spirituales , quæ est , cum anima mortua in peccato reviviscit , resurgendo de vitiis ad virtutes . De ista non loquor , sed de altera , (49) quam Dominus Johan. 5. v. 39. Dicit se facturum in novissimo die . Quæro an corporalis sit , an non ?

Quod corporalis sit probatur : dicitur enim Job 19. v. 25. & 26. *Scio enim quod Redemptor meus vivit , & in novissimo die de terra surrecturus sum : & rursum circumdabor pelle mea , & in carne mea videbo Deum meum .* Quod autem (50) Job sit talis testis , cujus testimonio standum sit , patet per Jacobum Apostolum , qui in persona Ecclesiæ loquens in Ep. cap. 5. v. 11. Dicit : *Ecce beatificamus eos , qui sustinuerunt* , & ponit Job , & Christum : sed Ecclesia Dei beatificat Christum beatitudine permanenti ; ergo & ipsum Job , cum dicat communiter : *Ecce beatificamus &c.*

Præterea . Ecclesia Dei sine determinatione non diceret aliquem beatificatum propter hæc temporalia , licet homines beatificent tales , unde David ait Psal. 143. v. 15. *Beatam dixerunt populum , cui hæc sunt* , quasi diceret , hæc est opinio hominum ; post ea ponit David , imo Spiritus Sanctus in eo , opinionem suam : *Beatus populus , cujus Dominus Deus ejus .*

Item , quod testimonio etiam Job standum sit , non diffitetur qui duos asserit creatores : ponit enim corporis resurrectionem , sed non hujus corporis , sed cælestis corporis ibi derelicti ab ovibus Israel , & de illo intelligit verba Job .

Contra illud dic : Nunquid de hoc testimonium habes ? Ipse autem nullum testimonium potest inde ostendere , nisi forte illud , quod habetur 2. Cor. 5. v. 1. *Scimus enim quoniam si terrestris domus nostra hujus habitationis dissolvatur , quod ædificationem ex Deo habemus , domum non manu factam æternam in Cælis .* Istud autem testimonium ostendimus non esse pro eis , supra eodem cap. Unde patet , quod visiones capitis sui loquuntur .

Ad Rom. 5. v. 12. Ubi dicit Ap. *Per unum hominem peccatum in hunc mundum intravit , & per peccatum mors* ; ergo aliud est peccatum , & aliud mors ; peccatum est ex parte animæ , mors autem ex parte corporis : sicut per eundem Ap. in eadem Ep. c. 8. v. 10. Ubi dicitur : *Corpus quidem mortuum est propter peccatum .*

Si autem dicas , quod non loquitur hic de isto materiali corpore , sed de spirituali . Dic : quid est ? Si dicas ipsam animam esse corpus spirituale :

Contra . Illa non est mortua , nisi illa morte , quæ peccatum est , mors enim animæ peccatum est : hic autem ostensum est aliud esse peccatum , & aliud mortem .

Præterea , ostensum est , quod anima non est corpus aliquo modo dicendi corpus , nec in aliquo testimonio Scripturæ habetur .

Si autem dicas corpus spirituale Ecclesiam , hoc non nego , quin Ecclesia aliquando dicatur corpus , sed quod ibi dicatur corpus , ubi Ap. ait : *Corpus quidem mortuum est propter peccatum* , hoc nego , ipsa enim Ecclesia sine macula est , & ruga , ut dicis ; ergo non est mortua propter peccatum , maxime cum Ap. Ecclesiæ loquens dicat : *Si autem Christus in vobis est , corpus quidem mortuum est propter peccatum* , ex quibus verbis patet , quod aliud est Ecclesia , & aliud corpus .

Præterea . Christo existente in Ecclesia , ipsa non potest esse propter peccatum mortua ; similiter nec homo interior potest esse mortuus propter peccatum , si Christus in ipso est .

Præterea , statim dicitur : *Spiritus vero vivit propter justificationem .*

Præterea , parum ante illa verba Ap. determinat quid sit illud corpus , quod est mortuum propter peccatum , ait enim cap. 7. v. 24. *Infelix ego homo , quis me liberabit de corpore mortis hujus ?* Nunquid volebat liberari , & solvi ab Ecclesia ? Non ergo corpus mortis , idest mortuum propter peccatum , potest dici Ecclesia .

Item , ex hoc etiam testimonio patet , quod corpus mortis , sive mortuorum , non venit pro interiori homine , idest anima , quam dicebat esse corpus spirituale , falso tamen ; quia ab interiori homine nollet liberari , imo ille est , qui petit liberari .

Adducamus testimonia resurrectionis . Dicit Ap. Rom. 8. v. 11. *Si Spiritus ejus , qui suscitavit Jesum a mortuis (51) habitat in vobis : qui suscitavit Jesum Christum a mortuis , vivificabit & mortalia corpora vestra , propter inhabitantem Spiritum ejus in vobis .* Ex prædictis patet quod corpora mortua dicuntur tantum ista corpora visibilia : dicitur autem quod Dominus , qui suscitavit Christum a mortuis vivificabit ea : quare ergo negas resurrectionem horum corporum ?

[**] Ad hoc dixit Desiderius hæreticus (52) unus de iis qui unum principium ponunt : quod Spiritus Sanctus vivificat corpus exterius , quod ab Ap. dicitur mortale & mortuum Rom. 8. ad serviendum rationi , non ad resurgendum .

Pri-

(49) Hanc enim unam negabant Cathari , aliam animæ non negabant . Ergo Scripturarum testimonia , quæ probant carnis resurrectionem sensu spirituali intelligi oportere censebant . Sequiebantur autem Auctores Gnosticos , & Manichæos . Adeundus Tertullianus *Lib. de resurrectione Carnis cap. XIX.* Qui Gnostico- rum dicendi rationem explicat .

(50) Non injuria Jobi testimonio Catharos exagitat Noster . Nam illi librum Prophetæ tanti nomine inscriptum in Agiographis ponebant . Ne autem mirere Monetam Jacobi auctoritate probare Jobo esse fidem adjungendam . Id enim facit , non eo quo Cathari negarent Jobum fuisse Spiritu Sancto adflatum , sed quo ejus sententiam magis magisque veram esse ostendat præsidio Novi Testamenti .

(51) Hoc item argumento usi sunt contra Gnosticos , & Mani-

chæos veteres Ecclesiæ Patres . Irenæus *libro V. Cap. VII. n. 1.*

„ Quomodo , inquit , Christus in Carnis substantia surrexit , &
„ ostendit discipulis fixuras clavorum , & aperitionem lateris
„ (hæc autem sunt indicia carnis ejus , quæ surrexit a mortuis)
„ sic & nos , inquit , suscitabit per virtutem suam . Et iterum
„ ad Romanos ait : *Si autem Spiritus ejus , qui suscitavit Je-
„ sum a mortuis , habitat in vobis , qui suscitavit Christum a mor-
„ tuis , vivificabit & mortalia corpora vestra .* Quæ sunt ergo
„ mortalia corpora ? Numquidnam animæ ? Sed incorporales ani-
„ mæ &c.

[**] Quæ duobus asteriscis comprehendimus , desunt e *Codd. Bon. & Vatic.*

(52) Vide *Notationem 59. in Cap. III. lib. III. pag. 248.*

Primum verum est, quia Spiritus Sanctus vivificat corpora bonorum ad serviendum rationi: secundum autem falsum est, quod dixit non ad resurgendum. Ap. enim non dixit *vivificat*, jam enim erant vivificata eorum corpora ad prædictum servitium, & ideo dixit *vivificabit* de futuro loquens; ergo istud corpus vivificabitur a Spiritu Sancto in futuro.

Præt. si de vivificatione prædicta illud intelligis; quare conclusisset Ap. v. 12. *Ergo Fratres debitorum sumus non carni*. Imo ex hoc essemus ejus debitorum, si servit nostræ rationi [**]

Fortè dicet Hæreticus: licet corpus mortuum non possit dici Ecclesia, tamen mortale corpus potest appellari.

Contra: Nunquid Ecclesia mortalis est? Si sic: quomodo ergo stabit quod dicit Dominus Mat. 28. v. 20. *Vobiscum sum omnibus diebus usque ad consummationem sæculi*? hoc enim dixit Ecclesiæ.

Præterea, Ecclesiæ Romanæ loquebatur, quæ unicuique corpus erat, unde dicit Rom. 12. v. 5. *Multi unum corpus sumus*; cum ergo hic pluraliter dicat *mortalia corpora vestra*, necesse est quod veniat pro materialibus & visibilibus corporibus.

Præterea: Ego habeo testimonium Rom. 6. v. 12. mortale corpus dici hoc materiale corpus, ubi habet: *Non ergo regnet peccatum in vestro mortali corpore*. Et quod ita sit, patet ex eo quod sequitur v. 13. *Neque exhibeatis membra vestra arma iniquitatis peccato*; loquitur autem de materialibus membris; ergo de materiali corpore. Probatio primæ. Infra enim dicit Ap. c. 7. v. 5. *Cum essemus in carne, passiones peccatorum, quæ per legem erant, operabantur in membris nostris*. Item v. 22. & 23. *Condeletor enim legi Dei secundum interiorem hominem: video autem aliam legem in membris meis repugnantem legi mentis meæ*, ex quibus verbis patet quod non sumitur pro membris mentalibus, cum in membris de quibus Ap. loquitur sit lex repugnans legi mentis; venit ergo pro materialibus membris, sicut etiam patet per illud ad Gal. 5. v. 17. *Caro enim concupiscit adversus Spiritum*; ergo mortale corpus venit pro materiali corpore; non ergo pro Ecclesia: sed istud vivificabit Dominus; ergo corpus istud resurget.

Si autem disputatio esset cum Catharo, qui ponit duo principia, & dicit corpora quædam in cælo relicta esse resuscitanda, quære utrum inde habeant testimonium, & non poterunt ostendere quod dicunt: somniantur ergo.

Item, Rom. 8. v. 23. *Nos ipsi primitias Spiritus habentes: & ipsi intra nos gemimus adoptionem filiorum Dei expectantes, redemptionem corporis nostri* (53) Constat quod Ap. hoc non dicit de redemptione animæ a culpa, illa enim facta erat in eis, non expectabatur ut fieret; unde Petrus Ep. 1. c. 1.

v. 18. & 19. dicit: *Non corruptibilibus auro, vel argento redempti estis de vana vestra conversione paternæ traditionis, sed pretioso Sanguine quasi agni immaculati Christi, & incontaminati*; loquitur ergo de redemptione corporis, & ita corpus materiale resurget, ex quo redimetur.

Quod autem de materiali corpore loquatur Ap. patebit in sequenti objectione.

Item 1. Cor. 6. v. 13. *Corpus autem non fornicationi, sed Domino, idest servitio ejus, & dicit quare, quia propter hoc Corpus Domino debetur; postea subdit Ap. quæ inde utilitas, cum ait v. 14. Deus vero & Dominum suscitavit, (54) & nos suscitabit per virtutem suam*, ubi patet quod non loquitur de illa resurrectione, quæ est a morte spiritali, idest a peccato, sic enim jam suscitatus erat Ap. & Ecclesia Corinthiorum cui scribit, ergo non diceret *suscitabit nos* de futuro, sed *suscitavit*, si de spiritali loqueretur resurrectione; loquitur ergo de corporali.

Præterea, quod pro materiali corpore veniat cum dicitur: *Corpus non debetur fornicationi*, patet ex eo quod addit Ap. v. 15. *Nescitis quoniam corpora vestra membra sunt Christi? Tollens ergo membra Christi faciam membra meretricis? Absit*. De meretrice enim carnali loquitur Ap. ut ostensum est 6. cap. 1. partis; quod visibilia, & transitoria ista, a Deo Patre sunt: loquitur ergo de corporibus istis, quia alia non possunt poni in potestate meretricis carnalis, & ita loquitur de resurrectione corporali Ap. cum dicit: *nos suscitabit per virtutem suam*, & ideo non debemus ea dare fornicationi, sed Domino.

Præterea nota: quod dicit, *corpora vestra membra sunt Christi*, hominibus interioribus loquebatur; & aliud est corpus, & aliud qui habet ipsum, ergo corpus non venit pro interioribus hominibus.

Præterea, si sunt membra Christi; ergo salvabuntur.

Præterea, sunt templum Spiritus Sancti: quid mirum ergo si Spiritus Sanctus salvat templum suum?

Præterea, Quare præmittit: *Deus vero & Dominum suscitavit*, nisi ut ostenderet quod nos similiter suscitaret? Sed ipsum Christum suscitavit tantum corporaliter; ergo & nos similiter suscitabit tantum corporaliter, ergo & nos similiter suscitabit, de qua similitudine dicitur Rom. 6. v. 5. *Si enim complantati (55) facti sumus similitudini mortis ejus: simul & resurrectionis erimus*. Philip. 3. v. 11. *Configuratus (56) morti ejus, si quo modo occurram ad resurrectionem, quæ est ex mortuis*. Et quod loquatur ibi de corporali resurrectione, & de occursum ad eam, patet Eph. 4. v. 13. *donec occurramus omnes... in virum perfectum*: vir autem dicitur secundum corpus. Et quod ita debeat sumi, patet per illud quod addit Ap. *in mensuram ætatis plenitudinis*

(53) Redemptio namque corporis, quæ alia esse potest, nisi corporis resurrectio? Nugæ agebant, qui animam corporis nomine indicari putabant. Nam in Scripturis nusquam τὸ σώματ' appellatio tributa est τῇ ψυχῇ anima. Sin autem tributa est, cur non attulerunt Cathari aliquod testimonium, quo possent suum dogma e. incere?

(54) Iræneus lib. v. Cap. vi. n. 2. *Quoniam*, inquit corpora

nostra, non ex sua substantia, sed ex Dei virtute suscitantur, Corinthiis dicit: Corpus autem non fornicationi, sed Domino, & Dominus Corpori. Deus autem & Dominum suscitavit, & nos suscitabit per virtutem suam.

(55) Adeundus Tertullianus lib. de resurrectione Carnis Cap. XLVII.

(56) Videtur Tertullianus loco indicato notati one superiore.

nis Christi, ætas enim secundum corpus attenditur, est enim ætas spatium vitæ animalis, in quo animastat, crescit, aut decrescit.

Si dicas: quod de cælesti corpore loquitur: dicas mihi, quomodo peccas in corpus illud per fornicationem?

Præterea, quolibet peccato alio in illud peccaret, quare ergo dicis alia peccata esse extra corpus, istud autem in corpus?

Item 1. Cor. 9. v. 27. *Castigo corpus meum, & in servitutem redigo*; istud de spiritali corpore non potest intelligi, quia illud tale esset concors cum Apostolo, sed exterius quandoque erat ei contrarium, unde ipsum castigabat, reducendo ipsum ad servitutem Dei, unde Rom. 6. v. 19. *Sicut enim exhibuistis membra vestra servire immunditiæ, & iniquitati ad iniquitatem, ita nunc exhibete membra vestra servire justitiæ in sanctificationem.*

Item Rom. 12. v. 1. *Obsecro itaque vos fratres per misericordiam Dei, ut exhibeatis corpora vestra hostiam viventem, sanctam, Deo placentem.* Et notandum, quod exteriora sunt sub regimine interiorum, ergo ejusdem Dei sunt, ex quo de Dominio Dei sunt, & castigata, & in ejus servitute; quare non resuscitaret ea?

Item 1. Cor. 15. v. 13. 14. *Si autem Christus prædicatur (57) quod resurrexit a mortuis, quomodo quidam dicunt in vobis, quoniam resurrectio mortuorum non est? Si autem resurrectio mortuorum non est: neque Christus resurrexit* Ap. probabat Christum resurrexisse, & non nisi corporaliter, quia a corporali morte, non a spiritali; & ex hac infert mortuos esse resuscitandos, & inde arguit quosdam de Ecclesia Corinthiorum, quia dicebant mortuorum resurrectionem non esse, cum tamen crederent, ut prædicatum erat eis, Christum resurrexisse, illi autem non negabant resurrectionem animarum spirituales, sed resurrectionem corporum: arguit ergo eos quia negabant corporalem, cum dicit: *Quomodo quidam dicunt in vobis, quoniam resurrectio mortuorum non est.* In persona istorum ponit Ap. quæstionem illam, ac si diceret, alias quomodo resurgent mortui? Ubi patet quod de corporali loquitur resurrectione, quia statim subdit Ap. v. 35. *quomodo resurgent mortui, qualive corpore venient?* Ergo de corporali loquitur. Quod autem non loquatur de anima, quam dicunt esse corpus spirituale, patet, quia dicit: *qualive corpore venient*; alius enim est qui venit, & alius in quo venit. Aliud ergo est Spiritus humanus, & aliud est corpus in quo veniet.

Præterea, Ap. inferius v. 38. dicit: *Deus autem dat illi corpus sicut vult; & unicuique seminum proprium corpus*: aliud autem est quod datur, & aliud cui datur; ergo & aliud est corpus proprium; ex his ergo patet quod Ap. quando dicit: *Si autem Chri-*

stus prædicatur &c. intelligit de resurrectione corporum mortuorum.

Præterea, Christus a morte corporali surrexit, unde Rom. 4. v. 25. *Traditus est propter delicta nostra, & resurrexit propter justificationem nostram: Traditus est* supple morti corporali, unde Lucæ 24. v. 20. dicitur: quod *eum tradiderunt summi Sacerdotes, & principes nostri in damnationem mortis, & crucifixerunt eum*; & Act. 3. v. 15. dixit Petrus Judæis: *Auctorem vero vitæ interfecistis, quem Deus suscitavit a mortuis.* Sequitur ad Rom. 4. & *resurrexit propter justificationem nostram*, resurrexit autem ab illa morte corporali, & ita corporaliter resurrexit: sed Rom. 6. v. 5. dicitur: *Si enim complantati facti sumus similitudini mortis ejus: simul & resurrectionis erimus*; ergo si mortui fuerimus corporaliter pro ipso, sicut ipse pro nobis, resurgemus sicut & ipse, & ita corporaliter; & hoc est quod Ap. vult ostendere, cum ponit Christi resurrectionem esse argumentum nostræ, dicens 1. Cor. 6. v. 14. *Deus vero & Dominum suscitavit: & nos suscitabit per virtutem suam.* Item 15. v. 12. *Si autem Christus prædicatur &c.* Item 2. Timoth. 2. v. 8. *Memor esto Dominum Jesum Christum resurrexisse a mortuis*: quasi diceret: si caput resurrexit, & membra; unde 1. Cor. 6. v. 15. *Nescitis, quoniam corpora vestra membra sunt Christi?*

Item 1. Cor. 15. v. 42. dicit Ap. *Seminatur in corruptione, (58) surget in incorruptione*; hic non dicit quid seminatur, quia statim se exponens dicit: *Seminatur corpus animale, surget corpus spirituale* v. 44. & determinat hic illam quæstionem: *qualive corpore venient?* v. 35., & dicit quia incorruptibili, & ita in meliori. Idem est illud quod seminatur in corruptione, scilicet corpus quod resurgit in incorruptione. Modo quæro, quid appellatur hic corpus? Si dicat ipsa anima: contra: Ostensum est prius, quod anima non potest dici corpus.

Præterea quæro: a quo seminatur in corruptione? Si dicat a Deo: nunquid ista corruptio substantialis est, idest egressus de esse ad non esse? Si hoc; ergo anima potest interire, & esse definere, quod est contra illud Mat. 10. v. 28. *Nolite timere eos, qui occidunt corpus, animam autem non possunt occidere.*

Præterea: ergo corruptio incorruptelam possidebit, si ipsa possidebunt regnum Dei, quæ seminantur in corruptione.

Præterea, ergo corruptio & incorruptio ab ipso est.

Præterea: dicas mihi, quando seminat eam in corruptione, & ignobilitate, in infirmitate, in animalitate? In opere illo viri & fœminæ.

Si autem dicat ad hoc hæreticus, quod corruptio animæ corruptio culpæ est, & est illa de qua dicitur 2. Cor. 11. v. 3. *Timeo autem, ne sicut ser-*

(57) Consulitor Tertulianus Ibid. Cap. 23.

(57) Huc spectant, quæ habet Auctor Dialogi De recta in Deum Fide sect. 1v. Inter Opp. Origenis Tom. 1. pag. 856. Nov. Edit.

(58) Pulchre Irenæus lib. v. cap. vii. n. 1. & 2., superest, inquit, ut circa carnem mors ostendatur, quæ posteaquam exierit anima, sine spiratione, & inanimal efficitur; & paulatim resolvitur in terram, ex qua sumta est. Hæc igitur mor-

55 talis. Hæc autem de qua est dicit: *Vivificabit & mortalia corpora vestra.* Et propter hoc ait de ea, in prima ad Corinthios. 55 sic & resurrectio mortuorum. *Seminatur in corruptione, surget in gloria.* Quid est autem, quod ut granum tritici seminat, & putret in terra, nisi corpora, quæ in terra ponuntur, in qua & semina jactantur? Et propter hoc dixit: *seminatur in ignobilitate, surget in gloria &c.*

serpens Hevam seduxit astutia sua, ita corrumpatur sensus vestri, & excedant a simplicitate, quæ est in Christo.

Contra. In tali corruptione non feminaretur a Deo.

Forte dicet, sicut etiam credit, quod a Diabolo feminatur in his, ab illo scilicet, qui est in muliere prægnante, ut dicit hæreticus, & producit carnem ex carne, & animam ex anima.

Hoc autem improbatum est in primo cap. an animæ sint ex traduce, in secunda parte hujus operis.

Præterea, si tam anima, quam corpus ab ipso feminatur; ergo si corpus non possidebit regnum Dei, nec anima; dicitur enim quod corruptio incorruptelam non possidebit, vel si anima possidebit ipsam, & corpus; ejusdem enim opus est utrumque, & ab eodem feminatur in corruptione peccati.

Præterea, quod ille qui eum seminat in corruptione sit Deus Sanctus, patet Rom. 8. v. 20. & 21. ubi dicitur: *Vanitati enim creatura subiecta est non volens, sed propter eum qui subiecit eam in spe: quia & ipsa creatura liberabitur a servitute corruptionis*, idest corporis corruptibilis.

Si autem dicat hæreticus volens latere errorem suum, quod corpus surget, sed non illud quod feminatum est, adhuc restat objectio, quid sit illud corpus, quod resurget, si non est illud corpus quod feminatur in prædictis in veritate, secundum eos, qui unum ponunt principium, & contra quos hæ objectiones factæ sunt, non est nisi ipsa anima, & tamen hic non dicitur expresse, sed appellabit illud corpus, spiritale corpus. Sed quod idem sit corpus quod feminatur in corruptione, & surget in incorruptione, patet iudicio Ap. qui dicit 1. Cor. 15. v. 53. *Oportet enim corruptibile hoc induere incorruptionem: & mortale hoc induere immortalitatem.* Item ex illo verbo præcedente v. 36. *Incipiens Tu quod seminas non vivificatur, nisi prius moriatur.*

Forte dicet: aliud esse corpus, & aliud spiritale, propter illud verbum Ap. ibidem v. 44. *Si est corpus animale, est & spiritale; est dicit, non dicit erit.*

Tu autem dicas ei, quod non intelligit Ap. simul esse utrumque, licet utrobique ponat *est*, imo spirituale erit post animale, & sumitur *est* pro *erit*, cujus probatio ista est, quia dicit v. 46. *Sed non prius quod spiritale est; sed quod animale; deinde, idest postea, quod spiritale.*

Præterea, quid est dicere animale, nisi egens alimonia, & mortale, sicut corpus, aliorum animalium? Et quid est dicere spiritale, nisi non indigens hujus, & immortale ad modum spiritualis? Constat quod non est aliud dicere. Sed nonne dicit Ap. v. 53. *Oportet . . . mortale hoc induere immortalitatem?* Idem ergo corpus, quod modo est animale, futurum est spirituale, propter quod idem dicit Ap. v. 45. *factus est primus homo Adam in animam viventem*, idest habentem vitam anima-

lem, sive mortalem, & ideo corpora vestra ab eo descendunt, animalia sunt modo; sed *novissimus Adam*, idest Christus, factus est *in spiritum vivificantem*, idest in vitam spiritualem, sive immortalem cum resurrexit: & sicut non fuit in eo prius spiritualitas corporis, sed animalitas, ita erit in nobis, si portaverimus ejus imaginem, idest imitationem. Christus dicitur *Adam*, quia de massa carnis Adæ ortus est secundum carnem: *novissimus* quia post ipsum non erit alius, per quem hujus gloria resurrectionis habeatur.

Viso, qualiter auctoritas illa intelligatur contra illos qui unum ponunt principium, videamus de eadem contra illos Catharos, qui ponunt resurrectionem corporum, quæ dicunt esse in cælo mortua, quorum error patere potest, quia illa corpora non sunt feminata in corruptione, sed ibi sunt, quod tamen non est verum.

Et ad hoc induci potest illa auctoritas Mat. 13. v. 27. *Nonne bonum semen seminasti in agro tuo?* Intelligunt enim de agro cæli, sive alterius mundi, licet falso.

Item 1. Cor. 15. v. 53. *Oportet enim corruptibile hoc induere incorruptionem*, (59) & *mortale hoc induere immortalitatem*. Modo quæro: ubi erat Paulus, cum istud dicebat. Et ubi est ista Corinthus, unde isti dicti sunt Corinthii? Constat quod Paulus in hoc mundo erat, sicut & Corinthus in Græcia hujusmodi, aliam enim non potes ostendere; ergo istud non potest intelligi de corporibus cælestibus, quæ tu fingis, alioquin dixisset *illud*, non *hoc*.

Item cum dicat *hoc*, (60) quod est demonstrativum ad oculum, & demonstrat quasi sub digito, nec trahatur ex vi adjuncti ad aliquod intelligibile demonstrandum, & quod non cadit sub sensu; ergo non demonstrat ibi corpus supercæleste.

Quod autem nullum adjunctum trahat illud pronomen, scilicet *hoc* ad faciendum demonstrationem ad intellectum patet: immo magis e contrario, cum *corruptibile*, & *mortale* spectent ad ea quæ cadunt sub visibus nostris, unde 2. Cor. 4. v. 18. *Quæ enim videntur temporalia sunt: quæ autem non videntur aterna sunt.*

Eadem est objectio contra Catharos, qui unum ponunt principium, qui dicunt quod demonstrat corpus spirituale, scilicet ipsam animam. (61)

Præterea, corpus mortale non invenitur dici ipsa anima, de hoc enim testimonium aliquod non habent; ego autem habeo testimonium manifestum, quod mortale corpus dicitur ipsum corpus exterius: Rom. 6. v. 12. *Non ergo regnet peccatum in vestro mortali corpore.* Item Rom. 7. v. 5. *Cum enim essemus in carne &c.* Ista autem supra in eodem cap. examinata sunt.

Item 1. Cor. 15. v. 51. *Omnes quidem resurgetur, sed non omnes* (62) *immutabimur*. Primo quæro, quid est resurrectio mortuorum? Est per-

mu-

(59) Tertullianus lib. de resurrectione Carnis cap. XLII. *Quum adjicit, inquit, oportet enim corruptivum istud induere incorruptelam: & mortale istud induere immortalitatem: hoc erit illud domicilium de Cælo; quod gementes in hac carne superindui desideramus, utique super carnem in qua deprehendimur, quia gravari nos ait, qui sumus in tabernaculo, quod nolumus exui,*

sed potius superindui, uti devoretur mortale a vita, scilicet dum demuratur, superinduendo quod est de calis.

(60) Græce τὸ φανερὸν τῷ ὄμα Mortale HOC quod indicat corpus hoc quo sumus instructi.

(61) Vide Notam 46. in hoc cap.

(62) Confule Tertullianum lib. de Resurrectione Carnis cap. XLII.

mutatio de morte ad vitam, secundum quod Ap. sumit resurrectionem in illo cap. ubi v. 52. *mortui resurgent incorrupti*, sicut etiam Christus dicitur resurrexisse, ut probatum est supra eodem cap. super illo verbo: *Si Christus predicatur &c.* hoc etiam patet Lucæ 18. v. 3. ubi dicitur: *Occident eum, & tertia die resurget*; eodem etiam modo dicitur quod resurgemus & nos, ut ibidem probavimus. Nunquid alium sensum invenire potes, secundum quem mortui dicantur resurgere, nisi de morte ad vitam transire, aut spiritualiter, aut corporaliter? Si alium sensum invenis, ostende aliquo testimonio, quod quidem facere non potes; ego enim de iis duobus modis testimonium habeo. De illa quæ fuit a morte peccati habetur Apoc. 20. v. 6. *Beatus & sanctus, qui habet partem in resurrectione prima* (63): *in his secunda mors non habet potestatem*. Prima resurrectio dicitur, quæ est a morte spirituali, idest a peccato; de ista dicitur 1. Jo. 3. v. 14. *Nos scimus quoniam translati sumus de morte ad vitam, quoniam diligimus fratres*; & Coloss. 2. v. 13. *Et vos cum mortui essetis in delictis, & praputatio carnis vestræ, convivificavit cum illo donans vobis omnia delicta*.

De secundo modo habeo testimonium Rom. 6. v. 9. ubi dicitur de Christo, quod resurrexit: *Christus resurgens ex mortuis jam non moritur*.

Modo redeo ad auctoritatem Apost. *Omnes quidem resurgemus &c.* de qua resurrectione loquitur? De prima non, quæ est a peccato, ea enim resurrexerat Ap., & nunquam sic erat resurrexturus, nunquam enim erat per peccatum moriturus. Restat ergo quod de secunda loquatur, idest de illa quæ est de morte corporali ad vitam corporalem; ergo corpora ista resurgent; ergo cum dicitur *omnes resurgemus*, non fit sermo de interioribus hominibus, sed de exterioribus.

Dicit Hæret: qui unum principium ponens negat horum corporum resurrectionem, quod de interioribus hominibus sit sermo, sed male dicit.

Præterea: quid est immutari? Ad hoc dixit hæreticus, quod obviam Christo in nubibus rapi; sic ergo ista immutatio localis esset.

Quod autem ita non possit intelligi, patet per Ap. qui cum dixisset 1. Cor. 15. v. 52. *Mortui resurgent incorrupti*, (64) *& nos immutabimur*, statim exponit istam immutationem dicens v. 53. *Oportet enim corruptibile hoc induere incorruptionem &c.* ergo ista immutatio non est localis, imo de corruptibilitate, & mortalitate, ad incorruptionem, & immortalitatem.

Item 2. Cor. 4. v. 10. *Semper mortificationem Jesu in corpore nostro circumferentes, ut & vita Jesu manifestetur in corporibus nostris*. Constat, & verum est quod Christus mortificatus fuit corporaliter; unde ait Apoc. 1. v. 17. & 18. *Ego sum primus, & novissimus, & vivus, & fui mortuus, & ecce sum vivens in secula seculorum*. Dicit autem

(63) Abutebantur hoc testimonio qui millenarium Christi in terris imperium propugnabant. Vide Irenæum lib. v. cap. xxxiv. num. 2. Verum ita explicabant Patres ceteri, qui abhorrebant a sententia Millenariorum, ut explicat Moneta.

(64) Adhuc Terrullanum lib. de Resurrect. Carnis cap. lxxx. seqq.

Apost. in persona Martyrum: *semper mortificationem &c.* mortificatio ergo quam ferebat, erat corporalis; ergo & vita corporalis; quod patet, quia dicitur: *ut & vita Jesu*, ad quam resuscitatus est, *manifestetur in corporibus nostris*.

Sequitur v. 11. *Semper enim nos qui vivimus in mortem tradimur propter Jesum: ut & vita Jesu manifestetur in carne nostra* (65) *mortali*. De qua morte loquitur? Patet quod de corporali; ergo loquitur & de vita carnali: quod etiam necesse est, quia dicit: *in carne nostra mortali*; in carne scilicet, quam habemus mortalem: aliud autem est habens, & aliud quod habet; igitur caro aliud est quam ille qui eam habet; constat autem quod interior homo loquitur; ergo aliud est interior homo, quam ipsa caro.

Præterea, satis ostensum est supra, quod caro, vel corpus mortale dicitur exterior homo, non interior, ut habetur in præcedenti argumento.

Forte autem dicet hæreticus, quod caro ibi dicitur Ecclesia.

Contra. Ubi habes testimonium de hoc? Ego autem testimonium habeo de carne materiali, quod caro dicatur; mihi ergo credendum est, non tibi.

Sed si forte diceret hæret. quia dicitur caro, cum dicatur corpus.

Respondemus: Non propter hoc dicitur caro; non enim omne corpus est caro, licet omnis caro sit corpus: de aliquo enim dicitur genus, de quo non dicitur species.

Item ibidem v. 13. & 14. *Habentes autem eundem spiritum fidei, sicut scriptum est: Credidi propter quod locutus sum: & nos credimus, propter quod & loquimur: scientes quoniam qui suscitavit Jesum, & nos cum Jesu suscitabit*.

Notandum: quod de fide resurrectionis loquitur dicens: *Habentes autem eundem spiritum fidei*, supple quem & Prophetæ, in quorum persona locutus est David dicens Ps. 115. v. 1. *Credidi propter quod locutus sum, & nos credimus* supple resurrectionem, sicut & illi: unde Rom. 10. v. 10. *Corde enim creditur ad justitiam: ore autem confessio fit ad salutem*. Et loquitur ibi de fide resurrectionis Christi, sicut patet parum ante v. 9. & 9. ubi dicitur: *Hoc est verbum fidei quod prædicamus. Quia si confitearis in ore tuo Dominum Jesum, & in corde tuo credideris quod Deus illum suscitavit a mortuis, salvus eris*; quasi diceret, cum Jesu suscitaberis. Quod autem sumatur ibi corporaliter, hoc probatum est supra eodem cap. super illo verbo 1. Cor. 6. v. 13. *Corpus autem non fornicationi, sed Domino*. Hoc etiam melius patebit inferius, cum testimonia de resurrectione corporali ex libro Actorum inducemus.

Item 2. Cor. 5. v. 4. dicit Ap. in persona sui, & aliorum electorum: *Nam & qui sumus in hoc tabernaculo, ingemiscimus gravati: eo quod nolumus expoliari, sed supervestiri, ut absorbeatur,*

Z z quod

(65) Auctor Dialogi De recta in Deum Fide sect. v. pag. 866. Postquam hunc Pauli locum laudavit contra Gnosticos negantes corporum resurrectionem; ne interpretationem quidem desiderat, inquit, cum dicat Jesu vitam in carne manifestari. . . . Quid aliud intelligi potest, nisi quod progreditur ad vitam hoc corpus mortale?

quod mortale est, a vita, idest ut tollatur ab eo vita mortalis, & detur ei vita immortalis. Nonne hoc est quod dixerat 1. Cor. 15. v. 53. *Oportet enim incorruptibile hoc induere incorruptionem, & mortale hoc induere immortalitatem?* Utique illud est.

Quod autem tabernaculum dicatur corpus patet 2. Petri 1. v. 14. *Velox est depositio tabernaculi mei.*

Item 2. Cor. 5. v. 10. dicit Ap. *Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum.* Ecce propria corporis dicit, bona & mala opera; superius autem ostensum est, quod non tantum ejus ut instrumenti, sed ut cooperantis, ut habetur supra in principio 1. cap. de resurrectione, & dicit, quod unusquisque refert ista facta ante Christum judicem, cujus oculis omnia nuda, & aperta, ad quem nobis & sermo, idest reddenda ratio, ut habetur Hebr. 4. v. 13. Sed Deus est justus judex reddens unicuique secundum opera sua; ergo reddet corporibus istis bonum, vel malum secundum quod meruerunt cum anima; ergo ista corpora resurgent, quædam ad gloriam, quædam autem ad pœnam æternam.

Item Philip. 3. v. 20. & 21. *Salvatorem expectamus Dominum nostrum Jesum Christum, qui reformabit (66) corpus humilitatis nostræ, configuratum corpori claritatis suæ.* Ecce quod dicit reformabitur corpus, & loquitur de materiali corpore deformato per mortem, idest privato forma sua, idest vita, & anima.

Ad hoc autem dicunt quod non potest intelligi de isto corpore materiali, & ponunt causam, quia istud corpus non est humilitatis, sed superbix, *Caro enim concupiscit adversus spiritum* Gal. 5. v. 17. (67)

Sed contra hoc sic. Si est corpus superbix; superbi sunt digni morte; ergo corpora ista sunt digna morte: Dominus autem reddet unicuique secundum quod dignum est, idest secundum opera sua in die iræ, & revelationis justii judicii Dei, ut habetur Rom. 2. v. 6. ergo reddet corporibus istis secundum quod digna sunt; ergo ista corpora resurgent ad mortem æternam.

Præterea: Corpus Pauli erat castigatum, & in servitutem redactum, similiter & aliorum Apostolorum; ergo non erat corpus eorum corpus superbix (68).

Quod autem dicit Ap. *Caro concupiscit &c.* determinatum est supra eodem cap. similiter & illud Rom. 7. v. 24. *Quis me liberabit de corpore mortis hujus?*

Præterea: Valde deceptus es hæretice, si credis quod humilitas ibi dicatur virtus opposita superbix, non sic enim sumitur, sed pro afflictione, quod etiam patet per B. Paulum 2. Cor. 4. v. 10. ubi

enumeratis afflictionibus suis dicit: *Semper mortificationem Jesu in corpore nostro circumferentes ut & vita Jesu manifestetur in corporibus nostris;* postea subjungit v. 16. *Licet is qui foris est, noster homo corrumpatur; tamen is, qui intus est, renovatur de die in diem.*

Præterea: Corpus claritatis Christi, corpus materiale erat, & ejus claritas materialis, quia visibilis oculis corporeis, ut patet in Monte Thabor. Mat. 17. ergo configuratio five similitudo nostri corporis in illa claritate ad corpus Christi erit materialis; ergo corpus nostrum quod configurabitur corpori Christi in illa claritate, corpus materiale est; ergo non venit ibi corpus pro interiori homine, vel pro aliquo corpore spiritali, sed tantum pro materiali corpore.

Hoc autem dixi, quia aliquando dixerunt, quod corpus humilitatis, hic dicitur Dei Ecclesia, quod esse non potest, ut modo ostendimus.

Præterea, si hoc esset, quomodo stabit quod sequitur: *Qui reformabit corpus humilitatis nostræ?* Nunquid reformabit Ecclesiam? Sic ergo modo non habet formam.

Contra. Sine macula est, & sine ruga secundum te, ut habetur Eph. 5. v. 27. mali enim formam non habent spirituales, quia non habent Christum in se, unde Galatas malos deplorans Paulus dicit c. 4. v. 19. & 20. *Filioli mei, quos iterum parturio, donec formetur Christus in vobis. Vellem autem esse apud vos modo, & mutare vocem meam; quoniam confundor in vobis.*

Præterea, nihil resurgere nisi a morte dicitur, unde & Christus prius mortuus est, & postea resurrexit, ut ostensum est prius eodem cap.; ergo si Ecclesia resurrectura est, prius morietur: sed non potest mori, nisi peccet mortaliter; ergo desinet esse.

Si dicat, immo aliter potest mori, idest dissolvi a corpore isto materiali; Ecclesia enim secundum eos non est nisi collectio interiorum hominum in fide vera.

Hoc supra ostendimus esse falsum, scilicet quod mori sit dissolvi, vel mors dissolutio, immo privatio vitæ.

Item 1. Thes. 4. v. 12. & 13. *Nolumus autem vos ignorare fratres de dormientibus, ut non contristemini, sicut & ceteri, qui spem non habent. Si enim credimus quod Jesus mortuus est, & resurrexit: ita & Deus eos qui dormierunt per Jesum adducet cum eo* (69) Ecce cum eo dormientes appellat mortuos corporaliter, dormitio enim dicitur mors corporalis, & dormire, idest mortuum esse corporaliter, sicut patet ex c. 11. Joan. v. 11. & 12. ubi dicitur: *Lazarus amicus noster dormit: sed vado ut a somno excitem eum.* Dixerunt ergo Di-

sci-

(66) Egregie Tertullianus lib. de Resurrect. Carnis cap. 1v.

„ Ubi etiam, inquit, instructus & Paulus: *qui transfigurabit,*
„ inquit, *corpus humilitatis nostræ conforme fieri corpori clarita-*
„ *tis suæ.* Quod si & transfigurationem, & conversionem in tran-
„ situm substantiæ cujusque defendis: ergo & Saul in alium virum
„ conversus de corpore excessit, & ipse Satanas cum in Angelum
„ lucis transfiguratur qualitatem suam amittit. Non opinor. Ita
„ & in resurrectionis eventum mutari, converti, reformari lice-
„ bit cum salute substantiæ &c.

(67) Hoc idem opponebant Gnostici, ut tollerent carnis resur-

rectionem. Aditor idem ipse Tertullianus lib. eodem cap. x.

(68) Dicemus quidem, nihil propriæ carni exprobari
„ oportere, nisi in animæ suggestionem, quæ carnem ministerio
„ sibi subigit. Verum interim & in illis literis Paulus est, quum
„ stigmata Christi in corpore suo portet, quum nostrum uti Dei
„ templum vitari vetet, quum corpora nostra membra Christi fa-
„ ciat. Itaque si ignominia carnis resurrectionem ejus expellunt,
„ cur non dignitates potius inducent? Tertullianus ibid.

(69) Persequitur hoc idem argumentum Tertullianus lib. mox
indicato cap. xxiv. quem consulere lector poterit.

scipuli ejus : Domine , si dormit , salvus eris , idest liberabitur ab infirmitate . Secundum istum modum dicit Ap. *Deus eos qui dormierunt per Jesum* , idest qui corporaliter pro eo mortui sunt , vel in ejus obsequio , *adducet cum eo* ; ergo cum dicit *de dormientibus* , loquitur de mortuis corporaliter . Bene ergo dicit Ap. ipsis Thessalonicensibus *Nolumus autem vos ignorare fratres de dormientibus* , supple quando resurgent , *ut non contristemini* supple nimis de morte amicorum , *sicut & ceteri contristantur , qui spem non habent* , scilicet resurrectionis .

Præter. Isti extra Ecclesia erant , & carnales erant , & ad carnalia tantum aspicientes ; ergo cum dicitur quod non habebant spem , intelligitur de spe carnalis resurrectionis .

Quod autem ista spes , sit spes resurrectionis mortuorum corporaliter patet . Mat. 23. 24. & 26. ut infra dicemus .

Si autem dicat , quod de dormitione spirituali intelligitur , & in bono .

Contra : de taliter dormientibus non doleret Ecclesia Thessalonicensium : sed de illis dormientibus dolebat , propter quod Ap. dicebat : *Nolumus autem &c.*

Si de dormitione in malo intelligitur .

Contra : de illa debet contristari , unde 2. Cor. 12. v. 21. dicit Ap. se timere ne lugeat *multos ex iis qui ante peccaverunt , & non egerunt pœnitentiam , super immunditia , & fornicatione , & impudicitia , quam gesserunt* .

Dicunt autem isti , quod dormientes appellat Ap. homines interiores , quos corpora spiritualia esse credunt .

Hoc autem improbatum est supra , ubi ostendimus quod homo interior non est corpus , unde .

Alter hæreticus dixit , hominem interiorem corpus habere , similiter & hominem exteriorem dicit corpus habere . (70)

Sed secundum hoc in quolibet nostrum essent duo corpora quæ habentur a duobus hominibus , uno interiori , & alio exteriori ; & cum aliud sit quod habet , ab eo quod habetur , quatuor sunt ex quibus constamus scilicet duo corpora , & duo spiritus , quorum unus dicitur interior homo , alter exterior . Istud autem nullo testimonio possunt ostendere esse verum , unde evidentissimum est quod visiones , & somnia sua referunt errantes , & in errorem mittentes .

Item 1. Thess. ult. v. 23. *Deus pacis sanctificet (71) vos per omnia : ut integer spiritus vester , & anima , & corpus sine querela in adventu Domini nostri Jesu Christi servetur* .

Ad hoc dicunt ipsi contra nos : nunquid istud corpus stabit integrum usque tunc ? Certe non ; ergo non loquitur de isto corpore .

Nos autem dicimus : quod non loquitur de inte-

gritate materiali , & visibili , quam tollit diminutio partium , aut divisio , sed de integritate bonorum operum : & rogat Ap. quod usque ad finem vitæ corpus maneat in integritate bonorum operum , & non corrumpatur per mala opera .

Objicit etiam hæreticus : Quomodo stabit sine querela ? Cum etiam corpus Pauli (72) sine querela non esset , de eo enim conquerebatur Rom. 7. v. 24. *Quis me liberabit de corpore mortis hujus ?*

Ad hoc respondetur : quod querela ibi appellatur offensa Dei , vel proximi , sicut etiam habetur Lucæ 1. v. 6. de Zacharia , & Elisabeth. quod *erant ... incedentes in omnibus mandatis , & justificationibus Domini sine querela* 1. Cor. 10. v. 32. *Sine offensione estote Judæis , & Gentibus , & Ecclesiæ Dei* . In eadem etiam ep. 1. Thess. c. 2. v. 10. dicit Ap. *Vos testes estis , & Deus , quam sancte , & juste , & sine querela , vobis qui credidistis fuimus* . Ecce igitur Paulus sine querela erat , quia sine Dei & proximi offensa ; Castigabat enim corpus suum & in servitutem redigebat Dei , sicut & alios docebat Rom. 12. v. 1. *Obsecro itaque vos Fratres per Misericordiam Dei , ut exhibeatis corpora vestra hostiam viventem , Sanctam , Deo placentem* . Ap. ergo non conquerebatur de culpa sive offensa , sed de afflictione , sive gravamine a corpore suo ut sæpe jam diximus ,

Modo objicio tibi hæretice : Qualiter tu vis sumere corpus ? Nunquid pro isto materiali ? si hoc est ; ergo istud materiale corpus in adventu Domini remunerabitur , & ita resurget . Si autem pro interiori homine .

Contra : Corpus ergo idem est quod anima , vel spiritus ; quare ergo diversificat Ap. dicens : *integer spiritus vester , & anima , & corpus* ? Male diversificaret , si sic esset , ut dicis .

Si autem vis dicere , quod corpus dicitur Ecclesia : hoc non est secundum te nisi anima vel Spiritus ; ergo male diversificat Ap. cum dicit : *spiritus vester , & anima , & corpus* . Spiritum appellat Spiritum Paraclitum , de quo parum supra v. 20. dixerat eis : *Spiritum nolite extinguere* ; ipse enim qui in se ipso inextinguibilis est , & incorruptibilis , per peccatum mortale extinguitur , & corrumpitur in nobis , sicut etiam dicit Ap. de quibusdam Hebr. 6. v. 6. *Rursum crucifigentes sibi metipsis Filium Dei , & ostentui habentes* . Spiritus ergo Paraclitus ita integer conservatur usque in adventum Domini Nostri Jesu Christi , quando per peccatum mortale ab homine non fugatur , sed ejus gratia integer conservatur .

Forte dicet hæret. qui ponit resurrectionem corporum cœlestium , quod corpus ibi sumitur pro corpore cœlesti ibi derelicto ab anima per peccatum ejecta .

Hoc autem esse non potest , quia illa corpora non ibi sunt . Dato etiam quod sint ibi , quod non

Z z 2 est

(70) Fuit hæc omnium fere veterum hæreticorum sententia , ut duplici corpore hominem præditum esse putarent , crassiore quidem uno , altero autem subtiliore . Quin etiam plerique Patres animum a corpore separatum subtilissimo corpore instructum esse voluerunt . Fuerunt etiam qui dicerent animum esse corpus , quorum jam est explosa sententia . Vide Dionysium Petavium lib. 1. De Angelis Cap. 11. n. x. seqq. Tom. 111. Theologicorum Dogmatum

(71) Hoc item adhibet Irenæus , ut Gnosticos revincat , qui resurrectionem negabant . Vide lib. v. contra hæreses cap. 6. n. 1. pag. 300. col. 1. Edit. Massuetii Paris .

(72) Quemadmodum hic Pauli locus intelligi debeat ostendunt Irenæus lib. 111. Cap. xx. n. 3. & Auctor Dialogi de reſta in Deum fide sect. 111. pag. 835. & Tertullianus lib. De Resurrect. Carnis Cap. x. ut ceteros omittam , qui in eo explicando verſati sunt .

est verum, tamen integra non sunt, quod etiam potest eis ostendi per illud quod habetur Ezech. 37. v. 1. & seqq. *Facta est super me manus Domini &c.* ut prius dictum est in hoc eodem l. c. 2. Hanc autem auctoritatem introduco contra eos, qui de cælesti agro, & de corporibus cælestibus illam intelligunt, licet male, ut ostendimus.

Item act. 17. Prædicante Paulo Atheniensibus resurrectionem mortuorum, dicitur v. 32. (73) *Quidam quidem irridebant, quidam vero dixerunt: audiemus te de hoc iterum.*

Item ibi antea v. 18. dicitur, quod quidam dicebant: *Novorum demoniorum videtur annunciator esse: quia Jesum, & resurrectionem annunciabat eis.* Istud de spiritali resurrectione non potest intelligi, quæ est de vitiis ad virtutes, quia (74) Stoici, & Philosophi illi illam ponebant; intelligitur ergo de corporali.

Item act. 23. v. 6. & 7. *Sciens autem Paulus quia una pars esset Sadducæorum, & altera Phariseorum, exclamavit in Concilio: Viri fratres, ego Phariseus sum filius Phariseorum, de spe, & resurrectione mortuorum ego iudicor. Et cum hæc dixisset, facta est dissensio inter Phariseos, & Sadducæos, & soluta est multitudo.* Sadducæi credunt non esse resurrectionem mortuorum nec Angelum, nec Spiritum; Pharisei autem utrumque confitentur. Ap. dicebat se iudicari de resurrectione mortuorum quam Sadducæi negabant; Pharisei autem confitebantur eam; sed illi negabant carnis hujus resurrectionem, Pharisei autem affirmabant eam; ergo Ap. credebat carnis istius resurrectionem.

Item act. 24. v. 14. & 15. *Confiteor autem hoc tibi, quod secundum sectam, quam dicunt hæresim esse, sic deservio Patri, & Deo meo, credens omnibus, quæ in lege, & prophetis scripta sunt: spem habens in Deum, quam & hi ipsi expectant, resurrectionem futuram iustorum, & iniquorum. Spem habens in Deum quam & hi ipsi habent: ipsi autem non habebant nisi in datorem legis Moyse,*

unde & dixit: *Credens omnibus, quæ in lege, & prophetis scripta sunt; ergo Paulus spem habebat in Deum Veteris Testamenti.*

Præterea, ipsi non sperabant aliam resurrectionem futuram, nisi carnis hujus; ergo idem sperabat Apostolus.

Item Act. 26. v. 5. 6. 7. & 8. *Secundum certissimam sectam nostræ religionis vixi Phariseus. Et nunc in spe, quæ ad Patres nostros repromissionis facta est a Deo, sto iudicio subiectus: in quam duodecim Tribus nostræ nocte ac die deservientes, sperant devenire. De qua spe accusor a Judæis, rex. Quid incredibile iudicatur apud vos, si Deus mortuos suscitatur? Spes autem repromissionis a Deo factæ, spes est resurrectionis carnis hujus, quæ resurrectio quibusdam Judæis incredibilis erat, in quam etiam duodecim Tribus sperant devenire: sed sperant devenire in carnale, idest hujus carnis resurrectionem, quod patet, si modo interrogentur; ergo Paulus sperabat hujus carnis resurrectionem.*

Et nota, quod in illa spe stabat iudicio subiectus, in quam sperabant duodecim Tribus devenire, cui concordat illud, quod habitum est supra Act. 23. v. 6. *Sciens autem Paulus &c.* Cui etiam concordat illud 2. Corinth. 4. v. 13. *Habentes autem eundem spiritum fidei &c.* Ut prænotatum est hoc eodem capite.

Ad istud autem obijciunt hæretici: Judæi credebant hujus carnis resurrectionem, scilicet Pharisei, & eorum imitatores, & credebant, quod post resurrectionem facerent filios, vel filias (75) cum propriis uxoribus; ergo si Ap. eandem spem resurrectionis carnis hujus habebat, credebat etiam Ap. opus matrimoniale futurum post resurrectionem, quod falsum est; ergo falsum est, quod crederet resurrectionem carnis hujus.

Respondeo: quod tam Ap. quam Pharisei credebant carnis resurrectionem, & in hoc conveniebat cum eis; sed non sequitur ex hoc, quod convenirent in opere conjugali. Miserabile (76) argumentum est istud: ego credo quod ista caro est futu-

(73) Sapienter sane Tertullianus lib. De resurrectione Cap. xxxix. Resurrectionem, inquit, Apostolica quoque instrumenta testantur, nam & Apostolis nullum aliud negotium fuit dumtaxat apud Isdraelem, quam veteris Testamenti resignandi, & novi consignandi, & potius jam Dei in Christo concionandi. Ita & de resurrectione nihil novi intulerunt, nisi quod & ipsam in gloriam Christi annunciabant, de cetero simplici, & nota jam fide receptam sine ulla qualitatibus questione, solis refragantibus Sadducæis. Adeo facilius fuit negari in totum mortuorum resurrectionem, quam aliter intelligi. Habes Paulum apud summos Sacerdotes sub tribus inter Sadducæos, & Phariseos fidei suæ professorem: Viri, inquit, fratres ego Phariseus sum filius Phariseorum, de spe nunc & de resurrectione iudicor apud vos: utique communionem quia jam transgressor legis videbatur, de præcipuo fidei totius articulo, id est de resurrectione, ad Sadducæos sapere existimaretur. Hanc quam volebat videri rescindere fidem resurrectionis, utique confirmabat secundum Phariseos, respiciens negatores ejus Sadducæos. Proinde & apud Agrippam, nihil se ait proferre, citra quam Prophetæ annunciasent. Ergo servabat resurrectionem quoque, qualem Prophetæ annunciant. Nam & de resurrectione mortuorum apud Moysen scriptum commemorans, corporalem eam norat, in qua scilicet sanguinis hominis exquiri habebit. Itaque talem prædicabat, qualem & Pharisei susceperant, & Dominus ipse defenderat, & Sadducæi ne talem quoque, crederent, in totum esse noluerant. Sed nec Athenienses aliam intellexerant a Paulo portendi: denique irriserant, non irrisuri omnino si animæ

solius restitutionem ab eo audissent. Susceperant enim verna, culæ suæ Philosophiæ frequentiore præsumptione &c. Vident ut omnia Monetæ nostri argumentis altera ex parte respondeant?

(74) Philosophos cum Paulo de resurrectione disceptasse, auctor est Lucas Act. cap. xvii. Non autem ait ullos fuisse in Areopago Stoicos. Non negaverim tamen, neque affirmarim fuisse. Quamvis verisimile sit etiam aliquot generis philosophorum in eum senatum admissos aliquando fuisse. Verum quid sentiant de animo humano post separationem ejus a corpore Stoici, colligi potest ex J. Lipsio Lib. iii. Physiologiæ Stoicorum, disert. xi. To. iv. edit. A. 1637. Augustino Steucho l. 9. de Perenn. Philosoph. cap. xii. sequu. Lartio L. vii. de Vit. Philos. seg. 57. Arriano l. 3. Comment. de Epicteti Disputationibus cap. 13. pag. 279. edit. A. 1595.

(75) Ita sane Rabini plerique. Nam in regno Cælorum eadem se potituros putant, si caste, sancteque vixerint, in quo laute, molliterque edant, bibantque. Quin etiam novos ibidem ab se procreari oportere liberos censent. Videtur Basnagius Lib. v. Hist. Judaor. cap. xix. pag. 348. seq. Tom. v.

(76) Et si verisimile sit Phariseos in hac opinione fuisse versatos, ut ostendi Nor. 19. in hoc cap. Non tamen inde concludi potest Apostolum in hac re Phariseis fuisse adsensum, quod præclare observat Moneta. Quare miror Egistum, qui Comment. in Luc. cap. xxiii. v. 43. censet Christum sese accommodasse Judæorum opinioni de Regno, seu de Paradiso Terrestri in Edem, cum dixit Latroni: *Hodie mecum eris in Paradiso.* Quasi vero Latroni hæc eadem

futura post resurrectionem ; ergo credo , quod est comestura , & bibitura , & generatura filios , & filias .

§. V.

Testimonia Evangeliorum de Resurrectione corporum visibilium .

Nunc ad testimonia Evangeliorum veniamus . Matth. 5. v. 29. Dicitur : *Expedi tibi ut pereat unum membrorum tuorum , quam totum corpus tuum eat in gehennam . Corpus tuum dicitur , corpus scilicet , quod habes , & loquitur de interiori homine secundum te , non exteriori , qui est tantum suum instrumentum , ut falso dicis ; homo ergo interior non est istud corpus , quia aliud est habens , ab eo , quod habet ; istud enim corpus est corpus exterius .* Timore autem ne totum istud corpus illuc iret , hortatur eos cavere a peccato , scilicet , ne scandalizarentur ab aliquo . Quomodo autem timeret hoc , qui istud non crederet , scilicet , quod corpus gehennæ supplicium pateretur ? Ergo volebat , quod istud crederent , & ita volebat horum corporum resurrectionem credi ab ipsis .

Item Matth. 8. v. 11. & 12. *Multi ab Oriente , & Occidente venient , & recumbent cum Abraham , & Isaac , & Jacob in Regno Calorum : filii autem regni ejicientur in tenebras exteriores : ibi erit fletus , & stridor dentium .* Vanum esset hoc dicere , nisi esset corporum resurrectio .

Ad idem valet illud Matth. 10. v. 28. *Nolite timere eos , qui occidunt corpus &c.* Ubi etiam patet , quod distinguit corpus ab anima . Sed quia hæc authoritas discussa est in 6. cap. lib. 1. De Creatore rerum harum visibilium , ideo ad præsens ad alia transeamus .

Item Matth. 13. v. 50. *Mittent eos in caminum ignis : ibi erit fletus , & stridor dentium .*

Item 22. v. 13. *Ligatis manibus & pedibus ejus , mittite eum in tenebras exteriores : ibi erit fletus , & stridor dentium .*

Ad hæc omnia dicunt , quod duplex est homo , scilicet , interior , & exterior ut dicit Ap. 2. Cor. 4. v. 16. Exterior homo corpus est animale , interior homo corpus est spirituale , ut dicunt . Asserunt etiam utrumque sua membra habere , propter illud quod legitur de Divite mortuo , & Lazaro . Lucæ 16.

Superius autem cap. 4. ostensum est , idem esse corpus animale , & spirituale , super illa verba : *seminatur in corruptione &c.* Unde patet eos male dicere distinguendo inter corpus animale , & spirituale essentialiter .

Præterea , supra eodem cap. ostendimus , quod anima non est corpus , nec corpus habens , nisi istud materiale , quod oculis cernitur .

Quod autem dicunt de divite , & Lazaro , dico quod prophetice locutus est Dominus pro tempore futuro post resurrectionem generalem , & diem uni-

versalis judicii . Quod autem ita oporteat intelligi secundum istos Catharos qui unum ponunt principium , patet : ipsi enim adhuc non ponunt esse infernum , scilicet locum tormentorum , ut dicetur tertia parte de universali judicio , ubi habetur etiam , quod ipsi nullum dicunt adhuc esse infernum , sed futurum post generale judicium ; prophetice ergo dictum est illud pro tempore universalis judicii jam facti , & intelligitur sicut illud Matth. 25. v. 11. & 12. *Novissime vero veniunt & reliquæ Virgines dicentes : Domine , Domine aperi nobis . At ille respondens ait : Amen dico vobis , nescio vos : idest si venirent , & dicerent aperi , responderet eis : Nescio vos .* Similiter & illud Lucæ 16. v. 23. & sequ. *Elevans autem , &c.* Idest si elevarer , & videret , & diceret ut ibi scriptum est , ita responderet ei Abraham . Intelligitur ergo de lingua , & de oculis hujus materialis corporis , & de dentibus similiter .

Contra illos , qui duo ponunt principia , & dicunt corpora cælestia resurrectura , quærendum est de quo corpore loquatur Matth. 5. *Expedi enim tibi &c.* item 10. *Nolite timere &c.*

Item Matth. 12. v. 41. *Viri Ninivita surgent in judicio cum generatione ista , & condemnabunt eam : quia pœnitentiam egerunt in prædicatione Jonæ . Et ecce plusquam Jonas hic .* Et v. 42. *Regina Austri surget in judicio cum generatione ista , & condemnabit eam , quia venit a finibus terræ audire sapientiam Salomonis , & ecce plusquam Salomon hic .* Ecce quod resurrectio mortuorum erit secundum utrumque sexum , qui non est nisi corporis ; ergo corpus resurget de morte ad vitam ; superius enim est ostensum , quod surgere , secundum quod dicit *mortui resurgent* , non est nisi transitus de morte ad vitam , aut corporaliter , aut spiritualiter . Sed de spirituali resurrectione , quæ est de vitiis ad virtutes hoc non potest intelligi , illam enim fieri oportet ante judicium , unde Act. 17. v. 30. & 31. Dicit Paulus : *Et tempora quidem hujus ignorantia despiciens Deus , nunc annunciat hominibus ut omnes ubique pœnitentiam agant , eo quod statuit diem , in quo judicaturus est orbem in æquitate .* Quomodo autem resurgant mortui , dictum est supra , & dicetur super illud Matth. 22. v. 23. *Accesserunt &c.*

Item Matth. 19. v. 28. *In regeneratione , cum sederit Filius hominis &c.* Prima generatio est spiritualis , regeneratio autem ista , carnalis , & corporalis erit , quando erit resurrectio in fine mundi .

Item Matth. 22. v. 23. & sequ. usque ad 31. exclusive . *Accesserunt ad eum Sadducæi , qui dicunt non esse resurrectionem : & interrogaverunt eum , dicentes : Magister , Moyses dixit : Si quis mortuus fuerit non habens filium , ut ducat frater ejus uxorem illius , & suscitetur semen fratri suo . Erant autem apud nos septem fratres : & primus uxore ducta defunctus est : & non habens semen reliquit uxorem suam fratri suo . Similiter secundus , & tertius , usque ad septimum . Novissime autem omnium & mulier*

eadem infederit sententia , quæ deinde Rabbini , aut non essent e Judæis , immo etiam e Pharisæis plerique , qui Paradisi nomine

gloriam indicari putarent sempiternam ; sed vapulat l. c. not. superiore a Basnagio Grotius .

mulier defuncta est. In resurrectione ergo, cujus erit de septem uxor? Omnes enim habuerunt eam. Respondens autem Iesus ait illis: Erratis nescientes Scripturas, neque virtutem Dei: in resurrectione enim, neque nubent, neque nubentur: sed erunt sicut Angeli Dei in Cælo. De resurrectione (77) autem mortuorum hic agitur; de prima autem non agitur hic, istud patet: ergo agitur de secunda; sed ista est corporalis: ergo corpora resurgent.

Si autem dicat mihi: immo & secunda spiritualis est, spiritus enim defunctorum tam bonorum, quam malorum resurgent.

Contra. Constat quod Evangelium loquitur hic de resurrectione mortuorum: si spiritus resurgent; ergo a morte aliqua. Modo dicas mihi: Spiritus defunctorum malorum, a qua morte resurgent? Nunquid a morte, qua quis est mortuus in peccatis? Non istud: Constat quod post hanc vitam non restat ulterius facere pœnitentiam, & a peccatis mortalibus resurgere, si decessit in eis. Nunquid etiam resurgent a morte naturali? Non, quia immortales sunt essentialiter. Matth. 10. v. 28. *Nolite timere eos, qui occidunt corpus, animam autem non possunt occidere*; ergo non resurgent a morte aliqua; ergo non resurgent. Alius autem sensus non est, nec inveniri potest, in quo dicantur mortui resurgere: vel si est, ostende aliquo testimonio, quod quia facere non potes, acquiesce fidei nostræ.

Si enim dicas, quod spiritus dicatur resurgere, eo modo quo homo surgit, quando jacet, vel sedet, & ab illo situ se removet erigendo se de lecto, vel de loco, in quo sedebat.

Hoc vanum est, & de hoc testimonia Scripturæ non habes, aut quod spiritus prius sedeant alicubi, aut jaceant.

Præterea. Nunquid lectus ille, in quo jacent, materialis lectus est? Nunquid & sedes materialis, aut spiritualis? Ostende per aliquod testimonium, quid horum sit. Patet ergo, quod Dominus in his verbis destruit errorem Sadducæorum, quorum imitatores sunt Cathari negando horum corporum resurrectionem.

Secundum etiam destruit, quia mortuo corpore putabant animas non esse, sed interire, unde subdit v. 31. & 32. *De resurrectione autem mortuorum, idest, de mortuis qui resurrecturi sunt, non legitis, quod dictum est a Deo dicente vobis: Ego sum Deus Abraham, & Deus Isaac, & Deus Jacob? Quasi diceret, illud dictum est in lege Moyfi, quam recipitis o Sadducæi, & hoc habetur Exodi 3. v. 6.*

(77) Vide Notationem 18. in hoc cap.

(78) Johannes Chrysostomus *Homilia LXXXIX. al. LXXXVIII. in Matthæum num. 2. pag. 826. Tom. VII. Edit. Nov. Paris.*, Nam, si quadriduani Lazarum, inquit, ex sepulcro exire magnum erat, multo majus Sanctos illos omnes, jam olim sepultos, confestim vivos apparere, quod futura resurrectionis signum erat: Ait enim: *Multi corpora Sanctorum &c.* Ne enim putaretur id quod fiebat phantasma esse, multis etiam apparent in civitate. Constat ergo Monetam Patribus semper auscultare.

(79) Primam resurrectionem appellat hic noster solutionem a peccato, quemadmodum eam plerique omnes Sancti Patres vocarunt.

(80) Non est hæc κατὰ λέξιν interpretatio. Nam literalis, ut vocant, sensus id postulat: *Venit hora, & nunc est*, nempe proxime imminet, quando mortui audient vocem Filii Dei, vi-

Non est Deus mortuorum, sed viventium, quasi diceret; ergo illi vivunt, si ego sum Deus eorum: sed non vivebant secundum corpus tunc, hoc constat, ergo secundum animas, & sic non erant mortuæ animæ eorum cum corporibus.

Probatio autem, quod Spiritus vivunt, facit ad probationem resurrectionis. Sicut enim non movetur nisi adminiculo corporis, idest, corpore, cooperante, & coadjuvante, ut præhabitu est, ita non remunerabuntur plene sine ipso; unde dicit B. Dionysius in Ecclesiastica Hierarchia cap. 7. §. 1. *Pura vero illa corpora, quæ sanctis animabus copulata, cum iisdem simul & ambulant, & descripta sunt . . . sibi quoque propriam resurrectionem sortientur.*

Item Matth. 27. v. 52. *Multi corpora (78) Sanctorum, qui dormierant, surrexerunt.* Si erant sanctorum, non erant ipsi sancti, idest, ipsi spiritus, sed erant corpora materialia, in signum, quod corpora nostra, quæ membra Christi sunt, resurrectura sunt, sicut & caput suum, idest Christus surrexerat a mortuis.

De corporibus autem cælestibus hoc non potest intelligere hæreticus, qui duos asserit creatores, de hoc enim testimonium non habet. Evidens autem est, quod Christus in hoc mundo passus, & sepultus est, & quod surrexit a mortuis, & demum de hoc mundo ad Patrem ascendit.

De prima etiam resurrectione non potest hæreticus intelligere, quæ est a morte, idest, a peccato, (79) quoniam ante resurrectionem Domini nullus a peccato surrexit secundum eum; dicit enim quod nullus Spiritum Sanctum habuit; legitur enim Rom. 8. v. 9. *Si quis autem Spiritum Christi non habet, hic non est ejus*, si autem ejus non est, oportet quod sit ipsius Satanæ.

Item Matth. 24. v. 20. 21. & 22. *Orate autem ut non fiat sapa vestra in hyeme, vel sabbato; erit enim tunc tribulatio magna, qualis non fuit ab initio mundi, usque modo, neque fiet. Et nisi breviati fuissent dies illi, non fieret salva omnis caro.* Ergo aliqua caro salva fiet.

Si dicat, quod caro ibi dicatur Ecclesia, aut interior homo, ostendat hoc aliquo testimonio, sed non potest.

Item Johan. 5. v. 25. Dicitur: *Venit hora, & nunc (80) est, quando mortui audient vocem Filii Dei: & qui audierint vivent.* Venit, inquit, hora cum Apostoli prædicabunt, & nunc est, cum ego ipse prædico, quando mortui sine fide in peccatis audient

delicta suam, & qui audierint vivent, hoc est, revocabuntur ad vitam, ut pateat eadem ipsum esse, qua Pater præditus est potestate. Quocirca Sancti Patres hoc item testimonio usi sunt ad reprimendam impudentiam Gnosticorum. Ac Tertullianus quidem *Libro de Resurrectione Carnis cap. xxxvii.* Ubi hoc ex Evangelio Johannis intro protulit: *Quid mortuum, inquit, nisi caro? Et quid vox Dei nisi sermo? & quid sermo nisi spiritus? Merito carnem resuscitaturus, quod factus est ipse, & ex morte quam passus est ipse, & ex sepulcro, quo illatus est ipso. Ne miremini quod veniet hora, in qua omnes qui in monumentis sunt audient vocem Filii Dei, & procedent qui bona fecerunt in vita resurrectionem, qui mala in resurrectionem judicii. Nemo jam poterit aliud mortuos interpretari, qui sint in monumentis, nisi corpora, & carnem, quia nec ipsa monumenta aliud quam cadaverum stabula.*

audient credendo, & qui audierint obediendo, vivent. Istud intelligitur de prima resurrectione, unde cum dixisset *venit hora*, statim subjunxit, & *nunc est*. Postea loquitur de secunda resurrectione, quæ erit in die iudicii v. 28. *Nolite mirari in hoc*, &c. Postea subdit de iudicio universali faciendo per filium v. 27. *Et potestatem dedit ei iudicium facere, quia Filius hominis est*. Potestatem enim quam habebat cum Patre in occulto, dedit ei in manifesto, *quia Filius hominis est*. Postea subjunxit quando fiet istud iudicium, quia in generali resurrectione corporum humanorum: v. 28. & 29. *Nolite mirari in hoc quia venit hora*, scilicet, in fine seculi, *in qua omnes qui in monumentis sunt, audient vocem Filii Dei: & procedent, qui bona fecerunt, in resurrectionem vitæ: qui vero mala egerunt, in resurrectionem iudicii*. Et nota, quod dicit *audient*, commune est omnibus, quod autem sequitur, & *procedent* &c. discretio est bonorum, & malorum, in iudicio, sicut & Matth. 25. v. 46. *Et ibunt hi in supplicium æternum: iusti autem in vitam æternam*.

Istud autem intelligunt ipsi hæretici de spiritibus humanis, (81) & de sepulchris carnis de quibus Ap. ad Rom. 3. v. 13. Cum David Ps. 5. v. 11. ait: *Sepulchrum patens est guttur eorum*.

Sed contra. Tu ipse posuisti, & scriptum reliquisti, quod istud de futura resurrectione intelligitur: resurrectio autem ut pluries diximus, non est aliud nisi transitus de morte ad vitam, sicut & ibi v. 24. tangit Johannes: *Qui verbum meum audit, & credit ei, qui misit me, habet vitam æternam, & in iudicium non venit* (82) *sed transit a morte in vitam*. Spiritus autem hominum non transibunt de morte ad vitam tunc, quia nec a morte culpæ, nec a morte naturæ, quia neutro modo morerentur spiritus boni, mali autem spiritus non transibunt de morte ad vitam.

Præterea Johan. dicit: *Omnes qui in monumentis sunt audient vocem Filii Dei*. Istud commune est bonis, & malis spiritibus, sicut tu dixisti in scriptis tuis. Boni autem non sunt in monumentis illis, de quibus dicit Ap. alioquin mali essent; pessime igitur dixisti, quod monumenta fumantur eodem modo quo sepulchra, de quibus loquitur Ap.

Si autem dicas, quod de solis malis intelligitur illud verbum: *venit hora, in qua omnes, qui in monumentis sunt audient vocem Filii Dei*, sic invenio in te est, & non; dicere enim consuevisti, quod intelligitur de bonis, qui audient illam vocem *venite benedicti*. Matth. 25. v. 24. Et de malis, qui audient illam *discedite a me maledicti* v. 41. Modo autem dicis, quod de solis malis intelligitur.

[*] Præterea. Dicas mihi, quid dicere poteris ad hoc: *Et procedent, qui bona fecerunt, in resurrectionem vitæ*? Cujusmodi est ista resurrectio? Nunquid a morte culpæ, vel naturæ? Et patet obiectio ex prædictis.

Quid autem sit ista vox Filii Dei, dico, quod ista

vox est jussio de qua habetur 1. Thes. 4. v. 15. *Ipse Dominus in jussu, & in voce Archangeli. & intuba Dei descendet de Cælo: & mortui, qui in Christo sunt resurgent primi*. Dicitur autem ista vox Angeli, quia fiet ministerio alicujus Archangeli: dicitur tamen Filii Dei, quia illius auctor est; & dicitur tuba ista vox, quia sicut tuba utebantur filii Israel ad bellum, & ad festum, ita illa vox ad bellum erit contra malos, sed quoad bonos erit festum, & ad festum invitans.

Ipsi autem pleni dolo, & fallacia obijciunt nobis: Si istud verum est, & de monumentis materialibus intelligitur verbum Johan. cum dicitur: *Omnes qui in monumentis sunt audient vocem Filii Dei*, oportet dicere, quod jam resurrexerunt, ex quo audient vocem illam: quomodo ergo dicitur, quod procedent in resurrectionem vitæ? [*] sic ergo adhuc bis videntur fore resurrectura in fine seculi humana corpora.

Hoc autem non dicerent, nisi qui Scripturæ intellectu carent; si enim adverterent, quod hæc præpositio *in* aliquando causam notat, & ponitur propter, forsitan istud non dixissent: non est aliud procedere in resurrectionem vitæ, quam per resurrectionem procedere ad vitam æternam: procedere autem in resurrectionem iudicii, est per resurrectionem procedere ad iudicium, idest ad damnationem. Nonne & hoc testatur Dominus Matth. 25. dicens v. 46. *Ibunt hi in supplicium æternum: iusti autem in vitam æternam*? Nonne & Daniel hoc dicit c. 12. v. 2. *Multi de his, qui dormiunt in pulvere, evigilabunt: alii in vitam æternam, & alii in opprobrium sempiternum*?

Quod autem hæc præpositio *in* quandoque ponatur causaliter, patet. Gal. 2. v. 20. Ubi dicit Ap. *in fide vivo filii Dei*, idest, ex fide, sive per fidem. Et quod ita intelligendum sit, patet per illud Rom. 1. v. 17. *Iustus autem ex fide vivit*.

Item Roman. 3. v. 30. *Unus est Deus, qui justificat circumcissionem ex fide, & præputium per fidem*, idem enim est *per fidem*, & *ex fide*.

Item Apoc. 1. v. 7. *Ecce venit cum nubibus, & videbit eum omnis oculus* &c. De adventu ad iudicium universale loquitur, sicut Matth. 25. Et dicit, quod tunc *videbit eum omnis oculus*; loquitur autem de oculo humano, & de carnali; ergo caro ista resurget.

Si autem dicat, quod de spirituali oculo loquitur, sicut etiam super hoc dicere consuevit; soli enim spirituales oculi Deum visuri sunt, ut dixit hæreticus, & ad hoc induxit illud, quod in Pentecoste legimus: *Mundi corde, quem soli cernere possunt oculi*.

Contra. Nonne loquitur ibi de malis? Utique: dicit enim: *Videbit eum omnis oculus, & qui eum pupugerunt*: isti autem non erant mundi corde; ergo ipsi non habebunt oculos spirituales, & tamen eum videbunt; ergo loquitur de oculo corporali.

Præ-

(81) Monumentorum nomine homines veteres, seu peccatores indicari putabant Gnostici. Egregie Tertullianus l. mox indicato: *Siquidem & ipsi homines veteres, idest peccatores, idest mori per ignorantiam Dei, quos monumenta intelligendos argumentantur hæretici de monumentis processuri in iudicium aper-*

te prædicantur. Ceterum quomodo de monumentis monumenta procedent?

(82) Nempe in iudicium damnationis.

[*] Non exstant hæc quæ duobus asteriscis complexi sumus in Cod. Neapoli.

Præterea, contra illos, qui duos creatores ponunt, dicendum est: quare *plangent se super eum omnes Tribus terræ*? Constat, quia propter malum, quod fecerunt in Christum, & in membra ejus; ergo dolebunt de illo malo; ergo non erant de creatione Diaboli, alioquin inde essent læti:

Præterea: Si pœniterent de malo facto; ergo naturaliter erant habiles ad oppositum; ergo non erant de creatione Diaboli.

Dicitur autem, quod *plangent se super eum*; ergo damnabuntur in ultimo judicio; ergo non oves Israel salvabuntur.

Item Johan. 11. v. 13. Dixit Jesus Martha: *Resurget frater tuus*. Istud non potest intelligi nisi materialiter, quia non loquitur ibi Dominus nisi de resurrectione, qua eum resuscitavit a morte in hoc mundo: sed non resuscitavit eum nisi a morte corporali; ergo corporaliter resurrexit. Si autem hoc est: quare ergo negas horum corporum resurrectionem, nisi quia Antichristus es, cum Christus hujus corpus resuscitaverit a morte?

Forte dices, quod resurrectio ista spiritualis est, quod Dominus non resuscitavit eum a morte corporis, sed a morte animæ, idest a peccato. (83)

Contra. Nunquid ante adventum Spiritus Sancti, prius quam Christus glorificatus est, aliquis a morte peccati ad vitam gratiæ resurrexit? Non, secundum te: ista autem resurrectio Lazari ante fuit; ergo non fuit a morte peccati, sed corporis resuscitatus.

Præterea Ap. dicit Roman. 8. v. 10. Quod *corpus quidem mortuum est . . . Spiritus vero vivit propter justificationem Spiritus Sancti*, qui in ipso est. Hæc autem justificatio, & vita non habetur nisi per Christum habitantem in homine: Christus autem in nullo habitavit, ut dicit hæreticus, ante adventum Spiritus Sancti; ante ergo nullus erat justificatus, & nullus spiritualiter vivus; ergo nullus resurrexerat de morte ad vitam spiritualem: constat autem, quod Lazarus antea resurrexerat; ergo de morte ad vitam corporalem; ergo illa resurrectio fuit corporalis: resurrexit autem Lazarus in proprio corpore, & quare? nisi ut sciamus, quod in propriis corporibus resurrecturi sumus, unde 2. Cor. 5. v. 10. *Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum*.

Præterea Johan. 11. v. 24. Martha dixit: *Scio, quia resurget in resurrectione in novissimo die*. (84) Istud non potest intelligi de resurrectione spirituali a morte scilicet peccati; in die enim judicii nemo resurget a peccato mortali, si decessit in illo; ergo intelligitur de corporali, scilicet de illa, quæ est a morte corporis; ergo corporaliter resurget a morte, de alia enim resurrectione non agimus, nisi de illa quæ est a morte.

Nec potest dicere hæreticus qui ponit duo prin-

cipia, & asserit resurrectionem corporum cælestium; quod istud miraculum spirituale sit, aut quod de corpore cælesti sit intelligendum.

Primum, quia nullus in peccato mortuus ante Christi resurrectionem, ut ipse dicit, a peccato surrexit, nec ante adventum Spiritus Sancti.

Secundum dicere non potest, quod istud miraculum in Cælo factum sit; Bethania enim est Castellum Mariæ & Marthæ, & alia quæ ibi dicuntur sunt in hoc mundo. Istud patet: quod ista autem sint in Cælo, de hoc non habet testimonium: unde ab eo quærendum est, si hoc dixerit: nunquid istud aliquo testimonio potes ostendere? Non; ergo obmutesce.

Item Apoc. 11. v. 7. & 9. *Et cum fuerint testimonium suum, bestia, quæ ascendit de abyssu, faciet adversus eos bellum, & vincet illos, & occidet eos Et videbunt de tribubus, & populis, & linguis, & gentibus corpora eorum per tres dies & dimidium*; & post pauca verba subjungit B. Johannes. v. 11. & 12. *Et post tres dies, & dimidium, spiritus vitæ a Deo intravit in eos. Et steterunt super pedes suos, & timor magnus cecidit super eos, qui viderunt eos. Et audierunt vocem magnam de Cælo dicentem eis: ascendite huc. Et ascenderunt in Cælum in nube: & viderunt illos inimici eorum*. Ecce evidentissimum signum resurrectionis corporalis. Illi enim duo prophetæ primo occiduntur, & eorum corpora jacebunt sine sepulcro, & post tres dies, & dimidium spiritus vitæ, idest anima vivificans illa corpora intrabit in eos, idest in corpora eorum, & stabunt super pedes suos, deinde ad jussu Dei cum corporibus ascendent in Cælum in nube, sicut & Christus in nube corporaliter ascendit.

Ad hoc dicunt hæretici, quod ista verba spiritualiter intelligenda sunt, quod etiam volunt probare per hoc, quia Dominus noster in Ægypto & Sodoma non est crucifixus, immo circa Jerusalem, extra portas ejus, unde spiritualiter intelligenda sunt, & Civitas magna quæ vocatur spiritualiter Sodoma, & Ægyptus, mundus iste est, in quo jacebunt corpora Sanctorum, qui interficientur pro Christo, qui in mundo isto crucifixus est. Mundus etiam ipse spiritualiter dicitur Sodoma, & Ægyptus, ut patet ex interpretationibus nominum. Ita dicunt addentes etiam: quia, quod dicitur *quoniam corpora eorum jacebunt in plateis civitatis magnæ* v. 8. intelligi debet quia non occulte, sed palam despicientur ubique.

Quod autem ipsi decepti sint, & per hoc alios decipientes, potest expresse videri si discutiatur litera. Nonne dicitur, quod bestia quæ ascendit de abyssu occidet illos? Utique. Aut materialiter, aut spiritualiter? Spiritualiter non; ergo materialiter: ergo ibi agitur de occisione corporum materialium illorum duorum prophetarum; ergo quando dicitur

(83) Sequuntur Cathari Manichæos rursum auctores, a quibus omnem fere suam doctrinam mutuati sunt. Id enim exprobrat Manichæus S. Augustinus Lib. 14. Contra Faustum cap. xl Tom. viii. Opp. Qui dicitis nunc esse resurrectionem animarum per predicationem negatis. Id vero censebant, quod malam esse carnem atque a malo principio conditam arbitrarentur, velut etiam putabant Cathari, quos hic vexat Moneta. Hinc Theodoretus

Lib. I. Hæret. Fabul. Cap. xxvi. τὴν τῶν σωμάτων ἀνάστασιν ὡς μύθον ἐκβάλλουσιν· εἰδὲν γὰρ τῆς ὑλῆς μόρην ἄξιον ὑπερλήφαι τῆς σωτηρίας. Resurrectionem corporum ut fabulam rejiciunt. Nullam enim materiæ partem putant dignam esse salute.

(84) Vide Tertullianus Lib. de Resurrectione Carnis cap. lili.

etur corpora eorum jacebant &c. materialiter intelligitur, non Spiritualiter.

Præterea nonne ibi dicitur: *Et videbunt de tribus, & populis &c.* Isti mali sunt, & dicitur de eis quoniam videbunt corpora eorum; istud ergo intelligitur de visione materiali & corporibus materialibus, quæ non finent illi mali in monumentis poni. Constat quod ista sunt monumenta materialia, in monumentis enim spiritualibus mali fingerent eos poni. In bonis autem monumentis Spiritualibus erant, vellent, nollent illi; ergo quando dicitur: *Spiritus vitæ a Deo intravit in eos, & steterunt super pedes suos*, intelligitur ad literam, idest in corpora eorum.

Si enim vis dicere, quod spiritualiter intelligitur *Spiritus vitæ*, idest Spiritus Sanctus post illos tres dies & dimidium intrabit in eos, idest in spiritus eorum:

Ergo ante illos tres dies & dimidium non esset in eis; ergo prius erant mali, quod falsum est, ut patet per Johannem, v. 3. usque ad 6. incl. *Et dabo &c.* usque *quotiescumque voluerint*

Quod autem dixisti hæretice, illa esse tantum spiritualiter intelligenda, propter hoc quod Dominus non est crucifixus in Ægypto:

Nec hoc dicit Johannes, sed quia Crucifixus est in civitate, quæ vocatur, non simpliciter, Sodoma & Ægyptus. Unde bene concedo quod non Crucifixus est in Ægypto & Sodoma materiali; sed in Ægypto & Sodoma spirituali, scilicet in Jerusalem, idest in partibus ejus, quia juxta eam, sic enim loquitur Dominus Lucæ 13. *Quia non capit Prophetam perire extra Jerusalem v. 33.* Illa enim vocatur Sodoma spiritualiter, idest muta, quia Judæi muti extiterunt ad laudem Christi; unde etiam dicitur Jo: 12. v. 42. *Ex principibus multi crediderunt in eum: sed propter Phariseos non confitebantur, ut e synagoga non ejicerentur.*

Præterea de Principibus Judæorum Isaias dicit c. 1. v. 10. *Audite Verbum Domini Principes Sodomorum.* Et Jerem. 23. v. 14. *In prophetis Jerusalem vidi similitudinem adulterantium, & iter mendacii: & confortaverunt manus pessimorum, ut non converteretur unusquisque a malitia sua: facti sunt mihi omnes ut Sodoma, & habitatores ejus quasi Gomorrha,*

Ipsa etiam Jerusalem licet non materialiter, tamen Spiritualiter dicitur Ægyptus; interpretatur enim tenebra, vel mæror, & ipsa Jerusalem fuit in tenebris peccatorum, & mærore pœnarum. Propter hoc dicitur Jo. 1. v. 5. de Israelitis, & aliis Judæis: *Lux in tenebris lucet*: hæ tenebræ fuerunt ipsi Judæi, & habitantes Jerusalem; unde ibidem v. 11. dicitur: *In propria venit, & sui eum non receperunt;*

(85) Adeundi interpretes, qui in *Apocal. Commentarios* ediderunt Cap. x1. Nunc autem paucis refellam in *extrem. hoc cap. viii.* quod sensit de resurrectione Beaufobrius lib. viii. cap. v. n. 1 *Hist. Manich. Tom. II. pag. 561.* Putat ergo ex Pauli verbis 1. ad Cor. Cap. xv. caro & Sanguinis Regnum Dei non possidebunt, concludi merito posse corpora, quæ resurgent, sine carne & sanguine, futura. Id autem ultro confessum fuisse S. Augustinum *Cont. Adimantium* Cap. x11. ubi hæc habet: *Hinc apparet, quia caro & Sanguinis Regnum Dei non possidebunt, quia cum induerit incorruptionem, & immortalitatem, jam non caro, & sanguis erit, sed in Corpus Cæleste mutabitur.* Interpretationem Patrum, qui

sui, idest Judæi, qui suus populus dicebantur. De mærore autem illius habetur Thren. 1. v. 4. *Et ipsa oppressa amaritudine*; & Lucæ 9. v. 41. & 42. *Et ut appropinquavit, videns civitatem flevit super illam, dicens: Quia si cognovisses & tu, supple fieres, & merito; &, idest etiam; quidem, idest certe certe, in hac die tua, quæ ad pacem tibi, supple est, & subdit de mærore ejus: nunc autem abscondita sunt ab oculis tuis.*

Viso qualiter disputanda est præfens autoritas Apoc. 11. contra Catharos, qui unum ponunt principium, videamus qualiter disputanda est contra alios Catharos, qui duo asserunt.

Item Apoc. 20. a v. 12. usque ad finem dicit Johannes: *Et vidi mortuos magnos & pusillos stantes in conspectu throni, & libri aperti sunt: & alius liber apertus est vitæ: & judicati sunt mortui ex his, quæ scripta erant in libris secundum opera ipsorum. & qui non inventus est in libro vitæ scriptus, missus est in stagnum ignis.* Libri aperti, Sancti intelliguntur, per quos patebit, quod impii non immerito judicabuntur; liber vitæ Christus, qui suos vivificabit, & in cujus examine evidenter apparebit quasi in libro, qui sunt ituri in vitam æternam, & qui in supplicium æternum. Mare, idest aqua, dabit mortuos, idest corpora mortuorum, quæ in ipso erunt; & mors, idest diabolus, & infernus tenebrarum locus dabit mortuos; idest animas mortuorum, quæ ibi erunt, ut conjunctæ corporibus veniant ad judicium, ut habetur 2. Cor. 5. v. 10. *Omnes enim nos manifestari oportet ante tribunal Christi.*

Ad hoc autem dixit hæreticus, quod spiritualiter accipienda sunt, & quod mare, mors, & infernus pro personis accipiuntur; voluit enim dicere, mare pro persona accipi, propter id quod habetur Ps. 113. v. 3. *Mare vidit, & fugit*: Non posset videre ubi fugeret. Item voluit dicere quod infernus & mors dicantur pro persona aliqua, propter illud Apoc. 20. v. 14. *& infernus, & mors missi sunt in stagnum ignis*; & maxime propter illud Apoc. 6. v. 8. *Ecce equus pallidus: & qui sedebat super eum, nomen illi mors, & infernus sequebatur eum.* Voluit ergo propter hoc quod verba prædicta intelligantur spiritualiter tantum, non corporaliter, & quod de spiritualibus mortuis dicta sunt ista: *& mors, & infernus dederunt mortuos suos.*

Præterea in inferno, qui dicitur locus pœnarum, ante judicium, non creduntur esse corporaliter mortui, sed tantum animæ mortuorum; Unde dicit hæreticus, si infernus usque ad judicium corporales mortuos non habet, nequaquam eos dabit:

Quod autem falsum dixerit hæreticus iste, leviter potest ostendi. (85)

A a a

CAP.

verba Apostoli de carnis operibus intelligi oportere defendunt, commentitiam esse. Probari ergo debere partem illam Manichæorum opinionis, quæ pugnant Sanctos nec carne, nec Sangrines fore præditos; negari autem alteram, quæ contendunt non futuram corporum resurrectionem. Nego igitur 1. Ex Scriptura id, quod voluit Beaufobrius, probari ullo modo posse. Immo vero plane ostenditur Carnem, & Sanguinem habituros Sanctos post resurrectionem in Patria. Nam Christus, cujus Corpus Gloriosum post Resurrectionem fuit, Carne non caruit. Quæ jussit, ut Apostoli palparent, ac viderent, quia Spiritus carnem & ossa non habet. Non erit autem dissimile cum resurget corpus nostrum, ut constat

CAP. IX.

De Judicio.

Tertio in hac parte quarta videndum est de Judicio; & primo, de judicio pœnarum præsentium, an sint a Deo. Secundo, de judicio animarum in Purgatorio & de Suffragiis. Tertio, de judicio animarum ante diem ultimum, id est utrum modo recipiant præmium in Paradiso, vel supplicium in inferno. Quarto, de universali judicio, an sit factum. Quinto, de inferno, sive loco suppliciorum, quis sit. Sexto, de suppliciis malorum, & præmiis bonorum post judicium, an sint futura paria, an non.

§. I.

De judicio pœnarum præsentium, an sint a Deo.

Sicut diximus, hic videndum est, utrum flagella præsentia a Deo sint, sive in hominibus, sive in animalibus, sive in plantis, hoc est vegetabilibus. (1) Quod ita sit, probatur per illud Ap. Rom. 3. v. 5. & 6. *Nunquid iniquus est Deus, qui infert iram?* (secundum hominem dico) Id est more carnalium istam quæstionem propono: postea subdit ut sapiens: *absit* alioquin quomodo judicabit Deus hunc mundum? Infert dicit, de præsentī illatione iræ, sive pœnæ intelligens; quod etiam patet per illud quod sequitur: *Alioquin quomodo judicabit Deus hunc mundum*; ergo quod dixe-

rat *nunquid &c.* non potest intelligi de judicio hujus mundi, futuro.

Item 1. Cor. 11. v. 27. usque ad 30. *Itaque quicumque manducaverit panem hunc, vel biberit calice Domini indigne, reus erit Corporis & Sanguinis Domini. Probet autem seipsum homo: & sic de pane illo edat, & de calice bibat. Qui enim manducat, & bibit indigne, judicium sibi manducat & bibit, non dijudicans Corpus Domini. Ideo inter vos multi infirmi & imbecilles, & dormiunt multi.* Sed a quo immittitur hæc infirmitas, aut imbecillitas, aut dormitio, id est mors, nisi a Deo? Hoc patet per hoc quod sequitur v. 31. *Quod si nos metipsos dijudicaremus, non utique a Domino judicaremur.* Item v. 32. *Dum judicamur autem, a Domino corripiamur, ut non cum hoc mundo damnemur.*

Item 2. Cor. 12. v. 7. dicit S. Paulus: *Et ne magnitudo revelationum extollat me; datus est mihi stimulus carnis meæ angelus satanæ, qui me colaphizet.* Ecce quod dicit quomodo datus est ei stimulus carnis, & ad quid: scilicet ne magnitudo revelationum extolleret eum; ergo qui dedit ei stimulum, hoc volebat, ne extolleretur: bonus ergo erat, qui illum stimulum, scilicet angelum satanæ ei dederat ad stimulandum ejus carnem.

Item Proverb. 3. v. 11. & 12. *Disciplinam Domini, fili mi, ne abicias: nec deficias cum ab eo corripieris: quem enim diligit Dominus, corripit; & quasi Pater in Filio complacet sibi.*

Item Act. 12. v. 7. dicitur, quod *Angelus Domini astitit*, supple ipsi Petro, qui incarceratus erat ab Herode, & *lumen resulsit in habitaculo: percussioque latere Petri excitavit eum dicens: Surge velociter.*

ex Paulo 1. ad Corinth. xv. v. 12. seqq. & Rursus si idem, quo nunc sumus præditi, corpus resurget, carne, sanguineque gaudeat, necesse erit; alioqui, non humanum, sed alius generis corpus erit. Corpus autem corpus resurgere oportere constat ex cap. xv. Epistola 1. ad Corinthios, quo abutitur Beaufobrius, atque ex aliis plerisque Sacrorum Bibliorum locis, quæ nunc indicare supervacuum est. Sed caro, inquit, & Sanguis Regnum Dei non possidebunt. Ita quidem ait Apostolus, verum ipse per se declarat, quo pacto sit hoc intelligendum. Nam v. 12. redarguit eos, qui negabant Resurrectionem. v. 13. Etenim nisi vere resurgent mortui, ne Christus quidem resurrexit, quod falsum est. Christus namque fuit primitiæ dormientium. Introducit autem v. 35. quosdam rogantes: *Quali corpore venturi sint*, qui resurgent. Adducit exemplum feminis, quod non vivificatur, nempe non se dilatat, nec germinat, nisi prius moriatur, hoc est, nisi sub terram condatur, seu sepeliatur. Quod autem homo feminat, non est corpus quod futurum est, videlicet corruptibile. Seminatur, inquit v. 42. *sq. in corruptione, surget in incorruptione, seminatur in ignobilitate, surget in gloria, seminatur in infirmitate, surget in virtute.* Quod autem adjungit v. 44. *seminatur corpus animale, surget corpus spiritale*, non ita sumendum, est, quasi quod corpus quod nunc est, tunc in spiritum se convertere debeat. Etenim Christi Corpus, de quo mox v. 45. seq. sermonem instituit Paulus post resurrectionem, etsi agile, gloriosumque fuerit, Spiritus tamen non fuit, ut perspicuum est. Carne namque præditum erat, velut Evangelistæ memoriæ prodiderunt. Atqui mox adjungit Apostolus v. 47. *Primus homo de terra terrenus, secundus homo de Cælo Cælestis. Qualis terrenus*, nempe Adam mortalis, corruptibilis, ignobilis, *tales terreni*, hoc est homines, qui vitam mortalem degunt; *Et qualis cælestis*, hoc est Christus post resurrectionem virtute instructus, agilis, gloria, cælestique luce fulgens, præditus tamen carne, *tales & cælestes*, scilicet, qui ad gloriam parandam resurgent. Si ergo sublit Paulus continuo: *Hoc utem dico fratres, quia caro & Sanguis Regnum Dei possidere non possunt, neque corruptio incorruptelam possidebit*, non tollit carnem a corporibus, quæ resurgent, sicut non adimit

Christo, sed detrahit tantum infirmitatem, ignobilitatem, corruptionem, quæ sunt mortalis corporis propriæ, ponitque carnem, & corpus gloriosum, virtute præstans, & immortalitate. Si autem Carnem non tollit, ne Sanguinem quidem tollat necesse est, cum de Carne, & Sanguine eadem disserat ratione. Carnis autem, & Sanguinis vocibus, hominem affectu, & passione ductum intelligebant judæi. Hinc Matth. cap. xvi. v. 17. *Quia caro, & Sanguis, non revelabit tibi.* Sublata autem ejusmodi passione prava, sublatique imperfectiōibus Carnis, & Sanguinis, cælestis tum corpus hominis nuncupandum putat Apostolus. Delirat ergo Beaufobrius, dum ex Paulo liquere censet, corpora Sanctorum Carne esse, & Sanguine caritura. Major autem est hæretici impudentia, dum Augustinum sibi subsidio comparat. Non enim Augustinus pugnat carnem, & sanguinem, qualemcumque e cælo eliminari debere, sed Carnem & Sanguinem, qui sit obnoxius corruptioni, quæ corruptio si auferatur, Corpus tum Cælestis appellari posse: *Quia, inquit, cum induerit incorruptionem, jam non caro, & Sanguis, erit, hoc est corruptibilis, sed in corpus cælestis, hoc est incorruptibile, mutabitur.* Veram hanc autem esse interpretationem, cum ex eodem libro cap. x1. tum ex 1. retractat. lib. cap. xx11. n. 3. Tom. 1. Opp. deducitur ubi: *Quod autem dixi*, inquit, *cum induerit incorruptionem, & immortalitatem, jam non caro, & Sanguis erit: SECUNDUM CORRUPTIONEM CARNALEM DICTUM EST, CARNEM NON FUTURAM, NON SECUNDUM SUBSTANTIAM, SECUNDUM QUAM DOMINI CORPUS ETIAM POST RESURRECTIONEM CARO APPELLATA EST.* Quo nihil excogitari clarius potest, Videset Augustinus Epistola cxlvi. ad Consentium in qua hoc argumentum fuisse persequitur, ponitque Carnem, & Sanguinem in Corporibus quæ resurgent. Tribuit ergo fraude mala Sancto Doctori Beaufobrius, ut suum confirmet errorem, quod illi nunquam venit in mentem. Colliget inde Lector, quæ fides hæreticis hujus temporis adjungenda sit, quum eos non pudeat tam confidenter mentiri.

(1) Vide Notationem 49. ad cap. 1. pag. 5. Adis Augustinum lib. de natura Boni cap. ix. seq. Tom. viii. opp. & lib. 111. De lib. Arb. cap. xvlii. Tom. 4. Opp. & S. Thomam in Quæ disp. de malo.

lociter & ceciderunt catenæ, de manibus ejus. Postea in fine capitis v. 21. 22. & v. 3. dicitur: *Statuto autem die Herodes vestitus veste regia, sedit pro tribunali, & concionabatur ad eos. Populus autem acclamabat: Dei voces, & non hominis. Confestim autem percussit eum Angelus Domini, eo quod non dedisset honorem Deo, & consumptus a vermibus, expiravit.* Quis sit iste Angelus Domini, patet in litera, ille scilicet qui astitit Petro ad liberationem: ille astitit Herodi ad damnationem, ad flagellum: ille autem qui Petro astitit, bonus fuit; ergo & ille qui Herodi, cum fuerit ille idem. Si enim vis dicere quod de alio loqueretur, hoc non potes ostendere: ego autem testimonium habeo quod de bono Angelo dicitur in illo capite, quod sit Angelus Dei.

Præterea: Malus Angelus propter hoc non fuisset iratus ei quia non dedisset Deo honorem, imo ex hoc dilexisset eum.

Item Act. 13. v. 9. 10. & 10. ubi agitur de quodam volente avertere Proconsulem a fide dicitur: *Saulus autem, qui & Paulus, repletus Spiritu Sancto, intuens in eum, dixit: O plene omni dolo, & omni fallacia, fili diaboli, inimice omnis justitiæ, non desinis subvertere vias Domini rectas. & nunc ecce manus Domini super te, & eris cæcus, non videntem solem usque ad tempus. Et confestim cecidit in eum caligo, & tenebræ, & circuiens quærebat qui ei manum daret.* Ecce quod iste subvertebat vias Domini, ideo manus Domini super eum fuit, idest vindicta præfens corporalis cæcitatæ ad tempus; nec enim de alio Domino potes ostendere eum loquutum, nisi de illo cujus viam subvertebat, qui reddet unicuique secundum opera sua.

Item Math. 21. v. 19. & 20. habetur, quod Christus dixit cuidam ficui: *Nunquam ex te fructus nascatur in sempiternum: & arefacta est continuo ficulnea. Et videntes discipuli mirati sunt dicentes: quomodo continuo aruit.*

Item Marci 5. v. 12. & 13. dicitur: *Et deprecabantur eum Spiritus dicentes: mitte nos in porcos ut in eos introeamus. Et concessit eis statim Jesus. Et exeuntes Spiritus immundi introierunt in porcos: & magno impetu grex præcipitatus est in mare ad duo millia.*

Item Jo. 2. v. 15. *Cum fecisset quasi flagellum de funiculis, omnes ejecit de templo, oves quoque, & boves, & nummulariorum effudit æs, & mensas subvertit.*

Item Jo. 9. v. 2. & 3. de cæco nato dicitur: *Quis peccavit, hic, aut parentes ejus, ut cæcus nasceretur? Respondit Jesus: Neque hic peccavit, ne-*

que parentes ejus: sed ut manifestentur opera Dei in illo. Aperte dicit quod non propter suum peccatum, vel parentum ejus cæcus est natus, sed propter gloriam Dei manifestandam; ex quo patet quod illa cæcitas non erat nisi a Deo.

Præterea: Nonne Ecclesia Dei, quæcunque illa sit, fratribus peccantibus aliqua flagella immittit, aliquas scilicet afflictiones? Constat quod sic. Nonne quod Ecclesia facit, Deus facit? Utique. Flagella ergo a Deo Sancto sunt.

Ex quo etiam patere potest quod falsum ponunt illi qui duo ponunt principia, dicentes quod Deus non punit populum suum pro peccatis hic commissis, sed pro peccato facto in cælis: ad hoc autem nullum habent testimonium.

Nos autem aliqua ad hoc inducamus, ut confundantur hæretici. Ap. enim Rom. 1. v. 18. ait: *Revelatur enim ira Dei de Cælo super omnem impietatem, & injustitiam hominum eorum, qui veritatem Dei in justitia detinent.* Enumerat autem Ap. in illo capite multa scelera, quæ absonum esset dicere esse facta in Patria Angelica, alioquin illa terra esset omnium abominabilissima.

Item Rom. 2. v. 2. *Judicium Dei est secundum veritatem in eos, qui talia agunt.* Notandum quod dicit est de præsentī loquens, sicut & supra, cum dixit *revelatur.*

Item Rom. 3. v. 5. *Nunquid iniquus est Deus, qui infert iram? Infert* dicit, de præsentī loquens, ut prænotatum est supra hoc eodem cap.

Item Eph. 5. v. 6. enumeratis quibusdam vitiis subdit: *Propter hæc enim venit ira Dei in Filios diffidentiae.* Multa alia ad idem induci possent testimonia, sed ista sufficiant.

§. II.

De judicio animarum in Purgatorio, & Suffragiis.

V Iso de judicio pœnarum in mundo, quod a Deo est, videamus de judicio animarum in Purgatorio; dicit enim Ecclesia, Purgatorium esse post hanc vitam animabus quæ de hoc mundo migraverunt inchoata condigna pœnitentia, sed nondum perfecta. Omnes autem hæretici, tam Cathari, quam Pauperes Lugdunenses, a quodam, qui dicebatur Valdusius (2) derivati, hoc negant.

Quod autem locus Purgatorius sit post hanc vitam, probatur auctoritate Domini Matth. 12. v. 32. Ubi dicit Christus: (3) *Qui autem dixerit contra,*

A a a 2

Spi-

(2) Petrum Valdum Auctorem fuisse Valdensium plerique censent. Alii tamen antiquiores Petro putant. Usserius *Lib. de successione* nomen Valdensium nusquam se reperisse testatur, nisi in libris Petro posterioribus. Fortasse Moneta Valdusium eundem vocat, qui Petrus Valdus fuit. Negabant ergo Valdenses, Cathari, Petrobrusiani, Henriciani, alique, si qui fuerunt xii. sequentibusque seculis hæretici Purgatorium. Sunt qui Græcos consensisse, consentireque etiamnum cum Catharis censeant in hac re. Verum errant longe. Et si enim aliqui Græci in eadem atque hæretici illi versentur sententia, major, immo non maxima eorum pars a Catholicis verbis discrepat, re tamen omnino non discrepat. Viden-

mus omnino Leo Allacius *Lib. de Consens. Utriusque Ecclesiæ Orientalis & Occidentalis in Dogmate de Purgatorio pag. 1. seqq.* Lutherani, Calviniani, Sociniani, Zuingliani, & cæteri, qui novas hæreses xvi. Ecclesiæ seculo invexerunt, Purgatorium funditus sustulerunt. Quæ res quoniam per sese perspicua est, nihil opus esse arbitror, eam argumentis confirmare, aut testimoniis hæreticorum.

(3) Negari nequit, quin hunc Matthæi locum huc traxerint plerique Patres. Consulendus cum primis Augustinus *Lib. xx. De Civ. Dei cap. xlii. & xlii.* Eodem recidunt, quæ habet S. Bernardus, *Sermone lxxvi. in Cantica col. 779. Tom. II. Opp. Edit. Novæ Venetæ: Non credunt, inquit, ignem Purgatorium restare post mortem,*

Spiritus Sanctum, non remittetur ei neque in hoc seculo, neque in futuro. Sed si omne peccatum, quod remittitur, tantum in hoc seculo remittitur, frustra adderetur, neque in futuro.

Præterea, non diceret aliquod peccatum non remitti in hoc seculo, nisi quia aliquod peccatum est, quod remittitur in eo; ergo a simili non diceret de peccato in Spiritum Sanctum, quod in futuro non remittetur, nisi aliquod peccatum esset, quod in futuro remittetur. Illud autem non remittitur in Paradiso, scilicet in gratia cœlesti, in quam nihil inquinatum incurrit, ut habetur Sap. 7. v. 25. Nec etiam in Inferno, ubi nulla est redemptio, ut patet in divite illo sepulto in Inferno, cui dixit Abraham: *Inter nos, & vos chaos magnum firmatum est: ut hi qui volunt hinc transire ad vos, non possint, neque inde huc transmeare.* Lucæ 16. v. 26. Ergo locum alium oportet ponere extra hoc seculum, in quo fiat Purgatio peccatorum aliquorum, & illum locum Purgatorium appellat Ecclesia.

Item: Esto, quod duo decedant in pari charitate, unus tamen illorum plenam egit pœnitentiam de peccatis, alter vero solum incœpit eam. Modo dico sic: primus nullum sustinebit supplicium; modo quæro: aut secundus sustinebit, aut non? Si non, & non habet minus præmium, quam alter habuisset, secundum illos qui unum ponunt Creatorem, quia unusquisque totum recipiet, quod in Cœlo habebat, antequam in Cœlo peccasset, multo melior est sua conditio, quam alterius, qui egit dignos fructus pœnitentiæ. Quare ergo Ecclesia Dei prædicat jejunium, & alias abstinentias? Si autem sustinebit aliquam pœnam, constat quod non in Inferno, nec in Paradiso, nec in hoc seculo; ergo in alio seculo est locus Purgatorius.

Præterea: Deus est justus, & reddet unicuique secundum opera ejus, ut dicit Ap. Rom. 2. v. 6. Ergo illi pœnitenti secundo: pœnitentiam condignam non perficienti, cui non reddidit pœnam in hoc seculo pro peccatis, reddet in alio; sed non in Inferno, vel in Paradiso; ergo in Purgatorio.

Præterea, nonne dicit Ap. 1. Cor. 3. v. 12. 13. 14. & 15. *Si quis autem (4) superædificat super fundamentum hoc, aurum, argentum, lapides pretiosos, ligna, fœnum, stipulam, uniuscujusque opus manifestum erit: Dies enim Domini declarabit, quia in igne revelabitur: & uniuscujusque opus quale sit, ignis probabit. Si cujus opus manserit supple incinerabile, quod super ædificavit, mercedem accipiet. Si cujus opus arserit, detrimentum patietur: ipse*

rem; sed statim animam solutam a corpore, vel ad requiem transire, vel ad damnationem. Quærant ergo ab eo, qui dixit quoddam peccatum esse, quod neque in hoc seculo, neque in futuro remitteretur, cur hoc dixerit, si nulla manet in futuro remissio, purificatione peccati.

(4) Cum variæ sint Patrum Græcorum, & Latinorum hujus loci interpretationes, nec omnes ignis nomine ab Apostolo Purgatorium illum indicari censeant, sed alii ignem extremæ conflagrationis, alii ignem Tartareum, alii hujus vitæ tribulationes: inde colligit Natalis Alexander *Dissert. xlv. in Hist. Eccles. Seculi iv. probabiliter quidem ex eo Apostoli loco concludi ignem Purgatorium, non autem ἀποδυνταῖος posse.* Sed Eminentissimus Cardinalis Gottius feliciter hanc hoc Pauli testimonio usus est contra Piceninum. Confule *Tom. II. de Vera Ecclesia Ar. x. §. iv.* Monetæ præverunt Sancti Augustinus in *Psal. xxxviii.* & Gregorius Magnus *Lib. iv. Dialogorum cap. xxxix.*

autem salvus erit: sic tamen quasi per ignem. Per aurum intelliguntur optimi mores, per argentum, meliores, per lapides pretiosos boni; ista enim non cremantur ab igne, scilicet aurum, argentum, & lapides pretiosi, similiter nec bona opera. Modo quæro, quid intelligis per lignum, fœnum, & stipulam? Ista enim cinerabilia sunt ab igne; ergo per ista tria intelliguntur peccata. Sed nunquid (5) mortalia? Non: dicitur enim de eo, qui secum habet ista, quod *detrimentum patietur: ipse autem salvus erit: sic tamen quasi per ignem*; istud autem non potest intelligi de igne Inferni; nullus enim salvus in illum ignem ibit.

Præterea: Si hoc esset, *salvus* in malo sumeretur. Nunquid aliquod testimonium habes, quod *salvus* aliquando in malo sumatur? Non: ego autem habeo multa testimonia, quod in bono sumitur; ergo obmutescas, & ne dicas quod *salvus* ibi sumatur in malo, vel quod ignis sumatur pro igne Inferni qui paratus est Diabolo, & Angelis ejus.

Præterea, duo dicit de illo. Unum est, *detrimentum patietur*. Sed quod detrimentum patietur, nisi æternum supplicium, si ita fumeretur ignis? Aliud est: *ipse autem salvus erit: sic tamen quasi per ignem.* Autem adversativum est; ergo oportet, quod salvari per ignem sumatur in bona parte, quod verum est.

Modo quærendum est a Pauperibus, (6) specialiter, qui Purgatorium negant: quid tu vis appellare diem Domini? Si diem præsentis tribulationis: unde habes in toto Novo Testamento, quod dies Domini sic sumatur? Ego autem invenio in Scripturis, quod dies Domini dicitur dies mortis uniuscujusque, vel dies judicii universalis. Dicitur enim 1. Thessal. 5. v. 2. *Ipsi enim diligenter scitis quia dies Domini, sicut fur in nocte, ita veniet.*

Item 2. Thessal. 2. v. 2. *Neque terreamini, neque per spiritum, neque per sermonem, neque per Epistolam tanquam per nos missam, quasi instet dies Domini.*

Item 2. Petri 3. v. 10. *Adveniet autem dies Domini ut fur, in quo Cœli magno impetu transient.* Ecce habes dies Domini: sequitur de igne, *elementa vero calore solventur, terra autem, & quæ in ipsa sunt opera, exurentur.* Prius autem dixerat v. 7. *Cœli autem qui nunc sunt, & terra eodem verbo repositi sunt, igni reservati in diem judicii, & perditionis impiorum hominum.* Ecce dies Domini, in quo revelabitur per ignem, qui præcedet faciem judicis, quale opus quis superædificaverit.

Præ-

(5) Hæretici hujusce temporis venialium peccatorum a mortalibus distinctionem ut Papisticam averfantur. Verum errant longe. Etenim Christus apud Matthæum cap. v. *Qui irascitur fratri suo, reus erit iudicio; qui dixerit fratri tuo Racha, reus erit Concilio; qui dixerit fatue, reus erit gehenna ignis.* Uni tantum gehennæ pœna infligitur, reliquis non item. Cur autem? Nisi quia veniale censetur, quod commiserunt. Jacobus *Epist. I. Unusquisque tentatur a concupiscentia sua. Concupiscentia cum conceperit parit peccatum, peccatum cum consummatum fuerit generat mortem.* Non consummatum ergo peccatum, mortem non generat (nempe cui non est adnexus consensus omnino deliberatus.) Itaque veniale est. Vide Origen, *Homil. xxviii. in Numeros* Cyprianum *Epist. lv. Ad Antonianum.* Adeundus Leo Allacius *Lib. de Consensu Ecclesiæ Utriusque in dogmate de Purgatorio pag. 326. seq.*

(6) Videlicet Lugdunensibus, qui alio nomine Lombardi, & Valdenses etiam dicebantur.

Præterea . Verba Ap. omnia de futuro sunt : *manifestum erit , declarabit , revelabitur* ; quare ergo audes dicere de præfenti intelligi ?

Præterea , nullum malum impunitum : Job 9. v. 28. *Verebar omnia opera mea , sciens quod non parceres delinquenti .* Et 20. v. 18. *Luet quæ fecit omnia .* Et Rom. 1. v. 18. *Revelatur enim ira Dei super omnem impietatem , & injustitiam hominum* ; ergo si Deus hic non punit , oportet quod alibi puniat , cum homo non puniverit sufficienter peccatum suum .

Præterea . Orationes , (7) & alia beneficia vivorum valent fidelibus defunctis , non ad liberationem ab Inferno , quia si iverant illuc , in Inferno nulla est redemptio ; non ad merendum eis Paradisum , quia charitate , & bonis operibus , vel saltem pœnititudine cordis ipsum meruerunt , licet plenam non egerint pœnitentiam de peccatis in hac vita ; valet ergo eis ad purgationem velociorem , & alleviationem a pœnis , igitur post hanc vitam restat Purgatorium .

§. III.

Utrum Suffragia Vivorum profint Defunctis .

Nunc videndum est , utrum , sicut prædiximus , orationes , & beneficia vivorum profint Defunctis . (8) Quod valeant , haberi potest 2. Machab. 12. a v. 43. Usque ad finem . Ubi habetur de Juda : *facta collatione duodecim millia drachmas argenti misit Hierosolymam offerri pro peccatis mortuorum sacrificium Sancta ergo & salubris est cogitatio pro Defunctis exorare , ut a peccatis solvantur .* (9) Sed quia Pauperes Lombardi non recipiunt hunc librum , alias rationes inducamus . Act. 9. v. 40. Habetur , *quod Petrus ponens genua oravit : & conversus ad corpus , dixit : Tabitha surge . At illa aperuit oculos suos : & viso Petro , resedit .* Ecce quod per orationem resurrexit ista , ergo orationes vivorum profunt Defunctis ad sanitatem corporis , & liberationem ejus a morte : multo fortius ad sanitatem animæ , & liberationem ejus a peccatis , de quibus illi pœnitere incæperunt , sed dignos pœnitentiæ fructus non fecerant .

Si autem dicat hæreticus , istud miraculum spirituale , & resurrectionem illam fore spiritualementem .

(7) Magni quidem certe fieri hoc genus argumenti debet . Cur enim offeruntur Sacrificia preces , &c. pro mortuis , nisi ut liberentur , qui in Purgatorio cruciantur ? Ac Suffragia quidem jam usque a primordio Ecclesiæ mortuis fuisse adhibita nemo homo est , qui negare sine impudentiæ nota possit . Consulendi Tertullianus *Lib. de Corona Militis Cap. 111. Lib. de Anima Cap. 11. Lib. de Exhortat. Castit. Cap. xi. Lib. de Monogamia Cap. x.* S. Cyprianus *Epist. I. ad Clerum , & Plebem Furnit.* Cyrillus Hierosolymitanus *Cath. Mystag. v.* Ubi hæc habet : *Denique pro omnibus oramus , qui inter nos vita functi sunt , maximum esse credentes animarum juvamen pro quibus offertur precatio Sancti illius , & tremendi , quod in altari positum est Sacrificii .* Mitto Patres cæteros , quorum testimonia accurate recenset Leo Allaccius . *De Consensu utriusque Ecclesiæ in Dogmate de Purgatorio .*

(8) Hæretici juniores veterem hæc traditionem Ecclesiæ derident . Sequuntur autem auctorem Aetium , quem S. Epiphanius , ut hæreticum insectatur , quod illi se opponeret , qui Sacrificia pro

Ergo mors illius Tabithæ similiter erat spiritualis . Nunquid illa erat mortua spiritualiter , hoc est in peccato , & per peccatum , ut necesse esset quod Petrus eam resuscitaret ? Hoc est contrarium literæ Aetiorum , ubi dicitur v. 36. & 37. *Hæc erat plena operibus bonis , & eleemosynis , quas faciebat . Factum est autem in diebus illis , ut infirmata moreretur .* Ecce quod infirmata dicitur , & postea mortua , quod omnino patet de infirmitate corporali intelligendum , & ita de corporali morte .

Sequitur : *Quam cum lavissent posuerunt eam in canaculo* : Nunquid hoc intelligitur de lotionem a peccatis ? Si hoc est , cum lotio a peccatis sit ipsa resurrectionis ; ergo antequam Petrus venisset , resurrexerat , quod falsum est .

Præterea considera , quod ibi dicitur : *& conversus ad corpus dixit : Tabitha surge* : ergo de corporali morte intelligitur . Per plura alia ibi posita idem potest intelligi .

Item Johan. 11. Maria & Martha impetraverunt vitam Lazaro mortuo corporaliter , ut patet per litteram Evangelii Johannis . Multa autem similia posita sunt in Evangelio reperiri .

Ad idem probandum , scilicet , quod orationes vivorum , & alia suffragia profunt Defunctis , patet Matth. 9. Marci 5. Lucæ 7. & 8. Si enim valent ad sanitatem corporis , multo fortius credendum est , quod valeant ad sanitatem animæ , idest purgationem a peccatis .

Sed defunctorum tria sunt genera (10) : sunt enim quidam valde boni , qui in ipsa dissolutione conjunguntur Deo in cœlestibus , & sine aliqua pœna post hanc vitam recipiunt æternum gaudium , quo ad animas ; hi precibus juvari non possunt , quia non egent juvamine . Sunt etiam quidam valde mali , qui peccantes ante mortem existentes in peccatis mortalibus , sic decedunt absque pœnitentia ; Similiter istis non valent suffragia ad liberationem a culpa , vel a pœna , quia in inferno nulla est redemptio . Sunt alii boni , sed non valde , qui post peccata , ducti pœnitentia , confessi sunt illa , sed satisfactione nondum peracta , ingrediuntur viam universæ carnis , & hi non damnantur perpetuo , nec statim salvantur , sed puniuntur sub expectatione recipiendi salutem . Et ii juvantur orationibus , & beneficiis , pro quibus Deus preces non despicit , quia non decesserunt sine pœnitentia .

Item

mortuis offerret . *Hæres lxxv. num. 3.* Vigilantius Aetio consensit , ut illi Hieronymus exprobat . Hujus deinde errori adhæserunt Albigenses , & Valenses .

(9) Quanti ponderis sit argumentum ex 11. Machabæorum Libro expressum , nemo non videt . Senferunt id quidem Valenses , & qui novas hæreses Seculo xvi. excitarunt ; quare librum utrumque Machabæorum expunxerunt e numero Sacrorum Bibliorum . Sed injuria . Consule Natalem Alexandrum *Dissert. vii. Art. viii. Hist. Vet. Test.* Adis etiam Eustratii Presbyteri Ecclesiæ Constantinopolitanæ opus , quod inscribitur : *Refutatio eorum , qui dicunt humanas animas statim atque a propriis corporibus solutæ sunt , non operari* , quodque est e Græco a Leone Allaccio Latinum factum , pag. 555. seqq. *De Cons. Eccl. Occidental. & Oriental. in Dogmat. de Purg.*

(10) Prompsit hæc noster ex Augustini *Enchirid. ad Laurentium cap. cix.*

Item ipsi Cathari orant pro suis defunctis, hoc constat (11).

Si dicant, quod non orant pro eis purgandis a peccatis, sed liberandis a dæmonibus:

Contra: Dæmones iis nocere non possunt, qui peccatum non habent.

§. IV.

Utrum Orationes Sanctorum in Paradiso Profint Visis in Mundo.

Sequitur, an orationes Sanctorum, qui ab hac vita migrarunt, (12) valeant visis. Quod ita sit, probatur 2. Machab. 15. v. 14. 15. & 16. ubi dicitur de Jeremia. *Hic est fratrum amator, & populi Israel: Hic est qui multum (13) orat pro populo, & universa sancta civitate, Jeremias propheta Dei. Extendisse autem Jeremiam dexteram, & dedisse Judæ gladium aureum, dicentem: Accipe sanctum gladium, munus a Deo, in quo deijcies adversarios populi mei Israel.* Propheta Domini hic erat mortuus, & tamen pro civitate orabat, & pro populo Dei, & valebat ei, ut ibi habetur.

Item, ego video quod Angelus orat pro vivis, ut patet Zach. 1. v. 12. ubi Angelus orat pro populo qui captivus erat (14) in Babylone dicens: *Domine exercituum, usquequo tu non misereberis Jerusalem, & urbium Juda, quibus iratus es?*

Præterea, si Angelus orationes Sanctorum Deo præsentat, (15) quis dubitare audeat, quoniam etiam ipse orationem faciat pro eis? Quid enim eas præsentare, nisi pro efficacia ipsarum Deo orationem facere? Ecce enim patet, cum quis alicui Principi corde, & animo preces alterius præsentat, quod pro eo eundem Principem rogat. Vis videre quod Angelus orationes fidelium Deo præsentat? Lege Tob. 12. v. 12. ubi Angelus dicit Tobia: *quando orabas cum lacrymis. . . . ego obtuli orationem tuam Domino.*

Item Apoc. 8. v. 3. & 4. *Et alius Angelus venit,*

& stetit ante altare, habens thuribulum aureum. . . Et ascendit fumus incensorum de orationibus Sanctorum de manu Angeli coram Deo.

Præterea, Apoc. 6. v. 10. dicitur, quod animæ interfectorum propter verbum Dei, & testimonium Jesu Christi clamabant voce magna dicentes: *Usquequo Domine (sanctus, & verus) non iudicas, & non vindicas sanguinem nostrum de iis: qui habitant in terra?* Si Sancti qui ab hoc seculo migraverunt orant pro vindicta in reprobos, quis audeat dicere quod non orent pro clementia Dei in electos?

Præterea, nonne videmus nos, quod dives epulo, qui cruciabatur in flamma, oravit pro fratribus suis, cum adhuc viverent, ne venirent in locum tormentorum? Si ille, qui damnatus erat, pius erat in tantum, ut oraret pro aliorum salute, quos dilexit carnaliter, nunquid illi qui salvi sunt non erunt pii ad orandum pro electis, quos ex charitate diligunt? Si amor carnalis movet ad orandum pro aliena salute, nunquid charitas, quæ non quærit, quæ sua sunt tantum, sed & aliorum, ipsum negliget salutem (16)?

§. V.

Argumenta quibus hæretici probant non esse orandum pro defunctis.

Quod non sit orandum pro mortuis, nituntur probare aliqui hæretici testimoniis Scripturarum, quas non intelligunt, nec causam quare introducta sunt conspiciunt. Dicit enim Christus Jo: 17. v. 9. *Ego pro eis rogo, non pro mundo rogo.* Si Dominus noluit orare pro mundo, idest pro mundanis adhuc vivis, multo minus orandum pro mortuis.

Sol. Et si tunc non rogarat pro mundo, tamen aliquando rogavit; de ipso enim dicitur *ipse est propitiatio pro peccatis nostris, non pro nostris autem tantum, sed etiam pro totius mundi.* 1. Jo. 2. v. 2.

Præ-

(11) Viden ut Cathari suffragia mortuis adhibita non reprobant? Abhorrebant ergo a novorum hæreticorum sententia.

(12) Valdensium erroris, quem deinde Lutherani, Calviniani, Sociniani, Anabaptistæ, ac ceteræ generis ejusdem pestes sequutæ sunt Architectus fuit Vigilantius, quem Seculo 14. integro volumine concidit Sanctus Hieronymus. Valdensibus consensere Albigenes, Henriciani, Petrobrusiani, Apostolici, qui Seculo 11. Ecclesiam vexaverunt, ut a S. Bernardo; a Petro Valincernensi, ab Alano Insulano, aliisque Scriptoribus Ecclesiasticis memoriæ proditum est. De Junioribus hæreticis nihil dico. Nemo enim est, qui ignoret, explodi ab illis Sanctorum invocationem.

(13) Non mirum, si Monetæ locum ex lib. 11. Machabæorum adversus eos indicet, qui negarent ejus libri canonicam auctoritatem. Verum cum apud Judæos, veteresque Christianos magno in pretio illud idem opus haberi solet, negare non poterant adversarii jam usque a primordio Ecclesiæ invaluisse hanc de intercessionem Sanctorum sententiam. Atque hoc etiam factum a Grotio est, ut contra Rivetum, qui a recipiendis Machabæorum Libris longe abesset, locum eundem laudaverit. In Rivetani Apolog. Discussionem pag. 705. Tom. 111. Opp.

(14) Adposuit id quidem. Nam Cathari, & Valdenses probabant libros Prophetarum, ut sæpe alias animadverti. Ex oratione vero Angelorum concludi merito Sanctorum pro nobis orationes posse perspicuum est. Eadem namque, qua Sancti, Angeli quoque gaudent Beatitudine; & quemadmodum hi, ita illi in Deo,

quem intuentur, nostras vident necessitates. Adhuc S. Thoam 111. P. 2. q. 111. Art. 1. & Voalemburchios lib. 111. De Unitate Ecclesiæ.

(15) Egregie S. Hilarius cap. xviii. In Matth. pag. 699. Edit. Benedict. S. Mauri Paris. Fidelium, inquit, orationibus præesse Angelos absoluta auctoritas est: *Salvatorum igitur per Christum Orationes Angeli quotidie Deo offerunt.*

(16) Cum pleraque Sacrorum Bibliorum documenta plane faveant Sanctorum intercessionem esse omnimodis admittendam, tum traditio Ecclesiæ perpetua, sibi que maxime constans hoc ipsum mirum in modum confirmat. Videndi, qui controversiam hanc fuscitate tractarunt, imprimisque Doctissimus Abbas Trombellus, qui jam quatuor volumina de *Sanctorum cultu* vulgavit. Verum ut ne videar jejune satis hoc de argumento discessisse, ferent æquo animo Lectores, si quædam ex Origenis, Eusebii que veterum sane Scriptoribus libris attulero, quæ hanc tam antiquam traditionem evincant. Origenes ergo de *Exhortatione ad Mart.* pag. 192. Edit. Basil. sic, inquit, *animæ eorum, qui mortem ob Christi confessionem subierunt, non frustra altare cæli circumstant ut iis, qui orant, obtineant peccatorum remissionem.* Eusebius vero Cæsariensis lib. 111. Præp. Evang. cap. 11. *Solemus, inquit, sepulchra Martyrum invisere, ibique precari, honorare beatas eorum animas: atque hic quidem mos rationi est maxime consentaneus.*

Præterea dico : quod Scriptura quandoque mundum appellat hominem mundanum, idest mundane viventem : hic autem duplex est, alius enim adhuc agit pœnitentiam, alius autem nunquam. Pro isto ita fumitur ; pro tali enim non oravit Dominus, quia vidit quoniam non prodesset ei ; sciebat enim quod nunquam vellet peccata dimittere ei : & nos si hoc sciremus, pro tali non oraremus : oramus autem indifferenter pro quolibet, quia nescimus de aliquo, qualis postea fit futurus.

Sed nunquid argumentum tuum valet : Pro tali homine, qui est in mortali peccato, & nunquam exibat de illo, non oravit Christus ; ergo pro fidei defuncto sine mortali peccato, in charitate, & in pœnitentia nondum perfecta, non est orandum ? Constat quod non valet.

Ad idem inducunt illud 2. Cor. 5. v. 10. *Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum.* Hic dicitur quod refert prout gessit, non prout alius gessit pro eo ; ergo non prodest alicui defuncto, quod alius facit pro eo.

Respondemus : eadem ratione posses concludere, quod non prodest alicui vivo, quod alius facit pro eo, quod patet esse hæreticum : Ecclesia enim Dei orat pro peccatoribus, & Ap. in multis locis petit suffragia eorum, quibus scribit, sicut patet Rom. 15. v. 30. Coloss. 4. v. 3. Item dicit se orare pro eis sine intermissione, ut patet Rom. 1. v. 9. & in aliis locis.

Præterea, ibi loquitur Ap. de iudicio universali, (17) ut patet per litteram *omnes nos &c. ut referat unusquisque &c.* quod ergo Apoc. dicit *ut referat*, sensus ejus est, idest ut recipiat remunerationem, vel damnationem secundum opera sua ; per hoc ergo non removetur quin aliquis possit juvari ante illud iudicium universale, si decessit in pœnitentia inchoata, sed nondum finita.

Item 1. Jo. 5. v. 15. *Est peccatum ad mortem : non pro illo dico ut roget quis.* Ecce quod hic dicitur quod aliquis est in aliquo peccato, pro quo non est orandum ; sed nullum est peccatum adeo grave, de quo quis non possit pœnitere dum vivit, ut ostensum est supra in cap. de pœnitentia ; Istud ergo quod Joannes dicit, intelligitur de jam mortuis.

Sol. si peccatum illorum dicis peccatum ad mortem, qui jam sunt mortui in peccatis, dico quod non oramus pro illis, qui decedunt in peccato ad mortem, sed pro illis, qui cum charitate decesserunt, & cum pœnitentia de peccato mortali quod fecerunt.

Præterea : Ex littera B. Jo. non habetur, quod peccatum ad mortem sit peccatum mortale eorum, qui jam sunt mortui, imo qui adhuc sunt vivi, sic enim ait. *Qui scit fratrem suum peccare peccatum non ad mortem, petat, & dabitur ei vita peccanti non*

ad mortem. Postea subdit : *Est peccatum ad mortem : non pro illo dico, ut roget quis.*

Præterea : Non dicit quod non sit orandum pro tali, sed dicit *non dico*, idest non præcipio ut roget quis pro illo. Sed licet non dicat quod nos oremus pro illo, nunquid propter hoc prohibet orare pro illo ? Certe non.

Item, objiciunt illud Apoc. 14. v. 13. *Opera enim illorum sequuntur illos :* hic dicitur *opera illorum*, non opera aliorum ; ergo orationes, & beneficia vivorum non profunt mortuis.

Sol. Verum est, quod opera illorum bona sequuntur illos, hæc enim sequuntur electos ad remunerationem ; similiter & peccata mortalia sequuntur pravos ad damnationem ; sed per hoc non removetur, quin opera aliorum juvent bonos ad pœnæ purgatorii alleviationem.

Ad idem inducunt illud Jerem. 7. v. 16. *Tu ergo noli orare pro populo hoc, nec assumes pro eis laudem, & orationem, & non obstitas mihi : quia non exaudiam te.* Si Dominus prohibuit orare pro illis, quorum merita poterant in bonum commutari ; multo minus orandum est pro illis quorum merita commutari non possunt.

Istud argumentum pessimum est, tale est enim : Non est orandum pro idololatriis, & contumacibus, & rebellibus ; ergo non est orandum pro fidelibus defunctis in charitate, & pœnitentia.

Si autem dicas mihi, quare nolebat Dominus ut oraret pro eis, cum tamen vellet quod eos ad pœnitentiam moneret ?

Dico : quod nolebat, quia videbat eorum rebellionem, quæ ibi etiam describitur. Volebat tamen quod eos ad pœnitentiam moneret : & si non pœniterent quod comminaretur eis pœnam, ut notum esset, quod Dominus non nisi ex malitia eorum affligebat eos, & non ex odio.

§. VI.

De iudicio animarum ante diem ultimum : utrum recipiant modo præmium in Paradiso, vel supplicium in inferno ?

Probatio hæretici, quod ante diem iudicii nulli vadant in Paradisum, vel in infernum.

Nunc videndum est de effectu pœnitentiæ completæ, scilicet de iudicio animarum ante diem novissimum ; utrum scilicet animæ completa pœnitentia sua statim recipiant cœleste præmium, & quæ decedunt in peccato mortali æternum supplicium. Sunt enim quidam hæretici, (18) scilicet Cathari, qui hoc dicunt, scilicet quod nec in paradisum, nec in infernum vadunt aliqui, usque ad diem

(17) Eodem recidit S. Thomæ responsio 111. P. 2. c. 11. Art. 11. ad 1. Arg. S. Augustinus in Enchiridio ad Laurentium cap. cx. hanc adhibet interpretationem. *Quia etiam hoc meritum sibi quisque cum in corpore viveret comparavit, ut ei possent ista, nempe preces, suffragiaque prodesse post mortem.*

(18) Catharorum errorem defendunt Græci juniores, Censent enim visionem Dei differri oportere ad diem usque iudicii, sequuntur quidem ex parte sententiam Millenariorum, Corinthi, Papiæ, Justin Martyris, Irenæi, atque aliorum, qui post mille annorum ab resurrectione terrenum cum Christo imperium, tum demum

diem ultimum. Hoc autem probare nituntur auctoritatibus pluribus, in quibus habetur quod iudicium nondum factum est. Dicitur enim Is. 3. v. 14. Dominus ad iudicium veniet cum senibus populi sui; & Dan. 12. v. 1. Et veniet tempus quale non fuit ab eo ex quo gentes esse ceperunt usque ad tempus illud. Et in tempore illo salvabitur populus tuus, omnis qui inventus fuerit scriptus in libro: & Joel. 3. v. 1. & 2. In diebus illis, & in tempore illo cum convertero captivitatem Iuda, & Ierusalem: congregabo omnes gentes; & deducam eas in vallem Josaphat, & disceptabo cum eis ibi. Item v. 12. dicitur: Consurgant, & ascendant gentes in vallem Josaphat: quia ibi sedebo at iudicem omnes gentes in circuitu. Item Mat. 3. v. 12. dicit Joannes Baptista de Christo loquens: Cujus ventilabrum in manu sua, & permundabit aream suam: & congregabit triticum suum in horreum, paleas autem comburet igni inextinguibili. Nec triticum adhuc in horreo est, nec paleae adhuc in igne inextinguibili. Matth. 11. v. 22. Tyro, & Sidoni remissius erit in die iudicii, quam vobis. Sic ergo nondum sunt iudicati, & nondum puniuntur.

Item, Matth. 13. v. 41. & 42. Mittet filius hominis Angelos suos, & colligent de regno ejus omnia (19) scandala, & eos, qui faciunt iniquitatem: & mittent eos in caminum ignis; ergo nondum sunt missi, & nondum puniuntur.

Item, Matth. 20. v. 3. Cum sero autem factum esset, dicit Dominus vineæ procuratori suo: voca operarios, & redde illis mercedem. Pro sero intelligitur finis mundi; ergo tantum in fine mundi reddetur merces bonis; ergo modo non habent mercedem; ergo nec mali pœnam.

Item, Matth. 22. v. 11. 12. & 12. Intravit autem Rex ut videret discumbentes, & vidit ibi hominem non vestitum veste nuptiali. Et ait illi: Amice, quomodo hic intraisti non habens vestem nuptialem. At ille obmutuit. Tunc dixit Rex ministris: Ligatis manibus & pedibus ejus, mittite eum in tenebras exteriores: ibi erit fletus, & stridor dentium; ubi patet quod ante introitum regis, idest ante adventum ejus ad iudicium Ecclesiæ, in qua modo discumbunt boni, & mali, quia eisdem Sacramentis participant communiter, nulli ligantur manus, & pedes, ad-

huc nulli projiciuntur in tenebras exteriores, ubi erit fletus, & stridor dentium.

Item, Matth. 25. v. 31. Cum autem venerit filius hominis in Majestate sua, & omnes Angeli cum eo, tunc sedebit super sedem Majestatis suæ &c. Ubi patet nondum factum esse iudicium, & sic nulli adhuc puniuntur, vel præmiantur.

Item 2. Cor. 5. v. 10. Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum. Nullus ergo adhuc recipit pro ut gessit.

Item 2. Petri 2. v. 9. 10. & 11. Novit Dominus pios de tentatione eripere: iniquos vero in diem iudicii reservare cruciandos... non portant adversum se execrabile iudicium.

Item Lucæ v. 6. Angelos vero qui non servaverunt suum principatum, sed dereliquerunt suum domicilium, in iudicium magni diei, vinculis æternis sub caligine servavit.

Item v. 14. & 15. Prophetavit autem & de his septimus ab Adam Enoch, dicens: Ecce venit Dominus in sanctis millibus suis facere iudicium contra omnes, & arguere omnes impios de omnibus operibus impietatis eorum, quibus impie egerunt, & de omnibus duris, quæ locuti sunt contra Deum peccatores impii.

Solutio prædictorum est, quod duplex est iudicium, (20) unum novissimum, idest in novissimo die faciendum de toto homine, idest secundum animam, & corpus; alterum vero de homine interiori tantum, idest de anima. Et de primo iudicio, quod erit de toto homine intelligitur auctoritas Is. 3.

Item auctoritas Dan. 12. ubi dicitur. In tempore illo salvabitur populus tuus. Tunc enim populus electorum salvabitur non tantum secundum animam, sed secundum corpus. De eodem iudicio intelligitur auctoritas Joel. 3. & Matth. 3. Dicimus enim secundum auctoritatem Matth. triticum nondum esse in horreo totaliter, nec paleas in igne totaliter, sunt tamen ibi secundum quid. Similiter autem respondendum est ad auctoritatem Matth. 11. & concedendum, quod nondum iudicati sunt aliqui totaliter, & nondum totaliter puniti, (21) nondum in ignis caminum missi totaliter, nondum redita

Deum a Sanctis videndum esse arbitrabantur. Hæresim Græcorum, Catharorum, Millenariorum confixit Synodus Florentina in Decr. union. Græc. Verum Calvinus, qui plus sibi sapere quam Ecclesia videbatur lib. 1. v. Hist. cap. xx. stultum esse, dixit, & temerarium inquirere quo loco sunt anime iustorum, & angustia fruuntur nec ne. Interea cum Scriptura ubique jubeat pendere ab expectatione adventus Christi, & gloriam, & coronam eoque differat, contentis nos esse debere his finibus divinitus præscriptis, animas piorum militare labore perfunctas in Beatam quietem concedere, ubi cum felici latitia fruitionem promissæ gloriæ expectant. Hactenus Calvinus errans.

(19) Hæc eadem argumenta ex Scripturis olim congeriebant Millenarii, ut non lum datam esse Sanctis, qui decesserunt retributionem evincerent. Adis Ireneum Lib. v. cap. v. seq. & xxxi. seq. Vet. Edit. Laëtantium Lib. vii. cap. xx. xxxiii. xxvi. Ex Græcis autem tum Disceptiones, quæ extant in Synodi Florentinæ Actis, tum etiam, ut Ephesii, aliorumque Opuscula Missa faciam, argumenta quæ contra Catholicum intorquet Schismaticus apud Plusiadem Discept. pro Concilio Florentino pag. 543. seqq. Tom. II. Græc. Orthod. Allatii.

(20) Duplex iudicium admissum fuisse a Patribus, peculiare, unum, generale alterum, nemo est, qui inficiari jure possit. Itaque

Sanctorum animas statim atque ex hac mortali vita migraverint Dei visione sempiternoque Regno potiri testantur. Nec injuria. Etenim Evangelium, Paulus in suis Epistolis, atque constans Ecclesiæ Traditio hoc idem omnino postulat. Adeundus Vir Doctissimus Ludovicus Antonius Muratorius in Opere de Paradiso, quod ante aliquot annos edidit contra Burnetum impotenti ingenio hæreticum, qui millenariorum errorem, ex orco rursus revocare ausus est.

(21) Nempe corpore, quo carebunt animæ ad diem usque iudicii. Qui enim puniri, aut gaudere corpore, quo vacant, poterunt? Animas autem Sanctorum continuo Beatitate potiri, impiorum autem æternis addici suppliciis, compertum est. Adis SS. Johannem Chrysostomum Homil. v. ad Populum Antiochenum, Homil. I. ad Viduam juvenem; Gregorium Nazianzenum Orat. xix. & xx. Gregorium Nisenum. In Vit. S. Ephrem. &c. Huc item cadunt quæ habet Plusiadenus in Discept. pro Concilio Florentino respondens Schismatico apud Allatium Græcæ Orthodoxæ To. II. pag. 642. Si diceremus Sanctos corpore, & animo perfecte recepisse, tum absurdum non absque sequeretur. Nunc vero nos non ita affirmamus, sed animas tantum perfecte recipere, ut Sanctus Johannes Damascenus refert, & perfectam in Cælis coronam receperunt, quod de corporibus non asseritur, sed de animis: in iudicio vero tum animæ, tum corpora simul gloria perfruentur.

dita merces totaliter omnibus electis, ut vult autoritas Matth. 20.

Per hæc etiam patet solutio ad autoritatem Matth. 22. *Intravit autem &c.* Item 25. *Cum venerit &c.* Item ad verbum Ap. 2. Cor. 5. *Omnes enim nos &c.*

Item ad illud 2. Petri 2. *Novit Dominus &c.* supple; Novit eos reservare ad animæ cum corpore tormentum.

Quod autem subdit de Angelis, *non portant adversum se execrabile iudicium*, intelligitur sic, idest vix portant; sicut etiam dicit David Psalm. 139. v. 11. *Cadent super eos carbones, in ignem dejicies eos: in miseriis non subsistent*: Imo subsistent sine fine; quod ergo dicitur *non subsistent*, intelligitur sicut prædiximus.

Item Psalm. 147. v. 17. dicitur: *Ante faciem frigidus ejus, quis sustinebit?*

Item Is. 33. v. 14. *Quis poterit habitare de vobis cum igne devorante?*

Ad illud quod habetur Judæ v. 6. *In iudicium magni diei, vinculis æternis sub caligine reservavit*; Respondetur, supple ad majus tormentum. Unde etiam quia præsentia Christi magis torquebantur dæmones solito, ideo dicunt ad eum Matth. 8. v. 29. *Venisti huc ante tempus torquere nos*, non quia non torquerentur ante, sed quia tunc magis torquebantur.

Ex prædictis etiam patet solutio ad illud Ep. Judæ v. 14. & 15. *Ecce venit Dominus in Sanctis millibus &c.* Ubi patet quod loquitur de universali iudicio, & de illo, quod fiet in die novissimo de homine toto, & de Angelis apostatis, qui tunc majoribus tormentis adjudicabuntur.

§. VII.

Probatio Ecclesiæ; quod aliqui vadant in Paradisum, vel in Infernum ante diem iudicii.

Quod autem mali homines, & dæmones pœnas habeant ante universale iudicium, patet testimoniis Scripturarum; dicitur enim Lucæ 16. v. 22. *Factum est autem (22) ut moreretur mendicus, & portaretur ab Angelis in sinum Abraham. Mortuus est autem & dives, & sepultus est in Inferno*. Dives ergo in Inferno erat: sed nunquid ibi torquebatur? Utique, ut patet ex litera, quæ sequitur

v. 23. & 24. *Elevans autem oculos suos cum esset in tormentis, vidit Abraham a longe, & Lazarum in sinu ejus: & ipse clamans dixit: Pater Abraham, miserere mei, & mitte Lazarum ut intingat extremum digiti sui in aquam, ut refrigeret linguam meam, quia crucior in hac flamma.*

Et ne dicas quoniam non est standum verbis ejus, audi quid dicit Abraham v. 25. *Fili recordare, quia recepisti bona in vita tua, & Lazarus similiter mala: nunc autem hic consolatur, tu vero cruciaris.*

Si autem dicat, ista dicta esse parabolice, & pro die iudicii futuri:

Contra: Nonne vides quid dicat dives v. 27. & 28. *Rogo ergo te pater, ut mittas eum in domum patris mei, habeo enim quinque fratres, ut testetur illis, ne & ipsi veniant in hunc locum tormentorum?* Idest taliter vivant, idest pœnitentiam agant, sicut ibi tangit. Istud pro die iudicii non potest intelligi, sed ante. Dives ergo erat in Inferno, & fratres ejus adhuc in mundo erant viventes.

Idem etiam patet per verba Abraham ad ipsum v. 29. *Habent Moysen, & Prophetas: audiant illos*, quod nequaquam poterit esse post diem, vel in die iudicii.

Si autem dicas modo de Lazaro, quod erat in sinu Abraham, quod nondum erat in Paradiso.

Concedo hoc: & tamen consolabatur, non cruciabatur. Quod autem non erat in Paradiso, hoc erat quia nondum facta erat redemptio, nondum solutum erat pretium mundi.

Item Lucæ 23. v. 43. Dixit Jesus Latroni, qui dixerat ei v. 42. *Domine, memento mei, cum veneris in regnum tuum. Hodie mecum eris in (23) Paradiso*. Constat quod tunc erat secum in tormentis crucis, & corporaliter: dixit autem ei, quod futurus esset secum, quod non potest intelligi secundum corpus; hoc ergo intelligitur secundum spiritum, idest, quod spiritus latronis esset futurus cum spiritu Christi, quem in manus Patris commendaverat Christus. Ubi autem foret secum illo die, dicit, scilicet in Paradiso; non quidem loci positione ante ascensionem, sed Dei visione, & fruitione, hic enim est Paradisus, quia *Hæc est vita æterna, ut cognoscant te, solum Deum verum, & quem misisti Jesum Christum* Jo: 17. v. 3.

Nec potest dicere Catharus, quod Paradisus ibi dicitur Ecclesia, quæ in illo die secundum eum non erat, nec fuit ante adventum Spiritus Sancti post resurrectionem.

Si autem alius esset quam Catharus, qui diceret Ecclesiam tunc fuisse.

Dicendum est illi, quod verum est, Ecclesiam tunc

B b b

fuisse

(22) Eustratius Ecclesiæ Constantinopolitane Presbyter. In Refutatione eorum qui dicunt humanas Animas statim atque a propriis corporibus soluta fuerint non operari &c. pag. 538. Apud Alar. De Consensu utriusque Ecclesiæ in Dogmate de Purgatorio, sepultura, inquit, de divite Epulone loquens, est cum transire, non valeas, neque prætergredi Principem mundi, & tenebrarum, & quæ sub eo sunt potestates rebelles & ordines. Nec alia ratione de animabus, quæ vitiis implicantur, nonnulli ex Patribus locuti sunt. Ex quo conjectari licet, quibus in locis degant, postquam separatae fuerint a corporibus.

(23) Nihil circuitio est opus. Nam in Paradiso secum latro nem futurum ea die, pronuntiavit Christus, Ergo ne Millenarii

quidem hinc effugere poterant, cum Animas terreno Regno in Paradiso terrestri cum Christo potituras post resurrectionem iactabant. Scio fuisse aliquos qui tò hodie affirmationem indicare futuræ rei contenderent, non præsentis; rursumque alios, qui sic legendum esse censerent: Amen dico tibi hodie; mecum eris in Paradiso: contra fidem omnium Codicum Mss. Nam punctuatio inter tò hodie, & mecum nugatoria est. Vide Theophylactum in cap. xxiii. Evang. Luca. Quamobrem SS. Patres omnes Paradisi nomine gloriam sempiternam intelligi oportere defendunt. Consule Johannem Chrysostomum Homil. x. De Pœnitentia, Johannem Jejunatorem Orat. De Virginitate, Hilarium Lib. x. De Trinitate, Epiphanium Hæresi xvi. &c.

fuisse: sed tamen quod dicitur: *Hodie mecum eris* (24) in *Paraiso* non potest intelligi de Ecclesia, quæ in hoc seculo peregrinatur, quia Dominus dicit *eris*, de futuro loquens, & de Latrone post mortem.

Præterea: Jam secum erat in Ecclesia, jam enim se accusaverat, jam nomen Domini invocaverat, dicens: *Domine &c.* David autem dixit Psalm. 31. *Dixi: Confitebor adversum me iniquitatem meam Domino: & tu remisisti impietatem peccati mei*, v. 5. jam ergo erant ei dimissa peccata, jam ergo erat de Christi Ecclesia.

Item Philip. 1. v. 21. dicit Ap. *Mihi enim vivere Christus est, & mori lucrum*. Dicit Ap. quod Christus est ei vivere, idest finis vitæ suæ, quia ad hoc erat ejus vita finaliter, ut Christum lucrificaret: mori autem erat ei lucrum. Quid autem lucraretur dicit ibidem v. 23. & 24. *Coarctor (25) autem e duobus desiderium habens dissolvi, & esse cum Christo, multo magis melius: permanere autem in carne necessarium propter vos*. Prius dixit v. 22. *Quod si vivere in carne, hic mihi fructus operis est, & quid eligam ignoro*; quasi diceret, nisi ex vivere in carne esset tam dignus fructus, non dubitarem quin eligerem mori, sed quia est tantus fructus, ideo ignoro quid ex duobus eligam: *Coarctor autem e duobus: ego dico, desiderium habens dissolvi, & esse cum Christo*, quia multo magis melius est: *permanere autem in carne necessarium propter vos*: expresse dicit Ap. quid lucrabatur mors sua, sive dissolutio, quia lucrabatur esse cum Christo: ubi autem Christus esset, dicit Beatus Stephanus Act. 7. v. 55. *Ecce video Caelos apertos, & filium hominis stantem a dextris Dei*.

Item Philip. 2. v. 9. *Deus exaltavit illum, & donavit illi nomen, quod est super omne nomen*. Talia ergo lucrabatur mors Apostoli; quare igitur negas fidelium animas ante diem novissimum esse in Cælis, vel in gloria Cœlesti?

Item Apoc. 6. v. 9. 10. & 11. *Vidi subtus altare animas interfectorum propter verbum Dei, & propter testimonium, quod habebant, & clamabant voce magna, dicentes: Usquequo Domine sanctus, & verus non judicas sanguinem nostrum de iis, qui habitant in terra? Et data sunt illis singula stola alba*. Ecce quomodo dicit, quod vidit animas illas sub altari Cœlestis templi, quod altare Christus est, in cujus fide Ecclesia omnia sua sacrificia offert Domino, & dicit quod eis datæ sunt singula stola alba; ergo jam habebant remunerationem, & si non totalem.

Si autem dicat aliquis hæreticus, quod prophetia est illud, quod dictum est: *Et data sunt illis singula stola alba*, & ponitur præteritum pro futuro; ut mos est prophetarum.

Respondeo: Imo pure de præterito intelligitur, quia dicitur statim: *& dictum est illis ut requiesce-*

rent, idest, expectarent, *ad hoc tempus modicum donec compleantur conservi eorum, & fratres eorum, qui interficiendi sunt sicut & illi*.

Item Apoc. 1. v. 9. Dicitur. *Post hæc vidi turbam magnam, quam dinumerare nemo poterat ex omnibus gentibus, & tribubus, & populis, & linguis: stantes ante thronum, & in conspectu agni, amicti stolis albis, & palma in manibus eorum*.

Item eodem cap. v. 13. 14. 15. & 16. *Et respondit unus de senioribus, & dixit mihi: Hi qui amicti sunt stolis albis, qui sunt? Et unde venerunt? Et dixi illi: Domine mi, tu scis. Et dixit mihi: Hi sunt, qui venerunt de tribulatione magna, & laverunt stolas suas, & dealbaverunt eas in sanguine Agni. Ideo sunt ante thronum Dei, & serviunt ei die ac nocte in templo ejus: & qui sedet in throno habitabit super illos: non esurient, neque sitient amplius, nec cadet super illos Sol, neque ullus æstus. Si amicti sunt stolis albis, & non esurient, &c. ergo jam habent præmium, licet non totum*.

Item Apoc. 14. 12. 13. *Beati mortui qui in Domino moriuntur. Amodo jam dicit spiritus, ut requiescant a laboribus suis: opera enim illorum sequuntur illos*. Hic aperte dicitur, quia opera bonorum, qui in Domino moriuntur, sequuntur eos: constat autem, quod hoc non potest intelligi de operibus ipsis; ergo de mercede operum; ergo statim post mortem habent mercedem, & si non totam.

Item Apoc. 19. v. 20. Dicitur de bestia quadam, & de pseudopropheta qui fecit signa, quibus seduxit homines, quod *Vivi missi sunt hi duo in stagnum ignis ardentis sulphure*. Et cap. 20. v. 1. 2. & 3. *Et vidi Angelum descendantem de Cælo, habentem clavem abyssi, & catenam magnam in manu sua. Et apprehendit draconem, serpentem antiquum, qui est Diabolus, & Satan, & ligavit eum per annos mille: & misit eum in abyssum, & clausit, & signavit super illum ut non seducat amplius gentes, donec consummentur mille anni. Abyssum appellat stagnum prædictum, & sic patet, quod Satan, & pseudopropheta ante diem novissimum pœnas patiuntur in Inferno, idest in abyssu, vel in stagno ignis ardentis sulphure*.

Idem etiam patet per illud, quod David ait ad Dominum Psalm. 67. v. 19. *Ascendisti in altum, cepisti, idest captivam duxisti, captivitatem*. Hoc dicit Ap. Eph. 4. v. 8. completum esse in ascensione Domini; ergo in ascensione Domini aliqui ingressi sunt cœleste Regnum.

Ad idem facit illud Hebr. 4. v. 10. *Qui enim ingressus est in requiem ejus: etiam ipse requievit ab operibus suis, sicut a suis Deus*.

Item v. 11. *Festinemus ergo ingredi in illam requiem*.

Item Jac. 1. v. 12. *Beatus vir, qui suffert tentationem: quoniam cum probatus fuerit, accipiet coronam*

(24) Sapienter Moneta. Nam ut sæpe ante animadvertit, Cathari Scripturarum testimonia sic intelligi volebant, ut quæ futuro tempore exprimerentur, de re futura semper, quæ præsentis, de re præsentis, quæ præteritis, de re præteritis lumerent.

(25) Optabat ergo dissolvi a corpore, quod statim sibi mercedem polliceretur. Alioqui quorsum desiderasset tam cito ex hac vita migrare. Lucem huic *paræ* affundit, quod habet Clemens

Alexandrinus Lib. 14. Strom. pag. 599. Edit. Oxonien. Quid enim, quod ad nos quidem attinet, nobis fit injuria, cum morte soluti tendimus ad Dominum; nec aliter vitæ mutatione afficimur, quam qui ex una ætate ad aliam transeunt? Si autem sapiamus, iis gratias habebimus, qui nobis præbuerint occasionem celeris migrationis, si propter dilectionem Martyres sumus.

nonam vitam. Nota quod dixit: *cum probatus fuerit, accipiet coronam vitam*. (26)

CAP. X.

De Judicio Universali, An sit factum.

Quarto loco agendum est de Universali Judicio, an sit factum, (1) an non? Sumimus autem Judicium pro vindicta reprobatorum, & remuneratione electorum. Quod vero sit factum, voluit hæreticus ex eo, quod legitur Jo. 3. v. 18. *Qui autem non credit, jam judicatus est*. (2)

Ad hoc dico, quod illud dictum est per causam, quasi dicat: causam habet quare judicandus est, scilicet incredulitatem. Quod autem ita sit, patet per illud, quod præcedit: *Qui credit in eum, non judicatur*, idest, est sine causa iudicii suæ damnationis, sic enim sumitur iudicium, quod patet ex præcedenti verbo v. 17. *Non enim misit Deus filium suum in mundum, ut judicet mundum, sed ut salvetur mundus per ipsum*.

Item, quod ita debeat intelligi: *qui autem non credit jam judicatus est*, idest causam habet iudicii, idest damnationis in se ipso, patet: sic enim dicitur statim: *Quia non credit in nomine unigeniti Filii Dei. Hoc est autem iudicium: quia lux venit in mundum, & dilexerunt homines magis tenebras, quam lucem*. Constat, quod istud non esset iudicium, scilicet adventus Christi in mundum jam factus, nec dilectio tenebrarum magis, quam lucis dilectio; si enim aliud non fieret peccatoribus, istud non curarent, immo multo plures diligerent adhuc magis tenebras, quam lucem. Istud ergo non est iudicium proprie loquendo, sed iudicii causa; & propter hoc iudicium appellatur.

Hic notandum est multiplex esse iudicium; scilicet discretionis bonorum a malis, & e contrario; & hoc est duplex: unum secundum qualitatem de quo dicit David Psalm. 42. v. 1. *Judica me Deus, & discerne causam meam a causa malorum*, ut ego scilicet bonam causam habeam, non ut illi malam. Sed quia ista distinctio, sive iudicium ex Dei munere, & eitribuendum est, ideo Apostolus Corinthios de meritis baptismatum se iactantes, & aliis præferentes arguit Ep. 1. cap. 4. v. 7. dicens: *Quis enim te discernit?* Supple, nisi Deus; unde cap. 3. v. 7. dixerat eis: *Itaque neque qui plantat est aliquid, neque qui rigat: sed qui incrementum dat Deus*. Secundum iudicium discretionis est secundum locum; & hoc dupliciter, unum in iudicio, de quo Matt. 25. v. 33. *Et statuet oves quidem a dextris suis, hædos autem a sinistris*; alterum post iudicium, de quo

ibidem v. 46. *Et ibunt hi in supplicium æternum: justi autem in vitam æternam*. Est etiam iudicium iusti examinis, de quo Rom. 14. v. 12. *Unusquisque nostrum pro se rationem reddet Deo*.

Item 2. Cor. 5. v. 10. *Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum*. Istud patet nondum esse factum ex verbis præmissis ipsius Ap.

Item Matth. 25. v. 34. & 41. *Tunc dixit Rex &c.* Quare autem istud iudicium fiat a Deo, cujus oculis omnia nuda sunt, & aperta, est suæ iustitiæ declaratio, & omnis excusationis a malo remotio. De prima Rom. 2. v. 5. *Secundum autem duritiam tuam, & impænitens cor, thesaurizas tibi iram in die iræ, & revelationis iusti iudicii Dei*. De secunda patet Matth. 7. v. 22. *Multi dicent mihi in illa die: Domine Domine, nonne in nomine tuo prophetavimus &c.*

Item Math. 25. v. 44. & 45. *Quando te vidimus esurientem... Amen dico vobis: Quamdiu non fecistis uni de minoribus his, nec mihi fecistis*. Tertium iudicium est prolationis sententiæ pro bonis, & contra malos: sic habetur Mat. 25., quod iudicium nondum factum est. Et ad hoc possunt induci illa testimonia quæ præmissa sunt proximo Cap. de iudicio animarum ante diem novissimum, ex quibus constare potest, universale iudicium nondum esse factum, licet illi qui ponunt duo principia dicant quod factum est, falso tamen, quando populus Dei peccavit in cælo, propter quod a Deo patre iustorum iusto iudicio in huius mundi exilium eiectus est: qui etiam mundum ponunt esse infernum, in quo populum Dei prædictum pœnitentiam agere contendunt, de quo satis dictum est supra in principio huius operis.

Nos autem universale iudicium futurum esse credimus in die novissimo: & ad hoc probandum facit illud verbum Rom. 2. a. v. 5. usque ad 4. *Secundum autem duritiam tuam, & impænitens cor, thesaurizas tibi iram, in die iræ, & revelationis iusti iudicii Dei, qui reddet unicuique secundum opera ejus: iis quidem qui secundum patientiam boni operis, gloriam, & honorem, & incorruptionem querunt, vitam æternam: iis autem qui sunt ex contentione, & qui non acquiescunt veritati, credunt autem iniquitati; ira & indignatio. Tribulatio, & angustia in omnem animam hominis operantis malum*. Ecce dicit de Deo quod reddet, & ita futurum est, dicit etiam unicuique, & ita universale erit iudicium, & dicit quando, quia *in die iræ &c.*

Item 2. Thess. 1. v. 6. 7. & 8. *Si tamen iustum est apud Deum retribuere tribulationem iis, qui vos*

Bbb 2

tri-

(26) Consulendus doctissimus Ludovicus Antonius Muratorius in Opere de Paradiso, quod Contra Chiliastram Burnetium edidit, & in quo multa habet, quæ ad hoc quæstionis genus illustrandum maxime conducunt.

(1) Hoc portentum opinionis tuebantur Cathari Albanenses, Concorrenses, & Bagnolenses, seu Bajolenses. Vide Peregrinum Priscianum, In Proleg. ad hoc opus pag. xxii. Iidem ipsi hæretici censebant nondum homines bonos, qui mortui sunt, requiem esse adeptos, affectoque sempiternis suppliciis malos, qui decesserunt. Verum quemadmodum hæc duo genera sententiarum coniungi possint, non video. Pugnantia quippe videntur esse, ut iudicium factum sit remunerationis electorum, & vindictæ reproborum, etsi hætenus neque electi remunerationem obtinuerint, neque reprobi vindictam passi sint. Nisi forte de iudicio animarum, quæ in Cælo peccarunt, id intellexerint, quæ vindictam passæ sint, cum in hæc crassa corpora detrusæ fuerunt, quæ tamen explosa est sententia.

(2) Ut pereat, nisi resipiscat. Sed quamdiu vivit homo fidem amplecti, charitatemque colere, si velit, potest, tumque jam salvabitur. Hoc autem dixit Christus, ut necessitatem fidei nostræ indicaret. Cujusmodi autem sit hæc necessitas præclare ostendunt Patres, imprimisque Theodoretus *Serm. I. Therapev.*

tribulant : & vobis qui tribulamini , requiem nobiscum in revelatione Domini Jesu de Cælo , cum Angelis virtutis ejus , in flamma ignis dantis vindictam iis , qui non noverunt Deum , & qui non obediunt Evangelio Domini nostri Jesu Christi . Ubi ostenditur generalem a Deo esse vindictam , scilicet ad illos qui fidem Christi non receperunt , unde qui non noverunt Deum ; & ad Christianos malorum operum , & qui non obediunt Evangelio .

Item Mat. 16. v. 27. dicit Christus : *Filius enim hominis venturus est in gloriam Patris sui cum Angelis suis : & tunc reddet unicuique secundum opera ejus .* Vide quia dicit venturus est , & tunc reddet , & ita futurum est judicium , quod universale erit , quia dicit *unicuique* .

Item Mat. 24. v. 27. *Sicut enim fulgur exit ab Oriente , & paret usque in Occidentem : ita & adventus filii hominis .*

Item dicit Paulus act. 17. v. 30. & 31. *Et tempora quidem hujus ignorantia despiciens Deus , nunc annunciat hominibus ut omnes ubique pœnitentiam agant , eo quod statuit diem , in quo judicaturus est orbem in aequitate , idest secundum opera sua .*

Item 1. Thess. 4. v. 14. & 15. *Hoc enim vobis dicimus in verbo Domini . . . Quoniam ipse Dominus in jussu , & in voce Archangeli , & in tuba Dei descendet de Cælo Et c. 5. v. 2. dies Domini , sicut fur in nocte , ita veniet .*

Item 2. Thess. 2. v. 2. *Ne terreamini , neque per sermonem , neque per Epistolam tanquam per nos missam ; quasi insset dies Domini .*

Item 2. Petri 3. v. 10. *Adveniet autem dies Domini ut fur (3) de quo habetur in cap. de Purgatorio*

Item Math. 25. v. 1. *Tunc simile erit Regnum Cælorum decem Virginibus : Tunc dicit , quando scilicet filius hominis veniet , & ubi dicitur c. 44. v. 5. Dividet eum , partemque ejus ponet cum hypocritis , illic erit fletus , & stridor dentium , ista omnia futura sunt in die judicii universalis , de quo agitur Mat. 24. & 25. v. 31. usque ad finem . ubi dicitur : Cum autem venerit filius hominis in majestate sua . . . usque iusti autem in vitam æternam .* Notandum quod dicit *Cum venerit , & tunc sedebit* quæ omnia futura sunt , & ita universale judicium futurum est , & nondum factum , in quo boni bona , & mali mala recipient , secundum quod meruerunt . De ista sede & judicio dicitur 2. Cor. 5. v. 10. *Omnes enim nos manifestari oportet ante tribunal Christi ut referat unusquisque propria corporis prout gessit , sive bonum , sive malum .*

Præterea : si dicis quod illud judicium , de quo Mat. & Ap. loquuntur , est factum , unde hoc habes , & quo testimonio ostendere potes ? In veritate nullo .

Præterea , si hoc judicium factum esse dicis quando Deus Pater populum qui peccavit coram eo a se ejecit .

Nonne hic habetur quod Dominus dicet his qui a dextris erunt : *Venite benedicti Patris mei , possidete paratum vobis regnum a constitutione mundi ; esurivi enim & dedistis mihi manducare &c.* Aut ista sustinuit filius hominis antequam peccaret populus suus , sive (4) oves ejus , aut post ? Si ante , dicas ergo mihi quæ differentia est inter esuriem & sitim , & quid esuriebat , & quid sitiebat filius hominis in cælo ; item quomodo hospes fuit in cælo , & quomodo in carcere fuerit , aut infirmus &c. Ista enim , vel ad minus quædam eorum , nec in se nec in membris ejus possunt convenire ante peccatum .

Si autem dicas , quod post peccatum populi sui ista sustinuit in membris suis .

Contra : Ista membra erant infirma , in carcere , & nuda , esurientia , & sitientia , & hospitium non habentia ; ergo erant mala , hujusmodi enim esse non possent , si essent bona . Isti autem quibus loquitur : *Esurivi enim , & non dedistis mihi manducare* , erat populus qui peccavit coram eo : esuriebant ergo , & sitiebant , & hospitio carebant , item infirmabantur , & in carcere erant , atque nudi existerant ; quomodo ergo poterant eum vestire , vel dare ei cibum , aut potum aut hospitium &c. quoad membra sua ? Nec potes dicere quod ipse Christus in se ipso talis esset .

Præterea dicitur illis : *Discedite a me maledicti in ignem æternum* ; Ergo isti sine fine affligentur ; ergo aliqui de creaturis cœlestis Dei damnabuntur . Si enim dixeris , quod de ejus creatione non sunt , hoc stare non potest , tum quia arguit eos qui cibum , aut potum suum ei esurienti , & sitienti non dederunt , ipse enim eorum cibum esurire non posset : tum quia illi libenter volebant salvari ; istud autem esse non posset , si essent naturaliter mali , quia cœlestis salus contra eorum esset naturam .

Quidam eorum dixerunt , quod istud verbum *esurivi &c.* dixit Deus malignis , idest dæmonibus , qui animas non permiserunt satisfacere Deo bono ; Angeli autem ibi dicuntur dæmones illi majores .

Sed hoc stare non potest propter ultimam rationem , quam modo posuimus ; tum quia Christum Dominum appellant ; tum quia illa ei non fecerunt .

Item si dixeris quod istud æternum habet finem .

Contra : Dominus exponit quid appellet *ignem æternum* , cum dicit : *Et ibunt hi in supplicium æternum* ; si ergo æternum finem habet , male ergo erit iustis , de quibus Dominus dicit statim : *Iusti autem in vitam æternam* ; sic enim beata vita iustorum aliquando erit habitura finem .

Præterea Quod ignis ille , vel supplicium finem habeat , stare non potest , cum dicatur Marci 9. v. 46. & 46. *Bonum est tibi luscum introire in Regnum Dei , quam duos oculos habentem mitti in gehennam ignis : ubi vermis eorum non morietur , & ignis non extinguetur .* Hoc idem habetur Isa. 66. v. 24.

Ver-

(3) Cur autem sicut fur dies Domini ventura sit , explicant plerique omnes SS. Patres . Basilii Magni lib. 1. v. Adv. Eunomium . Quoniam , inquit , non conducebat hominibus judicii tempus audire , iacinto retinebat Christus . Nam expectatio quidam perpetua ferventiores ad pietatem reddit . Adeunt SS. Joannes Chry-

ostomus Homil. xlv. In Iohannes . Isidorus Pelusiotes lib. 1. Epist. clxvi . Basilii Seleuciensis Orat. v. Basilii Magni Epist. cclxxxiii .

(4) Adludit ad Catharorum illorum sententiam , qui animas in Cælo peccasse ajebant , easque appellabant oves Israel .

Vermis eorum non morietur, & ignis eorum non extinguetur.

Præterea, quomodo potest esse, quod illud iudicium jam sit factum, cum Dominus post parabolam de decem virginibus, ubi agitur de adventu ad iudicium, timore illius moneat vigilare nunc, dicens: Mat. 25. v. 12. *Vigilate itaque, quia nescitis diem, neque horam, sicut enim &c.* usque ad v. 30. *Illic erit fletus, & stridor dentium.* Quomodo autem fiet illa ejectio, subdit Dominus in prædictis verbis *Cum autem venerit &c.*

Item c. 24. ubi agitur de eodem iudicio, monet ad vigilandum timore ejusdem iudicii dicens v. 42. *Vigilate ergo quia nescitis qua hora Dominus venisset venturus sit;* & post pauca verba subdit v. 48. & seqq. *Si autem dixerit malus servus ille in corde suo: Mordm facit Dominus meus venire.. veniet Dominus servi illius in die quam non sperat, & hora quam ignorat: & dividet eum, partemque ejus ponet cum hypocritis, illic erit fletus, & stridor dentium.* Nota, quod dicit *vigilate* scilicet nunc; & dicit *quare*, quia propter iudicium, in quo dividetur malus servus, scilicet hædus ab ovibus. Hoc autem si factum esset, & non faciendum, non esset amplius timendum: quod autem factum non sit, patet per illud Rom. 12. v. 19. *Mibi vindicta: ego retribuam, dicit Dominus*, quod falsum esset si iudicium condemnationis jam esset factum contra peccatores. (5)

Notandum etiam, quod ipsi Cathari, qui ponunt duo principia, (6) aliud ponunt iudicium discretionis, seu divisionem suorum a non suis, & e contra. Primum autem fuit iudicium ovium, idest divisio earum a se propter peccatum in cælo factum, sed sicut de hoc nullum habent testimonium, ita nec de secundo, nisi illud quod habemus Mat. 24. v. 51. *Dividet eum &c.* & 25. v. 32. *& separabunt eos ab invicem.* Volunt autem quod non sit aliud iudicium nisi discretio, sive divisio prædicta: dicunt autem quod incæpit ab adventu Christi, & dicunt diem futurum in quo Dominus populum suum de statu uno ad statum alium meliorem revocabit. Ego autem intelligo iudicium retributionem condignam bonorum, & malorum secundum opera sua, ut verum sit quod dicitur a Christo Marci 12. v. 4. *Quid ergo faciet Dominus vineæ? Veniet, & perdet colonos.* Quomodo autem perdet dicitur Mat. 24. v. 51. *Dividet eum*, ecce iudicium discretionis, *partemque ejus ponet cum hypocritis, illic*

erit fletus, & stridor dentium. Ecce iudicium duræ punitionis, propter quod dicit Ap. Hebr. 10. v. 31. *Horrendum est incidere in manus Dei viventis.* Idem patet Mat. 25. v. 30. *Inutilem servum ejicite in tenebras exteriores.* Idem etiam patet Mat. 13. in parabola zizaniorum, & in auctoritate prædicta Rom. 2. *Tu autem secundum duritiam &c.* Ex quibus omnibus patet, quod unus est Dominus videlicet boni, & mali, præmii, & supplicii, & ita unica creatio, & unicus Creator, quia unus est, iudex bonorum & malorum, salvandorum, & damnandorum in fine, quod etiam patere potest ex parabola decem Virginum, quarum quinque erant fatuæ, & quinque prudentes.

CAP. XI.

De Inferno.

Utrum Mundus iste sit Infernus?

Quinto, quia ponunt mundum istum esse (1) Infernum, locum scilicet damnatorum, & non alium, videamus utrum hoc verum sit, an non. Quod autem verum non sit, patet ex parabola Divitis, & Lazari Lucæ 16. In primis autem videamus de qua creatione fuerit Dives ille. Si dicatur quod malæ creationis erat.

Contra: Quomodo ergo desiderium boni habebat, scilicet guttæ cadentis de digito Lazari super linguam ejus: nullus si naturaliter malus esset, posset desiderare aliquid bonum, quia bonum esset contra ejus naturam. Nonne vides quod naturale est ranæ in luto vivere? Utique: nonne vides quod si in lecto pulcherrimo poneretur, fugeret ad lutum, tanquam a contrario suæ naturæ, ad conveniens naturæ suæ?

Præterea, quomodo poterat esse malæ creationis, quem Abraham cælestis, secundum te, vocat filium suum, & Dives eum appellat Patrem?

Præterea, quomodo ipse rogabat Abraham ut mitteret Lazarum ad prædicandum fratribus suis, ne venirent illuc; sic enim ait v. 27. & 28. *Rogo ergo te Pater, ut mittas eum in domum patris mei: habeo enim quinque fratres ut testetur illis, ne & ipsi veniant in hunc locum tormentorum, valde enim sollicitus erat de illorum salute, quod non posset esse, si esset dæmon, & malæ creationis.*

Si

(5) Omnia scripturæ loca plane indicant iudicium nondum esse peractum. Consentiant universi Patres, quorum longum est numerare sententias. Atque in re quidem aperta immorari nefas habeo. Nemo enim id aulic revocare in controverfiam. Ergo uno Ifidori Pelusiota lib. 1. Epist. CCXXXI. testimonio contentus ero. Sic autem habet: *Per id quod vivos, & mortuos judicandos esse ait Scriptura, illud significatur fore, ut anima & corpus simul in iudicium veniant, nec alterum ab altero sejungatur, verum quemadmodum in hac vita communem conjunctionem habuerunt, sic etiam futurum iudicium subeant. Vivos, hoc est eos, qui æternam vitam & Deo gratiam consecrati sunt, & eos qui peccatis immortui sunt &c.*

(6) Videlicet Cathari Albanenses, qui Balasinasæ parebant. Nempe hi duo iudicia admittebant: primum discretionis animarum a se ipsis, quæ simulatque in Cælo, ut illi quidem confitebant, peccarunt, detruse in hæc corpora sunt; alterum discretionis eorum, qui non assentiuntur fidei Catharorum ab aliis, qui

assentiuntur. Non abludebant autem a Gnosticis, qui vix iis dicebant, qui in hac carne non surrexissent, quod jam essent iudicati. *Tacite autem secundum conscientiam suam hoc sentiebant. Væ, qui non, dum in hac carne est, cognoverit arcana hæretica. Hoc est enim apud illos resurrectio* Tertull. Lib. de Resurrect. Cap. xix.

(1) Albanenses, & Bajolenses inferni ignem nihil esse pugnant. Vide Proleg. Dissert. I. pag. xxii. sequuti sunt Auctores Eunomianos, qui, ut tradit Harmenopolus De sect. xiii. Minas futuri supplicii, & gehennam, non juxta veritatem, sed ad metum prolatis dicebant. Atque hi fortasse fuerunt, quos Johannes Chrysostomus refert dixisse *ὁ θεὸς πρὸς φόβον τῶν ἀνθρώπων ἠπειλῆσε πᾶσι. Deus ad metum hominum minatus est hæc.* Ergo Cathari Albanenses globum hunc terraqueum infernum esse aiebant, in quem animæ dejectæ fuerint, quo admissi in cælo sceleris pœnas lucent.

Si autem dicas, quod bonæ creationis fuit, sicut verum est, & tamen perpetuo damnatus.

Ergo non omnes oves Israel salvabuntur. Quod autem ipse non possit salvari patet ex textu Evangelii; rogavit enim pro se, & non valuit ei, sed dictum est sibi ab Abraham v. 26. *Inter nos & vos chaos magnum firmatum est: ut hi, qui volunt hinc transire ad vos, non possint, neque inde huc transmeare*. Si non poterat transire ad finem Abrahæ; ergo non poterat salvari.

Præterea, dicas mihi, ubi factum est hoc quod ibi dicitur: v. 19. 20. & 21. *Homo quidam erat dives &c. usque sed & canes veniebant, & lungebant ulcera ejus*; nunquid in cælo, vel in mundo isto? Si dicas in cælo; bene ergo erat diviti, cum dicatur Lucæ 14. v. 15. *Beatus qui manducabit panem in regno Dei*; quare ergo sepultus est in inferno?

Præterea, illæ epulæ si in cælo erant, materiales non erant; ergo spirituales. Sed nunquid bonæ, an malæ? Nonne ille dives malus erat, & ejus epulæ malæ, & mensa mala? Utique: quomodo ergo Lazarus, qui bonus erat, cupiebat saturari de micis; quæ cadebant de mensa divitis? Si autem epulæ illæ bonæ erant, & quotidie de illis epulis epulabatur splendide, similiter vestimenta ejus spiritalia, & bona erant; ergo divitiæ spirituales, & bonæ; bonus ergo erat dives ille, quod esse non potest, alioquin de micis dedisset Lazaro; dicitur enim 1. Jo: 3. v. 17. *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo: quomodo charitas Dei manet in eo?*

Præterea, Lazarus ulcerosus erat, & mala recipiebat in vita sua: quare si cælestis erat, & bonus, quæ erant illa ulcera? Nunquid materialia, aut spiritalia? Primum non; ergo secundum; ergo erant peccata; ergo cum mortuus est, potius sepeliendus erat in inferno quam dives. Nunquid etiam in cælo canes, aut ulcera?

Præterea, qui canes, quæ ulcera lungebant? In cælo non est assignare qui, aut quæ: constat ergo quod istud non est factum nisi in mundo isto: dicitur autem quod dives mortuus est, & sepultus est in inferno. Nunquid mundus infernus, & locus tormentorum dicitur hic, in quo ille sepeliebatur? Si hoc dicatur.

Contra: Nonne de mundo isto transitur ad finem Abrahæ? Utique, quia Lazarus inde transivit illuc: quomodo dicit Abraham: *Qui volunt hinc transire ad vos, non possunt; neque inde huc transmeare*? Ergo mundus iste non est infernus.

Præterea: Fratres divitis non erant in Regno Dei; ergo erant in regno hujus mundi; ergo mundus non est Infernus, cum dives existens in Inferno dicat ipsi Abraham: *rogo ergo te pater, ut mittas eum in*

domum patris mei, habeo enim quinque fratres, ut testetur illis, ne & ipsi veniant in hunc locum tormentorum: item cum dicat Abraham diviti: *habent Moysen, & prophetas: audiant illos, quasi dicat, hoc modo non venient in Infernum*.

Præterea Matth. 5. v. 29. *Expedit enim tibi ut pereat unum membrorum tuorum, quam totum corpus tuum mittatur in gehennam*.

Item Matth. 10. v. 28. *Nolite timere eos, qui occidunt corpus, animam autem non possunt occidere: sed potius timeate eum, qui potest & animam & corpus perdere in gehennam*.

Item Matth. 13. v. 42. *Mittent eos in caminum ignis*; ergo adhuc non erant missi in ipsum, erant autem in hoc mundo; ergo mundus iste non est caminus ignis, vel gehenna; ergo non est Infernus.

Horum autem Catharorum, qui unum ponunt (2) principium, est alia opinio de Inferno; dicunt enim totam mundi fabricam, & omnia elementa in die judicii redigenda in eandem elementorum confusionem, quæ fuit a principio ante rerum distinctionem secundum species earum a diabolo, ut afferunt, factam ex illa confusione, sive chaos, in qua confusione, sive chaos dicunt cruciandos esse spiritus humanos & dæmones, nullumque alium Infernum locum esse (3) credunt, & dicunt: Hoc autem volunt habere ex verbis Ep. 2. Petri cap. 3. v. 11. & 12. *Cum igitur hæc omnia dissolvenda sint, quales oportet vos esse in sanctis conversationibus, & pietatibus, expectantes, & properantes in adventum diei Domini, per quem Cæli ardentes solventur, & elementa ignis ardore tabescent?*

Nos autem quomodo elementa solvenda sint, & quomodo transitura, in cap. de resurrectione prædiximus.

Præterea volunt dicere, & dicunt quod lux ista solis, & aliarum stellarum auferetur ab eis, & dabitur spiritibus salvandis, qui illam induent, sicut Adam inde spoliatus est cum descendit a Jerusalem cælesti in Hiericho, idest in mundum istum, & incidit in latrones, ut falso fabulantur, & dicunt quod chaos idem tunc remanebit tenebrosus, & sunt ibi tenebræ exteriores, de quibus Matth. 22. v. 13. *Ligatis manibus, & pedibus ejus, mittite eum in tenebras exteriores*.

(2) Hoc est Concorrezenses. Hi Stoicorum conflagrationem magnam ex parte defendebant.

(3) Scriptores omnes Sacri locum suppliciorum admittunt; poenas autem Damnatorum fore sempiternas. Etsi autem in centro terræ plerique omnes SS. Patres infernum locent, sunt tamen aliqui, qui alibi esse ponendum putent. Johannes Chrysostomus Homil. xxxi. In Epistolam ad Romanos: In quo loco, inquit, erit gehenna? in quodam, ut ego existimo extra univer-

sum hunc mundum loco. Probat Chrysostomi opinionem Josephus Briennius Orat. De Extremo judicio, & sempiterna Beatitudine. Extremis hisce temporibus Svvindenus Anglus integro volumine in viii. in Sole infernum esse ponendum defendit. Quæ quidem Scriptoris Angli magna confidentia est. Nihil de ejusmodi loco statutum in Scripturis esse prodit Augustinus Lib. xx. De Civitat. Dei cap. xvi. Verum communi sententiæ ipsi assensum est.

C A P. XII.

*De inæqualitate Pœnarum, & Præ-
miorum.*

§. I.

*Quomodo probent hæretici pœnas
esse æquales.*

Sexto videamus, an verum sit, quod ponunt Cathari, qui unum asserunt (4) Creatorem, scilicet, quod præmia bonorum post judicium erunt æqualia, similiter & pœnæ malorum. Ad hoc autem inducunt illud Matth. 13. v. 40. 41. & 42. *Sicut ergo colligantur zizania, & igni comburuntur: sic erit in consummatione seculi. Mittet filius hominis Angelos suos, & colligent de regno ejus omnia scandala, & eos, qui faciunt iniquitatem, & mittent eos in caminum ignis &c.* Hic enumerantur pœnæ communes malorum hominum, ad minus adultorum: istud patet; videtur ergo quod pœnæ æquales sint, ex quo sunt communes.

Solutio: Duplices pœnæ sunt: extrinsecæ, quarum hic ponitur una, scilicet ignis; alia est aqua nivium, item tenebræ exteriores. De primis duabus habetur Job. 24. v. 19. *Ad nimium calorem transeat ab aquis nivium.* De tenebris exterioribus habetur Matth. 22. v. 13. *Ligatis manibus, & pedibus ejus, mittite eum in tenebras exteriores.* Istalia dicuntur pœnæ activæ, quia puniunt, & affligunt: istæ pœnæ erunt communes omnibus adultis damnatis. Sunt etiam pœnæ interiores, scilicet tristitiæ, & afflictiones provenientes a pœnis exterioribus, istæ signatæ sunt per vermem Is. 66. v. 24. *Vermis eorum non morietur.*

Item Matth. 22. Ubi istæ pœnæ signantur per fletum, & stridorem dentium: v. 13. *Ibi erit fletus & stridor dentium.* Istæ non erunt æquales omnibus damnatis. Licet enim omnes tales communiter, idest æqualiter in igne sint, non tamen æqualiter urentur, sicut ferrum, lapides, & ligna æqualiter sunt in igne aliquo, non tamen æqualiter comburuntur, & sic omnes partes terræ sub eodem sole sunt, non tamen æqualiter calefiunt. Quod autem istæ pœnæ non sint futuræ æquales, patebit inferius.

Ex his patet solutio ad id, quod dicitur: Hic enumerantur pœnæ communes malorum adultorum. Dico enim hoc esse falsum, immo tantum una, scilicet ignis, alia autem non est communis, scilicet dolor, immo distinguitur secundum magis, & minus in diversis hominibus, secundum quod magis, & minus peccaverunt.

Sed contra hoc obijciunt hoc, quod dicitur: *Sicut ergo colligantur zizania &c.* Sed zizania, æqualiter omnino consumuntur ab igne; ergo mali æqualiter affliguntur.

Ad quod dicimus, quod istud *sicut* non est omnino *sicut*, alioquin oportet dicere, quod sicut zizania omnino consumuntur ab igne, ita & mali ab igne Inferni. Quod autem diversitas ibi sit, patet ex litera illa; sic enim dicitur v. 30. *Colligite primum zizania, & alligate ea in fasciculos*, non dixit fasciculum, ut notaret diversitatem peccatorum, & pœnarum.

Ad idem etiam probandum inducunt illud Jac. 2. v. 10. *Quicumque autem totam legem servaverit, offendet autem in uno, factus est omnium reus; ex quo videtur, quod tanta sit futura ejus pœna, quanta si fecisset omnia mala.*

Solutio: Dic mihi hæretice: nunquid Jacobus intendit per illa verba: *factus est omnium reus*, quod intelligatur reus omnium peccatorum; idest, quod ille, qui offendet in uno peccato offendet, in quolibet? Si hoc est; ergo qui offendet furando, offendet occidendo corporaliter, & sic de aliis peccatis, quod falsum est. Si autem dicis, quod sic intelligitur: *factus est omnium reus*, idest transgressor omnium mandatorum; eadem est objectio. Si autem sic intelligitur: idest, ita malus est, & æquali pœna dignus, ac si omnia peccata fecisset, proba hoc.

Præterea: Quomodo stabit illud Matth. 11. v. 22. *Verumtamen dico vobis: Tyro, & Sydoni remissius erit in die judicii, quam vobis?*

Dico ergo, quod authoritas Jacobi sic intelligenda est: qui offendet in uno, idest in dilectione, factus est omnium reus bonorum, quæ fecit, omnia enim illa bona mortificat, quia non profunt sibi ad salutem; unde illud 1. Cor. 13. v. 3. *Et si distribuero Charitatem autem non habuero, nihil mihi prodest*, scilicet ad salutem, licet ad pœnarum remissionem valeat, ut dictum est ex testimonio Matth. 11. De isto uno dixerat Jacobus parum ante verba prædicta v. 8. *Si tamen legem perficitis regalem secundum Scripturas: diliges proximum tuum sicut te ipsum.* Unde qui in uno peccavit, multa bona perdit.

Vel aliter: qui in uno mandato offendet, factus est omnium reus, idest qui offendet in uno mandato, factus est reus omnium mandatorum prius observatorum, quia omnium illorum observantiam inutilem reddidit. Hæc autem expositio patet ex eo, quod dicit Jacobus: *Quicumque autem totam legem servaverit*, idest omnia legis mandata, & postea subdit: *Offendat autem in uno, factus est omnium reus.* Istud quod dico patet Ezech. 18. v. 24. Ubi ait: *Si autem averterit se justus a justitia sua, & fecerit iniquitatem omnes justitiæ ejus quas fecerit non recordabuntur.*

Unde

(4) Est hic error proprius Stoicorum, ut Cicero, alique produnt. Probatus fuit ab Joviniano, velut Auctor est Hiero-

nymus in Opere, quod adversus eundem hæreticum edidit. Inde suam doctrinam mutuati sunt Cathari Concorrenses.

§. II.

*Unde probent hæretici æqualitatem
Præmiorum.*

Præmiorum etiam æqualitatem nituntur probare per illud Matth. 13. Post illa verba, quæ diximus v. 43. *Iusti fulgebunt sicut sol in Regno Patris eorum.*

Solutio: Miser hæretice: sicut non est adverbium quantitatis, sed similitudinis: nunquid istud sequitur: similiter fulgebunt, ergo æqualiter? Determinat Ap. 1. Cor. 15. v. 41. & 42. *Stella enim differt a Stella in claritate: sic & resurrectio mortuorum.* Quæ auctoritas declarata est in cap. de resurrectione.

Et quia superius diximus, pœnas intrinsecas non esse æquales, ne istud intelligatur universaliter, id est quod in nullo æquales sint, ideo distinguimus duplicem æqualitatem, unam in perpetuitate, & aliam in acerbitate. Secundum primam æquales erunt pœnæ, quia sine fine; unde dicitur Matth. 25. v. 41. *Discedite a me maledicti in ignem æternum*, quia ille ignis erit sine fine, & cruciatus ejus sine fine. Sed quoad secundam æqualitatem non erunt omnes pœnæ æquales, imo una acerbior erit alia, quod notavit Dominus Matth. 11. v. 22. *Tyro, & Sydoni remissius erit in die judicii, quam vobis.*

Item, quod præmia æqualia sint, volunt habere per hoc, quod dicit Ap. 1. Cor. 13. v. 9. & 10. *Ex parte enim cognoscimus, & ex parte prophetamus. Cum autem venerit, quod perfectum est, evacuabitur quod ex parte est.*

Item v. 12. *Nunc cognosco ex parte: tunc autem cognoscam, sicut & cognitus sum.* Ex his patet quoniam tolletur imperfectio cognitionis; omnes ergo perfecte cognoscent; ergo æqualiter: sed ipsa cognitio perfecta vita æterna est, & beata vita, ut habetur Johan. 17. v. 3. *Hæc est autem vita æterna: ut cognoscat te solum Deum verum, & quem misisti Jesum Christum;* omnes ergo æqualiter beati erunt.

Præterea; si ego cognosco sicut & cognitus sum, similiter & alii, ergo omnes æqualiter cognoscemus, & ita æqualiter beati erimus.

Solutio: Omnes perfecte cognoscemus, & tamen unus perfectius alio, sicut etiam dicitur Matth. 5. v. 48. *Estote ergo vos perfecti, sicut & pater vester cælestis perfectus est,* & tamen ipse nobis perfectior. Et sicut non valet, nos sumus perfecti sicut ille; ergo æquales sumus illi: ita non valet, perfecte cognoscemus; ergo æqualiter.

Similiter dico, quod omnes cognoscemus eum,

sicut & cogniti sumus, & sic non sequitur, quod æqualiter cognoscamus eum; licet enim similiter, tamen unus plus alio. Similitudo erit in hoc, quia omnes videbimus eum facie ad faciem, id est manifeste, & tamen unus manifestius alio; sicut unus manifeste intelligit, & habet intellectum alicujus libri, & tamen unus manifestius alio intelligit ipsum, sicut etiam aliqui boni sunt, & tamen unus alio melior.

Ad idem inducunt illud Matth. 20. de operariis (§) introductis in vineam diversis horis, de quibus dicitur, quod omnes acceperunt singulos denarios, & ita sunt æquales in præmio: & quia per illos intelliguntur fideles boni, videtur quod eorum merita æqualia sint futura, maxime cum dicatur ibi v. 10. *Venientes autem & primi, arbitrati sunt, quod plus essent accepturi;* ad quod removendum dicitur: *acceperunt autem & ipsi singulos denarios,* & ita omnes æqualiter sunt remunerati.

[*] Solutio: Cum multæ expositiones sint hic, & bonæ, quæ de ultima retributione hæc verba Domini intelligunt, aliam tamen pono ad præsens, quam tangit ex parte B. Jo: scilicet, quod de tempore gratiæ intelligitur, quod ab adventu Christi cæpit. Per denarium autem Dei gratia designatur, ex gratia enim Dei est, quod decem mandata, quæ per denarium significantur, perficiantur teste Ap. qui 1. Cor. 15. v. 10. ait: *Non ego autem, sed gratia Dei mecum;* id est non ego solus, sed cum gratia: Christus etiam ait Jo: 15. v. 5. *Sine me nihil potestis facere.* Primi sunt Judæi, novissimi sunt Gentiles. Judæi in tempore gratiæ, id est postquam Christus venit, murmurabant adversus Gentiles, existimantes quod vel ipsi soli gratiam Dei essent habituri, vel excellentius quam Gentiles, quos confutat Ap. Rom. 3. v. 9. *Quid ergo? Præcellimus eos?* Id est nos Judæi Gentes, nequaquam; ut dicitur Act. 10. v. 47. *Nunquid aquam quis prohibere potest, ut non baptizentur hi, qui Spiritum Sanctum acceperunt, sicut & nos?* De murmuratione Judæorum adversus Gentes habetur Act. 10. v. 45. & 46. *Et obstupuerunt ex circumcissione fideles, qui venerant cum Petro: quia & in nationes gratia Spiritus Sancti effusa est. Audiebant enim illos loquentes linguis, & magnificantes Deum.*

Item Act. 11. v. 1. & seqq. post illud factum, *Audierunt autem Apostoli, & fratres, qui erant in Judæa: quoniam & Gentes receperunt verbum Dei. Cum autem ascendisset Petrus Ierosolimam, disceptabant adversus illum, scilicet Petrum procuratorem vineæ, id est Ecclesiæ, qui erant ex circumcissione, dicentes: Quare introisti ad viros præputium habentes, & manducaisti cum illis. Incipiens autem Petrus exponebat illis ordinem, dicens: ... Cum autem cepissem loqui, cecidit Spiritus Sanctus super*

(§) Fuit hæc parabola Joviniani præsidium. Videndi Augustinus Lib. De Hæresibus ad Quod vult Deum Hæres. lxxxvi. & Lib. De Sancta Virginitate Cap. xxvi. & Hieronymus Lib. 11. Contra Jovinianum. Hi quidem Patres Parabolæ illius significationem ad futuræ gloriæ tempus referunt, quæ interpretatio placuit & PP. Græcis, aliisque Latinis, quorum subinde vestigia præstiterunt Scholastici tere omnes post S. Thomam 1. 2. quest. 5. art. 2. ad 1. At vero nostri interpretatio probatur aliis non inti-

mi Ordinis Theologis, imprimisque Jansenio Gandaveni In Concord. Evang. Cap. ci. & Vasquesio in P. S. Thomæ Part. Disput. xlvii. Cap. 1v. aliisque existimantibus, ea parabola non significari premium vitæ æternæ, sed donationem gratiæ, ejusque pro ut Deo placet distributionem.

[*] Quæ leguntur ab hoc asterisco usque ad finem §. desunt in Cod. Bon.

super eos, sicut & in nos in initio. Si ergo eandem gratiam dedit illis Deus, sicut & nobis, qui credidimus in Dominum Jesum Christum: ego quis eram, qui possem prohibere Deum? His auditis, taceverunt: & glorificaverunt Deum, dicentes: Ergo & Gentibus penitentiam dedit Deus ad vitam. Procurator ergo est Petrus, quem vocavit Dominus, cum sero factum esset: sero autem dicit novissimam ætatem, quæ incæpit a Christi adventu: 1. Cor. 10. v. 11. Nos sumus, in quos fines seculorum deveniunt. Isti procuratori dixit Dominus: Voca operarios, & redde illis mercedem, idest reddendam prædica illis mercedem suam, idest dandam sibi gratiam, & ita fecit in prædictis verbis Act. Apostolus. Et quod dicit Petrus Judæis murmurantibus: Ego quis eram &c. quasi idem est ei, quod habetur in Evangelio: Amice non facio tibi injuriam.

Si dicat hæreticus non est verum: quia Petrus non incæpit a novissimis reddere mercedem, idest, prædicare eam fore dandam.

Dico: Immo tunc incæpit a novissimis, idest a Gentibus, quando adhuc loquente Petro verba hæc, cecidit Spiritus Sanctus super omnes, qui audierunt verbum Act. 10. v. 44. Venit autem usque ad primos, ut dicitur Act. 11. v. 2. post illud factum: Cum autem ascendisset Petrus Ierosolymam &c. Fuerunt ergo primi novissimi, quia non præcellunt Judæi Gentiles in denario gratiæ Dei, & novissimi primi, idest primis pares in gratia. Sed tamen nec omnes primi, nec omnes novissimi ad numerum pertinent electorum ad gloriam, multi enim sunt vocati, pauci vero electi Matth. 20. v. 16. Ad Galat. 5. v. 6. In Christo Jesu neque circumcisio aliquid valet, neque præputium: sed fides, quæ per charitatem operatur.

Item Colof. 3. v. 11. Non est Gentilis, & Judæus, prius dixerat v. 10. Induentes novum, eum, qui renovatur in agnitionem, secundum imaginem ejus, qui creavit illam; & subdit ubi, idest in qua renovatione, idest ad quam non facit esse Judæum, vel Gentilem.

(6) Plerosque esse Patres, qui parabolam ex. Cap. Evangelii Matthæi non gratiæ distributionem, sed vitæ Beatæ præmium indicare censent, animadverti notatione superiore. Verum si demas Scholasticos, atque Scriptores sequioris ætatis; pauci sunt, si qui sunt tamen, qui ita rem explicant, ut a nostro declaratur. Atque, ut vere dicam quod sentio, non omnes *ωπιστάτες*, quæ adornandis parabolis adhiberi plerumque solent, quidquam ad finem earum conducunt. Nihil autem ad rem pertinet operariorum conquestio. Nam si Christus de Vita beata, deque Sanctorum felicitate disseruit, in ea quidem certe nullus conquestioni locus est reliquus. Iam vero, quod ait Noster, dictum id conditione quadam a Christo fuisse; ut si primi questi fuissent illud retulissent responsi genus, subtile quidem est, at vereor, ut sit Patribus consentaneum. Ornatus autem causa sæpe quadam innecti parabolis, quæ ad earum, *ωπιστα* non pertineant, exploratum est. Atque Augustinus Lib. xxii. Contra Faustum Cap. xciv. Tom. viii. Opp. Sicut in Citharis, inquit, & in hujuscemodi organis musicis, non quidem omnia quæ tanguntur, canorum aliquid resonant, sed tantum chorda, cetera autem in toto Citharæ corpore, ideo fabricata sunt, ut esset ubi vincerentur, unde, & quo tenderentur illa, quas ad cantilenæ suavitatem modulaturus, & percussurus est artifex. Ita in his prophetis narrationibus, quæ de rebus gestis hominum prophetico spiritu deliguntur, aut aliquid jam sonant significatione futurorum, aut si nihil tale significant, ad hoc interponuntur, ut sic nude illa significantia tamquam sonantia convertantur. Consule ceteros Patres, quos Libro vii. Theologicorum Dogmatum Cap. xi. num. 4. Tom. I. recenset Dionysius Petavius. Quid ergo impedit, quo minus ad ornatum adjuncta illa

Ex quo patet solutio cujusdam objectionis, quæ potest fieri contra nos. Quia si non est distinctio in denario gratiæ; ergo nec in denario gloriæ.

Solutio: Non negamus quin sit distinctio in denario, sed non est distinctio in illo ex eo, quod hic Judæus, & hic Gentilis; denarius enim gratiæ & si unus sit, tamen crescere potest si homo se exerceat, alioquin frustra dixissent Discipuli Jesu: *Adauge nobis fidem*. Lucæ 17. v. 5. Jacobus Ep. cap. 3. v. 5. dicit: *Ad invidiam concupiscit Spiritus*, idest facit concupiscere, vel invidere, & subdit v. 6. *Majorem autem dat gratiam*.

Quidam autem intelligunt de ultima retributione, (6) & totum quod primi dicunt, sub conditione intelligunt: *Venientes autem & primi &c.* idest, si venirent existimantes, quod plus erant accepturi, quia plus laboraverunt in vinea; & si murmurarent, quod non acciperent plus, responderetur eis: *Amice non facio tibi injuriam*. Quantitas (7) autem præmii non attenditur ex diuturnitate temporis, sed devotione mentis; Sicut mulier quæ duo minuta posuit, plus omnibus misisse dicitur, quia ex majori fide, & devotione. Lucæ 21.

Ad illud autem, quod dictum est, quia quilibet accipit unum denarium, & ita æqualiter præmiantur.

Dico, quod ille denarius Deus est, qui est merces nostra, & gloria cujuslibet. In essentia igitur mercedis (8) non est distinctio, sed æqualitas; tamen in dilectione Dei diversitas erit, & inæqualitas, sicut videmus quod idem cibus melius sapit uni, quam alii.

Si dicatur, hoc esse non posse, quia ibi dicitur, quod existimabant se magis accepturos.

Dico, quod istud sub conditione intelligitur, sicut & illud Matth. 25. v. 11. & 12. *Novissime vero veniunt & reliquæ virgines dicentes: Domine, Domine, aperi nobis. At ille respondens ait: Amen dico vobis nescio vos*. Nunquid clausa janua accedent aliqui ad januam Cæli? Certe non, sed condi-

C c c t i o -

de conquestione narratio fuerit? Verum fatius esse putō parabolam de Operariis interpretari ita, ut vocationem Judæorum, & Gentilium indicet. Tunc enim partes omnes illius colligatæ sic erunt, ut nihil fere supersit difficultatis.

(7) Eodem hæc recidunt atque illa Gregorii Nazianzeni, quæ exstant; Orat. xl. *Et si ad laboris modum plus contulerint, qui priores ingressi sunt, non tamen quantum ad voluntatis modum. Propter quam etiam fortasse postremis amplior merces debebatur, quamvis absurdum quodammodo possit videri quod dico*.

(8) Ita Hieronymus Lib. ii. Contra Jovinianum: *Unus autem denarius non unum est præmium: sed una vita, & una de gehenna liberatio*. Et in extrema Epistola cxlvi. Vet. Edit. *Et tu qui hora sexta conductus es, novissimo invidet, cur tecum denarium, idest, æqualem consequatur salutem, licet salutis pro labore diversa sit gloria*. Ambrosius Lib. vii. ad Cap. xv. Lucæ. *O si nos quoque Mercenarii digneris conducere, licet sero venientes, nam & undecima conducis hora, & æqualem dignaris mercedem solvere, æqualem mercedem vitæ, non gloria*. Sanctus Augustinus Tractat. xxvii. In Johannem: *Quo utique denario vita significatur æterna, ubi amplius nemo vivit, quoniam vivendi non est diversa in æternitate mensura. Sed multe mansiones diversa meritorum in una vita æterna significant dignitates*. Auctor Operis de Vita Contemplativa inter Opp. Sancti Prosperi Lib. iv. Cap. iv. *Sicut corporalis satietas omnes saturos æqualiter habet, quamvis singuli cibum non æqualiter, sed pro possibilitate perciperint, ita omnes Sancti, etsi fuerint aliqua graduum suorum diversitate distincti, una beatitudine perfecti erant, quia & una perfectione beati futuri sunt*.

tionaliter intelligitur : si venirent diceretur eis ; *ne scio vos* .

Item Lucæ 16. Dicit Abraham diviti : *Ut hi qui volunt hinc transire ad vos , non possint* v. 26. idest etiam si vellent , non possent ; non enim ad locum tormentorum inferni volunt transire illi , qui requi escunt in sinu Abrahæ .

§. IV.

Ostenditur unum peccatum esse majus alio , & ideo gravius puniendum , consequenter supplicia esse inæqualia .

Nunc ostendamus testimoniis Scripturarum , quod præmia bonorum , & supplicia malorum non sunt paria . In primis autem ostendamus , quod peccata paria non sunt . (9) Legitur enim Matth. 12. v. 32. *Quicumque dixerit verbum contra filium hominis , remittetur ei : qui autem dixerit contra Spiritum Sanctum , non remittetur ei neque in hoc seculo , nec in futuro ; unum ergo peccatum majus est alio .*

Item Jo: 9. v. 11. dixit Christus Pilato : *Non haberes potestatem adversum me ullam , nisi tibi datum esset desuper . Propterea qui me tradidit tibi , majus peccatum habet .*

Item 1. Cor. 5. v. 1. *Omnino auditur inter vos fornicatio , & talis fornicatio qualis nec inter Gentes , ita ut uxorem patris sui aliquis habeat . Ecce qualiter aggravat peccatum illius ; ergo unum peccatum alio majus .*

Item 1. Johan. 5. v. 16. *Est peccatum ad mortem : non pro illo dico ut roget quis ; aliquod ergo peccatum est ad mortem , & aliquod non ; ergo unum est alio majus .*

Item 1. Timot. 5. v. 8. *Si quis autem suorum , & maxime domesticorum curam non habet , fidem negavit , & est infideli deterior ; ergo magis punietur .*

Item Matth. 7. v. 5. *Quid autem vides festucam in oculo fratris tui : & trabem in oculo tuo non vides . Quid per festucam , nisi minus peccatum , & per trabem , nisi majus ? ergo unum peccatum alio gravius .* (10)

Ex his concludo . Ergo si Deus justus est , gravius puniet illum qui habet majus peccatum , quam qui minus .

Item Matth. 12. v. 45. *Et fiunt novissima hominis illius pejora prioribus , ergo ipse pejor quam prius ; ergo gravius puniendus quam prius .*

Quod autem unus alio secundum exigentiam culpæ amplius puniatur , habetur Matth. 11. v. 22. *Ubi Dominus quibusdam contemnentibus prædi-*

cationem , suam dixit ? *Tyro , & Sidoni remissius erit in die judicii , quam vobis , & dicit hoc assertive , non conditionaliter ; dicit autem quod erit eis remissius , quia non erit pœna sua , sicut istarum civitatum , quibus loquebatur , nisi præparabit se .*

Item Lucæ 12. v. 47. & 48. *Ille autem servus , qui cognovit voluntatem Domini sui , & non præparavit , & non fecit secundum voluntatem ejus , vapulabit multis : qui autem non cognovit , & fecit digna plagis , vapulabit paucis .*

Ad hoc autem dicit hæreticus , quod in hoc plus punietur : quia plagam istam habebit , quia dolebit , quod non fuit operatus ut scivit .

Sed si hoc est , dico ergo plus cruciabitur , & ita non sunt pœnæ pares .

Item Rom. 2. v. 5. *Secundum autem duritiam tuam , & impœnitens cor , thesaurizas tibi iram in die iræ , & revelationis justi judicii Dei , qui reddet unicuique secundum opera ejus ; ergo qui plus peccavit , plus punietur .*

Ad hoc autem dicit hæreticus , quod hæc positio solum qualitatem operum respicit , non quantitatem .

Contra . Probo quod quantitatem respicit , idest magnitudinem , & pluralitatem : dicitur enim Apoc. 18. v. 7. *Quantum glorificavit se , & in deliciis fuit , tantum date illi tormentum , & luctum .*

Ad hoc autem dicit hæreticus sic : Quantum glorificavit se Ecclesia malignantium , idest tota congregatio malorum , & sic non comparatur unus de congregatione alii .

Sed contra . Ergo si minus fecisset de malo , minus puniretur . Ostendo etiam tibi , quod respicit pluralitatem operum : Rom. 1. v. 18. *Revelatur enim ira Dei de Cælo super omnem impietatem , & injustitiam ; ergo plures pœnas habebit qui fecit centum impietates , vel injustitias , quam qui unam .* Job. 20. v. 18. *Luet quæ fecit omnia , nec tamen consumetur : juxta multitudinem adinventionum suarum , sic sustinebit .*

Item 2. Petr. 2. v. 9. & 10. *Novit Dominus pios de tentatione eripere : iniquos vero in diem judicii reservare cruciandos : magis autem eos qui post carnem in concupiscentia immunditiæ ambulant ; ergo isti plus cruciabuntur in die judicii .*

Item ibidem v. 20. dicitur : *Si enim refugientes coinquinationes mundi , & cognitione , idest , propter cognitionem , Domini nostri , & Salvatoris Jesu Christi , his rursus implicati superantur : facta sunt eis posteriora deteriora prioribus .*

Ad hoc dicit hæreticus : pejora non in pœna Inferni , sed hic in pœnitentia .

Sed istam expositionem patet esse falsam , non enim de pœnitentia agitur ibi , sed de statu in quo quis impli-

(9) Acceptum id quoque ab Stoicis , atque deinde ab Joviniano est . Utrique enim pugnant paria esse peccata , ut omnes norunt .

(10) Sapienter argumenti concludit sententiam . Patres nimirum sequitur auctores , qui in Scripturarum lectione mirandum in modum erant exercitati . Chysoströmus *Homilia x. De Sta-*

tis : οὐ πᾶν ἁμαρτήμα τὴν αὐτὴν φέρει κόλασιν , ἀλλὰ τὰ εὐγιατόεθρα μείζονα ἡμῖν ἐπάγει τιμωρίαν . Non omne peccatum eandem meretur pœnam ; sed ea quæ facilius præstari potuissent , gravius merentur supplicium . Isidorus *Pelusiota Lib. 1v. Epist. cxxxix.* paria habet . Adriañ Rittershusium *Leet. Sacrar. Lib. v. 11. Cap. xxi.*

implicatur coinquinationibus mundi, post cognitionem veritatis, & comparatur iste status, & pejor dicitur quam status in quo erat ante cognitionem veritatis. Et quod ita sit, patet per hoc quod sequitur v. 21. *Melius enim erat illis non cognoscere viam justitiæ, quam post agnitionem, retrorsum converti ab eo, quod illis traditum est sancto mandato; melius dicit, idest minus malum.*

Item Jac. 3. v. 1. *Nolite plures magistri fieri fratres mei, scientes quoniam majus judicium sumitis; ergo in futuro erit majus, & minus judicium. Ergo major & minor pœna. Et hoc est, quod Dominus ait magistris, scilicet Scribis, & Phariseis Matth. 23. v. 14. Propter hoc amplius accipietis judicium.*

[*] Item Jacob. 4. v. 17. *Scienti igitur bonum facere, & non facienti, peccatum est illi. Quare dicitur scienti? Nonne alias ignorans facere bonum, & non faciens peccat? Si non facit bonum, utique; dicitur enim 1. Corinth. 14. v. 38. Si quis autem ignorat, ignorabitur; ergo differentiam assignare intendit inter peccatorem scientem, & ignorantem, hanc scilicet, quod unus magis peccat, quam alius, & magis punietur; juxta illud Lucæ 12. v. 47. Ille autem servus, qui cognovit voluntatem &c. [*]*

Constare potest hoc idem ex hac credulitate, scilicet, quod si non nocet mihi plus mille homines occidere, quam unum mendacium joci causa dicere, non restat nisi ut faciam quodcumque malum facere possum; ex illa autem credulitate, scilicet, quod plus nocet, & plus torquebor, restat hoc, scilicet, quod non faciam quidquid mali possum; ergo fides melior.

Præterea. Aliquis commisit unum homicidium, si decessit, tantum habebit supplicium: contingat, quod alia superaddat, nunquid punietur pro illis? Videtur quod non, quia si illa non addidisset, tantum supplicium sustinisset, quam illis additis. Quod si est; ergo non est verum, quod dicit Ap. Roman. 1. v. 18. *Revelatur enim ira Dei de Cælo super omnem impietatem, & injustitiam.* (11)

§. V.

Ostenditur Præmia bonorum futura esse inæqualia.

Viso, quod non sunt æqualia supplicia reprobatorum, videamus an præmia bonorum æqua-

lia sint futura, vel inæqualia. Duobus modis ostendimus ea inæqualia, primo per inæqualitatem bonitatis in uno, & in alio; secundo per testimonia Scripturarum, quæ hoc asserunt evidenter. Legitur Lucæ 7. v. 41. 42. & 43. *Duo debitores erant cuidam fœneratori: unus debebat denarios quingentos, & alius quinquaginta. Non habentibus illis unde redderent, donavit utrisque. Quis ergo eum plus diligit? Respondens Simon dixit: Æstimo quia is, cui plus donavit. At ille dixit ei: Recte judicasti.* Ex his verbis patet, quod unus habet majorem dilectionem quam alius; ergo majorem bonitatem.

Item Matth. 19. Quidam quæsit a Jesu, quid faceret, ut vitam æternam haberet, & dixit Jesus v. 19. *Serva mandata; & postea cum ille dixisset ei v. 20. Omnia hæc custodivi a juventute mea; postea Dominus subjunxit v. 21. Si vis perfectus esse, vade, vende quæ habes, & da pauperibus, & habebis thesaurum in Cælo.* Si per observantiam mandatorum venit ad vitam, etiam bonus est qui observat ea: & tamen Dominus dicit tali: *Si vis perfectus esse;* ergo in Ecclesia unus melior est alio.

Item 1. Corinth. 2. v. 6. *Sapientiam autem loquimur inter perfectos;* ergo in Ecclesia sunt aliqui perfecti, & aliqui non: ergo magis, & minus boni.

Item 1. Corinth. 7. v. 38. *Qui matrimonio jungit virginem suam, bene facit: & qui non jungit melius facit.* Nec refert utrum de carnali, vel spiritali matrimonio intelligatur quantum ad hoc, quia sic oportet, quod in Ecclesia Dei sit majus & minus bonum; & ita majus, & minus meritum; ergo apud Dominum erit majus, & minus præmium, cum redditurus sit unicuique secundum meritum suum; unde 1. Corinth. 3. v. 8. *Unusquisque autem propriam mercedem accipiet secundum suum laborem.*

Sed ne dicas, quod istud secundum respicit qualitatem meriti, idest bonitatem vel malitiam, non ad quantitatem.

Audi, quod dicit Ap. 2. Corinth. 9. v. 6. *Qui parce seminat, parce & metet;* ubi patet, quod invitatur ad majorem elemosynam, ergo qui plus seminat, plus colliget.

Item 1. Corinth. 15. v. 41. & 42. *Stella enim a stella differt (12) in claritate. Sic & resurrectio mortuorum;* ergo sicut diversitas stellarum in claritate secundum magis & minus, sic etiam resurgentes magis & minus lucebunt.

Ad hoc dicit hæreticus, quod non comparantur boni ad invicem, sed boni cum malis.

Sed contra: Nonne dicitur, *stella differt a stel-*

C c c 2

[*] Desunt quæ duobus asteriscis conclusimus e Codd. Bononiens.

(11) Omnia ergo Scripturarum loca probant inæquales futuras pœnas reprobatorum, pro meritorum inæqualitate. Concinunt Sancti Patres, quos ante laudavi. Immo vero omnes quotquot suis operibus Ecclesiam illustrarunt. Præstat audire Macarium, qui communem omnium Catholicorum sententiam exprimit Homil. xl. *Nos multos gradus esse dicimus, & differentias, & mensuras. tum in ipso Regno, tum in gehenna.*

(12) Usi sunt hujus loci auctoritate Patres ad comprimendam Joviniani impudentiam, qui paria futura prædicabat præmia Sanctorum in gloria. Augustinus Tractatu lxxvii. in Johannem: *Multæ, inquit, mansiones diversas meritorum in una vita aterna significant dignitates. Alia est enim gloria Solis, alia gloria Lune, alia gloria Stellarum. Tamquam Stella Sancti diversas mansiones, diversas claritates tamquam in Cælo sortiuntur in Regno.* Adis S. Fulgentium Lib. iiii. ad Trasimundum, & S. Johannem Chrysostomum. Homilia xl. in Epistolam I. Ad Corinth.

stella in claritate ? Utiq; & subditur : *Sic & resurrectio mortuorum*, mortui ergo resurgentes differentiam habebunt in claritate; hoc autem non potest intelligi nisi de bonis, quia mali ejicientur in tenebras exteriores.

Secundo ostendamus hoc idem per testimonia Scripturarum. 1. Corinth. 7. v. 49. & 40. Dicitur : *Mulier alligata est legi quanto tempore vir ejus vivit, quod si dormierit vir ejus, liberata est : cui vult nubat : tantum in Domino. Bea-*

tior autem erit si sic permanserit secundum meum consilium.

Item Matth. 18. v. 4. *Quicumque ergo humiliaverit se sicut parvulus iste, hic est major in Regno Cælorum*; ergo secundum diversos gradus humilitatis est diversus gradus exaltationis apud Dominum; qui enim se humiliat, exaltabitur. Lucæ 14. v. 11. Ergo qui magis, magis, quod notat prædicta auctoritas Matth. 18. (13)

Explicit Liber Quartus.

VENERABILIS PATRIS
M O N E T Æ
CREMONENSIS
ORDINIS PRÆDICATORUM
S U M M Æ
ADVERSUS CATHAROS, ET VALDENSES
LIBER QUINTUS.

PErtractatis quatuor particulis hujus operis accedamus ad quintam, & ultimam. Hæc autem pars in plura dividitur capitula. Primum est, de Ecclesia Catholica, quæ sit. Secundum est, quando cœperit in Mundo isto. Tertium, an postquam cœperit desierit esse, & probatur esse perpetua. Quartum est, de perpetuitate animarum humanarum, a qua dependet perpetuitas Ecclesiæ. Quintum est, de Prælati Ecclesiæ, an in Ecclesia possint esse mali Prælati, & an possint ministrare Sacramenta, & prædicare, & an eis sit obediendum, & de excommunicatione, quam faciunt Prælati Ecclesiæ Romanæ, an licita sit. Sextum est, an possit facere Constitutiones novas. Septimum est, an possit possidere divitas. Octavum est, de domo materiali, & de figuris, & de imaginibus Ecclesiæ, & præcipue de Cruce, an licitum sit eis uti, & facere in Ecclesia, & de officio Ecclesiæ, tonsura capitis, & rasura, & thurificatione. Nonum est, de hoc mandato: Non assumes nomen Dei tui in vanum. Decimum est, de isto mandato: Memento ut diem Sabbati sanctifices. Undecimum est, de novitate mundi, quæ ex illo mandato intelligitur. Duodecimum est de isto mandato: Honora partem tuam. Tertiumdecimum est de hoc: Non occides, Quartumdecimum est de isto mandato: Non furtum facies. Quintumdecimum est, de fine mandatorum Dei, idest de vita æterna, an sit communis omnibus ex Dei intentione, sicut & ipsa mandata omnibus communiter sunt imposita. Sunt enim quidam, qui de prædestinatione male sentientes quosdam homines a Deo creatos dicunt impossibile fore salvari, quosdam vero de necessitate salvandos.

C A P. I.

De Ecclesia Catholica quæ sit?



laus ejus in Ecclesia Sanctorum. Secunda est Ecclesia Malignantium, de qua legitur Spiritum Sanctum per David dixisse in Psalmo 25. v. 5. *Odivi Ec-*

IRCA primum (1) Capitulum sciendum est, quod duplex Ecclesia invenitur in mundo isto, secundum attestationem Scripturarum, una est Ecclesia Sanctorum, de qua legitur in Psalmo 149. v. 1. *Cantate Domino canticum novum*

clesiam malignantium; & cum radix Ecclesiæ sanctæ fides sit, unde Rom. 1. v. 17. justus autem ex fide vivit, sicut & arbor ex radice: ipsa est fundamentum ædificii spiritualis; unde Hebr. 11. v. 1. dicitur quod fides est substantia sperandarum rerum, argumentum non apparentium, propter hoc dicitur 1. Cor. 3. v. 11. fundamentum aliud nemo potest ponere præter id, quod positum est, quod est Christus Jesus, idest fides ejus, propter quam Christus habitat in cordibus fidelium, ut dicitur Ephes. 3. v. 17. solet autem quærere hereticus, quæ sit Dei Ecclesia.

Ad quod dicendum, quoniam hæreticus primo debuisset quærere, quid sit Ecclesia (2). Quam quæ-

(1) Negari nequit, quin *Ecclesiæ* nomen varias habeat in Scriptura significationes. Cum enim Ecclesia *ἐκκλησία ἀπὸ τοῦ ἐκκαλεῖν* ab evocando dicatur, ut colligitur cum ex aliis pluribus tum ex Cyrillo Hierosolymitano *Catech.* xviii. quis conventus Ecclesia appellari potest. Nil ergo mirum si in Sacris Litteris improborum hominum conventus Ecclesia, & Ecclesia quoque concio seu convocatio Sanctorum dici consuecat. Quin etiam conciones populi, Senatus &c. ab Ethnicis *ἐκκλησίαι* dicebantur. Suidas

ad v. *Ἐκκλησίαν*, inquit, *συναγωγὴν ὄχλου • ἀριστοφάνης πλούτῳ • ἐκκλησία δ' οὐχὶ διὰ τοῦτον γίνεταί; Concionem turba congregationem. Aristophanes in Pluto. v. 21. Concio vero nonne propter hunc habetur? Verum quæ significatio addita ab Christianis huic voci fuerit, mox videbimus.*

(2) Sapienter id quidem. Nam a definitione rei, ut Plato, Aristoteles, atque Cicero præscribunt, ducendum disputationis cujusque exordium est.

quæstionem determinantes dico, quod Ecclesiâ est congregatio (3) fidelium; hæc autem est illa Ecclesiâ, quæ dicitur Ecclesiâ Romana, quidquid ejus æmuli fabulentur. Quod autem ita sit, evidens est per examen fidei ejus, ab illa enim incipiendum est, ipsa enim præcedit opera bona, unde examen fidei præcedit examen operum, sicut enim essentia Ecclesiæ incipit a fide, ut præostensum est, & a fide venit in opera fidei consona, ita etiam prima cognitio Ecclesiæ ex fide est; per illam enim primo cognoscitur, & distinguitur ab Ecclesiâ malignantium; (4) unde ad Gal. 3. ver. 7. *Cognoscite ergo quia qui ex fide sunt, ii sunt filii Abraham*. Joan. 1. ver. 12. *Dedit potestatem filios Dei fieri his, qui credunt in nomine ejus*, fides ergo filios Dei facit, mundat enim corda: Act. 15. v. 9. *Fide purificans corda eorum*; operatur justitiam, idest opera justa. Unde Hebr. 11. v. 33. dicitur de quibusdam, quod *per fidem operati sunt justitiam*; vitam confert, perducendo ad gloriam æternæ felicitatis. Unde Jo. 3. v. 16. *Sic enim Deus dilexit mundum, ut filium suum unigenitum daret, ut omnis qui credit in eum non pereat, sed habeat vitam æternam*. Operatur ergo fides in nobis munditiam, justitiam, & gloriam. Munditiam, qua reducimur; justitiam, qua deducimur; gloriam, ad quam perducimur. Reducimur autem de invio ad viam; deducimur de virtute in virtutem; perducimur autem de exilio ad patriam.

Item quod fides examinanda est, sic ostendit B. Petrus 3. cap. Epist. v. 15. *Parati semper ad satisfactionem omni poscenti vos rationem de ea, quæ in vobis est spe*; & quia fides sine operibus non sufficit ad

salutem, ideo secunda examinatio Ecclesiæ est de operibus, & secundario ex operibus cognoscitur. Cum ergo fides Ecclesiæ Romanæ testificata sit a lege, & prophetis, ut patet in singulis articulis, de quibus actum est in præcedentibus quatuor particulis; Fides autem tua o Cathare non solum non fit testificata ab eis, imo & eis contraria, palam est, quod Ecclesiâ Romana est Ecclesiâ Dei, quæ fidem habet, & opera bona, in quibus duobus consistit Ecclesiâ.

Objicit Hæreticus dicens, arbor ex fructibus cognoscitur, ut habetur Math. 7. v. 17. & 18. fructus autem Romanæ (5) Ecclesiæ malus est; ergo Romana Ecclesiâ mala est.

Solutio: hæc est falsa, fructus Romanæ Ecclesiæ malus est, imo dico quod bonus est, & ejus opera bona sunt; aliqui tamen sunt in Ecclesiâ (6), quorum fructus malus, quia male operantur, sed illi non sunt in Ecclesiâ, vel de ea opere, sed sola fide.

Contra hoc objiciet hæreticus illud quod Christus ait Joan. 14. v. 12. *Amen, amen dico vobis: Qui credit in me, opera, quæ ego facio & ipse faciet*, sed tales non faciunt opera Christi, ergo non credunt in Christum, ergo non habent fidem Christi (7).

Solutio est: Invenio quod Scriptura mentionem facit de duplici fide, scilicet de fide otiosa, quæ non habet opera, & de fide operante per dilectionem. Gal. 5. de ista intellexit Christus cum dicit Joan. 14. *Qui credit in me &c.* Ex hoc autem non sequitur, ergo qui non facit opera Christi non habet fidem, sed dicendum, ergo non habet fidem per dilectionem operantem, habet tamen fidem, sicut otiosam: ista fide creditur Christus, idest creditur, quod verum sit, quod a Christo dictum est, prima vero

(3) Nam in novo Testamento nusquam, nisi eorum qui fidem nostram colunt, congregatio Ecclesiâ appellatur. Vide Melchiorum Canum *Lib. IV. de Locis Theolog. cap. 11*. Ita fit ut Christiani nullam aliam hominum societatem, quam eam quæ Jesu Servatoris fidem colit, Ecclesiâ umquam appellarint. Non nego fuisse aliquos, qui minus proprie Hæreticos, & Catholicos simul Ecclesiâ constituere existimarent, velut Critopulum *In Confess. Fidei cap. VII*. verum horum ceteris non fuit probata sententia. Adhuc Clementem Alexandrinum *lib. VIII. Stromat. Edit. Paris pag. 765. Basilium Magnum Epist. cccxciii*. Jobium Monachum apud Photium *In Biblioth. Cod. cxxii*. Cyrillum Alexandr. *ad cap. XLII. Isaia pag. 544*. Theodoritum *In Psalm. XL*. ubi hæc habet: *Nec Dei Ecclesiâ ex hominibus perfectis tota constat, sed habet etiam ignavos, & qui remissam amplectuntur vitam, quique voluptatibus serviunt*. Mitto Augustinum, Hieronymum, Optatum, alios denique omnes, qui in eandem conspirant sententiam.

(4) Adposuit Clemens Alexandrinus *Lib. VII. Stromateon Edit. Paris. pag. 765*. *In unius, inquit, naturæ sortem cooptatur Ecclesiâ, quæ est una, quam conantur hæreses in multas discindere. Et substantia ergo, & cogitatione, & principio, & excellentia, solum esse dicimus antiquam, & Catholicam Ecclesiâ in unitate unius fidei, quæ est ex proprii testamentis, vel potius ex testamento, quod est unum diversis temporibus &c.* Consule Basilium Magnum *Epist. cccxciv*. & Chrysostomum *Homil. I. in I. Epist. ad Corinth.* Non autem fidem internam solum, sed opera quoque externa, quæ interiori fidei respondeant, requirit noster: Ac merito ille quidem. Cum *visibilis Ecclesiâ visibilia* indicia, quibus dignoscatur, necesse est habeat. Fides porro hæreticorum, satis non est, ut veram constituere possit Ecclesiâ. Nam etsi fidem exterius profiteantur, non integram tamen, neque solido fundamento subnixam, seu ut noster dicit aliquanto interius, *testificatam a lege, & Prophetis*. Itaque externa, quam adhibent fidei professio, non est veræ Ecclesiæ nota: Eam namque postulamus fidei professionem, quæ nullum conestatur errorem, atque omnes, quotquot sunt, excludat. Sed Novatores eam fidem satis esse putant, quæ præcipuas contineat veritates. Vehementer autem inter se dissentiant in designandis articulis, quos fundamentales vocant. Atque ita quidem Iulius hæreticus, quem Theologi nostri merito exagitant,

In Tractat. de Unitate Ecclesiâ Edit. Roterod. ann. 1688.

(5) Vetus hæc calumnia hæreticorum est. Nam Manichæi Catharorum Magistri hoc idem Ecclesiæ Catholicæ exprobraverunt. Ut autem fructus nostræ Ecclesiæ malos esse ostenderent, hypocrisim ei, superstitionem, luxuriam, aliaque generis ejusdem vitia illi objiciebant. Consule S. Augustinum *lib. de Moribus Ecclesiâ cap. xxxiv. col. 531. Tom. I. Opp. Edit. Antwerp. an. 1700.*

(6) Donatistæ negabant peccatores esse Ecclesiæ membra. Adhuc Augustinum *lib. de Unitate Ecclesiâ cap. xii*. Idem placet Calvinianis hæreticis: *Calv. lib. IV. Institut. cap. I. §. vii*. Non excludit, neque exterminat ab Ecclesiâ Christianos fidei Catholicæ addictos, sed pravis moribus, Moneta: Nec injuria. Nam omnium Patrum, qui Scripturam usi sunt auctoritate, concurs hæc est, atque communis sententia. Augustinus *Lib. III. contra Litteras Petiliani cap. xxxvii. col. 216. Tom. IX. Opp. Edit. an. 1700.* *Si in Ecclesiâ vere mali sunt*, inquit, *quos accusatis, non jam in illa, sed in paleis ejus sunt: si autem boni sunt, cum eos iniquis criminacionibus infamatis, ipsi velut aurum probantur*. Theodoretus in *Ps. XL. Nec Dei*, inquit, *Ecclesiâ ex hominibus perfectis tota constat, sed habet etiam ignavos, & qui remissam amplectuntur vitam, quique voluptatibus serviunt*. Vide etiam Jacobum Benignum Bossuetium in *Conference avec Mr. Claude sur la matiere de l'Eglise pag. 127. seq. Tom. I. Opp. Edit. Vener.*

(7) Cum fidem se ipsa justificare hominem putent Calviniani, & Lutherani, eos qui improbi sint, fide carere fateantur necesse est. Verum nostri responsio, & Scriptura, & Patrum auctoritate probatur. Hinc ad *Galatas v. 6*. fidem ad justitiam conferendam opus habere charitate affirmat: tumque jam fidem ipsam fieri efficacem. Pulchre, & ad rem nostram apposite Theodoretus. *Quæst. LXXII. In Exod. pag. 110. Non sufficit, inquit, fides ad salutem, sed operibus indiget ad perfectionem*. Consulendus Gregorius Nazianzenus *Orat. xxviii. pag. 476. Tom. I. Opp.* Falsus ergo fuit Eunomius, qui ut observat Gregorius Nissenus *Lib. I. contra Eun. pag. 306*. putavit: *μόνην ἀρχαίαν τῶν ἀνθρώπων τὴν ἀλυσμένην αἰσίν πρὸς πελαγοῦται*. Ad perfectionem sufficere homini solum hæreticam fidem. Falsi quoque sunt juniores hæretici, qui fidem operibus destitutam, non esse veram, sed hypocriticam fidem; Hoc est simulatam fidem esse statuunt.

vero fide creditur Christus, & obeditur; sine causa enim non dixit: *Qui credit mihi opera quæ ego facio &c.* Sed dixit *qui credit in me*, hoc enim est credendo ire per viam Charitatis in obedientiam mandatorum ejus.

Item objicit dicens, cum fructus fidei Romanæ malus sit, fides ejus mala est.

Solutio: Malus fructus non est fructus Ecclesiæ Romanæ, sed cujus fructus sit dicit Apostolus Gal. 5. v. 19. ubi ait: *Manifesta autem sunt opera carnis*, idest carnalis voluptatis, *quæ sunt fornicatio &c.* quæ ibi ponuntur.

Præterea, aliquis plene in fide tua doctus malorum operum est, numquid illa opera fructus dices fidei tuæ quam habet? Non.

Objicit contra, & dicit: decem partes Ecclesiæ Romanæ malæ sunt, & etiam plures, potius ergo debet dici Ecclesia diaboli, quam Dei.

Ad hoc dico quod argumentatio illa non valet, quoniam illi, qui mali sunt non sunt partes Ecclesiæ quo ad hoc quod malorum operum sunt, sola enim fide de ista sunt, conversatione autem sunt extra Ecclesiam.

[*] Item fides Romanæ Ecclesiæ mortua est, ergo Ecclesia Romana mortua; ex fide enim mortua non est vita, si autem Ecclesia Romana mortua est, cum Ecclesia Dei viva sit, ipsa non est Dei Ecclesia.

Solutio. Prima falsa est, imo ejus fides viva est, licet in aliquibus sit mortua; sicut etiam tua fides in credentibus tuis mortuam esse diceres, licet in te diceres non esse mortuam, quod tamen falsum est [*].

Item objicit hæreticus malo Præfato, vel cuilibet alio malo Catholico, & insultans ei dicit illud Jacobi 2. v. 18. *Sed dicet quis: Ostende mihi fidem tuam ex operibus* (8), & ego ostendam tibi ex operibus fidem meam.

Solutio: Talis homo tantum credens est, non operans secundum quod credit, iste ex operibus non potest fidem ostendere, sed Ecclesia potest hoc facere, quia habet alios non tantum credentes, sed etiam bene agentes. Idem possum opponere tibi de tuo credente, quod tu de meo opposuisti. Sciendum autem quod Jacobus monet fideles ad vitandum mala opera, & ad agendum bona, propter prædictam hæreticorum insultationem vitandam. Dico autem quod non cognoscitur fides esse vera, vel falsa ex operibus, duo enim sunt ejusdem fidei, quorum unus est bonorum operum, alter non, sed ex operibus cognoscitur mortua esse, vel viva (9); sicut corpus humanum cognoscitur mortuum esse vel vivum, ex eo quod agit, vel non agit; si enim fides bona opera facit, viva est; si non facit, mortua est. Quod autem ita sit patet ex verbis ipsius Ja-

cobi, qui illam fidem appellat otiosam, quasi in otio, non in actione: dicitur etiam fides mortua per similitudinem aliam, quoniam sicut corpus sine vita sua, idest sine anima mortuum est, ita etiam fides mortua est sine vita, idest sine dilectione Dei, & Christi; talis autem est fides illius, qui non bene agit, sed otiosus existit 13. Joan. 3. v. 14. *Qui non diligit manet in morte*, ille autem non diligit qui non bene agit, unde Joan. 14. v. 23. dicit Christus: *Si quis diligit me, sermonem meum servabit*; Item ibidem v. 24. *Qui non diligit me sermones meos non servat*: est autem competens similitudo ista, quia sicut anima trahit corpus ad operationem, sine anima vero non trahitur ad illam operationem, ita dilectio Dei trahit fidem ad bona opera, sine dilectione vero Dei manet otiosa.

Item adhuc probare nititur hæreticus, quod Ecclesia Romana non sit Dei Ecclesia, per multas ejus consuetudines (10), quæ in Evangelio, vel in alio libro Novi Testamenti non sunt scriptæ, nec potest ostendi quod fuerint in Ecclesia primitiva.

Similiter & ego possum eis objicere de suis consuetudinibus: aliquas enim tales habent & in orando & in comedendo, & in abstinendo.

Præterea, si illæ non sunt consuetudines contrariæ mandatis Dei, quare illas vituperas tanquam malas? non sunt enim malæ, si non sunt divinis mandatis contrariæ; si autem malæ non sunt, vituperandæ non sunt, imo magis laudandæ, & Ecclesia de eis laudanda.

Præterea, nunquid Ecclesia potest constituere aliqua? Quod possit, inferius ostendetur.

Item, ad infamiam Ecclesiæ inducit illud Matt. 23. v. 24. de Phariseis & Scribis Judæorum: *Alligant enim onera gravia, & importabilia, & imponunt in humeros hominum; digito autem suo nolunt ea movere*; dicunt enim, quod Sacerdotes Romanæ Ecclesiæ tales sunt.

Ad quod dico: quoniam si qui in Ecclesia Romana tales sunt, mali sunt, nec malos excusō, nec propter malos bonos arguere volo.

Præterea dic mihi hæretice, quare subticuisti verbum Domini, quod præcessit v. 2. & 3. *Locutus est Jesus ad turbas & ad discipulos suos dicens: Super Cathedram Moysi sederunt Scribæ & Pharisei, omnia ergo quacumque dixerint vobis servate, & facite, secundum vero opera eorum nolite facere*. Moyses Magister legis fuit, cathedra ergo Moysis magisterium ipsius est, scilicet lex ipsa, in qua teste Apostolo Rom. 2. v. 21. Judæi quiescebant; sic ergo hortatur Dominus populos, & discipulos suos, ut subjiciantur illis Doctoribus, attendendo non vitam, sed doctrinam ipsorum. Scribas & Phariseos, & eis similes arguit Paulus Rom. 2. v. 21. *Qui prædicat*

[*] Quæ duobus asteriscis comprehensa sunt, desunt Cod. Be-
noniensis. Ceterum hoc argumenti genere utebantur olim Donatistæ,
& utuntur etiamnum hæretici juniores.

(8) Negari nequit, quod opera fidem esse in homine charitate formatam indicent. Verum ex malis operibus concludere nemo potest interiusse in homine fidem, modo tamen is eam se profiteri dicat.

(9) Ita quidem Patres omnes explicant. Auctor Epistolæ ad Ephesios, quæ sancto Ignatio Martyri tribuitur: *Initium, inquit, vitæ fides est, perfectio vero charitas: hac autem duo quoties in unam coeunt, Dei hominem perficiunt*. Paria habent ceteri, qui exploratam habuerunt Jacobi sententiam.

(10) Romanæ Ecclesiæ consuetudines alias esse Ecclesiæ universæ communes, alias ipsi particulares sapienter observat Melchior Canus Lib. vi. de loc. Theol. cap. vii. resp. ad extrem. arg. Primas autem accepit ab Apostolis traditione quadam, ut præclare animadvertit S. Augustinus in Ep. ad Januar. olim cxviii. consule Innocentii I. Epist. ad Decentium. Posteriores autem vel a Petro habet, vel ipsa recte instituit, quamvis non æque curarit, ut in orbem universum promulgarentur, quocirca nec ab omnibus servari oportere docent Augustinus Ep. lxxxvi. ad Casulanum, & cxviii. & cxlix. ad Januarium, & Nicolaus Papa XII. Dist. cap. scit.

cas non furandum &c. Ergo si nostri tales sunt, quales illi fuerunt, ut dixisti, subjiar. Sacerdotibus Ecclesiæ Romanæ, servando corde, & faciendo opere quod illi dicunt, non faciendo tamen, quod illi faciunt, quod quia non facis, transgressor esse convinceris.

Si autem dicat hæreticus, numquid Christus suadebat eis, ut mandata legis Moysis servarent, & facerent secundum quod dicebant Scribæ & Pharisei?

Dico quod sic; nondum enim cessaverat lex, donec Christus se obtulit in Cruce, de cujus cessatione, & tempore, & causa cessationis habetur in quarta parte hujus operis in cap. de Lege.

Præterea: nonne vides, quod Dominus dixit, *super Cathedram Moysis &c.* quod verbum ideo præmisit, ut ostenderet eos tunc audiendos in his, quæ ad doctrinam legis Mosaicæ pertinebant, non in suis propriis traditionibus, quas addiderunt contra legem, ut patet Matth. 15. v. 16. *Irritum fecistis &c.* Nonne etiam vides, quod ex illo verbo conclusit tanquam a causa, *omnia ergo &c.* & ne istud *omnia* particulariter, & non universaliter sumi dicas, subdit *quæcumque dixerint &c.*

Inducunt etiam illud contra Ecclesiam, quod Dominus dixit Scribis, & Phariseis Mat. 23. v. 13. *Va autem vobis Scribæ & Pharisei hyppocritæ, quia clauditis regnum Cælorum ante homines, vos autem non intratis, nec introeuntes finitis intrare*, dicunt enim, quod nos sumus similes illis, quia nec intramus regnum Cælorum, idest in Ecclesiam Dei per fidem, nec volentes intrare finimus introire.

Sed miser hæreticus in his falsum locutus est triplex, quorum nullum testimonio probare potest. Primo, quia dixit, quoniam nos claudimus regnum Cælorum ante homines; secundum, quia dixit, quod non intramus regnum Cælorum, idest Ecclesiam Dei per fidem; hoc autem dixit, quia nos non intramus eorum Congregationem, quam dicunt regnum Cælorum, quod quidem verum est, scilicet quod eam non intramus, falsum est autem quod illa sit regnum Cælorum, vel Dei Ecclesia, imo Synagoga satanæ; tertium, quia dixit quod volentes intrare non finimus.

Sed ipse hæreticus quod ei convenit, & quod facit, Ecclesiæ Dei, id est nobis, attribuit. Primo Lucæ 11. v. 12. ait: *Va vobis legis peritis, quia tulistis clavem scientiæ, ipsi non introistis, & eos qui introibant prohibuistis*; ergo clavis ista ad scientiam, idest ad fidem Christi habebatur ab eis; tu autem dicis me successorem eorum; ergo habeo clavem scientiæ, idest fidem, sed sola Ecclesia habet clavem; ergo ego sum in Ecclesia Christi, & tu non; ista autem auctoritas Lucæ determinata est supra in quarta parte in cap. de lege.

Illud etiam objiciunt, quod Dominus dicit Matth. 23. v. 29. usque ad 33. Scribis, & Phariseis: *Va vobis qui edificatis sepulchra Pharisaorum, & ornatis monumenta iustorum, & dicitis, si fuissetis in diebus patrum nostrorum, non essemus socii eorum in sanguine Prophetarum, itaque testimonio estis vobis metipsis, quia filii estis eorum, qui prophetas occiderant, & vos implete mensuram patrum*

vestrorum, serpentes genimina viperarum, quomodo fugietis a judicio gehennæ? Vult autem dicere Christus, quod sicuti ipsi erant filii homicidarum naturaliter ut testabantur, ita etiam per imitationem, quoniam patres prophetarum occiderunt, ut & ipsi ædificantes, & ornantes eorum sepulchra, & maleficia patrum culpantes, mensuram patrum impleverint; quia Dominum Jesum, & ejus Apostolos occiderunt; per hoc enim quod dicit eis *implete &c.* non jubet ut faciant, sed prædicit, quid facturi erant, cum dicit, implebitis; & ponitur imperativum verbum pro indicativo: dicunt autem quod Sacerdotes Ecclesiæ Romanæ, quos etiam Phariseos modernos appellant, eadem ira accensi, operibus illorum homicidarum consentiunt, dicentes, quod Pharisei Judæorum, quos patres Sacerdotum nostrorum dicunt, Apostolos occiderunt, & Sanctorum Ecclesiam primitivam persecuti sunt, nostri autem Sacerdotes sepulchra eorum ædificant, & ornant, & desuper altaria construunt: eadem etiam ira accensi mensuram illorum Phariseorum implent, occidendo, persequendo eorum Ecclesiam.

Solutio: In verbis prædictis multa falsa locutus est hæreticus; unum est, quia dicit, quod Sacerdotes nostri eadem ira accensi sunt, qua & Pharisei, imo iustitia armati contra hæreticam pravitatem; ut patebit in cap. de isto mandato, *Non occides*. Secundum falsum est, quod nos illorum Judæorum operibus, qui prophetas occiderunt consentiamus, hoc enim probare non possunt: quod autem ædificemus sepulchra Sanctorum, & ornemus, & desuper altaria faciamus: istud non negamus, verum enim est in aliquibus locis; etiam bonum est quod facimus, non contra Evangelium; nec de isto opere arguuntur, nec de decimis, vel primitiis, imo dicit Christus, quod hæc oportuit facere, & illa non omittere; unde & mentiris in sequenti articulo, dum eos a Christo de illis asseris redargutos. Quod autem subjungit, falsum est, scilicet quod eadem ira accensi, mensuram illorum Phariseorum impleamus occidendo, & persequendo; ipsi enim non sunt Dei Ecclesia, nec Apostolorum, & Martyrum Christi successores, imo eorum & Christi doctrinæ contrarii. Extrinsecus quidem induti vestibus ovium, scilicet jejuniis, & orationibus, & aliis hujusmodi, intrinsecus autem sunt lupi rapaces. *Intrinsecus* autem dicit, quia licet exteriori conversatione oves se simulent, tamen interiori voluntate sunt lupi omnium devoratores. Quod autem doctrinæ Christi & Apostolorum sint contrarii patet ex præcedentibus, ubi ostensum est, quod secundum fidem quam habent, contrarii sunt articulis rectæ, & sanæ fidei.

Item dicit hæreticus, quod Romana Ecclesia dicitur bona, & non facit; & si bona aliqua facit, ideo facit, ut ab hominibus videatur, unde ornat altare non retro ubi non videatur ab hominibus, sed ante, & a lateribus, & longis orationibus utitur; ut bona capiat viduarum, & decimas: & primitias oleorum, & animalium a principio exigit; de quibus omnibus Christus Scribas, & Phariseos arguit dure Matth. 24.

Solutio: Ecclesia Romana, bona dicitur, & facit,

oit, ornatque altare non ut tantum videatur ab hominibus, sed ut illud impleatur, *lucet lux vestra coram hominibus, ut videant opera vestra bona, & glorificent patrem vestrum qui in cœlis est*. Nec utitur longis orationibus, ut bona hominum rapiat, & si aliquis in ea hoc facit, de Ecclesia quidem est fide, non opere, male enim facit, nec enim prohibitum est multa loqui in oratione sed sicut Ethnici faciunt, qui dant operam magis excitandæ linguæ, quam menti mundandæ.

Item, confidebant in verborum multitudine, non in mentis puritate; legitur enim Dominum in oratione pernoctasse, & in passione prolixius orasse.

Item Paulus: *Sine intermissione orate*; nec est verum, quod Dominus arguat eos de omnibus illis, ut prædiximus.

Item hæreticus dicit: si caput bonum esset, mirum esset quomodo tam mala haberet membra, quod ad præsens non solvimus, dimittentes id usque ad caput de Prælati Ecclesiæ.

Item dicit, quod Ecclesia Dei in mundo isto passura sit persecutionem, non factura aliis: Ecclesia autem Romana facit aliis persecutionem, & manet a persecutoribus libera. Hujus quoque solutionem differimus usque ad caput de isto mandato: *Non occides*.

Item objicit hæreticus: Ecclesia Christi imminuentibus tribulationibus sæpe esuriebat, & sitiebat, colaphis, & verberibus cædebatur, & facta instabilis suis manibus laborabat, aliena non appetens, propria libenter Christi pauperibus erogabat, ita quod nec quisquam egens erat inter eos, maledicebatur, & benedicebat; unde 1. Cor. 4. v. 11. *usque in hanc horam & esurimus, & sitimus, & nudi sumus, & colaphis cædimur &c. & benedicimus*; non ita autem Romana Ecclesia se habet: Romana enim Ecclesia in divitiis multis est, & in deliciis, induta purpura, (11) & bysso, & epulatur quotidie splendide, & secunda, & stabilis in hoc mundo, non laborat manibus suis, sed ipsa lasciva, & otiosa devorat aliorum labores, ab aliis benedicitur, & maledicit.

Solutio: Dicimus quod Romana Ecclesia imminuentibus tribulationibus alicubi esurit, & sitit, colaphis, & verberibus cæditur, & instabilis est, & laborat manibus suis in aliquibus membris suis. Romani non omnes manibus suis laborabant, imo carnalia metebant ab his, quibus spiritualia seminabant. Si qui autem otiose, & lascive in ea vivunt, non defendo illos. Si autem dicis, quod nec quisquam egens erat inter illos, verum est: quoniam pauci erant, & tempore aliquo. Alioquin quomodo dicit Apostolus *usque in hanc horam & esurimus, & sitimus, & nudi sumus*. Quod autem Ecclesia Dei malediceret, inferius patebit, quando agemus de excommunicatione, capite de Prælat.

Item, quod possit habere divitias, istud determi-

(11) Hoc idem objiciunt Romanæ Ecclesiæ hæretici juniores; iique præsertim, qui commentarios in jus Canonicum ediderunt, ut missos faciam Lutherum, Calvinum, Zuinglium, qui multis potestatem Romanæ Ecclesiæ, atque opes impudentissime reprobant. Vide, si licet, Casparis Ziegleri *Dissert. de juris Canonici Origine* pag. 26. 27. Edit. an. 1669., & *Instit. Juris Canonici* Just. Henningis Bohemeri.

(12) Nil mirum hæc opponia Valdensibus. Erant enim Anaba-

nabatur in cap. an Ecclesia possit habere divitias. Quod autem dicit hæreticus, quod Ecclesia Romana in alienis laboribus gloriatur, & in redditibus mortuorum, non obstat; ait enim Christus discipulis: *Alii laboraverunt, & vos in labores eorum introistis*.

Præterea, nunquid dices: Apostolos in alienis laboribus gloriari, dum metebant carnalia ab his, quibus spiritualia seminabant? Non. Similiter dico quod Ecclesia Romana se habet.

Præterea; nonne tua Synagoga legata recipit mortuorum? Nonne aliquoties, cum aliquis moritur, recepta manus impositione a te, legat Ecclesiæ tuæ tantum vel tantum; & alii totidem aut plus, vel minus?

Item dicunt: Ecclesia Christi contemnebatur, & blasphemabatur a mundo, e converso Ecclesia Romana a mundo honoratur.

Solutio: Immo a mundo, & infidelibus, & Tyrannis, & hæreticis contemnitur, & vituperatur. Si autem honoratur ab aliquibus mundanis, illi Christiani sunt saltem fide, licet non opere. Præterea, non ne dicit Apostolus 1. Tim. 3., de Episcopo, *oportet autem illum testimonium habere bonum ab iis, qui foris sunt*?

(12) Item dicunt: quod Ecclesia Christi prius docebat, quam baptizaret aliquem, sicut habetur Matth. 28. v. 19. *Euntes docete omnes gentes baptizantes &c.* Ecclesia Romana prius baptizat, quam doceat, ut patet in parvulis. Præterea, numquam invenitur, quod Christus, & ejus discipuli baptizarent aliquem carentem fide, & rationis usu, Ecclesia vero Romana hoc facit.

Solutio ad primum; quod Ecclesia Romana prius docet, quam baptizet adultos, de illis enim loquebatur Christus Jesus dicens 28. Matth. *Euntes &c.* Addo, quod non omnia, quæ fecit, aut discipuli ejus, in Scripturis reperiuntur; dicit enim Johannes in fine Evangelii sui: *Sunt & alia multa, quæ fecit Jesus, quæ si scribantur per singula, nec ipsum arbitror mundum capere eos, qui scribendi sunt, libros*.

Præterea, nonne Dominus imponebat manus parvulis, & benedicebat eis? Utique, ut habetur Matth. 19. & Marci 10. & quod loquebatur de parvulis materialibus patet in capite de Baptismo, & quarta parte hujus operis super illud verbum Lucæ 18. v. 15. *Afferebant ad illum &c.* Nonne tu dicis, quod manus impositio Baptismus verus est, & non Baptismus aquæ materialis? Utique dicis, quamvis male dicas. Dominus ergo baptizabat parvulos secundum te, & tamen non habent usum rationis, quare ergo inde arguis Ecclesiam Romanam? Nonne etiam mentitus es dicens: quod Christus neminem talium invenitur baptizasse, cum inveniat manus eis imposuisse: si manus impositio Baptismus est, (13) ut dicis?

Præterea, nonne & tu doctrinæ Christi contrarius

D d d es, pristinæ Catharis namque accessere, qui infantes baptizari non oportere censebant. Vide not. in lib. IV. *Hujusce Op. Cap. 1. §. IV.* Non discrepabant Petrobrusiani, Henriciani, Pseudo apostolici, quorum errorem sequuntur hæc ætate Anabaptistæ juniores.

(13) Catharum hoc loco, non Valdensum insectatur. Nam Cathari fuerunt, qui manuum impositionem Baptismum esse verum pugnabant.

es, qui imponebat manus infantibus, tu autem non imponis, immo damnatos esse dicis, & perditos, si ante annos discretionis decedunt.

Præterea: pluries invenitur, quod aliquis baptizatus est, & domus ejus tota, ut patet Act. 16. de Custode carceris, qui baptizatus est cum tota domo sua.

Item 1. Corinth. 1. v. 16. *Baptizavi autem & Stephanæ domum*, verisimile enim est, quod in domo idest familia istorum, & similibus essent parvuli, & dicitur quod tota domus ejus baptizata est; quare ergo negas pueros baptizandos?

Item, quod Ecclesia Romana non sit Dei Ecclesia, probare nituntur per viduam, de qua dicitur 1. Tim. 5. v. 9. *Vidua eligatur non minus sexaginta annorum &c.* hanc enim debet habere Dei Ecclesia, sed Romana Ecclesia eam non habet. (14)

Solutio: Hanc potest habere Ecclesia ad curam aliarum, sed sine hac potest Dei esse Ecclesia; nonne moritur aliqua vidua tua, antequam aliam ordines? ergo tua congregatio non est Dei Ecclesia, si sine tali esse non potest; constat ergo, quod licet, & potest esse, quod Ecclesia Dei sine tali vidua sit; nec est præceptum, sed consilium tantum quod ibi dicit Apostolus de Vidua eligenda; quid enim obstat, si virgo esset, & numquam virum, aut filios habuisset, dummodo prudentior, & sanctior esset, vel æque sancta, & quinquaginta novem annorum esset?

Præterea: dic mihi, de quibus annis loquitur, nunquid de annis istis transitoriis? Si hoc esset; Contra: Ad hoc ut Ecclesia Dei sit, oportet quod viduam talem habeat; ad hoc autem ut talis sit, necesse est quod ad minus sit tot annorum; ergo anni faciunt, adesse Ecclesiam Dei, quomodo ergo audes dicere, quod sit a diabolo? de illo enim intelligis illud Genes. 1. v. 16. & 17. *Fecit Deus duo luminaria, luminare majus, ut præesset diei, & luminare minus, ut præesset nocti, & stellas, & posuit eas in firmamento?* Prius autem dixerat de istis: quod sint *in signa & tempora, & dies, & annos.*

Præterea, nonne dicitur: *Vidua eligatur*: si necesse est, quod sit vidua, modo quæro; qua viduitate, materiali vel Spirituali? si materiali, bona est ergo talis viduitas materialis, per quam ipsa vidua digna est eligi (15) & sine qua non potest eligi. Si spiritualis, quomodo ergo dicitur non minus sexaginta annorum?

Præterea, vidua dicitur a viro separata per mortem viri. Si a viro materiali, ergo non intelligitur de viduitate spirituali: Si a viro spirituali; Quis est ille vir? Si Prælati, quid erit si non est separata a Prælato? Quia Prælati non est mortuus spiri-

tualiter, idest per peccatum; nec corporaliter. Si autem vir ille diabolus est: quomodo ergo intelligitur, quod fuerit unius viri uxor. Nunquid unius diaboli? Si hoc: ergo non posset eligi nisi fuisset uxor unius diaboli: Quod si duorum vel trium, ex quo sancta est modo? Si intelligitur de materiali viro, ergo matrimonium carnale facit ad hoc, ut vidua sit talis, quæ possit eligi in Ecclesia Dei, ergo bonum est, cum sit necessarium Ecclesiæ, quia necessarium est viduæ eligendæ, & ejus fructus. Unde dicit Apostolus: *Si filios educavit*; Istud enim de spiritualibus non potest intelligi, quia fœminæ non est concessum dominari in virum, ut habetur 1. Timoth. 2. v. 12. Si autem id intelligitur de viro spirituali; Contra: Ubi habes, quod Prælati sit vir Ecclesiæ?

Præterea quid si habuisset duos Prælatos? Nunquid non potest eligi?

Item dixit hæreticus: quod Ecclesia Dei non occidebat, non jurabat, Ecclesia autem Romana hoc facit. Ad quod patebit responsio, quoniam sicut aliqui tunc non occidebant, ita etiam nec modo aliqui occidunt in Ecclesia Romana, nec licet eis.

Præterea, proba quod dixisti, quod Ecclesia Dei nunquam occiderit, vel juraverit; nunquid omnes nosti, qui fuerunt in Ecclesia primitiva; posito autem quod nulli tales fuerunt, potuerunt tamen esse licite aliqui tales, ut inferius ostendetur cum de occisione agatur.

Dixit etiam hæreticus, quod filii Ecclesiæ Romanæ rapiunt, & furantur contra Dei mandatum.

Solutio: Non sunt hi filii Romanæ Ecclesiæ, nec de Ecclesia in quantum hoc faciunt; intus quidem sunt aliqui tales fide sola, extra vero sunt operatione perversa.

Præterea, immo tu furaris, qui furtum recipis scienter, & rapinas, ut ostendetur in capite de hoc mandato: *Non furtum facies.*

Item obijciunt: quia in Ecclesia Romana multi sunt egentes, qui fame, siti, & frigore quasi moriuntur, quibus divites Ecclesiæ Romanæ, non compatiuntur, sed afflere, sed affligi prædictis (16) passionibus sinunt; quomodo ergo Charitas Dei manet in eis? nullomodo, ut etiam dicitur 1. Jo. 3. v. 17. *Qui habuerit substantiam hujus mundi &c.* Si autem Charitas Dei non manet in eis, quomodo Ecclesia Dei sunt?

Solutio: Si qui tales sunt in Ecclesia, imo qui tales sunt, nec Ecclesia Romana sunt, nec de Ecclesia ipsa, nisi sola fide; sunt autem in ea aliqui, qui sua libenter pauperibus erogant, & operibus misericordiæ se & sua exponunt.

(17) Item obijcit hæreticus, quod Ecclesia Ro-

ma-

(14) Hinc patet Catharos viduas habuisse, quæ rebus Sacris se se miscerent. Fortasse eadem ipsæ erant Catharæ, quæ si aberat Episcopus, aut filius major &c. manus imponebant, dabantque poenitentiam, cujus rei meminit Reinerus Sachonus *In summa de Catharis*.

(15) De viduis nullum exstat in Scriptura præceptum; ceterum etsi primis Ecclesiæ temporibus fuerint in Ecclesia, progressionem temporis sublatae sunt, quod forte ad utilitatem Reipublicæ Christianæ non conducere, ut essent, quæ jam longe ab instituto suo deflexerant. At Virgines, viduarumque castitatem profitentium, degentiumque in Monasteriis magnus est, ut nemo ignorat, in Ec-

clesia numerus. Vide quæ habet Binghamus *lib. 11. de Origin. Eccl. Cap. xxii. de Diaconis*.

(16) Mirum! Catharus hæc opponit Ecclesiæ Romanæ, qui etsi famem pati suum fratrem cerneret, elemosynam tamen ei non largiebatur. Videtis Reinerum Sachonum *In summa de Cathar. Tom. v. Thesauri Anecdotor. Martenii*.

(17) Sumpserunt hoc a Manichæis Cathari. Illi namque gloriabantur, quod exiguo essent numero. Augustinus *Contra Lit. xi. Cap. xiii. col. 185. Edit. an. 1700. Nec illi, inquit, audiantur, qui sub nomine quasi secreta, & Apocrypha veritatis, & hominum paucitatis dicunt: Ecce in cubiculis, ecce in deserto, &c.* Fre-

mana multiplicata est, & dilatata per orbem; e contrario Ecclesia Dei pauca est. Matth. 7. v. 14. *Arcta via est, quæ ducit ad vitam &c.*

Solutio: Immo Ecclesia Dei (18) multa est, unde cum Johan. in Apocalyp. 7. v. 4. dixisset: *In omni tribu filiorum Israel tantum quadraginta quatuor milia signati*; subdit Apostolus v. 9. *Post hæc vidi turbam magnam &c.* Quod cum tibi non conveniat, constat, quod tu non es Dei Ecclesia: dicuntur tamen qui salvantur pauci, comparatione eorum qui damnabuntur, cum tamen multi sint in se ipsis.

Præterea: si vos Cathari de paucitate gloriâmini, pauciores vobis sunt Leonistæ, (19) multo igitur magis possunt gloriari de paucitate, & jactare se esse Ecclesiam Dei; & si aliqui pauciores illis, ipsi iterum multo magis poterunt gloriari, quod minime concedendum est. Dico etiam, quod illi, qui in Ecclesia Romana sunt fide, & opere, intrant per angustam portam, & incedunt arcta via; alii vero qui sic non incedunt in ea, non salvantur.

Obijcit etiam hæreticus dicens: Ecclesia Christi dicitur hæresis a principibus Sacerdotum, & Sacerdotibus, ut patet Actor. 24. ubi Paulus ait ad Felicem præsidem v. 14. *Confiteor autem hoc tibi, quod secundum sectam, quam dicunt hæresim, sic deservio Patri, & Deo meo &c.*

Item, ubique ei contradicitur, ut habetur Actor. 28. Ecclesia autem Romana Sancta, & Catholica dicitur ab hominibus hujus mundi, & ubique per mundum ei favetur.

Solutio: immo ubique ei contradicitur. Nonne a Judæis contradicitur ei? nonne a Paganis? nonne a falsis fratribus, de quibus tu es? & qui eam Sanctam, & Catholicam prædicant, valde pauci sunt

respectu eorum, qui contrarium asseverant; omnes enim prædicti eam hæresim dicunt, quamvis falsum dicant.

Præterea, quod auctoritas Pauli, quam pro te induxisti, contraria tibi sit, patet ex verbis Pauli; cum enim dixisset: *Sic deservio Deo Patri*, statim exposuit illud sic, cum ait: *Credens omnibus, quæ in lege, & prophetis scripta sunt*; tu autem non omnia credis, quæ in Scripturis sunt.

Item subdit Apostolus: *Spem habens in Deum, quam & hi ipsi expectant resurrectionem horum corporum*, qui resurgunt, illam habebunt; sed hanc spem tu non habes, Ergo tu de secta Pauli non es, quæ hæresis dicebatur, sed nos ejus secta sumus, qui in omnibus, quæ in lege, & prophetis scripta sunt credimus, & spem horum corporum, quod resurgant, habemus.

Item obijcit hæreticus dicens: In Ecclesia Christi (20) non fuerunt hi Ordines, scilicet Ordo Augustini, vel Benedicti; in Ecclesia vero Romana sunt.

Item in Ecclesia Christi fuerunt tantum Episcopi, filii, & Sacerdotes, sive Presbyteri, & Diaconi; non fuerunt ibi Archiepiscopi, nec Primates, vel Cardinales, vel Archidiaconi, Acolythi, Exorcistæ, Lectores, & Ostiarii, vel Cantatores, vel Sacristæ.

Solutio: Nec etiam ordo Catharorum ibi fuit.

Præterea, posito, (21) quod ibi non fuerint, quid nocet hoc, si contra Christi, vel Apostolorum ejus præceptum non est? si autem existit contra, ostende in quo; quod cum facere non possis, tace.

Ad aliud: quod nec ipsi possunt ostendere, unde habent filium majorem, (22) vel minorem, nisi ex

D d d 2

insti-

Frequentius tamen Donatistæ hoc sibi momentum magno esse præsidio contendebant. Sic enim agebant. Ideo *justi sumus, quia pauci sumus. In paucis frequenter est veritas, errare multorum est.* Confule eundem Augustinum Lib. 111. *Contra Cresconium cap. lxxvi. num. 75. & Lib. iv. Cap. lxxxi. num. 63.* Festive idem ipse Augustinus Lib. 11. *Opp. Imperf. & Cap. 111. Nolite*, inquit, *de paucitate gloriari. Parricida & pauci, & pessimi sunt.*

(18) Cyrillus Hierosolymitanus *Cathech. xviii. Illuminat. Catholica*, inquit, *vocatur Ecclesia, quia per universum orbem terrarum diffusa est a finibus terræ ad fines.* Confule S. Irenæum Lib. I. *Cap. 111. Contra Hæreses.* Tertullianum Lib. *Contra Judæos Cap. 111. Cyprianum Lib. De Unitate Ecclesiæ, Athanasium Lib. De Humanitate Verbi. Chrysostomum, & Hieronymum in cap. xxiv. S. Matthæi, & alios quos recenset Bellarminus Lib. iv. De Eccles. cap. vii. pag. 87. seq. Tom. 11. Opp. Edit. an. 1721.*

(19) Nempe Valdens. Eodem autem argumento jugulat Catharos noster, quo Donatistas Augustinus. Sic enim adversus Cresconium intorquebat hoc paucitatem documentum Maximianensium comparatione, qui Rogatistis erant numero pauciores. *Noli ergo*, inquit, *in comparatione multitudinis gentium de vestra paucitate gloriari, sicut non vis, ut Maximianenses in comparatione multitudinis vestre de sua paucitate gloriantur.*

(20) Mirum quam semper Monachis infensi fuerint hæretici. Hem Tibi quæ habet Rufinus Lib. xi. *Hist. cap. 111. De Lucio Episcopo Arianorum.*, Inde ad Monasteria furoris sui arma convertit, vastat eremum, & bella quiescentibus inducit. Ter milia simul, aut eo amplius, viros per totam solitudinem secreta, & solitaria habitatione dispersos oppugnare pariter aggreditur, &c. S. Hieronymus in *Chronico* tam infensum Monachis fuisse Valentem Arianum Imperatorem, ait, ut lege lata, aut arma eos sumere, aut fustibus cædi jussit. Confule, quæ habet Johannes Chrysostomus in *Opere Adversus Oppugnatores Vitæ Monasticæ Tom. I. pag. 44. seqq. Edit. Paris.* Cadunt enim ea omnia in Valentis Ariani Imperatoris tempora, ut Sapienter animadvertit Clarissimus Montfauconius in *Monito ad idem Opus pag. 42. seq.* Pari furore in Monachos concitati fuerunt Donatistæ, ut auctor est Augustinus

Lib. 111. *Adv. Petilianum Cap. xl. Tom. ix. Opp.* Ubi hæc habet: *Deinceps perrexit ore maledico in vituperationem Monasteriorum, & Monachorum, arguens etiam me, quod hoc genus vitæ a me fuerit institutum.* Non discrepabat Vigilantius, ut constat ex Hieronymo Lib. *Adv. Vigil. pag. 288. Tom. iv. Opp. Edit. Martiani.* Nihil moror, quæ Iconomachi Constantino Copronymo imperante in Monachos moliti sunt scelera. Hos auctores sequuti sunt Cathari, quod Religiosos Monachos suis erroribus adversari experirentur. Catharis accessere Vviclefus, Martinus Lutherus, Magdeburgenses Centuriatores, uno verbo, hæretici juniores fere omnes, quos memorat Bellarminus Lib. 11. *De Monachis. Præfat. pag. 169. Tom. 11. Opp. Edit. Venetæ an. 1721.*

(21) Sunt, qui Therapeutas Philoni memoratos Lib. *De Vita Contemplativa* Christianos fuisse putent Eusebium Lib. 11. *Hist. Eccl. Cap. xvii.* Et Hieronymum Lib. *De Spiritualibus Ecclesiasticis Cap. xi.* Auctores sequuti. Vide Beveregium *Cod. Canon. Vind. 111. Cap. v.* Montfauconium in *Disquisit. Gallica De Therapeutis*, quam adjunxit *Libro Philonis mox laudato.* Id si verum est, species quædam Monachorum I. Ecclesiæ seculo vigerit necesse est. Verum Scaliger Lib. vi. *De Emendat. Temporum*, & Valesius in *Notis ad Lib. 11. Cap. xvii. Hist. Eusebii Therapeutas Christianos fuisse negant.* Et si consentiunt Samuel, & Jacobus Basnagii ille *Tom. I. Lib. 11. Annal. Eccles. Polit.* hic vero *Hist. Judaic. Tom. 11. Cap. xxi. seqq.* Ut sit, negari non potest, jam inde ab initio Ecclesiæ fuisse inter Christianos plerisque homines contemplationi rerum cœlestium, severiori que disciplinæ addictos, qui *Ascetæ* appellarentur. Tum vero Monachi appellari cœperunt, cum solitudini sese dedere, sive eremiticam coluere rationem vivendi, sive denique in Monasteria a populi consortio remota se recepere, quod factum est seculo iv. Ecclesiæ, ut ostendit, post alios bene multos, Cl. Muratorius *Tom. v. Antiq. Italicarum Dissert. lxxv.* Nil ergo mirum si Johannes Chrysostomus *Homil. xxv. in Epist. ad Hebræos. Οὐδὲ γὰρ, dicat, τότε μονάζοντες ἦν; Neque enim tunc (tempore Apostolorum) vel vestigium Monachierat.*

(22) Filium majorem appellabant Cathari eum, qui secundus erat Episcopo dignitate; Filium autem minorem, qui tertius. Johan-

institutione sua; si autem nova instituerunt, quare arguunt Ecclesiam Romanam quia nova instituit? Similiter dico: quod Ecclesia Romana ex institutione propria habet diversas personas, & personarum diversa nomina secundum diversitatem officiorum in Ecclesia; nam & illi, (23) quos Cardinales dicunt, aut Episcopi, aut Presbyteri, aut Diaconi sunt; Archiepiscopi (24) etiam & Primate, Episcopi sunt & Patriarchæ, sicut similiter & Archidiaconi Diaconi sunt; de nominibus non debet esse altercatio, quod enim sic nominentur prohibitum non invenitur, unde peccatum non est, quod sic dicantur. Illi autem gradus officiorum, qui non erant in Ecclesia primitiva, instituti sunt ab Ecclesia, quæ illi successit, & quod hoc possit, inferius ostendetur; ratio etiam institutionis horum habetur in quarta parte in cap. de Ordine.

Item obijciunt hæretici: quod unicus est salvationis modus, quoniam unica est via ad salvationem secundum Christum, qui Johan. 14. v. 6. dicit: *Ego sum via, & veritas, & vita, nemo venit ad Patrem nisi per me*; cum ergo via Ecclesiæ Romanæ (25) multiplex sit, alia enim est via Monachorum, & alia Canonicorum Regularium, & alia Clericorum aliorum. Item alia Fratrum Prædicatorum, alia Minorum; Ergo Ecclesia Romana non est de via salutis.

Solutio: Unica est via ad salutem, via scilicet principalis, & prima, idest Christus, sed in illa via sunt diversæ viæ, & diversæ semitæ, alioquin non dixisset David: *Vias tuas Domine demonstra mihi, & semitas tuas edoce me*; postea petitionem suam impletam fore, ostendens ait: *Notas mihi fecisti vias vitæ*, idest Christi, qui ait: *Ego sum via, & veritas, & vita*. Nonne hoc dicit Apostolus 1. Corinth. 4. v. 17. *Ideo misi ad vos Timotheum, qui est filius meus charissimus & fidelis in Domino: qui vos commonefaciet vias meas, quæ sunt in*

Christo Jesu; Ergo in via una quæ Christus est, idest Christi fides, sunt diversæ viæ, idest, diversi modi vivendi ad salutem sunt in una fide; falsum ergo locutus es dicens, quod unicus modus est salvationis.

Item, quod multæ viæ sunt, Isaia 55. v. 9. *Sicut exaltantur Cæli a terra, sic exaltata sunt viæ meæ a viis vestris*.

Item Actor. 13. v. 10. dixit Paulus cuidam Mago: *O plene omni dolo & omni fallacia fili: diaboli, inimice omnis justitiæ, non desinis subvertere vias Domini rectas*. Apocal. 13. v. 3. *Justa & vera sunt viæ tuæ Rex seculorum*. Nonne & Dominus Matth. 13. ait de semine, quod cecidit in terram bonam, quoniam aliud fecit fructum centesimum, aliud sexagesimum, & aliud trigessimum, per hoc autem tres status salvandorum significantur in Ecclesia Dei per terram bonam significata, scilicet Conjugatæ, Viduæ, (26) & Virgines, de quibus ostendit Apostolus, quod sunt in statu salutis 1. Corinth. 7, ut ostensum est supra in quarta parte hujus operis in capite de Matrimonio.

Dicunt etiam, quod nullus salvatur nisi in doctrina Christi, quam Apostolus dedit. Quibus dicendum, quomodo ergo vos salvabimini? certum est enim, quod a vita Apostolica decidistis, non tantum a fide ut in præcedentibus partibus ostensum est. Nusquam enim invenitur in Novo Testamento, quod Apostoli essent negotiatores, & quod pergerent ad nundinas causa negotiationis terrenæ, & quod anhelarent pecuniam cumulandam, sicut vos facitis, quomodo ergo illorum viam tenetis?

Præterea, quis usquam in Novo Testamento legit, quod Apostoli proprium haberent, & simul viventes unusquisque partem suam poneret pro emendis necessariis ad vitam communitatis sustentandam? Nullus hoc legit. Quomodo ergo tu es in via Apostolorum?

Item

nes de Lugio Auctor Catharorum Albanensium, quos Lugienfes vocabant, non Episcopus erat, sed Filius major hæreticorum, velut constat ex Rainero Sachono *In Summa De Catharis, & Valdensibus* Tom. v. *Theauri Anecd. Martenii*.

(23) Sapienter id quidem. Cardinalis enim is est olim appellatus, qui alicui Ecclesiæ, vel ædi Sacræ præfectus erat, ac veluti *incardinatus* munere Episcopi, vel Presbyteri, vel Diaconi. Itaque Cardinalis erat is, quem hodie *ordinarium* Episcopum, Parochum aut Diaconum alicui Ecclesiæ mancipatum diceremus. Adeuntor Auctor *Tractat. Gallici de Origine Cardinalium*, & Thomasinus *De Benefic. Parte I. Lib. 11. Cap. 115*.

(24) Sunt, qui Archiepiscoporum, & Primatum dignitatem ab Apostolica, etsi non divina, traditione repetant. Alii vero, quamvis fundamenta, ac veluti initia harum potestatum jacta fuisse primo Ecclesiæ seculo putent, negant tamen distinctionem tunc Metropolitæ, & sedium primas obtinentium factam, demta una Romana, cui jure divino primatus obtigit. Priorem sententiam tuen- tur Jacobus Usserius *De Orig. Episcop. & Metropol.* Beveregius *Cod. Can. Vindic. Lib. 11. Cap. v. num. 12*. Hammondus *Præfat. in Epist. Pauli ad Titum*. Atque ut ceteros missos faciam, Cl. Bacchini in celebri Opere *De Hierarch. Eccles. Orig.* Sed horum, quos laudavi non idem est in re explicanda systema. Posteriori sententiæ accedit Petrus de Marca *De Concord. Sacerd. & Imperii Lib. vi. Cap. I. num. 12*. Utcumque tamen sese res habeat, negari profecto nequit, Apostolos aliquam formam hujusce regiminis reliquisse, vetustissimamque esse Primatum, & Metropolitanorum institutionem. Johannes Chrysostomus *Homil. xv. In I. ad Timoth. pag. 510. Tom. vi. Edit. Francfordensis*. Manifestum est, inquit, quod Timotheo credita fuerit Ecclesia, immo gens fere tota Asiatica. Confule *Homil. I. In Epist. ad Titum ejusdem S. Chrysost.* Eusebium *Lib. 111. Hist. Eccles. Cap. 19. Concilium Ephesium Actione 1111. Tom. 111. Con-*

cilior. col. 800. ubi hæc habentur. *Sancta Synodus dixit: Docete, annon ius Ordinandi ex more veteri apud nos habet Antiochanus? Zenon Episcopus dixit: prius adfirmavimus, quod numquam, vel adfuerit, vel ordinaverit, neque in Metropoli, neque in alia civitate. Sed Synodus nostræ Provincia congregata, constituere Metropolitano.* Vide quam appellet veterem consuetudinem. Mitto quæ de jure Metropolitico vetere imprimis, & antiquo exstant apud Concilium Nicanum *Can. vi. Tom. 11. Conc. pag. 31*. Athanasium *De Sentent. Dionys. Tom. I. Opp. pag. 246. Edit. Monach. S. Mauri*. Concilium Eliberitanum *Tom. I. Concilior. pag. 976*. & alios sane multos Ecclesiæ Patres, quod nolim esse longus.

(25) Placuit hoc Calvino asseclæ Catharorum. Nam *Lib. 14. Institut. cap. xlii. num. 14*. Ut ostenderet non esse apud Romanam Ecclesiam unitatem, tot esse in ea Schismata adfirmavit, quot sunt ordines Monachorum. Sed inepte atque impie ille quidem.

(26) Nulla est Respublica, in qua varii non sint ordines, ac societates, quin ulla in eis sit divisionis suspicio: quare non video, cur varii in Republica Christiana Religiosorum cætus ullum unitati asferre possint detrimentum. Ac ordinem quidem viduarum, ordinemque Virginum, quæ castitatem perpetuo colerent jam usque ab initio in Ecclesia fuisse nemo negaverit. Quin etiam Presbyterorum, ceterorumque Ecclesiasticorum ordinem distinctum ab eo fuisse, qui erat proprius Laicorum, comperta res est. An ergo ullum fuit primis temporibus in Ecclesia Schisma? Nihil minus. Itaque nugæ agit Calvinus, dum Monachorum varietatem inimicam unitati esse affirmat, cum omnes fateantur, unam esse fidem, unam Ecclesiam, eadem Sacramenta, fidem, Evangelium, idem totius Ecclesiæ caput, sed varias vias esse quibus homo ad sempiternam possit appellere felicitatem, non rejectas, sed probatas a Christo Salvatore. Consulitor Johannes Chrysostomus in Opere *adversus calumniatores Vitæ Monasticæ pag. 46. seqq. tom. I. Opp.*

Item alio modo nituntur probare Ecclesiam Romanam non esse Ecclesiam Dei, quia benedicit carrocia (27) parata ad praelia injusta, idest ad praelia contra fratres & proximos suos, & sic suadent hominibus injuste pugnare.

Si autem dicimus eis, imo sunt praelia aliqua justa contra proximos, & fratres. Ipsi obijciunt; cum diversae civitates ad invicem pugnent, constat alteram illarum injustam habere causam, quare ergo Praelati illius partis benedicunt carrocium ejus.

Solutio: Quicumque Praelati sunt, qui hortantur aliquos ad praelia injusta, mali sunt, quia male faciunt, sed benedicendo carrocia non peccant, quia illa benedictione nihil dicunt, vel petunt, nisi ad pacem pertinens, ut: *Da Domine pacem* (28) *in diebus nostris*, & consimilia, nisi quia in fine dicitur: *Libera nos Domine ab insidiis inimicorum nostrorum*, hoc autem malum non est.

Obijcit etiam haereticus, quod Ecclesia Romana (29) non est Ecclesia Dei, quia aliis praelata, & superposita est, cum Ecclesia Dei omni creaturae debeat esse subiecta, teste B. Petro 1. vers. 13.

Solutio: Non esset Dei Ecclesia nisi esset aliis superposita, illis scilicet, quibus debet superponi.

Item, quicumque in Ecclesia Dei est, si habet superiorem, illi debet esse subiectus. Ideo autem dixi, si superiorem habet, quia in Ecclesia Dei debet quis esse summus, cui omnes alii subijci debent propter Dominum; tota igitur Ecclesia Dei, excepto illo qui in ea summus est, alii subiecta est, ei scilicet, cui debet.

Item, non tantum sunt fideles subiecti ipsius Romanæ Ecclesiae Prælati, & Principibus, sed etiam alicubi subiecti sunt eis, qui foris sunt, non tantum scilicet bonis, & modestis, sed etiam discolis.

Præterea: Nunquid tu vis intelligere universaliter præceptum Apostoli Petri, *subiecti &c?*

Ergo tu teneris subiectus esse Episcopis nostris, & potestatibus, & Principibus; Ergo Prælatio Ecclesiae Romanæ, & dominium seculare a Deo est, si autem tu non vis universaliter intelligere, quare me arguis? nam & ego alicui subijctor, ut prædixi.

(27) Erat *Carrociū*, seu *Carrocerum* magnum vexillum bellicum, quod curru impolitum a quatuor bovum jugis trahebatur, & magna cura a lectis militibus servabatur, cum illo exui insignis probri loco haberetur. Consule Sigonius *Lib. II. De Regno Italiae*, Ducangium in *Glossar. ad Script. Medii ævi & Infimæ Latinit.* Tom. II. Edit. Nova lit. C. & Cl. Muratorum Tom. II. *Antiquit. Italicarum Dissert. xxvi.* *Carroci* in mentionem Heriberto Episcopo Mediolanensi, qui anno 1124. florebat, tribuit Corius *Hist. Mediol. Parte I.* At vero Antonius Campius *Hist. Cremonensis Lib. I. Carroci.* Usū apud Cremonenses consignat ad an. 1081.

(28) De Ritu benedicendi vexilla bellica fufe disputat Eruditissimus Catellanus in *Notis ad Pontificale Romanum* Tom. I. lit. xxiv. Discrepat autem formulā quam indicat noīter, ab ea quæ extat in Romano Pontificali. Quin etiam ne in antiquis quidem Ecclesiae Ambrosianæ & iis, quos refert Martenius *De Sacris Eccles. ritibus.* Ritualibus libris similem usquam reperire potuimus.

(29) Verus hæc hæreticorum conquestio est. Romanam scilicet Ecclesiam Tyrannidem occupasse jactant. Non oportere autem

§. I.

Quæ sit Ecclesia Dei; & quomodo probant hæretici Ecclesiam Romanam non esse Ecclesiam Dei.

AD detestationem etiam Romanæ Ecclesiae induxit hæreticus illud Apocal. 17. v. 3. ubi Johannes dicit se vidisse *mulierem sedentem super bestiam coccineam* (30) *plenam nominibus blasphemiae*, & ut brevius comprehendam, totum, vel fere totum quod legitur Apocal. 17. 18. & 19. circa principium, ubi dicitur v. 3. *Et fumus ejus ascendit in secula seculorum*, contra Ecclesiam Romanam dictum credunt tam Cathari, quam Leonistæ; per bestiam enim Ecclesiam Romanam intelligunt, & per mulierem; ibi enim capite 17. v. 3. Legitur bestia fuisse coccinea; ibidem etiam legitur v. 4. quod mulier induta sit *coccino, & purpura, & inaurata auro, & lapide pretioso, & margaritis, habens poculum aureum in manu*, & hæc dicunt convenire Domino Papæ, qui est caput Romanæ Ecclesiae. Eodem etiam capite dicitur mulier ebria de sanguine Sanctorum, quod Ecclesiae Romanæ adscribunt propter hoc, quia occidi eos jubet, se enim Sanctos credunt. Et in fine ejusdem capituli legitur v. 18. *Et mulier quam vidisti est civitas magna, quæ habet regnum super Reges terræ*; non est autem dubium, quod Romana Ecclesia tunc dominium habebat super Reges terræ. Idem etiam volunt habere propter hoc, quod mulier ista dicitur Babylon 16. capite circa finem, & 18. v. 2. *Cecidit, cecidit Babylon magna &c.* de ista Babylone loquitur Petrus in fine. Epist. c. 5. v. 13. dicens; *Salutat vos Ecclesia, quæ est in Babylone collecta*, idest in Roma.

Solutio ad ista facilis est, si discutiatur litera Apocalypsis. Dico ergo, quod hæreticus infelix primo in hoc erravit, quod idem intellexit per bestiam, & mulierem, hoc enim esse non potest, primo, quia dicitur quod mulier sedebat super bestiam; Ergo aliud est mulier, quam bestia. Secundo patet idem ex Johannis testimonio, cui dictum est, v. 8. *Bestia quam vidisti, fuit, & non est*, tunc ergo non erat bestia, sed tunc erat mulier, quod probatur ex fine illius capituli, ubi dicitur: *Mulier quam vidisti &c.*

ut

dominium in Cœtu Christianorum exercere ullum. Idque jam Episcopis nostris opponunt, imprimisque Romano Pontifici Protestantes. Verum non animadvertunt, præscriptum esse a Paulo, ut obediamus præpositis nostris, eisque subijceamur. Non equidem inficior Episcopum non superbum esse debere, neque tyrannidem exercere, neque dominum existimare se, sed doctorem fidelium, institutorem, correctorem morum, improborum castigatorem, ut pax in Ecclesia & aservetur, cui præfectus a Deo est. Jubere ergo potest, necesseque est, ut qui ditioni illius obnoxii sunt, eidem pareant.

(30) Ab Catharis, & Valdensibus mutuati hoc sunt hæretici juniores Lutherani, & Calviniani. Quorum sententiam probavit is, qui Synopsin Criticorum compilavit. In Apocal. Cap. xvii. v. 6. Minister Juris homo cum primis malus, & imperitus ausus est affirmare. *Bestiam Apocalypseos esse bestiam Romanam Latinam.* Sed hominem solide, faceteque oppugnavit Richardus Simonius in *Respons. ad Defens. Opinionum aliquot Theologor. Holland. pag. 186. seqq. Edit. an. 1687.*

ut prius; igitur nec bestia mulier est, nec e contrario. Tertio patet, quia eodem capite v. 15. ubi dicitur, quod gentes & linguæ, & decem cornua bestię odient fornicariam, & desolatam facient illam & nudam, & manducabunt carnes ejus, & concremabunt, ergo non est idem bestia, quod mulier fornicaria, sed ei contraria, & inimica; Ergo Ecclesia Romana per illa duo significari non potest, ergo cum non sic; nunquid per alterum? Dicit quod sic. Quæro per quod? Dixit hæreticus & scripsit, quod bestia dicitur Ecclesia Romana; Ergo cum non sit idem bestia, quod mulier super eam sedens, mulier non est Ecclesia Romana; sed mulier illa dicitur Babylon, & meretrix magna, & ebria de sanguine Sanctorum, & habitatio dæmoniorum, & custodia omnis spiritus immundi, & omnis volucris immundæ, de ira fornicationis ejus bibent omnes gentes, cum qua Reges terræ fornicati sunt, cui etiam dicit Dominus: Exite de illa populus meus, ut ne participes fitis delictorum ejus, & hujusmodi alia; Ergo Ecclesia Romana non est Babylon, (31) nec meretrix magna, nec ebria de sanguine, nec habitatio dæmoniorum, & hujusmodi, si hæc enim esset, esset fornicaria mulier illa, nihil ergo horum tangit Ecclesiam Romanam.

Nunc probemus, quod Ecclesia Romana non est bestia, de qua Johannes loquitur. Sciendum autem quod ubicumque loquitur Johannes in Apocalypsi de bestia, scilicet 11. cap. & 13. & 18. & 19. & 20. de eadem re loquitur; 12. autem capite ubi loquitur de bestia habente duo cornua (32) similia agni loquitur de bestia alia; modo dico sic. Bestia illa quam dicis esse Ecclesiam Romanam dicitur ascensura de abyſso, Apocalyp. 11. & de mari 13. hoc autem non potest convenire Ecclesiæ Romanæ nec ad forum literæ, nec spiritualiter secundum oppositionem eorum; dicunt enim, quod Romana Ecclesia ab Ecclesia Dei initium habuit, quomodo ergo dicitur ascensura de abyſso, imo magis diceretur descensura de Cælo, sicuti etiam de Stella dicitur capite 9. *Vidi stellam de Cælo cecidisse.*

Præterea 13. cap. v. 4. dicitur de quibusdam: *Et adoraverunt draconem, qui dedit potestatem bestię, & adoraverunt bestiam*; nullus autem adorat Ecclesiam Romanam; Ergo Ecclesia Romana non est ipsa bestia.

Item ibi dicitur v. 5. *Et data est ei bestię potestas facere menses quadraginta duos*, sed Ecclesia Romana jam fecit decem millia mensium, & ultra.

Item dicitur ibidem v. 7. quod *data est illi potestas in omnem tribum, & populum, & linguam & gentem*, quod non est verum de Ecclesia Romana, nec unquam fuit.

Item ibi dicitur v. 8. *Et adoraverunt eam omnes, qui inhabitant terram*; multi sunt qui habitant terram, scilicet Judæi, & Pagani, qui non adorant Ecclesiam Romanam.

Præterea, de bestia habente duo cornua similia Agni dicitur, v. 14. quod fecit fieri *imaginem bestię, quæ habet plagam gladii & vixit.* (v. 15.) & datum est illi ut daret Spiritum imagini bestię, & ut loquatur imago bestię: & faciat ut quicumque non adoraverint imaginem bestię, occidantur (v. 16.) & faciet omnes pusillos, & magnos, & divites & pauperes, & liberos, & servos habere caracterem in dextera manu sua, aut in frontibus suis (v. 17.) & ne quis possit emere aut vendere, nisi qui habet caracterem, aut nomen bestię, aut numerum nominis ejus; nunquid ista potes adaptare, & ostendere convenire Ecclesiæ Romanæ? Nullo modo.

Item, mulier erat tempore Johannis, sive id quod significabatur per mulierem, juxta illud v. 18. *Mulier quam vidisti est civitas, quæ habet regnum super Reges terræ*, immo etiam a loco alio cap. 17. v. 1. *Veni ostendam tibi damnationem meretricis magnæ*; usquequo describitur ejus damnatio nisi ille de ea dicitur de futuro, sed omnia de præſenti V. G. est civitas magna, item habet potestatem super Reges terræ. Item sedet super aquas multas; quædam, etiam de præterito dicuntur de ea, V. G. v. 2. cum qua fornicati sunt, inebriati sunt, & similia, patet ergo quod tempore Johannis erat mulier, & fuerat prius.

Præterea habetur cap. 17. v. 3. quod Johannes vidit mulierem portatam a bestia, unde & Angelus dixit ei, v. 7. *Ego dicam tibi Sacramentum mulieris & bestię, quæ portat eam*; sed nec Ecclesia Romana, nec aliquid de ea portabat tunc mulierem, nec etiam aliquid faciebat, quia nec ipsa erat, nec aliquid de ea, ut tu credis, imo postea eam incepisse sub Constantino (33) credis; si autem non erat, non erat portans mulierem, nec aliquid faciens; Ergo cum bestia, ut Johannes ait, portaret mulierem, bestia non est Ecclesia Romana.

Item cap. 17. v. 8. dixit Angelus Johanni: *Bestia quam vidisti, fuit, & non est*, sed Ecclesia Romana, secundum dictum tuum nondum fuerat; Ergo bestia non est Ecclesia Romana. (34)

Item ibi dicitur v. 9. *Quod septem capita, septem montes sunt, super quos mulier sedet, & Reges septem sunt* (v. 10.) *Quinque ceciderunt, & unus est, alius nondum venit*; & post pauca dicitur v. 11. *& bestia, quæ erat, & non est, & ipsa octava est, & de septem est*; si autem est de septem, aut est de quinque qui ceciderunt, aut ille qui erat, aut ille qui venturus erat; primum non potes dicere, quia Ecclesia Roma-

(31) S. Johannes in Apocalypsi. Babylonis nomine Romam Ethnicam designat, quæ sanguine Sanctorum delectabatur. Nam Nero, & Domitianus in Christianum nomen dire crudeliterque sevierant. Babylon autem vorus Roma dicitur, quod similis Babylonis esset, antequam Christo nomen dedisset, potentia, superbia, tyrannide, fortatione, idololatria, crudelitate. Vide Doctissimi Petri Francisci Foggini Opus De Romano D. Petri Itinere, & Episcopatu Exercitat. x. per totum & Miscellaneas Dissertationes gallico sermone perscriptas in Monum. Hist. Eccl. Tillemontii.

(32) Adis Simonium l. c. Notatione 31. in hoc Cap. Hæreticis autem potius bestia aptari debet. Etenim quemadmodum bestię datum est os, ut se glorificaret, & blasphemaret Deum, ejus Ta-

bernaculum, & eos, qui in Cælo habitant. Apoc. xii. 5. 6. Sic hæretici cum se ipsos extollunt, tum Deum, & ejusque Sanctos impio ore blasphemant. Ipsi autem Catholicis bella sepe ac multum indixerunt, ac religiosos plerosque extremis suppliciis affecerunt. Consulendus Jacobus Benignus Bossuetius in Respons. ad Jacobum Basnagium.

(33) Valdenses, quos noster Leonitis vocat, Constantino Imperatore Romanam Ecclesiam cœpisse putabant. Id vero, etsi falsum est, neque probatum Monetæ; adducitur tamen contra genus illud hæreticorum ad eorum audaciam comprimendam.

(34) Consule Calmetum in Cap. xii. seq. Apocalypſeos.

Romana nondum ceciderat, quia non fuerat ut tu dicis, eadem ratione non potes dicere secundum; si tertium dicas: Contra: De illo dicitur v. 10. *Quod nondum venit, & cum venerit, oportet illum breve tempus manere*; hoc autem non convenit Ecclesiæ Romanæ, quia longo tempore jam mansit, ut prædictum est; ergo Ecclesia Romana non est de septem, sed bestia est de septem; ergo Ecclesia Romana non est ipsa bestia.

Item, pars bestię erat Johannis tempore, scilicet sextum caput; & pars transierat, scilicet quinque capita; Ergo tempore Johannis jam erat pars Ecclesiæ Romanæ, etiam transierat pars ejus, hoc autem falsum est secundum eos; ergo Ecclesia Romana nec est bestia, nec pars bestię, quia non est assignare, quæ pars, ut ostensum est. Si autem dicas mihi, quod bestia coccinea dicitur, & per hoc velis habere, quod sit Ecclesia Romana, hoc nihil ad rem; quia Draco 12. capite v. 3. dicitur rufus, quod idem est ac coccineus, & habens capita septem, & cornua decem, sicut dicitur de bestia Apocal. 17. non tamen Draco est Ecclesia Romana; Ergo propter hoc non debes dicere, quod ipsa sit bestia.

§. II.

Quod Ecclesia Romana non potest intelligi per mulierem.

Viso, quod per bestiam non potest intelligi Ecclesia, ostendamus quod nec per mulierem, quoniam mulier erat tempore Johannis ut prædictum est, sed Ecclesia Romana secundum quod credis, nondum erat; Ergo mulier non est Ecclesia Romana.

Item dicitur 18. cap. v. 3. *De vino iræ fornicationis ejus bibent omnes gentes*; quod non est verum de Ecclesia pro tempore præterito, nec pro præsentem.

Item eodem capite v. 19. dicitur: *Væ væ civitas illa magna in qua divites facti sunt omnes, qui habebant naves in mari, de pretiis ejus.*

Item ibi dicitur v. 20. *Exulta super eam Cælum & Sancti Apostoli, & Propheta: quoniam judicavit Deus judicium vestrum de illa.* Quomodo hoc de Ecclesia Romana potest intelligi? cum ipsa non occiderit Apostolos.

Item ibi dicitur v. 23. *Quod in veneficiis tuis erraverunt omnes gentes.*

Item, omnia mala quæ dicuntur, ut supra ostensum est, de hac muliere, tanquam præterita, vel præsentia tempore Johannis dicuntur, quoniam nondum erat, nec fuerat prius Ecclesia Romana secundum eos, nihil ergo ad Ecclesiam pertinent

mala illa; Ergo illa mulier non est Ecclesia Romana.

Item, si mulier est Ecclesia Romana five Dominus Papa, & Papa est (35) Antichristus; quæ est ergo bestia, quæ ibi dicitur v. 8. ascensura de abyssu, quæ v. 16. cum carnibus suis odiet fornicariam istam, & desolatam faciet eam & nudam, & manducabit carnes ejus & ipsam igni concremabit; ista autem quomodo fient? Nunc redeamus ad probationem suam quam induxit dicens illud Apocalypsis cap. 17. v. 18. *Mulier est civitas magna &c.* constat autem quod Ecclesia Romana tunc habebat regnum super Reges terræ; civitas ergo illa est Roma, & ita mulier illa (36) est Roma. Detur autem hoc causa disputationis; nunquid sequitur ex hoc: Ergo mulier est Ecclesia Romana; certe non: bene potuit esse quod illa civitas mala esset, & infidelis, & Sanctos, ac fideles persequens, & tamen Ecclesia Dei, scilicet Ecclesia Romana esset in ea collecta, (37) sicut Petrus dicit in Epist. I. cap. 5. v. 13. *Salutat vos &c.* Sicut enim dicitur Cantic. 2. v. 2. *Sicut liliū inter spinas, sic amica mea inter filias.*

Item, Apocalypsis 2. v. 13. dicitur Angelo Pergami: *Scio ubi habitas, ubi sedes est Satana.*

Item Ezechiel. 2. v. 6. dicitur: *Et cum scorpionibus habitas.*

[*] Superius causa disputationis datum fuit, quod mulier esset civitas Romana, nunc autem volumus ostendere, quod per mulierem non potest intelligi illa civitas. Ad hoc autem valet illud, quod dictum est supra, ubi probavimus, quod ipsa non est Ecclesia Romana, scilicet *de vino iræ fornicationis ejus biberunt omnes gentes, in qua divites facti sunt omnes, qui habebant naves in mari de pretiis ejus.*

Item in veneficiis tuis erraverunt omnes gentes.

Item in ea inventus est sanguis Prophetarum, & sanctorum, & omnium qui interfecti sunt in terra.

[*] Ex jam dictis patet, quod per bestiam non intelligitur (38) Ecclesia Romana, quidquid fabulatur hæretici.

Item, ut ostensum est per mulierem non intelligitur nec Ecclesia Romana, nec ipsa Roma; nunc autem restat ut dicamus, quid per bestiam intelligatur. Dicimus autem ex testimonio Apocalyp. quod idem est bestia, quod Draco; unde Apocalyp. 12. eadem dicuntur de Dracone, quæ de bestia dicuntur; Decimo septimo, similis ei ostenditur in colore, in capitibus, & in cornibus, & in Diadematibus ut habetur 13. Apoc. Ista bestia seu ipse Draco ut habetur Apocalypsis 17. v. 14. fuit antequam Christus veniret, habens magnam potentiam, quia colebatur fere ubique, ut Deus in idolis; sed ut dicit Johannes, non est, quia post adventum Christi in tanta potestate non est, imo quasi annihilatus est cultus ejus

(35) Est hæc quoque calumnia novorum hæreticorum, quos fuisse refellit doctissimus Malvenda in *Tractatu de Antichristo*.

(36) Consule Malvendam *Lib. IV. De Antichristo. Cap. XIX.*

(37) Romam Ethnicam indicari ab Johanne in Apocalypsi sub imagine mulieris testantur Tertullianus *Adversus Judæos Cap. XIX.* Sic & Babylon apud Johannem nostrum Romana Urbis figuram portat, Hieronymus in extremo 11. *Libro Contra Jovinianum*, & alii plerique Ecclesiæ Patres. Quod attinet ad locum Petri, ut mittam ceteros, quos Foginius recenset *Exercit. x. Operis De Romano D. Petri Itinere*, & *Episcopatu, Eusebius Lib. 11. Hist. Ecclesiastica Cap. XIV. In priore Epistola*, inquit, quam (Petrus) in urbe

Roma scripsisse ajunt, atque id eum indicare, quando allegorice urbem vocat Babylonem his verbis: *Salutat vos Ecclesia quæ est in Babylone collecta, & Marcus Filius meus.*

[*] Quæ duobus astericis complexi sumus, desunt e *Codice Bononiensi*.

(38) Verum id est, atque extra omnem dubitationis aleam constituendum. Certum quoque non Romam urbem mulierem esse. Nam quid peccarunt mœnia, & ades, aut quid umquam peccare possunt? Sed Ethnicus idololatriæ addictus, qui urbem incolebat, sæviebatque in Sanctos, per mulieris Symbolum ab Johanne indicatur.

ejus, unde Christus imminente tempore passionis & mortis suæ dixit Johann. 12. v. 31. *Nunc Princeps hujus mundi ejicietur foras*. Hebræor. 12. v. 24.

Item ad Hebr. 2. v. 14. *Quia ergo Pueri, communicaverunt carni & sanguini, & ipsa similiter participavit eisdem, ut per mortem destrueret eum qui habebat mortis imperium, idest Diabolum v. 15. & liberaret eos, qui timore mortis per totam vitam obnoxii erant servituti*. Unde & Apocalypsis 12. v. 7. dicitur quod *factum est prælium in cælo* (idest Ecclesia &c.) *Michael & Angeli ejus præliabantur cum dracone, & draco pugnabat, & Angeli ejus, & non valuerunt, neque locus inventus est eorum amplius in Cælo, & projectus est draco ille, (scilicet Angelus) qui vocatur Diabolus, & Satanas; quam auctoritatem exposuimus supra, sed tamen aliquando erit habens magnam potestatem in septimo capite, sive in septimo rege venturo, qui cum pervenerit, breve tempus manebit; & nota sicut Judas dicitur diabolus propter magnam similitudinem ad eum, ita etiam caput septimum illius bestiae, sive, septimus Rex, qui Apocal. 17. v. 16. dicitur venturus, & brevi tempore permanens propter magnam similitudinem ad draconem, bestia appellatur in pluribus locis Apocal. ut jam dictum est, ex quo patet qualiter intelligi possit illud, quod ait Johannes Apocal. 17. v. 11. *Bestia, quæ erat, & non est, ipsa octava est, & de septem est*; proprie enim loquendo ipsa est octava, sed de septem est, idest septima propter magnam similitudinem ad Antichristum septimum Regem; septima autem dicitur, idest septimum caput suum, sive septimus Rex, quod non potest esse nisi improprie loquendo, & per assimilationem magnam.*

Item Apocal. 15. Ipse Pharaon dicitur bestia, idest, draco per eandem assimilationem magnam ad draconem, ut dictum est in secunda parte cap. de Deo Veteris Testamenti. Posset tamen non incongrue dici, quod pro Antichristo venerit, idest pro septimo Rege, sive capite bestiae, qui ex re nominis hujus (39) Antichristus præ aliis haberi potest, ut patet 13. Apocal. Qui autem sunt alii Reges de septimo? dico quod ille unus, qui erat tempore Johannis, de quo ipse dicit Apocal. 17. v. 10. *Et unus est, ille inquam est Imperator Romanorum, qui tempore Johannis imperabat Orbi, & sicut Imperio Romano adveniente in potentia ista, alia quinque regna defierant, & ceciderant a potentia pristina, ita etiam regnum Romani Imperii cadet a potentia sua cum venerit septimus Rex, scilicet Antichristus; unde 2. Thessalonic. 2. v. 3. *Nisi venerit discessio primum, & revelatus fuerit homo peccati, filius perditionis*. Si autem quæras a me, qui fuerunt illi quinque Reges, (40) de quibus dicit Johannes Apocalyp. 17. v. 16. quod tempore suo ceciderunt; di-*

co: quod fuerunt quinque Principes, qui populum Dei persecuti sunt. Primus fuit Rex Ægyptiorum, secundus Rex Assyriorum, tertius Rex Babyloniorum, quartus Rex Medorum, & Persarum, quintus Rex Græcorum, qui quinque tempore B. Johannis jam ceciderant a priori potentia; Ecce habemus quid significant septem capita bestiae. Nunc videamus quid significant decem cornua. Dico: quod significant decem regna nova, circa tempus Antichristi, de quibus Daniel loquitur circa finem septimi capitis. Diligenter autem attendendum est, ubi sumatur bestia pro dracone, & ubi sumatur pro septimo capite breviter mansuro, & ubi sumatur pro Apostolis ejus. Pro dracone sumitur Apocalyp. 17. v. 3. *Vidi mulierem sedentem super bestiam coccineam, idest rufam*.

Item eodem capite v. 7. Ubi Angelus ait Johanni: *Ego dicam tibi Sacramentum mulieris, & bestiae, quæ portat eam, quæ habet capita septem, & cornua decem*.

Item ibidem v. 8. *Bestia, quam vidisti, fuit, & non est, & ascensura est de abyssu &c.*

Item ibidem v. 11. *Ipsa octava est*. Quoniam autem venit pro septimo capite suo, idest Antichristo, qui dicitur bestia ipsa, sicut & Judas dicitur diabolus propter maximam similitudinem ut dictum est. Apocalyp. 11. capite sumitur pro illo ubi v. 7. dicitur: *Et cum finierint testimonium suum, bestia, quæ ascendit de abyssu, faciet adversum eos bellum, & vincet illos, & occidet eos*.

Item cap. 13. per totum: *Vidi de mari bestiam ascendentem*: ubi etiam dicitur v. 4. quod *draco dedit potestatem bestiae*. Sciendum autem, quod ibi est quoddam verbum expositione indigens, dicit enim Johannes v. 3. *Vidi unum de capitibus suis quasi occisum in mortem, & plaga mortis ejus curata est*. Istud enim septimum caput, per quod idem significatur, quod est per bestiam, significatur Antichristus, & dicitur Antichristus septimum caput suum, quia est septimum caput Draconis, scilicet principalis bestiae; Nonne vides quod bestia dicitur esse de septem Apocalyp. 17. v. 11. de septem scilicet capitibus, idest septimum caput suum.

Item 17. venit pro illo capite, idest rege septimo ubi dicitur v. 16. *Decem cornua quæ vidisti in bestia, hi odient fornicariam*.

Item 19. ubi dicitur: *Et vidi bestiam & reges terræ, & exercitus eorum congregatos, ad faciendum prælium cum illo, qui sedebat in equo, & cum exercitu ejus*. Tertio modo sumitur bestia pro Apostolis Antichristi Apocal. 13. v. 11. Ubi Johannes dicit: *Et vidi aliam bestiam ascendentem de terra, & habebat cornua duo similia agni, & loquebatur sicut draco (v. 12.) & potestatem prioris bestiae omnem faciebat in conspectu ejus, & fecit terram, & habitantes in ea, adorare bestiam primam*. Capite 19. v. 20. hæc bestia

(39) Adeundi Malvenda loco superioribus notationibus indicato, & Calmetus in Apocalypsim.

(40) Non una est Interpretum de Regibus Johanni memoratis sententia. Alii namque Reges, ac Principes indicari putant ab Apostolo, qui septem ætatibus mundi aut persecuti sunt, aut persequuntur Ecclesiam. Alii, ut Grotius, septem Imperatores Romanos, Claudium, Neronem, Galbam, Othonem, Vitellium, Vespasianum, Titum. Alii septem Imperatores, Vitellium, Othonem,

Galbam, Vespasianum, Titum, Domitianum, & Nervam; Alii alias sequuntur interpretandi rationes, quas recensent Potus Synops. Crit. in Cap. xvii. v. 10. Apocalyp. B. Johannis, qui tamen caute legendus est, quod Sedi Apostolicæ, ut mos est hæreticorum, impudentissime calumnias impingere sæpe solebat, Calmetus in Commentar. ad Cap. xvi. Apocal. v. 10. Et Bosuierius in Apocalyp. id. cap.

bestia dicitur *pseudopropheta*, qui fecit signa coram ipso; quibus seduxit eos, qui acceperunt charactere[m] bestiae. Nota quod dicit signa coram ipso &c. quod idem est ei, quod dictum est supra cap. 13. v. 12. Et potestatem prioris bestiae omnem faciebat in conspectu ejus, & fecit terram, & habitantes in ea adorare bestiam primam. Sciendum autem quod bestia, sive draco dicitur ascensurus de abyssu, ubi nunc clausus est, ut habetur Apoc. 20. v. 3.

His visis plana sunt omnia, quae de bestia in Apocalypsi reperiuntur; quid autem per mulierem significetur dicam; quoniam mulier dicitur universitas omnium reproborum, qua ex re nomen habet, scilicet Babylon. Istud autem cogunt dicere verba Apocalypsis cap. 18. quae dicunt v. 3. de vino irae fornicationis ejus bibisse omnes, v. 23. & in beneficiis ejus errasse omnes gentes, v. 24. & in ea sanguinem esse effusum Prophetarum, & Sanctorum, & omnium, qui interfecti sunt in terra. Hoc etiam volunt Prophetae, scilicet Isaïas, & Jeremias, qui de Babylone loquentes totum mundum figurant in confusione maligni positum; Babylon enim confusio interpretatur, haec enim circumdata purpura, & coccino meretrix, & mater fornicationum, quam caput septimum bestiae cum cornibus suis odio habebit, desolabit, judicabit, manducabit. Dicitur autem vestita purpura, idest regali veste, quia se dicit Reginam, unde 18. Apoc. v. 7. habetur quod in corde suo dicit: *Sedeo Regina, & vidua non sum, & luctum non videbo*. Dicitur autem vestita coccino, rufa scilicet veste, quia delectatur in Sanctorum sanguine, quem effudit: meretrix dicitur, quia Deo derelicto, qui deberet esse ejus sponsus, diabolo adhæret; huic opposita est illa civitas, scilicet Jerusalem casta, scilicet triplici castitate, Virginali, Viduali, & Matrimoniali, mater omnis munditiae per lavacrum regenerationis, & renovationis Spiritus Sancti, ut habetur ad Titum 3. v. 5. Haec est Christi Sponsa, de qua dicitur Apocal. 19. v. 8. quod sit induta byssino splendenti, & candido, quae sunt justificationes Sanctorum; haec est de qua dicit Angelus Apocal. 21. v. 9. *Ostendam tibi uxorem agni*; haec est illa civitas Sancta Jerusalem, quam Johannes Apocal. 21. v. 10. vidit descendentem de Caelo, habentem claritatem Dei.

§. III.

Quod nec Cathari, nec pauperes Lugdunenses sunt Ecclesia Dei, sed sola Romana Ecclesia.

Viso qualiter respondendum est hæreticorum objectionibus, quibus nituntur probare, quod Romana Ecclesia non est Dei Ecclesia, nec successit Apostolicæ Ecclesiae, accedamus ad secundam partem capituli, & adjuvante Dei gratia ostendamus, quod ipsi non sunt Dei Ecclesia.

Ad hoc dicit Hæreticus: proba, quod nos Cathari sine fide (41) sumus. Hic dico, assumes aliquem de articulis fidei, qui disputati sunt in præcedentibus partibus hujus operis, & maxime articulum de Deo Veteris Testamenti assume ad disputationem contra eos, & dic eis: cum ille sit Deus Verus, & Sanctus, palam est quod sine fide Dei estis, quia illum malum esse dicitis. Quod autem ille sit Deus verus, & Sanctus, ostende prædictis testimoniis in secunda parte hujus operis cap. 6. maxime assumes illa testimonia, quae manifestiora sunt, & ad aures populi magis accommodata. Secundo autem idem ostendi potest per illud Apostoli 1. Timoth. 4. v. 1. *Spiritus autem manifeste dicit: Quia in novissimis temporibus discedent quidam a fide attendentes spiritibus erroris, & doctrinis daemoniorum &c.* Quomodo autem possunt cognosci, ostendit Apostolus per duo, scilicet, per prohibitionem nuptiarum, unde dicit v. 3. *Prohibentium nubere*; (42) Item per doctrinam abstinendi a cibis quibusdam tamquam illicitis, idest ovis, carne, & caseo: haec autem auctoritas disputata est septimo cap. primæ partis hujus operis, unde ibi quærendum est de ista materia. Tertio ostendemus hoc idem per illud 2. Petri 2. v. 1. *Fuerunt vero & pseudoprophetae in populo, sicut & in vobis erunt magistri mendaces, qui introducent sectas perditionis*. Quod autem de Catharis loquatur ostendit per signum, quod est (eodem versiculo) *& eum qui emit eos Dominum negant*. Neutri enim Cathari Christum dicunt Deum omnipotentem, imo puram creaturam eum existimant, illi, qui duo ponunt principia; qui autem unum ponunt principium, credunt eum minorem Patre; ex quo sequitur, quod non sit Deus, ut ostensum est in ter-

Ecc

tia

(41) Is sine fide esse putandus est qui in aliquo fidei articulo pervicaciter errat. Quamobrem jam inde ab Exordio Ecclesiae communione prohibiti fuerunt, exterminatique velut infideles eætu Catholicorum, qui in re quapiam ad fidem pertinente errassent; ut satis testata res est. Jure S. Thomas 2. 2. *Quæst. v. Art. 3.*; Qui, cumque, inquit, non inhaeret sicut infallibili, & divinæ regulæ doctrinæ Ecclesiae, quæ procedit ex veritate prima in Scripturis Sacris manifestata, ille non habet habitum fidei, cujus objectum est Veritas prima, secundum quod manifestatur in Scripturis Sacris; & doctrina Ecclesiae, quæ procedit ex veritate prima. Manifestum est autem, quod ille, qui inhaeret doctrinæ Ecclesiae tamquam infallibili regulæ, omnibus assentit, quæ Ecclesia docet: alioquin si de his, quæ Ecclesia docet, quæ vult tenet, & quæ non vult, non tenet; non jam inhaeret doctrinæ Ecclesiae sicut infallibili regulæ, sed propriæ voluntati. Et sic manifestum est, quod hæreticus, qui pertinaciter discedit unum articulum fidei, non est paratus sequi in omnibus doctrinam Ecclesiae; unde manifestum est, quod talis hæreticus circa unum articulum, fidem non habet de aliis articulis.

(42) Clemens Alexandrinus lib. 11. *Stromateon* n. 111. pag. 550. Tom. 1. *Opp. edit. Oxon.* De Gnosticis loquens, qui Matrimonium tollebant, hæc habet, quæ apte cadere in Catharos possint, qui veteres illos hæreticos, ac Manichæos Auctores sequebantur: *Numquid autem de hujusmodi hominibus merito aperte dicit Spiritus, quod in novissimis temporibus deficient quidam a fide attendentes spiritibus erroris, & doctrinis daemoniorum, in hypocrisis falsiloquiorum, cauteriatam habentium conscientiam, & prohibentium nubere, abstinere a cibis, quos Deus creavit ad participationem cum gratiarum actione &c. Omnino igitur non est prohibendum jungi matrimonio neque carnibus vesci, aut vinum bibere... Et ut in summa dicam, omnes Apostoli Epistolæ, quæ moderationem docent, & continentiam, cum & de matrimonio innumerabilia præcepta contineant, nusquam honestum moderatumque matrimonium prohibuerunt, aut abrogarunt; Sed legis cum Evangelio servantes convenientiam, utrumque admittunt, & eum, qui Deo agendo gratias, moderato utitur matrimonio, & eum, qui ut vult Dominus, vivit in castitate.*

tia parte hujus operis cap. 3. ubi agitur de Christi deitate. Quarto modo probatur hoc idem per illud signum cognoscendi magistros mendaces, quod ibidem postea subdit Petrus v. 10. dicens de magistris mendacibus: *Et dominationem contemnunt*: istud autem verbum parum infra discutiemus contra Leonistas, & ideo ab ejus discussione hic superledemus. Quinto modo potest probari adhuc istud idem, quoniam teste Apostolo Rom. 3. v. 21. *Sine lege justitia Dei manifestata est; testificata a lege & prophetis*, & v. 22. dicitur: *Justitia autem Dei per fidem Jesu Christi in omnes, & super omnes qui credunt in eum*. Ex hoc verbo procedit contra eos eo modo quo processum est in principio hujus operis. Sexto modo probatur idem, eo quod in Ecclesia Dei est baptisimus, de quo legitur: *Unum baptisma* Ephes. 4. v. 5. in congregatione autem eorum non est baptisimus. Si dicat, immo est, scilicet impositio manuum, illam enim baptismum dicunt. Contra: Istud nullo testimonio Scripturæ fulcitur, quod impositio manuum baptismus dicatur, sicut ostensum est in quarta parte hujus operis in capite de baptismo; Ergo ista impositio manuum baptismus non est, estis ergo sine baptismo; Ergo non estis Ecclesia Dei.

§. IV.

Probatio specialiter, quod pauperes Lugdunenses non sunt Ecclesia Dei.

Ostenso, quod universitas Catharorum non est Ecclesia Dei, ostendamus, quod universitas pauperum Leonistarum non est Ecclesia Dei; & probatur per illud 2. Petri 2. v. 1. ubi legitur de magistris mendacibus: *Qui introducent sectas perditionis; & ponit unum signum, quo cognoscantur, ubi dicit v. 10. Dominationemque contemnunt*; (43) ipsi enim negant vindictas temporales posse exerceri ab his, qui in Ecclesia Dei sunt, quo dicto necesse est dicere, quoniam hujusmodi dominationes temporales in Ecclesia esse non debent, scilicet imperialis dominatio, & regia, atque consimiles. Si autem velint dicere, quod de dominatione spirituali loquitur Petrus, dicas hoc esse non posse, istud enim in questione est inter me & te, qui sunt qui contemnunt dominationem spiritualem; ergo non est signum, quo cognoscantur Magistri mendaces, signum enim manifestum esse debet, manifestum signum est, si de dominatione temporali loquatur Petrus; ergo cum ipse intendat ponere manifestum signum cognoscendi hæreticos, ipse loquitur de dominio temporali.

(43) Hoc est legitimam Ecclesiæ auctoritatem contemnunt hæretici præferentes communi consensioni fidelium sua privata judicicia. Ac de hæreticis quidem Petrum disserere comperta res est, quidquid contra hæreticos quidam nostrorum temporum Valdensium studia emulati jactitent. Sic enim loquitur Petrus: *Magis autem eos, qui post carnem in concupiscentia immunditie ambulant, dominationem contemnunt, . . . sibi placentes sectas non metuant*.

(44) Eodem argumento premit Gnosticos Tertullianus *Lib. De Prescription.* quem librum composuit, ut ostenderet falsam esse fidem hæreticorum, quod novitatem vocum importet. Id vero directe affirmat *Lib. I. Contra Marcionem Cap. I. Sed alius libellus*, inquit, *hunc gradum sustinebit adversus hæreticos, etiam sine retractatu doctrinarum revincendos, quod hoc sint de prescriptione novitatis*. Confule ergo *Lib. Prescription. Cap. xx. & seq. & Cap. xxxii.*

Quod autem dominationes hujusmodi intra Ecclesiam esse possint, & debeant, patet ex hoc verbo B. Petri, & ex eodem verbo Judæ v. 8. adhuc etiam plane patebit 13. capite hujus partis.

Secundo modo idem ostenditur, si ipsorum origo attendatur; (44) non enim multum temporis est, quod esse coeperunt, quoniam sicut patet a Valdesio (45) Cive Lugdunensi exordium acceperunt, qui hanc viam incæpit, non sunt plures, quam octuaginta anni, (46) vel si plures, aut pauciores parum plures, vel pauciores existunt; Ergo non sunt successores Ecclesiæ primitivæ; Ergo non sunt Ecclesia Dei. Si autem dicunt, quod sua via ante Valdensem fuit, ostendant hoc aliquo testimonio, quod minime facere possunt.

Tertio, per remissionem peccatorum ostendi potest, quod eorum congregatio non est Dei Ecclesia, hoc modo: Vos venistis a Valdesio, dicatis unde ipse venit; constat quod non nisi a Papa Romanæ Ecclesiæ; (47) Ergo Papa est solus hæres Ecclesiæ primitivæ. Si autem dicat, quod non sit a Papa; ad quid ergo venit ad Papam? & promisit servare quatuor Doctores, scilicet Ambrosium, Augustinum, Gregorium, & Hieronymum, & sic accepit a Papa prædicationis officium, cujus rei testimonium facile potest inveniri. Si dicant quod a Deo venerunt, & ab Apostolis, atque Evangelio. Contra: Ipse non parcat nisi per Ministrum, unde *quorum remiseritis peccata, remittuntur eis* Jo: 20. v. 23. Ergo si remisit Valdesio; per ministrum remisit; sed dic mihi, per quem Ministrum ei remisit.

Præterea, quod non remittat nisi per Ministrum patet Actor. 9. v. 11. & sequentibus, ubi misit Paulum ad Ananiam; sed quare ipsum ad illum misit, nisi ut ostenderet, quod non vult tollere Ecclesiæ formam suam, & videtur servare jam dictum: *quorum remiseritis peccata &c.*

Item Actor. 10. habetur, quod Cornelio dimissa sunt peccata a Deo, sed per interpretem personam, scilicet Petrum, quo loquente verba Dei in domo Cornelii, cecidit Spiritus Sanctus super omnes qui audiebant verbum; Igitur si remissa sunt peccata Valdesio a Deo, per aliquem Ministrum sunt ei remissa, sed per quem nisi per Papam non est ostendere; ergo Papa cum suis hæres est primitivæ Ecclesiæ.

Quarto modo idem ostenditur per Ordinem Ecclesiasticum, quem ipsi ad minus triplicem confitentur, scilicet Episcopatum, Presbyteratum, & Diaconatum, sine quo triplici ordine Ecclesia Dei non potest esse, nec debet, ut ipsi testantur; Dicamus ergo eis: Si Ecclesia Dei non est sine istis Ordinibus,

ve-

(45) Nempe a Petro Valdo, sic enim Valdensium auctor vocatur, ut alias sæpe animadvertimus.

(46) Petrus Valdis medio xii. seculo hæresim suam spargere in vulgus coepit, nempe circa ann. 1160. quare non injuria Moneta affirmat 80. circiter annos ante ætatem, qua scribebat hanc *Summam Contra Catharos, & Vald.* ortam fuisse Valdensium hæresim. Nam ab anno 1160. ad ann. 1240. fluxerint necesse est anni 80. quod innuimus in *Prolegomenis*. Confule Fleuri *Lib. lxxiii. Hist. Eccles. ad an. 1184.*

(47) Codex Vaticanus adjunxit, *quod si verum est*: Id quod argumento esse debet, Monetam hanc fabulam historiæ loco non habuisse, sed attulisse tamen ipsam, ut ex sua ipsorum narratione Valdenses revinceret, ut ostensum est in *Prolegom. huic operi præfixis*.

vestra autem generatio sine eis est ; Ergo non est de Ecclesia Dei . Si autem dicat , nostra generatio illos ordines habet , quæro a quo habuit , quis enim est (48) Episcopus vester ? si dicant , talis homo ; dicite , quis ordinavit eum ? Si dicunt , quidam ; quæro etiam , quis istum alium ordinavit , & sic ascendendo compellentur usque ad Valdesium venire ; postea , quærendum est , unde iste ordines habuit ? si dicant , quod a se ipso ; palam est , si hoc est , quia contrarius Apostolo fit , qui dicit Hebræor. 5. v. 4. *Nec quisquam sumit sibi honorem , sed qui vocatur a Deo tamquam Aaron .* (v. 5.) *Sic & Christus non semetipsum clarificavit , ut Pontifex fieret , sed qui locutus est ad eum : Filius meus es tu , ego hodie genui te .* Valdesius autem si a se ordinem habuit , clarificavit semetipsum ut Pontifex fieret ; ipse igitur Antichristus fuit , idest Christo , & ejus Ecclesiæ contrarius . Si dicant , quoniam a Deo ordinem habuit immediate , illud nullo testimonio Scripturæ ostendere possunt ; eadem enim ratione quilibet alius bonam vitam simulans posset idem dicere , & sic sectam perditionis inducere .

Præterea , de hoc non est mentio apud eos .

Præterea , si istud velles dicere , quod a Deo ordinatus sit , quamvis non legatur ; nisi diceres , quod Melchisedech Pontifex fuit , & tamen de ordinatione ejus Scriptura nihil dicit .

Contra : Adminus dicit , quod fuit Pontifex ; istud autem numquam dicit de Valdesio ; ergo non est simile de isto , & de illo .

Præterea dico , quod de ordine Melchisedech a Deo adminus Scriptura testatur . Scriptum est enim : *Nec quisquam sumit sibi honorem , sed qui vocatur a Deo tamquam Aaron* , ut dicitur Hebræor. 5. v. 4.

Præterea , ordo Christi fuit talis , qualis ordo Melchisedech , quod patet ex testimonio Patris dicentis ad eum Psalm. 109. v. 4. *Tu es Sacerdos in æternum secundum ordinem Melchisedech* ; sed ordo Christi fuit talis , quia non semetipsum clarificavit ut Pontifex fieret , sed qui locutus est ad eum : *Tu es Sacerdos in æternum secundum ordinem Melchisedech* ; ergo & ordo Melchisedech confimilis fuit , scilicet quod non semetipsum clarificavit , ut Pontifex fieret , sed Deus qui de eo dixit filio suo : *Tu es Sacerdos in æternum secundum ordinem Melchisedech* .

Sciendum autem , quod quidam dixerunt , quod Valdesius ordinem (49) habuit ab universitate fratrum suorum . Eorum autem , qui hoc dixerunt principalis auctor fuit quidam hæresiarcha pauperum

Lombardorum Doctor perversus Thomas nomine ; hoc autem probare taliter nifus est : Quilibet de illa congregatione potuit dare Valdesio jus suum , scilicet regere seipsum , & sic tota congregatio illa potuit conferre , & contulit Valdesio regimen omnium , & sic creaverunt illum omnium Pontificem ; & Prælatum . Si autem hæresiarcha ille intellexisset , quam fatuum istud esset , nequaquam ex ore suo istud procedere permisisset ; omnis enim Pontificatus est regimen , sed non omne regimen est Pontificatus , quomodo ergo sequitur : potuerunt ei dare regimen sui ; Ergo Pontificatum ? Nunquid valet , ego possum tibi dare aliquid ; Ergo hoc aliud ? Non valet .

Præterea , nonne congregatio aliquorum hominum confert alicui regimen super se ? Utique ; nunquid ergo Pontificatum ?

Item , numquid mulier regimen habens alicujus congregationis mulierum , habet Pontificatum , sive Episcopatum ? Estne Pontifex , vel Episcopus ? Nunquam hoc invenitur . Aliud est conferre ordinem , & aliud est conferre regimen , primum enim tantum Episcoporum est .

Præterea , nonne Hebræor. 7. v. 7. dicitur : *Sine ulla contradictione , quod minus est , a meliore benedicuntur* ; & sic constat esse in quolibet canonice ordinato , exceptis quibusdam privilegiatis personis de quibus jam dicemus : Moyse enim jam Sacerdos Aaron in Pontificem ordinavit ; & filios ejus Sacerdotes , ut habetur 8. Levitici . Similiter 20. Numer. Eleazarum pro Aaron Patre suo moriente ordinavit in Pontificem . Similiter Petrus & alii Apostoli Mathiam ordinarunt in Pontificem loco Judæ , & impletum est illud dictum Psalm. 108. v. 88. *Episcopatum ejus accipiat alter* ; similiter Stephanum & socios ejus orantes , & manus imponentes in Diaconos ordinarunt ; legitur enim Act. 14. v. 22. de Paulo , & Barnaba , quod constituerunt per singulas civitates presbyteros .

Item 1. Timoth. 3. v. 10. Apostolus eum instruit jam Episcopum , de qualitate ordinandorum , idest quales ordinet , & quod nemini cito manum imponat . Titum etiam instruit de eodem , cap. 1. Quod autem non ordinatus alium ordinet , nec rationem habet , nec testimonio Scripturarum fulcitur ; unde palam est quia fabulosum est dicere , quod Valdesius ordinem habuit , & quod aliis conferre potuerit ; sic ergo ordine caruit , ergo & vos , ergo non estis Ecclesia Dei , quæ in tribus ordinibus adminus consistit , ut exemplis Pauli manifeste docemus , Ecclesia

E e e 2

Dei

(48) Hanc veræ Ecclesiæ notam Patres omnes semper hæreticis , ut murum ahenum objecerunt . Consulendi Irenæus Lib. 1. c. 1. Contra Hæreses Cap. 11. Cyprianus Lib. 1. Epist. vi. Optatus Milevitanus Lib. 1. Contra Parmenianum . Epiphanius Contra Hæres. xxvii. Præstat Audire Tertullianum Lib. De Prescriptionibus cap. xxxi. Ceterum si quæ (hæreses) audent inferere se etati Apostolica , ut ideo videantur ab Apostolis tradite , quia sub Apostolis fuerunt : possumus dicere : edant ergo origines Ecclesiarum suarum evoluant ordinem Episcoporum suorum ita per successiones ab initio decurrentem , ut primus ille Episcopus aliquem ex Apostolis , vel Apostolicis viris , qui tamen cum Apostolis perseveraverint , habuerit auctorem , & antecessorem . Hoc enim modo Ecclesiæ Apostolicæ census suos deferunt , sicut Smirnaeorum Ecclesia habens Polycarpum ab Johanne conlocatum refert , sicut Romanorum Clementem a Petro ordinatum edit . proinde utique & cetera exhibent , quos ab Apostolis in Episcopatum constitutos , Apostolici semini traduces habeant . Confinquant tale aliquid hæretici . Concinit Tertulliano Augustinus in

Psalm. contra Partem Donati Tom. 1. x. Opp. Edit. Antwerp. an. 1700. column. 5.

Numerate Sacerdotes vel ab ipsa Petri Sede
Et in ordine illo Patrum quis cui successit , videte :
Ipsa est Petra , quam non vincunt superba inferorum porta .

(49) Huc item se recipiant necesse est hæretici nostrorum temporum . Sublato namque Ordine Successionis , & Hierarchia Ecclesiastica labefactata , sibi ipsis honorem illum arrogant , quem a Christo , & Apostolis numquam acceperunt . Apte in hos novos , ut in Valdenses cadit , quod habet Tertullianus Contra Gnosticos Lib. De Prescriptionibus cap. xli. Ordinationes eorum temerariae , leves , inconstantes . Nunc Neophitos conlocant , nunc seculo obstrictos , nunc Apostatas nostros , ut gloria eos obligent , quia veritate non possunt . Itaque alius hodie Episcopus cras alius ; hodie Diaconus , qui cras Lector ; hodie presbyter , qui cras Laicus . Nam & Laicis Sacerdotalia munera injungunt .

Dei non potest esse sine Sacramento Ordinis, imo nec sine septem Sacramentis.

Quinto ostenditur, quod ipsi non sunt Ecclesia Dei per carentiam prædicationis; sicut enim probatum est, quod carent Ordine, (50) ita etiam probari potest, quod carent prædicationis officio, per illud verbum Apostoli Roman. 10. v. 15. *Quomodo vero prædicabunt nisi mittantur*; ipsi autem non possunt ostendere se missos ab aliquo habente auctoritatem mittendi. Ad ultimum etiam pervenimus ad Valdesium, qui fuit primus eorum; de quo non habetur a quo missus sit, nisi a Papa. Non sunt igitur Ecclesia Dei, quæ Ordinem habet, & officium prædicandi, ipsi autem neutrum habent.

Dicunt autem hæretici, quod sicut Moyses in Veteri Testamento a nullo homine ordinatus fuit Sacerdos, & tamen fuit Sacerdos juxta illud Psal. 98. v. 6. *Moses & Aaron in Sacerdotibus ejus*; & aliis Sacerdotium contulit, ut ostensum est; similiter autem & Paulus fuit Sacerdos & Episcopus, sicut & alii Apostoli omnes, unde de Juda dictum est Psalm. 108. v. 8. *Episcopatum ejus accipiat alter*; & tamen a nullo homine ordinatus; unde Galat. 1. v. 1. *Non ab hominibus, nec per hominem, sed per Jesum Christum, & Deum Patrem*.

Item 2. capite de Apostolis loquens ait, quod nihil sibi contulerunt; ita etiam & Valdesius & Ordinem habuit, & aliis conferre potuit.

Sed objicitur: Nunquid de Valdesio (51) invenitur, quod fuerit ordinatus a Deo sicut de Moyse, & Paulo? Non. Nulla ergo est similitudo vestra, quam vos hæretici induxistis inter Valdesium & illos. Forte dicent, quod nec de Moyse invenitur hoc; sed hoc falsum est, cum dicat David Psalmo 98. v. 6. *Moses & Aaron in Sacerdotibus ejus*.

Præterea, Exodi 4. v. 16. legitur ei dictum fuisse a Deo: *Aaron frater tuus ipse erit os tuum: tu autem eris in his quæ ad Deum pertinent*; prius dixerat ei in eodem capite v. 15. *Et ego ero in ore tuo, & in ore illius*; hic autem generaliter loquens adjungit: *Tu autem eris in his, quæ ad Deum pertinent*, scilicet conferendo ei Sacerdotium vice Dei, sicut Pontifex confert in similibus; hinc etiam & Ecclesiastici 45. v. 3. dicitur de Moyse; quod *jussit illi coram populo suo*; ubi habet alia litera v. 18. *Duxit eum oleo sancto*; de qua unctione habetur Levitici 8. v. 12. & David Psalmo 132. v. 2. ait: *Sicut unguentum in capite*. De Paulo etiam invenitur quod fuerit ordinatus a Deo Apostolus. Galat. 1. v. 1. *Paulus Apostolus non ab hominibus, neque per*

hominem, sed per Jesum Christum, & Deum Patrem.

Item, eodem primo capite v. 11. dicit: *Notum vobis facio fratres Evangelium, quod Evangelizatum est a me, quia non est secundum hominem* [v. 12.] *Neque enim ego ab homine accepi illud, neque didici, sed per revelationem Jesu Christi*.

Item, Actor. 9. v. 15. dicit Christus de ipso: *Vas electionis est mihi iste, ut portet nomen meum coram gentibus, & Regibus, & filiis Israel*; de quo etiam dicitur in secunda parte quinti capitis.

Item, Actor. 26. v. 16. dixit ei Christus: *Ad hoc apparui tibi, ut constituam te ministrum, & testem eorum quæ vidisti*. Duo dicit, testem, & ministrum; aliud enim est hoc, & aliud illud; testem esse Prædicatorum est, ministrum vero Pontificum est.

1. Corinth. 4. v. 1. *Sic nos existimet homo, ut ministros Christi, & dispensatores mysteriorum Dei*. Ecce quod Apostoli Christi & ministri erant, & aliis ministerium conferebant. 1. Timoth. 1. v. 12. dicit Paulus: *Quia fidelem me existimavit, ponens in ministerio*. Nec mirandum est, si Christus, qui Pontifex factus est secundum ordinem Melchisedech, in cælo existens Apostolum ordinavit; nec enim Sacerdos esse desiit immortalis factus, & in dextera Dei Patris collocatus; non simpliciter dicitur esse Sacerdos, sed in æternum.

Item, si infirmus secundum carnem, idest mortalis in terra existens, alios discipulos ordinavit, quid mirum videtur, si factus immortalis in Cælo eos ordinavit, imo ad majorem eruditionem dante Deo aliud est dicendum: dicimus autem, quod electi in Apostolos, ut habetur Matth. 10. v. 1. quando convocatis illis potestatem dedit spirituum immundorum, ut ejicerent eos, & curarent omnem languorem, & omnem infirmitatem dicens v. 5. *In viam gentium ne abieritis, & in civitates Samaritanorum ne intraveritis* [v. 6.] *sed ite potius ad oves quæ perierunt domus Israel*; tunc ergo fuerunt electi in Pontifices; postea vero Lucæ 10. v. 1. fecit septuaginta duos discipulos, & misit illos binos ante faciem suam, dans eis potestatem calcandi supra serpentes, & scorpiones (52), & supra omnem virtutem inimici; isti fuerunt minores presbyteri, five Sacerdotes, quam prædicti. De modo autem, & de forma consecrandi instruxit eos in Cæna sua cœnans cum illis, quando accipiens panem, & gratias agens benedixit, fregit, & dixit: *Accipite & manducate, hoc est corpus meum quod pro vobis tradetur: hoc facite in meam commemorationem*. Similiter & Calicem postquam cœnavit dicens: *Hic calix novum testa-*

(50) Consulendus S. Cyprianus *Libe De Unitate Ecclesiæ*. Vide quoque Illustrissimum Bossuetium *Epist. Pastoral. De Paschali Communione* Tom. I. Opp. Edit. Venetæ pag. 454. seqq.

(51) Moyses, & Pauli, Prophetarum, atque Apostolorum, aliorumque missionem extraordinariam frustra exemplo Valdensium, in suæ Missionis patrocinium trahunt nonnulli Protestantes. Quo enim Scripturæ testimonio, aut quo signo probabunt se esse missos sicuti Moysen. Nemini autem de se ipso prædicanti fides temere adhibenda est. Eo argumento Novatorum omnium missionem Patres semper elevarunt. Præclare imprimis Tertullianus lib. 11. *Contra Marcionem* Cap. 11. *Præcessisse debuerat mittentis patrocinium in testimonium missi, quia nemo veniens ex alterius auctoritate ipse eam sibi ex sua affirmatione defendit, sed ab ipsa defensione potius expectat præcunte suggestu ejus, qui auctoritatem præstat*. Vide eundem ipsum Tertullianum lib. De *Præscriptionibus* cap. xxx.

(52) Non ante extremam cum Christo celebratam Cœnam instituti fuerunt Sacerdotes Apostoli. Idque jam certum, atque extra omnem dubitationis aleam ponendum esse constituit Synodus Tridentina Sess. xxii. cap. I. *Sacerdotem*, inquit, *secundum ordinem Melchisedech se constitutum declarans, Corpus & Sanguinem suum sub speciebus panis, & vini Deo Patri obtulit, ac sub earundem rerum Symbolis Apostoli, quos Tunc novi Testamenti Sacerdotes constituabat, ut sumerent, tradidit, & eisdem eorumque in Sacerdotio Successoribus, ut offerrent præcepit per hæc verba: Hoc facite in meam commemorationem*. Cum autem Moneta Apostolos quidem Pontifices electos fuisse ait, quo tempore contulit eis Christus potestatem ejiciendi immundos spiritus, minorum autem Presbyterorum numero habitos septuaginta discipulos; non affirmat tunc fuisse creatos Sacerdotes, aut Pontifices, sed electos, quod verum est. Nam Christus quos initio delegit Apostolos ad Sacerdotium destinavit. Ordinavit porro in extrema Cœna Sacerdotes,

testamentum est in meo sanguine, hoc facite quottiescumque bibetis, in meam commemorationem, ut dicit Apostolus 1. Cor. 11. v. 24. & 25.

Sexto modo potest idem ostendi per exitum (53) Catharorum ab Ecclesia; dicunt enim Apostolus 1. Timoth. 4. v. 1. *Spiritus autem manifeste dicit, quia in novissimis temporibus discedent quidam a fide, attendentes spiritibus erroris, & doctrinis dæmoniorum &c.* Modo quæro: Qui sunt isti quidam, qui discessuri erant a fide, nisi Cathari, qui prædicant non nubendum esse, & abstinendum a cibis, quos Deus creavit; constat quod nulli alii sunt. Modo quæro a te: Nunquid a te discesserunt? si dicas sic.

Contra: Nunquam tecum fuerunt, quod tu possis ostendere aliquo testimonio; ego autem ostendo tibi ad oculum, quod ex Romana Ecclesia exierunt; de Romana enim Ecclesia fuerunt omnes, vel fere omnes; ergo tua congregatio non est Dei Ecclesia, sed tantum congregatio Ecclesiæ Romanæ. Forte dicent, quod Cathari, licet non exierunt ex nobis, tamen ex fide (54) nostra exierunt, Apostolus autem dicit eos exituros, non ab aliquibus, sed a fide, quæ, ut ipsi dicunt una est in Ecclesia Romana, & in congregatione Valdensium, licet disceptantia sit in operibus.

Contra: Verum est quod Apostolus dicit eos exituros a fide; sed B. Johannes in prima Canonica, cap. 2. v. 18. dicit: *Et nunc Antichristi multi facti sunt: unde scimus quia novissima hora est: v. 19. Ex nobis prodierunt, sed non erant ex nobis.* Idem est dicere, *novissima hora est &c.* & dicere in novissimis temporibus discedent quidam a fide 1. Timoth. 4. v. 1. ergo discedere a fide est discedere ab Ecclesia Dei fidem habente. Sed Cathari non discesserunt a tua Ecclesia; ergo ab Ecclesia Romana.

Præterea, ex Auctoritate Johannis sola possum idem habere; Cathari exierunt ex nobis Romanis, ut patet ad oculum; ex vobis autem non exierunt, quod vos possitis ostendere; ergo vos non estis Dei Ecclesia, quam intellexit Johannes per hoc quod ait: *Ex nobis*, idest ex Ecclesia.

Septimo potest ostendi hoc idem, per exitum hæresum generaliter ab Ecclesia; evidens enim est ex testimonio Pauli jam dicto, & ex prædicto testimonio (55) Johannis, hæreses ab Ecclesia exituras.

Idem patet Actor. 15. v. 24. *Quoniam audi-*

mus, quia quidam ex nobis exeuntes, turbaverunt vos verbis, evertentes animas vestras, quibus non mandavimus, & sunt verba Apostolorum Christi, & discipulorum ejus.

Item, Actor. 20. v. 29. dixit Paulus: *Ego scio quoniam intrabunt post discessionem meam lupi rapaces in vos non parcentes gregi. v. 30. Ex vobis ipsis exurgent viri loquentes perversa ut abducant discipulos post se.* Quod autem Ecclesia Dei de aliqua hæresi exitura sit, in nulla Scriptura invenitur: & hoc patet ex eo, quod Ecclesia Dei ab initio mundi, ab Abel scilicet usque ad finem mundi duratura sit, & probabitur inferius tertio capite. Cum ergo constet Valdenses ex Romana Ecclesia exivisse, & non e contra, palam est, quod ipsi non sunt Ecclesia Dei.

Ad prædicta respondebunt præfati hæretici, Dei Ecclesiam de Romana Ecclesia, quæ est Ecclesia malignantium exituram (56), & ad hoc inducunt illud quod legitur Apocal. 18. ubi descripta damnatione meretricis magnæ, quæ in capite 17. v. 18. dicitur *civitas magna, quæ habet regnum super Reges terræ, quæ & in capite 18. dicitur v. 2. Babylon magna*, audivit Johannes vocem dicentem [v. 4.] *Exite de illa populus meus &c.* ex quo verbo volunt prædicti hæretici, quod in ultimo tempore, de quo ibi agitur, Dei Ecclesia, quam se esse dicunt, de Ecclesia Romana, quam dicunt Ecclesiam malignantium, exitura sit, & Dei Ecclesia, quæ in Silvestro, ut dicunt, defecerat, per illam tunc restituendam, & ejus restitutionem in verbis prædictis esse prophetatam a Johanne.

Ad hujus autem erroris improbationem sufficit illud, quod dictum est supra in hoc eodem capite, ubi ostensum est, quod per mulierem illam non potest intelligi Ecclesia Romana, nec per civitatem magnam scilicet Babylon, quæ idem est quod mulier illa ut ibi habetur. Dico ergo quod verbum Apocalypsis Prophetia est de exitu electorum, de conversatione congregationis reproborum, quæ significatur per mulierem, & civitatem magnam, ut in eo capite dictum est: appellat autem Deus illos electos suum populum, non respectu status, quo prave vivebant, sed respectu status conversionis, sicut etiam dicitur Matth. 1. v. 16. quod Jacob genuit Joseph virum Mariæ, cum genuit eum, imo postea futurum virum; hic autem promisit Deus Angelo Philadelphiæ, idest Episcopo illius Ecclesiæ, ut dicitur Apoc. 3. v. 9. *Ec-*

(53) Simili argumento jugulat Marcionitas, & Valentinianos Tertullianus lib. De Præscr. cap. xxx. indeque evincit doctrinæ Ecclesiæ Catholicæ, quam ante hæresiarchæ professi fuerant, quam in errorem incidissent, constantem, ac stabilem veritatem. *Ubi tunc, inquit, Marcion Ponticus Naucerus Stoicæ studiosus, ubi Valentinus Platonice sectator? Nam constat illos neque adeo olim fuisse Antonini fere principatu, & in Catholica primo doctrinam credidisse apud Ecclesiam Romanensem sub Episcopatu Eleutherii.* Hinc colligere licet Protestantibus cum ante suum Schisma, & Apostasiam in Romana communione fuerint, fateri omnino debere, aut eam esse veram Ecclesiam, aut se novam instituisse, quæ ipsa suæ novitate vera esse non potuit.

(54) Hoc etiam est effugium hæreticorum hujusce temporis. Cum enim negare non possint majores suos Ecclesiæ Romanæ communioni fuisse addictos; tum fidem Christianam olim viciatam a Patribus, nunc a se restitutam pugnant: quasi vero Ecclesiæ fides, si viciata fuisset, fidei Christianæ nomen mereri potuisset. Vide Bossuetium in collat. cum Claudio Ministro Calvinianorum. To. I. Opp. Edit. Veneta pag. 130. seqq. qui hoc ipsum præcludit hæreticorum effugium.

(55) Pulchre Tertullianus lib. de Præscription. cap. xxvii. *Hæc est institutio, inquit, non dico jam, quæ futuras hæreses prænuntiabat, sed de qua hæreses prodierunt. Sed non fuerunt ex illa, ex quo factæ sunt adversus illam. Etiam de oliva nucleum mitis, & optimæ, & necessariæ asper oleaster exoritur. . . . Ita & hæreses de nostro fructificaverunt, non nostræ, degeneres veritatis grano, & mendacio sylvestres. Si hæc ita se habent, ut veritas nobis adjudicetur, quicumque in ea regula incedimus, quam Ecclesia ab Apostolis, Apostoli a Christo, Christus a Deo tradidit, constat ratio propositi nostri, definientis non esse admittendos hæreticos ad ineundam de Scripturis provocationem, quos sine Scripturis probamus ad Scripturas non pertinere: Confule quæ sequuntur cetera, sunt enim ad rem, qua de agit Moneta, mirifice accommodata.*

(56) Huc recidunt, quæ ad defectionem suam excusandam proferunt hæretici juniores. Ecclesiam Romanam Babylonem esse jactant, adeoque ex ea discedere oportuisse. Adhuc Jacobum Benignum Bossuetium Meldensem Episcopum Epist. Pastoral. de Paschali Communionem pag. 461. Tom. I. Opp. Edit. Veneta.

Ecce dabo de Synagoga Satanae, qui dicunt se Judæos esse & non sunt, sed mentiuntur: Ecce faciam illos ut veniant, & adorent ante pedes tuos, & sciant, quia ego dilexi te [v. 10.] quoniam servasti verbum patientia mea; sic completur illa Prophetia Osee 2. v. 4. quam refumit Paulus Rom. 9. v. 25. Vocabo non plebem meam, plebem meam; & non dilectam, dilectam; & non misericordiam consecutam, misericordiam consecutam. Et Petri 1. cap. 2. v. 10. dicitur: Qui aliquando non populus, nunc autem populus Dei; qui non consecuti misericordiam, nunc autem misericordiam consecuti. Ille igitur exitus, exite de illa; non tangit Ecclesiam, nisi quoad quædam membra sua prius immunda, postea vero mundificata in nomine Domini Jesu Christi, & in Spiritu Dei nostri, ut habetur 1. Cor. 5. v. 11.

Octavo potest idem ostendi per comparisonem Ecclesiæ Novi Testamenti ad Ecclesiam Veteris Testamenti (57) in multitudine. Constat enim, quod Ecclesia Novi Testamenti major esse debeat, quam Ecclesia Veteris Testamenti, alioquin Christus pejorasset.

Præterea, hoc patet ex eo quod dicit Apostolus ad Galatas 4. v. 27. *Quia multi filii desertæ magis quam ejus quæ habet virum*, idest habebat; & sumitur hoc testimonium de Isaia cap. 54. v. 1. *Tua autem Ecclesia o Valdensis non est major quam Ecclesia Veteris Testamenti; ergo tu non es Ecclesia Dei, sed mea Ecclesia sic, quia fidem Christi habens major est illa.*

Item Roman. 11. v. 25. *Cæcitas ex parte contigit in Israel donec plenitudo Gentium intraret.* Plenitudo gentium non intravit in te, intravit autem in me; ergo tu non es Ecclesia Dei, sed ego.

Si autem dicat ad hoc, & ad præcedens, intrabit in me, & ego ero major, quam Ecclesia Veteris Testamenti, de hoc non habet testimonium; ego autem teneo pignus jam, quia intravit in me ut patet, & manifeste major; nec est alia fides Christi, quam mea, sicut & tu credis; intravit autem in fidem meam, & in opera (58).

Nono idem potest ostendi per generalitatem doctrinæ Romanæ Ecclesiæ; constat quod Matth. 26. cap. 1. v. 13. dicit Christus discipulis: *Ubicumque prædicatum fuerit hoc Evangelium in toto mundo, dicetur; & quod hæc fecit in memoriam ejus.*

Item Marci 13. v. 10. *In omnes gentes primum oportet prædicari Evangelium*; a tua Ecclesia non est prædicatum in toto mundo, vel in omnes gentes, aut fere in omnes, idest ad Paganos, & Judæos, sed ab Ecclesia Romana prædicatum est in toto mundo, & in omnes gentes (59), vel fere in toto, & in omnes; ergo tu non es Dei Ecclesia, sed ego, idest congregatio Romana.

Item: *Euntes in mundum universum prædicate*

Evangelium omni creaturæ, ut dicitur Lucæ 16. v. 15. Forte dicent, hoc complendum.

Contra: istud dictum fuit Apostolis, & in eis completum magna ex parte. Si dicant, & nos in eis sumus.

Contra: Hoc verum esse non potest, quia non sunt relictæ Apostoli, vel discipuli sectæ tuæ ubique, vel fere ubique, sed discipuli Ecclesiæ Romanæ ubique quasi relictæ sunt; ergo vos non estis Dei Ecclesia, sed tantum Ecclesia Romana.

§. V.

Probatio contra Valdenses Ultramontanos.

V Aldensibus ultramontanis, qui concedunt quod Ecclesia Romana habet septem Sacramenta (60), & quod a nobis ea reciperent, si dare vellemus, & credunt nos conficere. Potest objici sic: Numquid Ecclesia Romana est Ecclesia Dei? si sic.

Contra: Ecclesia Romana est una congregatio per se, tu es alia, ipsa autem te excommunicavit, & ligavit in terra; ergo ligatus es in Cælo.

Præterea, tu eam condemnas; pessime igitur facis, quia sic condemnas Ecclesiam Dei; sed in illo articulo, credo Sanctam Ecclesiam Catholicam non fit mentio nisi de Dei Ecclesia; ergo ibi fit mentio de Ecclesia Romana, cum unica sit Dei Ecclesia, sed non credis eam sanctam; ergo venis contra illum articulum; ergo hæreticus es cum omnibus tuis.

Præterea, si est Ecclesia Dei, quare non es secum? Si dicat, eo quod non permittit. Contra: Aut juste, aut injuste; si juste, male est tibi; si injuste, ergo non est Ecclesia; ergo defecit Ecclesia Dei. Si dicat, quoniam mala habet opera, ideo non sum secum. Contra: Si habet mala opera; ergo non est Ecclesia Dei; ergo defecit Ecclesia, quod inferius improbabitur in quinto capite.

Præterea, si Romana Ecclesia est Dei Ecclesia; ergo habet Sacramenta; ergo habet Corpus, & Sanguinem Christi; sed de figura, idest de agno Pascha, li dictum est Exodi 12. v. 46. *In una domo comedetur* in signum quod tantum in una Ecclesia comedetur Christus; ergo si in Romana Ecclesia comeditur, non comeditur in tua; ergo tua domus non est Ecclesia Dei, sed Ecclesia Romana. Si autem dicat, quod Ecclesia Romana non est Dei Ecclesia; ergo Ecclesia Dei defecit, quod infra improbabitur.

Præterea, si defecit, quomodo hæc habet Sacramenta Dei, & præcipue Ordinem Episcopi, & Presbyteri, & Diaconi?

Decimo idem ostenditur per illud Matth. 22. v. 16. *Multi sunt vocati, pauci vero electi*, Ista duo dicuntur de Ecclesia Dei, ista duo debent ei convenire,

(57) Eodem diffusionis, & amplitudinis argumento usi sunt Patres adversus Veteres hæreticos. Consule Augustinum *Epist. xciii. al. xlviii. post mod. & Epist. cxcvii. al. lxxviii. in calce; & lib. contra Epist. Fundamenti cap. iv.* Confer etiam Optatum Milevitanum *lib. ii. contra Parmenianum.*

(58) Vaticanus Codex sic habet: *Quia jurat in casu aliquo sicut & ego, & concedit iudicia Sanguinis, sicut & ego.*

(59) Eo sensu dicitur prædicatum Evangelium ab Ecclesia Romana in toto mundo, quod in præcipuis mundi partibus late ab Apo-

stolis, vel Apostolicis viris Ecclesiæ Romanæ societate conjunctis predicatione sit propagatum. Hac ratione Augustinus docuit invicteque probavit adversus Donatistas sui temporis Ecclesiam ubique diffusam, quamquam nondum ubique gentium constituta esset. Ad eundem S. Augustinum *Epist. xciii. cxcvii. & cxcix. cap. xii. ad H. sycbium.*

(60) Hinc facile colligi potest discrepasse Valdenses ultramontanos a cismontanis Valdensibus. Alioquin cur ab ultramontanis tantum septem Sacramenta admissa fuisset Moneta dixisset?

re, sed non conveniunt Ecclesiæ tuæ; ergo tua non est Ecclesia Dei; quod autem vocati intraverint, patet ex eo quod dicitur parum ante illa verba; sic enim habetur v. 9. ubi Rex ait servis suis: *Ite ergo ad exitus viarum, & quoscumque inveneritis, vocate ad nuptias* [v. 10.] & *egressi servi ejus in vias, congregaverunt omnes quos invenerunt, malos, & bonos: & impletæ sunt nuptiæ discumbentium* [v. 11.] *Intravit autem Rex ut videret discumbentes, & vidit ibi hominem non vestitum veste nuptiali* [v. 12.] *Et ait illi: Amice, quomodo hic intrasti non habens vestem nuptialem? At ille obmutuit* [v. 13.] *Tunc dixit Rex ministris: Ligatis manibus, & pedibus ejus, mittite eum in tenebras exteriores: ibi erit fletus, & stridor dentium.* Duo igitur ostendere intendimus, unum est, quod omnes pauperes, qui Valdenses dicuntur, deviati sunt, & rebelles sunt Ecclesiæ illæ, quæ Romana dicitur, & non solum ab operibus, sed a fide ceciderunt, quia veniunt contra hunc articulum: Credo Sanctam Ecclesiam Catholicam (61) licet congregationem Romanorum eam esse non credant.

Sed contra. Catharus credit corporum resurrectionem, aliquis enim Catharus credit resurrectionem corporum cœlestium, alius corporum spiritualium, quæ animam dicunt, ut habitum est in quarta parte hujus operis in tractatu de Resurrectione. Nunquid non venit Catharus contra illum articulum: Credo carnis resurrectionem? Dices utique venit, quia non credit resurrectionem corporum prout debet, quia non credit hæc corpora fore resurrectionem; ergo a simili tu venis contra illum articulum: Credo Sanctam Ecclesiam Catholicam, quia non credis sicut debes, non enim credis Romanam Ecclesiam illam esse. Ex hoc constat, quod si ipsa est, tu pauper a fide cecidisti, ostensum est autem supra quod ipsa est Dei Ecclesia.

[*] Forte dicerent, quod eorum congregatio, & congregatio Romanæ Ecclesiæ est Una, Sancta, & Catholica, licet duæ sint ejus partes, una est pars maligna, quæ dicitur modo Romana Ecclesia; alia benigna scilicet congregatio Valdensium.

Sed contra: Illa pars a tempore Silvestri non fuit usque ad tempus Valdesii, quod tu possis ostendere; ergo Ecclesia defecit in Silvestro, quod falsum esse ostendetur in tertio capite [*].

(62) Secundum, quod ostendere volumus, est eorum audacia superbissima. Constat plura & majora peccata, vel crimina fuisse tempore Prophetarum in populo Judæorum, quam tempore Valdesii in populo Romanorum; unde vituperans eos Is. 1. v. 4. ait: *Væ genti peccatrici, populo gravi iniquitate, semini nequam, filiis sceleratis: dereliquerunt Dominum, blasphemaverunt Sanctum Israel, alienati sunt retrorsum* [v. 5.] *super quo percutiam*

vos ultra addentes prævaricationem? omne caput languidum, & omne cor mœrens [v. 5.] *Aplanta pedis usque ad verticem, non est in eo sanitas; & post pauca v. 10. Audite verbum Domini principes Sodomorum, percipite auribus legem Dei nostri populus Gomorrha.*

Item v. 21. *Quomodo facta est meretrix civitas fidelis, plena jud. cii? Justitia habitavit in ea, nunc autem homicida &c.* Et cap. 56. v. 9. *Omnes bestię agri venite ad devorandum, universę bestię saltus* [v. 10.] *Speculatores ejus cæci omnes, nescierunt universi: canes muti non valentes latrare, videntes vana, & dormientes, & amantes somnia* [v. 11.] *Et canes impudentissimi nescierunt saturitatem: ipsi Pastores ignoraverunt intelligentiam: omnes in viam suam declinaverunt, unusquisque ad avaritiam suam, a summo usque ad novissimum.* [v. 12.] *Venite, sumamus vinum, & impleamur ebrietate: & erit sicut hodie, sic & cras, & multo amplius.*

Item Jerem. 2. v. 9. ait: *Sacerdotes non dixerunt: Ubi est Dominus? & tenentes legem nescierunt me.* Et iterum v. 26. *Quomodo confunditur fur, quando deprehenditur, sic confusi sunt domus Israel, ipsi, & reges eorum; principes, & Sacerdotes, & Prophetę eorum* [v. 27.] *Dicentes ligno: Pater meus es: & lapidi: Tu me genuisti.* Et post pauca v. 29. *omnes dereliquisti me dicit Dominus.*

Item cap. 5. v. 1. *Circuite vias Jerusalem, & aspice, & considerate, & quarite in plateis ejus, an inveniatis virum facientem judicium, & quarentem fidem: & propitius ero ei.* Et paulo post v. 4. *Ego autem dixi: Forsitan pauperes sunt & stulti, & ignorantes viam Domini, judicium Dei sui.* [v. 5.] *Ibo igitur ad optimates, & loquar eis: ipsi enim cognoverunt viam Domini judicium Dei sui, & ecce magis hi simul confregerunt jugum, rupe- runt vincula.* Et paulo post v. 7. *saturavi eos, & mæchati sunt, & in domo meretricis luxuriabantur &c.* fere per totum caput talia de illo populo invenies. Capite 6. multa talia, de quibus illud pono v. 13. *A minore usque ad majorem omnes avaritię student: & a Propheta usque ad Sacerdotem cuncti faciunt dolum.*

Item Matth. 8. multa talia invenies. Similiter in Ezechiele, & in aliis prophetis, in tantum ut Michæas dicere compellatur cap. 7. v. 1. *Væ mihi, quia factus sum sicut qui colligit in autumno racemos vindemię, non est botrus ad comedendum, præcoquas ficus desideravit anima mea.* (v. 2.) *Periit Sanctus de terra, & rectus in hominibus non est.* Talis quidem fuit populus ille in prælatis, & in subditis, & tamen neque dicti Prophetę, nec alii de illo populo exire præsumperunt, ut novam Ecclesiam, novumque Sacerdotium invenirent. Ex quo manifesta

(61) Mox addit Codex Vaticanus: *Forte dicent non est verum: immo credimus sanctam Ecclesiam Catholicam, licet &c.*

[*] Quæ duobus asteriscis comprehendimus desunt e Cod. Bononiensi.

(62) Injustum esse ab Ecclesia secedere ob corruptos plurium fidelium mores simili argumento fuisse probat S. Augustinus Ep. XLIII. al. cxxvi. ubi exemplis ex Scriptura petitis Aaronis, scilicet, Davidis, Samuelis, Isaïæ, Jeremię, Zacharię, Danielis, Christi Domini, Apostolorum, qui malos tolerarunt, ostendit immerito Donatistas Ecclesię unitatem deseruisse ob depravatos mores Catholicorum. Epistola vero xciii. al. xlviii. cap. xii. Neque

enim, inquit, propter paleam relinquimus aream Domini, neque propter malos pisces rumpimus retia Domini, neque propter hædos in fine segregandos deserimus gregem Domini, neque propter vasa facta in contumeliam migramus de domo Domini. Cap. iv. jam dixerat: *Non propter malos boni deserendi, sed propter bonos mali tolerandi sunt; sicut toleraverunt Prophetę, contra quos tanta dicebant, nec Communionem Sacramentorum illius populi relinquebant.* Confule eundem Augustinum lib. I. de Moribus Ecclesię cap. xxxiv. lib. de vera Religione cap. vi. lib. II. contra Cresconium capp. xxxiv. xxxv. xxxvi. lib. de Unit. Ecclesię cap. xvi.

ita est audacia Valdensium, qui ab Ecclesia Romana propter quorundam vitia exire præsumperunt, cui adhuc Deus per miracula testimonium perhibet, tam in viventibus, quam in his, qui de hac vita transierunt, præsertim cum Dominus dicat Mat. 23. v. 2. *Super Cathedram Moysi sederunt Scribæ, & Pharisei*; si enim Scribis, & Phariseis, qui nequissimi fuerunt de lege Moyfi obtemperandum fuit propter officium, & Ordinem Sacerdotis usque ad consummationem legis, quanto magis Sacerdotibus & Prælatibus obediendum est de lege Christi licet mali sint, donec ab Ecclesia tollantur.

Item, si licitum fuit Valdesio exire de Romana Ecclesia, ut restitueret Ecclesiam secundum suam falsam opinionem in Silvestro destructam; quare non alii in alia provincia tunc temporis? & iterum, quare non tertio adhuc in tertia provincia vel regno; quare etiam non aliis pluribus? Sic autem tot possunt Ecclesiæ designari, quot regna, vel provinciæ. Quomodo autem stabit illud Canticorum 6. v. 8. *una est columba mea*. Forte dicet, quod una esset columba idest Ecclesia in genere, licet plures particulares.

Contra: Nonne etiam Valdesius fuit Summus Pontifex secundum eos: Utique loco (63) Silvestri; sed eadem ratione quilibet aliorum restituentium Ecclesiam, ex dictis esset Summus Pontifex. Sic igitur in una Ecclesia essent multi Pontifices Summi, quod inconueniens esse patet, quia nec in Veteri Testamento tale quid invenitur, inde etiam plura inconuenientia sequerentur.

C A P. II.

Quando incæperit Ecclesia Dei in hoc mundo.

§. I.

Quot modis accipiat Ecclesia Dei.

Viso quæ sit Ecclesia Dei, & quæ non, accedamus ad secundum caput hujus partis, & videamus de ejus initio, idest quando cæperit. Est autem sententia Catholicorum virorum, quod dupliciter possumus considerare Ecclesiam. Dicitur enim uno modo Ecclesia congregatio fidelium, ut fidelis dicatur a fide simpliciter, hæc autem una, & eadem fuit in antiquis Sanctis, qui fuerunt ante Christi adventum in mundum, & in illis, qui post Christi adventum crediderunt in eum, propter quod dicit

Apostolus 2. Cor. 4. v. 13. de se, & aliis prædicatoribus Novi Testamenti: *Habentes autem eundem spiritum fidei sicut scriptum est: Credidi propter quod locutus sum, & nos credimus propter quod & loquimur*. Tempora ergo variata sunt, non fides, illi Christum venturum, nos venisse credimus. Secundum hoc dicendum est, quod Ecclesia Dei cæpit a primo justo (64) scilicet Abel; unde & Dominus noster Matth. 23. v. 34. exprobens Judæis ait: *Ecce ego mitto ad vos prophetas, & sapientes, & scribas, & ex illis occidetis, & crucifigetis, & ex eis flagellabitis in Synagogis vestris, & persequemini de civitate in civitatem*. (v. 35) *Ut veniat super vos omnis sanguis justus, qui effusus est super terram a sanguine Abel justi usque ad sanguinem Zachariæ, filii Barachiz, quam occidistis inter templum, & altare*. Ideo autem dicitur ab Abel incæpisse potius, quam ab Adam, cum tamen Adam prius fuisset justus, quia Abel fuit primus justus justitia continuata, non interrupta per lapsum peccati, ut ostendatur, quod Ecclesia Dei secundum modum prædictum continue futura foret, & nunquam desitura foret. Adam vero & si primus justus fuerit, tamen suam innocentiam, sicut & Eva, interrupit. Quod autem Ecclesia fuerit ante (65) Christi adventum, probatum est in octavo capite hujus operis, ubi probatum est, quod in Veteri Testamento & ante, fuerint aliqui viri boni, & aliquæ mulieres.

Quod autem Ecclesia Dei non fuerit, nituntur probare hæretici per illa argumenta, quæ ex parte illorum inducta sunt octavo capite secundæ partis, ad ostendendum, quod nulli ante Christi adventum boni fuerint, & ibi soluta sunt. Ad idem inducunt illud ad Galat. 3. v. 24. Ubi dicitur quod *lex pædagogus noster fuit in Christo, ut ex fide justificemur*. At ubi venit fides jam non sumus sub pædago, prius ergo non erat fides; Ergo prius non erat Ecclesia.

Solutio: Fides dicitur venisse, quia Christus venit de quo est fides. Hoc argumentum non valet: venit, ergo non erat prius; sed dicendum est: ergo non erat prius eo modo quo est nunc; modo enim est fides Christi incarnati, prius fuit fides Christi incarnandi; modo est fides Christi passi, tunc erat Christi passuri; ex quo patet, quod fides dicitur venisse, quia venit, idest completum est, quod tunc credebatur futurum, sicut digna promissio dicitur venisse, quia id quod promissum est venit, idest impletum est.

Ad idem inducunt illud Hebræor. 11. v. 13. *Juxta fidem defuncti sunt omnes isti*, scilicet antiqui; Ergo illi non erant in fide. Ergo &c.

Solutio: Argumentum non valet. Nonne vides, quo-

(63) Nam tum primum Ecclesiam vitiatam fuisse, jactabant Valdeses, cum Silvester Pontificatum gerebat; ut alias sæpe observavimus.

(64) Ecclesiæ Sanctæ, & innocentis primordia ab Abele repetunt Augustinus, & Gregorius, ille quidem in Psalm. cxlii. num. 3. Tom. 1v. Opp. pag. 1589. Edit. Paris Monac. S. Mauri, ubi hæc habet: *Hæc civitas initium habet ab ipso Abele, sicut malæ civitas a Cain*. Hic vero Homil. xlv. in Evang. Tom. I. Opp. Edit. Paris. Mon. S. Mauri col. 1510. quo loco sic distulit: *Ecclesia incipit ab Abel usque ad ultimum lectum, qui in fine mundi nasciturus est*.

(65) S. Thomas 11. 11. Quæst. 11. Artic. vi 11. in c. *Mysterium In-*

carnationis Christi aliquantulum oportuit omni tempore esse creditum apud omnes, diversimode tamen; & ad 3. arg. Quod si qui, inquit, salvati fuerunt, quibus revelatio non fuit facta (Christi venturi) non fuerunt salvati absque fide Mediatoris; quia etsi non habuerunt fidem explicitam; habuerunt tamen implicitam. S. Augustinus Lib. 111. ad Bonifacium contra duas Epistolas Pelagianorum cap. 1v. 33. Eadem, inquit, fides est & in illis, qui nondum, sed ipsa fuerunt antea Christiani, & in istis, qui non solum sunt, sed etiam vocantur, & in utrisque eadem gratia per Spiritum Sanctum. Consultulor idem Augustinus Lib. De Catechizandis rudibus cap. xix.

quoniam verbum erat apud Deum, & tamen erat Deus, unde & Christus Johannis 14. v. 10. & 11. ait *Ego in Patre, & Pater in me est*: dicuntur tamen fuisse juxta fidem per spem ejus, quod credebant, longe autem erant secundum rem, quia rem illam non tenebant; sicut etiam secundum rem longe sumus a salute patriæ cœlestis, & tamen juxta sumus per spem ejusdem. Unde Apostolus Rom. 8. v. 24. dicit: *Spe salvi facti sumus*, si enim nunquam in fide fuissent, nequaquam dixisset Apostolus Hebræor. 11. v. 33. de illis, quod *per fidem vicerunt regna*; alia etiam ad idem valentia similia habentur eodem capite ad Hebræos.

Ad idem etiam inducunt illud Matth. 16. v. 18. Ubi Christus ait Petro: *Super hanc Petram ædificabo Ecclesiam meam*; si ædificanda erat; Ergo nondum erat.

Solutio. Ædificanda erat supra hanc confessionem, sive fidem hujus: *Tu es Christus filius Dei vivi*, ædificat tamen erat, priusquam Christus homo esset factus de Virgine super confessionem istam, quod Christus esset futurus, & nasciturus de Virgine. Unde Deuteron. 18. v. 18. dicebat Judæis Moyses: *Prophetam suscitabo eis de medio fratrum suorum similem ei &c.*

Præterea, nonne vides, quod Apostolus 1. Corinth. 14. v. 4. ait: *Qui prophetat, Ecclesiam Dei ædificat*; si ædificat; nunquid ex hoc sequitur, quod non fuerit? constat quod non sequitur: Similiter dico quod non valet argumentum tuum; quod fecisti; jam enim Petrus priusquam pro se, & aliis dixit Matth. 16. v. 16. *Tu es Christus Filius Dei vivi*, ædificata erat super illam confessionem, sed ædificanda quoad alios, qui credituri erant per verbum eorum in Christo.

Item ædificanda erat quod augmentum, ipsa enim augmentum corporis sui facit ut dicit Apost. Ephes. 4. v. 16.

Dicitur alio modo Ecclesia congregatio fidelium, ut fidelis dicatur quis non a fide simpliciter, sed a fide Christi jam nati de Virgine, jam passi, & sic de similibus; sic autem cæpit ab adventu Christi etiam (66) ante passionem, & resurrectionem, quia ante, Spiritum Sanctum dedit discipulis suis, ut probatum est in capite de Spiritu Sancto in secunda parte hujus operis: hæc est Ecclesia, quæ modo Romana dicitur, quæ a Christo incæpit, cui successit B. Pe-

trus, & sic usque ad consummationem seculi, ut probabitur in sequentibus.

Quod autem a Christo non incæperit Ecclesia Romana, nec a Petro ejus successore volunt habere Cathari (67) per illud quod legitur Matthæi 4. v. 23. ubi dicitur, quod Jesus venit in Galilæam prædicans Evangelium regni Dei; non dixit, legem Moyfi, vel ordinem Romanæ Ecclesiæ, vel Augustini, vel Benedicti.

Solutio: Imo & legem Moyfi prædicavit, quam non venit solvere, sed adimplere, ut ostensum est septimo capite secundæ partis. Nonne credis, quod in Paulo Christus prædicavit? Credis utique. Nonne Actor. 26. v. 22. ait Paulus: *Usque in hodiernum diem sto, testificans minori, atque majori, nihil extra dicens, quam ea quæ prophetæ locuti sunt futura esse, & Moyses.*

Item, Actor. 24. v. 14. Dixit idem Paulus *se credere omnibus, quæ in lege, & prophetis scripta sunt*. Quod autem dixisti quod Jesus venit prædicans Evangelium regni Dei, non dixit Romanum Ordinem &c. Respondeo, nec etiam dixit Catharorum.

Præterea, si prædicavit Evangelium, non tamen prohibuit Romanum Ordinem, vel Augustini, vel Benedicti, quia non est talis Ordo contrarius Evangelio, sed fundatus in eo, licet aliqua addat, & quod istud fieri possit, inferius ostendemus in capite de Ecclesiæ Constitutionibus.

Adhuc etiam hæretici agitati veneno perfidiæ nituntur probare, quod Romani Pontifices, & qui eis adhærent, non sunt successores (68) Petri, sed Constantini, nec a Petro incæpisse Ecclesiam, sed a Constantino, vel a Silvestro. Dicunt enim quod cum Paulus venisset Romam, Sancti, qui tunc Romæ erant, quia & ab Imperatoribus Romanorum capiebantur, deridebantur, carcerabantur, & contradicebatur eis fere ab omnibus, & occidebantur. Tunc autem Roma imperium mundi tenebat. Illud autem imperium Julius Cæsar vindicavit sibi, in superbia multa, & rapina, auferens illud ab alio (69) Imperatore. Istud imperium tenuit Roma usque ad tempus Constantini, qui in eodem imperio (70) superbe successit, & sicut habebat tradidit Silvestro, qui fuit Papa hujus Romanæ Ecclesiæ, & omnia insignia imperii illi tradidit, scilicet coronam imperialem, Chlamidem coccineam, Palatium Latera-

F f f

nen-

(66) S. Augustinus in 1. Epist. S. Johannis Tom. 111. Opp. Parte 11. col. 837. Ibi inchoatam esse Ecclesiam, dicit, ubi venit de Cælo Spiritus Sanctus, & implevit in uno loco sedentes centum viginti. Ceterum nihil impedit, quominus ante Ecclesia Spiritu Sancto donis manifestis aucta fuerit, quam in Apostolos idem ipse Spiritus in Cœnæculo descendisset, ut nosse defendit.

67. Cum Albanenses, tum Brignolenses, & Concorrezenses; omnes enim infesti erant Libris Moyfis, ut ostendit Reinerius Sachonus in Summa de Catharis, in Extremo v. Tomo thesauri Anecdotorum Martenii.

(68) En quibus magistris gloriari possunt novi hæretici, qui Romanum Pontificem ab omni antiquitate pro Petri Successore habitum, Petro tamen fuisse ætum negant. Nos Traditioni Ecclesiæ, omnibusque Christianis Historicis auscultamus; Protestantibus autem qui nugis delectantur, Catharosque sequuntur auctores, nihil pendimus.

(69) Summa erat Catharorum in Historicis rebus ignorantia. Non enim cuiquam Imperatori regnum; sed Romæ Reipublicæ libertatem ademitt Cæsar, quod ne pueros quidem fugit.

(70) Nemo Doctus est, qui nesciat Constantinum Patri jure successisse, & non malis artibus. Hinc Deus tanto Imperatori auxilio fuit, ut hostes vinceret. Nota enim est crux, quæ illi in Cælo apparuit, cum hac hypographe *αὐτῷ νικᾷ: hac vince*. Consule Eusebium lib. 1. De Vita Constantini cap. xxviii. Philostorgium lib. 1. cap. vi. & Nazarium Ethnicum ceteroque Auctorem in Panegyrico cap. xix. ubi hæc habet: *Flagrant verendum nescio quid Umbrones conrusci, & cœlestium armorum lux terribilis ardebat, tales enim venerunt, ut tui crederentur*. Hæc ipsorum sermocinatio, hoc inter audientes feriebant: Constantinum petimus, Constantino imus auxilio. Adeundi Petrus Franciscus Chiffletius in Dissert. De Cruce Const. Visa edita Paris. an. 1676. & Tillemontius Tom. iv. Hist. Imp. pag. 573. Edit. Paris. Iniuria autem superbiæ accusant Valdenses, quorum hæc calumnia est, Constantinum; etenim Praxagoras scriptor ceteroque idololatra apud Photium Cod. lxiii. testatur, quod omni virtutum, & honestatis genere, omniq. adeo felicitate, omnes omnino, qui se antecesserunt Imperatores facite obscuravit Constantinus.

nense, & potestatem, atque dominium mundi, sicut ipse (71) habebat, sed ipse habebat hoc per violentiam, & rapinam, sicut Julius Cæsar, & alii prædecessores sui; ergo Silvester, qui illa accepit injuste, & per rapinam illa possedit; Similiter & omnes alii qui a Silvestro per successionem (72) acceperunt; non dicant ergo Romani Pontifices se esse successores Petri, sed Constantini.

Item Petrus 1. cap. 2. v. 13. dixit: *Subiecti igitur estote omni humanae creaturæ propter Deum*; Ecclesia autem Romana fere omni creaturæ est præfecta; Quomodo ergo successit Petro, cuius Doctrinam non servat?

Item, quomodo Silvester successit Christo? Christus enim regnum hujus mundi fugit, ut habetur Joannis 6. v. 15.

Item Joan. 18. v. 36. *Regnum meum non est de hoc mundo*.

Item Matth. 20. v. 25. *Scitis quia principes gentium dominantur eorum, & qui majores sunt potestatem exercent in eos. (v. 26.) Non ita erit inter vos*.

Solutio: Dico, quod Silvester potestatem spirituales ligandi scilicet, & solvendi non habuit a Constantino, nec illa potestate Pontificali successit ei, licet illa quæ tu dixisti ab illo habuerit, & Imperij secularis honorificentiam in Italia, & occidentalium regionum provinciis, ut habetur in privilegio Ecclesiæ in Decretis dist. x. cap. 6. & sic completa est Prophetia Danielis 7. v. 27. *Regnum autem, & potestas, & magnitudo regni, quæ est subter omne cælum detur populo sanctorum Altissimi*. Ad illud autem quod dixisti quoniam Constantinus illud dominium per violentiam possidebāt & rapinam; dico non est verum, imo Deo Auctore a quo est omnis potestas teste Apostolo Roman. 13. v. 1. & per communem populi voluntatem, qui jus suum potuit illi dare, jus videlicet regendi se ipsum; & licet ante conversionem suam abuteretur illa potestate, postea tamen illa bene usus est ad vindictam malefactorum, laudem vero bonorum: idem dico de prædecessoribus suis quoad hoc, quoniam illam potestatem a Deo habuerunt, licet abusi sint illa ad mortem Sanctorum: Istud patet Danielis 2. in Nabuchodonosor Rege impiissimo, cui ait Daniel v. 37. *Tu Rex Regum, & Deus Cæli regnum, & fortitudinem, & imperium, & gloriam dedit tibi (v. 38.) Et omnia, in quibus habitant filii hominum,*

& bestiae agri, volucres quoque cæli dedit in manu tua. Juste ergo tradere potuit illa Romano Pontifici quæ dixisti, & juste potuit Silvester uti eisdem.

Præterea, dato quod per rapinam illud imperium, & res imperii habuerit, quod probare non potes: Dic mihi hæretice: Aliquis mille marcas (73) per violentiam & rapinam acquisivit, venit autem ad te cum illis, tradens tibi usum illarum, numquid ipsum argues de illis rebus? numquid (74) non recipies? imo numquid de hoc te judicas? Non. Quare ergo de regno per rapinam a Constantino possesso & Silvestro tradito ab eodem arguis Constantinum, & Romanum Pontificem? Hoc dato quod per rapinam habuit illa, quod tamen non est verum; dico quod non tradidit ea Silvestro sicut habuit, quia injuste habuit, Silvester autem juste recepit, quia ex Dei decreto ut patet per dictam auctoritatem Danielis. Ad illud quod objecit hæreticus, quod regnum meum non est de hoc mundo, responsum est in prima parte primi capituli hujus operis, & in prima parte cap. 8. ubi quæritur, an res transitoriae a Deo sint. Ad illud etiam Matth. 20. v. 25. *Scitis &c.* responsum est in prima parte sexti capituli secundæ partis. Ad illud quod obijcitur, quod Christus fugit regnum mundi, dico verum esse quoad hoc, quoniam noluit esse temporaliter Rex illorum, qui volebant eum constituere sibi Regem, quærentes ipsum non propter ipsum, sed quia manducaverant de panibus ejus; auctoritatem tamen regni mundi hujus non fugit, imo illam habuit, & qui habent, ab ipso habent; unde Sapientia, quæ Christus est ait Proverbiorum 8. v. 15. *Per me Reges regnant*. Idem patet per proximum testimonium Danielis 2. v. 37. *Tu Rex Regum &c.* Idem patet per Apostol. Roman. 13. v. 6. ubi a Deo ordinati & ejus ministri, in hoc ipsum ei servientes vocantur ut patebit inferius cap. 13. Dico igitur, quod auctoritatem habet Ecclesia, non fugit eam, sicut nec Christus, & tamen sicut Christus noluit esse temporaliter Rex illorum, ita nec Papa vult esse Rex, vel Imperator, sed consentit, vel concedit quod alius sit.

Ad probandum etiam, quod Romana Ecclesia non habuit regimen a Christo vel successore ejus B. Petro, dicunt quod Ecclesia Romana non erat pacata, nec secuta de ejus successione; & hoc volunt probare dicentes, quod Romana Ecclesia post mortem Petri fere (75) trecentis annis secundum scripta Eccle-

(71) Nihil minus. Nam quod ipse obtinebat imperium, quamquam cedere Pontifici voluit, quamvis amplissimis donis, privilegiis, muneribus Romanam Ecclesiam auxerit, de quibus doctissimi viri fusc lateque Seculo mox præterito, atque hoc ipso, quo vivimus disseruerunt. Hos ego non indico, quod illorum opera omnium manibus teri soleant.

(72) De Origine Domini temporalis, quod in hisce provinciis obtinet Summus Pontifex; erudite, sapienterque disputat P. M. Josephus Augustinus Orsius Sacrae Congregationis Indicis a Secretis, in *Opere Italico: De origine Domini &c.* Prodiit Romæ an. 1742.

(73) Cujacius in *Lib. v. Feudor. Marcas*, inquit, *dicit Urspergiensis pro Libris. Plus tamen est marca. Continet enim duas libras. Sed quod Latinis olim fuit libra est hodie marca fere, quod selibra, hodie libra*. Vox est germanica. Hoc autem loco pro genere quodam nummi usurpatur a nostro. Quanti autem valeat marca ostendit Doctissimus Ducangius in *Glossar. Med. & infim. Latin. ad v. Marca*.

(74) Ita sentiebant hæretici. Vide nostrum infra cap. xiv. §. 3. Nelas est autem ab aliquo recipere, quod scias fraude quadam, &

improbate fuisse ab illo surrepetum. Jam vero si is qui recipit ignorat rem furto ablatam fuisse istum certe neque se judicat peccasse, neque peccat reipsa recipiendo.

(75) Errant vehementer hæretici. Nam magno in honore habitæ fuerunt Sancti Petri reliquæ jam usque ab illius Martyrio. Pulchre Cæsar Ecclesiæ Romanæ presbyter, qui secundo seculo floruit, apud Eusebium *Lib. II. Hist. Eccles. cap. xxv.*, Ego vero, inquit, Apostolorum tropæa possum ostendere. Nam sive in Vaticanum, sive ad Ostiensem viam pergere libet, occurrent tibi tropæa eorum, qui Ecclesiam illam fundaverunt. Eusebius autem *l. mox* indicato, Ita, inquit, Nero ut apertum se hostem divinitatis, pietatisque professus est, ipsorum prius Apostolorum expetit necem, & Paulum quidem capite in ipsa Urbe Roma, Petrum vero Crucis patibulo condemnat. Horum testimonium quærere extrinsecus superfluum puto, cum rem gestam insignia usque in hodiernum diem, & splendidissima eorum monumenta testentur. Viden ut Eusebius longe altius repetat monumentorum, & reliquiarum Petri, quam a 300. annis post ejus Apostoli necem?

Ecclesiæ Romanæ, inquisivit ejus ossa, quasi per hoc volens ostendere se Petro successisse.

§. II.

De Origine Catharorum.

Præterea dicunt, Petrum nunquam fuisse Romæ, unde arguunt nos de inquisitione ossium ejus Romæ, (76) cum in Novo Testamento, nullum testimonium habeatur, quod Petrus fuerit Romæ. Arguunt etiam Ecclesiam Romanam de ossibus illis dicentes, Ecclesiam nescire an ejus ossa fuerint vel alterius hominis mortui, forte Pagani, quod ipsi credunt, & ab illo mortuo dicunt Ecclesiam Romanam sumpsisse exordium, non a Christo, vel Petro, & in mortuis hominibus, falso tamen eam fore contendunt, de quibus Christus Matth. 8. v. 22. ait: *Dimitte mortuos sepelire mortuos suos.*

Solutio ad hoc: quod falsum dixit hæreticus Ecclesiam Romanam non fuisse securam, nec pacatam de Petri successione; imo semper de hoc secuta fuit, nec ut inde secuta fieret, vel ut ostenderet se Petro succedere ossa ejus inquisivit post trecentos annos, ut dixisti, sed propter honorem, & reverentiam Christi, & successoris ejus B. Petri, & devotionem populi Christiani.

Præterea mirum est, quod ausus es dicere Petrum non fuisse Romæ cum dicat Petrus in fine tertiæ Epistolæ v. 13. *Salutat (77) vos Ecclesia quæ est in Babylone collecta.* Per Babylonem Romam significari videtur. Nunquid non dicitur de hac Babylone Apocal. 17. v. 18. *Quod habet regnum super Reges terræ;* non est autem dubium, quod Romæ tunc conveniebat potius. Igitur increpandus est hæreticus, quia dicit Petrum non fuisse Romæ, & de hoc testimonium non habet. Quod autem dixit hæreticus Ecclesiam certam non fore de ossibus illis, an essent Petri Apostoli, aut alicujus Pagani. Dico quod non est verum. Licet enim non credas, Deus tamen ad honorem Apostoli sui, per illa ossa aliqua ostendit miracula, his qui Christum, & ejus Apostolum venerati sunt. Non ergo ab aliquo Pagano jam mortuo, sed a Christo, & Petro ejus successore Ecclesia Romana sumpsit exordium; nec consistit in mortuis, sed in vivis per fidem Christi, qui ait Rom. 1. v. 17. *Iustus autem ex fide vivit.*

(76) Ex his Monetæ verbis colligi facile potest jam usque a XII. immo etiam ab XI. saltem sæculo, quo orti Valdenses fuerunt, existisse hæreticos, qui Sanctum Petrum Romam venisse negarent. Quare falsi sunt, qui neminem ante xv. vel xiv. seculum fuisse putant, qui rem tam exploratam in controversiam revocarint. Ceterum non æque curandum est quid Valdenses existimarint, quidve censuerint Cathari. Nam historici omnes, & Patres, & hæreticodoxi quilibet, qui ante XII. seculum floruerunt, Petrum Romam venisse testati sunt. Videntur Calmetus *Dissert. De Adventu Petri in Urb. Rom. præfix. Epist. I. B. Petri.* Et Doctissimus Petrus Franciscus Fogginius *De Rom. D. Petri itinere & Episc. Exercit. II. seqq.* qui Veterum Testimonia accurate recensent. Ita fit, ut eruditiores hæretici hujusce temporis, cum veritati resistere nequeant, ultro fateantur Petrum venisse Romam, Caveus, Hammondus, Pearsonius, Grotius, Usserius, Chamierus, Blondellus, Patricius Junius, Josephus Scaliger, Thomas Ittigius, & alii plerique, quos numerat *ibid. Fogginius Exercit. I. pag. 9. seq.*

(77) Babylonis nomine Romam intellexerunt antiquiores Ecclesiæ Patres, ut Papias apud *Euseb. Lib. II. H. E. cap. XIV.* Tertullianus *Lib. Adv. Judæos cap. IX.* alique, ut ante animadvertimus. Consulendus Fogginius *De Rom. D. Petri itinere, Exercit. x. per tot.* Ridendus ergo est Harduinus, qui in *Comment. In Nov. Test.* neque Petrum Romæ, neque Johannem in Asia minore fuisse pugnat. Nam cum hoc homine confictari nefas habeo; quippe qui omnia sua deque veris, ut sua somnia verisimilia reddere possit.

(78) Sapienter quidem ostendit noster Originem Catharorum. Ea autem explicata concludi facile potest, Sectam illorum a Christo

Vlso, quod Ecclesia Romana a Christo velut capite sumpsit exordium, nunc unde Catharorum Ecclesia originem duxerit ostendamus. Sicut enim per universitatem creditorum ab Ecclesia Romana ostensum est, quod ipsa est Christi Ecclesia, ita etiam per universitatem creditorum ab eis ostenditur, quod eorum congregatio non est Dei Ecclesia, nec ab ipso velut capite sumpsit originem, sed potius a Paganis, aut Judæis, aut Apostatis Christianis. Fuit enim quidam Paganus Pythagoras (78) nomine, qui animas hominum in alia corpora, hominum, scilicet, vel pecudum intrare dixit, cui errori plures Pagani consenserunt, & dicti sunt Pythagorici, quos velut exordium suum Cathari, qui duo ponunt principia, imitantur. In hoc errore fuerunt etiam quidam alii perfidi, scilicet Zarden, & Arphaxat, qui dixerunt datorem legis Moyse esse Principem tenebrarum, a quibus omnes Cathari, quoad hunc errorem derivati sunt. Fuerunt etiam apud Judæos Saducæi, qui horum corporum resurrectionem negabant, a quibus omnes Cathari duxerunt originem. Fuit quidam alius Manes nomine qui duo principia posuit, & duas creationes, duasque naturas, unde Manichæi dicti sunt quidam, & ab istis quidam Catharorum sumpserunt principia. Item omnia visibilia, & transitoria asseriebant a Diabolo fabricata, unde Christum negabant carnem istam sumpsisse de Virgine. Vetus autem testamentum respuunt, quos Cathari plurimum imitantur. Fuit etiam quidam Tatianus nomine, a quo Tatiani quidam dicti sunt, qui esum carniū reprobavit, quem Cathari imitantur. Item Valentiniani a Valentino, qui Christum dixit nihil de Virgine assumpsisse.

Fff 2

CAP.

non fuisse profectam. Siquid enim habuerunt, hoc totum quantum erat aut ab Ethnicis, aut ab hæreticis mutuati sunt. Quod ad animorum transmigrationem attinet, vide *Notationem VIII. ad cap. IV. Lib. I. pag. 61. De Veteris Testamenti Auctore consule notam I. ad cap. VI. Lib. II. pag. 143.* De Sententia eorum, qui corporis resurrectionem negarunt, adi *Notationem I. ad cap. VIII. Lib. IV. pag. 346.* De duorum Principiorum assertoribus dixi in *Notationibus ad cap. I. Lib. I. De Hæresiarchis*, qui Christum nihil a Virgine sumpsisse jactabant plura reperies *Notat. 58. ad cap. XII. Lib. III.* De abstinentia ab ovis &c. disserui *Notat. 2. ad cap. V. Lib. II. Zardis, & Arphaxati nomina fabulosa sunt, fictaque ab ascitio Abdia Babylonio.* Is in *Opere De Cert. Apost. Lib. VI. pag. 32. Apud Laurentium De la Barre Hist. Christ. Veter. Patr. Edit. an. 1683. Invenientur Simon Chananeus, & Judas Thaddæus ibi (In Perfide) inquit, duos magos Zarden, Arphaxat, qui a facie Matthæi Apostoli de Æthiopia fugerunt. Erat autem doctrina eorum pravæ ita, ut Deum Abraham, & Deum Isaac, & Deum Jacob blasphemantes Deum dicerent tenebrarum, & Moysen dicerent maleficum fuisse, denique omnes Prophetas Dei a Deo tenebrarum missos assererent. Zaradem nescio quem loco Dei habitum a Manete fuisse, contendit Cotelerius. In *Lib. IV. Recognition. pag. 542. Nota 5. Tom. I. Patrum Apostolicorum Edit. Amstæd. Clerici.* Sed de Abdia falsis narratiunculis plura reperies apud Johannem Albertum Fabricium *Tom. II. Cod. Apocryphi Novi Testamenti*, quo loco diligenter ostendit unde falso confictus Abdias suam hanc depromserit de Zaroe, seu Zarde, & Arphaxato fabulam.*

C A P. III.

*An postquam Dei Ecclesia cæpit,
desierit esse?*

§. I.

*Ecclesiam defecisse hæretici probare
conantur.*

Nunc ad tertium caput progredientes investigemus, an Ecclesia Dei postquam cæpit, esse desierit, sicut falso (1) asserunt Pauperes Leonenses. In primis autem videbimus, quare moti sunt ad hoc dicendum. Secundo improbabitur hunc errorem. Sciendum autem quod isti hæretici dicunt Ecclesiam Dei tempore B. Silvestri defecisse, quando scilicet a Constantino & mundi divitias, & dominationem, secularem recepit, & Constantino, quod abutetur concessit, & consensit. In temporibus autem istis restitutam eam asserunt peripsos, quorum primus fuit Valdesius.

Quæramus ergo unde habent, quod defecerit, (2) & cum inde testimonium non habeant, obmutescant. Ad istud autem probandum inducunt illud Daniel. 8. v. 20. ubi loquitur de Ariete, idest Rege Medorum, & Persarum; & v. 21. de hirco habente cornu insigni inter oculos, per quod significatur Rex primus Græcorum ut dicitur Danielis 8. quo cornu fracto orta sunt quatuor cornua subter illud, scilicet filii ejus, de uno autem ex eis egressum est cornu unum modicum, & factum est grande, sic dicitur Rex impudens facie, cujus fortitudo roborabitur, sed non in viribus suis. Per istum autem intelligunt Silvestrum dicentes eum in viribus Constantini roboratum. Isti autem hæretici per hoc nihil probant, sed visiones capitis sui loquuntur. Si autem ita volunt intelligere, quomodo exponent singula, quæ dicta sunt ibi a Daniele? aut si aliqua ita finxerunt, non tamen habent quibus testimoniis illa confirmant; dicamus autem nos, quod prophetia Danielis exponitur 1. Machabæorum cap. 1. ubi habetur v. 1. quis fuit Rex primus, qui regnavit in Græcia, & v. 9. qui Reges eo mortuo successerunt, scilicet pueri ejus; & quis Rex impudens, scilicet Antiochus, qui ex uno illorum exivit, qui contra Principem Principum, idest contra Dominum consurrexit, ut

patet 1. Machab. 1. v. 23. in violatione templi Dei, & populi ejus, qui etiam sine manu contritus est, ut habetur 1. Machab. 6. ubi dicitur v. 13. quod mortuus est præ tristitia, & non hominis gladio.

Idem etiam habere volunt per illud Matth. 17. v. 11. ubi dicitur: *Elias quidem venturus est, & restituet omnia*; per quem intelligunt Valdesium, & ab ipso dicunt restitutam Ecclesiam, quæ defecerat in Silvestro.

[*] Quibus dicendum est, quod impletum est in eis illud David verbum Psalm. 118. v. 85. *Narraverunt mihi iniqui fabulationes*, isti qui volunt esse legis Doctores non intelligentes, nec quæ loquuntur, nec de quibus affirmant. [*] Et quare non probant, quod Elias sit Valdesius? Si testimonium inde habent, quomodo stabit quod habetur ibi v. 12. *Elias jam venit?* Hoc dixit Christus; Si hoc nolunt intelligere, quod verum est de Johanne Baptista: de quo etiam dicitur Lucæ 1. v. 17. *Quod ipse præcedet ante Christum in spiritu, & virtute Eliæ, ut convertat corda patrum in filios, & incredulos ad prudentiam justorum parare Domino plebem perfectam*. Constat, quod iste Elias non fuit Valdesius, imo Elias Thesbites, ut habetur Malachiæ 4. v. 5.

Præterea, non diceretur de Johanne Baptista, quod veniret in spiritu, & virtute Eliæ, idest Valdesii; imo potius e contrario, Valdesius in virtute Johannis Baptistæ.

Idem etiam probare nituntur dicentes, quod Ecclesia debuit esse pauper, & talis fuit usque ad tempora Silvestri, in quo desit esse talis, scilicet pauper; & ita in ipso desit esse Ecclesia Dei. Hujus solutio patebit septimo capite partis hujus.

Idem etiam volunt habere per illud, quod dicit Johannes Apocal. 11. v. 1. Sibi dictum esse: *Surge, & metire templum Dei*; super quo verbo dicunt, si non erat Ecclesia desitura, ad quid mensuraretur? unde ex hoc quod mensurari præcipitur eam Johanni, volunt, quod desitura fuerit tempore Johannis, & ideo mensurari, scilicet quantum duraret.

Ad hoc dicimus, quod verbum metiendi male intellexit hæreticus, ipsa enim mensuratio non pertinet ad durationem ejus per aliquantum tempus, & non amplius; sed metiri templum, idest Ecclesiam est considerare capacitatem singulorum in Ecclesia, & secundum capacitatem unius verbum prædicationis ministrare. Sic metiebatur templum Ecclesiæ Paulus dicens 1. Cor. 2. v. 6. *Sapientiam loquimur inter perfectos*; Corinthiis vero tanquam parvulis in Chri-

(1) Donatistas sequenti. Hi namque Ecclesiam Catholicam, quæ initio late longeque propagata erat, lapsu temporis defecisse, atque in ea Africæ parte constitisse, quæ Donato accesserat effutiebant. Adeundus S. Augustinus Lib. 11. *Contra Epistolam Parmeniani cap. xix. & cap. 11.* Et alibi passim contra Donatistas Tom. 1x. Opp. Berengarius, teste Rattranno Corbejensi in *Opusc. De Eucharistia*, in omnibus gentibus, agebat, credit Mundus, facta est Ecclesia, crevit, fructificavit, sed imperitia male intelligentium postea erravit, & perit: In nobis solis, & iis qui nos sequuntur, postea remansit. Hæretici juniores initio quidem Ecclesiam visibilem deficere minime posse putarunt: ut constat ex *Conf. ss. Augustana Artic. vii. Et ex Apolog. ejusdem Conf. ss. Titulo de Ecclesia*. Consultendus Bossuetius Lib. 11. *H. st. Variat. nu. 11x. pag. 136. Tom. 11. Opp. Edit. Venet.* Paria senserunt Calviniani, ut patet ex *Conf. ss. Fiaci Argentinensi cap. xv. & xvi. Basileensi an. 1535. Art. x121. & x. v.* Sed cum premi se a Catholicis cernerent, sciscitantibus, ubinam eorum esset ante annos 150. Ecclesia, ut se facile expedire pos-

sent, quod observat Jurius In *system. Ecclesia pag. 206* affirmarunt, eam certis quibusdam temporibus sere visibilem esse desisse. Colligitur hoc plane ex Catechismo Calvinianorum *Dominica xv. ex Conf. ss. Art. xxxi.* Ex Claudio Ministro. In *Defensione Reformationis*. Verum sibi non constituerunt semper novi hæretici. Adversus Bossuetium Lib. xv. *Hist. Variation. num. 1. seqq.*

(2) Adposuit Augustinus contra Donatistas disserens Lib. *De Unitate Ecclesiæ cap. xvi. num. 42. Tom. 1x. Opp.* Perscrutentur, inquit, Scripturas, & contra tam multa testimonia, quibus ostenditur Ecclesia Christo terrarum Orbe diffundi, vel unum professant tam certum, & tam manifestum, quam illa sunt, quo demonstrant Ecclesiam Christi periisse de ceteris gentibus, & in sola Africa remansisse, tamquam ab alio initio, non ab Jerusalem, sed a Carthagine, &c.

[*] Non exstant in *Cod. Bonon.* quæ duobus asteriscis complexi sumus.

Christo quasi nondum spiritualibus, sed quasi carnalibus lac potum dedit non escam, ut ipse dicit 1. Corinth. 3. v. 1. & 2.

Præterea, quid per altare intelligitur? nam & illud metiri iubetur Johannes; ego invenio quod altare Christus est. Hebræor. 13. v. 10. *Habemus altare, de quo edere non habent potestatem qui tabernacula deserviunt*. Nunquid istud altare desitutum erat, quia mensurabatur? Non. Ergo neque templum Dei propter hoc dici debet esse desitutum, tempore Johannis. Item, nunquid adorantes erant desituri? propter eandem causam, ita oportet te dicere: Ergo omnino defecisset Ecclesia etiam quoad orationem, ut nullus esset medio tempore, qui Dominum oraret, & nullus bonus esset, quod tu non credis.

§. II.

Primo agitur, quod Ecclesia Novi Testamenti, postquam incæpit, nunquam defecit.

Nunc ad secundam partem hujus capituli accedamus, & ostendamus quod Ecclesia Novi Testamenti, postquam esse cæpit, non desierit esse. Legitur enim (3) Isaia 9. v. 6. *Parvulus enim natus est nobis, & filius datus est nobis*; & post pauca subdit v. 7. *Super solium David & super regnum ejus sedebit: ut confirmet illud, & corroboret in iudicio, & justitia, amodo, & usque in sempiternum*; Loquitur autem Isaia de Christo pro tempore Incarnationis; imo dicit *natus est, datus*; & dicit *amodo*, idest postquam incarnatus, *super solium David, & super regnum ejus sedebit &c.* Ergo non defecit. Idem dixit Angelus Mariæ Lucæ 1. v. 32. *Dabit illi Dominus Deus sedem David patris ejus, & regnabit in domo Jacob in æternum*. v. 33. *Et regni ejus non erit finis*. Sed istud regnum appellat Ecclesiam, ergo non fuit finis Ecclesiæ, postquam esse cæpit. [*] Quomodo ergo tu audes dicere contra Evangelium, & propheticum testimonium, quod habuit finem in Silvestro. [*] Ad idem induci potest illud Isaia 33. v. 20. *Respice Sion civitatem solemnitatis nostræ: oculi tui videbunt Jerusalem, habitationem opulentam, tabernaculum, quod nequaquam transferri poterit: nec auferetur clavis ejus in sempiternum: & omnes funiculi ejus non rumpentur*. v. 21. *Quia solummodo ibi magnificus Dominus Deus noster*. De Ecclesia loquitur, non de illa terrena Jerusalem, nec de tabernaculo Mosaiico, vel Salomónico, sed de Tabernaculo Ecclesiæ Dei.

[*] Item Isaia 49. v. 14. Ubi loquitur de tempore gratiæ ut probabitur infra eodem capite. Deus di-

xit Sion: *Dereliquit me Dominus, & Dominus oblitus est mei*. v. 15. *Nunquid oblivisci potest mulier infantem suum, ut non misereatur filio uteri sui? Et si illa oblita fuerit, ego tamen non obliviscar tui*. v. 16. *Ecce in manibus meis descripsite: muri tui coram oculis meis semper &c.* Muri autem sunt Prælati, qui muniunt civitatem, qui semper (4) sunt oculi Domini postquam Ecclesia cæpit. Quomodo ergo audes dicere, quod defecerit in Prælati. Item ex dilatazione Ecclesiæ, quæ ibi prophetabatur patet, quod tu non es Ecclesia Dei. [*]

Item Isaia 54. v. 1. Ubi loquitur de Ecclesia de gentibus; *Lauda sterilis, quæ non parit &c.* Quod Apostolus ad Galat. 4. v. 27. de præfata exponit Ecclesia; de ista dicit, quoniam non pariebat ante Christi adventum, sed postea plures filii ejus, quam Synagogæ, quæ prius habebat virum, idest Dominum; sed secundum ista duo tempora loquitur de Ecclesia, & secundum primum tempus dicit eodem cap. Isaia v. 6. *Quia, ut mulierem derelictam, & merentem spiritu vocavit te Dominus, & uxorem ab adolescentia abjectam, dixit Deus tuus*. v. 7. *Ad punctum in modico dereliqui te*; Sed secundum tempus adventus Christi ait v. 7. *Et in miserationibus magnis congregabo te*. Item secundum primum tempus dicitur ibi v. 8. *In momento indignationis abscondi faciem meam parumper a te*; sed secundum tempus Christi subjungit eod. vers. *Et in misericordia sempiterna misertus sum tui*. Si sempiterna est misericordia; ergo non desit Ecclesia esse, postquam fuit.

Item subjungit v. 11. secundum primum tempus antequam Christus veniret: *Paupercula tempestate convulsa*; sed secundum tempus gratiæ dicit eod. vers. *Ecce ego sternam per ordinem lapides tuos, & fundabo te in Sapphiris*. v. 12. *Et ponam jaspidem propugnacula tua, & portas tuas in lapides sculptos, & omnes terminos tuos in lapides desiderabiles, &c.*

Quod autem non defecerit quoad eruditionem, palam est ex Isaia 59. v. 22. ubi de Ecclesia loquens ait: *Hoc fœdus meum cum eis, dicit Dominus: Spiritus meus, qui est in te, & verba mea quæ posui in ore tuo, non recedent de ore tuo, & de ore seminis tui, dicit Dominus, amodo, & usque in sempiternum*.

Quod autem non desierit postquam cæpit, quoad Prælatos sibi invicem succedentes, (5) probatur per illud, quod Dominus dicit ad Ecclesiam sub typo Jerusalem Isaia 60. v. 17. *Ponam visitationem tuam pacem, & præpositos tuos justitiam*. v. 18. *Non audietur ultra iniquitas in terra tua, vastitas, & contritio in terminis tuis*. Isti sunt illi præpositi, de quibus dicit Paulus Hebræor. 13. v. 7. *Mementote præpositorum vestrorum, qui vobis locuti sunt verbum Dei*. Item v. 17. *Obedite præpositis vestris,*

(3) Multa ex Isaia congerit Augustinus Lib. De Unitate Ecclesiæ cap. vii. num. 15. seq. ut ostendat Ecclesiam diffusam per universum Orbem, & perpetuam esse oportere; num. autem 19. hæc habet: *Ecce ex uno Propheta quam multa, quam clara, & tamen cœssititur, & contradicitur, non cuiquam homini, sed spiritui Dei, & evidentissima veritati. Et tamen ab eis, qui nomine Christiano gloriari volunt, gloriæ Christi ipsius invidetur, ne ista quæ tanto ante de illo prænuntiata sunt, credantur impleri, cum jam non prænuntiantur, sed ostenduntur, videntur, sentiuntur, &c.*

[*] Desunt e Cod. Bonon. quæ duobus asteriscis comprehensa vides.

(4) Vaticanus Codex pro *semper* habet *septem*. Hæc postrema mihi videtur vera, atque germana lectio.

(5) Successionem Pastorum ab Apostolis numquam interruptam, veræ Ecclesiæ notam esse palam evincunt Tertullianus Libro De Præscript. cap. xxxii. Irenæus Lib. iii. Contra Hæreses cap. iiii. & Lib. iv. cap. xxvi. al. xlii. Cyprianus Epistol. lxi. aliique multi.

stris, & subjacete eis. Si autem in terra Ecclesiæ non est vastitas, & contritio, nec ultra audita est in ea iniquitas postquam cæpit; quomodo audes dicere, quod defierit? Si autem dicas: imo in Ecclesia Romana audita est iniquitas multa. Dico: falsum est, si enim in Ecclesia Dei aliquis malus est, intra eam non est nisi fide, non iniquitate operationis malæ.

[*] Item Isaia 62. v. 3. Dicit Dominus ad Ecclesiam: *Eris corona gloriæ in manu Domini, & diadema regni in manu Dei tui.* v. 4. *Non vocaberis ultra derelicta, & terra tua non vocabitur amplius desolata; sed vocaberis voluntas mea in ea, & terra tua inhabitata, quia complacuit Domino in te: & terra tua inhabitabitur &c.* Et sic usque ad finem capituli de Ecclesia loquitur, & dicit quod diadema regni, & corona erit in manu Dei; Diadema enim ad prælationem spectat; & dicit, quod non erit derelicta amplius; ergo non defecit in Prælati, postquam cæpit.

Item Ezechiel. 36. v. 23. *Cum sanctificatus fuero in vobis coram eis,* v. 24. *Tollam quippe vos de gentibus, & congregabo vos de universis terris, & adducam vos in terram vestram &c.* v. 30. *Et multiplicabo fructum ligni, & genimina agri: ut non portetis ultra opprobrium famis in Gentibus.*

[*] Item Ezech. 37. v. 21. *Hæc dicit Dominus Deus: Ecce ego assumam filios Israel de medio nationum ad quas abierunt, & congregabo eos undique, & adducam eos ad humum suam.* v. 22. *Et faciam eos in gentem unam in terra montibus Israel, & Rex unus erit omnibus imperans, & non erunt ultra duæ gentes, nec dividuntur amplius in duo regna.* v. 23. *Neque polluentur ultra in idolis suis, & abominationibus suis, & cunctis iniquitatibus suis: & salvos eos faciam de universis sedibus, in quibus peccaverunt, & emundabo eos, & erunt mihi populus, & ego ero eis Deus.* v. 24. *Et servus meus David rex super eos, & pastor unus erit omnium eorum: in iudiciis meis ambulabunt, & mandata mea custodient, & facient ea.* v. 15. *Et habitabunt super terram quam dedi servo meo Jacob, in qua habitaverunt Patres vestri, & habitabunt super eam ipsi, & filii eorum, & filii filiorum eorum usque in sempiternum: & David servus meus princeps eorum in perpetuum.* v. 26. *Et percutiam illis fadus pacis, pactum sempiternum erit eis: & fundabo eos, & multiplicabo, & dabo sanctificationem meam in medio eorum in perpetuum.* v. 27. *Et erit tabernaculum meum in eis, & ero eis Deus, & ipsierunt mihi populus.* v. 28. *Et scient gentes, quia ego Dominus sanctificator Israel, cum fuerit sanctificatio mea in medio eorum in perpetuum.* Per filios Israel in duo regna divisos, scilicet in regnum Judæ, & regnum Israel, intellige duos populos, scilicet Judaicum, & Gentilem, qui facti sunt in regnum unum in adventu Christi; David Rex eorum, idest Christus Rex eorum de eo natus secundum carnem; & nota ibi verba perpetuitatem Ec-

clesiæ designantia, plura enim talia ibi reperies: quod autem loquatur de Ecclesia, patet ex c. 2. v. 44. *In diebus autem regnorum illorum suscitabit Deus Cæli regnum, quod in æternum non dissipabitur, & regnum ejus alteri populo non tradetur: comminuet autem, & consumet universa regna hæc: & ipsum stabit in æternum.* v. 45. *Secundum quod vidisti, quod de monte abscissus est lapis sine manibus, & comminuit testam, & ferrum, & æs, & argentum, & aurum.* Quis autem iste lapis, non est dubium quin sit Christus, secundum quod Petrus ait 1. 2. cap. v. 4. *Iste lapis sine manibus, idest sine viri opere abscissus est de monte, idest de B. Virgine, vel cœtu Sanctorum Patrum.*

[*] Item Osee 2. loquitur Christus ad Ecclesiam de gentibus v. 19. *Et sponsabo te mihi in sempiternum* v. 20. *Et sponsabo te mihi in fide.* Ecce quod dicit sponsabo te mihi in sempiternum. Ergo Matrimonium Christi, & Ecclesiæ non desiit. Ergo nec Ecclesia desiit, postquam cæpit. [*]

§. III.

Probatur per testimonia Novæ Legis, quod Ecclesia Dei, postquam incæpit, nunquam defecit.

Nunc ad testimonia Novi Testamenti veniamus. Legitur enim Matth. 7. v. 24. *Omnis ergo qui audit verba mea hæc, & facit ea, assimilabitur viro sapienti, qui ædificavit domum suam supra petram; vir iste Christus est, unde super petram ædificavit* (6) *Ecclesiam. Hæc est illa Ecclesia, quæ ait Psal. 39. v. 3. Statuit supra petram pedes meos, & direxit pressus meos.* 1. Corinth. 10. v. 4. *Petra autem erat Christus.* Si autem defecit Ecclesia, quomodo verum est quod Christus ait Matth. 7. v. 25. *Et descendit pluvia, & venerunt flumina, & flaverunt venti, & irruerunt in domum illam; & non cecidit: fundata enim erat supra petram.*

Item Matth. 7. v. 22. Dicit Christus: *Multi dicent mihi in illa die: Domine, Domine, nonne in nomine tuo prophetavimus, & in nomine tuo demonia ejecimus, & in nomine tuo virtutes multas fecimus?* (7) *Non per vitam, sed per ministerium.* Ergo mala vita non tollit effectum suum ministerio; ergo non amittitur Ordo propter aliquod peccatum; ergo posito, quod Silvester peccavit, & malus factus fuerit, non tamen defecit Ecclesia in Silvestro.

Item Matth. 8. v. 4. *Vade, ostende te Sacerdoti;* hoc dixit Jesus Leproso, non ob munditiam habendam, quia jam erat mundus, sed ut propter populum judicaretur mundus a Sacerdote, qui hoc habebat facere ex Ordine. Ex hoc autem apparet, quod approbavit Sacerdotium malorum ministrorum; ergo

[*] Deest e Cod. Bonon. quod duobus asteriscis complexi sumus.

[*] Desunt e Cod. Bonon. quæ duobus asteriscis comprehensæ vides.

(6) S. Hieronymus ad cap. 17. Isaia Tom. III. Opp. Edit. Mar-

tianai pag. 45. super Petram, inquit, fundata Ecclesia, nulla tempestate concutitur, nullo turbine ventisque subvertetur.

(7) Codex Vaticanus addit: *Isti mali erant, & demonia ejiciebant, & prophetabant, atque virtutes multas faciebant.*

go non amittitur (8) per peccatum . Item non dixit , vade , ostende te illi homini , sed Sacerdoti ; ut ostenderet , se approbare Ordinem , & non vitam personæ . Ordo igitur Sacerdotalis non amittebatur in Veteri Testamento propter malam vitam ; ergo nec modo ; si enim illud Sacerdotium , quod tantum erat ad tempus , non definebat propter malam vitam , multo fortius nec nostrum , quod perpetuum est . Ergo licet peccavisset Silvester , quod non est verum , non tamen Ordinem amisisset ; ergo non defecit in eo Ecclesia Dei .

[*] Item Matth. 13. v. 30. dicitur servis a Patre familias : *Sinite utraque crescere usque ad messem* , id est usque ad seculi consummationem , utraque (9) dicit ; Zizania , & triticum , id est filios nequam , & filios regni , id est Dei Ecclesiam ; Si ex tunc usque ad messem crescere debuit ; ergo non defecit . [*]

Item Matth. 16. v. 18. dicitur , quod Christus ait Petro : *Super hanc petram edificabo Ecclesiam meam , & portæ inferi non prævalebunt adversus eam* ; (10) quod non esset , si defecisset .

Item Matth. 24. v. 34. *Non præteribit generatio hæc , donec omnia fiant* . Ante Valdensum non erant impleta illa , quæ ibi Dominus dicit . Ergo nondum præterierat generatio Ecclesiastica , de qua Petrus 1. cap. 2. v. 9. dicit : *Vos autem genus electum , regale Sacerdotium , gens sancta , populus acquisitionis : ut virtutes annuncietis ejus , qui de tenebris vos vocavit in admirabile lumen suum* .

Item Matth. 28. v. 20. dixit Christus discipulis : *Et ecce ego vobiscum sum omnibus diebus , usque ad consummationem seculi* . Istud dixit Christus Prælati Ecclesiæ , id est Apostolis , & Successoribus suis , ergo usque ad consummationem non deficiet , quoad successionem .

Præterea , si tantum loquebatur illis undecim discipulis . Contra : Isti brevi tempore vixerunt ; ergo non fuit secum omnibus diebus usque ad consummationem seculi ; falsum ergo dixit eis .

Præterea , secundum hoc illa promissio non tangit Paulum , nec Titum , vel Timotheum , nec alios Prælatos , & fideles ; Quomodo igitur fiduciam possunt habere in eo illi , qui modo sunt ? Nullam . Loquebatur ergo illis pro se , & suis successoribus . Ergo Ecclesia non defecit , cum loquatur ibi Apostolis , ut Prælati , atque Baptistis , & Doctoribus . v. 19. *Euntes docete omnes gentes , baptizantes eos in nomi-*

ne Patris , & Filii , & Spiritus Sancti . v. 20. Docentes eos servare omnia quæcunque mandavi vobis . Et ecce ego vobiscum (11) sum omnibus diebus , usque ad consummationem seculi .

[*] Item Marci 14. v. 7. dixit Christus discipulis : *Semper enim pauperes habetis vobiscum , & cum volueritis , potestis illis benefacere , me autem non semper habetis* . [*]

Item Lucæ 1. v. 33. *Et regni ejus non erit finis ; & loquitur de regno , quod est Ecclesia Dei* .

Item Lucæ 22. v. 32. dixit Christus Petro : *Ego autem rogavi pro te , ut non deficiat fides tua* ; ergo fides ejus non defecit , ergo nec Ecclesia ; vel si hæc defecit , & fides defecit , quæ alibi non est nisi in Ecclesia Dei ; non enim rogat Christus pro quacunque fide , sed pro fide operante per dilectionem .

Item Johan. 14. v. 18. Christus ait : *Non relinquam vos orphanos ; quod non esset , si Ecclesia defecisset , omnibus enim hoc dicit* .

Item Johan. 17. v. 20. Christus orans ad Patrem ait : *Non pro eis autem rogo tantum , scilicet pro Apostolis , sed pro eis , qui credituri sunt per verbum in me . v. 21. Ut omnes unum sint , sicut tu Pater in me , & ego in te , ut & ipsi in nobis unum sint : ut credat mundus , quia tu me misisti* . Ecce quomodo pro Apostolis rogat & pro successoribus , ut sint inseparabiliter unum , sicut & ipse , & Pater , donec mundus credat . Quare ergo audes dicere , Ecclesiam Petri , quoad successionem , defecisse ?

[*] Item 1. Corint. 11. v. 26. *Quotiescumque enim manducabitis panem hunc , & calicem bibetis , mortem Domini annuntiabitis , donec veniat* . Annuntiabitis dicit per successionem , donec veniat in secundo adventu ad judicium ; ergo non defecit quoad successionem ministrorum .

Item Ephesior. 2. v. 20. *Superædificati super fundamentum Apostolorum , (12) & Prophetarum , ipso summo angulari lapide Christo Jesu . v. 21. In quo omnis ædificatio constructa crescit in templum sanctum in Domino* . Crescit , dicit , & in templum , non qualecumque , sed Sanctum , id est firmum ; & prædixerat causam , quia superædificati super fundamentum Apostolorum , & Prophetarum , id est supra firmam petram , supra lapidem angularem , id est Christum ; Quomodo autem crevit in templum Sanctum , si tam cito defecit ? Capite 3. v. 20. dicit : *Ei autem , qui potens est omnia facere superabundan-*

ter ,

(8) Ut Cathari , & Valdenses existimabant .

[*] Quæ duobus asteriscis complexi sumus , desunt e Cod. Bonon.

(9) Cave censeas Monetam iis assentiri , qui præmia , aut pœnas sempiternas differri ad extremum usque Judicii diem putarent . Nam hunc errorem ante Lib. IV. refellit . Ergo de seculi consummatione hoc *ἄρως* intelligit , quod tum numerus electorum compleri debeat . Augustinus etiam Lib. De Universitate Ecclesiæ cap. xviii. num. 47. *Quidquid* , inquit , *de peccatis hominum & verum , & probatum objicitur , nec tamen ad frumenta , quæ inter paleam latent , sed ad ipsam paleam , quæ in fine separabitur , pertinet , non objiciatur* , &c. Confule quæ exstant ibid. cap. xvii. nu. 45.

(10) S. Leo Epist. x. al. lxxxix. ad Episc. Provinciæ Viennensis : *Hunc (Petrum) inquit , in consortium individue unitatis assum- rum , id quod ipse erat voluit nominari , dicendo : Tu es Petrus , & super hanc Petram edificabo Ecclesiam meam , ut aterni ædificatio templi , mirabili munere gratiæ Dei , in Petri soliditate confisteret : hac Ecclesiam suam firmitate corroborans , ut illam nec humana temeritas posset appetere , nec portæ contra illam infe-*

ri prævalerent . Confule Doctissimum Orsium De Auctor. Roman. Pont. Lib. II. cap. xlii. Art. I. pag. 293. seqq. Tom. I. Parte I. quo loco multa ex Patribus affert , quæ ad rem nostram pertinent .

(11) S. Johannes Chrysostomus Homil. xi. al. xci. In Matthæum num. 2. pag. 841. Tom. vii. Opp. post allata Christi verba : *Ecce ego &c. Viden* , inquit , *quomodo illa sese attemperandi causa dixerit ? Non cum illis solum se fore dixit , sed etiam cum omnibus , qui post illos credituri erant . Neque enim Apostoli usque ad consummationem seculi mansuri erant : sed fidelibus omnibus , quasi uni corpori loquitur* .

[*] Desunt e Codice Bonon. quæ duobus asteriscis comprehendimus .

(12) Isidorus Pelusiotes Lib. I. Epist. cccxcvii. *Quemadmodum* , inquit , *angularis quidem lapis duorum parietum vinculum esse invenitur ad artissimam , & firmissimam conjunctionem eos inter se devinciens : eodem modo Domini Nostri Incarnatio duobus Orbis populis inter se copulatis , atque in unum Corpus , & unum Spiritum compactis , in caput anguli effecta est , firmam ac minime nutantem conjunctionem interpositu suo custodiens* .

ter, quam petimus, aut intelligimus secundum virtutem; quæ operatur in nobis. v. 21. Ipsi gloria in Ecclesia, & in Christo Jesu, in omnes generationes seculi seculorum. Amen.

Item Ephes. 4. v. 11. Apostolus de Christo loquens ait: Et ipse dedit quosdam quidem Apostolos, quosdam autem Prophetas, alios vero Evangelistas, alios autem pastores, & doctores. v. 12. Ad consummationem Sanctorum in opus ministerii, in ædificationem Corporis Christi v. 13. Donec occurramus omnes in unitatem fidei, & agnitionis filii Dei, in virum perfectum, in mensuram ætatis plenitudinis Christi.

Si dedit tales, & tales donec &c. Igitur Ecclesia non defecit postquam cæpit, nec quoad successionem Pastorum, nec quoad eruditionem sive doctrinam.

Item Philip. 1. v. 6. Dicit Apostolus: Qui cæpit in vobis opus bonum, perficiet usque in diem Christi Jesu. In vobis dicit per successionem usque in diem Christi Jesu. Hic est dies ille de quo 1. Thessal. 5. v. 2. Dicit Apostolus: Dies Domini sicut fur in nocte, ita veniet.

Item Act. 17. v. 31. Statuit diem in quo iudicaturus est orbem in æquitate.

Item Timoth. 1. cap. 3. v. 14. dicit Apostolus: Hæc tibi scribo, Fili Timoth, sperans me ad te venire cito. v. 15. Si autem tardavero, ut scias, quomodo oportet te in domo Dei conversari, quæ est Ecclesia Dei vivi, columna, & firmamentum veritatis. Si tamen cito defecit, ut dicis, non est verum firmamentum veritatis; alioquin non dicit verum Apostolus 2. Timot. 3. v. 19. Firmum fundamentum Dei stat. Quomodo etiam verum est, quod Christus ait Matth. 7. v. 25. Et descendit pluvia, & venerunt flumina, & flaverunt venti, & irruerunt in domum illam, & non cecidit, fundata enim erat supra petram?

Item Hebræor. 1. v. 8. Introducit Apostolus verba Patris ad Filium: Thronus tuus Deus in seculum seculi; (13) Et quis est ejus Thronus nisi Ecclesia? Ad hujus confirmationem induc, quod supra dictum est ex Isaia 9. v. 7. Super solium David; quod etiam habetur ex Luca 1. v. 32.

[*] Item Apocal. 1. v. 13. Beatus Johannes vidit filium hominis vestitum podere; notum est, quod poderis est tunica talaris a pos, quod est pes, unde & tripos tripodis dicitur propter triplicem pedem. Quæ est ista talaris tunica nisi Dei Ecclesia, qua filius hominis, idest Christus vestitus est? Nulla alia. Hoc est illud vestimentum, quod ei promissit Pater Isaia 49. v. 18. Vivo ego, dicit Dominus, quia omnibus his velut ornamento vestieris. Quare autem talaris dicitur, nisi quia ab initio, idest, postquam cæpit, duratura erat usque ad finem mundi; hoc est quod David ait Psalmo 132. v. 1. Ecce quam bonum, & quam jucundum, habitare fratres in

unum. v. 2. Sicut unguentum in capita, quod descendit in barbam, barbam Aaron. Quod descendit in oram vestimenti ejus. Et Isaia 49. Et circumdabis tibi eos quasi sponsa. Constat autem quod in illo capite loquitur Dominus de tempore gratiæ, sicut patet ex illo verbo ibi posito v. 8. In tempore placito exaudivi te, & in die salutis auxiliatus sum tui &c. Quod exponit Apostolus de tempore gratiæ 2. Corinth. 6. v. 1.

Item propter illud verbum ejusdem capituli Isaia v. 6. Ecce dedi te in lucem gentium, ut sis salus mea usque ad extremum terræ: quod Paulus Actor. 13. v. 48. pro eodem tempore dictum exponit. Item de facto oppono: Quomodo est tempus gratiæ ab adventu Christi, si tam cito defecit, & si tam parum duratura est post resurrectionem?

Item Paulus Rom. 15. v. 19. dicit, quod ab Jerusalem per circuitum usque ad Illyricum repleverit, idest plene prædicaverit, Evangelium Christi.

Item Actor. 14. v. 22. dicitur: quod Paulus & Barnabas constituerunt per singulas civitates Presbyteros. Posito ergo, quod etiam in Silvestro defecerit, quod tamen non est verum, non sequitur quod defecerit in aliis Prælati.

Præterea? ibi reliquit Paulus discipulos, & Barnabas similiter. Confidenter autem dico, quod sectæ tuæ discipulos ibi non reliquerunt; sed discipulos tantum ejus, quod tenet Ecclesia Romana. Ipsa igitur est Ecclesia Dei, & non tu. [*]

C A P. IV.

De perpetuitate animarum humanarum,
a qua pendet perpetuitas Ecclesiæ,
& de immortalitate animæ.

§. I.

Quibus auctoritatibus anima mortalis esse videatur.

O Stenſo, quod Ecclesia Christi perpetua est, idest postquam cæpit, defutura non est, nec defuit; accedamus ad quartum caput hujus partis, & de perpetuitate animarum tractemus, sine qua Ecclesia non potest esse perpetua. Sunt enim quidam homines, qui unum putant interitum hominum, & jumentorum, & æquam utrorumque conditionem, credentes, animas hominum cum corporibus interire. In hoc autem non arguo Catharos, nec pauperes Ultramontanos, (1) aut Lombardos, sed quosdam, qui ut sine fræno possint (2) vivere ad rea-

(13) De imperio cœlesti intelligunt Patres. Atque is quidem est hujusce φησὶς sensus κατὰ λέξιν. Moneta Ecclesiæ militanti accomodat: quod sine quo minus faciat, nihil impedit.

[*] Quæ duobus asteriscis complexi sumus defunt e Cod. Bonon.

(1) Hi enim censabant animas hominum esse immortales. Itaque contra eos disputat, qui ut sine metu in omne scelus sese possent effundere, animam mortalem esse existimabant, Epicurcos auctores sequuti. His autem accedunt Libertini nostrorum temporum, qui Dei existentiam, animarumque immortalitatem negant, ut vivere scelerate possint.

(2) Hæc enim est ratio, quæ plerosque ante induxit, ut humanis animis tollerent immortalitatem. Hinc Sapienter Athenagoras in Legatione pro Christianis pag. 39. Edit. an. 1636. Illi, inquit, qui præsentis hujus sive probæ, sive improbæ vitæ numquam sibi reddendam rationem, sed animam cum corpore simul interituram, veluti in eo extinguendam putarunt; nullum non facinus ausuri sunt. Præter Ethnicos; qui animos esse mortales existimaverunt, fuerunt etiam e Judæorum Republica Sadducæi apud Josephum Lib. xviii. Antiq. cap. xii. Et ex hæreticis antiquis Heracleon Valentinianus apud Origenem Tom. xviii. In Evangel. Johannis pag. 255.

reatum suum istud apud se confinxerunt, quorum errorem describit liber Sapientiæ capite 2. Quod autem anima humana non moriatur cum corpore, potest probari multipliciter. Primo per Scripturam divinam; Secundo naturali ratione. Ad hoc autem valet illud, quod ait Christus Matth. 10. v. 28. *Nolite timere eos qui occidunt corpus, animam autem non possunt occidere*. Ex quo patet quod anima non moritur cum corpore, alioquin occiso corpore occideretur anima humana. Ad idem etiam inducendum est illud, quod Dominus ait Matth. 22. v. 32. *Ego sum Deus Abraham, & Deus Isaac, & Deus Jacob*. Postea subdit eod. vers. *Non est Deus mortuorum, sed viventium*. Isti ergo tres vivi erant tunc quando Christus dixit illud; sed non secundum corpus; ergo vivebant secundum animam; ergo animæ eorum non erant mortuæ cum corporibus; ergo animæ immortales sunt.

Idem etiam probatur per Scripturas Philosophorum, unde adjuvante Deo ponendæ sunt aliquæ eorum rationes ad probandam animarum immortalitatem.

Dividitur autem hoc caput in duas partes. In prima primo inducuntur quædam argumenta ad ostendendam animæ mortalitatem: hæc autem pars in duas dividitur; in prima inducuntur auctoritates quibus videtur anima humana esse mortalis. In secunda autem parte inducuntur quædam rationes sophisticæ ad idem.

Primo autem ad hoc probandum inducimus illud Ecclesiastes 3. v. 19. *Sicut moritur homo, sic & illa, idest jumenta, moriuntur, & nihil habet homo jumento amplius*. Secundo inducimus illud 1. Timot. 1. v. 17. *Regi autem seculorum immortalis, invisibili soli Deo*. Solus igitur Deus immortalis est. Ad idem facit quod habetur ultimo cap. ejusd. Epistolæ

v. 16. *Qui solus habet immortalitatem, & lucem inhabitat inaccessibleem*. Item Johannes (3) Damascenus 2. vel 3. capite dicit de Angelo: *Qui est suscipiens immortalitatem secundum gratiam, non secundum naturam*; ergo multo fortius anima secundum naturam mortalis est, & est immortalis ex sola gratia. Item ibidem dicit Johannes Damascenus. *Omne creabile variabile est, solum enim quod increabile est, & invertibile est*. Item ibidem dicit *omne enim quod incipit, & terminatur secundum naturam*; ergo cum anima humana cœperit esse, ipsa est finibilis secundum naturam. Item B. Gregorius in Moralibus. *Cuncta quæ de nihilo facta sunt, & eorum essentia rursus ad nihilum tenderet, nisi omnium auctor ea manu regiminis contineret*. Item Augustinus contra Epistolam fundamenti: *Res ideo corruptibiles sunt, quia de nihilo sunt*, ubi autem eadem ratio, ibi idem effectus. Ergo cum anima de nihilo sit, ipsa est corruptibilis.

Solutio harum auctoritatum hæc est: Ad primam dicimus quod Ecclesiastes loquitur ibi non asserendo, sed (4) concionando: isti sunt de quibus dicitur Sapient. 2. v. 1. *Dixerunt impii cogitantes apud se non recte: Exiguum, & cum tadio est tempus vitæ nostræ, & non est refrigerium in fine hominis*. Ad illud Apostoli dico, quod solus dicitur (5) immortalis eo modo quo dicitur Matth. 19. v. 19. *Unus est bonus Deus*, scilicet ex se ipso, non ex alia causa; & ex hac ratione sumitur secunda solutio, quare solus Deus dicitur immortalis, ideo scilicet, quia ipse solus ita est immortalis, ut sit sua immortalitas; idem enim est ibi quod habetur, & quod est, secundum omnia quæ de ipso dicuntur, ut idem bonum, & bonitas, & sic de hujusmodi. Ad illud quod dicit Johannes Damascenus, dico: quod (6) natura dicitur multiplex, uno modo di-

G g g

citur

pag. 255. Tom. II. Edit. Huetii. Consule novam S. Irenæi Editionem a Massuetio adornatam an. 1710. pag. 373. omitto Arabas illos, atque Samaritas memoratos in Eusebio Lib. vi. Hist. cap. xxxvii. Origene In cap. xxi. Matth. pag. 486. Tom. I. Edit. Huet. an. 1685. Epiphano Hæres. ix. pag. 16. Tom. I. Opp. Et Leontio de Sect. Art. II. pag. 422. Tempore Synodi Basileensis fuisse in Hesperia plaga Sadduceos Pseudo-Christianos, qui resurrectionem negarent, & animas cum corporibus simul interire affirmarent; auctor est Andreas de Petra Archiepiscopus Colosensis Eugenii Papæ ad Synodum Legatus Tom. xvii. Concilior. col. 663. Seculo xvi. Pomponatius æstu disputationis abreptus dum Niphum refelleret, animorum immortalitatem cum principiis naturæ pugnare scripsit. Quare Synodus Lateranensis sub Leone X. Sess. viii. col. 842. Tom. xix. Concil. Edit. Venetæ hunc errorem damnavit. Prætereo quæ de animo humano censuit Henricus Dodwellus, illum nempe non esse spiritum, adeoque non esse naturam immortalem. Nam refellitur a Massuetio Dissertat. III. Art. ix. pag. civ. j. c. In Opera S. Irenæi. Edit. an. 1710.

(3) Lib. II. De Fide Orthodoxa cap. 111. Tom. I. Opp. pag. 155. *Angelus est substantia... ejus natura secundum gratiam immortalitatem consequuta, & pag. 156. Immortalis est, non quidem natura, sed Dei munere & gratia. Quidquid enim ortum habuit, finem quoque suapte natura habiturum est. Solus enim Deus semper est*. Verba Gregorii, quæ indicat noster, exstant Lib. xvi. Moral. cap. xxxvii. alias xviii. col. 118. Tom. I. Opp. Novæ Edit. suntque hujusmodi: *Cuncta ex nihilo facta sunt, eorumque essentia rursus ad nihilum tenderet, nisi eam auctor omnium regiminis manu retineret*. Quod autem tribuit Augustino expressum est e libro de natura boni contra Manichæos cap. x. col. 357. Tom. viii. Opp. Edit. an. 1700.

(4) Nempe non affirmando, quasi hæc sit Scriptoris Spiritu Sancto adflati sententia; sed concionando, hoc est referendo aliorum, qui prave sentiebant, judicia minus castigata, minisque consen-

tanea rationi. Sunt, qui censeant de exitu bestiarum, & hominum, qui sub oculis cadit, sermonem a Scriptore Sacro institui, atque huc sensum huius recidere. Oculis nostris idem esse interitus hominum videtur ac interitus jumentorum; quare si sensibus nostris tantum sistendum sit, non censebitur homo esse jumento præstantior. Quis enim oculis, aut sensu percepit spiritum filiorum Adam sursum ascendere? Ceterum non negat, quod si mentis nostræ, & revelationis habeatur ratio, tum demum non pateat animam hominis immortalem esse, bestiarum vero non item. Ceterum multa sunt testimonia Scripturarum, quæ mox producentur a nostro, quæ tam disertè constituunt animorum immortalitatem, ut mirum sit ex hoc uno implexo ceteroqu岸, & impedito, voluisse libertinos evincere, animos esse mortales, neglectis illis luculentissimis, quibus nihil clarius potest desiderari.

(5) Adposuit Athanasius, seu Auctor Dialogi I. Contra Macedonit. Solus Deus, inquit, immortalitatem habet, quia Deus ipse est immortalitas; Angeli autem μετοχι ἀθανασίας participatione immortalitatis, sunt immortales. Consulendi Theophylactus in hunc Apost. loc. pag. 793. & Johannes Damascenus Lib. I. Contra Manichæos.

(6) Non Johannes Damascenus tantum, verum etiam Irenæus, Sophronius, Dionysias, alique multi veteres Christiani hanc dicendi rationem adhibuerunt. Verum sic intelligebant, ut Deum solum ipsam esse immortalitatem vellent, res autem creatas, si quæ sunt immortales, participes esse divinæ illius immortalitatis. Audi Irenæum contra Gnosticos disceptantem: Lib. II. cap. xxxiv. pag. 168. Edit. Paris Monach. S. Mauri. „ Discant, quoniam sine „ initio, & sine fine vere, & semper idem, & eodem modo se ha- „ bens solus est Deus, qui est omnium Dominus. Quæ autem sunt „ ab illo, omnia quæcumque facta sunt, & fiunt; initium quidem „ suum accipiunt generationis, & per hoc inferiora sunt ab eo, qui „ ea fecit, quoniam non sunt ingenita, perseverant autem, & ex- „ tenduntur in longitudinem seculorum secundum voluntatem facto- „ ris

citur natura materia ejus, ut habetur in 2. physico-
rum Aristotelis; alio modo natura dicitur forma;
tertio modo dicitur natura prima causa, quæ est
principium nativitatis uniuscujusque rei, natura
enim a nascendo dicitur, quasi nascendi principium;
secundum hunc ultimum modum non est dubium ani-
mam esse vertibilem; Deus enim posse habet, eam
vertere in non esse, sicut de non esse eam duxit in
esse. Item secundum eandem naturam, scilicet pri-
mam causam immortalis est; Dei enim virtute ut
natura naturante omnia, perpetuatur esse animæ. In
his tribus sensibus non est idem natura, & res natu-
ræ secundum esse, nec etiam secundum rationem.
Quarto modo dicitur natura rei ipsa res naturæ,
idem enim est secundum esse &c. in Deo licet sit ra-
tione differens, unde dici solet communiter, quod in
Deo est idem, quod est, & quo est. Sic sumit idem
Jo: Damascenus Lib. 2. cap. 3. Ubi dicit Angelum
immortalem secundum gratiam, non secundum na-
turam, & est sensus ex gratuita bonitate Dei, non
ex se ipso; similiter enim intelligendum de anima,
hujusmodi enim creaturæ immortalitatem habent
per participationem, non per essentiam suam, sicut
Deus, cujus essentia est sua immortalitas, & in quo
idem est immortale, & immortalitas, idem enim in
eo est quod est, & quo est. Ad illud aliud Johannis
Damasceni, omne quod creabile est, vertibile est,
dicitur, quod istud intelligendum est duobus modis
in Angelo, & anima humana, uno modo, scilicet
per subtractionem virtutis causæ primæ ab ipsa re
creata, & hoc vult B. Gregorius cum dicit. *Cun-
cta quæ de nihilo facta sunt, & eorum essentia rur-
sum ad nihilum tenderet, nisi omnium auctor ea ma-
nu regiminis contineret*. Iste autem modus com-
munis est cunctis creaturis; Secundum hunc mo-
dum unumquodque creatum naturaliter vertibile
est, quia prima causa subtrahente suam virtutem ab
ea, ejus natura non sufficeret ad conservationem rei
in suo esse; sed non dicitur naturaliter vertibile,
quia natura ejus sit causa versionis, nisi in aliqui-
bus, in his scilicet, in quibus sic est, quod sunt ex
contrariis ut in corporibus elementatis. Alio etiam
modo, qui est proprius creaturæ rationalis dicitur
Angelus, vel anima humana vertibilis, quem etiam
modum tangit ibi Joh. Damascenus, dicens Ange-
lum (7) vertibilem secundum mentem, scilicet vo-
luntatem, & loquitur de Angelo secundum statum
ante confirmationem, similiter anima humana ver-
tibilis est secundum voluntatem.

Nota, quod aliqua res unico modo vertibilis est
in non esse, ut anima, vel Angelus, scilicet rede-
undo in non esse, si prima causa tolleretur inde virtu-
tem suam. Aliqua autem res vertibilis est duobus
modis, ut corpora cœlestia, quæ sunt elongata a

contrarietate omnium intra se, & extra se, ut po-
nit Aristoteles in libro de Cœlo, & Mundo. Verti-
bilia autem sunt prædicto modo & partium divisio-
ne, mensurantur enim continua quantitate, licet
enim corpora illa non sint susceptibilia sectionis, a
creatione contrarii agentis intra ea, vel extra ea,
quia non sunt receptibilia recti motus, qui in eo-
rum natura est, tamen actione primæ causæ apta
sunt ad sectionem. Ignis, aqua, & alia elementa
propter modos prædictos sunt susceptibilia versionis
actione contrarii agentis extra, corpora autem ele-
mentata actione contrariorum in elementato ad in-
vicem pugnantium. Ex his patet qualiter respon-
dendum sit ad illud verbum Jo: Damasceni: *Omne
quod incipit etiam finitur secundum naturam*; pa-
tebit etiam melius in sequentibus, ubi exponetur
hoc verbum omne compositum naturaliter dissolubi-
le est; patebit etiam, qualiter intelligi debet ver-
bum illud Augustini: *Res ideo corruptibiles sunt,
quia de nihilo sunt*.

§. II.

*Qualiter quibusdam rationibus mortalis
anima esse videatur.*

Nunc videamus qualiter sustinendum sit animam
esse immortalem contra phantasticas rationes.
In primis inducimus illud: Omne compositum na-
turaliter divisibile est, & in sua principia resolu-
bile, quod patet ex hoc, quod omne simplex indivisi-
bile est; ergo cum anima sit composita, ipsa divisi-
bilis est; ergo corruptibilis. Quod autem sit com-
posita probatur per illud Boetii (8): Omne quod est
citra primum, est hoc, idest compositum ex hoc,
& hoc. Idem dicit Avicembron lib. 1. Idem etiam
dicit Avicennas dividens substantiam in simplicem, &
compositam: simplicem autem dividit in materiam
& formam; compositam in corpoream, & spiritua-
lem substantiam; ergo spiritualis, ut anima, compo-
sita est.

Solutio hujus duplex est: Una est, quia eadem ra-
tione necesse haberent ponere Angelum esse morta-
lem, quod tamen ipsi non faciunt; ergo ratio illa
nulla fuit. Alia solutio est, quia omne compositum
est resolvable in sua principia secundum rem, ut ea
quæ corruptibilia sunt. Alia secundum rationem
tantum, ut substantiæ spirituales. Si autem in oppo-
nendo ista proponat: Omne compositum est natura-
liter resolvable: distinguendum est, quia naturaliter
potest dici a natura, secundum quod natura dici-
tur ipse Deus, qui est natura naturans omnia; &
secundum hoc natura, quæ principium est, nascendi
unicuique dedit principium, secundum quod prin-
cipium

„ris Dei, ita ut sic initio fierent, & postea ut sint eis donat.“
Hæc ille. Ex his autem colligi facile potest, Dei beneficio immor-
tales esse animas; nam nisi Deus eas conservare vellet, in nihilum,
unde extractæ sunt, reverterentur. Ceterum corruptioni obnoxie
esse nequeunt, cum compositæ non sint, sed tantum, annihilationi,
si Deo placuerit. Id vero constat ex iis quæ habet Irenæus Lib. v.
cap. vii. pag. 300. Caro, inquit, est quæ moritur, & solvitur;
sed non anima, neque spiritus. Mori enim est vitalem amittere
habilitatem, & sine spiramine impostum, & inanimalem, &
immemorabilem fieri; & deperire in illa, ex quibus initium sub-
stantiæ habuit. Hoc autem neque anima evenit; status est enim

vita: neque spiritui, incompotus est enim & simplex spiritus;
qui resolvi non potest, & ipse vita est eorum, qui percipiunt illum.
Viden ut clare diserteque Monetæ antecesserit Irenæus? Confule
Masluetium Dissertat. III. Præv. In Irenæi Libros Art. ix. nu. 105.
pag. cliv.

(7) Johannes Damascenus Lib. II. De Fide Orthodoxa cap. III.
Confule S. Thoinam I. P. Quæst. I. Art. v. ad 1. & 3. argum.

(8) Hæc in Physicos Aristotelis libros observarunt Boetius, &
Arabes illi Scriptores. Boetius quidem nihil habet, quod liberti-
nis suffragio sit. Nihil moror Avicembronem, quem tamen, ut &
Avicennam aliquanto postea benigne interpretatur noster.

principium est quod, vel post quam omnia. Vel potest dici a natura, secundum quod sumitur a naturali intelligentia; utroque modo esse compositum est divisibile, sed ultimo modo secundum rationem, primo autem secundum rem; sicut enim Deus præsentia suæ virtutis conjunxit formam materiæ substantiæ spiritualis, ita etiam potest illam dividere suæ virtutis subtractione, ut patet ex prædicta auctoritate Gregorii. Tertio etiam modo potest intelligi omne compositum naturaliter divisibile esse, idest naturæ suæ relictum a prima causa; sed iste modus si bene inspicitur non diversificatur a primo modo, & sic verum est quod omne compositum naturaliter est vertibile, imo & omne simplex, ut materia, & forma, ut patebit in capite de æternitate Mundi, & secundum hunc modum principium divisionis, & causa versionis non est in re ipsa, sed extra eam, ut diximus prius. Quarto etiam modo potest intelligi omne compositum naturaliter est divisibile, idest a natura sua, quia ex contrariis est, ut patet in elementatis; secundum hunc modum non est illa universaliter vera, immo illud solum est naturaliter tale, quod ex contrariis est, & hoc principium divisionis, & versionis in non esse, intra est. Ex his patet, qualiter intelligendum sit illud verbum Augustini. *Res ideo corruptibiles sunt quia ex nihilo sunt*; ex enim ordinem dicit, non naturam, ut dicit B. Anselmus. Ex nihilo igitur sunt, idest quia habent esse post non esse, & vult dicere, quod eadem virtute, & causa, qua egressæ sunt de non esse ad esse, eadem causa, & virtute vertibiles sunt in non esse; quæ autem illa sit, ostensum est prius.

§. III.

Secunda ratio, qua probari videtur animam hominis esse mortalem.

Secunda ratio ad probandam animam hominis esse mortalem, ista est: Sicut sensus non fiunt in nobis sine instrumento corporeo, ita etiam nec intellectus sine sensu, (9) & imagine. Ergo cum sensus, & imago dependeant a corpore, intellectus etiam dependet ab eo. Ergo peribit cum corpore, & ita ipsa anima mortalis est morte corporis, cum ejus excellentissima potentia deficiat per defectum corporis.

Solutio: Non est simile, quia sensus, & imagi-

natio nec fit, nec est in nobis sine corpore, intellectus autem licet non fiat in nobis sine corpore in principio, scilicet cum anima humana incipit negotiari per intellectum, & discere scientias intelligibiles, tamen est sine illis inanimatis.

Tertia etiam ratio est ad idem, scilicet quia sicut virtus sensitiva impeditur, & debilitatur per debilitationem corporis, & maxime organi sui, ita & virtus intellectiva impeditur, & debilitatur cum corpus debilitatur, (10) aut impeditur, ut patet in ægrotantibus V. G. Phreneticis, Melancholicis, & inanimatis, & quolibet alio modo mente alienatis; Ergo dependet a corpore, ergo & anima humana, ergo deficit deficiente corpore, ergo est mortalis.

Solutio: Hoc ipso scilicet, quod virtus intellectiva retrahitur, ac impeditur ab apprehendendo intelligibilia, potest esse post perceptionem disciplinæ; videmus enim aliquos sapientes, & disciplinatos fieri amentes; vel ante perceptionem disciplinæ. Primo modo retractio ab apprehensione intelligibilium non facit quod ipsa anima non habeat actionem in se ipsa, & per se ipsam, nec enim lædit potentiam intellectivam; potest tamen concedi ut in alia facultate habeatur, quod corpus agat in animo, hoc modo scilicet, quia corpus læsum occupat animam ad curam sui, & retrahit eam a parte intelligibilium; cum enim anima occupatur circa unum, retrahitur ab alio absque suæ potentiæ intellectivæ læsione, sicut videmus, quod absque læsione potentiæ intellectivæ, cum fuerit anima occupata sensibilibus, retrahitur ab intelligibilibus, verisimile est, quod occupetur circa corpus læsum propter naturalem amorem ad ipsum, quia necesse est illud curari, non tamen læditur potentia animæ, licet impediatur; aliud autem est impediri ex læsione sui, aliud impediri ex occupatione, quemadmodum somnia tenent mentem alligatam circa phantasmata, sic & istæ passionēs, & alienationes eam tenent occupatam circa se ipsam: essentiam autem virtutis intellectivæ non lædunt, sed ejus operationem occupando impediunt; quod etiam patet, quia expurgata hujusmodi passione, virtus intellectiva tanquam nihil passa læsionis in essentia sua ad proprias operationes libere revertitur. Secundo autem modo retrahitur per defectum, vel per pravam dispositionem instrumenti ab apprehensione intelligibilium. In principio enim non fit capax disciplinæ, & eget ea, sed non potest venire ad perfectionem suam

G g g 2

suam

(9) Hoc item argumentum sibi objicit S. Thomas I. P. Quæst. lxxxv. Art. vi. arg. 3. respondet autem: *Quod intelligere cum phantasmate est propria operatio animæ, secundum quod corpori est unita. Separata autem a corpore habebit alium modum intelligendi, similem aliis substantiis a corpore separatis.* Verum si quis contenderet animum posse sine imagine quidquam percipere, nã is facilius comprimere posset audaciam hominum incredulorum. Nam, qui tandem fieri potest, ut figuram millelateram imaginatione concipiam. Perturbatur enim tanta laterum, angulorumque multiplicitate imaginatio, cum distinguere nequeat mille ne, an ducenta sint latera, quæ percipit. At mente accurate distinguit homo latera mille, & angulos, atque quæ sint laterum dupla, quæ tripla, quæ quadrupla: rursumque quot angulis rectis anguli mille æquantur. Id autem fieri nequiret, nisi homo distincte sola ratione, sine imagine ulla angulos tantos perciperet. Deinde, quam obsecro habemus nostræ cogitationis imaginem? Ego enim cogitare me sine, intelligo, at ullam me ipsum habere imaginem cogitationis, nullo

modo prorsus intelligo. Itaque datur mentis sine imagine ulla phantasiæ perceptio.

(10) Est hoc argumentum Epicureorum, quod Lucretius lib. II. v. 446. seqq. objicit iis, qui tuerentur animorum immortalitatem. Magnam in hoc ipso vim constituunt athei Juniores. Sunt porro Lucretii versus hujusmodi.

*Præterea gigni pariter cum corpore, & una
Crescere sentimus, pariterque senescere mentem,
Nam velut infirmo pueri, teneroque vagatur
Corpore; sic animi sequitur sententia tenuis.
Inde ubi robustis adolerit viribus ætas,
Consilium quoque majus, & auctior est animi vis*

*Huc accedit, ut videamus, & corpus ut ipsum
Suscipere humanos morbos, durumque dolorem;
Sic animum curas acreis, luctumque metumque.
Quare participem leti quoque convenit esse &c.*

suam addiscendo sententias intelligibiles, nisi juvetur ab instrumento corporeo, sensus scilicet, vel imaginationis, sed postquam perceperit disciplinam, potest adimplere suam actionem præter ipsum, sicut qui iturus est ad aliquam terram eget quodam vehiculo, sed cum pervenerit non eget eo, sicut etiam ponit Augustinus exemplum in eo, qui venit ad portum non sine navi, tamen in portu est sine illa, non egens ea; igitur cum aliqua ejus actio sit præter (11) corpus, palam est, quod intellectiva potentia agit per se ipsam, & præter corpus; Ergo essentia animæ humanæ præter corpus est. Ex prædictis patet, quoniam illa propositio prius posita falsa est, sicut virtus sensitiva impeditur, & debilitatur per debilitationem corporis &c. ita & virtus intellectiva &c. non enim est simile impedimentum hinc inde, quia impedimentum potentiae sensitivæ est ex sui læsione, impedimentum autem intellectivæ ex occupatione illius, quia non juvatur ad percipiendam intelligibilium disciplinam sensu, & imaginatione ut supra dictum est; deficiente enim uno sensu, deficit una scientia. Si autem quæretur unde est, quod sensus lædatur essentialiter læso corporis organo ab his quæ sensum excedunt, & non intellectus. Dicimus: quod hujus causa est, quia visus, & quilibet alius sensus quoad organum suum harmoniacus est, ut volunt Philosophi, & est virtus sita, & pro parte in illo organo propter; quod necesse est illum destrui destructione illius, in quantum pendet ab illo. Instrumentum autem visus destruitur ab excedentibus harmoniam suam, hoc est a vehementibus visibilibus, & luminosis. E contra autem se habet in intellectu, quoniam ipse non habet partem determinatam in corpore, quæ sit instrumentum ipsius. Immo confortatur, & invalescit ex vehementibus intelligibilibus: quod autem vis intellectiva non habeat partem determinatam in corpore, quæ sit ejus instrumentum, patet ex his, quæ habentur in secunda parte hujus capitis, ubi ostenditur, quod ipsa non dependet a corpore.

(11) Negari non potest, quin dentur quædam animi operationes, quæ corporis propriæ esse nequeant. Nam cum corpus extensum natura sit, quæ propria corporis sunt, necesse est aliquam habeant extensionem. Ita fit ut color, & impetus, & si quæ sunt alia in corpore, sine extensione non solum esse, sed ne cogitari quidem possint. Jam verò quædam operationes indicant animum extensione carere. Qui enim fieret, ut esse in animo posset perceptio rerum prope infinitarum, eaque jam clara, atque distincta, si extensa esset cognitio, aut animus ea præditus cognitione? Nam si extensio esset animus pars una illius rem unam perciperet, atque altera pars rem aliam; quare una conscia esse non posset cognitionis, quæ est propria alterius. Etenim quæ distincta sunt, distinctas item habeant perceptiones necesse est, nisi sint eadem aliqua ratione. Ut si in globo in quo depictus sit orbis terraqueus, aliqua esset perceptio, pars globi, in qua depicta Italia sit, conscia sibi non esset, se cognoscere Gallias, quæ in alia parte sint depictæ. At novimus nos quidem animum sibi conscius esse se res tam multas, tamque inter se discrepantes pernoscere. Itaque non est extensus. Sin autem extensus non est, non est corpori similis, ac proinde ne dividi quidem potest. Jam vero quod nullam pati potest divisionem incorruptibile est, & immortale. Erit ergo humanus animus immortalis. Audiendus Cicero in 1. Tuscul. Quæstion. Cap. xxv. Quid igitur inquit, utrum capacitatem aliquam in animo putamus esse, quo tamquam in aliquod vas ea, quæ meminimus infundantur? Absurdum id quidem. Qui enim fundus, aut quæ talis animi figura intelligi potest, aut quæ tanta omnino capacitas? An imprimi quasi cera animum putamus, & memoriam esse signatarum rerum in mentem vestigium? Quæ porro tam immensa magnitudo, quæ illa tam mul-

Quarta ratio ad idem hæc est: Constat, quod animam humanam invadunt invidia, tristitia, & timor, & hujusmodi passionibus, quæ sunt non solum dolores, sed & tormenta gravissima; dolor autem, & tormentum non est sine læsione; Si autem læsio (12) ibi est, erit venire ad defectum, quoniam causa, quæ magis dolere facit, magis lædet. Cum ergo contingat causam doloris augeri, continget augeri, & dolorem, & per consequens læsionem; Ergo cum omnis virtus, quæ doloris sensibilis est, sit finita ad patiendum, erit venire ad extremum læsionis; hoc autem non est nisi defectus, & mors. Ergo anima humana defectibilis est, & mortalis.

Solutio: Dolor æquivoce dicitur, alio enim modo dicitur dolore vulneratus, alio modo damnificatus; quod patet ex eo, quia longe alterius modi est; unio inter amantem, & amatum, & alterius modi inter partes continui; si autem unio æquivoca est, & divisio æquivoca; quoties enim unum oppositorum dicitur, & alterum; ergo & dolor, qui est unitatis, vel unionis solutio æquivocus est; Ergo, & læsio hinc inde æquivoce dicitur, & altera quidem essentialis est, altera non; altera enim in essentia sua læditur, altera non; sicut usualiter dicitur: læditur in re sua, & forinseca; & inde est, quod quemadmodum ipsa hujusmodi (13) læsio rerum vel destructio non attingit substantiam patientis, nisi quia in ea est, sed de re forinseca est; sic nec ejus dolor essentialis est, & ideo nec læsionem, nec defectum essentialem inducit.

Quinta ratio ad idem ista est: Quoniam anima sensibilis (14), & vegetabilis in animalibus, & vegetabilibus mortalis est, cum tamen sit substantia spiritualis, sicut & anima rationalis; cum enim substantia dividatur in corpoream, & spirituales substantiam, spiritualis in intelligentiam, & animam, quarum prima est substantia omnino separata, scilicet intelligentia; altera autem est substantia conjuncta corpori, ut anima, constat, quod anima

ta possit effingere? Quid illa vis, quæ tandem est quæ investigat occulta, quæ inventio, atque excogitatio dicitur? Ex hac ne tibi terrena mortali quæ natura, & caduca concreta ea videtur? & Cap. xxi. n. 71. In animi cognitione dubitare non possumus, nisi plane in physicis plumbei sumus, quia nihil sit animus admixtum, nihil concretum, nihil copulatum, nihil coagmentatum, nihil duplex.

(12) Lucretius Lib. 111. v. 473.

Nam dolor ac morbus leti fabricator uterque est
Multorum exitio perdocti quod sumus ante.

Utitur item hoc argumento Panætius apud Ciceronem in 1. Tuscul. Quæst. Cap. xxxi. Nihil esse, inquit, quod doleat, quin id ægrum esse quoque possit: Quod autem in morbum cadat, id etiam interiturum.

(13) Juniores Philosophi per facile contra Atheos hujusce temporis hoc argumenti genus repellunt. Negant enim corpus sentire. Id enim proprium esse animi pugnant. Cum autem discrepet corpus in hac re ab animi natura, & notione, atque corruptioni idem ipsum corpus obnoxium sit, concludi potius inde oportere ajunt, animum non esse mortalem. Verum responsioni a nostro adhibitæ assentitur Gassendus Lib. xiv. Physic. Cap. 111. pag. 562. Tom. 11. Opp. Edit. Florent.

(14) Opponunt hoc item argumentum iis qui recte sentiunt Libertini nostrorum temporum. Immo vero animas brutorum non discrepare ajunt perceptione, & cognitione ab humanis. Quare si illæ mortales sunt, has quoque esse mortales concludant. Ut hujusce momenti vim eluderet Bougeantius e Societate Jesu Scriptor, animas brutorum, quæ tot signa cognitionum edunt, daemonas esse dixit, dignum scilicet patella operculum.

anima non permanet indivisibilis, secundum Philosophos, sed dividitur, ut genus in species, in vegetabilem, & sensibilem, & humanam; ergo cum humana anima, quæ substantia spiritualis est, & indivisibilis carens contrario, immortalis sit, utraque prædictarum immortalis erit; vel si illæ sunt mortales, anima humana mortalis erit.

Præterea, sicut patebit in secunda parte, secundæ partis hujus capituli. Quatuor modis accidit, destructio alicujus rei, vel per destructionem subjecti, vel per divisionem partium divisibilium, vel per actionem contrarii inducentem divisionem formæ a materia, vel per absentionem suæ causæ; ergo cum nullo horum modorum accadat destructio animæ sensibilis, vel vegetabilis, utraque immortalis est, vel si est mortalis; ergo eadem ratione humana anima.

Solutio ad ista hæc est: Ponunt quidam, quod anima simpliciter forma est, & dicitur substantia ex intellectu formæ, non ex intellectu materiæ, vel compositi ex materia, & forma.

Idem, dicunt de intelligentia, sive Angelica natura. Distinguunt etiam, hoc habentes a Doctore Parisiensi, quod formarum alia est, quæ totaliter innitur, & incumbit materiæ suæ, & non sustinet eam, sed sustinetur ab ea, & hæc est forma proprie corporalis; alia est cui potius innitur sua materia, & sustinetur, & regitur ab ea, veruntamen non est operatio hujus formæ, nisi cum sua materia, & per eam, & ideo apparet ejus essentiam dependere ex materia sua, cum omnis operatio ex illa pendeat, & cum ejus essentia, extra materiam suam otiosa esset, & inutilis: hoc modo forma materialis, est anima sensibilis, & vegetabilis; idest ex materia sua pendens quoad esse, & quoad operari; secundum istos dicendum est, vel quod aliqua spiritualis substantia materialis est; idest materiæ impressiva corporeæ, & secundum eos, substantia spiritualis dividitur, in substantiam omnino sejunctam a corporea materia, & substantiam spiritualement omnino ei conjunctam; & in substantiam spiritualement mediam, qualis est anima humana, quæ conjuncta substantia est omnino quoad vires, quas communicat cum sensibili; separata autem substantia est quoad potentiam intellectivam; vel si dixerint, quod anima (15) sensibilis, & vegetabilis, non est substantia spiritualis, necesse habent dicere, quod

anima secundum quod dicit substantiam non habet se per modum generationis in animalibus, & vegetabilis ad sensibilem, & vegetabilem, & quod sensibile, & vegetabile non dicant in eis speciem animæ, sed potentias solum. Utrolibet autem modo dicatur, manifesta est solutio primæ objectionis. Non enim simile est de anima humana, & de illis, ut ostensum est. Ad illud objectum dicunt: quod eorum destructio, ad primum modum reducitur, quoad destructionem subjecti, sive materiæ, destruitur forma omnino materialis. Sunt autem, qui ponunt, quod utraque anima substantia (16) spiritualis est: sicut humana anima, & composita ex materia, & forma spirituali, cui enim advenit corporeitas, & fit substantia corporea, eidem advenit spiritualitas, & fit spiritualis substantia. Secundum istos aliter respondendum est. Dicimus ergo, quod non est simile de anima humana, & de illis, ut ostensum est, scilicet quod utraque earum, quoad esse dependet a corpore, cujus signum est, quia quoad esse suum, & agere dependet ab illo, non autem sic in anima humana, ut patebit in secunda parte, hujus capituli. Ad istud, quod quæritur, scilicet per quem modum accadat ei destructio? Potest dici, ut prius; quia licet non sit forma proprie loquendo, tamen ad modum materialis formæ, se habet in prædicta dependentia a corpore. Si autem ejus destructio ad quartum modum reducatur, quo aliqua res dicitur, destrui ex eo, quod causa ejus tollit virtutem suam ab illa, non videtur mihi inconueniens, ut enim prædictum est, essentia utriusque animæ, post corpus, omnino otiosa esset, & inutilis; & frustra influeret prima causa virtutem suam super eam ad conservandam eam, hoc autem est inconueniens, cum causa prima, non agat per modum necessitatis, sed electionis, ut ostendetur in capite de æternitate Mundi.

Sexta ratio ad idem hæc est: Dicitum est, quod substantiarum, vel formarum, vel etiam virtutum alia est omnino separata a corpore, & ideo omnino immortalis, & incorruptibilis; alia omnino conjuncta corpori, & ideo omnino mortalis, & corruptibilis, alia est mediæ dispositionis inter istas, ut anima humana, quæ mortalis est, quoad aliquas vires; scilicet quas communicat cum sensibili, & vegetabili, & immortalis, quoad potentiam intellectivam; & ita quoad substantiam suam immortalis.

Sed

(15) Verum id quidem est. Cujusmodi enim sit anima brutorum intelligi profecto non potest. At multis ostenditur illam non esse spiritualement. Nam ex effectis rei cujusque natura repetenda est. Effecta autem bestiarum indicant earum animas a spiritus notione differre. Nihil enim percipiunt, nisi singulare, nisi corpus, nisi, materiale. Generales autem, & primas, quæ corporis vim, rationemque superant notiones non assequuntur. Quin etiam idearum nexum, nullum habent. Etsi autem pleraque sint animalia, quæ organa sit apte constituta, atque formata habeant ad loquendum, quod sapienter animadvertit Vvolius *Psychologiæ ration. Sect. IV. cap. III. §. 759.* eaque jam cum hominibus continenter versentur, nunquam tamen loquendi vim assequuntur; etsi aliquot verba exprimere aliquando discant, quæ tamen illa verbis illis conjuncta sit, animo nequaquam concipiunt. Accedit illud Ciceronis, quod extat in *I. de Officiis Libro cap. IV.* ut bestias ab homine longo intervallo superari constet: *Inter hominem & belvam hoc maxime interest, quod hæc tantum, quantum sensum movetur, ad id solum, quod adest, quodque præsens est, se accommodat, paullulum admodum sentiens præteritum, aut futurum.*

Homo autem, quod rationis est particeps, per quam consequentia cernit, causas rerum videt, earumque progressus, & quasi antecessiones non ignorat; similitudines comparat, & rebus presentibus adjungit, atque annectit futuras; facile totius vitæ cursum videt, ad eamque degendam præparat res necessarias &c. lege quæ deinceps sequuntur.

(16) Excitavit hanc eandem sententiam, quæ jam obsoleverat, Leibnitium sequutus, Christianus Vvolius *In sua Psychologia.* Animas quippe brutorum spirituales esse contendit, sed anima humana longe imperfectiores. Itaque hanc post mortem superstitem esse; illas autem cum corpore interire. Sed vereor, ut hac posita opinione, humanorum animarum immortalitas possit consistere. Nam si animus quia spiritualis, atque adeo neque mixtus, neque duplex, neque coagmentatus est, dividi, atque interire non potest; si brutorum animæ spirituales sunt, non erunt mixtæ, neque compositæ, neque divisibiles, adeoque ne mortales quidem. Sapienter ergo Moneta, animas beluarum, ut ex effectis earum colligitur, quod ad esse illarum pertinet, a corpore dependere ait; quapropter cum corpore ipso perire.

Sed contra : Si pars est mortalis , & corruptibilis (17) ergo & totum ; qualiter enim erit domus incorruptibilis , cum paries corruptibilis sit .

§. IV.

Quod anima sit immortalis probatur, & primo per testimonia Scripturarum .

Solutio : Vis invisibilis non est corruptibilis secundum id quod habet a corpore , hoc est , quoad idoneitatem instrumenti ad recipiendas (18) mutationes a visibilibus ; virtus vero judicativa , quæ radicaliter fundatur in anima , pendet omnino ex essentia mentis in homine , quæ nullo modo dependet a corpore visibili ; ergo virtus in homine , quoad aliquid pendet ex corpore , & quoad aliud non ; in anima vero sensibili pendet a corpore , quoad duo , & quoad id quod habet ex ipsa essentia animæ sensibilis , & hoc ideo quia ipsa essentia animæ sensibilis pendet ex corpore . Quod autem dixi de anima humana , hoc ideo dixi , quoniam ipsa vires animales habet secundarias ; alias autem vires , in quibus a brutis distinguitur habet principales , secundum quas non pendet ab illis : sed secundum alias dependet a principalibus ; & hoc ideo , quoniam vires secundariæ propter principales sunt , imo ut universaliter dicam , secundaria , & ignobiliora in omni subjecto sunt propter principalia , & nobiliora ; quantum ergo ad ea , quæ habent ex corpore , ipsæ vires animales dependent a corpore , quantum vero ad radicem judicandi non pendet ex eo , quia radices ipsæ virium animalium pendent ex essentia animæ velut radii processu ex luminoso ; convenientius autem est , ut ea , quæ principalia sunt , & nobilia in aliquo , trahant ad fortitudinem suam secundaria , & ignobilia , quam e contra : hoc autem dixi , ut clarum esset vires animales , pendere ex corpore , & esse corruptibiles , & quomodo hoc sit juxta mentem Physicorum .

(17) Magni faciunt hoc momenti genus Athei , ac Libertini hujus ætatis , Epicureos vehementer sequuti auctores . Verum paulo aliter illud exponunt . Putant enim ne in cogitationem quidam cadere posse , ut animus sensibus carens quidquam possit cognoscere . Vacabit autem sensuum organis animus post mortem , quum hic cum corpore una simul intereat ; non ergo cognoscet . Quid autem facias animo experti cognitionis ? Ergo pereat animus post mortem necesse est . Paria ante attulerat Lucretius lib. 111. v. 624.

. . . Si immortalis natura anima est
Et sentire potest secreta a corpore nostro ;
Quinque , ut opinor , eam faciendum est sensibus auctam
At neque &c.

Plinius item lib. 111. *Quod autem*, inquit, *corpus animæ per se ? Quæ materia ? Ubi cogitatio illi ? Quomodo visus ? Auditus ? Aut qui tangit ? Qui usus ejus ? Aut quod sine his bonum ?*

(18) Fateamur nullis sensibus animas post mortem instructas manere . Verum quid inde concludere possunt Athei ? An intelligunt ipsi quomodo animus sensuum ope percipiat res extra se constitutas ? Quod si rem , quam continent experiantur , explicare , & intelligere nequeunt ; quod est , quod non percipientes modum , quo animus a corpore solutus cognoscit ; colligant animum non esse superstitem corpori ? Adposuit Cicero in I. Tusculanorum *Quæstionum* cap. xx11. „ Sed plurimi , inquit , contra nituntur , animos „ que quasi capite damnatos , morte multant , neque aliud est „ quidquam cur credibilis his animorum videatur æternitas , nisi „ quod nequeunt , qualis animus sit vacans corpore , intelligere , „ & cogitatione comprehendere . Quasi vero intelligant , qualis

Nunc accedamus ad secundam partem hujus capituli , quæ pars in duas dividitur , secundum duos modos probandi animæ immortalitatem , quorum unus est ex testimonio Scripturarum , alius est ex rationibus ; & iste duplex est , unus est ex communibus , & transcendentibus rationibus , alius autem est ex propriis ; sunt autem isti duo modi noti , ex his , quæ tradita sunt in Logica . Etiam his modis , atque rationibus usus est , in tractatu suo de animæ immortalitate Magister Guillelmus de Arverni Parisiensis (19) Episcopus , quem & in hoc tractatu libenter sequimur , cum sit lumen scientiæ , & vitæ puritate præclarus , cum etiam ante nos alii eum in eodem secuti sunt . Nunc ad propositum veniamus , sicut diximus in prima parte , primæ partis capituli . Adducuntur quædam testimonia Scripturarum ad probandum animæ immortalitatem , si forte sit aliquis de negantibus animæ immortalitatem , qui velit verbis divinis probare contra sensum . Ad hoc primo inducimus , quod Christus ait Matth. 10. v. 28. *Nolite timere eos , qui occidunt corpus , animam autem occidere non possunt* ; ex quo patet , quod anima humana non moritur cum corpore ; alioquin occiso corpore occideretur & anima ; & qui corpus occideret , ipsam animam occideret . Ad idem etiam inducendum est illud , quod Dominus ait Matth. 22. v. 32. *Ego sum Deus Abraham , & Deus Isaac , & Deus Jacob : Non est Deus mortuorum , sed viventium* . Vivi erant tunc isti , quando Dominus dixit illud ; sed non erant vivi secundum corpus ; ergo vivebant secundum animam ; ergo animæ eorum non erant mortuæ cum corporibus , sed remanebant in suo esse corporibus mortuis .

Item,

„ sit in ipso corpore Hæc reputent isti , qui negant animam sine corpore se intelligere posse : videbunt , quem in ipso corpore intelligant . Mihi quidem naturam animi intuenti , „ multo difficilior occurrit cogitatio , multoque obscurior ; quæ „ lis animus in corpore sit , tamquam alienæ domui , quam qualis „ cum exierit , & in liberum cælum , quasi domum suam venerit . &c. Consulendus Samuel Clarkius Parte 11. de Relig. Nature cap. viii. pag. 193. Edit. an. 1717.

(19) Indicat Librum de Immortalit. Animæ Guillelmi Arverni Episcopi Parisiensis , qui floruit Seculo xiii. creatusque fuit Episcopus an. 1228. obiitque anno 1249. Vivebat ergo quo tempore noster contra Catharos , & Valdenses scribebat . Exstant opera Guillelmi in duos Tomos distributa , atque edita an. 1674. Aureliæ cura Bartholomæi Ferronii .

(20) His testimoniis usi sunt Patres , ut e Scripturis animam esse ostenderent immortalem . Consulitor imprimis Johannes Chrysostomus Homil. in illud : *De Dormientibus nolo vos &c.* Tom. I. Opp. Edit. Paris . pag. 762. seqq. S. Irenæus lib. 11. cap. xxxiv. hoc item aliud affert : pag. 268. Edit. Paris. Massueti. *Memnisse*, inquit, *animas operum , quæ egerunt hic , & a quibus cessaverunt , colligitur ex ea relatione , quæ scribitur de divite , & de Lazaro eo , qui refrigerabat in sinu Abrahe , in qua ait divitem cognoscere Lazarum post mortem , & Abraham similiter , & manere in suo ordine unumquemque ipsorum Per hæc enim manifeste declaratum est , & perseverare animas , & non de corpore in corpus transire &c.*

Item, 1. Corinth. 15. v. 19. *Si in hac vita tantum in Christo sperantes sumus, miserabiliores sumus omnibus hominibus.* Item, 2. Corinth. 5. v. 8. *Audemus autem, & bonam voluntatem habemus magis peregrinari a corpore, & praesentes esse ad Dominum.* Item, ad Philip. 1. v. 21. *Mibi enim vivere Christus est, & mori lucrum.* Item, v. 23. *Desiderium habens dissolvi, & esse cum Christo.* Item, Apocal. 6. v. 9. *Vidi subtus altare animas interfectorum propter Verbum Dei, & propter testimonium quod habebant.* Item, Proverbior. 14. *Sperat autem justus in morte sua* (20).

§. V.

Rationibus probatur animæ immortalitas.

Nunc accedamus ad secundam partem, secundæ partis capitis, & Animæ immortalitatem probemus primo per rationes communes; secundo per proprias; rationes autem communes divinæ justitiæ, atque judicio innituntur. In primis ponimus pro constanti, quod Deus est summe potens, summe sapiens, & summe bonus, & juxta hoc ponimus, quod non vane ei servitur; vane autem ei serviretur, si alia vita non esset, cum in vita ista cultores ejus non remunerarentur; ergo est alia vita post istam, in qua remunerantur a Deo, & ita non pereunt animæ cum corporibus; quod autem non remunerentur hic a Deo ejus cultores patet, quia ut videmus (21), & malis bene, & bonis male hic est sæpe.

Præterea, quod illa propositio vera sit, scilicet quod non vane servitur ei, patet, quia alioquin Deus non curaret de cultoribus suis, idest de his, qui debitam honorificentiam ei impendunt; si autem non curat; ergo vel quia non diligit eos, vel quia ignorat, vel quia non potest. Si non diligit, ubi (22) est summa bonitas? Si ignorat, ubi est summa Sapientia? Si non potest, ubi est summa potentia.

Præterea, summe bono non potest deesse summa

justitia, Deus summe justus est; non ergo vacat in eo justitia summa. Ergo reddet aliquando bonis, & malis prout merentur, sed non reddet aliquando hic, ut patet, cum utrique recipiant contraria meritis suis in hoc mundo, ut videmus in multis; ut etiam patet in Divite, & Lazaro; reddet igitur eis, ut merentur post hanc vitam; ergo animæ non sunt mortales.

Præterea, ut idem (23) Episcopus posuit, justitia divina a justo judicio retrahi non potest, aut impediri vel ignorantia, vel impotentia, sed constat ex eo, quod bonis hic est male, & malis bene, quod non judicat hic quandoque pro meritis; ergo alibi judicabit pro meritis, & ita alia vita existet.

Præterea, si non esset aliqua retributio futura, post vitam istam, soli illi sapientissime vivunt, qui omni voluptate sese prostituunt, & illi stulti sunt, qui sancte, & juste vivunt, & totum bonum suum contemnunt, & abjiciunt; illi ergo non errant, & melius eligunt, isti autem errant, & prave eligunt, potius igitur isti dicendi sunt mali, illi boni, quam e contra.

Præterea, si illi dicendi sunt mali, & isti boni, illi ergo non solum impune mali, sed etiam bono suo mali sunt, & ex malitia sua est eis melius, si Deus non curat de factis hominum judicandis; contra autem isti boni frustra, imo malo suo boni sunt, & ex bonitate sua est eis deterius; hoc autem divinæ justitiæ æquitas nullatenus sustinet.

Item probatur, quod anima est immortalis per propriam operationem animæ.

Nunc ostendamus aliam vitam esse, & animas cum corporibus non interire ex rationibus propriis, scilicet per propriam operationem animæ humanæ, quæ in anima nobilissima est, & in qua excedit bruta animalia; & primo per illam operationem compositam, vel comparatam ad corpus. In primis autem ponamus illam radicem philosophicam. Omnis substantia cujus operatio non pendet ex corpore, nec ejus essentia dependet ab eodem, alioquin nobilior, & liberior (24) esset ejus operatio, quam ejus essentia, & quod accidit, quam id cui accidit, & quod sustinetur, quam id quod sustinet, quod esse non potest. Dico ergo sic: Operatio intellectualis virtutis animæ humanæ non dependet a corpore; ergo

(21) Egregie Laëtantius Lib. VII. *Institutionum de Vita Beata* cap. 1x. *Virtus, inquit, soli homini data, magno argumento est, immortales esse animas: quod nec erit secundum naturam, si anima exstinguitur: huic enim presenti vitæ nocet. . . . si ergo virtus & prohibet iis terrenis bonis hominem, quæ naturaliter appetuntur, & ad sustinenda mala impellit, quæ naturaliter fugiuntur, ergo malum est virtus, & inimica naturæ; stultumque judicare necesse est, qui eam sequitur; quoniam se ipse lædit, & fugiendo bona præsentia, & appetendo æque mala, sine spe fructus amplioris. . . . Virtutis ergo fructus, ac premium sempiternum est, quia vitiorum commodum in præsentia est, virtutis igitur in futuro. Ita fit, ut in hac vita virtutis premium nullum sit, quia virtus adhuc ipsa est. Nam sicut vitia, cum in actu suo finiuntur, voluptas, & præmia eorum sequuntur; ita virtus cum finita est, merces ejus insequitur &c.*

(22) Disputat hic contra Libertinos Moneta, qui Deum ponere, cumque, jam bonum, & sapientem esse, prospicereque rebus creatis conferent. Alioquin non tanta ejus argumento vis esset. Ceterum si quis est, qui neget Deum existere, is refelli facile poterit argumentis, quæ Sancti Patres Minucius Felix in *Octav.* Cyrillus Hierosolymitanus *Catech.* xi. S. Basilus in *Hexaemeron*, Gregorius Nazianzenus *Orat.* xxxiv. Basilus Seleuciensis *Orat.* I.

Theodoretus *Serm.* I. *Therapert.* S. Thomas in *Libris contra Gentes* &c. in medium afferunt. Frugiferum quoque erit pervolvere lucubrationes de *Existentiâ Dei*, quas recentiore memoria adornaverunt, Nievventytus, Clarkius, Derhamus, Jacquilotius, Fenellonus, Tourneminius, aliique multi, quos nunc recensere non vacat.

23) Nempe Guillelmus Arvernus. De divite, & Lazaro consulendus. S. Irenæus *l. c.* notatione xx. in hoc cap.

(24) Nemo tam plumbeus in physicis est, ut nesciat eam rem a corpore non pendere, cujus operatio a corpore ipso non pendeat. Nunc agendum videamus pendeat ne a corpore animi operatio. Exsequitur id quidem, suo more, sapienter imprimis, atque accurate noster. Nam etsi organa corporis, ac vires assidua exercitatione consumantur, & consenescent, ut non tantæ suppetant homini sexaginta annos nato, quantæ juveni, qui vicesimum tertium agat annum ætatis; longe tamen major intelligentiæ vis, atque perceptio, memoriæque, rerumque plurimarum comprehensio in homine magno natu, quam in juvene esse solet. Quid autem hoc est, quam attrito, ut ita dicam, ac debilitato corpore, vigere animum, ac proinde a corpore illius intelligentiam non pendere?

ergo nec essentia animæ humanæ, in qua fundatur virtus intellectiva; ergo anima humana naturaliter separabilis est a corpore, & vivens post corpus: Quod autem operatio intellectualis non dependeat a corpore, probatur primo per hoc: quoniam virtutes a corpore dependentes in suis operationibus sequuntur dispositionem corporis, scilicet vigorem, & debilitatem, vigorato enim corpore, vigoratur etiam virtus corporalis, & debilitato eo debilitatur, ut patet in virtutibus animalibus, V.G. in sensibilibus, & in virtute sensibili. E contrario autem se habet in virtute intelligibili, quæ post quadraginta annos in plerisque confortatur, licet corpus debilitetur; ergo ipsa non est corporalis, nec dependet a corpore ipsa anima humana. Separabitur ergo a corpore, & vivens post ipsum.

Secundo per diurnitatem operationis, quia virtus corporalis, sicut & unaquæque res quæ mortalis est, quanto diurnior, (25) tanto debilior; sua igitur diurnitate, sive duratione debilitatur, & senescit, donec veniat ad ultimum defectum, qui est mors: ipsa autem virtus intellectiva sua duratione invalescit, & quanto diurnior, tanto fortior; sua igitur duratione non tendit ad senium, vel defectum, sed potius elongatur ab eo; ergo ipsa est immortalis.

Tertio per exercitium, & per assuetudinem operationis probatur hoc idem; virtutes enim corporales, & corruptibiles, quanto magis in exercitio suæ operationis & assuetudinis sunt, tanto magis lassantur, & deficient, sed e contrario videmus esse in intellectuali virtute; exercitio enim, & assuetudine suæ operationis invalescit, & clarificatur, & expeditior efficitur; igitur non est virtus corporalis, sive dependens a corpore; ergo nec anima humana; ergo non perit corpore pereunte.

Quarto probatur hoc idem per maximam sui unionem ad corpus, per sollicitudinem scilicet, & amorem, ubi omnino absorbetur operatio (26) intellectivæ virtutis, ut patet in carnali, vel corporali commixtione viri, & sæminæ; ergo in omnimoda sui separatione vigoratur ejus operatio; hæc autem separatio in morte est, vel ipsa mors est; impossibile autem est vigorari operationem virtutis; ergo non læditur essentia ejus ex morte corporis.

Quinto probatur hoc idem, scilicet quia non dependet a corpore, quia ejus operatio excellentissima, scilicet divinatio, & revelatio invalescit, dum est in corpore maximis impedimentis corporis; re-

velatio enim prophetialis vix accidit, nisi cum magna debilitatione corporis, sicut patet in extasi, & inde est quod extasim raptum nominare solemus; Unde Daniel. cap. 10. v. 16. *Domine mi, in visione tua dissolutæ sunt compages meæ, & nihil in me remansit virium*; manifestum est igitur, quod nobilissima operatio, ac fortissima virtutis intellectivæ, scilicet Prophetia, vel revelatio divina tunc maxime viget, cum corpus infirmum est, ut in (27) extasi, & raptu palam est, hic autem est maxima ejus separatio, dum est in corpore; ergo in omnimoda separatione, quæ est mors, omnino viget, nisi ex culpa impediatur.

Præterea, iste raptus & ista applicatio ad nobilia, & intelligibilia, aut est violentus, aut voluntarius huic virtuti, aut naturalis, aut casualis; casualem autem esse impossibile est, quoniam istud est potissima, ac nobilissima ejus perfectio dum est in corpore, & quo maxime illustratur & regitur genus humanum; revelationes enim divinæ ac Prophetia maxime ordinant vitam humanam, & omnis ars, & sapientia credit eis, atque subjicitur: Casui ergo crederet omnis ars, & sapientia. Si vero naturalis est, secessio igitur a corpore, & applicatio ad res nobiles incorporales, est naturalis huic virtuti nobili; nullum autem naturale noxium est, aut mortiferum ei cui naturale est, sed salubre, & adjutivum, seorsum ergo a corpore fieri salutiferum est, & adjutivum isti virtuti. Idem vero accidit, si voluntarium est naturali voluntate, vel rationali, omne enim quod ex alteratione hujusmodi voluntarium est, & indubitanter utile est volenti. Violentum vero esse non potest, quo generaliter eo usque adjuvatur virtus hæc, illustratur, atque perficitur; omne enim violentum impedimentum est illius naturæ, cui violentum est.

Sexto patet hoc idem in vicinitate ad mortem, ubi plerumque divinationes, & futurorum revelationes factas non dubitamus; unde ut comprehendam præcedens argumentum cum isto, sic dico: Propria operatio hujus potentiæ in separatione a corpore invalescit, ut patet in extasi, & raptu, & vicinitate ad mortem, invalescentia operationis, si est ultimata, est perfectio ipsius virtutis; si autem non est ultimata, appropinquatio est ad perfectionem (28) in eam. Non solum igitur est seorsum a corpore, sed etiam perficitur ex separatione.

Viso, & ostenso, quod anima immortalis est ex eo, quod non dependet a corpore quoad operationem

(25) Corpus quodlibet continenter attritum, consumi solet, animus contra non item. Egregium est illud Ciceronis in *Catone De Senectute*. Cap. XI. *Hæ sunt exercitationes ingenii, hæc curricula mentis, in his desudans, atque elaborans, corporis vires non magnopere desidero: adsum amicis, venio in Senatum frequens, ultroque affero res multum & diu cogitatas, easque tueor animi, non corporis viribus. Hæ namque in Catone pene extinctæ erant; mentis vero vigeant maxime. Et Capite xx. *Omnium ætatum certus est terminus, senectutis autem nullus certus est terminus, resequitur in ea vivitur, quoad munus officii exsequi, & tueri possis; & tamen mortem contemnere, ex quo fit, ut animorum etiam senectus sit, quam adolescentia fortior &c.**

(26) Hebecit ingenium eorum, qui vitis se se dediderunt, atque adeo carni, & corporis rebus se se magis, magisque immiscerunt. Est ergo quid a corpore discrepans anima, alioquin corpus corpori junctum, communicatis simul viribus, crederet potius virtute, non minueretur. Transferam huc quæ Cyrus morti proxi-

mus filios alloquens suos dixit: *apud Cic. in Lib. De Senectute Cap. xxii. & Xenophonte in viii. Lib. Cyropæd. Mihi quidem, numquam persuaderi potuit, animos dum in corporibus essent mortalibus, vivere; cum exissent ex iis emori: nec vero tum animum esse insipientem, cum ex insipienti corpore evassisset: sed cum omni admixtione corporis liberatus, purus, & integer esse cœpisset, tum esse sapientem.*

(27) Extasim vires corporis opprimere, animoque vim magnam ad res cœlestes considerandas tribuere divinitus, testata res est. Verum non admittitur extasis a Libertinis. Ita illi desipiunt, rem claram negando ad summam impudentiam. Atque hoc unum saltem negare non poterunt: animos, cum remissi ac liberi sunt, multo plura cognoscere, cumque curis laxati corporis, visere tum demum liberius veritatem, & contemplari. Adeundus Cicero *Lib. De Senect. Cap. xxii. & Lib. I. Tusculan. Quæst. Cap. xix.*

(28) *Cod. Vatic. Ergo separatio a corpore aut approximat eam ad perfectionem, aut inducit perfectionem in eam.*

nem suam intellectivam, quare nec quoad effectum suum, ostendamus hoc idem, comparando operationem hujus potentiae ad objectum suum, & hoc multipliciter. Primo per reflexionem intellectualis (29) operationis suae (ad quod ponitur a quibusdam instrumentum suum, scilicet media Cellula, aut Cor. 10.) & se ipsam, & suam apprehensionem, & qualitatem suam (si quae in ea est,) virtus enim intellectualis apprehendit unumquodque horum, nulla autem virtus dependens a corpore hoc potest facere, ut patet in visibili; ergo intellectus non dependet a corpore. Quod autem dixi de visu, & de aliis sensibus notum est, scilicet, quod non apprehendunt instrumenta sua, nec suos actus, nec se, nec qualitatem, si quae in eis esset; nunquam enim apprehendunt, nisi quod praeter illos, & extra illos est; cujus signum est, quod non apprehendit vis febrilis calorem Ethicæ cum fuerit firmata in corpore totaliter. Non solum hoc accidit in vi sensibili, sed in aestimativa, ipsa enim si vellet non posset aestimare, vel suum actum, vel organum, & loquor de aestimativa vi in quantum est distincta a ratione.

Secundo ostenditur hoc idem comparando ipsam virtutem (30) intelligibilem ad suum apprehensum secundum fortitudinem, & debilitatem ipsius apprehensi; certum est autem quod cum intellectus apprehendit aliquod forte intelligibile, fortior est ad alia intelligenda, secus autem est in virtute dependente a corpore, V. G. in virtute sensibili, cum enim sensus apprehendit aliquod forte sensibile, debilius est ad alia sentienda, in tantum quod non potest apprehendere debile post forte nisi post aliquantulum temporis; non enim auditur debilis sonus statim post maximum tonitruum, nec apprehenditur dulcedo tenuis post magnam amaritudinem propter imperfectionem instrumenti corporalis ab alio forti apprehensi; ex quo patet, quod operatio intellectualis non dependet a corpore; ergo nec ipsa anima.

Ad idem facit illud quod dicit Philosophus, scilicet, quod in viribus sensibilibus sic est, quod læduntur a forti sensibili subito superveniente, quia læditur ejus instrumentum vel destruitur, læditur enim oculus a fortitudine radii, & auditus a sono vehementi, unde visus corporalis non potest videre statim, aut etiam vix videt modicam lucem post vehementem, & auditus modicum sonum post

magnum vix audit; e contrario autem est in intellectu, roboratur enim a forti intelligibili, quanto enim majorem, & profundiorrem rem intelligibilem apprehendit, tanto erit habilior ad minorem, & minus profundam; unde constat quod non dependet a corpore; ergo nec anima per illud quod dictum est.

Tertio ostenditur hoc idem per infinitatem apprehensibilem ab intellectuali (31) virtute; hæc virtus est supra infinitas res, est enim capax omnium scibilium, unde & ab Aristotele dicitur non esse determinatæ naturæ, sed potentialiter esse omnium capax, sicut & prima materia omnium formarum. Dico igitur sic. Omnis virtus corporalis non est virtus nisi supra res aliquas, & determinatas, ut ostendam, virtus autem intellectualis est supra res infinitas; ergo non est virtus corporalis, sive a corpore dependens; ergo non perit pereunte corpore: quod autem virtutes corporales non sunt nisi supra res aliquas, & determinatas, illud manifestum est in vi sensibili, & imaginativa, & quod majus est etiam in vi aestimativa animalium, ipsa enim est circa commodum, & incommodum, sed non nisi sensibile, aut corporale.

Quarto idem ostenditur per incorruptibilitatem apprehensi sui; potentia enim intellectiva apprehensiva est, & receptibilis veritatis incorruptibilis, aut alicujus conclusionis necessariæ, sicut etiam conclusio Syllogismi demonstrativi, medii ejus ad extrema comparati, sive principiorum ejus capax est; constat autem quod unum contrarium non est capax, vel receptibile alterius, vel similitudinis ipsius, sicut albedo non est receptibilis nigredinis, vel similitudinis ejus; cum ergo anima humana secundum intellectum sit receptibilis, & capax similitudinis (32) rei incorruptibilis, & similitudinis ejus, ipsa incorruptibilis est.

Quinto patet hoc idem, quia nulla virtus potest supra sibi innaturale, ut visus non potest in phantasmata imaginationis; ergo cum intellectus possit supra incorruptibile, ipse est incorruptibilis naturæ.

Præterea, manifestum est virtutem istam nobilem aut esse duarum facierum, quarum altera illuminabilis esse desuper a rebus, scilicet nobilibus incorporeis, scilicet spoliatis a materia, & appendiciis ejus; altera illuminabilis a parte inferiori, scilicet

H h h

licet

(29) Magna hæc virtus animæ est. Ea namque sola seipsam cognoscit, suamque percipit perceptionem. Id autem a corpore discrepat. Nam quæ pars corporis propria potestates sunt, neque se ipsas, neque aliud quidquam possunt cognoscere. Præclare Cicero in *I. Tusculanar. Quæst. cap. xxii. Est illud, inquit, vel maximum animo ipso animum videre: Et nimirum hanc habet vim præceptum Apollinis, quo monet, ut se quisque noscat. Non enim credo id præcipit, ut membra nostra, aut staturam figuramve noscamus; neque nos corpora sumus, neque ego tibi hæc dicens corpori tuo dico: cum igitur nosce te dicit, hoc dicit, nosce animum tuum. Nam corpus quidem quasi vas est, aut aliquod animi receptaculum. Ab animo tuo quidquid agitur, id agitur a te: hunc igitur nosse, nisi divinum esset, non esset hoc acrioris cujusdam animi præceptum &c. Quæ tametsi, quod ad Apollinis oraculum attinet, nullam vim habeant, quod ethnica sint, quod spectat autem ad sui cognitionem plurimum conferunt ad animi immortalitatem constituendam.*

(30) Constat id continenti experientia. Animus namque dum ad rem difficilem imprimis, atque involutam considerandam, evolundamque se applicat, tum si quæ occurrant faciliores, eas continuo

percipit, atque explicat, contra oculus si copia radiorum perculsus fuerit, aut auditus strepitu, commotioneque magna æris, nihil tum sentire soni, aut lucis remissioris quidquam potest. Constat ergo vim maximam animi esse, a viribus corporis discrepantem; quippe cum non atteratur, nec magna minuatur commotione.

(31) Cicero *Lib. De Senectute Cap. xxi.* Sic inducit Catonem loquentem: *Sic mihi persuasi, sic sentio, cum tanta celeritas animorum sit, tanta memoria præteritorum, futurorumque prudentia, tot artes, tanta scientia, tot inventa, non posse eam naturam, quæ res eas contineat esse mortalem.*

(32) Nempe cum animus mente percipiat res sempiternas, earum ideas, & notiones in se ipsa habeat necesse est. Censeri autem mortalem esse naturam, quæ rei sempiternæ obtineat similitudinem? Nihil minus. Ita fit, ut bestiarum animas mortales putamus esse, quod nullam Dei, nullam veritatis, nullam sapientiæ, nullam denique æternitatis sibi unquam pararint, aut parare possint cognitionem. Sapienter Cicero in *I. De officiis Cap. iv. Imprimisque, inquit, hominis est propria veri inquisitio, atque investigatio &c.*

licet corporalium sensibilibus : aut eadem est virtus, & eadem facies, sed liberam habens virtutem, se in quam partem voluerit illuminari, sive pingi, sive inscribi, a quibus voluerit ; ad utramque enim se vertat, ad lumen suum, & perfectionem suam se vertit, sed a superiori est nobilior ejus perfectio, & lumen nobilius, quanto ergo ad illud magis se verterit, perficietur, & illuminabitur copiosius. Certum est autem, quod perfectio, & illuminatio elongant a non esse ; Conversio igitur ad ea quæ sunt, ipsam scilicet perficit, & illustrat virtutem nobilem. Manifestum autem est, quoniam ipsa separat a corpore, & a corporalibus, & conjungit spiritualibus spoliatis & a corpore separatis. Palam igitur debet esse, quia virtus ista nobilis non pendet a corpore, sed etiam obscuratur, & impeditur ex ipso, & applicatione sui ad istud.

Sexto idem patet. Quoniam cum duplex sit via recognoscendi aliquam conclusionem secundum duplex medium, unum topicum, & aliud demonstrativum, & cum anima venerit in cognitionem conclusionis alicujus mediante medio demonstrativo, quod necessario esset incorruptibile, ejus delectatio in illa major est, quam si veniret in cognitionem conclusionis mediante medio topico, idest probabili solum, hoc autem esse non posset, si anima esset corruptibilis ; imo e contra magis delectaretur in corruptibili medio, quale est topicum, quia majorem convenientiam habet cum illo ; delectatio enim est conjunctio convenientis cum convenienti. Item nullum contrarium diligit suum contrarium, nec in eo delectatur, sed impugnat, & fugit.

Septimo idem patet ex eo, quod actio potentiae intellectivæ elevatur supra tempus, & usque in ævum sive perpetuum V. G. in Angelum cogitando de illo, imo elevatur etiam in ipsum æternum, (33) scilicet ipsum Deum ; Actio ergo ejus quædam supra tempus est, ergo & substantia ejus, scilicet ipsa anima. Ut enim dicit Aristoteles ; Impossibile est, ut sit res, cujus substantia cadat sub tempore, & actio supra tempus, & in æternitate, sic enim ejus actio nobilior esset, quam sua substantia ; Substantia igitur animæ humanæ supra tempus est ; Ergo supra corruptionem, cum omnis corruptio sit in tempore, & etiam subtempore, ergo ipsa incorruptibilis est. Ex his omnibus patet, quod intellectus animæ per instrumentum corporeum non intelligit, quod etiam patet in Angelo, & per Angelum, cujus intellectus instrumento corporis non eget ; Ergo a simili nec intellectus animæ humanæ, quod etiam magis patebit in quinto modo, in quo probatur immortalitas animæ.

Octavo probatur hoc idem a partibus suffi-

cienter enumeratis, a partibus dico, idest a particularibus modis, quibus accidit alicujus rei destructio, qui modi quatuor sunt, ut patebit. In primis autem, quia nullo quatuor modorum, quibus solet destrui res aliqua, accidit animæ destructio ; ergo ipsa non est destructibilis. Ad hoc autem ostendendum primo ponimus, quod anima substantia est, non accidens, cui advenit destructio per destructionem ejus cui accidit destructio, ergo ipsa non est destructibilis ad modum accidentis per destructionem subiecti ; quod anima non sit accidens postea probabimus in fine hujus capituli. Secundo ponimus, quod ipsa anima humana non est corpus ut postea probabimus. Si autem corpus non est cum sit substantia, dimensiones non habet, omne autem, quod caret dimensione, caret etiam divisione partium quantitativarum, anima igitur humana non est destructibilis per hujus divisionem. Tertio ponimus, quod anima est substantia spiritualis, immaterialis, & incomposita in se hujusmodi compositione, quæ est ex materia, & forma, solæ autem formæ materiales corruptibiles sunt, ergo cum anima non sit materialis, sed immaterialis, ipsa incorruptibilis est. Item quemadmodum visus nullam habet contrarietatem ex formis visibilibus, ita & intellectus nullam ex intelligibilibus, ut in proximo patebit, ergo cum omnis forma sit ei intelligibilis, nulla est ei contraria, ergo non est corruptibilis per modum unius contrarii ab alio.

Fortè ponet, quod anima humana est substantia composita ex materia (34), & forma. Contra : Nulla substantia, quæ est intelligens, aliquam formam materialem habet ut suam, idest sibi naturalem vel essentialem, quæcumque substantia intelligens sit, & hoc patere potest ex eo, quod omnium hujusmodi formarum similitudinem recipit, quemadmodum oculus nullum habet colorem in ea parte, seu ubi omnium colorum similitudines recipit, alioquin nec iste, nec ille suorum sensatorum similitudines reciperet, nec ab illis passibilis esset, cum album ab albo passibile non sit, nec similitudinem ejus, ullo modo valeat recipere, si enim illam reciperet, duæ abbedines invenirentur in eadem superficie, cum impressio albedinis in album non possit esse nisi albedo ; ex hoc constat, quod anima non habet formam materialem.

Fortè dicet, quod forma animæ immaterialis est, quoniam non est in materia corporea, tamen materialis est, quoniam est in materia spirituali, unde anima corruptibilis est per divisionem formæ suæ spiritualis a sua materia spirituali.

Sed contra : quod forma alicujus compositi dividitur a materia sua, & sic deficit, hoc accidit duobus

(33) Lactantius Lib. VIII. De Vita Beata Cap. 1x. Illud argumentum, inquit, quod etiam Marcus Tullius vidit, satis firmum est, ex eo æternitatem animæ posse dignosci, quia nullum sit aliud animal, quod habeat notitiam aliquam Dei, religioque sit pene sola, quæ animam discernat a brutis, quæ cum in hominem solum cadat ; profecto testatur id afficere nos, id desiderare, id colere, quod nobis familiare, quod proxime sit futurum.

(34) Fuerunt aliqui Patres, qui animum a corpore solutum corpore subtiliore præditum esse putarent, ut alibi est a nobis animadvertum ; cæterum S. Augustinus, & alii magno numero Sancti Patres animum ipsum omni prorsus corpore vacare affirmant ; sequenti

communem, & Apostolicam Ecclesiæ traditionem. Id vero ne Ciceronem quidem fugit. Is enim l. Tusculan. Quæst. libro cap. xxvii. „ Singula ris est, inquit, quædam natura, atque vis animi, sejuncta „ ab his usitatis, notisque naturis, & paulo ante : Nihil enim est „ in animis mixtum atque concretum, aut quod ex terra natum, „ atque fictum esse videatur, nihil ne aut humidum quidem, aut „ stabile, aut igneum : his enim naturis nihil inest, quod vim me- „ moriæ, mentis, cogitationis habeat, quod & præterita teneat, „ & futura prævideat, & complecti possit præsentia „ Adifis Clarkium Tom. I. De Exist. Dei Cap. viii. pag. 189.

duobus modis. Primo per actionem contrariæ formæ, ut patet in elementis, quæ contraria sunt ad invicem secundum suas naturas; hoc autem non contingit in anima, quia ejus formæ, nihil est contrarium, ut postea probabimus, quare nec isto modo divisibilis est forma ejus a sua materia. Secundo modo dividitur forma alicujus compositi a materia propria, quia ipsum compositum naturaliter est ex contrariis, ut patet in corporibus elementatis V. G. in corporibus humanis, quæ sunt corruptibilia, quia ex contrariis sunt ad invicem agentibus, & patientibus; anima autem non est composita ex contrariis, quare non est corruptibilis isto modo, nec per hunc modum poterit dividi ejus forma a sua materia, ergo anima non est destructibilis per actionem contrarii intra se, vel contrarii extra se. Item ipsi Philosophi tanquam certo, & probato utuntur, quia omnem generationem, & corruptionem, omnemque conflictum contrariorum in materia, & circa materiam esse necesse est, quoniam in immaterialibus, & in incorporeis non est contrarietas, & ideo nec conflictus naturalis, propter hoc nec generatio, nec corruptio ibi est, quoniam generatio, & corruptio ex conflictu sunt contrariorum invicem agentium, & patientium, & quia omnes hujusmodi actiones, & passionem per contactum sunt, contactus autem in solis materialibus, & corporibus esse necesse est, sequitur, quod generatio, & corruptio non attingat nisi materialia, & corporea. Item animæ non accidit destructio a destructione causæ suæ, sicut nos videmus, quod diei accidit destructio ex defectu præsentis solaris, causa enim animæ humanæ est ei semper præsens, & nunquam deficit, quia Deus ipse est causa ejus. Plures modi autem, quibus res sit destructibilis inveniri non possunt, ergo anima nullo modo est destructibilis, quare nec mortalis, solum enim his quatuor modis, ut idem (35) Episcopus dixit, & Philosophi volunt, accidit destructio alicujus rei, scilicet vel per destructionem subiecti, vel per divisionem partium diversarum, sive integralium, vel per divisionem formæ a materia, vel per absentionem causæ suæ.

Forte autem aliquis ponet quartum modum destructionis, scilicet defectum proprium, ut senium, & putrefactionem; istud autem nihil esse cognoscunt exercitati ab aliis, idest in scientia naturali; senium enim, & antiquitas nunquam aliquid dissolverent, nisi esset pugna elementorum in corpore, quod senescit, & antiquatur, & per hoc sequitur ad

senium divisio animæ, & corporis; similiter nec putrefactio alicui accideret, nisi eadem causa esset, quæ ipsam induceret, & per consequens divisionem formæ a materia, ac ejusdem destructionem; Constat igitur, quod iste modus destructionis ad aliquem prædictorum quatuor reducitur, scilicet ad illum, qui est per divisionem formæ (36) a materia; sed quia forte negaret quod diximus, scilicet senium, & putrefactionem esse ex pugna contrariorum ad invicem, & induceret quædam perire sola defectione essentis suæ (37), dicentes, quod necesse habet determinare in modis defectionis. Si enim omne quod perit, non perit, sive non deficit, nisi ex debilitate essentis suæ, idest quia debile, & infirmum est ad permanendum in se ipso; cum omne creatum in quantum creatum hujusmodi sit, idest debile in se ipso, & per se ipsum ad permanendum, nihil permanebit eorum quæ sunt creata, cum ista causa non permanendi inveniatur in omnibus creatis, sive creatis ab alio; nos autem videmus multa permanere diutius, & quædam aliis velocius perire; quæ igitur causa in hoc, nisi quia prædicta infirmitas sive debilitas nihil eorum quæ sunt destruit, nisi ipsa ad rei destructionem juvetur aliquo prædictorum modorum, aut impediatur eorum contrariis?

Quoniam autem superius posuimus ipsam formam animæ non habere contrarium, & ided non esse corruptibilem per modum unius contrarii ab alio, necessarium duximus ostendere, quod supposuimus, scilicet quod ejus forma non habet contrarium; constat autem illud esse ponendum, quod forma animæ rationalis est, quod in eo excellentius est; illud autem est intellectiva potentia, secundum positionem omnium Philosophorum. In primis dicimus, quia si potentia intellectiva contrarium haberet non esset susceptibilis illius rei, nec similitudinis ejus, quemadmodum albedo non est susceptibilis nigredinis, nec similitudinis suæ; igitur potentia intellectiva non esset illius apprehensiva, cum ipsa non apprehendat aliquid, nisi apud se illud habeat, aut ejus similitudinem, ergo non potest intelligere aliquid sibi oppositum, si oppositum habet, cum igitur potentia intellectiva sit omnium capax, sicut & prima materia omnium formarum, palam est, quoniam non habet contrarium.

Quarto ostenditur hoc idem, scilicet, quod anima immortalis est per comparisonem animæ ad materiam, & sumitur argumentum a majori; constat enim quod anima secundum suam substantiam altior est in rerum ordine (28), quam materia, quæ ponitur

H h h 2

nitur

(35) Nempe Guillelmus Arvernus Episcopus Parisiensis. Vide Notat. 19. in hoc Cap.

(36) Seu potius ad divisionem. Nam putrefactio motus quidam est partium. Dissolvuntur autem motu partes, atque discernuntur quasi ab invicem, dum agitur. Ita sciunt juniores philosophi. Vera ne dicant, viderint ipsi, qui in hoc rerum genere sunt exercitati.

(37) Vereor ut hic animos reduci in nihilum posse, ac proinde reduci re ipsa oportere putent, qui Monetæ sunt adversarii. At enim quamvis nemo sanus negaverit posse quidem animum reverti in nihilum; si Deus voluerit; quæ tamen ratio est, cur quisquam censeat, id Deum esse facturum? Hoc demum est, quod ostendere debebant; qui negabant animorum immortalitatem. Scripturæ quidem certe animos sempiternos fore adfirmant. His nos assenti-

mur, non ineptissimis, scelestissimisque hominibus, qui ut liberius vivant, fingunt se animo, & corpore extingui oportere.

(38) Verum id sane est. Quotus enim quisque negaverit animi naturam omnibus materiæ partibus longe esse præstantiorem, cum nulla pars materiæ cogitare possit, animus autem cogitat. Scio Lockium Lib. IV. De Mente Humana Cap. III. §. VI. dubitare possit ne Deus suapte Omnipotentia tribuere materiæ vim cogitandi. Verum Stillington falsus Ecclesiæ Anglicanæ Episcopus hoc dubitationis genus ponendum esse negat. Ego postremo huic assentior, quod pugnare cum materiæ cogitationem putem, & hæc cadere in illam omnino nequeat. Nam si vires omnes proprietatesque materiæ spectes, nihil in eis est, quod cum cogitatione ullam colligationem habeat. Confule Clarkium Tom. I. De exist. Dei Cap. IX. pag. 81. seqq. Edit. An. 1717.

nitur subiectum generationis, & corruptionis. Ergo si corruptio non attingit materiam, ut ponunt Philosophi, non attingit etiam substantiam animæ humanæ.

Quinto etiam ostendi potest per comparisonem animæ humanæ ad substantiam Angelicam, ubi potentia intellectiva, & ejus actus patet esse non indigens corpore, aut instrumento corporeo, unde ipsam intellectivam Angeli potentiam non attingit corruptio; ergo a simili nec intellectiva potentia hominis eget corpore, vel ejus instrumento, nec ad ipsam accedit corruptio; ergo nec ad substantiam animæ, & ita incorruptibilis est (39).

Fortē dicet, quod intellectus hinc inde æquivocus est, & ideo non est simile ostendere animam incorruptibilem per suum intellectum, & Angelicum per suum.

Sed contra. Idem habent intelligibile, ergo idem habent subiectum, ergo & eundem actum, ergo & eandem potentiam: potentiæ enim teste Philosopho distinguuntur per actus, & actus per objecta. Præterea intellectus humanus, & Angelicus ut dictum est in intelligibili non differunt, sed in modo intelligendi, quia intellectus Angelicus intelligit rem non per speciem abstractam a re: sed humanus sic; Idem igitur intelligunt, sed differenter, modus autem non diversificat speciem. Cum ergo intellectus Angelicus sit incorruptibilis, & humanus similiter; Ergo & anima cujus est intellectus; incorruptibile enim non fundatur in corruptibili. Si autem quæritur, quare Angelus intelligit non per speciem abstractam a re, sed anima sic. Dico hoc esse quia Angelus est substantia separata, anima vero substantia conjuncta, unde & in beatitudine essentia intellectus non mutabitur, sed modus, & corruptio non attingit essentiam ejus, sed modum.

Sexto probatur quod anima incorruptibilis est ex eo quod omne corruptibile in quantum tale habet esse non semper & ubique, sed hic, & nunc, sed non convertitur, corpora enim cælestia habent esse hic & nunc, non ubique, aut semper, & tamen non sunt corruptibilia, ut probat Aristoteles in principio de Cælo, & Mundo; sed substantia virtutis intellectivæ habet esse præter hic & nunc, ergo non est corruptibilis. Veritas majoris propositionis patet, quia omne corruptibile in quantum tale cadit sub permutationem, quæ non fit præter locum & tempus; veritas similiter minoris propositionis patet, quia si virtus intellectiva absque determinatione loci &

temporis non esset, species rerum per se ipsas non apprehenderet.

Septimo probatur idem, quia omne movens in quantum (40) movens nobilius est moto ab ipso, loquimur autem hic prout Philosophi loquuntur ponentes corpus moveri a substantia spirituali, constat quod est quædam substantia spiritualis omnino separata a corpore, & ideo non movens corpus, & hæc nobilissima ut Angelus. Est etiam alia substantia spiritualis conjuncta corpori, quare & movens corpus, sed minus nobilis quam prima, etiam habet diversos gradus, primus gradus erit substantiæ spiritualis movens corpus incorruptibile ut cælum secundum Philosophos, & ipse movens incorruptibilis est. Est etiam alia substantia spiritualis movens corpus corruptibile, & ipsa corruptibilis est, ut prima parte hujus capituli ostensum est. In primo gradu utrumque est incorruptibile, scilicet movens, & motum in secundo utrumque corruptibile; Ista autem duo extrema sunt, utrumque ex opposito se respicientia, continuus autem ordo partium ipsius universi non est nisi per simile ut ponit Aristoteles in penultima propositione libri de causis, necesse igitur illa duo continuari per aliquod medium, scilicet quod erit incorruptibile secundum id quod est movens in ipso, & corruptibile secundum id quod movetur, hoc autem est homo incorruptibilis secundum animam, & corruptibilis secundum corpus; quartam enim conjunctionem non est invenire, scilicet, in qua movens sit corruptibile, & motum sit incorruptibile per illam propositionem, nobilius est movens moto. Eadem via probatur idem, dico quod cælum non movetur ab anima, quamvis Philosophi dicant contrarium, quibus tamen in hoc a simplicitate Fidei Catholicæ non est credendum: Dicamus ergo sic: cælum movetur ab aliqua natura, quæcunque illa sit, Cælum autem est incorruptibile corpus, & movens, & ipsum motum est corruptibile, ergo erit medium inter ista cujus natura movens sit & incorruptibilis, & motum corruptibile ut prius.

Quoniam superius posuimus animam non esse accidens, nunc sicut præmisimus illud breviter ostendamus (41), omne enim, quod unum & idem numero secundum sui permutationem susceptibile est contrariorum substantia est, talis autem est anima, ergo substantia est, ipsa enim movetur, sed secundum sui permutationem a virtute in vitium, & contra, & a scientia in ignorantiam, & a gaudio in tristitia.

erit. Manet ergo effluente corpore animus. Si manet jam non pendet a corpore, neque illius affectio quædam est. Quare subsistet pereunte corpore animus; quod erat demonstrandum.

(40) Cicero in 1. Tusculanarum Questionum Cap. xxiii. hæc habet ex Platone. „ Quod semper movetur æternum est; quod autem motum affert alicui, quodque ipsum agitur aliunde, „ quando finem habet motus, vivendi habeat quoque finem necesse „ est. Solum igitur, quod seipsum movet, quia numquam desinitur a se, numquam ne moveri quidem desinit; quin etiam ceteris, quæ moventur, hic fons, hoc principium est movendi: „ principii autem nulla est origo. Nam e principio oriuntur omnia: „ ipsum autem nulla ex re alia nasci potest; nec enim esset principium, quod gigneretur aliunde. . . . Ita fit ut motus principium „ ex eo sit, quod ipsum a se movetur. . . . Cum pateat igitur, „ æternum id esse, quod seipsum moveat, quis est, qui hanc naturam animis esse tributam neget?

(41) Vide Notationem xxxix. in hoc cap. Eo enim loci probatur, animum non esse qualitatem, non affectionem quamdam corporis.

(39) Non negligendum illud argumentum est, quod recens philosophi quidam adhibuerunt ad probandam animi incorruptionem. Testata namque res est, corpus quodlibet, atque imprimis humanum; continenter effluere, per transpirationem eam, quæ sub aspectu non cadat. Ita fit, ut nos alimento indigeamus ad eas reparandas partes, quas effluxu tanto amittimus. Quod cum verum sit, & a Bellinio, Nievventyto &c. demonstratum, neque negatum a Libertinis hujusce temporis; consequens erit corpus nostrum, immutari post tres, quatuorve annos, ut aqua in flumine continenter immutari solet. Sin autem minus qualitas quædam corporis, ac naturæ affectio esset; effluente tali corpore, talis quoque una simul efflueret qualitas, & affectio. Verum experientia nostra perpetua, eaque constanti, intimoque sensu constat, animum cum corpore tali non effluere. Nam etiam si homo ducentorum annorum vitam agat; meminit tamen rerum earum, quas fecit; dum puer esset: Atque ego, inquit, decennis Ex. Gr. hoc molitus sum; id feci &c. Quis ille ego est? corpus ne? Nihil minus; Nam illud, quod decennis habebat, effluxit ante multos annos. Ergo animus

tristitiam, & e contra; ergo anima non est accidens, sed substantia. Item nihil quod adveniens constituit speciem & recedens destruit eam accidens est, sed anima adveniens constituit speciem, & recedens destruit, constituit enim brutum animal, vel rationale animal, vel species vegetabilium rerum per suum adventum, vel per recessum destruit; ergo anima non est accidens, sed substantia.

§. VI.

*Utrum anima substantia sit simplex,
vel composita.*

Viso, quod anima substantia est, videamus cujusmodi substantia sit, scilicet an simplex, an composita; Philosophus enim dividit substantiam in simplicem, & compositam, simplicem autem dividit in formam, & materiam: compositam vero ex his dividit in corpoream, & in incorpoream. Quod autem substantia incorporea, seu spiritualis composita sit ex materia & forma probat, quia omnes substantiæ differentes per formam conveniunt in materia, sed substantia corporea & incorporea differunt per formas; ergo convenient in materia, utraque enim substantia ex materia, & forma composita est. Item omnes substantiæ tam simplices, quam compositæ in hoc conveniunt, quod substantiæ sunt, sed propriis formis differunt, necesse est ergo substantia in qua conveniunt sit illis communis, quæ dat omnibus intellectum substantialitatis æqualiter, hanc non dat eis forma, sed materia, quod sic probatur. Nulla conveniunt in eo in quo differunt, sed substantiæ simplices, & compositæ forma differunt; ergo in forma non conveniunt, sed in substantia; ergo substantia non est eis forma, sed materia. Item substantiæ simplices non sunt materiæ tantum, quia sic in nullo differrent, sed omnino unum essent, quia materia unita est, non divisa in se. Item nec aliquid agerent, quia actus formæ est, non materiæ; Si enim ex eo quod sunt materia aliquid agerent, tunc omnes agerent idem propter unitatem materiæ. Item secundum hoc non haberent esse, quia materia non habet esse nisi per formam. Item substantiæ spirituales non sunt formæ tantum, formæ enim substantiales non habent esse nisi in materia: si vero una haberet esse sine materia, & aliæ similiter, quia omnes communicant in intellectu substantiæ; cum igitur in una forma substantiali inveniatur, quod ejus esse non est præter materiam, relinquitur quod idem sit in aliis. Item Boetius dicit, quod omne, quod est circa primum est hic, & hoc. Item Philosophus dicit, quod post unitatem est dualitas; ergo post unitatem primam, quæ est Deus, quælibet substantia, quæ post ipsum est dualitate consistit.

Ad ista duo ultima respondent quidam, quod duplex est dualitas, vel compositio; una est materiæ & formæ in corporalibus solum, alia compositio

cujus partes dicuntur, quod est, & quo est, & hæc est in substantiis incorporeis, & etiam dicunt, quod idem est ibi quod est, & quo est secundum rem, sed differens secundum rationem; una enim & eadem potentia est animæ, quæ in quantum est receptibilis formarum intellectibilium est, quod est, & est quasi materia, in quantum est speculativa, est quo est, & quasi forma, compositio ergo est in anima, & intelligibili non secundum rem, sed secundum rationem solam.

Quod autem hoc non sit verum palam est quia substantiæ spirituali aliud est esse, quam (42) nosse, compositio autem est illius, quod est hoc & aliud.

Præterea non est idem eis esse, vivere, & intelligere, si enim unum esset, & idem, profecto sicut in omnibus est una essentia, idest sine differentia, quæ est secundum magis & minus, ita etiam indifferens esset intelligentia secundum easdem differentias, si autem esset cognitio, idest indifferens secundum magis & minus, similiter & indifferens dilectio, tantum enim quilibet diligit, quantum cognoscit diligendum esse, si anima ejus bene ordinata est, non autem æque diligunt; ergo non æque cognoscunt: ergo non æque intelligunt, quæ tamen sunt; ergo aliud est eis esse, & aliud intelligere; Si ergo ibi est aliud, & aliud, ergo & compositio non solum secundum rationem, sed etiam secundum rem, quod concedimus, salvo eo, quod alii dicunt, quibus præjudicium facere non intendimus, credimus tamen quod in eis, quæ dicuntur substantiæ simplices, est compositio ex materia, & forma, sed ex materia, & forma spiritualibus, sicut corporea ex materia, & forma corporali componuntur, nec dicuntur substantiæ simplices absolute, sed respectu corporearum substantiarum, respectu quarum minus habent de compositione, in solo autem Deo est absoluta simplicitas & natura, in quo non est hoc & hoc, qui idipsum est quod habet. Sciendum tamen quod materia tribus modis accipitur, uno modo accipitur simpliciter, & intelligibiliter nuda ab omni forma, prout est apta recipere omnem formam, corporalem scilicet, & incorporalem; secundo modo accipitur pro ut est induta corporeitate, [*] & sic est materia tantum spirituum. [*]

Tertio modo dicitur materia corpus, elementum, & elementatum, pro ut sic est materia tantum generabilium, & corruptibilium, idest eorum quæ sunt sub circulo Lunæ & sic accipit Aristoteles cum dicit, quod $\gamma\lambda\mu$ est subjectum generationis, & corruptionis, sed non $\gamma\lambda\mu$ simpliciter, & universaliter. Quæ propter cum substantiæ spirituales dicuntur esse immateriales non dicitur hoc de eis nisi, quoad secundum, & tertium modum, nam quoad primum modum ex eadem materia sunt corporeæ & spirituales substantiæ, quoad quem modum potest intelligi dictum esse illud Ecclesiast. 18. v. 1. *Qui vivit in æternum creavit omnia simul*, simul dico in materia universali, salvis tamen aliis

expo-

sæpe evenit, ut non cogitet, quod pluribus ostendit acutissimus Lockius Lib. 11. *De mente Humana* Cap. I. §. 10. seqq.

[*] Hæc habet Cod. Vat.

(42) Negant hoc Cartesiani. Putant enim animæ naturam in una cogitatione consistere. Sed errant longe. Nam cogitatio, rei alicujus cogitatio sit necesse est. Rursum si natura animi eadem, atque cogitatio esset, periret profecto nisi cogitaret animus. At

expositionibus super hoc a sapientibus prolatis. Secundum illam viam dicendum est, quod materia est simplex, aut composita, simplex est quæ est universalis omnium, composita est, quæ est specialis corporeorum, & incorporeorum. Notandum tamen, quod compositio non accidit formæ ex materia, sed potius e contra: hoc patet in corporibus quorum materiæ non accidit esse quantam, nisi ratione formæ corporeæ, qua induta est, quantitas enim sequitur formam corporis, non e contra, unde non est inconueniens dicere materiam in se ipsa simplicem, compositam esse prout induta est forma. Ecce habemus quod anima substantia est, non accidens, & substantia composita; nunc ostendamus quod est substantia composita spiritualis non corporea; omne enim corpus habet qualitates perceptibiles aliquo sensu, anima vero non: ergo anima non est corpus. Item omne corpus subiacet omnibus sensibus, vel saltem aliquibus, sed anima nullis subiacet sensibus; ergo anima non est corpus. Item omne corpus aut est animatum, aut inanimatum, anima vero non est animata, nec inanimata; ergo anima non est corpus. Si enim dicant animam esse animatum corpus.

Contra. Si esset animatum corpus secundum esse corpus animatum jam anima est animatum; ergo una anima esset animata ab alia, & esset similis quæstio de illa alia anima, & sic in infinitum; ergo anima non est corpus animatum: sed nec inanimatum corpus, quia omne corpus inanimatum non vivit, quod non vivit, aliud vivificare non potest; anima autem corpus vivificat; ergo anima nullo modo est (43) corpus, sed est substantia; ergo est substantia incorporea; quod autem sit movens corpus hoc patet; ergo anima est substantia incorporea movens corpus ex se ipsa, sicut etiam Plato definit eam.

[*]. Ultimo sciendum est, quod est triplex intellectus, scilicet possibilis, sive materialis, agens, & formalis. Intellectus agens abstrahit species a phantasmatibus, & abstrahendo unit cum possibili, sive materiali, qui est recipiens; formalis autem

est qui recipitur. Inter istos tres intellectus solus formalis est corruptibilis, quia acquisitus est, & tolli potest, & secundum diversa est. Alii duo intellectus incorruptibiles sunt, ut habetur ab Aristotele in primo de anima de materiali intellectu, ubi ait, quod est divinum quid, & impassibile, de utroque autem habetur in tertio de Anima. [*] (44)

C A P. V.

De Prælati Ecclesiæ.

An in Ecclesia possint esse mali Prælati, & an possint ministrare Sacramenta, & prædicare, & an eis sit obediendum, & de excommunicatione quam faciunt Prælati Ecclesiæ Romanæ, an licita sit?

I Stud caput in plures partes dividitur. Prima est an in Ecclesia possint esse Prælati mali Ecclesiæ permanente Dei Ecclesiæ, & ponuntur argumenta hæreticorum, quod non possunt esse; secunda pars est in qua ostenditur, quod esse possunt mali Prælati Ecclesiæ permanente in suo esse: Tertia pars est an possint ministrare Sacramenta, & prædicare, & an obediendum sit eis, & ponuntur argumenta hæreticorum ad ostendendum, quod non: Quarta pars est in qua ostenditur, quod sic: Quinta, quod in Ecclesia Dei sunt boni, & mali: Sexta pars est de excommunicatione, quam faciunt Prælati, utrum licita sit: Septima est de Prædicatoribus, an mitti debeant.

(43) Nam si aliquo modo corpus esset, haberet illa quidem aliquam extensionem. At nullam habet. Id quod ne quidem Bælius in *Art. Charron. not.* N. B. negare ausus est. Sic enim habet: *Contendere animam hominis, quod cogitet, immaterialem esse, hoc, mox quidem iudicio, recte ratiocinari est. Atque hoc etiam plurimum conferre potuit ad animi eiusdem immortalitatem probandam.* Rursum idem ipse Bælius multis evincit, id quod cogitat dividi nequire, adeoque ne extensione quidem esse instructum. Audiendus autem est. Sic enim scribit *Art. Leucippus. Nota F.* „ Nam si res cogitans, *inquæ*, non est una, nisi ea ratione, quæ globus aliquis unus est, illa quidem certe neque arborem unam totam, quanti est, nosceret, neque sentiret dolorem, quem excitar ictus baculi. En autem Tibi modum, quod evinci hoc ipsum, per facile queat. Finge animo globum, in quo depictæ sint quatuor mundi partes. Non videbis uno ictu oculi non solum partem una mundi, sed etiam ne oram quidem unam. Pars, quæ exhibet Peridem, non eadem est atque illa, quæ ob oculos ponit Regnum Siam. Sequitur, quod si globus posset percipere eas, quibus est ornatus, figuras; nihil contineret, quod dicere posset: *Cognosco totam, quanta est, Europam, totam Americædam Urbem.* Quælibet pars globi posset solum cognoscere figuræ portionem, quæ illi inest. Verum cum hæc eadem pars admodum esset exigua, ut nullum integrum locum per se ipsa exhibere valeret, inutile profecto esset globum cognoscere. Non enim resultat ex ea facultate ullus actus cognitionis; aut saltem, is esset cognitionis actus longe discrepans ab iis, quos in

„ nobis continentur experimur. Nostri enim nobis exhibent totum objectum, totam E. G. arborem totum equum, &c. Quæ res maxime suadet, id quod in nobis affectum huiusmodi imaginibus est, non esse in partes divisibile; atque adeo, id quod in homine cogitat, non esse corporeum, aut materiale, aut compositum ex multis entitatibus. Nam si compositum esset partibus, non sentiret dolorem, cum dolor se divideret in totas minutas partes, quæ essent in organo &c.

[*] Quæ duobus asteriscis complexi sumus, desunt e *Cod. Bonon.*

(44) Præter veteres Philosophos Ciceronem, Platonem &c. Præter Patres Irenæum, Lactantium, Chrysostomum, & Sanctum Thomam, quos ante laudavi, aliosque, ut Macharium *Homil. xxii.* Gregorium Nazianzenum *Orat. x.* Theodoretum in *Serm. Therap.* Clementem Alexandrinum, Minucium Felicem &c. Plerique Philosophi hac nostra ætate contra Libertinos de immortalitate animarum scripserunt. Videndi ergo Gassendus *Señ. 111. Lib. xiv. Physicæ Cap. I. seqq.* Vvollastonus *De Relig. natur. Señ. ix. pag. 332. seqq. Edit. ann. 1726.* Samuel Clarkius *Epist. ad Dodwellum, & Tom. II. De Exist. Dei, & Relig. Natur. Cap. viii.* Croussius *Exam. Pyrrhon. Señ. x. pag. 472. Edit. an. 1733.* Henricus Morus *De Immortal. Animor. Lib. I. seqq. Tom. II. Opp. Edit. an. 1679.* Johan. Baptista Hamelius *Lib. iv. De mente Humana Cap. iv. seqq.* Thobias Pfannerus in *Systemate Theolog. Gentil. Cap. xvii. §. xvi. pag. 408. seqq. Edit. an. 1676.* alique.

§. I.

Ponuntur argumenta hæreticorum probantium, quod in Ecclesia non possint esse (1) Prælati mali, Ecclesia permanente Dei Ecclesia.

Contra hanc primam partem sic obijciunt Cathari, & Pauperes Lombardi. Prælati Ecclesiæ caput ejus est; Quomodo ergo membra sana erunt, si caput est languidum; dicitur enim Isaia 1. v. 5. *Omne caput languidum, & omne cor mærens.* (v. 6.) *A planta pedis usque ad verticem non est in eo sanitas.*

Solutio duplex est; quia in toto Novo Testamento non invenitur, quod Prælati sit caput Ecclesiæ, quare ergo dicis ipsum esse caput ejus? & sic non procedit objectio tua. In Isaia autem loquitur Dominus de plebe Judæorum, quorum Principes languidi erant, qui per caput significati sunt, similiter Prophetæ, & legis Doctores qui per cor, & minores qui per plantam pedis significantur: non ideo tamen istud dicitur, quasi aliqui non essent ibi boni, ut Isaïas bonus, Jeremias, & aliqui alii; Quod ergo dicitur esse caput &c. ideo dicitur, quia rarissimi boni erant apud eos. Quis autem sit caput Ecclesiæ: Dico quod Christus, secundum quod testatur Apostolus Ephes. 1. v. 22. *Et ipsum (scilicet Christum) dedit caput supra omnem Ecclesiam v. 23. quæ est corpus ipsum.* Item eadem Epist. cap. 4. v. 15. *Veritatem autem facientes in Charitate, crescimus in illo per omnia, qui est caput Christus.* 1. Cor. 11. v. 3. *Omnis viri caput Christus est.* Coloss. 1. v. 18. *Et ipse est caput corporis Ecclesiæ.* Si autem dicat, imo & Prælati dicitur caput Ecclesiæ 1. Corinth. 11. v. 3. *Caput autem mulieris vir:* hoc falsum est; nam ibi agitur de muliere materiali, & marito ejus, ut ostensum est in secunda parte hujus operis cap. 4. de formatione horum visibilium a Deo.

Præterea posito (2), quod dicatur caput Ecclesiæ ex hoc non sequitur, quod membra illius capituli infirma sint, sicut patet Apocalyp. 3. Ubi loquitur Deus Angelo, idest Prælati Ecclesiæ Sardis, quem constat malum fuisse, & tamen dicitur ibidem eidem Angelo v. 4. *Habes pauca nomina in Sardis, qui non inquinaverunt vestimenta sua: & ambulabunt mecum in albis quia digni sunt;* ergo sub malo Prælati possunt esse boni viri.

Ad idem inducunt illud Matth. 6. v. 22. *Lucerna*

corporis tui, est oculus tuus. Si oculus tuus fuerit simplex: totum corpus tuum lucidum erit [v. 23.] Si autem oculus tuus fuerit nequam: totum corpus tuum tenebrosum erit; nomine autem oculi volunt intelligere Prælatum, & per corpus Ecclesiam, quæ sub ipso est. Ecce quod si Prælati est tenebrosus tota Ecclesia tenebrosa est.

Huic argumento taliter respondemus: dato quod oculus ibi dicatur Prælati; quod adhuc patet solutio per illud, quod dictum est de Angelo Sardis, qui tenebrosus erat, & tamen aliquos subditos lucidos, & bonos habebat.

Præterea, Paulus erat oculus gentium, & Magister earum, quia earum Apostolus, imo & Episcopus, & erat lucidus oculus totius Ecclesiæ, & tamen habebat multos subditos malos, sicut patet in Epistolis suis; oculus ergo aliquando lucidus est, nec tamen totum corpus lucidum est. Quomodo ergo dicit Dominus utrobique *totum corpus* &c.? Dico, quod non sumit ibi *totum* universaliter, sed distributive, vel posito quod sic sumatur, totum corpus tenebrosum dicitur, & totum lucidum, non quod ita sit in actu, sed quia sic de facili esse posset. Dicitur ergo corpus tenebrosum vel lucidum, idest obscurabile, & illuminabile de facili propter Prælatum, sive propter ejus exemplum. Nonne vides simile in Apostolo Roman. 11. ubi volens probare, quod Judæi, non ita ceciderunt, quin possint reparari, ad hoc ostendendum dicit v. 36.: *Quod si delibatio sancta est, & massa.* Et quid per delibationem nisi Apostoli sanctificati a Christo, quid vero per massam, nisi plebs Judæorum figuratur? illa tunc non erat Sancta, & tamen Sancta dicitur, quia sanctificabilis. Similiter & corpus dicitur totum lucidum, scilicet illuminabile, & totum tenebrosum scilicet obscurabile (3); verius tamen est, quod non dicitur ibi oculus ipse Prælati, nec corpus Ecclesia, sed ipsum cor, sive mens, scilicet intentio, unde prius dixerat v. 21. *Ubi enim est thesaurus tuus, ibi est & cor tuum;* per corpus vero licita conversatio designatur, quæ tenebrosa est, vel lucida, ex intentione bona, vel mala, ex qua intentione fit illicita, quæ alias esset Sancta, & bona.

Item, obijciunt illud Matth. 15. v. 14. *Cæcus autem sic cæco ducatum præstet. ambo in foveam cadunt.*

Solutio. Prælati iste non est cæcus, quia videt, quid credendum sit, & quid faciendum, licet non faciat. Isaïas tales arguit dicens: cap. 4. v. 20. *Qui vides multa nonne custodies?* Si autem alicubi inveni-

(1) Novatianis, ac Donatistis adhaerent Cathari, & Pauperes Lugdunenses. Nam illi quoque malos Prælatos membra Ecclesiæ esse negabant, ut ex Operibus Augustini, quæ sunt contra Donatistas, passim liquet. Hereant quoque eidem luto necesse est novi hæretici, qui ex solis prædestinatis, ac Sanctis constari Ecclesiam arbitrantur.

(2) Non negat Moneta Romanum Pontificem esse caput Ecclesiæ visibilis: De hoc namque non disputat. De capite solum invisibili, quod est Ecclesiæ fundamentum, & lapis angularis disserit. Hoc enim passio Christus est caput Ecclesiæ solus, non autem alius quisquam. Hinc Gregorius Nazianzenus Orat. xxxi. *ὁ Χριστός*, inquit, *μὴν κεφαλὴν τῆς ἐκκλησίας.* Unus Christus, unus Ecclesiæ caput. Vide Gregorium Nisænum Orat. xli. *Contra Eunomium* Tom. II. pag. 725. Theodoretum in Psalm. cxlii. *Et ad 1. ad Corinth. xi. 3.*

(3) Hæc est germana hujusce loci interpretatio. Unum Hilariū laudabimus hoc loco; quum longum esset omnium testimonia persequi. Sic ergo ille Cap. v. *Commen. in Matth. n. 4. Tom. I. Opp. Edit. Veron. pag. 690. Continens sensus est. De oculi enim luminis officio, lumen cordis expressit. Quod si simplex, & lucidum manebit; claritatem æterni luminis corpori tribuit, & splendorem originis suæ corruptioni carnis infundet. Si autem obscurum peccatis, & voluntate erit nequam, vitiis mentis natura corporis subjacebit. Et si lumen, quod in nobis est, tenebrosum sit; quantas necesse est ipsarum tenebras esse tenebrarum? Quia jam periculose solet animi generositati terrena carnis vitiosa origo dominari, longeque magis peccata corporum ingravescere, si etiam cupiditatibus adjuvantur animorum: ex eoque fieri præter naturam suam corpora nostra tenebrosa, si in illis mentium lumen extinctum sit. Vide Maldonatum in cap. vi. Matth. v. 12.*

venitur, quod cæcus sit, dico oculum voluntatis prava voluntate obtenebratum, & secundum hoc, quod cæcus alii ducatum præbere non potest. Patet etiam solutio ex jam dicto hic.

Ad idem inducunt illud 1. Corinth. 5. v. 6. *Nescitis, quia modicum fermentum totam massam corrumpit?* Ex quo videtur, quod in Ecclesia non possit esse Prælati malus, nec etiam subditus.

Solutio: Nonne ille de quo ibi agitur intus erat? Utique, quia Paulus eum judicavit, quid enim ad nos de his, qui foris sunt judicare, & nonne ille malus erat? Quomodo autem dicatur tota massa corrumpi dicetur inferius in quinta parte hujus capituli.

Ad idem inducunt illud ad Ephes. 5. v. 25.: *Christus dilexit Ecclesiam, & se ipsam tradidit pro ea* [v. 26.] *ut illam sanctificaret, mundans lavacro, aqua in verbo vitæ* [v. 27.] *Ut exhiberet ipse sibi gloriosam Ecclesiam non habentem maculam* (4), scilicet carnalis concupiscentiæ, idest gulæ, vel luxuriæ, aut rugam, scilicet sanctitatis simulatæ propter superbiam vitæ, aut aliquid hujusmodi, scilicet vitium cupiditatis terrenæ. Ergo in Ecclesia Dei, nec mali Prælati, nec mali subditi esse possunt.

Solutio: Christus aliqua voluit, & ad aliqua venit, quæ nondum (5) sunt completa. Sicut idem, Johann. 3. v. 17. dicit: *Non enim misit Deus filium suum in mundum, ut judicet mundum, sed ut salvetur mundus per ipsum*, & tamen nondum est salvatus mundus, nisi ex parte; similiter dico, quod Christus voluit talem esse Ecclesiam, & tamen non est completum nisi ex parte. Nonne etiam vides, quod Matth. 23. v. 37. dicit Dominus: *Jerusalem quoties volui congregare filios tuos &c.* & tamen non est completum: similiter dico de Ecclesia; complebitur autem ejus intentio in futuro.

Ad idem inducunt illud 1. Timoth. 3. ubi Apostolus describit, qualis debet esse Episcopus dicens: v. 2. *Oportet ergo Episcopum irreprehensibilem esse, unius uxoris virum, sobrium, prudentem &c.*

Item v. 8., & sequentibus describit, qualem oportet esse Diaconum, & quales oportet esse filios Episcopi; ergo si ista non fuerint, non erit Episcopus, nec Diaconus.

Hujus solutio habetur in quarta parte hujus operis in capite, de Sacramento Ordinis, istud tamen ad præsens addimus. Sicut dicit Apostolus, quod oportet eum esse irreprehensibilem, itam etiam 1. Corinth. 11. v. 19. dicit: *quod oportet, & hæreses*

esse, ut, & qui probati sunt manifesti fiant. Nunquid boni homines non essent probati. & manifesti si hæreses non essent? imo.

Præterea dicit v. 4., quod oportet eum habere filios subditos cum omni castitate, quod ego intelligo de filiis carnalibus, ex quorum regimine dignoscitur, qualis sit futurus qui ordinatur; si enim bene rexit filios quos habuit, si domui suæ, ut docet Apostolus, bene præfuit, probabile est, quod Ecclesiæ Dei regendæ fidelis erit. Tu autem Cathare dic mihi de quibus filiis intelligis tu hoc? Si de carnalibus; ergo si non habuisset eos, non esset Episcopus, cum dicat Apostolus v. 4. *Filios habentem subditos cum omni castitate*, vel argumentum tuum, super illo verbo *oportet Episcopum esse irreprehensibilem*, nullum fuit, quod verum est. Si autem de spiritualibus filiis, nunquid de filio (6) majori, vel minori, quos te habere jactas? Dices quod sic, quod si illi fornicarentur cum muliere aliqua, nunquid desineret esse Episcopus? Ita oportet te dicere si argumentum prædictum debet valere; sic igitur iterum ordinandi essent filii, sic & ipse in Episcopum.

Item, si desiisset esse Episcopus, posset alius in Episcopum ordinari, quorum neutrum verum est; si de subjectis intelligitur, aut de omnibus, aut de aliquibus eorum hoc dicitur: quod oportet eum habere filios tales; de aliquibus non, quia qua ratione de istis, eadem ratione de aliis; ergo de omnibus intelligitur; ergo si non fuerint omnes tales, sed unus eorum luxuriatus fuerit a patre, ipse desinit esse Episcopus propter istum filium.

§. II.

Probatur quod mali Prælati possunt esse in Ecclesia Dei.

Secunda pars capitis, hæc est in qua ostenditur, quod in Ecclesia possunt esse Prælati mali, Ecclesia manente Dei Ecclesia, hoc autem ostensum est in quarta parte hujus operis in capite de Ordine, ubi actum est de Angelo, idest Episcopo Ephesino (7).

Item nota, quod Dominus per Johannem Apoc. 1. v. 20. dicit: quod septem stellæ, quas Johannes vidit in dextra ejus, sunt septem Angeli, & septem candelabra, quæ vidit septem Ecclesiæ erant, & quæ essent illæ Ecclesiæ exprimitur propriis nominibus

(4) Abutebantur hoc Apostoli testimonio Pelagiani, Donatistæ, & Novatiani. Vide S. Pacianum *Epist. 111. ad Sympronianum*, & S. Augustinum passim in Libris contra Donatistas, & *Lib. de Perfectione iustitiæ contra Cælestium &c.*

(5) Fuerunt plerique Græci Patres, qui hunc locum de Ecclesia hujus seculi intelligerent. Verum non Græci solum, sed & Latini. Adeunda Synodus *Tolet. vi. cap. 1.* Sed Augustinus toto fere Libro de *Perfectione iustitiæ* hanc explicandi rationem affert: locum Apostoli intelligendum de Ecclesia, quæ sanctificatur, ac mundatur in hoc seculo per baptismum, fidem, & caritatem, sed tamen non ita perficitur hæc mendatio, ut immaculata prorsus dici, & sine ruga possit, donec Christus in futuro seculo, eam sibi faciat gloriosam, sine macula, & ruga. Eodem recidit Monetæ responsio. Adeundus idem ipse Augustinus *lib. I. Retractionum cap. xix. & lib. 11. cap. xviii.*

(6) Filium majorem a Catharis appellatum fuisse eum, qui se-

cundas ab Episcopo partes in Ecclesia obtinebat, diximus aliis in locis sæpe. Quare actum agerem, si recoquere eadem vellem, quæ disputata toties fuerunt. Scimus porro nos, quæ sint munera Episcoporum, & quanta Sanctitate esse debeant, quippe qui in pietatis operibus instituere debeant ceteros. Præscripta namque ea ab Apostolo fuerunt in Epistolis ad Titum, & ad Timotheum, atque a Patribus sæpe ac multum repetita. Consulendi S. Ignatius in *septem sinceris Epistolis*, Pseudo Clemens *lib. 11. Constitut. Apostolicar. cap. xi.* Idorus Pelusiotes *lib. I. Epist. cxxxvi.* Verum quis inde colligit Episcopum desinere esse eum, qui ejusmodi leges minuerit, minusque piam duxerit, sanctamque vitam?

(7) Nam Angelus Ecclesiæ Ephesi Episcopus ejusdem Ecclesiæ fuit, velut omnes interpretes, ne hæreticis quidem exceptis ultro fatentur. Is autem etsi non pie viveret, dejectus tamen ab Episcopatu non fuit, quamvis illi Christus mineatur ablationem candelabri de loco suo.

nibus terrarum, sicut expressum est, primo capite v. 11. ubi dicitur Johanni: *Quod vides, scribe in libro: & mitte septem Ecclesiis, quæ sunt in Asia, Epheso, & Smyrnæ, & Pergamo, & Thyatiræ, & Sardis, & Philadelpheia, & Laodicea.* Isti autem Angeli, erant Presbyteri, & Episcopi illarum Ecclesiarum. Unde Malach. 2. v. 7. dicitur: *Labia Sacerdotis custodient scientiam, & legem requirent ex ore ejus, quia Angelus Domini exercituum est.*

Item 1. Corinth. 11. v. 10. dicitur: quod mulier habeat velamen super caput suum, propter Angelos idest propter Sacerdotes. Omnes autem hi Angeli, reprehensibiles erant, & reprehendebantur, exceptis duobus, scilicet secundo, & sexto; quinque vero mali erant, & tamen Ecclesiæ eorum bonæ, erant enim candelabra aurea illo auro, de quo dicitur cap. 3. v. 18.: *Suadeo tibi emere a me aurum ignitum probatum, ut locuples fias, & vestimentis albis induaris.* Istud ergo aurum, & locupletat spiritualiter, & vestit vestimentis albis, idest virtualibus Christi.

Præterea dicitur ibi, quod filius hominis, idest Christus, in medio eorum erat perambulans, quod non faceret, si malæ essent Ecclesiæ per candelabra designatæ. Unde 2. Corinth. 6. v. 16. dicit Paulus: *Vos estis templum Dei vivi, sicut dicit Deus: Quoniam inhabitabo in illis, & inambulabo inter eos, & ero illorum Deus, & ipsi erunt mihi populus.*

Item, erant in dextera Christi, quod non esset verum si essent malæ, imo potius in sinistra, statuet enim hædos a sinistris, ut dicitur Matth. 25. v. 33. expresse autem patet, quod propter malitiam Prælati non amittit Ecclesia bonitatem suam; de Angelo enim Sardis legitur, quod malus erat, & tamen habebat subditos honos, ut prænotatum est in prima parte, hujus capituli. Et quia Cathari duo ponentes principia, istud dicunt non esse intelligendum in mundo isto, sed in cœlesti mundo, dicam eis, unde hoc possunt ostendere? Nunquid enim est ibi Ephesus, & aliæ terræ de quibus agitur in Apocalypsi? Si dicant quod sic, dico eis, quod inde non habent testimonium; sunt igitur similes illis, a quibus Paulus Colossenses monet cavere dicens: cap. 2. v. 18. *Nemo vos seducat volens suprasuadere in humilitate, & religione Angelorum, quæ non vidit, idest quorum non habet testimonium.*

Præterea, nunquid in Cælo tempore Johannis erant Pseudoapostoli? Sic oportet te dicere, quia legitur de Angelo Ephesi Apocal. 2. v. 2. *tentaſti eos, qui se dicunt Apostolos esse, & non sunt, & inveniſti eos mendaces.* Ergo erant ibi mali, scilicet Nicolaitæ, de quibus dicitur eodem versiculo: *Non potes sustinere malos; & Paulo post v. 6. Sed hoc habes, quia odisti facta Nicolaitarum, quæ, & ego odi; ubi*

etiam innuit, hæreticos inquantum sunt hæretici esse odiendos.

Præterea, si verum est, quod in mundo patriæ cœlestis ista fuerunt, quæ Johannes narrat; ergo ibi tempore Johannis erat synagoga Satanæ: Dicitur enim Angelo Smyrnæ Apoc. 2. v. 9. quod blasphematur ab his, qui se dicebant Judæos, & non erant, sed synagoga Satanæ.

Item, Diabolus secundum hoc ibi esset, & foret incarceraturus aliquos ex illis, qui sub illo Angelo erant.

Item, ibi esset sedes Satanæ, quia sic dicitur Angelo Pergami Apoc. 11. v. 13. *Scio ubi habitas, ubi sedes est Satanæ;* quæ omnia falsa sunt, nec etiam esse possent secundum tuum pravum intellectum, cum dicatur Apoc. 12. v. 7. *Et factum est prælium magnum in cælo, Michael, & Angeli ejus præliabantur cum Dracone, & Draco pugnabat, & Angeli ejus.* [v. 8.] *Et non valuerunt, neque locus inventus est eorum amplius in cælo.* [v. 9.] *Et profectus est draco ille magnus, serpens antiquus, quod vocatur diabolus, & Satanas, qui seducit universum orbem: & profectus est in terram, & Angeli ejus cum illo missi sunt.*

Præterea, posito etiam, quod ita esset, ut tu dicis, tamen Ecclesiæ possunt esse bonæ ministris existentibus malis. Si autem vis dicere, quod non erant Episcopi, vel ministri illi Angeli, de quibus ibi agitur, hoc stare non potest; ad quid enim diceret Apostolus illos Angelos Ecclesiarum illarum? Ad quid etiam unicuique eorum specialiter assignaret Ecclesiam? Ad quid etiam eos argueret, quia habebant ibi hæreticos, & quia permittebant eos seducere servos Dei? Ad quid etiam moneret aliquos eorum ad confirmationem eorum, qui morituri erant, nisi ministri eorum essent, & Pastores? De hoc enim arguuntur, quia videbant, & non opponebant se eis (8).

§. III.

An mali Prælati possint Sacramenta ministrare, & prædicare, & eis sit obediendum.

Probare nituntur hæretici quod non.

Nunc ad tertiam partem hujus capituli accedentes videamus, utrum mali Prælati possint conferre Sacramenta Ecclesiæ, & utrum possint prædicare, & an eis obediendum sit. Quod autem non possint ministrare Sacramenta volunt probare hæretici, qui Cathari dicuntur, & etiam pauperes Lombardi his modis:

Primo per illud Matth. 5. v. 13. ubi Christus ait

I i i disci-

(8) Cathari autem cum viderent Episcopos sibi esse infestos, ut facilius horum auctoritatem declinarent, malos esse Episcopos, adeoque ne in Ecclesia quidem esse affirmaverunt. Sequuti autem sunt Audæanos, de quorum auctore dicit Epiphanius Tom. I. Hæres. lxx. n. 2. quod molestus fuit Episcopis, quorum mores accusabat, adeoque descivit ab Ecclesia. Merito possent aptari huic generi hominum Clementis Romani verba in Epist. ad Corinthios, qui pastores suos sede quandoque deturbarant, conflato schismate: *Hinc amulatio, discordia, & seditio, persecutio, & tumultus, bellum, & captivitas: Ita insurrexerunt inbonitati contra hono-*

ratos, inglorii contra gloriosos, insipientes contra sapientes, juvenes adversus seniores. Idcirco procul absunt justitia, & pax, dum unusquisque timorem Dei deserit, & in fide illius cecidit, nec ambulat in institutis præceptorum ejus, neque vitam secundum id, quod Christo dignum est moderatur; sed unusquisque secundum suas pravas cupiditates incedit, invidiam iniquam, & impiam resumendo, per quam & mors intravit in mundum. Ep. I. ad Corinth. n. III. pag. 11. Tom. I. Epist. Rom. Pont. Edit. Constantinii, Ed. an. 1721.

discipulis: *Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus.* Ex quo videtur, quod postquam Prælatus evanuit, non potest condire alium, & quod ad nihilum valet, & ita Sacramentorum etiam ministratio facta ab ipso inefficax est. Istud credunt omnes (9) Cathari, & pauperes Lombardi. Ultramontani vero pauperes dicunt, quod Ecclesia Romana habet Sacerdotium (10), & Sacramenta conferunt ab ea collata, & quod Eucharistiam, & alia Sacramenta recipere ab ea, si darentur eis.

Solutio objectionis prædictæ est, quia si Prælatus evanuerit in aliquo, in illo non potest alium condire, in illo etiam ad nihilum valet, si enim in fide fuerit factus vanus, non potest condire alios verbo fidei; si autem evanuerit in vita, non potest condire alios exemplo bonæ vitæ: sed si Ordinem non amittat, non evanescit in Ordine; quare nec in Sacramentorum collatione, quam facit ex vi Ordinis. Si autem vis dicere, quod evanuit in Ordine, proba hoc aliquo testimonio, quod non potes: ego autem inferius probabo contrarium. Vis videre quod Prælatus potest evanescere quoad unum, & non quoad alia? attende quod Dominus ait discipulis Matth. 23. v. 3. *Omnia quaecunque dixerint vobis, servate, & facite; secundum opera vero eorum nolite facere;* isti evanuerant quoad vitam, & tamen valebant ad aliquid, idest ad doctrinam. Quod ergo dicitur de sale, quod si evanuerit, quoniam ad nihilum valet, non intelligitur universaliter, sed particulariter, idest non valet ad illud in quo evanuit.

Sed objiciet hæreticus: Quare non servatis doctrinam Domini de mittendo eum foras, cum etiam dicat Apostolus 1. Corinth. 5. v. 11. *Cum ejusmodi nec cibum sumere;* quod vos de Ecclesia Romana non observatis.

Solutio: Imo observo doctrinam Domini, & Apostoli ejus; dicit enim Christus Matth. 18. v. 15. *Si peccaverit in te frater tuus, vade, & corripe eum inter te, & ipsum solum; si te audierit, lucratus eris fratrem tuum* [v. 16.] *Si autem te non audierit: adhibe tecum adhuc unum, vel duos, ut in ore duorum, vel trium stet omne verbum* [v. 17.] *Quod si non audierit eos: dic Ecclesiae, si autem Ecclesiam non audierit, sit tibi sicut Ethnicus, & Publicanus.* Iste est ordo, quo mittendus est foras; ut primo vincatur duobus, vel tribus testibus, si enim auctoritate tua vis illud facere, malum esset, sic enim innocens posset damnari; serva igitur

doctrinam Evangelii. Istam doctrinam servavit Paulus 2. Corinth. 13. v. 1. ubi dicit. *Ecce tertio hoc venio ad vos: In ore duorum, vel trium testium stabit omne verbum* [v. 2.] *Prædixi, & prædico, ut præsens his, & nunc absens, iis qui ante peccaverunt, & cæteris omnibus, quoniam si venero iterum, non parcam.* Quod enim dicit in prima Epistola *Cum ejusmodi &c.* intelligitur de accusatis, & convictis per duos, vel tres testes, & sic condemnati sunt. Hoc modo si sal evanuerit, foras mitti debet, & conculcari, idest vilipendi ab hominibus, & ita fit ab Ecclesiæ Prælati, & si qui non faciunt, illos non excuso.

Ad idem inducunt illud Matth. 6. v. 24. *Nemo potest duobus Dominis servire.* Si autem Prælatus est malæ vitæ, servit Diabolo; Manens ergo talis non potest servire Deo; videtur ergo quod non possit ministrare ejus Sacramenta.

Solutio: Donec malus est, non potest Deo servire, aut ministrare meritorie; diabolo ministrat meritorie, apud quem meretur supplicia opere, vitæ malæ. Si autem facit aliquod opus de genere bonorum, non propter hoc meretur aliquod bonum apud Dominum. Unde 1. Corinth. 13. v. 3. ait Apostolus: *Et si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest.*

Ad idem inducunt illud verbum Domini Matth. 7. v. 18. *Non potest arbor mala bonos fructus facere.*

Solutio: Quomodo tu vis intelligere bonum fructum? si meritorium vitæ æternæ, concedo quod Prælatus malus non potest facere opus meritorium vitæ æternæ; si autem per bonum fructum vis intelligere opus utile alii (11), dico quod Prælatus malus potest facere opus alii utile; fame morientem potest enim pascere, quod valde est utile fame morienti, potest etiam ostendere viam alii, licet non vadat per eam, unde: *omnia quaecunque &c.*

Ad idem inducunt illud Titi 1. v. 16. ubi dicit Apostolus de Prælati: *Confitentur se nosse Deum, factis autem negant, cum sint abominati, & incredibiles, & ad omne opus bonum reprobi.*

Istud eodem modo solvendum est, sicut & præcedens per distinctionem boni; dicuntur autem isti Deo abominabiles, & incredibiles, quia non credunt Deo fide per dilectionem operante.

Præterea, nonne Angelus Ephesinus malus erat, qui charitatem reliquerat, & tamen aliqua bona habebat, ut ei dicit Dominus Apoc. 2. v. 2. & 3., inter quæ ponit hoc v. 6. *Sed hoc habes bonum, quia*

(9) Donatistas auctores sequuti, qui non valere Sacramenta a malis ministris collata censebant; Idque jam faciebant, ut Cæciliani Ordinationem a Felice Aprungitano habitam; nullam esse ostenderent. Cathari, & Valdensibus adfensi sunt Hussitæ, & Vviclefi discipuli seculo XIV. cadente, ut notum omnibus est, qui primoribus labiis Historiam Ecclesiæ attigerunt.

(10) Viden ut non omnes Valdenses additi erant errori eidem, quomodo id fuit a nostro animadversum. Id autem notent necessesse est, qui Valdenses omnes in eodem errore versatos fuisse tradunt, ut Jueninus, ut Turnellius, ut Natalis Alexander, ut alii, qui in Historiam Ecclesiasticam, & Theologiam commentarios addiderunt.

(11) Johannes Chrysostomus *Homilia* v. 111. in *Epist. I. ad Corinthios*: „Contingit quidem, inquit, principes esse malos, &

„sceleratos, eos autem, qui illorum parent imperio, bonos, & „moderatos, & laicos quidem in pietate vitam agere, sacerdotes „autem in improbitate, ac nequitia, & neque futurum esset baptisma, nec Corpus Christi, nec oblatio per illos, si ubique dignitatem, ac merita requireret gratia. Nunc autem etiam per „indignos Deus solet operari, neque baptismatis gratia quidquam „læditur a vita Sacerdotis. Nam qui accipit, minus esset habitus... Hæc autem dico, ne quispiam ex iis, qui adstant, „de vita Sacerdotis curiose inquirens, offendatur in mysteriis, „quæ peraguntur. Nihil enim affert Sacerdos ad ea, quæ sunt „proposita, sed universum est opus Dei virtutis, & ille est, qui „nobis exhibet mysteria „Et S. Ambrosius *libro de his qui „Mysteriis initiantur*, cap. v. *Non merita personarum, inquit, sed officia consideranda sunt Sacerdotum.*

quia odisti facta Nicolaitarum, quæ & ego odi; illud bonum probat Dominus in eo.

Ad idem inducunt illud verbum Domini Jo. 12. v. 26. *Si quis mihi ministrat me sequatur*. Ex quo volunt habere, quod ille, qui non sequitur Christum non est minister Christi, & ita non potest ministrare Sacramenta ejus.

Quoad pauperes Lombardos patet solutio hujus objectionis ex eo, quod habetur Rom. 13. de potestatibus, qui v. 4. dicuntur ministri Christi, licet mali sint, secundum eos, in usu gladii materialis, qui contra Dominum est, ut credunt; quare ergo Prælati non dicentur Christi ministri in eo, quod non est contra Dominum.

Ad omnes autem est alia solutio: quod quicumque Christum non sequitur, in eo, in quo non sequitur eum, non est ejus minister; in alio tamen potest esse ejus minister.

Præterea Catharis dicas: Nonne Judas (12) fuit minister Christi, & tamen malus? Nonne dicitur Actor. 1. v. 24. quod Apostoli orantes dixerunt: *Tu Domine, qui corda nosti omnium, ostende quem elegeris ex his duobus unum*, [v. 25.] *accipere locum ministerii hujus, & Apostolatus, de quo prævaricatus est Judas*? Nonne etiam Apostoli ante mortem Christi ministri ejus fuerunt? Utique: Nonne & mali? Utique ut credis. Unde ergo ausus es dicere, quod si malus est, non est Christi minister.

Ad idem inducunt illud quod ait Christus discipulis Johan. 20. v. 22. *Accipite Spiritum Sanctum*. [v. 23.] *quorum remiseritis peccata, remittuntur eis*: & *quorum retinueritis, retenta sunt*; prius dixit: *Accipite Spiritum*, postea dixit: *quorum &c.* Quare hoc fecit, nisi ut ostenderet quod non valet peccata remittere alii ille Prælati, qui non habet Spiritum Sanctum (13).

Solutio: Non est verum: proba, quod propter (14) hoc fecerit illud: ego autem dico tibi: quod nullus potest alii peccata dimittere digne, & decenter, & meritorie, nisi prius habuerit in se Spiritum Sanctum, quo ei sint dimissa peccata; & hoc voluit Dominus innuere dicens prius: *Accipite Spiritum Sanctum*.

[*] Præterea ad ostendendum, quod per Spiritum est remissio peccatorum, sicut etiam ad idem ostendendum dixit Matth. 12. v. 32. *Qui dixerit contra Spiritum Sanctum verbum, non remittetur ei neque in hoc seculo, neque in futuro* [*]. Quod autem per Spiritum Sanctum fiat hæc remissio, pa-

tet 1. Corinth. 6. v. 11. *Sed abluti estis, sed sanctificati estis, sed justificati estis in nomine Domini Jesu Christi, & in Spiritu Dei nostri*. Similiter intellige illud Verbum Domini Matth. 7. v. 5. *Hypocrita, ejice primum trabem de oculo tuo, & tunc videbis ejicere festucam de oculo fratris tui*, supple digne, & meritorie.

Ad idem inducunt illud Jeremiæ 13. v. 23. *Si mutare potest Æthiops pellem suam, aut pardus varietates suas, & vos poteritis benefacere, cum didiceritis malum*. Si non possunt benefacere, quomodo possunt peccata dimittere? (15)

Solutio: Si non possunt benefacere, quomodo possunt fame morientem propter Dominum pascere? Patet autem solutio ex prædictis: Benefacere enim dupliciter dicitur, idest utiliter alii aliquid facere, vel sibi ipsi meritorie; primo modo potest, donec talis est, bene facere, secundo modo non potest.

Ad probandum autem quod non possunt prædicare, inducunt illud Matth. 12. v. 34. *Progenies viperarum, quomodo potestis bona loqui, cum sitis mali*.

Item Eccles. 15. v. 9. *Non est speciosa laus in ore peccatoris*.

Item in Psalmo 49. v. 16. *Peccatori autem dixit Deus: Quare tu enarras justitias meas, & assumis testamentum meum per os tuum?*

Solutio: Quod homo malus quandoque loquatur bona, manifestum est ex tertio testimonio, quod modo inductum est; *Peccatori autem dixit Deus: quare &c.* Quod ergo Dominus dicit in Evangelio: *Quomodo potestis &c.* non removel, quin possint dicere bona; hoc etiam patet ex eo, quod ibi loquebatur Phariseis, qui dixerant ei v. 24. *Hic non ejicit demones nisi in Beelzebub principe demoniorum*; isti autem aliqua bona dicebant, alioquin non dixisset discipulis suis Matth. 23. v. 2. *Super cathedram Moysi sederunt Scribæ & Pharisei* (v. 3.) *Omnia ergo quaecunque dixerint vobis, servate & facite; secundum opera vero eorum nolite facere: dicunt enim, & non faciunt*. Si autem quæras a me, quomodo intelligendum sit verbum Domini ad ædificationem simplicium Catholicorum? Dico: quod Pharisei habebant scientiam Legis divinæ, & habebant voluntatem malam; scientia divina bonus thesaurus erat, & bona arbor; e contrario vero de voluntate mala; ex primo Thesauro cordis sui, quando dicebant bona, ex secundo autem mala: ex abundantia autem cordis os loquitur: ex

Iii 2

scien-

(12) S. Augustinus *Traſtatu v. in Johannem Tom. 111. P. 11. Opp.*, Quomodo dicitis, inquit, quia vos baptizatis, & Johannes dicit, hic est, qui baptizat? Sed ministros, inquit, tanti judicii justos esse oportet, per quos baptizatur. Et ego dico, & omnes dicimus, quia justos oportet esse tanti judicii ministros. Sint ministri justi si volunt: si autem noluerint esse just, qui super Cathedram Moysi sedent, securum me fecit Magister meus, de quo Spiritus ejus dixit: hic est, qui baptizat... Baptismus dedit Judas, & non baptizatum est post Judam; dedit Johannes, & baptizatum est post Johannem: quia si datus est a Judâ baptismus, Christi erat; qui autem a Johanne datus est, Johannis erat. Non Judam Johannem, sed baptismum Christi, etiam per manus Judæ datum, baptismum Johannis, etiam per manus Johannis dato recte præponimus.

(13) Huc recidunt argumenta S. Cypriani, quæ errans congerit in *Epistola ad Jubajanum*, & in *Epist. ad Pompejum*. Eum nempe qui Spiritum S. non habeat, non posse gratiam Spiritus S. conferre.

(14) Idem sibi Valdensium nomine argumentum opponit Pilicordius, eodemque responso refellit. *Cap. xvi. Tom. xxv. Bibl. PP.*

[*] Quæ duobus asteriscis complexi sumus, desunt e *Cod. Bonon.*
(15) Id vero indicat, quemadmodum fieri possit S. Augustinus *lib. 111. De Bapt. Contra Donatistas. Cap. x.* Non est, inquit, aqua profana & adultera, super quam nomen Dei invocatur, etiam si a profanis, & adulteris invocetur. Quia nec ipsa creatura, nec ipsum nomen adulterium est. Baptismus vero Christi verbis Evangelicis consecratus, & per adulteros, & in adulteris Sanctus est, quamvis illi sint impudici, & immundi. Quia ipsa ejus Sanctitas pollui non potest, & Sacramento suo divina virtus adsistit sive ad salutem bene utentium, sive ad perniciem male utentium. An vero solis, vel etiam lucerna lux, cum per canosa diffunditur, nihil inde sordium contrahit, & baptismus Christi potest cujusquam sceleribus inquinari?

scientia divina non erant ipsi mali, sed ex mala voluntate sua mali erant, & inde non poterant loqui bona; propter hoc non dixit Dominus tantum, *quomodo potestis bona loqui*; sed addidit *cum sitis mali*; quasi diceret, ex eo quod mali estis, bona dicere non potestis; si quæ ergo bona dicebant, hoc erat ex eo, quod scientes erant Legem Domini. Ad illud vero quod dictum est, *non est speciosa laus in ore peccatoris*, dico: quod loquitur de aperto malo, cujus laus sive prædicatio non est Deo placita, (16) nec hominibus gratiosa; imo & scandalum parit eis; & bene dico, quod talis non debet prædicare, unde Eccl. 27. v. 14. dicitur: *Narratio peccantium odiosa*. Bene ergo dicit: *non est speciosa*, idest non habet speciem sive pulchritudinem; honestas enim prædicatoris, honestas est prædicationis. [*] Ad verbum David: *Peccatori autem dixit Deus &c.* Dicendum est, quoniam loquitur ut dictum est de aperte malo, sicut dictum est in verbo Ecclesiastici. Vel dicatur, quod utrobique loquitur de hæretico; Unde Eccles. 21. v. 19. dicitur: *Narratio fatui*, idest hæretici, *quasi sarcina in via*. [*] Est etiam alia facilis solutio ad illa tria. *Quomodo potestis &c.* Item *Peccatori &c.* Item, *non est speciosa &c.* ut dicatur: *quomodo*, idest non utili modo; *quare* idest ad quid hoc est, ad quam utilitatem cum non sit speciosa, idest Deo placens laus in ore peccatoris. Hæc autem solutio confirmatur ex eo, quod dicit Apostolus 1. Corinth. 13. v. 1. *Si linguis hominum loquar & Angelorum, charitatem autem non habeam, factus sum velut æsonans, aut cymbalum tinniens*.

Dicunt etiam isti, quod solis bonis obediendum est, quia illi soli, ut dicunt, habent potestatem ligandi, & solvendi, & hoc volunt habere per illud Malach. 2. v. 2. ubi Dominus dicit Prælati: *Maledicam benedictionibus vestris*.

Solutio: Idest, faciam, quod benedictio vestra cedet vobis in maledictionem; potest enim esse, quod benedictio alicujus cedat alii in benedictionem, & sibi in contrarium, ut patet in illo qui non sequebatur Christum, ut habetur Lucæ 11. Ipse enim in nomine Christi benedicebat dæmoniis, & liberabantur; ipsis ergo erat benedictio, sed ipsi non, imo ipse erat maledictus, & reprobatus a Deo. Et nota, quod Christus nolebat, quod prohiberetur, quamvis non sequeretur Christum, & Apostolos ejus.

(16) Immo vero graviter hujusmodi minister malus peccat, si verbum Dei prædicat, si manifesto præsertim crimine teneatur. S. Thomas in 1v. sentent. Dist. xix. Quæst. 11. Art. 11. ad 4. Eorum, inquit, qui docent Sacram Scripturam, est idem finis, ac eorum, qui Sacram Scripturam ediderunt: unde cum ad hoc ordinatur Scripturæ editio, ut ad vitam æternam perveniat homo, quicumque impedit finem doctrinæ docendo, peccat: Impedit autem, qui Sacram Scripturam in peccato docet, quia ore se profitemur nosse Deum; factis autem negat. S. Thomas prævit S. Hilarius lib. viii. De Trinitate pag. 947. Edit. Paris. Mon. S. Mauri. Non statim, inquit, boni, atque utilis Sacerdotis est, aut tantummodo innocenter agere, aut tantummodo scienter prædicare:

§. IV.

Probatur, quod mali Prælati possunt prædicare, & Sacramenta ministrare, & quod eis est obediendum.

Hic incipit pars quarta, in qua ostenditur, quod Prælati, quamvis mali sint, tamen & officium prædicandi, & ministerium Sacramentorum habent, & quod eis obediendum est. De hoc autem aliqua dicta sunt in quarta parte hujus operis in capite de ordine, ubi ostensum est ex parte; etiam secunda parte hujus capituli, ubi actum est de septem Angelis septem Ecclesiarum, quorum quinque mali videntur secundum literam Apocalypsis, & aperte mali, qui non dicuntur remoti ab administratione, sed comminatur aliquibus eorum remotionem.

Item Johan. 11. v. 51. dicitur de Caïpha, quod prophetavit dicens &c. Et quare hoc? dicit Johannes: *Cum esset Pontifex anni illius*. Ecce quod ratione Pontificatus accepit donum prophetandi, & tamen malus erat. Malus ergo Prælatus non cadit ab officio prædicandi.

Item 1. Corinth. 9. v. 16. dicit Paulus: *Væ enim mihi est, si non evangelizavero*; & subdit v. 17. *Si enim volens hoc ago, mercedem habeo: si autem invitatus, dispensatio mihi credita est*. Nonne si invitatus faceret, malus esset? Utique, quia ut prædictum est, si volens facit, mercedem habet, ergo si invitatus facit, non habet mercedem, sed non privaretur ea nisi esset malus, ergo malus est, si invitatus evangelizat, & tamen nihilominus, ut ipse ait, dispensatio evangelii esset ei credita, malus igitur non cadit ab officio evangelizandi. Ad Philip. 1. Apostolus, docet, mercenarios prædicatores non esse propellendos; dicens v. 18. *Quid enim? Dum omnimodo, sive per occasionem, sive per veritatem Christus annuncietur; & in hoc gaudeo, sed & gaudebo*. Ecce quod Paulus de duplici Christi prædicatione, idest de illa, quæ fiebat occasione alicujus mali, & de illa, quæ fiebat per veritatem manifestandam, idest propter homines illuminandos cognitione veritatis; de occasione quidem non gaudebat, sed de prædicatione: volebat igitur, quod prædicarent Christum, licet non vellet, quod sic; idest hac intentione prædicarent. Idem igitur volebat Deus, cum Paulus bene, & secundum Dominum vellet; mercenarii igitur prædicatores prædicare possunt, & fungi prædicationis officio, sed si male functi fuerint, detrimentum patientur. Jo: 10. v. 13. *Mercenarius autem fugit, quia mercenarius est,*

cum & innocens sibi tantum proficiat, nisi doctus sit, & doctus sine doctrinæ sit auctoritate, nisi innocens sit. Non enim apostolicus sermo probitatis, honestatisque præceptis, hominem tantum seculo conformat ad vitam, neque rursus per doctrinæ scientiam Scribam Synagoga instituit ad legem; sed perfectum Ecclesiæ principem perfectis maximam virtutum bonis instituit: & vita ejus ornatur docendo, & doctrina vivendo. Luculentius Tractatu in Ps. cxviii. Peccatorem, inquit, monuit eum, qui in peccato mansisset, prædicationis officio abstinere. Vult enim liberum a crimine esse cælestis doctrinæ prædicatorem.

[*] Desunt e Cod. Bonon. quæ duobus asteriscis comprehensæ vides.

est, & non pertinet ad eum de ovibus. Non remouet eum, sed tantum arguit, quia non agit officium suum, idest non opponit se lupis pro ovibus suis. Idem etiam potest ostendi per illud, quod habitum est supra in capite hujus partis; An Ecclesia defecerit postquam cepit. Similiter illud Matth. 7. v. 22. *Multi dicent mihi in illa die: Domine, Domine, nonne in nomine tuo prophetavimus, & in nomine tuo demonia ejecimus, & in nomine tuo virtutes multas fecimus?* Item supra illud verbum Matth. 8. v. 4. *Vade, ostende te Sacerdoti, & offer munus, quod praecepit Moyses in testimonium illis;* sed hoc magis valet contra Valdenses, quam contra Catharos. Item per illud quod dictum est supra illud verbum Matth. 23. v. 2. in tertia parte hujus capitis. *Super Cathedram &c.* Si enim Dominus praecipit audire illos, & auditis ab eis obedire, patet, quod etiam manifeste mali in Ecclesia, & possunt praedicare, & eis obediendum est, donec tollantur (17), & non sint remoti illo modo, & ordine, quem expressimus supra in tertia parte hujus capitis supra illud verbum Matth. 5. v. 13. *Si sal &c.* Item etiam probari potest per Petrum, qui negavit Jesum dicens cum juramento Matth. 26. v. 72. *Non novi hominem;* Petrus Episcopus erat, & non amisit ordinem propter peccatum. Si autem dicas, quod cito penituit; sit ita, sed tamen in peccato aliqua hora fuit, & tamen in illa Ordinem non amisit, vel si amisit, dic ubi ei postea datus est. Ego enim video, quod Matthiae datus est Ordo, ut habetur Act. 1. ergo si Petrus amisisset, iterum ei datus esset. Item quando Paulus ei in facie restitit, quia reprehensibilis, constat quod Petrus praedicabat, & bene faciebat, & administrabat Sacramenta Ecclesiae, & infra obediebatur ei; quare non modo similiter Praelatis reprehensibilibus idem licebit, quare non eis obediendum sicut tunc? postquam, & donec tollantur, usquequo praecidantur tunc ordine quem expressit Dominus Matth. 18. v. 15. *Si peccaverit &c.*

Præterea Catharis obijcias de Apostolis, quibus, ut credunt, nundum datus erat Spiritus Sanctus, qui etiam mali erant, ut credunt, inter quos erat & Judas, & tamen contulit Dominus eis potestatem curationum, & calcandi supra serpentes, & scorpiones, & supra spiritus immundos, & omnem virtutem inimici, & qui non recipiebat eos, Deo non placebat, ut patet Matth. 10. v. 2. Et Lucæ 10. v. 19. Licet ergo aliquis Prælatus malus sit, tamen potest fungi officio prædicationis, & donec tollatur, ei obediendum est. Si autem dicat Valdensis,

(17) Immo & ab iis Sacramenta percipere, nisi tollantur, ut sciscit Moneta. Nicolaus I. *Resp. ad Consulta Bulgarorum* lxxi. hæc habet: *Sciscitantibus vobis, si a Sacerdote, qui siue de hoc sola fama repperus est, debetis communionem suscipere, nec ne? respondemus, non potest aliquis, quantumcumque pollutus sit, Sacramenta divina pollueri, quæ purgatoria cunctarum remedia contagionum existunt. Nec potest solis radius per cloacas, & latrinas transiens aliquid exinde contaminationis attrahere; Proinde qualiscumque Sacerdos sit, quæ sancta sunt coquinare non potest. Idcirco ab eo, usquequo Episcoporum judicio reprobetur, communicatio percipienda est, quoniam mali bona ministrando, se santummoda ledunt. sumite igitur intrepide ab omni Sacerdote Christi mysteria, quoniam omnia in fide purgantur &c.*

quod postquam malus fuit, Episcopus non fuit Judas. Hoc stare non potest, quia nusquam invenitur privatus officio sibi prius injuncto, imo quousque ad Cœnam, & in Cœna fuit cum Jesu, & cum aliis discipulis; toleravit ergo eum Dominus; vade & tu fac similiter.

Præterea, si deposuisset eum Dominus, probabile est, quod alium loco ejus substituisset, ut non esset necesse Apostolos amplius super hoc laborare substituendo ei Matthiam.

Ad hoc autem, quod de Juda dictum est, diceret Pauper Lombardus, quod ideo toleratus est, quia occultus erat. Similiter dico, quod Prælatus donec occultus est, tolerandus est, & potest fungi officio suo, hoc quidem & ego concedo; sed dico, quod nullus sua auctoritate debet ab obedientia Prælati discedere, sed servato ordine judiciario, qui habetur Matth. 18. ut parum ante dictum est, & supra similiter in tertia parte hujus capitis. Nonne vides, quod ad minus duo de Angelis Apocalypsis erant notorii, & tamen non erant remoti.

Præterea nonne vides, quod in Veteri Testamento fungebantur suis officiis, licet mali, & quod eis obediendum fuit? Item contra Valdenses obijci potest illud Num. 20. v. 9. & sequent. ubi legitur quod Moyses, & Aaron produxerunt aquas de petra, & Dominus ministerio ipsorum hoc fecit, & tamen tunc mali erant, quia increduli Domino; unde ibidem v. 12. dicitur eis a Domino. *Quia non credidistis mihi, ut sanctificaretis me coram filiis Israel, non introducetis hos populos in terram, quam dabo eis.* Quod Aaron incredulus fuerit, ibi aperte habetur. Ecce quod ministerium Prælatorum illorum malorum efficax erat tunc. Quare non & nunc? Nulla est ratio.

Præterea Hebræor. 5. v. 1. dicitur: *Omnis namque Pontifex ex hominibus assumptus pro hominibus constituitur in iis, quæ sunt ad Deum, ut offerat dona, & sacrificia pro peccatis.* (v. 2.) *Qui condolere possit iis, qui ignorant, & errant: quoniam & ipse circumdatus est infirmitate:* (v. 3.) *Et propterea debet, quemadmodum pro populo, ita etiam & pro semetipso offerre pro peccatis.* Ecce quod isti & ignorantiam, & peccata habebant, & tamen non cadebant ab Ordine, nec officii administratione; ita erat in Sacerdotibus Veteris Testamenti, & Pontificibus; ergo multo magis modo Ordo, vel ejus administratio non amittitur donec quis tollatur ab Ecclesia; si enim ita fuit in Sacerdotio quod ad tempus fuit, multo fortius in Sacerdotio æterno. (18)

Pro-

(18) Merito ergo Martinus V. in Synodo Constantiensi hunc Vileli ab Catharis, & Valdensibus ante præformatum errorem proscriptis. Pugnat namque hæreticus ille *Art. 1v.* quod *si Episcopus vel Sacerdos existat in peccato mortali, non ordinat, non conficit, non consecrat, non baptizat.* Accedit Canon *xii.* *Sess. vii.* Synodi Tridentinae, cujus verba sunt hujusmodi: *Si quis dixerit ministrum in peccato mortali existentem, modo omnia essentialia, quæ ad Sacramentum conficiendum, aut conferendum pertinent, servaverit, non conficere, aut conferre Sacramentum; anathema sit.* Et Canone *1v.* De Baptismo: *Si quis dixerit Baptismum, qui etiam datur ab hæreticis in nomine Patris, & Filii, & Spiritus Sancti, cum intentione faciendi, quod facit Ecclesia, non esse verum Baptismum; anathema sit.*

§. V.

*Probatur quod in Ecclesia sunt boni,
& mali.*

Sequitur pars quinta hujus capituli, in qua ostendendum est, quod in Ecclesia Dei sunt simul boni, & mali. Licet enim hoc pateat ex præmissis, adhuc tamen aliqua testimonia inducimus, ut obstruantur ora loquentium iniqua de Ecclesia Romana propter multitudinem malorum, quam vident in ea. Quomodo autem mali de Ecclesia sint, & quomodo non sint dictum est supra in primo capite quintæ partis hujus operis circa principium. Legitur Matth. 13. v. 41. *Et colligent de regno ejus omnia scandala, & eos qui faciunt iniquitatem.* Qui sint isti qui colligent, patet ibidem eodem versu, ubi dicitur: *Mittet filius hominis Angelos suos, & colligent &c.* Sed quod est regnum istud nisi Ecclesia sua; si autem de ea omnia colligent scandala, ergo prius fuerunt in ea. Si autem dicat Valdensis imo regnum ejus hic mundus est. Contra: etiam eos, qui boni sunt, qui non sunt scandala, nec faciunt iniquitatem de isto mundo colligent, quare ergo potius dixisset de scandalis, quod ea colligent? Item eodem capite v. 47. dicit Dominus: *Simile est Regnum Cælorum fagenæ missæ in mare, & ex omni genere piscium congreganti &c.* Regnum Cælorum hic dicitur Ecclesia Dei; ipsa igitur ad modum fagenæ in una fide colligit bonos, & malos, sed in littore, idest in fine mundi fiet istud, quod ibi dicitur v. 49. *Sic erit in consummatione seculi, exhibunt Angeli, & separabunt malos de medio iustorum.* Et nota quod dicit *foras miserunt*, ex quo patet, quod prius intus erant. Item Matth. 20. in parabola de vinea v. 16. *Multi enim sunt vocati, pauci vero electi*: duo genera hominum tanguntur, scilicet vocati, & electi, & distinguitur inter illos per multitudinem, & paucitatem; per hoc autem, quod ait: *multi sunt vocati*, innuit, non omnes esse vocatos ad fidem; unde patet tertium genus hominum, eorum scilicet, qui non sunt vocati, nec venerunt ad fidem Ecclesiæ: de omnibus igitur multi sunt vocati ad fidem, & de illis multis pauci sunt electi ad beatitudinem, illi qui vocati sunt in fide sunt illi; qui in fagena Domini esse dicuntur Matth. 23. Illud verbum *multi sunt vocati, pauci vero electi* habetur Matth. 22. v. 10. ubi dicitur: *Et impletæ sunt nuptiæ discumbentium*; impletæ dictæ sunt de bonis scilicet & malis, unde etiam dicitur ibi eodem versu. *Congregaverunt omnes quos invenerant, malos & bonos;* postea subdit: *Et impletæ sunt nuptiæ discumbentium.* Et loquitur de nuptiis Christi, & Ecclesiæ ejus; ergo ad nuptias Ecclesiæ intrant boni, & mali. Idem etiam patet per illud quod ibi dicitur v. 11. *Intravit autem Rex, ut videret discumbentes, & vidit ibi hominem non vestitum veste nuptiali, & subdit v. 12. Amice quomodo*

huc intrasti non habens vestem nuptialem? ergo intra Ecclesiam sunt boni, & mali. Item Matt. 25. v. 1. *Simile erit Regnum Cælorum decem Virginibus, quæ accipientes lampades suas exierunt obviam sponso, & sponso (v. 2.) Quinque autem ex eis erant futuæ, & quinque prudentes.* Quid intelligatur per Regnum Cælorum, ostensum est supra, ubi disputatum est illud verbum: *& colligent de Regno ejus &c.* Ergo in Ecclesia Dei sunt stulti, atque sapientes, & boni, & mali: quod potest etiam probari ex eo, quod Christus dicitur earum sponsus; & notandum, quod omnes dicuntur Virgines fidei integritate, sed quinque sapientes conversationis puritate. Si enim vellet dicere Valdensis, quod Regnum Cælorum dicitur mundus iste, de hoc nullum habet testimonium, de cælesti autem patria non potest intelligi, quia ibi nullus stultus est; nec de inferno, quia ibi nullus sapiens est. Apostolus scribens Ecclesiæ Romanæ arguit ex eis multos de turpissimis peccatis. Idem etiam patet in aliis Epistolis, ut in 1. ad Corinth. 1. ubi eos arguit de contentione dicens v. 11. *Significatum est enim mihi de vobis fratres mei, ab iis, qui sunt Chloes, quia contentiones sunt inter vos.* Item cap. 5. v. 1. *Omnino auditur inter vos fornicatio, & talis fornicatio, qualis nec inter gentes, ita ut uxorem Patris sui aliquis habeat.* Prius autem dixerat 1. cap. v. 2. eos Ecclesiam Dei, quæ est Corinthi. Forte dices, quod non erant illi contentiosi, vel iste tam turpis incestuosus de Ecclesia. Sed hoc stare non potest, cum dicat ibi Apostolus: *Omnino auditur inter vos &c.* Item forte dicet, quod inter eos erat, & in medio eorum, & tamen non erat intra Ecclesiam. Contra: Apostolus judicavit illum Corinthium (19) incestuosum, ergo intus erat; Sic enim ait cap. 5. v. 12. *Quid enim mihi de iis, qui foris sunt judicare? Nonne de iis, qui intus sunt, vos judicatis?* Quod autem Paulus illum judicavit, patet ex eod. cap. v. 3. *Ego quidem absens corpore, præsens autem spiritu, jam judicavi ut præsens eum, qui sic operatus est &c.* Item 1. Corinth. 11. v. 20. dicit Apostolus: *Convenientibus ergo vobis in unum, jam non est dominicam Cœnam manducare;* & arguit ibi de multis vitiis, propter quæ non est eis licita Dominica Cœna. Nota, quod dicit: *Convenientibus vobis in Ecclesia*, istud autem tu non intelligis de materiali domo, Ergo intra Ecclesiam Dei mali sunt Prælati.

Præterea: Apostolus dicit, quod ibi sunt; tu dices, quod non, cujus testimonio standum est, tuo, an Apostoli, in quo, & Christus loquebatur, ut ipse dicit in fine secundæ Epistolæ? Item 2. Timoth. 2. v. 20. *In magna autem domo non solum sunt vasa aurea, & argentea, sed & lignea, & fictilia: & quædam quidem in honorem, quædam autem in contumeliam:* ipsi vero exponunt in magna domo, idest in mundo. Sed dic eis, ubi habetur, quod domus dicatur mundus? Nusquam, quod vos possitis aliquo testimonio declarare; ego autem habeo testimonium, quod domus Dei est Eccle-

(19) Maximi ponderis hoc argumentum est. Redigit enim ad incitas non Valdenses solum, verum etiam novos hæreticos. Et enim nisi de Ecclesia fuisset Corinthius ille, non eum tanta pœna

Paulus affecisset. Consule Natalem Alexandrum *Lib. I. Theologiae Dogmat. & Moralis Quæst. I. Art. x. §. 111. num. 1.*

Ecclesia 1. Timoth. 3. v. 14. *Hæc tibi scribo, sperans me ad te venire cito (v. 15.) Si autem tardavero, ut scias, quomodo oporteat te in domo Dei conversari, quæ est Ecclesia Dei vivi.* Ecce quod Apostolus eidem Timotheo scribens exponit domum Dei Ecclesiam; tu autem dicis domum esse mundum; dic, an magis est credendum tibi, an Apostolo? De ista magna domo dicitur psal. 34. v. 18. *Confitebor tibi in Ecclesia magna.* [*] Et Johannes Apoc. 7. v. 4. postquam dixit: *Centum quadraginta quatuor millia signati, ex omni tribu filiorum Israel,* subjunxit paulo post v. 9. *Post hæc vidi turbam magnam, quam dinumerare nemo poterat ex omnibus gentibus, & tribubus, & populis, & linguis;* turbam magnam dicit, & David Ecclesiam magnam, & Apostolus domum magnam. Multa quidem, & alia testimonia possent ad idem induci, sed ista sufficiunt ad præsens [*].

§. VI.

An sit licitum aliquem excommunicare.

Nunc ad sextam partem hujus capituli accedamus, scilicet ad videndum de excommunicatione, utrum licitum sit illam facere. Est autem excommunicatio; de qua hic agere intendimus, separatio a fidelium (20) communione. Quod autem licitum sit, probatur per illud Matth. 18. v. 15. *Si peccaverit in te frater tuus, vade, & corripe eum inter te, & ipsum solum; si te audierit, lucratus eris fratrem tuum.* (v. 16.) *Si autem te non audierit, adhibe tecum adhuc unum, vel duos, ut in ore duorum vel trium testium stet omne verbum.* (v. 17.) *Quod si non audierit eos, dic Ecclesiæ; si autem Ecclesiam non audierit, sit tibi sicut Ethnicus, & publicanus.* Ecce, quo ordine debet fieri excommunicatio; præcedit enim correctio sicut dicit Dominus, contempta autem correctione Ecclesiæ sequitur excommunicatio, *sit tibi sicut Ethnicus.* Et ne aliquis superbus dicat, sicut tu vitas me, & ego te, ideo Dominus sententiam excommunicationis confirmans dicit v. 18. *Amen dico vobis: Quæcunque alligaveritis super terram, erunt ligata & in Cælo; & quæcunque solveritis super terram, erunt soluta & in Cælo.* Ecce, quod prius Petro concessum fuit supra 16. capite v. 19., modo omnibus (21) dicitur. Item testimonio discipulorum Christi excommunicandos esse aliquos, idest a communione fidelium separandos, evidens est Jo: 2. Epist. v. 10. *Si quis venit ad vos, & hanc*

doctrinam non affert, nolite recipere eum in domum, nec ave ei dixeritis; loquitur autem de doctrina fidei, & morum Christi. Subdit autem causam. B. Johannes v. 11. *Qui enim dicit ei AVE, communicat operibus ejus malignis;* Signum enim dat, quod ejus errori consentit, & est aliis occasio deceptionis putantibus, quod placeat homo ille salutanti, & recipienti eum in domo propter talem familiaritatem. Loquitur autem de fratre discedente a doctrina regulæ Christianæ patenter cum dicit. *Si quis &c.* Sicut & Paulus 1. Corinth. 5. v. 11. *Nunc autem scripsi vobis, non commisceri: si is qui frater nominatur, est fornicator, aut avarus, aut idolis serviens, aut maledicus, aut ebriosus, aut rapax: cum ejusmodi nec cibum sumere.* Et nota, quod non dixit, si quis frater est fornicator, sed si nominatur, sententiæ nominationem intelligens (**). Dominus etiam in Evangelio Matth. 18. v. 17. tunc Peccatorem dixit habendum, *sicut Ethnicus, & Publicanus,* cum Ecclesiam audire contempserit, tunc etiam per sententiam est notandus. [*]

Item 1. Corinth. 5. v. 3. dicit Apostolus: *Ego quidem absens corpore, præsens autem spiritu, jam judicavi, ut præsens eum, qui sic operatus est.* (v. 4.) *In nomine Domini nostri Jesu Christi, congregatis vobis, & meo spiritu, cum virtute Domini nostri Jesu: (v. 5.) Tradere hujusmodi satanæ in interitum carnis, ut spiritus salvus sit in die Domini nostri Jesu Christi.* Postea subdit: *Modicum fermentum totam massam corrumpit;* Istud patet, quoad literam; sic ille incestuosus totam massam, idest congregationem Corinthiorum posset corrumpere; unde inferius v. 7. *Expurgate vetus fermentum, ut sitis nova conspersio, sicut estis azymi.*

Item v. 13. *Auferte malum ex vobis ipsis:* istum excommunicavit Paulus propter peccatum operis manifeste mali: Hymenæum, & Alexandrum propter hæresim, ut habetur 1. Timoth. 1. v. 20., quos tradidit Paulus Satanae. Item 1. Corinth. 16. v. 22. *Si quis non amat Dominum nostrum Jesum Christum, sit anathema, Maran Atha.* Ille autem non amat eum, qui a doctrina ejus discedit. *Maran Atha* (22) idem est, quod donec Dominus veniat, scilicet in adventu Domini: *anathema* idem est, quod separatus a communione fidelium.

Item habetur ad Galatas 1. v. 9. *Si quis vobis evangelizaverit præter id, quod accepistis, anathema sit.*

Item 2. ad Thessalon. cap. 3. v. 3. *Denuntiamus autem vobis fratres in nomine Domini nostri Jesu Christi,*

[*] Quæ duobus astericis complexi sumus, defunt e Cod. Bonon.

(20) De graviore excommunicatione disputat hoc loco Mone- ta, quam Græci Patres, imprimisque Gregorius Nissenus Can. v. Epist. ad Letojum παντελιν ἀφορισμὸν vocant. Sic excommunicati dicuntur a Synodo Laodicensi Can. xxxvi. ἀκκοινωνητοί, ἢ κκοισμομένοι τῆς ἐκκλησίας, excommunicati, & separati ab Ecclesia a Patribus Concilii Gangrensis Epist. ad Episcopos Armeniam, quæ extat Tom. I. Edit. Labbeana ἐκτὸς εἶναι τῆς ἐκκλησίας. Extra Ecclesiam esse.

(21) Ad Episcopos ergo, qui sunt Apostolorum Successores pertinet jus excommunicandi, Pulcre S. Thomas in IV. Sentent. Dist. xviii. Quest. 11. Art. 11. Questiuic. 1. In foro conscientie, inquit, causa agitur inter hominem, & Deum: in foro autem exterioris judicii causa agitur hominis ad hominem, & ideo ab-

solutio, vel ligatio, quæ unum hominem obligat quoad Deum tantum, pertinet ad forum pœnitentiæ: Sed illa, quæ hominem obligat in comparatione ad alios homines ad forum publicum exterioris judicii pertinet: & quia per excommunicationem homo a communione fidelium separatur, ideo excommunicatio ad forum exterius pertinet, & illi soli possunt excommunicare, qui habent jurisdictionem in foro judiciali, & propter hoc soli Episcopi propria auctoritate, majores Prælati possunt excommunicare, non Presbyteri Parochiales. Hinc causa xvi. Quest. 11 Can. Vitis, excommunicatio Mucro Episcopi appellatur.

[*] Non extant in Cod. Bonon. & Vatic. quæ duobus astericis complexi sumus.

(22) Syriacum est. Indicat Dominus venit. Sensus est; gravissimum anathema est iis, qui non diligunt Jesum Christum. Vide Synopsim Criticor. in hunc locum Pauli.

Christi, ut subtrahatis vos ab omni fratre ambulante inordinate, & non secundum traditionem, quam accepistis a nobis, & v. 14 Quod si quis non obedit verbo nostro per epistolam, hunc notate, & ne commisceamini cum illo, ut confundatur.

Item Rom. 16. v. 17. Declinate ab illis. Ista autem subtrahitio, & declinatio fieri debet secundum formam traditam a Domino, ut sæpe dictum est Matth. 18.

§. VII.

An licitum sit alicui maledicere, & imprecari.

Quia in præcedentibus visum est, quod Paulus aliquibus imprecetur, dicens: *Anathema sit*; videndum est utrum huiusmodi imprecationes licitæ sint Ecclesiæ Dei. Videtur enim, quod non, exemplo Christi, de quo Petrus Epist. 1. cap. 2. v. 23. dicit: *Qui cum malediceretur, non maledicebat*; & cap. 3. v. 9. monet Petrus dicens: *Non reddentes malum pro malo, nec maledictum pro maledicto, sed è contrario benedicentes*. Paulus autem ait 1. Corinth. 4. v. 12. *Maledicimur, & benedicimus*. Ex his, & consimilibus videtur, quod non sit licita maledictio.

Solutio: (23) Quia dupliciter potest quis alii maledicere, vel ex amore, & dilectione pœnæ ejus, cui maledicetur, vel amore justitiæ, & correctionis; primo modo prohibita est, sed secundo modo est licita. Nonne vides, quod Deus imprecatus est, & maledixit aliquibus in Veteri Testamento sine peccato, & per ministros suos, ut habetur Deutoron. 27., & tamen illi ministri non amabant pœnam populo Dei, sed justitiam Dei in populo illo desiderabant? Ad quod etiam invitantur iudices aliorum in lib. Sapient. cap. 1. v. 1. *Diligite justitiam, qui judicatis terram*. Istud dici potest Pauperibus, sive Valdensibus, nulli tamen licebat ex odio maledicere proximo suo, sic est etiam hodie; & quod ita sit, patere potest ex Christo, qui loquens in David pro tempore gratiæ imprecatur Judæ in psal. 108. *Deus laudem meam ne tacueris*, ubi multiplex imprecatio ponitur contra Judam proditorem Christi. Istud etiam patere potest per exemplum Christi Lucæ 11. v. 45. cui dixit quidam Legisperitus: *Magister hæc dicens etiam contumeliam nobis facis*. Hoc autem Dominus non negavit, sed addidit v. 46. *Et vobis Legis peritis vae: quia oneratis homines oneribus, quæ portare non possunt &c.* Quod ergo dictum est, cum malediceretur non maledicebat, non obstat, quin licita sit aliqua maledictio, quia aliquando maledicebat. Idem etiam probari potest per illud Marci 11. v. 14. ubi dicitur, quod Christus maledixit ficui, & aruit

statim; quod ei maledixerit patet ex verbis ejus ad ficum Matth. 21. v. 18. *Nunquam ex te fructus nascatur in sempiternum; Et arefacta est continuo ficulnea*. Item ex verbis Petri ad Jesum Marci 11. v. 21. *Rabbi, ecce ficus, cui maledixisti, aruit; nec obstat mihi ad id, quod intendo, si de ficu spiritali intelligatur a Catharo, quod ibi agatur sermo; sicut enim ut patet ex verbis Petri, maledixisset ei spiritaliter, de hoc autem dictum est nono capite primæ partis (**). Catharis etiam, qui duo ponunt principia potest dici illud, quod legitur Jeremiæ 18. v. 20. *Recordare, quod steterim in conspectu tuo, ut loquerer pro eis bonum, ut averterem indignationem tuam ab eis.* (v. 21.) Propterea da filios eorum in famem, & deduc eos in manus gladii &c. usque ad finem capitis. Idem etiam patet Act. 8. v. 20. ubi Petrus ait Simoni Magico: *Pecunia tua tecum sit in perditionem*. Forte dicet: Quomodo potest pecunia alicujus esse in perditione cum illo? Dico, quod non dixit pecunia in perditione, sed in perditionem, & est sensus: tu vis dare mihi pecuniam tuam pro dono Spiritus Sancti, sed tecum sit, idest tene eam tibi, tecum sit ad perditionem tuam, quasi diceret: mihi non dabis eam: & nota, quod nulla imprecatio gravior est ista, quam Petrus fecit. Idem etiam patet per illud Act. 23. v. 2. ubi legitur, quod Princeps Sacerdotum Ananias præcepit adstantibus sibi, percutere os Pauli; tunc Paulus ad eum dixit v. 3. *Percutiat te Deus paries dealbate*. Duo fecit ei Paulus, scilicet improprium appellando eum parietem dealbatum, quasi similem ei, idest putridum interius, exterius autem nitidum; Item maledixit ei. Si autem dicas, quod non est ibi percutiat, sed percutiet. Contra literam dicis. Ibi enim dicitur Paulo v. 4. *Summum Sacerdotem Dei maledicis*; ipse autem non negavit se maledixisse, sed dixit se illud ignoranter fecisse, nesciendo scilicet eum summum Sacerdotem; quod si scivisset, non fecisset, scriptum est enim *Principem populi tui non maledices*; ut habetur v. 5. Ecce Apostoli, qui dicunt *maledicimur, & benedicimus*, & qui dicunt *non reddentes maledictum pro maledicto*. Item *benedicite, & nolite maledicere*, tamen maledicunt: Nunquid sunt sibi contrarii? Non: non enim maledicunt odio personæ, sed intuitu correctionis fraternæ. Similiter dico de improprio, quod dupliciter potest fieri ab aliquo, vel intuitu infamiæ ejus cui improprietur, vel intuitu correctionis ipsius, alioquin quomodo stabit, quod dicit Paulus 1. Corinth. 15. v. 36. *Insipiens, tu quod seminas, non vivificatur, nisi prius moriatur*.*

Item Galat. 3. v. 1. *O insensati Galatæ, quis vos fascinavit non obedire veritati?*

Item ibidem v. 3. *Sic stulti estis, ut cum spiritu cæperitis, nunc carne consumamini?*

Item

(23) Sanctus Thomas 11. 11. *Quæst. lxxvi. Art. I. in c. Si aliquis*, inquit, *imperet, vel optet malum alterius, in quantum est malum, quasi ipsum malum intendens, sic maledicere erit illicitum. . . . Si autem aliquis imperet, vel optet malum alterius sub ratione boni; sic est licitum; quia principalis intentio dicentis non fertur ad malum, sed ad bonum. Contingit autem malum aliquod dici imperando vel optando sub ratione duplicis boni: quandoque quidem sub ratione iusti; & sic iudex licite maledicit illum, cui præcipit justam pœnam inferri; Et sic etiam*

Ecclesia maledicit anathematizando, sicut & Propheta in Scripturis quandoque imprecatur mala peccatoribus, quasi conformantes voluntatem suam divinæ justitiæ. . . . quandoque vero dicitur aliquod malum, sub ratione utilis puta cum aliquis optat aliquem peccatorem pati aliquam agnitum, aut aliquod impedimentum, vel ut ipse melior efficiatur; vel saltem ab aliorum nocumento cesset.

[*] Quæ duobus asteriscis comprehendimus desunt e. Cod. Neapolit. & Vaticano.

Item Lucæ ultimo v. 25. *O stulti, & tardi corde ad credendum, in omnibus, quæ locuti sunt Prophetæ!*

Item Act. 13. v. 10. habetur, quod Paulus dixit Elinas Mago impropria. *O plene omni dolo, & omni fallacia fili Diaboli, inimice omnis iustitiæ, non desinis subvertere vias Domini rectas (v. 11.) Et nunc ecce manus Domini super te, & eris cæcus, & non videns solem usque ad tempus: Et confestim cecidit in eum caligo, & tenebræ, & circuiens querebat, qui ei manum daret. Istud non potest intelligi de cæcitate spirituali, quia sic jam erat cæcus ante hoc factum.*

Præterea, non potest intelligi de malo Domino, tum quia ille non cæcasset eum, quia subvertebat vias Domini rectas, alioquin retraheret homines ab impedimento prædicationis Christi, & subversionis viarum rectarum: tum quia ibi dicitur de quo Domino fiat sermo, ubi dicitur v. 10. *Non desinis subvertere vias Domini rectas, & statim subdit v. 11. Ecce manus Domini super te, & eris cæcus; ille igitur Dominus cujus vias subvertebat, illius manus super eum fuit ad eum cæcandum.*

§. VIII.

Quibus, & ubi liceat prædicare?

Sequitur septima pars hujus capituli, in qua intendimus demonstrare, quod nullus debet prædicare, nisi missus sit, & necessaria est auctoritas, quam contrahit ex mittente potestatem habente mittendi. Secundò ostendimus, quod sapientia necessaria est Prædicatori. Tertiò, quod vita. Quartò, quod fama.

Circa primum sciendum, quod nullus debet prædicare nisi missus sit teste Apostolo Rom. 10. v. 14. (24.) *Quomodo ergo prædicabunt nisi mittantur?* Matth. 10. v. 1. *Et convocatis duodecim discipulis suis dedit illis potestatem spirituum immundorum &c.* Ecce quod duodecim dat officium prædicationis.

Item v. 16. *Ecce ego mitto vos sicut oves in medio luporum.* Idem habetur Marci 3. v. 13. *Et ascendens in montem vocavit ad se, quos voluit ipse, & venerunt ad eum (v. 14.) Et fecit ut essent duodecim cum illo, & ut mitteret eos prædicare (v. 15.) & dedit illis potestatem curandi infirmitates, & ejiciendi dæmonia.* Idem habetur Lucæ 6. v. 13. *Et cum dies factus esset vocavit discipulos suos: & elegit duodecim ex ipsis, quos & Apostolos nominavit.*

Item Lucæ 10. v. 1. *Post hæc autem designavit Dominus & alios septuaginta duos, & misit illos binos ante faciem suam in omnem civitatem & locum, quo erat ipse venturus.* Et v. 3. *Ite: Ecce ego mitto vos sicut agnos inter lupos.*

(24) De vocatione, & Missione præconum Verbi Dei constat quid sentiendum sit ex iis testimoniis Scripturarum, quæ afferuntur a nostro. Quod autem adjungit noliter primos prædicatores missos fuisse a Christo, posteriores autem ab iis, quos Christus misisset, testatum, exploratumque est. Audiendus Innocentius I. Epist. xxv. ad Decentium Eugubinum n. 2. pag. 856. Epistolar. Romanor. Pontificum Tom. I. Edition. Constantii, nam ceteros referre perlongum profecto esset. Sic ergo Innocentius habet: *Quis nesciat aut non advertat, id, quod a Principe Apostolorum Petro Romana Ecclesia traditum est, ac nunc usque custoditur, ab om-*

Item Johan. 17. v. 18. *Sicut tu me misisti in mundum, & ego misieos in mundum.* Ne autem aliquis præsumptione ductus, aut proprii animi motu dicat se a Deo missum exemplo Pauli, qui dicit ad Galatas 1. v. 1. *Paulus Apostolus non ab hominibus, neque per hominem, sed per Jesum Christum, & Deum Patrem.* Vide quod Dominus Act. 9. v. 15. ante hoc dicit de eo Ananiæ. *Vade quoniam vas electionis est mihi iste, ut portet nomen meum coram gentibus, & Regibus, & filiis Israel.* Idest vas a me specialiter electum.

Item vide, quid dicat Ananias ipsi Paulo Act. 9. v. 17. *Saule frater, Dominus misit me Jesus, qui apparuit tibi in via, qua veniebas, ut videas, & implearis Spiritu Sancto.* Visionem autem istam coram Anania, visibili miraculo demonstravit; Primi ergo Prædicatores missi inveniuntur a Christo, & postea ipsi alios miserunt. Sciendum autem, quod his verbis Matth. ultimo v. 19. *Euntes ergo docete omnes gentes* dicunt hæretici sibi commissum esse prædicationis officium: sed cum inde testimonium non habeas, quod per illa verba missus sis, qua ratione illud dicis? & rursus alii idem dicere possunt; Sic igitur generale erit illud mandatum omnibus conveniens.

Si autem ita est Paulus pro nihilo enumerat divisiones gratiarum Roman. 12. v. 6. dicens: *Habentes autem donationes secundum gratiam, quæ data est nobis differentes & v. 7. subjungit. Sive ministerium in ministrando, sive qui docet in doctrina.*

Item 1. Corinth. 12. v. 8. *Alii quidem per spiritum datur sermo sapientiæ: alii autem sermo scientiæ secundum eundem Spiritum &c. & v. 28. Et quosdam quidem posuit Deus in Ecclesia, primum Apostolos, secundò Prophetas, tertiò Doctores, deinde virtutes, exinde gratias curationum, opitulationes, gubernationes, genera linguarum, interpretationes sermonum (v. 29.) Nunquid omnes Apostoli? Nunquid omnes Prophetæ? Nunquid omnes Doctores?*

Item ad Ephes. 4. v. 11. *Et ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores (v. 12.) Ad consummationem Sanctorum in opus ministerii, in ædificationem Corporis Christi.*

Item si generale est, & omnes missi sunt ex illo verbo; Quare Dominus ait Matth. 24. v. 45. *Quis putas est fidelis servus, & prudens, quem constituit Dominus suus super familiam suam, ut det illis cibum in tempore?* Quare etiam Paulus Timotheo scribit in 2. Epistola cap. 11. v. 1. dicens ei: *Tu ergo, fili mi, confortare in gratia, quæ est in Christo Jesu (v. 2.) Et quæ audisti a me per multos testes, hæc commenda fidelibus hominibus, qui idonei erunt & alios docere.* Fidelibus dicit, non hæ-

K k k

reticis,

mbus debere servari, nec super induci, aut introduci aliquid, quod auctoritatem non habeat, aut aliunde accipere videatur exemplum? Præsertim cum sit manifestum, in omnem Italiam, Gallias, Hispanias, Africam, atque Siciliam, & insulas interjacentes, nullum instituisse Ecclesias, nisi eos, quos Venerabilis Apostolus Petrus, aut ejus Successores constituerint Sacerdotes. . . . Oportet ergo eos hoc sequi, quod Ecclesia Romana custodit, a qua eos principium accepisse non dubium est; ne dum peregrinis assertionibus student, caput institutionum videantur omittere.

reticis, nec infidelibus, nec his omnibus, sed qui idonei erunt alios docere [*]. Ista sunt illa duo Christi verba in Matth. 24. v. 45. *Quis putas est fidelis servus, & prudens*; fidelem dicit a fide, non quacunque, sed operativa per dilectionem, ut ibi comprehendatur & vita: [*] Tria enim ibi tanguntur, scilicet auctoritas, quæ constituit: Item scientia, unde prudens; Item vita, unde fidelis; similiter, & in verbis Pauli ad Timotheum Epif. 2. Cap. 2. v. 2. *His commenda*, ecce auctoritas, *fidelibus*, ecce vita; *qui idonei* ecce scientia.

Item Corinth. 12. v. 8. *Alii quidem per spiritum datur sermo sapientiæ: alii autem sermo scientiæ secundum eundem spiritum*. Sermo, idest doctrina. Item, quod Episcopi debebant constitui, quorum est docere (25), & aliis officium docendi committere, patet 1. Tit. 1. v. 5. ubi ait Paulus: *Hujus rei gratia reliqui te Cretæ, ut ea, quæ defunt corrigas, & constituas per civitates presbyteros, sicut & ego disposui tibi* (v. 6.). *Si quis sine crimine est, anius uxoris vir, filios habens fideles, non in accusatione luxuriæ, aut non subditos* (v. 7.). Oportet enim Episcopum sine crimine esse, idest sine peccato criminali, & sine ejus infamia; ubi patet, quod per Presbyteros (26) intelligat prius Episcopos, non tamen minores Sacerdotes. Ex prædictis patet, quod auctoritas prædicandi, & vita, & scientia est necessaria Prælato, & Prædicatori. Sed quia de simplicitate (27) gloriantur dicentes ad sui laudem dictum illud Matth. 11. v. 25. *Confiteor tibi Pater, Domine cæli, & terræ, quia abscondisti hæc a sapientibus, & prudentibus, & revelasti ea Parvulis*. Ostendamus ad hoc, quod sapientia sit ei necessaria. 1. Timoth. 3. ubi enumerantur, quæ necessaria sunt Episcopo, ubi etiam habetur de vita, & etiam de fama, ubi dicitur v. 7. *Oportet autem illum* (idest Episcopum) *& testimonium habere bonum ab iis, qui foris sunt*.

Item de sapientia habetur Matth. 22. v. 29. ubi dicit Christus: *Erratis, nescientes Scripturas*. Necessaria igitur est scientia Prædicatori contra errorem.

Item Lucæ 21. ubi Christus eis promittit dicens: v. 15. *Ego enim dabo vobis os, & sapientiam, cui non poterunt resistere, & contradicere omnes adversarii vestri*. Nunquid enim hæc promissio tantum illis facta est. Non; Unde & B. Petrus de divo Paulo, qui tunc non erat inter illos, ait. 2. Petri 3. v. 15. *Sicut & charissimus frater noster Paulus secundum datam sibi sapientiam scripsit vobis*.

[*] Non exstant in Cod. Bonon. quæ duobus asteriscis contenta vides.

(25) Vetustissimus Canon. LVIII. ex iis, quos Apostolicos vocant: Episcopus, inquit, aut Presbyter, Clerum, vel Populum negligens, & non docens eos pietatem, segregatur. Est autem hoc munus proprium Episcopi, quod tamen Presbytero committere potest. Olim in Africa Presbyteris præsentem Episcopo prædicandi munus non concedebatur. Ita factum est, ut Episcopi Numidæ Valerio Episcopo Hiponensi detraherent, quod se præsentem Augustinum Presbyterum docere passus fuisset. Possidius in *Vita Augustini* Cap. v. Eidem, inquit, Presbytero potestatem dedit coram se in Ecclesia Evangelium prædicandi, contra usum quidem ac consuetudinem Africanarum Ecclesiarum? Unde etiam ei nonnulli Episcopi detrahebant. . . Postea bono præcedente exemplo, accepta ab Episcopis potestate, Presbyteri nonnulli coram Episcopis populo tractare cæperunt Verbum Dei.

(26) Ita quidem plerique Patres intelligunt. Oecumenius in

Item, quod sapientia necessaria sit, patet 2. Tim. 3. v. 14. *Tu vero permane in iis, quæ didicisti, & credita sunt tibi: sciens a quo didiceris*. (v. 15.) *Et quia ab infantia sacras Literas nosti, quæ per te possunt instruere ad salutem, per fidem, quæ est in Christo Jesu*. (v. 16.) *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in justitia*: (v. 17.) *Ut perfectus sit homo Dei ad omne opus bonum instructus*. Adhuc sciendum, quod sicut officium prædicationis non est universale viris, ita etiam ex toto prohibetur fœminis; unde 1. Cor. 14. v. 34. *Mulieres in Ecclesiis taceant, non enim permittitur eis loqui*, idest prædicare.

Item 1. Timoth. 2. v. 12. *Docere autem mulieri non permitto*. Contra hoc præceptum Apostoli veniunt Valdenses: Mulieres enim eorum prædicant in (28) Ecclesia; Si tamen Ecclesia debet dici eorum congregatio, quod verum non est. Ad hoc autem dixerunt, quod Christus Mariam Magdalenam misit prædicare dicens Johannis 22. v. 17. *Vade autem ad fratres meos, & dic eis: Ascendo ad Patrem meum, & Patrem vestrum: Deum meum, & Deum vestrum*. (v. 18.) *Venit Maria Magdalene annuncians discipulis: Quia vidi Dominum*. Sed pravæ intelligentiæ hæretici est adscribendum, quod ex hoc miserit eam ad prædicandum; non enim prædicasse, sed tantum nuntiasse dicitur discipulis, id quod Evangelista dicit. Nunquid quandocumque aliqua mulier mittatur aliquod bonum nuntiare Ecclesiæ alicui, debet dici prædicare ei? Non.

§. Ultimus.

Quod prædicatio veritatis non est occultanda, sed facienda in publico.

Sciendum (29), quod prædicatio veritatis non est occultanda, sed in publico facienda exemplo Christi, qui nullo timore coactus ab Evangelii prædicatione abstinuit. Johannis 18. v. 20. *Ego palam locutus sum in mundo: ego semper docui in Synagoga, & in templo, quo omnes Judæi conveniunt: & in occulto locutus sum nihil*.

Item, qui ait Lucæ 11. v. 37. *Nemo lucernam accendit, & in abscondito ponit, neque sub modio, sed supra candelabrum, ut qui ingrediuntur, lumen videant*. Ubi etiam exclusa est gloriatio eorum, qui volunt dicere se esse Dei Ecclesiam, quia absconsi

I. Petri Epistolam Cap. v. S. Maximus in Cap. I. de Cælesti Hierar. & alii. Dissertissime Theodoretus ad v. 7. Cap. I. Epist. ad Titum: *Hinc quoque manifestum est*, inquit, *quod Presbyteros nominavit Episcopos*. Cum enim dixisset: ut constituas per Civitates Presbyteros, *subjunxit*, oportet enim Episcopum esse sine crimine &c.

(27) Hæc erat superbia Valdensium. Simples enim se iactabant esse, qui omnium erant vaserri.

(28) Id nunc Quackeri fœminis integrum esse affirmant. Fuerunt etiam olim hæretici, qui mulieribus facultatem docendi in Ecclesia darent. Tertullianus De Prescrip. Cap. xii. *Ipsæ mulieres hereticæ*, inquit, *quam procaces, quæ audeant docere, contendere &c.* Confule Epistolam Firmiliani ad Cyprianum, & Epiphanium Hæres. lxxix.

(29) Hoc idem argumentum tractat Pilicodorus adversus Valdenses Cap. vii. viii. Tom. xxv. Bibl. PP. Confer etiam Ebrardum in Ant. Cap. xxi. Tom. xxiv. Bibl. PP. Edit. Lugdun.

absconsi sunt, inducentes illud Matth. 13. v. 44. *Simile est Regnum Cælorum thesauro abscondito in agro. Qui enim istud dixit, jam dixerat Matth. 1. v. 14. Non potest civitas abscondi supra montem posita.* Dicendum ergo, quod si aliquibus absconsa est Ecclesia Dei, quæ est Romana Ecclesia, ab hominibus impugnata tam hæreticis, quam Judæis, & Paganis, atque etiam Tyrannis aliis, hoc est vitio hominum, qui sunt rebelles lumini, non propter hoc quia in publico prædicetur veritas a prædicatoribus veritatis, a quibus, quantum in ipsis est, non potest abscondi civitas, idest Ecclesia supra montem posita. Unde, & Paulus 2. Corinth. 4. v. 2. dicit se ambulare in manifestatione veritatis; postea dicit v. 5. *Quod si etiam opertum est Evangelium nostrum: in iis, qui pereunt, est opertum.* Quasi dicat vitio eorum est, & non propter nostram taciturnitatem. Unde 2. Timoth. 2. v. 8. ait Apostolus: *Memor esto Dominum Jesum Christum resurrexisse a mortuis ex semine David secundum Evangelium meum.* (v. 9.) *In quo laboro usque ad vincula, quasi male operans: sed verbum Dei non est alligatum.* Ecce, quod Paulus nullo timore cessabat a veritatis manifestatione.

Item Act. 20. v. 18. *Vos scitis a prima die, qua ingressus sum in Asiam, qualiter vobiscum per omne tempus fuerim.* (v. 19.) *Serviens Domino cum omni humilitate, & lacrymis, & tentationibus, quæ mihi acciderunt ex insidiis Judæorum:* (v. 20.) *Quomodo nihil subtraxerim utilium, quominus annuntiarem vobis, & docerem vos publice, & per domos.* (v. 21.) *Testificans Judæis atque gentilibus in Deum poenitentiam, & fidem in Dominum nostrum Jesum Christum.* (v. 22.) *Et nunc ecce alligatus ego spiritu, vado in Jerusalem: quæ in ea ventura sint mihi, ignorans.* (v. 23.) *Nisi, quod Spiritus Sanctus per omnes civitates mihi protestatur, dicens: quoniam vincula, & tribulationes Jerusalem me manent.* (v. 24.) *Sed nihil horum vereor: nec facio animam meam pretiosorem, quam me, dummodo consummem cursum meum, & ministerium verbi, quod accepi a Domino Jesu, testificari Evangelium gratiæ Dei.* Ibi enim duo dicit, scilicet publice, & per domos, ex quo patet vos non esse imitatores Apostolorum.

Ultimo, quia dicunt se non esse prohibendos loqui occasione illius verbi Marci 9. v. 37. & Lucæ 9. v. 49. ubi discipuli dicunt Jesu: *Magister, vidimus quemdam in nomine tuo ejicientem dæmonia, qui non sequitur nos, & prohibuimus eum.* (v. 38) *Jesus autem ait: Nolite prohibere eum.* Ecclesia igitur Dei non debet prohibere aliquem loqui.

Respondeo: verum est, ejicientem dæmonia, tu autem non ejicis, imo ejecta reducis, mittens homines in errorem (30). Præterea neminem debeo prohibere, verum est, qui adversum me non

est, sicut tibi dicit Christus v. 39. *Qui enim non est adversum vos, pro vobis est.*

Præterea, si non est hæreticus prohibendus, quomodo stabit illud, quod legitur Apocal. 2. v. 20. ubi Dominus ait Angelo Thyatiræ: *Sed habeo adversus te pauca: quia permittis mulierem Jezabel, quæ se dicit prophetem, docere, & seducere servos meos?* Per Jezabel intelliguntur hæretici, quia, sicut Jezabel uxor Achab contraria erat doctrinæ Domini, & prophetarum ejus, ita & isti. Sciendum autem tria esse genera prædicantium, quidam enim fures sunt, quidam mercenarii, quidam Pastores; de omnibus istis habetur Johannis 10. Fures abjiciendi sunt, quia prædicant fraudulenter. Johan. 10. v. 10. *Fur non venit nisi, ut furetur.*

Item Apostolus 2. Corinth. 2. v. 17. *Non enim sumus sicut plurimi adulterantes verbum Dei: Mercenarius prædicat pro quæstu, sed vera: De talibus, & de Pastoribus, etiam dicit Apostolus ad Philip. 1. v. 18. Quid enim? Dum omni modo, sive per occasionem sive per veritatem, Christus annuntietur, & in hoc gaudeo, sed & gaudebo.* Per veritatem annuntiat, qui illam intendit principaliter generare in cordibus auditorum; per occasionem vero, qui occasione lucri, vel alterius rei fine admixtione falsitatis; talis est tollerandus; Pastor vero, qui propter veritatem annuntiat, ille est amplectendus.

CAPUT VI.

An Ecclesia possit facere novas Constitutiones.

Nunc veniamus ad sextum Caput hujus partis. & videamus utrum Ecclesia Dei quæcunque illa sit possit facere Constitutiones. Hoc caput in duas partes dividitur; in prima parte ponuntur causæ propter quas hæretici Ecclesiæ Constitutiones damnant tanquam superfluas, unde & (1) pauperes Valdenses credunt licitum esse coniugium inter consanguineum, & consanguineam, cum non inveniatur prohibitum nisi ex constitutione Romanæ Ecclesiæ. In secunda ostendemus, quod Ecclesia potest facere Constitutiones novas.

§. I.

Hæreticorum Argumenta probantia Ecclesiam non posse facere Constitutiones.

Quod non possit facere constitutiones novas nuntur probare Valdenses, tum ex Veteri, tum ex Novo Testamento. Ex Veteri inducunt illud Exodi 30. v. 12. & sequentibus, ubi dicitur, quod

K k k 2

(30) Tertullianus *Lib. De Præscript. Hæretic. Cap. xli. De Verbi administratione quid dicam?* inquit. *Cum hoc sit negotium illis, non ethnicos convertendi, sed nostros evertendi. Hanc magis gloriam captant, si stantibus ruinam, non si jacentibus elevationem operentur, quoniam & ipsum opus eorum, non de suo proprio edificio venit, sed de veritatis destructione. Nostra suscitunt, ut sua adificem &c.*

(1) S. Irenæus *Lib. I. Cap. xxiv.* Hæreticis Basilidianis vitio

vertit, quod legem ab Apostolis latam neglexissent. Hos sequuntur Valdenses. Nam qui Ecclesiæ legum ferendarum adimunt potestatem; adimant in Apostolis necesse est. Eadem fere peccavit xv. Ecclesiæ Seculo Vviclefus. Sic enim statuit apud Henricum Knigtonum *Lib. v. Papam non posse condere Canones decretales, seu Constitutiones, & si quos condiderit, nullum teneri eos observare.* Non abluunt Lutherani, & Calviniani.

quando filii Israel convenerunt, ut quilibet daret dimidium sicli, & dives non adderet ultra medium siclum, & pauper non minueret; siclus vero viginti obolos habet; dimidium vero decem obolos, & significat observantiam decem mandatorum, quam cum fide Christi debet dare omnis, qui transit ad hoc nomen Jesus per fidem ejus, idest omnis fidelis, debet autem illud dare juxta mensuram templi, idest Ecclesiæ, non juxta suum placitum, sed juxta dispositionem legis Dei, vel Sacerdotis ejus. Dives non addet, idest perfectus homo non plus faciet, quam decem mandata cum Christi fide; Ergo non tenetur servare præcepta Ecclesiæ Romanæ, quæ sunt hominum institutiones.

Solutio: Dives non addet ad medium sicli, idest aliquid contrarium medio siclo, idest Decalogo. Hæc solutio patebit jam super illud Proverb. 30, *Non addes &c.*

Item objiciunt, quod constitutiones Ecclesiasticæ, quæ non sunt ex Evangelio, vel Apostolis Christi, sunt significatæ per ignem alienum, quem Hadab, & Abiu filii Aaron posuerunt in thuribulis suis, & incensum desuper offerebant Domino, ut habetur Levitici 10. v. 1.

Respondeo: Non est verum, immo ignis alienus contrariam doctrinam significat doctrinæ Christi, & Apostolorum ejus, qualis est hæreticorum doctrina; vel significat ignem cupiditatis, quem habent multi Sacerdotes in cordibus suis, qui etiam movet eos ad thurificandum Domino.

Item Deutoron. 4. v. 2. *Non addetis ad verbum, quod vobis loquor, nec auferetis ex eo.*

Item 12. v. 31. *Quod præcipio tibi, hoc tantum facito Domino: nec addas quidquam, nec minuas.* Sic ergo non tenetur servare Constitutiones istas Ecclesiæ.

Solutio: Ad primum, non addetis &c. hoc est, quod Judæi ante adventum Christi tenebantur nihil addere Legi, tanquam esset insufficiens pro tempore illo; similiter nihil inde debuerunt auferre tanquam esset superfluum; & quod ita intelligi debeat, patebit in secunda parte, ubi loquemur de Rechabitis, qui sine peccato aliquas additiones ex mandato Patris sui servabant, ut habetur Jerem. 35. v. 6. & sequent. Ad aliud dico, quod ego præcipio tibi vel per ministrum, utroque enim modo præcipit Dominus.

(2) Sapienter id quidem. Christus namque Rempublicam Ecclesiasticam constituit. In quavis autem Republica magistratus vigeant necesse est, quos intueri possit populus, quibusque juvare ntibus obtemperare. Alioqui sublato Imperio, quod sub aspectu cadat, non Reipublicæ forma ulla consistet; sed perturbatio maxima inde orietur. Itaque præsidens in Ecclesia Christus constituerit necesse est, qui vim potestatemque haberent; latis legibus eas tollere abusiones, quæ malorum hominum vitio in Ecclesiam immigrassent. Nam opus non erat Christum tot leges condere, quot lapsu temporum circumstantiæ, lites, contentiones flagitassent. Necesse enim fuisset, ut omnes essent perpetuæ, quippe, quæ a Christo Deo mansissent. Satiùs ergo erat potestatem Apostolis tribuere leges ferendi, quæ sublati circumstantiis, tolli & ipsæ commodè a legislatore possent. Constitutos autem a Christo fuisse Episcopos, qui leges condere possent, quibusque parere deberet Christianus populus, constat ex Scripturis. Nam Matthæi Cap. xviii. De homine differens Christus, qui Ecclesiæ obtemperare nolit: *Si Ecclesiam*, hoc est ut Chrysostomus explicat, Episcopos, *non audierit, sit tibi tamquam Ethnicus & Publicanus.* Lucæ x. Apostolos alloquens: *Qui vos audit, inquit, me audit, qui vos spernit, me spernit.* Paulus ad Hebræos xiii. *Obedite*, inquit, *Præpositis*

Præterea. Nunquid Rechabitæ peccabant? Absit.

Idem etiam volunt probare per illud Isaïæ 29. v. 13. quod Christus dicit Matth. 15. v. 9. *Sine causa autem colunt me, docentes doctrinas, & mandata hominum.* Sed Ecclesiasticæ Constitutiones sunt tales; Ergo qui eas servant frustra Dominum colunt.

Solutio. Constitutiones Ecclesiæ non sunt tales; illæ enim doctrinæ hominum, & mandata erant, ita quod non Dei. Constitutiones verò Ecclesiæ non sunt hominum tantum, sed Dei, qui in Ecclesia, & per ministros Ecclesiæ illas instituit (2); Unde & ait Matth. 10. v. 20. *Non enim vos estis, qui loquimini, sed spiritus Patris vestri, qui loquitur in vobis;* & Lucæ 10. v. 16. *Qui vos audit, me audit: & qui vos spernit, me spernit.*

Ad idem inducunt illud Proverb. 30. v. 6. *Ne addas quidquam verbis illius, idest Domini.*

Solutio: Quidquam contrarium veritati. Et quod ita debeat intelligi patet ex litera sequenti in eodem versu. *Et arguaris, inveniarisque mendax;* ex quo verbo patet solutio, ubicunque simile invenitur, per quod institutio Ecclesiæ videatur evacuari.

Item objiciunt illud Matth. 15. v. 6. *Et irritum fecistis mandatum Dei propter traditionem vestram.*

Solutio: Istud non tangit Ecclesiam, quæ licet habeat aliquas traditiones, non tamen contrarias mandato Dei, unde non reliquit Dei mandatum propter aliquam traditionem suam.

Item dico, quod Constitutio Ecclesiæ, Dei est, qui ait Matth. 10. v. 20. *Non enim vos estis, qui loquimini.*

Item objiciunt ad Philip. 3. v. 15. *Et si quid aliter sapitis, & hæc vobis Deus revelabit.*

Item Rom. 15. v. 18. dicit Paulus: *Non enim audeo aliquid loqui eorum, quæ per me non efficit Christus.* Si Paulus non audet loqui aliquid eorum, quæ a Christo non habet, quomodo alius quantumcumque magnus audet hoc facere?

Solutio: Sicut Paulus illa, quæ loquebatur, & faciebat, a Christo fiebant, vel dicebantur, per Christum; sic etiam dico, quod illa, quæ facere debet Ecclesia ejus, ipse per Ecclesiam ejus dicit, & facit; unde dicitur: *Non enim vos estis, qui loquimini.*

Item ad Galat 1. v. 9. *Si quis vobis evangelizaverit præter id, quod acceperitis, anathema sit.*

Solutio, vestris, & subjacete eis. Apostoli autem constituerunt legem, quæ divina certe non erat, de sanguine, & suffocato. Id vero non fecissent, nisi a Christo obtinuissent auctoritatem. Hinc Paulus Act. xv. v. 41. *Perambulabat Syriam, & Ciliciam . . præcipiens custodire præcepta Apostolorum, & Seniorum.* Scio Vvitacherum negare, extare hoc in Græcis Cod. Verum eruditus Milius Anglus in hoc cap. & v. Actor. Apostolic. in Vetere Cod. Alex. reperiri ultro fatetur. Sed fac in Græcis exemplaribus non extare. Quid tum? Nonne Cap. xvi. v. 4. ait Lucas: *Cum autem pertransirent Civitates, tradebant eis custodire dogmata, quæ erant decreta ab Apostolis, & Senioribus, qui erant Hierosolymis?* Jam vero Episcopos suffectos esse Apostolis constat ex universa Traditione. Leges Epistolæ Ignatii, & quæ nobis relicta sunt ab Irenæo, Tertulliano &c. documenta. Petri porro successorem Romanum Pontificem esse, probatum multis a nostris Theologis est. Itaque si Apostolis succedunt Episcopi, habeant necesse est potestatem ferendarum legum. Alioquin nulla superesset forma regiminis in Ecclesia. Non injuria igitur leges jam inde ab exordio Ecclesiæ constituerunt in Synodis Episcopi, & extra Synodos Romani Pontifices, varias Constitutiones, & leges, quibus Ecclesia regi commodius posset.

Solutio : *præter id*, idest contra *id*. Similiter respondeo ad illud, quod legitur Apocalypsis 22. v. 18. *Si quis apposuerit ad hæc, apponet Deus super illum plagas scriptas in libro isto*. Ad hoc dicitur, idest contrarium huic, ut ostensum est ex eo, quod legitur Proverb. 30. v. 6. *Ne addas &c. de quo dictum est supra*. Unde dico, quod Dominus apponit, non homo, quando Ecclesia aliquid instituit.

Solet autem obijcere hæreticus; Utrum Doctrina Christi ad salutem sufficiat? Hoc autem facit, ut institutiones Ecclesiæ reprobet, & per consequens ipsam Ecclesiam.

Cui dicendum est, quam ipse appellet doctrinam ejus; si doctrina, quam ipse dedit eis per se; dico, quod illa non (3) sufficit, imo decreta Ecclesiæ ejus servanda sunt: potest etiam dici doctrina ejus, doctrina, quam dedit per se, vel quam dedit per Apostolos, & adhuc dat per eorum Vicarios, sic sufficit.

§. II.

Probatur licitum esse Ecclesiæ Dei novas Constitutiones facere.

Nunc ad secundam partem capitis veniamus ostendentes, quod liceat Ecclesiæ Dei aliqua constituere. Primo autem contra Catharos loquimur, secundo contra Valdenses. Contra Catharos dicendum est illud Apostoli Rom. 2. v. 1. *In quo judicas alterum, te ipsum condemnas*. Habes enim o Cathare plures Constitutiones, quas unde habeas, testimonio Scripturæ ostendere non potes. V. G. in oratione enim constat, quod Dominus docuit discipulos orare, ut habetur Matth. 6. v. 9. *Sic ergo vos orabitur: Pater noster, qui est in Cælis &c.* Tu autem huic orationi addis, (4) *quoniam tuum est regnum, & virtus, & gloria in secula. Amen.* Omnibus autem, idest tam Catharis, quam Valdensibus dic: Quoniam si licuit Ecclesiæ primitivæ aliqua facere ordinamenta, quare modo non licet Ecclesiæ Dei aliqua ordinare, quæcumque illa Ecclesia sit. Quod autem Ecclesia primitiva aliqua ordinaverit, quæ Christus prius non ordinaverat patet Actor. 15. v. 28. ubi dicitur: *Visum est enim Spiritui Sancto & nobis, nihil ultra imponere vobis oneris, quam hæc necessaria* (v. 29.) *Ut abstineatis vos ab immolatis simulachrorum, & sanguine, & suffocato, & fornicatione.* Unde 16. Actor. v. 4.

(3) Positis Ecclesiæ legibus. Sufficeret enim, si temporum ratio non induxisset ad leges ferendas Ecclesiam. Satis namque est bonis Evangelium. Hi namque sponte faciunt, quod sciscit ratio, & auctoritas. Mali autem cum causis perturbationum sint, legibus coercantur oportet Ecclesiasticis. Has vero ni observaverint, Ecclesiæ non obediunt. Peccabunt ergo. Si igitur peccant, salvari non poterunt, nisi poenitentia ducantur. Hoc igitur pacto affirmat Moneta non esse satis legem Christi: Legem autem pro imbecillis ferri, affirmant Eusebius Lib. 1. *Demonstr. Evang.* pag. 12. Clemens Alexandr. *Pedagogi Lib. 1. Cap. xi.* & 111. *Stromat.* pag. 445. Edit. Paris.

(4) Non exstat in vulgata. Verum nescio quo casu hæc nostro exciderint. Forte non incidit in aliquot latinis codicibus, in quibus visitur hæc additio. Visitur item in Græca editione. δὲ

Paulus & Timotheus cum pertransirent civitates, tradebant eis custodire dogmata, quæ erant decreta ab Apostolis, & senioribus, qui erant Jerosolymis. Si autem dicat quod illa decreta a Spiritu Sancto habuerunt. Dico verum est, & modo etiam idem Spiritus est, qui revelat mysteria: & qui in Ecclesia sua aliqua ordinat. Nonne vides quod Dominus ait Johan. 16. v. 12. *Adhuc multa habeo vobis dicere: sed non potestis portare modo* (v. 13) *Cum autem venerit ille Spiritus veritatis, docebit vos omnem veritatem*. Ecclesia ergo Dei non fuit, nec est contenta his quæ Christus præsentia liter, sed alia addidit, licet non contraria Spiritui Sancto eam docenti. Nonne vides quod dicit Johannes Epist. I. cap. 2. v. 27. *Sed sicut unctio ejus docet vos de omnibus*. Item Paulus 1. Corinth. 7. v. 12. *Nam cæteris ego dico, non Dominus: Si quis frater uxorem habet infidelem &c.* Nonne ibidem v. 25. dicit: *De Virginibus autem præceptum Domini non habeo: consilium autem do*. Constitutiones ergo Ecclesiæ Dei non sunt humanæ, sed divinæ, juxta illud Matth. 10. v. 20. *Non enim vos estis qui loquimini, sed Spiritus Patris vestri, qui loquitur in vobis*.

Specialiter autem dicendum est de Valdensibus, quod si Ecclesiæ de Judæis, quæ minoris potestatis fuit, licuit aliqua constituere præter legem Dei; multo fortius Ecclesiæ, quæ nunc est, licet aliqua ordinare præter Christi doctrinam, dummodo non sit contra Christum. Quod autem Ecclesia Veteris Testamenti aliqua ordinaverit patet Estheri v. 17. & seq. ubi Judæi constituerunt decimam quartam diem mensis Adar, idest Martii solemnem, in qua desiderant hostes suos cædere.

Item 1. Machab. cap. 4. v. 59. *Et statuit Judas, & fratres ejus, & universa Ecclesia Israel, ut agatur dies dedicationis altaris in temporibus suis, ab anno in annum per dies octo, a quinta, & vigesima die mensis Casleu, cum lætitia, & gaudio*.

Item Judith. 16. v. 31. *Dies autem victoriæ hujus festivitatis, ab Hebræis in numero Sanctorum dierum accipitur, & colitur a Judæis ex illo tempore usque in præsentem diem*. Item Machabæi ordinarunt pugnare in die Sabbati ad defensionem suam, ut habetur 1. Machab. cap. 2. v. 41. Item David constituit Cantores, & Summos Sacerdotes, ut habetur Psalmo 23.

Item Actor. 8. v. 12. Apostoli mutaverunt formam baptismi eis traditam a Christo, (5) & baptizaverunt in nomine Jesu Christi. Item ordinarunt Episcopos, Presbyteros, & Diaconos, (6) de qui-

οὗ ἐστιν ἡ βασιλεία, καὶ ἡ δύναμις, καὶ ἡ δόξα εἰς τοὺς αἰῶνας. Quod unum est regnum, & potestas, & gloria in secula.

(5) Fusissime de hoc argumento disseruit doctissimus Josephus Augustinus Orsius Ord. Præd. *Sacra Indicis Congregationi a secretis in Dissert. & in Vindic. De Baptismo in nomine Jesu*.

(6) Non sunt hæc Apostolicæ tantum Constitutiones. Divine namque jure Constituti sunt Episcopi, Presbyteri, & Ministri, ut statuit Synodus Tridentina. Ceterum, quod vult Moneta, etsi nulla in Evangelio harum dignitatum injecta mentio sit, ab Apostolis tamen primum, qui eas contulerunt, fuisse commemoratæ. Quod ad Canones Ecclesiæ pertinet, quibus omnino parendum sit, ex Ecclesiæ traditione. Consulendus Binghamus Lib. xvi. cap. 1x. *Orig. Ecclesiast.* 6. v.

quibus Christus nihil dixisse invenitur . Paulus 1. Corinth. 11. v. 5. & seq. de velaminibus mulierum locutus est , & ordinavit .

Item Jeremiæ 35. v. 2. *Vade ad domum Rechabitarum , & loquere eis , & introduces eos in domum Domini , in unam exedram thesaurorum , & dabis eis bibere vinum .* Et paulo post v. 5. dicit Jeremias : *Et posui coram filiis domus Rechabitarum scyphos plenos vino , & calices : & dixi ad eos : Bibite vinum .* (v. 6) *Qui responderunt : Non bibemus vinum , quia Jonadab filius Rechab , pater noster , præcepit nobis dicens : Non bibetis vinum vos , & filii vestri , usque in sempiternum .* (v. 7.) *Et domum non ædificabitis , & sementem non seretis , & vineas non plantabitis , nec habebitis , sed in tabernaculis habitabitis cunctis diebus vestris ;* Et post pauca dicit Dominus eis per Jerem. v. 18. *Hæc dicit Dominus exercituum Deus Israel : Pro eo , quod obedistis præcepto Jonadab patris vestri , & custodistis omnia mandata ejus , & fecistis universa , quæ præcepit vobis* (v. 19.) *Propterea hæc dicit Dominus exercituum Deus Israel : Non deficiet vir de stirpe Jonadab filii Rechab , stans in conspectu meo cunctis diebus .* Hic dicitur , quod isti servabant præcepta , & traditiones patris sui , de quibus nulla mentio erat in lege , nec ex lege haberi poterat , scilicet non bibere vinum , & alia , quæ dicta sunt , nec Deus alicubi inde fecerat mentionem , & tamen quia ad honestatem spectabant , pro eorum observantia meruerunt audire a Domino id quod dictum est : *Hæc dicit Dominus &c.* A simili ergo traditiones Ecclesiasticæ , quæ spectant ad religionem , & honestatem , non sunt reprobandæ , sed laudandæ , alioquin incurreret illud , quod dicitur Deuteronom. 17. v. 12. *Qui autem superbierit , nolens obedire Sacerdotis imperio , qui eo tempore ministrat Domino Deo tuo , & decreto judicis , morietur homo ille .* Osee 4. *Populus tuus , sicut hi qui contradicunt Sacerdoti .* Quare non est ei contradicendum in his , quæ ordinat , dummodo non sit contra Dominum , licet Deus de illis non fecerit mentionem , sicut & mentionem non fecit de institutione Rechabitarum , ut habetur prædicto capite Jeremiæ . Valet autem hæc obiectio etiam contra Catharos , qui duo ponunt principia , quia prophetas recipiunt .

(1) Erat hæc opinio propria Valdensium . Pseudo Apostolicos Augustino in Lib. de Hæresibus Cap. xi. memoratos sequuti sunt auctores Valdenses . Sic enim habet Augustinus : *Idco hæretici sunt , quia se ab Ecclesia separantes , nullam spem putant eos habere , qui utuntur his verbis , quibus ipsi carent .* A Valdensibus mutuatus error est Johannes Viclefus , qui cum ob alia multa , tum ob hoc portentum opinionis damnatus fuit in Synodo Constantiensi sess. v. 11.

C A P. VII.

- (1) *An Ecclesia Dei possit possidere divitias , & unde conantur hæretici ostendere , quod successoribus Apostolorum non liceat terrena possidere .*

Nunc ad septimum caput accedamus , an successoribus Apostolorum , scilicet Prælati Ecclesiæ , cæterisque discipulis Christi liceat habere divitias , castra , civitates , aurum , argentum . & similia , hoc autem capitulum in tres partes dividitur . In prima inducuntur quædam argumentationes hæreticorum , qui dicuntur Valdenses , ad probandum quod non . In secunda autem apertis rationibus ostenditur , quod Ecclesia potest habere divitias . In tertia parte ostenditur quod bonum est , imo melius omnia relinquere propter Christum , & quod Prædicatoribus spiritualia seminantibus non est injunctum manibus laborare .

§. I.

Argumenta hæreticorum probantia , Ecclesiam non posse habere divitias .

[*] **A**D probandum , quod non liceat , inducunt illud Matth. 5. v. 3. *Beati pauperes spiritu , quoniam ipsorum est Regnum Cælorum .*

Ad hoc autem patet solutio ; quoniam per hæc verba Domini non fit distinctio inter aliquos . non enim magis de Clericis , quam de Laicis loquitur Dominus .

Præterea , per hæc verba non tollitur regnum divitibus , sicut & inferius probabitur . [*]

Ad idem inducunt illud , quod habetur Matth. 6. v. 19. *Nolite thesaurizare vobis thesauros in terra .*

Solutio : Cupiditas avaritiæ ibi prohibetur , (2) per quam quis neglecto Domino laborat divitias congregare non ad necessitatem , sed ad superfluitatem ; primo enim modo idest ad necessitatem licet congregare terrena , & acquirere illa , juxta quod Apostolus ait Act. 20. v. 34. *Ad ea quæ mihi opus erant , & his qui mecum sunt , ministraverunt manus istæ .*

Item 1. Timoth. 6. v. 8. *Habentes enim alimenta , & quibus tegamur , his contenti sumus .* Appetitum vero superfluatorum & Dominus in præcedentibus verbis , & Apostolus 1. Timoth. 6. v. 17. prohibet dicens : *Divitibus hujus sæculi præcipe , non sublime sapere , neque sperare in incerto divitiarum ;*
sed

[*] Quæ duobus asteriscis complexi sumus defunt e Cod. Bonon.

(2) Clemens Alexandrinus Lib. 111. Cap. vi. *Paedagogi* pag. 273. Edit. Oxoniensis , sunt , inquit , habendæ divitiæ , ut est rationi , consentaneum , suntque benigne , non autem sordide , nec infolenter communicandæ : nec est honesti studium in sui amorem , superbiæque , & arrogantiam consumendum &c. Paria cerne licet in reliquorum Patrum libris . Ergo Apostolici , & Valdenses ab Ecclesiæ antiquæ sententiâ discrepant .

sed in Deo vivo (qui præstat nobis omnia abunde ad fruendum). Item v.9. *Qui volunt divites fieri, incidunt in tentationem, & in laqueum Diaboli, & desideria multa inutilia, & nociva, quæ mergunt homines in interitum, & perditionem*. Hoc autem melius adhuc patebit in sequentibus. Nonne etiam vides, quod mensuratus cibus, aut potus conceditur, & superfluous prohibetur?

Item ad idem inducunt illud Matth. 6. v.24. *Non potestis Deo servire, & (3) mammonæ*.

Solutio: Soli Deo serviendum esse Scripturarum testimonio confirmatur, testimonio scilicet legis Deuteronomii cap.6. v.13. *Dominum Deum tuum timebis; & illi soli servies*, quod testimonium Christus Matth.4. v.10. confirmat. Item testimonio Samuelis 1. Reg. 7. v.3. *Præparate corda vestra Domino, & servite ei soli*. Mammonæ autem idest divitiis servire prohibitum est, sed non est prohibitum mammonam habere, (4) imo, *facite vobis amicos de mammona iniquitatis*, ut habetur Lucæ 16. v.9. Cum autem divitiis serviendum non sit, tamen de eis Deo serviendum est; alioquin Lucæ 8. v.2. & 3. Non laudaretur Maria Magdalene, & Johanna uxor Chusæ procuratoris Herodis, & aliæ multæ, quæ ministrabant ei de facultatibus suis.

Ad idem inducunt illud Matth.6. v.26. *Ne solliciti sitis animæ vestræ, quid manducetis, neque corpori vestro, quid induamini*.

Solutio: Non intelligitur hoc de omni sollicitudine providentiæ necessariorum sibi, nec aliis; unde Apostolus ad Galat.2. v.10. dicit, quod rogatus ab Apostolis ut esset memor pauperum, sollicitus fuit hoc ipsum facere, de qua sollicitudine sua, & etiam aliorum pro pauperibus habetur ad Rom. 15. v.26. & 27. & 2. Corinth. v.3. & sequentibus. Nonne Apostolus 1. ad Thessalo. 2. v.9. ait: *Memores enim estis, fratres, laboris nostri, & fatigationis: nocte ac die operantes, ne quem vestrum gravaremus, prædicavimus in vobis Evangelium Dei*.

Item Actor. 20. v.31. *Quoniam ad ea quæ mihi opus erant, & his qui mecum sunt, ministraverunt manus istæ*. Nunquid istud erat sine sollicitudine providendi sibi, & sociis? Non. In verbo ergo Domini *ne solliciti sitis &c.* sollicitudo suffocationis prohibita est, de qua habetur Matth.13. v.22. *Sollicitudo seculi istius, & fallacia divitiarum suffocat verbum, & sine fructu efficitur*. Bene autem dicit Dominus fallacia divitiarum, non quia a divitiis istis fallitur homo, sperans quandoque aliter quam eveniat, homo autem seipsum fallit in eis.

Ad idem inducunt illud Matth.6. v.26. *Respicite volatilia Cæli, quoniam non serunt, neque metunt, neque congregant in horrea: Et Pater vester cælestis pascit illa: Nonne vos magis pluris estis illis*.

Ad hoc dicimus, quoniam ipsa volatilia materialia, naturaliter sollicita sunt de necessariis sibi, similiter autem & nos de necessariis solliciti esse possumus, ut præostensum est. Sed sunt quidam, qui de

bonitate Dei desperantes hoc faciunt; hoc non vult Dominus esse in membris suis, sed vult quod sperent in ipsum, quia si Dominus providet his minimis, scilicet volatilibus, multo fortius fidelibus suis, propter quod Apostolus Timotheo scribens ait Epist. 1. cap. 6. v. 17. *Divitibus hujus seculi præcipe, non sublime sapere, neque sperare in incerto divitiarum, sed in Deo vivo (qui præstat nobis omnia abunde ad fruendum)*. Dicimus ergo, quod Dominus non prohibet seminare, aut metere, aut in horrea congregare, sed prohibet ista facere ex desperatione divinæ bonitatis, tanquam ipse non sit provisorius necessaria.

Præterea, sicut & alia, ita & istud temporale est, idest datum primis prædicatoribus Evangelii tantum ad tempus; & quod ista vera sint, patebit ex sequentibus in hoc capite.

Item obijciunt illud Matth. 10. v.9. Ubi Christus discipulis suis ait: *Nolite possidere aurum, neque argentum, neque pecuniam in Zonis vestris*; ex hoc volunt, quod non licet successoribus Apostolorum ita habere.

Item Actor. 3. v.6. dixit Petrus cuidam Claudio: *Argentum & aurum non est mihi*.

Solutio: Illud mandatum *Nolite &c.* datum fuit Apostolis ad tempus, & tantum in illa missione; & quod ita sit, patet ex eo, quod habetur Joan. 4. v.8. Ubi dicit Johannes, quod *discipuli ejus (idest Jesu) abierant in civitatem (scilicet Galilæam) ut cibos emerent*.

Item Johannis 13. v.29. *Quidam enim putabant, quia oculos habebat Judas, quod dixisset ei Jesus: Eme ea quæ opus sunt nobis ad idem festum: aut egenis ut aliquid daret*. Ad aliud dico, quod Petrus non dixit, quin liceret ei habere aurum vel argentum, sed quia non erat ei, idest, non habebat.

Præterea potest & aliter solvi: Petrus non dixit argentum, & aurum non est nobis, sed non est mihi, cujus causa quia non erat ei aliquid proprium, vel aliis discipulis. Unde Actor. 4. v.32. dicitur: *Multitudinis autem credentium erat cor unum, & anima una: nec quisquam eorum, quæ possidebat, aliquid suum esse dicebat, sed erant illis omnia communia*. Bene ergo dixit Petrus: *Aurum & argentum non est mihi*; si dixisset, mihi est, aliquid suum esse singulariter esse dixisset.

Præterea credibile est, quod in tanta multitudine aliquis aurum vel argentum haberet, vel pecuniam aliquam, cum dicatur ibid. *Nec quisquam eorum quæ possidebat &c.* Possidebant igitur; si autem aliqua talia habuerunt aliqui de illa multitudine, Apostoli etiam illa habuerunt, alioquin non esset verum quod ibi dicitur: *Et erant illis omnia communia*.

Præterea, quod Apostoli habuerunt talia, patet ex litera quæ sequitur v.34. *Neque enim quisquam egens erat inter illos. Quotquot enim possessores agrorum, aut domorum erant, vendentes afferebant pretia eorum, quæ vendebant (v.35.) Et ponebant*

(3) Obijciebat hoc Matthæi ἰσχυρὸς Catholicis Tertullianus Lib. De Fuga in persecutione cap. xii. quod pecunia se liberarent a suppliciis, & persecutione Ethnicorum. Adjungebat porro: *Christiana pecunia salvus est, & in hoc nummos ha-*

bet, ne patiat, dum adversus Deum erit dives &c.

(4) Ne Tertullianus id quidem negabat. Ita autem, ut noster, explicant Patres hunc Evangelii locum. Vide Hieronymum in Cap. vi. Matth.

uebant ante pedes Apostolorum . Ex quo patet , quod Apostoli fuerunt comparticipes illarum possessionum , quæ erant illis , & Apostolis communes .

Præterea, nunquid vos possidetis aurum , & argentum ? Dices mihi, quod non , quia non accipitis illud manibus vestris , nec illud servatis . Nonne vos illud a quibusdam familiaribus vestris accipi facitis , & servari ? Utique ; ergo possidetis aurum & argentum atque pecuniam .

Præterea in hoc magis divitum mores , quam pauperum sequimini , pauperes enim datam sibi pecuniam accipiunt , ferunt , custodiunt , & dispensant , divites aliis eam committunt , qui eam ferunt , custodiunt , & dispensant prout divites volunt ; ergo si divites talium possessores sunt , & vos simili ratione .

Hic sciendum est , quod illorum verborum , quæ Dominus dicit Apostolis Matth. 10. quædam fuerunt tantum data ad tempus , sicut patet in illo mandato ibidem v. 5. *In viam gentium ne abieritis , & in civitates Samaritanorum ne intraveritis* (v. 6.) *sed potius ite ad oves quæ perierunt Domus Israel* ; alioquin fuissent transgressores Petrus & Johannes , dicitur enim Actor. 8. v. 14. *Cum autem audissent Apostoli , qui erant Ierosolymis , quod recepisset Samaria Verbum Dei , miserunt ad eos Petrum , & Joannem* (v. 15.) *Qui cum venissent , oraverunt pro ipsis , ut acciperent Spiritum Sanctum* . Item Paulus , & Barnabas ; dicitur enim Act. 13. v. 46. *Vobis oportebat primum loqui Verbum Dei : sed quoniam repellitis illud , & indignos vos judicatis æternæ vitæ , ecce convertimur ad gentes* . Si autem volunt illud spiritualiter intelligere . *In viam gentium &c.* quod est imitari gentes ; & ego illud spiritualiter intelligam , nolite possidere aurum sapientiæ , scilicet mundanæ , & philosophicæ , vel argentum eloquentiæ Rhetoricæ .

Præterea , Matth. 10. v. 10. dicitur , quod non habeant peram in via ; sed Lucæ 22. v. 35. dicitur : *Quando misi vos sine sacculo , & pera , & calceamentis , nunquid aliquid defuit vobis ?* (v. 36.) *At illi dixerunt : Nihil . Dixit ergo eis Iesus : Sed nunc qui habet sacculum , tollat similiter & peram* . Non est autem credibile , quod si Christus pro omni tempore illud prohibuisset , quod postea illud eis Lucæ 22. dixisset , alioquin eos transgredi fecisset , & fuisset in eo est , & non , quod negat Apostolus 2. Corinth. 1. v. 19.

Item Matth. 10. v. 10. dicitur , quod non habeant duas tunicas . Dico , quod istud ad sonum literæ non observant Valdenses , necesse est ergo eis dicere , quod vel particulare fuerit mandatum , vel ad tempus datum . Quod etiam patet Lucæ 22. v. 36. ubi dicitur , quod *vendat tunicam suam , & emat gladium* , quod ridiculosum esset ; si enim unam tantum tunicam quis haberet , tunc remaneret nudus , vel in camiscia , & braccis tantum , si illam venderet ut gladium emeret ; ergo primum ad tempus tantum datum est , scilicet pro tempore illius missionis primæ , vel tantum spiritualiter intelligendum est .

Præterea Matth. dicit cap. 10. v. 10. quod non habeant calceamenta in pedibus . Marc. vero 6. v. 9.

dicit , quod essent calceati sandaliis . Nunquid contradictio est inter eos ? Absit . Sed Matthæus ad tempus loquitur , vel spiritualiter tantum . Marcus autem ad literæ sonum . Item Matth. dicit 10. v. 10. quod virgam non portent . Marc. autem 6. v. 8. quod portent virgam ; ex quo colligitur quod vel ad tempus tantum loquitur Matthæus , vel quod unus spiritualiter sit locutus , alter autem materialiter ad literæ sonum . Item Lucæ dicitur cap. 10. v. 4. quod neminem per viam salutent , quod si ad literam intelligitur , quomodo stabit , quod dicitur Matth. 5. ut non tantum fratres , & amicos salutent , sed etiam inimicos . Unde restat , quod verbum Lucæ non sit simpliciter intelligendum ad literæ sonum , sed spiritualiter , vel cum aliqua adjectione , neminem salutaveritis cum mora vel curiositate , ut mos est quibusdam mundanis .

Præterea, nos invenimus Marci 6. v. 8. quod Dominus prohibuit eis panem ferre , tamen ipsi Valdenses ferunt eum . In alio autem tempore repertiuntur panes secum tulisse Apostoli ; unde Matt. 14. v. 17. dicunt : *Non habemus hic nisi quinque panes , & duos pisces* . (v. 18.) *Qui ait illis : Afferte mihi illos huc* ; Illos autem secum tulerant de quodam loco , ubi spatium manducandi præ multitudine hominum concurrentium non habebant , ut dicitur Marci 6. v. 31.

Præterea, si illa mandata Matth. 10. Marci 6. Lucæ 10. non sunt particularia , vel ad tempus data , vel ad sonum literæ sunt intelligenda , fere omnium transgressores sunt quæ ibi dicuntur , nec enim leprosos curant , & sic de similibus : quæ si volunt spiritualiter intelligere , constat quod ad literæ sonum hoc fecerunt Apostoli .

Præterea, quare hoc spiritualiter non intelligatur *nolite possidere &c.* Similiter illud septuaginta duobus discipulis dictum Lucæ 10. v. 4. & seq. nullo modo implent ad sonum literæ ; fuculos enim , & peras portant ad libros suos portandos , calceamenta gerunt , per viam salutant , cumque in domum aliquam intrant , non dicunt primum pax huic domui ; de domo in domum transeunt , infirmos non curant , exeuntes de civitate aliqua quæ eos non recepit , non dicunt , etiam pulverem , qui adhæsit nobis de civitate vestra extergimus in vos .

Objiciunt etiam hæretici probare volentes , quod non liceat possidere domos per illud Matth. 8. v. 20. *Vulpes foveas habent , & volucres cæli nidos : filius autem hominis non habet ubi caput reclinet* .

Solutio : Licet Christus in eo quod homo , non haberet domum specialem & propriam , sicut mos est hominibus , in eo tamen quod Deus , habebat omnem domum , omnis enim domus materialis sua erat , quidquid Cathari fabulentur ; loquimur ergo de eo secundum humanitatem , secundum quam nullam domum sibi deputatam habebat . Dico ergo , quod quamvis dicat se non habere , non tamen prohibuit discipulis habere , ut patebit inferius .

Item , objiciunt illud Matth. 19. v. 21. *Si vis perfectus esse , vade , & vende omnia quæ habes , & da pauperibus* . Ad hanc perfectionem nullus magis tenetur quam Summus Pontifex , & post eum Episcopi , & Prælati Ecclesiarum .

Item

Item Lucæ 14. v. 33. *Sic ergo omnis ex vobis, qui non renunciat omnibus quæ possidet, non potest meus esse discipulus.* Prælati ergo vel non sunt discipuli Christi, vel oportet eos renunciare omnibus quæ possident.

Solutio: Ad primum est, quod Dominus Papa, & Ecclesiarum Prælati non sunt possessores rerum Ecclesiæ, idest Domini earum, sed vice Christi, qui est verus Dominus, sunt dispensatores earum; non enim sunt res Ecclesiæ illorum propriæ, sed communes ut sibi, & familiæ suæ, prout cuique opus est provideant, superflua vero pauperibus distribuunt. Sic etiam de aliis Clericis intelligendum est. Qui autem aliter faciunt, non excuso eos, tamen per gratiam Dei aliqui sunt tales.

Ad secundum dico, quod duplex est (5) abrenunciatio, una abjectionis, idest remotionis rerum ex toto a se; hæc est abrenunciatio perfectionis, quia perficit, & signum est perfectæ charitatis in Deum, de hac perfectione dictum est: *Si vis perfectus esse &c.* Hæc perfectio non est præcepti, sed tantum voluntatis; unde dicit Christus adolescenti: *Si vis perfectus esse &c.* Est & alia abrenunciatio subjectionis, qua abrenunciatione quis subicit sibi res; hoc autem facit, qui non præponit eas Deo, vel sibi, imo potius ex toto illis careret, quam Dei gratia vellet se privare; sciens scriptum esse Mat. 10. v. 37. *Qui amat patrem, aut matrem plus quam me, non est me dignus;* sicut tactum est in quarta parte huius operis in principio capitis de Matrimonio supra illud verbum Mat. 19. v. 29. *Omnis qui reliquerit domum, vel fratres, aut sorores &c.* Ista abrenunciatio necessitatis est, non tantum voluntatis, ad hanc tenetur quilibet, nullus sine hac discipulus est Christi, idest non imitatur ejus magisterium contemnendo ejus præceptum; hic non dixit, si vis meus esse discipulus, sicut dixit, si vis perfectus esse Mat. 19. v. 22. Aliqui ergo possunt esse Christi discipuli, & esse divites; sicut illi qui non appetiuntur divitias plus quam Deum. Hoc autem patet Act. 11. v. 29. ubi dicitur: *Discipuli autem, prout quis habebat, proposuerunt singuli in ministerium mittere habitantibus in Judea fratribus.*

Item Mat. 19. v. 24. *Facilius est camelum per foramen acus transire (6); quam divitem intrare in regnum cælorum.*

Item Lucæ 6. v. 24. *Verumtamen vae vobis divitibus, quia habetis consolationem vestram.*

Item Johan. 22. v. 21. *Sicut misit me Pater, & ego mitto vos.* Quasi dicat misit me pauperem, & ego mitto vos pauperes.

Item Jacobi 2. v. 7. *Audite, fratres mei dilectissimi, nonne Deus elegit pauperes in hoc mundo, di-*

vites in fide, & hæredes regni quod repromisit Deus diligentibus se?

Solutio ad primum, & secundum est, quia non intelligitur de omni divite; unde Marci 10. ubi de eadem re loquitur, dicit v. 24. *Filioli, quam difficile est, confidentes in pecuniis in regnum Dei introire!* & subdit v. 25. *Facilius est Camelum per foramen acus transire, quam divitem intrare in regnum Dei.* Loquitur ergo Dominus in Matthæo de divite confidente in divitiis, & ita de malo divite. Similiter in Luca loco citato non dixit vae vobis divitibus tantum, sed addidit, *quia habetis hic consolationem vestram,* idest quam quæritis neglecta æterna, & spiritali consolatione, qualis erat ille dives de quo dicitur Lucæ 16. v. 19. *Homo quidam erat dives, qui induebatur purpura, & bysso, & epulabatur quotidie splendide.* Sed sunt alii divites consolationem terrenam non quærentes, sed cælestem, sicut Joseph de quo legitur Mat. 27. v. 57. *Qui erat dives, & discipulus Jesu;* Lucas autem dicit 23. v. 10. *Qui erat Decurio;* Marcus autem 15. v. 43. *qui nobilis Decurio;* & dicitur Decurio, quasi de ordine curiæ officium ibi aliquod administrans, & dicit Lucas 23. v. 50. quod erat vir justus, & bonus: Nunquid isti diviti dicitur vae? Non: potest ergo aliquis esse dives, & discipulus Christi, & intrare regnum Dei, licet difficulter; unde prius dixerat Mat. 10. v. 23. *Dives difficile intrabit in regnum cælorum;* sed non dixit impossibile est, sed difficile; nec mirum, cum Petri 1. cap. 4. v. 18. dicatur: *Et si justus vix salvabitur,* & Act. 14. v. 21. dicit Paulus: *Quoniam per multas tribulationes oportet nos intrare in regnum Dei.* Sciendum autem, quod Jerosolymis quædam porta erat, quæ foramen (7) acus dicebatur, per quam Camelus nisi deposito onere, & flexis genibus transire non poterat; merito ergo Camelus divites significat, qui non possunt intrare foramen acus, idest viam arctam, quæ ducit ad vitam, nisi divitiis, saltem non amando eas plus quam Deum, depositis; deposito etiam peccatorum onere, & flexis genibus, idest humiliata intelligentia per fidem, & voluntate per obedientiam mandatorum Dei. Ad idem quod objiciunt de Johanne, *Sicut misit me Pater &c.* dicendum, quod licet illos pauperes miserit, tamen divitias per hoc non prohibuit.

Præterea jam dictum est, quod Prælati Ecclesiarum non sunt Domini divitiarum Ecclesiæ, sed tantum dispensatores, unde bene potest eis convenire illud 2. Corinth. 6. v. 10. *tanquam nihil habentes, & omnia possidentes;* tanquam nihil habentes proprium, in hoc pauperes sunt; omnia autem possidentes, ut dispensatores bonorum omnium ipsius Ecclesiæ; sunt ergo sicut ille de quo dicitur Ps. 48.

L I I

v. 3.

(5) Latum esse discrimen inter $\pi\acute{o}$ renunciare omnibus, & $\pi\acute{o}$ relinquere omnia docet Venerabilis Beda: lib. xiv. in Lucam cap. 12. *Paucorum,* inquit, *perfectorum est relinquere omnia, curas mundi postponere, solis desideriis æternis inhiare. Cunctorum autem fidelium est renunciare omnibus, quæ possident, hoc est, sic tenere ea quæ mundi sunt, ut tamen tota mente ad cælestia tendant.* Clemens Alexandrinus Lib. 111. *Pædagog.* Cap. vi. pag. 1745. Edit. Oxonien. *Divitiæ,* inquit, *sunt serpenti similes, quem si quis nescit inoffense accipere, is manu circumspicabitur, & mordebit. Sed si quis se magnificum præbens, scienter eis utatur, illæsus manebit.*

(6) Occupat hoc objectionis genus multo ante Monetam Johannes Chrysostomus *Homilia lxxiii. al. cxxiv. in Mat. To. vii. Opp. n. 2. Non pecuniam vituperans,* inquit, *sed eos, qui detinentur ab ipsi. . . . Unde ostenditur, non parvam mercedis parari divitibus, qui philosophari possint &c.*

(7) Sumpta hæc sunt a Petro Comestore, quem Magistrum Historiæ Scholasticæ vocant. Verum interpretes, qui in criticis versati sunt, negant ullam Urbis Hierusalem portam fuisse, quæ acus foramen appellaretur. Vide Calmetum in hunc locum Matthæi, & Maldonatum, & Grotium &c.

v. 3. *Simul in unum dives, & pauper*. Ad illud Jacob, quod Dominus elegit pauperes, verum est, & tamen divites non abiecit, qui volunt bene uti divitiis suis, ut patet in Joseph, de quo prius dictum est.

§. II.

Probatur quod liceat Successoribus Apostolorum terrena possidere & in proprio, & in communi.

Nunc ad secundam partem capitis transeuntes ostendamus quod Ecclesia Dei in Prælatiis, qui sunt prædicatores populi sui, potest divitias habere, & tam mobilia, quam immobilia. Hoc autem patet in Josepho nobili Decurione ut prius dictum est super illud verbum *facilius &c.*

Item de Apostolis Marci 6. v. 37. legitur: *Et dixerunt ei, euntes emamus ducentis denariis panes, & dabimus illis manducare*. Sic ergo habebant ad minus ducentos denarios.

Item Johan. 4. v. 8. *Discipuli enim ejus abierant in civitatem, ut cibos emerent*. Sic ergo habebant ut eos emerent.

Item Johan. 13. v. 29. *Quidam enim putabant, quia oculos habebat Judas, quod dixisset ei Jesus: Eme ea, quæ opus sunt nobis ad diem festum: aut egenis ut aliquid daret*.

Item I. Timoth. 3. v. 2. dicitur, quod oportet Episcopum esse hospitalem; officium autem istud non potest exerceri sine facultatibus; licet ergo Episcopo habere facultates.

Item I. Petri 4. v. 9. *Hospitales invicem sine murmuratione*. Et quod de perfectis istud velit, patet per illud quod eidem dicit I. cap. v. 13. *Sobrii perfecte sperate in eam, quæ offertur vobis gratiam, in revelationem Jesu Christi*. Nonne Beata Virgo habens Dei filium in utero, domum habebat? Utique; dicitur enim Lucæ 1. v. 56. *Mansit autem Maria cum illa (idest Elisabeth) quasi mensibus tribus; & reversa est in domum suam*. Ergo habuit domum.

Item Matth. 8. v. 14. *Et cum venisset Jesus in domum Petri: vidit socram ejus jacentem, & febriçantem*; ergo Petrus domum habebat. Si autem dicant, quod Apostoli Christi post acceptionem Spiritus Sancti quinquagesima die non leguntur habuisse domum vel pecuniam.

Solutio: Nec camisciam, nec caputium; Nunquid propter hoc non habuerunt?

Præterea: imo Actor. 4. v. 34. & 35. ponebantur pretia agrorum & domorum ad pedes Apostolorum; sic igitur Apostoli habebant illa pretia.

Item I. Corinth. 13. v. 3. *Et si distribuero in cibos*

pauperum omnes facultates meas. Ergo aliquid habebat.

[*] Item ad Philemonem v. 18. ait de Onesimo. *Si autem aliquid nocuit tibi, aut debet: hoc mihi imputa*. (v. 19.) *Ego Paulus scripsime a manu: ego reddam*. Verisimile ergo est, quod aliquid habebat.

Item Act. 20. v. 35. *Quoniam ad ea quæ mihi opus erant, & his qui mecum sunt ministraverunt manus istæ; ergo aliqua habebat* [*].

Præterea, Ecclesia Macedoniæ habebat possessiones aliquas, unde pauperibus provideret; ut habetur 2. Corinth. 8. v. 2. & seq. Ibidem etiam patet quod Corinthiorum Ecclesia abundabat in rebus temporalibus; unde ibi dicit Apostolus v. 14. *In presenti tempore vestra abundantia illorum inopiam suppleat*; de utraque enim Ecclesia dicitur, scilicet Macedoniorum, & Achajorum, idest Corinthiorum, quia in Achaja erat Corinthus Metropolis civitas; *Probaverunt enim Macedonia, & Achaja, collationem aliquam facere in pauperes Sanctorum, qui sunt Jerusalem*. Placuit enim eis; & debitores sunt eorum. Nam si spiritualium eorum participes facti sunt Gentiles: debent & in carnalibus ministrare illis. Ad Rom. 15. v. 26. & 27. Ipse etiam dicit 2. Corinth. 11. v. 7. Se Evangelizasse gratis Evangelium Dei Corinthiis, & subdit unde viveret v. 8. *Alias Ecclesias expoliavi, accipiens stipendium ad ministerium vestrum*. (v. 9.) *Et cum essem apud vos, & egerem; nulli onerosus fui; nam quod mihi deerat, suppleverunt fratres, qui venerunt a Macedonia*. Ex hoc patet, quod illæ Ecclesiæ possidebant aliquid; & Paulus etiam stipendia ab illis accepta habebat.

Item Actor. 11. v. 29. *Discipuli autem prout quis habebat, proposuerunt singuli in ministerium mittere habitantibus in Judæa fratribus*: (v. 30.) *Quod & fecerunt, mittentes ad seniores per manus Barnabæ, & Sauli*. (8)

Nunc autem alia testimonia Prophetarum traducemus, quibus manifestum sit, quod ex Domini promissione Ecclesia esset possessura divitias. Legitur Isaïæ 49. v. 23. quod Dominus dixit Ecclesiæ. *Et erunt Reges nutritii tui, & Reginae nutrices tuæ* (9). Quod completum est in Constantino, & Helena matre ejus: paulo ante in eodem cap. v. 7. dixerat ei: *Reges videbunt, & consurgent principes, & adorabunt propter Dominum, quia fidelis est, & Sanctum Israel, qui elegit te*.

Item Isaïæ 60. v. 6. & in pluribus aliis. *Omnes de Saba venient, aurum, & thus deferentes*.

Item 61. v. 5. *Et stabunt alieni, & pascent pecora vestra: Et filii peregrinorum, agricola, & vinitores vestri erunt*. (v. 6.) *Vos autem Sacerdotes Domini vocabimini: Ministri Dei nostri, dicetur vobis: Fortitudinem gentium comedetis, & in gloria*

[*] Quæ duobus asteriscis complexi sumus, defunt e Cod. Bonon.

(8) Consule Severum in *Catena* in Cap. xx. Jobi pag. 473. Theophilactum in Cap. xxvii. Matthæi, & his longe antiquiores Chrysostomum Homil. II. ad Populum Antiochenum, & Basilium Magnum in Isaïæ Caput xi. & Clementem Alexandrinum lib. III. Strom. pag. 449 Edit. Paris. Ubi: honeste, inquit, divitem esse non prohibuit Deus, sed esse divitem injuste, & insatiabiliter.

(9) Tametsi ea, quæ circumfertur facta a Constantino Romana Ecclesiæ donatio ab eruditis fere omnibus, tamquam com-

mentitia explosa sit; negari tamen non potest Constantinum summa liberalitate certasse, ut Romanam Ecclesiam amplissimis donis ornaret. Id vero non ex Anastasio Bibliothecario solum, verum etiam ex Scriptoribus Ethnicis constat, & cum primis Ammiano Marcellino lib. xxvii. Cap. III. Vide Muratorium Tom. v. Antiq. Italicarum Dissert. lxxix. ubi, qui fuerit post Constantinum Romanorum Pontificum splendor, & Romanæ Ecclesiæ magnificentia, in pauperum tamen usum derivata, luculenter ostendit. Consule Baronium quoque ad ann. 362.

via earum superbietis . Idem habetur Daniel. 7. v. 27. *Regnum autem , & potestas , & magnitudo regni , quæ est subter cælum detur populo sanctorum Altissimi : cuius regnum , regnum sempiternum est , & omnes reges servient ei , & obediunt .* Idem etiam patet in psalmo 2. de Christo capite Ecclesiæ v. 8. *Postula a me , & dabo tibi gentes hæreditatem tuam , & possessionem tuam terminos terræ .* Idem patet in psalmo 71. v. 1. *Deus iudicium tuum regi da , & iustitiam tuam filio regis .* Ex his patet , quod Prædicatores , sive Prælati Ecclesiarum , quorum est prædicationis officium , multa habere possunt ad dispensandum . Posito etiam , quod Apostoli nihil possessionum immobilium habuerunt , hoc non fuit , quia illicitum sit , sed ut nullis temporalibus impediti facilius ad prædicandum Evangelium per totum mundum discurrerent ; cessante autem causa , cessat & effectus , unde fundatis Ecclesiis per orbem terrarum , & per singulas Ecclesias Episcopis , & Præbyteris , ut habetur Act. 14. v. 22. & aliis in locis ; restat ut pascat unusquisque eos , qui sub manu sua sunt ; ut dicitur Jeremiæ 6. v. 3.

Item Apostoli , & primitivi credentes prædia , & castella non habebant attendentes illud , quod Paulus , & Barnabas dicunt Act. 13. v. 46. *Vobis oportebat primum loqui verbum Dei : sed quoniam repellitis illud , & indignos vos iudicatis æternæ vitæ , ecce convertimur ad gentes ;* tunc enim implebatur illa Scriptura psal. 2. v. 2. ut dicit Augustinus ad Vincentium : *Astiterunt reges terræ , & principes convenerunt in unum adversus Dominum , & adversus Christum ejus ;* Supple in persona sua , & postea in membris . Sed tempore procedente licuit Ecclesiæ illa habere , & impleta est illa Prophetia ejusdem psalmi v. 10. *Et nunc reges intelligite , erudimini , qui iudicatis terram .* (v. 11.) *Servite Domino in timore : & exultate ei cum tremore .* Utrumque autem tempus in Nabuchodonosor præfiguratum fuit , & quod sub Apostolis habuit , & quod nunc habet Ecclesia ; temporibus eorum illud impletum est , quod figuratum est , quando Rex ille cogebat adorare simulacrum , & recusantes mittebant in ignem , ut dicitur Daniel. 3. v. 6. nunc autem illud impletur , quod paulo post in eodem Rege præfiguratum fuit , quando conversus ad orandum Deum verum , decrevit , ut quicumque blasphemaret Deum Sidrach , & sociorum ejus , dispereat , & domus ejus vastetur , ut habetur Daniel 3. v. 96.

§. III.

An liceat propria relinquere , & de quaestu vivere ?

DUabus partibus hujus capituli pertractatis accedendum est ad tertiam . Respondendum est

quibusdam objectionibus Catharorum (10) , qui statum paupertatis assumere abjectis divitiis propriis , & de eleemosynis quærere victum , & vestitum blasphemant . Ad hoc autem ostendendum inducunt illud , quod legitur in psal. 36. v. 25. ut dicit David : *Et non vidi justum derelictum , nec semen ejus quærens panem ;* Ex quo volunt , quod semen justus ; idest Christi , non sumus , cum panem quæramus .

Solutio : Non dixit David , si quis panem quærere non est semen justus , sed dixit se nunquam vidisse justum derelictum , nec semen ejus quærere panem : & si non viderit , tamen esse potuit ; posito etiam , quod tunc non fuerit , tamen ita est , postquam Christus venit , & paupertatem consuluit dicens Matth. 19. v. 21. *Si vis perfectus esse , vade , & vende omnia , quæ habes , & da pauperibus .* Ipse etiam paupertatem assumpsit in se ipso ; unde 2. Corinth. 8. v. 9. dicit Apostolus : *Scitis enim gratiam Domini nostri Jesu Christi , quoniam propter vos egenus factus est , cum esset dives , ut illius inopia vos divites essetis .* Constat etiam ex Mat. 10. v. 9. quod Dominus noster mandavit suis discipulis , ut non possiderent aurum , vel argentum in zonis suis , sic voluit , quod pretium secum ferrent , quo panem emere possent . Marci autem 6. v. 8. mandavit eis , quod nec panem secum ferrent . Dixit autem eis Matth. 10. v. 11. *In quacunque autem civitatem , aut castellum intraveritis , interrogate , quis in ea dignus sit ; & ibi manete donec exeat .* Sic ergo petebant hospitium . Dicit autem Luc. 10. v. 7. *In eadem autem domo manete edentes , & bibentes , quæ apud illos sunt .* Cum ergo secum non ferrent , quis sani capitis est , qui dubitet , quin peterent cibum ?

Præterea , nonne pauperes , quierant in Jerusalem sancti erant , & tamen per Apostolos quærebant ab Ecclesia carnalia ?

Objiciunt etiam illud Matth. 6. v. 25. *Ne solliciti sitis animæ vestræ , quid manducetis , neque corpori vestro quid induamini .* Si enim quærimus quotidie , inde solliciti sumus .

Solutio : Quid (11) dicent ipsi , cum ad nundinas vadunt , ut ea , quæ sibi opus sunt ad victum , & vestitum acquirant ? Qualiter autem hoc intelligendum sit , dictum est in prima parte hujus capituli .

Similiter objiciunt illud Lucæ 12. v. 29. *Et vos nolite quærere , quid manducetis , aut quid bibatis .*

Solutio : Non prohibuit quærere cibum , aut potum absolute , sed cum prava sollicitudine , de qua supra dictum est . Et quod ita solvendum sit , patet ex Matth. 6. v. 3. Ubi loco verborum Lucæ dicit : *Nolite ergo solliciti esse dicentes : Quid manducabimus , aut quid bibemus .* dicentes ait , idest quærentes , & ponit quæstionem , quid manducabimus &c.

Objiciunt etiam illud Matth. 7. v. 12. *Omnia ergo quacunque vultis , ut faciant vobis homines , & vos facite illis .* Dicunt etiam , quod contra hoc

L 112

manda-

(10) Monachos omnes ad victum sibi labore manuum comparandum teneri , omni quaestu semoto post Catharos , & Guillelmum Santamorium , effutierunt quoque Lutherus , Vviclefus , Zuinglius , Calvinus , eorumque sectatores .

(11) Apposite S. Thomas Opusc. xviii. Cap. xvi. *Quis non*

videat , inquit , in immensum majoris sollicitudinis esse possessionibus procurandis curam impendere , ad quod vix seculares sufficiunt , quam acquirere simplicem victum . . . ex fidelium pietate collatam , & clementia divina provisum .

mandatum venimus, quia corporaliter cibos, & vestes nobis dari volumus, de aliis autem sic cibandis, aut vestiendis non curamus.

Solutio: Dicimus, quod in hoc mentitus est hæreticus, imo curamus de aliis cibandis, & vestiendis corporaliter, & prout possumus aliquando subvenimus pauperibus in utroque.

Præterea, nunquid peccabant pauperes Sancti, qui erant Jerosolymis, qui a gentilibus volebant sibi dari carnalia, cum ipsi non facerent hoc gentilibus, sed spiritualia dabant eis? Absit. Dicit enim Apostolus Rom. 15. v. 27. *Placuit enim eis: & debitores sunt eorum: Nam si spiritualium eorum participes facti sunt gentiles: debent, & in carnalibus ministrare illis.*

Ad idem inducunt illud 1. ad Thessalon. ubi dicit Apostolus v. 11. *Et nullius aliquid desideretis.* Dicunt enim, nos contra huiusmodi præceptum venire, quia cupimus aliena.

Solutio: Imo ipsi magis contra hoc veniunt, quam nos, vadunt enim ad nundinas, & quare? nisi ut lucrentur aliena bona; cupiunt enim ea lucrari. Ad hoc forte dicent, non cupimus ea, quæ ipsorum sunt, nisi demus eis, & nostra. Ad quod dico, si de tuis temporalibus cupis habere temporalia illius; multo magis de spiritualibus meis, quæ eis semino, possum capere, & sperare temporalia ipsorum, juxta quod Apostolus ait 1. Corinth. 9. v. 11. *Si nos vobis spiritualia seminavimus magnam est, si nos carnalia vestra metamus?*

Item 2. Corinth. 8. v. 14. *In præsentem tempore vestra abundantia illorum inopiam suppleat.* Dicamus ergo, quod duplex est cupiditas rei alienæ; una habendi eam, vel per rapinam, vel per otium vitandi labores manuum; hæc intentio est prohibita: alia est cupiditas habendi rem alienam per misericordiam, hæc bona est; Ab hac laudatur Lazarus Lucæ 16. v. 19. & seq. Alia vero, quia seminat spiritualia, hæc fuit in Apostolis 1. Corinth. 9. v. 10. *Quoniam debet in spe, qui arat, arare: & qui triturat, in spe fructus percipiendi.*

Ad idem inducunt illud Act. 20. v. 33. Ubi Apostolus Paulus ait: *Aurum, & argentum, aut vestem nullius concupivi.*

(12) Hoc item objiciebant Religiosis Mendicantibus, qui a Guillelmo Sanctamorio stabant. S. Thomas Opusc. xix. Cap. v. pag. 181. Edit. Lugd. an. 1562. Sic eos inducit loquentes: *Aurum xx. super illud: beatius est magis dare, quam accipere, dicit glossa: illos maxime glorificat, qui cunctis, quæ possident in semet renunciante, nihilominus operando, ut habeant unde tribuant necessitatem patienti: igitur omnes religiosi ad hoc debent tendere, ut manibus operentur.*

(13) Ita quoque S. Thomas l. mox indicato Cap. vii. pag. 180. Vult, inquit, Apostolus, ut intelligat Evangelista, (scilicet qui prædicat Evangelium) quod necessaria sibi sumere licet ab eis, in quibus Deo militat, & quos tamquam vineam cultor exercet, vel tamquam gregem pascit. Capite autem sexto dixerat pag. 185. *Ad ostendendum paupertatem actualem ad Evangelicam perfectionem pertinere, assumatur illud, quod dicitur Matthæi xix. Si vis perfectus esse vade, & vende omnia.*

(14) Erat hoc etiam a Guillelmo Sanctamorio adhibitum, ut constat ex eodem S. Thomæ opusculo pag. 184. *Apostolus, ait Sanctamorii nomine, dat formam fidelibus elemosynas faciendi, sic dicens si voluntas prompta est secundum id, quod habet &c.* Patet igitur Sanctamorium Vigilantio, & Catharis tribuisse auctoritatem, etsi Catholicum se esse jactaret. Audiendus S. Thomas ibid. pa. 184. seq. Nec solum, inquit, contentus fuit (Vigilantius) Jovinianum imitari, consilium de virginitate evacuant, sed superad-

Solutio: Propter hoc non removet, quin poterit capere secundum prædictum modum. Similiter potuit circumducere sororem, sed non fecit. Nunquid propter hoc dices, peccatum esse circumducere eam? Non: alioquin peccassent alii: Nunquid & peccavit Paulus non utens illo ordinamento 1. Corinth. 9. v. 14. *Qui Evangelium annunciant, de Evangelio vivant, quod Dominus voluit, & dixit Matth. 10. v. 10. Dignus enim est operarius cibo suo; sed alii Apostoli sunt usi; ipse non.*

Item objiciunt illud, quod dicit Paulus Act. 20. v. 35. *Oportet meminisse verbi Domini Jesu, quoniam ipse dixit: Beatius est magis dare (12), quam accipere.* Minus ergo bona est conditio eorum, qui spretis propriis, & abjectis, aliena quærunt.

Solutio: Si ita esset, frustra dixisset Dominus Matth. 19. v. 21. cuidam Adolescenti: *Si vis perfectus esse, vade, & vende omnia quæ habes, & da pauperibus.*

Item, ibi dicit Petrus v. 27. *Ecce nos reliquimus omnia, & secuti sumus te &c.*

Item v. 29. *Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.* Dico ergo, quod Dominus non præponit divites elemosynas de suis divitiis largientes illis, qui omnibus relictis pro Christo sequuntur eum; sed illos dicit beatiore, qui cunctis, quæ possident derelictis, Evangelium annuntiant gratis, non viventes de Evangelio, idest inde sumptus non quærendo, quam eos, qui inde sumptus accipiunt, attendentes, quod Dominus ordinavit his, qui Evangelium annunciant, de Evangelio vivere (13), quo ordinamento Apostolus non est usus sicut ipse dicit 1. Corinth. 9. v. 15. licet alii Apostoli uterentur eo.

Ad idem inducunt illud Corinth. Epist. 2. Cap. 8. v. 12, *Si enim voluntas prompta est: secundum id, quod habet (14), accepta est, non secundum id, quod non habet:* Ergo qui sic dat sua, ut postea non habeat, non est a Deo acceptus.

Solutio: Dupliciter contingit dare sua, ut ostendit Apostolus. Uno modo secundum id, quod habet,

„dere ausus est etiam, ut consilium de paupertate servanda destrueret omnino. Unde Hieronymus de eo dicit (Epist. lxxxv. Contra Vigilantium pag. 86. Edit. Roman. an. 1575. Tom. II.) „Quod autem asserit eas melius facere, qui utuntur rebus suis, „& paulatim fructus possessionum pauperibus dividunt, quam „illos, qui possessionibus venundatis, simul omnia largiuntur, „non a me ei, sed a Domino respondebitur, si vis perfectus esse, „vade & vende omnia, quæ habes &c. Matth. xix. Hic autem „error per successiones errantium, usque ad hodierna tempora „pervenit, & in hæreticis quibusdam, qui Cathari nominantur „permanet, & adhuc permanet, sicut patet in quodam Tractatu „cujusdam Desiderii hæresiararchæ Lombardi nostri temporis, „quem edidit contra Catholicam veritatem, in quo, inter cetera, „condemnat statum eorum, qui relictis omnibus egere volunt cum Christo. Nuper autem, quod est horribilius, anti- „quus error renovatus est ab his, qui fidem defendere videbantur; „qui more errantium in pejus procedentes, non sunt contenti divitias paupertati æquare, ut Jovinianus, vel divitias „paupertati præferre, ut Vigilantius; Sed paupertatem totaliter „condemnare: dicentes non esse licitum sua omnia pro Christo „relinquere, nisi talem religionem intret, quæ possessiones „habeat, vel nisi talis sit, qui de labore manuum vivere intendat.

bet, quod contigit quando scilicet (15) quis dat aliis ita, ut etiam habeat sibi, quod opus est. Alio modo secundum id, quod non habet, quando quis ita dat, ut postea non habeat, quando scilicet omnia sua dat; nemo dubitat quin voluntas, & actio talis sit accepta a Deo, alioquin Dominus decepisset Adolescentem dicens Matth. 19. v. 21. *Si vis perfectus esse &c.*

Item v. 29. frustra dixisset: *Et omnis, qui reliquerit &c.* Imo ex verbis Domini patet, quod istud magis acceptum est Deo, unde quod dixit Apostolus, sic est intelligendum. Si enim voluntas prompta est ad dandum, secundum id, quod habet accepta est, non tantum secundum id, quod non habet.

Obijciunt etiam, & dicunt, quod contra verba Apostoli venimus, quia non laboramus manibus nostris (16); dicit enim Apostolus ad Ephes. 4. v. 28. *Qui furabatur jam non furetur, magis autem laboret operando manibus suis, quod bonum est, ut habeat, unde tribuat necessitatem patienti.*

Item 1. Thessal. 4. v. 11. *Et operamini manibus vestris.*

Item 2. Thessal. 3. v. 10. *Quoniam si quis non vult operari, nec manducet.* Ad laborem etiam invitat per exemplum suum Actor. 20. v. 34. *Quoniam ad ea, quæ mihi opus erant, & his, qui mecum sunt, ministraverunt manus istæ (v. 35.) Omnia ostendi vobis, quoniam sic laborantes, oportet suscipere infirmos.*

Item Actor. 18. v. 1. *Post hæc egressus ab Athenis, venit Corinthum (v. 2.). Et inveniens quemdam Judæum nomine Aquilam Ponticum genere, qui nuper venerat ab Italia, & Priscillam uxorem ejus (eo, quod præcepisset Claudius discedere omnes Judæos a Roma) accessit ad eos (v. 3.). Et quia ejusdem erat artis, manebat apud eos, & operabatur (erant autem scenofactoriæ artis). Id est faciebat tentoria, vel funes; quia scenos græce, latine dicitur funis.*

Item 1. Thessal. 2. v. 9. *Memores estis fratres, laboris nostri, & fatigationis: nocte ac die operantes, ne quem vestrum gravaremus, prædicavimus in vobis Evangelium Dei.*

Item 2. Thessal. 3. v. 7. *Ipsi enim scitis, quemadmodum oporteat imitari nos: quoniam non inquieti fuimus inter vos.* Id est non vagi, ut illi, qui se ipsos negligentes aliena negotia tractant. Unde 1. Thessal. 4. v. 11. dixit eis: *Et operam detis, ut quieti sitis, & ut vestrum negotium agatis.* Sequitur in secunda Epistola cap. 3. post illa verba v. 8. *Ne-*

que gratis panem manducavimus ab aliquo, sed in labore, & fatigatione, nocte, & die operantes, ne quem vestrum gravaremus (v. 9.). Non quasi habuerimus potestatem, sed ut nos metipsos formam daremus vobis ad imitandum nos. Hæc est illa potestas de qua ipse dicit 2. Corinth. 10. v. 8. *Nam, etsi amplius aliquid gloriatus fuero de potestate nostra, quam dedit nobis Dominus in ædificationem, & non in destructionem vestram: non erubescam.*

Item 1. Corinth. 9. v. 12. *Sed non usi sumus hac potestate.*

Solutio: Etsi liceat laborare (17), non tamen præceptum est omnibus, non enim præceptum est Prædicatoribus, & feminantibus spiritualia; imo Dominus ordinavit, ut de Evangelio vivant, sicut sæpe dictum est; hoc autem ideo fecit, quia prævidebat, nullum terrenis laboribus implicatum posse libere prædicare. & spiritualia seminare, & ad hoc exhortatus est discipulos primitivos Matth. 6. v. 26. & seq. per similitudinem avium cæli, & liliorum agri; retraxit ergo eos a corporali labore, ut spirituali labori, id est prædicationi, & proximorum saluti liberius vacarent; spiritualis enim labor terreno præfertur, de quo dicitur Lucæ 10. v. 2. *Messis quidem multa, operarii autem pauci. Rogate ergo Dominum messis, ut mittat operarios in messem suam.*

Item Matth. 10. v. 10. *Dignus enim est operarius cibo suo.*

Item David psalm. 127. v. 2. *Labores manuum tuarum quia manducabis.* Et sciendum, quod non dixit labora manibus tuis, quod manduces, sed tu qui manducabis labores manuum tuarum, *beatus es, & bene tibi erit;* quod de spirituali labore intelligitur, & de spiritualibus manibus ipsius prædicatoris, id est de verbis divinis, de quibus dicitur Proverb. 18. v. 21. *Mors, & vita in manu linguæ, id est in verbis.* Quod etiam Christus determinat Matth. 12. v. 37. *Ex verbis enim tuis justificaberis, & ex verbis tuis condemnaberis.* De isto spirituali labore dicitur in Johanne cap. 6. v. 27. *Operamini non cibum qui perit, sed permanet in vitam æternam.* Concedimus autem, quod illi, qui non habent necessaria, nec sunt spiritualium feminatores, debent, prout possunt, intendere labori terreno, ne panem alienum gratis manducant. Non sic faciebant quidam Thessalonicenses, imo volebant esse in otio, & de alieno non tantum ad sustentationem, sed etiam ad voluptatem vivere. Unde 2. Thessal. 3. v. 11. *Audivimus enim inter vos quosdam ambulare inquiete, nihil operantes, sed curio-*

(15) Consulendus S. Thomas ibid pag. 186.

(16) S. Thomas ibid. cap. v. pag. 180. Item, inquit, inducunt hoc, quod habetur ad Ephes. 1v. *Laboret operando manibus suis &c.* refert porro testimonia cetera, quæ a Catharis asserbantur. Consulitor.

(17) S. Thomas 11. 11. *Quæst. cxxxvii. art. 111. Ad quintum eodem fere modo hoc ipsum argumentum repellit: Dicendum, inquit, quod hoc, quod Apostoli manibus laboraverint, quandoque quidem fuit necessitatis, quandoque supererogationis. Necessitatis quidem, quando ab aliis victum invenire non poterant: unde super illud 1. Cor. 1v. *laborantes manibus nostris:* dicit glossa, quia nemo dat nobis: supererogationis autem, ut patet per illud, quod habetur 1. Cor. 1x. ubi dicit Apostolus, quod non est usus potestate, quam habebat vivendi de Evangelio. Hac autem supererogatione utebatur Apostolus tribus de causis: Primo*

quidem, ut occasionem prædicandi auferret Pseudo Apostolis, qui propter sola temporalia prædicabant; unde dicit 11. Cor. xi. Quod autem facio, & faciam, ut amputem eorum occasionem &c. Secundo ad evitandum gravamen eorum, quibus prædicabat, unde dicit 11. Cor. xii. Quid minus habuistis præ ceteris Ecclesiis, nisi quod ego ipse non gravavi vos: Tertio ad dandum exemplum operandi otiosis 11. Thessalon. 111. dicit. Nocte & die operantes, ut formam daremus vobis ad imitandum nos. Quod tamen non faciebat Apostolus in locis, in quibus habebat facultatem quotidie prædicandi, sicut Athenis, ut August. dicit in lib. De Opere Monach. Non autem propter hoc Religiosi tenentur Apostolum in hoc imitari, cum non teneantur ad omnes supererogationes, unde nec alii Apostoli manibus operabantur. Consulitor idem ipse. S. Thomas Opusc. xix. Cap. v. Adeundus etiam Augustinus lib. De Opere Monachorum, ubi fusi hoc ipsum argumentum persequitur.

curiose agentes; sicut supra dixerat v. 10. *Nam, & cum essemus apud vos hoc denuntiabamus vobis; quoniam si quis non vult operari, nec manducet; Et ponit causam hujus denuntiationis, ubi ostendit de quibus loquitur. Audivimus enim inter vos quosdam ambulare inquiete, nihil operantes, sed curiose agentes; idest victum sibi aquirentes quibusdam curiositatibus (v. 12. *Iis autem, qui ejusmodi sunt, denuntiamus, & obsecramus in Domino Jesu Christo, ut cum silentio operantes, suum panem manducet. Et paulo post v. 14. Quod si quis non obedit verbo nostro per Epistolam, hunc notate, & ne commisceamini cum illo, ut confundatur. Hoc est illud verbum, hæc illa traditio, de qua dixerat v. 6. Denuntiamus autem vobis fratres in nomine Domini Jesu Christi, ut subtrahatis vos ab omni fratre ambulante inordinate, & non secundum traditionem quam accepistis a nobis. Et subdit de traditione illa v. 7. Ipsi enim scitis, quemadmodum oporteat imitari nos: quoniam non inquieti fuimus inter vos. Ecce quibus præcipitur labor manuum ad Thessalonicenses. Ecce quare laborabat Apostolus, scilicet ne aliqui otiose viverent de alieno; item ne aliqui eorum gravarentur de expensis ejus; unde 1. Thessal. 2. v. 9. *Ne quem vestrum gravaremus. Ad Ephes. vero 4. v. 28. præcipitur aliud, eis scilicet, qui per rapinam vitam suam sustentabant. Unde & dicitur, qui furabatur &c. [*].* Sciendum autem, quod Valdenses cum ostensi sint carere officio prædicandi, sic & carent privilegio Domini, quo ordinavit his, qui Evangelium annuntiant de Evangelio vivere [*].**

CAPUT VIII.

Agitur de domo materiali, de figuris, & de imaginibus Ecclesiæ, & præcipue de Cruce; An licitum sit eis uti, & facere in Ecclesia, & de officio Ecclesiæ. & tonsura, & rasura, & thurificatione.

Sequitur Octavum Capitulum, quod in duas partes dividitur. In prima agitur de domo materiali, in secunda de imaginibus.

[*] Quæ duobus asteriscis complexi sumus, desunt e Cod. Bon. & Neapol.

(1) Jam usque ab Apostolorum temporibus fuisse ædes Deo dicatas, quæ Cœnacula, & Oratoria dicerentur, constat ex Apostolo 1. ad Cor. x1. & ex Actibus Apostolicis, atque etiam ex Epistolis v11. Sancti Ignatii Martyris, qui Johannem audivit. Viguisse autem tribus primis Ecclesiæ Seculis Oratoria, nemo sanius negaverit. Nam & Ignatius, & Justinus in Priore Apologia, & Tertullianus, & Dionysius Alexandrinus, & Gregorius Neocæsarensis eorum meminerunt. Adeundi Cæsar Baronius Cardinalis ad An. Chr. 57. num. 100. & Ciampinus in Veter. Monum. iique Catholici Scriptores, quos numerat in Bibliograph. Johannes Albertus Fabricius. Negari autem non potest, quin IV. Seculo magnifice æstrui templa cœperint eaque jam publica, quod persecutiones ab Ethiois in Christianos excitatæ cessassent: Ut patet ex Eusebio Cæsarensi Hist. Eccl. & libro Vita Constantini. Persecutiones porro in causâ fuisse, cur templa clauderentur, auctor est Dionysius Alexandrinus apud Euseb. lib. v11. Hist. Cap. xx11. Cumque, in-

PARS I.

§. I.

De domo Materiali.

Circa hoc (1) sciendum, quod hæretici accusant Ecclesiam Romanam de domibus materialibus, quas Ecclesias dicit. Primo, quia Apostoli hujusmodi Basilicas non habuerunt; dicitur enim Actor. 7. v. 48. *Sed non excelsus in manufactis habitat.* Secundo, quia non invenitur, quod domus materialis dicatur Ecclesia; inconveniente ergo facit Ecclesia Romana hujusmodi Basilicas, & inconveniente eas nomine Ecclesiæ vocat.

Ad primum potest responderi dupliciter: Primo, quia hoc, quod pro constanti ponunt, scilicet Ecclesiam primitivam hujusmodi (2) Basilicas non habere, nullo testimonio possunt ostendere; multa alia habuerunt, & fecerunt, quæ non leguntur. Nunquid propter hoc non habuerunt, vel non fecerunt illa? Secundo; posito, quod non habuerunt, tamen honestum est eas habere, maxime cum non sit contra prohibitionem Dei, vel Apostolorum ejus; quod enim Apostoli non habuerunt, si hoc verum est, ideo fuit, non quia esset malum, vel prohibitum eis, sed quia persecutionibus imminetibus non poterant eas habere. Adhuc durabat illa Prophetia psal. 2. v. 1. *Quare fremuerunt gentes &c.* Nondum venerat illa quæ in eodem psal. habetur v. 10. *Et nunc Reges intelligite: eradimini, qui judicatis terram.* Quod vero honestum sit habere hujusmodi Basilicas (3) patet: decet enim habere locum deputatum ad sumendum cibum mentis, & sequestrandum a communibus usibus; unde Johan. 2. v. 16. Dominus ostendit se velle locum orationis non debere esse locum negotiationis; Tu autem ubi negotiationes exerces, locum orationis facis, in quo patet te similem esse Scribis, & Phariseis. Non tantum autem, quia honestum est, habemus Basilicas, sed propter exemplum antiquorum Sanctorum, qui habuerunt Basilicas, scilicet templum. Quod factum in Novo Testamento corroboratum legimus Matth. 21. v. 12. ubi dicitur. *Et intravit: Jesus in Templum Dei, & ejiciebat omnes vendentes, & ementes in templo.* Idem factum legitur Mar. 9. v. 15. Lucæ 19. v. 45. Johannis vero 2. v. 16. dicitur: *Auferte ista hinc, & nolite facere domum Patris mei,*

quit, ab omnibus fugaremur, atque opprimeremur, nihilominus tunc quoque festos dies egimus. Quivis locus, in quo varias arumnas singillatim pertulimus, ager, inquam, solitudo, navis, stabulum, carcer, instar templi ad sacros conventus peragendos fuit.

(2) Sacras ædes, quas Ecclesias appellamus, Bogomilii apud Euthymium Parte II. Panopl. Tit. xx111. Cap. xvi11. Petrobustiani apud Petrum Cluniacensem lib. 1. Epist. 1. alique, quos Cathari auctores sequuti sunt, per summam impudentiam, ac scelus maximum improbaverunt. His non injuria accenseri posse videntur Lutherus in Evang. Dominic. 1. Advent. Calvinus lib. 111. Instit. Cap. xx. §. xxx. & Centuriatores Magdeburgenses Cent. vii. Cap. vi. Consulendus Jodocus Coccius Thesaur. Cathol. Tom. 11. §. 111. Art. v.

(3) S. Thomas II. II. Quæst. lxxxiv. Art. 111. Determinatur, inquit, locus eligitur ad orandum, non propter Deum, qui adoratur, quasi loco concludatur, sed propter ipsos adorantes; & hoc triplici ratione &c. Consultor.

mei, domum negotiationis. Ecce, quod Dominus approbat Basilicam, idest materialem domum orationis; tu autem detestaris: quare? Nisi quia Antichristus es. Quod autem de domo materiali, idest de templo Salomonis istud intelligatur, ostensum est ex 6. cap. 2. partis hujus operis in 2. parte circa finem (4). Ad illud, quod dictum est, quod Dominus non habitat in templis manufactis; dico, quod nec nos illas domos ei facimus, ut ibi habitet, sed ut ibi decentius colatur, ut habetur 3. Regum 8. v. 27. & 2. Paralip. cap. 2. v. 6.

§. II.

De Altaribus.

Sicut autem de domo materiali nituntur Ecclesiam Domini diffamare, ita etiam de Altari (5). Sed nonne honestius est habere proprium locum deputatum ad servitium Domini, quam sedem aliquam communem? Ecce nos Evangelium Christi in Altari cooperto, & ornato ponimus, quando nostrum servitium Deo facimus; ipsi (6) autem sedem aliquam, ubi prius sua posteriora posuerunt, panno aliquo operiunt, & deinde Evangelium Christi superponunt, quando suum servitium duodecies in anno non Deo, sed Diabolo faciunt, vel si sedem non accipiunt, discum sumunt, (7) & postea ibi Evangelium Dei cibum mentis reponunt. Sed quæ conventio Christi ad Belial? Nulla; teste Apostolo 2. Corinth. 6. v. 15. Dicamus ergo, quod Dominus eo, quod domum orationis est zelatus, ut præostensum est, juxta illud Psalm. 68. v. 10. *Zelus domus tuæ comedit me*; ita etiam zelatus est altare; unde sibi altare præcepit fieri materiale; vis videre sic esse ut dico? Legimus Matth. 23. v. 16. Quod Dominus dixit Judæis: *Vae vobis duces cæci qui dicitis: Quicumque juraverit per templum, nihil est: qui autem juraverit in auro templi, debet.* &c. v. 19. *Quid enim majus est, donum, an altare, quod sanctificat donum?* Constat autem, quod de templo, & de altari, & de domo materiali loquebatur; de illis enim Scribæ, & Pharisei dicebant: *Quicumque juraverit &c.*

(4) Similia his opponerant Catholicis Bogomilii apud Euthymium loco superius laudato: *Neque enim, aiebant, in manufactis templis altissimus habitat, cum cælum sit ejus domicilium.*

(5) Paria de Altaribus habent Contra Albigenes Pilicordius Cap. xxiv. Tom. xxvi. Bibl. PP. & Ermengaudus Cap. ix. Tom. xxiv. Bibl. PP.

(6) Nempe Cathari. Suam hi Eucharistiam, seu cibum, quem tum fumebant, servitium appellabant.

(7) Post *τὸ discum sumunt*: addit Codex Vaticanus: *Ubi cibum corporis a diabolo, ut credunt creatum, vel factum sumunt.* Hinc constat quid servitii nomine sibi Cathari vellent.

(8) Altaris nomine hoc ipsum, quod in Ecclesia obtinet altare Paulum intellexisse putant Theologi magni nominis, qui contra hæreticos hujusce temporis commentarios ediderunt. Altare autem Christianorum agnovisse Patres, qui Apostolorum ætatem proxime attigerunt perspecta res est. Ignatius, qui Johannem audit in suis Epistolis, atque in ea præsertim, quæ est ad Philadelphenos: *Una enim caro Domini*, inquit, *Et unus calix in unionem sanguinis ipsius, unum altare, Et unus Episcopus* &c. S. Justinus Martyr in 11. *Apologia* disertè testatur oblationem Eucharistiæ suæ ætate obtinuisse; oblatio autem nulla est sacrificii, nisi simul una detur altare. Jam vero Sanctus Irenæus Lib. vii. Cap. xxxiv. Sic & ideo, inquit de Sacrificio novæ legis disserens, *offerre vult munus ad altare frequenter sine intermissione.* Irenæus

Obijciunt etiam nobis hæretici de altari dicentes, quod si Deus Veteris Testamenti Deus sanctus est, nos venimus contra Dei præceptum, ipse enim dixit, quod non fieret altare de sectis lapidibus, sed de terra.

Præterea dicunt, quod non ascendimus Dei altare contra præceptum ejusdem Domini; ut dicitur Exodi 20. v. 24. & seq.

Solutio: Testimonio Apostoli ad Rom. 7. v. 14. patet, quod lex spiritualis est. Item 1. Corinth. 10. v. 11. Dicit idem Apostolus, quod omnia in figura contingebant illis. Verum est, quod ad literam illud Judæi observare tenebantur: nos autem spiritualiter altare de terra facimus, quando Christum carnem materialem de Adam, qui de limo terræ secundum corpus formatus est, assumpsisse credimus, quod hæreticus non facit: Hoc est illud altare, de quo ad Hebr. 13. v. 10. *Habemus altare, de quo edere non habent potestatem, qui tabernaculo deserviunt*; (8) isti sunt Judæi, qui umbris, & figuris tabernaculi vel templi adhuc intendunt contempto Christo, qui dicitur altare, quia figurabatur per illud altare, sicut dicitur Agnus, quia per ipsum figurabatur. Dicitur autem illud altare, id est Christus fieri a nobis, non quoad essentiam ejus, sed quoad credere; sicut etiam dicitur habitare in cordibus fidelium non per essentiam, sed per fidem, ad Eph. 3. v. 17. Altare de sectis lapidibus faciunt hæretici, (9) ipsi enim sunt lapides secti, idest sequestrati ab Ecclesia Sancta Dei, ipsi sunt altare, idest congeries lapidum materialium. Ipsi etiam ad altare, idest ad Christum accedunt per gradus, quia credunt Spiritum Sanctum minorem eo, & ipsum esse in divinitate minorem Patre, quod improbatum est in tertia parte hujus operis.

§. III.

De nomine Ecclesiæ.

Tertio impugnant hæretici isti Sanctam Ecclesiam de nomine, quia dicunt quod male dicimus domum materialem Ecclesiam. (10)

So-

autem institutus a Polycarpo fuit, Iohannis item Auditore. Viderunt hæc Hæretici Angli nonnulli ex ea secta, quam Episcopalia vocant, præsertimque Grabbius in hunc Irenæi locum, quæ suorum, qui veritatem percipere nolunt, in se iram, atque impetum concitaverunt. Verum nemo tam claræ, tamque perspicuæ rei tenebras potest obducere. Mitto Patres sequioris ævi. Nam de horum sententia nulla est apud eruditos heterodoxos concertatio.

(9) Nullum habebant altare Cathari. Alioqui cur tandem nobis vitio dedissent, quod altaria consecremus. Itaque hæc *μουσικῶς* a Moneta dicuntur, *ἀλλυγοεικῶς*, non autem *κατὰ λόγον*. Catharis præverant Petrobrusiani. Vide Petrum Cluniacensem Contra Petrobr. Tom. xxi. Bibl. PP. Edit. Lugdun. pag. 1048. seqq.

(10) Injuria id quidem. Nam Apostolus quoque in 1. ad Corinthios Cap. x. locum in quem congregari fideles consueverant, Ecclesiam appellavit. Animadvertit hoc Augustinus *Quæst. li. in Leviticum*: *Querendo*, inquit, *etiam locutiones per id quod continet id quod continetur* &c. Sicut Ecclesia dicitur locus, quo Ecclesia congregatur. Nam Ecclesia homines sunt, de quibus dicitur, ut exhiberet sibi gloriosam Ecclesiam. Hanc tamen vocari etiam ipsam domum orationum idem Apostolus Paulus testis est, ubi ait. Numquid domos non habetis ad manducandum, & bibendum, aut Ecclesiam Dei contemnitis? *Et hoc quotidianus loquendi usus obtinuit* &c.

Solutio : Ecclesia dicitur dupliciter , vel congregatio fidelium constans ad minus ex Episcopo , Presbytero , Diacono , & Subdiacono; vel domus materialis in qua conveniunt . Quid enim mirum , vel inconveniens , si domus ista Ecclesia dicitur ; nonne videmus quod templum Dei dicitur domus materialis Matth. 21. v. 12. *Et intravit Jesus in templum Dei , & ejiciebat omnes vendentes , & ementes in templo* ; sicut etiam ipsi fideles dicuntur templum Dei 2. Corinth. 6. v. 16. *Vos enim estis templum Dei vivi* . Dicitur ergo templum Dei tam continens , quam contentum .

Præterea , legitur 1. cap. Threnorum Jeremiæ v. 10. *Manum suam misit hostis ad omnia desiderabilia ejus : quia vidit gentes ingressas sanctuarium suum* , scilicet templum , de quibus præceperas ne intrarent in Ecclesiam tuam . Istud non potest intelligi de Ecclesia , idest Synagoga Judæorum , ut patet in Profelytis , qui fiebant de Synagoga ipsorum ; intelligitur ergo de templo Salomonis , in quo vidit gentes ingressas ; ergo domus materialis dicitur Ecclesia . Item 1. Corinth. 11. v. 18. dicit Apostolus : *Primum quidem convenientibus vobis in Ecclesiam , audio scissuras esse inter vos* . His verbis Apostoli videtur , quod ipsi aliud sint quam Ecclesia , cum dicatur convenientibus vobis in Ecclesiam . Aliud ergo est coadunatio , aliud Ecclesia hic ; & ita Ecclesia utitur pro materiali domo , de qua subdit v. 22. *Nunquid domos non habetis ad manducandum , & bibendum ? Aut Ecclesiam Dei contemnitis , & confunditis eos qui non habent ?*

Præterea , isti mali erant , quia non erat eis Dominicam cœnam manducare , ut dicitur eodem cap. v. 20. Ergo cum mali non sint intra Ecclesiam , spiritualiter non conveniunt in ea ; ergo si conveniunt in Ecclesia , conveniunt in materiali Ecclesia , ergo Ecclesia secundum Apostolum venit pro materiali domo .

§. IV.

De Missa .

Quarto impugnant hæretici Ecclesiam de Missa in domo materiali celebrata , nusquam enim invenitur , quod Apostoli Missam aliquam celebrarent .

Præterea , istud ministerium vocat Apostolus Corinth. 11. v. 20. Dominicam Cœnam ; sed Ecclesia Romana suum ministerium , quoad similitudinem illius Dominicæ Cœnæ se facere dicit , vocat Missam ; unde habet hoc nomen ? Nunquid illud somniavit ?

Solutio : Ad primum dicimus , quod istud falsum (11) est , quod hæreticus dixit , scilicet quod Apostoli non celebrarent Missam ; imo celebraverunt Missam quandocunque corpus , & sanguinem

Domini consecraverunt , secundum , quod determinat Paulus 1. Corinth. 11. v. 23. & seq. Si autem dicis mihi , unde habet Ecclesia Romana hoc nomen (12) *Missa* , nunquid illud somniavit ? Dico quod non , sed a Spiritu Sancto habuit , qui dicit Ecclesiæ suæ Matth. 10. v. 20. *Non enim vos estis qui loquimini , sed spiritus Patris vestri , qui loquitur in vobis* . Nunquid Ecclesia Dei aliquod nomen novum posset invenire , nunquid decretum novum facere ? Utique , ut ostensum est supra capite primo . Nonne vides quod dicitur Actor. 11. v. 26. quod discipuli primum cognominati sunt Antiochiæ Christiani ? Unde & Petrus utitur illo nomine in prima Epistola cap. 4. v. 16. Licet igitur Ecclesiæ Dei novo uti nomine , & sicut discipuli dicti sunt Christiani a Christo , ita etiam ministerium istud dicit Missa a misso , idest Christo , qui ait Lucæ 4. v. 43. *Quia & aliis civitatibus oportet me Evangelizare regnum Dei ; quia ideo missus sum* . Cumque enim panis consecratur , a Patre ad nos mittitur , ut probatum est in quarta parte hujus operis in capite de Sacramento corporis , & sanguinis Domini . Item post ejus assumptionem ad Patrem eum mittimus , ut intercessorem pro nobis ; unde & populo dicimus , ite Missa est , ite scilicet post hostiam illam , idest Christum in mente , & imitatione , quæ ad Patrem Missa est pro vestra intercessione .

Adhuc obijciunt de tempore , quia Dominus vespere fecit suum ministerium , ut dicitur Matth. 26. v. 20. vel nocte , ratione scilicet partis , ut dicit Apostolus 1. Corinth. 11. v. 23. *Quoniam Dominus Jesus , in qua nocte tradebatur , accepit panem &c.* E contrario Ecclesia Romana non facit illud in nocte , nisi in nocte Nativitatis .

Solutio : O miser hæretice , qui non veritatem quærere , sed solum blasphemare sanctam Dei Ecclesiam intendis ; Nunquid tu illud ministerium fractionis panis , quod ad illius similitudinem falso te dicis facere , in die non facis , & circa horam tertiam diei , & circa nonam ? Nunquid te Christo contrarium dices , quia Christus illud ministerium in nocte , aut in vespere fecit ? Ex ore tuo te judico , in quo enim alium accusas te ipsum condemnas . Sciendum etiam , quod Dominus noster non in nocte , sed in vespere illud fecit ; sed dicitur in nocte fecisse propter vesperam , in qua fecit , quæ erat initium illius noctis . Non mirum igitur , si Ecclesia Romana instituit , quod non in nocte , sed in die fieret illud ministerium excepta nocte Nativitatis Christi , in qua celebrat ad honorem æternæ natiuitatis , qua Deus ex Deo natus est , ideo autem in nocte , in signum quod illa natiuitas obscura est nobis nunc .

De

(11) Apostolos Missam celebrasse satis certum est . Quandonam autem coeperit Sacri mysterii usus , non constat . Vero est quain-
simillimum , solum post Pentecostem Apostolos sacram rem fecisse , quod ante illud tempus nondum satis promulgata fuisset lex Evangelica . Consule Cardinalem Bonam Rev. Liturg. Lib. I. Cap. v.

(12) Non placet novis hæreticis hoc vocabulum , ut ut vetus ,

quemadmodum ne Catharis quidem placebat . Nempe digni Magistris tantis discipuli esse volunt . Fuerunt , qui Hebraicam vocem hanc esse pugnarent . Arrisit hæc Reuchlino sententia . Verum Latina est ; quod suse ostendunt Bellarminus Lib. v. De Eucharistia Cap. I. Cardinalis Bona Lib. I. Cap. I. Rerum Liturg. Le Brunius Lib. I. Cerem. Missæ Cap. I. & alii .

§. V.

De Sacris Vestibus.

Impugnant etiam hæretici Ecclesiam (13) de vestibus, quoniam Christus Jesus in propriis vestimentis fecit illud ministerium; Ecclesia autem Romana instituit, quod in aliis particularibus vestibus fiat a Sacerdotibus suis.

Solutio: Etsi Christus tantum in propriis vestibus fecit illud, non tamen prohibuit, quin fieret in particularibus. Constituit autem Ecclesia, quod in quibusdam vestibus fieret non ad ostentationem, & gloriam inanem, sed in signum qualis debeat esse, qui vult illud ministerium celebrare digne; unaquæque enim illarum vestium significat virtutem aliquam necessariam Sacerdoti, qui vult illi ministerio se exhibere digne. Similiter dico de Pontificalibus ornamentis, scilicet de Mitra, annulo, & virga pastoralis, auro, & gemmis.

Præterea ad decorem domus Domini, & honestatem; sicut David in spiritu dixit Psalm. 25. v. 8. *Domine dilexi decorem Domus tuæ*; Et tu si decorem domus Dei diligeres non blasphemares munditiam, & nitorem vestium, quibus Ecclesia Dei utitur in hoc ministerio. Quod autem dicit hæreticus, Christi discipulos non esse usos talibus, hoc non possunt ostendere.

Præterea, & si ipsi usi non sunt, sicut ipsi aliqua decreverunt tempore suo, ita successores aliqua suo tempore possunt ordinare, dummodo non inveniuntur prohibita. Quod autem dicit hæreticus, nos esse successores Scribarum, a quibus Dominus dixit esse cavendum Marci 12. v. 38. *Cavete a Scribis, qui volunt in stolis ambulare, & salvari in foro &c.* In hoc mentitus est; Quæ enim sint illæ stolæ determinat Dominus Matth. 23. v. 5. dicens: *Dilatan- tant enim phylacteria sua, & magnificant fimbrias*; Istud nos non facimus. Lege literam Matthæi & Marci, & videbis quod de eadem re penitus loquitur: phylacteria erant chartæ quibus scribebantur mandata decalogi a philaxe, quod est servare, & torax, quod est lex, & quasi ipso facto dicentes se legis observatores, cum tamen ipsi relinquerent Dei mandatum propter Traditiones suas.

Dicunt etiam hæretici, quod Christus super ligneam mensam illud ministerium fecerit, e contrario Ecclesia Romana super lapidem; & instituit, quod amplius non fieret super lignum.

Solutio: Etsi super ligneam Christus fecit, tamen lapideam non reprobavit. (14) Instituit autem Ecclesia, quod modo tantum super lapideam fieret, tum quia lapis firmior, & solidior est quam lignum; & hoc ut calix Domini ibi positus firmius

maneret. Item in signum quod manducans, & bibens digne a petra Christo accipit firmitatem; panis enim Domini cor hominis confirmat; iste panis Eucharistia Græce dicitur, idest bona gratia, de qua dicit Apostolus ad Hebr. 13. v. 9. *Optimum est enim gratia stabilire cor, non escis, quæ non profuerunt ambulanti- bus in eis*; & subdit v. 10. *Habemus altare, idest corpus, & sanguinem Domini consecratum in altari, de quo edere non habent potestatem, qui tabernaculo deserviunt.*

§. VI.

De modo celebrandi.

Item dicunt, quod Ecclesia Romana non in abscondito, nec in silentio, sed in publico, & cum tumultu canticum suum celebrat; illud Christus vero in abscondito fecit, scilicet in quodam cœnaculo, & non in tumultu, nec coram aliis, exceptis discipulis. Item Christus decenter suam faciem ad discipulos habuit, nec avertit eam ab illis, quando fecit cœnam cum discipulis suis; e contrario Sacerdos dorsum vertit ad homines. Item præcepit Christus, quod omnes inter se dividerent, & omnes ex eo biberent, ut habetur Lucæ 22. v. 17. Sacerdos autem Romanæ Ecclesiæ id non facit; imo nulli dividens solus totum manducat & bibit.

Ad primum objectum patebit solutio parum post. Ad secundum dico, quod sicut colligitur ex verbis Lucæ loco cit. Christus primo comedit pascha cum discipulis; unde & ait v. 15. *Desideravi hoc pascha manducare vobiscum, antequam patiar*; idest agnum paschalem, ut ostensum est in tertia parte hujus operis cap. 3. Postea v. 17. *Et accepto calice gratias egit, & dixit: Accipite, & dividite inter vos*: Istud totum pertinebat ad ritum Judæorum, & ad antiquam solemnitatem, & erat cibis materialis, & potus similiter; non eratenim tunc ille calix sanguinis Domini contentivus; quod autem postea sequitur in Luca, ad corpus, & sanguinem Domini pertinet; unde & ait v. 19. *Et accepto pane gratias egit, & fregit, & dedit eis dicens: Hoc est corpus meum, quod pro vobis datur: hoc facite in meam commemorationem.* (v. 20.) *Similiter & calicem postquam cœnavit, dicens: Hic est calix Novum Testamentum in sanguine meo, qui pro vobis fundetur.* Hic non dixit, dividite inter vos; unde contra mandatum Domini non venit Sacerdos, qui aliquando totum bibit, aliquando vero illud misterium in plures distribuit; prius autem dedit discipulis agnum figurativum, deinde agnum per ipsum figuratum, quia figura præcedebat figuratum.

Præterea, ut ostenderet, quod figura agni materialis

M m m

realis

(13) Sacrarum Vestium usum, quæ in Divinis Mysteriis a Romana Ecclesia adhibentur, non Cathari solum, sed etiam sequioris ætatis hæretici execrati sunt ad summam impudentiam. At injuria. Nam vetustissimas esse probant Bellarminus Lib. vi. *De Eucharistia* Cap. xiv. Bona, Martenius, Meratus, Josephus Catalanus vir doctissimus *De Codice S. Evangelii* Lib. II. Cap. vii. & in *Prolegom. ad Pontificalem Roman.* Cap. vi. Consultat etiam Lector Auctorem Constitutionum Apostolicarum Lib. viii. Cap. xii. &

Thomassinum *Discipl. Parte I. Lib. I. Cap. 111.* & Parte II. Lib. I. Cap. xxxiii.

(14) Ligna ne, an lapidea fuerint Ecclesiæ altaria primis Ecclesiæ Seculis, satis compertum non est, Utraque persequutionis tempore in usu fuisse putat Cardinalis Bona Lib. I. Cap. xx. pro rerum locorumque opportunitate. A quo autem constitutum, ut lapidea essent, a Silvestro ne, an ab alio Pontifice, incertum pariter, & obscurum. Adis Bonam locum mox indicato.

ialis terminabatur ad ipsum. Ex quo etiam patet, quare discipulis post esum cibi materialis dedit esum corporis, & sanguinis sui, cum modo non detur nisi jejunis, nisi in articulo necessitatis; cessante enim causa, quare illud fecit Christus, cessat effectus. Unde Apostolus arguit Corinthios, qui post suam cœnam materialem ad Dominicam accedebant, exprobandis eis 1. Corinth. 11. v. 21. *Unusquisque enim suam cœnam præsumit ad manducandum.* Quod autem dixisti, quod Christus decenter & honeste illud misterium fecit, non dorsum, sed faciem vertens ad discipulos. Dico verum est: sed quando ipsum corpus, & sanguinem suum eis dedit, & sic facit Sacerdos Romanus, quando dat ipsum populo. Verum est autem quod Sacerdos Romanus, quando ipsum corpus, & sanguinem Domini sumit, se ad Orientem vertit, & sic sumit, ut sicut populus ad Orientem (15) versus ipsum sumebat, ita & ipse Sacerdos faciebat attendens, quod David per Spiritum Sanctum ait Psal. 67. v. 7. *Deus in loco Sancto suo: Deus qui inhabitare facit unius moris in domo.* Sciens etiam quod oportet ad Orientem lucis adorare ut habetur 16. Sapient. v. 28. De Christo autem, quod corpus suum & sanguinem suum sumeret versus ad discipulos, vel ad Orientem nihil scriptum est: Utrumque ergo potest fieri sine peccato.

§. VII.

De Canticis materialibus.

(16) **I**mpugnat etiam hæreticus Ecclesiam de Canticis materialibus cum dicat Apostolus ad Ephes. 5. v. 19. *Cantantes & psallentes in cordibus vestris.* Et Matth. 6. v. 6. *Tu autem cum oraveris, intra in cubiculum tuum, & clauso ostio, ora patrem tuum in abscondito, & pater tuus, qui videt in abscondito, reddet tibi.*

Solutio: Apostolus monet cantare, & psallere in cordibus, per hoc autem non excludit quin etiam voce sit cantandum, & psallendum, sicut etiam manibus orandum est, ut dicit Apostolus 1. ad Timoth. 2. v. 8. *Volo ergo viros orare in omni loco, levantibus puras manus, sine ira, & disceptatione; sine ira, idest sine odio ad proximum, & sine disceptatione, idest sine diffidentia ad Dominum.* Jacobi 1. v. 6. *Postulet autem in fide nihil habens;* ergo cor, & os, & manus in oratione debent obsequio Domini exhiberi. Ad illud autem quod Christus dicit. *Tu autem cum oraveris &c.* sic Respondeo: quod si non habet cubiculum, nunquid propter hoc

non orabit? vel si orabit, nunquid contra præceptum Domini veniet, propter hoc? Absit.

Præterea, quid si non clausum fuerit ostium, nunquid tunc erit peccatum orare?

Præterea, nunquid Apostolus peccavit, qui dixit loco supracit. *Volo ergo viros orare in omni loco?* Videtur quod sic, quia videtur esse contrarius Domino.

Præterea Actor. 3. v. 1. Dicitur: *Petrus autem & Johannes ascendebant in templum ad horam orationis Nonam.* Ubi patet quod etiam Nonam dicebant; ergo & Tertiam, & Sextam, & Primam, & Vesperas, implentes illud David Psal. 54. v. 18. *Vespere & mane, idest Primam, & meridie, idest Sextam orabo, & annuntiabo laudem tuam.* Item Matutinam horam secundum David Psalm. 118. v. 62. *Media nocte surgebam ad confitendum tibi.* Credibile etiam est, quod & Tertiam non omitterent, & Completorium; unde dixit Psalm. eod. v. 164. *Septies in die laudem dixi tibi.* Et licet nos alia addamus, ad orationem a Domino institutam, scilicet Pater noster, quæ Apostoli non reperiuntur dixisse; quid obest, cum ad laudem Dei fiat, & prohibitum non sit, & Ecclesia alia constituere possit: Nunquid & Cathari non addunt ad Pater noster ante & post? Utique faciunt.

[*] Obijciunt etiam illud Isaia 1. v. 15. *Et cum extenderitis manus vestras, avertam oculos meos a vobis: & cum multiplicaveritis orationem, non exaudiam: manus enim vestrae sanguine plene sunt.* Item illud Amos 5. v. 23. *Aufer a me tumultum carminum tuorum: & cantica lyrae tuae non audiam.* Item 8. v. 10. *Et convertam festivitates vestras in luctum, & omnia cantica vestra in planctum.*

Solutio patet in Isaia: Dominus comminabatur eis captivitatem, ut ibi habetur, nisi pœniterent de peccatis suis; ne autem credant, quod ad preces suas Dominus liberaret eos sine pœnitentia, dicit illa verba; quomodo autem possint liberari, subdit v. 16. *Lavamini, mundi estote &c.* Idem dico super verbum Amos. Item Actor. 16. v. 25. Dicitur: *Paulus & Silas orantes, laudabant Dominum, & audiebant eos qui in custodia erant.* Item Psalm. 141. v. 1. *Voce mea ad Dominum clamavi.* Item Psal. 33. v. 1. *Semper laus ejus in ore meo.* [*]

Si autem dicas quomodo intelligitur illud: *Tu autem cum oraveris &c.* Dico, quod Dominus, ut ostensum est, non intendebat istud ad literam præcipere, sed tantum inanem gloriam a suis Oratoribus remove. Non vides quod etiam dicit Matth. 6. v. 7. *Orantes autem nolite multum loqui.* Sed nunquid multum loqui in oratione prohibuit, qui factus in agonia prolixius oravit, & in oratione etiam per-

(15) Vetus hæc fuit Ecclesiæ consuetudo, ut Benea Ecclesiarum ad Orientem solem spectaret. Eo autem vertebant se fideles, ut orarent. Traditio Ecclesiæ hæc fuit jam usque ad Apostolorum ducta temporibus. Basilii Magni Lib. De Spiritu Sancto Cap. xxvii. *Ad Orientem conversos esse nos dum oramus,* Apostolica tantum Traditione constare affirmat. Adeundus Tertullianus Lib. Adv. Valerianos Cap. 11. & in Apologetico Cap. xvi. Eo autem id sanctum fuerat, quod Orientem solem figuram Christi esse dicebant. Orientem, inquit Tertullianus, *Christi figuram.* Orientis enim vocabulo sæpe Servator noster intelligitur in Scripturis, ut apud Zachariam: *Ecce ego adducam servum meum Orientem:* & Paulo post: *Ecce vir: Oriens nomen ejus.* Videbis Lucam Tu-

denssem Lib. II. Contra Albigenes Cap. xxiii. per tot.

(16) De cantus Ecclesiastici antiquitate consulendi Cardinalis Baronius ad an. lx. Cardinalis Bona in Tract. De Divina Psalmodia Cap. xvii. §. 111. & Catalanus in Proleg. ad Pontificale Romanum Cap. iv. Plinius in Epistola ad Trajanum horis antelucanis in unum locum congregari solitos fuisse Christianos prodit, & Carmen Christo tamquam Deo canere. Id autem qui fecissent, nisi ab Apostolis, qui paulo ante excesserunt ex hac ad beatam, atque immortalē vitam, habuissent? Mitto cetera, quæ laudati Scriptores sapienter exsequuti sunt.

[*] Quæ duobus asteriscis complexi sumus, desunt e Cod. Bonon.

pernoctavit (ut legitur Lucæ 22. v. 43. & seq. ? Non : sed sicut Ethnici faciunt (Matth. 6. v. 7.) id est ea intentione , qua Gentiles : & exponit eorum intentionem loco cit. v. 7. *Putant enim, quod in multiloquio suo exaudiantur ; quod non putamus , sed per gratiam Domini nostri Jesu Christi ,*

§. VIII.

De Thurificatione .

Impugnant etiam Ecclesiam de Thurificatione propter illud verbum Isaïæ 66. v. 3. *Qui recordatur thuris , quasi qui benedicat idolo ;* idest veneretur ipsum . Item Isaïæ 1. v. 13. *Incensum abominatio est mihi .*

Solutio : Isaïas loquitur pro tempore adventus Christi , in quo tempore si fiat thurificatio , eo quod a lege præcipitur , abominatio est Domino , & sicut idololatria . Ecclesia autem non utitur thure , quia lex præcipit . Nonne vides , quia Paulus circumcidit Timotheum ? Act. 16. v. 3. Et tamen dicit ad Galat. 5. v. 2. *Quoniam si circumcidamini , Christus vobis nihil proderit .* Item eodem loco v. 3. *Testificor autem rursus omni homini circumcidenti se , quoniam debitor est universo legis faciendæ .* Verum est hoc si facit quia lex præcipit , eadem enim ratione debent facere omnia alia præcepta legis ; sed propter hoc non fecit Paulus , nec Timotheus , imo propter scandalum vitandum . Quare ergo (17) Ecclesia non thurificabit ad Dei laudem , & hominis ædificationem , qui per illum odorem materiale elevatur ad contemplationem cœlestis & divini odoris , & amorem suavitatis ipsius ?

Præterea Apocal. 8. v. 3. dicitur : *Et alius Angelus venit , & stetit ante altare habens thuribulum aureum , & data sunt illi incensa multa &c.* In figura Angeli facti facit Sacerdos Ecclesiæ thurificationem .

(17) Solemne fuit omnibus gentibus , ut ut barbaris , ut nullam rem sacram fieri sine thure conferent , vel sine alio suffimento , quod efflaret odorem . Videndus Cardinalis Bona *Rerum Liturg. Lib. I. Cap. xxv.* Præterea hic usus a tempore Apostolorum obtinuit in Ecclesia ; sed non eodem ritu , nec eodem habitu , nec eodem apparatu , quo agitur apud idola , ut inquit Tertullianus *Lib. De Corona Militis Cap. x.* exemplo nempe Angeli Apocalypseos , atque ut thuris suffitus ad orationem excitet , rerumque cœlestium contemplationem . Magno etiam erat auxilio thus iis , atque levamini , qui primis seculis metu persecutionum in cryptis delitescerant , ut non infcite observat Claudius Du Vertius *De ritibus Missæ* . quamvis non omnino ejus mihi probetur sententia .

(18) Hæretici hujusce temporis hoc eodem argumento vexant Romanam Ecclesiam . Censent enim dissensionem , quæ Græcos ab Latinis divisit , magno sibi præsidio esse posse . Ita fit , ut ejus Ecclesiæ patrocinium sibi adfiscant per summam injuriam . Nam Ottingerus , Claudius Minister de Charanton , aliique de Lutheranorum , & Calvinianorum grege , ut suos errores confirmarent , fidem Græcorum appellaverunt . Quin etiam suis artibus inpetra-verunt , ut Cyrillus Lucaris Pseudo-Patriarcha Constantinopolitanus ad Calvinianismum accederet . Verum Synodis Græcorum Schismaticorum , & variis Conventibus , damata fuit Cyrilli doctrina , & adferta fides Catholica , dentis tamen iis fidei articulis , quæ ad Spiritus Sancti processionem a Filio , ad Visionem Beatam , atque ad Primatum Pontificis Romani pertinent , in quibus Græci errant , deficiuntque a Veteris Ecclesiæ consensione . Consulendi Leo Allatius *Lib. De Consens. Eccles. Orient. & Occident. & Lib. Contra Ottinger.* Renaudot. in *Auzar, Perpetuit. Fi-*

§. IX.

De differentia Consecrationis inter Græcos , & Ecclesiam Romanam .

Alio modo impugnant Dei Ecclesiam tum propter discordiam (18) inter Græcos , & Latinos , tum etiam propter hoc , quod sal non apponimus dicentes , nos facere contra duo Testamenta ; Contra Vetus , ubi dicitur Levitici 2. v. 13. *Quidquid obtuleris sacrificii , sale condies .* Item contra Novum , quia dicitur Marci 9. v. 48. , *& omnis victima sale salietur .*

Solutio : Quid ad nos de Græcis ? Ipsi enim hæretici sunt ; (19) unica est consuetudo Latinorum , scilicet conficere de azymo , sicut etiam verisimile est Dominum confecisse , cum celebravit Pascha Judæorum Vespera 14. die mensis primi , in qua non licuit apud Judæos habere fermentum in domibus suis .

Præterea , diversa consuetudo non removet nos esse Christi , & Apostolorum ejus successores : Nunquid enim potes ostendere , Apostolos uniformiter azymo tantum , vel fermentato tantum usos fuisse ? (20) Non .

Præterea , tu ipse illam fractionem panis , quam ad imitationem Christi te facere dicis , non ne faceres indifferenter de azymo , vel fermentato ? Utique .

Ad secundum solutio : Quoniam quod ad sonum literæ in Veteri Testamento fieri jubetur cum lex spiritualis sit ut dicit Apostolus ad Rom. 7. v. 14. , in Novo Testamento debet fieri spiritualiter , & hoc vult Marcus qui post illa verba ait v. 49. *Habete sal in vobis .* Item ad Colosens. 4. v. 6. *Sermo vester semper in gratia sale sit conditus , ut sciatis , quomodo oporteat vos unicuique respondere .* Salis ergo nomine scientia designatur ad Rom. 12. v. 1. *Obsecro*

M m m 2 ita-

dei . Helladius *De Statu Præsent. Ecclesiæ Græcæ* . Josephus Angelus *De Stat. Eccl. Græc. &c.*

(19) Nempe non æque curamus , quid Græci agant , cum ab Ecclesiæ communionem sejuncti sint . Ceterum non carpit , neque damnat Moneta Græcorum usum , quo fit , ut fermentatum panem consecrent . Etsi enim vero sit per quam simillimum a Christo panem azymum fuisse consecratum , non tamen inde sequitur , Græcorum consuetudinem esse taxandam , quæ ab Romani Pontificibus probata est , & a Synodis Oecumenicis . Nam Leo IX. Etsi Michaelis Cerullarii & Leonis Avidani errorem reprobavit , qui azymum panem adhiberi in sacrificio non posse jactabant , numquam tamen in fermentato consecrari fas esse Græcis negavit . Vide Leon. IX. *Epist. I. Cap. v. col. 1322. & Epist. v. col. 1349. Tom. xi. Concil. Edit. Venetæ* . Immo vero Synodus Florentina , ut alia documenta præteream in *Decreto Unionis Græcor. col. 526. Tom. xviii. Concil. Edit. Venetæ* statuit : *In azymo , sive fermentato pane triticeo Corpus Christi veraciter confici , Sacerdotesque in altero ipsum Domini corpus conficere debere , unumquemque , scilicet juxta Ecclesiæ suæ sive Occidentalis , sive Orientalis consuetudinem .* Adis Epist. Michaelis Palæologi Imperatoris ad Gregorium X. col. 509. seq. *Tom. xiv. Concil. Edit. Venetæ* , & quæ in *Cons. Eccl. Orient. & Occid.* collegit in hanc rem Allatius .

(20) Pulcre id quidem . Videndi Sirmondus , Cardinalis Bona , Ciampinus , & Mabillonius de *Azymo , & Fermentato* , qui de hac re fufe disputarunt . Etsi enim Mabillonius semper azymum in latina Ecclesia adhibita fuisse affirmet , cui adsentitur Ciampinus ; Bona tamen promiscue azymorum , & fermenti olim usum viguisse defendit . Nam Sirmondus , qui fermentum tantummodo usurpatum dixit , magnis in erratis , mea quidem sententia viciatur .

itaque vos fratres per misericordiam Dei, ut exhibeatis corpora vestra hostiam viventem, Sanctam, Deo placentem; & subdit de sale: *rationabile obsequium vestrum*. Unde Marcus dicit: & *omnis victima sale salietur*; prædixerat autem eodem vers. *Omnis enim igne salietur*, ignis, quia lucet, sapientiam significat; vel ideo hoc dicit, ut notet, quod si quis vult esse victima Dei oportet, quod in ipso sint duo, scilicet peccati, & pravæ delectationis consumptio, & sapor cœlestis, & divinæ conversationis: in igne consumptio, in sale sapor notatur. Igitur si in sacrificio altaris sal non ponimus, contra Marcum non venimus, quia de illo sale non intelligit; nec contra Vetus Testamentum, quod figura fuit Novi. Sal enim materiale, quo utebantur antiqui, figurabat sal spirituale, de quo prædiximus modo Marcum & Apostolum loqui.

Ad ultimum dico, quod nos illud observamus, quod Dominus ait: *Hoc facite in meam commemorationem* 1. Corinth. 11. v. 24. Et subdit Apostol. in commemorationem cuius rei, scilicet mortis ejus v. 26. *Quotiescumque enim manducabitis panem hunc, & calicem bibetis: mortem Domini annuntiabitis, donec veniat*. Et verbis ejus, & manuum (21) extensione in modum Crucis, & calice Domini sepulturam consignante, & patena significantibus sindonem mundam, in qua involutum fuit corpus Jesu mortem Domini annunciamus. Tu autem Cathare nec verbis, nec aliquo modo annuntias ejus mortem in fractione panis quam facis, sicut patet scientibus totam orationem, qua benedicis, vel benedicere ostendis panem illum; ergo tu non imitaris Christum in Cœna sua frangentem panem, sed Ecclesia Romana. Sic ergo tu non es successor Christi, sed ego.

§. X.

De Imaginibus & Cruce.

Non solum autem in prædictis impugnant Ecclesiam, sed etiam in picturis, & imaginibus

(21) De his ceterisque Missæ ceremoniis earumque significationibus fuse disserunt Eruditi viri *Le Brumus*, *Bona*, & alii Rerum Liturgicarum Scrutatores. Quod autem adjungit Moneta non esse Catharos imitatores Christi, qui hoc genus Ceremoniarum non adhiberent, verum est. Etsi enim ad necessitatem Sacrificii illæ non spectent; is tamen qui eas negligit, ut refractarius, & iniquus, atque rebellis repellatur oportet.

(22) Judæi imaginum Sacrarum venerationem, ut idololatricam respuunt in *Thalmud Ord.* 11. *Tract.* I. *Dist.* 11. Quin etiam apud Leontium in *Dialogis* Judæus vitio dat Christiano, quod imagines Sanctorum colat. Adis. vii. *Synod. Aſſ.* v. Sunt qui Marcionitas in eodem errore versatos fuisse putent, affirmantque Tarasium Patriarcham *Aſſion.* 11. *Synodi* 11. *Nicane* col. 311. & seqq. *Tom.* viii. *Concil.* sibi esse præsidio. Verum inde colligi nequit, quidquid censet Vasq. ius in 111. *P. S. Thomæ Disp.* cxi. *Cap.* I. Marcionitis Iconomachis prævisse, Sanctorum imagines rejiciendo; sed Simonem, Marcionem, &c. hæreticis præfuisse. Verba Tarasii sunt: *καὶ ἀσπαζόμεθα τὰς αὐτὰς εἰκόνας καὶ πάσαν αἰρετικὴν ἐρεσχελίαν βδελύσσομεθα; καὶ τὰς αὐτῶν ἡγῆσθαις τε καὶ προσολέας, λέγω δὴ Σίμωνα, Μαρκίωνα. Saluto eorum imagines, & omnem hæreticam contentionem abominor, & eorum ductores, & primores, Simonem videlicet, Marcionem &c.* Neque vero ullum extat monumentum vetus, quod suadeat Marcionem ejusque sectatores, qui 111. iv. v. seculo Ecclesiam infesta-

dicentes, quod nos sumus Idololatræ, qui (22) imagines adoramus, istud autem obijciunt nobis & Judæi, & Cathari, & Valdenses.

Solutio: Exodi 16. v. 32. legitur quod Dominus præcepit Moyfi, quod de Manna impleret gomor & quod custodiretur in singulas retro generationes. Item filii Israel conservaverunt serpentem æneum, quem fecerat Moyfes ex mandato Domini Numer. 21. v. 8. & seq. servaverunt autem ipsum usque ad tempus Ezechiae, ut habetur 4. Regum 18. v. 4. Si ista licuit servare, quare non licebit servare imaginem Crucifixi?

Si dicat, quod illa non fuerunt servata ad adorandum.

Nec imago Crucifixi, sed ad recolendum summum beneficium Dei, sicut illa fuerunt servata ob memoriam beneficiorum Domini. Quare ergo non faciemus imagines, & figuras depictas ob memoriam? ego video, quod præceptum fuit filiis Israel, quod non facerent sculptile aut aliquam similitudinem Exodi 20. v. 4. & tamen Moyfes postea de mandato Domini fecit duos Cherubim aureos atque ductiles, ut dic. Exod. 37. v. 7. Fecit ergo aliquam similitudinem eorum quæ sunt in Cœlo desuper, & tamen non venit contra mandatum Domini. [*] etiam sculpsit imagines, & Cherubim in tabulis æreis, & non contra præceptum, dic mihi quare? quia non adorandum! De hoc autem dictum est 6. cap. 2. part. hujus operis in 2. part. cap. & in 2. radice. [*] Fecit autem duos Cherubim in figuram duorum generum hominum, scilicet antiquorum, & modernorum, inter utrosque enim fuerunt aliqui pleni scientia Dei, idest fide ejus. Unde 2. Corinth. 4. v. 13. *Habentes autem eundem spiritum fidei*. Similiter dico, quod & ego picturas & imagines, & hujusmodi in Ecclesia habeo tantum ad memoriam, non ad adorandum (23) eas. Ista possunt dici Judæis, & Valdensibus; sed Catharis non nisi ex parte; illa enim testimonia Veteris Testamenti non recipiunt; hoc autem possumus dicere eis, quod non venimus contra illud præceptum, quod legitur Matth. 4. v. 10. *Dominum Deum tuum adorabis, & illi soli servies*, quia illas imagines non adoramus, nec servimus eis. Si autem dicat hæreticus,

runt, sacris imaginibus iniquos fuisse, velut sibi Sanderus, & Cardinalis Capisueccus persuaserunt; quamvis ex eorum, qui seculo 1x. vixerunt, quique Pauliciani appellati sunt, dicendi sentientique ratione, perisimile videatur esse primis quoque Manichæis, ut qui materiæ essent infesti, cultum imaginum minime placuisse. Ut ut tamen se res habeat: vii. Seculo Iconomachi, atque viii. quoque, ut ex Synodo vii. plane constat, 1x. autem Pauliciani sacris imaginibus, imprimisque Cruci bellum intendant, veluti memoriæ tradiderunt Petrus Siculus in *Historia Paulicianorum*, Photius *Libro* I. *Contra Manicheos*, Euthymius in *Panoplia* Parte 11. *Tit.* xx. Colligiturque ex ea Fidei professione, quam Manichæi sequiorum temporum edebant, cum Catholicæ Religionis dabant nomen, quæque vulgata fuit a Cotelerio *Tom.* I. *PP. Apostolicor.* & a doctissimo Tollio *In Itiner. Italic.* Bogomilii deinde Cruci infesti fuerunt, teste Euthymio in *Panopl.* Parte 11. *Tit.* xxiii. *Cap.* xxiv. Ceteros autem hæreticos, qui imagines rejecerunt, quique etiamnum rejiciunt numerat Bellarminus *Lib.* 11. *De Reliquiis Sanctor.* *Cap.* vi. *Tom.* 11. *Controv.* quem adire poterit Lector. Ergo Lutherani, & Calviniani, qui nobis vitio dant, quasi colendo Sanctorum imagines idololatræ simus, Paulicianos, Bogomilios, Catharosque auctores habeant necesse est.

[*] Quæ duobus asteriscis comprehendimus desunt e *Cod. Bonon.*

(23) Quo sensu dicat noster picturas, & imagines in Ecclesia servari

ticus, imo tu adoras Crucem, & dicis: *Tuam Crucem adoramus Domine*. Respondeo, quoniam adorare idem est, quod petere aliquid ab eo qui adoratur, sic non adoramus Crucem. Item adorare idem est venerari, five honorare, & sic adoramus Crucem. Nonne dicit David Psalm. 93. v. 5. *Et adorate scabellum pedum ejus: quoniam Sanctum est*; sic igitur aliquid præter Dominum adoratur in prædicto sensu. Item Psalm. 137. v. 1. *Adorabo ad templum sanctum tuum, & confitebor nomini tuo*.

Contra autem hoc opponit (24), & dicit, quod ignominiam Christi adoramus, & ejus ignominiam nostræ fronti imprimimus; dicit enim nobis, si Pater vester suspensus esset in aliquo patibulo, ipsum patibulum abominaremini, & non honoraretis illud; ex hoc arguit quasi a simili, quod nos crucem Christi abominari debemus,

Solutio: Crux Christi ejus ignominia fuit, sicut enim in Cruce habuit inopiam, & molestiam, ita etiam ignominiam; & tamen sicut illius inopia, teste Apostolo 2. Corinth. 8. v. 9. divites facti sumus, ita etiam ejus ignominia nostra gloria est, five honor, & sicut sua mors nostra vita est 1. Petri 2. v. 24. *Qui peccata nostra ipse pertulit in corpore suo super lignum; ut peccatis mortui, justitia vivamus*; Et sicut ejus livor nostra sanitas, ibid. *Cujus livore sanati estis*, sic ejus ignominia sumus glorificati. Vis videre quod dico? Dicit Apostolus ad Galat. 6. v. 14. *Mihi autem absit gloriari, nisi in Cruce Domini nostri Jesu Christi, per quem mihi mundus Crucifixus est, & ego mundo*. Dixi, quod ejus (25) ignominia fuit crux, hoc autem dixi quantum ad infideles & hæreticos quorum opinione ignominia, & stultitia fuit crucifigi; sed quantum ad fideles habentes oculos illuminatos, ipsa Crux gloria, & sapientia, & virtus fuit. 1. Cor. 1. v. 18. *Verbum enim Crucis pereuntibus quidem stultitia est: iis autem, qui salvi fiunt, idem nobis, Dei virtus est*; & iterum v. 27. *Quia quod stultum est Dei, sapientius est hominibus: & quod infirmum est Dei, fortius est hominibus*; Crux enim Dei, quæ infirmum & stultum facit apparere Dominum nostrum est salus totius mundi, & victoria Diaboli, quod omnes homines sapientia, & fortitudine sua facere non possunt; unde eodem cap. v. 23. dicitur; *Nos autem prædicamus Christum Crucifixum: judæis quidem scandalum, Gentibus autem stultitiam* (v. 24.) *Ipsis autem vocatis Judæis,*

atque Græcis, Christum Dei virtutem, & Dei sapientiam. Et ideo Crucis (26) signaculum non erubescimus, sed nostræ fronti imprimimus dicentes cum Paulo ad Roman. 1. v. 16. *Non enim erubescio Evangelium, idem mortem Christi, & Crucem ejus Evangelizare, & frontibus etiam imprimere. Virtus enim Dei est in salutem omni credenti: propter quod & David in spiritu hoc prævidens futurum ait Psalm. 4. v. 7. Signatum est super nos lumen vultus tui Domine; vultus Dei Patris dicitur filius, quia in eo videtur voluntas ejus, & amor ad nos; lumen ipsius dicitur Crux, quia fides Crucis Christi illuminat credentes in eum*.

Item Ap. 7. v. 2. & 3. Angelus ascendens ab ortu Solis clamat quatuor Angelis. *Nolite nocere terræ & mari, neque arboribus, quoadusque signemus servos Dei nostri in frontibus eorum*.

Item cap. 9. v. 4. *Et præceptum est locustis, ne laderent fœnum terræ, neque omne viride, neque omnem arborem: nisi tantum homines, qui non habent signum Dei in frontibus suis*.

Item Matth. 24. v. 30. *Tunc, idem in die judicii, parebit signum filii hominis in cælo*. Apparebit autem ad terrorem Crucifixorum, qui tunc videbunt, quem pupugerunt. Item ad gloriam bonorum, & humilitatem, qui exemplo illius qui semetipsum exinanivit formam servi accipiens, factus obediens Patri usque ad mortem, mortem autem Crucis; humiliabuntur ei gratias agentes, & gloriabuntur in Cruce, tanquam in vexillo salutis nostræ.

[*] Ad illud etiam quod blasphemando dixit hæreticus, si Pater vester &c. Respondeo: Imo si aliquid patibulum esset, in quo Pater meus suspensus esset, per quod tot, & tanta bona recepissem, quot, & quanta bona recepi per Crucem, illud signum, illud patibulum mirabiliter honorarem, non odirem, non abominarer. [*]

Objicis illud Apoc. 13. v. 16. *Et faciet omnes pupillos & magnos, & divites, & pauperes, & liberos & servos habere characterem in dextera manu sua, aut in frontibus suis* [v. 17.] *Et ne quis possit emere, aut vendere, nisi qui habet characterem aut nomen bestię, aut numerum nominis ejus*.

Solutio: in primo capite partis hujus patet quid per bestiam designetur (27), & quoniam per bestiam falso intelligunt Ecclesiam Romanam, unde patet signaculum Crucis, quod nostris frontibus imprimitur, non esse characterem bestię, sed illud de

servari tantum ad memoriam, non vero ad adorandum eas, explicat paulo infra duplicem adorationem distinguens, eam scilicet, quæ absoluta a Theologis appellatur, propterea quod in objecto sistat, quasi ab ipso quidquam petatur, atque speretur, aliam respectivam, quæ in imaginis prototypum refertur, de qua re Theologi copiose disputant in 111. P. Summa Sanctæ Thomæ Quæst. xxv. Art. 111. Et qui in *Dognata Fidei* commentarios ediderunt.

(24) Hæc erat ratio, quæ inducebat Bogomilos, ut crucem negligerent. Audiendus Euthymius: Parte 11. Panopl. Tit. xxiii. Cap. xiv. *Crucem, inquit, divinam despiciunt, quod in ea servator occiderit*. Sequiebantur enim Paulicianos, qui, (teste Euthymio Tit. xx. ex Photio Lib. 1. contra Manichæos) veram Crucem, agebant, lignum, & sceleratorum instrumentum supplicii execrationibus obnoxium, & idcirco non esse adorandum. Consule Bellarminum Lib. 11. Cap. xxvi. de Reliq. & Imaginib. Sanctorum. Tom. 11. Controv.

(25) Eodem recidit responsum, quod adhibet Euthymius contra Bogomilos, quodque avertit contra Paulicianos ex Johanne

Damasceno Tit. xx. pag. 213. Tom. xix. Bibl. Patrum Edit. Lugdun. Paria habent SS. Patres, quos l. c. cap. xxviii. numerat Bellarminus.

(26) De Crucis signo fronti imprimendo veterem consuetudinem, & causam indicatam a nostro, laudant Tertullianus Lib. de Corona Militis cap. 111. Augustinus Tract. 111. In Johan. Cyrillus Hierosolymitanus Catech. iv. Epiphanius Hæres. xxx. Chrysostomus Homil. xii. In Priorem Epistolam ad Corinth. alique Patres, quos memorat Bellarminus l. c. cap. xxix.

[*] Desunt hæc, quæ duobus asteriscis comprehendimus e Codd. Bonon.

(27) Et si hæretici juniores Ecclesiam Romanam, per summam injuriam, Bestiam Apocalypheos esse pugnent; numquam tamen Crucis signum bestię signum esse putarunt. Quod si dicerent, nos tamen Ecclesiæ traditionem sequuti, facessere illos jubemus.

Nos Crucis invictæ signum, & confessio munit, Armaturæ Deo mentem; non quærimus arma Corporis.

S. Paulinus Natali viii. S. Felicis.

de quo David ad Patrem ait Ps. 4. v. 7. *Lumen vultus tui*, idest filii, scilicet signaculum Crucis signatum est super nos, & dicitur lumen filii, quia in illo innotuit esse Dei filius, unde Johan. 8. 2. 28. *Cum exaltaveritis filium hominis, tunc cognoscetis, quia ego sum, & a me ipso facio nihil, sed sicut docuit me Pater hæc loquor.*

Item Matth. 27. v. 54. *Vere filius Dei erat iste.* (28)

CAPUT IX.

Agitur de illo mandato, Non assumes nomen Dei tui in vanum; & de juramento, & unde conantur hæretici probare non debere jurare.

Quædam prænotantur.

Nunc ad nonum Capitulum accedamus, & tractemus de hoc mandato, Non assumes nomen Dei tui in vanum; in vanum autem nomen Dei assumit qui falso jurat, vel pro nihilo Deum in se ipso, vel in creatura ad confirmationem sui sermonis testem inducendo. Ideo autem dixi in se vel in creatura, quia teste Domino Matth. 23. v. 22. *Et qui jurat in cælo jurat in throno Dei, & in eo qui sedet super eum*, idest jurat per eum qui &c. Dupliciter potest intelligi. Primo sic, idest adducit Deum testem sub ista forma verborum, *per eum qui sedet super cælum*, & hoc falsum est, vel idest adducit Deum in testem, & hoc verum est; Cælum enim vel ejus creatura dicitur testis veritatis rei, quæ juratur non propter se, cum quantum in se est, non possit testari, sed propter Creatorem a quo habet esse suum. Cum quis falso jurat, ejus juratio est perversa; cum pro nihilo jurat, est juratio otiosa; utroque modo peccatum est jurare, quia, sic jurando, contemnitur Deus. Nonne Deum manifeste contemnit, qui eum in testem falsitatis scienter adducit? Utique. Similiter & qui ipsum inducit in testem alicujus veritatis inutiliter. Nonne diceret quod servus alicujus Regis ipsum contemneret, si eum testem suæ falsitatis esse vellet, vel etiam rei inutilis, atque vanæ? Ex his patet, quod jurare est Deum in testem inducere (1) ad suæ locutionis affirmationem. Sumitur etiam alio modo jurare, scilicet ad aliquid se oppignorare ad confirmationem

locutionis suæ; Exemplum hujus habetur in Psal. 7. v. 5. ubi dicit David: *Si reddidi retribuentibus mihi mala: decidam merito ab inimicis meis inanis.* In primo modo jurandi adhibetur Deus testis; In secundo statuitur judex hominis falsum jurantis, propter hæc duo dicitur Jeremiæ 29. v. 23. *Ego sum judex & testis, dicit Dominus;* Utroque modo jurandi usus est Paulus in 2. Corinth. 1. v. 23. dicens: *Ego autem testem Deum invoco in animam meam, quod parcens vobis non veni ultra Corinthum.*

Multiplex autem invenitur forma jurandi; una, per Deum sic est, ista forma usus est Deus ad Abraham Genes. 22. v. 16. *Per memetipsum juravi dicit Dominus, quia fecisti banc rem, & non pepercisti filio tuo Unigenito propter me.* (v. 17.) *Benedicam tibi, & multiplicabo semen tuum.*

Item Isaïæ 45. v. 23. *In memetipso juravi, egredietur de ore meo justitiæ verbum, & non revertetur.* In memetipso, idest per memetipsum. Alia forma fuit, *vivit Dominus*; de ista forma habetur 1. Reg. 20. v. 3. *Quinimmo vivit Dominus, & vivit anima tua, quia uno tantum (ut ita dicam) gradu, ego, morsque dividimur;* Istam formam habuerunt antiqui ex verbo Domini Deuter. 32. v. 40. *Levabo ad Cælum manum meam, & dicam: Vivo in æternum.* (v. 41.) *Si acervo ut fulgur gladium meum &c.* Tertia forma jurandi est qua usus est Apost. Rom. 1. v. 9. *Testis enim mihi est Deus cui servo.*

Item Rom. 9. v. 1. *Testimonium mihi perhibente conscientia mea in Spiritu Sancto.*

Item 2. Corinth. 12. v. 19. *Coram Deo in Christo loquimur*; coram Deo, idest sciente & testante. Quarta forma jurandi est, in qua Deus testis non inducitur ut testis ejus quod dicitur, sed ultor falsitatis in dolo jurantis. Job. 31. v. 5. *Si ambulavi in vanitate, & festinavi in dolo pes meus* (v. 6.) *appendat me in statera justa, & sciat Deus simplicitatem meam.* Istam formam usus est Dominus Isaïæ 14. v. 25. *Juravit Dominus exercituum dicens: Si non ut putavi ita erit, & quomodo mente tractavi.* (26.) *Sic eveniet ut conteram Assyriam;* Supplè non credatur mihi. Similiter Isaïæ 62. v. 8. *Juravit Dominus in dextera sua, & in brachio fortitudinis suæ, si dederò triticum tuum cibam ultra inimicis tuis &c.*

Sciendum autem, quod ad hoc ut juramentum sit tale, quale esse debet, tria sunt necessaria, scilicet justitia, veritas, & lima judicii; justitia necessaria est, justum enim idest licitum debet esse quod juratur; si enim

(28) Qui plura de Cultu Sanctorum imaginum, & Divinæ Crucis adoratione volet; legat ille quidem Dionysium Petavium, *Tomo Extremo Theologicorum Dogmatum*, Clarissimi Trombelli *Opus de Cultu Sanctorum*, & Jacobi Gretseri *Libros de Cruce*.

(1) Instituit hanc disputationem Moneta contra Catharorum sectas omnes, quæ jurare licitum esse negabant. Vide Prolegomena, in quibus hunc ipsum Catharorum errorem ex Sachono regulimus. Peregrinus Priscianus, cujus verba allata in eisdem Prolegomenis sunt, hæc habet, dixisse Catharos affirmat, *Quod juramentum non debet fieri. A. B. C.* In Synodo Constantiensis damnatus hic error Vviclei est *Sessio VIII. Art. 43. Juramenta illicita sunt, quæ fiunt ad roborandos humanos contractus, & commercia civilia.* Hærent nunc in eodem luto, qui sunt de Secta Quakerorum & Anabaptistarum. Jurisjurandi autem definitio traditur a Scholasticis; estque hujusmodi: *Assumptio, seu imploratio divini refrenii ad aliquid confirmandum.* Duum generum est

auctore S. Thoma 1. 1. *Quæst. lxxxix. Art. I. ad 3. Arg.* Alterum quidem est per simplicem contestationem; sicut cum aliquis dicit: *Est mihi Deus testis, vel coram Deo loquor; vel per Deum; quod idem est: aliud est per execrationem &c.* Scio esse aliquos, qui non distinguant invocationem Dei in testem, ab imprecatione, seu execratione, qua sibi jurans, si fallat, imprecatur, ut sibi E. G. Deus iratus sit. Verum ex ea juramenti formula, quæ exstat in *Plantirudente*, atque ex aliis, quas Brissonius in *Opere de Formulis* recenset, plane constat unam ab alia distingui omnino oportere, si ulla est veterum latinorum in notionibus vocum statuendis auctoritas. Initio enim Gripus apud Plautum poscit, ut Labrax Venerem testem appellet, se daturum, si vidulum salvum investigaverit, Gripo eidem talentum magnum argenti: Deinde, roganti Gripo, *quod si fallis?* respondet Labrax sibi imprecans. Adhuc Sigonius *Lib. III. De Republ. Atheniensium* quo loco refert jurisjurandum, quo se obstringebant Heliastæ Atheniensium iudices.

enim injustum esset, non liceret; veritas etiam necessaria est, verum enim debet esse quod juratur quoad conscientiam jurantis, debet enim scire esse ita sicut jurat, alioquin si tantum credit, non debet de conscientia, sed de credulitate jurare: iudicium etiam necessarium est, idest deliberatio discreta, ut non juret etiam quod verum sit & justum sive licitum, nisi propter suam necessitatem, aut proximi utilitatem.

P A R S P R I M A.

§. I.

*Unde probent hæretici juramentum
esse illicitum.*

His visis transeundum est ad aliud, & videndum utrum jurare sit licitum, aut non; Secundum autem viam istam dividimus hoc caput in duas partes. In prima respondebimus objectionibus hæreticorum, propter quas asserunt juramentum esse illicitum: In secunda autem parte ipsum licitum esse ostendemus.

Duabus auctoritatibus innituntur ad probandum suum propositum; una habetur (2) Matth. 5. v. 34. *Ego autem dico vobis non jurare omnino, neque per cælum quia thronus Dei est. (v. 35.) neque per terram: quia scabellum est pedum ejus: neque per Jerusalem: quia civitas est magni Regis (v. 36.) Neque per caput tuum juraveris: quia non potes unum capillum album facere, aut nigrum. (v. 37.) Sit autem sermo vester, est, est: non, non: quod autem his abundantius est, a malo est.* Alia habetur Jacobi 5. v. 12. *Ante omnia autem fratres mei nolite jurare, neque per Cælum, neque per terram, neque aliud quodcunque juramentum. Sit autem sermo vester, est, est: non, non: ut non sub iudicio decidatis.* Terciam etiam auctoritatem inducunt Leonistæ quæ habetur Sapient. 14. v. 31. *Non enim jurantium est virtus.*

His tribus auctoritatibus per ordinem & primo ei quæ habetur Matth. 5. Respondeo: Etiam hoc potest fieri duobus modis; primo (3) enim non potest fieri ibi punctum; *Ego autem dico vobis non jurare omnino*, & hoc vult hæreticus dicens: duo dicta erant Judæis, & unum prohibitum, scilicet non perjurabis; alterum vero concessum, scilicet reddes Deo juramenta tua, idest per nomen Dei jurabis; per hoc autem quod ait: *Ego autem &c.* dicit quod Dominus prohibuit jurare per Deum. Cui dicendum, quod propter hoc non prohibetur universaliter omnis juratio per Deum, sed tantum aliqua; Nonne vides hæretice, quod quando dicit

aliquis Dominus alicui de familia sua; ego dico tibi non facias hoc omnino, V. Gr. ne omnino bibas istum scyphum vini, & tamen vult quod idem aliquid bibat; similiter, ne aperias istud ostium omnino, & tamen vult, quod ex parte illud aperiat. Similiter cum dicit Dominus: *Ego autem dico vobis non jurare omnino*, non tollit omnem jurationem per Deum, sed tantum aliquam; aliquam vero jurationem per Deum concedit.

Præterea, aut tu vis sumere *omnino* pro penitus; ergo non jurare omnino, est non jurare penitus; hoc autem non est universale, sed particulare, quod probo per simile: Dicitur enim Levitici 5. v. 8. *Non penitus abruptatur*, & loquitur de uno turture, aut uno pullo columbæ, qui offerebatur a Sacerdote in sacrificium; Sacerdos autem, ut ibi dicitur eod. vers. *retorquebit caput ejus ad pennulas, ita ut collo adhæreat, & non penitus abruptatur. (v. 9.) Et asperget de sanguine ejus parietem altaris, quidquid autem reliquum fuerit, faciet distillare ad fundamentum ejus, quia pro peccato est.* Levitici 26. ubi loquitur de filiis Israel abjectis in captivitatem inimicorum, eo quod leges Domini despexerunt; & dicit Dominus v. 44. *Attamen etiam cum essent in terra hostili, non penitus abjeci eos; & tamen aliquo modo objecerat eos.* Et valent ista testimonia contra (4) Valdenses, qui Vetus Testamentum recipiunt.

Item 2. Paralip. 12. v. 12. *Nec deleti sunt penitus*; & tamen aliquo modo erant deleti. Et contra Catharos, qui ponunt duo principia potest induci, sicut & contra Valdenses illud Job. 30. v. 8. *Filii stultorum & ignobilium, & in terra penitus non parentes.* Tamen aliquo modo sibi apparebant, aliter non dixisset eis Job: *Filii stultorum &c.* Contra omnes hæreticos dicas, quod etiam si esset penitus, tamen non propter hoc haberetur quod universaliter intelligeretur, sicut si dicam non bibas hoc penitus, & tamen volo, quod inde bibas, sed non totum. Si autem dicat, quod vult sumere secundum quod venit ab *omnis*; Dico ego, quod non venit universaliter, sicut cum dicitur: *Non omnes qui ex Israel, hi sunt Israelitæ*, & tamen aliqui de eis erant Israelitæ; Unde Rom. 11. v. 1. dicit Apostolus: *Nam & ego Israelita sum.*

Item Johan. 1. v. 47. *Ecce vere Israelita, in quo dolus non est.* Similiter cum dicitur, quod non omnium est fides, & tamen aliquorum erat.

Contra hoc autem inducet illud, quod habetur Levitici 21. v. 2. ubi minoribus Sacerdotibus filiis Aaron prohibetur interesse funeribus, aliquibus exceptis, scilicet Patre, & Matre, filio, & filia, fratre, & sorore virgine nondum nupta, sed ex toto prohibetur Summo Pontifici interesse alicui funerali; unde v. 11. dicitur: *Pontifex idest Summus Sacerdos, ad omnem mortuum non ingreditur omnino.* Ecce quod ibi

(2) Hoc idem argumentum sibi opponit S. Thomas II. II. Quæst. lxxxix. Art. II. Arg. I. quod sciret Catharos omnes in eo præcipue vim fecisse.

(3) Paria respondent Pilichdorffius contra Valdenses cap. xxxvi. Tom. xxv. Bibl. PP. Edit. Lugdun. & Ebrardus in Antihæresi Adv. Vald. cap. xlv. Tom. xxiv. Ejusd. Biblioth. S. Thomas vero, Augustini nixus auctoritate: Loco mox indicato. Sicut Augustinus, inquit, dicit in lib. de Mendacio cap. xv. Apostolus in Epistolis suis jurans ostendit quomodo accipiendum esset, quod dictum est: Dico

vobis, non jurare omnino; ne scilicet jurando ad facilitatem jurandi perveniat, & ex facilitate jurandi ad consuetudinem, & a consuetudine in perjurium decidatur. Et ideo non invenitur jurasse nisi Scribens, ubi consideratio cautior, non habet linguam præcipientem. Adeundus Augustinus Serm. clxxx. al. xxviii. de Verb. Apost. Tom. v. Opp.

(4) Nempe Catharis assentiebantur Valdenses, nefasque esse putabant jurare.

ibi sumitur universaliter; ergo & Matth. 5. non omnino &c.

Solutio: Non est simile o hæretice, quia Levitici 21. illa universalitas aliunde intelligitur, quia dicit ad omnem mortuum non ingreditur omnino: etiam si ibi non esset *omnino*, tamen universaliter intelligeretur, quia dicit ad omnem non: Constat autem quod *omnis non* tantum valet, quantum nullus, & *omnem non* quantum nullum; illa ergo universalitas non intelligitur ex *non omnino*, sed ex *omnem non*: idem enim est ac si dicat, ad nullum mortuum ingreditur omnino.

Ad idem etiam inducunt illud Daniel. 3. v. 10. *Et non tetigit eos omnino ignis.*

Solutio: Non intelligitur universaliter hoc verbum, non enim sensus est, nullo modo tetigit eos, sed non tetigit eos omnino, tetigit quidem eos, cum in ipsum projecti sunt per applicationem, sed non quoad sensum ardoris ipsius ignis, quem non senserunt, nec inde molestiam habuerunt.

Præterea, proba tu, quod universaliter; ego dico quod non, quia non dixit, quod ignis non tetigit eos, sed quia non tetegit eos omnino.

Præterea, illa Scriptura non est sumpta ex veritate Hebraica ut dicit translator in præfatione in Daniele. Nunquid tibi sufficit divina Scriptura, nisi sumas Apocrypham?

Ad idem inducunt illud quod habetur Levitici 18. v. 23. *Mulier non succumbet omni jumento, nec miscebitur ei*, non omni dicit, idest nulli.

Solutio: Dico quod licet præponat negationem signo, tamen intelligitur post, idest omni jumento non succumbet: quod autem ita sit patet per hoc, quod præcessit eodem vers. *Cum omni pecore non coibis.*

Ad hoc autem, quod dictum est supra, objiciet hæreticus; quod si sic est, ut dicitur, non sumitur universaliter, nec prohibita est per Deum juratio, imo sicut tunc Judæi (5) reddebant juramenta sua Domino, ita & nos possumus facere; ergo Christus nihil addidit; Quomodo ergo Christus dixit Mat. 5. v. 17. *Nolite putare quoniam veni solvere legem: aut prophetas: non veni solvere, sed implere?* Istud autem non audebit Catharus dicere, qui non credit, quod venerit legem Moydis implere, sicut habitum est in quarta parte hujus operis in cap. de Lege.

Ad hoc dicendum est hæretico, unde habes, quod Dominus addidit legi? Si dicat, ex hoc quod ait, non venisse legem solvere, sed adimplere. Respondeo: implere non est addere; nonne vides quod ad Roman. 13. v. 8. dicitur: *Qui enim diligit proximum,*

legem implevit? Utique; nec tamen aliquid addidit legi. Si dicat se habere ex hoc quod legitur Mat. 5. v. 20. *Dico enim vobis, quia nisi abundaverit justitia vestra plus quam Scribarum, & Phariseorum, non intrabitis in regnum Cælorum.* Respondeo: non dixit plusquam justitiam legis, sed plusquam justitiam illorum, qui abstinebant tantum ab opere malo, sed non a voluntate, mundantes tantum quod de foris erat, ut habetur Matth. 23. v. 25. pleni tamen erant intus rapina, & immunditia. De hoc autem adhuc dicitur capite 13. potest tamen secure dici, quod addidit aliud secundum pravam Judæorum intentionem; Judæi enim per Deum jurantes, si verum jurabant, in nullo credebant se venire contra illud mandatum: *Non assumes nomen Domini Dei tui in vanum* Exodi 20. v. 7. secus autem est modo, quia contra illud mandatum venit, qui etsi verum jurat, tamen absque necessitate, & utilitate hoc facit; justitia illorum fuit per nomen Dei non pejerare, sed verum jurare, nisi necessitate vel utilitate interveniente; justitia enim illorum erat non jurare dolose, iustitia christianorum non jurare dolose nec superflue (6); unde Deuteronomii 5. v. 11. *Non usurpabis nomen Domini Dei tui frustra*, quia non erit impunitus, qui super re vana nomen ejus assumpserit. Et appellatur vanum non solum falsum, sed etiam inutile, & non necessarium, quod patet ex eo quod præmisit *frustra*; ut Deuto; loc. cit. *Non usurpabis &c.*

Notandum autem ad prædictorum intelligentiam, triplicem esse jurationem, scilicet pravam, utilem, & superfluum, sive otiosam. Prava idem est, quod perversa juratio, quando scilicet non juratur justum, vel verum, vel certum, id est quando aliquid illorum trium defuerit, quæ diximus fore necessaria juramento, quæ sunt justitia, veritas, & judicium. Utiles sunt jurationes, quæ fiunt pro commodo sui ipsius, vel proximi. Superflue, quæ carent omni necessitate, & utilitate: Prima juratio ibi tollitur cum dicit Matth. 5. v. 33. *Iterum audistis, quia dictum est antiquis, non perjurabis:* Secunda ibi conceditur eod. vers. *Reddes autem Domino juramenta tua;* quod facimus, quando per nomen Domini non frustra juramus verum, & justum sive licitum, & certum: non enim reddimus Deo juramenta, ex hoc solo, quod verum per ipsum juramus, nisi, & in hoc Deum honoremus; si autem frustra juramus non honoramus eum, imo potius vituperamus, quia ipsum contemnimus, ideo, quia ipsum in testem alicujus rei frustra, & vane inducimus. Tertia ergo juratio, idest otiosa sive

(5) S. Augustinus *Sermone cxxx. al. xxviii. de Verbis Apost. cap. 1 v. Tom. v. Opp. si peccatum*, inquit, *esset juratio, nec in Veteri lege diceretur, non perjurabis, reddes autem Domino jusjurandum tuum. Non enim peccatum præciperetur nobis...* & cap. v. *ut noveritis verum jurare non esse peccatum, invenimus & Apostolum Paulum jurasse &c.*

(6) Communis hæc Ecclesiæ Catholice Traditio est, Sacrarum Scripturarum auctoritate confirmata. Nam Deum appellare testem in rebus iis, quæ parvi inter sunt, est in *vanum Dei nomen assumere*. Consultor Johannes Chrysostomus *Homil. xix. & lx. in Acta Apostolorum*. Quod si peccat, qui in re levi Deum testem appellat; multo magis peccet necesse est, si juret se facturum peccatum, aliquid sive mortale, sive veniale. Peccat autem lethaliter. Vide S. Ambrosium *Lib. I. de Officiis Ministrorum cap. I. & lib. ii. cap. xii. Salvianum Lib. iv. de Gubernatione Dei; Concilium*

Toletanum viii. cap. ii. Ilerdense *can. vii. Troslejanum cap. xi. & S. Thomam ii. ii. Quæst. xcvi. Art. ii. ad I. argum.* quo loco ait: *Ille, qui jurat se facturum aliquid illicitum, jurando incurrit perjurium, propter defectum justitiæ. Pejerat ergo, qui jure jurando promittit se facturum peccatum aliquod, etsi veniale.* Quapropter Miror Sanchezum, & Escobarium in ea opinione versari, ut *veniale* piaculum patrari ab eo putent, qui *veniale* peccatum se facturum polliceatur. Sic enim habet Escobarus *Tract. I. Exam. ii. cap. vii. pag. 62. Libri Theolog. Moralis. Edit. ann. 1650. juramentum promissorium de faciendo peccato veniali, quodnam peccatum est? Veniale tantum esse Sanchez idem affirmat. Sed quid est obsecro? nisi hoc profanare Dei nomen est? Merito ergo Innocentius XI. an. 1679. hanc damnavit propositionem. *Vocare Deum in testem mendacii levis, non est tanta irreverentia, propter quam velit, aut possit damnare hominem.**

sive superflua, quæ sit frustra, ibi tollitur cum dicit Christus Matth. 5. v. 34. *Ego autem dico vobis, non jurare omnino*, idest in omni causa, sed tantum in causa propriæ, vel fraternæ utilitatis; bene ergo postquam Dominus dixerat, *Dictum est antiquis*, quod redderent Domino juramenta, dixit: *Ego autem dico vobis*, idest præcipio vobis *non jurare omnino*, superflua etiam, per nomen Domini. Non dixit Dominus, ego autem dico, idest præcipio vobis non jurare, si enim hoc dixisset, jurare ex toto prohibuisset; sed apposuit *omnino*, ut sic ostenderet, se non prohibere jurare, sed prohibere, ne ipsum in omni causa faciamus; quia sicut prædictum est, aliud est si dicam, ne aperias ostium, & ne aperias ipsum omnino, sive penitus. Sicuti autem non est omnino jurandum per Dominum, ita etiam non omnino est jurandum per creaturam; propter hoc dixit v. 34. *Neque per cælum, quia thronus Dei est*. Quia enim dixerat, non esse jurandum omnino sive penitus per Deum, ne quis crederet, quod liceret jurare omnino per creaturam, illud dixit Dominus, *Neque per cælum, quia thronus Dei est*, idest non per creaturam superiorem v. 35. *Neque per terram: quia scabellum est pedum ejus*, idest inferiorem; *neque per Hierosolimam, quia civitas est magni Regis* (v. 36). *Neque per caput tuum juraveris*: quia non est tuum opus, quia nec etiam capillus tuum opus est; unde subdit eod. vers. *quia non potest unum capillum album facere, aut nigrum*. Quasi dicat, si non potes ei dare esse album vel nigrum naturaliter, multo magis non potes ei dare esse (7).

In omnibus verbis istis, in quibus innuit, quod omnia ista opera Dei sunt, intendit Dominus ostendere, quod non est jurandum omnino per aliquod creatum, quia qui omnino per ista juraret, juraret omnino per operatorem ipsorum, scilicet Deum. Sic enim ipse ait Matth. 23. v. 22. *Et qui jurat in cælo, jurat in Throno Dei, & in eo, qui sedet super eum*. Sequitur Matth. 5. v. 37. *Sit autem sermo vester, est, est: non non: quod autem his abundantius est, a malo est*. Ex quo volunt omnes hæretici tam Cathari, quam Valdenses, quod jurare malum sit, quia amplius dicit, quam est, est, non, non (8).

Solutio: Istud verbum Domini, est, est &c. dupliciter potest intelligi. Primo sic. Si est ita, dicatis, est; si non est ita, dicatis, non est; Monet autem verum dicere, & mendacium vitare, secundum hoc, id quod sequitur, potest sic exponi; Quod autem his abundantius est, quam est est, non non, idest id, quod est ultra veritatem, a malo est; sed ultra veritatem non est nisi mendacium; sic ergo non dehortatur a juramento vero, sed a mendacio. Aliter potest exponi illud: *Sit sermo vester, est, est: non, non*; bis dicit est, & bis non, ut innuat, & moneat nos ad affirmandum verum tantum in duobus casibus, scilicet cum ipsa affirmatio veritatis est utilis nobis, vel etiam proximo. Similiter vult, quod falsum negamus, quando ipsa negatio utilis est nobis, vel proximo. Quod autem his abundantius est, scilicet loqui verum ultra id, quod utile est nobis vel proximo, a malo est, & malum est quia peccatum est, quoniam otiosum verbum est, de quo oportebit rationem reddere in die judicii. Sed ne videamus subterfugere objectionem Cathari dicamus, quod cum Dominus dixit, sit autem sermo vester est, est; non non; monet Dominus verum loqui sine juramento; quod autem his abundantius est, scilicet jurare, a malo est, nec tamen est malum; non enim sequitur hoc est a malo, ergo est malum; V. G. commendare se est a malo, ut patet 2. Corinth. 12. v. 11. ubi dicit Apostolus: *Factus sum insipiens; vos me coegistis. Ego enim a vobis debui commendari*; dicit autem Apostolus insipientem, idest commendantem se, in quo apparebat illis insipiens.

Præterea, quod dicitur *a malo*, sic intelligitur, a malo scilicet exigentis (9), non a malo præstantis juramentum, a malo dico a malitia, non a malo, idest a culpa, quia non peccat, qui exigit juramentum, sicut nec, qui facit ipsum, illa malitia, sive infirmitas ignorantia est, quia enim nescit, qui exigit juramentum, an ille a quo ipse exi-

N n n

git

(7) Præstat huc Innocenti III. Pontificis verba transferre, ut quæ ad rem maxime pertineant. Expressa autem sunt ex Epistola ad Abbatem, & Capitulum Castellionis, referunturque Lib. II. Decretal. Titulo xxiv. De jurejurando Cap. xxvi. Et si Christus. „ Licet juramentum prohibuisse Dominus videatur, nullo, quam tamen per Creatorem, sed per creaturam jurare prohibuit, ne per hujusmodi juramentum transferretur ad creaturam, honorificentia Creatoris. Quare cum in Evangelio præmisisset: *Dico vobis: Nolite jurare omnino*; statim subiunxit: *Neque per Cælum, quia Thronus Dei est, neque per Terram, quia Scabellum pedum ipsius est, neque per Hierosolimam, quia Civitas regis magni: neque per caput tuum, quia non potes unum capillum facere album, aut nigrum*. Et quamvis non sit per creaturam jurandum: si tamen juretur per creaturam, servandum est quidem, dummodo sit licitum, quod juratur: quia teste veritate, qui jurat in Cælo, jurat in Throno Dei, & in eo, qui sedet super eum. „ Hactenus Innocentius. Paria habet Hieronymus Comment. in Matth. Cap. v. Verum satis id non esse ait S. Thomas II. II. Quæst. lxxxix. Art. II. ad 1. Arg. Sed quod ex Augustino adjungi oportere autumat S. Thomas, quod jam retulimus Notatione II. in hoc Caput, adjungitur mox ab Innocentio, quem consulere poterit Lector.

(8) Hoc idem argumentum sibi opponit S. Thomas loco mox indicato ad 2. Arg. Neque vero S. Thomas solum, sed etiam ante ipsum S. Augustinus Lib. I. De Sermonibus Domini in Monte Cap. xxx. & Innocentius III. loco citato.

(9) Eodem spectat responsum adhibitum ab Augustino loco indicato notatione superiore, quod Sanctus Thomas probat II. II. Quæst. lxxxix. Art. II. ad 2. Arg. „ Si jurare cogeris, scias de necessitate venire infirmitas eorum, quibus aliquid suades, quæ utique infirmitas malum est. Itaque non dixit: *quod amplius est, malum est*; sed *a malo est*. Tu enim non malum facis, qui bene uteris juratione, ut alteri persuadeas, quod utiliter persuades; sed a malo est illius, cujus infirmitate jurare cogeris. „ Non discrepat Innocentius III. „ Etsi Christus, inquit, præcepit secundum Evangelicam veritatem, sit sermo vester; est, est; non, non; ut affirmatio, vel negatio, sicut procedit ex ore; ita procedat ex corde; quia tamen hominum exescente malitia, simplici assertioni, vel negationi vix creditur; idcirco pruden- ter adjunxit: *quod amplius est, a malo est*. „ A malo quidem non tam culpæ, quam pœnæ, nec exhibentium, sed exigentium juramentum. Nam incredulitas hujusmodi magis est pœna, quam culpa. Unde non dixit *malum*; sed *a malo*.

git juramentum fidelis sit, idest verax in promisso simplici, ideo exigit juramentum ab ipso, ut timore illius, quem testem induxit, & per consequens judicem, si non attenderet secundum promissum suum, non perjuret dicit enim Dominus Malach. 3. v. 5. *Et accedam ad vos in iudicio, & ero testis velox maleficis, & adulteris, & perjuraribus*, idest contra perjuros. Supra etiam inductum est testimonium Jeremiæ 29. v. 23. *Ego sum iudex, & testis, dicit Dominus*; & quod ita sit, ut dixi, patet Deutoron. 6. ubi locutus Moyse de juramento præmisit v. 13. *Dominum Deum tuum timebis, & illi soli servies*, & subdit eod. vers. *ac per nomen illius iurabis*. His autem testimoniis uti possumus ad Valdenses, sed non ad Catharos, qui Vetus Testamentum non recipiunt. Quod autem ista ignorantia appellatur malitia, sive infirmitas, habeo inde testimonium Apostoli ad Rom. 8. v. 26. *Similiter autem & spiritus adjuvat infirmitatem nostram*, idest ignorantiam; unde subdit eod. vers. *Nam quid oremus sicut oportet nescimus*; Quomodo autem adjuvet subdit eod. vers. dicens: *sed ipse Spiritus postulat pro nobis*; idest postulare facit, & dirigit nos ad postulandum, quod per nos nescimus. Si autem objicit, quod dicit quidam Sanctus, sermo fidelis pro juramento habendus est; dic: verum est, ubi scitur fidelis, idest verax, sed hoc de nullo homine mortali scitur, unde non peccat, qui exigit juramentum quando utile est.

Secundo modo potest exponi de alio malo, scilicet de controversia, & de hoc habeo testimonium Apostoli ad Hebr. 6. ubi Apostolus determinat per quem proprie sit jurandum, quia per maiorem, sicut dictum erat antiquis. Reddes autem Domino juramenta tua, idest per nomen Domini Dei tui iurabis Deutor 6. v. 13. Ibi etiam dicit Apostolus, quo fine sit jurandum, scilicet ut controversia, quæ est inter aliquos, finiatur; unde ait v. 16. *Homines enim per maiorem sui jurant: & omnis controversiæ eorum finis ad confirmationem, est juramentum*. Quod ergo abundantius est, quam est, est, non, non, scilicet juratio, a malo est, idest a (10) controversia est, scilicet, ut ipsa tollatur de medio. Ecce o hæretice evidentissime argumenta, & testimonia ejus, quod dico, scilicet, quod ibi Dominus appellat malum, cum dicit a malo est. Si autem aliud dicis, inde testimonium adducas; si non potes, obmutesce.

§. II.

Qualiter sit juramentum præstandum, & quod juramentum sit obligatorium.

Nunc diximus jurationem otiosam prohiberi, cum dicitur Matth. 5. v. 34. *Ego autem dico vobis non jurare omnino*; Ad instructionem Catholicorum simplicium dicamus, quod ista juratio, aut sit subito, & sine deliberatione, & sic dissuadetur, venialis enim est, non mortalis; si autem deliberata est, mortalis est propter contemptum Dei, qui ibi est, ut patet ex eo, quod dictum est in principio hujus capituli (11).

Sunt autem aliqui, qui aliter intelligunt illud verbum: *Ego autem dico vobis non jurare omnino*; intelligentes illud sic, idest in omni, vel fere omni verbo tuo, & sic prohibetur consuetudo jurandi, ut patebit cum loquemur de auctoritate B. Jacobi; vel omnino, idest per omnem rem. Et subdit quasi exponens se, *neque per Cælum, quia thronus Dei est &c.* in quo sensu fiat hujusmodi prohibitio jam dicetur. Si autem quæretur quid Dominus addiderit, dici potest, quod nihil addidit ipsi legi secundum rei veritatem, in Veteri enim Lege non fuit prohibitum jurare per creaturam, sed per nomina externorum Deorum, scilicet Baalim, & hujusmodi.

Quod autem Judæis non fuerit prohibitum jurare per creaturam (12), patet Genes. 42. v. 15. ubi dicitur, quod Joseph juravit per salutem Pharaonis.

Item 1. Reg. 20. v. 3. *Quinimo vivit Dominus, & vivit anima tua, quia in uno tantum [ut ita dicam] gradu, ego, morsque dividimur*.

Item 2. Reg. 14. v. 19. *Per salutem animæ tuæ Domine mi Rex, nec ad sinistram, nec ad dexteram est ex omnibus his quæ locutus est Dominus meus rex*. Et Judith. 11. v. 5. *Vivit enim Nabuchodonosor rex terræ, & vivit virtus ejus, quæ est in te ad correctionem omnium animarum errantium: quoniam non solum homines serviunt illi per te, sed & bestię agri obtemperant illi*.

Item Judith. 12. v. 4. ait ipsa ad Holofernem: *Vivit anima tua Domine meus, quoniam non expendet omnia hæc ancilla tua, donec faciat Deus in manu mea hæc, quæ cogitavi*. Capite vero 13. v. 20. juravit per Dominum dicens: *Vivit autem ipse Dominus, quoniam custodivit me Angelus ejus*.

Item Matth. 23. v. 16. & seq. habetur, quod ipsi jurabant per creaturam, scilicet per templum, & aurum ejus, & per altare, & per donum, quod super illud erat.

Quod

(10) Innocentius III. loco indicato: „Non dixisset, inquit, Apostolus. *Homines per maiorem suum jurant, & omnis controversia eorum finis est juramentum*. In quo patenter ostendit per quem sit jurandum, cum ait: *Homines per maiorem suum jurant*; id est per Deum; & cur sit jurandum; ut videlicet omnis controversiæ finis sit juramentum. Consule Synodum Tolentanam VIII. Can. 11. celebratam an. 653. Tom. VIII. Concil. Edit. Venet. col. 415.

(11) Consule S. Thomam II. II. Quæst. LXXXIX. Art. II. & Natalam Alexandrum Lib. IV. Theol. Moralis Cap. IV.

Art. III. Regula VII. Estium in III. Sententiar. Dist. XXXIX. §. 4. & Sylvium in II. II. S. Thomæ Partem Summæ Theologicæ Quæst. LXXXIX.

(12) Consulendus S. Thomas Quæst. LXXXIX. Art. VI. quo loco ostendit, quemadmodum jurare per creaturam liceat, & quemadmodum contra in casibus quibusdam nefas sit. Nempè non licet per creaturam jurare, ut ei divinus adhibeatur honor; licet autem, si juret quisquam per creaturam, non secundum se, sed inquantum in eis veritas Divina manifestatur. Id vero aliquantulum inferius observat etiam noster.

Quod autem per nomina idolorum fuerit prohibitum eis jurare, patet Jeremiæ 5. v. 7. ubi dicit Dominus. *Filii tui dereliquerunt me, & jurant in his, qui non sunt dii.* Osee 2. v. 17. *Et auferam nomina Baalim de ore ejus, & non recordabitur ultra nominis eorum.*

Item Jeremiæ 12. v. 16. *Et erit: Si eruditi didicerint vias populi mei, ut jurent in nomine meo, vivit Dominus, sicut docuerunt populum meum jurare in Baal;* In quibus verbis patet, quod *vivit Dominus* juramentum est; & est sicut per Deum viventem (13).

Hæc allata testimonia Veteris Testamenti non valent ad Catharos, sed ad Valdenses; valent tamen testimonia Prophetarum contra Catharos, qui ponunt duo principia. Ad omnes autem valet illud testimonium, quod dictum est ex Matth. 23. Ubi sciendum est, quod Dominus non arguebat eos de juramento facto per creaturas, sed de falsa æstimatione, qua putabant non teneri, si per quasdam earum jurabant; quo ad istam pravam intentionem illorum aliquid est additum, quia expressum est, quod non licet jurare per creaturam putando se non teneri (14); sed secundum rei veritatem nihil est additum: quia in illo mandato, non assumes nomen Dei tui in vanum, comprehendebatur juramentum factum per creaturam dolose, vel pro nihilo, ut tactum est in principio hujus capituli, ubi habetur qualiter creatura in testem inducatur, quæ non potest per se testis esse; dictum est enim, quod non inducitur in testem per se, sed per Creatorem, a quo trahit esse suum. Ex hoc quod dictum est, manifestum est, qualiter Dominus prohibuerit jurare per Cælum, & terram, & hujusmodi; isto enim modo prohibuit, ne scilicet jurent per hæc, putantes se non teneri, quia qui per hæc jurat, jurat & per creatorem, ut dicitur Matth. 23. v. 17. & seq.; unde si tenetur jurans per Creatorem, tenetur, & qui jurat per creaturam.

Alio etiam modo prohibitum est jurare per creaturam, scilicet reverendo eam tanquam Dominum, & credendo ipsam esse Deum suum (15). Hoc modo peccabant idolatræ, qui jurabant per creaturas, quas colebant, quibus serviebant tanquam Diis. In isto errore fuerunt illi de quibus habetur Rom. 1. v. 25. *Qui commutaverunt veritatem Dei in men-*

dacium: & coluerunt, & servierunt creaturæ potius, quam Creatori. De ista commutatione veritatis in mendacium habetur Jeremiæ 2. v. 11. *Populus vero meus mutavit gloriam suam in idolum;* idolum mendacium dicitur, quia non est illud, quod dicitur esse. Sed nunquid in isto intellectu prohibendo jurare per creaturam est aliquid additum legi? Dico quod non: ista enim prohibitio comprehensa est in illo mandato: *Et per nomen externorum Deorum non jurabitis*, ut legitur Exodi 23. v. 13.; qui enim jurat per creaturam in illa credulitate, jurat per Deum alienum.

§. III.

*Qualiter intelligenda sit auctoritas
B. Jacobi.*

Viso qualiter intelligenda est auctoritas Domini in Matth. *Ego dico vobis &c.* ostenso etiam quod non est contraria omni juramento; videamus qualiter intelligenda est (16) auctoritas B. Jacobi 5. v. 12. *Ante omnia autem fratres mei nolite jurare neque per cælum, neque per terram, neque per aliud quodcumque juramentum; Sit autem sermo vester, est est; non, non: ut non sub judicio decidatis.* Ubi dicit hæreticus: Vides, quia dixit simpliciter *nolite jurare*, & non apposuit omnino; voluntas igitur jurandi prohibita est, ergo & actus.

Solutio: Valdensi potest dici illud, quod habetur 1. Johannis 2. v. 15. *Nolite diligere Mundum;* & tamen meritorie possunt diligere illum in aliquo casu: a simili, licet dicat Jacobus: *nolite jurare*, non removetur propter hoc, quin possit jurari in aliquo casu.

Præterea, duplex est voluntas, una tracta vel a propria necessitate (17), vel fratris utilitate; illa non prohibetur; est etiam voluntas absoluta, hujusmodi prohibetur; non enim voluntas talis debet te ad juramentum movere, quia non debes jurare, nisi propria tua necessitate, vel proximi utilitate, & hoc omnibus dici potest. Secundo modo potest omnibus dici, quod B. Jacobus non addidit verbis Domini, nec plus prohibuit, cum discipulus non sit supra magistrum Matth. 10. v. 24.; unde ibi intellexit hoc ipsum omnino: nolite jurare, supple

N n n 2

omnino,

(13) Ita quidem factum est, ut veteres Christiani per falsos Deos, vel per genium Cæsarium jurare vetuerint. Sanctus Hieronymus *Epistola olim cXLVI.*, Absit, inquit, ut de ore Christiani, no sonet: *jupiter omnipotens, & Me Hercule, Me Castor, & cetera*, magis portenta, quam nomina. S. Polycarpus jussus, jurare per Cæsaris Genium; respondit: *Christianus sum*, ut memorie tradidit Eusebius *lib. IV. Hist. Cap. xv.* Adeundus Eftius in *lib. III. Sent. Dist. xxxix. §. 6.*

(14) S. Augustinus *Sermone cLxxx. al. xxviii.* *Quia multi*, inquit, & in hoc falluntur, & putant, quia nihil est per quod jurant, non teneri perjurii. Prorsus perjurus es; quia per id, quod Sanctum putas, falsum juras. Sed ego illum Sanctum non puto. Sanctum putat is cui juras... Non te audit lapis loquentem; sed punit te Deus fallentem.

(15) S. Hieronymus *Commentar. in v. Cap. Evang. Matth.* Hanc per elementa jurandi, inquit, pessimam consuetudinem semper habuere Judæi, sicut prophetalis eos frequenter arguit *Sermo...* Judæi per Angelos, & Urbem Jerusalem, & templum, & elementa jurantes, creaturas, resque carnales venerabantur honore, & obsequio Dei.

(16) Innocentius III. loco indicato superioribus notationibus hoc idem sibi e Jacobi Epistola objicit. Quia etiam Ebrardus *lib. contra Valdenses Cap. xv. pag. 1556. Tom. xxiv. Bibl. PP. & ceteri*, qui Catharos, atque Valdenses exagitarunt, fere omnes, cum perspectum haberent hæreticos illos nisi Sancti Jacobi testimonio; illud sibi objecerunt, atque ita interpretati sunt, ut ostenderint nihil eo contineri, quod sententiæ Catholicæ non respondeat altera ex parte.

(17) Commodum transferri huc possunt Innocentii III. verba, ex laudata ad Abbatem Castellionensem Epistola: *Jacobus*, inquit, *non simpliciter prohibet juramentum, sed voluntatem jurandi*, cum ait: *Ante omnia fratres mei &c. quoniam ad juramentum non debet quemquam spontanea voluntas inducere; sed necessitas trahere importuna, & tunc potes sine culpa jurare, dummodo illos tres comites habeat juramentum, de quibus Propheta ait: Et jurabunt vivit Dominus in veritate, & in judicio, & iustitia. Quod autem Jacobus subdit, neque per cælum, neque per terram, neque per quodcumque aliud juramentum: jurare vetat per quamlibet creaturam, quodcumque sit illud: alioquin non dixisset Apostolus: Homines per majorem suum jurant.*

omnino, ut prius expositum est, vel idem est *omnino*, quod & ante omnia, ut sit sensus: nolite jurare ante omnia verba vestra; similiter ergo dico vobis non jurare omnino, idest in omni verbo, & sic prohibetur consuetudo jurandi (18).

Istud verum est, nec habet hæreticus, quod dicat contra hoc: nisi dicat, quod Jacobus præponit signum universale negationi, ergo sensus est, ante nulla velitis jurare.

Solutio: Licet Jacobus præponat signum quantum ad vocem, tamen intelligitur post, propter verba Magistri, idest Christi cui magis standum est. Potest autem istud confirmari testimonio manifesto ad Valdensem, & ad Catharum, qui duo ponit principia. Scriptum est enim Eccles. 23. v. 9. *Jurationi non assuescat os tuum*; & vide quomodo concordat cum B. Jacobo, qui dicit ante omnia, scilicet verba, nolite jurare: non est enim sensus, ante omnia alia peccata nolite &c. cum multa alia sint majora (19) quam hoc, ut idolatria, & hæresis.

Præterea, in Eccles. post illa verba jurationi &c. eod. vers. statim dicitur causa: *multi enim casus in illa*; Nonne hoc est, quod Jacobus ait: *Ut non sub judicio decidatis*? Utique. Sic igitur concordat doctrina Novi Testamenti doctrinæ, quæ fuit antequam Christus veniret. Ecce habes Valdensis, & tu Cathare, qui duo ponis principia, evidens testimonium expositionis, quam facio super verba Domini, & Jacobi; Quare ergo aliam audes facere expositionem, de qua testimonium non habes? Alia testimonia de hac prohibitionem consuetudinis jurandi habentur Ecclesiast. 23. v. 10. *Nominatio vero Dei non sit assidua in ore tuo*.

Item v. 11. *Sic omnis jurans, & nominans, in toto a peccato non purgabitur*, scilicet eo, quod dicit Jacobus: *Ante omnia &c.*

Item v. 12. *Vir multum jurans implebitur iniquitate*.

Potest & aliter solvi, quia non dixit Jacobus ante omnia nolite jurare, sed dixit: *Nolite jurare, neque per cælum, neque per terram &c.* Sic ergo non tulit voluntatem jurandi, sed jurandi per creaturam in sensibus prædictis.

Sed dicet hæreticus, nec per aliud quodcunque juramentum, ergo per nullum.

Hoc argumentum non valet; non dixit, nec per aliud aliquod, sed nec per aliud quodcunque &c.; nonne vides, quia cum ego ob amorem tui aliquid facio, possum dicere vere loquendo, ego non facerem hoc pro alio quocunque, & tamen non sequitur, ergo pro nullo alio. Unde sciendum, quod juramentum dicitur hic illud, per quod juratur, scilicet Jerosolyma, caput, & hujusmodi, ut patet ex verbis Magistri, idest Christi Matth. 5. v. 34. & seq. quoniam per hujusmodi non debet jurari eo modo quo prædiximus; Homines enim per majorem

sui jurare debent, ut dicit Apost. ad Hebr. 6. v. 16. Homo autem est major qualibet alia creatura (20) ab Angelo per naturam; & est major Angelo per gratiam in capite suo, idest Christo, qui secundum quod homo tanto major Angelis effectus est, quanto præ illis differentius nomen hæreditavit. Si igitur contingat aliquando jurare per creaturam; sciendum quod non absolute jurandum est per eam, sed habito respectu ad Creatorem, & sic verum est, quod ait Christus Matth. 23. v. 22. *Et qui jurant in cælo, jurant in throno Dei, & in eo, qui sedet super eum*. Quod autem dicit Jacobus: *Sit autem sermo vester, est; est, non, non*; intelligendum est, quando non cogit necessitas propria, vel utilitas aliena.

§. IV.

Qualiter intelligantur verba Sap. 14. v. 31.

Viso qualiter intelligenda sint verba Domini, & Jacobi; accedamus ad testimonium, quod introducunt ex Sapientia 14. v. 31. *Non enim jurantium est virtus*. Istud autem testimonium pro nobis est, subjungitur enim eod. vers. *Sed peccantium pœna*; & est sensus non ex virtute, sed ex infirmitate, scilicet ex pœna peccantium, quæ pœna est ignorantia, an ille, qui promittit nobis aliquid, verax sit in promisso; hoc autem idem est ei, quod dicit Christus, *a malo est*, sive malitia, quam incurrimus propter peccatum primorum parentum, qui voluerunt esse sicut Dii scientes bonum, & malum, & facti sunt ignorantes cum tota posteritate sua, excepto Christo. Ex pœna ergo peccantium (21) est juramentum, & vere homines peccantes sunt, quia ut ibi dicitur eod. vers. ipsi semper perambulant iniquorum prævaricationem, idest mandatorum Dei, quorum unum est prohibitio mandati; quoniam si nullus prævaricaretur, sed servaret verbum suum, & promissum simpliciter, nunquam ab alio exigeretur juramentum.

P A R S II.

Probatio Ecclesiæ, quod juramentum in casu sit licitum.

§. V.

Quid sit jurare.

Pertractata prima parte hujus capituli, ad secundam veniamus, scilicet quod juramentum est licitum, & quia hoc maxime patet per cognitionem ejus,

(18) S. Augustinus *Sermone* CLXXX. alias XXVIII. *De verbis Apostoli* quo loco expendit Jacobi Testimonium: *Quare, inquit, ante omnia nolite jurare*? . . . *Isto verbo, quod ait: ante omnia, cautos nos fecit adversus linguam nostram*. Ante omnia ait: ut attendatis præ ceteris, ut vigiletis, ne surrepat vobis consuetudo jurandi &c.

(19) Consule Augustinum loco mox indicato: ubi hæc habet: *Ante omnia nolite jurare*. Jurare enim pejus est, quam furari? Jurare pejus est, quam adulterare? Non dico, falsum jurare: jura;

re dico, jurare pejus est quam hominem occidere? Abst. Hominem occidere, adulterari, furari, peccatum est. Jurare non est peccatum; sed falsum jurare, peccatum est. Quare ergo: ante omnia? Isto verbo, quod ait: ante omnia: Cautos nos facit &c. ut scripsimus notatione superiore.

(20) Adeundus Innocentius III. l. c.

(21) Vide Notationem 9. in hoc cap. imprimisque verba Innocentii III. quæ ibi laudavimus.

ejus, quod est jurare, ideo illud prius inquiramus; non enim potest homo bene judicare quale sit, nisi prius cognoscat, quid ipsum sit. Et hæc fuit maxima causa, quare quidam erraverunt in juramento, quia quid ipsum sit non intellexerunt. Secundo videbimus, quare dicunt esse malum. Tertio ostendemus, quod non est malum.

Quæro in primis, quid est jurare? Si dicat, quod hoc idem est, ac Deum in testem (22) suæ locutionis inducere, hoc faciebat Apostolus ad Rom. 1. v. 9., & in multis locis; Ergo Apostolus juravit, ergo non fuit ei prohibitum juramentum, vel aliis Apostolis per illud verbum eis dictum a Christo Matth. 5. v. 34. *Ego autem dico vobis, non jurare omnino*. Ergo jurare non est prohibitum Ecclesiæ Dei. Si autem dicat, quod jurare est alicui pœnæ se obligare, vel alicui damno; hoc etiam fecit Apostolus Act. 25. v. 11. ubi ait Judici seculari. *Si enim nocui, aut dignum morte aliquid feci, non recuso mori*; quasi dicat, ego non feci, & si feci, ego obligo me morti, ergo Paulus juravit.

Præterea, pauperibus Valdensibus, & Catharis, qui ponunt duo principia, potes obijcere illud, quod habetur Jeremiæ 5. v. 2. *Et jurabis, vivit Dominus, in veritate, & in judicio, & in justitia*. Et in pluribus locis; Ergo *vivit Dominus* (23) juramentum est, & tamen sic dicendo non obligatur quis damno vel pœnæ; quod autem illud sit juramentum, patet per prædictum verbum Jeremiæ. Valdensis etiam non audet illud dicere ad confirmationem suæ locutionis.

Præterea ad Hebræos 6. v. 13. dicit Paulus, quod ille, qui non habuit majorem se, juravit per semetipsum; Nunquid ille obligabat se alicui pœnæ vel damno? Absit; ergo jurare non est idem quod obligare se &c. Si autem dicat, quod jurare idem est, quod veritatem affirmare; ergo si jurare est prohibitum, veritatem affirmare est prohibitum, quod falsum est, quia secundum hoc si quis diceret mihi, nunquid hodie comedisti? Si ego responderem etiam, ego jurarem, quia dicendo illud veritatem affirmarem.

Præterea, Paulus 1. Corinth. 5. v. 3. dicit: *Ego quidem absens corpore &c. Quidem* hoc est certe; sic ergo dicendo, affirmabat veritatem; ergo jurabat; ergo non est prohibitum Ecclesiæ Dei jurare; vel non est verum, quod dixisti, quod jurare sit veritatem affirmare, nisi plus addatur.

Præterea, nonne ad conductionem testium confirmatur veritas? Utique; unde 2. Corinth. 13. v. 2. cum dixisset Apostolus *non parcam*, subjunxit v. 2. *In ore duorum vel trium testium stabit omne ver-*

bum, scilicet accusatorum; sic ergo affirmabatur veritas, ergo sic jurabatur, si jurare est veritatem affirmare, & non plus; ergo jurare non est prohibitum Ecclesiæ. Quidam Hæresiarcha inter Pauperes Lombardos dixit; quod juramentum est modus loquendi affirmativus simplici dicto adhibitus cum intentione jurandi. Sed contra: intentio (24) non mutat essentiam rei; si enim aliquis furatur, sive intendat furari, sive non, non minus tamen furatur; ergo si juramentum est modus loquendi affirmativus simplici dicto adhibitus, sive intendat quis per illum modum loquendi jurare, sive non intendat, non minus tamen jurat; Constat autem, quod Paulus dixit 2. Corinth. 1. v. 23. *Ego autem testem Deum invoco in animam meam, quod parcens vobis non veni ultra Corinthum*; constat etiam, quod iste est modus affirmativus loquendi simplici dicto adhibitus, ergo cum intentio non mutet essentiam rei, ut dictum est, ipse jurabat, ergo jurare non est prohibitum Ecclesiæ Dei, quod verum est.

Præterea dic mihi, juramentum importat simplex dictum, & modum loquendi affirmativum ei adhibitus, ergo hoc ipsum jurare importat simplex dicere cum modo loquendi affirmante, ergo cum dicis cum intentione jurandi, sensus est cum intentione dicendi aliquid cum modo loquendi affirmante; sed in primo non est peccatum, scilicet in simplici dicto; ergo si peccatum est, non est nisi intentione loquendi affirmative, ergo qui intendit loqui affirmative peccat, ergo Paulus, & alii Apostoli sæpe peccaverunt, qui affirmative locuti sunt, & veritatem affirmare intenderunt.

[*] Præterea hæretice, quæstio erat quid esset juramentum, & tu notificare voluisti illud per hoc ipsum cum intentione jurandi; sed si dubium est quid est jurare, dubium est quid est intendere jurare: Quomodo ergo potuisti illud inducere ad ostendendum quid est juramentum?

Præterea, nunquid jurare notificabile est per jurare, idest per seipsum? Non. Ergo male notificasti quid esset jurare. Ex prædictis patet ignorantia hæreticorum circa essentiam juramenti, & per consequens patet, quod erraverunt dicentes, ipsum esse prohibitum. Quid autem ipsum sit, diximus in principio hujus capituli, scilicet Deum in testem invocare veritatis suæ locutionis, aut judicem falsitatis ejusdem. [*]

Nunc videamus, quare quidam dicant ipsum esse peccatum, & præcipue Cathari; ipsi enim a Valdensibus distinguuntur, quia Valdenses dicunt, antequam diceret Matth. 5. v. 34. *Ego autem dico vobis, non jurare omnino* bonum fuit & licitum; postea vero

(22) Sapienter Moneta a definitione juramenti suam probare orditur sententiam. Ac si jusjurandum nihil est aliud, quam Deum appellare testem, tum errare Catharos vehementer, negantes integrum Christiano esse jurare, cum Apostolus Deum testem ad sua dicta confirmanda appellaverit. Eodem ipso argumento S. Augustinus Sermone cxxx. al. xxviii. probat jurare licere. Ergo, inquit, nemo dubitet jurasse Apostolum Paulum, cum dixit: Per vestram gloriam Fratres. Et ne putemus eum, per humanam gloriam jurasse, quam habeo in Christo Jesu Domino nostro. Et alio loco juratio prorsus certa, & expressa. Testem Deum invoco super animam meam, quia parcens vobis, nondum veni Corinthum: Et alio loco ad Galatas; quæ autem scribo vobis, ecce coram Deo, quia non mentior.

(23) Videndus Estius Commentar. In Cap. xiv. Epistola Pauli ad Hebræos v. 11. pag. 166. Tom. 1. Edit. an. 1679.

(24) Negari nequit, quin plurimum valeat in actionibus humanis intentio. Verum, qui jurat scribens, is profecto intentionem, saltem virtutalem jurandi habeat, necesse est. Alioqui cur juramenti adhibet verba? Parvi autem refert, ut vocant a stuallem habere intentionem, ut liceat, aut non liceat quidquam. Ridiculum autem est dicere eum, qui furatur, non habere intentionem furandi saltem virtutalem; velut non minus absurdum est scribendo jurare, nec tamen aliquam jurandi habere intentionem. Jurabat autem scribendo Paulus.

[*] Quæ duobus asteriscis complexi sumus, desunt e Cod. Bononiensi.

vero illicitum : Cathari vero ponunt , quod semper fuit malum , (25) sicut adulterium , & homicidium . Cathari dicunt in disputatione , quando ab eis quæritur , quare juramentum malum sit , quod ideo malum est , quia prohibitum est .

Sed contra : Ubi prohibitum est ? Ad hoc dicunt , in Matth. 5. v. 34. *Ego autem dico vobis non jurare omnino* ; hoc autem improbatum est ; ergo antequam ibi prohiberetur non fuit malum , ergo antequam Christus veniret , prohibitum non fuit : Dic ei quod perhibeat testimonium ejus , quod dicit , quod facere non potest . Si autem dicat , non est malum quia prohibitum , imo e contra prohibitum quia malum est , & semper malum fuit sicut adulterium . Contra : Quomodo ergo Deus juravit ? ut habeatur ad Hebræos 6. v. 13. & Angelus ejus Apocal. 10. v. 6.

Valdensis dicit , quia ideo malum est quia prohibitum , non e contra , quia ante Christi adventum fuit bonum . Cui studeas dare probationem hoc modo ; nullum malum est , quod non sit prohibitum , ergo si jurare est malum , ipsum est prohibitum ; ostende ubi prohibitum sit ; sed non habet quid dicat , nisi verbum Matth. 5. v. 34. Jacobi 5. v. 12. Sapientiae 14. v. 31. per illa autem hoc non potest probare , quod prohibitum sit , ut præostensum est , & sic deficiet in probatione . Ideo dixi , stude ei dare probationem propter difficultatem probandi , quod licitum sit ; e contra laborat , nobis dare probationem .

Præterea ; tu dicis , & etiam Catharus solet idem dicere , scilicet quia ideo malum est jurare , quia prohibitum est ; modo quæro , quare prohibitum est ? Si dicat , ideo ne homo pejeret , qui enim non jurat non pejerat ; similiter dico qui non loquitur non mentitur , ergo si prohibitum est jurare , debuit etiam prohiberi ipsum loqui . Si dicat quod non est simile , quia loqui necessarium est . Similiter & jurare aliquando necessarium est , licet non semper , sicut loqui non semper est necessarium ; ergo si loqui non est prohibitum quia necessarium est , & quando necessarium ; eadem ratione nec jurare est prohibitum , quia valde necessarium est quandoque & pro se , & pro proximo ; imo etiam multo magis necessarium est , quam loqui simpliciter sine juramento , cum homines nolunt credere , quod opus est .

Præterea , si ideo prohibitum est ne homo pejeret , dic mihi quid plus est in pejerare , quam in mentiri ; qui pejerat , mentitur ; nunquid plus facit ? si facit plus , dic quid sit plus , si scis : si non facit plus , ergo non est aliud pejerare , quam mentiri , ergo non est aliud jurare , quam verum loqui ; unde & quidam hæreticus dixit , quod sermo fidelis viri pro ju-

ramento debet haberi , quod verbum tamen fuit cujusdam Doctoris nostri . Sed ad hoc opponas ei : Ergo cum verum loqui non sit prohibitum viro fidelis , jurare non est prohibitum ei ; vel si jurare est prohibitum , ergo sermo viri fidelis est prohibitus .

§. VI.

Probatio Ecclesiæ contra ponentes duo principia , quod jurare in casu non est malum .

Tertio ostendemus , quod jurare verum , non est malum , quando est necessarium sibi vel proximo . Primo autem objiciemus Catharis , qui ponunt duo principia , ostendentes , quod Deus Prophetarum usus est juramento , & populus ejus quicumque ille sit . Prius tamen quærendum est ab hæretico , an jurare aliquo tempore fuerit bonum , ipse enim credit , quod semper fuerit malum . Hoc autem dico , ne post testimonia inducta contra eum , velit subterfugere . Postquam autem habitum fuit ab ipso , quod semper fuerit malum , ostendendum est contrarium . Quod Dominus juravit , patet Isaïæ 14. v. 25. , & 62. v. 8. de quo dictum est supra in principio hujus capituli . Item David in Psal. 109. v. 4. ait : *Juravit (26) Dominus , & non pœnitebit eum : Tu es Sacerdos in æternum secundum ordinem Melchisedech* ; Et hoc recolit Apostolus ad Hebr. 7. v. 20. dicens : *Alii quidem sine jurejurando Sacerdotes facti sunt* , (v. 21.) *hic autem cum jurejurando per eum qui dixit ad illum : Juravit Dominus , & non pœnitebit eum : Tu es Sacerdos in æternum* . Si jusjurandum malum erat , deterius factus est Christus Sacerdos , quam alii : nec potes dicere , quod simplex Dei sermo ibi dicatur juramentum ; quia alii facti sunt Sacerdotes simplici sermone Dei , ergo jurejurando sicut & ille , si simplex Dei sermo dicitur ibi juramentum .

Præterea nota , quia dixit , *& non pœnitebit eum* , si malum fuisset , inde pœnituisse . De isto Dei Sacerdote scilicet Christo , & de aliis Sacerdotibus ejusdem dicit David Psal. 131. v. 9. *Sacerdotes tui induantur justitia : & Sancti tui exultent* (v. 10.) *Propter David servum tuum non avertas faciem Christi tui* (v. 11) *Juravit Dominus David veritatem , & non frustrabitur eum , &c.* Quod recolit B. Petrus dicens de David Act. 2. v. 30. *Propheta igitur cum esset , & sciret quia jurejurando jurasset illi Deus , de fructu lumbi ejus sedere super sedem ejus* . Quod testimonium expositum est in tertia parte hujus operis in capite de Christo . De juramento (27) etiam isto in Psalm. 88. scilicet *Miseri-*

(25) Nota differentiam , quæ erat inter Valdenses & Catharos . Illi malum esse juramentum aiebant , quia prohibitum ; hi contra prohibitum , quia malum suapte natura .

(26) Audiendus Apostolus ad Hebræos VI. *Abraham , inquit , promittens Deus , quoniam neminem habuit , per quem juraret , majorem ; juravit per semetipsum dicens : Nisi benedicens benedicam , & multiplicans multiplicabo te . . . Homines enim per majorem sui jurant : & omnis controversia eorum finis , ad confirmationem est juramentum : In quo abundantius volens Deus ostendere pellicitationis hereditatem immobilis consilii sui , interposuit jusjurandum ; ut per duas res immobiles , quibus impossibile est mentiri Deum , fortissimum solatium habeamus .* Constat ergo

Deum jurasse . Si juravit Deus , non erit nefas , nec peccatum jurare . Consule Augustinum serm. cxxx. al. xxviii .

(27) S. Augustinus Sermone mox indicato : *Invenimus , inquit , jurasse primum ipsum Dominum , in quo non est omnino peccatum . Juravit Dominus , & non pœnitebit eum &c. Æternitatem Sacerdotii filio cum juratione promisit . Habes etiam per memetipsum juro , dicit Dominus : & illud juratio est : Vivo ego dicit Dominus . Quomodo homo per Deum ; sic Deus per seipsum . Non est ergo peccatum jurare . . . jurat Deus , qui peccatum non habet . Non ergo est peccatum jurare ; sed magis peccatum est pejerare .*

sericordias Domini &c. ubi pluries ponitur Dominum jurasse, & sub forma multiplici in illo versu 36. *Semel juravi in Sancto meo*, idest per eum. Item eodem vers. *Si David mentiar*, supple non credatis mihi, *semen ejus in aeternum manebit*: Multa autem testimonia de Prophetis possunt induci ad probandum Deum jurasse, & per hoc juramentum non fuisse malum.

Nunc ponamus testimonia, quibus patet, quod populus Dei de beneplacito Dei juravit; quædam autem testimonia de Isaia prætermittimus, quia illa dicemus quando loquemur de juramento contra Valdenses. Legitur Jeremiæ 4. v. 2. *Et jurabis*: (28) *vivit Dominus in veritate, & in judicio, & in justitia*. Ubi patet quod *vivit Dominus* fuit forma jurandi: Ideo autem sic jurabat Israel, ut ostenderet differentiam inter Deum verum, & idola, quæ non vivunt.

Præterea nota, quod istud faciebat Israel postquam offendicula, idest idola removerat a facie Domini, & postquam ad Dominum conversus fuerat; unde ait v. 1. *Si reverteris Israel, ait Dominus, ad me convertere*, idest non ad idola; postea subjungit eodem vers. *Si abstuleris offendicula tua a facie mea, non commoveberis*; & subdit v. 2. *Et jurabis: vivit Dominus*; idest per Deum viventem, non per idola; & quid inde, *& benedicent eum gentes, ipsæque laudabunt*. Eodem vers. Istud ergo de juramento dicitur pro tempore conversionis gentium ab idolis ad Dominum; ergo pro tempore postquam Christus venit, juramentum bonum est, & licitum populo suo, & antequam Christus veniret. Aliud testimonium de eodem habetur Jeremiæ 12. v. 16. *Si erudite didicerint vias populi mei* &c. ut supradictum est in hoc capite, & discutietur cum loquemur contra Valdenses.

Item Jerem. 23. v. 7. *Propter hoc ecce dies veniunt, dicit Dominus, & non dicent ultra: Vivit Dominus, qui eduxit filios Israel de terra Ægypti*: (v. 8.) *sed vivit Dominus, qui eduxit, & adduxit semen domus Israel de terra Aquilonis*. Multa alia testimonia possunt ad idem induci, sicuti illud, quod habetur in Psalm. 14. v. 5. *Qui jurat proximo suo, & non decipit* &c.

Item in Psalm. 23. v. 4. *Qui non accepit in vano animam suam, nec juravit in dolo proximo suo*. Nunc autem aliter probemus, quod juramentum non fuit malum. Dicamus ei: ostende, ubi reperitur aliquid contra juramentum apud Prophetas? quod minime facere poterit. Ego autem ostendam tibi, quod in Prophetis nusquam vituperatur juramentum, nisi vel factum per idola, vel mendax. Contra hoc autem, quod diximus, nil inveniri contra juramentum in Prophetis, solent inducere illud quod habetur Zach. 5. v. 3. ubi dicitur: *Omnis fur judicabitur, & omnis jurans ex hoc similiter judicabitur*. Istud testimonium discutietur amplius contra Valdenses. Nunc autem dico, quod non lo-

quitur contra jurantem, sed contra jurantem mendaciter, ut patet ex litera sequenti, v. 4. ubi dicitur: *Educam illud, dicit Dominus exercituum: & veniet ad domum furis, & ad domum jurantis in nomine meo mendaciter*. Quod autem vituperetur in Prophetis tantum juramentum factum per idola, vel mendaciter, patet Jeremiæ 5. v. 7. ubi Dominus conqueritur dicens: *Filii tui dereliquerunt me, & jurant in his qui non sunt dii*; Istud patet Jerem. 12. v. 16. ubi habetur, quod jurabant in Baal. De vituperio juramenti mendaciter facti Jeremiæ 7. v. 8. *Ecce vos confiditis vobis in sermonibus mendacii, qui non proderunt vobis: furari, occidere, (v. 9.) adulterari, jurare mendaciter*. Qualiter autem Dominus comminetur sic jurantibus, lege in prædictis capitibus & in Zacch. ubi loquitur contra jurantem mendaciter.

Item Zacch. 8. v. 17. *Et unusquisque malum contra amicum suum ne cogitetis in cordibus vestris, & juramentum mendax ne diligatis. Omnia enim hæc sunt quæ odi, dicit Dominus*. [*] Nota quod non dicit simpliciter juramentum, sed juramentum mendax. Quod comminetur Dominus in Prophetis homini juranti in nomine suo sine dolo, hoc nusquam invenitur, sed quod promittat eis bonum, hoc in eis invenitur, ut patet in prædictis duobus textibus de Psalmis David. Item in prædicto testimonio Jeremiæ 12. statim subdit eodem vers. *Ædificabuntur in medio populi mei*, & in prædicto testimonio Jerem. 3. [*]

§. VII.

Probatio Ecclesiæ contra omnes hæreticos, quod juramentum sit licitum.

Viso qualiter obijciendum sit specialiter Catharis duo principia ponentibus, qui Prophetas recipiunt: Secundo videamus qualiter utrisque obijciendum sit communiter. In primis autem obijciamus illud, quod habetur ad Heb. 6. v. 13. *Abraham namque promittens Deus, quoniam neminem habuit, per quem juraret majorem, juravit per semetipsum* (v. 14.) *Dicens: Nisi benedicens benedicam te, & multiplicans multiplicabo te*. Ad hoc respondit aliquando hæreticus: Si juravit ut sonant verba Apostoli, quod fuit hujusmodi juramentum, & quæ forma jurandi? Constat quod ista: *Nisi benedicens, &c. nisi*, idest si non: & dixit quod istud non est juramentum proprie loquendo nisi per simile, quia verbum Dei immutabile est, sicut & juramentum (29) debet esse immutabile. Ad hoc dico, quod falsum dixit hæreticus, cum dixit hoc non esse juramentum, *nisi benedicens, benedicam te* &c. imo juramentum est, idest affirmatio alicujus dicti cum obligatione ad aliquid, si ita non est: nonne hoc est juramentum; Sic Deus me adjuvet, si ita est; & si non

(28) Ex hoc Hieremiæ *jurat* colligitur, juramentum partem esse divini cultus. Nam, ut observant interpretes: *Et jurabis vivit Dominus*, sive & *jurabis per viventem Jehovah*, in idem recidit, atque *non coles alium Deum præter Jehovah*.

[*] Quæ duobus asteriscis conclusimus, desunt e Codice Bonon.

(29) Ita respondent Anabaptistæ, freti Johannis Chrysostomi auctoritate. Verum eos pro meritis exagitat Sixtus Senensis noster Lib. VI. Biblioth. Sanctæ Annotat. xvi. Consultor. Adeundus quoque Augustinus ser. cxxx.

non est ita, non adjuvet me Deus? Utique. Similiter & istud est juramentum proprie, *Nisi benedicens, benedicam te* &c. idest si non benedixero te non credatur mihi. Item si quæris a me quod sit ejus juramentum, idest quæ forma juramenti ejus; dicam tibi; hoc est per memetipsum nisi benedicens, benedicam te. Quod autem ita sit, patet per literam Apostoli. Non ergo dicitur verbum Domini juramentum tantummodo per simile, imo & per rei veritatem, quia sic est in rei veritate, ut patet manifeste per formam jurandi per se ipsum; fac ergo & tu similiter.

Præterea, quod non appelletur ibi juramentum simplex Dei promissio, sed ejus promissio firmata juramento, patet non tantum ex forma jurandi, quam ponit litera Apostoli; imo etiam per hoc quod subdit v. 16. *Homines enim per majorem sui jurant*. Ubi Apostolus ostendit, quare Dominus juravit per se ipsum; quia homines jurant per majorem se, idest per Deum, qui solus major est homine, & ideo Deus juravit per se ipsum, idest per Deum: Constat autem quod Apostolus cum dicit, quia homines per majorem sui jurant, ipse sumit jurare proprie. Ergo etiam quando dixit, quod Deus juravit per se ipsum, alioquin nullam rationem assignaret Apostolus ad ostendendum, quod Deus juravit per se ipsum, idest per Deum, quia sic est consuetudo jurandi apud homines. Idem etiam patet ex eo, quod dicit Apostolus eodem versu. *Et omnis controversia coram finis, ad confirmationem est juramentum*. Constat autem, quod hic sumitur juramentum proprie, ergo & ibi cum dicitur, quod Deus juravit per semetipsum. Sequitur v. 17. *In quo abundantius volens Deus ostendere pollicitationis hæredibus immobilitatem consilii sui*, supple, quam promiserat simpliciter, interposuit jusjurandum, ad ostendendum consilium, idest decretum suum, quod ei dicebat esse immobile, scilicet simplicem promissionem, interposuit, id est inter illam promissionem simplicem, & ejus impletionem posuit; ergo aliud est simplex promissio quam juramentum.

Præterea dicit, quod volens Deus ostendere pollicitationis hæredibus immobilitatem consilii sui interposuit jusjurandum; ergo ad confirmationem consilii sui, idest decreti, quod Abraham dicebat, apposuit jusjurandum, ergo juravit proprie loquendo.

Præterea dicit v. 18. *Ut per duas res immobiles, quibus impossibile est mentiri Deum, fortissimum solatium habeamus*. Quæ sunt duæ res immobiles? Dic si scis. Ego enim dico: quod hæ duæ res sunt simplex promissio Dei facta primo Abraham, de qua dicit Apostolus: *Abraham namque promittens Deus,*

supple, simpliciter: & hæc promissio habetur Genes. 15. v. 5. *Suspice Cælum* (dixit Dominus Abraham) & *numera stellas si potes: Et dixit ei: Sic erit semen tuum*. Alia res fuit juratio ejusdem facta, Genes. 22. v. 17. ubi juravit sibi, quod ejus semen erit sicut stellæ Cæli. Aliud ergo est juramentum Dei, quam simplex promissio ejus licet utraque sit res immobilis, idest invariabilis, sicut & Deus invariabilis est. [*] Ecce ego testimonium habeo illius, quod dico, & illarum duarum rerum immobilium, quas Apostolus dicit. Si alias duas res immobiles potes ostendere circa Abraham, ostende mihi testimonium, vel victus es. [*] Qualis autem Deus sit iste, qui sic juravit, ostensum est in secunda parte hujus operis de Deo Veteris Testamenti, quia Deus bonus, & sanctus; ergo juramentum factum per ipsum bonum fuit.

Præterea dic: *In quo abundantius* &c. in quo scilicet pro quo, idest quia sic est consuetudo apud homines, ergo juramentum hominum bonum fuit &c. quia dicit, *jurant*, quod est præsentis temporis: Apostolus hoc non arguit; imo dicit, quod Deus ad exemplum hominis per Deum, idest per se ipsum juravit; Cum ait, *in quo*, idest quia sic faciunt homines. Constat autem quod Deus id, quod male fit ab homine, in se non servaret, servat autem, quia dicit *in quo*, idest pro quo fervendo &c.

Præterea, quod juramentum sit bonum patet per fructum, quia est finis controversiæ; cujus autem finis bonus, ipsum quoque bonum: arbor enim mala, malos fructus facit, ut dicitur Matth. 7. v. 17.

Aliquando autem dixit hæreticus aliam solutionem auctoritatis Apostoli; dixit enim quod licet jurare possit Deus, non tamen homo, quia Deus (30) homini prohibuit; & posuit simile quoddam: Si Rex prohibet servo ne faciat illud, quod ipse vult facere, & facit; si servus vult illud facere ad similitudinem Regis, & facit, nonne cadit in iram Regis? Utique: ita est & in juramento.

Contra: Deus prohibuit servo suo jurare? dic ubi. Dicit, in Matth. 5. v. 34. *Ego autem dico vobis non jurare omnino*. Nunquid (31) Deus istud juramentum facit, quod prohibuit? Certe non:

Præterea, si dicas quod sic: Contra: Ego possum ostendere tibi per scripta tua, quod Deum Veteris Testamenti accusas, quia jurabat, & jurare permittebat; quare ergo eum accusas de hoc si bonum est? Et procede, ut processum est supra in secunda parte secundæ partis hujus capituli. Omnibus etiam hæreticis, qui juramentum negant esse licitum, dici potest illud Apocal. 10. v. 2. quod Angelus (32) tenebat pedem dexterum super mare, & sinistrum super terram. v. 6. *Et juravit per viventem*
in

[*] Quæ duobus asteriscis conclusimus, non extant in Codice Bononiensi.

(30) Ita nescio quis e Valdensium secta, respondit. Nam Catharus, qui jusjurandum suapte natura non licere putabat, numquam eam adhibuisset responsionem. Obiecit sibi hoc idem S. Augustinus *Sermone* cxxx. alias xxviii. *De Verbis Apostoli*. „Forasse, inquit, quis dicat, non esse respondendum de Domino Deo jurationis exemplum. Deus enim esset, & forte illi soli competit jurare, qui non potest pejorare.

(31) S. Augustinus ita dissolvit, quod sibi opposuerat: Homi-

nes etsi falli possint, aut fallere; modo tamen ne reipsa fallant, animo decipiendi, jurare posse. Ream namque non facere linguam, nisi mentem ream. Quod si Deus vetuisset juris jurandi Sacramento rem vocatam in controversiam confirmare, non concederetur in Veteri, Novoque Testamento mortalibus facultas jurandi. Conceditur autem: cum *Leviticis* xix. *Capite præscriptum sit: Non pejerabis; reddes autem Domino jusjurandum tuum*; constatque saepe ab Apostolo fuisse adhibitum jusjurandum.

(32) Adposuit *Innocentius III. in Epistola sæpius laudata ad Abbatem Castellionensem*. „Angelus, inquit, quem vidit in Apocalypsi

in sæcula sæculorum, qui creavit cælum; & ea quæ in eo sunt: & terram, & ea quæ in ea sunt: & mare, & ea quæ in eo sunt: Quia tempus non erit amplius. Ubi potes videre formam jurandi ipsius Ecclesiæ, scilicet per Deum viventem, & levando manum, & applicando eam libro, quia ibi dicitur v. 2. quod in manu sua habebat libellum apertum, & levavit manum suam, & juravit, ut dictum est; formam ergo jurandi dedit Ecclesiæ. Solutionem talem ad hoc dedit hæreticus: quia non est simile, quia jurare est prohibitum homini, non Angelo; quia homo fragilis est, qui si jurat, potest pejerare. Ad hoc autem potes objicere, si ideo prohibitum est homini quia potest pejerare; ergo prohibitum est tantum in illo casu, quando pejerare potest; ergo ubi non potest pejerare, licet ei jurare.

Præterea, si ideo prohibitum est homini, quia potest pejerare; ergo & eadem ratione prohibitum fuit ei loqui, quia potest mentiri; & procede ut prius habitum est supra in secunda parte secundæ partis hujus capituli.

Præterea, dicis quod non est prohibitum Angelo; Nunquid habes testimonium, quod licet Angelo aliquid facere quod mihi sit prohibitum? Scio quod non habes: Si dicas quod hic ita est; ostende hoc, cum in nullo alio simile invenias.

Præterea, nonne lex data est Angelo sicut & homini? Si dicat quod sic; ergo si licet ei jurare & mihi. Si dicat quod non est ei data, & ideo licet ei jurare, quod mihi prohibitum est; ergo eadem ratione poterit furari, & mæchari, & hujusmodi alia facere sine omni peccato, quod falsum est; similiter & falsum testimonium dicere sine peccato poterit.

Præterea, si licet Angelo jurare quod mihi prohibitum est; ergo jurare bonum est, licet non mihi, quare ergo mihi accusas Deum Veteris Testamenti, cum ei etiam non sit data lex de hoc.

Præterea, hoc non esset malum homini, nisi quia prohibitum est; de hoc autem objectum est supra in secunda parte secundæ partis hujus capituli.

Præterea, si Angelo non fuit data lex, ubi autem nec lex, nec prævaricatio; ergo non peccaverunt Angeli Dei.

Præterea, secundum hoc oportebit dicere quoddam falsum, scilicet quod Adam non peccavit si non fuit ei data lex; dicunt enim quod Adam fuit Angelus de cælo.

Præterea, nonne tu dicis quod nostri spiritus tracti sunt ex Adam, idest ex spiritu ejus, sicut caro ex carne? Ergo si spiritus Adæ Angelus, & spiritus nostri Angeli sunt; sicut enim equus equum gene-

rat, ita si Angelus generat ex se ipso, oportet quod generet Angelum; si autem sumus Angeli, igitur si Angelis non est data lex, nec nobis, vel si data est nobis, data est Angelis.

Si dicat, quod quibusdam Angelis data est lex, scilicet illis qui in carne ista sunt, aliis vero non.

Contra: Secundum hoc non peccaverunt Angeli in cælo, secundum te qui ponis unum principium, cum non essent tunc in carne sicut modo sumus.

Dixit quidam hæresiarcha Desiderius (33) nomine, credens per hoc fugere objectionem, quod illa verba Apostoli intelliguntur prophetice, quod etiam voluit probare ex eo quod dicitur Apocal. 1. v. 3. *Beatus qui legit, & audit verba prophetiæ hujus, & servat ea quæ in ea scripta sunt.* Sed quid ad rem de tua responsione? licet enim prophetice locutus dicatur, non minus tamen sic fuit, ut vidit, alioquin visio sua fuisset falsa; vis ne dicere quod visiones Johannis falsæ sint? Quomodo dicetur *Beatus qui legit & audit* &c.? Nonne David dixit Psal. 21. v. 18. *Prophetice foderunt manus meas?* Et tamen sic fuit? Similiter dixit, quod allegorice dicitur; ille enim Angelus Christum significat. Sed nec hoc facit ad rem, quia non minus fuit Angelus in veritate, licet Christum significet, & ille Angelus in tali specie apparuit, qualem describit Johannes, & dicit se vidisse quod habuit librum in manu, & levavit manum ad cælum, & juravit per viventem in sæcula sæculorum, idest firmiter promisit, ut tu ipse exposuisti hæretice: Sed constat quod promisit sub forma jurandi, idest per viventem in sæcula sæculorum, vade & tu fac similiter.

Præterea, nunquid ejus jussio falsa? Absit. Sed objicit hæreticus: si ita dicis fuisse ut vidit; ergo fuit liber etiam in manu ejus, & comedit eum.

Solutio: Sicut Angelus apparuit ei in specie hominis, ita etiam doctrina Christi apparuit ei in specie libri, & Johannes vidit illam imaginem, idest doctrinam Christi, quæ per illam imaginem significabatur, imaginaria visione, idest in specie manus. Et vidit Angelum comedentem illam imaginem idest doctrinam Christi, qua per illam imaginem significatur sibi ipsi incorporare, & inde se nutrire sicut dicit Apostolus Timotheo, quod erat enutritus verbis fidei & bona doctrina 2. Timothei 3. Quidquid inde sit, hoc vidit, idest cognovit Johannes, quod juravit habens in manu, idest in specie manus librum, idest libri speciem sive imaginem, & levans eam ad cælum juravit, idest firmiter promisit: hoc sine dubio ita fuit, quod ille Angelus sic promisit, quamvis illa omnia essent allegorica. [*] Unde

O o o sub

„ calypsi Johannes, stantem super mare, & super terram, levavit
 „ manum suam ad cælum, & juravit per viventem in sæcula sæcu-
 „ lorum. Christus etiam plus legitur dixisse in Evangelio, quam
 „ est est, non non, cum sæpissime dixerit: Amen, amen dico vo-
 „ bis, quod ipse secundum Lucam exponens, cum præmisisset:
 „ Amen dico vobis, quia nemo Propheta acceptus est in patria sua;
 „ consequenter adjunxit: In veritate dico vobis, quia multe vi-
 „ duæ erant in diebus Helia in Israel. Apostolus quoque jurabat,
 „ cum diceret: Testis est mihi Deus: & iterum: Quotidie morior
 „ per gloriam vestram fratres: quæ græca exemplaria manife-
 „ stissimam jurationem esse ostendunt. Si etiam per se malum
 „ esset jurare, profecto Dominus non jurasset. . . . Juravit Do-
 „ minus David veritatem. Immo & præcepit in Veteri Testa-
 „ mento: Redde Deo juramenta tua. Eo autem ait Innocentius
 „ per gloriam vestram, juramentum esse, idque jam constare ex

Græcis exemplaribus, quo Apostolus, non διὰ τὴν ἡμετέραν, sed πρὸς τὴν ἡμετέραν καύχουσι dicat. τὸ πρὸς autem nota jurisjurandi apud Græcos est. Fortasse ab Augustino id accepit Innocentius. Videndus Augustinus Sermone cxxx. ab. xxviii. De Verbis Apost. Tom. v. Opp.

(33) Non solum ab Auctore vitæ S. Petri Martyris, verum etiam a S. Thoma hujusce Desiderii hæretici Cathari sit commemoratio. Vide S. Thomam Opusculo xix. Cap. vi. pag. 185. col. 1. Edit. ann. 1562. quo loco cum appellat Hæresiarcham Lombardum nostri temporis. Nempe hæresiarcham vocavit, quia filius major Catharorum erat, sui temporis, quod seculo xiii. quo floruit S. Thomas, Desiderius idem Ecclesiam infestavit. Fuit tamen Desiderius aliquanto antiquior Thoma.

[*] Non exstant hæc in Cod. Bononiensi, quæ duobus asteriscis conclusimus.

sub ista forma *per viventem in sæcula sæculorum*, quod tempus non erit amplius; Verum est post vocem septimi Angeli ut jam dixi; fac & tu similiter & noli juramentum detestari in causa necessitatis propria vel fraterna factum [*]; Simile habetur Daniel. 12. v. 7. ibi enim jurat vir indutus lineis.

Nunc per Apostolum idem probemus omnibus hæreticis, quem constat jurasse cognito quid est juramentum. Rom. 1. v. 9. *Testis enim mihi est Deus*; vel Rom. 9. v. 1. *Veritatem dico in Christo non mentior, testimonium mihi perhibente conscientia mea in Spiritu Sancto*. Item 2. Corinth. 1. v. 23. *Ego autem testem Deum invoco in animam meam*; sensus est, idest contra animam meam &c. Istud autem juramentum gravius est quam si dicam, si Deus me adjuvet ita est; idest non me adjuvet Deus, si ita non est; Majus autem malum est contrarium esse alicui, quam non juvare eum. Et nota quod non dixit in anima mea; quia non intendebat dicere, ego in anima mea invoco Deum testem, sed dixit *in animam meam*, idest contra eam; sicut Matth. 10. v. 21. dicitur: *Insurgent filii in parentes*, idest contra eos.

Item 1. Corinth. 8. v. 12. *Sic autem peccantes in fratres, & percutientes conscientiam eorum infirmam, in Christum peccatis*, idest contra fratres, & contra Christum, Si alium sensum vis ponere in illis verbis *in animam meam*, ostende per testimonium aliquod, sicut ego ostendo quod dico.

Item omnibus hæreticis dici potest: Quod si possunt ostendere aliquam fieri comminationem jurantibus vere, & in necessitate; ego enim dico quod solis perjuri comminatur Scriptura, ut Malach. 3. v. 5. *Et accedam ad vos in judicio & ero testis velox, maleficis, & adulteris, & perjuri*; & loquitur de universali adventu ad ipsum; unde supra locutus fuit de primo adventu: *Ecce ego mitto Angelum meum* idest Johannem Baptistam, ut habetur Mat. 11. v. 11. Item 1. Timoth. 1. v. 9. & seq. lex posita est mendacibus & perjuri, non dixit jurantibus; & loquitur de lege vindictæ.

Item Matth. 19. v. 17. dixit Christus cuidam adolescenti: *Si vis ad vitam ingredi, serva mandata*; (v. 18.) *Dicit ille, quæ? Jesus autem dixit: Non homicidium facies, non adulterabis, non falsum testimonium dices*; ubi prohibetur falsum juramentum, quod comprehendit in falso testimonio. Iste nulla alia mandata sciebat nisi mandata legis, in qua concessum erat juramentum; nec alia dixit ei per quæ veniret ad vitam, & tamen jam dixerat Mat. 5. v. 34. *Ego autem dico vobis, non jurare omnino*; Ergo ibi non prohibuerat juramentum; alioquin si ibi esset prohibitum, sicut monuit quod caveret ab adulterio, ita etiam monuisset quod caveret ab juramento; hoc autem non dixit, sed dixit quod caveret a falso testimonio, in quo pejeratur quia testes (34) jurant.

Præterea Matth. 23. v. 2. dicitur: *Super Cathedram Moysi &c.* istud dictum est discipulis, quibus dixerat, *ego autem dico non jurare omnino*; discipuli illud audierant, & tamen hic dixit, quod faciant

omnia sibi data a Scribis, & Phariseis, quæ spectabant ad legem, quæ nondum cessaverat, sed ad legem Moysi spectat jurare per Deum in casu necessitatis; ergo poterant tunc jurare non obstante illo verbo; *Ego autem dico vobis &c.* Ergo & modo potest fieri juramentum licite, non obstante eodem verbo: Valet etiam magis contra Valdenses.

Item Matth. 5. v. 17. *Nolite putare quoniam veni solvere legem aut prophetas: Non veni solvere, sed adimplere*. Et subdit v. 33. *Iterum audistis quia dictum est antiquis: Non perjurabis: Reddes autem Domino juramenta tua*. (v. 34.) *Ego autem dico vobis non jurare omnino*. Si Dominus cassasset illud *non perjurabis*, solvisset legem; similiter si cassasset illud *Reddes autem Domino juramenta tua*; ergo cum non solveret legem, ut ipse ait, dicto illo verbo, *ego autem dico &c.* adhuc licitum est Domino juramenta reddere, idest per ipsum jurare, & quod juramus ejus timore attendere. Hoc autem argumentum etsi contra omnes sit, maxime tamen contra Valdenses.

§. VIII.

Probatur testimoniis Prophetarum, quod juramentum non est cassum.

Ultimo ad confirmationem juramenti volumus inducere testimonia de Prophetis, quibus pateat juramentum non fore cassandum, sed confirmandum in Novo Testamento; & quia illi Cathari, qui unum principium ponunt (35), non recipiunt Prophetas, iste modus non est tam efficax contra eos, sed est contra alios Catharos, & contra Valdenses. Jam autem unum testimonium induximus de Jeremia 3., ubi locuti sumus in hoc capite contra illos qui duo ponunt principia specialiter. Ad idem etiam valet illud verbum Jeremiæ 12. v. 16. *Et erit: Si eruditi didicerint vias populi mei, ut jurent in nomine meo, vivit Dominus, sicut docuerunt populum meum jurare in Baal: edificabuntur in medio populi mei*. Quod ergo loquatur de tempore gratiæ, patet in eodem capite v. 7. ubi dicit: *Reliqui domum meam*, idest templum, de qua dixerat cap. 7. v. 11. *Nunquid ergo spelunca latronum facta est domus ista, in qua invocatum est nomen meum in oculis vestris?* quod testimonium ponit Christus Mat. 21. v. 13. unde 23. v. 38. ait Christus: *Ecce relinquetur vobis domus vestra deserta*.

Item Jeremiæ 22. v. 5. *In memetipso juravi, dicit Dominus: quia in solitudinem erit domus hæc*. Sequitur Jerem. 12. v. 7. *Dimisi hæreditatem meam*, idest populum Israel, de quo ait Isaïa 19. v. 25. *Hæreditas autem mea Israel*. Sequitur eodem Ver. *Dedi dilectam animam meam in manum inimicorum ejus*; Johan. 10. v. 15. *Animam meam pono pro ovibus meis*. Sequitur v. 8. *Facta est mihi hæreditas mea, quasi leo in Sylva, dedit contra me vocem*, scilicet crucifige, crucifige eum; unde in Ps. 21. v. 14. *Ape-*

(34) Cum ex Veteri Testamento, tum in Ecclesia, qui testes vocantur, ut fidem de re quapiam faciant; plerumque jurare coguntur. Quæ res, quoniam per se ipsa certa est; non est cur in ea probanda operam, studiumque consumam.

(35) Nempe Concorrezenses.

ruerunt super me os suum, sicut leo rapiens, & rugiens: loquitur ibi Christus, ut patet si inspiciatur Psalmus, in quo ait v. 19. *Diviserunt sibi vestimenta mea, & super vestem meam miserunt sortem*. Et post pauca subiungit Jeremias v. 16. *Et erit: Si eruditi didicerint &c.* Ergo juramentum per Deum post adventum Christi licitum est secundum Prophetas.

Item Jerem. 23. v. 5. postquam de Christo prophetaverat dicens: *Ecce dies veniunt, dicit Dominus: & suscitabo David germen justum: & regnabit Rex, & sapiens erit: & faciet judicium, & justitiam in terra.* (v. 6.) *In diebus illis salvabitur Juda, & Israel habitabit confidenter: & hoc est nomen quod vocabunt eum, Dominus justus noster*, statim subdit v. 7. *Propter hoc ecce dies veniunt dicit Dominus, & non dicent ultra: Vivit Dominus, qui eduxit filios Israel de terra Ægypti.* (v. 8.) *Sed: Vivit Dominus, qui eduxit, & adduxit semen domus Israel de terra Aquilonis.* Propter hoc dicit Dominus, idest propter Christi adventum: Istud germen David quod est, nisi illud de quo dicitur Lucæ 1. v. 32. *Et dabit illi Dominus Deus sedem David patris ejus &c.* de quo etiam Isaïæ 9. v. 7. *Super solium David, & super regnum ejus sedebit; ut confirmet illud, & corroboret in judicio, & justitia.* Idem dixit Jerem. 3. v. 5. *Et regnabit Rex & sapiens erit: & faciet judicium, & justitiam in terra.*

Item Isaïæ 19. v. 18. *In die illa erunt quinque civitates in terra Ægypti, loquentes lingua Chanaan, & jurantes per Dominum exercituum: Civitas solis vocabitur una.* (v. 19.) *In die illa erit altare Domini in medio terræ Ægypti, & titulus Domini juxta terminum ejus.* (v. 20.) *Et erit in signum, & in testimonium Domino exercituum in terra Ægypti. Clamabunt enim ad Dominum a facie tribulantis, & mittet eis Salvatorem, & propugnatorem qui liberet eos.* Istud igitur dicitur pro tempore adventus Salvatoris, & dicitur quod jurabunt per Dominum exercituum; Propheta igitur confirmat jusjurandum in tempore gratiæ, & laudabat ipsum factum per Deum.

Item Isaïæ 46. v. 23. ubi dicitur: *Quia mihi curvabitur omne genu, & jurabit omnis lingua; quod dicitur pro tempore postquam Christus venit, ut patet ad Roman. 14. v. 11. ubi istud introducitur pro tempore adventus Christi, & ad Philipp. 2. v. 20.*

Item Isaïæ 65., ubi loquitur de abolitione legalium per Christi adventum, dicit ad laudem gentium, & confusionem Judæorum, & desertorum v. 15. *Et dimittetis nomen vestrum in juramentum electis meis.* Nomen vestrum, dicit ad Judæos, quia nomen Dei solebant invocare, & per illud jurare. Qui sunt isti electi, dicitur Rom. 11. v. 7. *Quod quærebat Israel: hoc non est consecutus, electio autem consecuta est.* Id est genus electum, de quo 1. Petr. 2. v. 9. Isti electioni dimiserunt Judæi nomen suum, idest nomen Dei, quod nomen prius invocabant;

Dimiserunt dico; ad quid? In juramento: De hoc nomine Malach. 1. v. 11. *Ab ortu enim solis usque ad occasum, magnum est nomen meum in gentibus.* De hoc juramento gentium per nomen Domini Dei Isaïæ 65. post verba prædicta v. 16. *Et qui jurat in terra, jurabit in Deo, amen.*

Item Psalm. 62. v. 12. *Laudabuntur omnes qui jurant in eo;* idest per eum. De Christi adventu ad patrem ejus locutus David eodem Ps. v. 9. ait: *Me suscepit,* idest naturam humanam, *dextera tua,* idest filius tuus, & ponit præteritum pro futuro, sicut mos est Prophetis; & statim subdit de Christo v. 12. *Rex vero;* idest Christus, *latabitur in Deo,* idest in Patre suo; & ponit postea eodem vers. *laudabuntur omnes, qui jurant in eo.* Quia dicit, illi laudabiles erunt. Obstruatur autem hæreticorum os iniqua loquentium de Christo, & de ejus doctrina dicentes, quod ipsum prohibuit Matth. 5. Ad idem valet illud Psalm. 14. v. 1. *Domine quis habitabit in tabernaculo tuo?* idest in Ecclesia; *aut quis requiescet in monte sancto tuo?* idest in cœlesti patria, quæ dicitur mons propter altitudinem, & firmitatem; & postea solvit dicens inter alia v. 4. *Qui jurat proximo suo, & non decipit* (36). Ergo Ecclesiæ non est prohibitum jurare. Simile habetur in Psalm. 23. *Domini est terra &c.*

CAPUT X.

De illo mandato: *Memento ut diem Sabbati sanctifices.* Exodi 20. v. 8.

§. UNICUS.

De Sabbato, & de die Dominico.

TRanseamus ad decimum caput, & videamus de hoc mandato: *Memento ut diem Sabbati sanctifices.* Istud mandatum ad literam servabant Judæi; una causa quare Dominus præcepit eis Sabbathum observandum, fuit hæc, scilicet, ut essent memores inchoationis mundi, ne dicerent mundum coæternum Deo; unde Exodi 31. v. 16. *Custodiant filii Israel Sabbathum, & celebrent illud in generationibus suis. Pactum est sempiternum* (v. 17.) *inter me, & filios Israel, signumque perpetuum;* postea subdit causam quam dixi, eodem vers. *Sex enim diebus fecit Dominus cælum & terram, & in septimo ab opere cessavit.* Secunda causa quare Dominus illud præcepit eis, fuit, ut essent memores illius beneficii quo eduxit eos Dominus de servitute Ægypti, in qua non poterant sabbatizare, idest quietem habere, ut habetur Exodi v. 18. & seq. Istam causam ponit Dominus Deutor. 5. v. 15. *Memento quod & ipse servieris in Ægypto, & eduxerit te inde Dominus Deus tuus in manu forti, & brachio extenso;* &

O o o 2

addi-

(36) Præstat extremo loco Johannem Chrysostomum, ab ea, quam illi Anabaptistæ impingunt, calumnia liberare. Etsi ergo Johannes juramenti minus æquus fuisse videatur, prima quidem specie; non tamen jusjurandum ipsum, sed pessimam, quæ apud Antiochenos invaluerat, consuetudinem sine necessitate jurandi, execratur, pugnareque dixit cum Evangelio. Alioquin cur passus fuis-

set ipse, & qui tum erat Episcopus, ut ipso inspectante Antiocheni contententes, ad altare accederent, ibique jurarent? Vide *Hom. xv. ad Pop. Antioch.* Cur non imposita fuit iis penitentia? cur non expellebantur a templo? si juramentum tam ingens, publicumque peccatum erat: quemadmodum pellebantur ii, qui peccatis publicis aliis sese implicarent?

addidit eod. vers. *Idcirco præcepit tibi, ut observares diem Sabbati.*

Antequam ulterius procedamus, respondendum est cuidam objectioni Judæorum qui dicunt nos esse transgressores illius mandati; cum dicatur Exod. 31. v. 16. & 17. quod sempiternum sit atque perpetuum. Si autem dicamus eis, non esse datum illud mandatum nobis ad literam, quia tantum Judæis datum est; objicient de Apostolis, qui Judæi fuerunt, & tamen illud non observaverunt.

Solutio: Ubi nos habemus *sempiternum*, ibi habent *in seculum*; quod autem istud finem habeat aliquando, patet Exodi 21. v. 1. & seq. ubi de servo hebræo, qui non vult egredi liber anno septimo v. 6. *Et erit ei servus in seculum*; & est sensus usque ad Jubilæum; sic ergo habes o Judæe quod sempiternum vel perpetuum non semper privat fine. Ita sumitur Exodi 31. & Genes. 17. de circumcissione.

Præterea, Dominus sabbati exemit nos ab illo mandato, ut patet Marci 2. v. 28. ubi dicitur: *Itaque Dominus est filius hominis, etiam sabbati.*

Præterea, signum fuit & figura sabbati spiritualis in populo Christiano, unde signato veniente, debet cessare signum; quod autem signum sit, patet ex prædictis verbis Exodi 31. Sciendum autem quod sicut Judæi sabbatum observant, ita etiam nos observamus diem Dominicum, hoc excepto, quod illi abstinabant ab aliquibus in sabbato, a quibus nos non abstinemus in die Dominico: [*] quem diem nos observamus ex constitutione Ecclesiæ: & ob reverentiam Christi, qui illo die (1) natus est; illo die (2) resurrexit; illo die Spiritum Sanctum misit [*]. Si enim Judæis indictum est servare sabbatum in memoriam beneficii liberationis materialis, ad honorem liberatoris: cur non licebit Ecclesiæ constituere illum diem esse festivum ad honorem Christi, & in memoriam liberationis spiritualis de servitute diaboli facta per Christum? Item Judæi sabbatizabant, ut Legi Veteri vacarent, quæ neminem duxit ad perfectum statum æternæ liberationis, quare non vacabit Ecclesia Dei die Dominico, ut vacet Evangelio quod ducit ad perfectum, idest statum æternæ beatitudinis? alias etiam festivitates servamus ex con-

stitutione Ecclesiæ, idest veneratione sanctorum & in memoriam ipsorum, idest ut memores simus operum eorum ad faciendum ea. Ecce quam rationabilis causa institutionis Ecclesiæ; quod autem ipsa constituere possit, patet supra cap. 6. hujus partis.

Contra istud objicit hæreticus, scilicet Catharus & Valdensis id quod habetur ad Galatas 4. v. 10. *Dies observatis, & menses, & tempora, & annos*; & subdit v. 11. *Timeo, ne forte sine causa*, idest fructu, *laboraverim in vobis*; Ergo peccatum est observare dies.

Item ad Colloffenenses 2. v. 16. *Nemo ergo vos judicet in cibo, aut in potu, aut in parte diei festi, aut neomeniæ, aut sabbatorum.*

Solutio: Apostolus arguebat eos qui Judaizabant, (3) idest more Judæorum illa observabant, quæ præcepta erant in lege Domini, propter quod etiam observabant circumcissionem; unde eos arguens dicit cap. 5. v. 1. *Quoniam si circumcidamini, Christus vobis nihil proderit.* Item v. 2. *Testificor autem rursus omni homini circumcidenti se, quoniam debitor est universæ legis faciendæ.* Dicit ergo eis increpans eos: *Dies observatis*, idest sabbata, & neomeniam, idest novam lunam, initium, scilicet, lunationis, & decimam quartam diem a vespera usque ad vigesimam primam ejusdem mensis, quando azyma comedebant. Menses etiam observabant, scilicet mensem septimum, quia in eo observabant primam diem. Item decimam quintam usque ad vigesimam secundam diem, ut habetur Numer. 29. v. 1. 12., & seq. & dicitur ista festivitas *Scenopegia*. Tempora etiam observabant, ter in anno venientes Jerosolymam, credentes implere præceptum illud Exodi 23. v. 17. *Ter in anno apparebit omne masculinum tuum coram Domino Deo tuo.* Annos etiam observabant, scilicet septimum annum, & quinquagesimum, qui dicitur Jubilæus, de quibus habetur Levitici 25. v. 4. & 10. Similiter quod dicitur ad Colloffen. 2. *Nemo ergo vos judicet in cibo aut in potu, aut in parte diei festi*, scilicet Judaici; unde etiam diem festum per partem exponens ait: *aut neomeniæ, aut*

[*] Quæ duobus asteriscis comprehendimus, desunt e Codice Bononiensi.

(1) Non constat, eo ne die Christus resurrexerit. Nondum enim convenit inter Chronologos in constituendo anno, dieque Natali Christi.

(2) Hæc est ratio, quæ Apostolos induxit, ut non sabbatum, sed diem Dominicum celebrarent. Diei dominicæ meminit Johannes Evangelista Cap. I. Apocalyps. v. 10. appellatque *καὶ τὴν ἡμέραν τοῦ κυρίου*. Apostolus Paulus I. ad Cor. Cap. xvii. per unam sabbati collectis fieri jubet, ad sublevandas Ecclesias; fiebant autem eo die conventus Christianorum ad frangendum panem, ut auctor est Lucas Act. Cap. xx. *una autem sabbati*, dicebatur *Dominicus dies*, quod primus post sabbatum sequeretur. S. Ignatius Martyr, in sinceris Epistolis nominat *Dominicum diem*. S. Justinus Apologia II. in calce hæc debet: *Solis autem die communiter omnes conventum agimus: quandoquidem is primus dies est, quo Deus tenebris, & materia, quam prius creaverat, versa, mundum effecit: & Iesus Christus servator noster, eo ipso die a mortuis resurrexit.* Videntur Plinius Epist. de Christianis ad Trajanum Imperatorem. S. Leo Epistola xi. al. lxxx. ad Dioscorum Alexandrinum, & Concilium Parisiense vi. lib. I. can. 1. Consule Thomassinum Lib. de Festis. Cap. de Dominica. Quod addit Moneta de Spiritu Sancto misso die Dominico, consonat iis, quæ habet S. Leo in mox laudata Epistola; quamvis multi Chronologi resistent.

(3) Eftius in iv. Cap. Epist. ad Galatas v. 11. „ Partibus explicat Apostolus, inquit, quod in genere dixerat, eos iterum „ converti ad infirma, & egena elementa. Locum hunc Ambrosianus accipit de superstitiosis observationibus dierum ac temporum, dum ea fausta, vel infausta putantur. Quem errorem a gentilitate ad Christianos permanasse, sæpe queritur Augustinus; qui etiam eodem sensu verba hæc accepit Enchiridii „ Cap. lxxix. sed & in Commentario sensum hunc adfert prioris „ loco. Verum mox alterum præfert, quo de Judaicis observationibus exponitur, utpote scopo totius Epistolæ congruentem. Quæ eadem expositio est Hieronymi, Chrysostomi, Theophylacti, & aliorum. Dies ergo, quos observabant Galatæ a Pseudo-Apostolis edocti, erant, verbi gratia Sabbatum, Neomenia, Scenopegia, ceteræque solemnitates Judaicæ. Menses, ut primus, & septimus festorum causa celebriores. Tempora, quale est, ait Hieronymus, ter per annos singulos Jerosolymam venire. Anni denique, ut septimus annus remissionis, & quinquagesimus Jubilæi. Ex his porro liquet, quam prave „ detorqueant hanc Apostoli sententiam hæretici ad reprehensionem „ ejus consuetudinis, qua certos quosdam dies festos annua „ citate recurrentes... ex Ecclesiæ præcepto fideles observant. Hæc enim Ecclesiastica dierum ac temporum observatio, neque „ ad superstitionem gentilium pertinet, neque ad legem a Christo „ abrogatam, sed ex Apostolica Traditione descendit.

aut Sabbatorum: Dies ergo festi Judaici non sunt observandi, sed dies ab Ecclesia instituti, ut dictum est. (4)

CAPUT XI.

*De novitate mundi, & de rationibus,
quibus Philosophi probant mun-
dum esse æternum.*

Sequitur undecimum caput de novitate mundi, quæ ex illo mandato intelligitur: *Memento ut diem sabbati sanctifices*; quia ad eam insinuandam datum est, ut ostendimus in principio capitis præcedentis. Istud autem caput hic ponimus propter quosdam Philosophis gentium adhærentes, (1) qui æstimant mundum ab æterno sic fuisse, & sine fine duraturum.

Opiniones hominum de æternitate, vel novitate mundi apud homines qui credunt, quod Deus est, sunt tres. Prima est catholicorum virorum, & recte credentium, & est quod totus orbis, & omnia quæ in ipso sunt per Creatorem habuerunt esse post non esse absolutum, idest non ens simpliciter, idest tam actu, quam potentia materiali sive passiva; Et quod solus Deus sit ens æternum sine causa, & sine initio, & sine inchoatione essendi; sed omnia alia duplicem habuerunt originem, scilicet causalem, & initialem, producta enim sunt de non esse in esse per virtutem causæ primæ cujus est causare, idest de novo aliquid facere, idest de non ente tam actu, quam potentia materiali, ut deducat ordinem in ratione ejus, quod est creare; negatio autem privat ordinem materiæ, ex qua non causam tamen, nec omnem privat ordinem materiæ secundum naturam, sive secundum cau-

sam, cum materia universaliter & causaliter prior sit materiato ex ea, licet non tempore; & sensus est: Deus de nihilo creavit, idest de non præjacente materia secundum tempus. Ex his patet in quo distinguatur creare ab eo, quod est generare, quia generare sicut vult Philosophus, & bene, in hoc est, de non ente simpliciter actu, sed de ente potentia, unde sic non privatur ordo materiæ ad materiatum, sed potius ordo subjecti, ut subjectum dicatur materia jam tracta in speciem, sicut si dicerem de non igne fit ignis, de non igne prius fit ignis posterius.

Secunda opinio, est sententia Philosophorum qui dicunt, quoniam vanum est credere, quod Creator faciat aliquid ex nihilo; secundum quos non potest aliquid corrumpi in nihilum; hoc est dicere, quod nihil fit ex privatione simpliciter & absoluta ipsius materiæ, nec convertitur ad privationem simplicem & absolutam ejusdem materiæ: privationem absolutam dicunt privationem esse actualis, & possibilis possibilitate materiali; dicunt enim quod hoc idem esset ac si crearet quadratum, cujus diameter esset æqualis lateri; & dicunt quod sicut non est ex impotentia Creatoris si id non facit, ita non est ex impotentia ejusdem si non potest facere aliquid de nihilo; istud enim est de universitate impossibile. Ista autem opinio duplex est; una Platonis, (2) & sequacium ejus, ipse enim posuit materiam antiquam sive coæternam Deo, unde posuit, quod caret principio inchoationis, sed non principio causalitatis, ipse enim Deus est causa ejus, ut sol radii, nec præcessit materiam per moram aliquam temporis vel æternitatis, sed tantum per modum causæ, & ipsa est ei sicut argilla figulo, & creator quandoque creavit de illa Cælos, & terram, quandoque alia. Ipse etiam posuit, quod cæli sunt generabiles, & corruptibiles, sed non sunt generati

(4) Jam inde ab Apostolorum temporibus dies quosdam festos fuisse, eosque jam observatos, Apostolica quidem certe auctoritate constitutos, probant Thomassinus *Tract. De Festis*, & Natalis Alexander *Lib. IV. Theolog. Moral. Cap. v. Art. IV.* Commodum autem huc cadit, quod habet Augustinus *Epist. LIV. ad cxviii. ad Januarium Cap. I. Tom. II. Opp.* Illa, inquit, quæ non scripta, sed tradita custodimus, quæ quidem toto terrarum Orbe servantur, datur intelligi, vel ab ipsis Apostolis, vel a Plenariis Conciliis, quorum est in Ecclesia saluberrima auctoritas, commendata, atque statuta retineri; sicuti quod Domini passio, & resurrectio, & ascensio in Cælum, & Adventus de Cælo Spiritus Sancti, anniversaria solemnitate celebrantur, & si quid aliud tale occurrit, quod servatur ab universa quacunque se diffundit Ecclesia.

(1) Fuerunt seculo XIII. quo noster florebat, homines quidam, qui cum dicerent se Catholicos esse, inter eas tamen opiniones, quæ defendi impune in Ecclesia posse censebant, eam quoque ponere non verebantur, quæ est de mundi æternitate. Horum dogma jure damnavit Stephanus Episcopus Parisiensis an. 1277. Atque in indice propositionum ab ipso proscriptarum *Cap. v. Tomo XXV. Bibliotheca Patrum Editionis Lugdunensis pag. 333. hæc num. 6.* cernitur: *Mundus est æternus quantum ad omnes species in eo contentas: & quod tempus æternum, & motus, & materia, agens, & suscipiens, quia est a potentia Dei infinita, & impossibile est innovationem esse in effectu, sine innovatione in causa.* Videndus Bultus *Hist. Acad. Parisiens.* Hos meo quidem judicio resellere aggreditur noster. Eo autem ab argumentis Aristotelis orditur, quod his maxime illud genus hominum fideret. Seculo VI. fuisse in Oriente aliquos, qui eundem errorem defenderent, colligi quidem potest ex Disputatione Zachariæ Scholastici, qui Mitylenes deinde Episcopus creatus est. Exstat hoc opus *Toms XI. Bibl. PP. Edit. Lugd. pag. 795. seqq.* Plerique Ethnici, qui Aristotelem sequuti sunt, mundum sempiternum esse dixerunt, atque

inter ceteros Plinius senior initio *I. Lib. Naturalis*. Qui hac ætate vivunt *libertini Philosophi*, siquidem hos Philosophos appellare fas est; mundum se ipso semper fuisse jactitant.

(2) Hæc fuit omnium Philosophorum, Poetarumque Aristotele vetustiorum sententia. Id vero cum ex aliis Scriptoribus, tum ex Aristotele ipso constat *I. De Cælo Textu c. 11. Cap. x.* Ergo Orpheus, siquidem unquam fuit, Hesiodus, & eos sequutus Plato, mundum initium habuisse, sed sine cariturum putarunt. Democritus, Leucippus, Epicurus sortita atomorum, quæ semper fuerint, concursione, mundum conflatum dixerunt. Empedocles, & Heraclitus vicissim generari & interire mundi formam, eisdem consistentibus materiæ partibus, nunc amicitia congregante, nunc dissolvente lite. Paria sensere Stoici mundi nempe materiam, numquam creatam, sed dispositam tamen a Diis fuisse. Adeundi Aristoteles *Lib. De Cælo I. Cap. x. & Lib. De Mundo ad Alexandrum*, si quidem genuinus est, Cicero in *I. De Nat. Deor.* Plutarchus de *Placitis*, Laertius de *Vitis Philosoph.* Minucius Felix in *Octav. &c.* Xenocrates, Alcinoüs, Proclus, Apulejus, Crantor, Plotinus, Jamblicus, & alii: Platonem non ex animi sui sensu mundi originem tradidisse ajunt, sed illustrandæ doctrinæ gratia. Ceterum ab ipso mundum sempiternum fuisse creditum. Sed Cicero *I. Lib. Acad. Quæstionum*, Plutarchus, Atticus, alique plures Platonem ab invidia tanta liberant. Etsi enim materiam æternam esse putavit, ut sapienter observat noster: negavit tamen mundum formatum non fuisse a Deo. Sic enim habet in *Timæo*. „Primum consideremus, quod in omni quæstione ante omnia investigari debet, utrum hoc universum semper fuerit sine ullo generationis principio, an genitum sit ab aliquo principio significans exordium? Id profecto cernitur, tangitur, & corpus habet; omnia vero hujusmodi sensus movent. . . . Hæc vero talia esse constat, ut gignantur, & genita sint. Patrem mundi invenire difficile; & cum jam inveniatis, prædicare in vulgus nefas.

rati de nihilo absolute, imo de materia præjacente. Contra hanc opinionem disputavit Aristoteles ut patet in libris naturalibus; invenitur autem illa Platonis sententia in libro qui dicitur Timæus. Alia fuit opinio Aristotelis & sequacium ejus & eorum, qui exposuerunt libros ejus; is namque dixit materiam coæternam Deo, non sine forma, sed sicut nunc distincta est per varias rerum species; & posuit, quod Cœli non cadunt sub generatione, & corruptione: hoc autem satis potest concedi, scilicet, quod non fuerunt generabiles & corruptibiles proprie, sumpto nomine generationis, & corruptionis, ut sumitur in Philosophicis; dicit ergo, quod Mundus sicut modo est fuit coæternus Deo, (3) & quod motus Cœli & tempus sunt æterni esse.

§. I.

Ponuntur rationes quibus Aristoteles mundum probat esse æternum.

Nunc videamus rationes quibus posuit Aristoteles mundum æternum, ut patet in II. libro Metaphysicæ suæ, & in 8. Physicorum, & cum auxilio Dei dissolvamus eas. Prima ratio Aristotelis quæ habetur in principio 8. Physicorum (4), sumitur a motu primi mobilis: aut enim ille motus factus est, aut non: si non est factus, ergo est æternus, ergo & mobile est æternum, & ita mundus æternus: si autem factus est, & de non esse in esse productus est; motus ergo primi mobilis exivit de non esse in esse, de potentia in actum, exitus autem de non esse in esse, de potentia in actum, motus aliquis est; ergo ante primum motum fuit alius per quem fuit, & restabit eadem quæstio de illo, & sic erit via in infinitum, vel stabitur ad aliquem motum qui sit æternus, & non cæpit esse, secundum quam rationem potest stare in motu cœli; motus ergo cœli æternus ponendus est.

Solutio istius objectionis, & aliarum quam ponemus, paulatim detegit errorem Aristotelis & omnium sequacium ejus; sed plenius detegetur quando obijciemus contra alias rationes ejus. Dicamus ergo quod motus primi mobilis æternus non est, & quod motus ille cæpit esse, quando suum subjectum cæpit esse, scilicet Cœlum, & quod exivit de non esse in esse, non per motum alium naturalem sed per creationem; concedimus ergo quod primus motus factus est post non esse, sed non per viam naturæ, sive motus naturalis, sed per viam creationis sicut primum mobile. (5)

Sed contra: Cum creatio subita sit, oportet,

quod magnitudo primi mobilis exivisset de potentia in actum subito, hoc autem esse non potest, quia tanta extensio non potest fieri sine successione, & ita non exivit in actum per creationem, & ita per generationem, & sic ante primum motum fuit alius motus, quod videtur impossibile. Igitur non est ponere primum motum esse factum, quia nec per creationem, nec per generationem factus est.

Solutio: Illa ratio (tanta extensio non potest fieri sine successione) vera operatione naturæ, quod supponit Physicus, & Aristoteles in eo libro ut Physicus loquitur; operatione autem simplici virtutis causæ primæ, quæ infinita est, subito potest fieri illa extensio. Unde Augustinus lib. 10. de confessione: *Sicut in principio Cœlum & terram fecisti sine varietate notitiæ tuæ; Ita fecisti in principio Cœlum & terram sine distensione actionis tuæ.* Dico ergo, quod primum mobile exivit in esse per creationem subito factam. Sed adhuc non videtur soluta objectio, cum enim mutationem primi mobilis præcedat aliqua mutatio, licet non naturalis, sed creatio, restat eadem quæstio de illa mutatione, & sic in infinitum, & cum mutatio omnis inmutabili sit, necesse est per infinitum spatium ponere ipsum mutabile, ita & aliquod creatum æternum. Eadem objectio fieri posset de quocumque alio motu, cum omnis alius motus sit prius in potentia, & postea in actu, & ita exivit de potentia in actum, & ita alius præcedit illum, & de illo eadem est objectio. At hoc solvi solet, quod sicut unitas se ipsa una est, (6) & quantitas se ipsa quantitas est, & differentia se ipsis differunt, ita motus vel mutatio, vel exitus de non esse in esse, de potentia in actum se ipsa exivit. Sed quamvis hæc solutio utcumque posset stare in motu particulari, tamen in motu ipsius universi non videtur posse stare, motus enim ille non videtur ipsa creatio, cum creatio supra naturam sit, sicut & ipsi dicunt, & ita restat prior objectio de mutabili, cujus positio ante primum mobile necessaria est, posita mutatione ante motum primi mobilis. Si autem dicat, quod illa mutatio, quæ dicitur creatio, non est ante motum ordine temporis vel moræ alicujus, sed ordine naturæ, unde non est necesse ponere aliud mutabile. Imo necesse est ad minus secundum naturam, quia sicut motus ad motum, videtur ita mobile ad mutabile; vel ad minus, cum mutatio illa, quæ creatio dicta est, non sit per se ens, sed accidens delatum in alio, oportet quod sit in primo mobili ut in deferente: modo quæro: quando potuit dici hoc mutatur, demonstrato primo mobili, cum non esset? quod enim omnino non ens est, non est

(3) Consule Aristotelem Lib. VIII. Physicorum. Lib. I. De Cælo Cap. 8. Lib. II. De Generat. & Lib. XI. Metaphysicorum. Hinc Cicero in II. Quæstionum Academicarum Libro Veniet, inquit, orationis aurum flumen fundens Aristoteles, qui Stoicum desipere dicat. Neque enim ortum unquam esse mundum: quod nulla fuerit, nullo consilio inito tam præclari operis inceptio. Sanctus Thomas excusat Aristotelem, quasi non existimavit mundi æternitatem ab se demonstratam rationibus demonstrativis. I. P. Quæst. XLXI. Art. I. In c.

(4) Cap. I.

(5) Sophistica est Aristotelis ratio. Solvi autem commode potest. Nam dum corpus unum ciet aliud in motum, motus hic in-

corpore nunc moto, ante non inerat. Sic etiam dum Deus, qui mundum condidit, cum immobilis ipse sit, moveat tamen cetera, impressit suæ voluntatis efficacie motum corporibus, qui ante in ipsis, cum condita non essent, non inerat; inest autem nunc, quin necesse sit in infinitum pergere. Nam si animus humanus voluntate sua imprimit corpori motum, nec oportet in infinitum procedere; quid impediēbat, quo minus Deus omnipotenti virtute, creata a se corpora, & primum immota, in motum deinde cie-

(6) Adeundus Sanctus Thomas. I. P. Quæst. XLVI. Art. I. ad 6. Arg.

est subiectum deferens aliquod accidens, & maxime cum est non ens tam materialiter, quam formaliter; si autem cum est mutatum diceretur mutari, hoc est impossibile, imo magis proprie dicitur mutatum est, cum esse sit terminus fieri. Ad hoc dico, quod exitus de potentia in actum motus vel mutatio est, potentia autem sive possibilitas super ens fundatur, super ens dico simpliciter, idest secundum speciem, vel quodammodo, idest secundum materiam, sicut vult Aristoteles in pluribus suis libris, secundum quem modum docet in principio 11. libri Metaphysicæ, omne quod transmutatur, ex aliquo in aliud transmutatur: Illud autem a quo transmutatur est motor, transmutabile autem est materia, illud ad quod transmutatur est forma: constat ergo quod diximus, scilicet quod omnis exitus de potentia in actum vere loquendo mutatio est, & hæc mutatio supponit mutabile esse: exitus autem de non esse omnino in esse non est motus, vel mutatio per rationem istam: motus vel mutatio est exitus de possibilitate in actum, de possibilitate dico passiva, & materiali; unde creatio proprie loquendo, non dicit mutationem, sed dicit essentiam illius quod creatur: in quantum ordinatur ad duo, scilicet ad non esse postquam habet esse; & ad fontem, & causam omnis esse, in quantum ab ea egreditur post non esse absolute: verum creare proprie non est nisi creare aliquid ex nihilo, vel creari ex nihilo; hoc autem idem est, quod accipere esse post non esse a causa prima: idem est dicendum de infusione animæ rationalis, quæ infundendo creatur: in qualibet enim simplici mutatione necessum est idem dicere, ex parte scilicet, quia generari est incipere, sive nunc primo esse in specie, quæ datur subiecto a prima causa; hoc excepto, quod generatio proprie dicta supponit generabile, & dicit exitum in actum de potentia possibili vel materiali; unde non est de non ente omnino, sed de non ente actu, ente autem potentia, ut dicit Aristoteles in fine primi Physic., sed creatio est ex non ente omnino. Ex his patet qualiter interimi possit ratio prima Aristotelis inducta ad adstruendam mundi æternitatem, & qualiter dicitur primus motus factus, scilicet quia creatur, & non per motum vel mutationem aliquam ex parte agentis, vel ex parte alicujus mobilis, sed per influentiam esse a causa prima.

Secunda ratio Aristotelis in principio Physicorum sumitur in tempore; (7) cum enim tempus committetur motum, motus enim non est sine tempore, nec e contrario, sed tempus non habet principium nec finem, quare nec motus; ergo nec mo-

bile; unde 11. Metaph. suæ ponit Cælum æternum: quod autem tempus non habeat principium nec finem, videtur ex hoc; quod si aliquod est principium in tempore, cum nihil sit de tempore nisi nunc, ergo ipsum nunc est principium in tempore, hoc autem esse non potest, ergo tempus non habet principium: quod autem illud esse non possit; videtur per hoc, quia ratio ipsius nunc est, quod sit principium unius temporis, & finis alterius; ergo illud nunc quod positum est esse principium unius temporis, est finis alterius; ergo tempus fuit ante; sed tempus non potest esse sine suo principio, ergo ante illud tempus præcedens est sumere nunc, & ante illud nunc ut sit finis temporis, est sumere tempus; sic igitur erit via in infinitum, quod esse non potest; ergo non potest esse primum in tempore; ergo tempus est æternum ex parte ante, quare & motus, & mobile secundum istam rationem. Probat-ur etiam quod non finitur ex parte post, quia si finiretur, aliquid esset ultimum ipsius, scilicet nunc; sed ratio ejus, quod est nunc, ista est, quod est finis unius, scilicet prioris, & principium alterius temporis posterioris; ergo aliquod tempus erit post, & ita non desinit in illo nunc, nec desinet in alio eadem ratione, ergo tempus non finitur ex parte post, quare nec motus, nec mobile.

Ad hoc dici potest; quod tempus incipit esse, & desinit esse, secundum quod dicitur mensura motus primi mobilis; non incipit tamen esse in tempore, sed in nunc; (8) & istud nunc in quo incæpit esse, tantum est principium temporis, & non finis, & illud nunc in quo desinit erit finis temporis, & non principium ejus, & sicut in linea recta est invenire punctum terminans, initians, & continuans, ita & in tempore, quod ignoravit Aristoteles, ponens prædictam rationem ejus, quod nunc est, scilicet, quia est initium unius, & finis alterius; posuit enim tantum unum nunc, scilicet continuans, & hoc ideo facit, quia tempus est mensura motus circularis, sicut suum subiectum orbicularem formam habet; non consideravit autem Aristoteles, quod aliud est loqui de motu, & tempore completo, aliud autem de nondum completo: Aristoteles autem induxit probationem contra ponentes mundum esse novum: loquendo de mundo perfecto, & completo, & motu ejus, & tempore similiter completo: Dico ergo, quod concedimus, quod multo aliter se habent, quam in hora suæ creationis post privationem absolutam; nec est ibi invenire in statu generationis, vel motus completi aliquod nunc, quod non habeat rationem principii & finis

ad

(7) Hoc idem Sanctus Thomas sibi opponit *ibid.* Art. I. ad 7. Arg.

(8) Eodem recidit responsum adhibitum a S. Thoma loco mox indicato. Tanti autem fieri hæc ratio Aristotelis debet, quanti argumenta Pyrronicorum, qui lineas dari posse nullas pugnarunt; Cum enim, ut Sextus Empiricus opponit, linea infinitis partibus instructa sit, cum dividi in infinitum possit, nullam invenire partem possumus, quæ omnium prima sit, adeoque nullum exstabit initium lineæ. At nos respondemus, dari lineas, cum continenti experientia cernamus corpora limitibus, ac terminis conclusa esse. Extremum autem profundi dari necesse est, alioqui profunditas esset infinita. Hoc vero profundi extremum esse latum, & longum, quam nos longitudinem, & profunditatem superficiem dicimus.

Porro superficies, ut quæ finita sit, terminos habeat necesse est. Termini autem superficiei longi tantum, non lati sint, oportet. Nam si ita esset, non essent illi extrema superficiei. Rursum lineæ non sunt infinitæ. Ergo terminos habent. Termini autem linearum, non sunt longi. Etenim si ulla iis inesset longitudo, constarent partibus, adeoque ne extrema quidem essent linearum. Sunt igitur linearum termini partibus vacantes. Quare puncta dicuntur. E puncto ergo ducendum lineæ exordium est. Quod si nequirem explicare rationem cur e puncto ducatur exordium lineæ, negare tamen non possem, lineam duci e puncto. Sic et si temporis initium evolvere ipse non possem, aut motus, quod ejus partes meam vim notionemque fugiant, non tamen inde colligere Aristoteles posset, nullum dari posse temporis motusque initium.

ad diversa relatum, secus autem in hora creationis suæ se habent. Sciendum tamen, quod motum completum ab eodem in idem, & ejus mensuram dupliciter est considerare, sicut patet per simile; motum enim alicujus mobilis dupliciter contingit considerare, de quo nulli dubium est quin habeat esse post non esse; potest enim considerari in comparatione ad causam suam extrahentem ipsum de non esse in esse, & sic habet initium extra; sed considerando ipsum in partibus suis, idest inter se, non habet initium; nihil enim de motu est ponere in eo primum, quia nec de tempore particulari mensurante illum, cum omnis pars temporis, vel motus divisibilis sit in prius, & posterius. Secundum hunc modum motus primi mobilis, & tempus ipsum mensurans per suum complementum dupliciter potest considerari, ut dictum est; fundamentum autem rationis præmissæ differenter se habet in ente completo, & in nondum completo; & quod aliud convenit dici de eo ante complementum, quam post ipsum, patet per simile; in omni enim animali prius generatur cor, quam testiculi, ut dicit Philosophus, & sicut oculis contingit videre; & nervi generantur antequam ossa, quamvis per suam perfectionem non inveniantur, una sine aliis, absque quibus homo non deberet esse. Similiter dico, quod aliter est loqui de mundo in principio suæ conditionis, & post ejus complementum, ut patet in principio Genesis; sicut & aliter est loquendum de tempore, vel motu primo ante completionem, quam post.

Hic necesse est quærere: utrum in hora suæ creationis, idest ante sui completionem, vel generationem ab eodem in idem initium habuit. Nec loquor de initio extra sumpto, quod se habet ad ipsum per modum causæ, sed loquor de initio intra sumpto. Et est dicendum ad hoc, quoniam initium intra sumptum dupliciter dicitur, vel de tempore, vel quia in tempore; primo modo non est sumere ibi initium intra, cum quælibet pars temporis divisibilis sit, similiter dicendum de motu; secundo autem modo non est sumere ibi initium, scilicet instans initians ipsum motum, ut patet in motu molæ, illud enim instans in tempore est, ut punctum in linea; sed nunquid in illo est tempus, aut motus? Non; nam probatum est in 6. Physic. quod motus non est (9) inceptibilis; quare nec status sive quies; concede ergo quod in illo instanti incæpit solum moveri: Verbum tamen incæptionis adjunctum successivo, quod non habet simul partes suas, privat respectu præsentis, & ponit re-

spectu futuri, ut sit sensus: Cælum incipit moveri, idest non movetur nunc, sed continuo post movebitur: eodem etiam modo dicendum, quod hoc verbum *desinit* non ponit respectu præsentis, sed ponit respectu præteriti; unde cum Cælum desinit moveri, ut supponit fides nostra, sensus est, idest non movetur, & continue ante hoc movebatur. Et ex hoc patet qualiter respondendum sit ad quandam quæstionem, quæ solet fieri, si Cælum cæpit moveri aut in tempore, aut in instanti? (10) & dicimus, quod in instanti primo, ut dictum est; potest etiam dici, quod incipit moveri in tempore, idest cum tempore; tempus enim, & motus in illo instanti incæperunt, non quod essent in illo, successivum enim non est in sui termino, sed dicuntur incæpisse in illo, quia habuerunt continue esse post illud.

Ex his quæ dicta sunt potest patere quæstionis cuiusdam solutio, quæ solet fieri de exitu temporis in esse, scilicet an exierit in tempore, vel in instanti? in instanti non videtur, cum instans impartibile sit, (11) tempus autem successivum: si in tempore, aut in se, aut in alio, in se non potest, quia non est idem continens, & contentum a se; si vero in alio, essent duo tempora simul, scilicet, quod exit & id in quo exit, quod est inconveniens, & a nullo etiam datur.

Solutio: Cum exitus temporis in esse per creationem primi mobilis, & motus ejus idem sit, quod ejus incæptio, non est inconveniens dicere, quod incæpit in instanti initiali modo jam dicto de tempore, & de motu: quidam tamen distinguunt duplicem mensuram, scilicet transcendentem, & propriam; secundum primum genus mensuræ dicendum est, quod sicut tempus est excellens mensuræ rerum, quæ fuerunt in quadam parte temporis, ita illa duratio, quæ nec habet principium, nec finem, excellens mensura est ipsius temporis habentis principium & finem; & exitus temporis in esse, est in illa duratione; sed quo ad mensuram propriam non fuit exitus temporis in esse pro aliqua mensura; mensura enim mensuram non habet secundum eandem speciem. Similiter dicendum est, quod ultima sphaera, quæ est omnium locus, non est creata in vacuo, vel in pleno, quia non in loco; vacuitas enim sicut & plenitudo sunt proprietates loci, sed tunc creatum est id quod est locus aliorum; alia autem corpora sunt creata in primo corpore tanquam ipsius plenitudo. Ex hoc patet solutio cuiusdam quæstionis, quam quidam induxit ad probandum antiquitatem mundi, quærens utrum factum fuerit in vacuo, (12) vel in pleno? utrolibet enim

(9) Codex Vaticanus pro *inceptibilis* habet *impartibilis*.

(10) Neque fieri minus potuit, quam ut in instanti moveri inciperet mundus. Nam jam inde ab æterno motus dari nullus potuit. Cum enim materia ad motum *indifferens* sit, ut patet ex corporibus, quæ modo quiescunt, modo veniunt in motum, atque id secum ferat materiæ notio; seipsam illa ad motum determinare non potuit. Nulla enim res, se ipsam determinat, si præsertim careat ratione. Nec vero præstat mente materia, nec suapte ratione, atque natura motum habet, alioquin ad motum non esset *indifferens*. Itaque se ipsam determinare materia ad motum non potuit. Mota igitur ab aliquo est. At clari in motum non potuit ab æterno. Nam motus ille æternus esset. Nulla igitur ejus pars extrema reperiri posset. Omnes ergo partes temporis aliam ante se

supponerent præterisse partem: Adeoque nulla sempiterna posset excogitari. Quod enim ante se quidquam supponit præterisse, sempiternum esse nequit. Merito igitur S. Thomas *Opusc. xxvii.* mundum sempiternum esse potuisse negat, quod attinet ad res, quæ secum inferunt successionem. Cæpit igitur motus in instanti, atque, ut noster ait, *cum tempore*.

(11) Quasi vero linea oriri e puncto nequeat, quod partibus prædita sit. Quod si nihil impedit, quo minus linea partibus instructa e puncto oriatur; quid est, quod obstat cur non ex instanti incipiat successivum tempus?

(12) Costius, qui ex Anglico in Gallorum sermonem vertit acutissimi Lockii opus, quod inscribitur *Essai De l'Entendement Humain. in notis ad Lib. iv. Eiusdem Operis Cap. x. §. 18. pag. 521. Edit.*

enim dato, sequitur aliquid esse coæternum Deo.

Tertia ratio sumitur a materia, de qua habetur in principio libri Physic. (13) quod ingenerabilis est, & incorruptibilis; ait enim sic: incorruptibilem, & ingeneratam necesse est ipsam esse; & hoc quoad essentiam suam, & etiam quoad potentiam: & dat rationem super hoc, quia si esset materia generata, idest si fiat, necesse est aliquid subjici primum ex quo est, hoc autem est ipsa natura, sive materia, quare erit materiam ex natura, idest materia fieri; quasi dicat: cum non generetur aliquid nisi ex materia, esset igitur materia ex materia, & sic in infinitum, hoc autem est inconveniens. Postea etiam dat rationem, quare non corrumpitur, ponens rationem materiæ, ex qua patet, quod ingenerabilis est, & incorruptibilis: Dico autem primum subjectum uniuscujusque ex quo fit aliquid, cum insit non secundum accidens, etsi corrumpitur, in hoc habebit ultimum; quare corrupta erit antequam corrumpatur, idest si ponatur corrumpi, idem corrumpetur, & non corrumpetur; si enim ipsa est ultimum in quod abit corruptio, non est corrupta; relinquitur ergo, quod materia sit æterna, & cum non possit esse informis, sequitur ex hoc antiquitas mundi.

Solutio: Aristoteles tamquam naturalis Philosophus supponit suum principium, scilicet materiam generabilem, & corruptibilem, & ostendit impossibilitatem suæ generationis: & corruptionis, (14) quoniam ipsa est principium ex qua sunt omnia generabilia, & ultimum in quod resolvuntur generata ex ipsa, & hoc verum esse concedimus; non enim dicimus, quod generabilis sit, vel corrupti-

bilis generatione, vel corruptione, quam considerat naturalis Philosophus, sed dicimus, quod creabilis est, & quod Creator fecit eam esse de nihilo. In quo patet Platonis error, qui posuit eam esse æternam, licet non poneret mundum æternum; licet enim non sit generata, non tamen est æterna, quia de nihilo ad esse deducta est a Creatore, qui si vellet, faceret eam non esse privatione perfecta & absoluta. Physice ergo loquendo ponimus materiam æternam esse in omni transmutatione naturali, & stabilem esse.

Quarta ratio Aristotelis habetur in principio de Cælo, & mundo; ubi habetur, quod Cælum, quod ipse dicit corpus nobile, non est generatum: omne enim generatum non est nisi ex aliquo ente, quod est ei contrarium, & omnis rei cadentis sub corruptione non fit corruptio nisi ex contrario suo; corpus autem nobile non habet contrarium, quod patet ex suo motu (15) circulari; motui enim hujus non est contrarius illius motus, ergo ipsum Cælum non est generabile, vel corruptibile. Item quod non sit generatum probatur sic: Omne quod generatum est, vel est generatum per decisionem partis a toto, quæ dicitur generatio propagativa, ut in animalibus; aut per actionem contrarii in contrarium; ultimo modo non, ut ostensum est; nec etiam primo, quia talis generatio est in illis solum, quibus debetur alimentum, augmentum, vel diminutio; talia autem non debentur Cælo; ergo non est generatum, & ita videtur, quod fuerit semper, & ita mundus æternus.

Solutio: Omnes rationes probantes, quod non cadit Cælum sub generatione, vel corruptione,

Ppp

con-

Edit. an. 1735. Nota 2. refert, sic ab eodem Lockio materiæ productionem fuisse explicatam voce quidem, non autem scriptis editis: Possē nos aliquam formare creationis materiæ notionem; supponendo Deum sua omnipotenti virtute impedivisse, ut nihil in portionem quamdam puri spatii penetraret, quod spatium suapte natura penetrabile est, æternum, necessarium, infinitum.... Quomodo autem parvum spatium est omnino uniforme, satis est, si existimemus, Deum communicasse eam speciem impenetrabilitatis (quæ proprietas materiæ est) æquali cuiusque portioni spatii. Hoc autem dare nobis aliquam notionem mobilitatis posse, quæ alia materiæ vis est, & proprietas. Verum tantum abest, ut hæc ab Lockio adhibita ratio materiæ creationem explicet, ut eam magis implicet, atque involvat. Nam quod ille, veluti jure quodam suo, adsumit, spatium reimpertum quamdam positivam esse; ridiculum est. Aliud quippe est imaginationis vi, quæ nihil concipere nequit, aliud autem rationis ope res quasque metiri. Ratio autem dicat, nihil, ante materiæ creationem in rerum natura fuisse. Spatium autem positivum est res aliqua se ipsa consistens. Quæ si increata est, Deus erit. Deum autem partibus instructum dicere, nefas est. Nam Lockio ipso auctore, Deus tantum est sempiternus: spatium autem partes habet. Nec illud prætereundum silentio est, quod ad spatium attinet. Fac spatium sit aliquid extensione reipsa præditum, quod penetrari tamen possit. Fac etiam Deus impediat, quo minus aliquid in eam penetraret spatii portionem. Hæc tamen spatii pars non amittit naturam spatii. Nam penetrabilis semper manet, ut reliquæ spatii portiones. Itaque eo obstaculo a Deo posito, ne minimum quidem, quod materiæ proprium est, impenetrabilitatis gradum sibi spatium comparat. Quare universa Lockii ratio nugatoria est; eaque jam omnibus suis partibus vacillat, & claudicat.

(13) Paucis hoc idem argumentum proponit S. Thomas I. P. Quæst. XLVI. Art. I. Arg. 3. Et Quæst. III. De Potentia Art. XVII.

(14) Ita quoque existimant Philosophi Veteres, Græci, & Aegyptii, atque Arabes; Nullus enim fuit, qui materiam a Deo e nihilo conditam poneret. Hinc Lucretius Epicureus Lib. I.

Nam si de nihilo fieret, ex omnibus rebus

Omne genus nasci posset: nil semine egeret.

At nunc seminibus, quia certis quidque creatur:

Inde enascitur, atque oras in luminis exit,

Materies, ubi inest cujusque, & corpora prima.

Quare Lactantius Lib. II. Divinarum Institutionum Cap. 1x.

„Nec audiendi sunt, inquit, Poetæ, qui ajunt, Chaos in principio fuisse, idest confusionem rerum, atque elementorum: postea vero Deum diremisit omnem illam congeriem, singulisque rebus ex confuso acervo separatis, in ordinemque, instruxisse mundum pariter, & ornasse. Quibus facile est respondere: Potestatem Dei non intelligentibus, quem credunt nihil efficere posse, nisi ex materia subjacente, ac parata, in quo errore etiam Philosophi fuerunt. Nam Cicero de Natura Deorum disputans, sic ait: Primum igitur non est probabile, eam materiam rerum, unde orta sunt omnia, esse divina providentia effectam, sed habere, & habuisse vim, & naturam suam. Ut igitur faber, cum quid ædificaturus est, non ipse facit materiam, sed ea utitur, quæ sit parata, fictorque item cera: sic isti providentiæ divinæ materia præsto esse oportuit, non quam ipsa faceret, sed quam haberet paratam.... O quam multa sunt vitia in his decem versibus.... Non est, inquit, probabile materiam rerum a Deo factam. Quibus hoc argumentis probas?.... Itaque mihi e contrario vel maxime probabile videtur: nec tamen temere videtur cogitanti plus esse aliquid in Deo: quem profecto ad imbecillitatem hominis redigis, cui nihil aliud, quam opificium concedis.... Si autem fieri non potest, ut sit potentius Deo quidquam, necesse est perfectæ esse virtutis, potestatis, rationis: idem igitur materiæ fictor est, qui & rerum ex materia constantium.

(15) Eodem spectat, quod sibi opponit Sanctus Thomas I. P. Quæst. XLVI. Art. I. ad 2. Arg. Verum, ut a nostro, sic etiam a Thoma idem ipsum Aristotelis solvitur argumentum: & recte mea quidem sententia. Facilius autem se & hoc ipso momento expediret, qui corrumpi cæli partes posse, ut elementorum partes corrumpantur, diceret. Nam quæ factæ recentiore memoria observationes Cælestes a Philosophis sunt: probant, non carere probabilitate, quod nunc vulgo dicitur, Cælum esse obnoxiosum corruptioni.

concedimus sicut dictum est de materia prima, sed tamen exit in esse per creationem, quod enim generatum est, ex aliquo ente generatum est; quod autem creatum est, ex privatione absoluta exit in esse; licet enim habuerit esse post non esse omnino, non tamen verteretur in non esse, & si vertibile sit Dei voluntate, idest si vellet; similiter motus ejus sicut & tempus, quod est ejus mensura, est status rerum, qui modo est; desinitio igitur istorum finis mundi appellatur, non corruptio universitatis, vel machinæ mundialis.

Quinta ratio, qua usus est Aristoteles, & ejus sequaces ad probandum antiquitatem, sive æternitatem mundi, sumitur a dispositione materiali, quæ possibilitas dicitur; in omni enim mutabili præcedit possibilitas, ejus mutationem in tempore, unde in 8. *Physic.* circa principium dicitur; omnes continentur necesse esse; ut omne quod movetur possibile sit moveri, quod etiam patet ex ratione motus, quam ibi ponit, motus est eadem *Endelichia*, sive æctus mobilis secundum quod est mobile; & per hanc viam demonstraverunt posteriores, qui secuti sunt eum, antiquitatem mundi, dicentes: Mundus antequam fuit, vel ejus incæptio fuit possibilis, vel necessaria, vel impossibilis: si impossibilis, nunquam potuit esse, ergo nunquam fuit; si fuit necessaria; ergo non potuit non esse, hoc autem pro inconvenienti habent, qui ponunt mundum cœpisse; restat ergo quod fuit possibilis: aut nihil est, & sic non præcedit ipsum æctum, cujus contrarium positum est: si autem aliquid est, aut ens per se, aut in alio; constat autem quod non est ens per se, sic enim esset substantia, & ita aliqua substantia fuisset ante mundum, quæ non esset Deus; est igitur ens in alio ut in subiecto, vel in materia sustinente eam, materia enim est principium quoddam fieri in ipsa ipsum esse in effectu, & secundum hanc viam necesse est ponere materiam æternam (16) præcedere effectum essendi in ea; alioquin oporteret quod possibilitas essendi materiam, præcederet effectum essendi in ea, quare ipsa esset materia, & hoc finem non haberet; vel tandem necesse esset venire ad aliquam materiam æternam; deinde ut proceditur in objectionem tertiam. Si autem dicatur, quod ipsa possibilitas non erat patientis vel receptibilis, sed agentis, idest in operante, non in operato, istud nihil esse videtur; duplex enim debet esse possibilitas, una ipsius operati ad exeundum in esse, alia operantis ad extrahendum de non esse ad esse.

Præterea, si illud operatum nullam habebat possibilitatem ad actum; ergo erat impossibile, vel si possibile absque propria possibilitate primæ causæ.

Præterea, quidquid habet prima causa, actu habet; ergo non cadit in ipsa possibilitas ista.

Solutio: Duplex est possibilitas ut prædictum est, hoc autem manifestari potest hoc modo: constat quod omne impossibile esse in quantum tale elonga-

tum est ab esse, quod autem necesse est esse in quantum hujusmodi, omnino conjunctum est ipsi esse, vel est ipsum esse, possibile autem in quantum possibile appropinquat ad esse secundum magis tamen & minus, nec solum propinquat ad esse per materiale principium, si illud habet, sed etiam per principium activum, per utrumque enim est appropinquatio sui creati ad esse; materialia quidem propinqua sunt ipsi esse per materias, quæ aptæ sunt recipere esse ipsorum in se, & etiam per principia agentia sua: nulli autem dubium est propinquiorem esse domum ipsi actuali essentia; cum ejus materia & principium agens ipsius, idest artifex, simul sunt, quam cum non est nisi materia, idest lapides, & ligna: sed etiam si non esset hujusmodi materia, haberet autem artifex (17) potentiam causandi eam, adhuc esset possibile domum esse, cum causa agens sit una via appropinquationis domus ad esse, quæ appropinquatio possibilitas est in aliquo, sicut patet, quia in artifice, cum nihil aliud sit, quam sustinens ipsam: possibilitas igitur materialium potentia est efficientis, vel creatoris. Ex hoc patet solutio objectionum; Dico enim quod non semper est necesse omne possibile habere duplicem possibilitatem, imo quandoque ab una dicitur possibile. Ad aliud dico; quod si illud nullam haberet possibilitatem ad actum, impossibile esset omnino; hoc verum est, quia si non haberet possibilitatem in materia, nec in agente, penitus esset impossibile: sed non sic in materialibus, & corporibus superioribus, vel primo creatis sicut materia, & forma. Ad aliud quod dixit, quoniam si absque possibilitate propria aliquid dicitur possibile, eadem ratione quodlibet aliud erit possibile; dico verum est quod si sit aliud tale, habens scilicet possibilitatem in agente; quædam tamen non habent possibilitatem in agente; quædam enim prohibent suum esse, ut affirmatio, & negatio de eodem, vel ut Chimera, in cujus intentione clauditur oppositio naturarum non compatientium se, talia sunt simpliciter impossibilia; quæcumque autem hujusmodi prohibitionem sui esse privata sunt, possibile dici possunt, sed secundum magis, & minus; V. G. si consideres hominem, non invenies in intentione ejus quod prohibeat suum esse, naturæ enim illæ, ex quibus homo habet esse, compatiuntur se invicem, ut anima, & corpus, & non est in eis repugnantia. Ad aliud, scilicet, quidquid habet prima causa actu habet, ergo non cadit in ea possibilitas, verum est materialis, activa tamen sic quæ non est aliud quam virtus divina, & potentia ejus, imo essentia, sed dicitur potentia comparatione ejus, qui inde fluit, ut effectus a causa; ut enim dicitur 11. *Metaph.* Omne agens per potentiam agit; distinctio autem activæ & passivæ potentiæ habetur 5. *Metaphysicorum*.

Sexta ratio Aristotelis, qua usi sunt qui secuti (18) sunt post eum, hæc est: Si enim Creator crea-

vii

(16) Verus hæc argumentatio est. Placuit autem non iis solum, qui mundum æternum censebant esse, verum etiam aliis, qui erant ex Academia Philosophis, ponebantque materiam sempiternam. Nunc autem, qui *Libertini* vocantur, materiæ æternitatem defendunt. Verum hoc est inter veteres materiæ sempiternæ, novosque ejus propugnatores discrimen: ut illi materiam a Deo distinctam, conditumque mundum pugnarent, hi contra non item. Videndus Samuel Clarkius. *Tract. De Exist. Dei Parte I. Cap. iv.*

(17) Consule notam XIV. in hoc Cap.

(18) Proferit hoc ipsum Argumentum S. Thomas I. P. *Quæst. XLVI. Art. I. Argum. vi.* idque jam repellit in *Resp. ad idem arg.* Velle sius Epicureus apud Ciceronem I. *De natura Deorum*, intelligere se non posse ait, quemadmodum ædificator repente exstiterit, & innumerabilia pene ante secula dormierit. Sed cujusmodi sit hoc, ostendit mox in argumenti sol. Moneta.

vit mundum post privationem omnimodam tam materialem, quam formalem; ergo fuit ante mundi creationem operator in potentia, & cum creavit ipsum, factus est operator in actu, quod si ita est; ergo exivit de potentia in actum, & eget omnino extractore, qui extraxerit de potentia in actum, & ita non esset prima causa, vel ad minus mobilis esset, aut mutabilis, quod est inconveniens; ergo ipse nihil facit post privationem absolutam, & ita necesse est ponere materiam æternam, & sic formam, & ita aliquod creatum æternum est, quod ipsi concedunt.

Nos autem e contra dicentes concedimus, quod Deus creavit, mundum post privationem absolutam (19), & prius fuit creator in potentia, deinde in actu: distinguenda tamen est duplex potentia, una passiva, & alia activa; prima cadit sub intentione motus; secunda non: prima in Deo non est, hæc idem est quod receptibilitas actionis; secunda est, & est idem quod divina essentia, in quantum est potens ad actum producendum, se ipso enim potens est, sicut se ipso est, non alio; cum ergo sit potens potentia, & sua essentia, oportet essentia sua potentia sua sit. Ex his patet qualiter Deus dicatur operator in potentia; hoc enim dicitur, quia ex potentia sua, quæ est virtus agens universa, potuit elicere actus, sive quod ipse potens est producere actum ex sua virtute. Ex his etiam patet quod argumentatio ista non valet, prius fuit operator in potentia, deinde in actu; ergo de potente agere factus est agens actu, hoc sequeretur in potentia passiva, cui attestatur hoc ipsum factum, cum de potente agere factum est agens actu; sed istud bene sequitur ergo de operante in potentia est agens actu, ut de dicat ordinem, idest post potentem agere est agens actualiter. Similiter patet quod non valet, ergo de potentia exivit in actum, si exivit dicit exitum prout sumitur in ratione motus: posset tamen utraque concedi, Deus de potente agere sit agens actu, & de potentia exivit in actum, istud tamen fieri, vel exire licet quantum est in sermone respiciat *rem notam* præcedentis, tamen secundum intentionem sermonis cadit oblique ad ipsum, & dicitur fieri vel exire, quia actus fit, vel exit de potentia ipsius ad agendum; Unde Dionysius cap. 9. de divinis nominibus circa finem dicit, Deum mobilem dici posse prout omnibus omnia providet provisis processibus, & operationibus: in medio autem terti capitis, & aliis locis satis loquitur de hac materia.

Septima ratio sequitur ex præcedenti; quod si enim aliquis modo agit, & prius non agebat mutatus est, ergo a simili si causa prima egit mundum, cum prius non egerit mutata est, sed hoc est impossibile, ergo

& illud quod dictum est, scilicet quod fecerit mundum esse post non esse, & ita mundus æternus.

Solutio: Non dicitur uniformiter agere de causa prima, & de creaturis, & maxime de materialibus; causa enim prima se ipsa agit, & sua essentia est sua actio comparata ad effectum suum, non enim est in eo accidens, ut in subiecto, nec aliquid ei advenit ex eo, quod aliquando egit, (20) cum prius non egerit, secus autem est in creatura, quæ agit aliquando cum prius non ageret, mutatur enim ab otio in actum, & hoc est, quod inest ei, quod prius non inerat, actio enim creaturæ accidens ei est.

Præterea, si volumus tenere opinionem illam, quæ ponit quod idem est actio & passio, ut dicit Avicennas dicens, quod non cogimur servare illam famosam sententiam, quæ ponit decem esse prædicamenta, sed dicitur actio comparatione principii a quo, passio vero comparatione termini: in quo planum est, quod ex eo quia Deus modo est agens, & prius non fuit agens, non dicitur mutabilis; non enim dicitur agens, quia in eo sit actio, sed quia ab eo est; secus autem est in creatura, & maxime materiali creatura, quæ non agit sine motu sui ipsius; unde quidam Judæus dictus Rabbi Moyfes hanc objectionem solvens dicit, quoniam secus est in separatis a materia corporali, secus autem in conjunctis; Cum ergo Deus omnino separatus sit a materia, & possibilitate materiali, non est ei exitus de potentia in actum, nec mutatio, ex eo quod agit aliquando, cum prius non egerit; hujus autem rei probatio est, ut dixit ipse, intelligentia agens secundum sententiam Aristotelis, & sequacium ejus. Intelligentia namque agens est separata substantia, & possibile est ut agat in una hora, & non in alia, sicut ostendit Abumazer (21) in libro suo de intellectu. Dixit enim: *Scito, quod apparet de intelligentia agente, quod non semper agit, sed agit aliquando, aliquando non*; hæc sunt verba illius, & hæc est veritas. Nota enim quod quamvis hoc ita sit, non dicitur quod intelligentia agens mutetur, vel quod exierit de potentia in actum per motum sui, eo quod agit in una hora, & postea non agebat, nec est comparatio sive similitudo inter substantiam separatam, & corpus in hoc. Actio separatæ substantiæ, & actio formæ materialis differenter dicuntur actiones; una enim est sine motu vel mutatione agentis, alia non; Si autem dicat quis in verbis istis esse deceptionem, & dicat quod intelligentia agens agit in una hora, & non in alia ex debito substantiæ suæ; sed ejus actio semper in esse est, quia aptatur ut recipiat, & si est prohibens ne perficiatur ejus actio, hoc est ex parte receptibilis, & non ex parte intelligentiæ per se. Respondebimus quoniam undecunque hoc sit, hoc verum est secundum

P p p 2

dum

(19) Paucis dici potest: Deum quidem sempiternum esse, necessarioque exstare: res autem ceteras non esse necessarias, quod alio loco ostendam luculenter. Fieri ergo potuit, ut mundus, & materia ipsa, cum non sint res necessariae, coeperint aliquando esse, non vero semper fuerint, quasi ab æterno conditæ: nam creari ne ab æterno potuerint, nec ne, cum varia sint dogmata de hoc argumento philosophorum Christianorum; non quæro; Ex eo autem, quod coeperint esse, nulla inferri in Deo immutatio potest. Etenim quidquid agit Deus, omnipotenti sua voluntate agit, cujus summa est efficacia. Voluit porro Deus jam inde ab æterno, & efficaci-

ter quidem, ut *tali instanti* temporis mundus prodiret e nihilo. Ubi ergo instans illud advenit, non necesse fuit, ut Deus novam eliceret voluntatis actionem qua mundum conderet, cum sempiternæ illius, summeque efficaci vi satis fuerit, ut mundus prodiret e nihilo.

(20) Consulitor S. Thomas l. c. in resp. ad vi. Argum. quæ quidem responsio eodem atque hæc Monetæ nostri spectat.

(21) Fortasse *Alhumasar*, aliis *Alboassar* Arabs Philosophus, Medicus, & Astrologus, qui vivebat circa A. C. 844. Vide *Konigium in Bibliotheca nova*; & *veteri*.

dum Aristotelem, & sequaces ejus, quod intelligentia agens agit in una hora, & non in alia sine sui mutatione; ergo multo fortius in causa prima idem poterit esse, & ita non tenet prædicta argumentatio, quæ inducta est ad probandum æternitatem mundi.

Præterea constat secundum plures Philosophos, maxime secundum Peripateticos, quod animæ de novo creantur; modo quæro: aut a Deo immediate, aut mediate; si primum, habeo propositum quod Deus de novo immediate aliquid agit; dicunt autem oppositum, & pro constanti ponunt, unde & supponunt quod animæ creantur ab intelligentiis, non a Deo immediate. Sed contra: demonstretur aliqua anima, quæ de novo creatur ab intelligentia; intelligentia de novo creat hanc animam, agit ergo cum prius non ageret, & sine aliqua sui mutatione, ut ipsi ponunt; multo fortius igitur potest dici, quod causa prima sine sui mutatione agit cum prius non ageret, ipsa enim magis distat ab omni permutatione, quam aliquod creatum suum.

Præterea, quod intelligentia non semper agat, sed aliquando sic, aliquando non, sine sui permutatione, sic potest videri: Tu qui ponis quod semper agit, dic mihi quid est intelligentiam semper agere? si enim hoc est eam semper paratam esse ad agendum, & per eam non stare quin semper agat, sed ex defectu susceptibilis, ex hoc non sequitur, quod semper agat; non enim sequitur semper parata est agere, ergo semper agit simpliciter: Exempli gratia, ponamus aliquam actionem particularem ejus, ut illuminationem animarum humanarum lumine scientiæ, sicut Philosophi posuerunt, & B. Dionysius in pluribus suis libris, nunquid proprie, & simpliciter loquendo intelligentiæ semper illuminant? Si dicant, utique. Contra: Creatur aliqua anima de novo, hanc animam modo illuminat intelligentia, prius non illuminabat, ergo illuminant aliquid quod prius non, sine sui mutatione.

Forte dicent, hoc argumentum non valere, & ponerent exemplum in Sole: qui semper illuminat spargendo radios suos, & tamen aliquid non recipit ejus radiationem; similiter dicent de intelligentia. Quod autem hoc simile nulli sit evidenter apparet; verum est enim quod Sol spargit lumen suum per aera, & quidquid susceptibile luminis illic se ei offert, illuminatur necessario a sole; si autem non est, vel si est non venit ad lucem, non illuminatur; constat autem quod intelligentia non spargit lumen suum per loca, ad quæ si accedatur recipiatur lumen illius; ergo si spargit lumen susceptibile spargit per processum, & educationem ejus in mentes humanas; constat autem quod non educebat prius illud in hanc mentem sive animam de novo conditam, nec in locum aliquem, sicut sol, ut per introitum in illum locum irradiaretur, ergo non fuit simile illud quod dictum est de sole, & intelligentia: Constat etiam quod intelligentia agit aliquid postquam non egerat, quia illuminat aliquid postquam non illuminaverat; multo fortius igitur dicere pos-

sumus in causa prima, quæ magis a permutatione elongatur. Quod etiam probatur hoc modo; nunquid idem est modo Deum agere, quod Deum esse? Constat quod non. Ergo aliquid plus: Modo quæro: illud additamentum, aut cadit ex parte Dei agentis, aut ex parte recipientis, constat quod non, primum; cum secundum hoc alio esset, & alio ageret; tum quia si in ipsum cadit additamentum aliquid supra ejus essentiam, in eo esset aliud & aliud; cadit igitur solum ex parte recipientis; igitur Deum agere idem est, quod aliquid a Deo esse: Modo quæro ex quo idem est Deum agere, quod aliquid ab ipso esse, utrum possibile sit aliquid ab ipso esse, quod non fuit prius ab ipso, si hoc est, ergo Deus agit aliquid, & prius non egit illud absque ulla sui mutatione; nullum igitur est inconveniens, quod dicatur agens postquam non fuit agens: quod ipsi negant, & dicunt, quod non est possibile aliquid novum esse ab ipso immediate, sed mediate sic V. G. mediante aliqua creatura mutabili cadente inter primam, & creatum novum. Ex hoc autem sequitur quod nil possit modo facere per se.

Sed contra: aut aliquando potuit, aut non potuit per se aliquid facere, si non potuit, ergo nunquam fuit omnipotens, vel primum potens, prius enim est potens per se, quam potens per aliud, quod falsissimum est apud omnes: si autem aliquando potuit aliquid facere per se, & modo non potest; ergo desit esse potens per se ipsum, quod est impossibile; reliquum ergo ex his est, quod vel nunquam per se aliquid potuit, vel si potuit aliquando, & modo potest facere aliquid per se; ergo per se aliquid est ab eo, & non fuit prius ab eo, quod secundum fidem catholicam, imo etiam necessaria ratione fatemur. Unde Eliphaz dixit ad Job 22. v. 17. *Nunquid semitam seculorum custodire cupis, quam calcaverunt viri iniqui?* Verba Eliphaz sunt ad Job, ne caderet in opinionem eorum, qui mundum æternum putaverunt, & per infinita seculorum secula sic fuisse rerum species. Istud dixerunt Peripatetici, idest circumcalcantes, quos tangit ibi, *quam calcaverunt viri iniqui*; sedulis enim rationibus, illam semitam infinitorum seculorum custodiendam, idest tenendam esse probaverunt, quamvis sophistice, & similiter super falsa fundati essent, & ponit unam radicem falsam eorum cum subdit v. 17. *Et quasi nihil possit facere Omnipotens*; existimabant enim quod non posset aliquid novum facere per se.

Octava ratio est, quam ponunt aliqui, & dicunt, cum Deus una hora velit agere, vel voluerit, & in alia non, aperte videtur, quod in ipsum cadit mutatio voluntatis, hoc autem est impossibile, ergo & illud ex quo sequitur, scilicet quod Deus una hora velit agere, alia non, ergo ejus voluntas ad agendum sempiterna est, quare & actio, igitur & actum sive factum.

Solutio: Unitas divinæ voluntatis, & essentia ejus una & eadem semper & in omni hora; & una, & eadem voluntate vult aliquid (22) facere una hora, & non vult ipsum fieri in alia; sicut in una, & ea-

(22) Deus semper agit, ejusque actio sempiterna est: verum ejus actionis non semper respondet *ab extra*, ut ajunt, effectus aliquis, nisi Deus jam inde ab æterno voluerit.

& eadem scientia penitus scit aliquid esse una hora, & illud idem non esse alia hora, unum enim in Deo est scientia, & voluntas, scilicet divina essentia: voluntas divina est ut sit ordo in rebus, sicut enim providit rerum ordinem, ita & voluit tam secundum ubi, quam secundum tempus; secundum ubi dico corporale in substantiis materialibus, vel spirituale, ut sic loqui liceat in immaterialibus, secundum majorem accessum ad primam causam; accessum dico per participationem similitudinis divinæ secundum magis, & minus. Secundum tempus duplex, vel in se ipso ad æternitatem comparato, vel in partibus; si in se ipso, sic est ordo mundi ad factorem primum; si in partibus, sic est ordo unius rei conditæ in una parte temporis; ad rem conditam in alia, prout partes temporis ordinatæ sunt secundum prius, & posterius; Sic ergo providit, quod aliqua res esset una hora, & non alia, una & eadem providentia non mutata, ita & voluit; non oportet ergo mundum æternum esse, quia ipse non voluit, nisi ut esset cum tempore; tamdiu igitur necesse est unumquodque esse, quamdiu fuerit sibi beneplacitum, & tunc incipere, cum fuerit ejus beneplacitum ipsum incipere, & hoc est quod ait B. Augustinus in 12. libro confessionum. *Omne quod esse incipit, & esse desinit, tunc esse incipit, & esse desinit quando debuisset incipere, vel desinere in æterna ratione cognoscitur*; & appellat æternam rationem ipsum verbum; unde ante illa verba præmiserat loquens ad Deum Patrem: *Verbo tibi coæterno simul & sempiterno dicis omnia, quæ dicis, & fit quidquid dicis ut fiat, nec enim aliter quam dicendo facis, non tamen simul & sempiterna fuerunt omnia quæ dicendo facis*.

Ad evidentiam prædictorum notandum est, quod voluntas Dei simpliciter de re aliqua sic facit eam simpliciter esse, ita quod esse confundat tempus, sed voluntas essendi nunc facit eam esse simpliciter nunc, & voluntas essendi semper facit eam esse semper; sed quod Deus vult aliquam rem simpliciter esse non facit eam esse nunc; Deus ergo ab æterno simpliciter voluit mundum esse, sed non quod esset ab æterno, imo tempore determinato, scilicet post æternitatem.

Ex hoc patet solutio hujus objectionis; posita causa immediata ponitur effectus, sed voluntas Dei est causa immediata ad mundum; ergo cum voluntas Dei ab æterno fuerit, mundus etiam ab æterno fuit. Hujus solutio ibi habita est: *Ad evidentiam prædictorum* &c. Voluntas enim Dei non est causa ut mundus sit ab æterno, sed ut fiat in tempore, idest cum tempore.

Nona ratio est ista: Detur quod Deus moverit una hora, & non alia, & quamvis ejus virtus æterna, non tamen motus ab eo æternus. Contra: Si ergo operatus est per voluntatem, & propter finem, sicut alii voluntarii operantes, necesse ergo est aliquod istorum scilicet ut hoc, quod operatur una hora, & non alia sit propter aliquod impedimentum prohibens, aut retardans ipsum ab operatione, vel propter expergefactionem quam habet in

una hora, & non in alia: V. G. aliquis vult ædificare domum, & non ædificat quia prohibetur ab hoc, vel retardatur propter defectum materiæ, vel defectum instrumentorum; potest etiam esse, quod non est prohibens, nec retardans propter defectum materiæ, vel propter defectum instrumentorum; quia ista ei præsto sunt, sed non vult ædificare, quia modo non indiget ipsa propter aeris temperantiam, sed adveniente tempore frigoris, vel caloris, aut pluviae, expergescit, & excitabitur, ut velit ædificare, & ædificet: apparet ergo quod renovatio intemperiei excitat voluntatem, & impedimenta prohibent vel retardant; horum autem nihil in primo est, ergo primum sicuti est æternæ virtutis, ita & voluntatis æternæ ad operandum, ergo & operatum æternum.

Hujus objectionis solutio jam patet ex solutione præcedentis objectionis, ut dictum est, quod voluntas Dei est, quod creatorum universitas ordinata sit ad factorem, idest post ipsum, non solum ordine causæ, sed etiam temporis ad æternitatem. Unde ex voluntate ejus simpliciter non est, quod res sit nunc, vel tunc, sed ex voluntate ejus, quod res sit nunc, vel tunc, est res nunc, vel tunc: tantum addimus, ut ex Rabbi Moyse habetur, quod non est simile de aliis voluntarie moventibus, & de Deo; alii enim motores moventur propter finem existentem extra substantiam voluntatis, & ideo ab extrinseco excitantur, ut patet in præfato exemplo, secus autem in Deo, cujus actio sequitur solam Dei voluntatem, & propriam electionem, & non respicit finem extra quod indigeat, nullo enim indiget, & ideo non recipit expergefactorem, vel excitatorem. Proverb. 16. v. 4. *Universa propter semetipsum operatus est Dominus*. Item propter immensitatem potentiæ suæ prohiberi vel impediri non potest ab operatione, secus autem in aliis moventibus, quorum potentiæ per se non sufficiunt ad actum.

Decima ratio est, quia divina sapientia frustra non agit, quia nec natura quantum in se est agit frustra. Item in opere sapientiæ non est excessus, nec diminutio, imo operatur omnia in finem perfectionis, prout convenit rei, quam operatur; *Vidit enim Deus cuncta quæ fecerat: & erant valde bona*. Genes. 1. v. 31. Cum ergo non operetur frustra, ergo non est operatus mundum multo tempore postquam non fuit, hoc enim vanum videtur. Item quod honorabilius (23) est & decentius ei magis faciendum erat ab eo, decentius autem est ab æterno cuncta fecisse, quam aliquando, imo infinito moræ spatio nihil fecisse; honorabilior est actus bonus unicuique, quam otium, & dignitas laudis secundum pretium est operationis, in qua gloria consistit auctoris, cui etiam tanto indecentius est otium, quanto major est potestas ad agendum, ergo vel ab æterno Deus fecit mundum, vel in immensum reprehensibilis est, cui immensa est potestas ad agendum, & inutile infinito moræ spatio elegit otium. Item præesse decentius est, quam simpliciter esse, ergo Deus ab æterno mundum creavit,

(23) Simile quidpiam opponit Ethnicus Christiano apud Auctorem *Quæst. & resp. ad Græcos*, inter opera S. Iustini Martyris

Quæst. xv. quem Ethnicum refellit fusc lateque Christianus in *refutatione non recte instituti responsi*.

vit, vel non elegit, quod decentius fuit. Item bona sua quælibet aliis communicare ratio exigit iustitiæ, ergo Deus ab æterno mundum fecit, vel infinito moræ spatio iniustus fuit.

Solutio: Deus infinito moræ spatio prælegit otium, ut otium large sumitur pro cessatione quia non omnis cessatio est otium, sed privatio operationis quando esset operandum; & sicut non est in ejus operatione fatigatio, sic nec in cessatione otium, striete sumendo otium. Large autem sumendo prælegit otium tanquam decentius, igitur & honorabilius, & quia nobis utilius; decentius enim fuit ei facere mundum post non esse, quam ipsum sibi coæternum, decens enim fuit, ut sicut creatura sua in nullo alio æquatur ei, ita nec in duratione æterna; unde Ambrosius in Hexameron. *Quid tam inconueniens, quam aternitatem operis creati, Dei aternitati conjungere?* Per hoc etiam summa ejus perfectio insinuat, quia non fecit mundum ab æterno; per hoc enim datur intelligi quia non indiget alio, quia infinito moræ spatio fuit sine creatura. Utilitas etiam fuit quoad hominem per hoc enim instruitur homo, ut totum Deo attribuat, & abstrahitur ab idololatria, quia videt, & credit omnia alia entia non esse æterna. Verum supra 10. cap. dictum est, quod Deus præcepit populo suo, ut esset memor sanctificare diem Sabbati, ut esset memor inchoationis mundi, ne sibi coæternum crederent, ut ibi habitum est, & roboratum testimonio Exodi 31. v. 16. *Custodiant filii Israel Sabbatum, & celebrent illud in generationibus suis &c.* Et hoc totum cedebat in laudem & gloriam conditoris, contrarium autem vituperium ejus erit; si enim speciositas creaturæ, ut innuitur Sapient. 12. v. 2. & 3. erat homini via ad idololatriam, quis dubitat, quin æternitas creaturæ esset via hujusmodi ad illam; non ergo frustra operatus est mundum postquam non fuit, imo ad suam gloriam, & utilitatem nostram, qui videntes universa creata habere esse post non esse, cum non sit via in infinitum, venimus in apprehensionem causæ primæ, credentes illam omnium originem, & non originatam; ex quo patet, quod præesse possit simpliciter esse nobis utilius, & ei decentius, & in inchoatione operis prudentiam artificis admiramur; unde & Ecclesiast. 1. v. 10. Effudisse dicitur sapientiam suam super omnia opera sua; non dicit *fudit*, sed effudit illam; non solum enim dicitur effudisse, idest extra fudisse, quia quæ primo, & ab æterno erant in Dei sapientia, postea egressa sunt in esse actuale ab ipsa, sed etiam quia magnitudo sapientiæ ejus exterius in operibus se notificavit, cum ea de non esse omnino in esse deduxit; sic etiam primum bonum non ab æterno, sed postea in commune deductum pulchrius, & me-

lius illuxit, & licet ratio iustitiæ divinæ, idest providentiæ ejus, qua providit se cuncta facturum, exigeret, Deum communicare bona sua creaturæ, non tamen semper, sed tempore congruenti, nam & in nobis non exigit iustitia nostra communicare aliis semper, sed tempore, & loco.

Undecima ratio sumitur ex illo verbo, quod habetur in fine libri de generatione, & corruptione, ubi dicitur: *Idem enim, & similiter se habens* (24) *semper idem inde natum est facere*, sed prima causa cum sit immutabilis, ab æterno se se habuit similiter ad mundum & eodem modo; ergo ab æterno fecit mundum. Ex illa ratione Aristotelis solet sumi illud verbum usitatum, intellectus purus & verus testatur: quod eadem re prorsus similiter se habente ad aliquam rem, si illa res modo exit a prima causa, & prius exivit, & inde ac prius.

Solutio: Hæc ultima falsa est omnino ut patebit in secunda parte capituli. Propositio autem Aristotelis dupliciter potest sumi, vel universaliter, vel particulariter; ultimo modo sumitur ab Aristotele, ut patet in litera; dicit enim continue ante illa verba: *Uno autem ante alterationem non contingit fieri ambo*, quæ sunt contraria, idest generationem, & corruptionem; & subdit: *Idem enim &c.* per alterationem autem intelligit motum localem; unde 11. Metaph. omnes motus sunt per localem; ibi etiam dicit circa finem: *Alteratio est prima transmutationum, quæ est secundum circulationem*: in libro autem de generatione, & corruptione ubi ponit verba prædicta, determinat, quod alteratio est causa duorum contrariorum, idest generationis, & corruptionis; sed quia contrariorum contraria est causa, ideoque non prima alteratio, idest motus octavæ spheræ vel etiam novæ est causa generationis, & corruptionis; sed quia circa obliquum circulum, idest motus solis; iste enim motus diversificatur, & secundum elongationem a tropico aquilonari est causa corruptionis, per accessum vero ad ipsum est causa generationis; intelligit ergo propositionem suam Aristoteles in materialibus, ubi ordo causæ ad effectum est per viam naturæ, non per modum voluntatis. Sed etiam si sumatur universaliter verbum Aristotelis verum est; non enim dicit, idem enim & similiter se habens semper idem facit, sed, semper natum est facere, idest naturaliter aptum facere; sed ex hoc non sequitur, quod semper faciat, commutatio enim sit habitus in actum; sicut si dicam: *Scriptor est*, ergo scribit.

Duodecima ratio est ista: Posita causa necessaria & immediata ponitur effectus, sed Deus ab æterno fuit causa necessaria, & immediata ipsius mundi, ergo mundus ab æterno factus.

Solutio hujus est: quoniam est falsa: Deus ab æterno fuit causa necessaria &c. (25) cum enim cau-

(24) Nullius ponderis hoc argumentum est. Nam Deus cum immutabilis sit, semper idem manet. Creatione autem mundi nulla in Deum redundat immutatio; Non enim Deus immutatus est, cujus sempiterna est actio; qua mundum condidit; sed mundus. Sapienter S. Thomas I. P. Q. XLVI. Art. I. ad x. Arg. Ex actione Dei æterna, inquit, non sequitur effectus æternus, sed qualem Deus voluit, ut scilicet haberet esse post non esse.

(25) Est hoc Spinozæ, ejusque assideclarum prænuntiatio. Con-

gerit enim Deum non liberam, sed necessariam causam esse. Sed non intelligo, quemadmodum aliqua causa summa intelligentia prædita esse possit, quæ summa non gaudeat libertate. Est autem summa intelligentia præditus Deus; gaudet ergo summa libertate. Nam qui res perspicit infinitas non repugnare, ut sint, nec tamen eas creare omnes potest; is impotens sit necesse est. Non repugnat autem, ut res infinitæ esse possint; nam alioquin necesse est ostendatur ratio cur repugnet; cognoscat ergo omnes illas Deus necesse

causa in quantum causa ad aliquid fit, & posito uno eorum, quæ ad aliquid sunt, ponitur alterum, sequeretur creatum ab æterno fuisse; & secundum hunc modum dicit Agazel, in divisione entis per necesse, & impossibile: si fuit factor æternus, erit factura æterna; sed falsum est, quod fuit factor æternus, ita quod factor dicat actum; potest tamen distingui: dicit enim Aristoteles, quod causæ quæ sunt potentes, dicuntur aliæ sicut operantes; secundum hunc modum dici potest, quod Deus ab æterno fuit causa mundi ut potens operari, sed non ut operans.

Tertia decima ratio est: Constat enim tam apud Sanctos, quam apud Philosophos, quod quia Deus bonus est, ideo mundus factus bonus est, sed ab æterno fuit bonus, ergo ab æterno mundus factus est.

Solutio: Bonitas secundum suam rationem activa est, duratio autem ad agendum impertinens, & ideo licet quia bonus est agit, non tamen quia ab æterno bonus, ideo æterne egit; quod etiam patet, quia cum sit omnium causa, scilicet generabilium, & corruptibilium, patet quod æternitatem Dei non comitatur æternitas effectus.

Præterea, etsi omnium causa immobilis sit, tamen primum corpus mobile est, unde immobilitatem causæ non sequitur immobilitas effectus, bonitas enim divina diffundit se ad creata sua per participationem, sicut & essentia, æternitas &c. incommunicabilis est pluribus.

Decima quarta ratio est: quia impossibile est bonitati summæ non influere; nam ut patet ex præcedenti propositione, quia Deus bonus est, ideo influit; igitur cum Deus ab æterno fuerit bonus, ab æterno influit, & ita creatura ab æterno.

Solutio: Duplex est influentia, una de substantia divina per generationem Filii, & spirationem Spiritus Sancti, hæc æterna est, & quoad istam vera est illa propositio, *impossibile est* &c. Est & alia influentia divina, non de Deo, sive ejus substantia, sed a Deo; quoad istam non est vera illa propositio.

Decima quinta ratio est: quod tota sufficientia mundi fuit ab æterno, quod probatur: Quia ad hoc ut Artifex exeat in actum nihil amplius exigit, quam ista tria, scilicet potentia, sapientia, & voluntas, nisi fortasse extrinseca adjuvamina, ut receptibilitas patientis, propinquitas ejus ad agentem, aut media ipsa; universalis autem artifex

nunquam indiguit his adiutoriiis quantum ad primas operationes suas, alioquin non essent primæ; prima igitur operatio primi factoris non est adjuncta extrinsecus; ergo ipse primus factor fuit tota sufficientia eorum quæ exigebantur ad hoc ut prima ejus opera essent; ergo sicut tota eorum sufficientia fuit ab æterno, ita & ipsa.

Solutio: Ista argumentatio duobus modis ostenditur inefficax; uno modo per id, quod dictum est de divina voluntate, scilicet quod Deus vult aliquam rem esse simpliciter, non esse causam rei, quod nunc sit; sed quod vult eam esse, facit eam debere esse: Si autem velit Deus mundum ab æterno esse, hoc faceret quod mundus ab æterno esset, sed istud non voluit Deus; licet ergo tota sufficientia mundi fuerit ab æterno, non tamen mundus ab æterno fuit, quia Dei voluntas non fuit ad hoc, quod mundus ab æterno esset, sed ab æterno voluit, quod cum tempore fieret; istud autem magis declaratum est in nona ratione. Alio etiam modo ostenditur illa argumentatio inefficax: quia æque contra eos esset, sicut etiam contra nos; secundum enim rationem illam, necesse esset dicere omnia entia æterna, nec cadere aliquod de entibus sub generatione, & corruptione, sicut patebit in secunda parte hujus capituli.

Ex prædictis innotuit, quod nulla ratio Philosophica vel moralis cogit dicere mundum esse coæternum Deo; & licet quidam nitantur Aristotelem excusare, (26) ego tamen non excusabo eum, credam enim magis B. Ambrosio, qui in Hexameron expressè declarat, Aristotelem, & Platonem sensisse mundum esse coæternum Deo; credam magis textui ejus, qui in 11. libro metaph. pluribus in locis hoc dicit, scilicet Cælum esse æternum &c. & in libro Cæli, & mundi V. G. impossibile est ut motus fiat, aut corrumpatur, semper enim est, nec tempore &c. Item ibidem, omnes substantiæ existentes extra materiam sunt æternæ. Item in principio de Vegetabilibus, loquens contra (27) Abrucalem, ait: Mundus totalis perpetuus & sempiternus est, & non cessavit unquam generare animalia, & plantas, & omnes suas species: dicebat enim Abrucal, quod planta habuit generationem modo diminuto, & non completo in complemento suo, & eo completo non generabitur animal; & dicit Aristoteles contra eum: hic sermo est inconveniens, quia mundus totalis &c. Credam etiam magis Philosophis, qui Aristotelem secuti libros ejus exposuerunt,

necesse est. Sin autem cognoscit, eas quoque creare potest; alias ne Deus quidem esset; cum Dei nomine intelligamus mentem infinitam; infinitæque præditam potestate. Jam vero si Deus necessitate ductus mundum hunc condidisset, adeoque libertate careret, nihil in universo moliri amplius potest; nihil substantiæ, nihil modi, nihil circumstantiarum. Scio hoc totum concedi a Spinofistis. Verum id demum ostendant necesse est, cur ita se habeat. Ego enim cum videam materiam determinatam esse, mundum finitum, finitum item motum corporum, neque repugnare, cur major esse non possit, aliquam causam esse facile arbitror, quæ hæc ad tantum determinavit. Nam si necessitas nulla fuisset impellens, non determinata, sed infinita fuissent. Si ergo determinata sunt, Deus sua gaudens libertate ad tantam molem, aut virtutem determinavit, necesse est.

(26) Verum quidem est S. Thomam I. P. Quæst. xlv. Art. I. quod facius esse putaret Philosophi tanti dogmata, quoad ejus fieri poterat, trahere in meliorem partem, ut qui illi additi es-

sent, in errorem non pertraherentur, censuisse nihil in hac re sanctum ab Stagyrta fuisse. sunt tamen etiamnum Philosophi Christiani, ut Veteres Ethnicos missos faciam, qui Aristotelem ipsum pro mundi æternitate pugnasse putent, inter quos non extremas partes obtinet Benedictus Pererius in suis *Physicis Institutionibus*, qui animadvertit, non quod obiter, sed quod data opera propugnatum ab Aristotele est, id demum esse proprium illius dogma; data autem opera Stagyrtem pro æternitate mundi cum in *Physicis*, tum in *Metaphysicis*, atque in *Libris de Cælo* certasse. Idem ipsum observat Clarkius Anglus hæreticus in *Opere De Existentia Dei: Parte I. Cap. 1v. pag. 44. seqq.*

(27) Non est hoc opus acceptum referendum Aristoteli. Nam auctor oppugnat Abrucalem Philosophum Arabem, qui longe fuit Stagyrta recentior. Multa assert Fabricius *Lib. 111. Bibliothecæ Græcæ Tom. 11. Cap. vi. pag. 136. Edit. an. 1716.* quæ ad veritatem plane probant non esse librum de *Vegetabilibus*, qui alias inscriptus est *De Plantis* Aristoteli tribuendum.

runt, & ejus sententiam hanc esse dixerunt, quod mundus nec capit esse, nec desinet.

§. II.

Rationibus ostenditur, quod magis standum est de creatione mundi suppositionibus Theologorum, quam Philosophorum.

Pertractata prima parte hujus capituli ad secundam accedamus, quam in quatuor partes dividimus; in prima ostendimus, quod tam Philosophi, quam Theologi, idest Apostoli, & Prophetæ procedant per viam narrationis; sicut enim Philosophi aliqua supposuerunt pro constanti, quibus ab illis ostenditur æternitas mundi; ita etiam Theologi aliqua supponunt, quibus mundi novitas declaratur ab eis, sed magis credendum est suppositionibus Theologorum, quam Philosophorum. In secunda parte ostendemus falsitatem eorum in illa suppositione, quod Deus non libera voluntate, vel electione agit, quæ agit. In tertia vero inducimus rationes, quibus certificabitur novitas mundi, & impossibilitas æternitatis ejus. In quarta autem agemus de cura Dei.

Circa primam partem hujus secundæ partis primo dicimus, quod ipsi Philosophi ex quibusdam suis suppositionibus processerunt, quarum quædam veræ, quædam falsæ sunt: & si qui volunt credere suppositionibus Philosophorum, & nos volumus credere suppositionibus Apostolorum, & Prophetarum; quanto enim puriores, & mundiores sunt Apostoli, vel amatores æternorum, tanto magis eis credendum est in istis suppositionibus, quam Philosophis in suis; quod autem puriores, hoc patet ex vita, & operatione miraculosa testimonium perhibente eorum suppositionibus, & doctrinæ juxta quod legitur Marci ultimo v. 20. *Illi autem profecti prædicaverunt ubique Domino cooperante, & sermonem confirmantem sequentibus signis*: Si autem puriores, ergo luminosiores, maxime secundum adhærentes Philosophis, qui ponunt, quod secundum præparationes receptibilium ex necessitate fluunt illuminationes, & dona alia a Datore ipsorum; unde in Ethicis Aristotelis: *Bonus enim singula judicat, & in singulis verum ei videtur*.

Forte dicet, quod non est simile, quia illi probant, quod supponunt; Theologi autem non, sed procedunt tantum per viam narrationis.

Ad hoc autem dicimus, quod ipsi secundum viam narrationis, non certæ probationis procedunt; ut patet in suppositione æternitatis ipsius materiæ, in qua conveniunt Plato, & Aristoteles, sicut pa-

tet in prima parte hujus capituli in tertia ratione æternitatis mundi sumpta a materia: si autem vellet dicere, quod istud verum est, scilicet, quod in suppositione æternæ materiæ processerunt secundum viam probationis per possibilitatem materialem, quam in omni mutabili dixerunt præcedere suam mutationem, ut habitum est in prima parte hujus capituli in quarta ratione de mundi æternitate: jam ostendimus quod ista suppositio falsa est, & non est ibi via aliqua ad probandum illam; ergo in illa suppositione secundum viam narrationis processerunt & falso: cui suppositioni innititur illud usitatum verbum Philosophicum, quod Boetius commemorat in principio (28) quinti libri de consolatione: *Ex nihilo nihil existere vera sententia est*, supple secundum sententiam Boetii, qui sumit hoc ipsum ex nihilo, in habitudine causæ efficientis: tamen secundum intellectum Philosophicum, quia illud verbum non de operante principio, sed de materiali subiecto intelligebant, falsum est; imo omnia ex nihilo secundum primam creationem: vel si verum est, intelligendum est hoc verbum ex nihilo, nihil per viam generationis; omne enim quod generatur, ex ente generatur; sicut in pluribus locis posuit Aristoteles, licet dicat aliquando, quod ex non ente, hoc intelligitur sic, ex non ente illius ad quod mutatur per generationem.

Præterea, dico tibi qui Philosophis vis adhærere, remove Philosophos a tua assertionem, & ego removebo a mea assertionem Theologos; nec dicas ita dixerunt Philosophi, nec ego dicam ita dixerunt Theologi, & videamus quis habeat jus, an ego vel tu.

Constat jam ex præcedentibus, quia sine inconveniente aliquo possum negare verba a te inducta pro mundi æternitate; & si velles dicere quod possis negare omnia a me inducta pro mundi novitate; dico quod non est verum, imo visis rationibus ostendam tibi quod non fuit mundus æternus. In primis autem videamus rationes ejus quod est creare; hoc enim secundum Theologos non est aliud, quam virtute propria ex nihilo aliquid facere, secundum quam rationem creare idem est quod inchoare, idest aliquid omnino novum facere; constat autem quod sic sumpto creandi verbo impossibile est aliquid esse æternum præter primum; unde & ratio hujus quæstionis, quare non creavit Deus aliquid ab æterno, est, quod repugnat creaturæ ratio æternitatis; sed ratio hæc supponitur a Theologo, & a Philosophis non admittitur, ut patet ex principio primæ partis hujus capituli; ideo alia via procedamus, ostendentes prius quid sit creare secundum eos. Hoc est idem quod in esse aliquid producere, five dare esse aliis propria virtute; unde licet Sol det esse lumini ab ipso exeunti, non tamen dicitur creator luminis, qui non propria sed aliunde accepta virtute dat esse lumini; verius tamen est, quod

(28) Boetius Lib. v. De Consolat. Philos. Prof. I. pag. 128. Edit. an. 1656. Sic inducit Philosophiam loquentem: „Nihil ex nihilo existere, vera sententia est, cui nemo unquam veterum refragatus est. Quamquam id illi non de operante principio, sed de materiali subiecto, hoc est, de natura omnium rationum, quasi quoddam jecerit fundamentum. At si nullis ex causis aliquid oriatur, id de nihilo ortum esse videbitur. Non negat Boetius a

sempiterno, infinito, omnipotentique principio creari quidquam ex nihilo posse. Sed hoc unum pugnat, natura fieri nequire quidquam ex nihilo. Ceterum aut omnium, aut fere omnium veterum Philosophorum opinio fuit: nihil fieri, aut prodire posse ex nihilo, quavis adhibita potestate. Vide notas superiores, quibus constat, quemadmodum repulsum ab Lactantio fuerit genus illud Philosophorum.

quod nulla creatura dat alii aliquid boni, sed defert ad modum nuntii, unde nec proprie loquendo causa est si ad rem nominis attendamus, nisi proprium modum loquendi dixerimus, usitatum modum loquendi secundum primam impositionem vocabuli; controversiam ergo de nomine relinquentes ostendamus vivis rationibus mundum non fuisse æternum.

§. III.

Quod Deus non agat per modum necessitatis, & naturæ, sed libera voluntate, & electione.

Nunc veniamus ad secundam partem secundæ partis hujus capituli, ubi sciendum in primis quod Philosophi posuerunt Deum agere per modum necessitatis (29) & naturæ, non voluntate arbitrii, sive per electionem, sicut dicit B. Ambrosius in principio Hexameron. Hæc autem pars in duas dividitur; prius enim ponemus rationem eorum, qua moti sunt ad dicendum quod causa prima non agit per electionem, & intentionem: secundo ponemus rationes, quibus detegatur falsitas positionis eorum.

Differunt autem electio & intentio, quia electio est eorum quæ ad finem, intentio est ipsius finis; & hæc distinctio sumitur ab Aristotele in libro 3. Ethicor. c. 2. in fine; ubi diversificat inter voluntatem, & electionem; voluntatem sumit pro intentione, qua tendit in finem; quod autem voluntas dicatur intentio, sed respectu finis, habetur 2. lib. Sentent. dist. 38. Nec contra hoc est illud quod dicit Joannes Damascenus 2. lib. cap. 22. ubi ait: *Quæ circa aliquid est intelligentia, intentio nominatur*; sumit enim intelligentiam pro intellectu practico per voluntatem inclinato circa operationem propter aliquem finem. Intentio igitur de duobus, idest intellectu practico, & voluntate dicitur, sed de una propter alterum.

Ratio illorum talis est: Omne agens per electionem aliquid intendit; istud patet ex eo quod dictum est, electio est eorum quæ ad finem. Secundo ponitur, quod illud quod intenditur, si ratione recta intenditur ab agente, melius est agenti ejus esse, quam non esse, alioquin frustra intenderetur, sed agenti indifferens esset esse, vel non esse illius, imo non inclinaretur agens ad unum eorum potius, quam ad aliud. Tertio propter illa duo ponunt, quod omne agens propter aliquam intentionem imperfectum est, id enim quod ab eo intenditur, melius est illi quod sit, quam quod non sit; unde aliquid boni est quod non habet, & intenditur ut habeat, ut eo habito perficiatur. Ex his omnibus volunt habere, quod causa prima non agat per intentionem, vel electionem, cum summe bona sit atque perfecta in omnibus, quæ habet.

At hoc solvi potest sic: quia agens per electionem vel intentionem diversum est. Aliud enim est quod aliquid sibi intendit, & aliud quod non sibi sed alii, & suppositiones prædictæ veræ sunt quoad agens quod in actione sua aliquid sibi intendit; sed universaliter intellectæ non sunt veræ; agit enim causa prima propter commodum alienum, non suum.

Ad hoc autem ipsi obijciunt dicentes: hoc esse erroneum, quoniam hoc esse ex actione agentis advenire alii commodum melius est agenti, quam non advenire, alioquin non inclinaretur agens ad agendum illud, si enim per omnem modum æqualiter se haberent ad agens adventus illius commodi alieni, & non adventus illius, tunc vel utrumque esset ab eo, vel neutrum, quorum utrumque est impossibile; impossibilis enim est affirmatio, & negatio de eodem.

Solutio: Electio æquivoca est in Deo, & in nobis, electio enim prout in nobis est, dirigitur deliberatione, & consilio, sicut etiam vult Aristoteles in Ethicis, ubi ait: quod *non omne voluntarium eligendum, sed quod est ante consiliatum*, quod etiam exponit Johan. Damasc. 2. lib. cap. 24. in fine, ubi loquitur de quibusdam voluntariis, & subdit, quod non secundum electionem, propterea quia non consilio; oportet autem omnino consilium antecedere electionem; secundum modum hunc non cadit in Deum electio, quia nec deliberatio. Propter hoc etiam B. Dionysius cap. 4. de Divinis nominibus in principio dicit: *Sicut noster Sol non ratiocinans aut praeligans, sed per ipsum esse suum illuminat omnia, participare lumina ipsius secundum propriam rationem, idest capacitatem valentia; ita etiam summum bonum solem superans, sicut superat obscuram imaginem segregatum Archetypum, per ipsam essentiam omnibus existentibus proportionaliter immittit totius bonitatis radios*. Quod autem dicit de Sole, quod *non ratiocinans &c.* intelligitur, quod radiorum effusioni non præmittit deliberationem, aut etiam electionem, sive consiliatam voluntatem, quibusdam radios immittat, quibusdam subtrahat, sed omnibus capacibus sui luminis undique immittit eos secundum suum esse, idest per essentiam suam, quæ tota est lux; unde ibi dicitur totus splendidus; quod autem bonum quod supra solem est, imo supra omnem creaturam dicit *segregatum Archetypum*, intelligitur principaliter figuratum per ipsum solem, quam per alia signa corporea divinæ bonitatis: in hoc segregatur sol ab aliis signis corporeis, quia excellentius figurat bonum.

Alio autem modo sumitur electio in Deo; ad quod melius intelligendum notandum est illud verbum Aristotelis in Ethicis, ubi ait: *quod electio est circa ea, sive eorum, quæ in nobis sunt*, supple ut fiant, vel non fiant a nobis. Unde Joannes Damascenus 2. lib. cap. 26. In nobis quidem sunt quæ possumus liberi arbitrii face-

Q q q re

(29) Fuerunt Philosophi, qui mundum quidem a Deo conditum dicerent, sed Deo tamen ipsi adimerent libertatem. Hos autem insectantur Basilii Magnus Homilia I. in Hexameron, & Ambrosius, quem noster laudat, Lib. I. In Hexam. cap. v. Benedictus

Spinosa in eundem errorem incidit, ut ex illius Ethic. Part. I. Prop. xvi. seqq. colligitur. Nonnumquam Petrus Baelius, qui Pyrrhonianus fuit, Deo detrahit libertatem. Videndus Crotius Exam. Pyrrhonismi sect. viii. pag. 448.

re (30), & non facere: & propter hoc nostra electio transfertur ad divinam voluntatem respectu universorum creatorum, quia in Deo erat ea agere, vel non agere, ut patebit inferius, est enim in nobis electio voluntas præconscripta, voluntas dico eorum quæ in nobis sunt; in Deo autem non sic, sed simpliciter voluntas eorum, quæ in Deo sunt prædicto modo; Uno igitur modo dicimus, quia causa prima non est agens per electionem, & intentionem, alio modo sic est. Similiter æquivoca intentio est; uno enim modo dicitur intentio, prout in nobis est finis movens efficientem ad agendum aliquid propter finem, quo habito perficitur agens, & sic intentio est causa finalis agentis; secundum hunc modum significat imperfectionem intendentis, ut Philosophi dicunt; alio etiam modo sumitur intentio pro tendentia in aliquod bonum, aut sibi, aut aliis, sicut cum quis intendit extrahere summersum de aqua, non intendens bonum proprium, sed aliquod bonum emanare a se; Sic sumitur intentio in Deo; licet enim non sibi intendat, intendit tamen aliis, & sic non est intentio in ratione causæ finalis ad agendum, licet quoad id quod agit, sic esse possit: Concedimus igitur primam propositionem, omne agens per electionem aliquid intendit, etiam causa prima; secundam autem propositionem negamus, si universaliter intelligitur, *omne quod intenditur, si recta ratione intenditur ab agente* &c. tamen particulariter verum est, scilicet in nobis, qui in actionibus nostris aliquid intendimus nobis lucrari, unde & in nobis vera est. Tertia propositio: omne agens per intentionem est imperfectum; sed in Deo non sic, ipse enim in actione sua non sibi intendit, sed creatis suis; & illam distinctionem approbamus, agentium aliud intendit sibi, aliud autem aliis: nec erroneum est hoc dicere: nec verum est quod in oppositione in contrarium facta dicebatur, scilicet quod ex actione agentis advenire alii commodum, melius quidem est alicui agenti, sed non primo agenti, idest causæ primæ: & quod dicitur *alioquin non inclinaretur agens ad illud*, falsum est, & quod postea dicitur, si enim per omnem modum æqualiter se haberet ad agentem adventus commodi alieni, & ejusdem non adventus [*] tunc vel utrumque esset ab eo, vel neutrum; dicimus verum est, si per omnem modum æqualiter se haberent ad agentem adventus commodi alieni, & ejusdem non adventus; hic autem non se habet æqualiter per omnem modum, sed tantum æqualiter se habet quoad hoc, scilicet quod neutrum eorum aliquid acquirit agenti [*]; quia utrumque in Deo est, ut fiat, vel non fiat, idest æque potest unum & aliud, & æqua-

liter unum & aliud cognitione simplici: sed inæqualiter se habet ad agendum quoad hoc, quia, unum eligit, alterum non, & ideo potentia agendi utrumque magis inclinatur ad alterum, hoc autem magis patebit in sequenti objectione.

Ad idem etiam obijciunt sic: Omnis qui in actione sua intendit alii, ad illum se habet per modum ministri, omnis autem minister respectu ejus cui ministrat, in quantum ei ministrat, minor est eo; unde etiam posuit Philosophus, quod Pastor minor est ovibus in quantum pastor, Deus autem nullo minor est; ergo nulli aliquid intendit; igitur non agit per intentionem, qua aliquid intenditur alii; ergo nec per electionem, & hoc concesserunt Philosophi.

Solutio: Causa prima agit, ut prædictum est per electionem, & propter intentionem, idest finem aliqua intendit non sibi, sed alii propter summam suam perfectionem; unde ille finis perfectio est illius cui intenditur, & in hoc casu non concedimus illam propositionem physicam: *finis movet efficientem*, nisi intelligatur sic, finis scilicet in se, vel in alio: & illud aliud quod dictum est, omnis qui in actione sua intendit aliquid alii, ad illum se habet per modum ministri, dicimus verum est. Similiter & illud verum est: omnis minister in quantum minister minor est eo cui ministrat uno modo; dupliciter enim aliquis ministrat alii, vel ut inde acquirit aliquid quod nondum habet, & sic concedimus illam propositionem: omnis minister in quantum minister minor est eo cui ministrat; minor dico in hoc, idest imperfectior, quia aliquam recipit perfectionem ab ipso vel ab alio propter ipsum; secundum hoc non est verum, quod Deus se habeat per modum ministri; secundo modo dicitur aliquis alii ministrare, idest influere ex mera bonitate sive largitate, quæ est collatio alicujus boni, sine intuitu retributionis; hoc autem modo convenit causæ primæ; ipsa enim largissima est, quia isto modo emanat ab ipso esse bonum, ipsa enim nil commoditatis accrescere sibi sciens ex rebus, ostendit superabundantiam bonitatis suæ supra omne quod est, sicut oportuit, cui etsi laus quædam, & gloria exterius ex rebus subsecuta sit, non in commodum tamen ipsius, sed in commodum laudantium effunditur; alioquin mercenaria, & negotiatrice esset Dei benignitas, si velut quodam finis sui pretio non venisset ad opera gratis; ergo voluit ut res essent ex mera bonitate sua sicut testatur B. Dionysius cap. 4. Angelicæ Hierarchiæ, & cap. 4. de Divinis nominibus ubi ait: *Audendum autem & pro veritate dicere, quod ipse omnium causa pulchro, & bono amore omnium, per abundantiam amativæ bonita-*

(30) Johannes Damascenus Lib. II. de Fide Orthodoxa Cap. xxii. in Deo agnoscit quidem Βούλησι, hoc est *actionem volendi*, non tamen προαίρεσι, nempe *electionem proprie sumtam*. Deus enim, inquit, non consultat. Est quippe ignorantie proprium consultare... Itaque Deus, qui simpliciter omnia novit, non consultat. Verum hæc Damasceni verba evolvit, atque explicat S. Thomas I. II. P. Quæst. xiv. Art. I. ad 2. arg. Nullam ergo proprie dictam deliberationem agnoscit in Deo, cujusmodi in nobis est cum infirmitate, & ignoratæ rei inquisitione conjuncta. Inesse tamen testatur liberam utriusvis electionem. Potuit quidem certe Deus Judam suscitare, ut Lazarum suscitavit, sed noluit; quia nullam necessitatem patitur. Adeundus Augustinus Lib. de Natura, &

Gratia, Cap. vii. & Lib. de Fide contra Manich. cap. xxviii. Sapienter quoque Epiphanius Hæres. lxx. num. vii. Deus, inquit, potens est, ut quod vult faciat, verum facit illa, quæ divinitati sua congruunt. Quæ ex Dionysio paullo ante attulit exempla solis, explicantur a S. Maximo, seu ab Johanne Scythopolita in Scholiis hoc pacto, quod, ut sol adventitium lumen non habet, sed ingentum, ita Deus non adscititiam, sed nativam habet bonitatem: immo est ipsa bonitas. Aliter exponit S. Thomas I. P. Quæst. xiv. Art. iv. ad I. Arg. quem consule; convenit enim cum nostro.

[*] Quæ duobus asteriscis conclusimus desunt e Codd. Bonon. & Neap.

nitatis suæ extra se ipsum sit ad omnia existentia providens sit; quare ergo ista Deus fecit entia, determinatur ratione sumpta a causa efficiente, idest propter benignitatem suam, qua ad communionem sui existentia duxit secundum capacitatem ipsorum proportionalem, ut habetur cap. 2. Angelicæ Hierarchiæ; est autem hoc super omnia bonitatis proprium ad communem sui existentiam vocare, prout unicuique definitum est a prima propositione, idest proportionali capacitate. Potest etiam sumi ratio illius quæstionis a fine, sed a fine in alio, non in agente; sed tamen illa ratio ad primam reducitur, V. G. si dicatur quod Deus fecit hominem, ut ei ferviret homo; restat adhuc quæstio, quare fecit hominem ut ei ferviret, scilicet quia sic voluit; hic autem finis non est ut terminus divinæ voluntatis, & ejus objectum non causa finalis, est autem causa finalis ipsius facti.

Ex prædictis patet, quod nullum inconveniens sequitur, si dicatur quod Deus operatus est universa propter suam voluntatem, sive propter electionem, & intentionem? & determinatum est, quomodo sumitur electio, & intentio, aliter autem sumitur in Deo, quam in nobis, & quam sumeretur a Philosophis (31).

§. IV.

Ostenditur falsam esse suppositionem eorum qui ponunt Deum agere per modum necessitatis, & naturæ.

Nunc restat ostendere falsam esse suppositionem illam quam ponunt, quod Deus per modum necessitatis agit, & per modum naturæ, & non per modum voluntatis arbitriæ; omne enim agens vel agit tantum per modum necessitatis, vel tantum per modum liberæ voluntatis, sive electionis, vel per modum utriusque, & quia hoc ultimum impossibile est secundum Aristotelem, qui ait in Ethicis: quod eligentia non est impossibile, nec necessariorum, sed tantum eorum, quæ in nobis & in potestate liberi arbitrii sunt; unde restat, quod si Deus agit, vel agit per electionem solam, quo dato habeo propositum, scilicet quod nullum inconveniens est, si fecit mundum esse post non esse; vel per necessitatem tantum, quod ipsi posuerunt, falso tamen, dicentes quod si voluntate fecerit opera sua, tamen voluntate necessaria, non volunta-

te ad utrumque libera, quam Ambrosius dicit voluntatem arbitram. Contra hoc autem facit illud, quod dicit Johan. Damasc. 2. lib. cap. 7. *Nec gubernationem, nec creaturam fecit Deus providentia, (32) sed secundum necessitatem omnia feruntur*; ponit etiam aliam inconvenientiam illic contra istam positionem.

Præterea quæro: Quæ est ratio necessitatis? Si dicat quoniam capacitas illius receptibilis; necessitate ergo naturali ex parte receptibilis sic, vel sic influit; ergo omnium influxionum divinarum ratio erit natura receptibilium; igitur de omnibus ejus influxionibus reddenda est ratio naturalis: modo dic mihi; cum (33) Cælum sit totum unius naturæ secundum Aristotelem & alios recte Philosophantes, unde est quod poli ipsius corporis primi sunt ab Aquilone, & Austro potius quam ab Oriente, & Occidente? Addunt, cum motus Cæli sit ab Oriente in Occidentem, necesse est polos esse secundum modum prædictum, ut motus ejus sit supra polos: sed eadem remanet dubitatio; quæ est enim ratio necessitatis, propter quam Cælum moveatur ab Oriente in Occidentem? Hujus causam laboravit Aristoteles assignare in secundo Cæli, & mundi, & assignavit causam hujus, quia dextera Cæli est Oriens, sinistra autem ejus est Occidens, sicut ipse dixerat aliquantulum ante; dextera autem dignior est sinistra; ergo Oriens dignior est Occidente; cum ergo natura faciat, quod melius est, melius autem est ut res quæ movetur moveatur in loco meliori, & ex parte meliori, Cælum igitur moveri debet ex parte Orientis.

Quod autem ista ratio non solum non sit per viam necessitatis, sed etiam fabulosa sit, patet primo, quia secundum Aristotelem Cælum unigenium est; ergo una pars ejus naturaliter non est nobilior altera, cujus contrarium dixit Aristoteles, in quo sibi ipsi contrarius apparet, dicens ipsum esse unigenium, & quod una pars alia nobilior sit.

Præterea quæstio est, quare movetur ab Oriente in Occidentem: & solutio ejus est secundum Aristotelem, quia Oriens est dextera Cæli; si quis autem dicat, quod Cælum secundum ejus naturam nec dexteram habet nec sinistram, cum totaliter sit unius naturæ; Quomodo hoc probabit Aristoteles per viam necessitatis naturalis? Si enim dicat, sicut etiam dicit, quod dextera rei est, unde incipit motus ejus, jam supponitur, quod quærebatur, & ita petitur principium.

Præterea, nonne quod est Oriens uni, est Occidens

Q q q 2

(31) Argumenta, quibus Spinoza, ceterique juniores libertini Deum necessitate agere jactant, refutantur a Clarkio *Tract. de Exist. Dei Parte I. Cap. x.* a Vvittichio *Commentar. de Deo, & Atribut.* & a Francisco Lamio Monacho Benedectino Congregationis S. Mauri in Gallico opere, quod inscribitur: *Novus Atheismus refutatus: sive oppugnatio systematis Spinozæ.*

(32) Quemadmodum hæc sint intelligenda constat ex Johanne Damasceno tum l. c. tum Cap. xxi. & ex Nemefio, a quo hæc Damascenus accepit *Lib. De Natura Hominis. Cap. xlii.*

(33) Nempe hinc libertatem Dei facile intelligi posse, quod res pleræque ita sint constitutæ, ut de iis ratio nulla naturalis dari possit, sed a libertate alicujus mentis pendeant. Præter exemplum autem a nostro allatum, illa quoque adferri solent: Cur determinata materia sit, & non major, neque minor? cur motus item determinatus, & non intensior, non remissior? Hæc si natura, & necessitate ita se haberent profecto non determinata sed in-

finita fuissent. Nam agens necessario non est actionum suarum Dominus, ut eas dirigat, quemadmodum sibi placet; Est ergo necesse, ut faciat, quod sua natura, ut agat, capax est. Est autem perspicuum quamlibet productionem infinitæ naturæ (sibi constantis, eodemque semper modo agentis quadam necessitate) debere immensam esse, & infinitam, vi, & extensione; atque ideo nullam rem creatam reperiri in natura rerum, quæ finita sit, quæ nihil dici potest absurdius. Præclare Dionysius Peravius *Lib. I. Theologicor. Dogm. Cap. I. numero xlii.* Adde, inquit, rationem nullam idoneam suppetere, cur rerum natura certis limitibus finita sint: cum non majores, minoresve instituta sint quam natura esse videamus... quorum si quis causam ac principium naturam esse, quoniam non sine summa prudentia, & incredibili arte, ac consilio fieri tam perfecta potuerunt, tantundem erit natura illorum omnium efficientiam tribuere, ac Deo; quod nos quærimus. & illi, si sani sunt, ac sobrii nobiscum, vel inviti, favebuntur.

dens alii, & e contra? Utique. Ergo quod est uni dextera Cœli, est alteri sinistra, & e contra; ergo nulla est ratio Aristotelis, qua nititur ostendere per viam necessitatis naturalis, quod Cœlum moveri debet ab Oriente in Occidentem; hoc etiam patet ponentibus Antipodas. (34)

Si autem dicatur, quod ratio hujus necessitatis est intelligentia separata, a qua habet esse corpus Cœli, & motus ejus. Hoc stare non potest, tum quia Cœlum ingenuum est; unde ratio necessitatis non potest sumi ex parte receptibilis; tum quia intelligentia, cum non sit corpus, nullam habet comparisonem magis ad Orientem, quam ad Occidentem: eadem objectio est, si hoc dicatur esse ab anima cœli, ipsa enim illocalis est, dato etiam quod animam habeat.

Præterea, cum una sphaera moveatur ab Oriente in Occidentem, alia e contrario, unde hoc? Nunquid intelligentia quædam, aut anima est in parte Orientis, & alia in parte Occidentis, ut propter situm talem necesse sit diversimode moveri sphaeras? Non: quoniam secundum Philosophos hujusmodi substantiæ, scilicet intelligentia & anima illocales sunt. Si autem dicat, sicut ipsi etiam dixerunt, quia hoc est a diversitate formarum ipsorum Cœlorum: dic mihi, materia Cœlorum aut est una, aut multiplex si una, sicut & ipsi dixerunt, &? significatur hoc per convenientiam omnium eorum in motu circulari, sicut etiam diversitas formarum significatur ex diversitate motuum ab Oriente in Occidentem, vel e contra; unde igitur est diversitas formarum per viam necessitatis naturalis, cum materia sit una? Non potest ratio assignari de hac re; ergo hoc est de libera electione: si autem materiæ ponerentur diversæ, tunc unde esset prædicta convenientia, cum non sit nec ex materia, nec ex forma?

Præterea, multæ stellæ sunt in sphaera octava, & omnes sunt sphaericæ, cum sint unius naturæ, sicut & Cœlum in quo sunt, unde est ergo, quod quædam sunt parvæ, quædam magnæ?

Præterea, est invenire aliquam partem, imo etiam magnam in Cœlo, quæ nullam habet stellam. Item aliqua stella est in quadam parte Cœli, & alia est remota ab illa per cubitum unum, sicut apparet visui; aliqua etiam pars Cœli est, in qua septem vel decem, vel plures etiam stellæ sibi propinquæ valde sunt, (35) quæ ergo est causa quæ determinavit, & distinxit sic loca stellarum, cum totum corpus Cœli unius naturæ sit, in quo non est diversitas? Item cum Zodiacus distinguatur in duodecim divisiones, secundum duodecim signa, quæ fuit ratio & causa deputans istam partem Arieti, illam Tauro, & sic de aliis, cum horum nulla sit naturalis ratio, vel naturalis necessitas? re-

stat quod horum ratio est libera electio Creatoris.

Ad idem etiam valet, quod terra propter sui gravitatem est in centro mundi, aquæ autem locus est terræ, & aer locus aquæ, & concavitas sphaeræ nobis propinqua, sive ejus superficies concava locus est ignis, ut ponunt Philosophi; constat autem quod aqua propter suam unigenietatem figuræ debet esse sphaericæ, & probatum est hoc in 2. libro Cœli & mundi, de aqua, & terra; ergo ipsa ex omni parte naturaliter debet terram ambire; quæ ergo est necessitas naturalis, & causa efficiens, quod alicubi detecta est? Si enim dicat, ut inhabitetur, constat quod hæc ratio sumitur a fine, ergo causa prima agit propter finem ad minus in altero; ergo per intentionem, & electionem, quorum quodlibet ipsi negant contra illud Isaïæ 45. v. 18. *Quia hæc dicit Dominus creans Cœlos, ipse Deus, formans terram, & faciens eam, ipse plasmas ejus: non in vanum creavit eam: ut inhabitaretur, formavit eam.*

Præterea, cum illa sit finalis ratio, quæ electionem agentis respicit, quæ ratio efficiens per modum naturæ, & necessitatis? Nulla.

Ostenso, quod in corporibus cœlestibus non est ordo, nec situs, nec magnitudo, aut parvitas stellarum, nec motus per modum necessitatis; similiter ostendamus hoc idem esse in corporibus aliis, idest elementis, quorum una est materia, licet sit distincta per formas, quæ circa illam materiam vicissitudinantur per generationem, & corruptionem elementorum ab invicem; unde necesse est eorum unam esse materiam; dicit enim Aristoteles in libro de generatione, & corruptione, ubi incipit agere de tactu, & de facere, & pati; in quibus autem facere & pati, necesse est unam horum esse materiam, omnia tamen alia dicere non verum sed in quibusdam, quod ab invicem; modo sic dico: Aristoteles laboravit assignare rationem quæstionis hujus, quæ fuit causa, quæ dedit primæ materiæ, quod in quadam sui parte haberet formam ignis, & in alia formam aeris, & sic de aliis elementis; hujus causam dedit Aristoteles dicens: quia diversitas locorum hoc fecit; ipsa enim loca dederunt materiæ, quæ est una, dispositiones diversas; quanto enim magis propinqua fuit materia illa Cœlo circumdanti, tanto fuit habilior splendori, subtilitati, & velocitati motus, & inde fuit congruentior formæ igneæ; quanto magis elongata fuit materia a Cœlo circumdante, densior fuit, & congruentior ad formam terræ; similis quoque ratio est in aqua, & aere; appropinquatio igitur ad circumdans dedit materiæ aptitudinem ad formas diversas: hoc autem concedi potest in particulis elementorum, secundum quas unum ex alio generatur, unum per aliud corrumpitur, motu ipsorum elementorum, recto

(34) Nam ætate Monetæ nondum detecti Antipodes fuerunt. Itaque in varias partes discissi Scriptores erant, ut pars quidem, sed pauci omnino, vigere antipodas dicerent; plerique autem contra negarent.

(35) Similibus argumentis exagitant Spinozam recentiores Philosophi, ut non nova illorum argumenta, sed jam longe ante a nostro adumbrata fuisse videantur. Nevvtonus *Optica Lib. III. Quæst. xxxi. pag. 327. Edit. an. 1740.* Ope, inquit, principiorum istorum res corporeæ universa compositæ fuisse videntur nu-

tu, & consilio agentis intelligentis... Nam dum concreta moventur in orbibus valde excentricis undique, & quoquo versum in omnes Cœli partes; utique nullo modo fieri potuit, ut cæcò fato trihuendum sit, quod planeta in orbibus concentricis motu consimili ferantur eodem omnes: exceptis nimirum irregularitatibus quibusdam vix notatu dignis... Jam miram uniformitatem in planetarum systemate, necessario fatendum est intelligentiæ, & consilio fuisse effectam. Adeundus Clarkius *Lib. De Exist. Dei Part. I. Cap. x.*

recto secundum locum deservientem generationi, & corruptioni, ut ponit Aristoteles, & ejus sequaces: sed cum elementa secundum sui totalitatem non sint subiecta generationi, & corruptioni, considerando elementa simpliciter, idest secundum se tota, ratio sua quam præmisimus nulla est, quod probatur sic: materia quatuor elementorum, quantum in se est, non habet ordinem ad circumdans, nisi quia distincta per formas diversas; ipsa ergo formalis distinctio prior est naturaliter ordinatione ipsius ad circumdans, non e contrario; cujus contrarium posuit in prædicta ratione.

Præterea, materia secundum se simplex est, & impartibilis; esse enim sequitur formam, & quantitas sequitur esse, unde prius naturaliter est esse, quam esse quantum, extensio autem sequitur quantitatem; appropinquo ergo ad circumdans, vel elongatio sequitur extensionem quantitativam; igitur sequitur formam; prior ergo est distinctio quatuor elementorum secundum illas suas formas, quam ordinatio materiæ ad circumdans secundum appropinquationem, vel elongationem, & inde ut prius; frustra ergo laboravit Aristoteles ponere rationem naturalis necessitatis in ordinatione elementorum secundum viam prædictam; relinquitur ergo quod ratio ordinationis non fuit naturalis necessitas, sed electio divina; & quia diximus elementa esse elongata a generatione, & corruptione secundum sui totalitatem, licet subiecta generationi, & corruptioni secundum partes suas; dicamus quod quædam sunt, quæ elongantur a generatione, & corruptione omnino, idest secundum totum, & secundum partes, ut corpora Cœlestia, ut probatur in 1. libro Cœli, & Mundi, quia elongata sunt a contrarietate; alia autem subiecta sunt generationi, & corruptioni omnino, idest secundum totum & partes, ut elementata, quia ex contrariis sunt composita; alia autem subiecta sunt generationi, & corruptioni secundum partem, & non secundum totum, ut elementa quæ ad invicem contraria sunt, unde unum ab alio corrumpitur, & unum ex alio generatur secundum partes, secundum quas movetur recto motu per appropinquationem generantis ad generatum, quæ causatur ex motu corporum superiorum, ut dicitur in fine Libri de generatione, & corruptione, ibi enim ait: alteratio facit generationem, & continue adducit generans ad generatum, & quia elementa in sui totalitate loco non mutantur, ideo non vertitur unum in aliud secundum se totum: Ecce habemus tres conjunctiones, quartam autem impossibile est habere, secundum illud, quod sit subiectum generationi, & corruptioni secundum se totum, & non secundum partes; si enim totum generabile, vel corruptibile est, & partes ejus quantitativæ tales erunt. Non solum autem niscus est Aristoteles ordinare corpora Cœlestia, & elementa secundum necessitatem naturalem, sed etiam ipsas intelligen-

tias, & ex ipsis intelligentiis corpora Cœlestia secundum viam necessitatis; in tantum autem processit Aristoteles cum sequacibus, ut diceret quod ex prima causa, cum sit summa, una, & simplex non potuit procedere nisi unum & simplex immediate; unde ponebant illam propositionem, quasi communem animi conceptionem: *ab uno in quantum est unum non fuit nisi unum*, quod si fuerit res composita, provenient tot ex ea quot sunt simplicia, ex quibus componitur; Verbi gratia: cum ignis sit calidus, & siccus, per caliditatem calefacit, per siccitatem deficcit, eodem quoque modo ex composito de materia, & forma provenit quiddam ex parte materiæ, & quiddam ex parte formæ: ex creatione igitur proventu primo non provenit nisi unica intelligentia, sive Angelus; ex prima autem intelligentia provenit secunda, & primum Cœlum, & ex secunda tertia, & secundum Cœlum, & sic de aliis usque ad decimam intelligentiam, & Cœlum lunæ; & in omnibus istis nil præcessit aliud secundum suam opinionem, nisi per modum causæ agentis, non per electionem, sed per necessitatem. (36)

Contra hoc multipliciter objicitur: Secundum enim illam propositionem, *ex uno, & simplici non potest provenire nisi unum simplex*, necesse est unamquamque intelligentiarum simplicem esse; unde ergo est compositio quæ reperitur in multis entibus? cum enim non sit infinita pertransire, necesse est, quod composita infinita non sint, igitur necesse est aliquod compositum esse primum, illud autem ex simplici est, ergo prædicta propositio falsa est, *ex simplici non provenit nisi simplex*; imo compositum est ex simplici per electionem, non per necessitatem.

Præterea, cum omnis multitudo recurat ad unum, eo quod non est multitudo infinita, unde est multitudo illa, quæ reperitur in quibusdam entibus, quæ ordinem non habent ad invicem, ordinem dico causæ, & causati? Licet enim verum sit, quod priora sunt corpora Cœlestia elementis, & elementa compositis ex eis prioritate causæ, tamen hoc non est verum in omnibus; Verbi gratia, in quatuor elementis, quorum unum in sui totalitate ex altero non est; iste etiam ordo non est in speciebus animalium ad invicem, nec in speciebus vegetabilium, nec inter accidentia contraria ad invicem; quomodo ergo provenient ex uno? & si dicas quod veniant ex aliquo composito in quo est multitudo, tunc ipsa multitudo unde provenit? Ad ultimum enim necesse est ipsam multitudinem ad unum reducere; ergo falsa est illa propositio *ab uno in quantum est unum* &c. & multa ex uno sunt per electionem, non per necessitatem.

Præterea, intelligentia prima etiam una est, quomodo ergo ex ea duo, scilicet secunda intelligentia, & primum Cœlum? Item ipsa simplex est, quomodo ergo ex ea est corpus Cœli primi, quod compositum

(36) Ut ex hoc genere argumenti se expedire posset Spinoza, *Eth. Part. I. Prop. xvi.* Hæc posuit: *Ex necessitate infinitæ naturæ, infinita infinitis modis sequi debent.* Nomine autem rerum infinitarum res numero intelligit infinitas. Verum si hoc responsum quidquam evincit, probat etiam, res infinitas non numero

solum, sed etiam extensione esse oportere. Res autem extensione infinitæ nullæ dantur. Corruit ergo responsum Spinozæ. Deinde si necessitate ageret Deus eodem modo, atque adeo rem unam, & eandem infinitam fecisset.

positum est? Et quomodo ex immortali, & separato a materia est materiale & conjunctum materiæ?

Præterea, ex secunda intelligentia, quæ est una & simplex provenit tertia; & sphaera stellarum fixarum quoad substantiam ipsius sphaeræ unam habet materiam, & unam formam, quoad stellas aliam habet materiam, & aliam formam; igitur si per viam naturalis necessitatis est proventus rerum, necesse est ut talis compositio, & tam diversa causa habeat compositum, ex cujus una parte proveniat corpus Cœli, ex alia corpus stellæ, quod patet esse falsum, ergo propositio prædicta falsa est, & necesse est ponere electionem in agente absque necessitate naturali.

Præterea, nos videmus, quod natura stellarum multiplicatur; unde etiam quædam sunt lucidæ, quædam obscuræ; Unde hoc? si ex necessitate naturali? Sunt ista ab intelligentia secunda, ut prædictum est, vel ex causa prima.

Ad hoc autem nisi sunt respondere sequaces Aristotelis, errantes tamen in responsione sua, & alios in errorem mittentes; dixerunt enim, quod a primo non provenit nisi unum, sed quod consequitur quiddam tamen aliud, non tamen ex hoc, quod ipsum est ex primo, alioquin plura essent ex uno immediate, cum unum illorum non sit ex alio, licet unum sequatur aliud, ut ipsi ponunt; unde & quidam Christiani, sed solo nomine, ausi sunt exponere illud Johannis 1. v. 3. *Omnia per ipsum facta sunt*, quoad suam actualitatem, sive essendi necessitatem, & *sine ipso factum est nihil*, ipsa possibilitas, (37) scilicet ipsa materia: est igitur in eo, quod provenit ex primo multitudo; unde hoc unum per multitudinem, quæ in eo est, principium fuit multitudinis, quæ reperitur in entibus, & ab hoc multiplicata sunt ea quæ sunt; dixerunt enim quod primum creatum duo habet, scilicet possibilitatem essendi ex se ipso, necessitatem vero essendi ex primo; est igitur in ea dualitas, scilicet possibilitas, & necessitas essendi, quorum unum est ut materia, scilicet possibilitas, & alterum ut forma, scilicet necessitas essendi; ex intelligentia autem prima secundum considerationem necessitatis suæ provenit secunda intelligentia, & provenit ex ea Cœlum secundum considerationem possibilitatis; oportet enim, quod id, quod nobilius est, procedat ex nobiliori ipsius intelligentiæ; hoc autem est illud, quod est quidem ei ex primo, quod autem est ei ex se, minus nobile est.

Contra hoc potest objici sic: Si Cœlum primum habet esse ex intelligentia prima, ex parte suæ possibilitatis; quam non habet ex primo, & non ex parte necessitatis, quam ex primo habet; nullum ergo corpus ex prima causa est immediate, nec etiam mediate, cujus contrarium ipsi posuerunt; unde & sibi contrarii sunt in dictis suis.

Præterea, Cœlum non est creatum de illa possibilitate, ergo illa possibilitas non habet se ad Cœlum per modum causæ materialis, ipsa enim non est causa dispositiva ad agendum, sed magis ad reci-

piendum, ergo non habet se ad Cœlum per modum causæ agentis; ergo cum non sit ejus finalis causa, vel etiam formalis, cum ipsi posuerunt Cœlum primum esse ex ipsa intelligentia ex parte possibilitatis ipsius, ipsi posuerunt non causam, ut causam.

Præterea, sic non solvunt objectiones factas de secunda intelligentia, & sphaera stellarum fixarum, & ipsis stellis.

Præterea, posuerunt Philosophi sequaces Aristotelis in agendo per viam necessitatis, quod secundum modum appropinquationis ad primum, & elongationis ab eo, necessario est diversitas entium, & ordo eorum, & secundum quod magis, & minus appropinquat, magis, vel minus recipit a primo, hoc dixerunt in intelligentiis, & in aliis entibus esse per viam necessitatis, non per viam divinæ electionis.

Sed contra: Nunquid substantia Dei est virtus Dei, sive potentia ejus? Utique. Non enim aliud est, & aliud potest, alioquin cum sit essentia, & possit potentia, potentia ejus non esset ejus essentia, & sic non esset summe unum, imo in eo esset aliud, & aliud.

Præterea, cum se ipso possit non alio a se ipso, ipse est sua potentia; & similiter sua essentia, cum non sit aliud a se, ergo ejus essentia est ejus potentia: modo procedo sic: Nunquid ejus essentia infinita est? Utique: ubique ergo est sua essentia, ergo & sua potentia, & tota, cum non sit divisibilis, sed summe simplex; ergo nulla res magis appropinquat, vel magis elongatur ab ipso secundum locum, sed solum secundum majorem, vel minorem assimilationem; ergo vel ipsa assimilatio creaturarum secundum magis vel minus est causa elongationis, vel propinquitatis majoris vel minoris, vel est ipsa elongatio, aut propinquitas: si autem est causa elongationis, vel propinquitatis, modo quæro: quæ est causa hujus diversitatis, idest assimilationis ad primum, secundum magis & minus? eadem est quæstio si dicatur, quod ipsa major, vel minor assimilatio sit ipsa propinquitas, & elongatio.

Si autem dicatur, quod capacitas major vel minor ipsius receptibilis est causa majoris, vel minoris assimilationis ad primum, sive propinquitatis, sive elongationis; restat quæstio, unde est, quod sit magis, vel minus capax? aut enim hoc est ei ex se ipso, aut ex primo? non ex se ipso, igitur ex primo est capacitatis diversitas. Ratio hujus diversitatis non sumitur ex parte receptibilis, sicut necessitas liquefaciendi, & indurandi aliqua per radium solis sumitur ex parte receptibilis; ipse igitur secundum se est ratio & causa hujus diversitatis, falsa est ergo illa propositio in causa prima, *ab uno in quantum est unum non fluit nisi unum*, imo ab uno & eodem secundum se est multiplex & diversum.

Ex quo etiam patet falsitas ipsorum dicentium, nullum ordinem intelligentiarum esse multiplicabilem, & in primo ordine non esse nisi unam intelligentiam, nec esse posse; similiter in secundo, &

fic

(37) Fortasse præter alios nescio quos, Origenem indicat, qui mundum ab Angelis formatum dixit; materiam autem creatam a Deo, ut observat in *Origenem Huetius*.

fic de aliis; unde secundum numerum & ordinem. Cælorum posuerunt numerum & ordinem intelligentiarum, hoc excepto quod numerus intelligentiarum excedit numerum ipsorum: imo ex hoc patet, quod falsa est propositio prædicta, quod a causa prima sit causata per viam necessitatis; jam enim ostensum est, quod hæc necessitas ex parte receptibilis non est, igitur si esset ex parte causæ primæ, esset necessitas sic agendi, & impossibilitas ad oppositum, quod inferius improbabitur; restat igitur, quod agat per electionem, & voluntatem liberam ad agendum unum & multa, unum contrariorum & reliquum, uno tempore, & non alio.

Nunc restat probare, quod causa prima non agit per viam necessitatis ex parte sua, sicut nuper promissimus. Constat enim, quod prima potentia debet esse, quam non præcedit alia, & longius ab impotentia omnino, & debilitate, (38) quam aliqua alia; quare & perfectior omni alia; constat enim, quod potentia quando non est, nisi super alterum oppositorum, diminuta est comparatione potentiæ quæ est super utrumque. Verbi gratia: ignis non potest nisi semper calefacere, non enim est in eo ut calefaciat, vel non calefaciat, cum obviaverit calefactibili, sed necesse habet calefacere tantum; si autem esset ignis, vel aliquid aliud potens super utrumque oppositorum necessario potentius esset, eo quod haberet in potestate utrumque oppositorum; nec haberet necesse facere alterum; hæc igitur diminutio prohibet potentiam ignis, non longissime esse ab impotentia, arctatio namque ejus & diminutio inclinatio ejus est, & approximatio ad impotentiam. Alia etiam diminutio potentiæ & imperfectio est, quod prohiberi potest, vel impediri ab operatione sua, qualis etiam est eadem potentia ignis, quæ fortitudine contrarii sui prohiberi potest, vel impediri ab operatione sua, quia non est summe potens super operationem suam. Est etiam & alia diminutio potentiæ, & imperfectio, cum ipsa non potest super operationem, nisi adjuvata per aliud, id est, aut per receptibile, aut per medium, aut per instrumentum. Est etiam alia diminutio, & imperfectio potentiæ, cum cogi potest, sic enim non est fortissima, eo quod coactio semper sit a fortiori; prima igitur & perfectissima, & fortissima potentia est, quæ per se potest super utrumque oppositorum, & quæ totam suam operationem facit de se sola, & per se solam absque adiutorio alieno, & quæ sua fortitudine nec prohiberi potest, nec cogi, hæc enim nihil habet admixtum impossibile, sed est potentissima, & remotissima ab impotentia, & talis potentia amplissima est, atque fortissima, in quibus duobus prædicta quatuor comprehenduntur: amplissima, scilicet ad utrumque oppositorum, & ad unum, atque multa quantum in ipsa est: fortissima, quia nec cogi potest

ad agendum, nec prohiberi ab agendo, & quia nullius eget adiutorio.

(39) Ex his patet, quod ejus actio non est coarctata ad unum tantum per viam necessitatis ex parte ipsius causæ primæ; superius autem proximo loco ostendimus, quod nec ex parte receptibilis, ergo non agit per modum necessitatis, ergo per viam electionis, quod patebit in sequenti argumentatione. Ista etiam, scilicet summa amplitudo, & summa fortitudo potentiæ indicat apud ipsum esse electionem, & liberam voluntatem, ut cum velit, facere possit, & non facere: cujus probatio est, quia si per omnem modum æqualiter se haberet ad facere, & non facere, vel utrumque esset ab eo, vel neutrum; non potest tamen esse quod utrumque ab eo sit, quia tunc faceret, & non faceret idem; eadem ratio est si neutrum ponitur esse ab eo: quia tunc nec faceret, nec non faceret idem quod est impossibile; ergo præter potentiam necesse habemus ponere in eo voluntatem liberam, & electionem, eo modo quo congruit ei electio; posse enim ejus æquale est secundum se ad facere, & non facere, ut præostensum est; quod igitur facere fuit ab eo, & quandoque non fuit, cum coactionem, & prohibitionem ab eo removerimus, necesse est hoc esse per electionem, impossibile enim est apud ipsum aliam causam inveniri; loquimur autem hic de operationibus ejus immediatis, quæ si nullæ essent, non essent etiam aliquæ operationes ab ipso mediate, impossibile namque est infinita invenire media, quæ omnia media habent se per modum causarum, quas impossibile est esse infinitas; tamen quantum ad illa quæ fluunt ab ipso per medium, est invenire extrinsecus media aliqua, & adjuvamenta, & receptibilia; sed nec ista cum adsunt, cogunt divinam potentiam operari, nec habet necesse operari propter ista, alioquin non esset tunc super utrumque oppositorum potens, nec etiam esset libera, & ita extrinsecus adjuvantia ejus minuerent libertatem, imo etiam tollerent eam, sicut contingit videre in potentia, quæ ad alterum determinata est; cum enim adsunt extrinsecæ, quæ exigunt ad suam operationem, necesse est operari; ubi autem aliquid horum defuerit non operabitur; quæ igitur hujusmodi est, non est libera super utrumque oppositorum; ergo quæ potens est super utrumque oppositorum libera est operari etiam cum adsunt ea quæ suffragantur extrinsecus; quod igitur operatur, aut non operatur facit electio, aut voluntas libera, quæ potius eligit operari, quam e contra; primi igitur potentis operationes sunt per electionem sive liberam voluntatem, per ipsam inquam sunt & non per viam necessitatis ad alterum oppositorum. Item quod entia sint a Deo per viam electionis non necessitatis naturalis, ostendunt miracula, quibus etiam infideles, fidei Christi rebelles attestantur; V. Gr. Eclipsis solaris in passione Salvatoris, non enim potuit esse Eclipsis

(38) S. Augustinus Lib. De Fide Contra Manichæos Cap. XLVI. Sic decet, inquit, omnipotentem facere quæ voluerit: sicut Catholica dicit. Adeundus Croufazius in Exam. Pyrrhon. Sect. VIII. pag. 431.

(39) Hoc eodem ratiocinio probat S. Thomas II. Contra Gen-

tes Cap. XXIII. Deum non agere necessitate natura, sed voluntate, quod eorum, quæ potest facere quædam facit, & quædam non facit. Adeundus Antipater Bostrensis apud Damascenum In Eclog. Literr. qui similia persequitur.

lis naturalis, cum esset luna decima quinta, unde non erat tunc coitus solis, & lunæ, sicut refert B. Dionysius in (40) Epistola ad Polycarpum: Quæ igitur fuit causa, ut solaris lux radios suos non spargeret, nisi quia ut spargeret, aut non spargeret totum cœlestis & divini erat arbitrii.

Ad idem induci posset illud quod legitur Josue 10. v. 12. & 13. ubi legitur quod ad verbum illud Josue: *Sol contra Gabaon ne movearis, & luna contra vallem Aialon, stetitque Sol in medio cœli, & non festinavit occumbere spatio unius diei*; stationem autem istam appellat Dionysius supernaturalissimam, tunc enim simul cum omni, idest universo, idest cœlo omnia continente in mensuram unius diei integre steterunt omnia in eisdem signis; vel si dicatur quod universum motum est, scilicet cœlum, & stellæ in eo fixæ, amplius mirandum est, quando melioribus, idest cœlo, & stellis sic evectis, hoc est motis, non sunt mota omnia contenta, sed solum sol, & luna, & ut legitur Ecclesiast. 46. v. 5. *Et una dies facta est quasi duo*. Si ergo possibile est motum illum cessare, quod quidem verum est, quis est qui audeat dubitare quin cœperit; nam etiam propositio Philosophica est, quod omne corruptibile est generabile, & omne finibile est inchoabile, etiam secundum positionem illorum; patet igitur falsitas positionis illorum, qui dixerunt: illum motum non habuisse esse post non esse, nec habiturum non esse post esse, sed æternum esse, & primum mobile similiter & tempus mensurans ipsum motum.

Et hoc etiam patet, quod principium, & radix omnium electio divina est, & ejus voluntas summa non alligata rebus, nec dependens ab eis; unde in Deo non per modum necessitatis naturalis, sed teste B. Dionysio supernaturalissima est ejus actio. Patet etiam falsum esse quod dixerunt, scilicet æternam fore rerum generationem, & corruptionem propter æternitatem motus circularis causantis mixtionem elementorum æternaliter, & generationem eorum quæ sunt ex elementis; imo si cessavit ad horam poterat semper cessare motus ille, & sic cessabit mixtio elementorum, unde etiam cessabit generatio, & corruptio.

Ad idem etiam inducit Dionysius illud quod legitur de Ezechia Isaiæ 38. v. 8. de reditu Solis decem lineis per quas jam descenderat in horologio Achaz, quo miraculo Rex Babylonis stupefactus misit ei munera, ut legitur Isaiæ 39. v. 1.

Ad idem facit illud quod de igne legitur Exodi 3. v. 2. ubi Moyses legitur vidisse rubum ardentem, nec aduri; & multa alia similia ad hoc idem induci possunt, ut credatur quod non per viam necessitatis, sed liberæ electionis agit Deus quæcunque agit, aut egit. Item quicumque operatur aliquid, vel est ejus mens ad consequendum aliquem finem, vel non: si autem ejus mens est ad finem aliquem, ille finis

vel ei honorabilis, aut necessarius, aut utilis, vel non: Item vel acquireretur, vel non; quædam enim opera sunt recta quæ fiunt propter finem honorabilem; si autem operatur, & non consequitur finem, dicitur opus illud vanum sive frustra secundum Philosophos, & verum est; opus autem, quod non est propter finem aliquem, dicitur opus vanum & pro nihilo; sicut qui ludit cum manu sua, & non cogitat illud, & sicut opera sunt dementium, & cujuslibet, cujus animus versatur circa aliquid, & non attendit quid faciat. Est etiam aliud opus quod fit propter ludum, illud scilicet quod fit propter finem vanum, idest non necessarium, aut utilem, sicut qui facit aliqua, ut commoveat ad risum videntes, vel audientes: constat autem quod opus Creatoris non est ludus nec frustra, nec pro nihilo, ut patet ex jam dictis; est igitur opus factum intentione finis honorabilis, necessarii, vel utilis, & ita secundum electionem, & hoc est quod probare volumus.

§. V.

*Rationibus mundi novitas demonstratur,
& quod Aristoteles nunquam credidit
probationes suas esse necessarias
rationes ad demonstrandum
mundi æternitatem.*

Sequitur tertia pars secundæ partis hujus capitis, ubi intendimus ponere rationes, quibus mundi novitas demonstretur (41). Prius tamen ostendemus quod Aristoteles nunquam credidit, probationes suas esse necessarias rationes ad demonstrandum mundi æternitatem; sed propositiones probabiliores respectu aliarum propositionum; constat autem quod non est necesse, si aliqua propositio probabilis est, quod vera sit.

Istud autem quod diximus, patet ex verbis Aristotelis in principio Topicorum, ubi distinguit species problematum, & dicit, quod quædam sunt problemata; de quibus rationem non habemus, sicut utrum mundus sit æternus.

Si autem dicat respondens, quod istud verbum Aristotelis intelligendum sit hoc modo: quædam problemata sunt, de quibus rationem non habemus secundum viam rationabilis philosophiæ; sed hoc nihil est, quare enim potius hoc dixisset de philosophico problemate, quam de ethico, utrumque enim tantum dialecticum est, non materialiter sed formaliter; nam si dialectica in quantum talis est, non habet viam ad problema philosophicum, eadem ratione nec ad ethicum, utrumque enim dialecticum est non materialiter sed formaliter.

Præterea quod ista ratio nulla sit, patet ex ratione sui

(40) Non est genuina, quamvis nota sint, quæ de Eclipsi narrat Moneta. Sunt enim consona Evangelio.

(41) Hæc item fuit S. Thomæ sententia. Sic enim habet. I. P. Quæst. XLVI. Art. I. in c. Nec rationes, inquit, quas adfert Aristoteles, sunt demonstrativæ simpliciter, sed secundum quid ad contradicendum rationibus antiquorum ponentium mundum incipere secundum quosdam modos in veritate impossibiles, & hoc apparet ex tribus: 1. quidem, quia tam in I. de Cœlo, quam

in 8. Physic. præmittit quorundam opiniones, ut Anaxagora, Empedoclis, & Platonis, contra quos rationes contradictorias inducit: 2. quia ubicumque de hac materia loquitur, inducit testimonia antiquorum, quod non est demonstrantis, sed probabiliter loquentis. 3. quia expresse dicit in 1. Lib. Topicorum, quod quædam sunt problemata dialectica, de quibus rationes non habemus, ut utrum mundus sit æternus;

sui dicti quam ponit Aristoteles dicens: de quibus rationem non habemus.

Præterea, ex litera Aristotelis patet hoc esse falsum, scilicet quod in quantum dialecticus non habet viam ad hoc, & ad illud, sic enim problema dialecticum est speculatio tendens ad electionem, & figuram, aut veritatem, & scientiam &c. In prima parte tangit ethicum problema, in secunda philosophicum, & loquitur de problemate dialectico dicens: problema dialecticum est &c. Ergo dialecticus in quantum huiusmodi viam habet ad ista, sicut patet ex verbis ejus in principio libri ubi proponit sui negotii esse methodum invenire, a qua poterimus syllogizare de omni problemate ex probabilibus, & postea distinguit ista problemata, cum describit problema dialecticum; constat igitur quod verbum Aristotelis cum dicit, de quibus rationem non habemus, intelligitur de rationibus demonstrativis & necessariis, & non de topicis, & probabilibus, quæ tamen falsæ esse possunt, licet aliquam habeant verisimilitudinem respectu rationum aliorum Philosophorum.

Præterea, quod ejus rationes non sint necessariae, patet superius in secunda parte secundæ partis hujus capituli.

Hoc viso, ostendamus, quod positiones Aristotelis falsæ sunt; & primo ostendamus quod illa positio falsa est, quæ est totius erroris principium: videtur enim quod causa prima omnino immutabilis est, & posuerunt quod si aliquid modo est ab ipso, oportet quod prius fuerit ab eo, credentes, & pro certo habentes, quod si aliqua res omnino sic est modo, sicut erat prius, cum non erat ab eo aliquid, nec modo est ab eo aliquid, vel si modo est ab eo, & prius fuit ab eo, & ita necessario mundus æternus: similiterque ostendemus, quia illa positio falsa est, *si causa efficiens, & sufficiens ad esse alicujus rei est, ipsa res est*, per quam voluerunt mundum esse æternum. Similiter etiam ostendemus, quod ipse potest facere aliquid novum omnino, quod non pendet ex his, quæ sunt; cujus contrarium posuerunt dicentes, quod ejus potentia in hoc non est, sicut facere quod affirmatio, & negatio sint simul vera de eodem, aut facere quadratum cujus diameter sit æqualis lateri; & dixerunt quod sicut non est diminutio potentie Creatoris si non facit talia, ita etiam non est diminutio potentie ejus si non facit aliquid de nihilo: simul etiam cum hoc patebit quod principium, & causa omnium entium fuit libera Dei electio.

Et quidem rationes Aristotelis de æternitate creaturæ non fuerunt rationes demonstrativæ. Dicamus igitur, aut est aliquid novum, vel non, sed omnia sunt æterna; si hoc ultimum est, nihil est generatio, & corruptio, & cæteræ permutationes, nihil igitur tempus, nihil motus est, cujus contrarium patet, & ipsi hoc fatentur: si autem aliquid est novum, dicamus illud aliquid aut est novum, & habet modo esse, prius autem non: modo quæro, aut prius erat tota sufficientia eorum quæ exigebantur ad esse illius, aut non: (sufficientiam eorum autem, quæ exiguntur ad esse alicujus vocamus eam, cui nihil deest, nec pars, nec modus, nec

comparatio, nec aliquid eorum, quæ juvant operationem ad suum effectum) si fuit tota sufficientia eorum quæ exigebantur ad esse ipsius *A*; ergo secundum positionem eorum erat prius; ergo non est novum; hoc enim dico novum quod prius non erat, & modo est: si vero non erat tota sufficientia eorum quæ exigebantur ad esse ipsius *A*, sit illud *B*, & de *B* eadem erit quæstio; aut enim sufficientia omnium eorum quæ exigebantur ad esse *B* erat prius, aut non, si erat; ergo si positio eorum vera est, *B* erat prius; si jam positum erat non esse; si vero tota illa sufficientia non erat; ergo aliquid prius non erat, quod exigebatur ad esse *B*. Sit illud *C*, & de *C* eadem erit quæstio, & sic in infinitum; aut ponetur in aliquo quod tota sufficientia sua fuerit prius, & tamen ipsum non fuerit per illam, & tamen postmodum erit per illam.

Item, verum est quod hæc sufficientia est ut prius omnino eadem, & tamen ab ea est hoc novum, quod prius non erat; si enim non esset omnino ut prius, aliquid deesset ex modis, qui exigebantur ad hoc ut ipsum creatum esset, quia ipse modus habendi ad creatum est de ipsa sufficientia, positum autem fuit ipsam sufficientiam esse totaliter; ergo non deerat modus aliquis; quare relinquitur eis, ut vel ponant hoc ire in infinitum, aut falsum sit quod posuerunt, scilicet, aliqua res est omnino sicut erat prius &c.

Item quod hoc sit falsum, *si causa sufficiens, & efficiens &c.* si autem posuerunt hoc ut in infinitum, hoc stare non potest, alioquin esse creatum novum, indigebit infinitis causis ad hoc ut sit, hoc autem manifestum est esse falsum etiam secundum eos, quia probaverunt infinitatem non posse esse in causis.

Præterea, impossibile erit aliquid fieri de novo, cum ad hoc ut fiat, necesse sit fieri omnia illa, quæ infinita sunt; ad tale autem fieri exigitur tempus infinitum; nihil igitur novum posset fieri nisi in tempore infinito; imo secundum hoc nil novum posset fieri; falsum est igitur quod hoc in infinitum eat; ergo necesse est stare apud aliquam causam efficientem, & sufficientem ad hoc ut aliquid sit, & confitendum quod ab ipsa omnino una & eadem potest esse aliquid, nec tamen est; & quod ab ea est aliquid quod non erat prius.

Ex hoc etiam patet, quod non est necesse mundum semper fuisse propter illas positiones, quibus maxime moti fuerunt ad hoc ponendum; ergo non est impossibile quod Deus faciat aliquid de nihilo, & novum aliquid, non dependens ex aliquo eorum quæ sunt: ex hoc etiam patet libera Dei electio ad agendum; unde enim esset quod causa efficiens, & sufficiens esset, & tamen non esset creatum, nisi quia suspenditur esse ipsius creati per electionem, qua ab æterno elegit quando esset, & quando non, & quantum etiam in esse maneat? posita autem electione libera constat, quod mundus non fuit ab eo per modum necessitatis, alioquin non esset libera electio apud eum, si aliter facere non posset; ex hoc etiam constat, quod non est necesse mundum esse æternum, & quod rationes Aristotelis non fuerunt demonstrativæ, imo solum verisimiles, non veræ.

Quod etiam illa positio falsa sit, quod causa prima non potest facere aliquid de nihilo, patet; quia potentia manifestat se per actum (42); actus autem iste, sciliceteductio entis de ente, non attestatur potentiam infinitam, quia hoc potest potentia finita; ergo infinita potentia scilicet divina manifestabit se per eductionem entis de non ente, idest de nihilo.

Quod etiam illa positio falsa sit, scilicet quod a causa prima non potest procedere nisi unum immediate; & etiam quod ab ea possit esse aliquid omnino novum, sic ostenditur: constat quod potentia divina, quæ infinita est, principium est omnium quæ sunt, & causa. Dicis quod ab ipsa fluxit immediate unica intelligentia; modo dico sic: Potentia divina erat in una intelligentia tantum immediate, aut in hanc unam tantum, aut in una simpliciter; si in hanc unam tantum, hoc patet esse falsum ex eo quod posse divinum est posse simpliciter & posse absolutum, non posse hujus, aut illius; alioquin ejus esse, & posse, & virtus esset alligata, & coarctata circa hoc unum, quod tamen patet esse falsum; quia posito quod alia intelligentia una tantum fluxisset a prima causa, nullum esset inconveniens secundum eos; salva enim adhuc esset prædicta ratio, quod a causa prima non est nisi unum immediate.

Præterea, unde esset illa alligatio, & coarctatio potentiae divinæ ad hanc unam? Non est assignare unde sit; æque enim, quantum in se est, sufficit ad producendam unam, & aliam; nisi forte dicatur quod sit ex electione; sic ergo secundum electionem ageret, quod ipsi non credunt. Relinquitur ergo quod divina virtus & potentia, quantum in ipsa est, non sit coarctata potius ad hanc unam (43), quam ad aliam; ergo ejus potentia, & virtus non est in hanc unam tantum, sed in unam simpliciter quæcunque illa una sit; ergo sicut fuit possibile hanc unam fieri a causa prima, ita etiam quamlibet aliam unam; fluxit autem hæc a causa prima, fluxus autem istius non coarctat divinam potentiam, nec tollit possibilitatem fluxus alterius a causa prima, nulla enim est ratio quare tollat; ergo possibile est a causa prima plura esse immediate, quod est contra prædictam positionem, & quod potest facere omnino novum sive de nihilo, quod ipsi negabant similiter.

Item, potentia certi, & determinati finis alligata est aliquo modo aut instrumento, aut alia re, propter quod, vel quam trahitur ad illum finem, sicut potentia gradiendi pedibus, aut aliis quibus potentia gressus perficitur; potentia autem divina libera est summe, & absoluta ab omni hujusmodi; ergo non est certi & determinati finis: probatio illius:

Potentia divina summe libera, & absoluta est; ista est, quod in præscriptum finem nihil potest, aut prohibens facit, aut diminutio potentiae; quod enim fortes, & copiosæ, & variæ exuberant fluxiones immediate a fonte, & de affluentia, & copiositate fontis est; quod raræ, & invalidæ, ex defectu potentiae; ergo a primo fonte scilicet Deo, cum non possit prohiberi ab operatione, & cum sit summe potens, & valde copiosæ, & variæ fluunt influxiones, immediate autem fluere possunt, quod est contra prædictam positionem, quod ejus potentia sit ad unum tantum immediate producendum.

Præterea, potentia divina infinita est; ergo nec est major, nec potest intelligi major: modo dico sic: Potentia, quæ esset ad unum, & ad multa immediate producenda, major esset, quam potentia, quæ tantum ad unum esset, hoc dicitur intellectus, ut patet superius ubi ostensum est, quod causa prima non agit per viam necessitatis ex parte sua: si autem hoc dicitur intellectus; ergo vel potentia Dei non est infinita, quod falsum est; vel potens est in unum, & in multa immediate, & non tantum in multa secundum speciem, imo & in multa secundum individualitatem in eadem specie, ut in ordine primo intelligentiarum; si enim animæ humanæ multæ numero sunt a corpore separatæ, unum autem specie, quare & intelligentiæ non erunt plures in primo ordine; licet enim animæ in principio suæ creationis multiplicentur secundum multiplicationem corporum, quibus infunduntur, tamen non minus sine corporibus manent multæ numero convenientes specie; ergo & a simili intelligentiæ primi ordinis plures possunt esse convenientes in specie, distinctæ autem accidente, voluntate libera, & electione primæ causæ creantis plures intelligentias numero in unoquoque ordine ad multiplicem participationem bonitatis suæ, ut verum sit quod habetur Danielis 7. v. 10. *Millia millium ministrabant ei, & decies millies centena millia assistebant ei.*

Item ut verum sit quod habetur Matt. 26. v. 53. *An putas, quia non possum rogare Patrem meum, & exhibebit mihi modo plusquam duodecim legiones Angelorum?* Non enim est multiplicatio individuum solummodo ad salvandam speciem, ut in habentibus materialitatem, ubi quia non potest se salvare species in uno individuo, data est vis naturalis ad multiplicationem individuum, ut salvetur in continua successione ipsorum usque ad resurrectionem, & tunc cessabit multiplicatio individuum per actionem vis generativæ desistentis a sua operatione, quia corporibus existentibus immortalibus poterit se salvare species absque operatione vis generativæ; & hoc est quod ait Dominus Lucæ 20.

cæ 20.

(42) Vide, quæ superioribus notationibus attulimus e Lactantio de Creatione e nihilo. Adeundus etiam Tatianus Orat. Contra Græcos pag. 145. Inter Opera S. Iustini Edit. an. 1736. quo loco omnia, immo & materiam ipsam e nihilo ab infinita Dei virtute condita fuisse ostendit.

(43) Platonis sententiam indicat, refellitque Noster. Nam Plato in Timæo Deum, seu primam causam mundi animam, creasse ait; ab hac vero dispositum mundum. Eodem spectat Numenii Pythagoræ opinio. Is enim apud Eusebium Lib. xi. De Præp. Evang. pag. 319. Græc. Steph. principem trium Deorum,

appellat τριαθόν, quam & αἰών causam nominat, secundum διμιοῦργον, hoc est artificem, qui a primo creatus, mundum genuit. Nullam ergo aliam creaturam primo Deo, quam secundum tribuit Numenius. Mitto Platonicos aliquot, qui eadem fere senserunt. Venio ad argumentum, quo sententiam hanc refellit Noster. Negari nequit, quin solidum inprimis, ac grave sit. Nam qui perfectissimam moliri creaturam potest, is multo magis, minus perfectas condere potest. Creavit autem Deus creaturam, seu mentem perfectam, quid ergo impedit, quo minus condere poterit ceteras?

cap. 20. v. 35. *Illi vero, qui digni habebuntur seculo illo, & resurrectione ex mortuis, neque nubunt, neque ducunt uxores.* [v. 36.] *neque ultra mori poterunt, aequales enim Angelis sunt.* Supra in hoc capite v. 34. dixerat: *Filii hujus seculi*, idest dum sunt in hoc seculo, *nubunt, & traduntur ad nuptias*, supple, propter prædictam causam, ut salvetur species per successionem individuorum, cum non possit salvare se in uno, cum sit mortale; non tamen tantum propter hoc multiplicatio individuorum, imo etiam ut diximus ad multiplicem participationem suæ bonitatis. Et nota quod in animabus humanis duplex est multiplicatio, una est secundum materialitatem earum in principio suæ creationis, alia est secundum distinctiones accidentium; ista semper est comes animarum, prima autem non; in Angelis vero est secunda multiplicatio in eodem ordine.

Ostensa falsitate positionum Philosophorum, attendamus ad ponendas rationes, quibus absque contradictione mundi novitas demonstratur, licet ad ejus ostensionem possent sufficere rationes jam dictæ. Primo autem dicimus illud quod Aristoteles in pluribus locis Philosophiæ commemorat, scilicet nullum infinitum pertransibile, illud enim dicit in libro Posteriorum, & in principio, & fine libri de Generatione, & Corruptione; Ratio hujus est, quia infinitum nec initium habet nec terminum, & in Metaphysica libro secundo dicit quod nec in continuo, nec in discreto intelligibile est, si aliquid est infinitum, quod aliquid sit majus eo, ut postea patebit. Secundo dico secundum Philosophos, quod esse mediatum ad id, cui est mediatum, reducitur per aliquod immediatum, sicut etiam habetur in libro Posteriorum. Modo dico sic: aut illud totum & solum quod fluxit de tempore finitum est, aut infinitum: si finitum; ergo est & motus finitus; ergo non est æternus, quare Cælum non est æternum; ergo nec mundus: si autem infinitum est. Contra: pertransitum est, jam enim totum fluxit illud tempus quod fuit usque nunc: si pertransitum est; ergo infinitum non est per illam positionem Aristotelis: omne infinitum impertransibile.

Præterea si dicat: Pertransiens non prohibuit ejus infinitas, quin totum pertransiretur tempus illud quod fuit usque nunc; simili ratione non prohibebit in eo quod adhuc futurum est, quin totum transeatur, & quin etiam verum futurum sit aliquando illud totum transiisse, sicut verum est modo illud totum transiisse de tempore, quod usque in præsens nunc defluxit; si autem verum erit aliquando, totum quod futurum est de tempore transivisse, non igitur infinitum est, quod de tempore futurum est, cum sit ex utraque parte finitum; quod enim futurum est de tempore finalem terminum habebit illud nunc: in quo verum & erit illud transivisse, terminum etiam initialem habet præsens nunc.

Ex hac ratione irrefragabiliter patet, quod necesse est ponere tempus finitum, quare & motum, cujus mensura est, & ita habetur quod mundus non

potest esse æternus; similiter etiam patet, quod ipse Aristoteles sibi ipsi contrarius fuit ponendo motum æternum, & tempus, & mobile, & tamen ponebat nullum infinitum posse transiri.

Item Boetius (44) in libro de Trinit. dicit: *Hoc inter nostrarum rerum præsens nunc est, & divinarum, quod nostrum nunc, quia currens, tempus facit, sed divinum nunc semper manens facit æternitatem*: modo dico sic: Istud nunc quod modo est præsens, mediatum est ad nunc æternitatis; constat autem quod istud nunc non est æternum, quoniam dies hodiernus non est æternus; ergo cum secundum Aristotelem omne mediatum reducat ad id cui est mediatum per immediatum, necesse est ergo, ut aliquod nunc fluens immediatum sit ad nunc æternum; quo habito palam est aliquod nunc fluens sive temporale primum fuisse; ergo tempus non est æternum.

Item per numerum potest probari quod mundus non est æternus, quoniam nullus numerus est infinitus, unde & Boetius exponens illud verbum Aristotelis in libro Perhiermen: *quædam possunt esse, & nunquam erunt*, dicit in commento, ut nullus numerus est infinitus, quod ideo est quia quantumcunque magnus numerus ponitur, semper est additio ad illum possibilis, sicut etiam dicitur, quod divisio continui infinita est, non quod nunquam vere dici possit, quod infinities facta sit divisio, sed quia nunquam tantum est procedere in divisione ipsius continui actu, vel intellectu, quin possit amplius procedi, cum omne continuum compositum sit non ex impartibilibus, sed ex continuis.

Quod autem nullus numerus infinitus sit, sic probatur: Infinitus numerus si est, major est quolibet numero finito, cujus probatio est, quia omne totum majus est sua parte, nullus autem numerus finitus est, quicumque ille sit, qui non claudatur in infinito numero, ut pars in toto; ergo numerus infinitus, si esse ponatur, dicendus est esse major quolibet numero finito.

Nec obstat quod dici solet infinitum finito non esse comparabile; illud enim intelligitur de comparatione proportionali, quia finitum non est pars aliquota infiniti, vel aliquotæ ejus, sed quin sit ei comparabile secundum majoritatem, hoc non tollitur, sicut probatum est in numeris per id: *omne totum majus est sua parte*; constat ergo quod numerus infinitus si est, major est quolibet numero finito, ut continens contento, continet enim in se quemlibet numerum finitum, continet igitur centenarium, & millenarium; aut igitur continet pluries unum quam reliquum, aut non; quia de quolibet affirmatio vel negatio sine hoc impossibilis est; nec recipit hoc intellectus alicujus, quod aliquis numerus continens aliquem numerum subdecuplum ad alium non contineat plus ipsum subdecuplum quam ipsum de cuplum ejus; pluries igitur continet unum quam alium, aut ergo continet minorem finities, aut infinities; si finities, ergo & majorem finities; omne autem quod ex finitis constat, finitur; ergo ille nu-

R r r 2

me-

(44) Lib. de Trinitate Cap. 14. *Tantum inter nostrarum rerum præsens, quod est, nunc, ad divinarum, quod nostrum nunc, quasi currens tempus facit, & sempiternum; divinum vero nunc per-*

manens; neque movens sese, atque consistens æternitatem facit &c.

merus finitus est, quem tu ponebas infinitum. Si autem dicat quod continet minorem infinities; ergo cum pluries eum contineat quam maiorem, maiorem continet finities, quia infinitum infinito non est majus; si enim maiorem continet infinities, continentia igitur utriusque infinita esset, unde cum continentia minoris sit major continentia majoris, infinitum esset majus infinito quod esse non potest. Restat ergo quod maiorem continet finities, quod autem finitum aliquid continet tantum finitis vicibus, finitum est; ergo ille numerus continens, finitus est, quem posuisti infinitum.

Præterea, quod infinitum non sit majus infinito istud probo in numeris manifeste. Detur aliquis numerus infinitus esse minor alio, minor dicatur A, major B; dico sic: A est minor B, quæ est ratio? nisi quia non tantum protenditur quantum B; ergo erit ipsum ita quod non ultra; ergo A finitus est per rationem finis, quam Philosophus ponit, finis est rei extremitas ultra quam res non protenditur, & in 5. Metaph. Aristotelis in capite de Fine, finis dicitur illud, quod est ultimum utriusque rerum, & illud a quo nil extra invenitur.

Item, quod in numero ita sit, quod numerus infinitus non est major numero infinito, probatur sic: Omnis numerus ex parte originis finitus est, scilicet ex parte unitatis, & per elongationem ab ea augeatur, sit ergo infinitus numerus AB, sit major eo AC, & sit origo utriusque A; igitur si unus alteri superponitur, AB finitur citra C in ipso B, finitur etiam in A; igitur ex utraque parte finitur; diem ergo hodiernam, & diem crastinam pone initia duorum numerorum retrocidentium, & invenies eam, quæ ab hodie incipit, minorem ea quæ incipit a crastina.

Simili ratione sumpta a ratione finis probatur, quod continuum infinitum non potest esse majus continuo infinito, posito etiam quod in continuo sit infinitas; imo necesse est semper quod minus finitum sit. Viso quod nullus numerus infinitus esse potest, concludo: Numerus Eclipsium solarium, quæ præcesserunt, non est infinitus; ergo mundus non est æternus. (45)

Præterea, quod ille numerus non sit infinitus, probatur per illud quod dicit Aristoteles in primo libro Coeli, & Mundi: *Numerus cujus non est finis, est, cui non invenitur ultimum in multitudine*, sed in numero Eclipsium quæ præterierunt invenitur ultimum, Verbi gratia, hæc Eclipsis quæ nunc est; ergo iste numerus non est infinitus, & inde ut prius: eadem probatio fit per auges solares quæ præcesserunt circa 18. gradum Geminorum, & per oppositionem augium circa 12. gradum Sagittarii.

Item per Solstitia, in initio scilicet Cancræ, & Capricorni; per ortus solares quoad nos, & occasus ejus qui fuerunt; similiter per girationem ejus ad

Tropicum meridionalem, & reflexionem ad aquilonarem, & per accessum ejus ad æquatorém, idest ad initium Arietis, aut Libræ, quando facit duo æquinoctia, & multa talia possunt simili ratione induci.

Ad simplices, qui ista non intelligunt induci potest hoc aliud; aut numerus dierum qui præcesserunt infinitus est, aut non; si non, ergo tempus ex eis constans finitum est, ergo mundus non est æternus; si autem infinitus esse dicatur, hoc jam improbatum est.

Præterea, pertransitus est, ergo infinitus non est, nullum enim infinitum pertransibile; ergo mundus non est æternus.

Item, quod mundus non sit æternus probari potest per causas a quibus relegari potest infinitum secundum Philosophos: si mundus æternus est, efficientes causæ infinitæ sunt, sed non sunt infinitæ; ergo mundus non est æternus: Probatio primæ ista est: quia si mundus est æternus, generatio unius ex alio infinita est secundum Philosophos, qui posuerunt, quod æternitas motus primi mobilis causa est æternitatis unius ex alio, ut patet in fine libri de Generatione, & Corruptione. Si autem hoc est, infiniti sunt generantes; constat autem quod generans ad generatum est causa efficiens; ergo si infinitas est in generantibus, infinitas est etiam in causis efficientibus, hoc autem est impossibile, ergo & illud ex quo sequitur, scilicet quod mundus sit æternus.

Præterea, inconveniens est secundum eos dicere, quod A fuerit causa B, & B. causa C. & sic in infinitum; ergo inconveniens est dicere, quod A genuerit B, & B. C. & sic in infinitum, necesse autem esset hoc dicere, si mundus esset æternus, ergo mundus non est æternus.

Quod autem non sit infinitas in generantibus, probo per viam illam, qua nisi sunt probare, quod non est infinitas in causis. Univerſitas generantium, aut est tota genita, aut tota ingenita, aut partim genita, & partim ingenita; si tota genita dicatur, hoc esse non potest, quia vel erit genita ab aliquo de universitate generantium, quod patet esse impossibile, aut ab aliquo extra universitatem, quod iterum esse non potest, quia jam aliquod generans esset extra universitatem generantium; si autem extra universitatem eorum esset, non esset generans, & ita affirmatio, & negatio de eodem. Restat ergo, quod universitas generantium non sit genita tota, nec ingenita; ergo partim genita, & partim non genita, & ita stabitur in aliquo, qui ita erit generans, quod non generatus; ille autem non semper fuit, alioquin semper maneret; ergo generatio hominis ex homine non est æterna, sed necesse est primum hominem ponere, ergo mundus non est æternus, & male locutus est Aristoteles contra Abrucalem (46) in libro de Vegetabilibus dicens: mundus totaliter perpetuus, sempiternusque

(45) Id etiam evincunt observationes Astronomicæ. Nam quas ab Chaldeis factas observationes Astronomicas per nongentorum, & trium supra mille annorum tractum usque ad tempora, quibus direpta Babylon ab Alexandro Magno fuit, deductus Callisthenes in Græciam misit, ut auctor est Simplicius in *Commentar. in lib. I. Arist. de celo*, etsi fabulosas esse reor, evincere tamen puto, non æternum, sed temporarium esse mundum. Non enim antiquiores

hæ observationes essent *an. ab Orbe condito*, juxta Usserii Calculos, 2584. Quod si mundus sempiternus fuisset, multo plures transmissæ fuissent in memoriam posterorum. Mitto argumenta de artibus, scientiis &c. a Lucretio, aliisque philosophis, imprimis autem junioribus, allata, ut mundum cœpisse aliquando suadeant.

(46) Non est hoc opus Aristotelis, ut ante animadvertimus.

que nunquam cessavit generare animalia, & plantas, & omnes suas species.

§. VI.

De Cura, & Providentia Dei
erga creata.

(47) **S**equitur quarta pars secundæ partis hujus capitis ubi agendum est de providentia, & cura Dei; constat autem, quod ipse est fons, & origo omnis entis, unde & prima omnium causa a Philosophis appellatur. Quod autem ita sit, supra ostensum est in principio libri, ubi ostensum est unicum esse omnium principium: sed ad videndum utrum ipse sit provisor, & curator omnium, necesse est præcognoscere an ipse sit omnium cognitor. (48)

Quod autem ipse sit universorum cognitor, probatur ex hoc, quoniam ipse scit se ipsum, & scit se ipsum sicut est, ipse autem est purum, & verum ens, & Fons essendi substantiæ & accidenti, & quidquid ipsa sunt secundum ordinem suum; si ergo scit se ipsum esse principium, & fontem eorum, tunc scientia eorum includitur in scientia sui; si autem non scit se ipsum principium esse eorum, tunc non scit se sicut est, quod absurdum est.

Præterea, ut dicit Dionysius 7. de divinis nominibus, ipsa omnium causa se ipsum cognoscens vacat alicubi, si ea quæ sunt ab ipsa, & quorum est causa ignoraverit: ista autem vacatio non est nisi averfio mentis ab uno ob curam alterius, hoc autem impossibile est Deo.

Præterea, sicut ipse potenter agit omnia, ita & sapienter; nemo enim est, qui credere debeat, quod Deus agat ea quæ agit ignorans; igitur omnium habet scientiam; & tam substantiarum, quam accidentium, tam universalium, quam particularium scientia includitur in scientia ejus, quæ scit se sicut est, sicut omnium esse cadit sub ejus causalitate; unde & B. Dionysius cap. 7. de divinis nominibus ait: *Divina mens omnia continet, ab omnibus segregata cognitione, sed omnium causam se ipsam omnium scientiam præaccipiens*: & post pauca concludit: *Igitur se ipsam divina sapientia cognoscens, cognoscit omnia*.

Sciendum autem est, quod multiplicatio scitorum non multiplicat ejus scientiam, quoniam ejus scientia non formatur a rebus scitis, imo potius e

contra: & propter hoc dicit B. Dionysius, quod divina mens omnia continet cognitione segregata ab omnibus, quoniam non dependet, vel formatur ab eis; & hoc est, quod ibidem dicit Dionysius; non enim ex existentibus existentia discens novit divina mens, sed ex ipsa, & in se ipsa, non secundum visionem, idest ad videndum, singulis se immittens. Sed quemadmodum intelligendum est id, quod Dionysius ait in fine mysticæ Theologiæ ubi dicit, quod Deus non novit existentia secundum quod existentia sunt, secus autem in scientia humana: nec aliud intenderunt Philosophi, qui voluerunt excludere ab eo scientiam præsentis, præteriti, vel futuri, nisi quod ejus scientia non sigillatur, nec distinguitur differentiis temporum; quod autem ipse sciat Eclipsim futuram & præsentem, vel præteritam, evidenter ostenditur per illam propositionem: prima causa, quæ Deus est scit se esse omnium principium, & causam, & fontem, cum sciat se sicut est plenissime; unde a Philosophis dicitur sibi manifestus; & Johannes Damascenus 2. lib. cap. 16. dicit, quod ipse solus contemplator existit sui ipsius, supple plene, cognitio enim existentia Dei omnibus inserta est, etsi non plena; hoc patet in principio libri Johannis Damasceni.

Quod autem non multiplicetur ejus scientia ex multiplicitate scitorum hujus ratio prædicta est, cujus rationis ratio est, quia scientia ejus est essentia ipsius, quæ a nullo dependet, idem enim est ei esse, quod scire; hoc autem tangit B. Dionysius cap. 7. de divinis nominibus; se ipsam divina sapientia cognoscens cognoscit omnia, immaterialiter materialia, indivisibiliter divisibilia, & multa unitive in ipso uno, omnia & cognoscens, & producens. Idem dicit Philosophus, scilicet Avicennas 6. lib. metaphysicæ suæ cap. 8. Necesse esse intelligit quidquid est universaliter, & tamen cum hoc non deest ei aliquod singulare; sicut autem agit potenter, & sapienter, ita & libenter, volens enim agit, non nolens. Unumquodque autem horum reducitur ad essentiam ejus; essentia autem ejus talis est ut ponunt Philosophi, quod ex ea fluit omne, quod est secundum modum perfectiorem, juxta ordinem qui est possibilis ibi esse a principio usque ad finem, sive a primo usque ad ultimum.

Quod autem ipse sit omnium provisor, potest probari per universalem ejus justitiam, quam tangit B. Dionysius de divinis nominibus cap. 8. justitia laudatur Deus, sicut omnibus secundum di-

(47) Commodum instituit noster de Providentia disputationem. Nam fuerunt Philosophi veteres, qui aut eam funditus tollerent, velut factum est ab Epicuro, ejusque affectis, aut limitibus quibusdam concluderent, ut infra Lunam extendi eam negarent, quod a Chalcidio in *Timaum Platonis*, a Justino Martyre *Apol. I. Tatiano Orat. ad Græc.* Theodoreto *De Providentia* exprobratum. Aristoteli est; quamvis cur moti fuerint, ut hæc Philosopho ascriberent Aristoteli, me sane fugiat. Nam quæ *Lib. II. De Natura Deorum Cap. xxxvii.* ex Aristotele assert Cicero, providentiam rerum etiam nostrarum admittere videntur. Ex hæreticis etiam fuerunt, qui negare etsi non omnium, harum tamen, quæ sub adspæctum cadunt, providentiam visi sunt. Nam Marcion, Manes, Priscillianistæ, Cathari, etsi quialii fuerunt, qui res sub sensu cadentes a malo principio conditas, aut formatas esse pugnarent, ii quidem certe negarint necesse est, rebus adspæctabili-

bus posse divinam naturam prospicere. Ac Tertullianus quidem *Lib. II. Contra Marcionem*: *Nemo, inquit, te sustinebit improvidentiam adscribentem Deo ei, quem Deum non negans, confiteris providum*. Nollem autem Philosophi quidam recentiore memoria eam introduxissent de *intelligentia supermundana* sententiam, quæ providentiam Dei funditus evertere videretur. Sunt hi quidem de grege Lutheranorum, sequunturque Leibnizium, qui nihil nunc Deum in natura agere, sed vim eandem primævam etiamnum vigere, ac de materia solum in materiam transferri secundum ordinem præstabilitum contendit. *Epist. v. adv. Clark. Tom. I. Collat. Varior. Opusc. Edit. Amstel. an. 1720. §. 37. pag. 129.*

(48) Ex cognitione quam de rebus omnibus habet Deus, probat S. Thomas, Deum earum ordinem velle, ac statuere, qua in re sita est ratio providentiæ. *III. Contra Gentes Cap. lxxvi.*

dignitatem distribuens : & infra : omnia enim divina iustitia ordinat , terminat , & omnia ab omnibus immutat , non confusa salvat & omnibus existentibus convenientia donat secundum dignitatem unicuique entium supervenientem ex eo , quod ipse est causa , & principium cujuslibet entis ; & unicuique donat convenientia secundum dignitatem uniuscujusque existentium . (49)

Quod autem sit provisor animalium, patet secundum Philosophos , & rei veritatem ; dedit enim animalibus membra instrumentalia , & præter hoc intimavit eis modum utendi illis , alioquin essent supervacua , creavit enim pullo rostrum , quo percutiendo egreditur de ovo ; si enim natura non doceret modum utendi rostro , & colligendi cibum de terra , esset ei supervacaneum rostrum , in quo apparet Dei providentia etiam cum non utentibus ratione ; signum enim est hoc , quod ipse est procurator creaturæ suæ , scilicet quia novit expedientia unicuique , & ei tribuit quantum in se est prout expedit , sicut etiam volunt Philosophi ; hoc patet jam in brutis animalibus ; patet etiam in homine , novit enim quod homo eget instrumento facile agendi , quod expedit ad conservationem suæ naturæ : & quoniam si talis esset , idest sine instrumento tali imperfectus esset , & sic male esset ipsi homini ; novit etiam , quod hoc instrumentum debet esse manus , aut pes , aut aliquid hujusmodi , & quod ad hoc ut hujusmodi sit congruum operationi , necesse est extremitates sint distinctæ digitis , alioquin impediretur facultas agendi ; & quia possunt esse diversi situs ipsorum digitorum , quorum non quilibet aptus est ad operationem , elegit aptiorem , scilicet ut non sint quinque in uno ordine , sed quatuor , & pollex sit segregatus ab eis ; & sciens , quod situs iste aptior est ut aliquando tribuat , aliquando percutiat , aliquando repellat , aliquando constringendo aliquid teneat , providit hoc homini . (50)

Quod etiam ipse sit provisor creaturæ rationalis , probari potest per suam summam iustitiam relata ad rationalem creaturam ; constat enim , quod hæc ei deesse non potest ; si enim deesset ei iustitia , deesset ei bonitas summa ; de ratione autem iusti est , velle unicuique reddere secundum meritum exigentiam , hoc autem est , quod sonant providentiæ rationes , quas ponimus ; ergo ipse est provisor creaturæ rationalis providens ei secundum , quod meretur . De hac autem iustitia provisoriva relata ad creaturam rationalem loquitur B. Dionysius cap. 8. de divinis nominibus solvens quæstionem quandam ; quomodo Deus iustus est , (51) sinens iustos affligi a malis : *At dixerit aliquis , non est ju-*

stitia , permittere viros sanctos auxilio destitutos a pessimis quibusque conculcari ; quasi dicat exponere honos tribulationibus ; malos vero delectabilibus non videtur iustitiæ consonum ; postea autem solvit ostendens , primo eos non debere exponi delectabilibus , quæ coluntur ab his , qui inhærent amore materialibus rebus ; ideo autem non sunt eis exponendi , quia ista non sunt eis , nec ab eis amanda : sic ergo ostendit , quod non debet his conjungi per amorem ; imo ait : Cui respondendum , quod si quidem illi , quos appellat Sanctos , terrena diligunt , quæ ab amatoribus rerum materialium ambiuntur , vel hoc ipso jam a divino amore penitus exciderunt . Neque sane intelligo quam ratione Sancti dici possint , qui res vere amandas & divinas contumeliis afficiunt ; dum ea rebus fugiendis & abominandis , quas nefarie insectantur , minime præferunt . Secundo ostendit , quod non solum non debent dolere , sed etiam lætari debent de ista separatione a mundi concupiscibilibus , si amant vere existentia , idest æterna bona , sicut lætantur , qui consequuntur quæ desiderant ; hoc sequitur ad præcedens , idest ad non amare materialia ; unde dicit : Sin autem ea quæ vere sunt , amarent , gauderent , quod vpti compotes fieri possint , supple de separatione ab istis materialibus , quæ desiderant , hoc ipso quia ab istis desiderio tendunt ad æterna . Tertio ostendit , quod gaudere debent , quia pœnis & cruciatibus temporaliter exponuntur , quia per hoc magis & magis ab amore mundi hujus , & præsentis vitæ recedentes , propinquiiores Angelis fiunt , non dico loco , sed similitudine amoris æternorum , & immaterialium bonorum ; unde subjungit : Nunquid tunc magis ad Angelicas virtutes accedunt , cum rerum divinarum studio , quantum possunt , a materialium affectione recedunt , & ad hoc viriliter exercentur periculis , quæ honesti causa subeunt ? Et ex hoc concludit : Itaque hoc vere dici potest , divinæ iustitiæ magis congruere , ut numquam patiatur proborum virorum virile robur rerum materialium largitionibus enervari , atque emolliri ; idest fortitudine materialium donationum . Quarto dicit , quod istud non est dimittere non adjutos , sed hoc est collocare , idest firmare eos in pulchra , & inflexibili statione , idest constantiam eis dare per quam non flectantur a veritate ; unde iterum subdit : Quin potius , si quis id tentaverit , divinis auxiliis suffultos in præclaro illo , & inconcusso statu solidare , nec non perseverantes pro meritis remunerare , idest attribuire animosis sanctis secundum dignitatem . Actor. 5. v. 41. Et Apostoli quidem ibant gaudentes a conspectu concilii . Hoc dico

(49) Philo Judæus in *Opere de Mundi Opificio sub initium* , patet habet . „ Qui mundum , inquit , factum negant , non animadvertunt se rem adimere omnium , quæ ad pietatem spectant , utilissimam , maximeque necessariam . Nam a parente , & opifex curam geri operis sui ratio ipsa dicat . Etenim pater liberorum , & opifex eorum , qui fabricavit , conservationi studet , & quæcumque detrimenti aliquid asferre , ac nocere possunt , ea quantum in illo situm est , repellit ; quæ vero conducibilia , & utilia sunt , omni ratione comparare cupit .

(50) Multa in hanc rem disputant Nieventhigtus *De Exist. Dei per res admir. naturæ* . Guillel. Derhamus in *Opere De Exist. Dei*

&c. Jacquelotus in *Dissertat. De Exist. Dei* . Robertus Boylius in *Exercitat. De utilit. Philos. Experiment.* Alique .

(51) Vel Ethnici agnoverunt hominem divina providentia regi. Adeundus Hierocles . *Lib. De Provid.* Ut Platonem , ejusque assecclas omnes prætermittam . Videndi item Dionysius Peravius *Lib. vii. Theologic. Dogmat. Cap. iv.* & Thomas Tannerus , *instit. Theolog. Gentilis* . Verum quod sibi objicit Moneta , verus libertinorum argumentum est : sed ut a nostro , ita quoque a Seneca Ethnico *Cap. i. Lib. De Providentia* , a Nemefio *De natura hominis Cap. xlv.* Ambrosio *Lib. I. De officiis Cap. xli.* atque ab aliis solvitur , quos recenset Petavius *ibid. Cap. v. §. 12.*

dico convenit iustitiæ divinæ si, idest, quamvis aliquis conetur facere, idest impingere, Deo contrarium. Loquitur autem B. Dionysius de viris perfectis, de quibus ait Boetius in fine quarti libri de Consolatione: *Alios duris agitari sinit, ut virtutem animi patientiæ usu, & exercitatione confirmet*. Alia ratio est quam subdit, *alii plus æquo metuunt, quod ferre possunt, hos in experimentum sui tristibus ducit*. Tertia ratio est, quam ibidem ponit: *Quosdam remordet, ne longa felicitate luxuriēt*. Quarta ratio est in exemplum patientiæ, unde ibi dicitur: *quidam suppliciis inexpugnabiles, exemplum cæteris protulerunt, invictam malis esse virtutem*. Alia autem ratio est in imperfectis, unde Boetius ibidem dicit: *Alii plus æquo despiciunt, quod ferre non possunt, hos in experimentum sui tristibus ducit*; quandoque autem largitur eis prospera ad remunerationem etiam quamdam vitæ præsentis. Alia etiam causa, quam ibi ponit Boetius est: *Aliquis enim animi viribus infirmus, ei si aliquid advenerit adversi, desinet forsitan colere innocentiam, per quam non potuit retinere fortunam; parcit itaque sapiens dispensator ei, quem deteriores facere potuit adversitas, ne qui non consuevit laborare, patiatur*.

Similiter improbis rationabili providentiæ dispositione nunc læta, nunc tristia contingunt; ponit autem Boetius unam causam, scilicet ut eorum supplicia cæteros a sceleribus deterreant: alia est quia aliquando eos quibus inferuntur, emendant. Læta etiam rationabiliter eis dantur. Primo in argumentum bonis, scilicet quid judicare debeant de hujus mundi felicitate, quam famulari sæpe improbis cernunt; hoc autem iudicium contemptus est ipsius. Secunda ratio est, coarctatio quorundam malorum a sceleribus, est enim alicujus tam præceps, importunaque natura, ut eum in scelera potius exacerbare possit rei familiaris inopia, hujusmodi morbo providentia collatæ pecuniæ remedio medetur. Tertia est vitæ correptio, imo hac fiducia probi conscientiam spectans, & se cum fortuna sua comparans pertimescit, ne cuius rei locandus est usus, sit tristis amissio, mutabit ergo mores, ac dum fortunam metuit amittere, nequitiam devitat. Quarta ratio est in præcipitium abutentium felicitate, unde alios in cladem præcipitavit merito indigne acta felicitas, Apocalyp. 22. v. 11. *Et qui in sordibus est, sordescat adhuc*. Deus igitur ut ait Boetius *ex alta providentiæ speculare respiciens, quid unicuique conveniat agnoscit, & quod convenire novit, etiam commodat*.

Ex his quæ dicta sunt patet illud verbum Boetii

ibidem positum; *sola est divina vis, cui mala quoque bona sunt, cum eis competenter utendo, alicujus boni elicit effectum*. Illud etiam constat, quod ait, omnem fortunam bonam esse, omnis enim fortuna est justa, vel utilis, omne autem justum, vel utile bonum est, ergo omnis fortuna bona est. Probatio primæ propositionis est hæc: Omnis fortuna aut datur causa exercendi, aut datur causa remunerandi bonos, aut causa puniendi, vel corrigendi malos; omnis autem quæ talis est justa vel utilis est; ergo omnis fortuna est justa vel utilis: de his etiam agit Johannes Damascenus lib. 2. cap. 29.

Nunc autem probatum est, quod ipse providet unicuique ipsum esse, quia est causa uniuscujusque esse potenter operando esse illius scienter, atque libenter: ita etiam probari potest, quod ipse est provisor permanentiæ uniuscujusque, sive ad horam unam, sive ad magnum tempus, sive semper; cum enim permanentia in esse sit de numero entium, (52) & creatorum, necesse est, quod ipse sit operator permanentiæ uniuscujusque esse, & eorum quæ ad hanc permanentiam exiguntur. Non pendet ergo Creatura a Creatore, nec eget tantum eo, quoad esse, sed etiam quoad firmitatem sui esse, quia non tantum ejus esse est ab eo, sed firmitas ejusdem.

Ex quo patet diversitatis ratio, ex qua est, quod posita prima causa non esse, omnia quæ ab ipso sunt esse desistunt, posito autem materiali fabro non esse, (53) non desinet esse fabrica, sed remanet; prima enim causa non juvat tantum ad esse, sed ad continuationem, & permanentiam ipsius, ut ostensum est, secus autem est in materiali fabro, a quo non habet arca permanentiam sui esse, aut firmitatem, licet esse ejus operante fabro de potentia in actum prodierit.

Rationem providentiæ ponit Boetius in 4. libro de Consolatione: *Providentia est divina ratio in summo rerum Principe constituta, qua cuncta disponit*. Eodem etiam libro, & eodem capite: *Providentia est immobilis, simplexque rerum gerendarum forma*: prius autem exposuerat hoc in eodem capite dicens: *Sicut enim artifex faciendæ rei formam mente percipiens, movet operis effectum, & quod simpliciter præsentari æque perspexerat per temporales ordines ducit; ita Deus providentia quidem singulariter, stabiliterque facienda disponit*. Hoc etiam habetur a Johanne Damasceno 2. lib. cap. 29. *Providentia est voluntas Dei, propter quam omnia quæ sunt, convenientem deductionem suscipiunt*: Modo dico sic: Dei voluntate

om-

(52) S. Prosper, seu quisquis est auctor *Carm. De Provid.* sic canit:

Omnes autem hanc molem mundi, qui condidit ipse

Et regit: utque nihil non ortum sumsit ab illo:

Sic nihil est, quod stare queat factoris remoto.

Nec injuria. Nam res omnes cum limitatæ, finitique viribus sint, si suo genio relinquuntur, vires sensim earum minuantur, ac pereant necesse est. Conserve igitur illas Deus, moveatque, vimque eandem servet, oportet. Id vero fieri sine inspectione providentiæ nequit.

(53) Tam consona hæc sunt iis, quæ contra Leibnitium disputavit Clarkius, ut a Moneta, cujus opus recens ille auctor non vidit, mutuatus hæc eadem fuisse videatur. Sic enim in sua *priori*

ad Leibnit. Respons. num. 4. habet. *Collect. Var. Opusc. Edit. an. 1720.* Si inter homines Faber non immerito eo præstantior censetur esse, quo machina ab illo facta diutius regularem quendam motum servat, quin indigeat renovatione; id eatenus evenit, quatenus fabricorum virtus in eo consistit solum, ut componant affabre, & conjungant partes quasdam, quæ habent motum quendam, cujus principia nulla ratione a fabro dependent... Verum longe aliter in Dei respectu usu venit, qui non solum congregat, atque componit res, sed etiam est auctor primitivarum potentiarum earundem rerum, easque perpetuo servat. Quare si quis dixerit nihil sine providentia fieri, tantum abest, ut deprimat opera Dei, ut potius ostendat eorum præstantiam, & excellentiam.

omnia quæ sunt suscipiunt convenientem deductionem, ergo omnium provisor est: unde postea subdit: Si autem Dei voluntas est providentia, omnino necesse est, quod providentia fuerit secundum rectam convenientiam, & optima, & Deo decentissima fieri, & ut non est melius fieri: necesse est igitur eundem esse factorem, & provisorum eorum quæ sunt, nec enim dicens, & non exequens est, idest non convenit alium quidem factorem esse universorum, & alium provisorum; sic enim imbecillitate essent utrique, hic quidem faciendi; hic autem providendi. Deus igitur & factor est, (54) & provisor, scilicet & factiva ejus virtus, & contentiva, & provisor est ejus voluntas bona, *omnia enim quacumque voluit fecit in Cælo, & in terra.* Psalm. 134. v. 6. Item dicit Johannes Damascenus: Quoniam autem providet bene, & rectissime, videri potest hoc modo: Solus Deus natura bonus est, & sapiens, ut igitur bonus est providet, qui enim non providet, non est bonus: Probatio hujus a minori sumitur; etenim homines rationabilia propriis filiis provident naturaliter, & qui non providet, exprobratur. Ut autem sapiens optime eorum, quæ sunt curam habet, oportet igitur his intendentes omnia mirari, omnia laudare, omnia imperscrutata acceptare, quæ providentiæ sunt opera, etsi appareant multis injusta.

Idem dicit Boetius in 4. lib. de consolatione: *Quamvis causam tantæ dispositionis (55) ignores, tamen quia bonus inde rector temperat, recte fieri cuncta, ne dubites:* hoc dixit respondens illi quæstioni quam aliquis potest facere, scilicet: cur sæpe Deus bonis jucunda, malis aspera, & e contra bonis tribuit mala, malis vero optata concedit, per hoc enim videtur, quod mundus non providentia, & cura regatur divina, sed potius fortuito casu: postea vero aliquantulum determinat æquitatem divinæ providentiæ in hujusmodi retributionibus, quam qui videre desiderat, finem quarti libri diligenter percurrat.

Fuit etiam alia causa, quæ plurimos movit, ut dicerent, mundum istum Dei providentia, & cura non regi; abundantia scilicet malorum. Istam quæstionem tangit B. Dionysius in medio quarti libri de Divinis nominibus, & in fine ejusdem. Providentia existente, quomodo est malum, aut factum aut non destructum? idest cum divina providentia omnipotens sit, & summe bona potens est omne contrarium, & offendiculum prohibere ne fiat, vel jam factum destruere facillime; quomodo ergo &c.

Eandem etiam quæstionem moverunt Philosophi dicentes: nos videmus mundum plenum malis, si-
ve sumatur malum pro malo culpæ, (56) si-
ve pro malo pænæ. Veniuntne hæc mala ex primo princi-

pio, si-ve ex providentia ejus, quæ summe bona est, & summe potens? Hoc videtur esse non posse; si autem non veniunt ex providentia, aliquid igitur erit existens extra providentiam Dei & extra voluntatem ejus. Igitur ex quo erunt? Sic enim videbitur duo esse ponenda principia.

Istam quæstionem solvit B. Dionysius in fine quarti capitis dicens: *Non est malum secundum, quod est malum nec existens*, supple per se, quasi dicat non est substantia; *nec in existentibus*, quasi dicat, non est accidens habens esse aliquod: omne enim malum in quantum hujusmodi secundum communem opinionem tam Philosophorum, quam Theologorum in privatione consistit; istud patet 4. cap. de Divinis nominibus. Item 2. lib. Johannis Damasceni cap. 4. & 4. lib. cap. 12. Quod autem dixi, quod malum in privatione consistit, intelligo non tantum de malo culpæ, sed etiam de malo pænæ; dolor enim in quantum malus privationem sonat ejus, quod convenit haberi, vel quod putatur conveniens, & ex hac privatione est dolor. Postea dicit quod providentia universaliter est omnium entium, unde ait, *& nihil existentium est improvisum*, idest providentia divina omnia entia sub se complectitur. In fine c. 9. Angelicæ Hierarchiæ: Unde est omnis rei principium, & providentia, & infra: *ipsa quidem una universorum altissima providentia.*

Idem etiam patet ex ratione providentiæ, quam ponit Johannes Damascenus lib. 2. cap. 29. quam etiam supra posuimus; similiter ex ratione Boetii. Idem patet ex hac: vult B. Dionysius, quod malum in quantum malum non subit providentiæ, quia providentia tantum entium est, sicut patet ex rationibus ejus; dicitur tamen malum multipliciter, ut Philosophi determinant, & ut habetur 4. libro Johannis Damasceni cap. 11. & ut determinavimus in prima parte hujus operis cap. 3. unde hic obiter transimus; hoc adjicientes, quod B. Dionysius ait post verba prædicta: *Sed & factis mali benigne providentia utitur, ad utilitatem aut aliorum, aut propriam*, supple ipsorum qui male faciunt; vel etiam ratione ipsorum bonorum, si-ve electorum; *hoc autem facit vel indulgendo si pœnitent, vel puniendo si pœnitere contempserint, in uno clemens, in alio justus, in uno contra desperationem, in alio contra presumptionem, cum subditur; ut diligentibus Deum omnia cooperentur in bonum: & verum sit, quod dicitur Psalm. 24. v. 10. Universa via Domini misericordia, & veritas*, si-ve justitia; & omnis fortuna utilis sit vel justa; & sic est verum, quod Boetius ait: *Ordo enim quidam amplectitur cuncta, ut quod ab assignata ordinis ratione discesserit, hoc licet in alium tamen ordinem relabatur, ne quid in regno providentiæ liceat temeritati;* unde dicit in alium, non enim

(54) Adis Dionysium Petavium Lib. viii. Cap. I. seqq. Theologorum Dogmatum. Tom. I.

(55) Eodem recidunt, quæ tractat Titus Bostrensis Lib. De Provid. apud Johan. Damasc. in Eclogis. „ Non oportebat, ut „ videtur pervia omnibus esse divinorum operum argumenta, ne „ que sermone, ac comprehensione omni majorem mentem peni- „ tus esse manifestam hominibus: quandoquidem regis etiam ho- „ minis, & magistratus interdum pleraque sunt occulta consilia;

„ adeo quod geritur obscurum sit qua ratione geratur. Quocir- „ ca mirum non est, si homines non omnino capiunt rationem di- „ vine administrationis, quibus conveniens est absque ulla curio- „ sitate, cedere, ac quiete sese continere, nec inexplicabili gu- „ bernationi illi resistere &c.

(56) Consultor Lactantius Lib. De Ira Dei Cap. xiii. Viden- di quoque Dionysius Petavium Lib. viii. Theolog. Dogmat. Cap. v. Tomo I. Theolog. Dogmat. Et Croufazius Contra Balium.

enim habet ordinem in se, sed est ejus privatio, imo extra se; quo ordine dicitur ordinatum esse ad misericordiam, vel justitiam. Item ad certos fines, quibus Dei providentia in regno suo illud perinit, & sic quoad providentiam nihil temere in hominibus fit, sed certo, & recto fine; unde Augustinus in libro de Correctione & Gratia: *Usque adeo electis omnia cooperantur in bonum, ut si qui eorum deviant, hoc ipsum eis cedat in melius, quia humiliores redeunt atque doctiores, ut Petrus*; illa etiam mala, quæ ab iniquis fideles pii perferunt, ut ait Augustinus in libro de Trinitate, ipsis utique profunt, vel ad delenda peccata, vel ad exercendam, probandamve justitiam, aut etiam demonstrandam, ut habetur 2. lib. sententiar. dist. 47., & 4. libro dist. 15. hoc etiam quod Boetius ait, ut supra posuimus, *sola enim est divina vis* &c.

Sequitur in verbis Dionysii: *Et proprium unumquodque existentium providet*, quasi dicat, non solum omnia in universo providendo disponit providentia Dei, sed etiam providet proprium, idest provide gubernat, administrando singulis propria, quæ congruunt eis, ut habetur 8. cap. de divinis nominibus ut supra posuimus; *omnia enim divina justitia* &c. Solvit etiam illam quæstionem vanam; Quare non fecit nos Deus tales, quod nullo modo peccare possemus; dicit enim: *Non est providentiæ corrumpere naturam*, quasi dicat, cum homo de natura sua sit liberi arbitrii, non est providentiæ divinæ ipsum in homine destruere, sed potius servare.

Si autem dicas, quod ex hoc multa contingunt; Respondeo illud, quod præcessit: *Sed & factis malis* &c. hoc etiam patet supra, ubi congregavimus rationes Boetii super hoc articulo, cur existente providentia, mala esse permittuntur in mundo: tamen Philosophi ad hoc respondent, ut patet in Metaphysica Avicennæ lib. 9. dicit enim, quod malum in mundo minimum est respectu boni, & hoc verum est, minima enim pars est homo respectu ipsius universi, esse minimum ei est, quid est universitas animalium cum homine respectu ipsius universi? Isaia 40. v. 15. *Ecce gentes quasi stilla situlae*. Mi-

nima ergo, & modica sunt mala quæ in his sunt, (57) comparatione bonorum universi esse.

Similiter respondendum est ad vanam quorundam quæstionem, quare non fecit Deus ignem talem, quod non combureret vestes pauperis, aut pluviam, quæ non dirueret domum viduæ, aut aquam, quæ immersum non exstingeret?

Ad hoc dico illud Dionysii: *Non est providentiæ* &c. hoc enim esset facere ignem non esse ignem, vel aquam aut pluviam, quæ non esset aqua vel pluvia.

Præterea ut dicit Philosophus; non fuit sapientiæ divinæ dimittere utilitates communes propter privatas, non enim esset bonum hoc facere.

Præterea, five multa, five pauca essent mala, five culpæ, five pænæ ea patet ad esse utilia, & ordinata aliquomodo, & sic cadent sub providentia per accidens teste Philosopho; sicut etiam mala, per accidens esse dicuntur sæpe a B. Dionysio cap. 4. de divinis nominibus circa finem, ubi dicit: *Malum omne ponendum est secundum accidens, & propter aliud, & non ex proprio principio*, scilicet malo, sed ex opposito suo quodammodo, scilicet indirecte; unde parum supra dixerat: *Omnium malorum principium, & finis erit bonum, principium*, scilicet effectivum, per accidens tamen; unde subdit: *etenim boni gratia sunt omnia*, & quæcumque bona, & quæcumque contraria. Finis etiam erit bonus, idest finalis causa; unde subdit: *Etenim ista facimus, bonum desiderantes*: bonum autem dicit bonum oppositione agentis, ut patet ex litera sequenti; bonum ergo apparens finaliter commovet, finis autem providentiæ ut præostensum est, est existens bonum.

His visis notandum, quod cura duplex est, scilicet absoluta, & comparativa; absolutam habet Deus curam de rationali creatura, comparativam vero de inferioribus, ista in quantum ad illam sunt in adjutorium ejus. De prima cura dicit Apostolus referens Deuter. 25. v. 4. *Non alligabis os bovis trituranti*. 1. Corinth. 9. v. 9. *Numquid de bobus cura est Deo?* supple absoluta, quasi dicat non, sed comparativa: unde & subdit v. 10. *An propter nos utique dicit? Nam propter nos scripta sunt*,

S s s

quo-

(57) Hoc illud est præcipuum argumentum, quo Epicurei primum, tum Manichei conati sunt providentiam tollere. Cum enim mala esse cernerent in natura, quæ, illorum quidem sententia, si Deus prospiceret rebus omnibus, non contingerent; primi quidem certe nihil Deum curare, postremi vero principium, nescio quod malum, hæc quæ sub adspectum cadunt omnia moliri, atque disponere censuerunt. Verum cum satis constet hanc tam admirabilem orbis universi molem tam affabre elaboratam, tantoque partium suarum concentu, atque ordine moveri non potuisse, neque diu consistere, nisi præstantissimæ mentis accederet, eamque regeret, ac moderaretur providentia; non erit cur nos argumentum *De Origine mali* transversos agere ulla ratione possit. Fac enim ignoremus qua ratione malum permittatur a Deo, an inde sequatur, ut funditus tolli debeat providentia? Quot sunt in? rerum, natura res, quot phænomena, quorum nos fugit origo? Sin autem nos prætereunt, quæ necessitate quadam naturæ contingunt, neque tamen inferre quisquam potest, aut naturam non esse, aut nullam esse rerum ejusmodi causam, quid est, quod si ignoramus Dei consilia, quæ libera sunt, concludere nobis liceat, Deum ipsum neque nostra omnino curare, neque posse nobis opem intendere, neque velle? An ergo quia minui quidam Philosophi contra *continui divisibilitatem in infinitum*, multa opponunt, quæ solvi *ἀποδιμνῶς* nequeant, tutiles esse ac vanas colligemus demonstra-

tiones eas, quibus evincitur corporis *in infinitum divisibilitas* plane ad veritatem? Quod si hoc consequens non videtur; multo minus ex origine mali, quam nos assequi minime possumus, concludere quisquam poterit demonstrationes, quibus providentia ostenditur haberi numero σοφισμάτων oportere. Actum profecto esset, si hæc ratio argumentandi valeret, non de providentia solum, sed etiam de causis inferioribus rerum; cum earum effecta explicare nequeamus. Neque enim percipere animo possumus cujusmodi sit actio duorum corporum, quarum unum versus aliud fertur. Nullam habemus vis illius notionem, quæ illa ciet, aut modi, quo ab uno in aliud corpus transfertur, aut cur tandem ipsa cesset agere. Mysterium hoc quiddam est, quod nostram vim, notionemque excedit, ac superat. Quid? ratio, quæ animus movet corpus comperta ne nobis est? Neque Harmonia præstabilita Leibnizii, neque ullum aliud Systema rem tantam, tamque difficilem explicare potest. Itaque, ut sapienter animadvertit Muschenbrochius in *Spec. Phys. Præf. pag. 17. Edit. an. 1739.* fateamur necesse est, nostram mentem, atque cognitionem multo, quam ipsi existimare possumus, esse limitatorem. His autem ita constitutis, dari etiam ratio aliqua potest, cur Deus mala permittat. Cum enim omnipotens, summaque sapientia præditus sit, novit ipse quæ bona possit ex malorum permissione elicere.

quoniam debet in spe qui arat arare: qui triturat, in spe fructus percipiendi. Contra destruentes curam, & providentiam Dei loquitur David dicens Psalmo 93. v. 8. *Intelligite insipientes in populo: & stulti aliquando sapite.* [v. 9.] *Qui plantavit aurem non audiet? aut qui finxit oculum non considerat?*

Ad quæ verba quidam pessime respondent dicentes: qui fecit os non comedit; aut qui fecit pulmonem non vociferat?

Ad quod dicimus: Non fuit intentio Prophetæ in verbis illis ostendere Deum uti materiali sensu, idest visu, vel auditu, sed potius intellectu contra vanas eorum cogitationes de Deo; putabant enim Deum ignorare hæc infima propter inordinationem actuum omnium, & mala quæ in mundo hoc abundant; visum enim est eis minus inconveniens ponere in Deo sensibilibus ignorantiam, quam impotentiam cohibendi mala: aut invidiam; si enim ponatur posse scire hæc mala, sed impedire non velle, videtur esse in eo invidia; sicut enim fieret in aliquo, qui potest alii benefacere, & scit quia indiget, sed propter invidiam non benefacit ei; unde ait v. 11. *Dominus scit cogitationes hominum, quoniam vanæ sunt.* Et quoniam isti sensus maxime via sunt ad scientiam intellectivam, ideo per eos intimare voluit, eam in omnium causa per causalitatem, sive comparisonem organorum ostendere, quod non caret scientia sensibilibus, quæ per illa organa apprehenduntur, sicut illi male putabant: nullus enim operator alicujus instrumenti faceret instrumentum illud, nisi adverteret ad quid esset; quod autem mala permittat, cum sciat, & possit cohibere, non est ad invidiam, ut ante dictum est.

C A P. XII.

De honore Parentum, & Eleemosynæ pauperum.

Sequitur duodecimum caput de hoc mandato: Exodi 20. v. 12. *Honora Patrem tuum, & Matrem tuam, ut sis longævus super terram, quam Dominus Deus dabit tibi.* Ubi sciendum, quod ibi ponitur species pro genere, Pater scilicet, & Mater pro quolibet proximo, & honor pro omni eo, quod proximo fieri debet, alioquin non esset sufficiens numerus mandatorum; non solum enim debemus honorare Patrem, & Matrem, sed etiam alios homines: unde 1. Petri 2. v. 17. dicitur: *Omnes honorate.* Item Paulus Rom. 12. v. 10. *Honore invicem prævenientes.* Et quia non solus honor debetur proximo, ideo Apostolus Roman. 13. v. 7. ait: *Reddite ergo omnibus debita, cui tributum, tributum: cui vestigal, vestigal: cui timorem, timorem: cui honorem, honorem.*

Circa hoc mandatum primo inquirendum est, an intelligatur tantum de honore temporali, & parentibus carnalibus, an tantum spirituali, & parentibus spiritualibus, an simul de temporalibus, & spiritualibus?

§. I.

Quomodo intelligendum sit illud mandatum.

Primum igitur quæro, quare potius mentionem fecit de Patre, & Matre, quam de aliis personis, cum alias personas debeamus honorare, ut patet ex verbo Petri?

Si dicat: ideo hoc fecit, quia magis debemus honorare parentes, sicut verum est; habeo duo, scilicet, quod temporalis honor de imperio sancti Dei est, quod est contra ponentes duo principia. Item habeo, quod Patri, & Matri obligatus sum a Deo Sancto exhibere honorem, quia Pater & Mater carnalis est, idest quia me carnaliter genuerunt; ergo carnalis generatio non est contra Deum; quia si esset contra eum, numquam propter hanc præciperet, quod Patri, & Matri exhiberem honorem. Si autem intelligitur de utroque, eadem est objectio. Si autem de spirituali tantum, ergo non teneor honorare temporaliter parentes carnales ex Dei mandato, quod manifeste falsum est.

Præterea, Matth. 15. v. 3. Dominus dicit Pharisæis: *Quare & vos transgredimini mandatum Dei propter traditionem vestram?* & ostendit, quod transgredierentur, cum subdit v. 4. *Honora Patrem, & Matrem; Et qui maledixerit Patri vel Matri, morte moriatur.* Exodi 20. v. 12. Item 21. v. 16. *Qui maledixerit Patri suo vel Matri, morte moriatur.* Ex verbis istis quæ alibi non reperiuntur tunc dicta, nisi in Veteri Testamento, patet, quod ipsa non intelliguntur, nisi de Patre, & Matre carnali.

Præterea idem patet ex Marc. 7. v. 10. qui dicit: *Moses enim dixit: Honora Patrem tuum, & Matrem tuam.*

Præterea, si de Patre spirituali sit ibi fermo. Quis est Pater spiritualis? Si Deus: contra: Nonne dicitur ibi, quod Deus dixit: *Honora Patrem &c.* Ergo Deus non est ipse Pater de quo ibi loquitur.

Præterea, ibi dicitur Marci 7. v. 11. *Vos autem dicitis: Si dixerit homo Patri aut Matri: Corbar (quod est donum) quodcumque ex me, tibi profuerit [v. 12.] Et ultra non dimittis eum quicquam facere Patri suo, aut Matri.* Si dixerit, supple benedicit; constat, quod ista verba: *Si dixerit homo Patri, aut Matri &c.* non intelligantur nisi de Patre, & Matre carnali, non de Deo; Pharisei enim ista verba non docebant dici Deo; sed Patri, & Matri carnali a filiis.

Præterea ex eo, quod dicunt: *Donum quodcumque est ex me, tibi profuerit,* idem patet; Deo enim nihil potest prodesse, quia nullo indiget.

Si autem dicat, quod Pater spiritualis est Prælati, Mater vero Ecclesia: Contra: numquid tunc erat Ecclesia? Non, secundum vos Catharos; nondum enim erat, ut creditis, spiritus datus; ergo nondum erat Pater, aut Mater spiritualis; venit ergo pro Patre, & Matre carnali, & ita honor

venit pro honore temporali, qui consistit non tantum in salutando, aut reverendo, sed etiam in subveniundo temporaliter; sicut etiam in 1. Timoth. 5. v. 3. *Viduas honora; quæ vere viduæ sunt*; idest tribue eis necessaria de bonis Ecclesiæ. Similiter Proverb. 3. v. 9. *Honora Dominum de tua substantia, & de primitiis omnium frugum tuarum*. Hæc est illa sententia de qua dicitur 1. Jo. 3. v. 17. *Qui habuerit substantiam huius mundi, & viderit fratrem suum necesse habere, & clauserit viscera sua ab eo: quomodo charitas Dei manet in eo?*

Præterea, 1. Timoth. 5. v. 17. *Qui bene præsunt Presbyteri, duplici honore digni habeantur*. Quis est ille duplex honor, nisi unus temporalis, & alter spiritualis? igitur licet pater veniret pro spirituali patre, idest Prælato, nihilominus honor veniret, non tantum pro spirituali, sed etiam pro temporali honore.

Præterea, si ille duplex honor spiritualis est, & qui bene præest eo dignus est; ergo melior est. Est igitur dignus majori mercede spiritualium, non ergo mercedes erunt æquales.

§. II.

De Eleemosyna pauperi exhibenda.

Postquam vidimus de intelligentia illius mandati, videamus de eleemosyna pauperi exhibenda, quæ in illo mandato videtur esse præcepta, quam quidam hæretici, scilicet Cathari negant utilem esse (1) illis, qui sunt mali. Sed contra legitur Daniel. 4. v. 24. quod Daniel dixit Nabuchodonosori: *Peccata tua eleemosynis redime, & iniquitates tuas misericordiis pauperum*. Ubi patet, quod de materiali eleemosyna, & materiali misericordia loquebatur, quia Nabuchodonosor non erat spiritualis, sed totaliter temporalis: Ecce quod eleemosyna valet ei qui facit, etiam si malus sit.

Item Lucæ 11. v. 41. *Verumtamen, quod superest, date eleemosynam, & ecce omnia munda sunt vobis*: & dicit unde debeant dare, cum ait, *quod superest, date eleemosynam*, idest de superfluo, temporali; quia ibi loquebatur Dominus Phariseis qui mali erant. Item 14. v. 12. dixit Jesus quibusdam, qui invitati erant a Phariseo, qui mali erant: *Cum facis prandium aut cœnam, noli vocare amicos tuos, neque fratres tuos, neque cognatos, neque vicinos divites: ne forte te & ipsi reinvitent, & fiat tibi retributio*; [v. 13.] *sed cum facis convivium, voca pauperes, debiles, claudos, & cecos* [v. 14.] *Et beatus eris, quia non habent retribuere tibi: retribuetur enim tibi in resurrectione justorum*. Constat autem, quod loquitur de materiali prandio; ad spirituale enim maxime vocandi essent amici, fratres, & cognati, & vicini, & bonum esset intendere reinvitari ab illis spiritualiter.

Item Lucæ 16. v. 9. dixit Christus: *Facite vobis*

amicos de mammona iniquitatis, ut cum defeceritis, recipiant vos in aterna tabernacula.

Item Lucæ 19. v. 8. Zachæus dixit ad Dominum: *Ecce dimidium bonorum meorum Domine do pauperibus: & si quid aliquem defraudaui, reddo quadruplum*. [v. 9.] *Ait Jesus ad eum: Quia hodie salus domui huic facta est*.

Item Act. 10. v. 4. Legitur de Cornelio, quod dixit ei Angelus Domini: *Orationes tuæ, & eleemosynæ tuæ ascenderunt in memoriam in conspectu Dei*. Numquid iste adhuc erat bonus homo, scilicet Christianus verus & Sanctus? Non, secundum te, quia tantum postea ad verbum Petri cecidit Spiritus Sanctus super eum, ut dicitur in eodem cap. v. 44.; & tamen eleemosynæ ejus Deo placuerunt, ut patet ex textu.

Sunt autem qui putant eleemosynam materialelem utilem esse bonis viris, sed si detur bonis, aliis autem numquam darent nisi propter vitandum scandalum, quia non est meritorium dare illis, qui mali sunt.

Contra hoc obijcitur illud, quod habetur Lucæ 6. v. 33. *Et si benefeceritis his, qui vobis benefaciunt: quæ vobis est gratia? Si quidem & peccatores hoc faciunt*. [v. 34.] *Et si mutuum dederitis his a quibus speratis recipere: quæ gratia est vobis? Nam & peccatores peccatoribus sœnerantur, ut recipiant aequalia*. [v. 35.] *Verumtamen diligite inimicos vestros: benefacite, & mutuum date, nihil inde sperantes: & erit merces vestra multa, & eritis filii Altissimi; quia ipse benignus est super ingratos & malos*. Ecce quod meritorium est benefacere, & mutuum dare inimicis. Simile hujus habetur Matth. 5. v. 42. & seq. Constat autem, quod non loquitur hic de mutuo spirituali; ergo loquitur de temporali beneficentia: quod autem loquatur de mutuo temporali habetur ibidem.

Ad idem facit illud ad Galatas 6. v. 10. *Ergo dum tempus habemus, operemur bonum ad omnes, maxime autem ad domesticos fidei*. Hoc autem dixit arguendo ex eo, quod præcesserat, ubi locutus fuerat de semine v. 8. nec dubium quin de materiali, ut patet 2. Corinth. 8. per totum cap. ut etiam dictum est in secunda parte hujus operis cap. 3.

[*] Idem etiam patet eo, quod ibi dixerat Apostolus ad Gal. 6. v. 6. *Communicet autem is, qui catechizatur verbo, idest qui instruitur, ei, qui se catechizat, in omnibus bonis, idest de ipsis quæ habet*; quod exponit Apostolus 1. Corinth. 9. v. 11. *Si nos vobis spiritualia seminavimus: magnum est, si nos carnalia vestra metamus?* De ista autem communicatione laudat Apostolus 2. Corinth. 8. v. 4. Ecclesias Macedoniæ dicens: *Cum multa exhortatione obsecrantes nos gratiam, & communicationem ministerii, quod fit in Sanctos*. De qua communicatione Rom. 15. v. 26. *Probaverunt enim Macedonia, & Achaja, collationem aliquam facere in pauperes sanctorum, qui sunt in Jerusalem*. [v. 27.] *Placuit enim eis: & debitores sunt eorum. Nam si spiritualium eorum participes facti sunt Gentiles: de-*

S s s 2

bent

(1) Catharis vitio dabat Raynerus Sachonus *In Summ. de Catharis*, quod non largirentur pauperibus eleemosynam. Apud Martenium in *Extremo v. Tomo Thesauri Anecd. dot.*

[*] Quæ duobus asteriscis complexi sumus, desunt e *Codice Be- noniensis*.

bent & in carnalibus ministrare illis. De hoc autem dixit Galat. 6. v. 9. *Bonum autem facientes non deficiamus; tempore enim suo metemus non deficientes.* Quod autem sit illud bonum, dicitur 2. Corint. 9. v. 8. . . . *Abundetis in omne opus bonum [v. 9.] sicut scriptum est: Dispersit, dedit pauperibus: & ex illo verbo metemus &c.* Concludit: *Ergo dum tempus habemus, operemur &c.* de hoc autem habetur 3. cap. 2. partis.

Ad idem etiam valet illud Lucæ 14. v. 12. *Cum facis: prandium &c.* ut supra. [*]

Item Rom. 12. v. 20. *Sed si esurierit inimicus tuus, ciba illum: si sitit, potum da illi.* Hoc autem non intelligitur de esurie, & siti spiritali, idest de esurie, & siti iustitiæ, quia talis non esset inimicus; ergo intelligitur de materiali, & ita utilis est eleemosyna malis facta, & eis facienda est secundum doctrinam Apostoli.

Quod autem eleemosynæ a nobis factæ bonis valeant, patet 2. Corint. 8. & 9. Item Galat. 6. v. 10. *Ergo dum tempus &c.*

Item Act. 9. v. 36. *In Joppe autem fuit quædam discipula nomine Tabitha, quæ interpretata dicitur Dorcas. Hæc erat plena operibus bonis, & eleemosynis quas faciebat &c.* Item Act. 24. v. 14. *Confiteor autem hoc tibi, quod secundum sectam, quam dicunt hæresim, sic deservio Patri Deo meo &c.* & v. 17. *Post annos autem plures, eleemosynas factururus in gentem meam veni, & oblationes, & vota.*

Item 1. Johan. 3. v. 17. *Qui habuerit substantiam mundi, & viderit fratrem suum necesse habere, & clauserit viscera sua ab eo: quomodo Charitas Dei manet in eo?* Quod autem sequitur ex his, habetur 3. cap. 2. partis hujus operis.

CAPUT XIII.

De isto mandato: Non occides; & unde probent Hæretici persecutionem, & vindictam esse illicitam.

Nunc ad decimum tertium caput veniamus ad tractandum de hoc mandato: Non occides; & quia occisio persecutionis species est, prius videntum est de persecutione in genere; tripliciter autem persequitur quis alium, scilicet in re sua; de

ista persecutione agitur in illo mandato *Non furtim facies*. Est etiam alia persecutio, qua quis alium persequitur lædendo ejus famam, scilicet maledicendo ei, vel de eo; de hoc dictum est 5. cap. hujus quintæ partis. Est etiam alia persecutio circa personam, cum aliquis alium personaliter affligit, vel de loco ad locum fugando, vel verberando, vel incarcerando, & maxime vitam corporalem ei tollendo. Dividitur autem hoc caput in duas principales partes. In prima ponuntur versutiæ eorum, quibus suadere nituntur non esse licitum alicui alium persequi in nullo casu: in secunda autem parte rationibus verissimis ostendemus contrarium.

PARS PRIMA.

§. I.

Unde probent hæretici, persecutionem & vindictam esse illicitam. (1)

Sciendum est igitur, quod hæretici Ecclesiam Dei, quæ est Ecclesia Romana, accusant de persecutione, dicentes (2) ipsam facere persecutionem, cum passura sit, non factura. Quod autem Ecclesia Dei non sit factura persecutionem alicui, volunt habere ex eo, quod nec Christus nec ejus discipuli inveniuntur fecisse persecutionem, sed potius sustinuisse; fugabantur, non fugabant; flagellabantur, non flagellabant; incarcerabantur, non incarcerabant; e contrario autem Ecclesia Romana, ut dicunt, se habet, quia expellit, & non expellitur, & sic de aliis.

Solutio: Non est necessaria persecutio ad salvationem; tamen quod Ecclesia Dei sit passura persecutionem concedo, sed non semper, nec ubique, nec hoc poteris ostendere o hæretice aliquo testimonio; alioquin si quis esset conversus ad Christum, quando, vel ubi talis persecutio non esset, non esset passurus persecutionem, igitur non esset salvus.

Præterea, si quis ad te converteretur, & statim moreretur, non esset salvus, quia nullam persecutionem habuisset.

Item, si persecutio necessaria esset ad salvationem, Apo-

(1) Nollent hæretici plerique omnes Ecclesiam uti vi ad compellendos ad veritatem amplectendam eos, qui a vera religione exierunt. Donatistæ atate Augustini in hoc errore versabantur, ut ex Augustino ipso liquet *Epistola cxxxv. Cap. v. n. 19.* Ceteri Arii, & Valenses deinde, ut ex hoc Monetæ loco plane constat, quod se ab Ecclesia, ut in bonam frugem converterentur, vexatos cernerent, Donatistarum probavere sententiam. Quare mirabile videtur non debet, si hæretici hujusce temporis, iique imprimis, qui Remonstrantium sectam colunt, aut qui pulsi e Gallia jussu regis Christianissimi Ludovici XIV. fuerunt, cum alia pleraque Catharorum portenta, & monstra opinionum probent, hoc item amplexi sint, quod est contra justam punitionem hæreticorum. Ita factum est, ut post antiquiores, aliquot, a majoribus nostris vi summa argumentorum exagitatos, recentiore memoria prodierint aliqui, qui totis voluminibus Catholicos omnes conderent, quod ius Ecclesiæ suæ putarent esse, hæreticos vi ad veritatem amplectendam adigere. Ac præter Johannem Clericum in *Not. ad Opera S. Augustini*, Barbeyracium in *Tract. de Morali Patrum Cap. xii.* Noodtium in *Orat. de Tolerant.* Petrus Bælius fusissime, copiosissimeque, sed impie tamen, ut solet, hoc de argumento dis-

seruit. In *Commentar. Philosophico in verba Christi: Compelle intrare &c.* Verum erit cur rationes horum hæreticorum, ubi commodum cadet, solide, accurateque retellamus.

(2) Simile quidpiam objecerunt Catholicis Donatistæ; apud Augustinum *Epist. cxxxv. ad Bonifacium Cap. v. n. 19.* Non discrepant juniores hæretici. Barbeyracius *Tract. de Morali SS. Patrum Cap. xii. §. viii.* Rogo, inquit, a Cellerio jure ne Dominus noster Jesus Christus discipulis suis minus adhuc illuminatis, negaverit, quod petebant, ut illis facultatem tribueret faciendi, ut ignis e calo descenderet, & consumeret Samaritanos, genus hominum hæreticum, & Schismaticum? Verum juxta rationem dicendi Sancti Gregorii, & Censoris mei, hoc erat considerare dogmata cultumque Samaritanorum, ut verum, immo, ut veriore cultu judæorum, quin potius, absolute loquendo, ut solum verum. Verum tam longe Servator ab hac cogitatione aberat, & a spiritu intolerantiae, ut eos hac censura acriter damnaverit aque forti, atque suavi. Nescitis cujus spiritus estis; Filius hominis non venit animas perdere, sed salvare. *Luc. xii. Cap. v. 54. seqq.* Similia habent Bælius, ceterique, quos supra commemoravi.

Apostolus male fecit, quando rogabat pro pace Ecclesiæ 1. Timoth. 2. v. 1. *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus.* (v. 2.) *Pro Regibus, & omnibus, qui in sublimitate sunt: ut quietam, & tranquillam vitam agamus* (3) *in omni pietate, & castitate.* (v. 3.) *Hoc enim bonum est, & acceptam coram Salvatore nostro Deo.* Istud autem testimonium discutietur in secunda parte hujus capituli. Ista etiam pax aliquando, & alicubi futura ipsi Ecclesiæ prophetata fuit per Isaiam cap. 11. v. 9. *Non nocebunt, & non occident in universo monte Sancto meo, quia repleta est terra scientia Domini.*

Item Isaiæ 35. v. 8. *Et erit ibi semita, & via, & via sancta vocabitur* (v. 9.) *Non erit ibi Leo, & mala bestia non ascendet per eam, nec invenietur ibi.* Et loquitur pro tempore adventus Christi, in quo Ecclesiam vidit in spiritu aliquando, & alicubi habituram pacem. Quod autem pro tempore postquam Christus venit loquatur Isaias, patet eod. cap. v. 4. *Deus ipse veniet, & salvabit nos &c.*

Item Isaiæ 60. & 62. idem patet, ibi enim agitur de pace Ecclesiæ. Valent autem ista testimonia contra pauperes Valdenses, & contra ponentes duo principia.

Item, quidam inducunt ad probandum persecutionem non fore necessariam ad salutem, quod habetur Act. 9. v. 31. *Ecclesia quidem per totam Judæam, & Galileam, & Samariam habebat pacem.*

Contra hoc inducunt illud, quod dicit Apostolus 2. Timoth. 3. v. 12. *Et omnes qui pie volunt vivere in Christo Jesu, persecutionem patientur.*

Item Act. 14. v. 21. *Et quoniam per multas tribulationes oportet nos intrare in regnum Dei.*

Solutio: Licet omnes qui pie volunt vivere in Christo persecutionem patientur, & licet per multas tribulationes oporteat nos intrare in regnum cælorum, non tamen semper, nec ubique patiuntur eas, nec necessariæ sunt ad salvationem; imo sine eis potest esse salus; alioquin non liceret Ecclesiæ studere, aut velle quod persecutiones non fierent ei.

Præterea, cur laboratis ne persecutiones vobis inferantur, si sunt necessariæ, ut quis salvetur, & non potest aliter salvari?

Forte dicent: Non sunt necessariæ tribulationes ad hoc ut salvetur Ecclesia, sed necessariæ sunt, idest non possunt non evenire.

Quod autem hoc falsum sit, patet, quia illi qui eas inferunt, ex libero arbitrio eas inferunt, non ex necessitate, alioquin si ex necessitate hoc facerent, non peccarent. Potest etiam aliter solvi, & dici, quoniam duplex est tribulatio, & persecutio, scilicet interior, & spiritualis; & exterior corporalis; Ecclesia Dei nunquam est sine tribulatione, vel persecutione hac vel illa, aut enim a dæmonibus tentatur, aut a pravis hominibus impugnatur, vel in re, vel in fama, vel in persona.

Nunc redeamus ad illud quod prius objecit hæreticus dicens: quod Ecclesia Dei non sit factura persecutionem, sed passura: & ostendamus, quoniam & factura sit, & passura persecutionem. In primis autem dicimus, hæreticum contra veritatem fuisse locutum, cum dixit, quod Ecclesia Dei non expellebat, sed expellebatur: constat enim ex verbis Apostoli, quod Christus constituit Pastores in Ecclesia, ut habetur ad Ephes. 4. v. 12. Quomodo autem Pastores essent, si pastorale officium non exercerent. Nonne officium pastorum est expellere lupos a grege suo? Utique; alioquin non pastores, sed mercenarii essent dicendi, teste Domino Jo. 10. v. 12. qui ait: *Mercenarius autem, & qui non est pastor, cujus non sunt oves propriæ, videt lupum venientem, & dimittit oves, & fugit.* Nunquid dices, quod pastor lupum persequitur, quia fugat eum ab ovibus? Non, proprie loquendo; imo potius lupus pastorem persequitur, pastor autem oves suas tuetur. Sed detur, quod persequatur lupum, quia eum expellit: Nunquid etiam lupus ipsum pastorem non persequitur? imo; & non ne vides, quod una harum persecutionum licita est, alia illicita? igitur non omnis persecutio mala: falsa ergo dixisti, dicens, quod Dei Ecclesia expellitur, non expellit.

Item, nonne Matth. 5. v. 29. dicit Dominus: *Quod si oculus tuus dexter scandalizat te, erue eum, & projice abs te.*

Item v. 30. *Et si dextra manus tua scandalizat te, abscinde eam, & projice abs te.*

Item ad Galat. 4. v. 30. *Ejice ancillam, & filium ejus:* ista est vox liberæ: Quid per liberam nisi Ecclesia Dei significatur? Ad Ecclesiam igitur Dei expellere spectat, & ipsa præceptum dat de expulsione

(3) Johannes Clericus, qui sub nomine Pheroponi latere voluit, in suis ad Epistolam Augustini cxxxv. §. 19. *animadversionibus*, infamasse Augustinum, ait, universam Ecclesiam Christianam, antequam essent Imperatores Christiani, graviter semper de persecutionibus, quasi humanitati contrariis conquestam. „ Si enim, inquit, dicamus Christianos antiquiores ea tantum de causis vexationes damnassee, quod in ipsos exercerentur, non in Ethnicos . . . habendi erant antiquissimi Christianæ religionis patroni, callidi dissimulatores; qui tempori dumtaxat serviebant; quam damnarent quasi impia, & inhumana, quæ ipsi libentissime fecissent, si potuissent. Verum vellem attulisset Pheroponus ullum veterum Christianorum testimonium, quo omnem cuiusvis generis in incredulos persecutionem damnaverint. Nam Justinus, Athenagoras, alique, qui pro Christianis ediderunt Apologias, eo damnant persecutiones in Christianos excitatas, quod non justæ essent, sed a calumnia ortæ; Justas autem persecutiones non dimittant. Quamobrem Athenagoras: *τρία, inquit, επισημαίζουσιν ἡμῖν ἐγκλήματα, ἀθεοῦτητα, θυεῖαν*

δειπνα, Οὐδὲ ποδείους μίξεις. ἀλλὰ εἰ μὲν ἀληθῆς παῦσα, μηδενὸς γένους φαισησθαι. &c. Tria rumore quodam sparso nobis tribuuntur flagitia. *Atheismus, Thyesteæ coena, & incerti concubitus: si quidem autem hæc sunt, nulli generi parcite &c.* Quare Athenagoras, ultro tulisset persecutionem, si quæ Christiano excitata fuisset, si Atheismum revera coluisset. Non ergo damnabat justam persecutionem. Multa generis ejusdem offendere quisque potest cum in *Legatione Athenagoræ*, tum in ceteris Christianis Scriptoribus, qui primis tribus Ecclesiæ seculis floruerunt. Itaque Majores nostri conquerebantur, non quod persecutiones sine summo scelere contra naturam, moveri non posse in quemquam censerent; sed quod moveretur in eos, qui veram, sanctamque colerent religionem. Iis enim pax danda erat, ut quemadmodum ait Apostolus, *tranquillam vitam agerent in omni pietate, & castitate.* Adeundus Ludovicus Antonius Muratorius Lib. 11. *De Moderat. Ingenier. Cap. x.* ubi copiose de hoc argumento disputat.

ne quorundam, sicut ipse Apostolus docuerat 1. Corinth. 5., & ut verbis B. Augustini utar: *Si bene discutiamus veritatem, magis ancilla persequitur liberam superbiendo, quam libera ancillam coercedo; illa enim Domina facit injuriam, ista imponit ancillæ superbienti disciplinam.*

Præterea, nonne tu hæretice, si quem in tua domo, & in tuo grege habeas, quem lupum existimares, nunquid illum tamen expelleres, & expelli faceres? in quo ergo alium judicas, te ipsum condemnas. Si tu ipse aliquem de domo tua expellis, quare non licebit Episcopo Ecclesiæ Sanctæ de domo Dei, idest de Ecclesia lupos repellere?

Ad aliud autem quod dixisti, quod Ecclesia Dei flagellanda sit, & non flagellatura; & quod Ecclesia Dei flagellabatur, & non flagellabat.

Respondeo: Nonne tibi videtur Christum membrum fuisse Ecclesiæ? Utique; caput enim est Ecclesiæ, unde 1. Corinth. 12. v. 27. dicit Apostolus eis: *Vos autem estis corpus Christi, & membra de membro.* Et nonne istud membrum quod est Christus, Johannis 2. v. 15. flagello facto de funiculis (4) quosdam de templo ejecit? Hic habes, quod Ecclesia, & ejiciebat, & flagellabat; falsum igitur dixisti dicens, quod Ecclesia Dei neminem flagellabat, & quod neminem flagellatura sit. Exemplum enim dedit Christus Pastoribus, ut sicut tunc ipse & verbis, & verberibus de templo materiali illos ejecit; ita & pastores verbis, & verberibus utantur contra illos. Quod autem illud materialiter factum sit, evidens est in quarta parte hujus operis in cap. de Deo Veteris Testamenti in fine cap.

Adhuc objicit hæreticus illud Johannis 20. v. 21. *Sicut misit me Pater, & ego mitto vos?* quod autem illis dixit, omnibus personis Ecclesiasticis dixit; ergo sicut Pater misit Christum ad persecutiones sustinendas, non inferendas, ita Christus misit discipulos, & eorum successores.

Solutio: Verum est, quod Christus a Patre missus est ad persecutiones sustinendas; quod autem dixisti non faciendas, dico quod falsum est: nonne tibi videtur, quod Christus improbos mercatores de templo expulit flagello facto de funiculis? nonne mensas eorum, ubi nummos tenebant, evertit, &

eos durissime increpavit? Nonne talia facere persequi est? Utique: nisi velis persecutionem arctare ad persecutionem injustam: est enim persecutio justa, & injusta; justa est quam facit Ecclesia inimicis fidei Christianæ, ut ab errore discedant, & alios in errorem non mittant. De ista persecutione dicit B. Augustinus (5) ad quemdam hæreticum: *Dic mihi; cujus vox est ista: (Psalm. 100. v. 5.) Detrahentem secreto proximo suo, hunc persequer bar.*

Item Psalm. 17. 2. 38. *Persequar inimicos meos, & comprehendam illos: & non convertar donec deficiant?* Constat quod vox Christi est loquentis in Psalmo illo. *Diligam te Domine &c.* sicut patet ex fine Psalmi, ubi Christus in propria persona dicit v. 50. *Propterea confitebor tibi in nationibus Domine, & nomini tuo cantabo,* ut dicit Apostolus Roman. 15. v. 9.

Est etiam persecutio injusta, quam impii faciunt Ecclesiæ Christi, quorum etiam illa vox est Psal. 70. v. 11. *Persequimini, & comprehendite eum: quia non est qui eripiat;* de quorum etiam persecutione Ecclesia ait ad Dominum: *inimici persecuti sunt me, adjuva me:* invenio igitur persecutionem pati bonos a malis, & contra: miseri autem sunt qui propter injustitiam persecutionem patiuntur; beati vero qui propter justitiam, sicut Matth. 5. v. 10. veritas protestatur; Et ideo ut verbis B. Augustini utar (6) *Noli Hæretice persecutiones generaliter arguere, non enim persequor te, nisi eo modo quo veritas persequitur falsitatem; tu vero e converso me persequeris, ut falsitas veritatem;* ex verbis enim Christi in Johanne non habes quod Christus & ejus discipuli ad persecutiones faciendas missi non sint, sed ad eas faciendas missi sunt, sed justas (7), sicut ad injustas missi sunt sustinendas, ut præostensum est.

Inducunt etiam contra Ecclesiam illud quod habetur ad Galat. 4. v. 29. *Sed quomodo tunc is, qui secundum carnem natus fuerat, persequabatur eum, qui secundum spiritum: ita & nunc.* Ex quo volunt habere, quod ordo Romanæ Ecclesiæ sit secundum carnem, non secundum spiritum.

Solutio patet ex jam dictis, in quibus ostenditur,

(4) En, ut coerceri improbi vi possint. Nam si Christus flagellis ejecit e templo nummularios, quod profanare domum Dei viderentur, fuit etiam exemplo Ecclesiæ, ut vi cogeret non credentes ad amplectendam fidem. Præstat autem hoc loco Barbeyracii argumentum notatione secunda propositum refellere. Non nego jure a Christo negatum fuisse Apostolis, quod petebant. Nam si mansuetudine converti ad veritatem Samaritanæ poterant; non erat cur ostentis illos perpetuo perire vellet servator, qui in mundum, ut animos salvaret, descenderat, *Melius est, quidem,* ait Augustinus *Epist. clxxxv. n. 21. ad Deum colendum doctrina homines duci, quam pœne timore vel dolore compelli.* Ceterum rogo: jure ne Deus Petrum exaudierit, dicentem Saphiræ Act. v. 9. *Et ecce pedes eorum, qui sepeliant virum tuum ad ostium, & effrent te.* Nam si ex eo, quod Christus negavit Apostolis facultatem *vocandi ignem e caelo &c.* colligere licuit Barbeyracio, metu non esse trahendos ad fidem hæreticos; licere, concludet alius, morte etiam multare infidelem pervicacem, quod Petri verba exitum divina virtute habuerint. Jam vero multa sunt in Evangelio, quæ ad veritatem plane fudeant, compelli posse, vi etiam adhibita, ad veritatem hæreticos. Sed hæc opportune alio loco a nobis discutientur.

(5) Ex Epistola xciii. laudat Augustini locum *Vide Tom. II. Opp.*

(6) Augustinus *ibid.*

(7) Non probant hæc hæretici. Sed injuria. Scite Augustinus: *Ipse Dominus, inquit, ad magnam cœnam suam prius adduci jubet convivas, postea cogi. Nam cum ei servi sui respondissent: Domine factum est quod jussisti, & adhuc est locus: Exite, inquit, in vias, & sepes, & quoscunque inveneritis, cogite intrare.* In illis ergo, qui leviter primo adducti sunt, completa est prior obediencia; in istis autem, qui coguntur, inobediencia coercetur. Nam quid est cogite intrare; cum primo dictum esset, adducite, & responsum esset, factum est quod jussisti &c., Petrus Bælius *In Comment. Philosoph. in verba Christi: Compelle intrare. Tom. I. Cap. I.* ut hoc testimonium Scripturæ eludat, *literali sensu intelligi illud non posse contendit. 1. quod regula explicanda Scripturæ sit ratio; rationi autem dissonum sit, vim cuiquam ad religionem quampiam tuendam inferre.* Nam, ut ille ait, *in spiritus actionibus consistit adoratio: quare via inspirandi religionem, est producere in animo fidem, & amorem.* Negari autem non potest vim non posse hos effectus producere. 2. *Pugnat Spiritum Evangelii sensui literali hujusce textus adversari; quod Character Christi fuerit humilitas, & patientia.* 3. *Sensum literalem hujusce periochæ funditus Ethicam omnem, divinam, atque humanam labefactare.* Verum quæ hæc sint absurda, quamque longe distent a veritate.

tur, quod dupliciter persequitur quis alium, iuste scilicet vel injuste, unde non valet hoc argumentum: qui alium persequitur, est secundum carnem; sed ordo Romanæ Ecclesiæ alium persequitur; ergo est secundum carnem. Si dixisset, omnis qui alium persequitur, est secundum carnem; sed ordo Romanæ Ecclesiæ &c. bene sequeretur; sed hæc est falsa, omnis qui alium &c. nec Apostolus universaliter fuit locutus, sed dixit tantum *is qui*, non dixit *omnis qui* &c.

Præterea, nunquid omnis qui sustinet persecutionem est secundum spiritum? Non: alioquin fures & latrones essent secundum spiritum, frustra igitur dixisset Petrus in cap. 4. Epistola 1. v. 15. *Nemo autem vestrum patiatur ut homicida, aut fur.*

Præterea ex isto Apostoli testimonio patet, quod Isaac secundum spiritum fuit, Ismael vero secundum carnem, & loquitur de Spiritu Sancto; igitur cum dicit Apostolus Rom. 8. v. 5. *Qui secundum spiritum sunt, quæ sunt spiritus sentiunt*; Isaac ille bonus erat, & Deus qui ei loquebatur, cujus præcepto, & promissione natus est ex Abraham.

Item objiciunt illud Matth. 5. v. 10. *Beati qui persecutionem patiuntur propter justitiam*, dicentes, se illos esse.

Solutio: Non patiuntur persecutionem propter justitiam, sed propter hæresim suam, qua & errant, & alios in errorem mittunt.

Præterea, o Cathari dicite mihi, de quibus loquitur Dominus cum dicit: *Beati qui persecutionem &c.* Nunquid de totali homine, scilicet interiori, & exteriori; si hoc est; ergo regnum cælorum est interiorum, & exteriorum hominum; ergo corpora ista intrabunt in regnum cælorum, & resurgent: Si dicatur ad illud de exteriori tantum loquitur, eadem est conclusio. Si tantum de interiori.

Contra: Interior tamen gaudet, secundum quod dicit Dominus Matth. 5. v. 12. *Gaudete & exultate, quoniam merces vestra copiosa est in cælis.*

Item Actor. 5. v. 41. *Et illi (idest Apostoli) quidem ibant gaudentes a conspectu concilii, quoniam digni habiti sunt pro nomine Jesu contumeliam pati.* Et merito gaudet, quoniam extrahitur de carcere; ergo non est ejus persecutio ista, sed exterioris; ergo loquitur de exteriori.

Præterea, nunquid hi qui in carcere aliquo sunt materialiter, & ibi durissime vivunt, dicerent se

persecutionem pati ab his, qui carcerem frangerent, & inde eos liberarent? Constat quod non; ergo bonis hominibus non fuerunt persecutiones, cum de carceribus horum corporum extrahuntur; quia liberantur; ergo cum dicit: *Beati qui persecutionem patiuntur &c.* de totali homine fit sermo, & ita totalis homo beatus erit.

Similiter illud objiciunt Matth. 5. v. 11. *Beati estis cum maledixerint vobis, & persecuti vos fuerint, & dixerint omne malum adversus vos mentientes.* Dicunt enim se ista pati a nobis.

Solutio: In persecutione ista, ut præostensum est, non est considerata tantummodo ipsa persecutio, sed modus, & causa, utrum scilicet iuste, vel injuste, an propter bonam vel malam causam; nos autem si malum de hæreticis dicimus, nec mendaciter illud dicimus, nec propter Christum, idest, quia ipsum credunt, vel ei serviunt, imo propter ipsorum sententiam perfidam de Christo, & de his quæ ad Christum spectant. Videmus autem Christum Matth. 5. v. 22. dicere: *Qui dixerit fratri suo fatue: reus erit gehennæ ignis*; & tamen ipse eos fatuos dixit, cum dicat Lucæ 24. v. 25. *O stulti, & tardi corde ad credendum.* Videmus etiam Paulum Galatas in locis pluribus stultos appellare. 3. enim cap. v. 1. dicit eis: *O insensati Galatæ.*

Item v. 3. *Sic stulti estis &c.* Nunquid propter hoc reus erit gehennæ ignis? Absit; & tamen vituperium eis faciebat, & sic eos persequabatur. Vides ergo, quod non quid fiat semper considerandum est, sed quo animo fiat; ergo non est prohibita persecutio quælibet, sed injusta, vel malo animo facta.

§. II.

Quod liceat malos punire, & ad bonum invitos cogere.

Nunc videamus de vindicta, quæ est una persecutionis species, an licita sit, & maxime de illa quæ fit per gladium. Quod autem vindicta licita sit, patet per illud quod legimus 1. Corinth. 5. v. 5. Paulum quendam Satanæ tradidisse (8) in interitum carnis, ut spiritus ejus salvus esset in die Domini nostri Jesu Christi. De quo testimonio quæro a te. Quid velit ibi Satanam dicere: Invenio

ritate, nemo est, qui non videat. Cetera namque, quæ mox adjungit argumenta, cum ratio postulaverit paucis repellentur. Interea hæc tria discutiamus, breviter quoad ejus fieri potest. Nego igitur Scripturam ratione una explicari oportere. Si ratio iudex Sacrorum Bibliorum constituatur; magna orietur in Ecclesia rerum perturbatio, atque confusio. Quot sunt obsecro inter hæreticos dissensiones? quot Schismata? Tot hæreses sunt, quot capita. Non conitat autem cui sit adiungenda fides; quippe cum universi ad suam provocent rationem. Sed hoc a Nostris Theologis, imprimisque a Bossuetio in *Collat. cum Claudio Ministro Calvinianorum*, copiose tractatum est. Nego rursus rationem cum sensu literali pugnare. Timor enim in causa est, cur sæpe in se ipsos conversi homines ad meliorem se recipiant frugem. Alioquin minæ, terroresque, quos Deus Israelitis incutiebat, rationi fuissent contrarii. Pœnæ, & supplicia, quibus idololatriæ reos Judæos plebabant Principes in Veteri Testamento, rationi fuissent repugnantes, quo quid dici potest obrutius? Contra Spiritum Evangelii pugnare literalem sensum hujusce periochæ.

impium dictum est. Nam, etsi Christus humilitatem, patientiamque coluerit, usus tamen aliquando rigore est, cum ejecit flagello omentes, ac vendentes de templo, quod zelo domus Dei duceretur. Nihil minus evertit, quam Divinam, humanamque Ethicam, hoc genus testimonii; si κατὰ λόγον intelligatur. Nam quod ait, *quod une chose injuste dans d'autres occasions, devient juste, lors qu'elle est faite pour la bonne religion*; Cap. 1v. Si quid probat, evertat necesse est funditus jus Sanguinis, quo fit, ut Principes vim, potestatemque obtineant animadvertendi in cives scelestos. Nam cum Scelus sit quemquam, sine causa interimere; scelus non est cum causa: adeoque res alias injusta, justa fit; cum adest causa.

(8) Rogo, num Bælio auctore moralis divina, & humana everfa a Paulo fuerit? Nam cum tradere Satanæ quemquam sine causa nefas sit; hoc fas tamen fuit in eo experiri, qui in incestum lapsus fuerat. Cum autem falsum sit Paulum Christianam Ethicam evertisse; falsum item erit sensum κατὰ λόγον τῶν ἡμετέρων compelle intrare humanam divinamque Ethicam labefactare.

nio enim Petrum dici Satanam. Matth. 16. v. 23. *Vade post me Satana*: invenio etiam ipsum Diabolum Satanam dici Apocal. 12. v. 9. Nunquid vis dicere quod Petro eum tradidit: hoc stare non potest: si enim illum Petro dedisset, non præcepisset Ecclesiæ, ut eum de medio sui tollerent (1. Cor. 5. v. 2.) nec postea dixisset v. 13. *Auferite malum ex vobis ipsis*. Si autem Satanam vis dicere ibi statum suum pro statu pœnitentiæ, interpretatur enim Satanæ adversarius; quare ergo illum præcepisset abjici, si statui pœnitentiæ tradidisset eum?

Si autem dicis quod tradidit eum Satanæ, idest alicui adversitati corporali, vel ipsi Diabolo propter interitum, idest gravem carnis afflictionem ei inferendam; ipse igitur cum Ecclesia Corinthiorum cum afflixit, & ejiciendo, & corporaliter tribulando; licet ergo Ecclesiæ Dei hoc facere aliis, non tantum sustinere.

Præterea 1. Timoth. 1. v. 20. Apostolus tradidit Satanæ Hymenæum, & Alexandrum, de quibus patet quoniam nec Petro, nec statui pœnitentiæ tradidit eos; in fine enim 2. ad Timoth. 4. v. 15. præcipit Alexandrum vitari; igitur per Satanam intelligitur in Epistola ad Timotheum vel aliqua corporalis adversitas, vel ipse Diabolus; ergo & in Epistola ad Corinthios, & inde ut prius.

Si autem per Satanam sermonem correctionis intelligas, quia vitiis hominis adversatur; non curo; constat enim quod Apostolus tradidit eum in interitum carnis; sed quomodo, nisi eum affigendo in carne: modo quæro, aut ille afflictionem suscepit voluntarie, sicut pœnitens de peccato ad mandatum Apostoli, aut non voluntarie. Primo modo non, quia non præcepisset ejici eum de medio Ecclesiæ, si vellet pœnitentiam agere; afflixit ergo eum in carne vellet, nollet; licet ergo Ecclesiæ affligere, & ejicere aliquos: nec habent propter hoc justam occasionem conquerendi, sicut nec filius de Patre, nec uxor de viro, nec servus de Domino affligente eum, ut compescat eum ab aliquo malo, & cogat ad aliquod bonum.

Præterea, nunquid bonus Satanæ fuit iste, cui Corinthius ille traditus est? si ille Satanæ cui Paulus tradidit illum Corinthium bonus fuit, quia dedit eum illi, ut spiritus ejus salvus sit in die Domini nostri Jesu Christi; ergo & ille qui datus est Paulo, quia propter bonum datus ei fuit, patet ibi: *Et ne magnitudo revelationum extollat me, datus est mihi stimulus carnis meæ, Angelus Satanæ, ut me colaphizet* 2. Corinth. 12. v. 7. Ergo & ille cui ipse tra-

didit Hymenæum, & Alexandrum, ut differrent non blasphemare; quare ergo præcepit Alexandrum vitari?

Item, quod licitum sit cogere aliquos ad bonum, ut vel sic homines saltem coacti convertantur ad bonum, patere potest ex similitudine posita Lucæ 14. v. 17. & seq. ubi legitur quod Rex misit servos suos vocare invitatos ad nuptias, & volebant venire; & ait servo suo: *Exi cito in plateas, & vicos civitatis: & pauperes ac debiles, & cecos, & claudos. Introduc huc*. Et ait servus: *Domine factum est ut imperasti*: & adhuc locus est: & ait Dominus servo: *Exi in vias, & sepes, & compelle intrare, ut impleatur domus mea*. Vides quia de quibusdam dixit Rex iste *introduc huc*; de quibusdam vero dicit, *compelle eos* (9) *intrare*: usus est ergo lenitate primo, secundo severitate, & coactione: Christus autem ait Matth. 22. v. 2. Ecclesiam Dei, quam appellat regnum cœlorum esse similem huic Regi, qui talia fecit; ergo & Ecclesia talia potest facere.

Sciendum autem, quod primum dictum est pro tempore Ecclesiæ adhuc parvulæ, antequam haberet vires compellendi: secundum vero pro tempore quo jam crevit, & habet vires constringendi in campo & fræno maxillas hæreticorum, qui non approximant ad Dominum. De hoc autem adhuc dicemus in sequenti parte hujus capituli.

Item Act. 9. v. 8. Paulus cæcitate percussus est corporaliter, ut per temporalem pœnam converteretur ad Christum veram lucem, ut etiam corporaliter prostratus, spiritualiter surgeret: si pœna non esset, non ab ea postmodum sanaretur: [*] Et quoniam apertis oculis nihil videbat; si eos sanos habebat, cur Scriptura commemorat Act. 9. v. 18. tanquam squammas inde cecidisse, ut posset videre? Vides igitur Christum Paulum prius percussisse, deinde etiam docuisse interius. Exemplum ergo dedit Ecclesiæ suæ in hoc facto; sicut etiam in parabola de Samaritano Lucæ 10. v. 34. qui infudit vinum & oleum vulneribus sauciati. Vides Paulum utrumque se facturum Corinthiis prædixisse 1. Corinth. 4. v. 21. *Quid vultis? in virga veniam ad vos: an in charitate, & spiritu mansuetudinis?* 2. Cor. 10. v. 9. comminans ait: *Ut autem non existimet tanquam terrene vos per Epistolas*; [v. 10.] (*quoniam quidem Epistolæ, inquit, graves sunt & fortes: præsentia autem corporis infirma, & sermo contemptibilis*;) (v. 11.) *hoc cogitet qui ejusmodi est, quia tales sumus verbo per Epistolas absentes, tales & præsentibus in facto*; idest graves & fortes. Quibus

(9) Balus ita est animo comparatus, ut semper κατὰ λέξιν hujusce textus, eo saltem dicat esse, quod infideles inde merito ansam possent arripere ad impediendam Evangelii propagationem. At non negamus id fuisse etiam Ethnicis persuasum, ut patriam suam religionem vellent arrepti armis defendere. Nulla enim gens fuit, quæ non animadvertit in eos, qui novos cultus introducere conarentur. Quod argumento magno esse debet; instinctu quodam naturæ duci homines ad suæ religionis conservationem. Verum id quarimus, jure ne, an injuria persequuti Christianos Ethnicifuerint? His enim multa præsto sunt documenta, quibus evidenter credibilem probant esse Christianam religionem: illi vero non item. Quo circa advertere debebant animum, atque in examen sua dogmata revocare. Atque hæc quidem mecum Balus fateatur necesse est, si est Christianus. Concedat enim oportet no-

stram Religionem evidenter credibilem esse, evidenter autem falsam illam Ethnicorum: Quod cum ita sit, jam impie, scelestèque Ethnicifuerint in Christianos, Catholici autem jure in hæreticos animadvertant oportet. Cum enim nos certo sciamus veritatem a nobis propugnari, hæretici autem dubitent saltem de sua fide oportet, quod non rationi nitatur, quam scimus labi facile posse in rebus præsertim obscuris, quare tot excitantur inter illos dissensiones. Rursum nostræ originem a Christo; per Apostolos, & Patres successionem ostendimus, hæretici vero a Calvino, aut Lutero, vel si altius repetenda illorum primordia sunt, a Petro Vvaldo, ortum ducunt. Verum de his copiose nostri Theologi disputant.

[*] Quæ duobus asteriscis complexi sumus, desunt e Codicet Bononiensi.

bus autem comminetur, patet cap. 12. ejusdem Epist. ubi ait v. 20. *Timeo enim, ne forte cum venero, non quales volo inveniam vos: & ego inveniar a vobis, qualem non vultis: ne forte contentiones, emulationes, animositates, dissensiones, detractiones, suffurationes, inflationes, seditiones sint inter vos (v. 21.) Ne iterum cum venero humiliet me Deus apud vos: & lugeam multos ex iis, qui ante peccaverunt, & non egerunt poenitentiam super immunditia, & fornicatione, & impudicitia quam gesserunt.* (cap. 13. v. 1.) *Ecce tertio hoc venio ad vos: In ore duorum, vel trium testium stabit omne verbum.* (v. 2.) *Prædixi, & prædico ut præsens, & nunc absens iis, qui ante peccaverunt, & cæteris omnibus, quoniam si venero iterum, non parcam.* Unde etiam cap. 10. v. 6. dixerat: *Et in promptu habentes ulcisci omnem inobedientiam, supple incorrigibilium, cum impleta fuerit vestra obedientia; id est plene obedientes mihi aliqui ex vobis; quasi dicat; per obedientes vindictam sumam de aliis, sicut etiam fecit de illo Corinthio, quem congregatis aliis sibi obedientibus, & suo spiritu in virtute Domini Nostri Jesu Christi tradidit Satanæ 1. Corint. 1. v. 5. Ecce videmus Christum caput Ecclesiæ ferientem, & consolantem: (10) similiter etiam Paulum idem facientem, ut præostensum est, & iterum ostendi potest ex eo, quod habetur Act. 13. ubi v. 10. vituperatur a Paulo Elymas Magus, & tamen vituperium persecutio est; deinde quia homines Deo creditores a fide retrahebat, ad increpationem Pauli cæcitate percussus est per manum Domini super eum, non videns solem usque ad tempus. v. 11. Quod ideo factum est, ut cæteri territi, prædicationem ejus non impedirent, sed in Christum credentes animi fugerent cæcitatem: unde legitur v. 12. quod Proconsul cum vidisset factum, credidit admirans super doctrina Domini. Quod autem de materiali cæcitate intelligatur patet, quia Proconsul illud materialiter vidit, & quia prius illam cæcitatem non habuit, erat enim Elymas prius spiritualiter cæcus mala cæcitate, unde & confessum cecidit in eum caligo, & tenebræ, v. 11.*

Præterea idem patet ex eo, quod ibi habetur v. 11. *Et circueiens quærebat qui ei manum daret.* Licet igitur Ecclesiæ Dei persequi blasphemos hæreticos, & alios malefactores exemplo Christi, & Pauli.

§. III.

Unde probent hæretici, quod bellando non licet se defendere, nec in alium vindicare, & quod Ecclesiæ non licet facere bellum.

Isti etiam hæretici omne bellum detestantur tanquam illicitum, dicentes, quod non sit licitum se defendere, vel alium per bellum, quare nec vindictam facere, maxime vindictam mortis.

Ad hoc inducunt illud, quod habetur Matth. 10. v. 23. *Cum autem persequentur vos in civitate ista, fugite in aliam:* dicentes, Papam non fugere, imo bellum indicare Imperatori, & auxilium belligerantium a multis quævisse, cum tamen non invenitur in Evangelicis, & Apostolicis viris aliquid petiti a Regibus terræ pro Ecclesiâ defendenda contra inimicos ejus.

Solutio: Si istud non invenitur, non ideo est, quia fuisset illicitum, sed quia si fuisset petiti, non fuisset impetratum; ut enim dicit B. Augustinus adhuc implebitur illa Prophetia Psal. 2. v. 1. *Quare fremuerunt Gentes, & populi meditati sunt inania (v. 2.) Astiterunt (11) reges terræ, & principes convenerunt in unum adversus Dominum, & adversus Christum ejus;* nondum autem impletur illa Prophetia ejusdem Psalm. v. 10. *Et nunc reges intelligite: erudimini qui judicatis terram.* Quis enim Rex, vel Imperator, vel Dux tunc in Christum credebatur? Quis eis pro pietate contra impietatem auxilium tulisset, aut bellando, aut legem contra impios promulgando?

Præterea, non ne Paulus impetravit auxilium brachii sæcularis a Tribuno, cum notæ factæ fuissent insidiæ quorundam Paulo, qui devoverant se non manducatuos, neque bibituos, donec occiderent Paulum, ut habetur Act. 23. v. 12. & seq.? Si Paulus ad tutelam propriæ personæ, ut se utilitati multorum servaret, ducentos milites impetravit armatos, & equites septuaginta, & lancearios ducentos, ut ibi habetur v. 23. Cur arguis Papam, si ad defensionem Ecclesiæ impetrat auxilium brachii sæcularis?

Si autem dicas, quod Paulus non impetravit tunc milites nisi ad terrendum: dicas, quid si studio occidendi eum, tunc infidiatores illi venissent contra Paulum, sicut poterat contingere, nonne in manus militum incidissent? Igitur bellare non

T t t

est

(10) Johannes Barbeyracius *Tract. De Moral. Patrum Cap. XII. §. 12.* Non obtinere ait virtutem a vi atque impetu, ut immutet ingenium, aut spiritus dispositionem. Nam si homo stupidus sit, non sit violentia perspicacior. Immo vero vis id habet proprium, ut homines reddat pervicaciores: illudque acriter post tueantur, quod ante verisimile tantum putarant esse. Verum non ita se rem habere, constat ex iis Scripturæ locis, quæ afferuntur a Nostro. Cur enim vi usus fuisset Paulus, cur rigore Apostoli, qui hæreticos pelli, qui redargui contumaces volebant? Experientia autem liquet rigore plerisque ad fidem reductos fuisse. Id quod etiam de Donatistis affirmat Epist. clxxxv. Augustinus. Quid? quod præter alios multos, Johannes Veccius Patriarcha Constantinopolitanus, in carcerem ab Imperatore conjectus, ut ad veritatem Catholicam amplectendam cogeretur; tum demum in se reversus, Pa-

trum commentarios petiit, quos ubi legit, continuo profiteri cepit, ac subinde tutari Spiritus Sancti a Patre, & Filio processione? Quod si iis non prodest timor, qui torquentur, proderit quidem certe illorum filiis, ac successoribus, quos non audeant pervertere. Quid quod Italia nostra, nisi is rigor fuisset adhibitus, non esset immunis ab hæresi; sed ita ut nunc Anglia, esset in factiones divisa? Vide ejus Orationem *De Unione Ecclesiarum*. I. *Græciæ Orthodoxæ apud Allatium*. Verum solverat multo ante hoc argumentum Barbeyracii Augustinus. Epist. clxxxv. ad Bonifacium. Consulitor doctissimus Ludovicus Antonius Muratorius Libro II. *De Moderatione Ingeniorum*, in extremo cap. 4.

(11) Augustinus Epist. clxxxv. ad Bonifacium num. 19. non iisdem tamen omnino verbis.

est semper illicitum : alioquin Paulus erat reus , quia rei sunt mortis , non solum qui faciunt , sed qui consentiunt faciētibz ; ipse enim provocavit Principem , ut illos bellatores sibi daret , & voluit ut suæ defensionī per illos intenderet .

Si autem dicas , bene sciebat , aut firmiter sperabat illos insidiatores non esse venturos ; Cur ergo milites voluit habere secum ? quare eos non recusavit , & quare eos fecit laborare , & expensas frustra secum facere in via ? Potest ergo uti Ecclesia militibus , & principibus ad defensionem Populi Christiani , & ut facultas delinquendi adimatur malis .

(12) Ad primum autem , quod dixisti Papam non fugisse ; Dico , quod non semper debet fugere Pastor ; sed quando solus quæritur ; quare tunc potest fugere , & utilitati Ecclesiæ suæ se illæsum servare , sicut Paulus fecit ; si autem quærantur oves , tunc se opponat lupis non parcentibus gregi ejus ; alioquin non est Pastor , sed mercenarius , ut habetur Johann. 12. v. 12. In primo casu , quando soli quærantur , dictum est Prælati primitivæ Ecclesiæ Matthæi 10. scilicet Apostolis , ut de una civitate in aliam fugiant , & ad utilitatem ovium se custodiant .

Obijciunt etiam illud , quod habetur Matth. 10. v. 16. *Ecce ego mitto vos sicut oves in medio luporum* ; Se enim oves dicunt , non autem lupos : Ecclesiam autem lupum esse , non autem oves . At quod dicunt , hoc esse mirabile , cum non inveniantur , quod oves persequantur , vel occidant lupos , nos e contra occidimus , & persequimur eos .

Solutio : Etsi non inveniantur oves lupos persequi , & occidere ; invenimus tamen , quod Pastores ovium lupos persequuntur , & occidunt ; unde dico , quod vos non patimini persecutiones a nobis , ut oves vel agni a lupis , sed ut lupi a Pastoribus , & canibus . De istis canibus ait David Psalm. 58. v. 15. *Convertentur ad vesperam , & famem patientur ut canes* . Per vesperam enim novissima hora significatur 1. Johan. 2. v. 18. *Filioli novissima hora est , & sicut auditis quia Antichristus venit : nunc Antichristi multi facti sunt , unde scimus quia novissima hora est* ; nos autem a vobis patimur ut agni a lupis .

Præterea , nonne credis Christum agnum & ovem esse spiritualiter ? Credis utique ; dicitur

(12) Negari nequit , quin aliquando necesse sit Pastorem præsentem adesse , neque fugam arripere , si salus , & necessitas ovium ad omnino postulet . Jam vero non ex Evangelio solum , verum etiam ex ipsa ratione res patet . Pastor enim animam suam pro ovibus suis ponat oportet . Verumtamen , si neque ovium salus id postulet , neque ipsi Pastori expediat , fas erit eidem vitare periculum , atque fugere persecutionem . Consule Augustinum Epist. 180. ad Honoratum . Cyprianum Ep. 56. & Athanasium in Apologia pro fuga sua .

(13) Hoc illud est profecto , quod maxime displicet hæreticis . Nollent enim Ecclesiæ , imo vero principibus Laicis jus esse interimendi eos , qui non recte de fidei rebus sentirent . Verumtamen errant vehementer . Nam quod ad Regum attinet Potestatem , quis nesciat eos vim obtinere efficiendi extremis suppliciis publicæ tranquillitatis perturbatores ? Nulla autem res est , quæ pacem publicam magis labefactet , quam differentia religionum . Ac notæ quidem nobis sunt turbæ , & factiones in Gallia , & Germania ab Lutheranis , Antibaptistis , & Calvinianis religionis causâ excitatæ . Cum ergo Reges publicæ tranquillitatis vindices sint , si falsam introduci in Rempublicam religionem cernunt , quidni auctores sceleris tanti interficere jure poterunt ? Ac factum sane id a

enim Actor. 8. v. 32. *Tanquam ovis ad occisionem ductus est* : & sicut agnus coram tondente se sine voce , sic non aperuit os suum : Paulus etiam fuit ovis , & agnus , & tamen fugavit lupos ab Ecclesia , ut ostensum est .

Si dicas : ad minus non occidebat eos : Respondeo : Numquid si hoc non fecerunt , ideo non licitum est facere istud ? imo teste Apostolo 1. Cor. 8. aliqua licita sunt , nec tamen expediunt , quæ licet non fierent a Paulo , non tamen illicita erant ; aliqua enim licita fuerunt Apostolis , quæ tamen facere minime potuerunt , quoniam adhuc Ecclesia erat parvula . (13)

Præterea , si velles diligenter attendere , non negares Apostolos occidisse . Legitur enim Actor. 5. v. 1. & seq. quod Petrus defraudatores pretii agri venditi , Spiritui Sancto mentientes , ad verbum suum interfecit ; Cum enim dixisset Petrus Ananiam (v. 4.) *Non mentitus es hominibus , sed Deo* : statim sequitur v. 5. *Audiens autem Ananias hæc verba , cecidit , & expiravit* .

Præterea : Quare dixit ei Petrus , *non es mentitus hominibus , sed Deo* ? nonne loquebatur Petro ? Utique , quando illud mendacium dixit ; ergo mentiebatur Petro ; Quomodo ergo dixit Petrus , quod non erat mentitus hominibus , sed Deo ? Videtur falsum dixisse , nisi ibi aliud intelligatur , quam verba sonant ; & quid est illud , nisi quia non tantum hominibus , sed etiam Deo mentitus erat , quia Deus erat in Petro , & ejus fraudem , & mendacium revelavit ei , & ad verbum Petri punivit , ut sit verum (Psalm. 5. v. 7.) *Perdes omnes qui loquuntur mendacium* , quosdam hic , quosdam autem in futuro ; *qui loquuntur* dicit , ut notet perseverantes , & non pœnitentes de mendacio .

Si autem dicas mihi : Quomodo Petrus occidit eum , vel Deus per Petrum ? Dico , quod per verbum increpatorium . Si dicis mihi , fac & tu similiter , non aliter . Respondeo : Dummodo quis occidatur , non differt an verbo , an gladio .

Nunc redeamus ad verbum Domini : *Ecce ego mitto vos &c.* Dicis mihi ; quid appellat Dominus oves , numquid tantum interiores homines , vel tantum exteriores , vel utrosque simul ? Si isto modo , vel secundo : quare igitur culpas exteriorum hominem , idest carnem ?

Præ-

Regibus in Vetere Testamento fuit , quia Deus illorum agendi rationem improbarit . Imo vero probavit Deus , quemadmodum memoria commendatum a Sacris Scripturis fuit . Rursum si Princeps cernat Populum in interitum sempiternum ruere , quidni impediet , siquidem potest ? Cur obsecro , vi adhibita , pœnis , timore Israelitæ Reges , populum ab Idololatria avocare conati sunt probante Deo ? Si hoc jus regibus adimendum est , quod ad illos non spectet de Religionis negotio judicare ; adimendum quoque Regibus Veteris Testamenti fuisset ; qui maximi sceleris rei fuissent animadvertendo in idololatrias . Merito igitur Imperatores Christiani leges in hæreticos tulerunt . Venio ad Ecclesiam . Fateor mansuetam illam esse oportere . A si satis esse non potest suavitas , ne perversitates æternum pereant , cum ipsi omnium salus plurimum cordi esse debeat , utatur necesse est vi , siquidem commodum fuerit . Non autem discrepat ab hoc argumento , quod animadvertit Moneta de Anania , Saphiraque interitu . Neque vero Christus damnavit eos , qui arbitrati fuissent obsequium præstare Deo , ad Præsides ; & reges duceudo Apostolos , eosque interficiendo , nisi quia injuste egissent veram persequendo religionem . Ceterum id non agit Ecclesia ; sed Principi tradit hæreticos perversos , & præcipuos , ut illos mulctet .

Præterea, cum Dominus dicat Ezech. 34. v. 11. *Ecce, ego ipse requiram oves meas, & visitabo eas; (v. 12.) Sicut visitat pastor gregem suum in die, quando fuerit in medio ovium suarum dissipatarum: sic visitabo oves meas, & liberabo eas de omnibus locis, in quibus dispersa fuerant, in die nubis, & caliginis; Corpora ista sua sunt, & ipse visitabit ea, & liberabit.*

Præterea, cum Dominus dicit Johan. 10. v. 28. *Et ego vitam æternam do eis*, ipse dabit vitam æternam corporibus istis. Si autem primo modo vis sumere, idest pro hominibus interioribus tantum. Dic mihi, quare dicantur aliqui homines lupi, nisi quia occidunt oves spirituales, sicut illi carnales? si autem hoc est, quare audes me lupum dicere, si te occido? non enim occido hominem interiorem; ergo non devoro Domini ovem; ergo non sum lupo rapax ovium Domini, sed tu ipse, qui homines interiores devoras, lupo rapax es intrinsecus. Valet autem maxime hæc objectio contra ponentes duo principia, imo etiam contra omnes Catharos, qui intrinsecus sunt lupi rapaces, a quibus Dominus cavere jubet Matth. 7. v. 15. *Attendite a falsis Prophetis, qui veniunt ad vos in vestimentis ovium, intrinsecus autem sunt lupi rapaces*; de quibus etiam Paulus ait Act. 20. v. 29. *Ego scio, quoniam intrabunt post discessionem meam lupi rapaces in vos, non parcentes gregi.*

Obijciunt etiam illud, quod habetur Matth. 5. v. 38. *Audistis quia dictum est: Oculum pro oculo, & dentem pro dente (v. 39.) Ego autem dico vobis non resistere malo.*

Sed istud solutum fuit in secunda parte hujus operis de Deo Veteris Testamenti in prima radice. Hoc tamen ad præsens dicimus, quod nomine mali homo malefactor significatur; sed nunquid si sine læsione ipsius possum coercere eum, ne me lædat, pecco? Verbi Gratia brachia ejus tenendo: Constat, quod non: & tamen videtur quod sic, cum ego resistam malo: nonne Paulus resistit illis malefactoribus, qui devoverunt se occidere ipsum? Act. 23. Constat, quod tunc restitit malo, tunc non dedit locum iræ illorum; numquid peccavit? Absit; ergo si ad sonum literæ accipiantur verba Domini, non est præceptum, sed consilium tantum resistere malo, ad quod consilium non obligamur, licet bonum sit: sicut etiam illud, quod sequitur eodem vers. *Sed si quis te percusserit in dexteram maxillam tuam, præbe illi & alteram*, ut ostensum est in cap. de Deo Veteris Testamenti. Si autem vis aliquem alium sensum ibi ponere, dic illum, & ostende per aliquod testimonium Scripturæ illum sensum esse verum, ego enim id, quod dixi, ratione, & testimonio confirmavi in cap. de Deo Veteris Testamenti.

Si vis dicere, quod resistere idem est, quod referre, sive revindicare. Dico, quod præceptum est hoc subditis, scilicet ut non vindicent, sed vindictam propriæ injuriæ relinquunt superiori.

Si autem dicat Valdensis, quid additum est ad illud, quod dictum est antiquis, cum Dominus dixerit Matth. 5. v. 20. *Nisi abundaverit justitia vestra plusquam Scribarum, & Phariseorum, non in-*

trabit in regnum Cælorum. Dico, quod in sensu primo quem posui, & quem aperte vult litera Evangelii: *Sed si quis &c.* aliquid est additum non per modum præcepti, sed per modum consilii: in sensu autem illo, *non resistere*, idest non vindicare se, non est aliquid additum, imo illud est sublatum subditis: *Oculum pro oculo &c.*

Ad quod melius intelligendum sciendum est, quod illud mandatum antiquis datum dedit Dominus per Moysen, & pro læsis, & lædentibus aliquem temerarie, & injuste: pro istis dedit illud, scilicet, ut eos timore pænæ retraheret a proximi læsione temeraria, & injusta; pro læsis autem dedit illud, ne scilicet supra acceptam injuriam se vindicarent, sed pro pari parem redderent talionem; solent enim injuriati ira commoti non servare modum in vindicta, imo pro verbo injurioso, vel alapa, aut pro simplici vulnere injurianti mortem inferre; ne autem hoc faciant datum est eis oculum pro oculo tollere; non quod subditi beneficerent, sed quia non poterat Moyses manus læsorum omnino retrahere a vindicta, saltem voluit iram eorum temperare; & erat permixtum eis ut hoc facerent ad vitandum pejus; sicut & divortium fuit eis permixtum quacumque ex causa ad duritiam cordis eorum, & sic credebant sibi licere divortium, ita & credebant sibi licere legem talionis per se sine judice: istud autem permixtum erat eis, sicut & illud, quod habetur Numeror. 25. v. 19. ubi habetur, quod ille qui solo casu occiderat aliquem, si extra civitatem refugii inveniebatur, propinquus occisi poterat eum occidere, non quia non peccaret, sed quia lex eum non puniebat. Quod autem peccet ille qui occidit eum extra urbem refugii repertum, patet, quia ille innocens erat, qui in civitate refugii manere debuerat, non enim erat homicida, quia non est homicida, nisi ex corde procedat, ut habetur Matth. 15. v. 19. Hoc autem modo sublatum est subditis, quia non sunt judices aliorum. Datum etiam fuit illud mandatum iudicibus aliorum, ut erudiantur secundum modum culpæ servare modum vindictæ, quoad hoc, quod iudicibus datum fuit, adhuc manet: etenim eis licet alienas injurias modo debito vindicare, & etiam proprias, non in quantum homines, alioquin omnibus aliis hominibus idem liceret, sed in quantum judices sunt, eorum enim injuria redundat in rempublicam, vindicant enim suam injuriam, ut injuriam, reipublicæ, & amore correctionis illius, & aliorum, non ex odio injuriantis personæ; in hoc etiam nostra justitia abundantior est, quam Scribarum, & Phariseorum, quia ibi permixtum erat eis vindictam sumere, etiam privatis personis; hic autem non; aliquid enim licet uni, quod non licet alteri: Istud patet omnibus etiam hæreticis: similiter dico, quod aliquid licet iudici, quod non licet non iudici.

Obijciunt etiam illud Matth. 5. v. 40. *Et ei qui vult tecum in iudicio contendere, & tunicam tuam tollere: dimitte ei & pallium*; quales erant illi, qui rapinas bonorum suorum cum gaudio susceperunt, ut habetur Hebræor. 10. v. 34. Numquid sic facit Romana Ecclesia? Certe non.

Solutio ad primum est: quod sicut de injuria personæ dictum est *si quis te percusserit &c.* non est præceptum sed consilium, ut patet in Paulo Actor. 23. qui alteram maxillam non præbuit; nec Christus Johannis 18. v. 22. Ita & istud, quod dicitur de injuria ablationis rerum. *Et ei qui vult &c.* Licet tamen repetere sua sine contentione, alioquin ut dicit Apostolus 1. Corinth. 6. v. 7. potius debemus pati fraudem, quam contendere cum fratre in judicio; propter hoc dicitur Lucæ 6. v. 30. *Qui aufert, quæ tua sunt, ne repetas*, scilicet cum contentione.

Præterea, hæretici repetunt sibi ablata, & si tunica eis tollitur, non dant propter hoc eis pallium.

Præterea, quod illud sit tantum consilium, patet ex eo, quod sequitur v. 41. de injuria servitutis, quando scilicet non lædit fidelem percutiendo, nec ei injuriatur res suas ei auferendo, sed cogendo eum sibi servire, ut in captivitate fieri solet, patiatur istud fidelis, & serviat ei etiam plus, quam præcipit: sed numquid peccaret fidelis si in media via aufugeret, & evaderet manus ejus, qui angariavit eum, dummodo possit hoc facere? Non.

Ad illud autem, quod dicit Apostolus, patet solutio: quia per illa verba non prohibetur repetitio rerum suarum sine contentione; constat enim judicia sæcularia fore necessaria in Ecclesia, ut patet 1. Corinth. 6. v. 4. ut probabimus in secunda parte hujus capituli.

[*] Contra illos, qui duo ponunt principia potes hoc dicere: Mirum est cum vos licitum asseratis Populum Dei rebellare, & defendere se in Cœlesti Patria contra inimicos suos, & occidere eos, in tantum quod sanguis effusus ascendit in altum, ut dicitis, usque ad frænos equorum, & cucurrit per stadia mille sexcenta, idest per ducenta milliaria in longum: quod negatis Populum Dei contra inimicos suos pugnare, & defendere se posse in hoc mundo; si enim in illo tam pulchro & sancto loco potest fieri bellum materiale licite, multo fortius in isto turpi, & iniquo. Hoc autem argumento potes uti contra illud, quod dicunt de bello materiali facto in Cœlo, super quo disputatum est 1. lib. cap. 1. in secunda parte cap. Cum enim eloquium Dei, & lex ejus data sit Populo suo, & Populus Dei sit æternus ut dicitur, qui nunquam fuit sine lege Dei sui, alioquin fuisset malus; lex igitur eis ab æterno fuit, & ita data illi Populo in Cœlo; ergo & non occides ab æterno ibi ei datum fuit, similiter & diligite inimicos vestros; ergo nunquam fuit ibi licitum occidere. Hoc eodem modo argumentandi potes uti cum inducunt illud verbum; *ego autem dico vobis non resistere malo*: item cum dicunt *non vos defendentes &c.* ipsi enim in Cœlo resisterunt, & se defenderunt. [*]

Obijciunt etiam illud Matth. 5. v. 44. *Ego autem dico vobis: Diligite inimicos vestros, benefacite his qui oderunt vos, & orate pro persequentibus, & calumniantibus vos, (v. 45.) Ut sitis filii patris vestri, qui in Cœlis est.* Quomodo istud

observat Judex Ecclesiæ Romanæ, cum occidit malefactorem, vel etiam ille qui querimoniam facit apud Judicem?

Solutio contra Valdenses ista est: Si propter hoc quod tenemur inimicos diligere, non licet vindictam facere, aut petere de aliquo; ergo eadem ratione non licuit in Veteri Testamento; legitur enim Levitici 19. v. 17. *Non oderis fratrem tuum in corde tuo, sed publice argue eum, ne habeas super illo peccatum.* Item v. 18. *Non queras ultionem, nec memor eris injuriæ civium tuorum.*

Præterea, est ne omnis occisio ex odio? Non: Abraham enim volebat occidere Isaac. (Genes. 22. v. 10.) ; nunquid oderat eum? Non. Sicut igitur Abraham non odio personæ voluit illum occidere, sed desiderio obediendi mandato Dei 22. Genes. v. 11. & seq. Ita etiam modo Princeps, qui occidit aliquem malefactorem non ex odio debet hoc facere, sed amore justitiæ. Nonne Moyses quosdam de Populo Israel occidit gladio propter idololatriam? Exodi 32. v. 28. Nunquid hoc ex odio fecit? Non: quod ostenditur per verba orantis pro peccatis eorum, & dicentis v. 32. *Aut dimitte eis hanc noxam: aut si non facis, dele me de libro tuo quem scripsisti.* Nonne Elias manu propria multos interfecit? 3. Reg. 18. v. 40. Item 4. Reg. 1. v. 10. & seq. ? Sed nunquid ex odio? Absit, nisi forte velis dicere odium ultionem peccati eorum.

Solutio autem ad omnes hæreticos est: quia in prædictis verbis dilectio divina nobis imitanda proponitur; sic enim ait v. 45. *Ut sitis filii Patris vestri, qui in Cœlis est*, idest imitatores; Constat enim, quod Dominus quos diligit punit, & velint, nolint eos affligit: imo etiam occidit; unde David ait Psalm. 77. v. 34. *Cum occideret eos, quærebant eum*, quia quibusdam occisis de populo, alii convertebantur ad ipsum.

Item Matth. 22. v. 7. *Perdidit homicidas illos, & civitatem illorum succendit.* [*] Igitur si quæris a me quomodo diligit Princeps malefactorem? Dico quomodo dilexit Deus istos. Item quomodo diligit illum, quem Matth. 22. v. 13. ligatis manibus, & pedibus jubet mitti in tenebras exteriores, ubi est fletus, & stridor dentium: Nonne dicit David Psalm. 138. v. 21. *Qui oderunt te Domine odieram.* Simul igitur possum odire, & diligere inimicum, diligere affectu cordis, odire affectu ultionis. [*] Si igitur sic Dominus diligit inimicos, ut tamen ultionemumat de eis; ergo cum nostra dilectio imitatrix esse debeat dilectionis divinæ, nostra dilectio non excludit ultionem inimicorum.

Præterea; nunquid Paulus illum non dilexit, quem Satanæ in interitum carnis tradidit? 1. Cor. 5. v. 5. Nunquid Alexandrum non dilexit, quem vitari præcepit? 2. Timoth. 4. v. 15. Nunquid illos non diligebat Johannes de quibus ait in 2. Epist. v. 10. *Si quis venit ad vos, & hanc doctrinam non affert, nolite recipere eum in domum, nec ave ei dixeritis?* Restat igitur, quod præceptum dilectionis potius ad cordis dilectionem, & benevolentiam pertineat, & non ad relaxationem impunitatis, sed

ut

[*] Quæ duobus asteriscis complexi sumus, desunt c. Codicibus Bononiensi, & Vaticano.

[*] Desunt hæc, quæ duobus asteriscis comprehendimus ex Codd. Bonon. & Vatic.

ut de inimicorum perditione doleamus, eorum salutem desideremus, pro eorum correctione laboremus, & oremus.

Contra illos Catharos, qui duas ponunt creationes potes dicere: Nunquid doctrina Christi generalis est *diligite inimicos vestros &c.*? Si dicat, quod non; ergo non teneor omnes inimicos diligere; si autem hoc est; ergo per hoc, quod dicit *diligite inimicos vestros, &c.* non prohibet occidere omnes, sed tantum illos, qui diligendi sunt; ergo licebit occidere aliquos.

Præterea, si non est universalis doctrina Christi, quomodo cognosces, qui inimici sint diligendi, & qui non? si autem generalis est doctrina de dilectione omnium inimicorum, quomodo ergo audes ponere duas creationes? Nunquid homines contrariæ creationis sunt diligendi? Non, cum diligere sit bonum ei, qui diligitur, velle.

Item contra hos Catharos, & etiam alios dic: quod Abraham dicet diligeret Isaac, nihilominus tamen voluit eum occidere propter obedientiam, laudat enim Apostolus Hebr. 11. v. 17. & seq. Abraham de hoc facto; similiter Jacobus 2. cap. v. 21. & seq.

Præterea contra omnes Catharos dicas: Quid appellat Christus inimicos in verbis Matth.? aut homines exteriores tantum, aut interiores tantum, aut utrosque simul: si tantum interiores; ergo solum illi diligendi sunt; ergo per hoc, quod dicitur *diligite inimicos vestros*, non tollitur occisio hominum exteriorum, qui non sunt diligendi; si autem venit pro hominibus exterioribus, vel pro toto homine; ergo corpus diligendum est; ergo non est opus Diaboli.

Præterea, de qua dilectione loquitur ibi Dominus? si de spirituali tantum; ergo non de carnali; ergo non debeo eum diligere secundum carnem; si de carnali; ergo carnalis dilectio a Deo est, & ipsa caro ejus opus est.

Obijciunt etiam illud Matth. 5. v. 44. *Benefacite his qui oderunt vos.*

Solutio prima contra Valdenses: Quia idem præceptum erat in Veteri Testamento, ubi dicitur Exod. 23. v. 4. *Si occurreris bovi inimici tui, aut asino erranti, reduc ad eum.*

Item Exod. 23. v. 5. *Si videris asinum odientis te jacere sub onere, non pertransibis, sed sublevabis eum;* constat enim, quod illud erat benefacere inimico.

Item Prov. 25. v. 21. *Si esurierit inimicus tuus, ciba illum: si sitierit, da ei aquam bibere;* (v. 22.) *prunas enim congregabis super caput ejus, & Dominus reddet tibi:* Quod etiam repetit Apostolus Rom. 12. v. 20. Per hoc ergo non excluditur ultio; sicut nec in Veteri Testamento; exhortatio ergo de benefaciendo inimicis, de cibandis eis, aut potandis non excludit vindictam, sed requirit, ut delinquenti correctio, & naturæ subsidium ministretur, donec sententia de eis per judicem detur, uti dari debet.

Contra Catharos alia via incedendum est, & quærendum de quo benefacere loquitur ibi Dominus, de corporali, vel materiali, aut de spiritua-

li; si de corporali; ergo per benefacere corpori inimici fit homo Filius Dei, sic enim, dicitur ibi, *ut sitis filii &c.*

Præterea; ergo cum dicit v. 45. *Qui solem suum oriri facit super bonos, & malos, & pluit super justos, & injustos*, loquitur de isto materiali sole, & materiali pluvia; ista ergo non sunt opus diaboli, sed Dei.

Si autem loquitur de benefacere spirituali; non prohibetur ergo ultio corporalis, cum tantum de spirituali sit sermo. De illo autem verbo *si esurierit inimicus tuus &c.* disputatum est in secunda parte hujus operis cap. 3.

Præterea, nunquid omnibus inimicis benefacendum est, vel tantum quibusdam? Si omnibus; ergo illis qui sunt malæ creationis; ergo dæmonibus præcipit Christus benefacere; si tantum aliquibus, quomodo discernam quibus sic, & quibus non? Istud opponendum est illis, qui duo ponunt principia.

Præterea, quomodo servavit hoc Johannes, qui dicit in 2. Epist. v. 10. *Si quis venit ad vos, & hanc doctrinam non affert, nolite recipere eum in domum, nec ave ei dixeritis.*

Obijciunt etiam illud Matth. 5. v. 44. *Et orate pro persequentibus, & calumniantibus vos;* & ponit hic duo genera inimicorum; quidam enim nocent manu; istos dicit persequentes; quidam nocent lingua; hos appellat calumniantes; prius posuerat aliud genus inimicorum, qui nocent corde, scilicet odientes:

Solutio: Sed propter hoc non excluditur, ne ultio fiat a Judicibus.

Præterea dic, quomodo Prophetæ, qui imprecabantur aliis, istud observabant? Item quomodo observavit Paulus hoc Act. 23. v. 3. *Percutiat te Deus, paries dealbate.* Item hoc habetur in secunda parte hujus operis, in 1. parte de Deo Veteris Testamenti.

Præterea, quomodo observabat hoc B. Johannes, qui dicit in Epist. 1. cap. 5. v. 16. *Est peccatum ad mortem: non pro illo dico ut roget quis?*

Præterea, de qua creatione est iste de quo ait, non pro illo dico ut roget quis? si enim de bona creatione est, videtur quod nunquam dabitur ei vita, si oretur pro eo; de alio autem dicit, quod non oretur pro eo, & quare, nisi quia non daretur ei vita; vel si daretur, malum esset non orare pro eo. Si autem alterius creationis est, quomodo dicitur, quod fecit peccatum ad mortem? Modo dic, de qua morte loquitur; nunquid de ista temporali? Non; quia utriusque creationis homines ad istam tendunt; si de spirituali; sic ergo videtur, quod possit mori spiritualiter: Contra: semper fuit, & erit mortuus spiritualiter; ergo non potest amplius sic mori.

Obijciunt illud Matth. 6. v. 14. *Si enim dimiseritis hominibus peccata eorum: dimittet & vobis Pater vester Cælestis delicta vestra;* (v. 15.) *si autem non dimiseritis hominibus: nec Pater vester dimittet vobis peccata vestra:* unde Luc. 6. v. 37. *Dimittite, & dimittemini.*

Solutio ad Valdenses est: quoniam idem habetur

tur in Veteri Testamento Levitici 19. v. 18. *Non quæras ultionem, nec memor eris injustitiæ civium tuorum*: Et tamen a Judice non tollebatur, quin posset facere vindictam; ergo nec modo propter hoc, quod ait *dimittite &c.*

Omnibus autem hæreticis dic: quod illud præceptum intelligitur de dimissione rancoris cordis, quod patet Levit. 19. v. 17. *Non oderis fratrem tuum in corde tuo*; Et tamen nihilominus poterat fieri ultio a Judice. Hoc etiam idem patet ex eo, quod habetur Matth. 18. v. 28. & seq. ubi legitur v. 34. Quod Dominus quidam iratus tradidit servum tortoribus, quoad usque redderet universum debitum, quia noluerat dimittere conservo suo; unde Christus ait v. 35. *Sic Pater meus Cælestis faciet vobis, si non remiseritis unusquisque fratri suo de cordibus vestris*. De dimissione igitur rancoris cordis intelligitur illud dictum, & ideo non intelligitur de dimissione ultionis, cum Paulus ultionem fecerit, & paratus fuerit ulcisci omnem inobedientiam 2. Corinth. 10. v. 6. in fine autem ejusdem Epist. v. 2. capitis ultimi, dicit, quod si iterum venerit, non parcat inobedientibus, qui non pœnituerunt; si non parcat, quomodo dimittet, quomodo igitur servabit mandatum Domini *dimittite &c.*? Quomodo etiam volebat servare mandatum Domini, qui 1. Corint. 4. v. 21. dicebat se venturum in virga nisi se corrigerent? Quomodo dimisit illi, quem expelli præcepit & Satanæ tradidit 1. Corint. 5. v. 5. in interitum carnis?

Præterea nonne & tu transgressores tuos corporaliter punis, cum gravi jejunio eos affligis?

Si dicis: Non occido eos, nec Paulus illos occidebat, quibus ultionem inferebat.

Respondeo: Tamen ultionem sumebat, ut præostensum est, & tu vindicas in eum qui offendit; quomodo ergo dimittis, quomodo observas mandatum Domini *Dimittite &c.*? Dico ergo, quod per illud verbum Domini *dimittite* non excluditur vindicta a Judice.

Si autem dicas mihi, quod non tollitur omnis ultio, sed occisio; ostende hoc aliquo testimonio; hic enim non habes; quod magis tollatur hæc ultio, quam alia; aliud est peccatum, & aliud est ultio peccati, peccatum dimittendum est fratri ab Ecclesia si pœnitet; ultio tamen non est dimittenda. Quod autem dixi, si pœnitet, patet ex verbis Domini Lucæ 17. v. 3. *Si peccaverit in te frater tuus, increpa illum: & si pœnitentiam egerit, dimitte illi*; scilicet peccatum: non dixit vindictam, ut patet Matth. 6. v. 14. *Si enim dimiseritis hominibus peccata eorum &c.* non dixit vindictam; tunc autem homo dimittit peccatum in se peccanti, cum dolet de peccato ejus, & desiderat pœnitentiam, & conversionem ejus, & orat pro eo, & tamen vult quod puniatur ad suam vel aliorum correctionem.

Catharis autem qui duo ponunt principia, & Valdensibus potest dici, quod Jeremias non dimittebat illis ultionem, contra quos dicebat cap. 11. v. 20. *Tu autem Domine Sabaoth, qui judicas iuste,*

& probas renes & corda, videam ultionem tuam ex eis.

Item Isaia 2. v. 8. *Opus manuum suarum adoraverunt, quod fecerunt digiti. v. 9. Et incurvavit se homo: & humiliatus est vir: ne ergo dimittas eis.*

[*] Objiciunt etiam illud Matth. 11. v. 29. *Discite a me quia mitis sum, & humilis corde*. Quomodo ergo Princeps hoc addiscit, qui occidit?

Solutio: Si non ex superbia, nec ex iracundia, hoc facit, mitis est, & humilis corde. Nonne Abraham volebat occidere Isaac? Utique; non tamen ex superbia, vel ira, sed ut obediret Domini mandato. Genes. 22. v. 21. & seq. Ergo licet quis occidat malefactorem, nihilominus tamen est mitis & humilis corde, sicut etiam amat eum corde; ut Abraham Isaac.

Item Sapient. 12. v. 18. loquens de vindictis Domini dicitur: *Tu autem dominator virtutis, cum tranquillitate judices*. Similiter & Princeps Dei minister facere debet. [*]

Objiciunt etiam illud Lucæ 6. v. 36. *Estote ergo misericordes, sicut & Pater vester misericors est*.

Solutio patet ex eo quod sequitur: *Sicut & Pater vester misericors est*. Ipse autem licet misericors sit, nihilominus potest ultionem sumere de offensis; quare licet Judex misericors debeat esse reo, nihilominus tamen potest ultionem sumere de ipso.

Valdensibus etiam dicas: quoniam & in Veteri Testamento præcipiebatur misericordia, Levit. 19. v. 17. *Non oderis fratrem tuum*; & tamen ultio fieri poterat. Ista igitur misericordia ad effectum cordis referenda est, dolendo scilicet de peccato ejus &c. ut supra diximus.

Catharis autem & omnibus hæreticis potest induci illud quod dictum est supra de Paulo parato ulcisci &c. ut supra diximus.

Si autem vult dicere, quod hæc ultio ibi prohibetur, scilicet occisio. Dico: proba hoc aliquo testimonio.

Objiciunt etiam illud Lucæ 6. v. 37. *Nolite judicare, & non judicabimini, nolite condemnare, & non condemnabimini*.

Solutio ad hoc ferenda est quærendo, utrum credat quod Dominus omne iudicium ibidem tollat. Si dicat quod sic; quomodo ergo stabit quod Dominus ait Johan. 7. v. 24. *Nolite judicare secundum faciem: sed iustum iudicium iudicate?*

Præterea, si tollit omne iudicium; quare ergo Paulus 1. Corint. 6. v. 4. constitui jubet iudices in Ecclesia de rebus sæcularibus? Dico ergo, quod non tollit iudicium illis, qui officium habent iudicandi, sive qui ad hoc sunt constitui, sed tollitur illis, qui non habent hoc officium.

Sciendum autem, quod est iudicium occultorum, & illud tollitur hominibus; unde 1. Corint. 4. v. 5. *Itaque nolite ante tempus judicare, quoadusque veniat Dominus, & illuminabit abscondita tenebrarum, & manifestabit consilia cordium*. De talibus, idest de occultis ibidem v. 4. dicit Apostolus: *Qui autem iudicat me, Dominus est*. Est autem aliud iudi-

judicium, quod sibi Dominus reservavit, scilicet illius, cujus crimen notum est judici, attamen illud probari non valet. Istud docet Dominus exemplo suo, qui Judam solus furem noverat, nec eum abjecit, sed eum usque in finem tolleravit; unde & Dominus Matth. 18. v. 15. & seq. modum judicandi statuens dicit: *Si peccaverit in te frater tuus: vade & corripe eum inter te & ipsum solum.* Est etiam judicium eorum quæ foris sunt; istud etiam tollitur nobis 1. Corinth. 5. v. 12. *Quid enim mihi de iis qui foris sunt judicare? Nonne de iis, qui intus sunt, vos judicatis?* v. 13. *Nam eos qui foris sunt, Deus judicabit.* De hoc etiam habetur Roman. 14. v. 4. *Tu quis es, qui judicas alienum servum?* Est etiam aliud judicium contra innocentem factum, & istud omnino tollitur Matth. 12. v. 7. *Si autem sciretis quid est, Misericordiam volo, & non Sacrificium: nunquam condemnassetis innocentes.* Prius v. 3. & seq. ostenderat discipulos excusabiles, idest innocentes de hoc, quod colligebant spicas in Sabbato, & fabricabant manibus, & edebant propter necessitatem: modo autem cum dicit: *Si autem sciretis &c. excusabiles apud illos eos ostendit, propter misericordiam indigentiam, quæ præfertur Sacrificiis animalium: ipsi autem quia immisericordes erant, discipulos judicabant: Tertio ostendit eos excusabiles, & ita innocentes, propter auctoritatem latoris legis de observantia Sabbati, cum dicit v. 8. Dominus enim est filius hominis etiam Sabbati.* Unde & dispensare potest cum illis.

Objiciunt etiam illud Matth. 13. v. 24. *Simile factum est regnum celorum homini, qui seminavit bonum semen in agro suo &c.* Quæ auctoritas disputata est contra utrosque in prima parte hujus operis cap. 8. Unde ad præsens videamus utrum hic sit prohibita eradicatio hominum.

Videtur enim quod sic, ex eo quod Mat. 13. v. 28. servis quærentibus a Domino: *Vis, imus, & colligimus ea?* v. 29. *Et ait: Non; ne forte colligentes Zizania eradicetis simul cum eis & triticum.* v. 30. *Sinite utraque crescere usque ad messem.* Quid autem sit messis, Dominus determinat v. 39. *Messis vero consummatio sæculi est. Messores autem Angeli sunt.* (14)

Ad hoc potest multipliciter responderi: Primo sic, ut per zizania intelligantur illi homines mali, qui sibi ipsis mali sunt, alios autem non corrumpunt a fide separando, vel corporaliter occidendo;

hi enim zizania dicuntur, quia zizania non destruunt triticum, licet umbram faciant ei, & ipsum aliquantulum impediant; hoc autem potest colligi ex verbis Domini, qui ait servis: *Sinite utraque crescere; non dixit zizania crescere, sed finite utraque, idest zizania, & triticum: quasi dicat, nolite nunc eradicare zizania, quoniam salvo cremen- to tritici tollerari possunt.*

Præterea, *Sinite utraque crescere*, idem est quod finite zizania crescere, & finite triticum crescere: modo dic mihi, nunquid præceptum est servis, quod finant crescere zizania, vel tantum consilium? si tantum consilium, & non præceptum; ergo non obligatur servus ad observandum illud: si autem præceptum est, quomodo ergo stabit, quod legitur Apocal. 2. ubi arguitur Angelus Thyatiræ Ecclesiæ a filio Dei, qui ait ei v. 20. *Sed habeo adversus te pauca: quia permittis mulierem Jezabel, quæ se dicit prophetem, docere & seducere servos meos:* Constat quod per Jezabel intelliguntur falsi Prophetæ, qui alios corrumpunt & destruunt triticum, & convertunt illud in zizania, & sic augmentantur zizania ex tritico; Dominus autem arguit istum Angelum, idest Episcopum, quia finebat zizania crescere; peccabat ergo quia finebat hoc; ergo non debebat illud sinere. De eodem arguit Angelum Pergami. Apocal. 2. v. 12. Ergo quod dictum est: *Sinite utraque &c.* non intelligitur nisi in illo casu, quando salvo tritico tollerari possunt zizania, si sacris admonitionibus convertantur ad Ecclesiam; hodie enim hæreticus est, cras potest esse catholicus.

Et nota, quod non dixit Dominus, finite lupos devorare oves, vel ignem comburere triticum; unde patet quod per zizania intelliguntur illi, quos dixi: nonne vides quod Judæi non interficiuntur a Christianorum Principibus, qui tamen in fide nobis sunt contrarii; hoc autem est quia sua doctrina Christianos non pervertunt. (15)

Potest etiam aliter solvi, & dici: quod eradicatio de agro, idest de mundo, quæ est idem quod occisio, non est prohibita omnibus servis, sed tantum Clericis; non est prohibita potentatibus, & principibus, nisi in casu; sic enim ait: *Sinite utraque crescere usque ad messem; & dicit causam: ne forte colligentes zizania eradicetis simul cum eis & triticum.* In duobus ergo casibus non licet eradicare; quando ibi est forte, & quando cum zizaniis eradicaretur triticum; ergo cum nulla alia sit causa nisi ista

(14) Et Cathari, & Valdenses negarunt, fas esse iudicibus quemquam occidere, si deliquerit; quod, velut constituto generali quodam principio, concludere tandem possent; ne ratione quidem falsa religionis licere cuiquam adinære vitam. Sed primam illam sententiam Catharorum, atque Valdensium negant hæretici juniores. Ultro namque fatentur jus esse regibus, iisque omnibus, qui publica gaudent auctoritate in reos animadvertere. At quod consequens ex ea opinione erat, facile quidem probant, velut ante animadvertimus. Commodum autem huc cadit, quod de tolerantia sentiunt hæretici novi. Eodem enim, atque hæc Catharorum oppositio recidit. Oportere siquidem ajunt, ut in pace, atque tranquillitate finant vivere incredulos, quod Iudex vivorum, & mortuorum separaturus sit triticum a zizaniis. Verum si hæc ratio valeret; quæ tandem esset pax? quæ tranquillitas in Ecclesia? Scio Bellium respondere, eo nasci perturbationes in republica, quod intolerantia in causa sit. At in omnibus Sectis dari to-

lerantia deberet, quod fieri experiundo non potest. Sua namque Sectæ quæque dogmata defendere volunt. Inde inimicitie oriuntur, dissensiones, bella &c. Hæc ut tollantur mala, excidendæ Sectæ universæ sunt, servandaque vera religio. Rursus continentis experientia constat, argumentis prima specie solidis, debilibus tamen reipsa, incautos plerosque transversos agi, atque ita perverti. Ne autem veræ religionis cultores detrimentum ullum patiantur sempiternæ salutis, caveat necesse est reipublicæ Princeps, qui Dei minister est in bonum. . . . Non enim sine causa gladium portat, Dei enim minister est: vindex in iram ei, qui malum agit. Rom. Cap. xiii. v. 4. Agit autem malum, qui veram fidem tollere ex animis credentium studet; quare plecti a vindice jure poterit.

(15) Atque hinc quidem solvi poterit, quod contra Celserium ait Barbeyracius *Traçt. de Morali Patrum Cap. xii. §. 1.* Pugnat enim numero persequentium haberi non oportere Da-

ista quam Dominus ponit, cessante ista cessabit effectus, & ita tunc licebit eradicare quando crimen notum est, nec dubium est iudici, nec simul cum eo eradicat innocentem. Quod autem ista sit bona solutio evidenter apparet in 1. Corinth. 8. v. 13. ubi dicit Apostolus: *Quapropter si esca scandalizat fratrem meum: non manducabo carnem in aeternum, ne fratrem meum scandalizem.* Vide o Valdensis, quod Apostolus dicit, quoniam in æternum non manducabit carnem, idest nec usque ad messem, nec post eam: non dicit hoc absolute, sed ponit causam, & casum, in quo non manducabit carnes, scilicet ne fratrem suum scandalizet; si autem istud *ne* non esset ibi, liceret ei comedere; ergo si illud *ne* non fuerit, quod Dominus ponit in prædicta parabola, liceret eradicare.

Si autem contenderet, & diceret: quod forte non sumitur ibi quasi dubitative. Adminus habes unum casum, scilicet *ne simul*, in quo casu tantum prohibet Dominus eradicationem.

[*] Nonne vides quod Dominus prohibet quandoque servo suo, ne colligat zizania de agro materiali, non quia malum, sed quia servus ille tantquam minus cautus simul cum eis extirparet materiale triticum; sic est hic: Ergo eradicationis hominis malefici non est prohibita, quia mala sit, sed ne illud malum inde accidat, scilicet tritici eradicationis cum zizaniis; unde Genes. 18. v. 25. dixit Abraham: *Absit a te Domine, ut rem hanc facias, & occidas justum cum impio, fiatque justus sicut impius, non est hoc tuum, qui judicas omnem terram: nequaquam facies iudicium hoc.* In hoc casu tantum prohibita est eradicationis zizaniorum, scilicet, cum triticum cum eis simul extirpatur: non enim otiose dixit *simul cum eis*, nullum enim Christi verbum otiosum.

Præterea, ut patet ex verbis illis *ne forte colligentes zizania, eradicetis simul cum eis & triticum*; patet quod Dominus illud non dixit, nisi ut parceretur tritico; ergo noluit parci zizaniis in tritici detrimentum; ergo quando non potest eis parci sine tritici detrimento, noluit eis parci. [*]

Huic autem casui magis adhærendum est propter vitandam contentionem hujus adverbii forte, & maxime propter illud quod ibi dicitur v. 26. *Cum autem crevisset herba, & fructum fecisset: tunc apparuerunt & zizania*; & loquitur de herba tritici, qua crescente in cognitione veritatis facile est discernere zizania, & cognoscere ea; tamen quandoque apparent aliqui esse zizania, qui non sunt zizania. unde Johannes (16) super libro iudicium: ubi peccatum evidens non est, ejicere de Ecclesia neminem possumus, ne forte &c. Non tamen de eradicatione ab Ecclesia in illa parabola loquitur, sed de eradicatione a mundo; agri enim

nomine non Ecclesia, sed mundus significatur, ut dicit Remigius (17) super Matth. etsi tamen eradicationis ab Ecclesia prohibita est, ubi crimen notum non est, multo fortius eradicationis de mundo.

[*] Præterea aliter, & valde rationabiliter solvi potest, quod loquatur de materiali collectione; istam enim prohibet Dominus, quod patet ex Domini expositione v. 38. *Zizania autem filii sunt nequam*, scilicet omnes illi, qui alligandi sunt in fine sæculi in fasciculos ad comburendum: *Bonum vero semen: hi sunt filii regni* in horreo patris familiæ collocandi; ergo per Zizania intelligitur numerus damnatorum, & per bonum semen numerus salvandorum, qui venturi sunt ad regnum patris eorum: prohibuit autem eis istam universalem collectionem propter duas causas, una causa est, quia non erat illorum servorum facere eam, nec velle tunc fieri, sed Angelorum; alia est quia non erat tempus collectionis hujus, aliqui enim de electorum numero nondum erat conversi, qui triticum sunt, & filii regni per providentiam Dei, qui simul cum zizaniis, idest simul cum filiis nequam, scilicet cum damnandis, & alligandis in fasciculos ad comburendum, tunc essent eradicandi; nonne vides quod dicitur de eo Apocal. 6. v. 10. a quibusdam: *Usquequo Domine, (Sanctus, & verus) non iudicas, & non vindicas sanguinem nostrum de iis, qui habitant in terra?* v. 11. *Et datae sunt illis singulae stolæ albæ: & dictum est illis, ut requiescerent adhuc tempus modicum, donec compleantur conservi eorum, & fratres eorum, qui interficiendi sunt, sicut & illi.* Nota, quia dicit *conservi*, ut manifeste appareat quod sicut Deus non excludit desiderium suorum occisorum pro Christo de vindicta universali eorum, qui habitant in mundo isto, sive de iudicio mundi universali, ita nec desiderium suorum adhuc viventium exaudire vult adhuc de eodem.

Præterea, ex ordine posterioritatis boni seminis in agro hujus mundi ad zizania patet, quod ista parabola non intelligitur post adventum Christi tantum, sed ab initio sæculi usque ad finem. Ordo patet ex eo, quod dicit littera v. 25. *Venit inimicus ejus, & superfeminavit zizania in medio tritici.* Antecedit enim seminatio superfeminationem; ergo bonum semen antecedit zizania. Sed post adventum Christi e contra fuit, quoniam ipse Christus superfeminavit bonum semen in agro mundi zizaniis jam seminatis; ergo non intelligitur parabola post adventum tantum. Idem etiam potest haberi ex eo quod Dominus in expositione parabolæ dicit v. 38. *Ager autem est mundus*, non distinguens an mundus ante adventum Christi, an post, sed simpliciter.

Præterea, idem patet ex expositione boni seminis,

non vi arbitramur, sed persuasione reducendos ad fidem; sin autem illi converti nolint, non eos plectimus, modo tamen nullam in republicam, nullam in Ecclesiam, nullam in membra Ecclesiæ nostræ inferant partem incommodorum. Arque hoc quidem argumentum ex regum Israelitarum exemplo petatum magni ponderis esse, ultro fatetur Balus 1. object. 1.

[*] Non extant in Cod. Vat. & Bonon.

(16) Nescio quis hic sit Johannes, quem super Iudicium Libro scripsisse affirmat noster.

(17) Altrissiodorensis floruit an. 880.

[*] Desunt hæc e Codicibus Bonon. & Vat.

Davidem, Salomonem, Oziam, Iosaphatum, Ezechiam, Iosiam &c. quod non punierint peregrinos paganos, sed tantummodo illos, qui cum addicti essent religioni Judaicæ, in idololatriam incidebant. Verum id quidem est. Non enim Ecclesia Ethnicos, aut Judæos nolentes cogit ad Christianam religionem tuendam; sed eos tantummodo, qui cum Catholici fuerint, in hæresim inciderunt, aut sese reddunt suspectos hærescos. Quamobrem si iuste se gesserunt Israelitici reges, iuste se quoque gerat Ecclesia necesse est. Verum si Ethnici illi, qui tum erant, invadere in rempublicam voluissent, aut deterrere a fide Israelitis; nonne reges veri Dei cultores in eos jus, potestatemque suam exercuissent? Nos ergo Judæos, Ethnicosque

nis, quia ait v. 38. *Bonum vero semen: hi sunt filii regni. Zizania autem filii sunt nequam.* Constat enim quod per filios regni, non intelligit tantum salvandos, qui fuerunt post Christum, sed omnes; & per zizania omnes damnandos: statio ergo ista a principio mundi est intelligenda; parabola ergo de femine, & zizaniis totum tempus ab initio sæculi usque ad finem ejus comprehendit. Igitur si licuit ante adventum Christi occidere, etiam post ipsum non obstante ista parabola. [*]

Contra Catharos adhuc aliter potest dici: Constat quod ager est mundus secundum expositionem Domini v. 38. Aut iste mundus, aut alius; si iste mundus; ergo ipse est creatura Dei boni, & in eo seminavit filios regni; hoc autem non credit qui duo principia ponit; scilicet quod iste mundus a Deo bono sit; si vero alius mundus significatur per agrum, de alio non eradico; quare ergo me arguis de eradicatione, idest de occisione per istam parabolam, nisi quia in hypocrysi loqueris mendacium?

Præterea, si alius est, idest cœlestis mundus; ergo adhuc ibi sunt zizania, idest filii nequam, & erunt usque ad consummationem sæculi. De hoc autem plenius habetur 8. cap. primæ partis.

Si autem mundus est Ecclesia, ager igitur est Ecclesia. Contra: Secundum expositionem Domini, aliud est ager, & aliud semen, quod recipit ager; semen autem est filii regni; si filii regni sunt ipsa Ecclesia; ergo semen est Ecclesia; ergo ager sive mundus non est Ecclesia.

Præterea, si agrum idest mundum sumis spiritualiter; ergo & eradicationem de agro spiritualiter debes accipere; sed proba quod dicis aliquo testimonio, quod ager sive mundus dicatur Ecclesia.

Præterea. Nonne de Ecclesia facienda est eradicatio spiritualis? Utique, ut præostensum est, & Paulus eam fecit, quando quosdam tradidit Satanæ, ut habetur 1. Corinth. 5. v. 5. & 1. Timoth. 1. v. 20.

Præterea. Nunquid loquitur de extirpatione corporali? si non; ergo non facit contra me, qui extirpo corporaliter; si autem loquitur de corporali. Contra: Zizania sunt filii nequam, isti sunt malæ creationis, sicut filii regni bonæ creationis sunt; nunquid Dominus dedit mandatum de illis non eradicandis? sic sic; ergo illi sunt proximi filiorum regni, dicit enim Apostolus Rom. 13. v. 9. *Non occides Et si quid est aliud mandatum: in hoc verbo instauratur: Diliges proximum tuum, sicut te ipsum.*

[*] Præterea ut patet ex verbis Domini, non prohibet eradicari zizania, nisi simul eradicetur & triticum; ergo si istud non esset, liceret eradicare zizania. [*]

Præterea, Dominus dicit v. 39. quod messiores sunt Angeli sui; isti autem metent in fine sæculi zizania; ergo eradicabunt ea; ergo occident materialiter. Quomodo possunt hoc facere, si malum esset?

[*] Præterea, ad claudendum os ejus potest dici Catharo: Aut hoc præceptum est Romanis, aut non. Sic sic; ergo ipsi sunt servi patrisfamilias, & non sunt zizania, ut patet ex parabola, quæ distinguit inter servos & illa; ergo ipsi sunt Ecclesia Dei; si non est datum eis, dic ei: *Ubi enim non est lex, nec prævaricatio.* Rom. 4. v. 15. [*]

Catharus qui unum ponit principium dicit, quod ager est mundus iste, & est boni Dei per creationem; cui dicendum est istud, quod notatum est specialiter contra eos 8. capite primæ partis hujus operis.

Contra omnes Catharos dic: Quid appellas tu eradicare? si occidere materialiter; dic ergo mihi quid tu appellas zizania, vel triticum? Si animam tantum, non possum occidere; ergo non possum illam eradicare, cum eradicare sit occidere materialiter: frustra igitur dixit eis Dominus, quod non eradicarent zizania: *ne forte colligentes zizania eradicetis simul cum eis & triticum.* v. 29. Vel oportet quod verbum Domini non intelligatur de eradicatione materiali, quod si verum est, in illa ergo parabola non prohibetur eradicatio materialis.

Si autem dicas mihi, quod per bonum semen, & per zizania intelligitur hoc corpus, vel totus homo constans ex anima & corpore; iste ergo totus homo est filius regni; ergo totus erit in regno; ergo caro ista possidebit regnum Dei.

Præterea: ergo corpus istud a Deo seminatum est, & factum; insuper oportebit dicere, quod corpora zizaniorum resurgant, & ponantur in inferno, ut habetur ex fine parabolæ, ubi dicitur v. 42. *Et mittent eos in caminum ignis. Ibi erit fletus, & stridor dentium.*

Item, dicit hæreticus: volo quod illud observe-tur quod habetur Matth. 18. v. 17. *Sit tibi sicut Ethnicus, & publicanus.*

Solutio: & ego idem volo; sed per hoc non tollitur alia vindicta, cum dictum sit superius, quod vindicta licita sit Principibus, & Potentatibus.

Contra hoc nituntur dicentes: quod in Ecclesia Dei non debent esse hujusmodi dominationes; & hoc volunt habere ex eo quod legitur Matth. 20. ubi Dominus ait v. 25. *Scitis, quia Principes gentium dominantur eorum: & qui majores sunt potestatem exercent in eos.* v. 26. *Non ita erit inter vos.* Ecce Dominus principatum, & potestatem sæcularem prohibuit Ecclesiæ suæ; unde si hoc est prohibitum, videtur quod vindicta, quam aliis licitam non esse dicimus, sit illicita ex toto. (18)

V v v

So-

[*] Non exstat in Codice Bononiensi.

[*] Desunt hæc item e Cod. Bononien. & Vaticano.

(18) Fuerunt etiam ex hæreticis novis, qui pugnant nefas esse homini Christiano gerere magistratum. Id enim memoriæ proditum video ab Episcopo. Parte II. Opp. Theologicorum. pag. 71. Edit. an. 1678. Abutebantur autem Christi testimonio, quod Cathari in rem suam afferebant, quodque jam extat Matth. xx.

v. 25. *Principes gentium &c.* Verum nihil aliud Christus &c. τὸ καὶ ἐξουσίαν, & καὶ κυριεύειν voluit, quam, ut ambitio, superbia, & libido dominandi a suis sectatoribus vitarentur. Id enim postulat occasio, ob quam lex hujusmodi lata est. Ea namque fuit questio aut de primatu, & præeminentia inter Apostolos excitata, aut de superiore gradu, quem affectabant filii Zebedæi. Neque enim Christus potestatem & imperium omnino damnavit: alio-

Solutio : Si hoc esset , quare ergo Paulus 1. Corinth. 6. v. 4. monet Corinthios constituere iudices de secularibus negotiis , ut inferius dicitur ?

Si dicis , non monet constituere Principes , & potestates , Reges , aut duces . Quid ad rem de nomine ? Monet tamen constituere iudices ; prædicti autem scilicet Principes , & huiusmodi , iudices tantum sunt .

Præterea , Dominus loquebatur duodecim Apostolis seorsim , bene autem concedo quod inter eos non fuit utens principatu seculari , aut gladio ; & tamen inter viros Christianos non prohibetur .

Unde etiam patet solutio cuiusdam quæstionis , quæ aliquando fit ab hæreticis , qui dicunt , quod in ordine Apostolorum non fuit aliquis utens gladio : quomodo ergo Ecclesia Romana successit Apostolis ?

Dico successit eis ; licet enim in eorum ordine , idest inter eos non fuerit , tamen in corpore eorum idest in Ecclesia fuit utens gladio ; sicut in ordine oculorum non est manus , & tamen in corpore est manus ; non potest dicere oculus manui , opera tua non indigeo ; similiter nec Episcopus potestati . Unde & Dominus dicit de istis , *quia benefici vocantur* Lucæ 22. v. 25. Quare ? quia magnum bonum faciunt hominibus tenendo eos in pace , reddendo unicuique secundum quod meretur ; gladius enim materialis iuvat spiritualementem , idest prædicationem , tunc enim possunt uti Prædicatores gladio suo , alias male possent uti eo : propter hoc cum dictum esset Lucæ 22. v. 38. *Ecce duo gladii hic* ; Respondit Dominus : *Satis est* ; in Ecclesia enim duo gladii sufficiunt , scilicet materialis , & spiritualis ; propter quod Apostolus 1. Timoth. 2. v. 1. dicit : *Obsecro igitur primum omnium fieri obsecrationes , orationes , postulationes , gratiarum actiones pro omnibus hominibus . v. 2. Pro regibus , & omnibus qui in sublimitate sunt : ut quietam , & tranquillam vitam agamus in omni pietate , & castitate .* Imploravit auxilium gladii materialis . Act. 23. v. 17. & seq.

Item , sciens per Domini revelationem se usum gladio spirituali apud Romam , ut ei dixit Dominus Act. 23. v. 11. auxilium humanarum legum implorans ait : *Cesarem appello .* Act. 25. v. 11. De ista etiam objectione aliud quiddam tactum est in secunda parte in cap. de Deo Veteris Testamenti .

Ad probandum etiam quod vindicta non est licita , & maxime illa quæ fit per gladium , inducunt illud Matth. 26. v. 52. ubi Christus ait Petro defendenti cum gladio : *Converte gladium tuum in locum suum . Omnes enim qui acceperint gladium , gladio peribunt . v. 53. An putas quia non possum rogare patrem meum , & exhibebit mihi modo plusquam duodecim legiones Angelorum ?* Ad idem facit etiam illud quod habetur Johannis 18. ubi interro-

gatus a Pilato an Rex esset . v. 36. *Respondit Jesus : Regnum meum non est de hoc mundo : si ex hoc mundo esset regnum meum , ministri mei utique decernerent , ut non traderer Judæis ;* Sic ergo videtur quod ad regnum mundi pertineant , qui ab injuria imminente defendere se laborant , multo magis qui vindicare volunt .

Solutio : Dicimus quod illud verbum Domini pro me est , *Omnes enim &c.* sicut dicit (19) B. Augustinus in 2. libro contra Manichæos : *Ille gladium accipit , qui nulla superiori ac legitima potestate , vel iubente , vel concedente in sanguinem alicujus armatur .* Loquitur Dominus de his , qui non habent officium utendi gladio , quibus non est commissus usus ejus , & confirmat legem contra tales datam Matth. 5. v. 21. *Qui autem occiderit , reus erit iudicio .* Reus quidem mortis temporalis , iudicio divinæ legis ; unde Apocal. 13. v. 10. *Qui in gladio occiderit , oportet eum gladio occidi ;* quasi dicat , opportunum est quod occidatur , idest jus est : timore enim hujus legis voluit Dominus compescere Petrum , & omnes alios qui ad hoc constituti non sunt ab usu gladii materialis contra aliquem . Et nota , quod quædam litera est , *sic oportet eum occidi .* Istud autem *sic* non erit in iudicio universali ; ergo non potest intelligi nisi hic , ubi non fit nisi per ministrum , qui a Deo habet portare gladium , & in hoc ipsum servientem ei , ut habetur Roman. 13. vers. 4.

Præterea . Nonne aliquid licet uni , quod non alii ? Utique . Petrus autem , & alii Apostoli non erant Dei ministri in usu gladii materialis ; unde Matth. 20. v. 26. *Non ita erit inter vos ;* loquebatur enim Apostolis seorsim , quibus non licebat ; unde & Petrum arguit postea de usu gladii in passione sua .

Ad illud quod dictum est : *An putas , quia non possum &c.* quasi dicat , defensores habere valeo , sed nolo ; dico quod verum est , quod noluit , quod tamen licuit ; causam autem subdit , cum dicit v. 54. *Quomodo ergo implebuntur Scripturæ , quia sic oportet fieri ?* Ad quid autem oportet , satis notum est , scilicet ut solveret pretium nostræ Redemptionis .

Præterea , 1. Petri 1. v. 18. *Scientes quod non corruptibilibus auro , vel argento redempti estis de vana vestra conversatione paternæ traditionis . v. 19. Sed pretioso sanguine quasi agni immaculati Christi , & incontaminati .* 2. Cor. 6. v. 32. *Empti enim estis pretio magno . Glorificate , & portate Deum in corpore vestro .*

Præterea , hoc decreverat Deus Pater , ut habetur Act. 4. unde dicitur v. 18. *Quæ manus tua & consilium tuum decreverunt fieri : cujus rei causa Petrum dicentem , absit a te Domine , arguit eum Matth. 26. v. 23. Vade post me Satana , scandalum es mihi : quia non sapis ea quæ Dei sunt , sed quæ hominum .*

Ad

alioqui , ut gentium , sic hebræorum reges , qui ante fuerant , condemnasset eodem crimine . Alioquin pugnancia loquutus fuisset Christus ipse ; quippe cum alicubi dixisset , *non venisse ministrari se , sed ministrare : Job. 13. v. 13. de se ipso probavit dominium : Vos , inquit , vocatis me magister , & Domine , & bene dicitis ; sum autem .* Ne autem ulla pugna in verbis Christi admittatur , fateamur oportet , priore quidem loco , de animi æqualitate loquutum fuisse , qua non lubricitate dominandi , sed voluntate com-

modis , utilitatisque nostræ prospiciendi dacebatur ; secundo autem loco de dignitate , & potestate , quam jure obtinebat inter Apostolos , sermonem instituisse . Multa porro sunt ; quæ probent fuisse esse viro Christiano imperium exercere . Confultor Paulus Epist. ad Romanos Cap. xiii. v. 1. seq. & 1. ad Timoth. Cap. ii. v. 1. & 2.

(19) Immo Libro xxi. Contra Faustum Cap. lxx.

Ad illud quod dictum est : *Regnum meum non est de hoc mundo* &c. Dico, quod Pilatus putabat quod Christus esset Rex, & venisset in propria persona temporaliter regnare, & quia sic esset Cæsari contradicens; unde Christus dicit v. 37. *Tu dicis quia Rex sum ego*. Cujus sensus est, tu dicis hoc, idest putas in corde tuo; sed regnum meum non est de hoc mundo, quasi dicat regnum meum non est mundanum; idest ego non veni regnare temporaliter, ut tu dicis in corde tuo; sicut regnant habentes mundanum regnum, sed veni regnare spiritualiter, ut Pastor, & Episcopus animarum; unde quod sequitur, *si ex hoc mundo esset regnum meum* &c. sic intelligendum est, idest si regnum meum esset mundanum, idest si regnarem in persona mea mundane, ut alii mundi reges, ministri mei utique decertarent, ut non traderer Judæis. Per hoc autem non tollitur, quin ministri regum temporalium possint eos defendere; licet Christus noluerit defendi a suis, quia pati venerat, & hominem redimere per passionem suam, ut Pater decreverat: sed non sic est in aliis Regibus temporalibus: nec ex hoc sequitur, quin regnum mundi sit a Deo, ut notatum est 7. cap. primæ partis, ubi distinguitur duplex ejus regnum ex testimonio Danielis. De hac enim auctoritate disputatum est supra in prima parte primæ partis hujus operis, & in 7. capite ejusdem partis, quod vide ad habendam ejus intelligentiam.

Hic objici potest illud, quod habetur prima Petri 2. v. 21. *Quia & Christus passus est pro nobis, vobis relinquens exemplum, ut sequamini vestigia ejus*.

Solutio: Et ego volo sequi vestigia ejus, & pro eo pati, quando opus est, sed non semper est opus (20). Paulus enim noluit pati, quando milites a Tribuno ad sui defensionem impetravit, contra illos, qui devoverant occidere eum. Act. 23. v. 17. & seq. & quando Cæsarem appellavit Act. 25. v. 11. & vindictam sumpsit de malefactoribus ut prædictum est. Dico igitur quod per hoc quod Christus passus est &c. non prohibetur vindicta; unde & Christus qui pati venerat opus justitiæ exercuit, cementes, & vendentes de templo ejiciens Matth. 21. v. 12. dæmones in porcos mittens Matth. 8. v. 32. Judæos, qui eum capere venerant, sua potestate prosternens. Johan. 18. v. 6. Dicit etiam *væ vobis* Mat. 23. v. 13. & seqq.

Objiciunt etiam illud Lucæ 9. v. 54. ubi cum discipuli cœlesti igne vellent consumere illos, qui sibi non paraverunt hospitium, nec eos recipere voluerunt, prohibiti sunt a Christo dicente v. 55. *Nescitis cujus spiritus estis*. v. 56. *Filius hominis non venit animas perdere, sed salvare*. (21)

Solutio: hæc auctoritas disputata est in secunda parte hujus operis in cap. de Deo Veteris Testamenti contra Catharos. Ad præsens autem dicimus, quod Dominus videbat, quod Apostoli non amore correctionis, sed spiritu iracundiæ concitati, quærebant ab eo potestatem impetrandi ignem de cœlo, ad consumendum eos, qui sibi non paraverant hospitium, nec recipere voluerant; duplicem ergo ignorantiam in eis arguit, dicens: *Nescitis cujus spiritus estis*; quasi dicat vos ignoratis, quoniam vindicta non est sumenda spiritu iracundiæ: item nesciebant nimis esse crudele, quod pro tali peccato tanta multitudo Samaritanorum morti traderetur; non enim pro tali peccato determinata erat pœna mortis in lege.

Dicit etiam hæreticus: constat quod vindicta, si est facienda, fieri debet amore correctionis; Quomodo autem hoc observat judex cum aliquem occidit? (22)

Respondeo: ego invenio quod Deus occidit aliquos ad correctionem; sic etiam debet facere judex; non ne vides, quod David ait Psalm. 77. v. 34. *Cum occideret eos, querebant eum, & revertebantur, & diluculo veniebant ad eum*? ad quem autem convertebantur, & quis occideret eos, patet ex principio Psalm. 77. *Attendite, popule meus legem meam: inclinate aurem vestram in verba oris mei*. v. 2. *Aperiam in parabolis os meum: loquar propositiones ab initio*; quod Matth. 13. v. 35. dicit esse impletum a Christo, quando locutus est ad turbas in parabolis, ut impleretur quod dictum erat per Prophetam dicentem: *Aperiam in parabolis os meum, eructabo abscondita a constitutione mundi*; loquitur autem ibi de uno populo, de quo quibusdam occisis, alii metu mortis convertebantur ad Dominum; ergo occisio unius a Deo fit ad correctionem alterius: vides igitur quod vindicta non fit ad correctionem patientis. Nonne Spiritus Sanctus, cui mentiebatur Ananias occidit eum ad verbum Petri? Act. 5. v. 5. Et tamen non ad ejus correctionem, sed Ecclesiæ utilitatem; nonne excœcavit Elymas Act. 13. v. 11. ad verbum Pauli?

Ad utilitatem etiam illius, qui a judice occiditur, cedit mors si vult; multi enim metu mortis quam sciunt sibi imminere, convertuntur ad Dominum, qui si scirent se diutius victuros, peccata peccatis adderent: mali enim homines, & seductores proficient in pejus 2. Timoth. 3. v. 13. Hoc patet in Ezechia Rege Juda, qui denuntiata sibi morte sua pœnituit, ut habetur Isaïæ 38. v. 1. & 2. & multipliciter ei utile fuit; si autem non converterentur metu mortis, tamen & mors cedit ad eorum utilitatem, quia si amplius viverent, amplius

V v v 2

plius

(20) Exemplo quoque Pauli Episcopum Bagajensem defendit Augustinus Epistolæ cxxxv. n. 28. Nam postea quam ille ipse Episcopus silvere cœpit, Auxilium, inquit Augustinus, petivit ab Imperatore Christiano, non tam sui ulciscendi causa, quam tuen-
 33 tuen la Ecclesiæ sibi creditæ. Quod si prætermisisset, non ejus
 33 fuisset laudanda patientia; sed negligentia merito culpanda. Ne-
 33 que enim & Apostolus Paulus vitæ suæ transitorie consulebat;
 33 sed Ecclesiæ Dei; quando contra illos, qui eum occidere con-
 33 spiraverant, consilium illorum tribuno ut proderetur effecit...
 33 Itemque ne Judæis eum interimere cupientibus, Cæsaris popo-
 33 scit auxilium, Romani quidem Principis; sed non Christiani.

(21) Diximus notis superioribus Barbeyracium hoc item abuti Sacræ Scripturæ testimonio. Ita novi hæretici Catharos, & Valden-
 33 ces auctores vehementer sequuntur. Nos autem etsi alia ratio-
 33 ne hoc Lucæ 9. v. 56 explicaverimus, fatemur tamen magnam vim
 33 huic a Moneta nostro adhibitis responsioni inesse.

(22) Hujuscemodi argumento abutuntur hæretici novi, qui
 33 cum tollant omnem Christianam Republicam magistratum, tum nulli
 33 Christianorum fas esse defendunt quemquam occidere quavis tan-
 33 dem polleat auctoritate. Quare non injuria vexantur ab Episcopo
 33 hæretico ceteroqui de Remonstrantium Grege: loco supra indi-
 33 cato.

plius peccarent (23), unde & majori supplicio digni essent, quanto enim quis deterior est, tanto durius punietur, ut probatum est in 4. parte hujus operis in cap. de Judicio.

Objiunt etiam, & dicunt: O quam malum fecisset, qui occidisset Paulum, quando persequeretur Ecclesiam.

Solutio: Non est verum quod malum fecisset, dummodo auctoritatem super ipsum haberet, & esset ejus judex.

Sed dicit hæreticus: imo, non enim factus fuisset fructus, quem postea fecit Dominus per eum.

Præterea ivisset in infernum.

Respondeo Valdensibus: Quid ergo dicetis de iudicibus Veteris Testamenti? male enim faciebant secundum hanc rationem.

Præterea, dicam tibi, sicut dixit Mardocheus Esther. 4. v. 13. *Ne putes quod animam tuam tantum liberes, quia in domo regis es præ cunctis Judæis.* v. 14. *Si enim nunc silueris per illam occasionem liberabuntur Judæi.*

Præterea, si occidisset eum aliquis, quare ei imputas? Imputas Deo, a quo ordinatus fuerit ille, judex impiorum hominum, & cujus minister, & servitor erat, ut habetur Rom. 13. v. 6.

Præterea, si dicas mihi de aliquo hæretico, qui punitur a Judice: forte adhuc convertetur.

Respondeo: Nescio quid continget, videamus de præsentī, utrum dignus sit morte, an non; & an occidendus, an non; & sic poterit trahi extra quæstionem suam, & venient ad Scripturam, per quam poterit probari, quod dignus morte occiditur a Judice sine peccato, qui ipsum occidit non ex odio, sed ex amore justitiæ, per quam providetur totius reipublicæ utilitati; sed utilitas reipublicæ melior propria illius utilitate, & ideo magis eligenda; sicut nocumentum plurium, idest totius reipublicæ deterius est & damnosius, quam nocumentum unius; quare magis cavendum; & ideo de voluntate summi judicis est, quod reus mortis occidatur a ministro ejus, ordinato ab ipso, ferviente ei in hoc, Roman. 13. v. 6.

[*] Præterea: De tali certum est, quod est triticum suffocans, & quod lupo est oves devorans; subversionis damnum videmus, conversionem non videmus, unde bonum conversionis eorum, rarum, incertum, difficile, non debet præponi bono magno, & certo, & frequenter accidenti. Vis tu parcere lupo devoranti, quia forte lupo mutabitur in ovem? Vis tu leprosum flatu suo populum corrumpentem dimittere in medio populi, quia forte sanabitur? [*]

Ad idem objiunt illud Matth. 5. v. 21. *Audistis quia dictum est antiquis: Non occides: qui autem occiderit, reus erit iudicio.* v. 22. *Ego autem dico vobis: quia omnis qui irascitur fratri suo, reus erit iudicio.* Si non licet irasci ei, multo minus non licet eum occidere.

Solutio ad Valdenses ista est: Quia sicut homicidium cordis, idest odium prohibitum est; unde Dominus ait: *Quia omnis qui irascitur fratri suo, reus erit iudicio*; ita etiam homicidium operis; de hoc enim intelligitur: *Non occides*, quod patet Matth. 19. v. 18. *Non homicidium facies.* Marcus autem 10. v. 19. Lucas 18. v. 20. agentes de eodem cum Matthæo ponunt, *non occides*; loquitur de mandatis legis quæ sciebat ille; unde Dominus ait in Marco & in Luca eod. vers. citat. *Mandata nostri: Non occides.* Concedo igitur quod occidere secundum quod prohibitum fuit antiquis, nunquam fuit licitum, nec modo licitum; Dominus enim, qui non venit solvere legem, sed adimplere, ut ipse dicit Matth. 5. v. 17. sicut non solvit istud mandatum: *Non machaberis*; sed addens illi mandato dixit Matth. 5. v. 28. *Ego autem dico vobis: quia omnis qui viderit mulierem ad concupiscendum eam, jam machatus est eam in corde suo*; ita etiam non solvit illud mandatum, *non occides*; sed addidit: *Ego autem dico vobis: quia omnis qui irascitur fratri suo, reus erit iudicio.* Quasi dicat: *Non oderis fratrem tuum in corde tuo*, ut dicitur Levitici 19. v. 17. Ex quo patet, quod si in Veteri Testamento licebat iudici occidere malefactorem & non odire: eadem ratione licet modo ei occidere eum, sed non irasci, idest non odire.

Præterea, Dominus cum dicit: *Ego autem dico vobis: quia omnis qui irascitur &c.* aut cassat illud mandatum *non occides*, aut confirmat; si cassat illud mandatum; ergo licitum est contrarium, scilicet occidere; si autem per hoc quod ait: *Ego autem &c.* ostendit quod nec odium habendum est ad fratrem, *quia omnis qui odit fratrem suum homicida est*, ut dicitur 1. Johan. 3. v. 15. Si non cassat illud quod antiquis dictum est: *Non occides*, imo confirmat; ergo sicut per illud mandatum non tollitur antiquis iudicibus licentia occidendi personas determinatas in lege, scilicet maleficos, ita etiam nec modo tollitur.

Quod autem ita sit, probari potest per illud quod dicitur Marci 10. v. 17. & seq. & Lucæ 18. v. 28. & seq. Cum enim ille judex, imo etiam Princeps quidam, ut Lucas dicit, quævisset, quid faceret ut vitam æternam possideret, Christus dixit ei: *Mandata nostri: Non occides &c.* Ecce Dominus dixit ei, sicut novit mandata, ita servet ea, si vult possidere vitam æternam: ille autem noverat istud mandatum tantum dictum esse de innocentibus, & justis, ut habetur Exodi 23. v. 7. *Insontem & justum non occides: quia averfor impium*, & 22. v. 18. *Maleficos non patieris vivere.* Ergo post adventum Christi, & postquam prædicavit: illud: *dictum est antiquis. Non occides &c.* Si quis Princeps, ut Christus ibi locutus est Principi, non occiderit justum, sed malefactorem, dummodo fervet alia mandata potest possidere vitam æternam; ergo licitum est occidere. Cum autem dicitur *non occides*, solum homicidium prohi-

(23) Majoraque inferret in rempublicam incommoda. Nam qui occidi ob malefacta solent, ii quidem certe eo plectuntur, quod publico aut civitatis, aut Ecclesiæ bono incommodo sint. Quamobrem cum multorum utilitas, vita, ac sempiterna salus, unius comomodo prævaleat, tollatur oportet e medio, qui tanti sceleris

reus est. Tunc enim deterrentur ab improbitate ceteri, feliciusque appellant animum cum ad propriam, tum ad aliorum utilitatem.

[*] Quæ duobus asteriscis comprehendimus, desunt e Codicibus Bononiensi, & Vaticano.

prohibetur: unde etiam Matth. 19. v. 18. dicit: *Non homicidium facies*; homicidium in malam partem sonat; & sicut iudex in Veteri Testamento malefactorem occidebat, nec homicidium committebat; ita & nunc non dicendus est homicida; unde non sunt contraria nobis ea, quæ dicuntur Apocal. 21. v. 8. & 22. v. 15. de homicidis. Per illa verba etiam: *Mandata nostri*, potest ostendi Catharo, quod occisio malefactoris licita est ministro.

Viso qualiter negotiandum est contra Valdenses circa illud mandatum, *non occides*; videamus similiter qualiter contra Catharos sit dicendum de illo mandato; non enim est contra nos, quia non fuit datum de omnibus universaliter, sed tantum de innocentibus & iustis, & sic adhuc manet: & primo videamus de qua occisione; secundo de quibus; tertio quando datum fuit; & ad quid datum fuit.

Primo ergo videamus de qua occisione intelligatur, utrum de carnali, vel spirituali; si de spirituali; ergo per illud non prohibetur carnalis occisio; si autem de carnali intelligitur; de carne non occidenda datum est illud mandatum; sed ex verbis Apostoli Roman. 13. v. 8. *Qui enim diligit proximum, legem implevit. v. 9. Nam non adulterabis, non occides &c.* patet quod dictum est de diligendis dilectione divina; ergo si illud mandatum datum est de ista carne corruptibili, ista caro diligenda est ex Dei mandato amore divino; ergo ipsa non est opus diaboli; vel si ejus opus est, nunquid divinus amor in opere diaboli ponendus est? Absit.

Præterea, aut diligenda est divino amore, aut non; si non, ergo non est datum a Deo præceptum de ejus conservatione, cum illud præceptum non sit datum, nisi de diligendis divino amore. Si sic, ergo cum in ea ponendus sit amor Dei, ipsa est bona, & a Deo bono fabricata.

Præterea, si est diligenda divino amore, eadem ratione & alia mundi opera, scilicet lapides, ligna, & huiusmodi; totus ergo mundus iste diligendus est; Quomodo ergo audes dicere, quod ejus amor prohibitus sit omnino 1. Johan. 2. v. 15. *Nolite diligere mundum, neque ea, quæ in mundo sunt.* Quomodo etiam audes dicere ipsum a Deo factum non esse?

Præterea, si Filius Dei apparuit, ut dissolvat opera diaboli, quare audes dicere, quod prohibuit carnem occidere, si est opus diaboli?

Viso quod de carnali occisione intelligatur illud mandatum, quidquid dicat hæreticus, videamus de quibus rebus. Constat autem quod de animalibus intelligitur. Nunquid de omnibus animalibus? Dicit non; quia ipsi occidunt pisces; ipsi etiam tenent murilegas ad occidendum mures. Sed nunquid de bobus intelligitur, & de passeribus, & huiusmodi? Dicit quod sic.

Contra: Dicit Apostolus 1. Corinth. 9. v. 9. *Nunquid de bobus cura est Deo?* Sic ergo non est datum de eis non occidendis.

Præterea absolute dictum est, *non occides*; ergo cum non inveniatur, quare ista animalia potius non sint occidenda, quam alia; si ista non sunt occidenda, nec alia; ergo cornipedes, & passeres, & mures, & pisces non sunt occidendi.

Præterea. Quare potius dicis quod ista non sunt occidenda, quam alia? Nunquid habes testimonium ejus quod dicis? Non: somnium est ergo quod dicis, & fides tua non vera sed ficta est; testificata enim debet esse a lege, & prophetis fides vera, unde & iustitia.

Restat ergo, quod tantum de hominibus intelligendum sit; unde ubi Marcus 10. v. 19. & Lucas 18. v. 20. dicunt: *Non occides*; Matth. 19. v. 18. ponit: *Non homicidium facies*; per hoc significans, quod illud mandatum tantum de hominibus datum sit.

Præterea, si sub uno mandato prohibetur occisio hominis, & passeris; ergo æque magnum peccatum est occidere unum passerem, sicut unum hominem; & hoc ipsi credunt, quod unum non est majus peccatum quam aliud quoad Deum. Patet igitur quod illud mandatum non intelligitur, nisi de hominibus, nec de his omnibus, sed tantum de innocentibus, ut ostendimus, quando disputavimus contra Valdenses, & potest eadem ratione istis ostendi. Hæc est mea iustitia, & testificata a lege, tua vero non, qui ponis quod de omnibus intelligitur; ergo mea iustitia tuæ præferenda est, secundum dictum Apostoli ad Roman. 3.

Nunc videndum esset, quando datum est illud mandatum; sed istud ad secundam partem capitis hujus reservabimus.

Obijciunt etiam illud Matth. 7. v. 12. *Omnia ergo quaecumque vultis, ut faciant vobis homines, & vos facite, illis*; Si Iudex esset in illo casu, nonne vellet sibi dimitti? Ergo & ipse debet dimittere.

Solutio: Nemo sani capitis est, qui non intelligat istud cum determinatione, omnia scilicet, quaecumque vultis rationabiliter ut faciant vobis homines &c.

Si dicitis, quod si Iudex esset in illo casu, vult, rationabiliter, quod sibi dimitteretur. Dico tibi: proba quod rationabiliter, quod quidem non potes facere. Ego autem ad tuam confusionem ostendam contrarium. Lege Actor. 25. quod Paulus Festo sedente pro Tribunali dixit v. 10. *Judeis non nocui, sicut tu melius nosti (v. 11.) Si enim nocui, aut dignum morte aliquid feci, non recuso mori.* Ipse autem dicit 1. ad Corinth. 11. v. 1. *Imitatores mei estote, sicut & ego Christi.* Ergo si quis fecit aliquid dignum morte, & est convictus coram iudice, non debet recusare mori per iudicem.

Si autem dicat hæreticus: Ipse bene sciebat, quod nihil dignum morte fecerat, & ideo secure illud dicebat. Concedo quod dicis; & tamen dicebat, quod non recusabat mori, si dignum morte fecisset. Fac ergo & tu similiter.

Præterea, ipse dicebat Festo iudici, quod non recusabat occidi ab eo, si dignum morte aliquid egerat: Modo quæro a te: Si Festus peccasset mortaliter occidendo eum, nonne debuisset recusare, ne ille peccaret? Utique, quia debebat eum diligere sicut se ipsum. Matth. 19. v. 19. Ergo si Paulus debebat recusare, ne ipsemet peccaret, debebat etiam recusare, ne Festus peccaret; ergo si occidere peccatum est, debebat recusare ne Festus eum occide-

cideret, etiam si aliquid dignum morte fecisset; sed non recusabat illud; ergo non erat peccatum occidi ab eo, si aliquid dignum morte fecisset.

Ad idem etiam inducunt illud Johan. 8. v. 3. ubi legitur, quod Scribæ, & Pharisei adduxerunt mulierem in adulterio deprehensam, & dixerunt Jesu v. 4. *Magister, hæc mulier modo deprehensa est in adulterio.* (v. 5.) *In lege autem Moyses mandavit nobis hujusmodi lapidare.* Tu ergo quid dicis? Jesus autem quibusdam interpositis, mulieri dixit, (v. 11.) quod non condemnaret eam. Ex quo videtur, quod lex vindictæ cessat postquam venit Christus, & maxime lex occisionis.

Solutio: Licet ei parceret, non sequitur ex hoc, quod juste occidi non posset. [*] Quod enim Dominus non judicavit illam, una causa fuit, quia non habebant eum pro Judice, sicut ipse dixit Lucæ 12. v. 13. cuidam dicenti: *Magister dic fratri meo, ut dividat mecum hereditatem.* (14.) *At ille dixit illi: Homo, quis me constituit judicem, aut divisorem super vos?* Judæi enim non duxerunt illam ad eum tanquam ad Judicem, sed tanquam tentatores, ut habetur ibi v. 6. Secunda causa fuit, quia non occurrit ei casus, in quo posset hoc facere secundum ordinem judiciorum, quia fugerant accusatores ejus; unde dixit v. 10. *Ubi sunt qui te accusabant?* Tertia fuit, quia Christus tanquam summus Imperator non debuit per se judicare de inimicis ad modum elegantis Principis, sed per ministros. Roman. 13. v. 4. *Dei enim minister est tibi in bonum.*

Item in Johan. 8. v. 15. *Ego non judico quemquam.* (v. 16.) *Etsi judico ego, judicium meum verum est, quia solus non sum: sed ego, & qui misit me Pater.* [*]

Præterea, aliquando Dominus misericordia utitur, aliquando justitia; unde & Apostolus Rom. 11. v. 22. dicit: *Vide ergo bonitatem, & severitatem Dei: in eos quidem qui ceciderunt, severitatem; in te autem bonitatem Dei, si permanseris in bonitate.*

Sciendum autem, quod Dominus monet ibi ad digne, & juste, & discrete judicandum. Digne cum dicit v. 7. *Qui sine peccato est vestrum*, Ecce dignitas judicantis. Juste cum dicit eodem vers. *Primus in illam lapidem mittat*; idest in adulteram; dignitas autem respicit personam judicantis, justitia personam judicandam, alioquin non judicaret juste nisi justus. Discretio autem notatur ubi dicitur v. 6. quod *digito scribebat in terra*, ad denotandum, quod discretio in Scripturis, & per Scripturas habenda est ad judicandum terrenos. Illi autem, cum Dominus dixisset: *Qui sine peccato est &c.* tanquam indigni judicare eam, recesserunt, & non condemnaverunt eam, quia in æquali, vel majori peccato se esse sciebant. Ibi enim confirmavit legem de adulteris occidendis: adhuc enim hodie occidendi sunt secundum legem Moyfi, quam Imperatores confirmaverunt, ministri Domini, & ordinati ab eo ad vindictas per gladium faciendas: & servientes ei in hoc, ut habetur Roman. 13. v. 4. & 6.

Quod autem confirmaverit illam legem patet, sic enim ait: *Qui sine peccato est vestrum, primus in illam lapidem mittat.* Aut enim hoc verbum *mittat* sumitur imperative, aut consultive, aut hortative, aut deprecative, aut permissive; quinque enim modis sumitur imperativi verbum; unde versus. *Imperat, hortatur, permittit, consulit, orat.* Si primis quatuor modis, manifestum est, quod licitum erat, & bonum lapidare.

Si autem dicat, quod ponitur permissive; dicendum est ei, quare potius noluit permittere lapidare eam non peccatoribus, quam peccatoribus, si malum erat; potius enim dimitteret peccatorem & sibi contrarium cadere in tentationem, & in laqueum diaboli, quam non peccatorem, & amicum suum; sic enim dicit Apostolus 1. Corinth. 10. *Fidelis autem Deus est, qui non patietur vos tentari supra id, quod potestis, sed faciet etiam cum tentatione proventum, ut possitis sustinere.* Cum ergo Dominus permittat ei, qui sine peccato est, lapidare eam, constat quod illud non erat malum; & quod Dominus confirmat legem de lapidatione adulterarum, in quo etiam conveniunt ei leges Imperatorum, licet quandoque ex clementia parcatur ei, quia misericordia superexaltat judicium, idest altior est judicio.

Fortē dicet, quod Dominus per impossibile loquitur, cum dicit: *Qui sine peccato est vestrum &c.* impossibile enim est aliquem esse sine peccato.

Dicendum: proba hoc. Præterea, quare dicitur 1. Johan. 1. v. 7. *Sanguis Jesu Christi, Filii ejus emundat nos ab omni malo*; si impossibile est aliquem esse sine peccato; constat enim ex verbo 1. Epist. Johan. quod non est impossibile aliquem esse sine peccato.

[*] Dicit hæreticus: conditionaliter intelligitur. *Qui* in Jo: 8. idest, si igitur.

Respondeo: dato hoc, nihilominus opus approbat, cum dicit: *mittat*; & a quo digne fieri debeat declarat, sicut enim minister spiritualium digne & indigne exequitur officium suum; Verbi Gratia prædicationis, ut patet; ita minister sæcularium judiciorum: Officium bonum est, quamvis ille indigne agat quoad meritum vitæ, licet digne ex auctoritate officii sui. 1. Timoth. 6. v. 1. *Quicumque sunt sub jugo servi, Dominos suos omni honore dignos arbitrentur.* De hoc in secunda parte hujus capituli circa principium. [*]

Obijciunt etiam illud, quod legitur Roman. 8. v. 2. *Lex spiritus vitæ in Christo Jesu liberavit me a lege peccati, & mortis*; & dicebatur lex Moyfis lex mortis, quia occidebat quandoque transgressorem, & ita lex occisionis abolita est.

Item Roman. 10. v. 4. *Finis enim legis Christus ad justitiam omni credenti.*

Item ad Galat. 3. v. 19. *Quid igitur lex? Propter transgressionem posita est, donec veniret semen*; idest Christus; ergo cessat lex transgressionum puniendarum.

Solutio: Lex spiritus dicitur lex nova; dicitur autem lex spiritus vitæ, quia Spiritum Sanctum im-

[*] Quæ duobus asteriscis complexi sumus, desunt e Codicibus Bonon. & Vatic.

[*] Ne hæc quidem, quæ contenta duobus asteriscis, exstant in Cod. Bonon. & Vatic.

impetrat homini eam observanti, & per Spiritum Sanctum vitam gratiæ in præsentī, & vitam gloriæ in futuro: hæc lex quia vivificat, & facit justum, liberat ab ultionibus legis Moysis, quæ dicta est lex peccati, quia judicat peccatum, & lex mortis, quia mortem intulit peccanti; liberavit autem ab illa lege ulciscente, non quemlibet, sed justum hominem, cui non est lex posita; ut dicitur 1. ad Timot. 1. v. 9. Nonne vides, quia Paulus non dixit aliud nisi, *liberavit me*, quasi dicat, liberavit justum; faciendo enim justum facit liberum ab ultione legis; illos autem quos non facit justos quia nolunt, illos non liberat ab ultionibus legis.

Ad illud, quod dictum est, *finis legis &c.* Respondeo: Non dixit totius legis, sed tantum legis, quia figuratum legis fuit Christus; quod autem ita sit, patet ad Hebr. 10. v. 5. ubi dicit Apostolus de Christo: *Ideo ingrediens mundum dicit: Hostiam, & oblationem nolui: corpus autem aptasti mihi.* Unde ad Rom. 7. v. 4. dicit Apostolus, eos esse mortificatos legi per corpus Christi, corpus enim Christi per illas hostias legales figurabatur; unde postquam venit figuratum non placent Deo holocausta etiam pro peccato, idest sacrificia de animalibus, quæ non incendebantur tota.

Ad illud Galat. 3. v. 19. *Quid igitur lex? Propter transgressionem posita est &c.* Dico, quod iste non est sensus, lex posita est propter transgressionem puniendas, donec &c. ita quod *donec* denotet tantum ultionem, cum Paulus paratus esset ulcisci omnem inobedientiam, ut dicitur 2. Cor. 10. v. 6. Sed ille est sensus, lex posita est propter transgressionem (24) vitandas, saltem timore servili, licet non amore Dei; adveniente autem semine, idest Christo, vitantur transgressionem amore Dei, non solum timore ultionis; unde ad Hebr. 2. v. 14. *Quia ergo pueri communicaverunt carni, & sanguini, & ipse similiter participavit eisdem: ut per mortem destrueret eum, qui habebat mortis imperium, idest diabolum.* (v. 15.) *Et liberaret eos, qui timore mortis per totam vitam obnoxii erant servituti.* Dicitur autem diabolus imperium mortis habuisse, quia fuit habens auctoritatem ejus, fuit enim auctor peccati, ex quo mors.

[*] Dico etiam, quod illud verbum Apostoli propter transgressionem etiam sic intelligitur, idest propter eas puniendas, & quod *donec* dicat terminum punitionis; non tamen tollitur ultio cuiuscumque transgressionis postquam Christus venit, sed tantum cuiusdam: unde sensus est: Lex posita est propter transgressionem quasdam, scilicet puniendas, non plus, sed donec veniret semen: istæ sunt transgressionem figuralium mandatorum; ut de colligente ligna in Sabbato. Lucæ 6. v. 1. [*]

Item Galat. 4. v. 4. *At ubi venit plenitudo tem-*

*poris, misit Deus filium suum, factum ex muliere, factum sub lege (v. 5.) ut eos qui sub lege erant, redimeret; sub lege tanquam servi, quia ex solo timore ultionis faciebant legem; unde ibi habetur v. 24. Hæc enim sunt duo testamenta, scilicet Agar, & Sara. Unum quidem in monte Sina, scilicet datum, quæ est Agar, idest figurabatur per Agar: Ancillam, idest servam; & dicitur ibi in servitutem generant, idest quia generabat servos, idest ex solo timore servientes: sed novum figuratum per liberam generat filios, idest ex amore servientes; propter quod ad Roman. 8. v. 2. dicitur: *Lex enim spiritus vitæ in Christo Jesu liberavit me a lege peccati, & mortis;* quia fecit me filium, & ideo non timeo legis supplicium. Ad Roman. 13. v. 3. *Vis autem non timere potestatem? Bonum fac, & habebis laudem ex illa.* (v. 41.) *Si autem malum feceris, time.* Galat. 5. v. 22. *Fructus autem spiritus est: Charitas, gaudium, pax &c.* postea dicit v. 23. *Adversus hujusmodi non est lex.**

Ad idem obijciunt illud ad Roman. 12. v. 17. *Nullo malo pro malo reddentes.* Judex autem malum pro malo reddit, quando ultionem sumit.

Solutio ad omnes hæreticos est, ut ei dicatur: Proba quod malum reddat: imo reddit bonum, quia justum, ut probabitur in secunda parte hujus cap.

Præterea; nonne Paulus paratus erat ulcisci omnem inobedientiam 2. Corinth. 10. v. 6.? Ergo paratus erat reddere malum pro malo, si ultio mala est.

Præterea; nonne tu vindictam aliquam inferis fratri tuo peccanti?

Si dicat: non talem vindictam, scilicet occisionem ei infero. Quid ad rem? Tamen sumis vindictam de eo; ergo si vindicta mala est, tu venis contra illud, quod dicit Paulus: *nulli malum pro malo reddentes.* Si autem dicas, quod malum non reddendo pro malo dicitur ipsa occisio. Dico tibi, proba hoc, quod dicis; quod facere non potes.

Pauperibus autem Valdensibus, & Lombardis, & Catharis, qui duo principia ponunt, potes dicere: (25) Nonne David ultionem fumebat de aliquibus? Utique, & tamen dicit Psalm. 7. v. 5. *Si reddidi retribuētibus mihi mala, decidam merito ab inimicis meis inanis,* idest hoc, & hoc mihi eveniat; & est sensus; si reddidi mala retribuētibus, idest contrarium mihi facientibus; re enim notat contrarietatem, *decidam &c.* Ergo ultio non est malum, idest peccatum; cum David dicat, quod malum non reddidit facientibus sibi contrarium, cum tamen ultionem de eis faceret.

Præterea: Nonne Christus ultionem sumit de aliquibus? Utique. Nunquid reddidit malum pro malo? Quod autem ultionem fumeret, patet Joha. 2. v. 15. quando eiecit ementes de templo.

Item

(24) Ita quidem Clemens Alexandrinus Lib. I. Pedagogi Cap. xi. pag. 155. Iom. I. Opp. Edit. Oxoniens. „Quoniam, inquit, absque „ratione satiati, (Judæi) absque ratione ludebant, propterea, „iplos & lex, & timor sequebatur, ut & peccata rescinderet, „& ad res ex virtute gerendas exhortaretur: aures præparans, „ut vero Pedagogo obedirent, qui est unum idemque verbum, „quod præsentius accommodabat se, nemoe legi. &c. Eusebius autem Demonstrat. Evangelicæ Lib. I. Νόμος, inquit, οὐα τῶν

νυπίων καὶ ἀπελῶν ψυχῶν ἐπαίτροπος, καὶ οἰκονόμος, ἡ καὶ ἱατρός. Lex quasi tutor quidam est, & œconomus, vel etiam medicus imbecillarum, & imperfectarum animarum, &c.

[*] Quæ duobus asteriscis complexi sumus, desunt e Codic. Bononiensi, & Vaticano.

(25) Omnes namque generis illius hæretici Librum Psalmorum numero Canonicorum habebant; ut sæpe ante animadvertimus.

Item Matth. 21. v. 19. quando arefecit ficulneam.

Item Matth. 8. v. 32. quando misit dæmones in porcos. Sed nunquid reddidit malum pro malo, idest injuriam pro injuria? Non, imo justitiam pro injustitia.

[*] Obijcit etiam hæreticus: Si aliquis homo vult, ut Deus puniat inimicum; ubi est *diligite inimicos vestros, benefacite his, qui oderunt vos*. Matth. 5. v. 44. Nonne hoc est reddere malum pro malo? (26)

Respondeo: Uterque, idest bonus, & malus vult vindicari a Domino; sed ille qui bonus est, per ministrum, nec sine eo; sed malus ex odio personæ vult vindicari, & in pœna inimici delectatur; bonus autem amore correctionis, quam intuetur magis, quam pœnam illius, vel intuetur pacem publicam; non delectatur in pœna inimici, sed de justitia Dei; & quia diligit Deum, hoc ei placet, quod Domino; quia Dominus, quem in hoc sequitur, pluit aliquando super justos, & injustos, & in hoc sæculo malos corripit, & pertinaces in fine damnabit. Vir privatus exercens officium auctoritate, & licentia Judicis, non est judex, sed minister ipsius judicis, Judice tradente ministro. Matth. 5. v. 25. [*]

Item ad idem obijciunt illud Roman. 12. v. 19. *Non vosmetipsos defendentes charissimi, sed date locum iræ, scriptum est enim: Mibi vindicta; ego retribuam dicit Dominus*. Ecce Apostolus prohibet defensionem, & dicit, quod Dominus vult sibi (27) reservari vindictam.

Solutio: Sensus verborum Apostoli hic est, *non vosmetipsos defendentes*, idest non vosmetipsos vindicantes Charissimi, sed date, idest nolite auferre locum iræ, idest vindictæ Domini, qui dicit: *Mibi vindicta* &c. locus autem auferitur ei, quando non relinquitur ei suus locus, qui est manus Principis, vel alterius ministri Dei in usu gladii, ut inferius ostendetur.

Quod autem defendere ponatur aliquando pro vindicare, patet Judith. 1. v. 12. ubi habetur, quod expulsis nuntiis Nabuchodonosor de quibusdam regionibus, ipse juravit, *quod defenderet se de omnibus regionibus his*, idest vindicaret: illæ enim regiones non veniebant contra eum, sed ipse volebat eas subjugare sibi.

Quod autem in verbis Apostoli sumatur pro vindicare, patet ex ratione Apostoli, cum dixisset enim: *Non vosmetipsos defendentes Charissimi*, subjunxit *sed date locum iræ; scriptum est enim, &c.* quasi dicat: Non sumatis vindictam de injuria vobis facta, quia est Domini. Dicitur autem istud illis qui non habent jurisdictionem, qui non debent se vindicare sed vindictam ei, cujus est, scil. Deo fervare. Ei autem

servatur, quando relinquitur ministro suo, idest potestati, vel alicui Principi; unde sensus est: O homo, qui non habes jurisdictionem, serva mihi vindictam injuriæ tuæ, & ego reddam per potestates.

[*] Et quod ita sit intelligendum, ostenditur Valdensibus per illud, quod dixit Dominus filiis Israel: Deuter. 1. v. 15. *Tulique de Tribubus vestris viros sapientes, & nobiles, & constitui eos principes, tribunos, & centuriones, & quinquagenarios, ac decanos, qui docerent vos singula*. (v. 16.) *Præcipue eis dicens: Audite illos, & quod justum est judicate: sive civis sit ille, sive peregrinus*. (v. 17.) *Nulla erit distantia personarum, ita parvum audietis ut magnum: nec accipietis cujusquam personam, quia Dei judicium est*. [*]

Omnibus autem hoc ostendit Apostolus, quia statim dicit cap. 13. v. 1. *Omnis anima potestatibus sublimioribus subdita sit &c.* usque *Ministri enim Dei sunt, in hoc ipsum servientes*.

Ex his patet, quod vindicare se, subditis prohibetur; sed defendere, idest vim vi repellere cum moderamine, istud eis concessum est: in hoc enim funguntur vice potestatum; potestates enim, & Principes hoc sibi concedunt, qui ministri Dei sunt, & jura expressa sunt de hoc.

Præterea, si eis licet auctoritate superioris Principis alium defendere, ut patet Actor. 23. v. 23. & seq. in militibus qui a Tribuno dati sunt Paulo ad ejus defensionem, quare non liceret eis defendere se auctoritate Principum: quod autem liceat alium defendere, per illud, quod habetur Actor. 23. superiorius ostensum est.

Nunc ostendere volumus per illud verbum Roman. 12. v. 19. *Mibi vindicta: ego retribuam, dicit Dominus*; quod non tollitur vindicta a Principe, constat enim verbum esse scriptum Deuter. 23. *Audite Cæli quæ loquor*, in versu 35. Constat etiam illud verbum inde sumi, ut patet ad Hebr. 10. v. 30. Ubi Apostolus repetens illud verbum ait: *Scimus enim qui dixit: Mibi vindicta, & ego retribuam; & statim subdit eodem vers. Et iterum: Quia judicabit Dominus populum suum*; quod testimonium post unum versum interpositum sequitur post illa verba v. 35. Deuter. *Mea est ultio, & ego retribuam in tempore, ut labatur per eorum: juxta est dies perditionis, & adesse festinant tempora* (v. 36.) *Judicabit Dominus populum suum, & in servis suis miserebitur*. Sicut modo scriptum est, ita scriptum erat & tunc, sed tunc non prohibebatur vindicta Principibus per illud verbum, imo concedebatur; ergo nec modo prohibetur, sed conceditur eis; unde & Apostolus statim de Principibus ait cap. 13. v. 1. *Omnis anima potestatibus sublimioribus subdi-*
ta

[*] Quæ duobus asteriscis comprehendimus, non extant in Codic. Bononiensi, & Vaticano.

(26) Petrus Bælius in suis *Divers. Cogitat. Articulo cxi. pag. 90.* eo negat Christianam Religionem utilem esse Reipublicæ; quod multa præcipiat, quæ componi cum multitudinis felicitate possint, cujusmodi sunt: *bonum pro malo reddere, diligere inimicos, benefacere his qui oderunt nos* &c. Ita is auctor modo nefas esse, hæreticis bellum indicare ait, quamvis merito puniri scelestos homines putet, qui contra publicum civitatis bonum quiddam moliti sunt; idque jam non pugnare cum Evangelio; modo contra, ne

hoc quidem postremum cum Evangelio ipso componi posse: quæ sane pugnancia sunt, & nonnisi hominem Pyrrhonicum, atque impudentem decent. Verum quemadmodum ea Scripturarum loca intelligi debeant, quin Evangelium cum publico civitatum commodo pugnet, accurate ostendit noster hoc loco.

(27) Hoc eodem argumento utuntur hæretici quidam novi, quos vexat Episcopus l. supra indicato.

[*] Quæ sunt his duobus asteriscis contenta, desunt e Codicibus Vaticano, & Bononiensi.

ra sit. Valet autem istud argumentum maxime contra Valdenses: sed etiam contra omnes Catharos. Hoc autem testimonium contra Catharos disputatum est in secunda parte hujus operis, in secunda parte cap. de Deo Veteris Testamenti.

Sciendum autem, quendam hæreticum ut vitaret objectionem, dixisse, cum quærebatur ab eo, ubi esset scriptum illud verbum, & ubi Dominus diceret istud: *Mihi vindicta*, &c. dixit, quod illud verbum erat scriptum in Epistolis Pauli, & Dominus in ipsis hoc dixit; quod nullo modo stare potest; Apostolus enim cum dixisset: *Non vosmetipsos defendentes Charissimi, sed date locum iræ*, volens ostendere, quod suæ doctrinæ standum est, induxit: *scriptum est enim: Mihi vindicta; ego retribuam dicit Dominus*.

Præterea constat, quod Paulus scripsit Epistolam suam Romanis, & in Scriptura sua dicebat: *Non vosmetipsos defendentes Charissimi*, & dicit quare; *scriptum est enim*; vel ipse mentitus est, vel oportet, quod prius sit scriptum, alioquin si non esset prius scriptum, dixisset: Scribo enim vobis.

Præterea ad Hebr. 10. patet, quod alibi scriptum, & alibi dictum, cum dicat ibi Apostolus v. 30. *Scimus enim qui dixit: Mihi vindicta; & ego retribuam*; ergo alibi scriptum, & alibi dictum erat, quam in Epistolis Pauli, alioquin diceret: Scimus, qui dicit.

Præterea dic mihi o Cathare, de qua vindicta loquitur ibi: si de corporali vindicta, constat, quod Dominus prohibet homini, ut tu credis, & dicit, quod ea relinquatur sibi, quia ipse faciet eam; ergo vindictam sumet de corporibus: Modo quæro, quando? si in futuro; ergo resurgent; si in mundo isto; ergo supplicia corporalia in hoc mundo ab ipso sunt, quod tu non credis. Si autem dicis, quod loquitur de spiritali vindicta; ergo per illud verbum non prohibetur corporalis: Quare ergo dicis credentibus tuis, Ecclesiam Romanam venire contra verbum illud propter vendictas corporales, quas approbat, nisi quia in hypocrisis loqueris mendacium?

Præterea, si loquitur de vindicta spiritali; ergo tu es transgressor illius verbi, quia facis spirituales vendictas, ut dicis, & non relinquis eas Domino.

Propter hoc quidam hæreticus dixit, verbum Pauli sic intelligendum, *mibi vindictam*, scilicet corporalem, & *ego retribuam* idest faciam spirituales.

Contra: Ipse non dicit, quod ego dimittam ei corporalem vindictam, sed dicit, quod dimittam & illam; ergo aliquando corporalem facturus est, alioquin non dixisset dimittite eam, sed dimittite mihi illam, idest ne faciatis eam; Cum enim Dominus dicit in Matth. 5. v. 40. *Dimitte ei & pal-*

lium, constat, quod ille usus est pallio, cum ipsum dimittit.

Præterea ex loco, unde sumitur testimonium illud, patet, quod illa sua est; & ad ipsum pertinet; sic enim ait: *Mea est ultio; & ego retribuam*. Deuter. 32. v. 35.

Item obijciunt illud 1. Corinth. 10. v. 32. *Sine offensione estote Judæis, & Gentibus, & Ecclesie Dei*. Judex autem sine offensione non est illius quem occidit.

Solutio: Quid vis tu intelligere per offensionem? si per offensionem dicit scandalum ciborum, sicut ad Rom. 14. v. 20. sic non prohibetur vindicta per illud verbum Pauli: *Sine offensione &c.* Si autem vindictam intelligis dici per offensionem. Contra: Paulus paratus erat *ulcisci omnem inobedientiam* 2. Corinth. 10. v. 6. Si dicat, quod per offensionem intelligitur occisio. Dico, proba hoc, & cum non possis hoc facere, obmutesce.

Præterea, si ego sum ejus judex ordinatus, non offendo eum, cum vindictam sumo de eo, licet ille offendatur, idest pro offensa habeat id quod ei facio. Nonne vides hæretice, quod Matth. 15. v. 12. dicunt discipuli Christo: *Scis, quia Pharisei audito verbo hoc scandalizati sunt?* At Jesus respondit v. 14. *Sinite illos: cæci sunt, & duces cæcorum*. Christus tamen non scandalizabat eos.

Præterea Valdenses dici potest, quod cum aliquis judicabatur a judice in Veteri Testamento, ipse offendebatur; & tamen Judex non offendebat eum, quia non injuriabatur ei, offendere enim idem est, quod injuriam facere, & sic sumitur a Paulo in verbis prædictis, *sine offensione*, idest sine injuria.

Item ad Ephes. 6. v. 12. *Quoniam non est nobis colluctatio adversus carnem, & sanguinem, sed adversus Principes, (28) & potestates*. Quomodo ergo sunt ministri Dei?

Solutio: Apostoli contra Principes mundi, & contra Potestates luctam habebant, & repugnabant eis in illis, quæ erant contra fidem, & doctrinam Christi, sed in vindictis de malefactoribus non erant eis ipsi contrarii, quod patet Roman. 13. & in illis vindictis teste Paulo eodem cap. v. 6. sunt ministri Domini, & servientes ei in illis.

Si autem dicas, quod in vindictis erant contrarii Apostolis, & contra. Dico: Proba hoc.

[*] Præterea, si per Principes, & Potestates & mundi rectores intelligis homines principatum tenentes, & regimen mundanorum, & tenebrosorum hominum, & per spiritualia nequitie demones: Dico tibi: ergo Principes, & Potestates, & rectores mundi sunt a Deo constituti, quia dicitur ad Roman. 13. v. 1. *Non est enim potestas nisi a Deo: quæ autem sunt a Deo, ordinata sunt*.

Præterea ad Colossens. 1. v. 16. *Quoniam in ipso condita sunt universa in Cælis, & in terra, &c.*

X x x

ut

(28) Digna sunt hæc portenta argumentorum Phanaticis, & Anabaptistis, qui in legitimos Principes arma moverunt, ita instigantibus Magistris. Neque vero his tantum, sed etiam Calvinianis; qui Regi suo in Gallia acerrimum indixerunt bellum. Videadus Bossuetius in Defens. Hist. Variat. Contra Raskagium. Sed negari nequit, quin hic locus alia ratione intelligendus sit.

Cadit enim in cacodæmonas, quos 11. ad Corinth. Cap. 10. v. 4. *νομοκρατορας τῶ οὐράνου* appellat Paulus: nempe illos qui in hunc mundum tenebrosorum imperium habeant. Atque hoc plane sensu fuit hic locus ab Interpretibus solet, non a nostris tantum, sed etiam ab eruditioribus Heterodoxis.

[*] Desunt hæc e Codicibus Bonon. & Vatic.

ut habetur 1. lib. cap. 8. Si ista omnia constant in ipso; ergo ista omnia bona dicenda sunt.

Præterea. Quid intelligis tu per carnem, & sanguinem, ibi: *non est colluctatio, &c.*? Si corpus humanum; quare ergo dicis illud malum, si non est nobis colluctatio adversus ipsum spiritum?

Præterea; quomodo dicit, quod non possidebit regnum Dei, secundum tuum pravum intellectum hujus verbi 1. Corinth. 15. v. 50. *Quia caro & sanguis regnum Dei possidere non possunt.*

Præterea, quomodo audes inducere illud ad Galat. 5. v. 17. *Caro enim concupiscit adversus spiritum: spiritus autem adversus carnem*, ad probandum, quod corpus humanum sit a diabolo, non a Deo?

Si autem malos homines intelligis per carnem, & sanguinem, ibi: *non est nobis colluctatio, &c.* Nonne Principes, & Potestates, & mundi rectores sunt caro & sanguis secundum te? Utique. Quomodo ergo stabit verbum Apostoli: *Non est nobis colluctatio, &c.* De hoc etiam habetur 1. lib. 1. parte cap. [*]

Item ad Hebr. 12. v. 14. *Pacem sequimini, cum omnibus, & sanctimoniam, sine qua nemo videbit Deum.* Hoc non facit Judex.

Solutio: Judex pacem sequitur, licet puniat. Nonne tu punis transgressores tuos? Utique. Quomodo ergo pacem cum eis habes?

Si dicis: Non sic punio, quod occidam eos.

Respondeo: Quid ad rem? Nunquid de tali pace, & cessatione a vindicta sanguinis loquitur Apostolus ibi? si dicit sic; Dic ei, proba hoc, quod non potest facere.

Valdensi autem dicas: Judex Veteris Testamenti, nonne occidebat maleficos? Utique. Nunquid pacem habebat ad eos? imo: sicut etiam & amorem: nunquid Abraham non pacem habuit cum Isaac, quando voluit eum occidere ex Dei mandato Genes. 22. v. 2. & seq?

Præterea o Cathare dic mihi qui duo ponis principia; de qua pace loquitur? Nunquid de temporali, & mundana pace? Non audebis hoc dicere: Quare ergo dicis per illud verbum Pauli tolli materiale usum gladii?

Ista ad hæreticos sufficiunt, tamen ad instructionem rudium in Ecclesia hoc dico, quod Judex digne, & juste vindicans, pacem sequitur, idest pacem habet præ oculis, idest tranquillitatem Ecclesiæ, vel Reipublicæ, quæ præferenda est paci, idest quieti unius qui turbat pacem multorum. Sic autem dico de Principe, qui justum bellum contra aliquem alium habet, quod ad pacem debet intendere, & ideo bellare, ut pacem acquirat, & ut hostem vincendo ad pacem perducatur. Unde Augustinus (29) ad Bonifacium. *Esto bellando pacificus, ut eos, quos expugnas ad pacis utilitatem vin-*

cendo perducas. Sic enim dicere poteris: *cum his qui oderunt pacem eram pacificus.* Psalm. 119. v. 6. Item Johannes Chrysost. hom. 17. (30) super Matth. *Occidit Phinees hominem, & reputatum est ei ad justitiam; Abraham vero occidendo non quemcumque hominem, sed filium; Petrus vero Actor. 1. v. 5. & seq. geminos occidit, fuit tamen opus sanctum, quod factum est. Non solum igitur respiciamus ad opera, sed ad tempus, & causam & voluntatem, personarum differentiam; non enim possumus ad veritatem aliter pervenire.*

Item obijciunt illud Actor. 5. v. 16. & seq. ubi legitur, quod Apostoli replebant doctrina Christi Jerusalem; unde (v. 33.) Principes Sacerdotum dissecabantur, & cogitabant occidere illos. Dixit autem eis Gamaliel legisdoctor honorabilis v. 38. *Discedite ab hominibus istis, & sinite illos: quoniam si est ex hominibus consilium hoc, aut opus, dissolvetur.* (v. 39. *Si vero ex Deo est, non poteritis dissolvere illud.* Dicunt hæretici, quod similiter debemus dimittere eos, & non intromittere nos de eis, quia si ex hominibus est opus eorum, dissolvetur.

Solutio: Quare ergo Paulus intromittebat se, & pugnabat contra eos? Quare Apocal. 2. v. 18. & seq. arguitur Angelus Thyatiræ, quia permittebat mulierem Jezabel, quæ se dicebat Propheten Domini, docere, & seducere servos Dei?

Præterea, nunquid simile est de Apostolis, & hæreticis? Nunquid si Apostoli dimittendi erant, & illi similiter? Certe non.

Obijciunt item Ezechiel. 33. v. 11. *Vivo ego dicit Dominus Deus: nolo mortem impii, sed ut convertatur impius a via sua, & vivat.*

Solutio ad Valdenses hæc est: Quoniam hoc dictum est antequam Christus veniret, & tamen tunc licebat occidere, sicut etiam tu credis; per illud igitur verbum non tollitur vindicta sanguinis; & si aliud vis intelligere hic, quod sit contrarium vindictæ; dico tibi, proba hoc.

Catharis autem aliter respondendum est, & querendum de qua morte intelligatur verbum prædictum: *Nolo mortem, &c.* Si enim de morte corporali intelligitur; ergo cum dicitur, *sed ut convertatur, & vivat*, intelligitur de vita corporali; ergo ista vita corporalis de voluntate Sancti Dei (31) existit; ergo est opus Dei Sancti, quod tu non credis.

Dicimus igitur, quod illud verbum de morte spirituali, idest de peccato intelligitur; unde dicitur cap. 18. v. 20. *Anima, quæ peccaverit, ipsa morietur.* Constat autem, quod anima non potest mori nisi spiritualiter; istam mortem nullo modo vult Dominus, sed mortem corporalem vult; unde cap. 21. v. 2. dicit Dominus Ezechieli: *Propheta contra humum Israel* (v. 3.) *Et dices terræ Israel: Hæc dicit Dominus Deus: Ecce ego ad te, & ejiciam*

(29) Epistola cxxxix. al. xc. num. 6. „ Pacem habere debet voluntas, bellum necessitas. Non enim pax queritur, ut bellum excitetur; sed bellum geritur, ut pax adquiratur. Esto ergo etiam bellando pacificus, ut eos, quos expugnas ad pacis utilitatem vincendo perducas. Beati enim pacifici, ait Dominus &c.

(30) Homilia xvi. in Matthæum Tom. vii. Opp. Edit. Monfauconiana. Paris:

(31) Sapienter sane S. Johannes Chrysostomus contra Catharorum prodromos Manichæos disputans Homilia xvi. in Matthæum. 6. pag. 211. Tom. vii. Opp. Lex volebat, ut nemo proximum suum occideret. Igitur oppugnatorem legis, quem Manichæi Deum bonum aiebant esse, homicidia oportuerat imperare. Nam occidere, & non occidere contraria sunt: si vero ne irasci quidem permittat, illud perfectius statuit, quod lex volebat &c.

etiam gladium meum de vagina sua, & occidam in te justum & impium.

Hic videndum est de via ultramarina, (32) quam prædicat Ecclesia, & injungit, & indulgentiam facit facientibus illam contra Saracenos, cum tamen dictum sit I. Corinth. 15. v. 32. *Sine offensione estote Judæis, & Gentibus, & Ecclesiæ Dei*; Per gentes autem Saraceni intelliguntur.

Solutio: Terra illa Christianorum fuit hominum, scilicet ad Christum converforum ibidem, & possessa fuit a Christianis; hoc autem sic esse patet per Monasteria, & Ecclesias in tota terra illa ædificatas. Saraceni autem postea expulerunt Christianos, & occiderunt eos, & terram illam occupaverunt injuste, moniti autem ab Ecclesia ut cessarent ab ista violentia, noluerunt resipiscere; unde sicut Paulus Aët. 23. v. 17. & seq. ad sui defensionem, impetravit a Tribuno per Nepotem, & accepit milites armatos; ita Ecclesia ad sui defensionem pro illa terra impetrat, & recipit auxilium a Principibus terrarum, & aliis hominibus, & indulgentiam facit eis merito hujus auxilii.

Præterea legitur Genes. 12. v. 7. Deum dixisse Abraham: *Semini tuo dabo terram hanc*; sed nos sumus semen Abraham, ut dicit Apostolus ad Galat. 3. v. 29., nobis igitur data est terra illa in possessionem; unde de officio judicis est laborare ut terram illam habeamus, & Ecclesiæ Dei est prædicare, quod officium suum impleat Judex, qui non sine causa gladium portat, ut dicitur Roman. 13. v. 4. & sicut Paulus Aët. 23. v. 17. & seq. non intendebat injuriam facere illis, qui devoverant se non manducatuos, nec bibituos, donec ipsum occiderent, sed tantum suam defensionem intendebat, & jus suum conservare, idest vitam propriam ad utilitatem aliorum: Tribunus etiam non peccavit milites ei dando ad hoc; alioquin Paulus non consensisset, & tamen si illi venissent, aut non destitissent a violentia Pauli, aut a militibus Tribuni fuissent impugnati, & forte occisi. Ita etiam Ecclesia non intendit injuriari Saracenos, nec occidere eos; nec Principes Christiani hoc intendunt, & tamen si illi a violentia, & injuria Ecclesiæ nolunt desistere, & opponant se gladiis Principum, occidentur. Est ergo Ecclesia Dei sine offensione, idest sine injuria in hoc facto, quia non facit injuriam alicui, sed suum jus tuetur.

Obijciunt etiam Cathari (33) illud Genes. 4. v. 14. Cum Cain occidisset Abel, quod Cain dixit Domino: *Omnis igitur, qui invenerit me, occidet me* (v. 15.) *Dixitque ei Dominus: Nequaquam ita fiet: sed omnis qui occiderit Cain septuplum punietur.* Ecce quod Cain homicida fuit, & tamen Dominus noluit, quod occideretur.

Solutio: Ille idem Dominus postea legem dedit de homicidis occidendis. Igitur si ejus voluntati

standum fuit de Cain non occidendo ante mandatum datum de occidendis homicidis, standum est etiam ejus voluntati de eis occidendis post datum mandatum.

Præterea, nonne tu credis, quod fuit Satan, qui noluit Cain occidi; quare tu audes dicere, quod obediendum sit ejus voluntati de non occidendo alios homicidas?

Præterea, etsi illi pepercit, non tamen prohibetur justitia, & vindicta de aliis; sed dici potest illud ad Roman. 11. v. 22. *Vide ergo bonitatem, & severitatem Dei.* In Cain bonitatem, idest misericordiam, in aliis autem severitatem, idest justitiam.

Præterea, non erat adhuc Judex aliquis constitutus, quod possit ostendi testimonio Scripturæ, sed vindicta per judicem fieri debet, vel cui Judex commisit; non est ergo mirum, si noluit ab aliquo Cain occidi, cum Judex non erat.

Valdenses dicunt, (34) quod ante legem, & post Christum non licet alicui aliquem occidere propter illud verbum Genes. 9. v. 5. ubi dicit Dominus: *Sanguinem enim animarum vestrarum requiram de manu cunctarum bestiarum, & de manu hominis; requiram* dicit, quasi dicat, non alius se intromittere poterit; & voluerunt illud esse observandum ante legem, & post Christum.

Sed per hoc non probant aliquid, sed tantum dicunt, sic esse intelligendum, quia Dominus dixit; non autem sic est intelligendum ut dicunt. *Requiram* dicit, idest non alius, quando enim minister requirit, est ipse; quia ut habetur Roman. 13. v. 2. *Qui resistit potestati, Dei ordinationi resistit;* (v. 4.) *Dei enim minister est tibi in bonum. Si autem malum feceris, time: non enim sine causa gladium portat. Dei enim minister est: vindex in iram ei, qui malum agit.*

Præterea, quod falsum dixit hæreticus patet, quia statim inducit legem ultionis dicens: v. 6. *Quicumque effuderit humanum sanguinem, fundetur sanguis ejus;* non dixit effundam, sed fundetur, & debet illud intelligi per ministrum.

Præterea, quod falsum dixerit patet, quia postquam hoc dictum est, & ante, idest ante legem datam, Abraham occidit. Genes. 14. v. 14. & seq. Moyses etiam percussit Ægyptium abscondit sabulo. Exodi 2. v. 12. Ut etiam habetur Aët. 7. v. 25. *Existimabat autem intelligere fratres, quoniam Deus per manum ipsius daret salutem illis.*

Obijciunt etiam illud Deuteronom. 18., ubi de tempore gratiæ loquens Dominus de Christo ait: v. 19. *Qui autem verba ejus, quæ loquetur in nomine meo, audire noluerit; ego ultor existam.* Et per hoc volunt, quod alius ultionem inde sumere non debeat.

Solutio: Sicut dictum est, ipse ultor est, quando

Xxx 2

(32) Loquitur hic Moneta de Sacris contra Saracenos expeditionibus, quæ suo tempore fieri consueverant. Eas autem quemadmodum Cathari, & Valdenses, sic qui a Catharis, & Valdensibus formam acceperunt disciplinæ, Lutherani & Calviniani, vehementer improbant. Atque eisdem omnino, ac his, quibus noster, rationibus rem constituit S. Thomas.

(33) Etsi Cathari Geneseos Canonicorum librorum numero non haberent; nihil tamen obstat, quo minus illum objicerent Ca-

tholicis, siquidem in eo quidquam continere putarent, quod esset, illorum quidem sententia, nostris dogmatibus adversarium. Itaque nobis opponunt, quod in Genesi scriptum de Caino est.

(34) Hoc igitur erat discrimen inter Catharos, & Valdenses, ut illi nunquam fuisse, aut esse posse cuiquam integrum interimere hominem aliquem, quod natura prohibitum cujusvis generis homicidium esse censerent; hi vero legis tempore licuisse, ante legem autem, & post Christum non licere, non licuisse arbitrentur.

do minister ejus ulciscitur : Nonne vides hæretice , quod Dominus Jeremiæ 51. ultor dicitur Babylonis , ibi enim dicitur v. 56. *Quia fortis ultor Dominus reddens retribuet* . Hoc tamen fecit per Cyrum , & Darium .

§. IV.

Probatio Ecclesiæ , quod usus gladii materialis , & vindicta licita est .

Nunc accedamus ad secundam partem capitis ostendentes , quod usus gladii materialis , est licitus , & vindicta licita est . Prius autem ostendamus , quod jurisdictio sæcularis , & dominium sæculare , & subjectio sæcularis (35) a Deo est ; quia usus gladii materialis inde pendet .

§. V.

De jurisditione temporali absolute .

Sciendum enim quosdam esse , qui negantes vindictas debere fieri materialiter in Ecclesia Dei , negant hujusmodi jurisditionem ; de quibus dicit Apostolus Petrus 2. Epist. cap. 2. v. 10. *Dominionemque contemnunt* . Hoc autem faciunt propter illud verbum Domini Matth. 20. v. 25. *Scitis quia Principes gentium dominantur* (36) *eorum : & qui majores sunt potestatem exercent in eos.* (v. 26.) *Non ita erit inter vos* . Istud autem determinatum est supra in præcedenti parte hujus capitis . Alia causa est quia vindictas materiales negant posse fieri in Ecclesia .

In primis ostendamus , quod jurisdictio sæcularis debet esse in Ecclesia per illud , quod dicit Apostolus 1. Corinth. 6. v. 1. *Audet aliquis* (37) *vestrum habens negotium adversus alterum , judicari apud iniquos , & non apud sanctos ?* In hoc capite non dixit Apostolus relinquenda esse negotia causarum civilium tanquam mala , sed dicit eas esse agendas apud sanctos Judices , & non apud iniquos ; & quod homines sancti possunt de hujusmodi rebus sæcularibus ferre judicium , probat Apostolus dupliciter . v. 2. *An nescitis , quoniam sancti de hoc mundo judicabunt ? Et si in vobis judicabitur mundus , indigni estis , qui de minimis judicetis ?* Item v. 3. *Nescitis quoniam Angelos judicabimus ? quanto magis secularia ?* Et loquitur de Angelis Apostatis : ex hoc autem concludit judices Catholicos constituendos , qui ista judicia sæcularia dijudicent v. 4. *Secularia igitur judicia*

si habueritis : contemptibiles , qui sunt in Ecclesia , illos constituite ad judicandum : & appellat contemptibiles illos , qui sunt minoris pretii , a quibus nequeunt magna impleri , idest spiritualia , scilicet prædicare , & docere .

Si autem dicat hæreticus , quod Apostolus ironice loquitur .

Contra : Nunquid eodem modo locutus est in principio capitis dicens : v. 1. *Audet aliquis , &c ?* Constat , quod non ; ergo nec hic ; quos enim prius appellaverat *Sanctos* , modo appellat *contemptibiles* propter assignatam rationem , quia minus sunt (38) appretiandi , talis enim modus loquendi in Scripturis reperitur : *Quod ostendo per illud 2. Petri 2. v. 21. Melius enim erat illi non cognoscere viam justitiae* , idest , minus malum .

Præterea : Nonne isti sunt in Ecclesia ? Utique ; sic enim ait : v. 4. *Qui sunt in Ecclesia* ; ergo , quod sancti sunt oportet te dicere , qui ponis , quod Ecclesia non habet maculam , & quod mali non sunt in Ecclesia Dei , & si mali sunt , extra sunt : Ecce habemus , quod Apostolus præcipit constitui judices Sanctos , qui de sæcularibus negotiis judicent ; ergo jurisdictio sæcularis in Ecclesia Dei est , & esse debet , exercenda tamen per Sanctos , ut dictum est : item per sapientes unde v. 5. ait : *Ad verecundiam vestram dico : Sic non est inter vos sapiens quisquam , qui possit judicare inter fratrem suum ?* Quasi dicat : Imo est : sic ergo arguit , quia tractabant sua judicia apud infideles ; non enim poterant se excusare propter penuriam fidelium sapientum .

Sed contra hoc opponit hæreticus illud , quod dicit Apostolus statim post illa verba : v. 5. *Jam quidem omnino delictum est in vobis , quod judicia habetis inter vos* .

Solutio : Non loquitur Apostolus de quibuscunque judiciis , sed de contentiosis ; unde dixerat : v. 6. *Sed frater cum fratre judicio contendit : & hoc apud infideles ?* Item fraudulentis ; unde dicit : v. 8. *& fraudans* , idest fraudem facitis : *& hoc fratribus* . Judicia igitur Ecclesiæ debent a partibus amicabiliter tractari , non contentiose ; item juste , non fraudulenter .

§. VI.

Quod Jurisdictio secularis a Deo est , & fuit ante adventum Christi .

Nunc veniamus ad secundam partem hujus secundæ partis capitis , quæ in tres partes dividitur ; in prima ostenditur contra Catharos , quod

(35) Hoc ipsum argumentum acute , solideque versat Simon Episcopus homo de Remonstrantium grege , in ea , quam de *Christiano viro , utrum gerere Magistratum possit* , edidit Disputatio . ne , quomodo nos ante appellamus .

(36) Quemadmodum hoc testimonium intelligi debeat , egimus nos quidem priore parte hujusce Capitis , atque eo sane Lectorem transmittimus .

(37) Adeundus 10. Chrysostomus Homil. xvi. in I. Epistolam ad Corinth. n. 2. pag. 136. Tom. x. Opp. Edit. Monifaucon. Paris .

(38) Ita hunc locum interpretatur *ibidem* Chrysostomus , Volens nos docere quodcumque tandem fuerit , non oportere nos externis committere , cum objectionem , vel quæ talis esse videbatur , movisset ; prius illam solvit . Hoc enim vult significare : Fortasse dicit quispiam , nullum esse apud vos Sapientem , neque ad judicium ferendum aptum , sed contemptibiles omnes . Et quid hoc ? Etiam si enim nullus sit sapiens , inquit , vos minimis permittite . Hoc autem *verecundiam vestram dico* , &c .

quod jurisdictio secularis a Deo sancto fuerit ante adventum Christi ; Potest autem hoc ostendi Catharis, qui duo ponunt (39) principia per Daniel. 2. v. 27. ubi Daniel dicit Nabuchodonosor: *Tu rex Regum es: & Deus Cæli regnum, & fortitudinem, & imperium, & gloriam dedit tibi, &c.* Constans autem est, quod illud de spirituali regno, & imperio non potest intelligi, quia de illo postea dicit eidem Regi v. 44. *In diebus autem regnorum illorum suscitabit Deus Cæli regnum, quod in æternum non dissipabitur.* Ista etiam patent Daniel. 5. v. 18. ubi Daniel loquitur Baltassar filio Nabuchodonosor: *O Rex, Deus altissimus regnum, & magnificentiam, gloriam, & honorem dedit Nabuchodonosor patri tuo. (v. 19.) Et propter magnificentiam, quam dederat ei, universi populi, Tribus, & lingua tremebant, & metuebant eum: quos volebat interficere: & quos volebat percutiebat, & quos volebat exaltabat, & quos volebat, humiliabat. (v. 20.) Quando autem elevatum est cor ejus, & spiritus illius obfirmatus est ad superbiam, depositus est de solio regni sui, & gloria ejus ablata est. (v. 21.) Et a filiis hominum ejectus est, sed & cor ejus cum bestiis positum est, & cum onagris erat habitatio ejus: fœnum quoque ut bos comedebat, & rore cæli corpus ejus infectum est, donec cognosceret, quod potestatem haberet Altissimus in regno hominum: & quæcunque voluerit, suscitabit super illud.*

Item Proverb. 8. v. 15. *Per me Reges regnant, & legum conditores iusta decernant. (v. 16.) Per me Principes imperant; & potentes decernunt justitiam.* Ista autem de spiritualibus Regibus, & Principibus non potest intelligere Catharus, quia ponit, quod Ecclesia Dei incæpit ab adventu Christi.

Item Sapientiæ 6. v. 2. *Audite ergo reges, & intelligite; discite iudices finium terræ. (v. 3.) Præbete aures vos, qui continetis multitudines, & placetis vobis in turbis nationum. (v. 4.) Quoniam data est a Domino potestas vobis, & virtus ab Altissimo, qui interrogabit opera vestra, & cogitationes scrutabitur. (v. 5.) Quoniam cum essetis ministri regni illius, non recte judicastis, nec custodistis legem justitiæ, neque secundum voluntatem Dei ambulastis.* Ex quo constat, quod de spiritualibus Regibus non loquitur: nec obstat sive hic, sive alibi hoc intelligatur ab hæretico ponente duo principia: quia regnum temporale a Deo esse constat per hæc verba, & materiales Reges, & iudices, & potestatem, & virtutem eorum super turbas.

Item Ecclesiast. 47. ubi loquitur de David dicitur: v. 10. *De omni corde suo laudavit Dominum, & dilexit Deum, qui fecit illum: & dedit illi contra inimicos potentiam:* De ista potentia dicitur: v. 4. *In juventute sua nunquid non occidit Gigantem?* idest Goliath 1. Reg. 17. v. 10. Item eodem cap. Eccl. habet v. 8. quod contrivit hostes per potentiam sibi a Deo datam: ubi etiam patet, quod usus gladii licitus est non obstante eo, quod dicunt hi Cathari, qui de alio David, quam de David Veteris Testa-

menti hoc intelligunt, quod tamen nullo testimonio probant. Idem etiam potest ostendi per multa alia quæ de laudibus antiquorum dicuntur a 48. capite, quasi usque ad finem libri.

Omnibus autem Catharis potest opponi illud, quod habetur Act. 13. v. 16. *Surgens autem Paulus, & manu silentium indicens ait: Viri Israelitæ, & qui timetis Deum audite. (v. 17.) Deus plebis Israel elegit Patres nostros: & plebem exaltavit, cum essent incolæ in terra Ægypti, & in brachio excelso eduxit eos ex eadem. (v. 18.) Et per quadraginta annorum tempus mores eorum sustinuit in deserto. (v. 19.) Et destruens gentes septem in terra Chanaan, sorte distribuit eis terram eorum. (v. 20.) Quasi post quadringentos, & quinquaginta annos: & post hæc dedit iudices usque ad Samuel Prophetam. (v. 21.) Et exinde postulaverunt Regem, & dedit illis Deus Saul filium Cis, virum de tribu Benjamin, annis quadraginta. (v. 22.) Et amoto illo suscitavit illis David regem: cui testimonium perhibens dixit: Inveni David filium Jesse, virum secundum cor meum, qui faciet omnes voluntates meas. (v. 23.) Hujus Deus ex semine secundum promissionem eduxit Israel Salvatorem Jesum.* Istam auctoritatem disputavimus in secunda parte hujus operis in fine cap. de Deo Veteris Testamenti: item in tertia parte in cap. de humanitate Christi. Ecce dicitur hic, quod Deus plebis Israel dedit ei iudices, & Saul in Regem, & David post Saul, ex cuius semine fecit Jesum; istud autem non potest intelligi nisi de materialibus iudicibus, & materialibus Regibus; ergo ante Christum jurisdictio secularium regum, principum, & iudicium a Deo sancto fuit. Ad quid autem illi iudices darentur patet in Libro Judicum, quoniam ad usum gladii contra hostes plebis Israel exercendum. Hoc etiam patet ad Hebræos 11. ubi de illis iudicibus Apostolus loquens ait v. 33: *Qui per fidem vicerunt regna, operati sunt justitiam, adepti sunt repromissiones: & loquitur de fide, sine qua impossibile est placere Deo, & dicit, quod per illam fidem vicerunt regna.* Gedeon Judicum 6. 7. 8. Barac Judicum 4. Samson Judicum 14. & 15. Jephthe Judicum 11. David 15. primi Regum usque ad principium tertii. Samuel a principio 1. Regum usque ad 15. caput. Dicit etiam Apostolus ad Hebr. 11. v. 33. quod per illam fidem obtulerunt ora leonum, sicut in Samson patet Judicum 14. v. 6. Item de David 1. Regum 17. *Effugerunt aciem gladii, scilicet inimicorum, fortes facti sunt in bello, castra verterunt exterorum;* ista autem de bello materiali, & de hostibus materialibus ab eis devictis intelliguntur etiam secundum Catharum, qui unum ponit principium. Alii autem Cathari de aliis iudicibus illud intelligunt, quam fuerunt illi, qui in Veteri Testamento fuerunt, de quo non habent testimonium; quod autem de David Veteris Testamenti intelligatur, probatum est in prædictis partibus, quare & de aliis similiter intelligendum est.

Ex prædictis patet, quod regalis potestas, & iudiciaria ante adventum Christi licita fuit, & ejus usus,

(39) Balasimanse sectatores indicat, qui Prophetas, & libros Sapientiales in Canonicis ponebant, ut initio hujusce operis vidimus.

usus, idest materialis gladii exercitium; si autem tunc, & modo; quia non est major ratio, quare tunc liceret, & postea, quam modo quoad Catharos.

Quod autem jurisdictio regum, & principum, ducum, & aliorum dominorum sæcularium a Deo sit, & licita sit, & in Ecclesia Dei necessaria, licet possit haberi ex eo quod dictum est supra: *Audet aliquis vestrum* &c. 1. Corinth. 6. v. 1. potest tamen aliter adhuc ostendi; si enim dominium sæculare licitum est infidelibus, multo fortius his, qui fideles sunt; quod autem licitum sit infidelibus habetur 1. Timoth. 6. v. 1. ubi dicitur: *Quicumque sub iugo sunt servi, Dominos suos in omni honore dignos arbitrentur, ne nomen Domini, & Doctrina blasphemetur*; istud enim intelligitur de Dominis infidelibus; quod patet ex eo quod sequitur statim: v. 2. *Qui autem fideles habent Dominos, non contemnant, quia fratres sunt: sed magis serviant, quia fideles sunt, & dilecti, qui beneficii participes sunt*. Nulla autem esset ista adversatio. *Qui autem* &c. si superius de Dominis fidelibus loqueretur; unde per hoc quod ait *qui autem* &c. innuit quod prædicti habebant Dominos infideles; ergo de Dominis materialibus, non de spiritualibus loquitur, & tamen dicit de servis, quod ipsi eos arbitrentur dignos omni honore, non vitæ merito, sed officio. Iste honor temporalis erat, & per ipsum vitabatur blasphemia nominis Dei; ergo bonus est, & a Deo; constat autem quod non monet eos ad arbitrandum falsum; igitur illi Domini infideles omni honore digni sunt; si honorem merentur habere in omnibus quæ præcipiunt non contra Dominum, constat quod non sunt digni honore obedientiæ ex bonitate vitæ, quia sunt infideles; ergo ex potestate quam habent; sed non essent digni honore propter illam potestatem, si a diabolo esset, non a Deo; ergo eorum potestas a Deo est etiam super fideles; ergo si dominium infidelium est licitum, multo fortius dominium fidelium licitum est, & a Deo; licet igitur infidelibus dominari carnaliter fidelibus, & hoc est quod conclusit Apostolus: *Qui autem fideles habent Dominos, non contemnant, quia fratres sunt* &c.

Si autem dicat, quod loquitur de Dominis spiritualibus, hoc esse non potest, quod patet ex eo quod dicit: *Non contemnant, quia fratres sunt*; si enim essent spirituales Domini, idest Prælati; ergo & servi spirituales sunt; ergo non contemnant Dominos spirituales. Hoc autem magis patet per illud quod dicitur ad Coloffen. 3. v. 22. *Servi obedite per omnia Dominis carnalibus*. Isti autem Domini intra Ecclesiam erant, & fideles; quia dicit eis cap. 4. v. 1. *Domini, quod justum est, & æquum, servis præstate, scientes quod & vos Dominum habetis in cælo*. v. 2. *Orationi instate, vigilantes in ea*

in gratiarum actione. v. 3. *Orantes simul & pro nobis, ut Deus aperiat nobis ostium sermonis ad loquendum mysterium Christi*; non moneret eos orare pro se, nisi essent fideles.

Idem patet ad Ephes. 6. v. 5. ubi ait: *Servi obedite Dominis carnalibus cum timore, & tremore, in simplicitate cordis vestri, sicut Christo*. v. 6. *Non ad oculum servientes, quasi hominibus placentes, sed ut servi Christi facientes voluntatem Dei ex animo*. v. 7. *Cum bona voluntate servientes. sicut Domino, & non hominibus*. v. 8. *Scientes, quoniam unusquisque, quodcumque fecerit bonum, hoc recipiet a Domino sive servus sive liber*. Ubi patet, quod de servitute materiali loquitur; si enim de spirituali, per quam quis est Christi servus, iste est liber qui talis est, frustra adderet: *sive liber*; postea subdit: v. 9. *Et vos Domini eadem facite illis, remittentes minas: scientes quia & illorum & vester Dominus est in cælis*. Prius autem dixerat v. 8. *Scientes, quoniam unusquisque, quodcumque fecerit bonum, hoc recipiet a Domino sive servus, sive liber*. Carnales ergo Domini in dominio suo salvantur, quia recipiunt a Domino mercedem bonorum quæ faciunt.

Ad tuam etiam confusionem nota hoc, quod dicit Apostolus de duobus dominationibus, una fidelium, altera infidelium, post prædicta verba 1. Timoth. 6. v. 3. *Si quis aliter docet, & non acquiescit sanis sermonibus Domini nostri Jesu Christi, & ei, quæ secundum pietatem est doctrina*: v. 4. *Superbus est nihil sciens*. Tu autem aliter doces, quia dicis quod illa dominatio temporalis a Deo non est, quare non est ei obediendum. Apostolus autem docet obedire utrique dominationi; ergo tu es superbus, & contrarius doctrinæ Apostoli; & de his, de quibus dicit Apostolus Judas in Epistola v. 8. *Dominationem autem spernunt*; & Petrus 2. Epist. cap. 2. v. 10. *Dominationemque contemnunt*. Loquitur autem Petrus de dominatione materiali, quod patet in Epistola sua cap. 2. v. 18. ubi dicit: *Servi subditi estote in omni timore Dominis, non tantum bonis, & modestis, sed etiam discolis, idest indisciplinatis, sive infidelibus*; unde & Judas loquitur de dominatione materiali, propter quod & Paulus ad Titum 2. v. 9, dicit: *Hortare servos Dominis suis subditos esse, in omnibus placentes non contradicentes*. v. 10. *Non fraudantes*; unde constat quod de materiali servitute loquitur 1. Corinth. 7. v. 21. *Servus vocatus es? non sit tibi cura: sed & si potes fieri liber, magis utere*: constat autem, quod sicut de circumcissione, & præputio materiali ibi loquebatur, ita etiam & hic loquebatur de servitute materiali; de servitute enim spirituali debet unicuique esse cura; unde Petrus in 2. Epist. cap. 1. v. 5. *Vos autem curam omnem subinferentes, ministrare in fide vestra virtutem, in virtute autem scientiam* &c. (40) Dicit ergo

(40) Christiana sunt Scripturarum documenta, quæ ad Catharos, & Valenses refellendos hæcenus recensuit noster. Eadem ipsa intorqueri merito in Anabaptistis, aliasque pestes generis ejusdem possent, qui nefas esse Christiano viro contendunt gerere magistratum. Neque vero Catharis, aut aliis hæreticis licet hæc in alium sensum trahere, quam verba ipsa postulent: nam cum alia documenta Scripturarum id, quod vult noster, omnino flagitent; tum continuata Ecclesiæ universæ traditio ad nos transmissa a Patri-

bus, qui acceperunt ab Apostolis disciplinam, nullum quidem certe relinquunt de re tanta dubitandi locum. Audiendus Theodoretus in Cap. xlii. Epist. ad Romanos: Ipse Deus, inquit, communis Ordinis curam gerens, alios quidem imperare, alios vero parere instituit, veluti quoddam frænum iis, qui injuste agunt, imperantium timorem incutiens. Oecumenius autem in I. Petri Epistolam Cap. xlii. Potestates, inquit, & magistratus a Deo dati sunt.

ergo Apostolus: *Non sit tibi curæ*, scilicet effugere illam servitutem: sed potius si potes fieri liber, magis utere illa servitute, quia hæc est humilitas, cujus autem usus bonus, ipsum bonum est; ergo servitus materialis bona est, ad cujus usum præeligendum non moneret Apostolus, nisi esset bonum; non enim est sensus, magis utere libertate, idest præelige eam, quia sit esset contrarium ei, quod dixerat: *Servus vocatus es? Non sit tibi curæ*.

[*] Præterea potest ostendi per illud quod Christus ait Johannis 19. v. 11. ubi dicit Pilato: *Non haberes potestatem adversum me ullam, nisi tibi datum esset desuper*. Nec potest dici *desuper* idest a Cæsare, ita quod non a Deo, ut patet supra proximo loco allato, ubi inductum est illud verbum Sapient. 6. v. 2. *Audite ergo reges, & intelligite &c.*

Item, secundo capite Daniele & 5., ut ibi diximus.

Ad omnes autem valet illud testimonium Apostoli ad Roman. 13. v. 21. *Non est enim potestas nisi a Deo*, in quo concordat cum Daniele, & libro Sapientiae. (41)

Nec contrarium est quod Christus ait: *Sed hæc est hora vestra, & potestas tenebrarum* Lucæ 22. v. 53. Hoc enim non dixit Pilato, sed Judæis, qui officium judicandi non habebant; verum tamen est, & potestas Pilati, & eorum in Christum, non Dei erat propter abusum ejus; ipse enim potestate illa abusus est condemnans innocentem; unde dicit se nihil invenisse in eo causæ Lucæ 23. v. 4. Ipsi etiam potestate abusi sunt, *quia propter invidiam tradiderunt eum*, ut dicitur Matth. 27. v. 18. alii vero propter ignorantiam, ut habetur Act. 3. v. 17. non est autem dubium ignorantiam tenebras esse, & ea quæ fiunt per eam fieri in tenebris; similiter & quæ invidia; unde 1. Johannis 2. v. 11. *Qui autem odit fratrem suum in tenebris est, & in tenebris ambulat, & nescit quo eat: quia tenebræ obsecaverunt oculos ejus*. [*]

Item Actor. 25. v. 9. Festus volens præstare gratiam Judæis dixit Paulo: *Vis Jerosolymam ascendere, & ibi de his judicari apud me?* v. 10. Dixit autem Paulus: *Ad tribunal Cæsaris sto, ibi me oportet judicari; & v. 11. Cæsarem appello*; ergo potestas ipsius Cæsaris non est a diabolo, (42) alioquin ad ipsius tutelam non confugisset Paulus; bona igitur est, & a Deo Sancto.

[*] Quæ duobus asteriscis complexi sumus, desunt e Codice Bononiensi.

(41) In hunc Apostoli locum, hæc adnotavit Oecumenius: „Potestates, & magistratus a Deo dati sunt, alii quidem ad justitiæ, conservationem, ad correctionem, & utilitatem subditorum; alii vero propter timorem ad pœnam, & increpationem delinquentium &c. „ Eodem recidunt, quæ in eundem Apostoli locum observant Johannes Chrysostomus, & Theodoretus.

(42) Fuerunt præter Catharos alii vetustiores hæretici, qui magistratum a diabolo esse pugnarent; atque id quidam inde colligebant, quod diabolum esse arbitrarentur potestatis originem, & ut ait Oecumenius in 1. Petri Cap. 111. existimarent: τοῦ διαβόλου ἄρας τὴν ἐξουσίαν πᾶν ἐστὶ γῆς. Diaboli esse potestatem in res, quæ sunt super terram.

§. VII.

Probatum quod vindicta materialis licita est.

Nunc veniamus ad secundam partem secundæ partis hujus capituli, & ostendamus quod & potestas secularis, & usus vindictæ materialis, etiam illa quæ fit per gladium, licita est. Primo enim inducimus ad hoc illud 1. Petri 2. v. 13. *Subjuncti igitur estote omni humanæ creaturæ propter Deum: sive Regi, quasi præcellenti; v. 14. Sive ducibus tanquam ab eo missis ad vindictam malefactorum, laudem vero bonorum* (43); Vide quia Apostolus præmonet, *subjuncti omni humanæ creaturæ propter Deum*, exponit humanam creaturam, cum dicit: *sive Regi &c.* Intelligit ergo per humanam creaturam eos qui sunt constituti in sublimitate, sicut etiam Paulus ad Roman. 13. v. 1. *Omnis anima potestatibus sublimioribus subdita sit*. Cur autem subjiciendi sint, ponit, cum dicit: *propter Deum*, idest propter Dei ordinationem; sicut & Paulus dicit post verba prædicta: *Omnis anima &c.* eod. vers. *Non est enim potestas nisi a Deo: quæ autem sunt a Deo, ordinata sunt*. v. 2. *Itaque qui resistit potestati, Dei ordinationi resistit*; ergo quod aliquis sit sublimior alio temporaliter, sicut Rex his qui in regno suo sunt, & Dux eis qui sunt in suo ducatu, est a Deo ordinante hoc; ergo dominatio ista Principum secularium est a Deo secundum utrumque Apostolum. Item vindicta, quam exercent, a Deo est, quia dicit quod a Deo missi sunt ad vindictam malefactorum (44), *laudem vero bonorum*, & ita vindictam facere non est peccatum.

Fortè dicet, quod illud quod ibi dicitur, *ab eo missis*, non est intelligendum quod ab eo, idest a Deo missi sunt, sed ab eo idest a Rege. Inde non habent testimonium Scripturæ; quod autem e contra sit intelligendum ab eo, idest a Deo, inde testimonium habeo ex eo quod Apostolus Petrus dicit: *Ut sint ei subjuncti propter Deum*: ergo a Deo missi: alioquin non est necesse eis subjici; Igitur a Deo sunt missi, cum Paulus exponat verbum Petri, *propter Deum*, idest propter Dei ordinationem.

Præterea, quod subjici eis sit opus, eo quod a Deo missi sunt, & ad vindictam; etiam patet ex eo, quia Petrus dicit: *Quia sic est voluntas Dei, ut subjiciamini eis tanquam ab eo missis ad vindictam &c.* unde Paulus ait v. 6. *Ministri enim Dei sunt, in hoc ipsum servientes*; si istud factum, scilicet vindicta, est voluntas Dei; ergo non est peccatum.

Præ-

(43) His iisdem testimoniis Scripturarum utitur Episcopus ad comprimendam novorum quorundam hæreticorum audaciam, qui nefas esse jactant Christiano viro gerere magistratum. Verum quid ego Episcopium dico, qui fuit de Secta Remonstrantium? Sancti Patres, ut integrum esse Christiano in principatu versari ostenderent, ad hæc præ Scripturarum adverterunt animum. Adeundi Johannes Chrysostomus Homilia 1v. ad Populum Antiochenum, Homilia xxi11. In Epistolam ad Romanos, & Homilia vi. in I. ad Timotheum. Gregorius Nazianzenus Epist. xlv1. & Theodoretus in Cap. xxi11. Epist. ad Romanos &c.

(44) Gregorius Nazianzenus Epistola xlv1. Τοῦτο δ' ἀρχῶν μοι φαίνεται εἶναι, βοηθὸς ἀρετῆς, ἢ ἀνταγωνιστὴς κακίας. Hoc mihi videtur esse magistratus: Virtutis adjutor, & vitii adversarius. Vide quæ ex Theodoro attulimus 36. notatione.

Præterea, quomodo potest intelligi *ab eo*, idest a Rege, cum Rex terrenus tunc mitteret etiam ad vindictam bonorum, & eorum persecutionem, & non eorum laudem, imo vituperium. Quare autem hoc est voluntas Dei, subdit B. Petrus v. 15. cum dicit: *Ut benefacientes obmutescere faciatis imprudentium hominum ignorantiam*; hoc est quod dicit Paulus 1. Timoth. 6. v. 1. *Quicumque sunt sub iugo servi, Dominos suos omni honore dignos arbitrentur, ne nomen Domini, & doctrina blasphemetur*.

Sciendum autem hæreticos, qui Cathari dicuntur, & Valdenses, & Lombardos ista velle intelligere spiritualiter; scilicet de Rege spirituali, & ducibus spiritualibus, idest prælatis Ecclesiæ, & de vindicta spirituali.

Sed contra: Nonne B. Petrus statim subjungit dicens v. 18. *Servi subditi estote in omni timore Dominis, non tantum bonis & modestis, sed etiam discoloris*. Istud non potes tu intelligere spiritualiter, quia si discolori sunt, non sunt Prælati secundum te, vel si Prælati sunt; ergo in Ecclesia sunt mali Prælati & boni, & utrisque obediendum est in omni timore, quod tu non credis. Intelligitur ergo de Dominis carnalibus; ergo intelligebatur de regibus, & ducibus materialibus, cum dicebat: *Subiecti igitur estote omni humanæ creaturæ propter Deum, sive Regi &c.* (45)

Præterea, quod loquatur de subiectione carnali cum dicit: *Subiecti igitur estote &c.* Item, *Servi subditi estote in omni timore Dominis &c.* patet ex eo, quod sequitur cap. 3. v. 1. *Similiter & mulieres subditæ sint viris suis*; & loquitur hoc de subiectione temporali, ut probatum est in tractatu de Matrimonio in quarta parte huius operis; ergo cum dicat: *Similiter &c.* prius locutus est de simili subiectione, scilicet temporali, & materiali; ergo de Regibus, & ducibus materialibus.

Præterea, ostende o Cathare aliquo testimonio scripturæ, quod Prælati Ecclesiæ dicuntur Reges, aut duces.

Præterea, Regem ponit in singulari, duces in plurali, quare non de Prælati loquitur; restat ergo quod loquatur de Rege materiali, qui habet sub se plures duces.

Quod autem non intelligatur ibi per Regem Deus Pater, patet ex eo quod monet v. 12. subijci propter Deum; item ex eo quod dicit v. 17. *Deum timete, Regem honorificate*.

Fortē dicet, Prælatos dici Reges eod. cap. 2. v. 9. *Vos autem genus electum, regale sacerdotium*, idest regales Sacerdotes: in quo constat mendacem esse hæreticum, nam & milites alicujus Regis dicuntur regales, nec tamen sunt Reges; nunquam enim in Scriptura potest ostendere, quod Rex, vel Dux sumitur pro spirituali Rege, vel Duce in bona parte, nisi pro Christo, aut Patre ejus. Patet igitur quod dominium sæculare malum non est, nec a diabolo,

alioquin opus Dei non deberet subijci tali domino.

Item ad Rom. 13. v. 1. *Omnis anima potestatibus sublimioribus subdita sit*.

Dicunt autem Valdenses, quod de potestatibus materialibus loquitur, sive temporalibus non spiritualibus; si autem hoc concedunt, quare non credunt quod punire malefactorem sit licitum, & facere alias materiales vindictas, & appellat potestates homines, qui in sublimitate sunt constituti super alios; Primum est, quod ordinati sunt a Deo v. 1. Secundum, quod sunt ministri ejus in hoc facto v. 6. Tertium, quia in hoc ei serviunt v. 6. Facio hoc argumentum; ergo istud non est peccatum; si enim aliquid est quod non potest non esse peccatum, nunquam aliquis ordinatus est a Deo ad illud faciendum; facere enim peccatum aliquod, est facere contra mandatum Dei; & nunquam Deus ordinavit, quod aliquis contra suum mandatum veniat; imo quod illud impleat, alioquin sibi esset contrarius.

Præterea, si sunt ministri Dei in hoc; ergo hoc non est peccatum.

Ad hoc autem dixit hæreticus, quod diabolus etiam est Dei minister in vindictis, & tamen peccat; similiter est de potestate. Quod autem diabolus sit ejus minister, patet Mat. 5. v. 25. *Et Judex tradat te ministro*, idest diabolo.

Solutio: Diabolus non peccat in facto, sed in intentione facti; factum est in se bonum, sed intentio diaboli mala; quia non vindicat intuitu, & amore justitiæ, sed intuitu exsaturandi odium suum contra homines. Quod autem ita sit, patet per simile Isaïæ 10. ubi Dominus ait de Rege Assur v. 5. quod ipse esset *virga & baculus in manu Domini*. Dominus enim misit eum ad flagellandum populum suum, ut corrigerent se, ipse autem in flagellando populum Domini non hoc intendebat, sed potius conterere, & occidere populum; unde ibi dicitur v. 7. *Ipse autem non sic arbitrabitur, & cor ejus non ita existimabit: sed ad conterendum erit cor ejus, & ad interuersionem gentium non paucarum*. Nonne vides quod Christum annuntiare quantum in se bonum est; sed per invidiam, & contentionem annuntiare malum est? Vides igitur quod sola intentio facit illud malum, & in facto potest esse minister Christi, intentione autem minister Diaboli.

Si autem dicis, imo peccat in facto, quia infligit pœnam, non tantum in intentione.

Contra: Ergo Angelus Domini, qui occidit Herodem, (46) peccavit Act. 12. v. 23. quod non potest esse, quia iste Angelus parum ante liberaverat Petrum de carcere v. 7. & seq. Ex quo constat, quod non est malum pœnam infligere, nisi depravetur prava intentione; unde dico, quod potestas, quæ vindictam sumit de malefactore, non peccat, nisi ex odio, vel mala intentione faciat.

Præterea: dic mihi: Nunquid in adulterio est aliquis minister Christi, in furto, in falso testimonio, in perjurio, & hujusmodi, quæ non possunt esse nisi

(45) Plene sunt harum rerum Sacra Scriptura. Quare merito colligebant Patres cujusvis generis personas subiectas esse magistratibus oportere. Hinc Theodoretus in Cap. xlii. Epistola ad Romanos 23. Sive Sacerdos est aliquis, inquit, sive Antistes, sive Monachus

cam vitam professus, iis cedat, quibus mandati sunt principatus.

(46) Non innuit Scriptura eundem fuisse Angelum, qui Herodem occidit, & Petrum liberavit. Verum nihil obstat quin idem fuerit.

nisi mala? Certe non; ergo si vindicta corporalis de necessitate mala est, in illa non potest esse aliquis Dei minister.

Præterea dicit Apostolus, quod non tantum sunt Dei ministri in hoc, sed etiam fervientes. Rom. 13. v. 6. Sed quomodo? Numquid in adulterio aliquis fervit Deo, vel in furto? Non; ergo nec in vindicta corporali, si est illa peccatum ex necessitate.

Dixit autem iste hæreticus, quod Nabuchodonosor servivit Domino in Tyri expugnatione, & tamen peccavit expugnando Tyrum. (47)

Ad quod dicimus sicut supra, quod non peccavit in facto, sed in intentione facti.

Præterea, ego video, quod quidquid dicitur hic de Potestatibus, totum est ad laudem ipsorum; quomodo ergo audes dicere quod vindicando peccent.

Ad hoc dixit, quod hoc est ad laudem mundanam, non divinam, quod de Potestatibus dicit Apostolus.

Sed contra: Nonne Apostolus dicit ibi v. 4. quod Potestas est Dei minister, & dicit in quo, cum ait eod. vers. *vindex in iram*, scilicet Dei vindicandam, unde prius dixerat cap. 12. v. 19. *Sed date locum iræ*, scilicet Dei; postea subjungit Apostolus c. 13. v. 5. *Ideo necessitate subditi estote non solum propter iram, sed etiam propter conscientiam*; propter iram dicit vitandam, & propter conscientiam conservandam; ergo si non subjiceret se quis potestatibus terrenis, deturparet conscientiam suam; ergo tenentur homines subjici eis ex præcepto Dei, alioquin peccant, & damnationem æternam sibi acquirunt; ergo illa dominatio, & a Deo est, & bona est secundum divinam bonitatem; ergo laudabilis secundum divinam laudem.

Cathari autem illud testimonium Pauli de Prælati Ecclesiæ intelligunt, & de vindicta spirituali, & gladio spiritus quod est verbum Dei, ad Ephes. 6. v. 17. Hoc autem improbatum est 1. Petri 2. ubi dicitur v. 13. *Subiecti igitur estote omni humane creaturæ propter Deum &c.* de quo parum ante diximus.

Præterea ubi habent ipsi, quod Prælati Ecclesiæ dicantur potestates? Ego tamen testimonium habeo, quod rectores sæculares dicuntur potestates, communis enim sermo hominum rectores civitatum potestates appellat.

Item secundum eos ad Ephes. 6. v. 12. *Quoniam non est nobis colluctatio adversus carnem, & sanguinem, sed adversus principes, & potestates, adversus mundi rectores tenebrarum harum, contra spiritualia nequitiae, in cælestibus.* Per potestates, & principes intelliguntur (48) rectores terrarum; Magis igitur credendum est doctrinæ meæ, quam tuæ, quia mea testificata est, non tua.

Præterea: Nonne dicit Apostolus de potestate,

& principe, quod *vindex est in iram ei, qui malum agit?* (49) Ad Rom. 13. v. 4. Nonne parum ante cap. 12. v. 19. dixerat: *Mibi vindictam, & ego retribuam, dicit Dominus*; ibi autem locutus est de corporali, siue materiali vindicta, ergo & proximo loco, cum dicit de ministro, quod *vindex est in iram ei, qui malum agit.* Loquitur enim de vindicta materiali, ergo & de gladio materiali, & potestate similiter, atque Principe materiali, maxime cum nusquam inveniamus aliquem Prælatus Ecclesiæ, excepto Christo principem appellari vel regem, ut dictum est supra illo verbo Petri: *Subiecti igitur estote &c.* Sed potius in scriptura nominibus humilibus nominantur, ut pastores, ministri, servi; ut sicut in officio, ita & in nominibus differentia appareat inter eos, & iudices temporales, ut principes sacerdotum; si autem aliquis invenitur dici Princeps, vel Rex, hoc fieri dicitur propter usum materialis gladii, vel quia secundum carnem est ex principibus natus materialibus, ut Christus.

Præterea loco cit. v. 6. Apostolus dicit: *Ideo enim & tributa præstatis: ministri enim Dei sunt in hoc ipsum servientes.* Ex quo patet, quod loquitur de materialibus potestatibus, quibus tributa dantur, ut curam Reipublicæ habeant compefcendo malefactores, quæ etiam tributa a quibusdam salaria vocantur.

Præterea: Nunquid aliquo testimonio Scripturæ potes ostendere, quod tributum spiritualiter sumitur? Non: Ego autem invenio tributum materialiter sumi, sicut & reges. Matth. 17. ubi Christus ait v. 24. *Reges terræ a quibus accipiant tributum, vel censum? a filiis suis, an ab alienis?* (v. 25) *At ille dixit: Ab alienis.*

Item Marci 12. v. 14., & Lucæ 20. v. 22. *Licet nobis tributum dare Cæsari, an non? &c.*

Præterea ipse dicit inferius cap. 13. v. 7. *Reddite ergo omnibus debita: cui tributum, tributum: cui vectigal, vectigal: cui timorem, timorem: cui honorem, honorem:* distinguens illa debita secundum diversas personas. Ostende aliquo testimonio, quod vectigal sumatur spiritualiter; quod facere non potes. Venit ergo materialiter, sicut consuetudo hominum, & Scripturarum habet; ergo & tributum similiter; ista autem nunquam inveniuntur debita, nisi principibus materialibus, ergo potestas, & principes ab Apostolo Domini sæculares dicuntur, ergo gladius dicitur ab eo gladius materialis.

Præterea, secundum Apostolum patet, quod alicui debetur honor, cui non debetur tributum, vel vectigal, vel timor, ne ab eo puniatur: sic enim ait: *Cui tributum tributum: cui vectigal, vectigal: cui timorem, timorem: cui honorem, honorem.* Sed si potestas, vel princeps est Prælatus

Y y y

Eccle-

(47) Negari nequit, quin Deus pleraque iuste permittat. Quando vero permittit, ut faciant homines mala in alios, quæ merentur poenam, non excusat malum inferentes ab scelere. Quamobrem etsi iuste permittit, sceleris tamen executioni ab improbis mandari solent.

(48) Demones per principes huius sæculi a Patribus intelligi, animadverti alio loco. Ceterum S. Johannes Chrysostomus Homilia VII. in 1. Epistolam ad Corinthios. Nostri interpretationem

probat. Jam vero quod attinet, ad rectores tenebrarum, eodem modo se res habet. Nam potest in eos cadere, qui in tenebris confidebant, & veritatem Christianam oppugnabant Imperatores.

(49) Hinc a Gregorio Nazianzeno Epistola XLVI. appellatur potestas regia: ἀρχὴ μετὰ, ξίφος, καὶ τελαμὼν. Imperium cum ense, & loco.

Ecclesiæ, cui debetur honor spiritualis, de quo intelligis verbum Apostoli, constat, quod eidem debetur tributum spiritualiter, vel vectigal; male ergo distinxisset Apostolus, cui tributum, tributum: cui vectigal &c.

Præterea: Quæ differentia est inter tributum spirituale, & honorem spirituale; nonne honor spiritualis tributum spirituale est?

Præterea, nonne timor spiritualis etiam tributum spirituale est? Male ergo diversificavit Apostolus inter tributum, honorem, atque timorem.

Præterea, quæ differentia est inter tributum, & vectigal spirituale? Ostende si potes.

Præterea, cum dixisset: *Reddite ergo omnibus debita: cui tributum, tributum &c.* subjunxit v.8. *Nemini quidquam debeatis, nisi ut invicem diligatis*; quod dicit propter tributa, & vectigalia, quasi dicat absoluite vos a debito tributorum, & vectigalium, non a debito dilectionis. Si autem tributum, & vectigal spirituale esset, quod deberent exhibere Prælato, ab illo non possent se absolvere; illud enim semper reddendum est, sicut & dilectio; a materiali autem tributo, vel vectigali potest quis se absolvere; ergo tributum venit pro materiali tributo, & vectigal similiter; hæc autem Principibus sæcularibus danda sunt, ergo Apostolus Principes, & potestates pro sæcularibus sumit; ex quo habeo, quod & gladius pro materiali gladio, & vindicta pro materiali vindicta sumitur.

Sciendum autem, quod Cathari nobis objiciunt de auctoritate illa Apostoli dicentes: Cum tunc temporis Principes, & potestates infideles essent, non præcepisset Apostolus Christianis, quod eis subicerentur, maxime cum ab eis persecutionem paterentur.

Solutio: Nunquid potes probare, ò hæretice, quod omnes Principes, & potestates essent infideles, & persecutores Ecclesiæ, quando Apostolus istud dixit? certe non: quid dicis de Centurione Matth. 8. v.5. & seq.? Quid etiam de Regulo Jo: 4. v.46. & seq. cujus filio resuscitato credit ipse, & domus ejus tota? Quid dicis de Zacchæo principe publicanorum. Lucæ 19. v.1. & seq.? Quid etiam dicis de Proconsule converso ad fidem Christi, qui miratus est super doctrina Christi, quam audierat per os Pauli. Actor. 13. v.7. & seq.?

Præterea detur, quod nulli Principes essent fideles, tamen Apostolus præcipit Christianis eis subjici in his, quæ non sunt contra Dominum (50), sicut & Christus Matth. 22. v.21. dixit: *Reddite ergo quæ sunt Cæsaris Cæsari; & quæ sunt Dei, Deo*; ubi patet, quod Cæsari materiali jubet solvi materialia tributa; Igitur cum Apostolus esset Christi imitator, idem jussit cum dixit: *Reddite ergo*

omnibus debita: cui tributum &c. & ita loquebatur de principibus, & potestatibus materialibus.

Item 1. Timoth. 6. v.1. *Quicumque sunt sub jugo servi; dominos suos omni honore dignos arbitrentur, ne nomen Domini, & doctrina blasphemetur* (v.2.) *Qui autem fideles habent dominos, non contemnant, quia fratres sunt.*

Item 1. Petri 2. v.18. *Servi subditi estote in omni timore Dominis, non tantum bonis, & modestis, sed etiam discolis.* Ecce monet subjici infidelibus uterque Apostolus, quare ergo dixisti contrarium, nisi quia es doctrinæ Apostolicæ contrarius?

Item objicit hæreticus contra nos dicens, quod nos Clerici illud non observamus, non enim volumus subjici potestatibus paganis.

Respondeo: Imo volumus alicubi; alicubi autem non (51); sicut hic, quia nullum jus habent hic in nobis; unde Apostolus caute loquens ad Rom. 13. v.1. non ait *omnis anima*, idest omnis homo subiectus sit potestatibus, sed addidit *sublimioribus* supra se ad comparativi illius determinationem, hic autem non sunt sublimiores nobis.

Præterea, ex vi comparativi patet, quod non loquitur de quolibet homine, cum dicit *omnis anima*, sed tantum de illo, qui habet sublimiorem, & ei dicit, quod suo sublimiori se subjiciat; unde & Clerici non subjiciunt se sæcularibus Principibus, quamvis Catholicis, quia Principes non sunt eis sublimiores, & non præsumunt eis. A Constantino enim, & aliis Imperatoribus (52) sunt exempti, quorum vicarii sunt Potestates, & alii Principes; poterant enim eis dare jus suum; propter quod nullus admirari debet, si quando Sæcularis de Clerico conqueritur, si Clericus fungens privilegio, facit ei rationem non sub Principe, vel Potestate, sed sub Episcopo suo tantum, sicut facit laicus econtra contra Clericum.

Si autem objicias, quod Papa sæculares homines Imperatori subjici non permittit aliquando. Dico, quod facit sicut Pater prius flagellans filium suum ad correctionem; de subiectione enim Imperatorum, & principum sæcularium ad Ecclesiam prophetat Isaïas cap. 60. v.10. ubi ait: *Et edificabunt filii peregrinorum muros tuos, & reges eorum ministrabunt tibi.*

Item 43. v.23. dixerat: *Et erunt reges nutritii tui, & reginae nutrices tuæ: vultu in terram demisso adorabunt te, & pulverem pedum tuorum lingent*; & loquitur ibi ad Jerusalem, idest ad Ecclesiam.

Item induci potest illud 1. Timoth. 2. v.1. *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus* (v.3.) *Pro regibus, & omnibus qui*

(50) Pulcre Theodoretus ad v.1. Cap. 11. *Epistola ad Titum*. „ Neque magistratibus, inquit; omnibus parendum est. „ Sed vectigal quidem, & tributum conferendum est, & honor, „ qui eis convenit, tribuendus. At si ut impie agas jusserint, „ aperte contradicendum. „ Id vero non Christiani solum cognorant, verum etiam Ethnici. Quamobrem Arrianus in *Epistola*. 1.3 „ Si ad quempiam illorum, inquit, qui in eminentia „ sunt constituti, ingrediaris, memento etiam alium superne in- „ tueri ea, quæ sunt, & oportere te ei magis placere, quam „ illi &c.

(51) Videlicet si in eorum regionibus versetur, tum iis esse parendum, adhibendumque honorem præscribit Moneta; sin autem Christianorum Principum ditioni subiecti sumus, non esse cur eis obtemperemus, qui nullam in hac regna Christianorum, adeoque ne in nos quidem obtinent potestatem.

(52) Multa quidem sunt privilegia Clericorum. Ceterum fateamur oportet Clericos si perturbent Reipublicæ tranquillitatem, tum esse puniendos, etsi non a Rege, ab Ecclesia tamen. Sed in his consuli debent jura Episcoporum, ac Summi Pontificis, a nostris Canonum Interpretibus vindicata.

qui in sublimitate sunt, ut quietam, & tranquillam vitam agamus, in omni pietate, & castitate. Modo quæro: aut monet orare pro regibus, ut convertantur, & omnino cessent a regno & vindictis; sic non haberemus quietam, & tranquillam vitam a persecutoribus; sic enim prædones, & adulteri libere nos invadent, & hoc maxime volunt, ut non sint homines facientes justitiam istam; aut ut convertantur, & inde exercent officium suum, scilicet sumere vindictam malefactorum, & conservare bonos in statu, & jure suo; quo dato patet quod volo.

Si autem dicas, quod de regibus loquitur, idest prælatis Ecclesiarum.

Contra: Hoc dictum est in aliis, quæ parum ante dicta sunt.

Præterea, quomodo potest hoc esse? nonne loquitur Apostolus cuidam Prælato, scilicet Timotheo, & de se, & de illo dicit in prima persona, ut quietam, & tranquillam vitam agamus; de regibus autem dicit in tertia persona. Pro regibus, & omnibus, qui in sublimitate sunt constituti, ergo vel ipse, & Timotheus non erant spirituales reges, vel reges appellat reges sæculares.

Præterea, quod loquatur de Regibus istis, patet Jeremiæ 29. v. 7. ubi dicitur: *Et quærite pacem civitatis, ad quam transmigrare vos feci: & orate pro ea ad Dominum: quia in pace illius erit pax vobis.*

Item ad Titum 3. v. 1. *Admone illos, principibus, & potestatibus subditos esse, dicto obedire, ad omne opus bonum paratos esse.* Illos dicit, idest senes, & juvenes, servos, & liberos, viros, & uxores, hoc dixit Tito, qui erat spiritualis princeps Ecclesiæ suæ, quam debebat docere, ut subditi essent principibus, & potestatibus; principes, & potestates, dicuntur principes, & potestates sæculares; quia non sic appellaret eos, sed potius Episcopos Presbyteros, vel Diaconos, sicut etiam facit in principio Epistolæ v. 5. *Hujus rei gratia reliqui te Cretæ, ut ea quæ desunt corrigas, & constituas per civitates Presbyteros, sicut & ego disposui tibi &c.* v. 7. *Oportet enim Episcopum sine crimine esse.*

Si autem vis dicere, quod illos appellat principes, & potestates postea, jam dictum est in præcedentibus, quod nullo testimonio Scripturæ divinæ potes ostendere, quod Prælati Ecclesiæ Dei dicantur principes excepto Christo, qui fuit Rex, & Sacerdos, descendit enim de tribu regia. In Veteri autem Testamento licet dicerentur principes, o Valdensis, hoc erat propter usum materialis gladii, quem ipsi exercebant in propria persona, ut patet in Phinees. Numer. 25. v. 13. Et Moyse Exod. 2. v. 21. & seq. & filiis Levi Exodi 32. v. 26. *Si quis est Domini: jungatur mihi. Congregatique sunt ad eum omnes filii Levi &c.* Et Numeror. 3. v. 12. *Eruntque Levitæ mei.*

Præterea, o Cathare, illi nunquam fuerunt spirituales secundum te, qui in Veteri Testamento principes sunt.

Item, quod dominari corporaliter, five carnaliter habere subditos liceat, patet Matth. 8. ubi Centurio dixit Jesu v. 9. *Num & ego homo sum sub potestate constitutus, habens sub me milites, & dico huic: Vade, & vadit; & alii: Veni, & venit; & servo meo: fac hoc, & facit.* Hoc autem dixit ad confirmandum quoddam verbum, quod de Jesu dixerat v. 9. *Sed tantum dic verbo, & sanabitur puer meus;* quasi dicat: præcipe infirmitati, ut vadat, & vadet, idest recedet; præcipe sanitati, ut veniat, & veniet; quo audito Jesus eum magnifice laudans ait v. 10. *Amen dico vobis: Non inveni tantam fidem in Israel.* Signoria (53) ergo sua de qua locutus erat, & quam posuit in testimonium signoriæ Christi super infirmitatem, & sanitatem, nunquid illicita erat? Si sic, cum ille esset corrigibilis, magnæ enim humanitatis erat, ita ut diceret v. 8. *Domine, non sum dignus, ut intres sub tectum meum,* & magnæ fidei, ut patet ex testimonio Christi de eo; quare Dominus non correxit eum de illo malo, & illicito? Videtur ergo quod consenserit ei in illo. Relinquitur ergo quia non correxit, cum esset corrigibilis, quod licitum erat, & bonum habere sub se milites, & servos.

Idem, potest haberi de Centurione, de quo habetur Actor. 10. v. 1. & seq. de Cornelio, qui erat centurio cohortis, quæ dicitur Italica, & tamén religiosus, ac timens Deum.

§. VIII.

Probatio Ecclesiæ quod usus gladii materialis sit licitus.

IN hac tertia parte hujus secundæ partis capituli decimi tertii specialiter intendimus probare, quod usus gladii licitus est. In primis autem per illud Matth. 5. v. 21. *Non occides;* Istud superius, disputatum est, & probatum Valdensibus, quod sicut in Veteri Testamento, ita nunc non intelligitur, nisi de innocentibus; Non occides innocentem o Judex. Vel dictum est personæ non habenti jurisdictionem aliquam. Disputatum etiam fuit contra Catharos, ostendendo de qua occisione, & de quibus intelligitur, quia non de animalibus brutis, nec de omnibus hominibus, per illam rationem, quæ contra Valdenses posita fuit. Nunc a Catharis inquirimus tertium, quod ibi dimisimus, scilicet quando fuerit illud datum mandatum. Procedendum est autem prius hoc modo: Tu dicis quod occidere malum est. Quæro: Quare? Dices mihi, quia prohibitum. Modo quæro: quando prohibitum est, & ubi? Dices mihi: quando Christus dixit in Novo Testamento Matth. 5. v. 21. *Non occides;* ergo peccatum est quia prohibitum est a Christo in Novo Testamento; ergo ante Novum Testamentum non fuit peccatum occidere; ergo non peccabant occidendo illi, qui fuerunt in Veteri Testamento, eadem ratione non peccabunt mæchando, vel furtum faciendo, vel falsum dicendo, & sic de aliis;

Y y y 2

ergo

ergo erant sine omni peccato, quod tu non credis.

Præterea, si peccatum fuit occidere antequam Christus veniret; ergo cum peccare non sit aliud, quam contra legem Dei venire, veniebant contra legem Dei Sancti; sed non veniebant isti nisi contra legem Moyſis, ergo illa erat lex Dei Sancti, quod tu non credis.

Forte dices: Imo credo, quod ad aliqua, quæ ibi erant, scilicet *non occides*, & hujusmodi. Sed nunquid Deus Sanctus dedit illud mandatum Moyſi? Si sic; ergo Deus Sanctus loquebatur Moyſi, quod tu non credis. Si alius dedit, sicut tu credis, scilicet Satan, non tenebatur illi obedire; ergo non peccabant veniendo contra hoc: *Non occides*.

Si autem dicas, quod peccatum fuit, quia contra legem naturalem fuit.

Contra: Illa lex naturalis non est nisi ratio hominis dictans homini in corde, quid faciendum sit, & quid non: Dic mihi, quis dedit homini illam legem, quis eam scripsit in anima ejus nisi ille, qui facit animam ex anima, ut tu credis, qui unum ponis principium, & credis animam ex anima traduci opere Satanæ, ut habetur 2. lib. cap. 4. Nunquid legi a diabolo datæ standum est? Nunquid illa obligat aliquem, si Deus illam non dat? Constat quod non. Quod autem lex mentis sit ratio, Desiderius hæresiarca notavit in cap. suo de resurrectione.

Præterea, proba hoc quod occidere malefactorem, qui turbat bonum commune sit contra legem (54) naturalem, quod facere non potes, naturalis enim lex, quæ est in mente uniuscujusque dictat, quod communis utilitas præferenda est privatae, & bonum totius reipublicæ bono unius hominis. [*] Constat enim quod Apostolus comparat Ecclesiam corpori naturali, ad Roman. 12. v. 4. 5. Constat autem quod corpus naturale præfertur uni membro; & ut a medico membrum aliquod præscinditur, ne totum corpus ejus putredine inficiatur, sic facit in corpore Ecclesia non crudeliter quidem agens, sed misericorditer, ut bonus medicus, ne malefactor contagione pestifera plurimos perdat, si non puniatur. [*]

Ex his quæ dicta sunt modo, & prius, constat, quod istud mandatum *non occides*, nec secundum naturalem legem, nec secundum legem Moyſi, nec secundum Christi intelligitur universaliter.

Quod autem *non occides* non intelligatur universaliter, potest adhuc probari naturali ratione; ex fructu arbor cognoscitur (Matth. 12. v. 33.) fructus autem justitiæ sæcularis est vitatio multorum malorum, quæ ex ejus absentia inducuntur, fructus igitur justitiæ sæcularis bonus; ergo ipsa bona, & a Deo; fructus autem absentiae ejus intelligis esse

multa mala; ergo absentia justitiæ sæcularis mala est.

Præterea justitia ista ordinata est, ut vitetur majus malum. Quæro a quo ordinata sit? a diabolo non, quia non vellet, quod majus malum propter minus vitaretur; ergo a Deo ordinata est, ergo bona, & licita.

[*] Aliter etiam potest procedi contra eos qui inducunt istud per se. Matth. 5. v. 21. *Audistis quia dictum est antiquis: Non occides; qui autem occiderit reus erit judicio*. Nunquid idem est, qui dicit antiquis *non occides*, & qui dicit v. 22. *Ego autem dico vobis: quia omnis, qui irascitur fratri suo, reus erit judicio*? Si idem, Christus ergo loquebatur Moyſi in monte Sina, quod non audet dicere; secundum hoc enim ille, qui dedit Moyſi tabulas lapideas scriptas digito Dei erat Christus. Si autem dicat alius fuit, scilicet Satan, non tenebatur ei obedire, & inde ut prius. [*]

Præterea, quod usus gladii materialis licitus est jam probatum est ex illo testimonio ad Roman. 12. v. 19. *Mibi vindictam: ego retribuam, dicit Dominus* contra Valdenses.

Item ex illo testimonio Actor. 24. v. 11. *Si enim nocui, aut dignum morte aliquid feci, non recuso mori. Si vero nihil est eorum, quæ hi accusant me, nemo potest me illis donare. Casarem appello*. Contra omnes hæreticos negantes usum gladii per illud Johannis 8. v. 7. *Qui sine peccato est vestrum, primus in illam lapidem mittat*.

Item per illud quod habetur Apoc. 13. v. 10. *Qui in gladio occiderit, oportet eum gladio occidi*.

Item Act. 3. v. 14. *Vos autem sanctum & justum negastis, & petistis virum homicidam donari vobis*; verba sunt Petri ad Judæos, quos arguit de duobus, quia *justum & sanctum* negaverunt, contra illud mandatum Exodi 23. v. 7. *Insontem & justum non occides*.

Item, quia petierunt Barrabbam virum homicidam, contra mandatum legis de homicida occidendo; peccabant igitur quia petebant ut parceretur homicidæ; ergo justum, & licitum erat contrarium, scilicet ipsum occidere.

Item Actor. 12. v. 23. habemus, quod Angelus Domini occidit Herodem, eo quod non dedisset honorem Deo: de hoc habetur in capite de judicio in tertia hujus operis parte.

Si autem dicat quod lex non est posita Angelo, sed homini; de hoc etiam contra hoc disputatum est in capite de juramento,

Præterea, si lex non est data Angelo; ergo cum peccare sit facere contra legem datam, Angelus non peccavit; male ergo dicit Johannes in prima Epist. cap. 3. v. 8. cum dicit: *Quoniam ab initio diabolus peccat*. Patet ergo quod Dominus per Angelum suum tanquam per ministrum suum occidit.

Item,

(54) Bonum commune præferatur privato cujusque commodo necesse est. Pax autem, & tranquillitas reipublicæ maxime ob bonum commune constat. Jam vero pax obtineri nequit, nisi sint magistratus, qui perturbatores publicæ tranquillitatis puniant. Adposuit Johannes Chrysostomus *Homilia vi.* „si judicia, inquit, sustuleris tribunalia, omnem vitam nostram, dñe non sustuleris; & sicut si gubernatorem a navi separaveris, scapham submergeris; & si ducem ab exercitu removeris, victos hostibus tradideris milites: ita si magistratus de

„ civitatibus abstuleris, ipsis brutis animalibus magis irrationabilem degemus vitam, alii alios mordentes, & devorantes, pauperiorem ditior, infirmior potentior, mansuetior rem audacior &c.

[*] Desunt hæc, quæ duobus asteriscis comprehendimus ex Codicibus Bononiensi, & Vaticano.

[*] Ne hæc quidem, quæ duobus rursus asteriscis complexi sumus, extant in Codicibus Bonon. & Vatic.

Item, excæcavit Elymam cum manu sua Act. 13. v. 11. de quo etiam dictum est in quarta parte hujus operis in capite de judicio pœnarum sæcularium; an sit a Deo: hoc autem tantum factum est in signum, quod ministri ejus, idest Principes, & occidere possunt, & excæcare malefactores.

Item Actor. 22. v. 25. *Si hominem Romanum, & indemnatum licet vobis flagellare?* Romanum, idest Romanæ libertatis participem; hæc est civitas (55), in qua dicit se natum; non arguit eos Paulus, quod eum flagellaverunt, sed quia hoc fecerant non observato ordine juris; flagellaverant enim eum inconvictum, & inconfessum de eo quod objiciebant; unde patet quod condemnatio facta juris ordine non est mala, cum innuat eam licitam dicens: *Si hominem Romanum, & indemnatum licet vobis flagellare?*

Item, Roman. 1. v. 32. *Quoniam qui talia agunt digni sunt morte: non solum qui ea faciunt, sed etiam qui consentiunt facientibus;* morte scilicet non solum æternitatis, sed temporis; quod patet ex eo quod dicit Apostolus Act. 25. v. 11. *Si enim nocui, aut dignum morte aliquid feci, non recuso mori.* Quare ergo tu negas ultionem mortis corporalis factam per judicem, & recusas, & reprobas, cum dicat Apostolus, quod ea *digni sunt*, & latro Lucæ 23. v. 41. idem dicat, scilicet se digna factis recipere, & non mentiebatur?

Præterea, quare diceret Apostolus, *quod digni sunt morte*, nisi ab aliquo essent eam recepturi propter peccatum suum? a quo autem recepturi sunt eam, nisi a Judice ordinato a Deo ad vindictam malefactorum, ut ait Paulus Rom. 13. v. 4? Ergo illa ultio non est ei peccatum.

Præterea, est digna retributio pro factis, ut patet per latronem; ergo non est peccatum, quantum in se est.

Item Lucæ 23. v. 41. *Et nos quidem juste; nam digna factis recipimus.* Duo dicit, se dignum morte, & ideo juste occisum a Judice, non esset juste occisus ab eo, si prohibitum esset ei; quod enim non licet alicui, non juste ab eo fit; ergo istud juste fiebat a Judice.

Præterea, dicit se juste occisum in condemnatione facta a judice, & dicit quare, *nam digna factis recipimus;* pro se dicebat, quod digne patiebatur, pro judice dixit, quod juste, non dixit digne, quia malus homo erat. Judices ergo pagani juste condemnabant maleficos; ergo illa condemnatio non est peccatum etiam post Christum.

Præterea, dicit se digna factis recipere, & non mentitur, quia sic non mereretur audire v. 44. *Hodie mecum eris in Paradiso.* Modo quæro; illa pœna aut debebat fieri, aut non? Si non; ergo non erat dignus ea; ergo mentiebatur. Si autem debebat ei fieri, illa ergo ultio non erat mala quantum in se; vel si erat mala, ergo indebita.

Præterea, debebat recipere istam ultionem; quæro a quo? Catharus non audeat dicere quod a Deo, Valdensis autem sic, sed dico ei, quando? nisi nunc per ministrum suum, consueta enim morte, etiam si

non peccasset, dignus erat per peccatum primi hominis.

Item, Matth. 15. dixerunt Pharisei Jesu v. 2. *Quare discipuli tui transgrediuntur traditionem seniorum? non enim lavant manus suas cum panem manducant.* v. 3. *Ipse autem respondens ait illis: quare & vos transgredimini mandatum Dei propter traditionem vestram?* Quod autem mandatum transgredierentur ipse ponit, cum ait v. 3. *Nam Deus dixit: v. 4. Honora patrem, & matrem, & qui maledixerit patri, vel matri, morte moriatur;* hoc autem testimonium habetur in secunda parte hujus operis in 2. cap. de Deo Veteris Testamenti, in quo testimonio arguit eos Christus de hoc, quia nec patrem, nec matrem honorabant; item de hoc alio, quia nec istud observabant, *qui maledixerit patri, vel matri, morte moriatur.* Istud ergo observandum erat ex Dei præcepto; constat autem quod de morte temporali ait, quæ fiebat in Veteri Testamento per judices, ergo usus gladii materialis licitus erat judicibus.

Item, Matth. 21. v. 23. habetur: *Homo erat paterfamilias, qui plantavit vineam, & sepem circumdedit ei, & fodit in ea torcular, & edificavit turrim, & locavit eam agricolis: & peregre profectus est.* Vineam ista domus Israel est, ut dicit Isaias cap. 5. v. 7. Et Psalm. 79. v. 9. *Vineam de Ægypto transtulisti: ejecisti gentes & plantasti eam;* Populus enim ille vinea Domini, & hæreditas, & regnum Dei Patris fuit. Postea dicitur v. 34. *Cum autem tempus fructuum appropinquasset, misit servos suos ad agricolas, ut acciperent fructus ejus.* v. 35. *Et agricolæ apprehensis servis ejus, alium ceciderunt, alium occiderunt, alium vero lapidaverunt.* v. 36. *Iterum misit alios servos plures prioribus, & fecerunt illis similiter.* v. 37. *Novissime autem misit ad ad eos filium suum v. 39. Et apprehensum eum ejecerunt extra vineam, & occiderunt.* Postea vero facta Judæis quæstione, cum venerit quid faciet agricolis? Dixerunt ei v. 41. *Malos male perdet: & vineam suam locabit aliis agricolis, qui reddent ei fructum temporibus suis.* Idem affirmavit, & dixit Christus Marci 12. v. 9. Lucæ 20. v. 16. Modo quæro: hoc quod dicitur: *Cum ergo venerit Dominus vineæ, quid faciet agricolis illis* v. 40. Nunquid intelligitur istud de adventu ultimo ad judicium universale? Non; quia vineam non locabit tunc aliis agricolis, idest gentibus; intelligitur ergo de adventu ad particulare judicium, de quo habetur Lucæ 19. v. 41. *Et ut appropinquavit Jesus, videns civitatem, flevit super illam, dicens: v. 42. Quia si cognovisses & tu, & quidem in hac die tua, quæ ad pacem tibi: nunc autem abscondita sunt ab oculis tuis.* v. 43. *Quia venient dies in te: & circumdabunt te inimici tui vallo, & circumdabunt te, & coangustabunt te undique.* v. 44. *Et ad terram prosternebant te, & filios tuos, qui in te, sunt, & non relinquent in te lapidem super lapidem: eo quod non cognoveris tempus visitationis tuæ;* & de quo etiam dicit Matth. 21. v. 41. ubi ajunt Christo, *quod malos male perdet;* idest occi-

(55) Alii Codicis habent *civilitas*. Civitate Romana donabanrur, qui alibi etiam nati essent. Ita accidit Paulo. Tarsensis enim erat, ut ipse testatur Actor. xx11. versu 3.

occidet morte temporali per exercitus suos , ut tangit Matth. 22. v. 7. Ergo Dominus per ministros occidit ; ergo occidere non est peccatum iudici , vel ministro , nisi fiat mala intentione (56). Nunquam enim legi quod Deus fornicetur nec per se , nec per aliquem , nec quod furetur , cum tamen Christus dicat in Matth. *quod malos male perdet , & vineam suam locabit aliis agricolis* ; idest gentibus , quæ postea factæ sunt Domini vinea , & regnum , & hæreditas , & impletum est illud Ps. 2. v. 8. *Postula a me , & dabo tibi Gentes hæreditatem tuam , & possessionem tuam terminos terræ* ; propter quod dicit Judæis Matth. 21. v. 43. *Ideo dico vobis : quia auferetur a vobis regnum Dei , supple , esse , idest definietis esse regnum Dei , & dabitur genti facienti fructus ejus* ; idest gentes incipient esse regnum Dei .

Item , Matth. 22. v. 2. *Simile factum est regnum cælorum homini regi , qui fecit nuptias filio suo &c. usque ad exitus viarum , & quoscunque inveneritis , vocate ad nuptias* . Simile dicit esse regnum cælorum , idest Regem regni cælorum , homini patrifamilias in facto quod narrat ; & est quasi eadem sententia , quæ & in præcedenti parabola . Et nota quod servi missi vocare ad nuptias occisi sunt , ut dicitur v. 6. *Rex autem cum audisset , iratus est : & missis exercitibus suis , perdidit homicidas illos , & civitates illorum succendit v. 7.* Istud totum intelligitur materialiter de Jerusalem , & populo Judæorum .

Idem , habetur Lucæ 19. v. 12. *Homo quidam nobilis abiit in regionem longinquam accipere sibi regnum , & reverti* . Dixerunt autem quidam v. 14. *Nolamus hunc regnare super nos ; & post pauca dicit Christus v. 27. Veruntamen inimicos meos illos , qui noluerunt me regnare super se , adducite huc , & interficite ante me* . Quod testimonium , quia ab hæreticis intelligitur de ultimo iudicio ; ad confirmandum illud quod diximus , inducas illud Matth. 22. v. 7. *Rex autem cum audisset , iratus est ; & missis exercitibus suis , perdidit homicidas illos* ; idest occidit per exercitus suos . Istud autem non potest intelligi de die iudicii universalis , quia postea v. 9. non mitteret alios servos vocare ad nuptias ; post factum autem illud *missis exercitibus perdidit homicidas illos* , & alios misit ; unde ait v. 9. *Ite ergo ad exitus viarum : et quoscunque inveneritis , vocate ad nuptias* . Huic est contrarium quod habetur Lucæ 19. v. 10. *Venit enim filius hominis quærere , & salvum facere quod perierat* ; quia verum est quod non venit eos perdere , qui voluerunt eum super se regnare , ut patet Lucæ 19. v. 14. Si autem noluerint , dicit v. 27. *Veruntamen inimicos meos illos , qui noluerunt me regnare super se , adducite huc , & interficite ante me* . Ex quibus patet , quod occidere licitum est , & potest bene fieri , alioquin sicut Deus nec per se , nec per alium peccat , ita nec per se , nec per alium occideret .

[*] Hic nota concordantiam illam in 1. Petri 2. v. 13. *Subiecti igitur estote omni humanæ creaturæ propter Deum : sive Regi , quasi præcellenti* . v. 14.

Sive ducibus tanquam ab eo missis ad vindictam malefactorum , laudem vero bonorum . v. 15. *Quia sic est voluntas Dei : Idem est enim quod hic dicitur : missis exercitibus perdidit homicidas illos , missis scilicet ad vindictam malefactorum* .

Item , Roman. 13. v. 14. *Non enim sine causa gladium portat . Dei enim minister est : vindex iram , ei qui malum agit* . [*]

Item , Matth. 23. v. 23. *Væ vobis Scribæ , & Pharisei hypocritæ : quia decimatis mentam , & anethum , & cuminum , & reliquistis , quæ graviora sunt legis , iudicium , & misericordiam , & fidem* : Ecce cominatur eis væ , propter derelictionem iudicii . Quod sit illud iudicium , habetur Matth. 15. v. 3. *Quare & vos transgredimini mandatum Dei propter traditionem vestram ? Nam Deus dixit . v. 4. Honora patrem , & matrem . Et qui maledixerit patri , vel matri , morte moriatur ; quod reliquerant propter traditiones humanas , ut dicitur Marci 7. v. 8.*

Præterea , tu non habes testimonium , quod alia iudicia legis reliquerint .

Præterea , non habuerunt aliam legem , nec ex alia lege determinationes fiebant ; ergo non reliquerunt iudicia alia , nisi illius legis veteris , de quibus ego habeo testimonium , quod erant iudicia legis illis data . Exodi 21. v. 1. *Hæc sunt iudicia , quæ propones filii Israel* . v. 12. *Qui percusserit hominem volens occidere , morte moriatur* . v. 14. *Si quis per industriam occiderit proximum suum , & per insidias ; ab altari meo evelles eum , ut moriatur* . v. 15. *Qui percusserit patrem suum , aut matrem , morte moriatur* . v. 17. *Qui maledixerit patri suo , vel matri , morte moriatur* . v. 16. *Qui furatus fuerit hominem , & vendiderit eum , convictus noxæ , morte moriatur* . Et multa alia leguntur in illo capitulo ; ubi etiam ponitur illud iudicium , quod relinquebant Scribæ , & Pharisei . *Qui maledixerit patri suo &c.* Unde patet quod loquitur de iudiciis materialibus ; istud autem testimonium ; *Væ vobis &c.* disputatum est in cap. de Lege in secunda parte hujus operis .

Præterea , quod illa iudicia veteris legis reliquerunt , patet ex primo iudicio ibi posito v. 2. *Si emeris servum Hebræum , sex annis serviet tibi : in septimo egredietur liber gratis* . v. 3. *Cum quali veste intraverit , cum tali exeat : si habens uxorem , & uxor egredietur simul* . v. 4. *Si autem Dominus dederit illi uxorem , & pepererit filios , & filias : mulier , & liberi ejus erunt Domini sui : ipse vero exibit cum vestitu suo* . De cujus derelictione arguuntur Jerem. 34. v. 12. *Et factum est verbum Domini ad Jeremiam a Domino , dicens : v. 13. Hæc dicit Dominus Deus Israel : Ego percussi fadus cum Patribus vestris , in die , qua eduxi vos de Terra Ægypti ; de domo servitutis , dicens : v. 14. Cum completi fuerint septem anni , dimittat unusquisque fratrem suum Hebræum , qui venditus est ei , & serviet tibi sex annis , & dimittes eum a te liberum , & non audierunt patres vestri me , nec inclinaverunt aurem suam* . v. 15. *Et conversi estis vos hodie , & fecistis quod*

(56) Seu iniuste .

[*] Quæ duobus asteriscis complexi sumus , desunt e Codicibus Bonon. & Vatic.

quod rectum est in oculis meis, ut predicaretis libertatem, unusquisque ad amicum suum: & in istis patet in conspectu meo, in domo, in qua invocatum est nomen meum super eam. v. 16. Et reversi estis, & commaculastis nomen meum: & reduxistis unusquisque servum suum, & unusquisque ancillam suam, quos dimiseratis, ut essent liberi, & suæ potestatis: & subjugastis eos, ut sint vobis servi, & ancillæ. Unde etiam potest trahi argumentum efficax, quod Deus prophetarum non est, nisi Deus legis Moyfi contra illos, qui duo ponunt principia, qui accusantes Deum legis, approbant, ut dicunt Deum prophetarum.

Item, Lucæ 3. v. 14. Johannes Baptista non dixit militibus, qui interrogabant eum quid facerent, relinquere stipendia principum, sed dixit: *Neminem concutiatis, neque calumniam faciatis: & contenti estote stipendiis vestris.* Quod si exponis sic, idest nullum bellum faciatis, male dixisset, quia sic docuisset eos decipere principes, a quibus accipiebant stipendia dicens: *Contenti estote stipendiis vestris;* Quomodo enim acciperent stipendia a Principibus pro defensione terræ, si nollent eam defendere cum opus esset?

Item, enumeratis quibusdam iudiciis de quibus habetur Act. 13. v. 22. & seq. dicit Apostolus Hebræor. 11. v. 33. *Quod per fidem vicerunt regna, operati sunt iustitiam, adepti sunt repromissiones, obturaverunt ora leonum &c.* De ista fide dicitur Apocal. 13. v. 10. *Hæc est patientia, & fides Sanctorum;* patientia in perferendis maioribus si opus; & fides, ut qui in gladio occiderit, oportet eum gladio occidi.

Contra Valdenses potest induci illud 1. Timoth. 1. v. 8. *Scimus autem, quia bona est lex, si quis ea legitime utatur (v. 9.) sciens hoc, quia lex iusto non est posita, sed iniustis, & non subditis, impiis, & peccatoribus, sceleratis, & contaminatis, parricidis, & matricidis, homicidis, (v. 10.) fornicariis, masculorum concubitoribus, plagiaris, mendacibus, perjuris, & si quid aliud sanæ doctrinæ adversatur, (v. 11.) quæ est secundum Evangelium gloriæ Beati Dei.* Duo dicit se scire, unum, quia lex bona est; aliud, quoniam non est posita iustis, sed iniustis. Apostolus prius dixerat v. 7. de quibusdam, quod volebant esse legis Doctores, non intelligentes, neque quæ loquuntur, neque de quibus affirmant; de se autem & de aliis Catholicis dicit: *Scimus autem &c.* quasi dicat, illi non intelligunt, & ideo non possunt dare iudicium de ea; nos autem scimus, & ideo iudicium damus, quia bona est, non dixit fuit, sed est, & subjungit: *si quis ea legitime utatur;* postea exponit de qua lege loquatur, & quid sit uti legitime lege, & sic determinat ad quid fuerit data, quia ad vindictam malefactorum, laudem verò bonorum, cum dicit: *sciens hoc, quia lex iusto non est posita, sed iniustis* contra legem agendo, *non subditis* Dominos spernendo, *impiis* contra Dominum, *peccatoribus* in se contaminatis, & *sceleratis* in proximum; sed scelerati dicuntur qui contra proximum agunt, contaminati dicuntur, qui consentiunt, & favent eis; exponit

autem per partes, qui sunt isti, cum ait: *parricidis, & matricidis*, idest cedentibus patrem, & matrem. Exodi 21. v. 15. *Qui percusserit patrem suum, aut matrem, morte moriatur;* unde ibidem v. 14. *Si quis per industriam occiderit proximum suum, & per insidias: ab altari meo evelles eum: ut moriatur.* Fornicariis, idest adulteris. Levitici 20. v. 10. *Si machatus quis fuerit cum uxore alterius, & adulterium perpetraverit cum conjuge proximi sui, morte moriantur & Machus, & adultera.* Masculorum concubitoribus. Levitici 20. v. 13. *Qui dormierit cum masculo coitu femineo, uterque operatus est nefas, morte moriantur.* Plagariis; plagium est cum quis furatur hominem liberum, & vendit eum. Exodi 20. v. 17. *Qui furatus fuerit hominem, & vendiderit eum, convictus noxæ morte moriatur.* Vel plagiaris, idest plagas aliis facientibus, quibus fiebat secundum quod aliis fecerant. Exodi 21. v. 23. *Si autem mors ejus fuerit subsecuta, reddet animam pro anima, (v. 24.) oculum pro oculo, dentem pro dente, manum pro manu, (v. 25.) adustionem pro adustione, vulnus pro vulnere, livorem pro livore.* Mendacibus. Deuteron. 19. v. 16. *Si steterit testis mendax contra hominem accusans eum prævaricationis, (v. 17.) stabunt ambo quorum causus est, ante Dominum in conspectu Sacerdotum, & iudicium, qui fuerint in diebus illis. (v. 18.) Cumque, diligentissime perscrutantes, invenerint falsum testem dixisse contra fratrem suum mendacium (v. 19.) reddent ei sicut fratri suo facere cogitavit, & auferes malum de medio tui.* Perjuris; Levitici 6. v. 1. & seq. De inficiante depositum, & insuper pejerante, quia si deprehenditur, tenebitur restituere depositum domino depositi, & insuper quintam partem. Ecce habemus quod malefactores puniebantur. Sequitur de falsis doctoribus. *Er si quid aliud sanæ doctrinæ adversatur, quæ est secundum Evangelium gloriæ Beati Dei, quod creditum est mihi.* De hoc habetur Deuteron. 13. per totum caput & 18. v. 20. & seq. & 29. v. 18. & seq. De ista lege vindictæ dicit Apostolus quod bona est, non tantum fuit, si quis ea legitime utatur, scilicet ad vindictam talium, non ad vindictam iustorum; lex enim ista non est posita iusto, idest ad pœnam ejus; imo dicitur Exodi 23. v. 7. *Infontem, & iustum non occides, sed iniustis, & prave docentibus, idest ad vindictam eorum.*

Item dixit Rom. 13. v. 3. *Vis autem non timere potestatem? Bonum fac, & habebis laudem ex illa. (v. 4.) Dei enim minister est tibi in bonum. Si autem malum feceris, time: non enim sine causa gladium portat. Dei enim minister est: vindex in iram ei, qui malum agit.* In utroque dicit eum ministrum Dei.

[*] Item ad Galat. 5. v. 18. *Quod si spiritu ducimini, non estis sub lege: idest sub onere vindictæ legis, & dicit quare, cum ait v. 22. Fructus autem spiritus est: Charitas, gaudium, pax, patientia, benignitas, bonitas, longanimitas (v. 23.) mansuetudo, fides, modestia, continentia, castitas. Adversus huiusmodi non est lex; Et sic lex non est posita iusto, idest adversus iustum. Prius dixerat v. 19. *Manifesta sunt autem opera carnis, quæ sunt fornicatio, immunditia, impudicitia, luxuria &c.**

Ecce

[*] Desunt hæc ex Codice Bononiensi.

Ecce habemus, quod Apostolus confirmat legem vindictæ dicens, quod bona est, & quod ejus usus legitimus bonus est; quare igitur audes dicere, quod vindicta sit illicita?

Si autem dicas, quod usus ejus dicitur bonus secundum sæculum, quia utilis est ei, sed non est utilis secundum Deum; hoc improbatum est supra illo verbo Apostoli Rom. 13. v. 1. *Omnis anima &c.*

Præterea si hoc est, quod secundum Deum malus est ejus usus, ergo non est a Deo usus justitiæ, sed a diabolo, absentia autem ejus a Deo, & minus tamen utilis est, quam usus justitiæ, imo damnosus sæculo secundum animam & corpus. Hoc satis mirabile est, quod Christus, cujus oculis omnia nuda sunt, & aperta, ut dicitur Hebr. 4. v. 13. veniens in mundum hunc, illud quod prius non erat peccatum, & tamen magis utile sæculo secundum corpus, & animam, prohibuit, & illud quod minus utile est, ordinavit, & præcepit, scilicet quod ista justitia secularis non fieret. Si vir sapiens, & bonus scienter non eligeret minus utile, spreto etiam magis utili, cum utrumque esset in ejus potestate, scilicet ut quod vellet eligeret; quanto magis summa Dei sapientia, quæ est Christus non faceret istud?

Nunc videamus qualiter negotiandum sit in prædicta auctoritate contra Catharos, qui verbum illud Apostoli i. Timoth. 1. v. 8. *Scimus autem quia bona est lex*, de lege novâ intelligunt; quod autem sequitur, *sciens hoc quia lex justo non est posita* intelligunt de lege Moyfi, nec dicit de ista, quod bona sit, nec ejus usus.

Contra hoc sic objicitur: Si illa lex non est posita justo, scilicet ad conservandum; Quomodo ergo posita fuit Zachariæ, & Elisabeth de quibus dicitur Lucæ 1. v. 6. *quod erant justî ambo ante Deum, incedentes in omnibus mandatis, & justificationibus Domini sine querela?*

Præterea: Rom. 3. v. 15. *Ubi enim non est lex, nec prævaricatio*; ergo si illa lex non data fuit justo, poterit occidere, & alia facere, quæ in illa lege prohibita erant.

Si autem dicat, quod istud non intelligitur de tota lege veteri *lex justo non est posita*, sed de judiciali, idest de lege vindictæ; & dicat, quod non est posita justo active, hoc modo scilicet ad faciendum eam; dico etiam nec parricidis, nec aliis, quos nominat Apostolus posita est ut eam faciant, imo ut fiat ab eis; male ergo dixisset Apostolus *non est posita justo, sed injustis &c.* si ita esset, ut dicis, quia nullis posita est, ut eam faciant.

Item si lex vindictæ non est posita justo, ut eam faciat; ergo male dixit Johannis 8. v. 7. *Qui sine peccato est vestrum; primus in illam lapidem mittat.* Quod testimonium supra disputavimus in præcedenti parte hujus cap.

Restat ergo, quod mala fuit expositio tua, lex vindictæ non est posita justo, idest ut eam faciat; imo sic est intelligendum, non est posita justo, ut de eo fiat, sed injustis, ut scilicet fiat de eis, & sic intelliguntur verba Apostoli passive, lex non est posita justo idest, ut de eo fiat, sed injustis, ut scilicet fiat de ipsis; hic est usus legitimus legis, ergo cum dixit: *Scimus autem, quia bona est lex*,

si quis ea legitime utatur, ipse intellexit de lege vindictæ.

Præterea, illa lex, de qua dicit Apostolus, *quod bona est*, cui posita est? Dicit, quod justo. Nunquid & non justo? Si dicat, quod non: ergo si veniat contra eam, non peccat, quia ubi non est lex, nec prævaricatio. Si dicat, quod data est non justis, ergo eadem lex data est parricidis &c. quæ & justis.

Quod autem de lege Moyfi loquatur Apostolus, cum dicit: *Scimus autem quia bona est lex*, probari potest per hoc, quod prius dixit Apostolus v. 5. *Finis autem præcepti est charitas de corde puro, & conscientia bona, & fide non ficta; (v. 6.) A quibus quidam aberrantes, conversi sunt in vaniloquium, (v. 7.) Volentes esse legis Doctores, non intelligentes, neque quæ loquuntur, neque de quibus affirmant.* Modo quæro: cujus legis volebant isti esse Doctores, nisi legis Moyfi? Si alterius; monstra hoc, quod non potes; ego autem testimonium habeo, quod volebant esse figurarum legis Doctores, idest sacrificiorum de bestiis, & avibus, & de circumcisione. Quod autem ita sit, patet, quia parum ante illa verba *Finis autem præcepti est charitas &c.* dixerat Apostolus v. 3. *Sicut rogavi te, ut remaneres Ephesi, cum irem in Macedoniam, ut denunciare quibusdam ne aliter docerent, (v. 4.) neque intenderent fabulis, & genealogiis.* Quæ sunt istæ fabulæ dicit Apostolus ad Titum 1. v. 13. ubi ait: *Quam ob causam increpa illos dure, ut sani sint in fide (v. 14.) non intendentes judaicis fabulis, & mandatis hominum averfantium se a veritate.* Idem dixerat Timotheo de istis scilicet, quod conversi sunt in vaniloquium, idest ad loquendum quæ vana sunt, scilicet circumcisionem esse observandam post Christum, & alia legalia sacrificia; volentes esse Doctores legis observandæ, scilicet figuralis, non intelligentes neque quæ loquuntur, idest quæ docent esse servanda post Christum, esse figuras tantum. V.G. Circumcisio carnalis figura erat spiritualis faciendæ per Christum; & omnia illa sacrificia figura erant Christi; nec etiam intelligunt Scripturas Prophetarum, de quibus, idest per quas affirmant illa esse observanda post Christum. Istæ sunt Judaicæ fabulæ; ista sunt mandata hominum post Christum, quia ea observant non ex Dei mandato, sed ex hominum institutione ea observant; postea dicit: *Scimus autem quia bona est lex &c.* quasi dicat, illi non intelligunt legem, sed nos intelligimus, & scimus quoniam bona est, ad utendum, & servandum eam legitime. Vides ergo ex testimonio quod ego habeo, quia de illa lege, cujus illi volebant esse Doctores, dicit Apostolus: *Scimus autem &c.* Prius dixerat de legalibus figuris, quod vaniloquia sunt post Christum; modo autem ne idem videatur in aliis præceptis legis, approbat legem, & dimissis moralibus, *non mæchaberis, non occides &c.* quia illorum bonitas omnibus nota est, subdit de judicialibus, sciens hoc quod lex, scilicet judicialis &c. Cesset ergo tua impudentia, & legem judiciorum post Christum approba mecum.

Item, quod vindicta temporalis bona sit, & a bono Deo, & maxime hæreticis, qui sunt in fide contrarii Evangelio Beati Dei, potest probari Valdensibus

denſibus maxime, & Catharis, qui duo ponunt principia per Zachariam 13. ubi loquitur de tempore gratiæ, ut patet ex eo quod ait parum ante, cap. 12. v. 10. *Et aſpicient ad me, quem confixerunt*: quod testimonium ponitur Joannis 19. v. 37. Item v. 1. cap. 13. *In die illa erit fons domui David, & habitantibus Jeruſalem*, ſcilicet Baptiſmus; & poſt pauca verba v. 3. dicit: *Et erit: cum prophetaverit quiſpiam ultra, dicent ei pater ejus, & mater ejus, qui genuerunt eum: Non viſes, quia mendacium locutus es in nomine Domini, & conſigent eum pater ejus, & mater ejus, genitores ejus cum prophetaverit*. Iſtud intelligitur de confixione corporali, ſicut & illud quod dixit Chriſtus: *Et aſpicient ad me, quem confixerunt*, quod antecedenti capite v. 10. habetur. Ecce quod Propheta in tempore gratiæ dixit hæreticos conſigendos, confirmans illud quod habetur Deuteron. 13. v. 1. & ſeq. & 19.

Nec valet Valdenſibus dicere, quod eundem Deum nobiſcum invocant, eundem Patrem, & Filium, & Spiritum Sanctum. Nonne Core, Dathan, & Abiron eundem Deum colebant cum Moyſe, & Aaron? Utique; & tamen quia contra Aaron Sacerdotem legitimum ſacrificandi ſibi licentiam vendicabant, divinitus ſunt percuſſi. Numer. 16. v. 1. & per tot. cap. quod, & vos Valdenſes a patre, ideſt Summo Pontifice, & matre, ideſt Romana Eccleſia, unde initium habuiſtis, merito patimini; & completa eſt prophetia Zachariæ 13. v. 3. *Et conſigent eum pater ejus, & mater ejus, genitores ejus cum prophetaverit*.

Item Pſal. 47. v. 11. *Latabitur juſtus cum viderit vindictam, manus ſuas lavabit in ſanguine peccatoris*. Iſtud non poteſt intelligi de die judicii, quia tunc nullus lavabit manus ſuas viſa pœna alterius: intelligitur modo, & dicitur, quia *latabitur juſtus, cum viderit vindictam* ſcilicet ſanguinem malefactoris (v. 12.) *Et dicet*, ideſt quæret aliquis, *ſi utique eſt*, ideſt an ſit *fructus juſto*? Et Reſpondetur: *Utique eſt Deus judicans eos in terra*: non tantum in Cœlo, quando ſcilicet veniet ad

judicium, & apparebit in Cœlo ſignum ejus, ſcilicet quando veniet filius hominis in nube judicare filios hominum. Lucæ 21. v. 27.

Item Pſal. 2. v. 10. *Et nunc reges intelligite: erudimini qui judicatis terram*. (v. 11.) *Servite Domino in timore*. Prius v. 2. *Aſtiterunt reges terra, & principes convenerunt in unum adverſus Dominum, & adverſus Chriſtum ejus*. Sed modo impleta eſt illa prophetia: *Et nunc reges intelligite*, ſcilicet terræ. Dixit Auguſtinus ad Bonifacium: (57) *Quomodo ſervient in timore reges Domino, niſi ea quæ ſunt contra Domini juffa, religioſa ſeveritate prohibendo, & plectendo?* quaſi dicat, non alio modo. Quod etiam oſtendit ibi Auguſtinus: *Aliter ſervit homo, quia homo eſt, & aliter quia Rex eſt. Quia homo eſt, ſervit vivendo fideliter; quia Rex eſt, ſervat leges juſta præcipientes, & contraria prohibentes ſanciendo, & convenienti rigore puniendo*: ſupple, & maxime contra hæreticos (58) qui ſunt Vulpes vineam Domini demolientes, qui vindictas regum contra ſe cauſantur, qui occidere volunt, ſed occidi nolunt; de quibus Auguſtinus ſupra Joannem dicit: *Videte homines qualia faciunt, & qualia patiuntur; occidunt animas, affliguntur in corpore, ſempiternas mortes faciunt, & temporales ſe perpeti conquærantur*. (59)

Contra Catharos induci poteſt illud quod de Abraham habetur ad Hebr. 11. v. 17. & ſeq. & Jacobi 2. v. 21. & ſeq. quod ipſe Deo placuit, & Dei amicus eſt appellatus, quia voluit occidere filium ſuum ex obedientia Domini; iſtud autem placuit Domino, quod propter hanc rem meruit audire, imo quod ei juraretur a Deo non habente majorem ſe, ut habetur ad Hebr. 6. v. 13. Et Genes. 22. v. 16. quod in ſemine ſuo benedicentur omnes familiæ terræ. De hoc autem habetur in cap. de Deo Veteris Testamenti.

Item poſt eandem 4. Reg. umfactam Genes. 14. v. 12. ad deſenſionem quorundam Regum qui invadebantur ab ipſis meruit benedici a Melchiſedech Sacerdote Dei ſummi, ut habetur Hebr. 7. v. 1. de quo etiam dictum eſt in cap. de Deo Veteris Testamenti.

Z z z

Item

(57) Epistoła cxxxv. n. 19., Quomodo ergo Reges Domino ſerviant in timore, niſi ea, quæ contra juſſa Domini ſunt religioſa ſeveritate prohibendo, atque plectendo? Aliter enim ſervit, quia homo eſt, aliter quia etiam rex eſt. Quia homo eſt, ei ſervit vivendo fideliter; quia rex eſt, ſervit leges juſta præcipientes, & contraria prohibentes convenienti vigore ſanciendo &c.

(58) Id jam ſæpe ac multum inculcat Auguſtinus. Scio Iohannem Clericum huic tanto Doctori vitio dediſſe, quaſi ſententiam immutavit ſuam tempore parendi. Verum Auguſtinum a calumnia tanta vindicat Doctiſſimus Muratorius libro 11. de moderatione Ingeniorum Cap. ix. Eodem ſpectant, quo hæc Monetæ verba, quæ exſequitur Gregorius Nazianzenus Oratione xlv. Neque vero Gregorius ſolum ſed ceteri quoque veteres Patres. Barbeyracius Cap. xli. de morali Patrum Doctrina ſ. xl. opponit quædam Patrum testimonia, ut neſas eſſe probet quemquam ratione vanæ religionis perſequi: Tertulliani Apologetici cap. xxiv. ad Scapulam cap. 11. qui dicit priore loco, Videte, ne & hoc ad irreligioſitatis elogium concurrat, adimere libertatem religionis, & interdicere optionem divinitatis, ut non liceat mihi colere, quem velim, ſed cogar colere, quem nolum. Secundo autem loco, Humani juris, & naturalis poteſtatis eſt uni cuique, quod putaverit, colere, nec alii obeſt, aut prodeſt, alterius religio. Sed nec religionis eſt, cogere religionem, quæ ſponte ſuſcipi debeat, non vi. &c. Multa congerit in Rem eandem Grotius lib. 11. de jure Belli, & Pacis Cap. xx. ſ. 48. ſeq. Sed miror Barbeyracium tam impudentem fuiſſe, ut aliorum

verba Tertulliani acceperit, atque ratio poſtularet. Nam idem ipſe Tertullianus, qui hæc dixit, libro Scorpiaci hæc habet: Cap. 11. *Ad officium hæreticos compelli, non inſici dignum eſt: Duritia vincenda eſt, non ſuadenda*. Multa deinde ex ſcripturis producit, quibus confirmet hæreticos, & eos, qui nos avertere a fide conantur, puniri merito debere. Paria habet S. Cyprianus Epistoła 111. ad Antonianum Edit. Pameli. n. 72. & lib. De exhort. Martyrii Cap. v. Libertas ergo, quam prædicat Tertullianus, & alii Patres, aut in eos cadit, qui nunquam profeſſi Chriſtianam religionem ſunt, neque ullam in rempublicam Chriſtianorum inferunt perturbationem quod etiamnum obſervat Eccleſia; aut in eos, qui recte ſentiunt. Nam alioqui, cur hæreticos plectendos eſſe diceret Tertullianus? Rurſum ſi neſas eſſe cenſuiſſet in eos animadvertere, qui male de Deo ſentiunt; cur obſecro puniri merito poſſe Chriſtianos adfirmaret, ſi veri eſſent Dii, quos illi falſos eſſe pugnabant? Sunt enim verba illius Cap. x. Apologetici hujusmodi, exigere debetis, uti probemus, non eſſe illos deos, & ideo non colendos, quia tunc demum coli debuiffent, ſi Dii fuiſſent. Tunc & Chriſtiani puniendi, ſi quos non colerent, quia putarent, non eſſe, conſtaret illos Deos eſſe. Viden, ut eatenus Chriſtianos injuſte vexari affirmet, quod non exigeretur ab iis ratio, cur ita cenſerent? Ceterum jure illos puniri oportuiſſe; ſi quos negligebant Deos, conſtituiſſet verorum Deorum numero eſſe habendos.

(59) Tractatu xi. In cap. 111. Joannis Evang. n. 15. Tom. 111. Parte 11. Edit. Monach. S. Mauri; quem locum conſulat Lector volo.

Item ad Heb. 2.v. 2. *Si enim qui per Angelos dictus est sermo, factus est firmus, & omnis prævaticatio, & inobedientia accepit justam mercedis retributionem: (v.3.)* Quomodo nos effugiemus si tantam neglexerimus salutem? Ecce quod Paulus ultiones legales justas dixit: imo Christus in Paulo loquens: si justæ fuerunt, ergo licitæ, quod enim non fit licite, non fit juste.

Contra Catharos, qui duo ponunt principia, possunt induci testimonia Prophetarum, in quibus agitur de ultionibus a Deo Sancto factis per se, & ministros suos; unde patet quod ultiones illicitæ non sunt modo, quia secundum Catharos non fuit major ratio, quod tunc liceret quam modo; secus est de Valdensibus, qui usque ad Christum eas licitas fuisse concedunt.

CAPUT XIV.

De illo mandato, Non furtum facies: & de Usura, & ejus restitutione; & an sint propria auferenda hæretico.

AD decimum quartum caput accedentes videamus de hoc mandato: *Non furtum facies.* Exodi 2. v. 16. ubi prohibetur quælibet rapina rei alienæ. Circa istud mandatum videndum est primo; an intelligatur de rapina rei temporalis, vel spiritualis? Secundo; utrum prohibita sit usura? Tercio; an sit restituenda? Quarto; utrum ab hæretico licite auferantur res ab ipso proprio labore acquiritæ.

§. I.

De intelligentia hujus præcepti.

PRimo igitur videndum est, an hoc præceptum *Non furtum facies*, quod invenitur in Evangelio Matth. 19.v.18. Marci 10.v.19. Lucæ 18.v.20. intelligatur de furto rei spiritualis, vel de furto rei materialis? Si primo modo, Ergo per illud mandatum non prohibetur furtum rei materialis; licet ergo materiale furtum facere, cum nusquam alibi prohibitum reperitur magis quam ibi.

Præterea, nonne dicit Apostolus Ephes. 4. v. 28. *Qui furabatur, jam non furetur: magis autem laboret operando manibus suis, quod bonum est, ut habeat, unde tribuat necessitatem patienti;* de qua necessitate, & eleemosyna facienda ei qui habet necessitatem 1. Joan. 3.v.17. *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo: Quomodo charitas Dei manet in eo?* super quo verbum superius

disputavimus⁽¹⁾ Res igitur materialis subest ejus imperio, & dispositioni, & non alterius; Ergo ipse est Creator, & dispositor rerum materialium.

Præterea, si de re materiali intelligitur, nunquid qui prohibuit furari rem alienam, concessit tenere eam, & non reddere eam ei, cujus fuit? Nunquid ipse non prohibuit offendere proximum, & ei nocere? Nonne magis offendis eum, tenendo rem ejus, quam tollendo? (2)

(3) Præterea, quomodo diligis proximum tuum, si ei malum facis? Dilectio proximi malum non operatur; & nonne malum ei facis, si tenes ei rem suam, sicut cum furaris ei illam? Imo magis: quare prohibuit Deus ne fureris rem suam proximo (4) nisi quia non vult, ut teneas rem alienam invito Domino, cujus fuit?

Præterea cui datur illud mandatum? Aut tantum illi, qui intra Ecclesiam est, aut cuilibet? Si cuilibet, Ergo quilibet veniens contra, peccat, quod verum est; sed non peccat, nisi quia facit malum proximo suo, quem deberet diligere sicut se, quia offendit eum, & nocet ei, & inde procedit ut prius: Si autem tantum ei qui intra Ecclesiam; ad minus habeo, quod de rebus istis habet disponere, & ejus subest imperio, & sic sunt ejus facturæ.

Præterea, si datur tantum eis, qui intra sunt, eadem ratione *non occides, non machaberis, non falsum testimonium dices*, & si quod est aliud mandatum, tantum ei, qui intra est datur; Ergo nullus alius potest venire contra mandatum; ergo cum peccare non sit, nisi contra mandatum Dei venire, nullus alius peccat. Quomodo ergo dicit Apostolus Rom. 3.v.9. *Causati enim sumus, Judæos, & Græcos omnes sub peccato esse (v.10.) Sicut scriptum est: Quia non est justus quisquam. (v.11.) Non est intelligens, non est requirens Deum (v.12.) Omnes declinaverunt simul inutiles facti sunt, non est qui faciat bonum, non est usque ad unum.* Vide quia declinaverunt; unde dicit David psal. 118.v.21. *Maledicti qui declinant a mandatis tuis;* omnes ergo receperant mandatum ejus, non tantum illi, qui sunt intra Ecclesiam tuam, ut falso dicis.

Præterea, eos redarguit, quia *simul inutiles facti sunt*, idest invicem nocent; iste autem qui furatur inutilis est, idest nocet proximo, rem suam ei tenendo; nonne tu peccares, qui furem reciperes cum furto, si ad tuam Ecclesiam venire vellet, & furtum illud teneres, & cum eo divideres dummodo scandalum non esset?

Si autem dicat qui duo ponit principia, quod in alia patria datum est hoc mandatum, & de aliis rebus; Ergo non est peccatum de istis facere furtum.

Præterea; ergo in cælesti patria furta materialia sunt de rebus illis, & rapinæ, & homicidia, &

alia

(1) Res exteriores duobus modis considerari possunt, ex S. Thoma 1.1. II. *Quæst. LXVI. Art. 1. in c.* uno modo quantum ad earum naturam, quæ non humanæ, sed Divinæ tantum potestati subjacet, cui omnia obediunt; alio modo quantum ad usum rerum earumdem, atque hoc quidem pacto homo obtinet in res externas dominium. Priore autem sensu defendit Moneta res exteriores, & materiales subesse Dei, non alterius cujusquam imperio.

(2) Eo affirmat noster offendi magis proximum tenendo ejus rem, quam tollendo, vel quod raptor retinendo rem, non solum usurpat usum, verum etiam jus detinendi, seu perfectum rei domi-

nium; vel quod majus damnum infert plerumque ex ea detentione, quam ex simplici ablatione.

(3) Ex præcepto charitatis, ad quam pertinet, ut proximo bonum afferamus, furti malitiam probat S. Thomas 1.1. II. *Quæst. LXV. Art. VI. in c.*

(4) S. Thomas loco mox indicato *Art. III. ad 2.*, Detinere, inquit, id quod alteri debetur, eandem rationem habet cum acceptione injusta; & ideo sub injusta acceptione intelligitur injusta detentio.

alia peccata . Item; ergo malus est populus cælestis sicut terrestris .

§. II.

Utrum dare ad Usuram sit peccatum?

Secundo videndum est, utrum dare ad usuram sit peccatum; dicunt enim, quod non est peccatum (5) mutuare ad usuram pecuniam . Hoc autem dicunt multiplices de causa . Prima & principalis causa est hæresis sua; quia credunt visibilia ista a diabolo fabricata; hoc autem per Dei gratiam superius est ostensum esse hæreticum . Secunda causa est Scripturæ Sacræ ignorantia; licet enim simplicibus scioli videantur, eo quod literam habeant in promptu; ipsam tamen literam non intelligunt; quibus dici potest quod ait Dominus Judæis Mat. 22. v. 29. *Erratis nescientes Scripturas* . Tertia causa est, quia licet locare (6) domum suam, aut vineam alii, intuitu alicujus rei temporalis, quare & mutuare . Quarta causa est, quia dicunt, usuram esse voluntariam, idest voluntarie datam . Quinta causa est, quia non inveniunt, quod Matthæo præcepit restituere aliena, quando eum vocavit .

Contra istos primo inducendum est illud testimonium Ezech. 18. v. 5. & seq. ubi determinat, quis justus est; & inter alias partes justitiæ istud enumerat dicens v. 8. *Ad usuram non commodaverit, & amplius non acceperit*; & post pauca subdit v. 9. *Hic justus est, vita vivet, ait Dominus Deus* . Quod autem istud dicatur de usura materiali, evidenter apparet ex aliis, quæ ibi dicuntur, quæ materialiter, & non spiritualiter intelliguntur . Sic patet ex eo quod primo dixerat v. 6. *In montibus non comederit*, scilicet in veneratione idolorum ad modum idololatrarum; unde subdit: *& oculos suos non levaverit ad idola domus Israel* .

Item, dicitur ibi eodem vers. *Et uxorem proximi sui non violaverit, & ad mulierem menstruatam non accesserit* . Quæ omnia, & alia sequentia ad forum literæ, & materialiter accipiuntur . David etiam ait in Psalm. 14. v. 5. *Qui pecuniam suam non dedit ad usuram, & munera super innocentem non accepit* . v. 6. *Qui facit hæc, non movebitur in æternum* . Super innocentem munera accipere, idem est,

quod in causa aliqua, muneribus sibi datis ab adversariis, ipsum opprimere, ut dici possit illud Isaïæ 1. v. 23. de eis: *Pupillo non judicant: & causa viduæ non ingreditur ad illos*; cujus causa præmissa est parum ante, eodem vers. ubi loquitur de Principibus: *Omnes diligunt munera, sequuntur retributiones*; ubi patet de muneribus materialibus loqui, & ita de usura materiali .

Item, in Psalm. 54. v. 12. exprobrat Dominus civitati Jerusalem dicens: *Et non defecit de plateis ejus usura & dolus* . (7)

Et quoniam ista testimonia Prophetarum non omnes recipiunt, nisi tantum illi, qui duos asserunt creatores, accedamus ad auctoritates Novi Testamenti, quas recipiunt alii Cathari inducentes primo illud Matth. 7. v. 12. *Omnia ergo quæcunque vultis, ut faciant vobis homines, & vos facite illis*; & subauditur, rationabiliter . Modo procedo sic: Si tu esses in necessitate, & ego commode possem te juvare, nonne deberem hoc facere, non solum mutuando, sed etiam libere dando? Utique; alioquin mentitur Johannes, qui in Epist. 1. cap. 3. v. 17. dicit: *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo: Quomodo Charitas Dei manet in eo?* Quasi dicat, non manet . Nonne tenetur qui habet hujus mundi substantiam facere quod Charitas Dei in eo maneat? Utique ego teneor aperire viscera mea proximo necessitatem habenti . Obligatus sum ergo ei vel ad mutuandum, vel ad dandum ex toto; jus ergo illius est, quod ego ad minus ei mutuem, si commode possum . Quid igitur tibi videtur si non facio ei istud jus, imo compello eum redimere jus suum certo pretio; nonne tibi videtur, quod de necessitate peccem secundum Scripturas Divinas? Utique: alioquin in errore es .

Præterea, nonne vides quid Dominus dicat Lucæ 6. v. 35. *Et mutuum date* (8), *nihil inde sperantes*; si de mutuo prohibet alicui Dominus spem superabundantiæ; quanto magis ipsam superabundantiam? Si prohibet voluntatem, quanto magis ipsum actum?

Forte dicit istud non esse præceptum .

Contra: Nonne statim dicit eodem vers. *Et erit merces vestra multa, & eritis filii Altissimi?* alias igitur non essent filii Altissimi, neque esset merces eorum multa, igitur præceptum est .

Z z z z

For-

(5) Hæc erat opinio Catharorum . Hæretici plerique omnes hujusce temporis usuras licere contendunt . Atque in hac quidem sententia versantur Salmasius, Noodtus, Barbeyracius, aliique, quos nunc recensere non vacat .

(6) Hoc illud est argumentum, quo plurimum contra Cellerium utitur Barbeyracius in *Tractat. de Moral. Patrum Cap. ix. §. vii.* & in *Notis ad Opus Pufendorfii De J. N. & G. Lib. v. Cap. vii.*

(7) Barbeyracius loco mox indicato ceterique omnes usurarum patroni non moventur hisce testimoniis Scripturarum . Ajunt enim usuram apud Judæos fuisse prohibitam . Ceterum Deum permisisse, ut Israëlitarum usuram exercerent exteris gentibus . Id autem, assuunt, non fecisset Deus, si usura essent jure naturæ prohibitæ . Verum nescio quid inde possit concludere . Nam, ut sapienter animadvertunt Patres, imprimisque Ambrosius, *ut si fueraberis gentibus multis*, quod extat *Cap. xv. Deuteronomii* etiam si proprie intelligatur, quod plerique tamen in dubium revocant, nihil contra nos facere . Etenim quemadmodum Deus jussit, ut gentes excinderentur quæ incolebant Palæstinam, & præscripsit Judæis, ut aurea vasa, atque argentea ab Ægyptiis tollerent, quod rerum

omnium Dominus supremus sit; ita etiam poterat permittere, ut usuram exercerent contra Ethnicas illas nationes, quin tamen integrum sit sine ea facultate exercere usuram . An quia Deus facultatem judæis largitus est, tollendi Thesaurus Ægyptiorum, ideo cuiquam licebit alterius rem surripere? Minime gentium . Itaque non ex ea quidem ratione, quod attinet ad usuram, elicere jure poterimus, fas esse homini usuris indulgere .

(8) Tertullianus *Libro iv. Contra Marcionem Cap. xvi.* „ Hic „ nunc de fœnore cum interponit: *Et si fœneraveritis a quibus „ speratis vos recepturos, quæ gratia est vobis?* Percurre sequentia Ezechielis de eodem viro. *Pecuniam*, inquit, *suam fœnori „ non dedit* fœnoris scilicet redundantiam, quod est usura &c. „ quæ per se ipsum videre poterit Lector . Negari nequit, quin ceteri Patres in eandem conspirarint sententiam . Id vero ne hæretici quidem negaverint, qui contra sentiunt . Itaque Barbeyracius loco mox indicato rem ita, uti se habet, fatetur apertis verbis . Quare Patres infestatur, quod usuris infestis fuerint . Sed injuria . Eodem ipso Christi testimonio ex Evangelio Luca: utuntur ceteri Patres .

Fortē dicet, quod intelligitur spiritualiter, *mutuum date*, scilicet verbi Dei.

Contra: Nonne si quis mutuat alii verbum Dei, & prædicat ipsum Deum, debet sperare a Domino mercedem? Constat quod sic.

Si dicat a Deo sic, non ab homine cui mutuat.

Contra: Nonne dicit Apostolus Rom. 15. v. 27. *Nam si spiritualium eorum participes facti sunt Gentiles: debent & in carnalibus ministrare illis?* nonne dicit Apostolus 1. Corinth. 9. v. 10. *Quoniam debet in spe, qui arat, arare: & qui trahit, in spe fructus percipiendi: & statim subdit v. 11. Si nos vobis spiritualia seminavimus, magnum est, si nos carnalia vestra metamus?* Quasi dicat, non: ut dictum est per auctoritatem præmissam ad Rom.

Nunc ad tertiam causam accedamus, ex qua videtur, quod licitum sit ad usuram dare; quia licitum est domum suam, vel rem suam alii locare, intuitu alicujus lucri.

Solutio: Non est simile (9), quia in locatione dominium rei locatæ remanet apud locatorem, quare & periculum rei locatæ; naturale est autem quod de re sua manente sua, possit aliquis fructus habere; secus autem in mutuo, quod non spectat ad dominium mutantis, sed illius qui accipit. Quod patet, quia etiam periculum ejusdem est. Quod non spectet ad mutantem dominium mutui, patet, quia non potest idem exigere, nec alius tenetur illud reddere, sed potest facere inde quod vult: cum ergo non sit ejus dominium, qui mutuat, non est justum, quod inde percipiat fructum.

Accedamus etiam ad quartam causam, qua volunt usuram non esse peccatum dicentes eam esse voluntariam; quia voluntarie dat superabundantiam, qui mutuum accipit. (10)

Solutio: Falsum est quod voluntarie det; non enim dat voluntate libera, imo potius coacta, quia aliter tu non vis mutuum dare, nisi tecum faciat pactum de certa quantitate usuræ.

Si autem objicias mihi de usura, quæ non datur ex pacto; dico, quod nec illa datur voluntate libera, imo dat, quia scit probabiliter, quod usurarius alio tempore sibi minime subveniret; si autem pure, & libere daret, credo quod ipse in re data postea nullum jus haberet.

Si autem quæris, an ille, qui accepit ab eo, qui dedit libere (11) sibi aliquam superabundantiam propter mutuum sibi factum, teneatur ad illius restitutionem? Distinguo; si dedit mutuum ei absque spe recipiendi aliquod lucrum, licet alias dedisset etiam si sciret, quod ille nullum lucrum ei daret, credo quod non tenetur ad restitutionem; si autem alias non dedisset, nisi speraret; credo, quod tenetur restituere, quod non possidet de jure, quia possidet contra præceptum nostri Domini. Sed nunquid illi? Dico quod sive illi, sive pauperibus det, sufficit in illo casu, quo pure, & libere dedit, tali enim voluntate dominium rei a se transfudit, sed non in illum propter præceptum Domini superioris, qui prohibuit.

Nunc veniamus ad causam quintam, propter quam dicunt restitutionem non esse necessariam, quia Dominus non invenitur præcepisse Matthæo, quod restitueret aliena; & ideo, ut dicunt, usura non debet restitui. Ad quod dico ei: Ubi habes, quod Matthæus haberet aliena? nusquam habes.

Præterea, etsi non inveniatur, verisimile est, quod ad restitutionem eum monuit, si habuerit, ut patere potest per alia argumenta jam posita.

§. III.

Utrum usura restituenda sit.

Tertio videamus utrum usura sit restituenda, & per consequens idem habeatur de alia rapina. Dicunt quidam, etsi peccatum sit, non tamen debet restitutio fieri, idest non est necesse quod quis restituat; sed potest salvari, & pœnitentiam agere sine tali restitutione.

Contra: Ille tenet rem alienam invito Domino; ergo facit quod sibi nollet fieri rationabiliter; ergo tenetur restituere eam. Quod res illa aliena sit, & non raptoris, probatur ex eo quod habet eam contra præceptum Domini universalis, qui ait Lucæ 6. v. 35. *Et mutuum date, nihil inde sperantes.* Et etiam Matth. 7. v. 12. *Omnia ergo quaecunque vultis ut faciant vobis homines, & vos facite illis.* Si habet eam contra ejus præceptum; ergo non potest possidere eam de jure; ergo non potest eam tenere.

Præterea, tenetur agere pœnitentiam de peccato; peccatum fuit auferre a me rem istam; quomodo ergo ages inde pœnitentiam, nisi mihi restituas eam, vel equivalens si potes? Nonne vides, quod Dominus arguit filios Israel dicens Isaïæ 3. v. 14. *Vos enim depasti estis vineam meam, & rapina pauperis in domo vestra.*

Item Michææ 6. v. 10. *Adbuc ignis in domo impii thesauri iniquitatis, & mensura minor iræ plena.*

Item, Proverb. 15. v. 8. *Victima impiorum abominabiles Domino.* Isaïæ 61. v. 8. *Quia ego Dominus diligens judicium, & odio habens rapinam in holocausto.* Proverb. 21. v. 7. *Rapina impiorum detrahent eos, quia noluerunt facere judicium.* Tu autem lector jam scis ex præcedentibus, ista testimonia valere contra eos, qui duo ponunt principia.

Præterea, nonne vides quid fecit Zachæus 19. Lucæ v. 8. *Ecce dimidium bonorum meorum Domine de pauperibus: & si quid aliquem defraudavi, reddo quadruplum.* Per exemplum ergo patet alienum esse restituendum.

Ad idem facit illud verbum Domini Mat. 5. v. 23. *Si ergo offers munus tuum ad altare, & ibi recordatus fueris, quia frater tuus habet aliquid adversum te. v. 24. Relinque ibi munus tuum ante altare, & vade prius reconciliari fratri tuo; & tunc veniens offeres munus tuum:* Sed iste a quo usuras exegisti, vel aliquo modo læsisti, habet aliquid adver-

ver-

(9) Vide S. Thomam 2. 2. *Quæst. lxxviii. Art. I. in c.*

(10) Aditor S. Thomas l. *max indicato. ad 7. Arg.*

(11) Consulitor idem S. Thomas *ibid. Art. II.*

versum te; ergo si vis vivere secundum doctrinam, & præceptum Domini, & si vis ut munus tuum Domino sit acceptum oportet te reconciliari; hoc non potest fieri nisi ei satisfacias, in quo eum læstisti; ergo teneris ei satisfacere de usuris, vel de alia rapina.

Ad idem facit illud quod habetur 1. Corinth. 6. *Nolite errare: Neque fornicarii, neque idolis servientes, neque adulteri. v. 10. Neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt.* Sed quis est ille rapax, vel fur, nisi ratione damni illati proximo, quod sit, quando res sua ei tenetur, non solum cum auferitur per usuram, vel aliam violentiam rapax est, vel fur (12); ergo non possidebit regnum Dei, nisi abluat se. Quomodo se abluet, nisi reddat quod male tenet? Donec enim tenet, raptor, aut fur est.

Præterea, nonne vides, quod habere rem alienam violenter, vituperatur a Domino in Prophetis ut prædictum est?

[*] Ad idem etiam induci potest, quod habetur Roman. 6. v. 19. *Sicut enim exhibuistis membra vestra servire immunditiæ, & iniquitati ad iniquitatem: ita nunc exhibete membra vestra servire iustitiæ in sanctificationem;* ergo si iniustitiæ exhibuistis manus, usuras accipiendo, iustitiæ debetis eas exhibere, usuras restituendo. [*]

§. IV.

Utrum peccatum sit auferre sua hæreticis?

Quarto videndum est utrum liceat auferre hæreticis res, quas proprio labore acquisiverunt; videtur enim, qui eos propriis rebus privat, hoc præceptum, *Non furtum facies*, violare.

Solutio ad Catharos, qui ponunt creationes duas, hæc est: Nunquid Deus Sanctus & verus imperium dedit de his rebus transitoriis populo suo? Non audebit dicere, quod hoc fecerit; ergo illa prohibitio non obligat populum.

Ad omnes autem Catharos est dicendum, quoniam non privat eos Ecclesia rebus suis, nec eos persequitur in hoc; Ut enim dicit Augustinus ad Vincentium Ep. olim 48. *Et quamvis res quæque*

(12) Nemo negaverit rapacem esse eum, qui rem aufert alienam. Aufert autem rem alienam invito domino, qui usuras exercet, ut ante ostensum est. Hinc Patres & Concilia usuras veluti jure divino veritas prohibuerunt, non solum Clericis; verum etiam laicis. Immo vero communione Ecclesiastica prohibuerunt eos, qui genus hoc sceleris exercerent. Adeunda Synodus Eliebertana canone xx. Itaque tam est certum usuras illicitas esse, adeoque ad restitutionem cogi oportere usurarios, ut Scriptores Ethnici hoc idem pro rato habuerint. *Majores nostri*, inquit Marcus Cato De re Rustica, *sic habuerunt, & ita legibus posuerunt, furem dupli condemnari, feneratorum quadrupli.* Videntur Cicerolib. 11. de Offic. in calce. & Ulpianus Enarrat. in Orat. de Falsa Legat. pag. 378. Edit. ann. 1604. Quamobrem Barbeyracius id negat, quod non Evangelium solum, sed etiam Scriptores Ethnici, ut certum constituerunt.

[*] Quæ duobus asteriscis complexi sumus, desunt e Codicibus Bononiensi & Vatic.

terrena non recte a quoquam possideri possit, nisi vel jure divino, quo cuncta justorum sunt, vel jure humano, quod in potestate regum est terra: ideoque res vestras falso appellatis, quas nec juste possidetis, & secundum leges regum terrenorum amittere jussistis, frustra dicatis, nonne eis congregandis laboravimus, cum scriptum legatis, & labores impiorum justi edent.

Item, 1. Corinth. 3. v. 22. ait Paulus Sanctis Dei, qui sunt Corinthi, idest Ecclesiæ Dei, quæ illicerat: *Omnia enim vestra sunt; & dicit quæ: sive præsentia, sive futura: omnia enim vestra sunt.* Si terrena præsentia bona sunt Ecclesiæ; ergo nulla talia sunt hæreticorum. Proverb. 13. v. 22. *Et custoditur justo substantia peccatoris.* Job. 27. v. 16. *Si comportaverit quasi terram argentum, & sicut lutum præparaverit vestimenta: v. 17. Præparabit quidem, sed justus vestietur illis: & argentum innocens dividet.* Non spoliatur igitur Ecclesia hæreticos bonis eorum, sed propria bona Ecclesiæ eis auferuntur.

[*] Tamen ad satisfaciendum populo, hoc sufficit dicere, scilicet quod per statuta Principum (13) non potest hæreticus aliqua possidere de jure; Principes vero hoc jus rationabiliter statuerunt, ut homines ab hæresibus sibi caverent, & si lapsi essent in hæresim inde resiliunt, alioquin in ultionem divinæ injuriæ res aliquas non possiderent, imo etiam vitam perderent. Roman. 13. v. 4. *Dei enim minister est tibi in bonum. Si autem malum feceris, time: non enim sine causa gladium portat. Dei enim minister est: vindex in iram ei, qui malum agit.* [*]

CAPUT XV.

De præscientia divina contra eos, qui Scripturas recipiunt.

Sequitur decimum quintum caput, ubi videndum est de prædestinatione, de qua quidam male sentiunt, credentes quod quidam homines creati sunt, qui ex necessitate salvabuntur, quidam vero ex necessitate damnabuntur; unde non credunt quod ex Dei intentione vita æterna communis sit omnibus, nec quod omnes salvare proposuerit; intelligunt autem prædestinationem esse Dei ordinationem, quorundam ad supplicium, quorundam ad præmium (1). Istud caput in tres partes dividitur;

[*] Non exstant hæc in Codice Vaticano.

(13) Ostendimus quippe, jure posse Principem contra hæreticos vim suam exercere. Consequens inde est, licere principi poenam transgressoribus proponere, nisi se ad fidem convertant. Si autem in aliis rebus, quæ ad rempublicam pertinent, transgressores legum bonis jure privare licet principi, quidni etiam in hac, quæ pertinet ad summam religionis, licebit; siquidem lege caverit, hæreticos, nisi se convertant, bonis suis esse multandos? Adhuc S. Thomam 11. 11. Quæst. 121. Art. 1111. ad 2.

(1) Catharorum hæc fuit sententia. Convenit autem Catharis cum Gnosticis antiquis, & Manichæis. Clemens Alexandrinus, Libro v. Stromateon Valentinianorum refert opinionem; qui agebant, quosdam esse φύσι σωζομένους natura salvandos, & Basilidianorum, qui pugnabant alios esse φύσι πιστούς natura fideles, ἢ ἐκλεκτούς, & electos. Videtur S. Irenæus Lib. 11. Cap. 121. Ant. Edit. Ecclesia Lugdunensis Lib. contra Johannem Scottum. Tom. 11. Auctar. Biblioth. PP. col. 264. Antiquissimi, inquit, & im-

ditur; in prima parte agitur contra eos, qui Scripturas recipiunt. In secunda contra quosdam, qui eas respuunt. In tertia vero ostendemus, quod Dei præscientia non aufert liberum arbitrium.

§. I.

De præscientia divina contra eos, qui Scripturas recipiunt.

[*] **C**irca primam partem primo videamus testimonia eorum, quibus utuntur ad subversionem sui, & aliorum. Ad hoc inducunt illud Matth. 13. v. 11. *Quia vobis datum est nosse mysteria regni celorum: illis autem non est datum; quod determinatum est 1. lib. in prima parte 1. capite.*

Ad idem inducunt illud Matth. 20. v. 28. *Filius hominis non venit ministrari, sed ministrare, & dare animam suam redemptionem pro multis.*

Item, 26. v. 8. (2) *Qui pro multis effundetur in remissionem peccatorum.*

Item Hebræor. 9. v. 8. *Sic & Christus semel oblatuſ est ad multorum exhaurienda peccata.*

Respondeo 1. Johan. 2. v. 2. *Et ipse est propitiatio pro peccatis nostris: non pro nostris autem tantum, sed etiam pro totius mundi.*

Item 1. Timoth. 2. v. 6. *Qui dedit redemptionem semetipsum pro omnibus.* Quod ergo dixit *pro multis*, ideo dixit, quia etsi sufficit omnibus, non tamen (3) omnibus profuit; quod enim dicunt Christum non sumpsisse carnem, nec mortuum esse pro omnium salute, hoc catholica detestatur Ecclesia; quoniam Apostolus 1. Corinth. 15. v. 22. *Et sicut in Adam omnes moriuntur, ita & in Christo omnes vivificabuntur.* Hic non potest dici pro parte totum accipi; nam sicut prima pars auctoritatis, *omnes in Adam moriuntur*, sine exceptione mori ostendit, ita & secunda pars, *in Christo omnes vivificabuntur*, universaliter accipienda est; nam etiam impii per Christum resurgentem resuscitandi creduntur, licet puniendi resurgant.

Item, pro universis Christum venisse ostendit Apostolus 1. Timoth. 4. v. 10. *Qui est Salvator omnium hominum, maxime fidelium; Quod dixit*

omnium hominum (4), ad propositum divinæ voluntatis aspexit, quod autem dixit *maxime fidelium*, illos pronunciavit, atque distinxit, qui per fidem, atque obedientiam, & per subditam voluntatem redemptionis munus susceperunt.

Ad idem facit illud 2. Corinth. 5. v. 14. *Charitas enim Christi urget nos: aestimantes hoc, quoniam si unus pro omnibus mortuus est; ergo omnes mortui sunt.* v. 15. *Et pro omnibus mortuus est Christus: ut & qui vivunt, jam non sibi vivant, sed ei qui pro ipsis mortuus est, & resurrexit; Quia ergo & resurrectio generalis ad virtutem pertinet redemptionis, si redemptio non ad omnes pertinet, nec resurrectio ad omnes pertinebit, hoc autem falsum est; ergo & illud, scilicet quod redemptio non ad omnes pertinet; quod autem dixit *pro omnibus mortuus est*, intelligitur pro omnibus redimendis a morte; unde patet, quod omnes mortui sunt. 1. Timoth. 2. v. 6. *Qui dedit redemptionem semetipsum pro omnibus; ergo redemptio universalis est, quantum est de benevolentia Redemptoris.**

Ad idem facit illud Johann. 6. v. 52. *Et panis quem ego dabo, caro mea est pro mundi vita.* Dubitare ergo penitus non debemus, quoniam pro toto mundo se impenderit. Sicut & B. Johannes in prima Epistola capite 2. v. 2. ait: *Et ipse est propitiatio pro peccatis nostris: non pro nostris autem tantum, sed etiam pro totius mundi.*

Contra hoc respondent, & dicunt: quomodo totum mundum redemit, cum videamus multos homines vivere in peccatis, quomodo putabimus redemptos, quos videmus esse captivos?

Respondeo: Si Legatus aliquis intercedens pro populo aliquo captivato, largum pretium deferat, & universum populum de manu captivantis accipiat, & omnis lex relaxetur, & necessitas servitutis: si forte illic aliquis de captivis delectatione consuetudinis, vel blanditiis prædonis illic elegerit remanere, & gratuitum beneficium propria voluntate recuset, nunquid minorabit gratiam beneficii contemptus ingrati? Nunquid benevolentia Redemptoris aliquam intulit diminutionem iste qui respuit libertatem? Non sic est, imo de contemptu reus est qui remansit; sicut redemptor iratus potest esse, qui sine illo, pro quo pretium dedit, rediit. Justus arbiter Deus voluntarium cupit

impiissimi hæresici Marcion, & Manichæus, qui vel duo, vel tria principia introduxerunt, & ideo duas naturas vel Angelorum, vel hominum asseruerunt, idest unam bonam, & alteram malam, illam ita esse bonam, ut aliud esse non possit, istam e contrario ita esse malam, ut similiter aliud esse non possit; nihil omnino de gratia Dei dixerunt. Fuerunt deinde alii quidam, qui dicerent necessitate quadam illata a Deo, alios prædestinatos ad vitam, alios contra prædestinatos ad mortem. Hos autem prædestinatos vocant; qui magno ne, an vero exiguo numero fuerint, aut an unquam fuerint, magna est inter criticos concertatio. Ceterum negari non potest quin simile quidpiam defenderint Calvinus, atque Lutherus, Stoicos potius, qui fatum introducebant, quam Scriptores Sacros sequuti. Vide Petavium *Tom. I. Theolog. Dogm. lib. ix. Cap. 11.* & Notas nostras in cap. 1v. lib. I.

[*] Non exstant, quæ duobus asteriscis conclusimus, in Cod. Vatic.

(2) Hisce testimoniis abutuntur, qui Christum pro omnibus animo hominibus passum nullo pacto fuisse putant, sed tantum pro prædestinatis ad vitam. Sunt autem hi Janseniani, quorum error similis est errori, quem hic refellit Moneta.

(3) Castigatus loqui non poterat noster si hæc æate viguisset.

Sufficienter pro omnibus, efficaciter autem pro multis passum fuisse Christum affirmat. Repellit autem dogma hæreticum jansenianorum, multo ante, quam Jansenius prodisset, & quod Seculo superiore definierunt Pontifices Romani, hoc ipsum esse ait Ecclesiæ Catholice doctrinam. *Quod enim dicunt, inquit, Christum non sumpsisse carnem, nec mortuum esse pro omnium salute, hoc Catholica detestatur Ecclesia.* Quid ergo jactant Janseniani novi aliquid fuisse ab Romanis Pontificibus constitutum? Viden, ut Ecclesia Catholica idem ipsum defenderit, quo tempore florebat Moneta, & adeo jam usque ab Apostolorum temporibus, quod evincunt testimonia Scripturarum?

(4) Qui vult omnes homines salvos fieri; sed eo pacto, quo nostri Theologi explicant, explicavitque paulo ante Moneta. Quod autem mox adjungit, de fidelibus, ita intelligendum est, *Salvatorum esse Christum omnium, maxime fidelium*, quod fideles jam, fidem profiteantur, quæ necessaria est ad salutem, atque adeo initium muneris redemptionis consequuti sint. Ceterum non satis est fides, quum & opera ex charitate manantia, & perseveratio in bono usque in finem ad salutem ipsa consequenda necessario requirantur.

pit (5) redire, qui non invitum meminit corruiſſe. Alia quæ inducunt, quibus veritatem fidei impugnant in hac eadem parte, & qualiter intelligenda ſint oſtendemus. [*]

Circa primam partem primo negotiandum eſt per ea quæ dicta ſunt de libero arbitrio in 5. cap: primæ partis, ubi probatum eſt quod liberum arbitrium eſt in hominibus; fruſtra autem eſſet liberum arbitrium, ſi homo ex neceſſitate ſalvaretur.

Præterea, quod nulli ex neceſſitate ſalventur, vel damnentur, oſtenſum eſt in ſecunda parte 4. cap. primæ partis huius operis.

Adhuc tamen pauca inducemus, & primo illud Ezech. 18. v. 21. *Si autem impius egerit pœnitentiam ab omnibus peccatis ſuis, quæ operatus eſt, & cuſtodierit omnia præcepta mea, & fecerit iudicium, & juſtitiam: vita vivet, & non morietur. (v. 22.) Omnium iniquitatum ejus, quas operatus eſt, non recordabor: in juſtitia ſua, quam operatus eſt, vivet. (v. 23.) Numquid voluntatis meæ eſt mors impii, dicit Dominus Deus, & non ut convertatur a viis ſuis, & vivat? (v. 24.) Si autem averterit ſe juſtus a juſtitia ſua, & fecerit iniquitatem ſecundum omnes abominationes, quas operari ſolet impius, numquid vivet? Omnes juſtitie ejus, quas fecerat non recordabuntur: in prævaricatione, qua prævaricatus eſt, & in peccato ſuo, quod peccavit, in iſtis morietur. In operibus ergo liberi arbitri conſiſtit ſalus, & perditio, non in tali prædeſtinatione, qualem iſti ponunt. (6)*

Item Jeremiæ 18. v. 8. *Si pœnitentiam egerit gens illa a malo ſuo, quod locutus ſum adverſus eam: agam & ego pœnitentiam ſuper malo, quod cogitavi, ut facerem ei. (v. 9.) Et ſubito loquar de gente, & de regno, ut ædificem, & plantem illud (v. 10.) Si fecerit malum in oculis meis, ut non audiat vocem meam: pœnitentiam agam ſuper bono, quod locutus ſum, ut facerem ei.*

Item Roman. 2. v. 6. *Qui reddet unicuique ſecundum opera ejus. Ecce quod in obſervantia mandato-*

rum ponit ſalutem, vel damnationem, non in ordinatione, quam ponis. (7)

Item Roman. 11. v. 18. dixit Apoſtolus populo gentili converſo ad Chriſtum: *Noli gloriari adverſus ramos. Quod ſi gloriaris: non tu radicem portas, ſed radix te (v. 19.) Dices ergo: Fracti ſunt rami, ut ego inferar. (v. 20.) Bene propter incredulitatem fracti ſunt. Tu autem fide ſtas: noli altum ſapere; ſed time. (v. 21.) Si enim Deus naturalibus ramis non pepercit: ne forte nec tibi parcat. (v. 22.) Vide ergo bonitatem, & ſeveritatem Dei; in eos quidem qui ceciderunt, ſeveritatem: in te autem bonitatem Dei, ſi permanſeris in bonitate, alioquin & tu excideris. (v. 23.) Sed & illi ſi non permanſerint in incredulitate, inferentur: potens eſt enim Deus iterum inferere illos.*

Item ad Ephēſ. 5. v. 6. *Propter hæc enim venit ira Dei in filios diſſidentie; id eſt propter peccata: quod non eſſet verum, ſi ita eſſet, ut iſti dicunt, imo etiam propter Dei ordinationem; [*] (8) Non enim ab hominibus juſtitiam exigeret terribilem, niſi eam miſericorditer omnibus obtuliſſet; juſtitia ergo non particulare, ſed generale, & publicum Dei munus eſt, aditus paradifi, quaſi fons quidam in medio huius mundi poſitus eſt, & conſeſſus communiter ad hauriendum, univerſis patet, ut merito reus ſit, qui haurire neglexerit. Circa ſalutem hominis, ſi ſpecialis eſt diſpenſatio, nescio quo jure generalis poſſit eſſe diſcuſſio. [*]*

Item Apocal. 2. dicit Dominus Angelo, id eſt Epifcopo Ephēſi v. 5. *Memor eſto itaque, unde excideris, & age pœnitentiam, & prima opera fac. Sin autem, venio tibi, & movebo candelabrum tuum de loco ſuo, niſi pœnitentiam egeris.*

Item cap. 3. v. 11. dicitur Angelo Philadelphie: *Tene quod habes, ut nemo accipiat coronam tuam; quod eſſet impoſſibile, ſi prædeſtinatio eſſet, ſecundum quod quidam putant eſſe præordinationem quorundam ad interitum, quorundam ad regnum. (9)*

Item

(5) Non neceſſitate quadam adaſtum, veluti pugnabant hæretici illi, quoſ noster vexat. Neque vero Moneta ſolum, ſed etiam Auguſtinus divinæ Gratiæ vindex ſæpe, ac multum hæc eadem adhibet. Ratio autem hæc eſt, quam adfert Auguſtinus ipſe *Libro de Gratia Chriſti Cap. xlvii*. Iſta quæſtio, inquit, ubi de arbitrio voluntatis, & Dei gratia diſputatur, ita eſt ad diſcernendum diſſicilis, ut quando defenditur liberum arbitrium, negari Dei gratia videatur, quando autem aſſeritur Dei gratia, liberum arbitrium putetur auferri. Cum autem noster contra illud hominum genus ſcriberet, qui neceſſitate quadam nos ferri arbitrantur, mirabile videri non debet, ſi quæ exempla attulit Auguſtinus de libertate, & ipſe attulerit, quin gratiam commemorarit; ne in eam induceretur diſputationem, quæ plena eſſet difficultatum. Ceterum *lib. 11. Cap. vi. §. 3.* ſtatuit, quæ ad gratiam, prædeſtinationemque gratuitam pertinent. Reſpondet quippe argumento Catharorum, qui rogabant, quid cauſa fuerit, cur Deus Veteris Teſtamenti, qui norat homines quosdam malos futuros, eos tamen condiderit? reſpondet, inquam: *Vide quod tuæ quæſtioni reſpondet Paulus: Annon habet poteſtatem figulus luti, ex eadem maſſa facere aliud quidem vas in honorem, aliud vero in contumeliam? Et quis eſt iſte figulus? Nonne ille, de quo prius dictum eſt: Deus cujus vult miſericordetur, & quem vult, indurat? Conſule quæ ſequuntur cætera, quæ ſimilia ſunt Auguſtini ſententia.*

(6) Nempe non in ea fatali prædeſtinatione, quæ libertatem tolleret, qualem Cathari ponere cenſuerant. Illi enim tollendo libertatem, tollebant quoque opera quæ ad ſalutem conducunt. Eſſi enim electio ante præviſa merita conſideretur eſſe, ſalus tamen

ex meritis eſt. Ergo non contra eos, qui prædeſtinationem utcumque ponebant, ſed contra hæreticos, qui neceſſitantem quamdam introducebant, diſputat noster; quare laudandus eſt, ſi ratione illos exagitat. Jam vero, ut ante animadverti, *lib. 11.* prædeſtinationem noſtram a voluntate Dei pendere autumat. Non aliam ergo Moneta reprobat, ſed eam, quam iſti, hoc eſt hæretici Cathari ponebant prædeſtinationem.

(7) Sapienter hic noster Catharos exagitat. Illi enim ſalutem, non operibus noſtris, quæ gratia Dei fecerimus, ſed una neceſſitate Prædeſtinationis aliquos homines aſſequutos eſſe pugnabant. Quare, ut hoc eorum dogma falſum eſſe Noster evincat, in operibus etiam, & exſequutione mandatorum ſalutem poni a ſacris ſcriptoribus oſtendit. Nec opus erat integrum ſyſtema de gratia, & libero arbitrio proponere, quum res ipſa hoc idem non poſtularet.

(8) Quæ duobus aſterifcis, complex ſumus, deſunt e codice Bononienſi. Quæ autem his verbis continentur vera ſunt. Non enim Deus pœnas homini intigeret, niſi hic libertate peccaret. Patere vero omnibus gloriam ſi bene ſe geſſerint, certa & explorata res eſt. Verum non negat Moneta gratia Dei opus eſſe cui liberum cooperetur arbitrium ad vitam æternam conſequendam. Sed illud unum evincere ſtudet, falſam nempe eſſe Catharorum ſententiam, qua fatali neceſſitate quadam alios ad vitam, alios ad mortem eſſe prædeſtinatos jaſtabant, nulla habita operum ratione, quo nihil dici poteſt abſurdius.

(9) Qualem Cathari ponebant, ut ante animadvertimus. Nam prædeſtinationem ad vitam non negat noster, cum eam a Paulo paſſim prædicari noſceret, & poſt præviſionem malorum repro- bationem ad mortem.

Item Matth. 11. v. 20. *Venite ad me omnes, qui laboratis, & onerati estis, & ego reficiam vos.* Omnes dicit sine distinctione. *Non est enim distinctio*, ut dicitur Roman. 3. v. 22. ubi ante dicitur eodem vers. *Iustitia autem Dei per fidem Jesu Christi: in omnes: & super omnes qui credunt in eum.* Hoc est propositum de quo ad Rom. 9. v. 11. *Ut secundum electionem propositum Dei maneret*; per quod propositum non intelligitur violentum (10) constitutum circa aliquos, ut quidam opinati sunt, sed illud primum propositum justificandi omnem hominem per fidem. De hoc autem habetur 1. lib. cap. de libero arbitrio.

Item 3. ad Roman. v. 28. *Arbitramur enim justificari hominem per fidem sine operibus legis.* v. 29. *An Judæorum Deus tantum? Nonne & Gentium? Imo & Gentium*; per fidem dicit non per ordinationem, aut per scientiam violentam: & subdit: *An Judæorum Deus tantum? Nonne & Gentium?* Similiter tibi dico de isto, quem de necessitate ponis salvandum, & de illo quem ponis damnandum necessario: An illius est Deus tantum, nonne & istius? Imo; & per hoc vult ostendere Apostolus, quod iustitia Dei ita parata est uni, ut alteri, quantum est ex Dei intentione; ergo nulla est præordinatio, quam tu ponis, & vita æterna omnibus est communis ex Dei voluntate.

Illud autem ostendit Apostolus Rom. 10. v. 12. dicens: *Non enim est distinctio Judæi & Græci: nam idem Dominus omnium, dives in omnes, qui invocant illum.*

Item 1. Corinth. 3. v. 8. *Unusquisque autem propriam mercedem accipiet secundum suum laborem.* v. 9. *Dei enim sumus, adjutores.*

Item 2. Corinth. 5. v. 10. *Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum.* Ergo universalis est, & communis secundum opera retributio: si enim specialis est dispensatio, non invenio quomodo generalis possit esse discussio, quam Apostolus innuit in verbis prædictis: unde patet quod non uni concessit velle (11), & alteri negavit, sed voluntatem omni homini, ut eam in quamlibet partem versaret, indulgit.

Item 1. ad Timoth. 2. v. 4. *Qui omnes homines vult salvos fieri.*

Item Petrus Actor. 10. v. 34. *In veritate compere, quia non est personarum acceptor Deus.* v. 35. *Sed in omni gente, qui timet eum, & operatur iustitiam, acceptus est illi.* Ecce ponit salutem in

opere iustitiæ, sive mandatorum Dei; ponit etiam illam omnibus communem, cum dicit *in omni gente &c.*

Item 2. Petri 3. v. 9. *Non tardat Dominus promissionem suam, sicut quidam existimant: sed patienter agit propter vos, nolens aliquos perire, sed omnes ad penitentiam reverti.* Si ita esset quisque prædestinatus, ut dictum est, Dominus non omnes invitaret, sicut facit Matth. 11. v. 28. *Venite ad me omnes, qui laboratis, & onerati estis, & ego reficiam vos*; nec omnes vellet salvos fieri, & ad agnitionem veritatis pervenire, nec omnes vellet ad penitentiam reverti, alioquin ejus voluntas esset contraria suo proposito, & esset divisus in se ipso, quod absit.

[*] Item, quod nullus bonum agat necessario, nec salvetur ex necessitate patet ad Philem. v. 14. *Sine consilio autem tuo nihil volui facere, ut ne velut ex necessitate bonum tuum esset, sed voluntarium.*

Item 2. Corinth. 9. v. 7. *Unusquisque prout destinavit in corde suo, non ex tristitia, aut ex necessitate: hilariter enim datorem diligit Deus.*

Item ad Hebr. 10. v. 26. *Voluntarie enim peccantibus nobis post acceptam notitiam veritatis, jam non relinquitur pro peccatis hostia.* Si libertatem arbitrii non habemus, quomodo cum voluntate peccamus? Quæ etiam de causa reus sit, ibidem dicitur, quia post acceptam notitiam veritatis, ad spiritum voluntarie declinavit erroris.

Quæri etiam potest ab eis, qui unum ponunt præordinatum ad vitam (12), alium autem ad mortem, si curam impendendam existimant orationi, vel non. Si non, ubi est illud Lucæ 21. v. 36. *Vigilate itaque, omni tempore orantes, ut digni habeamini fugere ista omnia, & stare ante filium hominis.*

Item, Matth. 17. v. 20. *Hoc autem genus demoniorum non ejicitur nisi per orationem, & jejunium.*

Præterea, si oratio non est necessaria, cur ille qui mundus est, formam orationis instituit, & oravit?

Si vero dicat, quod oratio est necessaria; dicat, ad quid? si unus ad vitam, alius ad mortem adjudicatus est?

Si dicat, quod oratio est necessaria, quia ex qua parte sit, nescit.

Contra: Licet ad quam partem sit deputatus ignorat, utramque tamen partem fixam esse, & immutabi-

(10) Viden quam noster damnet prædestinationem. Eam scilicet, *Violentiam*, quam hæretici introduxerant. Huc spectat, quod mox adjungit, Similiter tibi dico de isto, quem de necessitate ponis salvandum, & de illo, quem ponis damnandum necessario... ergo nulla est prædestinatio, quam tu ponis &c. Hoc nempe erat nostro propositum, ut evinceret fatalem hæreticorum prædestinationem cum Scripturis Sanctis pugnare. Non negaverim tamen quædam a nostro adjungi, quæ duriuscule, minusque proprie dicta esse videantur. At non inde quisquam concludere errasse Monetam. Nam quæ regulæ a Petavio adhibentur ad excusandos a nota semipelagianismi Patres, eadem ipse usurpavit ad liberandum ab erroris invidia Nostrum possunt, quem quisquam fortasse cenberit omnem funditus sustulisse prædestinationem. Nam aliquando, qui oppugnant hæreticos, ita eos exagitant, ut quæ sunt e regionibus illorum doctrinæ, opposita afferant, nullam autem eorum faciant mentionem, quæ directe, ut ajunt, ad rem non

pertinent, quate prima specie ferri in oppositum errorem videntur.

(11) Tenendum præ oculis est systema hæreticorum, quod noster refellit. Inferri enim ex eo Apostoli testimonio, quod illi negabant: præditos nempe esse homines libero arbitrio, neque necessitate salvari. Omnibus enim hominibus concedit facultatem Deus, ut si velint, possint recte agere, & vitam æternam adipisci. Verum constat quibusdam speciali Dei munere concedi velle, & persicere, pro bona voluntate, aliis contra non item; atque ob eam quidem rationem, quam innuit ex eodem Apostolo Noster Lib. 11. Cap. 14. §. 3.

[*] Desunt quæ duobus asteriscis complexi sumus e Codice Vaticano.

(12) Eo nempe præsto, quo ante explicavit; videlicet *necessitate quadam*, & ut noster Catharorum sententia ait: *bonum agendo necessario, ita ut desit liberum arbitrium*, & homo salvetur ex necessitate.

tabilem non ignorat, ut credis; Quid igitur ei orare proderit, in una harum duarum conditionum omnimode (13) constituto? Quod enim locum suum non novit, nil facit ad id quod dixisti, cum nullum possit vel ad dexteram deputatus, vel ad sinistram periculum incurrere; si enim ita est, neuter orationis adjutorio indiget, imo præordinato ad vitam necessaria non erit oratio, deputato ad mortem prodesse non poterit, & in uno supervacua, & in altero infirma dicitur.

Item: si unus ad vitam necessario, & alter ad mortem deputatus est, non judicandi nascimur, sed judicati: nec ulla erit iudicii æquitas: nam si Dominus nil famulo dedit, unde sibi serviret, quid posset ab eo exigere? unde etiam redderet familiæ rationem?

Item: si unus ad vitam necessario, & alter ad mortem deputatus est (14) nullam Christus moriendi causam habuit.

Item 1. Timoth. 4. v. 14. *Noli negligere gratiam, quæ in te est, quæ data est tibi per prophetiam, cum impositione manuum presbyterii.* Vides quia non præscientiam, sed negligentiam obesse posse designat.

Item 2. Corinth. 11. v. 2. *Timeo autem ne sicut serpens Hevam seduxit astutia sua, ita corrumpatur sensus vestri, & excidant a simplicitate, quæ est in Christo.* Timet Apostolus Christi, periculum iam redemptis, & tu dicis quod ex voluntate Dei sit perditio hominis. Ad Ephes. 4. v. 30. *Et nolite contristare Spiritum Sanctum Dei; in quo signati estis in diem redemptionis.* Quomodo per illius ordinationem peccare te dicis, ad cuius tristitiam pertinet quod delinquis?

Item Lucæ 19. v. 41. *Videns Iesus civitatem flevit super illam.* Si Dominus perjuris clausit iter salutis, falso eorum flevit exitium. [*]

Obijciunt autem contra istud, illud quod dicit Apostolus Roman. 9. v. 21. *An non habet potestatem figulus luti, ex eadem massa facere aliud quidem vas in honorem, aliud vero in contumeliam?*

Item 2. Timoth. 2. v. 20. *in magna autem domo non solum sunt vasa aurea, & argoentea, sed & lignea, & fictilia: & quædam quidem in honorem, quædam autem in contumeliam.*

Solutio ad primum est, quod Dominus facit vas, sed illud non est vas in contumeliam ex Dei facere, sed ex hominis proprio vitio (15), vel originali, vel actuali, quod vitium nominat Apostolus per

massam luti, non dicit auri; unde Lucæ 9. v. 26. *Nam qui me erubuerit, & meos sermones: hunc filius hominis erubescet, cum venerit in maiestate sua, & Patris, & Sanctorum Angelorum.* Prius dicit *qui erubuerit*, quia hæc est causa prima. In honore autem est ex Dei gratia, sed cum libero arbitrio; unde ad Roman. 2. v. 7. *Iis quidem, qui secundum patientiam boni operis, gloriam, & honorem, & incorruptionem quærent, vitam æternam.* v. 8. *Iis autem, qui sunt ex contentione, & qui non acquiescunt veritati, credunt autem iniquitati, ira, & indignatio.* v. 9. *Tribulatio, & angustia in omnem animam hominis operantis malum, Judæi primum, & Græci.*

Item 1. Petri 2. v. 7. *Vobis igitur honor credentibus: non credentibus autem, lapis, quem reprobaverunt ædificantes, hic factus est in caput anguli.* v. 8. *Et lapis offensionis, & petra scandali his, qui offendunt verbo, nec credant in quo & positi sunt.* Item 1. Corinth. 15. v. 10. *Non ego autem, sed gratia Dei mecum.* Item 1. Corinth. 3. v. 9. *Dei enim sumus adjutores: Dei agricultura estis, Dei ædificatio estis.* Item 2. Corinth. 6. v. 1. *Adjuvantes autem hortamur, ne in vacuum gratiam Dei recipiatis.* Ex gratia autem sine libero arbitrio est vas in honorem parvulus baptizatus.

Ad secundum habetur solutio in 1. parte hujus operis in cap. de libero arbitrio.

Quod autem ita sit ut dicunt, volunt etiam habere per illud, quod legitur Act. 13. v. 4. *Et crediderunt quotquot erant præordinati ad vitam æternam.*

(16) Solutio: Non negamus quod aliqui sint a Deo præordinati ad vitam æternam, sed non sunt ordinati ad eam habendam nisi salvo libero arbitrio. Unde 1. Corinth. 3. v. 9. *Dei enim sumus adjutores &c.* & est ratio præcedentis verbi, v. 8. *Unusquisque autem propriam mercedem accipiet secundum suum laborem.* Item 2. ad Timoth. 2. v. 21. *Si quis ergo emundaverit se ab istis, erit vas in honorem sanctificatum, ut utile Domino, ad omne opus bonum paratum.* Item 1. Corinth. 11. v. 10. *Non ego autem, sed gratia Dei mecum.* Item Isaia 1. v. 19. *Si volueritis, & audieritis me, bona terræ comedetis.*

[*] Vel aliter, & efficacius ad satisfaciendum populo (17): Omnes sunt ordinati ad vitam æternam habendam, quantum est ex intentione Dei, ut patet in tribus auctoritatibus, una 1. Timoth. 2.

A a a a

v. 4.

(13) Hoc est necessario, quin ulla ratione bonum possit operari, & ita queat salutem assequi.

(14) Nulla quidem certe causa fuisset, cur Christus extremo afficeretur supplicio, si aut homines alii natura boni, alii contra natura mali essent, veluti Basilidiani pugnabant, aut fato quodam, necessitateque destinati quidam ad vitam, quidam contra ad mortem essent. Sed nos qui credimus ita esse quosdam prædestinatos, ut operibus, quæ auxilio Dei perficiunt, æternam consequantur salutem, alios ex prævisis malis operibus reprobos ad mortem, ita tamen, ut possint recte agere, si velint, & hoc pacto possint potiri æterna beatitudine; Christum non frustra passum fuisse adfirmamus; quod passione sua auxilia efficaciter electis paravit, concesseritque, quibus re ipsa vitam æternam consequantur; sufficientia autem iis, (quos peccaturos, atque in peccato perseveraturos præcivit) ut possent recte, si velint agere; si autem male agant, perpetuo iuste damnentur.

(15) Hem Tibi Systema nostri de Prædestinatione, & Gratia, quod Catholicum imprimis est. Ex proprio quidem vitio homines malos fieri vasa in contumeliam, ex gratia autem vasa bonos in honorem, quin tamen libero arbitrio cooperatio adimatur. Etsi enim Deus gratia, & electione quosdam destinavit ad vitam, voluit tamen, ut ad eam consequendam gratiæ liberum arbitrium eorum adjutum auxilio divino cooperaretur. Sed parvulos comparare ait salutem, sola gratia, quin ullam habeat illa adjunctam arbitrii cooperationem.

(16) Hæc item animadvertant ii, qui fortasse ob ea, quæ prævertunt verba, mordere audebunt Monetam.

[*] Desunt hæc e Codice Vaticano.

(17) Notanda diligenter hæc verba sunt. Moneta identidem utitur ea interpretandi ratione, quæ accommodari facile vulgi intelligentiæ possit. Quamvis enim ea, quam paullo ante adhibuit, verior sit, & Apostolicæ sententiæ maxime consentanea; cum ta-

v. 4. *Qui omnes homines vult salvos fieri*. Secunda Actor. 10. v. 34. *In veritate comperi, quia non est personarum acceptor Deus*. v. 35. *Sed in omni gente qui timet eum, & operatur justitiam, acceptus est illi*. Tertia, Matth. 11. v. 18. *Venite ad me omnes qui laboratis, & onerati estis; & ego reficiam vos*. Sed divinæ ordinationi multi resistunt ad malum suum; unde Roman. 13. v. 2. *Qui autem resistunt, ipsi sibi damnationem acquirunt*. Ordinatorum igitur ad vitam æternam, quidam resistunt Dei ordinationi (18), & de illis non intelligitur illud verbum Act. Apostolorum. Alii autem non resistunt, sed coadjuvant, sicut Paulus qui ait 1. Corinth. 3. v. 9. *Dei enim sumus adjutores*, & de istis loquitur ibi Actor. 13.

Idem etiam volunt habere per illud Matth. 24. v. 24. *Surgent enim Pseudochristi, & Pseudoprophetae, & dabunt signa magna, & prodigia, ita ut in errorem inducantur (si fieri potest) etiam electi*; ergo aliqui sunt qui non possunt sic seduci.

Respondeo: Non possunt induci in errorem, verum est (19); quia viriliter agunt contra tentationes; possent tamen si vellent consentire. Isaïæ 1. v. 19. *Si volueritis, & audieritis me, bona terræ comedetis*. v. 20. *Quod si nolueritis, & me ad iracundiam provocaveritis: gladius devorabit vos*. De hoc habetur 1. libro 5. cap.

Præterea, ad Galat. 4. v. 15. dicit Apostolus: *Testimonium enim perhibeo vobis, quia si fieri posset, oculos vestros eruissetis, & dedissetis mihi*; ergo non poterant sibi eruere? Constat quod non valet; similiter nec primum, nisi intelligatur sicut dixi; non possunt esse, donec tales sunt, idest resistunt.

Item, objiciunt illud Matth. 22. v. 14. *Multi sunt vocati, pauci vero electi*. Ergo facit distinctionem inter homines, ordinando, & eligendo aliquos, alios vero non.

Responsio hujus jam patet in expositione auctoritatis Apostolorum, & patebit infra §. VII. qui incipit: *Nunc autem restat*.

Præterea, dic tu mihi: *multi vocati*; ad quid, nisi ad nuptias cœli? Quare ergo vocavit eos ad eas, si eis dare volebat?

Item, objiciunt illud Apocal. 7. v. 4. & seq. de quibusdam signatis.

Respondeo: Præter illos multi salvi facti sunt; unde ibidem v. 9. *Post hæc vidi turbam magnam, quam dinumerare nemo poterat ex omnibus gentibus, & tribubus, & populis, & linguis: stantes ante thronum, & in conspectu Agni*.

men a Catharis eas artes adhiberi cerneret, quæ vulgus transversum agere facile posse videretur, opportunas maxime sibi esse putabat illas explicandi rationes, quæ populares essent, vulgique intelligentiæ accommodatæ. Idque jam initio operis sibi esse propositum affirmavit. Nam cum in Proœmio operis, tum Cap. I. Lib. I. §. 4. rogat, ne Lector miretur, si infimo, ac populari sermone utatur, cum se subdole Hæretici, quibus cum pugnabat, in rude vulgus insinuarent? quod in *Præfat. pag. 5.* animadvertimus.

(18) Hoc est voluntati generali salvandi omnes homines.

(19) En ut electos non posse in errorem induci, quod gratia Dei adjuti resistent tentationi, autem, tamen possint consentire, si velint, eidem tentationi, quod purum putum Thomisticum est.

(20) Electos, quibus auxilia suppeditat efficacia Deus, non ne-

cessitate, sed voluntate salvari, adjuncta tamen gratia movente, & faciente, ut voluntas ipsa bene operetur; non electos autem reprobari ait, quia Deus ipse prævidit, eos non recte ufuros gratia sufficiente.

(21) Erat, ut ex hoc nostri paragrapho colligo, genus quoddam hominum xii. Ecclesiæ seculo, qui Stoicam philosophiam colerent, & fatum admitterent, sublata libertate, nec Scripturis putarent ullam esse adjungendam auctoritatem. Fallor autem quinam fuerint, & quo nomine appellati sint, scio hac nostra ætate Anglos aliquot esse, qui necessitate duci hominem arbitrentur, inter quos recenseri merito debet Collinſius qui tractatum edidit de Libertate, extatque in extremo Tom. I. Collectionis Varior. Opusculor. Leibnitii, Clarkij; Newtoni &c.

Præterea, signati dicuntur non signo necessitatis salvandi, sed signati, idest distincti ab aliis non bene usuris (20) gratia. De hoc autem melius patet §. VII. qui incipit: *Nunc autem restat*.

Item, objiciunt illud Matth. 19. v. 11. *Non omnes capiunt verbum istud, sed quibus datum est*.

Respondeo: de Matrimonio loquitur, & de continentia verum est, quod aliquibus non est datum continere omnino, quia aliter possunt salvari.

Item, objiciunt illud Matth. 19. v. 12. *Qui potest capere, capiat*; ergo aliquis non potest capere.

Respondeo: idest non est idoneus ad continendum ex toto, verum est.

§. II.

Probatio Ecclesiæ de eodem contra illos, qui non recipiunt Scripturas.

Circa secundam partem videamus de eodem contra illos (21) qui non recipiunt Scripturas, nec Christum recta fide credunt. Primo, autem dic eis, quoniam Deus est justus & bonus; quomodo ergo audes dicere quod ordinaverit eos sine rationabili causa? Nulla autem causa rationabilis alicujus damnationis est, nisi culpa; ergo non ordinavit quod aliquis damnetur sine culpa sua: hoc autem bene potest esse, quod Deus ordinet aliquem damnandum, quia peccabit, & offendet eum. Modo sic; Iste homo fornicatur vel furatur: quæro an hoc facere sit a Deo ordinatum, an non? Si dicat quod sic; ergo Deus ordinavit, quod iste fornicetur, vel furetur; ergo fornicando, vel furando non resistit Dei ordinationi, sed acquiescit ei; ergo non peccat, nec offendit eum; ergo si propter hoc eum damnat, injuste damnat, & irrationabiliter.

Præterea; ubi non est lex, adminus naturalis, non est peccatum; unde tu non diceres, quod lapis peccaret, si descensu suo aliquem occidit; nec diceres, quod brutum animal peccaret; ergo si homo peccat, oportet quod legem habeat naturalem in mente scriptam, contra quam veniendo peccet: Modo dico sic: Iste homo occidit illum sine causa, nunquid iste peccat occidendo? Utique dices; ergo venit contra aliquam legem, & contra aliquod mandatum naturaliter scriptum in corde suo; nonnisi contra hoc: *quod tibi non vis, alteri ne feceris*. Quis illud mandatum scripsit in corde ejus? Nullus nisi Dominus; ergo illud prohibuit; ergo vel Deus non

non ordinavit, quod iste illum occideret, vel si ordinavit illud, & postea idem prohibuit, ipse venit contra suam ordinationem primam.

Præterea, si ordinavit illud; ergo voluit quod fieret; si prohibuit, voluit quod non fieret, nunquam enim prohiberet fieri, quod placeret ei fieri; ergo simul voluit sic, & non; ergo in se ipso divisus est.

Item, ecce una ordinatio est ab ipso, qua ordinavit illud fieri, & si idem prohibet, ordinat illud non fieri; idem ergo ordinat, & non ordinat fieri; ergo divisus est in se ipso, & duplex.

Præterea, aliquis facit homicidium, vel furtum, vel huiusmodi; aut necessarium est ei, idest inevitabile facere hoc, aut non; si est inevitabile ei, quare magis dicis hunc peccare hoc faciendo, quam lapidem in descensu aliquem interficiendo. Si autem non est inevitabile ei; ergo potest illud vitare, & alia peccata similiter; ergo potest esse quod non damnetur, cum Deus non damnet aliquem sine culpa sua, vel sine causa rationabili.

Præterea, si potest illud facere, & vitare, dummodo velit; in voluntate ergo sua est, vel hoc, vel illud; ergo liberum arbitrium habet & ad bonum, & ad malum; ergo si damnabitur, vel salvabitur, ex libero arbitrio erit, non ex ordinatione, quam tu posuisti.

Præterea, aut iste habet liberum arbitrium, aut non. Si non; dico quod Deus non potest eum iuste damnare; potest enim dicere Deo, quare tu punis me? Si dicat Deus, quia sic fecisti; ipse potest respondere ei rationabiliter: ego non habui arbitrium aliud faciendi: arbitrium autem ab alio, quam a te habere non potui; ergo iniuste me damnas.

Præterea: Quid est malum facere, nisi facere illud, quod indebitum est fieri? Modo dico sic: Iste qui furatur aliquid proximo, facit illud quod ordinatum est a Deo ut faciat, ut tu dicis; omne autem quod ordinatum est a Deo fieri, debitum est fieri; nihil autem quod debitum est fieri ex ordinatione, malum est fieri; quod patet ex eo quod diximus, quoniam malum facere, est facere id, quod indebitum est fieri. Si autem vellet hæreticus hic uti aliquo testimonio Scripturæ; dic ei, non potes hoc facere, quia Scripturas non vis recipere, earumque testimoniis non vis stare.

(22) Ex his patet quod de prædestinatione male sentiunt, quicumque intelligunt eam esse Dei ordinationem ab bonum, vel ad malum, ad supplicium, vel ad præmium.

(21) Prædestinatio, ut noster hoc capite passim adfirmat, est ordinatio ad bonum, sed non necessitans, ut volebant impii, quos refellit, homines; ad malum autem, seu ad poenam, non datur prædestinatio, seu reprobatio, ut fides Catholica docet, quin Deus ante mala præviderit opera hominum sceleratorum. Non enim iuste damnari quisquam, sine culpa potest. Atque hoc quidem hisce verbis concludit Moneta.

(23) Plerique veteres Philosophi, veriti ne liberum arbitrium Dei præscientia tolleretur, ignarum esse futurarum actionum humanarum divinum Numen existimaverunt. Atque in hoc quidem errore, non Epicurei solum, verum etiam Cicero Lib. II. de Divinatione versatus est. Gnostici deinde aliqui ab hoc opinionis portento minime abhorreere videntur, ut Marcionitæ apud Tertullia-

§. III.

Probatio Ecclesiæ quod Dei præscientia non aufert liberum arbitrium, & quod cum eo possit stare. (23)

IN hac tertia parte capitis quæramus, quomodo possit esse Dei præscientia cum libero arbitrio hominis. Quod autem non possint simul esse, videtur ex hoc: Si Deus præscius est, quod iste peccabit, necesse est istum peccare; & si hoc est, non est ergo in peccato voluntatis arbitrium, sed potius inevitabilis, & fixa necessitas. (24)

Hoc autem argumentum communiter solvitur per distinctionem, quia necessitas potest includere contradictionem, vel contradictio necessitatem, primo modo vera est ista; si Deus præscius est &c. secundo modo, falsa. Vel aliter, hoc ipsum necesse potest respicere tantum, scilicet istum peccare, & sic falsa; tunc enim modus pars est consequentis; & est sensus: necessario est istum peccare, hoc sequitur ad Deum esse præscium peccati ejus. Potest etiam respicere hoc totum, scilicet istum peccare, si Deus est præscius peccati; & sic vera, & modus non est pars consequentis; sed est sensus, necessario si Deus est præscius peccati huius, iste peccabit. Eodem modo consuevit dici hic; si Deus præscivit istum esse salvandum, necesse est, quod ipse salvetur.

Quod prædicta solutio nulla sit, videtur ex hoc. Hæc conditionalis est vera; si Deus est præscius peccati huius hominis, iste peccabit; antecedens est necessarium, quia si est præscius non potest non esse præscius; ergo consequens est necessarium, quod prænegatum est.

Solutio: Illa hypothetica vera est, & antecedens est necessarium, non tamen sequitur, quod consequens sit necessarium, nisi uniformiter sumatur utrobique necessitas. Deum enim esse præscium peccati istius hominis non est necessarium, nec etiam verum, nisi iste homo sit peccaturus. Vel ut idem aliis verbis dicam, non est necessarium, nisi cum circumstantia istius; *iste peccabit*; ista autem necessitas conditionata est, sive determinata, sic sumpta necessitate, & pro constanti habito, quod iste peccabit, concedo quod antecedens est necessarium, scilicet Deum esse præscium quod iste peccabit; ad conditionatam autem necessitatem non sequitur absoluta necessitas; quare non valet argumentatio, antecedens est necessarium; ergo & consequens,

A a a a 2 nisi

num Lib. II. Adv. Marcionem Cap. v. Sociniani hoc tempore in eodem luto hærent. Arminiani vero, etsi Deum, illæsa libertate hominum, actiones humanas præscire statuant, negant tamen id spectare ad fidem; quod idem defendit Episcopus Insuper. Theologic. Libro IV. Cap. XVI. vir de grege Arminianorum.

(24) Hoc idem est argumentum præcipuum Socinianorum, quod hæretici etiam veteres Catholicis opponebant. Respondent autem Theologi nostri, necesse esse peccare hominem, necessitate consequente liberam voluntatis determinationem, non necessitate antecedente, quæ tollat liberum arbitrium. Deus enim, etsi præsciat mala hominum opera, prævidet tamen futurum, ut homines illi mali libere se determinaturi sint ad idem malum.

nisi sumatur eodem modo necessitas cum circumstantia ipsius, quod iste peccabit; sicut & prius sumebatur, cum dicebatur: necessum est Deum esse præscium huius, scilicet, quod iste peccabit; cuius sensus est: si iste peccabit, hoc non potest Deum latere; idest necesse est Deum scire si hoc eveniet.

Et notandum, quod si hoc evenire esset simpliciter necessarium, Deum scire illud esset eodem modo necessarium; sed quia non sic est, ideo non est necessarium Deum scire illud absolute, sed cum conditione, si illud eveniet.

Contra hoc quod dictum est, sic objicitur: Dictum est quod Deus cum scit aliquod contingens quod scit illud contingenter; si vero scit aliquod necessarium, scit illud necessario; sic ergo videtur, quod multiplex est ejus scientia, & quod ejus scientia a rebus formetur, & sit contingens ejus scientia, si res scita contingens est, & necessaria, si res scita fuerit necessaria.

Solutio: Divina mens, ut dicit B. Dionysius 7. cap. de Divinis nominibus, non accipit scientiam suam a rebus. Unde dicit: *Non enim ex rebus ipsis res discens, novit eas divina mens, sed ex se ipsa, & in se ipsa, secundum causam omnium scientiam, & notionem, & essentiam præhabet, & ante comprehendit, non singulis secundum cujusque speciem intendens, sed secundum unicam causam complexionem cuncta sciens, & continens: sicut & lux secundum causam tenebrarum notionem anticipat, non aliunde, quam ex luce tenebras noscens.* Et est sensus; sicut lumen si videret tenebras, ita Deus non aliunde, sed se ipso videt umbras creaturarum; non enim in videndo eas egreditur se ipsum, idest suam essentiam: & hoc est quod dixit: *Non secundum cujusque speciem intendens.* Ex hoc concludit Dionysius: *Se ipsam igitur divina sapientia noscens, sciet omnia materialia, sine materia, & indivise divisibilia, & unice multa, ipso uno, idest se ipsum videns, omnia, & cognoscens, & producens.* Unde in 8. lib. Metaph. Avicennæ dicitur: *quod ipse intelligit res simul.* Item necesse esse, idest Deus intelligit quidquid est universaliter, & tamen non deest ei aliquod singulare. Dico ergo, quod unica est ejus scientia, licet multa scita, & illa scientia in se est immaterialis, indivisibilis, & unica; unde dico quod contingens scit necessario, sicut dicit B. Dionysius, quod materialia scit sine materia; necessario dico quoad se, sed non necessario quoad hæc; unde si dicam contingens est Deum scire, hæc contingens ad scitum refertur, non ad scientem, vel scientiam ejus; idest Deus scit hoc quod contingens est esse; sicut etiam dicitur, quod ipse incipit creare hanc animam inchoative, non attingit ipsum, sed creatum ab ipso, idest hæc anima incipit, & nunc primo inceptum esse ab eo.

[*] Desunt, quæ duobus asteriscis complexi sumus e codice Vaticano.

(25) Utuntur hac explicandi ratione plerique Patres. Origenes Philocalia Cap. xxiii. *Quemadmodum si quis videns quemdam propter ignorantiam temerarium, & propter temeritatem inconsiderate incedentem per viam lubricam fiede prolapsurum, nequaquam illi causa lapsus est: sic intelligendum est, Deum, qui prævidit qualis quisque futurus sit, & causas, cur*

Ex his patet etiam; quare ejus esse, vel ejus scientia non varietur varietate scitorum.

Sed contra hæc objiciunt sic: Quia videtur ex dictis, quod ipse apprehendit materialia, & contingentia, & divisibilia, & multa aliter esse, quam se habeant; ejus ergo scientia, vel providentia falsa est.

Solutio: Si hoc ipsum aliter determinat hoc verbum apprehendit, verum est, & non sequitur; ergo ejus prævidentia est falsa, ut etiam patet intellectu, & consideratione Mathematicorum; si autem determinet hoc verbum esse sub intellectu, idest comprehendit res esse aliter quam sint, falsum est.

§. I V.

Probatio quod præscientia Dei non inducit necessitatem.

[*] **N**unc ostendamus quod præscientia Dei non est causa peccati præsciti, & quod necessitatem non inducit eveniendi quod præscitur. Quod non est causa peccati præsciti patet. (25) Quod se aspectui suo obtulit, materialis oculus hoc videbit, nunquid fecisse creditur, quodprehendisse cognoscitur? Non. Similiter intellige de oculo divine præscientiæ. Item si peccantem quempiam conspexerit materialis oculus: non videntis, sed committentis flagitium judicabitur: ita etiam non ad præcognoscentis, sed ad præcogniti pertinebit reatum fecisse delictum: quare & supplicium merito, & delictum homini exhibendum, non præcognoscenti imputandum, sed delicto præcogniti.

Item si viderem aliquem in foveam ruere, palam est, quia ex meo aspectu ruina ejus non oritur: & tamen si videam eum ruere; ipse ruit. Similiter est in visu divino ad futurum hominis peccatum. Item sicut res objecta oculis quodammodo efficit, ut eam oculi videant, non autem efficit oculus, ut res videnda nascatur; ita præscientia Dei merita hominum evenire non facit: sed potius ea quæ ventura ex hominis opere, atque industria, quodammodo faciunt, ut præsciantur: quia & aptitudo præsciendi ea, & ordo eorum ad scientiam Dei ex eorum causatur eventu: nec valet argumentatio hæc: Præscientia Dei idem est, quod ejus scientia; Ergo si præscientia causatur a rebus futuris; similiter & scientia inde causabitur: & est ibi fallacia accidentis. Dixit autem quidam Sanctus, non Dei violentia prævidendi imponitur homini causa pereundi: sed magis de futuris hominum meritis ordo nascitur prænoscenti. Ex his, quæ dicta sunt, patet, quod non inducit necessitatem.

Si

talibus futuris sit, videre, & cognoscere, quod peccaturus sit hoc vel illud, causa mali non est &c. S. Fulgentius lib. 1. ad Monimum: Fidelibus, congruit credere, & fateri, Deum bonum, & justum præscisse quidem peccaturos homines, quia nihil eum latere potuit futurorum, neque enim vel futura essent; si in ejus præscientia non fuissent; non tamen prædestinasse quolibet hominem ad peccatum; quia si ad peccatum aliquod hominem Deus prædestinaret, pro peccatis hominem non puniret.

Si enim non inducit eventum mali præsciti ; Ergo nec necessitatem eventus ejus .

Alio etiam modo potest videri quod non est præscientiæ Dei imputanda malitia præsciti . Nunquid enim vitio speculi imputabitur , si in eo aspicientis persona deformis apareat ? Constat quod non . [*]

Adhuc etiam alio modo videri potest , quod præscientia Dei necessitatem non inducit . Si enim vis dicere , quod omnia , quæ ventura sunt necessario evenient , quia Deus præscit illa ; necesse est illa evenire : hoc qualiter intelligendum sit prædictum est , & ostensum quod non est necesse illa evenire simpliciter , sive absolute , sicut etiam Deus non præscit illa absolute : Modo ostendo , quod illa data in sensu in quo est vera ; si Deus præscit aliqua , necesse est illa evenire ; propter hoc non sequitur quod sit necessarium , & inevitabile quod illa eveniant ; si enim hoc esset , ostenderetur tibi quod eadem ratione tua præscientia induceret necessitatem , quia si tu aliquid præscires , necesse esset illud evenire ; Ergo si propter hoc tua præscientia non inducit necessitatem inevitabilem ; nec divina similiter inducit eam .

Sub eadem forma potest ostendi , quod divina præscientia non cogit aliquem ad peccandum , nec ad faciendum bonum . Nunquid tu peccare cogeres , quem peccaturum esse præscires ? Et tamen si tu præscires eum peccaturum , necesse esset ipsum peccare ; Ergo a simili non est dicendum quod divina præscientia cogat aliquem ad peccandum , licet si Deus est præscius peccati ejus , necesse est ipsum peccaturum ; non sunt ergo ista impossibilia , scilicet tua præscientia de peccato alicujus , & voluntas ejus ad illud ; Ergo a simili nec ista sunt impossibilia , scilicet quod Deus præsciat aliquem peccaturum , & ipsum voluntarie peccare ; Ergo Dei præscientia non tollit voluntatem . Deus igitur licet præsciat peccatum alicujus , ipse tamen neminem ad peccandum cogit , præscit tamen eos peccaturos , qui ex voluntate peccabunt ; propter hoc dicit Augustinus libro 3. de libero arbitrio cap. 4. *Cur ergo non vindicet justus , quæ fieri non cogit præscius ?* Item subsequitur Augustinus : *Sicut enim tu memoria tua non cogis facta esse quæ praterierant ; sic Deus præscientia sua non cogit facienda , quæ futura sunt . Et sicut tu quædam , quæ fecisti , meministi , nec tamen quæ meministi omnia fecisti : ita Deus omnia quorum ipse auctor est , præscit , nec tamen omnium quæ præscit ipse auctor est . Quorum autem non est auctor , justus est ultor .* Ex quibus patet , Deum esse præscium futurorum , & tamen futura esse voluntate , non necessitate cogente , & ideo justum esse malorum operum ultorem .

Adhuc etiam potest patere , quod Dei præscientia non excludit voluntatem hominis in faciendo aliquid . Dicit Augustinus lib. 3. de lib. arbitr. cap. 3. *Si meorum operum præscium Deum dico , multo fidentius eum dixerim præscire opera sua : & quid sit factururus certissime prævidere . Ergo si ideo quia meorum operum præscius est , mea opera non fiunt voluntate , eadem ratione opera , quæ fiunt ab ipso ,*

non voluntate , sed necessitate fiunt ab eo . Item dicit Augustinus loco cit. *Sicut autem voluntatem beatitudinis , cum esse cæperis beatus , non aufert præscientia Dei , quæ hodie de tua futura beatitudine certa est ; Sic etiam voluntas culpabilis , si qua in te futura est , non propterea voluntas non erit , quoniam Deus eam futuram esse præscivit* Ergo a simili , non aufert tibi voluntatem in peccando , licet præsciat te peccaturum .

Item dicit Augustinus loco cit. *Non possumus aliud sentire esse in potestate nostra nisi quod cum volumus facimus . Qua propter nihil tam in nostra potestate , quam ipsa voluntas est . Ea enim prorsus nullo intervallo , mox ut volumus , præsto est ; mox enim cum volumus , adest voluntas ; Ergo ipsa voluntas maxime est in potestate nostra .*

Item si Deus præscientia aufert voluntatem ; Quomodo potes dicere . Si Deus præscivit me velle , necesse est me velle ? Si enim necesse est me velle aliquid , volo illud ; sed quomodo illud volo , si voluntas non est , propter præscientiam Dei ? Et ideo (subjungit Augustinus) recte possumus dicere : *non voluntate vivimus , sed necessitate : & si quid aliud hujusmodi . Non voluntate autem volumus , quis vel delirus audeat dicere ? Quamobrem , quamvis præsciat Deus nostras voluntates futuras : non ex eo tamen conficitur , ut non voluntate aliquid velimus .*

§. V.

Probatio quod præscientia Dei non aufert libertatem voluntatis :

NUNC ostendamus quod præscientia Dei non aufert libertatem voluntatis ; ne quis dicat , etsi voluntatem non tollit , tamen ejus libertatem excludit ; non enim aufert potestatem ejus a nobis , sed eam in nostra potestate relinquit ; Constat quod illud non est nostræ potestatis , quod cum volumus habere , non habemus : si enim in nostra potestate esset illud habere , statim haberemus cum vellemus , dummodo scientia non deesset . Modo dico sic : Ponamus quod vellemus , hoc enim tu concedis esse posse , licet neges voluntatem esse in nostra potestate . Modo procedo sic : Non volumus ; hoc posito , aut voluntas deest , aut præsto est . Si deest voluntas , Ergo non volumus ; deficiente enim albedine deest album ; si autem voluntas non deest cum volumus , præsto ergo est cum volumus . Ipsa igitur voluntas maxime inter alias res in nostra potestate est ; Ergo præscientia Dei non aufert voluntatis liberam potestatem , si non aufert ipsam voluntatem .

Ex quibus omnibus constat , quod præscientia Dei potest esse cum libero arbitrio , & quod futura non necessario sunt futura , licet Deus præsciat illa , & quod Deus iuste judicat de peccatis , cum ipsa non necessitate fiant , sed libera voluntate .

Sciendum enim , quod B. Augustinus dicit : sicut est

est quidam motus descensivus in corpore, ita etiam & in spiritu; sicut enim lapis relicto superiori loco descendit ad inferiora, ita etiam animus, deserto Deo & rebus cœlestibus ad ista inferiora prædiligenda se flectit. Ait enim Augustinus lib. 3. de libro arbitrio cap. 1. *Motus animi similis est illi motui, quo deorsum versus lapis fertur, quod sicut iste proprius est lapidis, sic ille animi. Veruntamen in eo dissimilis, quod in potestate non habet lapis cohibere motum, quo fertur inferius; animus vero dum vult, non ita movetur, ut superioribus desertis inferiora deligat: & ideo lapidi naturalis est ille motus, animo vero est voluntarius. Hinc est quod lapidem si quis dicat peccare, cum pondere suo tendit in infima, non dicam ipso lapide stolidior, sed profecto demens judicatur; Animum vero peccati arguimus, dum eum convincimus, si superioribus desertis ad fruendum inferiora præponere; & propter hoc subjungit Augustinus: Propterea quid opus est querere, unde iste motus existat, quo voluntas avertitur ab incommutabili bono ad commutabile bonum, cum eum non nisi animi, & voluntarium, & ob hoc culpabilem esse fateamur. [*] Eccles. 39. v. 30. Bona bonis creata sunt ab initio, idest ab æterno, sic nequissimis bona, & mala: bona supple, si pœniterent: mala si non pœniterent.*

Unde notandum, quod in sacris Scripturis invenitur, quod gloria æterna præparata est fidelibus quibusdam, scilicet in pœnitentia manentibus; quibusdam pœna æterna, sed illis solis qui decesserunt sine pœnitentia, si adulti sunt: præparatio autem ista hoc modo fit: Qui fecerit sic, & sic, puniatur hoc modo; qui autem se inde custodierit, remuneretur; sed ordinat Deus liberum (26) arbitrium alicujus ad bene agendum ipsum adjuvando ad illud, ut prænotatum est in primâ parte hujus capituli; ad male autem agendum nullo modo adjuvat liberum arbitrium hominis. Nonne & temporalis Rex volens gubernare regnum suum, honeste, & bene sic facit? Utique. Joannes Damascenus lib. 2. Orthodoxæ fidei cap. 30. *Illud scire interest: Deum omnia quidem præscire, sed non omnia præfinire. Præscit enim ea, quæ in nostra potestate, atque arbitrio sita sunt: at non idem ea præfinit. Nec enim vitium admitti vult; nec rursus virtuti vim affert. Quocirca divina jussio cum præscientia conjuncta præfinitionem efficit. Deus porro ea quæ nostri arbitrii minime sunt, idest non sunt opera liberi arbitrii nostri, pro sua præscientia præfinit. Etenim juxta eam omnia jam in bonitate, ac justitia sua prius decrevit. Hæc sunt remunerationes bonorum, & malorum; unde ipse dicit cap. 28. ejusdem libri: Eorum autem quæ in arbitrio nostro minime consistant, alia ex iis quæ arbitrii nostri sunt, originem seu causam ducunt. Quo in genere sunt ea, quæ actionibus nostris tum in hac vita, tum in altera rependuntur. Unde Fulgentius ait: Præparavit Deus malis ignem*

æternum. Isaia 30. v. 33. Præparata est enim ab heri Thopheth, a rege præparata, profunda & dilatata. Nutrimenta ejus ignis, & ligna multa: Flatus Domini sicut torrens sulphuris succendens eam. Ecclesiast. 26. v. 27. Deus paravit eum ad rhomphæam. Apocal. 2. v. 12. Hæc dicit, qui habet rhomphæam utraque parte acutam. Proverb. 16. v. 4. Universa propter semetipsum operatus est Dominus; impium quoque ad diem malum. Præparavit etiam bonis præmia; unde Isaia 64. v. 4. Oculus non vidit, Deus absque te, quæ præparasti expectantibus te. Idem refert Apostolus primæ Corinth. 2. v. 9. Præparavit ergo quosdam ad supplicia, nec tamen præparavit ad facienda peccata; præparavit Deus, quod divina æquitas redderet, non quod humana iniquitas faceret. Augustini hæc regula inconculse tenenda est; peccatores in peccatis præscitos esse non præparatos; pœnam autem esse præparatam, sicut præsciti sunt.

Nota etiam, quod dicit Augustinus ad Simplicianum lib. 1. q. 2. super illo verbo Apostoli Rom. 9. v. 16. *Non volentis, neque currentis, sed miserentis est Dei. Et ob hoc dicitur obdurare peccatores quosdam, quia non eorum miseretur, non quia impellit, ut peccent. Eorum autem non miseretur, quibus misericordiam non esse præbendam, æquitate occultissima, & ab humanis sensibus remotissima judicat. Non sic ergo dixit: non est volentis, nec currentis, sed Dei indurantis; non indurat aliquid mali largiendo, sed bonum gratiæ non conferendo; miseretur tamen largiendo gratiam, ex qua cooperatione liberi arbitrii est omne bonum hominis, siue sit bonum volentis, siue bonum currentis, idest operis ad Deum tendentis. De hoc habetur 2. libro cap. 6. in fine primæ radicis.*

§. VI.

De causis prædestinationis, & reprobationis Dei.

NUNC ad quartam partem hujus capituli accedamus, & prout possumus esse prædestinationis, & reprobationis divinæ declaremus, & quare unum prædestinat, & alium reprobat, & quomodo reprobatio divina stare possit cum eo, quod dicit Apostolus 1. Timoth. 2. v. 4., quod Deus omnes homines vult salvos fieri, & ad agnitionem veritatis venire.

Ad primum dicit Ambrosius, quod prædestinare aliquem, idem est, quod præscire illum esse salvandum; prædestinatio igitur est præscientia salvationis; eodem modo Deus reprobat aliquem, sensus est, idest præscit illum esse damnandum, unde reprobatio est præscientia damnationis.

Ex hoc patet, quod secunda quæstio, quare scilicet unum reprobat, & alium prædestinat, potest esse

[*] Defunt, quæ complexi sumus duobus asteriscis, e Codice Vaticano.

(26) Viden ut gratia ordipari ad bene agendum liberum arbitrium autmet? Lege diligenter, quæ mox ex Augustino adjungit. Quod autem observat, præfiniri ea tantum a Deo, quæ nostri arbitrii non sunt, sic intelligendum est; bona, quæ in nobis

sunt sine nobis, quibusque Deus facit, ut faciamus, a Deo præfiniri, atque inde sequi etiam actiones nostras bonas, quæ ex ipsa gratia profluunt, etsi fiant libero arbitrio cooperante, præfinitas esse a Deo; malas vero actiones, non positive definitas, sed permittas, quod Deus subtrahat efficax auxilium.

esse aliqua, & nulla; quoniam hoc ipsum *quare*, potest quærere causam præscientiæ, vel causam salvationis, aut damnationis, per gerundium designatæ. Primo modo nulla est quæstio; secundo modo aliqua, quoniam non salvat, neque damnat sine causa, non enim salvat, neque (27) damnat sine inclinatione liberi arbitrii ad bonum, vel malum; de adultis loquor.

Ex hoc patet solutio tertiæ quæstionis, quomodo reprobatio divina stat cum eo quod dicit Apostolus, quod Deus *omnes homines vult* &c. Vult quidem hoc, idest per eum non remanet, quin omnis homo salvetur, quin veniat ad agnitionem veritatis, & tamen damnat aliquem, & scit illum esse damnandum, sed ex culpa sua.

§. VII.

Quare Deus dat gratiam suam uni, & non alteri, cum æque digni sunt.

NUNC autem restat quæstio talis, quare Deus dat gratiam isti, & illi, cum æque digni sunt propter illud verbum Domini Malach. 1. v. 2. & Roman. 9. v. 13. *Jacob dilexi, Esau autem odio habui.*

Ad cujus solutionem ponit Apostolus ad Roman. 9. v. 15. *Miserebor, cujus misereor; & misericordiam præstabo, cujus miserebor*; Et est sensus, *miserebor*, idest gratiam meam dabo, *cui misereor*, idest cui miserendum esse scio; & *misericordiam præstabo*, idest vitam æternam, in qua erit liber ab omni miseria, *cujus miserebor* prædicto modo. Ita vult B. Ambrosius, qui vult, quod misereri cujus miserendum, idem est quod dare gratiam illi, cui est danda, & non dare cui non est danda.

Apostolus autem Roman. 9. aliter respondet huic quæstioni, cum dicit v. 21. *An non habet potestatem figulus luti, ex eadem massa facere aliud quidem vas in honorem, aliud vero in contumeliam?* Similiter & Deus potestatem habet miserendi, cujus voluerit, idest non apponendi ei gratiam per quam emolliatur. Dicit ergo Apostolus, quod hujus rei causa est, quia vult; unde & dicit v. 18. *Ergo cujus vult, miseretur, & quem vult indurat*; voluntatis autem ejus nulla est causa, sed ipse est omnium causa. Causa autem quare sic solvit Apostolus, non fuit inopia reddendæ rationis, sed ut præsumptuosos inquisitores argueret, qui volunt erigere oculos ad opes quas habere non possunt, ut dicitur Proverb. 23. v. 5. Solutionem tamen, quam

posuimus, innuit cum dicit v. 15. *Miserebor, cujus misereor; misericordiam præstabo, cujus miserebor.* Istud tamen tenendum, & nulli dubium esse debet, quod si Dominus dat gratiam alicui, ex misericordia est; si subtrahit, vel non dat, ex justitia, quia vel ex culpa propria hominis, vel ex peccato totius humani generis, de quo dicit Apostolus Roman. 5. v. 12. *Propterea, sicut per unum hominem peccatum in hunc mundum intravit, & per peccatum mors, & ita in omnes homines mors pertransit, in quo omnes peccaverunt.*

Ex hoc patet solutio hujus quæstionis: Hæretici duo sunt, unus orat devote Deum, ut eum illuminet, & alius similiter; unus vadit ad Catharos, alius ad nos: unde hoc, si prædestinatio non est, cum dicatur Matth. 7. v. 7. *Petite, & dabitur vobis; quærite, & invenietis: pulsate, & aperietur vobis?*

Respondeo: quod si unus non illuminatur, ex culpa ejus est, quam novit ille, cujus oculis omnia nuda sunt, & aperta, teste Apostolo ad Hebræos 4. v. 13. & Job. 34. v. 25. *Novit enim opera eorum.*

Præterea, quare unum illuminat, & alium non, Apostolus dicit ad Rom. 9. v. 18. *Ergo cujus vult, miseretur, & quem vult, indurat*; idest in duritia sua eum permittit, gratiæ suæ datione eum non emollit.

Si autem quæras, quare potius istum illuminet, quam illum, cum æque sit peccator, & magis etiam, ut patet in Paulo, qui major peccator erat, quam illi, qui comitabantur eum. Actor. 9.

Respondeo: Non potest esse injustum, quod justus facit; & dico tibi illud Roman. 9. v. 21. *An non habet potestatem figulus luti ex eadem massa facere aliud quidem vas in honorem, aliud vero in contumeliam?*

Item, Roman. 11. v. 33. *O altitudo divitiarum sapientiæ, & scientiæ Dei: quam incomprehensibilia sunt judicia ejus, & investigabiles viæ ejus!*

Præterea, istud solutum est prius per illud Apostoli 1. ad Timoth. 1. v. 12. *Gratias ago ei, qui me confortavit, Christo Jesu Domino nostro: quia fidelem me existimavit, ponens in ministerio.*

Ad illud de pulsatione, dico: quia non perseveravit pulsans, ut debebat. Nonne vides de Paulo Actor. 9., quia pulsans ad ostium idest Christum, dixit v. 6. *Domine, quid me vis facere?* Et dictum est ei v. 7. *Surge, & ingredere civitatem; & ibi dicetur tibi, quid te oporteat facere.* In civitate enim Ecclesiæ, de qua dicitur Matth. 5. v. 14, *Non potest civitas abscondi supra montem posita*, quærendum est, idest pulsandum; ibi dicetur, quid oporteat facere; illic enim mandat Dominus benedictionem & vitam usque in seculum.

Item;

(27) Et si Deus non salvet reipsa, neque damnet sine inclinatione liberi arbitrii; tamen, ut noster constituit, prædestinavit ad gloriam eos, quibus auxilia gratiæ efficacis dare decrevit, non autem eos, quos prænovit male facturos. Præscientia enim malorum operum, causa est reprobationis. Jam vero, homines male faciunt, quia volunt, eisque Deus non confert gratiam, qua emolliantur. Cur autem aliorum Deus misereatur, aliorum non item, Augustiniano more explicat noster aliquanto inferius: *Deus, inquit, potestatem habet miserendi, cuius voluerit, & obdurandi, quem voluerit, idest non apponendi ei gratiam per quam*

emolliatur. Dicit ergo Apostolus, quod hujus rei causa est, quia vult. Voluntas autem ejus nulla est causa, sed ipse est omnium causa, nempe vel activa, vel permissiva. . . . Istud autem tenendum, & nulli dubium esse debet, quod si Dominus dat gratiam alicui, ex misericordia est; si subtrahit vel non dat, ex justitia, quia vel ex peccato totius humani generis. . . . Præterea quare unum illuminat, & alterum non, Apostolus dicit ad Romanos 1x. v. 18. *Ergo cujus vult, miseretur &c.* Confule quæ sequuntur cetera.

Item, ibidem v. 15. *Neque accendunt lucernam, & ponunt eam sub modio, sed super candelabrum, ut luceat omnibus, qui in domo sunt.*

Ex prædictis etiam patet, quod vita æterna communis est omnibus ex Dei intentione, non impediente prædestinationem aliquorum, & reprobationem aliorum.

§. VIII.

Quid sit vita æterna ex parte animarum.

Nunc autem restat videre, quid sit vita æterna ex parte animarum. Insa enim utrique parti hominis communis est. De hac dicitur Johannis 17. v. 3. *Hæc est autem vita æterna, ut cognosceant te solum Deum verum, & quem misisti Jesum Christum.* Non dixit noscant, sed cognoscant; sicut enim vita animalis non consistit tantum in vi apprehensiva, sed in motiva, ut dicit Avicennas in Metaphysicis; ita & vita æterna consistit in clara apprehensione intellectuali (28) ipsius Trinitatis in unitate, & unitatis in Trinitate; & in affectione dilectionis fundata super ipsam apprehensionem, quæ dicta est, super utraque vero istarum fundatur fructio; visio enim Dei unius &c. affectum Spirituum beatorum ad delectandum in Deo viso, & amato excitat. Hæc est vita æterna ex parte animæ, ad quam non contingit venire, nisi mediante fide. Hæc est lux animæ dirigens pedes ejus, idest intellectum, & affectum in viam pacis. Qui sine hac est, in tenebris est, & nescit, quo vadat. Infelices autem hæretici istud lumen extinguere conantur errantes, & in errorem mittentes; ad defensionem autem hujus lucis ingrati existentes non accinguntur, qui per eam divites sunt effecti: hæc enim est, quæ decimas, & primitias, agros, & vineas, arces, & oppida dedit eis, & Regum colla subjecit. Quid

mirum si non accinguntur hæretici ad defendendam fidem, in quibus ipsa defecit; ingrati enim hæretici fides tanquam glacies tabuit & defecit; dico amittendo essentiam, & perdendo vitam, idest motum ad opera bona; unde & necesse est eos deficere, ut sicut per fidei præsentiam divites facti sunt, ita per ejus absentiam pauperes, & inopes fiant; & reges, atque principes, qui prius eis colla subjecerant, eos sibi subjiciant, atque contemnant, ut compleatur prophetia Malachiæ 2. v. 8. *Irritum fecistis pactum Levi* (idest fidei Christi, quam in Catechismo promissistis, & alios promittere fecistis) *dicit Dominus exercituum. v. 9. Propter quod & ego dedi vos contemptibiles, & humiles omnibus populis.*

Accingantur saltem pauperes, qui per fidem Christi omnia reliquerunt, quorum Ordo ob salutem animarum, & prædicationem contra hæreticos dicitur institutus.

Et si quid plus, aut aliter, quam dicendum esset, conscripsi, propter amorem fidei Jesu Christi veniam mihi præbeant; & quod corrigendum viderint, corrigant; & quod minus dictum est, suppleant; suarumque orationum auxilium mihi præbeant, ut Christus, pro cuius fide, & amore istud opus aggressus sum, imperfectum etiam, & insufficiens, & tamen memoriale, & adjutorium qualecumque mihi cum ipsis sic accingi pro fidei tutela præstare dignetur, ut non ingrati simus ei, qui nos eduxit de lacu miseriæ, & de luto sæcis, & statuit supra petram solidam pedes nostros; sed aspicientes in auctorem fidei, & consummatorem Jesum, qui proposito sibi gaudio sustinuit crucem confusione contempta, atque in dextera Dei sedet, ad eandem dexteram de sinistra præsentis miseriæ transferamur; benigno Jesu duce, qui cum Patre, & Spiritu Sancto unus est substantialiter Deus, cui est honor, & gloria in sæcula sæculorum. Amen.

Explicit Summa Venerabilis P. MONETÆ Ord. Prædicatorum, Adversus Catharos, & Valdenses.

INDEX

(28) Sapienter Augustinus *Lib. lxxxiii. Questionum xxxv.*
 „ Quid aliud est beate vivere, nisi æternum aliquid cognoscendo
 „ habere? . . . Omnium enim rerum præstantissimum est, quod
 „ æternum est, & propterea id habere non possumus, nisi ea re,
 „ qua præstantiores sumus, idest mente. Quidquid autem mente
 „ habetur, noscendo habetur. Quod autem ait noster, vitam

æternam in clara Trinitatis apprehensione, & affectione dilectionis consistere, id accipiendum est ordine quodam, ut quamquam in beatitudine plures sint actus, & facultates omnes bonis omnibus repleantur, earum tamen operationum prima sit ipsa visio, cui sociæ se adjungunt dilectio, & fructio. Sed hæc ad Scholasticos in 1. 2. *Quest. 111. Art. 1v.*

I N D E X

R E R U M M E M O R A B I L I U M

Q U Æ I N O P E R E U N I V E R S O C O N T I N E N T U R

Numerus paginas ; Littera A. primam Columnam ,
B. secundam ; N. vero Notationes designat.

A

- A** *Abraham a mendacio vindicatur.* 215. B. *accedens ad ancillam suam quare non peccaverit.* ibidem B. *ejus justificatio ex fide non ex operibus Legis.* 196. B. *Circumcisio ei data a Deo sancto fuit.* 117. A. *Ejus uxores duæ quid significarent.* 206. B. *quomodo fuit Judæorum, & Gentium Pater, & Dominus.* 197. A. B.
- Abrenuntiatio rerum temporalium duplex.* 249. A.
- Abstinentiæ a certis cibis multiplex causa.* 140. B.
- Abstinentiam a carnibus cur statuant Cathari.* ibidem.
- Achan Filii juxta occisi quod furto Patris participaverint.* 161. A.
- Acolythatus Ordinis descriptio.* 311. B. seq.
- Adulteram quare Christus non condemnaverit.* 156. A. & 526. B.
- Aeternum pro diuturno quomodo accipiant Hæretici.* 60. N. 7.
- Albigenses veri Manichæi.* Appar. pag. XV.
- Albigenses Galli consentiebant Albanensibus Italianis.* 26. N. 124.
- Altaria a Catharis, & Valdensibus reprobata.* 455. A. *Obtinuerunt Apostolorum ætate.* ibid. N. 8. *Ligneæ ne, an lapideæ fuerint incertum.* 457. N. 14.
- Anabaptistæ in Origenismum inciderunt.* 37. N. 6.
- Angeli qui ceciderunt de Cælo nunquam salvabuntur.* 57. B. seq.
- Angeli quare dicantur Prælati Ecclesiarum.* 50. B. N. 5. *Non sunt diversi sexus.* 232. B.
- Angelos accepisse in uxores filias hominum Patres aliqui censuerunt.* 148. N. 15.
- Angelus annuntians ortum Johannis Baptiste idem fuit qui annuntiavit ortum B.V.M.* 220. A.
- Animæ, seu Spiritus non transeunt de corpore in corpus.* 61. B.
- Animas ab initio conditas posuit Origenes.* 69. N. 2. *Eas corporibus in Adamo constitutis infusas qui statuunt.* ibidem.
- Animarum antiquitatem quomodo probent Cathari.* 7. seqq.
- Animi a spiritu distinctionem qui posuerint.* 10. 5. N. 1.
- Anima, & Spiritus non distinguuntur, ut volunt Cathari.* 106. seqq.
- Anima Quare Spiritus appelletur.* 107. B.
- Animarum transitum de corpore in corpus adstruebant Cathari, & quare.* 65. A. B.
- Animam ex anima non traduci opere Satanæ.* 137. B.
- Anima non est corpus, neque habet magnitudinem.* 136. B.
- Animas immediate creari a Deo immaculatas.* 133. B.
- Animas non perdi ex Dei voluntate.* 134. B.
- Animas esse ex traduce quomodo probent Hæretici.* 129. B. seqq.
- Animas duas in homine qui posuerint.* 129. N. 1.
- Animas caterorum hominum non fuisse in anima Adæ.* 132. A.
- Anima quare infundatur a Deo vasi corrupto, ex quo contrahitur peccatum originale.* 288. A.
- Corporis complexionem comitatur.* 346. B.
- Animæ immortalitatem qui negaverint.* 416. N. 2.
- Eorum argumenta diluuntur.* 417. seqq.
- Animas Brutorum spirituales non esse.* 420. B. N. 14. seqq.
- Animæ operatio nobilissima a corpore non dependet.* 424. A. B. seqq.
- Anima apprehendit seipsam, suamque perceptionem.* 425. A. *Non læditur, sed roboratur a forti intelligibili.* ibidem B. *Non est substantia composita ex materia, & forma.* 426. B. *nec est corruptibilis.* ibidem seqq.
- Animarum humanarum duplex est multiplicatio.* 499
- Antichristus est nomen appellativum, & proprium.* 263. A. *Erit singularis quædam persona.* 274. A. N. 94.
- Apostoli habuerunt a Christo potestatem leges condendi.* 444. B. & seqq.
- Apostolorum successoribus licet de quæsta vivere.* 451. A.
- Apostoli cur laboraverint operando manibus propriis.* 453. A. N. 17.
- Archiepiscopatus quid sit.* 313. A. B.
- Avaritiæ sollicitudo prohibita.* 324. A.
- S. Augustini opiniones circa opera sex dierum, & animarum productionem.* 69. N. 3. & 129. N. 1.

B

- B** *Abylonis nomine Roma Ethnica in scripturis designatur* ; 369. A. N. 3. seqq.
Baelius Petrus notatur, & refellitur . 508. N. 1. 510. N. 7. 9.
Baptismus dicitur mare rubrum vel vitreum, & quare . 178. B.
Baptismo varie contradicunt Hæretici . 277. B. N. 2. seqq.
Baptismus aquæ materialis valere ad salutem, probatur contra Hæreticos . 279. B. seqq.
Baptismi forma quæ fuerit in principio Ecclesiæ . 281. B. N. 12.
Baptismus parvulorum qui impugnauerint . 283. A.
Baptismo salvari parvulos probatur . 283. seqq.
Baptismus triplex juxta Scripturas . 288. A. B.
Baptismus Johannis cur dicatur Pœnitentiæ . 288. B.
Ad Baptismum quomodo teneantur parvuli, & quomodo parentes . 287. B.
Baptismus flaminis quid sit . 288. N. 30.
Baptismus a doctrina distinguitur . 288. seqq. non est impositio manuum . 289. A.
Baptisma quare dicatur unum . ibidem . N. 41.
Barbeyracius notatur, & refellitur . 508. N. 1. 510.
Basiliidis errores . 88. N. 8. N. 4. 513. N. 10.
Beatitudo non differenda ad diem judicii . 375. B.
Bellum facere an & quomodo liceat Ecclesiæ . 513. B. seqq.
Bellum Michaelis cum dracone spirituale fuit . 31. A. B. N. 151.
Bellum justum fieri debet, ut pax acquiratur . 530. A.
Bella adversus Saracenos cur licita sint . 531. A.
Benedictus XIV. laudatur . 105. B. N. 2.
Beausobrius Isacus, Augustinum carpit, & refellitur . 321. N. 10. *Manichæismum Catholicis affingit* . 327. N. 16. & 329. N. 17. 380. N. 18.
Bethsamita cur a Deo occisi . 161. A.
Bogomiliorum errores . 111. N. 7. 112. N. 9. 10.
Bonos aliquos fuisse ante adventum Christi probatur adversus Catharos . 215. seqq.
Bonum dicitur essentialiter, & accidentaliter . 24. B.
Bonum est causa boni per se, mali autem per accidens . 38. A. B. seqq.

C

- C** *Catharorum etymon & origo* . Apparatus : XIII. & pag. 411. B.
Cathari in Gallia, in Belgio, in Anglia, in Germania . Apparatus : XV.
Cathari in Italia ibidem . XVI.
Cathari veteres, & novi apud Mediolanum . ibidem.
Cathari se reciproce anathematizant . ibid. XVII.
Catharorum Sectæ variæ, & nomina . ibidem.
Cathari Albanenses in duas sectas divisi . XVIII. *Eorum errores* . ibidem.
Cathari Johannis de Lugio, eorumque errores . ibidem.
Catharorum Mores . XXIV. *Studium sese occultan-*
di . XXV. *Hypocrisis, Luxuria, Usuræ, Impietas, & crudelitas* . XXVI. seqq.
Catharorum Brixienſium impietas, & audacia . ibidem.
Catharorum Ritus, & disciplina . XXVIII. *Sacramenta, Hierarchia, Festa, Jejunia, oratio, disciplina Acani, Ritus faciendi Catharos* . XXIX. seqq.
Catharorum profligatio . XXX.
Cathari in duas partes principales divisi . 2. B.
Catharorum duo principia admittentium, errores . 3. A. *Quos Veteris Testamenti Libros rejicerent* . ibidem.
Catharorum unum Creatorem asserentium, errores . 5. B. *Priorum Catharorum argumenta ex V. T. petita* . 7. seqq. *Eorundem objectiones ex N. T.* 10. seqq.
Cathari Libros Prophetarum admittebant . 351. N. 154. *Quid fabularentur de Creaturis cælestibus e cælo depulsis* . 44. A. *Quid de productione Mundi* . 109. seqq. *Quid de peccato Adæ* . 111. seqq. *Quid de Sole, Luna, & Stellis* . 113. seqq.
Cathechismus parvulorum ante baptismum defenditur, & explicatur . 207. A.
Causa efficiens, & materialis ejusdem nihil esse potest . 70. A. B.
Causæ efficientes infinitæ esse non possunt . 500. B.
Christus missus est ad salutem utriusque populi, Judæi & Gentilis . 45. B. *Dominus est sensibilium, & rationalium* . 10. A. *Est spiritualium Nuptiarum Sponsus* . 101. B. *Dicitur facies Patris, quod per eum innotescat Pater* . 187. B. *Cur dicatur cornu salutis* . 170. B. *Cur dixerit se nescire diem extremum* . 236. A. *Dicitur Imago Patris ut Deus, & etiam ut homo* . 239. A. *Dicitur Angelus non natura, sed munere* . ibidem. *Fuit unctus in quantum homo* . ibidem.
Christum esse Creaturam qui Hæretici asseruerint . 234. B. N. 1. *Quibus argumentis id probarent Cathari* . ibid. seqq.
Christum esse Deum per naturam probatur . 240. seqq. *Quomodo sit sanctificatus a Patre* . 231. B. *Est unum cum Patre unitate substantiali, & accidentaliter* . ibid. A. *Quomodo dicatur ex Maria conceptus tanquam Matre* . 249. B. *Ejus conceptio cur specialiter attribuitur Spiritui S.* ibid. N. 64. *An ut homo possit dici Filius Spiritus Sancti* . ibid. N. 65. *Natum esse secundum carnem de Davide probatur* . 251. seqq. *Quomodo ejus corpus dicatur fructus ventris Mariæ* . 252. A. *Cur dicatur panis de Cælo descendens* . 296. B. *Cur dicatur cælestis* . 246. B. seqq. *Cur factus ante Johannem Baptistam* . 297. A.
Christi Corpus phantasticum & apparens fuisse quidam Cathari posuere . 247. B. *Corpus ab eo in Ascensione depositum alii affirmarunt* . 248. B. *Ejus Caro cur dicatur similis carni peccati* . 249. A. *Cur ipse dicatur factus in similitudinem hominum* . ibidem.
Christum esse unum Deum cum Patre, eique consubstantialem probatur . 241. B. seqq.
Christum esse æternum, & consubstantialem Patri . 242. B. *Cur dicatur primogenitus omnis creaturæ* . ibidem. *Chri-*

D

Christum carne celesti indutum intrasse in Mariam
fabulantur Cathari . 246. B.
Christum secundum carnem factum , de carne Ab-
rahæ probatur . 255. A. B. Habuisse carnem ve-
re passibilem , & mortalem probatur . 256. seqq.
Verum cibum , & potum sumpsisse ante , & post
resurrectionem . 257. B. seqq. Habuisse veram
animam humanam , ejusque veras qualitates præ-
ter peccatum , & ignorantiam . 259. B. seqq.
Christi animam descendisse ad Inferos , corpore in
sepulcro remanente . 260. B.
Christi veram resurrectionem qui negaverint . 261.
N. 85.
Christum cum carne in Cælos ascendisse proba-
tur . 261. A. Quomodo dicatur in Cælum ascen-
disse . 262. A. Quomodo sedeat ad dexteram Pa-
tris . ibid. Quomodo venturus judicare vivos , &
mortuos . ibidem . B. seqq. Quomodo dicatur pro
omnibus mortuus . 550. A. Quomodo peccatores
redemerit in peccatis viventes . ibidem B.
Cibi aliqui a Catharis rejecti ut immundi . 92. B.
Nullius cibi esum ex se illicitum esse . 141. B.
Circumcisio data Abrahæ a Deo sancto fuit . 217. A.
Circumcisionem veteres Manichæi irridebant . 217.
N. 6.
Circumcisio data Abrahæ quid significaret . 148. B.
Conceptio duplex . 132. B.
Concilia adversus Catharos celebrata . Appa-
rat. XXXII.
Concupiscentia cur mala dicatur . 17. N. 106.
Confessio peccatorum utilis , & necessaria . 304. seqq.
Confirmationis Sacramentum ab Hæreticorum er-
roribus vindicatur . 203. B. seqq. Ejus Minister
est Episcopus . ibidem N. 3.
Confirmatio non est de necessitate salutis . 294. A.
N. 5. Dat Spiritum Sanctum ad robur , vel ad
usum aliquem . 295. A. Ejus proprius effectus non
est peccatorum remissio . 294. B. N. 6. Manuum
impositio multiplex in Novo Testamento . 295. A.
Constantini Magni liberalitas erga Ecclesiam . 450.
N. 9.
Contrariorum contraria esse principia quomodo in-
telligatur . 23. B. 24. A.
Contraria quomodo sint simul natura . 24. B.
Contritio est necessaria ad remissionem peccato-
rum . 304. A. Sufficit , quando haberi nequit
Baptismus . ibidem B.
Corpus animale , & spirituale quid sint . 136. A.
Corpus nostrum quomodo in Adam fuerit . 132. A.
Creare dicitur proprie , & improprie . 70. A. B. Quo-
modo deus creaverit omnia simul . 69. A. B.
Creati a Deo bono non omnes salvabuntur . 55. B.
seqq.
Creatura non est coæva Creatori . 70. B. seqq.
Creatura cur vana dicatur . 80. B.
Creari a Deo novas animas , & nova corpora pro-
batur . 69. seqq.
Crucis Christi cultus , & adoratio defendi-
tur . 461. A.

D *Avidi promissio facta de Regno sempiterno , quo-*
modo intelligenda . 164. B.
David quomodo fecerit omnes Dei voluntates . 253. B.
Davidis Pater fuit binomius . ibid.
Davidis sedes quid significet . 254. B. quomodo Chri-
stus eam tenuerit . ibid.
David quomodo Christum genuerit . ibid.
Deus lucis quis apud Catharos . 3. A. Dicitur invi-
sibilis ad differentiam Idoli . 19. B. Vult omnes sal-
vos fieri . 56. B. Creat novas animas , & nova
corpora . 69. seqq.
Dei miserentis quomodo sit currere , & velle . 64. A.
Deus alienus quis dicatur in Scriptura . 9. A.
Deum Moysis a Deo Abrahæ distinguunt Catha-
ri . 195. N. 88.
Deum Veteris Testamenti eundem esse ac Deum
N. T. probatur . 180. B. 186. seqq.
Deus quomodo dicatur descendere , videre , lo-
qui . 154. A. Quomodo irasci dicatur . 162. A.
Non esse crudelem probatur . 159. seqq. Neque
mendacem . 163. B. seqq. Neque mutabilem , aut
sibi contrarium , licet contraria præcipiat . 158. A.
Cur creaverit eos quos malos futuros præscie-
bat . 159. B. seqq. Quomodo indurare hominem di-
catur . 156. B. Quomodo Deus viventium , non
mortuorum . 262. B. An visus fuerit in sui na-
tura a Patriarchis , & Prophetis . 150.
N. 22.
Deum V. T. malum fuisse qui docuerint . 143. N. 1.
Quibus Scripturæ testimoniis id probent Catha-
ri . ibid. B. seqq.
Deus non est sub genere aliquo . 136. A. Non est
compositus ex genere , & differentia . ibid. Ejus
esse non est aliud ab ipso . ibid. Quare faciat unum
corpus defectuosum , aliud non . 135. B. Quæ fe-
cit , non odit propter naturam , sed propter pecca-
tum . 134. B. Quomodo dicatur lux inaccessibilis ,
& caligo . 152. B.
Dei dextera , & sinistra quid significant . 262. A. B.
Deus creando Mundum in tempore non muta-
tur . 486. B.
Deum agere necessario , non libere , qui docuerint .
Refelluntur . 491. A. seqq.
Deus est provisor , & curator omnium . 501. A. seqq.
Quam mortem nolit peccatoris . 530. B.
Diabolus cur dicatur mendacis hominis Pater . 14. A.
Cur mendax ab initio . ibid. B. Quomodo homici-
da . ibid. Quare Princeps hujus mundi . 15. A.
Quare Deus hujus seculi . 19. A. B. Quomodo
Princeps potestatis aeris . 23. A. Non fuit cau-
sa primi mali in Cælo . 47. A. Quomodo sit in pue-
ris ante baptismum . 287. A. B. Ut Dei minister
in vindictis non peccat facto , sed intentione . 528. B.
Diaconatus Ordo quid sit . 312. A. B.
Dierum observatio quæ sit prohibita . 476. B. N. 3.
Dii Gentium qui sint . 9. B.
Dii cur dicantur viri Sancti . ibid.
S. Dominici zelus , labores , & fructus adversus
Albigenses . xxx. 2. B.

Dominium in res temporales, atque exteriores quale homini conveniat. 546. A. N. 2.

E

Ecclesia Christi miracula materialia fecit. 104. A. seqq. *Sola Romana potest dici Ecclesia.* 221. A. *Potest facere novas Constitutiones.* 313. B. 443. B. seqq.

Ecclesia triplex. 389. A.

Ecclesia Catholica quæ sit. ibid.

Ecclesia nominis varia acceptio. ibid. N. 1.

Ecclesia vera à Fide cognoscitur. 390. *Mulos etiam completitur.* ibid. B. & N. 6.

Ecclesiæ consuetudines laudandæ. 391. B. *Quæ sint sei vanda.* ibid. N. 10.

Ecclesiæ nota non est credentium paucitas. 395. A. N. 17. 19.

Ecclesiæ Romana non est Bestia, nec Mulier Apoc. 17. descripta. 397. B. seqq. *Sola Romana Ecclesiæ est Dei Ecclesiæ.* 401. B. seqq.

Ecclesiæ N. T. major esse debet quam Ecclesiæ Veteris Testamenti. 406. A. *Ab Ecclesiæ deficere ob corruptos fidelium mores injustum.* 407. A. N. 62.

Ecclesiæ Dei incæpit ab Abel. 408. B. N. 64. *Non cæpit a Constantino vel Syvestro.* 409. B.

Ecclesiæ defecisse quomodo probent Hæretici. 412. A. *Refelluntur.* ibid. seqq.

In Ecclesiæ sunt boni, & mali. 438. A. seqq.

Ecclesiæ potest possidere temporalia, & habere divitias. 446. B.

Ecclesiæ potest bello se defendere. 513. B. seqq. *Potest uti gladio spirituali & materiali.* 522. A. B.

Electio ante Mundi constitutionem quomodo facta. 48. B.

Electio Jacob fuit voluntas Dei cum Misericordia, et reprobatio Esau voluntas Dei cum iustitia. 134. B.

Electio, & intentio quomodo differant. 439. A. *Quomodo sint in Deo.* ibid. B. seqq.

Fleemosynam reprobant Cathari. 507. A.

Elementorum distinctio non est a diabolo, sed a Deo. 116. seqq.

Elementa quomodo tabescent in die iudicii. 352. A. B.

Elias occidendo Prophetas Baal non peccavit. 184. B.

Episcopatus describitur. 313. A. B. *Non tollitur per peccatum.* ibid.

Esse & ens proprie sunt nomina solius Dei. 154. B.

Eucharistia Sacramentum defenditur. 295. seqq.

Eucharistica formæ sensus qui sit. 296. seqq.

Excommunicatio quid sit. 439. A.

Excommunicare aliquem licitum est. ibid. seqq. *Ad quem pertineat.* ibid. N. 21.

Exorcismus baptizandorum defenditur, & explicatur. 287. A.

Exorcistatus describitur. 311. A.

F

Fides aliquando accipitur pro conscientia. 200. B.

Figuræ V. T. cur dicantur umbra futurorum. 210. B.

RERUM

Figura substantiæ non est aliud a substantia. 239. B. *Filius Dei quomodo dicatur aliquid nescire.* 154. A. *Filius hominis quis dicatur in S. Scriptura.* 48. A. *Filii Adam quomodo fuerint in eo antequam peccaret.* 49. A.

Filii prodigi parabola quomodo exponenda. 46. B. seqq.

Filii Dei Gen. 5. sunt Filii Seth. 148. A.

Filiæ hominum ibidem dicuntur Filiæ Chæm. ibid.

Filius major apud Catharos quis. 395. N. 22.

Finiri nihil potest a seipso. 25. A.

Finis rei quid sit. ibid.

Fœderari æquivocum est ad mutuum, & usuram. 152. A. *Quomodo permissum Judæis.* ibid.

Fornicatio quid sit. 325. B.

S. Francisci institutum Valdenses oppositum. Appar. xxxviii.

Fugere in persecutione cui, & quando licitum. 514. A. N. 12.

Furtum omne quare prohibitum. 546. B.

G

Generatio in divinis non est mutationis species. 238. B.

Generationes æternæ esse non possunt. 500. B.

Gnostici rejiciebant Vetus Testamentum. 35. N. 154. *Carnem in Christo negabant.* 12. N. 86. *Deum necessitati subiciebant.* 64. N. 3.

Græcorum, & Latinorum consecrationis discrimen. 459. B.

Gratia cur detur uni, & non alteri. 559. A. seqq.

H

Hæretici speciosa nomina affectant. Appar. xiii. *Inter se pugnant opinionibus.* ibidem xvii.

Nullam habent ordinis successionem. 402. B. seqq.

Neque Missionem ordinariam, neque extraordinariam. 404. A. N. 51. *Fure spoliari possunt a Principe propriis rebus, & cogi armis ad Fidem.*

V. P. Persecutio. 549. B.

Homo Vetus, & novus quis dicatur. 20. B.

Homo ex libero arbitrio est causa mali. 24. A.

Hominem duplici constare corpore qui docuerint. 362. A. N. 70.

I

Ierusalem quid significet. 52. B.

Jesus non est nomen Christi ut Deus, sed ut homo. 254. A.

Ignis tres species. 100. A.

Imaginum Sacrarum cultum qui impugnet. 460. A. N. 22.

Impii cur aliquando lati, & felices. 503. A.

Impossibilia aliquando in Scripturis dicuntur quæ valde difficilia, aut viribus naturæ fieri nequeunt. 8. A. B.

Incarnatio quomodo dicatur descensus de Calis. 262. A. In-

Infernum esse hunc mundum defendunt Cathari . 381. B.
Inferni ignem nihil esse statuunt . ibid. N. 1. Refelluntur . 382. A. B.
Inferni locum non esse in Scripturis statutum . ibidem N. 3.
In Sole quis eum posuerit . ibid.
Infinitem non est pertransibile . 499. A. Non est majus alio . 500. A.
Inimicum odio habendum nusquam in Scripturis reperitur . 149. B.
Inquisitionis Tribunal adversus Hæreticos rite institutum . Appar. xxxi. Vindicatur ab Hæreticorum convitiis . ibid.
Johannes Baptista non fuit Angelus cælestis . 233. A. Quomodo similis fuerit Eliæ . 231. A. B. Quomodo fuerit major Christo . 230. A. Quomodo Christi discipulus . ibid. Non fuit conceptus de Spiritu Sancto . ibid. B. Ejus parentes boni fuerunt 226. B. Missus fuit a Deo , non a diabolo . 227. A. Quid didicerit per adventum Columbæ super Christum . 228. B. Non dubitavit de Christo , neque in eo scandalizatus est . 229. A. B.
Joseph Christi Nutritius non fuit Angelus cælestis carnis . 223. A. Quomodo fuerit Pater Christi . 252. B.
Isaac fuit figura Christi Dei , & hominis . 171. B. Israel Dei Gal. 6. quid significet . 53. A.
Judas cur appellatus a Christo diabolus . 32. N. 153. Judæi spoliantes Ægyptum quomodo non peccaverint . 148. B. 149. A.
Judicium pœnarum præsentium a Deo esse probatur . 370. A.
Judicium duplex . 376.
Judicium universale jam factum esse defendunt Cathari . 379. A. Refelluntur . ibid. seqq.
Judici licet propriam injuriam modo debito vindicare . 515. B.
Judicia quæ sint hominibus prohibita . 518. B. seqq.
Juramentum omne illicitum putant Cathari , & Valenses . 462. A. seqq. Non jurare omnino , quomodo accipiendum . 463. A. seqq.
Juratio triplex . 464. B. Quando peccatum sit . 466. B. seqq.
Jurare per creaturam quomodo liceat . ibidem N. 12. seqq.
Juramentum quid sit . 468. B. seqq. Non esse malum probatur . 470. seqq.
Jurisdictionem temporalem qui negaverint . 532. A. Eam in Ecclesia esse debere . ibid.
Iuste permittit persequi hostes , & malefactores . 150. A. seqq. 155. B. seqq.
Iustos cur Deus affligi sinat a malis . 502. A.

L

L *Editoratus Ordo describitur . 310. B. seqq.*
Legalium observantia post Christum noxia . 82. B.
Legalia erant figura N. Testamenti . 165. B.
Legis solutio trifariam accipitur . 210. B. seqq.
Lex Vetus promittebat etiam spiritualia . 153. B.

Mutata est in novam post Christi adventum 213. B.
Est testis validus ad probandum Novum Testamentum . 203. B. seqq. Bonam esse , & a Deo bono datam probatur . ib. Cur dicatur posita propter transgressionem . 205. A. 526. A. Cur non sit posita iusto . 207. A. Quæ mandata contineat . 210. A. Cur dicatur non vacare a culpa . 202. A. 209. A. Cur ejus præcepta dicantur non bona . 202. B. Quot modis dicatur lex peccati . 198. B. seqq. Cur dicatur maledictum . 200. B. Cur homini noxia . 198. A. Cur ejus jugum importabile . 154. A. Cur durasse dicatur usque ad Johannem . 148. A. Liberum arbitrium negant Cathari . 63. B. seqq. Esse in homine probatur . 65. B. seqq. Quomodo detur a Deo , & sit ad malum . 64. A. N. 3.

M

M *Agistratum gerere Christiano licet . 521. N. 18.*
Magistratum temporalem a diabolo esse qui docuerint . 535. N. 41.
Maledicere alicui quomodo liceat . 440. A. N. 25.
Maledictio Christi a Deo quid sit . 153. A.
Malitia quomodo naturalis dicatur . 7. B.
Malum pro malitia sumptum quomodo a Deo sit . 37. A. B.
Malum pro mala actione sumptum est a libero arbitrio . ibid. seqq.
Malum tripliciter accipitur . 36. B. 37. A. Quomodo possit esse ex bono . 64. A.
Malum omne in privatione situm est . 504. B. Quatenus malum non subest Providentiæ divinæ , sed solum per accidens . ibid. 505. B.
Mammona quid significat . 10. B. N. 75. 76.
Manichæismi propagatio perpetua . App. xiii. V. Cathari .
Manichæi in Africa , Romæ , in Oriente , in Armenia , in Bulgaria : ibid. xiv.
Manichæismus in Gallia . ibid. xv.
Manichæorum simulatio . ibid. xxiv.
Manichæorum fabula de Sole , & Luna . 113. N. 13.
Manichæi rejiciunt Vetus Testamentum . 35. N. 154.
Eorum fabulæ de diabolo ex Manete haustæ . 39. N. 18. Necessitate duci homines arbitrantur . 63. N. 1.
Maria Virgo fuit de domo , & familia David . 170. B.
Id negabant Veteres Manichæi . 233. N. 6. 25.
Cur ejus genealogiam Evangelistæ non texuerint . 233. A.
Mariam fuisse Angelum fabulantur Cathari . ibid. B.
Cur Mulier appellata a Christo . 232. N. 4. , & 250. A. B. Patrem & Matrem habuit , licet in Scriptura sileantur . ibid. B. & N. 5. Non fuisse veram Christi Matrem quomodo probent Cathari . 250. A. B.
Matrimonium carnale impugnant Hæretici , & Refelluntur . 315. B. seqq. Esse licitum , bonum , & sanctum ostenditur . 335. B. seqq.
Matrimonii contrahendi causæ duæ principales . 340. seqq. 330. B.
Melchisedech quomodo dicatur sine Patre , & sine Matre . 23. A. B.

Mendacia apparentia Sacrae Scripturae non esse mendacia. 163. B. seqq.
Metempsychosim qui tuerentur. 61. N. 8.
Miracula corporalia & materialia a Deo Sancto esse. 98. seqq.
Facta sunt a Christo in quatuor elementis. 100. A.
Facta sunt ab Ecclesia Dei etiam ante Christi passionem. 221. A. seqq.
Miracula a discipulis facta quomodo fuerint miraculis Christi majora. 223. B. *Fieri possunt ab habente fidem sine charitate*. 227. B. *Facta fuisse ab aliquo Sancto post mortem negant Cathari*. 222. B.
Missam impugnant Cathari, alique Hæretici. 456. A. *Apostolos eam celebrasse certum est*. ibid. N. 11.
Monachis infensi Cathari, & alii Hæretici. 395. B. N. 20.
Monachi quando cœperint. ibid. N. 2. *Licet illis de quæstu vivere*. 451. A. N. 10.
Mors non est homini a Deo inflicta ex ejus intentione. 62. A. B.
Mosen damnant omnes Cathari Concorrezenses. 214. N. 1. 218. A. *Quare ab Apostolo dicatur primus*. 179. B. *Quomodo viderit Dei posteriora, & quid sint*. 164. A.
Mundi nomine quid intelligatur in Scriptura. 15. B. 23. A.
Mundos duos, unum invisibilem a Deo bono, visibilem alterum a Patre diaboli ab æterno creatos ponunt Cathari. 69. N. 1.
Mundum istum Dei esse probatur. 88. A. seqq.
Mundum quomodo diligere prohibeamur. 21. B. 22. A.
Mundus cur dicatur in maligno positus. 22. B.
Mundi æternitatem qui defenderint. 477. A. N. 1.
Quibus rationibus eam probet Aristoteles. 478. A.
Muratorius Lud. Antonius laudatur. Appar. xx. xxx. 376. 509. N. 3. 513. N. 10.

N

N *Activitas duplex, naturæ & gratiæ*. 12. A. B. 134. B.
Natura filii iræ quomodo dicamur, & simus. 20. B.
Natus ex Deo quomodo non peccet. 22. B.
Novum nihil sub sole quoad præscientiam, vel rerum species. 71. B. 72. A.
Numerus nullus potest esse infinitus. 499. B.
Nuptiæ: Vide Matrimonium.
Nubere melius quam uri, quomodo intelligendum. 322. A.
Nuptias in Resurrectione celebrandas qui crediderint. 250. B. N. 23.

O

O *Ccidere aliquem cui, & quando liceat*. 224. B. seqq.
Ordo quid sit. 308. A.
Ordines novem numerantur. ibid. A. B.
Ordines impugnant Hæretici, & refutantur. 313. B. seqq.

Ordinandi bonitas non requiritur ut quis fiat Episcopus. 319. B. N. 32.
Origenes caute legendus. 64. N. 6. *Quid senserit circa animarum creationem*. 99. N. 2. *Aliquas animas fuisse Angelos credidit*. 112. N. 11.
Ostiarius descriptio. 310. B.

P

P *Apatus quid sit*. 313. B.
Parabola ovis perditæ quomodo intelligenda. 47. A. B.
Parabola servi nolentis misereri conservo suo, quomodo a Catharis explicata. 112. B. seqq.
Parabola de homine descendente ab Jericho, qui incidit in Latrones, quomodo ab illis exposita. 113. B. seqq.
Parabola de Villico iniquitatis prave a Catharis intellecta. 114. B.
Parabola Filii Prodigii pravo sensu ab iisdem accepta. 115. A.
Parabola operariorum vineæ quomodo explicanda. 384. B. & 385. N. 6.
Parentes quomodo honorandi. 506. A. seqq.
Parvuli in diluvio merfi, aut igne sodomæ exusti absque Dei crudelitate. 160. B. N. 58. *Morientes absque Baptismo non incurrunt pœnam materiale*. 134. A. B. 384. B. *Salvari in fide Ecclesiæ per Baptismum probatur*. 287. A.
Patriarchatus quid sit. 313. A. B.
Peccatum Juda quomodo indelebile dicatur. 8. B.
Peccatum faciens quomodo ex diabolo sit. 22. A.
Peccasse omnes in Adam quomodo intelligatur. 46. A.
Peccare in Cælum quid sit. ibid.
Peccatum originale quomodo traducatur. 132. B. 133. A.
Peccata non esse æqualia. 286. A.
Pelagius quid senserit de primi hominis mortalitate. 62. B. N. 9. *Negavit originale peccatum, & parvulos Baptismo indigere*. ibid. N. 10.
Persecutio triplex. 508. A.
Persecutionem adversus Hæreticos licitam esse probatur. 508. 509. seqq.
Personarum divinarum distinctio indicatur Jo: 1. v. 1. 238. A. Earum operatio ad extra indivisa. 249. B.
Petrum a Cepha qui distinxerint. 139. N. 4.
Petrus cibos quosdam illicitos judicans reprehensibilis fuit. 139. A.
Petrum Romæ fuisse negant Valdenses. 411. A.
Pharisæi commendantur a Christo de justitia doctrinæ, non vitæ. 211. B.
Philo senior auctor Libri Sapientiæ. 7. N. 68.
Platonis opinio de æternitate Materiæ. 477. A.
Ejusdem opinio de Mundi dispositione. 498. A. N. 43.
Pœnitentiæ necessitas, & utilitas. 302. B.
Pœnitentia est iterabilis de omnibus peccatis. 303. A. B.
Populus Dei ex quibus constaret juxta Catharos. 105. A.
Potentia passiva in Deo non est. 483. A.

Prædestinationem necessitantem qui admiserint . 549.

B. Refelluntur . 550. seqq.

Prædicatio sine missione illicita est . 441. A.

Prædicatio veritatis facienda in publico . 442. B.

Prædicantium tria genera . 443. B.

Prælati mali in Ecclesia esse possunt . 431. A. seqq.

Possant prædicare, & Sacramenta ministrare . 433. B. seqq. Obediendum est illis etiam malis . 437. A. B.

Non sunt Domini , sed dispensatores rerum Ecclesiæ . 448. A.

Prælatio quæ sit prohibita . 151. B. N. 1.

Premia bonorum , & pœnas malorum fore æqualia post iudicium censent Cathari . 383. A. Refelluntur . 384. A. seqq.

Præscientiam Dei non auferre liberum arbitrium probatur . 555. B. seqq.

Presbyteratus describitur . 312. A. B.

Primatus describitur . 312. A. B.

Primatus quid sit . 313. A. B.

Principium omnium unum esse probatur . 24. seqq.

Principium bonum est ubique . 25. A. Est simplicissimum , infinitum quoad esse , & potestatem . ibid. B. Ante ipsum nihil est , & post ipsum sunt omnia . ibid.

Prophetas a mortuis surrexisse cum Christo , baptizatos ab Apostolis , & salvos factos fuisse credunt Cathari . 218. A.

Prophetarum verba non semper accipienda ad sonum literæ . 72. A. 78. A. seqq.

Propheta non prophetarunt in alio Mundo . 75. B. seqq. Nec ante Mundi hujus constitutionem . 79. B. seqq.

Prophetas intellexisse quæ prædicebant . 218. B. seqq.

Providentiam Dei qui negaverint . 501. A. N. 47.

Providentia quid sit . 503. B.

Probatur ex scientia Dei . ibid. A. seqq. Apparet in Brutis animantibus, & homine . 502. A. Deus habet providentiam absolutam de creatura rationali , comparativam vero de inferioribus . 505. B.

Psalmistatus quid sit . 310. seqq. Recipitur in prima Tonsura . 308. seqq.

Purgatorium qui negaverint . 371. A. Ejus existentia probatur . 372. A. seqq.

R

Reddere in Scriptura non semper significat restituere . 50. A. B.

Regnum Christi quid sit . 15. B. Est duplex , temporale , & spirituale . 82. A.

Regnum Dei dicuntur Sancti . 15. B. 16. A.

Res visibiles & transitorie sunt a Deo bono , non malo . 80. A. seqq. 83. B. seqq.

Restitutio rei alienæ necessaria ad salutem . 548. B.

Resurrectionem corporum cur negent Cathari . 346. B. 348. A. Refelluntur . ibid. Eam jam factam credunt aliqui . 353. A.

Resurrectio corporum probatur . 356. B.

Resurrectio prima quæ sit . 366. A.

In Resurrectione corpora carnem , & sanguinem habebant . 269. N. 85.

S

Sabbatum Judaicum quid significaret . 155. A. 210. B.

Sabbati præceptum idem Deus fecit , & solvit , licuitque Christo sine culpa mutare . 154. B. N. 37.

Sabbatum a Christo non sublatum omnino . 156. A.

Cur ejus observatio Judaïs præcepta . 475. B. Ab ea nos Christus exemit . 476. A.

Sacramentorum verba sunt consecratoria . 289. N. 38. 40.

Sacramenta Catharorum V. Cathari .

Sacrificia Veteris Legis non emundabant a peccatis . 152. A.

Salvari neminem ex necessitate . 53. B. seqq.

Sanctorum orationes prodesse vivis qui negaverint . 374. N. 12. Refelluntur . ibid.

Sapientia cur dicatur ab initio , & ante secula creata . 235. A.

Satisfactio pro peccatis est præcepta . 305. B. seqq. Cur imponatur . 306. A. Cur a Christo imposita non fuerit mulieri adulteræ . ibid.

Scientia Dei non multiplicatur ad multiplicationem scitorum . 501. A. Non formatur a rebus scitis . ib. Non distinguitur differentiis temporum . ibid. Est ipsa Dei essentia . ibid.

Sculptile cur prohibitum fieri . 159. A.

Sculptile Cherubim cur jussit fieri Deus . ibid.

Semen duplex, verbi , & exempli . 56. B. seqq.

Sempiternum in Scripturis non semper accipitur pro æterno . 9. A. Aliquando significat usque ad Jubilæum . 476. A.

Simon Magus hominem necessitate peccare docebat . 63. N. 1.

Sociniani æternas dæmonum pœnas negant . 57. N. 5.

Æternum pro diuturno accipiunt . 60. N. 7.

Sollicitudo temporalium quæ sit prohibita . 447. A.

Spiritus mali morantur in Cælo aereo . 165. B.

Spiritus Domini quot modis accipiat . 157. B.

Spiritus novi creantur , atque novis corporibus infunduntur . 74. A. B.

Spiritus variæ acceptiones . 107. B.

Spiritus Sanctus est verus Deus . 264. A. seqq. Est consubstantialis Patri & Filio . 268. B. Quomodo probent Hæretici non esse Deum . 269. B. seqq. Quomodo sit alius Paraclitus a Filio . ibid. Quomodo dicatur accipere , audire , a Patre & Filio . 270. A. B. Unicus in essentia multiplex est in effectu . ibid. B. Quomodo dicatur Dei digitus sine gloriæ imminutione . 271. A.

Spiritum S. quomodo habuerint Apostoli ante resurrectionem . 271. B. seqq. Non dari merito bonitatis hominis . 273. A. seqq. Quomodo detur ab homine . ibid.

Spiritum S. habentes peccare posse . 279. B. seqq.

Spiritus Sanctus multimode datus tempore Apostolorum . 208. B. Quomodo detur in Sacramento Baptismi , & Confirmationis . ibid. & 281. B.

Spiritus Prophetarum quomodo dicantur subjecti Prophetis . 271. A.

Steriles cur beatæ dicantur Luca 23. 151. B.

Stoici Deum fato & necessitate agi docebant. 64. N. 3.
Subdiaconatus Ordo quid sit. 312. A.
Substantiæ acceptio, & divisio. 135. B.
Suffocatum quid esset apud Judæos. 140. A.
Suffragia vivorum prodesse defunctis. 373. A.
Suffragiorum antiquitas. ibid. N. 7.
S. Sylvester Papa non fuit Antichristus. 263. B. seqq.

T

T *Abernaculi prior pars, & pars interior quid significarent.* 214. A.
Tabernaculum V. T. cur dicatur sanctum. 204. B.
Cur dicatur ab Apostolo seculare. ibid. *Cur dicatur tabernaculum testimonii.* 174. A.
Templa, & Ecclesiæ quando extrui cœperint. 454. N. 1.
Hæretici ea improbant. ibid. B. N. 2.
Temporalia cur Apostolus arbitretur ut stercora, licet a Deo sint. 82. B.
Tempus quomodo incipiat esse. 479. B. *Necessario finitum est sicut & motus.* 499. A.
Tenebræ super faciem abyssi quid essent. 144. A.
Terra quomodo in æternum stare, & transire dicatur. 81. A. *Quomodo appelletur inanis, & vacua.* 144. A. *Creata a Deo bona fuit, sed ob peccatum facta est mala.* 147. A.
Tertullianus quid senserit de Anima. 136. N. 2.
Testamentum Vetus quomodo malum esse probent Cathari. 190. seqq.
Testamenti Veteris laudes ex Prophetis, & Evangeliiis. 209. B. seqq.
Thurificationis usus defenditur. 459. A.
Tonsura seu corona Clericorum quid significet. 309. A.
Eam derident Hæretici, & refutantur. ibid.
Transmigrationem animarum in alia corpora qui posuerint. 231. N. 3.
Trinitas Divinarum Personarum testificata a Lege & Prophetis. 35. B. *Probatur Testimoniis Novi Testamenti.* 36. A. seqq.

V

V *Aldensium origo.* Appar. xxxvi. *Eorum progressus, & causæ.* xxxviii. *In Concilio Lateranensi damnati.* xxxix. *Eorum mores.* ibid. *Errores.* xl. *Errores primis Valdensesibus falso tributi.* xliii.
Valdenses Subalpini. xlvi. *Bohemi.* xlvii.
Variabilia esse possunt ab invariabili. 83. A. B.
Vestium Sacrarum usum improbant Cathari aliique Hæretici. 457. A.
Via ad salutem per Christum multiplex. 396. A.
Vindicta non debet excedere mensuram justitiæ. 149. B. N. 20.
Vindicta aliqua cur & quomodo Judæis permissa. 515. B. *Quomodo Deo reservata.* 528. A.
Vini usum qui censerent illicitum. 138. N. 3.
Visibilem distinctionem non esse a diabolo, sed a Deo. 116. 117. seqq.
Visibilem creationem esse a diabolo quomodo probent Hæretici. 124. B. seqq.
Visibiles creaturas esse bonas & utiles probatur. 126. seqq.
Vita æterna in quo consistat. 560. A.
Unctionis tria genera. 306. B.
Unctionis extremæ Sacramentum ab Apostolis factum ante Domini passionem. ibid. seqq.
Unitas fidelium cum Deo qualis sit. 237. B.
Wegeliani fato homines agi putant. 63. N. 1.
Wolstoni opinio, & error de Christi miraculis. 104. N. 2.
Usuram qui putaverint licitam. 547. A. N. 5. *Esse illicitam probatur.* ibid. seqq. *Israelitæ cur illam exercuerint cum exteris gentibus.* ibid. N. 7.
Uxor cur in Evangelio relinquenda dicatur. 318. B.
Uxor infidelis quomodo relinquenda. ibid.

Z

Z *Achariam Patrem Johannis Baptiste bonum fuisse probatur.* 218. A.
Zoroaster duo posuit principia. 49. N. 4.

F I N I S.

1667

